



[বর্ষ]

কার্তিক হইতে চৈত্র পর্যন্ত

[২য় খণ্ড]

প্রবন্ধের নামানুক্রমিক সূচী

	লেখক	পৃষ্ঠা	বিষয়	লেখক	পৃষ্ঠা
১	(কবিতা) শ্রীমতী উষাবালা সেন	৩০৪	কলিকাতা যুনিভার্সিটি		
	(কবিতা) শ্রীদেবী মুখোপাধ্যায়	৩১২	কোরের শিবির (প্রবন্ধ)	মার্কেট স্কেননাথ দত্ত	৮৮
	(কবিতা) শ্রীউমানাথ ভট্টাচার্য	৩৬	কলিকাতা ও		
	(কবিতা) শ্রীকমলকাম মজুমদার	৩১৫	সহরতলী (প্রবন্ধ)	আচার্য প্রফুল্লচন্দ্র বায়	৩৬৭, ৬০১
	(কবিতা) শ্রীমাধবচন্দ্র সিকদার	১০৪	কাব্যে কারুণ্য (প্রবন্ধ)	শ্রীকালিদাস রায়	৮৪
	(কবিতা) মুনীন্দ্রনাথ পায়	৬৫৪	কান্দীরের মহারাজা (প্রবন্ধ)	শ্রীহেমেন্দ্রপ্রসন্ন ঘোষ	৮১, ৪৮
	(কবিতা) রেণু	৬৩০	কউনাইন উৎপাদন (প্রবন্ধ)	শ্রীনিকুঞ্জবিহারী দত্ত	৩৯
সমিতি	সভাপতির অভিভাষণ		কডান সম্পদ (কবিতা)	গোলাম মোস্তাফা	৮২
	শ্রীমৎ সারদানন্দ স্বামী	২০৮	কোথা গেছি ফিরে (কবিতা)	শ্রীবাশরীভূষণ মুখোপাধ্যায়	৪২
বন্দন	(প্রবন্ধ) শ্রীবিজয়ভূষণ ঘোষ চৌধুরী	৩৪৭	কংগ্রেস (প্রবন্ধ)	শ্রীসত্যেন্দ্রকুমার বসু	৪০
	(কবিতা) শ্রীকালীপদ ঘোষ	৩১৭	ক্রীতদাসী (গল্প)	শ্রীসত্যেন্দ্রকুমার বসু	৩২৫
রিম-			খেজুরী বন্দর (প্রবন্ধ)	শ্রীমহেন্দ্রনাথ করণ	৩৫৩, ৪৪০
না - তাপ	(প্রবন্ধ) শ্রীসত্যেন্দ্রকুমার বসু	১৭৯	খেলনা শিল্প (প্রবন্ধ)	শ্রীনিকুঞ্জবিহারী দত্ত	৬৬
	(কবিতা) শ্রীযতীন্দ্রনাথ সেন গুপ্ত	৬৭৭	গজুর ভজন (নব্বা)	শ্রীঅমৃতলাল বসু ওঁও, ২৩১, ৪৫০, ৬৫০	
	(কবিতা) শ্রীচিন্তবঞ্জন সেন	৭১৯	গান (কবিতা)	শ্রীরবীন্দ্রনাথ ঠাকুর	৭৮
নি - গা	(প্রবন্ধ) শ্রীশরৎচন্দ্র মুখোপাধ্যায়	৬১	গোধূলি-লগনে (কবিতা)	শ্রীসদাশিব বন্দ্যোপাধ্যায়	৫১
	(কবিতা) শ্রীআশুতোষ মুখোপাধ্যায়	২০৭	গোয়ালিয়র (প্রবন্ধ)	শ্রীঅতুলানন্দ সেন (অধ্যাপক)	১৯
না - উর্দু	(প্রবন্ধ) শ্রীবিমলকান্তি মুখোপাধ্যায়	২০১	খাস, বাশ ও বেং (প্রবন্ধ)	শ্রীনিকুঞ্জবিহারী দত্ত	২৪
না -			চয়ন	শ্রীসরোজনাথ ঘোষ	৪৭, ২৫৯, ৩৯৬
রণ	(প্রবন্ধ) শ্রীজ্ঞানেন্দ্রনাথ চকবর্তী	৪০		৫৮৪, ৭৬১, ২৪১	
ল ও			চিত্রকর (কবিতা)	শ্রীরাধামোহন-বট	৫৫
আতাষা	(প্রবন্ধ) শ্রীনিকুঞ্জবিহারী দত্ত	৫১৭	চিত্তরঞ্জন-কথা (প্রবন্ধ)	শ্রীবিপিনচন্দ্র পাল	২১
াস্	(প্রবন্ধ) শ্রীনিকুঞ্জবিহারী দত্ত	২১	চৈতন্য ও		
পুরাণ	(প্রবন্ধ) শ্রীশশিভূষণ মুখোপাধ্যায়	৬৭৪	স্বক্টি রায় (কবিতা)	শ্রীঅরীন্দ্রজিৎ মুখোপাধ্যায়	৮৫
হিত			চৈত্র (কবিতা)	শ্রীবনবিহারী গোস্বামী	২৩
	(প্রবন্ধ) শ্রীমতী স্বর্ণকুমারী দেবী	৭২	জন্মভূমি (কবিতা)	শ্রীমোহিতকুমার হাজরা	৩২
	(প্রবন্ধ) শ্রীসুজননাথ মিত্র মুন্সেফী	৬৮৮	জাতিতত্ত্ব (প্রবন্ধ)	শ্রীশ্যামাচরণ কবিরত্ন বিদ্যাবারিধি	১১১, ৫৬১, ৮১১
পদ	(গল্প) শ্রীনারায়ণচন্দ্র ভট্টাচার্য	৪৬২	জাতিতত্ত্বের প্রতিবাদ (প্রবন্ধ)	শ্রীশুবতারণ ভট্টাচার্য বিদ্যাবত্ন	৬২
	(কবিতা) শ্রীমতী ত্রেমপ্রভা নাহা	৩৫২	জিলাপী (কবিতা)	শ্রীপ্রবোধচন্দ্র বন্দ্যোপাধ্যায়	৫৭
	(কবিতা) শ্রীরামকান্ত ভট্টাচার্য	৪৬১	জীবন-সঙ্গিনী (গল্প)	শ্রীজ্ঞানেন্দ্রনাথ চকবর্তী	৬৬
	(কবিতা) শ্রীপ্রমথনাথ বসু	৪৩০	জেনারেল স্তারাইল (প্রবন্ধ)	শ্রীসত্যেন্দ্রকুমার বসু	৫৬
নি			জোৎস্নায় (কবিতা)	শ্রীনলিনীভূষণ দাশ গুপ্ত	৭২
	(প্রবন্ধ) শ্রীশুরেন্দ্রমোহন ভট্টাচার্য	২৩৩	টম্বের পিতৃপ্রাঙ্ক (নব্বা)	শ্রীকেদারনাথ বন্দ্যোপাধ্যায়	৭
সচে	(কবিতা) শ্রীঅমৃতলাল বসু	২১০	টি - গলি (প্রবন্ধ)	শ্রীসরোজনাথ ঘোষ	৭৭
াতা	(কবিতা) শ্রীঅমৃতলাল বসু	৬৬৮	টুকটুক রামায়ণ (আলোচনা)	রায় বাহাদুর জলধর সেন	৫৮
	(কবিতা) শ্রীচুর্গামোহন কুমারী	৫০০			

বিষয়	লেখক	পৃষ্ঠা	বিষয়	লেখক	পৃষ্ঠা		
তবু	(কবিতা)	শ্রীকুম্ভদরঙ্গন মল্লিক	৩২২	বহুধৈব কটুধকম্	(কবিতা)	শ্রীগিরিজানাথ মুখোপাধ্যায়	৩৮১
ভাগীর লাভ	(গল্প)	শ্রীমতী প্রভাবতী দেবী সরস্বতী	৫১৮	বসন্তে	(কবিতা)	মুনীন্দ্রনাথ ঘোষ	৭১৮
দর্শন	(কবিতা)	শ্রীকমলচন্দ্র মজুমদার	৩৬৬	বসন্ত বাণী	(কবিতা)	শ্রীমতী প্রভাবতী দেবী	৭১৮
দেশনায়কের				বসন্ত বিরহী	(কবিতা)	শ্রীগোপাললাল দে	৭২১
তিবোধান	(প্রবন্ধ)	শ্রীশচীন্দ্রনাথ মুখোপাধ্যায়	৫১	বসন্ত স্মৃতি	(কবিতা)	শ্রীঅমলাকুমার রায় চৌধুরী	৭১২
দ্রুপের প্রতি	(কবিতা)	সৈয়দ মাহমুদ আলি	৫	বসন্তের স্মৃতি	(কবিতা)	শ্রীমতী রঞ্জিতা ঘোষ	১০০
দৈতা ও পরী	(কবিতা)	শ্রীকুম্ভদরঙ্গন মল্লিক	৮১৭	বসন্ত হোলী	(কবিতা)	শ্রীশচীন্দ্রনাথ সেনগুপ্ত	৭১২
দ্বিজেন্দ্রনাথ ঠাকুর	(কবিতা)	শ্রীনলিনীমোহন চট্টোপাধ্যায়	৬১১	বাঘের মুগ	(গল্প)	শ্রীদীনেন্দ্রকুমার রায়	২৭
ঐ	(প্রবন্ধ)	শ্রী প্রমথ চৌধুরী	৬১২	বাক্সালার গীতিকাব্য বৈষ্ণব কাব্য (প্রবন্ধ)	শ্রীনগেন্দ্রনাথ গুপ্ত	৭০, ৮৮৭	
ঐ	(ক)	শ্রীমতেন্দ্রকুমার বসু	৬১৬	বাক্সালার সাহিত্যের একটি ধারা (প্রবন্ধ)	শ্রীমহরাজনাথ ঘোষ	২৩৪	
ঐ	(কবিতা)	শ্রীমতী স্বর্ণকমলী দেবী	৬২৪	বাক্সালার বিপ্লব-কাহিনী (প্রবন্ধ)	শ্রীহেমচন্দ্র কাননগোই	৮৭৭	
দ্বিজেন্দ্রনাথ ঠাকুরের				বাণী মঞ্জরী	(সঙ্কলন)	শ্রীমতেন্দ্রকুমার বসু	৭১৬
ধুলোট	(প্রবন্ধ)	শ্রী অনুরঙ্গন রায়	৮৬১	বাসন্তী	(কবিতা)	শ্রীউমানাথ ভট্টাচার্য	৭১৮
নববধু	(কবিতা)	শ্রীতপনন্দচন্দ্র সিংহ	৮৫৪	বিজয়া	(কবিতা)	শ্রীঅক্ষয়কুমার বসু	৬০
নবায়	(কবিতা)	শ্রীশ্যামচন্দ্র বন্দ্যোপাধ্যায়	৩৩৮	বিবাহলগন	(কবিতা)	শ্রীশেলেচন্দ্রকুমার মল্লিক	১৭৮
নাম	(কবিতা)	শ্রীকলচরণ চক্রবর্তী	৮৫৭	বিরহিণী	(কবিতা)	শ্রীহেমচন্দ্র বাগচী	৬৮৭
নারী	(প্রবন্ধ)	শ্রীশচীন্দ্রনাথ মুখোপাধ্যায়	৬২৭	বীবাক্ষনা	(কবিতা)	শ্রীসুনির্মল বসু	৭২৮
নারীর মাতৃ	(কবিতা)	শ্রীমতী কাননবালা দেবী	৮৪৪	বুদ্ধগয়া	(প্রবন্ধ)	শ্রীরাপালদাস বন্দ্যোপাধ্যায়	৫২৬
শিবসিংহের ছোপ	(প্রবন্ধ)	শ্রীমহরাজনাথ ঘোষ	১৫৩	বৃন্দাবন	(কবিতা)	শ্রীশচীন্দ্রনাথ মুখোপাধ্যায়	৬২২
পতিতা	(গাথা)	মুনীন্দ্রনাথ ঘোষ	৮৫২	দুর্গা	(কবিতা)	দেবকঠ সরস্বতী	৮৫৫
পথহারা	(কবিতা)	শ্রী প্রমথনাথ বসু	৫৩৬	নৃত্য বন্দন	(কবিতা)	শ্রীনলিনী গুপ্ত	৪২৫
পত্নীবধু	(কবিতা)	শ্রীশুবেন্দ্রনাথ সেনগুপ্ত	৭৭০	বেদ	(কবিতা)	শ্রীকালিদাস রায়	২০
পল্লীলক্ষ্মীব প্রতি	(কবিতা)	শ্রীসত্যেন্দ্রকুমার সরকার	৮৫৫	বেলা ও বেলাশেষের গান (কবিতা)	শ্রীপিঙ্গা দেবী	৬৭২	
পরী	(কবিতা)	শ্রীউমানাথ ভট্টাচার্য	৮৫৫	বৈদেশিক	(সম্পাদকীয় সংগ্রহ)	শ্রীমতেন্দ্রকুমার বসু	১০৫, ২২৪, ৭২২, ৯০৬
পটল-বাড়ী	(কবিতা)	শ্রীমতী প্রসন্ন চক্রবর্তী	৬৫০	বাণিত	(কবিতা)	শ্রীশিবকুমার বন্দ্যোপাধ্যায়	৭২০
পাঠ্যসাহিত্যের ইতিহাস (প্রবন্ধ)	শ্রী উপেন্দ্রনাথ দত্ত	৮৫৬	বার্থ প্রহাস	(কবিতা)	শ্রীশ্যামীন্দ্রনাথ রায় (মহারাজ কুমার)	৮০২	
পারস্যে আবার নাদীর শা (প্রবন্ধ)	শ্রীমতেন্দ্রকুমার বসু	৪২১	বন্ধার অপূর্ণ সৃষ্টি (প্রবন্ধ)	শ্রীলক্ষ্মীনারায়ণ চট্টোপাধ্যায়	৭০৭		
পুষ্পের মরণ	(কবিতা)	শ্রী অক্ষয়কুমার মুখোপাধ্যায়	৫৬০	ব্রাহ্মণ স্মরণনাথ (প্রবন্ধ)	শ্রীশ্যামচন্দ্র চক্রবর্তী	৭১	
পূজা	(কবিতা)	শ্রীমতী কুমারিণী সিংহ	৮৫৭	ভরা সৌভাগ্য (কবিতা)	শ্রী প্রভাতকিরণ বসু	৮০১	
পেট্রোলিয়ম পসঙ্গ	(প্রবন্ধ)	শ্রীশ্যামচন্দ্রমোহন সাত্তা	৮৫৫	ভাড়াড়ী মশাই (গল্প)	শ্রীকেশবনাথ বন্দ্যোপাধ্যায়	১৭৭, ৬৪২	
পল্লীর বাবু	(গল্প)	শ্রীদীনেন্দ্রকুমার রায়	৯০০	ভারত সভার প্রতিষ্ঠা (প্রবন্ধ)	শ্রীনিপিনচন্দ্র পাল	২০৫	
পৌরাণিক পসঙ্গ	(প্রবন্ধ)	শ্রীমণিকান্ত হালদার	৫৩০	ভারতীয় বিজ্ঞান কংগ্রেস (প্রবন্ধ)	শ্রীশিবপ্রসাদ চট্টোপাধ্যায়	২৫৭, ১০১	
প্রশাস্তিতে প্রলয়স্রব (বৈদেশিক প্রবন্ধ)	শ্রীমতেন্দ্রকুমার বসু	৫৫৭	ভাষায় পরপ্রভাব (প্রবন্ধ)	শ্রীবসন্তকুমার চট্টোপাধ্যায়	(অধ্যাপক) ৬৫১		
প্রতারণা (উপন্যাস)	শ্রীমতেন্দ্রকুমার বসু	১৭, ১৮৫, ১৮৭, ৫৪৬, ৬৮০, ৮৬৫	ভৈরবী গোয়ালী (কবিতা)	শ্রীঅনুভব বসু	১২৬		
প্রলয়ের আলো (উপন্যাস)	শ্রীদীনেন্দ্রকুমার রায়	৬, ১৫৫, ১০৭, ৪০০, ৭২২, ৮৩০	লালিত্যের আত্মকাহিনী (গল্প)	শ্রীরাধেন্দ্র দত্ত	৬৬১		
প্রাচীন ভারতে দাস-দাসী (প্রবন্ধ)	শ্রীঅমলাকুমার বন্দ্যোপাধ্যায়	৩৫০	লম্বেরের প্রতি কুল (কবিতা)	শ্রীগোপেন্দ্রনাথ সরকার	৮৫১		
প্রাচীন বাঙ্গালা সাহিত্যে বৌদ্ধ প্ৰভাব (প্রবন্ধ)			মরণে	(কবিতা)	মহম্মদ ফজলুল রহমান চৌধুরী	৮৫১	
প্রার্থনা (কবিতা)	শ্রী বিজয়মাধব মণ্ডল	১০৫	মতা নিষ্করণ (প্রবন্ধ)	শ্রীশ্যামীন্দ্রনাথ সমাদ্দার	২২০		
প্রায়শ্চিত্ত (গল্প)	শ্রীরমেশচন্দ্র বসু	২৩৭	মহাত্মা গান্ধী ও ভারতে জন্ম নিয়ন্ত্রণ (প্রবন্ধ)	শ্রীমতেন্দ্রকুমার বসু	৩২		
প্রেমপত্র (কবিতা)	মুনীন্দ্রনাথ ঘোষ	৫১৭	মহাত্মার ও ইতিহাস (প্রবন্ধ)	শ্রীউপেন্দ্রনাথ মুখোপাধ্যায়	(কর্ণেল) ১৩৭, ২২৭, ৫৩৭, ৭২৬		
প্রেমস্মৃতি (কবিতা)	শ্রীভক্তপ্রসন্ন রায় চৌধুরী	৪৭৭	মহারাজ জগদীন্দ্রনাথ রায় (প্রবন্ধ)	শ্রীহেমচন্দ্রপ্রসাদ ঘোষ	৬০৪		
কুলের ধূল্য (কবিতা)	শ্রীবিজয়মাধব মণ্ডল	২৭২	মাতৃ মঙ্গীত (কবিতা)	শ্রীশচীন্দ্রনাথ মুখোপাধ্যায়	৬৫		
কুলের রাণী (কবিতা)	শ্রীমতী বিদ্যাংগলা দেবী	৩১০	মাতৃধার (কবিতা)	শ্রীঅমলাকুমার রায় চৌধুরী	১৮৪		
কবিতা স্মৃতি (প্রবন্ধ)	শ্রীজ্ঞানেন্দ্রনাথ গুপ্ত	৪২৪	মালা (কবিতা)	শ্রীচাঁচল মধোপাধ্যায়	৮৫৫		
গা-জমী সমস্যা (প্রবন্ধ)	শ্রীজ্ঞানেন্দ্রনাথ চক্রবর্তী	৭১৫					
বর্তমান ভারত (কবিতা)	শ্রীশচীন্দ্রনাথ সরকার	৮৬৪					

বিষয়	লেখক	পৃষ্ঠা	বিষয়	লেখক	পৃষ্ঠা
নাসপঞ্জী	(সংগ্রহ) শ্রীকলীন্দ্রনাথ মুখোপাধ্যায়	৭৮৬	সভাপতির স্মৃতি বচন (অভিজ্ঞান)	শ্রীঅমৃতলাল বসু	২০১
মিঃ চর্চিম্যান	(প্রবন্ধ) শ্রীসত্যেন্দ্রকুমার বসু	৫৭৫	সার্থক	(কবিতা) শ্রীশৈলেন্দ্রকুমার মল্লিক	৭৭
মুক্তি ও ভক্তি	(প্রবন্ধ) শ্রীপ্রমথনাথ তর্কভূষণ	১১৭৫	সাম্বন্ধ	(কবিতা) শ্রীউমানাথ ভট্টাচার্য	৪২১
	(মহামহোপাধ্যায়)	১১৭৫	সাময়িক প্রসঙ্গ (সম্পাদকীয় মন্তব্য)	শ্রীসত্যেন্দ্রকুমার বসু	১২৪
মোগলযাগ আন্দোলন-প্রমোদ	(প্রবন্ধ) শ্রীকমলকুমার বসু	২১১		২৭১, ৪২৬, ৫২০, ৭৪৪, ৯৩৫	
যৌন চর্চাচর্চন ও সৌন্দর্যবুদ্ধি	(প্রবন্ধ) শ্রীউমাপদ বাজপেয়ী	৩৩২	সামন্তিনী	(গল্প) শ্রীদিগন্তনাথ মজুমদার (অধ্যাপক)	২৬৫
রসশাস্ত্র	(প্রবন্ধ) শ্রীপ্রমথনাথ তর্কভূষণ	৪৫৭, ৬০৫	শ্রুতধনী	(কবিতা) শ্রীকালিদাস রায়	৫৬২
	মহামহোপাধ্যায়	৪৫৭, ৬০৫	শ্রুতেন্দ্রনাথ	(প্রবন্ধ) শ্রীপ্রমথ চৌধুরী	৮৬
রাজমাতা আলেকজান্দ্রা	(প্রবন্ধ) শ্রীসত্যেন্দ্রকুমার বসু	৪৩১	শ্রুতেন্দ্রনাথের জীবন-কথা	(প্রবন্ধ) শ্রীসত্যেন্দ্রকুমার বসু	৬৭
রামপ্রসাদ ও প্রসাদী সঙ্গীত	(প্রবন্ধ) শ্রীবিজয়কুমার ঘোষ	৪৩, ২০৭, ৩৪৫	শ্রুতেন্দ্রনাথের লোকীশ্বর	(প্রবন্ধ) শ্রীসত্যেন্দ্রকুমার বসু	৫৪
রাসলীলা	(কবিতা) শ্রীপ্রসাদকুমার রায়	৮০	শ্রুতেন্দ্রনাথের শ্রাদ্ধবাসর	(প্রবন্ধ) শ্রীদুর্গানাথ কাব্যার্থ	৭৪
রক্তের বেদন	(কবিতা) পাপিয়া দেবী	৮৫০	শ্রুতির মিলন	(প্রবন্ধ) শ্রীরবীন্দ্রনাথ ঠাকুর	৭২০
রূপকথা	(নক্সা) শ্রীঅমৃতলাল বসু	২৩১	সে	(কবিতা) শ্রীবিজয়নাথ মণ্ডল	৮৭২
রূপের মোহ	(উপন্যাস) শ্রীসরোজনাথ গৌহ	২২, ১৭৮, ৩৬০, ৫০৭, ৭০৩, ৮০৩	সেই মুখখানি তার	(কবিতা) শ্রীভূপেন্দ্রচন্দ্র চৌধুরী	৭২১
			স্বপ্নের আতিশয়া	(রঙ্গচিত্র) শ্রীসতীশচন্দ্র সিংহ	৫৭৬
লক্ষীছাড়া	(কবিতা) শ্রীসদাশিব বন্দ্যোপাধ্যায়	১০৬	স্বামী বিবেকানন্দ ও জাতি গঠন	(প্রবন্ধ) শ্রীসত্যেন্দ্রনাথ	১৬৩, ৩১৮
লাভ	(কবিতা) আবুল হাশেম	৮৫৩	মজুমদার		
লকালে কোণায়	(কবিতা) শ্রীচারুচন্দ্র মুখোপাধ্যায়	৮২২	স্বামী বিবেকানন্দ	(কবিতা) শ্রীচণ্ডীদাস মুখোপাধ্যায়	৪৮২
শিল্পমঞ্জরী	(প্রবন্ধ) শ্রীযোগেশচন্দ্র রায়	৩৭২	স্বামীজীর শক্তিমন	(প্রবন্ধ) শ্রীকলীন্দ্রনাথ ঘোষ	৬৩৪
শক্তির সৌন্দর্য	(কবিতা) শ্রীঅজিতনাথ লাহিড়ী	২০৫	শ্রুতি	(কবিতা) মুনীন্দ্রনাথ ঘোষ	১১০
শেষ চাওষা	(কবিতা) শ্রীপাঁচুগোপাল মুখোপাধ্যায়	৮৫৫	শ্রুতি	(কবিতা) শ্রীবৈষ্ণবনাথ সিংহ	১৫২
শেষ রক্ষা	(গল্প) শ্রীমাণিক ভট্টাচার্য	৭৬৭	স্মরণে	(কবিতা) শ্রীসতীশচন্দ্র শাস্ত্রী	৫৪৫
শোচনীয় মৃত্যু-সংবাদ	(সম্পাদকীয় মন্তব্য) শ্রীসত্যেন্দ্রকুমার বসু	৪৫৬	সংগঠনের সঙ্গুপায়	(প্রবন্ধ) শ্রীকালিকা প্রসাদ ভট্টাচার্য	৮৫২
শ্রাম	(কবিতা) শ্রীদেবকণ্ঠ বাগচী	৬৬৭	চতুর্দশ পের	(কবিতা) শ্রীমতী বিদ্যাংপ্রভা দেবী	২৫৮
শ্রীরামকৃষ্ণ মঠ ও মিশন-সম্মেলন	(অভিজ্ঞান)		চতুর্দশকারী	(কবিতা) শ্রীবাণরীভূষণ মুখোপাধ্যায়	১২৩
শ্রীমৎ শিবানন্দ স্বামী		২১২	হৃৎলিপি	(কবিতা) শ্রীঅমলাচরণ চক্রবর্তী	১০১
শ্রীমৎ শিবানন্দ স্বামী		২১২	হানাবাড়ী	(উপন্যাস) শ্রীসুরেশচন্দ্র মুখোপাধ্যায় (এটিশি)	১১৭, ২১১, ৪০৩, ৫৭২, ৭৩৬, ৮২৪
শ্রীমৎ শিবানন্দ স্বামী		২১২	জিন্দুর বিবাহ	(প্রবন্ধ) শ্রীবসুধকুমার চট্টোপাধ্যায়	৭১২
শ্রীমৎ শিবানন্দ স্বামী		২১২	জন্মের তান	(কবিতা) শ্রীঅমৃতলাল বসু	২৪০

চিত্রসূচী—কার্তিক

চিত্র	পৃষ্ঠা	চিত্র	পৃষ্ঠা	চিত্র	পৃষ্ঠা
ত্রিবিধ চিত্র—		কোলাটো নিগো অভিনেত্রী	৬১	ধাতব-দর্পণে কারিগরের প্রতিবিম্ব	৫১
শ্রীমৎ শিবানন্দ স্বামী	২১২	কম ওয়েলের স্প্রিং চেয়ারে প্রধান মন্ত্রী		নিউমোনিয়া রোগীর বস্ত্রাবাসে	
শ্রীমৎ শিবানন্দ স্বামী	২১২	বলভূইন	৪৮	অস্বিজেন গ্রহণ	৫১
শ্রীমৎ শিবানন্দ স্বামী	২১২	গড়ীর ফাঁদ	৫৩	নিগো স্বাস্থ্য-কর্মচারী	৬৩
শ্রীমৎ শিবানন্দ স্বামী	২১২	চক্রযুক্ত স্ট্রটকেস	৫০	নিগোদের হস্তরস নাটকের একটি দৃশ্য	৬৩
শ্রীমৎ শিবানন্দ স্বামী	২১২	চেনার বাগ	৮৭	৫ হাজার মাইল দূরে রেডিওযোগে চিত্র	৪৮
শ্রীমৎ শিবানন্দ স্বামী	২১২	চেনার বাগ—অপর দিকের দৃশ্য	২৮	পশ্চিম ভারতীয় স্বীপপুঞ্জের নিগো নারী	৬২
শ্রীমৎ শিবানন্দ স্বামী	২১২	ছত্রদণ্ডের অভ্যন্তরস্থ কোঁটা হুইতে		বায়ু-পূর্ণ তোষকের নোকা	৫২
শ্রীমৎ শিবানন্দ স্বামী	২১২	পাউডার গ্রহণ	৫১	বিমানপোতবিধ্বংসী আগ্নেয়াস্ত্র	৫০
শ্রীমৎ শিবানন্দ স্বামী	২১২	জন্মের ভিতর ইউক্যালিপ্টাস	২৬	বিমানপোতে বায়ুস্কোপ অভিনয়	৫২
শ্রীমৎ শিবানন্দ স্বামী	২১২	জুতা পালিশের বৈজ্ঞানিক যন্ত্র	৫৩	মহারাজা গোলাপসিংহ	৮২
শ্রীমৎ শিবানন্দ স্বামী	২১২	ঝিল	৮১	ঐ প্রতাপসিংহ	৮৫
শ্রীমৎ শিবানন্দ স্বামী	২১২	ঝিলের উপর সেতু	৮৭	ঐ বনবীরসিংহ	৮৪
শ্রীমৎ শিবানন্দ স্বামী	২১২	ডাক্তার সুবোধচন্দ্র স্মিত্র	১০৫	মার্গারেট স্ত্রী	৪০
শ্রীমৎ শিবানন্দ স্বামী	২১২	দোকানের সেতু	২৩	মণির ছাতা ও বিলাসিনী	৪৮

চিত্র	পৃষ্ঠা	চিত্র	পৃষ্ঠা	চিত্র	পৃষ্ঠা
মোটর বাসের তলসংলগ্ন জলের টব	৪৯	কুম্ভাকৃত শয্যার সুরেন্দ্রনাথ	৬৬	শ্রীকবেদী	৭৮
লঘুভার ধাতব নৌকা	৪৬	চিত্তানল	৭৫	সুরেন্দ্রনাথ	৪৯
শস্ত্রনির্ধিত কুটির	৫০	দানোৎসর্গ	৭৭	সুরেন্দ্রনাথের জ্যেষ্ঠা কন্যা	৫০
শ্রীমান অজিতকুমার দে	৫৩	বঙ্গ ভঙ্গ আন্দোলনে সুরেন্দ্রনাথ	৫৪	সুরেন্দ্রনাথের দৌহিত্র ও	
শ্রীযুত টাণ্ডে	১৩৬	বারাকপুরে সুরেন্দ্রনাথের গৃহ	৬৩	কল্যাণী দেবী	৫১
শ্রীযুত সতীশরঞ্জন	১৩০	বেঙ্গলী কাথালয়ে সুরেন্দ্রনাথ	৭০	সুরেন্দ্রদৌহিত্র শ্রীশ্রীকুমার	৫২
সুরেন্দ্র ঝাল	১০৭	মৃত্যু মুহূর্তে সুরেন্দ্রভবনে জনতা	৮০	সুরেন্দ্র-কন্যা শ্রীমতী সরস্বতী	৫৫
সুরেন্দ্র স্মৃতি-অর্ঘ্য		শেষ বিদায়	ঐ	সুরেন্দ্রনাথের দৌহিত্রী শুভা	৫৬
আত্মীয়পরিবেষ্টিত সুরেন্দ্রনাথ	৬৫	শ্রীমতীম্বর চক্রবর্তীর মঞ্চপাঠ	৭৭	সুরেন্দ্রভবনের বাহিরের দৃশ্য	৬৩
কন্যা ও দৌহিত্রীসহ সুরেন্দ্রনাথ	৫৯	শ্রীকবাসর	৭৬	সুরেন্দ্রনাথ শেষ শয়নে	৬৪

অগ্রহায়ণ

চিত্র	পৃষ্ঠা	চিত্র	পৃষ্ঠা	চিত্র	পৃষ্ঠা
ত্রিবার্ণ চিত্র —		গ্রন্থনায়কযুগলের প্রস্তর-মূর্তি	২৬৩	মিঃ ফিন্‌লো	২৫৭
পরদেশী—শিল্পী—এস. জে ঠাকুরসিং	প্রথম	জর্জাণীর প্রস্তুত আসবাব	২৪৫	মুর-নেতা আবদুল করিম	১৭৯
'যদি গাহন করিতে চাহ'—		ট্রেড মিলে শক্তি পরীক্ষা	২৬১	মুর সেনাদল	১৮৩
শিল্পী—শ্রীগিরীন্দ্রনাথ বসু	২৬৯	ডাক্তার পিলগ্রিম	২৫৩	মোতিমহল ও জয়বিলাস প্রাসাদ	২০৫
মোহিনী—শিল্পী—শ্রীহেমেন্দ্রনাথ মজুমদার	১৮৯	তীর্থঙ্করের মূর্তি (বৃহৎ)	২০৪	মোরগের লড়াই	১৬১
একবার্ণ চিত্র —		ঐ ঐ	২০৫	রাজমাতা আলেকজান্দ্রা	২২৪
অনুবীক্ষণযোগ্যে হস্তলিপি পরীক্ষা	২৭৯	তেলিকা মন্দির	২০৩	ঐ ঐ (১৮৯৫ খৃঃ)	ঐ
ঐ টেবল পরীক্ষা	২৬০	তোষকের নৌকা	২৬২	ঐ ঐ (আধুনিক প্রতিকৃতি)	২২৫
কৃত্তভেদী অট্টালিকা	২৬২	ত্রিবাঙ্করের রাজমাতা	২৯০	ঐ ঐ (বিবাহের	
আসিল ও নকল স্বাক্ষর	২৬১	পকেট ছাতা	২৬৩	২১ বৎসর পরে)	২২৪
ইফেল টাওয়ারের নকল মূর্তি	২৬৩	পণ্ডিত আশুতোষ তর্কভূষণ	২৪৬	ঐ ঐ (যুবরাজ-পত্নীরূপে)	২২৫
কুলিয়ন-বন্দর	১৫৯	প্রেমপত্র ও চুড়ি	২৬১		
কুষ্ঠরোগীর অভিনুয় প্রদর্শন	১৬২	বৈদ্যাতিক মানচিত্র	২৬৪	রেশম ও সূচের কীর্তি	২৬৪
কুষ্ঠরোগীর ঐক্যতান বাদন	১৬৩	বাঁশ, বেত ও ঘাসের প্রস্তুত দ্রব্য	২৪৪	ললিতমোহন সিংহ রায়	২৮৬
কুষ্ঠরোগীদিগের বাসভবন	১৬০	বাঁশ বেত ইত্যাদির কেদারা	২৪৫	লেঃ কর্ণেল ম্যাকি	২৭৬
কুষ্ঠরোগগ্রস্ত বালকদিগকে মিচরি বিতরণ	১৬৪	মহাকদ ঘাউসের সমাধি	১৯০	শিকারবেশে আলেকজান্দ্রা	২৯৫
কুষ্ঠাশ্রমের তোরণ	১৬৬	মাদ্রাজের গবর্নর ও ত্রিবাঙ্করের	২৯০	শ্রীশ্রীমধু মন্দির (ছোট)	২০৩
কুষ্ঠাশ্রমের শুশ্রূষাকারিণীগণ	১৬৫	নাবালক মহারাজা	২৯০	ঐ ঐ (বড়)	২০২
গুজারি মহলের বহির্দেয়	২০০	মানমন্দির	২০১	শ্রীযুত বলাইদাস চট্টোপাধ্যায়	২৮৫
গুজারি মহলের ভিত্তির দৃশ্য	ঐ	ঐ (দক্ষিণ ভাগ)	২০১	শ্রীযুত রাহমোতন রায় চৌধুরী	১৮৯
		মার্শাল লিওটে ও মূলে ইউরুফ	১৮০	সদারতনয়দিগের বিদ্যালয়	২০৪

পৌষ

চিত্র	পৃষ্ঠা	চিত্র	পৃষ্ঠা	চিত্র	পৃষ্ঠা
ত্রিবার্ণ চিত্র —		আচায়া প্রফুল্লচন্দ্র রায়	৩৬৭	আলোকিত ইফেল টাওয়ার	৩৯৮
ভয়র—শিল্পী—শ্রীহেমেন্দ্রনাথ মজুমদার	প্রথম	আলেকজান্দ্রার উপাধিপ্রাপ্তি	৪৪৪	এস্‌মানেডের একাংশ	৩৭২
মঙ্গলা দেবী	৪০৫	আলেকজান্দ্রা চরকা চালাইতেছেন	৪৩৭	এস্‌মানেড রো (১৮৩৬ খৃঃ)	ঐ
"শতক বরষ পরে"—শিল্পী—		আলেকজান্দ্রার কোড়দেশে ককর	৪৪৭	কংগ্রেসমণ্ডপ	৪০৭
শ্রীমতীশচন্দ্র সিংহ	৩৬৫	আলেকজান্দ্রার পিতা ও মাতা	৪০৯	কংগ্রেস-মণ্ডপের সিংহদ্বার	৪০৭
একবার্ণ চিত্র —		ঐ বিবাহ	৪৩২	কাউখালি আলোক-গৃহ	৩৫৪
অনুষ্ঠানে এডওয়ার্ড ও আলেকজান্দ্রা	৭৩৫	ঐ মুকুটোৎসব	৪৩২	কাউজিল হাউস (১৮১২ খৃঃ)	৩৭১
অনুষ্ঠানে শিশুসহ আলেকজান্দ্রা	৪৩৫	ঐ শব্দবাহক দল	৪৪৮	কাচের বোতলের শক্তিপরীক্ষা	৩৯৬
		আলোক-স্তম্ভ	৩৯৯	কার্জনিক পদ্মপ্রদানী	৪০

চিত্র	পৃষ্ঠা	চিত্র	পৃষ্ঠা	চিত্র	পৃষ্ঠা
কেশবচন্দ্র সেন	৩৬৭	পারীর বৈদ্যাতিক মানচিত্র	৪০২	শ্রামরাজ-দম্পতি	৩৯৮
খেজুরীর সমাধিক্ষেত্র	৩৫১	প্রথম প্রস্তুতিবেশে আলেকজান্দ্রা	৪৩৪	বট্‌চক্‌ মোটরবাস	৩৯৯
গুহাগাজে ক্ষোদিত পশুর চিত্র	৩৯৭	প্রসিদ্ধ ভুবোজাহাজ	৪০১	শ্রীমতী নাইডুর অভিশাষণ পাঠ	৪০৯
চিংপুর রোডের দৃশ্য—১৮২২ খৃঃ	৩৭৩	প্রাসাদের লাইব্রেরী	৪৪২	শ্রীমতী সরোজিনী নাইডু	৪০৮
চৌরঙ্গীর একাংশ—১৮১২ খৃঃ	৩৭০	ফোর্ট উইলিয়ম—১৭৩৬ খৃঃ	৩৬৮	শ্রীমতী সাঈবান্ন দীক্ষিত	৪১২
জুবিলী বৎসরে আলেকজান্দ্রা	৪০৭	বর-বধুবেশে এডওয়ার্ড ও আলেকজান্দ্রা	৪৩১	শ্রীযুত জি, জি, যোগ	৩৯
ঠুলি পরিয়া পেরাজ ছাডান	৩৯৯	বাউটা মঞ্চ ও প্রাক্কণ	৩৫২	শ্রীযুত পুরুষোত্তম টাঙল	৪১১
ডাক্তার চন্দ্রশেখর কালী	৪২৯	বিচিত্র আলোকোধার	৪০২	সঙ্কেতের জন্তু বাবহৃত কামান	৩৫৮
ডাক্তার মুরধরিলাল	৪১০	বিবাহ-সভা	৪৩৩	সপরিবারে আলেকজান্দ্রা ও এডওয়ার্ড	৪৪৩
ডিনোসারের অস্তিত্ব	৪০০	বিবাহসঙ্গিনীসহ আলেকজান্দ্রা	৪৩৩	সানড্রিংহাম প্রাসাদ	৪৪০
ডেনিস গোশালা	৪৪৪	বিমানপোতে টেনিস ক্রীড়া	৪০১	ঐ ঐ পূর্বদিকের দৃশ্য	ঐ
ভিলকনগরের দৃশ্য	৪০৬	ভিক্টোরিয়ার দরবার চিত্র	৪৪১	সানড্রিংহামের ড্রিং রুম	৪৪১
ঐ বাজারের দৃশ্য	ঐ	মদনমোহন মন্দির—১৮১২ খৃঃ	৩৭৪	সানড্রিংহাম প্রাসাদ হইতে	
তুলায়ন্ত্র	৩৯৮	মর্দর-প্রস্তর-রচিত সঙ্গীতাগার	৩৯৭	উল্কারউম স্টেশন	৪৪৯
পতাকা উৎসবে লাল লক্ষণ রায়	৪১৪	মহাত্মা গান্ধীর বস্তুতা	৪১৪	সিঙ্কোনার শাখা	৩৯১
পঞ্চ বর্ণের পেন্সিল	৩৯৭	মহারাজী ভিক্টোরিয়া, বর্তমান প্রিন্স অব		ঐ বকল	ঐ
পণ্ডিত গণেশশঙ্কর বিদ্যার্থী	৪১১	ওয়েলস আলেকজান্দ্রা ও মেরী	৪৪৬	স্বাভাৱগনিবারক কলার	৩৯৬
পণ্ডিত ভগবান দাস	৪১০	মহিলা স্বেচ্ছাসেবক দল	৪১৭	সেন্ট আনে চার্চ—১১৫৬ খৃঃ	৩৬৮
পণ্ডিত রামস্বরূপ গুপ্ত	ঐ	মাটকেল মধুসূদন দত্ত	৩৬৯	স্বদেশী প্রদর্শনীর দৃশ্য	৪১৩
পণ্ডিত রামকুমার	৪১১	মাদ্রাজে দেশবন্ধুর মন্দির ও মন্দি	৪০০	স্বদেশী প্রদর্শনীতে মহাত্মা গান্ধী	৪১৩
পাল আমেটে রাণী আলেকজান্দ্রা	৪৪৬	মহলপুরের মোহানা	৩৫৬	স্বামীর যত্নাধিকার আলেকজান্দ্রা	৪৩৮
পুত্র ও পৌত্রসহ মহারাজ জগদীন্দ্রনাথ	৪২৭	ব্রাউচাস বিল্ডিং—১৮১০ খৃঃ	৩৭১	লেখচিত্র—	
পুত্র-কন্যাসহ আলেকজান্দ্রা	৪৩৬	রাণী আলেকজান্দ্রার শব্দত্ৰায় দৃশ্য	৪৪৮	আরবী কলমা—	৩২৫
পুত্র পৌত্রী ও পৌত্রীর পুত্রসহ রাজমাতা	৪৩৫	রেজার্খা পল্লবী	৪২১	জ্যাকেট-সেমিজ—১নং চিত্র	৩৭২
পুরুষ স্বেচ্ছাসেবক দল	৪১৫	শা আমেদ মিঞ্জা	৪২২	ঐ —২নং চিত্র ৩নং চিত্র	৩৬৫
পৃষ্ঠদেশে জ্যেষ্ঠ কন্যাসহ আলেকজান্দ্রা	৪৩৬	শোক-পরিচ্ছদে আলেকজান্দ্রা	৪৩৮	ফার্সী ও উর্দু বর্ণমালা	৩২৬

মাঘ

চিত্র	পৃষ্ঠা	চিত্র	পৃষ্ঠা	চিত্র	পৃষ্ঠা
ত্রি বর্ণ চিত্র		খেজুরীর মহরমের মিছিল	৪৮১	স্বারকানাথ ঠাকুর	২৬০
অনন্ত শরনে (প্রাচীন চিত্র হইতে)	১৭৫	গৃহিনীর সোহাগ	৫৭৮	দেবেন্দ্রনাথ ঠাকুর	৬১৭
গোচারণ-লীলা—শিল্পী—শ্রীকৃষ্ণকৃষ্ণ সাহা	৩৭৩	জামাই আদর	৫৮০	দ্বিজেন্দ্রনাথ ঠাকুর	৬১১
দ্যানে—শিল্পী—শ্রীচক্রচন্দ্র সেনগুপ্ত	৫০৯	জেনারেল উপেই-কু	৫৫৯	ঐ (বোঁবনে)	৬১৩
এক বর্ণ চিত্র—		ঐ চাক্র-সো-লিন	৫২৭	দ্বিজেন্দ্রনাথ ও রবীন্দ্রনাথ	৬১৩
অধ্যাপক নরেন্দ্রনাথ সেনগুপ্ত	৫০৭	ঐ কেঙ্গ-উসিরাঙ্ক	৫৫৮	দ্বিজেন্দ্রনাথের স্ত্রী—সর্বময়ী দেবী	৬২৪
অভিনব মডেল	৫৮৬	ঐ স্তারাইল	৫৬৮	নিসাতবাগ	৪৮৬
অরুণেন্দ্রনাথ ঠাকুর	৬১৮	জ্যোতিরিন্দ্রনাথ ঠাকুর	৬১৪	পদচিত্র	৫৮৫
কবীন্দ্র রবীন্দ্রনাথ ঠাকুর (কৈশোরে)	৬১৬	ঐ (বোঁবনে)	৬১৫	পরিভ্রমণ পোষ্ট আকিস	৪৮০
কাশ্মীর বাজার	৪৮৫	ডুরঙ্গ সন্দার মূলতান পাশা আলট্রাস	৫৬৮	পক্ষিস্তবন	৫৮৩
কাশ্মীরের মহারাজ হরিসিংহ	৪৮৩	ভাস্করপাতার কক্ষিপাত্র	৫৮৫	পাথরের তোরণের নিকটবর্তী চৈত	৫২৭
কৃত্রিম গণালীতে বাস-প্রবাস		তৈল কাঠিন্ত কনিবার বয়	৫১৭	পালরাজের আমলের চৈত	৫২৬
কিরাইয়া আনা	৫৮৯	তৈল শোধনের কারখানা	৫১৬	পুত্রসহ সৌদামিনী দেবী	৬১৮
ঐ ২য় নং	ঐ	ত্রিচক্‌ নোটরগাড়ী	৫৮৬	পুত্র শ্রীমুখোন্দ্রনাথ ঠাকুর	৬১৩
খেজুরী—ভাগীরথীতীরে শব্দাহদৃশ্য	৪৭৮	ত্রৈলোকা বিজয়	৫২৮	পৌত্র—সৌমেন্দ্রনাথ ঠাকুর	৬১৩
খেজুরী সমাধিক্ষেত্রের দৃশ্য	৪৭৬	মমতারা ছেলের আহার	৫৮১	ঐ স্বরীন্দ্রনাথ ঠাকুর	৬১৩
		দিব্যেন্দ্রনাথ ঠাকুর	৬১৮	প্রাসাদ	৪৮৮

চিত্র	পৃষ্ঠা	চিত্র	পৃষ্ঠা	চিত্র	পৃষ্ঠা
প্রাসাদ-তোরণ	৫৮৮	মায়ের মেহ	৫৭৭	শ্রীমতী স্বর্ণকুমারী দেবী	৬২০
বন্ধনীযুক্ত চেয়ার	৫৮৭	মিঃ বাওলা	৫৯৯	বঙমুর্তি	৫৮৫
বায়ুদ্রাবণ প্রথায় তৈল		মিস মাডেল গ্লেড	৬০৩	সত্যেন্দ্রনাথ ঠাকুর	৬১৪
নিষ্কাশনের কারখানা	৫১৫	মিঃ হর্গিমান	৫৭৫	ঐ যৌবনে	৬১৮
নিচিত্র খটিকায়স	৫৮৪	রবীন্দ্র সন্তুষ্টে জগদ্বিন্দনাথ	৬০৬	সপরিবারে জগদ্বিন্দনাথ	৬০৯
বিজ্ঞান কংগ্রেসে অধ্যাপকতা	৫০৪	রাজা দেবেন্দ্রনাথ মল্লিক	৫৯৭	সভাপতি স্বৈন্দ্রনাথ	৬১৪
* ধীরেন্দ্রনাথ ঠাকুর	৬১২	রুগ্নের পরিচয়	৫৭৯	সলোমনের সময় জেরুসালেম	৫৮৮
বুদ্ধগয়া	৫২৮	লডু কারমাইকেল	৫৯৬	সাহিত্য সম্মিলনে জগদ্বিন্দনাথ	৬০৮
বৈজ্ঞানিক দীর্ঘশিলাকা	৫৮৭	শব্দাহের অপর দৃশ্য	৫৭৮	মুপ্রাচীন মূর্তি	৫৮৪
মর্নস্বী স্বৈন্দ্রনাথ	৬১৯	শঙ্করাচার্যের মন্দির	৫৮৭	স্ববাবস্থা	৫৭৬
মমতাজ	৬০০	শ্রাবস্তীর তীর্থিক পরাজয়ের মূর্তি	৫২৭	সেন রাজাদের আমলের চৈত্যা	৫২৬
মহারাজা জগদ্বিন্দনাথ রায়	৫০৫	শ্রীশিবপ্রসাদ চট্টোপাধ্যায়	৫০৫	সোমেন্দ্রনাথ ঠাকুর	৬১৫
মহারাজ হোলকার	৬০১	শ্রীশচন্দ্র গুপ্ত	৫৯৩	হেমেন্দ্রনাথ ঠাকুর	৬১৬
				তদ	৫৮৪

ফাল্গুন

চিত্র	পৃষ্ঠা	চিত্র	পৃষ্ঠা	চিত্র	পৃষ্ঠা
ত্রিবর্ণ চিত্র—		টি পলির নিগো উপনিবেশের সন্দার	৫৭৮	বৈজ্ঞানিক শক্তিপ্রভাবে রক্তসঞ্চালন	৫৬৬
ওমর খৈয়াম—শিল্পী—		টি পলির প্রাচীন দুর্গ	৫৭৯	একচারীবাটার শিবমন্দির	৬২০
শ্রীউপেন্দ্রনাথ ঘোষ দাস্তিদার	প্রথম	টি পলির মুসলমান মোজা	৫৭৭	ভারতীয় সম্রাজ্যে যুরোপীয় মতিলা	৫৬৫
প্রতাবর্দন—শিল্পী—		টি পলির কটা বিক্রম	৫৭৮	মন্দাকিনী	৬৩৬
এস. জে. ঠাকুর সিং	৭৪১	ডাক্তার শ্রীমতী মালিনী শঙ্কর	৫৬৮	মন্দিরের সম্মুখে ক'রকায়া	৬২২
(মুহুর বেণু—[শ্রীযুত প্রভুস্বকুমার		ডাক্তার সান-ইয়াট-সেন	৫২৯	মমতাজ বেগম—কিশোরী	৫৫২
মল্লিকের চিত্রশালা]	৬৮৩	তুর্কীবেশে পিয়ার লোটা	৫৩৫	মর্নর-প্রশ্রুতিনিশ্চিত স্মৃতি-গুপ্ত	৫৭৪
একবর্ণ চিত্র—		দুর্গতোরণসম্মুখে সেনাদল	৫১৫	মরুকাননবর্তা নিগো কুটার	৫৮১
স্ববাস্তু কুমার	৬৫৩	দুর্গামন্দিরের সম্মুখভাগ	৬২৫	মেলেক চালম	৫৩৪
অভিনব মোটর গাড়ী	৫৬৭	স্বৈন্দ্রনাথ ঠাকুরের তপ্তাকর	৫৮৩	ম গু শিবমন্দির	৬২৩
একর বসু	৬৬২	ধর্মসংক্রান্ত উৎসবকালে নিগো বাদক দল	৫১৬	যোড়াবালা মন্দির	৬২২
আরব সৈনিক	৫৭৪	নগর-তোরণ	৫৭৪	রবারের ছিপি	৫৬৬
আলেখ্য	৬৫৪	নগরবাসিনী আরব সন্দরী	৫৮০	রবারের পত্র ও পুষ্প	৫৬৩
আম্বিতন বাড়ার পরবর্তী অবস্থা	৫৬৩	নগররক্ষাকরে নব-নির্মিত প্রাচীর	৫৭৯	রত্নপচিত কণাশরণ	৫৬৫
ইরা ও মীরা	৬৪৬	নবচড় গুপ্তমন্দির	৬২৩	রেড উগিয়ান তরুণী	৫৩১
উৎসবকালে নিগো দিগের পাতক	৫৭৫	নানা প্রকারের খেলনা	৬৭০	লিবীয় যাতাবর বাদক	৫৮০
উর্দী চণ্ডীতলা	৬২০	পিঞ্জরে পাগী	৬৭৩	লিবীয় মরুবাসিনী সন্দরী	৫৭৬
উল্লর রাজা দীর্ঘ	৬২০	পুত্রসহ পিচাউ সন্দার	৫৩১	শিবমন্দির	৬২৪
কবীন্দ্র রবীন্দ্রনাথ	৫১৭	পুরাতন মসজিদ	৬২৬	শ্রীতুলসীচরণ গোস্বামী	৫৪৭
কামাল পাশা	৫৩৩	প্রাচীন গুপ্তাগর	৫৮১	শ্রীবিপিনচন্দ্র পাল	ঐ
কালীসাগর পুকুর	৬২৩	প্রাচীন রাজপথ	৫৭৫	সজ্জিতা বালিকা	৬৭০
কাঠের উপর গুপ্ত কারকায়া	৬২১	ফরাসীবেশে পিয়ার লোটা	৫৩৫	সমুদ্রকূলবাসিনী টি পলি সন্দরীর দল	৫৮১
কিংসুক	৬৪৪	ফাউণ্টেন পেন তইতে ডাক টিকিট	৫৬১	সমুদ্রকূলবর্তী টি পলি নগরের দৃশ্য	৫৭৩
কুচুই বনের দোলমন্দির	৬২৬	বর্তমান হোলকার—যশোবন্ত রাও	৫৫৩	সাধারণ স্নানাগার	৫৮১
কোরক রায়	৬৪২	বর্মানুত মোটর গাড়ী	৫৬৩	স্বাভাবিক অবস্থায় মোটর গাড়ী	৫৬২
গেলনা প্রস্তরের কারখানা	৬৭১	বালকানির্মিত মূর্তি	৫৬৫	সাবানের মূর্তি	৫৬৩
গুলীনিবারক বসু	৫৬৪	বিমান-শলী	৬৪৩	সার স্বৈন্দ্রনাথ	৫৫০
জেনেব হালুম	৫৩৪	বিরাট আলোক-দৃশ্য	৫৬৬	সাহারা মরুভূমিনিবাসী অবগুঠনাবৃত পুরুষ	৫৭৬
টি পলিবাসী ইগদী	৫৭৮	বিষ্ণুমন্দির	৬২৫	সিম্পালী-দম্পতি	৬৭২
টি পলির উষ্ট্র বিক্রয়ের ছাট	৫০৯	বৃক্ষনির্মিত বিশ্রামাগার	৫৬৬	সিদ্ধেশ্বরী কালীর গুপ্তবাটা	৬২৪
টি পলির নগরিক	৫০০	বেলেছারী বাবু	৬৪৩	সেমিনোল জাতীয় রেড উগিয়ান সন্দার	৫৩১
		বোধনের বিষ্ণুক ও দোলমন্দির	৬২১	শাওয়ার বসু	৬৭০

চৈত্র

চিত্র	পৃষ্ঠা	চিত্র	পৃষ্ঠা	চিত্র	পৃষ্ঠা
ত্রিবেণ চিত্র—					
আনন্দ—শিল্পী—		ভাস্ক শিবমন্দির	৮২৮	মোহ—সমাজসংস্কারক	২৫৫
শ্রীভবানীচরণ লাহা	৮১১	থলোট অবসান	৮৬৩	মালোরিয়াফ্রিষ্ট বালকবালিকা	৮২৫
ওমর খৈয়াম—শিল্পী—		নিকারীপাড়ার দরগা	৮২৭	রয়াল মেলের পাঞ্জাবী	
শ্রীউপেন্দ্রনাথ ঘোষ দস্তিদার	প্রথম	নিমতলার অ'ক্রান্ত মসজিদ	৯৪৫	চালকের শবযাত্রা	৯৫০
প্রতীকার—শিল্পী—		পুজার দালান	৮২৯	রাজা ডেভিডের প্লেট	১৩৯
শ্রীহরেকৃষ্ণ সান্না	১১১	পেস্কার বাবু	২১৮	রাধাবল্লভের ভগ্ন বনাকীর্ণ গৃহ	৮১৪
হরগৌরী (প্রাচীন চিত্র হইতে)	৮৭১	প্যারেডের পর	৮৮৪	রায় চণ্ডীলাল বসু বাহাদুর	২১৪
একবেণ চিত্র—					
আমহার্ট্রী প্রিন্টের আফ্রাণ্ড শিবমন্দির	১৬১	প্রাচীন শিলালেখ	২৫২	রায় বাহাদুর গোপালচন্দ্র	
ঢলার বন	৮১৬	বনাকীর্ণ মন্দির	৮২৬	চট্টোপাধ্যায়	১৩৫
উলার ফুল	৮২০	বরফ বান	১৪০	রুসসম্রাটের রত্ন-মুকুট	১৪৬
কম্বোয়ার ম্যাকডোনাল্ড ও অফিসারগণ	৮৮১	বড় আগড়ার নাটামন্দির	৮৬২	রেশম ও পুঁথিনির্মিত চিত্র	১৩১
কসাকদিগের নৃত্যনৈপুণ্য	১৫২	বহুমূল্য মৃত্তার মালা	২৫০	লড আরউইন	১৩১
কাম—বাবু	১৫১	ব'বুঘাটের দৃষ্টিত পানা	২৪৪	লড রেডিং	১৩৫
কালে হাকিম হাভে	১২২	বিচিত্র টেবল লাম্প	২৫১	লক্ষাভেদ	৮৮৪
কৃষ্ণভঙ্গ	৭০৫	বিচিত্র বেরদণ্ড	১৪৮	লোভ—নায়েব	১৫৪
কৃষ্ণরাম মুখোপাধ্যায়ের		বিচিত্র মটির গাড়া	১	শয়ানাবহার বিমানপোত পরিচালন	১৫০
বাড়ীর ভগ্নাবশেষ	৮২৪	বেলড মঠ	১২৬	শ্রীমতী সরলা দেবী	১৩০
ক্রোধ—বড়বাবু	১৫১	ভগ্ন পুজার দালান	৮২৮	শ্রীমৎ অখণ্ডানন্দ স্বামী	১২১
গাড অফ অনার	৮৮৫	ভাঁবের অভিবাস্তি	৮৮১	শ্রীমৎ পরমানন্দ স্বামী	১২১
জীবনরক্ষার জাল	১৫২	মদ—জমিদার	২৫৬	শ্রীমৎ শিবানন্দ স্বামী	১২০
জেকেরিয়া প্রিন্টের ভগ্ন শিবমন্দির	১৪১	মন চুরী	২১৬	শ্রীমৎ সারদানন্দ স্বামী	১২০
টেবলের উপর ফুটবল কীড়া	১৪০	মহাপ্রভুপাড়া রোড	৮৬২	শ্রীমৎ অমৃতলাল বসু	১০২
ঠনঠনিয়া কালীবাড়ীতে পাণ্ডার	১৪১	মাটিতে গড়াগড়ি	১১০	শ্রীমৎ কালীপ্রসন্ন বন্দ্যোপাধ্যায়	১৩৫
ডাঃ বিজ্ঞাননাথ মৈত্র	১০১	মাংসধা—কেরালী	১৫৫	শ্রীমৎ হেমচন্দ্র দাসগুপ্ত	১৩০
		মস্তৌফীদিগের চণ্ডীমণ্ডপ	৮১১	সাত নং প্লেটুন	
		মেছুয়াবাজার প্রিন্টের		গারিসন রোডের দাসগুপ্তনার	
		মিলিটারী পাহারা	১৪৪	মসজিদ	১১১

লেখকগণের নামানুক্রমিক সূচী

লেখক	বিষয়	পৃষ্ঠা	লেখক	বিষয়	পৃষ্ঠা
শ্রীঅজিতনাথ লাহিড়ী—			শ্রীঅমৃতলাল বসু—		
শুক্লির সৌন্দর্য	(কবিতা)	১০৫	কবির ভাব এসেছে	(কবিতা)	১১০
শ্রীঅতুলানন্দ সেন (অধ্যাপক)—			কবিতার কাতরতা	(প্র)	৬৬৮
গোয়ালিয়র	(প্রবন্ধ)	২০৪	গজুর ভজন	(নব্বা) ৬৫, ১১১, ১১০, ৬৭৫	
শ্রীঅনিলচন্দ্র মুখোপাধ্যায়—			ভেরবী গেলো না	(কবিতা)	১৩১
সন্ধ্যানে	(কবিতা)	৮৫৫	রূপকথা	(নব্বা)	১৩২
শ্রীঅমরেন্দ্রনাথ দে—			সভাপতির সূচনা বচন	(অভিভাষণ)	১৩১
সন্ধ্যা	(কবিতা)	১০৬	স্বপ্নের তান	(কবিতা)	১৪০
শ্রীঅম্বলাকুমার রায় চৌধুরী—			শ্রীঅরীন্দ্রজিৎ মুখোপাধ্যায়		
বসন্ত-সংবাদ	(কবিতা)	৭১০	চৈতন্য ও স্ববুদ্ধি রায়	(কবিতা)	৮৫১
মাতৃহারা	(প্র)	১৮৪	বন্দাবন	(কবিতা)	৬২১
শ্রীঅম্বলাচরণ চক্রবর্তী—			শ্রীঅক্ষয়কুমার কুণ্ডু—		
হস্তলিপি	(কবিতা)	৮৫৫	বিজয়া	(কবিতা)	৬
শ্রীঅম্বলাচন্দ্র বন্দ্যোপাধ্যায়—			আবুল হাশেম—		
প্রাচীন ভারতে দাসদাসী	(প্রবন্ধ)	১৫০	নাভ	(কবিতা)	৮৫

লেখক	বিষয়	পৃষ্ঠা	লেখক	বিষয়	পৃষ্ঠা
শ্রী আশুতোষ মুখোপাধ্যায়—			শ্রী চাক্রচক্র মুখোপাধ্যায়—		
আর না	(কবিতা)	৩২৩	মালা	(কবিতা)	৮৫৫
পুষ্পের মরণ	(ঐ)	৫৬০	লুকালে কোথায়	(ঐ)	৮২২
শ্রী উপেন্দ্রনাথ মুখোপাধ্যায় (কর্ণেল)—			শ্রী চিত্তরঞ্জন সেন—		
মহাভারত ও ইতিহাস	(প্রবন্ধ)	১৩৭, ২২৭, ৫৩৭, ৭২৬	আবাহন	(কবিতা)	৭১২
শ্রী উমানাথ ভট্টাচায়া—			শ্রী জনরঞ্জন রায়—		
অক্ষ-রাধ	(কবিতা)	২৬	খুলোটি	(প্রবন্ধ)	৮৬১
পরী	(ঐ)	৮৫৫	শ্রী জলধর সেন [রায় বাহাদুর]—		
বাসন্তী	(ঐ)	৭১৮	টুকটুকে রামায়ণ	(আলোচনা)	৫৮২
সান্ত্বনা	(ঐ)	৪২০	শ্রী জ্ঞানেন্দ্রনাথ গুপ্ত, আই. সি. এস—		
শ্রী উমা পদ বাজপেয়ী—			বন্ধিম-স্মৃতি	(প্রবন্ধ)	৪২৪
যৌন-নির্বাচন ও সৌন্দর্যবুদ্ধি	(প্রবন্ধ)	৩৩২	শ্রী জ্ঞানেন্দ্রনাথ চক্রবর্তী		
শ্রী মতী উষাবালা সেন—			আসঙ্গ-লিপ্সা ও জন্মনিয়ন্ত্রণ	(প্রবন্ধ)	৪০
অজানা পথ	(কবিতা)	৩০৪	জীবন-সঙ্গিনী	(গল্প)	৩৬৫
শ্রী কমলকুমার বসু [অধ্যাপক]—			বর্গাজমী-সমস্তা	(প্রবন্ধ)	৭১৫
মোগলগণে আশ্রয়প্রমোদ	(প্রবন্ধ)	২৩১	শ্রী তপনেন্দ্রচন্দ্র সিংহ—		
শ্রী কমলকুমার মজুমদার—			নববধু	(কবিতা)	৮৫৪
অস্তর	(কবিতা)	২১৫	শ্রী দিগন্তনাথ মজুমদার [অধ্যাপক]—		
দর্শন	(ঐ)	৩৬৬	সীমন্তিনী	(গল্প)	২৬৫
শ্রী কলিঙ্গনাথ ঘোষ—			শ্রী দীনেশকুমার রায়—		
স্বামীজীর শক্তিমান	(প্রবন্ধ)	৬৩৪	পেকার বাবু	(গল্প)	২০২
শ্রী মতী কাননবালা দেবী—			প্রলয়ের আলো	(উপস্থাপন)	৬, ১৪৫, ৩০৫, ৪২২, ৭২২, ৮৩০
নারীর মাতৃত্ব	(কবিতা)	৮৪৪	বাঘের মুখে	(গল্প)	২৭
শ্রী কুলিলাস রায়—			শ্রী দুর্গানাথ কাব্যতীর্থ—		
কাব্যে কারুণ্য	(প্রবন্ধ)	৮৪১	সুরেন্দ্রনাথের শ্রাদ্ধবাসন	(প্রবন্ধ)	৭৬
বেদ	(কবিতা)	২০	শ্রী দুর্গামোহন কুমারী—		
স্বপ্নবনী	(ঐ)	৫৬২	কবে	(কবিতা)	৫০০
শ্রী কালীপদ ঘোষ—			শ্রী দেবকীচন্দ্র মল্লিক—		
স্নানকলতা	(কবিতা)	১১৭	নৃশা	(কবিতা)	৮৫৫
শ্রী কালিকা পস'দ ভট্টাচায়া—			শ্রাম	(ঐ)	৩৬৭
সংগঠনের সজুপায়	(প্রবন্ধ)	৮৫২	শ্রী দেবী মুখোপাধ্যায়—		
শ্রী কুমুদরঞ্জন মল্লিক—			অনুন্নয়	(কবিতা)	৭১২
তবু	(কবিতা)	২২২	শ্রী নগেন্দ্রনাথ গুপ্ত—		
দৈত্য ও পরী	(ঐ)	৮১৩	বাল্মীকীর গীতিকাব্য—বৈষ্ণবকাব্য (প্রবন্ধ)		৭০, ৮৮৭
শ্রী কুলভূষণ চন্দ্রনাথ—			শ্রী নলিনী গুপ্ত—		
নাম	(কবিতা)	৮৫৩	বৃহৎ বরণ	(কবিতা)	৪২৫
শ্রী কেদারনাথ বন্দ্যোপাধ্যায়—			শ্রী নলিনীভূষণ দ্বাদশগুপ্ত—		
টেলের পিতৃশ্রদ্ধা	(নন্দা)	৭৭	জ্যোৎস্নায়	(কবিতা)	৭২১
ভাদ্রদী মশাই	(গল্প)	২৪৭, ৬৪৩	শ্রী নলিনীমোহন চট্টোপাধ্যায়—		
শ্রী গিরিজানাথ মুখোপাধ্যায়—			বিজ্ঞানেন্দ্রনাথ ঠাকুর	(কবিতা)	৩১১
বসুধব কট্টকম	(কবিতা)	৩৮১	শ্রী নারায়ণচন্দ্র ভট্টাচায়া—		
শ্রী গোপাললাল দে—			উলুখড়ের বিপদ	(গল্প)	৪৬২
বসু-বিবাহী	(কবিতা)	৭১১	শ্রী নিকুঞ্জবিহারী দত্ত—		
শ্রী গোপেন্দ্রনাথ সরকার—			আহাযা তৈল ও তৈলজ আহাযা	(প্রবন্ধ)	৫১৩
অমরের প্রতি কুল	(কবিতা)	৮৫১	ইউর্যালিষ্টাস	(প্রবন্ধ)	২১
গোলাম মোস্তাফা—			কইনাইন উৎপাদন	(ঐ)	৩৯০
কুড়ান সম্পদ	(কবিতা)	৮১৩	খেলনা শিল্প	(ঐ)	৩৩৩
শ্রী চিত্তদাস মুখোপাধ্যায়—			ঘাস, বাঁশ ও বেত	(ঐ)	২৪১
স্বামী বিবেকানন্দ	(কবিতা)	৪৮২			

লেখক	বিষয়	পৃষ্ঠা	লেখক	বিষয়	পৃষ্ঠা
শ্রীমতী পাপিয়া দেবী—			শ্রীবিপিনচন্দ্র পাল—		
বেলা ও বেলা শেষের গান	(কবিতা)	৬৭২	চিত্তরঞ্জন-কথা	(প্রবন্ধ)	২১৬
সিক্তের বেদন	(ঐ)	৮৫০	ভারত সত্তার প্রতিষ্ঠা	(ঐ)	২০৭
শ্রীপাঁচুগোপাল মুখোপাধ্যায়—			শ্রীবিমলকান্তি মুখোপাধ্যায়—		
শেষ চাঁওরা	(কবিতা)	৮৫৫	আরবী, ফার্সী ও উর্দু	(প্রবন্ধ)	৩০৩
শ্রীপ্রকৃতকুমার রায় (আচার্য)—			শ্রীবিমলচন্দ্র সরকার—		
কলিকাতা ও সহরতলী	(প্রবন্ধ)	২৬৭, ৬০০	সবার চেয়ে	(কবিতা)	৮৮৬
শ্রীপ্রবোধচন্দ্র বন্দ্যোপাধ্যায়—			শ্রীবৈষ্ণবনাথ সিংহ—		
জিলাপী	(কবিতা)	৫৭১	স্মৃতি	(কবিতা)	৩৫২
শ্রীপ্রভাতকিরণ বসু—			শ্রীভবতারণ ভট্টাচার্য—		
ভরা-যৌবনে	(কবিতা)	৮৫১	জাতিতত্ত্বের প্রতিবাদ	(প্রবন্ধ)	৬২১
শ্রীমতী প্রভাবতী দেবী সরস্বতী—			শ্রীভূজঙ্গধর রায় চৌধুরী—		
চাগীর লাভ	(গল্প)	৫১৮	প্রেম-স্মৃতি	(কবিতা)	৪৭৪
বসন্ত-বাণী	(কবিতা)	৭১৮	শ্রীভূপেন্দ্রনাথ চৌধুরী—		
শ্রীপ্রমথ চৌধুরী -			সেই নৃপথানি তার	(কবিতা)	৭২১
দ্বিজেন্দ্রনাথ ঠাকুর	(প্রবন্ধ)	৬২২	শ্রীভূপেন্দ্রনাথ দত্ত—		
তুরেলনাথ	(ঐ)	৮৩	পাঠাগারের ইতিহাস	(প্রবন্ধ)	৮৫৬
শ্রীপ্রমথনাথ বসু—			শ্রীমণিকান্ত হালদার—		
কলী	(কবিতা)	৪৩০	পৌরাণিক প্রসঙ্গ	(প্রবন্ধ)	৫৩০
পপহারী	(ঐ)	৫৩৬	মহম্মদ ফজলুল রহমান চৌধুরী—		
শ্রীপ্রমথনাথ তর্কভূষণ (মজুমদারোপাধ্যায়)—			মরণে	(কবিতা)	৮৫১
মক্তি ও ভক্তি	(প্রবন্ধ)	১, ৩৭৫	শ্রীমহেন্দ্রনাথ করণ—		
রসশাস্ত্র	(প্রবন্ধ)	৭৫৭, ৬২৫	খেজুরী বন্দর	(প্রবন্ধ)	৩৫৩, ৪৭৫
শ্রীপ্রসাদকুমার রায়—			শ্রীমাণিক ভট্টাচার্য—		
রাসলীলা	(কবিতা)	৮০	শেষরক্ষা	(গল্প)	৭৬৭
শ্রীফটিকচন্দ্র বন্দ্যোপাধ্যায়—			শ্রীমাধবচন্দ্র সিকদার—		
নবায়	(কবিতা)	৩৩৮	অবতরণ	(কবিতা)	১০৪
শ্রীফলীন্দ্রনাথ মুখোপাধ্যায়—মাসপঞ্জী		৭৮৩	মুনীন্দ্রনাথ ঘোষ—		
শ্রীমতী ফুল্লরাণী সিংহ—			অভিনেতা	(কবিতা)	৬৫৪
পূজা	(কবিতা)	৮৫৩	পতিতা	(গাথা)	৮৫২
শ্রীবনবিহারী গোস্বামী—			প্রেমপত্র	(কবিতা)	৫১৭
চৈত্র	(কবিতা)	২৩৪	বসন্তে	(ঐ)	৭১৮
শ্রীবসন্তকুমার চট্টোপাধ্যায় (অধ্যাপক)—			স্মৃতি	(ঐ)	১১০
ভাষায় পদগ্ৰন্থভাব	(প্রবন্ধ)	৬৫১	শ্রীমোহিতকুমার হাজারী—জন্মভূমি	(কবিতা)	৩২৭
শ্রীবসন্তকুমার চট্টোপাধ্যায়—			শ্রীবতীন্দ্রনাথ সেনগুপ্ত—		
হিন্দুর বিবাহ	(প্রবন্ধ)	৭১২	আবার	(কবিতা)	৬৭৩
শ্রীবাশরীভূষণ মুখোপাধ্যায়—			বসন্ত হোলী	(ঐ)	৭১২
কোণা গেছি ফিরে	(কবিতা)	৪২১	শ্রীবতীন্দ্রনাথ মুখোপাধ্যায়—		
হত্যাকারী	(ঐ)	১২৩	নারী	(প্রবন্ধ)	৬২৭
শ্রীবিজয়ভূষণ ঘোষ চৌধুরী—			মাতৃ-সঙ্গীত	(কবিতা)	৬৫
অসমীয়া বৈকবধর্ষ	(প্রবন্ধ)	৩৪৭	শ্রীবোগীন্দ্রনাথ রায় (মহারাজকুমার)—		
শ্রীবিজয়রক্ষা ঘোষ—			বার্ষ প্রয়াস	(কবিতা)	৮২৩
রায়প্রসাদ ও প্রসাদী সঙ্গীত	(প্রবন্ধ)	৪২, ২২৭, ৩৪৫	শ্রীবোগীন্দ্রনাথ সমাদ্দার—		
শ্রীবিজয়নাথব মণ্ডল—			মহানিষ্করণ	(প্রবন্ধ)	২২২
প্রার্থনা	(কবিতা)	৩৩৫	শ্রীবোগেন্দ্রমোহন সাহা—		
ফুলের মূল্য	(ঐ)	২৭২	পেট্রোলিয়ম প্রসঙ্গ	(প্রবন্ধ)	৮৪৫
সে	(কবিতা)	৮৭২	শ্রীবোগেশচন্দ্র রায়—শিল্পমঞ্জরী	(প্রবন্ধ)	৩৭২
শ্রীমতী বিদ্যাপ্রভা দেবী—			শ্রীরবীন্দ্রনাথ ঠাকুর—		
ফুলের রাণী	(কবিতা)	৬৬০	গান	(কবিতা)	৭৮২
হত্যা-প্রেম	(ঐ)	২৫৮	সৃষ্টির মিলন	(প্রবন্ধ)	৭২০

লেখক	বিষয়	পৃষ্ঠা	লেখক	বিষয়	পৃষ্ঠা
শ্রীমতী রমিলা ঘোষ—			বৈদেশিক	(সম্পাদকীয় মন্তব্য)	
বসন্তের স্মৃতি	(কবিতা)	৭২০		১০৫, ২২৪, ৭২২, ৯০৬	
শ্রীরমেশচন্দ্র বসু—প্রায়শ্চিত্ত	(গল্প)	২৩৭	মহানাজী ও ভারতে জন্মনিয়ন্ত্রণ	(প্রবন্ধ)	৩৯
শ্রীরাধালালদাস বন্দ্যোপাধ্যায়—			মিঃ হর্গিমান	(মন্তব্য)	৫৭৫
বুদ্ধগয়া	(প্রবন্ধ)	৫২৬	রাজমাতা আলেকজান্দ্রা	(প্রবন্ধ)	৪১১
শ্রীরাধামোহন ষটবাল—চিত্রকর	(কবিতা)	৮৫৪	শোচনীয় সূতাসংবাদ	(মন্তব্য)	৪৫৬
শ্রীকামকান্ত ভট্টাচার্য—৪৭	(কবিতা)	৭৬১	সাময়িক প্রসঙ্গ	(সম্পাদকীয় মন্তব্য)	
শ্রীবামেন্দ্র দত্ত—				১২৪, ২৭৩, ৪২৬, ৫২০, ৭৪৪, ৯৩৫	
ব্রাহ্মণের আত্মকাহিনী	(গল্প)	৬৬১	সুরেন্দ্রনাথের জীবন কথা	(প্রবন্ধ)	৬৭
শ্রীমতী রেণু—অভিমান	(কবিতা)	৬৩৩	সুরেন্দ্রনাথের লোকাঙ্কুর	(ক্র)	৫৪
শ্রীলক্ষ্মীনারায়ণ চট্টোপাধ্যায়—			শ্রীসন্তোষকুমার সরকার—		
ব্রহ্মার অপূর্ণ সৃষ্টি	(প্রবন্ধ)	৫৩৪	পল্লীলক্ষ্মীর প্রতি	(কবিতা)	৮৫৫
শ্রীশচীন্দ্রমোহন সরকার—			শ্রীসদাশিব বন্দ্যোপাধ্যায়—		
বর্ধমান ভারত	(কবিতা)	৮৬৪	গোষ্ঠী লগনে	(কবিতা)	১১২
শ্রীশচীন্দ্রনাথ মুগোপাধ্যায়—			লক্ষ্মীছাড়া	(ক্র)	২০৬
দেশনায়কের তিরোধান	(প্রবন্ধ)	৫১	শ্রীসরোজনাথ ঘোষ—		
শ্রীশরৎচন্দ্র মুগোপাধ্যায়—			৮য়ন	৪৭, ২৫৯, ৩৯৬, ৫৮৪, ৭৬১, ৯৪৮	
আমেরিকার নিগ্রো	(প্রবন্ধ)	৬১	টিপলি	(প্রবন্ধ)	৭৭৩
শ্রীশশিভূষণ মুগোপাধ্যায়—			নির্বাসিতের ছাপ	(ক্র)	১৫২
ইতিহাস ও পুণ্য	(প্রবন্ধ)	৬৭৪	বাজাল: সাজিতোর একটি দান	(প্রবন্ধ)	২৩৭
শ্রীমৎ শিবানন্দ স্বামী—			৪পের মোক্ষ	(উপস্থাপন)	
শ্রীরামকৃষ্ণ মঠ ও মিশন সংশ্লিষ্ট (অভিভাষণ)		৯১২		৯৯, ১৭৮, ৩৬০, ৫০৭, ৭০২, ৮০৩	
শ্রীশিবপ্রসাদ চট্টোপাধ্যায়—			শ্রীমৎ সারদানন্দ স্বামী—		
ভারতীয় বিজ্ঞান কংগ্রেস	(প্রবন্ধ)	২৫৩, ৫০১	অষ্টাধ্বনি: সম্মিত্রি সভাপতির অভিভাষণ		৯৯৮
শ্রীশৈলেন্দ্রকুমার মল্লিক—			শ্রীশ্রীনির্মল বসু—বৈরাগ্য	(কবিতা)	৭০৮
বিবাহ লগন	(কবিতা)	১৭৮	শ্রীসুরেন্দ্রনাথ সেনগুপ্ত—পদী বসু	(কবিতা)	৭৭৩
সার্থক	(ক্র)	৭৬	শ্রীসুরেন্দ্রনাথ মুগোপাধ্যায় (এদর্শী)—		
শ্রীপ্রামাচরণ কবিরাজ বিদ্যাবিরিপি—			হানাবাড়ী	(উপস্থাপন)	
জুড়িত্তর	(প্রবন্ধ)	১১১, ১৬১, ৮১২		১১৭, ২১১, ২৭৩, ৩২৬, ৪০৩	
শ্রীশ্যামসুন্দর চক্রবর্তী—			শ্রীসুরেন্দ্রমোহন ভট্টাচার্য—		
ব্রাহ্মণ সুরেন্দ্রনাথ	(প্রবন্ধ)	৭৯	একপালা প্রাচীন দলিল	(প্রবন্ধ)	২৩৩
শ্রীসতীশচন্দ্র শাস্ত্রী—			শ্রীসুজননাথ মিত্র মুস্তৌফী—উল	(প্রবন্ধ)	৬১৮, ৮২৩
স্মরণ	(কবিতা)	৫৭৫	সৈয়দ মাসুদ আলি—হুংপের প্রতি	(কবিতা)	৫১
শ্রীসতীপ্রসন্ন চক্রবর্তী—			শ্রীমতী পর্দুকুমারী দেবী—		
পেড় বাড়ী	(কবিতা)	৬০০	ইরাজের সচিত্র সুরেন্দ্রনাথ	(প্রবন্ধ)	৭০
শ্রীসত্যেন্দ্রনাথ মজুমদার—			দ্বিজেন্দ্রনাথ ঠাকুর	(কবিতা)	৬২৪
স্বামী বিবেকানন্দ ও জাতি গঠন	(প্রবন্ধ)	১৭৩, ৩১৮	শ্রীচরিত্রপদ ঘোষাল বিদ্যাবিনোদ—		
শ্রীসত্যেন্দ্রকুমার বসু—			প্রাচীন বাজালা-সাজিতা বৌদ্ধপ্রভাব (প্রবন্ধ)		৭৩২
আবদুল করিম—রিফের রাণা প্রতাপ (প্রবন্ধ)		১৭৯	শ্রীচরিত্রকুমার বন্দ্যোপাধ্যায়—বাণিত	(কবিতা)	৭২১
কংগ্রেস	(প্রবন্ধ)	৪০৬	শ্রীচৈতন্যকান্ত কাননগোষ্ঠী—		
ক্রীতদাসী	(গল্প)	৩২৮	বাজালার বিপ্লব-কাহিনী	(প্রবন্ধ)	৮৭৩
জেনারেল স্ত্রাটল	(প্রবন্ধ)	৫৬৮	শ্রীহেমচন্দ্র বাগচী—বিরতিগী	(কবিতা)	৬৮৭
দ্বিজেন্দ্রনাথ ঠাকুর	(ক্র)	৬১৬	শ্রীহেমপ্রভা নাহা—উদাসী	(কবিতা)	৩৫২
পারস্যে আবার নাদির শাহ	(প্রবন্ধ)	৪০১	শ্রীচৈতন্যপ্রসাদ ঘোষ—		
প্রশান্ততটে শ্রীলক্ষ্মণচন্দ্র	(ক্র)	৫৫৭	কাম্বীরের মহারাজা	(প্রবন্ধ)	৮৯, ৪৮৩
প্রতারণ	(উপস্থাপন)		মহারাজ জগদীশনাথ রায়	(ক্র)	৬০৪
৫৪, ১৮৫, ৩৮২, ৫৪৬, ৬৮০, ৮৬৫			শ্রীকেন্দ্রনাথ দত্ত—সার্জেন্ট—		
বাণী-মঞ্জরী	(সংগ্রহ)	৭১৬	কলিকাতা মনিভারসিটি কোরেব শিবির	(প্রবন্ধ)	৮৮২



বসুমতী প্রেস]

••• হৃদয়ের তান

“কারে মজাইতে আছি এ নিশীথে
পক্ষ্মেও পাখী, গাইছে গান ।”

[শিল্পী-ত্রিহরেক্ষ সাহা ।

কে কোথা শুয়েছে, বিরহ শয়নে
কার যদি মাঝে ভাগিগিছে তান ।”



৪র্থ বর্ষ]

কার্তিক, ১৩৩২

[১ম সংখ্যা]

মুক্তি ও ভক্তি

১৬

ভাগবতসন্দর্ভে শ্রীজীব গোখামৌ ফ্লাদিনীর পরিচয়-প্রসঙ্গে বলিয়াছেন—

“তথা ফ্লাদরূপোহপি যত্র সংবিভূৎকর্ষরূপয়া তং ফ্লাদং সশ্বেত্তি সশ্বেদয়তি চ সা ফ্লাদিনীতি বিবেচনীয়ম্।”

অর্থাৎ “সেইরূপ ভগবান্ আনন্দস্বরূপ হইয়াও পূর্ক-কথিত সংবিৎ নামক স্বরূপশক্তির উৎকর্ষরূপ যে শক্তির দ্বারা সেই আনন্দকে স্বয়ং অনুভব করেন এবং অপরকে অনুভব করাইয়া থাকেন, সেই শক্তি ফ্লাদিনী বলিয়া কথিত হয়।”

এই উক্তির দ্বারা বুঝা যায় যে, ফ্লাদিনীকে বৈষ্ণবাচার্য্যগণ সংবিৎ শক্তির উৎকর্ষ বলিয়া বিবেচনা করেন। অর্থাৎ ভগবানের যে ত্রিবিধ শক্তির কথা পূর্কে বলা হইয়াছে, যথা সন্ধিনী, সংবিৎ ও ফ্লাদিনী, তাহা-দিগের মধ্যে সন্ধিনীর সারাংশকে যেমন সংবিৎ বলা হয়, সেইরূপ সংবিৎএর সারাংশকেও ফ্লাদিনী বলা যাইতে পারে। বৈষ্ণবাচার্য্যগণের এই প্রকার উক্তির মূলে যে রহস্য নিহিত রহিয়াছে, তাহাই অগ্রে বুঝিতে হইবে। ভগবান্ স্বয়ং পূর্ণ সং. হইয়াও মায়াকল্পিত বস্তুনিচয়কে যে শক্তির দ্বারা সত্তাযুক্ত করিয়া থাকেন, তাহাই সন্ধিনী

শক্তি. ইহা পূর্কে বলা হইয়াছে। সংবিৎ শক্তি এই সন্ধিনী শক্তির সার বা উৎকর্ষ। কারণ, সংবিৎ শক্তির বহিঃ অসাধারণ কার্য্য অর্থাৎ প্রকাশ, তাহার সহিত যদি পারমার্থিক বা ব্যবহারিক সদ্বস্তুর সম্বন্ধ না হয়, অর্থাৎ সদ্বস্তুর যদি তাহারও নিকট প্রকাশিত না হয়, তাহা হইলে ফলতঃ তাহা শূন্য বা অলীক হইয়া পড়ে। সর্বথা অপ্রকাশিত বস্তু কিছুতেই সং বলিয়া গৃহীত হইতে পারে না; সুতরাং যে সন্ধিনী শক্তির প্রভাবে বস্তু সত্তার আশ্রয় হইয়া থাকে, সেই সন্ধিনীই নিঃস্বের কার্য্যকে সিদ্ধ করিবার জন্য যে শক্তির আশ্রয় লইতে বাধ্য হয়, তাহাই সন্ধিনীর সার বা উৎকর্ষ ছাড়া আর কি হইতে পারে ?

একই ভগবান্ শক্তিত্রিতয়ায়ক, সুতরাং তাঁহাতে শক্তিত্রয়ের যে পরস্পর ভেদ, তাহাও তাঁহার স্বকীয় উৎকর্ষের অভিব্যক্তি - তারতম্য ব্যতিরিক্ত আর কিছুই হইতে পারে না। এই ভাবে ভগবানের প্রকাশাত্মক যে সংবিৎ শক্তি আছে, সে শক্তিও যদি নিজ প্রকাশরূপ কার্য্যকে আনন্দময় করিয়া না তুলিতে পারে, তাহা হইলে সে প্রকাশও নিষ্ফল বা অকিঞ্চিৎকর হইয়া উঠে।

হা সৎ, তাহা যেমন প্রকাশিত না হইলে প্রকৃতপক্ষে তাই হইতে পারে না, সেইরূপ বাহ্য প্রকাশ, তাহা যদি আনন্দময় না হয়, তাহা হইলে সে প্রকাশও অকিঞ্চিৎকর হইয়া থাকে। তাই ক্রটি বলিতেছে—

“আনন্দাচ্ছ্যেব ঋষিমানি ভূতানি জায়ন্তে, আনন্দেন জ্ঞাতানি জীবন্তি, আনন্দং প্রযক্তি অভিসংগমশক্তি।”

অর্থাৎ “প্রাণিসমূহ আনন্দ হইতেই আবির্ভূত হইয়া থাকে, আনন্দের দ্বারা জীবিত থাকে এবং এ সংসার ছাড়িয়া আবার সেই প্রকাশময় আনন্দেই মিশিয়া যায়।”

এই আনন্দময় প্রকাশের জন্তই এ সংসার সৃষ্ট হইয়াছে, আনন্দ ইহার আদিতে, আনন্দ ইহার মধ্যে এবং আনন্দই ইহার অন্তে। সুতরাং এই আনন্দানুভব করাইবার জন্তই ভগবানের যে শক্তি সর্বদা ব্যাপৃত রহিয়াছে, তাহাই ফ্লাদিনী এবং তাহাকেই সংবিৎ শক্তির উৎকর্ষ বলিয়া শ্রীশ্রী গোস্বামী নির্দেশ করিয়াছেন। আনন্দময় পরমাত্মা আপনারই অংশস্বরূপ জীবনিচরকে আত্মানন্দ অনুভব করাইয়া স্বয়ং তৃপ্তি লাভ করিয়া থাকেন এবং সেই তৃপ্তিলাভের অহুকূল যে শক্তি তাঁহার স্বরূপভূত এবং অন্তান্ত সকল শক্তি অপেক্ষা বাহ্য উৎকৃষ্ট, সেই শক্তির নাম ফ্লাদিনী। এই ফ্লাদিনী শক্তি তাঁহাতে আছে বলিয়াই ক্রটিতে তিনি রস বলিয়া নির্দিষ্ট হইয়াছেন। রস কাহাকে বলে? আত্মাত্মমান আনন্দকেই শাস্ত্র রস বলিয়া নির্দেশ করে। মানব যখন এ আনন্দের আন্বাদন করে, তখন তাহার অন্তঃকরণে যে সকল ‘অহুকূল বৃত্তি বা ভাব সমুদিত হইয়া থাকে, সেই সকল ভাব বা মনোবৃত্তিনিচয়ও ফ্লাদিনীর কার্য, ইহা বৃত্তিতে হইবে। তাই ব্রহ্মসংহিতার উক্ত হইয়াছে—

“আনন্দচিন্ময়রস প্রতিভাবিতাতি-
স্তাভির্ষ এষ নিজরূপতয়া কলাতিঃ।
গোলোক এব নিবসত্যখিলাস্বভূতঃ,
গোবিন্দমাদিপুরুষঃ তমহং ভজামি ॥”

অর্থাৎ “সেই আদিপুরুষ গোবিন্দকে আমি ভজনা করি, অধিলের অর্থাৎ জীবের আত্মভূত হইয়াও যিনি

অর্থাৎ আনন্দময় ও চিন্ময় যে রস, তাহার দ্বারা পরি-
ভাবিত এবং আপনারই রূপে উদ্ভাসিত যে কলাসমূহ,
তাহার দ্বারা যিনি সর্বদা পরিবেষ্টিত, সেই আনন্দময়
রসরূপ দেবতাই গোবিন্দ, তিনিই আদিপুরুষ, তাঁহাকেই
আমি ভজনা করি।”

ব্রহ্মসংহিতার এই শ্লোকটির তাৎপর্যার্থ অতি
গভীর; নিরাকার, চিন্ময় ও আনন্দময় পুরুষকে রসরূপে
আন্বাদন করিতে হইলে তাঁহাকে আকারবান্ ও রূপ-
বান্ করিয়া লইতে হয়, নহিলে তাঁহাতে রসরূপতাই যে
আসিতে পারে না, তাহাই এই শ্লোকটিতে অতি সুন্দর-
ভাবে বর্ণিত হইয়াছে। আনন্দ নিজ কলাসমূহের দ্বারা
বেষ্টিত, আবার সেই সব কলা বা অংশ সেই চিন্ময় রসময়
আনন্দের দ্বারা পরিভাবিত বা সমুজ্জীবিত হইয়াছে, এক-
রূপ আনন্দ বহুরূপযুক্ত হইয়া গোলোকে অর্থাৎ প্রকাশ-
ময় লোকে বিরাজমান, অথচ তিনি সকল জীবের আত্ম-
ভূত হইয়াই সর্বদা বিরাজমান রহিয়াছেন। এই যে
ভগবত্ত্ব, ইহাই হইল রস, এই রসের পরিচয় দিতে
যাইয়া উপনিষদ্ বলিতেছে—

“রসো বৈ সঃ, রসং হ্যেবাগ্নং লব্ধ্বা আনন্দীভবতি।

কোহ্যেবাভ্যাং কঃ প্রাণ্যাং যন্তেষ আকাশ
আনন্দো ন স্তাৎ।”

অর্থাৎ তিনিই রস, এই সংসারের তাপদগ্ধ জীব
তাঁহাকে যখনই পায়, তখনই সে আনন্দময় হয়।
আকাশের দ্বারা ভূমি এই আনন্দই রস, যদি এই রস
না থাকিত, তাহা হইলে এ সংসারে কে স্পন্দিত হইত?
কেই বা জীবিত থাকিতে পারিত?

এই আনন্দময় রস যখন প্রেম-স্বর্ষোর মবোধিত
কিরণে বিকশিত ভক্তের হৃদয়কমলে আবির্ভূত হয়, তখন
অদর্শনের আবেগ, দর্শনের জড়তা, বিরহের উৎকর্ষা,
মিলনের তৃপ্তি, ভয়ের ব্যাকুলতা, চিন্তার অবসাদ, আশার
প্রকুলতা প্রভৃতি রসময় ভাবগুলি আরতি-প্রদীপের
মত শত শত ভাবে দীপ জালাইয়া তাঁহার আরতি
করিতে থাকে। এই আত্মানন্দময় রসের আন্বাদনের
সময় তুমি আমি এ ভেদবুদ্ধি থাকে না। অথচ অলৌকিক
আন্বাদন থাকে। এই অবস্থার বর্ণন প্রসঙ্গে ভগবান
চৈতন্যদেবের গিরিপার্বত রামানন্দ রায় বলিয়াছেন—

‘অহং কান্তা কান্তব্রিতি ন তদানীং মতিরভূৎ।
মনোবুদ্ধিনুপ্তা স্বমহিমিত্তি নৌ ধীরপি তথা।
ভবান্ ভক্তা ভাৰ্য্যাহমিত্তি যদিদানীং ব্যবসিত্তি
তুখাপি প্রাণানাং স্থিতিরিত্তিবিচিত্রং কিমপরম্ ॥’

ইহার তাৎপর্য্যার্থ এইরূপ “এমন এক সময় আসিয়াছিল, যখন আমি কান্তা, তুমি আমার কান্ত, এই প্রকার নিশ্চর অন্তর্হিত হইয়াছিল, অন্তঃকরণ বৃত্তিরহিত হইয়াছিল, তুমি বা আমি এ প্রকার জ্ঞানও লুপ্ত হইয়াছিল, আর এখন তুমি স্বামী, আমি ভাৰ্য্যা, এইরূপ নিশ্চর দৃঢ় হইয়াছে, এমন হওয়ার পরও যে এ দেহে প্রাণু রহিয়াছে, ইহা অপেক্ষা বিনয়জনক ব্যাপার আর কি হইতে পারে?”

এই বে রসরূপ পুরুষের অপূৰ্ণ আশ্বাদন, ইহাই হইল ভক্তির চরম অবস্থা বা ফ্লাদিনীর পূর্ণ বিকাশ। বৈষ্ণব কবি কবিরাজ গোস্বামী ইহারই পরিচয়প্রসঙ্গে বলিয়াছেন—

“ফ্লাদিনীর সার প্রেম, প্রেম সার ভাব।

ভাবের পরম কাটা হয় মহাভাব ॥

মহাভাবরূপা হন রাধা ঠাকুরাণী।

সৰ্বগুণমণি কৃষ্ণ কান্তা-শিরোমণি ॥”

প্রেম অর্থাৎ প্রিয়তমের প্রতি হৃদয়ের দ্রবীভাবময় অমুকুলতা, ইহাই হইল ফ্লাদিনীর সার। সৌন্দর্য্যের অমুতব একবার করিতে পারিলে তাহার প্রতি অন্তঃকরণের যে ঐকান্তিক অমুকুলতা, তাহাই প্রেম বলিয়া ভক্তিশাস্ত্রে নির্দিষ্ট হয়। ইহা ফ্লাদিনীরই বৃত্তি বা পরিণতি। মানবের মনে এ প্রেম আবির্ভূত হয়, কিন্তু উৎপন্ন হয় না; কারণ, বৈষ্ণবাচার্য্যগণ বলিয়া থাকেন যে, প্রেম নিত্যক্ষুরণ; জীব-হৃদয়ে স্তম্ভর বস্তুকে উপভোগ করিবার যে অভিলাষ, তাহা এই প্রেমের অভিব্যক্তির পূর্কাতাস ব্যতীত আর কিছুই নহে। বেদান্তদর্শনের জ্ঞান নিত্য হইলেও তাহার অভিব্যক্তক মনোবৃত্তি উৎপন্ন হয় বলিয়া জ্ঞানকেও উৎপন্ন বলিয়া ধরিয়া লওয়া যায়; সেইরূপ ভক্তিশাস্ত্রে ফ্লাদিনীর বৃত্তিরূপ প্রেম নিত্য হইলেও তাহার অভিব্যক্তক জীবের অভিলাষ বা কাম সময়ে সময়ে উৎপন্ন হয় বলিয়া সেই প্রেমকেও উৎপন্ন বলিয়া ধরিয়া লওয়া হয়। প্রেম জীব-হৃদয়ে

অভিব্যক্ত হইবার পূর্কে কাম বা অভিলাষের যুক্তিতেই প্রথমে প্রকাশ পায় বলিয়া প্রাকৃত জনগণ প্রেম ও কামকে একই বলিয়া ধরিয়া লয়—কিন্তু বাস্তবিক ইহাদিগের মধ্যে অত্যন্ত বৈলক্ষ্য দেখিতে পাওয়া যায়। ভাগবত-সন্দর্ভরচিত্তা বৈষ্ণবপরমাচার্য্য শ্রীজীব গোস্বামী প্রেম ও কামের স্বরূপ ও পরস্পর বৈলক্ষ্য অতি সুন্দরভাবে বিবৃত করিয়াছেন।

“অথ কান্তোহমিত্তি শ্রীতিঃ কান্ত্যভাবঃ। এষ এষ প্রিয়তাশব্দেন ঋসামৃতসিক্তৌ পরিভাষিতঃ।………লৌকিকরসিকৈরত্রৈব রুতিসংজ্ঞা স্বীক্রিয়তে। এষ এষ কামতুল্যত্বাৎ শ্রীগোপিকাসু কামাদিশব্দেনাপ্যভিহিতঃ। স্বরাধ্যকামবিশেষত্বতঃ, বৈলক্ষ্যত্বাৎ। কামসামান্তঃ খলু স্পৃহাসামান্তাত্মকম্। শ্রীতিসামান্তত্ব বিবরণমুকুল্যাত্মক-স্তদমুগত বিবরণ স্পৃহাদিময়ো জ্ঞানবিশেষ ইতি লক্ষিতম্। ততো যয়োঃ সমানপ্রায়চেষ্টেৎপি কামসামান্তত্ব চেষ্টা স্বীমানুকুল্যাতাৎপর্য্যা। তত্র কৃত্তচিৎস্বরানুকুল্যত্ব স্বমুখ-কাৰ্য্যভূতমেবেতি তত্র গোপবৃত্তিরেব শ্রীতিশব্দঃ। শুদ্ধশ্রীতিমাত্রস্ত চেষ্টা তু শ্রিমানুকুল্যাতাৎপর্য্যেব। তত্র তদমুগতমেব চাস্বমুখমিত্তি মুখ্যবৃত্তিরেব শ্রীতি-শব্দঃ।”—শ্রীতসন্দর্ভ।

তাৎপর্য্য—“ইহা কান্ত, এই কারণে ইহার প্রতি যাহা শ্রীতি, তাহাই কান্ত্যভাব। ভক্তিরসামৃতসিক্ত নামক গ্রন্থে এই শ্রীতি প্রিয়তা শব্দের দ্বারা পরিভাষিত হইয়াছে।………লৌকিক রসিকগণও ইহাকেই রুতি বলিয়া অস্বীকার করিয়া থাকেন। কামের সহিত ইহার সাদৃশ্য আছে বলিয়া শ্রীগোপিকাঃ গণের এই শ্রীতিই কাম প্রভৃতি শব্দের দ্বারা অভিহিত হইয়া থাকে। স্বরনামে প্রসিদ্ধ যে কাম, তাহা কিন্তু এই শ্রীতি হইতে ভিন্ন, কারণ, তাহা ইহা হইতে অত্যন্ত বিলক্ষণ। কামের সামান্তত্ব স্বরূপ হইতেছে এই যে, উহা স্পৃহাত্মক। শ্রীতির সামান্তত্ব স্বরূপ এই যে, উহা বিষয়ের প্রতি অমুকুলতাব; শুধু তাহাই নহে, সেই বিষয়ের সহিত বাহার বাহার সম্বন্ধ আছে, সেই সকল বস্তুর প্রতি স্পৃহাও এই আমুকুল্যের মধ্যে প্রবিষ্ট, ইহা যে কেবল বিষয়ের প্রতি আমুকুল্য, তাহাই নহে, পরন্তু ইহা যে স্মৃতি বা প্রকাশময়, তাহাও পূর্কেই বলা হইয়াছে।

যাহা সৎ, তাহা যেমন প্রকাশিত না হইলে প্রকৃতগত্রে সৎই হইতে পারে না, সেইরূপ যাহা প্রকাশ, তাহা যদি আনন্দময় না হয়, তাহা হইলে সে প্রকাশও অকিঞ্চিৎকর হইয়া থাকে। তাই শ্রীতি বলিতেছে—

“আনন্দাচ্ছোব ঋষির্মানি ভূতানি জায়ন্তে, আনন্দেন ধাতানি জীবন্তি, আনন্দং প্রযন্তি অভিসংবিশন্তি।”

অর্থাৎ “প্রাণিসমূহ আনন্দ হইতেই আবির্ভূত হইয়া থাকে, আনন্দের দ্বারা জীবিত থাকে এবং এ সংসার ছাড়িয়া আবার সেই প্রকাশময় আনন্দেই মিশিয়া যায়।”

এই আনন্দময় প্রকাশের জন্তই এ সংসার সৃষ্ট হইয়াছে, আনন্দ ইহার আদিতে, আনন্দ ইহার মধ্যে এবং আনন্দই ইহার অন্তে। সুতরাং এই আনন্দানুভব করাইবার জন্তই ভগবানের যে শক্তি সর্বদা ব্যাপ্ত রহিয়াছে, তাহাই হ্লাদিনী এবং তাহাকেই সংবিৎ শক্তির উৎকর্ষ বলিয়া শ্রীজীব গোস্বামী নির্দেশ করিয়াছেন। আনন্দময় পরমাত্মা আপনারই অংশরূপ জীবনিচয়কে আত্মানন্দ অনুভব করাইয়া স্বয়ং তৃপ্তি লাভ করিয়া থাকেন এবং সেই তৃপ্তিলাভের অমুকুল যে শক্তি তাঁহার স্বরূপভূত এবং অন্তান্ত সকল শক্তি অপেক্ষা যাহা উৎকৃষ্ট, সেই শক্তির নাম হ্লাদিনী। এই হ্লাদিনী শক্তি তাঁহাতে আছে বলিয়াই শ্রীতিতে তিনি রস বলিয়া নির্দিষ্ট হইয়াছেন। রস কাহাকে বলে? আত্মাত্মমান আনন্দকেই শাস্ত্র রস বলিয়া নির্দেশ করে। মানব যখন এ আনন্দের আত্মাদান করে, তখন তাহার অন্তঃকরণে ‘যে সকল অমুকুল বৃত্তি বা ভাব সমুদিত হইয়া থাকে, সেই সকল ভাব বা মনোবৃত্তিনিচয়ও হ্লাদিনীর কার্য, ইহা বৃদ্ধিতে হইবে। তাই ব্রহ্মসংহিতার উক্ত হইয়াছে—

“আনন্দচিন্ময়রস প্রতিভাবিতাতি-
স্তাভির্ষ এষ নিজরূপতয়া কলাভিঃ।
গোলোক এব নিবসত্যধিলাত্মভূতঃ,
গোবিন্দমাদিপুরুষং তমহং ভজামি ॥”

অর্থাৎ “সেই আদিপুরুষ গোবিন্দকে আমি ভজনা করি, অধিলের অর্থাৎ জীবের আত্মভূত হইয়াও যিনি সর্বদা গোলোকেই বাস করিয়া থাকেন এবং আত্মস্বরূপ

অর্থাৎ আনন্দময় ও চিন্ময় যে রস, তাহার দ্বারা পরি-
ভাবিত এবং আপনারই রূপে উদ্ভাসিত যে কলাসমূহ,
তাহার দ্বারা যিনি সর্বদা পরিবেষ্টিত, সেই আনন্দময়
রসরূপ দেবতাই গোবিন্দ, তিনিই আদিপুরুষ, তাঁহাকেই
আমি ভজনা করি।”

ব্রহ্মসংহিতার এই শ্লোকটির তাৎপর্যার্থ অতি
গভীর; নিরাকার, চিন্ময় ও আনন্দময় পুরুষকে রসরূপে
আত্মাদান করিতে হইলে তাঁহাকে আকারবান্ ও রূপ-
বান্ করিয়া লইতে হয়, নহিলে তাঁহাতে রসরূপতাই যে
আসিতে পারে না, তাহাই এই শ্লোকটিতে অতি সূক্ষ্ম-
ভাবে বর্ণিত হইয়াছে। আনন্দ নিজ কলাসমূহের দ্বারা
বেষ্টিত, আবার সেই সব কলা বা অংশ সেই চিন্ময় রসময়
আনন্দের দ্বারা পরিত্যক্ত বা সমুজ্জীবিত হইয়াছে, এক-
রূপ আনন্দ বহুরূপযুক্ত হইয়া গোলোকে অর্থাৎ প্রকাশ-
ময় লোকে বিরাজমান, অথচ তিনি সকল জীবের আত্ম-
ভূত হইয়াই সর্বদা বিরাজমান রহিয়াছেন। এই যে
ভগবন্তত্ব, ইহাই, ইহিল রস, এই রসের পরিচয় দিতে
যাইয়া উপনিষদ্ বলিতেছে—

“রসো বৈ সঃ, রসং হ্যেবাগ্নং লক্ণ। আনন্দীভবতি।

কোহ্যেবাগ্নাৎ কঃ প্রাণ্যাৎ বচোষ আকাশ
আনন্দো ন স্তাৎ।”

অর্থাৎ তিনিই রস, এই সংসারের তাপদগ্ধ জীব
তাঁহাকে যখনই পায়, তখনই সে আনন্দময় হয়।
আকাশের স্তার ডুমা এই আনন্দই রস, যদি এই রস
না থাকিত, তাহা হইলে এ সংসারে কে স্পন্দিত হইত?
কেই বা জীবিত থাকিতে পারিত?

এই আনন্দময় রস যখন প্রেম-সূর্যের নবোদিত
কিরণে বিকশিত ভক্তের হৃদয়কমলে আবির্ভূত হয়, তখন
অদর্শনের আবেগ, দর্শনের জড়তা, বিরহের উৎকর্ষা,
মিলনের তৃপ্তি, ভয়ের ব্যাকুলতা, চিন্তার অবসাদ, আশার
প্রকল্পতা প্রভৃতি রসময় ভাবগুলি আরতি-প্রদীপের
মত শত শত ভাবে দীপ জালাইয়া তাঁহার আরতি
করিতে থাকে। এই আত্মানন্দময় রসের আত্মাদানের
সময় তুমি আমি এ ভেদবুদ্ধি থাকে না। অথচ অলৌকিক
আত্মাদান থাকে। এট অবস্থার বর্ণন প্রসঙ্গে ভগবান্
চৈতন্যচরিতামৃতের প্রিয়পার্শ্ব রামানন্দ রায় বলিয়াছেন—

“অহং কাত্তা কাত্তমিতি ন তদানীং মতিরভূৎ।

মনোবৃত্তিনুপ্তা অমহমিতি নৌ ধীরপি তথা।

ভবান্ ভক্তা ভাৰ্য্যাহমিতি যদিদানীং ব্যবসিতি

তুথাপি প্রাণানাং স্থিতিরিত্তিবিচিৎসং কিমপরম্ ॥”

ইহার তাৎপর্য্যার্থ এইরূপ “এমন এক সময় আসিয়া-

ছিল, যখন আমি কাত্তা, তুমি আমার কাত্ত, এই প্রকার

নিশ্চর অন্তর্হিত হইয়াছিল, অন্তঃকরণ বৃত্তিরহিত হইয়া-

ছিল, তুমি বা আমি এ প্রকার জ্ঞানও লুপ্ত হইয়াছিল,

আর এখন তুমি স্বামী, আমি ভাৰ্য্যা, এইরূপ নিশ্চর দৃঢ়

হইয়াছে, এমন হওয়ার পরও যে এ দেহে প্রাণ রহিয়াছে,

ইহা অপেক্ষা বিশ্বজনক ব্যাপার আর কি হইতে

পারে ?”

এই যে রসরূপ পুরুষের অপূৰ্ণ আশ্বাদন, ইহাই

হইল ভক্তির চরম অবস্থা বা ফ্লাদিনীর পূৰ্ণ বিকাশ।

বৈষ্ণব কবি কবিরাজ গোস্বামী ইহারই পরিচয়প্রসঙ্গে

বলিয়াছেন—

“ফ্লাদিনীর সার প্রেম, প্রেম সার ভাব।

ভাবের পরম কাটা হয় মহাভাব ॥

মহাভাবরূপা হন রাধা ঠাকুরাণী।

সৰ্ব গুণমণি কৃষ্ণ কান্তা-শিরোমণি ॥”

প্রেম অর্থাৎ প্রিয়তমের প্রতি হৃদয়ের দ্রবীভাবময়

অমুকুলতা, ইহাই হইল ফ্লাদিনীর সার। সৌন্দর্য্যের

অমৃতত্ব একবার করিতে পারিলে তাহার প্রতি অন্তঃ-

করণের যে ঐকান্তিক অমুকুলতা, তাহাই প্রেম বলিয়া

ভক্তিশাস্ত্রে নির্দিষ্ট হয়। ইহা ফ্লাদিনীরই বৃত্তি বা

পরিণতি। মানবের মনে এ প্রেম আবির্ভূত হয়, কিন্তু

উৎপন্ন হয় না; কারণ, বৈষ্ণবাচার্য্যগণ বলিয়া থাকেন যে,

প্রেম নিত্য সুরণ; জীব-হৃদয়ে স্তম্ভর বস্তুকে উপভোগ

করিবার যে অভিলাষ, তাহা এই প্রেমের অভিব্যক্তির

পূৰ্ব্বাভাস ব্যতীত আর কিছুই নহে। বেদান্তদর্শনের

জ্ঞান নিত্য হইলেও তাহার অভিব্যক্তক মনোবৃত্তি

উৎপন্ন হয় বলিয়া জ্ঞানকেও উৎপন্ন বলিয়া ধরিয়া লওয়া

যায়; সেইরূপ ভক্তিশাস্ত্রে ফ্লাদিনীর বৃত্তিস্বরূপ প্রেম

নিত্য হইলেও তাহার অভিব্যক্তক জীবের অভিলাষ বা

কাম সময়ে সময়ে উৎপন্ন হয় বলিয়া সেই প্রেমকেও

উৎপন্ন বলিয়া ধরিয়া লওয়া হয়। প্রেম জীব-হৃদয়ে

অভিব্যক্ত হইবার পূৰ্বে কাম বা অভিলাষের মূর্তিতেই

প্রথমে প্রকাশ পায় বলিয়া প্রাকৃত জনগণ প্রেম ও

কামকে একই বলিয়া ধরিয়া লয়—কিন্তু বাস্তবিক

ইহাদিগের মধ্যে অত্যন্ত বৈলক্ষ্য্য দেখিতে পাওয়া যায়।

ভাগবত-সন্দর্ভরচয়িতা বৈষ্ণবপরমাচার্য্য শ্রীজীব গোস্বামী

প্রেম ও কামের স্বরূপ ও পরস্পর বৈলক্ষ্য্য অতি স্তম্ভর-

ভাবে বিবৃত করিয়াছেন।

“অথ কান্তোঃমিতি শ্রীতিঃ কাৰ্ত্তভাবঃ।” এষ এক

প্রিয়তাশব্দেন ঋসামৃতসিক্তো পরিভাষিতঃ।.....

লৌকিকরসিকৈরৈব রুতিসংজ্ঞা স্বীকৃত্যে। এষ এষ

কামতুল্যত্বাৎ শ্রীগোপিকাসু কামাদিশব্দেনাপ্যভিহিতঃ।

স্বরাধাকামবিশেষত্বতঃ, বৈলক্ষ্য্যাৎ। কামসামান্তঃ শুধু

স্পৃহাসামান্তাশ্রয়কম্। শ্রীতিসামান্তক্ বিষয়ামুকুল্যাশ্রয়ক-

স্তদনুগত বিষয় স্পৃহাদিময়ো জ্ঞানবিশেষ ইতি লক্ষিতম্।

ততো যয়োঃ সমানপ্রায়চেষ্টেৎপি কামসামান্তস্ত চেষ্টা

স্বীয়ামুকুল্যাতাৎপর্য্যা। তত্র কুত্রচিৎস্বীয়ামুকুল্যক স্বশুধ-

কাৰ্য্যভূতমেবেতি তত্র গোণবৃত্তিরেব শ্রীতিশব্দঃ।

শুদ্ধশ্রীতিমাত্রস্ত চেষ্টা তু শ্রিয়ামুকুল্যাতাৎপর্য্যেব।

তত্র তদনুগতমেব চাস্বশুধমিতি মুখ্যবৃত্তিরেব শ্রীতি-

শব্দঃ।”—শ্রীতিসন্দর্ভ।

তাৎপর্য্য—“ইহা কান্ত, এই কারণে ইহার প্রতি

যাহা শ্রীতি, তাহাই কান্তভাব। ভক্তিরসামৃতসিক্ত

নামক গ্রন্থে এই শ্রীতি প্রিয়তা শব্দের দ্বারা পরি-

ভাষিত হইয়াছে।.....লৌকিক রসিকগণও

ইহাকেই রুতি বলিয়া অস্বীকার করিয়া থাকেন।

কামের সহিত ইহার সাদৃশ্য আছে বলিয়া শ্রীগোপিকা-

গণের এই শ্রীতিই কাম প্রভৃতি শব্দের দ্বারা অভিহিত

হইয়া থাকে। স্বরনামে প্রসিদ্ধ যে কাম, তাহা কিন্তু

এই শ্রীতি হইতে ভিন্ন, কারণ, তাহা ইহা হইতে অত্যন্ত

বিলক্ষণ। কামের সামান্ততঃ স্বরূপ হইতেছে এই যে,

উহা স্পৃহাস্বক। শ্রীতির সামান্ততঃ স্বরূপ এই যে, উহা

বিষয়ের প্রতি অমুকুলতাব; শুধু তাহাই নহে, সেই

বিষয়ের সহিত বাহার বাহার সম্বন্ধ আছে, সেই সকল

বস্তুর প্রতি স্পৃহাও এই আমুকুল্যের মধ্যে প্রবিষ্ট, ইহা

যে কেবল বিষয়ের প্রতি আমুকুল্য, তাহাই নহে, পরন্তু

ইহা যে স্মৃতি বা প্রকাশময়, তাহাও পূৰ্বেই বলা হইয়াছে।

তাহাই যদি হইল; তবে কামের ও প্রীতির চেটা প্রায় সমান হইলেও আত্মার অর্থাৎ নিজের সুখ হউক, এই উদ্দেশ্যে যে চেটা হইয়া থাকে, তাহাই কামের চেটা। কোন স্থলে কামের চেটা যদিও বিশ্বের প্রতি আত্মকুল্যের কারণ হয়, তথাপি উহা তাহার মূখ্য উদ্দেশ্য নহে, আত্মার সুখ বা তৃপ্তিই তাহার মূখ্য উদ্দেশ্য, সেই উদ্দেশ্যসিদ্ধির সঙ্গে সঙ্গে তাহা হইয়া যায় এই মাত্র, সুতরাং কামের যে বিষয়, তাহার সুখ বা আত্মকুল্য, কাম চেটার মূখ্য উদ্দেশ্য হয় না, কিন্তু তাহা তাহার গৌণ উদ্দেশ্য হইতে পারে। এই কারণে সেই কামকে বুঝাইবার জন্য যদি প্রীতি শব্দের প্রয়োগ হয়, তখন বুঝিতে হইবে যে, ঐ স্থলে প্রীতি মূখ্য অর্থে প্রযুক্ত হয় নাই, কিন্তু গৌণ অর্থে বুঝাইবার জন্যই প্রযুক্ত হইয়াছে। বাহা কিন্তু বিস্তৃত প্রীতি বা প্রেম, তাহার যে চেটা, তাহার উদ্দেশ্য একমাত্র প্রিয়তমেরই আত্মকুল্য বা সুখ, সেই সুখ হইলেই স্বতঃসিদ্ধ নিয়মবশে তাহার নিজ সুখ উদ্ভিত হয় এই মাত্র। তাই বলিয়া নিজ সুখ কখনও তাহার উদ্দেশ্য বা লক্ষ্য হয় না, এই কারণে এইরূপ স্থলেই প্রীতি শব্দটি মূখ্য অর্থে প্রযুক্ত হইয়া থাকে।”

• প্রীতিসন্দর্ভে কাম ও প্রীতির বেরূপ লক্ষণ প্রদর্শিত হইয়াছে, তাহার দিকে লক্ষ্য রাখিয়াই চরিতামৃতকার কবিরাজ গোস্বামী অতিবিশদভাবে এই কাম ও প্রীতির বৈলক্ষণ্য ফুটাইয়া তুলিয়াছেন—

“কৃষ্ণেন্দ্রিয়প্রীতি বাহ্য ধরে প্রেম নাম।

আত্মেন্দ্রিয়প্রীতি বাহ্য তারে বলি কাম ॥”

• “প্রীতির বিষয়ানন্দে তদাশ্রয়ানন্দ।

.....”

এই প্রেম বা প্রীতিই হ্লাদিনীর সার বৃত্তি। নিত্য সুন্দর—লাবণ্যের সার—মাধুর্যের পার—চন্দানন্দময় ভগবদ্বিগ্রহকে তত্ত্বদ্বয়ে প্রকাশিত করা যেমন হ্লাদিনীর কার্য, সেইরূপ সেই বিগ্রহের প্রতি তত্ত্বদ্বয়ে প্রীতি বা প্রেমের আবির্ভাব করানও হ্লাদিনীর কার্য, কারণ, তাহা না হইলে হ্লাদিনীর প্রকৃত উদ্দেশ্য সিদ্ধ হয় না; ভগবান্ নিরবধি আনন্দরূপ হইলেও সেই আনন্দ অমুভব করাইয়া জীবের জীবন সার্থক

করিবার জন্য সর্বদা যে শক্তির পরিচালনা করিতেছেন, সেই বরূপশক্তিরই নাম হ্লাদিনী, ইহা পূর্বেই বলিয়াছি, সুতরাং ভগবদানন্দ জীবকে অমুভূত করাইবার জন্য, হ্লাদিনী জীব-হৃদয়ে যে অমুকুল অবস্থা উৎপাদন করিবে, তাহাতে সন্দেহ করিবার কোন কারণ নাই। কাম বা স্বার্থপরতা যে পর্যন্ত হৃদয়ে অবস্থান করে, সে পর্যন্ত চিত্ত মলিনই থাকে, মলিনচিত্তে ভগবদানন্দ অমুভূত হইতে পারে না, তুই হ্লাদিনী জীব-হৃদয়ে কামকে প্রেমরূপে পরিণত করিয়া ভগবদানন্দ অমুভব করাইবার জন্য সর্বদা সমুচ্চত রহিয়াছে, সেই প্রেম হ্লাদিনীর সার অংশ, সুতরাং তাহা নিত্য, এই কারণে সেই প্রেম উৎপন্ন হইতে পারে না, কিন্তু জীবহৃদয়ে অমুকুল মনোবৃত্তিনিচয়ের সাহায্যে তাহা অভিব্যক্ত বা আবির্ভূত হইয়া থাকে। চরিতামৃতকার কবিরাজ গোস্বামীও এই কথাই বুঝাইতে বাইয়া বলিয়াছেন— “হ্লাদিনীর সার প্রেম।” ইহার পরই তিনি বলিয়াছেন—“প্রেম সার ভাব।” এক্ষণে ভাব কাহাকে বলে এবং কেনই বা তাহা প্রেমের সার বলিয়া ভক্তিশাস্ত্রে নির্দিষ্ট হইয়া থাকে, তাহারই আলোচনা করা যাইতেছে।

অভিলাষময় উল্লাসময় সৌন্দর্যের অমুভূতির সহিত যদি সুন্দরের প্রতি আত্মকুল্য বা চিত্তপ্রবণতা আসিয়া মিশিয়া যায়, তাহা হইলে তাহাকেই প্রীতি বা প্রেম বা ভালবাসা বলা যায়, ইহা পূর্বেই দেখান হইয়াছে। এই আত্মকুল্যময় প্রীতি বা প্রেম কোন একটি ভাব বা প্রধান মনোবৃত্তির সহিত মিলিত না হইলে জীবের ভগবৎসেবা ঘটিয়া উঠে না বা সেই সেবা সফল হইতে পারে না, ইহা যে কেবল শাস্ত্রেই কথিত হইয়াছে, তাহা নহে, লৌকিক ব্যবহারক্ষেত্রেও এই নিয়মের ব্যতিচার দেখিতে পাওয়া যায় না। প্রীতি মানবকে প্রীতিপাত্রের সেবার অধিকার প্রদান করে, ইহা সকলেই বুঝিয়া থাকে; প্রীতিহীন সেবা সেবাব্যপদেশ মাত্র, সে সেবা দ্বারা সেব্যও সুখী হয় না এবং সেবকও তৃপ্তি লাভ করিতে পারে না; কিন্তু এই প্রীতি কোন একটি প্রধান ভাবের সহিত মিলিত না হইলে প্রিয়তমের সেবার সাধনও হইতে পারে না। পিতা বা মাতার পুত্রের,

প্রতি যে প্রীতি, তাহা তাঁহাদের বাৎসল্যরূপ ভাবের সহিত মিলিত না হইলে পুস্তকের সেবা কার্যের অমুকুল হয় না; প্রভুর প্রতি ভৃত্যের অমুরাগও যদি ভৃত্যের আত্মগত দাস্ত্রভাবের সহিত মিলিত না হয়, তাহা হইলে প্রভুর মনোমিত সেবা ভৃত্যের দ্বারা হইয়া উঠে না; সখার সখার প্রতি যে প্রীতি, তাহা যদি সখ্যভাবের সহিত মিলিত না হয়, তবে তাহা দ্বারা সখার কর্তব্য সেবার পদে পদে ক্ষতি হইয়া থাকে; এইরূপ রমণীর প্রিয়তম কাম্বের প্রতি যে প্রীতি, তাহাও যদি স্নানভাবোচিত কাম্ব বা মধুর ভাবে অমুপ্রাণিত না হয়, তাহা হইলে তাহার পতির প্রতি প্রীতি থাকিলেও তাহা দ্বারা প্রিয়তমের অমুকুল সেবা পূর্ণভাবে হইতে পারে না, ইহা লোকচন্দ্রাভিজ্ঞ ব্যক্তিমাত্রেবই সুবিদিত আছে। এইরূপই প্রীতিরূপা যে ভক্তি, তাহা যদি দাস্ত্র, সখ্য, বাৎসল্য বা কাম্বভাবের দ্বারা অমুপ্রাণিত না হয়, তবে তাহা দ্বারা ভক্তের ভগবৎসেবা পরিপূর্ণভাবে লাভ করিতে সমর্থ হয় না। ভগবৎপ্রীতিরূপা ভক্তি শাস্ত্র, দাস্ত্র, সখ্য, বাৎসল্য ও মধুর এই পঞ্চভাগে বিভক্ত হইলেও, শাস্ত্রভক্তগণের ভগবৎপ্রীতি উক্ত অবশিষ্ট চারি-প্রকার ভাবের অর্থাৎ দাস্ত্র, সখ্য, বাৎসল্য ও মধুর ভাবের কোন একটির দ্বারা অমুপ্রাণিত হয় না বলিয়া শাস্ত্রভক্তগণ ভক্তির সারসর্বস্ব ভগবৎসেবানন্দে অধিকারী হইতে পারেন না। তাঁহারা ভগবানের বিধেয়াদন নিরুপম সৌন্দর্যের অমুভব করিতে সমর্থ, এই কারণে তাঁহাদের অন্তঃকরণ সামান্ততঃ ভগবৎপ্রীতিরূপ ভক্তিরসে সর্বদা আশ্রিত থাকিলেও সেবানন্দের

অমুকুল ভাবচতুষ্টয়ের কোন একটি ভাব না থাকায়, তাঁহারা ভক্তির সারসর্বস্ব সেবানন্দের অনধিকারী। সুতরাং উক্ত শ্রেণীর ভক্তিরসের আবাদন তাঁহাদের দ্বারা উঠে না, কিন্তু করুণাময় ভগবানের ঐ সর্বশক্তিময়ী হ্লাদিনী শক্তির প্রভাবে কদাচিৎ ঈদৃশ ভগবৎসৌন্দর্য-রস-সমুদ্রে নিমগ্ন হির, ধীর, শান্ত ভক্তগণও প্রীতিভক্তির পূর্ণভাকারী এই ভাব-চতুষ্টয়ের কোন না কোন একটি ভাবের আবের্ষে পতিত হইয়া ভগবৎসেবানন্দে অধিকার লাভ পূর্বক ধন্য হইয়া থাকেন। তাই ভাগবত দেখিতে পাওয়া যায়

“তস্ম্যাববিন্দনয়নস্ত পদাববিন্দ-
কিঞ্জলুমিশ্র-তুলসী-মকরন্দ-বায়ুঃ ।
অন্তর্গতঃ স্ববিবরণে চকার তেবাঃ
সংকোভমকুবজ্জ্বামপি চিত্ততদ্বোঃ ॥”

তাৎপর্য—অববিন্দনেত্র সেই ভগবানের পাদপদ্ম ভক্তগণ ভক্তিভরে যে মঞ্জরী-মিশ্রিত তুলসী অর্পণ করিয়া থাকেন, চরণপদ্মের সৌরভে সুবাসিত সেই তুলসী হইতে চ্যুত মকরন্দসম্পর্কে সুবাসিত বায়ু সেই সকল শাস্ত্র ভক্তগণের ইন্দ্রিয়বিবর দ্বারা অন্তঃকরণরূপে প্রবিষ্ট হইয়া তাঁহাদের চিত্ত ও দেহের বিকোভ সম্পাদন করিয়াছিল, অর্থাৎ শাস্ত্র ভক্তিরূপ নির্বিশেষ সমাধিরূপ আনন্দ হইতে বিচ্যুত হইয়া সেই সকল শাস্ত্র ভক্তগণ দাস্ত্র প্রভৃতি ভাবরাজ্যে প্রবেশাধিকার লাভ করিতে পাইয়াছিলেন, তাই তাঁহাদের হৃদয় দাস্ত্রভাবে ক্ষত হইয়াছিল ও শরীর রোমাঞ্চিত হইয়াছিল। [ক্রমশঃ।

শ্রীপ্রমথনাথ তর্কভট্ট।

হৃৎখের প্রতি

হে হৃৎখ! হে প্রিয়তম, চিরসাথী মোর;
মরমের দীর্ঘশ্বাস, তপ্ত আখিলোর,
অনাহার, অর্ধাহার, রোগ শোক কত,
নানাবিধ অর্থে তোমা পূজিতেছি ধত;
বুড়কা তোমার তত চলেছে বাড়িয়া,
কিহতে তোমার মন না পাই সঠিয়া।

বল বল প্রিয়তম, কিদলে তোমার,
থাকিবে না ভেদ আর তোমার আমায়।
অবশিষ্ট পরিজন, ছর্কল শরীর
আমার বলিতে আছে যাহা অবনীর;
তাও যদি নিতে চাও, নিতে পার আজ।
তোমার সাধনা মোর জীবনের কাষ।

সৈয়দ মাহমুদ আলি।



প্রলয়ের আলো

দশম পন্ডিচেছন্দ

বার্ধসিদ্ধির চোখ

বুঝা, আনা স্মিট কাউন্ট ভন আরেনবর্গের সহিত পরি-
চিত হইবামাত্র রত্নালঙ্কারমণ্ডিত হাতখানি কাউন্টের
সম্মুখে সম্মানে প্রসারিত করিল; কাউন্টও সেইরূপ
সম্মানের সহিত তাহা মুখের কাছে তুলিয়া তাহাতে
ওষ্ঠ স্পর্শ করিলেন। এই স্পর্শে আনা স্মিট স্বর্গ-সুখ
অনুভব করিল; অপূর্ব পুলকে তাহার সর্বাঙ্গ রোমা-
ঞ্চিত হইল। আসল তাজা কাউন্ট তাহার করচূষন
করিলেন! সে কি কখন এত সুখ, সৌভাগ্য ও সম্মানের
কল্পনাও করিয়াছিল? এত দিনে তাহার জীবন সকল
হইল।

আনা স্মিট যেন প্রতি মাসেই এইরূপ দুই দশ জন
লর্ড, ডিউক বা মার্ক্‌ইস্কে স্বর্গহে আশ্রয়দানে পরিতৃপ্ত
করিয়া আসিতেছে, এবং কাউন্ট ভন আরেনবর্গ সেই
সকল মহা সম্ভ্রান্ত অতিথির বিপুল বোঝার উপর অতি
লঘু 'শাকের আঁটি' মাত্র—এইরূপ ভদ্রী প্রকাশ করিয়া
মুক্করীয়ানার সুরে বলিল, “কাউন্ট, তুমি যখন আমার
প্রিয় পুত্রের বন্ধু, তখন আমার পুত্রতুল্য, এ কথা বলাই
বাহ্য। আমি বো-সিজোরে তোমার অভ্যর্থনা
করিতেছি। আশা করি, আমাদের সাদাসিধে জীবন-
বাণনপ্রণালী তোমার তেমন অপ্রীতিকর হইবে না।
অন্ততঃ আমার যে সকল ডিউক বা মার্ক্‌ইস বন্ধুরা
প্রবাস-বাণনের জন্য এখানে আসিয়া দয়া করিয়া আমার
অতিথি হইয়া থাকেন, তাঁহাদের দিনগুলি বেশ আনন্দেই
কাটে দেখিয়াছি।”

আনা স্মিটের বিপুল ঐশ্বর্যের পরিচয় পাইয়া কাউন্ট

মুগ্ধ হইলেন; তিনি সেই বুঝার অঙ্গে যে সকল বহু-
মূল্য হীরকালঙ্কার দেখিলেন, তাহা যুরোপের যে কোন
ডিউক-পত্নীর গৌরব বর্ধিত করিতে পারিত বলিয়াই
তাঁহার ধারণা হইল। তিনি মুগ্ধ হাসিয়া বলিলেন,
“ক্ৰ, আপনার আদর অভ্যর্থনার অন্তরিকতার আমি
সত্যই অভিভূত হইয়া পড়িয়াছি; আপনি যে আমাকে
এতখানি প্রীতির পাত্র মনে করিয়াছেন, ইহা আমার
পক্ষে গৌরবের বিষয় মনে করিতেছি। আমার এই
বন্ধু আমাকে পূর্বে এই বলিয়া আশ্বস্ত করিয়াছিলেন যে,
তাঁহার স্নেহময়ী জননীর সদাশরতার আমাকে মুগ্ধ
হইতেই হইবে। উনি আমাকে এ কথাও অনায়াসে
বলিতে পারিতেন যে, তাঁহার জননীর জায় মধুরভাষিনী
সুশীলা রমণী নারীজাতির মধ্যে ছলভ।”

আনা স্মিট লজ্জার মুখ রাঙ্গা করিয়া অক্ষুট করে
বলিল, “কাউন্ট, এই গুণহীনা নারীকে অবধা প্রশংসার
লজ্জা দিও না।”—বুড়ী লজ্জা গোপন করিবার উদ্দেশ্যে
তাহার হাতের পাখা দিয়া মুখ ঢাকিল।

কাউন্ট মুগ্ধ হাসিয়া বলিলেন, “প্রকৃত বিনয় লজ্জাতে
কিরূপ মধুর করে, আপনিই তাহার জাজল্যমান প্রমাণ,
আপনি রমণী-সমাজের অলঙ্কার; মনে করিবেন না,
আমার এ কথা মৌখিক স্তুতিবাদ মাত্র, আরেনবর্গ-বংশ
চিরদিনই তোমারোদে অপটু।”

আনা স্মিট মুখের অমৃত-সাগরে ডুবিয়া তলাইবার
উপক্রম হইল। তাহার একটা আশঙ্কা ছিল, কাউন্ট
হয় ত কণাকার, প্রৌঢ় এবং তাহারই মত একটি জালা-
বিশেষ। কাউন্টকে দেখিয়া তাহার সেই ভয় দূর
হইল। কাউন্ট সুপুরুষ, বীরের মত চেহারা, সমুদ্রত
বলিষ্ঠ দেহ, নীলাভ নেয়ে বুদ্ধিমত্তা ও ভেদবিদ্যা

সুপারিশফুট। বয়স ত্রিশ বত্রিশের অধিক নহে, কিন্তু চেহারা দেখিয়া পঁচিশ ছাব্বিশের বেশী মনে হয় না। আনা স্মিটের বিশ্বাস হইল—বিধাতা পুরুষ নিতান্ত কাণ্ডজ্ঞান-বর্জিত অদূরদর্শী যুগ নয়! তাহার সামঞ্জস্যজ্ঞান আছে বটে।

আনা স্মিট অভিনন্দনের পালা শেষ করিয়া বলিল, “কাউন্ট, তুমি বহুদূর হইতে আসিতেছ, যুদ্ধব্যবসায়ী হইলেও পথশ্রমে ক্লান্ত হইয়াছ; বিশেষতঃ, ক্ষুধার আক্রমণে বীরপুরুষেরও পরিভ্রাণ নাই! কক্ষ-পরিচারিকা তোমার কক্ষের পথ প্রদর্শন করিবে। তোমাকে ডিনারের জন্য প্রস্তুত হইতে হইবে—সে জন্য আমি অর্ধঘণ্টা সময় মঞ্জুর করিলাম।”

অনন্তর বৃদ্ধা পিটারকে লক্ষ্য করিয়া বলিল, “পিটার, তোমার বন্ধু কাউন্ট ভন্ আরেনবর্গের জন্য যে সকল জিনিষের দরকার, সেগুলি যথাস্থানে গুছাইয়া রাখা হইয়াছে কি না, তাহার তদন্তের ভার তোমার উপর থাকিল। কোন ক্রটি হইলে সে জন্য তুমি দায়ী।”

আনা স্মিটকে অভিবাদন করিয়া কাউন্ট তাহার বন্ধু পিটারের সঙ্গে বিশ্রামকক্ষে চলিগেন। প্রায় পাঁচ মিনিট পরে ফ্রিজ সাজসজ্জা শেষ করিয়া মায়ের সম্মুখে আসিল। বৃদ্ধা আনন্দে অধীর হইয়া ফ্রিজের কাঁধে হাত রাখিয়া বলিল, “ফ্রিজ, কাউন্টের ব্যবহার বড়ই মধুর। তাহার শিষ্টাচারে আমি মুগ্ধ হইয়া গিয়াছি, বাবা!”

• আরও দশ মিনিট পরে বার্বা পরীর মত বেশ-ভূষা করিয়া মায়ের সম্মুখে আসিল। আনা স্মিট প্রশংসমান নেত্রে কস্তার আপাদমস্তক নিরীক্ষণ করিয়া মনে মনে বলিল, “বার্বাকে দেখিবামাত্র কাউন্ট যদি মোহিত হইয়া বাণবিদ্ধ কুরঙ্গের মত ছটকট না করে, তাহা হইলে বুদ্ধি, ছোকরা নিতান্ত অরসিক, বেহুদ বেহুদ!”

মহামূল্য হীরকালঙ্কারে ও সুদৃশ্য পরিচ্ছদে মণ্ডিতা বার্বাকে অপক্লম রূপবতী রাজনন্দিনীর মত দেখাইতেছিল। তাহার মাথার মুক্তার সৌখিন, কণ্ঠে হীরার নেকলেস, এবং বক্ষে প্রস্ফুটিত কুমুদমণ্ডবক। তাহার রূপ কাটির পড়িতেছিল।

আনা স্মিট আনন্দে উৎকুল হইয়া বলিল, “বার্বা, মা আমার, আজ তোমাকে ঠিক ছবিখানির মত

দেখাইতেছে। এখন আমার একটি কথা মনে রাখিবে, আজ রাজ্যে তোমাকে আমাদের বংশ-গৌরবের প্রতি-নির্ধিক করিতে হইবে। স্মরণ রাখিবে, তুমি যে খেলা খেলিতে বাইতেছ, তাহাতে যদি জয় লাভ করিয়া আসিতে পার, তাহা হইলে একটা সম্মানিত খেতাবের প্রভাবে আমাদের বংশ গৌরবান্বিত করিতে পারিবে। অদূর-ভবিষ্যতে তোমার কাউন্টেস্ খেতাব লাভ হইবে। আমার মেয়ে কাউন্টেস্ হইবে, ইহা আমার জীবনের চরম সার্থকতা—এ কথা তুলিও না, মা! যেন আমি সকলকে বলিতে পারি—আমি কাউন্টেস্ ভন্ আরেনবর্গের মা। যে দিন তোমার দাদারা বুক ফুলাইয়া বলিতে পারিবে—তাহারা কাউন্ট ভন্ আরেনবর্গের শ্রমক, সে দিন আমাদের সুখের স্বপ্ন সফল হইবে। ইহা, তুমি একটু বুদ্ধি খাটাইয়া খেলিতে পারিলে শীঘ্রই সেই সুখের দিন আসিবে। ‘এ নহে স্বপ্ন, এ নহে কাহিনী, আসিবে সে দিন আসিবে।’—আনা স্মিট গভীর তৃপ্তিভরে হাসিয়া হাতপাখা ঘূরাইয়া বাতাস খাইতে লাগিল। আনন্দে, উৎসাহে, উত্তেজনার বেচারিা ঘামিয়া উঠিয়াছিল।

আনা স্মিট তাহার সম্ভ্রান্ত অতিথির অভ্যর্থনা করিবে যে আনন্দ লাভ করিল, তাহার অতিথির স্তানন্দ তাহ অপেক্ষা অনেক অধিক হইয়াছিল। অজস্র বিলাসের উপকরণ তাহার চতুর্দিকে ধরে ধরে সজ্জিত; রাজ-অট্টালিকার স্তায় সুদৃশ্য সুসজ্জিত অট্টালিকার স্বর্ণখচিত পালক, দুগ্ধফেননিভ শুভ্র শস্যায় অপূর্ব আস্তরণ সুকোমল পক্ষিপালকের উপাধান; যুরোপের কুকের নন্দনেরা বহু চেষ্টায় ও বিপুল অর্থব্যয়েও যে সকল ভোগোপকরণ সংগ্রহ করিয়া উঠিতে পারেন না, না চাহিতেই তাহা পর্যাপ্ত পরিমাণে আসিয়া জুটিতেছে!—এই সুখ ও পরিতৃপ্তির মধ্যে কবলেসের সেনানিবাসের আসবাবপত্রবিহীন কক্ষে মরিচাধরা লোহার খাটির স্থিত কঠিন শস্যায় ও প্রাণধারণের উপযোগী সর্বপ্রকার বাহ্য-বর্জিত অনায়াসলভ্য ভোজ্যোপকরণের কথা কাউন্টের মনে পড়িয়া গেল। তিনি মনে মনে বলি লেন, “সেই বিড়ম্বনার কথা মনে হইলে হাসি পায় জীবনের অবশিষ্টকাল এই রকম আতিথ্য ভোগ করিতে

আমি সম্পূর্ণ রাজী আছি। এখানে কি সুখ, কি আশ্রয়!”

বস্তুত: কাউন্ট ভন্ আরেনবর্গের স্বল্প বিলাসিতা ও ভোগস্বখের অল্প হাহাকার করিত; কিন্তু তাঁহার আকাঙ্ক্ষা পূর্ণ হইবার সম্ভাবনা ছিল না। তিনি অর্থনীতি যে পরিবারে জন্মগ্রহণ করিয়াছিলেন, এক সময় সেই পরিবারের যথেষ্ট ঐশ্বর্য ও সম্মান ছিল, কিন্তু ক্রমক্রমে রূপায় বঞ্চিত হইয়া এখন তাঁহার দরিদ্রের জায় কাল যাপন করিতে বাধ্য হইয়াছেন,—অথচ পুত্র-পুরুষের ক্রটি, বিলাসাত্মকতা ও দলিত তাঁহার তাগ করিতে পারেন নাই। বাবুগিরির সখ আছে, কিন্তু ব্যয়-নির্বাহের সামর্থ্য নাই। কাউন্টের পিতা মধ্যবিত্ত গৃহস্থ অপেক্ষাও নিঃস্ব হইয়া পড়িয়াছিলেন; কিন্তু সংসার প্রতিপালনের জন্য পরিশ্রম করা তাঁহার জায় সম্ভ্রান্ত কুলীনের পক্ষে অপমানজনক মনে করিতেন। তাঁহার প্রতি মা বস্তীর যথেষ্ট অহুগ্রহ ছিল, এ জন্য তিনি অর্থাভাবে বৃহৎ পরিবারের যথাযোগ্য গ্রাসাফাদনের ভারবহনে অসমর্থ হইলেও পদমর্গাদা রক্ষার জন্য তাঁহার স্ত্রীপুত্র বর্তমান কাউন্টকে উচ্চ শিক্ষা দানের ব্যবস্থা করিয়াছিলেন। তাঁহার পুত্র উচ্চ-অল-চরিত্র, ব্যয়নাসক্ত ও দাতাল; কোন একটা গর্হিত কাৰ্য করিয়া তিনি কলেজ হইতে বিতাড়িত হইলেন। অতঃপর তিনি সমাজে মুখ দেখান লজ্জার বিষয় মনে করিয়া ‘একাকী হরমাক্রম জগাম গহনং বনং’—অর্থনীতি হইতে অস্ত্রীয়ার পলায়ন করিলেন; অস্ত্রীয়া হইতে তিনি কসিমায় গিয়া নিরুদ্দেশ হইয়াছিলেন। চারি পাঁচ বৎসর কাল তাঁহার আশ্রয়-স্বজনরা তাঁহার সম্মান জানিতে পারেন নাই। তিনি কসিমায় গিয়া কোথায় কি ভাবে এই দীর্ঘকাল অতিবাহিত করিয়াছিলেন, তাহা তাঁহাদের সম্পূর্ণ অজ্ঞাত ছিল। তাঁহার দেশত্যাগের পাঁচ বৎসর পরে এক দিন হঠাৎ অর্থনীতে ফিরিয়া আসিলেন; কিন্তু কোথায় কি ভাবে এত কাল কাটাইলেন, তাহা কাহারও নিকট প্রকাশ করিলেন না। বাহা হউক, তাঁহার পিতা বৃদ্ধ কাউন্ট তখনও জীবিত ছিলেন; তিনি তাঁহার একটি মুক্কটকে পুত্রের চাকরীর জন্য ধরিয়া বসিলেন। এই মুক্কটটি সময়-বিভাগের

কোন উচ্চপদে প্রতিষ্ঠিত ছিলেন; তিনিই এই যুবককে সামরিক বিদ্যালয়ে পাঠাইয়া কিছু দিন পরে অখারোহী সৈন্যদলে ভর্তি করিয়া লইলেন। পিতার মৃত্যুর পর এই যুবক কাউন্ট আরেনবর্গ খেতাবু ও সময়-বিভাগের একটি লেপ্টেন্যান্টের পদ লাভ করিলেন। এই সময়ে তাঁহার বেতনের পরিমাণ এতই অল্প ছিল যে, নিতান্ত আবশ্যক ব্যয় নির্বাহ করাও তাঁহার পক্ষে কঠিন হইত। এই সময় আনা স্মিটের পুত্র পিটারের সহিত তাঁহার পরিচয় হইল। সুতরাং কাউন্ট ভন্ আরেনবর্গ কল্পিত আগ্রহ ও উৎসাহের সহিত পিটারের নিমন্ত্রণ গ্রহণ করিয়াছিলেন, তাহা সহজেই অহুগ্রহ। অনাহার-ক্রিষ্ট কঙ্কালসার ক্ষুধার্ত বলীবর্দ দীর্ঘকাল উপবাসের পর সুকোমল শ্রামল তৃণপূর্ণ ক্ষেত্রে প্রবেশ করিয়া বেরুপ আনন্দ লাভ করে, ‘বো-সিজোরে’ আনা স্মিটের আতিথ্য লাভ করিয়া কাউন্ট ভন্ আরেনবর্গ তাহা অপেক্ষা শতগুণ অধিক আনন্দিত হইলেন।

কাউন্ট তাঁহার বিশ্রামক্ষেত্রে প্রবেশ করিয়া হস্ত-মুখাদি প্রক্ষালন করিলেন, তাহার পর বিবিধ গন্ধদ্রব্যের সাহায্যে পদোচিৎ প্রসাধন সুসম্পন্ন করিয়া, ‘প্রিয় বন্ধু’ পিটারের সহিত দীপাবলিতেজে উজ্জ্বলিত নাট্যালা সম, পুষ্পগন্ধ-সমাকুল উপবেশনক্ষেত্রে প্রবেশ করিলেন। সেখানে আনা স্মিট ক্রিষ্ট ও বার্থাকে লইয়া কাউন্টের প্রতীক্ষা করিতেছিলেন; সেই কক্ষে দুই জনমাত্র বাহিরের লোক ছিল; একটি নব-বিবাহিতা তরুণী ও তাহার স্বামী। এই তরুণীটি আনা স্মিটের পিস্তুতো ভগিনী এবং তাহার জয়টাক!

এই তরুণীটিকে আনা স্মিটের ‘জয়টাক’ বলিয়া অভিহিত করিবার একটু কারণ আছে। সে বাল্যকাল হইতেই তাহার ‘ভাগ্যবতী দিদি’র বড়ই অহুগ্রহ ছিল, দিদির প্রত্যেক কথাই প্রতিশ্রুতি করিত, এবং সর্বত্র দিদির গুণকীর্তন করিয়া বেড়াইত। আনা স্মিট জানিত, কাউন্ট ভন্ আরেনবর্গের অগ্ৰ্যর্থনা উপলক্ষে তাহাকে ও তাহার স্বামীকে নিমন্ত্রণ করিলে পরদিন প্রত্যাহেই এই ‘বিরাট পুরুষ’র বিপুল অগ্ৰ্যর্থনার সংবাদ কলগুণ অতি-রঞ্জিতভাবে নগরের সর্বত্র প্রচারিত হইবে। আনা স্মিট এত বড় একটা প্রয়োজন সংবরণ করিতে পারেন নাই।

পিটারের সঙ্গে কাউন্ট সেই কক্ষে প্রবেশ করিবারাত্র আনা স্মিট বার্থার হাত ধরিয়া তাঁহার সম্মুখে গিয়া সমস্ত বলালি, “কাউন্ট, আমার একমাত্র কন্যা বার্থাকে তোমার সহিত পরিচিত করিবার আদেশ দান কর।”

কাউন্ট তৎক্ষণাৎ হাসিমুখে সম্মানভরে বার্থাকে অভিবাदन করিলেন; যুবতী-সমাজের সহিত কি ভাবে মিশিতে হয়, তাহা তিনি ভালই জানিতেন, কিন্তু বার্থাকে দেখিয়া তিনি এতই বিস্মিত হইলেন যে, তাঁহাকে একটু চেষ্টা করিয়া আশ্রয়সংবরণ করিতে হইল। এরূপ রূপবতী যুবতী তাঁহার সহিত পরিচিত হইবার জন্য সেখানে প্রতীক্ষা করিতেছিল—ইহা তিনি প্রত্যাশা করেন নাই। তাঁহার ‘পরম বন্ধু’ পিটার পূর্বে তাঁহাকে প্রসঙ্গক্রমে বলিয়াছিল বটে—তাঁহার একটি ভগিনী আছে; কিন্তু রূপের গরিমায় সে রাজ-সিংহাসনে স্থান পাইবার যোগ্য, ইহা সে কোন দিন কাউন্টের নিকট প্রকাশ করে নাই। এতক্ষণে তিনি বুঝিতে পারিলেন, তাঁহার ভাগ্যাকাশ হইতে দুঃখ-দারিদ্র্যের মেঘ অপসারিত হওয়াতেই পিটারের সহিত তাঁহার বন্ধুত্ব হইয়াছিল এবং তিনি তাঁহার নিমন্ত্রণ গ্রহণ করিয়াছিলেন।

কয়েক মিনিট পরে সংবাদ আসিল—“ডিনার প্রস্তুত।”—আনা স্মিট বলিল, “কাউন্ট, আমার কন্যাকে তোমার হাত ধরিয়া লইয়া যাইবার সম্মান লাভ করিতে দিবে কি?”

কাউন্ট উঠিয়া হাত বাড়াইয়া দিলে বার্থা তাঁহার হাত ধরিয়া ভোজন-কক্ষের অভিমুখে অগ্রসর হইল। পূর্বোক্ত তরুণীর স্বামী আনা স্মিটের হাত ধরিল; তরুণী তাঁহার বোন-পো ফ্রিডের হাত ধরিল; পিটারের হাত ধরিবার কেহ না থাকায় সে একাকী সকলের অনুসরণ করিল।

আনা স্মিট ডিনারের বিপুল আয়োজন করিয়াছিল; সে বহুমূল্যে অত্যুৎকৃষ্ট দুপ্রাপ্য ‘রাইন মণ্ড’ প্রচুর পরিমাণে সংগ্রহ করিয়াছিল! এরূপ সুপেক্ষ সুরা কাউন্ট জীবনে আনন্দন করেন নাই; তিনি তাহা আকর্ষণ পান করিয়া পরিতৃপ্ত হইলেন।

আনা স্মিট কাউন্টকে ভোজন-টেবলে বসাইয়া

স্বয়ং তাঁহার এক পাশে বসিয়াছিল, বার্থাকে অন্য পাশে বসাইয়াছিল। আহারের সময় কাউন্ট নানা কথা বার্থার মনোরঞ্জনের চেষ্টা করিতে লাগিলেন দেখিয় আনা স্মিটের চক্ষু আনন্দে হাসিতে লাগিল।

আনা স্মিট দুই একটি কথা পর কাউন্টকে বলিল “কাউন্ট, পিটার বলিতেছিল, জুরিচ তোমার সুপরিচিত; সত্য কি?”

এই প্রশ্নে কাউন্ট যেন কিঞ্চিৎ বিব্রত হইয়া উঠিলেন, কিন্তু তৎক্ষণাৎ সামলাইয়া লইয়া বলিলেন “হাঁ, তা—তা সে কথা বড় মিথ্যা নয়। জুরিচ আমার পরিচিত স্থান বটে। আমার বয়স যখন আঠার বৎসর সেই সময় এখানে আমার এক মাসীর সঙ্গে দেখা করিতে আসিয়াছিলাম। মাসী তখন জুরিচেই বাস করিতেন, তিনি আমাকে প্রায় দুই বৎসর তাঁহার কাছে রাখিয়াছিলেন।”

আনা স্মিট বলিলেন, “তোমার মাসী? জুরিচে থাকিতেন? তাঁহার নামটি কি, শুনিতে পাই না?”

এই প্রশ্নে কাউন্ট অধিকতর বিব্রত হইয়া পড়িলেন। এই প্রশ্নের উত্তর দেওয়া তাঁহার পক্ষে কঠিন হইয়া উঠিল। কিন্তু কাউন্ট বিলক্ষণ চতুর ও সপ্রতিভ লোক, তিনি আনা স্মিটের প্রশ্নের উত্তর না দিয়া দৌস করিয়া একটা দীর্ঘ নিশ্বাস ফেলিয়া বলিলেন “আহা, বেচারার অকাল-মৃত্যুতে আমি বড়ই মর্মান্বিত হইয়াছিলাম। বহু দিন পূর্বে তাঁহার মৃত্যু হইয়াছে।”

কাউন্ট কথাটা চাপা দিয়াই বার্থাকে বলিলেন “তুমি কখন জর্মনীতে গিয়াছিলে?”

বার্থা বলিলেন, “না, সে সুখে আমাকে বন্ধিত্ব থাকিতে হইয়াছে। আমার দাদারা প্রতিজ্ঞায় কল্প তরু, তাঁহারা আমাকে জর্মনী দেখাইয়া আনিবের অঙ্গীকার করিয়াছিলেন, কিন্তু এ পর্যন্ত তাঁহারা সেই অঙ্গীকার পালন করিতে পারিলেন না! আমার বোন হয়, সকল দাদাই নিজেদের ভগিনী ভিন্ন অন্য লোকে ভগিনীদের সঙ্গে লইয়া দেশভ্রমণ করিতে ভালবাসেন!—বার্থা ফ্রিড ও পিটারের মুখের উপর কটাক্ষপাত করিয়া একটু হাসিল।

বার্থার কথায় হাসির গব্বা উঠিল। তাঁহার পর

কাউন্ট হঠাৎ গম্ভীর হইয়া নিখাস ফেলিয়া বলিলেন, “বড়ই দুঃখের কথা বটে; কিন্তু আমি অনেক সময়েই দেখিয়াছি, ভগিনীরাও নিজেদের ভাইকে সম্বন্ধে পরিহার করিয়া অস্ত্রের ভাইদের সঙ্গে দেশ-ভ্রমণ করিতে ভালবাসে।”

কাউন্টের কৃত্রিম গাভীরোঁ ও এই মন্তব্যে সকলেই বার্ষীর মুখের দিকে চাহিয়া আবার হো হো করিয়া হাসিয়া উঠিল, বার্ষী এই হাসিতে অপ্রতিভ হইয়া মস্তক অবনত করিল; লজ্জায় তাহার চোখ মুখ লাল হইয়া উঠিল।

বার্ষী লজ্জিত হইয়াছে বুঝিয়া আনা স্মিট তাহার পক্ষাবলম্বন করিয়া বলিল, “কাউন্ট বীরপুরুষ কি না; নারীর সম্মানরক্ষাই বীরের ধর্ম, এই জন্ত উনি বোধ হয় অস্ত্র লোকের ভগিনীদের দেশ-ভ্রমণের সময় সঙ্গে থাকিয়া তাহাদের রক্ষণাবেক্ষণ করেন।”

কাউন্ট মুখ লাল করিয়া দৃঢ়স্বরে বলিলেন, “না, কখন না; আমি—”

আনা স্মিট বাধা দিয়া হাসিয়া বলিল, “তুমি ‘না’ বলিলেই কি আমি সে কথা শুনি? আমার কথা যে মত, তোমার মুখ দেখিয়াই তাহা বুঝিতে পারা যাইতেছে। তোমরা—যুদ্ধব্যবসায়ীরা রস-গোব্বাই এক একখান মনোমারী জাতাজ! যুবতীর দলকে সেই রসে মসৃণ করিয়া রাখ।”

কাউন্ট বলিলেন, “আমি যুদ্ধব্যবসায়ী বটে, কিন্তু কেহ আমার ও রকম বদনাম দিতে পারে না; এই অভিযোগ আমি অস্বীকার করিব।”

আনা স্মিট কাউন্টের কথায় কর্ণপাত না করিয়া বলিল, “আচ্ছা কাউন্ট, বলিতে পার, তোমাদের যুদ্ধব্যবসায়ীদের কোন্ বিশেষত্বের জন্ত আমাদের জাতি—স্বীকৃতিটা তোমাদের এত পক্ষপাতিনী হইয়া উঠে?”

কাউন্ট মাথা নোয়াইয়া হাসিয়া বলিলেন, “ফ্র, আমার মত আনাড়ীকে এই কঠিন সমস্যা-সমাধানের যোগ্য ব্যক্তি বলিয়া সিদ্ধান্ত করিয়া আমাকে যথেষ্ট সম্মানিত করিলেন। এ সম্বন্ধে আমার ধারণা এই যে, যুবতীরা যুদ্ধব্যবসায়ীদের অতিরিক্ত পক্ষপাতিনী হয়, ইহার কারণ, তাহাদিগকে বিবাহ করিলে তাড়াতাড়ি

বিধবা হইবার সুযোগ ঘটে, সুতরাং পুনর্বার নতন স্বামী লাভের আশা থাকে।”

কাউন্টের কথা শুনিয়া রমণীতর সম্বন্ধে গর্জন করিয়া বলিল, “ছি, ছি, ধিক্, মিথ্যা কথা!”

আনা স্মিট বলিলেন, “কাউন্ট, তুমি কোন্ অধিকারে আমার স্বজাতির সকলের মাথা এক ফুরে মুড়াইতেছ বলিতে পার? আমি তাহাদের পক্ষ হইতে তোমার এই অস্বাভাবিক উক্তির প্রতিবাদ করিতেছি। আমার বিশ্বাস, নারীজাতি তোমাদের অতিরিক্ত পক্ষপাতিনী হয়, ইহার কারণ, তোমাদের অনেকেই সুপুরুষ, সাহসী, বলবান্ এবং নারীর মনোরঞ্জে অসাধারণ তৎপর। তোমরা সহজেই তাহাদের হৃদয়ের উপর প্রভাব বিস্তার কর।”

কাউন্টের মনে হইল, কথাগুলি তাঁহাকেই লক্ষ্য করিয়া বলা হইল; এই জন্ত তিনি মুখ লাল করিয়া পুনর্বার মাথা নোয়াইলেন। সকলে আবার হাসিয়া উঠিল; কিন্তু আনা স্মিট ক্ষুণ্ণভাবে মাথা নাড়িয়া বলিল, “তোমাদের সবই ভাল, দোষের মধ্যে তোমাদের কাজে কথায় সামঞ্জস্য নাই; আর তোমরা ভয়ঙ্কর প্রতারক অর্থাৎ অবলার মন চুরি করিয়া ফাঁকি দিয়া সরিয়া পড়। তোমাদের বিশ্বাস করা দায়!”

সকলে আবার খিল্ খিল্ করিয়া হাসিয়া উঠিল; তখন কাউন্ট অভিনয়ের ভঙ্গীতে বুকে হাত দিয়া গম্ভীর স্বরে বলিলেন, “এই আমি বুকে হাত দিয়া শপথ করিয়া বলিতেছি, আমার বিরুদ্ধে এই অভিযোগ সম্পূর্ণ মিথ্যা। আমি কায়মনোবাক্যে নিরপরাধ।”

আনা স্মিট বিচারালয়ে চেয়ারে উপবিষ্ট বিচারকের মত মুখ গম্ভীর করিয়া বলিল, “উত্তম, তুমি আপনাকে নিরপরাধ বলিতেছ; কিন্তু তুমি যে নিরপরাধ, ইহা এখন পর্য্যন্ত সপ্রমাণ হয় নাই। তোমার বিরুদ্ধে আরোপিত অভিযোগের বিচার যথাসময়ে নিষ্পন্ন হইবে। তোমার প্রতিকূলে কোন প্রমাণ আছে কি না, তাহা পরীক্ষা করিয়া তোমার দণ্ডের বা মুক্তিদানের রায় প্রকাশ করা হইবে। আপাততঃ তোমার মামলা মুলতুবা রহিল। বিচার শেষ না হওয়া পর্য্যন্ত ‘বোসিজোরে’ তোমার হাজত বাসের আদেশ হইল।”

কাউন্ট বলিলেন, “মহিলা জন্মের এ আদেশ শিরোধার্য। আমি নিজের নির্দোষিতা সপ্রমাণ করিয়া সম্মান মুক্তি লাভ করিতে পারিব, এ বিষয়ে আমার সন্দেহ নাই।”

আনা স্মিট বলিল, “যথাকালে তাহা জানিতে পারা যাইবে। তোমরা—পুরুষরা বোধ হয় কফি ও ধূমপানের অঙ্গ ব্যাকুল হইয়া উঠিয়াছ; অতএব আমরা এখন উঠিলাম।”

আনা স্মিট তাহার ভগিনী ও বার্থাকে সঙ্গে লইয়া সেই কক্ষ ত্যাগ করিল। আনা স্মিট তাহার ভগিনীকে একটি কক্ষে বসাইয়া রাখিয়া বার্থাকে লইয়া তাহার খাস কামরায় প্রবেশ করিল। সেই কক্ষের দ্বার রুদ্ধ করিয়া বার্থাকে পার্শ্বে বসাইয়া নিম্নস্থরে বলিল, “বার্থা, কাউন্টকে দেখিয়া ও তাঁহার কথাবার্তা শুনিয়া তোমার কিরূপ ধারণা হইল?”

বার্থা বিন্দুমাত্র উৎসাহ প্রকাশনা করিয়া সহজস্বরে বলিল, “ভালই মনে হইল।”

আনা স্মিট উত্তেজিত স্বরে বলিল, “ভালই বলিলে যথেষ্ট হইল না, অতি চমৎকার। কেমন সুরাসিক, কেমন চতুর! না হবে কেন? কত বড় বংশে জন্ম? দেখ বার্থা! আমি মাহুঘ চিনি; আমি দর্প করিয়া বলিতেছি, তোমাকেই আমি কাউন্টেস্ ভন আরেন-বর্গ করিব। তোমাকে আমার গর্ভে ধারণ করা সেই দিন সার্থক হইবে, যে দিন আমি কাউন্টেসের জননী বলিয়া দেশবিদেশে সম্মানিত হইব। সে দিনের আর অধিক বিলম্ব নাই।”

বার্থা কোন কথা না বলিয়া নতমস্তকে বসিয়া রহিল।

একাদশ পরিচ্ছেদ

শুণ্ড সমিতি

জেনিভা নগরে ‘রোন’ নদের তীরে একটি অধরিচ্ছন্ন ক্ষুদ্র পল্লী ছিল; এই পল্লীর অধিকাংশ অট্টালিকা জীর্ণ; কতকগুলির দ্বার ও জানালা এরূপ সঙ্কীর্ণ যে, সেই সকল অট্টালিকায় আলোক ও বাতাস প্রবেশ করিতে পারিত

না। কোন কোন অট্টালিকা দ্বিতল, কিন্তু সিঁড়িগুলি অত্যন্ত অপ্রশস্ত এবং এত জীর্ণ যে, দুই জন লোক একত উঠিলে তাহা ভাঙিয়া পড়িবার আশঙ্কা ছিল। অধিকাংশ সিঁড়ি দিবসেই অন্ধকারাচ্ছন্ন, রাত্রিতেও সেখানে বাহি জলিত না। প্রায় সকল বাড়ীর অবস্থাই এইরূপ শোচনীয়; কোন বাড়ীতে মাহুঘ বাস করে—বাহিরের অবস্থা দেখিয়া এরূপ মনে হইত না।

জোসেফ কুরেটকে সঙ্গে লইয়া চানস্কি নগরের বিভিন্ন পথ অতিক্রম করিয়া, অবশেষে এইরূপ একটি অট্টালিকার দ্বারদেশে উপস্থিত হইল। সেখানে ঘোর অন্ধকার বিরাজিত, কোন দিকে জনমানবের সাড়া-শব্দ নাই। একটা উৎকট দুর্গন্ধ জোসেফের নাসারন্ধ্রে প্রবেশ করিল। চারিদিকের নিস্তব্ধতা দেখিয়া তাহার মন কি একটা অজ্ঞাত ভয়ে পূর্ণ হইল; কিন্তু সে কোন কথা বলিল না।

চানস্কি মুহূর্ত্তে জোসেফকে বলিল, “অন্ধকারে তুমি কিছুই দেখিতে পাইতেছ না; কিন্তু তোমার ভয়ের কারণ নাই, আমি তোমার হাত ধরিয়া গন্তব্যস্থানে লইয়া যাইতেছি।”

জোসেফের হাত ধরিয়া চানস্কি অট্টালিকায় প্রবেশ করিল, অন্ধকারে কয়েকটি সিঁড়ি পার হইয়া সে একটি রুদ্ধদ্বার কক্ষের দ্বারের সম্মুখে উপস্থিত হইল; সে সেই দ্বারে তিনবার মূত্র করাঘাত করিল। মুহূর্ত্ত পরে একটি বৃদ্ধা একটা ছোট ল্যাম্পসহ আসিয়া দ্বার খুলিয়া দিল। বৃদ্ধার আকার-প্রকার দেখিয়াই জোসেফের চক্ষু স্থির! এরূপ কদাকার মূর্ত্তি সে পূর্বে কখন দেখিয়াছিল কি না সন্দেহ; সে যেন চক্ষুবৃত্ত একটি নরকঙ্কাল! চক্ষু দুটি অক্লিকোটরে প্রবিষ্ট, মাথার চুলগুলি শণের মুড়ি, পরিধানে শতচ্ছিন্ন মলিন পরিচ্ছদ। বার্কক্যভারে তাহার দেহ বক্র।

দ্বার খুলিয়া বৃদ্ধা সোজা হইয়া দাঁড়াইবার চেষ্টা করিয়া হাতের ল্যাম্পটা উচু করিয়া ধরিল। সে কোটরপ্রবিষ্ট চক্ষুর ক্ষীণ দৃষ্টি প্রসারিত করিয়া সম্মুখবর্তী চানস্কিকে চিনিতে পারিল; তখন সে অক্ষুট নাকিসুরে বলিল, “নমস্কার, মসিংগে চানস্কি!” চানস্কির পাশে জোসেফকে দেখিয়া হঠাৎ সে চূপ করিল; তাহার পর জোসেফের

মুখের উপর সন্দিগ্ধ দৃষ্টি নিক্ষেপ করিয়া চানস্কিকে বলিল, “তোমার সঙ্গে ওটি কে?”

চানস্কি বলিল, “চিন্তার কোন কারণ নাই; ইনি আমারই বন্ধু, খাঁটি লোক; আমিই উঁহার জন্ম দায়ী।”

“ভাল কথা” বলিয়া বন্ধু তাহাদিগকে সেই কক্ষে প্রবেশ করিতে ইচ্ছিত করিয়া, দ্বার ছাড়িয়া সরিয়া পলায়িত হইল। তাহারা উভয়ে ভিতরে প্রবেশ করিলে সে দ্বার বন্ধ করিয়া লোহার অর্গল আঁটিয়া দিল।

চানস্কির সহিত জোসেফ যে কক্ষে প্রবেশ করিল, সেই কক্ষটিও অতি জীর্ণ; তাহার দেওয়ালগুলি বিবর্ণ, কড়ি-বরগাগুলি ঝুল ও মাকড়সার জালে সমাচ্ছন্ন; কক্ষটির মধ্যস্থলে একখানি খাটির উপর একটি মলিন শয্যা প্রসারিত ছিল। তাহার পাশে একটি ছোট টেবল এবং একখানি ভাঙ্গা চেয়ার পড়িয়া ছিল।

চানস্কি জোসেফকে তাহার অহুসরণ করিতে বলিয়া একটি দ্বার খুলিয়া এক সুপ্রশস্ত কক্ষে প্রবেশ করিল। সেই কক্ষে একটি লম্বা টেবল, খান চুই বেঞ্চি ও কয়েকখানি চেয়ার ছিল। নদীর দিকে এই কক্ষের একটি বাতায়ন উন্মুক্ত ছিল, তাহার ঠিক নীচেই নদী; কিন্তু বাতায়নের সম্মুখে পর্দা থাকায় নদীর জল দেখা বাইতেছিল না।

এই কক্ষে বেঞ্চির উপর ছয় সাত জন লোক বসিয়া ছিল। তাহারা সকলেই যেন বিষাদের প্রতিমূর্তি; কাহারও মুখে প্রফুল্লতা বা আনন্দের কোন চিহ্ন ছিল না। সকলেরই মলিন মুখে চিন্তার রেখা পরিস্ফুট! তাহাদের কাহারও মুখে সিগারেট, কাহারও মুখে চুরুট। তাম্বাকু-ধূমে সেই কক্ষের বায়ুস্তর ভারাক্রান্ত।

জোসেফ চানস্কির সহিত সেই কক্ষে প্রবেশ করিবার সন্ধ্যায় সকলেই চানস্কিকে অভিবাদন করিয়া তীক্ষ্ণদৃষ্টিতে জোসেফের মুখের দিকে চাহিয়া রহিল। যদিও কেও চানস্কিকে তাহার পরিচয় জিজ্ঞাসা করিল না, কিন্তু সকলেই যেন জিজ্ঞাসু দৃষ্টিতে তাহাকে প্রদর্শন করিল, “এই অপরিচিত লোকটি কে? কি উদ্দেশ্যেই বা এখানে আসিয়াছে?”

চানস্কি তাহাদের মনের ভাব বুঝিতে পারিয়া নিম্নস্থরে

বলিল, “এ আমার একটি বন্ধু, ইহার নাম মসিংগে কুরেট। কুরেট জরিচ হইতে আসিয়াছে, সেখানে স্মিট এও সন্দের কারখানায় কায করিত। সম্পূর্ণ বিশ্বাসী এবং ইম্পাতের মত দৃঢ়চিত্ত যুবক।”

চানস্কি ও জোসেফ দুইখানি চেয়ারে বসিয়া ধূমপানে প্রবৃত্ত হইল। কয়েক মিনিটের মধ্যে আরও কয়েক জন লোক সেই কক্ষে প্রবেশ করিল; তাহারাও জোসেফকে দেখিয়া যেন একটু বিস্মিত হইল এবং নিম্নস্থরে কি বলাবলি করিতে লাগিল।

আরও দশ মিনিট পবে এক জন লোক সেই কক্ষে প্রবেশ করিল; তাহাকে দেখিবারাত্র সকলেই উঠিয়া দাঁড়াইয়া সময়ে অভিবাদন করিল। এই লোকটির নাম পলিটস্কে; সে এই গুপ্ত সমিতির সভাপতি। লোকটির মুখের গঠন কতকটা ইহুদীদিগের মুখের মত। দীর্ঘ দেহ ঈষৎ কুঞ্জ। ললাট প্রশস্ত, চক্ষু দুটি ক্ষুদ্র, দৃষ্টি কটিল; মস্তকের কেশুগুলি দীর্ঘ, অধিকাংশ কেশ শুভ্র। মুখে সাদা দাড়ি-গোফ, লম্বা দাড়ি, গোফ জোড়াটাও জমকাল। পলিটস্কেকে দেখিলেই মনে হইত, নিতান্ত সাধারণ লোক নহে। নেতৃত্ব করিবার শক্তি দিয়া ভগবান তাহাকে পৃথিবীতে পাঠাইয়াছিলেন।

আগন্তুক চেয়ারে বসিয়া রুসীয় ভাষায় বলিল, “মহাশয়েরা আমার বিলম্বজনিত ক্রটি মার্জনা করিবেন; কিন্তু এই বিলম্ব আমার ইচ্ছাকৃত নহে, কোন গুরুতর জরুরী কার্যে আমাকে ব্যস্ত থাকিতে হইয়াছিল।”

এই লোকগুলি যে গৃহে সম্মিলিত হইয়াছিল, তাহা একটি আড্ডা বা ‘ক্লাব’; এই ক্লাবের নাম ‘লিবার্টি ক্লাব’। এই ক্লাবের প্রকাশ্য উদ্দেশ্য সুইট-জার্নাওপ্রবাসী দুঃস্থ রুসীয় প্রজাদের দুঃখপ্রশমন; কিন্তু ইহার প্রকৃত উদ্দেশ্য সম্পূর্ণ অন্য প্রকার। শত শত ব্যক্তি এই ক্লাবের সভ্য ছিল। রোন নদীর তীরসংলগ্ন এই বহু পুরাতন জীর্ণ অট্টালিকা তাহাদের ‘ক্লাব-গৃহ’ বলিয়া পরিচিত হইলেও তাহাদের সমিতির অধিবেশনের স্থান নির্দিষ্ট ছিল না। কখনও কোন ‘কাফে’তে, কখন বা কোন ধনাঢ্য রুসীয়ানের বাড়ীতে, আবার অবস্থা বিবেচনায় কোন গভীর অরণ্যে তাহাদের মঙ্গলা-সভার অধিবেশন হইত। প্রকৃতপক্ষে তাহারা

একটি রাজনীতিক-সম্প্রদায়, কোন একটি সাধারণ উদ্দেশ্যে তাহারা সংঘবদ্ধ হইয়াছিল; তাহাদিগকে অতি কঠোর নিয়মে আবদ্ধ হইতে হইত এবং সভ্যগণের কেহ কোন কারণে সমিতির নিয়ম লঙ্ঘন করিলে তাহার প্রাণদণ্ড হইত।

সভাপতি পূর্বোক্ত সুদীর্ঘ টেবলের মধ্যস্থলে উপবেশন করিলে সমাগত সভ্যগণ তাহার দুই পাশে সমবেত হইল। সভার কার্য আরম্ভ হইলে চানস্ফি দণ্ডায়মান হইয়া বলিল, “সভাপতি মহাশয়, অণু আমাদের এই সভায় আমার একটি বন্ধুকে পরিচিত করিতে আনিয়াছি। তাহার নাম জোসেফ কুরেট।”

চানস্ফির ইচ্ছিতে জোসেফ তাহার আসন হইতে উঠিয়া দাঁড়াইল। তখন চানস্ফি তাহার প্রতি অঙ্গুলী-নির্দেশ করিয়া বলিল, “ঐ দেখুন আমার সেই বন্ধু। উহাকে আমাদের সমিতিতে গ্রহণ করিবার জন্য আপনার নিকট প্রার্থনা করিতেছি। আমাদের ভাষা এই যুবকের সুবিদিত এবং আমাদের আশা, আকাঙ্ক্ষা ও লক্ষ্যের সহিত ইহার আন্তরিক সম্মত হইতে পারে। এই যুবক বিশ্বাসী, দৃঢ়প্রতিজ্ঞ এবং জীবনের প্রতি মমতাশূন্য।”

জোসেফের মুখের দিকে তীক্ষ্ণদৃষ্টিতে চাহিয়া সভাপতি যেন তাহার মনের ভিতর পর্য্যন্ত দেখিবার চেষ্টা করিল। তাহার সেই অন্তর্ভেদী দৃষ্টিতে জোসেফ বিন্দুমাত্র বিচলিত হইল না।

সভাপতি রূপ ভাষায় জোসেফকে জিজ্ঞাসা করিল, “তুমি রুসীয়ান?”

জোসেফ বলিল, “না।”

সভাপতি। তুমি কোন্ দেশের লোক?

জোসেফ বলিল, “আমার জন্ম জর্জীতে।”

সভাপতি। আমাদের ভাষা তুমি কোথায় শিখিলে?

জোসেফ। আমার পিতামাতা এ ভাষা জানিতেন; ইহা তাহাদের কাছেই শিখিয়াছি।

সভাপতি। তোমার পিতামাতা এখন জীবিত আছেন?

জোসেফ। হাঁ।

সভাপতি। তাহারা কোথায় আছেন?

জোসেফ। জুরিচে।

সভাপতি। এখানে তুমি কি উদ্দেশ্যে আসিয়াছ?

জোসেফ দুই এক মিনিট ভাবিয়া লইয়া বলিল, “আমি মনের ঘৃণায় জুরিচ ত্যাগ করিয়া চলিয়া আসিয়াছি। আমি সেখানকার একটা কারখানায় চাকরী করিতাম; কিন্তু সেখানে কুকুরের মত ব্যবহার পাইতাম; তাহা আমার অসহ্য হইয়া উঠিয়াছিল। বাহ্যিক কিঞ্চিৎ আত্মসম্মান ও মনুষ্যত্ব আছে, সে সেরূপ ঘৃণিত ব্যবহার সহ করিয়া জীবনের ভার বহন করিতে পারে না। ক্রীতদাসের গায় জীবনযাত্রা নির্বাহ করা আমার অসহ্য মনে হইয়াছিল। আমি বাহাদের জন্য পরিশ্রম করিতেছিলাম, তাহারা আমার শ্রমের ফলভোগ করিয়া আমাকে যে পারিশ্রমিক দিত, তাহাতে ক্ষুধা-নিবৃত্তি হয় না; তাহার উপর তাহারা আমাকে ঘৃণা করিত, আমাকে মানুষ মনে করিত না। ইহা অসহ্য।”

জোসেফের কথা শুনিয়া সভাপতি প্রীত হইল, উৎসাহে তাহার চক্ষু মুহূর্তের জন্য যেন জলিয়া উঠিল; সে বলিল, “জোসেফ কুরেট, তুমি মানুষের মতই কথা বলিয়াছ। তুমি কোন্ কার্যে অভিজ্ঞতা লাভ করিয়াছ?”

জোসেফ। আমি পৃষ্ঠকার্যে অভিজ্ঞ।

সভাপতি। হাঁ, এ দরকারী বিদ্যা বটে। এখন বাহা জিজ্ঞাসা করি, তাহার ঠিক উত্তর দাও,—আমাদের সমিতিতে যোগদান করিতে তোমার কি আন্তরিক ইচ্ছা ও আগ্রহ আছে?

জোসেফ। হাঁ, আছে।

সভাপতি। আমাদের সম্প্রদায় যে উচ্চ আশা ও অটল আকাঙ্ক্ষা লইয়া কাষ করিতেছে, তাহা তোমার ব্যক্তিগত আশা ও আকাঙ্ক্ষা ভাবিয়া আমাদের ব্রত গ্রহণ করিতে প্রস্তুত আছ?

জোসেফ। হাঁ, আছি। আমাকে বাহা করিতে বলা হইবে, তাহা যতই দুষ্কর হউক, করিতে প্রস্তুত আছি; যে স্থানে বাইতে বলা হইবে, সেই স্থান যতই দুর্গম ও বিঘ্নসঙ্কুল হউক—সেখানে বাইতে আপত্তি করিব না। কর্তব্য যতই কঠিন হউক, প্রাণ দিয়াও তাহা পালন করিব।

সভাপতি। তোমার অঙ্গীকার সম্বোধনক। যদি তোমাকে আমাদের মণ্ডলীতে গ্রহণ করা হয়, তাহা হইলে আমরা তোমার যোগ্যতা পরীক্ষা করিব; সে পরীক্ষা অত্যন্ত কঠোর।

জোসেফ। যতই কঠোর হউক, তাহা আমাকে বিচলিত করিতে পারিবে না। সকল কঠোরতাই আমি সহ করিতে প্রস্তুত।

সভাপতি। উত্তম। তুমি এখন কক্ষান্তরে গিয়া অপেক্ষা কর। আমি আমার সহযোগীগণের সহিত পরামর্শ করিব। ভাই চানস্কি, তোমার বন্ধুকে কিছু কালের জন্য অস্ত্র কক্ষে রাখিয়া এস।

চানস্কি জোসেফকে সঙ্গে লইয়া বাহিরের দিকের পূর্বোক্ত কক্ষ কক্ষে প্রবেশ করিল; তখন সেখানে সেই বৃদ্ধা ভাঙ্গা চেয়ারে বসিয়া ছেঁড়া মোজায় তালি দিতেছিল। সে মুখ তুলিয়া একবার জোসেফের মুখের দিকে চাহিল, কোন কথা বলিল না। জোসেফ খাটির উপর বসিয়া একটা সিগারেট ধরাইয়া লইল। চানস্কি তাহাকে সেখানে অপেক্ষা করিতে বলিয়া সভার যোগদান করিতে চলিল।

বৃদ্ধা জোসেফের মুখের দিকে চাহিয়া বলিল, “তুমি কি কিসিয়া হইতে আসিয়াছ?”

জোসেফ “না” বলিয়া চুপ করিল। বৃদ্ধা তাহাকে আর কোন কথা জিজ্ঞাসা করিল না।

প্রায় আধ ঘণ্টা পরে চানস্কি সেই কক্ষে পুনঃ প্রবেশ করিয়া জোসেফকে ডাকিয়া লইয়া গেল। সে যে চেয়ারে বসিয়াছিল, পুনর্বার সেই চেয়ারে উপবেশন করিলে সভাপতি তাহাকে সম্বোধন করিয়া বলিল, “জোসেফ কুরেট, তোমার বন্ধু ও আমাদের সমিতির অন্ততম সদস্য চানস্কি তোমার পরিচয়াদি সম্বন্ধে যে সকল কথা বলিয়াছেন, তাহা সম্বোধনক হইয়াছে। তোমাকে আমাদের সমিতির সভ্যশ্রেণীভুক্ত করা সম্ভব হইবে কি না, এ বিষয়ে আমরা যথাযোগ্য আলোচনা করিয়াছি; আলোচনার স্থির হইয়াছে—তোমাকে আমাদের সমিতিতে গ্রহণ করা হইবে; এবং অন্ততম সদস্য যে গুরুতর দায়িত্ব-ভার গ্রহণ করিয়াছেন, তাহার কিয়দংশ তোমাকেও অর্পণ করা হইবে। আমাদের

সমিতির সদস্যগণকে কেবল বে দায়িত্ব-ভার বহন করিতে হয়, তাহার বিনিময়ে তাঁহাদের কিছুই প্রাপ্তি নাই—এরূপ নহে। তাঁহাদের আবশ্যিক ব্যয় নির্বাহের জন্য সমিতি হইতে উপযুক্ত পরিমাণে অর্থ-সাহায্য করা হয়; সুতরাং তাঁহাদের অর্থাগমের কোন উপায় নাই, তাঁহাদিগকে অর্থ-কষ্ট সহ করিতে হয় না। এতদ্বিন্ন তাঁহারা সুচারুরূপে কর্তব্যপালন করেন, তাঁহাদিগকে যথাযোগ্য পুরস্কারও প্রদান করা হয়। তোমাকে আমাদের দলে গ্রহণ করা হইলে সম্ভবতঃ কোন দূর দেশে যাইতে হইবে। ইহাতে যথেষ্ট বিপদেরও আশঙ্কা আছে; এমন কি, তোমার প্রাণ পর্যন্ত যাইতে পারে।—আমি জানিতে চাই, তুমি প্রাণের মামা বিসর্জন করিয়া এই ভার লইতে রাজী আছ কি না?”

জোসেফ দৃঢ়স্বরে বলিল, “হাঁ, সম্পূর্ণ রাজী আছি।”

সভাপতি বলিল, “উত্তম। তোমার ভাবভঙ্গী দেখিয়া ও কথা শুনিয়া আমার ধারণা হইয়াছে—তুমি খাঁটি মানুষ। তিন রাত্রি পরে তুমি পুনর্বার এখানে আসিয়া সমিতির নিয়মানুযায়ী শপথ গ্রহণ করিবে; তাহার পর তোমাকে আমরা দলভুক্ত করিব। সেই দিন তুমি আমাদের অসাধারণ শক্তির কিঞ্চিৎ পরিচয় পাইবে, আমাদের সমিতির নিয়ম কিরূপ কঠোর, এবং সেই সকল নিয়ম কি ভাবে প্রতিপালিত হয়, সম্ভবতঃ তাহারও শোচনীয় প্রমাণ প্রত্যক্ষ করিবার সুযোগ পাইবে। আজ বিদায়।”

চানস্কির সহিত জোসেফ নিঃশব্দে সেই কক্ষ ত্যাগ করিল; অট্টালিকার বাহিরে খোলা বাতাসে আসিয়া তাহার শরীর জুড়াইল। যতক্ষণ সে ঘরের ভিতর ছিল, কক্ষ বায়ুতে তাহার শ্বাসরোধের উপক্রম হইয়াছিল। গভীর রাত্রি, প্রকৃতি নিস্তব্ধ; কেবল অদূরবর্তী নদীর অশ্রান্ত কল্লোল-ধ্বনি তাহার কর্ণে কি এক অজ্ঞাত রহস্যের বার্তা বহন করিতে লাগিল, তাহাতে আশা বা আনন্দের আভাস ছিল না; তাহা আতঙ্ক ও নিরাশার সূচন করিতেছিল।

উভয় বন্ধু নিঃশব্দে চিন্তাকুল চিত্তে নগরে প্রত্যাগমন করিল।

একটি ক্যাফের সন্মুখে আসিয়া চানস্কি

জোসেফকে বলিল, “কুখী হইয়াছে? কিছু খাইয়া লইবে?”

জোসেফ বলিল, “এক পেয়লা কাফি ও অল্প কিছু খাবার খাইয়া লইলে মন্দ হয় না। কাফি এখনও বন্ধ হয় নাই দেখিতেছি!”

চানস্কি বলিল, “না, তাহার দেয়ী আছে। এই ত সবে রাত্রি বারটা।”

উভয়ে কাফির তিতর প্রবেশ করিয়া পানাহারে প্রবৃত্ত হইল। আহাৰাস্তে উভয়ে পথে আসিয়া চানস্কির বাসার দিকে চলিতে লাগিল; উভয়েই নিস্তরু, স্ব স্ব চিন্তায় বিভোর।

চলিতে চলিতে জোসেফ হঠাৎ চানস্কির কাঁধে হাত দিয়া বলিল, “চানস্কি, শুনিলাম, আমাকে দূরদেশে বাইতে হইবে। কোথায়,—কত দূরে?”

চানস্কি বলিল, “কিরূপে বলিব? আমার তাহা অজ্ঞান করিবারও শক্তি নাই। এ সকল কথা কেহই পূর্বে জানিতে পারে না; নির্দিষ্ট সময়েও তুমি ভিন্ন অল্প কেহ জানিতে পারিবে না।”

জোসেফ বলিল, “আর একটা কথা বলিতে পার? সভাপতি বলিলেন, তোমাদের সমিতির নিয়ম কিরূপ কঠোর এবং সেই সকল নিয়ম কি ভাবে প্রতিপালিত হয়, সে দিন আমি তাহার শোচনীয় প্রমাণ প্রত্যক্ষ করিবার সুযোগ পাইব!—সে কিরূপ প্রমাণ? কেনই বা শোচনীয়?”

চানস্কি বিষণ্ণভাবে বলিল, “তোমার এই প্রশ্নেরও উত্তর দিতে পারিলাম না, ভাই! তুমি একটু ধৈর্য ধরিয়া এই কয়দিন অপেক্ষা কর—তাহার পর সকলই জানিতে পারিবে। বড়ই ক্লান্তি বোধ হইতেছে; বাসায় আসিয়া পড়িয়াছি, চল, তাড়াতাড়ি শুইয়া পড়ি!—আমাদের জীবন বিস্ময়কর রহস্যে আবৃত, যত্নেই এই রহস্যের সমাধান!”

দ্বাদশ পরিচ্ছেদ

চারের মাছ

কলোন নগরে স্মিট এণ্ড সন্সের একটি দোকান ছিল— এই দোকানে তাহাদের কারখানায় নির্মিত নানা প্রকার

কলকল বিক্রয় হইত। কাউন্ট ভন আরেনবর্গ বোর্ড ‘সিজোরে’ আসিয়া আনা স্মিটের আতিথ্য গ্রহণের ছয় দিন পরে আনা স্মিট কলোনের দোকানের অধ্যক্ষকে একখানি পত্র লিখিল; পত্রের লেফাপার উপর লেখ হইল ‘গোপনীয় ও জরুরী পত্র।’ কাউন্ট ভন আরেনবর্গের সাংসারিক অবস্থা, সামাজিক মান-সম্মান, স্বভাব চরিত্র প্রভৃতি সম্বন্ধে গোপনে অজ্ঞসন্ধান করিয়া বাহ জানিতে পারা যায়, তাহা লিখিয়া জানাইবার ঐ পত্র সেই দোকানের অধ্যক্ষকে আদেশ করা হইয়াছিল।

আনা স্মিট আট দশ দিন পরে সেই পত্রের উত্তর পাইল। তাহার কলোনের দোকানের অধ্যক্ষ তাহারে যে পত্র লিখিয়াছিল, তাহার অজ্ঞবাদ নিয়ে প্রকাশিত হইল :—

“আপনি তাহার সম্বন্ধে অজ্ঞসন্ধান করিতে যে আদেশ করিয়াছেন, সেই আদেশানুযায়ী যথাসাধ চেষ্টায় তাহার স্বতন্ত্র পরিচয় বিখ্যস্ত সূত্রে জানিয়ে পারিয়াছি, তাহা আপনার গোচর করিতেছি। বিগত ষোড়শ শতাব্দীর মধ্যভাগে আরেনবর্গ পরিবারের কোন বীর পুরুষ সমর-বিভাগে কার্যে অসাধারণ কৃতিত্ব প্রদর্শন করিয়া গৌরবপূর্ণ ‘কাউন্ট’ খেতাব ও সুবিশীর্ণ জায়গীর লাভ করিয়াছিলেন। তাহার বংশের প্রথম সন্তান পুরুষানুক্রমে এই খেতাব ভোগ করিয়া আসি তেছেন। শতাধিক বৎসর কাল এই বংশ ঐশ্বর্য ও মান-সম্মানে জগৎজীর অভিজাত-সম্প্রদায়ে উচ্চ স্থান অধিকার করিয়া ছিল; তাহার পর নানা কারণে তাহাদের সম্পত্তি নষ্ট হইয়া যায় এবং ক্রমে তাহার দরিদ্র হইয়া পড়েন। বর্তমান কাউন্টের পিতার আর্থিক অবস্থা অত্যন্ত শোচনীয় হইলেও তিনি অমিত ব্যয় ও বিলাসী ছিলেন; এ অল্প তাহার অর্থকষ্টের সীমা ছিল না। তাহার অনেকগুলি পুত্র; কিন্তু এম জনও মাতুষ হইতে পারে নাই। বর্তমান কাউন্ট প্রথম যৌবনে অত্যন্ত দুর্দান্ত ও উচ্ছ্বল ছিলেন। তিনি স্বদেশ হইতে রুসিয়ার গিয়া সেখানে চারি পাঁচ বৎসর বাস করিয়াছিলেন; কিন্তু কি ভাবে সেখানে কাল যাপন করিয়াছিলেন, তাহা কেহ বলিতে পারে না। রুসিয়া হইতে জর্জীতে ফিরিয়া আসিয়া কো

মুক্‌সীর সাহায্যে তিনি সমর-বিভাগে প্রবেশ করেন; কিছু দিন পূর্বে তিনি লেফটেন্যান্টের পদ পাইয়াছেন। তিনি যে রেজিমেন্টে চাকরী করিতেছেন, তাহা এখন কবলেঙ্গের সেনানিবাসে অবস্থিতি করিতেছে। বর্তমান কাউন্টের চরিত্রের বিরুদ্ধে কোন কথা জানিতে পারি নাই; সন্ধান লইয়া জানিয়াছি, তাঁহার রেজিমেন্টের সকলে তাঁহাকে যথেষ্ট শ্রদ্ধা ও সম্মান করে। তিনি যে বেতন পাইয়া থাকেন, তাহা ব্যতীত তাঁহার অন্ত কোন আয় নাই। আপনি বোধ হয় জানেন, জর্জীয় সামরিক কর্মচারীগণের বেতন অত্যন্ত অল্প, সুতরাং বেতনের সামান্য আয়ে তিনি তাঁহার খেতাবের মর্যাদা রক্ষা করিতে পারেন না; তাঁহাকে অতি দীনভাবে কালযাপন করিতে হয়। জর্জীয় সামরিক কর্মচারীদের মধ্যে যাহারা অবিবাহিত, তাঁহাদের অনেকেরই এক একটি 'রক্ষিতা' আছে, কিন্তু এই কাউন্টের সেরূপ কোন উপসর্গ নাই; ইহা হইতে মনে করিবেন না—তাঁহার নৈতিক আদর্শ উচ্চ, ঐরূপ ব্যয়সাধ্য বিলাসিতার ব্যয়নির্বাহে অসমর্থ বলিয়াই তিনি সাধু পুরুষ।"

• আনা স্মিট পত্রখানি পাঠ করিয়া আনন্দিত হইল। কাউন্ট চরিত্র নহেন, ইহা জানিতে পারিয়া সে আশ্চর্য হইল, কাউন্টের দারিদ্র্য সে তাহার উদ্দেশ্য সিদ্ধির অক্ষুণ্ণ বলিয়াই মনে করিল। তিনি দরিদ্র না হইলে তাঁহাকে প্রলুব্ধ করা সহজ হইত না, ইহাও সে বুঝিতে পারিল। সে ভাবিল, "অর্থের লোভ দেখাইয়া কাউন্টকে বশীভূত করা কঠিন হইবে না। বার্থার পিতা বার্থার জন্য যে সম্পত্তি রাখিয়া গিয়াছে, তাহার পরিমাণ জানিতে পারিলে কাউন্ট তাহারকে বিবাহ করিবার জন্য ব্যাকুল হইয়া উঠিবে।"

কাউন্ট 'বো-সিজোরে' আসিয়া মহানন্দে দশ দিন কাটাইয়া দিলেন; আনা স্মিটের অগ্রহে ও আগ্রহে বার্থার সহিত সর্বদা তাঁহার সাক্ষাৎ হইত, মজলিসী গল্পও চলিত; কিন্তু তাঁহার কথায় বা ব্যবহারে বার্থার প্রতি অহুরাগের কোন লক্ষণ কোন দিন লক্ষিত হয় নাই। আনা স্মিট ইহাতে অসহিষ্ণু হইয়া উঠিল, এবং চারের মাছ কি করিলে টোপ গৈলে, তাহাই ভাবিতে

লাগিল। সে সঙ্কল্প করিল, যে উপায়েই হউক, কাউন্টকে গাঁথিয়া ফেলিতে হইবে। একবার গাঁথিতে পারিলে লম্বা সূতা ছাড়িয়া খেলাইয়া ডাকায় তোলা তেমন কঠিন হইবে না।

মায়ের আদেশে বার্থা প্রত্যহ প্রভাতে নব নব সাজে সজ্জিত হইয়া তাহাদের সম্মানিত অতিথির সহিত সাক্ষাৎ করিত। কাউন্ট সদালাপী ও রসিক পুরুষ; বার্থা তাঁহার সহিত আলাপ করিয়া খুশী হইত; তাহার মনে তাঁহার প্রতি শ্রদ্ধার সঞ্চার হইয়াছিল, কিন্তু অল্প কোন ভাবের উদয় হয় নাই। সে ভাবিত, অন্যান্য অতিথির স্তায় তিনিও কয়েক দিন পরে চলিয়া যাইবেন, তাহার পর তাহার কথা তাঁহার আর স্মরণ থাকিবে না, এবং সে-ও তাঁহাকে ভুলিয়া যাইবে।

এই সময়ের মধ্যে বার্থা জোসেফের কথা এক দিনও ভুলিতে পারে নাই। সে জোসেফকে গোপনে যে পত্র লিখিয়াছিল, জোসেফ সেই পত্রের উত্তর দিল না কেন, ইহা সে ভাবিয়া পাইল না। অবশেষে বার্থা হতাশ হইয়া পড়িল; এবং জোসেফ তাহার আশা ত্যাগ করিয়াছে, ভুল বুঝিয়া তাহার প্রতি অবিচার করিয়াছে, মনে করিয়া ক্রোধে ও অভিমানে বার্থার হৃদয় পূর্ণ হইল।

কাউন্টের আগমনের দুই সপ্তাহ পরে এক দিন আনা স্মিট বার্থাকে বলিল, "বার্থা, কাউন্ট তোর প্রেমে পড়িয়া গিয়াছে—এ রকম কোন লক্ষণ দেখিতেছিস কি?"

বার্থা বলিল, "না মা, একটুও নয়।"

মা বলিল, "বলিস্ কি লো, এ যে বড়ই তাড়বের কথা!"

বার্থা বলিল, "তাড়বের কথা কেন, মা? আর তোমারই বা কি রকম বিবেচনা? কাউন্টের কুল, শীল, চরিত্র, অবস্থা প্রভৃতি সম্বন্ধে কোন ধারণা না লইয়াই—তিনি আমাকে ভালবাসিলেন কি না জানিবার জন্য ব্যস্ত হইয়া উঠিয়াছ!"

আনা স্মিট গোপনে কাউন্টের সকল প্লবর লইয়াছে, এ সংবাদ বার্থা জানিত না।

আনা স্মিট বলিল, "হাঁ মা, কাউন্ট তোমাকে

ভালবাসিতে আরম্ভ করিয়াছেন কি না, ইহা জানিবার জন্য আমি সত্যট ব্যস্ত হইয়াছি। তোমার কাউন্টেস্ ভন আরেনবর্গ হইবার প্রকাণ্ড সুযোগ উপস্থিত; সেই সুযোগ তুমি যে হেলায় হারাইবে—আমার মেয়ে এত নিরীক্ষা, ইহা কি করিয়া বিশ্বাস করি? আমি কলোনে পত্র লিখিয়া কাউন্ট সম্বন্ধে জ্ঞাতব্য সকল সংবাদ জানিয়াছি এবং জানিয়া সন্তুষ্ট হইয়াছি।”

মায়ের কথা শুনিয়া বার্থার মনে একটু আনন্দই হইল, জোসেফের নিষ্ঠুরতার পরিচয়ে সে তাহার উপর অত্যন্ত চটিয়া গিয়াছিল; এই জন্য সে ভাবিল, জোসেফকে ত আর পাইবার আশা নাই। এ অবস্থায় কাউন্টেস্ হইবার সুযোগটা ত্যাগ না করাই ভাল।

বার্থা মুহূর্তকাল নীরব থাকিয়া বলিল, “কিন্তু মা, আমার প্রতি কাউন্টের মনের ভাব কিরূপ, তাহা জানিতে পারি নাই, ও প্রসঙ্গে তিনি আমাকে কোন কথা বলেন নাই। আমি তাঁহার প্রেমের ভিখারিণী, এ কথা তাঁহাকে বলি, ইহাই কি তোমার ইচ্ছা?”

আনা স্মিট দৃঢ়স্বরে বলিল, “নিশ্চয়ই না। নারী পুরুষের প্রেম ভিক্ষা করিবে—এ অতি অসঙ্গত কথা, লজ্জার কথা!—ইহা হইতেই পারে না।”

বার্থা বলিল, “তা ছাড়া আরও একটা কথা আছে।—কাউন্ট অল্প কোন যুবতীকে মনপ্রাণ সমর্পণ করেন নাই, ইহারই বা নিশ্চয়তা কি?”

আনা স্মিট বলিল, “না, তাহা অসম্ভব নহে; তবে আমার সেরূপ মনে হয় না। বাহা হউক, আমি তাহার মনের কথা বাহির করিয়া লইতে পারিব। বল-নাচের মঙ্গলসে যোগদানের জন্য যাহাদের নিমন্ত্রণ করিতে হইবে, আজ বৈকালে তুমি তাহাদের নামের ফর্দটা প্রস্তুত করিয়া ফেলিবে; সেই সময় আমি কাউন্টকে লইয়া বেড়াইতে বাহির হইব। বাড়ী ফিরিবার পূর্বেই আমি তাহাকে ঠিক করিয়া লইতে পারিব, এ বিষয়ে তুমি নিশ্চিত থাক।”

আনা স্মিট সেই দিন অপরাহ্নে কাউন্টকে তাহার গাড়ীতে তুলিয়া নগরদ্রুমে বাহির হইল। এত সুখ, এরূপ বিলাসিতা কাউন্ট জীবনে উপভোগ করেন নাই,

ইহা ত্যাগ করিয়া যাওয়া অতি কষ্টকর বলিয়াই তাঁহার মনে হইল।

আনা স্মিট বোধ হয় তাঁহার মনের ভাব বুঝিতে পারিল; সে বলিল, “কাউন্ট, তুমি দয়া করিয়া আসিয়াছ—ইহাতে আমি কত সুখী, তাহা আমার প্রকাশ করিবার সাধ্য নাই; তুমি শীঘ্রই চলিয়া যাইবে” মনে হইলে হুঃখে আমার হৃদয় বিদীর্ণ হয়।”

কাউন্ট বলিলেন, “হাঁ, সে জন্য আমিও হুঃখিত, কিন্তু উপায় কি? আর দশ বারো দিন পরেই আমার ছুটি শেষ হইবে, সুতরাং এখানে আর সাত আট দিনের বেশী থাকিতে পারিব না।”

আনা স্মিট বলিল, “সেনানিবাসে তোমার দিনগুলি বেশ স্মৃতিতেই কাটে বোধ হয়?”

কাউন্ট বলিলেন, “না, ফ্র, ঠিক তাহার বিপরীত। দিবারাত্রি হাড়ভাঙ্গা খাটুনি, স্মৃতি করিবার ফুরসৎ কোথায়? সামরিক কর্মচারীদের কর্তব্য অতি কঠোর।”

আনা স্মিট হাহুভূতিভরে বলিল, “এ গাধা খাটুনি না খাটিলেই পার; চাকরী ছাড়িয়া দিলে ত আর খাটিতে হয় না।”

কাউন্ট দীর্ঘনিশ্বাস ত্যাগ করিয়া বলিলেন, “চাকরী ছাড়িয়া দিব? চাকরী ছাড়িলে কি করিয়া চলিবে? আমার বাবা তাঁহার ভূয়ো খেতাব ভিন্ন চলিবার মত কোন সম্বল ত আমার জন্য রাখিয়া যান নাই!”

আনা স্মিট কাউন্টের মুখের দিকে চাহিয়া বলিল, “তাও ত বটে; তা আমি তোমাকে একটা উপায় বলিয়া দিতে পারি,—কাষটা তেমন কঠিন নয়, কিন্তু চির-জীবনের মত নিশ্চিত!”

কাউন্ট প্রশংসূচক দৃষ্টিতে বৃদ্ধার মুখের দিকে চাহিলেন।

আনা স্মিট বলিল, “পৈতৃক সম্পত্তির উত্তরাধিকারিণী কোন বড়লোকের মেয়ে বিবাহ করিলেই ত সকল লাঠা চুকিয়া যায়।”

কাউন্ট দূর আকাশের দিকে শূন্য দৃষ্টিতে চাহিয়া বিষণ্ণ স্বরে বলিলেন, “হাঁ, কাষটা সহজ বটে; কিন্তু বিপুল পৈতৃক সম্পত্তির উত্তরাধিকারিণী কোন যুবতী

এ অধমকে উদ্ধার করিবার জন্ত বসিয়া নাই; আজকাল সে রকম দাঁও মেলা বড় শক্ত, ফ্র!

আনা স্মিট বলিল, “কোন দিন চেষ্টা করিয়া দেখিয়াছ? ঠিক যন্ত্রণায় চেষ্টা করিলে মিলাইতে পারিবে না, ইহা বিশ্বাস করি না।”

কাউন্ট বলিলেন, “কি করিয়া বলি? সে চেষ্টা ত কোন দিন করি নাই। এরূপ চিন্তা কখন আমার মূখ্যায় আসিবে নাই।”

আনা স্মিট হাসিয়া বলিল, “সে চিন্তা ত তোমার মূখ্যায় আসিবেই না। শিকারী বিড়াল গোর্গ দেখিলেই চেনা যায়। তোমার গোর্গ দেখিয়াই বুঝিয়াছি, অল্প শিকার লইয়া খেলা করিতেছ।”

কাউন্ট বলিলেন, “আপনার কথার মর্ম বুঝিতে পারিলাম না, ফ্র!”

আনা স্মিট বলিল, “বুঝিয়াছ বৈ কি! আমি কি তোমার নাকানীতে ভুলি, কাউন্ট! আমি জোর করিয়া বলিতে পারি, তুমি কোন নিঃস্বল রূপসীর রূপে তরঙ্গে পড়িয়া হাবুডুবু খাইতেছ, তাহাকেই সবটুকু প্রেম বিলাইয়া দিয়া ক্ষতুর হইয়া বসিয়া আছ!”

কাউন্ট সবেগে মাথা নাড়িয়া দৃষ্টিতে বলিলেন, “না, আপনার এই অনুমানে এক বিন্দু সত্য নাই। আপনি আমাকে ভয়ঙ্কর ভুল বুঝিয়াছেন!”

আনা স্মিট হাসিয়া বলিল, “তোমার মন চুরি যায় নাই? ঠিক বলিতেছ?”

কাউন্ট বলিলেন, “আপনি বিশ্বাস না, করিলে আর উপায় কি?”

আনা স্মিট দেখিল, তাহার পর আর অগ্রসর হইবার উপায় নাই; কিন্তু তাহার মনের কথা না বলিলেও চলে না। তাহার শকট নানা পথ ঘুরিয়া ছায়াচ্ছন্ন একটি নিভৃত পথ দিয়া চলিতে লাগিল। আনা স্মিট কথায় কথায় বলিল, “দেখ কাউন্ট, সকল পরিবারেই কখন না কখন উপত্যাসের উপকরণ সংগ্রহ করিতে পারা যায়। এমন কি, অল্পদিন পূর্বে আমার নিজের বাড়ীতেই একটা মর্মস্পর্শী উপত্যাসিক কাণ্ড ঘটিয়া গিয়াছে।”

কাউন্ট ঔৎসুক্যভরে বলিলেন, “কাণ্ডটা কি, শুনিতে পাই না?”

আনা স্মিট বলিল, “তুমি ত আমার ঘরের ছেলে, তোমাকে আর বলিতে আপত্তি কি? উপত্যাস না বলিয়া তাহাকে প্রহসন বলাই ঠিক। সে বড় হাসির কথা, কাউন্ট! প্রেমে পড়িলে মানুষের কাণ্ড-জ্ঞান বোধ হয় লোপ পায়। আমি আবার ছোটলোকের স্পর্শ সহ্য করিতে পারি না; কাষেই রক্ত দেখিয়া আমার অঙ্গ জলিয়া গিয়াছিল!—আমার এক ছুঁড়ী দাসী আছে। ছুঁড়ীটা দেখিতে শুনিতে মন্দ নয়, তাহাকে তুমি ত দেখিয়াছ।—আমি সারা ষ্ট্রভোল্জের কথা বলিতেছি।”

কাউন্ট বলিলেন, “ই, তাহাকে দেখিয়াছি বটে।”

আনা স্মিট বলিল, “তাহারই কথা বলিতেছি।—ছুঁড়ীটা আমার বড়ই অনুগ্রহ, এই জন্য মনে করিয়া ছিলাম, দেখিয়া শুনিয়া তাহার বিবাহটা আমিই দিয়া দিব। আমার কারখানায় এক ছোঁড়া মিস্ত্রী ছিল, ছোঁড়াটার চেহারা ভদ্রলোকের মত দেখিয়া তাহার সঙ্গে সারার সম্বন্ধ স্থির করিলাম। এ বিবাহে আমি চার হাজার ফ্রাঙ্ক বৌতুক দিতে চাহিলাম, তা ছাড়া কাপড়-চোপড় বা লাগিত, সমস্ত দিতে রাজী ছিলাম; কিন্তু অর্থাৎ কাণ্ড। ছোঁড়াটা এতগুলি টাকাতেও ভুলিল না, সারাকে বিবাহ করিতে সম্মত হইল না; বলিয়া বসিল—সে আমার মেয়েকে চায়! ছোটলোকের স্পর্শ দেখিলে?”

কাউন্ট সবিস্ময়ে বলিলেন, “আপনার মেয়েকে বিবাহ করিতে চাহিল?”

আনা স্মিট বলিল, “পাগল, পাগল! ছোটলোকের ছেলে, তাহার বাপ কৃষাণী করে; সে আমার কারখানার একটা মজুর বলিলেই চলে। সে কি না বিবাহ করিতে চায় আমার মেয়েকে—বে পনের লক্ষ ফ্রাঙ্কের উত্তরাধিকারিণী! কিন্তু উন্মাদের কি কাণ্ডজ্ঞান আছে?”

কাউন্ট বিস্ময় দমন করিতে না পারিয়া বলিলেন, “কত বলিলেন? পনে—র লক্ষ ফ্রাঙ্কের উত্তরাধিকারিণী আপনার ঐ কন্যা?”

“চারের মাছ টোপ বুঝি গেলে”—তাবিয়া আনা স্মিট তাচ্ছল্যভরে বলিল, “ই, আমার স্বামী মৃত্যুকালে বাখার জন্ত নগদ কিছু টাকা রাখিয়া গিয়াছেন; সমগ্র সম্পত্তির তুলনায় তাহা নিতান্ত সামান্য হইলেও তাহার পরিমাণ পনের লক্ষ ফ্রাঙ্কের কম নয়। আমিই তাহার

অভিভাবিকা ও 'ট্রিষ্টা' বার্থা কোন কারণে আমার অবাধ্য হইলে আমি কয়েক বৎসর এই সম্পত্তিতে তাহাকে বঞ্চিত করিয়া রাখিতে পারি—সে অধিকার আমার আছে।"

কাউন্ট সাগ্রহে বলিলেন, "পনের লক্ষ ফ্রাঙ্ক!—তা সেই মিন্টোটার ফ্যাপামীর পরিচয় পাইয়া আপনি কি করিলেন?"

আনা স্মিট বলিল, "আমি? আমি তাহাকে তৎক্ষণাৎ বাড়ী হইতে বাহির করিয়া দিলাম; তাহার পর কারখানায় গিয়া হাঙ্গামা করায় পুলিশ তাহাকে হাজতে লইয়া যায়। পরে সে অনেক কষ্টে খালাস পাইয়া লোকের গঞ্জনায় দেশত্যাগী হইয়াছে।"

কাউন্ট ক্ষণকাল নিস্তব্ধ থাকিয়া বলিলেন, "আপনি আমার অশিষ্টে কোতূহল জন্মা করিবেন—আপনার কন্যা কি সেই মরুভূমির প্রতি এক আঁধু—কি বলি—পক্ষপাতের ভাব দেখাইয়াছিলেন না কি?"

এই প্রশ্ন শুনিয়া ঘণায় আনা স্মিটের চোখ-মুখ লাল হইয়া উঠিল। সে ক্র কৃষ্ণিত করিয়া বিরাগভরে বলিল, "কাউন্ট, কাউন্ট, তোমার শূণ্যের এ রকম"—বৃদ্ধার কথা শেষ হইল না, তাহার মূর্ত্ত্যাব উপক্রম হইল! সে গাড়ীতে চেস দিয়া হতাশভাবে নিভের মুখে হাতপাখা ঘরাইয়া ঠাণ্ডা হইতে লাগিল। তাহার পর নাসিকা কুঞ্চিত করিয়া বলিল, "আমার মেয়ের এ রকম প্রকৃতি হইবে—ইহা কল্পনা করাও কি আমার পক্ষে অপমানজনক নহে?"

আনা স্মিটের ভাবভঙ্গী দেখিয়া কাউন্ট উৎকণ্ঠিত হইলেন; তিনি ক্ষুব্ধ স্বরে বলিলেন, "আশা করি, আমার কথায় আপনি বিরক্ত হননি?"

আনা স্মিট বলিল, "না; কিন্তু এ যে বড়ই ঘণার কথা, কাউন্ট।"

কাউন্ট নিস্তব্ধভাবে কি ভাবিতে লাগিলেন। আনা স্মিট বুঝিতে পারিল—সেই পনের লক্ষ ফ্রাঙ্ক তাহার মস্তিষ্ক বিপ্লবের সৃষ্টি করিয়াছে। সে তাহার কণ্ঠকে 'কাউন্টস্' কন্ঠিতে পারিবে, এ বিষয়ে তাহার আর সন্দেহ রহিল না। সে মনে মনে হাসিয়া বলিল, "কাউন্ট, আমার ইচ্ছা, তুমি তোমার ছুটিটা আরও কিছু

দিন বাড়াইয়া লও। যে অল্প কয়েক দিন আমাদের মধ্যে বাস করিলে—তাহা ত দেখিতে দেখিতে কাটিয়া গেল, আমার ছেলেদেরও ইচ্ছা। তুমি আর কিছু দিন এখানে থাক। জুরিচের চতুর্দিকে অনেক সুন্দর স্থান আছে, সেগুলি তোমার ত দেখা হয় নাই। আমার ইচ্ছা, তোমাকে পিটারকে আর বার্থাকে সঙ্গে লইয়া একবার ওয়ালেন্টোডে যাই।"

কাউন্ট বলিলেন, "হাঁ, যখন এখানে আসিয়াছি, তখন এ অঞ্চলের দর্শনযোগ্য স্থানগুলি দেখিবার সুযোগ ত্যাগ করা সম্ভব নহে। আজ রাতে আরও কয়েক সপ্তাহ ছুটির জন্ত পত্র লিখিব।"

আনা স্মিট খুসী হইয়া বলিল, "হাঁ, নিশ্চয়ই লিখ চাই, কাউন্ট!"

সায়ংকালে আনা স্মিট বাড়ী ফিরিয়া খাস-কামরায় বিশ্রাম করিতে বসিলে বার্থা সেই কক্ষে প্রবেশ করিয়া বলিল, "খবর কি, মা! মনের ভাব কিছু বুঝিতে পারিলে?"

আনা স্মিট হাসিয়া বলিল, "নিশ্চয়ই। কাউন্ট আরও কিছু দিন ছুটি লইয়া এখানে থাকিতে সম্মত হইয়াছে। তাহাকে সঙ্গে লইয়া ওয়ালেন্টোডে বেড়াইতে যাইব; তুমি ও পিটারও আমাদের সঙ্গে যাইবে।"

সারা বলিল, "ওয়ালেন্টোডে?"

আনা স্মিট বলিল, "হাঁ, সেখানে তুমি কাউন্টের সহিত মিশিবার অধিক সুযোগ পাইবে। আমার বিশ্বাস, তুমি একটু চেষ্টা করিলেই কাউন্টের হৃদয় জয় করিতে পারিবে; সে তোমাকে লাভ করিবার জন্ত ব্যাকুল হইয়া উঠিবে।"

বার্থা মুহূ হাসিয়া বলিল, "আমাকে, না আমার টাঁকাগুলি?"

আনা স্মিট বলিল, "সে একই কথা; তোমাকে বাদ দিয়া তোমার ঐশ্বর্য্য তাহার লক্ষ্য হইতেই পারে না, তোমার মূল্য সে বুঝিতে পারে। তা ছাড়া কাউন্টস্ ভন্ আরেনবর্গ খেতাবের মূল্য কত, তাহাও আমার জানা আছে। তুমি একটু বুঝিয়া চাল দিতে পারিলেই এ খেলায় কাউন্টকে মাত করিতে পারিবে, মা।" বৃদ্ধার কণ্ঠস্বরে স্নেহ উথলিয়া উঠিল।

বার্থা হাসিয়া বলিল, "তা বটে; কিন্তু মা, স্বরণ

রাখিও, পেয়ালার চা মুখে উঠিবার পূর্বে কতবার
ফস্কাইতে পারে।” (Remember, maman, there
is many a slip betwixt the cup and the lip.)

আনা স্মিট কস্তার কথা শুনিয়া হঠাৎ অত্যন্ত
উদ্বেগিত হইয়া বলিল, “না, এবার ফস্কাইতে দিলে

বুঝিব, সে তোমারই দোষ, বার্থী ! তোমার সে অপরাধ
আমি নিশ্চয়ই ক্ষমা করিব না, কাউন্টের মহিষী হইবার
জন্য তোমাকে প্রাণপণ চেষ্টা করিতে হইবে। এত বড়
সুযোগ পাইয়াও তুমি কাউন্টের হইতে না পারিলে
আমি ‘হার্টফেল’ করিয়া মরিব !” [ক্রমশঃ।

শ্রীদীনেন্দ্রকুমার রায় ।

বেদ

নমি ব্রহ্মের বায়ুর রূপ। মহাসিদ্ধুর গর্ভ হ'তে
অশেষ ঔৎসর্গিকিতে কবে উদ্বিগ্ন হ'লে ব্যোমের পথে ?
সিদ্ধিতে রাগি ইন্দু-মাধুরী, রক্ত-বীজেরে সঙ্গে নিলে,
বোম-তরঙ্গে গ্রহমণ্ডলে আদি ভারতীর জন্ম দিলে।
বিরাট জনের লক্ষ্মী বিলাসে ত্যজি বরণের রত্নাগারে
গীর্কীগীর্ভূতি বহিয়া ছুটিলে মরুভূমি ধরার পারে
জ্বালা পৃথিবীরে তপ্ত করিয়া। হে জ্ঞান-সবিতা দীপ্ততম,
মহামানবের মনোযজ্ঞের হতবহ, তব চরণে নমঃ ;
তব ওঙ্কার শব্দের নাদে আশ্রয় হ'ল জনম নব
লভি বিজয় হলো প্রবুদ্ধ গুণাহিত 'স্বঃ-স্বপ্ত' ভব।
হলো চকল পরমাণুদল জীবন-লক্ষ উটিল জাগি
ঘন-খাবর্কে নাহারিকাগণে মনোমণ্ডল সৃজন লাগি।
ভূভূবঃ স্বর্গের মাঝারে রচিয়া উটিল দীর্ঘিত-সেতু
কড় স্নেহের শিখরে উড়িল জ্ঞান-চতনার বিজয়-কেতু।
ধ্বাস্তের চির অস্থক তুমি, মুচের বচন-দৈন্ত ক'ম'
ভর্গদেবের অঘোর তুমি, চরণে তোমার লক্ষ নমঃ।
চির উদাত্ত তোমার সূক্ত গ্রহ-তারকা য ধ্বনিত নভে
ভৈরবে বাজে তাণ্ডব সহ ঋতদেবের বিবাণ-রণে।
মেঘমলারে অমুদে বাজে অস্তোধিমাঝে কখনো
বড়ুঞ্জ বজ্র, দীপ্ত দীপকে মরুভূমিতে সতত সাধে।
রণিত গোত্র-মাতার কণ্ঠে, বিবজিতের বচন ধ্রুবে,
প্রজাপতি-ধ্বি-ছন্দোময়ে বৃহতী জগতী অনুরূপে।
সঙ্গীত তব ধৃত তরঙ্গে ধৈবতে ধাত শ্রোত্রের
কুজন-গুণ্ডে পকমে রত, প্রণব পুরুষ চরণে নমঃ।
নাল-লোহিতের ললাটনেত্রে জলে চির তব তাপসী তৃষা
পকঃরের নখর লীলা ভঙ্গ করিয়া দিবস নিশা।
কুণ্ডে হোজে বেদী চন্দ্রে জাগে পিঙ্গল তোমার শিখা
নমো হিমাচল আহিতাগ্নিক ললাটে অপ্রভঙ্গ-টীকা।
তোমার আয়ো যজ্ঞো যুম, পর্জন্তের জন্ম দিয়া,
'কব্য' 'বিকীর' 'বলি' 'চর'দানে জীবলোকে রাখে সঞ্জীবিয়া।
তপ', জন, মহ', পিতৃলোকের জ্ঞানদূত, চিরারাধ্য মন,
জীব-জগতের বহি-জীবন, ভাষার তব চরণে নমঃ।
তোমার ঈর্ষি তাপস-বতির পিঙ্গল জটাকূর্চ রাজে,
অরণি শরীর শিরায় শিরায় গুণ্ড অন্ন হবির মাঝে।
জলে বিপ্রেয় দীপ্ত নেত্রে বজ্রোপবীত অংসে জাগে
মন্দিরে ধূপ-দীপের বজ্জে, কজশূরের শরের আগে।
ভারতের ক্রম আধ্যাত্মিক জীবনে জালছে অমৃতরসে,
ঐহিকতার চিত্তার সমিধে অগ্নি মনু মস্ত্রে পথে।
রবির সবিতা, তেজোব্রহ্ম, যদিও গরুড় নিখিল তমঃ
জালোক-ভূমার হারাই তোমার উদ্দেশ্য তব লক্ষ নমঃ।

জ্ঞান-জগতের তুমি হিয়ার্জি, ভারতের গুণসাধনে রত,
সংহিতা-শ্রুতি-বড়বেদাঙ্কে দিলে প্রাণ নদ-নদার মত।
তোমার গর্ভে তাপস সর্ক পূজে গিরগ্য গর্ভ দেবে
ওষধিরা সব তব স্নেহরসে জলিয়া ওষধি-নাথেরে সেবে।
প্রজাপতিগণ বলাহক সম তোমার মেখলা ঘোরয়া ঘুরে
তুবার-পরশ কলাপ রস বিতরে নিখিলে সৃষ্টি জুড়ে।
তব সানু-ছায়ে রচে আশ্রম ব্রহ্মবিদ্যা, সত্য, শম,
'উক্ণ' বচনে বিকৃণ তোমার, হে বিরাট ত' চরণে নমঃ।
তুমি এক, তব ভূমায় প্রকাশ বজরে কিরায়ে এনেছ একে,
একটি মৃগালে রাজীবের কোষে কোটি কোটি স্বপ্নঃ রেখেছ ঢেকে
তব সংসারে মরুতে জনক, সলিলে বন্ধু, মহীরে মাতা,
পেয়েছি তপনে সোম সখারূপে, মহাবোমো মেরা পেয়েছি ভ্রাতা
সকলের মাঝে প্রেমের সমাজে করিয়া রেখেছ আশ্রয়
গুণো পিণ্ডামহ বক্ষু কুহরে বাঁচায় রেখেছ মোদের ধারা।
হে অমৃতশক্তি মোদের জীবন তব কুণ্ডলে মুকুতাসম
ধ্বংসের ভয় আমরা রাখি না, দক্ষিণ, তোমা লক্ষ নমঃ।
তুমি আদি বাক, চাহ প্রাতনাদ, তোমার মহিমা ব্যয় না বুঝা
মানব-কণ্ঠে পুনরুদারণ গজার জলে গঙ্গাপূজা।
মুক হয়ে আসে এ বাগ্‌বস্ত্র, দুন্দল হুপিওখানি,
আশ্রয় দাও বজ্রের তেজ, দাও এ কণ্ঠে চণ্ডাবাণী।
মরুধর্গে ফুৎকারে মম ব্রহ্মরক্ষ, ভর' গো ভর'
খাত কর মোরে জনমে জনমে যুগে যুগে রণশত্রু কর'।
তোমাতে আমার উদয় বিলয় ঋষি-গীত ঋক্ মন্ত্রোপম
স্বর-গ্রামের ওদানে পতনে, রুদ্র !, তোমার চরণে নমঃ।
সোমসামে তব সোম্যরূপ নহ তুমি শুধু রুদ্র নহ,
সোমধারা পথে মর্গ্যজনেরে মিলাও পিতৃগণের সহ।
ফুল কল রসে গোরসে মরসে মাধুরী স্বেষা ফুটাও নিজ,
তোমারে দেবিছে সোম ক্ষীরায় সোমবাগে শত সোমপ বিজ
আশিস্ তোমার গুণশক্তিতে বন্ধ করিছে ধরার ভূপে,—
বৈশ্ণব করে ওষধি ধনে, বৈশ্ণব গৃহে শস্তরূপে।
জীবলোক ধারা রাখে বহমান ঘটায় পাবন গুণোপবন
জীবনে জীবনে প্রেমের মিলনে, হে সোম-জীবন চরণে নমঃ।
মধুমাধবের সকল মাধুরী তোমা হ'তে বয় হে চির-প্রিয়,
সোমবলীর উপবীত তব মধুমলীর উত্তরায়।
ইন্দুতে করে, সিদ্ধিতে করে, মধুবারে উড়ে মধুর রেণু
ব্যাধি মুখা হরে ওষধিমালায় চালে মধুধারা মেদিনী-ধেয়ু
শত মধুভতী তটবতী নিতি মধুর কণ্ঠে গাহিছে জয়
মধুজারে মধু-পর্কের মত করেছ ভোগ্য-সৌখ্যময়।
পাপ-তাপময়, মর্গ্য-জীবনে করিয়াও তুমি বেদুর-কম,
মধুকোষে মেরা মক্ষীর মত। মধু-মহোদধি তোমায় নমঃ।

শ্রীকালিদাস রায় ।



ইউক্যালিপ্টাস

ইংরাজের ভারতে আগমনের সময় হইতে অনেকগুলি বিদেশীয় উদ্ভিদের এতদেশে আবির্ভাব হইয়াছে; কিন্তু সবগুলির প্রবর্তন যে শুভজনক হইয়াছে, তাহা বলা যায় না; বাঙ্গালার জলপথ-সমূহ-রক্ষকারী কচুরিপানা তাহার একটি প্রকৃষ্ট দৃষ্টান্ত। ইহাতে কিন্তু কিছুমাত্র সন্দেহ নাই যে, ইউক্যালিপ্টাসের প্রবর্তনে ভারতের নানা স্থানে যথেষ্ট মঙ্গল সাধিত হইয়াছে। ইউক্যালিপ্টাসের আদিম বাস অষ্ট্রেলিয়ায়; কিন্তু এখন ইহা পৃথিবীর নানা স্থানে ব্যাপ্ত হইয়া পড়িয়াছে। যুরোপে দক্ষিণ-ফ্রান্স, ইতালী, স্পেন, পর্তুগাল; আমেরিকায় ক্যালিফোর্নিয়া, ফ্লোরিডা, মেক্সিকো; আফ্রিকায় আলজিয়ার্স, মিশর, ট্রান্সভাল এবং দক্ষিণ-এসিয়ার নানা স্থানে আজকাল অল্পবিস্তর পরিমাণে ইউক্যালিপ্টাস বৃক্ষ দৃষ্টিগোচর হইয়া থাকে। ইউক্যালিপ্টাস গণে (genus) প্রায় ৩শত জাতি আছে; জলবায়ু ও মৃত্তিকার এবং পারিপার্শ্বিক অবস্থার প্রভেদ হইতেই বিভিন্ন জাতির উৎপত্তি হয়। ইউক্যালিপ্টাসের এইরূপ অবস্থানুযায়ী পরিবর্তনের ক্ষমতা থাকাতেই ইহা নানা দেশে নানা অবস্থার মধ্যে জন্মিতে সমর্থ। ভারতে ইহার প্রবর্তন ৮০৮৫ বৎসরের অধিক নহে। উৎকামন্দ, সাহায়াণপুর ও লক্ষ্মোয়ে সর্বপ্রথম কয়েকটি করিয়া গাছ পরীক্ষার জন্ত রোপিত হয়। এই তিনটি কেন্দ্র হইতেই যথাক্রমে দাক্ষিণাত্যে, পঞ্চনদে এবং যুক্তপ্রদেশে ইউক্যালিপ্টাস বৃক্ষের প্রসার বৃদ্ধিপ্রাপ্ত হইয়াছে। শিবপুর উদ্ভিদ-উদ্যান হইতেও বীজ এবং চারা লইয়া বঙ্গ, বিহার ও আসামে অনেকে নিজ নিজ বাগান-বাগিচায় এই উপকারী বৃক্ষের আবাদ করিয়াছেন। তথাপি বঙ্গদেশ, আসাম, উড়িষ্যা, মধ্যপ্রদেশ প্রভৃতি অঞ্চলে ইহা কম সংখ্যায় দেখিতে পাওয়া যায়; কিন্তু একবারে

ইউক্যালিপ্টাস-শুল্ক প্রদেশ ভারতে বোধ হয় আজকাল নাই। নানা স্থানে জন্মিলেও নীলগিরিকেই ভারতের মধ্যে ইউক্যালিপ্টাসের প্রধান আবাসভূমি বলিয়া গণ্য করিতে পারা যায়। স্থানীয় লোকের, খেতাদ বাগিচা-ওয়ালগণের, বিশেষতঃ বনবিভাগের চেষ্টায় এই স্থলে এত প্রচুর সংখ্যায় ইউক্যালিপ্টাস উৎপাদিত হইয়াছে যে, নীলাচলে এখন ইউক্যালিপ্টাস তৈল-শিল্পের প্রতিষ্ঠা সম্ভবপর হইয়াছে।

স্বাস্থ্যের সহিত সম্বন্ধ

যে সময়ে দূষিত বাষ্প হইতে ম্যালেরিয়ার উৎপত্তি-বাদ প্রচলিত ছিল, সে সময়ে ম্যালেরিয়াত্ব দেশে যথেষ্ট পরিমাণে ইউক্যালিপ্টাস বৃক্ষ রোপিত হইত। তাহাতে উক্ত প্রকার বাষ্প বিনষ্ট হইবে বলিয়া লোকের ধারণা ছিল। এখন ম্যালেরিয়া রোগের প্রকৃত-কারণ আবিষ্কৃত হওয়ার সাক্ষাৎভাবে ম্যালেরিয়া দমনের জন্ত আর কেহ ইউক্যালিপ্টাস রোপণ করে না। কিন্তু ইউক্যালিপ্টাসের সহিত ম্যালেরিয়া দমনের সম্বন্ধ যে একবারেই নাই, তাহা বলা যায় না। ইহার পত্রস্থিত বায়ী তৈল সূর্যোত্তাপে কতক পরিমাণে বিক্ষিপ্ত হইলে বায়ুমণ্ডল ঘেঁষিবে হয়, তাহা অনেকেই স্বীকার করেন। তদ্বিধ ইহার আরও একটি গুণ আছে। ইহার মূল অনেক দূর পর্যন্ত মৃত্তিকায় প্রবেশ করিয়া প্রভূত পরিমাণে রস শোষণ করিতে পারে। কঙ্করময় জমীতেও কোন কোন স্থানে বিশেষ জাতীয় ইউক্যালিপ্টাস, এমন কি, ৭০ ফুট পর্যন্ত মূল প্রসারণ করিয়াছে; পরীক্ষা দ্বারা ইহাও দেখা গিয়াছে যে, অত্র উদ্ভিদের তুলনায় ইহা চতুর্গুণ জল টানিতে পারে। এই জন্ত ক্ষুদ্র ক্ষুদ্র জলাশয়ের সন্নিকটে ইউক্যালিপ্টাস রোপণ করিলে ঐ সমুদয় অল্পদিনের মধ্যে শুকাইয়া যায়। জলাভাবে মশক-অণু জন্মিতে না

পারায় মশককুল নির্কংশ হইয়া গেলে ম্যালেরিয়া-সংক্রমণের সম্ভাবনা কম হয়। আলজিয়ার্সে ইউক্যালিপ্টাস রোপণের এইরূপ প্রত্যক্ষ ফল দেখা গিয়াছে। দুঃখের বিষয় যে, বাঙ্গালায় ইউক্যালিপ্টাসের জলশোষক গুণ এ-পর্যন্ত সম্যক্রূপে উপলব্ধ হয় নাই। আমাদিগের পল্লীসমূহে ইউক্যালিপ্টাস রোপণ দ্বারা অনেক সুফল ফলিতে পারে। ঔষধার্থ ইউক্যালিপ্টাস তৈল নির্ধারিত ব্যবহার অনেকই অবগত আছেন। ইহার যথেষ্ট পরিমাণে জীবাণু-নাশক গুণ থাকায় ইউক্যালিপ্টাস তৈল পচন-নিবারক; তরুণ সর্দি কাসিতে ইহার ঝাস খুবই ফলপ্রদ; তৈলমর্দনে চোট লাগিয়া ব্যথা ও বাতেরও উপশম হয়। এতদ্বিন্ন অন্তর্বিধ রোগে ও গৃহাদির বায়ুশোধন করিতে ইউক্যালিপ্টাস তৈল প্রয়োগের প্রথা আছে।

কাষ্ঠ ও নির্ধাস

অষ্ট্রেলিয়ার ইউক্যালিপ্টাসের প্রধান ব্যবহার কাষ্ঠ-রূপে। তথায় ইহার সাধারণ নাম নির্ধাসবৃক্ষ অর্থাৎ gum tree. অধিকাংশ নির্ধাসবৃক্ষই ঋজুভাবে অনেক উচ্চ হইয়া থাকে। শাখা-প্রশাখা অপেক্ষাকৃত কম হয়। সেই জন্ত ইহার কাষ্ঠ অধিকতর মূল্যবান। ১শত ৫০ ফুট লম্বা ও ১০ ফুট বেড়ের গাছ, যাহা হইতে ৮০ ফুট দীর্ঘ বাতি-কাষ্ঠ পাওয়া যাইতে পারে, অষ্ট্রেলিয়ার জঙ্গলে বিরল নহে। নানাবিধ কার্যে ইউক্যালিপ্টাস কাষ্ঠ প্রয়োগ করা যাইতে পারে; তন্মধ্যে পোত-নির্মাণ, গৃহ প্রস্তুত, গৃহসজ্জা, বেড়া ও পুল তৈয়ারী, টেলিগ্রাফের খুঁটি, রেলের স্লিপার, গাড়ীর চাকা ও কৃষিযন্ত্রাদি অন্তর্ভুক্ত। এতদ্দেশে জাড়া (Jarrah wood) নামক যে কাষ্ঠ প্রচুর পরিমাণে আমদানী হইয়া থাকে, তাহা পশ্চিম অষ্ট্রেলিয়ার E. Marginata হইতে প্রাপ্ত। আরও এক জাতি (ochrophloeae) হইতে সমপ্রকারের সুদৃঢ় কাষ্ঠ পাওয়া যায়। ফলতঃ বাগিচার হিসাবে ইউক্যালিপ্টাস রোপণ করিলে জালানি ব্যতীত তরু প্রস্তুতের উপযোগী যথেষ্ট কাষ্ঠ উৎপাদিত হইতে পারে। কতিপয় জাতীয় ইউক্যালিপ্টাস হইতে ভূর্জপত্রের স্থায় বৃক্ষ পাওয়া যায়। উহা গৃহের ছাদ তৈয়ারীতে এবং

দড়িডা ও কাগজ প্রস্তুত ব্যাপারে ব্যবহৃত হয়। আবার কয়েকটির ছালে কষের মাত্রা নিতান্ত কম নহে। চামড়া তৈয়ারীতে উক্ত প্রকার ছালের প্রচলন আছে। ইউক্যালিপ্টাসের আঠা রক্ত অথবা, নীলবর্ণ-বিশিষ্ট; লোহিত গঁদের ঔষধ প্রস্তুতে এবং উভয় প্রকার আঠা কোন কোন শিল্পে প্রয়োগ করা হইয়া থাকে। জাতি ও স্থানবিশেষে গঁদের মাত্রার তারতম্য হয় এবং এক এক সময় অতি সামান্য মাত্রায় গঁদ দেখিতে পাওয়া যায়। কোন কোন জাতীয় ইউক্যালিপ্টাসের রস নির্গত হয় এবং তাহা হইতে স্থানীয় লোকরা তাড়ী প্রস্তুত করে।

ইউক্যালিপ্টাসের আরও একটি গুণ এই যে, যথেষ্ট সংখ্যায় উৎপাদিত হইলে ইহাদের বৃক্ষশ্রেণী বায়ুমণ্ডল হইতে জলীয় বাষ্প আকর্ষণ করে। যে সকল অঞ্চলে বৃষ্টি কম হওয়ার জন্ত চাষের জমীর পরিমাণ সঙ্কচিত হইয়া আসিতেছে, সেসকল স্থানে ইউক্যালিপ্টাসের বাগিচা প্রতিষ্ঠায় লাভ আছে। আফ্রিকায় নীলনদের ব-দ্বীপে পূর্বে বৎসরে মোটে ছয় দিন বৃষ্টি হইত; চাষ-আবাদ একপ্রকার উঠিয়া গিয়াছিল; কিন্তু ৬০ বৎসর ধরিয়া ইউক্যালিপ্টাস উৎপাদনের পর উক্ত দেশের অবস্থা আজকাল এরূপ দাঁড়াইয়াছে যে, বৎসরে প্রায় ৪০ দিন বৃষ্টি হয়। কমলোব সংখ্যা ক্রমশঃ বৃদ্ধিপ্রাপ্ত হইয়া নীলের ব-দ্বীপ ক্রমশঃ সমৃদ্ধিসম্পন্ন হইয়া উঠিতেছে। উত্তর ও মধ্যভারতে এরূপ প্রায় বাবিলীন, অম্বুর্সর ভূখণ্ড সমূহের অভাব নাই। সে সকল স্থানে ইউক্যালিপ্টাসের চাষ বাঞ্ছনীয়।

বিভিন্ন স্থানের উপযোগী জাতি

ইউক্যালিপ্টাসের এত অধিক প্রকার জাতি আছে যে, প্রায় সর্বপ্রকার জমী ও আবহাওয়ার উপযুক্ত জাতি পাওয়া দুর্ঘট নহে। বস্তুতঃ ভাবতের প্রায় সকল অঞ্চলেই উপযুক্ত ইউক্যালিপ্টাস আছে। এ সম্বন্ধে বিস্তারিত আলোচনা এ স্থলে অসম্ভব; তবে মোটামুটি ২৪টি জাতির উল্লেখ করিতে পারা যায়। পূর্বে ইউক্যালিপ্টাস প্রধানতঃ সখের হিসাবেই রোপিত হইত এবং অধিকাংশ লোকের ঝাঁক globulus ও citriodorae-র উপরে ছিল। তৈল উৎপাদনের পক্ষে

globulus অবশ্য সর্বোৎকৃষ্ট জাতি, কিন্তু ইহা সকল স্থানের পক্ষে উপযুক্ত নহে। নীলগিরির জায় আবহাওয়া-বিশিষ্ট স্থানে ইহা উৎকৃষ্টরূপে জন্মে। citriodora প্রসার ইহা অপেক্ষা অধিক ও ইহা পাহাড় এবং সমতল প্রদেশ, উভয় স্থানেই যথেষ্ট বৃদ্ধিপ্রাপ্ত হয়। rostrata এবং tereticornis জাতির বড় বড় গাছ যুক্তপ্রদেশ ও পঞ্চনদে বিরল নহে, এবং রাস্তার ধারে, বাগানে ও উগ্ৰক্ষেত্রে সম্মতেজেই জন্মিয়া থাকে। বড় বড় পাহাড়ের গায়ে ও পাদদেশে albus ও microrrhynchus সহজেই আশ্রয়প্রতিষ্ঠা করিতে পারে। অপেক্ষাকৃত পাদপশ্চ পর্বতমালার পক্ষে এই দুই জাতি উপযোগী। মধ্যপ্রদেশের জায় অত্যুষ্ণ ও শুষ্ক স্থানের জন্ম dumosa অপেক্ষা অধিকতর উপযোগী জাতি পাওয়া অসম্ভব। ইহার তৈল ও উৎকৃষ্ট শ্রেণীর। নিম্ন-বঙ্গ, আসাম এবং পূর্ব ও পশ্চিম উপকূলের আর্দ্র ও উষ্ণ অঞ্চলে macurthurii, patentinervis এবং rostrata ইত্যাদি জাতি রোপণ করিয়া উৎকৃষ্ট ফল পাওয়া যাইতে পারে। পশ্চিম-বঙ্গের স্থানে স্থানে উইর প্রকোপে প্রায় কোন গাছ জন্মান যায় না। সেরূপ স্থানে microcorys জাতির চাষ করিতে পারা যায়। ইহা বহুল পরিমাণে উই-আক্রমণসহ। ফলতঃ ইহা সুরক্ষা রাখা আবশ্যিক যে, যেখানেই বসান হউক, ২১৪টি গাছ লাগাইয়া কোন লাভ নাই। অধিকসংখ্যক হইলেই ইউক্যালিপ্টাস ব্যবহারিক হিসাবে ফলপ্রদ হয়।

চাষ-প্রণালী

ইউক্যালিপ্টাস গাছ খুবই কষ্টসহিষ্ণু। কিন্তু সমস্ত প্রবর্তিত উদ্ভিদকেই প্রথম প্রথম জন্মাইতে একটু অধিক যত্ন করিতে হয়। রোপণের পর ২১৪ বৎসর গাছের বৃদ্ধি ও পরিপুষ্টির প্রতি লক্ষ্য রাখিলে ইউক্যালিপ্টাস সুদৃঢ়ভাবে আশ্রয়প্রতিষ্ঠা করিতে সমর্থ হয়। পরে কার্যতঃ আর কোন পাটই আবশ্যিক হয় না। চারা প্রস্তুতের জন্ম উত্তমরূপে চূর্ণীকৃত দোয়াশ মাটি ও কাঠের ছাই মিশ্রিত করিয়া তলা প্রস্তুত করিতে হয়। উক্ত তলায় কপির বীজের জায় বীজ বৃত্তিতে পারা যায়। বীজের সহিত মোটাদানা বালি মিশ্রিত করিয়া বুনিলে

তলায় সর্বস্থানে সমভাবে বীজ পড়ে। বীজ বপন করিয়া তাহার উপর ১ ইঞ্চি আন্দাজ মৃত্তিকা ছড়াইয়া দিয়া মাটি একটু চাপিয়া দিতে হয়। বীজ বপনের পূর্বে ও পরে প্রতিদিন বৈকালে তলায় আবশ্যিকমত জল ছিটাইয়া দেওয়া দরকার। অঙ্কুর বহির্গত হইলে জল কম করিতে পারা যায়। গাছগুলি ৩৮ ইঞ্চি পরিমিত বড় হইলে উহাদিগকে তুলিয়া নির্বাচিত স্থানে রোপণ করা হইয়া থাকে। অত্যধিক গ্রীষ্ম ও বর্ষার সময় বাদ্য দিয়া বৎসরের অন্তর্বে কোন সময় ইউক্যালিপ্টাস বীজ বপন করিলে অকৃতকার্য হইবার কোন কারণ নাই। বাগিচা হিসাবে চাষ করিতে হইলে চতুর্দিকে ১২ ফুট ব্যবধান রাখিয়া গাছ বসান নিয়ম। ইহা পাতার জন্ম যেখানে কেবলমাত্র কাষ্ঠ উৎপাদনই উদ্দেশ্য, সেখানে ৮১০ ফুট ব্যবধানে পুঁতিলেও কোন ক্ষতি হয় না। প্রথম ২১২ বৎসর ক্ষেত্রে বাহাতে অধিক আগাছা না জন্মায়, তাহা দেখা দরকার। গাছ বড় হইয়া গেলে আর সেরূপ যত্ন আবশ্যিক হয় না। কারণ, ইউক্যালিপ্টাসের মূল মৃত্তিকার বহু নিম্নে প্রবেশ করিয়া রস সংগ্রহ করে। ক্ষুদ্র-মূলবিশিষ্ট সাধারণ আগাছায় তাহার কিছু ক্ষতি করিতে পারে না।

তৈল উৎপাদন

ইউক্যালিপ্টাসের প্রায় ৩ শত জাতির মধ্যে কেবলমাত্র প্রায় ২৫টি জাতি তৈল উৎপাদনের উপযোগী। ভারতে: অনেক স্থলে ইউক্যালিপ্টাস দৃষ্ট হইলেও শুধু নীলগিরিতেই বর্তমান সময় ব্যবসায়িক হিসাবে তৈল উৎপাদিত হইতেছে। তৈল উৎপাদনক্ষম ইউক্যালিপ্টাস গাছ কাছাকাছি এত অধিক সংখ্যায় আর কোথাও নাই। নীলগিরি অঞ্চলে কত পরিমাণ জমীতে ইউক্যালিপ্টাস জন্মিয়া থাকে, তাহার ঠিক হিসাব পাওয়া যায় না, তবে বড় বড় বাগিচাগুলির মোট বর্গফল ১ হাজার বিঘার কম হইবে না। এতদ্বির প্রক্ষিপ্তভাবে সরকারী ও বে-সরকারী জমীতে অল্প-বিস্তার গাছ আছে সকল জাতীয় ইউক্যালিপ্টাসের তৈল এক প্রকার নয় গঠন উপাদানে, বর্ণে, গন্ধে ও গুণে ইহাদের মধ্যে যথেষ্ট পার্থক্য লক্ষিত হইয়া থাকে। কিন্তু সাধারণতঃ



ইউক্যালিপ্টাস বাগিচা, দক্ষিণে ছয় বৎসর ও বামে ২ বৎসর বয়স্ক গাছ

এই সমুদয় তৈলকে স্থূলতঃ দুইটি শ্রেণীতে বিভক্ত করা হইয়া থাকে। প্রথম শ্রেণীর তৈলে phellandrene প্রমাণ উপাদান—E amygdalinaয় তৈল ইহার আদর্শ। দ্বিতীয় শ্রেণীর তৈলের আদর্শ E. globulus-এর তৈল এবং ইহার প্রধান উপাদান cineol। আপাততঃ দ্বিতীয় শ্রেণীর তৈলকেই ঔষধার্থ ব্যবহারে প্রাধান্য দেওয়া হয়, কিন্তু প্রথম শ্রেণীর তৈল যে কোন অংশে দ্বিতীয় শ্রেণী অপেক্ষা হীনতর, তাহা অনেক বিশেষজ্ঞই স্বীকার করিতে প্রস্তুত নহেন। সে যাহা হউক, দ্বিতীয় শ্রেণীর তৈলেরই আজকাল মূল্য অধিক। প্রথম শ্রেণীর তৈল প্রধানতঃ ধাতু-শিল্পে ধনিজ ধাতুসংবলিত প্রস্তর (ore) হইতে ধাতব সল্ফাইড সমূহ পৃথক করিতে ব্যবহৃত হয়। নীলগিরি অঞ্চলে globulus জাতিরই চাষ অধিক; ভারতীয় তৈল সেই জন্য দ্বিতীয় শ্রেণীর অন্তর্গত। প্রথম শ্রেণীর তৈল-উৎপাদনকর্ম গাছ ভারতের কোন এক

স্থানে পর্যাপ্ত পরিমাণে নাই এবং বাহাও আছে, সে সমুদায়ের এ পর্যন্ত সদ্যবহার হয় নাই।

নীলগিরি অঞ্চলে ছোটখাট অনেকগুলি বাগিচা আছে। কুঞ্জর, লডভেল, উৎকামন্দ প্রভৃতি স্থানেই এইগুলি অবস্থিত। প্রত্যেক বড় বাগিচার মালিকের ২১১টি চোলাই বন আছে। তদ্বারা তাঁহারা স্বকীয় বাগিচা-উৎপাদিত পত্র হইতে তৈল চোলাই করেন। আবশ্যক হইলে সরকারী বাগিচা অথবা ক্ষুদ্র চাষীগণের নিকট হইতে পত্র ক্রয় করা হইয়া থাকে। বিগত মহা-যুদ্ধের সময় বাহির হইতে আমদানী বন্ধ হওয়ার ভারতে ইউক্যালিপ্টাস তৈলের বড় টানাটানি পড়িয়া যায়। সেই সময়ে বনবিভাগের রসায়নতত্ত্ববিৎ সর্দার পূরণ সিংহ এই বিষয়ে অল্পসন্ধান করেন। তাহার ফলে প্রকাশ পায় যে, নীলগিরি অঞ্চলে বৎসরে প্রায় ২৪ হাজার পল্টুও তৈল উৎপাদিত হয়। টাটকা পাতার


তৈলের পরিমাণ প্রায় শতকরা ১.১৬ ভাগ ও প্রতি বৎসর বে পত্র ব্যবহৃত হয়, তাহার পরিমাণ প্রায় ১ হাজার ৩ শত টন। ছোট বড় সকল প্রকার গাছের পাতা হঠতেই তৈল চোলাই করিতে পারা যায়। তৈলের পরিমাণের হিসাবে ৫০ বৎসরের অথবা ততোধিক বয়স্ক গাছের পাতাটি উষ্ম। কিন্তু তৈল-শিল্পের দ্রুত সম্প্রসারণ করিতে হইলে অপেক্ষাকৃত অল্প বয়সের গাছ ছাড়াই দিতে পারা যায়। উষ্ণ গাছের নবীন পত্র হঠতে যে তৈল পাওয়া যায়, তাহা পরিমাণে সামান্য কম হইলেও ব্যবসায়ের তৈল উৎপাদনের পক্ষে স্মৃতিক উপযোগী। কাবণ, এইরূপ পত্র ব্যবহার করিলে ১০ বৎসরের গাছ লইয়া ও প্রত্যেক বৎসর তাহা ছাড়াই দিয়া কাষ চলিতে পারে। একদিন তৈল-শিল্পের আব এক দিকে ও উন্নতি সাধিত হইতে পারে। এখনও নীলাচলে অনেক স্থানে টাটকা পাতা হঠতে তৈল চোলাই হইয়া থাকে। যে স্থলে শুষ্ক পাতা ব্যবহার করিলে একসঙ্গে যেমন অধিক পাতা চোলাই হইতে পারে, তেমনই কাবখানায় পত্র বহনের খরচ কমিয়া যায়; সঙ্গে সঙ্গে শতকরা ৫০ ভাগ তৈল উৎপাদন বৃদ্ধি পায়। শুষ্ক পত্র তৈলের মাত্র শতকরা ২.২৮ ভাগ। শীতকাল বাতীত অল্প সময় খোলা বোতল পাতা শুকান ঠিক নয়, তাহাতে কিছু তৈল 'উন্নিয়া' হইতে পারে। গাছের নীচে পড়িয়া যে পত্র শুষ্ক হয়, মোটের মাথায় তাহাই ব্যবহার করা ভাল।

এখনও পর্য্যন্ত কতিপয় বাগিচার মালিকগণ ছোট ছোট চোলাই যন্ত্র ব্যবহার করেন। কিন্তু পড়তা কম করিতে হইলে একসঙ্গে অন্ততঃ ২৫ মন পত্র ব্যবহার করা উচিত। এইরূপ মধ্য আকারের চোলাই যন্ত্র লইয়া ৩০ হাজার টাকা মূলধনে তৈলের কারখানা চালাইতে পারা যায়। অল্প পত্র যত অধিক দূর হইতে আনিতে হইবে, খরচ তত অধিক পড়বে। প্রকৃতপক্ষে কাষ করিয়া দেখা গিয়াছে যে, ২ শত পাউণ্ড টাটকা পাতা হইতে ২৭৩ আউন্স তৈল পাওয়া যায়। চোলাই কার্য্য সতর্কতার সহিত সম্পাদিত হইলে দ্বিতীয় বার চোলাই আবশ্যক হয় না। শুষ্ক শুষ্ক লোডা সল্ফেটের মধ্য দিয়া ছাঁকিয়া লইলে উৎকৃষ্ট তৈল পাওয়া যায়। উষ্ণ

স্থলে globulus জাতি হইতে উৎপাদিত হইলেও অষ্ট্রেলীয় ও ভারতীয় তৈলে কিছু পার্থক্য আছে। শেষোক্ত তৈলে aldehydes শ্রেণীর উপাদান আলো নাই এবং দ্রবণীয়তা কিছু কম। কিন্তু বৃটিশ ফার্মাকোপিরার নির্দিষ্ট তৈলের স্থানে ভারতীয় তৈল ব্যবহারের কোন আপত্তি নাই। চোলাই শেষ হইয়া গেলে যে পত্র থাকিয়া যায়, তাহা হইতে আলকাতরার জ্বর এক প্রকার কষয়ুঁ সার বাহির করিতে পারা যায়। উষ্ণ কষয়ুঁ সার বাষ্পীয় ইঞ্জিনের বয়লারে মাখাইয়া দিলে বয়লারে সহজে মরিচা পড়ে না। কিন্তু এ পর্য্যন্ত ভারতে উষ্ণ কষয়ুঁ সার জ্বরের চাহিদা না হওয়ায় চোলাই যন্ত্রে ব্যবহৃত পত্র প্রায়ই ইকনের কার্য্যে প্রয়োগ করা হয়।

তৈল-ব্যবসায়

নীলাচলে প্রথম ইউক্যালিপ্টাস তৈল প্রায় ১৮৮৫ খৃষ্টাব্দে চোলাই করা হয়। তখন ইহার কেবলমাত্র স্থানীয় কাটাত ছিল। ১৮৯১ খৃষ্টাব্দে ইন্ডুস্ট্রিয়াল মহামারীর সময় এই তৈলের যথেষ্ট প্রচার হয় এবং তৎপরে বিগত মহামারীর সময় হইতে ইহার চাহিদা অত্যধিক বৃদ্ধিপ্রাপ্ত হইয়াছে। এ পর্য্যন্ত দেশোৎপন্ন তৈল দেশেই কাটিয়া যায়, সময় সময় চাহিদার অনুরূপ তৈলও পাওয়া যায় না। কিন্তু ইউক্যালিপ্টাসের তৈল-শিল্পের উন্নতিসাধন ও প্রচার বৃদ্ধি করিতে পারিলে ভারতজাত তৈলের জ্বর ইহারও বে ভারতের বাহিরে চাহিদা বাড়িবে, তাহার কোন সন্দেহ নাই। আনুমানিক: নীলগিরির নীলকরণ পাঃ প্রতি ১৭০-১১০ লার্ড মাখিয়া ১৫০ (পাইকারী) হইতে ২১০ (খুচরা) দরে বড় বোতল বিক্রয় করেন। জগতের বাজারের সহিত প্রতিদ্বন্দ্বিতা করিতে হইলে এইরূপ দর কিছু অধিক। নীলগিরিতে আপাততঃ দেশীয় প্রধান যে তৈল প্রস্তুত হয়, গড়পড়তার তাহার খরচ প্রতি পাউণ্ড প্রায় ১১ আনা। চোলাই-যন্ত্রের পরিবর্তন, শুষ্ক পত্র ব্যবহার এবং অল্পবিধ উন্নতিসাধন করিলে খরচ ৮ আনা কিংবা ৯ আনা হওয়া সম্ভব। তাহা হইলেই কলিকাতা অথবা বোম্বাইয়ের জ্বর প্রধান প্রধান বাজারে প্রতি পাউণ্ড ৬ টাকা দর



জঙ্গলের ভিতর ইউক্যালিপ্টাস তৈল চোলাই হইতেছে

দেশীয় তৈল সরবরাহ করিলেও চোলাইকরণের বখেট লাভ থাকে। ইহাই তাঁহাদের আদর্শ হওয়া উচিত এবং এইরূপ করিতে পারিলেই আন্ড্রিয়ান অথবা অন্যান্য বিদেশীয় তৈলের সহিত ভারতীয় তৈল প্রতিযোগিতা করিতে পারিবে। ইহা এ স্থলে উল্লেখযোগ্য যে, আন্ড্রিয়ানে ইউক্যালিপ্টাস চাষ 'শত বৎসরের অধিক নয়, কিন্তু ইহার মধ্যেই আন্ড্রিয়ান তৈল অস্ট্রেলীয় তৈলের প্রবল প্রতিযোগী হইতে সমর্থ হইয়াছে; এই দৃষ্টান্তে প্রণোদিত

হইয়া ভারতবাসী যদি ইউক্যালিপ্টাস চাষ ও তৈল উৎপাদনে মনোনিবেশ করে, তাহা হইলে ইউক্যালিপ্টাস তৈলের বাজারে তাহার প্রতিষ্ঠা অবশ্যস্তাবী। বঙ্গদেশে ইউক্যালিপ্টাস চাষের অধিকতর এই সুবিধা যে, ইহা দ্বারা যেমন এক দিকে খাল, ডোবা প্রভৃতি ক্ষুদ্র জলাশয় অন্তর্হিত হইয়া ম্যালেরিয়ার প্রকোপ কমিতে পারে, তেমনই অন্য দিকে উৎকৃষ্ট কাষ্ঠ উৎপাদন অথবা ইউক্যালিপ্টাস তৈলরূপ নব-শিল্পের অভ্যুদয় হইতে পারে।

শ্রীনিবন্ধবিহারী দত্ত।

অনুরোধ

লোভের কুহকে আমি
সুপথ হারাই যদি
ও পথে যেও না বলে'
দিও বাধা নিরবধি।

যদি এ জীবনে আমি
পাই ব্যথা, পাই দুখ,
হৃদয়ে তুমি যে আছ
ভেবে যেন বাধি বুক।

শ্রীউমানাথ ভট্টাচার্য।



বাঘের মুখে

১

পঁচিশ ছাব্বিশ বৎসর পূর্বে কার্যোপলক্ষে আমাকে কিছু দিন গুজরদেশে বাস করিতে হইয়াছিল। সে অঞ্চলে তখন বাঙ্গালীর সংখ্যা নিতান্ত অল্প ছিল; মারাঠী, গুজরাটী ও পার্শী ভিন্ন বাঙ্গালীর মুখ প্রায়ই দেখিতে পাইতাম না, এ অল্প মনে হইত, আমি বৃষ্টি স্বদেশ হইতে নির্ধাসিত হইয়াছি! গ্রীষ্মকালে গুজরদের দুর্জয় গ্রীষ্ম ও মধ্যাহ্ন মার্ভও-প্রতপ্ত স্বক-বালুকার উত্তাপ অসহ্য মনে হইলে, বি, বি, সি, আই রেলপথে বোম্বাই-নগরে পলাইয়া আসিতাম। বোম্বাইনগরে তখন প্রবাসী বাঙ্গালীর সংখ্যা আহম্মদাবাদ, সুরাট, বরোদা প্রভৃতির তুলনায় অনেক অধিক ছিল।

একবার বোম্বাইনগরে বোম্বাই-প্রবাসী এক বাঙ্গালী বন্ধু এক জন গুজরাটী ভদ্রলোকের সহিত আমার পরিচয় করিয়া দিয়াছিলেন, তাঁহার নাম রূপলাল ষাদবজী ঠকর। ঠকর সাহেব সুরসিক, সদালাপী, বন্ধুবৎসল, উত্তমশীল যুবক,—গৌরবর্ণ, সুপুরুষ। কিছু দিনের মধ্যেই আমাদের পরিচয় প্রগাঢ় বন্ধুত্বে পরিণত হইয়াছিল। ঠকর সাহেব প্রকাণ্ড জোয়ান; তাঁহার দেহেও অসাধারণ সামর্থ্য ছিল। তিনি উচ্চশিক্ষিত না হইলেও বড় চাকরী পাইয়াছিলেন;—বোম্বাই পুলিশের ডেপুটী সুপারিন্টেণ্ডেন্ট ছিলেন। বৌদ্ধনসীমা অতিক্রম করিবার অল্প দিন পরেই প্রেগে তাঁহার মৃত্যু হইয়াছিল; তিনি দীর্ঘকাল জীবিত থাকিলে যে উচ্চতর পদে প্রতিষ্ঠিত হইতেন—এ বিষয়ে অণুমাত্র সন্দেহ ছিল না।

এক দিন অপরাহ্নে আমরা আমাদের হোটেলের বারান্দায় বসিয়া গল্প করিতেছিলাম; •কথায় কথায় তাঁহাকে বলিলাম, “ঠকর সাহেব, তোমার বয়স ত

এখনও ত্রিশ পার হয় নাই; পুলিশে চাকরী লইয়া অনেক দারোগা—ইন্স্পেক্টরের পদে প্রমোশন পাইবার পূর্বেই বৃদ্ধা হইয়া যায়; আর তুমি এত অল্পবয়সে কি করিয়া বোম্বাই পুলিশের ‘ডেপুটী সুপারিন্টেণ্ডেন্ট’ হইলে, ওনি-বার অল্প আমার বড়ই আগ্রহ হইয়াছে। তুমি ত বিশ্ব-বিদ্যালয়ের একটা একজামিনও পাশ কর নাই; বৃদ্ধা বৃদ্ধা দারোগাদের ডিক্কাইয়া একেবারেই ইন্স্পেক্টার হইয়াছিলে না কি?”

ঠকরজী হাসিয়া মাথা নাড়িয়া বলিলেন, “না, এক-বারেই ডেপুটী ‘সুপারিন্টেণ্ডেন্ট’ হইয়াছি।— এক-জামিনও পাশ করিতে হয় নাই।”

আমি বলিলাম, “তবে?”

ঠকরজী বলিলেন, “নয়াগড়ের ঠাকুর সাহেবের সুপারিসে আমার এই চাকরী। আমি একবার বাঘের মুখ হইতে তাঁহাকে বাঁচাইয়াছিলাম; সেই ব্যাপারে আমাকে একটু গোয়েন্দাগিরিও করিতে হইয়াছিল। পুলিশে প্রবেশ করিলে আমি এট ‘লাইনে’ খুব ‘সাইন’ করিতে পারিব মনে করিয়াই তিনি তাঁহার কেশন উচ্চ-পদস্থ ইংরাজ বন্ধুর কাছে আমার অল্প সুপারিস করেন, তাঁহার ফলে এই চাকরী।”

আমি বলিলাম, “তাঁহার পূর্বে তুমি কি করিতে?”

ঠকরজী বলিলেন, “বোম্বাইর সুপ্রসিদ্ধ সার্কাসওয়ালার রত্নমজীর সার্কাসের দলে বাঘের খেলা দেখাইতাম; সাহস ও বীরত্বের পরিচয় দিয়া যথেষ্ট বাহবা এবং তাহা অপেক্ষা ‘সবষ্ট্যান্টাল’ জিনিষ—টাকাও নিতান্ত অল্প পাইতাম না; কিন্তু এ কাবে বিপদের আশঙ্কাও অল্প নয়। •একবার একটা দে-সারেক্তা বেয়াড়া বড় বাঘের

সঙ্গে খেলা দেখাইতে গিয়া ভবের খেলা সাক হটবার উপক্রম হইরাছিল! অতি কষ্টে প্রাণ লক্ষী খাঁচা হইতে বাহির হইলাম। আমার মা ও স্ত্রী আমার সেই বিপদের কথা শুনিয়া আমাকে দিয়া প্রতিজ্ঞা করাইয়া লইলেন—সার্কাসের দলে আর চাকরী করিব না। অগত্যা সেই চাকরীতেই উক্তা দিয়া, যে কিছু অর্থসঞ্চয় করিয়াছিলাম—তাছাড়া সন্ধ্যাবহার করিতে লাগিলাম।”

আমি হাসিয়া বলিলাম, “বাব লইয়া খেলা করিতে, এখন চোর, ডাকাত, গুণ্ডা, বাটপাড় লইয়া খেলা দেখাইতেছ। বড় বেশী ঝুঁকাতু নাই! কিছ এ চাকরী জটিল কিরূপে—তাই এখন বল। ঠাকুর সন্ধ্যাবেকে কি করিয়া বাবের মুখ চটাইত রক্ষা করিলে, তাহাই শুনিতে চাই। সে কি সার্কাসের বাব?”

ঠাকুরজী বলিলেন, “তবে শোন; সে বড় মজার কথা!”

২

ঠাকুরজী বলিতে আরম্ভ করিলেন:—সার্কাসের চাকরী ছাড়িয়া গিয়া অল্প চাকরীর উন্নয়নবোধে তখন এখানেই ঘুরিয়া বেড়াইতেছিলাম। কিন্তু দীর্ঘকাল সিংহ, বাঘ, ভালুক, হায়েনা, নেকড়ে প্রভৃতি বনের পশুব সঙ্গ খেলা করিয়া মনের পতি একদম হইরাছিল যে এই সকল জানোয়ার দেখিবার জন্য আমার বড়ই আগ্রহ হইত। আমার এই আগ্রহ পূর্ণ করিবার জন্য আমি মধ্যে মধ্যে বটলিওয়ালার পশুখালার বেড়াইতে বাইতাম।

তুমি বোধ হয় জান না—মালবার পাহাড়ের কাছে মিঃ বটলিওয়ালার যে পশুখালা আছে, সেখানে সিংহ, বাঘ, ভালুক, নেকড়ে, উট, জিরফা, জেব্রা প্রভৃতি নানা প্রকার জীব-জন্তু পৃথিবীর নানা দেশ হইতে সংগ্রহ করিয়া রাখা হয়। এই সকল জানোয়ার সংগ্রহ করিবার জন্য পৃথিবীর বিভিন্ন অংশে তাহাদের একে-একট আছে। যুরোপ ও আমেরিকার অনেক দনাঢ্য ব্যক্তি—যাহাদের বহু পশু পালনের সখ আছে—ও সার্কাসওয়ালারা বটলিওয়ালার পশুখালা হইতে এই সকল জানোয়ার ক্রয় করিয়া থাকেন।

এক দিন অপরাহ্ন বেলা প্রায় ৩টার সময় আমি বেড়াইতে বেড়াইতে এই পশুখালার উপস্থিত হইলাম।

আকিসের তিতর প্রবেশ করিয়া দেখিলাম, পেশুনজী তাহার ডেকের উপর বসিয়া পড়িয়া কি লিখিতেছেন। তিনি আমাকে দেখিয়া একটু হাসিয়া বসিতে বলিলেন। তাহার হাতের কাছ শেষ না হওয়া পর্যন্ত আমি বসিয়া রাইলাম।

পেশুনজী মিঃ বটলিওয়ালার ব্যবসায়ের অংশীদার এবং ম্যানেজার। তিনি তাহাদের বোখাইয়ের আকিসে বসিয়াই ম্যানেজারী করিতেন না, বৎসরের অধিকাংশ সময় দেশদেশান্তরে ঘুরিয়া বিক্রয়পযোগী নানা বস্তু পশু সংগ্রহ করিয়াও আনিতেন। কিছু দিন পূর্বে তিনি শ্রাম ও মালয়ে গিয়া কয়েকটা পশু লইয়া আসিয়াছিলেন। আমি সার্কাসের দলে চাকরী করিবার সময় পশুক্রম উপলক্ষে মনোমগ্ন এখানে আসিতাম। সেই সময় হইতে তাহার সংহত আমার আলাপ-পরিচয়, এমন কি, ক্রমে সিকিৎসিত হইয়াছিল।

পেশুনজী তাহার হাতের কাছ শেষ করিয়া আমাকে বলিলেন, “ববর কি, ঠাকুর! অনেক দিন তোমার সঙ্গে দেখা নাই; শুনিলাম, সার্কাসের চাকরী ছাড়িয়া বিয়াছ। বাব-ভালুক হঠাৎ মরু হইল কেন? বাবের খাবার ভরে? না, অল্প খোঁচ কারণ আছে?”

আমি বলিলাম, “চিনি কি বাব-ভালুক লইয়া খেলা করিতে ভুল গায়ে? সাত বাঘের জগৎ সহ হয় না। কিছু দিন এক বাঘের চাকরী-চাকরী করিব মনে করিয়াছি। মনোমগ্ন আগে আর এক দিনও এখানে আসিয়াছিলাম, কিন্তু আপনাকে দেখিতে পাই নাই; শুনিয়াছিলাম, কার্যোপলক্ষে উত্তর-ভারতে গিয়াছিলেন।”

পেশুনজী বলিলেন, “হাঁ, এবার নেপালের দিকে গিয়াছিলাম; সেখান হইতে সিকিৎসে বাই। দুই সপ্তাহ পূর্বে এখানে ফিরিয়াছি।”

আমি বলিলাম, “সিকিৎসে গিয়াছিলেন? সে ত বাবের রাজ্য! বাব-ভালুক কিছু সংগ্রহ করিয়া আনিয়াছেন কি?”

পেশুনজী বলিলেন, “তবে কি খালি হাতে ফিরিয়াছি? দেখিতে চাও ত আমার সঙ্গে পশুখালার চল। সিকিৎসে এবার আমি একা বাই নাই; মালবার

ঠাকুর সাহেব রাজেশ্বরপ্রতাপ সিংও আমার সঙ্গে গিয়া সিকিম-রাজের অতিথি হইয়াছিলেন। তাঁহারও বাঘের বাতিক অল্প নয়; নয়াগড়ে ডর পিপলস্ পার্কে তাঁহার প্রকাণ্ড চিড়িয়াখানা দেখিবার বস্তু।

এই সকল কথা বলিতে বলিতে তিনি আমাকে লইয়া তাঁহাদের পশুশালায় প্রবেশ করিলেন। প্রায় ষাট বিঘা জমীর উপর এই পশুশালা নির্মিত, তাহা উচ্চ ইষ্টকপ্রাচীর দ্বারা পরিবেষ্টিত। প্রায় এক অংশে নানা আকারের পাঁচ সাতটি হাতী দেখিলাম, লোহার শিকল দিয়া তাহাদের পা বাধা। একটা প্রকাণ্ড গুদামের দ্বার-জ নালা বন্ধ; কিন্তু মাথার উপর সারি সারি 'স্কাই-লাইট' থাকায় আশে ও বাতাসের অভাব ছিল না। সেই গুদামে অনেকগুলি সুদৃঢ় লোহার খাঁচার সিংহ, ব্যাঘ্র, ভল্লুক, নেকড়ে প্রভৃতি জানোয়ার আবদ্ধ রহিয়াছে। আমি পেশুনজীর সঙ্গে ঘুরিয়া ঘুরিয়া জানোয়ারগুলি দেখিতে লাগিলাম। কয়েকটি নৃত্য আমনানী বলিয়াই মনে হইল; পূর্বে সেগুলিকে দেখিতে পাই নাই।

এক পাশে একটা প্রকাণ্ড খাঁচা খালি পড়িয়া ছিল। লোহার মোটা মোটা তার জালের মত বুনিয়া, পুরু তক্তার সঙ্গে গাঁথিয়া সেই খাঁচাটি নির্মিত। খাঁচাটা খালি দেখিয়া আমি পেশুনজীকে বলিলাম, "ইহার ভিতর কোন্ মহাশয় বিরাজ করতেন? তিনি কোথায়?"

পেশুনজী বলিলেন, "এই খাঁচার সিকিম হইতে একটা প্রকাণ্ড বাঘ আসিয়াছিল। বাঘটাকে স্থানান্তরে পাঠাইয়া দিয়াছি। তুমি সে রকম বড় বাঘের সঙ্গে নিশ্চয়ই কোন দিন খেলা কর নাই।—উহার জোড়া বাঘটা অল্প খাঁচার আছে। কি রকম ভয়ঙ্কর জানোয়ার, তাহা দেখিলেই বুঝিতে পারিবে।"

একটু তাকাতে আর একটা সুদৃঢ় খাঁচার একটা প্রকাণ্ড বাঘ ছিল। পেশুনজীর সঙ্গে সেই খাঁচার নিঃস্ট গিয়া দাঁড়াইলাম। বাঘটা খাঁচার এক কোণে বসিয়া ছিল; আমাদের দেখিয়া উঠিয়া আসিয়া, খাঁচার শিকে মাথা ঘষিতে ঘষিতে মূহু গর্জন আরম্ভ করিল।

অতি সুদৃঢ় বাঘ, দেখিয়া বোধ হইল, বয়স ভরিয়া আসিয়াছে। আমি খাঁচার আর একটু কাছে সরিয়া গিয়া দাঁড়াইলাম।

পেশুনজী ব্যগ্রভাবে বলিলেন, "কর কি? অত কাছে বাইও না। ভয়ঙ্কর দুর্দান্ত বাঘ; ও রকম ভীষণ প্রকৃতির বাঘ এখানে আর একটিও নাই।"

আমি সবিস্ময়ে বলিলাম, "দুর্দান্ত? আমি কি বাঘ দেখিয়া তাহার প্রকৃতি বুঝিতে পারি না? আমি নিশ্চয়ই ভুল করি নাই। এটা পোষা বাঘ। পরীক্ষা করিচ্চোন?"

আমি খাঁচার শিকের ভিতর হাত পুরিয়া দিয়া, বাঘটার মাথার হাত বুলাইতে লাগিলাম। সে চোখ বুজিয়া বিড়াল-শাবকের মত আমার আদর উপভোগ করিতে লাগিল।

পেশুনজী অদূরে স্থম্ভিতভাবে দাঁড়াইয়া তীক্ষ্ণ দৃষ্টিতে বাঘটাকে দেখিতে লাগিলেন। মিনিটখানেক পরে তাঁহার মুখ বিবর্ণ হইল; চক্ষুতে আতঙ্কের চিহ্ন পরিস্ফুট হইল। তিনি ভীতিবিক্ষণ স্বরে বলিলেন, "এ কি হইল? ইহার অর্থ কি? তবে কি দুর্দান্ত বুনোটার সঙ্গে পোষা বাঘটার অদল-বদল হইয়াছে? কি সর্বনাশ! আমি এখন করি কি? এ যে সাংঘাতিক ভুল!"

পেশুনজী হতাশভাবে একখানি টুলের উপর বসিয়া পড়িয়া আতঙ্কে হুশ্চিন্তায় ঘামিতে লাগিলেন। দেখিলাম, তাঁহার রান্না মুখ সাদা হইয়া গিয়াছে।

ব্যাপার কি, কিছুই বুঝিতে না পারিয়া সবিস্ময়ে পেশুনজীকে বলিলাম, "ভুল! আপনি কিরূপ ভুলের কথা বলিতেছেন?"

পেশুনজী কোন প্রকারে আশ্বসংবরণ করিয়া বলিলেন, "ভ্রমক্রমে এই পোষা বাঘটির পরিবর্তে সিকিম হইতে আনাত সেই দুর্দান্ত বুনো বাঘটাকে নয়াগড়ের ঠাকুর সাহেবের কুঠীতে পাঠাইয়া দেওয়া হইয়াছে। মহা অপরাধের কাষ চইয়াছে। এ কাষ কাহার ভ্রম হইল, বুঝিতে পারিতেছি না। আজ যে তুমি হঠাৎ এখানে আসিয়া পড়িয়াছ, ইহা আমি পরম সৌভাগ্যের বিষয় বলিয়াই মনে করিতেছি; তুমি না আসিলে দুই চারি দিনের মধ্যে এ ভুল ধরা পড়িত না; তাহার ফল বড়ই শোচনীয় হইত।"

আমি বলিলাম, "সকল কথা খুলিয়া বসন: আমি এখনও কিছু বুঝিতে পারি নাই।"

পেশনজী বলিলেন, “সকল কথা সংক্ষেপে বলিতেছি, শোন। আমি তোমাকে পূর্বেই বলিয়াছি, নরগড়ের ঠাকুর সাহেব রাজেশ্বরপ্রতাপসিংহী আমার সঙ্গে সিকিম গিয়া সিকিম-রাজের অতিথি হইয়াছিলেন। সিকিমরাজের প্রাসাদের দেউড়িতে দুইটি প্রকাণ্ডকার পোষা বাঘ ছিল। ঠাকুর সাহেব এক দিন অপরাহ্নে সেই বাঘ দুটির কাছে গিয়া দাঁড়াইলে একটা বাঘ তাঁহার সম্মুখে আসিয়া তাঁহার হাঁটুতে মাথা ঘষিতে লাগিল; তিনি বাঘটার ব্যাঘারে বিস্মিত হইয়া তাহার গলার কলার হইতে শিকলটা খুলিয়া দিতে বলিলেন। সকল খুলিয়া দেওয়া হইলে, বাঘটা পোষা কুকুরের মত ঠাকুর সাহেবের অনুসরণ করিল, যেন তাঁহারই পোষা বাঘ! সেই দিন হইতে ঠাকুর সাহেব সেই বাঘটার বড়ই পক্ষপাতী হইয়া উঠিলেন; কিন্তু রাজার পোষা বাঘ, তাহা ত কিনিয়া লইবার জোর ছিল না। রাজা তাঁহার মনের ভাব বুঝিতে পারিয়া এবং তাঁহারও বাঘ পুষ্টিবার সুখ আছে শুনিয়া সেই বাঘটিকে তাঁহাকে উপহার দিলেন। আমি সিকিম হইতে দুইটি বাঘ সংগ্রহ করিয়া এখানে চালান দিতেছিলাম; এ জন্ত ঠাকুর সাহেব তাঁহার বাঘটিকে আমার জিন্মা করিয়া দিলেন। তিনটি বিভিন্ন খাঁচার বাঘগুলি এ দেশে চালান দেওয়া হইয়াছিল। পথিমধ্যে কোন খাঁচা খুলিয়া বাঘ বাহির করা হইয়াছিল কি না, জানিতে পারি নাই। বাহার উপর বাঘ লইয়া আসিবার ভার ছিল, তাহাকে খাঁচা খুলিতে নিষেধ করিয়াছিলাম। এখন দেখিতেছি, খাঁচার বাঘ বদল হইয়া গিয়াছে! এ বাণ্ড কখন কিরূপে হইল, কে এ জন্ত দায়ী, তাহাও বুঝিতে পারিতেছি না। কলিকাতা হইতে যে জাহাজে বাঘগুলি এখানে প্রেরিত হইয়াছিল, সেই জাহাজের খোলার ভিতর এইরূপ অদল-বদল হওয়া অসম্ভব নহে। এই অদল-বদলের জন্ত ঠাকুর সাহেবের পোষা বাঘ এখানে রহিয়াছে, আর আমি সেট যে দুর্দান্ত বুনো বাঘ দুইটি ধরাইয়া আনিয়াছিলাম, তাহারই একটা ঠাকুর সাহেবের কুঠীতে প্রেরিত হইয়াছে। তিনটি বাঘই দেখিতে ঠিক এক রকম।”

আমি বলিলাম, “তিনটি, আর একটি কোথায়?”

পেশনজী বলিলেন, “মেলধবার্ণের এক সার্কাস-

ওয়াল কোম্পানীর একেট সেটা কিনিয়া লইয়া অট্টেলিয়ার পাঠাইয়া দিয়াছে!”

তাঁহার কথা শুনিয়া আমার মন উদ্বেগ ও আশঙ্কায় পূর্ণ হইল; তাঁহাকে বলিলাম, “পোষা বাঘ মনে করিয়া ঠাকুর সাহেব যদি অসতর্কভাবে খাঁচার দরজা খুলিয়া বাঘটাকে বাহির করেন, তাহা হইলে বাঘ খাঁচার বাহিরে আসিয়াই তাঁহাকে আক্রমণ করিবে, তাঁহাকে খাইয়া ফেলিবে! হয় ত আশ্রয়কার সুযোগ পাইবেন না!—আপনি বাঘটা ঠাকুর সাহেবের কুঠীতে কবে পাঠাইয়াছেন?”

পেশনজী বলিলেন, “কলিকাতা হইতে আমরা উভয়ে একত্র বোম্বে ফিরিয়া আসি। তাহার পর তিনি নরগড়ে চলিয়া গিয়াছেন; বাঘটা কোথায় পাঠাইতে হইবে, কবেই বা পাঠাইতে হইবে, এ সম্বন্ধে আমি তাঁহার কোন আদেশ জানিতে না পারায় তাঁহাকে পত্র লিখিয়াছিলাম; কিন্তু সেই পত্রে উত্তর পাই নাই। তাঁহার ভ্রাতৃপুত্র কুমার উদয়প্রতাপসিংহ এখানেই থাকেন, কাল সকালে তিনি আমার সঙ্গে দেখা করিয়া বলিলেন, ঠাকুর সাহেব দুই এক দিনের মধ্যেই রাজধানী হইতে বোম্বে আসিবেন; বাঘটা তিনি অবিলম্বে তাঁহার বোম্বে কুঠীতে পাঠাইতে আদেশ করিয়াছেন। বাঘটা এখন কিছু দিন তাঁহার বোম্বে কুঠীতে থাকিবে বলিয়া তাহার বাসের জন্ত একটি গোয়াড়ও প্রস্তুত হইয়াছে। বাঘটাকে কাল বৈকালেই তাঁহার কুঠীতে পাঠাইয়াছি। তিনি আজ রাত্রিতে বা আগামী কাল সকালের ট্রেনে বোম্বে পৌঁছিবেন।”

আমি বলিলাম, “তাঁহার সৌভাগ্য যে, তাঁহার এখানে আসিতে বিলম্ব হইতেছে। আমি সার্কাসের দলের সঙ্গে দুইবার নরগড়ে গিয়াছিলাম। বাঘের সঙ্গে আমার খেলা দেখিয়া তিনি অত্যন্ত সন্তুষ্ট হইয়াছিলেন; আমাকে একটা সোনার মেডেলও দিয়াছিলেন। কয়েক বৎসর পূর্বে তাঁহার স্ত্রীর মৃত্যু হইয়াছে, তিনি আর বিবাহ করেন নাই। কুমার উদয়প্রতাপের সঙ্গে আমার জানাওনা আছে, তিনি ঠাকুর সাহেবের ছোট ভাইএর ছেলে। পিতৃহীন ভ্রাতৃপুত্রকে তিনি ছেলের মত প্রতিপালন করিতেছেন।”

পেন্ডনজী বলিলেন, “হাঁ। কুমার সাহেব ভয়ঙ্কর বিলাসী। শুনিয়াছি, বড়ই অপব্যয়ী। তিনি এখানেই থাকেন। তাঁহার মোসাহেবগুলিও ভাল লোক নহে। ঠাকুর সাহেব নিঃসন্তান, আর বিবাহও করিলেন না; বোধ হয়, কুমার উদয়প্রতাপই তাঁহার সম্পত্তির উত্তরাধিকারী হইবেন। কুমার সাহেব কোন কোন ইহদৌ বণিকের কাছে গত ছয়মাসে না কি অনেক টাকা কর্জ করিয়াছেন।”

আমি বলিলাম, “বড় লোকের ঘরে এই রকমই হইয়া থাকে। উদয়প্রতাপ কি বাঘটাকে সঙ্গে লইয়া গিয়াছেন?”

পেন্ডনজী বলিলেন, “না। তিনি আসিয়া বাঘটা দেখিতে চাহিলেন, আমি তখন অন্য কাষে ব্যস্ত ছিলাম। শঙ্করজী ডেসপান্তেকে তাঁহার সঙ্গে দিয়া বাঘ দেখাইতে পাঠাইয়াছিলাম।”

আমি বলিলাম, “শঙ্করজী ডেসপান্তেকে কে?”

পেন্ডনজী বলিলেন, “দক্ষিণী ব্রাহ্মণ যুবক, আমারই সহকারী।”

আমি বলিলাম, “কুমার সাহেব ডেসপান্তের সঙ্গে বাঘের খাঁচার কাছে গিয়া সেখানে কতক্ষণ ছিলেন?”

পেন্ডনজী বলিলেন, “তা বোধ হয় পনের কুড়ি মিনিট হইবে।”

আমি বলিলাম, “ডেসপান্তে এখন কোথায়?”

পেন্ডনজী বলিলেন, “একটু কাষে তাঁহাকে ডেকে পাঠাইয়াছি। তোমার মনের ভাব বুঝিতে পারিয়াছি। কুমার সাহেব ঠাকুর সাহেবের সম্পত্তির ভবিষ্যৎ উত্তরাধিকারী, তবে ঠাকুর সাহেব যদি পুনর্বার বিবাহ করেন ও তাঁহার সন্তান হয়, তাহা হইলে কুমার উদয়প্রতাপের কোন আশা নাই। তাহা হইলেও কুমার সাহেব ডেসপান্তের সহিত বড়বন্দ করিয়া এই কু-কার্য্য করিয়াছেন—ইহা বিশ্বাস করা কঠিন। কুমার সাহেব ভরণ-যুবক, পিতৃব্যকে তিনি পিতার স্থায় প্রকৃতভক্তি করেন; এতদূর নিষ্ঠুরতা, কপটতা ও বিশ্বাসঘাতকতা তাঁহার অসাধ্য বলিয়াই মনে হয়।—কিন্তু ঐ রহস্য ভেদ করা আমার সাধ্যাতীত; তুমি একটু গোয়েন্দাগিরি করিয়া

দেখিবে? তুমি ঠাকুর সাহেবকে সতর্ক করিবার ভার লইলে আমি নিশ্চিত থাকিতে পারি।—তিনি নিশ্চয়ই আসিয়াছেন জানিলে আমি টেলিফোনে তাঁহাকে সতর্ক করিতাম।”

আমি বলিলাম, “এখনও অনেকখানি বেলা আছে; আমি এখনই ঠাকুর সাহেবের কুঠীতে যাঁইতেছি। তিনি আজই আসিবেন কি না সন্ধান লইব; আর যদি কুঠীতে পৌঁছিয়া থাকেন এবং তাঁহার বিপদের সম্ভাবনা বুঝিতে পারি—তাহা হইলে তাঁহার প্রাণরক্ষার চেষ্টা করিব। কিন্তু আমি নিরপ্ন, হঠাৎ অশ্বের প্রযোজন হইতেও পারে। আপনার পিস্তল ও গোটা দুই টোটা সঙ্গে রাখিতে চাই।”

“হাঁ, তুমি সঙ্গত কথাই বলিয়াছ।”—বলিয়া তিনি তাঁহার দেওয়ান হইতে কন্টের একটি রিভলবার ও দুইটি গুলীভরা টোটা বাহির করিয়া দিলেন। আমি তাহা পিস্তলে পুরিয়া লইয়া পিস্তলটা পকেটে ফেলিলাম, এবং তাঁহার নিকট বিদায় লইয়া, পথে আসিয়া ট্রামে চাপিলাম। ঠাকুর সাহেবের কুঠী আমি চিনিলাম।

৪

ঠাকুর সাহেবের কুঠীতে পৌঁছিতে আমার কুড়ি মিনিটের অধিক বিলম্ব হয় নাই। যখন তাঁহার প্রাসাদের দেউড়ীতে উপস্থিত হইলাম, তখন বেলা প্রায় ৬টা। বন্দুকের উপর সজীন চড়াইয়া এক জন প্রহরী দেউড়ীতে পাহারা দিতেছিল। তাহাকে জিজ্ঞাসা করিলাম, “ঠাকুর সাহেব আসিয়াছেন কি?”

প্রহরী বলিল, “হাঁ, পাঁচটার ট্রেণে কোন্সার্ব্য ট্রেনে নামিয়াছেন। ৮ মিনিট পূর্বে কুঠীতে পৌঁছিয়াছেন।”

“কোথায় তিনি?”

প্রহরী আমার প্রশ্নের উত্তর দেওয়ার পূর্বেই প্রাসাদের বাম পার্শ্বের বাগানের ভিতর হইতে একটা তীর আর্ন্তনাদ আমার কর্ণগোচর হইল!—আমি আর সেখানে দাঁড়াইলাম না, শব্দ লক্ষ্য করিয়া দ্রুতপদে বাগানে প্রবেশ করিলাম। প্রহরী বেচারার দেউড়ী ছাড়িয়া নড়িবার আদেশ নাই,—সে বোধ হয় দেউড়ীতেই দাঁড়াইয়া রহিল; আমার তখন আর পশ্চাতে দৃষ্টিপাত করিবার অবসর ছিল না।

বাগানের এক প্রান্তে উপস্থিত হইয়া দেখিলাম—
সর্বনাশ! তস্তা-ঘেরা একটা প্রশস্ত খোঁয়াড়ের মধ্যে
বাঘের ঝাঁ চার ঘার খোলা রহিয়াছে; দুর্দান্ত বাঘটা খাঁচা
হইতে বাহির হইয়া খাৰা গাড়ির' বসিয়া আছে.—তাহার
সম্মুখের দুই পারের নীচে ঠাকুর সাহেব পড়িয়া আছেন ;
বাঘটা মূৰ্খব্যাধান করিয়া তাঁহাকে দংশন করিত!

পিন্ডলটা আমি পকেট হইতে পূর্কই বাহির করিয়া
কঁপাইয়াছিলাম। বাঘ মুখ নামাইয়া তীক্ষ্ণ দৃষ্টি ঠাকুর সাহে-
বের কণ্ঠস্পর্শ করিবার পূর্কই 'গুডু' করিয়া পিন্ডলের
শব্দ হইল। পিন্ডলের অর্থাৎ গুলী বাঘের মস্তিষ্ক বিদীর্ণ
করিল, সঙ্গে সঙ্গে সে ভীষণ গর্জন করিয়া এক পাশে
লাফাইয়া উঠাইয়া পড়িল। দ্বিতীয় গুলী তাহার গ্রীবা
ভেদ করিবার পূর্কই সে পলায়ন লাভ করিল।

পিন্ডলের আওয়াজ শুনিয়া চারি পাঁচ জন ভৃত্য
সেখানে দৌড়াইয়া আসিল; ঠাকুর সাহেব তখন উঠিয়া
দাঁড়াইয়াছেন। দেখিলাম, তাহার কোণ্টার দুই তিন
স্থান বাঘের নখে ফালা ফালা হইয়া ছিড়িয়া গিয়াছে;
কিন্তু তিনি অক্ষত আছেন।

ঠাকুর সাহেব আমাকে দেখিয়াই চিনিত্তে পারিলেন,
— দুই এক পদ অগ্রসর হইয়া সাগ্রহে আমার হাত ধরিলেন,
বলিলেন, "ঠাকুর! তুমি এখানে?—পরমেশ্বর আমার
প্রাণরক্ষার জন্তই বোধ হয় তোমাকে এখানে পাঠাইয়া-
ছিলেন। তুমি আজ আমার জীবন রক্ষা করিয়াছ;
জানি না, আমার প্রাণনাশকে কি করিয়া কৃতজ্ঞতা
জানাইব। তোমার এখানে আসিতে আর এক মিনিট
বিলম্ব হইলে বাঘটা আমাকে খাইয়া ফেলিত! কিন্তু এ
কি ব্যাপার! ওটা ত আমার সে বাঘ নয়; না, নিশ্চয়ই
পোষা বাঘ নয়। কাহার ভ্রম আমার জীবন বিপন্ন
হইয়াছিল—জানিতে চাই। উঃ—কি বিসম ভ্রম!"

ঘেরের বাহিরে কয়েকখানি চেয়ার পড়িয়া ছিল;
আমরা উভয়ে দুইখানি চেয়ারে বসিয়া পড়িলাম। আমি
ঠাকুর সাহেবের মুখের দিকে চাহিয়া বলিলাম, "আপনি
ঠিকই বলিয়াছেন। সিকিম-রাজ আপনাকে যে বাঘটি
উপহার দিয়াছিলেন—এটি সেই পোষা বাঘ নহে। এই
দুই বাঘে কিরূপে অদল-বদল হইল—তাহা বুঝিতে পারা
বার নাই।"

ঠাকুর সাহেব বলিলেন, "অদল-বদল হইয়াছে!—
কাহার অসতর্কতার এরূপ হইল? এই সাংঘাতিক ভ্রমের
জন্ত পেশুনজীই দায়ী, কারণ, আমার বাঘ তাহারই
জিম্মার ছিল। আমি তাহাকে যথাযোগ্য শিক্ষা দিব।
সে আমার পোষা বাঘটা পাঠাইয়াছে মনে করিয়া আমি
নিশ্চিন্তমনে খাঁচার দুয়ার খুলিয়া দিয়াছিলাম; বাঘটা
তৎক্ষণাৎ খাঁচা হইতে বাহির হইয়া আমাকে আক্রমণ
করিল। আমি নিরস্ত্র ও অসতর্ক ছিলাম, তাহার আক্র-
মণের বেগ সহ্য করিতে না পারিয়া ভৃত্যগণ যী হইলাম।
সেই মুহূর্ত্তে তুমি এখানে না আসিলে বাঘটা আমাকে
খণ্ড খণ্ড করিয়া ফেলিত!"

আমি বলিলাম, "এই অদল-বদলের জন্ত পেশুনজী
বা বটলিওয়াল দায়ী নহেন; আমার বিশ্বাস, আপনাকে
হত্যা করিবার জন্ত ইহা আপনার কোন শত্রুর
কৌশল!"

ঠাকুর সাহেব সন্মুখে বলিলেন, "আমার কোনও
শত্রুর কৌশল?" মুহূর্ত্তমধ্যে তাহার মুখ অন্ধকার হইয়া
গেল; তিনি শূন্যদৃষ্টিতে চাহিয়া অক্ষুট স্বরে বলিলেন,
"কে আমার শত্রু? আমাকে হত্যা করিয়া কাহার কি
স্বার্থসিদ্ধি হইত?"

সেই মুহূর্ত্তে ঠাকুর সাহেবের ভ্রাতৃপুত্র উদয়প্রতাপ
ইঁপাই ত ইঁপাইতে পিতৃব্যের সম্মুখে আসিয়া বলিলেন,
"এ কি ব্যাপার? আপনার পোষা বাঘটা না কি—"

ঠাকুর সাহেবের সকল ক্রোধ পুঞ্জীভূত হইয়া যেন
সেই যুবককে দৃষ্টি করিতে উত্তত হইল!—তিনি কর্কশ
স্বরে বলিলেন, "ওরে অকৃতজ্ঞ, ওরে সয়তান, এ যে
তোমারই বডবন্দের ফল, ইহা কি আমি বুঝিতে পারি
নাই? আমাকে হত্যা করিবার ছরভিষকিতে তুমিই
আমার পোষা বাঘের পরিবর্তে ঐ দুর্দান্ত বাঘটা এখানে
আনাইয়া রাখিয়াছিলি! এই ভাবে তুমি তোমার পিতৃব্যের
স্নেহের ঋণ পরিশোধ করিতে উত্তত হইয়াছিলি? পশু-
শালার ভৃত্যকে উৎকোচে বশীভূত করিয়া—" ক্রোধ ও
উত্তেজনার তাহার মুখে আর কথা সরিল না, তাহার
সর্বদ্ব কাঁপিতে লাগিল।

উদয়প্রতাপ পিতৃব্যের অভিযোগ শুনিয়া স্তম্ভিত হই-
লেন; বিশ্ববিফারিতনেত্রে তাহার মুখের দিকে চাহিয়া

বলিলেন, “আপনি এ কি বলিতেছেন, জ্যেষ্ঠা সাহেব! আমি আপনাকে হত্যা করিবার জন্য ষড়যন্ত্র করিয়া বাব বদল করিয়াছি? এই অসম্ভব কথা বিশ্বাস করিতেও আপনার প্রবৃত্তি হইল?”

ঠাকুর সাহেব সরোষে বলিলেন, “কেন প্রবৃত্তি হইবে না? কিরূপ দুষ্করিত্র ইতর যুবকগণের সংসর্গে তুই কালব্যাপন করিস—তাহা আমার অজ্ঞাত নহে; কি ভাবে তুই ঋণজালে জড়ীভূত হইয়াছিস—তাহাও আমি জানিতে পারিয়াছি। তোর এক জন ইহুদী মহাজন তোর কাছে দশ হাজার টাকা পাইবে; সে টাকা না পাইলে নালিশের ভয় দেখাইয়া যে পত্র লিখিয়াছিল—সেই পত্র আমার হাতেই আসিয়া পড়িয়াছিল। তুই তাড়াতাড়ি আমার গদীর উত্তরাধিকারী হইবার আশায় এই দুষ্কর্ম করিয়াছিস। তুই সে আশা ত্যাগ কর; আমি তোকে এক কপর্দকও দিব না; তোর স্বজ্ঞে আমার আর কোন সম্বন্ধ রহিল না। আমার বাড়ী হইতে তুই দূর হইয়া যা।”

কুমার সাহেব আশ্চর্যমর্থনের জন্য কি বলিতে উত্তম হইয়াছিলেন; কিন্তু তিনি আর কোন কথা বলিবার পূর্বেই ঠাকুর সাহেব তাঁহার এক জন দরওয়ানকে বলিলেন, “এই বেইমানকে ষাড় ধরিয়া বাড়ীর বাহির করিয়া দে। যে উহাকে আমার বাড়ীতে প্রবেশ করিতে দিবে—আমি তাহাকে সেই মুহূর্ত্তেই বরখাস্ত করিব। নয়াগড় প্রাসাদের দ্বারও উহার পক্ষে চিররুদ্ধ হইল।”

কুমার সাহেব চোখ-মুখ লাল করিয়া বলিলেন, “দরওয়ান দিয়া অপমান করিয়া আমাকে তাড়াইবার দরকার নাই; আমি এখনই চলিয়া যাইতেছি। কিন্তু স্মরণ রাখিবেন—আমি নিরপরাধ; এক দিন আপনার ভ্রম বুঝিতে পারিবেন,—আমার প্রতি অন্তর সন্দেহের জন্য এক দিন আপনাকে অহুতাপ করিতে হইবে। এই অবিচারের জন্য পরমেশ্বরের নিকট ক্ষমা চাহিবেন।”

কুমার উদয়প্রতাপ তৎক্ষণাৎ তাঁহার পিতৃব্যের প্রাসাদ পরিত্যাগ করিলেন, তাঁহার নিত্য-ব্যবহার্য্য কোন সামগ্রী সঙ্গে লইবেন না, অন্ত কাহাকেও একটি কথাও বলিলেন না।

তাঁহার এই বিদায়দৃশ্যে আমি মনে বড়ই বেদনা পাইলাম। তিনি প্রশ্ন করিলে ঠাকুর সাহেব আমাকে বলিলেন, “জীবনে এই কুলাঙ্গারের মুখদর্শন করিব না; কুধার জালায় লোকের ঘরে ঘরে তিক্তা করিতেছে, শুনিতেও একটি পরসাদি দিয়া উহাকে সাহায্য করিব না। দেখ ঠাকুর, উহার বয়স যখন তিন বৎসর—সেই সময় উহার পিতৃবিয়োগ হয়; উহার পিতা ভাস্করপ্রতাপ আমার কনিষ্ঠ সহোদর। তাহার মৃত্যুর পর উহাকে ছেলের মত স্নেহ-বড়ে প্রতিপালন করিয়া আসিয়াছি। আমার আশা ছিল—টোড়া মাহুস হইয়া আমাদের বংশের মুখ উজ্জ্বল করিবে; কিন্তু অল্পবয়সে কুসংসর্গে মিশিয়া একেবারে অধঃপাতে গিয়াছে! জুয়া খেলিতে শিখিয়াছে; অল্পদিনে আমার অজ্ঞাতসারে হাজার হাজার টাকা কর্জ করিয়াছে; অবশেষে আমার গদী পাইবার আশায় এই ভাবে আমাকে হত্যা করিবার ষড়যন্ত্র করিয়াছিল। নয়াগড়ে থাকিলে উহার এত দূর অধঃপতন হইত না; কিন্তু সেখানে কুসংসর্গে মিশিয়া অধঃপাতে বাইবার তেমন সুযোগ নাই, এই জন্য বোধে ছাড়িতে চায় না, এখানেই পড়িয়া থাকে।”

আমি বলিলাম, “আপনার ভ্রাতৃপুত্রের ভাবভঙ্গী দেখিয়া উহাকে নিরপরাধ বলিয়াই আমার ধারণা হইয়াছে। অপরাধী কি না—মুখ দেখিয়া বুঝিতে পারা যায়।”

ঠাকুর সাহেব কিঞ্চিৎ অসহিষ্ণুভাবে বলিলেন, “না ঠাকুর, তুমি উহাকে চেন না; তাই উহার ভ্রাতৃকামীতে ভুলিয়াছ। উহারই ষড়যন্ত্রে বাঘের মুখে পড়িয়া আমার প্রাণ গিয়াছিল আর কি! কৃত্রিম পিঁশাচ!”

দেখিলাম, অনেক বড়লোকের মতই ঠাকুর সাহেব প্রতিবাদ-অসহিষ্ণু। কিন্তু তাঁহার কথায় আমার ধারণা পরিবর্তিত হইল না। তাঁহার সহিত তর্কবিতর্ক করিতেও প্রবৃত্তি হইল না!

সন্ধ্যার অন্ধকার গাঢ় হইয়াছিল; ঠাকুর সাহেবের অহুরোধে আমি তাঁহার সহিত বিদ্যুতালোক-সমুদ্ভাসিত সুসজ্জিত উপবেশন-কক্ষে প্রবেশ করিলাম। সন্ধ্যা উত্তীর্ণ হইয়াছে দেখিয়া—বাসায় কিরিবার জন্য আমার আগ্রহ হঠাৎ: কিন্তু ঠাকুর সাহেবকে একটা কথা জিজ্ঞাসা না

করিয়া উঠিতে পারিলাম না। তিনি বস্ত্র পরিবর্তন করিয়া, হাত-মুখ ধুইয়া আমার সম্মুখে আসিয়া বসিলে আমি তাঁহাকে বলিলাম, “যদি বেয়াদপি মনে না করেন ত একটা কথা জিজ্ঞাসা করি।”

ঠাকুর সাহেব বলিলেন, “অসকোচে জিজ্ঞাসা করিতে পার। তোমার কোন প্রশ্নেরই উত্তর দিতে আমার আপত্তি নাই।”

আমি বলিলাম, “আপনি যখন সিকিমে ছিলেন, সেই সময় সেই অঞ্চলের কোন লোকের প্রতি কি এরূপ কোন ব্যবহার করিয়াছিলেন—যে জন্ত সে আপনাকে শত্রু মনে করিত ?”

ঠাকুর সাহেব দুই এক মিনিট চিন্তা করিয়া বলিলেন, “তৈ না, তাহা ত স্বরণ হয় না। তবে হাঁ, এক দিন একটা লেপ্চা চাকরকে আগাগোড়া বেতাইয়া দিয়া ছিলাম বটে! সিকিম-রাজ তাঁহার পোষা বাঘটা আমাকে উপহার দিলে, জানিতে পারিলাম—জংলু নামক একটা লেপ্চার উপর বাঘটার রক্ষণাবেক্ষণের ভার ছিল। এই জন্ত আমি তাহাকেই কাষে বাহাল করিলাম। তখন কি জানি, সে বেটা পাকা চোর? এক দিন সকালে আমার ‘সার্টটা’ খুলিয়া রাখিয়া ‘গোসল’ করিতে গিয়াছি; খানিক পরে ঘরে ফিরিয়া দেখি—আমার ‘সার্টে’ হীরার বোতাম সেটট নাই! সন্ধান লইয়া জানিতে পারিলাম—সে সময় কেবল জংলুই সেই কক্ষে প্রবেশ করিয়াছিল। শেষে বেতের চোটে সে বোতাম বাহির করিয়া দিলে আমি তাহাকে তাড়াইয়া দিলাম।—এ কথা জিজ্ঞাসা করিবার কারণ কি?”

আমি বলিলাম, “লেপ্চা, গুর্খা প্রভৃতি অসভ্য পার্শ্বজাতির প্রতিহিংসাবৃত্তি অত্যন্ত প্রবল। তাহাদের পীড়ন করিলে তাহারা তাহা শীঘ্র বিস্মৃত হয় না। বেত খাইয়া সে কি আপনাকে ভয় দেখাইয়াছিল?”

ঠাকুর সাহেব বলিলেন, “তাহাকে তাড়াইয়া দেওয়ার পর আর তাহাকে দেখিতে পাই নাই। বাঘের অদল-বদল ব্যাপারের সহিত তাহার সংস্রব আছে—সন্দেহ করিতেছ না কি? না, এ একেবারেই অসম্ভব!—আমার গুণধর ভাইপোই পশুশালার কোন রক্ষীর সহিত গোপনে ষড়যন্ত্র করিয়া এই বিভ্রাট ঘটাইয়াছে, এ

বিষয়ে আমি নিঃসন্দেহ। তুমি গোপনে একটু সন্ধান লইলেই বোধ হয় জানিতে পারিবে—আমার এই অনুমান মিথ্যা নহে।”

আমি বলিলাম, “হাঁ, আমি গোপনে সন্ধান লইব এবং আশা করি, আপনার ভ্রান্ত ধারণা দূর করিতে পারিব।—কাল সন্ধ্যার পর আপনি এখানে থাকিবেন কি?”

ঠাকুর সাহেব বলিলেন, “নিশ্চয়ই থাকিব। কেন?”

আমি বলিলাম, “কাল আপনার সঙ্গে দেখা করিতে আসিব এবং যদি প্রয়োজন হয়, তাহা হইলে আপনাকে আমার সঙ্গে বটলিওয়ালার পশুশালার বাইতে হইবে। আশা করি, আমার অনুরোধে আপনি এই কষ্টটুকু স্বীকার করিবেন।”

ঠাকুর সাহেব বলিলেন, “হাঁ, নিশ্চয়ই করিব; তুমি আমার জীবন রক্ষা করিয়াছ—এ কথা কি ভুলিতে পারি?”

অনন্তর তিনি সেই রাত্রিতে আমাকে তাঁহার গৃহে ভোজন করিবার জন্ত অনুরোধ করিলেন, কিন্তু আমি তাঁহার অনুরোধ রক্ষা করিতে পারিলাম না। তাঁহার নিকট বিদায় লইয়া বাসায় চলিলাম, তখন রাত্রি প্রায় ৯টা।

ঠাকুর সাহেবের কুঠী হইতে বাহির হইয়া পথের ধারে ট্রামের জন্ত দাঁড়াইয়া আছি; একটি সুবেশধারী রূপবানু যুবক ধীরে ধীরে আমার সম্মুখে আসিয়া দাঁড়াইলেন। অদূরবর্তী আলোকসমুদ্রীর্ষ আলোকে চিনিতে পারিলাম, তিনি ঠাকুর সাহেবের ভ্রাতৃপুত্র কুমার উদয়প্রতাপ!

কুমার সাহেব বলিলেন, “ঠাকুরজী, আমাকে বোধ হয় চিনিতে পারিয়াছেন। আপনার সঙ্গে আমার দুই একটি কথা আছে, তাহা বলিবার জন্তই এতক্ষণ আপনার প্রতীক্ষা করিতেছিলাম।”

আমি বলিলাম, “আপনাকে আর চিনিতে পারিব না?—আমি আপনার কথা বলিবেন, বলুন শুনি।”

কুমার সাহেব বলিলেন, “পথে দাঁড়াইয়া তাহা বলিবার সুবিধা হইবে না, চলুন, ঐ পার্কে গিয়া বসি।”

অল্প দূরে একটি ‘পার্ক’ ছিল। আমরা উভয়ে পার্কে প্রবেশ করিয়া একখানি বেঞ্চিতে বসিলাম।

কুমার সাহেব বলিলেন, “ঠাকুর সাহেবের ধারণা হইয়াছে, আমিই তাঁহাকে বাঘ দিয়া খাওয়ারইবার বড়বন্দ করিয়াছিলাম। কিন্তু সত্যই আমি এ ব্যাপারের কিছুই জানি না। পশুশালার অধ্যক্ষ পোষা বাঘের পরিবর্তে একটা দুর্দান্ত বুনো বাঘ পাঠাইয়াছেন—এই দুর্ঘটনার পূর্বে আমি তাহা জানিতেও পারি নাই। উনি আমাকে বাল্যকাল হইতে পুত্রাধিক স্নেহে বড়ে প্রতিপালন করিতেছেন, দশ লক্ষ টাকা হাতের উপর নগদ পাইলেও তাঁহার সামান্য কোন অনিষ্ট করিতে আমার প্রবৃত্তি হইত না। আমি অকৃতজ্ঞ বা বিশ্বাসঘাতক নহি; কিন্তু ঠাকুর সাহেব আমার কথা বিশ্বাস করিলেন না! আমি জুয়ার নেশায় অনেক টাকা নষ্ট করিয়াছি সত্য, উত্তমর্ণেরা টাকার জন্য আমাকে পীড়াপীড়ি করিতেছে, টাকা আদায়ের জন্য নানারকম ভয় দেখাইতেছে, এ কথাও মিথ্যা নহে; কিন্তু টাকার জন্য পিতৃতুল্য হিতৈষী পিতৃব্যকে হত্যা করিবার বড়বন্দ করিতে পারি, এ রকম অসম্ভব কথা কি আপনি বিশ্বাস করেন? আমি গত তিন মাসের মধ্যে জুয়ার আড্ডার ছায়াও স্পর্শ করি নাই; বাহারা আমাকে কু-পথে লইয়া বাইবার জন্য ক্রমাগতি চেষ্টা করিতেছিল—তাহাদের দুর্ভাগ্যবশিষ্টে পারিলাম তাহাদের সংস্রব ত্যাগ করিয়াছি। আমি ঠাকুর সাহেবকে আমার মনের কথা খুলিয়া বলিয়া সমুদয় ঋণ পরিশোধের জন্য তাঁহারই শরণাপন্ন হইব মনে করিতে-ছিলাম—আজ রাতেই তাঁহাকে সকল কথা বলিবার সঙ্কল্প করিয়াছিলাম; কিন্তু তিনি পাঁচটার ট্রেনে নরাগড় হইতে বোম্বে ফিরিয়া আসিবামাত্র এই দুর্ঘটনা! আমি নিরপরাধ—অথচ আমাকে অপরাধী মনে করিয়া বাড়ী হইতে বাহির করিয়া দিলেন; জীবনে আর আমার মুখ দেখিবেন না বলিলেন।”

আমি বলিলাম, “এ জন্য আমার মনেও বড় কষ্ট হইয়াছে; কারণ, আমিও বিশ্বাস করি—আপনি নিরপরাধ।”

কুমার সাহেব বলিলেন, “তাহা হইলে আমি কি আপনার সহায়তা লাভের আশা করিতে পারি না?—আমি যে সত্যই নিরপরাধ—ইহা আপনার চেষ্টায় হয় ত সম্ভব হইতে পারে; বিশেষতঃ, এ সঙ্কটে আপনিই তাঁহার প্রাণরক্ষা করিয়াছেন।”

আমি বলিলাম, “আমি ঠাকুর সাহেবকে বলিয়াছি—এই রহস্যভেদের জন্য যথাসাধ্য চেষ্টা করিব। আমার চেষ্টা সফল হইলে আপনার নির্দোষিতা সম্ভব হইবে সন্দেহ নাই। কিন্তু ঠাকুর সাহেবের কুঠীতে ত আপনার স্থান নাই; আপনি এখন কোথায় আশ্রয় লইবেন?”

কুমার সাহেব বলিলেন, “আমি এখন তাজমহল হোটেলে থাকিব। আমার মায়ের হাতেও কিছু টাকা আছে, তিনি ত আমাকে ত্যাগ করিতে পারিবেন না। তাঁহাকে লিখাই সকল কথা লিখিয়া জানাইব। যাত্রি অধিক হইয়াছে, আর আপনার সময় নষ্ট করিব না; নমস্কার!”

কুমার সাহেব আমার নিকট বিদায় গ্রহণ করিলেন।

কুমার উদয়প্রতাপের বয়স কুড়ি একশ বৎসর, আমারও বয়স তখন পঁচিশের অধিক নহে, আমরা উভয়েই যুবক। এই জন্যই বোধ হয়, তাঁহার এই বিপদে সহায়ত্বভূত্রে আমার হৃদয় পূর্ণ হইল।

পরদিন প্রভাতে পেশ্বনজীর সহিত সাক্ষাৎ করিয়া তাঁহার পিস্তল ফেরত দিলাম, এবং তাঁহাকে সকল কথাই বলিলাম।

পেশ্বনজী বলিলেন, “তোমার সতর্কতাতেই ঠাকুর সাহেবের প্রাণরক্ষা হইয়াছে, ইহা বড়ই আনন্দের বিষয়। বাঘটা বহু মূল্যে বিক্রয় হইত, সেটাকে গুলী করিয়া মারিতে হইল, এ জন্য আমার দুঃখ হইতেছে; কিন্তু উপায় কি? এখন মনে হইতেছে, হয় ত কুমার সাহেবের বড়বন্দেই এই বিভ্রাট হইয়াছে! তুমি কি ডেসপাত্তেকে কোন কথা জিজ্ঞাসা করিবে?”

আমি বলিলাম, “না; অন্ততঃ এখন তাহা নিশ্চয়োক্ত। আমার বিশ্বাস, কুমার সাহেব নিরপরাধ, কিন্তু আমি আপনার সাহায্য না পাইলে তাঁহার

নির্দোষিতা সপ্রমাণ করিতে পারিব না, রহস্যভেদেরও সম্ভাবনা দেখি না।”

এই সময় বোধের সরকারী পশুশালার এক জন কর্মচারী পেশ্তনজীর সহিত দেখা করিতে আসিলেন; সেই সুযোগে আমি একাকী পশুশালার প্রবেশ করিয়া পূর্বোক্ত গুদাম পরীক্ষা করিতে লাগিলাম। যেখানে খাঁচার বাঘ ছিল, সেই স্থানের ঘেঘের উপর আমার দৃষ্টি আকৃষ্ট হইল; কয়েকটি কাল দানা পড়িয়া থাকিতে দেখিয়া, তাহা কুড়াইয়া হাতে তুলিয়া লইলাম।—সেগুলি ছোলা-ভাজা!

আমি ভাবিলাম, বাঘের খাঁচার কাছে ছোলা-ভাজা পড়িয়া থাকিবার কারণ কি? বাঘে ছোলা-ভাজা খায়—ইহা আমার জানা ছিল না; এই জন্ত আমার সন্দেহ হইল, সেগুলি পশুশালার কোন রকীর অঞ্চল হইতে পড়িয়া গিয়াছে।

একটু দূর দুইটি বড় বড় খাঁচা দেখিলাম; খালি খাঁচা, একটি আর একটির উপর সংস্থাপিত। এ জন্ত তাহা ‘স্কাইলাইট’ পর্যন্ত উঁচু হইয়া উঠিয়াছিল। তাহার উপরে দাঁড়াইলে গুদামের কড়ি-বরগা স্পর্শ করিতে পারা যাইত। কিছু দূরে কাঠের সিঁড়ি দেখিতে পাওয়ার সেই সিঁড়ি টানিয়া পানিয়া তাহার সাহায্যে উপরের খাঁচাটির ছাদে উঠিলাম। সেখানে দেখিলাম, একখানি মলিন বস্ত্র প্রসারিত আছে; তাহাতে কতকগুলি ছোলা-ভাজা, মুড়ি ও একরকম গুঁড়া সঞ্চিত রহিয়াছে।—হাত দিয়া পরীক্ষা করিয়া বুঝিলাম, তাহা ভূট্টা কি বাজরীর ‘হাতু! ময়লা কাপড়খানির অবস্থা দেখিয়া মনে হইল, তাহার উপর কেহ শুইয়াছিল। নিকটেই একটা বস্তা জড়ান ছিল, তাহা তুলিতেই তাহার ভাঁজের ভিতর একরাশ ছোলা-ভাজা ও মুড়ি দেখিতে পাইলাম। মাথার উপর ‘স্কাইলাইটের’ কাচ অনেকখানি ফাঁক হইয়া আছে দেখিয়া বুঝিতে পারিলাম, যে লোক এখানে ছোলা ভাজা ও মুড়ি সঞ্চয় করিয়া রাখিয়াছে, সে অস্ত্রের অলঙ্কে এই পথে বাহির হইয়া ছাদে গিয়াছে। ‘স্কাইলাইটের’ ভিতর দিয়া ছাদের দিকে চাহিলাম, দেখিলাম, একটি প্রকাণ্ড চন্দনগাছ ছাদের উপর শাখা-বাহু প্রসারিত করিয়া দাঁড়াইয়া আছে। বুঝিলাম, সেই চন্দনগাছ

অবলম্বন করিয়া ছাদ হইতে নীচে নামিয়া যাওয়া অত্যন্ত সহজ।

সিঁড়িখানি বধাস্থানে রাখিয়া পেশ্তনজীর আকিসে ফিরিয়া আসিলাম; দেখিলাম, আগন্তুক ভদ্রলোকটি চলিয়া গিয়াছেন, পেশ্তনজী তাহার ডেকের কাছে একাকী বসিয়া আছেন।

পেশ্তনজী আমাকে বলিলেন, “তুমি, এতক্ষণ কোথায় ছিলে? না বলিয়া চলিয়া গিয়াছ ভাবিয়া বিস্মিত হইয়াছিলাম।”

আমি বলিলাম, “পশুশালার গুদামে একটু ঘুরিয়া আসিলাম।—আপনি সিকিম হইতে আসিবার সময় সে দেশের কোনও ‘আদমী’কে সঙ্গে আনিয়াছিলেন কি?”

পেশ্তনজী বলিলেন, “হ্যাঁ, সীমান্তের রেল ষ্টেশনে আসিয়া দেখি, একটা লেপ্‌চা ষ্টেশনের প্ল্যাটফর্মে ঘুরিয়া বেড়াইতেছে। সে আমাকে বলিল, সে বুনো বাঘ পোষ মানাইতে ‘পারে—চাকরী করিতেও রাজী আছে। আমি তাহাকে জিজ্ঞাসা করিলাম, আমার সঙ্গে বোম্বাই মূল্যে গিয়া চাকরী করিতে রাজী আছে কি না? সে সম্মত হইলে, আমি তাহাকে চাকরী দিয়া বাঘের খাঁচার সঙ্গে ট্রেনে তুলিয়া দিলাম। খাঁচার সঙ্গে এক জন অভিজ্ঞ লোক দেওয়াই সঙ্গত মনে হইয়াছিল, কিন্তু আমার যে দুই জন চাকর সঙ্গে ছিল, তাহারা বাঘের গাড়ীতে বাইতে আপত্তি করিতেছিল। একজন লোকটাকে পাইয়া খুসী হইলাম।”

আমি বলিলাম, “ঠাকুর সাহেবকে এ কথা বলিয়াছিলে?”

পেশ্তনজী বলিলেন, “না; তিনি আগের ট্রেনেই কলিকাতায় চলিয়া আসিয়াছিলেন। কথাটা এতই তুচ্ছ যে, পরে সে কথা তাঁহাকে বলিতে স্মরণ ছিল না।”

আমি বলিলাম, “সে এখন কোথায়?”

পেশ্তনজী বলিলেন, “এখানে আসিয়া সে আর থাকিতে চাহিল না। বিশেষতঃ আমার এখানে লোকেরও অভাব নাই; তাহাকে কিছু খরচপত্র দিয়া বিদায় করিয়াছি। তিন চার দিন পূর্বে সে চলিয়া গিয়াছে। এ সকল কথা জিজ্ঞাসা করিতেছ কেন?”

আমি বলিলাম, “এই প্রশ্নের উত্তর পরে পাইবেন। আপাততঃ আপনাকে আমার একটি অসুস্থ রক্ষা করিতে হইবে। আপনি আজ রাত্রি দশটার সময় একবার এখানে গোপনে আসিবেন, ডেস্পাস্তেকেও হাঙ্গির থাকিতে বলিবেন।”

ব্যাপার কি, জানিবার জন্য পেশ্বনজী অত্যন্ত আগ্রহ প্রকাশ করিলেন। আমি তাঁহাকে বলিলাম—সেই সময় সকল কথাই জানিতে পারিবেন। তিনি আমার প্রস্তাবে সন্মত হইলেন।

সেই দিন অপরাহ্নে আমি ঠাকুর সাহেবের সহিত সাক্ষাৎ করিয়া রাত্রি দশটার সময় বটলিওয়ালার পশুশালার বাইরে গিয়া অসুস্থ রক্ষা করিলাম। তিনিও সন্মত হইলেন। তাঁহাকেও তখন এই নৈশ অভিযানের কারণ বলা সম্ভব মনে করিলাম না।

৬

রাত্রি দশটার কয়েক মিনিট পূর্বে ঠাকুর সাহেবের ‘ক্রহাম’ পশুশালার কিছু দূরে আসিয়া থাকিলে, আমি তাঁহাকে সঙ্গে লইয়া নিঃশব্দে পেশ্বনজীর আফিসে প্রবেশ করিলাম। আমাদের সঙ্গে আলো ছিল না; কিন্তু কক্ষপক্ষের রাত্রি হইলেও তখন চন্দ্রোদয় হইয়াছিল, আমাদের কোন অসুবিধা হইল না। পেশ্বনজী পূর্বেই আফিসে আসিয়াছিলেন; আমরা দরজা ঠেলিয়া আফিসে প্রবেশ করিয়া দরজা বন্ধ করিলাম। ডেস্পাস্তে আফিসের এক কোণে একখানি টুলের উপর বসিয়া ঘুমাইতেছিল। তাহার হাতে একখানা লাঠি।

পেশ্বনজী আমাদের বসিতে দিয়া বলিলেন, “ব্যাপার কি ঠাকুর? আমি ত কিছুই বুঝিতে পারিতেছি না!”

আমি বলিলাম, “আধ ঘণ্টার মধ্যেই সকল কথা জানিতে পারিবেন। পশুশালার গুদামে আলো আছে?”

পেশ্বনজী বলিলেন, “ই, সারারাত্রিই সেখানে গ্যাস জলে।”

আফিসের ঘড়ীতে ঠং ঠং করিয়া দশটা বাজিল।

“আমি বলিলাম, চলুন, পশুশালার গুদামে যাই।”

আমরা চারি জনে আফিস হইতে বাহির হইলাম। চারিদিক নিস্তব্ধ; কেবল মধ্যে মধ্যে দুই একটা

জানোয়ার গম্ভীর স্বরে গর্জন করিতেছিল; একটা উল্লুক তাহাদের বিজ্ঞপ করিবার জগুই যেন আর একটা গুদামের খাঁচার বসিয়া ‘হু-হু’ শব্দে চীৎকার করিতেছিল।

আমি ডেস্পাস্তেকে বলিলাম, “গুদামের ওধারে প্রাচীরের পাশে যে চন্দনগাছটা আছে, তাহার অদূরে পাহারায় থাকিবেন; যদি কোন লোককে দৌড়াইয়া পলায়ন করিতে দেখেন—তাহাকে গ্রেপ্তার করা চাই।”

ডেস্পাস্তে গুদামের পাশ দিয়া চলিয়া গেল। আমরা তিন জনে গুদামে প্রবেশ করিলাম। আমি নিঃশব্দে কাঠের সিঁড়িখানা পূর্বেকৃত খাঁচা দুইটির গায়ে লাগাইয়া ঠাকুর সাহেবকে সিঁড়ি দিয়া আগে উঠিতে বলিলাম। তিনি উঠিলে আমি তাঁহার অনুসরণ করিলাম। পেশ্বনজী সিঁড়ির নীচে দাঁড়াইয়া, উপরের দিকে হাঁ করিয়া চাহিয়া রহিলেন; কিন্তু অন্ধকারে কিছুই দেখিতে পাইলেন না।

সিঁড়িখানি বেশ প্রশস্ত, আমরা দুই জনে পাশাপাশি দাঁড়াইয়া খাঁচার ছাদের দিকে চাহিলাম, কিন্তু অন্ধকারে কিছুই দেখিতে পাইলাম না।

আমি পকেট হইতে ম্যাচ-বাক্স ও বাতি বাহির করিয়া মুহূর্তে বাতি জালিলাম। খাঁচার উপর একটা লোক শুইয়া ছিল। আলো দেখিয়া সে লাফাইয়া উঠিল; তাহাকে দেখিয়া ঠাকুর সাহেব সন্মুখে বলিয়া উঠিলেন, “কি আশ্চর্য! এ যে সেই চোর লেপ্‌চাটা—জংলু, সিকিমে যাহার পিঠে বেত ভাঙ্গিয়াছিল!”

কিন্তু তাঁহার কথা শেষ হইবার পূর্বেই জংলু এক লাফে ‘স্কাইলাইটে’র ভিতর দিয়া গুদামের ছাদে উঠিল। আমিও সেই পথে তাহার অনুসরণ করিলাম; কিন্তু তাহাকে ধরিতে পারিলাম না। সে ছাদের উপর হইতে তখন চন্দনগাছে আশ্রয় লইয়াছিল; চক্ষুর নিমেষে সে চন্দনগাছের গুঁড়ি বাহিয়া বানরের মত নামিয়া গেল।

আমি চীৎকার করিয়া বলিলাম, “ডেস্পাস্তে! আসামী ভাগে! উহাকে গ্রেপ্তার কর।”

আর গ্রেপ্তার কর! জংলু এক লাফে মাটিতে পড়িয়াই দৌড়াইতে আরম্ভ করিল। ডেস্পাস্তে লাঠি লইয়া দ্রুতবেগে তাহার অনুসরণ করিল।

পশুশালার চতুর্দিকে উচ্চ প্রাচীর ; তাহা উল্লঙ্ঘন করিয়া পলায়ন করা অসম্ভব। আমরা তাড়াতাড়ি গুলাম হইতে বাহির হইয়া ফটক বন্ধ করিলাম ; তাহার পর জংলুকে ধরিতে চলিলাম।

পশুশালার আদিনার এক প্রান্তে একটি সুদীর্ঘ দীঘি ছিল। জংলু তাড়া খাইয়া সেই দীঘির দিকে দৌড়াইতে লাগিল : জ্যেৎস্নালোকে দেখিলাম—সে দীঘির উচ্চ পাড়ে দাঁড়াইয়া হাঁপাইতেছে !

আমরা বিভিন্ন দিক হইতে তাহাকে ধরিতে চলিলাম ; কোন দিক দিয়া পলায়নের উপায় নাই দেখিয়া সে উচ্চ পাড়ের উপর হইতে দীঘির জলে লাফাইয়া পড়িল।

দীঘিতে গভীর জল। জংলু প্রাণতরে দীঘির জলে লাফাইয়া পড়িল বটে, কিন্তু সে সাঁতার জানিত না। জলে ডুবিয়া, দুই এক ঢোক জল খাইয়া, সে হাত-পা ছুড়িয়া জলের উপর মাথাটা তুলিল, তাহার পর বিকট আর্ন্তনাদ করিয়া ডুবিয়া গেল, আর উঠিল না !

উজ্জল চন্দ্রালোক দীঘির জলে প্রতিবিম্বিত হইতেছিল। পেশুনজী চীৎকার করিয়া বলিলেন, “ডেম্পাস্তে ! জলে নামিয়া পড়, উহাকে টানিয়া তোলা চাই।”

ডেম্পাস্তে বলিল, “এ রকম আদেশ করিবেন না, হজুর ! আমি জলে ডুব দিয়া উহাকে তুলিবার চেষ্টা করিলে আমাকে জড়াইয়া ধরিবে, আমিও তলাইয়া যাইব। উহাকে উদ্ধার করা আমার অসাধ্য—মরিতে পারিব না।”

সলিল-সমাধি হইতে, সেই রাত্রিতে জংলুকে তীরে তুলিবার কোন ব্যবস্থা হইল না। পরদিন প্রভাতে দেখা গেল—তাহার মৃতদেহ ফুলিয়া উঠিয়া দীঘির জলে ভাসিতেছে !

* * * * *

ডেম্পাস্তে বলিল, “ঐ লেপ্‌চাটাই খাঁচার বাঘ অদল-বদল করিয়াছিল। বাঘটা ঠাকুর সাহেবের কুঠীতে পাঠাইবার পূর্বেই রাত্রিকালে সে পোষা বাঘের খাঁচা

হইতে বাঘটা বাহির করিয়াছিল ; তাহার পর চাকার সাহায্যে সেই খাঁচা ঠেলিয়া, দুই খাঁচার দরজা মুখোমুখী করিয়া ভিড়াইয়া দিয়াছিল। তাহার পর বুনো বাঘের খাঁচার দরজা উপরে টানিয়া তুলিয়া সেই বাঘটাকে খোঁচা মারিয়া পোষা বাঘের খাঁচার প্রবেশ করাইয়াছিল এবং তাহার দরজা আঁটিয়া দিয়া, পোষা বাঘের খাঁচাটা আনিয়া, বুনো বাঘের খালি খাঁচার মধ্যে পোষা বাঘটাকে পুরিয়া রাখিয়াছিল। দুটি বাঘই দেখিতে ঠিক এক রকম, এই জন্য আমরা এই পরিবর্তন বুঝিতে পারি নাই। বুনোটাকেই কুঠীতে পাঠাইয়াছিলাম।”

ঠাকুর সাহেব বুঝিতে পারিলেন, তাহার ভ্রাতৃশূল সম্পূর্ণ নিরপরাধ। তিনি তাহাকে ডাকাইয়া লইয়া গিয়া তাহার নিকট ক্রটি স্বীকার করিলেন এবং তাহার সমুদায় ঋণ পরিশোধ করিলেন। অনন্তর আমার নিকট কৃতজ্ঞতা প্রকাশ করিয়া, আমাকে যথেষ্ট পুরস্কার দান করিতে উদ্বৃত্ত হইলেন। আমি পুরস্কার গ্রহণে অনিচ্ছা প্রকাশ করিলে তিনি আমাকে তাহার ‘প্রাইভেট সেক্রেটারী’র পদ গ্রহণ করিতে অনুরোধ করিলেন। কিন্তু দেশীয় রাজ্যসমূহের চাকরী কিরূপ বিপজ্জনক ও সামান্ত কারণেই চাকরী বাইবার সম্ভাবনা কিরূপ প্রবল—তাহা আমার অজ্ঞাত নহে ; এই জন্য আমি তাহাকে বলিলাম, বোধে গবর্মেণ্টে তিনি কোন চাকরী জুটাইয়া দিলে আমি তাহা করিতে পারি। ঠাকুর সাহেবের কোন পদস্থ ইংরাজ-বন্ধু আমার গোয়েন্দাগিরির গল্প শুনিয়া, পুলিশের চাকরীই আমার উপযুক্ত, এই বিশ্বাসে আমাকে পুলিশ-বিভাগে শিক্ষানবিশীতে নিযুক্ত করিলেন ; ছয় মাস পরে আমি পুলিশের ডেপুটি সুপারিন্টেন্ডেন্ট হইলাম।

* * * * *

ঠাকুরজীর গল্প শেষ হইল ; ঘড়ী খুলিয়া দেখি, রাত্রি ৯টা বাজে ! আহারের ডাক পড়িল। ঠাকুরজীকে বিদায় দিয়া হাত-মুখ ধুইতে চলিলাম।

শ্রীদীনেশকুমার রায় ।



মহাত্মা গান্ধী ও ভারতে জন্ম-নিয়ন্ত্রণ

কিছুদিন পূর্বে মহাত্মা গান্ধী তাঁহার 'ইয়ং ইণ্ডিয়া' পত্র একটি সুচিন্তিত প্রবন্ধ প্রকাশ করিয়াছিলেন। ভারতে বর্তমানে দারিদ্র্য-সমস্যার সমাধানের জন্য কি উপায় অবধারিত হইতে পারে, এ সম্বন্ধে কিছুকাল হইতে বিশেষ বিচার-আলোচনা চলিতেছে। মহাত্মা গান্ধীর প্রবন্ধ সেই আলোচনার ফল। প্রতীচা দেশের এক শ্রেণীর মনীষী এইরূপ অভিমত প্রকাশ করিয়াছেন যে, দারিদ্র্য-সমস্যার সমাধান মানুষেরই আন্তর্ভাষীন; যদি মানুষ দরিদ্র-সংসারে জন্মের হার নিয়ন্ত্রিত করিতে পারে, তাহা হইলে সে দারিদ্র্যের ক্রমের নিষ্পেষণ হইতে বধাসম্ভব আশ্রয়কার সমর্থ হইতে পারে, কতকগুলি কৃত্রিম উপায় অবলম্বন করিলে জন্ম-নিয়ন্ত্রণ সম্ভবপর হয়। অর্থাৎ প্রতীচ্যের এই শ্রেণীর বৃদ্ধমণ্ডলীর—তাঁহাদের মধ্যে চিকিৎসকের সংখ্যাই অধিক—অভিমত এই যে, প্রকৃতির বিরুদ্ধে অস্বাভাবিক উপায় অবলম্বন দ্বারা স্ত্রী-পুরুষের যৌন-সম্মিলন নিয়ন্ত্রিত করিলে জন্মের সংখ্যা হ্রাস করা সম্ভবপর হয় এবং উহার ফলে দারিদ্র্য-সমস্যার সমাধানও সহজসাধ্য হয়।

মহাত্মা গান্ধী তাঁহার উক্তরে লিখিয়াছিলেন যে, প্রকৃতির বিরুদ্ধবাদী হওয়া মানুষের পক্ষে সমীচীন নহে। মানুষ প্রকৃতির বিরুদ্ধে অপরাধী হইলে তাহাকে সেই ক্রটির জন্য দণ্ড ভোগ করিতে হয়। যেচ্ছার সে দণ্ড গ্রহণের প্রয়োজনীয়তা নাই। প্রকৃতির বিরুদ্ধে গমন না করিয়াও জন্ম-নিয়ন্ত্রণ করা যায়। জন্ম-নিয়ন্ত্রণের জন্য অস্বাভাবিক বা কৃত্রিম উপায় অবলম্বনের কোনও প্রয়োজন নাই। মানুষ অভ্যাস ও সংযমের দ্বারা স্ত্রী-পুরুষের যৌন-সম্মিলন ও জন্ম নিয়ন্ত্রিত করিতে পারে। প্রাচীন ভারতের আৰ্য্য ঋষিরা এই সংযম অবলম্বন করিয়া অসামান্য সাধন করিয়া গিয়াছেন। তাঁহারা যুগ-মানবরূপে যে সংযমের দ্বারা এ দেশে বিধিগত করিয়া গিয়াছেন, অত্ৰাপি তাহার প্রভাব এ দেশ হইতে একবারে বিলুপ্ত হয় নাই। আমাদের ভারতের সেই সনাতন ভাবধারা অক্ষয় রাখিবার জন্য চেষ্টা ও অভ্যাসের প্রয়োজন। ইহা যে সহজসাধ্য, তাহা নহে, তথাপি প্রতীচ্যের অসংযত কৃত্রিম উপায় দ্বারা প্রকৃতির অবমাননা করা ও উচ্ছন্ন দণ্ড-ভোগ করা অপেক্ষা আমাদের ঋষি-প্রদর্শিত সংযমের পথ অবলম্বন করা আমাদের পক্ষে সর্ব্বথা শ্রেয়ঃ। ইহাতে আমরা ক্রমশঃ ভারতে জন্ম-নিয়ন্ত্রণ করিতে অভ্যস্ত হইব এবং দারিদ্র্য-সমস্যার সমাধানও সমর্থ হইব।

মহাত্মার প্রবন্ধ ঠিক এই ভাবের না হইলেও ইহাই তাঁহার প্রবন্ধের মূল প্রতিপাদ্য: তাঁহার এই প্রবন্ধ প্রকাশিত হইবার পর প্রতীচ্যের গুণিত মহলে বিশেষ চাঞ্চল্য পরিগমিত হইয়াছে। যুগান্তান ধর্ম্মপ্রচারকদিগের মধ্যে অনেকে তাঁহার অভিমত পূর্ণ সমর্থন করিয়া বলিয়াছেন যে, অসংযত শৃঙ্খলাহীন প্রতীচ্যের পক্ষে এখন

মহাত্মা প্রদর্শিত ভারতের এই সনাতন আদর্শ গ্রহণ করা কর্তব্য, নতুবা ধর্ম্মহীন শিক্ষারশিক্ষিত ও দীক্ষিত প্রতীচ্য অদূর ভবিষ্যতে ধ্বংসের পথে অগ্রসর হইবে। কিন্তু অপর এক শ্রেণীর ভাবুক— —তাঁহাদের মধ্যে বৈজ্ঞানিক ও চিকিৎসকের সংখ্যাই অধিক—ঠিক ইহার বিপরীত মত পোষণ করেন। তাঁহাদের মধ্যে মার্গারেট স্কাভারই বিশেষ অগ্রণী। এই বিছুবী মার্গিণ-মহিলা "মার্গিণ-জন্ম-নিয়ন্ত্রণ সমিতির" (American Birth-control League) প্রেসিডেন্ট। তিনি নাকি মার্গিণে 'জন্ম-নিয়ন্ত্রণ' সমস্যার আলোচনার সর্ব্বশ্রেষ্ঠ আখ্যা লাভ করিয়াছেন। তাঁহার লিখিত "The Pivot of civilization," "Woman and the New Race." প্রমুখ গ্রন্থ প্রতীচ্য বৃদ্ধমণ্ডলীর নিকট পরম সমাদর লাভ করিয়াছে। এ হেন বিছুবী প্রতীচ্য মহিলা মহাত্মা গান্ধীর প্রবন্ধের বিরুদ্ধে সমালোচনা করিয়াছেন। তাঁহার সেই বিরুদ্ধ রচনার নাম "মহাত্মা গান্ধী এবং ভারতের জন্ম-নিয়ন্ত্রণ"। উহা তাঁহার বাণীক্রমে আমাদের মারফতে ভারতবাসীকে উপহার প্রদান করা হইয়াছে। বিষয় অতীব প্রয়োজনীয়, অথচ এ সম্বন্ধে ভারতের সংবাদপত্র বা সাংবাদিক পত্র মহলে এ বাবৎ আশামুরূপ আলোচনা হয় নাই। এ জন্য আমরা মার্গারেট স্কাভারের সেই সুচিন্তিত প্রবন্ধের তাৎপর্য্য পঠক-বগের অবগতির জন্য প্রকাশ করিতেছি:—

"ভারতের মহান নেতা মহাত্মা গান্ধী তাঁহার "ইয়ং ইণ্ডিয়া" পত্র জন্ম-নিয়ন্ত্রণ কৃত্রিম উপায় অবলম্বন সম্বন্ধে সম্প্রতি তাঁহার মতামত প্রকাশ করিয়াছেন। মহাত্মা লিখিয়াছেন,—"জন্ম-নিয়ন্ত্রণ করা যে অতীব প্রয়োজনীয় হইয়া পড়িয়াছে, সে বিষয়ে মতবৈধ নাই। কিন্তু বহু যুগ হইতে ব্রহ্মচর্য্যই জন্ম-নিয়ন্ত্রণের একমাত্র উপায় বলিয়া গৃহীত হইয়া আসিতেছে। যাহারা ব্রহ্মচর্য্য অভ্যাস করেন, তাঁহারা ইহা হইতে যে উপকার লাভ করেন, তাহার তুলনা নাই; কেন না, ব্রহ্মচর্য্য কখনও বিফল হয় না। যদি চিকিৎসকগণ কৃত্রিম উপায়ে জন্ম-নিয়ন্ত্রণে উপদেশ না দিয়া ব্রহ্মচর্য্যপালনের জন্য উপদেশ প্রদান করেন, তাহা হইলে মানবের প্রভূত মঙ্গল সাধিত করিতে পারেন। কি উপায়ে ব্রহ্মচর্য্য অভ্যস্ত করা যায়, সে সম্বন্ধে তাঁহারা পথনির্দেশ করিয়ে পারেন। স্ত্রী-পুরুষের যৌন-সম্মিলন যে লাগস্য চরিতার্থ করিবার জন্য নির্দিষ্ট হইয়াছে, তাহা নহে; সম্ভান উৎপাদনের জন্য ইহা শায়ে নির্দিষ্ট হইয়াছে বধা,—"পুত্রার্থে ক্রিয়তে ভাষ্যা, পুত্রপিও প্রয়োজনম্"। যে যৌন-সম্মিলনের উদ্দেশ্য সম্ভান উৎপাদন নহে, সে যৌন-সম্মিলন পাপ।" ইহা হইতেই দেখা বাইতেছে যে, মহাত্মা গান্ধীর মতে কঠোর ব্রহ্মচর্য্যই জন্ম-নিয়ন্ত্রণের একমাত্র সহৎ ও সহজ উপায় ভারতের আধ্যাত্মিক জগতের নেতা মহাত্মা গান্ধী যখন এই অভিমত প্রকাশ করিয়াছেন, তখন উহা কাহারও পক্ষে উপেক্ষণীয় নহে। তাঁহার অভিমত সম্পর্কে তুমুল আলোচনা চলিয়াছে। ভারতেই অনেকক তাঁহার অভিমতের তীব্র প্রতিবাদ করিয়াছেন। তন্মধ্যে

অধ্যাপক আর. ডি. কার্ভের তিনখানি পত্র—বাহা 'ইণ্ডিয়ান সোসাল রিকরমার' পত্রে প্রকাশিত হইয়াছিল—বিশেষ উল্লেখযোগ্য। অধ্যাপক কার্ভে বলেন,--"সহস্র সহস্র বৎসর ধরিয়া এই ব্রহ্মচর্যা নীতি প্রচারিত হইয়া আসিতেছে। কিন্তু মহাত্মা গান্ধীর কর্তৃত্ব মানস-বর্গের বাহিরে বাহারা অবগান করে, অর্থাৎ সাধারণ নরনারী ব্রহ্মচর্যা অভ্যাস ও পালন করা অসম্ভব বলিয়া বিবেচনা করে। অথচ জগতে এই নরনারীই অভ্যাস অধিক।" 'ওয়েল ফেরার' নামক মাসিক পত্রেও মহাত্মা গান্ধীর অভিমতের প্রতিবাদ প্রকাশিত হইয়াছে। এই পত্র লিখিয়াছেন, "জ্ঞান মানুষকে পশুতে পরিণত করিবেই, এমন কোনও কথা নাই। আমরা জানি, ডাক্তারমাত্রেই ইচ্ছা করিলে বিষ প্রদান করিয়া নরহত্যা করিতে পারেন, রাসায়নিকমাত্রেই নরঘাতক হইতে পারেন এবং সন্ন্যাসিমাত্রেই বনমায়েস হইতে পারেন। কিন্তু মানুষ স্বীয় ইচ্ছা প্রকৃতিকে সংবৃত্ত করিতে পারে, সে জন্ত অতি অল্প লোকই ইচ্ছাপূর্বক অপরাধী বা পাপী হয়। বিবাহিত-জীবনের আদর্শ এক নহে, ভিন্ন দেশে ভিন্ন জাতিতে মধ্যে ভিন্ন ভিন্ন আদর্শ পরিলক্ষিত হয়। যদি সকল মানুষকেই স্ত্রীয়া পথে চলিতে ও চিন্তা করিতে শিক্ষিত করিতে পারা সম্ভবপর হইত, তাহা হইলে কাহারও পক্ষে পশুজীবন অতিবাচিত করিবার আশঙ্কা থাকিত না; বেহেতু তাহার সন্তান বাস্তবিকে এইভাবে জীবনযাপন করিতে পারিত। মহাত্মা গান্ধী যে আশঙ্কার চিহ্নিত হইয়াছেন, তাহাতে মনে হয়, তিনি মানব-প্রকৃতিতে আশ্রয়ান্ নহেন।"

মহাত্মা গান্ধীর স্ব-বিশ্বাসের এইরূপ মনের ভাব দেখিয়া মনে হয়, তাঁহার দেশবাসীর জন্ম-নিয়ন্ত্রণের ধারণার সজীবতা আছে। মহাত্মা গান্ধী কৃত্রিম উপায়ে জন্ম-নিয়ন্ত্রণের প্রতিবাদ করিয়াছেন দেখিয়া আমি আনন্দিত। কিন্তু যদি তিনি আমার জিজ্ঞাসাকে ধৃষ্টতা বলিয়া মনে না করেন, তাহা হইলে আমি তাঁহাকে জিজ্ঞাসা করি, তিনি যে ভাবে স্বেচ্ছাকৃত কঠোর বন্ধন-যাব উপদেশ দিয়াছেন, উহা হইতে মানব-প্রকৃতির বিরোধী কৃত্রিম উপায় আর কিছু আছে কি? ব্রহ্মচর্যের কালে মানুষ মানবজীবনের সৌন্দর্য ও স্বাধিকতা বৃদ্ধিতে পারে বলিয়া মনে হইবে না; বরং ভোগ হইতে বিরতির উপ-দেষ্টার জীবনের গভীর উদ্বেগ বৃদ্ধিতে পারেন না বলিয়াই মনে হয়। তাঁহার মানুষকে অসীম শারীরিক যত্না ভোগ করিতে অভ্যাস করিয়া থাকেন। কমে নিজেই স্বাস্থ্যিক প্রবল ভোগের বাসনা সংবৃত্ত করিতে গিয়া মানুষ মনুষ্যজীবনের প্রকৃত উদ্বেগ হইতে বতদূরে সরিয়া যায়।

ভারতের শ্রেষ্ঠ নেতার এইরূপ অবিবেচকের মত অভিমত প্রকাশে আমি দুঃখিত। উহা দ্বারা তিনি প্রাচীনপন্থী পরিবর্তনবিরোধী নীতি উপদেশের পন্থায় পতন হইয়াছেন। তাঁহার মত দায়িত্বগণ ভাবকের দল জগতে নানা দুঃখকষ্টের সৃষ্টি করিয়া থাকেন। আমাদের প্রতীচোর চিন্তাশীল লোকের দৃষ্টিতে এই শ্রেণীর নেতার প্রভাব সমাজের অনিষ্টকর বলিয়া বিবেচিত হওয়া বিশ্বাসের বিষয় নহে।

আমাদের মতে মানবজীবন পাপও নহে, রোগও নহে, উহা উপভোগ করিবার জিনিষ। মানবজীবনই মানুষের পক্ষে চরম ভূয়োদর্শন লাভ করিবার প্রধান উপকরণ, সুতরাং মানবমাত্রেই আনন্দসহকারে অর্কাষ্ঠিত চিন্তে জীবন উপভোগ করা কর্তব্য। মানব-জীবনের ভূয়োদর্শনের একটা বড় দিক্ প্রজনন ক্রিয়া—ইহার মূল গভীর আধ্যাত্মিকতা বিদ্যমান। প্রত্যেক মানবই অপরের কোনও অনিষ্ট না করিয়া অথবা ভ্রমণের মানবজাতির ভবিষ্যৎ ভাগ্য কোনওরূপে ক্ষুণ্ণ না করিয়া প্রজনন ক্রিয়া দ্বারা আনন্দোন্মত্ত ও আনন্দ-ভূক্তি সাধনের পথে অগ্রসর হইতে পারে। তাগের, তিক্ত কল পথা করিয়া মানুষ মুক্ত লাভ করিতে পারে না। আমরা সকলেই

জীবনের প্রার্থী চাহি। সুতরাং মহাত্মা গান্ধীর বশ পৃথিবীব্যাপী হইলেও তাঁহার বর্তমান অভিমত আধ্যাত্মিকতার অথবা ভবিষ্য-দর্শনের গভীরতা সপ্রমাণ করে না।"



মার্গারেট স্ত্রীয়ার

বিভূতী মার্গারেট স্ত্রীয়ার প্রতীচোর ভাবধারায় স্নাত—প্রাণিত। ভারতের সনাতন ভাবধারা বা আদর্শ তাঁহার ধারণার বহির্ভূত বলিয়াই মনে হয়। ব্রহ্মচর্যা কাহাকে বলে এবং তাহার উদ্বেগ কি, তাহা তাঁহার পক্ষে জ্ঞাত হওয়া দুষ্কর; কেন না, তাঁহার শিক্ষা দীক্ষার শ্রোতাধারা যে খাতে প্রাণিত, তাহাতে ব্রহ্মচর্যা সম্বন্ধে প্রকৃত জ্ঞান সঞ্চয় তাঁহার পক্ষে সম্ভবপর নহে। ভারতে নারীত্বের চরম আদর্শ মাতৃত্ব,—গণেশ-জ্ঞাননী বা গোপাল কোড়ে যশোদা ইহার প্রকৃষ্ট উদাহরণ। এই দুই চিত্রের তুলনা জগতে এক ম্যাডোনা মূর্তিতেই পাওয়া যায়। পুত্রার্থে 'ক্রিয়তে ভাব্যা' কথার নিগূঢ় ভঙ্গ মার্গারেট স্ত্রীয়ার ধারণার অর্থাৎ, এ কথা বলা বোধ হয় ধৃষ্টতা হইবে না। সে ধারণা করিতে না পারিলে মহাত্মা গান্ধীর ব্রহ্মচর্যের উপদেশের মর্ম গ্রহণ করা সম্ভব হইবে না। মহাত্মার উপদেশ-বাণীর সমর্থন করিয়া এ দেশে সৌভাগ্যের মধ্যে আলোচনা হইবে, এইরূপ আশা করি। সম্প্রতি শ্রীযুক্ত জ্ঞানেন্দ্রনাথ চক্রবর্তী এ সম্বন্ধে যে সূচিত্তিত প্রবন্ধ প্রকটিত করিয়াছেন, নিজে তাহা প্রকাশিত হইল। এ সম্বন্ধে ভবিষ্যতে আলোচনা হওয়া কর্তব্য।

আসক্ত-লিপ্সা ও জন্মানিয়ন্ত্রণ

(শ্রীজ্ঞানেন্দ্রনাথ চক্রবর্তী লিখিত)

আধুনিক সভ্য জগতে ভ্রম ও শিক্ষিত পুরুষ ও মহিলাদিগের মধ্যে জন্ম-নিয়ন্ত্রণের আলোচনা চলিতেছে। আসক্ত-লিপ্সা, শ্রী-পুরুষের সহবাস

বাজার রাখিয়াও কি করিয়া অনিচ্ছাজাত সন্তানের জন্ম-গতি রোধ করা যায়, আলোচ্য বিষয় ইহাই।

বিষয়টি গুরু। ইচ্ছাশক্তি দ্বারা জন্ম নিয়ন্ত্রিত করিবার ইচ্ছা হওয়া মানুষের পক্ষে অস্বাভাবিক কিছু নয়—বরঞ্চ মানুষের মনুষ্য-বোধেরই পরিচায়ক। আসঙ্গ-লিপ্সার সঙ্গে স্ত্রী-পুরুষ ও পুত্র-কন্তার সম্পর্ক কত ঘনিষ্ঠ—জীবনের মূলকে ইহা কত প্রভাবান্বিত করে, বর্তমানের জনন-নিয়ন্ত্রণ আলোচনা ভবিষ্যৎ-দীর্ঘদিনকে হয় ত তাহা জাল করিয়া বুঝাইতে পারিবে।

আসঙ্গ-লিপ্সা মানুষের স্বভাবধর্ম, কিন্তু মানুষ ইহাকে সঙ্কোপনে সম্বোধ্যে রাখে। এ সঙ্কোচের এক দিক দিয়া দেখিলে যেমন মূল্য আছে, অপর দিকে ইহাতে মানুষকে জীবনের অনেকখানি সত্য শিক্ষায়ও বঞ্চিত করিয়া রাখিয়াছে মনে হয়।

আসঙ্গ-লিপ্সা জীবনের ধর্ম। স্বামি-স্ত্রীর জীবন, পুত্র-কন্তার জীবন ইহাতেই গড়িয়া উঠে। সংসার, সমাজ, পরিবার ইহা হইতেই গঠিত হয়। মানুষের স্বাস্থ্য, সুখশান্তি জীবনের এই স্তরীর আকাঙ্ক্ষার উপর প্রচুর পরিমাণে নির্ভর করে।

জীবনের সুখ-দুঃখের সঙ্গে আসঙ্গ-লিপ্সার এত ঘনিষ্ঠ সম্পর্ক—অথচ এ সম্বন্ধে মন্তব্য আমাদের শোচনীয়। সঙ্কোচ ইহার প্রকাশ্য আলোচনায় বাধা হইয়া দাঁড়ায়। কিন্তু বর্তমানে মানুষের অনিচ্ছায় সন্তান জন্মগ্রহণ করিয়া মানবসমাজকে বেশ একটু ব্যতিব্যস্তই করিয়া তুলিয়াছে। তাই ব্যক্তিগত হা-হতাশ এখন প্রকটভূত হইতেছে।

অনিচ্ছায় সন্তান আসিয়া দাম্পত্য-জীবনের সুখ নষ্ট করে, সংসারের অভাব বাড়ায়—স্ত্রীর শরীরই ইহাতে নষ্ট হয় বেশী। জীবনের সুখ-শান্তির বাধা এই অনিচ্ছাজাত সন্তান—সুতরাং এরূপ সন্তান বাহাতে না জন্মিতে পারে, কিংবা জন্মিলেই অন্ধরে বিনাশ পায়, তাহার ব্যবস্থা করিতে হইবে।

সন্তানের জন্মের কারণ না হওয়া বা সন্তান বিনাশ করা, ইহা শুনিয়া এ দেশে অনেকেই চমকিয়া উঠিবেন—জীব দিয়াছেন যিনি, আহার দিবেন তিনি—তবে আর সন্তানের জন্ম ভাবনা কি!

আর এক দল কিন্তু সন্তানের আলায় অস্থির হইয়া শারীরিক ও মানসিক ব্যয়গায় ভগবানের কাছে বার বার মিনতি জানায়—হে ভগবান, আমাদের সন্তান দিয়া আর আমাদের জীবনকে অসঙ্গ করিও না।

জন্মতে স্বাভাবিক নিয়মে অনেক স্বামি-স্ত্রী সন্তান চাহিয়াও পাইতেছে না—অনেকে আবার ক্রমাগত পাইতে পাইতে অতিষ্ঠ হইয়া উঠিতেছে। বিবাহিতদের মধ্যেই এই অবস্থা। অবিবাহিত স্ত্রী-পুরুষের আসঙ্গ-লিপ্সার ইচ্ছা বা অনিচ্ছায় অনেক সন্তান জীবনের আলো দেখিবার পূর্বেই অন্ধকারে কিরিয়া যায়—অনেকে জনক-জননীর লজ্জার কারণ হইয়া থাকে। শেবোক্তগুলির জন্ম আসঙ্গ-লিপ্সার ব্যতিচার ও অনেক স্থলে সমাজবিধি দায়ী। শেবোক্তটি বাদ দিলেও বিবাহিত স্ত্রী-পুরুষের জীবনেও জনন-নিয়ন্ত্রণের প্রয়োজন আছে।

এই প্রয়োজন বিশেষভাবে উপলব্ধি করিয়াই পাশ্চাত্য দেশে নানা স্থানে জনন-নিয়ন্ত্রণকে বৈজ্ঞানিক ভিত্তির উপর দাঁড় করাইবার চেষ্টা চলিতেছে। এ সম্বন্ধে নানা পত্র ও পুস্তক প্রকাশিত হইতেছে। অনেক ক্ষেত্রে উচ্চশিক্ষিতা মহিলা ডাক্তারই ইহার অগ্রণী—শিক্ষিত পুরুষরাও এ প্রচেষ্টায় উৎসাহী।

এই জনন-নিয়ন্ত্রণ সাহিত্য-চিন্তায়, জ্ঞানে ও জীবনসম্বন্ধীয় নানা কঠোর অথচ অতি সত্য ভূষণে সমৃদ্ধ। মানবজীবনের স্বভাবধর্ম আসঙ্গ-লিপ্সাকে কি ভাবে নিয়ন্ত্রিত করিতে হইবে, স্ত্রী ও পুরুষের

মোহনর মিলনে স্বপ্ন ও দুঃখের ভাগ কত—ইহা হইতে জীবনে কত দারিদ্র্য আসে, এই সাহিত্যে তাহা বিশদভাবে বিবৃত হইতেছে।

জনন-নিয়ন্ত্রণের উদ্ভোগী বাঁহারা, তাঁহারাও বে জনন একেবারে বন্ধ করিয়া দিয়া মুক্তি নিবাস কেলিতে চাহেন, তাহা নহে। তাঁহারা বলেন, অনিচ্ছায় জাত সন্তান সংসারের দারতারই শুধু বাড়ায়—স্ত্রী-পুরুষের জীবনের শান্তি নষ্ট করে, সুতরাং যেমন করিয়া হোক; প্রকৃতির প্রতিশোধরূপী এই সন্তানকে জীবনের ভাররূপে আসিতে দেওয়া হইবে না।

অনিচ্ছাজাত সন্তানের আগমন নিরোধ করিবার উপায় কি, বর্তমানে ইহা লইয়া প্রাচ্য ও পাশ্চাত্যে বিশেষ আলোচনা চলিতেছে। মহাত্মা গান্ধী পঞ্চাঙ্গ এ আলোচনার বোগ দিতে বাধ্য হইয়াছেন। জগতের চিকিৎসকবৃন্দের অন্ততম শ্রেষ্ঠ সজ্ব 'বৃটিশ মেডিক্যাল এসোসিয়েসন' পঞ্চাঙ্গ এই জনন-নিয়ন্ত্রণ সম্বন্ধে কি অভিমত ব্যক্ত করিবেন, তাহা ভাবিয়া ব্যাকুল হইয়াছেন।

মহাত্মা গান্ধী বিশেষ বিবেচনা করিয়া এই অভিমত দিয়াছেন—কোনরূপ কৃত্রিম উপায় অবলম্বন করিয়া জনন-নিয়ন্ত্রণ করিতে গেলে, তাহাতে মানবসমাজের ঘোর অবনতি ও দুর্দশাই হইবে। কিন্তু সংঘম দ্বারা জনন-নিয়ন্ত্রণ করিলে তাহা কলপ্রদ ও মানবসমাজের উন্নতিকরই হইবে।

মহাত্মা তাঁহার 'ইয়ং ইণ্ডিয়াতে' এই অভিমত ব্যক্ত করিবার পর হইতে পাশ্চাত্য ও প্রাচ্যের সংবাদপত্র সমূহে অনেক স্থলী মহিলা ও পুরুষ লেখক ইহার তীব্র প্রতিবাদ করিয়াছেন। অনেকে ইহাও বলিতেছেন, এ বিষয়ে মহাত্মার এইরূপ অভিমতমান একান্ত অনধিকারচর্চা। মহাত্মার আদর্শরাজ্যে এমন সংঘমী নারী ও পুরুষ থাকিতে পারে বটে, কিন্তু বাস্তবরাজ্যে ইহা নাই—সুতরাং আসঙ্গ-লিপ্সা অব্যাহত রাখিয়াও কি উপায়ে জনন নিয়ন্ত্রিত করা যায়, তাহাই দেখিতে হইবে।

মহাত্মার উপর তীব্র রেব ও বিক্রমকারিণী জীবন ও জন্মকে যে ভাবে দেখিয়াছেন, মহাত্মা তাহা দেখিতে পারেন নাই। মহাত্মার দুর্ভাগ্য বলিতে হইবে!

আসঙ্গ-লিপ্সা চরিতার্থের সঙ্গে মহাত্মা নব-জীবনের সৃষ্টি দেখিয়াছেন,—আসঙ্গ-লিপ্সাকে সংঘত ও নিয়ন্ত্রিত করিয়া জীবনকে সুন্দর ও জননকে নিয়ন্ত্রিত করিবার উপায় নির্দেশ করিয়াছেন।

জনন-নিয়ন্ত্রণকারী সংসারের অনেকেই। কিন্তু জনন-নিয়ন্ত্রণে সংঘম যে অপরিহার্য, তাহা রক্ত-মাংসের সাময়িক উত্তেজনায় বর্তমান যুগে বোধ হয় কেহই স্বীকার করিতে চাহিবে না। কিন্তু জীবনে আসঙ্গ-লিপ্সার সংঘমকে স্বীকার করিয়া তাঁহারা যে প্রণালীতে সন্তান-জননকে এড়াইতে চাহিতেছেন, তাহাও কি কলপ্রদ ও পরিণাম-সুখকর হইতেছে?

বিত্তিন্ন প্রকার যন্ত্রাদি প্রয়োগে ও ঔষধাধি ব্যবহারে সন্তান-জনন নিরোধের যে প্রক্রিয়া অবলম্বিত হইতেছে, তাহার সাফল্য অতি অনিশ্চিত। ইহাতে দম্পতির মনের শঙ্কা ও উদ্বেগ হ্রাস আদৌ করিতে পারে না।

অপর এক উপায়—বধেট সাবধানতাসঙ্গেও যদি অপ্রার্থিত সন্তান আটসে, তবে তাহাকে অল্পরেই বিনাশ করিতে হইবে। ইহার অপর নাম জন্মহত্যা। মাতৃ-হৃদয়ে সন্তানের অনুভূতি স্পন্দিত হইবার পূর্বে যদি সন্তান-সন্তাবনা নিরোধ করা যায়, সে এক কথা—কিন্তু মা একবার নিজ হৃদয়ে সন্তানের সাড়া পাইলে সেই সন্তানকে বিসর্জন দিয়া নিজের ও অর্ধাঙ্গ স্বামীর সুখকামনা কখনও করিতে পারেন কি?

মাতৃহৃদয় পরিপূর্ণ হইলেও তর্কস্থলে ধরিয়া লওয়া যাইতে পারে যে, গর্ভবীতনা, প্রসব ও সন্তানপালনে শারীরিক ক্লেশ ও স্বাস্থ্যের

অনতিরঞ্জিত মাতা না হয় সন্তানের মুখ দেখিবার আগেই পেটে থাকিতে তাহাকে অল্প অবস্থাতেই বিসর্জন দিলেন,—কিন্তু এই ভাবে জনন-নিরোধের ফল কি কখনও মাতার শরীর ও মনের পক্ষে উত্তর হয় ?

এই ভাবে গর্ভনাশের ফলে নারীর কি শৌচনীর অবস্থা হয়, যাহারা তাহা দেখিয়াছেন, তাঁহারা কখনও এ ব্যবস্থা অনুমোদন করিবেন না। জগতের কোন যৌনবিজ্ঞানতত্ত্ববিদ পণ্ডিত কিংবা বিচক্ষণ চিকিৎসক এ ব্যবস্থা অনুমোদন করেন নাই।

তাহার পর জন্ম-নিয়ন্ত্রণ সম্বন্ধে আজ পর্যন্ত যত বিজ্ঞ অভিমত বাহির হইয়াছে, অভিমতদাতারা নিজেরাই তাহার কোনটি সম্বন্ধে নিশ্চিত হইতে পারেন নাই—শেষকালে আসন্ন-লিপ্সার সংঘর্ষকেই তাঁহারাও নিশ্চিত উপায় বলিয়া স্বীকার করিতে বাধ্য হইয়াছেন।

•অনিচ্ছার জননে নারীকেই প্রত্যক্ষভাবে ভুগিতে হয় বেশী। কারণ, গর্ভবন্ত্রণা, প্রসবক্লেশ, লালনপালন সবই তাহাকেই করিতে হয়। ক্রমাগত প্রসবে নারীর স্বাস্থ্যও একেবারে ভাঙিয়া যায়। ইহার উপর বহু সন্তান দারিদ্র্য ও অশান্তির কারণ ত আছেই। এ অবস্থা হইতে উদ্ধার পাইবার সহজসাধ্য নির্ভরযোগ্য বৈজ্ঞানিক উপায় যদি কিছু বাহির হয়, তবে মানবসমাজ সাদরে তাহা গ্রহণ করিবে। কিন্তু তাহা কোন দিন সম্ভব হইবে কি ?

জীবন-বিজ্ঞানঃসব চেয়ে বড় বিজ্ঞান—সব বিজ্ঞানের রহস্য এক দিন বুদ্ধি-পক্ষী মানব আরম্ভ করিতে পারে, কিন্তু জীবন কি করিয়া আইসে ও যায়, তাহার রহস্য আবিষ্কার করিতে পারিলে আর মানব—মানব থাকিবে না।

জীবননীতির বাস্তবিকতা করিয়া, স্ত্রী ও পুরুষের নব-জীবনের সৃষ্টি-শক্তিকে খেলার সামগ্রী মনে করিয়া তাহার অপব্যবহার করিলে নরনারীর কাম্য মুখ কখনও আসিবে কি ? ইচ্ছামত জনন-নিয়ন্ত্রণ সম্ভব হইবে কি ?

জনন-নিয়ন্ত্রণের আবশ্যিকতা, তাহার সম্বন্ধে নানা উপায়ের বিকলতা ও সাকল্য নির্ধারণের চেষ্টা সম্বন্ধে বলিবার বহু কথা আছে। কিন্তু মহাক্সার প্রতি তাঁর আক্রমণকারীদের বলিয়া রাখা ভাল যে, আলোর পশ্চাতে ছুটিয়া তাঁহারা আজ জীবন ও জনন-রহস্যে সংঘর্ষের প্রত্যক্ষ অস্বীকার করিয়া খেলা-বিজ্ঞানের আধিপত্য দিতে বাইতেছেন, তাহা হয় ত মানবসমাজকে আরও গভীরতর নিরাশার মধ্যেই লইয়া বাইবে।

রামপ্রসাদ ও প্রমাদী সঙ্গীত

১

প্রায় দুই শত বৎসর পূর্বে যখন ইহলোক ও ইহজীবনপ্রধান পাশ্চাত্য সাধনা বঙ্গদেশে প্রবেশলাভ করিবার সুযোগ অস্বল্পে তৎপর এবং সংহতরশ্মি মুসলমান শাসন-সূচী রাষ্ট্রীয় আকাশের পশ্চিমে হেলিয়া সিরাজুদ্দৌলার সিংহাসনের অন্তরালে আসন্ন সঙ্কার প্রতীকার আছে, যখন বৈষ্ণব-কবিকুলের যুগলগীলা-সুন্দর হৃদয় রক্ত-রঞ্জিত সুকী কবিসম্প্রদায়ের আকুল প্রেমগীতিরোগে সঙ্গত হইয়া বাঙ্গালার আকাশ বাতাস আবিষ্ট করিয়া উলিয়াছে, এবং চৈতন্যদেবের প্রতিষ্ঠা-উৎসারিত নব-বৈষ্ণব আন্দোলনের প্রবল বজ্রা বিকারদুগ্ধে তাত্ত্বিকতার বিবিধ কদাচার ভাসাইয়া দিয়া চতুর্দিক উর্বর করিতে করিতে আপন মহিমার সাক্ষ্য প্রতিষ্ঠা করিয়াছে,—সেই সময়, অসংখ্য বিঘ্নজন-মল্লীর তবকালীন বাসভূমি, আপাতঃশীর্ণ ও ভয় অষ্টালিকাবহুল

আধুনিক হালিসহরের অন্তর্গত কুমারহট্ট গ্রামের ভাগীরথী-সৈকত হইতে শক্তি-সাধক রামপ্রসাদ পেনের ভক্তি-নির্ভর মানস-মধু সন্নীতে সাকার হইয়া বঙ্গদেশের পল্লীতে পল্লীতে ছড়াইয়া পড়িয়াছিল।

রামপ্রসাদের সঙ্গীত একই কালে পলাশীনাটোর এমন দুইটি বিরুদ্ধ-লক্ষ্য ঐতিহাসিক অভিনেতাকে আকৃষ্ট করিয়াছিল, বাহা বাস্তবিকই বিস্ময়কর। নবদ্বীপের অধিপতি, পলাশী-প্রাক্ষণের প্রচ্ছন্ন উৎসাহ-সহায় মহারাজ কৃষ্ণচন্দ্র যে রামপ্রসাদের অভ্যন্তর গুণগ্রাহী ছিলেন, তাহা তৎপদন্ত ‘কবিরঞ্জন’ উপাধি ও এক শত বিধা নিকর ভূমিদান কার্য হইতেই আমরা জানিতে পারি; কিন্তু পলাশী বজ্রের সর্বপ্রথমে বলি নবাব সিরাজুদ্দৌলাও নাকি এক দিন ঘটনাক্রমে তাঁহার স্বরচিত সাধন-সঙ্গীত ও অনাড়ম্বর সহজ সুরের অভিনবদে এতই আনন্দিত হইয়াছিলেন যে, তাঁহাকে মুর্শিদাবাদে নিয়ন্ত্রণ না করিয়া পারেন নাই।

মহারাজ কৃষ্ণচন্দ্র-প্রদত্ত ‘কবিরঞ্জন’ উপাধির প্রত্যক্ষ ভিত্তি অবশ্য তাঁহার করমারেসি কাব্য ‘বিদ্যাসুন্দর’। রামপ্রসাদের এই ‘বিদ্যাসুন্দরে’ কবিত্ব-শক্তি, কলা-কৌশল, হিন্দী ও সংস্কৃত ভাষার লিপিকুলতা প্রভৃতির পরিচয় প্রকাশ পাইয়াছে সত্য, তথাপি রামপ্রসাদের কবি আত্মা যে উহা রচনা করিয়া তৃপ্তি পায় নাই, তাহার প্রমাণ ঐ গ্রন্থ সম্বন্ধে কবির নিজেই উক্তি—“গ্রন্থ যাবে গড়াগড়ি, গানে হব মত্ত” বঙ্গীয় সাহিত্যসম্রদায়ের নিকট এই কাব্যখানি সমাদৃত না হওয়ার প্রথম কারণ এই যে, ঐ কাব্যের পশ্চাতে কবির মন নাই; আর দ্বিতীয় কারণ এই যে, উহার নিকট অনেকখানি স্বপ্নী হইয়াও (১) বিলাসকলা-নৈপুণ্যে শব্দ-শিল্প ও ছন্দের বঙ্কারে অধিকতর দক্ষতা প্রযুক্ত তাঁহার সমসাময়িক কবি ভারতচন্দ্র তাঁহাকে অতিক্রম করিয়াছিলেন। ভারতচন্দ্রের এলাকার, লোকরঞ্জনের ক্ষেত্রে নিরাশ হওয়া কবিরঞ্জনের পক্ষে ভালই হইয়াছিল বলিতে হইবে, যেহেতু, এ দিকে করতালি লাভের সৌভাগ্য ঘটিলে আত্মসমাহিত রামপ্রসাদ সম্ভবতঃ পঙ্কুই হইয়া পড়িতেন, এবং যে বিশিষ্টতা তাঁহাকে ক্ষেত্রান্তরে ফুটিয়া উঠিবার অব্যবহাশ দিয়াছিল, তাহার চর্চাশৈলীতে বঙ্গীয় গীতি-সাহিত্যের অমর রামপ্রসাদকে হয় ত বা আমরা হারাইতাম।

যে সকল সঙ্গীত রচনার জন্ত রামপ্রসাদের বিশেষ প্রসিদ্ধি, তাহা ছাড়া ‘কালীকীর্তন’ নামে অপর একখানি কাব্যও তিনি রচনা করিয়াছিলেন। এখানি গীতিকবিতা ও সঙ্গীতের সমষ্টি। কবিরাজ জয়দেব “প্রলয়পরোধিজলে ধৃতবানসি বেদম” বলিয়া হরিশ্চন্দ্রসমস-চেতা বিলাসকলা-কৌতুহলীদিগের জন্ত তাঁহার ‘গোবিন্দগীতি’ আরম্ভ করিয়াছিলেন, আর কবিরঞ্জনে রামপ্রসাদ “ভব-জলধি-নিমগ্ন-রূপ জনগণ-বিনোদনকরণ-কারণ ভুবনপালিকা কালিকার” গোষ্ঠাধি লীলা বর্ণনা করিয়াছেন। গীতগোবিন্দ রাখাকুলের মিলন ও শ্রীকৃষ্ণের রাসলীলার পরিসমাপ্ত, আর ‘কালীকীর্তন’ হরগৌরীর সাক্ষাৎ ও ভগবতীর রাসলীলার পর্যাবসিত; তবে উভয় কাব্যের অন্তরে রস-সৃষ্টির পার্থক্য লক্ষ্য করিবার বিঘর। জয়দেবের রাখাকুলকে তাঁহার মনের গতি অনুসরণ করিয়া পাঠক নারক-নারিকা হিসাবেই দেখিতে বাধ্য হয়,—তাঁহার আবেগোচ্ছল ছন্দমাধুর্যের অতুলনীর শব্দ-সঙ্গীত-তরঙ্গও এরূপ সংঘটনের প্রতিরোধ করিতে পারে না; অপর পক্ষে রামপ্রসাদের শিবপার্বতীকে আমরা আপনাপন অজ্ঞাতসারেই কড়া-জামাতা বা জনক-জননীরূপে না দেখিয়া পারি না। এ কাব্যের পরিকল্পনার অলৌকিক কিছুই নাই; সর্বজনপরিচিত সাংসারিক মেহ ও বাৎসল্য, প্রজ্ঞা ও শ্রীতি প্রভৃতিই “উমার” আরোপিত হইয়া

(১) বর্ণের পরিচয়—‘বঙ্গভাষা ও সাহিত্য’। দ্বিতীয় সংস্করণ। ৫৫৫-৫৫৬ পৃষ্ঠায় দ্রষ্টব্য।

তাহার বালাকাল হইতে বৌবনসীমা পর্যন্ত কবি-কল্পনার সূত্রে পাঁচিরা উঠিয়াছে, এবং গোষ্ঠ হইতে রাসলীলা পর্যন্ত ব্রহ্ম-মোপালের দ্বারা বাহা কিছু সম্ভব হইয়াছিল, ব্রহ্মরসী উমার দ্বারাও তাহাই সম্ভব হইয়াছে—তবে, যে মহাশক্তি 'উমা হৈমবতী'রূপে উপনিষদের ঋষিগণকে দেখা দিয়াছিলেন, এ কাব্যের স্বার্থ-প্রতিমাটির সহিতও তাহার যোগ রক্ষিত হইয়াছে। এ যেন বৈকব-বৈশিষ্ট্যটিকে শাস্ত্র-বিশেষের মধ্যেও শোষণ করিয়া আনা। গীতগোবিন্দে বিবৃত কেশবের দশ অবতার স্মরণ করিয়া রামপ্রসাদ তাহার এই ভগবতীকেও বলিয়াছেন :—

“মংশ-কুর্প-বরাহাদি দশ অবতার,
নানারূপে নানা লীলা সকলি তোমার।
প্রকৃতি পুরুষ ভূমি, ভূমি স্তম্ভস্থলা,
কে জানে তোমার মূল, ভূমি বিশ্বমূলা।
বাচাতীত গুণ ভব বাক্যে কত কব,
শক্তিস্বয়ং শিব সদা, শক্তিলোপে শব।”

ইনি ইঞ্জিরসমূহের অধিষ্ঠাত্রী, নরনারী-নির্বিশেষে সকলেরই সত্তামূলে চিৎ-স্বরূপা, আধার-কুমলদল-বিহারিণী কুণ্ডলিনী শক্তি, ব্রহ্মাণ্ড-সংহারকর্তা কালকে গ্রাস করেন বলিয়াই 'কালী' নামে পরিচিতা এবং জীবগণ ব্রহ্মরূপে, যে জগৎগুরু শঙ্করের ধ্যান করে, সেই মহাবোগী শঙ্করেরও ধোর।

'শ্রী কৃষ্ণকীর্তন', 'সীতাবিলাপ' এবং 'আগমনী ও বিজয়া' নামে তিনটি ক্ষুদ্র কবিতাও রামপ্রসাদের লেখনী-নিঃসৃত হইয়াছে, তন্মধ্যে কৃষ্ণকীর্তনের কয়েকটি পংক্তি ও উপমা সুন্দর। অপর কবিতাষয়ের মধ্যে এমন কোনও উল্লেখযোগ্য বিশেষত্ব নাই, বাহা অন্তর্জ পাওয়া যায় নাই।

রামপ্রসাদের সংক্ষিপ্ত জীবনী তাহার গ্রন্থাবলীর অঙ্গই আঁটা আছে, অতএব আমাদের এই আলোচনার মধ্যে সে সকল কথা পুনরুক্তি-দোষ ঘটাইব না : তবে তাহার “ভক্তেরে চলিতে, তনয়-রূপেতে, বাধেন আসিয়া ঘরের বেড়া” এই পংক্তিটি এবং ‘গান গাহিতে গাহিতে গঙ্গাজলে দেহত্যাগ’ সম্বন্ধে যে প্রবাদ প্রচলিত আছে, তৎসম্বন্ধে ইহাই মাত্র বলিতে চাই যে, ৭ ছুইটি বাপারেরই সম্ভাব্যতা আমরা স্বীকার করি ও বিশ্বাস করি এই অর্থে যে, তাহার তনয়তা মনন ও জীবনব্যাপী ভাবনার ফলে, মনশ্চক্ৰে প্রথমটির দর্শন এবং আবেগের আতিশয্যে দ্বিতীয়টির সংঘটন অনিবার্য হইতে পারে। প্রবাদের ধর্মই সত্যকে পল্লবিত করা, অতএব মৃত্যুকালে উপস্থিত ব্যক্তিগণের-পক্ষে ব্রহ্মরূপ-নির্গত ‘মোক্ষাতি: দর্শন’ বা ‘কল্পা জগদম্বার পরিবর্তে সশরীরে জগদম্বিকার বস্তুগতে অবতরণ’ না মানিলেও আলোচ্য প্রবন্ধপাঠ, ভগবৎ-বিশ্বাস অথবা সাধুচরিত-মাহাত্ম্য কিছুমাত্র বাহত, আহত বা লঘু হইবার যখন আশঙ্কা নাই, তখন উহা যথা-স্থানে থাকিতে দিয়া অতঃপর রামপ্রসাদের গীতি-নিকুঞ্জ-অভিমুখেই আমরা অগ্রসর হইব।

২

কিন্তু এখানে একটি গুরুতর সমস্যার প্রাচীর আমাদের পথরোধ করিয়া লক্ষ্যমান আছে, আর সে প্রাচীর অতিক্রম করা বট্‌চক্র-ভেদ করা অপেক্ষাও বুদ্ধি বা চরুহ বাপার। প্রথম কাব্যটি ভগবৎকৃপা ও পুরুষকারের যোগে যদিও বা সম্ভব হয়, তথাপি এই সমস্যার দুর্গ-প্রাচীর যুক্তিবলে ধূলিসাৎ করা দুঃসাধ্য—কেন না, বট্‌চক্রের নিয়ন্তা আদ্যাদিগকে সহায়তা করিলেও এই সমস্যাক্রমের রচয়িতারা তাহা করিবেন না। সমস্যাটি এই যে, ‘রামপ্রসাদী গান’ বলিয়া যে সকল সঙ্গীতের সহিত আমরা পরিচিত, তাহা যদিও বা ‘রামপ্রসাদের’ হয়, তবে তাহা কোন্ রামপ্রসাদের?

‘বহুবতী-সাহিত্য-মন্দির’ হইতে প্রকাশিত রামপ্রসাদ সেনের গ্রন্থাবলী’র তৃতীয় সংস্করণে যে ভূমিকা যুক্ত আছে, তাহাতে প্রসাদ-প্রসঙ্গ-রচয়িতা দয়ালচন্দ্র ঘোষের উক্তি উদ্ধৃত করিয়া বলা আছে—“পূর্ববঙ্গ রামপ্রসাদ নামে এক ব্রাহ্মণ প্রসাদীস্বরে ‘বিজ রামপ্রসাদ’ ভণিতায় অনেক গীত রচনা করিয়াছিলেন। তাহার সেই সকল গীত কবিরঞ্জন রামপ্রসাদের বলিয়া চলিয়া বাইতেছে।” তবে ভূমিকা-লেখক এই বলিয়া ও-কথা উড়াইয়া দিয়াছেন যে, পূর্ববঙ্গের কোনও প্রত্নতত্ত্ববিদ লেখক এ যাবৎ সেই ‘বিজ রামপ্রসাদের’ কোনও পরিচয় দেন নাই এবং “সংস্কারে বিজ উচ্যতে” এই শাস্ত্রমতে বৈদ্য ঋকু-প্রসাদেরও বিজ শব্দে অভিহিত হইবার অধিকার ছিল। তাহা ছাড়া ‘বিজ রামপ্রসাদ’ ভণিতায় গান ও রচনার ভঙ্গীতে দ্বিতীয় ব্যক্তির রচিত বলিয়া মনে হয় না।

আমাদের পক্ষে অবশ্য সমস্যার নিরাকরণ এত সহজে হইবে না—বে হেতু, আমরা ‘বিজ রামপ্রসাদ’কেও সনাক্ত হইতে দেখিয়াছি। অতএব অনিচ্ছাসম্বন্ধেও প্রত্নতত্ত্বের বিচারে প্রবৃত্ত হইতে হইবে।

প্রায় ২৫ বৎসর পূর্বে প্রকাশিত ‘সাধক-সঙ্গীত’ নামক একপাণি সঙ্কলন-গ্রন্থের দ্বিতীয় সংস্করণে শ্রীযুক্ত কৈলাসচন্দ্র সিংহ কর্তৃক লিখিত ‘অবতরণিকার’ প্রকাশ—

“বঙ্গদেশে যে সকল সঙ্গীত-রচয়িতা রামপ্রসাদ জন্মগ্রহণ করিয়াছিলেন, তাহাদের মধ্যে ৩ জনের নাম উল্লেখযোগ্য। প্রথম রামপ্রসাদ ব্রহ্মচারী, উদাসীন, প্রকৃত সাধক। তিনি কালী নামের স্ত্রী-কাণ্ডা সার করিয়াছিলেন। দ্বিতীয়—কবিরঞ্জন রামপ্রসাদ সেন; ইনি গৃহী, সম্পূর্ণ সিদ্ধ না হইলেও সাধক-শ্রেণীতে স্থান পাইতে পারেন। ইহার মধ্যে কিয়ৎপরিমাণে বাবসাদারী ছিল, নচেৎ তিনি কৃষ্ণকীর্তন রচনা করিতে পারিতেন না। তৃতীয়—কবিগুলা রামপ্রসাদ বহু।”

এই কৈলাস বাবুর বিশ্বাস যে, রামপ্রসাদী গানের মধ্যে বেঙলি সরল, সাদাসিদা ও অনাড়ম্বর এবং বেঙলি ‘বিজ’ ভণিতায়ুক্ত, সেঙলি নিশ্চিত ঐ ব্রহ্মচারীর। তাহার আরও বিশ্বাস যে, সাধকস্বরে রামপ্রসাদ সেন ঐ ব্রহ্মচারীর কনিষ্ঠ। তবে, তাহার এই অভিমতের মধ্যে একটু বিচলিত-চিন্তার পরিচয় আমরা পাই, যখন ঐ “বাবসাদারী”র প্রমাণস্বরূপ, “নচেৎ তিনি কৃষ্ণকীর্তন” প্রভৃতি উল্লেখের পর বলিতে চাহেন—“সাধক-সঙ্গীতের প্রথম সংস্করণে * আমরা তাহার (রামপ্রসাদ সেনের) হৃদীয় জীবন-চরিত ও ধর্মমতের আলোচনা করিয়াছিলাম, কিন্তু দুঃখের সহিত জানাইতেছি যে, এবার তাহা পারিলাম না; কারণ, রামপ্রসাদ ব্রহ্মচারীর যথেষ্ট মুকুট রামপ্রসাদ সেনের শিরে” সংস্থাপন করিয়া নিতান্ত গর্হিত কাণ্ডা করিয়াছি বলিয়া আমাদের দৃঢ় বিশ্বাস হইয়াছে এবং এজন্য আমরা সেই স্বর্গীয় সধুগুরুবর নিকট ক্ষমা প্রার্থনা করিতেছি। যিনি সংসারকে পদে মৈলিয়া সমস্ত জীবন কালী সাধনার অভিবাহিত করিয়াছেন; কালীতে আহার, কালীতে বিহার, কালীতে মনপ্রাণ সমর্পণ করিয়াছিলেন, সেই রাম-প্রসাদ ব্রহ্মচারীর সহিত কি, যিনি ‘ইচ্ছাস্থখে কলে পাশা কাঁচারেছ পাকা গুটা’ + বলিয়াছেন, সেই রামপ্রসাদ সেনের ভুলনা হইতে পারে!” বহু দূর দেখা বাইতেছে, তাহাতে সিংহ মহাশয়ের প্রকৃত কোত্তের কারণ ঐ ‘কৃষ্ণকীর্তন’; ইনি সম্ভবতঃ নিজেকে ‘শাস্ত্র’ বলিয়াই বিশ্বাস করিতেন, সেই জন্যই শক্তি-উপাসক সেন মহাশয় কর্তৃক কৃষ্ণকীর্তন রচিত হওয়ার মূলে ‘বাবসাদারী’ ছাড়া অন্য কোনও

* এই সংস্করণটি দেখিতে পাইবার আমরা সুযোগ পাই নাই।

+ এ উক্তি রামপ্রসাদ সেনের নহে, তাহাকে উদ্দেশ্য করিয়া আজু পৌসাইয়ের। আর যদিই বা রামপ্রসাদের হইত, তাহা হইলেই বা মারাত্মক ত্রুটি কি এমন ঘটত?

উদারতার অর্ধ দেখিতে পান নাই। আমাদের মনে হয়, যদি তাঁহার কথিত “কালীতে আহার, কালীতে বিহার, কালীতে মনপ্রাণ সমর্পণ” কাহারও জীবনে সত্য হইয়া উঠিয়া থাকে, তাহা হইলে “সংসারকে পদে ঠেলিয়া সমস্ত জীবন কালী-সাধনার বাপন” করিবার আদৌ আবশ্যিকতা থাকে না—এমন কি, তাহা করিতে গেলে, ‘কালী’ও ঐ মোহ-বিকৃত-মস্তিষ্ক ব্যক্তিকে পারে রাখিতে বেদনা বোধ করেন। সিংহ মহাশয় কথিত “গৃহী রামপ্রসাদ” অন্ততঃ এইরূপ বিশ্বাসই যে পোষণ করিতেন, তাহা তাঁহার একটি সঙ্গীত উদ্ধৃত করিয়া দেখাইতেছি,—

“ওরে মন বলি, ভক্ত কালী
ইচ্ছা হয় বেই আচারে।

মুখে গুরুদত্ত মন্ত্র কর, দিবানিশি জপ তারে।
শরমে—প্রণাম জানি, নিত্রায় কর মাকে ধ্যান,
ও রে মগরে কির, মনে কর—প্রদক্ষিণ স্ত্রীমা মা’রে।
বস্ত শোন কর্ণপুটে, সকলি মায়ের মন্ত্র বটে,
কালী পঞ্চাশৎ বর্ণময়ী, বর্ণে বর্ণে নাম ধরে।
কৌতুকে রামপ্রসাদ রটে, ব্রহ্মময়ী সর্বঘটে,
ও রে, আহার কর, মনে কর—

আহতি দিই স্ত্রীমা মা’রে।”

এই যে সঙ্গীতটি,—ইহার ভিতর আমরা ঈশোপনিষদের “ঈশা-বাস্তবিত্বং সর্বম্ বৎকিঞ্চ জগত্যাং জগৎ” বাদের প্রথম ও শেষ সত্যটি-কেই নবানুভূতিরসমিত্ত অবস্থার আর একবার পাই এবং বুঝিতে পারি যে, রামপ্রসাদ ‘কালী’ নামে সেই শক্তিরই উপাসনা করিতেন। যিনি বিরাটতম বলিয়াই ‘ব্রহ্ম’ পদবাচ্য—যিনি সর্বব্যাপী বলিয়া সংসারেও নিত্য-প্রকাশিতা এবং যাহাকে সাধনার মধ্যে সম্পূর্ণ করিয়া পাইবার জন্ত কি ‘গৃহ’ কি ‘সংসার’ কিছুকেই পারে ঠেলিতে হয় না।

তথাপি যে ব্রাহ্মণ সাধক “সংসারকে পদে ঠেলিয়া সমস্ত জীবন কালী-সাধনার অভিবাহিত করার,” কৈলাস বাবুর ভুলনায়, সাধকত্বে সেন মহাশয়ের স্মৃতি, তাঁহার সম্বন্ধ পরিচয় এখনও আমরা পাই নাই; অতএব সে বিষয়ে কি জানিতে পারা যায়, তাহাও দেখি;—

কৈলাস বাবুর নির্দেশমতে—“ব্রাহ্মণকুলজাত সাধক-চূড়ামণি রামপ্রসাদ ব্রহ্মচারী ব্রহ্মপুত্র-ভীরে জন্মগ্রহণ করেন। ঢাকা জিলার অন্তর্গত চিনীশপুর নামক স্থানে যে কালীবাড়ী আছে, সেই কালীবাড়ীতে তিনি জীবন বাপন করিয়াছেন। তাঁহার জন্মস্থানের অঙ্গ নির্ণয় করা সুকঠিন। তিনি কবিও প্রকাশের জন্ত সঙ্গীত রচনা করিতেন না, মনবসমাজে যশোলাভ করিবার অভিলাষী ছিলেন না—স্বাধীন বর্নবিহঙ্গের স্তায় স্বীয় মনোভাব সঙ্গীতে প্রকাশ করিয়া আনন্দসাগরে ভাসমান হইতেন।” এখানে দেখা যায় যে, জন্ম-স্থানের অঙ্গ নির্ণীত না হইলেও, এবং চাক্ষু আলাপ-পরিচয় না থাকিলেও, জীবিত অবস্থায় তাঁহার শরীরের মধ্যে কিসের অভিজাত্য বাস করিত না, বা কিসের জন্ত কি করা হইত, তাহারও নির্ণয় সম্ভবপর হইয়াছে। ‘আনন্দসাগরে ভাসমান’ হওয়া আর ‘কবিও প্রকাশ’ যে পরস্পর বিরোধী, এ ধারণা অবশ্য আমাদের নাই, যে হেতু, আমাদের বিশ্বাস, যাহার মনে ‘আনন্দ-সাগর’ নাই, তাঁহার ‘কবিও’ নাই; বিশেষতঃ “কবিও” প্রকাশ করিবার জন্তই যদি কেহ কোমর বাঁধিয়া বসেন এবং মনের মধ্যে আনন্দের জোয়ার না আসিলেও কথা গাঁথিতে ও
কি না থাকে
বলিয়াই
এই আনন্দ

যেমন উচ্চাচভেদে ভাস্করীর উর্ধ্বলীলা, এই আনন্দ-বেদনাও সেইরূপ।

এ পৃথিবীতে যে সকল উন্নতচেতা মহাজন মনবসমাজের জন্ত আনন্দের আয়োজন করিয়াছেন, তাঁহারা আপনাপন নিষ্ঠা ও ঐকান্তিকতা হইতেই তাহার ভাগিদ পাইয়াছেন; তবে যে তাঁহাদের ভাগ্যে যশোলাভ ঘটয়া গিয়াছে, সে তাঁহাদের যশোলাভই লক্ষ্য ছিল বলিয়া নহে, কিন্তু মনবসমাজ ধূসী হইয়া প্রতিদানের দায়িত্ব স্বীকার করিয়াছে বলিয়া। কবিরঞ্জন রামপ্রসাদ তথাকথিত ব্রহ্মচারীর ভুলনার মনসমাজে অধিকতর প্রথিতযশা বলিয়া তিনিও যে স্বাধীন বনবিহঙ্গের স্তায় স্বীয় মনোভাব সঙ্গীতে প্রকাশ করিয়া আনন্দ-সাগরে ভাসমান হইতেন না, এরূপ অনুমানের অবকাশ নাই। যে অল্পবেতনের মুহুরি স্বরমাগত মনোভাব ভুলিয়া বাইবার আশঙ্কায়, হিসাবের খাতারও উহা লিপিবদ্ধ করিতেন, চাকরী ধোরাইবার কথা ভাবিতেন না—সঙ্গীত রচনার অন্তমনস্তার কাব্য-কর্মে অনবধানতা প্রকাশ করিয়া যিনি উর্দ্ধতন কর্মচারিগণের বিরক্তিজাজন হইয়াছিলেন এবং শান্তি গ্রহণ করাইবার প্রয়াসই যাহার পক্ষে “শাপে বর” হইয়া দাঁড়াইয়াছিল, তাঁহার আত্মপ্রকাশেও কোনও সঙ্গীত উদ্দেশ্য আরোপ করা চলে না।

তবে “স্বিজ রামপ্রসাদ”ও যে এক জন ছিলেন এবং চিনীশপুরের কালীবাড়ীতেই ছিলেন, তাহা অন্ততঃ আমরা পাইয়াছি। শ্রীযুক্ত যতীন্দ্রমোহন রায় মহাশয়ের ‘ঢাকার ইতিহাস’ গ্রন্থের ৯০৫ পৃষ্ঠায় তাঁহার সম্বন্ধে বাহা উক্ত হইয়াছে, তাহা এই:—

“কিষ্কিন্দ্রানাথিক ১৫ঃ বৎসর বাবৎ চিনীশপুর গ্রামে স্বিজ রাম-প্রসাদের সিদ্ধপীঠ বর্তমান আছে। দেবীর নাম চীনেবরী। ইহা দক্ষিণাকালীর পীঠ। কিংগদন্তী, এই রামপ্রসাদ এতদঞ্চলবাসী ছিলেন না। আত্মপোষন করিতেন বলিয়া তাঁহার সুপরিচয় সকলে জানিত না। প্রবাদ এষ্ট যে, রামপ্রসাদ নাটোরের স্বাম্যখ্যাত রাজা রাম-কৃষ্ণের স্মৃতি সহোদর ছিলেন। রামকৃষ্ণকে দত্তক দেওয়ার সময় তদীয় বিপুল ঐর্ষ্যা সমর্পণ করিয়া রামপ্রসাদের চিত্তবৈকল্য উপস্থিত হয়; তাহে, উত্তরেই সহোদর—তথাপি কনিষ্ঠের ভাগ্যে বিশাল বিভবপ্রাপ্তি, আর তিনি তাহার কৃপাভিখারী কেন? বিধাতার এই বিচিত্র বিচারের বিষয় সমস্তায় পড়ায় তাঁহার সংসারে বীতরাগ ও বৈরাগ্যের সূত্রপাত হয়। সেই বৈরাগ্যের পরিণাম দেবীর অনুগ্রহ-লাভ ও আদেশপ্রাপ্তি, চিনীশপুরের অরণ্যে অবস্থান, টেকুরীপাড়া-নিবাসী জয়নারায়ণ চক্রবর্তীর কস্তার পাণিগ্রহণ, পঞ্চমুণ্ডী আসন প্রাপ্ত এবং বৈশাখ মাসের মঙ্গলবার অমাবস্তা তিথিতে সাধনার সিদ্ধিলাভ। ইনি ‘বীরসাধক’ ছিলেন। বীরসাধনার অপর নাম ‘চীন-ক্রম’—সেই জন্তই তাঁহার ইষ্টদেবীর নাম ‘চীনেবরী’ এবং সিদ্ধ-পীঠস্থানের নাম ‘চিনীশপুর।’ ইহার জন্ম ও মৃত্যুর অঙ্গ নির্ণীত হয় নাই। সম্ভবতঃ, ১২০০ সালের পূর্বে ইনি মানবলীলা সংবরণ করেন।”

ইহার গীতরচনাশক্তি বা আলোচ্য প্রসাদ-গীতিকার সহিত সেগুলির সংশ্লিষ্ট সম্বন্ধে ‘ঢাকার ইতিহাস’কার কিছুই বলেন নাই। তথাপি যদি কৈলাস বাবুর কথামত ধরিয়া লইতে হয় যে, তিনিও প্রসাদী সুর-গান রচনা করিয়াছেন, তবে ইহাও স্বীকার করিতে হয় যে, কবিরঞ্জন রামপ্রসাদের খ্যাতিই তাঁহাকে এই কার্যে আকৃষ্ট করিয়াছিল এবং তিনি সেন মহাশয়ের সাহিত্যসুজই ছিলেন—

মূলে ছিল 'মাংসর্ষা।' কলে, পিতৃ-সংসার ত্যাগ করিলেও, জর-নারায়ণ বাবুর কল্পকে পত্নীরূপে গ্রহণ করিয়া তিনি সংসারী হইয়াছিলেন এবং তৎপরে সিদ্ধি সম্বন্ধে যে নতানুগতিক লোক-প্রসিদ্ধি আছে, তাহাই লাভ করিয়াছিলেন। এ অবস্থায় তিনি যত বড়ই 'ব্রহ্মচারী' ও 'উদাসীন সংসারত্যাগী' হউন না কেন, তাহার 'বৈরাগ্য' সম্পর্কে কবি স্ববীজনাথের ভাবায় আমাদের কাছে বলিতে হয়;—

"বৈরাগ্য-সাধনে মুক্তি, সে আমার নয় ;
অসংখ্য বন্ধন-মাঝে মহানন্দময়
লভিব মুক্তির স্বাদ।"

এইবার 'দ্বিজ'-ভণিতাশূন্য ও 'দ্বিজ'-ভণিতাশূন্য করেকটি পদাবলী পাশাপাশি লইয়া পরীক্ষা করা আবশ্যিক যে, উহাদের মধ্যে এমন কোনও গুরুতর প্রভেদ আছে কি না, যাহাতে বুঝিতে পারা যায়—দ্বিজ রামপ্রসাদ ও রামপ্রসাদ সেন পরস্পর জ্যেষ্ঠ-কনিষ্ঠ সাধন-সম্পর্কিত ছিলেন;—

দ্বিজ।

১। মন রে তোর চরণ ধরি।
কালী ব'লে ডাক রে ও মন,
তিনি ভবপারের তরী।
কালী নামটা বড় মিঠা,
যল রে দিবা-শর্করী।
গুরে, যদি কালী করেন কৃপা,
তবে কি শমনে ডরি।
দ্বিজ রামপ্রসাদ বলে,
কালী ব'লে যাব তরি'।
তিনি তনয় ব'লে দয়া ক'রে
তরাবেন এ ভববারি।

সেন।

২। মায়ের চরণতলে স্থান লব।
আমি অসময়ে কোথা যাব।
যরে জায়গা না হয় যদি,
বাইরে রব ক্ষতি কি পো
মায়ের নাম ভরসা ক'রে
উপবাসী প'ড়ে রব।
প্রসাদ বলে উমা আমার,
বিদায় দিলেও নাই কো যাব।
আমার দুই বাহু প্রসারিয়ে
চরণতলে প'ড়ে প্রাণ তাজিব।

এই গীতিকা-যুগলের অন্তরে যে মাতৃ-করণ-ভিক্ষুক নির্ভর-পরায়ণ মন আছে, তাহা একই রূপ; দুইটি গানের ভাবাই সমান, সহজ, সরল ও অনাড়ম্বর। ইহা হইতে এমন বুঝা যায় না যে প্রথম গানটি কোনও 'বীরসাধকের', যে হেতু, উহাতে 'উদ্ধৃত মানস' বাহা না কি বীরচেতনার অন্ততম লক্ষণ, তাহার কিছুই নাই। 'বীরাচারে'র বাহু লক্ষণগুলির কথা পাড়িব না; কেন না, তাহা আমাদের বর্তমান প্রয়োজনের পক্ষে অনাবশ্যক—তবে সেই সকল বাহু-অনুষ্ঠান যে মনকে নিতান্তই কঠোর করে, পরন্তু কৃপার ভিখারী করে না, ইহা সহজেই অনুমান করা যায়। 'বীরাচার' যেখানে শুধুই 'মানস-বীরাচার' বা রজঃগুণপ্রধান, সেখানেও সে ভেদস্বী 'বিবেকানন্দ'ই গড়িয়া তুলে। বিবেকানন্দের ভোজোগর্ভবাণী "wake up, ye lions of immortal bliss"এর সহিত আত্মসমর্পিত হৃদয়ের ঐ

"তনয় ব'লে দয়া ক'রে তরাবেন, এই ভববারি"র তুলনা করিলেই উভয়ের প্রভেদ স্পষ্ট হইবে।

দ্বিজ।

২। এ সংসারে ডরি-কারে,—
রাজা যার মা মহেশ্বরী ;
আনন্দে আনন্দময়ীর খাসতালুকে বসত করি।
নাইকো অরিপ জমাবন্দি,
তালুক হয় না লাটে বন্দী মা,
আমি ভেবে কিছু পাইনে সন্ধি.
শিব হয়েচেন কর্ণচারী।
নাইকো-কিছু অন্ত লেঠা
দিতে হয় না মাথট-বাটা মা,
জয় দুর্গা নামে জমা গাটা
ঐটা করি মালগুজারি।

বলে দ্বিজ রামপ্রসাদ, আছে এ মনের সাধ মা,
আমি ভক্তির জোরে কিন্তে পারি ব্রহ্মময়ীর জমিদারী।

সেন।

৩। তিলেক দাঁড়া গুরে শমন
মন ভ'রে মাকে ডাকি রে।
আমার বিপদকালে ব্রহ্মময়ী,
আসেন কি না আসেন দেখি রে।
লয়ে বাবি সঙ্গে ক'রে তার একটা ভাবনা কি রে
তবে তারা-নামের কবচ-মালা,
বৃথা আমি গলায় রাখি রে।
মহেশ্বরী আমার রাজা,
আমি খাসতালুকের প্রজা,
আমি কখন নাতান, কখন সাতান,
কখন বাকীর দারে না ঠেকি রে।

প্রসাদ বলে মায়ের লীলা অন্তে কি জানিতে পারে।
ধীর ত্রিলোচন পেলে না তবু, আমি অন্ত পাব কি রে।

এখানেও ভাবে, ভাবায় বিশেষ কোনও পার্থক্য নাই। উভয়েরই 'রাজা' মহেশ্বরী, উভয়েরই, 'খাসতালুকের' প্রজা, উভয়েরই মাতৃভক্তি-নির্ভর-দৃঢ়। এ দুটি গান দু'জনের লেখা হওয়া অসম্ভব নয়, সে ক্ষেত্রে মহেশ্বরীর বিশেষণ কেহই 'রাণী' না দিয়া উভয়েরই যে 'রাজা' দিয়াছেন, তাহাতে দেখাদেখি করিয়া লেখার একটা সম্ভাবনা আইসে,—আর এক জনের হইলে ত কথাই নাই, যে হেতু, বাকরণ বাই বলুক, তৎ-হিসাবে ওরূপ বিশেষণ নির্ভুল—যখন না কি সেন মহাশয় বলিয়াছেন—"প্রকৃতি-পুরুষ তুমি, তুমি স্ত্রীমূল্য।" এই 'খাসতালুকের প্রজা-বৃত্তে'র কথা সেন-প্রসাদে'র অন্য গানেও আছে, বথা :—

"আমি ক্ষেমার খাসতালুকের প্রজা।
ঐ যে ক্ষেমকরী আমার রাজা।

চেনে না আমারে শমন,
চিন্লে পরে হবে সোজা।"

এই আনন্দ-উচ্ছল তরল ভাবায় লিখিত গানগুলি ছাড়া অপেক্ষাকৃত গভীর, সংযত ও গাঢ় মানসিকতার পরিচায়ক করেকটি গানও 'দ্বিজ' ও 'ঐ ভণিতাশূন্য' নামে প্রসাদ প্রদ্বাবলীতে পাওয়া যায়। তাহাও উদ্ধৃত করিতেছি—

“মা বসন পর,
বসন পর বসন পর মা গো, বসন পর তুমি ।
চন্দনে চর্চিত জবা, পদে দিব আমি গো ।
কালীঘাটে কালী তুমি,
মা গো কৈলাসে ভবানী ।
বৃন্দাবনে রাধাপারী গোকুলে গোপিনী গো ।
পাতালেতে ছিলে মা গো, হয়ে ভদ্রাকালী ।
কত দেবতা করেছে পূজা, দিয়ে নরবলি গো ।
কার বাড়ী গিয়েছিলে, মা গো কে করেছে সেবা,
শিরে দেখি রক্তচন্দন, পদে রক্তভবা গো ।
ডানি হস্তে বরাভর, মা গো বামহস্তে অসি,
কাটিয়া অক্ষরের মুণ্ড করেছে রাশি রাশি গো ।
অসিতে রুধির-ধারা, মা গো গলে মুণ্ডমালা,
হেঁটমুখে চেয়ে দেখ পদতলে ভোলা গো ।
মাথায় সোনার মুকুট, মা গো ঠেকেছে গগনে,
মা হয়ে বালকের পাশে, উলঙ্গ কেমনে গো ।

আপনি পাগল, পতি পাগল,
মা গো আরও পাগল আছে ।

“বিজ্ঞ রামপ্রসাদ হয়েছে পাগল, চরণ পাবার আশে গো ॥”

বহু এইরূপ প্রসাদগুণবিশিষ্ট মন্থণ ভাষার ও প্রশান্ত-গভীর ত্রুটী-
মন-মাত্র লইয়া ‘বিজ্ঞ’-ভণিতায়ুক্ত সকল গানই রচিত দেখিতাম, তাহা
হইলে আমরা নিঃসংশয়ে মনিয়া লইতে পারিতাম যে, ‘বিজ্ঞ’ রাম-
প্রসাদ একটি বিশেষ ব্যক্তি, যিনি রামপ্রসাদ সেন হইতে বিভিন্ন ।
কিন্তু এইরূপ ভাষা ও রচনারীতি ‘বিজ্ঞ’-ভণিতা-বিসৃক্ত পদাবলীতে এবং
রামপ্রসাদ ‘বিদ্যাম্বুরের’ স্থানে স্থানেও দেখিতে পাওয়া গিয়াছে ।
পদাবলী হইতে দুইটিমাত্র দৃষ্টান্ত এখানে উদ্ধার করিতেছি :-

* * * * *

১। “সংসার, কেবল কাচ, কুহকে নাচার নাচ,
-নারাবিনী-কোলে আছ প’ড়ে কারাগারে ।
অহঙ্কার, ঘেব, রাগ, অনুকূলে অহুরাগ,
দেহরাজ্য দিলে ভাগ বল কি বিচারে ।

বা করেছ চারা কিবা, প্রায় অবসান দিবা,
মণিঘোপে ভাব শিবা সদা শিবাগারে ।
প্রসাদ বলে দুর্গানাম, সুধাময় মোক্ষধাম,
“জপ কর অবিরাম মন-রসনা রে ॥”

* * * * *

২। “পৃথক্ প্রথব, নানা লীলা তব,
কে বুঝে এ কথা বিষম ভারী ।
নিজ তনু-আধা, গুণবতী রাধা,
আপনি পুরুষ, আপনি নারী :-
ছিল বিবসন-কটি, এবে পীত ধটি,
এলো-চুল-চূড়া-বংশী-ধারী ।

আগেতে কুটিল, নরন অপাদে,
মোহিত করেছ ত্রিপুরারি ।
এবে নিজে কাল, তনু-রেখা ভাল,
তুলালে নাগরী নরন ঠারি ॥”
* * * * *
প্রসাদ-হাসিছে, সরসে ভাবিছে
বুঝেছি মননী মনে বিচারি ।
মহাকাল কানু, শ্রাম-শ্রামা তনু,
একই সকল বৃষ্টিতে নারি ॥

তাহা ছাড়া এই ‘বসন পর’ সঙ্গীতটি ‘বিজ্ঞ’-বিসৃক্ত “ও মা, রামপ্রসাদ
হয়েছে পাগল” ভণিতাতেও দেখা গিয়াছে ।

যত দূর প্রমাণ পাওয়া গেল, তাহাতে চিনীশপুরের বীরসাধক^১ই
‘বিজ্ঞ’-পরিচয়ে গান লিখিতেন কি না; লিখিলেও “বসন পর”র মত
গান পূর্ববঙ্গনিবাসীর পক্ষে লেখা সম্ভবপর ছিল কি না; আর
সম্ভবপর হইলেও তিনি এই লক্ষপ্রতিষ্ঠ সেন মহাশয়েরই যে অনুসরণ-
কারী ছিলেন না, তাহার প্রমাণভাবে কৈলাসচন্দ্র সিংহ মহাশয়ের
রায় আমরা অগ্রাহ করিতেই বাধ্য হইতেছি । বাস্তবিকই ‘বিজ্ঞ’-
ভণিতা আছে বলিয়া, অথবা অপর কোনও ব্রাহ্মণ-সন্তানের নাম
রামপ্রসাদ ছিল বলিয়া, তিনিও শক্তি-সাধনা করিতেন বলিয়া কোনও
গান রামপ্রসাদ সেনের রচিত নহে, এরূপ অনুমান সম্ভব নহে । ‘বিজ্ঞ’
শব্দের আভিধানিক অর্থ ‘কল্পিত’ ও ‘বৈষ্ণ’কেও নির্দেশ করে ।
তাহা ছাড়া অশ্বরৌষ রাজার প্রশ্নের উত্তরে বশিষ্ঠ যাহা বলিয়াছিলেন,
তদনুসারে—

“জাত্যা কুলেন বৃহেন স্বাধ্যায়েন ক্রতেন চ ।

এতিমু ক্তো হি যন্তিষ্ঠেৎ নিত্যং স বিজ্ঞ উচ্যতে ॥

ন জাতির্ন কুলং রাজন্ ন স্বাধ্যায়ঃ ক্রতং ন চ ।

কারণানি বিজ্ঞস্ত বৃত্তমেব তু কারণন্ ॥”

—বহুপুরাণ ।

‘বিজ্ঞ’ শব্দের আর একটি বিশেষ অর্থ—‘দ্বিবার-জন্মযুক্ত ।’ কাম-
লোকে আমরা সকলেই প্রথমে ভূমিষ্ট হই,—তদন্থো বাঁহারা আত্ম-
শক্তিবলে বা গুরুবলে ঐহজীবনেই অধ্যাত্মলোকে দ্বিতীয় জন্মলাভের
অধিকারী হইয়েন, তাহারাই ‘বিজ্ঞ’ পদবাচ্য । স্থূষ্টীয় নীতিবাদে যেমন
‘জল সংস্কার’ বা বিগুদ্ধিকরণ এবং এক জীবনেই পুনর্জন্মে বিশ্রাস
যেমন ঐ ধর্ম্মনীতির একটি বিশেষ অঙ্গ, সেইরূপ এই ‘বিজ্ঞ’ দানও
সনাতন গুহু ধর্ম্ম-মণ্ডলের একটি বিশেষ প্রক্রিয়া এবং ব্রহ্মবিদ্যাশিক্ষার্থী-
গণের জন্য উদ্ভাবিত এক প্রকার ‘অভিষেক’ সেন মহাশয় যে ধর্ম্ম
সংস্কৃত ধর্ম্মশাস্ত্র ও পুরাণাদির সহিত বিশেষ পরিচিত ছিলেন, তাহার
দৃষ্টান্ত তাহার রচনাবলীর নানা অংশে ছড়াইয়া আছে । এ অবস্থায়
তিনিই যে নিজের ভণিতায় কখনও ‘বিজ্ঞ’ কখনও ‘কবিগুণন’, কখনও
‘শ্রীরামপ্রসাদ’, কখনও ‘দীন প্রসাদ’ এবং কখনও বা শুধুই ‘প্রসাদ’
ব্যবহার করিতে না পারিবেন কেন, তাহা বুঝিতে পারা যায় না ।
তথাপি এই পদাবলী যদি উত্তর রামপ্রসাদেরই মিত্র-সাহিত্য হয়, সে
ক্ষেত্রেও ইহা নিষ্কর যে, গানগুলি ভাবে, ভাষায় ও সঙ্গীতে একই
ধাতুর এবং একই জাতির ।

[ক্রমণঃ-।


ঐবিজ্ঞকৃক যোব ।



লঘুভার ধাতব নৌকা

শিকারী, ধীবর এবং অন্যান্য সকলের সুবিধার জন্ত এক প্রকার লঘুভার ধাতব নৌকা নির্মিত হইয়াছে। এই

নৌকা দীর্ঘকালস্থায়ী এবং মুড়িয়া ছোট করা যায়। মোটরের এক পার্শ্বে নৌকাকে বুলাইয়া রাখা চলে। এই জাতীয় নৌকা দুই শ্রেণীর। প্রথম শ্রেণীর নৌকা ১৩ ফুট দীর্ঘ, ৪২ ইঞ্চি প্রস্থ এবং ওজন প্রায় ১.৫৭ ৩০ সের। দ্বিতীয় শ্রেণীর অপেক্ষাকৃত বড় নৌকার দৈর্ঘ্য ১৫ ফুট, প্রস্থ ৪৪ ইঞ্চি এবং ওজন প্রায় ২ মণ। নৌকাগুলি দুই তিনটি ভাগে বিভক্ত এবং ঘন-সন্নিবিষ্টভাবে



লঘুভার ধাতব নৌকা

গ্রথিত। জলে পরিপূর্ণ হইলেও এই নৌকা কখনও নিমগ্ন হইবে না। ইহাতে বায়ুকক্ষের বিশেষ বন্দোবস্ত আছে। বসিবার আসনগুলি এমনভাবে সংলগ্ন যে, ইচ্ছামত যে কোনও স্থানে সরাইয়া লওয়া যায়।

আসবাবপত্র রাখিবার জন্তও নৌকাতে পর্যাপ্ত স্থান আছে। এই নৌকাকে অল্পসময়ের মধ্যেই জলে ভাসাইবার উপযোগী অবস্থায় আনয়ন করা চলে। অতিরিক্ত দুই জন আরোহী এই নৌকায় লইবার বন্দোবস্ত আছে।

পূর্ণ এক দিনের জন্ত যে সকল জব্যের প্রয়োজন, তা হাও এই নৌকায় বহন করিবার মত স্থান আছে।

ক্রমওয়েলের

স্প্রিং চেয়ার

অলিম্ভার ক্রমওয়েলের অধারোহী সেনাদলের উৎকর্ষ সম্পাদন করিয়াছিলেন। অনেক যুদ্ধে তিনি অধারোহী সেনাদলের নৈপুণ্যও দেখাইয়াছিলেন। যখন গুরু কার্যের ভারে তিনি

অধারোহণে ব্যায়াম করিবার প্রকৃষ্ট সুযোগ পাইতেন না, তখন তিনি ঘরের মধ্যে উচ্চ স্প্রিংযুক্ত চেয়ারে বসিয়া ব্যায়াম করিতেন। এই চেয়ারখানি এমনই ভাবে নির্মিত এবং এমনভাবে ইহাতে স্প্রিংএর সমাবেশ ছিল



ক্রমওয়েলের স্প্রিং-চেয়ারে প্রধান মন্ত্রী বলডুইন

যে, অস্থগৃষ্ঠে আরোহণ করিয়া অস্থকে ধাবিত করিলে শরীরের যেরূপ গতিভঙ্গী হয়, এই স্প্রিং-এর চেয়ারে বসিয়া ঠিক তদনুরূপ অভ্যাস তিনি বজায় রাখিতেন। এই চেয়ারখানি এখনও বিদ্যমান আছে এবং ইংলণ্ডের প্রধান মন্ত্রী বলডুইন এখন উহার মালিক।

ছত্রাকার মশারি

যে সকল দেশে মশকের অত্যন্ত উৎপাত, সে দেশে



মশারি-ছাতা ও বিলাসিনী

যেতান বিলাসিনীদিগকে মশক-দংশনের প্রকোপ হইতে রক্ষা করিবার জন্য সংপ্রতি এক প্রকার মশারি-ছাতা নির্মিত হইয়াছে। ইহার উপরিভাগ ছাতার মত দেখিতে, নীচের দিকে স্থিতিস্থাপক কিতা সন্নিবিষ্ট। এই কিতা অনেক চারিদিকে এমন ভাবে চাপিয়া বসে যে, কোথাও সামান্যমাত্রও ফাঁক থাকে না। এই মশারি-ছাতার অবগুণ্ঠনে আবৃত হইয়া বিলাসিনীরা মশক-প্রধান স্থানে অনায়াসে চলাফিরা করিতে পারিবেন।

রোডিওযোগে চিত্র

রোডিও যন্ত্রের সাহায্যে যে কোনও আলোক চিত্রের প্রতিলিপি অন্তর্জ প্রেরণ করা যায়। বৈজ্ঞানিকের এই



এই প্রতিলিপি চিত্র ইথরতরঙ্গ অতিক্রম করিয়া ৫ হাজার মাইল দূরবর্তী নিউইয়র্ক নগরে পৌঁছিয়াছে

আবিষ্কার ক্রমে বিশ্বরজনকভাবে সার্থক হইয়া উঠিতেছে। হনলুলু হইতে নিউইয়র্ক ৫ হাজার মাইল ব্যবধান; তার-হীন তাড়িতবান্ডা যন্ত্রের সাহায্যে আলোকচিত্রের প্রতিলিপি এত দূরবর্তী স্থানেও প্রেরিত হইয়াছে।

মোটরবাসে জলভরা টব


মার্কিন দেশে যে সকল মোটরবাস দূরবর্তী স্থানে যাত্রী বহন করে, তাহাদের তলদেশে জলভরা টব থাকে। যাত্রীরা সেই টবের জলে প্রসাধন করিয়া থাকে। গাড়ীর মেঝেতে এই জলের টব লুক্কায়িত থাকে। উপরে একটা ডাল আছে, উহা সরাইয়া লইলেই টবটি দেখা যায়। গাড়ী যখন দ্রুত ঘাবিত হয়, সে সময়েও টব হইতে কোনও রূপে জল বাহির হইতে পারে না, কোনও শব্দও হয় না। টবের তলদেশে একটা ছিপি আছে, উহা তুলিয়া লইলে সব জল नीচে পড়িয়া যায়। যাত্রীদিগের সুবিধার জন্তই মোটরবাসের অধ্যক্ষগণ এইরূপ সুবিধাজনক বন্দোবস্ত করিয়াছেন।



মোটরবাসের তলসংলগ্ন জলের টব

উড়োকল ধরা যন্ত্র

মার্কিনের নিউইয়র্ক সহরে এক যন্ত্র আবিষ্কৃত হইয়াছে।



উড়োকল ধরা যন্ত্র

ইহা দ্বারা ১০ মাইল দূরের উড়োকলের অন্তিম জানা যায়। এই যন্ত্রের শিঙ্গার মত চারিটি মুখ আছে। শিঙ্গা কয়টির নিয়মিতকর মুখ শ্রোতার কর্ণে যোগ করা যায় এবং শিঙ্গাগুলিকে যে দিকে ইচ্ছা ঘুরাইতে পারা যায়। উড়োকল আকাশে উড়িলে তাহার আওয়াজ ১০ মাইল দূর হইতে এই শিঙ্গার মধ্যে আসিয়া পৌঁছে এবং শ্রোতা ফনোগ্রাফের দ্বারা ইহা হইতে উড়োকলের আওয়াজ শুনিতে পারি।

বিমানপোত-ধ্বংসকারী কামান

বিমানপোত ধ্বংস করিবার জন্ত মার্কিন সমরবিভাগ হইতে এক প্রকার নূতন কামান আবিষ্কৃত হইয়াছে। এই কামান সহজে ব্যবহার করা যায় এবং ইহার লক্ষ্যভেদের শক্তিও অত্যন্ত অধিক। ৩ মাইল উর্ধ্বে যদি কোনও বিমানপোত থাকে, এই কামানের গোলা তাহাকে ধ্বংস

ক রি তে পারিবে।
এ ই নব-নি র্মিত
আ য়ে য়া ত্র হইতে
প্রতি মিনিটে ৫ শত
হইতে ৬ শত গোলা
নিক্ষিপ্ত হয়। ইহার
গোলা যেখান দিয়া
যায়, ০ দিন কিং বা
রাত্রি, সকল সময়েই
এ ক টা ধূম-রে খা
রাখিয়া যায়। তদ্বারা
বুঝা যায়, লক্ষ্য ঠিক
হইয়াছে কি না।
মার্কিন সমরবিভাগ
বিমানপোত ধ্বংস



নবনির্মিত বিমানপোত-বিধ্বংসী আগ্নেয়াস্ত্র

করিবার জন্য আরও নানারূপ আগ্নেয়াস্ত্র নির্মাণ
করিতেছেন, কিন্তু সেই সকল দ্রব্যের নির্মাণ-কৌশল
গোপনে রাখিবার জন্য ব্যবস্থাও হইয়াছে।

চক্রযুক্ত স্ট্রুকেস

যে সকল যাত্রী পদব্রজে স্বল্পদূরবর্তী স্থান অতিক্রম করিতে
চাহেন, তাঁহাদের জন্য একপ্রকার স্ট্রুকেস নির্মিত



চক্রযুক্ত স্ট্রুকেস

হ ই য়া ছে। এ ই
স্ট্রুকেসের সঙ্গে দুইটি
রবারযুক্ত ক্ষুদ্র চক্র ও
দীর্ঘ দণ্ড আছে।
যখন প্রয়োজন না
থাকে, সেই সময়
চক্র ও দণ্ড স্ট্রুকেসে
এমন ভাবে সংলগ্ন
থাকে যে, স্ট্রু-
কেসে র সৌন্দর্য-
হানি হয় না। প্রয়ো-
জনকালে স্ট্রুকেসটি
দণ্ডের সাহায্যে হস্ত
দ্বারা ধৃত হইয়া
বাহিত হয়। ছোট

শিশুকে স্ট্রুকেসের উপর বসাইয়া রাখাও চলে।

শস্ত্র-কুটার

সিড্‌নি সহরে কোনও বিদ্যালয়ের ছাত্রগণ ৩৭ প্রকার
শস্ত্রের তৃণ ও শীষের সাহায্যে একটি কুটার নির্মাণ



ছাত্রবৃন্দের স্বহস্ত-উৎপন্ন শস্ত্রজাত তৃণ ও শীষনির্মিত কুটার
করিয়াছে। শস্ত্রগুলি দশ বর্গে বিভক্ত। কোনও প্রসিদ্ধ
রাজপথের মধ্যস্থলে এই তৃণ বা শস্ত্রকুটার স্থাপিত
হইয়াছে। কোন্ কোন্ জাতীয় শস্ত্র সেই ক্ষেত্রে

উৎপন্ন হয়, এই কুটীর দেখিলেই তাহা বুঝিতে পারা যায়। কারণ, সকল প্রকার শস্তের তৃণ ও শীর্ষ দ্বারা উহা শিল্পনৈপুণ্য সহকারে নির্মিত হইয়াছে। উচ্চ বিদ্যালয়ের ছাত্রগণ স্বহস্তে এই কুটীর গড়িয়া তুলিয়াছে।

পালিশ করা ধাতব দর্পণ

কোন কোন ধাতুর পাত 'নিকেল'-জাত পালিশের দ্বারা দর্পণের স্থায় স্বচ্ছ শক্তি ধারণ করিয়া থাকে। সম্প্রতি মার্কিনের বৈজ্ঞানিকগণ এইরূপ ধাতব দর্পণ নির্মাণ করিতেছেন। টেবল, দরজা এবং অন্যান্য অনেক জিনিষের কাচের পরিবর্তে এইরূপ ধাতব দর্পণ ব্যবহৃত হইতেছে। এই দর্পণের একটা সুবিধা এই যে, কাচের স্থায় ইহা ভঙ্গপ্রবণ নহে। শুনা যাইতেছে, কাচের দর্পণ অপেক্ষা এই ধাতব দর্পণ স্বল্পমূল্য এবং সহজে পরিষ্কৃত হয়।



ধাতব দর্পণে কারিগরের প্রতিবিম্ব

অগ্নিজেনযোগে চিকিৎসা করা হইয়া থাকে। হাসপাতালে ব্যবহৃত রোগীর শয্যার সঙ্গে এই বস্ত্রাবাস সংলগ্ন থাকে। প্রয়োজনানুসারে শয্যাসহ বস্ত্রাবাস ও রোগীকে স্থানান্তরিত করা যায়। শয্যা-সংলগ্ন অগ্নিজেন গ্যাসের আধারের সহিত রবারের নল সন্নিবিষ্ট থাকে। বস্ত্রাবাসের দুই দিকে বাতায়ন—বহির্ভাগ হইতে ধাত্রী ও


চিকিৎসক রোগীর অবস্থা পর্যবেক্ষণ করিতে পারেন। যে কোনও ঘরে এই সকল দ্রব্য—উপকরণ সহজে ব্যবহৃত হইতে পারে।

ছাতার বাঁটে বিলাসিনীর প্রসাধন-দ্রব্য

ফরাসী বিলাসিনীদিগের অস্ত্র ছত্র-দণ্ডের বাঁটে দর্পণ, পাউডার, পফ ও অন্যান্য প্রসাধনের দ্রব্য রাখিবার ব্যবস্থা আছে। ছত্র দণ্ডের মুণ্ডটা এমনই ভাবে নির্মিত যে, তাহার অভ্যন্তরস্থ কক্ষে

নিউমোনিয়া রোগের নূতন চিকিৎসা প্রণালী

ইদানীং নিউমোনিয়ারোগীকে বস্ত্রাবাসে রাখিয়া



নিউমোনিয়াগ্রস্ত রোগী বস্ত্রাবাসে অগ্নিজেন গ্রহণ করিতেছে




চূত্রদণ্ডের অভ্যন্তর হইতে বিলাসিনী পাউডার লইয়া মাখিতেছেন

উল্লিখিত দ্রব্যগুলি অনায়াসে সরিবিষ্ট করা যায়।
দর্পণ ব্যবহারের বধন প্রয়োজন হয় না, তখন
একটা আবরণের দ্বারা উহা আবৃত করিবার
ব্যবস্থাও আছে। ছত্রব্যবহারকালে বিলাসিনীরা
ছত্রদণ্ডের মূণ্ড বা বাট ধরিয়া থাকেন, তখন বাহির
হইতে ঐ সকল দ্রব্যের অস্তিত্ব আর প্রত্যক্ষ
করা যায় না।

বায়ুপূর্ণ তোষকের নৌকা

জর্জর্জীর বার্লিন নগরে সম্প্রতি ওয়াটার প্রফ
কাপড়ে নির্মিত বায়ুপূর্ণ তোষকের নৌকা
প্রদর্শিত হইয়াছে। নিস্তরঙ্গ হ্রদ ও নদীতে
এই নৌকায় চড়িয়া অনায়াসে জলবিহার করা চলে।
ধাতুনির্মিত হাল, ছোট ছোট দাঁড় এবং পাইলের
বন্দোবস্ত নৌকাতে আছে। নৌকাটি অত্যন্ত লঘুভার ;
কিন্তু ভারবহনের অল্পযুক্ত নহে। উহা এমনই
কৌশলে নির্মিত যে, সহজে জলমগ্ন হইবার সম্ভাবনা
নাই। রাত্ৰিকালে নৌকা তীরে তুলিয়া রাখা চলে
এবং প্রয়োজন হইলে তাহার উপর শয়ন করিয়া
আরামে রাত্রিযাপন সম্ভবপর। বায়ু বাহির করিয়া
লইলে উহা সহজে বহন করিতেও পারা যায়।




বিমানপোতে বায়ুস্কোপ দেখান হইতেছে

বিমানপোতে বায়ুস্কোপ

বিলাতের কোনও বিমানপোতের যাত্রীদিগকে আনন্দ
দিবার জন্ত বিমানপোতের মধ্যেই বায়ুস্কোপ দেখান
হইয়াছিল। পোতের সম্মুখের প্রান্তে পট টানাইয়া
দেওয়া হইয়াছিল। যে সকল চিত্রে দাহ পদার্থের
সংস্পর্শ নাই, এমনই ভাবের ফিল্ম প্রদর্শিত হইয়াছে।
এই প্রচেষ্টা নিম্নে সম্পন্ন হওয়ার কর্তৃপক্ষ স্থির
করিয়াছেন, অতঃপর দীর্ঘযাত্রাকালে আরোহীদিগের
আনন্দবিধানের জন্ত বায়ুস্কোপের চিত্রাবলী দেখান
হইবে।

বৈদ্যুতিক জুতা-পালিশের যন্ত্র

আমেরিকায় রাজপথের পার্শ্বে, হোটেলে অথবা
সাধারণ প্রসাধনাগারে বৈদ্যুতিক জুতা পালিশের
যন্ত্র রাখিবার ব্যবস্থা আছে। কাহারও জুতা
পরিষ্কার ও ঝকঝকে করিবার প্রয়োজন হইলে
এই যন্ত্রের মধ্যে এক খণ্ড নিকেল মুদ্রা ফেলিয়া
দিলেই যন্ত্রের মোটর চলিতে আরম্ভ করে এবং
জুতা পালিশ হইতে থাকে। যন্ত্রটি এমনই ভাবে
নির্মিত যে, জুতাসমেত মাত্র একটি চরণ এক-
বারে আধার স্থাপিত করিতে হইবে। এক
পায় দাঁড়াইলে পাছে টলিয়া পড়িতে হয়, এ জন্ত



বায়ুপূর্ণ তোষকের অভিনব নৌকা

একটি হাতল আছে, তাহা অবলম্বন করিয়া দাঁড়াইয়া থাকি যায়। অল্পসময়ের মধ্যে যন্ত্রের ভিতর হইতে ক্রম বাহির হইয়া আপনাই হইতে জুতা পরিষ্কার ও পালিশ করিয়া দেয়। সমস্ত দিন ও রাত্রির মধ্যে যখনই প্রয়োজন হউক না কেন, এই বৈদ্যুতিক যন্ত্রের সাহায্যে জুতা পালিশ করা চলে।

শিশু জুয়াড়ি

শ্রীমান্ অভিজিতকুমার দে, এই বৎসরে ডাবুবি সুইপের একটি নন ষ্টার্টার প্রাইজ পাইয়াছে। ইহার বয়স ৯ মাস মাত্র। ইহার পিতামহ কেনিয়া উপনিবেশে ২৫ বৎসর কাল সরকারী চাকুরী করিয়া গত ৩ বৎসর স্বদেশে প্রত্যাভ্রমণ করিয়াছেন। তাঁহারা এখন অমৃতসরে বাস করিতেছেন।



শ্রীমান্ অভিজিতকুমার দে




জুতা পালিশের বৈদ্যুতিক যন্ত্র

ঘড়ীর ফাঁদ

ক্রমে চাতক পক্ষী শিকারের জন্য অভিনব ব্যবস্থা আছে। ঘড়ীর স্রায় কল-বিশিষ্ট একটি আধারের উপর পাকীর ডানার অন্তর্করণে দুইটি কার্ভনির্মিত ফাঁদ আছে। এই ডানার অঙ্গে ছোট ও বড় অনেকগুলি করিয়া দর্পণ সংলগ্ন আছে। ডানা দুইটি ক্ষত সঞ্চালিত হয়। সূর্যের আলোক দর্পণে প্রতি-বিক্ষিত হইয়া উজ্জ্বল আলোক বিকীর্ণ করিতে থাকে। ইহাতে চাতক-গুলি আকৃষ্ট হইয়া যন্ত্রের কাছে আসিতে থাকে।

তখন অন্তরাল হইতে শিকারী বন্দুকের গুলীতে তাহা-দিগকে হত্যা করে। ক্রমে এই অবাধ পাখীশিকার বন্ধ করিবার জন্য এই বন্ধবিক্রমপ্রথা রহিত করিবার চেষ্টা হইতেছে।



পাখীশিকারের ঘড়ীর ফাঁদ



প্রত্নরক

১

পাহাড়ের ওতরাই নামিতে নামিতে নিমাই বলিল, “ধাই বল, তুই একটা প্রকাণ্ড ভণ্ড।”

অগ্রবর্তী যুবক পশ্চাতে না ফিরিয়াই মুহূর্তে হাসিয়া বলিল, “ভণ্ডামিটা কোথা পেলি?”

নিমাই বলিল, “ভণ্ড না? গেল বছর যখন তোর গর্ভধারিণীর লোকান্তর হ’ল, তখন তোকে কাছা নিতেও দেখেছি, আবার টিফিনে কাঁটা-চামচে ধরতেও দেখেছি। দেখ, বিমল, এগুলো ভাল না।”

বিমলেন্দু হো হো গাশ্বে পাহাড়ে প্রতিধ্বনি তুলিয়া বলিল, “এই কথা! এতেই ভণ্ড হনুম? দেখ, কলম পিষে কেরাগীগিরি ক’রে গাধার খাটুনি খাটি—এতে দু’পাঁচটা রক্তমফিরি ক’রে না খেলে শরীর বইবে কেন? রোজই ত বাসার খোড়-বড়ি খাড়া আছেই—আফিসে যদি টিফিনের সময় দুখানা চপ-কাটলেট—”

“থাম, থাম,—তা ব’লে মা মরেছে—কাছা গলায় দিয়ে চপ-কাটলেট?”

“তাতে কি হয়েছে? জানিস ত আমি তোদের ও সব ভিটকিলিমি বিখেস করিনি। সে-বার পুরী গিরে বাসায় ব’সে বলরামের ভোগের সঙ্গে কাউল রোট কি তোফাই খাওয়া গেল!”

কথাটা বলিয়া বিমলেন্দু আবার হো হো হাসিয়া উঠিল। কিন্তু এবার তাহার হাসি অক্ষুরেই মিলাইয়া গেল। কার্ট রোডের সেই বাকটা ফিরিতেই হঠাৎ যেন পরীরাজ্য হইতে একটি প্রাণী বায়ুভরে উড়িয়া আসিয়া তাহার বকের উপর নিপতিত হইল—তাহার ভয়ভীত কণ্ঠস্বরে কেবলমাত্র “রক্ষা কর, রক্ষা কর” কথা কয়টি ভাসিয়া আসিল—সেই আকুল

আর্ন্তরবে বিমলেন্দুর হাসির রোল মুহূর্তে মিলাইয়া গেল।

তখন গোধূলির আলো আঁধার-দূরে চিরতুবার-কিরীট হিমগিরির শীর্ষদেশ অন্তমিত রবিকরে গলিত সূবর্ণের স্তায় জলিতেছিল—আর নিকটে এই ভয়ভীত সূন্দরী যুরোপীয় যুবতীর আনুলাসিত কেশদাম বেন তাহারই প্রতিবিম্ব লইয়া কবিত কাঞ্চনের স্তায় ঝলমল করিতেছিল।

কিন্তু তখন নৈ-ার্গিক ও অনৈসার্গিকের এই অপূর্ব যোগাযোগ উপভোগ করিবার অবসর ছিল না—বিমলেন্দু দেখিল, অদূরে একটা গোরা সৈনিক সূন্দরীর পশ্চাদ্ধাবন করিয়া ছুটিয়া আসিতেছে। নিমাই তাহাকে দেখিয়াই নিমিষে রুদ্ধশ্বাসে বে পথে আসিয়াছিল, সেই পথেই অন্তর্দ্বান করিল।

বিমলেন্দু কিন্তু যুবতীকে ‘ভয় নাই’ এই আশ্বাস প্রদান করিয়া, তাহাকে পশ্চাতে রাখিয়া মাতাল গোরার সন্মুখীন হইল। তাহার বলিষ্ঠ দেহ তখন উত্তেজনা হেতু ষিঙা স্নীত হইয়া উঠিয়াছিল।

গোরাটা ঝড়ের বেগে অগ্রসর হইয়া ‘ড্যাম নিগার’ বলিয়া যেমন তাহাকে প্রহার করিতে মুষ্টি উত্তোলন করিল, বিমলেন্দু অমনই কোশলে প্রহার এড়াইয়া একখানি পা বাড়াইয়া দিল। গোরাটা অতিরিক্ত মত্তপানে স্থিরমস্তিষ্ক ছিল না, পদে বাধা পাইয়া সশব্দে ধরাশায়ী হইল। বিমলেন্দু সেই অবসরে সেই ভয়ভীত যুবতীর হস্ত ধারণ করিয়া দ্রুতপদে সে স্থান ত্যাগ করিল।

কিন্তু কয়েক পদ অগ্রসর হইবারাত্র বিমলেন্দু দেখিল, ব্যাপারটার যত সহজে নিষ্পত্তি হইয়াছিল, তত সহজে উহার অবসান হইবার সম্ভাবনা নাই। কেন না, তখন সেই গোরাটা গা ঝাড়িয়া উঠিয়া তাহাদের পশ্চাতে

বহু মুষ্টি উত্তোলন করিয়া ধাবমান হইয়াছিল। বিমলেন্দু তাহার মুখে-চোখে দারুণ ঘৃণা ও ক্রোধের চিহ্ন দেখিয়া সঙ্গিনীকে দৌড়িয়া পলাইতে অহুরোধ করিয়া স্বয়ং শত্রুর আক্রমণ প্রতিহত করিবার উদ্দেশ্যে প্রস্তুত হইয়া দাঁড়াইল।

বিমলেন্দু মার খাইল, মারিলও। দার্জিলিংএ গ্রীষ্মে ও শরতে চাকুরী করিতে আসিলেও সে কলিকাতাবাসী। কলিকাতাতেই সে এক জন ণবিখ্যাত খেলোয়াড়ের নিকট মুষ্টি-যুদ্ধ শিখিয়াছিল। সুতরাং সে বিজ্ঞান পরিচয় দিতে সে কণামাত্র ক্রটি করিল না। মত্তাবস্থায় গোরা সৈনিকের লক্ষ্যের স্থিরতা ছিল না, এই হেতু অল্পক্ষণের মধ্যেই সে মার খাইয়া কাবু হইয়া পড়িল, বিমলেন্দুর শেষ একটি প্রচণ্ড মুষ্টিঘাটে সে পুনরায় ধরাশায়ী হইল।

তখন বিমলেন্দুর পা ও মাথা টলিতেছিল, সর্বাঙ্গ ক্রিম-ক্রিম করিতেছিল। প্রহারের ফলে তাহার কপোলদেশ বিলক্ষণ ক্ষত হইয়া উঠিয়াছিল, ললাটও রুধিরাক্ত হইয়াছিল। সে দীর্ঘশ্বাস ফেলিতে ফেলিতে টলিয়া বখন পথিপার্শ্বস্থ পাহাড়ের গায়ে হেলিয়া পড়িতেছিল, সেই সময়ে দুইখানি কোমল বাহুলতা তাহাকে স্নেহবন্ধনে বেঁটন করিয়া ফেলিল। বিমলেন্দু বিস্মিত হইয়া পার্শ্বদেশে দৃষ্টিপাত করিতেই সেই সুন্দরী যুরোপীয় মহিলাকে দেখিতে পাইল—সবিস্ময়ে জিজ্ঞাসা করিল,—“এ কি, আপনি যান নাই?”

যুবতী তাহাকে একরূপ বহন করিয়া লইয়া যাইতে যাইতে গম্ভীর স্বরে বলিল, “না। আপনি আসুন, নিকটেই জল আছে।”

নিজের ক্রমাল দিয়া ক্ষতস্থান বাধিয়া দিতে দিতে যুবতী আপনার পরিচয় দিল। বিমল মোটের উপর বুলিল, এই ইংরাজ যুবতীর নাম মিস্ ইভ রবিনসন, তাহার পিতা বহুদিন বেগমপুরের পাদরী ছিলেন, তিনি গত বৎসর মারা গিয়াছেন। ইভ পিতার মৃত্যুর পর হইতে দার্জিলিংএর স্কুল ছাড়িয়া দিয়াছেন বটে, কিন্তু এ বৎসর তাহার দার্জিলিংএর বাড়ী ভাড়া না দিয়া নিজেই বাস করিতে আসিয়াছেন। স্বপ্তে সতীর্থদিগের সহিত সাক্ষাৎ করিয়া ফিরিবার পথে এই বিপদ—

মাতাল গোরাটা পথের এক স্থান হইতে তাহার অহুসরণ করিয়াছিল।

কুমারী ইভ সক্রতজ্ঞ নরনে করুণকণ্ঠে বিমলেন্দুকে পুনঃ পুনঃ ধন্যবাদ দিয়া বিদায়কালে বিমলেন্দুর নাম ও লাট-দপ্তরের মেসের ঠিকানা সংগ্রহ করিতে ভুলিল না। বিমল বাঙ্গালার লাট-দপ্তরে অল্প বেতনে চাকুরী করিত।

২

সামান্য ক্ষুধিত হইতে বৃহৎ অগ্নিকাণ্ড ঘটয়া থাকে, অতি ক্ষুদ্র উৎস হইতে বেগবতী স্রোতধিনীর উদ্ভব হইয়া থাকে। পূর্ববর্ণিত ঘটনার দিন ছয় সাত পরে এক দিন সন্ধ্যার পর আফিস হইতে বাসায় ফিরিয়া বিমলেন্দু শুনিল, এক মেমসাহেব তাহার জন্ম অপেক্ষা করিতেছে। হঠাৎ তাহার কার্ট রোডেব মারামারির কথাটা মনে পড়িয়া গেল। সে বিস্মিত হইল। সে প্রায় সেই ঘটনার কথা ভুলিয়া গিয়াছিল। সে সামান্য লোক, ঘটনাক্রমে এক দিন সে এক মেমসাহেবকে মাতাল গোরার অত্যাচার হইতে রক্ষা করিয়াছে, সে জন্ম মেমসাহেব তাহার বাসা বহিয়া দেখা করিতে আসিয়াছেন! এমন ত এ দেশে হয় না।

বিমল তাড়াতাড়ি নিজের ঘরে প্রবেশ করিয়া দেখিল, মেমসাহেব একখানি বেতের মোড়ার উপর বসিয়া আছেন। তাহার আসবাবপত্রের মধ্যে একটা বিছানা, একটা ট্রাঙ্ক, আর এই মোড়াটা।

মিস্ রবিনসন তাহাকে দেখিয়াই দাঁড়াইয়া উঠিয়া করম্পর্শ করিয়া সহাস্তাননে বলিল, “বেশ লোক আপনি—আমি আজ ক’দিনই অপরাহ্নে কার্ট রোডে আপনার প্রতীক্ষা করেছি। আপনি কেমন আছেন, একবার জ্ঞানাতেও ত হয়!”

বিমল অপ্রতিভ হইয়া বলিল, “আফিসে এখন খুব কাষ, বাসায় ফিরতে রাত হয়—”

“বেশ ত, একখানা পত্রও ত দিতে পারতেন—আমার ঠিকানা ত বলে দিয়েছিলুম। তা নিন একটু ঠাণ্ডা হয়ে। তার পর চলুন আমার বাড়ীতে, সেখানে আমার ধর্মপিতা এসেছেন, আপনাকে দেখতে চেয়েছেন। তিনি এখানকার পাদরী। হা, সে দিন কি খুব বেশী আঘাত লগেছিল?”

বিমল ঈষৎ হাসিয়া বলিল, “কিছু না। কিন্তু—”

“কিন্তু কি? না—আপনাকে, যেতেই হবে, আমি ছাড়বো না। চলুন। দেবী করলে কিরতে রাত হবে।”

বিমল মহা কাঁপরে পড়িল। কিন্তু এই সুন্দরী যুবতীর সান্নিধ্য অস্বাভাবিক সে এড়াইতে পারিল না; পরিচ্ছদ পরিবর্তন না করিয়াই বাসার বাহির হইয়া পড়িল। বাসার বাবুরা তাহাদের দেখিয়া গা টেপাটিপি করিয়া মুচকিয়া হাসিল। মিস্ রবিনসনের সে দিকে দৃষ্টি না থাকিলেও বিমলের দৃষ্টি হইতে উহা এড়াইয়া যাইতে পারে নাই। তাহার মুখ-চক্ষু লাল হইয়া উঠিল। বাসা হইতে বাহির হইবার পূর্বে মিস্ রবিনসন নিম্নাইকে দেখিতে পাইয়া বলিল, “আজ আর আপনার বন্ধু বাসার থাকেন না।”

পথে বাহির হইয়া ইভ সন্মিতবদনে জিজ্ঞাসা করিল, “আপনার খাওয়া-দাওয়ার শ্রেজুডিস নেই বোধ হয়—আপনারা শিক্ষিত বাঙ্গালী।”

বিমল বলিল, “না, আমার খেতে আপত্তি নেই—আমরা হোটেলের খাই। তবে আমি শিক্ষিত নই, আমি সামান্ত কেরাণী।”

“কেরাণী হ'লেই কি শিক্ষিত হ'তে নেই? শিক্ষিত কাকে বলে?—যে আপনার বিপদকে তুচ্ছ জ্ঞান ক'রে অসহায় দুর্বলকে রক্ষা করে, সে যদি শিক্ষিত না হয়—”

“দেখুন, ঐ কথাটা ব'লে বার বার লজ্জা দেবেন না। বাস্তবিক আমি আপনার ধর্মপিতার সঙ্গে দেখা করতে যেতে লজ্জা বোধ করছি। কি বলব, আপনি নিজে এত দূর এসেছেন—আপনি বালিকা, সুন্দরী, আপনাকে সঙ্কোর পর একলা যেতে—”

ইভ মধুর হাস্যভরা মুখখানি তুলিয়া সলাজ দৃষ্টিতে চাহিয়া বলিল, “আমি কি খুব সুন্দরী? কি বলেন আপনি?”

বিমল গম্ভীরভাবে নীরব হইয়া রহিল—তখন তাহার মনের মধ্যে ভাবসমুদ্রের তরঙ্গভঙ্গ হইতেছিল। সে ভাবিতেছিল, স্বর্গের অপ্সরীর মত এই বালিকা কি সরলা—কি কৃতজ্ঞদয়! কে সে? সামান্ত বেতনের

কেরাণী, আর এই ইংরাজ-হুহিতা! থাক—সে তুলনার কাষ নাই।

ইভ বলিল, “কি ভাবছেন? বাসার কথা? আচ্ছা, আপনার বিয়ে হয়েছে?”

বিমলেন্দু আকাশ হইতে পড়িল। এই বালিকার চিন্তারাজ্যে কি ভাবসমষ্টির কোনও সামঞ্জস্য নাই? কোথায় বাসার কথা, আর কোথায় বিবাহ! সে কল-কাল নীরব থাকিবার পর বলিল, “না।” কথাটা বলিবার কালে তাহার গলাটা একটু কাঁপিয়াছিল কি? কে জানে!

পথে যে দুই চারি জন যুবোপীয় নরনারীর সহিত তাহাদের সাক্ষাৎ হইল, তাহাদের বিস্মিত দৃষ্টি তাহাদিগকে অনুসরণ করিল—দুই এক জনের দৃষ্টিতে বিমলেন্দু ক্রোধ ও বিরক্তির চিহ্নও যে দেখিতে পায় নাই, এমন নহে।

পাদরী রেভারেণ্ড ডেনিস অমায়িক ভদ্র লোক, তাহার সহিত আলাপ করিয়া বিমলেন্দু তৃপ্তি লাভ করিল। আকিসের ‘সাহেবদের’ সহিত তাহার সংস্রব ছিল, কিন্তু এ ‘সাহেব’ সম্পূর্ণ ভিন্ন প্রকৃতির। বিমল ভাবিল, এ ‘সাহেব’ কি সেই সাহেব? রেভারেণ্ড ডেনিস তাহার সাহস ও উচ্চাঙ্গকরণের যেরূপ প্রশংসা জুড়িয়া দিলেন, তাহাতে তাহার সেখানে তিষ্ঠান দায় হইয়া উঠিল।

ইভ তাহার অবস্থাটা সহজেই বুঝিয়াছিল, তাই তাড়াতাড়ি কথা চাপা দিবার জন্য বলিল, “কেমন মজা করেছি? মিঃ রায়কে (বিমলেন্দুরা রায়) এখানে আজ আনবো, এ কথা জানাইনি। মিঃ ডেনিস সে জন্যে প্রস্তুত ছিলেন না, জানতেন, আজ এখানে ডিনারের নেমস্তম্ব, এইমাত্র।” এই কথা বলিয়া সে হাসির রোলে ঘরটা ভরিয়া দিল। বিমলের মনে হইল, যেন সুধামাথা অপ্সরার গানে তাহার মনপ্রাণ ভরিয়া উঠিতেছে।

আহারের সময়ে বিমলের বাধ বাধ ঠেকিতে লাগিল বটে—তবে সে একবারে সাহেবী ধানায় অনভ্যস্ত ছিল না—কিন্তু পাদরী ডেনিস, বিশেষতঃ ইভ তাহার সকল ক্রটি সারিয়া লইল, আহারান্তে ইভ বেশপরিবর্তন করিতে গেলে রেভারেণ্ড ডেনিস ইভের কতকটা পরিচয় দিলেন। বাপ-মা নাই, একমাত্র বৈমাত্রেয় ভ্রাতা,

বেগমপুরের নীলের কুঠিমালা, সে ইত হইতে অনেক বড়। এ জন্য তাহাকে ভগিনীর মত না দেখিয়া মেয়ের মতই দেখে। ইত বাপের অর্ধেক বিষয় ও নগদ টাকা পাইয়াছে। সে বালিকা, সবেমাত্র স্কুল ছাড়িয়াছে,— যদিও তাহার বয়সের মেয়েরা এখনও স্কুলে পড়িতেছে। দার্জিলিংএ তাহার জীবনের অনেকটা সময় কাটিয়াছে বলিয়া সে এখানেই থাকিতে ভালবাসে।

বিমল কেবলমাত্র স্ক্রিঙ্গাসা কবিল, “মিঃ রবিনসন যখন এত বড় লোক, তখন ছেলেমেয়েকে বিলাতে বিদ্যালয়শিক্ষার জন্য পাঠান নাই কেন?”

পাদরী ডেনিসের মুখ গম্ভীর হইল। তিনি বলিলেন, “সে অমেরু কথা। মাত্র বছর দুই তিন তিনি অনেক টাকার মালিক হয়েছিলেন তার আগে তাঁর অবস্থা ভাল থাকলেও খুব স্বচ্ছল ছিল না। নানা কারণে তিনি স্মৃথে থাকতে পাননি। তিনি আমার খুব বন্ধু ছিলেন। আমি আগে অনেক দিন বেগমপুরে ছিলাম কি না।”

এই সময়ে ইত সহাস্তাননে কক্ষে প্রবেশ করিয়া বলিল, “বেগমপুরের কথা কি হচ্ছে? আমি যখন বেগমপুরে, তখন দশ বছরের—কেমন, না?”

পাদরী সন্নেহে ইতের মাথার উপর হাত বুলাইতে বুলাইতে বলিলেন, “পাগলি, এখনও তুমি সেই দশ বছরেরটি আছ—”

“ইস্, তাই বুঝি? এখন ত আমি অনেক বড় হয়েছি। আমি বুঝি খুঁকী? হাঁ!”

বৈদ্যাতিক আলোকের নিম্নে ইতের সুন্দর মুখখানি সস্ত প্রস্ফুটিত গোলাপের মতই দেখাইতেছিল। বিমল ভাবিতেছিল, ভগবান্ কোন্ ভাগ্যবানের অদৃষ্টে এ অমূল্য রত্ন বাছিয়া রাখিয়াছেন! হঠাৎ পাদরীর কথায় তাহার মোহভঙ্গ হইল। পাদরী বলিতেছিলেন, “রাত বেশী হয়েছে, এইবার চলুন যাওয়া বাক।” ইত বাইতে বাঁধা দিতেছিল, কিন্তু বিমল পাদরীর অনুসরণ করিতে বিলম্ব করিল না।

বিদায়ের পূর্বে যখন ঘরের নিকট ইত বিমলের করমর্দন করিল, তখন বিমল দেখিল, তাঁহার কোমল করপল্লবখানি ধর ধর কাঁপিতেছে, মুহূর্ণকালে সে

বেন তাহার হাতে একটু—অতি সামান্য জোর চাপের আভাস পাইল। এ কি তাহার কল্পনা!

কিন্তু সে মুহূর্তমাত্র। পরক্ষণেই ইত কোমল কর্ণে বলিল, “আবার কবে আসছেন?”

বিমল কি জবাব দিল, তাহ তাহার মনে নাই, তখন সমস্ত বিশ্বব্রহ্মাণ্ডটা তাহার চক্ষুর সমক্ষে ঘুরিতেছিল। পরমুহূর্তে পাদরী ডেনিস যখন ডাকিলেন, “মিঃ রায়!” তখন সে আর কালবিলম্ব না করিয়া রজনীর অন্ধকারে বাহির হইয়া পড়িল।

•••

কলিকাতার এক সম্ভ্রান্ত ধনি-গৃহে আজ একটা বড় ভোজের আয়োজন হইয়াছে। ঘরে মোটর, ল্যাণ্ডো লাগিতেছে এবং এক এক দল নিমন্ত্রিত অতিথিকে বসে লইয়া চলিয়া বাইতেছে।

বাটীর কর্তা রামপ্রাণ চক্রবর্তী, জমীদার—প্রকাণ্ড বিষয়ের মালিক—তাঁহার ছয়ারে অনেক পোস্ত প্রতিপালিত হয়—তাঁহার তাঁবে লোকলস্করের অভাব নাই, তাঁহার বিলাস ঐশ্বর্য্য উপমার স্থল। বিধাতা তাঁহাকে সকল সুখসম্পদেরই অধিকারী করিয়াছেন। বাহির হইতে দেখিলে তাঁহার কখনও কোনও অভাব অনুভূত হইয়াছে বলিয়া মনে হয় না। কিন্তু সত্যই কি তাই?

রাত্রি ১০টা বাজিয়া গিয়াছে, শেষ অতিথিও বিদায় গ্রহণ করিয়াছে, কর্তা সারাদিনের পরিশ্রমের পর সবেমাত্র বিশ্রাম লইতেছেন। একখানি আরাম-কেদারায় অর্ধশায়িত অবস্থায় থাকিয়া তিনি আলবোলায় “তামাক” সেবন করিতেছেন, তাঁহার অক্ষিপন্নব অর্ধনির্মীলিত হইয়া আসিয়াছে, এমন সময়ে মুহূ ও কোমল নারী-কর্ণে ডাক পড়িল, “বাবা!”

রামপ্রাণ বাবু খড়মড়িয়া উঠিয়া বসিয়া বিশ্ববিন্ধা-রিতনেত্রে বলিলেন, “কি মা? এখনও শোওনি? সারাদিন ভূতের মত খাটলি,—পাগলী কোথা-কারের!”

মেয়ে কাছে আসিয়া চেয়ারের হাতল ধরিয়া দাঁড়াইল, বাপ সন্নেহে তাহার মাথার উপর হাত বুলাইতে লাগিলেন, বলিলেন, “কি চাই, মা?”

প্রতিমা হাসিয়া বলিল, “এখনও আমার সেই কচি খুকীটি মনে করেন, না বাবা ? দশটা এই বাজলো, এর মধ্যে ঘুম ?”

রামপ্রাণ বাবুও হাসিতে হাসিতে বলিলেন, “না হয় তুই বুড়ীই হয়েছিস। তা আমার মা ত! বুড়োর বুড়ী মা—হাঃ হাঃ হাঃ!” কিন্তু সে হাসির ভিতরেও একটু বিষাদের রেশ যে মিশান ছিল, তাহা সূক্ষ্ম মানব-চরিত্র-দর্শিমাত্রেই বুদ্ধিতে বেগ পাইতে হইত না। সে ভাবটা চাপা দিয়া রামপ্রাণ বাবু তাড়াতাড়ি বলিলেন, “তা যেন হ’ল, কিন্তু দরকারটা কি শুনি।”

প্রতিমা পিতার চুলগুলি দুইটি আঙ্গুলে জড়াইতে জড়াইতে ব্রীডাবনতমুখে বলিল, “ও বাড়ীর সেজদি এবেছিল, বলছিল, ওরা দিন চেরেকের মধ্যেই অনন্ত-পুরে যাবে।”

কথাটা বলিবার সময়ে প্রতিমার কণ্ঠস্বর ও অঙ্গুলী দুইটি ঝেং কাঁপিয়াছিল, তাহা বুদ্ধিতে রামপ্রাণ বাবুর কষ্ট হয় নাই। তিনি কেবল একটু ছোট ‘হ’ দিয়া জিজ্ঞাসা করিলেন, “তার পর ?”

প্রতিমা আরও সঙ্কচিত হইয়া পড়িল, অস্পষ্ট মৃদুস্বরে কেবলমাত্র বলিল, “সাত দিনের বেশী থাকবে না, আমি যাব সঙ্গে ?”

রামপ্রাণ বাবুর মুখমণ্ডল অসম্ভব গম্ভীর আকার ধারণ করিল। প্রহার খাইলে লোকের মুখ যেমন বিবর্ণ হইয়া যায়, তাঁহার মুখের আকারে কতকটা তাহার আভাস দেখা দিল। কিন্তু কষ্টে হৃদয়ের ভাব গোপন করিয়া তিনি কন্ঠাকে গম্ভীর স্বরে জিজ্ঞাসা করিলেন, “সেটা কি ভাল হবে এত দিনের পরে ?”

“তবু—খণ্ডের ভিত্তে—”

কথায় হৃদয়ের অন্তস্তলের কাতরতা মাখা !

রামপ্রাণ বাবুরও বেদনাকাতর হৃদয় হাহাকার করিয়া উঠিল—সে হাহাকারের মধ্য দিয়া তিনি পুরুষ হইলেও কন্ঠার শূন্য হৃদয়ের হাহাকার স্পষ্ট বুদ্ধিতে পারিলেন। তাড়াতাড়ি কন্যার মাথাটা বৃকের মধ্যে টানিয়া লইয়া কাল মেঘের রাশির মত চুলগুলির উপর হাত বুলাইয়া ব্যথিত, ক্ষুব্ধ, অভিমানাহত কণ্ঠে বলিলেন, “কেন, মা, আমি কি তোকে সুখে রাখতে পারি নি, মা ?”

বাঁধের বন্ধন সহসা ক্ষুণ্ণ হইলে যেমন অগাধ জলরাশি সম্মুখে বাহা পায়, তাহাকে উদ্দাম অশান্ত শক্তিতে ত্বণের মত ভাসাইয়া লইয়া যায়, তেমনই প্রতিমার রুদ্ধ হৃদয়ের দ্বার আঘাতে উন্মুক্ত হইয়া ভাববন্যাপ্রবাহ বহাইয়া দিল। সে ছুটিয়া বাহিরে যাইতেছিল, রামপ্রাণ বাবু তাহাকে বাধা দিলেন। তাহাকে আরাম-কেদারায় বসাইয়া টেবলের ড্রয়ার হইতে একখানি পত্র বাহির করিয়া তাহার হস্তে প্রদান করিলেন। কক্ষ ত্যাগ করিবার পূর্বে বলিলেন, “এই তার শেষ চিঠি। পড়। এত দিন লুকিয়ে রেখেছিলুম। তুমি মা অবুঝ নও, যা ভাল মনে হয়, কর। আমি একটু বাইরে যাই।”

চিঠিখানা টেবলের উপর পড়িয়া রহিল, কিছুক্ষণ সেখানা স্পর্শ করিতেও প্রতিমার হাত উঠিল না। একবার হাত বাড়াইয়াও সে হাত ফিরাইয়া লইল। তাহার হাত থর-থর করিয়া কাঁপিতেছিল, বুকও গুরু-গুরু কম্পিত হইতেছিল—সে যেন বন্ধের স্পন্দনশব্দ স্পষ্টই শুনিতে পাইতেছিল।

গৃহের উজ্জ্বল আলোক প্রতিমার দেহখানিকে স্নাত প্রানিত করিতেছিল, সে আলোকসম্পাতে তাহার প্রথম যৌবনমুকুলিত দেহলতা অল্পমম নবকিশলয়লাবণ্য ছড়াইয়া দিতেছিল, প্রতি অন্ধভঙ্গীতে সে লাবণ্যচ্ছটা বিচ্ছুরিত হইতেছিল।

প্রতিমা আর একবার হস্ত প্রসারণ করিল। কম্পিত হস্তে পত্রখানি লইয়া সে পড়িতে লাগিল :—

“দার্কিলিং - লাটদপুরের মেস,

১৩ই - ১২ - মাল।

সবিনয়-নিবেদন,

যে পথ গ্রহণ করিয়াছি, তাহাই আমার শেষ সিদ্ধান্তের পথ। এ পথগ্রহণে আপনিও আমার সহায়তা করিয়াছেন, সুতরাং আপনারও বলিবার কিছু নাই। এখন আপনি ভিন্ন পথে যাইতে বলিতেছেন; কিন্তু গোড়া কাটিয়া আগায় জল ঢালিলে ফল হয় না। আপনি শত প্রলোভন দেখাইলেও এখন আর আমি স্বেচ্ছায় গৃহী

এক দিন আপনার বা আপনার কাহারও সহিত আমার মত দরিদের কোনও সম্বন্ধ নাই বলিয়া পথের কুকুরের মত তাড়াইয়া দিয়াছিলেন! আজ আমারও আপনার বা আপনার কাহারও সহিত কোনও সম্বন্ধ নাই। আপনি অর্থের সম্মান করিয়া আসিয়াছেন, মানুষের যে কোনও আত্মসম্মান থাকিতে পারে, তাহা কখনও বোধ হয় ধারণাও করেন নাই। আপনি ও আপনার নিজের কন অর্থ লইয়া সম্ভ্রামলাভ করুন, মানুষের—বিশেষতঃ আমার মত দরিদ্র মানুষের সহিত আপনাদের সম্বন্ধ বিচ্ছিন্ন হইলে কোনও ক্রতি নাই। ইতি

বিনীত

শ্রীবিমলেন্দু রায়।”

কি ভয়ঙ্কর পত্র! এতটুকু দয়ার চিহ্ন নাই—এক ফোঁটা মায়াব সম্পর্ক নাই। মানুষ এত কঠোর হইতে পারে? প্রতিমা মনে মনে ধারণা করিয়া লইল, তাহার পিতার কিরূপ পত্রের উত্তরে এই পত্র আসিয়াছে। তিনি নিশ্চিতই কাকতি-মিনতি করিয়া পত্র লিখেন নাই—তাহা তাঁহার ধাতুসহ নহে। তথাপি কল্পার জন্য তিনি গর্কোন্নত মাথা হেঁট করিয়া নিশ্চিতই তাহাকে পত্র লিখিয়াছিলেন। তাহার এই উত্তর?

একটা ভুলের কি এই প্রতিফল? মানুষ পদে পদে ভ্রম করিয়া থাকে, কিন্তু তাহার কি ক্ষমা নাই?

সেই ত এমন ছিল না। যে কয়টা দিন সে তাহাকে পাইয়াছিল, তাহাতেই সে বুঝিয়াছিল, তাহার মন কি উপাদানে গঠিত। তবে? এ কি বিধাতার অভি-সম্পাত!

প্রতিমার মনে ছায়ার ন্যায় অস্পষ্ট রেখায় তাহার প্রথম বিবাহিত জীবনের কয়টা দিনের চিত্র ফুটিয়া উঠিল। তখন সে মাত্র একাদশ বর্ষের বালিকা—আর আজ তাহার পর সাত বৎসর কোথা দিয়া চলিয়া গিয়াছে। বিবাহের রাত্রিতে যখন স্ত্রী-আচার হয়, তখন আত্মীয়গণের মুখে সে কত না স্বামীর রূপের প্রশংসা-বাদ শুনিয়াছিল। ভবানীপুরের ক’নে ঠানুদি বলিয়া-ছিলেন, ছেলে ত নয়, যেন কার্তিক! তাহার পর ফুল-শস্যার রাত্রি। উঃ, সে কি গুরু-গুরু বক্ষ-স্পন্দন! যখন

নবদম্পতিকে পুরকামিনীরা ফুলসজ্জার সাজাইয়া একত্র রাখিয়া চলিয়া গেল, তখন একাধিক জনের মুখে সে শুনিয়াছিল,—“যেন শিবদুর্গা!” তাহার পর—তাহার পর যখন স্বামী তাহার হাতখানি ধরিয়া মুখের অবগুণ্ঠন উন্মোচন করিবার জন্য চেষ্টা করিয়াছিলেন, তখন সে লজ্জায় একবারে অভিভূতা হইয়া উপাধানে মুখ লুকাইয়া-ছিল—স্বামী তখন যে স্বরে তাহাকে ‘প্রতিমা’ বলিয়া ডাকিয়াছিলেন, তখন তাহার মনে হইয়াছিল, সে সুমিষ্ট স্বর এ পৃথিবীর নয়, যেন স্বর্গরাজ্যের।

সেই দেখা—শেষ দেখা নয়—আরও দুই চারি দিন হইয়াছিল, কিন্তু,—সেই কয় রাত্রির দেখা, সে ত ভুলিবার নহে। বালিকা বয়সের কোমল মন্থণ স্মৃতি-পটে যাহা একবার অঙ্কিত হইয়া যায়, তাহার দাগ-চির-দিন থাকিয়া যায়। প্রতিমা বার বার সেই সুখ-স্মৃতির রাত্রির কথা মানসে ধ্যান করিয়া আনন্দসাগরে ভাসমান হইল। তাহার বাহ্য প্রকৃতির সহিত সম্বন্ধ তখন বিচ্ছিন্ন হইয়াছিল, সে তন্ময় হইয়া দেখিতেছিল,—সেই মুখ, সেই কুমুমদামসজ্জিত সুন্দর কান্ত দেহ, সেই পুষ্পশয্যা, সেই পুষ্পমালায় ভূষিত শয়নকক্ষ।

হঠাৎ বিভিন্ন চিন্তার তরঙ্গাভিঘাতে তাহার সুখ-স্বপ্ন ভাঙিয়া গেল। তাহার পর?—তাহার পর যোর অমানিশা, তাহার ক্ষুদ্র জীবন-নাটকের সুখ-অঙ্কে যবনিকাপাত। কোথা হইতে কি হইয়া গেল, পিতার সহিত স্বামীর মনোবাদ, স্বামীর গৃহত্যাগ, তাহাদের সম্বন্ধচ্ছেদ। সংসারে কত বিরোধ বিচ্ছেদ হইতেছে, আবার দুই দিন পরে মিলনও ঘটতেছে, কিন্তু বিধাতার কি অভিশাপ! তাহাদের এ বিচ্ছেদে দীর্ঘ সপ্ত বৎসরেও মিলন ঘটাইতে দেয় নাই, জীবনান্ত কালের মধ্যে দিবে কি না কে জানে!

প্রতিমা আর একবার পত্র পাঠ করিল। কঠিন নির্মম নিষ্ঠুর বিধাতা!—তাহার কি অপরাধে এই নিগ্রহ? এত লোকের মৃত্যু হয়, তাহার ভাগে তাহাও জুটে না কেন?

টেবলের উপর দুই হাতে মুখ ঢাকিয়া মাথা গুঁজিয়া প্রতিমা খানিকটা কাঁদিল। কিন্তু সে অধিকক্ষণ নহে। তাহার পর চোখ মুছিয়া ভাবিল, বৃথা এ অনুযোগ,

মাহুষ নিজের কর্মফলেই কষ্ট পায়, বিধাতার দোষ কি ?
বিধাতা কঠিন নহে, মাহুষ কঠিন। সেও ত মাহুষ,—
তাহার কি অপরাধে সে তাহাকে ত্যাগ করিল ? তাহার
আত্মসম্মান পত্নী-ত্যাগের পাপ হইতেও কি বড় হইল ?
সে ত তাহাকে একবার ডাকিলে পারিত—ডাকিলে সে
পিতার স্মৃতিস্বৰ্ণ ছাড়িয়া হাসিমুখে তাহার দারিদ্র্য
ভাগ করিয়া লইত কি না, একবার পরীক্ষা করিয়া
দেখিলে পারিত ! সে ত পুরুষ ! তাহার আত্মসম্মান

আছে, নারীর কি নাই ? সে যদি হেলায় এমন করিয়া
তাহাকে দূরে ঠেলিয়া রাখিতে পারে, তবে সে-ও কেন
তাহাকে ভুলিবার জন্য চেষ্টা করিবে না ? নারীর ত
অনেক কর্তব্য আছে। প্রতিমা কি কাষে ডুবিয়া
থাকিয়া তাহাকে মানসরাজ্য হইতে দূরে সরাইয়া দিতে
পারে না ? বালিকা বয়সে অস্পষ্ট মাত্র কয়টি রাত্রির দেখা
—কিসের সম্বন্ধ—কিসের বন্ধন ? সে যদি বন্ধন রাখিবে
না, তবে সে-ই বা বন্ধন রাখিবে কেন ? [ক্রমশঃ।

বিজয়া

আয় বিজয়া, যাত্রা শুরু করবো আজি তোমায় নিয়ে !
দীর্ঘ পথই চলতে হবে, জম্বে পাড়ি কোথায় গিয়ে !
সে দিন যখন শুভে পেলাম, বাজলো কোথায় বোধন-বাঁশী,
ভেবেছিলাম, আসলো কেবা সঙ্গে লয়ে রোদন-হাসি !
সে ত গেছে, পেলাম তোমায় পুরাতনের বন্ধ চিরে,
পড়ুক তাহার বিজয় আশিস্ আলিঙ্গনের লক্ষ শিরে ।
চোখের জলে দিইনি বিদায়, বেঁধে নিছি বুকের মাঝে !
তাই ত আজি তোমায় পেলাম, পাণ্ডু বরণ সুখের সাঁঝে ।
মুক্তি বাঁশী বাজিয়ে চলো, আজ যে প্রেমের সঙ্কীর্ণ—
আজকে সবাই মুক্ত স্বাধীন, কেহই ত আজ বন্দী নন !
সিদ্ধি-ভাঙের নেশার বশে, বাহির যে আজ করতো ঘর,
আপন যদি না পাই কাছে, আপন ক'রে বরবো পর ।
ঐশ্বর্যের প্রদীপ জালিয়ে নিছি, আজকে সুমুখ, পিছন নয় !
চলতে হবে বছর ধ'রে, একটা পলেই জীবন নয় ।
মরণ অমর জীবন খুঁজে, সত্য খুঁজে মৃত্যুকে,
সত্যকে তাই স্বরূপ দিয়ে রাখতে হবে সম্মুখে !
যেতেই মোদের হবে যখন পথ হেঁটে পথ করবো নয়,
মরণ যদি নেহাৎ বরে, হয় ত হ'ব মৃত্যুঞ্জয় !

আয় বিজয়া, আয় বিজয়া, মুখ দেখি তোর ঘোমটা খোল !
প্রাণের মাঝে খাচ্ছে দোল', অতীত-গরব-স্মরণ-দোল ।
কোন্ সে যুগের কাহিনী, কার বা যুদ্ধ, কার বা জয়—
শক্তি পূজি কোন্ সে জাতি হইল বিরাট শক্তিময় ?
নীল-পঙ্কজে পূজলো কেবা শৈলরাজার নন্দিনী,
কোথাঃ কবে মুক্ত হলো সাগর-পারের বন্দিনী !
সকল ছবিই দেখতে পাবো, আছে লেখা তোর মুখে,
হয় তো অতীত-স্মৃতি-বাখার বিধবে স্মৃতি মোর বুকে !
থাক বিজয়া, কাঁদে অতীত, নাইকো মায়া তাহার লাগি,
স্বপন দেখি নিশার শেষে আধেক ঘুমে আধেক জাগি !
চাই না অতীত, চাই না ভাবী, চাই যে শুধু বর্তমান,
মুক্তি-জয়ের যাত্রা মোদের, অমর মোরা মূর্ত্তমান !
এগিয়ে চলো, এগিয়ে চলো, ডাকছে কারা— কোথায় ? কৈ
চক্রবালের আবডালে কা'র নূপুর বেজে উঠলো আই !
হুলিয়ে চলো, হুলিয়ে চলো, ধানের ক্ষেতে শ্রাম আঁচোল,
আকাশটাকে ঘনিরে তোল, দিয়ে চোখের নীল কাজল !
শিউলি-ঝরা পথের 'পরে পড়ুক তোমায় চরণ-রাগ,
লাধ যুগেরও একটি বরষ, এইটি শুধু স্বরণ থাক !

শ্রীঅক্ষয়কুমার কুণ্ডু ।

আমেরিকার নিগ্রো

আমেরিকার নানাবিধ সমস্তার মধ্যে নিগ্রো-সমস্তা একটি বেশ বড় রকমের সমস্তা। জাতিভেদপ্রথা ভারতের বে রকম একচেটিয়া বলিয়া পাশ্চাত্য জগতে প্রচারিত, এই নিগ্রো-সমস্তাকেও আমেরিকার সেই

রকম একচেটিয়া বলা যায়। জাতিভেদ পৃথিবীর প্রায় সর্বত্রই আছে—তবে হয় ত সর্বত্র একই রকমে পরিচিত না হইতে পারে।

নিগ্রো-সমস্তা আজ নূতন নয়। কলম্বাসের এই দেশ আবিষ্কার ও তাহার পর দেশের চাষবাসের উন্নতির চেষ্টার সঙ্গে সঙ্গে নিগ্রো-সমস্তার বীজ উপস্থিত হইয়াছে। বর্তমানে কতকটা ফল দেখা যাইতেছে; ভবিষ্যতে অনেক ফল ফলিতে বা কী আছে। প্রবল শীতে যখন নূতন আমেরিকাতে যুরোপীয়গণ জীবনধারণের জন্য চাষ-আবাদ করিতে চেষ্টা করিতে থাকেন, তখন দেশে উপযুক্ত গরু-ঘোড়া ছিল না। গরু-ঘোড়া

অপেক্ষাকৃত সহজ ও শুলভ, তাই দাস ব্যবসায়ের আরম্ভ। মুদ্রার আবিষ্কার হইতে আমরা এই লাভের দিকটা বেশ ভাল করিয়া বুঝিতে পারিয়াছি, সব দিকেই ঐ এক কথা—কিসে কম আয়্যাসে বেশী লাভ হইবে।



মোলাটো-নিগ্রো অভিনেত্রী

দাস-ব্যবসায় সম্বন্ধে এখানে বিশেষ কিছু বলিব না, তবে নিগ্রোদের সঙ্গে দাস-ব্যবসায়ের যিনি ঠিক সম্বন্ধ, তাই এইটুকু না বলিয়া পারিলাম না। যাহারা আমেরিকার কথা কিছু জানেন, তাহারা দাসব্যবসায়ের কথাও একটু জানেন। যাহারা কিছু জানেন না, তাহারা বালা "টম্ কাকার কুটার" বা ইংরাজী "Uncle Tom's Cabin" পড়িলে অনেক কথা জানিতে পারিবেন। দাসরূপে যখন নিগ্রোরা আমেরিকায় আঁইসে, তখন তাহাদের অবস্থা পশুর। অপেক্ষা বিশেষ কিছু উন্নত ছিল বলিয়া আমেরিকানরা স্বীকার করেন না। যদিও বা কিছু ছিল, তাহাও পশুর মত জীবনযাপন করিয়া

আনয়নের সুবিধাও তখন তেমন ছিল না। তখনকার দিনে শীমারজাহাজ চলে নাই। পাইল তুলিয়া নৌকা করিয়া বিস্তৃত আটলান্টিক মহাসাগর পার হইতে হইত। নানা কারণে যুরোপীয় প্রবাসীরা দেখিলেন, চাষের জন্য পশু আমদানী করার তুলনায় আফ্রিকার নিগ্রো আনয়ন

ক্রমশঃ উহারা তুলিয়া গিয়াছিল। আমরা যেমন গৃহপালিত গরুবাছুর কুকুর-বিড়ালের আদর-যত্ন করি, আমেরিকানরাও নিগ্রোদের সেইরূপ করিত, উভয়ের উদ্দেশ্য এক,— "স্বার্থ।" নিগ্রো অকাতরে খাটিতে পারিত, তাই তাহার আদর ছিল, অক্ষয় হইলে পশুর মত আদর করিত।



মার্কিন সরকারের নার নিগোআস্বা-কর্মচারী



পশ্চিম ভারতীয় দ্বীপপুঞ্জের নিগো নারী

আমেরিকানরা কাষের ক্ষুদ্র নিগোকে দাসরূপে 'কিনিতা' নিগোকে দাস মনে করিত, দেবতা দূরের কথা, মানুষও মনে করিত না। কাষ না পাইলে মারিতে বা প্রয়োজন হইলে হত্যা করিতেও দ্বিধা বোধ করিত না। নিগো-দাসের তখনকার অবস্থা বুঝিতে হইলে, নিগোর মানুষ আকার ভুলিয়া একটি পশুর আকার মনে আনুন। মাঠে চাষা যে ভাবে গরুকে ব্যবহার করে, নিগোকে সেইরূপ দেখুন। নিগোদের এই অবস্থার রাধিতে পারিলে সমস্তা হয় ত এতটা জটিল হইত না। কিন্তু তাহা হয় নাই।

বর্তমান যুগ পর্যন্ত পৃথিবীর প্রায় সর্বত্রই স্ত্রীলোকের

স্থান ঘরের ভিতরে - পুরুষের বাহিরে। পুরুষ নূতন আবিষ্কারে যায়, স্ত্রী ঘরে থাকিয়া পুরুষকে সাহায্য করে। পুরুষ যুদ্ধ করিয়া দেশ জয় করে, স্ত্রী ঘরে থাকিয়া পুরুষকে সাহায্য করে। কোথায়ও ইহার ব্যতিক্রম হইয়া থাকিলেও সাধারণ নিয়ম হিসাবে ধরিয়া লওয়া চলে যে, পুরুষ উজোগী কন্যা - স্ত্রী তাহার সহযোগিনী। কলম্বাসের আবিষ্কারের সময়ও এই নিয়ম পালিত হইয়াছিল। যখন আমেরিকার লোক বাস করিতে আসিয়াছিল, তখন তাহাদের স্ত্রীরা যুরোপের ঘরে থাকিয়া সংসারধর্ম পালন করিতেন, পুরুষরা দেশ-জয়ে আসিল। ইহার ফলে সর্বত্র বাহা হইয়াছে, আমেরিকায়ও তাহার কিছু ব্যতিক্রম হয় নাই।



নিগ্রোদের হান্ডরস নাটকের একটি দৃশ্য

খেত আমেরিকান ও কৃষ্ণ নিগ্রোর রক্ত-মিশ্রণ আরম্ভ হইল। আমাদের দেশের মিশ্রণকে আমরা ফিরিঙ্গী বলি—এ দেশের মিশ্রণকে ইহারা 'মোলাটো' বলে। ক্রমশঃ মিশ্রণ এত বেশী হইয়াছিল যে, অনেকে দেখিতে কোনও অংশে খেত আমেরিকানের অপেক্ষা অন্তরূপ হয় নাই। এত বেশী মিশ্রণ হওয়ায় পরে খেতাদ্দ মার্কিণগণ আর ইহাদিগকে দাস বলিয়া "পশু" মনে করিতে পারে নাই। মিশ্রিত মোলাটো ছেলেমেয়ে, আর খেতজাতীর ছেলেমেয়ে একই রকম চেহারা পাইতে লাগিল, তখন আর কেমন করিয়া তাহাদিগকে পশু বলা চলে? অথচ জাতিভেদ আইন অনুসারে উহারা অস্পৃশ্য। সময়ের সঙ্গে সঙ্গে যেমন মিশ্রণ বাড়িতে লাগিল, তেমনই ঐ দেশে এক দল লোকের মধ্যে নিগ্রোর উপর সহানুভূতি বৃদ্ধি পাইতে লাগিল। অনেক বাধা-বিপদ অতিক্রম করিয়া শেষে এব্রাহাম লিংকন (১৮৭৫ খৃষ্টাব্দে) নিগ্রোকে দাসত্বশূন্য হইতে আইনতঃ মুক্ত করেন।

শূন্যল মুক্ত হইল বটে, কিন্তু দাসত্ব ঘৃণিত না। স্বাধীনতা কেমন, তাহা তাহারা কখনও আশ্বাদ করে নাই—অনেক নিগ্রো স্বাধীনতা লইতে চাহে নাই। তাহারা যেমন ছিল, তেমনই থাকিতে চায়। এ রকম জড়তা হওয়া বিস্ময়কর নহে। আমাদের দেশের অনেক শিক্ষিত, উদারনীতিক এরূপ জড়তাবের বাহিরে যানেন নাই। এ হিসাবে বরং নিগ্রোরা এখন আমাদের অপেক্ষা অনেক বেশী মনুষ্যত্ব দেখাইয়াছে। শূন্যলমুক্ত হইয়া আজ ৫০ বৎসরের মধ্যে নিগ্রো আমেরিকার জাতীয় জীবনে এমন স্থান অধিকার করিয়াছে যে, আমেরিকার একটি প্রধান সমস্যা হইয়াছে নিগ্রো। সামাজিক হিসাবে নিগ্রোর সমান অধিকার আমেরিকার কোথাও আছে বলিয়া বলা যায় না। যদি হুই এক জন কোথাও উদারনীতিক লোক থাকেন—তাহাদিগের সংখ্যা এত কম যে, জাতি হিসাবে অতি নগণ্য। কিন্তু তবু অস্বীকার করা চলে না যে, এ রকম লোকও আমেরিকায় আছে।

আর্থিক, (Economic) রাজনৈতিক ও নৈতিক হিসাবে অনেক যন্ত্রগায় নিগ্রোকে অধিকার দেওয়া হইয়াছে; কিন্তু আবার অনেক যন্ত্রগায় হয় নাই। যুক্তরাজ্যের দক্ষিণভাগে অনেক যন্ত্রগায় নিগ্রোকে ভোট দিতে দেওয়া হয় না। কোনও উচ্চপদে চাকরী দেওয়া হয় না। অনেক যন্ত্রগায় দলবদ্ধ খেতাব আমেরিকান (প ৩ ব ৭) নিগ্রোকে জীবন্ত মারিয়া পুড়াইয়া আনন্দ লাভ করে। বাৎসরিক এমন ঘটনা ২০।২৫টি না হয়, এমন বৎসর যায় না। এক গাড়ীতে বাওয়া, এক হোটেলে থাকা, এক যন্ত্রগায় থাওয়া, এমন কি, এক নাপিতের কাছে কাগান পর্যন্ত অনেক যন্ত্রগায় অসম্ভব। এইগুলির অন্ত বলিতে ছিলাম যে, নিগ্রোর শৃঙ্খল মুক্ত হইয়াছে বটে, তবে দাসত্ব যায় নাই।

আমেরিকার উত্তর-ভাগের লোক ও দক্ষিণ ভাগের লোকের মধ্যে অনেক পার্থক্য আছে। কথাটা বোধ হয় আরও একটু সোজা করিয়া বলা যায়। আমাদের দেশে যেমন বাদামী, মাদাঠী, গুজরাটী, মাদ্রাজী, উড়িয়া প্রভৃতি ভেদ আছে, ইহাদেরও সেই রকম উত্তর, দক্ষিণ, পূর্ব, পশ্চিম, মধ্যপশ্চিম প্রভৃতি বিভাগ অনুসারে মানসিক পার্থক্য আছে। আমাদের সঙ্গে তফাৎ এই যে, আমাদের ভাষাটা পর্যন্ত পৃথক; ইহাদের ভাষা এক। দূরত্ব হিসাবে আমাদের যেমন আবার পূর্ব ও পশ্চিম-বাদামায়

হাব, ভাব, আদব-কায়দা, এমন কি, ভাষার পার্থক্য হয়, এ দেশেও তেমনই অনেক বিষয়ে অনেক পার্থক্য দেখা যায়। নিগ্রোদের পক্ষে দক্ষিণভাগ বড়ই খারাপ। সেখানে "সাম্য, মৈত্রী, স্বাধীনতা" শুধু খেতাবের জন্ত। নিগ্রো সেখানে নিগ্রো। নিউ ইয়র্কের লোকদের দক্ষিণ আমেরিকানরা বিদেশী বিধর্মী বলে। কেন না, নিউ ইয়র্ক এ বিষয়ে অপেক্ষাকৃত উদার। উদারতা আরও বেশী হইত এবং সঙ্গে সঙ্গে নিগ্রো-সমস্যাও মৌমাংসা হইত, যদি রক্ত-মিশ্রণ আরও অবাধে চলিতে পারিত। কিন্তু ইহারা তাহা কি কখনও হইতে দিবে?

প্রায় ২ মাস পূর্বে একটি অভূতপূর্ব ঘটনা নিউ ইয়র্কে ঘটে। এখানকার সুবিখ্যাত ধনকুবের ও সমাজনেতা রাইনল্যাণ্ডার বংশের উত্তরাধিকারী এক টি নিগ্রো মেয়েকে স্বেচ্ছায় বিবাহ করে। প্রথম কাগজে সংবাদ প্রচারিত হয় যে, যুবক মেয়েকে নিগ্রো জানিয়াই বিবাহ

করিয়াছে এবং এ জন্ত সে সুখী ও গর্ভিত। রাইনল্যাণ্ডারের পিতা তাহাকে ত্যজ্যপুত্র করিবার ভয় দেখান, কিন্তু তাহাতে সে ভয় পায় না। কেন না, সে সাবালক ও তাহার নিজের মাসী ও অন্ত কোনও আত্মীয় তাহার নিজের নামে বহু লক্ষ ডলারের সম্পত্তি দিয়া গিয়াছেন। সুতরাং পিতার টাকা না পাইলেও তাহার ক্ষতি নাই। কিন্তু পরে কথা বদল হইয়া যায়।



মোলাটো নিগ্রো গায়িকা

করিয়াছে এবং এ জন্ত সে সুখী ও গর্ভিত। রাইনল্যাণ্ডারের পিতা তাহাকে ত্যজ্যপুত্র করিবার ভয় দেখান, কিন্তু তাহাতে সে ভয় পায় না। কেন না, সে সাবালক ও তাহার নিজের মাসী ও অন্ত কোনও আত্মীয় তাহার নিজের নামে বহু লক্ষ ডলারের সম্পত্তি দিয়া গিয়াছেন। সুতরাং পিতার টাকা না পাইলেও তাহার ক্ষতি নাই। কিন্তু পরে কথা বদল হইয়া যায়।

বর্তমানে আদালতে কিবাহচ্ছেদনের মোকদ্দমা চলিতেছে। যুবক বলিয়াছে যে, মেয়ে তাহাকে প্রতারণা করিয়াছে, সে যে নিগো, তাহা গোপন করিয়া তাহাকে মিথ্যা কথা বলিয়াছে। আবার মেয়েটি উর্টা মোকদ্দমা করিয়াছে যে, তাহার স্বামীর ভালবাসা নষ্ট করার অভিসন্ধিতে এই সব করা হইতেছে এবং এ জন্য কয়েক লক্ষ টাকা দাবী করিয়াছে। ফলে যে কি দাঁড়াইবে, তাহা এখনও বলা কঠিন। এ ঘটনা নিউ ইয়র্ক বা পূর্ব অঞ্চলে সম্ভব, এ ন্যায্য অধিকার নিগো হইলেও মেয়েকে দেওয়া হইয়াছে। কিন্তু দক্ষিণ অঞ্চলে হইলে মোকদ্দমা ত দূরের কথা, বিবাহের সংবাদ বাহির হইলেই হুলস্থূল পড়িয়া যাইত। নিগো মেয়েকে মারিয়া ফেলাও কিছু আশ্চর্য মনে হইত না।

আজ নিগোর মধ্যে উকীল, ডাক্তার, ব্যবসায়ী, পাদরী, অধ্যাপক এবং উচ্চ গভর্ণমেন্ট কর্মচারীর অভাব

নাই। সহস্রপতি, লক্ষপতি, অনেক কোটিপতিও কয়েক জন আছে। থিয়েটারের অভিনেত্রী, গায়িকা, চলচ্চিত্রের নায়ক নায়িকাও এখন নিগোদের মধ্যে প্রচুর দেখিতে পাওয়া যায়। বহু বাধা-বিঘ্নের মাঝে থাকিয়াও ইহারা যে উন্নতি করিয়াছে, আর কোনও জাতির ইতিহাসে এমন দেখা যায় না। এত উন্নতি করিয়াছে বলিয়াই সমস্তা এত জটিল। সে দিন ১ জন খেতাজ আমেরিকান (Mr Eastman—স্বাহার ক্যামেরার ব্যবসায় আছে) ২৫ লক্ষ ডলার নিগোদের বিশ্ববিদ্যালয়ে দিয়াছেন। নিগোদের মধ্যে বর্তমানে দুইটি দল আছে। এক দলের নেতা মার্কাস গারভী (Mr. Marcus Garvey) চাহেন যে, নিগোর! অফ্রিকায় ফিরিয়া যাইয়া স্বাধীনভাবে সে দেশের মালিক হউক। অপর নেতা (Mr. Du Bois) মিঃ ডু বইস্ চাহেন যে, আমেরিকান নিগো, আমেরিকায় মাতৃষ হইয়া থাকুক। শ্রীশরৎচন্দ্র মুখোপাধ্যায়।

মাতৃ-সঙ্গীত

হে মম জননি ধন্যা।

মরতে স্বরগ-সম গণ্যা।

বিশ্বের সুধমা—সম্পদ-ভূষণা,

বিধাত-মানস-কন্ঠা।

ত্রিংশতি-কোটিজন-জননী,

যুগ-যুগাভীত-প্রবীণা,

পাবর-পয়োধরা স্নেহর-আননী,

শীঘ্রতী স্নানরী নবীনা ;—

তব বীণা—

ওঁকার ঝঙ্কারে উথলিল সাম-গীতি-বন্থা !

জাগ মা—জাগ মা খোল আঁধি-পাতা,

একযোগে ডাকিছে ভগিনী-ব্রাতা,

সন্তান-সন্তাপ দূর তরে—

জাগ মা নিদ্রিতা মাতা গো।

গঙ্গা-ধমনা-মণিহারা,

মুকুতি হেম-কুট-চূড়ে,

সাগর-মেখলা,—শ্রামল ফুল

ফুল-কুল অঞ্চল উড়ে ;—

বড়খাতু নিরত অঙ্গরাগ তরে,—কৃজন-গুজন-মধুরা দিগ্‌বধুরা—

ঢালে,—উদারা-মুদারা-তার্না-ঝারা !

জাগ মা—জাগ মা খোল আঁধি-পাতা

একযোগে ডাকিছে ভগিনী-ব্রাতা,

সন্তান-সন্তাপ দূর তরে—

জাগ মা নিদ্রিতা মাতা গো।

সন্তান সব তব বক্ষে,

তৎপর কলহে-বন্দে,

হলাহল ভক্ষে,—ছুটি সুধা-লক্ষ্মণ

রক্ষ মা উন্মাদ অক্ষে ;—

তমোময়ী নিদ্রা পরিহর জননি,—কর কর বণ্টন স্তম্ভ,—

গতি মাহি অস্ত,—

ওগো,—বিরাজ লইয়া নিজ কক্ষে ;—

ভজন কর দুঃখ,—রজন কর গো—অজন দানি সব চক্ষে।

জাগ মা—জাগ মা খোল আঁধি-পাতা,

একযোগে ডাকিছে ভগিনী-ব্রাতা,

সন্তান-সন্তাপ দূর তরে,—

জাগ মা নিদ্রিতা মাতা গো।

• শ্রীধরীন্দ্রনাথ মুখোপাধ্যায়।



গজুর ভজন

এক উপায়- মাসী !

রাত্রি প্রায় দশটা বাজে, হেদোর ভিড় এক রকম নিঃশেষ হয়ে এসেছে, পুকুরের দক্ষিণ-পূর্ব কোণে একখানা বেঞ্চিতে বসে গজেন্দ্র একা। ১৫ দিন ক্ষয়রোগে ভুগে চল্লসেবের কাল গঙ্গা লাভ হয়েছে; আকাশের-ও শারীরিক অবস্থা ভাল নয়, গায়ের আগা-গোড়া বসন্ত সব ডব্‌ডবে হয়ে পেকে উঠেছে। সাধারণ লোকের চক্ষুতে যা নক্ষত্ররাজি, গজেন্দ্রের দৃষ্টিতে আজ তা “মা’র অঙ্গুগ্রহ;” কেন না, তিনি কবি এবং তাঁর মন আজ হুশিয়ারি বিযুক্ত।

গজেন্দ্র জাতিতে বাঙ্গালী, পরিচ্ছদে ফিরিঙ্গী, পূজা-পার্বণে হিন্দু, প্রণামী দেবার দায়ে ব্রাহ্ম, আহারে খ্রিস্টান, ধনলিপ্সার জৈন, মুষ্টিযুদ্ধের সম্মুখে বৌদ্ধ, আর পবিত্র প্রণয়ের মাহাত্ম্যে মামাত ভগ্নীকে বিবাহ-বন্ধনে আবদ্ধ করবার সময় দিন আটেকের জন্তে আর্ধ্য-সমাজী হয়েছিলেন।

এই পবিত্র বন্ধন গজেন্দ্রকে সকল রকম পিতৃ-মাতৃ গোত্রবন্ধন হ’তে মুক্তি দিয়েছে। পুত্রের দন্ত-পংক্তি বিকাশের সঙ্গে সঙ্গে-ই মাতা মুক্তিলাভ করেছেন। উপযুক্ত বংশধরের মনে উদার ভাবের অভিব্যক্তি ‘আরম্ভেই’ পিতা ত্যক্ত-বিরক্ত হয়ে রক্তপিত্ত রোগে ৮ উক্ত হয়েছেন; এমন ছেলের জোড়া মেলে না, ভাল ক’রে বুঝিয়ে দেবার জন্তে-ই বিধাতা গজুর ভাই ভগ্নী কিছু-ই সৃষ্টি করেননি। মামাত ভগ্নীর উদ্বাহ-বন্ধন এবং মামীর উদ্বন্ধন ত্রিরাত্রির মধ্যে-ই চূকে গেছে। জাগ্রের স্বাধীনতার তিলমাত্র দীনতা নাই দেখে মামা শুভলগ্নে ভদ্রাসনখানি বিক্রয় ক’রে নিরুদ্দেশ হয়েছেন। অল্প কোন জাতি খবর নেয় না এবং গজেন্দ্র-ও ডোষ্ট-কেয়ার।

তবু আজকের দিনে গজেন্দ্রের মনে পড়ছে, উপায় একমাত্র—মাসী।

শুনেছেন গজেন্দ্রের ধর্মমত অতি উদার। মসিদ, মন্দির, গির্জা, বিহার, চৈত্যা, মঠ প্রভৃতি সকল আফিস থেকে-ই ইনি এক একখানা লাইসেন্স নিয়ে রেখেছেন, যখন যা সুবিধে, তখন সেইটে ব্যবহার করেন।

বদরিকা (মিসেস্ গজেন্দ্র) প্রণয়ে চৌর্যা ও পরিণয়ে আর্ধ্যবৃত্তি অবলম্বন করলে-ও নিতে-থুতে একেবারে বনিয়াদি হিন্দু।

বিবাহের পর এই প্রথম পূজা। বদরিকার আটপৌরে পরবার জন্তে পাবনা টাঙ্গাইলের ভাল মিহি শাড়ী চাই, বেড়াতে-টেড়াতে যাবার জন্তে সিল্কের অস্ত্রত: তিন রঙের তিনখানা, সভাসমিতিতে যাবার জন্তে অস্ত্রত: দু’খানা খন্দর, এই দু’খানাতে-ই ত ৩০০২ টাকা পড়বে; ও গবের সুট মিলিয়ে সিল্কের, আন্ধির, খন্দরের ব্লাউজ, বডিস, জ্যাকেট। সিল্কের জুতো, চামড়ার জুতো, শাক-সজীর জুতো। তার পর ধর রুমাল আছে, চিকণী, ফিতে, এসেন্স, এটসেটরা এটসেটরা। ও: বাবা, ভুলে গেছি, ব্যাঙ্গল ওয়াচের তাগানা যে হনিমুনের পর থেকে-ই চলছে; এ সময় সেটা মা দিলে ত পূজোর ফাঁড়া কাটবে না। এর ওপর আবার আছে উপহার প্রেরণ; অল্প কাকে-ও দিন না দিন, ওই যে দু’জন আসেন, এক জনের সঙ্গে ইমিতি পাতানো আর এক জনের সঙ্গে মফিন্ পাতানো আছে, এঁদের ত দেবেন-ই দেবেন। এর উপর বিলের উপর বিল, ফর্দের উপর ফর্দ আসতে আরম্ভ করেছে। উপায় একমাত্র—মাসী।

ইংরাজের উপর রেগে গজু খার্ড ক্লাসে উঠে-ই নোয়া-খালী স্কুল ছেড়ে দেয়। কুমিল্লা থেকে কলিহঁকোর খোলের চালান আনিয়া মামা কিছুকাল থেকে কল্-কাতার কারবার করতেন। হঁকোর সঙ্গে সঙ্গে-ই মাহুর, পাটা আর-ও পাঁচ রকম জিনিষ বিক্রী করতেন, আর সময় সময় কল্‌কাতা থেকে-ও বিলিতী কাপড়, ছাতা

আর যখন যা সুবিধে হ'ত, দেশে চালান দিতেন, আমার বাসাতে থাকবার বন্দোবস্ত ক'রে গজেন্দ্র কলকাতা আর্ট স্কুলে ভর্তি হন। সেখানে বছর দেড়েক দাঁড়ি টানবার পরে-ই গজু বৃদ্ধিতে পাবলে যে, বথার্থ আর্ট যা, তা এখানে কিছু-ই শেখান হয় না; একটা র্যাফেল ভ্যাগাইক্-ট্যাগাইক্ হবার জন্তে ইটালী যাওয়া উচিত। স্বপ্নে প্রত্যাদেশ পেয়ে চাঁদার প্রার্থনা-পত্র লিখে ছুঁপাঁচ যাত্রায় ঘরে এক জন পূর্ববঙ্গের কবি-প্রাণ যুবক জমীদারকে কতকটা হাত-ও করলেন; কিন্তু সেই সময়ে ঐ জমীদার বাবুর অবশ্যপোষ্য শ্রালকপুত্রের ক্যামস্কাটকার গিয়ে চরকাকাটা শিখে আসবার সখ হওয়ার, চাঁদার ষাঁটটা চিকে উঠে বসলো না। কাষেই গজু ছুঁ-চারখানা বাড়ীর প্রাণ নকল ক'রে কিছু কিছু উপার্জন করে, আর দোকানদারের কাছ থেকে লিখোর ছবি এনে, ঘরে ব'সে রঙ ক'রে দিয়ে, শ' দরে যা' কিছু পাফ। এই সময় থেকেই মামাতো বোন বীদির সঙ্গে গজুর প্রথম পরিচয়। যদি বৈ বোন্টির আর কোন নাম ছিল না। তা'র মা'র মনে মনে ছিল যে, ক'নে দেখতে এলে মেয়ের কানে কানে শিখিয়ে দেবেন যেন নাম বলে “বদনমণি।” গজু—কবি; স্মতরাং এই “আনত আনন” “মুখানি” এটসেটেরার দিনে বদনে বেলকুল কবিতার আশ্বাদ না পেয়ে গজেন্দ্র ভগ্নার নামকরণ করলে—বদরিকা। কলকাতায় উপার্জনের টাকা যে কলকাতায় বই-টই কিনে বাজে খরচ করবেন—মোছাখালির মামা সে পাত্র নন; স্মতরাং লেখাপড়ার সরঞ্জাম সাপ্লাইএর গ্যারাণ্টি দিয়ে বদরিকাকে শিক্ষিতা মহিলা করবার ভার গজেন্দ্র নিজে নিলে।

কবি চিত্র-শিল্পী শিক্ষক যে ছাত্রীকে ললিত বেশ-বিভ্রাস করিতে আর চলিত প্রেমের উপভ্রাস পড়তে শেখাবেন—সেটা অনায়াসে উপলব্ধি ক'রে নেওয়া যায়।

প্রায় বছর দুই আগে গজু যখন প্রথম কলকাতায় আসে, তখন আশ্চর্য্য হয়ে রাস্তায় দাঁড়িয়ে ঘোড়-গাড়ী দেখতো, ট্রাম গাড়ীর উপর রেলের মত চিম্নি নেই দেখে কেমন ক'রে চাকা ঘোরে—তা' ভাবতো; নলের ভিতর দিয়ে পিচকিরী ক'রে গ্যাসের বাতির মুখে তেল পৌছে দেয় মনে করতো; চৌরঙ্গীর

দোকানের মাজানো সার্শির সামনে হাঁ ক'রে দাঁড়িয়ে থাকতো; এক দিন আট আনার টিকিস কেটে খেটার দেখতে গিয়ে ছিনের ওলট-পালট দেখে ভোজ-বাজী মনে করেছিল, আর অ্যাঙ্কো যা'রা করে—তা'দের কোনমতেই সাধারণ মানুষ মনে করতে পারেনি। আর এক দিন বায়স্কোপের সামনের সিটে ব'সে একখানা ক্যাভালরি ফিল্মের ঘোড়াগুলো ষ্টেজের কিনারা পর্য্যন্ত দৌড়ে এসে পৌছতে দেখে-ই পাছে তা'র ঘাড়ের ওপর এসে পড়ে মনে ক'রে গজু বেঞ্চি থেকে উঠে দৌড়ে পালিয়ে গিছলো। কিন্তু ক্রমে সে সাহস ক'রে হামেসা বায়স্কোপ দেখতে যেতে আরম্ভ করলে, আর ঐ চলচ্চিত্র হ'তে-ই সে দস্যতার বীরত্ব, চক্ষু বিস্ফারিত করার কণ্ড, ভাবাভিব্যক্তির তাৎপর্য্য, আলিঙ্গনের সৌন্দর্য্য ও চুম্বনের মাধুর্য্য অল্পভব করবার শক্তি পাঁচ সাত রাত্রে ভিতর-ই শিখে ফেললে। এখন সে নিজে ঘরে দোর দিয়ে একখানা টিনের আরসির ভিতর আপনার মুখভঙ্গিমা নানারূপে প্রতিবিম্বিত ক'রে কপাল কপোল চিবুক চক্ষু ও নাসার নানাবিধ জিমনষ্টিক অভ্যাস করে; ভগ্নী বদিকে-ও সে হেলে-বঁকে চিত্তিয়ে দাঁড়াবার, চোখ কপালে তুলে নাক ফুলিয়ে ঠোঁট কাঁপিয়ে সৌন্দর্য্যবিকাশের বৈচিত্র্য্য শিক্ষা দেয়; আর বাঙ্গালী গাল সহজে লাল হয় না ব'লে গজু মাঝে মাঝে গাল দু'টি টিপে দেয়, তা'তে কতকটা পুঁইমিটুলী রঙের আমেজ পাওয়া যায়।

“পণ্ডিতস্পর্শেণ পাণ্ডিত্যমুপজায়তে;” এই শাস্ত্র-শাসন স্মরণ ক'রে গজু বোন্টিকে আপনার গা ঘেঁসিয়ে বসিয়ে বিদ্যা দান করে; মাঝে মাঝে “প্রেমের গণতন্ত্র” প্রভৃতি পুস্তকের লোকাতীত শিল্প-সৌন্দর্য্যের ভাব বুঝিয়ে দেবার জন্তে তা'র কুস্তল-দলাচ্ছাদিত পিঠটিতে আশ্বে আশ্বে হাত বুলিয়ে দেয়। কখন-ও বা তা'র কপালের চুল গালের উপর ঝুলে পড়লে হাত দিয়ে তুলে দেয়। শিক্ষার অধিক ভাগ সুলভ-সিরিজের সাহায্যে চললেও “ভাই-মাদা” “বইনকে” ধর্মশিক্ষা দিতে গাফিলি করে না। মহাত্মারতাদি পুরাণ থেকে দৃষ্টান্ত বেছে বেছে স্বর্গীয় ও সেমিস্বর্গীয় প্রণয়ে কি উদারতা ছিল, তা দেখিয়ে দেয়, বথাঁ;—ব্রহ্মার

কন্যার প্রতি আসক্তি, চন্দ্রের প্রতি তারার পত্র, ইন্দ্রের গৌতমী গ্রহণ, পিস্তুত বোন সুভদ্রার সহিত অর্জুনের বিবাহ, ইত্যাদি, ইত্যাদি। ভ্রাতা ভগ্নীর এই মেহ-দুঃখ বধন অজ্ঞাতভাবে প্রেমের গাঢ় রাব্‌ড়ীতে পরিণত হচ্ছিল, তখন কোন-ও কোন দেবতা অলক্ষ্যে থেকে বর্তমান বন্ধে এই অপূর্ণ বিবর্তন দেখছিলেন, বিশেষ একটি চক্ষুহীন গ্রীক ঠাকুর।

* * * * *

, বছর চারেক কেটে গেছে। বিবেকের টিকটিকে দায়ভাগের দোহাই দিয়ে চূপ করিয়ে এক রাত্রে মাতুলের রাতুল চরণ টিপ্তে টিপ্তে অতুল কর-কোশলে কিরূপে গজু তাঁর বালিসের তলা থেকে তেঁতুল বেচা দেড় শ' খানিক টাকা ভাগের ন্যায্য প্রাপ্য ব'লে গ্রহণ ক'রে ভালবাসার আদেশে বাসা থেকে প্রস্থান করে; আধ ঘণ্টাটাক পরে বদি-ই বা কি উপায়ে পাপ-বাপের বাড়ী ছেড়ে শিবঠাকুরের গলির মোড়ে গিয়ে নাহকের ভাড়া করা ছ্যাক্‌ড়া গাড়ীতে উঠে হাবড়া থেকে ভাগলপুরে গিয়ে উপস্থিত হয়, সে বিবরণ লিপিবদ্ধ করা লেখকের অসাধ্য।

বাহালী, হিন্দুস্থানী, উড়ে কোন-ও বামুনট বধন এ বিবাহে মন্ত্র পড়াতে স্বীকৃত হলেন না, তখন কি ভয়ে যে পাত্রটি পাত্রীটিকে নিয়ে মন্দিরের ঘারে উপস্থিত না হয়ে স্থানীয় ব্রাহ্মসমাজে ও পরে এক এক ক'রে দু'টি গির্জা ঘরে গিয়ে আশীর্বাদ লাভে ব্যর্থমনোরথ হয়ে শেষ আর্ধ্যসমাজী হরজন দাসের দয়ার ভ্রাতা-ভগ্নী ভর্তা-ভাৰ্য্যায় রূপান্তরিত হয়, তা' যিনি সোঁয়াপোকাকে প্রজাপতিতে পরিণত করতে পারেন, তিনিই জানেন।

বিবাহের পর কলকেতার ফিরে এসে গড়পারের একটি সরু গলির মধ্যে দু'জনে বাসা ক'রে আছেন। চলছে কেমন ক'রে, তা' আমরা ত আমরা—যা'দের চলচে, তাঁ'রা নিজে-ও বুঝিয়ে দিতে পারেন কি না, সেটা বিশেষ সন্দেহের বিষয়।

এ কলকেতা একটি আজব সহর। এখানে কেমন ক'রেই বা কা'র চলে, অচল হঠাৎ কি ক'রে সচল হয়ে দাঁড়ায়, স্বচ্ছল কি ক'রে হঠাৎ অচলতা প্রাপ্ত হয়, তা কেউ বুঝতে পারে না। এই—বাড়ী, গাড়ী, ইলেক্ট্রিক

ফ্যান, জেঞ্চেটলম্যান, দরজায় পিতলের প্লেটে ডি. ডি, ডে, মন্ত্র জমীদারের বাড়ী মেয়ের বে ;—দু'দিন বাদেই দেখা যায়, ভদ্রাসনখানি বিক্রী কবুবার জন্তে দালাল যুঁচে। আবার অনেক অহুস্কানে মাসিক ৮০।৮৫ টাকার উপর আর কোন আর খুঁজে পাওয়া যায় না, অথচ মার্কেল বসান, ইলেক্ট্রিক ফিট-করা ১শত ৭৫ টাকা ভাড়া বাড়ীর তেতলায় বাস, ট্যাক্সিতে যাতায়াত, বাজে খরচের ব্যয়-ও অল্প নয়, একটি ছেলে বিলেতে ব্যারিষ্টার হ'তে গেছে, আর একটি সেন্টজেনিয়ারে পড়ছে, মেয়ের পড়াশুনোর ছাড়া মিউসিক মাস্টার পর্যন্ত নিযুক্ত আছে; এ যে কি ব্যাপার, তা সাধারণ গেরস্ত লোকে বুঝবে কি, খারা চাঁদা আদায়ের ফাইন আটে মাস্টার, তাঁরাও অনেক সময় ঠিক করতে পারেন না।

তবে গজেক্সের পেণ্টার ব'লে কতকটা নাম এখন বেবিয়েচে। শুধু গজেক্সের নয়, চিত্রকরদের মধ্যে অনেকেরই কার্যক্ষেত্র এখন প্রসারিত হয়েছে।

এক সময় কতকগুলি নাপিত ছিল, তারা নখ কাটতে বাধাতো, দাড়ীতে ক্ষুর ঠেকালেই একটু রক্ত বেরতো, চুল ছাঁটতে গেলে পাঁচচুড়া ক'রে ফেলতো; ব্যাচারীদের গঙ্গার ধারে, বাজারের পথে ব'সে দিন গোটা আষ্টেক দশ পয়সা, আর কতক গুলো গালাগালমাত্র উপার্জন হ'তো; কিন্তু চুলছাঁটার ফ্যাসানে কড়াঙ্গে-গঙাকে ঢোকা অবধি সেই সব নাপিতরা এখন সাড়ে দশ আনা সাড়ে পাঁচ আনা, ন' আনা-সাত আনা, তিন আনা তের আনা গোছ চুল কপ'চে আজকাল কাঁচি ধরলেই চার আনা থেকে ছ' আনা পায়; যে সোখীন বাবুদের বাপটাপ এখনও পিঁজরেপোলে যাননি, খালি ছেলের চুলছাঁটা আর শুঁড়তোলা জুতো যোগাবার জন্তেই চাকরী করেন, তাঁরা আরও দু' আনা চার আনা বেশী দিয়ে থাকেন।

এক সময়ে আর্ট স্কুলের ফেরতাদেরও অবস্থা বড় মন্দ ছিল; আই-প্ল্যান তৈরী বা লিথোগ্রাফে রং দেওয়া বা কখন কখনও এক-আধখানা লক্ষ্মী-সরস্বতীর ছবি এঁকে দোকানদারকে কপিরাইট বিক্রী। খুব বখাৰ্খ ভাল চিত্রকররাও বড়লোকদের প্রতিকৃতি আঁকবার অর্ডার যোগাড় করতে পারতেন না।

এ দেশের লোকের যখন ক্যামানজান ছিল না, তখন যেমন ধানকাটা নাপিতদের বিচার দৌড় বুঝতে পারেনি; তেমনি কলা-জ্ঞানের অভাবে শিক্ষিত লোক এক দিন গুণাকর চিত্রকরদের আদর-ও করেনি; বঙ্কর হৃদয়টাদ যেই কলায় কলায় উল্লে উঠল, অমনি কোন লুকানু খনির অঙ্ককার থেকে সেমুর, ফিজ্, ক্রিকশাক, গিলবার্ট, ল্যাওসিয়ার প্রভৃতি ব্রহ্ম-বীরের দল ধরাতল ও টিটাগড় কলের ধলা আঁচল উজ্জল করতে লোক-জনের সমীপবর্তী হলেন।

এই নবীন শিল্পি-সম্প্রদায়ের মধ্যে ষাঁরা কুলীন, তাঁরা আঁকেন সৌন্দর্য্য; আর ষাঁরা শ্রোত্রিয়, তাঁরা আঁকেন বাদর্য্য। কুলীনকুল কদুর্য্য পুরুষজাতির ছায়া স্পর্শ করেন না, সৌন্দর্য্যের একমাত্র উপাদান যুবতী নারী তাঁদের অবলম্বন—তাঁদের আদর্শ; আবার পাশ্চাত্য শিক্ষার প্রত্যাপে নারীর পশ্চাদিকের সৌন্দর্য্যস্বপ্ন-ই তাঁদের তুলিকা-মুখে গোলাপী রঙে প্রস্ফুটিত হয়।

একটা গ্রাম্য গল্প আছে যে, গাভী প্রসব হয়েছে শুনে কর্তা বাড়ীর ভেতর গিয়ে জিজ্ঞেস করলেন, কি বাছুর হয়েছে? অন্তরে তখন ছোট-বউ বই আর কেউ ছিল না, লজ্জাবতী ঘোমটা খুলে খশুরের সঙ্গে কথা কয় না, কাষে-ই আপনাকে দেখিয়ে ইঙ্গিতে বুঝিয়ে দিলেন যে নৈ-বাছুর।

সুরুচির দরবার থেকে কবির লেখনীর উপর ইনজং-সান জারী হয়েছে, “নিবিড় নিতম্ব তোলে তুমুল তুফান”, “কদম্ব বিদরে দেখি পয়োধরদম্ব” “উলঙ্গ অঙ্গনা উরু চারু রঙাতরু” প্রভৃতি পদ আর সীসকের অঙ্করে চক্ষুর সামনে দেখা দেয় না। ‘সধবার একাদশী’র “সান ইন ল সার” যেমন গুলীতে শরীর খারাপ হয়, সুতরাং গুলী ইজ্ ভেরী ব্যাড ব’লে মদের বোতলে আশ্রয় নিয়েছিল, তেমনি সৌন্দর্য্যের শিল্প লেখনীকে ত্যাগ ক’রে তুলিকা-কার আশ্রয় করেছে। প্রেমিক শিল্পী—ছোট বউ পাঠক-রূপ খশুরের সামনে লজ্জা বিসর্জন দিয়ে মুখে না কথা ক’রে অঙ্গ-প্রত্যঙ্গ এঁকে দেখিয়ে দেন।


শ্রোত্রিয়, শিল্পীরা বাদর্য্য আঁকেন ব’লে তাঁদের উপাধি হয়েছে ব্যঙ্গ-কবি; রসিকরা বাপকেও মাফ

করে না। গোপাল তাঁড় অন্নদাতা রাজাকেও ছাড়ত না, ব্যঙ্গ শিল্পীরা-ও বা কেন ব্যঙ্গ কলাকে-ই ব্যঙ্গ করতে ছাড়বে? এই আর্টের বাজারে গজেন্দ্রের-ও যে পার্টস্ আছে, তা সমজদাররা বুঝতে পেরেছে। গজেন্দ্র কুলীন শিল্পী, তবে কেউ কেউ বলে যে, তিনি কখন কখন লুকিয়ে শ্রোত্রিয়দের সহিত ক্রিয়া ক’রে ভঙ্গ হয়েছেন। চিত্রকরের কার্য্যে মডেল অন্বেষণ, মডেল নির্বাচন একটা শ্রম ও ব্যয়সাধ্য ব্যাপার। গজেন্দ্রের কিন্তু এইখানে-ই ভয়ঙ্কর সুবিধা; মডেল তাঁর গৃহে অঙ্কলক্ষ্মীরূপে চতুর্বিংশতি ঘটিকা বিরাজমান। বদরিকা স্নান ক’রে ভিজা কাপড়ে চুল মোছে, গজেন্দ্র ছবি আঁকে; বদরিকা খেয়ে-দেয়ে উঠে এলো-থেলো হয়ে ঘুমিয়ে পড়ে, গজেন্দ্র রূপটুকু তুলীতে এঁকে তুলে নেয়; বৈকালে বদরিকা চুল বাঁধে,—অস্ত্রাচলের আড়ালে ব’সে গজেন্দ্র পাশ্চাত্য-লাবণ্য বর্ণলীলায় ফলাতে থাকে। এ ছাড়া কলার কল্যাণে ফুলের খালা নিয়ে পূজায় বসে, কপালে দুই চক্ষু তুলে হাত জোড় ক’রে ধ্যানমগ্না হয়, বেয়াল কোলে ক’রে মাতৃমূর্তি দেখায়, সাদা গরদ প’রে কখন কখন বিধবা সাজে, আর বিবিধভাবে অঙ্গবিন্যাস;—সে ত ফিলিম-শিল্প অধ্যয়ন ক’রে আগেই গজ্ বদিকে শিখিয়েছিল।

শোনা গেছে, কোন চূণের মহাজন রাজা বাহাদুর “স্বরাজ-সরোজ” ব’লে গজেন্দ্রের একখানা কিট্ সাইজের ছবি, ৩ শত টাকা মূল্যে ক্রয় করেছিলেন, তাই থেকে আড়াই শ’ টাকা দিয়ে গজেন্দ্র বদরিকাকে একটা ব্রেস-লেট কিনে মডেল-দক্ষিণা দেয়। সেই ছবিতে একটি জলপূর্ণ কাচের টবে ব’সে বদরিকা,—মুক্ত কেশজাল, মুগালনাল আর জলের উপর আধ-ডোব আধ-ভাসমান এক জোড়া পদ্মের বদলে—যাক।

এই রকম ক’রে কতক ধারে কতক নগদে গজুর সংসারে খাইখরচ, বাসা-ভাড়া, ট্রাম-ভাড়া প্রভৃতি এক রকম চ’লে যাচ্ছে। কিন্তু পূজা?—ছবি-ও হাতে তৈরী নেই, ধার-ই বা দেয় কে? কোন দিকে কোন পথ নেই। একমাত্র উপায় মাসী! যাব না কি নব-ঈপে?—দেখি।

শ্রীঅমৃতলাল বসু।



মুসলমান বৈষ্ণব কবি

চৈতন্যদেবের কালে মুসলমান হবিদাস বৈষ্ণব-শ্রেষ্ঠ ছিলেন, এ কথা সকলেই জানে। জাতিধর্মভেদ তখন ভাসিয়া গিয়াছিল, যাহার মুখে হরিনাম শুনিতেন, গৌরান্ন তাহাকেই কোল দিতেন, কাহারও জাতি জিজ্ঞাসা করিতেন না। কত মুসলমান যে বৈষ্ণব হইয়াছিলেন, তাহা বলিতে পারা যায় না। কিন্তু কয়েক জন মুসলমান কবির নাম পদকল্পতরুতে পাওয়া যায় এবং তাঁহাদের রচিত কয়েকটি পদও আছে। ক্ষেত্রের বিষয়, পদের সংখ্যা বড় অল্প, কিন্তু যে কয়টি পদ আছে, উত্তম। চারি জন মুসলমান কবির নাম পাওয়া যায়,— নসীর মামুদ (নসীর মছমুদ), সৈয়দ নরতুজা (মুরতুজা) অকবর আলী এবং সালবেগ। ইহাদের রচিত পদ উদ্ধৃত হইল—

চলত রান সুন্দর শ্রাম
 পাচনী কাচনি বেত্র বেণু
 মুরলী খুরলি গানরি ।
 প্রিয় শ্রীদাম স্তদাম মেলি
 তপনতনয়া-তীরে কেলি
 পবলি সাঙলি আ গরি আ গরি
 কুকরি চলত কানরি ॥
 বয়সে কিশোর মোহন ভাঁতি
 বদন ইন্দ্র জলদ কাতি
 চাক চন্দি গুঞ্জাহার
 বদনে মদন ভানরি ।
 আগম নিগম বেদসার
 লীলায় করত গোষ্ঠ বিহার
 নসির মামুদ করত আশা
 চরণে শরণ দানরি ॥

শ্রামবন্ধু চিত নিবারণ তুমি ।

কোন শুভ দিনে দেখা তোমা সনে
 পাশরিতে নারি আমি ॥
 যখন দেখিয়ে ও চাঁদবদন
 ধৈরজ পরিতে নারি ।
 অভাগীর প্রাণ করে আনচান
 দণ্ডে দশ বার মরি ॥
 মোরে কর দয়া দেখ পদছায়া
 সুনহ পরাণ কান্ত ।
 কলশোল সব গাসাইন্তু জলে
 প্রাণ না রহে তোমা বিত্ত ॥
 সৈয়দ নরতুজা ভণে কান্তুর চরণে
 নিবেদন শুন হরি ।
 সকল ছাড়িয়া রহিলু ভুলিয়া
 জীবন মরণ চরি ॥

* * * * *
 দেখ দেখ প্রীতম প্যারিক সোহাগে ।

স্বহস্তে বীড় শ্রাম দেত
 খণ্ডিত আধ আপ লেত
 পৌছত পট পাত পাক
 অতিশয় অনুরাগে ॥

কাঞ্চনকে গড়ত কান
 ভাঁতি ভাঁতি রাখত মান
 নিরখত বদনারবিন্দ
 পলকন নাহি লাগে ।

কুঞ্জমে রসপুঞ্জ কেলি
 পান খাওয়ে চছকি ঝেলি
 'তহ' শ্রীমুখ তাখুল পাট
 আকবর আলি ভাগে ॥

এই তিন কবির সম্বন্ধে কিছু জানা নাই। চতুর্থ সাল-বেগ। ইনি উড়িয়াবাসী, পদকল্পতরুতে ইহার রচিত তিনটি পদ আছে, দুইটি বাঙ্গালা, তৃতীয়টি উড়িয়া ভাষায়। সালবেগ ও লালবেগ দুই ভাই, দুই জনই বৈষ্ণব। সালবেগের রচিত গান এখনও উড়িয়ার গীত হয়। বাঙ্গালা পদ দুইটি এই,—

নাগরী নাগরী নাগরী ।
কত প্রেমের আগেরী নব নাগরী ॥
কনক কেতকী চাপা তড়িতবরণী ।
উন্দীবর নীলমণি জলদবসনী ॥
মৃগজ পঙ্কজ গীম খঞ্জন নয়ানী ।
কামধনু নগর গংকি ভুরু ভুজঙ্গিনী ॥
নাসা তিলকল খগ চম্পাকলি জিতা ।
যামীজল বহুস্তি বেণী ঝাঁপি ঝলকিতা ॥
ভালে সে সিন্দুরবিন্দু শোভে কেশশোভা ।
জিনি উন্দীবর বাহু তমালের আভা ॥
ভাল বিরাজিত উরে মোতিম-হার ।
হংস-বক-শ্রেণী গঙ্গাজল তৃষ্ণধারা ॥
কহ সালবেগ হীন জগত পানরা ।
বসেন কলিকা রাই কান্ন সে ভ্রমরা ॥

* * * *

জয় জয় রাধে গোপাল গোপাকনা রে ।
শীশ মোর মুকুট নট সোহে কটি পীততট
কিঙ্কিনী অধিক শোহাওনা রে ॥
ভালে কেশর তিলক কাণে কুণ্ডল ঝলক
অধর পর মুরলী সুখ পাওনা রে ।
ষমুনাতট রঞ্জিনী সকল রমণীমণি
রূপ নব দামিনী গজনা রে ॥
ঘন ন ম ব র ব বর উষট তেদ যন্ত্রবর
সাত সরভাল বিশ মূর্ছনা রে ।
ধিগি নিগি নিধিকিকট তাগ খেনা তিস্তিগট
সাল বেগ পুরল মন কামনা রে ॥

উড়িয়া ভাষার পদ,—

হের হো নোলগিরি রাজহি ।

সুভদ্রা বলরাম সন্ধে অরুপাম
বিমান মণ্ডল মাঝহি ॥
শম্ব ঘণ্টা কাশী বেণু বীণা বাশী
মধুর তন্দুতি বাজলি ।
সেবাতি পড়্যারি ঘট ভরি বারি
ঢ়ার উতাকঙ্ক * মাখলি ॥
জয় জয় ধ্বনি সুর নর মুনি.
স্তুতি নতি প্রণিপাত হি ।
শ্রীমুখচন্দ্রকু সৌরভ আউছ
গজেন্দ্র রেশহ অপহি ॥
জয় যদুপতি তিন লোক গতি
বহ উপহার ভোজলি ।
মণিকোটা † চলে সালবেগ বলে
দেবমারীগণ বাচলি ।

গৌরচন্দ্রিকা

শ্রীচৈতন্যের অভ্যুদয়ে ধর্ম্মে যেমন ভক্তিমাগ্নি প্রবল হয়, জ্ঞাতির অভিমান তিরোহিত হয়, সেইরূপ তাঁহার মাহাত্ম্যে অতি অপূর্ব অভিনব সাহিত্যের সৃষ্টি হয়। এই যুগে যে সকল পদ-রচয়িতাদিগের নাম পাওয়া যায়, তাঁহাদের মধ্যে কয়েক জন অপর অনেক গ্রন্থ রচনা করেন। তাহার কতক সংস্কৃত, কতক বাঙ্গালা। সে সকল গ্রন্থ এই আলোচনার বহির্ভূত বলিয়া এখানে উল্লেখ করিবার প্রয়োজন নাই। ইতঃপূর্বে বলিয়াছি, রাধাকৃষ্ণের প্রায় সকল প্রকার লীলার পূর্বে গৌরচন্দ্রিকা আছে, অর্থাৎ কৃষ্ণপ্রেমের তন্ময়তার চৈতন্যের সকল প্রকার ভাবাবেশ হইত, এবং সেই সংকলিত ভাব বৈষ্ণব কবিগণ অসঙ্কোচে পরম আনন্দের সহিত বর্ণনা করিয়াছেন। সর্বভ্যাগী যতি সন্ন্যাসী চৈতন্য ও গোপী-বল্লভ দামোদরের লীলার সাদৃশ্যের কারণ শ্রীমদ্ভাগবতে পাওয়া যায়। উদ্ধবকে ব্রজপুরে পাঠাইবার সময় শ্রীকৃষ্ণ তাঁহাকে কহিতেছেন,—

গচ্ছোদ্ধব ব্রজং সোম্য প্রিজোনো শ্রীতিমাবহ ।
গোপীনাং মধিয়োগাধিং মৎসন্দৈশ্বেমোচয় ॥

* উতাকঙ্ক অর্থে উচটন, অঙ্গ-সংস্কারের অঙ্গ হরিজা, তৈল, সর, দা প্রভৃতি। † মণিকোটা—মণিময় অট্টালিকা।

তা মননকা মৎপ্রাণা মদর্থে ত্যক্তদৈহিকাঃ ।
মামেব দয়িতং প্রেষ্ঠমাত্মনং মনসা গতাঃ ।
যে ত্যক্তলোকধর্মাস্ত মদর্থে তান্ বিভর্ষ্যহম্ ॥ *

হে সোম্য উদ্ধব, ব্রজে গমন করিয়া আমাদিগের পিতামাতার আনন্দ উৎপাদন কর, আমার বিরহে গোপীদিগের যে মনঃপীড়া হইয়াছে, আমার সংবাদ দ্বারা তাহা মোচন কর। তাহাদের মন আমাতেই অর্পিত, আমিই তাহাদিগের প্রাণ, আমার জন্ত তাহারা দেহসম্বন্ধীয় সকলকে (পিতা পুত্র প্রভৃতিকে) ত্যাগ করিয়াছে (এবং) প্রিয়তম আত্মা আমাকেই মন দ্বারা প্রাপ্ত হইয়াছে। বাহারা আমার নিমিত্ত ঐহিক ও পারলৌকিক সুখ পরিত্যাগ করে, আমি তাহাদিগকে সুখী করিয়া থাকি

ব্রজপুরাতে গিয়া উদ্ধব গোপীদিগকে বলিতেছেন, -

অহো যুগং স্ব পূর্ণার্থা ভবত্যো লোকপূজিতাঃ ।
বাসুদেবে ভগবতি যাসামিত্যর্পিতং মনঃ ॥
দানব্রততপোহোমজপস্বাধ্যায়সংসমৈঃ ।
শ্রেয়োভিবিধৈশ্চাৰ্ণৈঃ কৃষ্ণে ভক্তির্হি সাধ্যতে ॥
উগবত্মমঃশ্লোকে ভবতীতিরমুত্তমা ।
ভক্তিঃ প্রবর্তিতা দিষ্ট্যা মুনীনামপি দুর্লভাঃ ॥
দিষ্ট্যা পুত্রান্ পতীন্ দেহান্ স্বজনান্ ভবনানি চ ।
হিস্বাহবৃগীত যুগং যৎ কৃষ্ণাখ্যপুরুষং পরম্ ॥ †

অহো, তোমরা নিশ্চিত লোকে পূজনীয়; কারণ, উগবান্ বাসুদেবে তোমাদের মন সমর্পিত রহিয়াছে। দান, ব্রত, তপস্যা, হোম, জপ, বেদাধ্যয়ন, ইন্দ্রিয়দমন এবং অন্যান্য বিবিধ মাতলিক অহুষ্ঠান দ্বারা শ্রীকৃষ্ণে ভক্তিসাধন করিতে হয়। সৌভাগ্যক্রমে উগবান্ উত্তমঃশ্লোকে তোমাদিগের মূনিগণের দুর্লভ অত্যুৎকৃষ্ট ভক্তি প্রবর্তিত হইয়াছে। ভাগ্যবলে তোমরা পুত্র, পতি, দেহ, স্বজন ও গৃহ সকল পরিত্যাগ করিয়া শ্রীকৃষ্ণ নামক পরম পুরুষকে বরণ করিয়াছ।

চৈতন্তের লীলা দেখিয়া অথবা শুনিয়া এবং তাঁহাকে কৃষ্ণাবতার নিশ্চিত করিয়া জানিয়া বৈষ্ণব কবিগণ

ভক্তি-প্রেমে পরিপ্লুত হইয়া, বীণাপাণি বাণীকে স্বরণ করিতেই তিনি মুখরিত ঝঙ্কত বীণা লইয়া তাঁহাদের কণ্ঠে অবতীর্ণ হইলেন। চৈতন্তপ্রেমের বস্ত্রায় সঙ্গে সঙ্গে পীযুষপূর্ণ কাব্যধারা প্রবাহিত হইল। শুধু বঙ্গদেশে কেন, বঙ্গের বাহিরেও ইহার প্রমাণ দেখিতে পাওয়া যায়।^১ হিন্দী ভক্তমাল গ্রন্থে সাধু সুকবি নাতাজী চৈতন্ত অবতারের সম্বন্ধে লিখিয়াছেন,—

গোপিনীকে অমুরাগ আগে আপ হারে শ্রাম
জাত্তো রহ লাল রঙ্গ কৈসে আবে তনমে ।
এ তো সব গোর তন নথ শিখ বনী ঠনী
খুল্যো য়ো সুরঙ্গ অঙ্গ অঙ্গ রঙ্গে বনমে ॥

* * * *

জসুমতি সূত সোঈ শচীসূত গোর ভয়ে ।

* * * *

কৃষ্ণ-চৈতন্ত নাম জগত প্রগট ভয়ো ॥

* * * *

জিতো গোড়দেশে ভক্তি লেশহু ন জানে কোউ
সেউ প্রেম সাগরমে বোরয়ো কহি হরি হৈ ।

* * * *

কোটি কোটি অজামীল বারি ডারে ছুটতা পৈ
ঐ সে হু মগন কিয়ৈ ভক্তি ভূমি ভরী হৈ ॥ *

অর্থ—গোপিনীর অমুরাগের কাছে শ্রাম আপনি হারিলেন; ভাবিলেন, এই (গোপীর) লাল রং কেমন করিয়া অঙ্গে আসে? ইহাদের ত দেহ নথ গোরবর্ণ, কেশ উত্তম সজ্জিত, বনে (বৃন্দাবনে রাসবিহারে) রঙ্গাবেশে অঙ্গে অঙ্গে সৌন্দর্য্য মুক্ত হইয়াছিল।... যশোমতীসূত তিনিই শচীসূত গোর হইলেন... কৃষ্ণ-চৈতন্ত নাম জগতে প্রকটিত হইল।... যে গোড়দেশে কেহ ভক্তির লেশমাত্র জানে না, তাহাকেও হরিনাম কহিয়া প্রেম-সাগরে ডুবাইয়া দিলেন।... কোটি কোটি অজামীলকে ছুটতা হইতে (রক্ষা করিয়া ঐ সাগরে) নিক্ষেপ করিলেন, ভক্তিতে এরূপ মগ্ন করিলেন যে, তাহাতে (ধরনী) ভূমি ভরিয়া আছে।

* ভক্তমাল গ্রন্থ দ্বিতীয় খণ্ড।

* শ্রীমদ্ভাগবত, ১০ম স্কন্ধ, ৪৬ অধ্যায়।

† এ এ ৪৭ অধ্যায়।

হিন্দীভাষার আর এক জন কবি হরিদাস
লিখিয়াছেন,—

রসময় মুরতি যো গোকুল নিত্যবিহার ।
মন মে উপজি বাসনা গোর ভের অবতার ॥

* * * *

নিশিদিন রাধাভাব ধরি শ্রাম ভের ছাতি গোর ।
মন ঔর আনন নয়নমে রাধা বিহু নহি ঔর ॥

রসময় মূর্তি যিনি নিত্য গোকুলে বিহার করিতেন,
গৌরবর্ণ হইয়া অবতার হইতে তাঁহার মনে বাসনা উৎপন্ন
হইল। নিশিদিন (মনে) রাধাভাব ধারণ করিয়া
শ্রামের গোর ছাতি হইল, মনে, মুখে ও চক্ষুতে রাধা
বিনা আর কিছু নাই। *

বৈষ্ণব-কবিরা অনেকেই চৈতন্যকে দেখেন নাই,
কিন্তু তাঁহারা সকলেই চৈতন্যদেবের তিরোভাবে অল্প-
দিন পরেই জন্মগ্রহণ করেন। তখন গৌরানন্দের মাহাত্ম্য
ও তাঁহার লীলার বিচিত্রতার বঙ্গদেশ, উৎকল, ব্রজভূমি
শ্রবিত-প্রতিশ্রবিত হইতেছে। সুতরাং চৈতন্যের জীবন-
বৃত্তান্ত সম্বন্ধে তাঁহারা যাহা লিখিয়াছেন, তাহা অলীক
অথবা কল্পিত নহে, কেবল লীলাপ্রকরণ কৃষ্ণলীলার
সহিত সামঞ্জস্য রাখিবার কারণে কতক কল্পিত। সাদৃশ্য
কেবল প্রেম ও মধুর লীলার, কৃষ্ণ যে সকল অসুর ও
দুর্কৃত্ত ব্যক্তিদিগকে নিধন করিয়াছিলেন, সে সকল কীর্তি
চৈতন্যলীলার নাই। দেবকী-নন্দন বৈষ্ণব-কবি
লিখিয়াছেন,—

নাহি নাহি রে গৌরাজ বিহু
দয়ার ঠাকুর নাহি আর ।
রূপাময় গুণনিধি সব সব মনোরথ
সিদ্ধিপূর্ণ পূর্ণ অবতার ॥

* * * *

রাসাদি অবতারে ক্রোধে নানা অস্ত্র ধরে
অস্ত্রেরে করিল সংহার ।
এবে অস্ত্র না ধরিল কারু প্রাণে না মারিল
মনগুচ্ছি করিল সবার ॥

ভক্তমূল, অরোবিন্দ মালা ।

বাঙ্গালী কবি গোবিন্দদাস রুড গৌরচন্দ্র
বর্ণনা,—

দেখত বেকত গৌরচন্দ্র
বেঢ়ল ভকত নখত বৃন্দ
অখিল ভুবন উজোরকারী
কৃন্দ কনক কাঁতিয়া ।
অগতি পতিত কুমুদবন্ধু
হেরত উছল রসিকসিদ্ধ
হৃদয় কুহর তিমিরহারী
উদ্ভিত দিনহ রাতিয়া ॥

সহজে সুন্দর মধুর দেহ
আনন্দে আনন্দ না বাক্কে খেহ
চুলি চুলি চুলি চলত
মত্ত করিবর গতি গীতিয়া ।

নটন ঘটন ভৈ গেল ভোর
গোবিন্দ মাধব মুকুন্দ বোল
রোয়ত হসত ধরণী খসত
সোহত পুলক পাঁতিয়া ॥

মহিম মহিমা কো কহ ওর
নিজ পর ধরি করই কোর
প্রেম অমিঞা হরখি বরখি
ভরখিত মহী মাতিয়া ।

ও রসে উত্তম অধম ভাস
বঞ্চিত একলি গোবিন্দদাস
কো জানে কো বিহি গড়ল
কাঠ কঠিন ছাতিয়া ॥

চৈতন্যদেবে কৃষ্ণের কৈশোরলীলার অলীক কল্পনা,—

শচীর কোঙর গৌরাজ সুন্দর
দেখিছ আঁখির কোনে ।

অলখিতে চিত হরিয়া লইল
অরুণ নয়ান বানে ॥

সই মরম কহিছ তোরে ।

এতেক দিবসে নদীদা নগরে
নাগরী না রবে ধরে ॥

রমণী দেখিয়া হাসিয়া হাসিয়া
রসময় কথা কর ।

নিচয় করিয়া মনে দড়াইছ
 পরাণ র'বার নয় ॥
 কোন পুণ্যবতী যুগতী ইহার
 বুঝয়ে রস-বিলাস ।
 তাহার চরণ ছন্দরে ধরিয়া
 কহয়ে গোবিন্দদাস ॥

বিজ্ঞাপতি যেমন রাধার বয়ঃসন্ধি বর্ণনা করিয়াছেন,
 রাধামোহন ঠাকুর সেই ভাবে গৌরাজের কৈশোর
 অবস্থা বর্ণনা করিয়াছেন,—

দেখ সখী গৌরা গৌর অল্পপাম ।
 শৈশব তরুণ লখই না পারিয়ে
 তবহ জিতল কোটি কাম ॥
 সুরধুনীতীরে সবহ সখা মেলি
 বিহরয়ে কোতুক রঙ্গি ।
 কবহ চঞ্চল গতি কবহ ধীরমতি
 নিন্দিত গজগতি ভঙ্গি ॥
 ধীর নয়নে কণে ভোরি নেহারই
 কণে পুন কুটিল কটাখ ।
 কবহ' ধৈরজ ধরি রহই মৌন করি
 কবহ' কহই লাখে লাখ ॥
 রাধামোহন দাস কহই সতী
 ইহ নব বয়সে বিলাস ।
 যছু লাগি কলিয়ুগে একট শটীসুত
 সোই ভাব পরকাশ ॥

পূর্বরাগের অল্পরূপ পদ,—

কি কণে দেখিছ গৌরা নবীন কামের কোটা *
 সেই হইতে রহিতে নারি ঘরে ।
 কত না করিব ছল কত না ভরিব জল
 কত বাব সুরধুনীতীরে ॥
 বিধি তো বিনে বলিতে কেহো নাহি ।
 বত গুরু পরহিত গজন বচন কত
 ছুকরি কান্দিতে নাহি ঠাঞি ॥
 অরুণ নয়নের কোণে চাহিছিল আশা পামে
 পরাণে বড়সি দিয়া টাদে ।

* কোটা (হিন্দী), কবা, চাবুক ।

কুলের ধরম মোর ছারখারে আউক গো
 না জানি কি হবে পরিণামে ॥
 আপনা আপনি খাইছ ঘরের বাহির হৈছ
 শুনি খোল-করতালের নাদ ।
 লক্ষ্মীকান্ত দাস কয় মরমে বার লাগর
 কি করিবে কুল-পরিবাদ ॥

গৌরাজের রসোদগার,—

অপরূপ গৌরাচান্দে ।
 বিভোর হইয়া রাধার প্রেমে
 তার গুণ কহি কান্দে ॥
 নয়নে গলয়ে প্রেমের ধারা
 পুলকে পুরল অঙ্গ ।
 খেনে গরজয়ে খেনে সে কাঁপয়ে
 উথলে ভাব তরঙ্গ ॥
 পারিষদগণে কহয়ে বতনে
 রাধার প্রেমের কথা ।
 জ্ঞানদাস কহে গৌরাজ নাগর
 যে লাগি আইল হেথা ॥

দানদীনার গৌরাজের আবির্ভাব,—

গৌরাজ চাঁদের মনে কি ভাব উঠিল ।
 নদীয়ার মাঝে গৌরা দান সিরজিল ॥
 কিসে দান চাহে গৌরা দ্বিজমণি ।
 বেত্র দিয়া আগুলিয়া রাখয়ে তরুণী ॥
 দান দেহ দান দেহ বলি গৌরা ডাকে ।
 নগরের নাগরী সব পড়িল বিপাকে ॥
 কৃষ্ণ অবতারে আমি সাধিয়াছি দান ।
 সে ভাব পড়িল মনে বাসুদেব গান ॥

গোপীভাবের স্বপ্ন উল্লাস,—

আজুক প্রেমক নাহিক ওর ।
 স্বপনহি শুতল গৌরক কোর ॥
 পহ' মুখ হেরইতে পড়লহি ভোর ।
 চরকি চরকি বহে লোচনে লোর ॥
 উচ কুচ কাজরে হারে উজোর ।
 ভীগল তিলক বসন রুচি মোর ॥
 মিটল অঙ্গ বেশ বহু ধোর ।
 বাসুদেব ঘোষ বহে প্রেম আগোর ॥

এ রকম পদ অনেক উদ্ধার করিবার প্রয়োজন নাই, কিন্তু এই সকল পদ হইতে রাখাক্ষের প্রেমের ও গোপী-দিগের তন্ময়তার আধ্যাত্মিক অর্থ কিছু বুঝিতে পারা যাইবে। এইরূপ গূঢ় অর্থপূর্ণ একটি পদ উদ্ধার করিয়া কান্ত হইব।

নাচত গৌরবর রসিয়া ।

প্রেম পরোধি অবধি নাহি পাওত

দিবস রজনী ফিরত ভাসি ভাসিয়া ॥

সোঙরি বৃন্দাবন খাস ছাড়ে ঘন ঘন

রাই রাই বোলে হাসি হাসিয়া ।

নিজ মন মরম তরম নাহি রাখত

ত্রিভঙ্গ বাজাওত বাঁশিয়া ॥

মস্ত সিংহসম ঘন ঘন গরজন

চঞ্চল পদ নখ শশিয়া ।

কটিতটে অরুণ বরণ বর অঘর

খেলে উড়ত পড়ত খসিয়া ॥

পুলকাঙ্কিত সব গৌর কলেবর

কাটত অখিল পাপ পুণা ফাসিয়া ।

ধরনী উপর ক্ষণে নৃষ্ঠত বৈষ্ঠত

রামানন্দ তর লাগিয়া ॥

ভণিতাশূন্য পদ

বৈষ্ণব কাব্যের সঙ্কলন গ্রন্থে ভণিতাশূন্য অথবা অসম্পূর্ণ পদ কতকগুলি পাওয়া যায়। ভিন্ন ভিন্ন সঙ্কলন গ্রন্থ একত্র করিয়া মিলাইলে কতকগুলি পদ সম্পূর্ণ হয়, কতকগুলির ভণিতাও পাওয়া যায়, কিন্তু অবশিষ্ট যে আকারে আছে, সেই আকারেই থাকে। ইহার মধ্যে কয়েকটি পদে ভাবের ও ভাবের বিশেষ কৌশল আছে। দৃষ্টান্তরূপ কয়েকটি উদ্ধৃত করিতেছি। কয়েকটি দান-লীলার আছে,—

ওহে নাগর কেমনে তোমার সঙ্গে

পিরীতি করিব ।

সোনার বরণ তনুখানি মোর

ছুঁইলে বদন আছে তব ॥

তোমার গলায় গুঞ্জা মালাগাছি

আমার গলায় পঙ্কমতি ।

নিকড়ে বনের ফুলে চুড়াটি বান্ধিয়া আহ

ময়ূরপুচ্ছ তার সাথী ॥

মণি মুকুতার নাহি আভরণ

সাজনী বনের ফুলে ।

চুড়াটি বেড়িয়া ভ্রমর গুঞ্জরে

তাঁহে কি রমণী তুলে ॥

কি জানি কি ক'রে রাখালে তুলাইয়া

আইলা কোন্ বনে ধুইয়া ॥

আমরা রাখাল নই চতুর সমাজে রই

তুলাইবা কি বলিয়া ॥

ছুঁইলে বদন আছে তব, অর্থ, তোমার কি ছুঁইবার মুখ আছে? নিকড়ে শব্দের ব্যবহার এখন নাই, কিন্তু অর্থ বেশ সুসঙ্গত, কপর্দকশূন্য। * রামেশ্বর ভট্টাচার্য্যের শিবায়ন বাঙ্গালা ভাষায় শব্দ প্রয়োগের একটি আদর্শ গ্রন্থ। তাহাতে আছে,—

চঃখিনী দেখিতে নারি নিকড়ে নাগর । †

আর একটি পদে শব্দের তীব্রতা আরও বেশী,—

কানাই কত করকাহ বুল ।

দানী হৈয়া সে যে জন বৈসয়ে

তার ধরম গুণা মূল ॥

আছে মেনে তোমার টাচয় কেশ

টানিয়া বান্ধিছ ভালে ।

তাহার উপরে শিখি পাখের পাখা

জড়ান বকুল ফুলে ॥

এ তাড় তোড়ল বলয় ঘাঘর

ইথে আছে বৃষ্টি তাড়া ।

নন্দরাজ ঘরে নবনী খাইয়া

হৈয়াছ উদাস বাঁড়া ॥

অহঙ্কারে কিংবা ঠাংকারে করুকে যাওয়া এখনও চলিত কথা, চুল করুকাইয়া অর্থাৎ মাথা নাড়িয়া গর্ভ প্রকাশ করা সেই রকম। অলঙ্কার ভাড়া করা, এ বিক্রম বড় মর্শ্বস্বাতী। আর দুর্দান্ত যুবকের সহিত উদ্ধার বাঁড়ের তুলনা এখনও লুপ্ত হয় নাই।

* নিকড়ে বনের ফুলে, যে বনের ফুল কিসিতে কড়ি লাগে না ।

† নিকড়ে, অর্থপূর্ণ নাগর ।

আর একটি পদে ব্যঙ্গ ও কপট শাসন মিশ্রিত,—

ছাড় ওহে কানাই কিবা রঙ্গ কর ।
 যার বাতাস নিতে না পাও তার করে ধর ॥
 এখনি মরণ হউক এ ছিল কপালে ।
 বৃষভাসুতা তহু ছুঁইলে রাখালে ॥
 একে সে তোমারে ভাল না বাসে কংসাসুর ।
 এ বোল শুনিলে হৈবে দেশ হৈতে দূর ॥
 কে তোমার বিষয় দিল ফেল দেখি পাটা ।
 তুমিও নূতন দানী আমরা নহি টুটা ॥
 থাকিয়া খাইবা যদি যমুনার পানি ।
 গোপীগণে না রাখিহ না হইও দানী ॥

থাকিয়া খাইবা যদি যমুনার পানি, অর্থাৎ যদি বৃন্দা-
 বনে বাস করিবার ইচ্ছা থাকে, তাহা হইলে গোপীগণের
 পথ রোধ করিও না, দানী সাজিও না ।

আর একটি হোলির পদ,—

ব্রজকে চেটনা * খেলত হোরি ।
 সঙ্গি গোকুল বাল বিভোরি ॥
 বাটহি বাটহি ধরই আগোরি ।
 আবিয় গুলাল রচই ঝকঝোরি ॥
 কেশর কুকুম গোলাল কি রঙ্গ ।
 ভরি পিচকারি ভিগত অঙ্গ ॥
 শ্যামসুন্দর মনমোহন রায় ।
 সহচর সঙ্গি ফাগু খেলায় ॥

[ক্রমশঃ ।

শ্রীনগেন্দ্রনাথ গুপ্ত ।

* চেটনা,—হিন্দী শব্দ, চিট হইতে । অর্থ, নির্ভঙ্ক ও ভয়শূন্য
 কিশোরবরঙ্গ বালক ।

সার্থক

একটি নিমেষও আহা হারায়ে ত যারনি কোথাও,
 বাধা আছে অনন্তের শাস্ত মন-তটে,
 মাস, বর্ষ, যুগ যত কালে কালে হয়েছে উধাও
 অঙ্কিত রয়েছে সবি তাঁর স্মৃতিপটে ।

মাহুষ ভুলেছে বাহা যে কাহিনী নাহি ইতিহাসে,
 যে রাজ্যের কোন চিহ্ন কোথা নাহি পাবে,
 যে নৃপ যারনি রচি শিলালিপি কোন শৈল-পাশে,
 আছে তারা—সবি আছে পরিপূর্ণ ভাবে ।

কত যে বিপ্লব, কত ভাঙাগড়া গিয়াছে ভাসিয়া
 আসিয়া এ ধরণীর আলোড়িত প্রাণ,
 কত না আবর্ত আসি মাহুষের খেলায় নাশিয়া
 ডুবায়েছে কত শিল্প-সাহিত্য-বিজ্ঞান !

আমরা ভেবেছি যারে, সৃষ্টিছাড়া ছন্দমিল-হারা,
 ভাবিয়াছি ছিল না ক যার প্রয়োজন,
 সবি আছে চিরন্তন,—অনন্তের বক্ষে দিয়া সাড়া
 করি দেয় নব নব সৃষ্টি-আয়োজন ।

যা কিছু হয়েছে হবে জগতের আদি-অন্তমাঝে,
 সবি এক বরমাল্যে পুষ্পদল প্রায়
 ত্রিকাল জুড়িয়া সদা মহেশের কণ্ঠ-তলে রাজে,
 আপনি হেরিয়া তোলা বিশ্বয়ে দাঁড়ায় !

শ্রীশৈলেন্দ্রকমার মল্লিক ।

টম্পার পিতৃশ্রদ্ধ

আমাদের Sunday (সন্ডে) সভায় কয়েক জন প্রবল সাহিত্যিক সভ্য আছেন, তাঁরা সাহিত্য নিয়ে বহু অনর্থও ঘটান। যে সব বিষয় চাওয়ানো যায় না—সে সব তাঁরা অনায়াসেই বাগিয়ে থাকেন।

এই সাহিত্য-সভা প্রতি রবিবারে বিভিন্ন স্কোলারের সতীনাথ দেব বৈঠকখানায় বসে। কালাচাঁদ খুড়ো হচ্ছেন এই সভার স্থায়ী সভাপতি। তিনি অশেষ গুণসম্পন্ন বেদাগ কুলীন, উৎকট বর্ণাশ্রমী এবং স্কলার (scholar)। scholar এর অর্থ সম্বন্ধে তিনি বলেন, যেমন “সু” সংযোগে সুব্যবস্থা, সুকোমল, সুপ্রেমিক, সুশোভন প্রভৃতি উঁচু পদ্য উঠে, তেমনি “কলার” আগে s যোগ করে তাকে গৌরব দেওয়া হ’লে—তিনি হন স্কলার (scholar) : আবার ফলারের সঙ্গে বেশ মজে ব’লে উভয়ের এমন সুমিল।

কালাচাঁদ খুড়ো হচ্ছেন কৰ্মকাণ্ডী লোক—অগ্নি-হোত্ৰী, তাঁর পেটে সৰ্ব্বক্ষণই আগুন জ্বলছে। পত্নী বিনা এঁদের ধৰ্মকৰ্ম অচল, তাই বয়সটা তৃতীয়াশ্রমের দিন যেসে এলেও, তৃতীয় পক্ষে ফেসে গেছেন। তবে বুদ্ধিমানদের সুবিধে এই—তাঁরা সব দিক বজায় রাখবার রাস্তা বানাতে পারেন। খুড়োও বিবাহ আর বানপ্রস্থ কোনটাই বেহাত হ’তে দিলেন না,—বিবাহটা বনপায়ের ক’রে *খুল্লরায় বনঃ ব্রজেৎ হিসেবে বাস করছেন। সম্প্রতি পরিবারের অরুচিরোগ ধরায়, কলকাতায় বাস নিতে হয়েছে,—কারণ, এখানে অসময়ের জিনিষটিও মিলবে,—ধানিলক্ষার আচার, চন্দনের মোরঝা, চরণা-মুতের কুল্পী, মায় মহাপ্রসাদের চপ। এ ক্ষেত্রেও তিনি বানপ্রস্থ বজায় রেখেছেন—হাতীবাগানেই থাকেন। বলাই নিম্নয়োজন যে, হাতীরা বনেই থাকে। জুতো (যুথ) ভ্রষ্ট হবার ভয়ে টোটকা হিসাবে জুতো জোড়াটি বরেনই রেখে আসেন। এই সব শক্ত সমস্তার সহজ মীমাংসা করতে পারেন বলেই—তিনি Sunday সভার স্থায়ী সভাপতি।

সতীনাথ আর বরজামাই বিলাসবন্ধু এই দুই সাহিত্যিক গল্প লিখতে লিখতে উপভাসে উপস্থিত হয়েছেন,

অধুনা নতুন plot (প্লট) পাচ্ছেন না—ছটকট ক’রে বেড়াচ্ছেন,—স্বস্তি নেই! গত সভায় তাঁরা সভার সাহায্য প্রার্থনা ক’রে বলেন—plot (প্লট) পেলে তাঁরা চট পূজার পূর্বেই সচিত্র, সুদৃশ্য, বুকফাটা বই বাজারে হাজির ক’রে সাহিত্য-ভাণ্ডার ভরে দিতে পারেন। কিন্তু সাহিত্যিক সফরীদের দোরাত্তো plot (প্লট) তলাতে পায় না। খুড়ো সেবার দয়া ক’রে পতিতাদের দিকে ইঙ্গিত করেছিলেন : তাতে উপভাস বেশ ঘোরালো হয়েও আসছিল। এমন সময় দেখি, বছর না ঘুরতে হঠাৎ তারা promotion (প্রোমোশন) পেয়ে কেউ পুলোমা কেউ লুকেশিয়া দাড়িয়ে গেছে।

বরজামাই বললেন—“সাহিত্যিকদের ধরচের ঝাঁকুতি-তেই খেয়েছে! Brotherদের (ব্রাদারদের) দোষ দিতে পারি না—গবেষণার ল্যাবরেটরী (Laboratory) রাখা ত সোজা নয়। যাক—এখন আমাদের একটা উপায় নিবেদন করুন,—যত ব্যানার্জি, মুখার্জি, ভট্টাচার্জিদের উৎপাতে এনার্জি (Energy) আর থাকছে না।”

অন্ততম সভ্য মাষ্টার বললেন—“আমি বলি কি, তোমরা “স্বরাজ” সব্জেক্টে শুরু কর না, তা হ’লে নতুন—”

বরজামাই বিলাসবন্ধু বিরক্তভাবে বললেন—“মাষ্টার, খামো—মিছে vex কোরো না, এ তোমার algebra নয় যে X লাগালেই ফতে। এ সবু কঠিন মনুষ্যের কথা।”

যাক, এপ্রটা শেষ সভাপতি খুড়োর কাছেই পৌছে গেল। তিনি বললেন—“পতিতা-সমস্তা এখনও যথোচিত ঝাঁটা হয়নি। তাঁদের সতীতা দেখাবার সকল দিক এখনও ফুরিয়ে ফেলাও হয়নি। তবে ঐ যে স্বরাজের কথা বললে, ওতে আমি নারাজ ; তার কারণ, আমাদের রাজের অভাব নেই, বরং “অরাজ” হ’লে গড়বার পথ বেরোয়। সিরাজ ছিলেন, ইংরাজ রয়েছেন, কবিরাজ বহৎ, বাতুরাজ গায়ে গায়, ধিরাজ, অধিরাজ, দেবরাজ, গন্ধরাজ, সরফরাজ, হংসরাজ, পশুরাজ,—এ সব

আছেনই। পক্ষিরাজ যথেষ্ট, ভোজরাজ আছে বিস্তর। রাজের কর্দ আমাদের দরাজ রয়েছে। এর ওপর আবার স্বরাজ সামলার কে বল!”

“তবে ধর্মক্ষেত্র কুরুক্ষেত্র অপেক্ষা সাহিত্যক্ষেত্রটি ছোট নয়, এর দায়িত্ব বছর বছর বেড়ে চলেছে। মাসিক-গুলির পাতা ওলটালেই পাত্তা পাবে, ‘পতিভারা’ না ফুরতে ফুরতেই ‘অন্ধেরা’ দেখা দিয়েছে। এরা এত দিন পোলের মুখে আর গির্জের কটকেই থাকতো। মাসিকে চুকে মনুষ্য আর মনুষ্য ছুই বেশ ফলাও হবার Field পেয়েছে। এখন অন্ধের যারগার ‘খঞ্জ’ খাড়া ক’রে দেখদিকি বাবাজীরা, ফলটা কেমন দাঁড়ায়! আমার বিশ্বাস—খঞ্জরা না দাঁড়াতে পারলেও, ফলটা ভালই দাঁড়াবে। অন্ধদের হাত ধ’রে নে যেতে হয়, খঞ্জদের কাঁধে করতেই হবে, সুতরাং অন্ধর চেয়ে খঞ্জ উঁচু চলবেই। আমার দৃঢ় ধারণা—উতরে যাবে, আর উপহারেই উঠে যাবে। ‘সর্কস্বয়ং সংরক্ষিত’ লিখতে ভুল না বাবাজি!”

মাষ্টার বললেন—“খঞ্জরা যদি দেড় মণের বেশী ভারি হয়,—চাগাবে কে?”

বিলাসবন্ধু মুখভঙ্গী ক’রে বললে—“বোঝ না সোজ না, বেমকা বাধা দিও না। চাগাবার জন্তে তোমাকে ত’ কেউ ডাকতে যাবে না। যে চাগাবে, আর যারে চাগাবে, তাদের গড়ন ত আমাদের কলমের মুখে।”

কালচাঁদ খুঁড়ো বললেন,—“থাক’ও সব। কিন্তু কোন্ ভারিয়ার লিখবে? বাঙ্গালা ভাষা ত আমাদের দেখতা চতুর্মুখ হয়ে ব্রহ্মার দাঁড়িয়েছে, ক্রমে দশাননে দাঁড়ানো বিচিত্র নয়। বিজ্ঞানাগর, বহুমচন্দ্র, আর পূর্কের রবীন্দ্রনাথ এঁদের ভাষার আশা আর রেখো না। অধুনা উকিলী বা জেরা আর সওয়াল জবাবের ভাষা বা বৈঠকী ভাষা! দিব্যি কাটা কাটা বোল—বেশ আড্ডা দেওয়া চল। কেউ কেউ এ ভাষাকে সবুজপত্রী ভাষা বলেন,—সেটা ভুল। এ ভাষা সন্দীপনী মূনির সময় থেকেই ছিল—নতুন নয়। সবুজপত্র মানেই ছিল কলার পাত, আজকাল শিকিতেরা palmটাই (ভাল-পাতা) পছন্দ করেছেন, অথবা তাড়াতাড়িতে

পাততাড়ির ভালপাতাট! প্রতীকরূপে ছেপে কলেছেন। কলাপাতে লেখাটা বাঙ্গালাদেশের প্রাচীন প্রথা। লেখা সবুজে সেইটাই ছিল—খুসখতের খতম,—School Final—হাত পাকানো হিসেবে তার মূল্য যথেষ্টই। আমি অতর দিচ্ছি—তোমরা সবুজ পথই ধরো বাবাজী, ভাষা বেশ ঝরঝরে হবে। বড় বড়রা যখন ঐ পাততেই লিখছেন, তখন ওর মার নেই, ও—সার হবেই হবে। হাজার কাপি কাটাতে পাবলিশারকে ব্যাজার হ’তে হবে না।”

মাষ্টার ব’লে উঠলেন—“বিক্রীটাই কি তবে বই লেখার উদ্দেশ্য?”

ঘরজামাই বিলাসবন্ধু বেজায় হ’টে বললেন—“নাঃ—তা কেন! ভিটের যে দেড়খানা ঘর এখনও খুঁকে আছে, তাদের ঠেঁশে আ-কড়ি ভরাট ক’রে রাখাই বই লেখার উদ্দেশ্য, কড়িতে আর বাঁশের চাড়া দিতে হবে না। আর নিজেরা উঠোনে open airএ (খোলা হাওয়ার) লাউমাচার নীচে দিব্যি আরামসে শোয়া!”

মাষ্টার চূপ ক’রে থাকতে পারেন না, সকল বিষয়েই তাঁর কিছু বলা অভ্যাস। তিনি ছ’বার কেসে ইঁটা বাগাচ্ছেন, ঠিক সেই মুহূর্তে চোকাঠে এক অদ্ভুত চেহারার আবির্ভাব হ’ল। তার বয়সটা হবে ২২।২৩, বড় বড় চুলগুলি কুরু উসকো-খুসকো হ’লেও টেরি-টোড়া মারেনি। চোখে সোনার চশমা, পরনে ইঁটু বহরের খন্দর, আছড় পা, গলার অর্ধাৎ বুকে পিঁঠে ট্যাডচা ধরণে—সাত রংয়ের সিন্ধের চৌখুপি উত্তরীয়! কোন খোপে সোনার জলে লেখা—“পতিভার আসন,” কোন খোপে “সতীসোধ,” কোনটার “ফুটপাথে পাওয়া,” কোনটার “ঘরে না পথে” ইত্যাদি ইত্যাদি। ছোকরা সবিনয়ে হাত জোড় ক’রে বললে, “আমি ‘ভাগ্যহীন’ পিতৃদায়গ্রস্ত, তাঁর উর্দ্ধদৈহিক উপারার্থে আপনাদের দ্বারস্থ হয়েছি।”

সকলে মুখ চাওরা-চাওরি করুছি, সত্য “গররাজি” তারা বললেন, “ধারা যরতে হবে ব’লে এক দিনও ভাবেননি—আমাদের এখানে এমন সব বড় বড় রাজা, মহারাজা, রায় বাহাদুর সকালে,-বিকালে, অকালে রাজ-কালে-মরেছেন; তাঁদের যোগ্য, অযোগ্য, সুযোগ্য

কোন ছেলেকেই ত কিংখাপের কাছা চড়াতে দেখিনি। তুমি দেখছি তা'দের উঁচিরে উঠেছ,—আবার সাহায্য-ভিক্ষা কি রকম ?”

আগন্তুক ছোকরা বললে, “সনাতন নিয়মত আমি দ্বারস্থ হয়েছি, এই কথাই জানিয়েছি”—

গরুরাজি ভায়া ছিলেন তিরিকি মেজাজের সভ্য—একটি জীবন্ত negative plate, তিনি বললেন, “ভাগ্য-হীন অবস্থায় লোক আত্মীয়-স্বজন আর জাতি কুটুম্বেরই দ্বারস্থ হয়।

আগন্তুক বললে, “আজ্ঞে, বাঙালী দেশের স্ত্রী-পুরুষ, বালক-বৃদ্ধ জাতিধর্ম নির্কিশেবে যে আমার আপনায় জন—”

কালচাঁদ খুড়ো চূপটি ক'রে শুনছিলেন; বললেন, “উনি ভাগ্যহীন হলেও বাক্যহীন ত নন; আমাদের সাড়ে তিন নম্বরের নিয়মটা ভুলে যাচ্ছ কেন বাবাজি? আগে পরিচয় নিয়ে তবে কথা কইবে,—সময়টা সোজা নয়! শুনিয়ে দাও ত ছোকরা।”

আগন্তুক বললে, “আমাদের বাস্তবিত্বে এই কল্-কেতাতেই। আমার নাম ‘টল্ল।’ পিতার নাম “গল্প।”

মাষ্টার চম্কে উঠে বললেন, “খ্যা—তিনি গত হলেন কবে? আ হাঃ—হাঃ! কি হয়েছিল?”

টল্ল। আজ্ঞে, বয়স হয়েছিল, তার ওপর ও-সব সহাবে কেন! আগাগোড়া জোড়া জোড়া দীর্ঘশ্বাস, চোখ পড়লেই প্রণয়, আবার সতীসাক্ষী পতিভারা জুটলো। সহাবে কেন? ছিল আমানি খাওয়া খাত, কিন্তু যখন তখন সব চা খাওয়াতে শুরু করলে। শেষ যেটুকু ছিল, মোটরে ঘুরিয়েই ফুরিয়ে দিলে। এত উপদ্রব এক জনের ওপর—গরীব দেশে গাড়ী-বারান্দা বানাতে বানাতে আর এলবন্ গোছাতে গোছাতে একদম সাবাড়—”

মাষ্টার। আহা, তাঁর এক প্রকার অপবাতই হ'ল!

আগন্তুক। আজ্ঞে, তা' না ত আর কি! প্রমাণও ত পাচ্ছি। মইলে আজকাল মাসিকে গল্প দেখলে মেয়ে-পুরুষে . ভয় পাবেন কেন? সকলেই বলছেন,

নামধার বদলানো সেই একই মূর্তি, একই সুর। কারুর দেখা প্র্যাটকরুমে, কেউ দেখেছেন বোটামিকলে, কেউ বিতলের দক্ষিণ বাতায়নে, কেউ চলন্ত মোটরে, কেহ বা ধিয়েটারের কি বারকোপের বাস্কে। বিভিন্ন পোষাকে সেই একই মূর্তি। ভূত না হ'লে একা এত ব্যয়গায় কি কেউ একই সময়ে দেখা দিতে পারে, না কেউ দেখতে পার? .

মাষ্টার। তা ত বটেই, তা হ'লে গল্পের গরী দেখছি।

আগন্তুক। আজ্ঞে, ওই ত শেষ দাঁড়ালো—

অল্প সভ্য বেকার বেণী সরকার বললেন, “এটা কি আগে কিছু বুঝতে পারনি, বাবাজি?”

টল্ল। ও বয়সে তাঁর পোষাক-পরিচ্ছদে খুব কোঁকটা পড়েছিল বটে। ভেতরটা যত খেলো মার-ছিল, ওপরটার ততই কিংখাপ চড়াচ্ছিলেন। তাতে বাবা বেগড়াচ্ছেন ব'লে একটু সন্দেহ যে আসেনি, তা নয়। তবে বাহু সম্মুখে টাকাটা বেশ টামতে লাগলেন দেখে, চোখ বুজেই ছিলুম।”

মাষ্টার একটা বড় কিছু বলবার কঁাক খুঁজছিলেন। চট গলা বাড়িয়ে শুরু করলেন, “এতে তাঁর বিচক্ষণতারই পরিচয় পাওয়া যায়, moral একটু বেগড়ায় . বটে। ইংলণ্ডের এক জন নামজাদা author (লেখক) বলে-ছেন,—“A thief in fustian is a vulgar character, scarcely to be thought of by persons of refinement, but dress him in green velvet with a high-crowned hat * * * and you shall find in him the very soul of poetry and adventure.”

টল্ল। উত্তম করেছেন, কিন্তু বেশী দিগ চলে না। তাই লম্বাটালপি হঠাৎ মলাট্ হুঁড়ে দেখা দিলে। আমি কাঁদতে লাগলুম। বাবা বললেন—“আজ কাঁদছি কি, মরেছি কি আমি আজ! কেবল ভূত হয়ে বেড়াচ্ছিলুম। এই মহালয়ার আঁকটা সেয়ে—গরায় যা,—য়েলে concession (কনসেসন্) পাবি!” বললুম—“তা হ'লে বেগল্লের দক্ষি গরী হয়ে যাবে!” বাবা বললেন—“তা কি হয় রে পাগল, কারবার যেমন

চলছিল, তেমনিই চলবে। অর্থাৎ লোকে চাইবে 'গল্প'—মালে মিলবে 'টল্ল'। এই বা। বিষের ব্যবসাও চলে রে!"

সতীনাথ সাগ্রহে জিজ্ঞাসা করলে—“আচ্ছা, এর সঙ্গে উপক্ৰাসের কোন সম্পর্ক নেই ত?” ঘরজামাই মুসড়ে আসছিল, উত্তরটা শোনবার জন্তে গলা বাড়ালে।

টল্ল বললে—“বাবাই ব'লে গেলেন—দাদারও আর বেশী দিন নয়, তাঁকেও রোগে ধরেছে,—বৈজ্ঞানের ব্যবস্থার রয়েছে। তাঁরা বা আভাস দিচ্ছেন, তাতে বুঝতে হয়—তিনি খাস টানছেন; 'টুপক্ৰাস' বাবাজিই তাঁর কাষ চালাচ্ছে। দাদাকে বিলিতি রোগে ধরেছে—

“বাক্ আমার যে কাষের জন্তে আসা,—বাবালা দেশের স্বী পুরুষ ছেলে বুড়ো, সকলেই বাবাকে চাইতেন, এই ভাগ্যহীনও যেন আপনাদের সেই ভালবাসা হ'তে বঞ্চিত না হয়—এই আমার বিনীত প্রার্থনা। আমি অনেক রকম দেখাবো।

“আমার দ্বিতীয় আর অদ্বিতীয় প্রার্থনা এই যে, শ্রাব-দিবসে আপনারা নিজের নিজের মানস্ক্রিপ্ট (পাণ্ডুলিপি) নিয়ে মদীয় মঞ্চে উপস্থিত হয়ে—পিতার প্রেতহ-মোচনকালে সেই সব 'বিরাট' পাঠ করেন। এইটি আমার একান্ত অনুরোধ। তা হলেই তাঁর দ্রুত উদ্ধৃগতি অবশ্যস্বাভাবী। কারণ—বাবালা বিখ্যাত রোজা গঙ্গা-ময়রা ব'লে গেছেন—যে কোন ভূত তাড়াবার অমন অমোঘ উপায় আর নাই। খসড়ার তাড়া দেখলে আর তা শুনতে হবে শুনলে এমন অবয়ব ভূত জন্মাননি যিনি ছুটে পালান না।”

ঘরজামাই একটু স্বর নামিয়ে বললেন—“সেখানে তোমার টুপক্ৰাস ভারী সঙ্গে আমাদের সাক্ষাৎ হতে পারে ত? তাঁর সঙ্গে অনেক কাজের কথা আছে।”

টল্ল বললে—“উত্তম কথা, আমি নিজেই introduce ক'রে (পরিচয় করে) দেব, ভারী আনন্দ হবে—তিনি আবার থাকবেন না! ওঃ, এমন এমন প্রট্ শোনাবেন, তাক্ হয়ে থাকবেন। আজ সকালে মুরারি বাবু এসে-ছিলেন, প্রট্ প্রট্—ক'রে পাগোল। প্রট্ ত বলেই দিলেন, আবার উপক্ৰাসের নাম রাখতে বললেন—‘হাওদা।’ আহা, যেমন Sweet (মধুর), তেমনিই শ্রুতি সুখকর। নামেই লেখক উদ্ধার হয়ে যায়।”

ঘরজামাই ব'লে উঠলেন—“উঃ, এমন নামটা হাত ছাড়া হয়ে গেল! ও রকম আরও অনেক আছে বোধ হয়?”

“চের”—

“তবে জেনেই রাখ, আমি আর সতীনাথ তে' বাবই”—

“শুনে বড় খুসী হলুম। যাবেন বই কি”—

খুড়ো ধীরভাবে বললেন—“বৃষোৎসর্গ-টর্গ নেই ত?”

“স্থানাভাব ব'লে সে সঙ্কল্প ছেড়ে দিয়েছি”—

খুড়ো তখন ঢালাও ভাবে বললেন—“তা হ'লে Sunday (সন্ডে) সতীর সভোরা নির্ভয়ে যেতে পারে, এবং বাবেও।”

টল্ল খুসী হয়ে গেল। সেদিনকার সত্যও ভঙ্গ হ'ল।

শ্রীকেশবনাথ বন্দ্যোপাধ্যায়।

রাস-লীলা

হেমন্ত পূর্ণিমা নিশি, চন্দ্রমা-কিরণ
এলায়ে পড়েছে যেন যমুনার বুকে,
অফুরন্ত-পুষ্প-গন্ধ বহে সমীরণ
ভ'রে গেছে দশ দিক অপূর্ণ কোতুকে।
উছল-কালিন্দী-কূলে নিকুঞ্জ-আলয়ে
বাজিয়া উঠিল বুঝি শ্রামের বাশরী,—
মিলিবারে শ্রাম সনে আকুল হৃদয়ে
ছুটিল অসংখ্য ব্রজ-গোপিকা সুলক্ষী।

কি অপূর্ণ প্রেম-লীলা হে ব্রজ-রঞ্জন!
লক্ষ শ্রাম খেলিতেছে লক্ষ গোপী সনে;
এ যেন অনন্ত এক দম্পতি-মিলন
অনন্ত কালের তরে অনন্ত বন্ধনে।
এক দেহ দুই হয়ে যুগল মিলনে
চির-রাসে এস শ্রাম, হৃদি-বৃন্দাবনে।

শ্রীপ্রসাদকুমার রায়।

কাশ্মীরের মহারাজা



ঝিলাম

যিনি মানব-চরিত্র নখদর্পণে দেখিতেন, সেই বিশ্বকবি সেক্সপীয়ার বলিয়াছেন - মানুষ যে কিছু অন্বেষণ করে, তাহারই স্মৃতি তাহার মৃত্যুর পরও থাকিয়া যায়; তাহার কৃত সংস্কারের কথা অনেক সময়েই শবের সহিত বিনুপ্ত হয়। কাশ্মীরের মহারাজা সার প্রতাপ সিংহের ভাগ্যে কিন্তু এই নিয়মের ব্যতিক্রম হইয়াছে। তাঁহার জীবিতকালে যে ইংরাজ তাঁহাকে শত্রু ও ষড়যন্ত্রকারী বলিয়া লাঞ্ছিত করিয়াছিলেন—তাঁহাকে রাজ্যপরিচালনভার ত্যাগ করিতে বাধ্য করিয়াছিলেন, তাঁহার মৃত্যুর পর সেই ইংরাজই তাঁহাকে পরম মিত্র ও রাজ্যের সুশাসক বলিয়া অভিহিত করিয়াছেন!

সার প্রতাপ সিংহের রাজত্বের ইতিহাস সত্য সত্যই উপন্যাসের মত বিশ্বম্বকর এবং সে ইতিহাস পাঠ করিলে

এ দেশে দেশীয় রাজত্বগণের অবস্থার স্বরূপ সপ্রকাশ হয়। তাঁহার রাজত্বকালে কাশ্মীর দরবারে যে নাটকের অভিনয় হইয়াছিল, তাহার শেষ অঙ্কে ষবনিকা-পাত হইল এবং সে নাটকের অভিনয়ে যাহারা যোগ দিয়াছিলেন, তাঁহাদের মধ্যে প্রধান পাত্রগণ আজ সকলেই মৃত। আজ আমরা সে নাটকের ঘটনার পরিচয় প্রদান করিব।

কাশ্মীরের বর্তমান রাজবংশ ইংরাজের অনুগ্রহে রাজপদে প্রতিষ্ঠিত। কাশ্মীরের পুরাতন ইতিহাস প্রধানতঃ চারি ভাগে বিভক্ত—(১) 'রাজতরঙ্গিনী' নামক ঐতিহাসিক গ্রন্থে বর্ণিত হিন্দু রাজত্বকাল, (২) "সলা-তিনী কাশ্মীর" অর্থাৎ কাশ্মীরী মুসলমানদিগের প্রভুত্বকাল, (৩) "পাদশাহী-ই-চঘটাই" বা "সাহান-ই-

মোঘলিয়া” অর্থাৎ মোঘল বাদশাহদিগের সময়, (৪) “সাহান-ই-ছুরাণী” অর্থাৎ পাঠানদিগের প্রভুত্ব-সময়। কাশ্মীরের ইতিহাসে যেমন, ইহার অঙ্গেও তেমনই এই কয় কালের চিহ্ন বিদ্যমান। ‘মার্ত্তণ্ড’ মন্দিরের ও অবন্তীপুরের মন্দিরের ভগ্নাবশেষে যেমন হিন্দুদিগের, দুর্গাদিতে তেমনই মুসলমানদিগের কাশ্মীরে প্রভুত্ব-কালের চিহ্ন রহিয়াছে—সে সব পবনের হিল্লোলেরই মত নিশ্চিহ্ন হইয়া মিলাইয়া যায় নাই। কাশ্মীরের পুরাতন ইতিহাস পাঠ করিলে তাহা জানিতে পারা যায়। *

বর্তমান রাজবংশ অমৃতসরে ১৮৪৬ খৃষ্টাব্দে (১৬ই মার্চ) ইংরাজের সহিত সন্ধির চুক্তি-ফলে সৃষ্ট। মহারাজা গোলাব সিং এই বংশের বংশপতি। গোলাব সিং যৌবনে “পঞ্জাব-কেশরী” রণজিৎ সিংহের প্রিয়-পাত্র জমাদার খুশল সিংহের সেনাদলে অশ্বারোহী সৈনিক ছিলেন। স্বীয় প্রতিভাবলে তিনি অল্পদিনের মধ্যেই নায়ক হয়েন এবং রাজওড়ের সর্দার আগর থাকে বন্দী করিয়া স্বীয় কৃতিত্বপরিচয় প্রদান করেন। সেই কার্যের পুরস্কার-স্বরূপ তিনি পুরুষামুক্রমে জম্মুর সর্দারপদ লাভ করেন। তখন তিনি জম্মুতে বাইয়া বাস করিতে আরম্ভ করেন এবং নামে লাহোর দরবারের, কিন্তু প্রকৃতপক্ষে নিজের জন্ত, জম্মু শাসন করিতে থাকেন এবং অল্পদিনের মধ্যেই নিকটবর্তী রাজপুতদিগের উপর প্রভুত্ব বিস্তার করিয়া লাভক জয় করেন। রণজিৎ সিংহের নানা ক্রটি সত্ত্বেও তিনি গৃহীত উনবিংশতি শতাব্দীতে সর্বশ্রেষ্ঠ ভারতীয় বলিয়া অভিহিত হইয়াছেন—তিনি একটি সাম্রাজ্য গঠিত করিয়াছিলেন। † কিন্তু তিনি উপযুক্ত ভাবে সে সাম্রাজ্য রক্ষার ব্যবস্থা করিয়া বাইতে

পারেন নাই। সেই জন্ত তাঁহার মৃত্যুর সঙ্গে সঙ্গে চারি দিকে ষড়যন্ত্র ও বিশৃঙ্খলা আত্মপ্রকাশ করিল— তাঁহার সামন্তদিগের মধ্যে কেবল—“শশান-কুকুরদের কাড়াকাড়ি রব” ক্রত হইতে লাগিল। তথাপি তাঁহার সেনাদল পঞ্চদশ বৎসর পরেও ইংরাজের শৃঙ্খলাবদ্ধ সেনাদলের সহিত সংগ্রামে প্রবৃত্ত হইতে পারিয়াছিল এবং জয়লাভও যে করিতে পারে নাই, এমন নহে।

রণজিতের মৃত্যুর পর বিশৃঙ্খলার সময় চতুর গোলাব সিং নিজ রাজ্য সুশাসিত করিয়া লইয়াছিলেন। তখন শিখ দরবারেও তাঁহার প্রভুত্ব ও প্রতাপ অসাধারণ।



মহারাজা গোলাব সিং

সামন্তদিগের মধ্যে ষড়যন্ত্রের ফলে কেহ বন্দকের গুলীতে, কেহ তরবারির আঘাতে, কেহ বা বিষপ্রয়োগে নিহত হইয়া-ছিলেন। নর্তকী বিন্দন মহারাজী হইয়া তাঁহার ব্রাহ্মণ উপ-পতি লাল সিংহকে উজীর ও তেজ সিংহকে সেনাপতি করা-তেই গোলাব সিং হুঙ্কার-ছিলেন—কণ্টকের দ্বারা কণ্টক উদ্ধার করিতে হইবে। তিনি সকল পক্ষকেই সন্তুষ্ট রাখিয়া স্বয়ং অর্ধ সংগ্রহ করিতে

লাগিলেন। তিনি জানিতেন, শিখরা ও শিখ সেনাদলে হিন্দুস্থানীরা ইংরাজ-বিষেধী। তাই তিনি ইংরাজের সহিত যুদ্ধের আয়োজন করিলেন। তিনি জানিতেন, রণজিৎ এক দিন ভারতবর্ষের মানচিত্রে রক্তবর্ণে রঞ্জিত ইংরাজাধিকৃত স্থানগুলি দেখিয়া বলিয়াছিলেন, এক কালে “সব লাল হো যাবেগা”—অর্থাৎ সমগ্র ভারত ইংরাজের করতলগত হইবে। তিনি স্থির করিলেন, যুদ্ধের পর তিনিই মধ্যস্থ হইয়া সন্ধির ব্যবস্থা করিবেন এবং ফলে উভয় পক্ষের কৃতজ্ঞতা ও পুরস্কার লাভ করিবেন।

চতুর গোলাব সিং বাহা মনে করিয়াছিলেন, তাহাই হইল। সোবরাওণের যুদ্ধের পর তিনিই মধ্যস্থ হইয়া সন্ধি করাইয়া দিলেন এবং সেই সন্ধির সর্ত্তে লাহোর

* The Valley of Kashmir—Lawrence.

† The Punjab in Peace and War—Thorburn.

দরবার ১ কোটি টাকা ক্ষতিপূরণের পরিবর্তে ইংরাজ ইষ্ট ইণ্ডিয়া কোম্পানীকে বিপাসা ও সিন্ধুর মধ্যবর্তী রাজ্যাংশ প্রদান করিলেন। ১৮৪৬ খৃষ্টাব্দের ৯ই মার্চ তারিখে এই সন্ধি হইয়া যাইবার পর ১৬ই মার্চ গোলাব সিংহের সহিত ইংরাজের সন্ধি হইল এবং তিনি পুরস্কারস্বরূপ ৭৫ লক্ষ টাকা মূল্যে কাশ্মীর রাজ্য লাভ করিলেন। কোন কোন ইংরাজ এই ব্যবস্থা ভারতে ইংরাজ-শাসনের কলঙ্ক বলিয়া বর্ণনা করিয়াছেন। *

গোলাব সিংহের সহিত ইংরাজের সন্ধির সর্ভগুলি + এইরূপ :—

(১) বৃটিশ সরকার মহারাজা গোলাব সিংহকে ও তাঁহার ঔরসজাত পুত্রাদি বংশপরম্পরাকে স্বাধীনভাবে ভোগ-দখল করিবার জন্য সিন্ধুদের পূর্বে ও রাবী নদীর পশ্চিমে অবস্থিত সমগ্র পার্বত্যপ্রদেশ হস্তান্তরিত করিয়া দিলেন। লাহোল যেমন এই হস্তান্তরিত ভূভাগের অন্তর্গত হইবে, চাম্বা তেমনই ইহার অন্তর্গত থাকিবে না। লাহোর দরবার ১৮৪৬ খৃষ্টাব্দের ৯ই মার্চ তারিখে লাহোরের সন্ধির ৪র্থ ধারামতে যে রাজ্যাংশ ইংরাজকে প্রদান করিয়াছেন—ইহা তাহারই অংশ।

(২) এই হস্তান্তরিত ভূভাগের পূর্বসীমা বৃটিশ সরকার ও মহারাজা গোলাব সিংহ উভয় পক্ষের নিযুক্ত কমিশনারদিগের দ্বারা নির্দিষ্ট করিয়া দেওয়া হইবে এবং ইহার পর জরিপ শেষ হইলে স্বতন্ত্র দলিলে বর্ণিত হইবে।

(৩) মহারাজা গোলাব সিংহকে ও তাঁহার উত্তরাধিকারীদিগকে এই রাজ্য প্রদান করায় মহারাজা বৃটিশ সরকারকে ৭৫ লক্ষ টাকা (নানকসাহী) প্রদান করিবেন। তন্মধ্যে ৫০ লক্ষ টাকা সন্ধি সন্ধি করিবার সময় ও ২৫ লক্ষ টাকা আগামী ১লা অক্টোবর তারিখের মধ্যে দিতে হইবে।

(৪) বৃটিশ সরকারের সম্মতি ব্যতীত মহারাজা গোলাব সিংহের রাজ্যের সীমা পরিবর্তিত হইতে পারিবে না।

(৫) লাহোর সরকারের সহিত বা কোন প্রতিবেশী

রাজ্যের সহিত তাঁহার কোন বিবাদ বাধিলে বা কোন বিষয়ে মীমাংসা করিতে হইলে মহারাজা গোলাব সিংহ তাহা বৃটিশ সরকারকে জানাইবেন ও সেই সরকারের নির্দ্ধারণ অনুসারে কায করিবেন।

(৬) পার্বত্য প্রদেশে বা নিকটবর্তী স্থানে কখন যুদ্ধ হইলে, মহারাজা ও তাঁহার উত্তরাধিকারীরা আপনাদের সৈন্যসহ ইংরাজের সেনাবলের সহিত যোগ দিবেন।

(৭) মহারাজা বৃটিশ সরকারের সম্মতি ব্যতীত কোন বৃটিশ প্রজাকে বা কোন যুরোপীয় বা মার্কিন প্রজাকে স্বীয় চাকরীতে বহাল করিবেন না—প্রতিশ্রুতি প্রদান করিতেছেন।

(৮) ১১ই মার্চ তারিখে বৃটিশ সরকারের সহিত লাহোর দরবারের যে সব সর্ভ স্থির হইয়াছে, মহারাজা গোলাব সিংহ তাঁহাকে প্রদত্ত ভূভাগ সম্বন্ধে সে সকলের মে, ৬ষ্ঠ ও ৭ম সর্ভ পালন করিবেন।

(৯) বৃটিশ সরকার বহিঃশত্রুর আক্রমণ হইতে রাজ্য রক্ষায় মহারাজা গোলাব সিংহকে সাহায্য করিবেন।

(১০) মহারাজা গোলাব সিংহ বৃটিশ সরকারের প্রভুত্ব স্বীকার করিতেছেন এবং তাহার নিদর্শনস্বরূপ প্রতি বৎসর বৃটিশ সরকারকে ১টি অশ্ব, যাহার লোমেশাল প্রস্তুত হয়, সেই জাতীয় ৬টি ছাগ, ৬টি ছাগী ও ৩ জোড়া কাশ্মীর শাল প্রদান করিবেন—অঙ্গীকার করিতেছেন।

ইহার পর মহারাজা গোলাব সিংহের মৃত্যু হইলে তদীয় পুত্র মহারাজা রণবীর সিংহকে বড় লাট লর্ড ক্যানিং ১৮৬২ খৃষ্টাব্দের ৫ই মার্চ তারিখে লিখেন :—

“মহারানীর (ভিক্টোরিয়া) অভিপ্রায় এই যে, বর্তমানে ভারতে যে সকল দেশীয় রাজ্য আছে, তাঁহাদের সরকার স্থায়ী হইবে ও তাঁহাদের বংশের মর্যাদা অক্ষুণ্ণ থাকিবে। তদনুসারে আমি আপনাকে জানাইতেছি, আপনার বংশে ঔরসপুত্রের অভাব ঘটিলে বংশের রীতি ও কুলপ্রথানুসারে গৃহীত দত্তক-পুত্র ভারত সরকার কর্তৃক উত্তরাধিকারী বলিয়া স্বীকৃত হইবেন। যত দিন রাজবংশ ইংরাজের প্রতি রাজভক্তি-পরায়ণ থাকিবেন ও সন্ধি-সুনন্দাদির সর্ভ অক্ষুণ্ণ রাখিবেন, তত দিন এই সর্ভ ক্ষুণ্ণ হইবে না।”

* India and its Problems—Lilly

† Treaties etc—Aitchison: Vol II

বর্তমান কাশ্মীর রাজ্য ৫টি রাজ্যাংশের সমষ্টি—জম্মু, কাশ্মীর, লাডক, বালটীস্থান ও গিলগিট। সমগ্র কাশ্মীর রাজ্যের এক-সপ্তমাংশ মাত্র প্রকৃত কাশ্মীর। মহারাজা গোলাব সিংহের পূর্বে এইগুলি কখন এক রাজার অধীন ছিল না, পরন্তু নানা ভাগে বিভক্ত হইয়া গিয়াছিল। কাশ্মীর, বালটীস্থান ও গিলগিট মুসলমান শাসনাধীন ছিল। কেবল জম্মু ও লাডক হিন্দুরাজার দ্বারা শাসিত ছিল। খৃষ্টীয় অষ্টাদশ শতাব্দীর মধ্যভাগে চন্দ্রবংশীয় রাজপুত্র রণজিৎ দেব জম্মুর রাজা ছিলেন। তাঁহার ও ভ্রাতার মধ্যে সর্ক-কনিষ্ঠ সুরথ দেব গোলাব সিংহের প্রপিতামহ। রণজিৎ দেবের মৃত্যুর পর অর্ধশতাব্দী কাল রাজ্য বিশৃঙ্খল অবস্থায় ছিল; তাহার পর গোলাব সিংহ তাহা জয় করিয়া লাহোর দরবারের অধীনে দখল করিতে থাকেন। সে ১৮২০ খৃষ্টাব্দের কথা। তাঁহার সেনাপতি জোরাওয়ার সিংহ ১৮৩৫ খৃষ্টাব্দ হইতে ১৮৪০ খৃষ্টাব্দের মধ্যে প্রভুর জন্ত লাডক ও বালটীস্থান জয় করেন এবং ১৮৪৩ খৃষ্টাব্দে কনিষ্ঠ ভ্রাতা সুরচৈত সিংহের মৃত্যুতে তাঁহার অধিকৃত রামনগরও গোলাব সিংহের হস্তগত হয়। তাহার পর গোলাব সিংহ যে ভাবে ইংরাজের নিকট হইতে বর্তমান কাশ্মীর রাজ্য লাভ করেন, তাহা আমরা পূর্বে বিবৃত করিয়াছি।

আমরা ইতঃপূর্বে বলিয়াছি, কোন ইংরাজ লেপক গোলাব সিংহকে কাশ্মীরবিক্রয় ইংরাজের কলঙ্ক বলিয়া বর্ণনা করিয়াছেন। বর্তমান সময়েও বহু ইংরাজ কাশ্মীর পরহস্তগত বলিয়া দুঃখ ও আক্ষেপ করেন। কারণ, মুসলমান ঐতিহাসিক সত্য সত্যই বলিয়াছেন, “কাশ্মীর ভূস্বর্গ”। * এরূপ প্রাকৃতিক সৌন্দর্য্য পৃথিবীর

অন্য কোন দেশে বিরল। মোগল সম্রাটদিগের শাসন-কালে পর্যটক বার্নিয়ার কাশ্মীর দেখিয়া বলিয়াছিলেন— ইহার ভূমি “ইউরোপের ফুলে ও বৃক্ষে মিনা করা।” * মোগল সম্রাটদিগের মধ্যে জাহাঙ্গীরই সর্বাধিক বিলাসী ছিলেন। তিনি কাশ্মীর বড় ভালবাসিতেন। কাশ্মীরের প্রাকৃতিক সৌন্দর্য্যে পরিবেষ্টিত হইয়া তিনি সুরা ও নুরজাহানের সৌন্দর্য্য-সুখা পান করিতেন। গল্প আছে, এক বার রাজকাৰ্য্যে তাঁহার কাশ্মীরে বাইতে বিলম্ব ঘটে, সেই জন্ত তিনি কাশ্মীরে কর্মচারীদিগকে

আদেশ দেন—কাশ্মীরে বসন্ত যেন চলিয়া না যায়। কর্মচারীরা পক্ষত হইতে বরফ আনিয়া প্রান্তরে আস্তরণ রচনা করে। বাদশাহ কাশ্মীরে যাইবার পর সেই আস্তরণ গলিত হইলে তবে কাশ্মীর ফুলে ফুলে ফলনয় হইয়া উঠে। ফুলে, কলে, তরুলতায়, গিরিসৌন্দর্য্যে হৃদের স্নিগ্ধনীলপরিসরে কাশ্মীর অতুলনীয়।

কাগেই এমন “সোনার রাজ্য” পরহস্তগত হইয়াছে বলিয়া আজ ইংরাজ দুঃখ করিতে পারেন। কিন্তু যে সময় গোলাব সিংহকে কাশ্মীর



মহারাজা রণবীর সিংহ

বিক্রয় করা হইয়াছিল, তখন—

(১) ভারতবর্ষে সাম্রাজ্য-বিস্তার করিয়া দায়িত্ব-বৃদ্ধিতে ইষ্ট ইণ্ডিয়া কোম্পানীর মত ব্যবসায়িসমাজের আগ্রহ ছিল না।

(২) তখনও পঞ্জাব লাহোরদরবারের অধিকৃত। বাস্তবিক, শিখদিগের বলক্ষয় করিবার উদ্দেশ্যেই বড় লাট তাহাদের রাজ্যের পার্শ্বে ইংরাজের এই মিত্রশক্তির প্রতিষ্ঠা করিয়াছিলেন এবং দ্বিতীয় শিখযুদ্ধের সময় গোলাব সিংহ শিখদিগকে সাহায্যদানে বিরতও হইয়াছিলেন।

* আইন-ই-আকবরী।

† Travels—Bernier.

(৩) তখন রুসিয়ার ভারতবর্ষ আক্রমণের আশঙ্কা ইংরাজ কর্তৃক করিতে পারেন নাই।

(৪) ইংরাজের তখন অর্থেরও প্রয়োজন ছিল।

ইংরাজের সহিত সন্ধি শেষ করিয়া গোলাব সিংহ যখন কাশ্মীর অধিকার করিতে অল্পসংখ্যক সৈনিক পাঠাইলেন, তখন শেখ ইমাম-উদ্দীন লাহোর দরবারের তরফে তথায় শাসক। তিনি গোলাব সিংহকে কাশ্মীর অধিকার দিতে অস্বীকার করিয়া রাজধানী শ্রীনগরের সান্নিধ্যে তাঁহার সেনাদলকে পরাভূত করেন। তখন বৃটিশ সরকার গোলাব সিংহের সাহায্যার্থ সেনাদল প্রেরণ করেন ও শেষে শেখ ইমাম উদ্দীন কাশ্মীর ছাড়িয়া দেন।

গোলাব সিংহের মৃত্যুর পর তাঁহার পুত্র রণবীর সিংহ রাজ্য লাভ করিলে ১৮৫৭ খৃষ্টাব্দে সিপাহী-বিদ্রোহ হয়। তখন তিনি ইংরাজকে বিশেষ সাহায্য করেন।

১৮৮৫ খৃষ্টাব্দে মহারাজা রণবীর সিংহের মৃত্যু হয় এবং তাঁহার জ্যেষ্ঠ পুত্র মহারাজা প্রতাপ সিংহ রাজ্য লাভ করেন। তখন তাঁহার বয়স ৩৭ বৎসর হইবে। রণবীর জ্যেষ্ঠ পুত্রকে সুশিক্ষিত করিবার জন্ত বিশেষ চেষ্টা করিয়াছিলেন এবং যৌবনে প্রতাপ সিংহ কুপথ-গামী হইলেও পিতার সে চেষ্টা সর্বথা ব্যর্থ হয় নাই। প্রতাপ সিংহ সাহিত্য, আইন ও বিজ্ঞান আলোচনা করিয়াছিলেন। পিতার মৃত্যুর পূর্বেই তিনি সংযত হইয়াছিলেন এবং রাজ্যভার গ্রহণ করিয়াই তিনি সম্পূর্ণরূপে পরিবর্তিত-চরিত্র হইলেন। সার লেপেল গ্রিফিন প্রমুখ ইংরাজরা তাঁহার স্বাধীন নিন্দাবাদ করিয়া তাঁহাকে লোকচক্ষুতে ঘৃণ্য প্রতিপন্ন করিতে প্রয়াসী হইয়াছিলেন।

তিনি নিষ্ঠাবান্ হিন্দু বলিয়া মণ্ডল স্পর্শও করেন নাই; অথচ তাঁহাকে “মণ্ডপ,” “চরিত্রহীন,” “হীনবৃত্তির বশবর্তী” প্রভৃতি বলিয়া বর্ণনা করা হইয়াছিল। কি জন্ত কোন কোন ইংরাজ এইরূপ অসত্য প্রচারে রত হইয়াছিলেন, তাহা পরবর্তী ঘটনায় বুঝিতে পারা যায়।

অল্পদিনের মধ্যেই প্রতাপ সিংহের ঘরে ও বাহিরে প্রবল শত্রু দেখা দেয়। যুবরাজ অবস্থায় তিনি লক্ষ্য করিয়াছিলেন, কাশ্মীরের শাসন-পদ্ধতি ক্রটি-কলঙ্কিত



মহারাজা প্রতাপ সিংহ

হইয়াছে। রাজা হইয়া তিনি সেই সকল ক্রটি দূর করিতে প্রবৃত্ত হইলেন। এই কার্যে তাঁহার ভ্রাতৃঘণ্ড অসাধু কর্মচারীগণের মত তাঁহার শত্রু হইয়া দাঁড়াইলেন। পরলোকগত মহারাজা তাঁহার দ্বিতীয় পুত্র রাজা রাম সিংহকে ও কনিষ্ঠ পুত্র রাজা অমর সিংহকে রাজ্যের কয়টি প্রধান বিভাগের ভার দিয়াছিলেন। প্রতাপ সিংহ তাঁহাদিগকে পদচ্যুত করিতে পারিলেন না। আবার ইংরাজ রেসিডেন্ট হিন্দু-ধর্ম্মানুরক্ত—স্বল্পভাষী মহারাজার পক্ষ না লইয়া তাঁহার সহিত ঘনিষ্ঠতা-স্থাপনপ্রয়াসী রাজভ্রাতা-

দিগের পক্ষ গ্রহণ করিতে লাগিলেন। যে সকল কর্মচারী স্বার্থহানি অনিবার্য্য বুঝিয়া শাসন-সংস্কারের বিরোধী হইলেন, তাঁহারা যে মহারাজার শত্রু হইয়া উঠিবেন, তাহাতে বিশ্বয়ের কোন কারণ নাই।

মহারাজা প্রতাপ সিংহের সিংহাসনে আরোহণ করা হইতেই যে ইংরাজ পূর্বভাবের পরিবর্তন করিলেন, তাহা কাশ্মীরের রেসিডেন্ট নিয়োগেই বুঝিতে পারা যায়। তাহার পূর্বে কাশ্মীরে ইংরাজ রেসিডেন্ট ছিলেন না; ছিলেন এক জন “অফিসার অন স্পেশাল ডিউটি”—

তঁাহার কাষ সত্য সত্যই বিশেষ ভাবের ছিল; কারণ, তিনি বৎসরে ৮ মাস শ্রীনগরে থাকিয়া তথায় সমাগত যুরোপীয়দিগের তত্ত্বাবধান করিতেন, মাত্র। তঁাহার আর একটি কাষ ছিল—তিনি মহারাজার এক জন কর্মচারীর সহিত একযোগে যুরোপীয়দিগের সহিত মহারাজার প্রজাদিগের মামলার বিচার করিতেন। মহারাজার সহিত ভারত সরকারের কোন বিষয়ের আলোচনায় তঁাহাকে মধ্যে রাখিতে হইত না এবং তিনি রাজ্যের কোন কার্যে হস্তক্ষেপও করিতে পারিতেন না। প্রতাপ সিংহ রেসিডেন্ট নিয়োগ ১৮৪৬ খৃষ্টাব্দের সন্ধিসর্ত-বিরুদ্ধ বলিয়া আপত্তি করিলেও ভারত সরকার সে আপত্তি গ্রাহ্য করিলেন না। যদিও গত ৩৯ বৎসরের মধ্যে রেসিডেন্ট নিযুক্ত করা হয় নাই এবং কাশ্মীরে যুরোপীয় পর্যটকবাহুল্য হেতু মহারাজার অনুরোধেই “অফিসার অন স্পেশাল ডিউটি” নিযুক্ত করা হইয়াছিল, তথাপি এ বার ভারত সরকার রেসিডেন্ট নিযুক্ত করিলেন। রেসিডেন্ট নিয়োগের ফলে ভারত সরকারের সহিত মহারাজার সরাসরি কোন বিষয়ের আলোচনার পথ বন্ধ হইয়া গেল। দেশীয় রাজ্যে রেসিডেন্টদিগের ক্ষমতা কিরূপ অসাধারণ, তাহার অনেক পবিচয় অল্পত্র পাওয়া গিয়াছে—কাশ্মীরেও সে নিয়মের ব্যতিক্রম হয় নাই। এই সময় শ্রীনগরে প্রথম ইংরাজের পতাকা উড়ান করা হয়। তাহাতেও প্রতাপ সিংহের প্রতিবাদ নিষ্ফল হইয়াছিল।

এই সময় মহারাজা সংবাদ পাইলেন, কাশ্মীরে বৃটিশের একটি গোরাবারিক প্রতিষ্ঠিত করিবার প্রস্তাব হইতেছে। ইহাতে তিনি আতঙ্কিত হইলেন। তঁাহার আতঙ্কিত-ভবের কারণও ছিল। এক বার এইরূপ ভাবে বৃটিশের গোরাবারিক প্রতিষ্ঠিত হইলে তাহা আর যায় না—গোয়ালিয়র রাজ্যে তাহা দেখা গিয়াছিল। প্রতাপ সিংহ তই বার রেসিডেন্টের কাষের প্রতিবাদ করিয়া ব্যর্থ-মনোরথ হইয়াছিলেন। তাই স্বয়ং কলিকাতায় বাইয়া এ বিষয় বড় লর্ড ডাকরিণের গোচর করিবার অভি-প্রায়ে যাত্রা করিলেন। লর্ড ডাকরিণের সহিত তঁাহার সাক্ষাতের ফলে কাশ্মীরে বৃটিশ গোরাবারিক স্থাপনের প্রস্তাব পরিত্যক্ত হইল। সঙ্গে সঙ্গে আরও একটি কাষ

হইল। কাশ্মীরের প্রাকৃতিক সৌন্দর্য ও সম্পদ দেখিয়া প্রলুব্ধ যুরোপীয়রা তথায় জমী কিনিবার আয়োজন করিতেছিলেন। দেশীয় রাজ্যে দেশীয় প্রজাপুঞ্জের মধ্যে যুরোপীয়দিগের জমী গ্রহণের নানা অসুবিধার কথা তিনি বড় লর্ডের গোচর করেন এবং বড় লর্ডও তঁাহার কথা সঙ্গত বলিয়া স্বীকার করেন।

তৎকালে ইংরাজের ভয় ছিল, রুসিয়া ভারতবর্ষ আক্রমণ করিবে। যদিও কোন অভিজ্ঞ ব্যক্তি দেখাইয়া-ছেন, কাশ্মীরের পথে রুসিয়ার পক্ষে ভারতবর্ষ আক্রমণ করা অসম্ভব, * তথাপি এক দল লোক, যে কারণেই বা যে উদ্দেশ্যসিদ্ধির অভিপ্রায়েই হউক, সেই ভয় প্রকাশ করিতেছিলেন। সেই দলের লোকদিগের মধ্যে সার লেপেল গ্রিফিনের নাম বিশেষ উল্লেখযোগ্য। তিনি স্পষ্টই বলিয়াছিলেন, যদি কাশ্মীরে ৩০ লক্ষ ইংরাজকে বসতি করান যায়, তবে রুসিয়াকে ভারত সাম্রাজ্যের সীমা হইতে দূরে রাখিবার উপায় করা যায়। অবশ্য ৩০ লক্ষ ইংরাজকে বিলাত হইতে আনাইয়া কাশ্মীরে বাস করান সম্ভব কি না, তাহা বিবেচ্য। কিন্তু সম্ভব হইলেও তাহাতে যে কাশ্মীরের প্রজাদিগের প্রতি অসাধারণ অত্যাচার করা হয়, তাহা বলাই বাহুল্য।

মহারাজা কলিকাতায় আসিয়া বড় লর্ডের সহিত সাক্ষাৎ করার ফলে কাশ্মীরে ইংরাজের গোরাবারিক সংস্থাপনের প্রস্তাব স্থগিত হইল বটে, কিন্তু তাহার পূর্বেই সে জ্ঞাত যে বিষবৃক্ষের বীজ বপন করা হইয়াছিল, তাহা হইতে তখন বৃক্ষ উৎপন্ন হইয়াছে এবং শেষে মহারাজাকেই তাহার ফল আশ্বাদ করিতে হইয়াছিল। ইংরাজ দূত গিলগিট লইবার জন্ত বড়বন্দ করিয়াছিলেন এবং মহারাজা সে বড়বন্দ প্রহৃত করায় তঁাহাদের ক্রোধ বর্দ্ধিত হইয়াছিল—তঁাহারা মহারাজার কনিষ্ঠ নাতা রাজা অগর সিংহের সাহায্যে তঁাহার সর্বনাশসাধন করেন।

যে বৎসব মহারাজা প্রতাপ সিংহকে পরোকভাবে রাজ্যচ্যুত করা হইয়াছিল, সেই বৎসর ‘অমৃতবাজার পত্রিকা’ সরকারী দপ্তরের একখানি গুপ্তলিপি প্রকাশ করায় দেশে ও বিদেশে বিশেষ বিক্ষোভ উপস্থিত হয়।

* Dr. Wakefield attached to Her Majesty's Field Forces.



চেনার বাগ

ইহারই প্রকাশকালে সরকারী সংবাদ গুপ্ত রাখিবার জ্ঞান এক আইন বিধিবদ্ধ হয়। এই লিপি পাঠ করিলে বুঝিতে পারা যায়, কাশ্মীরের রেসিডেন্ট মিষ্টার প্লাউডেন মত প্রকাশ করেন—ইংরাজ সামরিক কারণে গিলগিট অধিকার করিবেন। সেই জন্মই মহারাজা প্রতাপ সিংহের বিরুদ্ধে কু-শাসনের মিথ্যা অভিযোগ উপস্থাপিত করা হইয়াছিল। তখন সার হেনরী মর্টিমার ডুরাও ভারত সরকারের পররাষ্ট্র-সচিব। তিনি মিষ্টার প্লাউডেনের প্রস্তাবে আপত্তি করিয়া বড় লাট লর্ড ডাফরিণের নিকট নিম্নলিখিত মর্মে মত পেশ করেন :—


“এ বিষয়ে আমি কাশ্মীরের রেসিডেন্ট মিষ্টার প্লাউডেনের সহিত একমত নহি। তিনি সর্ববিষয়েই কাশ্মীরের কথা অবজ্ঞা করিতে চাহেন এবং এইরূপ ভাব প্রকাশ করেন যে, আমরা যদি কোন কাৰ্য চাহি—সে কাৰ্য আমাদেরই করা সম্ভব।

“এই মতলবের বিষয় আমি যতই বিবেচনা করি, ততই আমার মনে হয়—গিলগিটে দায়িত্বশীল সামরিক ব্যবস্থা সম্বন্ধে আমরা প্রকাশ্যভাবে হস্তক্ষেপ যত বর্জন করিতে পারি, ততই ভাল। এ বিষয়ে কাশ্মীর দরবার আমাদের সহিত একযোগে কাৰ্য

করিলেও যদি আমরা গিলগিট ইংরাজ রাজ্যভুক্ত করি বা নিকটবর্তী ক্ষুদ্র ক্ষুদ্র রাজ্যের উপর কাশ্মীরের প্রভুত্ব বিনষ্ট করি—সর্বোপরি এখন আমরা যদি কাশ্মীরে বৃটিশ সেনাবল স্থাপিত করি, তবে কাশ্মীর দরবার আমাদের শত্রু হইয়া উঠিবেন, এবং ফলে বর্তমান সমস্যা আরও জটিল হইয়া দাড়াইবে। আমার মতে, সেরূপ করার কোন প্রয়োজন নাই। বলা বাহুল্য, সেই সব প্রতিবেশী রাজ্যের সহিত কাশ্মীরের সম্বন্ধ আমরা নিয়ন্ত্রিত করিব, এখনই আমরা সে অধিকার

সম্ভোগ করিতেছি। এমন কি, লছমন দাসের কর্মচ্যুতির পর হইতে দরবার মিষ্টার প্লাউডেনকে বলিয়াছেন—তিনি যেন দরবারকে কোন কথা জিজ্ঞাসার অপেক্ষা না রাখিয়াই গিলগিটের কর্মচারীদেরকে কার্যসম্বন্ধে উপদেশ (বা আদেশ) দেন। যদি গিলগিটে এক জন স্থিরবুদ্ধি ও বিবেচক কর্মচারী থাকেন এবং তিনি অকারণে কোন কাৰ্যে হস্তক্ষেপ না করেন, তবে কাহারও (অর্থাৎ কাশ্মীর দরবারের) মনে বেদনা না দিয়া আমরা অল্পকালমধ্যেই সব ক্ষমতা হস্তগত করিতে পারিব।

“গোট কথা, আমার মতে আমরা কোনরূপ গোল



খিলার উপর সেতু

না করিয়া এবং অস্থায়িতাবে এক জন বাছাই করা সামরিক কর্মচারীকে (ইনটেলিজেন্স বিভাগের কাপ্টেন এ, ডুরাও) ও চিকিৎসা বিভাগের এক জন অপেক্ষাকৃত অল্পদিনের কর্মচারীকে তথায় প্রেরণ করি। যে সময় ও যে স্থানে প্রয়োজন হইবে, তখন তথায় উভয়ে দরবারের সাহায্য পাইবেন এবং তাঁহারা কোনরূপ অবিবেচনার কাষ না করিলেই দরবার তাঁহাদের প্রকৃত কায়ের উদ্দেশ্য উপলক্ষি করিতে পারিবেন না। সামরিক বিষয়ে কোনরূপ অসুবিধা থাকিলে তাঁহারা দরবারের সম্মতি লইয়াই কায করিবেন। একবার যদি আমরা দরবারের মনে এই বিশ্বাস উৎপন্ন করিয়া দিতে পারি যে, আমরা দরবারের কল্যাণকল্পে কায করিতেছি, তবে আমাদের উদ্দেশ্যসিদ্ধিতে আর সন্দেহ থাকিবে না। ক্রমে বৃদ্ধিতে পারা যাইবে, আমি যাহা বলিতেছি, তাহাই ঠিক। আমার মনে হয়, লর্ড ক্যানিং এর সময় যে উদ্দেশ্য সাধন করার কথা কল্পিত হইয়া পরে—বিবেচনা করিয়া, পরিত্যাগ করা হইয়াছিল, এইরূপে আমরা সে উদ্দেশ্য সাধিত করিয়া লইতে পারিব।

শেষে দরবারের পক্ষে কাশ্মীরে যাইয়া নেজর মেলিস বর্তমানে সুশাসনের অভাবগ্রস্ত কাশ্মীর রাজ্যের সুশাসনের ব্যবস্থা-বিষয়ে তাঁহার মত দাখিল করিবেন। তাহাতেই সরকারের নীতি দৃঢ় করিবার উপায় থাকিবে।

“বর্তমানে সীমান্ত রক্ষার জন্ত দরবারের সকল শক্তি বৃটিশ সরকারের ব্যবহার জন্ত সমর্পণ করিবার অভিপ্রায় দরবার জানাইয়াছে। গিলগিটে ইংরাজের রাজনৈতিক কর্মচারী ও সেনাবল সংস্থাপন প্রয়োজন হইবে কি না, তাহা ৬ মাস পরে আমরা বৃদ্ধিতে পারিব।”

৬ই মে তারিখে সার মর্টিমার এই কথা লিপিবদ্ধ করেন এবং ১০ই তারিখে বড় লর্ড ডাকরিণ তাহাতে মত প্রকাশ করেন “তথাস্থ” (Very well)।

সার মর্টিমারের লিপি পাঠ করিলে বৃদ্ধিতে বিলম্ব হয় না; যে, তিনি চতুর রাজনীতিক ও সাম্রাজ্যবাদের পূর্ণ সঙ্গর্গক ছিলেন। এইরূপ লোক, প্রকাশ্যভাবে লোকের মনে বেদনা দিতে চাহে না—পরস্তু ছোট ছোট অত্যাচার অনাচার দৃঢ়তা সহকারে দূর করিয়া লোকের মন শঙ্কামুক্ত করে এবং তাহার পর কৃত কার্যের দ্বারা

পরোক্ষভাবে আপনার উদ্দেশ্য সিদ্ধ করিয়া লয়। লর্ড লিটন “ফুলার মিনিটে” এ দেশে যুরোপীয়দিগের দ্বারা দেশীয় লোকের প্রতি অসুষ্ঠিত শারীরিক অত্যাচারের তীব্র প্রতিবাদ করিয়াছিলেন, কিন্তু কাবুল আক্রমণে ভারতের রাজস্ব জলের মত অপব্যয় করিতে কুণ্ডা বোধ করেন নাই। লর্ড কার্জন “নাইস্ লাম্বাস” সেনাদলের দ্বারা এক জন ভারতীয়ের হত্যার জন্ত সমগ্র সেনাদলকে দণ্ড দিয়াছিলেন, কিন্তু জনমত পদদলিত করিয়া বঙ্গভঙ্গে তাঁহার প্রকৃত মনোভাবের পরিচয় পাওয়া গিয়াছিল। লর্ড ডাকরিণও চতুর রাজনীতিক ছিলেন এবং সেই জন্তই তিনি সার মর্টিমারের প্রস্তাবই সমীচীন বলিয়া মনে করিয়াছিলেন—বলে কাশ্মীর আয়ত্তাধীন না করিয়া কৌশলে সে কার্য সিদ্ধ করাই সম্ভব, প্রকাশ্যে কাশ্মীর দরবারের ক্ষমতা হস্তগত না করিয়া সুশাসনের অজুহতে সে ক্ষমতা পরিচালন করাই রাজনীতিকোচিত।

কিন্তু সার মর্টিমারের পত্র পাঠ করিলেই বুঝা যায়, কাশ্মীর রাজ্য—অন্ততঃ গিলগিট অধিকার করিবার জন্ত পূর্ক হইতেই যত্নসহ চলিতেছিল এবং কাশ্মীরের রেসিডেন্ট মিষ্টার প্লাউডেন গিলগিট ইংরাজরাজ্যভুক্ত করিয়া তথায় ইংরাজের সেনাবল প্রতিষ্ঠিত করিবার জন্ত প্রস্তাবও করিয়াছিলেন।

সে প্রস্তাব লর্ড ডাকরিণ গ্রহণ করেন নাই বটে, কিন্তু মিষ্টার প্লাউডেন প্রমুখ ইংরাজ রাজকর্মচারীদিগের বড়সঙ্গে মহারাজা প্রতাপ সিংহকে অশেষ লাঞ্ছনা ভোগ করিতে হইয়াছিল।

‘অমৃতবাজার পত্রিকায়’ সরকারের পররাষ্ট্র বিভাগের এই লিপি প্রকাশিত হওয়ায় ভারত সরকার অত্যন্ত বিচলিত হইয়া পড়িলেন; কে, কোথা হইতে কিরূপে ইহা সংগ্রহ করিয়াছেন, তাহা লইয়া কল্পনা-জল্পনা চলিতে লাগিল। তখন ‘অমৃতবাজার পত্রিকা’ বহু রাজকর্মচারীর ক্রটি প্রদর্শন করাইয়া দিয়া তাঁহাদের শঙ্কা অর্জন করিয়াছেন। সম্পাদক শিশিরকুমার ঘোষ কোনরূপ কৌশলে লিপি হস্তগত করিয়াছেন, কি কুশাগ্রবৃদ্ধি নীলাম্বর নুপোপাধ্যায় কাশ্মীর দরবারের পক্ষ হইতে অবাধ অর্থব্যয় করিয়া সরকারের দপ্তর হইতে তাহা সংগ্রহ করিয়াছিলেন, তাহা জানিবার উপায়

আজ আর নাই। এই ২ জন বাঙ্গালী কাশ্মীরের ব্যাপারে বিশেষ উল্লেখযোগ্য কায় করিয়াছিলেন। নীলাধর বাবু প্রায় ২০ বৎসর কাশ্মীরের রাজনীতিক ব্যাপারে বিশেষভাবে লিপ্ত ছিলেন এবং কাশ্মীরের মহারাজা প্রতাপ-সিংহের বিরুদ্ধে ষড়যন্ত্রকারীরা এক সময় এমন রটনাও করিয়াছিলেন যে, তিনি গিলগিটের পথে রুসিয়াকে ভারতে প্রবেশের উপায় করিয়া দিতে ইচ্ছুক ছিলেন। গিলগিটের পথে রুসিয়ার ভারতবর্ষ আক্রমণ

এবং তিনি প্রায় একবস্ত্রে কলিকাতায় আসিয়া উপস্থিত হইলেন।

শিশিরকুমারের মত নীলাধরেরও আদি নিবাস যশোহর জিলায়। তিনি কলিকাতা বিশ্ববিদ্যালয়ের পরীক্ষায় বিশেষ কৃতিত্ব-পরিচয় প্রদান করিয়া ১৮৭০ খৃষ্টাব্দে পঞ্জাব চীফকোর্টে ওকালতী করিবার জন্ম লাহোরে গমন করেন। এক বৎসরের মধ্যেই ওকালতীতে তাঁহার যশ ব্যাপ্ত হয় এবং তাঁহার প্রতিভা-



কাশ্মীরী নর-নারী

করা কিরূপ অসম্ভব ব্যাপার, তাহা ভারতের মানচিত্র ও গিলগিটের অবস্থান বিবেচনা করিলেই বুঝিতে পারা যায়। কিন্তু নিন্দকের রসনা কে সংযত করিতে পারে? জনরব, মহারাজা প্রতাপ সিংহ শাসনভার ত্যাগে বাধা হইলে নীলাধর বাবু যখন তাঁহার পক্ষ হইয়া আন্দোলন করিবার উদ্দেশ্যে আবশ্যিক কাগজপত্র লইয়া আসিতেছিলেন, তখন ট্রেনে কয় জন লোক তাঁহার কামরায় প্রবেশ করিয়া তাঁহার দ্রব্যাদি লুণ্ঠন করে

পরিচয় প্রাপ্ত হইয়া কাশ্মীরের সুদক্ষ প্রধান মন্ত্রী দাওয়ান রূপারাম মহারাজা রণবীর সিংহের অহুমতি লইয়া তাঁহাকে কাশ্মীরের চীফ জজ নিযুক্ত করেন। তিনি সেই কাষে রত থাকিবার সময় মহারাজা লাহোরে স্বীয় সম্পত্তির সুব্যবস্থা করিবার ভার নীলাধরকে প্রদান করেন। সে কাষে ও চীফ জজের কাষে নীলাধরের কৃতিত্বে মহারাজা এতই মুগ্ধ হইলেন যে, তাঁহার বেতন প্রায় দ্বিগুণ করিয়া দেন। ইহার

অল্পদিন পরে কাশ্মীরে রেশমের শিল্প প্রবর্তিত হয় এবং তাঁহার প্রবর্তনভার নীলাধরের উপর অর্পিত হয়। তাঁহার ব্যবস্থায় সে শিল্প বিশেষ উন্নতি লাভ করে এবং সে জন্য ভারত সরকার ও ভারত-সচিব তাঁহার প্রশংসা করেন। তিনি মহারাজা রণবীর সিংহের বিশেষ প্রিয়পাত্র হইয়া উঠেন। কিন্তু অন্তর্কর্মচারীরা ঈর্ষ্যাহেতু তাঁহার রেশম কুঠীর কার্য পরিচালন সম্বন্ধে নিন্দাবাদ করিতে থাকেন। বিরক্ত হইয়া তিনি সে কায হইতে অবসর প্রার্থনা করিলে মহারাজা তাঁহাকে অন্ততম মন্ত্রী নিযুক্ত করিয়া গুণগ্রাহিতার পরিচয় প্রদান করেন। মহারাজা রণবীর সিংহের মৃত্যুকাল পর্যন্ত নীলাধরবাবু কাশ্মীরের অন্ততম মন্ত্রী ছিলেন। অল্প বয়সে প্রতাপ সিংহ নীলাধরকে শ্রীতির দৃষ্টিতে দেখিতেন না বটে, কিন্তু ক্রমে তিনি তাঁহার মর্যাদা বুঝিতে আরম্ভ করেন। মহারাজা রণবীর সিংহও মৃত্যুশয্যায় পুত্রকে বলিয়া গিয়াছিলেন, নীলাধরকে তিনি যেন বিশ্বাসভাজন ও প্রভুভক্ত পরামর্শদাতা বলিয়া মনে করেন। প্রতাপ সিংহ রাজ্য পাইয়া তাঁহাকে রাজস্ব-সচিবের পদ প্রদান করেন এবং তিনিও একাগ্রতা সহকারে কর্তব্য পালন করিতে থাকেন। কিন্তু তিনিই সর্ব প্রথমে মহারাজার বিরুদ্ধে ষড়যন্ত্রের বিষয় ও তাঁহার সম্বন্ধে ষড়যন্ত্রকারীদিগের মনোভাব বুঝিতে পারিয়া প্রতাপ সিংহের সিংহাসনারোহণের এক বৎসর পরে ১৮৮৬ খৃষ্টাব্দের সেপ্টেম্বর মাসে পদত্যাগ করিতে চাহেন। মহারাজা বার বার ৩ বার তাঁহার পদত্যাগপত্র গ্রহণ করিতে অসম্মতি জানাইয়া চতুর্থ বার তাহা গ্রহণ করেন। নীলাধরের কাশ্মীর দরবারে কার্যত্যাগে মহারাজার বিরুদ্ধে ষড়যন্ত্রকারীদিগের বিশেষ সুবিধা হয়। শেষে বিপন্ন হইয়া মহারাজা যখন ১৮৮৮ খৃষ্টাব্দে রাজ্যশাসন জন্ত মন্ত্রিমণ্ডল গঠন করিবার প্রস্তাব করিয়া নীলাধর বাবুকে রাজস্ব সচিব করিতে চাহেন, তখন ভারত সরকারই তাহাতে প্রবলভাবে আপত্তি জ্ঞাপন করেন। ঐ বৎসর ২৫শে জুলাই তারিখে ভারত সরকার কাশ্মীরের রেসিডেন্টকে যাহা লিখেন, তাহাতে লিখিত হয়—“ভারত সরকার রাজস্ব বিভাগের ভার দিয়া বাবু নীলাধর মুখোপাধ্যায়কে মন্ত্রিপরিষদে নিযুক্ত করিতে অসম্মতি দিতে

অস্বীকার করিয়াছেন। মহারাজা যদি তাঁহাকে অল্প কোন ভাবে চাকুরী দিবার প্রস্তাব উত্থাপিত করেন, তবে আপনি মহারাজাকে জানাইতে পারেন যে, নীলাধরবাবুর কাশ্মীরে প্রত্যাবর্তন ভারত সরকারের অভিপ্রেত নহে।” লর্ড ডাকরিণও মহারাজাকে লিখেন, “বাবু নীলাধর মুখোপাধ্যায়কে রাজস্ব সচিব নিযুক্ত করা অভিপ্রেত বলিয়া বিবেচনা করি না।” যিনি দীর্ঘ পঞ্চদশ বর্ষকাল কাশ্মীর দরবারে যোগ্যতা সহকারে নানা কায করিয়া যশ অর্জন করিয়াছিলেন, তাঁহার সম্বন্ধে ভারত সরকারের এইরূপ ভাবপ্রকাশের রহস্য কে ভেদ করিতে পারে? নীলাধর বাবুর কাশ্মীর দরবারে কার্যত্যাগের কথায় লাহোর চীফ কোর্টের উকীল যোগেন্দ্রচন্দ্র বসু মহাশয় যথার্থই বলিয়াছিলেন—“It became impossible for a highly honest and conscientious man to continue in office any longer.”*

সার মটিমারের যে লিপি ‘অমৃতবাজার পত্রিকা’ প্রকাশ করিয়া দেন, তাহার সকল বিষয়ই অন্ধরে অন্ধরে প্রতিপালিত হইয়াছিল, কেবল তিনি যে কাহারও মনে ব্যথা না দিয়া কার্যোদ্ধারের কথা বলিয়াছিলেন, তাহাই হয় নাই—কাশ্মীরের মহারাজা সার প্রতাপ সিংহকে বিশেষরূপ লাক্ষিত করা হইয়াছিল। তাই ‘অমৃতবাজার’ বলিয়াছিলেন, যখন সার জন গণ্ট’ বলিয়াছিলেন—প্রতাপ সিংহের মত দুর্বলচেতা লোক যদি রাজ্যভার ত্যাগের স্বীকৃতিপত্র প্রত্যাহার করেন, তাহাতেও তিনি বিস্মিত হইবেন না, লর্ড ক্রস যখন বলিয়াছিলেন, মহারাজা প্রজাদিগের উপর অত্যাচার করিয়া থাকেন; লর্ড ল্যান্সডাউন যখন বলিয়াছিলেন, মহারাজা অত্যাচারী ও কুশাসক, তখন তাঁহারই মহারাজার রাজ্যচ্যুতির প্রকৃত কারণ জানিতেন না। প্রকৃত কারণ—ভারত সরকার গিলগিট হস্তগত করিতে চাহিতেছিলেন।

‘অমৃতবাজার’ যে বলিয়াছিলেন, সার জন গণ্ট’, লর্ড ক্রস ও লর্ড ল্যান্সডাউন মহারাজা প্রতাপ সিংহের রাজ্যচ্যুতির প্রকৃত কারণ অবগত ছিলেন না, সে কথা অবশ্য বিশ্বাস্য নহে। তাঁহারই জানিয়াও প্রকৃত কারণ প্রকাশ করেন নাই। ‘অমৃতবাজার’ যে স্পষ্ট করিয়া সে কথা

* Cashmere and its Prince.

বলেন নাই, তাহার কারণ; তখন ভারত সরকার সরকারী গুপ্ত সংবাদ প্রকাশ আদালতে দণ্ডনীয় করিবার জন্ত এক আইন বিধিবদ্ধ করিতেছিলেন। ‘অমৃতবাজারের’ জন্ত লর্ড লিটন এ দেশের দেশীয় ভাষায় পরিচালিত সংবাদপত্র সম্বন্ধে কঠোর আইন করিয়াছিলেন। ‘অমৃতবাজারের’ জন্ত লর্ড ল্যান্সডাউন সিমলা শৈলশিরে নূতন আইন রচনা করিতেছিলেন। সেই আইনের আলোচনা-প্রসঙ্গে লর্ড ল্যান্সডাউন সুদীর্ঘ বক্তৃতায় ‘অমৃতবাজারের’ এই লিপি প্রকাশ আইনতঃ দণ্ডনীয় বিশ্বাসঘাতকতার ফল বলিয়া অভিহিত করেন এবং বলেন, প্রকাশিত লিপির প্রথম ও দ্বিতীয় প্যারা যে সত্য সত্যই সার মর্টিমারের লিপি হইতে উদ্ধৃত এবং তাহা মূল দলিল দেখিয়া কেহ নকল করিয়া বা স্মৃতিগত করিয়া সংবাদপত্রে দিয়া-ছিলেন, তাহাতে আর সন্দেহ নাই। পরবর্ত্তী অংশগুলি তিনি যথার্থ বিবৃত হইয়াছে—স্বীকার না করিয়া বলেন, মূল নথিতে যাহা নাই, তাহাই প্রকাশ করার উদ্দেশ্য—ভারত সরকার কাশ্মীরের মহারাজাকে রাজ্যশাসন ভার-মুক্ত করার যে উদ্দেশ্য অস্বীকার করিয়াছেন, লোককে তাহাই বিশ্বাস করান। *

ভারত সরকার যে সত্বে প্রণোদিত হইয়াই কাশ্মীরের প্রজাপঞ্জের হিতার্থ মহারাজাকে রাজ্যশাসনভার হইতে মুক্তি প্রদান করিয়াছেন, লর্ড ল্যান্সডাউন তাহাই প্রতিপন্ন করিতে প্রয়াস করেন। অথচ পাল্লিমেন্টের সদস্যরাও পুনঃ পুনঃ চাহিয়া এই ব্যাপার সম্বন্ধীয় নথিপত্র প্রাপ্ত হইয়া নাই। † লর্ড ল্যান্সডাউনের সুদীর্ঘ বক্তৃতার আলোচনা ও বিশ্লেষণ করিবার স্থান আমাদের নাই। কিন্তু তাঁহার বক্তৃতায় তিনি যে লোকের মনোভাব পরি-বর্ত্তিত করাইতে অর্থাৎ লোককে সরকারের দলিল বিকৃত করিয়া প্রকাশিত করা হইয়াছে বিশ্বাস করাইতে পারেন নাই, তাহা তৎকালেই বুঝিতে পারা গিয়াছিল। তখন ইংরাজ-পরিচালিত অন্ততম পত্র ‡ বলেন, বড় লাট যে বলিয়াছেন, ‘অমৃতবাজারে’ প্রকাশিত লিপির প্রথম দুইট প্যারা ব্যতীত আর সবই লেখকের স্বকপোলকল্পিত,

তাঁহার বক্তৃতায় সে কথা প্রতিপন্ন হয় না। বড় লাট ‘অমৃতবাজারের’ মূল অভিযোগ স্বীকার করিতে বাধ্য হইয়াছিলেন।

রাজপদে প্রতিষ্ঠিত হইয়াই প্রতাপ সিংহ প্রজার বল্যাণ সাধনে আগ্রহের পরিচয় প্রদান করেন। তিনি পিতার শূন্য সিংহাসনে বসিবার পরই রাজদরবারের পক্ষ হইতে নীলাধর বাবু যে ঘোষণাপত্র পাঠ করেন, তাহাতে নিম্ন-লিখিত প্রথা ও গুহ্ব হ্রাস বা উচ্ছেদ করিবার সংবাদ ছিল * —

(১) “খোদ-খাস্ত প্রথা”। এই প্রথানুসারে দর-বার গ্রামেব কতকটা জমী ইজারা লইতেন এবং সেই জন্ত নিযুক্ত ব্যক্তিদিগকে অগ্রিম অর্থ দিতেন। এই সব লোক সে টাকা আনুসং করিয়া ভয় দেখাইয়া প্রজাদিগের নিকট হইতে বীজ লইয়া বিনাপারিশ্রমিকে তাহাদের দ্বারা চাষ করাইয়া লইত।

(২) “লেবী” প্রথা। এই প্রথানুসারে সিপাহী-দিগকে বেতন বাবদ অর্থ না দিয়া খাজনা মকুব দেওয়া হইত।

(৩) জম্মুতে প্রত্যেক ১০ খানি গৃহ হইতে ১ জন সিপাহী বা অন্ত কর্মচারী যোগাইতে হইত, বলপূর্ব্বক সৈনিক সংগ্রহ করা হইত এবং কেহ সেনাদল ত্যাগ করিয়া বাইলে তাহার পরিজনগণকে তাহার স্থানে লোক দিতে হইত। সে সব প্রথা লুপ্ত করা হইল।

(৪) শ্রীনগরে আনীত ধানাদি খাজ দ্রব্যের উপর মণ-করা যে ২ আনা হিসাবে গুহ্ব ছিল, তাহা হ্রাস করিয়া ২ পয়সা করা হইল।

(৫) কাশ্মীরে প্রত্যেক গ্রাম্যগণনীতে “হরকরা” থাকিতেন। লোকের অপরাধের সম্বন্ধে ইজাহার দেওয়া তাঁহার কায ছিল। তিনি পুলিশ ও গোয়েন্দা বহাল ও বরখাস্ত করিতে পারিতেন। প্রধান কর্মচারী —“হরকরা বাসী” জমীর উৎপন্ন পণ্যের উপর শতকরা ১ টাকা ৮ আনা হিসাবে পারিশ্রমিক পাইতেন। ইহার যে অসম্পূর্ণ প্রভূত অর্থ অর্জন করিতেন, তাহা বলাই বাহুল্য। সেই জন্ত উজীর পান্ন হরকরা বাসীকে বৎসরে ৩৭ হাজার ৫ শত টাকা দিতে বাধ্য করেন। ইহার

* Council of Proceedings.

† Condemned Unheard. — Digby

‡ The “Statesman”

• Letter of the Resident of Kashmir.

অর্ধেক টাকাও হরকরা বাসীর শ্রাসক্তত প্রাপ্য নহে। সুতরাং সরকারই তাঁহাকে কৃষকের উপর অত্যাচার দ্বারা অর্থ সংগ্রহে প্রবৃত্ত করাইতেন। এই বার্ষিক ৩৭ হাজার ৫ শত টাকা আদায় বন্ধ করা হইল।

(৬) কাশ্মীরে বিক্রীত অশ্বের মূল্যের অর্ধাংশ যে সরকার লইতেন, সে প্রথাও পরিত্যক্ত হইল।

উপকার হইল না, তাহাদের পক্ষে কেবল ফল ও তরকারীর মূল্য হ্রাস হইল।” *

রেসিডেন্টের কথা সত্য হইলেও বলিতে হয়, রাজ্য-প্রাপ্তির সঙ্গে সঙ্গে দরবারের আর্থিক ক্ষতি স্বীকার করিয়া প্রজার কল্যাণকামনায় পূর্বোক্ত ৭ দফা ব্যবস্থা করিয়া ঘোষণা করা কুশাসকের প্রকৃতিবিরুদ্ধ : সুতরাং



দোকানের সেতু

(৭) সিওয়ালকোট পর্যন্ত ভাড়া পাটা একদার ভাড়া ২ টাকা ১০ দশ আনার মধ্যে দরবার যে ১ টাকা ১১ আনা লইতেন, তাহাও আর লইবেন না।

তৎকালে রেসিডেন্টই স্বীকার করেন :—

“নোটের উপর ইহাতে প্রজার, বিশেষ জম্মুর কৃষক-দিগের বিশেষ উপকার হইল, কারণ, তাহাদের প্রধান অভিযোগের কারণ দূর হইল। কাশ্মীরের কৃষকেরও কল্যাণ সাধিত হইল। কেবল সহস্রের শিল্পীদের দিশেষ

মহারাজা প্রতাপ সিংহের এই ঘোষণা হইতেই তাঁহার স্বশাসন-লিপ্সার পরিচয় পাওয়া যায়।

বাস্তবিক রাজ্যপ্রাপ্তির পর যে অল্প দিন প্রতাপ সিংহ ইচ্ছাক্রমে রাজ্যশাসন করিতে পারিয়াছিলেন, তাহারই মধ্যে তিনি—অবশ্য নীলাঙ্গর মুখোপাধ্যায় প্রমুখ কর্মচারী-দিগের পরামর্শে—রাজ্যমধ্যে বহু অনাচার উন্মূলিত

* Letter to Secretary to the Government of India, Foreign Department, dated Jammu, Sept. 27, 1885.



উনার হুদে সফাফ



অবহীপুরের ধ্বংসপ্রাপ্ত মন্দির

করিয়াছিলেন এবং নানারূপ সংস্কারের প্রবর্তন করিয়াছিলেন। কিন্তু সে জন্ত তিনি ১ বৎসরের বড় অধিক সময় পানেন নাই। আমরা নিম্নে প্রতাপ সিংহের প্রবর্তিত সংস্কারব্যবস্থার প্রধানগুলির পরিচয় প্রদান করিতেছি। সে সকল বড় সাধারণ নহে :—

(১) কাশ্মীরের কোন প্রজা সেনাদল হইতে পলায়ন করিলে তাহার সন্ধান না মিলিলে তাহার আত্মীয়স্বজনকে দণ্ড দিবার প্রথা ছিল। প্রতাপ সিংহ সে প্রথা বিনুপ্ত করেন।

(২) সরকার নির্দিষ্ট নামমাত্র মূল্য দিয়া কৃষকদিগের নিকট হইতে লুই (নীতবস্ত্র), ঘৃত, অশ্ব, পশম প্রভৃতি রাজকর্মচারীদিগের দ্বারা ক্রয় করিতেন। ইহাতে প্রজার উপর দারুণ অত্যাচার হইত। দৃষ্টান্ত দিয়া বুঝাইতে হইলে ধরা যায়—সরকারের যদি ২ শত লুই কিনিবার প্রয়োজন হইত, তবে প্রত্যেক তহশিলদারের উপর সামান্য দামে ১০ খানি করিয়া লুই যোগাইবার আদেশ জারি করা হইত। তহশিলদাররা সেই মূল্যে প্রজার নিকট হইতে বহু লুই ক্রয় করিয়া ১০ খানি সরকারকে দিয়া অবশিষ্ট বাজার দরে বিক্রয় করিয়া লাভবান হইত। মহারাজা প্রতাপ সিংহ রাজ্য লাভ করিয়াই এ প্রথা উন্মূলিত করেন।

(৩) কতকগুলি দ্রব্যের উপর রপ্তানী শুল্ক অত্যন্ত চড়া থাকায় বাণিজ্যের প্রসার লাভ হইতেছিল না। সে সব শুল্ক তুলিয়া দেওয়া হয়।

(৪) কাশ্মীরে বিক্রীত অশ্বের মূল্যের একাংশ সরকার পাইতেন; নোকা গঠনের উপর কর ছিল; এবং শ্রীনগর হইতে চালানী পশমী কাপড়ের মূল্যের শতকরা ২০ টাকা শুল্ক হিসাবে আদায় করা হইত। শেখোক্ত শুল্ক হইতে সরকারের বার্ষিক প্রায় ২ লক্ষ টাকা আয় ছিল; কিন্তু ইহাতে পশমী কাপড়ের ব্যবসার বিশেষ ক্ষতি হইত। এই সব ব্যবস্থা রহিত করা হয়।

(৫) কাশ্মীর রাজ্যে “ধর্মার্থ” বা দান জন্ত, মন্দিরের জন্ত ও শিক্ষার জন্ত কর আদায় করা হইত। জমীর উৎপন্ন ফসলের একাংশ এই সব করের জন্ত গ্রহণ করা হইত। তহশিলদাররা বা ইজারদাররা এই সব কর

আদায় করিতেন এবং প্রজার উপর তজ্জন পীড়ন হইত। সে সব করও রহিত করা হয়।

(৬) ইষ্টক, চূণ, কাগজ ও আর কয়টি দ্রব্য প্রস্তুত করিবার একচেটিয়া অধিকার সরকারের ছিল। সরকার সেই একচেটিয়া অধিকার ত্যাগ করেন। কাগজের সম্বন্ধে মহারাজা প্রতাপ সিংহ ঘোষণা করেন—“এত দিন পর্যন্ত জম্মু ও কাশ্মীর প্রদেশে কাগজ প্রস্তুত করিবার একচেটিয়া অধিকার প্রদত্ত হইত অর্থাৎ সরকারের নির্দিষ্ট নিয়ম ব্যতীত কাগজ প্রস্তুত ও বিক্রয় করা যাইত না। আমরা অজ্ঞ হইতে এই ব্যবস্থা বর্জন করিলাম। এখন হইতে যে কেহ ইচ্ছামত কাগজ প্রস্তুত করিয়া বিক্রয় করিতে পারিবে।”

(৭) সময় সময় শ্রীনগর, জম্মু ও অগ্নান্ন সহরে আমদানী খাজদ্রব্যের উপর শুল্ক আদায় করা হইত। দৃষ্টান্ত-স্বরূপ বলা যাইতে পারে, শ্রীনগরে আমদানী ১ টাকার খাজদ্রব্যের জন্ত ২ আনা শুল্ক আদায় হইত। কোন কোন ক্ষেত্রে শুল্ক হ্রাস করা—কোণাও বা বর্জন করা হয়। ১৮৮৫ খৃষ্টাব্দেই মহারাজা প্রতাপ সিংহ ঘোষণা করেন—“জম্মু সহরে ও প্রদেশে সজীর উপর শুল্ক ছিল এবং শুল্ক ইজারা দেওয়া হইত। অজ্ঞ হইতে তাহা রহিত করা হইল। প্রজারা ইচ্ছামত সজী ক্রয়-বিক্রয় করিতে পারিবে।”

(৮) ১৮৮৫ খৃষ্টাব্দেই মহারাজা ঘোষণা করেন, প্রজার কল্যাণকল্পে তিনি “পঞ্জ নজরৎ” ও “খানা পট্টী” কর তুলিয়া দিলেন। শেখোক্ত কর বিবাহের উপর আদায় করা হইত।

(৯) কাশ্মীরে মুসলমানদিগকে বিবাহের জন্ত কর দিতে হইত; সে কর রহিত করা হয়।

(১০) কাহার প্রভৃতি সম্প্রদায়ের বিচার ঠিকা দেওয়া হইত। ব্যবস্থাটা এইরূপ ছিল—ঠিকাদার সরকারে টাকা দিয়া কাহার বা সেইরূপ অজ্ঞ কোন সম্প্রদায়ের মধ্যে সংঘটিত সব মোকদ্দমার বিচার করিবার অধিকার লাভ করিত। ঠিকা বন্দোবস্তের পর কোন কাহার যদি সাধারণ আদালতে অজ্ঞ কোন কাহারের বিরুদ্ধে মোকদ্দমা করিত, তবে ঠিকাদার তাহাতে আপত্তি করিত। এইরূপে সাধারণ বিচারালয়ে সে সব

মোকদ্দমার বিচার না হওয়ার ঠিকাদার আসামী ও করিয়ারদীর উপর যথেষ্ট ব্যবহার করিত। সেই প্রথা পরিত্যক্ত হয়।

(১১) কাশ্মীর ও জম্মুতে শ্রম ও খাদ্যদ্রব্য সরবরাহে বেগার প্রথা প্রচলিত ছিল। দরবার শ্রমিকের পারিশ্রমিকের ও খাদ্যদ্রব্যের মূল্যের হার নির্দিষ্ট করিয়া দিয়া আদেশ প্রচার করেন—সেই হারে টাকা না দিয়া সরকারের অন্য শ্রমিক নিযুক্ত করা বা খাদ্যদ্রব্য গ্রহণ করা হইবে না।

(১২) সূত্রধর প্রভৃতি নিপুণ শিল্পীদিগকে সরকারের কাষের জন্য যে হাৰে পারিশ্রমিক প্রদান করা হইত, তাহা সাধারণ হার অপেক্ষা অনেক অল্প। ইহাতে শিল্পীরা সরকারী কাষের জন্য ত অল্প হারে বেতন পাটতই, পরন্তু সরকারী কর্ণ্য রোরাও সেই হারে পারিশ্রমিক দিয়া আপনাদের কায করাইয়া লইতেন। মহারাজা প্রতাপ সিংহের আদেশে এই প্রথা পরিত্যক্ত হয়।

(১৩) ব্রাহ্মণরা প্রায়ই দণ্ড হইতে অব্যাহতি লাভ করিতেন। ইহাতে তাঁহারা আপনাদের মেঘন সুবিধা করিয়া লইতেন, অন্যান্য বর্ণের তেমনই অসুবিধা ঘটাইতেন। মহারাজা প্রতাপ সিংহ স্বয়ং রক্ষণশীল হিন্দু হইলেও বিচারে অশঙ্কপাতি হ রক্ষার জন্য নিয়ম করেন, অপবানী জাতিবর্ণনির্কিঃণে আইনতঃ দণ্ডিত হইবে।

(১৪) প্রজাদিগের মধ্যে উচ্চ শিক্ষা প্রচুর মনোযোগী হইয়া মহারাজা জম্মুতে একটি ও শ্রীনগরে একটি উচ্চ শ্রেণীর বিদ্যালয় প্রতিষ্ঠিত করেন। প্রতিষ্ঠার যে সামান্য উপকরণ বিদ্যমান ছিল, তিনি তাহারই সদ্যব্যবহার করিয়া এই বিদ্যালয়দ্বয় স্থাপিত করেন।

(১৫) জম্মুতে ও শ্রীনগরে মিউনিসিপ্যালিটির ব্যবস্থা করা হয়। এই মিউনিসিপ্যালিটি ২টির কার্য-পরিচালন ও উন্নতিসাধন বিষয়ে মহারাজা প্রতাপ সিংহ বিশেষ সচেত্ন ছিলেন।

(১৬) রাজ্যমধ্যে ব্যবস্থার জন্য কর্মচারীদিগের ছুটির এবং শিলা প্রভৃতির নিয়ম রচিত হয়।

মহারাজা প্রতাপ সিংহ রাজা হইয়া যে অল্পকাল ইচ্ছা-মুসারে ব্যবস্থা প্রবর্তনের স্বাধীনতা সন্তোষ করিয়াছিলেন, তাঁহারই মধ্যে তিনি যে সব সংস্কার প্রবর্তন

করেন, আমরা তাহার কয়টি উল্লেখ করিলাম। তাহাতেই পাঠক বুঝিতে পারিবেন, তিনি সর্বপ্রযত্নে রাজ্যের উন্নতিসাধনে চেষ্টিত হইয়াছিলেন। পূর্বেও ব্যবস্থাসমূহে যে রাজ্যের আয়ের হ্রাস হইয়াছিল, তাহা বলাই বাহুল্য। কিন্তু প্রজার কল্যাণকামনায় প্রতাপ সিংহ সে ত্যাগ স্বীকার করিতে স্বীকা বোধ করেন নাই। আর সঙ্গে সঙ্গে এ কথাও মনে রাখিতে হয় যে, তিনি কাশ্মীর রাজ্যকে কোনরূপে ঋণভারাক্রান্ত করেন নাই।

কাশ্মীরে মহারাজা প্রতাপ সিংহ যে নানারূপ সংস্কার প্রবর্তন করিয়াছিলেন, তাহা বড় লাট লর্ড ডাফরিণও অস্বীকার করিতে পারেন নাই। ১৮৮৮ খৃষ্টাব্দের ২৮শে জুলাই তারিখে তিনি মহারাজাকে যে পত্র লিখিয়াছিলেন, তাহাতে বলা হয় :—

“সংস্কারবিষয়ে নানারূপ উন্নতি সাধিত হইয়াছে। রাজস্ব ব্যাপারে এবং পাবলিক ওয়ার্কস ও চিকিৎসা বিভাগদ্বয়ের পরিবর্তনসাধনে বিশেষ প্রয়োজনীয় কায সম্পন্ন হইয়াছে।” *

কিন্তু বড় লাটের এই স্বীকারোক্তি ও প্রজার আশীর্বাদ প্রতাপ সিংহকে রেসিডেন্টের রোষ ও চক্রোদিগের ষড়যন্ত্র হইতে রক্ষা করিতে পারে নাই। যখন লর্ড ডাফরিণ এই কথা লিপিবদ্ধ করেন, তাহার পর ৮ মাস গত হইতে না হইতে মহারাজাকে রাজ্যের শাসনভার-মুক্ত করা হয়। তৎকালে ভারত সরকার ভারত-সচিবকে বাহা লিখেন, তাহাতে দেখিতে পাই :—

“কাশ্মীরের অবস্থা কোন মতেই সন্তোষজনক বলা যায় না এবং রেসিডেন্ট মিষ্টার প্রাউডেন এই সিদ্ধান্তে উপনীত হইয়াছিলেন যে, ষত দিন বর্তমান মহারাজাকে সব ক্ষমতা সন্তোষ করিতে দেওয়া হইবে, ততদিন উন্নতির কোন আশা করা যায় না। সেই জন্য তিনি শাসন-কার্য হইতে মহারাজাকে সরাইয়া দিবার ব্যবস্থা করিবার জন্য ভারত সরকারকে বলিয়াছিলেন।”

তবুও ভারত সরকার তাঁহাকে তখনই শাসন-ব্যাপারে হস্তক্ষেপের সব ক্ষমতা ত্যাগে বাধ্য না করিয়া যদি তিনি রাজ্যশাসনক্ষমতার পরিচয় দিতে পারেন, সে জন্য অপেক্ষা করিয়াছিলেন। কিন্তু ভারত সরকারের

সে আশা ফলবতী হয় নাই এবং বর্তমান রেসিডেন্ট কর্ণেল নিসবেটও তাঁহাকে ক্ষমতাচ্যুত করিতে বসিয়াছেন। কাষেই মহারাজাকে নিয়া ক্ষমতাত্যাগে স্বীকৃতিপত্র সহি করান হয় এবং সং প্রতি নাভার মহারাজার সম্বন্ধে যেমন বলা হইয়াছে, তিনি স্বেচ্ছায় ক্ষমতা ত্যাগ করিয়াছেন—তখন মহারাজা প্রতাপ সিংহের সম্বন্ধেও তেমনই প্রচার করা হয়, তিনি স্বেচ্ছায় ক্ষমতা ত্যাগ করিয়াছেন (“voluntary resignation of power”) * আমরা পরে এই “স্বেচ্ছাকৃত” ক্ষমতাত্যাগের স্বরূপ দেখাইয়া দিব।

প্রতাপ সিংহ কিরূপ প্রজারঞ্জক ছিলেন, তাহার পরিচয় দিব'র জন্ত আমরা একটিমাত্র বিষয়ের বিবরণ প্রদান করিব।—

১৮৮৮ খৃষ্টাব্দের বসন্তকালে প্রতাপ সিংহ শ্রীনগরে উপস্থিত হইলেন। তখন শ্রীনগরে বিস্মৃতিকা দেখা দিয়াছে। দেখিতে দেখিতে তাহা সংক্রামক আকার ধারণ করিয়া সমগ্র কাশ্মীর উপত্যকায় ব্যাপ্ত হইয়া পড়িল। রেসিডেন্ট প্রাণভয়ে গুলমার্গে পলাইয়া যাইলেন। কিন্তু মহারাজা তাঁহার কর্মস্থল ত্যাগ করিলেন না—তিনি শ্রীনগরের উপকণ্ঠে রহিলেন। এক শ্রীনগর নগরেই প্রতিদিন শতাধিক লোক মৃত্যুমুখে পতিত হইতে লাগিল—দুই তিন মাসের মধ্যে রাজ্যে কয় সহস্র লোক বিস্মৃতিকায় প্রাণত্যাগ করিল। মহারাজা নিশ্চিন্ত থাকিলেন না, পরন্তু সর্বপ্রযত্নে প্রজাদিগকে রক্ষার চেষ্টা করিতে লাগিলেন। তিনি মুক্তহস্তে ঔষধ-পথ্য বিতরণের ব্যবস্থা করিলেন ও চিকিৎসার সকল বন্দোবস্ত করিলেন। এক সদর ডিসপেন্সারীতেই সহস্র সহস্র লোক চিকিৎসিত হইল এবং চিকিৎসায় অনেকে মৃত্যুমুখ হইতে রক্ষা পাইল। মফঃস্বলেও সব ডিসপেন্সারীতে এই আদর্শ অনুকৃত হইল। আমাদের মনে হয়, বর্তমান যুগে ইটালীর রাজা হার্শার্ট ব্যতীত আর কোন নৃপতি প্রজার একরূপ বিপদে আপন জীবন তুচ্ছ জ্ঞান করিয়া একরূপ ব্যবস্থা করিতে পারেন নাই। ইহাতে মহারাজা প্রতাপ সিংহের প্রকৃতি-পরিচয় পাওয়া যায়।

আমরা পূর্বেই বলিয়াছি, মহারাজা রণবীর সিংহের

* The Despatch from India on the deposition.

মৃত্যুর পরই ভারত সরকার কাশ্মীরের “অফিসার অন স্পেশাল ডিউটিকে” রেসিডেন্টে পরিণত করিয়াছিলেন। সেই পদে ৬ মাস থাকিবার পর সার অলিভার সেন্ট জন কাশ্মীর ত্যাগ করেন ও ভারত সরকার তাঁহার স্থানে মিষ্টার প্রাউডেনকে নিযুক্ত করেন। তখন দাওয়ান অনন্তরাম প্রধান মন্ত্রী। তিনি শারীরিক অসুস্থতা নিবন্ধন কার্য ত্যাগ করিতে বাধ্য হইলে দাওয়ান গোবিন্দ সহায় তাঁহার স্থানে নিযুক্ত হইলেন এবং নীলাধর মুখোপাধ্যায় অর্থ-সচিব হইলেন। ১৮৮৬ খৃষ্টাব্দের সেপ্টেম্বর মাসে নীলাধর বাবু পদত্যাগ করিলে সে মন্ত্রিসভার কাষ অফিস হইয়া উঠে এবং ১৮৮৮ খৃষ্টাব্দের বসন্তকালে দাওয়ান লছমন দাস মন্ত্রী নিযুক্ত হইলেন ও অল্পকাল পরেই তাঁহাকে পদচ্যুত করা হয়। তখন মহারাজার কনিষ্ঠ ভ্রাতা রাজা অমর সিংহ প্রধান মন্ত্রী হইলেন। ইহার পরই শাসকমণ্ডলী রচনা করা হয়—মহারাজা তাহার সভাপতি—তাঁহার দুই ভ্রাতা ও আর কয় জন সদস্য। এইরূপে প্রতাপ সিংহের ক্ষমতার ধ্বংসসাধনের সব আয়োজন সম্পূর্ণ করিয়া ১৮৮৮ খৃষ্টাব্দের শেষ ভাগে মিষ্টার প্রাউডেন কাশ্মীর ত্যাগ করেন।

মিষ্টার প্রাউডেন কাশ্মীরে আসিয়াই প্রতাপ সিংহের বিরুদ্ধাচরণ করিতে আরম্ভ করিয়াছিলেন। তিনি মহারাজার প্রতি শত্রুভাব মনে পোষণ করিয়াই যেন কার্যে প্রবৃত্ত হইয়াছিলেন এবং দরবারের প্রতি ব্যবহারে ঘৃণার ভাব গোপন করিতেন না। তিনি সমগ্র সময় বলিতেন, মন্ত্রিগণের উপস্থিতিতে তিনি মহারাজার সহিত কোন কথা বলিবেন না। ১৮৮৬ খৃষ্টাব্দের মার্চ মাসে কার্যভার গ্রহণ করিয়াই তিনি মহারাজাকে শ্রীনগরে লইয়া যাইবার জন্ত ব্যস্ত হইলেন। মহারাণী পীড়িতা বলিয়া মহারাজার আগমনে বিলম্ব হইলে মিষ্টার প্রাউডেন অধীর হইয়া উঠেন এবং উদ্ধতভাবে তাঁহাকে আসিতে টেলিগ্রাফ করিতে আরম্ভ করেন ও ইঙ্গিত করেন, আগমন-বিলম্বে ভারত সরকার বিরক্ত হইবেন। এইরূপে তিনি পত্নীর রোগশয্যাপার্শ্ব হইতে পতিকে চলিয়া যাইতে বাধ্য করেন। শ্রীনগরে মহারাজা ১ মাস কাল থাকিলেও সে সময়ের মধ্যে মিষ্টার প্রাউডেন দরবার সম্বন্ধে বিশেষ কোন কথাই বলিলেন না, কেবল মহারাজা

প্রজাদিগকে উচ্চশিক্ষা দিবার সঙ্কল্প করিয়াছেন জানিয়া তিনি উৎকর্ষা প্রকাশ করেন।

মহারাজা কাশ্মীরে সমতাসূচক জমী বন্দোবস্ত করিতে ইচ্ছা করিয়াছিলেন এবং সেই জন্ত সার চার্লস এচিসনকে পত্রও লিখিয়াছিলেন। সার চার্লস পূর্বে পঞ্জাবের ছোট লাট ছিলেন এবং কাশ্মীরের কল্যাণকামীও ছিলেন। সার চার্লস ২ জন লোকের নাম পাঠাইয়া মহারাজাকে তাঁহাদের মধ্যে ১ জনকে নিযুক্ত করিতে পরামর্শ দেন। মহারাজা তাঁহাকেই নির্বাচনভার দিয়া বলেন, কাশ্মীরের লোকসংখ্যায় মুসলমানের প্রাবল্য হেতু মুসলমান নিয়োগেই সুবিধা হইবে। সার চার্লস তদনুসারে নির্বাচন করিলে মহারাজা নির্বাচিত ব্যক্তিকে চাকরী করিবার অনুমতি দিতে ভারত সরকারকে লিখেন। এই সময় মিষ্টার প্রাউডেন বলেন, ইংরাজ কর্মচারী নিযুক্ত করাই ভাল। সহসা মহারানীর পীড়ারুদ্ধির সংবাদে ও পিতার বাধিক শ্রদ্ধের সময় সমাগত বলিয়া মহারাজা জন্ম যাত্রা করিলে তিনি পথেই মিষ্টার প্রাউডেনের টেলিগ্রাম প্রাপ্ত হইলেন—মিষ্টার উইংগটকে বন্দোবস্তের বা জমাবন্দীর জন্ত নিযুক্ত করা হউক। ইহাতে সার চার্লস ও মহারাজা উভয়কেই বিব্রত হইতে হয়।

আমরা ইতঃপূর্বে দাওয়ান লছমনদাসকে মন্ত্রী নিযুক্ত করিবার কথা বলিয়াছি। ইনি মিষ্টার প্রাউডেনের প্রিয়পাত্র ছিলেন। মিষ্টার প্রাউডেনই বিশেষ চেষ্টা করিয়া ইহাকে মন্ত্রী করিয়াছিলেন। কিন্তু দাওয়ান লছমনদাস বিলাসী ছিলেন—মন্ত্রী হইয়া তিনি কায়ের ভার নিয়ন্ত্রণ কর্মচারীদিগের উপর গুস্ত করিয়া বিশ্রাম সম্ভোগ করিতে থাকেন। বিশেষ তিনি অত্যন্ত রক্ষণশীল ছিলেন বলিয়া রক্ষণশীলতাহেতু ও স্বার্থের জন্ত মহারাজার প্রবর্তিত শাসন-সংস্কার ব্যবস্থায় প্রসন্ন ছিলেন না। মহারাজা যে সব শুদ্ধ রদ করিয়া দিয়াছিলেন, তাহাতে দরবারের আয় কমিয়া গিয়াছিল। গোলাব সিংহের সহিত দাওয়ান সাহেবের পিতার যে চুক্তি ছিল, তদনুসারে রাজস্বের হাজার টাকায় ৭ টাকা তাঁহার প্রাপ্য। রাজস্ব কমায় তাঁহার আয়ও কমিয়া গিয়াছিল বলিয়া তিনি বিরক্ত ছিলেন। তিনি সেগুলি যথাসম্ভব নষ্ট করিবার চেষ্টা করিলেন এবং রেসিডেন্ট তাঁহার সহায়

থাকায় মহারাজা কিছুই করিয়া উঠিতে পারিলেন না। রেসিডেন্ট দাওয়ান লছমনদাসের কার্যে কোনরূপ আপত্তি করিলেন না এবং রাজা অমর সিংহও দাওয়ান-জীর পক্ষ হইলেন। কিন্তু এততেও দাওয়ান লছমনদাসের মন্ত্রিত্ব স্থায়ী হইল না—তাঁহার মধ্যে স্থায়িত্বের উপকরণ ছিল না। প্রাউডেন-সহায় লছমনদাস যে রাজ্যের স্বার্থহানি করিতেছেন এবং মহারাজার প্রতি উদ্ধত ব্যবহার করিতেছেন, তাহা লইয়া ক্রমে অ্যাংলো-ইণ্ডিয়ান সংবাদপত্রেও আলোচনা হইতে লাগিল। রাজা অমর সিংহ সুযোগ সন্ধান করিতেছিলেন। তিনি যখন বুঝিলেন, অ্যাংলো-ইণ্ডিয়ান সংবাদপত্রেও লছমনদাসের নিন্দা প্রকাশিত হইতেছে, তখন তিনি মহারাজার পক্ষ লইয়া মন্ত্রীকে পদচ্যুত করিতে বলিলেন। দাওয়ান লছমনদাসের মন্ত্রিত্বের অবসান হইল। ১৮৮৮ খৃষ্টাব্দে এই ঘটনা হইল। মিষ্টার প্রাউডেন ইহার পরও কয়েক মাস কাশ্মীরে ছিলেন। তিনি মহারাজাকে জড়াইবার জন্ত যে জাল রচনা করিয়াছিলেন, তাহা ছিন্ন ভিন্ন হইয়া গেল এবং তাঁহার উদ্ধত ব্যবহারে বিরক্ত হইয়া বড় লাট লর্ড ডাফরিণ তাঁহাকে কাশ্মীর হইতে সরাইয়া দিলেন। তবে ইংরাজ কর্মচারীকে সরান—তাঁহার পদোন্নতি করিয়া।

দাওয়ান লছমনদাসের মন্ত্রিত্বের অবসান হইলে মহারাজা নীলাধর বাবুকে কাশ্মীরে ফিরিয়া যাইয়া কার্যভার গ্রহণ করিতে টেলিগ্রাফ করিলেন। সে সংবাদ পাইয়াই মিষ্টার প্রাউডেন তাঁহাকে টেলিগ্রাফ করিলেন, তিনি যেন ভারত সরকারের পররাষ্ট্র বিভাগের অনুমতি ব্যতীত কাশ্মীরে চাকরী গ্রহণ না করেন। কোন্ অধিকারে তিনি তাহা করিয়াছিলেন, বলিতে পারি না।

ইহার পরও মহারাজা নীলাধর বাবুকে কাশ্মীরে লইয়া যাইবার চেষ্টা করিয়াছিলেন। কিন্তু নীলাধর বাবু রাজস্ব বিষয়ক ব্যাপারে অভিজ্ঞ নহেন, এই ছল ধরিয়া সে বারও তাঁহাকে যাইতে দেওয়া হয় নাই। তখন মহারাজা তাঁহার পরিবর্তে প্রতুলচন্দ্র চট্টোপাধ্যায় মহাশয়কে নিযুক্ত করিতে চাহিলে ভারত সরকার তাহাতেও সম্মত হইলেন নাই। অথচ ভারত সরকারই প্রতুল

বাবুকে পঞ্জাব চীফ কোর্টের জজ করিয়া গুণগ্রাহিতার পরিচয় প্রদান করিয়াছিলেন।

মহারাজার তখনও “রক্ষু গত শনি।” তাই মিষ্টার প্রাউডেনের স্থানে কর্ণেল নিসবেট রেসিডেন্ট হইয়া আসিলেন। মহারাজা খাল কাটিয়া কুস্তীর আমিলেম। মহারাজাকে শাসনক্ষমতাচ্যুত করিবার সময় ভারত সরকার কর্ণেল নিসবেটকে মহারাজার বন্ধু (personal friend) বলিয়া অভিহিত করিয়াছিলেন। এই বন্ধুত্বের স্বরূপ জানিলে মনে হয়, ঠাহার মূলেও, বোধ হয়, কোন ষড়যন্ত্র ছিল। যখন মিষ্টার প্রাউডেন কাশ্মীরের রেসিডেন্ট, সেই সময় মহারাজা একবার রাওয়ালপিণ্ডীতে যাইলে কর্ণেল নিসবেট তথায় তাঁহার সহিত সাক্ষাৎ করেন। তাঁহার সহিত মহারাজা রণবীর সিংহের পরিচয় ছিল এবং তিনি প্রতাপ সিংহকে বলেন, রেসিডেন্ট হইলে তিনি বন্ধুত্বের উপকার-চেষ্টা করিবেন। পরে মহারাজা সে কথা উল্লেখ করিয়া কর্ণেল নিসবেটকে লিখিয়াছিলেন—“মিষ্টার প্রাউডেন যখন কাশ্মীরের রেসিডেন্ট, তখন রাওয়ালপিণ্ডীতে আমার সহিত আপনার সাক্ষাৎ হইলে আপনি বলিয়াছিলেন, আপনি যদি কাশ্মীরের রেসিডেন্ট হইয়েন, তবে সর্বপ্রথমে আমার মান-সম্মান বাড়াইবার চেষ্টা করিবেন।”

মহারাজার দ্বারা কর্ণেল নিসবেটকে রেসিডেন্ট করিবার জন্ত ভারত সরকারকে পত্র লিখানর মূলে কোন ষড়যন্ত্র ছিল কি না এবং মহারাজা চক্রীর চক্রে পড়িয়াছিলেন কি না, বলিতে পারি না। ১৮৮৮ খৃষ্টাব্দে কর্ণেল নিসবেট কাশ্মীরে রেসিডেন্ট হইয়া আসিলেন রাজা অমর সিংহের সহিত বিশেষ ঘনিষ্ঠতা হইল। রাজা অমর সিংহ স্বভাবতঃ ক্ষমতাপ্রিয় ছিলেন, তাহার উপর জ্যোতিষীরা তাঁহাকে বলিয়াছিলেন—গোলাব সিংহের বংশে তৃতীয় পুত্রই গদী পাইবেন। কর্ণেল নিসবেট স্বৈরাচারপ্রিয় ছিলেন—তিনি ক্ষমতাবৃদ্ধির উপায় রূপে অমর সিংহকে ব্যবহার করিতে প্রবৃত্ত হইলেন। “যোগ্য আসি মিলিল যেন যোগ্যে।” মহারাজা রাজ্যের সম্বন্ধ-রক্ষার দিকে বিশেষ লক্ষ্য রাখিতেন, রাজ্য পাইবার চেষ্টায় মান-সম্মান ক্ষুণ্ণ করিতে রাজা অমর সিংহের আপত্তি ছিল না। কিন্তু তাঁহার পক্ষে রাজ্যপ্রাপ্তির সম্ভাবনা

সুদূর-পর্যাহত ছিল; কারণ, প্রতাপ সিংহের পুত্র না থাকিলেও পোষ্যপুত্র গ্রহণের অধিকার ছিল এবং রাজা রামসিংহ তখনও জীবিত—তাঁহার পুত্রও ছিল। কাষেই জ্যেষ্ঠ দাতৃঘরের বংশ লোপ না পাইলে স্বাভাবিক নিয়মে অমর সিংহের রাজ্যলাভের সম্ভাবনা ছিল না। বোধ হয়, সেই জন্তই কর্ণেল নিসবেটের সঙ্গে তাঁহার একটা দেন-লেমের চুক্তি হইল—কর্ণেল ষথেষ্ট ক্ষমতা ব্যবহার করিবেন, রাজা অমর সিংহ সম্ভব হইলে মহারাজার স্থান অধিকার করিবেন। মহারাজা রক্ষণশীল হিন্দু ছিলেন। অমরসিংহ যুরোপীয় আচার-ব্যবহারে কতকটা অভ্যস্ত বলিয়া কর্ণেলের সহিত ঘনিষ্ঠতা স্থাপনের সুযোগ পাইলেন। এই ঘনিষ্ঠতা প্রগাঢ় হইলেই মহারাজার সর্বনাশের অন্তিম কারণ—তাঁহার লিখিত বলিয়া প্রচারিত পত্রগুলি পাওয়া গেল ও সেইগুলি লইয়া কর্ণেল কলিকাতায় গমন করিলেন। এই সব পত্রের ২খানি মহারাজা কড়ক রানামন্দ নামক পুরোহিতকে লিখিত :—

- (১) লর্ড ডাকরিংকে ও মিষ্টার প্রাউডেনকে হত্যার ব্যবস্থা কর।
 - (২) রাজা রাম সিংহ আমার শত্রু। তাহাকে হত্যা কর। তোমাকে পুরস্কার দেওয়া হইবে।
- আর ২ খানি পত্র মীরণ বন্দ নামক মহারাজার এক ভৃত্যকে লিখিত :—

- (১) তুমি আমাকে বলিয়াছিলে, দলিপ সিংহ এ দেশে আসিলে ইংরাজ পলাইয়া যাইবে। তখন আমি দলিপ সিংহের সহিত যোগ দিব।
- (২) তুমি লাডক ও ইয়ারখণ্ডের পথে কুসিয়ার বিক্রাসী লোক পাঠাইয়া জানাইয়া দাও, আমি কুসিয়ার বন্ধু। সদ্ধার করম সিংহের নিকট হইতে যত ইচ্ছা অর্থ লও। এ কথা যেন কেহ জানিতে না পারে।

শেষে মহারাজা রাজা অমর সিংহকেই তাঁহার বিরুদ্ধে ষড়যন্ত্রের মূল বলিয়া বুঝিতে পারিয়াছিলেন এবং বড় লাট লর্ড ল্যান্সডাউনকে তাহা লিখিয়াছিলেন। তিনি কনিষ্ঠ ভ্রাতা অমর সিংহকে পুত্রবৎ স্নেহ করিতেন এবং রণবীর সিংহ কনিষ্ঠ পুত্রকে যে জায়গীর (বিশোলী) দিয়া গিয়াছিলেন, তাহার স্থায় অধিক নহে বলিয়া ভ্রাতাকে তাহার পরিবর্তে মূলাবান্ জায়গীর (ভুদরোয়া)



চেনার বাগ—[উপর দিকের দৃশ্য]

দিয়াছিলেন। অমর সিংহের বয়স অল্প হইলেও জ্যেষ্ঠ তাঁহাকে রাজ্যে আপনার পরবর্তী স্থান দান করিয়াছিলেন। কিন্তু কনিষ্ঠ জ্যেষ্ঠের প্রতি কি ব্যবহার করিয়া সেই স্নেহের প্রতিদান দিয়াছিলেন!

অবশ্য অন্তের সাহায্য ও উৎসাহ না পাইলে অমর সিংহের অসঙ্গত উচ্চাকাঙ্ক্ষা দূতাত্তিপুষ্ট পাবকের মত প্রবল হইয়া উঠিতে পারিত না। সে সাহায্য ও উৎসাহ তিনি কর্ণেল নিসবেটের নিকট হইতে পাইয়াছিলেন। উভয়ের মধ্যে চুক্তির বিষয় বৃষ্টিতে কাহারও বিলম্ব হয় না। অথচ ভারত সরকারের বিজ্ঞ ব্যক্তির ইহাই বৃষ্টিতে পারেন নাই।

কর্ণেল নিসবেট কাশ্মীরে আসিবার পর হইতেই তথায় ষড়যন্ত্রের প্রাবল্য ঘটিতে আরম্ভ হয়। যে সব কর্মচারী মহারাজার প্রতি অনুরক্ত, তাঁহাদিগকে কর্মচ্যুত করিয়া বেসিডেন্টের দলের বলবৃদ্ধি করা হয় এবং তাঁহাদের স্থানে বিপক্ষ দলের লোক নিযুক্ত করা হয়। যোগ্যতা দেখিয়া যে লোক নিযুক্ত করা হয় নাই, তাহার

প্রমাণে বলা যাইতে পারে, যাঁহাকে জর্ধর চীফ জর্জ করা হয়, তিনি আইন-জ্ঞানহীন এবং বৃটিশ রাজ্যে কোথাও বিচার বিভাগে সামান্য চাকরীও পাইতেন না।

কর্ণেল নিসবেট ও রাজা অমর সিংহ ষড়যন্ত্র করিয়া মহারাজা প্রতাপ সিংহের বিরুদ্ধে যে সব অভিযোগ উপস্থাপিত করান, সে সকল নিয়ে বিবৃত হইল :—

- (১) তিনি চরিত্রহীন।
- (২) তিনি কাশ্মীরে কুশাসন প্রবর্তিত কবিয়াছেন ও পরিচালিত করিতেছেন।
- (৩) তিনি অমিতব্যয়ী।
- (৪) তিনি হীনচরিত্র, অযোগ্য পারিষদপুঞ্জে পরিবৃত।
- (৫) তিনি রাজস্বদোহনক ও হত্যাকল্পে পত্রব্যবহার করিয়াছিলেন।

এই সকল অভিযোগই তাঁহাকে পরোকভাবে গদী হইতে সরাইবার কারণ।

[ক্রমশঃ।

শ্রীধেমেন্দ্রপ্রসাদ ঘোষ।

রূপের মোহ



সূচনা

আরতি শেষ হইয়াছে—দেবমন্দিরে শঙ্খ-ঘণ্টার মঙ্গলধ্বনি অনেককণ থামিয়া গিয়াছে। শ্রী পথিক ভাগীরথীতীরে সোপানের উপর বসিয়া তখনও কি ভাবিতেছিল। মেঘলেহনীন চৈত্রের আকাশে ত্রয়োদশীর চাঁদ হাসিতেছে, গঙ্গার চঞ্চল জলরাশির উপর কিরণোচ্ছ্বাস—পরপারে মসাঁচিত্রিত বৃক্ষরাজির গাঢ় রেখা।

তাহার শরীর বলিষ্ঠ, মুখশ্রী কোমল ও সুন্দর, ললাটে প্রতিভার দীপ্ত রেখা। কিন্তু নয়ন-যুগলের দৃষ্টিতে নৈরাশুর ম্লান কালিমা।

চন্দ্র আরও হাসিয়া উঠিল। তারশু উদ্যান হইতে পুষ্পগন্ধবাহী একটা দম্কা বাতাস ছুটিয়া আসিল। পথিক সহসা নিদ্রোপিতের মত চমকিত হইয়া উঠিল। সে উঠিয়া পশ্চাতে ফিরিবামাত্র সহসা যেন বিশ্বয়ে স্তব্ধ হইয়া দাড়াইল। ‘নয়দেহ, শুভ্রবসন কে এ পুরুষ? চন্দ্রকরলেখা নবাগতের সৌম্যমূর্তির স্পর্শে কি আনন্দে শিহরিয়া উঠিতেছিল?’

স্তম্ভিত যুবকের দিকে চাহিয়া আগন্তুক বলিলেন, “তুমি কে, বাপু?”

“পথিক।”

“পথিক?—তা এ সময়ে গঙ্গার ধারে বসে কি হচ্ছে, বাপু?—কোথায় যাবে?”

যুবক অন্তমনস্কভাবে আপন মনে বলিল, “কোথায় যাব!—তা ত জানি না।” তাহার পর বলিল, “রাত্রি কত বলতে পারেন?”

নবাগত আগন্তুক শ্রীকৃষ্ণদৃষ্টিতে যুবকের দিকে চাহিয়া

বলিলেন, “রাত্রি? এক প্রহর হয়ে গেছে বোধ হয়।”

এত রাত্রি হইয়াছে!—যুবক দ্রুত স্থানত্যাগের উপক্রম করিল।

ব্রাহ্মণ বলিলেন, “তোমাকে বড় শ্রান্ত দেখছি। আমার সঙ্গে এস।”

উত্তরের অপেক্ষা না করিয়াই ব্রাহ্মণ অগ্রসর হইলেন, পথিকও মগ্নমুগ্ধবৎ তাহার অনুবর্তী হইল।

পথের উভয় পার্শ্বে নানাবিধ ফল ও ফুলের গাছ। অনতিদূরে শ্রেণীবদ্ধভাবে উন্নতচূড় মন্দির। যুবক গণিয়া দেখিল, উহার সংখ্যা ১২। চন্দ্রালোকে শুভ্রদেহু দেবমন্দিরগুলি রঞ্জিতগিরির মত ঝক ঝক করিতেছিল।

কিরদূর অগ্রসর হইয়া ব্রাহ্মণ চত্বরের মধ্যবর্তী অপর একটি মন্দিরের সম্মুখে দাড়াইলেন। মন্দিরের দ্বার তখনও উন্মুক্ত। ভিতর হইতে উজ্জল আলোকপ্রবাহ বাহিরে আসিয়া পড়িয়াছিল। যুবক দেখিল, মন্দির-মধ্যে রৌপ্যরচিত খেত শতদলের উপর মহাকাল শারিত; তাহার বক্ষোদেশে এক পাষাণী কালীপ্রতিমা। যুবক দাড়াইল, দেবীমূর্তিকে প্রণাম করিল। মূর্তি পাষাণ-নির্মিত বটে; কিন্তু সে এ কি দেখিতেছে—মাতার নয়ন-যুগল যেন প্রাণময় হইয়া উঠিয়াছে! যুবক স্তম্ভিতভাবে দাড়াইল। ভাল করিয়া চাহিয়া দেখিল, সত্যই প্রতিমার নয়ন-যুগল হইতে যেন এক অপূর্ণ দীপ্তি নির্গত হইতেছিল। মনন-মগ্নিত গৃহতলে লুটাইয়া পড়িয়া যুবক ভাবাবেশে দৈবীকে পুনঃ পুনঃ প্রণাম করিল। ষোড়শী এই

পাষণমূর্তি গড়িয়াছে, তাহার নিপুণতা প্রশংসনীয় ; কিন্তু যে সাধক এই প্রতিমার প্রাণপ্রতিষ্ঠা করিয়াছেন, তিনি নিশ্চয়ই নরকুলে শত্রু এবং অসাধারণ-শক্তিশালী মহাপুরুষ ।

স্বিষ্ট কণ্ঠে ব্রাহ্মণ বলিলেন, “ওঠ! এস!”

যুবক আর একবার দেবীর পানে চাহিয়া ব্রাহ্মণের অনুগামী হইল। মন্দিরের আশে-পাশে অনেকগুলি ঘর। ব্রাহ্মণ তাঁহাকে লইয়া একটি কক্ষের মধ্যে প্রবেশ করিলেন। সে কক্ষে অনেকগুলি লোক বসিয়া ছিল, কেহ বই পড়িতেছে, কেহ বা আগ্রহভরে পাঠ শুনিতে ব্যস্ত। এক জন বেহালায় সুর দিতেছিল।

ব্রাহ্মণ কক্ষমধ্যে প্রবেশ করিবামাত্র সকলের মধ্যে যেন একটা সাড়া পড়িয়া গেল। কয়েক জন সঙ্গমভরে তাঁহার কাছে ছুটিয়া আসিতেই তিনি ইঙ্গিতে সকলকে বসিতে বলিলেন। যুবকের হাত ধরিয়া ব্রাহ্মণ অল্প কক্ষে প্রবেশ করিলেন। যাইবার সময় যুবক দেখিল, সকলেই নির্ঝাঁকু বিশ্বয়ে তাহার দিকে চাহিয়া আছে। ক্রমাগত আরও কতিপয় কক্ষ অভিক্রমের পর একটি প্রশস্ত কক্ষে উভয়ে প্রবেশ করিলেন।

তথায় কেহ ছিল না। কিন্তু কক্ষতলে বহু পাত্র-পরিপূর্ণ নানাশ্রকার ধাতু-দ্রব্য রক্ষিত। ব্রাহ্মণ বলিলেন, “আগে কিছু খেয়ে নাও— তোমার নিশ্চয় খুব ক্ষিদে পেরেছে।”

কথাটা মিথ্যা নহে। সত্যই যুবকের অত্যন্ত ক্ষুধা পাইয়াছিল। ব্রাহ্মণের সে আদেশও অবহেলা করিবার নহে। যুবক ব্রাহ্মণের নির্দেশমত একটা পাত্র টানিয়া লইল।

এই অপরিচিত প্রৌঢ় ব্রাহ্মণের বিচিত্র ব্যবহারে যুবক সত্যই অত্যন্ত বিস্মিত হইয়াছিল। তাঁহার দেহের উজ্জল, স্বিষ্ট কান্তি, শাস্ত মধুর ব্যবহার, স্নেহাপ্লুত কণ্ঠস্বর—সকলই যেন অভিনব বলিয়া বোধ হইতেছিল। অপরিচিত ব্যক্তির সহিত এমন ব্যবহার ভারতবর্ষের প্রকৃতিগত হইলেও, বর্তমান যুগে ক্রমেই বিরল হইয়া আসিতেছে।

আহার শেষ হইলে ব্রাহ্মণ বলিলেন, “এখন বল ত, বাপু, তুমি কে, কোথায় থাক?”

প্রশ্নের উত্তর না দিয়া যুবক বিস্মিত দৃষ্টিতে ব্রাহ্মণের নয়ন-যুগলের করুণাদীপ্ত দৃষ্টি লক্ষ্য করিতেছিল। তাহাকে নীরব দেখিয়া প্রৌঢ় আবার প্রশ্ন করিলেন। যুবকের চমক ভাঙ্গিল। ঈষৎ লজ্জিতভাবে সে একবার ব্রাহ্মণের দিকে চাহিয়া তাহার নিঃসঙ্গ জীবনের কথা তাঁহাকে বলিতে লাগিল।

সম্ভ্রান্তবংশে তাহার জন্ম ; কিন্তু সংসারে আপনার বলিবার কেহ নাই। বিশ্ববিদ্যালয়ের পরীক্ষাগুলি সে উত্তীর্ণ হইয়াছে, তথাপি বিবাহ করে নাই। সে বুঝিয়াছে, বিবাহই বন্ধনের দৃঢ় রজ্জু। একবার বাধা পড়িলে মুক্তিপথের সন্ধান আর পাওয়া যায় না। সংসারের সাধারণ লোক বাহাকে সুখ বলে, নগেন্দ্রনাথ তাহাতে সুখের কোনও সন্ধান পায় নাই। ইহাই তাহার মহাদুঃখ। এই বয়সে সে বহু দেশ পর্যটন করিয়াছে, বহু লোকের সহিত সে মিশিয়াছে ; কিন্তু কোথাও সে সুখ পায় নাই। একটা বিরাট অভৃপ্তি তাহার হৃদয়ে অনুকরণ দীর্ঘকাল ফেলিতেছে। তাহার বিশ্বাস, পৃথিবীতে সুখ নাই— আনন্দ নাই। পৃথিবীতে এমন কিছু যদি থাকিত—যাহার নেশায় সে আত্মবিশ্বস্ত হইতে পারে, তাহা হইলে সে বাঁচিয়া যায়। কিন্তু কোথায় সেই কর্ম, কোথায় সেই বিশ্বাস!

বলিতে বলিতে যুবকের মুখমণ্ডলে গভীর নৈরাশ্যের মসীচিহ্ন ফুটিয়া উঠিল।

তাহার কথা শুনিতে শুনিতে ব্রাহ্মণের নয়ন-যুগল যেন করুণায় আরও স্বিষ্ট হইয়া উঠিল। মমতামধুর প্রশান্ত স্বরে তিনি বলিলেন, “ঠিক পথ ধরতে পারনি, বাপু। সংসারে এত কায, আর তুমি কায খুঁজে পেলেনা? লক্ষজীবনে কাষের শেষ নেই। শুধু আনন্দ, শুধু তৃপ্তি পাওয়া যায়, এমন অনন্ত কায তোমার সামনে প’ড়ে আছে। কেউ তোমাকে এত দিন পথ দেখিয়ে দেয়নি, তাই এত অশাস্তি পাচ্ছ। তুমি কায করতে চাও?”

ব্রাহ্মণ ভীকৃদৃষ্টিতে যুবকের দিকে চাহিলেন।

নগেন্দ্রনাথ দৃঢ়স্বরে বলিল, “আমি নিজের অস্তিত্বকে ভুবিষে দিতে চাই, ঠাকুর! আপনি যদি এমন কোন পথের সন্ধান খ’লে দিতে পারেন, জন্মের মত আমি আপনার দাস হয়ে থাকব।”

যুবকের মস্তকে হাত রাখিয়া ব্রাহ্মণ বলিলেন, “আমি তোমার মতই এক জন লোক খুঁজছিলাম। এস বাবা, আমার সঙ্গে এস।”

ব্রাহ্মণ যুবকের হাত ধরিয়া কক্ষত্যাগ করিলেন।

প্রথম পরিচ্ছেদ

শরতের অপরাহ্ন। যমুনার জল কূলে কূলে পরিপূর্ণ হইয়া ছুটিয়া চলিয়াছে। পরপারে ভূট্টা ও গনের শ্রামল ক্ষেত্র। কুমক-বালিকারা মাথায় মোট লইয়া গান গাতিতে গাতিতে গ্রামের পথে গৃহে ফিরিতেছিল।

এমন মধুর অপরাহ্নে একখানি ছোট ‘জলি বোটে’ তিন জন আরোহী জল-ভ্রমণ করিতেছিলেন। আরোহী-দিগের মধ্যে এক জন পুরুষ, অপর দুই জন নারী। পুরুষ দুই হাতে দাঁড় টানিতেছিলেন। রমণী-যুগল চুপ করিয়া সন্ধ্যার শোভা দেখিতেছিল। উভয়েই সুন্দরী। এক জনের পরিধানে ফিরোজা রঙ্গের পার্শী শাড়ী—সোনার পাড় বসান। অঙ্গে পাতলা রেশমের রঙ্গীন ব্লাউজ। পায়ে জুতা; কানে হীরকখচিত সোনার ছোট প্রজাপতি; করপ্রকোষ্ঠে সোনার চুড়ী। বয়স অল্পমান সপ্তদশ। মুখখানি অতি কোমল—লাবণ্যে ঢল-ঢল। নয়ন-যুগল রসরাগোজ্জ্বল, চঞ্চল, কটাক্ষময়। অপরাহ্নের অস্তগামী সূর্য্যের লোহিত আভা তাহার ভাবময় আনন অম্বরঞ্জিত করিতেছিল।

অপর অপেক্ষাকৃত বয়োজ্যেষ্ঠা। তাহার পুষ্টি—পরিপূর্ণ দেহ-লতিকায় সৌন্দর্য্যের জ্যোৎস্না যেন তরঙ্গায়িত হইয়া উঠিতেছিল। বাদামী মুখমণ্ডল মধুর ও চিত্তাকর্ষক। নয়নযুগল দীর্ঘ—তারকাহর ভ্রমরকৃষ্ণ; কিন্তু প্রথমার স্তায় সজল ও চঞ্চল নহে, গভীর ভাবময়, স্থির—অচঞ্চল। কৃষ্ণিত অলকদাম যুগ্মবনে ক্ষুদ্র ললাটের চারিপার্শ্বে উড়িয়া উড়িয়া পড়িতেছিল। পরিধানে একখানি শাদা সিল্কের শাড়ী, গায় শাদা ব্লাউজ। সুগোল মস্তক করপ্রকোষ্ঠে সোনার চুড়ী ও ব্রেসলেট। এই শুভ্রবসনা সুন্দরীকে দেখিলেই মনে হইবে, কে যেন একখানি রক্তপাতকের উপর একটি স্ফোটিকসিত কনক-চাঁপা সাজাইয়া রাখিয়াছে।

ক্রমে সন্ধ্যা ঘনাইয়া আসিল। মেঘশৃঙ্গ নীল সাগরে সন্ধ্যার বহৎ চন্দ্র ছলিয়া উঠিল। সঙ্গে সঙ্গে নদীর বক্ষও যেন অকস্মাৎ হাসিতে ভরিয়া গেল।

“বৌদি! দেখ, কি সুন্দর! কি চমৎকার ছবি! এমন স্বপ্নভরা মধুর সন্ধ্যা, এমন আপনহারি চাঁদের আলো কত দিন দেখি নি!”

শুভ্রবসনা যুবতী মুহূ হাসিয়া বলিল, “তোমার সব-তাতেই কাব্য, সরসু! আমার প্রাণে অত কবিত্ব নেই ভাই। রোজ যেমনটি দেখি, আজও তেমনই, নতুন কিছু ত দেখছি না।”

সরসু তাহার বিশাল, ভাবময়, চঞ্চল নয়নযুগল আকাশে তুলিয়া আবেগভরে বলিল, “না, বৌদি, তোমার কথা ঠিক নয়। রোজ যেমন দেখি, আজ ঠিক তেমন নয়। অনেক তফাৎ! রাতদিন দাদার কাছে থেকে, আর বিজ্ঞানের আলোচনা করে তোমার প্রাণটা গভীর গঙ্গে ডুবে রয়েছে। নইলে এমন চমৎকার সন্ধ্যার ছবি তোমার চোখে ধবুল না! বিজ্ঞান যে মানুষকে এত নীরস করে তোলে, জানতাম না।”

“কে জানে, ভাই! আমি ত কোন তফাৎ বুঝতে পারছি না। সৌন্দর্য্যের অত ঘোরফের বুঝবার শক্তি আমার নেই। বিজ্ঞানের দোষ দাও কেন, ভাই; ওটা পড়বার আগেও কিছু বুঝতে পারতাম না।”

একটু নীরব থাকিয়া সরসু বলিল, “আচ্ছা, বৌদি! সন্ধ্যার বাতাসে যখন ফুল ফোটে, তখন কি সে শোভা দেখে তোমার মন মুগ্ধ হয় না? নীল আকাশে যখন চাঁদ হাসে—সেই পরিপূর্ণ জ্যোৎস্নাশ্রোতে আপনাকে মিশিয়ে দিতে কি তোমার প্রাণ ব্যাকুল হয়ে ওঠে না?”

দ্বিতীয়া সুন্দরী গভীরভাবে বলিল, “ফুলের গন্ধ বড় মধুর, তার শোভা সুন্দর, তা মানি। বাতাস তার সুবাস বয়ে আনে, তাতেই আমার ভ্রুপি। চাঁদের নীতল কিরণে শরীর জুড়িয়ে যায়, মনও প্রফুল্ল হয়ে ওঠে, সুতরাং তাকে আমি ভালবাসি; কিন্তু তুমি যেমন ফুলটিকে তুলে বুকের কাছে রেখে তার গন্ধ ও শোভা উপভোগ করতে চাও, আকাশে চাঁদ উঠলেই যেন তার কাছে ছুটে যেতে চাও—কিবণরাশির মধ্যে আপনাকে মিশিয়ে দিতে ইচ্ছে কর, আমার তা হয় না, ভাই।

কারণ, কোন জিনিষের শেষ দেখতে গেলে প্রায়ই ঠকতে হয়। বাড়াবাড়ি কিছুই ভাল নয়। মনে কর, চাঁদের কিরণের সঙ্গে প্রাণটা মিশিয়ে দেবার জন্ত যদি চাঁদের কাছে যেতে হয়, তবেই ত মুক্তি। সেখানে যাওয়াটা বড় সুবিধাজনক নয়। কারণ, বিজ্ঞান বলে—”

করতালি দিয়া সরয় বলিয়া উঠিল, “যে আজ্ঞে, বৈজ্ঞানিক! কিন্তু বিজ্ঞান যা বলে, আমাদের মত ক্ষুদ্রবুদ্ধি নারীর তাঁ জেনে দরকার কি? আমরা পৃথিবীর যা কিছু মধুর, যা কিছু সুন্দর, তা দেখতে ভালবাসি, তাই পেতে চাই। কারণ, সেটা মানুষের স্বভাব। তোমার বৌদি, সবই বেয়াড়া রকমের। উৎসাহের সঙ্গে কোন ভাল জিনিষটাকে আপনার ক’রে নিতে চাও না। যেন একটু দূর—একটু তফাৎ। আপনার গণ্ডী ছেড়ে যেতে যেন তোমার বড় কষ্ট হয়!”

বিতীয়া রমণী উদাসভাবে বলিল, “তা যদি পারি—গণ্ডীর মধ্যে যদি থাকতে পারি, সেটা কি মক? নিজের গণ্ডীর বাইরে যাওয়াটা কিছু নয়।”

সরয়ও যেন সহসা গম্ভীর হইয়া পড়িল। সে বলিল, “গণ্ডী ছেড়ে যাওয়া না যাওয়া কি শুধু মানুষের ইচ্ছের উপর নির্ভর করে, বৌদি? অদৃষ্টই মানুষকে অনেক সময় সীমা ছাড়িয়ে নিয়ে যায়।”

বিতীয়া দৃঢ়স্বরে বলিলেন, “আমি অদৃষ্ট মানি নে। মানুষের মন তার অধীন। সে যেমন কাষ করবে, ফলও তেমন পাবে। কর্মই সব—আমি তা ছাড়া আর কিছু বুঝি নে।”

ক্লেপণী তুলিয়া জলের দিকে চাহিয়া যুবক কি যেন গাভিতেছিলেন। যুবতীদিগের আলোচনার বোধ হয় তাঁহার কান ছিল না। নৌকা বদুচ্ছ ভাসিয়া যাইতেছিল।

বয়োজ্যেষ্ঠা সহসা বলিয়া উঠিল, “দাদা, আর বেশী দূর গিয়ে কাষ নেই। নৌকা ফেরাও—রাত হয়েছে।”

যুবক সহসা যেন চমকিয়া উঠিলেন। একবার আকাশের দিকে চাহিয়া মূহুরে বলিলেন, “আজকার রাতটা বড় মধুর। এখন যেন বাড়ী ফিরতে ইচ্ছে হচ্ছে না।” পরক্ষণেই তাই হাতে দাঁড় ধরিয়া বলিলেন, “নাঃ, কাষ নেই, ফেরা যাক। অধ্যাপক মিত্র হৃদয় ত আমাদের

অপেক্ষায় ব’সে আছেন। ‘অমিয়া, হালটা একবার ডাইনে ঘুরিয়ে দাও’ত, বোনু। বসু—ঠিক হয়েছে।”

সরয় মূহুরে বলিল, “হ্যাঁ, দাদা সেই রকম মানুষট বটে! কেতাব ছেঁড়ে তিনি আমাদের জন্ত ব’সে থাকবার লোক নন। আচ্ছা, বৌদি! তুমি দাদাকে অতটা বাড়াবাড়ি করতে দাও কেন বল দেখি? দিন নেই, রাত নেই, চব্বিশ ঘণ্টাই কেবল বৈজ্ঞানিক তত্ত্বের আলোচনা। সংসারে যে একটু বিশ্রামের দরকার, তা দাদার জ্ঞান নেই। তুমিও তাতে সাহায্য দাও। তাই ত দাদা অত বাড়াবাড়ি ক’রে তুলেছেন। আমি হ’লে—”

“তা আমি কি বারণ করছি, ভাই! শাসনের ভারটা তুমি নিজের হাতেই নাও না কেন? তোমার ভাই-আপনার জন। আমরা হলাম পরের মেয়ে!”

খোঁচা খাইয়া সরয়র মুখমণ্ডল আরক্ত হইয়া উঠিল। বৌদিদির প্রতি ক্ষুদ্র মুষ্টি উত্তত করিয়া সে বলিল, “ছিঃ, বৌদি, তুমি বড় দুষ্ট। এ সব কথা নিয়ে ও রকম ক’রে ঠাটা করতে হয়?”

গম্ভীরভাবে অমিয়া বলিল, “ঠাটা নয়, আমি সত্যি বলছিলাম।”

“আবার ঐ কথা! আমি আজ বাড়ী গিয়ে দাদাকে সব ব’লে দেব। দেখুন, সুরেশ বাবু”—বলিয়াই বি ভাবিয়া সহসা সরয় চূপ করিল।

অমিয়া হাসিতে হাসিতে বলিল, “আমারও অনেক কথা বলবার আছে, ভাই। প্রতিশোধ নিতে আমিও জানি।”

সুরেশচন্দ্র তখন গুণ গুণ স্বরে একটা গানের কলি স্বরে ভাজিতেছিলেন। নৌকা দ্রুত চলিতেছিল।

দ্বিতীয় পরিচ্ছেদ

তরনী তীরে সংলগ্ন হইল। নিকটের একটা গাছের গুঁড়িতে নৌকা শৃঙ্খলাবদ্ধ করিয়া, তাহাতে তালা বন্ধ করিয়া সুরেশচন্দ্র রাজপথে আসিয়া দাঁড়াইলেন। পথের দুই ধারে দীর্ঘাকার নিমগাছের শ্রেণী। চন্দ্রকরলেখা পত্রবহুল বৃক্ষালরালের ছিদ্রপথে উঁকি মারিতেছিল।

তিন জনে লখুগাত্ত জনবিরণ পথ অতিক্রম করিয়া

সম্মিহিত এক অট্টালিকায় প্রবেশ করিলেন। প্রশস্ত হল-
দরে দীপাধারে আলোক জলিতেছিল। পাখের একটি
কামরায় অধ্যাপক মিত্র গাঢ় অভিনয় সহকারে কি
পড়িতেছিলেন।

সুরেশচন্দ্রের কণ্ঠস্বরে আকৃষ্ট হইয়া তিনি মুখ তুলিয়া
চাহিলেন। ভগিনী, পত্নী ও শ্যালককে জলবিহার হইতে
ফিরিয়া আসিতে দেখিয়া তিনি বইখানি মুড়িয়া
বাখিলেন।

সুনীলচন্দ্রের মনে হইল, তাঁহার নীরব, সুপ্তপ্রায় গৃহ-
ঈহাদেব আগমনে সহসা যেন প্রাণ পাইয়া জাগিয়া উঠি-
য়াছে। তাঁহার শুকপ্রায়, কক্ষরাজ হৃদয়ের এক প্রান্তে
আনন্দের শিহরণ যেন জাগিয়া উঠিল। চশমাখানি ধীরে
ধীরে টেবলের উপরে রাখিয়া তিনি অপেক্ষাকৃত প্রফুল্ল-
ভাবে বলিলেন, “আজ কত দূর বেড়িয়ে এলে?”

একখানা চেয়ার টানিয়া লইয়া সুরেশচন্দ্র বলিলেন,
“অনেক দূর। তুমি ত ঘরের কোণ ছেড়ে নডবে না।
সন্ধ্যার বাতাস—নদীর নিশ্বল হাওয়া তোমার স্বাস্থ্যের
পক্ষে কত প্রয়োজনীয়, নিজে বৈজ্ঞানিক হয়ে সেটা মনে
রাখা উচিত।”

সরযু হাসিয়া বলিল, “বুঝা চেষ্টা, সুরেশ বাবু! দাদা
আমার ও বিষয়ে ঘোর উদাসীন। বক্তৃতা দিয়ে লোকের
মন দূর করায় উনি যেমন মজবুত, আবার নিজের
সমক্ষে ভুল করতেও তাঁর সমকক্ষ কেউ নেই।”

অধ্যাপক মিত্র সম্মুখে ভগিনীর দিকে চাহিয়া বলি-
লেন, “তুই ত আজকাল খুব তর্কবাগীশ হয়ে উঠেছিস,
সরযু!”

স্মিতহাস্তে সরযু বলিল, “না হয়ে কি করি, দাদা।
তোমরা সবাই—কেউ দার্শনিক, কেউ বৈজ্ঞানিক, মায়
বৌদি পর্যন্ত। আর আমি তর্কিক। একটা কিছু
সওয়া ত চাই।”

কক্ষতল উচ্চহাস্তে মুখরিত হইয়া উঠিল।

এমন সময় পাচক আসিয়া সংবাদ দিল—আহার্য
প্রস্তুত। সকলে উঠিয়া ভোজনাগারের দিকে
গেলেন।

আহারশেষে সকলে রসিবার ঘরে ফিরিয়া আসিলে
সরযু বলিল, “দাদা, তুমি আমাদের সঙ্গে কলকাতার বাবে

না? তোমার কলেজ ত নীচ বন্ধ হবে, চল, একসঙ্গে
যাই।”

অমিয়া স্বামীর দিকে চাহিল। সুনীলচন্দ্র গম্ভীরভাবে
বলিলেন, “তোমাদের সঙ্গে সম্ভবতঃ এবার আমার যাওয়া
হবে না। বিজ্ঞান সম্বন্ধে যে বইখানা লিখছি, তার
আলোচনা ও নানা রকম পরীক্ষায় আমি বিশেষ ব্যস্ত
আছি। সুতরাং, সরযু, এবার তোদের সঙ্গে বেড়ানর
আশা আমি ছেড়ে দিয়েছি।”

সরযু বলিল, “তোমার বিজ্ঞানই কি সব চেয়ে বড়
হ'ল, দাদা? সংসারের আর কিছুই কি তোমার দরকার
নেই?”

সহোদরার তিরস্কারে অভিমানের সুর প্রচ্ছন্ন ছিল।
সুনীলচন্দ্র তাহা বুঝিলেন। মৃদু হাসিয়া তিনি বলিলেন,
“রাগ করো না, লক্ষ্মী বোনটি আমার! বাস্তবিক কত
বড় গুরু দায়িত্ব মাথায় ক'রে নিয়েছি, তা ত তোমরা
জান না। এই ছুটির মধ্যে যদি বইখানা শেষ করতে না
পারি, তা হ'লে প্রকাশকের কাছে আমার অপদস্থ হ'তে
হবে। এ যাওয়া ছেড়ে অন্য কোথাও গিয়ে এ সব বই
লেখাও চলে না।”

অমিয়া এতক্ষণ চূপ করিয়া ছিল। এইবার সে বলিল,
“তোমাকে একা এলাহাবাদে রেখে আমিই বা কি ক'রে
যাই? তোমার বড় কষ্ট হবে। নাওয়া খাওয়া কে
দেখবে? আমি যাব না।”

সুনীলচন্দ্র ব্যস্তভাবে বলিলেন, “না অমিয়া, সে হবে,
না। তোমরা যাবে বৈ কি। পিসীমাকে অনেক দিন
দেখনি, তিনি এত ক'রে লিখছেন, না গেলে ভাল দেখায়
না। তার পর পুরী যাবার সাধ যখন হয়েছে, তখন
সমুদ্র দেখে আসবে বৈ কি। এক্ষেত্রে জীবন ভাল
লাগবে কেন? তোমরা যাও, আমার কোন কষ্ট হবে
না। কামতা ও ভদাই যখন আছে, আমার কোন
অসুবিধা হবে না। আর পারি ত শেষের দিকে আমিও
তোমাদের সঙ্গে জুটে যাব। সে কথা এখন থাক—
তোমাদের যাওয়া কবে স্থির? সুরেশ নিশ্চয় সঙ্গে
যাচ্ছ?”

অমিয়া বলিল, “দাদা ত যাবেই, নইলে আমাদের
মিয়ে যাবে কে?”

সুরেশ বলিলেন, “আসছে রবিবার পাঞ্জাবমেলে যাত্রা করব। কিন্তু তুমি সঙ্গে থাকলে ভাল হ’ত। আমায় জান ত, সব সময় মেয়েদের সঙ্গে বেড়ান ঘ’টে উঠবে না।”

সহাস্ত্রে সুনীলচন্দ্র বলিলেন, “সে বিষয়ে তোমার চেয়ে আমি আর এক ডিগ্রী বেশী। সুতরাং আমার যাওয়া না যাওয়া সমান। তোমার বোনের তা হ’লে দেশ-ভ্রমণের আমোদ ও উপকার হবে না। সারাদিন আমার কেতাবের পাশেই কেটে যাবে।”

তোম্বালেখানা র্যাকের উপর রাখিতে রাখিতে সরযু বলিয়া উঠিল, “সে কথা মিথ্যে নয়। যেমন দেব, তেমনি দেবী। ভেবেছিলাম, বৌদির ঘটে কিছু বুদ্ধি আছে। কিছুই না—হু’জনেই সমান কেতাব-কীট।”

অমিয়া সহাস্ত্রে বলিল, “এমন দাদার এমন বোন কি ক’রে যে হ’ল, আমিও ত কিছুতেই ভেবে পাই না!”

সুরেশচন্দ্র সহসা ভগিনীপতির সম্মুখে আসিয়া মুহূ স্বরে বলিলেন, “সত্যই তুমি আমাদের সঙ্গে যাবে না, ঠিক করেছ? আমার কিন্তু মনে হয়, সঙ্গে গেলে ভাল হ’ত। বিয়ের পর এক দিনও তোমরা কাছ ছাড়া হওনি।”

সুনীলচন্দ্রের অপরে মুহূ হাস্তরেখা ফুটিয়া উঠিল। তিনি উচ্চস্বরে বলিয়া উঠিলেন, “তোমার কবিত্বশক্তি

দেখছি অকস্মাৎ ক্ষীণ হয়ে উঠেছে। দেখ, আমি, তোমার দাদার জন্ত শীত্র একটা পাত্রী স্থির ক’রে ফেল। আমাদের ভাবী বিরহের আশঙ্কায় তোমার দাদার মন চঞ্চল হয়ে উঠেছে।”

অমিয়া দৃষ্টি নত করিয়া মুহূ স্বরে বলিল, “দাদার বিয়ের পাত্রী ত তোমার হাতেই আছে।”

অমিয়া সরযুর পানে চাহিয়া মুহূ হাসিতেই, সরযুর গ্রীবাদেশ পর্য্যন্ত যেন আরক্ত হইয়া উঠিল। সে নত-মস্তকে কার্যের ছলে কক্ষের অপব প্রান্তে চলিয়া গেল।

অধ্যাপক মিত্র সন্মুখে সহোদরার সঞ্চারিণী মূর্তির দিকে চাহিয়া বলিলেন, “তা ত জানি, কিন্তু সুরেশচন্দ্র যে এখনও রাজী ন’ন।”

বাধা দিয়া সুরেশ বলিলেন, “বাজে কথা রাখ, ঘড়ীর দিকে চেয়ে দেখ—বারোটা বেজে গেছে। আজ বড় পরিশ্রম হয়েছে। আমি, বাতিদানটা দাও ত।”

ভ্রাতা বিবাহ সম্বন্ধে চিরকুমার দলের গোড়া সভ্য। অমিয়া তাহা জানিত, সুতরাং বাতিটা জালিয়া সে দাদার হাতে দিল।

সুরেশচন্দ্র শয়নগৃহের দিকে ধীরে ধীরে চলিয়া গেলেন।

[ক্রমশঃ]

শ্রীসরোজনাত্ম ঘোষ।

অবতরণ

উচ্চ গ্রামে বাধ বীণা,
আরও উচ্চ ধর তান,
গাইবে যদি পাগল হয়ে
ধর তোমার হিয়ার গান।
চাঁদের আলো সাঁঝের বাতাস,
সুনীল সিন্ধু মুক্ত আকাশ,
এ সব গলে ধুলার খেলা
হয়ে গেছে অবসান।

তোমার গানের গভীর ধ্বনি,
উঠুক ছেড়ে এ ধরণী,
বিশ্বপতির আসন টলুক,
জেগে উঠুক বিশ্ব-প্রাণ।
চাঁড়িয়ে আরো তাহার পরে,
বেধে বীণা উঁচু ক’রে,
নিখিল তখন নীরব হবে
আসবে নেমে ভগবান।

শ্রীমাধবচন্দ্র সিকদার।



বিদেশে বাঙ্গালীর সম্মান

বিদ্যান সর্বত্র পূজ্যতে,—ডাক্তার সুবোধ মিত্র, এম. ডি, এফ, আর, সি, এস আমাদেবরই স্বজাতি কৃষ্ণাঙ্গ বাঙ্গালী হইয়াও প্রত্যচো যে সম্মান ও খ্যাতি অর্জন করিয়াছেন, তাহাতে আমরাও গৌরব অনুভব করিতে পারি। তিনি মাত্র অষ্টাবিংশতি বৎসর বয়সেই হইতেই প্রবেশিকা পরীক্ষায় কৃতিত্বের সহিত উত্তীর্ণ হইয়া তিনি কলিকাতার বঙ্গবাসী কলেজে অধ্যয়ন করেন ও পরে কলিকাতা মে ডি কাল কলেজ হইতে ধাত্রীবিদ্যার বিশেষ পারদর্শিতা প্রদর্শন করিয়া সম্মানের সহিত এম. বি, পরীক্ষা পাশ করেন।

স্কুলে পঠনকাল তাঁহার এক পারিবারিক দুর্ঘটনা তাঁহাকে চিকিৎসা বিদ্যায় আত্মনিয়োগ করিতে অনুপ্রাণিত করে। তাঁহার জেষ্ঠ ভ্রাতৃজ্ঞার সন্তানসম্ভাবনাকালে কয়েক জন প্রবীণ ভিকের ভ্রাতৃত্বিত্তে প্রকৃতি ও শিশু অস্ত্রোপচারের ফলে ইহলোক ত্যাগ কর। বন্ধু-বান্ধবগণ তাঁহাদের নামে আদালতে অভিযোগ আনয়ন করিতে অনুরোধ করেন বটে, কিন্তু মিত্রপরিবার উহাতে সম্মত হইয়েন নাই। কিন্তু সেই নারক দুর্ঘটনা বালক সুবোধকে ধাত্রী-বিদ্যায় পারদর্শিতা লাভ করিতে অনুপ্রাণিত করে। তিনি এই সময় প্রতিজ্ঞা করেন যে, তিনি এই বিদ্যা আয়ত্ত-করিতে জীবন উৎসর্গ করিবেন।

এই সঙ্কল্প করিয়া তিনি এম. বি, পরীক্ষা উত্তীর্ণ হইবার পর ১৯২২ খৃষ্টাব্দে জার্মানী যাত্রা করেন এবং বালিনের মাট্রিক পরীক্ষায় উত্তীর্ণ হইয়া ১৮ মাস কাল ধাত্রীবিদ্যা ও গ্ৰীরোগসমূহের চিকিৎসাশিক্ষার আত্মনিয়োগ করেন। সেই সময়ে জার্মান ভাষায় তাঁহার গবেষণামূলক প্রবন্ধাদি পাঠ করিয়া গুণগ্রাহী জার্মান পণ্ডিতগণ তাঁহার যথেষ্ট প্রশংসা করেন। তিনি তখন এম, ডি, পরীক্ষায় উত্তীর্ণ হইয়েন। জার্মান ভিষকশ্রেষ্ঠ ডাক্তার ফ্রান্স্ বালিনের অধিলা

ভাসপাতালে তাঁহাকে তাঁহার সহকারিরূপে নিযুক্ত করেন। তাহার পর তিনি স্বনামধন্য-ডাক্তার টিকেলের সহকারী হইয়েন ও ভার্টো ফ্রাঙ্কেন ভাসপাতালের ডাক্তার ক্রিষ্টেলারের সহিত ৯ মাস কাল Gynaecological pathology (গ্রীরোগের) ব্যবহারিক কার্যে মনোনিবেশ করেন। এতদ্ব্যতীত তিনি বালিনের প্রসিদ্ধ ক্যানসার অন্তঃস্থান প্রতিষ্ঠানের রোঁতপে ও রেডিরাম রশ্মি সাহায্যে চিকিৎসা শাখায় কার্য করেন। ১৯২৪ খৃষ্টাব্দে ইলসত্রাক বিজ্ঞান মহাসভায় তিনি বক্তৃতা করিতে আহৃত হইয়েন। ডাক্তার মিত্র সেই সভায় ভারতের ধাত্রীবিদ্যা

ও গ্ৰীরোগ চিকিৎসাশাস্ত্রের উন্নতির ইতিহাস জার্মান ভাষায় আলোচনা করিয়া বিদ্বানগণকে চমৎকৃত করেন। বালিনের বহু বিজ্ঞ চিকিৎসা-বিজ্ঞান সমিতি তাঁহাকে সদস্য পদে বরণ করিয়া ধন্য হইয়াছেন। ইহার পর তিনি এফ, আর, সি, এস উপাধি লাভ করিয়া যুরোপের প্রায় সমস্ত ধাত্রীবিদ্যালয় ও ভাসপাতাল পরিদর্শন করিয়াছেন। সময়, সুযোগ ও সুবিধা পাইলে বাঙ্গালী বৈদেশিক কৃতিত্ব অর্জন করিতে পারে, ডাক্তার সুবোধ তাঁহার অলঙ্কৃত দৃষ্টান্ত।



ডাক্তার সুবোধচন্দ্র মিত্র

বর্বর কে.?

সিরিয়ার প্রাচীন সের্দামাস নগর করাসীর গোলা-গুলী ও বোমা বর্ষণে প্রায় ধ্বংসস্তূপে পরিণত হইয়াছে। যাহারা আরব্য উপমহাদেশ পাঠ করিয়াছেন, তাঁহারা জানেন, এই দামাস্কাস নগর কিরূপ শোভা-সম্পদশালী ছিল। যখন করাসী জাতির অস্তিত্ব ছিল

না, অথবা করাসী যখন অসভ্য জঙ্গলবাসী জাতি ছিল, তখন দামাস্কাসের অধিবাসীরা জ্ঞানবিজ্ঞানে এ জগতে প্রসিদ্ধি লাভ করিয়াছিল তখনকার দিনে দামাস্কাসের সভ্যতা ও শিক্ষা আদর্শস্থানীয় ছিল। দামাস্কাসের স্থাপত্য শিল্প এখনও জগতের পরিভ্রাতৃদের বিস্ময় উৎপাদন করিয়া থাকে। আজ সেই দামাস্কাস নগরী করাসীর বর্বরতার কলে ধ্বংসস্তূপে পরিণত! সহরের চারকুর ও মেডান পলী, হারিদিয়া

বাজার, আজম প্রাসাদ, সেন্টপল স্ট্রিট (বাহা বাইবেলে 'সোম্বা রাত্তা' বলিয়া বর্ণিত হইয়াছে),—সমস্ত ফরাসীর ৪৮ ঘণ্টা কাল গোলাগুলি বর্ষণে ধ্বংসমুখে পতিত হইয়াছে। এই প্রাচীন পবিত্র সহরের ঐতিহাসিক প্রাসাদ, পথ, বাজার ইত্যাদির কঙ্কালশাত্র এখন অবশিষ্ট আছে।

ফরাসী যুরোপের মধ্যে সর্বাপেক্ষা শিক্ষিত, মার্জিত ও সভ্য জাতি বলিয়া গর্ব প্রকাশ করিয়া থাকেন। যখন জার্মানী বেলজিয়ামের লুভেন, আঁতোয়ার্প এবং ফরাসীর ইপ্রে, রিমস প্রভৃতি সহর তোপের মুখে উড়াইয়া দিয়াছিল, তখন জার্মানীকে গধ ও ভাণ্ডালদিগের সঙ্কিত তুলনা কর! হইয়াছিল। আজ' দামাস্কাসের ধ্বংসের সহিত জার্মানীর সেই ধ্বংসকার্যের তুলনা করিয়া জিজ্ঞাসা করা বাইতে পারে না কি. বর্ধরতায় কে বড়? জার্মানীর তবু এটুকু বলিবার ছিল যে, তাহারা তোপের বিপক্ষে বড় তোপ দাগিয়াছিল, কিন্তু ফরাসীর পক্ষে সে কথা বলা যায় না। ফরাসী দামাস্কাসের আরবদিগের সেকলে বনুকের বিপক্ষে বড় বড় কামান দাগিয়াছিল। সাম্রাজ্য-গর্ব ফরাসীকে এখনই অন্ধ করিয়াছে।

ফরাসীর এই বর্ধরতায় ফরাসী সংবাদপত্রসমূহও লজ্জার অধোবদন হইয়াছে। 'লে জার্নাল' জিজ্ঞাসা করিয়াছেন, "জেনারেল সারাইল দামাস্কাসে গোলাবর্ষণ করিবার পূর্বে দামাস্কাসের বৈদেশিক দূতগণকে এই গোলাবর্ষণের বিষয়ে সতর্ক করেন নাই, ইংরাজ সংবাদদাতারা এই কথা বলিতেছেন। উহা কি সত্য? জাতিসমাজের একটা আইন আছে যে, কোনও জাতি অপরের নগর আক্রমণ করিবার পূর্বে নারী ও বালকবালিকাদিগকে সহর ছাড়িয়া চলিয়া যাইবার জন্য সতর্ক করিয়া দিয়া থাকেন—এ জন্য তাঁহারা আইনতঃ বাধা থাকেন। জেনারেল সারাইল এই নিয়ম পালন করিয়াছিলেন কি?" সিরিয়ার ফরাসী কর্তৃপক্ষ এ কথার কি জবাব দেন, তাহা দেখিবার বিষয়। আজ দামাস্কাস ধ্বংসের ফলে সমগ্র সমাজগতে—বিশেষতঃ মুসলমান জগতে যে চাক্ষুশ দেখা দিবে, তাহার পরিণাম ফরাসী ভাবিয়া দেখিয়াছেন কি? সাম্রাজ্যবাদের এত অহঙ্কার তাহার পক্ষে কখনও মঙ্গলকর হইবে না, ইহা বলাই বাহুল্য।

স্যাণ্ডোর লোকান্তর

গত ১০ই অক্টোবর তারিখে বিলাতের বৈজ্ঞানিক বার্ষিক প্রকাশ পাইয়াছে যে, জগৎখ্যাত ব্যারামবিদ্ ইউজিন স্যাণ্ডো ইহলোক ত্যাগ করিয়াছেন। মৃত্যুকালে তাঁহার বয়স ৬৫ বৎসর হইয়াছিল। স্যাণ্ডোর ব্যারামের প্রণালী অতিনব ছিল। তাঁহার ডেভেলপার, তাঁহার ডাঙ্কেল, তাঁহার শরীরের সাংসপেনীসমূহের সঙ্কোচ ও বিস্তারের প্রথা শারীরিক ব্যারামসাধনার জগতে যুগান্তর আনয়ন করিয়াছিল। তাঁহার প্রথানুসারে শরীরের শক্তিসঞ্চয়-যোগ-অভ্যাস ঘরের মধ্যে থাকিয়াই সম্ভবপর। এই সকল কারণে স্যাণ্ডো বহু দেশবিদেশের যুবক, বালক ও এমন কি, পরিণতবয়স্কদিগেরও পরম প্রিয়পাত্র হইয়াছিলেন। ২৫ বৎসর পূর্বে স্যাণ্ডো এই কলিকাতার পুরাতন রয়্যাল থিয়েটারে তাঁহার অভিনব ব্যারাম-কৌশল প্রদর্শন করিয়া বাঙ্গালী যুবকগণকে মোহিত করিয়াছিলেন। তাঁহার সেই ব্যারাম-কৌশল দর্শন করিয়া বাঙ্গালী যুবকরা উহার প্রতি কিরূপ আকৃষ্ট হইয়াছিল, তাহা তৎকালীন জনগণ বিস্ময়কর অবগত আছেন। স্যাণ্ডো এক দিকে যেমন অসাধারণ শক্তিশালী পুরুষ ছিলেন,—বহু গুরুভার ত্রব্য অনায়াসে উত্তোলন অথবা বকের উপরে ধারণ করিতে পারিতেন,—তেমতই শিক্ষিত, মার্জিতরুচি, বিনয়ী ও মিষ্টভাষী ছিলেন। তাঁহার ব্যারাম সম্বন্ধে বহু গ্রন্থ কৃষ্ণীগির পালোরান ও ব্যারামপ্রিয়

লোকগণের নিকট আদর প্রাপ্ত হইয়াছিল। স্যাণ্ডো তাঁহার ডাঙ্কেল ও ডেভেলপার প্রমুখ ব্যারামোপযোগী শস্ত্র বিক্রয় করিয়া এবং শারীরিক শক্তি প্রদর্শন করিয়া জীবনে বহু অর্থ উপার্জন করিতে সমর্থ হইয়াছিলেন। তাঁহার বহু ধনবান্ শিল্পসামন্তও তাঁহাকে প্রচুর অর্থ-সাহায্য করিয়াছিল। স্যাণ্ডোর জীবনের উদ্দেশ্য সফল হইয়াছিল। তাঁহার ব্যারামনীতি জগতের প্রায় তাবৎ সভ্য দেশেই গৃহীত হইয়াছিল। স্যাণ্ডো ইহা দেখিয়া বাইতে পারিয়াছিলেন। ইহাই তাঁহার আনন্দের কারণ হইয়াছিল। তিনি জাতিতে জার্মান ছিলেন বটে, কিন্তু ইংলেণ্ডে জীবনের অধিকাংশ কাল বাস করিয়া একরূপ ইংরাজই হইয়া গিয়াছিলেন। এ দেশে বর্ধমানের তরুণদিগের মধ্যে স্যাণ্ডোর আদর্শ গৃহীত হইলে দেশের মঙ্গল। একুশ শক্তিমান পুরুষ শক্তির অশবাবহার করে না। যে বৃনয়াদী বড় লোক, সে পয়সার অহঙ্কার করে না, আড়ম্বরপ্রিয়তাও প্রদর্শন করে না।

জগতের শান্তি

নিরপেক্ষ সুইজারল্যান্ডের ম্যাগিওর হ্রদের তটে মনোহর লোকার্ণো সহরে যুরোপীয় শক্তিপুঞ্জের যে শান্তি-বৈঠক বসিয়াছিল, তাহাতে জার্মানীকে 'জাতে তুলিয়া' লওয়া হইয়াছে এবং সেই হেতু জগতে শান্তি সুপ্রতিষ্ঠিত হইবার পথ প্রস্তুত হইয়াছে, ইংরাজ ও ফরাসী পত্রসমূহে এই ভাবের বড় বড় প্রবন্ধ প্রকাশিত হইয়াছে। এই বৈঠকে যে পরামর্শ বলা বন্দোবস্ত হইল, তাহাতে মূলতঃ এই কয়টি কথা নিদ্ধারিত হইয়াছে :—

(১) ফরাসী ও জার্মানী ভার্সাইল সন্ধির সর্বমত আপন আপন সীমানার সম্মান রক্ষা করিবেন, কেহ কাহারও সীমানা অতিক্রম করিবেন না।

(২) উভয়েই বেলজিয়ামের স্বাধীনতা অক্ষুণ্ণ রাখিতে বাধ্য থাকিবেন।

(৩) বুটেন ও ইটালী রক্ষার সর্ব যাগাতে জার্মানী ও ফ্রান্সের দ্বারা পালিত হয়, তাহা দেখিতে প্রতিশ্রুত থাকিবেন।

(৪) জার্মানীর পূর্বপ্রান্তের সীমানা সম্পর্কে জার্মানী, ফ্রান্স ও পোলাণ্ডের মধ্যে একটা রক্ষা হইল, একলে সেই রক্ষার সর্ব মানিতে বাধ্য থাকিবেন।

এই লোকার্ণোর রক্ষায় ইংরাজ, ফরাসী, জার্মানী প্রভৃতি সকলেই ধুসী। ইংরাজ তাঁহাদের বৈদেশিক সচিব মিঃ অস্টেন চেম্বারলেনকে এ জন্ত মাধ্যম করিয়া নৃত্য করিতেছে, বলিতেছে, তাঁহারই চেষ্টায় জগতে একুশ শান্তি স্থাপিত হইল। ফরাসী উৎকল হইয়া ভাবিতেছেন, আবার ইংরাজের সাহিত তাঁহার "অঁতাত" অথবা মিতালী জাগাইয়া তুলি হইল, পরন্তু আলশাস-লোরেনটা পাকাপোক্তরূপে হস্তগত হইল। জার্মানী ভাবিতেছে, সে আবার জাতে উঠিল, আবার শক্তিপুঞ্জের দশ জনের এক জন হইয়া জার্মানীর পূর্ব-গৌরব জাগাইয়া তুলিবে। ইটালী ভাবিতেছে, মাসোলি নর কল্যাণে 'বড়দের' মধ্যে গণ্য হইয়া আবার প্রাচীন রোমক সাম্রাজ্যের পুনঃ প্রতিষ্ঠা করিবে।

কালনেত্রির লঙ্কাতাগ এইরূপ হইয়া গেল। এ দিকে কিন্তু জাপান বা জুগো-স্লোভাকাকে এই রক্ষার লওয়া হয় নাই, রুসিয়াও বাধ পড়িল। রুসিয়া যে ইহাতে সন্তুষ্ট হয় নাই, তাহা স্পষ্ট বুঝা বাইতেছে। রুসিয়ার এক সোভিয়েট কর্তৃপক্ষ বলিতেছে,—এই রক্ষার ইংরাজের ঈকারক হইবে, তাহার সাম্রাজ্য ক্রমে ধ্বংসের মুখে অগ্রসর হইবে। কেন না, এই রক্ষার ইংরাজের সাগরপারের জাতি-কুটম্বণকে লওয়া হয় নাই। এবার ইংরাজের সহিত কাহারও মতান্তর হইলে উপনিবেশসমূহ তাহাতে লোক ও অর্থ সাহায্য

করবে না। উহা হইতে উত্তরের মধ্যে ছাড়াছাড়ির ভাব উপস্থিত হইবে।

ইংরাজের নিজের দেশেও শান্তির লক্ষণ দেখা যাইতেছে না। সেখানে বলডুইন সরকার কমিউনিষ্ট দলপতিদিগকে গ্রেপ্তার করিয়াছেন এবং কমিউনিষ্ট দল ভাঙ্গিয়া দিবার চেষ্টা করিতেছেন। শ্রমিক দলের মধ্যে বহু বেকারের সৃষ্টি হইয়াছে, তাহারা সরকারের উপর সন্তুষ্ট নহে। ২৫শে অক্টোবর বিলাতের খনির মজুরদের নেতা মিঃ এ. জে. কুক ইসলিংটন সহরে এক বক্তৃতায় বলিয়াছেন,—“বর্তমানে প্রতি ৪০ জন লোকের মধ্যে এক জন বেকার বসিয়া আছে। আগামী মে মাসের মধ্যে শতকরা ৫০ জনকে বেকার থাকিতে হইবে। এখনই ৩ লক্ষ মজুরের কাষ নাই। তাহারা উপবাসী থাকিবে না, বেকার হইবে, পুত্রপরিবারের জন্য সরকারের নিকট আহার্য আদায় করিবে। সরকার Trade Union ভাঙ্গিয়া দিবার জন্য গুপ্ত আয়োজন করিতেছেন। কিন্তু আমি ঐ প্রতিষ্ঠানের নেতৃত্বপূর্ণ শক্তিকে সতর্ক করিয়া দিতেছি যে, আমরাও তজ্জন প্রস্তুত আছি। আমরা যাহা করিব, তাহা এখন প্রকাশ করিব না। কিন্তু যখন সময় উপস্থিত হইবে, তখন সরকার বুঝিতে পারিবেন, তাহাদের সম্মুখে কি বিপত্তি উপস্থিত হইবে।”


ইহা শান্তির লক্ষণ নহে। ঘরে এই প্রবল অশান্তি বিদ্যমান থাকিতে বাহিরে রক্ষা কি হইবে? বিশেষতঃ বৃটেনের সাম্রাজ্যের অগ্রাঙ্গ অংশেও শান্তির লক্ষণ দেখা যাইতেছে না। উপনিবেশে জাতি-বৈষম্য কি অনর্থ-সৃষ্টি করিয়াছে, তাহা সকলেই জানেন।

চলিতেছে। মঙ্গল লইয়া ইংরাজে তুরক্ষে মনোমালিন্যের উদ্ভব হইয়াছে। লোকার্ণো রক্ষার সঙ্গে সঙ্গেই গ্রীসে ও বুলগেরিয়ার সংঘর্ষ বাধিয়াছে।

কল কথা, সাম্রাজ্যবাদীর পররাজ্য গ্রাসের এবং পরের উপর প্রভুত্বের লিপ্সা বিদ্যমান থাকিতে জগতে শান্তি প্রতিষ্ঠার কোন সম্ভাবনা নাই। শত-লোকার্ণো রক্ষা হইলেও শান্তির আশা হৃদয়পরাহত হইবে।

সুয়েজ খালের সূক্ষ্ম তত্ত্ব

বোম্বাইয়ের ভূতপূর্ব গভর্নর সার জর্জ লয়েড মিশরের হাই কমিশনার নিযুক্ত হইয়াছেন। সার লী স্ট্যাকের হত্যাকাণ্ডের পর মিশরকে ‘ধাতে’ আনিবার জন্য এই ব্যবস্থা হইয়াছে বলিয়া মনে হওয়া বিশ্বাসের বিষয় নহে। সার জর্জ বোম্বাই বিভাগের শাসনদণ্ড গ্রহণের পর জনমত পদদলিত করিয়া সেরাচার শাসন প্রবর্তন করিয়াছিলেন। বোম্বাই সহরের সংস্কারসাধনব্যাপারে তিনি জনমত উপেক্ষা করিয়া যথেষ্ট বায় বরাদ্দ করিয়াছিলেন। মহাত্মা গান্ধীর মত সর্বজনমত জননায়ককে কারারুদ্ধ করিবার কারণ হইয়াছিলেন। ভারতের জাতীয় আন্দোলনকে সর্বতোভাবে নিস্তেজ ও নিস্ত্রস্ত করিবার প্রয়াস পাইয়াছিলেন। এ হেন পাকা ব্যুরোক্রাটকে মিশরের ভাগ্যানিয়ন্ত্রণ করিবার জন্য নিয়োগ করিবার মূলে গুঢ় রহস্ত নিহিত আছে, এমন কথা অনেকে বলিতেছেন।



সুয়েজ খাল

ভারতের বাহিরে বৃটিশ উপনিবেশসমূহে—বিশেষতঃ আফ্রিকায় ভারতীয়ের সম্পর্কে কোণঠেসা ও বহিষ্কার আইন ভবিষ্যতের জন্য এক সর্বনাশের বীজ বপন করিতেছে। এমন কি, ব্রহ্মেও ভারতীয়ের বহিষ্কার আইন বহাল করা হইয়াছে। ইংরাজ সাগরপারের জাতি-কুটুম্বগণকে অসন্তুষ্ট করিতে সাহস করেন না। তাহাতে কল এই হইয়াছে যে, ভারতীয়দের মধ্যে ঘোর অশান্তির সৃষ্টি করা হইতেছে। সে দিন বিলাতের চর্চ কংগ্রেসে লর্ড উইলিংডন বলিয়াছেন,—“অতঃপর যে অবেতজাতিদিগকে যেতজাতিরা নিকটের আসন দিয়া আসিয়াছেন, তাহাদিগকে সমানের আসন দিবে হইবে। এরূপ না করিলে যে হলাহল উখিত হইবে, তাহাতে অচির-ভবিষ্যতে জাতিসংঘর্ষ অপরিহার্য হইবে। চীনেও ঘোর অশান্তি বিরাজ করিতেছে, নবজাগ্রত চীন আপনার গণ্ডা বুদ্ধি লইবার জন্য বন্ধপত্রিকর হইয়াছে। মরক্কো, সিরিয়া প্রভৃতি দেশের মুসলমান জগতেও ঘোর যুদ্ধ-বিগ্রহ

• সার জর্জ পাকা ব্যুরোক্রাট। তিনি ঘোর সাম্রাজ্যবাদী। বোধ হয়, লর্ড কার্জনের পর তাহার ন্যায় সাম্রাজ্যবাদ, ইংরাজ রাজ-পুরুষদিগের মধ্যে আত্ম অম্লই আবির্ভূত হইয়াছেন। এই শ্রেণীর লোকের সাহস অদম্য। তাহারা পরিণামদর্শী না হইতে পারেন, কিন্তু বর্তমানে সাম্রাজ্যের প্রতিপত্তি অক্ষুণ্ণ রাখিতে সর্বদা যত্নবান। তাহারা লেখিতেছেন, নানা যুদ্ধ-বিগ্রহ এবং বিদ্রোহ-বিপ্লব ঘটিলেও বৃটিশ সাম্রাজ্য যুগ যুগ ধরিয়া অক্ষুণ্ণ রহিয়াছে। এক মার্কিন রাজ্য এই সাম্রাজ্যের অঙ্গচ্যুত হওয়া ব্যতীত সাম্রাজ্যের অন্য কোনও ক্ষতি এ যাবৎ হয় নাই। বরং জার্মান-যুদ্ধের পর হইতে সাম্রাজ্যের ক্ষমতা, প্রভাব ও প্রতিপত্তি উত্তরোত্তর বৃদ্ধি প্রাপ্ত হইতেছে। তাহাদের এ জন্য এমন ধারণা হওয়া বিচিত্র নহে যে, এই সাম্রাজ্য অবিবচন, ইহার ভবিষ্যৎ কখনও অমঙ্গলজনক হইতে পারে না।

সার জর্জ লয়েড এই ধারণা লইয়াই বোধ হয় মিশরে প্রথম

বন্ধুতার বলিয়াছেন যে,—মিশর যত দিন বিধায় না করিবে, ইংলও মিশরের বন্ধু। তৎ দিন মিশরের আত্মনিয়ন্ত্রণের আশা পূর্ণ হইবে না। এই উক্তির মধ্যে কতকটা সাত্রাজাগর্কের এবং জাতিগত দৃষ্টির ভাব লুক্কায়িত আছে, তাহা সহজেই অনুমেয়। কোন জাতি অন্য জাতির বন্ধুতার আশ্রয় লাভ না করলে আপনার ভাগ্যান্বেষণ করতে পারিবে না, ইহা কেবল সাম্রাজ্যগর্কই বলিতে পারেন। আত্মনিয়ন্ত্রণ শব্দের অর্থ কি? পরের সাহায্য ও বন্ধুত্ব লইয়া কেহ আত্মনিয়ন্ত্রণে সমর্থ হইবে, ইহা কখনও প্রকৃত আত্মনিয়ন্ত্রণ হইতে পারে না। এই বন্ধুত্বের মূলে পরের অধীনতা ও কর্তৃত্ব নিশ্চিতই অনুভূত হয়। যদি বর্ধার্বই বুটেন মিশরের প্রতি বন্ধুত্বপ্রদর্শনে অভিলাষী হইতেন, যদি তাহার মিশরে সতাই শান্তি-প্রতিষ্ঠাপ্রয়াসী হইতেন, তাহা হইলে মিশরের জনসাধারণ জঙ্গল পাশার জাতিগঠনের উদ্দেশ্যে সহায়তা করিতেন। মিশরের অধিকাংশ অধিবাসীই যে জঙ্গলের নেতৃত্বে সমুদ্রে এবং জঙ্গল-নির্ধ্বী কাষাপদ্ধতিব পক্ষপাতী, তাহা কি বুটেন অধিকার করতে পারেন? জঙ্গল সুদান চাহিয়াছিলেন, 'মিশর মিশরীদের জন্ত' বলিয়া ঘোষণা করিয়াছিলেন। ইহাই বর্ধার্ব মিশরের পক্ষে আত্মনিয়ন্ত্রণ। তবে বুটেনের সহিত বন্ধুত্ব করিলে মিশর আত্মনিয়ন্ত্রণে সমর্থ হইবে, সার জর্জ লয়েডের এ কথা বলার তাৎপর্য কি? যদি মিশরকে বর্ধার্ব সমুদ্রে করিবার ইচ্ছা থাকিত, তাহা হইলে আন্তর্জাতিক আশ্রয় দ্বারা সে কাষা সম্পন্ন করা সম্ভব হইত। মিশর জাতিসংঘের নিকট আত্মনিয়ন্ত্রণের দাবী করিয়াছিল, তাহা পূর্ণ হইল না কেন? বরং সার লী ট্যাকের হত্যাকাণ্ডকে উপলক্ষ করিয়া মিশরকে ভয় প্রদর্শন করিয়া মিশরের যেটুকু আত্মনিয়ন্ত্রণের ক্ষমতা ছিল, তাহাও হরণ করা হইল।

মিশরে বুটেনের স্বার্থ কি? মিশরে বুটেনের নানা রক্ষিত স্বার্থ আছেই, পরন্তু সুরেজ খালের স্বার্থ সর্বাপেক্ষা অধিক। ইহা বুটেনের প্রাচ্যের জমিদারীর প্রবেশ পথ, আগমনগমের পথ। বুটেন চিরদিন দার্দেনেলিস প্রণালীটি আন্তর্জাতিক সম্পত্তিরূপে পরিণত করিবার জন্য জিন করিয়াছেন,—তাহার জনসাধারণ ও ধর্মের দোহাই দিয়া কত যুক্তিতর্ক দিয়াছেন। কিন্তু সুরেজ খালটি আন্তর্জাতিক করিবার কথা কেহ নািলে বুটেন কি জবাব দেন?

সার জর্জ লয়েড (এখন লর্ড লয়েড) বলিয়াছেন, মিশরের আশা-আকাঙ্ক্ষা যদি ন্যায় ও আইনসঙ্গত (Legitimate) হয়, তাহা হইলে মিশরকে আত্মনিয়ন্ত্রণের অধিকার দেওয়া হইবে। ভাল কথা। কিন্তু মিশরের আশা-আকাঙ্ক্ষা ন্যায় ও আইনসঙ্গত কি না, কে বিচার করিবে? মিশর যদি আপনার অভিপ্রায়মত কাষা করিবার অধিকার ভোগ করিত, তাহা হইলে সুরেজ খাল ও সুদান কি অপরের হস্তে রাখিয়া আত্মনিয়ন্ত্রণ করিত?

মূল কথা, সুদান ও সুরেজ খাল বুটেনের রক্ষিত স্বার্থের অঙ্গত রাখা চাই। বিশেষতঃ সুরেজ খালের অধিকার বুটেন কখনও ছাড়িতে পারেন না। সুরেজ খালের ইতিহাস অনেকেরই জানেন। কেমন করিয়া ইংরাজ ভৌগোলিক পাশাকে সপ্ত দান করিয়া এবং সুরেজ খালের বণ্ড ক্রয় করিয়া সুরেজ খালের মালিক হইয়াছেন, তাহার পুনরুন্মেষ নিম্নপ্রয়োজন। এখনও এই খাল রক্ষার জন্য ইংরাজ বিরূপ যত্ববান, তাহার সংক্ষিপ্ত ইতিহাস দিতেছি।

প্রথম যখন এই খাল কাটা হইল—ভূমধ্যসাগরের সহিত লোহিত সাগরে যোগাযোগ করিবার জন্য যখন এই খালের সৃষ্টি হয়, তখন এই খালের দৈর্ঘ্য ১০২ মাইল ছিল। এখন ইহার উপর সৈয়দ বন্দরের নিকটে দৈর্ঘ্য আরও ৩৭ মাইল বৃদ্ধি করা হইয়াছে। এখন আমলে মাসুম বন্দরের দ্বারা খাল কাটা এবং খালের মাটি তোলা

হইত। ১৮৬৫ খৃষ্টাব্দ পর্যন্ত প্রায় ৩০ হাজার মজুর এই কার্যে নিযুক্ত ছিল। তাহার সকলে একসঙ্গে খননকাষা নিযুক্ত হইত। ঐ বৎসরের পর হইতে কলকজার সাহায্যে খননকাষা চালান হইতেছে। বাষ্পীয় মাটিকাটা জলখান খালের বাষ্পকারাশি কাটিয়া তুলিতেছে এবং ঐ বাষ্পকা খাতব নলের মধ্য দিয়া খাল হইতে ২ শত ফুট দূরে নিকিষ্ট হইতেছে।

প্রথম আমলে খালের জলের গভীরতা ৩৬ ফুট ছিল, তাহার পর উহা বাড়িয়া ৩৬ ফুট করা হয় এখন ইংরাজ খাল আরও গভীর করিবার চেষ্টা করিতেছেন। কাষা সম্পন্ন হইলে খালের গভীরতা ৪০ ফুট হইবে যে সকল বড় বড় ষ্টীমার জলমধ্যে ৩১ ফুট নিমজ্জিত থাকে, এখন সেই সকল ষ্টীমার অনায়াসে সুরেজ খালের মধ্য দিয়া যাতায়াত করিতে সমর্থ হইতেছে। পরে ৩৩ ফুট পযন্ত নিমজ্জিত জাহাজও খাল দিয়া যাতায়াত করিতে পারিবে।

পূর্বে খালের নিয়ন্ত্রণের বিস্তার ছিল মাত্র ৭২ ফুট, এখন হইয়াছে ১৫০ ফুট। পরে ইহার বিস্তার ৩ শত ফুট করা হইবে, এমন ভাবে কাষা করা হইতেছে এখন খালের উপরের স্তরের (অর্থাৎ এক তল হইতে অপর তল পযন্ত) বিস্তার ৩ শত ১০ ফুট হইতে ৫২৫ ফুট, কোনও স্থানে ৩ শত ৫ ফুট, আবার কোনও স্থানে ৫ শত ফুট। এখন সর্বাপেক্ষা অল্প পরিসর স্থান বাহাতে ৪ শত ৪৫ ফুটের কম না হয়, তাহার জন্য কাষা চালান হইতেছে। পূর্বে ৪ হাজার টনের অধিক মাল-বোঝাই জাহাজ এই খাল দিয়া যাতায়াত করতে পারিত না, এখন ২ হাজার টন বোঝাই জাহাজ অনায়াসে খাল দিয়া যাতায়াত করতেছে।

খাল পার হইতে ১৬ ঘণ্টা লাগে—ইহার মধ্যে ২ ঘণ্টা ট্রেন সমূহে জাহাজ বাঁধত বার হয়। প্রতি ২৪ ঘণ্টার ১৫ খানা জাহাজ খাল দিয়া গমনাগমন করে। ১৮৭০ খৃষ্টাব্দে এক বৎসরে এই খাল দিয়া ৪ শত ৮৬ খানা জাহাজ যাতায়াত করিয়াছিল; ইহার ৪ লক্ষ ৩৬ হাজার ৬ শত টন মাল বহন করিয়াছিল। ১৯১৩ খৃষ্টাব্দে জাহাজের সংখ্যা হইয়াছিল ৫ হাজার ৮৫ খানা এবং উহার মাল বহন করিয়াছিল ২ কোটি ৩ হাজার ৮ শত ৮৪ টন। জার্মান যুদ্ধের সময়ে জাহাজ যাতায়াত স্বভাবতঃই কম হইয়াছিল। আবার সংখ্যা বৃদ্ধিপ্রাপ্ত হইতেছে। ১৯২৩ খৃষ্টাব্দে ৪ হাজার ৬ শত ২১ খানা জাহাজ; মোটের উপর ২ কোটি ২৭ লক্ষ ৩০ হাজার ১ শত ৬২ টন মাল লইয়া যাতায়াত করিয়াছিল।

সৈয়দ বন্দরে খালের খনন কাষায় যে প্রধান কার্যালয় আছে, সেখানে ১ হাজার ২ শত জন কারিগর কাষা করে। খাল খননের পর এই মরুভূমি ও জলার মধ্যে খালের তটে ৩টি বড় বড় বন্দর গড়াইয়া উঠিয়াছে, ভূমধ্যসাগরতটে সৈয়দ বন্দর, খালের মাঝামাঝি ইসমালিয়া বন্দর এবং লোহিত সাগরের মুখে সুরেজ গ্রাম হইতে ২ মাইল দূরে ভৌগোলিক বন্দর। সৈয়দ বন্দরের লোকসংখ্যা এখন ৭ হাজার এবং উহা এখন প্রকাণ্ড কারখানা এবং ব্যবসায়-বাণিজ্যের কেন্দ্র। ইসমালিয়ায় ইংরাজ শাসনকেন্দ্র অবস্থিত।

এই যে এত বড় একটা বিরাট প্রতিষ্ঠান ইহার রক্ষণকল্পে ইংরাজ জলের মত অর্থ ব্যয় করিতেছেন। এ সম্পত্তি তিনি যেকের মত আগুলিয়া বসায় আছেন। এখানে আর কাহারও দস্তফুট করিবার সাধা নাই। কেন? লর্ড লয়েড বলিতে পারেন কি, ইংরাজ পরোকারের জন্য অথবা তাঁর কারিবার জন্য এই সুরেজ খাল রক্ষণাবেক্ষণ করিতেছেন? যে কারণে ভারতের অনূর্ধ্ব উত্তর-পশ্চিম সীমান্ত প্রদেশ রক্ষণের জন্য ইংরাজ ভারতের প্রায় কষ্টদত্ত অর্থ জলের মত ব্যয় করিতেছেন, যে কারণে স্বদেশে বৈকারের

সংখ্যা বৃদ্ধি পাইলেও ইংরাজ সিংগাপুরে তাঁহার প্রাচ্য নৌ-বহরের আড্ডা স্থাপনে জলের নায় অর্থব্যয় করিতে প্রস্তুত হইতেছেন, সেই কারণেই কি সুয়েজ খাল খীর অধিকারে পাস করিয়া রাখেন নাই? সুয়েজ খালের এট নুশ্ব তবুটু বৃদ্ধিতে পারিলেই মিশরের আন্ত-নিয়ন্ত্রণের কথা সহজ ও সরলভাবে পরিস্ফুট হইয়া উঠিবার সুযোগ প্রদান করে না কি?

পীতাতঙ্ক

সুতরাং সুতমান জার্মান কাইজার বর্ষমানে হলামের দুর্গ সহরে বন্দীর অবস্থায় কালযাপন করিতেছেন। তাঁহার পরিত্যক্ত বয়সে এক সমগ্রান বিধবার পাণিগ্রহণের কথা সকলে বিদিত আছেন। রাজনীতির কর্ণকোলাহল হইতে দূরে এই নব গঠিত পাতান সংসারের



কাইজার

শান্তিময় ক্রোড়ে অবস্থান করিয়া কাইজার জীবনের সারাংশে বিশ্রাম ও শান্তি উপভোগ করিবেন, এই রূপই সকলে অনুমান করিয়া ছিলেন। কিন্তু রাজনীতির কীট ঝাঁহার মস্তিষ্কে একবার প্রবেশ করিয়াছে, উহার প্রভাব হইতে তাঁহার মস্তিষ্ক বোধ হয় নাকি। তাই কাইজার সম্প্রতি তাঁহার দুর্গের শান্তি-নিবাস হইতে আবার রাজনীতি ক্ষেত্রে আবির্ভূত হইয়াছেন।

বিলাতের 'অবজার্ভার' পত্রের কোনও প্রতিনিধির নিকট কাইজার কথায় কথায় বলিয়াছেন,—

“আমি ৩০ বৎসর পূর্বে যে পীতাতঙ্কের কথা তুলিয়া সমগ্র যুরোপকে সতর্ক করিয়াছিলাম, সম্প্রতি উহা ভীষণ মূর্তিতে দেখা দিতেছে। বহু পূর্বে হইতেই এশিয়ায় যে তিনটি শক্তির সম্মিলন সংঘটিত হইয়াছে, উহা এইবার কাষাক্ষেত্রে স্বরূপ প্রকাশ করিতেছে। এই সম্মিলন যেত জাতির বিরুদ্ধে—বিশেষতঃ আংলো-শ্রাঙ্গন (অর্থাৎ ইংরাজ, মাণ্ডিং ও জার্মান) জাতির বিরুদ্ধে দণ্ডায়মান হইবে। রুসিয়ার মস্তো সোভিয়েট চীনের ২ লক্ষ লোককে বেতন দিতেছে এবং জাপান তাহারিগকে আধুনিক সমর-প্রথায় শিক্ষিত করিতেছে। সঙ্কটসঙ্কুল সময়ে ঐ সেনা চীনের কল্যাণে বাবহারের জন্য প্রস্তুত করা হইতেছে। এ দিকে জাপান নিজের ও রুসিয়ার জন্য প্রভূত রণপোত নির্মাণ করিতেছে, পরন্তু চীনও রুসিয়ান ও জাপানী সেনানীর দ্বারা ৮ লক্ষ সেনাকে সমরকুশলী করিয়া তুলিতেছে।”

কাইজার এই বিতীষিকাময় চিত্র অঙ্কন করিয়াই ক্ষান্ত হইবেন নাই, তাঁহার উপর ফরাসীর উপরেও দোষারোপ করিতেছেন। তিনি বলিতেছেন, “ফরাসী আগুন লইয়া পেলা করিতেছেন। তিনি আংলো-শ্রাঙ্গন জাতির বিরুদ্ধে গোপনে রুসিয়া ও জাপানের সহিত শ্রীতিবন্ধনের চেষ্টা করিতেছেন। প্রতীচোর দুর্গের প্রাচীরে রক্ত স্রষ্ট করিবার পক্ষে এই যে বলশেভিক ও এশিয়াবাসির গুপ্ত বড়বর চলিতেছে, একমাত্র জার্মানীই তাহা বিফল করিয়া দিতে সমর্থ। সুতরাং যদি লণ্ডন, প্যারী ও ওয়াশিংটনের কর্তৃপক্ষ প্রতীচোর বিপক্ষে এই ভীষণ পীতজাতির অভ্যুত্থান নিবারণ করিতে চাহেন, তাহা হইলে জার্মানীকে পুনরায় অগ্রশ্রেণী সুসজ্জিত হইতে অনুমতি প্রদান করুন। নতুবা প্রতীচ্য প্রাচোর এই আক্রমণ সহ্য করিতে পারিবে না।”

কাইজারের মোট কথা, আবার জার্মানীকে তাহার পূর্ব গৌরবে গৌরবান্বিত কর, নতুবা প্রতীচোর মঙ্গল নাই। যখন মার্শাল হিগেনবার্গ জার্মানীর সাধারণতন্ত্রের প্রেসিডেন্ট নির্বাচিত হইয়াছিলেন, তখন কাইজার আশাষিত হইয়াছিলেন, হয় ত বা আবার তাঁহার ভাগ্য-পরিবর্তন হইতে পারে। হিগেনবার্গ রাজতন্ত্র, কাইজারতন্ত্র, তিনি প্রজাতন্ত্র শাসন অপেক্ষা রাজতন্ত্র শাসনেরই পক্ষ-পাতী। সুতরাং হয় ত বা হিগেনবার্গ আবার তাঁহাকে জার্মানীর সিংহাসনে ফিরাইয়া আনিতে পারেন। কিন্তু দিনের পর দিন গত হইল, সে আশাতন্ত্র মুকুলিত হইল না। তাই কি কাইজার একবার নিজে আপনাতন্ত্র ভাগ্য-পরিবর্তনের উদ্দেশ্যে এট চাল চালিয়াছেন? কে জানে!

কাইজার যে পীতাতঙ্কের কথা তুলিয়াছেন, তাহার কোনও ভিত্তি আছে বলিয়া মনে হয় না। কিছুদিন পূর্বে চীনের সাংহাই সহরে যে কাণ্ড ঘটয়া গেল, তাহাতে মনে হয়, চীন নিজের বাসভূমিই পরবাসীর মত বাস করিতেছে। সাংহাইয়ের জাপানী কলে চীনা শিক্ষকের নির্যাতন, চীনা ছাত্রদিগের আন্দোলন এবং শ্রমিক ও ছাত্র-ধর্মঘট, বৈদেশিক সামরিক পুলিশের হস্তে চীনা ছাত্র ও মজুরদিগের মৃত্যু, অপমান ও লাঞ্ছনা, সারা চীনবাসী ধর্মঘট, চীনা স্বাভাবিক দলের পক্ষ হইতে মহাত্মা গান্ধীকে পত্র প্রদান ও জগতের সকল জাতির নিকট জায়বিচার প্রার্থনা,—এ সকল এখন ইতিহাসোক্ত ঘটনার মধ্যে পরিগণিত হইয়াছে। যে নির্যাতিত চীন জগতের নিকট বিচার প্রার্থনা করিতেছে, সেই চীন প্রতীচোর বিপক্ষে এক বিরাট বড়বয়ে যোগদান করিয়াছে, ইহা কিরূপে বিশ্বাসযোগ্য হইতে পারে? যে জাপানের হস্তে চীনরা নির্যাতিত হইয়াছে, সেই জাপানের সহিত চীনের বড়বয়ের কথা কে বিশ্বাস করিবে?

তাঁহার পর চীনে যে অমঙ্গলকর গৃহ-বিবাদ উপস্থিত হইয়াছে, তাহাতে কি মনে হয় যে, চীন একযোগে প্রতীচ্যকে আক্রমণ করিবার নিমিত্ত সমরসজ্জা করিতেছে? এ গৃহ-বিবাদ সামান্ত নহে। চীনে এখন কর্তা অনেক, তন্মধ্যে তিন কর্তাই প্রধান। উত্তরে মাকুরিয়াঙ্ক জেনারল চাঙ্গ-সোলিন, মধ্য-চীনে জেনারল-কেঙ্গ উসিয়াঙ্ক এবং হোনানে উপেই-ফু। এই তিন কর্তার মধ্যে চীনের সার্ব-ভৌমত্ব লইয়া-প্রবল প্রতিদ্বন্দ্বিতা চলিতেছে। দক্ষিণে ডাক্তার সান-ইয়াট-সেন আর এক কর্তা ছিলেন। তাঁহার দেহাবসানের পর দক্ষিণ-চীন একরূপ কর্তাহীন হইয়া রহিয়াছে। তাই আপাততঃ দক্ষিণ-চীনের প্রভুত্ব লইয়া তিন কর্তার মধ্যে যোর প্রতিদ্বন্দ্বিতা চলিতেছে।

জেনারল উপেইফু এক সময়ে সার্বভৌমত্ব ধাত করিবার আয়োজন করিয়াছিলেন। তাঁহার সহিত জেনারল চাঙ্গ-সোলিনের অগ্রপরীক্ষা হইতেছিল। তিনি তাঁহার হোনান-সেনা লইয়া গত বৎসর হঠাৎ রাজধানী পিকিং আক্রমণ করেন এবং পিকিংএর অস্ত্রাস্ত্র প্রধান পুরুষকে গ্রেপ্তার করিয়া স্বয়ং পিকিংএর কর্তৃত্ব গ্রহণ করেন। পরে তিনি সসৈন্তে মাকুরিয়ায় চাঙ্গ-সোলিনের বিপক্ষে যাত্রা করেন। যাত্রার পূর্বে তিনি পিকিং সহরে তাঁহার সহকারী জেনারল কেঙ্গ উসিয়াঙ্ককে রাখিয়া যান। কিন্তু তাঁহার অনুপস্থিতিকালে জেনারল কেঙ্গ বিদ্রোহী হইয়া স্বহস্তে কর্তৃত্ব গ্রহণ করেন। তিনি চীন সাধারণতন্ত্রের প্রেসিডেন্ট পদ গ্রহণ করিয়াছেন। জেনারল উপেইফু উত্তরে পক্ষ চাঙ্গ-সোলিনের বিপক্ষে আর যুদ্ধ করিতে পারিলেন না, বহু কষ্টে প্রাণ লইয়া পিহো নদে এক জাহাজে চড়িয়া হোনানে পলায়ন করিলেন; তিনি সেখানে প্রায় ১ লক্ষ ৮০ হাজার সৈন্ত সংগ্রহ করিয়া কর্তৃত্ব কার্যতেছেন।

তাহা হইলেই বুঝিয়া দেখুন, চীনের অবস্থা কিরূপ। এই তিন কর্তার মধ্যে পরস্পর যোর মনোমালিন্য ও বিবাদ। কেঙ্গ গণতন্ত্রবাদী

বলিয়া আপনাকে জাহির করিতেছেন ; তিনি চাহেন সমগ্র চীনকে স্বাধীন করিতে ; চীনে প্রকৃত গণতন্ত্রশাসন প্রবর্তন করিতে । কিন্তু তাঁহার উত্তরে ও দক্ষিণে দুই প্রবল শত্রু । দক্ষিণে উপেইফুকে তিনি ঘোর শত্রু করিয়া রাখিয়াছেন । উত্তরে চাঙ্গ-সো-লিনকে সমুদ্র করিবার জন্ত তিনি যথেষ্ট চেষ্টা করিয়াছেন, কিন্তু তাঁহার সকল চেষ্টাই ব্যর্থ হইয়াছে । তবে তাঁহার এক আশা.—চাঙ্গ ও উপেইফু পরস্পর কখনও বন্ধুত্বাত্মক আবদ্ধ হইবেন না ।

বর্তমানে আর এক নূতন সমস্যা উপস্থিত হইয়াছে । জেনারেল কেন্সের অধীনস্থ চেকিয়াঙ্গ প্রদেশের সামরিক শাসনকর্তা জেনারেল সান-চুয়ান কেন্স হঠাৎ সাংহাই সহরে সসৈন্যে উপস্থিত হইয়া মাগু-রিয়ান কর্তী চাঙ্গ-সো-লিনের বিপক্ষে এক ঘোষণাপত্র জাহির করিয়াছেন । তিনি চাঙ্গ-সো-লিনের সেনাদলকে ন্যাংকিং সহরে আক্রমণ করিতে অগ্রসর হইতেছেন । কিন্তু পিকিং হইতে তাঁহার উপরওয়াল জেনারেল কেন্সের হুকুম আসিয়াছে যে, তাঁহাকে অবিলম্বে সাংহাই পরিত্যাগ করিয়া চেকিয়াঙ্গে প্রত্যাবর্তন করিতে হইবে । সান চুয়ান হয় ত এই হেতু জেনারেল কেন্সের বিরুদ্ধে দণ্ডায়মান হইবেন । এইরূপে চীনে গৃহ-বিবাদ ক্রমশঃ বর্ধমান হইতেছে । এমন অস্থায়ী সমগ্র চীন কিরূপে একযোগে জাপান ও রুসিয়ার সহিত মিলিত হইয়া প্রতীচোর বিপক্ষে দণ্ডায়মান হইবে ?

চীন-সম্রাট চিং-ন লুঙ্গ ইংলণ্ডের রাজা তৃতীয় জর্জকে লিখিয়াছিলেন,—“আমার স্বর্গরাজ্যের (Celestial Empire) প্রজাদের কোন অত্যাচার নাই । তাহারা জীবনের উপযোগী সমস্ত জমাই প্রচুর পরিমাণে উপভোগ করে । শুভরাং বিদেশের বর্ষরদিগের সহিত তাহাদের ব্যবসায়-বাণিজ্য করিবার কোনও প্রয়োজন নাই ।” সে যুগে—অর্থাৎ এক শতাব্দীরও পূর্বে চীনে কোনও বিদেশিকের প্রভুত্ব ছিল না, চীন তখন প্রকৃত স্বাধীন ছিল । তাহার পর কাণ্টন সহরের ‘হং’ বণিকরা পিকিং সরকারের অনুমতিক্রমে কয়েক জন ইংরাজ, মার্কিন ও অন্যান্য যুরোপীয় বণিকের সহিত পণ্যবিনিময় করতে আরম্ভ করেন । পিকিং সরকার তাহাদের হস্তে বিদেশিক বাণিজ্যের একচেটিয়া অধিকার প্রদান করেন । তাহাদিগকে ‘হং’ অথবা ‘কোং’ বলা হইত, তাহাদের ব্যবসায়ের সাধুতা ইতিহাসপ্রথিত । তখন তাঁহারা দয়া করিয়া ইংরাজ, মার্কিন, পর্তুগীজ প্রভৃতি কয়েকটি জাতির মুষ্টিমেয় বণিককে কাণ্টন সহরে পণ্য আদান-প্রদানে সহায়তা করিতেন । কালে পোর্টুগীজরা আমদানি সহরে বড় রকমের ব্যবসায় কেন্দ্রের প্রতিষ্ঠা করে । ইহাই বিদেশীদের চীন-প্রবেশের সূত্রপাত ।

তাহার পর এক শতাব্দীর মধ্যে কত পরিবর্তন হইয়াছে ! ঘটনার নানা ঘাত প্রতিঘাতের পর—বিশেষতঃ চীন-জাপান যুদ্ধের পর চীন যখন দুর্বল বলিয়া প্রতিপাত হইল, তখন হইতে বিদেশীরা বণিকের পরিবর্তে মিশনারী সৈন্য ও রণপোত প্রেরণ করিয়া ছলে-বলে কোর্শনে চীনে রীতিমত আড্ডা গাড়িয়া বসিয়াছেন । একটা মিশনারী হত্যার পরেই বিদেশিক শাস্ত্রীরা চীনের বৃহৎ পদক্ষেপ করিয়া তাহার এক একটা স্থান অধিকার করিয়াছে । বঙ্গার বিদ্রোহের পর প্রতীচোর শক্তির ক্ষতিপূরণ আদায় করিবার অছিলায় প্রায় ৪০টি স্থান স্বাধিকারে আনয়ন করিয়াছে । কেবল ইহাই নহে, Treaty port মাজেই তাহারা বাণিজ্য-শুল্ক বিষয়ে আপনাদের যথেষ্ট সুবিধা করিয়া লইয়াছে, কাগম বিভাগের বীভূত্যা ও শাসন আপনাদের হস্তে রাখিয়াছে, স্বজাতীয়ের সহিত চীনার মামলা-মোকদ্দমার আপনাদের আদালত ও জুরী প্রথা বজায় রাখিয়াছে । মোটের উপর প্রতীচোর প্রবল শক্তির প্রথমে সূচের মত প্রবেশ করিয়া পরে ফাল হইয়া বাহির হইয়াছে । স্বাধীন চীন এখন নিজগৃহে অধীনের পথ্যাদয়ে পরিণত হইয়াছে ।

তাৎ আজ পীতাতঙ্কের কথা উঠিয়াছে । চীন কাহারও দেশ আক্রমণ করিতে যার নাই কাহারও দেশের কণামাত্র স্থান বলপূর্বক অধিকার করে নাই । সে নিজের উদ্ভা ও সাধুতার মাপকাঠিতে বিদেশীকে রাখিয়া স্বদেশে তাহাদিগকে বাণিজ্যিক অধিকার দিয়াছিল, এখন তাহার ফল ভোগ করিতেছে । প্রতীচোর সাম্রাজ্য-গর্ভে পর ধনলিপ্সু প্রবল জাতিবর্গের মেলিহান রসনা এখন চীনকে গ্রাস করিতে উদ্বৃত্ত হইয়াছে ।

অপমানের পর অপমান, নিখাতনের পর নিখাতন সজ্ঞ করিয়া চীনের যখন জাগরণ হইয়াছে,—চীন যখন আপনাদের গণ্ডা বুঝিয়া লইবার জন্ত আত্মশক্তির উপর দণ্ডায়মান হইবার চেষ্টা করিতেছে, তখনই পীতাতঙ্কের কথা উঠিয়াছে । পাছে বলপূর্বক অধিকৃত চীনের Treaty portগুলি হাতছাড়া হয়, পাছে বাণিজ্যের অস্তায় একচেটিয়া অধিকার লুপ্ত হয়, পাছে স্বজাতীয়ের বিচারের অস্তায় প্রথা লুপ্ত হয়, পাছে কাগমের কর্তৃত্বের অধমান হয়,—তাই প্রতীচোর মুখে আজ এই পীতাতঙ্কের কথা শুনা যাইতেছে । চীন অতীতে বিদেশীর রাজ্য আক্রমণ করিতে প্রস্তুত হয় নাই, এখনও হইতেছিল না । সে তাহার নিজের ঘর সামলাইতে যত্নবান হইয়াছে মাত্র । তবে এই মিথ্যা পীতাতঙ্কের কথা তুলিয়া জগতে নূতন অশান্তি সৃষ্টি করার চায়োজন কেন ?

স্মৃতি

সে নহে চিন্তার স্মৃতি ধ্যানের মাধুরী,
সুদূর নক্ষত্র সম উজ্জ্বল স্মরণ,
তারে ভাবি শুধু চিন্তা কামনা-কাতর,
নহে কি এ মরীচিকা ভ্রান্তির চাতুরী ।
সে যদি হইত দিব্য প্রেমের মুরতি,
স্মৃতি তার হ'ত পূত প্রেম আরাধনা,
রতির কটাক্ষমাঝে তাহার বসতি,
লাবণ্যে ভূষিত হেয় সঙ্কোচ বাসনা ।

সে যে ঘাতকের ছুরী রক্ত-তৃষ্ণাতুর,
অমস-দীপ্তির পরে রুধির রক্তমা,
ছলা তা'র হৃদি-রক্ত শোষণ চতুর,
সর্বপুণ্যহীন প্রেম-দৈন্তের প্রতিমা,—
অভিশপ্ত স্মৃতি তা'র পূর্ণ হলাহলে,
দগ্ধ হোক ভস্ম হোক দীপ্ত বজ্রানলে ।
মুনীন্দ্রনাথ ঘোষ ।

জাতিতত্ত্ব

সূচনা

কয়েক জন বিশিষ্ট বৈজ্ঞ, যোগী, মাহিষ্ণ ও কায়স্থ তাঁহাদের জাতি সম্বন্ধে প্রকাশিত কয়েকখানি পুস্তক আমার নিকট পাঠাইয়া, তৎসমস্ত আলোচনা-পূর্বক যথাশাস্ত্র তাঁহাদের জাতিতত্ত্ব লিখিবার জন্ত আমাকে সনির্বন্ধ অনুরোধ করিয়াছেন। একই সময়ে—অর্থাৎ ১৩৩১ সালের ২৯শে ফাল্গুন হইতে ১৩৩২ সালের ১৬ই জ্যৈষ্ঠ পর্য্যন্ত আড়াই মাসের মধ্যে—পরস্পর দূরবর্তী ভিন্ন ভিন্ন স্থান হইতে একই বিষয়ে আমারই উপর এই ভাব অর্পিত হওয়ায়, ইহা ভগবৎপ্রেরণাই অনুমিত হইতেছে। তজ্জন্মই আমি এই “জাতিতত্ত্ব” লিখিতে প্রবৃত্ত হইয়াছি। যদি কেহ ইহার প্রতিবাদ করিতে ইচ্ছুক হন (করিবেন নিশ্চিতই), তাহা হইলে সমগ্র প্রবন্ধ প্রকাশিত হইবার পর এই ‘মাসিক বসুমতীতেই’ তাহা প্রকাশ করিবেন। অন্তত প্রকাশ করিলে আমার দেখিবার স্বযোগ ঘটিবে না। সেই সকল প্রতিবাদের কোনও সারবত্তা থাকিলে এবং তাহাতে আমার বাস্তবিক ভ্রমপ্রমাদ প্রদর্শিত হইলে, আমি অকপটচিত্তে তাহা স্বীকার করিব। নচেৎ কোনও উত্তর দিব না; স্ত্রী পাঠকগণই তৎসম্বন্ধে বিচার করিবেন। সমগ্র প্রবন্ধ সম্পূর্ণ না হইলে (অর্থাৎ ৫ম পরিচ্ছেদ পর্য্যন্ত প্রকাশিত না হইলে) প্রতিবাদের উত্তর দিতে সমর্থ হইব না।

এ স্থলে আরও একটি কথাও বলা আবশ্যিক। অধুনা হিন্দু-সমাজের বিশিষ্ট নেতা ও শাস্ত্রা না থাকায়, যাহার যাহা ইচ্ছা, সে তাহাই করিতেছে—ব্রাহ্মণ জুতা বেচিতেছে, মুচি বেদ পড়িতেছে; শূদ্র ব্রাহ্মণ হইতেছে, ব্রাহ্মণ স্লেচ্ছ হইতেছে। এই যথেষ্টাচারের যুগে অনেকেই যোগী, স্বামী, মহর্ষি, রাজর্ষি হইয়াছেন ও হইতেছেন; ইচ্ছা করিলে ব্রহ্মর্ষি ও দেবর্ষিও হইতে পারেন; যুগধর্ম্মানুযায়ী এ সকল আচরণে আমাদের কোনও আপত্তি নাই। তবে অনেকেই যে যথেষ্টাচারের সমর্থনের জন্ত শাস্ত্রের বচন তুলিয়া, তাহার কদর্থ করিয়া, শাস্ত্রকর্তা ঋষিদিগের অবমাননা ও সাধারণকে প্রতারণা করিতেছেন, তাহাতেই আমাদের আপত্তি। এবং তজ্জন্মই এই আলোচনার প্রবৃত্তি।

তদুপরি, যাহারা যথেষ্টাচারে প্রবৃত্ত, তাঁহারা ব্রাহ্মণ-প্রণীত শাস্ত্রের দোঁহাই দিয়াই স্বমত সমর্থন করিয়াও, ঈর্ষ্যাবশে সেই ব্রাহ্মণদিগের অবিসংবাদি শ্রেষ্ঠত্ব অসহমান হইয়া তাঁহাদিগকে অপমানিত করিতেছেন, সভাসমিতি প্রভৃতি সর্বত্রই তাঁহাদের কুৎসা রটনা করিয়া গৌরব নষ্ট করিতে প্রয়াসী হইয়াছেন। তাহার কারণ, তাঁহাদের সর্বশ্রেষ্ঠ হওয়ার প্রধান অনুরায় ব্রাহ্মণ। ব্রাহ্মণকে নিয়ে নামাইতে না পারিলে, তাঁহারা সর্বোচ্চ স্থান অধিকার করিতে পারিবেন না। কিন্তু ইহা তাঁহাদের নিতান্তই মতিভ্রম। একধর্ম্মাবলম্বী সমস্ত মনুষ্যের সমষ্টিকেই সমাজ বলে। তাদৃশ হিন্দু-সমাজরূপ বিরাট পুরুষের শীর্ষস্থানীয়—ব্রাহ্মণ; অন্যান্য জাতি হস্তপদাদির জ্ঞায় তাহার অঙ্গ-প্রত্যঙ্গ। ইহা সৃষ্টির প্রারম্ভ হইতেই, ভ্রম-প্রমাদ-বিপ্রলিপ্সাবিবর্জিত স্বার্থপরতাপবিশিষ্ট সর্বভূত-হিতৈষী সমুদারচিত্ত ঋষিগণের প্রবর্তিত, চিরন্তন নিয়ম। সেই ব্রাহ্মণজাতিকে অবনত করিয়া উন্নত হইবার দুরাশা—আর নিজের মাথা কাটিয়া সেই স্থানে পা বসাইয়া ইটিবার চেষ্টা—দুই-ই সমান।

এখন অনেকেই বলেন—স্বার্থপর ঋষিরা ব্রাহ্মণ ছিলেন, বলিয়াই ব্রাহ্মণদিগকে সর্বাপেক্ষা শ্রেষ্ঠ করিয়া গিয়াছেন। এ কথাটা তাঁহাদের নিতান্ত নির্বুদ্ধিতার পরিচায়ক। আজকাল লোকে ভগ্নদাতা জীবিত পিতার কথাই প্রায় গ্রাহ্য করে না। এ অবস্থায়, যাহারা সামাজিক যথেষ্টাচারে প্রবৃত্ত, তাঁহারাও স্বমতসমর্থনের জন্ত যেন-তেন-প্রকারে মনগড়া অর্থ করিয়া, যুগযুগান্তরমুত সেই ঋষিগণের বচন প্রমাণরূপে প্রদর্শন করিয়া থাকেন। স্বার্থপর প্রতারক লোকের এত সম্মান—এত গৌরব কখনই সম্ভবপর নহে। তাঁহাদের ভাবিয়া দেখা উচিত, সাক্ষাৎ ব্রহ্মণ্যদেব, যে ব্রাহ্মণের সম্মান জগৎকে শিক্ষা দিবার জন্ত, তাঁহার পদাঘাতের চিহ্ন সাদরে ও সগৌরবে স্বীয় বক্ষঃস্থলে চিরতরে উজ্জলরূপে অঙ্কিত করিয়া রাখিয়াছেন, —স্বয়ং দ্বারকার অধীশ্বর ও জগন্মান্ত হইয়াও যুধিষ্ঠিরের রাজসূয়ে যে ব্রাহ্মণের পাদপ্রক্ষালনের ভার যথেষ্টে গ্রহণ করিয়াছিলেন, সেই ব্রাহ্মণ কালধর্মে বতই কদাচারী হউন, তাঁহার ব্রাহ্মণ্য তেজ মহাপ্রলয়েও বিলুপ্ত হইবার

নহে। বজ্রমণি বাচিরে মলাবৃত হইলেও, তাহার স্বভাবসিদ্ধ জ্যোতিঃ অন্যের অগোচরে অন্তরে বিরাজমান থাকে। শমীগর্ভস্থ অলক্ষ্যমাণ অগ্নিপরিমাণই কালে কালাগ্নিতে পরিণত হইয়া দিগন্তব্যাপি বিশাল অরণ্য ভস্মীভূত করে। বিষদস্ত ভয় হইলেও কৃষ্ণসর্পের ভেজ যায় না, স্বভাব নষ্ট হয় না, বিষদস্ত পুনরুদগত হয়; নামটারও এত প্রভাব যে, গুনিলে শরীর শিহরিয়া উঠে। কিন্তু ডুঙুত যতই মাথা তুলুক, কস্মিন্কালেও সে ফণা বিস্তার করিতে পারিবে না; তাহার বিষদস্তও উঠিবে না; নামেও কেহ ভয় পাইবে না; যতই বিচিত্র গতি দেখাউক, সর্পজাতির উচ্চশ্রেণীতে সে কদাপি গণ্য হইবে না; সে চোঁড়া হইয়া জন্মিয়াছে, যাবজ্জীবন চোঁড়াই থাকিবে।

ব্রাহ্মণের অস্তিত্বেই হিন্দু-সমাজের অস্তিত্ব—ব্রাহ্মণের বিলোপে হিন্দু-সমাজের বিলোপ; ইহা ধ্রুব সত্য। এই জন্যই মহাভারতে “যুধিষ্ঠিরো ধর্মময়ো মহাদ্রুণঃ” বলিয়া, তাহার “মূলং কৃষ্ণে ব্রহ্ম চ ব্রাহ্মণাশ্চ” বলা হইয়াছে। এ সব কথা কেহ ভাবেন না, ইহাই দুঃখের বিষয়। কথায় বলে, “দাঁত থাকিতে কেহ দাঁতের মর্যাদা বুঝে না।”

প্রথম পরিচ্ছেদ

অম্বষ্ঠ ও বৈষ্ণ

আমরা বাল্যে ও যৌবনে দেখিয়াছি, চিকিৎসাশাস্ত্রজ্ঞ প্রবীণ বৈষ্ণগণ আপনাদিগকে বৈষ্ণ বলিয়াই পরিচয় দিতেন, কটিদেশে যজ্ঞসূত্র রাখিতেন এবং ১৫ দিন পূর্ণাশৌচ পালন করিতেন। * তার পর বার্ককের প্রারম্ভে ইদানীন্তন বৈষ্ণগণের প্রকাশিত কয়েকখানি পুস্তক দেখিয়াছি; তাহাতে তাঁহারা আপনাদিগকে অম্বষ্ঠ বলিয়া পরিচয় দিয়াছেন, ১৫ দিন অশৌচ পালনেরও সমর্থন করিয়াছেন; কিন্তু তদবধি কটিদেশে যজ্ঞসূত্র না রাখিয়া স্কন্ধে রাখিতে আরম্ভ করিয়াছেন। সম্প্রতি, “ব্রাহ্মণাদ্

বৈষ্ণকন্যামাম্বষ্ঠো নাম জায়তে” এই মন্তব্যচনে অম্বষ্ঠের বর্ণসঙ্করস্থ প্রতিপাদিত হওয়ার বৈষ্ণেরা অম্বষ্ঠ বলিয়া পরিচয় দিতে আর প্রস্তুত নহেন। তাঁহারা সাক্ষাৎ ব্রাহ্মণ—এমন কি, প্রসিদ্ধ ব্রাহ্মণ অপেক্ষাও শ্রেষ্ঠ বলিয়া আত্মপরিচয় দিয়া শ্লাঘা প্রকাশ করিতেছেন; সেন শর্মা, গুপ্ত শর্মা ইত্যাদিরূপ উপাধি ব্যবহার করিতেছেন; ১০ দিন অশৌচ গ্রহণ করিয়া একাদশাহে পিতৃদিগের আত্মশ্রদ্ধ করিতেছেন এবং অনেক বৈষ্ণ অধ্যাপক, অধ্যাপনার প্রারম্ভে অভিবাদনকালে, ব্রাহ্মণ ছাত্রগণের প্রতি সাগ্রহে পাদপ্রসারণ করিয়া থাকেন—তাহাতে সঙ্কোচ বোধ করেন না, এবং তজ্জন্য কুফলের আশঙ্কাকেও মনে স্থান দেন না।

অনেকে আবার আপনাদের ব্রাহ্মণত্বে এখনও সম্পূর্ণরূপে নিঃসন্দেহ হইতে না পারিয়া, নামের পর সেন শর্মা ইত্যাদি উপাধি বলিয়াও, ১৫ দিন পূর্ণাশৌচ পালনের পর ষোড়শ দিনে আত্মশ্রদ্ধ করিয়া তঁকুলই বজায় রাখিতেছেন। কিন্তু নাম বলিবার সময় ও ব্রাহ্মণ ছাত্রের প্রতি পা বাড়াইবার সময় ব্রাহ্মণ হইব এবং অশৌচপালনে অম্বষ্ঠ থাকিব—এরূপ হইতে পারে না, “ন হি কুক্কুট্যা অণ্ডম্ একতঃ পচ্যতে, অন্যতঃ প্রসবায় কল্পতে (শাঃ ভাঃ) মুরগীর ডিম এক দিকে সিদ্ধ হইতেছে, আর এক দিকে তাহা হইতে বাচ্চা বাহির হইতেছে—ইহা সম্পূর্ণ অসম্ভব।

বৈষ্ণজাতির আলোচনার জন্য যতগুলি পুস্তক পাইয়াছি, তন্মধ্যে ‘বৈষ্ণ-প্রবোধনী’তে সকল পুস্তকের সার সঙ্কলিত, ঋতিশ্রুতি হইতে বহুতর প্রমাণ সংগৃহীত, ও অত্যাৎকট পাণ্ডিত্য প্রকটিত হইয়াছে বলিয়া, উহারই আলোচনা সংক্ষেপে করিব। তৎপূর্বে বক্তব্য এই যে, (ক) যিনি সামাজিক এমন একটা গুরুতর ব্যাপারে হস্তক্ষেপ করিয়াছেন—বৈষ্ণদিগকে “জাতে তুলতে” বন্ধপরিষ্কার হইয়াছেন, সেই ‘প্রবোধনী’-লেখক নিজের নামটি প্রকাশ করেন নাই কেন? তিনি মুখপাতেই “সত্যে নাস্তি ভয়ং কচিৎ” এবং “সত্যমেব জয়তে, নানৃতম্” লিখিয়াও, কোন্ ভয়ে ও কিসে পরাজয়ের আশঙ্কায় সত্যপ্রচারেও আত্মগোপন করিয়াছেন? এই বিনামী লেখকের মীমাংসার মোহে আত্মহারা হইয়া বৈষ্ণের দল যে

* বঙ্গদেশের স্থানে স্থানে বৈষ্ণেরা ৩০ দিন অশৌচ পালন করেন
—সম্পাদক

করুবাচ্চ করিয়া নৃত্য করিতেছেন, ইহাও নিতান্ত বিশ্বয়ের বিষয় ।

(খ) উক্ত পুস্তকের পরিশিষ্টে পাঁচ জন অধ্যাপকের পত্র (৪ খানি তাঁহাদের হস্তাকরেই প্রদর্শিত) সংযোজিত হইয়াছে । তন্মধ্যে (১) “বঙ্গদেশের অতিপ্রসিদ্ধ স্মার্ত-শিরোমণি, গবর্ণমেন্টের উপাধি পরীক্ষার সম্পাদক” পণ্ডিতশ্রী বর শ্রীযুক্ত দক্ষিণাচরণ স্বতীর্ষমহাশয় লিখিয়াছেন—“বৈষ্ণবপ্রবোধনী”-নামী পুস্তিকা পাঠে আমারও বৈষ্ণবস্বাক্ষর অনেক সন্দেহ দূরীভূত হইল । বৈষ্ণব যে মধাদি-প্রোক্ত অষ্টজাতীয় নহে, পরন্তু বিশুদ্ধ ব্রাহ্মণ, এতদ্বিষয়ে আমার আর কোন সন্দেহ রহিল না । কারণ, আপনাদের উক্ত শাস্ত্রীয় ও ঐতিহাসিক প্রমাণাবলী ও যুক্তিসমূহ অখণ্ডনীয় বলিয়াই আমার হৃদয় হইল ।”

(২) ভট্টপল্লীর পণ্ডিত শ্রীযুক্ত কানীপতি স্বতীর্ষমহাশয় লিখিয়াছেন—“বৈষ্ণবজাতি যে ব্রাহ্মণবর্ণ, আমরা ইহা চিরদিনই জানি এবং বিশ্বাস করি ।” (৩) “সুপ্রসিদ্ধ স্বতীর্ষমহাশয়ের অধ্যাপক” পণ্ডিতশ্রী বর শ্রীযুক্ত সতীশচন্দ্র স্বতীর্ষমহাশয় কলিকাতা চোরবাগান স্বতীর টোল হইতে লিখিয়াছেন—“বৈষ্ণব ব্রাহ্মণ, ইহা শাস্ত্রে কথিত আছে এবং আমাদেরও সম্পূর্ণ জ্ঞান ও বিশ্বাস আছে ।” (৪) “সুপ্রতিষ্ঠ স্বতীর্ষমহাশয়ের অধ্যাপক পণ্ডিতশ্রী বর শ্রীযুক্ত ষারকানাথ স্বতীর্ষমহাশয় লিখিয়াছেন—“আমি বৈষ্ণবগণের সম্বন্ধে বহু শাস্ত্রাদি ও অন্যান্য আলোচনা দ্বারা নিঃসন্দেহ হইয়াছি যে, বৈষ্ণবগণ অন্যান্য সদ্ব্রাহ্মণগণের ন্যায় এক শ্রেণীর সদ্ব্রাহ্মণ ।” (৫) কলিকাতা হাতিবাগান চতুষ্পাঠীর অধ্যাপক পণ্ডিতশ্রী বর শ্রীযুক্ত প্রমথনাথ বিচারদ্ব মহাশয় লিখিয়াছেন—“বৈষ্ণবপ্রবোধনী” পুস্তিকা পাঠ করিয়া বিশেষ আনন্দিত হইলাম । আমি ইতঃপূর্বে তোমার (শ্রীইন্দ্রভূষণ মেন-শর্মার) ভগিনীদের ব্রাহ্মণোচিত বৈদিক পদ্ধতি অনুসারে বিবাহকার্যাদি করিয়াছি, তাহাও তুমি জ্ঞাত আছ । যাহা হউক, তোমরা যে ‘আমাদেরই’ এক জন, তাহাতে কোন সংশয় নাই ।... যদি কোনও বৈষ্ণবব্রাহ্মণের ক্রিয়াকলাপে পুরোহিত গিয়া কার্য করিতে অগ্রসর না হন, আমাকে জানাইলে আমি আনন্দের সহিত পৌরাহিত্য করিতেও স্বীকৃত আছি

• উক্ত অধ্যাপক মহাশয়গণকে জিজ্ঞাসা করি— তাঁহারা যখন বৈষ্ণব ব্রাহ্মণত্বে নিঃসংশয় হইয়াছেন, তখন বৈষ্ণবদিগের অন্তর্ভুক্তি, সমাজে তাঁহাদের সহিত এক পঙ্ক্তিতে আহার এবং তাঁহাদের কুলে কন্যার আদান-প্রদান করিতে পারেন কি ? এবং সমাজবন্ধন থাকিতে কস্মিন্ কালেও পারিবেন কি ? তাহা যদি না পারেন, তবে অনুরোধের বংশে অথবা অন্য কিছুর থাকিলে ঐরূপ অসার অভিমত ব্যক্ত করিবার প্রয়োজন কি ? সাধারণের নিকট নিজেদের শাস্ত্রজ্ঞানরাহিত্যের পরিচয় দ্বারা অশ্রদ্ধের ও উপহাসসম্পদ হওয়া এবং পণ্ডিত নামে কলঙ্ককালিমা লেপন করা ভিন্ন ইহার আর কোনও ফল দেখি না ।

শ্রীকলকাতা নিমন্ত্রিত ব্রাহ্মণগণের ন্যায় বৈষ্ণবদিগকেও সুপারির সহিত যজ্ঞোপবীত দেওয়া উচিত কি না, এই বিষয়ের মীমাংসায় সন ১৩১৮ সালের ৩২শে শ্রাবণ তারিখে বহরমপুরস্থ ব্রাহ্মণ-সভার বিশেষ অধিবেশনে বঙ্গের বাবতীয় প্রধান প্রধান অধ্যাপক এবং বাবতীয় গণ্যমান্য সুপ্রসিদ্ধ সামাজিক মহোদয়গণ একবাক্যে বৈষ্ণবদিগকে অত্রাহ্মণ, সুতরাং যজ্ঞোপবীত দানের অপাত্ত বলিয়া অভিমত প্রকাশ করিয়াছিলেন । বহরমপুর-নিবাসী শ্রীযুক্ত কেদারনাথ ঘটক মহাশয় ঐ সমস্ত অভিমত সংগ্রহ করিয়া যে পুস্তক প্রকাশ করিয়াছেন, তাহা সাধারণকে পাঠ করিতে অনুরোধ করি ।

১। বৈষ্ণবপ্রবোধনী—বৈষ্ণব কথাটির ব্যুৎপত্তিলভ্য অর্থ এইরূপ । “ঐশ্বরী বৈ বিষ্ণা ঋচো ষজুঃবি সামানি ।” (শতপথ ব্রাহ্মণ) বিষ্ণা শব্দের মুখ্য অর্থ বেদ । ইহারা সেই বেদাধ্যয়ন করেন এবং বেদজ, তাঁহারা ই বৈষ্ণব । “তদধীতে তদ্ বেদ” এই পাণিনীয় সূত্র দ্বারা বিষ্ণা + অণ্ = বৈষ্ণব । মতান্তরে বেদ + ষ্য = বৈষ্ণব ।

বক্তব্য—“বেদ + ষ্য = বৈষ্ণব” এই ব্যুৎপত্তি ব্যাকরণ-সম্মত নহে ; যেহেতু, “তদধীতে তদ্ বেদ” (তাহা যে অধ্যয়ন করে বা তাহা যে জানে) এই অর্থে ষ্য প্রত্যয়ের সূত্র নাই । পরন্তু বৈষ্ণব শব্দ ষ্যপ্রত্যয়ান্ত হইলে “বৈষ্ণবের পত্নী” অর্থে বৈষ্ণবী পরিবর্তে “বৈদী” এই অর্থে পদ হয় (স্ত্রীলিঙ্গে ঙ্গ প্রত্যয় পরে থাকিলে মৎস্ত শব্দ ও ষ্য প্রত্যয়ের ঙ্গকারের লোপ হইয়া থাকে) ।

বেদজ্ঞ বা বেদাধ্যায়ীকে বৈজ্ঞ বলে, এমন কথা কোনও শাস্ত্রেও নাই এবং লোকব্যবহারেও নাই। কানী, বোধাই, গুর্জর প্রভৃতি অঞ্চলে পোচীনকাল হইতে বর্তমানকাল পর্যন্ত বহু বেদাধ্যায়ী ও বেদজ্ঞ ব্রাহ্মণ আছেন, তাঁহাদিগকে কেহ “বৈজ্ঞ” বলে না।

বেদজ্ঞ ও বেদাধ্যায়ী হইলেই যদি বৈজ্ঞ হয়, তাহা হইলে শাহারা “বৈজ্ঞ” বলিয়া সমাজে পরিচিত (অর্থাৎ যাহারা জাতি-বৈজ্ঞ), তাঁহাদের সে জ্ঞানের ও সে অধ্যয়নের পরিচয় বৈদিক যুগ হইতে বর্তমান ঐতিহাসিক যুগ পর্যন্ত কুত্রাপি প্রাপ্ত হওয়া যায় না কেন ?

“ত্রয়ো বৈ বিজ্ঞা” এই শ্রুতি দেখিয়া কেবল বেদকেই বিজ্ঞা মনে করা ভ্রমমাত্র। যেহেতু, শাস্ত্রে বিজ্ঞা অষ্টাদশ-প্রকার উক্ত হইয়াছে। যথা :—

“অজানি বেদাশ্চত্বারো মীমাংসা জায়বিস্তরঃ।

ধর্মশাস্ত্রং পুরাণঞ্চ বিজ্ঞা হেতাশ্চতুর্দশ ॥

আয়ুর্বেদো ধর্মুর্বেদো গন্ধর্কশ্চেতি তে ত্রয়ঃ।

অর্থশাস্ত্রং চতুর্থঞ্চ বিজ্ঞা হষ্টাদশৈব তু ॥”

—(বিষ্ণু পুঃ)

ষড়ঙ্গ (শিক্ষা, কল্প, ব্যাকরণ, নিকৃষ্ট, ছন্দঃ, জ্যোতিষ), চতুর্বেদ (সাম, যজুঃ, ঋক্, অথর্ব), মীমাংসা-দর্শন, জায়দর্শন, ধর্মশাস্ত্র (মন্বাদি স্মৃতি) ও পুরাণ—এই চতুর্দশ বিজ্ঞা। আয়ুর্বেদ, ধর্মুর্বেদ, গন্ধর্কবেদ ও অর্থশাস্ত্র (দণ্ডনীতি)—এই চারিপ্রকার লইয়া অষ্টাদশ বিজ্ঞা।

বৈজ্ঞেরা আয়ুর্বেদ অধ্যয়ন করেন বলিয়া, ‘প্রবোধনৌ’-লেখক ঐ শ্রুতি ভুলিয়া আয়ুর্বেদের বেদজ্ঞ সপ্রমাণ করিতে প্রয়াস করিয়াছেন। আয়ুর্বেদও বেদ হইলে, উক্ত বিষ্ণুপুরাণীয় বচনে “বেদাশ্চত্বারঃ” বলিয়া আয়ুর্বেদের পৃথক্ উল্লেখ থাকিত না। ভাগবতাদি শাস্ত্রে আয়ুর্বেদাদি উপবেদ বলিয়া উক্ত হইয়াছে।

এতদ্বারা স্পষ্টই বুঝা যাইতেছে যে, বেদাধ্যায়ী বা বেদজ্ঞকে বৈজ্ঞ বলে না। বৈজ্ঞ শব্দের শাস্ত্রসম্মত ত্রিবিধ অর্থ আছে। যথা :—

(১) “আয়ুর্বেদাভ্যাকাং বিজ্ঞাং বেত্তি অণ্। ভরত-মতে বেত্তি অধীতে বা বৈজ্ঞঃ, টঘে কাদিত্তি ষঃ।”

—(অমরটীকা)

“যে বিজ্ঞা অর্থাৎ আয়ুর্বেদরূপ বিজ্ঞা জানে বা অধ্যয়ন করে” এই অর্থে বিজ্ঞা + অণ্ বা ষ = বৈজ্ঞ। ইহার অর্থ— চিকিৎসক ; যথা, “রোগহার্য্যগদকারো ত্রিষগ্ বৈজ্ঞো চিকিৎসকে।”—(অমর)

ইহাতে জাতির বিচার নাই ; ব্রাহ্মণাদি যে-কোনও জাতির মনুষ্য চিকিৎসাব্যবসায় করিলে, তাহাকেই বৈজ্ঞ বলা যায়। এই জন্ত অমর ঐ শ্লোকটি ব্রহ্ম, কল্লিঙ্গ, বৈশ্য বা শূদ্রবর্ণে না ধরিয়া মনুষ্যবর্ণেই ধরিয়াছেন।

(২) সংক্ষিপ্তসার ব্যাকরণে “পুংনামঃ পুংবোগে” সূত্রের বৃত্তিতে “বৈজ্ঞের পত্নী” এই অর্থে উদাহরণ আছে “বৈজ্ঞী।” টীকাকার গোরীচন্দ্র লিখিয়াছেন—“বৈজ্ঞশব্দো বিজ্ঞাযোগাৎ পুংসো বাচকঃ, তদযোগাৎ স্ত্রিয়াং বর্ততে, ন তু বিজ্ঞাযোগাৎ।” অর্থাৎ বিজ্ঞা জানার জন্ত পুরুষ বৈজ্ঞপদবাচ্য ; তাদৃশ পুরুষের সহিত বিবাহসংযোগ হেতুই তাহার পত্নী বৈজ্ঞী, বিজ্ঞা জানার জন্ত বৈজ্ঞী নহে। সূত্রাৎ ইহারও ব্যুৎপত্তি—বিজ্ঞা (চতুর্দশ বিজ্ঞা বা সর্ব-বিজ্ঞা) যে জানে, সে বৈজ্ঞ ; বিজ্ঞা + অণ্ বা টণ্।

(৩) জাতিবিশেষ অর্থাৎ বৈজ্ঞ জাতি। যথা—

“চাণ্ডালো ব্রাত্যবৈজ্ঞো চ ব্রাহ্মণ্যাং কল্লিঙ্গানু চ।

বৈজ্ঞায়াকৈব শূদ্রশ্চ লক্ষ্যন্তেহপসদাঙ্গয়ঃ ॥”

(মহা, অমু, ৪৮১২)

শূদ্র হইতে ব্রাহ্মণীতে উৎপন্ন পুত্র চণ্ডাল, কল্লিঙ্গাতে উৎপন্ন পুত্র ব্রাত্য, এবং বৈজ্ঞাতে উৎপন্ন পুত্র বৈজ্ঞ। এই তিন জাতি অতি নিকৃষ্ট।

এই জাতিবাচক বৈজ্ঞ শব্দ রুঢ়—অর্থাৎ গৃহাদিবাচক মণ্ডপাদি শব্দের স্থায় ইহার কথঞ্চিৎ ব্যুৎপত্তি করা গেলেও, বস্তুতঃ প্রকৃতিপ্রত্যয়গত কোনও অর্থ নাই। সেই হেতু যাহারা বৈজ্ঞবংশসম্বৃত হইয়াও পুরুষানুক্রমে চিকিৎসা-ব্যবসায় না করিয়া জমীদারি প্রভৃতি কার্য্য করিয়া থাকেন, তাঁহারা জাতিতে বৈজ্ঞ বলিয়াই পরিচিত ; এবং যে সকল ব্রাহ্মণ পুরুষানুক্রমে চিকিৎসা-ব্যবসায় করিতেছেন, তাঁহারা জাতিতে ব্রাহ্মণই আছেন (বৈজ্ঞ বলিয়া পরিগণিত হন নাই)। সমাজে যাহারা বৈজ্ঞ বলিয়া প্রসিদ্ধ, যাহারা আপনাদের ব্রাহ্মণত্ব প্রতিপাদন-তৎপর,

উাহারা যে জাতিতে বৈজ্ঞ, ইহা সর্বজনবিদিত, এবং উাহাদেরও স্বীকৃত।

‘প্রবোধনী’লেখক “কাচং মণিঃ কাঞ্চনমেকসূত্রে”র দ্বারা সর্বত্রই এই দ্বিবিধ অর্থের ত্রাহস্পর্শ ঘটাইয়া বৈজ্ঞের ব্রাহ্মণত্ব প্রতিপন্ন করিতে প্রয়াস করিয়াছেন, ইহা বড়ই বিচিত্র।

২। বৈঃ প্রঃ—উৎকৃষ্ট বিজ্ঞাসম্পন্ন সর্ববেদজ্ঞ শ্রেষ্ঠ ব্রাহ্মণদিগকে “বৈজ্ঞ” বলা হইয়াছে। এই সম্বন্ধে শ্রোত ও স্মৃতি প্রমাণ যথা—

(ক) “বিপ্রঃ স উচ্যতে ভিষক্ রক্ষোহামীবচাতনঃ ।” (ঋগ্বেদ ১০ মং ২৭ সূক্ত)। তত্র সাগ্ননভাষ্যম্—বিপ্রঃ প্রাজ্ঞো ব্রাহ্মণঃ। অমীবা ব্যাধিঃ তশ্চ চাতনঃ চাতয়িতা চিকিৎসকঃ।—অর্থাৎ যে বৈজ্ঞ ব্রাহ্মণ ব্যাধির চিকিৎসা করেন, তিনিই ভিষক।

(খ) “ওষধয়ঃ সংবদন্তে সোমেন সহ রাজ্ঞা । যশৈ রুণোতি ব্রাহ্মণস্তং রাজন্ পারমামসি ॥” (ঋক্ ঐ) অত্র সাগ্ননঃ—যশৈ রুগ্ণায় ব্রাহ্মণঃ ওষধিসামর্থ্যজ্ঞো ব্রাহ্মণো বৈজ্ঞঃ রুণোতি করোতি চিকিৎসাম্। অর্থাৎ ওষধিসামর্থ্যজ্ঞ যে ব্রাহ্মণ বৈজ্ঞ রুগ্ণের চিকিৎসা করেন ইত্যাদি।

বক্তব্য—এতদ্বারা বৈজ্ঞের ব্রাহ্মণত্ব কিরূপে সিদ্ধ হইল, বৃষ্ণিতে পারিলাম না। আবহমান কাল ধরিয়া ব্রাহ্মণেরাই সর্বপ্রথম সর্বশাস্ত্রের অধ্যাতা, অধ্যাপয়িতা ও গ্রন্থ-প্রণেতা। চরক প্রভৃতি বৈজ্ঞকগ্রন্থে আছে—ভরদ্বাজ মুনি ইন্দুর নিকট হইতে আয়ুর্বেদ অধ্যয়ন করিয়া আসিলে, অত্রিরা প্রভৃতি ঋষিগণ উাহার নিকট উহা শিক্ষা করিয়াছিলেন। ব্রাহ্মণাদি চতুর্ধর্ষের দ্বারা সৃষ্টির প্রারম্ভেই অম্বুঃ, বৈজ্ঞ প্রভৃতি সঙ্করজাতি উৎপন্ন হয় নাই; বহুকালের পর ক্রমে ক্রমে উৎপন্ন হইয়াছে। সুতরাং প্রাচীনতম কালে রোগপ্রতীকার দ্বারা জগতের উপকারার্থ কেবল ব্রাহ্মণেরাই চিকিৎসাকার্য্য করিতেন। ~~এই~~ ই ঋগ্বেদে উক্ত হইয়াছে—(ক) “বিপ্রঃ স উচ্যতে ভিষক্” ইত্যাদি। উহার সাগ্ননভাষ্য—“...তত্র বিপ্রঃ প্রাজ্ঞো ব্রাহ্মণঃ ভিষক্ উচ্যতে।” অর্থাৎ যে স্থানে নানাবিধ ওষধি থাকে, সেই স্থানে ওষধিশক্তিজন ব্রাহ্মণকে ভিষক্ (চিকিৎসক) বলে। ‘প্রবোধনী’-লেখক ভাষ্যস্থ “ভিষক্ উচ্যতে” এই দুইটি পদ ছাড়িয়া দিয়াছেন।

(খ) “ওষধয়ঃ সংবদন্তে” ইত্যাদি ঋকের অর্থ—যে রুগ্ণকে ওষধিশক্তিজন ব্রাহ্মণ বৈজ্ঞ (অর্থাৎ ব্রাহ্মণ চিকিৎসক) চিকিৎসা করেন ইত্যাদি।

ইহাতে ঐ মন্ত্রদ্বয়ে ও তদীয় ভাষ্যে ওষধিশক্তিজন ব্রাহ্মণকে ভিষক্ বা বৈজ্ঞ (অর্থাৎ চিকিৎসক) বলা হইয়াছে; বৈজ্ঞকে ব্রাহ্মণ বলা হয় নাই। ‘প্রবোধনী’-লেখক সংস্কৃত ভাষায় বিশেষ ব্যুৎপত্তির অভাবে বিপরীত বৃষ্ণিা-ছেন, অথবা স্বার্থসাধনের জন্য অপর সাধারণকে বিপরীত বুঝাইয়াছেন।

৩। বৈঃ প্রঃ—পূর্বকালে উাহারা সর্ববিজ্ঞাসম্পন্ন এবং সর্ববর্ণের রক্ষক বা পিতৃস্বরূপ হইতেন, উাহাদিগকেই বৈজ্ঞ, তাত-বৈজ্ঞ প্রভৃতি নাম দেওয়া হইত, যথা :—

“কচ্চিদ্ দেবান্ পিতৃন্ ভৃত্যান্ গুরুন্ পিতৃসমানপি ।
বৃদ্ধাংশ্চ তাতবৈজ্ঞাংশ্চ ব্রাহ্মণাংশ্চাভিমন্ত্রসে ॥”

(রামা, অযো, ১০০ সর্গ)

অর্থাৎ (শ্রীরামচন্দ্র ভরতকে জিজ্ঞাসা করিতেছেন) তুমি দেবগণকে, পিতৃলোককে, ভৃত্যদিগকে, পিতৃস্থানীয় গুরুজনদিগকে, বৃদ্ধগণকে, তাতবৈজ্ঞদিগকে ও ব্রাহ্মণগণকে যথাযোগ্য সম্বর্দনা করিতেছ ত ?

বক্তব্য—শ্লোকটার অল্পবাদ ঠিক হয় নাই, এবং উহাতে বানান ভুলও আছে। সে বাহা হউক, সর্ববর্ণের পিতৃস্বরূপকে যে তাতবৈজ্ঞ বলে, তাহার প্রমাণ উহা কিরূপে হইল ? আমরা ত “তাতবৈজ্ঞ” নাম কখনও শুনি নাই, কোথাও দেখিও নাই। ঐ শ্লোকে “তাত-বৈজ্ঞ” বলাতেই যে বৈজ্ঞ ব্রাহ্মণ হইয়া গেল, ইহা মনে করিবার কোনও কারণ নাই। তাতবৈজ্ঞই যদি ব্রাহ্মণ, তবে আবার “ব্রাহ্মণান্” কেন ? বস্তুতঃ এই স্থানে “তাত” শব্দ (বৎস অর্থে) ভরতের সম্বোধন—পৃথক্ পদ। যেহেতু, রামায়ণের তিন জন প্রাচীন টীকাকারই “তাত” শব্দ ছাড়িয়া “বৈজ্ঞান্ ব্রাহ্মণান্” ইহার ব্যাখ্যা করিয়াছেন—“বৈজ্ঞাঃ বিজ্ঞাসু নিপুণাঃ, তান্ ব্রাহ্মণান্ অভিমন্ত্রসে বহু মন্ত্রসে। যদ্বা বৈজ্ঞান্ চিকিৎসাপ্রবৌগান্ ব্রাহ্মণান্। ব্রাহ্মণসামান্তবিষয়ঃ প্রম্নোহয়ং ভবিষ্যতি।”—বিজ্ঞানিপুণ ব্রাহ্মণদিগকে অথবা চিকিৎসানিপুণ ব্রাহ্মণদিগকে তুমি সম্মান কর ত ? সাধারণ ব্রাহ্মণ সম্বন্ধেও এই প্রশ্ন

হইতে পারে, অর্থাৎ বিদ্বান্ বা চিকিৎসক ব্রাহ্মণদিগকে এবং তদিতর সাধারণ ব্রাহ্মণদিগকে সম্মান করত ?

মমুর সময়ে বৈজ্ঞানিক উৎপত্তি হয় নাই। হইলে, তিনি অর্ঘ্যের উল্লেখ করিয়া, বৈজ্ঞেরও উল্লেখ করিতেন। রামচন্দ্রের সময়েও বৈজ্ঞানিক ছিল না জানিয়া, অথবা বৈজ্ঞানিক হইতে বৈজ্ঞানিক-জাত (পূর্বোক্ত বৈজ্ঞ শব্দের ব্যুৎপত্তি দ্রষ্টব্য) সূত্রাং বিলোমজ শূদ্র বলিয়া এবং অর্ঘ্যও বর্নসঙ্কর বলিয়া ভরতের সম্মানার্থ হইতে পারে না ভাবিয়া, কোনও টীকাকারই সে অর্থ করেন নাই।

৪। বৈঃ প্রঃ—“বিজ্ঞাসমাপ্তৌ ভিষজস্তুতীয়া জাতি রুচ্যতে। অশ্রুতে বৈজ্ঞানকঃ হি ন বৈজ্ঞঃ পূর্বজন্মনা ॥ বিজ্ঞাসমাপ্তৌ ব্রাহ্মণঃ বা সত্বমার্ঘমথাপি বা। ধ্রুবমাবিশতি জ্ঞানং তস্মাদ্ বৈজ্ঞানিকঃ স্তুতঃ ॥” (চরক, চিকিৎসা ১ অঃ)

অর্থাৎ বিজ্ঞাসমাপ্তির পর চিকিৎসকের তৃতীয় জন্ম হয়, তখনই তিনি বৈজ্ঞ উপাধি লাভ করেন, জন্মাবধি কাহারও বৈজ্ঞ নাম হইতে পারে না। বিজ্ঞাসমাপ্তি হইলে বৈজ্ঞের ক্ষমতায় ব্রাহ্মসত্ত্ব বা ব্রহ্মজ্ঞান, অথবা আর্ষজ্ঞান বিকশিত হইয়া থাকে, এই তত্ত্ব বৈজ্ঞকে ত্রিভুজ বলা হয়।

বক্তব্য—অনুবাদটি সর্বাংশে বিতর্ক হয় নাই; মূলের পাঠও “জ্ঞানাৎ” (“জ্ঞানং” নহে)। বাহা ভট্টক, সে বিচার করিতে চাহি না; ইহা দ্বারা বৈজ্ঞের ব্রাহ্মণত্ব সিদ্ধ হয় না, ইহাই দেখাইব। অর্ঘ্যে ত্রিভুজ না হইলে ত্রিভুজ হইতে পারে না। পূর্বোক্ত মহাভারতীয় বচন অনুসারে বৈজ্ঞ বিলোমজাত শূদ্র বলিয়া তাহার বৈদিক উপনয়ন-সংস্কার নিষিদ্ধ; সূত্রাং সে বধন ত্রিভুজই নহে, তখন ত্রিভুজ কিরূপ হইবে? চরক সংহিতায় আরম্ভ হইতে শেষ পর্যন্ত ব্রাহ্মণকেই চিকিৎসক বলা হইয়াছে। বৈদিক উপনয়নসংস্কারে ব্রাহ্মণ ত্রিভুজ হইয়া, পরে আয়ুর্বেদ সমাপনে ত্রিভুজ হইয়া থাকেন। “জন্মনা ব্রাহ্মণো জ্ঞেয়ঃ সংস্কারৈর্বিভক্ত উচ্যতে। বিজ্ঞানা যতি বিপ্রস্বঃ ত্রিভিঃ শ্রোত্রিয়লক্ষণম্ ॥” এই বচনে বাহাকে বিপ্র বলা হইয়াছে, চরক তাহাকেই ত্রিভুজ বলিয়াছেন।

সূত্রতে সূত্রস্থানের ২য় অধ্যায়ে চতুর্ভুজেরই আয়ুর্বেদাধ্যয়ন, আয়ুর্বেদিক উপনয়ন, এবং ত্রৈবর্ণিকের আয়ুর্বেদাধ্যয়ন বিহিত হইয়াছে। যথা :—

“ব্রাহ্মণস্বয়ং বর্ণানামুপনয়নং কর্তুমর্হতি, রাজশ্চো দয়শ্চ, বৈশ্যো বৈশ্যশ্চৈবেতি। শূদ্রমপি কুলসম্পন্নং মন্ত্র-বর্জমুপনীতমধ্যাপয়েদিত্যে কে।” পরন্তু এই উপনয়নে মেথলা-বজ্রোপবীতাদি ধারণের বিধি নাই।

ইহাতে দেখা যায়, সর্ববর্ণই আয়ুর্বেদাধ্যয়নে অধিকারী হইলেও ব্রাহ্মণ, ক্ষত্রিয় ও বৈশ্য ত্রিভুজ বলিয়া, আয়ুর্বেদ-সমাপ্তিতে তাহারাই ত্রিভুজ হন, ইহাই উক্ত শ্লোকের তাৎপর্য। আয়ুর্বেদোপনয়নে ত্রিভুজ হইয়া তদ্বিজ্ঞা-সমাপনে ত্রিভুজ হয় বলিলে, ত্রিভুজকে আয়ুর্বেদোপনয়নে ত্রিভুজ এবং বিজ্ঞাসমাপ্তিতে চতুর্ভুজ বলিতে হয়; এবং “একজাতি” শূদ্রই কেবল আয়ুর্বেদোপনয়নে ত্রিভুজ এবং বিজ্ঞাসমাপ্তিতে ত্রিভুজ হইয়া থাকে।

বৈজ্ঞ ব্রাহ্মণ হইলে এবং চরকস্থ বৈজ্ঞ শব্দ বৈজ্ঞজাতি-বাচক হইলে, ঐ চরকেই—ঐ চিকিৎসাস্থানের ঐ প্রথম অধ্যায়েই কুটীপ্রাবেশিক-রসায়নসেবনার্থে যে কুটী-নির্মাণের বিধি উপদিষ্ট হইয়াছে, তাহাতে বৈজ্ঞ ও ব্রাহ্মণের পৃথক নির্দেশ থাকিত না। যথা :—

“নৃপবৈজ্ঞদ্বিজাতীনাং সাধুনাং পুণ্যকর্মণাম্।
নিবাসে নির্ভয়ে শস্ত্রে প্রাপ্যোপকরণে পুরে।
দিশি পূর্বোত্তরস্যাস্ত স্তম্ভমৌ কারয়েৎ কুটীম্ ॥”

সাধু পুণ্যকর্মী নৃপ, বৈজ্ঞ ও ব্রাহ্মণদিগের যেখানে নিবাস, সেই নগরে ঈশানকোণে স্তম্ভর ভূমিতে কুটী নির্মাণ করাইবে।

‘প্রবোধনী’-লেখকের “মহর্ষিকল্প গঙ্গাধর”ও উহার টীকায় লিখিয়াছেন—“নৃপাদীনাং তস্মিন্ পুরে নৃপাদি-বাসনগরে।” তাহার “নৃপাদীনাং” লেখাতেই নৃপ, বৈজ্ঞ ও ত্রিভুজের পার্থক্য প্রতিপাদিত হইতেছে। উহার পরে পুনর্বার বলা হইয়াছে,—

“ইষ্টোপকরণোপেতাং সজ্জবৈজ্ঞোষধিভিঃ ॥”

ঐ কুটীতে আবশ্যিক সামগ্রী, বৈজ্ঞ, ঔষধ ও ব্রাহ্মণরা থাকিবে।

ইহাতেও বৈজ্ঞ ও ব্রাহ্মণের পার্থক্য বুঝা যাইতেছে।

[ক্রমশঃ।


শ্রীশ্রীমাচরণ কবিরত্ন দ্বিতীয়াবধি।



[বহুমতী প্রেস]

"কি ভৈরবী আর গেয়ো নাকো এই প্রভাতে।"

[শিল্পী—শ্রীবিধুভূষণ রায়]



হানা বাড়ী

অল্প বয়স হইতেই জটিল সমস্যার মীমাংসা করিবার আগ্রহ আমার কিছু প্রবল ছিল। পরে যখন নানারূপ বিলাতী 'ডিটেক্টিভ' কাহিনী পড়িতে লাগিলাম, তখন আমারও ঐরূপ ডিটেক্টিভ গোছের একটা কিছু হইয়া পড়িবার বাসনা সময়ে সময়ে মনে বেশ প্রদীপ্ত হইয়া উঠিত। সেই জন্ম আমি ক্রমে ক্রমে এম্, এ, এবং বি, এল্, পাশ করিবার পর, যখন আত্মীয় ও বন্ধুগণের মধ্য একটা বিষয় বিবেচ্য বিষয় এই হইল যে, ব্যবহারাজীবরূপে কোন্ আদালতকে আমার অলঙ্কৃত করা উচিত, তখন আমিই তাহার সিদ্ধান্ত করিয়া স্থির করিলাম যে, ফৌজদারী আদালত ভিন্ন অপর কোথাও আমার বুদ্ধি-বৃদ্ধির সম্যক বিকাশের সম্ভাবনা অল্প। তদনুসারে, কলিকাতায় পুলিশ-কোর্টে আমার ওকালতী করা সাব্যস্ত হইল।

তা' ত হইল; কিন্তু, তাহার উদ্যোগপর্বের প্রথমেই বেশ একটু বেগ পাইতে হইল। আমার পৈতৃক নিবাস নদীয়া জিলায়। পিতৃদেব চিকিৎসা-ব্যবসায় দ্বারা যাহা অর্জন করিতেন, তাহা হইতে দেশে সুন্দর পাকা বাস-গৃহ ও অনেক ভূসম্পত্তি করিয়াছিলেন বটে, কিন্তু কলিকাতায় একটাও বাড়ী করেন নাই। কায়েই আমি কলিকাতায় 'মেসে' থাকিয়া কলেজে পড়িতাম। দুই বৎসর হইল, তিনি লোকান্তরিত হইয়াছেন। সম্পত্তি যাহা রাখিয়া গিয়াছেন, তাহার আয় আমার একার পক্ষে যথেষ্ট হইলেও, ভবিষ্যৎ ভাবিয়া ব্যয় সম্বন্ধে একটু পুরিমিত হওয়ারও আবশ্যিকতা ছিল। সেই জন্ম পুলিশ-কোর্টে ওকালতী করিবার সিদ্ধান্ত হইয়া যখন ইহাও স্থির হইল যে, পঠদশার চিরাত্যস্ত 'মেস' ছাড়িয়া আমাকে কলিকাতায় একটা স্বতন্ত্র বাসা ভাড়া করিয়া থাকিতে হইবে, তখন আমার তৎকালের আয়ের উপ-যোগী একটা স্বতন্ত্র বাড়ী পাওয়াই দুর্ঘট হইয়া পড়িল।

পূর্বে যে আত্মীয় ও বন্ধুগণের উল্লেখ করিয়াছি, তাঁহারা আমার জন্ম অনেক চেষ্টাতেও অর্থ ঠিক আমার মনের মত বাড়ীর সন্ধান করিতে পারিলেন না। আত্মীয়ের মধ্যে আমার দুইটি মাত্র বড় ভগ্নী ছাড়া, নিকট সম্পর্কীয়া আর কেহই ছিলেন না। তাঁহারাও উভয়েই মফস্বলবাসী। সুতরাং এ বিষয়ে তাঁহাদের দ্বারা কোন সাহায্য পাওয়ার উপায় ছিল না। অবশেষে কলিকাতাবাসী এক দূর-সম্পর্কীয়া বিধবা পিসীর দ্বারা এই দুর্ভাগ্য সমস্যার মীমাংসা হইল।

কর্ণওয়ালিস স্ট্রীটের অনতিদূরে একটা বেশ নিরালা রাস্তার উপর তাঁহার নিজস্ব একটা দুই মহল-বিশিষ্ট দ্বিতল বাড়ীতে তিনি বাস করিতেন। রাস্তার নাম রামপাল লেন। কিন্তু নামে 'লেন' হইলেও, বাড়ীটা যেখানে অবস্থিত, সে স্থানটা মোটেই গলি নহে। গলিটা বেশী প্রশস্ত নয় বটে, কিন্তু ট্রাম রাস্তা হইতে পশ্চিম মুখে কিয়দূর আসিয়া, একটা প্রায় সম-চতুষ্কোণ খোলা জমীর চারিদিক বেঁটন করিয়া, উঁহা সেই-খানেই শেষ হইয়াছে এবং ঐ খোলা জমীর চারি পার্শ্বের ঐ রাস্তার উপর, প্রত্যেক দিকে ৫৭ খানা করিয়া দুই বা তিনতলা বাড়ী থাকায়, ঐ স্থানটা আজকালকার ছোট একটা 'স্কোয়ার' গোছের-দেখিতে হইয়াছিল। ট্রাম রাস্তার সন্নিকটে অবস্থিত হইলেও, তাহার ঘোর কোলাহল হইতে সে স্থানটা সম্পূর্ণ বিচ্ছিন্ন ছিল। খোলা জমীটার চারিদিকে তারের বেড়া দিয়া ঘেরা, কিন্তু চারি দিকেই উহার ভিতরে প্রবেশের পথ আছে। সাধারণে জমীটাকে 'পোড়ো' বলিত; এবং চতুর্দিকের বাড়ীগুলি সমেত ঐ পল্লীটার নাম হইয়াছিল 'রামপালের পোড়ো।'

আমার সেই জাতি-পিসীর বাড়ীটা ঐ 'পোড়োর' উত্তর রাস্তায় অবস্থিত। তাঁহার পরিবার অল্প। দুইটি নাবালাক পুত্র ও এক শিশু কন্যা লইয়া তিনি প্রায় এক

বৎসর হইল বিধবা হইয়াছেন। বাড়ীটা সামান্য পরিবারের পক্ষে অনেক বড় বলিয়া, পিসীমা বিধবা হওয়া অবধি ইহার বাহিরের অংশ ভাড়া দিবার ইচ্ছা করিয়াছিলেন। কিন্তু, বিশেষ পরিচিত ভদ্র পরিবার ভিন্ন অপরকে বাড়ীর এক্ষেপে আংশিক ভাড়া দেওয়া অনুবিধাজনক বলিয়া, ইচ্ছাটা এ পর্য্যন্ত কার্য্যে পরিণত হইয়া নাই। এক দিন তাঁহার সহিত দেখা করিতে গিয়া, কথা-প্রসঙ্গে তাঁহাকে যখন আমার ওকালতী পরিবার অভিপ্রায় ও বাড়ী খোঁজার ব্যাপার জানাইলাম, তখন তিনি বিশেষ আগ্রহ সহকারে আমাকে ঐ বাহিরের অংশ ভাড়া দিবার প্রস্তাব করিলেন। সে অংশে একতলায়, রাস্তার ধারেই, সদরের দুই পাশে, দুইটি ছোট ঘর ও তাহার উপরে দিতলে একটি শয়নকক্ষ; তাহা ছাড়া বাহিরে কল ইত্যাদি স্বতন্ত্র। দেখিয়া আমার এত মনোমত হইল যে, তদুপেই ঐ অংশের মাসিক ভাড়া ২২ টাকা ঠিক করিয়া ফেলিলাম; এবং আরও ১৮ টাকা দিলে পিসীমা আমার আহালাদির সমস্ত ভার লইবেন, তাহাও স্থির হইয়া গেল।

উভয়ের সন্মোষণকরূপে এই প্রকার ব্যবস্থা করিয়া, আমি শুভদিনে, শুভক্ষণে, সেই বাড়ীতে অধিষ্ঠিত হইলাম।

২

বাড়ী ভাড়া ত হইল। ঘরগুলোকে নিজের মনোমতরূপে বেশ পরিপাটীভাবে সাজাইয়া, তাহাতে আরামে বাস করাও চলিতে লাগিল। নীচের দুইটি ঘরের মধ্যে বড়টিকে 'মক্লেগ ঘর' নামে অভিহিত করিয়া, প্রত্যহ সকাল-সন্ধ্যায় তাহাতে 'বার দিয়া' বসিতে লাগিলাম; এবং মহা উৎসাহে, নব্য-প্রথাভঙ্গারে, হাট-কোট-কলার-মণ্ডিত হইয়া, ট্রাম কোম্পানীর সাহায্যে প্রত্যহ কোর্টে যাতায়াতও করিতে লাগিলাম। কিন্তু যদিও ৩৪ মাস এই ভাবে কাটিয়া গেল, তথাপি এ পর্য্যন্ত একটিও মক্লেগ নামক জীবের সহিত সাক্ষাৎ-সম্বন্ধে আমার পরিচয় ঘটিল না।

আমার এই জ্ঞান-পিসীমাটি লোক বেশ অমায়িক। পরস্পরের সহিত ব্যবহারে একটু ঘনিষ্ঠতা বৃদ্ধি হওয়াতে

দেখিলাম, তিনি আমার সহিত নব প্রতিষ্ঠিত রাজা-প্রজা সম্বন্ধ অপেক্ষা সাবেক আত্মীয়তার সম্পর্কটাই বজায় রাখিতে বেশী প্রয়াসী হইয়া, আমার প্রতি বেশ স্নেহপূর্ণ ব্যবহার করিতে লাগিলেন। পাঁচ বৎসর হইল মাছু-স্নেহ হারাইয়া অবধি ঐ জিনিষটির অভাব এতই বেশী রকম অনুভব করিতেছিলাম যে, তাহার সামান্য কণামাত্র অপরের নিকট পাইয়া যে তৃপ্তি লাভ করিতে লাগিলাম, তাহা বর্ণনার অতীত।

পিসীমা এই পাড়ায় অনেক দিনের স্থায়ী 'বাসিন্দা।' বেশ অবস্থাপন্নও বটে; বুদ্ধি-বিবেচনাতেও অনেকের অপেক্ষা শ্রেষ্ঠ। কাবেই পাড়ার প্রতিবাসিনী মহিলাগণের অনেকেই তাঁহার অনুগত। অবসরমত তাঁহাদের এ বাড়ীতে আসা-যাওয়াও যথেষ্ট ছিল। ফলে, পিসীমা যে এই পাড়াটির ভাল-মন্দ সকল রকম খবরাখবরের একটি কেন্দ্রস্থল হইয়া দাঁড়াইয়াছিলেন, তাহা বিচিত্র নহে। আমি তাঁহার আশ্রয়ে আসিবার পর হইতে দুই বেলা আহাের সময় তিনি যখন নিকটে বসিয়া তথির করিতেন, তখন নানা কথার সঙ্গে তাঁহার ঐ সব সংবাদের বোঝা আমার কাছে তিনি অনেকটা হাক্ক করিতেন। এইরূপে তাঁহার কাছে যত কথা শুনিতাম, তাহার মধ্যে প্রধানতঃ, আমাদের এই বাড়ীর প্রায় সম্মুখভাগে সেই পোড়ো-জমীর দক্ষিণের রাস্তার উপর অবস্থিত, একটা একতলা পুরাতন খালি-বাড়ীর সম্বন্ধে নানা গল্প শুনিতাম। বাড়ীটা নাকি 'হানা'; উহাতে ভূতের উপদ্রব আছে। সময়ে সময়ে রাজি-কালে ঐ বাড়ী হইতে বিকট চীৎকার, কখনও বা অদ্ভুত গানের শব্দ শুনা গিয়াছে। কখনও হঠাৎ অন্ধকারের মধ্যে এক দিক হইতে অপর দিকে একটা আলোর গতি-বিধিও অনেকে নাকি দেখিয়াছে; এবং কেহ কেহ নাকি সতাই ও বাড়ীতে একটা ছায়াদেহ-ধারী স্ত্রী-ভূতের আকৃতিও দেখিতে পাইয়াছে! বহুকাল পূর্বে নাকি ঐ বাড়ীতে একটা লোক খুন হইয়াছিল ও সেই অবধি হত ব্যক্তির প্রেতাত্মা ওখানে ঘুরিয়া বেড়ায়। বাড়ীটার এইরূপ খ্যাতি থাকায় প্রায় ১০।১৫ বৎসর হইতে উহার ভাড়া হয় নাই। বাড়ীওয়াল সস্ত্রীক বাড়ীটা মেরামত করিয়া, তাহার চেহারা সুশ্রী করিয়া

দিয়াছেন বটে, কিন্তু তথাপি কেহ উহা ভাড়া লইতে অগ্রসর হয় না। ঐ বাড়ীটার সম্বন্ধে এই প্রকার যত কিছু কিংবদন্তী সে পাড়ায় প্রচলিত ছিল, পিসীমার আশ্রয়ে আসিয়া কিছু দিনের মধ্যে সে সমস্তই আমার কর্ণগোচর হইল।

ঐ বাড়ীটা যে কখনও কোনকালে ভাড়া হইবে না, পাড়ার সকলেরই মনে তাহা ক্রম সত্য বলিয়া বিশ্বাস ছিল। সেই জন্ত পিসীমার বাড়ীতে আমার অধিষ্ঠান হইবার প্রায় মাস ছয়েক পরে হঠাৎ এক দিন পাড়ার লোক যখন দেখিল যে, তাহাদের মনের ঐ ক্রম-বিশ্বাসে আঘাত করিয়া, সেই হানা বাড়ীটার জানালা-কপাট সব উন্মুক্ত, এবং বাড়ীর মধ্যে এক জন অপরিচিত লোক নানাবিধ আসবাব-সরঞ্জাম আনিয়া তাহা বাসোপযোগী করিল, ও তৎপরে দিনের পর দিন তাহাতে রীতিমত বাসও করিতে লাগিল, তখন তাহারা লোকটার অসম-সাহসিকতায় চমৎকৃত হইল বটে, কিন্তু পরস্পর কয়েক দিন জল্পনা-কল্পনার পর স্থির সিদ্ধান্ত করিয়া ফেলিল যে, ‘ভূতের’ হস্তে তাহার শীঘ্রই একটা বিভীষিকাময় পরিণাম সংঘটিত হইবে; এবং সকলেই সেই সিদ্ধান্ত অমুখ্যায়ী ফলের প্রতীক্ষা করিতে লাগিল। কিন্তু অনেক দিন কাটিয়া গেলেও যখন তাহার সাফল্যের কোন আভাসও দেখা গেল না, তখন তাহারা ভূত ছাড়িয়া দিয়া, লোকটার নিজের সম্বন্ধেই নানারূপ জল্পনা আরম্ভ করিয়া দিল। কয়েকদিনের মধ্যেই ঐ নবাগত লোক ও তাহার কার্যকলাপ সম্বন্ধে সত্য বা মিথ্যা অনেক কথা রটনা হইতে লাগিল; এবং পিসীমার অমুগ্রহে সে সমস্তই যথারীতি আমার নিকটেও সরবরাহ হইতে লাগিল।

৩

আমার কিন্তু ঐ হানা বাড়ীটার বা তাহার নূতন অধিবাসীর সম্বন্ধে কোনই কৌতূহল ছিল না। সেই জন্ত পিসীমা ও বিষয়ে আমাকে যে সব সংবাদ দিতেন, তাহাতে আমি বড় মনোযোগ দিতাম না। এ পর্য্যন্ত যত কথা শুনিয়াছিলাম, তাহার মোট সমষ্টি এই যে, লোকটার নাম কুঞ্জবিহারী নন্দন; বয়স পঞ্চাশের উপর। বাড়ীটাতে

সে সম্পূর্ণ একাকী থাকে; সঙ্গে কোন আত্মীয়-স্বজন, এমন কি, একটা চাকর পর্য্যন্ত থাকে না। অথচ, তাহার বেশ আর্থিক স্বচ্ছলতা আছে বলিয়া বোধ হয়। তাহার পোষাক চালচলন পূরা সাহেবী ধরণের। দিনে ও রাত্ৰিকালে সে কোন একটা হোটেলে খাইতে যায় এবং সেই হোটেলের একটা খানসামা প্রত্যহ দুই বেলা আসিয়া, তাহার চা-পানের ব্যবস্থা ও গৃহকর্মাদি পরিচালনা দিয়া যায়। লোকটা কাহারও সঙ্গে মিশিতে চায় না; বাড়ীটাতে আসিয়া অবধি এ পর্য্যন্ত পাড়ার কাহারও সহিত বাক্যালাপ করে নাই; এবং সেই খানসামা ছাড়া বাড়ীতে আর কাহাকেও প্রবেশ করিতেও দেয় না। রাত্ৰিকালে হোটেলে খাইয়া, সে প্রায়ই বেশ মাতাল অবস্থায় বাড়ী ফিরিয়া আইসে। অতএব পাড়ার লোকের মতে সে নিশ্চয়ই কোন বোম্বেষ্টে বদমাইস, হয় ত কোন খুন-খারাবী করিয়া, অথবা কোথাও চুরি-ডাকাতী দ্বারা অনেক টাকা আত্মসাৎ করিয়া, এইরূপ নিভৃতভাবে গা-ঢাকা দিয়া রহিয়াছে।

এইরূপ নানাপ্রকার গল্প শুনিয়াও কিন্তু লোকটার সম্বন্ধে আমার বিশেষ মনোযোগ আকৃষ্ট হয় নাই। অথচ, হঠাৎ এক দিন এক সামান্য ঘটনাচক্রে উহার সহিত আমার জীবন-সূত্র একরূপে সংশ্লিষ্ট হইয়া পড়িল যে, তাহার ফলে আমার ভবিষ্যৎ-ভাগ্য সম্যক্রূপে নিয়ন্ত্রিত হইতে লাগিল।

সেবারে কলিকাতায় শীতটা কিছু শীঘ্রই আরম্ভ হইয়াছিল। অগ্রহায়ণ উত্তীর্ণ হইবার পূর্বেই রাত্ৰিতে বাহির হইলে রীতিমত গরম কাপড়ের প্রয়োজন হইত। সে দিন এক বন্ধুর বাড়ীতে রাত্ৰিতে আহাৰ করিয়া ফিরিতেছিলাম। যখন আমাদের সেই ‘পোড়োর’ কাছে আসিলাম, তখন ১১টা বাজিল। একে অন্ধকার রাত্ৰি, তাহাতে সেই পোড়ো জমীটার চারি পার্শ্বের রাস্তাগুলার কেবল দুইটাতে দুইটা অনতি-উজ্জল গ্যাসের আলো, কলিকাতার রাত্ৰিকালের পুঞ্জীকৃত ধূম-রাশির মধ্যে মিট-মিট করিয়া অন্ধকারটাকে যেন আরও গাঢ়তর করিতেছিল।

বড় রাস্তা হইতে গলির ভিতর দিয়া আমাদের চতু-কোণ পল্লীতে পৌঁছিয়া আমার বাসায় বাইতে হইলে

পোড়ো জমীর পার্শ্বের রাস্তা দিয়া যাওয়া অপেক্ষা, জমীটার উপর দিয়া গেলে কতকটা শীঘ্র হয় বলিয়া, আমি উহার ভিতরে প্রবেশ করিলাম। অল্প দূর অগ্রসর হইয়া সেই অন্ধকারমধ্যে আমার গন্তব্যপথের নিকটেই একটা ঠেটের টিপির উপর হঠাৎ একটা পুঁটলীর মত আকৃতির মধ্য হইতে, কে যেন অস্ফুট ক্রন্দনের স্বরে, থিয়েটারী ছন্দে উঠিল,—“অহো! এই কি রে রাজ্যসুখ?” এবং তৎপরেই কাঁদিয়া ফেলিল। আমি প্রথমটা চমকিত ও কিছু ভীতও হইয়াছিলাম। পরে সেই পুঁটলীটার নিকটে আসিয়া, ভাল করিয়া দেখিয়া বুঝিলাম যে, সেটা একটা মানুষ; দুই হাতে নিজের হাঁটু বেঁধেন করিয়া, হাতের উপর মাথা রাখিয়া বসিয়া আছে। পরিধানে পেটলান ও তাহার উপর একটা লম্বা ‘ওভারকোট’ সর্কান্স ঢাকা। দেখিয়া, তাহার কাঁধ ধরিয়া তাহাকে নাড়া দিয়া জিজ্ঞাসা করিলাম, “কে মশায় আপনি? এখানে এমন ক’রে ব’সে আছেন কেন?”

লোকটা কোন উত্তর না দিয়া, ফুঁপাইয়া ফুঁপাইয়া কাঁদিতে লাগিল। তখন আমি একটু সান্ত্বনা দিবার অভিপ্রায়ে জিজ্ঞাসা করিলাম, “কাঁদছেন কেন, মশায়? কোন অসুখ হয়েছে কি?”

তখন মাথা না তুলিয়াই সে বলিল, “অসুখ?—হাঁ, অসুখ ছাড়া সুখ ত কিছুই খুঁজে পাই না। ওঃ! মানুষের সব রকম বিমল আনন্দ থেকে বঞ্চিত হয়ে, নিজের মনে জোর ক’রে সুখ আনবার চেষ্টায়, খালি মদই খাচ্ছি! মদ খেয়ে খেয়ে একেবারে জাহান্নমে গেছি,—কিন্তু সুখ ত পাচ্ছি না, বাবা!—ওঃ! সবাই শত্রু! আমার চারিদিকে শত্রু!” বলিয়া সে আবার সেইরূপে কাঁদিতে লাগিল।

লোকটা মাতাল হইয়াছে দেখিয়া একটু দৃঢ়স্বরে বলিলাম, “উঠুন, উঠুন, মশায়! রাত্রিকালে এখানে ব’সে আর কিম খাবেন না। যান, বাড়ী যান।”

“বাড়ী যাবো?—হাঁ, বটেই ত! কিন্তু বাড়ীটা কোথায়, খুঁজে পাচ্ছি না, বাবা! এই কাছাকাছি কোথাও হবে; কিন্তু ঠিক কোথায়, তা বুঝতে পাচ্ছি না।”

“আপনি এখন রামপালের পোড়োর মধ্যে আছেন, তা জানেন কি?”

“ওঃ! তা হ’লে ১০নং বাড়ীতে যদি কেউ আমার পৌছে দেয়—”

“ও, বটে? আপনি কি মিঃ নন্দন?—তা বেশ ত; আশুন আমার সঙ্গে, আমি আপনাকে পৌছে দিচ্ছি।”

তাহার নাম আমার মুখ হইতে উচ্চারিত হইবামাত্র লোকটা হঠাৎ জড়তা পরিহার করিয়া একেবারে উঠিয়া দাঁড়াইল এবং যেন কিছু চমকিতভাবে বলিল, “আপনি কে? আমার নাম আপনি কি ক’রে জানলেন?”

আমি বলিলাম, “অত আশ্চর্য হবার কারণ কিছু নাই। আমি এই পাড়াতেই থাকি। ঐ হানা বাড়ীটার আপনার আসা থেকে এখানকার সকলেই আপনার নাম শুনেছে।”

“তা হ’তে পারে। হাঁ, ভূতের বাড়ীতে থেকে আমিও একটা ভূতের মতই হয়ে আছি বটে। তা চলুন, আপনার সঙ্গেই যাই।” বলিয়া, আমার হাত ধরিয়া, লোকটা আন্তে আন্তে আমার সঙ্গে চলিতে লাগিল। ১০নং বাড়ীর সম্মুখে উপস্থিত হইয়া সে পকেট হইতে একটা চাবি বাহির করিল; বহির্দ্বারের তালা খুলিয়া বলিল, “যদি অসুখ ক’রে এ পর্য্যন্ত পৌছেই দিলেন ত আর একটু দয়া ক’রে একবার ভিতরেও আশুন। এত অন্ধকারে ভিতরে একলা যেতে আমার একটু ভয় করছে।”

আমি অসুরোধ রক্ষা করিয়া ভিতরে গেলাম। সমস্তই অন্ধকার। সদরের পাশেই একটা বিঁটার ঘর। তাহার ভিতরে ঢুকিয়া দক্ষিণদিকের একটা কপাট খুলিতেই পার্শ্ববর্তী ঘরের মধ্যে একটা গোল টেবলের উপর বড় একটা কেরোসিনের ল্যাম্প মৃদু আলোক জলিতেছিল দেখিলাম। লোকটা তখন কিপ্রগতিতে আমাকে পশ্চাতে রাখিয়া আলোটা উজ্জ্বল করিয়া দিল। পরে আমার দিকে আর মুখ না ফিরাইয়াই বলিল, “তা হ’লে মশায়, আপনাকে অনেক ধন্যবাদ। আর বেশী কষ্ট দিব না।”

আমিও আর দ্বিধা না করিয়া তৎক্ষণাৎ সেখান হইতে চলিয়া আসিলাম।

৪

পরদিন আহাের সময় মিঃ নন্দনের সহকে পিসীমার সঙ্গে একটু ভাল করিয়া আলোচনা করিবার ইচ্ছায় ঐ জানা বাড়ীর কথা পাড়িলাম। আগে এ বিষয়ে পিসীমার গল্পগুলায় বড় মনোযোগ দিতাম না বলিয়া আজ আমি নিজেই ঐ প্রশ্ন উত্থাপন করায় তিনি সোৎসাহে তাহাতে যোগ দিলেন। কিন্তু পূর্বেও যেমন, আজও তেমনই, তাহার নিজের বা তাহার সংবাদদাতৃগণের অনুমান, অথবা মতামত ছাড়া বিশেষ প্রামাণ্য কথা কিছুই জানিতে পারিলাম না। লোকটা এত দিন এখানে আসিয়াছে, অথচ এ পর্য্যন্ত পাড়ার কাহারও সহিত আলাপ করিল না; পের মত সমস্ত দিন বাড়ীতে থাকিয়া রাত্রিকালে বাহিরে যায় এবং সময়ে সময়ে মাতাল হইয়া বাড়ী ফিরে;—অতএব সে নিশ্চয়ই চোর, ডাকাত কিংবা নোট জাল কবে;—অথবা কোন তন্ত্র-মন্ত্র-সাপক বা ঐ রকম কোন বীভৎস জীব, সে বিষয়ে কোন সন্দেহ নাই! হোটেলে যে খানসামা প্রত্যহ তাহার চা ও খাওয়া সরবরাহ ও ঘরের কাষ করিয়া দিয়া যায়, সেও খুব চালাক লোক, কিন্তু আমদের পাশের বাড়ীর রক্ষণা ঐ ও বড় কম নয়। সে অনেক কোণে ঐ খানসামার নিকট জানিয়াছে যে, নন্দন সাহেব বাড়ীতে সম্পূর্ণ একলাই থাকে; দিনের বেলাও সে সময়ে সময়ে খাবার আনাইয়া খায় এবং একাকী বসিয়া মদও খায়; আবার আপন মনে বিড়-বিড় করিয়া কি সব কথা বলে। সামনের বসিবার ঘর ও পাশের একটা শয়ন-ঘর ছাড়া বাড়ীর আর কোনও ঘর সে ব্যবহার করে না। সেওলা সব খালি পড়িয়া আছে; তাহাতে একটি আসবাব পর্য্যন্ত নাই এবং ব্যবহৃত ঘর দুইটা ছাড়া বাড়ীর অপর কোথাও ঝাঁট-পাটও দেওয়' হয় না।

এই সব কথা পর পিসীমা শেষে নিজের মস্তব্য যোগ করিলেন যে, “ঐ ঘরগুলোতেই তা হলে রাত্রে ভূতের উপদ্রব বা ঐ রকম কিছু হয় বেশ বুঝা যাচ্ছে।”

আমি বলিলাম, “কিন্তু আমি ত সে রকম বোধবার কোন কারণ দেখছি না।”

“কেন? তা নৈলে রাত্রে ওর কাছে যে সব স্তোক

আসে, তারা আসে কোথা থেকে? সদর দিয়ে ত কখনও ঐ চাকরটা ছাড়া আর কোন মানুষকে ও বাড়ীতে ঢুকতে কেউ দেখেনি।”

“রাত্রে যে ওখানে কোন লোক আসে, তা'র প্রমাণ কি?”

“প্রমাণ?—বাড়ীটার রাস্তার দিকে যে জানালা আছে, তা'তে একটা সাদা পর্দা খাটানো থাকে, দেখেছ বোধ হয়? রাত্রে জানালাটা বন্ধ না থাকলে, আর ঘরের ভিতরে যদি আলো থাকে ত কখন কখন ঐ পর্দার গায়ে একাধিক মানুষের ছায়া দেখা গিয়েছে। অথচ, পাড়ার কোন লোক,—এমন কি, রাত্রে পাহারাওলা পর্য্যন্ত কখনও ও-বাড়ীতে নন্দন সাহেব ছাড়া অন্য কোন লোককে ঢুকতে দেখেনি। তবে, সে সব লোক ওখানে আসে কি ক'রে? নিশ্চয়ই তারা মানুষ নয়,—ভূত!”

“তা হলে, ভূতেরও ছায়া হয়? এটা নূতন কথা শুনিছি বটে! কিন্তু, দিনের বেলাও ত লোক ঢুকতে পারে? আর, সদর ছাড়া অন্য কোন দিক দিয়েও হয় ত ও-বাড়ীতে যাওয়া যায়।”

“না। দিনের বেলা ও-বাড়ীতে সেই খানসামাটা ছাড়া জনপ্রাণীও ঢোকে না। তা ছাড়া, আমি বেশ ভাল ক'রে জানি যে, সদর ছাড়া ও-বাড়ীতে ঢোকবার অন্য পথ নাই। বাড়ীটার পিছন দিকে যে বাড়ী আছে, তার উঠান আর ও বাড়ীটার উঠানের মাঝে একটা উঁচু পাঁচীল আছে; তা'তে কোন কপাট নাই। পাঁচীল না ডিগ্বালে, এক বাড়ী থেকে অন্য বাড়ীতে যাবার উপায় নাই। পিছনের বাড়ীতে অন্য ভাড়াটে আছে; তা'দের একটা ছোড়া চাকর আছে,—তা'র চোখ এড়ানো সহজ নয়। তুমি বিশ্বাস কর আর না কর, ও-বাড়ীতে নিশ্চয় ভূত আসে। শুধু আমি নয়,—পাড়ার সবাই জানে।”

এই বলিয়া পিসীমা আমার অবিশ্বাসী মনের প্রতি বিরক্তি প্রকাশ করিয়া উঠিয়া পড়িলেন। আমিও আহা-রাস্তে নিজের ঘরে আসিলাম।

শীঘ্রই কিন্তু পিসীমার কথার আংশিক সত্যতা অপ্রত্যাশিতরূপে সাব্যস্ত হইল।

সে দিন রবিবার; সমস্ত দিন পড়া-শুনা ও আলমশে

কাটাইয়া, সন্ধ্যার পর বেড়াইতে বাহির হইয়াছিলাম। প্রায় ঘণ্টা ছুই পরে যখন ফিরিলাম, তখনও মাথার জড়তা যায় নাই দেখিয়া বাড়ীর সম্মুখের সেই পোড়ো জমীর উপর পাদচারণ করিতে লাগিলাম। হঠাৎ হানা বাড়ীটার দিকে নজর পড়ায় দেখিলাম, রাস্তার দ্বারের সেই জানালাটা খোলা এবং তাহার সংলগ্ন সাদা পর্দাটা খাঁটানো রহিয়াছে। ঘরের মধ্যে আলোও বেশ উজ্জ্বলভাবে জ্বলিতেছে। অল্পক্ষণ পরেই দেখিলাম, একটা স্ত্রী-মূর্তির ছায়া ঐ পর্দার উপর পড়িল। সে যেন বেশ একটু উত্তেজিতভাবে অঙ্গচালনা করিতেছিল। পরক্ষণেই একটা পুরুষ-মূর্তির ছায়াও ঐ পর্দার উপর দেখা গেল এবং সে-ও ঐরূপে অঙ্গচালনা করিতেছিল। কখনও একটা মূর্তি, কখনও অপরটা, অগ্রসর বা পশ্চাৎপদ হইতেছিল। আমিও সেই দিকে দৃষ্টি নিবদ্ধ করিয়া ধীরে ধীরে সেই দিকে অগ্রসর হইতেছিলাম। সহস্র! দেখিলাম, পুরুষ মূর্তিটা বেগে দাবিত হইয়া স্ত্রী-মূর্তির গলা টিপিয়া ধরিল এবং উভয়ে ঝটাপটি করিতে করিতে নীচের দিকে পড়িয়া গিয়া আমার দৃষ্টি-বহির্ভূত হইল ও পরক্ষণেই একটা অক্ষুট চীৎকার-ধ্বনি শুনিতে পাইলাম। ততক্ষণে আমিও সেই জানালাটার খুব নিকটেই উপস্থিত হইয়াছিলাম এবং ঐ শব্দ শুনিবামাত্র উত্তেজনাবশে, দ্বারতপদে ঐ বাড়ীর সদর দ্বারে গিয়া তাহাতে সবলে করানাত করিতে লাগিলাম। অমনই তৎক্ষণাৎ সে ঘরের আলো নিবিয়া গিয়া সব অন্ধকার হইয়া গেল এবং আর কোন শব্দও শুনিতে পাইলাম না।

আরও কিয়ৎক্ষণ দরজায় ধাক্কা দিয়াও যখন কোন ফল হইল না, তখন সে স্থান ত্যাগ করিয়া গলির দিকে দ্রুতপদে অগ্রসর হইলাম। মনে করিলাম, যদি পাহাড়া-ওয়ালার দেখা পাই, তাহা হইলে তাহাকে এই ঘটনার বৃত্তান্তটা বলিয়া তাহার সাহায্যে কপাট খুলাইব। কিন্তু আলিটার মুখে আসিয়া যাই তাহাতে প্রবেশ করিতে যাইতেছি, অর্থাৎ উন্টা দিক হইতে আগন্তুক এক জন লোকের সঙ্গে একরূপ বেগে সংঘর্ষ হইল যে, উভয়কেই সেখানে দাঁড়াইতে হইল। তখন গ্যাসের আলোয় দেখিলাম যে, লোকটা আর কেহই নহে,—স্বয়ং নন্দন সাহেব।

আমি অতিমাত্র বিস্মিত হইয়া জিজ্ঞাসা করিলাম, “এ কি! মিঃ নন্দন না কি? আপনি এখানে? আমি মনে করেছিলাম, আপনি নিজের বাড়ীতেই আছেন।”

“দেখতেই ত পাচ্ছেন, আমি এখানে রয়েছি। নিশ্চয়ই তা হ’লে আমি বাড়ীতে নাই।—আমি আজ সন্ধ্যার পরেই বাহিরে গিয়েছিলাম, এই এতক্ষণে ফিরছি।—কেন বলুন দেখি?”

“আপনার বাড়ীতে তা হ’লে অন্য কোন লোক আছে কি?”

“না; আমি একাই ওখানে থাকি। আর কোন লোক ত আমার সঙ্গে থাকে না।”

“বলেন কি? আপনার কোন আত্মীয় বা পরিচিত লোক আজ দেখা করতেও আসেননি?”

“আমার আত্মীয় বা বন্ধু-বান্ধব কেউ নাই মশায়। পৃথিবীতে আমি একা।—সে যা ভোক, কিন্তু এত কথা জিজ্ঞাসা করছেন কেন, বলুন দেখি?”

“আপনার কথা শুনে আমি বড়ই আশ্চর্য হচ্ছি, মশায়। এই বোধ হয় দশ মিনিটও হয়নি, আপনার বৈঠকখানা-ঘরে অন্ততঃ দু’জন লোক যে ছিল, তা আমি নিজে দেখেছি।”

তৎপরে, যে ঘটনা আমি এইমাত্র প্রত্যক্ষ করিয়া ছিলাম, তাহা আত্মপূর্কিক তাঁহাকে বলিলাম। সব শুনিয়া তিনি অবজ্ঞাভরে হাসিয়া বলিলেন, “আপনার দৃষ্টিবিভ্রম ঘটেছিল। ঘটনা যা বল্লেন, তা ওখানে হওয়া কখনও সম্ভব নয়। ওখানে আমি ছাড়া আর দ্বিতীয় লোক থাকে না, অন্য কোন লোক আজ আসেও নাই। আপনি বরং আমার সঙ্গে আসুন; আমি বাড়ীর ভিতরটা সমস্তই আপনাকে দেখাব। তা হ’লেই আপনি বুঝতে পারবেন, আপনার কথা কত দূর অসম্ভব।”

এই বলিয়া তিনি আমার হাত ধরিয়া হানা বাড়ীটার দিকে লইয়া গেলেন ও তাহার বহির্দ্বারের তালা খুলিয়া ভিতরে ঢুকিলেন। আমিও অত্যন্ত কৌতূহলী হইয়া তাঁহার অনুসরণ করিলাম। বসিবার ঘরে আলো জ্বালা হইলে দেখিলাম,—তথায় অপর কেহই নাই এবং কোন-রূপ ঝটাপটি বা গোলযোগের চিহ্নও কিছু নাই। পাখের

যে শয়নকক্ষে সে দিন ঢুকিয়াছিলাম, সে ঘরেও তাহাই দেখিলাম। কিন্তু গৃহমধ্যস্থ উজ্জ্বল আলোকে আজ নন্দন মহাশয়কে ভাল করিয়া দেখিতে পাইলাম। এ পর্য্যন্ত তাহার চেহারাটা সেরূপে দেখিবার একবারও অবকাশ পাই নাই। আজ দেখিলাম, তাহার মুখমণ্ডল সম্পূর্ণ গুণ্ণশূন্য এবং বামদিকের গালের উপর ওষ্ঠদ্বয়ের সংযোগস্থল হইতে প্রায় কর্ণমূল পর্য্যন্ত একটা লম্বা ক্ষতের দাগ সুস্পষ্টভাবে বিজ্ঞান থাকায় তাহার গৌরবর্ণ মুখখানায় কেমন একটা বিকৃত ভাবের সৃষ্টি করিয়াছে। আরও দেখিলাম যে, তাহার বাম-চক্ষুর কনিষ্ঠ অঙ্গুলীট উপরের দুইটি পর্দাবিহীন। বয়স বোধ হইল পঞ্চাশের কিছু বেশী হইবে। কিন্তু শরীর এত শীর্ণ ও রোগ-ক্রিষ্ট যে, তাহার বয়স তজ্জন্ত আরও বেশী দেখায়।

ঘর দুইটা দেখা শেষ হইলে নন্দন সাহেব বলিলেন, “দেখছেন ত মশায়, এ দুটা ঘবে কোন গোলযোগের চিহ্নও নাই। তা ছাড়া কিছু দেখুন, বসবার ঘরের জানালাটা ও ভিতর থেকে বন্ধই রয়েছে। আপনি তা হলে নিশ্চয়ই ভুল দেখেছিলেন।”

“আমি ত পাগল হইনি, মশায়। আমার নিজের চোথকে আমি অবিশ্বাস করতে পারি না। আমি যখন বটনাটা দেখেছিলাম, তখন জানালাটা খোলাই ছিল, তাতে কোন সন্দেহ নাই। ও জানালার পর্দায় অপর লোকের ছায়া, আজ আমি ছাড়া, অন্য লোকেও অন্য সময়ে দেখেছে। আর, এ কথাও আপনাকে বলতে আপত্তি নাই যে, আপনার এ ভাবে এখানে একলা

থাকার সম্বন্ধে পাড়ায় নানা রকম কানাকানি হচ্ছে।”

“কেন? পাড়ার লোকের এ ত বড়ই অনধিকার চর্চা। আমি নির্ঝরোধ লোক, আত্মীয়-স্বজন-বিহীন বৃদ্ধ। দুঃসাধ্য বহুমূত্র রোগেও ভুগছি। এখন জীবনের শেষ ক’টা দিন এইভাবে নির্জনে আপন মনে কাটাবার জন্ত এখানে এসে বাস করছি। পাড়ার লোকের এ ভাবে আমার সম্বন্ধে মাথা বামানো বড় অকায় নয় কি?”

‘তা হ’তে পারে, কিন্তু আপনার এই দৃশ্যতঃ একলা থাকা সত্ত্বেও, অপর লোক যে গোপনে এখানে আসে বা থাকে, তার যখন মাঝে মাঝে এইরূপ প্রমাণ পাওয়া যাচ্ছে, তখন লোক সে নানা কথা কইবে, তা ত আশ্চর্য্য নয়। তা ছাড়া এটা গানা বাড়ী বলে একটা গুজব আছে, তা ত জানেন?’

“ওঃ! ভৃত্যকে আমি ভয় করি না। মানুষ-শত্রুকেই আমার ভয়। এখানে একা থাকি বলে ভী ভয়ে এখানে আমার কাছে বেশী টাকা কড়ি বা কোন মূল্যবান সামগ্ৰী কিছুই রাগি না। ভৃত্য এখানে আসে কি না, জানি না, কখনও তার কোন চিহ্ন ত পাইনি। কিন্তু অপর মানুষ যে এখানে কখনও আসেনি, তার প্রমাণ ত আপনি এখনি দেখলেন? কেউ সে সুন্দর ছাড়া অপর কোন দিক দিয়ে এখানে আসতেই পারে না, তা আপনি বাড়ীটা সমস্ত একবার দেখলেই বুঝতে পারবেন। আসুন না, আমি আপনাকে সব দেখাচ্ছি।”

ক্রমশঃ।

শ্রীশিবরেশচন্দ্র মুখোপাধ্যায়।

হত্যাকারী

[সংস্কৃত হইতে]

সমরে বিদ্রোহে মিলে মেরেছে মানবে.

কত যে গণনা তার কত কি সম্ভবে ?


রোগ-শোক দুভাবনা দুঘটনা আর—

আরও কত বধিয়াছে মানব ধরার .

কিন্তু হায় বেশী লোক মেরেছে যে জন.

সে এক কটাক্ষতরা রমণী-নয়ন !

শ্রীশিবরীভূষণ মুখোপাধ্যায়।



আচার্য্য জগদীশচন্দ্র বসুর আবিষ্কার

যে কয় জন মনোমী বর্তমানে বাঙ্গালা ও বাঙ্গালীর মুখ জগতের সমক্ষে উজ্জ্বল করিয়া রাখিয়াছেন, আচার্য্য জগদীশচন্দ্র তাঁহাদের মধ্যে অন্যতম। তিনি বিজ্ঞান-রাজ্যে এ যাবৎ উদ্ভিদ জগতের সম্পর্কে যে সমস্ত নূতন আবিষ্কার করিয়াছেন, তাহাতে প্রতীচ্যের বিজ্ঞানবিদ পণ্ডিতমণ্ডলী বিস্মিত, স্তম্ভিত হইয়াছেন। অনেকে বলিতেছেন, তাঁহার এই সমস্ত আবিষ্কারের ফলে বিজ্ঞান-রাজ্যে আশ্চর্য্য পরিবর্তন হইবার সম্ভাবনা—যাহা এত দিন অসম্ভব অসত্য বলিয়া লোকের ধারণা ছিল, এখন তাহা বাস্তবে পরিণত হইবে।

উদ্ভিদের প্রাণ আছে, এ কথা বহুকাল হইতেই জগতে বিদিত। মহাভারতে উদ্ভিদের প্রাণ ও তাহার অমৃতভূতি সম্বন্ধে বিশদ বর্ণনা আছে। আচার্য্য জগদীশ-চন্দ্র তাঁহার আবিষ্কৃত যন্ত্রসাহায্যে উদ্ভিদের সজীবতা সপ্রমাণ করিয়াছেন। তাঁহার সেই আবিষ্কারে বিজ্ঞান-রাজ্যে একটা সাদা পড়িয়া গিয়াছিল। সম্প্রতি তিনি তাঁহার বিজ্ঞানাগারে নিজের আবিষ্কৃত যন্ত্রসাহায্যে উদ্ভিদের পেশীর অমৃতভূতি সম্পর্কে আশ্চর্য্য আবিষ্কার করিয়াছেন। তাঁহার সেই আশ্চর্য্য আবিষ্কার সম্বন্ধে দার্জিলিং শৈলের বক্তৃতা শুনিয়া বাঙ্গালার গভর্নর লর্ড লিটন বলিয়াছেন;—“এই আবিষ্কার উপত্যাসের ঘটনার মত অদ্ভুত। তাঁহার আবিষ্কারে আমরা জানিতে পারি-লাম যে, উদ্ভিদ সকল স্থাবর প্রাণিবিশেষ এবং প্রাণীরা চলন্ত উদ্ভিদবিশেষ, উভয়েই সজীব, উভয়েরই সুখ-দুঃখের অমৃতভূতি আছে। তাঁহার উপদেশে ভারতীয় কারিগরের দ্বারা প্রস্তুত ক্রেসকোগ্রাফ যন্ত্র মানুষের বুদ্ধিমত্তার আশ্চর্য্য পরিচয় প্রদান করে। তাঁহার বিজ্ঞানাগার দুই হিসাবে মানুষের অতীব প্রয়োজনীয়। প্রথমতঃ এই বিজ্ঞানাগারে থাকিয়া বৈজ্ঞানিক জগদীশচন্দ্র

তাঁহার আবিষ্কারকার্য্যে সাফল্য লাভ করিতেছেন, দ্বিতীয়তঃ এই স্থানে তিনি শিশুমণ্ডলী প্রস্তুত করিতেছেন, ভবিষ্যতে যাহারা জগতে বৈজ্ঞানিক বলিয়া প্রসিদ্ধি লাভ করিবেন এবং জগতে নূতন নূতন তথ্য আবিষ্কার করিয়া যাইবেন, তাঁহাদের হাতে খড়ি হইতেছে। আমরা তাঁহার জন্ত গৌরব অমৃতভব করিতেছি। আজ যদি তিনি লোকান্তরিত হইতেন, তাহা হইলে তাঁহার কার্য্য তাঁহার লোকান্তরের পরেও বাচিয়া থাকিবে। তাঁহার জ্ঞান বিজ্ঞানবিদের চিন্তার ধারা ভবিষ্যৎ-শীঘ্রগণের জন্ত চিরদিন প্রেরণা প্রদান করিবে। অসংখ্য নেতার কর্মের ধারা তাঁহাদের জীবিতকালে লোককে অমু-প্রাণিত করিয়া থাকে। তাঁহার মহত্ব অপরকেও মহৎ করিবে। তাঁহার জ্ঞান গবেষণা অপরকে জ্ঞানী ও অমুসন্ধিৎসু করিবে। সুতরাং তিনি সাময়িক নিখাতা নহেন, অনন্তকালের নিখাতারূপে বিরাজ করিবেন।”

আচার্য্য জগদীশচন্দ্রের সম্পর্ক কথাগুলি খাটি সত্য। তিনি যাহা জগৎকে দিয়া যাইতেছেন, তাহার বিনাশ নাই। তাঁহার বিজ্ঞানাগার কালে নানন্দা অথবা তক্ষ-শিলার মত বিশ্ববাসীর জ্ঞানাগারে পরিণত হইবে, এমন আশা কি করা যায় না? আচার্য্য স্বয়ং বলিয়াছেন, ইতোমধ্যেই তিনি প্রতীচ্যের বহু জ্ঞানপিপাসুর নিকট হইতে তাঁহার বিজ্ঞানাগারে আসিয়া শিক্ষা লাভ করিবার আবেদন প্রাপ্ত হইয়াছেন। সুতরাং তাঁহার মধ্য দিয়া ভারত যে জগৎকে তাহার নিজস্ব ভাষাধারা বণ্টন করিবার সুযোগ প্রাপ্ত হইবে, এ বিষয়ে সন্দেহ নাই। তিনি প্রতীচ্যের কর্মশক্তির সহিত ভারতের চিন্তাশক্তির যে সমন্বয় করিয়াছেন, তাহার ফল বহুদূরবিসারী হইবে। ইহাই তাঁহার জীবনের উদ্দেশ্য। তিনি সাধনায় সিদ্ধি লাভ করুন, দীর্ঘজীবী হইয়া ভারতের মুখোজ্জ্বল করুন, ইহাই কামনা।

আচার্য্য জগদীশচন্দ্র তাঁহার বক্তৃতায় বলিয়াছেন,—

প্রথমে দেখিলে মনে হয়, প্রাণী ও উদ্ভিদে আকাশ-পাতাল প্রভেদ। প্রাণী জন্ম, চঞ্চল, সর্বদা তাহার হৃৎপিণ্ডের কার্য্য দ্রুত চলিতেছে; অথচ উদ্ভিদ কার্য্য করে না, চলে-নিরে না, সাড়া দেয় না। প্রাণীকে আঘাত করিলে সে সেই আঘাতে সঙ্কচিত হয়, সাড়া দেয়, কিন্তু উদ্ভিদকে বার বার আঘাত করিলেও সে সঙ্কচিত হয় না, সাড়া দেয় না। এই জন্ত এতাবৎকাল

লোকের ধারণা ছিল যে, উদ্ভিদের মাংসপেশী (muscular tissue) নাই। প্রাণীর হৃৎপিণ্ড সর্বদা ধক ধক করিতেছে, সর্বদা তাহার ধমনীতে রক্ত-চলাচল হইতেছে। উদ্ভিদে একরূপ প্রক্রিয়া পরিমলিত হয় না। প্রাণীর ইন্দ্রিয়গণের বাহ্যভূতি আছে, বাহ্য-জগতের সম্বন্ধ ধারণা নানা ভাবে তাহার স্নায়ুর মধ্য দিয়া জ্ঞান ও অনুভূতির মন্দিরে পৌঁছিতেছে। উদ্ভিদের স্নায়ু নাই, স্তবরাং অনুভূতিও নাই, সকল লোকেরই এইরূপ ধারণা। এইরূপে প্রাণী ও উদ্ভিদের প্রাণের মধ্যে বিশেষ পার্থক্য আছে বলিয়া ধরিয়া লওয়া হইয়াছে।

কিন্তু আমার বিজ্ঞানাগারে আজ ২৫ বৎসর যাবৎ যে সকল গবেষণা-কার্য্য চলিয়াছে, তাহাতে জানা গিয়াছে যে, এ ধারণা ভ্রান্ত, প্রাণীর ও উদ্ভিদের জীবনে কোনও প্রভেদ নাই, সকলেরই জীবনযাত্রা একই আইনের অনুশাসনে চলিতেছে -সকল জীবনই এক।

এই যে আপনাদের সম্মুখে electric recorder (বৈদ্যুতিক যন্ত্র—ক্রেসকোগ্রাফ) রক্ষিত হইয়াছে, ইহার দ্বারা প্রাণী ও উদ্ভিদের জীবনীশক্তির অস্তিত্ব নির্ধারণ

করা যায়। যখনই কোনও প্রাণীকে এই যন্ত্রের প্রভাবে মধ্যে আনয়ন করিয়া আঘাত করা যায়, তখনই ইহার recorder (নির্ধারক অঙ্গ) তাহাতে সাড়া দেয়। এই একটি উদ্ভিদকে (বকচঞ্চুর অল্পরূপ অর্থাৎ বকফুলের গাছকে) আমার যন্ত্রের সহিত সংযুক্ত করিয়া দিলাম এবং একটি আলপিন উহার অঙ্গে ফুটাইয়া দিলাম। অমনই দেখুন, যতবার এইভাবে পিন ফুটাইতেছি, ততবারই

যন্ত্রের নির্ধারক অঙ্গে ঐ আঘাতের সাড়া পাওয়া যাইতেছে। গাছটিবে ক্রোরোফরম করিলাম অমনই ইহার বৈদ্যুতিক নাড়ীর স্পন্দন করিয়া আসিতেছে এবং কিছুক্ষণ পরেই একবারে থামিয়া যাইতেছে।

ক্রেসকোগ্রাফের সাহায্যে এক সেকেণ্ডের মধ্যে উদ্ভিদের বৃদ্ধির হার নির্ধারণ করা যায় এবং বর্ধনের উপযোগী উত্তেজক পদার্থ দ্বারা উদ্ভিদের বৃদ্ধি অতিমাত্রায় দ্রুত করা যায়। আমার এই আবিষ্কার দেখিয়া প্রতীচ্যের বিজ্ঞান বিদরা আশ্চর্য্যান্বিত হইয়াছিলেন। অনেকে ইহা

দেখিয়াও বিশ্বাস করিতে পারেন নাই। এক জন বিজ্ঞানবিদ বলিয়া উঠেন, আমি চক্ষুতে দেখিতেছি বটে, কিন্তু আমার হৃদয় বিশ্বাস করিতেছে না। অথচ এই আবিষ্কারের দ্বারা কৃষির প্রভূত উপকার সাধিত হইতে পারে।

এই অবিশ্বাসের মূল কারণ, বহুকালের সংস্কার। ভ্রান্তধারণার এমনই প্রভাব। ইহা জ্ঞানবিস্তারে বাধ প্রদান করিয়া থাকে। এই ভ্রান্তধারণা দূর করিবার পক্ষে ভারতের চিন্তাশক্তিই বিশেষ সাহায্য করিবে। বহুকাল সংযমের দ্বারা মনকে একনিষ্ঠ হইতে শিক্ষ



আচার্য্য জগদীশচন্দ্র বসু

দিতে হয়, তবে ভ্রাস্ত্রধারণা দূর হয়, জ্ঞানের বিস্তার হয়।
ইহাই ভারতের বিশেষত্ব।

উদ্ভিদের আভ্যন্তরীণ কল-কলার বিষয় জানিতে হইলে মানুষকে উদ্ভিদ হইতে হইবে এবং উদ্ভিদের রূপিণ্ডের ধকধকানি অনুভব করিতে হইবে। বৈদ্যুতিক যন্ত্রের সাহায্যে উদ্ভিদের আভ্যন্তর আবিষ্কার করিতে হইবে, তাহার প্রাণের সাড়া গ্রহণ করিতে হইবে। তবেই আমরা উদ্ভিদ-জগতের মধ্যে যে আশ্চর্য্য তথ্য নিহিত আছে, তাহা জানিতে পারিব। যাহা আবিষ্কৃত হইয়াছে, তাহা সামান্য। এখনও জ্ঞানের সমুদ্র অনাবিস্কৃত রহিয়াছে।

আচার্য্য জগদীশচন্দ্র উদ্ভিদের পেশীসমূহ সম্বন্ধে যে নতন অদ্ভুত আবিষ্কার করিয়াছেন, সে সম্বন্ধে পরে তিনি সকলের জ্ঞানপিপাসা নিবৃত্তি করিবেন বলিয়া আশা দিয়াছেন। তিনি বলেন, উদ্ভিদেরও মানুষের মত মাংসপেশীসমূহ বিদ্যমান আছে, তাহার স্পন্দন তাহার রূপিণ্ডের স্পন্দন অনুস্মৃতি করিয়া থাকে। লজ্জাবতী লতার (Mimosa) সঙ্কোচকম পেশীর অনুভূতি অদ্ভুত। উদ্ভিদের এই সঙ্কোচকম পেশীর কলকলার প্রাণীর মাংসপেশীর কলকলার অনুরূপ। এইরূপে আচার্য্য জগদীশচন্দ্র আরও অনেক উদ্ভিদের সঙ্কোচকম পেশীর উপর পরীক্ষা করিয়া দেখিয়াছেন যে, প্রাণীর মাংসপেশীর মত উহাদেরও তিন স্তরের সঙ্কোচ-শক্তি বিদ্যমান আছে। এমন কি, তিনি যন্ত্র সাহায্যে দেখিয়াছেন যে, লজ্জাবতী লতার ভূমিতে স্থিত অংশের একটি পত্র পদদলিত হইলে সমস্ত লতাটির স্নায়ুগুণী প্রভাবিত হয় ও লতা সঙ্কচিত হয়। যেন বিপদ সমুপাগত বৃক্ষা অস্ত্রা অংশ ভয়ে সঙ্কচিত হইয়া পড়িতেছে, এইরূপ বৃক্ষিতে পারা যায়। আরও আশ্চর্য্যের কথা যে, উহার হরিৎ পত্রগুলি বর্ণ পরিবর্তন করিয়া ধূসর বর্ণ ধারণ করে।

এই সকল আবিষ্কারের দ্বারা প্রতিপন্ন হইতেছে যে, উদ্ভিদরা প্রাণহীন, স্নায়ুহীন, পেশীহীন, অনুভূতিহীন স্থাবর নহে। ইহাদেরও অস্ত্রা প্রাণীর মত রীতিমত অনুভূতিশক্তি আছে, ইহাদেরও প্রত্যেক অবয়ব স্নায়ু-সূত্রের দ্বারা একত্র গ্রথিত। ফলে ইহাদের অঙ্গের এক স্থানে আঘাত লাগিলে সর্বত্র তাহার সাড়া পৌঁছে।

আচার্য্য জগদীশচন্দ্র এই আবিষ্কার দ্বারা জগতে অমরত্ব লাভ করিলেন, এ কথা বলাই বাহুল্য। তাঁহার গৌরবে আজ প্রাচ্য গৌরবান্বিত হইল। তাঁহার আবিষ্কারের ফলে জগতের কৃষি-রাজ্যে যুগান্তর উপস্থিত হইবে, মানবের প্রভূত মঙ্গল সাধিত হইবে। ইহা বাঙ্গালা ও বাঙ্গালীর পক্ষে কম শ্লাঘার কথা নহে।

নূতন বড়লাট

লর্ড রেডিংয়ের কার্যকালের অবসানের পর কোন্ ভাগ্যানু পুরুষ ভারতের ভাগ্যবিধাতা হইবেন, এই বিষয়ে বহু দিবস যাবৎ নানা জল্পনা-কল্পনা ও গল্প-গুজব চলিতেছিল। এত দিন পরে সকল সংশয়ের অবসান হইয়াছে, বিলাতের সরকারী সংবাদে প্রকাশ পাইয়াছে যে, অনারেবল এডওয়ার্ড উড, লর্ড রেডিংএর পর ভারতের বড়লাটের পদ গ্রহণ করিবেন। তিনি ভাইকাউন্ট হ্যালিফ্যাক্সের পুত্র এবং ভূতপূর্ব ভারত-সচিব সার চার্লস উডের পৌত্র। সুতরাং তাঁহার বংশের সহিত ভারতের যে কোনও সম্পর্ক নাই, এ কথা কেহ বলিতে পারেন না।

মিঃ উড ১৮৮১ খৃষ্টাব্দে জন্মগ্রহণ করিয়াছেন। প্রথমে ইটনের পাবলিক স্কুলে তাঁহার বিদ্যারম্ভ হয়, পরে অক্সফোর্ডের ক্রাইষ্ট চার্চ ও অল সোলস কলেজ হইতে তিনি এম, এ, উপাধি লাভ করেন। ১৯১০ খৃষ্টাব্দে তিনি পালারামেন্টে প্রবেশ করেন। ১৯২১-২২ খৃষ্টাব্দে তিনি ঔপনিবেশিক আণ্ডার-সেক্রেটারীর পদে নিযুক্ত হইলেন। ১৯২২ হইতে ১৯২৪ খৃষ্টাব্দ পর্য্যন্ত তিনি শিক্ষা-বিভাগের প্রেসিডেন্টের পদে বসিয়াছিলেন। বর্তমান বলডুইন-মন্ত্রিত্বের আমলে তিনি কৃষি-সচিবের পদে নিযুক্ত হইয়াছেন। সুতরাং সরকারী কার্যে তাঁহার ভ্রয়োদর্শন নাই, এমন কথাও কেহ বলিতে পারেন না।

১৯০৯ খৃষ্টাব্দে তিনি আরল অফ অনুসোর কনিষ্ঠা কন্যা লেডী ডোরোথি এভেলিন অগাষ্টার পাণিগ্রহণ করেন। তাঁহার তিন পুত্র ও এক কন্যা বর্তমান আছেন।

ভারতের বড়লাটের পদে বসিলে তাঁহাকে নিশ্চিতই 'পিয়ার' বা লর্ডের পদে উন্নীত করা হইবে; কেন না,

ইহাই নিয়ম। তবে তিনি স্বয়ং পিয়ারের পুত্র ও উত্তরাধিকারী, সুতরাং তাঁহার পিতার জীবদ্দশায় তাঁহাকে পিয়ার করা সম্ভব কি না, এ বিষয়ে প্রশ্ন উঠিয়াছে। কিন্তু ইহার নজীর আছে। লর্ড কার্জন যখন ভারতের বড়লাটরূপে নিযুক্ত হইলেন, তখন তিনি মিঃ কার্জন ছিলেন। কিন্তু তাঁহার পিতা ছিলেন ব্যারণ স্মার্টডেল। তাঁহার জীবিতাবস্থাতেই মিঃ কার্জনকে লর্ড করা হইয়াছিল।

মিঃ উডের লাটপদে নিয়োগ কেন হইল, এ কথা লইয়া তর্ক উঠিয়াছে। ভারতশাসন সম্পর্কে তাঁহার কি অভিজ্ঞতা আছে, তাহা কেহ জানে না। লর্ড বাকেনহেড ও লর্ড লিটন প্রমুখ রাজপুরুষদিগের এই পদে যখন নিয়োগের গুজব রটিয়াছিল, তখন তবু এইটুকু জানা ছিল যে, তাঁহারা ভারতের বিষয়ে যথাসম্ভব অভিজ্ঞতা লাভ করিয়াছেন। কিন্তু মিঃ উডের সম্বন্ধে এ কথা বলা যায় না। সুতরাং এই নিয়োগের কথা প্রথম প্রচারিত হইলে অনেকে বিস্মিত হইয়াছিলেন। ভারত-সম্বন্ধে তিনি যে non-entity, এ কথা অনেকের মুখে শুনাইয়া গিয়াছিল। তবে তাঁহার চরিত্র-চিত্র যে ভাবে সংবাদপত্রে চিত্রিত হইয়াছে, তাহা হইতে কেহ কেহ বুঝিয়াছেন, এ নিয়োগের মূলে সম্ভব কারণ বিদ্যমান আছে।

শুনা যায়, প্যারলিমেন্টের হাউস অফ কমন্স সভায় মিঃ উডের ব্যক্তিত্ব ও বিশেষত্ব স্বীকৃত হয়। যাহারা তাঁহার রাজনীতিক অভিমত সমর্থন করেন না, তাঁহারাও নাকি তাঁহার তীক্ষ্ণ মেধা ও চরিত্রের মধুরতায় মুগ্ধ। অনেকে তাঁহাকে আধুনিক কালের ইংরাজদের মধ্যে উচ্চাঙ্গের রাজনীতিক বলিয়া মনে করেন। তাঁহার রাজনীতিক মত উচ্চাঙ্গের নৈতিক ভিত্তির উপর প্রতিষ্ঠিত বলিয়া বিলাতে স্বীকৃত হয়। তিনি স্বয়ং জামী ও বিদ্বান, এ কথা সত্য, কিন্তু তাহা বলিয়া অশিক্ষিত বা অল্পশিক্ষিত লোকের প্রতি তাঁহার আন্তরিক সহানুভূতির অভাব নাই। তাঁহার অন্তর দয়া ও কোমলতায় পূর্ণ, তিনি ধার্মিক, তিনি চিন্তাশীল, তিনি ওজন করিয়া কথা বলেন, তাঁহার বক্তৃতায় ভাব-প্রবণতা নাই, তিনি স্বয়ং কনক্কারভেটিব বটে, তথাপি

শ্রমিকদিগের সুখ-দুঃখে তাঁহার পূর্ণ সহানুভূতি আছে। নিকট বলিয়া গৃহীত মানবের অভাব-আকাঙ্ক্ষার কথা তিনি সম্যক অবগত আছেন। এক সময়ে তিনি বলিয়াছিলেন,—“শিক্ষায় আমরা যে প্রচুর অর্থ ব্যয় করিতেছি, আমরা ভাবি, উহা দ্বারা আমাদের রাজনীতিক সমস্যার বহুল পরিমাণে সমাধান হইবে। কিন্তু আমার মনে হয়, এই অর্থব্যয়ে ভ্রমে ঘুতাহতি দেওয়া হইতেছে। গৃহহীনের আশ্রয়ের ব্যবস্থা করা, বেকারের অন্নসংস্থানের বন্দোবস্ত করা সর্বাগ্রে কর্তব্য। যে অর্থ আমরা জনসাধারণকে শিক্ষিত করিবার জন্য ব্যয় করি, তাহার সঙ্গে সঙ্গে যদি তাহাদের ভাল আশ্রয়স্থান নির্মাণে এবং জীবিকাার্জনের বন্দোবস্ত উপলক্ষে ব্যয় করি, তবেই শিক্ষাদানের সার্থকতা থাকে, অন্যথা নহে।”


আর একবার তিনি বলিয়াছিলেন,—“মানুষের জীবনে রাজশক্তি ও প্রজাশক্তির মধ্যে সামঞ্জস্য-বিধান করাই রাজনীতির প্রধান লক্ষ্য হওয়া কর্তব্য। লোকের ব্যক্তিগত অধিকার ও সমাজের সমষ্টিগত অধিকারের মধ্যে সামঞ্জস্য বিধান করিতে পারিলে রাজনীতির সার্থকতা সম্পন্ন হইবে। ব্যক্তির কার্যশক্তি ও উন্নতি-বিধান করিতে না পারিলে সমষ্টির পুষ্টি ও বৃদ্ধি হইতে পারে না। অতীত দিকে সমষ্টির প্রতি ব্যক্তির—সমাজের প্রতি মানুষের ব্যক্তিগতভাবে কর্তব্য ও দায়িত্ব আছে। মানুষ সমাজবদ্ধ জীব হিসাবে সমাজের শৃঙ্খলা ও উন্নতির প্রতি লক্ষ্য রাখিয়া আপনার অধিকার ও স্বাধীনতা উপভোগ করিলে মানুষ ও সমাজের মধ্যে অধিকারের সামঞ্জস্যবিধান সম্ভবপর হয়।”

• মানুষের মনের ভাব বুঝিতে পারিলে মানুষকে চিনিতে পারা যায়। এক্ষেত্রে মিঃ উডের মনোভাব এবং চরিত্র-চিত্র যে ভাবে অঙ্কিত হইয়াছে, তাহাতে মনে হয়, মিঃ উড ভারতের দণ্ডমুণ্ডের কর্তা হইয়া আসিলে হয় ত ভারতের আশা-আকাঙ্ক্ষা সফল হইতে পারে। তিনি দরিদ্র আশ্রয়হীনের এবং বেকারের দুঃখ বুঝেন, লোকের ব্যক্তিগত অধিকার ও স্বাধীনতার মর্যাদা উপলব্ধি করেন। ভারতের বড়লাটের পদে বর্তমানে ইহাই ত প্রয়োজন। কিন্তু আমরা ধরুপোড়া—

'সিন্দুরে' মেঘ দেখিলে ভয় পাই। এ দেশে বহু ইংরাজ রাজনীতিক বহু উচ্চ আদর্শ লইয়া দেশ শাসন করিতে আইসেন। দুঃখ এই, স্বয়ংক্রিয় প্রবেশের পূর্বে তাঁহাদের সে আদর্শ ভূমধ্যসাগরেই বিসর্জিত হয়। বেশী দিনের কথা নহে, বিলাতের প্রধান বিচারপতি লর্ড রেডিং বোম্বাই বন্দরে পদার্পণ করিয়া ভারতকে আশা দিয়া বলিয়াছিলেন, "আমি ভারতে হায় ও ধর্মের মুখ চাহিয়া সুবিচার করিতে আসিয়াছি।" তিনি স্বয়ং বিচারপতি, সুতরাং তাঁহার মুখে এ কথা শোভন হইয়াছিল। কিন্তু প্রায় পঞ্চ বৎসর শাসনের পর লর্ড রেডিং ভারতকে কি দিয়া যাইতেছেন?—বে-আইনী বিধিবদ্ধ, বিনা বিচারে আটক ও কারাদণ্ড। লর্ড কার্মাইকেল এই বাঙ্গালা দেশের সুপেয় পানীয়ের অভাব মোচন করিবার সাধু উদ্দেশ্য লইয়া এ দেশে আসিয়াছিলেন, তাঁহার সেই উদ্দেশ্য কতদূর সফল হইয়াছে? লর্ড রোণাল্ডশে হক-ওয়ার্ম ও কচুরিপানা ধ্বংসের সঙ্কল্প করিয়াছিলেন, সে সঙ্কল্প কতটা কার্যে পরিণত হইয়াছে?

ফল কথা, যে সিভিলিয়ান ইম্পাতের কাঠাম ভারতকে নাগপাশের মত অষ্টপৃষ্ঠে বন্ধন করিয়া রাখিয়াছে, তাহার প্রভাব মুক্ত হইয়া ইচ্ছাসত্ত্বেও কেহ ভারতের মঙ্গলবিধান করিতে পারেন না। সিভিলিয়ানি চক্রবাহ ভেদ করিয়া আপন ব্যক্তিত্ব ফুটাইয়া তুলিতে যদি কেহ সমর্থ হইয়েন, তবেই তাঁহার কার্যের সার্থকতা থাকে, অত্যাধিক নহে।

মি: উড বর্তমানে ইংলণ্ডের কৃষি-সচিব। বর্তমান ভারত-সচিব লর্ড বার্কেনহেড ভারত সম্পর্কে তাঁহার বিখ্যাত বক্তৃতায় বলিয়াছিলেন যে, অতঃপর ভারতের কৃষি সম্বন্ধে ব্রীতিমত উন্নতি বিধান করা হইবে। তাই কি বড়লাট পদে মি: উডের নিয়োগ হইয়াছে? কে জানে! মি: উড কি সিভিলিয়ানি চক্রবাহ ভেদ করিয়া ভারতের কৃষির উন্নতিবিধান করিতে সমর্থ হইবেন? ভবিষ্যৎই তাহা বলিয়া দিবে।



অধ্যক্ষ সারদারঞ্জন

অধ্যক্ষ

সারদারঞ্জন

বিজ্ঞানসাগর কলেজের অধ্যক্ষ সারদারঞ্জন রায় গত ১৫ই কার্তিক রবিবার ইহলোক ত্যাগ করিয়াছেন। তাঁহার হায় ছাত্রপ্রিয় অধ্যাপক ও অধ্যক্ষ আধুনিক কালে বিরল বলিলেও অত্যাধিক হয় না। তিনি একাধারে বিদ্বান, গণিতজ্ঞ, সংস্কৃতজ্ঞ ও ব্যায়ামবিদ ছিলেন। তাঁহার সংস্কৃত ব্যাখ্যা পুস্তক আদর্শ স্থানীয় বলিয়া ছাত্রমণ্ডলীর মধ্যে গৃহীত। দীর্ঘ ৭০ বৎসর বয়স পর্য্যন্ত তিনি প্রফুল্ল

আনন এবং বলিষ্ঠ ও দীর্ঘোন্নত দেহ অক্ষুণ্ণ রাখিতে সমর্থ হইয়াছিলেন। ছাত্রগণের সহিত নানাবিধ ব্যায়ামক্রীড়ায় তিনি যুবকের উৎসাহ ও আগ্রহ প্রদর্শন করিতেন। পরিণত বয়স অবধি তিনি নিত্য দীর্ঘপথ ভ্রমণ ও গম্ভীর করিতেন। আমরা তাঁহাকে বহু দিবস যাবৎ 'বাবু ঘাটে' গম্ভীর করিতে ও পদব্রজে গৃহে প্রত্যাগমন করিতে দেখিয়াছি। বাঙ্গালী ছাত্রদিগের মধ্যে তিনি ক্রিকেট খেলার প্রসার বৃদ্ধি করিয়াছিলেন

এবং সর্ববিধ ব্যায়াম চর্চায় তিনি ছাত্রবর্গকে উৎসাহিত করিয়াছিলেন।

সারদারঞ্জনর নিবাস ময়মনসিংহ জিলার মসুয়া গ্রামে। তিনি সম্ভ্রান্ত পরিবারে জন্মগ্রহণ করিয়াছিলেন। ময়মনসিংহ স্কুল হইতে তিনি প্রবেশিকা পরীক্ষায় উত্তীর্ণ হইবার পর একে একে এক, এ, বি, এ, ও এম, এ পরীক্ষায় সাফল্য লাভ করেন। গণিত শাস্ত্রে এম, এ উপাধি লাভ করিয়া তিনি প্রথমে ঢাকা কলেজে অধ্যাপকের কার্য গ্রহণ করেন। ১৮৮৭ খৃষ্টাব্দে পরলোকগত বিদ্যাসাগর মহাশয় তাঁহাকে তাঁহার মেট্রোপলিটন কলেজে অধ্যাপকের পদে ব্রতী করেন এবং তদবধি সেই কলেজেই তিনি অধ্যাপনা করিতেছিলেন। ১৯০৯ খৃষ্টাব্দে তিনি ভাইস-প্রিন্সিপালের পদে উন্নীত হইলেন এবং বিখ্যাত অধ্যক্ষ নগেন্দ্রনাথ ঘোষের দেহাবসানের পর তিনি বিদ্যাসাগর কলেজে অধ্যক্ষতা করিয়া আসিতেছিলেন।

তাঁহার শারীরিক বল অসাধারণ ছিল। একবার ঢাকা কলেজের অধ্যক্ষ মিষ্টার বুথের সহিত তাঁহার শক্তিপরীক্ষা হইয়াছিল। নির্ভীক ও তেজস্বী সারদারঞ্জন সে সময়ে নিজের আত্মসম্মান অক্ষুণ্ণ রাখিয়াছিলেন।

সারদারঞ্জনর ভ্রাতৃগণ কৃতবিদ্য, স্বনামধন্য। উপেন্দ্র-কিশোর কলাবিদ, চিত্রে ও সঙ্গীতে তিনি অসাধারণ কৃতিত্ব প্রদর্শন করিয়াছিলেন। হাফটোনের কার্যে ইউ, রায়ের নাম সর্বত্র পরিচিত। কলদারঞ্জন শিল্পে ও শিশু-সাহিত্য রচনায় সুনাম অর্জন করিয়াছিলেন। অধ্যাপক মুক্তিদারঞ্জন অধ্যাপনায় ও ক্রিকেট খেলার ভ্রাতারই মত প্রসিদ্ধি লাভ করিয়াছিলেন।

অধুনা সারদারঞ্জনর মত বাঙ্গালীর সংখ্যা হ্রাস হইয়া আসিতেছে। তেজস্বিতা, নির্ভীকতা, শক্তি-শালীনতা, বিদ্যাবত্তা প্রভৃতি সদৃশে সারদারঞ্জন অলঙ্কৃত ছিলেন। বর্তমান যুগের শিক্ষিত বাঙ্গালীদের মধ্যে অনেকেই তাঁহার ছাত্র। তাঁহার গুরু পদাঙ্ক অনুসরণ করিলে বাঙ্গালা ও বাঙ্গালী জাতির মঙ্গল হইবে সন্দেহ নাই।

হেল্প-সংগ্রহ

গত ১৬ই অক্টোবর রাত্রি প্রায় দুইটার সময় পূর্ববঙ্গ রেলপথে কলিকাতা হইতে প্রায় ১ শত মাইল দূরে হালসা স্টেশনের নিকটে ৮ নং ডাউন ঢাকা মেলের সহিত ৩৭ নং আপ গার্শেল ট্রেনের এঞ্জিনের এক ভীষণ সংঘর্ষ হইয়া গিয়াছে। ঢাকা মেলে পূজার অবকাশের পর বিস্তর যাত্রী কলিকাতায় কর্মস্থানে প্রত্যাবর্তন করিতেছিল; সুতরাং গভীর রাত্রিকালে ঝড়বৃষ্টির সময় এইরূপ দৈবদর্শটনায় হতাহতের সংখ্যা অধিক হওয়াই সম্ভব। অথচ সরকারী ঘোষণায় প্রকাশ, হতাহতের সংখ্যা সামান্য। কোন কোন প্রত্যক্ষদর্শীর বর্ণনায় কিন্তু এ বিবরণ সমর্থিত হয় না। রেল কোম্পানী হালসার ৩ জন রেলকর্মচারীকে অপরাধী করিয়াছেন, তাহাদের নিচায় হইবে। কিন্তু কেবল এই ভাবে এত বড় গুরু দায়িত্ব সামান্য বেতনভুক্ত কর্মচারীদের গুলে নুস্ত করিলে সরকারের দায়িত্ব ঘুচে না। কোনও অবসরপ্রাপ্ত রেল-কর্মচারী সংবাদপত্রে লিখিয়াছেন যে, এই সমস্ত রেল-কর্মচারীর কর্তব্যের বোঝা অত্যধিক, অথচ বেতন তাহার তুলনায় ষৎসামান্য। এ অবস্থায় রেল-কর্মচারীর অবস্থার ও সংখ্যার উন্নতিবিধান করা সরকারের কর্তব্য আছে কি না, প্রথমেই বিবেচ্য। তাহার পর আর একটা কথা, আহতদিগের উদ্ধার-সাধনে যে রিলিফ-ট্রেন প্রেরিত হইয়াছিল, তাহা প্রত্যবে সাড়ে ৬টার পূর্বে হালসা স্টেশনে পৌছে নাই। এমন অনেক আহত ছিল, যাহারা সময়ে সাহায্য প্রাপ্ত হইলে হয় ত বাঁচিতে পারিত। দ্বিজেন্দ্রনাথ ভোমিকের শোচনীয় মৃত্যু ইহার জলন্ত দৃষ্টান্ত। কেন এমন হইয়াছিল? আজ যদি বিলাতে এমন অযোগ্যতা প্রদর্শিত হইত, তাহা হইলে কি হইত? এ দেশের লোকের জীবনের কি মূল্য নাই? আমাদের আশা আছে, এই ব্যাপারের এই স্থানে ষবনিকাপাত হইবে না। জনসাধারণ সম্বন্ধে এ বিষয়ে সরকারের নিকট কৈফিয়ৎ চাহিতে দ্বিধা করিবেন না, এমন আশা আমরা অবশ্যই করিতে পারি।

শাসন-পরিষদে সতীশরঞ্জন

বাকালার এডভোকেট-জেনারেল ত্রিযুক্ত সতীশরঞ্জন দাশ মহাশয় বড়লাটের শাসন-পরিষদের আইন-সচিবের পদে নিযুক্ত হইয়াছেন। ইংরাজ-শাসিত ভারতে বড়লাটের শাসন-পরিষদের আইন-সচিবের পদ সর্বোচ্চ রাজপুরুষ বড়লাটেরই নিয়মে। এই পদে এ যাবৎ এই কয় জন ভারতবাসী নিযুক্ত হইয়াছেন,—(১) লর্ড সিংহ, (২) সার আলি ইমাম, (৩) ডাক্তার সার তেজ বাহাদুর সপক, (৪) সার মিশ্র মহম্মদ সফি, (৫) সার বেয়া নরসিংহ শর্মা। সতীশরঞ্জন সার নরসিংহের পর ভারতের আইন-সচিব হইলেন।

লর্ড ক্লাইভ যখন পলাশী যুদ্ধ-জয়ের পর বাকালার গভর্ণর নিযুক্ত হইলেন, তখন হইতেই গভর্ণরের একটা কাউন্সিলের (শাসন-পরিষদের) অস্তিত্ব ছিল। এই কাউন্সিলের ক্ষমতা ও অধিকার তখন সামান্য ছিল না। ক্লাইভ প্রথম বাকালার শাসনের পর যখন স্বদেশে প্রত্যাগমন করেন, তখন গভর্ণরের কাউন্সিল বাকালার নবাব মিরজাফরকে সিংহাসনচ্যুত করিয়া মীর কাসিমকে নবাবের তক্তে বসাইয়াছিলেন। তাঁহাদের ক্ষমতা তখন এমনই ছিল। তাঁহারা রাজা জাদিতে গড়িতে পারিতেন। তবে তখনকার কাউন্সিলে ও এখনকার কাউন্সিলে প্রভেদ এই যে, কাউন্সিলে তখন বৃটিশ জাতীয় সদস্যই নিযুক্ত হইত, এ দেশীয়ের তখন ঐ পদে সমাসীন হওয়া স্বপ্নের কথা ছিল।

নবাব মীর কাসিমের সহিত যখন বাকালার ইংরাজ

কর্তৃপক্ষের অন্তর্বাণিজ্য শুরু লইয়া মনোবাদ ঘটে, তখন গভর্ণর ভান্সিটার্টের কাউন্সিল বা শাসন-পরিষদের অন্ততম সদস্য ওয়ারেন হেস্টিংস নবাবকে সমর্থন করিয়াছিলেন। তাহার পর যখন ওয়ারেন হেস্টিংস গভর্ণর হইলেন, তখন ইংলণ্ডের রাজা তৃতীয় জর্জের প্রধান মন্ত্রী লর্ড নর্থ ১৭৭৩ খৃষ্টাব্দে Regulating Act অর্থাৎ ভারত-শাসন নিয়ন্ত্রণ আইন পাশ করেন। ঐ আইনের সর্ভাঙ্গসারে দেশের শাসনভার Governor General in Council এর হস্তে অর্পিত হয়। কর্ণেল মনসন,

জেনারেল ক্লেভারি, সার ফিলিপ ফ্রান্সিস এবং রিচার্ড বারওয়েল এই চারি জন কাউন্সিলের সদস্য নিযুক্ত হইলেন। তাঁহাদের ক্ষমতা ও অধিকার সামান্য ছিল না। তখন মাঝে মাঝে এমন অবস্থা দাঁড়াইত যে, গভর্ণর-জেনারেল বড় কাউন্সিল বড়, ইহা মীমাংসিত হইত না। সুতরাং এখনকার Reforms Act অনুসারে যে কাউন্সিল হইয়াছে, তাহা যে প্রাচীনকালের কাউন্সিল অপেক্ষা অধিক ক্ষমতা ও অধিকার ভোগ



ত্রিযুক্ত সতীশরঞ্জন দাশ।

করে, এমন কথা বলা যায় না। এখনকার কাউন্সিলে (শাসন-পরিষদে) প্রধান সেনাপতি ব্যতীত ৭ জন সদস্য আছেন, তাঁহাদের মধ্যে ভারতীয়েরও স্থান হইয়াছে, এ কথা সত্য; বড় লাট কোনও কোনও স্থলে তাঁহাদের মতে সম্মতি প্রদান করেনও বটে, কিন্তু অনেক স্থলে তাঁহাদের মত উপেক্ষিত হয়—বড় লাট তাঁহার ইচ্ছানুসারে কার্য্য করিয়া থাকেন। বড় লাটের খেচ্ছা-মূলক কার্য্যে বাধা প্রদান করিবার এখনকার কালের কাউন্সিলের কোনও ক্ষমতা নাই। পূর্নাবে যখন

সাময়িক আইন বহাল হয়, বিধিবদ্ধ প্রয়োগে বিনা-বিচারে যখন এ দেশের লোকের কারাদণ্ড হয়, এ দেশীয় জনতার উপর যখন অনাবশ্যক গুলী বর্ষণ করা হয়, প্রবাসে এ দেশীয়ের উপর অত্যাচারের বিরুদ্ধে যখন প্রতিবাদ উত্থাপিত করা হয়,—তখন শাসন-পরিষদের কোনও ভারতীয় সদস্যই এ যাবৎ তাহা নিবারণ করিতে সমর্থ হইয়েন নাই। এই কারণে এ দেশীয়ের এই উচ্চপদে নিয়োগে আমাদের আশা করিবার বিশেষ কিছু নাই। তবে এত বড় উচ্চপদে ভারতীয়ের নিয়োগ,—এবং এই ভাবের নিয়োগের জন্ত কংগ্রেস এত দিন আন্দোলন করিয়া আসিয়াছে, স্মরণ্যঃ ইহাতে যে আনন্দ প্রকাশের কারণ আছে, ইহা সকলকেই স্বীকার করিতে হইবে।

বড় লর্ড লর্ড উইলিয়াম বেণ্টিঙ্কের শাসনকালে ১৮৩১ খৃষ্টাব্দে সর্বপ্রথমে ভারতীয়গণকে উচ্চ রাজকার্যে গ্রহণ করিতে আরম্ভ করা হয়। ১৮৩৩ খৃষ্টাব্দে ‘চার্টার এ্যাক্ট’ বিধিবদ্ধ হয়। টমাস ব্যাবিংটন মেকলে (পরে লর্ড মেকলে) এই সময়ে বিলাতের বোর্ড অফ কন্ট্রোলার সেক্রেটারী ছিলেন। ঐ বিল যখন পার্লামেন্টে উপস্থাপিত হয়, তখন মেকলে যে বক্তৃতা করিয়াছিলেন, তাহা ইতিহাসপ্রথিত হইয়া আছে। তিনি এক স্থানে বলিয়াছিলেন, “আমাদের দেশের কোলবামফিল্ডে যদি মারামারিতে কাহারও মাথা ফাটে, তাহা হইলে বিলাতে যে তুমুল আন্দোলন উপস্থিত হয়, ভারতে তিনটা ভীষণ যুদ্ধ হইয়া গেলেও এ দেশে তাহার একাঙ্গীও হয় না।” বস্তুতঃ মেকলেই প্রথমে ভারতের দিকে তাঁহার দেশবাসীর সম্যক দৃষ্টি আকর্ষণ করেন এবং ভারতীয়দের স্বার্থে এবং কল্যাণে শাসনযন্ত্র নিয়ন্ত্রিত করিতে বলেন। চার্টার এ্যাক্ট পাশ হওয়ার মেকলের এক সুবিধা হইয়াছিল। ঐ এ্যাক্টের এক সর্ত ছিল যে, কলিকাতার সুপ্রীম কাউন্সিলের অন্ততঃ এক জন সদস্য ইষ্ট ইণ্ডিয়া কোম্পানীর চাকুরীয়া না হয়, এরূপ ব্যবস্থা করিতে হইবে। মেকলে ঐ পদ-প্রাপ্ত হইয়া ১৮৩৪ খৃষ্টাব্দে ভারতে পদার্পণ করেন। মেকলে লর্ড উইলিয়াম বেণ্টিঙ্কের শাসনকালে ভারত সরকারের সুপ্রীম কাউন্সিলের আইন-সচিব হইয়াছিলেন। আইন-সচিবরূপে তিনি এই কয়টি কার্য করিয়াছিলেন :—

(১) সংবাদপত্রের রচনার প্রতি দৃষ্টি রাখিবার ও উহা সংযত করিবার নিমিত্ত সরকারের সেনসর ছিলেন। ১৮৩৫ খৃষ্টাব্দে মেকলের চেষ্টায় উহা উঠিয়া যায়। মেকলে সেই সময়ে কোর্ট অফ ডাইরেক্টরদিগকে জানাইয়াছিলেন,—“সংবাদপত্র সাধারণের উপকার করে। অনেক সময়ে সংবাদপত্র অত্যাচার অনাচারের কথা সরকারের গোচর করে, সংবাদপত্র না থাকিলে হয় ত ঐ সমস্ত কথা সরকারের জানিবার উপায় থাকিত না। সংবাদপত্রের আলোচনা হেতু রাজকর্মচারীরা সর্বদা সতর্ক ও সশঙ্ক থাকিতে বাধ্য হয়। সংবাদপত্র দেশের শাসনকার্যকে কতকটা পবিত্র ও দোষরহিত করিয়া থাকে।”

(২) ব্ল্যাক এ্যাক্ট পাশ করিয়া মেকলে এ দেশে শ্বেতকারের একটা অন্তায় একচেটিয়া অধিকার লুপ্ত করিয়া দিয়াছিলেন। তাঁহার পূর্বে মফঃস্বলবাসী যুরোপীয়রা তাহাদের দেওয়ানী মামলার আপীল কলিকাতার সুপ্রীম কোর্টে আনয়ন করিবার অধিকার উপভোগ করিত। ইহাতে সুবিধা এই ছিল যে, সুপ্রীম কোর্টের জজরা রাজার অধীন এবং বিলাত হইতে আগত বলিয়া যুরোপীয় অপরাধীর অপরাধ লঘুভাবে বিচার করিত। মেকলের আইনে স্থির হইল, অতঃপর ঐ শ্রেণীর আপীলের মফঃস্বলের সদর কোর্টে ওদানী হইবে। এই কোর্টের বিচারকরা ছিলেন কোম্পানীর চাকুরীয়া। ইহাতে মেকলের বিরুদ্ধে কলিকাতার মুষ্টিমেয় যুরোপীয় সমাজ তাঁহাকে ‘জুয়াচোর,’ ‘পাজী,’ প্রভৃতি সুমিষ্ট সম্বোধন করিতে পশ্চাৎপদ হয় নাই। এই আন্দোলন কতকটা ইলবাট বিলের আন্দোলনের আঁকার ধারণ করিয়াছিল। মেকলে সেই সময়ে বলিয়াছিলেন,—“আমার মতে সদর কোর্টে আপীল আনয়নে বাধ্য করিবার প্রধান কারণ এই যে, সদর কোর্টে দেশীয়রা সুবিচার পাইবে।” অন্ততঃ,—“আমি মনে করি, এই আইন পাশ করা এ দেশের পক্ষে মঙ্গলজনক। উহা পাশ করিবার ইহাই উপযুক্ত সময়। কলিকাতার মুষ্টিমেয় যুরোপীয় সমাজের প্রতিনিধি অ্যাংলো-ইণ্ডিয়ান পত্রগুলি প্রত্যহ চীৎকার করিতেছে,—‘আমরা বিজেতা, আমরাই দেশের মালিক, আমরা শ্রেষ্ঠ জাতি।’

আমাদের অধিকার নষ্ট করিতে এ দেশে কেহ পারে না, কেন না, আমরা পাল্লিমেন্টের প্রতিনিধি ব্যতীত অন্য কাহারও অধীন নই।' উহারা আমাদিগকে বলিতেছে, আমরা স্বাধীনতার শত্রু, কেন না, আমরা মুষ্টিমেয় খেতাব অভিজাত সম্প্রদায়কে এ দেশের লক্ষ লক্ষ কৃষকের উপর অত্যাচার প্রভু করিবার বিরুদ্ধে দণ্ডায়মান হইয়াছি! এই নীতি যুক্তিতর্ক, জ্ঞানবিচার, বৃটিশের সুনাম এবং ভারতীয়দের স্বার্থের ঘোর প্রতিকূল। যদি এই নীতি অনুসারে রাজ্যশাসন করা সাব্যস্ত হয়, তাহা হইলে এই মুহূর্তে আমাকে সরকারী কার্য হইতে বরখাস্ত করা হউক, আমি আমার পদত্যাগপত্র দাখিল করিতেছি।"

বুঝিয়া দেখুন, সেই সুদূর অতীতে কাউন্সিলের আইন সচিবের কিরূপ স্বাধীনতা, তেজস্বিতা, সত্য-প্রিয়তা ও জ্ঞানবাদিতা ছিল। কেবল এই সকল গুণ নহে, তাঁহাদের ক্ষমতাও কত অধিক ছিল! ইচ্ছা করিলে তাঁহারা অত্যাচারের বিরুদ্ধে এ দেশের ও বিলাতের সরকারকে নূতন আইন প্রণয়ন করাইতে পারিতেন, তাঁহাদের অরণ্যে রোদনই সার হইত না। উদ্দেশ্য সফল না হইলে তাঁহারা চাকুরী ত্যাগ করিয়া বাসিয়া থাকিতেন না, তেজস্বিতার সহিত চাকুরীতে ইস্তফা দিতেন।

এতদ্ব্যতীত মেকলে শিক্ষাসংস্কারে ও ভারতীয় দণ্ড-বিধি আইন প্রণয়নে যে সহদয়তা ও সার্বজনীন প্রীতির পরিচয় দিয়াছিলেন, তাহাও ইতিহাসপ্রথিত হইয়া থাকিবে। মেকলে ইংরাজী শিক্ষার বিস্তার প্রয়াসে বলিয়াছিলেন,—এমন দিন আসিবে, যখন এই শিক্ষার সুবিধা পাইয়া এ দেশের লোকরাও এক দিন ইংরাজের মত স্বায়ত্ত-শাসনাধিকার প্রার্থনা করিবে; সেই দিন ইংরাজের পক্ষে সর্বাপেক্ষা গৌরবের দিন হইবে সন্দেহ নাই।

লর্ড ড্যালহাউসির শাসনকালে আইন-সচিব মিঃ বেথুন শিক্ষাবিভাগে কত জনহিতকর কার্যের অনুষ্ঠান করিয়াছিলেন, তাহা ইতিহাসসম্মাত্রই অবগত আছেন। তখনকার কাউন্সিল ও আইন-সচিব এবং এখনকার কাউন্সিল ও আইন-সচিব কত প্রভেদ! তখনকার দিনে আইন-সচিব মেকলে এ দেশের লোকের স্বার্থরক্ষার

জন্য স্বদেশীয় স্বজাতীয়গণের বিরুদ্ধে অকুতোভয়ে দণ্ডায়মান হইয়াছিলেন এবং উদ্দেশ্য সফল না হইলে পদত্যাগ পর্যন্ত করিতে প্রস্তুত হইয়াছিলেন। আর এখন? এখন দেশের লোকের বিনা বিচারে বে-আইনী আইনের জোরে জেল হইলেও দেশীয় আইন-সচিব অমানচিত্তে স্বপদে অধিষ্ঠিত থাকিয়া চাকুরীর মোটা বেতন সহাস্থানে ঘরে লইয়া যানেন!

যাহা হউক, লর্ড বোর্টনের শাসনকালের সেই ১৮৩১ খৃষ্টাব্দ হইতে ১৯০৯ খৃষ্টাব্দের লর্ড মিন্টোর আমলের মলেমেন্টো রিফরমের মধ্যে সুদীর্ঘ ৭৮ বৎসরে ভারতীয়রা ইংরাজী শিক্ষা-দীক্ষায় অভ্যস্ত হইলেও বিশ্বাসী বা দারিদ্র-জ্ঞানসম্পন্ন বলিয়া রাজদ্বারে বিবেচিত হয় নাই,— এখনও যে হইয়াছে, তাহারও প্রমাণ নাই।

১৮৬১ খৃষ্টাব্দে বড় লাট লর্ড ক্যানিং শাসনের প্রত্যেক বিভাগে শাসন-পরিষদের এক এক জন সদস্যকে নিযুক্ত করেন। প্রকৃতপক্ষে তিনি তাঁহার শাসন-পরিষদের British Cabinet বা মন্ত্রিসভার মত করিয়া গড়িয়া তুলেন। এখন সেই আদর্শ অনুসৃত হইতেছে।

১৯০৯ খৃষ্টাব্দে মলেমেন্টোর "ইণ্ডিয়া কাউন্সিল এ্যাক্ট" বিধিবদ্ধ হয়। ঐ সময়ে লর্ড সিংহ (তখন সার সত্যেন্দ্রপ্রসন্ন) বড় লাটের কাউন্সিলের (শাসন পরিষদের) সদস্য (আইন-সচিব) নিযুক্ত হইলেন। তাঁহার পূর্বে কোনও ভারতবাসীই এই উচ্চ পদ প্রাপ্ত হইয়া নাই।

১৯১৯ খৃষ্টাব্দে মন্টেগু-চেমসফোর্ডের "রিফরম এ্যাক্ট" বিধিবদ্ধ হয়। এখন ঐ আইনের আদর্শ চলিতেছে। উহার প্রভাবে এখন বড় লাটের শাসন-পরিষদে কমান্ডার ইন-চিফ (জঙ্গী লাট) ব্যতীত ৭ জন সদস্য আছেন। কোনও কোনও ক্ষেত্রে বড় লাট তাঁহাদের অভিমতে সম্মতি প্রদান করিয়া থাকেন; কিন্তু কোনও কোনও ক্ষেত্রে তাঁহাদের অভিমত উপেক্ষিত হয়; বড় লাট স্বেচ্ছানুসারে কার্য করিয়া থাকেন।

বাকালার এডভোকেট জেনারেল শ্রীযুক্ত সতীশরঞ্জন দাশ সম্প্রতি এই শাসন-পরিষদের আইন-সচিবের স্থানে নিযুক্ত হইয়াছেন।

সতীশরঞ্জন ভবানীপুর রসায়নোডে ১৮ই ফাল্গুন, ১২৭৮ সালে (ইংরাজী ২৯শে ফেব্রুয়ারী ১৮৭২ খৃষ্টাব্দে)

জন্মগ্রহণ করিয়াছিলেন। তাঁহার পিতার নাম দুর্গা-মোহন দাশ। চিত্তরঞ্জন তাঁহার খুল্লতাত ভুবনমোহনের পুত্র ছিলেন।

বাল্যে স্বগৃহে দেশমাতা শ্রীমতী সরোজিনী নাইডুর পিতা পরলোকগত ডাক্তার অঘোরনাথ চট্টোপাধ্যায়ের নিকট সতীশরঞ্জন ২ বৎসরকাল প্রাথমিক শিক্ষা লাভ করিয়াছিলেন।

দ্বাদশ বৎসর বয়ঃক্রমকালে তিনি বিদ্যাশিক্ষার্থ বিলাত যাত্রা করেন। মিঃ আমেদ, কে গজনভি এবং পরলোকগত মনোমোহন ঘোষের পুত্র মতিমোহন ঘোষ তাঁহার সহযাত্রী ছিলেন।

সতীশরঞ্জন ম্যাঞ্চেষ্টারের এক পাবলিক স্কুলে প্রবেশ করেন। ইহার পর তিনি সিবিল সার্ভিস পরীক্ষার্থ আত্মনিয়োগ করেন। কিন্তু উহাতে অকৃতকার্য হইয়া যখন তিনি ও যুবক গজনভি লণ্ডনের পাটইস স্কোয়ারের রেণ এণ্ড কার্ণির বিদ্যাগারে সিবিল সার্ভিস পরীক্ষাপযোগী শিক্ষা লাভে নিযুক্ত ছিলেন, সেই সময়ে সেই স্থানে সার জন কার ও সার হেনরী ছইলারও বিদ্যাশিক্ষা করিতেছিলেন।

ইহার পর তিনি ব্যারিষ্টারী পরীক্ষার জন্য মিডল টেম্পলের আশ্রয় গ্রহণ করেন এবং উহাতে উত্তীর্ণ হইয়া ১৮৯৪ খৃষ্টাব্দে কলিকাতায় প্রত্যাবর্তন করেন।

১৮৯৭ খৃষ্টাব্দে তাঁহার পিতার মৃত্যু হয়। উহার ৩ মাস পূর্বে তিনি (ব্রঙ্কের এডভোকেট, অধুনা পরলোকগত) মিঃ পি, সি, সেনের (প্রসন্নকুমারের) প্রথমা কন্যাকে বিবাহ করেন। এই প্রসন্নকুমারই ইতঃপূর্বে সতীশরঞ্জনের পিতা দুর্গামোহনের নিকট ৩ হাজার টাকা পাঠিয়া বিলাতযাত্রা করিতে সমর্থ হইয়াছিলেন। সতীশরঞ্জনের এই প্রথমা পত্নী স্বয়ং গ্রাজুয়েট ছিলেন। সেই সময়ে সতীশরঞ্জন মাসিক ৪০ টাকা ভাড়ায় বিডন ষ্ট্রীটের একটি ক্ষুদ্র বাসা-বাড়ীতে অবস্থান করিতেন। প্রথমা স্ত্রীর গর্ভে তাঁহার কোনও সন্তান হয় নাই। ইহার পর তিনি মিঃ বি, এল, গুপ্তের কন্যা শ্রীমতী বনলতাকে বিবাহ করিয়াছেন। তিনি এখন বিলাতে তাঁহার পুত্রদিগের নিকটে আছেন, কনিষ্ঠ মিলহিল স্কুলে পাঠ করিতেছে, জ্যেষ্ঠ কেম্ব্রিজের ইমাতুরেল

কলেজে শিক্ষালাভ করিতেছে, মুখ্যতঃ স্ত্রী-পুত্রদিগকে দেখিবার নিমিত্তই সতীশরঞ্জন সম্প্রতি বিলাত গিয়াছিলেন।

সতীশরঞ্জন ১৯১৭ খৃষ্টাব্দে ষ্ট্যাণ্ডিং কাউন্সেল হইলেন। এবং ১৯২২ খৃষ্টাব্দে পাকাপোক্তরূপে বাদশাহার এডভোকেট জেনারেল হইলেন। এইবার তিনি বড় লাটের শাসনপরিষদের আইন-সচিব হইলেন।

সতীশরঞ্জন রাজনীতিতে মডারেট আখ্যা লাভ করিয়াছেন। সুতরাং তাঁহার এই উচ্চপদে নিয়োগ ব্যারোক্রেসীর অভিপ্রায়ের অনুরূপ হইয়াছে এবং তাঁহার দ্বারা দেশের প্রকৃত উন্নতি কোনক্রমে সম্ভব হইবে না, এই কথা উঠিয়াছে। দেশের বর্তমান অবস্থায় ব্যারোক্রেসীর মনোনীত রাজকর্মচারীর দ্বারা দেশের প্রকৃত উন্নতি সম্ভবপর হইতে পারে, এ বিশ্বাস আমাদের নাই। কোনও চরমপন্থীর দ্বারাও বিশেষ কার্য সম্ভব হয় তাহাও নহে; কেন না, চরমপন্থী পাটে বসিলে সহযোগের আবহাওয়ার তাঁহার ব্যক্তিত্ব হারাইয়া ফেলেন, এমন দৃষ্টান্তেরও অভাব নাই। পরলোকগত সার সুরেন্দ্রনাথ তাঁহার প্রথম রাজনীতিক জীবনে বিধম চরমপন্থী বলিয়া সরকারের দ্বারা বিবেচিত হইয়াছিলেন। কিন্তু তদবধি তিনি মন্ত্রী সার সুরেন্দ্রনাথ হইয়াছিলেন, তদবধি তিনি ব্যারোক্রেসীর স্বেচ্ছাচারের বিপক্ষে আপন অন্তিম প্রতিপন্ন করিতে পারেন নাই। হয় ত তাঁহার মনের ইচ্ছা ভিন্নরূপ ছিল, কিন্তু বর্তমান শাসনপ্রথা যে ভাবে গঠিত, তাহাতে তাঁহার ইচ্ছা সত্ত্বেও তিনি কিছু করিয়া উঠিতে পারেন নাই। তিনি চিরদিনই নিয়মাত্মক (constitutional) পথে চলিয়াছিলেন, সহযোগের দ্বারা দেশের মুক্তিতে দৃঢ়বিশ্বাসী ছিলেন; সুতরাং প্রবল ব্যারোক্রেসীর সহিত সহযোগ করিয়া বতদূর সম্ভব মুক্তির পথ প্রশস্ত করা তাঁহার নীতি ছিল।

সতীশরঞ্জনও সার সুরেন্দ্রনাথের মত নিয়মাত্মক পথের পথিক, সহযোগকামী। তাঁহার letter to my son বা পুত্রের প্রতি পত্র যাহারা মনোযোগ সহকারে পাঠ করিয়াছেন, তাঁহারাই তাহার রাজনীতির মূলনীতি বুঝিতে পারিয়াছেন। আমরা তাঁহার সেই পত্রের এক সময়ে সমালোচনা করিয়াছিলাম। উহাতে বুঝাইবার

প্রয়াস পাইয়াছিলাম যে, সতীশরঞ্জনের বিশ্বাস, বিপ্লবের অথবা অসহযোগের পথে দেশের মুক্তিসাধন সম্ভবপর নহে। সুরেন্দ্রনাথের মত সতীশরঞ্জনের দেশপ্রেমে কাহারও সন্দেহ নাই। কিন্তু তিনি দেশের বর্তমান অবস্থায় প্রবল ব্যারোক্রেনীর বিরুদ্ধে বলপ্রয়োগ অথবা অসহযোগ দ্বারা কিছু করা অসম্ভব, বলিয়া বিবেচনা করেন। তিনি বলেন, ইংরাজ যদি বুঝে, ভারতবাসীর আশা-আকাঙ্ক্ষার প্রতি সহানুভূতি প্রদর্শন করিয়া তাহাদের স্বার্থরক্ষা সমধিক সম্ভবপর হয়—তাহাদের সাম্রাজ্য-রক্ষা সম্ভবপর হয়, তাহা হইলে তাহারা এ দেশকে স্বায়ত্তশাসন অধিকার দান করিতে পশ্চাৎপদ হইবে না। সুতরাং এ দেশবাসীর কর্তব্য, ইংরাজের সহিত সহযোগ করিয়া নিয়মানুগ পথে ক্রমশঃ অগ্রসর হইয়া ইংরাজকে বুঝাইয়া দেওয়া যে, তাহারা সাম্রাজ্যের দশ জনের এক জন হইয়া থাকিতে চাহে, সঙ্গে সঙ্গে দেশের মুক্তিকামনা করে। এ কামনা ইংরাজের শত্রুরূপে বা প্রতিদ্বন্দ্বিরূপে নহে, ইংরাজের বন্ধু ও মঙ্গলকামিরূপে করিতে হইবে। সতীশরঞ্জনের এই মনোভাবটুকু বুঝিলেই তাঁহার রাজনীতি বুঝিতে কষ্ট পাইতে হইবে না।

এমন অবস্থায় সতীশরঞ্জনের পদোন্নতিতে, এক দিক দিয়া দেখিলে, দেশের লাভ বাতীত ক্ষতি নাই। যে যে অবস্থায় থাকিয়া বতটুকু দেশের কাথ করিতে পারে, ততটুকুই দেশের পক্ষে লাভ। সতীশরঞ্জনের আইন-সচিব-রূপে ব্যারোক্রেনীর অপ্রতিহত ক্ষমতা ক্ষুণ্ণ করিতে না পারুন, সংস্কারমর্শ দিয়া উহা সংযত করিতে পারেন। এই চাকুরী গ্রহণ করিয়া সতীশরঞ্জনের অনেকটা ত্যাগ স্বীকার করিয়াছেন। এডভোকেট জেনারেলরূপে তিনি প্রভূত অর্থ উপার্জন করিতেন, চাকুরী গ্রহণ করিয়া তাহার অনেক কম অর্থ উপার্জন করিবেন, এ কথা অস্বীকার করা যায় না। তিনি যে পথে দেশের মঙ্গল-চিন্তা করেন, সেই পথে দেশের জন্ত ক্ষতি স্বীকার করিয়া এই চাকুরী গ্রহণ করায় তাঁহার দেশ-প্রেমের পরিচয় পাওয়া যায়।

দাশবংশ দানশৌণ্ডিকতার জন্ত চিরদিন খ্যাত। সতীশরঞ্জনের দানের প্রবৃত্তির কথা চিত্তরঞ্জনেরই মত সর্বজনবিদিত। কত ছাত্রের যে তিনি গ্রাসাচ্ছাদন ও

পাঠের ব্যয় নির্বাহ করিয়া আসিতেছেন, তাহার ইয়ত্তা নাই। দেশের সামাজিক নানা কার্যে দানে তিনি মুক্ত-হস্ত। নারীরক্ষা সমিতির প্রেসিডেন্টরূপে তিনি কেবল কথায় নিপীড়িতা বঙ্গনারীর উদ্ধারসাধনে আত্মনিয়োগ করেন নাই, এ জন্ত তিনি অকাতরে অর্থব্যয় করিয়াছেন। আজ যদি সতীশরঞ্জনের শাসন-পরিষদে স্থান লাভ করিয়া নারীরক্ষা সম্পর্কে কঠোর আইন প্রণয়নে সফলতা-লাভ করেন, তাহাতেও দেশ উপকৃত হইবে।

তিনিও চিত্তরঞ্জনের মত হিন্দু-মুসলমান মিলনে সর্বদা তৎপর। তাঁহার মুসলমান-প্রীতির কথা সকলেই জানে। মিঃ আমেদ গজনভি তাঁহার বিলাতের সহযাত্রী ও বন্ধু ছিলেন, এ জন্ত তিনি এক পুত্রের নামকরণ করিয়াছেন ‘আমেদ।’ কোনও এক মুসলমান বন্ধুর বিপদের সময়ে তিনি প্রায় ৩৪ লক্ষ টাকা অকাতরে দান করিয়া তাঁহাকে বিপদ হইতে উদ্ধার করিয়াছিলেন। আজ যদি তিনি শাসন-পরিষদে থাকিয়া হিন্দু-মুসলমান মিলনের সূচপায় নির্দ্বারগণ করিয়া সরকারের নীতিকে তাহার অনুগামী করিতে পারেন, তাহা হইলেও দেশ তাহাতে উপকৃত হইবে।

চাঁদপুরের কুলী-বিভ্রাটকালে দরিদ্র বিপন্ন কুলীদিগের সাহায্যার্থ তিনি নিজ ব্যয়ে একখানা ষ্টীমার ভাড়া করিয়া কুলীদিগকে তাহাদের স্বগ্রামে পাঠাইবার বন্দোবস্ত করিয়াছিলেন। ইহাতে তাঁহার প্রায় ১৫ হাজার টাকা ব্যয় হইয়াছিল। ইহা সামান্য কথা নহে। দেশের দরিদ্র দিনমজুরদিগের প্রতি তাঁহার যে আন্তরিক মমতা, ইহা তাঁহার আইন-সচিবের কার্যকালে অনেক উপকারে লাগিতে পারে। দেশের পক্ষে ইহাও পরম লাভ।

তাঁহার স্বগ্রামে তাঁহার একটি দাতব্য চিকিৎসালয় এবং স্কুল আছে। এ সকলের ব্যয় তিনি নির্বাহ করিয়া থাকেন। ইহা হইতেও তাঁহার অন্তরের পরিচয় পাওয়া যায়। অর্থের সদ্যবহার কিরূপে করিতে হয়, তাহা তিনি বিদিত আছেন।

এ সকল কার্যে তাঁহার স্বদেশ ও স্বজাতি-প্রীতির পরিচয় পাওয়া যায়। সুতরাং তাঁহার উচ্চ রাজকার্যে নিয়োগের ফলে এক দিক দিয়া দেশ যে লাভবান হইতে পারে, তাহাতে সন্দেহের কি অবকাশ থাকিতে পারে?

স্বরাজ্য ও অসহযোগ

রাজনীতিকক্ষেত্রে মতপরিবর্তন স্বাভাবিক—উহা বিশেষ দোষাবহু নহে, এ কথা জগতের বড় বড় রাজনীতিকের মুখেই শুনা যায়। কার্যক্ষেত্রে অবস্থা বৃদ্ধি বা ব্যবস্থা করাকে প্রতীচ্যের ভাষায় diplomacy এবং আমাদের দেশের ভাষায় কূটনীতি বলে। আর সোজা বাজালা কথায় ইহাকে ঝোপ বৃদ্ধি বা কোপ মারা বলে। যাহাই হউক, রাজনীতিকক্ষেত্রে কার্যসাক্ষ্য লাভ করিতে হইলে এরূপ ভাবে অবস্থানুসারে মতপরিবর্তন করা বুদ্ধিমত্তা ও বিবেচনার পরিচায়ক বলিয়া জগতে গৃহীত হয়।

আমাদের দেশে অধুনা স্বরাজ্য দলের কোনও কোনও নেতার কার্যকলাপ দেখিয়া লোকের মনে এই সন্দেহ হইতেছে যে, তাঁহাদের কথা ও কায়ে সামঞ্জস্য নাই। ইহা অতীব পরিতাপের কথা সন্দেহ নাই। স্বরাজ্য দল দেশের সমস্ত রাজনীতিক দল অপেক্ষা অধিক শক্তিশালী তাঁহাদের উপরেই দেশের রাজনীতিক সমর পরিচালনের ভার ক্রমশঃ দেশের সর্বপ্রধান রাজনীতিক প্রতিষ্ঠান কংগ্রেস তাঁহাদেরই দ্বারা প্রধানতঃ পরিচালিত। সুতরাং তাঁহাদের কথা ও কায়ে সামঞ্জস্য থাকা যে কতদূর আবশ্যিক, তাহা সহজেই অনুমেয়। যদি জনসাধারণ তাঁহাদের কার্যকলাপের উপর আস্থা হীন হয়, তাহা হইলে দেশের কার্য তাঁহাদিগের দ্বারা সম্পাদিত হওয়া সম্ভবপর হইবে কিরূপে?

পণ্ডিত মতিলাল নেহরু অধুনা স্বরাজ্য দলের নেতা। তিনি পাটনার বিগত স্বরাজ্যদলীয় জেনারেল কাউন্সিলে সভাপতিরূপে যে বক্তৃতা করিয়াছেন, তাহা হইতে এই কয়টি কথা উদ্ধৃত করা যায় :

(১) আমি জানি, ব্রিটিশ সরকারের নিকট কোনও আশা-ভরসা নাই। সুতরাং আমাদের ভবিষ্যৎ কার্যপন্থা কি হইবে, তাহা আমাদেরই নির্ধারণ করিতে হইবে।

(২) আমাদের স্বরাজ্যদলীয়রা বাহাতে আগামী নির্বাচনে প্রবল সংখ্যায় জয়লাভ করে, স্বরাজ্যীরা যেন এখন হইতে তেমনই ভাবে প্রচারকার্য আরম্ভ করেন। পরন্তু তাঁহারা যেন দেশের গৃহে গৃহে আইন অমান্ত করিবার বাণী প্রচার করেন এবং গৃহস্থমাত্রকেই বুঝাইয়া

দেন যে, আইন অমান্ত করা ব্যতীত আমাদের মুক্তির অন্য উপায় নাই।

পণ্ডিতজী এ কথাগুলি বলিয়া দেশকে প্রস্তুত করিতেছেন, ইহা ভাল কথা। তিনি স্বয়ং স্বীন কমিটিতে যোগদান করিতে দ্বিধা বোধ করেন নাই বলিয়া জনসাধারণের মনে একেমন একটা সন্দেহের ছায়াপাত হইয়াছে। তিনি ইহার কৈফিয়তে বলিয়াছেন, ‘দেশের মঙ্গলের জন্ত এই কমিটিতে যোগদান করা বিশেষ আবশ্যিক জানিয়াই আমি ইহার সদস্য হইয়াছি।’ তাহা হইলে মডারেটরা ত বলিতে পারেন, তাঁহারাও ‘দেশের মঙ্গলের জন্ত’ সরকারের সহিত সকল বিষয়ে সহযোগ করিতেছেন এবং সংস্কার আইনের সাফল্যসাধনের জন্ত আত্মনিয়োগ করিয়াছেন। ‘দেশের মঙ্গল’ কথাটা স্থিতিস্থাপক—ব্যাপক, কিসে দেশের মঙ্গল বা অমঙ্গল হয়, সে সম্বন্ধে সকল রাজনীতিক দল একমত হইতে পারেন নাই। সুতরাং কেবলমাত্র ‘দেশের মঙ্গলের’ দোহাই দিয়া সহযোগের আশ্রয় লইয়া আপনাকে অসহযোগী বলিয়া প্রচার করায় কথায় ও কায়ে সামঞ্জস্য থাকে না, এইরূপ মনে করা বিচিত্র নহে। বিশেষতঃ পণ্ডিতজী যখন নিজেই বলিতেছেন, সরকারের নিকট কোন আশা-ভরসা নাই, তখন স্বীন কমিটিতে প্রবেশ করিয়া তিনি দেশের কি মঙ্গল প্রত্যাশা করেন?

শ্রীযুত ভি, জে, পেটেল স্বরাজ্য দলের এক জন নামজাদা চাই। বড় লাটের ব্যবস্থা-পরিষদে তাঁহাকে ভয় করেন না, এমন সরকারী সদস্য নাই বলিলেই হয়। তাঁহার বচনের সুরধার আশ্বাদ করেন নাই, এমন সদস্যও নাই। তিনি ভীষণ চরমপন্থী বলিয়া খ্যাত। তিনিও সরকারী চাকুরী গ্রহণ করিয়াছেন, ব্যবস্থা-পরিষদের প্রেসিডেন্টের পদে বসিয়াছেন। কেবল ইহাই নহে, তিনি প্রকাশ্যে বলিয়াছেন,--“কাষের জন্ত যদি বড় লাট দশবার ডাকেন, তাহা হইলে তাঁহার আহ্বানে সাড়া দিব।” তাহাই যদি হয়, তবে ডাক্তার আবদুল্লাহ সুরাবন্দী গভর্ণরের সহিত সাক্ষাৎ করিয়া কি এমন অপরাধ করিয়াছিলেন? স্বরাজ্য দল সরকারী চাকুরী গ্রহণ করিবেন না বলিয়া প্রতিশ্রুত ছিলেন। তবে এই চাকুরী গ্রহণে আপত্তি উত্থাপিত হয় নাই কেন,

শ্রীযুত পেটেলই বা এখনও বিশিষ্ট স্বরাজ্য দলপতি বলিয়া কিরূপে গৃহীত হইতেছেন? সহজ সরল জনসাধারণ এ সকল হেয়ালির কথা বুঝিতে না পারিয়া 'হতভম্ব' হইয়া গিয়াছে।

শ্রীযুত পেটেল ইহার উপর আর এক কাণ্ড করিয়া সকলের বিশ্বাস উৎপাদন করিয়াছেন। কংগ্রেস কর্তৃক নিযুক্ত 'সিভিল ডিসওবিডিয়েন্স এনকোয়ারী কমিটির' রিপোর্টে দেখিতে পাওয়া যায়, শ্রীযুত পেটেল ও আজমল খাঁ অভিমত প্রকাশ করিয়াছেন, —“বর্তমানে জনগত আইন অমান্ত করিয়া সরকারের সহিত বৃহৎপড়া করিয়া লওয়া অসম্ভব, এই হেতু আমরা তদপেক্ষা কিছু কম আইন অমান্ত করিবার পরামর্শ দিতেছি।”


অথচ পণ্ডিত মতিলালজী এই সে দিনের পাটনা স্বরাজ্য বৈঠকে স্পষ্ট পরামর্শ দিয়াছেন, 'আইন অমান্ত করা ভিন্ন আমাদের মুক্তির অন্য উপায় নাই।' স্বরাজ্য দলের নেতারা যদি এইরূপ ভিন্নমতাবলম্বী হইয়েন, তাহা হইলে তাঁহাদের উপর জনসাধারণের আস্থা থাকিবে কিরূপে? তাহারা কাহার কথা বিশ্বাস করিবে? আবার পণ্ডিত মতিলাল পাটনার স্বরাজ্য জেনারেল কাউন্সিলের সভাপতিরূপে যে বক্তৃতা করিয়াছেন, তাহার নানা স্থানে আভাসে-ইচ্ছিতে বুঝা গিয়াছে যে, —কাউন্সিলে প্রবেশ করিয়া সরকারকে বাধা প্রদান করাই আইন অমান্ত করিবার কিছু কম বলিয়া ধরিয়া লওয়া হইয়াছে। 'আইন অমান্ত তদন্ত কমিটির'

রিপোর্টেও পণ্ডিত মতিলাল স্পষ্টই জানাইয়াছেন যে,— পুরা আইন অমান্ত করার কিছু কম আইন অমান্ত করার অর্থ কাউন্সিলে প্রবেশ করিয়া সরকারের কার্যে বাধাপ্রদান করা। কিন্তু বস্তুতঃই কি এই ছুই পহার মধ্যে কোনও সমতা আছে? Civil Disobedienceএ যে direct action, ত্যাগ, সাহস ও সঙ্কটের প্রয়োজন হয়, Council entry and oppositionএ কি তাহার

শতাংশের একাংশও হয়? প্রথমোক্ত পথে জমী প্রস্তুত করিবার জন্য যে সময়, শ্রম ও অভ্যাস প্রয়োজন হয়, শেষোক্ততে তাহার সামান্য ভগ্নাংশ মাত্রও প্রয়োজন হয় কি?

শ্রীযুত টাণ্ডে আর এক জন স্বরাজ্য দলপতি। তিনি প্রথমে সরকারী কার্য গ্রহণের বিপক্ষে ঘোর বক্তৃতা দিয়া ছিলেন, যাহারা মন্ত্রিত্ব গ্রহণ করিয়াছেন, তাঁহা দিগকে 'দেশ-দ্রোহী' আখ্যাও নাকি দিয়া ছিলেন। ইহার পর কিন্তু তিনি স্বয়ং মধ্যপ্রদেশের ব্যবস্থাপক সভার সভাপতি পদ গ্রহণ করিতে বিন্দুমাত্র দ্বিধাবোধ

করেন নাই। আবার চূড়ার উপর ময়রপাখার মত সম্প্রতি তিনি গভর্ণরের Executive Councilএর সদস্য পদ মাথা পাতিয়া গ্রহণ করিয়াছেন! ইহা কি চমৎকার ব্যবস্থা নহে? Do what I say, but don't do what I do,—ইংরাজীতে এইরূপ একটা কথা আছে। ইহাও যে প্রায় তাহাই হইয়া দাঁড়াইল। নলিচা আড়াল দিয়া তামাক খাওয়া আর কত দিন চলিবে?



শ্রীযুত টাণ্ডে।

ভ্রম-সংশোধন—শ্রাবন মাসে দেশবন্ধু-স্মৃতি-সংখ্যায় 'ভারত-সূর্যাস্ত' চিত্রখানি শিল্পী—মণিভূষণ মজুমদারের অঙ্কিত, ভ্রমক্রমে কনীভূষণ ছাপা হইয়াছে।

শ্রীমতীশচন্দ্র মুখোপাধ্যায় ও শ্রীমতীশচন্দ্র কুমার বসু সম্পাদিত।
কলিকাতা, ১৩৬ নং বহুবাজার স্ট্রীট, 'বসুমতী মোটোরী প্রেস' দ্বারা মুদ্রিত ও প্রকাশিত।

সুরেন্দ্রনাথের



স্মৃতি-অর্ঘ্য

ব্রাহ্মণ সুরেন্দ্রনাথ *

“কথায় হবষ, কথায় বিরস, কথায় হরে প্রাণ, কথায়
কতাব পুণ্য।” যে কথা কহিত জানে, সে কেলা
ফতে কবে। এ দেশে এখন একটা কথা উঠিয়াছে যে,
‘কথায় চিঁড়া ভিজ না, কাষ চাই।’

মাতাল কবি স্ময়ন মদ খাওয়ার বিরুদ্ধে জোরাল
কবিতা লিখিতে হইলে বলে, “ধর, র’স, আগে একটু
টেনে নি, নইলে ভাল কবিতা বেক’ব না,” সেইরূপ
বড বড সত্য ত’-বড তা-বড লেখকের মুখে শ্রুতিতে
পাইবে, কেবল কথার নিন্দা। কথাট’ কিছু নহে, এ কথা
বুঝাইতে তিনি একটা মহাভারত বচনা করেন। এ-ই
বুঝা যায় যে, কথাটাই আগে, আর সব পরে। আদিতে
বাক্য ছিল, এ কথা বাইবেলে কিছু মিথ্যা বলে নি, আর
আমাদের শাস্ত্রে সেটা মানিবার যদি এখনও লোক থাকে,
তাহা হইলে ত কথাই সার—কথাই ব্রহ্ম, কথা থেকেই
সৃষ্টি, ঔকার ছাড়া এ সব দেশে ধর্ম-টর্ম কিছুই নাই।

* আশ্বিন মাসের মাসিকে হানাতাব হওয়ার কার্তিকের মাসকে
প্রকাশিত হইল।

সুরেন্দ্র বন্দ্যোপাধ্যায় ছিলেন এই কথার ভট্টচার্য্য,
অথচ তাঁহার মত কান-পাতলা লোক বাঙ্গালা দেশে
আমি আর একটাও দেখি নাই। কেবলই পকেট হই’ত
একটা বেলওয়ে ওষাচ বাহির কবিতো’ছন আর দিনের
মধ্যে তাঁ হার যে ৩৬ গণ্ড কাষ, তাব কোনটার উপরই
অ বচার না হয়, সে বিষয়ে সাবধান হই’ত’ছন। তিনি
এই নূতন হিন্দুস্থানটা গড়িয়া গিয়াছেন কেবল কথা
কহিয়া। সে কালে কেবল তাঁহার কথার তা’রফই
শুনা যাইত—তিনি একটা ডিম’স্থনিস—তিনি একটা
সিসিরো—তিনি একটা মিরাবো, তিনি একটা
গ্লাডষ্টোন, তিনি একটা পিট। এই সব দুনি-
য়ার বক্তার রাজার সঙ্গে তাঁহার তুলনা, কিন্তু
এ কথাটা বাহির হয় কোথা হইতে? কেবল ফাঁকা
আওয়াজে কি কিছু একটা গড়িয়া উঠে? একটা সুর
চাই—একটা তাল চাই, একটা ধরতা চাই, আব
সকলের “উপরে চাই” একটা ভাব। সুরেন্দ্রনাথের
বিলাতী বুগীর মধ্যে, বার্কসেরিডানের বুকনীর মধ্যে

ছিল একটা নির্ভাজ স্বদেশী ভাব। তিনি কখন পিতৃ-পিতামহের নাম ভুলেন নাই। তাই চট করিয়া সিভিলিয়ানের খোলস—সিভিলিয়ানের মেজাজ—সিভিলিয়ানের ধাত ছাড়িতে পারিয়াছিলেন। লোকটা ঠিক বাঙ্গালার তেলে-জলে গড়া ছিল। বিলাতে পিতার স্বত্বসংবাদ শুনিয়া তাঁহার যে অবস্থা হইয়াছিল, এ দেশে বাহারা পাশের পড়া পড়বার বেলা ছুনিয়া ভুলে যায়, তাহাদের ত সে রকম অবস্থা হয়ই না। সে কালে পঞ্চা-

নন্দ ঠাট্টা করিয়া সুরেন্দ্রকে বলিতেন সুরক্কু। সুরক্কুই বটে। এই বাঁশীর রক্কু রক্কু কেবল দেশী সুরই বাজিয়া উঠিত। সিভিলিয়ানী ছাড়িবার বছ পূর্বে হইতেই সুরেন্দ্রনাথ স্বদেশী। তাঁহার হাকিমী যাইবার কারণই হইতেছে—সে কালে 'ইংলিশম্যানের' কোন বড় সিভিলিয়ানের ভুলের কথা কওয়া। সে পুরোন কাসুন্দি আর ঘাঁটিয়া কাষ নাই। সুরেন্দ্রনাথের জীবনে বন্দি-বার কথা এইটুকু—বাহার ভিতর যাহা নাই, তাহার ভিতর তাহা গজায় না। এই দেশটা যে কত বড়, ভিতরে ভিতরে সে বিষয়ে তাঁহার

একটা গভীর রকমের বোধ ছিল। তাঁহার সেরা সেরা বক্তৃতায় দেখা যায় যে, যেমন করিয়া হউক, বৃদ্ধের নিষ্ক্রামণ এবং চৈতন্তের প্রেমের কথা পাড়িবেনই পাড়িবেন।

ইদানীং বক্তৃতা করিবার সময় "যদা যদা হি ধর্মস্ত" এটা মুখস্থ করিয়া লইয়া যাওয়াই চাই। বক্তৃতাতেও তিনি ব্রাইটের চেলা লালমোহনের মত ইংরাজী ধরণের বক্তা ছিলেন না। তিনি যে দেশের লোক, সেই দেশের প্রাণ বাহাতে পাওয়া যায়, সেইরূপ ছিল তাঁহার বক্তৃতার ভাবভঙ্গী।

কিন্তু যদিও সুরেন্দ্রনাথ বক্তৃতায়ই সাধারণের নিকট পরিচিত, আমি কিন্তু বক্তা সুরেন্দ্রনাথকে সুরেন্দ্রনাথই বলি না। আমি ব্রাহ্মণ সুরেন্দ্রনাথকে চিনি। যে গুণের অভাবের জন্য বিখ্যামিত্র সৃষ্টিশক্তি লাভ করিলেও বশিষ্ঠ তাঁহাকে ব্রাহ্মণ বলিয়া স্বীকার করেন নাই, সেই ক্ষমা গুণ সুরেন্দ্র-চরিত্রের মেরুদণ্ডে বলিলেও হয়।

আমাদের বড়লোকদের মধ্যে সুরেন্দ্র বাবুর মত কেহ গালাগালি খাইয়াছেন কি না, জানি না। কেবল

আজই যে লোক তাঁহাকে গালাগালি দিতেছে, তাহা নহে, তিনি আজীবনই গালাগালি খাইয়া আসিয়াছেন; কিন্তু সুরেন্দ্রনাথ কখনও 'উতোর' গান নি। তাঁহার কথাই ছিল, 'আমার পিঠটা এত বড় চওড়া, কে ক বা মারবে, মারুক না।' যে তাঁহাকে ন-কড়া ছ-কড়া করিয়াছে, সেও তাঁহার কাছে যাইলে তিনি তাহাকে বাবু-বাছা করিয়াছেন। একরূপ নিরভিমান হওয়া কি চারটিখানি কথা! জন্ম-জন্মান্তরের কত সাধনার ফলে দুর্গাচরণের উদার প্রাণটাকে খাঁটি দেশী-ভাবের ছাঁচে ঢালিয়া ভগ-



সুরেন্দ্রনাথের জ্যেষ্ঠা কস্তা শ্রীমতী সুনীলা দেবী

বান্ সুরেন্দ্রনাথকে বাঙ্গালার পাঠাইয়াছিলেন, বাহারা তাঁহার সঙ্গে ঘর করিয়াছে, তাহারাই তাহা জানে।

আজ যে এই অর্ধশতাব্দীকাল গঙ্গাবাস এবং অস্তিম্বে সেই গঙ্গার বুকে মিলাইয়া যাওয়া—ইহা কেবল ভাগীরথী-পুত্র আৰ্য্য সভ্যতার সত্য ও সরল সেবকের পক্ষেই সম্ভব। তাই বলি, তাঁহার কথার পিছনে ছিল এমন একটা ভারতীয় ভাবের নিবিড় স্পর্শ, যাহা তিনি নিজেরও ভাল করিয়া বঝিতেন না; কা কথা স্মরণ্যাম্।

শ্রীশ্রীমসুন্দর চক্রবর্তী।

দেশনায়কের তিরোধান

অতর্কিতে সুরেন্দ্রনাথ মহাপ্রস্থান করিলেন। মৃত্যুর কোনও ইঙ্গিত নাই, পূর্বাভাস নাই। ব্যাধির মানি তাঁহাকে স্পর্শ করিবার পূর্বেই তিনি চলিয়া গেলেন। মরণজঙ্গল আশ্রয় নিকট জরা ও মৃত্যুর এইখানে নতি স্বীকার। যখন শুনিলাম, তিনি আর ইহজগতে নাই, তাঁহার চিরপ্রিয় দেশমাতৃকার নিকট চিরবিদায় লইয়াছেন, তখন যেন আকাশবাণী কর্ণে প্রবেশ করিল :—

‘হায়, আজ সুরেন্দ্রনাথ অন্তর্কিত হইয়াছেন, ভারতের আলোক নির্ঝাপিত হইল!’

বাস্তবিক তিনি ভারতের আলোকস্বরূপ ছিলেন। দেশ যখন অমানিশার গাঢ় অন্ধকারে সমাচ্ছন্ন, ধ্বংসরাশি দেশবাসীর বুকের উপর পুঞ্জীভূত হইয়া তাহাদিগকে অসাড় ও নির্জীব করিয়াছিল, তখন আলোকবস্তিকা হস্তে তিনি পাণ্ড-প্রদর্শকরূপে আবির্ভূত হইয়াছিলেন। তাঁহার অঙ্গুলি-সঙ্কেতে দেশবাসী মুক্তির পথের সন্ধান পাইয়াছিলেন। তাঁহার কণ্ঠে যে বাণী নিনাদিত হইয়াছিল, তদ্বারা তন্দ্রাতুর দেশবাসীর চমক ভাঙ্গিয়াছিল, জাড়া ও ভীকতা পরিহার করিয়া স্বরাজসিদ্ধির পথে অগ্রসর হইতে পারিয়াছিলেন।

যে দিন সুরেন্দ্রনাথ চাকরীর বন্ধন হইতে মুক্ত হইয়া আপনার সকল চেষ্টা, সকল সাধনা দেশকে জাগাইবার কার্যে নিয়োজিত করিলেন, ভারতের ইতিহাসে তাহা একটি স্বর্ণীয় দিন। তাঁহার পূর্বে এরূপভাবে দেশের কাছে আপনাকে নিঃশেষে বিলাইয়া দিবার চেষ্টা কেহ করেন নাই। দেশজননীকে তিনি যথার্থই বলিতে

পারিয়াছিলেন, “অন্তের অনেক আছে, আমার কেবল তুমি গো।” তাঁহার আইনব্যবসায় ছিল না, ছিল কেবল হস্তে গুরুমহাশয়ের বেত্রদণ্ড ও সম্পাদকের লেখনী। এই দুইটি অস্ত্রের প্রভাবে পরিশেষে তিনি জয়ী হইতে পারিয়াছিলেন। শিক্ষকরূপে তিনি দেশের আশাস্তম্ভ যুবকসম্প্রদায়কে মাতৃমন্ত্রে দীক্ষিত করিয়াছিলেন। দেশাশ্রবোধের বীজ তিনি যাহা বপন করিয়া-



সুরেন্দ্রনাথের দৌহিত্র ভাণ্ডারানন্দ মুখোপাধ্যায় ও দেশবন্ধুর কন্যা কল্যাণী দেবী

ছিলেন, আজ তাহা শ্রীভগবানের আশীর্ষাদে বিশাল মহীকূহে পরিণত হইয়াছে। যখন তিনি সম্পাদকরূপে কর্মক্ষেত্রে অবতীর্ণ হইলেন, তখন লোকমতের প্রভাব বিশেষভাবে পরিলক্ষিত হইত না। ক্ষীণা শ্রোতস্থিনীর স্রাব তাহা প্রবাহিত হইত। আজ দেখিতে পাই, বর্ষার বারিপাতে ক্ষীণ, ফেনিল, জলরাশিবহুল বিশাল-কায়া নদীর স্রাব হুকুল প্রাবৃত করিয়া লোকমত উচ্ছ্বসিত হইয়াছে, তাহার গতিরোধ করিবার চেষ্টা করিলে ঐরাবতও ভাসিয়া যাইবে। সুরেন্দ্রনাথের সৌভাগ্য যে, এই মহানুদৃশ্য তিনি দেখিয়া গিয়াছেন। এই কার্যে অনেক

মহারথের কৃতিত্ব আমরা নিরূপণ করিতে পারি। তন্মধ্যে তিনি উচ্চ গৌরবময় আসনে চিরদিন অধিষ্ঠিত থাকিবেন।

জীবনে তিনি কখনও পরাজয় স্বীকার করেন নাই। যখন তিনি প্রথম যৌবনে পদার্পণ করেন, আত্মীয়-স্বজন হইতে বিচ্ছিন্ন হইয়া সূদূর বিদেশে শিক্ষার্থীভাবে বাস করিতেছিলেন, তখন রম্য লইয়া এক বিমম বাধা তাঁহার সমক্ষে উপস্থিত হইল। কিন্তু তিনি দমিবার

পাত্র ছিলেন না, আদালতের আশ্রয় গ্রহণ করিয়া সেই বিষয় অপসারিত করেন। সিভিল সার্ভিসের গভী হইতে নিষ্কাশিত হইলে সকলে মনে করিল, তাঁহার ভবিষ্যৎ চূর্ণ হইয়া গেল, তাঁহার আশা-ভরসা ধূলিসাৎ হইল। তিনি দেখাইলেন, এত দিন অকর্ম লইয়া তিনি বাস্তব ছিলেন, এইবার কাষের মত কার্য গ্রহণ করিলেন—যাহার উপর তাঁহার বিশাল ব্যক্তিত্বের ছাপ রাখিয়া যাইবেন। এই কর্মের শুরু স্বরণ করিয়া তিনি সাহসে দারিদ্র্য বরণ করিয়া লইলেন। হৃদয়ের রক্ত দিয়া তিনি তাঁহার বড় সাধের রিপণ কলেজ ও “বেঙ্গলী” পত্র গঠিত করিয়াছিলেন। অভাবের তাড়নায় নিঃস্পষ্ট হইয়াও তিনি দেশের মুখ চাহিয়া এই আশ্বাসসাধা কর্ম হইতে বিরত হইলেন নাই। প্রথম-জীবনের কঠোর সংগ্রামের স্মৃতি চিরদিনই তাঁহার হৃদয়ে জাগরুক ছিল। পরবর্তী কালে ভাগ্যলক্ষী তাঁহার প্রতি প্রসন্ন হইলেও সোনার বোতাম, চেন, সুদৃশ্য কলার প্রভৃতি বিলাসের উপকরণ কখনও ব্যবহার করেন নাই। পানের ডিবার স্থায় একটা ঘড়ী সর্বদা পকেটে থাকিত, অনেক সময় পিরিহাণ বোতামের অভাবে সূতা দিয়া বন্ধন করিতেন, কিন্তু সোনার চেন, বোতাম প্রভৃতি ব্যবহার করিতে অমুরোধ করিলে শিহরিয়া উঠিতেন। চিরদিনই পোষাক-পরিচ্ছদে আড়ম্বর তাঁহার আদৌ ছিল না। বাড়ীতে আসবাব-পত্রের শুরুভারে প্রপীড়িত হওয়া তিনি বিড়ম্বনা বলিয়া মনে করিতেন। সিভিলিয়ান হইয়াও বা বিলাতে গিয়া তিনি কখনও ইংরাজী পরিচ্ছদ ধারণ করেন নাই। ক্রীহটে ভয়েন্ট ম্যাজিষ্ট্রেটের কর্ম করিবার সময় তিনি লম্বা কোট ও Beaver cap ব্যবহার করিতেন। সাহেবিয়ানার ময়ূরপুচ্ছ ধারণ করিবার সাধ তাঁহার কখনও ছিল না।

কর্মই তাঁহার আনন্দ, কর্মই তাঁহার ভূষি। ঘড়ী ধরা কাষ করিয়া সুনিয়ন্ত্রিত জীবন যাপন, ইহাই তাঁহার চিরদিনের অভ্যাস। যখন কর্মে ব্যাপৃত থাকিতেন, সেই সময়ে প্রিয়তম বন্ধু বা নিকটতম আত্মীয়সমাগমে তাঁহার আরক কার্যের ব্যাঘাত লক্ষ্য করিয়া বিরক্ত হইতেন। বাস্তবিক তাঁহার প্রতি



সুরেন্দ্রনাথের দৌহিত্র
ভাগ্যরানন্দের পুত্র প্রবীরকুমার

“কর্ম যোগী” আখ্যা সুপ্রযুক্ত। দেশমাতৃকার সেবা, ইহাই ছিল তাঁহার ধর্ম। অবশ্য ভগবানের জাগতিক বিধানে তাঁহার প্রগাঢ় বিশ্বাস ছিল। সমাজের বন্ধে ও বিশ্বের লীলায়িত গতিতে নৈতিক ও আধ্যাত্মিক শক্তির স্মরণ তিনি প্রায়ই উল্লেখ করিতেন। এই শক্তি হইতে শক্তিমান পুরুষকে অবধারণ কেবল আর একটি সোপানসাপেক্ষ, বিশ্বদেব তাঁহার কাছে দেশমাতৃকার বেশে দেখা দিয়াছিলেন। তাই তিনি বলিতেন যে, the service of the motherland is

the highest form of religion—it is the truest service of god. দেশসেবার মাহাত্ম্য কিরূপ তাঁহার চিত্তকে অভিভূত করিয়াছিল, ইহা হইতে তাহা স্পষ্টই প্রতিভাত হয়। এই সেবার আবেষ্টনের মধ্যে থাকিতে তিনি বড় ভালবাসিতেন। মাতৃভূমির উন্নতিসাধন, দেশবাসীর স্বরাজসাধনায় সিদ্ধি—ইহা ছাড়া অপর কোনও কাম্য তাঁহার ছিল না। তাই প্রথর কর্মসাধনার প্রদীপ্ত হোমানল দেশের বৃকে তিনি জ্বালাইয়াছিলেন। অপরিমিত শক্তির অধিকারী হইয়া সেই শক্তি মাতৃ-চরণে নিবেদিত করিয়াছিলেন। মেধায় ও মনোবায় সমৃদ্ধ, বাগ্‌বিভূতি সম্পর্কে অতুলনীয়, বহুমুখী প্রতিভায় সমলঙ্কৃত এবং বিরাট ও বিশাল ব্যক্তিত্বসম্পন্ন এই মহাপুরুষ জগতের সমক্ষে ভারতবাসীর মর্যাদা বৃদ্ধি করিয়া গিয়াছেন। জীবনে কখনও তিনি আরাম চাহেন নাই। তাঁহার আদর্শ ছিল - to die in harness এনং ভগবান্ তাঁহার এই সাধ পূর্ণ করিয়াছেন। শুধু কামোদ-প্রমোদে যোগ দিবার সময় বা বাসনা তাঁহার

কখনও ছিল না। থিয়েটার সিনেমা প্রভৃতি দর্শন, এ দেশে বা বিলাতে তিনি কখনও করেন নাই। অপরের রসিকতার তাঁহার আনন্দের উৎস উন্মুক্ত হইত। তিনি বথার্থ রসগ্রাহী ছিলেন, কিন্তু মিছা ক'বে সময় নষ্ট করা তাঁহার পক্ষে অসম্ভব ছিল।

তাঁহার জীবনে নিরাশার ছায়া কখনও পড়ে নাই। যখন মেঘমেঘরাঘর, চারিদিকেই ঘনবটা, বিপদ ভ্রুকটভঞ্জে তাঁহার দিকে চাঙিতেছে, তখনও তাঁহার উচ্চম, উৎসাহ যুবকদিগকেও পরাভূত করিত। বাহারা সবুজ ও কাঁচা, তাঁহাদিগের সান্নিধ্যে প্রতিদিন এই সময় ক্ষেপণ করিয়া তিনি চিবনবীন ছিলেন—বারুক্য তাঁহার মনকে কখনও আশ্রয় করিতে পারে নাই। এই যুব জনসুলভ বিপুল উৎসাহ তাঁহার কর্মময় জীবনের ইকন যোগাইয়াছিল। বুকভরা উৎসাহ লইয়া তিনি দেশের এক প্রান্ত হইতে অপর প্রান্তে ছুটাছুটি করিয়া দেশ-বাসীকে আশার বাণী শুনাইয়া গিয়াছেন। তাঁহার বজ্রগম্ভীর কর্ণ স্বর বিশ্ব সৈ স্থির, অচঞ্চল। তিনি সমস্ত হৃদয় দিয়া বিশ্বাস করিতেন যে, ভারতের দুঃখের অমানিশা প্রভাতের স্নিগ্ধ আলোকে বিলীন হইবে, স্বরাজ-স্বর্ষা হাসি দিয়া, আলো দিয়া আবার দেশ-বাসীকে ছনিয়ার বৃকে সু প্রতিষ্ঠিত করবে। এই বিশ্বাস তিনি মর্মে মর্মে পোষণ করিতেন, এই অটুট বিশ্বাস তাঁহার সকল কর্মের মধ্যে উৎসারিত হইয়াছিল। তাই তাঁহার সকল কাষেই এক প্রচণ্ড উদ্বেজনা ছিল,— বাহার উত্তাপ সকলেই অনুভব করিয়া ধন্ত হইত। দেশের জন্ত তাঁহার বাখা ও ব্যাকুলতা, দেশের দুর্দশা দূর করিবার তাঁহার আগ্রহ—এ সকলের উৎস ছিল স্বদেশীয়ের প্রতি তাঁহার প্রগাঢ় বিশ্বাস ও দেশের প্রতি অপারিসীম ভালবাসা। তাই যখন সকলে ঘুমঘোরে আচ্ছন্ন, অবসাদে দুর্বল ও নিস্তব্ধ সেই সূদূর অতীতে তিনি বংশীধ্বনি করিয়া দেশান্ত্রবোধ ও জাত্যাশ্রবোধ জাগাইবার জন্য এক অভিনব উদ্গাদনা আনিয়াছিলেন। এ যে কি উদ্গাদনা, তা বাহারা ইঁহার সংস্পর্শে আসিয়া-ছেন, তাঁহারাই বলিতে পারেন। তাঁহার বাণী মরমে

প্রবেশ করিয়া প্রাণকে আকুল করিয়া দিত। সকলেই বুঝল, আবার ভগীরথ শব্দ বাজাইয়া এক নূতন ভাবগঙ্গা আনয়ন করিয়াছেন, এই শব্দধ্বনি যে-ই শুনিয়াছে, সে-ই মজিয়াছে।

।হল এক দিন—যখন বাঙ্গালী ভারতের শীর্ষস্থানীয় ছিল, অল্প জাতির কাছে মনীষার গর্বে ক্ষীণবন্ধ হইতে পারিত। আজ “তে হি নো দিবসা গতাঃ।” তখন সুরেন্দ্রনাথকে দেখাইয়া প্লাব ও স্পর্কার সহিত বাঙ্গালী বলিত, দেখ দেশ, এই আমাদের শিক্ষাদীকার শ্রেষ্ঠ উৎকর্ষ, নবভারতের নব আদর্শ সর্বতোভাবে অনু-প্রাণিত, স্বজাতি প্রেমের পূর্ণতার বিস্তার, জাতীয়তার গৌরবে উন্নতশির—এই মহাপুরুষকে একবার নয়নপ্রাণ ভরিয়া দেখ।

তাঁহার পর শেষ জীবনে সুরেন্দ্রনাথ হইলেন নীলকণ্ঠ। তাঁহার হাতেগড়া লোক তাঁহাকে লক্ষ্য করিয়া কত তীব্র বিষ উদ্গার করিয়াছে। কিন্তু তিনি হাসিমুখে সব সহিয়া-ছেন, তাঁহার হাসির আড়ালে বিষাদ বা তিক্ততা ছিল না। নীলকণ্ঠ সব বিষ কণ্ঠে ধারণ করিয়া আপন কর্তব্য পালন করিয়া গিয়াছেন।

আত্মশক্তিতে তাঁহার অসীম প্রত্যয়, ইহা যদি আমা-দের মধ্যে সঞ্চারিত হয়, তাহা হইলে স্বরাজ অচিরলভ্য হইবে!

এক দিন সুরেন্দ্রনাথ ভারতবাসীর হৃদয়-রাজ্যের দেবতা, মনোরাজ্যের অধীশ্বর ছিলেন। আবার শুভদিন আসিবে—যখন আমরা তাঁহাকে বথার্থভাবে বুঝিব, পঞ্চাশৎ বর্ষ ধরিয়া তিনি যে কার্য অবিচলিত নির্ভী ও উচ্চমের সহিত করিয়া গিয়াছেন, তাহার অবদান দেশবাসীর প্রদান চিন্তে চিরভাষ্য হইয়া থাকিবে।

আজ কর্মী শাস্তির ক্রোড়ে আশ্রয়লাভ করিয়াছেন। জীবনে যে বিক্রাম তিনি ভোগ করেন নাই, আজ সেই চিরবিক্রামে তিনি মগ্ন। কিন্তু কালের রথচক্রের উপর তিনি যে কীর্তি-বৈজয়ন্তী উড্ডীন করিয়া গিয়াছেন, তাহা কখনও স্থগিত হইবার নহে।

শ্রীশচীন্দ্রনাথ মুখোপাধ্যায়।

সুরেন্দ্রনাথের লোকান্তর

বর্তমান ভারতের রাজনৈতিক শিক্ষাগুরু, বাঙ্গালীর জীবনে নবতাবের মন্ত্রদাতা, দেশে মুক্তি-সময়ের উন্মাদনার সৃষ্টিকর্তা, জ্ঞানবৃক্ষ, কর্মবীর সুরেন্দ্রনাথ সমগ্র জাতিকে শোক-সাগরে ভাসাইয়া গত ২২শে শ্রাবণ বৃহস্পতিবার মধ্যাহ্নে মহাপ্রাণ করিয়াছেন। আজ অর্ধশতাব্দী ব্যাপিয়া যে পুরুষ সিংহের দুর্জয় দুনিবার শক্তি ভারতের রাজনীতিক্ষেত্রে সুবাগ্মী, লেখক, রাজনৈতিক, শিক্ষক, নাটক ও গুরুরূপে শক্তিশালী পরাধীন তন্ত্র-অভিভূত জাতিকে জীমূতমন্ত্রে স্বাধীনতার মাদকতা-বাণী শুনাইয়া আসিয়াছে, জীবনের সায়াহ্নেও তাঁহার কর্মশক্তি পূর্ণোৎসাহে দেশসেবার নিয়োজিত ছিল, জন্মভূমির উজ্জ্বল ভবিষ্যৎ সম্বন্ধে যাহার আশার আলোকরশ্মি কখনও হীনতেজ হয় নাই, আজীবন যিনি আপনার দেশকে জগতের দৃষ্টিতে মহৎ বলিয়া প্রতিপন্ন করিবার নিমিত্ত আয়াস স্বীকার করিয়া আসিয়াছেন, যিনি এক দিন এই বাঙ্গালার ও বাঙ্গালী জাতির হৃদয়ের মুকুটহীন রাজা বলিয়া প্রজ্ঞাপ্রীতি ভরে অভিনন্দিত হইয়াছিলেন, যাহার আন্তরিক চেষ্টায় দেশের তরুণ-সম্প্রদায় দেশপ্রেমে অহুপ্রাণিত হইয়া রাজনীতি-চর্চা বরণ করিয়া লইয়াছিল, যাহার



বঙ্গভঙ্গ আন্দোলনে দেশপূজা সুরেন্দ্রনাথ

উৎসাহ-উত্তমের কলে ভারতের বিভিন্ন সম্প্রদায় ও বিভিন্ন ধর্মাবলম্বীর মধ্যে একতা ও জাতীয়তার বীজ উপস্থিত হইয়াছিল,—আজ তাঁহার কক্ষকণ্ঠ নিষ্ঠুর কালের দণ্ডে নীরব. এ কথা সহসা বিশ্বাস করিতেও মন উঠে না। জন্মভূমি যে যত্নে বঞ্চিত হইলেন, সে অভাব কোনও যুগে পূর্ণ হইবে, এমন ত মনে করা যায় না। তবে সাহস! এই, সুরেন্দ্রনাথ, পরিণতবয়সে ঐহলোক ত্যাগ করিয়াছেন,—তিনি জীবনে যে মহৎ কার্যভার

গ্রহণ করিয়া আমাদের মধ্যে অবতীর্ণ হইয়াছিলেন, সে কার্যভার অসম্পূর্ণ রাখিয়া যাবেন নাই। তাঁহার জীবনের ব্রত সফল হইয়াছে—জাতি তাঁহার মহামন্ত্রে উদ্বুদ্ধ হইয়াছে।

সুরেন্দ্রনাথ যে সময়ে কর্মক্ষেত্রে প্রবেশ করেন, সে সময়ে এ দেশের কয় জন লোক রাজনীতিচর্চা করিতেন? সংসারধর্ম প্রতিপালন করিয়া, রাজার কর দিয়া, আইন মানিয়া এবং নিজ নিজ পৈতৃক ধর্মকর্ম অক্ষুণ্ণ রাখিয়া এই নখর জীবন ইহকালে অতিবাহিত করিয়া যাওয়াই তখন দেশের আপামরসাধারণের লক্ষ্য ছিল।

স্বজাতি, স্বদেশ, স্বায়ত্তশাসন, মুক্তি,—এ সকল কথা তখন কেহ জানিত কি না সন্দেহ। সুরেন্দ্রনাথ গুরুরূপে স্বদেশ ও মুক্তির বাণী দেশে আনয়ন করিলেন।

সুরেন্দ্রনাথের পূর্বে হরিশচন্দ্র মুখোপাধ্যায় ও রামগোপাল ঘোষ অন্তর্মিত হইয়াছেন, উমেশচন্দ্র বন্দ্যোপাধ্যায়, কালীচরণ বন্দ্যোপাধ্যায়, দাদা-ভাই নোরোজী, ফেরোজশা মেটা প্রভৃতি কয়জন রাজনৈতিক সুরেন্দ্রনাথের রাজনীতিক্ষেত্রে আবির্ভাবকালে ভারতবাসীর প্রাণে নূতন নূতন আশার বাণী পৌছাইয়া দিতে

আরম্ভ করিয়াছেন। সুরেন্দ্রনাথ তাঁহার কার্যে সহায় পাইলেন আনন্দমোহন বসুকে। তাঁহাদের যত্নে ও উদ্বোধনে প্রতিষ্ঠিত 'ভারত সভা' এ দেশে প্রথম রাজনৈতিক শিক্ষা-প্রতিষ্ঠান বলিলে অত্যাঙ্গু হয় না।

সুরেন্দ্রনাথ অসাধারণ বাগ্মী ছিলেন, তাঁহার স্তায় বাগ্মী (ইংরাজী ভাষায় এক কেশবচন্দ্র ও বিবেকানন্দ ব্যতীত) এ দেশে আর কেহ জন্মগ্রহণ করিয়াছেন বলিয়া মনে হয় না। তাঁহাকে অনেক গ্রীসবাসী

(জগতের শ্রেষ্ঠ বাগ্মী বলিয়া গৃহীত) ডিমসথিনিসের সহিত তুলনা করিয়া থাকেন। শুনা যায়, বহু শ্রেষ্ঠ ইংরাজ রাজনৈতিক ঠাঁহাকে ফক্স, পিট, সেরিডানের সহিত তুলনা করেন। বিলাতে বাসকালে ঠাঁহার বক্তৃতায় গ্লাডষ্টোন প্রমুখ মনীষীরা মুগ্ধ হইয়াছিলেন এবং সে জন্ত অনেক সময়ে ঠাঁহার পক্ষাবলম্বন করিয়া ভারতের স্বার্থরক্ষার জন্ত আত্মশক্তি নিয়োজিত করিয়াছিলেন। একবার বিলাতে এক সভায় কোনও ইংরাজ বক্তা

ভারতের লোককে অসভ্য ও ভারতের আচার ব্যবহারকে বর্করোচিত বলিয়া তাহাদের উপর কটাক্ষপাত করিয়াছিলেন। বিলাতে বিদ্যালয়শিক্ষার্থী যুবক সুরেন্দ্রনাথ সেই সভায় উপস্থিত ছিলেন। স্বদেশ ও স্বজাতির অযথা নিন্দা শুনিয়া সুরেন্দ্রনাথ স্থির থাকিতে পারেন নাই। তিনি সেই বক্তৃতার জবাবে বলেন, “যখন পূর্ব বক্তার পুরুষরা গাছের ডালে ডালে বেড়াইতেন, আম-মাংসে উদরপূর্তি করিতেন, বিবাহ কাহাকে বলে, জানিতেন না, তখন ভারতের ঋষিরা জ্ঞানবিজ্ঞানচর্চায় যে কৃতিত্ব প্রদর্শন করিয়া গিয়াছেন, তাহার তুলনা আজিও খুঁজিয়া

পাওয়া যায় না।” সভামধ্যে হুলস্থূল পড়িয়া যায়। অসংখ্য ইংরাজ শ্রোতার মধ্যে কে এই সাহসী বিদেশী যুবা ইংরাজকে এরূপ ভাবে বর্ণনা করে! নির্ভীক তেজস্বী সুরেন্দ্রনাথের তখন মুখ-চক্ষু দিয়া অগ্নি নির্গত হইতেছিল। স্বজাতির অপমান—স্বদেশের অপমান,—সুরেন্দ্রনাথ তাহা সহ্য করিবেন? সে বক্তৃতায় ইংরাজ শ্রোতৃমণ্ডলী গালি খাইয়াও মুগ্ধ হইয়াছিল, ঠাঁহা সহিত পরিচয় করিতে চাহিয়াছিল। আর একবার কলিকাতার টাউন হলে সাম্রাজ্যী ভিক্টোরিয়ার

মৃত্যুর শোকসভায় সুরেন্দ্রনাথ যে বক্তৃতা করিয়াছিলেন, তাহাতে অতি বড় দার্শনিক বক্তা লর্ড কার্জনও স্তম্ভিত হইয়াছিলেন, লেডী কার্জন স্বয়ং মুগ্ধ হইয়া ঘন ঘন করতালি দিয়াছিলেন। কোনও ইংরাজ সংবাদপত্রসেবী বিলাতে ঠাঁহার একটিমাত্র বক্তৃতা শুনিয়া বিস্ময়ে স্তম্ভিত হইয়া বলিয়াছিলেন,—“Experienced speakers in and out of Parliament found in the Babu a deal which recalled the sonorous thunders of

a William Pitt: the dialectical skill of a Fox, the rich fulness of illustration of a Burke, the keen wit of a Sheridan, * * He has just followed in the wake of the greatest orators of the world, of Cicero of Rome, of Pitt of England and of Mirabeau of France.” এমন অবাচিত উদার উন্মুক্ত প্রশংসা এ দেশবাসী অল্প কাহারও ভাগ্যে ঘটিয়াছে বলিয়া আমার জানা নাই।

ইলবার্ট বিলের সময়, মিউনিসিপ্যাল (ম্যাকেলি) আইনের সময়, বঙ্গভঙ্গ ও স্বদেশীর সময়,—সুরেন্দ্রনাথের

সিংহনাদে কে না মুগ্ধ হইয়াছে? পাস্তির মাঠে বক্তৃতা-কালে জনসভ্য এত উত্তেজিত হইয়াছিল যে, ঠাঁহাকে মাথায় করিয়া নৃত্য করিতে উদ্যত হইয়াছিল। সুরেন্দ্রনাথ ঠাঁহার এই বিধিভঙ্গ অসাধারণ ক্ষমতা দেশের লোকের রাজনীতিশিক্ষায় এবং ছাত্রদিগের রাজনীতিশিক্ষায় নিযুক্ত করিয়াছিলেন।

সুরেন্দ্রনাথ সেই দিনে শিক্ষাক্ষেত্রে উপনীত হইয়া দেশবাসীর ও তথা ছাত্রসমাজের মোহনিদ্রা ঘুচাইয়াছিলেন। শিক্ষিত ভারতবাসীকে তিনি বুঝাইয়াছিলেন



সুরেন্দ্রনাথের কন্যা শ্রীমতী সরস্বতী দেবী

বে, রাজনীতিক্ষেত্রে ইংরাজের অল্পস্বত নীতি অত্রান্ত বা পাপস্পর্শহীন নহে। তিনিই বুঝাইয়াছিলেন যে, “আজ যিনি ছাত্র, কাল তিনি নাগরিক। নাগরিক জীবনে তাঁহাকে যে কার্য্য করিতে হইবে, ছাত্রজীবনে তাঁহাকে তাহাই শিক্ষা করিতে হইবে। নাগরিক হইয়া তাঁহাকে যে জন্মগত অধিকার রক্ষা করিবার জন্ত বদ্ধ করিতে হইবে, ছাত্রজীবনে সেই অধিকার শিক্ষা করিতে হইবে। সুতরাং ছাত্রের পক্ষে রাজনীতি-চর্চা বর্জনীয় নহে, বরং প্রয়োজনীয়।” দেশে এই যে রাজনৈতিক অধিকারলাভের চেষ্টায় জাতিকে উদ্ভুদ্ধ করা—ইহার মূলই ছিলেন সুরেন্দ্রনাথ। তাঁহার সময়ে আরও অনেক নেতা ছিলেন, কিন্তু সেই নেতৃবর্গের মধ্যে সুরেন্দ্রনাথই প্রথমে রাজনীতির আলোচনার দেশকে উদ্ভুদ্ধ করিবার নিমিত্ত ভারতের নানা স্থানে অনলবর্ষিণী বক্তৃতা করিয়াছিলেন। ইহাই পরে ইণ্ডিয়ান ক্রাশনাল কংগ্রেসের ভিত্তি-প্রতিষ্ঠার মূল। সার হেনরী কটন তাঁহার ‘নিউ ইণ্ডিয়া’ গ্রন্থে এ কথা শত মুখে স্বীকার করিয়া গিয়াছেন।

পণ্ডিত শ্রামসুন্দর চক্রবর্তী সুরেন্দ্রনাথের চরিতকথা বিবৃত করিবার কালে লিখিয়াছেন, He was the maker of us all. তিনি আমাদের সকলকে হাতে গড়িয়া মানুষ করিয়া তুলিয়াছেন। এ কথা খাঁটি সত্য। অরিনী-কুবার দত্ত, আশুতোষ চৌধুরী, আশুতোষ মুখোপাধ্যায়, ভূপেন্দ্রনাথ বসু, চিত্তরঞ্জন দাশ, বিপিনচন্দ্র পাল, অরবিন্দ ঘোষ, শ্রামসুন্দর চক্রবর্তী,—মনোবী বাঙ্গালীর মধ্যে এমন কে আছেন, যিনি বলিতে পারেন, কোন না কোন সময়ে তিনি সুরেন্দ্রনাথের প্রভাব অনুভব করেন নাই?—তাঁহার জনস্বার্থবোধী বক্তৃতার মুগ্ধ হইয়া নাই? অর্ধ-শতাব্দী ব্যাপিয়া সুরেন্দ্রনাথের রচনা ও বক্তৃতা কেবল বাঙ্গালার নহে, সমগ্র ভারতের তরুণ-সম্মুখকে ওতপ্রোতভাবে প্রভাবিত করিয়া আসিয়াছে, এ কথা অবশ্যই স্বীকার করিতে হইবে। পরে হয় ত



সুরেন্দ্রনাথের দৌহিত্রী সত্য

কেহ কেহ তাঁহার গৃহীত পথ হইতে ভিন্ন পথে চলিয়া গিয়াছেন, কিন্তু প্রথম তাঁহার। যে সুরেন্দ্রনাথের রাজনৈতিক ভূমিদর্শনের এবং শিক্ষার উৎস হইতে প্রেরণা সংগ্ৰহ করিয়াছেন, তাহা কি কেহ স্বীকার করিতে পারেন? সুরেন্দ্রনাথ যদি জন্মগ্রহণ না করিতেন, তাহা হইলে এ দেশের রাজনীতি-চর্চা হয় ত কথার কথায় পর্য্যবসিত হইত—দেশের রাজনীতিক্ষেত্রে সুরেন্দ্রনাথের এমনই প্রভাব!

সুরেন্দ্রনাথের এই প্রভাবের উৎস কোথায়? সুরেন্দ্রনাথ এক বিরাট রাজনৈতিক বক্তা বলিয়াই কি তাঁহার প্রভাব দেশবাসীর উপর বিস্তৃত হইয়াছিল? না, কেবল সে জন্ত নহে, সুরেন্দ্রনাথের রাজনৈতিক বক্তৃতার ভিত্তি ছিল দেশ-প্রেম। জগতে যাহারা বিখ্যাত বক্তা বলিয়া চিরস্মরণীয় হইয়া রহিয়াছেন, তাঁহারা সকলেই দেশ-প্রেমিক। দেশপ্রেমের উদ্দাননা না থাকিলে বক্তৃতার

ঐশ্বরিক প্রভাবের মত প্রভাব অশ্রুত হয় না। বার্ক, নিট, সের্ভিডান, দাঁতো, মিরাবো, কাভুর, মাটজিনি,— সকলেই দেশপ্রেমিক ছিলেন। স্বরেঙ্গনাথও তাঁহাদের মত দেশপ্রেমিক ছিলেন। অতি শুভক্ষণে এ দেশের আমলাতন্ত্র সরকার তাঁহাকে সরকারী সিবিলিয়ানী চাকরী হইতে বরখাস্ত করিয়াছিলেন। বিভাড়িত সিবিলিয়ান স্বরেঙ্গনাথের মনে তদবধি বিজিত পরাধীন জাতির অতৃপ্ত আকাঙ্ক্ষা ও অসহনীয় বেদনার সুর বাজিয়া উঠে। স্বরেঙ্গনাথ সেই সুরের দ্বারা বিজিত পদানত দেশবাসীর আশা-আকাঙ্ক্ষার সুরে আঘাত করিয়াছিলেন, তাই সেই সুরে সুর বাজিয়া উঠিয়াছিল।

বিজিত জাতির পরনির্ভরতার অপমানের জ্বালা তুষানলের মত ধিকি ধিকি জ্বলিয়া থাকে; সামাজ্য বায়ু-তাড়নার তাহা দাউ দাউ জ্বলিয়া উঠে। স্বরেঙ্গনাথের মনে যে অপমানের অগ্নি ধিকি ধিকি জ্বলিতেছিল, বঙ্গভঙ্গের সময়ে তাহা বিগট অগ্নিকাণ্ডে পরিণত হইয়াছিল। ১৯০৫ হইতে ১৯১১ পৃথিবীর বাঙ্গালার ইতিহাস সেই অগ্নিকাণ্ডের সাক্ষ্য প্রদান করিবে। স্বরেঙ্গনাথ সে সময়ে দেশবাসীর মনে যে প্রভাব বিস্তার করিয়াছিলেন, তাহার তুলনা খুঁজিয়া কোথায় পাইব? ফলাবী শাসনের গর্থা পুণ্ড্রের অত্যাচার, ফলাবীর 'সুরা ত্রয়' রণীর' শাসন-নাতির বিষময় ফল, বরিশালের লাটের শীমারে নেতৃবর্গের অপমান, বরিশাল কন্সার্নস তন্ত্র, হেজ্জাসেবকগুণের উপর পুলিশের লাঠি, স্বরেঙ্গনাথের গ্রেপ্তার, নেতৃবর্গের আটক,—এ সকলব বিবরণ এখানে নিম্প্রয়োজন। তবে এ কথা বলিলেই যথেষ্ট হইবে যে, বিজিত পরাধীন জাতির পুঞ্জীভূত অসন্তোষ আকার ধারণ করিয়া বিপ্লববাদের মূর্তিতে দেখা দিল। স্বরেঙ্গনাথ সে সময়ে নেতৃত্বপে দেশকে কি ভাবে চালাইয়াছিলেন এবং দেশের লোক সে সময়ে তাঁহাকে কিরূপ রাজসম্মান প্রদান করিয়াছিল, তাহা কাহারও অবদিত নাই। স্বরেঙ্গনাথ সে সময়ে বাঙ্গালার সর্বত্র পরিভ্রমণ করিয়া বিগতী পণ্যবর্জন (Boycott) আন্দোলনের অগ্নি প্রজ্বালিত করিয়াছিলেন। তখন শোভাযাত্রার তাঁহাকে নগ্নপদে পথ চলিতে দেখিয়াছি, উপবীত লইয়া ক্রান্তবস্ত্রের দাবী করিতে শুনিয়াছি, জাতীয় জাগরণের

অর্থসংগ্রহ করিতে দেখিয়াছি, কেডারেশন হলের মাঠে জাতীয় পতাকা উড়ান করিতে দেখিয়াছি। তখন স্বরেঙ্গনাথ দেশের রাজ',—দেশবাসীর হৃদয়-সিংহাসনের অবিসংবাদী সম্রাট।

কি সামাজ্য অবস্থা হইতে স্বরেঙ্গনাথ জাতীয় আন্দোলনকে বিগট আকারে পরিণত করিয়াছিলেন, তাহা স্বরণ করিলেও হর্ষ, বিস্ময় ও শ্রদ্ধার হৃদয় গুলকিত হইয়া উঠে। প্রথমে স্বরেঙ্গনাথের ছাত্র-সভার কথা উল্লেখ করিব। প্রতি শুক্রবার অপরাহ্নে এলবার্ট হলে ছাত্র-সভার অধিবেশন হইত, স্বরেঙ্গনাথ সভাপতি হইতেন। জীর্ণ ঘর, জীর্ণ বেঞ্চ-চেয়ার। গ্যাসের খরচা অধিক, তাই কলিকায় বাতি বসাইয়া কাঁচ চালান হইত। ভারত-সভার উদ্বোধনের ইতিহাসও প্রায় এইরূপ। কিন্তু এই সকল প্রতিষ্ঠানই পরে দেশে বহু শক্তিশালী রাজনীতিক প্রতিষ্ঠানের মূল। স্বরেঙ্গনাথের 'বেঙ্গলীর' প্রথমাবস্থাও এইরূপ। সামাজ্য এক সাপাহিক পত্র, শেষে উহা দেশের জনমতের শক্তিশালী মুখপত্র হইয়াছিল। স্বরেঙ্গনাথের প্রথম বয়সের এই সংস্কৃত রাজনীতিক আন্দোলনের উত্তমকে দেশেরই এক সম্প্রদায় লোক বাঙ্গ-বিজ্ঞানের দৃষ্টিতে দেখিতেন। স্বরেঙ্গনাথের 'ভারতোদ্ধার' এবং যোগেশ্বরের 'চিনিবাস-চরিতামৃত' এই সকল গ্রন্থের নিদর্শন। লেখক স্বয়ং দেখিয়াছে, যখন আনন্দমোহন বসু বিলাতে এক ডেপুটেশন হইত দেশে প্রত্যাবর্তন করেন, সেই সময়ে স্বরেঙ্গনাথ প্রমুখ বহু নেতা তাঁহাকে বন হাওড়া স্টেশন হইতে সম্বোধন শোভাযাত্রা করিয়া পুষ্প-মাল্যাদি ভূষিত করিয়া অপমানযোগে কলিকাতায় আনয়ন করেন, তখন বড়বাজারে কোন কোন মাড়োয়ারী অতি কদর্যা ভাষার তাঁহাদের রাজনীতিক আন্দোলনের স্বরূপ ব্যাখ্যা করিয়াছিল। অর্থাৎ তাহারা বাঙ্গালী দর্শকদিগের সমক্ষে প্রকাশ্যভাবে বলিয়াছিল যে, বাঙ্গালী বাবুরা সাগর ডিগাইয়া লক্ষ্য দৃষ্টি করিয়া আসিতেছে, ইত্যাদি। ভাবিয়া দেখুন, তখনকার অবস্থা এবং এখনকার অবস্থার সহিত তাহার তুলনা করুন। এখন বড়বাজারে কংগ্রেসের দস্ত খাঁটি হইয়াছে, এখন বিস্তার মাড়োয়ারী কংগ্রেসের লক্ষ্য, অনেক মাড়োয়ারী চরমপন্থী! এ অভাবনীয় পরিবর্তনের মূলে

যে সুরেন্দ্রনাথের শিক্ষাদান ও প্রচারকার্য, তাহা কে না স্বীকার করিবে ?

সুরেন্দ্রনাথের সেই গৌরবের দিনেও দেশবাসীদের মধ্যে অনেকে জাতীয় ভাবে উদ্বুদ্ধ হইয়াছিল, তাঁহাকে দেশনেতা বলিতে চিনিতে শিখিয়াছিল। তিনি একাধিকবার কংগ্রেসের প্রেসিডেন্ট হইয়াছিলেন। পূনা কংগ্রেসের পর তদঞ্চলে রাজনীতিক প্রচারকার্য সাজ করিয়া তিনি যখন কলিকাতায় প্রত্যাবর্তন করেন, তখন মনোমোহন ঘোষের নেতৃত্বে দেশের তরুণসজ্জ তাঁহার প্রতি যে সম্মান দেখাইয়াছিল, তাহার তুলনা বিহীন। এমনও হইয়াছে যে, তরুণসজ্জ তাঁহার যানের ঘোড়া খুলিয়া দিয়া নিজেরাই গাড়ী টানিয়াছেন। এ সম্মান রাজসম্মান অপেক্ষা অনেক বড়। সুরেন্দ্রনাথ জীবদ্দশায় এ সম্মান ভোগ করিবার সৌভাগ্য লাভ করিয়াছিলেন। জজ নরিশের চেম্বার যখন তাঁহার নামে আদালত-অবমাননার অভিযোগ উপস্থিত হয়, তখন তাঁহার বিচার দেখিতে হাইকোর্ট লোকে লোকারণ্য হইয়াছিল। পুলিশ ফৌজ আনিয়া জনতার শান্তি রক্ষা করিতে হইয়াছিল। আবার যখন সুরেন্দ্রনাথ বঙ্গভঙ্গের বিপক্ষে তুমুল আন্দোলন উপস্থিত করেন, লর্ড মবলের settled factকে unsettled করিতে দৃঢ়-প্রতিজ্ঞ হইলেন, তখন দেশের লোক তাঁহার ডাকে কিরূপ সাড়া দিয়াছিল, তাহা ভাঙ্গা বাঙ্গালা ঘোড়া লাগায় এবং রাজার দরবারী ঘোষণায় জানা যায়। সরকার কলিকাতা কর্পোরেশনকে যখন ম্যাকেল্লি আইনের জোরে সরকারী হুকুমের উবেদারে পরিণত করিবার চেষ্টা করেন, তখন সুরেন্দ্রনাথ প্রতিবাদকল্পে অল্প ২৭ জন কমিশনারের সহিত একযোগে পদত্যাগ করিয়াছিলেন। সে সময়ে দেশের লোক তাঁহার এই দেশের আত্মসম্মান-রক্ষার চেষ্টায় আত্মনির্ভোগের পরিচয় পাইয়া ভক্তিশ্রদ্ধায় তাঁহার প্রতি হস্তক অবনত করিয়াছিল। রস-রসিক নাট্যকার অমৃতলাল বসু তাঁহার 'সাবাস আটাস' গ্রন্থে তাহা জনস্ত চিত্রে অঙ্কিত করিয়া গিয়াছেন।

বাঙ্গালীর হৃদয়ের রাজা সুরেন্দ্রনাথ এশবে মুন্সী সার সুরেন্দ্রনাথে পরিণত হইলেন কেন, তাহারও বিচিত্র

কার্যকারণের ইতিহাস আছে। সুরেন্দ্রনাথ যখন Tribune of the people অথবা জনসভ্যের প্রতিনিধি ছিলেন, তখনও তিনি যে দেশপ্রেমে অনুপ্রাণিত হইয়াছিলেন, মন্ত্রী সার সুরেন্দ্রনাথেও সেই দেশপ্রেমের অভাব ছিল না। কথাটা প্রথমে হেয়ালীর মতই বোধ হইবে। কিন্তু মানুষ সুরেন্দ্রনাথকে যে বুঝিয়াছে, সে ইহার মর্ম বুঝিতে কষ্ট পাইবে না।

সুরেন্দ্রনাথের রাজনীতিক জীবনের আত্মোপাস্ত আলোচনা করিলে দেখা যাইবে, তিনি চিরদিন রাজ-ভক্ত প্রজা, নিয়মাত্মক পথের পথিক এবং শাসক ইংরাজ জাতির প্রতিশ্রুতিপরায়ণতার ও জায়বিচারে অন্ধ বিশ্বাসী রাজনীতিক। যে এই কথা কয়টি মনে রাখিবে, সে ই বুঝিবে, কেন বাঙ্গালার মুকটহীন রাজা পরে মন্ত্রী সার সুরেন্দ্রনাথে পরিণত হইয়াছিলেন। তিনি ইংরাজ আমলাতন্ত্র শাসনের পোষক ও ধারক রাজপুরুষদিগের কার্যের তীব্র সমালোচনা করিতেন বটে, কিন্তু কখনও ইংরাজ জাতির জায়বিচারে আস্থা-হীন হইতেন না। আঘাতের পর আঘাত, অপমানের পর অপমান কখনও তাঁহাকে এই বিশ্বাস হইতে টলাইতে পারে নাই। ইংরাজের প্রতি তাঁহার এই এগাঢ় বিশ্বাসের হেতু কি? কারণ এই যে, সুরেন্দ্রনাথ বার্ক ও বেঙ্কমের রচনা-সুধা পানে ভরপুর ছিলেন, গ্লাড-ষ্টোন, ব্রাইট, সার হেনরী কটন ও সার উইলিয়াম ওয়েডারবার্ণ প্রমুখ ইংরাজের সাংসর্গ্যে সাম্রাজ্যবাদী ইংরাজের মনুষ্যত্ব ও উদারতার সন্দেহশূন্য হইয়াছিলেন। লোকের মনের প্রথমাবস্থায় যে ধারণা হয়, তাহা প্রায়শঃ সকল ক্ষেত্রেই চিরজীবন বদ্ধমূল হইয়া যায়। সুরেন্দ্রনাথেও তাহাই হইয়াছিল। তিনি যে শিক্ষাদীকার মধ্য দিয়া নিজের জীবনকে গড়িয়া তুলিয়াছিলেন, তাহাতে ইংরাজকে তিনি আপনার রাজনীতিক গুরু বলিয়া গ্রহণ করিয়াছিলেন। তিনি ইংরাজের রাজনীতির উৎস হইতে রাজনীতির রস আকর্ষণ পান করিয়াছিলেন। তিনি ইংরাজের অনুকরণে নিয়মাত্মক আন্দোলন দ্বারা স্বদেশের রাজনীতিক অধিকারপ্রাপ্তির আশায় অনুপ্রাণিত হইয়াছিলেন এবং ইংরাজ স্বাধীনতা-প্রিয়, সুতরাং তাহাকে বুঝাইতে পারিলে সে অগণের

স্বাধীনতার ব্যবস্থা করিয়া দিবে, এই বিশ্বাসে তিনি আ-জীবন ভ্রম হ'য়াছিলেন।

এই ভাবে তাঁহার মন গঠিত হইয়াছিল। তাই তিনি আঘাতের পর আঘাত পাইয়াও কখনও আশাহীন হইয়াছেন নাই। আমলাতন্ত্র সরকার জাতিকে বার বার আশাহত করিয়াছেন,—অপমানিত, লাঞ্চিত, দণ্ডিত করিয়াছেন, বার বার প্রতিশ্রুতি ভঙ্গ করিয়াছেন,—কিন্তু সুরেন্দ্রনাথ কখনও আশার হাল ছাড়েন নাই। তিনি প্রত্যেক মেঘের অন্তরাল হইতে সূর্যালোক দেখিতে পাইতেন। এই হেতু 'নিয়মাত্মক পথ' হইতে তিনি কখনও বিচলিত হইয়াছেন নাই, 'সহযোগ' হইতে কখনও ভ্রষ্ট হইয়াছেন নাই। অপরের অসহযোগের কথা এই জন্য তিনি কখনও বুঝিতে পারেন নাই, সরকারের সহিত সহযোগ তিন্ন কখনও আমাদের স্বায়ত্ত-শাসনাদিকার লাভ হইতে পারে, ইহা ধারণাও করিতে পারেন নাই।—কোনও সমালোচক তাঁহার সহযোগত্বের এই রূপ ব্যাখ্যা করিয়াছেন :—“His over-growing

optimism even after official acts of national betrayal and his scanning of silver linings even in latitudes and verbiage due to his incurable faith in British equity and justice. As a product of the New English School, he was unconsciously carried away by the bombast and tinsel of the west,

which he even imitated in his speeches. In his mania for co-operation, he did not care even for self help and self-sufficiency.” আমরা অবশ্য এত দূর অগ্রসর হইতে চাহি না। সুরেন্দ্রনাথ সহযোগের মেরুতে যে আত্মশক্তি পর্যন্ত বিস্তৃত হইয়াছিলেন অথবা অগ্রাহ্য করিয়াছিলেন, এ কথা বলিতে

পারি না। মনে করুন, বরিশালের কনফারেন্স তৎকাল কথ্য। সুরেন্দ্রনাথ সে সময়ে কি সরকারের সহযোগ অগ্রাহ্য করিয়া আত্মশক্তির উপর দৃষ্টিপাত করিয়াছেন নাই—দেশের লোককে কি আত্মশক্তিতে উদ্বুদ্ধ করেন নাই? ম্যাজিষ্ট্রেট টমাস'ন যখন তাঁহাকে চোখ রাজাইয়া ভয় দেখাইবার চেষ্টা করিয়াছিলেন, তখন কি তিনি তাহাতে ভীত হইয়াছিলেন? না, বিরাট আমলাতন্ত্র শাসনের প্রতিভূর রুদ্র মূর্তি তাঁহাকে সঙ্কল্পচ্যুত করিতে পারে নাই।

তবে তিনি বৈধ আন্দোলনের পক্ষপাতী ছিলেন, এ কথা নিশ্চয়। ম্যাজিষ্ট্রেটের অন্তিম আদেশ অমান্য করিবার সময়েও তিনি বৈধভাবে কার্য্য করিতেছেন বলিয়া তাঁহার পূর্ণ বিশ্বাস ছিল, বলিয়াছিলেন,—I am within my own rights. শক্তিপরীক্ষার জন্য ইচ্ছাপূর্বক সরকারের আইন ভঙ্গ করিব, সরকারকে সর্ববিষয়ে বাধা দিব,—এ সব কল্পনা সুরেন্দ্রনাথের ছিল না। পূর্বেই বলিয়াছি, তাঁহার বিশ্বাস ছিল, 'স্বসভা ইংরাজ জাতি চিরকাল কখনও



কস্তা ও দৌহিত্রীসহ সুরেন্দ্রনাথ

অন্তিম নীতি পোষণ করিবে না।' সুতরাং বিলাতে ও ভারতে তুল্যভাবে রাজনীতিক আন্দোলন চালাইতে পারিলে—বিলাতের জনসাধারণ ভারতে ব্যুরোক্রেটিক স্বার্থভিত্তিক নীতির স্বরূপ বুঝিতে পারিলেই ভারত-শাসনের নীতি পরিবর্তিত হইয়া যাইবে। ইংরাজের সাহসর্থে তাঁহার কেমন প্রগাঢ় বিশ্বাস ছিল, তাহার

একটা দৃষ্টান্ত দিতেছি। ১৯০২ খৃষ্টাব্দে আমেরাবাদের কংগ্রেসের সভাপতিরূপে বক্তৃতাকালে তিনি বলিয়াছিলেন,—“ইংলণ্ডই ভারতবাসীর জন্যে রাজনৈতিক আকাঙ্ক্ষা উদ্ভূত করিয়াছে।—ইংরাজের আদর্শে ভারতীয়ের রাজনৈতিক জীবন স্পন্দিত হইতেছে।” এই বিশ্বাস ও ধারণার বশবর্তী হইয়া তিনি পরিণত বয়সে দেশবাসীর ব্যক্তিগত উপকার করিয়া মন্টেগু মেসফোর্ডের নৈতিক শাসন সফল করিতে আত্মনিয়োগ করিয়াছিলেন, দেশের লোকের ‘ট্রাইবিউন’ সুরেন্দ্রনাথ সার সুরেন্দ্রনাথ সাজিয়াছিলেন, সরকারের মন্ত্রিত্ব গ্রহণ করিয়াছিলেন। ইগাই সুরেন্দ্রনাথের প্রথম ও শেষ জীবনের পার্শ্বকোর গুণ ইতিহাস।

সুরেন্দ্রনাথ দেশ সহযোগকে জীবনের মূলমন্ত্র করিয়াছিলেন তাহা তাঁহারই রচনা হইতে উদ্ধৃত করিয়া বুঝাইতেছি। তিনি লিখিয়াছেন:—“আমাদের নিজের সামর্থ্য ও কার্যক্ষমতার উপর সম্পূর্ণ নির্ভর করিয়া আপনার পায়ের উপর আপনারা দাঁড়াইতে পারি এবং অসহযোগ সে পক্ষে আমাদের সহায়তা করিতে পারে, ইহা সম্ভব হইতে পারে। কিন্তু ইহাতে আমরা এক বিষয়ে বঞ্চিত হইব। জগতের সভ্যতা এবং শিক্ষাদীক্ষার যে পীযুষধারা পান করিয়া জাতিবিশ্ব জীবন্ত রহিয়াছে, এবং নিজের সঙ্গী গণের বাহিরে বিশ্বের সঞ্চিত বিদ্যা ও ভূগোলাদর্শনের যে ফল উপভোগ করিতেছে, তাহা হইতে আমরা দূরে থাকিব। সহযোগের দ্বারা আমরা বহির্জগতের শিক্ষা ও সভ্যতার অংশভাগী হইতে পারিব, অন্য দিকে আমরাও বহির্জগতের লোককে আমাদের নিজস্ব আধ্যাত্মিক জ্ঞানের অংশ প্রদান করিতে পারিব। জগতের লোককে আমাদের দিবার অনেক জিনিষ আছে, জগতের লোকের নিকটে আমাদেরও অনেক শিখিবার জিনিষ আছে।

“প্রাচীন ভিত্তির উপর আমাদের দণ্ডায়মান হইতে হইবে। তাহার উপর আমরা যতই আমাদের জ্ঞানের সৌখ গড়িয়া তুলিতে থাকিব, ততই আমরা সেই জ্ঞানকে বিস্তৃতায়তন ও উদার করিতে সমর্থ হইব। জাতীয় জীবনের প্রবাহ এক অবিচ্ছিন্ন ধারায় প্রবাহিত হইয়া থাকে। অতীত বর্তমানে মিলিত হয় এবং বর্তমান

অদৃশ্য ও সর্বনা বিস্তারশীল ভবিষ্যতে মিশিয়া যায়। বর্তমান ভবিষ্যতের দিকে যত অগ্রসর হয়, ততই প্রতি পদ-বিক্ষেপে প্রশস্ত হয় এবং চারিদিকের ভূমি উর্বর করিয়া তুলে। আমাদের ভিত্তি অতীতের উপর স্থাপিত হওয়া চাই। আমাদের অতীত ভাবধারা ও সংস্কার আমাদের জাতির ইতিহাস গঠন করিয়াছে; সেই অতীতকে ভিত্তি করিলে বর্তমান ভবিষ্যৎকেও আকৃতি প্রকৃতি দিতে পারিবে।

“কিন্তু আমরা কেবল অতীতকে ঝাঁকড়িয়া ধরিলে চলিবে না। আমরা যেখানে আছি, সেইখানে থাকি-লেও চলিবে না। ভগবানের রাজ্য কৰ্ণশূন্য হইয়া নিশ্চয়ই বদিয়া থাকিবে। অতীতের প্রতি সসম্মত দৃষ্টি রাখিয়া, বর্তমানের প্রতি শ্রীতিপূর্ণ আগ্রহ রাখিয়া এবং ভবিষ্যতের মঙ্গলের জন্য উদগীৰ্ণ হইয়া আমাদের অগ্রসর হইতে হইবেই। অগ্রসর হইবার কালে আমাদের নিজস্ব সভ্যতা, ভাবধারা ও শিক্ষাদীক্ষার সহিত বাহির হইতেও অপরের মঙ্গলময় প্রভাব গ্রহণ করিতে হইবে—উভয়ের মধ্যে সামঞ্জস্যস্থাপন করিয়া আমাদের জাতীয় জীবনের ধাতুসহ জিনিষ সঞ্চয় করিতে হইবে। ইহা দ্বারা আমাদের জাতীয় জীবন নব শক্তিতে শক্তিমান হইবে। এইরূপে সহযোগ ও সাহচর্য্য আমাদের জাতীয় জীবনকে ক্রমবিকাশের পথ দিয়া উন্নতির পথে লইয়া যাইবে; অসহযোগ ও পরকে বর্জন তাহা করিতে পারিবে না। ইহা ভিন্ন অন্য নীতি অবলম্বন করিতে গেলেই আমরা জাতি হিসাবে মরিয়া যাইব, আমাদের জাতীয় স্বার্থ ক্ষুণ্ণ হইবে। দেশবাসীর প্রতি ইহাই আমার বাণী। এই বাণী আমি চঞ্চলতা বা অধীরতা বশতঃ দিয়া যাইতেছি না, আমার দীর্ঘ জীবনের ভূগোলাদর্শন ও চিন্তার ফলে দিয়া যাইতেছি। আমার জন্মভূমির সেবায় আমি আমার সুদীর্ঘ জীবনে যে অমনিয়োজিত করিয়াছি, তাহারই ফলে বুঝিয়াছি, ইহা ভিন্ন আমাদের গত্যন্তর নাই।”

পাঠক এখন বোধ হয় বুঝিলেন, ‘Saint of Non-co-operation’ এবং ‘Sage of Co-operation’এর মধ্যে প্রভেদ কি? সবসময়ের ত্যাগী সন্ন্যাসী যে শিক্ষাদীক্ষা ও ধারণার বশবর্তী হইয়া অসহযোগ মন্ত্রের প্রচার

করিয়াছেন তাহা হইতে 'স্বরেঞ্জনাথের শিক্ষা দীক্ষা ও ধারণা কত বিভিন্ন। উভয়েই দেশের উন্নতিকামী, উভয়েই দেশের মুক্তিকামী। উভয়েই দেশের সম্মান ও অতীত গৌরব পুনরানয়ন করিতে বন্ধপরিকর হইয়াছিলেন। উভয়েই দেশপ্রেমিক, উভয়েই দেশের কার্যে আত্মনিরোগ করিয়াছেন, উভয়েই দেশের উন্নতির জন্য বহু স্বার্থ বিসর্জন দিয়াছেন। এক জন ছাত্র-গঠন, সংবাদপত্র-সম্পাদন এবং আন্দোলন-আবেদন দ্বারা গায়ের কার্য সম্পন্ন করিবার চেষ্টা করিয়াছেন, আর এক জন আপনার স্বখস্বচ্ছন্দ্য ত্যাগ করিয়া দুঃখ-বিপদ বরণ করিয়া দেশের দ্বিভ্রান্তাবস্থার সেবা করিয়া দেশবাসীর মনে দেশাত্মবোধ, আত্মশক্তিতে প্রত্যয় জাগাইয়াছেন এবং দেশবাসীকে পঃনির্ভরতা ছাড়িয়া আপনার সনাতন ভাবধারার মন্য দিয়া আপনাকে ফুটাইয়া তুলিতে উৎসাহ দিয়াছেন। উভয়ের শিক্ষা-দীক্ষা, চিন্তার ধারা ভিন্নরূপ, তাই তাগের মধ্য দিয়া মোহনচাঁদ কঁরমচাঁদ গন্ধী আজ মহাত্মা—দশপুত্র্য, সপ্তজনবরেণ্য, দেশনায়ক যুগমানব। আর স্বরেঞ্জনাথ? মন্ত্রী সার স্বরেঞ্জনাথ! দেশের চিন্তার ধারা তাই সার স্বরেঞ্জনাথের চিন্তার ধারা হইতে ভিন্ন থাকিতে প্রবাহিত।

স্বরেঞ্জনাথের দেশপ্রেমে কাহারও সন্দেহ নাই। পঞ্জাব-কেশরী লালা লাজপৎ রায়ের মত দেশপ্রাণ পুরুষসিংহও বলিয়াছেন,—‘কংগ্রেস ও স্বরেঞ্জনাথের মধ্যে মতভেদ উপস্থিত হইয়াছিল সত্য, কিন্তু কেহই তাঁহার উদ্দেশ্য বা দেশভক্তিতে সন্দেহ করে নাই। যত্ন—সমস্ত ভেদ বোত করিয়া দিয়াছে। তাঁহাকে শ্রেষ্ঠ দেশভক্তের মধ্যে অন্যতম বলিয়া মানিয়া আমরা তাঁহার জন্য শোক প্রকাশ করিতেছি।’ মহাত্মা গন্ধীও এই জ্ঞানবৃদ্ধ দেশনায়কের পাদমূল বসিয়া উপদেশ গ্রহণ করিতে গৌরব অনুভব করিয়াছিলেন।

স্বরেঞ্জনাথ বহুবার বলিয়াছেন, স্বায়ত্তশাসনাধিকারই ভারতবাসীর কাম্য। ১৮৭৯ খৃষ্টাব্দে তিনি বলিয়াছিলেন,—‘আমাদের দেশ শাসনে আমরা কার্য ভার কতকাংশে গ্রহণ করিতে চাই। আমরা কেবলমাত্র ব্যারোক্রেনীর হস্তে সমস্ত কর্তব্য প্রদান করিয়া নিশ্চিন্ত থাকিব না। ... কর্তব্য করা ব্যাপারে এবং দেশ-শাসনে আমরা

জনমত প্রতীতি করিতে চাই।’ সে আজ ৪৬ বৎসর পূর্বের কথা। বৃষ্টিতে হইবে, তখন দেশের অবস্থা কি ছিল। তখন স্বরেঞ্জনাথ দেশবাসীর মনে এই আকাঙ্ক্ষা জাগাইয়াছিলেন। আজ যে দেশবাসীর মনে মুক্তির প্রবল আকাঙ্ক্ষা জাগিয়াছে, তাহার মূল কি স্বরেঞ্জনাথ নহেন? তাঁহাকে Father of Indian Nationalism বলিলে কখনই অত্যাক্তি হয় না।

ব্যক্তিগত স্বাধীনতার প্রতি স্বরেঞ্জনাথের প্রাণীকৃত আস্থা ছিল। দেশের আত্মসম্মানের প্রতিও তাঁহার ধর্মদৃষ্টি ছিল। ইলবার্ট বিন আন্দোলনের সময় স্বরেঞ্জনাথ দেশের লোকের আত্মসম্মানের পক্ষে যে জালাময়ী বক্তৃত্ব করিয়াছিলেন, তাহার তুলনা বিরল। ‘বেঙ্গলী’ পত্র স্বরেঞ্জনাথের রচনা এবং সভা সমিতিতে ও কংগ্রেস কনফারেন্স আদিতে স্বরেঞ্জনাথের বক্তৃতা দেশের স্বার্থে সর্বদা নিয়োজিত হইত এবং ব্যারোক্রেনী ও এ্যাংলো-ইণ্ডিয়ান ভীতি উৎপাদন করিত। স্বরেঞ্জনাথ এ জন্য সরকারের নিকট Agitator, Extremist, Revolutionary ইত্যাদি উপাধিতে ভূষিত হইয়াছিলেন; পরন্তু এ্যাংলো-ইণ্ডিয়ান মহলে তাঁহাকে বিজ্ঞপ করিয়া ‘Surrender not’ বলা হইত। ব্যারোক্রেনী চিরদিনই তাঁহাকে শত্রু বলিয়া মনে করিয়া আসিয়াছেন, এ্যাংলো-ইণ্ডিয়ান চিরদিনই তাঁহাকে তাহাদের স্বার্থের প্রাণ প্রতিদ্বন্দ্বী বলিয়া মনে করিয়াছে। আজ যদি ১৯০৫-১১ খৃষ্টাব্দে গুলিকে ফিরাইয়া আনা যায়, তাহা হইলে দেখিতে পাওয়া যাইবে, এ্যাংলো-ইণ্ডিয়ান আবার স্বরেঞ্জনাথকে veteran hero of hundred battles বলিয়া প্রশংসা করে কিনা। স্বরেঞ্জনাথের সেই আন্দোলনকে কি এ্যাংলো-ইণ্ডিয়ান ‘constitutional agitation’ বলিবেন, না ‘constructive statesmanship’ বলিবেন, তাহাই দেখিতে ইচ্ছা করে। মোট কথা, স্বরেঞ্জনাথের এই সকল আন্দোলনের ভিত্তিই ছিল দেশপ্রেম এবং ব্যারোক্রেনীর প্রবল বাধার বিপক্ষে দেশের স্বার্থরক্ষার চেষ্টা। কংগ্রেসে, কর্পোরেশানে, কাউন্সিলে স্বরেঞ্জনাথ বহুকাল বহু পরিশ্রম করিয়া কার্য করিয়াছেন; ইহাতে তাঁহার মহত্ব বতই না পরিষ্কৃত হউক, দেশের স্বার্থের ও আত্মসম্মানরক্ষার জন্য তাঁহার বিপুল উত্তম তাঁহাকে চিরস্মরণীয় করিয়া রাখিবে।

১৯১৯ খৃস্টাব্দের মণ্টেগু-সংস্কার সুরেন্দ্রনাথের জীবনে পরিবর্তন সংঘটন করিয়াছিল। অবশ্য সুরেন্দ্রনাথের দিক হইতে দেখিলে তাঁহার মতপরিবর্তনের পরিচয় পাওয়া যায় না। তিনি আজীবন যাহা সাধনা করিয়া আসিয়াছিলেন, সংস্কার আইনে তাহা পাইয়াছিলেন বলিয়া তাঁহার দৃঢ় ধারণা হইয়াছিল। সুরেন্দ্রনাথ বুঝিয়াছিলেন যে, মণ্টেগু-সংস্কার এ দেশে প্রকৃত স্বায়ত্তশাসনের ভিত্তি স্থাপন করিয়াছে। উহার বতট গলদ থাকুক, উহাকে ভিত্তি করিয়া সরকারের সহিত সহযোগ করিলে ভবিষ্যতে ভারত পূর্ণ দায়িত্বপূর্ণ শাসনাধিকার প্রাপ্ত হইবে। এইখানেই তাঁহার সহিত দেশবাসীর মত-বিরোধ ঘটিয়াছিল। সুরাটে কংগ্রেসভঙ্গের পর হইতে নব্যানলের সহিত তাঁহার মতবিরোধ উপস্থিত হইয়াছিল, লক্ষ্যে তাহা দূর হইয়াও হয় নাই। বত দিন দেশের লোক সুরেন্দ্রনাথ ও প্রাচীনপন্থী দলের বিশ্বাসের অস্থ-বর্তী হইয়া ছিল, তত দিন সুরেন্দ্রনাথ দেশের অবিসংবাদী নেতা বলিয়া স্বীকৃত হইয়াছিলেন; কিন্তু দেশের লোকের সে বিশ্বাস টলিবার পর হইতে সুরেন্দ্রনাথ দেশের লোক হইতে দূরে সরিয়া গিয়াছিলেন। সুরেন্দ্রনাথের বিশ্বাস কিছু টলে নাট, তাই তিনি দেশের লোকের মতপরি-বর্তনের স্মৃতিযুক্ততা বুঝিতে পারেন নাই। মণ্টেগুসংস্কার প্রবর্তনের পরে দেশের লোকের সহিত তাঁহার ব্যবধান আরও অধিক প্রশস্ত হইয়া যায়। দরিদ্র কোপীনধারী নগ্নপদ নবা দলের ত্যাগী কন্মীদিগের অসহযোগমন্ত্র তিনি বুঝিতে পারেন নাই—শিক্ষিত সম্ভ্রান্ত পাশ্চাত্য রাজ-নীতিতে অভিজ্ঞ দেশনেতার পরিবর্তে এই পাগলের দল কিরূপে নেতার আসন অধিকার করিতেছে, তাহা তাঁহার ধারণার অতীত ছিল। তিনি গঠন বুঝিতেন, কিন্তু ভাঙ্গনের মধ্য দিয়া গঠনকার্য কিরূপে সফল হইতে পারে, ইহা তাঁহার জীবনের শিক্ষাদীক্ষা বুঝিতে দেয় নাই। সরকার তাঁহাকে 'নাইট' উপাধিদানে সম্মানিত করেন, মন্ত্রিপদে নিযুক্ত করেন। তাঁহার ধারণা ছিল, উহা হইতে স্বায়ত্তশাসনের সৌধ গড়িয়া উঠিবে। দেশের লোক যে তাঁহার প্রাচীন নীতি মানিতেছে না, এ কথা তিনি ১৯২৩ খৃস্টাব্দের পূর্বে বুঝিতে পারেন নাই। মন্ত্রি-রূপে তিনি যখন ম্যাকেলিন-মিউনিসিপ্যাল 'আইন

পরিবর্তন করেন, তখন তাঁহার মনে হইয়াছিল, তিনি বস্তুতঃই স্থানীয় স্বায়ত্তশাসনের প্রকৃত বীজ বপন করিলেন এবং দেশীয় চেয়ারম্যান নিযুক্ত করিলেন; সুতরাং দেশের লোক কি জন্ত তাঁহার অবলম্বিত পথে চলিতে চাহিতেছে না, তাহা তিনি বুঝিতে পারেন নাই।

পঞ্চাশৎ বর্ষ ব্যাপিয়া সুরেন্দ্রনাথ দেশে রাজনীতিক আন্দোলন চালাইয়াছিলেন। রাণাডের অসাধারণ প্রতিভা অথবা সার ফেরোজশাহর অসামান্য কৌশল তাঁহাতে দেখা যায় নাই বটে, কিন্তু দেশপ্রেমে তিনি কাহারও অপেক্ষা নূন ছিলেন না, অথবা প্রচারকার্যে তাঁহার সমতুল্য কেহ ছিল বলিয়া মনে হয় না। এ কথা অবশ্যই স্বীকার করিতে হইবে যে, তিনি দেশে রাজ-নীতির জমী প্রস্তুত করিয়া রাখিয়াছিলেন বলিয়াই অসংখ্য নেতার বীজ বপন করিবার সুবিধা ও সুযোগ হইয়াছিল।

স্বজাতির রাজনীতিক মুক্তসাধন তাঁহার জীবনের একমাত্র সাধনা ছিল। রামমোহন রায় যেমন ধর্মজগতে, ঈশ্বরচন্দ্র গিঁড়াঙ্গর যেমন সামাজিক ও শিক্ষা-জগতে, তেমনই সুরেন্দ্রনাথ রাজনীতিক জগতে যুগান্তর উপস্থিত করিয়াছিলেন। বর্তমান সভ্যতার যাহা কিছু উৎকৃষ্ট, তাহা হইতে জ্ঞান ও প্রেরণা লইয়া তিনি আমাদের জাতীয় সভ্যতার সহিত মিলনের চেষ্টা করিয়াছিলেন এবং উহার উপর আমাদের জন্মভূমির নষ্টগোরবের আসন পুনঃপ্রতিষ্ঠিত করিবার জন্ত প্রাণপণ প্রয়াস করিয়াছিলেন।

পারিবারিক ও সামাজিক জীবনেও সুরেন্দ্রনাথ অন্তঃকরণের মহত্ত্ব প্রদর্শন করিয়াছিলেন। তিনি তাঁহার মণিরামপুরের বাটীতে অতিথিসংকারে কিরূপ তৎপর ছিলেন, তাহা অনেকে অবগত আছেন। কাহারও সহিত বিবাদ বা মত-বিরোধ হইলে, তিনি তাহা মনে করিয়া রাখিতেন না। বিরুদ্ধমতবাদী বহু বিপ্লব-বাদীকে তিনি পক্ষপুটে আশ্রয় দিয়া রক্ষা করিয়াছেন এবং তাঁহাদিগকে সংপথে আনয়ন করিবার নিমিত্ত উপায় করিয়া দিয়াছেন, এমন কথা অনেক শুনা যায়। পণ্ডিত শ্রামশূন্যর চক্রবর্তী রাজরোধে দণ্ডিত হইবার পর যখন মুক্তিলাভ করেন, তখন তাঁহার অসহায় অবস্থার সুরেন্দ্রনাথ সাধ্যমত সাহায্য করিয়াছিলেন। তিনি



বারাকপুরে শুভেন্দ্রনাথের গৃহ



শুভেন্দ্রনাথ—বারাকপুরে

ঊহাকে 'বেঙ্গলী'তে চাকরী দিয়াছিলেন এবং একত্র ঊহাকে পুলিশের সুনজরে পড়িতে হইয়াছিল। কিন্তু তিনি তাহাতে বিচলিত হইলেন নাই। বাঙ্গালী বিপদে-আপদে পড়িলে ঊহার নিকট গিয়া পড়িলে কখনও ঊহার সাহায্যে বঞ্চিত হইত না। তিনি রক্ত-রহস্ত-বুঝিতেন এবং প্রাণ খুলিয়া হাসিতে পারিতেন। শয়নে, ভোজনে তিনি মিতাচারী ছিলেন, কখনও স্বভাবের

পথে, মাটে, মাঠে, স্কুলে, কলেজে, অফিসে, আদালতে সর্বত্র এই শোক সংবাদ পরিব্যাপ্ত হইয়া পড়িল। অনেকই তখন নগ্নপদে শীতগতি যানানিবোধে সেই জ্ঞানবৃদ্ধ দেশনেতার প্রতি ভক্তি-শ্রদ্ধা জ্ঞাপন করিবার উদ্দেশ্যে বারাকপুরাতিমুখে ছুটেন। এক দিন যিনি ভারতের জাতীয়তা-ভাব উদ্ভূত করিয়াছিলেন—এক দিন ঊহার বহুগুণী স্বরে বাঙ্গালার সুগুণ আশ্রয়বোধ জাগ্রত



স্বরেঙ্গনাথের শেখ শয়ন

বিপক্ষে কার্য করিতেন না। ঊহার জীবনের কাণ্ড নিয়মাহুগুণে বাইনে বাঁধা ছিল। একত্র পরিণতবয়স পর্য্যন্ত তিনি সুস্থ, সবল ও কর্মক্ষম ছিলেন। ঊহার স্মার বাঙ্গালী আজকাল অতি অল্পই দেখিতে পাওয়া যায়। তিনি ঊহার জ্ঞান ও বিশ্বাসমতে ভগবানের প্রতি এবং দেশের ও দেশের প্রতি আপনার কর্তব্য পালন করিয়া গিয়াছেন।

বৃহস্পতিবার ২২শে প্রাণ বেলা দুইটার সময় বারাক-পুর হইতে সংবাদ আইলে যে, স্বরেঙ্গনাথের লোকান্তর হইয়াছে। অল্পকালের মধ্যেই দাবানলের মত কলিকাতার

হইয়াছিল, ঊহার স্মৃত্যসংবাদে কেহই স্থির থাকিতে পারেন নাই।

ঊহার মনিরামপুরের বাটীতে উপস্থিত হইয়া দেখেন, স্বরেঙ্গনাথের নখর দেহ পড়িয়া রহিয়াছে। তিনি ঊহার বাড়ীর দ্বিতলস্থ বারান্দার নিষ্টিবর্তী যে কক্ষে বসাবর শয়ন করিতেন, সেই কক্ষেই শয়ন করিয়াছিলেন। সেই কক্ষে বসিয়াই ঊহার প্রাণবায়ু দেহপিণ্ডর হইতে বাহির হইয়া গিয়াছে। তখনও ঊহাকে সেই কক্ষ হইতে বাহির করা হয় নাই। সেইখানেই একখানি খাটের উপর ঊহাকে রাখা হইয়াছে। গারে জায়া, সমস্ত শরীর

একখানি রত্নম চাদরে আচ্ছাদিত। পার্শ্বে বড় আদরের
—বড় মেহের রোকুমানা পুত্রবধু শ্রীমতী মারা দেবী
আর কয়েক জন আত্মীয়-আত্মীয়া পরিবৃত হইয়া বসিয়া-
ছিলেন, পুত্র ভবশঙ্কর সেখানে ছিলেন না। তিনি নীচে
বারান্দার দাঁড়াইয়া, বাহারা সহায়ত্ব ও শোক প্রকাশ
করিবার জন্য কলিকাতা প্রভৃতি স্থান চাইতে ছুটিয়া

লোকের ভিড় বাড়িতে লাগিল। অল্পসময়ের মধ্যেই
সুরেন্দ্রনাথের গৃহ-প্রাঙ্গণ, বারান্দা, ঘর, সমুখের রাস্তা
প্রভৃতি লোকে পরিপূর্ণ হইয়া গেল।

বেলা যখন প্রায় ৬টা, তখন কলিকাতা হইতে ফুলের
তোড়া, ফুলের মালা, দেড় মণ চন্দনকাঠ, পর্যাপ্ত পরিমাণ
ঘৃত প্রভৃতি গিয়া পৌঁছে। তাহার পর অস্ত্যেষ্টিক্রিয়ার



আত্মীয়-পরিবৃত সুরেন্দ্রনাথ

আসিয়াছিলেন, তাঁহাদিগের সহিত পিতার মৃত্যুসংক্রমে
কথাবার্তা করিতেছিলেন। জামাতা শ্রীযুত বোগেশচন্দ্র
চৌধুরীও সেখানেই ছিলেন। তিনি অস্ত্যেষ্টিক্রিয়ার
ব্যবস্থাদির জন্তই বিশেষভাবে ব্যস্ত ছিলেন। এই সময়
কলিকাতা, ভবানীপুর প্রভৃতি অঞ্চল হইতে এত ঘন ঘন
টেলিফোনযোগে এই ছঃসংবাদের কথা জিজ্ঞাসা করা
হইতেছিল যে, লোকের উৎকর্ষা দূর করিবার জন্য
ফোমের নিকট এক জন লোক বসাইয়া রাখিতে হইয়া-
ছিল। তার পর ক্রমে যতই সময়-বাইতে লাগিল, ততই

আয়োজন করা হয়। বিবিধ পুষ্পে সুসজ্জিত খট্টার
উপরে সুরেন্দ্রনাথের শেখশয্যা আচ্ছাদিত হয়। সেই কুম্ভা-
স্থত শয্যায় সুরেন্দ্রনাথের নখর দেহ শাস্তিত করিয়া পুণ্য-
তোয়া ভাগীরথীতীরে লইয়া যাওয়া হয়। এই স্থান সুরেন্দ্র-
নাথের বড়ই প্রিয় ছিল। তিনি প্রত্যহ সন্ধ্যাকালে এই
স্থানে পরিভ্রমণ করিতেন। যে দিন তিনি এই প্রাত্যহিক
কাৰ করিতে না পারিতেন, সেই দিন তিনি খুব অস্বস্তি
বোধ করিতেন। • মৃত্যুর-পূর্বে তিনি না কি তাঁহার পুত্র
ভবশঙ্করকে বলিয়া গিয়াছিলেন যে, এই স্থানেই যেম

ঊঁহার সৎকার করা হয়। তাই দুই এক জন ভক্ত-বন্ধু সুরেন্দ্রনাথের শব কলিকাতায় আনিবার পক্ষপাতী হইলেও ঊঁহারা বিশেষ জিদ করিতে পারেন নাই। ঊঁহার সেই ইচ্ছামুসারেই পতিতপাবনী জাহ্নবীতীরে ঊঁহার প্রাত্যহিক সান্ধ্যভ্রমণের স্থানে ঊঁহার নখর দেহ

উপর সুরেন্দ্রনাথ। এই এক একটি দিকপালের অভাবে যে কোনও দেশই বিষম ক্ষতিগ্রস্ত হয়। কিন্তু এতগুলির অল্পসময়ের মধ্যে অস্বর্দ্ধান দেশের পক্ষে কিরূপ অমঙ্গল-কর, তাহা এখনও দেশের লোক ধারণা করিতে পারে নাই। শোকে মুহমান, অভাবে কিংকর্তব্য-



কুম্ভাস্তৃত শয্যায় সুরেন্দ্রনাথ

বিমূঢ় জাতির পক্ষে সে ধারণা করিতে সময় লাগিবে সন্দেহ নাই। দেশের এই সঙ্কটসঙ্কুল সময়ে ভেদনীতির অমোঘ ফল হইতে দেশবাসীকে রক্ষা করিবার ঊঁহারা ছিলেন, ঊঁহারা একে একে মহাপ্রস্থান করিলেন। সার আশুতোষ শিক্ষক হইতে রাজনীতিতে যাইবেন কি না ভাবিতে ভাবিতে দেহ-ত্যাগ করিয়াছেন; দেশবন্ধু দেশে শীঘ্রই একটা রাজনীতিক পরিবর্তন ঘটিবে আশা করিতে করিতেই ইহলোক ত্যাগ করিয়াছেন। সুরেন্দ্রনাথ 'বেঙ্গলী' পত্রকে পুনরুজ্জীবিত করিতে করিতে এবং কংগ্রেসে একতা আনয়নের চেষ্টা করিতে করিতে মহাপ্রস্থান করিলেন। এই তিন বিরাট পুরুষের মৃত্যু অতর্কিতভাবে অশনিপতনের মতই বাঙ্গালীর

চিতাগ্নিতে ভস্মীভূত করা হইল। পণ্ডিত শ্রামশূন্যর চক্রবর্তী মুখাগ্নির মন্ত্র পাঠ করিয়াছিলেন।

আজ ঊঁহার বিয়োগে দেশজননী যে সম্মান হারাইলেন, তাহার তুলনা বহু যুগ খুঁজিয়া পাওয়া যাইবে না। বাঙ্গালার দুর্ভাগ্যে অল্পকালের মধ্যে পর পর কয়টি উজ্জল রত্ন ঊঁহার অঙ্ক হইতে খসিয়া পড়িল। অধিনী-কুমার, দুই আশুতোষ, ভূপেন্দ্রনাথ, চিত্তরঞ্জন,— তাহার

মস্তকে নিপতিত হইয়াছে—বাঙ্গালী তাহার বিরাট ক্ষতির ধারণা করিবে কিরূপে?

বাঙ্গালায় আর কি রহিল? শিবরাত্রির সলিতার মত তিনটি মাত্র প্রাণী বাঙ্গালীর নিজস্ব বলিয়া গ্লাঘা করিবার রহিল। কবীন্দ্র রবীন্দ্রনাথ, আচার্য্য প্রফুল্লচন্দ্র, ডাক্তার জগদীশচন্দ্র। বিধাতা ঊঁহাদিগকে দীর্ঘজীবী করুন, ইহাই কামনা।

সুরেন্দ্রনাথের জীবন-কথা

সার সুরেন্দ্রনাথ বন্দ্যোপাধ্যায় সম্ভ্রান্ত রাঢ়ীশ্রেণীর ব্রাহ্মণের বংশধর। তাঁহার পিতা দুর্গাচরণ বন্দ্যোপাধ্যায় ষষ্ঠ শতাব্দীর মধ্যভাগে কলিকাতার তালতলা পল্লীর এক জন বিখ্যাত চিকিৎসক ছিলেন।

ডাক্তার দুর্গাচরণ স্বনামধন্য পুরুষ ছিলেন। ডেভিড হেয়ারের বিদ্যালয়ে অধ্যাপনাকালে তিনি ডাক্তারী বিজ্ঞান শিক্ষা করিয়াছিলেন। ডেভিড হেয়ারের দয়া ও সাহায্যের ফলে দুর্গাচরণ পিতামাতার বাধা সত্ত্বেও শিক্ষা লাভ করিতে সমর্থ হইয়াছিলেন। তাঁহার পিতামাতা গৌড়া হিন্দু, কাষেই পুত্রকে আপনাদের সংস্কার অনুযায়ী ডাক্তারী শিক্ষায় দিতে চাহেন নাই। মিঃ হেয়ার তাঁহাকে মেডিক্যাল কলেজের লেকচার শুনিবার সুযোগ দিবার জন্য স্কুল হইতে অনেক সময়ে বহুক্ষণ ছুটি দিতেন। এই দুর্গাচরণই পরে কলিকাতার অন্যতম প্রধান চিকিৎসক এবং পিতামাতার কর্তব্যপরায়ণ পুত্র হইয়াছিলেন।

সুরেন্দ্রনাথ পিতার দ্বিতীয় পুত্র, অন্যতম পুত্র প্রসিদ্ধ ব্যারিষ্টার কাপেন জিতেন্দ্রনাথ বন্দ্যোপাধ্যায়। ১৮৪৮ খৃষ্টাব্দে সুরেন্দ্রনাথ জন্মগ্রহণ করেন। কলিকাতা ডাভটন কলেজে সুরেন্দ্রনাথের বাল্যশিক্ষা সমাপ্ত হয়। বাল্যকালে তিনি অতি মেধাবী ছাত্র ছিলেন এবং প্রতি বৎসর বার্ষিক পরীক্ষায় পারিতোষিক লাভ করিতেন। ১৮৬৩ খৃষ্টাব্দে সুরেন্দ্রনাথ প্রথম বিভাগে কলিকাতা বিশ্ববিদ্যালয়ের প্রবেশিকা পরীক্ষায় উত্তীর্ণ হইলেন। ১৮৬৭ খৃষ্টাব্দে তিনি বি. এ. পাশ করেন। কলেজে পাঠকালে কলেজের প্রিন্সিপাল মিষ্টার সাইম তাঁহার প্রতিভায় এত দূর আকৃষ্ট হইলেন যে, তিনি স্বতঃপ্রসূত হইয়া সুরেন্দ্রনাথকে ইংলণ্ডে সিভিল সার্ভিস পরীক্ষা দিবার জন্য প্রেরণ করিলেন। তাঁহার পিতাকে অস্বস্তি হইল। ডাঃ দুর্গাচরণ তদনুসারে সুরেন্দ্রনাথকে ১৮৬৮ খৃষ্টাব্দে ইংলণ্ডে প্রেরণ করেন। সুরেন্দ্রনাথ, রমেশচন্দ্র দত্ত ও বিহারীলাল গুপ্তের সমভিব্যাহারে সিভিল সার্ভিস পড়িবার জন্য ইংলণ্ডে যাত্রা করেন। সেখানে তিনি অধ্যাপক গোল্ডষ্ট্রুকার এবং হেনরী মরলি প্রমুখ বিখ্যাত পণ্ডিতগণের নিকট শিক্ষালাভ করিয়াছিলেন।

সিভিল সার্ভিস পাশ

সিভিল সার্ভিস পরীক্ষায় উত্তীর্ণ হইতে সুরেন্দ্রনাথকে একটু বেগ পাইতে হইয়াছিল। তাঁহার বয়সবৃদ্ধি হইয়াছে বলিয়া সিভিল সার্ভিস কমিশনাররা তাঁহার নাম উত্তীর্ণ ছাত্রদের নামের তালিকা হইতে বাদ দেন। সুরেন্দ্রনাথ কইল বেঞ্চে সিদ্ধান্তের বিরুদ্ধে মামলা রুজু করেন; ফলে সুরেন্দ্রনাথেরই জয় হয়। সিভিল সার্ভিস পরীক্ষার ফল বাহির হইলে দেখা যায়, সুরেন্দ্রনাথ পরীক্ষায় উত্তীর্ণ হইয়াছেন। পরীক্ষায় উত্তীর্ণ হইয়া সুরেন্দ্রনাথ ভারতে প্রত্যাবর্তন করেন। তাঁহাকে শ্রীহট্টের সহকারী ম্যাজিষ্ট্রেটপদে নিযুক্ত করা হয়। সেই পদে তিনি ২ বৎসর কাল কার্য করেন।

সিভিল সার্ভিস ত্যাগ

সহকারী ম্যাজিষ্ট্রেটস্বরূপে কায করিবার সময় সুরেন্দ্রনাথ একটি মামলা-সংক্রীয় কয়েকটি অভিযোগে অভিযুক্ত হইলেন। ইহার মধ্যে প্রথাবিরুদ্ধ ওয়ারেন্ট দেওয়া এবং পরে মিথ্যা বিবরণ দেওয়ার অভিযোগই প্রধান। তাঁহার অপরাধের বিচারের জন্য একটি কমিশন বসে। সুরেন্দ্রনাথ তাঁহার অপরাধ স্বীকার করিলেও সেই কমিশন তাঁহাকে অপরাধী সাব্যস্ত করিলে সরকার এই সামান্য ব্যাপারকে প্রকাণ্ড জ্ঞান করিয়া সুরেন্দ্রনাথকে বার্ষিক ৬ শত টাকা পেন্সন দিয়া সিভিল সার্ভিস বিভাগ হইতে বিদায় দেন। সুরেন্দ্রনাথ মামলা কলিকাতায় স্থানান্তরিত করিবার এবং আপনার পক্ষে ভাল উকীল নিয়োগ করিবার প্রার্থনা করিলেও, তাঁহার প্রার্থনা পূর্ণ করা হয় নাই। তখন সুরেন্দ্রনাথের বয়স ২৩ বৎসর মাত্র।

ছাত্রের শিক্ষক

যে যুবক জীবন-যুদ্ধে প্রবেশ করিতে যাইতেছে, তাহার পক্ষে এ আঘাত কত বড় গুরু, তাহা সহজেই অনুমেয়। কিন্তু সুরেন্দ্রনাথ ভয়-হৃদয় হইবার নহেন। এই অন্তায় ও অবিচারের এক দিন প্রতীকার হইবে, এ বিশ্বাস সুরেন্দ্রনাথের ছিল। তাঁহার সে আশাও সফল হইয়াছিল। যে সুরেন্দ্রনাথকে সরকার প্রথম বরসে 'চাকুরী' হইতে

বরখাস্ত করিয়াছিলেন, সেই সুরেন্দ্রনাথকে সরকার পরিণত বয়সে যাচিয়া মন্ত্রিত্ব দিয়াছিলেন। উহা সুরেন্দ্রনাথের পক্ষে কত বড় নৈতিক অঙ্গের নিদর্শন, তাহা বুঝিতে বিলম্ব হয় না। তিনি যে অস্তায় করেন নাই, তাহা তাঁহার জীবনের দ্বারা বুঝাইবার নিমিত্ত সুরেন্দ্রনাথ বন্ধপরিষ্কার হইলেন। এই হেতু তিনি ছাত্রগণের শিক্ষার ভার গ্রহণ করিলেন। এত বড় মহৎ কার্য জগতে আর কিছু নাই, সুরেন্দ্রনাথের ইহাই ধারণা ছিল। তিনি চিরদিনই আপনাকে ছাত্র-শিক্ষক বলিয়া পরিচয় দিয়া গর্ভাভূত্ব করিতেন। এ বিষয়ে তাঁহার পক্ষে বিধাতা এক সুযোগ মিলাইয়া দিলেন। প্রাতঃ-স্মরণীয় পণ্ডিত ঈশ্বরচন্দ্র বিদ্যাসাগর মহাশয় তাঁহাকে তাঁহার মেট্রোপলিটন কলেজের ইংরাজী সাহিত্যের অধ্যাপক নিযুক্ত করেন। এই পদে কার্য করিয়া সুরেন্দ্রনাথ মাসিক ২ শত টাকা বেতন পাইতেন। সে ১৮৭৬ সালের কথা।

ইহার কিছু দিন পরে সুরেন্দ্রনাথ কিছু কাল সিটি কলেজে অধ্যাপকতা করেন। তার পর ফ্রি চার্চ ইন্সটিটিউশনের প্রিন্সিপালের অধুরোধে সুরেন্দ্রনাথ সেই কলেজের ইংরাজী সাহিত্যের অধ্যাপকের পদ গ্রহণ করেন।

রিপণ কলেজ

১৮৮২ খৃষ্টাব্দে তিনি এই কলেজের চাকুরী পরিত্যাগ করিয়া বহুবাজারে একটি ক্ষুদ্র স্কুলের প্রধান শিক্ষকতা করিতে থাকেন, সেই স্কুলটিই পরবর্তী কালে “রিপণ কলেজ” পরিণত হয়। পরবর্তী কালে সুরেন্দ্রনাথ কলেজটিকে একটি কমিটির হস্তে অর্পণ করেন। সুরেন্দ্রনাথ এই রিপণ কলেজে নিজে ইংরাজী সাহিত্য পড়াইতেন এবং তাঁহার অধ্যাপনা-কৌশলে প্রতি বৎসর নূতন নূতন ছাত্র রিপণ কলেজকে পরিপূর্ণ করিয়া তুলিত। ছাত্রদের প্রাণে রাজনীতিক চিন্তার উদ্বোধনই সুরেন্দ্রনাথের শিক্ষাপদ্ধতির প্রধান বৈশিষ্ট্য ছিল।

বঙ্গালার আরণ্ণ

সুরেন্দ্রনাথকে অনেকে বঙ্গালার ‘আরণ্ণ’ আখ্যা দিয়া থাকেন। আরণ্ণ যেমন বিলাতের বিখ্যাত ‘রাগবি’

স্কুলটির প্রাণ ছিলেন, একরূপ তাহার জন্মদাতা ছিলেন, —সুরেন্দ্রনাথ সেইরূপ রিপণ কলেজের প্রাণ ছিলেন। তাঁহার শিক্ষকতা করিবার অসাধারণ শক্তি ছিল। বাহারা তাঁহার নিকট পাঠ করিয়াছেন, তাঁহারা জানেন, ইংরাজী সাহিত্য বা ইতিহাস পড়াইবার সময়ে তিনি কি উদ্ভাদনা আনয়ন করিতেন। বার্কের ‘করাসী-বিপ্লব’ পড়াইবার সময়ে তাঁহাকে ছাত্ররা অনেক সময়ে গ্রন্থ খুলিতে দেখিত না—তিনি দুই তিন পাতা অনর্গল আবৃত্তি করিয়া যাইতেন। তাঁহার ধীর গভীর স্মৃতি উচ্চারণ ছাত্রগণকে মোহিত করিয়া দিত। এমনও হইত যে, অনেক সময়ে তাঁহার আবৃত্তির গুণে ব্যাখ্যাও সরল হইয়া যাইত। প্রেসিডেন্সি কলেজেরও বহু ছাত্র গোপনে রিপণে আসিয়া তাঁহার ‘করাসী বিপ্লবের’ ব্যাখ্যা শুনিয়া যাইত। ছাত্রসমাজে এ জন্ম তাঁহার কি প্রভাব বিস্তৃত হইয়াছিল, তাহা অনেকেই জানেন।

ভারত সভা

১৮৭৬ খৃষ্টাব্দের ২৬শে জুলাই সুরেন্দ্রনাথের জীবনের একটি স্মরণীয় দিন। ঐ দিন তিনি স্বর্গীয় আনন্দমোহন বসুর সহযোগে কলিকাতায় ভারত সভা বা ইণ্ডিয়ান এসোসিয়েশনের প্রতিষ্ঠা করেন। যে দিন ভারত-সভার প্রতিষ্ঠা হইবার দিন ধার্য হয়, সেই দিন সুরেন্দ্রনাথের একটি পুত্র মারা যায়। সুরেন্দ্রনাথ এই দারুণ পুত্রশোকের আঘাতে বিন্দুমাত্র বিচলিত না হইয়া কর্তব্যসাধনের নিমিত্ত অপরাহ্নে ভারত-সভার প্রতিষ্ঠা করেন এবং যথারীতি বক্তৃতাও করেন।

ভারত-সভার কায

যে যুগে ভারত-সভার প্রতিষ্ঠা, সে যুগে এই ভারত-সভা দেশের অনেক কায করিয়াছিল। লর্ড সালিসবারি সিভিল সার্ভিসে প্রবেশের বয়স ২১ বৎসরের স্থানে ১৯ বৎসর করিয়া ভারতবাসীর সিভিল সার্ভিসে প্রবেশের পথ একেবারে বন্ধ করেন, সুরেন্দ্রনাথ ভারত-সভার পক্ষ হইতে ইহার তীব্র প্রতিবাদ আরম্ভ করেন। নানা স্থানে তিনি এই উপলক্ষে বক্তৃতা করিয়া বেড়ান। এই উপলক্ষে সমগ্র ভারতে যে সম্মিলিত প্রতিবাদ আরম্ভ হয়, তাহা হইতেই ভারতীয় জাতীয় মহা সমিতির ভিত্তি

স্থাপিত হয়। সুরেন্দ্রনাথের চেষ্ঠায় ভারত সভার প্রতিনিধিরূপে লালমোহন ঘোষ মহাশয়কে ইংলণ্ডে পাঠান হয়। তিনি সেখানে যে বক্তৃতা করেন, সেই বক্তৃতা শুনিয়া ২৪ ঘণ্টার মধ্যে বৃটিশ গবর্ণমেন্ট কমন্স মহাসভায় এই প্রস্তাব উপস্থাপিত করেন যে, অতঃপর ভারত-বাসীকে উচ্চ রাজপদে প্রতিষ্ঠিত করা হইবে।

লর্ড লিটনের নীতির প্রতিবাদ

ভারতের ভূতপূর্ব বড় লাট লর্ড লিটন প্রেস অ্যাক্ট, অস্ত্র আইন, বিদেশী কাপড়ের উপর শুল্ক হ্রাস, ইত্যাদি অপ্রীতিকর ব্যবস্থা করেন। তিনি আফগান যুদ্ধ ঘোষণা করিয়া ভারতে এক অশান্তির দাবানল প্রজ্বালিত করেন। সুরেন্দ্রনাথ লর্ড লিটনের দমননীতির প্রতিবাদ করিয়া এমন তীব্র বক্তৃতা করিতে লাগিলেন যে, অবশেষে লর্ড লিটনকে পদত্যাগ করিয়া বাইতে হয় এবং উদারনৈতিক দল পার্লামেন্টে শক্তিশালী হইয়া উঠিলে মুদ্রাষত্বের স্বাধীনতা-হরণের আইন বাতিল করা হয়।

মহামতি গ্লাডষ্টোন তখন সরকার পক্ষের বিরোধী লিবারল দলের কর্তা। তিনি 'ভারত-সভার' বন্ধ ছিলেন। তিনিই পার্লামেন্টে মুদ্রাষত্বের স্বাধীনতার বিপক্ষে আইনের প্রতিবাদপত্র পেশ করিয়াছিলেন। আফগান যুদ্ধের খরচাও তিনি কমানাইয়াছিলেন। তিনি পার্লামেন্টে বলিয়াছিলেন, 'এ যুদ্ধের সহিত ভারতীয়দের কোন সম্পর্ক নাই।' মহামতি গ্লাডষ্টোনের সাহায্যে সেই সময়ে ভারত-সভা অনেক কার্য করিয়া লইয়াছিল। তখন ভারত-সভার প্রাণ ছিলেন সুরেন্দ্রনাথ। সুতরাং তখন হইতেই সুরেন্দ্রনাথ দেশসেবার ব্রত গ্রহণ করিয়াছেন বলিতে হইবে।

ইংলণ্ডে প্রতিনিধি প্রেরণ

১৮৭৯ খৃষ্টাব্দে সার সুরেন্দ্রনাথের প্রস্তাবে ভারতের অবস্থা ইংলণ্ডবাসীর গোচর করিবার নিমিত্ত কয়েক জন প্রতিনিধিকে স্থায়ীভাবে ইংলণ্ডে রাখিবার ব্যবস্থা হয়। ফলে উমেশচন্দ্র বন্দ্যোপাধ্যায়, মিঃ আনন্দমোহন বসু, মিঃ নর্টন, মিঃ মুখোপাধ্যায়, মিঃ বোশী ও সুরেন্দ্রনাথ এবং পরে মিঃ গোখলে ইংলণ্ডে বাইয়া ভারতের অবস্থা ইংলণ্ডবাসীর নিকট প্রচার করিতে থাকেন।


পরে স্মাশানাংল কংগ্রেস বিলাতে একখানি সংবাদ-পত্র প্রতিষ্ঠা করিয়া ভারতীয় মতামত অল্পকণ প্রচার করিবার ব্যবস্থা করিয়াছিলেন। পরন্তু কংগ্রেস বিলাতে একটি পার্লামেন্ট-সংক্রান্ত কমিটিও প্রতিষ্ঠা করিয়াছিলেন। ঐ কমিটি পার্লামেন্টে ভারতীয়দিগের স্বার্থের দিকে ধর'দৃষ্টি রাখিত।

কর্পোরেশনে সুরেন্দ্রনাথ

১৮৭৬ খৃষ্টাব্দে সুরেন্দ্রনাথ কলিকাতা কর্পোরেশনের সদস্য হইলেন। তখন সদস্যরা নির্বাচিত হইতেন। পরে তিনি উত্তর-বারাকপুর মিউনিসিপ্যালিটির চেয়ারম্যান নিযুক্ত হইলেন। কর্পোরেশন, মিউনিসিপ্যালিটি, জিলা-বোর্ড, লোক্যালবোর্ড প্রভৃতি প্রতিষ্ঠানে সভ্য, চেয়ারম্যান প্রভৃতি নির্বাচনের প্রথা প্রবর্তিত করিবার জন্য তিনিই সর্বপ্রথমে আন্দোলন করিয়াছিলেন। ১৮৮৮ ও ১৮৯৭ খৃষ্টাব্দে তিনি কলিকাতা মিউনিসিপ্যাল বিল সম্বন্ধে যে বক্তৃতা করিয়াছিলেন, সেই বক্তৃতা অবশেষে সভাপতি সার হেনরী হারিসন মিউনিসিপ্যালিটির কার্যে তাঁহার গভীর জ্ঞান দেখিয়া তাঁহার ভূয়সী প্রশংসা করিয়াছিলেন। ১৮৯৩ খৃষ্টাব্দে সুরেন্দ্রনাথ কর্পোরেশনের প্রতিনিধিরূপে বঙ্গীয় ব্যবস্থাপক সভার সভ্য নির্বাচিত হইলেন। তিনি ১৮৯৭ খৃষ্টাব্দে এই বিলের তীব্র প্রতিবাদ করেন, কিন্তু তাঁহার ঘোরতর প্রতিবাদ সত্ত্বেও যখন বিলটি পাশ হয়, তখন তিনি ও মিউনিসিপ্যালিটির অন্ত ২৭ জন কমিশনার পদত্যাগ করেন। ২৩ বৎসর কাল তিনি মিউনিসিপ্যালিটির কমিশনার-পদে জ্বলিত ছিলেন। এই সূত্রে হারিসন, বেভালি, কটন প্রভৃতি মুনীষিগণের সহিত তাঁহার ঘনিষ্ঠতা হইয়াছিল।

বেঙ্গলীর সম্পাদকতা

স্বর্গীয় উমেশচন্দ্র বন্দ্যোপাধ্যায় (ডব্লিউ, সি, ব্যানার্জী) মহাশয়ের ও অন্ত কয়েক জনের চেষ্ঠায় 'বেঙ্গলী' পত্র প্রতিষ্ঠিত হয়। ১৮৭৯ খৃষ্টাব্দে লর্ড লিটনের দমননীতির ফলে 'বেঙ্গলীর' অবস্থা যখন শোচনীয় হইয়া পড়ে, তখন সার সুরেন্দ্রনাথ উক্ত পত্রের সম্পাদকতা গ্রহণ করেন। তিনি 'বেঙ্গলীর' অধ্যক্ষানকল্পে তাঁহার সমস্ত শক্তি নিয়োজিত করেন এবং অতি অল্পকালের মধ্যে 'বেঙ্গলী'



ଭୈରବନାଥେନ ସ୍ମୃତି-ଅନ୍ଧ୍ୟ

বঙ্গের সর্বশ্রেষ্ঠ সংবাদপত্রে পরিণত হয়। তখন বেঙ্গলী সাপ্তাহিক পত্র ছিল। পরে বেঙ্গলী দৈনিকে পরিণত হয়। ঐ পত্রে সুরেন্দ্রনাথ দেশের আশা, আকাঙ্ক্ষার কথা জীবন্ত ভাষায় ফুটাইয়া তুলিয়াছিলেন।

সুরেন্দ্রনাথের কারাদণ্ড

১৮৮৩ খৃষ্টাব্দে আদালত অবমাননার অপরাধে সুরেন্দ্রনাথের কারাদণ্ড হয়। ইতঃপূর্বে সার সুরেন্দ্রনাথ সিভিলিয়ান ও গোরাদের অত্যাচারের কথা প্রকাশ করিয়া আমলাতন্ত্রের বিরাগভাজন হইয়াছিলেন। নীলকরদের অত্যাচারকাহিনী প্রকাশ করিয়া তিনি নীলকরদের ক্ষুব্ধ হইয়াছিলেন। ইলবাট বিলের আন্দোলনে সুরেন্দ্রনাথ দেশীয়দিগের অগ্রগামী হইয়াছিলেন। এ সমস্ত কারণে সরকারের বিষদৃষ্টি তাঁহার উপর পড়িয়াছিল। এ ক্ষেত্রেও সুরেন্দ্রনাথ আর একটা স্বাধীন বৃত্তির পরিচয় দিয়া রাজ্যবাসীকে অভিব্যক্ত হইলেন। কলিকাতা হাইকোর্টের বিচারপতি মিঃ নরিশ একটি পারিবারিক বিষয়বস্তুতে মোকদ্দমার বিচারকালে আদালতে না কি শালগ্রাম উপস্থিত করিতে আদেশ করেন। একখানি সংবাদপত্র হইতে এই সংবাদ 'বেঙ্গলী' পত্রে উদ্ধৃত করা হয়। মিঃ নরিশ প্রকৃতপক্ষে সেরূপ আদেশ না করায় সুরেন্দ্রনাথের উপর বিষম ক্রোধান্বিত হইলেন। তিনি আদালত অবমাননার অপরাধে সুরেন্দ্রনাথকে অভিযুক্ত করেন। সুরেন্দ্রনাথ গ্রেপ্তার হইলেন। আদালতে তিনি কন্যে প্রার্থনা করেন, কিন্তু প্রার্থনা গ্রাহ্য হয় নাই। সেই সময় একমাত্র দেশীয় জজ সার রমেশচন্দ্র মিত্র সুরেন্দ্রনাথকে অর্থদণ্ডে দণ্ডিত করিবার জন্ত বলেন। তাঁহার কথা অল্প বিচারপতির গুণেন না। সুরেন্দ্রনাথকে সিভিল জেলে ২ মাসের কারাদণ্ডে দণ্ডিত করা হয়। এই মোকদ্দমার বিচারফল দেখিবার নিমিত্ত হাইকোর্টের চারিদিকের বারান্দায় এত অসংখ্য লোকের সমাগম হইয়াছিল যে, সরকারকে শৃঙ্খলা রক্ষা করিবার জন্ত রীতিমত সৈন্য মোতায়েন করিতে হইয়াছিল। যদি সুরেন্দ্রনাথের জরিমানা হয়, তাহা হইলে তৎক্ষণাৎ জরিমানার টাকা পরিশোধ করা হইবে, এই আশায় স্বর্গীয় কুমার ইন্দ্রচন্দ্র সিংহ আদালত-গৃহে ১ লক্ষ টাকা লইয়া উপস্থিত ছিলেন। সুরেন্দ্রনাথের প্রতি কারাদণ্ডের

আদেশ দিয়া তাঁহাকে সাধারণ কয়েদীর গাড়ীতে জেলে না পাঠাইয়া তাঁহাকে বিচারপতি মিঃ নরিশের ক্রহামে করিয়া জেলে পাঠান হয়। উত্তেজিত জনসম্মুখে এতই ভয়! দুই মাস পরে যে দিন সুরেন্দ্রনাথের মুক্তি পাইবার কথা, সে দিন লক্ষ লক্ষ লোক তাঁহাকে অভ্যর্থনা করিবার জন্ত প্রস্তুত হয়। কিন্তু আশ্চর্যের বিষয়, তাঁহাকে দিনের বেলায় মুক্তি না দিয়া রাত্রি ৪টার সময় ছাড়িয়া দিয়া একখানা ঠিকা গাড়ীতে করিয়া তালতলায় পাঠাইয়া দেওয়া হয়। তখন বেঙ্গলী অফিস তালতলায় অবস্থিত ছিল। কলিকাতার নানা স্থানে সুরেন্দ্রনাথকে সংবর্ধনা করিবার জন্ত সভার অধিবেশন হয়। তন্মধ্যে ফ্রী চার্চ ইন্সটিটিউশনে (পরে ডাক কলেজ) যে সভা হয়, সেই সভায় প্রেসিডেন্সী কলেজের ছাত্রস্বরূপে আশুতোষ মুখোপাধ্যায়, (বিচারপতি সার আশুতোষ) সুরেন্দ্রনাথের স্বাধীনচিত্ততার ভয়সী প্রশংসা করিয়া বক্তৃতা করেন।

এই কারাদণ্ডের মূলে সুরেন্দ্রনাথের স্বাধীনবৃত্তিই যে দায়ী ছিল, তাহাতে সন্দেহ নাই। জষ্টিশ নরিশ ব্রিষ্টলবাসী ছিলেন; ব্রিষ্টল ইংলণ্ডের একটি সহর; মিঃ জন ব্রাইট ভারতের মঙ্গল করিবার উদ্দেশে মিঃ নরিশকে ভারতে পাঠাইয়াছিলেন। তখন মিঃ ব্রাইট সরকারের লোক ছিলেন। এহেন লোক সুরেন্দ্রনাথের বিপক্ষতাচরণ করিবে, ইহাই আশ্চর্য। লোক বলে, অ্যাংলো-ইণ্ডিয়ান প্রভাবই মিঃ নরিশের এই মনোভাবপরিবর্তনের কারণ। বস্তুতঃ পরে মিঃ নরিশ সুরেন্দ্রনাথের প্রতি অল্পরূপ ব্যবহার করিয়াছিলেন। যখন ১৮৯০ খৃষ্টাব্দে সুরেন্দ্রনাথ ও তাঁহার দলের কয়েক জন প্রতিনিধি বিলাতযাত্রা করেন, তখন মিঃ নরিশের তার পাইয়া ব্রিষ্টলবাসীরা তাঁহাদিগকে যথেষ্ট সহায়তা করিয়াছিলেন। সুরেন্দ্রনাথ এজন্য মিঃ নরিশকে শতমুখে সুখ্যাতি করিয়া গিয়াছেন।

ভারতীয় জাতীয় মহাসমিতি

১৮৮৩ খৃষ্টাব্দে এই আদালত অবমাননার মামলার ফলে সুরেন্দ্রনাথ দেশবাসীর নিকট অবিসংবাদী নেতৃত্বের গৃহীত হইলেন। সুরেন্দ্রনাথের কারাদণ্ডের কারণ বিবৃত করিতে ব্যারিষ্টার লালমোহন ঘোষ মহাশয় ইংলণ্ডে

ষায়েন। ইণ্ডিয়ান এসোসিয়েশনের সেক্রেটারীরূপে সুরেন্দ্রনাথ প্রথমে কলিকাতার ভারতীয় জাতীয় কনফারেন্সের আহ্বান করেন। আলবার্ট হর্লে জাশনাল কনফারেন্সের অধিবেশন হয়। ভারতের মধ্যে এইটিই প্রথম রাজনৈতিক কনফারেন্স। ১৮৮৫ খৃষ্টাব্দে পুনরায় এই জাতীয় কনফারেন্সের অধিবেশন হয়। ঐ অর্থে বোম্বাইয়ে জাতীয় মহাসমিতির অধিবেশন হওয়ার, সুরেন্দ্রনাথ কলিকাতার কনফারেন্সের আয়োজন করিতে ব্যস্ত থাকায়, প্রথম জাতীয় মহাসমিতিতে যাইতে পারেন নাই। কিন্তু তাহার পর হইতে বহুগুলি কংগ্রেসের অধিবেশন হইয়াছে, তাহার সবগুলিতেই সুরেন্দ্রনাথ যোগদান করিয়াছেন।

ইংলণ্ডে ডেপুটেশন

১৮৮৯ খৃষ্টাব্দে ইংলণ্ডবাসীর মন ভারতের দিকে আকৃষ্ট করিবার জন্ত কংগ্রেস হইতে আর এক দল প্রতিনিধি ইংলণ্ডে প্রেরিত হইলেন। মিঃ এ, ও, হিউম, সুরেন্দ্রনাথ বন্দ্যোপাধ্যায়, মিঃ নর্টন ও মিঃ মুখোপাধ্যায় এবার ইংলণ্ডে যান। তখন ইংলণ্ডে মহামতি দাদাভাই নোরজী ও মৈয়দ আলী ইমাম অবস্থান করিতেছিলেন। তাঁহারা এই প্রতিনিধিগণকে বিশেষ সাহায্য করেন। সুরেন্দ্রনাথ এইবার মিঃ গ্লাডষ্টোন প্রমুখ বৃটিশ বিরোধীগণের সমক্ষে একরূপ বাগ্মিতার পরিচয় দেন যে, ইংলণ্ডের সমগ্র সংবাদপত্র একবাক্যে তাঁহাকে পিট, কক্স, বার্ক, সেরিডন প্রভৃতির সমকক্ষ বাগ্মী বলিয়া ঘোষণা করেন। এইরূপে ইংলণ্ডে কংগ্রেসের প্রথম প্রচারকার্য আরম্ভ হইল। বৃটিশ কংগ্রেস কমিটির উদ্যোগে ৩০টি সভা হইয়াছিল।

ভারতে প্রত্যাবর্তন

ইংলণ্ডের নানা স্থানে বক্তৃতা করিয়া এবং পাশ্চাত্য জগৎকে বিশ্ববিমুগ্ধ করিয়া সুরেন্দ্রনাথ ভারতে প্রত্যাবর্তন করেন। বোম্বাই ও কলিকাতার সেবার সুরেন্দ্রনাথের বিপুল সংবর্ধনা হয়। তাঁহার স্মরণসম্বন্ধে দাবীর জন্ত সরকার ও দেশবাসী তাঁহার প্রতি শ্রদ্ধাসম্পন্ন হইলেন।

তাঁহার আন্দোলনে সুফলও ফলিতে আরম্ভ করিয়াছিল;—

(১) জুরি নোটিফিকেশনের বিরুদ্ধে সুরেন্দ্রনাথ ১৮৯৩ খৃষ্টাব্দে আন্দোলন উপস্থিত করেন, উহা সরকার প্রত্যাহার করিতে বাধ্য হইলেন,

(২) ১৮৯১ খৃষ্টাব্দে ইণ্ডিয়ান কাউন্সিল অ্যাক্ট পাশ হয়,

(৩) উহার সংশোধনমূলক আইনও ঐ বৎসরে বিধিবদ্ধ হয়,

(৪) দেগীর সংবাদপত্রসংক্রান্ত মুদ্রায় আইন রদ হয়।

১৮৯৩ খৃষ্টাব্দে কলিকাতা করপোরেশন সুরেন্দ্রনাথকে কাউন্সিলের সদস্য নির্বাচিত করেন।

১৮৯৫ খৃষ্টাব্দে সুরেন্দ্রনাথ পুনা কংগ্রেসের প্রেসিডেন্ট নির্বাচিত হইলেন।

ওয়েলবা কমিশনে সাক্ষ্যদান

১৮৯৭ খৃষ্টাব্দে ওয়েলবা কমিশন নামে যে রয়াল কমিশন ভারত সরকারের আয়ব্যয়ের সম্বন্ধে জনসাধারণের মতামত গ্রহণের জন্ত ভারতে আসিয়াছিল, সুরেন্দ্রনাথ সেই কমিশনে সাক্ষ্যদান করেন। তিনি সেই সময়ে সরকার পক্ষে মিঃ জেকবের বিবরণের যে জেরা করেন, তাহাতেই তাঁহার জ্ঞান জ্ঞানা যায়।

১৮৯৭ খৃষ্টাব্দে লোকমান্ন তিলকের প্রথমবার মোকদ্দমার সময় ও নাটু ভাইদের নির্কাসনের সময় এবং রাজক্রোহ আইন পাশ করিবার সময় তিনি দেশের প্রভূত কাষ করিয়াছিলেন। ১৮৯৭ খৃষ্টাব্দের কংগ্রেসে তিনি ঐ তিনটি বিষয়ক প্রস্তাব উপস্থাপিত করিয়াছিলেন।

লর্ড কার্জন ও সুরেন্দ্রনাথ

১৮৯৮ খৃষ্টাব্দের ডিসেম্বর মাসের শেষে লর্ড কার্জন ভারতের বড় লাট হইয়া আইসেন। তখন মাদ্রাজে কংগ্রেসের অধিবেশন হইতেছিল। সুরেন্দ্রনাথ কংগ্রেসের পক্ষ হইতে লর্ড কার্জনকে অভ্যর্থনা করেন। লর্ড কার্জন দুর্ভিক্ষদমন এবং গোরা সৈনিকদের শিকার আইন প্রবর্তন করিয়া লোকপ্রিয় হইলেন। ১৯০০ খৃষ্টাব্দে লাহোর কংগ্রেসেও সুরেন্দ্রনাথের মারফতে লর্ড কার্জনকে সুখ্যাতি করা হয়। কিন্তু পরে তিনি কলিকাতা

মিউনিসিপাল বিলে সম্মতি দিয়া স্থানীয় স্বায়ত্ত-শাসনের মূলে কুঠারাঘাত করিয়া এ দেশবাসীর মনে আঘাত দেন। ইহাতেও সুরেন্দ্রনাথ বিশেষ কিছু বলেন নাই।

১৯০২ খৃষ্টাব্দে লর্ড কার্জন বিশ্ববিদ্যালয়কে সরকারী প্রতিষ্ঠানে পরিণত করিয়া এবং উচ্চশিক্ষায় হস্তক্ষেপ করিয়া লোকের বিরাগভাজন হইলেন। কিন্তু তখনও সুরেন্দ্রনাথ প্রমুখ সাবধান নিয়মাহুগপন্থীরা বিশেষ কিছু বলিলেন না। ১৯০২ খৃষ্টাব্দে সুরেন্দ্রনাথ দ্বিতীয়বার কংগ্রেসের প্রেসিডেন্ট হইলেন। সেবার আমেদাবাদে কংগ্রেসের অধিবেশন হইয়াছিল। সেবারও তাঁহার অভিভাষণে তিনি নিয়মাহুগপথে ভারতের মুক্তির সন্ধান করিতে দেশবাসীকে উপদেশ দিয়াছিলেন। কিন্তু তখন হইতেই তাঁহার মনে নিয়মাহুগপথে আন্দোলন করার সার্থকতার সন্দেহ হয়। তিনি অভিভাষণ বলিয়াছিলেন, “ভারতের বৃটিশ শাসননীতিতে উদারনীতি অঙ্গলঘন করিবার কাল অতীত হইয়া গেল, এ কথা যেন কেহ না বলিতে পারে। ঈংরাজ সেই ভাবে কাষ করুন।” সুরেন্দ্রনাথের মনে সংশয় উপস্থিত হইয়াছিল বটে, কিন্তু তখনও তিনি বৃটিশ শাসননীতির পরিবর্তন বিষয়ে হতাশাস হইয়েন নাই।

কিন্তু ১৯০৫ সালে যখন লর্ড কার্জন লক্ষ লক্ষ বাঙ্গালীর কথায় কর্ণপাত না করিয়া বঙ্গভঙ্গ করেন, তখন সুরেন্দ্রনাথ আর স্থির থাকিতে না পারিয়া তাহার তীব্র প্রতিবাদ করেন এবং বঙ্গভঙ্গের প্রতিবাদস্বরূপ

বিদেশী দ্রব্য বর্জনের

আন্দোলন আরম্ভ করেন। ১৯০৬ খৃষ্টাব্দে কলিকাতা কংগ্রেসে দাঁড়াইয়া সুরেন্দ্রনাথ বঙ্গভঙ্গের তীব্র প্রতিবাদ করিয়া জগদগম্ভীরনাদে দেশবাসীকে আহ্বান করিয়া বলেন, ষত দিন বঙ্গভঙ্গ রহিত না হয়—যত দিন লর্ড মলের “সেটেল্ড ফ্যাক্ট” “আনসেটেল্ড ফ্যাক্ট” পরিণত না হয়, তত দিন কেহ যেন এক মিন্দু বিলাতী দ্রব্য স্পর্শ না করে। দেশবাসী তাঁহার মেবনী প্রকাশিত চিত্রে গ্রহণ করে এবং “স্বদেশী আন্দোলন” নামে প্রবল আন্দোলন তখন হইতে বঙ্গে—শুধু বঙ্গে কেন, সমগ্র ভারতে আরম্ভ হয়।

এমার্শনী কাণ্ড

১৯০৬ সালে বরিশালে দেশপূজ্য অখিনীকুমার দত্ত মহাশয়ের আহ্বানে প্রাদেশিক সম্মিলনীর অধিবেশন হয়। সুরেন্দ্রনাথ সেই কনফারেন্সে বাঙ্গালার নেতৃস্বরূপে গমন করেন। তদানীন্তন জিলা ম্যাজিষ্ট্রেট মিঃ এমার্শন কনফারেন্সে ভাগিন্যা দেন এবং সুরেন্দ্রনাথকে জরিমানা করেন। তখন সার ব্যামফিল্ড ফুলার পূর্ক্ববন্ধের নূতন গর্নর। ফলারীকাণ্ডের কথা সকলেরই মনে আছে।

ইম্পিরিয়াল প্রেস কনফারেন্স

এই সময়ে সুরেন্দ্রনাথ লণ্ডনে সংবাদপত্রসেবিসঙ্ঘে আমন্ত্রিত হইয়া ভারতীয় সংবাদপত্রের প্রতিনিধিরূপে যান। সেই কনফারেন্সে পৃথিবীর নান দেশ হইতে সংবাদপত্রের প্রতিনিধিগণ আদিয়াছিলেন। লর্ড বার্ণহাম সেই কনফারেন্সে সভাপতির আসন গ্রহণ করেন। সেই কনফারেন্সে সার সুরেন্দ্রনাথ ভারতের অবস্থা সম্বন্ধে বক্তৃতা করেন। ভারতে ফিরিয়া আসিলে সেবারও সুরেন্দ্রনাথকে বোম্বাই ও কলিকাতায় বিপুল সংবর্ধনী করা হয়।

মিণ্টো-মলি রিফরম

বঙ্গভঙ্গ দেশের লোকের মনে বিষম ক্ষোভ ও ক্রোধের উদ্বেক করিলেও সুরেন্দ্রনাথ কিন্তু একবারে আশাহত হইয়েন নাই। লর্ড মলি ‘সেটেল্ড ফ্যাক্টের’ কথা বলিলেও মিল, গ্লাডস্টোন, ব্রাইটের শিষ্য মরলি ভান্নতের প্রতি এক দিন না এক দিন সুবিচার করিবেন, এ ধারণা তাঁহার ছিল। বস্তুতঃ সেই সময়ে লর্ড মলি বড় লাট লর্ড মিণ্টোর সহিত যোগাযোগে ভারতের জন্ত এক সংস্কার আইনর খসড়া প্রণয়ন করিতেছিলেন। সেই সময়ে দেশের লোককে স্থির ও সযত করিয়া রাখা কত কষ্টসাধ্য, তাহা সহজই অনুমেয়। তাহার উদ্ভব কতী বোম’, রিভলভার সত্যদির আবির্ভাবে বিলাতের কাগজওয়ালারা, ‘ভারতে বিদ্রোহ’, ‘ভারতে বিপদ’, ‘ভারতে প্রলয়’ ইত্যাদি বিভীষিকাপ্রদ প্রবন্ধ প্রকটিত করিতেছিলেন। এই দুঃস্থের মধ্যে নিয়মাহুগ নীতির

তরীখানিকে ঠিক রাখা যে কঠিন ব্যাপার হইয়া উঠিয়াছিল, তাহা তদানীন্তন অবস্থাভিত্তিকভাবেই বলিতে পারেন। সুরেন্দ্রনাথ তথাপি তরীখানিকে যথাসম্ভব স্থির রাখিয়াছিলেন। যখন মর্গি-মিণ্টোর শাসন-সংস্কার প্রকাশিত হইল, তখন উহার অমুদারতা দেখিয়াও সুরেন্দ্রনাথ প্রমুখ নিয়মালয় পথের যাত্রীরা সানন্দে উহা গ্রহণ করেন। তাঁহার বিশ্বাস ছিল, যাহা পাওয়া যাইতেছে, তাহাই লাভ, ভবিষ্যতে উহা আরও আনিবে।

দিল্লী দরবার ও বঙ্গ-ব্যবচ্ছেদ রদ

সুরেন্দ্রনাথের তীব্র আন্দোলনের ফলে এই সময়ে সম্রাট পঞ্চম জর্জ স্বয়ং দিল্লী দরবারে উপস্থিত হইয়া বঙ্গ-ব্যবচ্ছেদ রদ করিবার এবং দিল্লীতে রাজধানী স্থানান্তরিত করিবার বার্তা ঘোষণা করেন। সে ১৯১১ খৃষ্টাব্দের ১২ই ডিসেম্বরের কথা। তখন লর্ড হার্ডিঞ্জ ভারতের বড় লাট ও লর্ড ক্রু ভারত-সচিব। সুরেন্দ্রনাথের আন্দোলন সার্থক হইল।

ব্যবস্থাপক সভায় সুরেন্দ্রনাথ

লর্ড মর্লে যে শাসন-সংস্কার প্রবর্তন করেন, তাহার ফলে সুরেন্দ্রনাথ বঙ্গীয় ব্যবস্থাপক সভার সদস্য হইলেন। ৮ বৎসর যাবৎ তিনি বঙ্গীয় ব্যবস্থাপক সভার সদস্য ছিলেন। ১৯১৩ খৃষ্টাব্দে তিনি বড় লাটের ব্যবস্থাপক সভার সদস্য নির্বাচিত হইলেন।

মর্গেণ্ড শাসন-সংস্কার

১৯১৬ খৃষ্টাব্দের সেপ্টেম্বর মাসে ইম্পিরিয়াল কাউন্সিলের ১৯ জন সদস্য সরকারকে শাসন-সংস্কার সম্পর্কে এক মেমোরাণ্ডাম প্রদান করেন। সুরেন্দ্রনাথ তাঁহার 'বেঙ্গলী' পত্রে ইহা পূর্ণ সমর্থন করেন। ১৯১৬ খৃষ্টাব্দের লন্ডন কংগ্রেস এই বিষয়ে একটি মস্তব্য গ্রহণ করেন। ইহার ফলে বিলাতের সরকার ১৯১৭ খৃষ্টাব্দের ২০শে আগষ্ট তারিখে ভারতে ক্রমশঃ দায়িত্বপূর্ণ শাসন-নীতি প্রবর্তন করিবেন বলিয়া প্রতিশ্রুতি দেন। তাহার পরে ১৯১৯ খৃষ্টাব্দের মর্গেণ্ড-সংস্কার বিধিবদ্ধ হয়। সুরেন্দ্রনাথ মোটের উপর উহা স্বীকার করিয়া লইলেও উহার ক্রটি প্রদর্শন করিতে পশ্চাৎপদ হইলেন নাই;—The

weakest part of the scheme is that relating to the Government of India,

১৯১৯ খৃষ্টাব্দে ভারত-শাসন আইন প্রবর্তনের পর সার সুরেন্দ্রনাথকে বাঙ্গালা সরকার স্বায়ত্ত-শাসন বিভাগের মন্ত্রী নিযুক্ত করেন। ১৯১৯ খৃষ্টাব্দে বঙ্গীয় ব্যবস্থাপক সভার সদস্যনির্বাচনে কেহ তাঁহার প্রতিদ্বন্দী ছিলেন না। ১৯২০ খৃষ্টাব্দের ১লা জানুয়ারী সরকার তাঁহাকে "নাইট" করিয়া সার উপাধিভূষিত করেন। ৩ বৎসরকাল তিনি বাঙ্গালা সরকারের মন্ত্রিত্ব করিয়া দেশের উপকারের যথেষ্ট চেষ্টা করিয়াছিলেন। তিনি যে কলিকাতা মিউনিসিপ্যাল আইন রচনা করিয়া দিয়াছিলেন, তাহার ফলে আজ স্বরাজ্য দল কলিকাতা কর্পোরেশন দখল করিয়া লইতে সমর্থ হইয়াছেন।

মডারেট ডেপুটেশান

১৯১৯ খৃষ্টাব্দের প্রথম ভাগে লর্ড সাউথবরোর অধীনে সুরেন্দ্রনাথ এক রিফরম কমিটিতে সদস্যপদে নিযুক্ত হইয়াছিলেন। যে মাসে গবর্নমেন্ট অফ ইণ্ডিয়া বিলের খসড়া প্রকাশিত হয়। পার্লামেন্টের উভয় হাউসের সদস্যদিগকে লইয়া লর্ড সেলবোর্ণের সভাপতিত্বে এক জয়েন্ট কমিটি নিযুক্ত হয়। সেই কমিটি বিলের আকৃতি প্রদান করেন। এই ক্ষেত্রে যে মডারেট ডেপুটেশান বিলাতে গিয়াছিল, সুরেন্দ্রনাথ তাহার সভাপতিরূপে গিয়া অবস্থা সুন্দররূপে বিবৃত করিয়াছিলেন।

১৯২২ খৃষ্টাব্দে বঙ্গীয় ব্যবস্থাপক সভার পুনরায় নির্বাচন হইল—কিন্তু তাহার মধ্যে দেশের অনেক পরিবর্তন হইয়া গিয়াছিল। মহাত্মা গান্ধীর অসহযোগ মন্ত্র প্রচারের ফলে দেশে এক দল তরুণ ত্যাগীর আবির্ভাব হওয়ায়, সুরেন্দ্রনাথ এবার আর ব্যবস্থাপক সভার সদস্য নির্বাচিত হইতে পারিলেন না। স্বরাজ্য দলপতি চিত্তরঞ্জনের চেষ্টায় ডাক্তার বিধানচন্দ্র রায়ের নিকট সার সুরেন্দ্রনাথকে পরাজিত হইতে হইল। সে অপমান বৃদ্ধবয়সে সার সুরেন্দ্রনাথের পক্ষে অসহ্য হইয়াছিল। তাহার পর আর তিনি প্রকাশ্য সভায় আগমন করেন নাই। তিনি সহরের কোলাহল হইতে দূরে বারাকপুরের ভিত্ত কুঞ্জে বসিয়া তাঁহার কর্মময় জীবনের কাহিনী লিপিবদ্ধ




চিত্রানল

করিতেছিলেন। তাঁহার জীবনস্মৃতির প্রথম খণ্ড প্রকাশিত হইয়া গিয়াছে। মস্তিষ্কগ্রহণের পর তিনি বেঙ্গলী পত্রের সম্পাদনভার পরিত্যাগ করিয়াছিলেন। কিন্তু মৃত্যুর মাত্র কয়েক মাস পূর্বে তিনি পুনরায় বেঙ্গলীর সম্পাদনভার গ্রহণ করিয়াছিলেন। তিনি এবার আর বেঙ্গলী অফিসে আসিতেন না, তাঁহার বারাকপুরের বাটী হইতেই বেঙ্গলীর জন্ত রচনা প্রেরিত হইত।

শেষ কথা

মহাত্মা গান্ধী কয়েক দিন পূর্বে সার সুরেন্দ্রনাথের সহিত তাঁহার বারাকপুর মনিরামপুরস্থ বাটীতে তাঁহার সহিত সাক্ষাৎ করিয়াছিলেন। সে সময় সুরেন্দ্রনাথ স্বভাব-স্বলভ সরলতার বশবর্তী হইয়া মহাত্মাজীকে বলিয়াছিলেন

যে, তিনি (সুরেন্দ্রনাথ) ৯১ বৎসর বাঁচিবেন। কিন্তু কালের আহ্বানে তাঁহাকে তৎপূর্বেই দেহত্যাগ করিতে হইল। তিনি মৃত্যুর কয়েক দিন পূর্বে পর্যন্ত নিয়মিত শারীরিক ব্যায়ামচর্চা করিতেন। সন্ধ্যা ও বিকালে তাঁহার গঙ্গাতীরস্থ বাটীর সম্মুখে পাদচারণা করিয়া বেড়ান তাঁহার নিত্য-ক্রিয়া ছিল। সামান্য ইন্-ফ্লুয়েঞ্জা রোগে দিন কয়েকমাত্র ভুগিয়া সুরেন্দ্রনাথ ইহ-লোক হইতে প্রস্থান করিয়াছেন। মৃত্যুকালে তাঁহার ৭৭ বৎসর বয়স হইয়াছিল। তাঁহার একমাত্র পুত্র জুব-শঙ্কর ও বহু কন্যা ও বহু আত্মীয়-স্বজন, পৌত্র, দৌহিত্র রাখিয়া বাঙ্গালার রাজনীতিক “গুরু” সুরেন্দ্রনাথ চিরতরে চক্ষু মুদ্রিত করিয়াছেন।




সুরেন্দ্রনাথের শ্রাদ্ধবাস

সার সুরেন্দ্রনাথ বিলাত-ফেরত হইলেও এবং অনেক সময় যুরোপীয় প্রথায় চলিতে অভ্যস্ত হইলেও তিনি নিজেকে কুলীন ব্রাহ্মণ বলিয়া শ্রীতিলাভ করিতেন। অনেক সময় অনেক সভা-সমিতিতে তাঁ হাকে ব্রাহ্মণত্বের দোহাই দিতে দেখা গিয়াছে। তাঁহার লোকান্তরে মণিরামপুরে তাঁহার প্রিয় গঙ্গাতীরে অত্যন্তিক্রমার ব্যবস্থায়—সে বিষয়ে তাঁহার শেষ ইচ্ছা-প্রকাশে তাঁহাতে

হিন্দু শাস্ত্রানুযায়ী শ্রাদ্ধব্যবস্থার বিশেষ শ্রীতি হইয়াছেন।

গত ৩১শে শ্রাবণ রবিবার সংক্রান্তিদিবসে সুরেন্দ্রনাথের মণিরামপুরস্থিত বাটীতে শ্রাদ্ধ-ক্রিয়া সম্পন্ন হইয়াছে। অতি প্রত্যুষ হইতেই লোকজন কলিকাতা ও অন্যান্য স্থান হইতে দলে দলে মোটর প্রভৃতিতে বারাকপুর গমন করেন। বেলা ৮টার মধ্যে সার সুরেন্দ্রনাথের বাটীর



শ্রাদ্ধবাস

হিন্দুর সেই মজাগত সংস্কার যেমন প্রকাশ পাইয়াছিল, তেমনই পুত্র শ্রীমান্ ভবশঙ্কর সম্পূর্ণ হিন্দু প্রথায় মুণ্ডিত-মস্তকে পিতার শ্রাদ্ধকার্য্য বধাশাস্ত্র সম্পন্ন করিয়া তাঁহার সেই সংস্কারের প্রতি সম্মান প্রদর্শন করিয়াছেন, দেখিয়া আমরা সুখী হইয়াছি। শ্রাদ্ধে বাদ পরলোকগত আত্মার ভূপ্তি-সাধন হয়, তাহা হইলে আমরা নিশ্চয় বলিতে পারি, কুলীন ব্রাহ্মণ-সন্তান সুরেন্দ্রনাথের আত্মাও এই

সম্মুখস্থিত প্রশস্ত রাজপথ মোটরে ভর্তি হইয়া যায়। বেলা ১০টার সময় মৌলবী লিয়াকৎ হোসেন 'সাহেবে'র নেতৃত্বে এক দল যুবক নগ্নপদে সুরেন্দ্রনাথের জন্ত শোকগাথা গাহিতে গাহিতে কলিকাতা হইতে যাইয়া উপস্থিত হয়। বারাকপুর ঠেশনে এবং মণিরামপুরের বাটীতে শ্রীযুত বি, সি চট্টোপাধ্যায়, নীরেন্দ্রনাথ বন্দ্যোপাধ্যায়, ডাঃ ধীরেন্দ্রনাথ চক্রবর্তী ও



দানোৎসর্গ

রায় সাহেব রাজেন্দ্রনাথ অভ্যাগতদের অভ্যর্থনা করেন।

বাটার সুপ্রশস্ত প্রাক্কর্ষে গঙ্গাতীরে অভ্যাগতদের জন্ত বিরাট সামিগ্যানার নিম্নে বসিবার ব্যবস্থা হইয়াছিল। সামিগ্যানার মধ্যে কীর্তনের ব্যবস্থাও ছিল।

স্বতন্ত্র রামধনু বর্ণের সামিগ্যানার নিম্নে প্রাক্কর্ষকার্যের ব্যবস্থা হইয়াছিল। সেখানে খুঁট, বিছানা, রূপা ও পিতলের তৈজসপত্র প্রভৃতি



শ্যামসুন্দর চক্রবর্তীর মন্ত্র পাঠ

ষোড়শ এবং আন্তর্প্রাক্কর্ষ ও অন্দের অস্তীত্ৰ দ্রব্যসম্ভার স্তরে স্তরে সজান ছিল। চাউল, চিনি, আত্র, কদলী, আনারস ও অন্যান্য ফলপূর্ণ রূপা ও পিতলের শাক্তগুলি মধ্যস্থানে পরলোকগত আত্মার প্রতি নিবেদনের জন্ত স্তরে স্তরে সাজান ছিল।

বেদীর সম্মুখে মৃত মহাপুরুষের একখানি বৃহৎ চিত্র পুষ্পমালা সুসজ্জিত ও স্থাপিত করা হইয়াছিল।



শ্রীহরীনাথ

সামিয়ানার নীচে ব্রাহ্মণগণ বেদ ও গীতা-পাঠে আত্ম-নিয়োগ করেন। বেলা প্রায় ১০টার সময় শ্রীহরীনাথের আরাধনা হয় এবং তাহা শেষ হইতে ৩ ঘণ্টা লাগিয়াছিল। শ্রীমান্ ভবশঙ্কর মুণ্ডিত-মস্তকে কুশাসনে বসিয়া পিতৃকৃত্য সমাধা করেন। পিণ্ডদান, অন্নদান, বৃষোৎসর্গ—অমৃতচর্চাগুলি বিস্তৃত ব্রাহ্মণ-পণ্ডিতের তত্ত্বাবধানে সুচারুরূপে সম্পন্ন হয়। দর্শকমণ্ডলী শ্রদ্ধাপ্লুত চিত্তে সে সব দর্শন করিতে থাকেন।

শ্রীহরীনাথে ব্রাহ্মণগণকে কলসী ও বস্ত্রাদি দান করা হয়। অপরাহ্নে ভূরিভোজের ব্যবস্থা হয়। দরিদ্রদিগকে পর্যাপ্ত ভিক্ষাদানে সন্তুষ্ট করা হয়।

শ্রীহরীনাথে নানা সম্প্রদায়ের লোকজন, গণ্য-মান্য সম্রাট ব্যক্তিগণ ও দেশবিদেশের বহু নেতা উপস্থিত ছিলেন।

শ্রীহরীনাথ কাকতীর্ষ।

ইংরাজের সহিত সুরেন্দ্র-প্রসঙ্গ

কিছু কাল পূর্বে দেশনায়ক সুরেন্দ্রনাথকে লইয়া এক জন ইংরাজের সঙ্গে আমার বেশ একটু বচসা হইয়াছিল।

ইংরাজ-মণ্ডলী আজকাল সুরেন্দ্র বাবুকে মডারেট বলিয়া খাতির করেন। কিন্তু তখনকার দিনে ইহাদের মতে তিনি ছিলেন এক জন ঘোর Extremist এমন কি, ইহাকেই তাঁহারা বিদ্রোহিতার প্রধান প্রবর্তক বলিয়া মনে করিতেন। সে দিন সে ইংরাজটির তৎপ্রতি বিেষ-বিষবর্ষিত বাক্যে আমার সর্কাজ জলিয়া উঠিয়াছিল, অথচ তাঁহার সেই জ্বালাময় সমালোচনার মধ্যে বেশ একটু কৌতুকও অন্বেষণ করিয়াছিলাম। তখন আমি 'ভারতীর' সম্পাদক ছিলাম। সম্ভবতঃ কোনও এক দিন এই বাদানুবাদ 'ভারতীর'ই কাষে লাগিয়া যাইবে, এই মনে করিয়া সে দিনের কাহিনী তখন খাতায় টুকিয়া রাখিয়াছিলাম, কিন্তু পরে আর তাহা ছাপাইবার অবসর ঘটয়া উঠে নাই। আজ এত দিন পরে দেখিতেছি, সে কথা প্রকাশের ঠিক সময় আসিয়াছে। ভারতে জাতীয়তা উদ্বোধনের যিনি আদিগুরু, তাঁহার স্মৃতিকল্পে শ্রদ্ধা-তর্পণরূপে সেই কাহিনী আজ নিয়ে বিবৃত করিতেছি।

সেই সময় মাণিকতলার বিদ্রোহী দলের বিচার চলিতেছিল। খুদিরামের সবেমাত্র ফাঁসী হইয়া গিয়াছে। সেই বিপ্লবযুগে আমি এক দিন এক জন ইংরাজ-মহিলার বাটীতে চা-পানের নিমন্ত্রণ রক্ষা করিতে গিয়াছিলাম। তাঁহার স্বামী ছিলেন একখানি সচিত্র পাক্কিক কাগজের প্রোপ্রাইটর। আমার ছোট ছোট গল্প মধ্যে মধ্যে তাঁহাদের কাগজে প্রকাশিত হইত। সেই সূত্রেই তাঁহাদের সহিত আমার আলাপ-পরিচয়।

চা-পানের পর মিসেস্ পি সচলপ্রকাশিত কাগজ-খানা আমাকে দেখিতে দিলেন। প্রথম পাতাখানা উল্টাইবামাত্র দেখিতে পাইলাম, খুদিরামের ছবি। ছবিখানি দেখিয়া অসতর্কভাবে হঠাৎ বলিয়া উঠিলাম,

“ও ত ভালফান্সী নরম চেহারা! আহা, দেখিলে মায়া করে।”

মিঃ পি বলিলেন, “কিন্তু কাষ বা করেছে, তা ত একটুও নরম নয়।”

আমি। তা সত্য। তবে স্ত্রীহত্যার অভিপ্রায়ে সে কিন্ত এ কাষ করে নাই। কিংবা তার হাতেই যে খুনটা হয়েছে, এমনও প্রমাণ পাওয়া যায়নি। তা ছাড়া যে রকম তার কচি বয়স, এই বিবেচনার গভর্ণমেন্ট যদি তাকে ফাঁসী না দিয়ে নির্কাসন-দণ্ড দিতেন, তবে আমার বিশ্বাস, ভবিষ্যতে তার জীবনের ধারা একেবারেই উন্টে যেত।

মিঃ পি বলিলেন, “আমার মতে সঙ্গে সঙ্গে দলপতিদের লটকে দিলেই ঠিক হ'ত। এ সকল কার্যের জন্য আসলে দায়ী তারাি।”

আমি তাঁহার কথার কোন উত্তর না দিয়া পাতাগুলি উল্টাইয়া বাইতে লাগিলাম। দুই একখানা পাতার পরই নজরে পড়িল সুরেন্দ্র বাবুর ছবি। সবিস্ময়ে বলিয়া উঠিলাম, “এ কি! সুরেন্দ্র বাবুও যে এখানে?”

মিঃ পি। তিনিই ত ষত নষ্টের গোড়া! তিনিই ত ছেলেদের এ সকল কাষে উত্তেজিত ক'রে তুলেছেন।


আমি উত্তেজিতভাবে বলিয়া উঠিলাম, “কি বলছেন আপনি? তিনি ছেলেদের দেশান্নরাগধর্ম শিখিয়েছেন বটে, কিন্তু বোমা ফেলতে বা গুপ্তহত্যা করিতে ত শেখান নি! বিদ্রোহিতার পক্ষপাতী তিনি একেবারেই নন। তিনি একান্তই মডারেট।”

মিঃ পি অবিখাসের হাসি হাসিয়া কহিলেন, “মডারেট! তিনি পাক্কি Extremist। যখন বিপিন পালের দল তাঁকে ছাড়িয়ে উঠলো, তখনই তিনি Moderate সাজলেন। লোকটা ভারী চালাক (clever)।”

আমি। মডারেট বা Extremist দলের মধ্যে বিশেষ কি প্রভেদ, তা আমি জানি না। তবে দেশান্নবোধ প্রচার করাই যদি চরমপন্থাবাদ হয়, তবে ইহাকেই বথার্থ আদিগুরু বলা যায়। আর খুন-জখম করাই যদি চরম-পন্থীর কাক হয়, তা হ'লে ইনি একান্তই মডারেট।



গুড়া-মুহুরে স্মরণ-ভবনে জনতা।



শেষ বিদায়

কিন্তু মিঃ পি কিছুতেই তাঁহার ধৃয়া ছাড়িলেন না। খুব জোরের সহিত বলিলেন, “নিশ্চয়ই তিনি extremist, Extra extremist দলের আবির্ভাবেই এখন তিনি মডারেট নাম নিয়েছেন। যেমন ইংলণ্ডে প্রথমে Liberal নামধের দলকে যারা ছাড়িয়ে উঠলো, তারা দাঁড়াল Radical; এ শুধু একটা নামের ঘোরফের। আসলে সব গাজামার মূল হচ্ছেন ইনি—এই সুব্রহ্মচন্দ্র ব্যানার্জি! বরিশালের যে গোলযোগ ঘটে, সেও এঁরই জন্ত। ইনি ছেলেদের ক্রমাগত এই শিক্ষা দিচ্ছেন যে, সমস্ত বাধাবিঘ্ন পদদলিত ক’রে চলো (trample under your foot)।”

আমি বলিলাম, “বাধাবিঘ্ন দলিত করার অর্থ ইংরাজ-দলন নয়। দেশের মঙ্গল করতে হলে বাধা-বিঘ্নের উপর দিয়ে চলতেই হবে। এ একটা সহজ সত্য। আপনাদের “হেপেনি” (Half-a-penny) বুকের উপদেশ।”

মিঃ পি। তা নয়, আপনি ওকে জানেন না, ও-কথার গুপ্ত অর্থ নিশ্চয়ই ইংরাজ দলন। জানেন না কি,— উঁহাকে যে বাজারের রাজা ক’রে তুলেছে। (He was crowned as the King of Bengal)

আমি বলিলাম, “এখানে রাজা অর্থে গুরু। তিনিই কি না প্রথমে দেশাত্মবোধ শিক্ষা দেন।”

মিঃ পি। গুরুকে কি ছাতা ধরে? তাঁর মাথায় যে ছেলেরা ছাতা ধরেছিল।

মনে মনে হাসিয়া ভাবিলাম, হাস রে, তোমরাই ভারতের হস্তাকর্তা-বিধাতা। প্রকাশে কহিলাম, “হা, শিষ্যরা! গুরুর মাথায় ছাতা ধরে বৈ কি! আপনারা কি দেখেননি, অনেক সময় শিষ্যরা গুরুর মাথায় ছাতা ধরে রাস্তায় শোভাযাত্রা ক’রে চলেছে।”

মিঃ পি। তা জানি আর নাই জানি, এটা ত ঠিকই জানি যে, মিঃ ব্যানার্জিই ছেলেদের বয়কট শিখিয়েছেন।

আমি। তাতে দোষ হয়েছে কি? দেশোন্নতি-চেষ্টা ত রাজার বিরুদ্ধাচরণ নয়! দেশের শিল্প-বাণিজ্যের উন্নতি করতে গেলেই স্বদেশী পণ্যগ্রহণে বন্ধপরিষ্কার হ’তে হবে।

মিঃ পি। ওঃ, আপনি বলছেন স্বদেশীর কথা। কিন্তু স্বদেশী ও বয়কট, এ দুটো ত এক জিনিষ নয়।

আমি। এক বৈ কি! স্বদেশী পণ্য গ্রহণ করতে গেলেই বিদেশী বর্জন অনিবার্য।

মিঃ পি। আপনি দেখছি, তা হ’লে ভাল ক’রে বেঙ্গলী কাগজখানা পড়েন না। কাগজখানা তলিয়ে পড়লেই বুঝা যায়, ইংরাজ-বিরুদ্ধে-বিদ্রোহিতা জাগানই সম্পাদকের মনোগত অভিপ্রায়। তবে সেয়ানা ছেলে, এখন সুর বদলাচ্ছেন।

আমি। আপনারই ভুল। এ রকম idea আমাদের দেশেরই নয়। যদি কেউ বিদ্রোহিতা শিক্ষা দিয়ে থাকে, ত আপনারাই—

মিঃ পি “আমরা?” এইরূপে বিশ্বয় প্রকাশ করিয়া একটু খামিয়া বলিলেন, “ই্যা মিস্ নোবল্ অনেকটা mischief করেছেন, আমি জানি। কিন্তু আপনি জানেন, গভর্ণমেন্ট সে-জন্মে তাঁকে সরিয়ে দিয়েছেন?”

আমি বিশ্বয় প্রকাশ করিয়া কহিলাম, “সত্যি না কি? আমি তা ত জানি না।”

মিঃ পি বলিলেন, “খুব সত্যি। এ দেশে গভর্ণমেন্ট তাঁকে আর আসতেই দেবেন না।”

তাঁর স্ত্রী এতক্ষণ নির্মলাকৃভাবে আমাদের কথাবার্তা শুনিয়া যাইতেছিলেন। এইবার তিনি বলিয়া উঠিলেন, “মিস্ নোবল্ এখানে এলেই আমার স্বামীর সঙ্গে তাঁর ভয়ানক ঝগড়া হ’ত। এ দেশের বিরুদ্ধে কোনও কথা বললেই মিস্ নোবল্ রেগে উঠে বলতেন, ‘তোমার স্বামী native-hater, আমি আর এর মুগ্ধদর্শন করব না’ আমি চল্লষ, আর কখনও তোমাদের বাড়ী আসব না। আমি তখন তাঁকে অস্ত্র ধরে নিয়ে গিয়ে ফলটল খাইয়ে গাণ্ডু করতুম।’ কিছু পরে তিনি আবার জল হয়ে যেতেন।”

মিঃ পি বলিলেন, ‘ও কথাটা কিন্তু একবারেই ঠিক নয়। আমি মোটেই native-hater নই। আমি native-দের সত্যিই ভালবাসি। এ সকল idea তাদের পক্ষেই কতিজনক। তিলক ত স্পষ্ট করেই বোমা-হত্যার প্রশংসা করেছেন।

আমি উত্তেজিত স্বরে কহিলাম, “সে ত অমুবাদের কথা। মূল লেখা থেকে তু তাঁর বিচার হয়নি! আজকাল কথায় কথায় তিলকে ভাল ক’রে তুলে sedition প্রমাণের

চেপ্টা হচ্ছে। এ policyটা গভর্নমেন্টের পক্ষেই ক্ষতিজনক। অনেক ছোটখাটো কথা গভর্নমেন্ট নোটিশ নিলেই বড় হয়ে যায়। ছেলেদের 'বন্দেমাতরম্' নিয়ে ফুলার যদি ও রকম গোলমাল না করতেন, তা হ'লে এ সব অনর্থ কিছুই হ'ত না। বন্দেমাতরম্ যে গভর্নমেন্টের বিরুদ্ধ কথা, এ আমাদের লোকের মাথাতেই ছিল না।"

মিঃ পির কথার সুর হঠাৎ বদলিয়া গেল। বলিলেন, "দেশের লোক যদি গভর্নমেন্টের বিরুদ্ধভাবেই মনে পোষণ করে, তাতেই বা দোষ কি? দেশটা হ'ল তাদের নিজের। যদি বিদেশীদের তাড়িয়ে তারা স্বাধীন হবার ইচ্ছা ও চেপ্টা করে, সে, প্রশংসারই কথা।"

বেচারী নিসেস্ এই কথা শুনিয়া ভারী ভীত হইয়া পড়িলেন, পাছে আমি তাঁহার কথার ফাঁদে পড়িয়া যাই। তিনি আমাকে সতর্ক করিয়া দিবার অভিপ্রায়ে তাড়া-তাড়ি বলিয়া উঠিলেন, "আমার স্বামী তামাসা করুছেন।"

মিঃ পি একটু অবজ্ঞার সুরে কহিলেন, "তামাসা কেন, আমি ত সত্যই মনে করি, এরা যদি স্বাধীন হ'তে পারে ত হোক। তবে কথা হচ্ছে এই যে, তোমাদের এক কড়ার সামর্থ্য নেই। ঘরে একটা অস্ত্র রাখবার পর্য্যন্ত অধিকার নেই, আর ছ'একটা বোমা ছুড়ে দেশ-উদ্ধার করুতে চাও তোমরা, তা ত আর হ'তে পারে না। যদি সত্য লড়তে পার ত লড়, তাতে কারও কিছু বলবার নাই। কৃতকার্যতাতে পাপস্পর্শ করুতে পারে না, কিন্তু একরূপ গুপ্তহত্যার উপদ্রব নিতান্তই নির্কৃদ্ধিতা (Silliness)।"

আমি বলিলাম, "আপনি বলছেন নির্কৃদ্ধিতা—কেন না, তাদের হাতে অস্ত্র শস্ত্র নাই—কিন্তু আমার মতে তারা নিরক্ষাধ, কেন না, একরূপ অধর্ম আচরণকে তারা দেশমুক্তির উপায় স্বরূপ মনে করছে। কিন্তু আমি ত আগেই বলেছি, খুন-ব্রধম ত আমাদের দেশের idea নয়, এটা হচ্ছে আপনাদের দেশের আদর্শ। দেখছেন ত, যারা এ সব কাষে লিপ্ত, তারা সকলেই প্রায় ছেলে-ছোকরা। আলিপুরের বিচারাধীনে ১০।১৫ বছরের ছেলে পর্য্যন্ত আছে। এ রকম বাক্সাদের কাছ থেকে দূরদর্শিতা বা বিবেচনা প্রত্যাশা করা যায় না।

দেশমঙ্গলের ইচ্ছা ভূতের মত তাদের পেয়ে বসেছে। এই উত্তেজনার আবেগে তারা কি করুছে বা না করুছে, তা নিজেই তারা জানে না।"

মিঃ। কিন্তু ছেলেরা যে শুধু উপলক্ষ মাত্র। এখানে বুড়োলোকেই ত তাদের উত্তেজিত ক'রে তুলুছে। আমি যদি গভর্নমেন্ট হতুম, তা হ'লে এ দেশের ধরণেই এ দেশের বিচার করুতুম। অর্থাৎ বিচারের কোন আড়-ধর না ক'রে যেখানেই sedition এর সন্দেহ, সেইখানেই লটকে দেবার হুকুম চালাতুম। যেমন এ দেশে আগে মুসলমান সম্রাটরা করুতেন।

কথাটা অত্যন্ত অসহ্য হইয়া উঠিল। আমি ইতঃ-পূর্বেই বিদায় লইয়া উঠিয়া দাঁড়াইয়াছিলাম। চলিতে চলিতে বলিলাম, "ঈশ্বরকে ধন্যবাদ বে, আপনি সম্রাট নন। তবে আপনি রাজা হ'লে আপনার রাজ্য যে স্বাধীন হ'ত না, এটা ধুব নিশ্চয়। অত্যাচারবশতঃই মুসলমান-রাজত্ব লোপ পেয়েছে।"

আশা ছিল, এ কথার পর তিনি আর কিছু বলিবেন না। কিন্তু তাঁহার ঘাড়েও তখন ভূত চাপিয়াছিল। আশ্রয়সংবরণে তিনি তখন সম্পূর্ণ অসম। আমাকে গাড়ী পর্য্যন্ত পৌছাইয়া দিবার সেই স্বল্প সময়টুকুর একটি মুহূর্তও অপব্যয় না করিয়া চলিতে চলিতে বলিলেন, "তা কেন? আমি চূড়ান্ত শাস্তির বিধানে চূড়ান্তভাবে সমস্ত crime এর উচ্ছেদসাধন করুতুম।"

আমি বলিলাম, "কিন্তু পৃথিবী তাতে স্বর্গ হয়ে উঠতো মনে হয় না। বরঞ্চ মানুষের আর্ন্তনাদ নরকের ভীষণতাকেও ছাপিয়ে উঠতো। সে যাই হোক, গভর্নমেন্ট যদি আপনার উপদিষ্ট নীতি অনুসারে চলেন, আমিও তাতে আপত্তি দেখি না। আমরা অযোগ্য হ'লে আমাদের নিধনই শ্রেয়ঃ। যোগ্যের রক্ষাই জগতে প্রার্থনীয়।"

কোচম্যান গাড়ী চালাইয়া দিল। আমার কথার উত্তরে তিনি যদি আরও কিছু বলিয়া থাকেন, তাহা আর শুনিতে পাইলাম না।

ইহার পর তাঁহাদের সহিত আমি আর কোন সম্পর্ক রাখি নাই।

শ্রীমতা স্বর্ণকুমারী দেবী।

সুরেন্দ্রনাথ

যখন শ্রীমতী আনি বেসাণ্টকে কংগ্রেসের প্রেসিডেন্ট করা না করা নিয়ে বাঙ্গালার কংগ্রেসওয়ালাদের ভিতর মতভেদ ঘটে, যখন কংগ্রেস ছু ভাগে বিভক্ত হয়ে যাবার জন্ম গ্রন্থ হ়, তখন আমি জনৈক যুবককে জিজ্ঞাসা করি যে, সুরেন্দ্র বাবুকে নেতার আসন থেকে টেনে নামানো সম্বন্ধে তাঁর মত কি ?

উক্ত ভদ্রলোককে এ প্রশ্ন জিজ্ঞাসা করবার একটু বিশেষ কারণ ছিল। যুবকটি ছিলেন আজকালকার ভাষায় যাকে বলে politically minded। কিন্তু তাঁর political mind জন্মগত করে স্বদেশী আন্দোলনের সময়। তাঁরা বিংশ শতাব্দীতে সাবালক হয়েছে, তাঁদের পলিটিকাল মতামত জানবার জন্যই আমি উক্ত ভদ্রলোককে এ প্রশ্ন করি, কারণ, আমি জানতুম যে, যুবকসম্প্রদায়ের মধ্যে বহুলোক তাঁর সঙ্গে একমন ও একমত।

আমার প্রশ্নের উত্তরে তিনি বলেন যে, সুরেন্দ্র বাবুকে অপদস্থ করবার তিনি সম্পূর্ণ বিরোধী। তাঁর মুখে এ উত্তর শুনব বলে আমি আশা করি নি। তাই প্রশ্ন করুন, “কেন ?” উত্তরে তিনি বলেন যে, “সুরেন্দ্র বাবুকে আমরা লোক হিসেবে দেখি নে, দেখি তাঁকে symbol হিসেবে।”

—“কিসের symbol ?”

—“Nationalism এর symbol.”

এ উত্তর শুনে বুঝুন যে, সুরেন্দ্র বাবু বাঙ্গালার নূতন মনের কাছে এক জন ঐতিহাসিক ব্যক্তি হয়ে উঠেছেন।

তাঁর পর গত পাঁচ সাত বৎসরের পলিটিকাল গোল-খালের মধ্যে সুরেন্দ্র বাবু যে Nationalism এর symbol, লোক এ কথাটাও ভোলবার অবসর পেয়েছে। কারণ, মানুষ প্রতীক নিয়ে বেশী দিন থাকতে পারে না, তাঁরা যায় ‘জ্যান্ত’ দেবতা। সুরেন্দ্রনাথের জীবনচরিত হচ্ছে এ দেশের গত পঞ্চাশ বৎসরের পলিটিকাল ইতিহাস, স ইতিহাস লেখবার জন্য যথেষ্ট সময় চাই, যথেষ্ট ধৈর্য্য চাই, এবং সম্পূর্ণ নিরপেক্ষ ঐতিহাসিক মন চাই। সে মন, সে ধৈর্য্য, সে মন আমার নেই। সংক্ষেপে এই

বলা যায় যে, সুরেন্দ্রনাথের মৃত্যুতে এ দেশে উনবিংশ শতাব্দীর সঙ্গে বিংশ শতাব্দীর যোগ ছিল হয়েছে। তাঁরা উনবিংশ শতাব্দীতে সাবালক হয়েছে, যেমন আমি— তাঁরা যে প্রথম বয়েসে সকলেই সুরেন্দ্রনাথের শিষ্য ছিল, এ কথা বলাই বাহুল্য, কেন না, সেকালে তিনিই ছিলেন বাঙ্গালার একমাত্র পলিটিকাল গুরু। শুধু তাই নয়, যুগ-ধর্ম্ম অনুসারে তাঁর সঙ্গে সেকালের যুবকশ্রেণীর অনেক বিষয়ে মতের মিল ছিল। স সারটা আমরা একই চোখ দিয়ে দেখতুম, সম্ভবতঃ বয়েসের গুণে আমরা তাঁর চাইতে একটু বেশী দূর দেখতুম আর তাঁর চাইতে একটু দ্রুতপদে অগ্রসর হতে চাইতুম। যে পলিটিকালের শেষ ধাপ হচ্ছে স্বদেশী আন্দোলন, সে আন্দোলন বিংশ শতাব্দীর পলিটিকালের প্রথম ধাপ। স্বদেশী আন্দোলন আচঞ্চিতে জন্মগত করেনি। যে মনোভাব বাঙ্গালীর মনে ধীরে ধীরে সঞ্চিত হচ্ছিল, সেই মনোভাব ফুটে বেরিয়েছিল বঙ্গভঙ্গের সময়। আমাদের শিক্ষা-দীক্ষা, আমাদের পলিটিকাল ও ইকনমিক অবস্থাই ছিল, এ ভাব পরি-বর্তনের মূল, আর সুরেন্দ্রনাথ ছিলেন সেই ভাবের প্রধান বক্তা এবং এক হিসেবে শ্রষ্টা। কারণ, মানুষের মন যত না অবস্থার গুণে বদলায়, তাঁর চাইতে বেশী বদলায় কথার বলে। আমরা কবিই হই—আর পলিটিসিয়ানই হই— আমাদের সকলেরই কারবার কথা নিয়ে। কারণ, কথা-তেই ভাব সাকার হয়। সকলেই জানেন যে, Bright, Gladstone প্রভৃতি ছিলেন সুরেন্দ্রনাথের গুরু। এ যুগে আমরা Bright, Gladstone এর ভক্ত নই। কিন্তু তাঁর অপর আর একটি গুরু ম্যাটসিনিকে দেশের লোক আজও অবজ্ঞার চোখে দেখতে দেখে নি। ম্যাটসিনির মনে যে ভাব প্রবল ছিল, সে ভাবের নাম liberalism। তিনি ইতালীর উদ্ধারকর্তা, বিসমার্ক ও জার্মানীর উদ্ধার-কর্তা। কিন্তু এ দুয়ের ভিতর আকাশপাতাল প্রভেদ ছিল, মনে ও মতে। বিসমার্ক ছিলেন liberalism এর জাতশত্রু আর ম্যাটসিনি ছিলেন তাঁর অবতার।

• ইংল্যান্ডে গত ইলেকশানের সময় একটা কথা পৃথিবী

তুক রটে গেছে। সে কথাটা হচ্ছে liberalism is dead, ইংলণ্ডে Bright, Gladstoneএর দোহাই আজ আর কেউ দেয় না। ইতালীতে এখন আর কেউ ম্যাটসিনির নামও করে না। এমন কি, সে দেশের বইয়ের ক্যাটালগে ম্যাটসিনির বইয়ের নাম পর্যন্ত পাওয়া যায় না। এর কারণ—ইউরোপে এক দিকে Imperialism আর এক দিকে Socialism, এই দুয়ের চাপে liberalism মারা গিয়েছে। Imperialism এবং Socialism ও দুই হচ্ছে একই জিনিষের এ পিঠ আর ও পিঠ যেমন Bolshevism হচ্ছে Czarismএর নূতন সংস্করণ। আর এ দুই মতই মূলে এক, দুই-ই Collectivism হতে রসরস সংগ্রহ করছে। অপর পক্ষে Liberalismএর মূলমন্ত্র হচ্ছে Individualism. সাদা বাঙ্গালায় Liberalism এর আইডিয়াল হচ্ছে ব্যক্তিগত স্বাধীনতা আর Collectivismএর আইডিয়াল জাতীয় স্বার্থ—অর্থাৎ অর্থ: নূতন পলিটিকাল মত সব পেটুক; এ সব মতের গোড়ায় আছে লোভী ও স্কন্ধ। Imperialismএর সঙ্গে Socialismএর বিবাদ হচ্ছে আসলে এক লোভীর বিরুদ্ধে অপর লোভীর হিংসা ও ক্রোধ। সুরেন্দ্রনাথের মৃত্যুর সঙ্গে সঙ্গেই বাঙ্গালার বিলেতি-দস্তুর শেষ পলিটিকাল-লিবারেলের মৃত্যু হয়েছে। আমি এ প্রবন্ধে সুরেন্দ্রনাথকে মানুষ হিসেবে বিচার করছি, তাঁর পলিটিকাল মতামতেরই বিচার করছি। পৃথিবীতে মধ্য মধ্য এমন সব লোক জন্মায়, যাঁরা এক একটি মতের বিগ্রহস্বরূপ। যাঁরা সমগ্র জীবন একই মতের প্রচার করেন লোক-সমাজে সেই মতের প্রতিষ্ঠা করাই তাঁদের জীবনের একমাত্র

কার্য। আজকের দিনে আমরা পূর্ণ parliamentary governmentএর জন্য সবাই লালায়িত এবং ডিমোক্রেসির অন্ততঃ মুখেই সবাই ভক্ত। সুরেন্দ্রনাথ তাঁর শেষ জীবনে এ দুয়েরই সূত্রপাত দেখে গিয়েছেন। পলিটিকাল ক্ষেত্রে Liberalism, বিলেতে মরতে পারে, ভারতবর্ষে মরে নি, তাঁর কারণ—ও পন্থার এ দেশে আজও বড় হয়ে ওঠবার সুযোগ পায় নি, সুতরাং তা বড়ো হয়ে মরবারও সুযোগ পায় নি। আজ যে আমরা আমাদের পলিটিকাল আইডিয়ালের নামকরণ করতে পারিনে, তাঁর কারণ, এই বিংশ শতাব্দীতে এত রকম নূতন মতামত বেরিয়েছে যে, আজকের দিনে যুরোপে কারও মতের স্থিরতা নেই, ফলে আমাদেরও নেই। যুরোপ যে রোগে আক্রান্ত হয়েছে, এখন তাঁর একসঙ্গে পলিটিকাল, আলোপাথি, হোমিওপাথি, কবিরাজী ও হকিমি চিকিৎসা চলছে; কিন্তু আমরা জানি আর না জানি, মানি আর না মানি, সকলেই সুরেন্দ্রনাথের পলিটিকসের জের টেনে চলছি, আর সে জের আমরা একটু বেশী জোরেই টানছি, তাতে আসল জিনিষ বদলায় না। আমাদের পলিটিকস liberalismএর একটা বড় কথা, nationalism আমাদের কাছেও সব চাইতে বড় কথা হয়ে উঠেছে। অপর সব ismএর মূলমন্ত্র হচ্ছে internationalisation. এই কথা কটি মনে রাখলেই আমরা বুঝব যে, সুরেন্দ্রনাথ পরলোকে গিয়েছেন, ইহলোকে তাঁর পলিটিকাল আত্মা রেখে। সে আত্মা এ যুগে আমাদের সকলের অন্তরে অমর হয়ে রয়েছে।

শ্রীপ্রমথ চৌধুরী।





পারদেশী

বঙ্গবন্ধু প্রেস |

শিল্পী—এ. জে. চাকরমির



৪র্থ বর্ষ]

অগ্রহায়ণ, ১৩৩২

[২য় সংখ্যা]

মহাভারত ও ইতিহাস

মহাভারত কি, বুঝিবার পূর্বে মহাভারতের লেখকের পরিচয় দেওয়া প্রয়োজন। প্রথমে ছোবড়া, অর্থাৎ উপকথার অংশ বলা যাউক।

চেনিদেপে পুরুবংশীয় বসু নামে এক রাজা ছিলেন। তিনি ইন্দ্রের নিয়োগ অনুসারে ঐ দেশ অধিকার করেন। কিছু দিন পরে ঘোর তপস্যায় রত হইলে ইন্দ্র নিজের ইন্দ্রভলোপের আশঙ্কায় তাঁহাকে বলিলেন, “তুমি পৃথিবীর ঈশ্বর হও; আমি স্বর্গের রাজা থাকি।” তিনি ঐ রাজাকে একখানি বিমান দিয়াছিলেন, রাজা ঐ বিমানে চড়িয়া আকাশে উড়াইতেন বলিয়া তাঁহার নাম উপরিচর হইল। উপরিচর রাজা নিজের পাঁচটি পুত্রকে পাঁচটি দেশের রাজা করিলেন; দেশগুলি পুত্রদের নামে খ্যাত হইল। তাঁহার রাজধানীর নিকটে শুক্রিমতী নামে এক নদী ছিল, কোলাহল নামে এক পর্বত সেই নদীর গতিরোধ করে, সেই পর্বতের ঔরসে শুক্রিমতী নদীর গর্ভে এক পুত্র ও এক কন্যা জন্মে। পুত্রটি পরে হইল বসু রাজার সেনাপতি; কন্যার নাম হইল গিরিকা। গিরিকা পরে উপরিচর রাজার মহিষী হইলেন। উপরিচর রাজার ঔরসে মীনরূপিণী অদ্রিকা (গিরিকা) অঙ্গরার গর্ভে যমুনা-জলে এক পুত্র ও কন্যা হয়, পুত্রটিকে

রাজা পালন করিলেন, কন্যাটি ধীবর-গৃহে প্রতিপালিত হইল। ঐ কন্যাটি পরে মৎস্যগন্ধা, সত্যবতী, কালী, গন্ধকালী, ষোজনগন্ধা, পদ্মগন্ধা প্রভৃতি নামে বিখ্যাত হইলেন। পরাশর ঋষির ঔরসে সত্যবতীর গর্ভে যমুনাধীপে ব্যাসের জন্ম হয়। ব্যাস জন্মিবামাত্র সম্পূর্ণদেহ ও সর্কজ হইলেন।

উপরে লিখিত গল্পটির নিগূঢ় তত্ত্ব পর্যায়ক্রমে দেওয়া কঠিন। তবে কিছু বুঝিবার চেষ্টা করিলে স্থল মর্মের যথেষ্ট ইঙ্গিত পাওয়া যাইতে পারে। প্রথমে কোলাহল ও শুক্রিমতীর মিলন হইল। যে অচলকে সচল করে, তাহাকে পর্বত বলে, অর্থাৎ যাহা দ্বারা জড়তা দূর হয়, তাহার নাম গিরি বা পর্বত।

“গিরিং গিরিবদ্চেতনং দেহং কারতি শব্দমতীতি গিরিকঃ
অচেতনমপি দেহাদি চেতনং করোতীত্যর্থঃ।”

“অচেতনদচিতো দেবো অর্থা” ইতি মন্ত্রলিঙ্গং ৫।

৬৮-২৮৪ অঃ শাস্তি।

অদ্রিকা মীনরূপিণী ছিলেন, ‘মৎস্য ইব মৎস্যো জীবঃ
সংসারনদীজলে চরতীতি।’ ব্রহ্মার মানস পুত্র অর্থাৎ
বেদের প্রতিবিম্ব নারদের ভাগিনেয়ের নাম হইল পর্বত।

উপরিচর হইলেন পুরুবংশীয়, এই পুরু কথার তাৎপর্য পরে দেখিব। কোলাহল কথায় রবের ইন্দ্রিত স্পষ্টই দেখিতে পাওয়া যায়, শুক্রিমতী নদী অর্থে যে নদীতে শুক্র আছে, তাহা বুঝায়, আর শুক্রিমতী কথায় শুভ্রা বুদ্ধি অথবা চেতনসলিলা তাহাও বুঝায়।

কল্পটির নাম হইল সত্যবতী। এ কথাটি বেদবতী কথার রূপান্তর, “ইতি সত্যবতী শ্রুতিঃ” ১০-১৮০ অঃ শাস্তি। সত্যবতীর আর একটি নাম কালী, ... কালী অর্থে পরমাত্মা। তাঁহার আর একটি নাম গন্ধকালী, গন্ধ ও সুরতি দুই কথা একার্থ-বাচক। পূর্বে বলা হইয়াছে, সুরতি কামরূপী গো, অর্থাৎ বেদ। সেই কারণে আমাদের বালাবন্ধু হনুমান (কপিধর্ম) গন্ধমান পর্কিত মাথায় করিয়া লইয়া আসেন, ধর্ম চিরদিনই বেদের বাহন। সত্যবতী ধীবর-গৃহে প্রতিপালিত হইলেন। ধীবরের সোজা অর্থ মংসজীবী জেলে : কিন্তু প্রকৃত তাৎপর্য ধীমতাং বরঃ। ধীমতাং কথার অর্থ ধিয়া ব্রহ্ম-বুদ্ধ্যা মত সম্বত। এই ধী হইল গায়ত্রীর ধী, “ধীমতাং জ্ঞানিনাং ধীঃ আত্মানুভবরূপং জ্ঞানং।”

সত্যবতীর সহিত পরাশরের মিলন হয়। পরাশরের বংশবিবরণ পরে বুঝিতে চেষ্টা করিব। পরাশরের নাম বেদনিধি পরাশর, ষতিধর্মকে পরাশরী বলে। যখন পরাশর যমুনা নদীর উপর দিয়া নৌকা করিয়া যাইতেছিলেন, তখন এই মিলন হয়। যম কথা হইতে যমুনা কথা উৎপন্ন হইয়াছে। অন্তরিন্দ্রিয় নিগ্রহ করাকে যম বলে। সেই ইন্দ্রিয়নিগ্রহরূপ দ্বীপে (আশ্রয়স্থানে) বেদরূপিনী মাতার গর্ভে বেদনিধি পরাশরের গুণসে বেদব্যাসের জন্ম হয়।

যিনি বেদের ব্যাস অথবা বিস্তার করেন অথবা যিনি বেদের শাখা বিস্তার করেন, তাঁহার নাম বেদব্যাস। স্থানান্তরে লিখিত আছে, “বেদব্যাস - সরস্বতী-বাস” বেদব্যাস হইলেন হরির বাক্যসম্বৃত পুত্র। পূর্বে তাঁহার নাম ছিল সারস্বত ও অপাস্বরতমা। ভগবান্ তাঁহাকে বলিয়াছিলেন, হে পুত্র, তুমি সমস্ত মন্বন্তরে নিত্যকাল এবংবিধ বেদপ্রবর্তক হইবে ৩৮-৩৯। ৩৪২ অঃ শাস্তি।

পুত্র শব্দের অর্থ প্রতিবিম্ব এবং স্বরূপ। এ সম্বন্ধে আরও একটু কথা আছে। ব্যাস জন্মবিহীন, তিনি অজ।

তমাদিকালে মহাবিভূতিনারায়ণো ব্রহ্ম মহানিধানম্।
সসর্জ পুত্রার্থমুদারতেজা ব্যাসঃ মহাত্মানমজং পুরাণম্ ॥
৫-৩৪২ শাস্তি।

স্থানান্তরে লিখিত আছে, ব্যাসাধ্যপন্নমাশ্রমে। এখন বেদব্যাস কথার প্রকৃত অর্থ সম্বন্ধে কিছু ইঙ্গিত পাওয়া যাইতে পারে। ঋষি কথার অর্থে মন্ত্র এবং মন্ত্র-দ্রষ্টা। কবি ও কাব্য উভয়ে একই কথা, যেমন কবি উশনা, কাব্যোশনা, সেইরূপ যোগ ও যোগী। তাহা হইলে বেদব্যাস কথার অর্থ বুঝা সহজ হয়। আখ্যায়িকারূপে বেদের ব্যাস বা বিস্তার, ইহার নাম বেদব্যাস, আর এই বিস্তার যিনি করেন, তদভিমানী কল্পিত পুরুষের নাম বেদব্যাস।

উপরিচর রাজা কে? “উপরিচরশ্চ রাজ্ঞো ব্যাবৃত্যর্থঃ তশ্চৈব বিশেষণমাদিত্য ইতি অদ্বিতে: পুত্রো বসুমর্নামে-ত্যর্থঃ।” বসু শব্দের আর এক অর্থ যজ্ঞের নিমিত্ত আহৃত সামগ্রী।

আমরা এ স্থলে পাইলাম, জ্ঞানরূপ সূর্য্য, অজ্ঞানতা অথবা জড়তাদুরকারী গিরিকা, চেতনসলিলরূপা শুভ্রা নদী, সত্যের আশ্রয় বেদ, ইন্দ্রিয়নিগ্রহরূপ যমুনা-দ্বীপ ও সরস্বতীনিবাস বেদবিস্তার অভিমানী দেবতা বেদব্যাস।

বেদব্যাসের মূর্তি এইরূপে মহাভারতে চিত্রিত আছে, ‘রুক্ষবর্ণ, পিঙ্গলবর্ণ জটা, বিশাল শ্মশ্রু, প্রদীপ্ত লোচন।’ এই প্রকার রূপ না হইলে অস্থালিকা বিবর্ণা হইতেন না এবং তাঁহার পুত্র পাণ্ডু ও পাণ্ডুবর্ণ হইতেন না। এই সকল না হইলে কুরুপাণ্ডবের যুদ্ধও হইত না। বেদব্যাস জন্মিবামাত্র তৎক্ষণাৎ ইচ্ছানুসারে দেহবৃদ্ধি করিয়া বেদ-বেদাদ, ইতিহাস প্রভৃতি সমস্ত শাস্ত্র অধ্যয়ন করিয়াছিলেন।

মহাভারত কি, এ প্রশ্ন বিচার করিবার এখন সময় নয়, মহাভারতে কি আছে, তাহা বুঝিতে পারিলে ভবি-ষ্যতে ঐ প্রশ্নের উত্তর দেওয়া অপেক্ষাকৃত সহজ হইবে। গ্রন্থখানির দুই রূপ; প্রথম রূপ আখ্যান, দ্বিতীয় রূপ রহস্য। ব্রহ্মা ব্যাসকে বলিয়াছিলেন, “তোমার রহস্য-জ্ঞান, থাকতে তুমি ছুঁকর, তপঃশালী কুলশীলসম্পন্ন সমস্ত

কবিকুল হইতে শ্রেষ্ঠতম।” ‘জীবব্রহ্মাভেদো গ্রহপ্রতি-
পাচ্যো’ ১টী: ১ম অ: আদি।

জীব ও ব্রহ্মের একত্ব—‘একমেব অধিতীয়ং’ ইহাই
হইল গ্রহের মূল রহস্য। এই রহস্যটি একটি দীর্ঘ আখ্যা-
য়িকার মধ্যে লুক্কায়িত আছে; এই আখ্যায়িকাটি হইল
আবরক অথবা নারিকেলের ছোবড়ার অংশ।

মহাভারত একখানি আখ্যান। ‘ভারত আখ্যানং’
৩২৪-২ অ: আদি।

‘মহাভারতম্ আখ্যানং’ ২২৪-২য় অ: আদি।

‘ভারতমাখ্যানং উত্তমং’ ৩৩-২য় অ: আদি।

আখ্যান, উপাখ্যান ও ইতিহাস এই তিনটি কথা
মহাভারত সম্বন্ধে একই অর্থে ব্যবহৃত হইয়াছে।

(“মহাভারতমাখ্যানিতিহাসং সর্বাংশতিন্মুতিসারভূতম্।)।”

১টী ১ম অ: অশ্বমেধ।

‘এই আখ্যানের আশ্রয় ব্যতীত ভূমণ্ডলে কোন
আখ্যানই বিদ্যমান নাই।’ ‘ইতিহাস: প্রধানার্থ: শ্রেষ্ঠ:
সর্বাংশমেঘম্’ ৩৬-২য় আদি।

‘ইতিহাসোত্তমং’ ৩৯-২য় আদি।

অভিধানে ইতিহাস কথার অর্থ এইরূপ দেওয়া
আছে, ‘ইতিহাস:— ইতিহাসক: পারম্পর্যোপদেশোহব্যয়:
স আস্তেহস্মিন্।’

ইতিহাস অর্থাৎ পারম্পর্য উপদেশ ইহাতে আছে।
আখ্যান, উপাখ্যান ও ইতিহাস এই সকল কথার
বিস্তৃত অর্থ দিবার প্রয়োজন নাই। মহাভারতে এই
কথাগুলি কি অর্থে ব্যবহৃত হইয়াছে, তাহা গুটিকতক
উদাহরণ হইতে বুঝা যাইবে।

‘শ্রোনকপোতীয় উপাখ্যানং’ ১৭২-২য় আদি।

‘মৎস্ত উপাখ্যানং’ ১৯১-২য় আদি।

‘রামায়ণ উপাখ্যানং’ ২০০-২য় আদি।

‘অগস্ত্যমপি চাখ্যানং যত্র বাস্তাপিতৃক্ষণম্’ ১৬৭-২য় আদি

‘মৌকল্যমপি চাখ্যানং চ্যবনো যত্র ভার্গব:।’

১৭০-২য় আদি।

‘পতিব্রতায়শ্চাখ্যানং’ ১৯৪-২য় আদি।

ইতিহাস কথাও এইরূপ অর্থে ব্যবহৃত হইয়াছে।
‘মত্ৰাপ্যদাহরতীয়াতিহাসং পুরাতনম্।’ এই বলিয়া শান্তি
ও অক্ষয়শাসনপর্বে শত শত আখ্যান লিখিত হইয়াছে।

তাহা হইলে আমরা যাহাকে ইতিহাস অথবা হিন্দী
বলি, তাহার সহিত মহাভারতের যে ইতিহাস-কথা
লিখিত আছে, তাহার কোন সম্পর্ক নাই।

আখ্যান কথার সম্বন্ধে আরও একটু বলা প্রয়োজন।
পঞ্চতন্ত্রে তিন মৎস্তের আখ্যান আছে, মহাভারতেও
সেই আখ্যান দেখিতে পাওয়া যায়, এই হইল এক
প্রকার আখ্যানের উদাহরণ। অপর পক্ষে সমস্ত মহা-
ভারত গ্রন্থ একখানি আখ্যান। তবে মহাভারত
আখ্যানের একটু বিচিত্রতা আছে, এই আখ্যান পবিত্র
ধর্মশাস্ত্ররূপ, শ্রেষ্ঠ অর্থশাস্ত্ররূপ এবং মোক্ষশাস্ত্ররূপ।

‘ধর্মশাস্ত্রমিদং পুণ্যমর্থশাস্ত্রমিদং পরম্।

মোক্ষশাস্ত্রমিদং প্রোক্তং ব্যাসেনামিতবুদ্ধিনা ॥”

২৩-৬২ অ: আদি।

জ্ঞানান্তরে আমরা ধর্মআখ্যান ও সত্যআখ্যান দেখিতে
পাই।

১৪-২৪৫ অ: শান্তি।

উপরে লিখিত হইয়াছে, আখ্যান, উপাখ্যান ও
ইতিহাস এই তিন কথার প্রয়োগ কবি এক অর্থে করিয়া-
ছেন। টীকাকার ইতিহাস কথার এই ভাবে অর্থ
দিয়াছেন।

‘সম্বন্ধ: সম্বন্ধাতে সজ্জতে হাতুম্পাদাতুং বা ক্রতিমর্থং
যেন তং ইতিহাসম্।’ ২৮-২৯টী: ১৬৮ অ: শান্তি।

তাহা হইলে সমগ্র মহাভারতের সহিত বেদের সম্বন্ধ
আছে, তাহা আমরা দেখিতে পাইলাম। কবি এ কথা
অনেক স্থানে উল্লেখ করিয়াছেন। “যেমন জের বস্তুর
মধ্যে আত্মা ও প্রিয়তম বস্তুর মধ্যে জীবন, সেইরূপ
প্রধানবিষয়ক এই ইতিহাস সকল আগমের মধ্যে উৎ-
কৃষ্ট হইয়াছে।”

‘আত্মেব বেদিতব্যেষ্ু প্রিয়েষিব হি জীবিতম্।

ইতিহাস: প্রধানার্থ: শ্রেষ্ঠ: সর্বাংশমেঘম্ ॥”

৩৬-২য় অ: আদি।

‘তস্ম প্রজ্ঞাভিপন্নস্ত বিচিত্রপদপর্কণ:।

স্বস্মার্থভায়ুক্তস্ত বৈদার্থৈর্ভূবিতস্ত চ ॥”

৪০-২ অ: আদি।

অশেষপ্রজ্ঞানিলয়, বিচিত্রপদ ও পর্কযুক্ত, স্বস্মার্থ ও
স্বায়ুক্ত বৈদার্থে বিভূষিত ভারতীয় কথা।

‘কার্ণ: বেদমিমং।’ ১৮ ৬২ অ: আদি।

মহাভারত সর্ববেদস্বরূপ।

“ইদং হি বেদৈঃ সমিতং পবিত্রমপি চোত্তমম্।

শ্রীবাং শ্রুতিস্বথৈকৈব পাবনং শীলবর্ধনম্ ॥”

৪১-৬২ অঃ আদি।

মহাভারত বেদতুল্য পবিত্র।

“তন্ত্রাধ্যানবরিষ্ঠস্ত বিচিত্রপদপর্কণঃ।

স্বস্বার্থন্যায়ুক্তস্ত বেদার্থৈর্ভূষিতস্ত চ ॥”

১৮-১ম, আদি।

অদ্ভুত কর্মকারী বেদব্যাস-প্রণীতা চতুর্কোদার্থপ্রতি-
পাদিনী পাপভয়নিবারিণী পুণ্যসংহিতা।

“ব্রহ্মন্ বেদরহস্যঞ্চ যচ্চাত্ত্বং স্থাপিতং ময়া।

সাক্ষোপনিষদাঙ্কৈব বেদানাং বিস্তরক্রিয়া ॥”

৬১ ১ আদি।

“ইতিহাসপুরাণানামুন্ময়ং নির্মিতঞ্চ যৎ।

ভূতং ভব্যং ভবিষ্যঞ্চ ত্রিবিধং কালসংজ্ঞতম্ ॥”

৬৩-১ আদি।

বেদের নিগূঢ় তত্ত্ব, বেদ বেদান্ত ও উপনিষদের
ল্যাখ্যা, ইতিহাস ও পুরাণের প্রকাশ, বর্তমান, ভূত,
ভবিষ্যৎ এই কালত্রয়ের নিরূপণ।

ব্যাস ধর্মকামনাবশতঃ এই ভারতের সফর্ত করিয়া-
ছেন। তিনি বেদচতুষ্টিয় হইতে পৃথগ্ভূত অল্প যষ্টি শত
সহস্র সংহিতা রচনা করেন।

উপরে যে সকল অংশ উদ্ধৃত হইল, তাহা
হইতে স্পষ্টই দেখিতে পাওয়া যাইতেছে যে, মহাভারত
এক ভাবে উপাখ্যান বা উপকথা এবং আর এক ভাবে
বেদের অর্থপ্রকাশক উপাখ্যান আকারে গ্রন্থ। মহা-
ভারতের দুই রূপ সমস্ত গ্রন্থ সম্বন্ধে খাটে, কেবল
তাহা নহে, গ্রন্থের সকল অংশের সম্বন্ধে এ কথা
সত্য। যে স্থলেই কোন আখ্যান বা ঘটনা বর্ণিত
আছে, একটু চিন্তা করিলেই দেখিতে পাওয়া যাইবে
যে, তাহার তলে কোন না কোন নিগূঢ় তত্ত্ব প্রচ্ছন্নভাবে
রহিয়াছে।

মহাভারত কি, বুঝিতে হইলে মহাভারতের এই দুই
রূপ সর্বদা মনে রাখিতে হইবে।

ব্যাসরচিত মহাভারত লিখিতে কত সম্মত লাগিয়া-
ছিল, মহাভারতের প্রাচীনতা, পূর্বে ইহা কি ভাবে

ছিল, কি করিয়া দেশমধ্যে ইহার বিস্তার হইত, এ সকল
সম্বন্ধে গ্রন্থমধ্যে অনেক ইঙ্গিত আছে।

“মহতো হেনসো মর্ত্যান্ মোচয়েদনুকীর্ষিতঃ।

ত্রিভিবর্ষৈলঙ্ককামঃ কৃষ্ণধৈপায়নো মুনিঃ ॥”

৪১-৬২ অঃ, আদি।

ব্যাসদেব তিন বৎসর তপস্যা ও নিয়ম অবলম্বন
করিয়া এই মহাভারত রচনা করিয়াছেন।

ব্যাসদেব পূর্বকালে শ্লোকচতুষ্টির দ্বারা এই সংহিতা
রচনা করিয়া নিজ পুত্র শুকদেবকে অধ্যয়ন করাইয়াছিলেন।

“উপাখ্যানৈঃ সহ জ্ঞেয়ম’গ্নং ভারতমুত্তমম্।

চতুর্কিংশতিসাহস্রাং চক্রে ভারতসংহিতাম্ ॥”

১০২-১ম অঃ, আদি।

প্রথমতঃ ব্যাস উপাখ্যানভাগ ভাগ করিয়া চতুর্কিংশ-
শতি সহস্র শ্লোক দ্বারা সংহিতা রচনা করিয়াছিলেন।

“ততোহধ্যর্দিশতং ভূয়ঃ সংক্ষেপং কৃতবানৃষিঃ।”

১০৩-১ম, আদি।

“অনুক্রমণিকাপায়ং বৃত্তান্তানাং সপর্কণাম্।”

১০৪-১ম, আদি।

“ষষ্টিঃ শতসহস্রাণি চকারান্যাঃ স সংহিতাম্।”

১০৫-১ম, আদি।

“একঃ শতসহস্রস্ত মানুসেন্ প্রতিষ্ঠিতম্।”

১০৬-১ম, আদি।

পরে সাদৃশত শ্লোকে অনুক্রমণিকা রচনা করিলেন।
পরে ৬০ লক্ষ শ্লোক রচনা করেন, তাহার ১ লক্ষ বর্তমান
মহাভারত।

“ভবিষ্যৎ পরী চাপ্যুক্তং খিলেষেবাস্তুতং মহৎ।

এতৎ পরীশতং পূর্ণং ব্যাসেনোকৃতং মহাত্মনা ॥”

৮৩-২য় অঃ, আদি।

ব্যাস এক শত পরী কীর্তন করিয়াছেন।

“যথাবৎ সূতপুত্রেন গোমহর্ষণিনা ততঃ।

উক্তানি নৈমিষারণ্যে পরীণ্যষ্টাদশৈব তু ॥”

৮৪-২য়, আদি।

সূত উগ্রশ্রবা সংক্ষেপে অষ্টাদশ পরী কীর্তন করেন।

“শুক্লাসাঃ শুচিভূত্বা ব্রাহ্মণান্ স্বস্তি বাচয়েৎ।

কীর্তয়েদ্ভারতং তৈব তথা স্মাদক্ষয়ং হবিঃ।”

...১৪।১২৭ অন্ত।

স্মৃত জাতি ব্যতীত ব্রাহ্মণরাও মহাভারত কীর্তন করিতেন। ১৪-১২৭, অনু—১৪-৬২ আদি।

“মহাদি ভারতঃ কেচিদাস্তীকাদি তথা পরে।

তথোপরিচরাজ্ঞে বিপ্রাঃ সম্যগধীয়তে ॥

বিবিধং সংহিতাজ্ঞানং দৌপয়ন্তি মনৌষিণঃ।

ব্যাখ্যাতুং কণলাঃ কেচিদ্গৃহ্মান্ ধারয়িতুং পরে ॥”

৫২।৫৩, ১ম অঃ, আদি।

নানা পণ্ডিত নানা স্থানে সংহিতারম্ভ বোধ করেন। কেহ কেহ নাবায়ণঃ নমস্কৃত্য, কেহ আশ্তীক পর্ক, কেহ উপরিচর রাজার উপাখ্যান হইতে মহাভারতের আরম্ভ বিবেচনা করিয়া অধ্যয়ন করেন।

৫২—৫৩। ১ম অঃ, আদি।

ভ্রমণে কোন কোন পণ্ডিত এই ইতিহাস কীর্তন করিয়াছেন, কেহ কেহ সম্প্রতি করিতেছেন, ভবিষ্যৎ-কালেও অনেকে কীর্তন করিবেন।

ব্রাহ্মণরা ইহাকে সংক্ষেপে ও বিস্তাররূপে ধারণা করিয়া আসিতেছেন। পণ্ডিতরা ইহার অতিশয় সমাদর করেন।

“বিস্তায়ৈতন্মহজ্জ্ঞানমুষিঃ সংশ্লিপ্য চাববীৎ।

ইষ্টং হি বিদুষাং লোকে সমাসব্যাসধারণম্ ॥”

১১-১২, আদি।

কোন কোন বিদ্বান্ সংক্ষেপে জানিতে ইচ্ছা করেন, কেহ বা বিস্তাররূপে জানিতে চাছেন, এই নিমিত্ত ভগবান্ বেদব্যাস এই গ্রন্থ সংক্ষেপে ও বিস্তাররূপে বর্ণন করিয়াছেন।

৫১-১২, আদি।

তিনি চারি বেদ বিভাগ করিয়া এই গ্রন্থ রচনা করেন।

উপরে উদ্ধৃত অংশ হইতে গুটিকয়েক কথা বেশ বুঝা যায়। প্রথম, যাহাকে আমরা মহাভারত বলি, তাহা কোন না কোনরূপে দেশ-মধ্যে পূর্বকালে প্রচলিত ছিল। দ্বিতীয়, ভিন্ন ভিন্ন স্থানে এবং ভিন্ন ভিন্ন সময়ে ইহা নানারূপে পঠিত বা কথিত হইত। তৃতীয়, ব্রাহ্মণ ও স্মৃতগণ ইহা পাঠ এবং কীর্তন করিত। শ্রাদ্ধ এবং অপরাপর পর্কসময়ে ইহা পাঠ এবং কীর্তন হইত, চতুর্থের শ্রী-পুরুষ তাহা শুনিত।

মহাভারত একখানি কাব্য। কাব্যের যাহা গুণ বা লক্ষণ থাকে, মহাভারতে সেই সকল গুণ বা লক্ষণ

আছে। ‘মহাভারত পরম পবিত্র কাব্য।’ কোন কবি ইহা অপেক্ষা উৎকৃষ্ট কাব্য রচনা করিতে পারিবেন না।

কবিররা কবিদর্শকর উৎকর্ষসাধনার্থ এই ভারতকে অবলম্বন করিয়াছেন। চলিত কথায় বলে, ‘যাহা নাই ভারতে, তাহা নাই ভারতে।’ ব্যাসোচ্চিষ্টঃ জগৎ সর্কঃ। ‘মহাভারত প্রধান প্রধান কবিগণের উপজীব্য’। এই যে কাব্য কথা লিখিত হইল, ইহার দুই প্রকার অর্থ আছে। উপরে লিখিত হইয়াছে যে, কবি ও কাব্য এই দুই কথা একই অর্থে ব্যবহৃত হয়। তাহা হইলে কবি কথার অর্থ হইতে কাব্য কথার তাৎপর্য বুঝিবার সুবিধা হইবে। কবি কথার প্রচলিত অর্থ আমরা সকলেই জানি; যে কবিতা লিখে, তাহাকেই আমরা কবি বলি। কিন্তু কবি কথার আর এক প্রকার অর্থ আছে, কবি অর্থে—ক্রান্তদ্রষ্টা; যেমন ঋষি কথার অর্থ ভবিষ্যৎদ্রষ্টা, সেইরূপ কবি কথার অর্থ—অতীতদ্রষ্টা। কবি কথার আরও অর্থ আছে, কবি অর্থে—বেদজ্ঞ এবং সর্কজ্ঞ। কবিশ্রেষ্ঠ ভগবান্ হব্যবাহ।

“এবং স্তুতো হব্যবাহট স ভগবান্ কবিকৃতমঃ।”

৯-১৬ অঃ, উদ্।

মহাভারত পুরাণমধ্যে পরিগণিত, পুরাণের যে প্রকার পঞ্চ লক্ষণ আছে, মহাভারতেরও সেই প্রকার লক্ষণ আছে। তবে একটু কথা আছে, মহাভারতে পুরাণকথা বেদ অর্থে ব্যবহৃত হইয়াছে।

“যচ্চাপি সর্কগং বস্তু তচ্চৈব প্রতিপাদিতম্ ॥”

৭০-১ম, অঃ।

যিনি অখিল সংসার ব্যাপিয়া আছেন, সেই পরব্রহ্মই প্রতিপাদিত হইবেন। তাহা হইলে প্রশ্ন হইতে পারে, রাজা-রাণীদিগের জন্ম, মৃত্যু, যুদ্ধ, বিগ্রহাদি এ সকল কথার অবতারণার প্রয়োজন কি? সেই কারণে কবি লিখিতেছেন,—

“তপো ন কক্কাংধ্যয়নং ন কক্কঃ

স্বাভাবিকো বেদবিধিন্ কক্কঃ।

প্রমহা বিস্তাহরণং ন কক্কস্তান্বেব ভাবোপহতানি কক্কঃ ॥”

২৭৫-১ম, আদি।

তপস্শ্রা, অধ্যয়ন, স্কন্ধাবন্দনাদি সমস্ত বেদবিধি এবং রাজগণের যুদ্ধ ও নগর আক্রমণ কদাপি পাপজনক

হইতে পারে না, কিন্তু তাহা অসম্ভবপ্রায়ে দূষিত হইলেই পাপজনক হয়, তাহাতে সন্দেহ নাই। ব্যাস ধর্মকামনা বশতঃ এই ভারতের সন্দর্ভ করিয়াছেন। সেই কারণে কবি বলিয়াছেন, মহাভারত সদতিপ্রায়ে পড়িতে হইবে।

মহাভারত নিয়তাত্মা ব্যক্তিদিগের শ্রোতব্য।

“ব্রাহ্মণৈর্নিয়মবদ্ভিরনস্তরং ক্রান্ত্রৈঃ

ধর্মনিরতৈর্বৈশ্বৈঃ শূদ্রৈরপি।”

৮৭ -২০ -২৫ অঃ, আদি।

আর একটি কোতূকের কথা আছে, বেদ অল্প-বিদ্য ব্যক্তির নিকটে এই ভয়ে ভীত হইবে যে, এ ব্যক্তি আমাকে প্রহার করিবে।

“বিভেত্যল্পশ্রতাঘেদো মাময়ং প্রহরিষতি।”

২৬৮-১ম অঃ, আদি।

প্রথমে কথাটি কোতূক বলিয়া মনে হয়, কিন্তু ইহার যথেষ্ট অর্থ আছে। যে সময়ে মহাভারত লিখিত হয়, সেই সময় দেশের কি অবস্থা ছিল, ঐ কথাগুলি হইতে তাহার কিছু ইঙ্গিত পাওয়া যায়। এ সম্বন্ধে বুঝিতে পরে চেষ্টা করিব।

রহস্য-কথার অনেকবার উল্লেখ হইয়াছে। বেদ, রামায়ণ, মহাভারত এবং অন্যান্য পুরাণগুলি রহস্যপূর্ণ। এই রহস্য কথাটির সম্বন্ধে কিছু বলা প্রয়োজন। রহস্য শব্দের এক প্রকার অর্থ কোতূক বা পরিহাস। শব্দী বলিলেন, “আমি পরিহাসচ্ছলেও কখন মিথ্যা কথা কহি না।”

“নাচঃ মুখা ব্রবীম্যেব শ্বৈরেষপি কতঃ শপনু।”

২-৪২ অঃ, আদি।

রহস্য কথার আর এক অর্থ গূঢ় তত্ত্ব অর্থাৎ যাতার মর্ম সহজে বুঝিতে পারা যায় না। মহাভারতমধ্যে কি আছে, সে সম্বন্ধে কবি বলিতেছেন,—

“ভূতস্থানানি সর্গানি রহস্যঃ ত্রিবিধঞ্চ যৎ।”

৪৮-১ আদি।

দুর্গ, নগর, তীর্থক্ষেত্র প্রভৃতি সমুদয় জীবস্থান এবং ত্রিবিধ রহস্য। এই ত্রিবিধ রহস্য হইল ধর্ম-রহস্য, অর্থ ও কামরহস্য। কোথাও বা বাহা ধর্ম বলিয়া মনে হয়, তাহা বাস্তবিক অধর্ম, কোন ধূলে তা অধর্ম বাস্তবিক ধর্ম হয়। এইরূপ অর্থ ও কাম সম্বন্ধে বলা

যাইতে পারে। মহাভারতে এই প্রকার রহস্যের উদাহরণ আছে।

রহস্য কথার আর এক অর্থ গুপ্ত। রূপকের সাহায্যে এই প্রকার রহস্য রক্ষিত হয়। নিম্নে এই প্রকার রহস্যের একটি উদাহরণ দিলাম।

দ্রৌপদী বধন সভামধ্যে অবমানিত হইলে, সে সময়ে শ্রীকৃষ্ণ শাল্যরাজার সৌভনগর বিনাশ করিতে গিয়াছিলেন। যুধিষ্ঠিরের প্রার্থে শ্রীকৃষ্ণ বলিলেন, “শাল্যরাজা দ্বারকানগরে আসিয়া উপস্থিত হইয়াছিল এবং আকাশ-গামী সৌভনগরে অধিষ্ঠিত হইয়া দ্বারকাপুরী অবরোধ করিলেন। তৎকালে দ্বারকাপুরী নীতিশাস্ত্রবিধান অনুসারে সর্বপ্রকারে সুসজ্জিত হইয়াছিল, রাজা উগ্রসেন পুরী রক্ষা করিতেছিলেন। শাল্যরাজা পুরী আক্রমণ করিলে মহামুগ্ধ বাধিল। আমার পুত্র শাশ্ব কেমবৃদ্ধি নামে শাল্যরাজের এক সেনাপতির সহিত যুদ্ধ আরম্ভ করিল, কেমবৃদ্ধি যুদ্ধ সঙ্গ করিতে না পারায় পলায়ন করিল, বেগবানু নামে এক দৈত্য শাস্ত্রের অভিজ্ঞে আগমন করিল; সে দৈত্যও শাশ্ব কর্তৃক নিপাতিত হইল। পরে শাল্যের সহিত শাস্ত্রের যুদ্ধ হইল, সে যুদ্ধে শাশ্ব মর্চ্ছিত ও অবসন্ন হইয়া পড়িলে তাহার সারথি তাহাকে লইয়া রণভূমি হইতে প্রস্থান করিল। পুনরায় শাস্ত্রের সহিত শাস্ত্রের যুদ্ধ বাধিল, এবার শাশ্ব মর্চ্ছিত হইয়া পড়িলেন। তাহার পর শাশ্ব অগ্নির ত্রায় এক বাণ ধনুর্গুণে ষোড়শা করিল, তাহাতে অন্তরীক্ষে হাহাকারধ্বনি উঠিল। অনন্তর ইন্দ্র প্রভৃতি দেবগণ নারদকে প্রত্যয়ের নিকট পাঠাইলেন। নারদ আসিয়া বলিলেন, ‘তোমার এই শরে জগতে কেহ অবধ্য নহে, তবে শ্রীকৃষ্ণ শাল্যরাজকে বধ করিবেন, ইহাই নিশ্চিত আছে, অতএব তুমি এই শর উপসংহার কর।’ শাশ্ব তাহাই করিলেন। শাশ্ব বিষন্ন হইয়া সৌভয়ানে আরোহণ করিয়া দ্বারকা পরিত্যাগ পূর্বক আকাশ-পথে প্রস্থান করিলেন।” শ্রীকৃষ্ণ বলিলেন, “বধন এই ঘটনা হইতেছিল, সেই সময়ে আমি আপনার রাজসূয়-যজ্ঞে উপস্থিত ছিলাম। আমি দ্বারকায় ফিরিয়া সকল সমাচার অবগত হইলাম। শুনিলাম, শাল্যরাজা সাগরাভিমুখে যাত্রা করিতেছেন, তথায় তিনি সমুদ্রগর্ভে বিমান আরোহণে অবস্থিতি করিতেছিলেন,

আমাকে দেখিয়া তিনি যুদ্ধার্থে আগমন করিলেন। দানবরা আসিয়া শাস্ত্রের পক্ষ হইয়া যুদ্ধ করিতে লাগিল। সৌভপুর এক কোশ আকাশে উর্দ্ধে থাকায় তথায় আমার সৈন্যদিগের প্রেরিত অস্ত্র সকল পৌঁছিল না। শাল্য মায়াযুদ্ধ করিতে আরম্ভ করিলেন; আমিও মায়া দ্বারা প্রতিনিবৃত্ত করিতে লাগিলাম। আমি মায়া দ্বারা মোহপ্রাপ্ত হইয়া প্রজ্ঞা অস্ত্র যোজনা করিলাম: এমন সময় উগসেন-প্রেরিত এক জন দূত আসিয়া বলিল যে, দ্বারকাধিপতি আত্মক আপনাকে বলিয়াছেন, 'তুমি দ্বারকায় আগমন কর, শাল্য তোমার পিতা বসুদেবকে হত্যা করিয়াছেন, সম্প্রতি দ্বারকা রক্ষা কর।' আমি অতি বিহ্বল হইয়া পুনরায় শাস্ত্রের সহিত যুদ্ধ করিতে আরম্ভ করিলাম। দেখিলাম, সৌভনগর হইতে আমার পিতা বসুদেব ভ্রমে পতিত হইতেছেন। আমার হস্ত হইতে শাস্ত্রধনু পড়িয়া গেল ও আমি হতচেতন হইলাম। পরে চৈতন্য লাভ করিয়া দেখিলাম যে, সমস্তই মায়া। রথ নাই, শাল্য নাই, আমার পিতাও নাই। অনন্তর আমি শাস্ত্রধনুতে বাণ যোজনা করিয়া অসুরদিগের প্রতি নিক্ষেপ করিলাম। সৌভয়ান মায়া দ্বারা অপসৃত হওয়াতে আমি বিশ্বয়াপন্ন হইলাম এবং দিব্যাস্ত্র প্রতিমন্ত্রিত করিয়া আকাশস্থিত অসুরদিগকে নিহত করিলাম। অনন্তর সেই কামগ সৌভ প্রাগজ্যোতিষপুবে গমন করিয়া পুনর্বার আমার চক্ষুকে মোহিত করিল। তাহার পর দানবরা আমার উপর প্রস্থর নিক্ষেপ করিয়া আমাকে আবৃত করিল। আমি অদৃশ্য হইলে পৃথিবী, আকাশ ও স্বর্গ হাহাকার ধ্বনিতে পরিপূর্ণ হইল, আমি বজ্রের দ্বারা সমস্ত পাষণ্ড বিনাশ করিলাম। আমি দানবাস্ত্রের মৎপ্রিয় আগ্নেয়াস্ত্র ধনুতে সংযোজিত করিলাম। তাহার পর সৌভনগর আমার সুদর্শনচক্রের বলে হত ও বিধাকৃত হইয়া ভূতলে পতিত হইল। সুদর্শনচক্র পুনরায় আমার হস্তে ফিরিয়া আসিলে আমি তাহা শাস্ত্রের উপর নিক্ষেপ করিলাম। তাহাতে তাহার শরীর বিধাকৃত হইয়া তেজোদ্বারা প্রজ্জ্বলিত হইল, এবং দানবরাও পলায়ন করিল।"

উপরে লিখিত গল্পটি একটু দীর্ঘ হইল, কিন্তু এ গল্পে পরিবার অনেক সামগ্রী আছে। গাঁজাখুরির যে সমস্ত

প্রয়োজনীয় অস্ত্র, সেই সমস্ত অস্ত্রের কোনটারই অভাব নাই, তবে সমগ্র মহাভারত ও তাহার অন্তর্গত অসংখ্য আখ্যান এই প্রকার গল্পের অমুরূপ। গল্পটিকে গাঁজাখুরি না বলিয়া যদি কাল্পনিক বলি, তাহা হইলে কথাটি সত্য হয়। কি ধারণা অবলম্বন করিয়া কবি এইরূপ কল্পনা করিয়াছেন, তাহা মহাভারতের টীকাকার সুন্দর-রূপে দেখাইয়া দিয়াছেন। দ্বারকা হইল, স্থূল-সূক্ষ্মদেহ-রূপ ক্ষেত্র, এই দ্বারকা সংসারসাগরমধ্যে অবস্থিত। শ্রীকৃষ্ণ তখন দ্বারকায় ছিলেন না, সেই কারণে ভগবানের বিশ্বরণ হেতু এই সকল কাণ্ড ঘটে। শাল্য হইল শাল্যাপা মহামোহ, সৌভ হইল কামগামী মনোরথ। মহামোহ আসিলে প্রত্যাশ্বরূপ যজ্ঞাদিধর্ম সেই মহামোহকে নিবারণ করিতে অক্ষম হইল। তাহার পর আমি (শ্রীকৃষ্ণ) চিত্রদ্বারকা প্রাপ্ত হইয়া আমার অধিক্ষেপকারী মোহরূপ শাল্যকে ব্রহ্মবিজ্ঞারূপ অস্ত্র দ্বারা হত করিলাম এবং মনোরথরূপ সৌভনগর পাতিত করিলাম।"

"সংসারসাগরমধ্যে দ্বারকাধ্যে স্থূলসূক্ষ্মদেহরূপে ক্ষেত্রে বিশ্বরণরূপাং ভগবদসন্নিধানাং কামগং মনোরথাধাং সৌভমাক্রম্যগতেন শাল্যধোনে মহামোহেন শোকান্ধৈরূপক্রতে সতি প্রত্যাশ্বাদিস্বরূপা যজ্ঞাদয়ো ধর্মান্তঃ বারয়িতুমক্ষমা অভবন্, ততোহহং চিত্রদ্বারকামেত্য চিদাত্মানং মামধিক্ষিপন্তঃ শাল্যমোহমহং ব্রহ্মবিজ্ঞাস্ত্বেণ হতবান্ তৎপুরং চ মনোরথসৌভং পাতিতবানিতি।"

এইরূপ যুদ্ধ প্রভৃতি রূপক দ্বারা সকল স্থানেই আখ্যায়িকার তাৎপর্য অমুমান করিতে হইবে। তাহার পর আরও একটি কথা আছে। এই তাৎপর্য শ্রুতিমূলক দেব হইল শম, অসুর হইল কামাদি গুণ, তাহাদের যুদ্ধরূপ রূপকের দ্বারা আধ্যাত্মিক অর্থ নিরূপিত হয়। তথা চ শ্রুতিঃ—"দ্বয়া হ প্রাজাপত্য। দেবাশ্চাসুরাশ্চৈত্যাদিনা দেবাসুরশব্দৈঃ শব্দকামাদীন্ বিবক্ষিত্বা তদ্যুদ্ধরূপকেনাধ্যাত্মিকমর্থং নিরূপয়তি।" ১-৩৩: ১৪ অঃ বন।

এ স্থলে আমরা তিনটি সামগ্রী দেখিতে পাইতেছি। প্রথম একটি উপকথা, যাহাকে আমরা সচরাচর গাঁজাখুরি বলি। দ্বিতীয় আধ্যাত্মিক শিক্ষা। তৃতীয় বাহা অবলম্বন করিয়া এই আধ্যাত্মিক শিক্ষা প্রদত্ত হইয়াছে—

বেদ ও ঋতিঃ। উপরে লিখিত হইয়াছে, এই ভাবে কেবল সমগ্র মহাভারত গ্রন্থ নহে, মহাভারতের আখ্যান-গুলিও রচিত।

“ঋত্যানুসারিত্বাৎ ভারতশ্রুতেঃ।”

১-৩টী: ১৪ অঃ বন।

“মহাভারতখ্যামিতিহাসং সর্ষশ্রুতিশ্রুতিসারভূতম্।”

১টীঃ ১ম অঃ অশ্বমেধ।

এই কথার অর্থ এখন আমরা বুঝিতে পারি, যেরূপ শাস্ত্রদৈত্যবধ, সেইরূপ মহাদেব কর্তৃক ত্রিপুরধ্বংস। ঋতিমূলক আধ্যাত্মিক শিক্ষা একটি গল্পের আকারে প্রদর্শিত হইয়াছে। জরৎকার উপাখ্যান সম্বন্ধে টীকা-কার লিখিতেছেন,—

‘অনেন রূপকেন প্রদর্শয়তি’

১৫-১৬টী: ৩৩ আদি।

মহাভারতে এতদ্ভিন্ন আর এক প্রকার রহস্য আছে, তাহাকে সচরাচর ব্যাসকূট বল। বেদব্যাস ব্রহ্মাকে বলিলেন, ‘আমি এইরূপ পবিত্র কাব্য রচনা করিতে সক্ষম করিয়াছি; কিন্তু ভূমণ্ডলে ঠহার উপযুক্ত কোন লেখক নাই।’ ব্রহ্মা বলিলেন, ‘তুমি গণেশকে স্মরণ কর, তিনি এই কাব্যের লেখক হইবেন।’ ব্যাস তাহাই করিলেন, এবং গণেশ আসিলে বলিলেন, ‘আপনি আমার মহাভারত গ্রন্থের লেখক হউন।’ গণেশ বলিলেন, ‘আমি লিখিতে আরম্ভ করিলে যত্নপি আমার লেখনী ক্ষণমাত্র বিপ্রাম না করে, তাহা হইলে আমি লেখক হইতে পারি।’ ব্যাস বলিলেন, ‘আপনিও কোন স্থানের অর্থ না বুঝিয়া লিখিবেন না।’ গণেশ ‘ওঁ’ বলিয়া লেখকতা কার্যে নিযুক্ত হইলেন। বেদব্যাস এই নিমিত্তই কৃতুচলা-ক্রান্ত হইয়া মধ্যে মধ্যে গ্রন্থগ্রন্থি অর্থাৎ ছুজ্জের শ্লোক রচনা করিয়াছেন এবং তাহাতে প্রতিজ্ঞা করিয়াছেন যে, এই মহাভারতে একরূপ নিগূঢ়ার্থ অষ্ট সহস্র অষ্ট শত শ্লোক আছে, যাহার প্রকৃত অর্থ আমি জানি, শুকদেবও জানেন, সঞ্জয় জানেন কি না সন্দেহ। সেই সমস্ত গূঢ়ার্থ ব্যাসকূটের বিষয়ে ছুর্কিগাহ অর্থ অত্যাধিক কেহ বিনীত শিষ্যের নিকটেও ব্যাখ্যা করিতে পারেন না।

“লেখকো ভারতশাস্য ভব অঃ গণনাযক।

মঠৈব প্রোচ্যমানস্য মনসা কল্পিতস্য চ॥

১৭-১ আদি।

ঋত্বৈতৎ প্রাহ বিবেশো যদি মে লেখনী ক্ষণম্।

লিখতো নাবতিষ্ঠেত তদা শ্যাম্ লেখকো হহম্ ॥ ৭৮

ব্যাসোহপ্যবাচ তং দেবমবুদ্ধা মা লিখ কচিৎ।

ওঁমত্বুক্তা গণেশোহপি বভূব কিল লেখকঃ ॥ ৭৯।

গ্রন্থগ্রন্থিঃ তদা চক্রেমূর্নিগূঢ়ং কৃতুচলাৎ।

যস্মিন্ প্রতিজ্ঞয়া প্রাহ মূর্নিষ্টৈর্পায়নশ্চিদম্ ॥

৮০-১ আদি।

অষ্টৌ শ্লোকসঃশ্যামি অষ্টৌ শ্লোকশতানি চ

অহং বেদি শ্লোকে বেত্তি সঞ্জয়ো বেদি বা ন বা ॥৮১।

তৎ শ্লোককটমত্যাপি গণিতং স্মৃদুঃ মূনে।

ভেত্ত্বং ন শকাতেতৎশ্রু গূঢ়ত্বাৎ প্র’শ্রুতস্য চ ॥”

৮২-১ আদি।

উপরে গল্পটির মধ্যে বালকদিগের কৌতুকের ভাব আছে বলিয়া মনে হয়, কিন্তু আমার বোধ হয়, এই ‘ছেলে-নাশুধীর’ পশ্চাতে একটি ঐতিহাসিক রহস্য রক্ষিত আছে। ব্যাস বলিলেন, “অবুদ্ধা মা লিখ ক’চিৎ”, অনুবাদক ইহার অর্থ করিয়াছেন, “আপনি কোন স্থানের অর্থ না বুঝিয়া লিখিবেন না।” আমার মনে হয়, “অবুদ্ধা” স্থলে “অবুদ্ধাঃ” সমীচীনতর পাঠ, মহাভারত পড়িতে পড়িতে পৌকমতবাদীদের উল্লেখ ও তাহাদের প্রতি কটাক্ষ অনেক স্থলে দেখিতে পাওয়া যাইবে। পরে এ কথার বিচার করিব। বৃধ+কু করিয়া বুদ্ধ কথা নিষ্পন্ন হইয়াছে, অবুদ্ধা অর্থে বুদ্ধবিপরীত অথবা অজ্ঞানতা এই দুই হইতে পারে।

‘বাচঃ’ শব্দ অধ্যাকার করিলে অবুদ্ধা কথার প্রয়োগ দৃষ্ট বলিয়া মনে হইবে না। উদ্ধৃত শ্লোকের মধ্যে “কচিৎ” কথার ব্যবহার আছে, “কিঞ্চিৎ” কথা নাই। গণেশ “ওঁ” বলিয়া লিখিতে আরম্ভ করিলেন, এ স্থলে আমরা বৈদিক ভাবেই ইঙ্গিত পাই। মহাভারতের সময় ও তৎকালে দেশের অবস্থা বুঝিবার সময়, এ প্রশ্ন পুনরায় আলোচিত হইবে।

শ্রীউপেন্দ্রনাথ মুখোপাধ্যায় (কর্ণেল)।



প্রলয়ের আলো

অক্সোন্দ্রা পারিজেস

লোমহর্ষণ দৃশ্য

জোসেফ বুঝিরাছিল—ভাগ্যচক্রের আবর্তনে সে যে পথে পরিচালিত হইতেছে—সেই পথ অতি দুর্গম ও কষ্টকা-
কৌর্ষ; বিপদের মেঘ চারি দিক হইতে তাহার মাথার উপর ঘনাইয়া আসিতেছে, তাহার ভবিষ্যৎ অন্ধকারা-
চ্ছন্ন; কিন্তু সে ভয় পাইল না, বা মুহূর্তের জন্য বিচলিত হইল না। এই সময় যুরোপের নানা দেশে রাজতন্ত্রের ধ্বংসসাধনের জন্য গুপ্ত সমিতিসমূহ প্রতিষ্ঠিত হইয়াছিল। জোসেফ কাহারও পরামর্শে সেরূপ কোন সমিতিতে যোগদান না করে—এ জন্য তাহার পিতামাতা অনেকবার তাহাকে সতর্ক করিয়া-
ছিল, কিন্তু তাহাদের উপদেশ বিফল হইল। প্রণয়িনী বার্ষীর প্রত্যাখ্যানে সে এতই মর্মান্বিত হইয়াছিল যে, জীবনের প্রতি তাহার আর মমতা ছিল না; বিপদকে আলিঙ্গন করিতেও সে কুণ্ঠিত হইল না। আনা স্মিট তাহার প্রতি স্মৃতিচারণ করিলে, তাহার জীবনের গতি পরিবর্তিত হইত; কিন্তু বিধাতা তাহাকে সুখ-শান্তির অধিকারী করেন নাই। তাহার জীবনভরী অকূল পাথারে ভাসিয়া চলিল।

নিজের উপর জোসেফের অসাধারণ বিশ্বাস ছিল; অল্প দশ জনের মত অপমান, লাঞ্ছনা ও অবিচার সহ্য করিয়া চিরজীবন দাস্তবৃত্তি করিবে, এরূপ হীনতা কখন তাহার মনে স্থান পায় নাই। সে ভাবিত, কত লোক ধর্ম ও অধ্যবসায়বলে অতি হীন অবস্থা হইতে প্রভূত সম্মান ও বিপুল ঐশ্বর্যের অধিকারী হইয়াছে, স্ব স্ব ভাগ্য নিয়ন্ত্রিত করিয়াছে, সে-ই বা জীবনের যুদ্ধে পরাজিত করিতে পারিবে না কেন? যাহারা আত্ম-শক্তিতে নির্ভর করিতে না পারিত, সে তাহাদিগকে

কাপুরুষ মনে করিয়া ঘৃণা করিত। তাহার উচ্চাভি-
লাষের পরিচয় পাইয়া যাহারা তাহাকে উপহাস করিত, তাহাদিগকে সে কৃপার পাত্র মনে করিত। প্রণয়ে নিরাশ হইয়া তাহার মন অল্প দশ জনের মত অবসাদের জড়তায় আচ্ছন্ন হইল না, কর্মক্ষেত্রে সাকল্য অর্জনের জন্য অন্ধ আবেগে ধাবিত হইল; কোন বাধা-বিঘ্ন গ্রাহ্য করিল না। ‘মস্তকের সাধন কিংবা শরীর-পাতন’, এই সঙ্কল্প লইয়া সে জীবনের দুর্গম পথে অগ্রসর হইয়াছিল।

চানস্কির সহিত বনিষ্ঠভাবে মিশিয়া জোসেফ বুঝিতে পারিল—তাহার মনের বর্তমান অবস্থায় ষে রূপ লোকের সহায়তার আবশ্যিক, চানস্কি ঠিক সেই প্রকৃতির মানুষ। উভয়ের আশা, আকাঙ্ক্ষা, সঙ্কল্প অভিন্ন। জোসেফ তাহার সমশ্রেণীর লোকের,—প্রভুত্বপ্রিয় ধনিসম্প্রদায় কর্তৃক নিগৃহীত ও প্রতারিত বুদ্ধু শ্রমজীবীগণের দুঃখ-দুর্দশায় ব্যথিত ও বিচলিত হইয়াছিল; সে রাজনীতির ধার ধারিত না; কিন্তু চানস্কি রাজনীতিতে অভিজ্ঞ ছিল; সে ছিল—অত্যাৎসাহী নিহিলিষ্ট; তাহার বিশ্বাস ছিল—নিহিলিষ্ট-সম্প্রদায়ের সঙ্কল্পসিদ্ধির উপর সমগ্র রুস সাম্রাজ্যের মুক্তি ও উন্নতি নির্ভর করিতেছে; যে দিন তাহাদের দুর্ভাগ্য ব্রত সকল হইবে—সেই দিন রুসিয়ার দুঃখের রাজ্যের অবসান হইবে; নবীন উষ্ম নবজীবনের আরম্ভ হইবে। সে বুঝিয়াছিল—যে সকল কর্মবীরের প্রাণপণ চেষ্টায় ও আত্মবিসর্জনে সেই চির-আকাঙ্ক্ষিত ফললাভ হইবে—জোসেফ তাহাদের অন্ততম। যে সকল কাৰ্য সর্কাপেক্ষা অধিক বিপজ্জনক, এবং বাহা সংসাধনের জন্য সাহসী, বুদ্ধিমান, কর্তব্যনিষ্ঠ ও দৃঢ়-প্রতিজ্ঞ লোক নিহিলিষ্ট-সম্প্রদায়ের মধ্যে দুলভ, সেইরূপ কাৰ্য জোসেফের দ্বারা অনায়াসে সুসম্পন্ন হইবে, এ বিষয়ে চানস্কির বিস্ময়াজ্ঞ সন্দেহ ছিল না।

এই সকল কারণেই চানস্কি জোসেফকে নিহিলিষ্টদের গুপ্ত সমিতির আড্ডায় লইয়া গিয়া সমিতির সদস্যগণের সহিত পরিচিত করিয়াছিল। সমিতির সদস্যরা তাহাকে দলভুক্ত করিবার জন্য অত্যন্ত উৎসুক হইয়াছিল। তাহার দুই চারিটি কথা শুনিয়াই তাহারা বুঝিতে পারিয়াছিল—জোসেফকে দলভুক্ত করিতে পারিলে তাহারা যথেষ্ট লাভবান হইবে; এরূপ কর্মী হাজারের মধ্যে এক জনও আছে কি না সন্দেহ; তাহারা তাহার উপর অসঙ্কোচে কঠিন কর্মের ভার বৃদ্ধ করিতে পারিবে। নিহিলিষ্ট-সম্প্রদায়ের শক্তি কিরূপ প্রচণ্ড এবং তাহাদিগকে কিরূপ কঠোর নিয়মে পরিচালিত হইতে হয়, দলপতির আদেশ অগ্রাহ করিলে বা বিশ্বাস-খাতকতা করিলে তাহার কি ফল হয়, বিশেষতঃ, সাম্প্রদায়িক কার্যসিদ্ধির জন্য দলের লোক কিরূপ অকুণ্ঠিতচিত্তে মৃত্যুকে বরণ করে—ইহার দৃষ্টান্ত প্রদর্শন করিয়া জোসেফের মনের ভাব বুঝিবার জন্য দলপতির আগ্রহ হইল।

তৃতীয় দিন সন্ধ্যাকালে জোসেফকে লইয়া গুপ্ত-সমিতির পূর্বোক্ত আড্ডায় যাইবার সময় চানস্কি বলিল, “দেখ জোসেফ, আমি যে সম্প্রদায়ে যোগদান করিয়াছি, সেই সম্প্রদায়ে প্রবেশ করিবার জন্য সত্যিই তোমার আন্তরিক আগ্রহ হইয়াছে কি না, তাহা এখনও ভাবিয়া দেখ; তোমার ইচ্ছা না থাকিলে এখনও ফিরিবার পথ আছে; কিন্তু শপথ গ্রহণের পর আর ফিরিতে পারিবে না। তখন অনুতাপ করিয়া কোন ফল হইবে না; তখন নিষ্কৃতিলাভের একটিমাত্র পথ থাকিবে—সে মৃত্যুর পথ! এই শেষ মুহূর্ত্তে তোমার মনের কথা সরল ভাবে প্রকাশ কর।” জোসেফ অবিচলিত স্বরে বলিল, “আমার আর নূতন কিছুই বলিবার নাই। তোমাদের সম্প্রদায়ে যোগদানের জন্য আমি কৃতসঙ্কল্প হইয়াছি; ভবিষ্যতে আমি কৃত কর্মের জন্য অনুতপ্ত হইতে পারি—তোমার এরূপ আশঙ্কা অমূলক।”

চানস্কি বলিল, “কিন্তু একটি বিষয় তোমার ভাবিবার আছে। আমি সকল কথাই তোমাকে খুলিয়া বলিতেছি। আমাদের অভিশপ্ত দেশের সহিত তোমার কোন সম্বন্ধ নাই। আমি পোলাণ্ডের সুপ্রিবাসী—পোল। তুমি বোধ হয় জান, পোলরা বর্ধীর কসিয়াকে অন্তরের

সহিত ঘৃণা করে। কসিয়ার খেচ্চাচারী সম্রাটের ও তাহার আমলাতন্ত্রের কঠোর আদেশে আমি আমার কৃতসঙ্কল্প মাতৃভূমি হইতে নির্বাসিত—কারণ, আমার একমাত্র অপরাধ—আমার স্বদেশকে আমি প্রাণ অপেক্ষা অধিক ভালবাসি; আমি আমার অভাগিনী জননী শৃঙ্খলমোচনের পক্ষপাতী।—ক্ষুদ্র পিপীলিকাও পদ-দলিত হইয়া দংশনের চেষ্টা করে; আমিও সঙ্কল্প করিয়াছি, কসিয়ার রাজতন্ত্র বিধ্বস্ত করিবার জন্য, এই খেচ্চাচারের বনিয়াদ সমভূমি করিবার জন্য, যথাসাধ্য চেষ্টা করিব। কিন্তু কসিয়ার বিরুদ্ধে তোমার এরূপ আক্রোশের কোনও কারণ নাই; তুমি কসিয়ার প্রজা নহ, কসিয়ার সহিত তোমার কোন স্বার্থ বিজড়িত নহে। এ অবস্থায় কসিয়ার বর্তমান শাসনতন্ত্রের বিরুদ্ধে দাঁড়াইয়া মৃত্যুকে বরণ করিবার জন্য তোমার আগ্রহ না হওয়াই সম্পূর্ণ স্বাভাবিক। তুমি আমার বন্ধু; আমার পরামর্শে তুমি পরের জন্য নিজের জীবন বিপন্ন করিবে—ইহা আমি প্রার্থনীয় মনে করি না,—এই জন্যই সমস্ত থাকিতে তোমাকে সতর্ক করিতেছি। তুমি আমার পরম বন্ধু না হইলে এ সকল কথা বলিয়া তোমাকে সঙ্কল্পচ্যুত করিবার চেষ্টা করিতাম না।” জোসেফ আবেগতরে চানস্কির দুই হাত জড়াইয়া ধরিয়া বলিল, “বন্ধু! তুমি আমার প্রাণের বন্ধু। তুমি আমার পরম হিতৈষী; কিন্তু অনর্থক আমাকে সতর্ক করিতেছ। তোমার সহৃদয়ে আমার সঙ্কল্প বিচলিত হইবার নহে। পৃথিবীতে আমার আর কোন বন্ধন নাই। যাহার সকল আশার অবসান হইয়াছে, তাহার আর ভয় কি? জীবন ও মৃত্যু এ উভয়ই এখন আমার নিকট সমান।”

চানস্কি বলিল, “উত্তম, চল এখন যাই।”

সে দিন সন্ধ্যার পূর্বে হইতেই গগনমণ্ডল গাঢ় মেঘে আচ্ছন্ন হইয়াছিল; সন্ধ্যাকালে ঝড় উঠিল। দুই বন্ধুতে যখন পথে বাহির হইল, তখন তুফান চলিতেছিল; কিন্তু সেই উর্ঘ্যোগ অগ্রাহ করিয়া তাহারা গন্তব্য পথে অগ্রসর হইল। রোন-নদের তরঙ্গরাশি গর্জন করিয়া তটে ঝাড়াইয়া পড়িতেছিল। হৃদের কাল জলে তখন ঝটিকার ঝড় তাণ্ডব আরম্ভ হইয়াছিল। কাল মেঘের বুক চিরিয়া, বিদ্যুতের লোল জিহ্বা জমাট অন্ধকারকে

যেন লেহন করিয়া মুহূর্তে অদৃশ্য হইতেছিল, সঙ্গে সঙ্গে গুরু গুরু মেঘগর্জনে দিগ্‌দিগন্ত প্রতিধ্বনিত হইতেছিল। তাহার পর ঝম্‌ঝম্‌ শব্দে বর্ষণ আরম্ভ হইল।

উভয়ে অন্ধকারাচ্ছন্ন পথে দৌড়াইতে আরম্ভ করিল; অবশেষে তাহারা সিক্ত দেহে আড়ায় উপস্থিত হইল। চানস্কি দলের সঙ্গেতানুযায়ী রুদ্ধ দ্বারে কয়েক বার করাঘাত করিল। একটি প্রকাণ্ড জোয়ান দ্বার খুলিয়া চানস্কিকে অভিবাদন করিল; তাহার পর জোসেফের মুখের দিকে বক্রদৃষ্টিতে চাহিয়া নিয়ন্ত্রণে কি জিজ্ঞাসা করিল। চানস্কি তাহাকে জানাইল, জোসেফ প্রস্তুত হইয়া আসিয়াছে; তাহার গৃহপ্রবেশে আপত্তির কারণ নাই।

চানস্কি ও জোসেফ নির্দিষ্ট কক্ষে প্রবেশ করিয়া দেখিল—দ্বাদশ জন সভ্য পূর্বেই সেখানে সমবেত হইয়াছেন। জোসেফ সেই কক্ষের এক কোণে একটি টেবল দেখিতে পাইল। একখানি কাল বনাত দিয়া টেবলের উপর কি একটা লম্বা জিনিষ ঢাকা ছিল।

সভাগণের মধ্যে কাহাকেও সে দিন সেখানে ধূমপান করিতে দেখা গেল না; সকলেই যেন অস্বাভাবিক গম্ভীর; প্রত্যেকের মুখে বিষাদের চিহ্ন পরিস্ফুট। কেহ কেহ নিয়ন্ত্রণে আলাপ করিতেছিল।

সভাপতির আসন তখন পর্য্যন্ত খালি পড়িয়া ছিল; চানস্কি ও জোসেফ সভায় প্রবেশ করিবার কয়েক মিনিট পরে আরও কয়েক জন সভ্য সমভিব্যাহারে সভাপতি সভায় উপস্থিত হইলেন। ক্রমে কক্ষটি জনপূর্ণ হইল; প্রায় ষাট জন সভ্য সভার কার্যে যোগদান করিল। সভ্যমণ্ডলী চক্রাকারে বসিল; মধ্যস্থল ফাঁকা পড়িয়া রহিল। সেই কক্ষের সম্মুখস্থ কক্ষেও অনেকগুলি লোক সমবেত হইয়া মুহূর্তে গল্প করিতেছিল; কিন্তু সভাপতির আদেশে গুঞ্জনধ্বনি খামিয়া গেল। সভাস্থলে নিস্তরতা বিরাজ করিতে লাগিল। সুগম্ভীর মেঘগর্জনে এবং বৃষ্টির অশ্রান্ত বর্ষণশব্দে গাম্ভীর্য যেন শত গুণ বর্দ্ধিত হইল।

অতঃপর সভার কার্য আরম্ভ হইল। সভাপতি প্রথমে একাগ্রচিত্তে গম্ভীর স্বরে তাহাদের কঠোর দায়িত্বপূর্ণ কার্যে পরমেশ্বরের আশীর্বাদ প্রার্থনা করিলেন। তাহার পর এক জন লোক খৃষ্টজননী মেরীর একটি শুভ মর্শ্বন-মূর্তি লইয়া আসিল, মেরীর ক্রোড়ে শিশু খৃষ্ট।

সভাপতির সম্মুখে একটি টেবল ছিল; মেরীর মূর্তি সেই টেবলে সংস্থাপিত হইলে, জোসেফ সভাপতির আদেশে সেই মূর্তির সম্মুখে উপস্থিত হইল। তাহাকে দুই হাত পশ্চাতে রাখিয়া, জননী মেরীর মুখের উপর দুই সন্নিবদ্ধ করিয়া দাঁড়াইতে হইল।

অতঃপর সভাপতি টেবলের উপর চারি বার করাঘাত করিলেন। মুহূর্ত পরে সেই কক্ষের দ্বার খুলিয়া চারি জন লোক সভাস্থলে উপস্থিত হইল; গাঢ় কৃষ্ণবর্ণ আলখেল্লার তাহাদের আপাদমস্তক আবৃত, কেবল উভয় চক্ষুর সম্মুখে দুইটি ছিদ্র; প্রত্যেকের হাতে তীক্ষ্ণধার সূদীর্ঘ ছোরা!

তাহারা দুই জন করিয়া জোসেফের দুই পাশে দাঁড়াইল; তাহার পর তাহাদের হাতের ছোরা জোসেফের দুই গালের এত কাছে উঁচু করিয়া ধরিল যে, জোসেফ মাথাটা একটু নড়াইলেই ছোরাগুলির তীক্ষ্ণ অগ্র তাহার গালে বিধিয়া যাইত!

এই অদ্ভুত দৃশ্যে জোসেফ মুহূর্তের জন্ত বিচলিত হইলেও অকম্পিত দেহে প্রস্তরমূর্তির স্তায় দাঁড়াইয়া রহিল। সে বুঝিয়াছিল, যে ভাবেই তাহাকে পরীক্ষা করা হউক, তাহার অনিষ্টের আশঙ্কা নাই। সেই কক্ষে যে দীপ জ্বলিতেছিল, তাহার আলো হঠাৎ এত কমাইয়া দেওয়া হইল যে, কক্ষটি প্রায় অন্ধকারাচ্ছন্ন হইল; এমন কি, কেহ কাহারও মুখও স্পষ্ট দেখিতে পাইল না! কিন্তু মুহূর্ত পরে একটি 'আধারে' লগ্নন জালিয়া টেবলের উপর এ ভাবে রাখা হইল যে, সেই দীপের উজ্জ্বল রশ্মি কেবলমাত্র মেরী-মূর্তির মুখমণ্ডলে প্রতিফলিত হইল।

অতঃপর যে কাণ্ড ঘটিল, তাহা দেখিয়া জোসেফের বিশ্বয় শতগুণ বর্দ্ধিত হইল। প্রথমেই বলিয়াছি—সেই কক্ষের এক কোণে একটি টেবল ছিল, সেই টেবলের উপর কি একটা জিনিস কাল বনাত দিয়া ঢাকা ছিল। দুই জন লোক সেই টেবলটি তুলিয়া আনিয়া জোসেফের ঠিক পশ্চাতে রাখিয়া গেল।

কয়েক মিনিট নিস্তর থাকিয়া সভাপতি উঠিয়া দাঁড়াইলেন; তিনি গম্ভীর স্বরে জোসেফকে বলিলেন, “জোসেফ কুরেট! তোমার ডান হাত দিয়া কুমারী মেরীর পা স্পর্শ কর, আর তোমার বাঁ হাতখানি আমার হাতে দাও।”

জোসেফ এই আদেশ পালন করিলে, সভাপতি

পূর্ববৎ গস্তীর স্বরে পুনর্বার বলিলেন, “জোসেফ কুরেট, শুনিলাম, তুমি সম্পূর্ণ প্রকৃতিস্থ থাকিয়া, সুস্থ দেহে ও স্বাধীন ইচ্ছায় আমাদের সমস্ত বোগদানের জন্য এখানে উপস্থিত হইয়াছ এবং দীক্ষা গ্রহণের জন্য প্রস্তুত আছ। এ কথা কি সত্য ?”

জোসেফ অবিলম্বে স্বরে বলিল, “হাঁ, সত্য।”

সভাপতি বলিলেন, “আমাদের উদ্দেশ্য কি, সর্বাগ্রে তাহাই তোমার গোচর করা প্রয়োজন মনে করিতেছি। রুসিয়ার যথেষ্টাচারমূলক রাজতন্ত্র বিধ্বস্ত করিয়া, তাহার সুদৃঢ় লৌহশৃঙ্খল চূর্ণ করিয়া আমাদের মাতৃভূমির মুক্তি-বিধানই আমাদের উদ্দেশ্য। আমাদের সম্প্রদায়ে এরূপ লোক এক জনও নাই, যাহাকে রুস রাজতন্ত্রের পৈশাচিক অত্যাচারে উৎপীড়িত, নিগৃহীত ও লাঞ্চিত হইতে না হইয়াছে। সেই সকল নরপিশাচের নিষ্ঠুর নির্যাতনে আমরা সর্ব্বশাস্ত হইয়াছি; আমাদের জন্মভূমি হইতে নির্বাসিত হইয়াছি; আমাদের মস্তকের জন্য পুরস্কার ঘোষিত হইয়াছে। আমাদের অভিশপ্ত, দুর্দশাগ্রস্ত, অপমানলাঞ্চিত মাতৃভূমিতে লক্ষ লক্ষ স্বদেশবাসী অতি কঠোর আইনের নাগপাশে বন্দী হইয়া অসহ যন্ত্রণায় আর্ন্তনাদ করিতেছে। তাহাদের উপর নানা প্রকার অত্যাচার কর বসাইয়া জোঁকের মত তাহাদের শোণিত শোষণ করা হইতেছে। রুসিয়ার জার সিংহাসনে বসিয়া শোণিতলোলুপ কুকুরগুলোকে লেলাইয়া দিয়াছে—তাহারা তীক্ষ্ণ দস্তে নিরুপায় প্রজার দেহের মাংস ছিড়িয়া খাইতেছে, আর সম্রাট ভূপুত্রনে এই পৈশাচিক আত্মদ উপভোগ করিতেছে! যাহাদের হস্তে শাস্তি-রক্ষার ভার অর্পিত হইয়াছে—তাহারা ইতর গুপ্তচর মাত্র, আধ ‘কবলে’র জন্য প্রজার জীবন বিপন্ন করিতেও কুণ্ঠিত নহে! নিঃসঙ্কোচে উৎকোচ আহা করিয়া বিচারকগণের উদর ক্ষীত হইতেছে; বিচারালয়ে বসিয়া তাহারা বিচারের অভিনয় করিতেছে; সে বিচার প্রহ-সন মাত্র! সমগ্র দেশ দারিদ্র্য ও দুঃখ-কষ্টে অর্জ্বলিত; যথেষ্টাচারী জারের অত্যাচারে সুখের অস্তিত্ব বিলুপ্ত হইয়াছে। এই অত্যাচার হইতে দেশ রক্ষা করাই আমা-দের উদ্দেশ্য। যদি বিনা রক্তপাতে, বিনা বিপ্লবে আমাদের এই উদ্দেশ্য সকল করিবার আশা থাকিত, তাহা হইলে

আমরা সেই উপায়ই অবলম্বন করিতাম; কিন্তু সে আশা নাই। এই জন্য আমরা সঙ্কল্প করিয়াছি, যেক্ষেপে পারি, শত্রু নিপাত করিব। আমরা কোন শত্রুকে দয়া করিব না, কোন নিষ্ঠুর কার্যে কুণ্ঠিত হইব না। হাঁ, আমরা হৃদয়কে পাষণে পরিণত করিয়াছি। আমরা জারের অস্তিত্ব বিলুপ্ত করিব, তাহার সিংহাসন ধূলিকণায় পরিণত করিব; তাহার মন্ত্রিগণকে, তাহার দুষ্টবুদ্ধি নির্যাতনপ্রিয় কর্মচারিগণকে হত্যা করিয়া দেশে শান্তি স্থাপন করিব; এই বিশাল সাম্রাজ্যের কোটি কোটি অধিবাসিবর্গকে সুখী করিব, তাহারা স্বাধীনতার আনন্দ উপভোগ করিবে। দেশের বৃকের উপর হইতে দুর্ভেদ্য পাষণতার অপসারিত হইবে। ইহাই আমাদের কামনা, ইহাই আমাদের ব্রত। এই ব্রত উদ্ঘাপনের জন্য আমাদের সর্ব্বশ, আমাদের জীবন উৎসর্গ করিয়াছি। আমরা জানি, ইহা অতি দুর্ভেদ্য ব্রত; আমরা যে অগ্নি প্রজ্বালিত করিয়াছি—তাহাতে আমাদের জীবন আহুতি প্রদত্ত হইবে, মৃত্যুকে বরণ করিতে হইবে। কিন্তু তাহাতে ক্ষতি নাই; আমাদের অভাবে—অন্য লোক আমাদের স্থান অধিকার করিবে; এক পুরুষ বিধ্বস্ত হইবে, ভবিষ্যৎ বংশীয়েরা বিগুণ উৎসাহে তাহাদের অভাব পূর্ণ করিবে। পুত্র পিতার কর্তব্যতার গ্রহণ করিবে। যত দিন আমাদের সঙ্কল্প সিদ্ধ না হয়—এইভাবে কাষ চলিবে।

“আমাদের আশা, আকাঙ্ক্ষা, আমাদের সঙ্কল্প সম্বন্ধে সকল কথাই শুনিলে; এখন বল, তুমি কায়মনোবাক্যে আমাদের সম্প্রদায়ে বোগদান করিতে সম্মত আছ কি না।—যদি তোমার ইচ্ছা না থাকে—তাহা হইলে এখনও তুমি আমাদের সংশ্রব ত্যাগ করিয়া চলিয়া যাইতে পার, তাহাতে তোমার অনিষ্টের আশঙ্কা নাই।”

জোসেফ বলিল, “আপনাদের সংশ্রব ত্যাগ করিয়া চলিয়া যাইবার ইচ্ছা থাকিলে আমি এখানে আসিতাম না। আমি সঙ্কল্প স্থির করিয়া আসিয়াছি। আমার ব্যর্থ জীবনের সব্যবহার হয়—ইহাই আমার ইচ্ছা। আমাকে আপনাদের সম্প্রদায়ে গ্রহণ করুন। আমার জীবন ও মৃত্যু সার্থক হউক।”

সভাপতি বলিলেন, “উত্তম; আমাদের সম্প্রদায়ে প্রবেশ করিতে হইলে তোমাকে যথারীতি দীক্ষা গ্রহণ

করিতে হইবে। শপথ করিয়া আমাদের বশতা স্বীকার করিতে হইবে। যে মন্ত্রে দীক্ষিত হইবে, আমি তাহা বলিতেছি; আমার সঙ্গে সঙ্গে তোমাকেও তাহা উচ্চারণ করিতে হইবে। বল—“আমি, জোসেফ কুরেট, সর্বশক্তিমান্ পরমেশ্বর-সমক্ষে দাঁড়াইয়া এবং কুমারী মেরীর পবিত্র মূর্তি স্পর্শ করিয়া সর্বান্তঃকরণে এই অঙ্গীকার করিতেছি এবং শপথ করিয়া বলিতেছি যে, আমি ধীরভাবে অগ্র-পশ্চাৎ বিবেচনা করিয়া, কাহারও দ্বারা অন্ধভাবে পরিচালিত না হইয়া, স্বেচ্ছায় ‘স্বাধীনতা সমিতি’তে যোগদান করিতেছি। আমি কার্যমনো-বাক্যে, বিশ্বস্তভাবে এই সম্প্রদায়ের কার্য সম্পাদন করিব; সম্প্রদায়ের সঙ্কল্পসিদ্ধির জন্ত আমার সকল শক্তি, সকল সম্মল, আমার সর্বস্ব, এমন কি, জীবন পর্যন্ত উৎসর্গ করিব। সম্প্রদায়ের কোন গুপ্তকথা কোন কারণে কাহারও নিকট প্রকাশ করিব না; এমন কি, জীবন বিপন্ন হইলেও আমার সহকর্মীদের কাহারও নাম, ধাম বা কার্যপ্রণালী সম্বন্ধে কোন কথা কাহাকেও জানাইব না। আমি নির্বাকভাবে মৃত্যুকে বরণ করিব, তথাপি আমার মুখ দিয়া কোন গুপ্ত কথা বাহির হইবে না। আমি যাহা জানিতে পারিব, তাহা অন্য কাহাকেও জানাইব না। সম্প্রদায়ের কার্যসংসাধন ভিন্ন কোন কার্যে আমার বিন্দুমাত্র ব্যক্তিগত স্বার্থ থাকিবে না। সম্প্রদায়ের সঙ্কল্পসিদ্ধির জন্ত মানুষের যাহা সাধ্য, তাহা করিতে কুণ্ঠিত হইব না; এবং যখন যে আদেশ পাইব, বিনা প্রতিবাদে তাহা পালন করিবার জন্ত প্রাণপণে চেষ্টা করিব, আমার বিবেকবুদ্ধি অহুসারে কোন কার্য অসম্ভব বা অন্য় বলিয়া ধারণা হইলেও কর্তৃপক্ষের আদেশে পরিচালিত হইব; কোন কারণে তাহার প্রত্যাখ্যান করিব না বা সে জন্ত অসন্তোষ প্রকাশ করিব না। সম্প্রদায়ের কোন কার্যে পৃথিবীর অন্য প্রান্তে গমনের আদেশ হইলে, মৃত্যু অপরিহার্য জানিয়াও সেই আদেশ পালন করিব। যদি জীবনে কোন দিন এই অঙ্গীকার ভঙ্গ করি, তাহা হইলে আমার মস্তকে বেন বিধাতার অভিসম্পাত বধিত হইবে।”

জোসেফ সভাপতির কথার সঙ্গে সঙ্গে এই সকল কথা উচ্চারণ করিল। বেন যে নিজেরই প্রাণের মন্ত্র

পাঠ করিল! তাহার কর্ণশব্দে আত্মরিকতা ও নিষ্ঠা পরিব্যক্ত হইল। বাহিরে তখন ভীষণ দুর্ঘোষ; পুনঃ পুনঃ মেঘের স্তম্ভীর্ণ গর্জন যেন তাহার অঙ্গীকারের সমর্থন করিতে লাগিল। মেঘের গর্জন জোসেফকে যেন তাহার শপথের গুরুত্ব স্বরণ করাইয়া দিল।

অতঃপর সভাপতি সভাসদবৃন্দকে সম্বোধন করিয়া বলিলেন, “ভ্রাতৃগণ, আমাদের এই নবদীক্ষিত ভ্রাতৃ যথানিয়মে অঙ্গীকারপাশে আবদ্ধ হইয়া সম্প্রদায়ে যোগদান করিলেন। এই প্রতিজ্ঞা ভঙ্গ করিলে তাঁহার শাস্তি কি—উঁহাকে শুনাইয়া দাও।”

বহু কর্ণ হইতে উচ্চারিত হইল, “মৃত্যু।”

সঙ্গে সঙ্গে চারিখানি ছোরার তীক্ষ্ণাগ্র জোসেফের কর্ণ স্পর্শ করিল। সেই নীতল স্পর্শে জোসেফ শিহরিয়া উঠিল; কিন্তু মুহূর্ত্ত পরে ছোরাগুলি অপসারিত হইল।

সভাপতি ক্ষণকাল নিস্তব্ধ থাকিয়া বলিলেন, “হী, প্রতিজ্ঞাভঙ্গের শাস্তি—মৃত্যু। কর্তব্যপালনে কিছুমাত্র ক্রটি হইলে, বিশ্বাসঘাতকতা করিলে—তাহার একমাত্র দণ্ড মৃত্যু। পৃথিবীর অপর প্রান্তে পলায়ন করিয়া লোক-নয়নের অন্তরালে থাকিলেও প্রতিজ্ঞাভঙ্গকারীর— বিশ্বাসঘাতকের নিস্তার নাই। মৃত্যু ছায়ার গায় তাহার অহুসরণ করে। কিন্তু ইহা যে মিথ্যা ভয়প্রদর্শন নহে, অপরাধীকে এই শাস্তি গ্রহণ করিতে হয়, তাহার প্রমাণ চাও? সে প্রমাণ এখানেই বর্তমান। প্রত্যক্ষ কর।”

মুহূর্ত্তমধ্যে সেই কক্ষের দীপালোক উজ্জ্বল হইয়া উঠিল, সঙ্গে সঙ্গে ছোরাধারী অহুচর-চতুষ্টয় জোসেফকে ধরিয়া তাহার পশ্চাৎস্থিত টেবলের সম্মুখে দাঁড় করাইল, এবং টেবলের উপর হইতে কাল বনাতখানি সরাইয়া ফেলিল। বনাতের নীচে একটি মৃতদেহ ছিল, তৎপ্রতি জোসেফের দৃষ্টি আকৃষ্ট হইল। সে দেখিল, উহা পুরুষের মৃতদেহ।

জোসেফ বুঝিতে পারিল—মৃত ব্যক্তির বয়স পঁয়ত্রিশ ছত্রিশ বৎসরের অধিক নহে। তাহার মুখ অস্বাভাৱে বিকৃত; দাড়ি, পোফ, মস্তক মুণ্ডিত; জ্বর পর্যন্ত অপসারিত! উত্তর চক্ষুর পাতাই উৎপাটিত; চক্ষুর তারা দুইটি বেন ঠেলিয়া বাহির হইয়াছে! অতি বীভৎস দৃশ্য।

এই দৃশ্য দেখিয়া জোসেফের বেন মুর্ছার উপক্রম হইল; অতি কষ্টে সে আত্ম-সংবরণ করিয়া জন্ত দিকে

মুখ ফিরাইল। এই নিষ্ঠুরতার তাহার মন বিতৃষ্ণায় ভরিয়া উঠিল।

সভাপতি তাহার মনের ভাব বুঝিতে পারিয়া বলিলেন, “স্বথের বিষয়, একরূপ দৃষ্টান্ত নিতান্ত বিরল। প্রতিজ্ঞাতর্ক বা বিশ্বাসঘাতকতার অপরাধে এই ভাবে দণ্ডিত হইয়াছে—আমাদের সহকর্মীগণের মধ্যে একরূপ লোকের সংখ্যা অধিক নহে। এই ব্যক্তি বিশ্বাসঘাতকতা করিয়াছিল; অর্ধলোভে পুলিশের কাছে আমাদের গুপ্ত কথা প্রকাশ করিয়াছিল। সামান্য অর্থের লোভে যে হতভাগা লক্ষ লক্ষ স্বদেশবাসীর জীবন বিপন্ন করিতে পারে, কোটি কোটি উৎপীড়িত প্রজার আশা-আকাঙ্ক্ষা ব্যর্থ করিতে কুণ্ঠিত না হয়, তাহার এইরূপ মৃত্যুই বাঞ্ছনীয়। গত কল্যা এই ব্যক্তি স্বকৃত কর্মের ফল পাইয়াছে। গত ২০।২২ বৎসরের মধ্যে তিন জন মাত্র লোকের এই ভাবে প্রাণদণ্ড হইয়াছে।—প্রথম ও দ্বিতীয় অপরাধীরা স্বামি-স্ত্রী। পুরুষটি সম্ভ্রান্ত বংশের লোক, তাহার স্ত্রী ছিল—তাহার অপেক্ষাও উচ্চ বংশের মেয়ে। তাহারা দেখেছায় আমাদের এই গুপ্ত সম্প্রদায়ে যোগদান করিয়াছিল; তাহাদের সাহায্যে আমরা যথেষ্ট উপরুত হইয়াছিলাম; কিন্তু কিছু দিন পরে আমরা জ্ঞানিতে পারিলাম—আমাদের দলে যোগদান করিয়া তাহারা অল্পতপ হইয়াছে। আমরা তাহাদের বিশ্বাসঘাতকতার কোন পরিচয় না পাইলেও, তাহাদের দ্বারা ভবিষ্যতে আমাদের অনিষ্ট হইতে পারে, এই আশঙ্কায় তাহাদের প্রাণদণ্ডের আদেশ প্রদত্ত হয়। পুরুষটিকে নৌকায় তুলিয়া হ্রদের ভিতর লইয়া গিয়া হত্যা করা হইল; তাহার মৃতদেহ হ্রদের জলে নিক্ষিপ্ত হইলেও পুলিশ তাহা জলের ভিতর হইতে তুলিয়া খানায় লইয়া গিয়াছিল। তাহার স্ত্রীর কোন অনিষ্ট করিবার জন্ম আমাদের আগ্রহ ছিল না; কিন্তু সে খানায় গিয়া তাহার স্বামীর মৃতদেহ চিনিতে পারিয়াছিল, আমাদের গুপ্তচর আড়ালে থাকিয়া তাহাকে তাহার মৃত স্বামীর মুখ-চূষন করিতে দেখিয়াছিল; সুতরাং তাহাকে জীবিত রাখা নিরাপদ নহে বুঝিয়া আমরা তাহাকেও হত্যা করিলাম। তাহাদের গৃহে দুই বৎসর বয়সের একটি শিশু পুত্র ছিল। আমাদের

ইচ্ছা ছিল, সেই শিশুকে আমরাই প্রতিপালন করিব, এবং পরে তাহাকে আমাদের মন্ড্রে দীক্ষিত করিব; কিন্তু আমরা তাহাকে হাতে পাই নাই। কে কি কৌশলে তাহাকে স্থানান্তরিত করিয়াছিল—তাহাও জানিতে পারি নাই। এই সুদীর্ঘকাল আমরা বহু স্থানে তাহার অনুসন্ধান করিয়াছি, কিন্তু কৃতকার্য হইতে পারি নাই। যদি ভবিষ্যতে কখন তাহার সন্ধান পাই, তাহা হইলে তাহাকে আমাদের মন্ড্রে দীক্ষিত করিব; যদি সে আমাদের দলে যোগদান করিতে অসম্মত হয়, তাহা হইলে তাহাকেও তাহার পিতামাতার অনুসরণ করিতে হইবে। তুমি অবাধ্য হইলে বা বিশ্বাসঘাতকতা করিলে কি ফল হইবে, তাহা বুঝাইবার জন্মই এই সকল গোপনীয় কথা তোমার নিকট প্রকাশ করিলাম। দীক্ষা গ্রহণের পর কেহই আমাদের সংস্রব ত্যাগ করিতে পারে না, দূরদেশে পলায়ন করিলেও তাহার নিস্তার নাই; পৃথিবীর অন্ম প্রান্তে গিয়া লুকাইয়া থাকিলেও তাহার মৃত্যু অপরিহার্য।”

জোসেক বলিল, “আমি কখনও অবাধ্য হইব না, বিশ্বাসঘাতকতাও করিব না।”

সভাপতি বলিলেন, “হাঁ, এই বিশ্বাসেই ত তোমাকে আমাদের দলে গ্রহণ করিলাম। কয়েক দিনের মধ্যেই তুমি রুসিয়ায় প্রেরিত হইবে। তোমাকে যে দারিদ্র্যভার গ্রহণ করিতে হইবে, তাহা অত্যন্ত বিপজ্জনক; কিন্তু তুমি কর্মঠ যুবক, চতুর ও বুদ্ধিমান, বিশেষতঃ তুমি রুসিয়ান নহ; এই জন্ম আমাদের বিশ্বাস, তোমার দ্বারা কার্যোদ্ধার হইবে। তুমি কৃতকার্য হইতে পারিলে যথাযোগ্য পুরস্কার পাইবে, তোমাকে সম্মানিত করা হইবে।—আমাদের সভার কার্য শেষ হইয়াছে, এখন সভা ভঙ্গ করা যাইতে পারে।”

এই কক্ষের মধ্যস্থল হইতে মেঝের একখানি তক্তা অপসারিত করা হইল, তাহার নীচে একটি সুড়ঙ্গদ্বার, জোসেক ভূগর্ভস্থিত জলপ্রবাহের কল-কল শব্দ শুনিতে পাইল। মুহূর্তমধ্যে পূর্বোক্ত মৃত দেহটি টেবল হইতে নামাইয়া লইয়া সেই সুড়ঙ্গমধ্যে নিক্ষেপ করা হইল। অতঃপর সুড়ঙ্গদ্বার রুদ্ধ হইলে চানসি জোসেকের হাত ধরিয়া সেই অট্টালিকার বাহিরে আসিল।

চতুর্দশ পরিচ্ছেদ

টোপ গিলিল

কাউন্ট ভূঁ আরেনবর্গ বায়ুসেবন করিয়া সন্ধ্যার পর আনা স্মিটের সঙ্গে বাড়ী ফিরিলেন। আনা স্মিটের কথায় তাঁহার মন অত্যন্ত বিচলিত হইয়াছিল; তাঁহার হৃদয়ে নানা নূতন চিন্তার তুফান আরম্ভ হইল; তাঁহার মনে হইল—হঠাৎ কোথা হইতে একটা ঝড় আসিয়া তাঁহার চোখের ঠুলি উড়াইয়া লইয়া গেল! তিনি দরিদ্র, অর্থাভাবে ইচ্ছানুরূপ ভোজ্যদ্রব্যও সংগ্রহ করিতে পারেন না, মূল্যবান পরিচ্ছদ ও বিলাসোপকরণ ক্রয়ের সামর্থ্য ত নাই-ই, অথচ ইচ্ছা করিলেই পনের লক্ষ ফ্রাঙ্কের মালিক হইতে পারেন; কোন কষ্ট নাই, পরিশ্রম নাই, বিনা চেষ্টায় এই বিপুল ঐশ্বর্য্য হস্তগত হইতে পারে—এ লোভ সংবরণ করা সাধ্যাতীত বলিয়াই তাঁহার মনে হইল! দারুণ পিপাসায় বুক ফাটিয়া যাইতেছে—এমন সময় সম্মুখে সুশীতল নির্মল পানীয় জলপূর্ণ জালা দেখিয়া, সেই জলের সদ্যবহার না করিয়া পিপাসা-শাস্তির আশায় মরীচিকার পশ্চাতে ধাবিত হইবে—এমন নির্বোধ কে আছে?—কাউন্ট ঘরে আসিয়া উদ্ভ্রান্তভাবে একখানি চেয়ারে বসিয়া পড়িলেন এবং আনা স্মিটের কথাগুলি মনে মনে আলোচনা করিতে লাগিলেন। কয়েক মিনিট চিন্তার পর তিনি অক্ষুটস্থরে বলিলেন, “পনের লক্ষ ফ্রাঙ্ক! দুই চারি লক্ষ নয়, এক দশ পনের লক্ষ ফ্রাঙ্ক! উঃ, না জানি এ বেটা কত টাকার মালিক!—এই টাকাগুলো ইচ্ছা করিলেই পাইতে পারি। অতি সহজ কাষ। তবে তাহা না লইব কেন? সাহস হইবে না? সাহস না হইবার কারণ কি? বিপদের আশঙ্কা? ছোঃ—সে আশঙ্কা নিশ্চয়ই কাটিয়া গিয়াছে।”

তখন তাঁহার বাহুজ্ঞান বিলুপ্ত হইয়াছিল; সময়টা কি ভাবে কাটিতে লাগিল, তাহা তিনি জানিতেও পারিলেন না। ঘরে করাঘাতের শব্দ শুনিয়া তাঁহার হৃৎ হইল। তিনি শুনিতে পাইলেন,—“ডিনার প্রস্তুত।”

কাউন্ট তাড়াতাড়ি উঠিয়া ডিনারের পোষাকে সজ্জিত হইলেন; সকলে হয় ত তাঁহার প্রতীক্ষায় বসিয়া আছে, তিনি কতই বিলম্ব করিয়া ফেলিয়াছেন—ভাবিয়া

বড়ই কুণ্ঠিত হইলেন; কি কৈফিয়ৎ দিবেন—তাহাই ভাবিতে ভাবিতে ভোজনাগারে চলিলেন।

আনা স্মিট কাউন্টের মুখ দেখিয়াই বুঝিতে পারিল—ভোজন-টেবলে আসিতে বিলম্ব হওয়ার তিনি লজ্জিত হইয়াছেন; কাউন্ট কোন কথা বলিবার পূর্বেই সে বলিল, “না, না, তোমার কুণ্ঠিত হইবার কোন কারণ নাই, কাউন্ট! তোমাকে সংবাদ দেওয়াতে আমারই ক্রটি হইয়াছে, এ জন্ত আমার এতই অনুতাপ হইতেছে যে, সে কথা আর কি বলিব?—তোমার চোখ-মুখ দেখিয়াই বুঝিতে পারিয়াছি, তোমার একটু ঘুম আসিয়াছিল, এ অবস্থায় তোমাকে বিরক্ত করা বড়ই বেয়াদপি হইয়াছে।”

কাউন্ট বসিয়া পড়িয়া ঢোক গিলিয়া বলিলেন, “হাঁ, আমার, কি বলে—একটু ছু—চুলুনী—”

আনা স্মিট বাধা দিয়া বলিল, “বেড়াইয়া আসিয়া আমিও যে ঘুমাইয়া পড়িয়াছিলাম! ছেলেমানুষ তুমি, অত ঘূরাঘুরির পর তোমার চুলুনী ত আসিতেই পারে।—ইহাতে লজ্জা পাইবার কি আছে, বাবা!”

লজ্জার হাত হইতে এত সহজে নিষ্কৃতি লাভ করিয়া কাউন্ট নিশ্বাস ফেলিয়া বাঁচিলেন। কর্তীর প্রীতি রুতজ্ঞতার তাঁহার হৃদয় উদ্বেল হইয়া উঠিল। কাউন্ট ভোজনে বসিয়া সরস গল্পে সকলকে আমোদিত করিলেন। আনা স্মিট পরিতৃপ্ত হইয়া পুত্র ক্রিজকে বলিল, “আমাদের পরম সৌভাগ্য যে, কাউন্টকে অতিথিরূপে পাইয়াছি। এমন মজার মজার গল্প কি আমরা কস্মিন্-কালেও শুনিয়াছি?—এ পর্য্যন্ত কত ডিউক, মার্ক্‌ইস্, ব্যারন আমাদের অতিথি হইয়াছে—কিন্তু এ রকম সরস গল্পে তাহাদের কেহ কি কোন দিনও আমাদের পরিতৃপ্ত করিতে পারিয়াছে? অন্তের সাধ্য কি?”

পরদিন বল-নাচের জন্ত নিমন্ত্রণের ব্যবস্থা করিতেই এক বেলা কাটিয়া গেল। সকালে আনা স্মিট বাধা ও কাউন্টকে সঙ্গে লইয়া একটি নিভৃত কক্ষে নাচের মজলিস্ সম্বন্ধে পরামর্শ করিতে লাগিল। সেই সময় সে বাধাকে কাউন্টের কাছে রাখিয়া, এক একটা কাষের উপলক্ষে তিন চারিবার সেই বক্ষ ত্যাগ করিল এবং প্রতিবার কুড়ি পঁচিশ মিনিট ধরিয়া বাহিরে কাটাইয়া, আসিতে

লাগিল। কিন্তু কাউন্ট সঙ্কোচবশতঃই হউক, কি তখন পর্যন্ত কর্তব্য স্থির করিতে পারেন নাই বলিয়াই হউক, বার্থাকে প্রেমের কথা বলিতে পারিলেন না; কিন্তু তিনি একটি কাষ ভুলিলেন না; সেই দিনই আরও কয়েক সপ্তাহের ছুটির জন্য তাঁহার উপরওয়ালার কাছে হরখাস্ত পাঠাইলেন।

আনা স্মিট বলের মজলিসে যোগদানের জন্য নগরের বহু সম্ভ্রান্ত নর-নারীকে নিমন্ত্রণ করিল; সংবাদপত্রের সম্পাদকবর্গের কেহই বাদ পড়িল না। সে এক বিরাট ব্যাপার!

বলা বাহুল্য, বার্থাকেই কাউন্টের নৃত্যসঙ্গিনী হইতে হইল। কোন কোন সুন্দরী কাউন্টের সঙ্গে নাচিতে না পাইয়া বড়ই ক্ষুণ্ণ হইল; কিন্তু তাহাদের উচ্চাভিলাষ পূর্ণ হইবার সম্ভাবনা ছিল না। অনেকেই বুঝিতে পারিল—কাউন্টকে বঁড়ীতে রাখিবার জন্যই এই সকল উল্লাস-আয়োজন। সেই মজলিসেই অনেকেই আনা স্মিটের গুপ্ত অভিসন্ধির কথা লইয়া আলোচনা করিতে লাগিল।

সেই রাত্রিতে খানার পর আনা স্মিটের সহিত ফ্র জেমসার্ডের অনেক কথা হইল। ফ্র জেমসার্ডের স্বামীও লৌহ-ব্যবসায়ী; আনা স্মিটের মত তাহাদেরও লোহার কারখানা ছিল, তবে তাহাদের কারবার তেমন বিস্তৃত নহে। নিজের প্রতিষ্ঠা ও গৌরব দেখাইবার জন্যই আনা স্মিট জেমসার্ড-দম্পতিকে নিমন্ত্রণ করিয়াছিল।

ফ্র জেমসার্ড কথায় কথায় আনা স্মিটকে বলিল, “মাই ডিয়ার ফ্র স্মিট, আজ এই কয়েক ঘণ্টা যে কি আনন্দে কাটিল, তাহা বলিয়া বুঝাইতে পারিব না। তোমার অতিথি এই কাউন্ট কি চমৎকার লোক! এই আনন্দ উপভোগের জন্য আমরা সকলেই তোমার নিকট কৃতজ্ঞ রহিলাম। আমাদের আদরিণী বার্থার প্রতি কাউন্টের প্রাণের টানটা এতই সুস্পষ্ট যে, আমি এখনই নিঃসন্দেহে দৈববাণী করিতে পারি—কাউন্ট তোমার জামাই না হইয়া যায় না। হাঁ, এ রকম কুলীন জামাই পাওয়া পরম সৌভাগ্যের বিষয়। আর বার্থাও কাউন্টের হইবার মতই মেয়ে বটে। বার্থা যে দিন কাউন্টের হইবে—সে দিন আমাদের কি আনন্দই হইবে!

জীবনের খেলায় তোমার কাছে সকলকেই হার মানিতে হইয়াছে, এ কথা স্বীকার করিতেই হইবে।”

আনা স্মিট হাসিয়া বলিল, “মাই ডিয়ার ফ্র জেমসার্ড, গাছের কাঁঠালের দিকে চাহিয়া তোমাকে নোঁকে তেল দিতে দেখিয়া আমার বড্ড হাসি পাইতেছে; অবশ্য যদিও তোমার নোঁক নাই! তোমার দৈববাণীটা অত্যন্ত অসাময়িক হইয়া পড়িল; তবে তোমার মত হিতৈষিনী বান্ধবীকে এ কথা বলায় দোষ নাই যে, সুদূর ভবিষ্যতে তোমার আশা হয় ত পূর্ণ হইতেও পারে।”—আনা স্মিট জানিত—ফ্র জেমসার্ড কেবল যে ব্যবসায়ক্ষেত্রেই তাহার প্রবল প্রতিদ্বন্দ্বী, এরূপ নহে, সে তাহার সৌভাগ্যের হিংসা করিত এবং আনাকে নারীসমাজের নেতৃত্ব করিতে দেখিয়া, নানা ভাবে তাহাকে অপদস্থ করিবার চেষ্টারও ক্রটি করিত না। সেই ফ্র জেমসার্ডকে তাহার নিকট মুক্তকণ্ঠে পরাজয় স্বীকার করিতে দেখিয়া তাহার হৃদয় আনন্দে ও গর্বে পূর্ণ হইল। তাহাকে নিমন্ত্রণ করা সার্থক মনে হইল। আনা বুঝিল, সে ঐশ্বর্য জলিয়া মরিতেছে।

ফ্র জেমসার্ড আনা স্মিটের নিকট হইতে উঠিয়া গিয়া তাহার স্বামীর কানে কানে বলিল, “ঐশ্বর্যের গর্বে আনা স্মিটের ঘেন মাটিতে পা পড়িতেছে না! মাগীর দস্ত ও ছুরাশা দেখিয়া না হাসিয়া থাকা যায় না। উহার আশা—কাউন্ট বার্থাকে বিবাহ করিবে। মাগীর এ স্বপ্ন সফল হইবে কি না, বলা যায় না; কিন্তু কামারগীটা উহার মত কোন কামারের ছেলের সঙ্গে বার্থার বিবাহের চেষ্টা করিলেই ভাল করিত। আর, এই কাউন্টেরই বা কি প্রবৃত্তি! শেষে কি সে টাকার লোভে একটা কামারের মেয়েকে কাউন্টের করিবে? উহার কি চালচলো নাই?”

তাহার স্বামী টাকে হাত বুলাইয়া বলিল, “তাহাই সম্ভব। কিছু দিন সবুজ কর না, অনেক কাণ্ড দেখিতে পাইবে।”

শেষ নাচ ওয়াল্জ্, তাহা যখন শেষ হইল—তখন রাত্রি অবসানপ্রায়। মজলিস্ ভাঙিলে নিমন্ত্রিত নর-নারীরা তাহাদের ক্লোক, কোট, শাল প্রভৃতি সংগ্রহের জন্য জটলা আরম্ভ করিল। কাউন্ট বার্থার হাত ধরিয়া টানিয়া বলিল, “এখানে কি ভয়ানক গরম। চল, আমরা বাগানে একট বেড়াইয়া ঠাণ্ডা হইয়া আসি।”

বার্থা এ প্রস্তাবে আপত্তি করিল না, কাউন্টের সহিত বাগানে প্রবেশ করিল। তখন পূর্বাকাশ সুরঞ্জিত হইয়া আসন্ন উষার আভাস জ্ঞাপন করিতেছিল; আকাশ নির্মল বায়ুপ্রবাহ সুশীতল; পুষ্পসৌরভে বায়ুস্তর সুরভিত; সুকণ্ঠ বিহঙ্গের দল তরুশাখায় বসিয়া মধুর স্বরে উষার বন্দনা-গীত আরম্ভ করিয়াছিল। বহুদূরে আলস গিরি-মালার তুষারমণ্ডিত শূন শৃঙ্গে অরুণের লোহিতালোক প্রতিকলিত হইয়া অপস শোভার বিকাশ করিতেছিল।

কাউন্ট ও বার্থা পরস্পরের বাহুপাশে আবদ্ধ হইয়া উদ্যানমধ্যে পাদচারণা করিতে লাগিল; কয়েক মিনিট কেহ কোন কথা বলিল না, উভয়েই নিশ্চল।

কাউন্ট চলিতে চলিতে হঠাৎ থামিয়া, বামহস্তে বার্থার কটিদেশ পরিবেষ্টিত করিয়া আবেগভরে বলিলেন, “কলিন বার্থা, আর তুমি আমার নৃত্যসঙ্গিনী হইয়াছিলে; যদি তোমাকে আমার জীবনসঙ্গিনী হইবার জন্য অনুরোধ করি—তাহাতে কি তোমার আপত্তি হইবে?”

প্রশ্নটা এরূপ আকস্মিক ব, বার্থা হঠাৎ কোন উত্তর দিতে পারিল না: সে ছই এক মিনিট অবনত মুখে মাটির দিকে চাহিয়া থাকিয়া অক্ষটম্বরে বলিল, “দেখন কাউন্ট, এ কথা পূর্বে মৃত্যুর জন্য আমার মনে হয় নাই; হঠাৎ আপনার প্রশ্নের উত্তর দেওয়া কঠিন, কথাটা ভাবিয়া দেখিবার জন্য একটু সময় চাই।”

কাউন্ট বলিলেন, “তা বেশ ত, ভাবিয়া দেখিও: কিন্তু আমি শীঘ্র উত্তর চাই; আশা করি, অন্তুল উত্তরই পাইব, কারণ, আমি স্পষ্টে বুঝিতে পারিয়াছি—তোমাকে ভয়ঙ্কর ভালবাসিয়া ফেলিয়াছি। এ অতি গভীর প্রেম।”

এই কথা বলিয়াই কাউন্ট ফস্ করিয়া মুখ নামাইয়া, বার্থার ওষ্ঠে ওষ্ঠস্পর্শ করিলেন। বার্থার চোখ-মুখ লাল হইয়া উঠিল, তাহার মনে হইল, সে চারিদিক আপসা দেখিতেছে!

খানিক পরে সে তাহার ঘরে ফিরিয়া আসিয়া এক-পান চেয়ারে বসিয়া পড়িল এবং কিছুকাল চোখ বুজিয়া পড়িয়া রহিল। কয়েক মিনিট পরে ঘরের দিকে পদ-শব্দ শুনিয়া সে চক্ষু মেলিল, দেখিল, তাহার মা সন্মুখে দাঁড়াইয়া আছে।

আনা স্মিট বলিল, “বার্থা, আজ তোমাকে ও

কাউন্টকে জোড়ে নাচিতে দেখিয়া সকলে কি বলাবলি করিতেছিল, শুনিয়াছ কি? তলাইয়া দেখিবার মত যাহাদের চোখ আছে—তাহাদের চক্ষু প্রতারিত হয় নাই; আর তাহাদের অনুমান বোধ হয় অসঙ্গতও নহে।”

বার্থা লাকা সাজিয়া বলিল, “কে কি অনুমান করিয়াছে, তাহা শুনিবার জন্য আমার ঘেন ঘুম নাই! তা যে যাহাষ্ট অনুমান করুক, আমি একটা কথা শুনিয়াছি, তা অনুমানের চেয়ে খাঁটি।”

আনা স্মিট আবেগ-কম্পিতকণ্ঠে বলিল, “কি কথা, মা! কাউন্ট কিছু বলিয়াছে কি?”

বার্থা বলিল, “হাঁ, একটু আগে কাউন্ট আমার কাছে বিবাহের প্রস্তাব করিয়াছেন।”

আনা স্মিট বার্থাকে জড়াইয়া ধরিয়া তাহার মুখচুষন করিয়া বলিল, “পরমেশ্বর, তুমিই ধন্য! এত দিনে আমার স্বপ্ন সফল হইল।”

শত্রুদংশ শত্রুচ্ছেদ

বিপৎসঙ্কল পথে

জোসেফ কুরেট গুপ্ত সমিতির আড্ডা হইতে চানস্কির সহিত তাহার বাসায় ফিরিয়া স্পষ্টে বুঝিতে পারিল, সে পূর্বে যে মানুষ ছিল, সে মানুষ আর নাই! কয়েক ঘণ্টার মধ্যে তাহার জীবনের ঘোর পরিবর্তন হইয়াছে। সে সেই গুপ্ত সমিতির আড্ডায় সুখ-শান্তির আশা জীবনের মত বিসর্জন দিয়া আসিয়াছে। স্বাধীনতা হারাওয়া সে বিনা মূল্যে নিঃশিষ্টদের ক্রীতদাস হইয়াছে! তাহার আবু পঁচাতে ফিরিবার উপায় নাই—সন্মুখের পথ অন্ধ-কারাচ্ছন্ন, দুর্গম, বিপৎসঙ্কল।

সেই রাত্রেই চানস্কি তাহাদের দলের গুপ্তকথা তাহার নিকট প্রকাশ করিল। চানস্কি তাহাকে বলিল, রুসিয়ার জারকে গোপনে হত্যা করিবার জন্য তাহার একটা ভীষণ ষড়যন্ত্র করিয়াছে। নক্সা নির্মাণে চানস্কির দক্ষতা থাকায় সেন্টপিটার্সবার্গের সেন্টপিটার ও সেন্ট-পল নামক সুবিখ্যাত দুর্গঘরের কয়েকখানি নক্সা প্রস্তুতের ঠার তাহাকেই গ্রহণ করিতে হইয়াছিল। এই দুইটি দুর্গে অনেকগুলি রাজনীতিক অপরাধী আবদ্ধ

ছিল, এবং তাহাদের প্রতি কঠোর নির্ধ্যাতন চলিতেছিল। চানস্কেও এই উভয় দুর্গে দীর্ঘকাল অবরুদ্ধ থাকিবার পর কোন কৌশলে পলায়ন করিয়াছিল। এই জঙ্গল দুর্গঘরের নক্সা প্রস্তুত করা তাহার পক্ষে কঠিন হয় নাই। ষড়যন্ত্রকারীদের আশা ছিল, চানস্কির নক্সার সাহায্যে তাহারা কয়েক জন প্রধান নিহিলিষ্টকে দুর্গ হইতে গোপনে উদ্ধার করিতে পারিবে।

রুসিয়ার বাহিরে বিভিন্ন দেশে যে সকল নিহিলিষ্ট বাস করিত, তাহাদের একটা প্রধান অসুবিধা দূর করা অত্যন্ত কঠিন হইয়া উঠিয়াছিল। রুসিয়াবাসী নিহিলিষ্টগণের সহিত সংবাদ আদান প্রদানের জন্ত তাহারা ব্যাকুল হইয়া উঠিত, কিন্তু তাহার কোন উপায় ছিল না। রাজকর্মচারী ও পুলিশের তীক্ষ্ণদৃষ্টি অতিক্রম করিয়া কোন গুপ্তপত্র বিদেশ হইতে রুসিয়ায় বা রুসিয়া হইতে বিদেশে যাইতে পারিত না। যে সকল লোক অন্য দেশ হইতে রুসিয়ায় যাইত বা রুসিয়া হইতে দেশান্তরে যাত্রা করিত, তাহাদের জিনিষপত্র ত সতর্কতার সহিত পরীক্ষা করাই হইত, অধিকন্তু তাহাদিগকে প্রায় উলঙ্গ করিয়া তাহাদের সর্বত্র খানাতল্লাস করা হইত।

জোসেফ পোল বা রুসিয়ান নহে, সে পূর্বে কোন দিন রুসিয়ায় যায় নাই, তাহার ত্রায় নিঃসম্পর্কীয় লোককে নিহিলিষ্ট বলিয়া সন্দেহ করিবারও তেমন কোন কারণ ছিল না; এই জন্ত চানস্কি ও তাহার সহকর্মীগণের আশা হইয়াছিল—তাহাকে সংবাদবাহকের কার্যে নিযুক্ত করিয়া রুসিয়ায় পাঠাইলে তাহাদের চেষ্টা সফল হইতেও পারে।

দীক্ষা গ্রহণের এক সপ্তাহ পরে জোসেফকে গুপ্ত-সমিতির আর একটি অধিবেশনে উপস্থিত হইতে হইল। সভাপতি তাহাকে বলিলেন, তাহাকে অবিলম্বে সেন্টপিটার্সবার্গে যাত্রা করিতে হইবে, সেখানে একখানি পত্র লইয়া যাইতে হইবে। এই পত্রখানির কাগজ উদ্ভিজ্জাত, তাহার উপর রাসায়নিক কালী দিয়া বক্তব্য বিষয় লিখিত হইবে। কাগজখানি অত্যন্ত মোলায়েম এবং সাটীনের মত স্থিতিস্থাপক; সাধারণ কাগজের মত তাহা টানিয়া "চেন্ডা" যায় না। কালীর গুণ এরূপ যে, লিখিত বিষয় সম্পূর্ণ অদৃশ্য

থাকিবে, দেখিলে মনে হইবে সাদা কাগজ; অনেক 'অদৃশ্য' কালীর দাগ অগ্নির উত্তাপে বা জলে ভিজাইলে ফুটিয়া বাহির হয়, কিন্তু এই রাসায়নিক কালীর দাগ সে ভাবে ধরা পড়িবার সম্ভাবনা ছিল না। পত্র পাঠ করিবার পূর্বে সেই কাগজ কয়েক প্রকার আরোক-মিশ্রিত জলে ভিজাইয়া লইতে হইত। তাহা হইলে অক্ষরগুলি ফুটিয়া উঠিত, তখন উজ্জল আলোর সম্মুখে ধরিয়া পত্রখানি পাঠ করিতে হইত। তাহার পর কাগজখানি শুষ্ক হইলে অক্ষরগুলি স্পষ্ট হইত। কোন বিখ্যাত রুসিয়ান রসায়নবিদ এই কাগজ ও কালী প্রস্তুত করিয়াছিলেন। তিনি নিহিলিষ্ট দলভুক্ত হইয়া তাহাদের কার্যেই আত্মোৎসর্গ করিয়াছিলেন। রুসিয়ান গবর্নমেন্ট তাহাকে নিহিলিষ্ট বলিয়া সন্দেহ করিলে, তিনি অতি কষ্টে রুসিয়া হইতে ইংলণ্ডে পলায়ন করিয়া লণ্ডনে আশ্রয় গ্রহণ করেন। বহু দিন পূর্বে তিনি ষক্ষ্মারোগে ভুগিয়া লণ্ডনেই প্রাণত্যাগ করিয়াছিলেন।

জোসেফকে একটি ওয়েষ্ট কোট দেওয়া হইল, এক জন নিহিলিষ্ট দর্জী সেই পত্রখানি ওয়েষ্ট কোটের দু'পুরু কাপড়ের ভাঁজের ভিতর রাখিয়া এ ভাবে শিলাই করিয়া দিয়াছিল যে, ওয়েষ্ট কোটটি সাবধানে পরীক্ষা করিলেও সেই পত্রের অস্তিত্ব বুঝিবার উপায় ছিল না। এতদ্বিন্ন জোসেফকে বিস্তর টাকার একখানি 'ড্রাফ্ট' দেওয়া হইল। ইহা কোন ফরাসী ব্যাঙ্কের 'ড্রাফ্ট', সেন্টপিটার্সবার্গের কোন বিখ্যাত রুসিয়ান ব্যাঙ্ক হইতে সেই ড্রাফ্টের টাকা পাইবার ব্যবস্থা ছিল। ড্রাফ্টের চালানে যাহার নাম সন্নিবিষ্ট হইত, সে স্বয়ং ব্যাঙ্কে উপস্থিত হইয়া টাকা না লইলে অন্য কাহাকেও টাকা দেওয়া হইবে না—এইরূপ নিয়ম থাকায় ড্রাফ্টখানি অন্য কাহারও হস্তগত হইলে সে টাকাওলা আদায় করিয়া লইবে, তাহার উপায় ছিল না। নিহিলিষ্ট সম্প্রদায়ের সাহায্যের জন্তই এইরূপ ড্রাফ্ট ব্যবহৃত হইত। এই টাকার দরিদ্র নিহিলিষ্টগণের সাংসারিক ব্যয় নির্বাহ হইত; সন্দেহক্রমে যাহাদিগকে গ্রেপ্তার করা হইত, তাহারা বিচারালয়ে অভিযুক্ত হইলে এই টাকায় তাহাদের মামলারও তদ্বির করা হইত। সুতরাং বলা বাহুল্য, এই ভাবে অনেক ড্রাফ্ট রুসিয়ায় প্রেরিত হইত।

ছাড়পত্র ভিন্ন কাহারও রুসিয়ার প্রবেশের অধিকার ছিল না, এই জন্ত জোসেফকে ছদ্মনাম গ্রহণ করিতে হইল, এবং তাহাকে সেই নামের একখানি ছাড়পত্র দেওয়া হইল। সেই ছাড়পত্রখানিও জাল!— তাহাকে শিখাইয়া দেওয়া হইল—সে জর্মান বলিয়া নিজের পরিচয় দিবে, এবং রুস ভাষায় কোন কথা জানে না বলিবে। সে কি উদ্দেশ্যে রুসিয়ার যাইতেছে, এ কথা জিজ্ঞাসা করিলে—সে বলিবে, সেন্টপিটার্সবর্গে সলোমন কোহেন নামক জর্মান-সদাগরের অধীনে চাকরী করিতে যাইতেছে।—সলোমন কোহেন জর্মান হইলেও ধর্ম ইহুদী। কুড়ি বৎসর যাবৎ সে সেন্ট-পিটার্সবর্গে বাণিজ্য-ব্যবসায় লিপ্ত ছিল। সভাপতি তাহাকে এই সকল কথা বলিয়া বখাষোগ্য সতর্কতা অবলম্বন করিতে উপদেশ দিলেন। তাহার চেষ্টা বিফল হইলে নিহিলিষ্টগণের বিরূপ অনিষ্ট হইবে এবং তাহার প্রাণের আশঙ্কা কতদূর প্রবল, তাহাও তাহাকে বুঝাইয়া দিলেন।

বহু দূরদেশে ভ্রমণের সুযোগ লাভ করিয়া জোসেফ উৎফুল্ল হইল, কারণ, বৈচিত্র্যহীন জীবন তাহার অসহ্য হইয়া উঠিয়াছিল, এবং যে কোন পরিবর্তন সে বাঞ্ছনীয় মনে করিতেছিল। তখন পর্য্যন্ত সে বার্থাকে ভুলিতে পারে নাই, বার্থার জননীর নিষ্ঠুরতা ও দুর্ভাবহার স্মরণ হইলে ক্রোধে ও ক্ষোভে সে অধীর হইয়া উঠিত। সে সঙ্কল্প করিল, একুশ কেমন দুঃসাহসের কাণ্ড করিয়া বলিবে, যে কথা লইয়া দেশদেশান্তরে তুমুল আন্দোলন উপস্থিত হইবে, এবং বার্থা সে জন্ত আপনাকেই দায়ী মনে করিয়া অমৃত্যুপানলে দগ্ধ হইবে। বার্থাকে মর্মান্বিত করিবার ইহাই সর্বশ্রেষ্ঠ উপায় বলিয়া তাহার ধারণা হইল।

সভাপতির আদেশে পরদিন প্রভাতেই জোসেফ জেনিভা হইতে রুসিয়ার যাত্রা করিল। সে দ্রুতগামী ডাক-গাড়ীতে না যাওয়ায় পথে তাহার পাঁচ দিন বিলম্ব হইল। ট্রেনখানি রুসিয়ার সীমায় উপস্থিত হইলে পুলিশ তাহার জিনিষপত্র এবং পরিচ্ছদাদি পরীক্ষা করিয়া দেখিল, কিন্তু তাহার কাছে সন্দেহজনক কাগজপত্রাদি না পাওয়ায় তাহাকে রুসিয়ার প্রবেশ করিতে অনুমতি দিল। তাহার আশঙ্কা ও উৎকণ্ঠা দূর হইল, পঞ্চম দিনে

সে সেন্টপিটার্সবর্গে উপনীত হইল। এই সময় রুসিয়ার প্রত্যেক রেল ষ্টেশনে যাত্রীদের ধরিয়া টানাটানি করা হইতেছিল, কাহারও কোন প্রতারণা ধরা পড়িলে তাহার আর নিষ্কৃতি ছিল না। পুলিশের এইরূপ সতর্কতা সত্ত্বেও বিভিন্ন প্রদেশের নিহিলিষ্টরা গোপনীয় সংবাদ আদান-প্রদানে অকৃতকার্য্য হয় নাই, তাহাদের কৌশলে রুসীয় পুলিশের ও কর্তৃপক্ষের সকল চেষ্টা ব্যর্থ হইতেছিল। এ সময় জোসেফের রুসিয়ার উপস্থিতি নিহিলিষ্টরা বড়ই প্রার্থনীয় মনে করিল।

সেন্টপিটার্সবর্গের রেল ষ্টেশনে রুস-গবর্নমেন্টের কোন পদস্থ কর্মচারীর একটি আফিস ছিল, ট্রেন হইতে নামিয়া প্রত্যেক যাত্রীকে সেই আফিসে উপস্থিত হইতে হইত। সেখানে যাত্রীদের ট্রাঙ্ক, গাঁটরী প্রভৃতি খুলিয়া পরীক্ষা করা হইত, টুপী হইতে জুতা পর্য্যন্ত সকল পরিচ্ছদ খুলিয়া লইয়া ঝাড়িয়া দেখা হইত—কোন আপত্তিজনক চিঠি-পত্রাদি লুকাইয়া রাখা হইয়াছে কি না। এতদ্বিধা, বাহারা কোন দূরদেশ হইতে আসিত, তাহাদিগকে নানা প্রশ্নের উত্তর দিতে হইত। তাহারা কোথা হইতে আসিতেছে, কি উদ্দেশ্যে আসিয়াছে, কোথায় থাকিবে, কত দিন থাকিবে ইত্যাদি প্রশ্নের উত্তর দেওয়ার সময় ভয় পাইয়া কেহ অসংলগ্ন উত্তর দিলে তাহাকে তৎক্ষণাত্ আটক করা হইত। একটু অসতর্ক হইলেই বিপদ!

দলপতির আদেশানুসারে জোসেফ জেনিভা হইতে প্রথমে বার্লিনে উপস্থিত হইয়া সেখানে এক দিন বাস করিয়াছিল। বার্লিন হইতে সে যে টিকিট লইয়াছিল, তাহা পরীক্ষা করিয়া পূর্বোক্ত রাজকর্মচারী জানিতে পারিলেন—সে জর্মান রাজধানী হইতে আসিতেছে। তাহার সঙ্গে একটিমাত্র বাগিল ছিল: তাহাতে ব্যবহারযোগ্য বস্তাদি ও শ্রমজীবীদের নিত্য প্রয়োজনীয় কয়েকটি জিনিষ ছিল। এতদ্বিধা একটি বুড়িতে মিন্ত্রীদের কাষের উপযোগী অস্ত্রাদি—(করাত, বাটালী, তুরপুণ ইত্যাদি) লওয়া হইয়াছিল। রাজকর্মচারী রুস ভাষায় তাহাকে দুই একটি কথা জিজ্ঞাসা করিলে, সে ইচ্ছিতে বুঝাইয়া দিল—রুস ভাষা তাহার জানা নাই। অগত্যা জর্মান ভাষায় অতিশয় ঐকিঞ্চ এক জন দো-ভাবীর সাহায্য গ্রহণ করা হইল। দো-ভাবী জর্মান ভাষায় তাহাকে দুই

সে জোসেফের সম্মুখে হাত বাড়াইয়া দিল। জোসেফ রেবেকার মুখের দিকে চাহিয়া বিস্মিত—স্তম্ভিত হইল। একরূপ অপরূপ সুন্দরী সে জীবনে কখন দেখিয়াছে বলিয়া মনে হইল না। বার্থাও সুন্দরী, কিন্তু জোসেফের মনে হইল, বার্থা তাহার চরণ-স্পর্শেরও যোগা নহে! এ যেন যহিমময়ী দেবীমূর্তি।

রেবেকা জোসেফের হাত ধরিয়৷ মধুর স্বরে বলিল, “তুমি আমার স্বদেশবাসী, তোমাকে আমাদের গৃহে অভিনন্দন করিতে আমার হৃদয় আনন্দে পূর্ণ হইয়াছে। আমার চির-প্রিয় মাতৃভূমির পবিত্র স্মৃতি আমার হৃদয়ে উজ্জ্বলভাবে বিরাজ করিতেছে। আমি যখন স্বদেশের কোড় হইতে নির্বাসিত হইয়াছিলাম, তখন আমি নিভান্ত শিশু, কিন্তু দেশের কথা আমি মূর্ছার জন্ত ভুলিতে পারি নাই; সেই পুণ্যভূমিতে ফিরিয়া বাইবার জন্ত আমার প্রাণ কিরূপ আকুল হইয়া উঠে, তাহা আমার প্রকাশ করিবার শক্তি নাই।”

জোসেফ একটি কথাও বলিতে পারিল না; যেন তাহার বাকশক্তি বিলুপ্ত হইয়াছিল। সে মুগ্ধবৎ দাঁড়াইয়া রহিল। তাহার মনে হইল, সে স্বপ্ন দেখিতেছে!

রেবেকা বোধ হয় তাহার মনের ভাব বুঝিতে পারিল। সে হাসিয়া বলিল, “তুমি পরিশ্রান্ত, এখন আর তোমার বিশ্বাসের ব্যাঘাত করিব না; আশা করি, কিছু দিন তোমার এখানে থাকা হইবে। সমস্ফল্যে তোমার সঙ্গে আলাপ করিব।”

রেবেকা সরিয়া গিয়া তাহার চেয়ারে বসিলে জোসেফ যেন কতকটা প্রকৃতিস্থ হইল। রেবেকার প্রতি শিষ্টাচারপ্রদর্শনের ক্রটি হইয়াছে ভাবিয়া সে ক্ষুব্ধ হইল।

সলোমন কোহেন পুনর্বার উঠিয়া গিয়া রুদ্ধ দ্বার পরীক্ষা করিয়া আসিল; তাহার পর জোসেফের কাঁধে হাত রাখিয়া মৃদুস্বরে বলিল, “জোসেফ কুরেট, তুমি যে দেশে আসিয়াছ, সে দেশের ঘরের দেওয়ালগুলিরও কান আছে, পথের পাতরগুলার পর্য্যন্ত চোখ আছে। এখানে চারিদিকে চাহিয়া তোমাকে পা বাড়াইতে হইবে, এমন কি, নিশ্বাস ফেলিবার সময়েও তোমাকে সতর্ক থাকিতে হইবে। আমার কথা বুঝিতে পারিয়াছ?”

জোসেফ বলিল, “হাঁ, বুঝিয়াছি।”

সলোমন বলিল, “আমার আদেশে পরিচারিকা তোমাকে তোমার শয়নকক্ষে রাখিয়া আসিবে।— সেখানে তোমার সঙ্গে আবার আমার দেখা হইবে; তোমার যাহা বলিবার আছে, সেই সময় শুনিব, বুঝিয়াছ?”

জোসেফ বলিল, “হাঁ, বুঝিয়াছি।”

সলোমনের আহ্বানে পরিচারিকাটি সেই কক্ষে পুনঃ-প্রবেশ করিল; জোসেফ তাহার সহিত দোতলার চলিল। দোতলার একটি কক্ষে তাহার শয়নের স্থান নির্দিষ্ট হইয়াছিল।

প্রায় দশ মিনিট পরে সলোমন কোহেন সেই কক্ষে প্রবেশ করিল: কোন দিকে কেহ আছে কি না, পরীক্ষা করিয়া সে ঘর রুদ্ধ করিল; তাহার পর জোসেফের শয্যাপ্রান্তে উপস্থিত হইয়া বলিল, “জোসেফ, তুমি বিশ্বাসী বলিয়াই এখানে প্রেরিত হইয়াছ, ইহা নিশ্চয়ই তোমার অজ্ঞাত নহে।”

জোসেফ শয্যা হইতে উঠিয়া আসিয়া বলিল, “হাঁ, আমি বিশ্বাসের পাত্র।”—সে ছুরী দিয়া তাহার ওয়েস্ট কোটের ভিতরের কাপড়ের পর্দাটি কাটিয়া ফেলিল, এবং শিলাই খুলিয়া পূর্কোক্ত ডাক্ট ও কাগজখানি সলোমনের হাতে দিল।

সলোমন তাহা পরীক্ষা না করিয়াই পকেটে রাখিল, হাসিয়া বলিল, “জোসেফ, তুমি যেমন বিশ্বাসী, সেইরূপ বুদ্ধিমান ও সাহসী। তোমার কাষে আমি বড়ই সন্দেহ হইয়াছি। এখন তুমি নিরুদ্বেগে নিদ্রা যাও।”

সলোমন সেই কক্ষ ত্যাগ করিলে জোসেফ শয্যায় শয়ন করিল বটে, কিন্তু অনেককাল পর্য্যন্ত তাহার ঘুম আসিল না; রেবেকার কথাই পুনঃ পুনঃ তাহার মনে পড়িতে লাগিল; রেবেকার অপরূপ রূপ, মিষ্ট কথা, তাহার অপূর্ব স্বদেশাহুঁরাগ জোসেফের হৃদয়ে মোহজাল বিস্তার করিল; অবশেষে সে নিদ্রামগ্ন হইলেও স্বপ্নে দেখিতে পাইল, রেবেকা তাহার শিরস-প্রান্তে দণ্ডায়মান হইয়া করুণ নয়নে তাহার মুখের দিকে চাহিয়া আছে।

[ক্রমশঃ ।

শ্রীধীনেন্দ্রকুমার রায় ।

নির্কাসিতের দ্বীপ

কুলিয়ন দ্বীপ ফিলিপাইন দ্বীপপুঞ্জের অন্তর্গত একটি রমণীয় স্থান। এই দ্বীপের অধিবাসীর সংখ্যা প্রায় ৬ হাজার। কুষ্ঠব্যাদিপিড়িত নরনারীদিগকে এই দ্বীপে নির্কাসিত করিয়া রাখা হইয়া থাকে। এখানকার অধিবাসীমাঝেই কুষ্ঠরোগী।

কুলিয়ন বন্দরটি অর্ধচন্দ্রাকৃতি। বর্ষাকাল ব্যতীত অন্য সময় দ্বীপটি সূর্যালোকিত। কুষ্ঠরোগীদিগের জন্য দ্বীপের একপ্রান্তে উচ্চভূমির উপর নগর নির্মিত হইয়াছে। দ্বীপের পূর্ব-ভাগে একটি অন্তর্দ্বীপ—তাহার উপর প্রস্তর-বিনির্মিত স্পেনীয় গির্জা। সমগ্র দ্বীপে এতদ্ব্যতীত আর কোনও প্রস্তর-নির্মিত অট্টালিকা নাই। প্রথমতঃ এই অট্টালিকাটি দুর্গের হিসাবে ব্যবহৃত হইত। সে সময় এই দ্বীপে অতি সামান্য-সংখ্যক উপনিবেশিক বাস করিত। মোরো জলদস্যুগণের আক্রমণ হইতে আত্মরক্ষার জন্যই এই দুর্গ নির্মিত হইয়াছিল। এখন আর জলদস্যুর ভীতি নাই। তবে তাহাদের বংশধরগণ ঈদানীং বোর্নিও হইতে গোপনে অহিফেন চালান দিবার ব্যবসায় করিতেছে। জলদস্যুর আক্রমণশঙ্কা অন্তর্হিত হইবার পর হইতে দুর্গটি ধর্মস্থানে পরিণত হইয়াছে। যেখানে পূর্বে অস্ত্র-ঝঞ্ঝনা ও বন্দুকের শব্দ সমুথিত হইত, এখন তথায় ভগবানের পবিত্র নাম উচ্চারিত হইয়া থাকে। এক দারু-নির্মিত উচ্চ চূড়া হইতে ষণ্টাধ্বনি উথিত হইয়া কুষ্ঠরোগীদিগকে নিয়মিত সময়ে ধর্মমন্দিরে সমবেত করিয়া থাকে। আর একটি চূড়া হইতে রাত্রিকালে আলোকরাশি বিকীরিত হইয়া থাকে। জলযান-সমূহ সেই আলোকধারার

সাহায্যে নিরাপদে বন্দরে প্রবেশ করে। জাহাজের গতায়ত এখানে বড় একটা নাই। যখন আবহাওয়ার অবস্থা ভাল থাকে, সেই সময় মাসে একবার করিয়া জাহাজ কুলিয়ন বন্দরে আসিয়া থাকে; কখনও কখনও দেড় মাস বা দুই মাস অন্তরও জাহাজের দেখা পাইতে বিলম্ব ঘটে।

ধর্মমন্দিরের পশ্চাৎভাগে 'নিপা' ও বংশনির্মিত সহস্রাধিক কুটার অবস্থিত। ফিলিপাইন দ্বীপপুঞ্জে সাধারণতঃ যে শ্রেণীর কুটার দেখিতে পাওয়া যায়, এই কুটারগুলি তদনুরূপ। এই কুটারগুলি দৃঢ় নহে, একটা বৃর্ণিবায়ু আসিলেই ধ্বংসপ্রাপ্ত হইবে। দুই চারিখানি কুটারের অবস্থা কিছু ভাল। সম্মুখভাগ রেলিং দিয়া ঘেরা। কুষ্ঠাশ্রম যে.টালু জমীর উপর নির্মিত, তথায় বৃক্ষলতাদি ভাল রূপে জন্মে না। দুই একটি ভাল গাছ অতি কষ্টে বর্দ্ধিত হইয়াছে। দ্বীপের এই অংশটি তৃণ-শস্য বর্দ্ধিত—শুধু ধূলি-সমাস্কৃত।



নির্কাসিতের দ্বীপ—কুলিয়ন বন্দর

কুলিয়ন দ্বীপের একপ্রান্তে কুষ্ঠাশ্রম, অপরাংশে দ্বীপের শাসন-সংরক্ষণ বিভাগ। কতি-

পয় অট্টালিকায় রাজকর্মচারীরা বসবাস করেন এবং কার্যালয় স্থাপিত। যে সকল বালক-বালিকা এই দ্বীপে জন্মগ্রহণের পর কুষ্ঠব্যাদিগ্রস্ত নহে বলিয়া পরিগণিত হয়, তাহাদের বাসের জন্য একটা স্বতন্ত্র বাড়ী আছে। কুষ্ঠরোগীদিগের তত্ত্বাবধান ও চিকিৎসার জন্য যে কতিপয় চিকিৎসক, ষাড্রী এবং ধর্মযাজক আছেন, তাহারাও কর্ম-শেষে নগরের এই প্রান্তে অবস্থান করিয়া থাকেন।


কুষ্ঠরোগাশ্রমের কটকের উপর লিখা আছে—'কুলিয়ন

কুষ্ঠ-উপনিবেশ।" তোরণ পার হইয়া সম্মুখে একটি ক্রব-গৃহ দেখিতে পাওয়া যাইবে। তথায় টেবল সজ্জিত। টেবলের উপর নানাবিধ পুস্তক ও সাময়িক পত্রিকা। কুষ্ঠব্যাধিপীড়িত বালক বালিকাদিগের শিক্ষার জন্য খুল ও এই উপনিবেশে আছে। ছাত্র-ছাত্রীগণ কুষ্ঠরোগগ্রস্ত ; তাহাদের শিক্ষক ও শিক্ষয়িত্রীরাও কুষ্ঠরোগী। এক জন মার্কিন-মহিলা এই উপনিবেশ দেখিবার জন্য কুলিয়নে গিয়াছিলেন। তিনি যখন কুলিয়ন দ্বীপে উপস্থিত হইলেন, তখন কুষ্ঠ শিক্ষালয়ে ১ শত ৫০ জন বালক-বালিকা প্রাথমিক শিক্ষা লাভ করিতেছিল।

কুষ্ঠরোগীদিগের জন্য মৎস্য, বরফ ও বিদ্যাদালোক সরবরাহ করিবার ব্যবস্থা আছে। হাঁসপাতাল, রোগাঘর কোন কিছুই অভাব নাই। কুষ্ঠ উপনিবেশের অধিবাসী-দিগকে অন্তর্ভুক্ত গিয়া আহার্যাদি সংগ্রহ করিতে হয় না। আশ্রমের অন্তর্গত বিস্তৃত ভূখণ্ডমধ্যে অনেকগুলি দোকান-ঘর। কোনটিতে বস্তাদি, কোনও দোকানে শাক-সজী, কোথাও ফল-মূল প্রভৃতি সংগৃহীত হইয়া আছে। ভূমিভাগ যেখানে সর্বোচ্চ—তথায় বসতি নাই—সেখানে শুধু সমাধিক্ষেত্র।

কুলিয়ন দ্বীপ পৃথিবীর সর্বশ্রেষ্ঠ কুষ্ঠ-উপনিবেশ। এত অধিবাস্যক কুষ্ঠরোগী আর কোনও স্থানে দেখিতে পাওয়া যাইবে না।

১৯০১ খৃষ্টাব্দে— ফিলিপাইন দ্বীপপুঞ্জ আমেরিকার



কুলিয়ন দ্বীপস্থ কুষ্ঠরোগীদিগের বাসভবন

অধিকারভুক্ত হইবার অব্যবহিত পরেই—দ্বীপপুঞ্জের কুষ্ঠ-ব্যাধিগ্রস্তদিগকে স্বতন্ত্রভাবে রাখিবার কার্যে পরিণত করিবার ব্যবস্থা হয়। অনেক অনুসন্ধানের পর কুলিয়ন দ্বীপই কুষ্ঠরোগীদিগের বাসস্থানের পক্ষে যোগ্য স্থান বলিয়া বিবেচিত হয়। মানিলা হইতে কুলিয়ন দ্বীপ ২ শত মাইল (১ শত ক্রোশ) দক্ষিণে অবস্থিত। এই দ্বীপে অধিবাসীর সংখ্যা খুব অল্পই ছিল। সুতরাং তাহা-দিগকে স্থানান্তরিত করিতে বিশেষ অসুবিধা ঘটে নাই। ইহা ছাড়া সুপেয় পানীয় জলের প্রাচুর্য থাকায়, কর্তৃপক্ষ এই দ্বীপটিকেই মনোনীত করিয়াছিলেন। দ্বীপের মধ্যে কৃষিকার্যের উপযোগী পর্যাপ্ত ভূখণ্ড ছিল। মৎস্যের অভাবও ঘটিবে না। সন্নিহিত অপর দুই একটি ক্ষুদ্র দ্বীপ ও কুলিয়ন দ্বীপের ভূমির পরিমাণ ৪ শত ৬০ বর্গ-মাইল। ১৯০৬ খৃষ্টাব্দে এই উপনিবেশে জাহাজে করিয়া প্রথম কুষ্ঠরোগীর দল লইয়া ডাক্তার হিসাব উপস্থিত হইলেন। ইনি তখন এই দ্বীপের প্রধান স্বাস্থ্য-পরীক্ষক ডাক্তার ছিলেন। প্রথমতঃ কুষ্ঠরোগীদিগকে এই স্থানে স্বতন্ত্র অবস্থায় রাখিবার ব্যবস্থা হইয়াছিল : তাহাদিগের চিকিৎসার কোনও বন্দোবস্ত তখনও হয় নাই। বৈজ্ঞানিক উপায়ে কুষ্ঠব্যাধি আরোগ্য করা সম্ভবপর কি না, পাশ্চাত্যজগতে তখন তাহার বিশেষ পরীক্ষা আরম্ভ হই-য়াছে মাত্র।

যে কয়টি দুরারোগ্য মহাব্যাধি আছে, কুষ্ঠ তাহার অন্যতম। উত্তরাদিকারসত্ত্বে এই ব্যাধি বহু দিন হইতে মানবজাতির মধ্যে সংক্রমিত হইয়াছে। কুষ্ঠব্যাধি সংক্রামক, ভীষণ এবং উহার নাম শুনিবামাত্র মন বিরূপ হইয়া উঠে। এই ব্যাধি হইতে আরোগ্যলাভ করা অসম্ভব বলিলেও অত্যাক্তি হয় না। শুধু পাশ্চাত্যদেশে নহে, পৃথিবীর সর্বত্রই কুষ্ঠব্যাধি দুরারোগ্য বলিয়া পরিগণিত। পৃথিবীর ইতিহাস পাঠ করিলে দেখা যায়, দুই সহস্র বৎসর পূর্বেও কুষ্ঠব্যাধিগ্রস্ত ব্যক্তি সমাজে অবজ্ঞাত ছিল, কেহ তাহার সন্নিধানে



কুষ্ঠব্যাধিগ্রস্তগণ মোরগের লড়াই দেখাইতেছে

বাইতে ঘণা বোধ করিত। কোন কোন দেশে কুষ্ঠব্যাধি-গ্রস্ত ব্যক্তিকে জনসাধারণ লোষ্ট্রনিক্ষেপ করিয়া বধ করিত। যুরোপে খৃষ্টধর্ম প্রচারিত হইবার পূর্বে—বাই-বেলের যুগে, মহাপ্রাণ যীশু কুষ্ঠব্যাধিপীড়িত নরনারীর দুর্দশা দর্শনে করুণায় বিগলিতচিত্ত হইয়া তাহাদের প্রতি অক্ষুৎস্না প্রকাশ করেন। আরিষ্টটল খৃষ্টজন্মের ৩ শত ৪৫ বৎসর পূর্বে এসিয়া মাইনরে কুষ্ঠরোগের প্রাদুর্ভাবের বিবরণ লিপিবদ্ধ করিয়া গিয়াছেন। ভারতবর্ষের পুরাণ-দিতে কুষ্ঠরোগীর নানাপ্রকার বর্ণনা আছে। কুষ্ঠব্যাধির চিকিৎসাপ্রণালীও ভারতীয় ভৈষজ্যতত্ত্বে দেখিতে পাওয়া যায়। রোমক সৈনিকগণ খৃষ্টজন্মের পূর্বে এই ব্যাধি ইটালীতে প্রথম লইয়া যায়। রোম হইতে ক্রমে উহা স্পেন-দেশে বিস্তৃত হয়। মধ্যযুগে, ধর্মযুদ্ধের সময় এবং প্রাচ্য ও প্রতীচ্যের মধ্যে ব্যবসা-বাণিজ্যের সূত্রপাত হওয়ার সঙ্গে সঙ্গে সমগ্র যুরোপে এই ব্যাধির বিস্তার ঘটে। এক সময়ে এই নিদারুণ ব্যাধি বসন্ত ও প্লেগের স্তায় সমগ্র যুরোপে নিদারুণ ভীতিসঞ্চার করিয়াছিল।

প্রতীচ্যদেশ এই ব্যাধির আক্রমণ হইতে মুক্তিলাভের আশায় কুষ্ঠপ্রপীড়িত নরনারীদিগকে মানব-সমাজ হইতে বতহতভাবে রাখিবার পদ্ধতি অবলম্বন করে। ১০৯৬

খৃষ্টাব্দে কাণ্টারবরীতে ইংলণ্ডের প্রথম কুষ্ঠাশ্রম প্রতিষ্ঠিত হয়। এই দৃষ্টান্তের অনুসরণ করিয়া ইংলণ্ডের প্রত্যেক প্রধান প্রধান নগর এবং যুরোপের প্রসিদ্ধ স্থানসমূহে কুষ্ঠাশ্রম প্রতিষ্ঠিত হইতে থাকে। এক ফরাসীরাজ্যেই প্রায় ২ হাজার কুষ্ঠাশ্রম ছিল। সমগ্র যুরোপে অন্যান্য ২০ হাজার কুষ্ঠাশ্রম প্রতিষ্ঠিত হইয়াছিল।

কুষ্ঠরোগ গ্রস্ত নরনারী মানব-সমাজে নিগৃহীত ও চির-অবজ্ঞাত। যে সকল স্থানের জনসাধারণ ইহাদিগের উপর নির্ঘাতনে বিরত, সেখানেও

ইহারা উপেক্ষিত অবস্থায় থাকিত। মানব-সমাজের সহিত ইহাদের কোনও সংস্বই থাকিত না। কোনও বিশিষ্ট পরিচ্ছদ ধারণ করিয়া, তাহারা যে জনসাধারণ হইতে বিভিন্ন, ইহার প্রমাণ দিতে হইত। কোনও কোনও স্থানে কুষ্ঠরোগীরা ঘণ্টা বাজাইয়া মাদ্রাজের পারিয়ারদিগের স্তায় তাহাদের আগমনসংবাদ বিজ্ঞাপিত করিত। কোনও সাধারণ-জলাশয় বা নির্ঝরের নিকটে যাওয়াও তাহাদের পক্ষে নিষিদ্ধ ছিল। স্বহৃদে কোনও ব্যক্তির সহিত একত্র বসিয়া পানভোজন ত দূরের কথা, কুষ্ঠরোগী কোনও শিশুকে স্পর্শ করিতেও পাইত না। নাগরিকের কোনও প্রকার অধিকার এই দুর্ভাগ্যপীড়িত হতভাগ্যদিগের ছিল না। কোনও পুরুষ বিবাহের পর যদি জানিতে পারিত, তাহার স্ত্রী কুষ্ঠব্যাধিপীড়িত, তবে সে অনারাসে তাহাকে ত্যাগ করিয়া অন্য রমণীর পাণিগ্রহণ করিত। নারীর পক্ষেও অল্পরূপ ব্যবস্থা ছিল। ধর্মমন্দিরের দ্বার কুষ্ঠরোগীর পক্ষে রুদ্ধ ছিল। তবে ধর্মমন্দিরের বাহিরের প্রাচীরে কুষ্ঠরোগীদিগের অল্প ছিদ্র করিয়া রাখা হইত। সেই ছিদ্রপথে তাহারা মন্দিরের ছাদ দেখিয়া ধন্ত হইত!

এইরূপ কঠোর পদ্ধতি অমলম্বন করার ফলে যুরোপে কুষ্ঠব্যাধির প্রকোপ বহুলাংশে হ্রাস পাইয়াছিল।

যুরোপের আবহাওয়া এবং পুষ্টিকর খাদ্য—ধরা-বাধা জীবন-
যাপনপ্রণালীর ফলে কুষ্ঠব্যাধি প্রাচ্যদেশের স্তায় প্রতীচ্য-
দেশে বহুমূল হইতে পারে নাই। পঞ্চদশ শতাব্দীর শেষ-
ভাগে এই মহাব্যাধি সাধারণভাবে যুরোপের নরনারী-
গণকে আক্রমণ করিতে সমর্থ হয় নাই। শুধু দক্ষিণ-ফ্রান্স
এবং স্পেন এবং নরওয়ে ছাড়া ইদানীং আর কোথাও
এই রোগের বিকাশ বড় একটা দেখিতে পাওয়া যায় না।
নরওয়েতে এখনও কুষ্ঠব্যাধি অপেক্ষাকৃত প্রবল—ইহার
কারণ কি, তাহা বিশেষজ্ঞগণ এখনও আবিষ্কার করিতে
পারেন নাই।

যুরোপ হইতে এই ব্যাধি
ক্রমে আমেরিকার যুক্তরাজ্যে
প্রবেশ করে। আফ্রিকা হইতে
দাসক্রমপ্রথা আমেরিকার প্রচ-
লিত হওয়ার সঙ্গে সঙ্গেই যুক্ত-
রাজ্যে এই ব্যাধি প্রবিষ্ট হয়।
বিগত ১৫ বৎসরে আমেরিকায়
৩২টি বিভিন্ন রাজ্যে এই ব্যাধির
বিকাশের সংবাদ পাওয়া
গিয়াছে। অবশ্য সংক্রামকতা
কোথাও ব্যাপ্ত হয় নাই। অনু-
সন্ধান প্রকাশ পাইয়াছে যে,
প্রত্যেক রোগীই অগত্যা হইতে
এই রোগের আমদানী করি-
য়াছে। শুধু লুসিয়ানা ও টেক-
সাসে কুষ্ঠব্যাধি অপেক্ষাকৃত
বিস্তৃতি লাভ করিয়াছে বলিয়া

সুনা যায়। সমগ্র যুক্তরাজ্যে ইদানীং ৫ শত হইতে
১ হাজার কুষ্ঠরোগী আছে। লুসিয়ানার কারভেলীতে
একটা প্রকাণ্ড কুষ্ঠাশ্রম আছে, তথায় রোগীদিগকে উৎকৃষ্ট
ঔষধ ও পথ্য বিতরিত হয়।

এসিয়ার পশ্চিমভাগ হইতে কুষ্ঠরোগ যুরোপে প্রসৃত
হয়; ইদানীং কিছুকাল হইতে এসিয়ার পূর্বপ্রান্ত হইতে
উক্ত ব্যাধি প্রশান্ত মহাসাগরের দ্বীপপুঞ্জে বিস্তৃত হই-
তেছে। বাণিজ্যের প্রসার ও অর্ণবণোতে সর্বদা নর-
নারীর গমনাগমন এই ব্যাধির বিস্তারের প্রধান

হেতু। বিশেষজ্ঞগণ কোন্ দেশে কি পরিমাণ কুষ্ঠরোগী
আছে, তাহার সংখ্যা ও বিবরণ সংগ্রহ করিয়াছেন; এই
সংখ্যা নিভুল নহে; কিন্তু তথাপি তাঁহাদের বিবরণ
হইতে রোগের পরিপুষ্টি কোথায় কি ভাবে হইতেছে,
তাহা জানিতে পারা যায়। ১৮৫৯ খৃষ্টাব্দে শ্রাওউইচ
দ্বীপে দুই এক জনের মধ্যে কুষ্ঠরোগ ধরা পড়ে। উহার
৬ বৎসর পরে ৬৭ হাজার অধিবাসীর মধ্যে ২ শত ৩০
জন কুষ্ঠব্যাধিপীড়িত রোগী দেখা যায়। ১৮৯১ খৃষ্টাব্দে
স্থানীয় অধিবাসীর সংখ্যা বিবিধ কারণে ৪৪ হাজার ৪
শত ৩২ হয়, তন্মধ্যে কুষ্ঠরোগীর সংখ্যা ১ হাজার ৫ শত।



কুষ্ঠরোগী যুক্তগনতলে অভিনয় দেখাইতেছে

লয়াল্টি দ্বীপপুঞ্জে ১৮৮২ খৃষ্টাব্দে
মাত্র এক জন লোক কুষ্ঠরোগ-
গ্রস্ত হয়। ৬ বৎসর পরে মাত্র
একটি দ্বীপেই ৭০ জন কুষ্ঠরোগী
দেখিতে পাওয়া যায়। হাওয়াই
দ্বীপপুঞ্জের ইতিহাসও এ
প্রকার। ১৮৪৮ খৃষ্টাব্দের পূর্বে
এই স্থানে কুষ্ঠরোগের অস্তিত্ব-
মাত্রই ছিল না। ইহার কয়েক
বৎসর পরেই সহস্র সহস্র কুষ্ঠ-
রোগীতে দ্বীপ আচ্ছন্ন হইয়া
গিয়াছিল। সম্প্রতি হাওয়াই
দ্বীপপুঞ্জে ৬ শত হইতে ৮ শত
কুষ্ঠরোগী আছে। প্রশান্ত
মহাসাগরের দক্ষিণাংশস্থিত
নোরুদ্বীপের কুষ্ঠরোগীর বিবরণ
অত্যন্ত আধুনিক। ১৯১২

খৃষ্টাব্দে তত্রতা ২ হাজার ১ শত জন অধিবাসীর
মধ্যে কেহই কুষ্ঠরোগগ্রস্ত ছিল না। তাহার পর ষটনা-
ক্রমে এক জন কুষ্ঠরোগী সেই দ্বীপে আসিয়া উপস্থিত
হয়। ইহার ফলে ১৯২০ হইতে ১৯২২ খৃষ্টাব্দের মধ্যে
সেই দ্বীপে ৩৯ জন কুষ্ঠরোগী আবিষ্কৃত হইয়াছে।
ষোড়শ শতাব্দীতে ফিলিপাইন দ্বীপপুঞ্জে কুষ্ঠব্যাধি জাপান
হইতে নীত হয়। গবর্নর জেনারেল লিওনার্ড উড-
বলিয়াছেন যে, ইদানীং তথায় ১ কোটি ২০ লক্ষ অধি-
বাসীর মধ্যে ১২ হাজার কুষ্ঠরোগী বিদ্যমান।



কুষ্ঠরোগীরা ঐক্যতানবাননে নিযুক্ত

ইতিহাস পাঠে এইটুকু বুঝা যায় যে, কুষ্ঠব্যাদি কোনও নির্দিষ্ট দেশের মধ্যে গভীবদ্ধ অবস্থায় থাকে না। কিন্তু বিশ্ববরেখার সমিহিত স্থানেই এই রোগের প্রাদুর্ভাব বেশী হয়। বিশেষতঃ যে সকল দেশের অধিবাসীরা স্বাস্থ্যতত্ত্ব সম্বন্ধে অজ্ঞ ও উদাসীন, তাহাদের মধ্যেই এই রোগ প্রবল হইয়া উঠে। ভারতবর্ষ এবং পূর্ব-এসিয়ায় এই রোগ সংক্রামক হইয়া দাঁড়াইয়াছে বলিয়া বিশেষজ্ঞগণ স্থির করিয়াছেন। সমগ্র পৃথিবীর মধ্যে কুষ্ঠরোগীর সংখ্যা ২০ লক্ষ হইতে ৩০ লক্ষ। "The International Review off Mis-ions" নামক সাময়িক পত্রের ১৯২৪ খৃষ্টাব্দের অক্টোবর সংখ্যায় কুষ্ঠরোগীর একটি তালিকা প্রকাশিত হইয়াছে। তাহাতে দেখা যায়,—দক্ষিণ-আমেরিকায় ২৩ হাজার ৭ শত, ওসেনিয়ায় ৪ হাজার ৬ শত; যুরোপে ৭ হাজার; আফ্রিকায় ৫ লক্ষ ২৫ হাজার ৮ শত; এসিয়ায় ১২ লক্ষ ৫৬ হাজার ২ শত জন কুষ্ঠরোগী আছে। এসিয়ার কুষ্ঠরোগীদের মধ্যে, ভারতবর্ষে ১ লক্ষ ২ হাজার ৫ শত ৩০ জন, চীনদেশে ১০ লক্ষ জন,

জাপানে ১ লক্ষ ২ হাজার ৫ শত ৮৫ জন, শ্রামদেশে ১৪ হাজার জন; ফিলিপাইন দ্বীপপুঞ্জে ৫ হাজার এবং অন্যান্য স্থানে ৩২ হাজার ৮ শত ২ জন রোগী আছে।


উল্লিখিত সংখ্যা নির্ভুল, ইহা অবশ্য বলা যায় না, হয় ত অনেক ক্ষেত্রে অনেক কুষ্ঠরোগীর রোগ ধরা না পড়িতেও পারে। তথাপি উহা হইতে একটা মোটামুটি হিসাব বুঝিতে পারা যায়। ভারতবর্ষে সার লিওনার্ড রজ্জুস এবং ডাক্তার ই, মুরর কুষ্ঠরোগ সম্বন্ধে বহু গবেষণা করিয়াছেন। তাহাদের মতে ভারতবর্ষেই কুষ্ঠরোগীর সংখ্যা ৫ লক্ষ। ফিলিপাইন দ্বীপপুঞ্জের কুষ্ঠরোগীর সংখ্যা ৫ হাজার বলিয়া উক্ত হইয়াছে, কিন্তু কুলিয়নে এখন যে পরিমাণ রোগী আছে, তাহার সহিত ঐ সংখ্যার সামঞ্জস্য হয় না। গবর্নর জেনারেল বলিয়াছেন, উল্লিখিত দ্বীপপুঞ্জে এখন ১২ হাজার কুষ্ঠরোগী আছে। উহাই ঠিক।

প্রাচ্যদেশে—ভারতবর্ষ, জাপান, কোরিয়া এবং চীনদেশে কুষ্ঠরোগীদেরকে সাধারণতঃ মন্দিরপার্শ্বে, সৈতুর ধারে অথবা জনবহুল রাজপথের পাশ্বে তিকায়

রত দেখিতে পাওয়া যায়। এই সকল রোগীর কাহারও হস্ত নাই, কেহ পদ-বিহীন, কাহারও সর্কাজে বীভৎস রোগের ভীষণ ক্ষতচিহ্ন—দেখিবা-মাত্র মন আতঙ্কে ও ঘুণায় শিহরিয়া উঠে। কিন্তু কুলিয়নের কুষ্ঠাশ্রমে এই-রূপ কুষ্ঠরোগী নাই। অনেককে দেখিলেই মনে হইবে, তাহাদের দেহে কোনও ব্যাধির চিহ্নই নাই। গার-ট্রুড ইয়ারসন্ নারী মার্কিন মহিলা কুলিয়নে গিয়া কুষ্ঠাশ্রম পরিদর্শন করিয়া লিখিয়াছেন যে, অনেকেই নিষমিত সময়ে প্রফুল্লচিত্তে স্ব স্ব কার্যে যোগদান করে।

কুলিয়নে কোনও প্রকার কর নাই। যাহাদের শরীরে সামর্থ্য আছে—তাহাদের প্রত্যেকেই কিছু না কিছু কাৰ্য করিয়া থাকে। ঔপনিবেশিকদিগের প্রধান কার্য মাছ ধরা এবং কৃষি। দ্বীপের দক্ষিণ ও পশ্চিমাংশে উর্বরা ভূমি প্রচুর পরিমাণে বিদ্যমান। এই অঞ্চলে কয়েক শত কুষ্ঠরোগী বসবাস করিতেছে। তাহারা জমী চাষ করিয়া শস্ত, শাক-শজা ও ফল উৎপাদন করিতেছে। অবশ্য উৎপন্ন দ্রব্যের পরিমাণ সামান্য, কিন্তু কৃষিজাত এই সকল দ্রব্য তাহারা স্থানীয় সরকারের নিকট বিক্রয় করিয়া থাকে। ইহাতে আংশিকভাবে উপনিবেশের খাদ্যদ্রব্যের অভাব পরিপূর্ণ হইয়া থাকে। ঔপনিবেশিক সরকারের অধিক অর্থ ব্যয় করিবার সুযোগ ঘটিলে গমনাগমনের পথ প্রস্তুত হইতে পারিবে, এবং তাহাতে দূরবর্তী স্থানে কৃষিকর্ম করিয়া অধিকতর শস্ত উৎপাদন ও বিক্রয়ের সুব্যবস্থা হইবার সম্ভাবনা। গমনাগমনের পথের অভাববশতঃ বহু ঔপনিবেশিক দ্বীপের নানা স্থানে ছড়াইয়া পড়িতে পারিতেছে না, শুধু কুলিয়ন সহরেই বাধ্য হইয়া ঘন-সন্নিবিষ্টভাবে বসবাস করিতেছে।

মৎস্য শিকারের জন্য কুলিয়নে ৪টি বোথ কারবার প্রতিষ্ঠিত হইয়াছে। 'বান্সা'যোগে অথবা বাঁশের ভেলায় চড়িয়া মৎস্য-শিকারীরা উপসাগরে মৎস্য ধরিবার



শৈশবীয় পাটীরা বালকদিগকে মিঠুর টুকরা বিতরণ করিতেছেন

জন্য গমন করিয়া থাকে। নির্কাসিত কুষ্ঠরোগীদিগের মধ্যে কেহ কেহ মৎস্য ধরিবার অবকাশে কখনও কখনও পলায়নের চেষ্টা করিয়া থাকে, কিন্তু তাহাদের এ প্রচেষ্টা সফল হইবার কোনও সম্ভাবনা নাই। ভেলায় চড়িয়া তন্তুর অর্ধে উদ্বীর্ণ হওয়া কল্পনাব্যবহিত। এ জন্য এখন আর কোনও কুষ্ঠরোগী এইরূপ বার্থ চেষ্টা করে না। মৎস্য শিকার করিবার জন্য যে বোথ কারবার প্রতিষ্ঠিত হইয়াছে, তাহার স্বত্বাধিকারীরা স্থানীয় সরকারের সহিত এইরূপ সর্ভ করিয়াছেন যে, বত মাছ উঠিবে, সমুদয়ই সরকারকে বিক্রয় করিতে হইবে। স্বত্বাধিকারীরা ৩০ হইতে ৪৫ টাকা মাসিক মাহিনা দিয়া ধীর নিয়ুক্ত করে। সূত্রধর, মুচি, কুটীওয়াল, নাপিত, আলোকচিত্রকর, ফলওয়াল, তরকারী-বিক্রেতা প্রভৃতি উপনিবেশের মধ্যে দ্রব্য বিনিময় করিয়া ব্যবসা চালাইয়া থাকে। তদ্রূপ বালক-বালিকাও কিছু না কিছু অর্থ উপার্জন করে। বালকগণ অপেক্ষাকৃত ধনী গৃহে বালকভৃত্যের কাৰ্য করে; বালিকা বয়স্ক মহিলাদিগের সঙ্গে সঙ্গে সূচের কাৰ্য অথবা বস্তাদি ধোত করিয়া অর্থোপার্জন করিয়া থাকে। যাহারা সবল ও সুস্থ, এমন পুরুষ ব্যতীত অল্পাঙ্গ পুরুষগণ—বাহারা সরকারী কার্যে নিযুক্ত হইয়া অর্থোপার্জনে সমর্থ, এমন লোকদিগকে সরকারপক্ষ কার্যে নিযুক্ত করিয়া তাহাদিগকে সাপ্তাহিক নির্দিষ্ট ভাতা ছাড়াও

প্রায় দশ আনা করিয়া পারিশ্রমিক প্রদান করিয়া থাকেন।

তদ্রূপ সরকারের প্রধান লক্ষ্য এই যে, প্রত্যেক কুষ্ঠরোগীই যেন আত্মনির্ভরশীল হইতে পারে। কিন্তু উপনিবেশ হইতে রপ্তানী করিবার কোনও পদার্থই নাই বলিয়া সরকারকে নানা অসুবিধা ভোগ করিতে হইতেছে। যে সকল নূতন কুষ্ঠরোগী এই দ্বীপে নীত হয়, সরকারপক্ষ তাহাদিগের প্রত্যেককে তিনটি পদার্থ সরবরাহ করিয়া থাকেন—পেয়াদা, সান্‌কী ও চামচ। নবাগত রোগীদিগকে প্রথম সপ্তাহে স্বতন্ত্র স্থানে রাখা হয়। তাহার পর অস্থায়িতাবে একই গৃহে তাহাদিগকে কিছুদিন বাপন করিতে হয়। এই সময় তাহাদিগকে কিছু অসুবিধা ভোগ করিতে হইয়া থাকে। কিছু কাল পরে নবাগতগণ যে সকল জিলা হইতে আসিয়াছে, তদ্রূপ অনেক পুরাতন বন্ধু বা আত্মীয়ের সন্ধান এই উপনিবেশে পাইয়া থাকে। তাহারা উহাদিগকে স্ব স্ব গৃহে নিমন্ত্রণ করিয়া লইয়া যায়। উপনিবেশিকগণের দুই-তৃতীয়াংশ স্ব স্ব ভবনে বাস করিয়া থাকে। সাধারণতঃ কুষ্ঠরোগীদিগের আত্মীয়গণ অর্থ-সাহায্যের দ্বারা তাহাদিগকে সূত্রধরের কার্য্য শিখাইয়া থাকে। সরকারপক্ষ আংশিকভাবে যন্ত্রাদি সরবরাহ করিয়া থাকেন। সরকার প্রায় ৪ শত জন লোককে প্রত্যেক বিষয়ে নিযুক্ত করিয়া থাকেন। শাস্ত্রিক, সুপকার, ইসপাতালের

সহকারী, শিক্ষক, ঝাড়ুদার ও মেথর প্রভৃতি সকল কার্য্যেই কুষ্ঠরোগীরা অর্থ-বিনিময়ে কাৰ্য করিয়া থাকে। প্রত্যেকেরই পারিশ্রমিকের হার দৈনিক পাঁচ সিকা। কেহ কেহ অর্থাৎ যাহারা শাস্ত্রিকক প্রভৃতি কার্য্যে নিযুক্ত হয়, তাহাদিগকে উৎকৃষ্টতর খাদ্য, জুতা এবং টুপী প্রভৃতি অতিরিক্ত দেওয়া হইয়া থাকে। বৎসরে দুই বার করিয়া সরকার সকলকে সাধারণ পরিচ্ছদ প্রদান করেন। সমগ্র উপনিবেশের মধ্যে ৫ শত জনকে সরকার খাদ্য বিলাইয়া থাকেন। যদি পর্যাপ্ত মৎস্য না পাওয়া যায়, তাহা হইলে সরকারপক্ষ অন্য স্থান হইতে মৎস্য আমদানী করিয়া বিলাইয়া থাকেন। প্রতি সপ্তাহে—মঙ্গলবারে সন্নিহিত দ্বীপ হইতে ছাগ-মেঘাদি আমদানী করিয়া বলি দেওয়া হয়। সেই মাংস মৎস্যের পরিবর্তে ব্যবহৃত হইয়া থাকে। মঙ্গলবারটি উপনিবেশের একটি বিশিষ্ট দিন।

বৈদেশিকগণ কদাচিত্ এই উপনিবেশে গমন করেন। যদি কেহ কখনও তথায় পদার্পণ করেন, তখন উপনিবেশে বেশ সাড়া পড়িয়া যায়। তাহার সম্মানার্থ নানা প্রকার উৎসবের আয়োজন হইয়া থাকে। কুষ্ঠরোগীদিগের মধ্যে গীত-বাছাদিরও আয়োজন আছে। নৃত্য-গীত, অভিনয় প্রভৃতিও কুষ্ঠরোগীদিগের মধ্যে দেখিতে পাওয়া যায়। মুরগীর লড়াই উহাদিগের প্রিয় ক্রীড়া।



কুষ্ঠরোগীদের ভোরণ

ক্যাথলিক মিশনারীরা কুষ্ঠরোগীদিগের সেবায় আত্মোৎসর্গ করিয়া থাকেন। এখানে যে সকল মিশনারী আছেন, তাহারা কায়মনোবাক্যে কুষ্ঠরোগীদিগের সেবায় আত্মনিয়োগ করিয়াছেন। পরার্থে এমন ত্যাগ সত্যই বিশ্বয়কর। সেবিকা নারীগণের অধিকাংশই এই উপনিবেশে প্রায় ২০ বৎসর ধরিয়া বাস করিতেছেন। কিছু দিন পূর্বে যখন ম্যানিলার রাজনীতিক ব্যাপারে দেশের সমগ্র অর্থ ও চিন্তা নিযুক্ত হইয়াছিল, তখন এই নারীগণই সমগ্র কুষ্ঠ-উপনিবেশের বাবতীয় কার্য্যের ভার গ্রহণ

করিয়াছিলেন। সিষ্টার ক্যালিক্সটি ১৯২১ খৃষ্টাব্দ পর্যন্ত একাকিনী অস্ত্র-চিকিৎসকের কায করিয়াছিলেন। কতিপয় কুষ্ঠরোগগ্রস্তা নারীর সাহায্যে তিনি প্রতি সপ্তাহে দুই শত রোগীর ক্ষত পরিষ্কার প্রভৃতি কার্য সম্পাদন করিতেন। হস্ত, পদ ও অঙ্গুলির উপর অস্ত্রোপচার করা, দস্ত উৎপাটন প্রভৃতি কঠিন কার্যগুলি তাঁহাকে একাই করিতে হইয়াছিল। দৈনিক চিকিৎসার সঙ্গে সঙ্গে রোগীদিগকে তিনি ধর্মোপদেশও দিতেন। তাহাদিগের আত্মার তৃপ্তিবিধান তাঁহার জীবনের প্রধান ব্রত হইয়াছিল।

শুশ্রূষাকারিণী সেবিকাগণ সমস্ত দিন রোগীর পরিচর্যার পর অপরাহ্ন সাড়ে ষ্টোর সময় প্রত্যহ নির্দিষ্ট আবাসে প্রত্যাবর্তন করেন। বস্ত্রপরিবর্তনের পর তাঁহারা অতি সামান্ত ও সাধারণ আহাৰ্য্য দ্বারা ক্ষুন্নিবৃত্তি করিয়া থাকেন। বড়দিনের উৎসবের সময় মিশনারী-মহিলারা তাঁহাদের ক্ষুদ্র গির্জায় ভগবানের আরাধনার আয়োজন করিয়া থাকেন। ফরাসী ভাষায় ভগবানের নাম গীত হয়। গৃহের কথা এই শাস্ত্রপ্রকৃতি, পরার্থ-পরায়ণা নারীদিগের মনে কদাচিৎ উদিত হইয়া থাকে। রোগক্রিষ্ট নরনারীদিগকে সুস্থ করিয়া তুলাই তাঁহাদিগের একমাত্র উদ্দেশ্য।

উপনিবেশটি যখন প্রথম স্থাপিত হয়, কর্তৃপক্ষের এই সঙ্কল্প ছিল যে, স্বাভাবিকভাবে এ স্থানের জীবনযাত্রা যাহাতে নির্ঝাঁকিত হয়, তাহার ব্যবস্থা করিয়া রাখিতে হইবে। তখন সকলের বিশ্বাস ছিল যে, কুষ্ঠব্যাধি দূরারোগ্য। উপনিবেশিকগণ নির্ঝাঁকিত জীবনের পরিসমাপ্তির জন্ত প্রতীক্ষা করিয়া থাকিত। কিন্তু এই সকল রোগীর মৃত্যু ত সহজে আইসে না! কোনও রোগীকে—নিতাস্ত্র প্রয়োজন না ঘটিলে, বন্দী করিয়া রাখা হইত না। কাষেই পুরুষ ও নারীদিগকে স্বতন্ত্রভাবে রাখিবার কোনও ব্যবস্থা ছিল না। বিবাহ ব্যাপারটা কুলিয়নে বন্ধ না থাকিলেও কর্তৃপক্ষ ইহার বড় একটা প্রশয় দিতেন না। কিন্তু তথাপি বিবাহ হইত। ইহার ফলে বৎসরে এই স্থানে প্রায় ৬০টি বালকবালিকা ভূমিষ্ঠ হইয়া থাকে। যাহারা বাঁচিয়া থাকে, তাহাদের অনেকের মধ্যে রোগের লক্ষণ প্রকাশও পায় না। ৩৭ বৎসর তাহারা



কুষ্ঠাশ্রমের শুশ্রূষাকারিণীগণ

পিতা-মাতার নিকট অবস্থান করে। এরূপ অবস্থায় অনেকের কুষ্ঠরোগ আক্রান্ত হইবার সম্ভাবনাও ঘটে।

ফিলিপাইন গবর্নমেন্ট প্রতি বৎসর অন্তান্ত স্থান হইতে জাহাজে করিয়া অন্তান্ত কুষ্ঠরোগাক্রান্ত বালক-বালিকাকে এই উপনিবেশে লইয়া আইসেন। উহার সংখ্যা কম নহে। কোনও কোনও বৎসর পাঁচ শতাধিক এইরূপ বালকবালিকা উপনিবেশে আনীত হয়। কর্তৃপক্ষ তাঁহাদের অধিকৃত স্থানসমূহ হইতে সন্ধান করিয়া কুষ্ঠ-ব্যাধিগ্রস্ত শিশুদিগকে ধৃত করেন। বয়স্ক রোগীরা যন্ত্রণার আতিশয্যে অনেক সময় আপনা হইতে আত্ম-সমর্পণ করিয়া থাকে। কিন্তু অধিকাংশ ক্ষেত্রেই হৃদয়-বিদারক দৃশ্যের অভিনয় হইয়া থাকে। মাতৃ-অঙ্কবিচ্যুত শিশু ক্রন্দন করিতে থাকে। পিতামাতার মনের অবস্থাও কল্পনা করা দুঃস্বপ্ন নহে।

কুষ্ঠব্যাধি উত্তরাধিকারসূত্রে ঘটে না, উহা বংশান্ত্র-ক্রমিক নহে। কুষ্ঠরোগাক্রান্ত দম্পতির সন্তান যে কুষ্ঠ-রোগী হইবে, এমন কোনও কথা নাই বলিয়া বিশেষজ্ঞগণ মনে করেন। তবে রোগগ্রস্ত পিতামাতার সংস্রবে থাকিয়া শিশুগণ এই রোগের দ্বারা আক্রান্ত হইয়া থাকে। কুষ্ঠব্যাধির সংক্রামকতা দোষ আছে। তবে অন্তান্ত সংক্রামক ব্যাধির ত্যায় ইহার প্রচণ্ডতা নাই। অতি ধীরে ধীরে ইহা দেহে সংক্রামিত হইয়া থাকে। কি কি কারণে ইহা ঘটয়া থাকে, চিকিৎসকগণ এখনও তাহার মূল নির্ণয় করিতে পারেন নাই। কাহারও কাহারও মতে কুষ্ঠরোগের বীজাণু নাসিকার অভ্যন্তরে, কর্ণমধ্যে এবং ক্ষতস্থানে অবস্থিত করে। ইাঁচি, কাসি প্রভৃতি হইতে

এই রোগের বীজাণু অন্তর্দেহে সংক্রমিত হয়। কুষ্ঠরোগী যে ধুলির উপর দিয়া হাঁটিয়া যায়, তাহা হইতে রোগ সংক্রমিত হইতে পারে। এক ঘরের বন্ধ বাতাসেও উহার বীজাণু রহিয়া যায়। স্বাস্থ্যতত্ত্বের সাধারণ নিয়মগুলি পালন করিলে কুষ্ঠব্যাধির আক্রমণ হইতে রক্ষা পাওয়া যাইতে পারে। রোগের বীজাণুগুলি অল্পেই বিনষ্ট হয়। এক জন রোগীর দেহ হইতে নির্গত হইবার অল্পক্ষণ পরেই তাহার বিনষ্ট হইয়া যায়।

কুষ্ঠতত্ত্ববিদগণ এখনও স্থির করিতে পারেন নাই, কত দিনে কুষ্ঠরোগের লক্ষণ রোগীর দেহে পরিপুষ্ট হইয়া উঠিতে পারে। দুই বৎসরের কমে কোনও দেহে রোগ পরিপুষ্টলাভ করে নাই বলিয়া বিশেষজ্ঞগণ মত প্রকাশ করিয়াছেন। একবার কোনও ৩ বৎসরের বালিকাকে দুই জন মার্কিন শিক্ষক পোষ্য-কন্যারূপে পালন করেন। পরে তাহাকে তাঁহার যুক্তরাজ্যে লইয়া যান। ১৬ বৎসর বয়সে এই বালিকার দেহে কুষ্ঠব্যাধির লক্ষণ প্রকাশ পায়। বালিকাকে তখন ফিলিপাইন দ্বীপে ফিরাইয়া পাঠান হয়। ১৩ বৎসর পূর্বে এই বালিকার দেহে রোগের বীজা প্রবেশ করিয়াছিল বলিয়া নির্ণয় হইয়াছে। এই বালিকা চিকিৎসাপুণে ক্রমশঃ আরোগ্যলাভের পথে চলিয়াছে।


ভারতবর্ষে কুষ্ঠরোগীর চিকিৎসার জন্য চালমুগরা গাছের তৈল বা নির্যাস ব্যবহৃত হইয়া থাকে। বিশেষজ্ঞগণ এই গাছের শক্তি পরীক্ষা করিয়া বুঝিয়াছেন যে, ইহার নির্যাস বা তৈলে মতাই কুষ্ঠব্যাধিগ্রস্ত নিরাময় হইয়া থাকে। সার লিওনার্ড রজাস চালমুগরার গাছ পরীক্ষা করিয়া বলিয়াছেন যে, এই বৃক্ষে এমন গুণ আছে যে, তাহার দ্বারা কুষ্ঠব্যাধিগ্রস্তকে নিরাময় করিতে পারা যায়। পাশ্চাত্য বৈজ্ঞানিকগণ এই বৃক্ষের সাহায্যে ব্যাধিনিবারক নানা প্রকার ঔষধ তৈয়ার করিতেছেন। ফিলিপাইন দ্বীপপুঞ্জে এই গাছের চাষ আরম্ভ হইয়াছে।

কুলিয়ন কুষ্ঠাশ্রমের শেষ সংবাদ ১৯২৪ খৃষ্টাব্দের

সেপ্টেম্বর মাসে প্রকাশিত হইয়াছে, তাহাতে জানা যায় যে, ৩ হাজার ২ শত রোগী সাধারণভাবে চিকিৎসিত হইতেছিল, তন্মধ্যে শতকরা ৭৫ জনের রোগের উপশম হইয়াছে; এবং প্রায় সাড়ে ৪ শত রোগীর দেহে ব্যাধির বীজাণু আর পাওয়া যাইতেছে না। সম্ভবতঃ আরও ৩ শত জন এই পর্যায়ের শীঘ্রই উপনীত হইবে। যাহাদের শরীরে এই রোগের বীজাণুর অস্তিত্ব নাই, বলিয়া বিবেচিত হইবে, তাহাদিগকে আরও দুই বৎসর পরীক্ষাধীন রাখা হইবে। যদি বীজাণুর অস্তিত্ব অবশিষ্ট থাকে, তবে দুই বৎসরের মধ্যে পুনরায় তাহার আবির্ভাব ঘটবেই। যে সকল রোগী সম্পূর্ণভাবে ব্যাধিমুক্ত হইয়াছে, এমন অনেক লোক কুলিয়নে এখনও অবস্থান করিতেছে। ১ শত ৯৬ জন সম্পূর্ণভাবে রোগমুক্ত হইয়া স্ব স্ব দেশে প্রত্যাভ্রমণ করিয়াছে।

যে সকল রোগী অন্যান্য ব্যাধিতে কষ্ট পাইয়া থাকে, তন্মধ্যে ক্ষয়রোগ এবং দৌর্বল্য-সংক্রান্ত ব্যাধিতে যাহারা আক্রান্ত, তাহাদের কুষ্ঠব্যাধি সহজে নিরাময় হয় নাই। এক সময়ে কুলিয়নে ৪ হাজার ২ শত ২৫ জন রোগী চিকিৎসিত হইতেছিল, তন্মধ্যে অনেকগুলি রোগীর আশা ছাড়িয়া দিতে হইয়াছিল। কারণ, তাহাদের মধ্যে ক্ষয়-রোগাক্রান্ত লোক ছিল। শুধু অর্ধেক রোগীকে কুষ্ঠব্যাধির চিকিৎসাধীন রাখা হইয়াছিল। পরীক্ষায় প্রকাশ পাইয়াছে যে, নারীরাই শীঘ্র নিরাময় হইয়া উঠে। বিশেষতঃ যাহারা যুবতী, তাহাদের রোগের আক্রমণ প্রতিহত করিবার ক্ষমতা অধিক। চালমুগরার তৈল বা নির্যাস লইয়া অভিজ্ঞগণ বিশেষ চেষ্টা করিতেছেন। তাহাদের অস্তিত্ব, এই বৃক্ষের যে শক্তি আছে, তাহাকে বৈজ্ঞানিক উপায়ে অন্যান্য ঔষধের সহিত মিলাইয়া লইলে কুষ্ঠরোগ অধিকাংশ ক্ষেত্রেই প্রশমিত হইবে। ভারতীয় বৈজ্ঞানিক চালমুগরার গুণের কথা অনেক পূর্বেই নির্ণয় করিয়া গিয়াছেন।

শ্রীসরোজনাথ ঘোষ।



রূপের মোহ



তৃতীয় পরিচ্ছেদ

প্রভাত হইতেই আকাশে মেঘ জমিয়া রহিয়াছে। মাঝে মাঝে দুই এক পশলা বৃষ্টি হইয়া গেলেও মেঘ কাটিতেছিল না। শরতের আকাশে ষে রূপ ঘনঘটা করিয়া রহিয়াছে, তাহাতে বর্ষাকাল বলিয়া ভ্রম হইতেছিল। রবিবারের দীর্ঘ দিবা কিছুতেই শেষ হইতে চাহে না। সমস্ত মধ্যাহ্ন টেনিসনের পাতা উল্টাইয়া এবং দুইটি কবিতা লিখিয়াও উদীয়মান কবি রমেন্দ্রনাথের সময় বেন ফুরাইতেছিল না। আজিকার দিনটা কাব্য-চর্চার পক্ষে অসুস্থ, তাহাতে সন্দেহ নাই; কিন্তু সারাদিন কাহারও সহিত বাক্যালাপ না করিয়া কি থাকা যায়? মেসের অন্তান্ত বন্ধু আজ সকালেই ষীমারে বেড়াইতে গিয়াছে। চড়ভাতি করিবে বলিয়া ষ্টোভ প্রভৃতি এবং প্রচুর খাদ্য-দ্রব্য সঙ্গে লইয়া গিয়াছে। রমেন্দ্রও ষাইবার জন্ত অসুস্থ হইয়াছিল; কিন্তু প্রভাতের মেঘনয় আকাশের অবস্থা দেখিয়া সে গৃহকোণ ছাড়িয়া ষীমার পার্টির আনন্দ উপভোগ করিতে স্বীকৃত হয় নাই। বাদলার দিনে নিরালায় বসিয়া কবিতা রচনা করিবার ইচ্ছাবশতই সে জলষাত্রার প্রলোভন ত্যাগ করিয়াছিল। কিন্তু সারাদিন নির্জনে থাকিবার পর কবিতা-চর্চার মোহ যখন অন্তর্হিত হইল, তখন সে ভাবিল, আজ সে বড়ই ঠকিয়াছে। তরঙ্গায়িত নদীবক্ষে, দোলায়মান ষীমারে চড়িয়া, প্রসন্ন স্নিগ্ধ পবনের আনন্দ-হিল্লোল উপভোগ, মেঘ-মেঘুর আকাশের বিচিত্র মুদ্রশোভা দর্শন এবং বন্ধুজনের রহস্যলাপ শ্রবণে যে তপ্তি জন্মিত, যবে বসিয়া তাহা ঘটিল না ত! সারাদিন

ভ্রমণের পর হৃদয়ে যে বিমল আনন্দ জন্মিত, তাহার ফলে রাত্রিকালে উৎকৃষ্টতর কবিতা রচিত হইতে পারিত কিন্তু এখন বৃথা অমুশোচনা করিয়া কোনও ফল নাই!

সন্ধ্যা ঘনাইয়া আসিল। তখনও বন্ধুবর্গ ফিরিয়া আসিল না দেখিয়া রমেন্দ্র উঠিয়া দাঁড়াইল। খাতাপানি ডুম্বারের মধ্যে বন্ধ করিয়া সে আকাশের দিকে চাহিল। আজ রবিবার, ছাত্রটিকে পড়াইতে ষাইবার প্রয়োজন নাই। বন্ধুরা ফিরিয়া না আসা পর্যন্ত ঘরে বসিয়া থাকাও অত্যন্ত বিরক্তিকর। রমেন্দ্র চাদরখানা স্কন্ধে ফেলিয়া পথে বাহির হইল।

তখন বৃষ্টি পড়িতেছিল না। দ্বিপ্রহরের বারিপাতে রাজপথ কর্দমাক্ত, পিচ্ছিল। গ্যাসের আলোক জলিয়া উঠিয়াছিল। রাজপথ জনকোলাহল-মুখর। কর্ণওয়ালিস্ ট্রীট ধরিয়া রমেন্দ্র উত্তরাভিমুখে চলিল। হেদোর ধারে সে খানিক বেড়াইয়া আসিবে সংকল্প করিয়াছিল।

কিরদূর অগ্রসর হইবার পর সহসা একটা চীৎকার ও গোলমাল শুনিয়া রমেন্দ্র সম্মুখে চাহিয়া দেখিল—অদূরে একখানা গাড়ী তীব্রবেগে ছুটিয়া আসিতেছে; কোচম্যান প্রাণপণ বলে রাশ টানিয়া ঘোড়াকে সংযত করিবার চেষ্টা করিতেছে; কিন্তু অর্থ কিছুতেই বাগ মানিতেছিল না। গাড়ীর ভিতর হইতে কতিপয় ভয়ানক রমণীর চীৎকার শুনা গেল, এক জন পুরুষ শরীরের পূর্বাঙ্গ বাহির করিয়া নামিয়া পড়িবার চেষ্টা করিতেছিলেন। রাজপথের দুই পার্শ্বে লোক জমিয়া গেল; সকলে 'ধামাও, ধামাও!' শব্দে চীৎকার করিতে লাগিল; কিন্তু কেহই সাহায্যার্থ অগ্রসর হইল না।

মূর্ত্ত দৃষ্টিপাতে রমেন্দ্র সমস্ত ব্যাপারটা বুঝিয়া লইল। সে কবি বটে; কিন্তু তাহার শরীরে অসুরের স্তায় শক্তি ও মনে সাহস দুইই ছিল। ভয় কাহাকে বলে, তাহা সে জানিত না। ঘোড়া তখন ফুটপাতের উপর উঠিবার উপক্রম করিতেছিল। রমেন্দ্র একলক্ষে ঘোড়ার সম্মুখীন হইল, বিচার-বিতর্ক না করিয়াই দৃঢ়হস্তে সবলে অশ্বের মুখরঞ্জু আকর্ষণ করিল। অকস্মাৎ বাধা পাইয়া ঘোড়া মুখ ছাড়াইয়া লইবার চেষ্টা করিল, কিন্তু পারিল না। রমেন্দ্র কায়দা করিয়া ঘোড়াকে ভীমবলে রাজপথের উপর টানিয়া আনিল—গাড়ী থামিয়া গেল।

তখন চারিদিক হইতে লোক ছুটিয়া আসিতে লাগিল। পুরুষ অথারোহী গাড়ী হইতে লাফাইয়া পড়িয়াছিলেন। রমণীরাও তাড়াতাড়ি নামিয়া পড়িলেন। সহিস আসিয়া অশ্বরঞ্জু ধারণ করিল।

মূর্ত্তমধ্যে এত বড় কাণ্ড ঘটয়া গেল।

আরোহী পুরুষ তখন কৃতজ্ঞভাবে বলিলেন, “আজ আপনার অমুগ্রহে আমাদের প্রাণরক্ষা হ’ল; ধন্তবাদ,—কে? তুমি—রমেন?”

আগন্তুক দৃঢ়হস্তে রমেন্দ্রর হাত চাপিয়া ধরিলেন।

“সুরেশ?—তুমি কোথা থেকে?”

“তুমিই আজ আমাদের প্রাণদাতা!”

কুণ্ঠিতভাবে রমেন্দ্র বলিল, “ও কথা ছেড়ে দাও। তুমি এত দিন পরে কোথা থেকে এলে বল ত? শুনেছিলাম, তুমি সিবিলু সার্কিস পাশ ক’রে বিলেত থেকে এসেছ, কিন্তু কাষ নাওনি। তার বেশী আর কোন সংবাদ জানতে পারিনি।”

“সে সব অনেক কথা, পরে হবে। এটি আমার বোন—অমিয়া। তুমি ত চেনই। আর ইনি অমিয়ার নন্দ, সুনীল বাবুর কনিষ্ঠ।”

রমেন্দ্র সহস্রাচমকিয়া উঠিল। এই সেই অমিয়া!—কত কাল পরে দেখা!

চারিদিকে কৌতূহলী জনতা দেখিয়া সুরেশচন্দ্র বলিলেন, “চল, বাড়ী ত কাছেই—তুমিও চেন। পিসীমা তোমাকে পেলে খুসী হবেন। কতবার তোমার খোঁজ তিনি নিয়েছেন। এস, গাড়ীতে যাত্রা হবে।”

রমেন্দ্র একটু ইতস্ততঃ করিতেছিল, কিন্তু জনতার

সকৌতুক দৃষ্টিপাত হইতে উদ্ধার পাইবার আশায় সে সুরেশের পার্শ্বস্থ স্থান অধিকার করিল। বাল্য-বন্ধুর সহিত অতর্কিত সাক্ষাতে তাহার হৃদয়ে নানাবিধ চিন্তার উদয় হইয়াছিল।

সুরেশ কোচম্যানকে গাড়ী ধীরে ধীরে চালাইতে বলিলেন। সহিস ঘোড়ার মুখরঞ্জু ধরিয়া চলিল।

সুরেশচন্দ্র বলিলেন, “তুমি নিজের বিপদ তুচ্ছ ক’রে ঘোড়ার মুখ ধরেছিলে, তোমার সাহসকে ধন্তবাদ। গাড়ীখানি ত গিয়েছিলই, তাতে দুঃখ নাই; কিন্তু অমিয়া ও সরযু যে কি ঘটত, তা ভাবতেও এখন শরীর শিউরে উঠছে!”

যুবতী-যুগলের বক্ষস্পন্দন, বোধ হয়, তখনও সম্পূর্ণ থামে নাই, কারণ, তখনও তাহারা নিরীকভাবে বসিয়া ছিল।

রমেন্দ্র বন্ধুর কথায় কান না দিয়া, আত্মসংবরণ করিয়া অমিয়ার দিকে চাহিয়া বলিল, “আপনি আমার চিন্তে পারেন?”

অমিয়া তখন কতকটা প্রকৃতিস্থ হইয়াছিল। সে বলিল, “আমাকে আপনি বলবেন না। ছেলেবেলা থেকে আপনি দাদার বন্ধু। আজ মোটে ৪ বছর দেখা-সাক্ষাৎ নেই। এত দিনের পরিচয় কি এত অল্প দিনে তোলা যায়? সে কথা যাক, আমাদের প্রাণরক্ষার জন্য আপনাকে কি বলে—”

বাধা দিয়া রমেন্দ্র বলিল, “ও কথা আর তুলবেন না। কোন্ ভদ্রলোক এমন অবস্থায় চূপ ক’রে থাকতে পারেন? এ আর এমন কি অদ্ভুত ব্যাপার করেছি—যার জন্ত আপনারা এমন কুণ্ঠিত হচ্ছেন?”

সরযু এতক্ষণ চূপ করিয়া বসিয়া ছিল। রমেন্দ্র তাহার অপরিচিত, কখনও তাহাকে সে দেখে নাই, তবে বছর-বার অমিয়া ও সুরেশচন্দ্রের মুখে তাহার সম্বন্ধে আলোচনা শুনিয়াছে—রমেন্দ্রর নাম তাহার অপরিচিত নহে। সে শুনিয়াছিল, রমেন্দ্রনাথ সুরেশচন্দ্রের অন্তরঙ্গ বাল্যবন্ধু। কথা কহিবার অবকাশ না পাইয়া সে এতক্ষণ চূপ করিয়া বসিয়া ছিল, এখন অবসর পাইবামাত্র সে বলিয়া উঠিল, “সেই কথা বলবেন না। পথে এত লোক ত তামাসা দেখছিল। ভদ্রলোক বে দলের মধ্যে কেউ

ছিলেন না, এমন কথা বলা যায় না। কিন্তু প্রাণের মারা ছেড়ে—কই, আর কাউকে ত আসতে দেখলাম না! সকলের প্রাণ কি সমান?”

রমেশ এতক্ষণ সরযুকে ভাল করিয়া লক্ষ্য করে নাই। এখন সে এই প্রগল্ভা যুবতীকে ভাল করিয়া দেখিবার চেষ্টা করিল। গাড়ীর মধ্যে অন্ধকার, ভাল করিয়া যুক্তি দেখা যায় না। সহসা রাজপথের উজ্জল গ্যাস-লোক যুবতীর আননে প্রতিফলিত হইল। চকিত-দৃষ্টিতে সে সরযুকে দেখিয়া লইল। যুবতী দর্শনীয় বটে!

কথা ফিরাইয়া লইয়া রমেশ বলিল, “ও সব কথা থাক। সুরেশ, এত দিন তোমায় দেখিনি, কোথায় ছিলে বল ত? একখানা চিঠি পর্যন্ত লেখনি। তোমাদের বাড়ীতে অনেকবার সংবাদ নিজেছি; কিন্তু ঠিক খবর জানতে পারিনি। শুধু শুনেছিলাম, সারা ভারত-বর্ষটা তুমি ঘুরে বেড়াচ্ছ।”

সুরেশচন্দ্র বলিলেন, “সে কথা ঠিক। বিলেত থেকে এসে খালি ঘুরেই বেড়িয়েছি। আজ দুই দিন এলাহাবাদ থেকে এসেছি। এঁদের আজ মন্দিরে আসবার ইচ্ছে হয়েছিল, তাই এনেছিলাম। বাড়ী ফিরবার সময় গাড়ীতে উঠেছি, হঠাৎ একটা দুই ছেলে লাল দেশলাই জ্বলে ঘোড়ার সামনে কেলে দিল। ঘোড়াটা অনেক দিন ধরে আস্তাবলেই বসে ছিল—আলো দেখে হঠাৎ এমন ক্ষেপে গেল।”

রমেশ বলিল, “এখন কলকাতায় থাকবে ত?”

“বেশী দিন নয়, বড় জোর এক হপ্তা। তার পর পুরী যাব। অমিয়! কোন দিন সমুদ্র দেখেনি, আমিও ভব-ঘুরে। পুরীতে কিছু দিন থেকে তার পর আর ফোথায় যাওয়া যাবে, তখন ঠিক ক’রে নেব।”

“তুমি চাকরীটা নিলে না কেন বল ত? কত লোক জেলার হাকিম হবার জন্য লালায়িত, আর তুমি হাতের লম্বী পায়ে ঠেলে দিলে? টাকা অর্থাৎ তোমার নেই, তা জানি। উদরারের জন্য বলছি না; কিন্তু ক্ষমতা ও পদগৌরব—সেটা ত তুচ্ছ নয়, ফলে অন্ততঃ কমিশনার পর্যন্ত ত হ’তে পারতে!”

সুরেশচন্দ্র গভীরভাবে বসিলেন, “কি জান তাই, পরীক্ষা পাশের একটা বাতিল বা নেশা, বা বল, আমার

স্বভাব আছে। সকলে বলে, ও পরীক্ষাটা কঠিন, তাই ভাবলাম, দেখাই যাক না কেন? তা ছাড়া বিলাতটা দেখে আসবার আগ্রহ বরাবর ছিল। তাই এক টিলে দুই পাখী মারা গেল। দাসত্বটা কোন কালেই বাহনীর নয়, কি হবে? ক্ষমতা পেয়েই বা কি কবুব? সেও ত ধার-করা ক্ষমতা! তা ছাড়া ক্ষমতার গর্কে শেষে কি মহুষ্যত্বটা হারাব? না তাই, ওতে আনন্দ নেই। তাই চাকরী স্বীকার করিনি। যাক, সে সব কথা পরে আলোচনা করা যাবে। এখন বাড়ী এসেছি, চল, নামা যাক।”

সরযু ও অমিয়া গাড়ী হইতে নামিয়া অস্তঃপুরের দিকে চলিয়া গেল। বন্ধুর হাত ধরিয়া সুরেশচন্দ্র গাড়ী-বারান্দার সম্বিহিত সিঁড়ি দিয়া উপরে উঠিলেন।

চতুর্থ পরিচ্ছেদ

দ্বিতলের একটি প্রশস্ত কক্ষমধ্যে সুরেশচন্দ্র রমেশকে লইয়া গেলেন।

টেবল, চেয়ার, সোফা প্রভৃতির পরিবর্তে সমগ্র কক্ষতল সতরঞ্চ-মণ্ডিত। তাহার উপর দুইফেন-শুভ্র জাজিম শোভা পাইতেছিল। বিলাতপ্রত্যাগত উচ্চ-শিক্ষিত অভিজাত সম্প্রদায়ের যুবকের ঘরে একরূপ বিচিত্র সজ্জা দেখিবার কল্পনা রমেশের স্বপ্নেরও অতীত ছিল। সে দেখিল, কক্ষপ্রাচীরের এক দিকে ঈশা, পল প্রভৃতি প্রতীচ্য মহাত্মা এবং বুদ্ধ, চৈতন্য, নানক, রামকৃষ্ণ প্রভৃতি ভারতীয় মন্ত্রদ্রষ্টা মহাপুরুষের চিত্র। অন্যত্র সের্শ্বপীয়ার, মিলটন, ওয়ার্ডসওয়ার্থ, টেনিসন, স্কট, ডিকেন্স, টলষ্টয়, হুগো, রামমোহন, বঙ্কিমচন্দ্র, বিদ্যাসাগর, হেমচন্দ্র, বিবেকানন্দ, রবীন্দ্রনাথ প্রভৃতি প্রাচ্য ও প্রতীচ্য মনীষী, কবি এবং ঔপন্যাসিকের তৈলচিত্র ছলিতেছে। কয়েকখানি উৎকৃষ্ট নিসর্গচিত্রও স্থানে স্থানে বিরাজিত। গ্রন্থ-রাজির্পূর্ণ সুরহৎ আলমারীগুলি প্রাচীরপার্শ্বে সংরক্ষিত।

কয়েক বৎসর রমেশ এই বাড়ীতে প্রবেশ করে নাই। ইহার মধ্যে এত পরিবর্তন? সে একমনে দেখিতেছে, এমন সময় সুরেশচন্দ্র বলিলেন, “কি দেখছ? আমার রুচির পরিবর্তন? বিলেত থেকে এসে সর্বদা হাট, কোট, পেটুলেন প’রে বেড়াব, টেবল, চেয়ার ব্যবহার কবুব—তাঁ না, এই ভূমিশয়া? না তাই, ও

দেশ থেকে ফিরে এসে বুঝেছি, ধুতি, জামা আর ভূমি-
শয্যাই বাঙ্গালীর পক্ষে প্রশস্ত।”

সে বিষয়ে রমেশেরও মতভেদ ছিল না।

জুতা ছাড়িয়া সুরেশচন্দ্র চাপিয়া বসিলেন। পূর্ব-
কথার আলোচনার উভয়ে বধন নিযুক্ত, এমন সময় ঝি
আসিয়া বলিল, “দাদাবাবু, পিসীমা ডাকছেন।”

পিসীমা অর্থে সুরেশচন্দ্রের পিসীমা। পরিচারিকা
বহু দিনের, সুতরাং বর্তমান গৃহ-স্বামীকে মিষ্টার ঘোষের
পরিবর্তে দাদাবাবুই বলিত। জনৈক পরিচারক এক-
বার সুরেশচন্দ্রকে ‘সাহেব’ বলিয়া উল্লেখ করায় তিনি
তাহাকে বিশেষভাবে ধমকাইয়া দিয়াছিলেন। তদবধি
বাড়ীর কেহই তাঁহাকে ‘সাহেব’ বলিত না।

সুরেশচন্দ্র বলিলেন, “চল, রমেন।”

সে উঠিয়া দাঁড়াইল। কয়েক বৎসর পূর্বে সে
কতবার পিসীমার স্বহস্তপ্রস্তুত ডুমুরের ডালনা, মোচার
ঘণ্ট, খোড় চচ্চড়ি, চালুতার অঞ্চল খাইয়া গিয়াছে,
তাহার অস্ত নাই। আজ সেই সকল পুরাতন স্মৃতি
রমেশের মনে পড়িতেছিল।

উভয় বন্ধু অন্তরে প্রবেশ করিল। বৃদ্ধা পিসীমা
একখানি মাছুরের উপর বসিয়া ছিলেন। বরাবরই তিনি
এই সংসারের কর্তা। ভ্রাতার সহিত ধর্মমত অথবা
কোন কোন বিষয়ে সামাজিক রীতিনীতি সম্বন্ধে মত-
ভেদ সৃষ্টিও তিনি চিরকাল নিজের আচার-ব্যবহারের
স্বাভাব্য বজায় রাখিয়া আসিয়াছিলেন। সে জন্ত কোন
পক্ষের কোন অসুবিধা হয় নাই। এখন ভ্রাতৃপুত্রও
পিসীমার আচার-নিষ্ঠার সম্বন্ধে কোন প্রকার প্রতিবাদ
করিতেন না। বরং বাহাতে তিনি পূর্ণমাত্রায় ও স্বচ্ছন্দে
আপনার মতামত প্রকাশ করিতে পারেন, সে দিকে সুরেশ-
চন্দ্রের বিশেষ দৃষ্টি ছিল। একান্তমনে সুরেশচন্দ্র পিসী-
মাতাকে শ্রদ্ধা করিতেন এবং আমিষের পরিবর্তে পিসী-
মার সর্ব-প্রস্তুত নিরামিষ তরকারীর বিশেষ ভক্ত ছিলেন।

রমেশ পিসীমার পদধূলি গ্রহণ করিল।

পিসীমা স্নেহে বলিলেন, “কি বাবা, রমেন, অনেক
দিন তোমায় দেখিনি, বাড়ীর সব ভাল?”

রমেশ পার্শ্বস্থ আলোকিত কক্ষে দৃষ্টি স্থাপন করিয়া
জল্পমনে উত্তর দিল, “আজ্ঞে, হ্যাঁ।”

“অমিয়া বলছিল, আজ নাকি তুমিই তা’দের বাচি-
য়েছ? তুমি ঘোড়ার মুখ না ধ্বলে আজ অদেটে
কি যে ঘটত। চিরজীবী হয়ে বেঁচে থাক, বাবা।
তোমার গায় অসুরের মত বল হোক।”

সুরেশ বলিলেন, “সে কথা ঠিক, পিসীমা। আজ
রমেন সে সময় এসে না পড়লে সর্বনাশ হয়ে যেত!—
অমি কোথায় গেল?”

“ঐ ঘরে আছে, বাবা। জগখাবার ঠিক ক’রে সে
তোমাদের জন্ত ব’সে আছে। যাও বাবা, রমেন, তুমি
ত ঘরের ছেলে।”

রমেশ বন্ধুর সহিত পার্শ্বস্থ আলোকিত কক্ষে প্রবেশ
করিল। এই ঘরটি সম্পূর্ণ আধুনিক ভাবে সজ্জিত।
সুরেশচন্দ্রের বসিবার ঘরের মত নহে। সুরেশচন্দ্রের
পিতা এই ঘরটিকে ‘ড্রয়িং রুম’ হিসাবে ব্যবহার করি-
তেন। পাশ্চাত্য রুচি অনুসারে ইহা সুসজ্জিত। পিতার
স্মৃতির প্রতি সম্মান প্রকাশের জন্ত কক্ষটির শোভার
কোনওরূপ পরিবর্তন করেন নাই।

উজ্জ্বললোকে রমেশ দেখিল, অমিয়া একখানি
গদি-খাঁটা চেয়ারের উপর বসিয়া আছে। সম্মুখের
একটি খেত পাতরের টেবলের উপর দুইখানি পাত্রে
নানাবিধ ফলমূল ও মিষ্টান্ন সজ্জিত।

তাঁহাদিগকে আসিতে দেখিয়া অমিয়া উঠিয়া
দাঁড়াইল। রমেশ দেখিল, কি সুন্দর! কয়েক বৎসর
পূর্বে যেমনটি দেখিয়াছিল, এখন আর ঠিক তেমন
নাই। পরিপূর্ণ যৌবনের স্রোতের আবেগে সমগ্র
দেহ-নদী যেন টল টল, চল চল করিতেছিল। রমেশ
চমৎকৃত হইল। এক দিন হয় ত—কিন্তু থাক, আজ সে
অতীত স্মৃতিকে জাগাইয়া কোন লাভ নাই।

কিন্তু তথাপি রমেশের হৃদয় আলোড়িত হইল।

স্নিগ্ধ কণ্ঠে অমিয়া বলিল, “আমুন। দাদা, রমেন
বাবুকে নিয়ে এখানে ব’স। আমাদের এখানে কিছু
খেতে আপনার আপত্তি নেই ত?”

রমেশের আনন আরক্ত হইয়া উঠিল। সে একটু
তীব্রভাবে বলিল, “আপত্তি?—আশ্চর্য! এখানে কি
না খেয়েছি? সে সব কথা ভুলে গেছেন বুঝি?”

সুরেশ হাসিয়া বলিলেন, “ছেলেবেলার কথা, মাছুর

বড় হ'লে অনেক সময় সব ভুলে যায়। কেমন, না আমি ?”

অমিয়া দৃষ্টি নত করিয়া বলিল, “তুলিনি, তবে বয়সের সঙ্গে সঙ্গে মাহুকের মতের হয় ত অনেক পরিবর্তন হয়, তাই বলছিলাম।”

পার্শ্বস্থ দরজা দিয়া সরযু কক্ষমধ্যে প্রবেশ করিল। সে বেশ পরিবর্তন করিয়া আসিয়াছিল। ভ্রাতৃজ্ঞানার পার্শ্বে আসিয়া সে ‘অমুচ্চ কণ্ঠে বলিল, “কি সব কথা হচ্ছে, বৌদি ?” পরে রমেশ্বর দিকে ফিরিয়া ধীরভাবে বলিল, “আপনি বসুন, দাঁড়িয়ে রইলেন যে ?”

রমেশ্বর একখানা চেয়ার টানিয়া লইয়া বসিল। উন্মেষিতযৌবনা, নবপরিচিতা তরুণীর সপ্রতিভ আত্মীয়তা তাহাকে মুগ্ধ করিয়াছিল কি ?

জলযোগ শেষ হইলে সরযু বলিল, “আজকের ঘটনাটা থেকে থেকে মনে পড়ছে, আর গা-টা শিউরে উঠছে! আপনি যতই তুচ্ছ ভাবুন না, রমেন বাবু বাস্তবিক আপনি না থাকলে—”

বাধা দিয়া রমেশ্বর বলিল, “আপনারা ব্যাপারটাকে যেমন ভাবে দেখছেন, তাতে ভবিষ্যতে কর্তব্যপালনটাও লোক বাহাদুরী ব'লে ভাবতে আরম্ভ করবে। কর্তব্য ছাড়া বেনী কিছু যে আমি করেছি, তা ত মনে হয় না।”

সুরেশচন্দ্র একটা পান মুখে দিয়া বলিলেন, “কর্তব্য ক'জন পালন ক'রে থাকে, ভাই ?—যাক, রমেন যখন অত কুণ্ঠিত হচ্ছে, ও বিষয়ের আলোচনা বন্ধ থাকুক। ভাল কথা, তুমি নাকি আজকাল এক জন কবি হয়েছ ? সে দিন তোমার ‘যুথিকা’ পড়ছিলাম। বেশ লিখেছ, কবিতায় প্রাণ আছে। অমিয়া ভারী কঠোর সমালোচক, সেও তোমার কাব্যের প্রশংসা করেছে।”

সরযু সবিস্ময়ে বলিল, “ইনিই কি যুথিকার কবি রমেশ্বরনাথ ? কবির হৃদয়ে সৈনিকের জায় সাহসও আছে! এটা অভিনব বটে!”

রমেশ্বর মস্তক নত করিল।

“অমি, বইখানা আন ত। আজ কবির সামনে তাঁর কাব্যখানা পড়া যাক।”

এলাহাবাদ হইতে আসিবার সময় কতকগুলি

নির্বাচিত গল্পও সঙ্গে আসিয়াছিল। অমিয়া যথাস্থান হইতে ‘যুথিকা’ সংগ্রহ করিয়া আনিল।

সুরেশচন্দ্র বলিলেন, “তোমার বইখানা আমি তন্ন তন্ন ক'রে পড়েছি।”

রমেশ্বর হৃদয় পুলকিত হইল। সে বলিল, “বাকী সাহিত্য, বিশেষতঃ কবিতা পড়বার ঐর্ধ্য তোমার আছে, জান্তাম না।”

“কেন ? ছাত্রজীবনের কথা কি ভুলে গেছ ?”

“না, তখন ত ভালবাসতে; তবে—”

“ওঃ, বিলেত গিয়েছিলুম, তাই ? কেন, বিলেতে গেলে কি মাতৃভাষার চর্চার অধিকার থাকে না ? না, পড়তে ঘৃণা হয় ?”

বিস্মৃতভাবে রমেশ্বর বলিল, “তা নয়, তবে কি না—”

অমিয়া বলিল, “দাদা কবিতার ভক্ত। বাকী সাহিত্যের অত্যন্ত অনুরাগী।”

“কিন্তু এমন দাদার এমন বোন তুমি কি ক'রে হ'লে, বৌদি ? কাব্যের প্রতি তোমার যে কোন আসক্তি আছে, তা ত মনে হয় না। তবে, রমেন বাবুর ভাগ্য ভাল যে, তুমি বইখানা পড়েছ।”

সুরেশচন্দ্র হাসিয়া উঠিলেন। অমিয়ার ‘আননেও স্মিত হাস্তের রেখা উজ্জল হইয়া উঠিল।

রমেশ্বর এই তরুণীর সরল আলাপে শ্রীতি লাভ করিল।

তার পর কাব্য আলোচনা—পাঠ আরম্ভ হইল। বড়ীর কাঁটা সকলের অজ্ঞাতসারে সরিয়া যখন চং চং শব্দে দশ ঘটিকা ঘোষণা করিল, তখন চমকিতভাবে রমেশ্বর উঠিয়া দাঁড়াইল। এত রাত্রি হইয়া গিয়াছে ?

আর সে অপেক্ষা করিল না, বলিল, “আজ তবে আসি, ভাই।”

সুরেশচন্দ্র বলিলেন, “কাল সন্ধ্যার পর তোমার এখানে নিমন্ত্রণ রইল, আসতে ভুলো না।”

অমিয়া বলিল, “হ্যাঁ, আপনার আসা চাই। আপনার আসা চাই। আমরা আপনার প্রতীক্ষায় থাকব।”

রমেশ্বর বিদায় গ্রহণকালে বলিল, “নিশ্চয় আসব।”

পিসীমাকে প্রণাম করিয়া সে অগ্ৰমনস্বভাবে মেসের দিকে চলিল।

[ক্রমশঃ।]

শ্রীসরোজনাথ ঘোষ।

স্বামী বিবেকানন্দ ও জাতিগঠন

১

প্রায় ছাব্বিশ বৎসর পূর্বে লাহোরে এক বক্তৃতায় আচার্য্যদেব বলিয়াছিলেন, “* * বর্তমান যুগের ঘোষণা-বাণী আমাদের বলিতেছে, যথেষ্ট হইয়াছে, প্রতিবাদ যথেষ্ট হইয়াছে, দোষোদ্ঘাটন যথেষ্ট হইয়াছে, পুনঃ-প্রতিষ্ঠা পুনর্গঠনের সময় আসিয়াছে। সময় আসিয়াছে, এখন আমাদের সমস্ত বিক্ষিপ্ত শক্তিসমূহ একত্রিত করিতে হইবে, এক কেন্দ্রে কেন্দ্রীভূত করিতে হইবে এবং তাহার পর কেন্দ্রীভূত শক্তির সহায়তায় জাতিকে সম্মুখের পথে পরিচালিত করিতে হইবে। কেন না, বহু শতাব্দী হইল, উহার গতি একেবারে থামিয়া গিয়াছে। গৃহ মার্জনা ও পরিষ্কার করা হইয়াছে, এস, আবার আমরা গৃহে বসবাস করি। পথ পরিষ্কৃত হইয়াছে, আর্ঘ্য-সন্মানগণ এস, অগ্রসর হও।” *

ছত্রভঙ্গ জাতিকে সংহত করিয়া শক্তিকেন্দ্র প্রতিষ্ঠার এই মহাবাণী ঘোষণা করিয়াছিলেন স্বামী বিবেকানন্দ। বর্তমান শতাব্দীর প্রথম প্রভাত হইতেই ‘জাতিগঠন’ কথাটা আমরা নানা জ্ঞানী, গুণী ও মনীষীর নিকট শুনিয়া আসিতেছি। আজকাল ইহার আলোচনা কেবলমাত্র সভাসমিতিতেই সংবদ্ধ নহে, দুঃখত্রতী, ত্যাগী সাধকগণ সত্যই জাতিগঠন কার্যে আত্মনিয়োগ করিয়াছেন। ইহাদের নিঃস্বার্থ সাধনায় আমরা ধীরে ধীরে আত্মসংবিৎ ফিরিয়া পাইতেছি। ভেদ, দ্বন্দ্ব, বিদ্বেষ, ঘৃণা ইত্যাদি শতাব্দীসঞ্চিত কুসংস্কার যে আমাদের অনিবার্য ধ্বংসের পথে লইয়া চলিয়াছে, ইহা যেন কিয়ৎপরিমাণে বৃদ্ধিতে পারিতেছি। গঠন-কার্য্য সব সময়েই কঠিন। তাহার উপর আমাদের দেশে আরও কঠিন। বহু দিনের পরাধীনতা ও পর-মুখাপেক্ষিতার ফলে আমরা আত্মবিশ্বাস ও আত্মমর্য্যাদা হারাইয়া ফেলিয়াছি। দেহে ও মনে আমাদের এমন একটা স্বাভাবিক জড়ত্ব দেখা দিয়াছে যে, যাহার দুর্ব্বল ভার ঠেলিয়া আমাদের বাসনা কর্ম্মক্ষেত্রে

সার্থকতা লাভ করিতে পারে না। ফলে অক্ষম উত্তেজনার নিফলতা এক মোহময় আত্মবিশ্বাস আনিয়া দেয়। এই আত্মবিশ্বাসই আমাদের জাতীয়তাবোধহীন মাংসপিণ্ডে পরিণত করিয়াছে। কি ব্যক্তির জীবনে, কি জাতির জীবনে এমন ‘স্বাভাবিক’ অবস্থা অধিক দিন থাকিতে পারে না—প্রাকৃতিক নিয়মে প্রতিক্রিয়া দেখা দেয়। ক্রিয়া-প্রতিক্রিয়া যখন প্রবলাকার ধারণ করে, তখন সেই বিচিত্র সংঘাতের মধ্যে ভাববিপ্রব উপস্থিত হয়। আজ ভারতবর্ষের অনেকটা সেই অবস্থা। ‘জাতিগঠন’ কার্য্য অত্যাবশ্যক ও অপরিহার্য্য, এ সম্বন্ধে কাহারও লেশমাত্রও সংশয় নাই। কিন্তু কি উপায়ে, কি উদ্দেশ্যে আমরা এই বহলায়াসসাধ্য কার্য্যে আত্মোৎসর্গ বা আত্মনিয়োগ করিব, তাহা চতুর্দিকে সমুখিত তর্ককোলাহলে সম্যক্ বুঝিয়া উঠিতে পারিতেছি না। অনেক মনীষি-মস্তিষ্ক-মথিত নানা প্রকার সুন্দর সুন্দর ‘প্রোগ্রাম’ আমাদের সম্মুখে রহিয়াছে, কিন্তু কোনটাই আমাদের নিকট ঐচ্ছিক মনে হইতেছে না; একেবারে অসার বলিয়া উড়াইয়াও দিতে পারি না; আবার পূর্ণ বিশ্বাসে গ্রহণ করিয়া নিরলস কৰ্ম্মে প্রবৃত্ত হইবার বলভরসাও পাই না—প্রতিপদে আমাদের সংশয় হয়, প্রশ্ন উঠে, সমস্তা দেখা দেয়। ইহাই বুদ্ধিভেদ। চলিবার পথে ইহা যে একটা অপরিহার্য্য সঙ্কটময় অবস্থা, ইহা কে অস্বীকার করিবে? ইহাকে এড়াইয়া বাইবার কোন সুগম পন্থা আছে বলিয়া আমার মনে হয় না; ইহাকে অতিক্রম করিয়াই আমাদের বাইতে হইবে। এই সঙ্কটের পথে সাবধানে চলিতে অনেক বিলম্ব হইবে জানি; কিন্তু কোন কল্পিত সুগম পন্থার পশ্চাতে অনিশ্চিত আগ্রহে ইতস্ততঃ ভ্রমণ করিলে আরও অধিক বিলম্ব হইবার সম্ভাবনা।

আপনারা সকলেই দেখিতেছেন, জাতিগঠনের অতি সামান্তরূপে আরম্ভ কার্য্যও মত ও পথের তর্কে শুদ্ধপ্রায় হইবার উপক্রম হইয়াছে। আমরা যেন নৈরাশ্রে মতিভ্রান্ত হইয়াছি। কি করিব, ভাল করিয়া বুঝিয়া

* লাহোরের “হিন্দুধর্মের সাধারণ ভিত্তিসমূহ” নামক প্রদত্ত বক্তৃতা হইতে উদ্ধৃত (ভারতে বিবেকানন্দ)

উঠিতে পারিতেছি না। এমন দুঃসময়ে আমরা স্বামীজার বহুদিন পূর্বে প্রদত্ত উপদেশগুলি ও সিদ্ধান্তগুলি আলোচনা করিলে নিশ্চয়ই লাভবান হইব। আমরা বুঝিতে পারিব, ঐকান্তিক উত্তম ও অকৃত্রিম আগ্রহ সত্ত্বেও কেন আমাদের কার্য পণ্ড হয়, কিসের অভাবে কৰ্মক্ষেত্রে আমরা অক্ষরস্ত প্রেরণা লাভ করি না।

আমাদের জাতীয় ভাব

‘জাতিগঠন’ কার্যে প্রবৃত্ত হইবার পূর্বে আমরা জাতীয় ভাবের সহিত সম্যক পরিচয় লাভ করি না। ‘জাতিগঠনে’ নিযুক্ত কৰ্মী মাত্রকেই সেই জন্ত স্বামীজী পুনঃপুনঃ উপদেশ করিয়াছেন,—“প্রত্যেক মানুষের মধ্যে একটা ভাব আছে, বাইরের মানুষটা সেই ভাবের বহিঃপ্রকাশ মাত্র,—ভাষা মাত্র। সেইরূপ প্রত্যেক জাতির একটা জাতীয় ভাব আছে, এই ভাব জগতের কার্য কবুছে, সংসারের স্থিতির জন্ত ইহার আবশ্যকতাটুকু ফলে যাবে, যে দিন যে জাত বা ব্যক্তির নাশ হবে। আমরা ভারতবাসী যে এত দুঃখ দারিদ্র্য, ঘরে, বাইরে উৎপাত সয়ে বেঁচে আছি, তার মানে আমাদের একটা জাতীয় ভাব আছে, সেটা জগতের জন্ত এখনও আবশ্যক।” (প্রাচ্য ও পাশ্চাত্য)

আমাদের জাতীয় জীবনের যে মূল ভাব, যে নিগূঢ় আত্মশক্তি আছে, তাহার সহিত ঘনিষ্ঠ পরিচয়লাভ সৰ্বাগ্রে আবশ্যক। জাতিগঠনের উপায়, তাহা যতই উত্তম ও চমকপ্রদ হউক না কেন, জাতীয় ভাবের সহিত তাহার ঐক্য না থাকিলে নিচুতেই কার্যকর হইতে পারে না। এ স্থলে এমন প্রশ্ন কেহ করিতে পারেন যে, ভারতবর্ষের অতীত ইতিহাস অস্পষ্ট। মুসলমানাধিকারের পূর্বের ভারতবর্ষে কয়েকটি রাষ্ট্রবিপ্লব ও সমাজবিপ্লবের অসম্পূর্ণ আংশিক কাহিনী, বাহা নানা কাল্পনিক রূপকথায় অতিরঞ্জিত আকারে আমরা পাইতেছি, সেই প্রশ্নগুলি ইতিহাসের দ্বারা জাতীয় চরিত্রের বিকাশ ও পরিপূষ্টির কোন সার্বজনীন আদর্শ উদ্ধার করা কি সম্ভবপর? যে সমস্ত জাতি রাজনৈতিক স্বাধীনতার অপ্রতিহত অধিকার লইয়া বহুশতাব্দী ধরিয়া নিজেদের লাগ্য নিজেদের গড়িয়াছে, তাহাদের সুলিখিত ইতিহাস হইতেও

জাতীয় জীবনের একটা সার্বভৌমিক বৈশিষ্ট্য দেখান কঠিন; ভারতবর্ষে এই কার্য আরও কঠিন, কেন না, শতাব্দীচর ধরিয়া জাতীয় জীবন স্বাধীনভাবে কোন কার্য করিতে পারে নাই; কুর্খের মত সঙ্কুচিত হইয়া আত্মরক্ষার জন্ত সদা সন্ত্রস্ত জীবনযাপন—ভারতের মুসলমানাধিকারের প্রথম কয়েক শতাব্দীর ইহাই ইতিহাস। ইহার মধ্যে জাতীয় জীবনের মূল আদর্শের সৰ্বজনীন অভিব্যক্তির অনুসন্ধান বুঝা। ভারতবর্ষের জাতীয় প্রকৃতির মূলভাব জানিতে হইলে, আমাদেরকে কয়েক সহস্র বৎসর অতীতে ফিরিয়া যাইতে হইবে; এবং বর্তমানের নানা বিকৃতির মধ্যেও যে সুপ্রাচীন সত্যতা ও শিক্ষার প্রভাব আমাদের সমাজ-জীবনে রহিয়াছে, তাহার সহিত উহার সম্বন্ধ নির্ণয় করিতে হইবে। কেন না, ঐ অতীতের সহিত সম্পর্কশূন্য কোন অভিনব আদর্শ জোর করিয়া চালাইতে গেলে, জাতীয় প্রকৃতির বিরুদ্ধে আমরা অতি জঘন্য ব্যভিচার করিব। সেই জন্যই ইতিহাসের দ্বারা পরম্পরাগত জাতীয় ভাবের প্রতি স্বামীজী পুনঃ পুনঃ আমাদের দৃষ্টি আকর্ষণ করিয়াছেন।

যে সমস্ত জাতি স্বাধীনভাবে আত্মোন্নতিসাধন করিয়া ইতিহাসে বরণীয় হইয়াছে, তাহাদের সকলের মধ্যেই মানুষের কতকগুলি সাধারণ গুণ সমভাবেই বিকশিত দেখা যায়; কিন্তু সন্ধে সন্ধে ইহাও দেখা যায় যে একটা বিশেষ ভাবের বিশিষ্ট অভিব্যক্তি, এক একটা জাতিকে স্বতন্ত্র ও অনন্যনিরপেক্ষ করিয়াছে। সেই জাতির গুণ, বিদ্যা, ঐশ্বর্য্য সমস্তই সেই মূল ভাবের দ্বারা বিকৃত হইয়া রহিয়াছে। সেইটাই যেন মূল লক্ষ্য, অন্তান্তগুলি যেন তাহাকে অব্যাহত রাখিবার উপায়। বর্তমানে আমরা যে জাতির শাসনাধীন রহিয়াছি, তাহাদের জাতীয় জীবনের বিকাশের একটি প্রেরণাশক্তি অন্তান্ত জাতি হইতে তাহা-দিগকে পৃথক করিয়াছে। অপ্রতিহত ব্যক্তি-স্বাধীনতা ইংরাজ জীবনের মূলমন্ত্র। তাহাদের রাজনৈতিক বিস্তার, তাহাদের ধর্ম, সমাজ, শিক্ষা, সত্যতা, শিল্প-বাণিজ্য সমস্তই ঐ এক নীতিতে পরিচালিত। ব্যক্তি-স্বাধীনতাকে অক্ষুর রাখিতে ইংরাজ জাতি এক দিন ক্ষিপ্ত হইয়া রাজ-হত্যা করিতেও কুণ্ঠিত হয় নাই। প্রাচীন অ্যাটিকার

সৌন্দর্যের আদর্শ রাষ্ট্রিকগণের জীবনে অতি আশ্চর্য্য প্রভাব বিস্তার করিয়াছিল। সুন্দরকে জাতীয় জীবনের সমস্ত বিভাগে বিকশিত করিয়া তুলাই ছিল তাঁহাদের মূলমন্ত্র। ঝাঁকুনের উদ্ভূত অর্থ নগরীর সৌন্দর্যের উৎকর্ষ সাধনে ব্যয়িত হইত। গ্রীক-মনের এই সৌন্দর্য্যপ্ৰীতি তাঁহাদের শিল্পে, সাহিত্যে, স্থাপত্যে অতি সুগভীর রেখাপাত করিয়াছে। প্লেটো এথেনিয়ান রাষ্ট্রের সর্বশ্রেষ্ঠ প্রতিভা সৌন্দর্য্যকেই ভূমার সর্বশ্রেষ্ঠ বিকাশ বলিয়া উচ্ছ্বসিত কণ্ঠে সুন্দরের উপাসনা করিয়াছেন। মধ্যযুগে যুরোপীয় রাষ্ট্রগুলি কাল্পনিককেই মূল আদর্শ করিয়া জাতীয় জীবন গঠন করিয়াছিল। প্রাচীন ইস্রাইলগণ কঠোর নীতিপরায়ণতার সহিত জড়িত ধর্মজীবনকেই জাতীয় আদর্শরূপে গ্রহণ করিয়াছিলেন। আমাদের জাতীয় চরিত্রের মূলে যে ভাব রহিয়াছে, তাহা অতীত সভ্যতার ধনি খুঁড়িয়া আবিষ্কার করিয়াছিলেন,—স্বামী বিবেকানন্দ। সেই মূল ভাব জাতসারে অবলম্বন করিয়া ভারতের শ্রেষ্ঠ নরনারীগণ দেশসেবার মধ্য দিয়া জাতিগঠনে প্রবৃত্ত হইবেন, ইহাই নব্য ভারতের সম্মুখে তাঁহার ঘোষণা। তিনি স্পষ্ট ভাষায় কহিয়াছেন, “ভালই হউক, মন্দই হউক, সহস্র সহস্র বর্ষ ধরিয়া ভারতে ধর্মই জীবনের চরমাদর্শরূপে পরিগণিত হইয়াছে; ভালই হউক, মন্দই হউক, শত শতাব্দী ধরিয়া ভারতের বায়ু ধর্মের মহান্ আদর্শসমূহে পূর্ণ রহিয়াছে; ভালই হউক, মন্দই হউক, আমরা ধর্মের এই সকল আদর্শের মধ্যে পরিবর্তিত হইয়াছি। ঐ ধর্মভাব এক্ষণে আমাদের রক্তের সহিত মিশিয়া গিয়াছে, উহা আমাদের প্রকৃতিগত হইয়া পড়িয়াছে, আমাদের জীবনের জীবনশক্তিরূপে দাঁড়াইয়াছে। * * এই দেশের পক্ষে তাহার বিশেষত্বসূচক ধর্মজীবন পরিত্যাগ করিয়া রাজনীতি অথবা অপর কিছুকে জাতীয় জীবনের মূলভিত্তিরূপে গ্রহণ করা সম্ভব নহে। স্বল্পতম বাধার পথেই তোমরা কার্য্য করিতে পার—ধর্মই ভারতের পক্ষে এই স্বল্পতম বাধার পথ। এই ধর্মপথের অহুসরণ করাই ভারতের কল্যাণের একমাত্র উপায়।”

বহুদিন আত্মবিস্মৃত জাতির সম্মুখে, বিজাতীয় পথে স্বাতির উন্নতিসাধনের নানা বিতর্ক ও বিকল্প চেষ্টার

মধ্যে প্রথম যখন এই কথা প্রচারিত হইল যে, “ভারতবর্ষে ঐক্যবদ্ধ জাতীয় জীবনগঠনের অর্থে বৃষ্টিতে হইবে যে, বিকল্প আধ্যাত্মিক শক্তিসমূহের একত্র সমাবেশ। ইহা সুনিশ্চিত যে, ভারতে জাতি বা নেশন বলিতে এমন বহু মাহুষের সমবায় বুঝাইবে, বাহাদের হৃদয়-তন্ত্রী একই পারমার্থিক সুরে ঝঙ্কত হয়,”—তখন আমাদের চিন্তা ও চরিত্রে বাহির হইতে আরোপিত বিজাতীয় ভাবগুলি স্বাভাবিকভাবেই তারস্বরে ইহার প্রতিবাদ করিয়াছিল, এখনও করিতেছে। কিন্তু তথাপি যুগপ্রবর্তক আচার্য্য চিন্তায়, চরিত্রে পরমার্থসাধনার ভিত্তির উপর জাতীয় জীবনগঠনের যে মহান্ যুগাদর্শ প্রকটিত করিয়া অবতীর্ণ হইয়াছিলেন এবং যে মহান্ কার্য্যে দেহপাত করিয়া গিয়াছেন, সেই অমর ভাবসমষ্টি, সেই পবিত্র চিন্তাধারায় ভারতের বায়ুমণ্ডল পরিপূর্ণ এবং জাতির জাগ্রত পুরুষগণ প্রতি নিশ্বাসে সেই ভাবরাশি গ্রহণ করিতেছেন। তাহার ফলে যে অভিনব জাতীয়তা-বোধ আমাদের প্রবুদ্ধ চৈতন্যের মধ্য দিয়া জাতীয়-চরিত্রের এক সুনিশ্চিত বৈশিষ্ট্যরূপে প্রকাশিত হইতেছে, ইহা গভীর মনঃসংযোগ ব্যতীত সহসা ধারণ করা অসম্ভব। আজ জগতের সর্বত্র স্বার্থ-সংঘাতের যে বিক্ষোভ দেখা দিয়াছে, তাহার আঘাতের পর আঘাতে অস্থি মজ্জায় কম্পাঙ্কিত হইয়া যাহারা বহিঃশক্তি ধারাই ব্যাহত করিবার উপায় চিন্তা করিতেছেন, এই সত্য তাঁহাদের চঞ্চল মানসে কখনই উদ্ভাসিত হয় না, আর যাহারা বাহিরের শক্তিকে প্রতিহত করিবার জন্য আত্মশক্তির সন্ধানে রত হইয়াছেন, যাহারা একান্তে চিন্তা করিতেছেন, নির্জনে ধ্যান করিতেছেন, কঠোর সাধনায় অটুট নিষ্ঠায় সত্যাত্মসন্ধান করিতেছেন, তাহারা এই ধ্বংসের মহাশ্মশানে মহাকালের বক্ষে সৃষ্টির উজ্জত বরাভয় দেখিয়া অহুঃখিত চিত্রে জাতিগঠনে নিযুক্ত হইতেছেন। তাহারা দেখিতেছেন, ভারতের অতি প্রাচীনকালের গোত্রসংবদ্ধ জাতীয় জীবনের প্রথম সুরণ হইতে আজ পর্য্যন্ত ঐ এক পরমার্থসাধনার ভিত্তির উপর জাতীয়-জীবন গঠিত হইয়াছে। ঐ মূল তত্ত্বের সাধন, সংরক্ষণ ও প্রচার—এই লক্ষ্যের প্রতি ক্রম দৃষ্টি রাখিয়া ভারতবর্ষ তাহার রাষ্ট্র-সমাজ, শিল্প, সাহিত্য

সৃষ্টি করিয়াছে; আমাদের জাতীয় জীবনের সমস্ত তত্ত্বের বিভাগই এই পরমার্থাত্মক অতুলনীয় বৈশিষ্ট্যে অক্ষুরঞ্জিত। আমাদের প্রাচীন রাষ্ট্রব্যবস্থা আজ প্রায় নিশ্চিহ্ন হইয়া মুছিয়া গিয়াছে, কিন্তু সমাজ-বিজ্ঞানের প্রতি চাহিয়া দেখিলে পরমার্থসাধনের সার্বজনীন লক্ষ্যের অনেক স্মৃতি-চিহ্ন খুঁজিয়া পাওয়া যায়। সহস্র সহস্র বৎসরেও জাতির এই মূল ভাবের কোন পরিবর্তন হয় নাই। অবস্থার পরিবর্তন হইয়াছে, যুগে যুগে নানা নূতন সম্প্রদায় উঠিয়াছে; কখনও বিকশিত, কখনও সঙ্কুচিত, কখনও বা একেবারে বিলুপ্তপ্রায় হইয়াও ভারতের এই আদর্শ বিনাশ প্রাপ্ত হয় নাই। ইসলাম-পতাকাবাহী বে মহিয়াজাতি নূতন ধর্ম, নূতন নীতি, নূতন আচারপদ্ধতি লইয়া উন্নত বিজয়ী বেশে ভারতবর্ষে আসিয়াছিলেন, ভারতের আদর্শ তাঁহারাও আত্মস্থ করিয়া লইয়াছেন; একই ভাগ্যানুভূতি গাঁথা পড়িয়াছেন। ভারতের জাতীয় জীবনের এই মূলভাব পরমার্থসাধনাকে আমরা কোন বিশেষ সংজ্ঞা দ্বারা নির্দেশ করিতে চাই না, কোন বিশিষ্ট সম্প্রদায়ের আদর্শরূপে ইহাকে দেখিতেও পারি না—ভারতবর্ষের আপাতপ্রতীয়মান বিরুদ্ধভাবাপন্ন বহুবিধ সম্প্রদায়ের মিলনের ভিত্তিস্বরূপ যুগযুগান্ত ধরিয়া ভারতবর্ষে যে আদর্শ দিয়াছে, সেই কল্যাণমূর্ত্তে ‘মণিগণা ইব’ সকল বৈচিত্র্য একের মধ্যে বিবৃত হইয়া অখণ্ডরূপে অবিভক্ত জাতীয় জীবন পর্যাবসিত হইবে। সাধকের ধ্যান-নেত্রে তাহাই উপলব্ধি করিতে চাই।

জাতিগঠনের উপাদান ও আদর্শ

অতি প্রাচীনকালের কথা ছাড়িয়া দিলেও, এমন কি, বৌদ্ধ উপপ্লাবনের কথা না তুলিলেও, মোগল ও পাঠান যুগেও এই জাতি-গঠনের চেষ্টা একেবারে স্তব্ধ ছিল না। ভারতবর্ষ তাহার জাতীয়তার আদর্শে যে সমস্ত মহানু চরিত্র সৃষ্টি করিয়াছিল, তাহার মধ্যেও আমরা গঠনের প্রয়াস দেখিতে পাই। শ্রীচৈতন্য ও নানক, কবীর ও দাদু ইত্যাদি মহাপুরুষগণ পরমার্থসাধনার ভিত্তির উপরই সনাতন ও ইসলাম এই দুই পরস্পর-বিরোধী আদর্শের অপূর্ণ সমন্বয়সাধন করিয়া জাতি-গঠনের

পথ প্রদর্শন করিয়াছিলেন। আর ষুটিশ যুগে রাম-মোহন ও রাণাড়ে, দয়ানন্দ ও বিবেকানন্দ, সার সৈয়দ হোসেন ও হাজী মহম্মদ, তিলক ও অরবিন্দ, মহাত্মা গান্ধী ও তাঁহার পতাকাবাহিগণ পরস্পরের মধ্যে বহু পার্থক্য সত্ত্বেও জাতি-গঠনের যে আদর্শ স্ব স্ব চিন্তা ও চরিত্রে দেখাইয়াছেন, তাহা নিশ্চিতই পরমার্থ-সাধনার ভিত্তির উপর প্রতিষ্ঠিত। এ দেশের সমাজ-বিজ্ঞান, সাহিত্য-সৃষ্টি, শিল্পকলার উৎকর্ষ, এমন কি, রাজ-নীতিক অধিকারলাভের চেষ্টা পর্যন্ত ঐ পরমার্থ-সাধনার অল্পকূলভাবে জাতসারে বা অজাতসারে অহুষ্ঠিত হইয়া আসিতেছে। ভারতীয় চরিত্রের এই যে প্রকৃতিগত স্বাতন্ত্র্য, ইহা পরস্পর বিবাদরত, যুট জন-সমষ্টির মধ্যে এখনও বিশৃঙ্খলভাবে ছড়াইয়া রহিয়াছে,— এইগুলিকে কেন্দ্রীভূত করিবার জন্ত যে দিন আমরা কোন সার্থক উপায় গ্রহণ করিতে পারিব, সেই দিনই পুরাতনের ভিত্তির উপর ভারতীয় নূতন সভ্যতা গড়িয়া উঠিবে। জাতীয় চরিত্রের সেই সুপ্তশক্তি জাগ্রত হইবে। বর্তমান শতাব্দীর প্রথম হইতে আমরা যে ভাবে বাহিরের স্বার্থকেই জাতি-গঠনের মূল ভিত্তিরূপে গ্রহণ করিয়াছি, তাহা পরিত্যাগ করিতে হইবে। ঐহিক স্বার্থের প্রলোভন দ্বারা ভারতবর্ষে জাতি-গঠন সম্ভবপর হইবে না। স্বার্থের বন্ধনে বিচ্ছিন্ন অংশগুলিকে একত্র বাঁধিয়া আমরা যেমন ভারতীয় জাতি-গঠন করিবার চেষ্টা করিতে উদ্যত হই, ঠিক সেই সময়েই সাম্প্রদায়িক বিরোধ হঠাৎ অত্যন্ত মর্মান্তিকরূপে বীভৎস হইয়া উঠে। ইহাতে আমরা পশুশ্রমের জন্ত বিরক্ত হই, মনে মনে বড় দুঃখ পাই; কিন্তু শিক্ষা লাভ করি না। অনেক ক্ষেত্রে বিরোধের সমস্ত দায়িত্ব পরের স্বন্ধে নিক্ষেপ করিয়া লোকচক্ষুতে ধূলি দিবার চেষ্টা করি সত্য, কিন্তু অন্তরে কোন সাঙ্ঘনা লাভ করি না। আমাদের জাতি-গঠনের সমস্ত আশাতরসা যখন বারংবার ব্যর্থতার পাষণ্ড-প্রাচীরে উন্নতের মত মাথা ঠুকিয়া আত্মহত্যা করিতে বসিয়াছে, যখন জাতির জাগ্রত পুরুষগণ মর্ম-বেদনায় নৈরাশ্রে ক্ষুব্ধ হইতেছেন, তখন এ সম্বন্ধে স্বামী বিবেকানন্দ যে আদর্শ আমাদের সম্মুখে ধরিয়াছিলেন, তাহা স্মরণ করার আবশ্যিকতা বোধ করিতেছি। কথাটা

অতি পুরাতন; হয় ত আপনারা অনেকেই ইহা জানেন, বছবার পাঠ করিয়াছেন। তথাপি দুঃসময়ে অতি সহজ পুৰাতন কথাই বিশ্বাস হইতে হয়। স্বামীজী ১৮৯৮ খৃষ্টাব্দে নাইনোতালস্থ কোন মুসলমান ভদ্রলোককে লিখিয়াছিলেন,—

“* * উহাকে আমরা বেদান্তই বলি আর যা-ই বলি, আসল কথা এই যে, অদ্বৈতবাদ ধর্মের এবং চিন্তার সব শেষের কথা। এবং কেবল অদ্বৈতভূমি হইতেই মানুষ সকল ধর্ম ও সম্প্রদায়কে পীড়িত করিতে দেখিতে পারে। আমরাই বিশ্বাস যে, উহাই ভাণী সুশিক্ষিত মানব-সাধারণের ধর্ম। হিন্দুগণ অসঙ্গ জাতি অপেক্ষা নীচ নীচ এই তত্ত্বে পৌছানব বাগদাতীটুকু পাইতে পারে (কাবণ, তাহারা কি হিন্দু, কি আমরা জাতি অপেক্ষা প্রাচীনতর জাতি); কিন্তু কর্ম-পরিণত বেদান্ত (Practical Vedantism) বাহ্য সমগ্র মানবজাতিকে নিজ আত্মা বলিয়া দেখে এবং তাহার প্রতি তদনুরূপ ব্যবহার করিয়া থাকে,—তাহা হিন্দুগণের মধ্যে সার্বজনীনভাবে পুষ্ট হইতে এখনও বাকী আছে।

“পক্ষান্তরে, আমাদের অভিজ্ঞতা এই যে, যদি কোন যুগে কোন ধর্মাবলম্বিগণ দৈনন্দিন ব্যবহারিক জীবনে প্রকাশরূপে এই সাম্যের সমীপবর্তী হইয়া থাকেন, তবে একমাত্র ইসলামধর্মাবলম্বিগণই এই গৌরবের অধিকারী। হইতে পারে, এবং বিধি আচরণের যে গভীর অর্থ এবং উহার ভিত্তিস্বরূপ যে সকল তত্ত্ব বিদ্যমান, তৎসম্বন্ধে হিন্দুগণের ধারণা খুব পরিষ্কার, কিন্তু ইসলামধর্মাবলম্বিগণের তদ্বিষয়ে সাধারণতঃ কোন ধারণা ছিল না, এইমাত্র প্রভেদ।

“এই হেতু আমাদের দৃঢ় ধারণা যে, বেদান্তের মতবাদ যতই সূক্ষ্ম ও বিস্ময়কর হউক না কেন, কর্ম-পরিণত ইসলামধর্মের সহায়তা ব্যতীত তাহা মানব-সাধারণের অধিকাংশের নিকট সম্পূর্ণরূপে নিরর্থক। আমরা মানবজাতিকে সেই স্থানে লইয়া যাইতে চাই, যেখানে বেদও নাই, বাইবেলও নাই, কোরাণও নাই, মানবকে শিখাইতে হইবে যে, ধর্মসকল কেবল একরূপ সেই একমাত্র পরমার্থসাধনারই বিবিধ প্রকাশ মাত্র, সুতরাং প্রত্যেকেই যাহার যেটি সঙ্গী অপেক্ষা উপযোগী, তিনি সেটিকেই বাছিয়া লইতে পারেন।

“আমাদের মাতৃভূমির পক্ষে হিন্দু ও ইসলামধর্মরূপ এই দুই মহান মতের সমন্বয়ই—বৈদান্তিক মস্তিষ্ক এবং ইসলামীয় দেহ—একমাত্র আশা।

“আমি দিব্যচক্ষে দেখি তচ্ছ বর্তমানের বিশৃঙ্খলা-বিরোধের মধ্য দিয়া ভবিষ্যতের অপরাভেদ ও গরিমাময় ভারতবর্ষ বেদান্ত-মস্তিষ্ক ও ইসলাম দেহ লইয়া অখণ্ডরূপে উৎপিত হইতেছে।”

বিরোধ যেখানে এত প্রবল, বৈচিত্র্য যেখানে এত অধিক, সেখানে জাতিগঠনের সমস্তা অতি কঠিন হইলেও, নবযুগের এই অমরবাণী আমাদের চেতনাকে প্রতিনিয়ত গঠনকার্যে আস্থান করিতেছে। মানুষে মানুষে ভেদ প্রথানে যতই প্রবল হউক, কোন অবস্থাতেই মানুষের হৃদয় মানুষের হৃদয়ের আস্থানকে তিরদিন প্রত্যাখ্যান করিতে পারে না। স্বার্থ দ্বারা নহে, বাহিরের কোন সম্পদপ্রাপ্তির প্রলোভন দ্বারা নহে, পরমার্থসাধনার সংরক্ষণ ও প্রচারের দায়িত্বভূতি দিয়াই আমরা ভারতবর্ষে সহগের অন্তঃকরণকে স্পর্শ করিতে পারিব। জাতীয় জীবন সমষ্টিশক্তির উদ্বোধনের মহাপ্রয়াসকে ত্যাগের দ্বারা—সেবার দ্বারা সার্থক করিয়া তুলিব। যেখানে মহৎ আদর্শের সাধনায় আত্ম-বিসর্জন নাই, সেখানে জাতিগত গৌরববুদ্ধির সার্থক অভিমানের অভাবে জাতির আত্মচেতনা ক্ষুদ্রিত হয় না—ইহা নিশ্চিত বুদ্ধিয়া আমরা বৈদেশিক সহিত দেশের প্রাণের সহিত, জাতির আত্মার সহিত আমাদেরকে পরিচিত হইতে হইবে। ‘দেশের নিকট যোল আনা ধরা না দিলে দেশ কি কাছাকেও ধরা দেয়’—জৈনক শ্রেষ্ঠ কর্ম-যোগীর জীবনব্যাপী অভিজ্ঞতা হইতে উচ্চারিত এই মহাবাক্য আমাদের প্রতিপদে স্মরণ রাখিতে হইবে।

ভবিষ্যতের অখণ্ড জাতিদেহের অঙ্গ-প্রত্যঙ্গের পরিপুষ্ট ও বিকাশের পুঙ্খানুপুঙ্খরূপ আলোচনা এ স্থলে আমরা করিতে চাহি না, কেবল জাতির প্রাণশক্তিকে যে ভাবে স্বামী বিবেকানন্দ অমুভব করিয়াছিলেন, তাহারই কথঞ্চিৎ আভাস দিবার চেষ্টা করিয়াছি। প্রাণশক্তির নানাধিকার উপর যেমন জীবদেহের পরিপুষ্টির ভারতম্য নির্ভর করে, জাতিদেহের প্রাণশক্তির

সঙ্কোচ ও বিকাশের উপরও ঠিক তেমনই জাতীয় জীবনের উত্থান-পতন নির্ভর করে। পুনঃ পুনঃ উত্তেজক সুরা পান করাইলে জীবনীশক্তিহীন জীর্ণ দেহ যেমন প্রতিক্রিয়ার মুখে অবসন্ন হইয়া মৃত্যুর কোলে ঢলিয়া পড়ে, তেমনই ভাবে বাহির হইতে ধারকরা কোন ভাবে জোর করিয়া কোন জাতির মনে সঞ্চার করিবার দিলে, প্রতিক্রিয়ার মুখে সন্দেহ ও নৈরাশ্যের অবসাদই সৃষ্টি করে। বিগত শতাব্দীর সমস্ত ব্যর্থ প্রকল্পেব নিষ্ফলতার ইতিহাস হইতে স্বামী বিবেকানন্দ এই শিক্ষা লাভ করিয়াছিলেন। পনত্রাজ সমগ্র ভারত-বর্ষ ভ্রমণ করিয়া তিনি যখন ভারতবর্ষের শেষ প্রান্ত-খানির উপর বসিয়া কচ্ছাকুমারীতে তন্নয়নধানে নিমগ্ন হইয়াছিলেন, তখনই ঐক্যবন্ধ অথও ভারতবর্ষ ঠাঁহার ধ্যানে উচ্ছ্বসিত হইয়া উঠিয়াছিল; তখনই তিনি বুঝিয়াছিলেন, পরমার্থসাধনার সার্বভৌমিক আদর্শই হইবে নবজাতীয়তার ভিত্তি। পরমার্থকে অবজ্ঞা করিয়া কেবল ঐহিককে কামনা করিয়া আমরা পরমার্থও হারাইয়াছি, ঐহিকেরও সমস্ত সম্পদ হইতে বঞ্চিত হইয়াছি। শিল্প, বাণিজ্য, যান-বাহন, রাষ্ট্রীয় অধিকার এ সমস্তই চাই,

ঐহিকের জন্ত নহে, পরমার্থসাধনার অমুকুল বলিয়াই চাই।

পরের অমুকরণ করিয়া এক ঐতিহাসিক গ্রন্থের রচনা করিবার জন্ত সহস্র সহস্র বৎসর আমরা ভারত-ভূমিতে টিকিয়া নাই—আমাদের পরভাব-প্রমত্ততাকে সংহত করিয়া ইহা নিঃশেষে বৃষ্টিতে হইবে। আমাদের স্বদেশের ইতিহাসের সত্যকে দুঃসাধ্য সাধনার মধ্যে গ্রহণ ও বরণ করিবার শুভদিন সমাগত। জাতির অন্তর্নিহিত আত্মশক্তির সহিত বিবেকানন্দ আমাদের যে পরিচয়সাধন করাইয়া দিয়াছেন, তাহাকে তপস্চার দ্রুত উত্তমের দ্বারা নব সৃষ্টির রূপান্তর ফুটাইয়া তুলিবার ব্রত কি আমরা আজও গ্রহণ করিব না? আমাদের সমস্ত বিক্ষিপ্ত চেষ্টি ও উদ্ভ্রান্ত চিন্তাকে সংযত করিয়া জাতিগঠনের মহাসাধনার আত্মনিয়োগ করিতে কি আমরা বিমুখ হইব? *

[ক্রমশঃ ।

শ্রীসত্যেন্দ্রনাথ মজুমদার ।

* ১৯১১-১২ সপ্তমিক বিঃস্বাক্ষরকাল সোমাইটি হলে 'বিনেও-নন্দ স্মৃতির' সাপ্তাহিক অধিবেশনে পঠিত।

বিবাহ-লগন

অশোকের শোণ শাখা, ঘনাক্রম কৃষ্ণচূড়াদলে,
পলাশের তাম্রপুঞ্জ, সিন্দূরাক্ত চূতের কসলে,
গৈরিক শিখরতলে, রক্তদেহে প্রত্যাষ রবির
ব্যক্ত হয়ে উঠে ঐ যেন কোন যৌবন গভীর !
কার যেন বক্ষোরাগ লাল হয়ে জাগে দিকে দিকে,
শাখত কাহিনী কোন বিশ্বমঞ্চে যায় লিখে লিখে।
বৈশাখের বায়ুশ্রোতে কাহাদের উন্মুখ রভস
নুহু হয়ে ছুটে গেলে প্রচঞ্চল করি দিক দশ !
সহসা সবার মাঝে রুদ্ধ করি সর্ব চপলতা
একটি সংযত গীতি বহি আনে স্বর্গের বারতা,
অসীম কালের ক্রোড়ে অভিনব বিশ্বয়ের প্রার
একটি লগন শুভ জন্ম নিল মধুর লীলায় !
অমৃতের পাত্র দুটি হাতে তার ভলিল উচ্ছল
আনন্দে প্রাবিত করি ধরণীর ব্যাধিত অঞ্চল।

সর্ব-দুঃখ-দৈনিক কৃতি মাধুর্য্যতে পরিপূর্ণ করি
একখানি স্মিত হাসি স্মৃষ্টি লভে শূন্যতারে ভরি !
অস্থির প্রতীক্ষা মাঝে একখানি অনঙ্গ-আসর
আসন্ন করিয়া তোলে দম্পতির মিলন-বাসর !
বিবাহের এ লগন,—এ যে বড় প্রহেলিকাময়,
ইহার অন্তরতলে আছে মহা সত্যের বিজয় !
এ নহে নূতন ওগো, যুগে যুগে এই প্রহেলিকা
সৃষ্টির মঙ্গলতরে সন্দীপিল পূত প্রেমশিখা ;
ভস্মীভূত মদনেরে পুনরায় সঞ্জীবিত করি
স্বর্গের কল্যাণরূপ নরলোকে তুলি দিল ধরি।
এই প্রহেলিকাচ্ছলে অব্যক্তের প্রকাশের পীড়া
আনন্দে পূর্ণতা লভি বধুগণে ঐকি দেয় ব্রীড়া।

শ্রীশৈলেন্দ্রকুমার মল্লিক ।

আবদুল করিম—রিফেরাণা প্রতাপ

গাজী মহম্মদ বিন আবদুল করিম বুর্জি মুর যুদ্ধে শেষ রক্ষা করিতে পারিলেন না। অন্ততঃ করাসী ও স্পেনীয় পক্ষের তারের সংবাদে এইরূপ বুঝা বাইতেছে। যদিও করাসী তাঁহার সদস্ত উক্তির সার্থকতা সম্পাদন করিতে পারেন নাই, মুরদেশের বধীর পূর্বেই যুদ্ধ শেষ করিবেন বলিয়া যে সদর্প ঘোষণা করিয়াছিলেন, তাহা সকল করিতে পারেন নাই; যদিও এখনও সংবাদ আসিতেছে যে, আবদুল করিমের রাজধানী আজদির স্পেনীয়দিগের দ্বারা অধিকৃত হইয়াছে, তিনি রিফেরাণা দুর্গম পার্বত্য অঞ্চলে পলায়ন করিয়া আশ্রয়লাভ করিতেছেন, পরন্তু মুরা দলে দলে করাসীর নিকট প্রত্যাহ আশ্রয়-সমর্পণ করিতেছে এবং ফারাসীরা ক্রমশঃ ঘাটির পর ঘাটি পলায়ন করিয়া আবদুল করিমকে বেড়াডালে ঘিরবার উপক্রম করিতেছে,—এমনি এখনও শেষ মীমাংসা কি ভাবে হয়, সে সম্বন্ধে কোনও স্থিরতা নাই। আবদুল করিম ইতঃপূর্বে ঘোষণা করিয়াছিলেন যে, যতক্ষণ মুর জাতির দেহে এক বিন্দু রক্ত থাকিবে, ততক্ষণ পর্যন্ত তাহারা যুদ্ধে ক্ষান্ত হইবে না,—শেষ তাহারা তাহাদের অস্ত্রপুর্চারীদিগকে হত্যা করিয়া অসিহস্তে মৃত্যুমুখে ঝাঁপাইয়া পড়িবে। মুররা বীরশক্তি, তাহারা কষ্টসহিষ্ণু, ধর্মশীল, উৎসাহী ও সাহসী জাতি। তাহাদের স্বাধীনতা সর্বদা প্রধান ধর্ম। সেই স্বাধীনতারক্ষার জন্ত যে তাহারা প্রাণপণ করিয়া বহুদিন পর্যন্ত যুদ্ধ চালাইবে, তাহাতে সন্দেহ নাই। সুতরাং ইতোমধ্যেই যুদ্ধের জয়পরাজয় সম্বন্ধে কিছুই নিশ্চিত সিদ্ধান্ত করা কর্তব্য নহে।

এ দিকে কিন্তু স্পেনদেশে মহা উৎসব ও আনন্দের ঘটা পড়িয়া গিয়াছে। স্পেনের ডিক্টেটর ও প্রধান সেনাপতি জেনারেল ডি রিভেরা মুর যুদ্ধ 'জয়' করিয়া গত ১২ই অক্টোবর তারিখে রাজধানী মাদ্রিদ সহরে প্রত্যাবর্তন করিয়াছেন। তাহার অভ্যর্থনার জন্ত স্পেনীয়রা বিপুল আয়োজন করিয়াছিল। তাহারা তাঁহাকে 'দেশের ত্রাণকর্তা'রূপে অভিনন্দিত করিতেছে, পরন্তু মুরযুদ্ধ-জয়ী বলিয়া 'প্রিন্স অফ আলহসিমা'স' পদবী দ্বারা ভূষিত করিয়া তাঁহাকে সম্মানিত করিতে প্রস্তুত হইয়াছে।

আলহসিমা মুরদেশের উত্তর-পশ্চিম সীমান্তে একটি উপসাগর ও প্রদেশ,—আলহসিমা নামে একটি সহরও আছে; এই স্থানে স্পেনীয় সৈন্যরা জাহাজ হইতে অবতরণ করিয়া আজদির দখল করিতে

অগ্রসর হইয়াছিল। স্পেনের রাজা আলফনসো আনন্দে অধীর হইয়া তাহার সেনাপতিকে বাহু প্রসারণ করিয়া আলিঙ্গন করিয়াছেন।

এই সকল দেখিয়া শুনিয়া মনে হয়, হয়ত আবদুল করিম অপর দিকে প্রবল করাসীর সহিত যুদ্ধে বাপৃত থাকিয়া আলহসিমা প্রদেশের দিকে স্পেনীয়দিগের নিকটে যুদ্ধে হটরা গিয়াছেন। এরূপ ত সম্ভব ছিল না, কেন না, প্রথমে যখন কেবল স্পেনের সহিত যুদ্ধ হয়, তখন আবদুল করিম স্পেনীয়দিগকে রিফেরাণা হইতে নিতাড়িত করিয়া সমুদ্রতটে কোণঠেসা করিয়াছিলেন। সেই স্পেনীয় যুদ্ধের ইতিহাস মনোরম। এই স্থানে তাহার আলোচনা অগ্রাসঙ্গিক হইবে না।

স্পেনীয় ও মুরের সংগ্রাম আধুনিক নহে, বহু শতাব্দীর মুরা একদিন সর্দার জিব্রালটার প্রণালী অতিক্রম করিয়া স্পেন দেশের অর্ধাংশেরও অধিক অধিকার করিয়াছিল। এমনি স্পেনের প্রাচীন প্রিন্সিপালিটি সহরে তাহাদের বহু স্থাপত্য-কীর্তি বিদ্যমান। আলহসিমা প্রদেশ তন্মধ্যে অন্যতম। তাহার পর বহু যুগ শাসনের পর মুরা স্পেনের কাষ্টাইল প্রদেশের রাণী ডোনা ইসাবেল ও তাহার স্বামী আরাগন প্রদেশের রাজা ফার্দিনান্ডের সংমিলিত বাহিনীর নিকট পরাজিত হয়। রাণী ইসাবেল মুসলমান মুরের জেহাদের বিপক্ষে খৃষ্টান ক্রুসেড ঘোষণা করেন। তিনি তাহার কন্যাকে বলিয়া বাধেন,—“আমি আমার কন্যা ও জামাতাকে অনুরোধ ও আদেশ করিয়া বাইতেছি যে, তাহারা যেন খৃষ্টানধর্ম রক্ষণে সর্বদা বহুবান্ধব থাকে এবং ইহাকে কর্তব্য বলিয়া মনে করে। বিংশ শতাব্দীর মুসলমানদিগের বিপক্ষে তাহারা যেন কখনও যুদ্ধ নিবৃত্তি



মুরদেশে আবদুল করিম

না দেয় এবং আফ্রিকা দেশ জয় বত দিন না সম্পন্ন হয়, ওত দিন তরবারি ত্যাগ না করে।”

তদবধি স্পেনীয় ও মুরে যুদ্ধ চলিয়া আসিতেছে। স্পেনীয়রা

ক্রমে আফ্রিকার মুরদেশের কতকাংশ যুদ্ধে জয় করে। রানী ইসাবেলের বংশধর অষ্টীয়ার হাপসবার্গ ও ফ্রান্সের বুরবৌ বংশ তাঁহাদের পূর্বপুরুষের এই ঘোষণার আদেশ সর্পতোভাবে পালন করিয়া আসিতেছেন। ফরাসীরা আফ্রিকার অনেক অংশ আক্রমণ ও জয় করিয়া ফরাসী সাম্রাজ্যের অন্তর্ভুক্ত করে; মুরদেশের দক্ষিণাঞ্চলে ফরাসীর 'রক্ষিত রাজ্য' আছে। এখন ফরাসী ও স্পেনীয় উভয় জাতিই একযোগে রানী ইসাবেলের আদেশপালনে বদ্ধপরিকর হইয়াছে।

ফরাসীরা মুরদেশে তাহাদের মনোমত এক স্থলতান পাড়া করিয়াছে, তাঁহার নাম, মূলে ইউসুফ। তিনি মরক্কোর ফরাসী শাসনকর্তা মার্শাল লিওটের ক্রীড়নক মাত্র। মুরদিগের আইন অনুসারে তিনি মরক্কোর স্থলতান হইতে পাঠেন না। কেন না, তাঁহার দুই জ্যেষ্ঠ ভ্রাতাই স্মৃত্যুতঃ মরক্কোর স্থলতান, ফরাসীরা তাঁহাদিগকে বলপূর্বক সিংহাসনচ্যুত করিয়াছে। মূলে ইউসুফের পুত্র যিনি মুর সিংহাসন অধিকার করিয়াছিলেন, তাঁহার নাম মূলে হাফিদ, তিনিই প্রকৃত রাজা। কিন্তু ফরাসীরা যখন দেখিলেন যে, মূলে হাফিদ স্বাধীনভাবে রাজ্যশাসন করিতে উদ্যত হইয়াছেন, তখনই অমনত তাঁহারা তাঁহাকে সিংহাসনচ্যুত করিয়া স্পেনদেশে নিকাসিত করিলেন। এখন তিনি স্পেনেই বন্দীরূপে অবস্থান করিতেছেন। এই ভাবে দেশের স্বাধীনতা অপহৃত হইয়াছেই আবদুল করিম খানের স্বাধীনতারক্ষায় শত্রুদিগের বিপক্ষে অস্ত্রধারণ করিয়াছেন। তিনি কোনও প্রাচীণ দেশীয় সংবাদ-সংগ্রাহকে বলিয়াছেন— "যদিই বা আমরা ফরাসী শাসনকর্তা জেনারল লিওটের ক্রীড়নক কোনও মুর আরব স্থলতানের কর্তৃত্ব মানিয়া চলিতে সম্মত হই, তাহা হইলেও এ কথা অস্বীকার করা যায় না যে, মূলে ইউসুফের মুর সিংহাসনে কোনও স্থাধা দাবী নাই। তাঁহার ভ্রাতারাই সিংহাসনের যথার্থ স্থাধা অধিকারী; কিন্তু তাঁহাদিগকে বলপূর্বক সিংহাসনচ্যুত করা হইয়াছে। তাহার কারণ এই যে, তাঁহারা ফরাসী ও স্পেনের মনোমত পোষ মানেন নাই। আপনারা কি মনে করেন, মুরের মত অতীত গৌরবে গৌরবান্বিত স্বাধীনতাপ্রিয় বীর জাতি ইউসুফের মত ক্রীড়ার পুস্তলের কর্তৃত্ব মাথা পাতয়া মানিয়া লইবে? যদি ফেজ সহরের কোনও স্থলতানের মুরদেশ শাসন করিবার অধিকার থাকে, তবে তিনি মূলে হাফিদ, মূলে ইউসুফ নহেন। কিন্তু আমরা তাঁহার রাজত্ব মানি না, তাহা আমাদের মূলনীতি। আমরা—মুরজাতি খণ্ডবতঃ স্বাধীন, আমরা কোনও রাজা মানি না।"

ইহা হইতেই বুঝিতেছেন, কেন আবদুল করিম স্পেনের বিপক্ষে স্বাধীনতা-যুদ্ধে অগ্রতীর্ণ হইয়াছিলেন। এখন জিজ্ঞাস্য এই আবদুল করিম কে—মুরদেশে কর্তৃত্ব করিবার ইহার অধিকার কি?

আবদুল করিমকে যুরোপীয়রা আবদুল করিম নামে অভিহিত করিয়া থাকেন, কিন্তু তাঁহার প্রকৃত নাম মহম্মদ বিন আবদুল করিম। খ্রীঃ ১২ বৎসর পূর্বে মুরদেশের স্পেনীয় রাজধানী মেলিলা সহরে

তাঁহার জন্ম হয়। তাঁহার পিতার নামও ছিল আবদুল করিম, তিনি মেলিলায় আরব ও রিফ মুরদিগের 'কাদি' বা সর্দার ছিলেন। ঐ অঞ্চলের মুরদিগকে বেগী ওয়ারিয়াঘেল বলে। এতদঞ্চল ভূমধ্যসাগরের আলহসিমা উপসাগরের উপকূলে অবস্থিত।

স্পেনীয়রা সেই সময়ে রিফ দেশ অধিকার করিয়া তথায় শান্তি প্রতিষ্ঠিত করিয়াছিলেন। স্পেনীয়রা মেলিলা সহর ও প্রদেশ রক্ষা করিবার অছিলায় সমগ্র পূর্বাঞ্চলের নানা স্থানে সামরিক ঘাঁটি ও আড্ডা বসাইয়াছিলেন। তখন স্পেনীয়দিগের বর্বরতা ও নিষ্ঠুরতার মরক্কোর উত্তর ও পূর্বাঞ্চল একবারে অস্তির হইয়া উঠিয়াছিল। বেগী ওয়ারিয়াঘেল বেগী বাউফ্রা ও বেগী তাউজিন অঞ্চলে স্পেনীয়রা যে

সমস্ত punitive expeditions প্রেরণ করিয়াছিলেন, তাহা মেলিলা প্রদেশে কটেজের 'অগ্নি ও তণ্ডবারির কীড়া' স্মরণ করাইয়া দেয়।

মহম্মদ আবদুল করিম বালাকাল হইতেই স্পেনের এই কঠোর শাসনের বিষয়ে অভিজ্ঞতা লাভ করিয়াছিলেন। স্পেনীয়দিগের অনুগ্রহেই তাঁহার পিতা মেলিলায় মুরদিগের কাদী (বিচারক) ও একরূপ শাসনকর্ত্তরূপেই নিযুক্ত হইয়াছিলেন। মেলিলায় পদতবাসী রিফ-মুরদিগের নিকট তিনি বালাকাল হইতেই স্পেনের অভ্যুত্থানের কথা জানিয়াছিলেন ও স্পেনের প্রতি যুগ্মের ভাব গ্রহণ করিয়াছিলেন। রিফের দশ বৎসর বয়স বালক স্পেনকে শত্রুরূপে মনে করিতে অভ্যস্ত হয়। আবদুল করিম সেই প্রভাবের চপ্ত এড়াইতে পারেন নাই। বিশেষতঃ বেগী ওয়ারিয়াঘেল মুররা মত অধিক স্পেনীয় অভ্যুত্থানের ভোগ করিয়াছিল, এত অন্য কোনও মূবই করে নাই। তাই আবদুল করিম বালাকাল হইতেই স্পেনের শত্রু।

মহম্মদ আবদুল করিম প্রথমে মেলিলায় আরব পাঠশালায় কোরাণ শিক্ষা করেন তাহার পর অন্যান্য মুসলমান ধর্মগ্রন্থ পাঠ করেন। হাতে মুসলমান

ধর্মগ্রন্থে ও আইনে তাঁহার অভিজ্ঞতা লাভ হয়। ১৩ বৎসর বয়সে তিনি মেলিলায়ই এক স্পেনীয় স্কুলে স্পেনীয় ভাষা, ইতিহাস, সাহিত্য, ভূগোল, গণিত, হিসাব ও খৃষ্টানধর্মের প্রাথমিক পাঠ অভ্যাস করেন।

যৌবনে তিনি মেলিলায় পিতার হইয়া কাজীর কায় করিতেন। তাঁহার আফিসের নাম ছিল Oficina Indigena. ১৯১১ হইতে ১৯১৮ খৃঃাব্দ পর্যন্ত তিনি এই আফিসে উকীল, এটর্নী ও কাজীর কায় করিয়াছিলেন। কেন না, লোকের পাঠা কবুলতি লিখা বা পরীক্ষা করা এবং রিফের ধাতুসম্পদের সম্পর্কিত আইনকানুন নাড়াচাড়া করাই তাঁহার কায় ছিল। এত সময়ে তাঁহার কনিষ্ঠ ভ্রাতা স্পেনের রাজধানী মাদ্রিদ সহরের বিদ্যালয়ে পাঠাভ্যাস করিতেছিলেন। তাঁহার ভ্রাতা অতীব মেধাবী ও তীক্ষ্ণবী। তিনি সেখানে থাকিয়া প্রতীচোর নানা বিদ্যায় পারদর্শিতা লাভ করিতেছিলেন। আবদুল করিমও বৃথা সময় অপব্যয় করিতেছিলেন না। Oficina Indigena আফিসে খনিজ সম্পদের আইনকানুন আলোচনা সম্পর্কে তাঁহাকে বহু ইংরাজ ও স্পেনীয় খনিজ-বিদ্যাবিদ ইঞ্জিনিয়ারের



মার্শাল লিওটে এবং মরক্কোর স্থলতান মূলে ইউসুফ

সংস্পর্শে আসিতে হইয়াছিল। বিশেষতঃ বেণী তাউজিন অঞ্চলের লৌহখনি হইতে তাঁহার দেশ করূপ সমৃদ্ধিশালী হইতে পারে, তাহা তিনি সেই সময়ে প্রকৃষ্টরূপে হৃদয়ঙ্গম করিয়াছিলেন। আলজেরিয়াস স্ক্রিম সর্কানুমারে (বাহা প্যারী সহরের আন্তর্জাতিক সালিসি কমিশন নির্ধারণ করিয়া দিয়াছিলেন) মরক্কো মিনারল সিণ্ডিকেট কোম্পানীকে কি বিশেষ অধিকার প্রদান করা হইয়াছিল, তিনি সেই সময়ে উহা অনুসন্ধান করিতে আরম্ভ করেন।

আবদুল করিম তীক্ষ্ণবী ও ভাবপ্রবণ মুসলমান, বিশেষতঃ রিফের মূর। তাঁহার জাতির সহিত স্পেনের শত শত বৎসরের বিরোধ চলিয়া আসিতেছিল। সুতরাং তিনি যখন এই সকল আবিষ্কারের দ্বারা বুঝিলেন যে, বিদেশী বিধর্মী করূপ অন্যায় পূর্বক তাঁহার দেশের সম্পদ উৎসেদন করিতেছে, তখন তাঁহার মন স্পেনীয়দিগের বিপক্ষে গম্ভীর হইয়া উঠিল। এক দিকে তিনি যেমন বুঝিলেন, স্পেনীয় শাসকরা অযোগ্য ও উৎকোচগ্রামী, অন্যদিকে তেমনই দেখিলেন যে, তাঁহার জন্মভূমি রিফ প্রদেশ প্রাকৃতিক সম্পদে সমৃদ্ধিসম্পন্ন, তাঁহার দেশের ধনিজ সম্পদ সামান্য নহে। এই সম্পদ হস্তগত করিতে পারলে তাঁহার জাতি জগতে শক্তিশালী ও গণ্যমান্য বলিয়া বিবেচিত হইবে।

আবদুল করিম নিশ্চেষ্টে এসিয়া পাকিস্তানের মানুষ নহেন। যেমন চিন্তা, অমনই কায। ১৯১৮ খৃষ্টাব্দেই তিনি স্পেনের বিপক্ষে ষড়যন্ত্র আরম্ভ করিলেন। যেমন মহারাষ্ট্র-নেতা প্রাচ্যঃস্বরীয় শিবাজী মহারাজ দোদীপ্তপতাপ মোগল দরবারের বিপক্ষে ষড়যন্ত্র করিয়া স্বদেশের স্বাধীনতালাভের স্বপ্নপাত করিয়াছিলেন তেমনই আবদুল করিম বিবাত স্পেনীয় শত্রু বিক্রম কৃষ্ণ অনিয়ন্ত্রিত রিফ বোদ্ধাকে প্রস্তুত করিতে লাগিলেন। স্পেনীয় কর্তৃপক্ষ তাঁহাকে কারারুদ্ধ করিলেন। পাঠকের নিশ্চিত স্মরণ আছে শিবাজীও কারারুদ্ধ হইয়াছিলেন। কিন্তু স্বাধীনচেতা দেশপ্রেমিককে কারারুদ্ধ করিয়া রাখা সহজ নহে। আবদুল করিমের রক্ষী ছিল এক রিফ মূর। তাঁহার সাহায্যে তিনি কারাগার হইতে পলায়ন করিলেন। পলায়নকালে প্রাচীর উল্লঙ্ঘন করিতে গিয়া তিনি একপাশি পা ভাঙিয়া ফেলেন। তদনন্তর তিনি ঈশ্বৎ পশুই হইয়া আসেন। পলায়ন করিয়া তিনি বেণী ওয় রিফাঘেল অঞ্চলের পশ্চাতে লুকায়িত হইলেন।

১৯১৯ খৃষ্টাব্দে প্রকৃত ষড়যন্ত্র ও বিদ্রোহ আরম্ভ হইল। স্পেনীয়রা এই স্বাধীনতা-যুদ্ধে বিদ্রোহ নামে অভিহিত করিল। সকল সামাজ্যগণ্যী জাতি এইরূপ করিয়া পদক্ষেপ। ১৯২০ খৃষ্টাব্দে করিমের কনঠ ভ্রাতা আনিয়া সেট 'বিদ্রোহে' যোগদান করিলেন। পনিজ-বিদ্রোহ, সামরিক উত্তরণিয়ারিঃ এবং যুদ্ধবিদ্রোহ তিনি সমস্ত পারদর্শী হইয়া উঠিয়া গেলেন। সুতরাং করিম তাঁহার সাহায্য পাঠিয়া যে অতীব লাভবান হইলেন, ইহা বলাই বাহুল্য।

দুই ভ্রাতা ১৯২১ খৃষ্টাব্দে এক ক্ষুদ্র পার্শ্বী সেনাদল গঠন করিয়া মরসাগরে স্বল্পপ্রদান করিলেন। এখন বেণী ওয় রিফাঘেল জাতিই তাঁহাদের প্রধান সহায়; বেণী বাউজি বেণী বাউজিঃ ও বেণী তাউজিন জাতির মধ্যও কেহ কেহ যুদ্ধে তাঁহার পক্ষে যোগদান করিল। অশিক্ষিত ও অনিয়ন্ত্রিত এই যোদ্ধাদলকে লইয়া বাহা সম্ভব, তাঁহারা সেই গুণ্ডা (Guerrilla) আরম্ভ করিয়া দিলেন। পাঠক দেখিবেন, এখানেও হিন্দুকলম্বা শিবাজীর সহিত মুসলমান বীর আবদুল করিমের কত সৌসাদৃশ্য! তাঁহারা স্পেনীয়দিগের যাতায়াতের ও সংবাদ আদান-প্রদানের পথ ধ্বংস ও বধ করিতে লাগিলেন, শত্রুদিগের সহিত এমনভাবে নানা স্থানে নানাভাবে যুদ্ধ করিতে লাগিলেন যে শত্রুগণ বিষম ভয় পতিত হইল, তাহারা

ভাবিল, তাঁহারা প্রবল সেনাদল সঙ্গে রণে হানা দিয়াছেন! অথচ তাঁহার সেনাবল যৎসামান্য, স্পেনীয়দিগের তুলনায় কিছুই নহে। যেখানেই দেখেন, স্পেনীয়রা অরক্ষিত অবস্থায় রহিয়াছে, সেইখানেই চিলের মত ছেঁা মারিয়া সর্ব্ব্ব গ্রাস করেন, যেখানে স্পেনীয়রা সংখ্যায় অল্প, সেখানেই অবরোধ করিয়া তাহাদিগকে আত্মসমর্পণ করিতে বাধ্য করেন।

স্পেনীয় সেনা অতীব সাহসী, তাহারা শূরবীর যোদ্ধা। কিন্তু স্পেনীয় সেনানীরা একবারে অকর্ণণা ও অযোগ্য। তাহারা পরমা উপায় করিতে সেনাদলে প্রবেশ করে, নাচগান ও তামাসার সময় অভ্যু-বাহিত কর। তাহাদের বিলাসিতা ও অযোগ্যতার ফলে স্পেনীয়রা প্রায় পরাজিত হইতে লাগিল, আবদুল করিম একে একে অনেক স্থান অধিকার করিয়া লইলেন। ১৯২১ খৃষ্টাব্দের বসন্তকাল আবদুল করিমের পক্ষে মহা আনন্দের ও গৌরবের দিন বলিতে হইবে। কেন না, এই সময়ে স্পেনীয় সেনাপতি জেনারল জাভারো আয়ুয়েল নামক স্থানে ২০ হাজার সৈন্য সহ আবদুল করিমের হস্তে আত্মসমর্পণ করিতে বাধ্য হইলেন। আশ্চর্যের কথা, আবদুল করিমের মূর সেনার সংখ্যা ৬ হাজারের অধিক ছিল না, পরন্তু পুরাতন মসার বন্দুক বাতীত তাহাদের অস্ত্র অস্ত্র ছিল না!

এই যুদ্ধক্ষেত্রে চারিদিকে আবদুল করিমের ধ্বংস পড়িয়া গেল। এ জয় যেন কতকটা রাণা প্রতাপের কমলমীর যুদ্ধ জয়ের মত। আবদুল করিম এই বর্ণন্য করিয়া বন্দী স্পেনীয়দিগের নিকটে বিশ্ব অধুনিক অগ্রগত প্রাপ্ত হইলেন। উহার পর ক্রমশঃ স্পেনীয়রা পরাজিত হইয়া সমুদ্র তটভূমিতে হটিয়া যাউতে লাগিল। মাদ্রিদ ও মেলিল্লা স্পেনীয় কর্তৃপক্ষ লোকক্ষয়র ভয়ে স্পেনীয় সৈন্যকে একের পর এক ঘাঁটি ছাড়িয়া হইয়া যাউতে আদেশ করিলেন।

১৯২৪ খৃষ্টাব্দের প্রথমেই—মাত্র ২ বৎসর যুদ্ধের পর আবদুল করিম স্পেনীয়দিগের হস্ত হইতে সমগ্ৰ বিফ পদেণ কাড়িয়া লইলেন, মাত্র পূর্বাঞ্চলে মেলিল্লা স্পেনীয়দিগের অধিকারে রহিল। পরে বোহম্বরা ও জেবানা প্রদেশও করিম স্পেনীয়দিগকে তাড়াইয়া লইয়া চলিলেন, এই দুইটি প্রদেশ বিফের অধিকৃত নহে। জেবানা প্রদেশটি মরক্কোদেশের উত্তরভাগের একবারে পশ্চিমাংশে অবস্থিত।

মুর্দিগের মধ্যে দেশদ্রোহীও যে ছিল না, এমন নহে। আবদুল মালেক স্পেনীয়দিগের Harkas Amicus অর্থাৎ ভ্রাতৃবিদ্বেষী নেটিব সেনাদলে থাকিয়া তাঁহাদের বন্দী বাহিন্য করিয়াছিল। ঘর-সকানী নিভীষণকে ঘর ভগ্ন, বৎসলক্ষ্যকে তত ভয় করিতে হয় না। ১৯২৪ খৃষ্টাব্দের আগষ্ট মাসে এই হতভাগ্য অজাব এল মরস নামক স্থানে নিহত হইল। অতঃপর স্পেনীয়দিগের রিফ পুনর্বিহার কবিবার সকল আশাই সমাল বিনষ্ট হইল।

এ দিকে আবদুল করিম ১৬ হাজার বাছা রিফ সেনা লইয়া জেবানা প্রদেশের প্রধান সহায় বৎসলক্ষ্য অধিকার করিলেন। স্পেনীয় পক্ষে প্রবল সেনাপতি মাক্‌টিন প্রাটমের ডি রিফেতা ভীত হইয়া ১৯২৪ খৃষ্টাব্দের নভেম্বর মাসে জেনারল কার্টু গিরানাকে প্রভূত সৈন্যমত্তিবাহারে মেসুরান সহরের উদ্ধারসাধন করিতে প্রেরণ করিলেন। কিন্তু তাঁহার সকল চেষ্টাই ব্যর্থ হইল। সাহসী দুর্দম মূর সেনার প্রচণ্ড আক্রমণে ১৭ই নভেম্বর তারিখে মেসুরান মূরদিগের হস্তগত হইল। ১৯২৫ খৃষ্টাব্দের ১শা জানুয়ারী নিকটবর্তী সময়ে আবদুল করিম মেলিল্লা কেন্দ্র হইতে টাঞ্জিয়ার কেন্দ্র পর্য্যন্ত সমগ্ৰ উত্তর মরক্কো দেশ আপনার কর্তৃত্বাধীনে আনয়ন করিতে সমর্থ হইলেন। দেশের জাগরণ বর্ধিত তাঁহার জগৎময় বিজয় বিঘোষিত হইল। তাঁহার নাম রাণা প্রতাপ ও শিবাজীর মত, লিওনিডাস ও টেলের

মত, আনোয়ার ও কামাল পাশার মত পৃথিবীর মুক্তির ইতিহাসে স্বর্ণাঙ্কবে মুদ্রিত হইবার যোগ্যতা অর্জন করিল।

আবদুল করিম অসজা, বর্কর, কুর ও রুপট বলিয়া যুরোপীয় লেপকের দ্বারা বর্ণিত হইয়াছেন। কিন্তু এ কথা সম্পূর্ণ মিথ্যা। তিনি শিক্ষিত, মার্শিয়াল, ডীকুথী, রাজনীতিক ও যোদ্ধা। তাঁহার ভ্রাতা বহু যুরোপীয় নামক নেতা অপেক্ষা রণকুশলী শিক্ষিত যোদ্ধা। আবদুল করিম মাতৃভক্ত, তিনি তাঁহার অবরোধপ্রকার কোনরূপ কড়াকড়ি করেন না। তাঁহার ভগিনী তাঁহার বড় আদরের পাত্রেী। এই ভগিনীর সন্তান প্রসবকালে আবদুল করিম অসম্ভব ব্যয় করিয়া ফরাসী ডাক্তার ও ধাত্রী আনয়ন করিয়াছিলেন। এমন লোক কখনও নিষ্ঠুর ও বর্কর হইতে পারে না। আবদুল করিমের চারিটি পত্নী: মুসলমান ধর্ম অনুসারে পুরুষের চারিটি পত্নী আইনসম্মত। তাঁহার তিনটি পুত্র: জ্যেষ্ঠটি মাত্র ৫ বৎসরের। এই বালকও অতীব মেধাবী। আবদুল করিমের ভ্রাতা তাঁহার সেনাপতি।

আবদুল করিমের রাজধানী আজদিব একখানি ক্ষুদ্র গ্রাম বলিলেও অত্যন্তি হয় না। আজদিব অশেষকণ্ড ইহা সাময়িক ও শোভার হিসাবে হীন। ১৯১১ খৃষ্টাব্দ হইতে আবদুল করিম এই সহরে রাজধানী প্রতিষ্ঠা করিয়াছেন। তিনি স্বয়ং এই সহরে বাস করেন না, আজদিব হইতে ১৩ মাইল দূরে আইত কামারা নামক গ্রাম বাস করেন। অতুত: ১৯২৫ খৃষ্টাব্দে প্রারম্ভকাল এই স্থানেই অগ্নিগঠিত করিয়াছেন। ফরাসিদিগের সচিব যুদ্ধ বাধিবার পর হইতে যখন তাঁহার ভাণ্ড-বিপণ্য আবদুল হইয়াছে, যখন স্পেনীয়রা আবার ফরাসীর সহায়ত পাওয়া দিয়া উঠিয়া আজদিব দখল করিয়াছে, তখন হইতে আবদুল করিম রিফ পাহাড়-পর্বতের আশ্রয় লইয়াছেন বলিয়া শুন্য যাইতেছে। ইহাতে বিস্মিত হইবার কিছুই নাই। সকল স্বাধীনতা-যুদ্ধেই দেশপ্রেমিক যোদ্ধারা এইরূপ কষ্ট-বিপদের জন্য প্রস্তুত থাকেন। বাণী প্রকাশ বহুদিন পরে, জঙ্গল বনা জঙ্গল নাথাকিয়া গিয়া কল স্বাধীনতা-যুদ্ধ চালাইয়াছিলেন।

আজদিব হইতে আলতসিমাস গ্রাম অতি নিকটে অবস্থিত। বস্তুত: আলতসিমাস হইতে বড় কামান দাঙ্গিল আজদিবে গোলা পড়ে। আলতসিমাসের দুর্গ, রণপাতি ও উডোকল হইতে আজদিবকে সরাই শঙ্কিত হইয়া থাকিতে হয়। অপর আবদুল করিম যখন এই স্থানে বাস করিতেন, তখন এক দিনও বিচলিত করেন নাই। আজদিবের আসবার নামক গিনিয়ের মুখ এক প্রণয় স্থানে করিমের গৃহ অর্গস্ত; ইহা প্রাসাদ নহে, তর্জী নহে সামান্য কাঁচা উটের একখানি ক্ষুদ্র গৃহ। স্বাধীনতাযুদ্ধের নেতৃত্ব গ্রহণের পর আবদুল করিম এই গৃহে ২ বৎসর যাপন বাস করিয়াছিলেন।

আজদিব হইতে ১৩ মাইল দূরে আইত কামারা অর্গস্ত, একথা পূর্বেই বলা হইয়াছে। এই ১৩ মাইল পথ ছুট পাহাড়ের উপর দিয়া গিয়াছে। পথটি স্পেনীয় কয়েদীদিগের দ্বারা নির্মিত হইয়াছে। আইত কামারার পাহাড়ের ফ্রোডদেশে লক্ষ্যিত সুলতানের 'প্রাসাদ' অবস্থিত। এই গ্রামটো উডোকল হইতে দেখা যায় না। সুতরাং এখানে কতকটা নিশ্চিন্ত হইয়া বাস করা সম্ভব। সুলতানের 'প্রাসাদ' আজদিবের প্রাসাদেরই অনুরূপ। ফরাসী অধিকৃত মরক্কোর সহর ও গ্রাম জনশব্দ বাস্তব আইত কামারার মত এ দেশে আর কোথাও এত লোকসংখ্যা ও গৃহাদি নাই। এই গ্রামে প্রায় ২ হাজার স্পেনীয় কয়েদীই বাস করে। এই স্থানে ৪ শত রিফ সেনা সহররকিরূপে বাস করে। ইহার প্রায় সকলেই খেণী ওয়ারিয়ার্সের জাতীয় মুখ এবং সুলতানকে আন্তরিক ভালবাসে। এই গ্রামের সকল গৃহই মুৎসুর, সুলতানের 'প্রাসাদও' এই প্রকার, তবে উহা আরও অনেক কিছু বড়।

পাঠক ইহা হইতেই বুঝিতেছেন, সুলতান আবদুল করিম কিরূপ প্রকৃতির লোক। তাঁহার বিলাসিতা নাই, তিনিও সামান্য প্রকার ন্যায় বাস করেন। তিনি সর্বদা কার্যে তন্ময় হইয়া থাকেন। বাণী প্রতাপের ন্যায় তিনিও বিলাসিতা বর্জন করিয়া দেশের জন্য মুক্তি-সময়ে আত্মনিয়োগ করিয়াছেন।

আবদুল করিম দেখিতে নাতিদীর্ঘ, নাতিস্থল, তবে ঠোঁট দুইপুটে। তাঁহার পরিচ্ছদ অতি সামান্য মূল্যের, তাহাতে বিলাসিতার নামক নাই।

তাঁহার রাজ্যশাসনও অতি চমৎকার। মহম্মদ বিন আবদুল করিম—আবদুল করিমের ভ্রাতা, তাঁহার সেনাপতি ও সামরিক ইঞ্জিনিয়ার। সি'দ মশ্বরী বিন হাজ হিতম, আবদুল করিমের ভগিনীপতি, তিনি আবদুল করিমের দাক্ষিণ হস্ত। সুলতানের যাহা কিছু লেখাপড়ার কায তিনিই করিয়া থাকেন। তিনি একরূপ প্রধান উজীর। কেবল ইহাই নহে, কিনে রিফের ভূগর্ভস্থ ধনসম্পদের সহ বহার করিয়া দেশের উন্নতি বধান করা-যায়, অহরহ তাঁহার এই চিন্তা। তিনি ১৯২২-২৩ খৃষ্টাব্দে শীতকালে পারী নগরীতে এক জার্মান ও আর এক ইংরাজ কোম্পানীর সহিত এই খনিজ সম্পদ উত্তোলনের বিষয়ে সলাপরামর্শ করিয়াছিলেন। কিন্তু বিদেশী অর্থ আনিয়া রিফের খনিজ সম্পদ উত্তোলনের সম্বন্ধ চেষ্টাই বাধ হইয়াছে। তবে ফরাসীর সহিত যুদ্ধ না বাধিলে বোধ হয়, এত দিন যাহা হয় বন্দোবস্ত হইয়া যাইত।

হামিদ বাউদরা সুলতানের সমর সচিব (উজীর অল-হাব')। নিয়ন্ত্রিত বিন হাজ সুলতানের স্বরাষ্ট্র সচিব। ইঁহার উভয়েই সুলতানের ভক্ত, স্বদেশপ্রেমিক ও কর্তৃকুশলী। ইঁহার দুই জন ভ্রাতা সুলতানের দেওয়ানের বা কাউন্সিলের আরও দুই জন উজীর আছেন। ইঁহার সকলেই আইত কামারার সুলতান আবদুল করিমের 'প্রাসাদ' বাস করেন এবং সকল সময়েই সুলতানের আস্থানে রাজা ও সমরসংক্রান্ত গুরুত্বপূর্ণ যোগদান করেন। দেওয়ান বা কাউন্সিল রাজ্যসংক্রান্ত গুরুত্বপূর্ণ সকল ব্যাপারেরই মীমাংসা করিয়া দেন।

সুলতানের ভ্রাতার অধীনে নিয়ন্ত্রিত রিফ সেনার সংখ্যা ২৫ হাজার হইবে। এতদ্ভা অনিয়ন্ত্রিত (Irregular) আরও সেনাও আছে। মোট সৈন্যসংখ্যা ৭০ হাজার হইতে পারে। বহু যুরোপীয়ের ধারণা আছে যে রিফের সুল সেনা বন্দর ও অনিয়ন্ত্রিত; এক এক সর্দারের অধীনে এক এক (clan) যোদ্ধা-কোষ যুদ্ধের সময় একত্র হয়, আবার যুদ্ধ শেষ হইলেই যে বাহার ঘরে ফিরিয়া গিয়া চাষবাস করে। অর্থাৎ কতকটা আমাদের উত্তর-পশ্চিম সীমান্তের স্বাধীন পাহানদেব মত রিফের সেনার অবস্থা। কিন্তু ইহা সত্য নহে। রিফের কতকটা বাধাতামূলক যুদ্ধশিক্ষার ব্যবস্থা আছে। মুররা সকলেই যোদ্ধা, সুতরাং এই শিক্ষাকে বাধাতামূলক না বলিয়া স্বেচ্ছামূলকও বলা যায়। সেনাদলে শ্রেণী বিভাগ আছে। ৫০টি সৈন্য লইয়া একটি 'ডামসাঁই' যুনিট গঠিত হয়, ইহার উপরিস্ত সেনানীকে কাউন্সিল বলে। মুর সেনার মধ্যে অধারোহী নাই, কেবল পদাভিক ও গোলন্দাজ, কেবল সেনানীরা অধারোহী। রিফ সৈন্যের প্রকৃত বড় ধরণের যুদ্ধ করে না, তাহারা গুপ্তভাবে গুণ্ডা পাতিয়া থাকিয়া লক্ষ্যে বিধ্বস্ত করে অথবা পার্শ্বতা খণ্ডযুদ্ধ করে। গোলন্দাজ সেনা সংখ্যায় অল্প হইলেও অত্যন্ত কাঁচাপট। মুখদিগের সকল ঘাটেতেই মসিব গান আছে। ইহার অর্ধেক হচকিন গান, স্পেনীয় দিগের নিষ্ঠুর যুদ্ধে প্রাপ্ত, অপরার্ধ বন্দুক-চোর ব্যবসায়ীরা জাল হইতে গোপনে সরবরাহ করিয়াছে বড় বড় ঘাটেতে বড় বড় পার্শ্বতা কামান রক্ষিত আছে। এ সকলের অধিকাংশ স্পেনীয়দিগের



মুর সেনাদল

নিকট হইতে কাড়িয়া লওয়া হইয়াছে, অপরাংশ ফ্রান্স হইতে গুপ্তভাবে মরক্কোর চালান হইয়াছে।

যিনি রিকফেশের রাজস্ব আদায় করেন, তাঁহার নাম আবদুল আল মালেম আল হকতাভী। ইনি যে ক্রমে রাজ্যের বার নির্বাহ করেন, তাহা কেহ বুঝিতে পারে না। আবদুল করিম এই অর্থ হইতে কত উড়োকল কিনিয়াছেন, সৈন্যদিগের বেতন যোগাইতেছেন, প্রত্যেক রাইফল বন্দুকের জন্য ১৫ হইতে ২০ ডলার (১ ডলার = ৩০) দাম দিতেছেন। অথচ রিকফেশের মুরসার প্রচলন এত অল্প যে, এ খরচা ক্রমে সরবরাহ হয়, ব্যাধিয়া উঠা যায় না। রিকফের প্রজাটাকার খাজানা দেয় না, পণ্যে খাজানা নেয়। এই জন্য অনেকে সন্দেহ করেন, হয় রুসিয়ান বলশেভিকরা, না হয় ফরাসী কমিউনিষ্টরা গোপনে এই অর্থসাহায্য করিতেছে। জার্মানীর মানসমান ও স্টীনস কোম্পানী ভবিষ্যতে রিকফের খনিজ পদার্থে বিশেষ অধিকারলাভের প্রত্যাশায় আবদুল করিমকে অর্থ যোগাইতেছে। কিন্তু এ সকল জনরবের কোনও প্রমাণ নাই।

সে বাহাই হউক, আবদুল করিম বেঙ্গলেই হউক বা যেখান হইতেই হউক, অর্থ সংগ্রহ করিয়া প্রতীচোর দুইটি প্রবল জাতির বিপক্ষে এত দিন ধরিয়া যোঁর যুদ্ধ করিতেছেন, ইহাই দেখিবার বিষয়। ফরাসীর সহিত যুদ্ধ করিবার তাঁহার আদৌ ইচ্ছা ছিল না বলিয়াই মনে হয়। স্পেনই তাঁহার আজন্ম শত্রু, তাঁহার বিপক্ষে যুদ্ধ করাই আবদুল করিমের অভিপ্রেত ছিল। কিন্তু দৈবচুর্বিপাকে তাঁহারই বন্ধু কোনও মুর জাতি—বাহারা ফরাসী সীমানার নিকটে

বাস করে—সেই বন্ধু জাতি চর্চাৎ ফরাসী রক্ষিত রাজ্য আক্রমণ করে। ইহা হইতেই যুদ্ধের উদ্ভব হইয়াছে।

আবদুল করিম কোনও মাদ্রিণ সংবাদ-সংগ্রাহককে বলিয়াছেন,—“ফরাসী-মরক্কো আক্রমণ করিবার আমার আদৌ অভিপ্রায় নাই। আমরা যদি ফরাসী কতক আক্রান্ত না হই, তাহা হইলে ফরাসীর সহিত আমাদের যুদ্ধ বাধিতে পারে না—উহা আমি ভাবিতেও পারি না। যদি আমরা আক্রান্ত হই, তাহা হইলে নিশ্চিতই আত্মরক্ষা করিব। আমরা ফরাসীকে বন্ধুভাবে গ্রহণ করিবার উদ্দেশ্যে হস্তপ্রসারণ করিতেছি, তাঁহারাই এই হস্ত গ্রহণ করুন, ইহাই আশা। তবে সীমান্তের গোলযোগ থাকবেই। বেণী জেরলে অঞ্চলে এইরূপ সীমান্ত-সমস্যা উপস্থিত হইয়াছে। কিন্তু এ যাবৎ আমার রিকফ সেনা একটিও ফরাসী ঘাঁটি আক্রমণ করে নাই, অথবা ফরাসী সীমানা অতিক্রম করে নাই। বেণী জেরলে যে সীমানা-গোলযোগ ঘটয়াছিল, ঐ ভাবের সীমানা-সমস্যার সীমাংসা করিতে হইলে উভয়পক্ষে মিলিত হইয়া সীমানা-নির্ধারণ করিতে হইবে। শান্তি স্থাপিত হইবার পক্ষে সীমানা-নির্ধারণ করাও একটি প্রধান সর্ধ। এ বিষয়ে একটা কমিশন নিযুক্ত করা কর্তব্য। ১৯০৪ খৃষ্টাব্দে ফরাসী স্পেনের সহিত একযোগে এই সীমানা-নির্ধারণ করিয়াছিলেন, ইহাতে আমার দেশবাসীর কোনও হাত ছিল না; সুতরাং আমরা এই সীমানা-নির্ধারণের সর্ধ মানি না।”

আবদুল করিমের এই কথাই কি মনে হয়? তিনি ফরাসীর শত্রু নহেন, তাঁহার রিকফ সেনাও ফরাসী সীমানা অতিক্রম করে নাই।

হয় ত কোনও বন্ধু মূব জাতি করাসী সোমানা অ ত্রুণ করিয়া থাকিবে। কিন্তু সে জনা তনি কি দাবী? স্পেনের বিপক্ষেও আবদুল করিম গন্ধ করতে চাচেন নাই। স্পেন যত দিন যুদ্ধ চাতিবাড়িন, তত দিন তিনিও যুদ্ধ করিবাচেন। তাহার পর স্পেন পরাজিত হইয়া বন্ধ ভাগ করিলে আবদুল করিম ঘোষণা করেন, “স্পেনের সচিত্ত আর আমার শক্রতা ন’ই। স্পেন শান্তি চাহিলে আমি সানন্দে সন্ধি-শান্তি করিতে প্রস্তুত আছি।”

এমন লোক শান্তিপ্রিয় কি না, জগতের নিরপেক্ষ জাতিমাত্রেই বিচার করিবেন। যুদ্ধে জয়-পরাজয় অনিশ্চিত, যদি আবদুল করিম পরিণামে পরাজিত হইয়েন, তাহাতে ক্ষোভ নাই, কেন না, জগতের লোক জানিবে, তিনি বীর, স্বদেশপ্রেমিক, শান্তিকামী, দেশের স্বাধীনতার জন। নায়যুদ্ধ করিয়াছেন। তাহাকে সে জনা কেহ অপরাধী করিও পারিবেন না।

মাতৃহারা

মা গো, ফিরে চাও, কথা কও মা কথা কও !
ও মা আমার খোকন বলে আবার কোলে লও !
রাতের আঁধার কেটে গছে,
গাছের আগে রে’দ হেসেছে,
আজ এখনো কেন মা গো নয়ন মুদে রও ?
মা গো, ফিরে চাও, কথা কও মা কথা কও !

রোজ সকালে আকাশপথে,
সুঘি ঠাকুর সে নার রথে,
আসার আগেই মুখটি আমার চুমি,
ঘাটের বাকা পথটি ধ’রে,
ফুলের সাজি হাতে ক’রে,
নিভা যেতে ফুল-বাগানে আমার রেখে তুমি ।
আমি তোমার পরেই কিছু,
মা, মা, বলে পিছু পিছু,
ছুটে যেতাম ফুলবনে সে ফোটা ফুলের মাঝে ।
তুমি আমায় ডষ্টে, ব’লে,
হাত বাড়িয়ে নিতে কোলে,
ফুলের সঙ্গে আমার নিয়ে কিরতে ঘরের কাষে ।

ছপূরবেলা ঘরের ছায়ায়,
পাশে শুয়ে পাখার হাওয়ায়,
হাত বুলিয়ে গান গেয়ে মা, বলতে খোকন ঘুমো,
বাইরে যেতে চাইলে নোরে,
বুকের মাঝে জড়িয়ে ধ’রে,
স্নেহের নেশায় ঘুম পাডাতে দিয়ে হাজার চুমো !

শীতের দিনে আত্মিনাতে,
রোদে ব’সে ভাত খাওয়াতে,
বলতে কত শুক সাগী আর পায় দেশের কথা ।
আমার যত বায়না হ’ত,
কথা তোমার বাড়ত তত,
তবু দুটি কম খেলে মা, কতই পেতে বাখা ।

বাদল সাজে আঁধার হ’লে,
মেঘের ডাকের গুগোলে,
বুকটি আমার উঠত কেঁপে মস্ত বড় ভয়ে ।
তোমার বুকে মুখ লুকিয়ে,
দিতাম আমি ভয় চুকিয়ে,
মনে হতো বুকটি আছে দুর্গ-প্রাচীর হয়ে ।

আজ যে আমি তোমার আগে,
উঠেছি মা আপনি ছেগে,
মা, মা, ব’লে ডাকছি কত, বুক যে ভেঙ্গে যায় ।
খোকারে তোর একলা ফেলে,
কোথায় না আজ চ’লে গেলে,
কেঁদে কেঁদে হলেম সারা, আয় না ফিরে আয় ।

দুষ্টে নি আর করব নাক’,
বায়না ধ’রে কাঁদব নাক’,
ও মা তুমি কোথায় আছ, লও মা কোলে লও ।
চাও মা হেসে চক্ষু খুলে,
দুখ দে না গো বুকে তুলে,
প্রাণ যে আমার ফেটে গেল, কও মা কথা কও !

শ্রীঅমূল্যকুমার রায় চৌধুরী ।



প্রত্নরক

৪

ইভের সহিত বিমলেন্দু এখন প্রায় নিতাই দেখা হয়। তাহার হাত ধরাধরি করিয়া মল রোডে বেড়ায়—কখনও কখনও ইভের বাড়ীতে পানাহার চলে। যদিও প্রথম প্রথম বিমলেন্দু এই ইংরাজ-দুহিতার সঙ্গে বর্জনের চেষ্টা করিয়াছিল, তথাপি ইভ তাহা ঘটাইতে দেয় নাই। বিমলেন্দু আফিসের ফেরতা একবার তাহার সহিত দেখা না করিলে ইভ তাহার মেসে আসিত। ইহাতে মেসের বাবুরা আকারে ইজিতে তাহাকে বিক্রম করিত। বিমলেন্দু সেই ভয়ে নিজেই ইভের সহিত সাক্ষাৎ করিতে যাইত।

মেসের বাবুবা ছাড়া আর কেহ যে নেটিভের সহিত ঘূনানী বালিকার এই মিলন লক্ষ্য করে নাই, তাহা নহে। দার্জিলিং ছোট যায়গা, কলিকাতার মত বৃহৎ সহরের স্তায় এখানে যুরোপীয় সমাজ বৃহৎ নহে, খুবই সীমাবদ্ধ। কাষেই যে দুই চারি জন যুরোপীয় নরনারী লইয়া দার্জিলিংয়ের যুরোপীয় সমাজ, তাহাদের অনেকেই এই বিসদৃশ মিলন ক্রোধ ও ঘৃণার দৃষ্টিতে লক্ষ্য করিয়াছিলেন। কলিকাতায় এমন ইঙ্গবঙ্গ-মিলন অনেক দেখা যায়, কিন্তু সে দিকে কাহারও বিশেষ লক্ষ্য থাকে না। দার্জিলিংয়ের যুরোপীয় সমাজ কিন্তু বিমল ও ইভকে ক্রমা করিল না। প্রথম প্রথম কানাঘুসা, তাহার পর ঘৃণার দৃষ্টি, শেষে ইজিতে ও কথায় পর্য্যন্ত বিরোধের ভাব ফুটিয়া উঠিল। ফলে এক দিন বিমলেন্দু আফিসেই সাহেবের মিষ্ট ভৎসনা লাভ করিল।

এক দিন হেড এসিষ্ট্যান্ট তাহাকে বড় 'সাহেবের' ধরে ডাক পড়িয়াছে বলিয়া পাঠাইয়া দিলেন। মিঃ হজেস কক্ষের রুদ্ধ করিয়া নির্জনে তাহাকে বলিলেন,—“তোমার মতলব কি ?”

বিমলের অন্ত যে কোনও দোষ থাকুক, সে চিরদিনই নির্ভীক। সে নির্ভয়ে বলিল,—“কিসের মতলব ?”

মিঃ হজেস দাঁতে দাঁত চাপিয়া বলিলেন,—“ইম-পাটিনেন্ট! বোঝ সব, সময়বিশেষে নেকা সাজ। তোমার চালাকি চলিবে না।”

বিমল 'সাহেবের' রুদ্ধমূর্ত্তি দেখিয়াও ভীত হইল না, সমান তেজে বলিল,—“সাজার অভ্যাস আমার নেই, আমি বাহা করি, প্রকাশ্যেই ক'রে থাকি।”

“জান, আমি তোমায় চাকরী হ'তে বরণাস্ত করতে পারি—তোমায় পাহাড় থেকে নামিয়ে দিতে পারি।”

“জানি, কিন্তু কি দোষ আমার ?”

“দোষ ? তুমি মিস্ রবিনসনের সঙ্গে কি উদ্দেশ্যে ঘোর ফের ? তুমি নেটিভ—”

“মাপ করবেন, সে কথা বলতে আমি বাধ্য নই। আফিসে কোনও দোষ ক'রে থাকি, সাজা দিতে পারেন, কিন্তু আমার প্রাইভেট লাইফের সঙ্গে আফিসের কোনও সম্পর্ক নাই।”

'সাহেব' টেবলের উপর প্রচণ্ড মুষ্টাঘাত করিয়া বলিলেন, “পাঁচশো বার আছে। আমি আজই নোটিল দিচ্ছি, যদি তুমি আজ থেকে মিস্ রবিনসনের সঙ্গে না ছাড়, তা' হ'লে সাত দিনের মধ্যে তোমায় কলকাতায় ট্রান্সফার করব, যাও।”

বিমল ধীর অবিকম্পিত কণ্ঠে বলিল, “যাচ্ছি, কিন্তু জেনে রাখুন, আপনার এই অন্তায় দণ্ডের ভয়ে আমি কঁপে হ'তে এক চুল তফাতে যাব না।”

মিঃ হজেস অগ্নিমূর্ত্তি হইয়া বজ্রমুষ্টি উত্তোলন করিয়া দণ্ডায়মান হইলেন, কিন্তু কি তাবিয়া হাত নামাইয়া গভীরস্বরে বলিলেন, “যাও।”

বিমল চলিয়া গেল, ব্যস্ত, এ আফিসেও তাহার

অন্ন উঠিল। দীর্ঘশ্বাস ত্যাগ করিয়া সে দিনের কাণ্ড সারিয়া বাসায় গেল। সে দিন আর তাহার ইভের সহিত সাক্ষাৎ হইল না।

কিন্তু পরদিন ইহার উপরও বড় ধাক্কা আসিল। সে পাদরী ডেনিসের এক চিঠি পাইল, তিনি সন্ধ্যার পর তাঁহার নিজের বাসায় সাক্ষাৎ করিতে বলিয়াছেন, বিশেষ জরুরী কথা। সে দিন আফিসে বিমল জবাবের হুকুম পাইল না, তবে কানাঘুসায় শুনিল, বড় 'সাহেব' এ বিষয়ে চিক সেক্রেটারীকে লিখিয়াছেন, সরকারী চাকুরী হইতে কৰ্মচ্যুত করা ত সহজ কথা নহে।

মিঃ ডেনিসের সহিত সাক্ষাৎ হইলে তিনি দুই একটা কথা কহিবার পর একখানি পত্র দেখাইলেন। পত্র আসিয়াছে বেগমপুর হইতে, পত্রের লেখক ইভের ভ্রাতা। সে পত্রে মিঃ রবিনসন অন্তান্ত কথাপ্রসঙ্গে লিখিয়াছেন,—“দার্জিলিং হইতে পবন পাইলাম, ইভ নাকি কে একটা নিগারের সঙ্গে আজকাল খুব মিলামিশা করিতেছে। কথাটা বিশ্বাস করিতেই প্রবৃত্তি হয় না। ইহা সত্য কি? আমি ইভকে এ কথা জিজ্ঞাসা করিতেও লজ্জা বোধ করি। যদি এ কথা আংশিকও সত্য হয়, তাহা হইলে আপনি আমার হইয়া এই লোকটাকে একটা কথা বলিবেন কি? সে যদি কথায়, কায়ে বা কোনও রকমে অতঃপর ইভের সংস্রবে আসে, তাহা হইলে আমি দার্জিলিঙ্গে গিয়া উতাকে কুকুরের মত গুলী করিয়া মারিব।”

মিঃ ডেনিস বিমলের আরক্ত মুখের প্রতি দৃষ্টি নিক্ষেপ করিয়া হাসিয়া বলিলেন,—“কি বলেন মিঃ রায়, আপনি এই পত্রের কথামত কাণ্ড করিতে সম্মত আছেন?”

“আপনি তাকে লিখবেন, কুকুরের মত মারতে কেবল যে এক জন পারে, তা নয়, যে মারতে চায়, তাকেও অন্ত লোকে দরকার হ'লে মারতে পারে।”

“হাঃ হাঃ! আপনার কাছে এই উত্তরেরই আশা করেছিলুম। যে কাপুরুষ, সে গৌয়ারের হুকুমিতে ভয় পায়।”

“আপনাকে একটা সাদা কথা জিজ্ঞাসা করব। এখন আপনি ইভের অভিভাবক, আপনি কি এ মেলা-মেশার আপত্তি করেন?”

“করলে এত দিন বারণ করতুম। আমি চামড়ার তফাতে ছোট বড় মাপ করিনি—মানুষমাত্রই ভগবানের সৃষ্টি। ইভকে এ পত্র দেখিয়েছি, সে আপনাকে খুঁজছিল।”

বিমলের মুখ প্রসন্ন হইল। দিনটা বেমন আজ তাহার পক্ষে মন্দ হইয়া আত্মপ্রকাশ করিয়াছিল, তেমনই দিনের শেষটা ভাল গেল। সে মিঃ ডেনিসের বাসা হইতে ইভের সহিত সাক্ষাৎ করিতে গেল। তখন রাত্রি ৮টা। ইভ বাসায় নাই। ইভের নেপালী ধাত্রী বলিল, ইভ তাহার খোঁজে গিয়াছে।

পথে ইভের সহিত তাহার সাক্ষাৎ হইল, তখন পথ নিৰ্জন। ইভ তাহাকে দেখিয়াই বলিল, “বাঃ, এই যে আপনি। দেখুন ত, লোকে আমাকে জালাতন করে কেন? আমার যা খুসী করব”—বলা শেষ হইল না, ইভ ফুলিয়া ফুলিয়া কাঁদিয়া উঠিল এবং অজ্ঞাতসারে বিমলের বুকের উপর মাথাটা রক্ষা করিল।

বিমলেন্দু এমন অবস্থায় কখনও পড়ে নাই। সে সংসৃত হইলেও মানুষ সুন্দরী যুবতীর সাধনয়নে প্রেমের নিদর্শন দেখিতে পাইয়া যে আকর্ষণের মোহ ত্যাগ করিতে পারে, সে হয় দেবতা, না হয় পশু। বিমলেন্দু মুহূর্তের জন্য জগৎসংসার ভুলিয়া গেল—নিজেকে ভুলিয়া গেল, ইভকে বাহবেষ্টনে আবদ্ধ করিয়া তাহার রক্তকুম্ব তুল্য ওষ্ঠাধর স্পর্শ করিল। তাহার জীবন-নাটকে একটি নূতন অধ্যায় আরম্ভ হইল।

“বাবা, ওরই নাম কাঞ্চনজঙ্ঘা?”

“হাঁ বাবা, ঐ পাহাড়ই কাঞ্চনজঙ্ঘা।”

“কি সুন্দর, কি সুন্দর! বাবা, এ দেখে আর বাড়ী ফিরতে ইচ্ছে করে না।”

রামপ্রাণ বাবু দার্জিলিঙ্গে আসিয়াছেন, সঙ্গে প্রতিমা। এখানে একখানি বাড়ী পূর্বাঙ্কেই ভাড়া করা হইয়াছিল। আজ মাত্র দুই দিন তাঁহার আসিয়াছেন, আগামী কল্য বিমলেন্দুর সহিত সাক্ষাতের কথা। আজ রাত থাকিতে তাঁহার লোক-লঙ্কর লইয়া সিঞ্চড় পাহাড়ে উঠিয়াছেন—কাঞ্চনজঙ্ঘার সোনার বর্ণ দেখিবেন।

একটা পাহাড়ী সেলাম করিয়া বলিল, “বাবুজী, আরও আগে যাবেন?—সেখান থেকে গৌরীশঙ্করও দেখা যায়।”

রামপ্রাণ বাবু বলিলেন, “ও দিকে যে জঙ্গল।”

পাহাড়ী বলিল, “না, ওর ভেতরে আগে পথ আছে। এই খানিক আগে এক ‘সাহেব’ আর মেম এই দিকে গিয়েছে—তাদের সঙ্গে আপনাদের মত এক বাঙ্গালী বাবু আর এক আয়া আছে। চলুন, পথ দেখিয়ে নিয়ে যাব।”

রামপ্রাণ বাবু একটু ইতস্ততঃ করিলেন। এই অবধি পথ ভাল, কয়েক জন লোক দার্জিলিং, ঘুম ও জলাপাহাড় হইতে এইখানে বেড়াইতে আসিয়াছে, কিন্তু ইহার পর তিনি আর কাঠাকেও জঙ্গলের দিকে অগ্রসর হইতে দেখেন নাই। ঐ স্থানে সকলেই জলযোগ সারিয়া লইবার যোগাড় করিতেছিল। কেহ শৌভ জালিয়া চা প্রস্তুত করিতেছিল, কেহ বা নবদুর্কাদলের উপর নানারূপ আশুরণ বিছাইয়া প্লেটে করিয়া বিস্কট, কেক ইত্যাদি সাজাইতেছিল। এক দল যুরোপীয় দর্শক ফটো তুলিতেছিল।

প্রতিমা এই সময়ে বিশেষ আগ্রহের সহিত আবদার করিয়া বলিল, “চল না, বাবা, গৌরীশঙ্কর দেখে আসি, আর ত আসা হবে না।”

• প্রথম ছই একবার আপত্তি করিবার পর রামপ্রাণ বাবু প্রতিমার অনুরোধ এড়াইতে পারিলেন না। প্রতিমার কোন আবদারই তাঁহার নিকট অনাদৃত হইত না। অগত্যা তাঁহাদিগকে সেই নেপালী পথপ্রদর্শককে লইয়া জঙ্গলের দিকে অগ্রসর হইতে হইল, সঙ্গে বিধাসী পুরাতন ভৃত্য বৈজনাথ সিং লাঠি ঘাড়ে করিয়া চলিল।

যত দূর চক্ষু যায়, সম্মুখে, পশ্চাতে, বামে, দক্ষিণে ঘনসন্নিবিষ্ট পার্বত্য জঙ্গল—তাহার হরিৎ শোভা প্রথম উষোদয়ের রক্তচ্ছটায় হাসিয়া উঠিয়াছে। কত অর্কিড, কত মরশুমী ফুল, কত লতা, কত পাতা। সুমিষ্ট পক্ষি-স্বর্নে বনস্থলী মুগরিত হইয়া উঠিয়াছে। নির্জন শান্ত বনানীর শাস্ত্রসাম্পদ জাম শোভা মনপ্রাণ পুলকে ভরিয়া দিতেছিল।

এমনই করিয়া কয়েকনে প্রায় অর্ধ-মাইলের উপর অগ্রসর হইলে আবার এক স্থানে ফাঁকা যায়গায় তৃণাচ্ছাদিত স্বল্পপরিসর একটি ময়দান দেখিতে পাইলেন—যেন একখানি সবুজ তেলভেটের চাদর কে সেই স্থানে সযত্নে বিছাইয়া দিয়াছে। প্রতিমা অতিরিক্ত হঃ ও বিশ্বয়ে অভিভূত হইয়া কণেক নিস্তব্ধভাবে প্রকৃতির অপরূপ শোভা প্রাণ ভরিয়া দেখিয়া লইল; তাহার পর, বনকরঞ্জীর জায় সেই মাঠের উপর ছুটিয়া চলিল। তাহার হৃদয় পূর্ণ—মন যেন আনন্দ-মদিরা পানে মাতাল হইয়া উঠিয়াছে। সে বলিল, “বাবা, ঐ মাঠের ওপারে গাছের মাথায় উষার আলো কেমন ঝকমক করছে, এস না দেখি গিয়ে।” সে কোনও উত্তরের প্রতীক্ষা না করিয়াই এক দৌড়ে ক্ষুদ্র মাঠের অপর প্রান্ত পানে ছুটিয়া গেল। নেপালী গাইড, ‘হাঁ হাঁ’ করিতে না করিতেই সে একবারে খাদের ধারে আসিয়া উপস্থিত হইল। সে জানিত না যে, আর এক পা অগ্রসর হইলেই নিয়ে প্রায় ছয় হাজার ফুট খাদ!

রামপ্রাণ বাবু কিংকর্তব্যবিমূঢ় হইয়া কেবল ফেল-ফেল নেত্র চাহিয়া রহিলেন—কাঠের পুতুলের মত এক স্থানে দাঁড়াইয়া রহিলেন, এক পদও অগ্রসর হইতে পারিলেন না। রক্ষক বৈজনাথ সিং, নেপালী গাইডের সহিত প্রতিমার পশ্চাদ্ধাবন করিল বটে, কিন্তু সময়ে তাহাকে রক্ষা করিবার সুযোগ পাইল না। এমন সময়ে এক অভাবনীয় কাণ্ড ঘটিল। যেন সম্মুখস্থ ভূগণ্ড ভেদ করিয়া একটি মল্লম্যমূর্তি ঠিক খাদের মুখে দেখা দিল—সে এক লক্ষ্যে প্রতিমার সম্মুখীন হইয়া দৃঢ় বাহুবন্ধনে তাহাকে আবদ্ধ করিয়া ফেলিল। সে যেই হউক, সে যে বিলক্ষণ বলিষ্ঠ, তাহাতে সন্দেহ ছিল না। কেন না, প্রতিমার সমস্ত চলন্ত দেহের ভারে সে যে ধাক্কা খাইয়াছিল, তাহা সামলাইয়া লইতে অপর কোন লোক সমর্থ হইত কি না সন্দেহ।

রামপ্রাণ বাবু পরিপূর্ণ হৃদয়ে ভাবগদগদকণ্ঠে তাহাকে ধন্যবাদ দিয়া বলিলেন, “কি বলে আপনাকে মনের আন্তরিক কৃতজ্ঞতা জানাব—এ কি, তুমি?” রামপ্রাণ বাবু ধুমকিয় দাঁড়াইলেন। লোকটির দেহ তখনও প্রতিমার দেহ বহন করিয়া খর খর কাঁপিতেছিল, সেও

বিশ্বয়বিস্ফারিত নয়নে রামপ্রাণ বাবুর দিকে তাকাইয়া রছিল, প্রতিমা ততক্ষণ মুক্ত হইয়া তাঁহাদের উভয়ের দিকে দৃষ্টিপাত করিয়া বিস্মিত হইল। কিন্তু তাহার সে বিশ্বয় অপসারিত হইতে না হইতে সে দেখিল, একটি ইংরাজ যুবতী তাহার উচ্চারকর্তা বাঙ্গালী যুবকের নয়নে দৃষ্টি মিলাইয়া ইংরাজী ভাষায় বলিতেছে,—“ইন্দু ডালিং; এ কাষ তোমায় কি সুন্দর মানায়!” পিতার নিকট প্রতিমা ইংরাজী ও সংস্কৃত শিক্ষা করিয়াছিল।

বলা বাহুল্য, ইংরাজ-তুহিতা ইভ এবং বাঙ্গালী যুবক বিমলেন্দু। পাদরী ডেনিস অগ্রসর হইয়া বিমলেন্দুর পিঠ চাপড়াইয়া বলিলেন, “মিঃ রায়, তুমি যে কাষটাই কর, সব সুন্দর—এঁরা কারা? এঁদের সঙ্গে তোমার পরিচয় আছে না কি?”

ততক্ষণ ইভ সরিয়া গিয়া দুই হাতে প্রতিমার হাত দু’খানি ধরিয়া হিন্দী ভাষায় বলিতেছিল, “ভয় কি বোন্, তুমি যে এখনও কাঁপছ। এই দেখ না, এখান থেকে ঐ বুডো এভারেটের সাদা শণের জটা কেমন দেখা যাচ্ছে।”

ইভ তাহাকে একরূপ টানিয়া লইয়া খানের আর এক পাশে গিয়া তাহার হাতে অপেরা গেলাসটা তুলিয়া দিল। ততক্ষণ তাহার তিন জনে সেইখানে বসিয়া অপেরা গেলাসে গৌরীশঙ্কর দেখিতেছিল, এই জন্ত দূর হইতে তাহাদিগকে দেখিতে পাওয়া যায় নাই।

প্রতিমা বিশ্বয়ে অভিভূত হইল। কি আশ্চর্য! ‘মেমসাহেব’ এমন হয়? ইহারা ত আমাদের সঙ্গে কথা কহিতে যুগা বোধ করে। এ ‘মেমসাহেব’ কেমন-ধারা! বোন্ বলিয়া ডাকে, গলা জড়াইয়া আদর করে, অথচ একবারে জানাশুনা নাই।

এ দিকে বিমলেন্দু পাদরী ডেনিসকে বলিতেছিল, “ঐ, এঁর সঙ্গে জানাশুনা আছে বটে, তবে অনেক দিন দেখা নেই। চলুন, এবার ফেরা যাক। ইভ, চল, ফেরবার সময় হ’ল।”

ইভ প্রতিমাকে টানিয়া লইয়া বিমলেন্দুর কাছে গেল, বলিল, “ইন্দু, এঁদের জান? এঁরা কলকাতা হ’তে দার্জিলিং বেড়াতে এসেছেন। চলুন না, আপ-নারা আমার বাসায়।”

চারিচক্ষুতে মিলন হইল—কিন্তু সে মুহূর্তমাত্র। বিমলেন্দু নিমেষে চক্ষু ফিরাইয়া লইল, প্রতিমা তৎপূর্বেই দৃষ্টি অন্তর অপসারণ করিয়াছিল। কিন্তু সেই মুহূর্তমাত্র কণেই প্রতিমা বিমলেন্দুকে চিনিয়াছিল, সেই—সেই বছদিনের ফুলশয্যার রাত্রির মিলন—আর তাহার পর মাত্র কয়দিনের দেখাশুনা। কিন্তু সে ত ভুলিবার নহে!

বিমলেন্দু ব্যগ্র হইয়া বলিল, “চলুন, মিঃ ডেনিস, আমার গিয়েই আজ আফিসে চাক্ক বুঝিয়ে দিতে হবে।”

কথাটা বলিয়াই উত্তরের প্রতীক্ষা না রাখিয়া সে দ্রুতপদে অগ্রসর হইল। ইভ বিস্মিত হইল—সে তাহাকে না লইয়াই চলিল কেন, সে তাহা কিছুতেই বুঝিতে পারিল না। সে তাড়াতাড়ি প্রতিমার নিকট বিদায় লইয়া বিমলেন্দুর পশ্চাদহুসরণ করিল। মিঃ ডেনিসও রামপ্রাণ বাবুর করমর্দন করিয়া বিদায় গ্রহণ করিলেন।

প্রতিমা পদ-নখে মৃত্তিকা খনন করিতেছিল। হঠাৎ মুখ তুলিয়া স্পষ্ট স্বরে বলিল, “বাবা, চল, কলকাতায় ফিরে যাও, দার্জিলিং ভাল না।”


রামপ্রাণ বাবুর মুখখানা পাংশুবর্ণ ধারণ করিল। তিনি কেবল ‘আয় মা!’ বলিয়া কন্টার হাত ধরিয়া দার্জিলিং-এর পথে প্রত্যাভর্তন করিলেন। তাঁহার আশাহত হৃদয়ে তখন তুমুল ঝড় বহিতেছিল।

৬

বিমলেন্দুর চাকুরা গিয়াছে। তাহাকে কলিকাতার আফিসে যোগ দিবার চকুম হইয়াছিল, সে চকুম তামিল করে নাই, ইহাই অপরাধ। কিন্তু সে এখনও দার্জিলিং-এ রহিয়াছে, তবে দপ্তরের মেসে তাহার আর স্থান নাই, সে সেনিটেরিয়ামে থাকে।

এক দিন নিমাইয়ের সহিত তাহার মল রোডে সাক্ষাৎ হইল। সে পাশ কাটাইয়া চলিয়া যাইতেছিল, নিমাই ধরিয়া ফেলিল; বলিল, “তুই ত খুব ভদ্রলোক, দেখেও দেখিস না? আচ্ছা, চলছে কি করে তোর বল ত?”

বিমল কাষ্ঠ-হাসি হাসিয়া বলিল, “কেন, চাকুরী না হ’লে কি দিন চলে না? ভগবান্ চালাচ্ছেন।”



রোহিণী

বসুগণ: প্রম |

১৯৩১ ৥ ১২ ৥ ১২ ৥ ১২ ৥ ১২ ৥ ১২ ৥ ১২ ৥ ১২ ৥ ১২ ৥ ১২ ৥

“ইস, তবু ভাল, ভগবান্ মালিক তা হ'লে? যাক, এমনই ক'রে কি দিন কাটাবি? তোর ত অভাব নেই কিছু?”

“অভাব কার নেই?”

“আরে, আমি ত সব জানি। কেন, খন্তরের বাড়ী কি মিষ্টি লাগে না? আহা, বুড়োর একটা মেয়ে— আর মেয়ে ত নয়, যেন সাক্ষাৎ লক্ষী। বুড়ো যে ক'রে আমার হাত ছুটো ধ'রে কেঁদে ফেলে—”

“যা যা, আর কিছু কথা আছে? আমার সময় নেই, বাজে বকতে পারিনি।”

“বটে, এটা বাজে হ'ল? দেখ, তুই অতি বড় পাষণ্ড। না হয়, বুড়ো একটা ভুলই ক'রে ফেলেছে, তার কি ক্ষমা নেই? আর সেই অভাগা মেয়েটা—সে কি অপরাধ করেছে বল ত? দাঁড়া না, পালাচ্ছিস কেন?”

“না, পালাব না। কথাটা যখন পাড়লি, তখন ধুলেই বলি। দেখ, পুরুষমানুষ আর সব সহ্য করতে পারে, কিন্তু ভাতের খোঁটা সহ্যেতে পারে না। বড়-মানুষের বাড়ী ঘরজামাই হয়ে থাকবার সখ আমার মোটেই নেই।”

“কি বা তোকে বলেছে? তার একটি মেয়ে— সমস্ত বিষয়-আশয়ের মালিক—তার স্বামী দেশঘর ছেড়ে থাকে সাগুরপারে কেন হে? কি হুখে? যদি তাতে বুড়ো বাধা দিয়ে থাকে, যদি সে তার খরচটা না দিতেই চায়, তাতে কি সে খুবই অপরাধ করেছে?—কেন, সে ত সর্বস্ব তোকে দিতেই চেয়েছিল। দেখ, ছেলেমানুষি করিসনি। অমন সোনার প্রতিমা—তার মুখও চাইতে হয়।”

বিমলেন্দু উত্তর করিল না, হাতের ছুড়িটা পথিপার্শ্বের ফুলগাছের উপর চালাইতে লাগিল। ক্ষণপরে বলিল, “সে ত আমায় চায় না, টাকাই চায়। তা, তাই নিয়েই থাকুক।”

“কি রকম?”

“নয় ত কি? সাত বছরের মধ্যে কি একখানা চিঠিও লিখতে পারত না? যাক, ও কথা ছেড়ে দে। জিজ্ঞাসা করলিনি, আমি কি করছি? আমি পাদরী

ডেনিস সাহেবের এক বছর ষ্টেনোগ্রাফারের কাষ পেয়েছি।”

“আর ইত?”

বিমলেন্দুর মুখ গম্ভীর হইল। সে কিছুক্ষণ নীরবে থাকিয়া বলিল, “আমার এ শুকনো জীবন-সাহায্য ইত শীতল প্রস্রবণ।”

“ইস, একবারে যে কবি কালিদাস হয়ে পড়লি!”

বিমলেন্দু কঠোর অথচ কাতর দৃষ্টিতে তাহার পানে চাহিয়া সজোরে তাহার একখানা হাত চাপিয়া ধরিল। ধরা গলায় বলিল, “শোন, নিমাই! আমি ঠিক করেছি, আমি তোদের এই কপট স্বার্থপর হিন্দুসমাজে আর থাকব না,—খুঁটান হব, যে সমাজে ইভের মত সরলা দেবকুমারী জন্মায়, সেই সমাজের এক জন হব। তোরা আমায় ঘৃণা করিস, করিস, কিন্তু আমার এই-ই সঙ্কল্প।”

নিমাই ব্যঙ্গের সুরে কহিল,—“আর সঙ্গে সঙ্গে দয়া ক'রে ইভের পাণিগ্রহণ করবি ত? ইডিয়ট! দেখ, বাড়িখাড়ি করিসনি—এখনও ভালয় ভালয় দার্জিলিং ছেড়ে পালিয়ে যা—এখনও সময় আছে। বাঙ্গালীর ছেলে, হিন্দুর ছেলে, তেলে-জলে কখনও মিশ খায়? তার চেয়ে যার সঙ্গে তোর ইহকালের সঙ্কল্প ঠিক হয়ে গেছে, তার কাছে ফিরে যা, তোরও ভাল হবে, তাদেরও ভাল হবে, ইভেরও ভাল হবে।”

“না নিমাই, ফেরবার আর উপায় নেই। ইতকে লুকিয়ে বিয়ে করেছি।”

“ভ্রাতা, কি সর্বনাশ! ভাই ইন্দু, আমি তোর বালা-বন্ধু, হাতে ধ'রে বিনয় ক'রে বলছি, এ মোহ ভেঙ্গে ফেল, তোর স্বার্থ স্বীর কাছে ফিরে যা। ওদের কি বল না, ওদের পাঁচটা বিয়ে হ'তে পারে। ওরা—”

বিমলেন্দু ক্রুদ্ধ ও উত্তেজিত সুরে বলিল,—“যার কথা কিছু জান না, তার সঙ্কল্পে যা তা একটা কথা বলে ফেলো না। ইতকে তুমি কি মনে কর? সে যত মন্দই হোক, তবু তোমাদের বিষয়ের মালিক বড়লোকের মেয়ের মত নয়, এ কথা তোমায় জানিয়ে রাখলুম।”

কথাটা বলিয়া বিমলেন্দু আর দাঁড়াইল না, দীর্ঘ পদবিন্যাস করিয়া^০ রোষভরে চলিয়া গেল, নিমাই অবাধ হইয়া তাহার চলন্ত মূর্তির দিকে তাকাইয়া রহিল।

কিছুক্ষণ পরে একটা দীর্ঘশ্বাস ত্যাগ করিয়া নিমাই বলিল, “নাঃ!”

নিমাই নেসে ফিরিল না, সরাসর রামপ্রাণ বাবুর বাসার দিকে চলিল, সে তাঁহার নিকট প্রতিশ্রুতি দিয়াই বিমলের সহিত সাক্ষাৎ করিতে গিয়াছিল।

নিমাই চলিয়া গিয়াছে, রামপ্রাণ বাবু অসম্ভব গভীর হইয়া বসিবার ঘরে একমনে তাহার মুখে শোনা কথা তোলাপাড়া করিতেছেন। কিন্তু অধিকক্ষণ নহে, তাঁহার প্রাণ অস্থির হইয়া উঠিল, দ্রুতগতি উঠিয়া তিনি কক্ষে পাদচারণা করিয়া বেড়াইতে লাগিলেন। ভৃত্য গড়গড়ায় তামাক সাজিয়া দিয়া গিয়াছিল, তাহা আপনিই পুড়িয়া যাইতে লাগিল। কখনও বসেন, কখনও জানালার ধারে গিয়া দাঁড়ান, কখনও পিঞ্জরাবদ্ধ ব্যাঘ্রের মত এ দিক হইতে ও দিক পাদচারণা করিয়া বেড়ান,—তাঁহার যেন কিছুতেই স্বস্তি নাই।

পাহাড়ী চাকরটা আসিয়া বলিল, “হুজুর, দালাল এসেছে।” বাবু প্রথমে শুনিতেই পাইলেন না, চমক ভাজিলে শুনিয়া বলিলেন, “যেতে বল, বাড়ী কিনবো না।” ভৃত্য অবাক হইয়া চলিয়া গেল। কি আশ্চর্য্য! কা’ল যে দালালকে খবর দিয়া আনাইয়া বাড়ীর জন্ম পাড়াপাড়ি করিয়াছেন—হাতে ১০ টাকার নোট গুঁজিয়া দিয়াছেন, আজ বাবু তাহার সহিত সাক্ষাৎই করিবেন না,—এ কি রকম?

কর্ত্তা হঠাৎ ডাকিলেন, “প্রতিমা!” তাঁহার অসম্ভব গভীর স্বর ঘরখানা ছাইয়া ফেলিল। ‘কি বাবা’, বলিয়া প্রতিমা ঘরে আসিয়া পিতার মুখপানে চাহিয়া থমকিয়া দাঁড়াইল, তাহার হাস্তপ্রফুল্ল আনন হঠাৎ গভীর ভাব ধারণ করিল।

রামপ্রাণ বাবু গভীর স্বরে বলিলেন, ‘ব’স।’ না জানি কি অমঙ্গলের কথা শুনিবে, এই উৎকর্ষায় শুকমুখী প্রতিমা একখানা চোকীর উপর বসিয়া পড়িল। তাহার মনে আশঙ্কার কথাই জাগিতেছিল,—যদি, না, না, তাহা হইতেই পারে না। সে ক্ষীণ কণ্ঠে বলিল, “কি বলবে, বাবা?”

রামপ্রাণ বাবু উত্তেজিত কণ্ঠে বলিলেন, “আয় মা,

আমরা খুঁটান কি মুসলমান যা হয় একটা হয়ে যাই, কি বলিস?”

প্রতিমা বিশ্বয়ে অবাক হইয়া ক্ষণেক তাঁহার দিকে ফেল-ফেল চাহিয়া রহিল, তাহার পর বলিল, “কি বলছ, বাবা?”

“হঁ, বলছি ঠিক। মুসলমান হ’তে পারবি?”

প্রতিমা হো হো হাসিয়া বলিল, “ওঃ, তাই বল। আমি বলি না জানি কি বলবে।”

“না, তামাসা না, সত্যিই বলছি, আমি মুসলমান হব, তোকেও মুসলমানধর্মে দীক্ষা দেব ও হিন্দুমানীর জাতির মুখে ঝাড়ু মেরে আমরা আশ মিটিয়ে সুখী হব। কি বলিস?”

প্রতিমা সভয়ে বলিল, “বাবা, কি বলছ, বুঝতে পারছি না।”

রামপ্রাণ বাবু বিকট হাসিয়া বলিলেন, “বুঝছ না? খুবই বুঝছ, হাড়ে হাড়ে বুঝছো। তবে তুমি সব চেপে রাখ, আমি পারি না, এই যা। হিন্দুধর্ম আমাদের ছাড়তে হবেই।”

প্রতিমা এবার দৃঢ়স্বরে বলিল, “কেন, কি ডঃখে? হিন্দুধর্ম তোমায় এমন কি তাড়া দিয়েছে?”

“তাড়া দেয়নি—দাগা দিয়েছে—এই এখানে, এই বকের ভেতরে। ছত্রোর হিন্দুমানীর নিয়ে কিছু করেছে! কেন, অন্য সব ধর্মে পুরুষ নারীকে দর-হাই করলে তাদেরও দূর-ছাই করবার আইন আছে, কেবল হিন্দু হলেই শয়ে শোওয়া পর্য্যন্ত নারী বেঁধে নার খাবে? এ কি অভ্যচার? পুরুষ যা ইচ্ছে তাই করবে, নারী মুখ বুজে কেবল সহ ক’রে যাবে? ভগবানের আইনে তা হ’তে পারে না।”

প্রতিমা এতক্ষণে কথাটা তলাইয়া বুঝিল। বুঝিবা-মাত্র তাহার মুখখানা রাজা হইয়া উঠিল, সে তাড়াতাড়ি বলিল, “বাবা, আমার ছেলেটিকে দেখলে না? কা’ল থেকে আমি তাকে বাঙ্গালা কথা ক’রচ্ছি। কেমন ‘মা’ বলে চুমু খায়। দেখবে বাবা, আনবো?”

রামপ্রাণ বাবু বাধা দিয়া বলিলেন, “দেখ মা, তোমায় আমার আর ভাঁড়াভাঁড়ি চলে না, এখন সবই খোলাখুলি বলা ভাল। আমারই দোষে একটা তুচ্ছ ঘটনায় আমি

তোমার জীবনের সুখের পথে কাঁটা দিয়েছি। ভাব-
লুম, তার প্রায়শ্চিত্ত করব। তাই দার্জিলিঙে এসেছিলুম
—জান ত একখানা বাড়ীরও বায়না কচ্ছিলুম—তোদের
নিরে সংসার পাতাবো ব'লে। কিন্তু সে আশায় ছাই
পড়েছে।”

প্রতিমা কাঠ হইয়া বসিয়া শুনিয়া যাইতেছিল।
তাহার ভাবসমূহে তখন কি ভীষণ তরঙ্গতরঙ্গ হইতেছিল,
তাহা সে-ই বলিতে পারে। মুকুলিত যৌবনের অতপ
আশা-আকাঙ্ক্ষা ও অফুরন্ত বাসনা লইয়াই তাহাকে এ
জীবনের দীর্ঘ মেয়াদ অতিবাহিত করিতে হইবে, এই
আশঙ্কা তাহার মনের মাঝে ক্ষণিক চপলা-চমকের মত
জলিয়াই নিভিয়া যাইত, এখন পিতার স্পষ্ট কথায় সেই
লুপ্তপ্রায় স্মৃতি সাকার অবয়ব ধারণ করিয়া মানসচক্ষুর
সমক্ষে ভীষণ দৈত্যের মত দণ্ডায়মান হইল। সাহারার
অনন্তবিস্তার ধূ ধূ বালুকারাশির মত নীরস কঠোর প্রাণ-
হীন এই জীবনের পরিণাম কোথায় হইবে? কি অবলম্বন
লইয়া সে এ সাহারার বাস করিবে?

রামপ্রাণ বাবু বলিয়া যাইতে লাগিলেন, “সে যে এতটা
এগিয়েছে—নিজের জাত খুইয়ে একটা ফিরিঙ্গীর মেয়েকে
বিয়ে করেছে—চমকিও না, সত্যি কথা, এইমাত্র নিমাই
এসে খবর দিয়ে গেল, তাদের বিয়ে হয়ে গেছে,—এতটা
যে এগিয়েছে, তা বুঝতে পারিনি। পাবুলে দার্জিলিঙে
আসতে পুণ্ড্রম করতুম না। রাস্কেল ইন্ডিয়ট এত বড়
পাজী, রাগ দেখাবার জন্ত নিজের ধর্মপত্নীকে ত্যাগ ক'রে
খৃষ্টান ফিরিঙ্গীর মেয়েকে বিয়ে করে! আর আমাদের
এমনই ধর্ম—এতে তার কোনও শাস্তি নেই—”

প্রতিমা মিনতির কণ্ঠে বলিল,—“বাবা, বাবা, ও কথা
ছেড়েই দাও না। চল, আমরা আজই কলকাতায়
যাই—না হয় পুরী, না হয় যেখানেই হোক যাই—”

রামপ্রাণ বাবু তখনও স্থির হন নাই, বলিলেন, “হঁ,
যাব। কিন্তু যাবার আগে আমিও তাকে দেখিয়ে দোবো
যে, তার উপরেও রাগ দেখিয়ে যা ইচ্ছে তাই করতে
পারে, এমন লোকও আছে। সত্যি বলছি মা, আমি
মুসলমান কি খৃষ্টান হবই, আর তোর আবার যোগ্য বরে
বিয়ে দোবো, এ যদি আমি না করি ত আমি রামপ্রাণই
নই—”

প্রতিমা বাধা দিয়া গভীর স্বরে বলিল, “কেন বাবা,
মনে কষ্ট পাচ্ছ? আমাদের কিসের অভাব? আমরা
বাপে-ঝিয়ে কি মন্দ আছি, তার উপর ছেলেটা পেয়েছি,
দেখবে বাবা?”

রামপ্রাণ বাবু বলিলেন, “বতই কথা চাপা দে, আমার
সকল টলবে না। আমি সমাজের তোয়াক্কা রাখি না।
আমার মেয়ের সুখ বলি দিয়ে আমি সমাজ বুকে নিয়ে
ব'সে থাকতে পারিনি। কেন, এমন ত অনেক হচ্ছে?
এই সে দিন এক উকীলের মেয়ে স্বামী অত্যাচারে
মুসলমান হয়ে আবার বিয়ে করেছে—”

প্রতিমা কাতর দৃষ্টিতে একবার পিতার দিকে চাহিয়া
বলিল, “ছিঃ বাবা!”

রামপ্রাণ বাবু বিস্মিত হইয়া বলিলেন, “কেন মা,
খৃষ্টান কি মুসলমান হ'লে ত আবার বিয়ে হয়, এতে
নিদের কথা কিছু নেই।”

প্রতিমা দ্বারের দিকে অগ্রসর হইয়া ছল-ছল নেত্রে
কাতর অথচ দৃঢ়কণ্ঠে বলিল, “যার হয় তার হয়, হিঁদুর
মেয়ের হয় না। সে বাধন কেবল এ জন্মের নয়, গর-
জন্মেরও।”

প্রতিমা চলিয়া গেল। রামপ্রাণ বাবু ক্ষণেক অবাক
হইয়া কন্ঠার সেই মহামহিমময়ী মূর্তির পানে তাঁকাইয়া
রহিলেন, তাহার পর আপন মনে কক্ষমধ্যে পাদচারণা
করিয়া বেড়াইতে লাগিলেন। তাহার মনে এই প্রশ্ন বার
বার উদয় হইতে লাগিল,—এই মাতৃহীনা বালিকাকে
কে এই প্রেরণা দান করিয়াছে!

ইত যে ‘ইন্দুকে’ পাইয়া সুখী হইয়াছিল, তাহাতে
কোনও সন্দেহ ছিল না। তাহার চোখে-মুখে, কথায়-
বার্তায়, হাসির তরঙ্গে, সঙ্গীতে, নৃত্যে,—প্রতি অঙ্গ-
ভঙ্গীতে সে আনন্দের হিল্লোল বহিয়া যাইত। সে
হিল্লোলে অঙ্গ ভাসাইয়া বিমলেন্দু অপার আনন্দ ও
অফুরন্ত তৃপ্তি অহুভব করিত।

বিমলেন্দুই ইতকে ‘ইন্দু’ নাম শিখাইয়াছিল। এই
ছোট নামটি ইতের অপমালা হইয়াছিল—সে এই নাম
বড় ভালবাসিত। স্বপ্নেও কখনও কখনও সে ‘ডালিং

ইন্দু' বলিয়া কিয়রীকণ্ঠে শয়নকক্ষ মুখরিত করিত। বিম-
লেন্দু সে সময়ে তাহাকে বন্ধে ধারণ করিয়াও তাহার
ক্ষুদ্র হৃদয়ের গভীর অপরিমেয় অন্তলম্পর্শ প্রেমের অস্ত
পাইত না।

কার্শিয়কে তাহারা একটি লতাপাদপমণ্ডিত ক্ষুদ্র বন-
ভবন ভাড়া লইয়াছিল—ইভের বংশের চিরাচরিত
প্রথাভূসারে বিমলেন্দু বিবাহের পর এক মাসকাল মধু-
বাসর করিতে বাধ্য হইয়াছিল। সেই শাস্ত নির্জন
পল্লীবাসে তাহারা দুইটি প্রাণী কপোত-কপোতীর মত
পরমানন্দে চিন্তারহিত জীবন যাপন করিত। অস্ততঃ
সেই এক মাসকাল বিমলেন্দু ভাবিয়াছিল, এমনই
মধুময় জীবনই বুঝি সে চিরদিন যাপন করিবে!

স্বর্গের অপ্সরীর মত—বনভবনের ক্ষুটিত গোলাপের
মত সুন্দরী ইভ বাগানবাড়ীটি সর্সদা আলো করিয়া
থাকিত! কখনও কখনও সে বনকুরঙ্গীর মত সারা
বাগানে ছুটাছুটি করিয়া ইন্দুর সহিত লুকাচুরি খেলিত,
আবার কখনও বা বৃক্ষশাখায় দোতলামান দোলায়
চড়িয়া সে ইন্দুকে দোল দিতে বলিত—যখন তাহার
প্রলাপিত স্বর্ণপ্রভ কুঞ্চিত কেশরাশি যুগ্মপবনে আন্দো-
লিত হইত, তখন বিমলেন্দু তাহাতে স্বর্গের সুবন্দা ঝরিতে
দেখিত। সে কি আনন্দের—সে কি তৃপ্তির দিনই
অতিবাহিত হইতেছিল! বিমলেন্দু তখন একবারও
ভাবে নাই, মাহুষের দিন চিরকাল সমান
যায় না।

এই অনন্ত সুখের সাগরে শয়ান থাকিয়াও কিন্তু বিম-
লেন্দু মাঝে মাঝে আত্মবিস্মৃত হইত—তাহার একটানা
সুখের স্রোতে মাঝে মাঝে যেন কি একটা প্রকাণ্ড বাধা-
মাতঙ্গ গতিরোধ করিয়া দণ্ডায়মান হইত। তাহার মনে
হইত, যেন কি নাই—যেন কি হারাইয়াছি—যেন
কোথায় কোন্ অজানা অতীতের কোণ হইতে দূরাগত
বংশীধ্বনির স্রায় কি এক অপরূপ মধুর স্মৃতির রেখা
তাহার মানস-পটে অঙ্কিত হইতেছে—কে যেন
কোথা হইতে তাহাকে ধাক্কা দিয়া তাহার এই কণিক
মোহনিত্রা ভাঙ্গিয়া দিতেছে। এই সময়ে সে এমন
আত্মবিস্মৃত হইত যে, ইভ বার বার ডাক দিয়াও সাড়া
পাইত না—সে বিস্মিত হইয়া তাহার এই বিস্মৃতির কারণ

জিজ্ঞাসা করিত—অমনই সে লজ্জায় অভিভূত হইয়া পর-
ক্লেণেই প্রেমময়ী ইভকে বাহুপাশে বন্ধন করিয়া কত
সোহাগের—কত আদরের কথায় মন তুলাইয়া দিত।
মধুবাসরের শেষাংশে ইন্দুর এমন ভাব প্রায়শঃ ঘন ঘন
হইত—ইভ তাহাতে মনে মনে দারুণ ব্যথা, দারুণ
অশান্তি অনুভব করিত।

এক একবার সে ভাবিত, বুঝি বা আত্মীয়-স্বজন-বন্ধু-
বান্ধব-হারা তাহার ইন্দু তাহার সমাজের সংস্পর্শের
অভাব অনুভব করিতেছে। কিন্তু সেও ত তাহার
প্রাণাধিকের জন্ত আত্মীয়-স্বজন বন্ধু-বান্ধব ছাড়িয়া চলিয়া
আসিয়াছে—সে ত এখন তাহার সমাজ ও স্বজন কর্তৃক
পরিত্যক্ত অস্পৃশ্য 'পারিয়ার' স্রায় জীবন যাপন করি-
তেছে। সে কাহার জন্ত? তবে ইন্দু এত বিমর্ষ কেন?
সে ত এ অভাব অনুভব করে না, ইন্দু ত তাহার সকল
অভাব পূর্ণ করিয়াছে। তবে কি সে নিজে ইন্দুর সকল
অভাব পূর্ণ করিতে পারে নাই? এ নিষ্ঠুর চিন্তায় ইভের
কোমল প্রাণ ক্ষতবিক্ষত হইত। সে ভাবিত, কি করিলে
ইন্দুর এ অভাব পূর্ণ করা যায়?

আবার কখনও কখনও ইভের মনে আশঙ্কা হইত,
হয় ত ইন্দু কার্শিয়কে তাহার বাসায় থাকিতে বিরক্ত ও
অসন্তুষ্ট হইতেছে। ইন্দু বড় অভিমানী—স্বাধীনচেতা,—
সে তাহার পরমায় কার্শিয়কে কেন, জগতের কোথাও
বাস করিতে সম্মত হইবে না। এক দিন এ বিষয়ে উভ-
য়ের মধ্যে কথা হইয়াছিল। ইন্দু আফিস ছাড়িয়া
আসিবার কালে যে বেতন পাইয়াছিল, তাহার সবই
ইভের জিন্মায় রাখিয়াছিল। তাই সে ভাবিত, তাহার
টাকাতেই তাহাদের খরচ চলিয়া যাইতেছে। কিন্তু
এক দিন সে নেপালী আয়ার সহিত কথায় কথায়
জানিল, কার্শিয়কের এই ইন্দুভিলার (ইভ আদর করিয়া
তাহাদের বাসাবাটীর এই নামকরণ করিয়াছিল) ভাড়াই
মাসিক ২ শত টাকা। কি সর্সনাশ! সে যে কুড়াইয়া
বাড়াইয়া মাত্র ২ শত টাকাই ইভের হাতে দিয়াছিল।
তবে বাড়ী ভাড়া দিয়া এই যে রাজার হালে সংসার
চালান হইতেছে, ইহার খরচার ষোগান আসিতেছে
কোথা হইতে? বিমলেন্দু অস্থির হইল, ইভকে বলিল,
“দুর্লভ ইভ, আমরা দার্কিলিঙে ফিরে যাই।”

ইত সভয়ে বলিল, “কেন, এরই মধ্যে কেন, এক মাসের বাড়ী ভাড়া নেওয়া হয়েছে, মাস ফুরিয়ে যাক।”

“না, না, আমার কাছে জয়েন করতে হবে। মিছে সময় কাটিয়ে কি হবে?”

“তুমি ত এক মাস ছুটি পেয়েছ। তবে?”

“না, ব’সে ব’সে মাইনে খাওয়া ভাল না, এতে মনিবকে ফাঁকি দেওয়া হয়। চল, কালই বাই।”

ইত মহা ফাঁপরে পড়িল। সে এই কয়দিনেই বুঝিয়াছিল, ইন্দু কিরূপ নির্বন্ধপরায়ণ। তাই তাহার মন ভুলাইবার জন্ত ব্রহ্মাঙ্গ ত্যাগ করিল, আদরে গলাটি জড়াইয়া ধরিয়া, কাঁধের উপর মাথা রাখিয়া সোহাগের সুরে বলিল, “এখানে আমরা কেমন সুখে রয়েছি, কেমন সময় কেটে যাচ্ছে। আমাদের কিসের ভাবনা, কিছু ত অভাব নেই। নাই বা চাকুরী করলে।”

বিমলেন্দু প্রথমটা ইতের আদরে নরম হইয়া আসিয়াছিল, কিন্তু শেষ কথাটা শুনিয়া তীরের মত উঠিয়া দাঁড়াইয়া বলিল, “বাবু, বেশ ত? তা হ’লে দিন চলে কি ক’রে?”

ইত পুনরপি তাহাকে টানিয়া বসাইয়া বলিল, “কেন তুমি দুই দুই করছ? আমার যখন টাকার অভাব নেই, তখন তোমার থাকবে কেন? আমার যা আছে, তা তোমার নয় কি? বল, কালই আমি সব তোমার নামে দেখাপুড়া ক’রে দিচ্ছি। কি বল?”

সম্মুখে উত্তমফণা কালসর্প দেখিলে পথিক যেমন চমকিয়া উঠে, বিমলেন্দু তেমনই চমকিয়া উঠিল। এ কথায় তাহার মন আনন্দে ও প্রেমে পূর্ণ হওয়া দূরে থাকুক, এক বিষম স্মৃতির তাড়নায় তাহার মন অস্থির হইয়া উঠিল। ঠিক এমনই ভাবে তাহার দারিদ্র্যকে এক দিন উপহাস করিয়া তাহাকে আশ্রয়চ্যুত গৃহচ্যুত সর্কস্ব-চ্যুত করা হইয়াছিল। আর আজ আবার?—তাও তাহারই মুখাপেক্ষিণী প্রেমভিখারিণী তদধীনজীবিতা ইতের মুখ হইতে নির্গত হইল? এ কি তাহার জীবনে বিধাতার অভিসম্পাত!

সে স্থির হইয়া বসিয়া গভীর স্বরে বলিল, “ইত, দেখ, তুমি যে আমার আন্তরিক ভালবাস, এটা তার প্রমাণ, তা বুঝতে পারছি। কিন্তু মনে কিছু কোরো না, তোমায়

আমি কড়া কথা বলতে পারিনি, কিন্তু তোমার গলগ্রহ হয়ে থাকতে কখন বোলো না।”

ইত তাড়াতাড়ি উঠিয়া বাহুপাশে স্বামীকে আলিঙ্গন করিয়া তাহার কর্ণলগ্না হইয়া করুণ স্বরে বলিল, “ইন্দু ডার্লিং, এ কি কথা বলছ? তুমি পুরুষ, আমি তোমায় আমার গলগ্রহ হ’তে বলব? তবে এ ক’টা দিন— আমার জীবনের স্বপ্নের এ ক’টা দিন আমার এমনই ক’রে তোমাকে পেতে দাও। তুমি কি জান না, তুমি আমার সর্কস্ব, আমার জীবন, তোমায় ছেড়ে আমি এক দণ্ড বাঁচতে পারিনি?”

কথাগুলি বলিতে বলিতে ইত ঝর-ঝর নয়নাঙ্গারে বিমলেন্দুর বক্ষঃস্থল ভাসাইয়া দিল। বিমলেন্দু কি করিবে, সে ত মানুষ! সে সম্মুখে তাহাকে বন্ধে ধারণ করিয়া মুখচুম্বন করিল, নয়নের জল মুছাইয়া দিল। একটু প্রকৃ-তিস্থ হইলে বলিল, “তুমি যা বলবে, তাই করব—কেঁদ না, ইত ডিয়ার! এই দেখ, আমি দৌড়ুই, তুমি ধর ত।”

বিমলেন্দু দৌড়িল, ইত হাসি-কান্নার মাঝে পরমা-নন্দ উপভোগ করিয়া তাহার পশ্চাদ্ধাবন করিল। কিছুক্ষণ ছুটাছুটির পর যখন তাহার ক্লান্ত হইয়া একটি লতা-বিতানের মধ্যে আশ্রয় গ্রহণ করিল, তখন বিমলেন্দু আদরে ইতের কোমল করপল্লব ছুইখানি হাতের মধ্যে লইয়া বলিল, “ইত, আমাদের এই মধুবাসরটা বেশ কেটে যাচ্ছে, না? তা যাক, কিন্তু আমাদের সংসারের জীবনের কঠোর পরীক্ষা আসছে ত? তখন ত সারাদিন এমনই কপোত কপোতী হয়ে থাকলে পেট চলবে না। তুমি সুখে বিলাসে পালিত হয়েছ, তুমি তোমার টাকার যা ইচ্ছে সদ্যবহার কোরো। আমি কিন্তু খেটেখেঁকো মানুষ, আমার পরের দাসত্ব ক’রে খেতে হবে। আমি তেমনই ভাবে থাকবো। আমার দারিদ্র্যের অংশ তোমায় দিতে চাই নি। কিন্তু দরিদ্র আমি—আমাকে বিলাসের লোভ দেখিও না।”

ইত কিছুক্ষণ নীরব রহিল, পরে দীর্ঘশ্বাস ত্যাগ করিয়া বলিল, “বেশ, তাই হবে। তুমি যাতে সুখী হও, আমার তাতেই সুখ।”

নারীর হৃদয়ের উপাদান সব দেশেই সমান।

[ক্রমশঃ।

গোয়ালিয়র

কলেজে পড়িবার সময় হইতেই গোয়ালিয়র-দুর্গ দেখিবার জন্য আমার বিশেষ আগ্রহ হয়, কারণ, দুর্গটি ইতিহাসপ্রসিদ্ধ। কিন্তু বহুকাল পর্যন্ত সে সুযোগ উপস্থিত হয় নাই। ১৯২৯ খৃষ্টাব্দে ডিসেম্বর মাসে কতিপয় ছাত্র এবং এক বন্ধু সমভিব্যাহারে আমি গোয়ালিয়র যাত্রা করি। যখন আমরাদিগের গাড়ী “প্লাটফর্ম” পরিত্যাগ করিল, তখন আমার মনে পুলক এবং বিস্ময় উভয়ই উপস্থিত হইল। পুলকের কারণ এই যে, এত দীর্ঘকাল পরে আমার বহু দিনের বলবতী ইচ্ছা পূর্ণ হইতে চলিল, এবং বিস্ময়ের কারণ এই যে, এতগুলি ছাত্র লইয়া এক অজানা দূরদেশে যাত্রা করিলাম—সকলকে লইয়া পুনরায় স্বস্থানে প্রত্যাবর্তন করিব কি না, জানিতাম না।


আমরা প্রথমে বেনারেস ক্যান্টনমেন্ট পৌঁছিলাম, এবং সেখান হইতে লঙ্কোয়ে উপস্থিত হইলাম। লঙ্কোয়ে দুই দিন থাকিয়া, সেখানকার নবাবদের কীর্তিকলাপের ধ্বংসাবশেষ দেখিয়া কানপুর যাত্রা করিলাম। কানপুরে ২৩শে ডিসেম্বর বেলা ১১টায় পৌঁছিলাম এবং সেখানে দ্রষ্টব্য বাহা ছিল, বিশেষতঃ যে কূপে সিপাহী-যুদ্ধের সময় নানা সাহেব এবং তাঁহার অহুচরবর্গ ইংরাজ-মহিলাদিগকে এবং তাঁহাদের সন্তানগণকে হত্যা করিয়া নিক্ষেপ করিয়াছিলেন, তাহা দেখিয়া সন্ধ্যা ৭টায় জি, আই, পি রেলওয়ের গাড়ীতে গোয়ালিয়র রওনা হইলাম। গাড়ীতে নানা প্রকার চিন্তায় নিদ্রা হইল না—কেবলই মনে হইতে লাগিল যে, আমার গোয়ালিয়র-দুর্গ-দর্শন ইংরাজ কবি Wordsworthএর Yarrow Visitedএ পর্য্যবসিত না হয়। আমরা যে গাড়ীতে গোয়ালিয়র যাত্রা করি, সে গাড়ী মাত্র ঝাঁসি (Jhansi) পর্য্যন্ত যাইত, সুতরাং ঝাঁসি রেলওয়ে স্টেশনে আমাদের গাড়ী পরিবর্তন করিতে হইল। ঝাঁসি হইতে গোয়ালিয়র পর্য্যন্ত বেশ কাটিয়াছিল, কারণ, আমি যে কামরায় উঠিয়াছিলাম, সেই কামরায় এক জন মারাঠা উকীল

বড়দিনের ছুটিতে তাঁহার এক পুত্রকে লইয়া দিল্লী, আগরা, মথুরা প্রভৃতি ঐতিহাসিক স্থানগুলি দেখিতে যাইতেছিলেন। তিনি বিশেষ ভদ্রলোক এবং অল্প সময়ের মধ্যেই তাঁহার সহিত আমার বিশেষ ঘনিষ্ঠতা জন্মিল। তিনি রাণাড়ে, গোধলে, তিলক প্রভৃতি মারাঠা মনীষীদিগের পারিবারিক জীবন সম্বন্ধে অনেক কথা বলিলেন—যাহা কোনও পুস্তকে এ পর্য্যন্ত পাঠ করি নাই এবং সেগুলি তাঁহাদের মহত্বের পরিচায়ক। ভোর ৬টায় বন্ধুটির নিকট বিদায় গ্রহণ পূর্বক আমরা গোয়ালিয়র স্টেশনে অবতরণ করিলাম। কিছুক্ষণ পর্য্যন্ত আমরা স্টেশন-প্রাঙ্গণে দাঁড়াইয়া চতুর্দিক অবলোকন করিলাম। শ্রামণ-তৃণদল-শূন্য, ধূলিবহুল, শুষ্ক, সৌন্দর্য্যহীন গোয়ালিয়র সহর আমার মনে এক প্রকার বিস্ময় আনয়ন করিল, এবং এত দিনের উৎসাহ এবং আকাঙ্ক্ষা মুহূর্তমধ্যে বিলীন হইয়া গেল। আমাকে অন্তমনস্ক এবং বিষন্ন দেখিয়া আমার ছাত্রগণ আমাকে আশ্রয় অহুস্কানের জন্য বলিল। আমি তখন আমার ঔদাসীন্তে লজ্জিত হইয়া স্টেশন-মাষ্টারকে বিশ্রামাগারে আমাদের “লগেজ” রাখিতে দিবার জন্য অহুরোধ করিলাম। দুর্ভাগ্যবশতঃ তিনি অহুরোধ রক্ষা করিলেন না; সুতরাং দ্রব্যাদি লইয়া আমরা আশ্রয়দেষণে বহির্গত হইলাম। অবশেষে এক ধর্মশালার সন্ধান পাইয়া সেইখানে উপস্থিত হইলাম এবং অতি কষ্টে একটি ঘর পাইলাম। শীঘ্র শীঘ্র স্নান এবং জলযোগ সমাপ্ত করিয়া আমরা বেলা ১০-১২টায় সহর দেখিতে বহির্গত হইলাম।

গোয়ালিয়র আসিবার প্রধান উদ্দেশ্যই গোয়ালিয়র-দুর্গ দেখা, সুতরাং কয়েকখানি টকা ভাড়া করিয়া ছাত্রদের লইয়া প্রথমে দুর্গ দেখিতে চলিলাম। পথে আর দুইটি ষাণ্ডা দেখিয়া লইলাম। প্রথমটি মহম্মদ ষাউসের এবং অপরটি তানসেনের সমাধি-মন্দির।

মহম্মদ ষাউস এক জন মুসলমান সাধু ছিলেন। তিনি

মোগল সম্রাট বাবর, হুমায়ুন এবং আকবরের সম-
সাময়িক, এবং তাঁহারা সকলেই
মহম্মদ ঘাউসের
সমাধি মন্দির
তাঁহাকে অতিশয় শ্রদ্ধা করিতেন। (১)
গোয়ালিয়র-দুর্গের প্রায় অর্ধ-মাইল
পূর্বে এই সমাধি-মন্দির অবস্থিত। ইহা প্রস্তরনির্মিত
এবং প্রথম মোগল-সৌধ-শিল্পের একটি সুন্দর আদর্শ।



মহম্মদ ঘাউসের সমাধি মন্দির

ইহা ১ শত ফুট দীর্ঘ একটি সমচতুর্কোণ ইমারত,
ইহা চারি কোণে চারটি ষট্‌কোণিক বৃক্ক সংলগ্ন।
সমাধি-কক্ষটি ৪৩ ফুট সমচতুর্কোণ এবং ইহার চারি
কোণে চারটি সূক্ষ্মাগ্র খিলান এবং এই খিলানগুলির
উপরিভাগে পাঠান সাময়িক একটি উচ্চ গুম্বজ। আক-
বরের রাজত্বের প্রথম সময়ে এই মন্দিরটি নির্মিত হইয়া-
ছিল। সমাধি-মন্দিরটি বেধিতে অতিশয় সুন্দর এবং
সমাধি-কক্ষে প্রবেশ করিলে মনে এক প্রকার পবিত্র
ভাব উপস্থিত হয়। আমরা এই স্থান হইতে তানসেনের
সমাধি-মন্দির দেখিতে গেলাম।

ইহা আকবরের সভাসদ সুপ্রসিদ্ধ গায়ক এবং সঙ্গীত-
শাস্ত্রবিদ মিঞা তানসেনের সমাধি-মন্দির। আকবরের

অধীনস্থ সামন্ত-নরপতি রামচাঁদ বাবেলা তানসেনের
প্রথম মুক্কাবী ছিলেন এবং এক সময়ে
তাঁহাকে ১ কোটি টাকা পুরস্কাররূপ
দিয়াছিলেন। যখন আকবর তাঁহার
খ্যাতির বিষয় জানিতে পারেন, তখন তানসেনকে
তাঁহার সভায় আনয়ন করিবার জন্ত লোক প্রেরণ করেন

এবং রাজা রামচাঁদ
তাঁহাকে তাঁহার
সঙ্গীত-যন্ত্রাদির সহিত
বিদায় দিতে বাধ্য
হয়েন। আকবরের
পূর্বে ইব্রাহিম সুর
(of the Sufi
Dynasty) তান-
সেনকে আগ্রায়
আনয়ন করিবার
জন্ত বিশেষ চেষ্টা
করিয়াছিলেন, কিন্তু
কৃত কার্য হইতে
পারেন নাই। তান-
সেনের পুত্র তান-
তরঙ্গ খাঁও আকবরের

সভার এক জন প্রসিদ্ধ গায়ক ছিলেন। কথিত আছে,
তানসেনের মত সঙ্গীতজ্ঞ ভারতবর্ষে আর কেহ জন্মগ্রহণ
করেন নাই। বাবর, হুমায়ুন এবং আকবরের সময়
গোয়ালিয়র সঙ্গীত-চর্চার জন্ত বিশেষ খ্যাতি লাভ
করিয়াছিল। আকবরের সভায় ষতগুলি সঙ্গীতশাস্ত্র-
বিশারদ ব্যক্তি ছিলেন, তাঁহাদিগের মধ্যে ষাট জনই
গোয়ালিয়র অধিবাসী। (১)

সমাধি-মন্দিরটি ২২ ফুট দীর্ঘ এবং সমচতুর্কোণ।
কবরের অনতিদূরে একটি তেঁতুলবৃক্ষ দেখিতে পাইলাম
এবং শুনিলাম যে, গায়কগণ মধুর স্বর লাভ করিবার
আশায় এই স্থানে আসিমা এই বৃক্ষপত্র চর্ষণ করিয়া

(1) Murray's Hand Book for Traveller.
Aini Akbari, Vol. I.

(1) Aini Akbari, Vol. I.
Kennedy, History of the Moghuls, Vol. I.

থাকেন। আমাদের সকলেরই সুকঠ হইবার ইচ্ছা বলবতী হওয়ায় আমরাও কতকগুলি তেঁতুলপত্র চর্কণ করিলাম, কিন্তু দুর্ভাগ্যবশতঃ আমাদের স্বর এখন পর্য্যন্তও কিছুমাত্র উন্নতি লাভ কবে নাই।

আমরা অতঃপর টিকিট (পাশ) ক্রয় পূর্বক গোয়ালিয়র-দুর্গ প্রবেশ করিলাম। দুর্গটি একটি স্বতন্ত্র পাহাড়ের উপর অবস্থিত। (সহর গোয়ালিয়র-দুর্গ হইতে ৩ শত ফট উচ্চ)। পাহাড়টি দীর্ঘ, কিন্তু অল্প-পরিসর। ইহা দৈর্ঘ্যে পৌনে ২ মাইল এবং প্রস্থে ৬ শত হইতে ২ হাজার ৮ শত ফট। দুর্গের সম্মুখভাগ একেবারে খাড়া। যে স্থানে পাহাড়টি স্বভাবতঃ সরল, সে স্থানটিকে ঢালু করিয়া কাটা হইয়াছে এবং স্থানে স্থানে পাহাড়ের উপরের অংশ নীচের অংশকে ঢাকিয়া ফেলিয়াছে। দুর্গের দৈর্ঘ্য উত্তর-পূর্ব দিক হইতে দক্ষিণ-পশ্চিম দিক পর্য্যন্ত দেড় মাইল এবং পরিসর (প্রস্থ) ৩ শত গজ। দুর্গটি একটি প্রাকারে বেষ্টিত। প্রাকার-দ্বারে উপস্থিত হইবার জন্ত ধাপযুক্ত (পাহাড় কাটিয়া প্রস্তুত) একটি দীর্ঘ পথ আছে এবং এই সোপান-পথের বহির্দেশ একটি প্রকাণ্ড প্রস্তরনির্মিত প্রাচীর দ্বারা রক্ষিত। দুর্গটি পূর্বোক্ত প্রাকারের উত্তর-পূর্ব কোণে অবস্থিত এবং দেখিতে অতিশয় রমণীয়। ইহা হইতে প্রতীয়মান হইতেছে যে, পূর্বে এই দুর্গটি অধিকার করা দুঃসাধ্য ছিল। এই স্থলে গোয়ালিয়র দুর্গের একটি সংক্ষিপ্ত ঐতিহাসিক বিবরণ অপ্রাসঙ্গিক হইবে না এবং আমার ধারণা, সকলেরই ইহা জানা উচিত, কারণ, দুর্গটি হিন্দু নরপতিগণ দ্বারা নির্মিত, সুতরাং ইহা হিন্দুগণের একটি গৌরবের বস্তু।

কথিত আছে যে, খৃষ্টীয় ষষ্ঠ শতাব্দীতে হনদিগের নেতা তোরমান (Toramana) গোয়ালিয়র স্থাপন করেন। তাঁহার পুত্র মিহিরগুলা (Mihirgula) সূর্য্যদেবের একটি মন্দির নির্মাণ করেন এবং সূর্য্যকুণ্ড নামক একটি জলাশয় খনন করেন। কিংবদন্তী আছে যে, কুশোয়া (Kuchwaha) রাজপুত্রবংশীয় নরপতি সূর্য্যসেন গোয়ালিপ নামক এক সন্ন্যাসীর আজ্ঞামত গোপগিরি পর্ব্বতে গোয়ালিয়র-দুর্গ নির্মাণ করেন। সূর্য্যসেন

কুষ্ঠব্যাধিগ্রস্ত ছিলেন। একদা তিনি যুগুয়া করিতে গোপগিরি পর্ব্বতে উপস্থিত হইলেন এবং গোয়ালিপের প্রস্তুত জল পান করিয়া তাঁহার কুষ্ঠব্যাধি দূর হয়। সন্ন্যাসী তাঁহাকে "সুহন পাল" নাম প্রদান করিয়া বলেন যে, যত দিন পর্য্যন্ত তাঁহার বংশধরগণের নামের শেষ ভাগে "পাল" শব্দ থাকিবে, তত দিন পর্য্যন্ত তাঁহার রাজ্যচ্যুত হইবেন না। কথিত আছে যে, সূর্য্যসেনের বংশের শেষ রাজা তেজকর্ণ নাম গ্রহণ করায় সিংহাসনচ্যুত হইয়াছিলেন। কচওহা (কুশোয়া) রাজবংশের পতনের পর প্রতিহার নরপতিগণ গোয়ালিয়র অধিকার করেন (১) এবং কনোজেশ্বর মিহিরভোজ ইহাদিগের অগ্রতম। দশম শতাব্দীর শেষভাগে কুশোয়া-বংশীয় নরপতি বজ্রদমন প্রতিহারদিগকে পরাজিত করিয়া পুনরায় গোয়ালিয়র অধিকার করেন এবং গোয়ালিয়র প্রায় দুই শতাব্দী পর্য্যন্ত কুশোয়াদিগের অধীনে থাকে। এই সময়ে গোয়ালিয়র-দুর্গে এবং নিকটবর্তী স্থানে বহুপাথক মন্দির নির্মিত হয়। গোয়ালিয়র পুনরায় কুশোয়াদিগের হস্তচ্যুত হইয়া প্রতিহাররাজ্যের অন্তর্ভুক্ত হয় এবং মুসলমান আক্রমণ পর্য্যন্ত তাঁহাদিগের অধিকারে থাকে। মুসলমানদিগের মধ্যে গজনী-অধিপতি সুলতান মামুদ সর্ব্বপ্রথম গোয়ালিয়র আক্রমণ এবং অবরোধ করেন, কারণ, কনোজেশ্বর রাজ্যপাল পরিহর মামুদের নিকট বশুতা স্বীকার করায় গোয়ালিয়র অধিপতি এবং কালিঙ্গরাজ তাঁগকে নিহত করেন, কিন্তু মামুদ গোয়ালিয়র অধিকার করিতে সমর্থ হইলেন নাই। (২) সাজাবুদ্দীন মহম্মদ ঘোরীর সেনাপতি কুতুবুদ্দীন ১১৯৭ খৃষ্টাব্দে প্রতিহাররাজকে পরাজিত করিয়া গোয়ালিয়র অধিকার করেন এবং গোয়ালিয়রের টাঁকশালে এক প্রকার মুদ্রা প্রস্তুত করেন, কিন্তু কিছু কাল পরেই গোয়ালিয়র পুনরায় প্রতিহারদিগের হস্তগত হয়। (৩) প্রতিহার-রাজ সারঙ্গদেবের রাজত্বকালে ১২৩২ খৃষ্টাব্দে দিল্লীর সুলতান আলতায়াস গোয়ালিয়র আক্রমণ করেন

(1) Cunningham's Archaeological Survey Report Vol. 2.

(2) Aini Akhari, Vol II. (Jarret.) Indian Mirror.

(3) Sleeman's Rambles and Recollections.

এবং প্রায় বৎসরকাল অবরোধের পর গোয়ালিয়র-দুর্গ জয় করেন। কথিত আছে যে, যখন সারঙ্গদেব যুদ্ধে জয় লাভ করা অসম্ভব দেখিলেন, তখন রাজপুত্র-রমণী-গণ সম্মান এবং সতীত্ব রক্ষা করিবার জন্ত চিতায় প্রাণ বিসর্জন করিয়াছিলেন। এঃ সারঙ্গদেব অল্পবয়সেই তীষণ সংগ্রাম করিয়া যুদ্ধক্ষেত্রে নিহত হইলেন। (১) যুদ্ধে জয়লাভের পর আলতাশাস গোয়ালিয়রে শিলালিপি ক্ষোদিত করিয়াছিলেন। (২) আমরা এই শিলালিপির কোনও চিহ্ন দেখিলাম না, কারণ, বর্তমানে উহার কোনও অস্তিত্ব নাই। তাইমুরের দিল্লী আক্রমণের পর ১৩৯৮ খৃষ্টাব্দে তোমররাজ বীরসিংহ দেব গোয়ালিয়র-দুর্গ অধিকার করেন। (৩)

খৃষ্টীয় পনের শতাব্দীর প্রারম্ভে গোয়ালিয়রের তোমরবংশীয় নরপতিগণ দিল্লীর সুলতান (Syed Dynasty) খিজির খাঁকে কর প্রদান করিতেন। ১৪২৪ খৃষ্টাব্দে মালবের (Malwa) দ্বিতীয় সুলতান হোসেন শাহ গোয়ালিয়র অবরোধ করেন, কিন্তু দিল্লীর সৈয়দবংশীয় দ্বিতীয় সুলতান মুবারকের হস্তে পরাজিত হইলেন, কারণ, তোমরবংশীয় নরপতিগণ দিল্লী-সুলতানের আশ্রিত ছিলেন। (৪) মুবারকের রাজত্বকালে তোমরবংশীয় ডোঙ্গর সিংহ গোয়ালিয়রের অধিপতি ছিলেন এবং তাঁহার অধীনে গোয়ালিয়র অতিশয় সমৃদ্ধিশালী হইয়া উঠে। তাঁহার এবং তাঁহার পুত্র কার্ত্তি-সিংহের সময় গোয়ালিয়রের প্রস্তর-ক্ষোদিত তৈকন মূর্ত্তিগুলি প্রস্তুত হয়। ১৪৬৫ খৃষ্টাব্দে জৌনপুরের (Jaunpur) শেষ মুসলমান নবপতি হোসেন শাহ গোয়ালিয়র অবরোধ করেন এবং তখনকাব গোয়ালিয়র-রাজ তাঁহাকে কর দিতে বাধ্য হইলেন। গোয়ালিয়রের তোমরবংশীয় নবপতিগণের মধ্যে মানসিংহ (১৪৮৬ -১৫১৬ খৃঃ অঃ) সর্বশ্রেষ্ঠ ছিলেন।

তিনি স্থপতিবিজ্ঞান এবং সঙ্গীতশাস্ত্রের এক জন বিশেষ পৃষ্ঠপোষক ছিলেন। ১৫০৫ খৃষ্টাব্দে দিল্লী-সম্রাট সেকন্দর লোদী গোয়ালিয়র আক্রমণ করেন, কিন্তু মানসিংহের নিকট পরাজিত হইলেন। ১৫১৭ খৃষ্টাব্দে সেকন্দর পুনরায় গোয়ালিয়র আক্রমণের জন্ত আয়োজন করেন, কিন্তু আক্রমণের পূর্বেই তাঁহার মৃত্যু হয়। সেকন্দরের পরবর্তী দিল্লী-সম্রাট ইব্রাহিম লোদী গোয়ালিয়র দুর্গ আক্রমণ এবং অবরোধ করেন, এই অবরোধের অল্পদিন পরেই মানসিংহের মৃত্যু হয় এবং তাঁহার মৃত্যুর পর তাঁহার পুত্র বিক্রমাদিত্য বৎসরকাল পর্য্যন্ত শত্রু-হস্ত হইতে দুর্গ রক্ষা করেন এবং অবশেষে আত্মসমর্পণ করিতে বাধ্য হইলেন। (১৫১৯ খৃষ্টাব্দ) তাঁহার পরাজয়ের পর তিনি সপরিবারে ইব্রাহিমের নিকট আশ্রয় প্রেরিত হইলেন। দিল্লী-সম্রাট তাঁহাকে বন্ধুরূপে গ্রহণ করেন এবং বাবরের সহিত ইব্রাহিমের পাণিগথে যুদ্ধের সময় বিক্রমাদিত্য ইব্রাহিমের পক্ষে যোগদান করিয়া রণক্ষেত্রে নিহত হইলেন। (১) বিক্রমাদিত্যের মৃত্যুর পর তাঁহার পরিবারবর্গ যখন আশ্রয় হইতে পলায়নের চেষ্টা করেন, তখন বাবরের পুত্র যুবরাজ হুমায়ুন তাঁহাদিগকে ধৃত করেন এবং মোগল সৈন্যদিগের হস্ত হইতে রক্ষা করেন। অনেকে বলেন যে কৃতজ্ঞতাবশতঃ বিক্রমাদিত্যের বিধব-পত্নীগণ হুমায়ুনকে কোহিনুর হীরক এবং অসংখ্য বহুমূল্য রত্নাদি উপহার প্রদান করেন। (২) আমার মতে বিক্রমাদিত্যের পত্নীগণের নিকট কোহিনুর ছিল না, কারণ, এই বহুমূল্য হীরকখণ্ড গোলকণ্ড রাজ্যের মন্ত্রী আমীর জুমলা (কাহারও কাহারও মতে Mir Jumla) সর্বপ্রথম মোগল-সম্রাট সাজাহানকে উপহার প্রদান করিয়াছিলেন (৩) এবং তাঁহার পূর্বে অল্প কোনও মোগল-সম্রাট কোহিনুর প্রাপ্ত হইলেন নাই।

(1) Murray's Hand Book for Travellers,
Gwalior Fort Album.

(2) Sleeman's Rambles and Recollections.

(3) Murray's Hand Book for Travellers
Gwalior Fort Album.

(4) V. Smith History of India.
Indian Mirror.

Murray's Hand Book for Travellers.

(1) Cunningham's Archaeological Survey Report,
Vol. 2.

Sleeman's Rambles and Recollections.
Murray's Hand Book for Travellers.

(2) Kennedy, History of the Great Moghuls, Vol. I.
Murray's Hand Book for Travellers.

(3) Bernier.
Tavernier's Travels.

Sleeman's Rambles and Recollections.

পাণিপথের যুদ্ধের পর মিবারের বিখ্যাত রাণা সঙ্গ গোয়ালিয়রের শাসনকর্তা তাতার খাঁর নিকট হইতে গোয়ালিয়র অধিকার করিবার উন্নয়নদর্শন করায় তাতার খাঁ বাবরের সাহায্য প্রার্থনা করেন। বাবর রহিমদাদ নামক তাঁহার এক কর্মচারীকে এক দল সৈন্যের সহিত তাতার খাঁর সাহায্যার্থ গোয়ালিয়র প্রেরণ করেন। তাতার খাঁ রহিমদাদকে দুর্গে প্রবেশ করিতে না দেওয়ায়, মুসলমান ককীর মহম্মদ ঘাউসের (তাঁহার সমাধি-মন্দির পূর্বে বর্ণিত হইয়াছে) উপদেশমত রহিমদাদ কৌশল অবলম্বন পূর্বক দুর্গ অধিকার করেন। এই প্রকারে গোয়ালিয়র বাবরের হস্তগত হয়। (১) কনোজের যুদ্ধে হুমায়ূনের সের খাঁর নিকট পরাজয়ের এবং তাঁহার ভারতবর্ষ হইতে পলায়নের পরও গোয়ালিয়রের শাসনকর্তা (মোগল কর্মচারী) আবুল কাসিম গোয়ালিয়র রক্ষা করিয়াছিলেন, কিন্তু ১৫৪২ খৃষ্টাব্দে সের খাঁ গোয়ালিয়র-দুর্গ অধিকার করেন। (২) গোয়ালিয়রে সেরসার (সম্রাট হইবার পর তিনি এই নাম গ্রহণ করেন) একটি টাঁকশাল ছিল এবং এই টাঁকশালে অনেক মুদ্রা প্রস্তুত হইয়াছিল। (৩) সেরসার মৃত্যুর পর তাঁহার দ্বিতীয় পুত্র সেলিমসা (১৫৪৫—১৫৫৩) দিল্লীর সিংহাসনে আরোহণ করেন। তাঁহার প্রথম পুত্র আদিল খাঁ ইহাতে বিদ্রোহী হইলেন এবং সেই জন্ত সেলিমসা তাঁহার ধন-রত্নাদি চুনার হইতে গোয়ালিয়র-দুর্গে আনয়ন করেন এবং গোয়ালিয়রে রাজধানী স্থাপন করেন। তিনি গোয়ালিয়র-দুর্গকে অধিকতর সুদৃঢ় করিয়াছিলেন। (৪) ১৫৫৩ খৃষ্টাব্দে গোয়ালিয়রে সেলিমসার মৃত্যু হয়। সেলিমসার পরবর্তী সুলতান মহম্মদ আদিল কিছুকাল গোয়ালিয়র-দুর্গে বাস করিয়াছিলেন, কিন্তু পরিশেষে সুরবংশীয় ইব্রাহিম (যিনি সেলিমসার মৃত্যুর পর নিজেকে দিল্লী এবং আগ্রার বাদশা বলিয়া ঘোষণা করেন) তাঁহাকে চুনারে বিভাঙিত করিয়া গোয়ালিয়র হস্তগত করেন।

- (1) Kennedy, History of the Great Moghuls, Vol. I.
- (2) Kennedy, History of the Great Moghuls, Vol. I.
- (3) Sleeman's Rambles and Recollections.
- (4) Kennedy, History of the Great Moghuls, Vol. I.

১৫৬০ খৃষ্টাব্দে মোগল-সম্রাট আকবর গোয়ালিয়র অধিকার করেন। এই সময় হইতে মোগল-সম্রাজ্যের পতন পর্যন্ত গোয়ালিয়র-দুর্গ মোগল-সম্রাটদিগের অধিকারে থাকে এবং রাজনীতিক কারাগার- (State Prison) রূপে ব্যবহৃত হয়।

সম্রাট আকবর, খোজা মুজাম্মদ, রাজা আলি খাঁর পুত্র, বাহাদুর খাঁ প্রভৃতিকে গোয়ালিয়র-দুর্গে বন্দী অবস্থায় রাখিয়াছিলেন। (১) সাজাহান মোগল রাজ-পরিবারে যে সমস্ত রাজপুত্র এবং তাঁহার রাজ্যের যে সমস্ত সম্ভ্রান্ত ব্যক্তি তাঁহার বিরুদ্ধাচরণ করিয়াছিলেন, তাঁহাদিগকে হত্যা না করিয়া গোয়ালিয়র দুর্গে বন্দী করিয়া রাখিয়াছিলেন, কিন্তু তাঁহাদিগের সম্পত্তির আর আত্মসাৎ না করিয়া তাঁহাদিগকেই ভোগ করিতে অহুমতি দিয়াছিলেন। (২) ঔরঙ্গজেব দিল্লীর সিংহাসন অধিকার করিবার পর তাঁহার ভ্রাতা মুবাদবক্স, পুত্র সুলতান মহম্মদ (৩) এবং তাঁহার পত্নী (সুলজার কস্তা), দারার পুত্রদ্বয় সুলেমান সুখো এবং সেপার সুখোকে গোয়ালিয়র-দুর্গে বন্দী করিয়া রাখিয়াছিলেন। (৪) ঔরঙ্গজেব যে সমস্ত রাজপুত্র এবং সম্ভ্রান্ত ব্যক্তিকে গোয়ালিয়র-দুর্গে বন্দী অবস্থায় প্রেরণ করিতেন, তাঁহাদিগকে এক প্রকার বিষ-প্রয়োগে হত্যা করিতেন এবং তাঁহাদিগের সম্পত্তি অধিকার করিতেন। (৫)

ঔরঙ্গজেবের মৃত্যুর পর দিল্লীর সিংহাসন লইয়া তাঁহার পুত্র বাহাদুর সা এবং আজম সার যখন বিবাদ উপস্থিত হয়, তখন আজম সা তাঁহার ভগিনী জিনাৎ-উন্নিসা বেগম এবং ঔরঙ্গজেবের পুরমহিলাগণকে এবং তাঁহার দ্রব্যসম্ভার গোয়ালিয়র-দুর্গে ঔরঙ্গজেবের মন্ত্রী আসাদ খাঁর জিম্মায় রাখিয়া ভ্রাতার বিরুদ্ধে চোল-পুরাভিমুখে যুদ্ধযাত্রা করেন (১৭০৭ খৃষ্টাব্দে)। জাজাউ

- (1) Kennedy, History of the Great Moghuls, Vol. I.
- (2) Tavernier, Vol. I.
- (3) Tavernier, Vol. I.
Storia D. O. Mogor.
- (4) সুলতান মহম্মদ কিছুকাল পরে গোয়ালিয়র-দুর্গ হইতে সেলিমগড়ে বন্দীরূপে প্রেরিত হইলেন এবং সে স্থানে বিষপ্রয়োগে তাঁহার প্রাণনাশ করা হয়। Bernier, page 83. Ft. note 2.
- (5) Tavernier, Vol. I.

নামক স্থানে উত্তর ত্রাতার সংগ্রাম হয় এবং এই সংগ্রামে আজম সা নিহত হইলেন। (১) এই ঘটনার পর গোয়ালিয়র বাহাদুর সার হস্তগত হয়। বাহাদুর সার মৃত্যুর পর হইতে দ্বিতীয় সা আলমের সিংহাসনারোহণ পর্যন্ত গোয়ালিয়র-দুর্গের বিশেষ কোনও উল্লেখ মোগল-ইতিহাসে দৃষ্ট হয় না।

১৭৬১ খৃষ্টাব্দে গোহাডের (Gohad) (এটওয়া এবং গোয়ালিয়রের মধ্যবর্তী স্থানে গোহাড অবস্থিত এবং গোয়ালিয়র হইতে ২৮ মাইল উত্তর-পূর্বে) জাঠ রাণা ভীমসিংহ গোয়ালিয়র অধিকার করেন এবং ইহার কিছু কাল পরে গোয়ালিয়র মারাঠাদিগের হস্তগত হয়। ১৭৭৭ খৃষ্টাব্দে পেশওয়ার নিকট হইতে মাধোজী সিন্ধিয়া গোয়ালিয়র প্রাপ্ত হইলেন। হেষ্টিংসের শাসনকালে মহারাষ্ট্রীয় সমরের সময় মেজর পপহাম (Major Popham) সিন্ধিয়ার সৈন্যকে পরাজিত করিয়া গোয়ালিয়র-দুর্গ অধিকার করেন। (২)

১৭৮২ খৃষ্টাব্দে সালবাইয়ের (Treaty of Salbai) সন্ধি অনুযায়ী মাধোজী সিন্ধিয়া ইংরাজের হস্তে গোয়ালিয়র অর্পণ করেন এবং ইংরাজদিগের নিকট হইতে গোহাডের রাণা পুনরায় গোয়ালিয়র প্রাপ্ত হইলেন।

১৭৮৩ খৃষ্টাব্দে গোহাডের রাণা ছত্রপতির সহিত মাধোজী সিন্ধিয়ার বিবাদ উপস্থিত হয় এবং মাধোজীর ফরাসী সেনানায়ক ডি বয়েন (De Boigne) ১৭৮৪ খৃষ্টাব্দে গোয়ালিয়র-দুর্গ অধিকার করেন এবং মাধোজী গোহাড জয় করেন। ছত্রপতির বন্দী অবস্থায় গোয়ালিয়র-দুর্গে মৃত্যু হয়। (৩) ওয়েলেস্লির শাসনকালে ইংরাজদিগের সহিত মারাঠাদিগের যুদ্ধ হয়। এই যুদ্ধে সিন্ধিয়া এবং ভোঁসলা (Bhonsia) পেশোয়া বাজীরায়ের পরসমর্থন করেন। ইংরাজ সেনাপতি হোয়াইট (White) ১৮০৩ খৃষ্টাব্দে দৌলতরাও সিন্ধিয়ার নিকট হইতে গোয়ালিয়র অধিকার করেন এবং ১৮০৫

খৃষ্টাব্দে যখন সন্ধি স্থাপন করেন, তখন সিন্ধিয়া পুনরায় গোয়ালিয়র প্রাপ্ত হইলেন। (১)

১৮৪৩ খৃষ্টাব্দে জনকৃষ্ণ সিন্ধিয়ার মৃত্যুর পর তাঁহার বিধবা পত্নী তারাবাই বড় লাট এলেনবরার সম্মতিক্রমে এক পোষাপুত্র গ্রহণ করেন, কিন্তু অভিভাবক লইয়া তারাবাইয়ের এবং এলেনবরার বিবাদ হয়। এলেনবরা তারাবাইকে তাঁহার সৈন্যসংখ্যা হ্রাস করিতে বলেন। তারাবাই এ প্রস্তাবে সম্মত না হওয়ায় ইংরাজ সেনাপতি সার হিউ গাফ গোয়ালিয়র সৈন্যকে যুদ্ধে পরাজিত করেন। এই ঘটনার পর তারাবাইকে বৃত্তি দিয়া এলেনবরা গোয়ালিয়রের শাসন-কার্য চালাইবার জন্য ইংরাজ রেসিডেন্ট (Resident) কর্ণেল স্লিম্যানের (Colonel Sleeman) কর্তৃত্বাধীনে এক রাজপ্রতিনিধি সভা (Council of Regency) নিযুক্ত করেন। এইরূপে গোয়ালিয়র তৃতীয়বার ইংরাজদিগের হস্তগত হয়।

সিপাহী-যুদ্ধের সময় সিন্ধিয়ার সৈন্যের এক অংশ বিদ্রোহী হইয়া ঝাঁসির রাণী এবং তাঁতিয়া টোপীর (Tantia Topi) সহিত যোগদান করে। গোয়ালিয়রের নিকট সিন্ধিয়ার সহিত বিদ্রোহীদিগের এক যুদ্ধ হয় এবং এই যুদ্ধে পরাজিত হইয়া সিন্ধিয়া আগ্রায় পলায়ন করেন। ইহার পর ঝাঁসির রাণী গোয়ালিয়র-দুর্গ অধিকার পূর্বক নানা সাহেবকে নূতন পেশোয়া বলিয়া ঘোষণা করেন। এই সংবাদ শ্রবণে ইংরাজ সেনাপতি সার হিউ রোজ (Sir Hugh Rose) গোয়ালিয়রে বিদ্রোহীদিগকে আক্রমণ এবং পরাজিত করেন। পুরুষের বেশ পরিধান পূর্বক ঝাঁসির রাণী এই যুদ্ধে বিদ্রোহী সিপাহীদিগকে উৎসাহিত করিয়াছিলেন এবং নিজেও শৌর্যের পরাকাষ্ঠা প্রদর্শন পূর্বক যুদ্ধক্ষেত্রে প্রাণ বিসর্জন করেন। ইহার পর গোয়ালিয়র পুনরায় ইংরাজদিগের হস্তগত হয়, কিন্তু গোয়ালিয়র-দুর্গ তখনও বিদ্রোহীদিগের অধিকারে থাকে এবং দুই জন ইংরাজ সৈনিক কর্মচারীর অদ্ভুত বীরত্বে গোয়ালিয়র-দুর্গ হইতে বিদ্রোহিগণ বিতাড়িত হয়। ইহাদিগের নাম লেফটেন্যান্ট রোজ (Lieut. Rose) এবং লেফটেন্যান্ট ওয়ালার


(1) Later Moghuls, Vol. I, edited by Prof. J. N. Sarkar.

(2) Trotter. History of India.

Grant Duff, History of the Mahrattas, Vol. I.

(3) Sleeman's Rambles and Recollections.

(1) Murray's Hand Book for Travellers.



গুজারী মহল (ভিতরের দৃশ্য)


(Lieut. Waller)। এই সময় হইতে (২০ জুন, ১৮৫৮) ১৮৮৬ খৃষ্টাব্দ পর্যন্ত গোয়ালিয়র-দুর্গে এক দল ইংরাজসৈন্য অবস্থিতি করে এবং ঐ খৃষ্টাব্দে সিন্ধিয়ার নিকট হইতে বাঁসি গ্রহণ পূর্বক ইংরাজ গবর্নমেন্ট তাঁহাকে গোয়ালিয়র প্রত্যর্পণ করেন। বর্তমান সময়ে মাধবরাও সিন্ধিয়া গোয়ালিয়রের অধিপতি ।

এক্ষণে গোয়ালিয়র-দুর্গের অভ্যন্তরে দর্শনীয় স্থান-সমূহের সম্বন্ধে কিছু বলিব। গোয়ালিয়র-দুর্গে প্রবেশ করিতে হইলে ছয়টি তোরণ (gate) অতিক্রম করিতে হয়। ইহাদিগের মধ্যে পাঁচটি তোরণ উল্লেখযোগ্য। প্রথমটির নাম (নিম্নদিক হইতে) “আলমগিরী গেট।”

ইহা মুতামাদ খাঁ, ঔরঙ্গজেবের গোয়ালিয়রের শাসন কর্তা, ১৬৬০ খৃষ্টাব্দে নির্মাণ করেন। দ্বিতীয় তোরণের নাম “বাদলমহল গেট” ইহার অপর নাম “হিন্দোলা গেট।” কথিত আছে, পূর্বে এই ফটকের নিকট একটি দোলনা ছিল এবং সেই জন্য ইহার নাম “হিন্দোলা গেট” হইয়াছে। ইহার নাম “বাদল-মহল গেট” হইবার কারণ এই যে,

গোয়ালিয়রের তোমরবংশীয় নর-পতি মানসিংহের (পূর্ব-বর্ণিত) খুলতাত বাদলসিংহ এই স্থানে একটি উপদুর্গ নির্মাণ করাইয়াছিলেন। (১৫০০ শত খৃষ্টাব্দ)। পাহাড়ের নিম্নে দক্ষিণদিকে “গুজারী মহল” নামে একটি সুন্দর দ্বিতল প্রাসাদ অবস্থিত। রাজা মানসিংহ তাঁহার প্রিয়তমা মহিষী যুগনয়নার (তিনি জাতিতে গুজারী ছিলেন) বাস-ভবনের জন্য এই প্রাসাদটি নির্মাণ করাইয়াছিলেন। ইহার অভ্যন্তরে

একটি বিস্তৃত প্রাঙ্গণ এবং প্রাঙ্গণের চতুর্দিকে নানা প্রকারের মূর্তি ক্ষোদিত তাকবিশিষ্ট অনেকগুলি ক্ষুদ্র কক্ষ। প্রাঙ্গণের মধ্যভাগে একটি দ্বিতল গরাদ-বেষ্টিত এবং অলিন্দযুক্ত অন্তর্ভৌম (under-ground) প্রকোষ্ঠ। আমরা এই কক্ষে প্রবেশ করিয়াছিলাম, কিন্তু ইহা অতিশয় অন্ধকার। গোয়ালিয়র ষ্টেটের মিউজিয়াম (Museum) বর্তমানে এই প্রাসাদে অবস্থিত। মিউজিয়ামটি অতিশয় সুন্দর। এই স্থানে গোয়ালিয়ররাজ্যে প্রাপ্ত নানা প্রকার পুরাতন প্রস্তরমূর্তি, শিলালিপি,




গুজারী মহল (বহির্দেয়)

তাম্রলিপি, চিত্র, মূদ্রা এবং স্তম্ভ দেখিতে পাইলাম। প্রত্নতত্ত্ববিদরা এই স্থানটি অতিশয় পছন্দ করিবেন।

তৃতীয় তোরণটির নাম “গণেশ গেট।” তোমরবংশীয় রাজা নোদরসিংহ ইহা নির্মাণ করান। চতুর্থটির নাম “লক্ষ্মণ গেট।” এই স্থানে উপস্থিত হইবার পূর্বে “চতুর্ভুজ মন্দির” নামক একটি মন্দির দেখিতে পাওয়া যায়। ইহা পাহাড় কাটিয়া নির্মিত হইয়াছে। মন্দিরভাস্করে চতুর্ভুজ বিষ্ণুমূর্তি। মন্দির-গায়ে দুইটি সংস্কৃত উৎকীর্ণ লিপি (Inscription) বিদ্যমান এবং ইহার একটি হইতে জ্ঞাত হওয়া যায় যে, ৮৭৫ খৃষ্টাব্দে মন্দিরটি প্রস্তুত হইয়াছিল।


পঞ্চম এবং শেষ তোরণের নাম “হাথিয়া পাউর” অর্থাৎ “হস্তী গেট।” পূর্বে একটি প্রস্তরনির্মিত হস্তী এই তোরণের বহির্দিকে ছিল এবং সেই জন্ত ইহার নাম “হস্তী গেট” হইয়াছে। এই ফটকটি গোয়ালিয়র-দুর্গের প্রধান প্রবেশদ্বার। রাজা মানসিংহের সময় ইহা নির্মিত হয়, এবং ইহা তাঁহার প্রাসাদের পূর্বদিকের অংশবিশেষ।



মান-মন্দির (পূর্বভাগ)

দুর্গে প্রবেশ করিয়া আমরা প্রথমে রাজা মানসিংহের (১৪৪৬—১৫১৬ খৃষ্টাব্দ) প্রাসাদ দেখিলাম। প্রাসাদটি অতিশয় সুন্দর। প্রাচীরগাত্র নীল, সবুজ, হরিদ্রা প্রভৃতি নানা বর্ণের টালি দ্বারা একরূপ ভাবে সজ্জিত যে, তাহা হইতে মনুষ্য, হংস, হস্তী, ব্যাঘ্র, কদলীবৃক্ষ প্রভৃতি নানা প্রকার সুন্দর সুন্দর চিত্র প্রস্তুত হইয়া তাহার মাধুর্য্য এবং সৌন্দর্য্য বর্দ্ধিত করিয়াছে। প্রাসাদটি দ্বিতল এবং ইহা কতকগুলি অন্তর্ভৌম দ্বিতল কক্ষবিশিষ্ট। এই

কক্ষগুলি বর্তমানে বাসের অনুপযুক্ত। প্রাসাদের পূর্বদিকের সম্মুখভাগ ৩ শত ফুট দীর্ঘ এবং ১ শত ফুট উচ্চ এবং ইহার অনাবৃত গোলাকৃতি ছাদবিশিষ্ট পাঁচটি বৃহৎ বুরুজ আছে, এই বুরুজগুলি (tower) সুন্দর জাফরি-কাষ্যবিশিষ্ট প্রাচীর দ্বারা সংযুক্ত। প্রাসাদের দক্ষিণ-দিকের সম্মুখভাগ ১ শত ৬০ ফুট দীর্ঘ এবং ৬০ ফুট উচ্চ এবং সচ্ছিদ্র প্রাচীর-সংলগ্ন তিনটি গোলাকার বুরুজবিশিষ্ট। প্রাসাদের উত্তর এবং পশ্চিম অংশ কিম্বৎপরিমাণে ধ্বংসপ্রাপ্ত হইয়াছে। স্তম্ভালিকাটির অভ্যন্তরভাগে দুইটি



মান-মন্দির (দক্ষিণ ভাগ)

অনার্য প্রাঙ্গণ এবং উত্তরেই চতুর্দিকে অনেকগুলি সুন্দর কক্ষ আছে। গোয়ালিয়র-দুর্গের পুরাতন অট্টালিকাসমূহের মধ্যে মানসিংহের প্রাসাদই সর্বাপেক্ষা সুন্দর এবং এখনও ইহার পূর্ব-সৌন্দর্য্য লুপ্ত হয় নাই। সম্রাট শাহর প্রাসাদটির বিশেষ প্রশংসা করিয়াছেন। *

মানসিংহের প্রাসাদের পর রাজা বিক্রমাদিত্যের (পূর্ব-বর্ণিত) প্রাসাদ। এই স্থানে উল্লেখযোগ্য কিছু দেখিলাম না। ইহার পর "কোর্টিমন্দির" নামক একটি প্রাসাদ দেখিলাম। ডোঙ্গরসিংহের পুত্র কোর্টিসিংহ (পূর্ব-বর্ণিত) ইহা নিৰ্মাণ করাইয়াছিলেন। এই প্রাসাদে একটি দরবারগৃহ, কতিপয় স্নানাগার, অনেকগুলি ক্ষুদ্র কক্ষ এবং একটি বৃহৎ প্রকোষ্ঠ দেখিলাম। দুর্গের উত্তরদিকে জাহাজীরা এবং সাজাহানের প্রাসাদ অবস্থিত। প্রাসাদ দুইটি সাধারণ রকমের। বর্তমানে এই স্থানে গোয়ালিয়র স্টেটের সামরিক দ্রব্যাদির ক্ষিত্ত হয়। এই প্রাসাদ দুইটির উত্তর-পশ্চিমদিকে "জহর ট্যাক" নামক একটি জলাশয় আছে।



শশবধু মন্দির (বড়)

কথিত আছে যে, দিল্লীর সুলতান "আলতামাস" গোয়ালিয়র-দুর্গ অধিকার করিবার সময় এই স্থানে রাজপুত-মহিলাগণ চিতারোহণে প্রাণত্যাগ করিয়াছিলেন।


"জহর ট্যাকের" অনতিদূরে "নউচউকির", (Nauchauki), অর্থাৎ নগ্নটি কারাককের ধ্বংসাবশেষ বর্তমান। এই কক্ষগুলিই মোগল-সম্রাটদিগের রাজনীতিক কারাগৃহ (state prison) ছিল। হারা এই স্থানে কত "শাহজাদা" এবং কত সম্ভ্রান্ত ব্যক্তি সমস্ত সুখশান্তি হইতে বঞ্চিত হইয়া প্রাণত্যাগ করিয়াছেন। যে "নউচউকি" এক সময়ে কত বীরের হৃদয়ে আতঙ্ক

Kennedy, History of the Great Moghuls, Vol. I.

আনয়ন করিয়াছে, বর্তমানে তাহার এই অবস্থা। এই স্থানটি দেখিয়া আমার ফরাসী রাজনীতিক কারাগার (state prison) bastille এর কথা মনে উদয় হইল। উত্তরেই কত লোকের স্বাধীনতা হরণ করিয়াছে, এবং উত্তরেই ধ্বংসপ্রাপ্ত হইয়াছে। এই স্থানটি দর্শন করিবার সময় সুলতান মোরাদ, সুলেমান সুখো, সেপার সুখো প্রভৃতি রাজপুত্রগণের দীর্ঘনিশ্বাস যেন আমাদিগের কর্ণকূহরে প্রবেশ করিল এবং আমাদিগকে স্তম্ভিত ও বিসম্বল করিল।

অতঃপর আমরা দুর্গপ্রাকারের পূর্বদিকে অবস্থিত দুইটি মন্দির দেখিলাম। এই মন্দির-যুগলের নাম "শশবধু" (Sas Bahur) মন্দির। সমীপবর্তী যুগল-কূপ, যুগল মন্দির প্রভৃতিতে লোক সাধারণতঃ শশবধু কূপ, শশবধু মন্দির বলিয়া থাকে, সেই জন্য এই মন্দির দুইটির নাম শশবধু মন্দির হইয়াছে। ইহাদিগের মধ্যে একটি বড় এবং অপরটি ছোট। রাজা মহীপাল (কুশোয়া বংশীয়) ১০২৩ খৃষ্টাব্দে বড়

মন্দিরটি নিৰ্মাণ করাইয়াছিলেন। ইহা বর্তমানে ৭০ ফুট উচ্চ এবং ইহার উপরিভাগ ভগ্ন অবস্থাপ্রাপ্ত। ইহার প্রবেশদ্বার উত্তরদিকে এবং বিগ্রহকক্ষ দক্ষিণদিকে অবস্থিত। মন্দিরটির তলদেশ সুন্দর ক্ষোদিত চিত্রসমূহে সুশোভিত। মন্দিরাভ্যন্তরে একটি বিস্তৃত প্রকোষ্ঠ আছে এবং তাহার তিন পাশে তিনটি দ্বারমণ্ডপ (Porch) এবং চতুর্থ পাশে (দক্ষিণদিকে) বিগ্রহ-কক্ষ। ইহার সম্মুখের (উত্তরদিকস্থ) দ্বারমণ্ডপে সংস্কৃত উৎকীর্ণ লিপি এবং মন্দিরের প্রবেশদ্বারে ও মন্দিরাভ্যন্তরে বহু সংখ্যক বিষ্ণু এবং অসংখ্য হিন্দু দেবদেবীর গৃহি দেখিলাম। ইহা হইতে, মন্দিরটি হিন্দু-মন্দির বলিয়া



শশবধু মন্দির (Sas Balu Temple)

বিশ্বাস হয়,—যদিও অনেকে ইহাকে জৈন মন্দির বলিয়া-
ছেন। বর্তমানে বিগ্ৰহকক্ষে কোনও দেবমূর্তি নাই।
যদিও মন্দিরটি প্রায় সম্পূর্ণরূপে ধ্বংস প্রাপ্ত হইয়াছে,
তথাপি ইহার যে অংশটুকু বর্তমান আছে, তাহা অতি-
শয় সুন্দর।

ছোট মন্দিরটিও বিষ্ণুমন্দির, এবং বড় মন্দিরটি
সমসাময়িক। ইহা ক্রুশের (cross) আকৃতিতে নির্মিত
এবং চতুর্দিকেই অনাবৃত। ইহা ২৩ ফুট সমচতুষ্কোণ
এক দ্বাদশটি স্তম্ভবিশিষ্ট। ইহার তলদেশও নানা
প্রকার ক্ষোদিত চিত্রসমূহে শোভিত। স্তম্ভগুলি
গোলাকার। ইহাদিগের পাদদেশ অষ্টকোণবিশিষ্ট
এবং শীর্ষস্থান তাকসংযুক্ত এবং মধ্যস্থান ক্ষোদিত নৃত্যকী-
মূর্তিসমূহে সজ্জিত। মন্দিরাভ্যন্তরে কোন দেবমূর্তি
নাই।

এই স্থান হইতে আর একটি মন্দির দেখিতে
আমরা দুর্গের পশ্চিমদিকে উপস্থিত হইলাম। পথে
“স্বর্ষাকুণ্ড” নামক একটি জলাশয় দেখিলাম। কথিত
আছে, ভন নরপতি মিহিরগুলা (পূর্ববর্ণিত) এই
জলাশয়টি খনন করাইয়াছিলেন, সুতরাং দুর্গমধ্যে
ইহাই সর্বাপেক্ষা পুরাতন জলাশয়।

যে মন্দিরটি দেখিতে আসিলাম, তাহার নাম
“তেলিকা মন্দির।” ইহা ৬০ ফুট সমচতুষ্কোণ এবং একটি

দ্বার-মণ্ডপসংযুক্ত। মন্দিরটি ১ শত
ফুট উচ্চ। বহির্দ্বারের মধ্যস্থানে
গুরুড়ের মূর্তি দেখিতে পাইলাম।
পূর্বে ইহা বৈষ্ণবদিগের মন্দির ছিল,
কিন্তু ১৫ শত খৃষ্টাব্দ হইতে শৈব-
দিগের অধিকারে আছে। মন্দিরটি
ক্ষোদিত মূর্তিসমূহে পূর্ণ। মন্দিরের
শিখরদেশ দ্রাবিড়ীয় (Dravidian
style of Architecture) স্থাপত্য-
রীতি এবং নিম্নভাগ আৰ্য্যস্থাপত্য-
রীতি অনুসারে নির্মিত হইয়াছে।
এই জন্ম মনে হয়, পূর্বে এই
মন্দিরটির নাম তেলানানা মন্দির
(দ্রাবিড়ীয় শিখরবিশিষ্ট) ছিল,

এবং শেষে ইহার নাম “তেলিকা মন্দির”
হইয়াছে। কেহ কেহ বলেন যে, ইহা কলুদিগের




তেলিকা মন্দির

নির্মিত মন্দির বলিয়া ইহার নাম “তেলিকা মন্দির” হইয়াছে।

মন্দিরটির নাম সম্বন্ধে প্রথম ব্যাখ্যা-টাই ভাল বলিয়া মনে হয়। কারণ, কেহই বলিতে পারেন না যে, কোন্ সময় এবং কি হেতু গোয়ালিয়রের কলুগণ দুর্গ-মধ্যে এই বিশাল মন্দিরটি নির্মাণ করিয়াছিল। গোয়ালিয়রদুর্গ-স্থিত মন্দিরসমূহের মধ্যে এই মন্দিরটি সর্বাধিক উচ্চ। এ মন্দিরেও কোনও দেবমূর্তি দেখিলাম না। আমার মনে হয়, মুসলমানদিগের অধিকারকালে দেবমূর্তিগুলি স্থানচ্যুত হইয়াছে এবং সেই সময় হইতে মন্দির সকল বিগ্ৰহশূন্য অবস্থায় আছে।

দুর্গমধ্যে একটি ছাত্রাবাসযুক্ত (Hostel) বিদ্যালয়



সরদার তনয়দিগের বিদ্যালয় (Sardars' School)

দেখিলাম। এই বিদ্যালয়টির নাম “Sardars School।” গোয়ালিয়র রাজ্যের জমিদারতনয়গণ এই বিদ্যালয়ে অধ্যয়ন করেন এবং ছাত্রাবাসে থাকেন। গোয়ালিয়রের বর্তমান মহারাজা মাধবরাও সিন্ধিয়া ১৮৯৮ খৃষ্টাব্দে এই বিদ্যালয়টি স্থাপন করিয়াছেন। এখানে সাধারণ এবং সামরিক শিক্ষা প্রদান করা হয়।

গোয়ালিয়রের প্রস্তরকোদিত মূর্তি সকল সংখ্যায় এবং বিরাট আকৃতির জন্য উত্তর-ভারতবর্ষে অদ্বিতীয়। যে পাহাড়ে দুর্গটি অবস্থিত, তাহার প্রায় চতুর্দিকেই কোদিত মূর্তি বর্তমান। পশ্চিম এবং দক্ষিণ-পূর্ব দিকস্থ মূর্তিগুলিই বিশেষ উল্লেখযোগ্য। এই সমস্ত মূর্তি জৈন তীর্থাঙ্করদিগের। ইহাদিগের মধ্যে কতকগুলি পর্বত-গাত্রস্থিত গঙ্গরে উপবিষ্ট এবং কতকগুলি দণ্ডায়মান। এই গঙ্গরগুলির তলদেশ এবং উপরিভাগ নানাপ্রকার কোদিত চিত্রে শোভিত। তোনরবংশীয় নরপতিষয়—ডোঙ্গরসিংহ এবং তাঁহার পুত্র কৌতসিংহ এই মূর্তি সকল প্রস্তুত করাইয়াছিলেন (১৪৫০-১৫৭৩ খৃষ্টাব্দ)। মোগল সম্রাট বাবর ১৫২৭ খৃষ্টাব্দে অনেকগুলি মূর্তির অঙ্গহীন করিয়াছিলেন, কিন্তু জৈন সম্প্রদায় ইহাদিগের অনেক-গুলিই মেরামত করাইয়াছেন। * এই মূর্তি সকলের



প্রস্তর-কোদিত বৃহৎ জৈন তীর্থাঙ্করের মূর্তি (৫৭ ফিট উচ্চ)

* Murray's Hand Book for Travellers.
Gwalior Fort Album.



অপর একটি জৈন তীর্থাঙ্করের মূর্তি

মধ্যে ৫৭ ফুট উচ্চ একটি মূর্তি আমরা দেখিয়াছিলাম। মূর্তিগুলি নগ্ন অবস্থায় দেখিলাম, সুতরাং ইহা হইতে মনে হয়, রাজা ডৌন্ডরসিংহ এবং তাঁহার পুত্র কীর্তিসিংহ দিগম্বর জৈন সম্প্রদায়ের পৃষ্ঠপোষক ছিলেন।

আমরা গোয়ালিয়র-ভাগে এই সমস্ত দেখিয়া ৪টার সময় পূর্ন-লিখিত ধর্মশালায় প্রত্যাবর্তন করিলাম এবং অর্ধ ঘণ্টা বিশ্রামের পর মহারাজা সিন্ধিয়ার মোতি-মহল এবং জয়বিলাস প্রাসাদ দেখিতে যাত্রা করিলাম। মোতি-মহলে রাজ সেরেস্তা (secretariat office) অবস্থিত।

আমরা এই স্থানে মহারাজার বিচারালয়, ব্যবস্থাপক সভাগৃহ এবং অত্র কার্যালয় (offices) দেখিলাম। ব্যবস্থাপক সভা-প্রকোষ্ঠটি সুচারুরূপে সজ্জিত। কার্যালয়সমূহে উচ্চ কর্মচারীগণ চেয়ার-টেবলে উপবিষ্ট হইয়া কার্য করিতেছিলেন, নিম্ন-কর্মচারীগণ করাসযুক্ত গৃহতলে (floor) স্ব স্ব কার্যে ব্যাপ্ত ছিলেন। আমাদের নিকট এই দৃশ্যটি অভিনব বোধ হইল। কারণ, ইংরাজ গবর্ণমেন্টের কোনও কার্যালয়ে এই প্রকার বন্দোবস্ত কখনও দেখি নাই।

জয়বিলাস প্রাসাদ মহারাজা সিন্ধিয়ার বাসভবন। পূর্বে অজুর্মাতি গ্রহণ না করায় আমরা ঐ প্রাসাদ দেখিতে সমর্থ হইলাম না। উভয় প্রাসাদই ভূতপূর্বে সিন্ধিয়া মহারাজা জয়াজিরাওএর রাজত্বকালে নির্মিত হইয়াছে।

অতঃপর আমরা একটি সুন্দর শিখ-মন্দির (Gurdwara) দর্শন করিয়া মহারাজার চিড়িয়াখানা (zoo) দেখিলাম। এই স্থানে নানা প্রকার পশুপক্ষী আছে,—তাহাদিগের মধ্যে একটি বৃহৎ ব্যাঘ্র বিশেষ উল্লেখযোগ্য। ব্যাঘ্রটি আমাদেরকে দেখিবারাত্র বজ্র-গম্ভীর নিনাদে আমাদের সংবর্ধনা করিল এবং এই অভ্যর্থনায় আমাদের বীর-হৃদয় কম্পিত হইয়া উঠিল।



মোতিমহল এবং জয়বিলাস প্রাসাদ

পুরাতন গোয়ালিয়র সহর বর্তমানে সম্পূর্ণ শ্রীহীন এবং ক্রমশঃ ধ্বংসপ্রাপ্ত হইতেছে। নূতন সহরটি দিন দিন উন্নতি লাভ করিতেছে। ইহার নাম লসকর (Lashkar)। দুর্গের দক্ষিণদিকে ইহা অবস্থিত। দৌলতরাও সিন্ধিয়া এই সহরটি স্থাপন করেন। গোয়ালিয়রে অস্বাভাবিক দর্শনীয় স্থানসমূহের মধ্যে ডাফরিগ সরাই (Dufferin Sarai), গ্রাণ্ড হোটেল (the

Grand Hotel), এলগিন ক্লাব (the Elgin club) এবং ভিক্টোরিয়া কলেজ উল্লেখযোগ্য।

গোয়ালিয়রে এক দিনের বেনী থাকিতে পারি নাই, সুতরাং প্রধান স্থানগুলি দেখিয়া ২৪শে ডিসেম্বর রাত্রি সাড়ে ১১টায় গোয়ালিয়র পরিত্যাগ করিয়া আগ্রা যাত্রা করিলাম।

শ্রীঅতুলানন্দ মেন (অধ্যাপক)।

লক্ষ্মীছাড়া

দুয়ারে গামোছা, কুতো, পা-ধোয়ার জল
সন্ধ্যায় সাজায়ে কেহ রাখে না'ক তার ;
কলসে কাঁকণে সুর বাজে না তরল,
নাহিক' ধূপের গন্ধ, গৃহ অন্ধকার।
বিছানা পাতেনি কেহ—ছিড়েছে মশারি,
পাখাখানা প'ড়ে আছে মেঝের উপর
আলনাটা খ'সে গেছে—নাই সারি সারি
সাজানো-গোছানো তার কাপড় চোপড়।

আয়নাটি ভেঙ্গে গেছে—চিরুণিটি নাই
পানের ডিবেটি খালি, ধূলি-মলা ভরা
ফ্রেম ভেঙে গেছে, ছবি ভূমে লুটে তাই,
চাবির তাড়াটি আছে—মরিচার পড়া।
মেঝেতে কত কি ছাই, ভস্ম আর ধূলি,
ওলোট-পালোট সব—আবোল-তাবোল
খাঁটি দিয়ে গুছায়নি কেহ সেইগুলি,
কপাটে উলুর ঢিবি—ভেঙ্গেছে আগল।

আজিনার কাঁটা গাছ—লজ্জাবতী লতা,
ভাঙ্গা হাঁড়ী, ছেঁড়া ফিতে, ভাঙ্গা কাচ-শিশি ;
ভাঙ্গা শাঁখা, ভাঙ্গা চুড়ি—প'ড়ে হেথা-হোথা ;
ভাঙ্গা বুক—ভাঙ্গা প্রাণ—কাদে দিবানিশি।
নিজ হাতে রাঁধা-বাড়া হেঁসেলে তাহার,
এই বাটি—অই খালা—কলসী সেথায় ;
ভাঙ্গা চুলো, ভিজে কাঠ, চোখে জলধার,
আনমনে কাষ, ফেনে হাত পুড়ে যায়।

খেতে খেতে ভুলে যায়—মাছিগুলি ভাতে
ভন্ ভন্ করে ওড়ে—কে দেয় বাতাস ?
এঁটো নিতে কত কাঁটা ফোটে তার হাতে,
পরানে ডুকুরে ওঠে কত দীর্ঘশ্বাস।
চুলগুলি এলো-মেলো—নয়ন উদাস,
মেঘময় মুখখানি, শিথিলিত দেহ ;
ধুতি-জামা উড়ানির নাহি সে বিজ্ঞাস—
মন তার বন তরে সদা ছাড়ে গেল।

দুয়ারে বসন্ত নাচে—করে না বরণ,
দুই হাতে চোখ ঢেকে মুখখানি ফিরায়,
শীতের তুহিন হিয়া করিয়া হরণ
বুকেতে চাপিয়া রাখি' লক্ষ চুমো ধায়।
চাহে না তাঁদের পানে—ছোঁয় না সে ফুল,
কান ঢাকে—শোনে না সে বিহঙ্গের গান।
শিহরে পরশে যদি মলয় আকুল,
কৈদে ওঠে পেলে কড় কুম্বের ঘ্রাণ।

বিদায় দিয়েছে সব—সুখ-সাধ-আশা,
কবে থেকে হ'য়ে গেছে সে যে লক্ষ্যহারা !
সর্ব্ব হরেছে তার সংসারের পাশা ;
গালে হাত দিয়ে ব'সে আছে লক্ষ্মীছাড়া।

শ্রীসদাশিব বন্দ্যোপাধ্যায়।

ভারত-সভার প্রতিষ্ঠা

এখনও সে দিনের কথা মনে আছে, যে দিন ভারত-সভার জন্ম হয়। কলিকাতার শিক্ষিত যুবকমণ্ডলীর মধ্যে যে রাষ্ট্রীয় স্বাধীনতার আকাঙ্ক্ষা জাগিয়াছিল, কি করিয়া তাহা স্বদেশের রাষ্ট্রীয় বিধিব্যবস্থার মধ্যে প্রত্যক্ষভাবে গড়িয়া উঠে, ক্রমে সুরেন্দ্রনাথ তাহার আয়োজন করিতে লাগিলেন। তরবারি ধরিয়া আমরা স্বাধীন হইব, এ কল্পনাটা তখন জাগে নাই। কালবীৰ্য্যের উপরে দেশের স্বাধীনতা যে একান্তভাবে নির্ভর করে, ইহা তখনও শিক্ষিত বাঙ্গালী একান্তভাবে অনুভব করে নাই। তখন আমাদের একটা রেষারেষি জাগিয়া উঠিয়াছিল। এ দেশের ইংরাজ অধিবাসীদিগের সঙ্গে, ব্রিটিশ প্রভুশক্তির সঙ্গে তখনও আমাদের তেমন বিরোধ জাগে নাই। আমরা আইনের গভীর ভিতরে থাকিয়া কেবল আমাদের অভাব-অভিযোগের আন্দোলন-আলোচনা করিয়াই ইংরাজ পালিমেন্টের ধর্মবুদ্ধিকে জাগাইয়া ভারতবাসীর ন্যায়সঙ্গত অধিকার লাভ করিব, ইহাই আমাদের সে কালের রাষ্ট্রনীতির মূল ভিত্তি ছিল। সুতরাং দেশব্যাপী রাষ্ট্রীয় আন্দোলন জাগাইবার জন্তই সুরেন্দ্রনাথ সর্বপ্রথমে আপনার শক্তিসামর্থ্য নিয়োজিত করেন। বিলাতে যেমন লোকমতের বা বস্তমতের প্রভাবে রাষ্ট্রের বিধি-ব্যবস্থা পরিবর্তিত হইয়া থাকে, ব্রিটিশ-ভারিতেও সেইরূপই হইবে। সকলেই সে কালে একরূপ কল্পনা করিতেছিলেন। ইংরাজীতে ইহাকেই Constitutional agitation কহে। এই পথে রাষ্ট্রীয় স্বাধীনতা লাভ করিতে হইলে সর্বত্র রাষ্ট্রীয় সভাসমিতির প্রতিষ্ঠা করিতে হইবে। এই সকল সমিতির বেড়াফালে সমগ্র দেশকে ঘিরিতে হইবে। ইহাই সুরেন্দ্রনাথের রাষ্ট্রীয় কর্মজীবনের প্রথম পর্বের প্রধান লক্ষ্য হইয়া উঠিল। এই লক্ষ্যসাধনে অগ্রসর হইয়াই তিনি সর্বপ্রথমে ভারত-সভার বা Indian Associationএর প্রতিষ্ঠা করেন। এই অস্থানে আনন্দমোহন বসু, শিবনাথ শাস্ত্রী, দ্বারকানাথ গঙ্গোপাধ্যায়, দুর্গামোহন দাশ, চিত্তরঞ্জনের জ্যেষ্ঠতাত এবং পিতা ভুবনমোহন দাশ ব্রাহ্মসমাজের এই সকল চিন্তা এবং

কর্মনারকরা সুরেন্দ্রনাথের এই নূতন রাষ্ট্রীয় কর্মে প্রধান পৃষ্ঠপোষক ছিলেন। এই কথাটা ধাহারা জানেন না, ধাহাদের মনে নাই, কোন আদর্শের প্রেরণায় যে ভারত-সভার প্রথম প্রতিষ্ঠা হয়, ইহা তাঁহারা কখনই ভাল করিয়া ধরিতে পারিবেন না। আনন্দমোহন, শিবনাথ প্রভৃতি ব্রাহ্মসমাজেও একটা সর্বদীন স্বাধীনতার আদর্শ গড়িয়া তুলিতে চেষ্টা করিয়াছিলেন। মহর্ষি দেবেন্দ্রনাথ ধর্মসংস্কারে প্রবৃত্ত হইয়াও বিগত খৃষ্টীয় শতাব্দীর যুরোপীয় ব্যক্তিস্বাতন্ত্র্যের আদর্শকে একান্তভাবে আপনার অন্তরে বরণ করিয়া লইতে পারেন নাই। শাস্ত্র-গুরুবর্ণিত আত্মপ্রত্যয়-প্রতিষ্ঠা ধর্মসাধনে প্রবৃত্ত হইয়াও মহর্ষি একান্তভাবে এই আত্ম-প্রত্যয়ের হাত ধরিয়া চলিলে শেষটা কোথায় বাইয়া দাঁড়াইতে হয়, এই আত্মপ্রত্যয়ের প্রামাণ্য ও প্রাধান্যের উপরেই যে যুরোপে ব্যক্তিস্বাতন্ত্র্যের বা individualismএর প্রতিষ্ঠা হইয়াছিল, মহর্ষি এ কথাটা বড় করিয়া ধরেন নাই। কিন্তু বিজয়কুমার, কেশবচন্দ্র প্রভৃতি তাঁহার যুবক শিষ্য এবং সহধর্মীরা এই আদর্শের প্রেরণাতেই ব্রাহ্মসমাজে প্রবেশ করেন। ক্রমে এই ব্যক্তিস্বাতন্ত্র্যের বা individualismএর প্রভাব বাড়িয়া উঠিলে মহর্ষির ব্রাহ্মসমাজে প্রাচীনে-নবীনে একটা বিরোধ বাধিয়া উঠে। এই বিরোধের ফলে নবীন ব্রাহ্মের দল কেশবচন্দ্রকে অগ্রণী করিয়া দেবেন্দ্রনাথের দল হইতে ভাঙ্গিয়া পড়েন। এই নূতন স্বাধীনতার আদর্শের প্রেরণাতেই ভারতবর্ষীয় ব্রাহ্মসমাজের প্রতিষ্ঠা হয়। কিন্তু এখানেও আবার কেশবচন্দ্র এবং তাঁহার আসন্ন সহকর্মীদিগের সঙ্গে আনন্দমোহন, দুর্গামোহন, শিবনাথ প্রভৃতির একটা নূতন বিরোধ বাধে। কেশবচন্দ্র যে ব্যক্তিগত স্বাধীনতা অথবা বিবেকের নামে দেবেন্দ্রনাথের নায়কত্বের বিরুদ্ধে দাঁড়াইয়াছিলেন, সেই স্বাধীনতা এবং বিবেকের নামেই আনন্দমোহন, শিবনাথ প্রভৃতি কেশবচন্দ্র এবং তাঁহার প্রচারকগোষ্ঠীর নেতৃত্বের বিরুদ্ধে দণ্ডায়মান হইলেন। দেবেন্দ্রনাথের সঙ্গে

বিরোধ বাধিলে কেশবচন্দ্র তাহাকে “বিবেকের যুদ্ধ” বলিয়া ঘোষণা করিয়াছিলেন। ব্যক্তিগত স্বাধীনতার মর্যাদা রক্ষা করিবার জন্তই কেশবচন্দ্র দেবেন্দ্রনাথকে ছাড়িয়া চলিয়া আইসেন। আনন্দমোহন প্রভৃতি এই ব্যক্তিগত স্বাধীনতার আদর্শে নিজেদের পারিবারিক ও সামাজিক জীবন গড়িয়া তুলিতে চাহেন। কেশবচন্দ্র জাতিভেদের বিরুদ্ধে সংগ্রাম ঘোষণা করিয়াছিলেন। গাঁহার প্রচলিত প্রতিমাপূজার সঙ্গে সংশ্লিষ্ট থাকিবেন, অথবা গার্ভস্থ্য ও সামাজিক অন্তষ্ঠানাদিতে বর্ণাশ্রমধর্ম মানিয়া চলিবেন, তাঁহারা ব্রাহ্মসমাজের আচার্যের কাষ করিতে পারিবেন না, এই কথা লইয়াই দেবেন্দ্রনাথের সঙ্গে কেশবচন্দ্র, বিজয়কৃষ্ণ প্রভৃতির বিরোধ উপস্থিত হয়। ব্রাহ্মমন্দিরে যেমন জাতিবিচার থাকিবে না, সেইরূপ অবরোধ-প্রথাও থাকিবে না। আনন্দমোহন, দুর্গামোহন, দ্বারকানাথ প্রভৃতির সঙ্গে কেশবচন্দ্রের এই লইয়াই প্রথমে বিরোধের সূত্রপাত হয়। এই বিরোধ একরূপ মিটিয়া যায়। ব্রাহ্মমন্দিরে যে সকল মহিলা পর্দার বাহিরে বসিতে চাহেন, তাঁহাদের জন্ত সে ব্যবস্থা প্রবর্তিত হয়। কিন্তু ইহাতেই মূল বিরোধটা নষ্ট হইল না। কেশবচন্দ্রের ব্রাহ্মসমাজেও ধীরে ধীরে একটা নূতন পৌরোহিত্য গড়িয়া উঠিতে আরম্ভ করিল। অন্যান্য বিষয়েও কেশবচন্দ্র এবং তাঁহাদের প্রচারকগণের সঙ্গে সমাজের নব্য-শিক্ষিত যুবকদের মতভেদ জন্মিতে লাগিল। এই বিরোধটা কেশবচন্দ্রের জ্যেষ্ঠ কন্যার বিবাহ উপলক্ষে পাকিয়া উঠিল। কেশবচন্দ্র অপ্রাপ্তবয়স্কা কন্যাকে ব্রাহ্মসমাজের বাহিরে কুচবেহারের অপরিণতবয়স্ক মহারাজের সঙ্গে বিবাহ দিয়া ব্রাহ্মসমাজে আবার একটা তুমুল আন্দোলন জাগাইলেন। এই আন্দোলনের ফলে আনন্দমোহন প্রভৃতি কেশবচন্দ্রের দল ছাড়িয়া নূতন ব্রাহ্মসমাজের প্রতিষ্ঠা করিলেন। এই নূতন ব্রাহ্মসমাজের প্রতিষ্ঠা-গণ প্রায় সকলেই ব্যক্তিগত, পারিবারিক, সামাজিক এবং রাষ্ট্রীয় স্বাধীনতার সাধক ছিলেন। জীবনের সর্ব-বিভাগে এই স্বাধীনতা বা ব্যক্তিস্বাতন্ত্র্যের প্রতিষ্ঠা করিয়া একটা নূতন মনুষ্যস্বাধীন এবং সমাজগঠন ইহাদের ধর্ম ও

কর্মজীবনের লক্ষ্য হইয়া উঠে। যে বৎসর সুরেন্দ্রনাথ ভারতসভার বা Indian Associationএর প্রতিষ্ঠা করেন, সেই বৎসরেই এই নূতন ব্রাহ্মসমাজেরও প্রতিষ্ঠা হয়। সাধারণ ব্রাহ্মসমাজের জন্ম হয় ১৮৭৮ খৃষ্টাব্দের মার্চ মাসে। ভারতসভার জন্ম হয় ১৮৭৮ খৃষ্টাব্দের আগষ্ট মাসে। এই দুইটি প্রতিষ্ঠানের মধ্যে বাহিরে নয়, কিন্তু ভিতরে ভিতরে একটা গভীর যোগ ছিল। সর্বদীন ব্যক্তিগত স্বাধীনতা এই যোগের মূলমন্ত্র ছিল। ব্যক্তিগত পারিবারিক এবং সামাজিক জীবনে এই সর্বদীন স্বাধীনতাকে গড়িয়া তুলিবার জন্ত আনন্দমোহন, শিবনাথ প্রভৃতির নেতৃত্বাধীনে সাধারণ ব্রাহ্মসমাজের জন্ম হয়। এই স্বাধীনতার আদর্শকেই রাষ্ট্রীয় জীবনে এবং রাষ্ট্রের বিধিব্যবস্থাতে গড়িয়া তুলিবার জন্তই ভারতসভার প্রতিষ্ঠা হয়। এই জন্তই আনন্দমোহন প্রভৃতি ব্রাহ্মসমাজের সে কালের নেতৃবর্গ একরূপ আন্তরিকতা সহকারে ভারত-সভার প্রতিষ্ঠায় সুরেন্দ্রনাথের সঙ্গে যোগ দিয়াছিলেন। এই কথাটা না বুঝিলে বা ভাল করিয়া না ধরিলে সুরেন্দ্রনাথ প্রথম-জীবনে কোন্ আদর্শের প্রেরণায় স্বদেশসেবায় আত্মসমর্পণ করেন, ইহা সুস্পষ্ট করিয়া ধরিতে পারা যাইবে না। আনন্দমোহন ভারত-সভার প্রথম সভাপতি নির্বাচিত হইলেন। সুরেন্দ্রনাথ সম্পাদক এবং দ্বারকানাথ গঙ্গোপাধ্যায় মহাশয় সহকারী সম্পাদক নিযুক্ত হইলেন। দুর্গামোহন দাশ, শিবনাথ শাস্ত্রী, উমেশচন্দ্র দত্ত এবং ভুবনমোহন প্রভৃতি নূতন ব্রাহ্মসমাজের মুখ্যরা ভারত-সভার কার্য-নির্বাহক সমিতির সভ্য নির্বাচিত হইয়াছিলেন। ভারত সভার জন্মের ইতিহাসে কোন্ মহান আদর্শের প্রেরণায় এক দিকে সে কালের ব্রাহ্মসমাজ এবং অন্য দিকে এই নূতন রাষ্ট্রীয় প্রতিষ্ঠান দেশের চিন্তা, ভাব এবং কর্মকে পরিচালিত করিতে চাহিয়াছিল, ইহার সন্ধান পাওয়া যায়।

ভারত-সভার প্রতিষ্ঠার পূর্বে, সত্য কথা বলিতে গেলে, আমাদের মধ্যে কোন প্রকারের গণতন্ত্র আদর্শের প্রতিষ্ঠার চেষ্টা হয় নাই। সমাজের বা রাষ্ট্রের প্রত্যেক ব্যক্তির সমান অধিকার এবং অধিকাংশের মতামতের দ্বারা রাষ্ট্রের সকল প্রকারের বিধিব্যবস্থা নির্ধারিত

হইবে, ইহাই গণতন্ত্র-শাসনের পুঙ্খ-প্রতিষ্ঠা। ধনি-নিধন, শিক্ষিত-অশিক্ষিত, স্ত্রী এবং পুরুষ সকলে মিলিয়া অধিকাংশের অভিপ্রায়ানুযায়ী রাজ্যের শাসন-সংরক্ষণের ব্যবস্থা করিবে, ইহাই গণতন্ত্র-শাসনের আদর্শ। এই আদর্শ লইয়াই ভারত-সভার জন্ম হয়। ইহাই আমাদের প্রথম প্রকৃত জনসভা। ইহার পূর্বে,—বহু পূর্বে, কলিকাতার জমীদার-সভার বা British Indian Associationএর প্রতিষ্ঠা হইয়াছিল। সকলে এই সভার সভ্য হইতে পারিত না। বিশেষভাবে জমীদারদিগের স্বত্ব-স্বার্থ রক্ষা করাই এই British Indian Associationএর প্রধান উদ্দেশ্য ছিল। অবশ্য British Indian Association প্রজাসাধারণের হিতসাধনেরও চেষ্টা করিতেন। জমীদারদিগের বিশেষ স্বত্ব-স্বার্থ বজায় রাখিয়া যাহাতে সাধারণ প্রজামণ্ডলীর সুখস্বচ্ছন্দতা বৃদ্ধি পায়, অথবা তাহাদের সাধারণ স্বত্বস্বাধীনতা যাহাতে সঞ্চিত না হয়, British Indian Associationএর কর্তৃপক্ষীয়রা এ বিষয়ে যথেষ্টই চেষ্টা করিতেন। British Indian সভার যখন জন্ম হয়, তখন এই সকল শিক্ষিত জমীদার ব্যতীত প্রজার স্বত্বস্বার্থ রক্ষা করে, এমন আর কেহ ছিল না। বৃটিশ ইণ্ডিয়ান এসোসিয়েসন বাঙ্গালার রাষ্ট্র কক্ষের ইতিহাসে একটা অতি উচ্চ স্থান অধিকার করিয়াছিলেন, এ কথা অস্বীকার করণীয় নয়। কিন্তু সুরেন্দ্রনাথ যখন কৰ্মক্ষেত্রে উপস্থিত হইলেন, তখন বৃটিশ ইণ্ডিয়ান এসোসিয়েসনের দ্বারা আর আমাদের নূতন রাষ্ট্রীয় জীবন নিরঞ্জিত করা সম্ভব ছিল না। তখন দেশে মধ্যবিত্ত অবস্থার বহু লোক নূতন শিক্ষালাভ করিয়াছেন। বহু শিক্ষিত লোক একটা নূতন রাষ্ট্রীয় স্বাধীনতার প্রেরণায় চঞ্চল হইয়া উঠিয়াছেন। ইহাদের সম্মুখে যথোপযুক্ত রাষ্ট্রীয় কৰ্মক্ষেত্র ছিল না। ইহারা বৃটিশ ইণ্ডিয়ান সভায় যোগ দিতে পারিতেন না। জমীদার নহেন বলিয়া, আর বৃটিশ ইণ্ডিয়ানের নির্ধারিত চাঁদা দেওয়াও তাহাদের পক্ষে অসাধ্য না হউক, দুঃসাধ্য ছিল। বৃটিশ ইণ্ডিয়ান সভার দ্বারা আমাদের এই নূতন অভাব মোচন হইতেছিল না। এই জন্য স্বর্গীয় শিশিরকুমার ঘোষ মহাশয় একটা নূতন রাষ্ট্র-সভা গড়িয়া তুলিতে চেষ্টা করেন। ইহার

নাম ছিল ইণ্ডিয়ান লীগ। সার রিচার্ড টেম্পল যখন বাঙ্গালার স্ববাদার, সে সময় এই লীগের জন্ম হয়। কিন্তু যে কারণেই হউক, দেশের শিক্ষিত সাধারণ এই লীগের প্রতি বিশেষ অনুরক্ত হইলেন নাই। বৃটিশ ইণ্ডিয়ান সভা যেমন বড় বড় জমীদারদিগের মধ্যে আবদ্ধ ছিল, ইণ্ডিয়ান লীগও সেইরূপ স্বল্পসংখ্যক শিক্ষিত লোকের মধ্যেই আবদ্ধ হয়। উহা সর্বসাধারণের চিত্তকে স্পর্শ করিতে পারে নাই। এই জন্য আর একটা রাষ্ট্রীয় সভার বা প্রতিষ্ঠানের জন্য দেশের শিক্ষিত সাধারণ একরূপ উন্মুখ হইয়াছিলেন, এ কথা বলা যায়।

ভারত-সভার জন্ম এই দীর্ঘকাল পরেও যেন চক্ষুর উপরে ভাসিতেছে। সম্প্রতি যেখানে Albert Instituteএর প্রকাণ্ড বাড়ী গড়িয়া উঠিয়াছে, ১৮৭৮ খৃষ্টাব্দে এইখানে Albert Hall ছিল। ১৮৭৬ খৃষ্টাব্দে তখনকার Prince of Wales এ দেশে আসেন। তাহার স্মৃতি-রক্ষার জন্য কেশবচন্দ্র চাঁদা তুলিয়া এই Albert Hallএর প্রতিষ্ঠা করেন। দোতলায় একটা বড় হল ছিল। সেখানে সাধারণ সভা-সমিতি হইত। বাড়ীর অন্তর্গত স্থান Albert-schoolএরই দখলে ছিল। Albert school আর এখন নাই। Albert schoolএরই 'একটা ঘরে নীচের তলায় ভারত-সভার জন্ম হয়। এখনকার হিসাবে সভাটা যে বড় হইয়াছিল, তাহা নহে। কিন্তু সভাগৃহ এবং তাহার পাশের ঘরগুলি লোকে পরিপূর্ণ হইয়া গিয়াছিল। সভাপতি কে ছিলেন, মনে নাই। ভারতসভা প্রতিষ্ঠিত হউক, প্রস্তাব উপস্থিত হইলে ইণ্ডিয়ান লীগের পক্ষ হইতে বোরতর আপত্তি উঠে। স্বর্গীয় কালীচরণ বন্দ্যোপাধ্যায় মহাশয় এই আপত্তি তুলেন। সুরেন্দ্র বাবুর মতই প্রায় কালী বাবুরও অসাধারণ বাগ্‌বিভূতি ছিল। কোন কোন দিক দিয়া কালী বাবুর বাগ্মিতা সুরেন্দ্র বাবুর বাগ্মিতা অপেক্ষা শ্রেষ্ঠই ছিল। কিন্তু সুরেন্দ্র বাবু যে ভাবে শ্রোতৃবর্গকে মাতাইয়া তুলিতে পারিতেন, কালী বাবু ঠিক ততটা পারিতেন না। কালী বাবু খৃষ্টধর্মে দীক্ষিত হইয়াছিলেন। এই কারণেও তাহার বাগ্মিতা স্বদেশ-বাসীর অন্তরে তাহার গুণের উপবোগী প্রত্যাবৃষ্টির

করিতে পারে নাই। এই দিনে বিশেষতঃ কালী বাবু লীগের পক্ষ সমর্থন করিতে দাঁড়াইয়া শিক্ষিত লোকমতের প্রতিকূলতাই করিয়াছিলেন। তথাপি তাঁহার মোহিনী বাকশক্তির প্রতিরোধ এবং ঘন যুক্তিজাল ছেদন করা সহজ ছিল না। এমন আশঙ্কা হইয়াছিল যে, বুঝি বা ভারতসভার প্রতিষ্ঠা অসম্ভব হইয়া উঠে। সুরেন্দ্রনাথ প্রথমে এই সভায় উপস্থিত ছিলেন না। সে দিন তাঁহার প্রথম পুত্র অত্যন্ত পীড়িত ছিল। জীবনের আশা একরূপ ছিল না। এই জন্ত সুরেন্দ্রনাথ সভায় আসিতে পারেন নাই। কিন্তু কালী বাবুর প্রতিবাদে যখন সভার উদ্দেশ্য বিফল হইবার আশঙ্কা হইল, তখন তাঁহাকে আনিবার জন্ত লোক ছুটিল। সুরেন্দ্রনাথ তখন তালতলায় পৈতৃক ভদ্রাসনে বাস করিতেন। সভার দূত যখন উপস্থিত হইল, তাহার অল্পক্ষণ পূর্বেই বাড়ীতে ক্রন্দনের রোল উঠিয়াছে। সুরেন্দ্রনাথ শিশুর মৃতদেহের নিকটে ধূল্যবলুষ্ঠিত জীবনের প্রথম শোকের

তীব্র আঘাতে ছটফট করিতেছেন। কিন্তু যখন কর্তব্যের ডাক পৌছিল, তিনি না আসিলে ভারত-সভার প্রতিষ্ঠার আয়োজন পণ্ড হইয়া যাইবে, ইহা শুনিলেন, তখন অমনই গা ঝাড়িয়া মৃত শিশু এবং তাহার শোকাকুলা জননীকে ছাড়িয়া সভাস্থলে আসিয়া উপস্থিত হইলেন। পুত্রশোকাতুর জনকের এই দেশসেবা-নিষ্ঠা দেখিয়া সকলে আশ্চর্য হইয়া গেল। ইহার পরে ভারত-সভার প্রতিষ্ঠা আর আটকাইয়া রাখা সম্ভব হইল না। এই ঘটনার দেশের শিক্ষিত লোক দেখিল যে, সুরেন্দ্রনাথের স্বদেশ এবং স্বজাতির সেবা তাঁহার পুত্র হইতে প্রিয়। সুরেন্দ্রনাথের পূর্বে কোন বাঙ্গালী তাহার দেশকে এবং দেশের রাষ্ট্রীয় স্বাধীনতাকে এতটা ভালবাসে, ইহার প্রমাণ পাওয়া যায় নাই। সুরেন্দ্রনাথের এই স্বদেশপ্রেমের উপরেই তাঁহার প্রায় অর্দ্ধশতাব্দীব্যাপী রাষ্ট্রনায়কত্বের প্রতিষ্ঠা হয়।

শ্রীবিপিনচন্দ্র পাল।

কবির ভাব এসেছে

বেলারে বেঁধেছে সাঁজের সোনালি গাঁটে।

বিদায়ের রোদ পড়েছে পুকুর পাটে ॥

পুরবীর গন্ধ, ছড়িয়ে করবী,
গায় ওগো, গীত লোহিতবরণ ;
ঘুমে-ভেজা কত কথা করে জাগরণ।

রোমের বিভব স্মরিয়া বকুল
ভূমে বরে পড়ে মলিন আকুল।

আর্ষ্যের গৌরব, সৌরভ স্মরণে,
লোটে বোরোণীয়া অরুণ চরণে ;
লোটে কোমল কাঁঠালী, শ্রামল শিমুল।

ভোরের ঘুমের স্বপন কার,
শিখিল ধোঁপার হারাগ-হার,
ঘোবনজড়ানো, বরাক ঘেরিয়া,
নহে অতি অবনত, ভেমন তেরিয়া,
কে আসে গো কে আসে,

যেন হাসে অধরাকাশে।

মু'খানি মানানো ছ'খানি নয়ন,
নাশার বালিশে থুইয়া আলিস,
চেতনা লতায় করেছে শয়ন।

অমার নিশির শিশির-ঝারা,
পীত বেঁপে ছোটে হ'য়ে দিশেহারা,
উন্মাদ আনন্দ মসির ঐশ্বর্যে,
সে চুল চঞ্চল-কুঞ্চন-প্রাচুর্যে,
অধৈর্য্য করেছে সৌন্দর্য্যের জ্যোতি লতিকায়।

অলস-কলস দোলায়ে কাঁকালে।
প্রভাতী বিভাস ভাসিছে বিকালে ॥

পা-টি মাটি ছোঁয় না,
গা-টি যেন নোয় না,
ছাথে ভরা বুকখানি,
তোলে না ত মুখখানি ;—


ওলো, কথা কও, কথা কও ;
শুটি দুই বাণী বেঁধে--

আহা, আদরের বাণী বেঁধে চাদরের খুঁটে-

কেঁদে চ'লে যাই।

কার ভূমি কারাগার,
কা'রে কর অধিকার,
হারাতে চেতনা চায় কে তোর চরণে ;—
জড়ানো জিলাপী নেশা গোলাপী-সরণে।

শ্রীঅমৃতলাল বসু।



৬

আমার অনিচ্ছাপূর্বেও লোকটা তখন আমাকে এক প্রকার জোর করিয়াই বাড়ীর ভিতরের অংশে লইয়া গেল এবং আলো ধরিয়া একে একে সমস্ত দেখাইতে লাগিল।

দেখিলাম, বৈঠকখানা ও তাহার পার্শ্বের সেই শয়ন-ঘর, এ দুইটি বেশ উত্তমরূপে সাজানো। আসবাবগুলি বেশ সৌখীন ও দামী। লোকটার সখ ও পয়সা দুই-ই আছে বোধ হয়। উঠানের দুই দিকে অল্প কয়েকটা ঘর ও এক পাশে স্নানের ঘর ও পাইখানা। উঠানের এক কোণে ভাঙ্গাচোরা দ্রব্যাদি ও আবর্জনাপূর্ণ একটা ছোট ঘর। সেই ঘরের পর হইতে উঠানের অপর দিক পর্যন্ত প্রায় একতলা সমান উচ্চ একটা পাকা প্রাচীর সম্পূর্ণরূপে এ বাড়ীকে তাহার পশ্চাতের বাড়ী হইতে পৃথক করিয়া রাখিয়াছে। নন্দন সাহেবের ব্যবহৃত ঐ দুইটি ঘর এবং পাইখানা ও স্নানের ঘর ব্যতীত বাড়ীর অন্ত সব অংশই অত্যন্ত অমৃত-রক্ষিত ও ধূলিময় দেখিলাম। অন্যান্য ঘরে কোন আসবাবও নাই। উঠানের পার্শ্ববর্তী ঘরগুলি এবং প্রাচীরটা বিশেষ লক্ষ্য করিয়াও পিছনের বাড়ীতে যাতায়াতের কোন পথ দেখিতে পাইলাম না। একতলা সমান উচ্চ প্রাচীর লঙ্ঘন করিয়া চোর-ডাকাত আসা সম্ভব বটে; কিন্তু সচরাচর সাধারণ লোকের ঐরূপ পথে যাতায়াত করা সমীচীন মনে হইল না। বিশেষতঃ পিছনের বাড়ীতে অপর লোক যখন বাস করিতেছে, তখন ওরূপে যাতায়াত এক প্রকার অসম্ভবই মনে হইল।

নন্দন সাহেবও ঐ ভাবেই আমাকে কথাটা বুঝাইবার জন্য একটু বেশী রকম প্রয়াস পাইতে লাগিলেন এবং আমি যাহা দেখিয়াছিলাম, তাহা সম্পূর্ণই ভ্রমাত্মক সাব্যস্ত করিতে বড়ই ব্যগ্র হইতেছিলেন বোধ হইল। বাড়ী পর্য্যবেক্ষণের পর পুনরায় বাহিরের ঘরে আসিয়া আমি প্রশ্নানোত্ত হইলে তিনি বলিলেন, “কেমন, মশায়!

এইবারে নিজে সব দেখে বেশ বুঝলেন ত, আপনাদের ধারণাগুলো কত ভুল?”

আমি বলিলাম, “না, মশায়! জানালায় পর্দায় অপর লোকের চায়াও যে এই কিছুক্ষণ আগে নিজেই দেখেছি কি না,—সেই জন্য সেটা ভুল ব’লে বিশ্বাস করতে পারি না।”

“অন্ততঃ পাড়ার যে সব লোক আমার কথা আলোচনা করেন, তাঁদের ত আপনি যা দেখলেন, তা বলিতে পারেন?”

“মাফ করবেন, নন্দন মশায়! আমি এ পর্য্যন্ত কখনও পাড়ার লোকের সঙ্গে আপনার সম্বন্ধে কোন আলোচনাই করিনি। আপনার সঙ্গেও আমার আলাপ এত সামান্য যে, আপনার বিষয়ে কা’কেও কোন কথা বলা উচিত মনে করি না। বাড়ীটার ব্যবস্থা যে রকমই হোক, আজ যে আপনার এই ঘরে অপর লোক এসেছিল, তা’তে কোন সন্দেহ নাই। অথচ আপনি সেই কথাটা মিথ্যা প্রমাণ করবার জন্য কেন এত উৎসুক, তা বুঝতে পারছি না এবং বুঝতে আমি ইচ্ছাও করি না। এখন তবে আমি বিদায় হই, আপনি বিশ্রাম করুন।”

আমি যাইতে উত্তত হইলে তিনি বলিলেন, “আপনি দেখছি আমাকে কিছু সন্দেহভাবে দেখছেন। কিন্তু আপনাকে সত্যই বলছি যে, আমি নিতান্ত নিরীহ প্রকৃতির লোক; কারও কোন সংশ্বে থাকতে চাই না। নিজের রুগ্নদেহ নিয়ে জীবনের বাকি ক’টা দিন শান্তিতে কাটাইবার জন্যই এখানে একাকী বাস করছি। তবে আমার শক্ররা আমাকে কিছুতেই শান্তি দিতে চায় না। তাদেরই জালায় নাম ভাঁড়িয়ে এই অজ্ঞাতবাস করছি। অথচ কেন যে তারা আমার অমঙ্গলের চেষ্টা করে, তা আমি কিছুই জানি না। আমি যা’দের বন্ধু ব’লে জানতাম, তারাও আমার শত্রু। আমি তাদেরও ছেড়েছি,—আঁর আমার পুরানো নামও ছেড়েছি। কুঞ্জবিহারী

নন্দন! বাঃ! কি মজার নামটা!—হাঃ হাঃ!—যাক, আমার দুঃখ-কাহিনী বলে আর আপনাকে বিবস্ত্র করতে চাই না। কিন্তু আমাকে বিশ্বাস করুন আর না করুন, আপনাকে বেশ বলতে পারি যে, আমি কারও কোন অনিষ্ট-চেষ্টায় এখানে আসিনি। বরং আমারই অনিষ্ট-চেষ্টায় আমার শত্রুরা সব ঘরে বেড়াচ্ছে।”

“তা হ’লে পুলিশে খবর দেন না কেন?”

“পুলিস? সর্বনাশ! ভদ্রলোকে যেন কখনও ও পাল্লায় না পড়ে।”

“জানি না, আপনি কেন ও কথা বলছেন। আপনার কথা আপনারই থাক; আমার জানবার কোন আবশ্যক নাই। এখন আমি তবে চললাম, মশায়!” বলিয়া আমি আর অপেক্ষা না করিয়া, তথা হইতে প্রস্থান করিয়া বাসায় প্রত্যাগমন করিলাম।

৭

এই ঘটনার কিছুদিন পরে, এক দিন সকালে আমাদের পাড়ার সকলে শুনিয়া স্তম্ভিত হইল যে, বৃদ্ধ নন্দন সাহেবকে পূর্বরাত্রিতে কে হত্যা করিয়া গিয়াছে।

হোটেলের সেই খানসামাটা, (পরে জানিলাম, তাহার নাম রহিম), প্রত্যহ সকালে যেমন সাহেবের প্রাতরাশের আয়োজন করিতে ঐ বাড়ীতে আসে, সে দিনও সেইরূপ আসিয়াছিল। বহির্দ্বার ভিতর হইতে অর্গলবদ্ধ থাকে বলিয়া, সে প্রত্যহ যেমন বাহিরের কড়া নাড়িয়া সাহেবকে তাহার আগমনবার্তা জানায়, সে দিনও সে তাহাই করিয়াছিল। কিন্তু বহুক্ষণ কড়া নাড়িয়াও যখন সাহেবকে জাগাইতে পারে নাই, তখন কপাটে সবলে আঘাত করিতে ও চীৎকার করিয়া সাহেবকে ডাকাডাকি করিতে থাকে। ঐ গোলমালে পাশের ছুই একটা বাড়ীর ভৃত্যরা কোতূহলের বশবর্তী হইয়া, তাহার সহিত একযোগে বহুক্ষণ ধরিয়া নানাপ্রকারে সাহেবের নিজাভঙ্গর চেষ্টা করিতে থাকে। ইত্যবসরে, ঐ সব গোলযোগ শুনিয়া পাড়ার অনেক লোকই তথায় উপস্থিত হইল, এবং ক্রমে আমিও সেখানে হাজির হইলাম।

পসার না থাকিলেও আমি পুলিশ-কোটের এক জন উকীল, তাহা পাড়ার প্রায় সকলেই জানিয়াছিল। এক্ষণে একটা সংশয়-জনক ব্যাপারে বোধ হয় আমা দ্বারা বেশী

সাহায্য হইবে ভাবিয়া, সমবেত প্রতিবেশীরা সকলে আমাকেই “মুরুব্বী” ঠিক করিল, এবং উপস্থিত ক্ষেত্রে কার্য পরিচালনের ভার আমার উপরেই তুলিয়া দিল। আমি তখন খাঁটীর পাহারাওয়ালাকে ডাকিবার জন্য লোক পাঠাইলাম। কিন্তু বলা বোধ হয় বাহুল্য যে, ওরূপ গোলযোগের সময় সর্বত্রই যেমন ঐ জাতীয় জীবের সন্ধান পাওয়া দুর্ঘট হয়, এ ক্ষেত্রেও তাহার অন্তথা হইল না। কায়েই উপায়ান্তর না দেখিয়া আমি রহিম খান-সামাকে সঙ্গে লইয়া, নিকটস্থ থানায় সংবাদ দিতে গেলাম।

পুলিসের প্রচলিত কার্যপদ্ধতি অনুসারে তাহাদের সাহায্য পাইতে কত বিলম্ব হইত, তাহা বলিতে পারি না, কিন্তু আমার ব্যবসায়ের সৌকর্যার্থে আমি এই ধানার পদস্থ কর্মচারীদের সঙ্গে পূর্বেই কিঞ্চিৎ আলাপ-পরিচয় করিয়া রাখিয়াছিলাম বলিয়া শীঘ্রই আমার কার্যোদ্ধার হইল। দারোগা বাবু দুই জন কনষ্টেবল সঙ্গে লইয়া এবং আমার পরামর্শে পথে এক জন ছুতারকে সংগ্রহ করিয়া, আমাদের সহিত যথাসম্ভব ক্ষিপ্রগতিতে ১০ নং বাড়ীতে উপস্থিত হইলেন। পরে সেই ছুতারের সাহায্যে বহির্দ্বারের ভিতরের অর্গল অনেক কষ্টে খোলা হইলে, পুলিশের লোকের সঙ্গে আমরা অনেকেই বাড়ীর মধ্যে প্রবেশ করিলাম। সেখানেও আবার বাধা পড়িল। বসিবার ঘরের কপাট-টাও ভিতর হইতে অর্গলবদ্ধ থাকায়, তাহাও ঐ ছুতারের দ্বারা খোলা হইল। কিন্তু শয়ন ঘরের দ্বারে পৌছিয়া সেরূপ কোন বাধা পড়িল না; তাহা ঠেলিবারাত্র খুলিয়া গেল এবং তখন সেই ঘরের মধ্যে একটা বীভৎস দৃশ্য আমাদের নয়নগোচর হইল।

দেখিলাম, ঘরের এক স্থানে একটা তেপায়া টেবল ও একখানা চেয়ার উল্টিয়া পড়িয়া আছে এবং তাহার নিকটেই নন্দন সাহেবের দেহটাও মেঝের উপরে উপুড় হইয়া পড়িয়া রহিয়াছে। ঘরের মধ্যে অস্পষ্ট আলোকে ও লোকের ভীড়ে, ব্যাপারটা প্রথম দৃষ্টিতে ভাল করিয়া বুঝা গেল না। বোধ হইল, হয় ত সাহেব রাত্রিতে বেশী মাতাল হইয়া পড়িয়া গিয়াছিল এবং পরে উত্থানশক্তি রহিত হওয়ার ঐখানেই পড়িয়া

ঘুমাইতেছে। কিন্তু ক্রমে ঘরের সব জানালা-কপাট খোলা হইলে দেখা গেল যে, সাহেব যেখানে পড়িয়া আছে, তাহার নিকটেই ঠিক তাহার বন্ধের সংলগ্ন সতরঞ্চের উপর অনেকটা স্থান রক্তে প্রাবিত রহিয়াছে। তাহার পর দারোগা বাবু তাহার অঙ্গ স্পর্শ করিয়া যখন বলিলেন যে, তাহা হিমবৎ শীতল, তখন সাহেব যে মৃত, তাহাতে আর কাহারও সংশয় রহিল না।

তখন বেলা প্রায় নয়টা। দারোগা মহাশয় আর বিলম্ব না করিয়া, ব্যাপারটার রীতিমত পুলিশ-পদ্ধতি অনুসারে তদন্ত আরম্ভ করিয়া দিলেন। মৃত-ব্যক্তির দেহ তদন্তের সময় তাহাকে চীৎ করিয়া ফেলায় দেখা গেল যে, ঠিক তাহার হৃৎপিণ্ডের উপর একটা তীক্ষ্ণধার অস্ত্রের গভীর ক্ষত রহিয়াছে ও তাহা হইতে প্রভূত রক্তস্রাব হইয়া সতরঞ্চের ঐ অংশ প্রাবিত করিয়াছে। সেই এক আঘাতেই যে লোকটার মৃত্যু হইয়াছে, তাহা দেখিলেই বেশ বুঝা যায়। কিন্তু যে অস্ত্র দ্বারা এই হত্যাকাণ্ড সংঘটিত হইয়াছিল, তাহা অনেক অনুসন্ধানের খুঁজিয়া পাওয়া গেল না। সাহেবের পরিহিত বস্ত্রাদি এবং ঐ দুইটা ঘরের দেওয়াল-টেবল ও তন্মধ্যস্থ জিনিষপত্র বিশেষরূপে অনুসন্ধান করিয়াও একটি সোনার ঘড়ি ও চেন, একটি সোনার আংটা এবং নগদ প্রায় এক শত টাকা ছাড়া অপর কোন মূল্যবান সামগ্রী বা কোন কাগজপত্র কিছুই পাওয়া গেল না।

তৎপরে বাড়ীটার অন্যান্য অংশ পরিদর্শন করিয়া এবং উপস্থিত লোকদিগের মধ্যে কয়েক জনের এজাহার লইয়া, দারোগা মহাশয় তাহার তদন্ত শেষ করিলেন। মৃতব্যক্তি এ পাড়ার কাহারও পরিচিত নহে এবং কেহ তাহার কোন আত্মীয় বা বন্ধুবান্ধবকে চিনে না শুনিয়া, তাহার দেহ পরে 'সনাক্ত' করাইবার অভিপ্রায়ে, এক জন ফটোগ্রাফার আনাইয়া, শবদেহের কয়েকটি ছায়া-চিত্রও লওয়াইলেন। পরে, মেডিক্যাল কলেজের মৃত্যু-বাসে (মর্গে) লাস চালান দিয়া, তিনি তখনকার মত তাহার কর্তব্য কর্ণের সমাধা করিয়া তথা হইতে প্রস্থান করিলেন।

৮

আমি যখন বাসায় ফিরিলাম, তখন বেলা প্রায় ১২টা। স্নানাহার সারিয়া পিসীমার কৌতূহল নিবারণ করিতে আরও অনেক বেলা হইয়া গেল। সে দিন সরস্বতী-পূজার ছুটি ছিল বলিয়া কোন অসুবিধা হইল না; নহিলে কোটে যাওয়ারূপ আমার নিত্যকর্মে নিশ্চয়ই বাধা পড়িত।

পরদিন সকালে খবরের কাগজে ঐ হত্যাকাণ্ডের একটা বিস্তৃত বিবরণ বাহির হইয়াছে দেখিলাম। মাঝে মাঝে কিছু কল্পিত ও রঞ্জিত হইলেও, মোটের উপর ঘটনাটা প্রায় যথাযথই বিবৃত হইয়াছিল। আমার ও রহিমের নিকট পুলিশ যাহা যাহা জানিয়াছিল, তাহাও ইহাতে স্থান পাইয়াছিল। এই সংবাদপত্র হইতে জানিলাম যে, হত ব্যক্তির চেহারার একটি লিখিত বিবরণ পুলিশ প্রত্যেক থানায় পাঠাইয়াছে। আরও জানিলাম যে, লাস মেডিক্যাল কলেজে আনীত হইবার পরে তাহার 'পোস্ট-মর্টেম'-রূপ অবশ্রান্তাবী সদগতি ও তৎপরে কাশী মিত্রের ঘাটে অন্ত্যেষ্টিক্রিয়া হইয়া গিয়াছে। পোস্ট-মর্টেমের ফলে, ডাক্তারের রিপোর্ট হইতে জানা যায় যে, তাহার মতে হৃৎপিণ্ডে অস্ত্র-ঘাতই লোকটার মৃত্যুর কারণ; অস্ত্রটা খুব তীক্ষ্ণ-ধার-বিশিষ্ট ও সূক্ষ্মগ্র, কিন্তু বেশী দীর্ঘ নহে এবং প্রস্থও কম; এক দিকে মোটা ও ফলকটা বক্র। ক্ষত পরীক্ষায় তাহার এরূপ অনুমান হয় যে, অস্ত্রটা একটা ছোট ও অপ্রশস্ত 'ভোজালী' হওয়াই সম্ভব। ডাক্তারের বিবেচনায় হতব্যক্তির মৃত্যু, আন্দাজ রাত্রি দ্বিপ্রহরের সময় হইয়াছিল।

ইহার কয়েক দিন পরে প্রচলিত নিয়মানুসারে "করোনার কোর্টে" এই হত্যাকাণ্ডের তদন্ত ("ইন্-কোএন্ট") হইল। পুলিশ-তদন্তের সময় যে সব লোকের এজাহার লওয়া হইয়াছিল, এখানেও তাহাদের সকলকেই পুনরায় সাক্ষ্য দিতে হইল। আমিও বাদ গেলাম না। তাহা ছাড়া পোস্ট-মর্টেমের ডাক্তার, খাঁটির পাহারাওয়াল, ঐ হানা বাড়ীর বাড়ীওয়াল ইত্যাদি আরও কয়েক জনের সাক্ষ্য লওয়া হইল। কিন্তু ফলে পুলিশ-তদন্তের অপেক্ষা অধিক কিছু লাভ হইল না। কে

যে হত্যাকারী এবং হত ব্যক্তির আসল পরিচয়ই বা কি, তাহা কিছুই জানা গেল না। 'শেষে করোনার ও জুরির মতে সাব্যস্ত হইল যে, "কুঞ্জবিহারী নন্দন নামে পরিচিত, ১০ নং রামপাল লেন নিবাসী ব্যক্তিকে ছোট 'ভোজালীর' (বা 'কুকুরী') জায় কোন বক্র ফলকযুক্ত তীক্ষ্ণধার ছোরার দ্বারা কোন অজ্ঞাত লোক গত—জাহ্নয়ারী তারিখে (সরস্বতীপূজার পূর্ব-রাত্রিতে) আন্দাজ ১২টার সময় হত্যা করিয়াছে। হত ব্যক্তির আসল নাম ও পরিচয় অজ্ঞাত।"

এই রহস্যময় ব্যাপারের এইরূপ সম্ভাষণজনক মীমাংসা হওয়ার দেশের শাস্তিরক্ষার কর্তারা তাঁহাদের বিধিবদ্ধ নিয়মালুকারী সকল কর্তব্য-কর্ম রীতিমত অমুষ্টিত হইয়াছে দেখিয়া বোধ হয় বেশ পরিতৃপ্ত হইলেন।—নিত্য নূতন খবরের সরবরাহকার সংবাদপত্রগুলোও আর এ বিষয়ে কোন উচ্চবাচ্য করিল না এবং নব নব উদ্বেজনা-প্রয়াসী সহরবাসীরাও এ সম্বন্ধে আর মাথা ঘামাইবার কোন কারণ দেখিল না।

আমার মনে কিন্তু শাস্তির বড় ব্যাঘাত জন্মিতে লাগিল। তথাকথিত নন্দন সাহেবের সহিত আমার কোনও সংস্রব না থাকিলেও, এক রকম আমার চোখের সম্মুখে এমন একটা হত্যাকাণ্ড ঘটিয়া গেল, অথচ হত ব্যক্তির বা তাহার হত্যাকারীর কোন নিরাকরণ না হইয়াই ঘটনাটার উপর যবনিকা-পতন হইয়া গেল,—ইহাতে আমার স্বাভাবিক কোতূহল-প্রবণ মনে মোটেই তৃপ্তি বোধ হইল না। অবসর হইলেই আমি ঐ বিষয় লইয়া নিজের মনে নানারূপ আলোচনা করিতাম : কিন্তু রহস্য-উদ্ঘাটনের একটি ক্ষীণ সূত্রও খুঁজিয়া না পাওয়ার মনের অশান্তিটার কিছুই উপশম হইতেছিল না।

২

আমার বিবেচনায় এই প্রহেলিকাময় ঘটনা সম্বন্ধে মীমাংসার বিষয় মোট তিনটি। ১ম, কুঞ্জবিহারী নন্দন নামীয় ব্যক্তির বাস্তবিক পরিচয় কি? ২য়, হত্যাকারী কে? ৩য়, হত্যার কারণ বা উদ্দেশ্য কি?

প্রথম প্রশ্নের উত্তর পাইবার আপাততঃ কোন সম্ভাবনাই দেখা গেল না। লোকটা এক দিন নিজ-মুখে আমাকে বলিয়াছিল যে, কুঞ্জবিহারী নন্দন নামটা তাহার

আসল নাম নহে; কিন্তু তাহার বাস্তবিক নাম কি বা কোথায় তাহার নিবাস, তাহা সে আমাকে বা অন্য কাহাকেও জানায় নাই। করোনার কোর্টে এ সম্বন্ধে যে সকল সাক্ষ্য লওয়া হইয়াছিল, তাহা দ্বারা কিছুই প্রকাশ পায় নাই। রহিম প্রথম হইতেই লোকটার আহারাদি সরবরাহ ও গৃহকর্ম করিত, কিন্তু এ পর্য্যন্ত সে ঐ নন্দন সাহেব ছাড়া তাহার অন্য কোন নাম সাহেবের নিকট বা অপর কাহারও নিকট শুনে নাই। এমন কি, অপর কোন লোককেই সে ও-বাড়ীতে কখনও দেখে নাই। তাহার হোটেলের মনিবও সাক্ষ্য দিয়াছিল যে, সাহেব প্রত্যহ রাত্রিতে ঐ হোটеле আহার ও মতপান করিত এবং কখন কখন দিনেও আহার করিতে আসিত। কিন্তু ঐ নাম ছাড়া তাহার অপর কোন নাম সে কখনও শুনে নাই বা কখনও কোন দ্বিতীয় ব্যক্তির সঙ্গে তাহাকে ঐ হোটেলের আসিতে বা একত্র আহারাদি করিতে দেখে নাই। প্রতি মাসের শেষে তাহার নিকট যাহা প্রাপ্য হইত, তাহা সে হিসাব দেখিয়া চুকাইয়া দিত।

পুলিস তদন্তের ফলেও লোকটার কোন চিঠিপত্র বা তাহার পরিচয়-জ্ঞাপক কোন কাগজাদি কিছুই পাওয়া যায় নাই। পরিধানের বস্ত্রাদি বা গৃহের আসবাব সরঞ্জাম হইতেও তাহার নাম খাম জানিবার কোন নিদর্শন বা সাক্ষাতিক চিহ্ন পাওয়া যায় নাই। করোনার-সোর্টে তাহার বাড়ীওয়ালার ঘাড়া বলিয়াছেন, তাহাতেও নূতন তথ্য কিছু জানা যায় নাই। তিনিও ঐ কুঞ্জবিহারী নন্দন ছাড়া তাহার অন্য কোন নাম কখনও শুনে নাই। বাড়ীর ভাড়া সে যথাসময়ে নিজে আসিয়া চুকাইয়া দিত। কখনও তাহার কাছে তাগাদা করিতে যাইবারও প্রয়োজন হয় নাই।

কাষেই লোকটার যথার্থ নাম বা পরিচয় জানিবার কোনই উপায় এ পর্য্যন্ত পাওয়া যায় নাই।

দ্বিতীয় প্রশ্নের মীমাংসা ত একেবারেই অসাধ্য বোধ হইল। হত্যাকারী নিজের সামান্তমাত্র চিহ্নও রাখিয়া যায় নাই। যে অস্ত্র দ্বারা হত্যা সম্পন্ন হইয়াছিল, তাহা একটা অপ্রশস্ত ও ছোট ভোজালী বলিয়া অমুষ্টিত হইয়াছে বটে, কিন্তু তাহার অস্তিত্ব কোথাও খুঁজিয়া

পাওয়া যায় নাই। হত্যাকারী ও তাহার অঙ্গ—তুই-ই যেন কোন ভৌতিক প্রক্রিয়াবলে আকাশে বিলীন হইয়া গিয়া বাড়ীটার 'হানা' নামের সাংকতা সপ্রমাণ করিয়া দিয়াছিল। হত্যাকাণ্ডের পূর্বে আমি স্বয়ং বাড়ীটার অভ্যন্তর ষত দূর দেখিয়াছিলাম, তাহাতে সদর ভিন্ন অপর কোন দিক হইতে তাহাতে প্রবেশের কোন পথ দেখি নাই। পরে পুলিশের তদন্তেও একই ফল হইয়াছিল। একমাত্র রহিম ছাড়া বাহিরের কোন লোক যে ও-বাড়ীতে যাতায়াত করিত, তাহার কোন প্রমাণ পাওয়া যায় নাই। জানালার পর্দায় সেই ছায়াদর্শন ব্যতীত ও-বাড়ীতে কোন সময়ে অপর কোন লোকের অস্তিত্বের কোন নিদর্শন কেহ কখনও পায় নাই। তাহা ছাড়া রহিম করোনার-কোর্টে সাক্ষ্য দিবার সময় বলিয়াছিল যে, পূর্কদিন বৈকালে সে যখন সাহেবকে চা খাওয়াইয়া ও গৃহকর্ম সারিয়া আসিয়াছিল, তখন সাহেব ছাড়া অন্য কোন লোক সে বাড়ীতে ছিল না। ষাঁটীর যে পাহারা-ওয়ালার রাত্রির প্রথমার্শে ঐ অঞ্চলে পাহারায় নিযুক্ত ছিল, তাহার সাক্ষ্য জানা যায় যে, সাহেব অল্প দিনের ছায় সে দিনেও রাত্রি প্রায় দশটার সময় নিজের চাবি দ্বারা বহির্দ্বার খুলিয়া একাকী বাড়ীতে প্রবেশ করিয়াছিল; তাহার সঙ্গে আর কেহ ছিল না এবং সেই পাহারাওয়ালার ও তাহার পরবর্তী অপর পাহারাওয়ালারও বলিয়াছে যে, রাত্রির মধ্যে তাহার অন্য কাহাকেও ঐ বাড়ীতে সদরের দিক দিয়া প্রবেশ করিতে দেখে নাই। তাহা হইলে হত্যাকারী কি উপায়ে ও-বাড়ীতে আসিল এবং কিরূপেই বা প্রস্থান করিল?

তৃতীয় প্রশ্ন হত্যার উদ্দেশ্য কি?—হত ব্যক্তির ও হত্যাকারীর পরিচয় যখন পাওয়া যাইতেছে না, তখন

হত্যার উদ্দেশ্য স্থির করা আরও দুঃসাধ্য। মৃত ব্যক্তি ষত দিন এ পাড়ায় বাস করিয়াছিল, তত দিন সকলেই তাহাকে সম্পূর্ণ নিরুপদ্রব ও নিরীহ গোছেই দেখিয়াছিল। তাহার নিজের মুখেই কেবল আমি একবার শুনিয়াছিলাম যে, তাহার শত্রু আছে এবং সে শত্রুভয়ে ভীত। কিন্তু তাহা ছাড়া কেহ তাহার কোন শত্রু বা মিত্র কাহারও সহিত তাহাকে বাক্যালাপ পর্যন্ত করিতে দেখে নাই। লোকটার পঞ্চাশের উপর বয়স হইয়াছিল; তাহাতে আবার বহুমুত্র রোগেও না কি ভুগিতেছিল; শরীরও নিতান্ত ক্ষীণ ছিল; তাহার উপর নিত্য সুরাপান করিত। এ অবস্থায় সে যে আর বেশী দিন বাঁচিত, তাহা বোধ হয় না। তবে এরূপ নির্বিरोধ রোগক্রিষ্ট রক্তকে হত্যা করিবার অভিপ্রায় কি হইতে পারে?—চুরি? কিন্তু লোকটার আর্থিক স্বচ্ছলতা থাকিলেও সে যে নিজের কাছে বেশী টাকা বা মূল্যবান সামগ্রী রাখিত না, তাহা আমাকে নিজমুখে বলিয়াও ছিল এবং পুলিশ-তদন্তের ফলে তাহা সপ্রমাণও হইয়াছিল। যাহা কিছু টাকা-কড়ি, ঘড়ি, চেন, আংটা ও বস্ত্রাদি ছিল, তাহা ত কিছুই চোরে লইয়া যায় নাই?—তবে কি কারণে এই হত্যা সাধিত হইল?

এই সকল আলোচনার ফলে আমার মনে 'রহস্যটা ক্রমেই যেন অধিকতর দুর্ভেদ্য হইয়া পড়িতে লাগিল। এ বিষয়ে আমার মাথা ঘামাইবার কোন আবশ্যকতাই ছিল না, তাহা জানিতাম; অথচ মনের উপর ঐ সব চিন্তা-গুলার আক্রমণ রোধ করিতেও পারিতাম না। কাবেই মনের অশান্তিও দূর হইতেছিল না।

[ক্রমশঃ।

শ্রীশ্বরেশচন্দ্র মুখোপাধ্যায়।

অন্তর

কুম্ব চয়নে মিছে যাস্ কেন

অন্তরে ফুল-বন,

সেথা বসি তোর আপন স্বামীর

কর রূপ দরশন।

শ্রীকমলকৃষ্ণ মজুমদার।

চিত্তরঞ্জন-কথা

চিত্তরঞ্জনের পুষ্পসুবকাবৃত শবদেহের অভূতপূর্ব শোভা-যাত্রা সন্দর্শন করিলাম। তাঁহার শ্রাদ্ধবাসরে অযুত লোকের জনতার মধ্যে আপনাকে হারাইলাম। তাঁহার শোক-সভায় সহস্র লোকের সমক্ষে বক্তৃতা করিলাম। একাধিক সাময়িক পত্রিকায় তাঁহার স্মৃতিকথা লিখিলাম। অথচ চিত্তরঞ্জন যে ইহসংসারে নাই, এখনও এ অমুভূতি খুব গভীর হয় নাই।

বিগত ৫ বৎসরকাল চিত্তরঞ্জনকে না দেখিয়া তাঁহার কথা সর্বদাই ভাবিয়াছি। এই ৫ বৎসরের মধ্যে বোধ হয়, পাঁচ সাত বার তাঁহার সঙ্গে চোখোচোখি হইয়াছে। চারিবারমাত্র তাঁহার বাড়ীতে ঘাইয়া তাঁহাকে দেখিয়াছি ও তাঁহার সঙ্গে কথাবার্তা কহিয়াছি। অথচ এক সময় ছিল, যখন চিত্তরঞ্জন কলিকাতায় থাকিলে প্রতিদিন না হউক, প্রতি সপ্তাহে দুই তিন বার করিয়া তাঁহার সঙ্গে দেখাসাক্ষাৎ হইত। গত ৫ বৎসরকাল আমাদের উভয়ের মুখ-দেখাদেখি ছিল না বলিলেও হয়। আর এই জন্মই চিত্তরঞ্জনকে চোখে দেখিতেছি না বলিয়া তিনি যে বাচিয়া নাই, এ কথা ভাবিতে পারি না।

ধর্ম ও রাষ্ট্র মানুষের সর্বশ্রেষ্ঠ ভাবনা। ধর্মের সঙ্গে তাহার ইহ-পারলৌকিক কল্যাণ জড়িত, রাষ্ট্র-ব্যবস্থার উপর মানুষের ঐহিক অভ্যুদয় প্রতিষ্ঠিত। এই জন্ম মানুষ ধর্ম ও রাষ্ট্র লইয়া যত মত্ত হয়, জীবনের আর কোন ব্যাপার লইয়া তত মাতিয়া উঠে না। আর এই জন্মই ধর্ম এবং রাষ্ট্র লইয়াই মানুষের সঙ্গে মানুষের সর্বাঙ্গিক গুরু ও ভীত বিরোধ বাধিয়া উঠে। ধর্মমতের বিরোধ আধুনিক মানুষকে ততটা ক্ষেপাইয়া তুলে না। ধর্ম সম্বন্ধে আমরাদিগকে আজিকালি অনেকটা উদার এবং উদাসীন করিয়াছে। ধর্মসম্বন্ধীয় মতবাদ একটা ব্যক্তিগত ব্যাপার। এক দিন ধর্মমতের সঙ্গে সামাজিক সম্বন্ধের যে আত্যন্তিক ঘনিষ্ঠতা ছিল, এখন তাহা নাই। বিভিন্ন ধর্মমতাবলম্বী লোক এক সমাজে পরস্পরের সঙ্গে কেবল শান্তিতে নহে, পরস্তু অকৃত্রিম সৌহার্দ্য রক্ষা করিয়া বাস করিতেছে। এমন কি, কোথাও কোথাও এক

পরিবারের মধ্যেও নানা ধর্মমতাবলম্বী লোক স্বচ্ছন্দে একত্র বাস করিয়া থাকে। স্বামী উদার হিন্দু, স্ত্রী উদার খৃষ্টীয়ান, পুত্র না-হিন্দু না-খৃষ্টীয়ান,—এই কলিকাতা সহরে অতি সম্ভ্রান্ত পরিবারে এমনও দৃষ্টান্ত দেখিয়াছি। আর এমন পতিপরায়ণা পত্নী, পত্নী-বৎসল অনুরাগী পতি এবং পিতৃ-মাতৃভক্ত পুত্রও সচরাচর দেখিতে পাওয়া যায় না। এরূপ দৃষ্টান্ত আধুনিক সমাজেই সম্ভব। ধর্মমত লইয়া আমরা এখন আর পরস্পরের সঙ্গে বিবাদ করিতে চাই না ও ঘাই না। কিন্তু রাষ্ট্রীয় মতবিরোধে এই উদারতা রক্ষা করা সম্ভব হয় না। ধর্মের ফলাফল অপ্রত্যক্ষ। সে ফলাফল মোটের উপরে মানুষ একাকীই ভোগ করে। কিন্তু রাষ্ট্রীয় কর্মের ফলাফল প্রত্যক্ষ। সমগ্র সমাজ তাহার ভাগী হয়। এই জন্ম রাষ্ট্রীয় মতবাদ বা আদর্শে বিরোধ হইলে বর্তমানকালে মানুষের সঙ্গে মানুষের সখ্য ও সাহচর্যের যেরূপ গুরু ব্যাঘাত উৎপন্ন হয়, ধর্মমতের বিরোধে সেরূপ হয় না। বিগত ৫ বৎসরকাল চিত্তরঞ্জনের সঙ্গে আমার এই বিরোধই জাগিয়াছিল। সুতরাং তিনিও আমার কাছে আসিতেন না, আমিও তাঁহার কাছে ঘেঁসিতাম না। এই ব্যবধানে কিন্তু আমাদের শরীরটাকেই পৃথক রাখিয়াছিল, চিত্তকে পরস্পর হইতে একেবারে দূরে ঠেলিয়া ফেলিতে পারে নাই।

৪ বৎসর পূর্বে ১৯২১ খৃষ্টাব্দের ডিসেম্বর মাসে আমি অত্যন্ত অসুস্থ হইয়া পড়িয়াছিলাম। ৩ মাস কাল ডাক্তার বালিস হইতে মাথা তুলিতে দেন নাই। এই জীবন-মরণের সন্ধিক্ষণে কল্যাণীয়া বাসন্তী আমাকে দেখিতে আইসেন। চিত্তরঞ্জন তখন কারারুদ্ধ; কিন্তু সর্বদাই বাসন্তীর নিকট আমার পবন লইতেন। ইহার পূর্বে হইতেই আমাদের পরস্পরের মধ্যে দেখা-শুনা বন্ধ হইয়া গিয়াছিল। বাসন্তী যে দিন আমাকে দেখিতে আইসেন, তখন আমার কথা কহিবার শক্তি ও অধিকার ছিল না। প্লেটে লিখিয়া মনোভাব ব্যক্ত করিতাম। মনে আছে, সে দিন বাসন্তীকে এই কথা লিখিয়াছিলাম,

“যে রাজ্যে তোমাদের সঙ্গে আমার সম্বন্ধ, যেখানে আমি তোমাদিগকে চিনি ও তোমরা আমাকে চেন, সে রাজ্য ধর্মের মতবাদ বা রাষ্ট্রকর্মের কোলাহলের অনেক উপরে। সাময়িক মতবন্দ অথবা বাহিরের ঝগড়া-বিবাদ আমাদের সে সম্বন্ধকে স্পর্শ করিতে পারে না, নষ্ট করা ত দূরের কথা। এই কথাটা এই রোগশয্যায় পড়িয়া অনেকবার ভাবিয়াছি। ঠাকুর এ শয্যা হইতে আবার স্বস্থ করিয়া তুলিবেন কি না, জানি না। কিন্তু তোমাকে দেখিয়া এই কথাটা বলিতে ইচ্ছা হইল। চিত্তের সঙ্গে দেখা হইলে তাহাকেও এই কথাটা বলিও।”

রোগশয্যা হইতে উঠিয়াও বহুদিন ঘরের বাহির হইতে পারি নাই। প্রায় ৬ মাস পরে প্রথমে যখন বাড়ীর বাহির হইলাম, তাহার ৫৭ দিন মধ্যেই চিত্ত-রঞ্জনের কনিষ্ঠা কন্যার বিবাহ হয়। বিবাহ-সভার জনতার মধ্যে যাইতে সাহস হয় নাই। কিন্তু পরদিবস বর-কন্যাকে আশীর্বাদ করিতে যাই। এই দিনই বহু দিন পরে চিত্তরঞ্জনের সঙ্গে আমার চাক্ষুণ দেখা হয়। দেখা হয় মাত্র, কিন্তু বিশেষ কোন কথা হয় নাই; সে স্মরণ এবং অবসর ঘটে নাই।

ইহার ৫:৬ মাস পরে আর এক দিন চিত্তরঞ্জনকে ময়দানে দেখিতে পাই। চিত্তরঞ্জন মোটর করিয়া ময়দানে যাওয়া গাড়ী হইতে নামেন। আমিও সেই সময় গাড়ী করিয়া কলিকাতা যাইতেছিলাম। তাঁহাকে দেখিয়া কথা না কহিয়া থাকিতে পারিলাম না। কাছে ডাকিয়া কুশলসংবাদ জিজ্ঞাসা করিলাম। কিন্তু তাঁহার চিত্ত-ভারগ্রস্ত মুখ দেখিয়া প্রাণ কাঁদিয়া উঠিল। চিত্তরঞ্জন তাঁহার পথে চলিয়া গেলেন; আমিও আমার পথে চলিয়া গেলাম। তাঁহার মনের কথা জানি না; কিন্তু এই পথের দেখাতে আমার প্রাণকে পূর্বতন স্নেহের স্মৃতিতে তোলপাড় করিয়া তুলিল। সারাপথ কেবলই ভাবিতে লাগিলাম, চিত্তরঞ্জন বর্তমান রাষ্ট্রীয় লোকনায়ক-ত্বের হটুকোলাহলের মধ্যে কতটা একাকী হইয়া পড়িয়াছেন। ইচ্ছা হইল, তখনই একবার যাইয়া তাঁহাকে দেখিয়া আসি। রাত্রিকালে বাড়ী ফিরিয়া ছেলেমেয়েদিগকে বলিলাম, একবার এখনই চিত্তের বাড়ী যাই। কিন্তু কি জানি, লোকে কিছু বলে, তাঁহার সান্ন্যাসের

কি ভাবে আমাকে দেখিবে, এই ভাবিয়া যাওয়া হইল না। কিন্তু সে দিনের সেই অভিজ্ঞতাতে বুঝিয়াছিলাম, তুচ্ছ রাষ্ট্রীয় মতবাদের বিরোধের কত উপরে আমাদের পরস্পরের সম্বন্ধ প্রতিষ্ঠিত ছিল।

তাহার পর শেষ দেখা, গত পৌষমাসে। ইতিমধ্যে আরও দুই একবার প্রকাশ্য সভায় এবং একবার ব্যবস্থা-পক সভার সভানির্বাচনসময়ে তাঁহার বাড়ীতে দেখা হইয়াছিল। সে সকল উল্লেখযোগ্য নহে। বেলগাঁও হইতে যখন চিত্তরঞ্জন ফিরিয়া আসিয়া অত্যন্ত পীড়িত হইয়া পড়েন, তখন দুই দিন আমি তাঁহাকে দেখিতে যাই। আমি তাঁহার শয্যাপার্শ্বে যাই, প্রথম দিন তাঁহার এক জন আসন্ন পরিচারক একেবারেই তাহা ইচ্ছা করেন নাই। এরা ত জানেন না, চিত্তরঞ্জনের সঙ্গে আমার কি সম্বন্ধ। আমি ত আর বাহিরের লোকের মত ‘এতেলা’ দিয়া তাঁহার অন্তঃপুরে যাই নাই। আগে যেমন একেবারে উপরে উঠিয়া বাসস্তীর খোঁজ করিতাম, এ দিনও তাহাই করিলাম। বাসস্তীকে দেখিয়াই জিজ্ঞাসা করিলাম, “চিত্তের না কি বড় অস্থ?” আজই শুনিতে পাইয়াছি, কেমন আছে?” বাসস্তী কহিলেন, “ঐ ঘরে আছেন, যান না।” তখন সেই আসন্ন পরিচারকটি একটু আপত্তি করিলেন,—কহিলেন, ‘disturb করা কি ভাল হবে?’ বা এইরূপ একটা কিছু। বাসস্তী বিবক্ত হইয়া কহিলেন, “তুমি কি বল? বিপিন বাবু দেখতে যাবেন না?” এ দিন তাঁহার রোগের কথাই হইল। অগা কথা কিই বা হইবে? বরিশাল হইতে ফিরিয়া আসিয়া যখন ডাক্তারের লুকনে আমি বাড়ীতে আবদ্ধ হইয়াছিলাম, তখন বাসস্তী আমাকে দেখিতে আসেন। কথাপ্রসঙ্গে বাসস্তী কহিয়াছিলেন যে, চিত্ত আমার সঙ্গে দেখা করিতে সাহস পান না, কি জানি, আমার কোন প্রকার উত্তেজনা হয়। কিন্তু সর্বদাই আমার খবরাখবর লইয়া থাকেন। সে সময়ের আর এক দিনের কথা মনে পড়িল। চিত্তের আর এক জন আধুনিক আসন্ন সহচর আমাকে দেখিতে আসিয়া কহিলেন, “শ্রীযুত চিত্তরঞ্জন ও তাঁহার পত্নী আপনাকে অত্যন্ত শ্রদ্ধা করেন।” আমি হাসিয়া উত্তর করিলাম, “বোধ হয়, ইহার পরেই আমি শুনিতে পাইব যে, আমার জ্যেষ্ঠা কন্যা ও বড় জামাতা

আমাকে শ্রদ্ধা করিতে আরম্ভ করিয়াছেন।” এই ভদ্র-লোক আমার কথার মর্ম বুঝিলেন কি না, জানি না; তবে তাঁহাদের কথাতে বুঝিলাম, চিত্তরঞ্জনের সঙ্গে আমার কোন্ যোগাযোগ ও কি সম্বন্ধ, ইহারা তাহার কোনই খোঁজখবর রাখেন না।

শেষ দেখার কথা কহিতেছিলাম। সে দিন তাঁহার অসুখের খুব বাড়াবাড়ি যাইতেছে। আমি যখন গেলাম, তখন ডাক্তার নীলরতন সরকার, ডাক্তার বিধানচন্দ্র রায় ও ডাক্তার খগেন্দ্রনাথ ঘোষ সেখানে উপস্থিত ছিলেন। খগেন্দ্র বাবু কেবল ডাক্তার নহেন, চিত্তরঞ্জনের অতি নিকট-আত্মীয়। চিত্তরঞ্জন তাঁহার মামা-খণ্ডর। খগেন্দ্র বাবু আমাকে কহিলেন, “আপনাকেও অজ্ঞ রোগীর সঙ্গে দেখা করিতে দিব না।” আমি কহিলাম, “বেশ। আমিও ত তাহাকে দেখিতে আসি নাই, তাহার খবর লইতেই আসিয়াছি।” কিছুক্ষণ পাশের ঘরে বসিয়া আমি চলিয়া আসিতেছি, এমন সময় চিত্তরঞ্জন আমাকে পিছন হইতে ডাকিয়া বলিল, “বাবা আপনাকে ডাকিতেছেন।” জানি না, কি করিয়া আমি যে তাঁহার বাড়ী গিয়াছি, চিত্তরঞ্জন ইহা জানিতে পারিয়াছিলেন। তাঁহার ডাকে আমি তাঁহার রোগশয্যাপার্শ্বে যাইয়া বসিলাম। আমাদের মধ্যে একটিও বাক্যবিনিময় হইল না। আমি নীরবে তাঁহার রোগক্লিষ্ট অঙ্গে হাত বুলাইতে লাগিলাম। এই আমার সঙ্গে তাঁহার শেষ দেখা। চিত্তরঞ্জন ক্রমে রোগের সঙ্কট অবস্থা অতিক্রম করিলেন। পরদিবস হইতে তাঁহাকে দেখিতে না যাইয়া প্রতিদিন ছ’বেলা বাড়ী হইতে “ফোনে” খবর লইতাম। ইহার অল্প-দিন পরেই আমি দিল্লী চলিয়া যাই। চিত্তরঞ্জনও পাটনায় চলিয়া যান। দিল্লী হইতে ফিরিবার সময় ছ’একবার ইচ্ছা হইয়াছিল যে, পাটনায় নামিয়া চিত্তরঞ্জনকে একটু নিরালায় দেখিয়া আসি। সেই শেষ দেখার পর হইতেই আমার মনে মনে কেমন একটা ধারণা জন্মিতেছিল যে, চিত্তরঞ্জন আবার আমাদের পূর্ব-স্নেহ ও সাহচর্যের সম্বন্ধ প্রতিষ্ঠিত হউক, ইহা ইচ্ছা করিতেছিলেন। নভেম্বর মাসে যখন বোম্বাইয়ে Unity Conference বা মিলন-বৈঠক বসে, তখনই ইহার প্রমাণ পাইয়াছিলাম। ঐ উপলক্ষে বহুদিন পরে আবার আমরা দেশের সেবাকার্যে

পরস্পরের পাশাপাশি হইয়া বসি। স্বরাজ্য দলের ইচ্ছা ছিল যে, এই বৈঠকের মুখ দিয়া তাঁহারা এই কথাটি জাহির করান যে, বাঙ্গালায় নূতন ধরপাকড়ের আইন তাঁহাদিগকে বাঁধিবার জন্তই জারি হইয়াছে। আমি এ কথা বিশ্বাস করি নাই এবং যাহাতে Conference এরূপ কোন মন্তব্য গ্রহণ না করেন, তাহার চেষ্টা করিতে-ছিলাম। চিত্তরঞ্জন যে এ কথা জানিতেন না, এমন মনে করি না। অথচ ইহা সত্ত্বেও আমার সঙ্গে যাহাতে পূর্ব-কার সাহচর্যের সম্বন্ধ পুনঃ প্রতিষ্ঠিত হয়, পাকেপ্রকারে ইহার চেষ্টা করিয়াছিলেন। অতি নিকট-বন্ধুদিগের মধ্যে কোন কারণে ব্যবধান ঘটিলে তাহারা যেমন মুখ ফুটিয়া আবার মিলিবার আকাঙ্ক্ষা প্রকাশ করিতে পারে না, অথচ ঠারেঠোরে পাকেপ্রকারে সে চেষ্টা করে, চিত্তরঞ্জন বোম্বাইয়ে তাহাই করিয়াছিলেন; আমাদের পূর্বকার সাহচর্যের স্মৃতি জাগাইবার চেষ্টা করিয়া-ছিলেন। ছ’একটা সামান্য ঘটনাতে ইহা বুঝিয়াছিলাম। কিন্তু মানুষ নিজের কর্মের দাস। গত ৫ বৎসরের কর্ম-বন্ধন ছিন্ন করা তাঁহার পক্ষেও সহজ ছিল না, আমার পক্ষেও নহে। সুতরাং এই ব্যবধান ইহলোকে আর যুচিল না।

চিত্তরঞ্জনের আধুনিক আসন্ন সহচরদিগের জবানী মাঝে মাঝে গত ১ বৎসরের মধ্যে যে সকল কথা শুনি-য়াছি, তাহা যদি সত্য হয়, তাহা হইলে ইদানীং চিত্ত-রঞ্জন তাঁহার পুরাতন সহকর্মীদিগের সঙ্গে পুনরায় মিলিয়া কাষ করিবার জন্ত কতটা পরিমাণে যে ব্যগ্র হইয়া উঠিয়াছিলেন, ইহা বুঝিতে পারা যায়। বিধাতা তাঁহার সে আকাঙ্ক্ষা পূর্ণ করিলেন না। আমাদের সে সৌভাগ্য আর হইল না। আজ বারংবার এই কথাই ভাবি।

১৯০০ খৃষ্টাব্দের মাঝামাঝি আমি আমার প্রথম বিলাত-প্রবাস হইতে ফিরিয়া আসিলে, চিত্তরঞ্জনের সঙ্গে আমার সখ্য ও সাহচর্যের সম্বন্ধের সূত্রপাত হয়। অবশ্য ইহার পূর্ব হইতেই চিত্তরঞ্জনকে আমি চিনিতাম। ১৮৮৩ খৃষ্টাব্দে চিত্তরঞ্জনকে আমি প্রথম দেখি। তাঁহার পিতৃব্য দুর্গামোহন দাশ মহাশয়ের সঙ্গে আমার বিশেষ আত্মীয়তা ছিল। দুর্গামোহন বাবু আমাকে পুত্রের লায়

স্নেহ করিতেন; আমিও তাঁহাকে পিতার স্মরণ ভক্তি করিতাম। ঐ সময়ে দুর্গামোহন বাবু তাঁহার দ্বিতীয় ও তৃতীয় পুত্র সতীশরঞ্জন ও জ্যোতিষরঞ্জনকে স্থল হইতে ছাড়াইয়া আমার হাতে তাহাদের শিক্ষার ভার অর্পণ করেন। সে সময়ে দুর্গামোহন বাবু ও ভুবন বাবু পিঙ্গল-পটি রোডে (এখন ইহাকে এল্‌গিন্‌ রোড কহে) এক বাড়ীতে বাস করিতেন। এই স্থলে আমি প্রথম চিত্তরঞ্জনকে দেখি। চিত্তরঞ্জন তখন বালক অথবা বয়ঃসন্ধিতে উপস্থিত। ইহার পরে চিত্তরঞ্জন যখন প্রেসিডেন্সী কলেজে পড়েন, তখনও দুই একবার কলিকাতা Students Associationএর ছাত্র-সম্মিলনের সম্পাদকরূপে আমার কাছে গিয়াছিলেন। মনে পড়ে, একবার এলবার্ট হলে তাঁহাদের একটা সভায় আমি উপস্থিত ছিলাম। ঐ উপলক্ষে প্রথম চিত্তরঞ্জনের বক্তৃতাও শুনি। ইহার পরে চিত্তরঞ্জন বিলাত গেলেও মাঝে মাঝে সংবাদপত্রে তাঁহার কথা পড়িয়াছিলাম। বিলাতে ছাত্রাবস্থায় তিনি দুই একটা বক্তৃতা দিয়াছিলেন, সে খবরও রাখিতাম। সে সকল বক্তৃতায় সে দেশের শ্রোতৃমণ্ডলীর নিকট তাঁহার কতকটা প্রতিষ্ঠা হইয়াছিল, ইহাও জানিতাম। ব্যারিষ্টার হইয়া দেশে ফিরিয়া আসিলে চিত্তরঞ্জনের সঙ্গে অনেক দিন দেখাশুনা হয় নাই। ব্রাহ্মসমাজের প্রচার-কার্যে আমিও বাহিরে বাহিরে ঘুরিয়া বেড়াইতাম; চিত্তরঞ্জনও ব্রাহ্মসমাজের কাছ ঘেঁসিতেন না। ১৮৯৮ খৃষ্টাব্দের সেপ্টেম্বর মাসে আমি বিলাত যাই। দুই বৎসর পরে দেশে ফিরিয়া ভবানীপুরে সাউথ সুবর্ধন স্থলে একটা বক্তৃতা দেই। এই সভাতে আমার বক্তৃতার পরে আমাকে ধর্মবাদ দিতে উঠিয়া চিত্তরঞ্জন বক্তৃতা করেন। এই বক্তৃতায় তিনি ব্রাহ্মসমাজের সঙ্কীর্ণ মতবাদের ও অসাম্প্রদায়িকতা-অভিমানী সাম্প্রদায়িক সঙ্কীর্ণতার উপরে তীব্র আক্রমণ করেন এবং সঙ্গে সঙ্গে আমার প্রতি বিশেষ শ্রদ্ধা প্রকাশ করেন। ব্রাহ্ম-আদর্শ প্রচারে সচেষ্ট থাকিলেও ব্রাহ্মসমাজের আমলাতন্ত্রের সঙ্গে আমারও তখন একটা বিরোধ বাধিয়া উঠিতেছিল। বিলাত যাইবার পূর্ব হইতেই আমি ব্রাহ্মধর্মকে বিদেশীয় সাধনার :প্রভাব হইতে মুক্ত করিয়া ভারতের সনাতন সাধনার

সঙ্গে যুক্ত করিয়া জাতীয় আকার দিবার জন্ত চেষ্টা করিতেছিলাম। সাধারণ ব্রাহ্মসমাজের তত্ত্ববিজ্ঞা সভার এক বার্ষিক উৎসব উপলক্ষে আমি “ব্রাহ্মধর্ম-জাতীয় ও সার্বভৌমিক” এই বিষয়ে একটা প্রবন্ধ পাঠ করি। সিটি কলেজের অধ্যক্ষ উমেশচন্দ্র দত্ত মহাশয় সভাপতি ছিলেন। সাধারণ ব্রাহ্মসমাজের কর্তৃপক্ষীয়রা প্রায় সকলেই এই সভায় উপস্থিত ছিলেন। ব্রাহ্মধর্ম মূল-তত্ত্ব-সিদ্ধান্তে এবং আদর্শে সার্বজনীন হইলেও আকারে, সাধনায়, অনুষ্ঠানাদিতে ভারতের পুরাতন সাধনা-ধারা হইতে বিচ্ছিন্ন হইতে পারে না। কোনও সজীব ধর্মই তাহার সামাজিক আধার ও আবেষ্টন এবং ঐতিহাসিক অভিব্যক্তির খাত ছাড়াইয়া যায় না, বাইতে পারে না। সেরূপ চেষ্টা ইহাকে ভয়াবহ পরধর্মে পরিণত করে। ইহাই আমার প্রবন্ধের মূল কথা ছিল। দ্বিতীয়তঃ সার্বভৌমিক বলিতে আমরা একটা নির্বিশেষ সত্য বা আদর্শকেই বুঝি। এ বস্তু নিরাকার, ভাবমাত্র। এই সার্বভৌমিক সত্য বা আদর্শ ভিন্ন ভিন্ন দেশে এবং কালে সেই দেশের এবং কালের উপযোগী বিশিষ্ট আকারে আপনাকে আকারিত করিয়া তুলে। ব্রাহ্মধর্ম সার্বজনীন আদর্শের অনুসরণ করিতে যাইয়া ভারতের বিশিষ্ট শাস্ত্র, সাধনা, সমাজ, সভ্যতা এবং অভিব্যক্তিদ্বারা হইতে আপনাকে বিচ্ছিন্ন করিলে আপনার শক্তি, সত্য এবং সফলতার সম্ভাবনা হারাষ্টয়া না-হিন্দু, না-মুসলমান, না-খৃষ্টীয়ান হইয়া একটা উদ্ভট ও উৎকট জগা-ধিচুড়িতে পরিণত হইবে। ব্রাহ্মসমাজকে বাঁচাইয়া রাখিতে হইলে, হিন্দুর শাস্ত্রের দেশকালপাত্রোপযোগী, সদযুক্তি-সম্মত এবং প্রাচীন মীমাংসকদিগের মূল সূত্রাবলম্বী ব্যাখ্যার উপরে প্রতিষ্ঠিত করিতে হইবে। ৪০ বৎসর পূর্বে বিলাতে অ্যাংলিকান-মণ্ডলীর নায়কেরা ধর্মশাস্ত্র ও সাধনাকে re-interpret, re-explain এবং re-adjust করিয়া আধুনিক জ্ঞান-বিজ্ঞানসম্মত করিবার চেষ্টা করিয়াছিলেন, আমাদের ব্রাহ্মসমাজকেও পুরাতন হিন্দুশাস্ত্র ও সাধনা সম্বন্ধে সেই চেষ্টাই করিতে হইবে। তাহা হইলেই ব্রাহ্মসমাজ জাতীয়তা ও সার্বভৌমিকতায় সত্য এবং সঙ্গত সমন্বয়সাধন করিয়া আপনাদের ইষ্টলাভে সমর্থ হইবে। ইহাই আমার প্রবন্ধের

প্রতিপাল ছিল। ইহা লইয়া ব্রাহ্ম-সমাজে একটা তীব্র মতবিরোধ দাঁড়াইয়া যায়। উমেশ বাবু' প্রভৃতি আমার মূল সিদ্ধান্ত সমর্থন করেন। অতীত এক দল ইহার তীব্র প্রতিবাদ করিয়াছিলেন। প্রতিপক্ষীয়রাই কর্তৃ-পক্ষীয়দিগের মধ্যে দলে ভারী ছিলেন। বিলাত হইতে ফিরিয়া আসিলে ইহার ব্রাহ্ম সমাজের প্রচারকার্যে আমাদের এই নূতন জাতীয়তার আদর্শকে কোণঠাসা করিয়া রাখিবার চেষ্টা করিতেছিলেন। চিত্তরঞ্জন ব্রাহ্ম-সমাজের কর্তৃপক্ষীয়দিগের এই সঙ্গীর্ণতারই তীব্র প্রতিবাদ করিয়াছিলেন। আমরা, ব্রাহ্মসমাজের জাতীয় দল, যে ভাবে ব্রাহ্মধর্ম ও ব্রাহ্ম সাধনাকে ফুটাইয়া তুলিবার চেষ্টা করিতেছিলাম, চিত্তরঞ্জন অত্যন্ত আন্তরিকতার সঙ্গে তাহার সমর্থন করেন। এই হইতেই চিত্তরঞ্জনের সঙ্গে আমার সখ্যের এবং সাহচর্যের সূত্রপাত হয়।

ব্রাহ্মসমাজের এই সংস্কার-ব্রতে সেকালে আমাদের চিন্তানায়ক ছিলেন আচার্য্য ব্রজেন্দ্রনাথ শীল। স্বর্গীয় প্যারীমোহন দাশ ব্রজেন্দ্রনাথের অনুরক্ত শিষ্য ও সমসাদক ছিলেন। ব্রজেন্দ্র বাবু, প্যারী বাবু এবং আমার সঙ্গে এই সময়ে চিত্তরঞ্জনের অত্যন্ত ঘনিষ্ঠতা জন্মে। চিত্তরঞ্জন প্রথম যৌবনে কতকটা হাবাট স্পেনসারের মতামুবর্তী ছিলেন। স্পেনসারের অজ্ঞেয় ঈশ্বরতত্ত্ব হইতে প্রত্যক্ষ ব্রহ্মতত্ত্বে যাইতে হইলে উপনিষদ্ ধর্মের মত এমন সোজা, সরল সত্যোপেত পথ আর দ্বিতীয় নাই। এই পথেই প্রাচীন নীমাংসকদিগের পদাঙ্ক অনুসরণ করিয়া আমরা ব্রাহ্ম-সমাজ এবং ব্রাহ্মধর্মের জাতীয়তা এবং সার্বভৌমিকতার

সমন্বয়সাধনের চেষ্টা করিয়াছিলাম। চিত্তরঞ্জন এই পথেই আমাদের সহযোগী হইলেন। ইহার পূর্বে তাঁহার পিতা এবং পিতৃব্যের ধর্মসিদ্ধান্তের বা ধর্মের আদর্শের সঙ্গে চিত্তরঞ্জনের কোনও প্রকারের আন্তরিক যোগ ছিল না। ব্রাহ্মসমাজে জন্মিয়াও তিনি ব্রাহ্মসমাজের বাহিরেই পড়িয়া ছিলেন। কিন্তু এই সময় হইতেই তিনি ব্রাহ্মসমাজের সঙ্গে কিয়ৎপরিমাণে ঘনিষ্ঠ সম্পর্কে আবদ্ধ হইলেন। এই সূত্রেই চিত্তরঞ্জন ভবানীপুর ব্রাহ্মসম্মিলন সমাজের প্রতিষ্ঠাকল্পে এবং ইহার মন্দির-গঠনে তাঁহার স্বভাবসিদ্ধ উৎসাহ-সহকারে আপনার শক্তি, সময় এবং অর্থ নিয়োগ করিয়া-ছিলেন। আমি তখন ভবানীপুর সমাজের আচার্য্য ছিলাম। ভবানীপুর ব্রাহ্মসমাজের কাৰ্য্যব্যাপদেশে চিত্ত-রঞ্জনের সঙ্গে আমার সখ্য ও সাহচর্য্য ক্রমশঃ ঘনিষ্ঠতর ও নিবিড় হইয়া উঠে।

ইহার পরেই স্বদেশী আন্দোলনের বান ডাকিয়া উঠে। এই ভাবভরক্ষে চিত্তরঞ্জনও বাঁপাইয়া পড়েন। এই সময় হইতে ১৯১৬ বৎসর কাল কি ধর্মালীননে, কি দেশসেবায়, কি রাষ্ট্রীয় আন্দোলনে, কি সমাজ-সংস্কারে, কি সাহিত্য-চর্চায় আমরা দুই জনে পরস্পরের সঙ্গে মিলিত হইয়া এক উপাসনার উপাসক, একই সাধনার সাধক, একই মন্ত্রের জাপকরূপে নিরবচ্ছিন্নভাবে পরস্পরের হাত ধরিয়া চলিয়াছিলাম। সে কথা বলিতে গেলে বর্তমান প্রবন্ধ অতিক্রম হইয়া উঠিত। ঈশ্বর-ইচ্ছায় চিত্তরঞ্জনের স্মৃতিজড়িত সে কাণ্ডিনী বারাস্তরে বিবৃত করিতে ইচ্ছা রহিল।

শ্রীবিপিনচন্দ্র পাল।

“ভৈরবী গেয়ো না—”

[কার্তিক মাসের ‘মাসিক বসুমতী’র চিত্র দর্শনে]

প্রভাত না হ’তে কোথা হ’তে সেজে এলে গো।

কখন করেছ স্নান, চা-টুকু করিয়ে পান,

ছাঁচি পান খেলে গো ॥

কখন ইরির মধ্যে

শোভিলে কবরী-পদ্মে

চিকণ করিলে চুল বকুলেতে সুবাসিত তেলে গো ॥

বসেছ মিউজিক টুলে,

পিঠের কাপড় খুলে,

সলাজে সেমিজ দেখি দেছ খুলে ফেলে গো ॥


নারী-ধর্ম-কর্ম নিয়া,

বাজাইছ হার্মোনিয়া,

সংসারে সুপের সিন্ধু উথলে গা ঢেলে গো ;—

প্রভাতী ভৈরবী কণ্ঠে কোথা থেকে পেলো গো ॥

শ্রীঅমৃতলাল বসু।



গজুর ভজন

২

নবদ্বীপ -নদীয়া—নদে। সব ক'টি নামের-ই সার্থকতা আছে। এমন নদীঘেরা স্থান বঙ্গদেশে আর নেই। পদ্মা, ভাগীরথী, মাথাভাঙ্গা, জলঙ্গী, কপোতাক্ষী, ইছামতী, চূর্ণী আপনাদের হাতে গড়া এই দ্বীপটিকে ঘিরে-ঘুরে বেড়ে রেখেছে। প্রবাহিণী অঙ্গজা এই ভূমিখানির বক্ষ এমন সরস অথচ এত উন্নত যে, আপন আশ্রয়স্থিত মানবের অন্নের জন্ম বসুমতী এখানে যেমন ধাতুপ্রসূতি, রবিশশ্যের-ও তেমন-ই সোনার স্মৃতিকাগার। ইষ্টক-স্তুপের দাপ, ষ্টীমের প্রতাপ এখন-ও নদীয়ার প্রকৃতির প্রকৃত রূপকে বিকৃত করিতে পারে নাই; এখন-ও নদের ঘন আছে আর সেই ঘনে শিকারীর প্রাণকে ভিখারী করিয়া তুলিতে ব্যাহ্র আছে—বরাহ আছে, আর-ও কত কি দক্ষি-নখি-শৃঙ্গীর দল।

এই নবদ্বীপে-ই বঙ্গের শেষ রাজা সিংহাসন পাতিয়া বসিয়াছিলেন; এই নদের পলাশীতে-ই বিলাতী পালাসী ওয়াটসনের জাহাজ কমানের আওয়াজ করিয়া ও ক্রাই-বের কারসাজী ভোজবাজী দেখাইয়া এ দেশে নবাব নামকে শাসনের আসন হইতে সরাইয়া উপাধিতে পরিণত করাইয়া দিয়াছে।

ইংরাজ-রাজত্বের অগ্রিক্ষেত্রের মাঝে সে দিন নদীয়া-বাসী প্রজাশক্তির প্রভাব দেখাইয়া লাঠীর বলে নীলের লীলাবসান অভিনয় করিয়াছিল। কৃষ্ণনগরের গোড়-গোয়ালার বাহুবল বঙ্গদেশে প্রবাদবাক্যের স্মারক প্রচলিত ছিল।

ভারতবর্ষের ঐতিহাসিক যুগে নবদ্বীপের স্মারক পণ্ডিত আর কোথায় জন্মগ্রহণ করিয়াছিলেন! পুথি লিখিতে বাধাপ্রাপ্ত হইয়া শ্রীমদ্ রঘুনাথ শিরোমণি মিথিলার গুপ্ত

ধন সমগ্র স্মারকশাস্ত্রটা কণ্ঠস্থ করিয়া নিজ বাস্তুতে প্রত্যা-বর্তন করেন। নবানায়ের সৃষ্টি এই নবদ্বীপে-ই।

তার পর সেই নবদ্বীপচন্দ্র গোরাচাঁদের কথা। ঈশ্বর-প্রেমের অমুরাগ-রসে নরনারীর হৃদয়কে চির-সঞ্জীবিত করিতে ভগবান্ শ্রীশ্রীচৈতন্যদেব এই নবদ্বীপে-ই নিমাই নামে ভূমিষ্ঠ হইলেন। সেই রসের সঞ্চারে-ই বঙ্গের কবিত্বশক্তি পূর্ণ প্রস্ফুটিত হইয়া উঠিল; বঙ্গকণ্ঠ মধু হইতে মধুরতব কীর্ত্তনগীতে মানব-মন মাতোয়ারা করিয়া তুলিল; উন্মাদ নর্ত্তন বৈষ্ণবের বাহুতে কাজী-বিজয়ী বল আনিল। শ্রীশ্রীমহাপ্রভুর রূপায় জাতিভেদের বেষ্টনীবন্ধন খণ্ডন করিয়া হিন্দু মুসলমানকে, মুসলমান হিন্দুকে, ব্রাহ্মণ চণ্ডালকে আলিঙ্গন করিল।

বঙ্গদেশের শেষ সমাজরাজ রাজেশ্বর কৃষ্ণচন্দ্রের উদয় এই নবদ্বীপে-ই। ঐ চন্দ্রের সিতরশ্মিতে-ই অমর ভারতচন্দ্রের অতুলনীয় কবিত্ব-প্রতিভা লোকলোচনের দৃষ্টিভূত হয়; ঐ চন্দ্রালোকে দাড়াইয়াই ভক্তবীর রাম-প্রসাদ গাহিয়াছিলেন :—

• “এ সংসারে ডরি কারে,—

• রাজা যার না মহেশ্বরী ;

আনন্দে আনন্দময়ীর খাসতালুকে বসত করি।”

ঐ চন্দ্রকিরণে-ই আজ গোঁসাইয়ের শ্লেষ, গোপাল ভাঁড়ের হাসি, ভাড়াড়ীর পাদপূরণ-মাধুরী বিকসিত হয়। কৃষ্ণচন্দ্রের শুভদৃষ্টিতে-ই কৃষ্ণনগরে যুৎসুর্ভি-শিল্পের সৃষ্টি।

পৃথিবীর মানচিত্রে নবদ্বীপের স্মারক স্থান আর কোথায় আছে! বিলাতী চশমাচোখে বাঙ্গালী আমরা

আজ দূরে—দূরান্তরে দৃষ্টিশক্তির প্রয়োগ করিয়া রোমের পোপের প্রাসাদস্থ উচ্চচড়া দেখি, সভ্যতার স্মৃতিকাগার বলিয়া সেই রোমের ব্যাখ্যা করি ; গ্রীসের পাণ্ডিত্য, ইটালীর শিল্প, ভিনিসের ঐশ্বর্যকল্পনায় আত্মহারা হই। ধূসর পুরাবৃত্ত অধ্যয়ন করিয়া মিশর স্বরণে ধন্য হই ; জেরুজিলাম, মক্কা, মদিনার বন্দনা গান-ও করিয়া থাকি। পারস্যের আশ্চর্য সভ্যতার হাশ্ব আমাদের দ্বারা উপেক্ষিত নয়। চীন-ও চিনি ; শ্রীশ্রীবুদ্ধদেবের লীলাভূমি মগধও কাহাকে কাহাকে মুগ্ধ করে, কিম্ব জনকয়েক বৈষ্ণব-বৈষ্ণবী ভিন্ন নবদ্বীপ আর কার প্রাণ আকৃষ্ট করে !

হায় নবদ্বীপ ! তুমি যে মাটিতে গড়া, তুমি যে কুটীরের পাড়া, তোমার সাড়া কি এই ইংরাজীপড়া প্রাণে পশিতে পারে ? থাক নবদ্বীপ ! চূপ ক'রে থাক ; তুমি চির-শাস্ত, শাস্ত হয়েই থাক। আপনার মনে মনে রেখ, তোমার বৃকে এক দিন রাজার সিংহাসন পাতা ছিল, তোমার লাঠীর জ্বারে মাটি রক্ষা হ'ত। তুমি পাণ্ডিত্যের তীর্থ, কবিত্বের তীর্থ, কৌশলের তীর্থ ; নর-রূপধারী ভগবানের শ্রীচরণস্পর্শে তোমার প্রত্যেক ধূলিকণা পবিত্র, আর সুদূর পশ্চিমে বন কাটিয়া শ্রীশ্রীবুদ্ধ-বনকে সোনার টোপর পরাইয়াছিলে তুমি !

* * * * *

আর আজ ? তোমার কিঞ্চিৎ গোরব বৃদ্ধি করিয়াছে আমাদের চক্ষুতে রেল কোম্পানী। অট শোন, বাঁশী বাজিল—রেল খামিল, নামিল আমাদের গজু।

বাড়ী থেকে বেরিয়েছিলেন গজেন্দ্র তাঁর নামুলী পোষাক ছাটকোটে ; সেই পোষাকে হাবড়া টেপনে কুলীদের কাছে 'সাহেব' সম্ভাষণ আদায় ক'রে সেকেন্ড ক্লাস কামরায় ব্যাণ্ডেল পর্য্যন্ত একই মূর্তিতে পৌঁছিলেন। গজুর শোনা ছিল, ব্যাণ্ডেল পার হয়ে ত্রিবেণীমুখো হ'লেই জেন্টেলম্যানের রাজত্বের শেষ হবে ; সুতরাং বাঁশবেড়ে পৌঁছবার আগেই গজু একেবারে মূর্তি পরিবর্তন ক'রে, জি, হাইট থেকে গজেন্দ্রজীবন হাইট হয়ে দাঁড়ালেন ; মাথায় চেরা সীঁতি, গায়ে চেক টুইলের লম্বা পাঞ্জাবী না কি বলে তাই, পরণে চুলপেড়ে ধুতি, সিন্ধের চাদর একখানা বগলের নীচে থেকে কাঁধের

ওপর দিয়ে ঘুরে গেল। গন্তব্য স্থানে পৌঁছে মাসীর বাড়ী খুঁজেপেতে নিতে বেলা আর থাকবে না ভেবে গজু একটা টিকিন-বাক্স ক'রে কিছু খাবার নিয়ে-ছিলেন। জেন্টেলম্যানের সরহদ পার হইয়ে-ই 'সাহেব' সেকেন্ড ক্লাস ছেড়ে নতুন টিকিট কিনে থার্ড ক্লাসে উঠেন। এ পদ্ধতিটা গজেন্দ্রের নতুন আবিষ্কার নয় ; কলকাতার এমন বাবু বিরল নয়, যারা শিমলা থেকে চৌরঙ্গী পর্য্যন্ত ট্রামে গিয়ে সেখান থেকে একখানি ট্যাক্সি ভাড়া ক'রে এলগিন রোডবাসী কোন রাজা বা জমীদারের সঙ্গে দেখা করতে তাঁর গেটের ভিতর ঢোকেন। ত্রিবেণীতে কতকগুলি বাম্বী নেমে যাওয়ার গজু গাড়ীতে একটু ফাঁকা হয়ে বসবার অবসর পেলে, আর পোর্টম্যান্ট থেকে একখানি এনামেলের শানুকী বা'র ক'বে প্রাতরাশের উদ্যোগ করলে। সাহেবের সঙ্গে, কি সাহেবী হোটেলে খাওয়া আজ পর্য্যন্ত গজুর কপালে ঘটেনি, কিম্ব সাহেবরা যে ছুরি, কাটা, চাম্চে ছাড়া খায় না, এ কথা তার অবশ্য জানা ছিল ; গজুর ব্রেকফাস্টের যোগাড় দেখে গাড়ীর যাত্রীরা ত অবাক ! সেই চাকা চাকা কাটা পাউরুটি, আলুসিদ্ধ, ডিমসিদ্ধ, সিঁদূরেপটি থেকে কেনা কিছু শিখ-কাবাব, মুগ, মরিচের গুঁড়া, রাইগোলা আর তার উপর দুটো কলা এবং চার চারটা সন্দেশ। ছুরি ক'রে মাষ্টার্ড কাটিয়ে তুলে রুটীতে মাখিয়ে গজু যখন মুখে পুনলে, তখন সহযাত্রীরা গা টেপাটেপি করতে লাগল, আর কোণেবসা একটি ছোকরা বাবু মুখ টিপে টিপে হাসতে লাগল। গজু মনে মনে ভাবলে, বাম্বালী পোষাক হ'লে-ও আমার খাবার ধরণ দেখে এরা অবশ্য আমাকে সম্মানের চোখে দেখছে। মাষ্টার্ডটা গজুর অতি প্রিয় খাদ্য, সুতরাং সে রুটী, আলু, ডিম, কাবাব, এমন কি, কলাতেও একটু মাষ্টার্ড মাখিয়ে সুস্বাদু ক'রে নিলে, কেবল সন্দেশের বেলা একটু মরিচের গুঁড়া দিয়ে নিয়েছিল ; কারণ, ছেলেবেলা দেশে থাকতে-থাকতে-ই লঙ্কামরিচ না মিশিয়ে কোন জিনিষ সে খেতে পারত না।

গজুর বরাতে গাড়ীখানি কাটোয়া টেপনে থামতে কামরাটি একেবারেই খালি হয়ে গেল ; রইল খালি সে জ্বার এক-কোণেবসা, ছোকরাটি। দু'টি ভদ্রসন্তান

একসঙ্গে এক গাড়ীতে, একেবারে বাইরের দিকে চেয়ে টেলিগ্রাফের খুঁটি গুণতে গুণতে যাওয়া একেবারে অসম্ভব, সুতরাং ছোকরাটি কথাবার্তা আরম্ভ ক'রে দিলে।

ছোকরা। মশাই নামবেন কোথা ?

গজু। শ্রীভাডীপ।

ছোকরা। ওঃ, তা হ'লে বেশ, একসঙ্গেই বাকি পথটুকু যাওয়া যাবে।

গজু। আপনিও শ্রীভাডীপে হলুট করবেন ?

ছোকরা। আজ্ঞে, নবদ্বীপেই আমার বাড়ী।

গজু। ওঃ, কোয়াইট দিকো-একস্বিডেন্স। আপনার সঙ্গে ইন্ট্রাডিউস হয়ে ভারি আপিনেশ হলাম। আপনার নামটা জিজ্ঞাসা করতে পারি কি ?

ছোকরা। নিশ্চয়। আমার নাম শ্রীচাক্রচন্দ্র চক্রবর্তী।

ছোকরাটির এইখানে একটু পবিচয় আবশ্যক। বাড়ী নবদ্বীপ, ভাল গৃহস্থ-সন্তান, তবে সংসারের ভারসা ছিল পিতার একটি রোগে চাকরী ; চাকর বখন কৃষ্ণনগর কলেজে সেকেণ্ড ইয়ারে পড়ে, সেই সময় তার পিতা হঠাৎ চাকরীস্থানে মারা যান, সামান্য দেনা ছাড়া আর কিছু রেখে যেতে পারেননি। যখন ই. বি. আর-এ চাকরী করতেন, তখন চোদ্দ পনের বছরের ভিতর প্রভিডেন্ট ফণ্ডে কিছু টাকা জ'মে গিয়েছিল, কিন্তু বড় মেঘের বিয়ের সময় খরচের অভাবে সে চাকরী রিজাইন দিয়ে প্রভিডেন্ট ফণ্ডের টাকা তুলে লন। মাস আঠেক পরে চেষ্টা ক'রে ই, আই, আর-এ চোকেন, সেই বছর পাঁচ ছয়ে কি-ই বা জমেছিল, বড় জোর তাতে দেনাটা শোধ গেল ; কিন্তু সংসারে মা, বিধবা পিসী, ভাই, বোন, নিজের, কাষেই চাকরকে কলেজ ছেড়ে চাকরীর চেষ্টা দেখতে হয়। কলেজের বিজ্ঞাকে কৰ্মক্ষেত্রে খাটাতে গেলে যে শিক্ষাটুকু চাই, তা গ্রাজুয়েট অণ্ডার-গ্রাজুয়েট কারুই একেবারে হয় না, চাকর-ও তা হয়নি ; সুতরাং শুধু ইংরাজী বলবার বা লেখবার জন্ত হাতে হাতে মাইনে দিয়ে কে বেচারীকে চাকরী দেবে বল ? সুকণ্ঠ চাকর ছেলেবেলা থেকে বেশ গাইতে পারত, হারমোনিয়ম-ও বাজাত, ডাইনে-বাঁয়াতে-ও একটু হাত ছিল, কলেজের

রিশাইটেসনে দু'বার মেডেল পেয়েছে ; তার মনে হ'ল, থিয়েটারে ঢুকলে হয় না ? চাকর চেষ্টা বিফল হ'ল ; সে সুরসিক, তার কথায় বেশ রস ছিল, আবশ্যকমত দৃষ্টি-ক্ষেত্রে মিষ্ট হাসি-ও ফুটত—অশ্রু-বৃষ্টি-ও হ'ত, কিন্তু উন্নতি-শীল থিয়েটার করতে হ'লে যে আর্টের দরকার, তা তার হাতে-পায়ে চোখে-নাকে কোথা-ও ছিল না, কাষেই কোন মানেজার-ই তা'কে পাট দিতে রাজী হলেন না। একটি থিয়েটারে ক'দিন ধ'রে মুখ চণ ক'রে আনাগোনা করায় সেখানকার নৃত্য-শিক্ষক এককড়ি বাবুর প্রাণে চাকর প্রতি যেন একটু মততা জন্মেছিল, তিনি এক দিন চাকরকে বাইরে ডেকে নিয়ে আলাদা বললেন, “ওহে ছোকরা, এখানে মিছিমিছি কেন হাঁটাইটি করছ, হেথা সব বড় বড় একটার থাকতে তোমাকে কি আগে-ভাগেই হিরোর পাট দেবে ? বছর দুই কাটা সৈন্ত সাজার পর কি হয় বলা যায় না। এক কৰ্ম কর, যাত্রার দলে ঢুকে পড়।” চাকর যেন অবাক হয়ে ব'লে ফেললে,— “জ্যা !” এককড়ি বাবু বললেন, “জ্যা-ফ্যা নয়, আমার কথা শোন, ই্যা ব'লে ফেল। আজকাল আর সে যাত্রার দল নেই, অনেক লেখাপড়া-শেখা ভদ্রলোক যাত্রায় এষ্ট - ক্ছে, খুব সম্মানে আছে। আমার সঙ্গে এক খুব বড় যাত্রার অধিকারীর আলাপ আছে, আমি সখ ক'রে তাদের একটা পালায় নাচ শিখিয়েছিলুম ; এখন দল কলকাতায় আছে ; ঠিকানা লিখে দিচ্ছি, কাল বেলাঃ একটার সময় আমার বাড়ী যেও, সঙ্গে ক'রে নে' গিয়ে সব ঠিক ক'রে দেব ; তোমার গানও শুনেছি, সলিলকি-ও শুনেছি, এটু প্রেজেন্ট ফরটি রুপীজ ত দেবেই, তার পর দু'তিনটে আসন্ন জমালেই তোমার মাইনে তুমি আপনি-ই বাড়িয়ে নিতে পারবে।” চাকর একটু আমতা আমতা ক'রে বললে, “আজ্ঞে, একবার বাড়ীতে জিজ্ঞাসা ক'রে—”

এক। বাড়ী—কোথায় তোমার বাড়ী ?

চাকর। আজ্ঞে নবদ্বীপ।

এক। নবদ্বীপ ! বলতে গেলে নবদ্বীপে-ই ত যাত্রার জন্ম। মহাপ্রভু চৈতন্যদেব যাত্রা গেয়েছেন আর তুমি যাত্রা করতে, পার না ? ভারি আমার এ-লে পাশ রে !

এ যুক্তির পর চারুর আর অস্বীকৃত হ'তে সাহস হ'ল না। সেই অবধি চারু যাত্রার দলে ঢুকেছে। আপনার আকৃতির কৌশলে গীতের ঝঞ্ঝারে আসরের পর আসর জমিয়েছে; বড় বড় জমীদারের ঘরে সাদরে অভ্যর্থিত ও পুরস্কৃত হয়েছে; তার উপর তাঁর শিষ্ট ভদ্র ব্যবহার দলের মধ্যে একটা শৃঙ্খলা ও মর্যাদাবোধের সৃষ্টি করেছে। সম্প্রদায়স্থ একেবারে নিরক্ষর লোক ও এখন আর অভদ্র কথা মুখে আনে না। রাত্রে আহাির করলে গলা ধারাপ হয়ে যায়, এ কুসংস্কার অধিকারীর মন থেকে দূর হয়েছে, দু'বেলা খাবার বন্দোবস্ত ও পূর্না-পেক্ষা ভাল হয়েছে; অবশ্য অধিকারী মহাশয় ও চারু আসন পেতে বসে আর তাঁদের ভাতে একটু ঘি-ও পড়ে, একটা দুধের বাটি-ও কাছে থাকে। ষ্টেশন থেকে দূরে যেতে হলে কোথা-ও কোথা-ও পান্ধী পায়, কোথা-ও বা তাঁর পুরো একখানা গরুর গাড়ী। চারু অভিনয় করে, গান গায়, হারমোনিয়াম বাজায়, দরকার হ'লে ডাইনে-বাঁয়াটা টেনে নেয়, দলস্থ প্রসিদ্ধ বেয়লা-বাদক মদন দত্ত নিজে তাঁকে বেয়লা শিক্ষা দেন; এক্ষণে খোরাক বাদে চারুর মাসিক বেতন দেড় শত টাকা। তাঁর নিজের রচিত একখানি পালা সম্প্রতি মহলা দেওয়া হচ্ছে, সেখানি জ'মে গেলে-ই খুব সম্ভব সে কিছু কিছু বখরা পাবে। পূজোর দল বেরিয়ে পড়লে রাসের পূর্বে আর ছুটি পাবে না, তাই এই ভাদ্র মাসের গোড়ায় গোড়ায় কিছুদিনের ছুটি নিয়ে চারু দেশে যাচ্ছে। দল সম্প্রতি দু'চারটে বারোয়ারীতলায় বায়না নিয়েছে, চারুর ভাতে যোগ দিবার তত প্রয়োজন নেই।

চারু ব্যাঙেলে গজু সাহেবকে সেকেণ্ড ক্রাশ থেকে নামতে দেখেছে, তার পর তাঁকে খার্ড ক্রাশ কামরায় ঢুকতে দেখেছে; সেখানে কাপড় বদলান টিফিন খাওয়া সব-ই চারুর নজরে পড়েছে, সুতরাং সে গজুকে অনেকটা বুঝতে পেরেছিল; এর উপর যখন সাহেবের মুখে "ভাভাভীপ" "কো একসিডেন্স" শুনলে, তখন একেবারে তাকে সে চিনে ফেললে। বলেছি, চারু বেশ রসিক ছিল; তাতে তত ক্ষতি নাই, তাঁর একটি দোষ ছিল, সে প্র্যাক্টিক্যাল জোকার; এ-বিজ্ঞা সে ছেলেবেলায় স্থলে, তার পর কলেজে, কখন কখন যাত্রার দলে-ও খাটাতে

ছাড়েনি। ভাভাভীপের উপর এ বিজ্ঞা প্রকাশ করলে চারুর বড্ড লোভ হ'ল।

চারুচন্দ্র চক্রবর্তী ব'লে নিজের পরিচয় দিয়েই সে জিজ্ঞাসা করলে, "মশায়ের নামটি কি জিজ্ঞাসা করতে পারি?"

গজু। অফ কোর্স, বাট—বাট—

চারু। আপনার নাম বটকুটে?

গজু। নো—নো! (পকেট হাতড়ান)

চারু। নামটা কি পকেটের ভিতর ছিল?

গজু। ইয়েস—নো—

চারু। ভেরি ওয়েল।

গজু। তা না—এই কার্ডকেশটা বোধ হয় ভুলে এসেছি।

চারু। তা ফাষ্ট পারসন উপস্থিত থাকতে খার্ড পারসনে প্রয়োজন কি?

গজু। ওঃ! আপনি ইংরাজী জানেন?

চারু। যৎসামান্য।

গজু। আমার নাম হচ্ছে জি, হাইট। আপনি বোধ হয় প্রসিদ্ধ পেটার মিঃ হাইটের নাম শুনেছেন, আমি-ই সেই হাইট।

চারু। পেটার—আপনি কি পেট করেন?

গজু। কি পেট করি?

চারু। আজ্ঞে, পেটার ত অনেক রকম আছে; কেউ ঘর পেট করে, কেউ জানালা-দরজা পেট করে, কেউ সিন পেট করে, কেউ মুখ পেট করে—

গজু। আমি ছবি পেট করি। সৌন্দর্যবিকাশ—বুঝেছেন, সৌন্দর্যবিকাশ! কলার লীলা—ভাবের অভিব্যক্তি।

চারু। ভাবের অভিব্যক্তি?

গজু। এ্যা! বালাটাও এখনও ভাল ক'রে শেখেননি;—আপনি কি করেন?—পড়াশুনো?

চারু। না, পড়াশুনো আর হ'ল কই।

গজু। তবে?

চারু। চাকরী করি।

গজু। চাকরী! দাসত্ব—গোলামী!

চারু। ছবি আঁকতে শিখিনি, কি করি বলুন?

গজু। কেন. মুটেগিরি—রেলওয়ে পোষ্টার ;—আমি রাস্তা ঝাঁট দিয়ে খেতে রাজী, তবু কখন চাকরী করব না ; অত্যাচারী ইংরাজ—তার দাসত্ব ?

চারু। আমি কেরণী নই—ইংরাজের চাকরী করি না। আমি যে কায করি, তা শুনে আপনি আমাকে আরও ঘৃণা করবেন।

গজু। সে কি ? পুলিশে নাকি ? আপনি গোয়েন্দা ? আমি “অত্যাচারী ইংরাজ” বলেছি, ফাঁকি দিয়ে শুনে নিলেন, রিপোর্ট করবেন ?

চারু। ভয় পাচ্ছেন কেন ? আমি পুলিশের লোক নই। আমি যাত্রাওয়াল।

গজু। অ্যা ! যাত্রাওয়াল ? আর এতক্ষণ আমি ‘আপনি মহাশয়’ করছিলাম। তুমি ত আচ্ছা অসভ্য, আগে আমার বলা উচিত ছিল।

চারু। যাত্রাটা এত ছোটলোকের কায মনে করছেন কেন ?

গজু। করব না ? যাত্রাতে মোটে আট নেই, কলা—কলা, কলা নেই।

চারু। আজে, তা স্বীকার করছি। যাত্রা আদতে কলা দেখায় না ; অধিকারী মহাশয় আমাকে মাসে দেড় শত টাকা দেন, আরও বিশ চল্লিশ টাকা পাওয়া যায়।

গজু। (সবিস্ময়ে) অ্যা ! দেড় শ’ টাকা মাসে যাত্রার মাইনে ! বেগ ইওর পাটন, আপনি ত জেটলম্যান। তা—তা—আপনার সঙ্গে আলাপ ক’রে বড় অনারেবল হলাম। আমার যদি আপনাদের দলে ইন্ট্রোডিউস ক’রে দেন, আমি অনেক ইমপ্রুফমেন্ট ক’রে দিতে পারি ; মাফ করবেন, ভাব-টাব আপনাদের ভাল প্রকাশ হয় না। আর্টে আমি এক জন এস্পেসফিকিষ্ট, আমি আপনাদের এমন দাঁড়ানর ভঙ্গী, হস্তবিস্ফারণ, চক্ষু নিষ্ক্রামণ সব দেখিয়ে দিতে পারি যে, আসরে নেমে আপনারা থিয়েটারওয়ালাদের জয় ক’রে দিতে পারবেন।

চারু। আপনার অবসর হবে কখন ! আপনি এক জন বড় পেণ্টার ; কালে এক জন ভেণ্ডাইক কি ময়েলো হ’তে পারবেন।

গজু। আর মশাই, দুর্ভাগা বঙ্গদেশ ! দুরাখ্যা ইংরাজ—সত্য বলছেন আপনি পুলিশ নন ?

চারু। আজে না।

গজু। দুরাখ্যা—দুর্ভাগ্য—দুর্গন্ধ—দুর্ঘট—দুর্জয় ইংরাজ, কি বলব, এই বঙ্গদেশের সমস্ত পাট, সমস্ত কাঠ আর সমস্ত আর্ট লুঠ নিয়ে বিলাতে চালান দিয়েছে। আমার ছবি আজ যদি বিলাতে ছাপা হ’ত, তা হ’লে আমি সেখানে পোয়েট লরিগেট টাইটেল পেতাম, আর এক একখানা ছবি সেখানকার লর্ডরা দু’ হাজার গিনি দিয়ে কিনত।

চারু মনে মনে বুঝে নিলে যে, স্বদেশপ্রেমিক স্বাধীন সাহেবের টাকার স্বপ্নে বিশেষ অহুরাগ ; যাত্রাওয়াল। শুনে আমাকে ‘তুমি’র ক্লাসে নামিয়ে দিয়েছিলেন, আবার দেড় শ’ টাকা মাইনে শুনে তখনই ডবল প্রমো-শান। সুতরাং সে আর একটু বোমা মেরে দেখবার জন্ম বললে,—“টাকা কি জানেন মশাই, বিলাতে-ও ফলে না, ভারতবর্ষে-ও ফলে না ; টাকা ফলে কপালে। এই দেখুন না, আমাদের নবদ্বীপে এক জন বৈষ্ণব ঠাকুর আছেন, কেউ বলে তাঁর লাখ টাকা, কেউ বা বলে পঞ্চাশ হাজার ; মোদা যত টাকাই থাকুক, এক পয়সাও তাঁকে পরিশ্রম ক’রে রোজগার করতে হয়নি।”

গজু। কত বললেন, পঞ্চাশ হাজার—লাখ টাকা—একটা বোষ্টমীর—ভিক্ষা ক’রে জমিয়েছে না কি ?

চারু। বালাই, এক জন দিয়ে গেছে—তার সর্ব্ব দ্বিগুণ দিয়ে গেছে। সে লোকটা শুনেছি কোথেকে এসে নবদ্বীপে একখানি বাসনের দোকান করেছিল, সঙ্গে আসে ঐ স্ত্রীলোকটি, বলত আমার পরিবার, তা ভগবানু জানেন। বছর কুড়িকের ভেতর বিস্তর টাকা রোজ-গার ক’রে ম’রে যাবার সময় ঐ তারিণী দাসীর নামে সব লিখে প’ড়ে দিয়ে যায়।

গজু। (সবিস্ময়ে) তারিণী দাসী—তারিণী দাসী—মাসী না কি ?

চারু। সে কি, কা’র মাসী ?

গজু। না না, ঝমুন—ঝমুন ; কি বললেন, তারিণী দাসী—

চারু। এখন আর তারিণী দাসী নয়, কুঞ্জতারিণীর নামে বোষ্টমরা আজকাল মোচ্ছন্ন করে। বাসনের পরমা পেয়ে বড়মামুষ হয়েছে বলে সাধারণ লোক তার নাম রেখেছে, কাঁসারী কুঞ্জ।

গজু। (সোৎসাহে) নেভার মাইন কাঁসারী—নেভার মাইন শাঁথারী—হাড়ী, মুচি, চাঁড়াল! পতিত জাতিকে উন্নত করতে-ই আমার জন্ম। ডিফ্রেস ক্লাসকে প্রমোশন দিতে-ই হবে। সার সার, আই এম মোষ্ট গ্লাডেষ্টোন ইনট্রোডিউস উইথ ইউ। আমার এখন মনে পড়ছে, ভেরি নিয়ার রিলেটিভেস, আমি তাঁর-ই ওখানে যাচ্ছি।

চারু। সেই কুঞ্জতারিণীর বাড়ী, এই চেহারায়—এই কাপড়ে?

গজু। কেন—কেন, চেহারা কি খারাপ?

চারু। না না, ঐ কারুল করা চল, সঁীথি কাটা, কালাপেড়ে ধুতি, পাঞ্জাবী জামা।

গজু। তবে কি সাহেবী পোষাকটা আবার পরব না কি? দেখে ভয় পাবে।

চারু। কাঁসারী কুঞ্জ পুলিশকে ভয় করে না, তা সাহেবকে। সে মহা বোষ্টম, বামুনের পায়ে মাথা নোয়ায় না, তা আর কার কথা। গোঁসাই বা বোষ্টম ভিন্ন আর কেউ তার বাড়ীতে ঢুকতে পার না।

গজু। তবে তুমি ব্রাদার—বুঝেছ সার, যদি একটা উপায় করে দিতে পার, যাতে আমি তার কাছে পৌঁছতে পারি।

চারু। একমাত্র উপায় আছে।

গজু। স্পীক্ মি—স্পীক্ মি, বল কি উপায়? দেখুন, আপনি ত জানেন, আমাদের বান্দালীর ভিতর একেবারে একতা নেই; আমি যে কাগজে ছবি দিয়ে টুয়েলভ রুপী চার্জ করি, আর এক জন গিয়ে অমনি এইটু রুপীতে রাজী হয়। আর গয়ারাম বলে এক বেটা ব্রাদার-ইন্-ল আছে, সে ত হোয়াট গেট—ছাট প্রফিট; কাষেই আর অত্যন্ত কম হয়ে দাঁড়িয়েছে; তার ওপর এই পুঞ্জো মর্কেট ইন্ দি ফ্রন্ট, একেবারে এন্টি হাত হয়ে পড়েছি; ওন্লি—ওন্লি উপায় মাসী!

চারু। তিনি কি আপনার মাসী হন?

গজু। সহোদর; আমার মাদারের ব্রাদারের আপ-নার শিষ্টার। এত টাকা কি করে সে?

চারু। তা দান আছে। এক দিকে বেশ হাত-খোলা; মোদা গোঁসাই কি ভেকধারী বোষ্টম, নইলে তিন দিন খাওয়া হয়নি বলে কেউ দরজায় গিয়ে প'ড়ে থাকলেও এক মুঠো চাল দেবে না। যদি আমার পরামর্শ শোনেন, তা বোনুপোই হ'ন আর যাই-ই হোন, এ বেশে গিয়ে একেবারে মাসীর কাছে উপস্থিত হবেন না, তা হ'লে অমনি ধুলো-পায়ে বিদায়। অল্প কোথাও ছ'পাঁচ দিন বাসা ক'রে থেকে, পাকা বোষ্টম সেজে—হ্যা, ভাল কথা, যদি ব্রজবল্লভ গোস্বামীকে ধ'রে তাঁর সুপারিস যোগাড় করতে পারেন, তা হ'লে অব্যর্থ, বেশ কিছু পেয়ে যেতে পারেন।

গজু। সে আবার কে?

চারু। ঐ গোস্বামী মশাই-ই হচ্ছেন, সোনার কাঠী—রুপার কাঠী, তাঁর কথায় চৈতন্য-মঙ্গল ছাপাবার জন্য একটা লোককে ছ' হাজার টাকা দিয়ে দিয়েছিল। গোঁসাইটা নেহাৎ কশাই নয়, সব ঝোলটাই নিজের কোলে টানে না, তবে বোষ্টম কি গোঁসাই—গোঁসাই কি বোষ্টম।

গজু। কোথায় বাসা করি, আমি ত কিছুই চিনিমি—তার ওপর তোমার সঙ্গে ত সব পরামর্শ করা চাই ব্রাদার।

চারু। (ঈষৎ হাস্য করিয়া) যদি যাত্রাওয়ালা বলে অবজ্ঞা না করেন, তবে এ গরীবের বাড়ীতে ছ'পাঁচ দিন—আমি ব্রাহ্মণ।

গজু। ব্রাহ্মণ—তোমার সঙ্গে দেখা না হ'লে ত সব মাটা হয়ে গিয়েছিল, তুমি আমার ব্রাদার—ব্রাদার কি, ব্রাদার্স—ফাদার—মাই ফাদার। তোমার বাড়ী অবশ্য আমি ঘোষ্ট হব।

গাড়ী নবদ্বীপ ষ্টেশনে থামল, গজু নেমেছেন; ঐ দেখুন, পথে আগে আগে চারু—পেছনে গজু,—মনে মনে চিন্তা, বোষ্টম—তা ঐটেই বাকি আছে, কি করি—একমাত্র উপায় মাসী।

[ক্রমশঃ ।

শ্রীঅমৃতলাল বসু ।



রামপ্রসাদ ও প্রসাদী সঙ্গীত

৩

এ কালের কবি স্বর্গীয় অক্ষয়কুমার বড়াল তাঁহার প্রসিদ্ধ 'বঙ্গভূমি', শীর্ষক কবিতায় দেশ-স্নাতকর গৌরব-স্মরণ-কল্পে বঙ্গদেশকে 'মুকুন্দ-প্রসাদ-মধু-বঙ্কিম-জননী' বলিয়া আশ্রয় করিয়াছেন। দুই শতাব্দী পরেও ইংরাজী-শিক্ষা-আলোড়িত আধুনিক কবিচিন্তা হইতে রাম-প্রসাদের স্মৃতি যে অলিত হইয়া পড়ে নাই, সে শুধু তাঁহারই এক পদা-বলীরই গুণে। রামপ্রসাদের এই সকল গীতি গুণের কেলসপূর্ণে তিনি দণ্ডায়মান, তিনি 'কালী'—কবির সহিত জননী-সম্মান-সম্বন্ধে তিনি আশঙ্কা—কবির চিত্রমধুপ ভক্তিতে এই পরমা শক্তির পাদপদ্মে গজ-তৃতীয় ব্যক্তি-হিসাবে তিনি এখানে প্রকৃতি পুরুষ, রাধাকৃষ্ণ বা কোনও দেবদেবীর দ্বৈত-লীলার দ্রষ্টা বা কাব্যকার নহেন, পরন্তু অনন্তনিষ্ঠায় এক অদ্বৈত মানস-প্রতিমার উপাসক। শিবকে আমরা মধো মধো এই গীতি-নিকুঞ্জে দেখিতে পাই বটে, কিন্তু শুধু এই কথাটি বুঝাইবার জন্যই তিনি দেখা দেন সে কবি রামপ্রসাদের আকাঙ্ক্ষিত ই পাদপদ্ম তাঁহার শিব পদেরও অদ্বিতীয় সনদ। কবির লক্ষ্য,—প্রাণপণে শুধু চেষ্টা করিতে থাকে—“শিবের সপক্ষধন মায়ের চরণ, যদি আনতে পারি হ'রে।” তবে, এই হরণকাথো ভয়ের কারণ আছে—

“জাগা ঘরে চুরি করা,
ভাঙে যদি পড়ে ধরা?”

শিব স্বয়ংকে চরণের দ্বারে সজাগ প্রহরী, তাহা চুরি করিতে গিয়া যদি ধরা পড়িতে হয়? উত্তর—

“তবে মানবদেহের দফা সারা,
বৈধে লবে কৈলাসপুরে।”

কিন্তু ইহা ভয়ের না ভয়ের কথা? বড় জোর সে ক্ষেত্রে কৈলাস-পুরীতে দাঁড়িয়া লইয়া বাউবে এবং মানবদেহের মেঘাদ ফুরাইবে। কিন্তু লক্ষ্যই যে তাই—এ কৈলাসপুরীতে যে রামপ্রসাদের অনাদি-কালের আদিম ঘর! সেই জন্মই তাঁহার “ক্ষেত্রে কর্ম” বিধানের সংকল্পও অপূর্ণ! যদি তাহাই ঘটে—“যদি বাউতে পারি ঘরে,” তাহা হইলে—

“ভক্তিবান্ হরকে মেরে,
শিব পদ লব কেড়ে।”

বস্তুতঃ এই সঙ্গীতটি হইতেই আমরা রামপ্রসাদের শক্তিসাধনলক্ষ্য ধারণা করিবার অবকাশ পাই। তথাপি মনের মধো এই প্রশ্নটি পর ক্ষণেই জাগিয়া উঠে যে, কবি তাঁহার এই লক্ষ্যলাভে সমর্থ হইয়া-ছিলেন কি না? কবির নিজের জবাবীতে দেখি :—

“কালপদ আকাশেতে মন-বুড়িখান উড়াতেছিল,
কলুষ-কবাতাস পেয়ে
বুড়ি, গোপ্তা খেয়ে প'ড়ে গেল।”

মায়া কাগ্নি হ'ল ভারী,
বুড়ি আর রাখিতে নারি
দারাপত্য মায়া-দড়ি
এরা দু'জন জয়ী হ'ল।”

এইরূপ আরও অনেক সঙ্গীতে দেখিতে পাই যে, তিনি বারংবার আপনার লক্ষ্যসাধনের এমন অনেক বিঘ্ন কল্পনা করিয়াছেন, সেগুলিকে তাঁহারই আরাধা কালীর মধো সম্বন্ধিত করিয়া তুলিতে পারা যায় নাই বলিয়াঃ দুঃখ জাগিয়াছে ও অবসাদ দেখা দিয়াছে। অথচ এই কালীকে তিনি “মায়াভীত নিজে মায়া”রূপেও কল্পনা করিয়াছেন : এ কথা অর্থ অবশ্য এই যে, ‘মায়া’র দিকে যিনি বন্ধন, ‘মায়া’র অতীত’দিকে তিনিই ‘মুক্তি’—দুই দিকেই তিনিই ব্যস্ত; মায়ায় দিক যদি মায়া’র অতীত দিককে আচ্ছন্ন করে, তবেই তাহা বন্ধন হইয়া উঠায়, অপরপক্ষে মায়া’র অতীত দিক যদি মায়া’কে প্রকাশ না করে, তবে সৃষ্টিই অসম্ভব হইয়া পড়ে—নিজেকে যদি ‘মায়া’র অতীত’ অব-স্থায় তুলিতে পারি, তবে মায়া আর বন্ধন না থাকিয়া মুক্তির আনন্দেই উদ্ভাসিত হইয়া উঠে, শিখা ও আলোককে পরস্পর অবিরোধী সম্পূর্ণভাৱেই দেখিতে পারি এবং বন্ধনের মধোই মুক্তিকে পাইয়া ‘মায়া দড়ি’ সহজেও ভয়হীন হই,—কেন না, সে ক্ষেত্রে নিঃসংশয়ে বুঝি যে, ‘মায়া’র কোল’ মায়া’র মধ্যও প্রসারিত আছে। বলা বাহুল্য, এ সঙ্গীতটিতে ইহার বিপরীত ধারণাই স্মৃতি হইয়াছে—আর এই বিপরীত ধারণা তাঁহার নিজেরই যুক্তিকে খণ্ডিত ও দুর্বল করিয়া তুলিয়াছে। লক্ষ্য স্থির হইয়া গিয়াছে, অথচ লক্ষ্যস্থলে পৌঁছবার উপায়গুলি পূর্ণতা প্রাপ্ত হইতেছে না—নানা দিক হইতে নানা বিঘ্ন আসিয়া পথরোধ করিতেছে—এমনই অবস্থায় মনে যে চাকলা উপস্থিত হয়, তাহার পরিচয় রামপ্রসাদের গানে আমরা বারংবার পাই। আরও কয়েকটি উদাহরণ সওয়া যাক :—

১। “দুঃখের কথা শোন মা তারা।
আমার ঘর ভাল নয় পরাৎপরা ॥

* * * * *

এ সংসারেতে সং সাজিয়ে
সার হ'ল গো দুখের ভরা ॥
রামপ্রসাদের কথা লও মা,
এ ঘরে বসতি করা।

ঘরের কর্তা যে জন স্থির নহে মন
ছ'জনেতে কলে সারা ॥”...

এখানে এই অভিযোগই দেখিতেছি যে, ‘ঘরের কর্তা মন’ বড়-শ্রিপুকে নিরস্তিত করিবার অধিকার এখনও না পাইয়া তৎকর্তৃক চালিত, স্তবরাং অস্থির রহিয়াছে। ভাগবত সত্য এখনও অস্পষ্ট, স্তবরাং ঘর, সংসার ও জীবন সত্ত্ব সত্ত্ব দুঃখেই ভারাক্রান্ত। অথচ

যে 'মন' সম্বন্ধে রামপ্রসাদ অভিযোগ করিয়াছেন, সেই 'মন'কে ভগবানের দানরূপে পাইয়া পারশ্বের কবি সেখ সাদী শ্রষ্টার নিকট কৃতজ্ঞতাই প্রকাশ করিয়া বলিয়াছেন :—

“করেছো স্বরাট, অন্তরে দিয়া জিলোক-চাক মন,
দশ ইঞ্জিয়ে দশ দিকে যার উজ্জ্বল প্রহরণ ;
তবু চিরকণী সংসার দীন ভয়ে ভয়ে হই সারা
পাছে না কর গো! প্রতি দিবসের আহাযা আয়োজন ॥”

এই দ্বিবিধ কবি-দৃষ্টির পার্থক্য সম্বন্ধে আমরা কোনও অভিমত প্রকাশ করিব না—কেবলমাত্র পাঠকের দৃষ্টি আকর্ষণ করাই আমাদের উদ্দেশ্য। রামপ্রসাদ মনকে বলিয়াছেন, “পাঁচ সোয়ারের ঘে'ড়া” আর সাদীর ঐ মন অবশ্য দশ ঘোড়ার সোয়ার দুইটি বিপরীত কেন্দ্র হইতে ছুঁজনে মনকে দেখিয়াছেন—

* * *
২। “ভূতের বেগার খাটিব কত।
তারা, বলু আমায় খাটাবি কত।
আমি ভাবি এক, হয় আর
স্থখ নাই মা কহাচিত।
পঞ্চদিকে নিয়ে বেড়ায়
এ দেহের পঞ্চভূত।...
* * *
৩। মা, আমায় ঘুরাবি কত।
কলুর চোখ-চাকা বলদের মত।
ভবের গাছে জুড়ে দিয়ে মা
পাক দিতেছ অবিরত ॥” ইত্যাদি।
* * * *

এ সমস্তই সেই অবস্থার চিত্র—যখন লক্ষ্যলাভ হয় নাই—যখন “ব্রহ্মরসী সর্বঘটে” এই সত্য বুদ্ধির ক্ষেত্রে দেখা দিলেও বোধিমূলে প্রতিষ্ঠা পায় নাই। কোনও কোনও সমালোচক বলিয়াছেন যে, দুঃখবাদই না কি ভারতবর্ষের বিশিষ্ট বালী এবং এই দুঃখ-নিগুণ্ডির উপায়-উদ্ভাবনাতেই ভারতীয় সাধনার নিগুঢ় পরিচয় নিহিত। কৈলাস বাবুও বলিয়াছেন—“ভারতের সাধনার লক্ষ্য যা, আত্মাত্মিক দুঃখ-নিবৃত্তি—রামপ্রসাদের সাধনারও তাগাই লক্ষ্য, আধ্যাত্মিক, আধি-ভৌতিক ও আধিদৈবিক এই ত্রিবিধ দুঃখ হইতে পরিত্রাণলাভ। ইহাই প্রাচ্যদর্শনের বিশেষত্ব—পাশ্চাত্যদর্শন অল্পরূপ, উহা কেবল মন লইয়াই বাস্তব।” এরূপ উক্তি অশ্রু প্রাচ্য বা পাশ্চাত্য কোনও প্রকার ‘দর্শন’ সম্বন্ধেই মানুষের বুদ্ধির দৃষ্টিকে এক পদও অগ্রসর করে না, কেন না, মনকে লইয়া বাস্তবতা প্রকাশ না করিলে কি প্রাচ্য কি পাশ্চাত্য কোনও দর্শনই পাড়া হইতে পারে না, তা' ছাড়া ত্রিবিধ ‘দুঃখ’ আছে অথচ ‘মন’ নাই, এরূপ তৈয়ালী বুদ্ধিয়া উঠাও দায়। রামপ্রসাদ স্বয়ং অবশ্য ভারতীয় ‘ষড়দর্শন’কে ছটা ভাগ বলিয়াই প্রচার করিয়াছেন এবং উহাদের দুঃখবাদের বিপুল গৌরব সগৌরবে উপেক্ষা করিয়াই, স্থানান্তরে ‘ভক্তি’ ও ‘আনন্দ’কেই তাঁহার জননীর ‘দর্শন’ বলিয়া বুঝাইয়াছেন, * তথাপি ‘ষড়দর্শন’ যে-তাঁহার মনের গায়ে দুঃখ মাখাইয়া দিতে ছাড়ে নাই, বুকি বা সে ঐ গালাপালি খাওয়ারই রাগে। কল কথ্য, ষড়দর্শনের ঘটক্রম যে রামপ্রসাদের মত বিশ্বাস-বলিষ্ঠ ব্যক্তির পক্ষেও নিতান্ত সহজভেদ্য হয় নাই, তাহা এই স্তবের সঙ্গীতগুলিতে আমরা স্পষ্ট দেখিতে পাই। এই সাধনমার্গের

* “ষড়দর্শনে দর্শন পেলে না, জীগম নিগম তত্ত্বসম্বন্ধে।
• সে যে ভক্তিরসের রসিক, সদানন্দে বিরাজ করে পুরে ॥”

অবশ্যস্তাবী অভূষ্টির কথা এ যুগের জগৎদখ্যাত কবি রবীন্দ্রনাথের মুখেও আমরা বারংবার শুনিয়াছি ; একটিমাত্র দৃষ্টান্ত দেখাই :—

“ভুবন হইতে বাহিরিয়া আসে ভুবনমোহিনী মারা,
যৌবনভরা বাহুপাশে তাব বেষ্টন করে কায়া ;
স্নেহ হয়ে আসে হৃদয়তন্ত্রী, বীণা যায় খ'সে পড়ি'
নাহি বাজে আর হরিনাম গান বরষ বরষ ধরি',
হরিহীন সেই অনাথ বাসনা পিয়াসে জগতে কির—
বাড়ে তুষা কোথা পিপাসার জল আকুল লবণ-নীরে ॥”

রামপ্রসাদেও দেখি—

“সাদের ঘুমে ঘুম ভাঙ্গে না।
ভাল পেয়েছ ভবে কাল-বিছানা।
এই যে স্বপ্নের নিশি
জেনেছ কি ভোর হবে না।
তোমার কোলেতে কামনা-কাস্তা
তারে ছেড়ে পাশ ফের না ॥”

এখানেও স্পষ্টতই এক ‘নেতি’বাদ প্রত্যক্ষীভূত, ‘কামনা-কাস্তা’কে ব্রহ্মবিচ্ছিন্ন-কিছু বুদ্ধিয়াই বলিয়াই তাগাকে ত্যাগ করিবার প্রয়োজনীয়তা অনুভূত হইয়াছে ; কিন্তু ত্যাগ না করিয়া ব্রহ্মের সহিত ইহার যোগও সম্ভব। এক কথায়, যে কেন্দ্র হইতে দেখিলে সমস্ত আপাতঃ বৈষম্যকেই এক অর্থও সস্তার বিচিত্র লীলা-হিম্মোলরূপেই গ্রহণ করা যায় এবং যে কেন্দ্রীয় দৃষ্টি বলিতে চায়—

“তোমার অসীমে প্রাণ-মন লয়ে
যত দূরে আমি যাই,
কোথাও মৃত্যু কোথাও দুঃখ
কোথা বিচ্ছেদ নাই ;
মৃত্যু সে দীরে মৃত্যুর রূপ,
দুঃখ সে হয় দুঃখের কূপ
তোমা হ'তে যবে স্বতন্ত্র হয়ে
আপনার পানে চাই।
অন্তর-প্রাণি, সংসার-ভার,
পলক ফেলিতে কোথা একাকার,
তোমার স্বরূপ জীবনের, মাঝে
রাখিবারে যদি পাই”—

সেই স্বরূপ-দৃষ্টির পরিচয় এই জাতীয় সঙ্গীতগুলির ভিতর আকার লাভ করে নাই। এই স্তবই রামপ্রসাদের “এ সংসার ধোঁকার টাটি” নামক গানটিকে লক্ষ্য করিয়া অচ্যুত গোস্বামী যে পংক্তি কতি-পয় নিক্ষেপ করিয়াছিলেন, তাহার মধ্যে কেবলমাত্র সরস পরিহাস ছাড়া সত্যের একটি নির্মল প্রকাশও আমরা দেখিতে পাই। রামপ্রসাদের—

“গর্ভে যখন বোপী তখন
ভূমে প'ড়ে খেলেন মাটি। (১)
ওরে ধাত্রীতে কেটেছে নাড়া,
মায়ার বেড়ি কিসে কাটি ॥

(১) এই কয়টি পংক্তির ধারণার সহিত ‘ওয়ার্ডস্‌ওয়ার্থের “ode on immortality”র অন্যান্যসংকিত ধারণার চমৎকার সাদৃশ্য লক্ষিত হয়। পৃথিবীতে জন্মলাভ যে বোগবিচ্ছিন্ন হইয়া ভগবৎ-সান্নিধ্য হইতে দূরে যুগুয়া, এরূপ কথা সেখানেও দেখি :—

রবীন্দ্র-বচনে সূধা, সূধা নয় সে বিষের বাটি
আগে ইচ্ছা-সুখে পান করে,
বিষের জ্বালায় ছটকটি ।”

এই গানটি এবং অনুরূপ আরও কয়েকটি গানের সহিত রবীন্দ্র-নাথের নিম্নোক্ত গানটির যদি তুলনা করা যায়, তাহা হইলে দেখিব যে, ‘মায়ার ‘বেড়া’ বা ‘বিষের বাটি’রূপে একের পক্ষে যেগুলি জ্বালা উপকরণ, অপরের চক্ষুতে তাহা কি ভাবে সুসমঞ্জস হইয়া উঠিয়াছে :—

“জীবনে আমার বসত আনন্দ
পেয়েছি দিবস-রাত,
সবার মাঝারে তোমারে আশিকে
স্মরিব জীবননাথ ।
যে দিন তোমার জগত নিরপিত
হরষে পরাণ উঠেছে পুলকিত
সে দিন আমার নয়নে হয়েছে
তোমারি নয়নপাত ।
পিতা, মাতা, ভ্রাতা, প্রিয় পরিবার
মিত্র আমার, পুত্র আমার
সকলের সাথে হৃদয়ে প্রবেশিত
তুমি আছ মোর সাথ—
সব আনন্দ মাঝারে তোমারে
স্মরিব জীবননাথ ।”

এখানে অবশ্য ত্রিবিধ দুঃখবাদের বনেদী গৌরব-গান নাই, ইহা আনন্দবাদ বা জীবনুজীবনবাদ, তথাপি ইহাও ভারতবর্ষীয়—এমন কি, রামপ্রসাদেরই সেই “শয়নে প্রণাম জ্ঞান, নিদ্রায় কর মা’কে ধান” সঙ্গীতের অস্বীকৃত ধারণাই সৃষ্ট ও সুপ্রতিষ্ঠিত প্রকাশ । এখানেও আমরা কেবলমাত্র পাঠকের দৃষ্টি আকর্ষণ করিবার জন্তই দুইটি বিভিন্ন কবি দৃষ্টির নমুনা পাশাপাশি ধরিয়া দিলাম—ভাল-মন্দ বা ছোট-বড় নির্দেশ করিবার অভিপ্রায়ে নহে । অল্প প্রকৃতপক্ষে, সংসারকে ভগবৎ-বিরোধী কিছু ভাবিয়া সহ্যই যে রামপ্রসাদ সারাজীবন অশান্তি ভোগ করিয়াছেন, তাহাও নহে ; আত্ম-স্বাতন্ত্র্যকে বিশ্ব-নিয়মের বা জগৎ-প্রত্যয়ের বিরুদ্ধে একান্ত করিয়া না ধরিয়া ভগবৎপ্রতিষ্ঠ বা ‘কালীপুত্র’ উৎসর্গীকৃত জীবনই তিনি যাপন করিতে চাহিয়াছিলেন, তাই সমস্ত দুঃখ নিবেদন ও অসন্তোষ পকাশের মাঝখানেও ‘বুড়ী ছুইয়া’ থাকার শাস্তি ও তৃপ্তি তাঁহাকে পবিত্রাঙ্গ করে নাই । প্রকাশ, প্রণালীর খুঁটিনাটির ক্রমাৎ ধরিয়া যদি তাঁহার চক্ষুতেই তাঁহার জগৎ দেখিবার চেষ্টা করি, তাহা হইলে বিশ্ব যে, এই এক ‘কালী’ নাম স্রবণের মধ্যেই তাঁহার মন এতখানি ভরিয়া উঠিত, যাহার মৃত্যুঞ্জয়ী আনন্দই তাঁহার দৃষ্টি-বসম্বন্ধে চাপাইয়া উঠিবার পক্ষে যথেষ্ট ছিল ।

এই “কালী” নামটা “বড়ই মিঠা” তাঁহার কাছে ত ছিলই—তার পর,—

“জন্ম নহে অস্ত কিছু, শুধু বিশ্বরণ আর সুমাইয়া পড়া ;
আত্মা যাহা জাগে সাথে ধ্রুতভারাসম,
আসে ছাড়ি’ লোকান্তর অতি দূরভম,
অর্ধ-নগ্ন, অর্ধ-মগ্ন,—আধ-সুপ্তি-চেতনার গড়া ।
রবির আভাসে ভরা হুরঞ্জিত মেঘমালা প্রায়
বিভুবন্ধ গৃহ টুটি উঠি মোরা ফুটিয়া ধরায়
।ব চিহ্নিত মহামহিমায় ।

শৈশবে, ‘ঘেরি’ ঘেরি’ স্বর্গরাজ্য শতদিকে ভাসে—
ক্রম-বিবর্জিত বাল্যে কারার প্রাচীর-ছায়া ধীরে ধীরে বনাইয়া আসে ।”

“প্রসাদ বলে কুতূহলে,
এমন, মেয়ে কোথায় ছিল ।
না দেপে নাম শুনে কানে
মন গিয়ে তার লিপ্ত হলো ।”

এ যেন রাধিকারই সেই—“কেবা শুনাইল শ্যাম নাম ; কানের ভিতর দিয়া মরমে পশিল গো, আকুল করিল মোর প্রাণ ।” যদি রামপ্রসাদের অন্তরে প্রবেশ করিতে চাই, তবে এই নামের গুরুত্বই আমাদের প্রথম ও প্রধান বিবেচ্য হওয়া উচিত, যেহেতু, তাঁহার মুগ্ধের কথা নানা দিকে ধাবিত হইলে মনটি বরাবরই এইখানে এক-নিষ্ঠ হইয়া আছে—এইখানেই তাঁহার আশা-ভরসা, বল-বিশ্বাস, প্রীতি-ভক্তি, মুক্তি ও তৃপ্তি সমস্তই ।

৪

নামের এই মহাস্বা-বুদ্ধির প্রতি লক্ষ্য রাখিয়া রামপ্রসাদের ‘কালী’র প্রকৃতির কথা ভাবিলে আমরা দেখিতে পাষ্ট যে, উনি সেই ভয়ঙ্করী উগ্রা সংহারকর্ণিকা নছেন, যিনি নাকি—

“বিচল-খট্টাঙ্গ-ধরা নর-মাল্য-বিভূষণা,
দ্বীপ-চর্ম্মপরীধানা শুকমাংসাত্তৈরবা,
অতিবিস্তার-বদনা জিহ্বা-ললন-ভীষণা,
নিমগ্নারজুনয়না নাদাপূরিতদিগ্ধুগা ।”

পরন্তু, এমন এক স্নেহ-করণামণী বাৎসল্য-সর্ব্বম্ম মাতৃ-মূর্ত্তি—যাঁহার নিকট আবেদন চলে, যাঁহার সন্তিত কলহ করিয়া খুসী হওয়া যায়, এমন কি, যাঁহাকে গালাগালি দিলেও বড় কিছু যায় আসে না । ইনি পালোয়ানদের কাঁচা মুণ্ড কাটা অপেক্ষা “সন্তুণে নিগুণে বাধিয়ে বিবাদ ঢেলা দিয়ে ঢেলা” ভাঙ্গিবার খেলাতেই বেশী আশ্বাস পান ।... পারস্যের জ্যোতির্বিদ কবি ওমর খৈয়াম যেমন সৃষ্টির ভিতর নানারূপ আবিলতা দেখিয়া ভগবান্ ও মানুষের মধ্যে ক্ষমার আদান-প্রদান ছাড়া অন্য কোনপ্রকার রফায় রাজী না হইয়া বলেন,—

“শিল্পী ওগো, গড়লে যদি মর্দাভূমি মলিনতমা :
নক্ষত্রেরও গোপন একে সর্প-ভীষণ রাখলে জমা,
কলঙ্কিত মানব-জগৎ যে সব পাপে তাহার লাগি’
ক্ষমা কর মনুগদেব, মানুষ তোমায় করছে ক্ষমা ।”

রামপ্রসাদও সেইরূপ মনের উর্দ্ধগতি ও অধোগতি এই উভয়েরই জন্ত তাঁহার ইষ্টদেবীকে দায়ী করিয়া শুনান,—

“মন গরীবের কি দোষ আছে ?
তুমি বাজীকরের মেরে-শ্যামা,
যেমন নাচাও তেমনি নাচে !”...

প্রথম উক্তিটি দার্শনিকের, আর দ্বিতীয় উক্তিটি শঙ্কা ও স্নেহে পরিপূর্ণ হৃদয়ের । সেই জন্ত রামপ্রসাদ ওমরের মত দোষ দিয়াই ধামন নাই, দোষ নিবারণের দায়িত্ব আপন অন্তরে জাগ্রত কালীর দিকে আকর্ষণ করিয়াও লইয়াছেন এবং মনকে শিথল করিয়া ও তাহার গুরুত্ব আসনে বসিয়া এইভাবে তাহাকে কেবলই হইবারও পথ দেখাইয়াছেন,—

“আর মন বেড়াতে যাবি ।
কালী-কলত্ররুতলে গিয়া,
চারি ফল কুড়ায়ে খাবি ।
• প্রবৃত্তি-নিবৃত্তি জায়া,
তা’র নিবৃত্তিরে সঙ্গে লবি ।

ওরে, বিবেক নামে জ্যেষ্ঠ পুত্র
তব্বকথা তার শুধাবি ॥
অশুচি শুচিকে লয়ে দিব্য ঘরে কবে শুবি ।
যখন দুই সতীনে পিরীত হবে
তখন শ্যামা মা'কে পাবি ॥
অহঙ্কার আর অবিদ্যা তোর
পিতা-মাতার তাড়িয়ে দিবি ।
যদি মোহ-পর্বে টেনে লয়, মন
ধৈর্য ধুঁটা ধ'রে রবি ॥
ধর্মধর্ম ছুটো অজ্ঞা, তুচ্ছ হেড়ে বেঁধে দিবি ।
যদি না মানে নিবেধ, তবে
জ্ঞান-খড়্গে বলি দিবি ।
প্রথম ভাব্যার সন্তানেরে
দূরে হ'তে বুঝাইবি ।
যদি না মানে প্রবোধ,
জ্ঞান-সিদ্ধান্তে ডুবাইবি ॥
প্রসাদ বলে এমন হ'লে
কালের কাছে জবাব দিবি ।
তবে বাপু—বাছা—বাপের ঠাকুর
মনের মতন মন হ'বি ।”...

এই সঙ্কীর্ণে যে 'নিবৃত্তি'কে সঙ্গে লওয়ার কথা উঠিয়াছে, তাহাতে আমরা একরূপ বুঝি না যে, তিনি সংসার-ভাগ্যরূপ বৈরাগ্যকে বা লাঞ্চারণা চাড়িয়া উদ্ভিজ্জ অরণ্যাবাসকেই শ্রেয় বিবেচনা করিয়াছেন, বরং তাহাই বুঝি যে, জীবনের বিচিত্র কর্তব্যপথের মূল পাথের-ইসাবে 'অনাসক্তিকেই প্রাণ-মূলে ধরিয়। তিনি 'মায়ার রাজ্যে' গা গা সাইয়া থাকিবার জন্ত * 'মায়াতীত'-স্বরূপেই প্রতিষ্ঠা চাহিয়াছেন । 'হা এই জন্তই আনন্দ যে, নির্লিপ্ত বা অনাসক্ত চিত্তের স্বচ্ছ কুরেই সৃষ্টিকেন্দ্রের নির্মল নিষ্কলক আনন্দ-স্বরূপা প্রেম-প্রতিমার প্রতিবন্ধপাত ঘটিতে পারে—আসক্তি-আবিল মানস-দর্পণে নহে । এই কেল্লীয়া প্রেম-প্রতিমাই 'মা'—ভক্ত রামপ্রসাদের কালী—যাহার হিত শুক্তি যোগসূত্রে আবদ্ধ থাকিয়া রূপে-রসে অপরূপ ব্রহ্মাণ্ডচক্র গুরিয়া চলিয়াছে ; যাহার প্রেম-জ্যোতিঃ ভগ্ন ও বক্র, অস্পষ্ট ও মলিন মানস-দর্পণগুলির প্রকৃতি-বৈষম্যের অনুপাতে দিকে দিকে খণ্ডিত হইয়া যাচ্ছে, যাহাকে আচ্ছন্ন করিয়া আমাদের বাণীগত বাসনার দিশাহারা মরুৎ বিক্ষেপে স্বার্থ-তৃপ্তিসাধনের জন্ত নানাভাবে দাবিত চটতেছে এবং অহঙ্কারের চরমসীমায়, সৃষ্টিমর্ম্মুলের এই নির্মল মাতৃদর্পণে গতিফলিত আপনাপন বিদ্রোহী অস্তঃপ্রকৃতির মুখ দেখিতে গাওয়েকে আকস্মিক প্রকৃতিঘাতের মতই স্বাতন্ত্র্য-বুদ্ধির ঘারে ফিরিয়া গাইতেছে—এই মা, যাহাকে স্বতন্ত্র বাসনার স্ববনিকা সরাইয়া পরিপূর্ণভাবে প্রকাশ করিবামাত্র আমাদের জীবনের অর্থ আমূল পরিবর্তিত হইয়া যাইবে, সকল ছিন্ন স্বার্থই এক পরমার্থে উজ্জল হইয়া উঠিবে ; শুচি-অশুচি, ধর্ম্মাধর্ম্ম ও জন্ম-মৃত্যুর যাবতীয় কুহেলিকাটীক অবিচ্ছিন্ন আনন্দ-কিরণসম্পাতে মিলাইয়া যাইবে, যে সৃষ্টি আমাদের পক্ষে কাঁদাইতেছে, তাহা সর্ব্বদা দিয়া দৃষ্টির সম্মুখে হাসিতে থাকিবে, আর সেই পূণ্যমূহূর্ধে,—

* “প্রসাদ বলে থাক ব'সে, ভবান্নবে ভাসিয়ে ভেলা ।

যখন আসবে জোরার উজিরে যাবে,

ভাটিয়ে যাবে ভাটার বেলা ॥”

স্ববীজনাথও বলিয়াছেন,—

“জগত-প্রোতে ভাসিয়া চল বে-যেথা আহ তাই ।”

“হৃদি-পদ্ম উঠবে ফুটে, মনের আঁধার বাবে ছুটে,
ধরাতলে পড়বো লুটে, তারা ব'লে হব সারা ;
ভাসিব সব ভেদাভেদ ঘুচে যাবে মনের খেদ
ওরে, শত শত সত্য বেদ,
তারি আমার নিরাকার।”...

সে দিন আর শুধু শাস্ত্রের দোহাই দিয়া নয়, গুরুবাক্য বলিয়া নয় বা বুদ্ধিবৃত্তির সাহায্যেও নয়—কিন্তু প্রত্যেক ইন্দ্রিয়দ্বারে দণ্ডায়মান বিশ্ব-জগৎ-বৈচিত্র্যের ভিতর এবং বোধিমূলের প্রত্যেকটি প্রবাহ দিয়া দেখিব ও দেখাইব,—

“মা বিরাজে সর্ব্বঘটে,
ওরে আঁধি অন্ধ দেখ মা'কে
তিমিরে তিমির-হরা ।”

* * * *

রামপ্রসাদের পদাবলী সম্পর্কে উহুদীরাজ 'ডেভিডে'র স্তোত্র এবং 'হাফিজের' গজলগুলির কথা কাহারও কাহারও মনে আসিয়াছে । হাফিজের 'দিওয়ান' বা 'গজল গ্রন্থ' আপাততঃ আমাদের হাতের কাছে নাহি, তবে যত দূর স্মরণ হ'ব, তাহাতে হাফিজের প্রেম-গীতির সহিত আমাদের বিদ্যাপতি বা চণ্ডিদাসের সাদৃশ্য যত সন্নিকট, রাম-প্রসাদের তত নহে । হাফিজের প্রেম-সাধনা ও রামপ্রসাদের মাতৃ-ভাব-সাধনার দার্শনিক ভ্রমী ও দৃষ্টির প্রণালী বিভিন্ন । হাফিজের প্রেম যেখানে উল্লসরাজ্য অতিক্রম করিয়া অতীন্দ্রিয় লোককে স্পর্শ করিয়াছে, সেখানেও তাঁহার বাস্তবতাই দেবতা হইয়া উঠিয়াছেন । এই দেবতা কামনার ফলদাতা, অপ্রযামী,—অপরপক্ষে রামপ্রসাদের মা কামনা নিবারণের প্রার্থ্য শক্তি, 'আমি'কে নাশ করিয়া জাগা 'তুমি,' হৃৎকমল মঞ্চে অধিষ্ঠিতা, জগৎ-সংসারের অধিতীয় সত্তা এবং স্বাতন্ত্র্য বিবেকীর সর্ব্বপ্রকার ভোগের নিরাশকর্তা ও যোগপন্থা । তথাপি সত্যোক্ত দস্তের অনুদিত 'কবাইয়াৎ'কতিপয় হইতে হাফিজের তিনটি চতুস্পদী এখানে ধারিয়া দিতেছি, রামপ্রসাদের সহিত তুলনা করিয়া সূক্ষ্ম প্রভেদ যাহা চোখে পড়ুক, অত্রতঃ একই ব্যক্তির আলোচনার মাঝখানে, তাহাতে রস-বৈচিত্র্যের আনন্দনও পাওয়া যাইবে ।

হাফিজ

সকল কামনা সফল করিতে তুমি আছ কৃপাময়,
তুমি কাজী, তুমি কোরাণ আমার, তুমি যোর সমুদয়,
আমার মনের কথাটি তোমার কি আর জানাব আমি ?
তোমার অজানা কি আছে জগতে, তুমি অস্বয়ামী ।

* * * *

হৃদয়ে করেছি কাঁদিবার ঠাই, তোমার বিরহে স্বামী !
সাব্বনা, তাও রেপেছি স্নদয়ে যতনে লুকায়ে আমি ;
শত বঞ্জার আঘাতে পরাণ যতই পীড়িছ প্রভু !
অটল সদয়—প্রত্যয় তার ভাঙিয়া পড়ে না তবু ।

* * * *

মরণের বাণ এ দেহ-দেউল যখন করিবে চূর্ণ,
সেই মুহূর্ত্তে জীবন-পাত্র ভরিয়া হইবে পূর্ণ !
তখন হাফিজ সতর্ক থেকে, যবে লয়ে যাবে তুলি'
জীবন-গৃহের সব তৈজস ক্রমশঃ কালের কুলি ।

* * * *

ডেভিড সঙ্ঘকে বক্তব্য এই যে, ডেভিডের ভগবৎবুদ্ধি এবং রাম-প্রসাদের ভগবৎ-ধারণা আদৌ এক নহে । ডেভিডের 'সর্ড' বিশ্বের নেপথ্যে নেপথ্যে আনামাণ কোনও এক প্রবল-প্রতাপাধিত ব্যক্তিত্ব, যিনি, তাহাতে আনামান ব্যক্তিদিকে বিপণ্ডিত করেন, তাহার

প্রশংসাকারীদের শত্রু সংহার করেন এবং তদ্বিধাসী-জনকৃৎক সভা-সম্মিলিত্তে আপনার নাম বিধোষিত দেখিলে খুসী হইলেন। একটি স্তোত্র উদ্ধৃত করিতেছি,—

“Be not thou far from me, O Lord: O my strengtp,* haste thee to help me. Save me from the lion's mouth: for thou hast heard me from the horns of the unicorns. I will declare thy name unto my brethren: in the midst of the Congregation will I praise thee.”—ইহা সেই ধরণের স্তুতি, যাহা বলিতে চায়—“মা কালী, এই বিপদ থেকে আমায় উদ্ধার কর মা, আমি তোমাকে জোড়া মোষ খাওয়াবো।” ডেভিডের এই ভগবান্ ‘ভয়ঙ্কর’ বলিয়াই প্রশংসার্ত, ‘আনন্দ-স্বরূপ’ বলিয়া ভক্তি বরণীয় নহে। দুইটি—Ye that fear the Lord praise him: all ye the seed of Jacob glorify him; and fear him all ye the seed of Israil.”

বলা বাহুল্য যে, রামপ্রসাদের ভগবৎনিষ্ঠান সম্পূর্ণ অল্প শ্রেণীর,—এখানে ভক্তিই মুখ্য, * ভগবান্ গোণ,—রুদ্রয় হৃদয়ে ভক্তি উদ্বেকের প্রতীক বলিয়াই চিহ্ন দেয়া। ভক্তি যখন জাগিয়াছে, তখন নাম ও রূপ ঝরাইয়া লইয়া তিনি সরিয়া পড়িলেও লোকমান নাই, যতদূর তখন তিনি “রসো বৈ সঃ।”

ই ডেভিডের ভগবান্, বা “ভয়ে ভক্তি উদ্বেক করাইবার কর্তা” এ দেশেও যে প্রকারাচারে নাই, তাহা নহে। আনাদের শীতলা, মনসা, ওলাবিবি প্রভৃতি উক্ত জাতীয়। তাহা ছাড়া, সবুজ পত্র-সম্পাদক প্রমথ চৌধুরী মহাশয়ের ধারণা যদি সত্য হয়, তবে শাক্ত-সম্প্রদায়ের ‘শক্তি’সম্বন্ধীয় আদিম বৃদ্ধিও এই জাতীয়। “ধনঃ দেহি, যশো দেহি, দ্বিবা জাহ” —এই শাক্ত-প্রার্থনার মূলে যে মানসিকতা আছে, তাহা ই ডেভিডেরই নিকট আত্মীয়। তবে ই প্রার্থনা গুনিবামাত্র মনে হয়, যথোচিত প্রেমের অভাবেই মানুষ ধরিয়া লয় যে, এক দল বিদ্রোহী তাহার বিরুদ্ধে ষড়যন্ত্র করিয়া আছে, অতএব তাহাকে তনন করিবার জন্য গজাচক্ষু হওয়াই দরকার। এমন মনোবৃত্তির মূলে আধ্যাত্মিক ভীকৃত্যই বর্তমান। ‘অসি-ধরা, আর ‘বীণী-ধরা’ হাতের প্রভেদই এইখানে যে, ‘অসি-ধরা’ শত্রু ভীতিগ্রস্ত, হুতরাং মারমুণী; আর বীণী-ধরা ‘বেপরোয়া,’ কারণ, স্বভাবতঃই সে ধরিয়া লইতে পারিয়াছে যে, সে অজাতশত্রু।

শক্তি উপাসনার মূলে যে মনোভাব কাথাকারী হইয়াছিল, তাহা প্রমথ বাবুর মতে—এই,—

“Nature in Bengal is not always benign—she has also her angry moods. Ours is the land of earthquakes and cyclones, of devastating floods and tidal waves, we live face to face with the destructive forces of nature and it is impossible for us to ignore her terrible aspect. Shakta poetry represents the lyrical cry of the human soul in presence of all that is tremendous and death-dealing in the universe.”

প্রমথ বাবুর প্রচারিত এই মনস্তত্ত্বই যদি শাক্ত কবিতার প্রাণ হয়, তবে রামপ্রসাদের কবিতা অবশ্য শাক্ত-কবিতা নয়—খাঁটি বৈকব কবিতা। কারণ, ‘ভয়ঙ্করের সম্মুখে লুটাইয়া পড়া মনের’ কথা দূরে থাক, মনের সহজাত আনন্দ হইতে উৎসারিত ভক্তির আঘাতে সকল ভয় চূরনার করাতেই এগুলির বিশেষত্ব। শক্তির খাঁড়ীধরা ও সুগমলা-পরা একটা আকৃতি অনেক কবিতায় আছে

* “সকলের সার ভক্তি, মুক্তি তার দাসী।”—রামপ্রসাদ।

বটে, কিন্তু তীক্ষ্ণ প্রকৃতি এতই বদল হইয়া গিয়াছে যে, ই আকার একটা ‘সখ-পরিয়া-পরা মাজ’-বলিয়াই মনে হয়,—প্রকৃতিরই বাহুফুরণ বলিয়া মনে করা চলে না। প্রমথ বাবুও যে তাহা লক্ষ্য করেন নাই, এমন নহে; সেইজন্যই রামপ্রসাদ সম্বন্ধে তিনি বলিয়াছেন,—

“The Bengalee mind, however, humanised the motherhood of shakti, and the greatest of our shakti poets—Ramprosad—sang of her loving kindness in such simple and deep tones, that his songs are amongst the most popular in Bengal.”

রামপ্রসাদের হাতে শক্তির উগ্রমূর্ত্তি humanised হইয়া আসিবার কারণ সম্ভবতঃ এই যে, তিনি চৈতন্যদেবের humanitarian movement এর ২ শত বৎসর পরবর্ত্তী হওয়ার স্বভাবতঃই তাহার আবেগিনীর ভিতর দিয়া উক্ত মতবাদের সৌন্দর্য ও কোমলতা শোষণ করিবার অবকাশ পাইয়াছিল।

[ক্রমশঃ।

শ্রীবিজয়কৃষ্ণ ঘোষ।

মোগলযুগে আমোদ-প্রমোদ

গুরু রাজকাষাজনিত শ্রম ও অবসাদ অপনোদনকল্পে বিবিধ আমোদ-প্রমোদের প্রয়োজনীয়তা মোগল বাদশাহরা উপলব্ধি করিয়াছিলেন। তৎপূর্বে যুগয়া বা অস্বারোহণে কন্দু ক্রীড়া বাতিরেকে অপর কোন-রূপে সুখে সময় কাটাঁইবার উপায় দিবার সুলতানগণের আমলে ছিল কি না জানা নাই। প্রবল পরাশ্রয় ভারতের অধীশ্বর আকবরের রাজত্বকালে যে সব ক্রীড়া-কৌতুক প্রচলিত ছিল, তাহার বিবরণ সর্ব-পরিচিত ঐতিহাসিক আবুল ফজল তাহার লিপিত আইন-ই-আকবরীতে বিশদভাবে লিপিবদ্ধ করিয়া গিয়াছেন।

আবুল ফজলের বিবরণে সর্বপ্রথমে যাহা আমাদিগের দৃষ্টি আকর্ষণ করে, তাহা হইতেছে, “চোগান” বা আক্রমালকার পোলো (polo) খেলা-বিশেষ। শুনা যায়, আকবর স্বয়ং এই খেলায় পারদর্শী ছিলেন। আবুল ফজল এই ক্রীড়ার মুক্তকণ্ঠে প্রশংসা করিয়াছেন এবং ইহার একান্ত প্রয়োজনীয়তা বুঝাইতে চেষ্টা করিয়াছেন। অখচালনার দক্ষতা অর্জন করাই এই খেলার মূখ্য উদ্দেশ্য ছিল। “চোগান” খেলা হইত মাঠে দশ জন পেলোয়াড় লইয়া আর ইহাতে দল নির্ণয় করা হইত পাশা নিক্ষেপ করিয়া। প্রত্যেক পেলোয়াড়ের হস্তে “বল” লইয়া বাঁইবার নিমিত্ত একটি করিয়া দীর্ঘ দণ্ডের ব্যবস্থা ছিল। প্রতি ২০ মিনিট অন্তর দুইটি করিয়া পোলোয়াড় বদল হইত। কোন দল জয়লাভ করিলে “নাকরার” (চাকবিশেষ) ঘন নিনাদে জয় ঘোষণা করিত। সময়বিশেষে বাদশাহের আজায় এই খেলা রাজিকালেও হইয়াছে, এমনত দেখা যায়। অনন্ত স্মরণ রাখিতে হইবে যে, রাজিকালে খেলার সরঞ্জামে কিছু বিশিষ্টতা থাকিত। খেলিবার গোলক-গুলি (বল) অগ্নির দ্বারা প্রজ্বলিত হইত এবং চতুর্দিকে আলোর ব্যবস্থা করায় স্থানটাকে যে দিবসের স্তায় উজ্জ্বল দেখাইত, তাহা সহজেই অনুমেয়। সেইসঙ্গে আবদুল্লা খাঁ এই খেলার তত্ত্বাবধায়ক ও সর্ব্বায়ক কর্তা ছিলেন এবং তিনি সচরাচর “চোগান বেগী” বা চোগান খেলার পরিদর্শক বলিয়া অভিহিত হইতেন। আশ্রা হইতে প্রায় তিন মাইল ব্যবধানে পরিওয়ালী নামক স্থানে এই খেলার যারগা নির্দিষ্ট ছিল।

পারাবত উড্ডয়ন তৎকালীন এক উন্মাদনাজনক ক্রীড়ার মধ্যে পরিগণিত হইত। পারাবতগুলি যে কেবল কৌতুক নিমিত্ত ব্যবহৃত হইত, তাহা নহে। ইহার সচরাচর অতি নিপুণতা ও দক্ষতার

সহিত পত্রবাহকের কায করিত দেখা গিয়াছে। সুদূর ইরান বা তুরান হইতে তৎদেশীয় নৃপতিবৃন্দ স্থানীয় উৎকৃষ্টতম পারাবত আকবরের মনোরঞ্জনার্থ প্রেরণ করিতেন। গাত্রের বিস্তার বর্ণ, বিশিষ্ট দৈহিক গঠন ও কোণল, এইগুলির উপর প্রত্যেক পারাবতের নামকরণ নির্ভর করিত। নীল চীনা বাসনের মত গাত্রের বর্ণ হইলে তাহার নাম হইত "চীনা"; স্ফলের রং হইলে "আবি"; চন্দ্রের স্তার পুচ্ছাগ্র হইলে "মাহছুম", মশালের স্তার পুচ্ছাগ্র হইলে "মশানছুম।" "বাঘা" পারাবতের প্রভাতে লোকদিগকে নিদ্রা হইতে জাগ্রত করাই ছিল কায; দ্রুত আবর্জন গতির জন্ত "লোটন" বিখ্যাত ছিল; আর মৎক উন্নত করিয়া সর্গর্বে পাদচালনায় "লকা" ও বড় একটা "কেওকেটা" ছিল না। বোধ হয়, বলিতে হইবে না যে, শেবোক্ত দুইটি পারাবতের সহিত আধুনিক যুগেও সকলের পরিচয় আছে। বাদশাহ যখন রাজধানী ছাড়িয়া দেশত্রমণে বহির্গত হইতেন, তখন তাহার সঙ্গে এক পাল পারাবত থাকিত। আর এইগুলির তত্ত্বাবধানের ভার ছিল প্রায় ২ হাজার ভূত্যের উপর এবং তাহাদিগের মাসিক বেতন ২ হইতে ৪৮ টাকা পর্যন্ত নিরূপিত ছিল। আবুল ফজল তাহার পুস্তকে পারাবতগুলির নির্দিষ্ট খাদ্য কত ছিল বা তাহাদিগকে কি খাইতে দেওয়া হইত, ইহাও বিবৃত করিতে বিস্মৃত হয়েন নাই। লিখিয়াছেন যে, সাধারণতঃ প্রায় ১ শত পারাবতের জন্ত ৪ হইতে ৭ সের ধান্য বরাদ্দ ছিল।

তাসখেলাও আকবর বাদশাহের মনোযোগ আকর্ষণ করিয়াছিল এবং ইহাতেও তাহার মৌলিকত্ব ও বুদ্ধিমত্তা প্রস্ফুটিত হইয়াছে। তিনি খীর উর্দীর মস্তকজাত অস্তিনব প্রণালী দ্বারা খেলবার নিয়মাবলী প্রণয়ন করেন ও তাসগুলিকে নূতন করিয়া শ্রেণীবিভাগ দ্বারা নামকরণের আমূল পরিবর্তন করেন। সৌভাগ্যক্রমে আমরা সেই নূতন নামকরণের বিবরণ প্রাপ্ত হই। এই স্থানে বলা অসঙ্গত হইবে না যে, আধুনিক তাসখেলায় যেমন সর্বসম্মত ৫২খানি তাস, চার রঙের বা শ্রেণীতে বিভক্ত থাকে, মোগল যুগে (বিশেষতঃ আকবরের সময়ে) তাসের সংখ্যা ছিল ৮৮খানি এবং এইগুলি ৮ ভাগে বা set এ বিভক্ত ছিল। প্রথম সেটের নাম ছিল ধনপতি, ধনপতি স্বয়ং ছিলেন নিজের set এর সর্বশ্রেষ্ঠ, অর্থাৎ আজকালকার "টেকা" বা ace; তাহার অপরাপর অনুচরবর্গ ছিলেন, উজীর, মণিকার, তৌলকারক, মুদ্রাকারক, সঙ্গস্থল এগার জন ব্যবসায়ানুযায়ী প্রত্যেকেরই প্রাতমুহূর্ত্তে অঙ্কিত থাকিত। "দানকর্দা", সেই নামে পরিচিত শ্রেণীর অধীশ্বর ছিলেন এবং তাহার সহচরগণ ছিল উজীর, কাগজ প্রস্তুতকারক, দপ্তরী ইত্যাদি। "বাবগায়া বস্তুনির্মাণা", নিজের শ্রেণীর ছিলেন কর্দ্দা এবং তাহার উজীর বা অস্ত্রাণ্ড পরিষদগণের অভাব ছিল না। চতুর্থ শ্রেণী, "বাণাবানক", তাহার উজীর ও অনুচরবর্গ; পঞ্চম "স্বর্নদানকর্দ্দা", তাহার মন্ত্রী এবং অপার সহচরগণ প্রত্যেকেই টাকশালের ভূতা, ষষ্ঠ, "তরবারি অধাফ", উজীর ও আনুষঙ্গিক লোক লক্ষর, কেহ বর্ধ প্রস্তুতকারক, কাহারও বা কায কামান বা বন্দুক পরিষ্কার করা; সপ্তম, "মুকুবরাজ", তিনিও কম বাইতেন ন, কারণ, তাহারও মন্ত্রী বা পরিষদবর্গ সকলেই তাহার সভা আলোকিত করিত। এবং সর্বপরিণেষে অগ্রম শ্রেণীর নামকরণ বা সেই বিভাগের সর্বশ্রেষ্ঠ ছিল "দাসরাজ", ইহার অনুচর সকলেই ছিল "দাস", কেহ বসিয়া, কেহ বা শয়ন করিয়া, আর কেহ মদ্যপানে বা ভগবদ্ আরাধনায় রত—এই সকল চিত্রই সেই বিভাগের মূল চিত্রব্য।

উক্ত বিবরণ পাঠে আমাদের মনে প্রথমেই প্রশ্নের উদয় হয়, এই শ্রেণীগুলির উল্লিখিতরূপ বিভাগকরণ বা উক্তরূপ অঙ্কনের কোন কারণ ছিল কি না? আবুল ফজল স্বয়ং সে প্রশ্নের অতি সন্তোষজনক

উত্তর দানে আমাদেরিগকে অনাবশ্যক গবেষণা হইতে রেহা দিয়া গিয়াছেন। তাহার মতে এই বিভিন্ন বিভাগ বা চিত্র-অঙ্কনের মূল উদ্দেশ্য ছিল, প্রজাবর্গকে রাজত্বের অবস্থা বিজ্ঞাপিত করা বা রাজ্য শাসনব্যক্তি বিভাগগুলিকে চিত্রিত আকারে জনসাধারণের নয়ন-গোচর করা। বস্তুতঃ সাধারণ অজ্ঞ ব্যক্তির তদানীন্তন আর্থিক, রাজনৈতিক বা সামরিক অবস্থার আভাস এই তাস-ক্রীড়া সহযোগে অতি পরিষ্কার ভাবে জন্মগ্রহণ হইত। সুতরাং 'এক বখার—খেলা ও শিক্ষা দুই-ই হইত।

চৌপার (chaper) বা পাশাপেলা। ইহাও সেই যুগে আমোদ উপভোগের এক উপায়ের মধ্যে পরিগণিত হইত। কর্দ্দানাশা হইলেও ইহার যে উপকারিতা দেখা যায় না, তাহা নহে, কারণ, ইহা খেলোয়াড়দিগকে ক্রোধ দমন করিতে এবং সেই সঙ্গে সহিষ্ণু হইতে শিক্ষা দিত। ইহার খেলিবার উপকরণ বা ইহার নিয়মাদি জানিতে আমাদেরিগকে কষ্ট পাইতে হয় না। খেলিবার সময় উভয় পক্ষ বাজী রাখিত। অসঙ্গপারে বাহাতে কেহ জয়লাভ করিতে না পারে, তাহারও বিধিবাবস্থা ছিল। এমন কি, কোন খেলোয়াড় নির্দ্ধারিত সময়ের পরে ক্রীড়াক্ষেত্রে উপস্থিত হইলে, তাহার শাস্তি ছিল এক রৌপ্য মুদ্রা জরিমানা। খেলার সময় প্রতারণা নিষিদ্ধ ছিল। প্রত্যেককে এক স্বর্ণমুদ্রা "আকেন সেলামী" দিতে হইত। পাঠকবর্গ স্মরণ করিয়া আশ্চর্যান্বিত না হইয়া থাকিতে পারিবেন না যে, কখন কখন একটি "দান" প্রায় ৩ মাস পর্যন্ত খেলা হইয়াছে, এইরূপ দৃষ্টান্তের অভাব নাই, এবং সর্বাপেক্ষা কৌতুকজনক এই যে, খেলোয়াড়দিগের মধ্যে কাহারও খেলা সমাপ্ত হইবার পূর্বে বাটী খাওয়ার অসম্মতি ছিল না। অবশ্য বলা বাস্তব্য যে, তাহারা যে না খাইয়া খেলিত, তাহা নহে। তবে আহারের ব্যবস্থা ক্রীড়াক্ষেত্রেই করা হইত এবং আহাযাত্রব্য বোধ হয় খেলোয়াড় নিজেরা বাগি হইতে আনাইয়া লইত।

"চন্দনমণ্ডল" তৎকালীন অপর একটি ক্রীড়াবিশেষ ছিল, ইহাও অক্ষ সাহায্যে খেলা হইত এবং ইহার "ছক" দেখিতে ছিল বৃত্তাকার, ১৬টি সামান্তরিক ক্ষেত্র (parallelogram) দ্বারা বিভক্ত। স্মরণ রাখিতে হইবে যে, সাধারণতঃ ১৬ জন লোকের দ্বারা এই খেলা সম্পন্ন হইত। ইহা খেলিবার নিয়মাবলী আইন-ই-আকবরীতে বিশদভাবে লিপিবদ্ধ করা আছে। পাঠকবর্গের ধৈর্যচূড়ি ও প্রবন্ধ দীর্ঘ হইবার সম্ভাবনা হেতু সে সম্বন্ধে নীরব থাকিতে হইতেছে। অনুসন্ধিৎসু পাঠক-পাঠিকা উল্লিখিত পুস্তক পাঠ করিলে এই খেলার বিস্তারিত "আইন-কানুন" অবগত হইতে পারিবেন।

স্ত্রীলোকদিগের প্রমোদস্থানের মধ্যে আনন্দবাজারই ছিল বিশেষ উল্লেখযোগ্য। রত্নালঙ্কারভূষিতা বহুমূল্যবস্ত্রপরিহিতা অনুষ্যাম্পশ্রুক্রাণী সুলক্ষনীনিচয়ের আগমনে এবং তাহাদের ভূষণ-শিল্পনে ৬ স্তম্ভের কোলাহলে স্থানটি মুগ্ধিত ও মনোরম হইত। ক্ষেত্র বা বিক্রেতা সকলেই ছিলেন স্ত্রীজাতীয়। পুরুষদিগের সে স্থানে যাইবার নিয়ম ছিল না। কথিত আছে যে, আনীরওমরাহের বা মধাবিন্ত গৃহস্থের বালকবালিকাদিগের বিবাহাদির কথাবার্তা এই স্থানে সূচাক্রমে অনুষ্ঠিত হইত।

সে কালের শমিক বা শিল্প প্রদর্শনীও দর্শনীয় ছিল বলা যাইতে পারে। এই সব প্রদর্শনীতে নানা প্রদেশজাত শিল্পদ্রব্যাদি আনীত হইত। এই প্রকার শিল্পপ্রদর্শনী দ্বারা দেশজাত দ্রব্যের উত্তরোত্তর শ্রীবৃদ্ধি সম্পন্ন কথাই প্রধান উদ্দেশ্য ছিল। ইহা ব্যতিরেকে সেই যুগের শিল্পপ্রদর্শনীর আরও একটি উপকারিতা ছিল; তাহা এই যে, সাধারণ বা দরিদ্র ব্যক্তি—বাহাদের রাজদরবারের কর্দ্দারীদিগকে কিঞ্চিৎ দক্ষিণা না দিয়া প্রবেশলাভ করিবার উপায়ান্তর ছিল না,

তাহারা এই সকল ক্ষেত্রে বহুতে নিজের হুখ হুখের "বার্জি" বাদশাহের সম্মুখে "পেশ" করিবার প্রকৃষ্ট অবসর পাইত।

নব বয়ের প্রথম দিন এক সামাজিক উৎসবের অনুষ্ঠান হইত এবং ইহা বাতিরেকে পারস্ত দেশের প্রথা অনুযায়ী মাসের নাম অনুসারে দিনগুলিতে ভোজোৎসব সম্পন্ন হইত। বাস্তবিক এই সকল দিনে সারা দেশে আনন্দ-কোলাহলের সাড়া পড়িয়া বাইত। কি গরীব, কি গৃহস্থ, কি ধনী সকলেই প্রাণ পুলিয়া উৎসবে যোগ দিতেন। মনে হয়, হুঃখ-কষ্টকে উপেক্ষা বা ত্যাগিয়া করাই এই উৎসবগুলির উদ্দেশ্য ছিল।

রাজদেহ-তার নির্ণয় একটি বিশেষ পর্বের মধ্যে পরিগণিত ছিল। জুলাইয়ের এক ধারে বাদশাহ উপবেশন করিতেন এবং অপর ধারে তাহার দেহের পরিমাণ অনুসারে স্বর্ণ, রৌপ্য, তাম্র, ধূত, লৌহ, ধাতু, লবণ প্রভৃতি রক্ষিত হইত। অবশেষে এই দ্রব্যগুলি জাতি বা ধর্ম-নির্কির্ষেবে সাধারণে বিতরিত হইত। এই স্থানে পাঠক-পাঠিকা-দিগকে একটা কথা স্মরণ রাখিতে হইবে যে, প্রাচীন ভারতে হিন্দুরাজ-গণেরও আমলে এই প্রথা প্রচলনের দৃষ্টান্ত পাওয়া যায়। হববন্দন হইতে চতুর্পতি শিবাজী পর্যন্ত অনেক হিন্দু নরপতির রাজত্বকালে এই নিয়মের উদাহরণ পাওয়া যায়।

অপর একটি বিশেষ স্মরণীয় ও আনন্দময় উৎসবের দিনে বাদশাহ অপরাধীর অপরাধ ক্ষমা করিতেন ও রাজকর্মচারী বা সাধারণ ব্যক্তিকে তাহাদিগের সংকর্মানুযায়ী পুরস্কৃত করিতেন।

উল্লিখিত উৎসব বাতিরেকে শারীরিক শক্তির উৎকর্ষসাধনের নিমিত্ত আরোজনের ক্রটি দেখা যায় না। সিরিয়া, তুরান, গুজর প্রভৃতি দূরদেশাগত মল্লরথিগণ রাজ-দরবারে একত্র হইতেন। বাদশাহ তাহাদিগকে সাহায্য করিতে পরাগ্রহণ হইতেন না। তৎকালীন মল্লবীরগণ ইতিহাসের পৃষ্ঠে চিরস্মরণীয় হইয়া গিয়াছেন। বিশেষ উল্লেখযোগ্য বীরগণের নাম হইল। যথা,—মিরজা খা, মহম্মদ কুলা, গণেশ, শীরাম, বৈজনাথ, সাধুদরাল, কানাইহা, মহম্মদ আলা, কাসিম ইত্যাদি।

"সময়ের বাজ" বা তরবারি ফোড়ক তাহার অত্যন্ত ক্রাড়া-কৌশল বা তরবারি চালনার দক্ষতা ও সতর্কতা বাদশাহ, আমীর-ওমরাহ বা সাধারণের সমক্ষে দেখাইয়া সকলের মনে যুগপৎ ভীতি ও কৌতুক সঞ্চার করিত।

হস্তী, মৃগ, গরু, ঘোঁরগু, ভেড়া, ছাগল ইত্যাদির লড়াই তখনকার দিনে বিশেষ দ্রষ্টব্য ছিল। স্থানবিশেষে এখনও এই প্রথার কতক প্রচলন আছে। আকবর বাদশাহের প্রায় ষাটশ সহস্র 'লড়াইয়ে' হরিণ ছিল। প্রত্যেক মৃগকে এক পরিমাণ আহাধা দেওয়া হইত, তাহারও ব্যবহার ক্রটি সমসাময়িক ইতিহাস আইন-ই-আকবরীতে লক্ষিত হয় না।

এই গেল মোটামুটি মোগল যুগ, বিশেষতঃ আকবরের রাজত্ব-কালীন ভারতে প্রচলিত আমোদ-প্রমোদের একটি বিবরণ। পাঠক-পাঠিকাগণ হয় ত লক্ষ্য করিয়া থাকিবেন যে, ইহাদিগের মধ্যে কতকগুলি হিন্দু-আমলের পুরাতন বা নূতন পরিবর্তিত সংস্করণ, কতক বা মোগল আমলেরই বিশেষত্ব।

শ্রীকমলকৃষ্ণ বহু (এম্-এ অধ্যাপক)

একখানা প্রাচীন দলিল

কয়েক বৎসর পূর্বে ইংরেজ "সাহিত্য" পত্র "বঙ্গের সামাজিক ইতিহাসের এক পৃষ্ঠা" নামে এক প্রবন্ধ বাহির হয়। উহাতে প্রাচীন

কালের সামাজিক প্রথা, দাস-দাসী বিক্রয়, 'বাম্না-বাম্নী' দান প্রভৃতি নানা রকম দলিল-স্মারকের উল্লেখ ছিল। আমরা জানি, অতি অল্পকাল পূর্বে আসামের শ্রীহট্টাদি অঞ্চলে দাস-দাসী বিক্রয় হইত। সম্প্রতি কতকগুলি পুরাতন পুথির ভিতরে আমাদের বাড়ীতে একখানা প্রাচীন দলিলের খসড়া পাওয়া গিয়াছে। ইহাতে জানা যায় যে, ২০ বৎসর পূর্বেও ঢাকা জিলার বিক্রমপুর মহেশ্বরদী অঞ্চলে দাস-দাসীর বিক্রয় না হউক—পিতৃপুরুষের স্বর্গার্থে দাসদাসীসহ সম্পত্তির উৎসর্গ-আইন-বিগহিত বলিয়া পরিগণিত হইত না।

পাঠকগণের অবগতির জন্য আমরা নিম্নে দলিলখানা যথাযথ উদ্ধৃত করিলাম। মূল কাগজে কতিপয় অক্ষর উঠিয়া গিয়াছে এবং অনেক বর্ণান্তর আছে।

শ্রীহরি:

ইরাদি কির্দ শ্রীযুক্ত রাজমাধব শর্মা: ওরফে বামনানন্দ চক্রবর্তী হুদার চরিত্রে—

শ্রীশিবপ্রসাদ শর্মা ওরফে রুদ্ররাম শর্মা কস্ত লিখন: কাথাক আগে পরগণে নরুদ্রাপুর সরকার বাজুহার মহাল ধনেশা ভপে সদরাবান, আমার দৈহিত্ত জগবন্ধু মোতকা তালুক বনামে তালুক রতিদেব চক্রবর্তী পারিজা মারফত রামবাহুব সেন, জিলা শাদরাব শদ (৭) মবলগ ৩ টাকা ১৮ গণ্ডা সিকী লিখা যায়। এই তালুক মজকুর কিসমত বাগবাড়ী গএরহ ও মোতকা মজকুরের দাসদাসী গএরহ মিলিকরাত শাদ্র অনুসারে পণ্ডিত আনের বেবস্তামতে অধিকারী আমি হই। অতএব এই তালুক ও দাসদাসী মাল মিলিকরাত গএরহ ও মোতকা মজকুরের পিত্রি পিতামহ স্বর্গার্থে তোমাকে উৎসর্গ দিলাম।

আপনে তালুক মজকুরের সদর মালগুজারি আদার) পূর্বক দখলকার হইয়া তালুক মজকুর ময় দাসদাসী মাল মিলিকরাত গএরহ দান-বিক্রি ক্রাদিকারি হইয়া ও আপনে ও আপনার পুত্র পৌত্র (ক্রমে) যথেষ্ট বিনগ করিতে রহ। অতএ আপন খুসিতে বাজি বকরতে বহাল-দবিঅতে শ-উচ্ছা পূর্বে)ক উৎসর্গ দিলম।"

পাঠকগণ দেখিবেন যে, শ্রীশিবপ্রসাদ শর্মা উত্তরাধিকারহুত্রে প্রাপ্ত তাহার দৌহিত্রের সম্পত্তি শ্রীরাজমাধব শর্মা'কে দান করিতে-ছেন। দাতা শ্রীশিবপ্রসাদ 'শাদ্র অনুসারে পণ্ডিত আনের 'বেবস্তামতে' 'তালুক মজকুর কিসমত বাগবাড়ী, মোতকা মজকুরের দাসদাসী গএরহ' অধিকারী আছেন। হুতরাং তিনি আপনি খুসিতে বহাল তবিরতে স্বেচ্ছাপূর্বক উক্ত তালুক দাসদাসী মাল মিলিকরাত গএরহ রাজমাধব শর্মা'কে উৎসর্গ করিতেছেন। দাসদাসী সহ প্রাপ্ত সমস্ত সম্পত্তিতে তাহার সম্পূর্ণ অধিকার থাকিবে। রাজমাধব শর্মা পরে দাসদাসী বিক্রয় করিয়াছিলেন কি না, তাহা জানা যায় নাই। কিন্তু ইহা অনুমান করা অসুচিত হইবে না যে, তিনি উপহারস্বরূপ-শিব-প্রসাদ শর্মা হইতে কয়েক জন দাসদাসী পাইয়াছিলেন এবং দাস-দাসীগণও নিরাপত্তিতে এই দান স্বীকার করিয়াছিল।

পাঠকপাঠিকাগণ বোধ হয় লক্ষ্য করিয়াছেন, দলিলখানাতে লেখক বা সাকী কাহারও দস্তখত নাই। এমন কি, সন তারিখ পর্যন্ত উল্লিখিত নাই। আমরা পূর্বেই জানাইয়াছি যে, দলিলখানা একটি খসড়া (draft) মাত্র। তথাপি ইহার সন তারিখ আমরা ইহার অপর পৃষ্ঠার লিখিত আর একখানা খসড়া হইতে জানিতে পারি। খসড়াখানা এইরূপ,—

"অকে চৌদ টাকা

অকে মবলগ চৌদ টাকা সিকী শ্রীশিবপ্রসাদ শর্মা হইতে বন্দ দিলাম। মেজদ সন ১২৩১ সনের ২৫শে তৈজ। ইতি সন ১২৩১ ২৮ আসিনে।"

উক্ত দুইখানা পসড়াই এক হাতের লেখা। বোধ হয়, এক তারিখে এক বায়গাতে বসিগাই পসড়া দুইখানা প্রস্তুত হইয়াছিল। শ্রীশিব-প্রসাদ শর্মার নিবাস ছিল ঢাকা জিলার অধীন বিক্রমপুর পরগণার অন্তর্গত ফরসাইল গ্রাম। এই গ্রামের অধিকাংশ এখন বিশালা ধলেশ্বরীর অতল গর্ভে নিমজ্জিত। শিবপ্রসাদের বংশধরগণের বাড়ীও ধলেশ্বরী নদী প্রাস করিয়াছে।

নরুলাপুর ও বাগবাড়ী, মহেশ্বরদী পরগণাতে অবস্থিত। তাপে সদরাবাদ এবং জিলে শররাবাদ শব্দ (?) যে কোন স্থানকে বলা হইয়াছে, তাহা ঢাকার ইতিহাস, বিক্রমপুরের ইতিহাস, স্বর্ণ গ্রামের ইতিহাস প্রভৃতির আলোচকগণ সীমাংসা করিবেন।

শ্রীমুরেল্লমোহন ভট্টাচার্য।

বঙ্গালী সাহিত্যের একটি ধারা *

মুনাধিক ৪০ বৎসর পূর্বে মাতৃভাষার চর্চায় শিক্ষিত বঙ্গালীর অনুরাগ বশন ধীরে ধীরে জাগিয়া উঠিতেছিল, তখন ভারতীয় স্বর্ণ বীণার গুঞ্জনধ্বনি কর্ণে প্রবেশ করিলেও, অনেককে মুগ্ধ করিতে পারে নাই। ভক্ত-সেবকের সংখ্যা তখন মুষ্টিময় বলিলেই হয়। কবির রবীন্দ্রনাথ তখন ভাল করিয়া আসরে অবতীর্ণ হইয়া নাই। বঙ্কিমচন্দ্রের অমর প্রতিভা-স্বা মধ্যাহ্ন-গগনে প্রদীপ্ত আলোকরশ্মি বিকীর্ণ করিতেছিল। সাহিত্য-সম্রাটের লেপনী-নিঃসৃত মহাবাণী আশ্চর্যজনক বঙ্গালীজাতিকে উদ্ভুদ্ধ করিতে আরম্ভ করিয়াছে মাত্র। তখন বঙ্কিমচন্দ্রের উপস্থাপাবলী বাতীত, তারক বাবুর স্বর্ণলতা এবং রমেশচন্দ্রের 'শত বর্ষ' বঙ্গালার উপস্থাসরাজ্যের রত্নরূপ আলোক বিকার্ণ-কারতেছিল। কথা-সাহিত্যে তখনও ছোট গল্পের আমদানী হয় নাই। বঙ্কিমচন্দ্রের 'রাধারাণী,' 'যুগলাঙ্গুরীয়' এবং 'ইন্দ্র' নামক তিনখানি ক্ষুদ্র উপস্থাস তখন ছোট গল্পের রাজ্যে প্রথম প্রবেশ করিয়াছে।

বঙ্গালী তখনও ছোট গল্পের রসের সন্ধান ভাল করিয়া পায় নাই। রূপ, রস ও মাধুৰ্য-পূর্ণ কল্পনাসৌ গল্প-সাহিত্যে বঙ্গালী পাঠককে মুগ্ধ করিলেও বঙ্গালী সাহিত্যিক তখনও মাতৃভাষায় ছোট গল্প রচনা করবার প্রয়াস পান নাই। 'ভারতী ও বালকে' স্বর্ণকুমারী দেবীর ও কবি রবীন্দ্রনাথের যে সকল আপ্যায়িকা প্রকাশিত হইয়াছিল, উহাকেও ঠিক ছোট গল্পের পর্যায়ভুক্ত করা যায় না। যত দূর মনে পড়ে, পণ্ডিত মুরেশচন্দ্র সমাজপতি সম্পাদিত সুপ্রসিদ্ধ "সাহিত্য" পত্র "কল্পদানী" শীর্ষক অনুদিত গল্পটাই বঙ্গালী সাহিত্যের প্রথম ছোট গল্প। শ্রীযুক্ত প্রমথ চৌধুরী মহাশয় উহার রচয়িতা।

ইহার অব্যবহিত পরেই গল্প-সাহিত্যের যুগান্তরের কাল। কবির রবীন্দ্রনাথ তাঁহার পীণুবর্ষা লেখনীর সাহায্যে—অপূর্ব তুলিকাঘাতে ছোট গল্প রচনা করিতে আরম্ভ করেন। শ্রীমতী স্বর্ণকুমারী, শ্রীযুক্ত নগেন্দ্রনাথ গুপ্ত, দীনেন্দ্রকুমার রায়, স্বধীন্দ্রনাথ ঠাকুর তাঁহার সঙ্গে সঙ্গে নানা প্রকার বিচিত্র রসের উপাদানে ছোট গল্প লিখিয়া বঙ্গালী পাঠকবর্গের কৌতুহল উদ্দীপিত করিতে লাগিলেন। তদানীন্তন বঙ্গালী মাসিক পত্রের পৃষ্ঠে যোগ্য গল্প-সাহিত্যের রসধারা প্রবাহিত করিয়াছিলেন, তাঁহাদের মধ্যে রস রচনায় সিদ্ধহস্ত পণ্ডিত মুরেশচন্দ্র সমাজপতি, শ্রীযুক্ত প্রভাতকুমার, হেমেন্দ্রপ্রসাদ, জলধর সেন (রায় বাহাদুর), হরিসাধন, যোগেন্দ্রকুমার চট্টোপাধ্যায়, শৈলেশচন্দ্র

মজুমদার, মুরেল্লনাথ মজুমদার (রায় বাহাদুর), প্রকাশচন্দ্র দত্ত, নলিনী-মোহন মুখোপাধ্যায়, চারুচন্দ্র বন্দ্যোপাধ্যায়, নলিনীভূষণ গুহ প্রভৃতি উল্লেখযোগ্য। ৮ জ্যোতিষরঞ্জনাথ ঠাকুরের অনুদিত গল্পগুলি সাহিত্যের বিশিষ্ট সম্পদ। উপস্থাপ-রচনার সঙ্গে সঙ্গে গল্প সাহিত্য রচনার বাঙ্গালী সাহিত্যিকদিগের ঐকান্তিক অনুরাগ দিন দিন বর্দ্ধিত হইতে আরম্ভ করিল। শক্তিশালী লেখক-লেখিকাগণ কর্মক্ষেত্রে অবতীর্ণ হইলেন। শ্রীযুক্ত শরৎচন্দ্র চট্টোপাধ্যায়, নারায়ণচন্দ্র ভট্টাচার্য, সত্যেন্দ্রকুমার বসু, ফকিরচন্দ্র চট্টোপাধ্যায়, সৌরীন্দ্রমোহন মুখোপাধ্যায়, কণীন্দ্রনাথ পাল, যতীন্দ্রনাথ গুপ্ত, শ্রীযুক্ত খগেন্দ্রনাথ মিত্র, উপেন্দ্রনাথ গঙ্গোপাধ্যায়, মাণিক ভট্টাচার্য, শ্রীমতী অনুরূপা দেবী, শ্রীমতী নিরুপমা দেবী প্রভৃতি নানারূপে মানব-মনোবৃত্তির বিশ্লেষণে ছোট গল্পের সম্পদ বৃদ্ধি করিতে লাগিলেন। বাঙ্গালার গল্প-সাহিত্য পরিপুষ্ট-হইয়া উঠিল। বাঙ্গালী পাঠক ছোট গল্পের রসাম্বাদ করিয়া পরিতৃপ্ত হইতে লাগিল।

তাহার পর প্রাবনের যুগ। ক্রমে দলে দলে লেখক-লেখিকা গল্পের আসরে অবতীর্ণ হইলেন। মাসিক, পাক্ষিক, সাপ্তাহিক, দৈনিক—সকল প্রকার পত্রে তরুণতরুণীর দল গল্পের অন্বেষণে লইয়া মাতৃপূজায় অর্পিত হইলেন। তাঁহাদের সকলের নাম উল্লেখ করিবার স্থান এই ক্ষুদ্র প্রবন্ধে নাই। অনেকের রচনার প্রতিভা ও শক্তির পরিচয় স্থাপ্ত। এখনও বস্তার প্রবাহ পূর্ণ বেগে বহিতেছে। খণ্ড-কবিতার স্থায় ছোট গল্পের প্রাচুর্য বঙ্গালী সাহিত্যে ভারাক্রান্ত। দলে দলে লেখক-লেখিকা প্রতিদিনই সাহিত্য-কাননে সমবেত হইতেছেন। কিন্তু শক্তি সত্ত্বেও সকলের মধ্যে সাধনার সংযম দোষেতে পাওয়া যায় না। বর্তমানে বলা কঠিন, গল্পের পাঠক অথবা লেখক, কাহার সংখ্যা অধিক।

ছোট গল্পের দ্রুত উন্নতি ও পরিপুষ্টি সাধিত হইলেও এখানে একটা কথা উল্লেখ অপ্রাসঙ্গিক হইবে বলিয়া মনে হয় না। ত্রিশ বৎসরগামী সাহিত্য সেবার অভিজ্ঞতার ফলে আমার মনে এই ধারণা জন্মিয়াছে, বঙ্গালী পাঠক ছোট গল্পের ভুক্ত হইলেও উহার মধ্যাদা-রক্ষায় উদাসীন। মাসিক পত্রের পৃষ্ঠেই তাহার সমাদর; তাহার পর কদাচিত্বে সম্মান লাভ করিয়া থাকে। খণ্ড-কবিতা, ছোট গল্প—ছোট বলিয়াই কি সম্পূর্ণ কাব্য ও উপস্থাসের মত সমাদর লাভ করিতে পারে না?

প্রতীচ দেশে গল্প-সাহিত্যের অত্যন্ত সমাদর। ছোট গল্প রচনা করিয়া বহু সাহিত্যিক অক্ষয় বংশ, প্রভূত সম্মান, অসামান্য প্রতিপত্তি ও অর্থ লাভ করিয়াছেন। যুরোপ ও আমেরিকার তুলনায়, বঙ্গালী দেশে গল্প সাহিত্যে যেরূপ পরিপুষ্ট হইয়াছে, তাহাতে পৃথিবীর সাহিত্যে ছোট গল্পের আসরে তাহা মধ্যাদায় হীন নহে। নিরপেক্ষ তুলনামূলক সমালোচনা হইলে, সংখ্যার অনুপাতে না হউক, গুণের হিসাবে—শিল্প-চাতুর্যের ও রস-মাধুর্যের হিসাবে বঙ্গ-সাহিত্যের ছোট গল্প প্রতীচ দেশের ছোট গল্পের পাখে সমাদরে স্থান পাইবার যোগ্য, এ কথা অসঙ্কোচে বলিতে পারা যায়।

প্রতীচ্য পণ্ডিতগণ ছোট গল্পের যে সংজ্ঞা নির্দেশ করিয়াছেন, তাহাতে কাহিনী বা উপাখ্যানমাত্রকেই ছোট গল্প বলা চলে না। কোনও একটা মনোবৃত্তির বিকাশ, রসের পরিপুষ্টি প্রদর্শনই ছোট গল্পের উদ্দেশ্য। অঙ্গ পরিসরের মধ্যে কোনও একটা রসকে নিপুণতার সহিত ফুটাইয়া তুলি অসাধারণ শক্তির পরিচায়ক। মানব-চরিত্রে সম্যক জ্ঞান, গভীর অনুভূতি এবং প্রকাশক্ষমতা না থাকিলে ছোট গল্প রচনা করা সম্ভবপর হয় না। উপন্যাস-রচনায় লেখক কোনও চরিত্রকে ফুটাইয়া তুলিবার যে অবকাশ পান, ছোট গল্প-লেখকের পক্ষে সে অবকাশ নাই। তাহাকে অঙ্গ পরিসরের মধ্যে তুলিবার চাই চারিটা রেখাপাতের সাহায্যে মানব-মনের গোপন তথ্যটি অঙ্কিত

* বাহুড়িয়া বাণী-সম্মিলনের প্রথম বার্ষিক অধিবেশনে পঠিত সভাপতির অভিভাষণ হইতে গৃহীত।

করিতে হয়। উৎকৃষ্ট চিত্রকর ও উৎকৃষ্ট গল্প-লেখক একই শ্রেণীর ভাবুক। ইঙ্গিতই তাঁহাদের শ্রেষ্ঠ সম্পদ।

করাসী সাহিত্য এই শ্রেণীর ছোট গল্পের সম্পদে পরিপূর্ণ। এ বিষয়ে সমগ্র সৃষ্টাজাতি করাসী সাহিত্যের কাছে ধনী। বঙ্গালা সাহিত্য করাসী সাহিত্যের ন্যায় ছোট গল্পের সম্পদে পরিপূর্ণ না হইলেও এ কথা অকুণ্ঠচিত্তে বলা যায় যে, বঙ্গালা সাহিত্যিকগণের মধ্যে শক্তিশালী ছোট গল্প-লেখক আবির্ভূত হইয়াছেন এবং তাঁহাদের রস-রচনা কালজয়ী হইয়া সাহিত্যে অমরত্ব লাভ করিবে; তবে এইরূপ সাহিত্যিকের সংখ্যা অল্প, তাহাও অস্বীকার করিবার উপায় নাই।

বড়ই আশা ও আনন্দের কথা, আমাদের আরাধা ভাষা-জননী এখন দরিদ্রা, নিরাশ্রয় নহেন। বঙ্গের কৃতী সম্মানগণ নানা উপচারে মায়ে পূজ্য অবস্থিত হইয়াছেন। বিবিধ রত্নাভরণে তাঁহার অঙ্গ হইতে মৌল্যধোর অপূর্ণ প্রভা বিচ্ছুরিত হইতেছে। দর্শন, বিজ্ঞান, ইতিহাস, কাব্য, উপন্যাস—কথা-সাহিত্যের নানা পুরে শক্তিশালী লেখকগণ অপূর্ণ রচনাসম্মার আহরণ করিয়া আনিতেছেন। বর্ণ ও তুলিকার স্পর্শে চিত্রশিল্পীরা কল্পনার মারালোক সৃষ্টি করিতেছেন। কিন্তু একটা কথা আমাদের বিশেষভাবে স্মরণ রাখিতে হইবে। জাতীয়তাবৈশিষ্ট্য হারাইলে চলিবে না। জাতির বৈশিষ্ট্যই তাহার পরিচয়। কাব্য, উপন্যাস, গল্প ও চিত্রে জাতির বিশিষ্ট পরিচয় প্রকটিত হইয়া অনন্তকাল ধরিয়া সেই জাতিকে অন্য জাতি হইতে বিভিন্ন বলিয়া বুঝিতে শিখায় এবং তাহার স্বাতন্ত্র্যকে গৌরবমণ্ডিত করিয়া তুলে। বঙ্গালায় একটা বৈশিষ্ট্য আছে, বঙ্গালা জাতির একটা স্বতন্ত্র ভাবধারা আছে। সেই স্বতন্ত্র্য, বৈশিষ্ট্যই বঙ্গালা জাতির পরিচয়। বঙ্গালা সেই ভাবধারাকে হারাইতে প্রস্তুত নহে। উচ্চ অশুভিত হইলে বঙ্গালীকে আর কেহ চিনিতে পারিবে না। তাহার পরিচয় নাই, তাহার জীবনেরও কোন সার্থকতা থাকিতে পারে না। বঙ্গালার চিত্রশিল্পী মনীষীরা আমাদের এই কথা কায়মনোবাক্যে স্মরণ রাখিবার জন্য পুনঃ পুনঃ অনুরোধ করিয়াছেন। সাহিত্য-সম্রাট বঙ্কিমচন্দ্র, দেশবন্ধু চিত্তরঞ্জন আত্মবিস্মৃত বঙ্গালা জাতিকে এই কথা বারংবার মনে করাইয়া দিয়াছেন। স্বামী বিবেকানন্দ নবজাগৃত বঙ্গালীকে সত্যভাবে সেই ভাবধারাকে অক্ষয় রাখিবার উপদেশবারী শুনাইয়া গিয়াছেন।

কিন্তু সত্যের অনুরোধে, গভীর দুঃখের সচিত স্বীকার করিতে হইতেছে, বঙ্গালা সাহিত্যিকদিগের মধ্যে সকলেই সর্বপ্রথমে জাতির ভাবধারাকে অক্ষয় রাখিবার চেষ্টা করিতেছেন না। কেহ কেহ প্রতীচোর ভাবধারার প্রবাহকে বঙ্গালার পবিত্র ভাগীরথী প্রবাহে মিশাইয়া দিয়া বঙ্গালা জাতিকে বিক্রম করিতেছেন। তথাপিও 'আর্টের' দোহাই দিয়া তাঁহারা গলিত, দুর্গন্ধ, পচা মালের আমদানী করিতেছেন। 'আর্ট' বলিতে রূপ বা রস বুঝায়। সৌন্দর্য—রূপ বা রস, সত্য ও শিবকে ছাড়িয়া থাকিতে পারে না। যাহা সত্য, তাহা শিব ও সন্দর। যাহা শিব, তাহা সত্য ও সন্দর। যাহা সন্দর, তাহা শিব ও সত্যের আলোকে সদা প্রদীপ্ত ও মধুর। যাহা বাস্তব ও সমস্তির পক্ষে অকলাণকর, তাহা জাতির পক্ষে অশিব, তাহা কোনও মতেই সন্দর হইতে পারে না। যুরোপের মাপকাঠি দিয়া ভারতবর্ষের ভাবধারাকে—বঙ্গালীর চিত্র ও জীবনধারা পরিমাপ করিলে চলিবে না। যুরোপ ও ভারতবর্ষ এক নহে, এক হইতে পারে না। যে দেশের নারীর মাতৃভ্রম চরম স্কুর্ভই বিশেষত্ব, যেখানে নানাভাবে মাতৃপূজার ব্যবস্থা, যে জাতি সকল অনুষ্ঠানেই মা'কে দেখিতে পায়, তাহার সেই ভাবধারাকে নূতন খাতে বণাইয়া দিবার চেষ্টা শুধু নির্ভীকতার পরিচায়ক নহে, ঘোরতর দেশ-দ্রোহিতার নিদর্শন।

মাতৃপূজার এমন বিচিত্র ও মহান আয়োজন কোন্ দেশে আছে? দেশজননীকে, শক্তিরূপিনী মশভূজার মূর্তি গড়িয়া পূজা, সৌভাগ্য-লক্ষ্মীকে উন্মিরাক্রমে আরাধনা, বিদ্যা ও জ্ঞানকে সৌভাগ্যিনী ভারতীরূপে কল্পনা করা, মনসা, বগী, শীতলা প্রভৃতি নানাভাবে জাতির মনে মায়ে রূপ ফুটাইয়া রাখিবার ব্যবস্থা কোন্ দেশে আছে? বঙ্গালা বুঝিয়াছিল, মা-ই জাতির সর্বধ। তাই নারীকে সর্বপ্রকারে মাতৃভাবে দর্শন করিবার ব্যবস্থা। জাতির দুর্ভাগ্যক্রমে নানা ভাগ্যবিপঘাঘের কলে বঙ্গালা এখন নারীকে মা বলিয়া ভাবিতে ভুলিয়া গিয়াছে।

কথা সাহিত্যের মধ্যে দ্রুত আবর্জনার প্রাচুর্য ঘটিতেছে। বস্তু-তন্ত্রগীণ জীবনযাত্রার চিত্র, শব্দের আড়ম্বরে, লিপি-চাতুর্যের প্রভাবে বঙ্গালা পাঠকগণের সম্মুখে বাস্তব চিত্র বলিয়া উপস্থাপিত করা হইতেছে। সুবিশিষ্ট বঙ্গালাদেশে, কোটি কোটি নরনারীর মধ্যে যে জীবনধারার কোনও সন্ধান পাওয়া যায় না—যাহা অবাস্তব, অপ্রকৃত, অসামাজিক এবং জাতির চিরস্থল সংস্কারের বিরোধী, এমন অনেক চিত্র ইদানীং বঙ্গালা সাহিত্যে, মিথ্যা রূপ গ্রহণ করিয়া প্রবেশ করিতেছে। বিনাতী মূর্তিকে জাটকোট, গাটন ছাড়াইয়া ধৃতি, জামা ও শাড়ী পরাইলে তাহা কি বঙ্গালীর মূর্তি বলিয়া বিবেচিত হইতে পারে? প্রত্যেক দেশের একটা আবহাওয়া আছে, প্রত্যেক জাতির একটা পারিপার্শ্বিক আবেষ্টন আছে, একটা চিরস্থল সংস্কার আছে। মনোবৃত্তি সেই আবহাওয়া, পারিপার্শ্বিক আবেষ্টন এবং চিরস্থল সংস্কারের প্রভাব হইতে মুক্ত হইতে পারে না—হওয়া সম্ভবপর নহে। একই প্রেম, স্নেহ, ভক্তি প্রভৃতি চিরস্থল সত্য হইলেও তাহার বিকাশ, সর্বাঙ্গীণ স্কুর্ভি একই ভাবে সকল দেশে সম্ভবপর কি না, আপনারা সুধীজন বিবেচনা করিয়া দেখিতে পারেন। সম্মানের প্রতিমাতার বাৎসল্য মানব মনের চিরস্থল সত্য হইলেও তাহার প্রকাশ যুরোপে যে ভাবে দেখা দেয়, ভারতবর্ষে কি তাহার প্রকাশে কোনও বৈচিত্র্য নাই? আকাশে মেঘ জমিয়া কোনও দেশে বৃষ্টিরূপে দেখা দেয়, আবার কোথাও বা তুষারপাত হইয়া মেঘ অশুভিত হয়। প্রকৃতির খেলা-ঘরে এ বৈচিত্র্য যখন নানা ভাবে দেখিতে পাওয়া যায়, তখন মানব-মনোবৃত্তিও পারিপার্শ্বিক অবস্থার প্রভাবে বিচিত্রভাবে, বিশিষ্টরূপে তাহার কার্য করিবে না কেন? বঙ্গালা সাহিত্যিককে এই বৈশিষ্ট্যের প্রতি অবহিত হইয়া রচনায় অগ্রসর হইতে হইবে।

কথা-সাহিত্যের জায় চিত্রশিল্পেও অনাচার প্রবেশ করিয়াছে। এক একখানি চিত্র এক একটি খণ্ডকাব্য বা ছোট গল্প। চিত্রাঙ্কনে শিল্পীরা ইদানীং সমধিক নৈপুণ্য প্রকাশ করিতেছেন, কিন্তু তাঁহাদের মধ্যে অন্বেকেই বঙ্গালার ভাবধারাকে উপেক্ষা করিয়া চলিয়াছেন। নগ্নতাকে তাঁহারা এমনই ভাবে চিত্রের আদর্শ করিয়া তুলিয়াছেন যে, বঙ্গালা মা লজ্জার অধোবদন। বঙ্কিমচন্দ্র বলিয়াছেন, 'অনুকরণ গালি নহে,' কিন্তু যে অনুকরণে জাতির বৈশিষ্ট্য বিলুপ্ত হয়, তাহা কখনই আদর্শ হইতে পারে না, তাহাতে কলাগণও ঘটে না। প্রতীচোর মোহে অনেকে এমনই উদ্ভ্রান্ত যে, তাঁহারা মনে রাখেন না যে, তাঁহারা বঙ্গালার ঘরের চিত্র অঙ্কিত করিতেছেন।

বঙ্গালা সাহিত্যে এখন নিরপেক্ষ সমালোচকের অভাব। সম্যক-রূপে আলোচনা করিবার শক্তি ও সাহস ইদানীং বঙ্গালা সাহিত্যিক-গণের মধ্যে তেমন দেখিতে পাওয়া যায় না। সাহিত্যকে নিয়ন্ত্রিত করিতে হইলে প্রকৃত সমালোচনার প্রয়োজন। এই গুরু দায়িত্ব সম্পাদন করিবার ক্ষমতা বঙ্গালা সাহিত্যিকগণের মধ্য হইতে অন্ততঃ কয়েক জনকে সমালোচকরূপে নির্দ্বন্দ্বিতা আবির্ভূত হইতে হইবে। সাহিত্য ও চিত্রে যে বীভৎস রসের প্রাবল্য বহিতেছে, তাহাতে

বঙ্গালার পুরুষ, নারী—মাতৃ, জাতীয়তা সবই ভাঙ্গিয়া বাইতেছে, দেশাত্মবোধ, জাতীয়তা বাহাদের মধ্যে জ্বলিয়াছে, স্বাভাবিক কল্যাণ-করে বাহাদের অনুরাগ আছে, তাঁহারা আর উদাসীন না থাকিয়া জাতীয় সাহিত্যের গতিপথ নির্ধারিত করিয়া দিল। বসিয়া বসিয়া শুধু আক্ষেপ করিবার দিন আর নাই। স্ট্রটবাহিতার দিন আসিয়াছে। পণ্ডিত সমাজপতির বিরোধানের পর বঙ্গালী সাহিত্যের সমালোচনা এক প্রকাব অন্তর্হিতই হইয়াছে। সত্য কথা বলিয়া অস্ত্রের অপ্রিয়ভাষন হইবার আশঙ্কায় কেহ সাহিত্য-সমালোচনার অগ্রসর করেন না। সংপ্রতি দুই একখানি মাসিকপত্রে সংক্ষিপ্ত মন্তব্যের সূত্রপাত হইয়াছে, কিন্তু তাহাও পধ্যাপ্ত নহে। আরও বিস্তৃতভাবে সমালোচনার প্রয়োজন।

আমার ও আমার পূর্বপুরুষগণের জন্মভূমি এই বসিরহাট মহকুমায় যে সকল সাহিত্যিক জন্মগ্রহণ করিয়াছিলেন, তাঁহাদের নাম স্মরণ করা আমার কর্তব্য। মাতৃভাষার চর্চা করিয়া তাঁহারা আমাদিগকে পথ দেখাইয়া গিয়াছেন। সাহিত্যের বিভিন্ন বিভাগে স্ব স্ব শক্তি অনুসারে তাঁহারা বাহা দান করিয়া গিয়াছেন, তাহা উপেক্ষণীয় নহে। কবিরচয় কবীর "উজীর-পুত্র", যোগেন্দ্রনাথ ঘোষের "বঙ্গের বীরপুত্র", "স্বপ্ন-মরীচিকা", "জ্ঞানবিকাশ", হরলাল রায়ের "ইন্দুমতী" প্রভৃতি, জ্ঞানচন্দ্র রায়ের "বীন-তরু", "গো-তরু" প্রভৃতি, পণ্ডিত কালীচরণ বেদান্তবাসী মহাশয়ের "পাতঞ্জল দর্শন" প্রভৃতি, কৃষ্ণচন্দ্র রায় চৌধুরীর নানাবিধ নাটক, সতীশচন্দ্র রায় চৌধুরীর "বঙ্গীয় কায়স্থসমাজ" বঙ্গ সাহিত্যের সম্পদ। সৃগাধর রায় দীর্ঘকাল "দাসীর" সেবার আত্মনিয়োগ করিয়াছিলেন। তাঁহারা আজ লোকাভরে; কিন্তু তাঁহাদের রচনা-সম্পদ আমাদিগকে এলুক ও উৎসাহিত করিবে না?


এই মহকুমায় বহু সাহিত্য-সেবীর উদ্ভব হইয়াছে। এখনও বহু সাহিত্যিক তাঁহাদের লেখনী চালনা করিয়া বঙ্গভাষার সম্পদ বৃদ্ধি করিতেছেন। সুপ্রসিদ্ধ হান্তরসিক শ্রীযুত অমৃতলাল বসুর নাম কোন্ বঙ্গালীর অপরিচিত? তাঁহার রচিত নানা নাটক, প্রহসন এবং রস-রচনা প্রতিদিন বঙ্গালী পাঠকের চিত্তবিনোদন করিয়া থাকে। সুপ্রসিদ্ধ ঐতিহাসিক শ্রীযুত নিখিলনাথ রায় 'মুরশিদাবাদ-কাহিনী', 'মুরশিদাবাদের ইতিহাস' প্রভৃতি নানা গ্রন্থ রচনা করিয়া ইতিহাসের ভাণ্ডারে অমূল্য সম্পদ দান করিয়াছেন। "বৈকব্য", "বাদশা পিতৃ", "প্রজাপতি" প্রভৃতি সুপাঠ্য সুস্বপ্ন বিচিত্র উপন্যাস এবং "ভারত-ভ্রমণ" প্রভৃতি রচনা করিয়া শ্রীযুত সত্যেন্দ্রকুমার বসু অশেষ বণঃ উপাঙ্কন করিয়াছেন। সাহিত্যের তপোবনে সাধনা করিয়া সিদ্ধিলাভের পর এখনও নবোদ্ভবে তিনি বঙ্গালীর সাহিত্য-ভাণ্ডারে অজস্র রত্ন উপহার দিতেছেন। "রিজিয়া" প্রণেতা শ্রীযুত মনোমোহন রায় এখনও তপস্বী করিতেছেন। মৌলবী সহিদুল্লাহ ভাষাতত্ত্বের আঙ্গোচনার সমাধিস্থ। বৈকব্য কবি শ্রীযুত ভুজঙ্গধর রায় "গোধূলি", "রাকা" প্রভৃতিতে মাধুর্য-রস সৃষ্টি করিয়া এখন বৃন্দাবনের নানা বিচিত্র কাহিনী শুনাইতেছেন। শ্রীমান্ দ্বিজেন্দ্র রায় চৌধুরী "গ্রীক দর্শন" রচনার পর ঐতিহাসিক তথ্যের সন্ধানে ব্যাপ্ত। সুকবি মুনীন্দ্রনাথ ঘোষের বীণা এত দিন পরে চিরকালের জন্ত নীরব হইয়া গেল। এই সাধক কবি অপূর্ণ প্রতিভা লইয়া জন্মগ্রহণ করিয়াছিলেন। কৈশোর

হইতে তিনি বীণা বাজাইতে আরম্ভ করেন। প্রায় ৩৫ বৎসর ধরিয় নানা ছন্দে, বিভিন্ন সুরে অতি মধুর সঙ্গীত-ধ্বনি শুনাইয়া ব্যাধিপীড়িত, দারিদ্র্য-লাহিত কবি আজ অনন্ত নিত্রার নিত্রিত। শুধু মাসিকপত্রের পৃষ্ঠেই তাঁহার রচিত অসংখ্য কবিতা রহিয়া গেল।

নবীন কবি শ্রীযুত বতীন্দ্রনাথ মুখোপাধ্যায়, বিজয়মাধব মণ্ডল, সাদাৎ হোসেন প্রভৃতি বঙ্গ-ভারতীর সেবার আত্মনিয়োগ করিয়া আছেন, তাঁহাদের সাধনা সার্থক হউক। "পল্লী-বাণী" প্রচারকালে বসিরহাট মহকুমার অনেকগুলি সাহিত্যসেবীর সন্ধান পাওয়া গিয়াছিল। কবি শ্রীযুত সতীশচন্দ্র চক্রবর্তী, শ্রীমতী স্বর্ণপ্রভা মজুমদার, শ্রীমান্ সুরেন্দ্র দত্ত, শ্রীমান্ হিরণকুমার রায় চৌধুরী, শান্তিকুমার রায় চৌধুরী প্রভৃতি সাহিত্যসেবার রত আছেন। শ্রীমান্ অমলকুমার দত্ত মাসিক পত্রে মাঝে মাঝে দেখা দিয়া থাকেন। শ্রীযুত শরৎচন্দ্র-রায় চৌধুরী আইনের কূটতর্ক লইয়া বিত্রত হইয়াও মাঝে মাঝে বঙ্গবাণীর চরণে অঘা লইয়া উপস্থিত করেন। "পল্লীবাণীর" শ্রীযুত যোগেন্দ্রনাথ রায় চৌধুরী ইতিহাসের সেবা করিতেছেন। শ্রীমান্ কুমুদচন্দ্র রায় চৌধুরী "বঙ্গবাণী"র সেবার সমগ্র অবসরকাল নিয়োগ করিয়াও 'দেশবন্ধুর জীবন-কথা' প্রভৃতি রচনার নিযুক্ত আছেন। শ্রীমান্ বিভাসচন্দ্র কাব্য-লক্ষীর আরাধনা করিতেছেন। শ্রীযুত সতীশচন্দ্র বসু "নির্মলা" ও "সাহিত্য"র যুগে বঙ্গবাণীর সেবার আত্মনিয়োগ করিয়াছিলেন। ইদানীং তাঁহার বীণা নীরব। শ্রীযুত মতীন্দ্রমোহন বসু মাসিক পত্রে নানা প্রবন্ধাদি লিখিয়াছিলেন।

শরভের মঙ্গলস্পর্শ আজ আকাশে, বৃক্ষপত্রে, নদীর জলে স্বপ্নের ঠাণ্ডা রচনা করিয়াছে। শারদ লক্ষীর বন্দনা-গান-মুখরিত পল্লী-প্রান্তের মধুর দৃশ্য দীন সাহিত্য-সেবীর নয়নকে মন্ত্রমুগ্ধ করিয়া রাখিয়াছে। আমাদের এই জন্মভূমির নানা অতীত গৌরবের বিশ্বতপ্রায় কাহিনী আজ নুতন করিয়া আমার চিত্তকে অভিভূত করিতেছে। নবীন কবি ও ঔপন্যাসিক, ঐতিহাসিক—আপনারা এই মাটির অন্তর্নিহিত অতীত কাহিনীর গুণ্ডনধ্বনি শুনিতে পাইতেছেন না? বৃক্ষরাজশোভিত, ফলফুলপূর্ণ আনন্দ-উদ্ভান কেমন ধরিয় আজ কসাড়বনে পধ্যবসিত হইয়াছে, স্বাস্থ্যসম্পদপূর্ণ পল্লী অরণ্যে পরিণত হইয়াছে, সুস্থ সবল দেশবাসীর দেহ রোগ-জীর্ণ অস্তিত্বসার হইয়াছে—প্রাচুর্ষ্য ও পরিপূর্ণতার শ্রী অভাব ও দেশের মলিনতার আঘিল হইয়াছে, তাহার মর্মান্তিক, ব্যথিত স্বর আপনাদের কর্ণে প্রবেশ করিতেছে না কি? মায়ের সন্তান হইয়া আজ মায়ের জাতিকে কলুষিত দৃষ্টিতে অপবিত্র করিবার ছুঁতাপা ঘটিয়াছে বলিয়া কি ক্লান্ত ও দুঃখে জন্ম বিদার্য হইয়া বাইতেছে না? কবি, তোমার বীণায় নুতন রাগিণীর স্বকার তুলিয়া জাতিকে বীরবাণী শুনাও; ঔপন্যাসিক, তোমার লেখনী মাতৃবন্দনার পবিত্র চিত্রে অঙ্কিত করুক। রূপ ও রস, উজ্জ্বলচিত্ত কদম্বা লালসার পুতিগন্ধবিশিষ্ট বীভৎস চিত্রে ব্যতিরেকেও বিচিত্র মহিমায় ফুটিয়া উঠিতে পারে, তাহা দেখাইয়া দাও। বঙ্গালার প্রাণ, বঙ্গালার ভাবধারা বঙ্গালীর হৃদয়ে বহাইয়া দাও। জাতি আবার নুতন করিয়া গড়িয়া উঠুক। বঙ্কিমচন্দ্র চিত্তরঞ্জন, বিবেকানন্দের গন্ধকে সার্থক করিয়া তুল। যদি তাহা না পার, তবে ব্যর্থ চেষ্টার দ্বারা সাহিত্যের তপোবনে অমেধ্য বস্তু সংগ্রহ করিয়া তাহার পবিত্রতাকে নষ্ট করিও না।

শ্রীমরোজননাথ ঘোষ।



প্রায়শ্চিত্ত

এনট্রাল পাশ করিয়া পবিত্রকুমার কলেজে পড়িবার চেষ্টার কলিকাতায় আসিল। বাড়ীর অবস্থা বড়ই খারাপ, তবুও তাহার পড়িবার বিশেষ ইচ্ছা ছিল। তাই প্রাইভেট টিউসনি করিয়া ও বড়লোকের সাহায্য যোগাড় করিয়া পড়াশুনা করিবার চেষ্টা দেখিতে লাগিল; কিন্তু কিছু দিন কলিকাতায় থাকিয়া বি. এ, এম, এ, পাশকরা ছেলেদের অবস্থা যখন সে বুঝিতে পারিল, তখন পড়াশুনার চেষ্টা ত্যাগ করিয়া চাকুরীর চেষ্টায় লাগিল।

তাহার এক জন আত্মীয় পুলিশে বড় চাকুরী করিতেন। তাহার রূপায় পুলিশে অনেকের চাকুরী হইয়াছে, এবং পবিত্রকুমারের হইবার আশা ছিল; কিন্তু সে পুলিশে চাকুরী করিতে অস্বীকৃত হইল। অন্তত যথেষ্ট চেষ্টা করিয়া এক বৎসর নানারূপ কষ্টে কাটাইয়া যখন আর কোন উপায়ই দেখিল না, তখন বাধ্য হইয়া সে পুলিশের চাকুরী গ্রহণ করিল, এবং কিছু দিন পরে দারোগারূপে বাঙ্গালা দেশের কোন থানায় প্রেরিত হইল।

পবিত্রকুমারের কাকা চিরজীবন দারিদ্র্যে কাটাইয়া, শেষজীবনে ভাইপো দারোগা হইল দেখিয়া, সত্বরই খড়ের বরকে ইষ্টকময় গৃহে পরিণত করিবার সুখস্বপ্ন দেখিতে লাগিলেন এবং প্রত্যেক পত্রে তাঁহার মূর্খ ভাইপোটিকে পরসাদ জিনিষটা চিনিতে উপদেশ দিতে লাগিলেন ও তাঁহার পরিচিত কে কে পুলিশে চাকুরী করিয়া বড় বড় সম্পত্তি কিনিয়াছে এবং কে পুলিশের সামান্ত কনেষ্টবল হইয়া তাহার স্ত্রীর সর্বস্ব সোনার গহনায় মুড়িয়া দিয়াছে, তাহার উদাহরণও বখা-সাধ্য দিতে লাগিলেন।

পবিত্রকুমার বিশেষ মিতব্যয়িতার সঙ্গে নিজের ব্যয় চালাইয়া মাহিনার টাকা হইতে যে কয়টি টাকা বাঁচিত, তাহা মাস মাস কাকাকে মণি-অর্ডার করিয়া পাঠাইয়া দিত। কাকা মনে করিতেন—ভাইপো আমার আজ-কাল পুলিশে ঢুকিয়া চালাক হইয়াছে,—টাকা নিজের

কাছে জমাইতেছে। তাই সেই জমান টাকা হইতে কিছু মোটা টাকা হাত করিবার জন্য সর্বদাই ভাইপোকে কিছু বেশী করিয়া টাকা পাঠাইতে লিখিতেন, এবং বেশী টাকার প্রয়োজনেরও নানারূপ কারণ প্রদর্শন করিতেন। পবিত্রকুমার সে সব কথার কোন উত্তর না দিয়া নিজের ধারণামত কর্তব্য পালন করিয়া যাইত।

এক বৎসর পরে পবিত্রকুমার বাড়ী আসিল। কাকা মনে করিলেন, কতকটা মোটা টাকা সেভিংস ব্যাঙ্ক হইতে উঠাইয়া নিশ্চয়ই সে সঙ্গে আনিয়াছে, এবং এই-বার বাড়ীতে দালান দিবার জন্য ইটের মিস্ত্রী শ্রমা-চরণকে হাতে দেখিতে পাইয়া সত্বর তাহাকে তাঁহার বাটীতে দেখা করিতে বলিলেন। কিন্তু কাকা যখন দেখিলেন যে, সে মাসিক যে কয়টি টাকা পাঠায়, তাহাই মণি-অর্ডার না করিয়া সঙ্গে আনিয়াছে, তখন তিনি হতাশ হইয়া পাড়ায় পাড়ায় বলিয়া বেড়াইতে লাগিলেন যে, ভাইপোকে এত ক'রে মাথুব করলাম, সে এমন পর হয়ে গেল! স্ত্রীলোকরা বলিল—‘এখনও বিয়ে হয় নাই। পুলিশে চাকুরী করে, তার কাছে আবার টাকা নাই! আর যে সে চাকুরী নয়,—একেবারে দারোগা!’

বন্ধুবান্ধবরা দেখিল, পুলিশে বৎসরাবধি চাকুরী করিয়াও পবিত্রকুমারের বিশেষ কোন পরিবর্তন হয় নাই,—সে সেই আগেকার সাদাসিদে লোকটিই রহিয়াছে! তাহারা জিজ্ঞাসা করিল—‘কত টাকা আনুলে হে?’

‘খরচ-খরচা বাদে যা বাঁচে, তা ত পাঠিয়েই দি, টাকা আর কোথা থেকে আনবো?’

কেহ কেহ বিশ্বাস করিল। তাহারা ভাবিল, ‘এর ক'র নয় পুলিশে চাকুরী করা, এ যে একেবারে দৈত্য-কুলের প্রহ্লাদ!’ কেহ বলিল, ‘সময়ে হবে!’ কেহ বা বলিল, ‘হুকের ভাঙারে ব'সে উপবাসী! একটা সোনার আংটাও হাতে নাই!’ আবার কেহ কেহ নিজের মত মাথা নাড়িয়া মন্তব্য প্রকাশ করিল, ‘তোমরাও যেমন! ও হাতে অনেক টাকা জমিয়েছে, তারি চালাক লোক কি না!—বাইরে কিছু দেখার না!’

পাড়ায় পবিত্রকুমারের এক জন খুড়ী-মা ছিলেন। তিনি তাহাকে বড়ই স্নেহের দৃষ্টিতে দেখিতেন। পবিত্রকুমারের সঙ্গে তাঁহার প্রগাঢ় সখীত্ব ছিল। তাই তিনি মাতৃ-হৃদয়ের সমস্ত স্নেহ দিয়া সর্বদা এই মাতৃহারা ছেলেটির মঙ্গল কামনা করিতেন। খুড়ী-মা বলিলেন,—“পবিত্র, শুনলাম, পুলিশে চাকরী ক’রেও তুমি ঘুস লও না। শুনে বড়ই সুখী হলাম, ভগবান্ তোমার ধর্মে মতি রাখুন! তোমার মা সতী ছিলেন, বাবাও ধর্মভীরু লোক ছিলেন। তাঁদের নাম রেখো, বাবা!”

পবিত্রকুমারের চক্ষু আনন্দে উজ্জ্বল হইয়া উঠিল,— তাহাকে সহায়ত্ব করিতে অস্বতঃ এক জনও আছে! সে খুড়ীমার চরণধূলি লইয়া মাথায় দিল।

পবিত্রকুমারের কাকা অনেক ভাবিয়া চিন্তিয়া স্থির করিলেন, বিবাহ দেওয়া তিন্ন অন্য কোন উপায়ে ছেলে হাতে আসিবে না। কাকী বলিলেন—‘তাতে যদি একেবারে ফস্ক যায়। বৌ নিয়ে চ’লে যায়, খরচপত্র না দেয়, আর বাড়ী না আসে!’ কাকা উত্তর করিলেন—‘বেশ ছোট্ট একটি মেয়ে আনতে হবে, আর তাকে গ’ড়ে-পিটে ঠিক মনের মত ক’রে তুলতে হবে। তোমার বাপের বাড়ীর কোন আত্মীয়ের মেয়ে পেলে সবচেয়ে ভাল হয়।’

বাড়ী হইতে বাইবার সময় তাহার কাকা কাকী বলিলেন—‘তোমার এখন বিবাহ করা কর্তব্য। আমরা চেষ্টায় থাকিলাম, পরে জানাব। আর টুনিরও ত বিয়ের বয়স হ’ল, ওর বিয়েতে তোমাকে কিছু মোটা টাকা দিতেই হবে, তা না হ’লে জাত থাকবে না।’

পবিত্রকুমার সংপথে চলিত বলিয়া উচ্চ ও নীচ কোন কর্মচারীই তাহাকে সুনজরে দেখিত না; এ জন্ত তাহাকে নানা অসুবিধা ভোগ করিতে হইত। উপরিওয়ালার বড় কর্মচারীর সহিত তাহার প্রায়ই খিটিমিটি হইতে লাগিল। সে ক্রমাগত বদলী হইতে লাগিল,—যত খারাপ যায়গা, যত কঠিন কাষ, সব তাহারই ঘাড়ে পড়িতে লাগিল। সে বিরক্ত হইয়া ভাবিল—এখানে নিজের বিবেকবুদ্ধি অসুসারে কাষ করিবার ঘো নাই, এ ছাই চাকরী ছেড়ে দিই। কিন্তু কি করিয়া সংসার চলিবে, সেই ভাবনার সে পুনরায় উৎসাহের সহিত কাষ করিতে লাগিল।

এক জন দারোগা পবিত্রকুমারের অস্তরঙ্গ বন্ধু ছিলেন। তিনি প্রৌঢ় ব্যক্তি; তাঁহার অস্তরটি ছিল অতি সংপ্রকৃতির, কিন্তু সাংসারিক অভিজ্ঞতাবশতঃ তিনি সংসারের স্বরে স্বর মিলাইয়া চলিতেন। পবিত্রকুমার তাঁহাকে নিজের ছুঃখের কাহিনী সবিস্তারে বলিল। তিনি বলিলেন, ‘দেখ, এমন ক’রে চাকরী করিতে তুমি পারবে না। নিজে যদি সব প্রলোভন পায়ে দলে স্থির থাকতে পার, তবুও লোক তোমায় টিকতে দেবে না। তা বাদে সংসারে যখন অনটন, তখন অত কঠোরতা চলবে না, আর আজকালের দিনে একেবারে সাধু কেই বা আছে বল ত! আমার মতে কাহারও উপর অত্যাচার না ক’রে, অন্যায়ের পক্ষসমর্থন না ক’রে, পুরস্কার-ভাবে যা পাওয়া যায়, সেটা নেওয়ায় দোষ কি?’

পবিত্র অনেক ভাবিল—এক একবার সেও ভাবিল, তাই ত, দোষই বা কি? কিন্তু তবুও মন কেমন খুঁৎখুঁৎ করে; অমন ভাবে কাষ করিতে চায় না। দূর হউক গে ছাই, সংসারের অধিকাংশ লোকই ত অসংপথে চলে, মিথ্যা কথা কে না বলে? সবাই যদি নরকে পচিয়া মরে, তবে সেও না হয় মরিবে। আত্মীয়-স্বজনের এত কষ্ট আর সহ্য হয় না। একে দারিদ্র্য-কষ্ট—সংসার-খরচের জন্ত ভাল করিয়া কোন ভিনিস প্রাণ ভরিয়া খাইতে পায় না, সংসারের লোককেও সুখী করিবার উপায় নাই। সহযোগীরাও সবাই অসন্তুষ্ট; নিমতন কর্মচারীরা বলে—‘বাবু আমাদের পাওনা নাবুলেন, আমাদের ছেলেপুলে কি ক’রে বাচবে?’ এত লোকের অভিশাপ কুড়িয়ে কাষ কি? Eat, drink and be merry এই principleই হ’ল এই কলিকালের ঠিক উপযুক্ত!

সে দিন তাহাদের সেই সদর থানায় অনেকগুলি মফঃস্বলের পুলিশ কর্মচারী আসিয়া জুটিয়াছিলেন, কাষে কাষেই একটা বড় রকমের ‘জলসা’র বন্দোবস্ত হইল, নাচ, গান, পানভোজন ইত্যাদি আয়োজনের কোন ক্রটি রহিল না। পবিত্রকুমারেরও নিমন্ত্রণ হইল। এ সব ব্যাপারে নিমন্ত্রণ তাহার বরাবরই হইত, কিন্তু সে কখনও বাইত না। আজ তাহার মনে হইল, সাংসারিক মাছুষের জীবন কঠোর ব্রহ্মচারীর জীবন নহে। সবাই কেমন

আমোদ-আহ্লাদ করিতেছে, সে কেন এমন নিরানন্দ, নিঃসঙ্গভাবে বেড়াইবে! না, সে আজ যাইবে; সকলের সঙ্গে না মিশিলে পয়সা উপার্জনের পথ ঠিক ধরা যাইবে না।

সে মনকে চাবুক মারিতে মারিতে 'জলসা'র স্থানে লইয়া আসিল, কিন্তু সেখানে উপস্থিত হইয়া তাহার মন অত্যন্ত দমিয়া গেল। সকলে তাহার বিশেষ আদর অভ্যর্থনা করিতে লাগিল এবং দলে ভিড়াইবার জন্য বধাসাধ্য চেষ্টা করিতে লাগিল। দুই এক জন বলিল, "আচ্ছা, একেবারে বেশী টানাটানি ভাল নয়, তা হ'লে রশি ছিঁড়ে যাবে, আশ্বে আশ্বে হাত আনুক" সে বসিয়া বসিয়া সব দেখিতে লাগিল। যে সব কাণ্ড সেখানে দেখিল, তাহাতে তাহার মন একেবারেই দমিয়া গেল; তাহার মনে হইল, এ সব তাহার বিবেকের ও সংস্কারের সম্পূর্ণ বিরুদ্ধ। এ সব কাণ্ড সে জীবনে কখনও করিতে পারিবে না। টাকার দরকার, টাকাই না হয় আবশ্যিকমত কিছু কিছু লইবে; কিন্তু এ সব দলে কখনও মিশিবে না। তাহার পর সে আরও অনেক চিন্তা করিয়া বুঝিল যে, অসৎ উপায়ে অর্থ উপার্জন করিলে, এ পথে এক দিন আসিতে হইবেই। সে এ পথে আসিতে চায় না, তাহার উচিত হইতেছে, এ পথের পাথেরটা একেবারেই সংগ্রহ না করা। সে ভাবিয়া দেখিল যে, তাহার মত লোকের সব ত্যাগ করিয়া সন্ন্যাসী হওয়া ভিন্ন আর কোন উপায়ই নাই। সেখানকার সেই সব বীভৎস দৃশ্য,—মাতালের উলঙ্গ নৃত্য ও হস্তা, বারবিলাসিনীর নিলজ্জ ব্যবহার ইত্যাদি দেখিয়া তাহার সমস্ত অন্তর স্বপায়, লজ্জায় ও বিরক্তিতে পরিপূর্ণ হইয়া উঠিল। সকলের অজ্ঞাতসারে কোন্ মুহূর্ত্তে যে সে সেই স্থান ত্যাগ করিল, তাহা কেহ জানিতেও পারিল না।

সে প্রত্যহই রাত্রিকালে নির্জনে বসিয়া ভাবে, সংসার ত্যাগ করিয়া সন্ন্যাসী হইয়া চলিয়া যাইবে; আবার প্রভাত হইলে দিনের আলোর সঙ্গে সঙ্গে মনের মাঝে কক্ষোৎসাহ জাগিয়া উঠে, সে কৰ্ম্মসাগরে ঝাঁপাইয়া পড়ে। এমনই করিয়া আরও কিছু দিন কাটিল। ইতোমধ্যে তাহার বিবাহের জন্য কাকার চিঠি কয়েকবার

আসিয়াছে। সে উত্তরে স্পষ্ট লিখিয়া দিয়াছে যে, সে এখন বিবাহ করিবে না।

কাকা মহাশয় সে সুর বদলাইয়া টুনির বিবাহের সুর ধরিয়াছেন। পবিত্র জানিত যে, টুনির বয়স মোটে নয় বৎসর; কিন্তু কাকা লিখিলেন, 'টুনিকে আর রাখা যায় না, লোকনিন্দা হচ্ছে, মোটা টাকার কতদূর কি হ'ল?' সে বিরক্ত হইয়া উত্তর লিখিয়া দিল যে, সে মোটা টাকা দিতে পারিবে না; তাহাকে যেন এ বিষয়ে আর বিরক্ত করা না হয়। কাকা দেখিলেন, ছেলের চিঠির সুর বদলাইয়া গিয়াছে, সে নিরীহ ভাল মানুষটি আর নাই। তিনি লিখিলেন—“না খাইয়া তোমাকে এত কষ্ট করিয়া মানুষ করিলাম, এখন যদি তুমি আমাদের দুঃখ না দেখ, তবে আমাদের আত্মহত্যা করা ছাড়া আর উপায় নাই। যদি জাতরক্ষা না হয়, তবে বাঁচিয়া লাভ নাই। তোমার হাতে টাকা নাই, এ কথা আমি বিশ্বাস করি না। কেবল আমাকে ফাঁকি দিতেছ।”

দুঃখে ও অভিমানে তাহার হৃদয় ভরিয়া আসিল। সে ভাবিল—সাধু জীবনযাপনের মূল্য সংসারে কোথাও নাই। যদি কিছু মূল্য থাকে, তবে সে কেবল নিজের কাছে! ঈশ্বরের কাছেও যে আছে, তাহাও ত সে দেখিতে পাইতেছে না। সে যতই সংপথে থাকিতে চেষ্টা করিতেছে, ততই বিপদ আপদ, দুঃখ-কষ্ট দৈবের অহুগ্রহে ঘাড়ে আসিয়া চাপিতেছে। এখন উপায় কি?

এই সময়ে একটা খুনী মোকর্দ্দমার তদন্তের ভার তাহার উপর পড়িল। আসামী পক্ষ বলিল যে, কলমটা একটু এদিক থেকে ওদিকে ঘুরাইয়া দিলেই তাহারা তাহাকে নগদ দুইটি হাজার টাকা দিবে। সে ভাবিল, এই টাকাটা লইলে সে কাকার উৎপীড়ন হইতে মুক্তি পাইবে। ভবিষ্যতে আর না হয় কখনও সে কিছু লইবে না।

সে স্বীকার করিল। তাহারা দুই হাজার টাকার নোট আনিয়া তাহার হাতে দিল।

মোকর্দ্দমা হইল। পবিত্রকুমারের একটু কলম ঘুরানর ফলে, প্রকৃত আসামী মুক্তি পাইল ও অপর একটি নির্দোষ লোকের ফাঁসির হুকুম হইয়া গেল। পবিত্রকুমার

এই সংবাদ শুনিয়া একেবারে স্তম্ভিত হইয়া গেল! এতটা যে হইতে পারে, ইহা তাহার ধারণার অতীত ছিল। সে অনেকক্ষণ ধরিয়া ভাবিয়া তাহার কর্তব্য স্থির করিয়া ফেলিল।

টাকাটা তখনও পর্য্যন্ত তাহারই নিকটে ছিল। ডাকে পাঠাইলে পাছে ধরা পড়ে, এই ভয়ে তাহার কাকাকে আসিতে চিঠি লিখিয়াছিল। নোটগুলো একখানা 'ইনসিওর' খামের মাঝে ভরিয়া তাহার নিকট হইতে লইয়াছিল, তাহার নামে ডাকে পাঠাইয়া দিল : ঐ সঙ্গে একটুকরা কাগজে লিখিয়া দিল—“আপনার টাকা গ্রহণ করিতে পারিলাম না, ক্ষমা করিবেন।” কাকাকে একখানি পত্র লিখিল যে, তাঁহার আর এখানে আসিবার প্রয়োজন নাই, সে তাঁহার অযোগ্য সন্তান : তাহার দ্বারা তাঁহাদের কোনই উপকার হইল না। সে যে অন্ডায় কাষ করিয়াছে, তজ্জন্য তাহার মৃত্যুই একমাত্র প্রায়শ্চিত্ত। তাই সে তাঁহাদের শ্রীচরণে এ জীবনের মত বিদায় চাহিতেছে। তাহার পর সে জজ সাহেবের নামে আদালতের কাগজে একখানি দরখাস্ত লিখিল। তাহাতে মোকদ্দমার সত্য বিবরণ বাহা সে জানিত, সমস্ত লিখিয়া, প্রয়োজনে পড়িয়া অর্থ লইবার কথা ও মিথ্যা রিপোর্ট দিবার কথা সমস্ত

স্বীকার করিল। সে লিখিল, একটি নির্দোষ প্রাণীর জীবন বাইতেছে দেখিয়া এখন তাহার চৈতন্য হইয়াছে যে, সে কত বড় অন্ডায় কাষ করিয়াছে। সে টাকা ফেরত দিয়াছে এবং তাহার এই কাতর অনুরোধ যে, পুনরায় বিচার করিয়া নির্দোষ ব্যক্তিকে মুক্তিদান ও দোষীর শাস্তিবিধান করিয়া জারের মর্যাদা অক্ষুণ্ণ করা হউক। সে আরও লিখিল—“আমার এই সব কথা বিশ্বাসযোগ্য কি না, সে সম্বন্ধে অনেক তর্ক উঠিতে পারে। আমি আমার নিজের জীবন দিয়া সব তর্কের মূখ বন্ধ করিয়া দিতেছি, এবং সেই নির্দোষ ব্যক্তিকে বাঁচাইবার অন্ত কোন নিশ্চিত উপায়ও নাই। আর আমি যে অন্ডায় করিয়াছি, তাহার প্রায়শ্চিত্তরূপ এই আশা-আকাঙ্ক্ষায় পৃথিবী ত্যাগ করিয়া, নিজেকে ইহ-লোকের সুখ-স্বাচ্ছন্দ্য হইতে বঞ্চিত করিলাম এবং পরলোকেও আত্মহত্যা-পাতকের জন্য অনন্ত নরক ভোগ করিতে চলিলাম।” সে দরখাস্তখানা রেজেষ্টারী করিয়া ডাকে পাঠাইয়া দিয়া বাসায় ফিরিয়া আসিয়া ঘরের দরজা বন্ধ করিল। সহসা ঘরের ভিতর রিতল-ভারের আওয়াজ হওয়ায় লোক ধরকার কঁাক দিয়া দেখিল, সব শেষ হইয়া গিয়াছে।

শ্রীরমেশচন্দ্র বসু।

হৃদয়ের তান

[কাঙ্ক্ষিত মাসের 'মাসিক বঙ্গমতী'র ১ম চিত্র দর্শনে]

বালিশে হেলায়ে মাথা
এলায়ে পড়েছে হাত।
আধ চিৎপাত শুয়ে, আধ কিছু কাত ॥

আরেকখানি করে,
বামা ইঙ্গিত করে,
বুকে মূল্যবান,
“হৃদয়ের তান”
বেঞ্জে উঠে ফুটে লাজ টুটে
বসন সরেছে হঠাৎ ॥

সীঁতিতে সিঁদুর অধর মধুর তায়,
গলে হেমহার, আহা হা বাহার,
মরি কি খুলেছে হার!—

জাহ্নবোড়া কোলে,
প্রকাশে ভূগোলে,
পদ-কোকনদে যেন ছেড়ে গেছে ধাত ॥
এ কলার বিচিত্র বিভূতি,
'বাহা বাহা' বলিয়া আহতি,
কিংবা “হরেক্ষম” বলি, হ'ল অন্তর্জলি

এলো না জ্ঞানমাধ ॥

শ্রীঅমৃতলাল বসু।



ছাঁদ, বাঁশ ও বেত

কোন প্রসিদ্ধ লেখক বলিয়াছেন যে, আমরা সেই উদ্ভিদকেই আগাছা বলি, বাহার ব্যবহার আমরা অব-গত নহি। কথাটা খুবই সত্য। বহু মানবের নিকট দুই চারিটি উদ্ভিদ ব্যতীত সুবিশাল উদ্ভিদরাজ্য আগাছা-ময় বলিয়াই প্রতীয়মান হইত। শতাব্দীর পর শতাব্দী যেমন মানবের জ্ঞানের পরিসর বৃদ্ধি লাভ করিতেছে, তেমনই ব্যবহার্য উদ্ভিদের সংখ্যা বাড়িয়া চলিয়াছে। সাধারণ লোক ঘাসের ব্যবহার পূর্বে কমই জানিত; সেই জন্ত নগণ্য জিনিষকে 'তৃণ তুল্য' জ্ঞান করার কথা এখনও শুনিতে পাওয়া যায়। কিন্তু বিশেষভাবে পর্যালোচনা করিলে দেখিতে পাওয়া যাইবে যে, তৃণ-বর্গের (Gramineae) জাতীয় একরূপ বহুজাত্যবিশিষ্ট ও বহুদেশব্যাপী উদ্ভিদ-সমষ্টির সংখ্যা নিতান্তই কম। মনুষ্যের প্রধান খাদ্য ধান, যব, গম, ভুট্টা ইত্যাদি ঘাসের বীজ ভিন্ন আর কিছুই নহে। গৃহ প্রস্তুত ও সজ্জার অনেক উপকরণই তৃণশ্রেষ্ঠ বাঁশ হইতে সামান্য উলু পর্যন্ত সরবরাহ করিয়া থাকে। ইক্ষু ও উহার নিকট-আত্মীয়রা শর্করা উৎপাদন করে; আবার বর্তমান যুগের একটি অত্যাবশ্যক দ্রব্য—কাগজ নানা জাতীয় বাঁশ ও ঘাস হইতে উৎপাদিত হইতেছে। গন্ধ-দ্রব্য ও ঔষধ প্রস্তুতেও ঘাসের প্রয়োজনীয়তা আছে—গন্ধতৃণ, ধম্বধম্ব, রসা তৈল প্রভৃতি তাহার উদাহরণ। ঘাস-জাতীয় উদ্ভিদের উপকারিতা যে কত, তাহা উক্ত ব্যবহারসমূহ হইতে বুঝিতে পারা যায়। বেত অবশ্য এত প্রকার কাৰ্যে আইসে না; কিন্তু যে সকল দেশে যথেষ্ট পরিমাণ বেত জন্মায়, তথায় বাঁশের জায়গায় বেত নানা প্রকার কাৰ্যে ব্যবহৃত হয়। পূর্বে এ দেশে বেতের সেতু প্রস্তুত হইত এবং প্রাচীন ভারতে কোন কোন

শ্রেণীর সমুদ্রগামী পোতের চতুর্দিকে যে বেতের ছাঁটনি দেওয়া হইত, তাহারও উল্লেখ দেখিতে পাওয়া যায়।

তৃণ-মূলক শিল্প

ঘাস হইতে নানা প্রকার পদার্থ পাওয়া যায় এবং ঘাসের ব্যবহারও বহুবিধ। সে সমুদয় আলোচনা করিবার বর্তমান প্রবন্ধে স্থান নাই। আমরা এ স্থলে প্রধানতঃ যে সমুদয় কৃত্রিম-শিল্প ঘাসের সাহায্যে চলিতেছে এবং বৈজ্ঞানিক প্রথা অবলম্বনে যে সমুদয়ের উন্নতি সম্ভবপর, কেবলমাত্র সেই প্রকারের দুই চারিটি শিল্পের উল্লেখ করিব। বিহারের মত বঙ্গদেশে সুদূর-বিস্তৃত দূর্ভিক্ষোত্র মূলত না হইলেও বাঙ্গালার বহুবিধ গৃহস্থালী কাৰ্য্যে প্রয়োগ-উপযোগী নল, শর ও অন্ত জাতীয় ঘাসের অভাব নাই। বহুকাল হইতে এতদেশে বহু-প্রকার নিত্য ব্যবহার্য দ্রব্যের জন্ত তৃণ-জাতীয় উদ্ভিদ ব্যবহৃত হইতেছে। কিন্তু বঙ্গদেশের গৃহশিল্পে কয়েকটি জাতীয় বিশেষ প্রাধান্য এখনও লক্ষিত হয়। নিম্নে তাহা-দিগের সংক্ষিপ্ত বিবরণ প্রদত্ত হইল :—

১। **নল**—(Phragmites Karka) অল্প প্রদেশের নল অপেক্ষা বাঙ্গালার নল কিছু ছোট, কিন্তু অধিক ঝাড়াল; দুই বৎসরে ইহা পরিপক হইয়া ৬৮ হাত দীর্ঘ হয়। নদী এবং অন্যান্য জলাশয়ের ধারে অক্ষুণ্ণ জমীতে নলের ঝোপ স্বভাবতঃই জন্মিয়া থাকে। দরমা ও নৌকার ছাঁটনিতে নল ব্যবহৃত হয়। সাপুড়িয়া-গণ মোটা নল হইতে তাহাদের বাঁশী প্রস্তুত করে। পরীক্ষা দ্বারা জানা গিয়াছে যে, নল হইতে শতকরা ৩৯ ভাগ অপরিষ্কৃত পিণ্ড (pulp) পাওয়া যাইতে পারে এবং সেই জন্ত ইহা কাগজ প্রস্তুতের উৎকৃষ্ট উপাদান বলিয়া গণ্য হয়।

উলু (Imperata arundinacea) ইহার সহিত সকলেই পরিচিত আছেন এবং অনেক কৃষক দ্বারা ইহা

অবিমিশ্র অমলরূপে পরিগণিত হয়। ইহার ৩৪টি উপজাতি আছে। সমতল প্রদেশ হইতে আরম্ভ করিয়া হিমালয়ের ৭ হাজার ফুট উচ্চ অঞ্চল পর্য্যন্তও উল্লু দৃষ্ট হয়। নিকটে পশুখাদ্য ও গরীব গৃহস্থের গৃহাচ্ছাদন উপাদানরূপে উল্লুর অল্পবিস্তর ব্যবহার আছে। কিন্তু হিন্দু, চীন এবং মালয় দেশে ইহা প্রচুর পরিমাণে কাগজের কলে ব্যবহৃত হইতেছে।

৩। কুশ—(*Eragrostis Cynos uroides*)

অসম প্রদেশ অপেক্ষা বঙ্গে ইহা কম হইলেও স্থান-বিশেষে যথেষ্ট পরিমাণে কুশ জন্মিয়া থাকে। জালানী, বসিবার আসন ও দড়িদড়া প্রস্তুতেই ইহার প্রধান ব্যবহার।

৪। মুক্ত—(*Saccharum ciliare*) ইহাও

বঙ্গদেশে অপেক্ষাকৃত কম এবং কুশের তায়ই ইহা ব্যবহৃত হয়। কিন্তু এই জাতীয় ঘাস কুশ অপেক্ষা বড় এবং ইহা হইতে প্রস্তুত দ্রব্যাদিও অধিক মজবুত। শতকরা ৪০ ভাগ পরিমাণে বিবর্ণ পিণ্ড পাওয়া যায় বলিয়া মুক্ত কাগজ উৎপাদনের জন্ত বিশেষ উপযোগী।

৫। শল—(*Saccharum rundinaceum*)

শরের ২৩টি উপজাতি আছে। ইহার ১৫১৬ হাত পর্য্যন্ত উচ্চ হয়; পূর্ণ পরিপুষ্ট হইতে প্রায় ৪ বৎসর লাগে। ফুল ধরিলেই ইহা কাটিবার উপযুক্ত হয়। ইহা হইতে যেমন উৎকৃষ্ট কাগজ তৈয়ারী হয়, তেমনই ইহার ফলনও অধিক; অল্প ঘাসের তুলনায় প্রায় দ্বিগুণ। গৃহ-নির্মাণ ও গৃহস্থালীর নানাবিধ কার্যে ইহার প্রচলন আগে খুবই ছিল এবং এখনও কতক পরিমাণে আছে।

৬। খড়ি—(*Saccharum Fuscum*) খড়ির

কলম উঠিয়া গেলেও গ্রাম্য অঞ্চলে এখনও অদৃশ্য হয় নাই। খড়ি বঙ্গদেশের অনেক স্থলেই সুলভ। ইহার ব্যবহার শরের মত এবং ইহাও কাগজের উৎকৃষ্ট উপাদান।

৭। বাইব—(*Ischaemum angustifolium*)

ইহার অল্প নাম সাবাই ঘাস। পশ্চিম-বঙ্গের স্থানে স্থানে ইহা দৃষ্ট হয়; কিন্তু মধ্য ও উত্তর-ভারতে ইহার প্রসার

অধিক। ইহাই বর্তমান সময়ে কাগজ প্রস্তুতের উৎকৃষ্ট উপাদান বলিয়া বিবেচিত হয় এবং সেই জন্ত কাগজের কলসমূহে ইহার কাটিতি সমধিক। ভূমধ্য সাগরের তটদেশে উৎপাদিত নানা প্রকারের 'এস্ পাটো' ঘাস পৃথিবীর-মধ্যে সর্বোৎকৃষ্ট কাগজের উপাদান বলিয়া পরিচিত। বাইব সর্বোংশে তাহারই সমতুল্য। বিগত ২৫ বৎসর ধরিয়া কাগজের কলসমূহে বাইব ঘাস ব্যবহৃত হইয়া তাহা স্পষ্টই প্রমাণিত হইয়াছে।

ভূগ স্দৃশ উপকরণ

ঘাস হইতে যেসকল দড়ি-দড়া, মাদুর, ঝাঁপ, দরমা, টাট ইত্যাদি প্রস্তুত হয়, সেইসকল অল্প অল্প অনেক উদ্ভিদ হইতেও হইয়া থাকে। সে সমুদয়ের উল্লেখ করিবার এ স্থলে স্থানাভাব। তবুও ২৪টির ব্যবসায়িক প্রাধান্য এত অধিক যে, উহাদের উল্লেখ না করিয়া থাকা যায় না। মুখ্য বর্গীয় উদ্ভিদ (*Cyperaceae*) ভূগবর্গের নিকট-আত্মীয়। এই বর্গভুক্ত দুইটি উদ্ভিদ বঙ্গের মাদুর-শিল্পের ভিত্তি।

পাটি (*Cyperus exaltatus var dives*)

সুন্দরবনে এবং বঙ্গের অন্তর্গত জলাভূমিতে ইহা প্রচুর পরিমাণে জন্মিয়া থাকে এবং ইহার পুষ্পদণ্ড হইতেই বালকের মাদুর প্রস্তুত হয়। কম মজবুত হইলেও দরে সস্তা বলিয়া এই মাদুরের যথেষ্ট কাটিতি আছে। প্রতি বৎসর বহু শত নোকা বোঝাই হইয়া পাটি সুন্দরবন হইতে আইসে এবং ইহা হইতে মাদুর প্রস্তুত করিয়া অনেক জীবিকা অর্জন করে। শীতলপাটির গাছ স্বতন্ত্র। উহা বর্তমান প্রবন্ধের বিষয়ভূত নহে।

মাদুর কাটি—কলিকাতার মাদুরপটিতে যে উচ্চ শ্রেণীর মাদুর দৃষ্ট হয়, তাহা সমবর্গীয় উদ্ভিদ (*Cyperus tegetum*) হইতে প্রস্তুত। ইহাকে সচরাচর মাদুর কাটি বলে। পূর্ব-বঙ্গের দুই এক স্থলে এবং বর্তমানে ইহার চাষ থাকিলেও মেদিনীপুরের সবঙ্গ অঞ্চলই এই শ্রেণীর মাদুর উৎপাদনের প্রধান কেন্দ্র। ত্রিকোণাকার ৪।৫ ফুট লম্বা পুষ্পদণ্ডগুলিকে সরু অথবা মোটা করিয়া চিরিয়া লইবার হিসাবে পাতলা অথবা পুরু মাদুর প্রস্তুত হয়। পাতলা মাদুর সূতা দিয়া বোনা হয় বলিয়া ইহাকে

সূতার মাদুরও বলা হয়; অল্প নাম মছলন্দ। উৎ-
সাহের অভাবে সূতার মাদুর-শিল্পের অবনতি হইয়াছে।
বিচিত্র বর্ণেরঞ্জিত, মার্বেল প্রস্তরের স্তায় পালিশযুক্ত,
শীতল মছলন্দ আজকাল বিরল। নবাবী আমলে সূক্ষ্ম
মাদুর-শিল্পে বঙ্গদেশ অল্প সকল প্রদেশকে পরাভূত করি-
লেও এক্ষণে ইহা দক্ষিণ-ভারতের মাদুর-শিল্পের নিকট
নতশির। সেখানেও মাদুর কাঠির গাছ সমবর্গীয়—
C. corymbosa van pangorei; এবং প্রস্তুত-প্রণা-
লীও প্রায় একরূপ; কিন্তু মাদুর আকারে ছোট এবং
চিত্রাকর্ষনের আদর্শও অল্পরূপ। তিনেভিলে, ভেলোব,
ইন্দ্রাবতী প্রভৃতি স্থানে মাদ্রাজী মাদুরের শিল্প বেশ
সমৃদ্ধিশালী। এ স্থলে ইহা বলাও আবশ্যিক যে, যে উপা-
দান হইতে চীনা বা অতি সূক্ষ্ম মাদুর প্রস্তুত করিয়া
বিদেশে বহু পরিমাণে চালান দেয় অর্থাৎ cyperus
malaccensis 'চামাটি পাটি', তাহা মধ্য ও পূর্ব-বঙ্গে
এবং শ্রীহট্ট ও সন্দরবনে প্রচুর পরিমাণে আছে; কিন্তু
এখনও পর্যাপ্ত কার্যে প্রয়োগ করা হয় নাই। বলা
গাছলা যে, সূক্ষ্ম প্রাচ্য মাদুরের প্রতীচ্যের বাজারে,
বিশেষতঃ মার্কিনে খুবই আদর আছে।

হোগলা মাদুরের প্রচলন বঙ্গদেশে ততটা
নাই; কিন্তু ভারতের অন্তর্গত ইহা বালুন্দের মাদুরের
স্বায়ত ব্যবহৃত হয়। হোগলার পুস্পদণ্ড এবং পাতা
উভয়ই কাষে লাগে। হোগলার টাটির গ্রামাঞ্চলে
যে বহুবিধ ব্যবহার হয়, তাহা সকলেই জানেন। নৌকা
ও ডিসী-ডোকার হোগলা যে অত্যাশ্চর্য, তাহা নদী-
কলবাসী বাঙ্গালীমাত্রই অবগত আছেন।

বাঁশের ব্যবহার

জগতের সমস্ত গ্রীষ্মপ্রধান দেশেই বাঁশের প্রাধান্য
অধিক এবং সেই নিমিত্তই এই সমুদয় দেশে বহু পুরাকাল
হইতে বাঁশ নানাবিধ কাষে প্রয়োগ হইয়া আসিতেছে।
ভারতের সমতল দেশে সর্বত্রই বাঁশ আছে এবং হিমা-
লয়ের দশ হাজার ফুট উচ্চ শৃঙ্গে পর্য্যন্তও বাঁশ দেখিতে
পাওয়া যায়। বঙ্গে বোধ হয়, এমন কোন গ্রাম নাই,
যেখানে ২।৪ ঝাড় বাঁশ নাই। অবশ্য সকল জাতি
সর্বত্র সুলভ নয়; হিমালয়ের পাদদেশ হইতে বঙ্গের
পূর্ব-সীমান্ত পর্য্যন্ত বহু বাঁশের বাহ্য। গৃহনির্মাণ ও পুল

প্রস্তুত হইতে আরম্ভ করিয়া বাঁশ যে কত প্রকার স্থল ও
স্থল শিল্পে নিযুক্ত হইয়া থাকে, তাহার সামান্য বর্ণনা
করিতেও একটি খত প্রবন্ধের প্রয়োজন হয়। ইহা বলি-
লেই যথেষ্ট হইবে যে, বাঙ্গালার ডোমের সংখ্যা নিতান্ত
কম নয় এবং বংশশিল্পই ইহাদের প্রধান অবলম্বন ছিল।
জাপানের স্তায় বাঁশের সূক্ষ্ম শিল্প এ দেশে বিকাশ পাইবার
কখন অবসর পায় নাই, তথাপি ২৫।৩০ বৎসর পূর্বের
প্রস্তুত যে সমুদয় গৃহসজ্জার নমুনা এখনও দেখিতে পাওয়া
যায়, তাহাতে স্পষ্ট বুঝিতে পারা যায় যে, বাঙ্গালী ডোম
উৎসাহ পাইলে উচ্চ শ্রেণীর কাষ করিতে পারে।

বর্তমান সময়ে অবশ্য বাঁশের সর্বপ্রধান ব্যবহার
কাগজ-পিণ্ড (paper-pulp) প্রস্তুত বলিয়া বিবেচিত
হইতেছে। কিন্তু তাহা হইলেও অনাদিকাল হইতে
বাঁশের যে সমস্ত ব্যবহার হইয়া আসিতেছে, সেগুলি
উঠিয়া বাইবে না। প্রতি বৎসর যে কি বিপুল পরিমাণ
বাঁশ দেশমধ্যে ব্যবহৃত হয়, তাহার ইয়ত্তা করা যায় না।
জঙ্গলসমূহ হইতে প্রায় ১৫ কোটি বাঁশ কাটা হয়,
অন্ততঃ সমসংখ্যক বাঁশ যে গ্রামা ঝাড় হইতে বাহির
করা হয়, তাহাতে সন্দেহ নাই। অন্যান্য অনেক ফসলের
স্তায় বাঁশও এতদেশে অযত্নে উৎপাদিত হইয়া থাকে।
বিভিন্ন প্রকার শিল্পের জন্য বিভিন্ন জাতীয় বাঁশ আবশ্যিক
হয়; সেরূপভাবে নির্বাচন করিয়া খুব কম স্থানেই
এ দেশে বাঁশ-চাষের প্রথা আছে। আমাদের দেশে
তলদা বাঁশই সাধারণ বাঁশ। ইহা খুব শীঘ্র বাড়ে ও প্রায়
৭।৮ ফুট উচ্চ ও ৫।৬ ইঞ্চি ব্যাসযুক্ত হয় বলিয়া লোক
ইহাকেই পছন্দ করে। মালয় দেশের রাজ-বাঁশ
(Dendrocalamus gigantea) প্রায় ১ শত ২৫ ফুট উচ্চ
এবং উহার নিম্নাংশের ব্যাস প্রায় ১২ ইঞ্চি। তলদা বাঁশের
স্তায় ইহাও বধার প্রায়স্ত্রে গড়ে প্রতিদিন ১ হাত করিয়া
বাড়িয়া থাকে। ইহার এবং অল্প দুই চারি জাতীয়
উৎকৃষ্ট যষ্টি ও ছিপ প্রভৃতি প্রস্তুতের উপযোগী নিরেট ও
দৃঢ় বাঁশের প্রবর্তন হওয়া বিশেষ বাঞ্ছনীয়।

বেতের কাষ

সিঙ্গাপুর, মুলকা প্রভৃতি দেশ হইতে কলিকাতায় বেত
আমদানী হইতে দেখিয়া অনেকে মনে করেন যে,

এ দেশে বৃষ্টি উৎকৃষ্ট বেত হয় না। বাস্তবিক কিন্তু তাহা নয়। দুই একটি বিশেষ উদ্দেশ্য ব্যতীত অপর সকল কার্যেরই উপযোগী বেত ভারতে পাওয়া যায়। বস্তুত: পূর্ব-হিমালয়ের পাদদেশ হইতে বঙ্গের পূর্বসীমা দিয়া আসাম পর্যন্ত বেতের নিবিড় জঙ্গল বিস্তৃত। স্থানে স্থানে ইহা এত ঘন ও দুর্গম যে, মানুষের কথা দূরে থাকুক, বড় বড় বস্ত্র জন্তও এ প্রকার জঙ্গলকে ভয় করে। এই সমুদয় বেতবনে নানা জাতীয় বেত পাওয়া যায়; কিন্তু তন্মধ্যে নিম্নলিখিত জাতিগুলি প্রধান :—

চট্টগ্রাম অঞ্চলের কড়কা বেত (*calamus tatifolius*) ইহা দৈর্ঘ্যে খুব বড় হয় এবং সাধারণ লাঠির স্থায় মোটাও হইয়া থাকে; হাড়ম বেত কিছু ছোট হইলেও অধিক মোটা; ছাচি বেত (*C. tenuis*) সাধারণ কলমের মত মোটা, ইহা বড় বড় গাছের উপরেও লতাইয়া যায়; মাহুরী বেত (*C. gracilis*) সরু, কিন্তু দেখিতে সুন্দর।

দার্জিলিং অঞ্চলের গৌরী বেত (*C. acanthospathus*) প্রসিদ্ধ; কড়কা বেতও এই স্থানে পাওয়া যায়।

শ্রীহট্ট অঞ্চলের দেবমল্লার বেত ২৩ শত হাত দীর্ঘ এবং মুষ্টিপরিমিত মোটা হয়; ইহার এক একটি 'পাপ' ১২।১৫ ইঞ্চি লম্বা। এই জিলার তিলা নামক উচ্চ স্থানের জঙ্গলে আরও ২।৪ জাতীয় বেত এবং কেতকীর প্রাদুর্ভাব বধেই।

গোলা বেত (*Daemonorops jevkinsianus*) এবং বড় বেত (*C. fascicularis*) বঙ্গের অনেক স্থানে এবং উড়িষ্যার সুলত। বেঙ্গল-নাগপুর রেলের বালুগী স্টেশন বেত-ব্যবসায়ের একটি কেন্দ্র।

চেম্বার, টেবল, আরাম-কেদারা, পেটরা, বাস্ত্র প্রভৃতি সকল রকম দ্রব্যই বেত হইতে প্রস্তুত হয়। বেত ও বাঁশ সহযোগে উত্তম উত্তম আসবাব কোন কোন কারাগৃহে (যথা মেদিনীপুর) প্রস্তুত হয়। কারা শিল্পের (Prison industry) মধ্যে ইহা একটি উচ্চ স্থান অধিকার করে।

বেত, বাঁকারি ইত্যাদির শিল্পে প্রয়োগ

ঘাস, বাঁশ, বেত ও সমপ্রকারের উপাদান দ্বারা যে নানা প্রকার দ্রব্যাদি উৎপাদিত হইতে পারে, তাহা

পূর্বেই বলা হইয়াছে। সমষ্টিভাবে এইরূপ উপাদান দ্বারা দ্রব্যাদিকে এক এক সময় wicker work বলা হয়; কিন্তু মাহুর, দরমা প্রভৃতি প্রকৃত প্রস্তাবে wicker work-এর অন্তর্গত নয়। স্বতন্ত্রভাবে আলোচনা করিলে দেখিতে পাওয়া যায় যে, এখনও এই শ্রেণীর দ্রব্যগুলির মধ্যে নিম্নলিখিতগুলি সচরাচর প্রস্তুত হয় :—



কয়েকটি প্রচলিত বাঁশ, বেত ও ঘাস দ্বারা প্রস্তুত দ্রব্যের নমুনা

১। ঝড়ি, চেয়ারী, ধামা ইত্যাদি বাঁশালীর গৃহস্থালীর নানা কাষে এইরূপ দ্রব্য আবশ্যিক হয় বলিয়াই প্রায় সকল জিলাতেই এইরূপ দ্রব্য প্রস্তুত হয়।

২। দরমা;—গৃহ নির্মাণ ও অন্তবিধ কাষে ইহার প্রয়োজন সমধিক; সেই জন্য ইহাও পূর্বোক্তের স্থায় সাধারণ।

৩। প্রকৃত ঘাসের মাহুর রাজসাহী ও মেদিনীপুর জিলায় এখন দরিদ্র কৃষকের বাড়ীতে দেখা যায়; এগুলি বেশ মোটা এবং কঠিন-ব্যবহারসহ, তাহার পর উৎকর্ষ অহুসারে যথাক্রমে বালুদের মাহুর, মোটা কাঠির মাহুর ও সূতার মাহুর। মেদিনীপুর, যশোহর, মুর্শিদাবাদ, নদীয়া, খুলনা, রাজসাহী এবং রঙ্গপুর জিলায় যাহারা মাহুর বয়ন করিয়া জীবিকা নির্বাহ করে, তাহাদের সংখ্যা নিতান্ত কম নয়।

৪। সৌখীন আসবাব;—যশোহর ও মেদিনীপুর জিলায় বাঁশ ও বেতের চেম্বার, টেবল, মোড়া, আরাম-কেদারা ইত্যাদি সামান্ত পরিমাণে প্রস্তুত হয়। জিপুরা ও চট্টগ্রামে প্রস্তুত আসবাবও মন্দ নহে।

ব্যাগ, টিকিন-বাস্কেট প্রভৃতিও আজকাল হাওড়া জিলায় প্রস্তুত হইতেছে।

৫। বিবিধ দ্রব্য,—লাঠি, ছাতার বাঁট, বস্তাদির হাতল ইত্যাদি বিবিধ প্রকারের দ্রব্যও কলিকাতায় প্রস্তুত হয়।

উক্ত প্রকারের দ্রব্যাদি ব্যতীত রুটির পরিবর্তন অল্পসারে পুরাতন ধরণের বদলে হাল ক্যাসানের ছই চারটি জিনিষ দেখা দিয়াছে। কিন্তু বঙ্গদেশে বাহারি ঘাস, বাঁশ, বেত প্রভৃতির দ্রব্যাদি নির্মাণ করিয়া জীবিকা নির্বাহ করে, তাহাদের অবস্থা উন্নত হওয়া দূরের কথা, বরং অবনত হইয়াছে। এ সম্বন্ধে কোন তথ্য না পাইলেও সরকারী শেষ শিল্পবিষয়ক বিবরণী ও অন্যান্য কাগজপত্র হইতে বুঝিতে পারা যায় যে, আজকাল বঙ্গদেশের কোন জিলাতেই এই শ্রেণীর কার্যে নিযুক্ত ২০ হাজারের অধিক লোক নাই। মাদুর ব্যবসারের জন্মই বোধ হয়, মেদিনীপুরে উক্ত শ্রেণীর ১৬ হাজার লোক আছে; তৎপরে বশোহরে ৯; বর্ধমান, বাঁকুড়া ও নদীয়া প্রত্যেকে ৮, বীরভূম, পাবনা, ঢাকা ও ময়মনসিংহ প্রত্যেকে ৭; দিনাজপুর ও চট্টগ্রাম জিলায় এই শ্রেণীর লোকের আনুমানিক সংখ্যা ৫ হাজার। তন্নিয়ের সংখ্যা এ স্থলে দেওয়া হইল না; কারণ, সেরূপ জিলায় এই শ্রেণীর কাৰ্য যে অতি সামান্য, তাহা সহজেই বোধগম্য।

শিল্পের পুনর্গঠন

বাহারা জাপান অথবা জর্জীতে wicker work জাতীয় শিল্প কতদূর উন্নতি লাভ করিয়াছে, তাহা




অধুনা জর্জীতে উচ্চ শ্রেণীর আসবাব প্রস্তুত হইতেছে

অবগত আছেন, তাঁহারা আদৌ অস্বীকার করিবেন না যে, আমাদের দেশে এই শিল্পের পুষ্টি লাভ করিবার যথেষ্ট সুযোগ আছে। সম্ভ্রান্তি জর্জীতে প্রস্তুত করেকটি শিল্পের চিত্র দেওয়া হইল।

ইহার সতিত প্রথম চিত্রের তুলনা করিলে শটই দেখা যাইবে যে, এতদ্দেশে এইরূপ শিল্প কত পশ্চাতে পড়িয়া আছে। অথচ কাঁচা মালের এবং অপেক্ষাকৃত সুলভ মজুরীর এখানে অভাব নাই। বর্তমান জগতে কাঠের মূল্য ক্রমশঃ চড়িয়া বাইতেছে; সেই জন্ত নিকৃষ্ট কাঠের উপর উৎকৃষ্ট কাঠের পাতলা আচ্ছাদন Veneer দিয়া প্রস্তুত করা আসবাবের ব্যবহার ক্রমশঃ বাড়িয়া চলিয়াছে। তাহাতেও মধ্যবিত্ত লোক ইচ্ছামত কাঠের আসবাব ক্রয় করিতে পারে না। এই সুযোগ বুঝিয়া জর্জী ও জাপান এরূপ গৃহসজ্জা ও নিত্য ব্যবহার্য্য দ্রব্যাদি ঘাস, বাঁশ, বেত, সমুদ্র-শৈবাল ও অন্যান্য সাধারণ উদ্ভিদ সাহায্যে প্রস্তুত করিতে আরম্ভ করিয়াছে—বাহা দেখিতে মনোরম, গঠনে মজবুত অথচ কাঠ অপেক্ষা দ্রুমে অনেক সুলভ। যদি সুন্দর শিল্প শিক্ষা দেওয়ার কোন কেন্দ্রীয় প্রতিষ্ঠান এতদ্দেশে থাকিত, তাহা হইলে আধুনিক প্রথা অল্পসারে এইরূপ শিল্পের জন্ত উপযুক্ত উপাদান নির্বাচন, তাহাদের সদ্যব্যবহার, বাজারে কাটা-ইবার পদ্ধতি প্রভৃতি বিষয়ক উপদেশ দেওয়া ও প্রকৃত প্রস্তাবে কাৰ্য শিখাইয়া দেওয়ার সুবিধা হইত। দুর্ভাগ্য বশতঃ তাহা নাই। কিন্তু তাহা হইলেও আজকাল বাহারি পল্লী-সংস্কারকার্যে আত্মনিয়োগ করিয়াছেন, তাঁহারা চেষ্টা করিলে এইরূপ আনুষঙ্গিক শিল্পের (Subsidiary industry) কতকটা উন্নতি হইতে পারে।

এইরূপ শ্রেণীর শিল্প প্রধানতঃ হস্ত দ্বারাই এতাবৎকাল পরিচালিত হইয়া আসিতেছিল। মাদুর প্রভৃতি প্রস্তুতের জন্ত যে তাঁত ইত্যাদি এখনও ব্যবহার হয়, তাহাকে ঠিক কল বলা যায় না। কিন্তু বিদেশীয় বণিকরা একসঙ্গে বহু পরিমাণ মাল প্রস্তুত করাইয়া উৎপাদনের খরচা কমাইবার জন্ত এই প্রকার আদিম কালের গৃহ শিল্পের কাষেও কলের প্রবেশন করিয়াছেন। কলে প্রস্তুত এইরূপ একটি কেন্দ্রার নমুনা এ স্থলে

প্রদর্শিত হইল।
ইহাতে প্রথমে শূন্য
ফ্রেম অথবা কাঠা-
মটি প্রস্তুত হইয়া
যায়; তৎপরে উহার
সহিত গদি ও অলঙ্কার
কারুকার্যাদি সুদৃঢ়-
ভাবে আটকাইয়া
দেওয়া হয়। সমস্ত
দ্রব্যটি একরূপ স্কো-
শলে প্রস্তুত যে,
সহজে ইহার যোড়
প্রভৃতি ধরিবার উপায় নাট। অবিকল হস্তনির্মিত
কেদারা। অধিকতর হস্তনির্মিত কেদারা হইতে ইহার
সুবিধা এই যে, ইহার অংশগুলি খুলিয়া ফেলিয়া



কলে প্রস্তুত বাঁশ, বেত অথবা সমশ্রেণীর উপাদানের প্রস্তুত আসবাব।

দক্ষিণে শূন্য-ফ্রেম, বামে সম্পূর্ণ প্রস্তুতাকৃতি কেদারা

পাদনের জন্ত প্রয়োজন, তাহা দেশীয় উপাদানে দেশীয়
মিস্ত্রীর দ্বারা ই প্রস্তুত হইতে পারে।

শ্রীনিবন্ধবিহারী দত্ত।

আশুতোষ তর্কভূষণ

যশোহর লক্ষ্মীপাশা থানার
এলাকাধীন মল্লিকপুর গ্রামের
বিখ্যাত পাণ্ডিত মহামহো-
পাধ্যায় আশুতোষ তর্কভূষণ
মহাশয়ের যুত্যাতে বালা
বথার্থই একটি পাণ্ডিত রত্নে
বঞ্চিত হইয়াছে।


তর্কভূষণ মহাশয় ১২৬৮
সালের ২০শে ভাদ্র তারিখে
মল্লিকপুরের প্রসিদ্ধ চট্টোপাধ্যায়
বংশে জন্মগ্রহণ করেন। স্বর্গীয়
বিশ্বনাথ শিরোমণি তাঁহার
পিতামহ এবং স্বর্গগত উমাচরণ
তর্কালঙ্কার তাঁহার পিতা।

তর্কভূষণ মহাশয়ের পাণ্ডি-
ত্যের বিষয় বিদ্বান্ মাঝেই
অবগত আছেন। তিনি কুম্ভা-
ঞ্জলির সৃষ্টিক বঙ্গানুবাদ করেন।



৮০০০ রাজেন্দ্রনাথ শাস্ত্রী বাহা-
তুর কর্তৃক অনুরুদ্ধ হইয়া তিনি
নব-জ্ঞানের বঙ্গানুবাদ করিতে
আরম্ভ করেন। শারীরিক
অসুস্থতা নিবন্ধন এই কার্য
তিনি সম্পূর্ণ করিয়া যাইতে
পারেন নাই। মাত্র একখণ্ড
প্রকাশিত হইয়াছিল; উহাতে
তিনি নব-জ্ঞানের প্রয়োজন,
পারিভাষিক শব্দ প্রয়োগের
উপযোগিতা এবং তাহার অর্থ
ও প্রত্যক্ষ নিরূপণ পর্য্যন্ত
লিপিবদ্ধ করিয়া যান।

আশুতোষ নিষ্ঠাবান্ ব্রাহ্মণ
ছিলেন, তাঁহার ধর্মভাব অত্যন্ত
প্রবল ছিল। তিনি স্বীয় ভিক্ষা-
লব্ধ অর্থের অগ্রাংশে একটি শিব-
মন্দির প্রতিষ্ঠা করেন।



ভাদুড়ী মশাই

৭

বেলা দশটা আন্ধাজ দেবস্থানে নক্সা দেগে ছ'জনে সিগারেট ধরালেন, আচার্য্য সভক্তি পূজারীকেও একটি দিলেন, পূজারীর সঙ্গে প্রথম সাক্ষাতেই তিনি প্রণয়বদ্ধ হয়ে পড়েছিলেন।

নক্সার পাতনামা দেখে আচার্য্য উৎসাহের সহিত বললেন, "শেখা বিজ্ঞে না হ'লে এমনটি হয় না—পাকা হাত বটে। এক মেটেতেই এই—বাঃ—বাঃ! দিদি দেখলে ভারী খুসী হবেন!"

নবনী হাসতে হাসতে বললে, —"আপনি ভাল বললেন আর ফল কি? আপনার মত খাঁটি সমঝদার দাতা-কর্ণদের ভেতর কেউ বেরিয়ে পড়েন—তবে না!"

আচার্য্য বললেন, "কাষ-কন্মের কথা বলছ? আরে রাম, চাকরীতে মারো ঝাড়ু। তোমার ভাবনা কি বাবাজী, যে হাত দেখছি, মধুপুরেই একটা পাহাড় পছন্দ ক'রে 'মধুগুহা' বানিয়ে ফেল, অজন্তার আওয়াজ খেমে যাবে। মাসিক সাহিত্যের dropsy department (সোথ বিভাগটা) চুপসে হাঙ্কা হবে।—fill up এর (গতর বাড়ানোর) নূতন মেওয়া মিলবে। খাঁদা-বোচা, ল্যাংড়া-মুলো, কক্কাকাটা 'কলা' আর গিলতে পারা যায় না।"

নবনী বললে, 'উত্তম আজ্ঞা করেছেন, কিন্তু আমার ইচ্ছা, বাইরে ছ'একটা খণ্ডপ্রলয় (ছোটো কাষ) ক'রে গুহা প্রবেশ করি।"

আচার্য্য।—তা বেশ,—সে ত তোফা কথা। নক্সা দেখে পর্যন্ত ভাবছি, ঠিক তোমার উপযুক্ত একটা কাষ সামনেই রয়েছে, বাবাজী! বাহাছরী কাঠ চালা করতে পারবে ত?

নবনী সহাস্যে বললে, "তা পারবো না কেন? সে আর শক্তটা কি?"

আচার্য্য সোৎসাহে মাথা নেড়ে বললেন, "বাস,—মার দিয়া! কুড়ুলের মুখেই কন্ম। ঢেঁকী বানাতে লেগে যাও। আর জগন্নাথদেব নবকলেবর ধারণ করেন জান ত! আহা! দারুভূত মুরারি! দেখ বাবাজী, তোমার ওই শ্রী sketch,—বাজালায় কি বোলব হে? ঐ বাবা-দাগার এক খাঁচড়েই বুঝে নিয়েছি—সম্প্রতি ও কাষটির জন্তে তোমার চেয়ে উপযুক্ত কারিগর কেউ জন্মগ্রহণ করেনি। ঢেঁকী আর জগন্নাথ, আহা,—রাজ-ষোটক দাড়িয়ে যাবে। একেই বলে রথ দেখা আর কলা বেচা। দেখে নিও, আমি ব'লে দিচ্ছি, বাবাজী,—তুমি হাত লাগিয়েছ কি উতরে গেছে। পড়তে পাষে না, বাবাজী—পড়তে পাবে না। ও ছ'টিই হিঁদুর ইহ-কাল-পরকালের জিনিষ। জগন্নাথদেবের ত কথাই নেই,—বড়লোকের ঘরজামায়ের পাকা নমুনো,—কেয়া হাত গুটিয়ে ইয়া ভোগ লাগাচ্ছেন। স্বত্তরের ওপর দেবতার কৃপাও কম নয়—হীরের আংটা, কলী-বড়ি, দস্তানা; ডাইনষ্টিক বাদ দিয়েছেন! আর ঢেঁকী ত—'এক এব সুহৃদ!' স্বর্গে গেলেও ধান ভেনে দেয়,—জান তো।"

নবনী আমোদপ্রিয় যুবা, সে এখানে এসে ভারি মুন্সিলে পড়েছিল। আজ আচার্য্যকে খাঁটি অবস্থায় পেয়ে 'দিনগুলো কাটবে ভাল' এই ভেবে মনে মনে ভারি খুসী হচ্ছিল। সে বললে, "আপনি একটু ঝেড়ে আশীর্বাদ করুন, তা হ'লেই—"

আচার্য্য বললেন, "সে বলতে হবে কেন, বাবাজী—সে কি এখনও বাকি আছে।" ইত্যাদি কথায় সিগারেট

ভয় ক'রে ছ'জনে উঠে পড়লেন। আচার্য্য বেশ আনন্দে ছিলেন, দেবস্থানে এলেই শোধন করা পাত্র পেতেন,—বাসার মাড়োয়ারী দরওয়ানের বাগানের ভাঙ! নবনীর সঙ্গেও বেশ বনিয়ে নিয়েছিলেন। পুত্রকামীদের চিন্তা ছিল স্বতন্ত্র, এঁদের সৃষ্টিতে দিন কাটানো। ছ'জনে নানা রহস্যলাপে বাসার ফিরলেন।

নবনীর ছিল মালকোচা, লপেটা, পাঞ্জাবী আর সোনার চশমা। আচার্য্যের ছিল মটকা নামাবলী, নাগরা; অধিকন্তু টিকি দাড়ী আর সিঁদুরের ফোটা। বনের বাইরে এসে বেশ স্বচ্ছন্দ গলায় আচার্য্য শুরু করলেন, “গুপ্ত কাষের বায়গাই এই, আধ মাইলের মধ্যে মাতৃবের মাড়া-শব্দ নেই। আমাদের কায়টিও রাত আটটার সময়! কোন শালা জানতেও পারবে না, নির্কিয়ে হয়ে যাবে। আর—বা কল বানিয়েছ, একবার করে-কস্মে ফেলতে পারলেই ফতে। অনেক মাথা ঘামিয়েছ, হাবাজী, আর একটা সিগারেট ধরিয়ে ফেল।”

নবনী বললে, “আমিও ঠিক এই ইচ্ছা করছিলাম।” এই ব'লে সে দাঁড়িয়ে গেল।

আচার্য্য বললেন, “করবে বই কি বাবাজী,—বুধা কথা কইবো কেন?”

উভয়ে দাঁড়িয়ে সিগারেট ধরতে গিয়ে দেখলেন, হাত ছয়েক পেছনে একটি না-যুবা না-প্রোচ আসছেন, তিনি কাছাকাছি হয়ে হাসি মুখে জিজ্ঞাসা করলেন, “আপনারা এই পূজোর বন্ধে নূতন এসেছেন বুঝি? এখানে এক হস্তার জন্তে এলেও উপকার পাওয়া যায়। আমার জীবনের আশাই ছিল না, মাসখানেক হ'ল এলেছি—এই দেখছেন ত! তবে খুব বেড়ানো চাই, এই তিন মাইল ঘুরে আসছি, তা হ'লেই তিন ছ'গুণে ছয় হ'ল। বাসটা বড় দূরে, এই বা অসুবিধা,—পরের বাসার থাক কি না!”

অনেক কথাই তিনি একটানে ব'লে গেলেন। খুব মিশুক লোক, ছ'মিনিটেই আলাপ-পরিচয় হয়ে গেল। কানে কম শোনেন, নাম মতিলাল বাগ্‌চী।

নবনী তাঁকেও একটি সিগারেট দিয়ে তিন জনে আলাপ করতে করতে বাসার ফিরলেন।

“আমি এই দিকেই বেড়াতে আসি, মনের মত

লোক পাওয়া বড় ভাগ্যের কথা মশাই। প্রাণের কথা না হ'লে প্রাণ বাঁচে কি? বাহ্যের জন্তে যেমন আলো চাই, বাতাস চাই, তেমনই প্রাণ খুলে কথা কবার আড্ডাও চাই। আশ্চর্য্য, ‘হাইজিন’ লেখকদের এত বড় দরকারী কথাটার দিকে হ'স নেই! আপনাদের ছেড়ে যেতে ইচ্ছে করছে না। বেলা না হ'লে চা খেতে যেতুম, আচ্ছা, কা'ল হবে,” ইত্যাদি ব'লে বাগ্‌চী মশায় বিদায় নিলেন।

নবনী বললে, “বাঃ, লোকটি কি মিশুক! এক মুহূর্তে যেন কত আপনার! চেহারাও বেশ, নিশ্চয়ই খুব ভদ্র বংশের।”

আচার্য্য বললেন, “সুজলা সুফলা দেশের লোক একদম মোলায়েম। ফলগুলোই দেখ না—ফল দেখেই ত বিচার—ছুটি, আতা, পেঁপে, কলা, আহা! ছ'দিনেই সুজলা! পুরুতকে আর নৈবিড়ি বাড়ী পর্য্যন্ত নে যেতে হয় না, পথেই পচ ধরে,—জল কাটে! এক ভাগ মাটি, তিন ভাগ জল—সে আমাদেরই এই বাবাজী দেশটিতেই পাবে, বাবাজী—ছ'টিই সেরা জিনিষ।”

নবনী হাসিছিল বটে, কিন্তু মনে মনে আচার্য্যের প্রতি অধিকতর আকৃষ্ট হচ্ছিল।

এই ভাবে সৃষ্টিতে বেশ দিন কাটতে লাগল। বাগ্‌চী মশায়ের সঙ্গে আলাপটাও ঘন হয়ে দাঁড়াল। তিনি এক দিন চা খেতে খেতে গুনিয়ে দিলেন, “আরেক্স শ্রেণীর মধ্যে কেবল আপনাদেরই পেয়েছি, এখানে রোজ একবার না এলে থাকতে পারি না।” ছ'দিন নুচি পাঠাও খেয়ে গেলেন;—বেশ খোলাখুলি আলাপ হয়ে গেল। লজ্জার খাতিরই হোক বা যে কারণেই হোক, পুত্র-কামনার সাষ্টাঙ্গ কাঠামোর কথাটি কেবল বাদ থাকত।

৮

পাঁজিতে পূজা এসে গেল।

তারিণী সামন্ত “কারণের” কেস, ভাহুড়ী মশাইএর চলীর জোড়, আচার্য্যের গরদের জোড়, মাতঙ্গিনীর মা'র পাশী, প্যাটার্ণের বেনারসী, “রাউন্স-পীস্” প্রভৃতি নিয়ে হাজির হয়ে গেল।

মধুপুরের রাস্তা হেসে উঠলো। পূজার পাট তুলে দিয়ে বাবুরা সরে এলেও,—পোষাকের পাট,—পথে চাঁদের হাট সাজিয়ে দিল। বিদ্বান্, মুর্খ, কর্তা, সম্বন্ধী, সরকার—সব একাকার! পরিবার-পরিচারিকার প্রভেদ ঘুচে গেছে। ছেলেমেয়েরা নানা বেশে জনস্রোতে যেন ফুলের মত হেসে ভেসে বেড়াচ্ছে!

বাবুরা কেহই কম নয়, সকলেই বাঘ মারতে মারতে চলছেন;—কারুর মুখে ছোট কথা নেই। মোটর, মাইন্, ফ্যান্, ফেল্লস্, পেল্লেটি, প্যালন্, হামিল্টন্, হেমো, মোবিউন্, বিলিয়'র্ড, টেনিস্, ডার্ভি ইত্যাদি ইত্যাদি বড় চর্চা চলেছে। Comfort (আয়েস) ছাড়া কথা নেই,—থাকবাব কথাও নয়।

কোন কথাটার মাথা মুগ্ধ নেই, কারণ, একের মুগ্ধ থেকে অন্য ছোট মেরে নিচ্ছে। নিজের কথাটা শোন!—বার তরে সকলেই বাস্তব। এক জন বললেন, ফেল্লস্ ছাড়া কাবও cut (কাট ছাঁট) আমি ব্যবহারই করি না। এই Home spun (নির্লেপ্ত বোনা) উইণ্ডসার গল্ফ।—তাঁর শ্রোতাকে টেনে অপর এক জন নিজের হাতটা এগিয়ে ধরে আঁটা দেখিয়ে বললেন,—“বেটারা বলে স্বদেশী—স্বদেশী! হামিল্টন্ ছাড়া এ রকম পালিস কেউ করে দিক না দেখি! এ তাঁদের ম্যাকাডা-মাইজিং মেটরিয়েন্স (রাস্তা মেরামতের মশলা) নয়! বুঝলে—ধীরেন, আর এই লকেটটা” বলে তিনি সেটা এগিয়ে ধরে কি বলতে যাচ্ছিলেন; অপর এক জন বলে উঠলেন,—“কাষের কথাটা শোন, বিজয়ার রাত্রে রায় বাহাদুর গার্ডেন পার্টি দিচ্ছেন। এ পকায়ো মারা পূজো নয়!—পেল্লেটিতে টেলিগ্রাম চলে গেল। মিস্ মলিনা গাইবেন,—কি গ্রাণ্ড গলা! ‘মলয় আসিয়ে’ এক-বার ধবুলে প্রলয় করে ছাড়বেন!”

এক জন বললেন, “I propose—Twice cheers in anticipation.” সকলে তিন বার হিপ্ হিপ্ হবুরে বলে এক পাক ঘুরে দাঁড়ালেন।

সাঁওতাল মজুররা কাষে যাচ্ছিল, চম্কে থমকে—দাঁড়িয়ে দেখতে লাগলো। মজুরীরা প্রত্যেকে প্রত্যেককে ঠেলে কি একটা হাসির কথা করে গাইতে গাইতে চলে গেল।

মিহির বাবু বললেন, “আজ বার্কেরকে দেখতে পাচ্ছি না!”

ধীরেন বাবু বললেন, “রকে কর, বতকণ না আসেন, ততকণই ভাল;—আমার কথাটা শেষ হ'তে দিন!”

বিষ্ণু বাবু একটু পেছিয়ে পড়েছিলেন, হাট-কোটেই তাঁর পরিধেয়। লম্বা লম্বা পা ফেলে দলে পৌঁছেই বললেন, “হালো, গুডমর্নিং! মিষ্টার বার্কের আজ—”

মিহির বাবু বললেন, “এই আপনার কথাই ভাব-ছিলুম, দেবী হ'ল যে?”

বিষ্ণু বাবু বললেন, “এই দেখুন না, মিষ্টার বার্কের এক আরজেন্ট টেলিগ্রাফ করে বসেছেন! একটা রেস্ হর্স (Race horse) কিনবেন, তা আমি না পছন্দ করে দিলে হবে না! হাই ফামিলির (High family) ছেলে, নিজের ত কখনও কিছু করেনি! আমার কি কোথাও নড়বার যো আছে! সে দিন সেই বলছিলুম না—”

ধীরেন মিহিরকে গা টিপে বললে, “এই মাথা খেলে, থামাও দাদা!”

বিষ্ণু বলে চললেন, “বার্কেরকে কি পোষাকে ভাল দেখায়, তাও আমাকে বলে দিতে হবে। মিসেস্ বার্কের প্রায়ই প্রাইভেট সেক্রেটারীর কাছে বান—মস্ত সব connection (সম্পর্ক), ডিউক অফ মার্বুলবরোর মেয়ে কি না! সে দিন হেসে বললেন—”

এই সময় আচার্য্যকে আসতে দেখে বিরক্তভাবে unwelcome visitor (আপুদে আগন্তক) বলে, তিনি ভুরু কুঁচকে তাঁর দিকে চেয়ে রইলেন।

রায়সাহেব কৈবল্য বাবু বলে উঠলেন, “ম্যাডামপুরে এ বেয়াড়া মুষ্টির আমদানী কোথেকে হ'ল! টাদা চাইবে না কি!”

কে এক জন চুপি সুরে বললেন, “সেও ভাল—তু একখানা দিতে রাজি আছি, বাবা,—বার্কের থামলে যে বাঁচি!”

কথাটা রজনী বাবুর কানে পৌঁছয়নি, তিনি কৈবল্য বাবুর কথা শুনে বললেন—“ও সব চাল এখানে চলবে না!”

ইন্দু বাবু বললেন—“বেটা যে কোঁটা টেনেছে, এই

ব'লে দেখ না—কতাদায়! রোজগার যেন ওই বেটাদের
জন্তে।”

মুনসেফ বাবু বললেন—“দেখ না ভাগাছি—”

বিষ্ণু বাবু অসহিষ্ণু হয়ে উঠছিলেন, তিনি আরম্ভ
ক'রে দিলেন—“খাঁটি ইংরাজ কি না, মিষ্টার বাক্সে আজ
এগারো বছরেও বিষ্ণু উচ্চারণ করতে পারলেন না,
লেখেনও Beast-you ডাকেনও Beast-you! ঠুঁর
মুখে এমন মিঠে শোনায়—”

আচার্য্য এসে পড়ায় মুনসেফ বাবু একটু এগিয়ে
নমস্কার ক'রে বললেন, “মশাইকে নতুন দেখছি, এখানে
কেউ ‘প্রতিমে’ এনেছেন না কি?”

আচার্য্য সহাস্তে উত্তর দিলেন—“এনেছেন ত
অনেকেই দেখছি।”

সকলে অবাক হয়ে আচার্য্যের দিকে ফিরে চাইলেন।

মুনসেফ বাবু বললেন—“না—সে কথা নয়, তবে
এ অঞ্চলে—”

আচার্য্য বক্তাকে অবসর না দিয়ে নিজেই বললেন—
“লোকের ভুলচুক হওয়াটা ত আশ্চর্য্য নয়; তবে তাতে
ডুবে শুকু হওয়া চলে।”

বিষ্ণু বাবু থাকতে পারছিলেন না—বললেন,
“বুঝলেন, আমি এত দিন জানতুম না যে, মিষ্টার বাক্সের
বকিংহাম প্যালেসের এক পাঁচীনে ঘর—”

অমৃত বাবু জনান্তিকে বললেন,—“জালালে বাবা,
যেন তুতে পেয়েছে—”

আচার্য্য শুনতে পেয়ে হাসিমুখে বললেন—“ভয়
কি, কর্নাশায় পিণ্ড দিন না,—গয়্যার কায নয়!”

এক দরের লোক নয়—তবু—অতটা মাথামাথিতাবে
আচার্য্যের কথা কওয়াটা মুনসেফ বাবুর পছন্দ হচ্ছিল
না! তিনি তাঁর কথায় কান না দিয়ে, জিজ্ঞাসা
করলেন—“হাত দেখা আসে?”

“আসে বইকি,—জর না কি? ম্যাডাপুরে ত জর
হবার কথা নয়। জর হ'লে ত এখানকার নামী
রোগটা দেবে যায়।”

মুনসেফ বাবু জিজ্ঞাসা করলেন,—“নামী রোগটা?”

“হানটাকে আপনারাই Madiপুর (ম্যাডাপুর)
বললেন না?”

মুনসেফ বাবু আর কথা কইতে না পেয়ে থ হয়ে
চেয়ে রইলেন।

বিষ্ণু বাবু ফাঁক পেতেই ধরলেন—“সে দিন কী মজাই
হয়েছিল! একখানা সাত পাতা রিপোর্ট দেড় ঘণ্টার
লিখে দি, মিষ্টার বাক্সে ত দেখেই অবাক। তার পর
পিট চাপড়ে বললেন—“এ সব তুমি না লিখলে কোন
এ্যাংলো ইণ্ডিয়ানকে দিয়েও আমার বিশ্বাস হয় না।
এর আরো ছ'কাপি টাইপ করিয়ে আমাকে দিও,
বুঝলে?” দেখি এই ‘New year list’এ নব বর্ষের
(হর্ষ) তালিকায়—”

সতীশ বাবু নেপথ্যে—“পাগল না কি!”

আচার্য্য তাঁর দিকে ফিরে বললেন,—“ম্যাডাপুরে
অন্ত সব রোগ সারতে পারে—বুদ্ধি পায় কেবল ওইটিই;
সাহেবরা না দেখে আর Etymology ঠিক করে নি!
—আচ্ছা, এখন নমস্কার স্মারেরা (Sirs)।”

বিষ্ণু বাবু শুরু করলেন—“দেখুন, সে দিন মিষ্টার
বাক্সে—”

মোহিত বাবু আর সইতে না পেয়ে ব'লে
ফেললেন—“কি পাপ!”

আচার্য্য একটু উঁচু গলায় ডাকলেন—“এস নবনী
বাবু—ট্রেন বোধ হয় এসে গেল। মোটরখানা আজ
না এলে আমাকে কল্কেতার ফিরতেই হবে। এ রকম
ক'রে হেঁটে বেড়ানো আমার কর্ম নয়। Comfort
(আরাম) খোয়াতে আসা নয় ত!”

ছ'পা তফাতে ছ'সাতটি উৎসাহী বাবু-সাময়িক রাই-
সহরের জমীদার পশুপতি বাবুকে ঘিরে তাঁর aim এর
(লক্ষ্যের) প্রশংসা করছিলেন। তাঁর হাফ-প্যান্ট
গেলা সার্টের উপর ছাট, আর হাতে বন্দুক ছিল। তিনি
এইমাত্র ছ'টি ঘুঘু মেরে, বন্দুকের নল ধ'রে সোজা হয়ে
দাঁড়িয়ে, তাঁদের প্রশংসাবাণী উপভোগ করতে করতে—
ফড়াং ক'রে পকেট থেকে সিঙ্কের সুগন্ধী কুমালখানা
টেনে, কপালের ঘাম মুছলেন। সামনেই রক্তাক্ত
ঘুঘু ছ'টির ডানা তখনও থবুথবু ক'রে কাঁপছিল।

মোটরের কথাটা কানে বাওয়ান স'া ক'রে ঘুরে
আচার্য্যের দিকে বুঁকে প্রশ্ন করলেন—“কার মোটর
মশাই?”

আচার্য্য সে কথাটার জবাব মূলতুর্নী রেখে ব'লে উঠলেন—“এ কি! আপনি মারলেন না কি? খুব সাফাই ত, ছটাকে জিনিষ মারাতেই ত হাতের সার্থকতা। বাস্তবজগতের তবু গতির আছে,—এখানে দেখছি ষেখেষ্টে,—হাত লাগান না! আচ্ছা, সে কথা পরে হবে,—মোটরের কথা বলছেন? এখন সখের মধ্যে ঐ একটিমাত্র আছে।”

পশুপতি বাবু জিজ্ঞাসা করলেন --“ইংলিশ না কি? মেকারটা কে?”

আচার্য্য পশুপতি বাবুর দিকে চেয়ে খুব সহজভাবে বললেন—“এখানা মিনার্টা।”

ধীরেন—Power?

সুধেন্দু—Speed?

প্রশ্নোত্তরে পাঁচ মিনিট কেটে গেল! বোঝা গেল, আচার্য্য একক্ষণে তাঁদের এক জন ব'লে গৃহীত হয়েছেন! সকলের দৃষ্টিই তাঁর ওপর!

কেবল বিষ্ণু বাবু ছটফট করছিলেন, মাঝখানেই শরৎ বাবুকে ঠেলে আরম্ভ করলেন, “মিষ্টার বাক্কে, বুঝলে?”

এবার আচার্য্য তাঁর কথাটা কেড়ে নিয়ে নিজেই শুরু ক'রে দিলেন, বললেন, “বুঝবো আর কি, বরাবর আপনার কথাতেই আমার একটা কান রেখেছি। আজ ইষ্ট্রুপিড্ আশুটো মানুষ হয়ে যেতো, তিনি সইতে পারলেন না! মিষ্টার বাক্কে, কত বড় ঘরোয়ানা—ডিভনশায়ারের সম্বন্ধী! হাইডপার্কের ওঁর পূর্ব-পুরুষের ষ্ট্যাচু (মর্ম্মর-মূর্ত্তি) রয়েছে, স্বর্ণাক্ষরে লেখা—‘টেম্‌স্‌ নদীর পোল-প্রণেতার স্মরণার্থে।’ তাইটে বুঝলেন, গ্রাজুয়েটা গরম! খুব ভালবাসতেন, কিন্তু ওঁদের ধারামত “অ্যাস্‌-ইউ” (Ass-you) ব'লে ডাকতেন আর লিখতেনও। রাসকেল্ বরদাস্ত করতে পারলে না। সকলের কি সুর-বোধ থাকে, ওঁর মিষ্টতা তাঁর উপলব্ধি হ'ল না। মরুক্ গে যাক্!”

বিষ্ণু বাবু প্রথমটা অবাক্ মেরে গিয়েছিলেন, ক্রমে তাঁর হুল ধরেছিল। বললেন, “আপনি ওঁদের চিনলেন কি ক'রে?”

“ওঁর ভগ্নীকে ষে ‘মেঘদূত’ আর ‘মুগ্ধবোধ’ পড়াতুম!”

শরৎ বাবু বড় উকীল, আচার্য্যকে বললেন, “অভদ্রতা না হয় ত, এখন আপনার বিষয়কর্ম্ম—”

আচার্য্য সহাস্তে ও সহজভাবে উত্তর দিলেন—“এই সকলে যা ক'রে থাকে, তাই; অর্থাৎটা না বলাই ভদ্রতা, তবে between brothers (তাই ভায়ের মধ্যে) অন্তের মাথায় হাত বুলিয়ে খাওয়া আর ঘুরে বেড়ানো,—সেটা অবশ্য আয়েস আর আরামের ঘুরণী হওয়া চাই! তবে যদুপুরের রাজার সঙ্গে খুব intimacy (ঘনিষ্ঠতা) থাকায় (আমরা অভিন্ন বন্ধু), তাই যেখানেই থাকি,—এই আর কি! আচ্ছা, আজ তবে চললুম,—মোটরখানার জন্তে বড় অসুবিধে বোধ করছি;—এসে না ষ্টেশনে প'ড়ে থাকে। এস নবনী—”

“ইনি?”

“ইনি ইঞ্জিনিয়ার আবার রিসার্চ স্কলারও (Research scholarও)। এই বন্ধের পরেই Sind Excavationএ লাগবার আদেশ পেয়েছেন। সেখানে না কি আর্ধ্য সভ্যতার বিপুল সম্ভার মাটির নীচে মুখ লুকিয়ে আছে। উনি শুনেছেন—even ভীম নাগের সন্ধেশের পাক পর্যন্ত তাঁরা না কি প্রস্তরফলকে অবিনশ্বর ক'রে রেখে গেছেন। ওঁকে অনেক ক'রে এই কটা দিন আটকে রেখেছি।” এই ব'লে আচার্য্য হাসতেই সকলে যোগ দিলেন।

“আচ্ছা, আর নয়, এসো ছে।”

মুন্সেফ বাবু একক্ষণ থ হয়ে ছিলেন, তাঁর jurisprudence (ব্যবহারবিজ্ঞা) জল হয়ে এসেছিল। বললেন—“একটা কথা—বিজয়ার দিন আমাদের পাটা আছে, আপনার আপত্তি না থাকে ত—”

আচার্য্য উৎসাহের সুরে বললেন—“সে কি,—কিছু না, কিছু না। এই ত চাই। এখানে আসা কি কেবল ঠাকুর-চচ্চড়ি চিবুতে! Bill of fareএর Shareটা (পাত খরচাটা) শুনতে পেলো—”

“আপনাদের মত লোক পাওয়াটাই মস্ত একটা acquisition পরম লাভ! সে সব নয়, রায় বাহাদুর নিজে আমাদের host। (ভোজদাতা)”

“বেশ কথা, তবে by turn (এক এক করেই) চলুক না। আচ্ছা, তবে এখন চললুম, মোটরখানার

জন্মে চঞ্চল হয়েছি। অভদ্রতা কমা করবেন, এসো হে, নমস্কার—নমস্কার।”

আচার্য্য আর নবনী ষ্টেশনের রাস্তা নিলেন।

বাবুদের মধ্যে এক জন বললেন, “বেশ লোক, কাটবে ভাল! কি স্ফুর্তি দেখেছেন?”

অপর এক জন বললেন, “বেশ্পতি বাঁধা যে!”

বিষ্ণু বাবু দ’মে গিয়েছিলেন, ফাঁক পেতেই মাথা নেড়ে আরম্ভ ক’রে দিলেন, “শুনলেন ত ডিভন-শায়ারের! তবে উনি আর হ’ঃ!—মিষ্টার বার্কের।”

আর শোনা গেল না।

নবনী এতক্ষণ অবাক হয়ে শুনছিল, এই বার আচার্য্যকে জিজ্ঞাসা করলে,—“ষ্টেশনে সত্যি যাবেন না কি,—কার মোটর?”

আচার্য্য সহাস্তে বলিলেন,—“পাগল না কি,—মোটর আবার কার? ওরা ছুনিয়ান ওইগুলোকেই পরমার্থ ব’লে জানে; ওদের কাছে ওর মান মা-বাপের চেয়ে ঢের বেশী। ও-নাম না করলে কি রক্ষ ছিল! ‘পূজারী’—পরে—‘হাত দেখা আসে ত’ ব’লে শুরুই ত হ’য়েছিল! তার পর প্রশ্ন হ’ত—‘রাঁধতে পার?’—মোটর বলতেই বুঝে নিলে—মানুষ! হাওয়া উলটো ব’ঠলো,—আওয়াজ খেমে গেল! বুঝলে বাবাজী!”

বিস্ময়বিম্ব নবনী সহাস্তে বললে,—“খুব মজা করেছেন ত,—আপনিও ত কম নন দেখছি।”

আচার্য্য সহজভাবে বললেন—“আমার . ত কম হবার কথা নয়, বাবাজী! আমি যে দেশের দশ জন লোকের এক জন,—আমাকে যে আজন্ম ছুঃখ-কষ্টের মধ্যে রাস্তা ক’রে পার হবার চেষ্টা করতে হয়েছে। তাই পোলাও-কালিয়াও খেতে পারি, আবার মুড়ি খেয়ে গামছা প’রে বেশ সহজভাবে দিন কাটাতেও পারি। কিন্তু ওদের থেকে টাকাটা বাদ দিলেই—বদ রং! কল-কজা এলিয়ে যায়, কাটামোর খড় বেরিয়ে পড়ে! তা ব’লে সবাই তা নয়, তবে অনেকেই ঘুঁমারা সব্যপাটী আর বার্কলে বাতিকগ্রস্ত, তথা মোটর-মুখ! আমাদের গরীব দেশের ওরা কেউ নয়। যাক,—এই বার বাসার রাস্তা ধর—”

একটু নীরব থেকে কি ভেবে, আবার তিনি শুরু করলেন,—“দেখ বাবাজী—ইচ্ছে ত করি—pure nonsense নিয়ে (নিছক বাজে কথায়) দিন কটা কাটিয়ে দি; তার চেয়ে সুখ আর নেই—ঝঞ্জাট কমে। কিন্তু তোমাকে ভালবেসে ফেলেছি, তাই ছ’একটা দর-কারি কথাও বেরিয়ে পড়ে।”

[ক্রমশঃ।

শ্রীকৈদারনাথ বন্দ্যোপাধ্যায়।

স্মৃতি

বাঁধনের ডোর ছিঁড়ে গেছে মোর,
হয়েছে ভাঙ্গন শুরু,
মিলনের লাগি, আবেগে পরাণ
কাঁপে আজ দুঃ দুঃ।

কোনু স্বদূরের সন্ধ্যাবেলায়
নিরালা সেতুর পরে,
স্বপন-বুলান পরশ তোমার
হিয়া দিল যেন ভ’রে।

গভীর তোমার কাজল নয়নে
কত কথা ছিল লেখা,
সুপ্ত হাসিটি অধরে আমার
তুমি এনেছিলে একা।

তুষিত আমার তৃষ্ণা বাড়ায়ে
চলি গেলে কোনু দূরে,
প্লথ অঞ্চল মুক্ত কবরী
লুটাল ধরণী’পরে।

ছুটি ফোঁটা জল কাল আঁধি হ’তে
সহসা পড়িল ঝ’রে,
মুছায় অশ্রু আসিব আবার,
বলি চলি গেলে দূরে।

এসেছে জ্যোৎস্না, এসেছে সন্ধ্যা
এসেছে মলয় ছুটি,
তুমি ত এলে না—স্মৃতিটুকু শুধু
মানসে উঠিল স্মৃতি।

শ্রীবৈষ্ণনাথ সিংহ।



ভারতীয় বিজ্ঞান কংগ্রেস

ভূতত্ত্ব-বিভাগ

হিন্দু বিশ্ববিদ্যালয়ের ভূতত্ত্ব বিভাগে এই শাখার অধিবেশন হয়। সভাপতি ডাঃ পিলগ্রিম ডি, এস, সি। ভারতের বিভিন্ন প্রদেশ হইতে ভূতত্ত্ব পারদর্শী বৈজ্ঞানিকগণ আসিয়া এই সভায় যোগদান করিয়াছিলেন। সুদূর রেন্ডুন বিশ্ববিদ্যালয় হইতে ডাঃ ষ্টাম্প, ডি, এস, সি, সীমাস্তপ্রদেশ হইতে মেজর ডেভিস, কলিকাতা হইতে ডাঃ পাস্কো, ডি, এস, সি, অধ্যক্ষ স র কারী ভূতত্ত্ব-বিভাগ, ডাঃ পিলগ্রিম, মিঃ ওয়া-ডিয়া, অধ্যাপক হেমচন্দ্র দাসগুপ্ত প্রভৃতি এবং ভারতের অন্যান্য প্রদেশ হইতে অনেকেই আসিয়াছিলেন; এই সভায় ২৫টি মৌলিক অল্পসন্ধানমূলক প্রবন্ধ পাঠ করা হয়। সকল প্রবন্ধই উচ্চাঙ্গের। তবে তন্মধ্যে মেজর ডেভিসের প্রবন্ধগুলি বিশেষ উল্লেখযোগ্য; কারণ, প্রকৃতপক্ষে তিনি যুদ্ধব্যবসায়ী; অবসর-সময় বৃথা আমোদে নষ্ট না করিয়া জগতের জ্ঞান-ভাণ্ডার বৃদ্ধি করিতে তৎপর রহিয়াছেন; ভূতত্ত্বের

একটি অংশ “প্রস্তরীভূত মৃত জীব-শরীরতত্ত্ব” (Palaeontology) বিশেষভাবে শিক্ষা করিয়া তৎসাহায্যে গত যুগের নূতন নূতন প্রাণীর প্রস্তরীভূত শরীর আবিষ্কার করিয়া সীমাস্তপ্রদেশের শিলাসমূহের ইতিহাস সঠিকভাবে লিপিবদ্ধ করিতেছেন। তাঁহার ৩টি মৌলিক প্রবন্ধ সভাগৃহে পঠিত হইয়াছিল। ডাঃ ষ্টাম্প ব্রহ্ম প্রদেশের ভূতত্ত্ব অবগত হইতে সচেষ্ট আছেন এবং তাঁহার লিখিত দুইটি প্রবন্ধই ঐ দেশস্থ ভূতত্ত্ব-সম্বন্ধীয়। ডাঃ ষ্টাম্প অদ্ভুতকর্মী; তিনি বয়সে নবীন হইলেও অল্পসন্ধানমূলক বহু প্রবন্ধ রচনা করিয়াছেন এবং

ভূতত্ত্ব-চর্চায় তিনি এতই আনন্দ লাভ করেন যে, গত মহাযুদ্ধের সময় যুদ্ধ-কার্যে সংশ্লিষ্ট হইয়া বেলজিয়মে অবস্থানকালীন মৃত্যুর সম্মুখীন হইয়াও ভূতত্ত্ব-চর্চায় নিরন্তর হয়েন নাই; এবং সেই সময়ে বেলজিয়মের ভূতত্ত্বসম্বন্ধীয় বহু নূতন তথ্য বৈজ্ঞানিক জগতে প্রচার করায় তিনি প্রসিদ্ধি লাভ করেন।

“শিলাতত্ত্বের” (petrology) দিক দিয়া দেখিলে অধ্যাপক কৃষ্ণকুমার মাথুরের ও তাঁহার সহকর্মীদের অল্পসন্ধানমূলক প্রবন্ধের প্রথম শ্রেণীর আখ্যা



ডাক্তার পিলগ্রিম

পাইতে পারে। ডাঃ পাস্কো ও সভাপতি মহাশয় প্রবন্ধ দুইটির ভূয়সী প্রশংসা করেন। অসীম কষ্ট স্বীকার ও প্রভূত অর্থব্যয় করিয়া সুদূর কাথিয়াবাড়ে গিয়া সেখানকার গিরণার (Girnar) পর্বতশিলার সমুদায় বিবরণ তিনি প্রথম প্রবন্ধে প্রকাশ করেন। দ্বিতীয় প্রবন্ধে গুজরার দাতা রাজ্যের ভূতত্ত্ব এবং তথ্য মূল্যবান কি কি ধাতু পাওয়া যাইতে পারে, তাহার বিবরণ প্রকাশ করেন। তাঁহার উত্তম প্রশংসনীয়—এ যাবৎকাল পর্যন্ত ভারতবর্ষের ভূতত্ত্ব-সম্বন্ধীয় নূতন নূতন তথ্য সরকারী ভূতত্ত্ব-বিভাগীয় (Geological Survey of India) ইংরাজ রাজকর্মচারীরা আবিষ্কার করিয়া আসিতেছিলেন। বেসরকারী কোন সম্প্রদায়ের উত্তম এই প্রথম; আমাদের দেশের অধিকাংশ দেশীয় রাজ্যের ভূতত্ত্ব আমরা অবগত নহি; ক্রমে ক্রমে যদি সেই সকল তথ্য ভারতবাসী কর্তৃক প্রচারিত হয়, তবে পৃথিবীর জ্ঞানভাণ্ডার বৃদ্ধি করিতে ভারতসম্মান যে যথেষ্ট সাহায্য করিবেন, তাহাতে আর কোন সন্দেহ নাই। অন্যান্য প্রবন্ধের মধ্যে ডাঃ সাহনির আসান্সোলের নিকটবর্তী স্থান হইতে গোওয়ারমা প্রস্তরমধ্যে আবিষ্কৃত প্রস্তরীভূত পুরাকালের একটি গাছের গুঁড়ির—(fossil of a tree trunk) বৃত্তাস্ত এবং অধ্যাপক হেমচন্দ্র দাসগুপ্ত মহাশয়ের লিখিত দেওলী হইতে প্রাপ্ত কয়েকটি প্রাণীর প্রস্তরীভূত জীবিতাবশেষের বৃত্তাস্ত উল্লেখযোগ্য। জম্মু কলেজের সুর্যোগ্য অধ্যাপক মহাশয় কতকগুলি ফসিল দৃষ্টে জম্মু ও কাশ্মীর প্রদেশের শিলা-ইতিহাস-সংবলিত ৩টি প্রবন্ধ রচনা করিয়াছেন।

১৬ই জানুয়ারী এই শাখার সভাপতি তাঁহার অভিভাষণ পাঠ করেন। ভারতবর্ষীয় স্তন্যপায়ী জন্তুদের অতীত যুগের ইতিহাস এবং কোন্ কোন্ দেশে গিয়া তাহারা বসবাস করে, তাহা তিনি মানচিত্রের সাহায্যে সুন্দরভাবে বুঝাইয়া দিয়াছিলেন। তিনি বলেন যে, ইওসিন (Eocene) সময়ের পর হইতে হিমালয় পর্বতের জন্ম হইবার পর ভারতবর্ষ এবং মধ্য-এসিয়া এই দুই দেশের যাতায়াতের পথ বন্ধ হওয়ার এক দেশ হইতে অন্য দেশে জন্তুদিগের যাতায়াত করা অত্যন্ত

দুষ্কর হইয়া উঠে; কিন্তু আফ্রিকা ও ভারতের মধ্যে অপেক্ষাকৃত সহজ পথ থাকায় সেই পথে তাহারা যাতায়াত করিতে থাকে; এই স্থলপথ এখন সমুদ্রমধ্যে নিমজ্জিত হইয়া গিয়াছে এবং এ পথ যে এক সময়ে ছিল, তাহার বিশিষ্ট প্রমাণ পাওয়া যায়।

ডাঃ কটারু কয়েক বৎসর পূর্বে ইওসিন (Eocene) সময়ের প্রাণীর জীবিতাবশেষ ব্রহ্মপ্রদেশস্থ পাকু জিলায় আবিষ্কার করিয়াছিলেন, তাহাদের অপেক্ষা প্রাচীন কোন জন্তু আজ পর্যন্ত আবিষ্কৃত হয় নাই। টাপির ও জলগণ্ডারের পূর্বপুরুষ সুবৃহৎ টাইটানোথিরিস (Titanotheres) যে উত্তর-আমেরিকা হইতে আসিয়া এই দেশে বসবাস করিয়াছিল, তাহা আমরা বুঝিতে পারি।

মধ্য-ইওসিন সময়কার শূকরের অস্থি যুরোপের অনেক ষায়গায় পাওয়া গিয়াছে এবং অনুমান করা হয়, তাহারা সকলেই মধ্য-আফ্রিকাদেশ হইতে আসিয়াছিল। নিম্ন-ইওসিন সময়ে ভারতে শূকররা আসিতে আরম্ভ করে; এই সময়ে শূকরদের প্রিয় জলাভূমিতে অধুনালুপ্ত অল্প এক প্রকার জন্তু “এ্যান্থাকোথিরিস” বাস করিত; তাহারা দেখিতে অনেকটা শূকরের মত, কিন্তু তাহাদের দস্ত বিভিন্ন প্রকার ছিল। এই জাতীয় জন্তু ব্রহ্ম ও বেলুচিস্থানের ইওসিন এবং নিম্ন-মায়োসিন সময়ের শিলামধ্যে যত প্রকার এবং যত সংখ্যক পাওয়া যায়, জগতের অন্য কোথাও তত প্রকার এবং অল্পরূপ সংখ্যায় পাওয়া যায় না। মধ্য-ইওসিন সময়ে শূকরদিগের প্রধান শত্রু এ্যান্থাকোথিরিসের ধ্বংস হইলে অসংখ্য শূকর ভারতে আসিয়া বসবাস করিতে থাকে। অধুনা জগতে যে সমস্ত শূকর আছে, তাহারা সকলেই যে এই সময়কার ভারতবর্ষীয় শূকরের বংশধর, তাহা অনুমান করিবার যথেষ্ট কারণ আছে।

ভারতে “জলহস্তীর” আগমন কোন্ দেশ হইতে হইয়াছিল, তাহা আমরা সঠিক অবগত নহি। বেলুচিস্থানের নিম্ন-মায়োসিন শিলামধ্যে সর্বপ্রাচীন জলহস্তীর এক খণ্ড চোয়াল আবিষ্কৃত হয়, কিন্তু আশ্চর্যের বিষয়, তাহাতে কোন দাঁত ছিল না। জলহস্তীর প্রথমে ছয়টি কৃন্তন দস্ত ছিল, পরে তাহার ত্রাস হইয়া চারটি হয় এবং আধুনিক যে সকল জলহস্তী আফ্রিকায় পাওয়া যায়,

তাহাদের ২টি করিয়া দস্ত বর্তমান। তবেই দেখা যাইতেছে, বেলুচিস্থানে এমন এক শ্রেণীর (species) জল-হস্তী বর্তমান ছিল, যাহার দস্ত মোটেই ছিল না।

সভাপতি মহাশয় আরও বলেন যে, হস্তী ও তাহার পূর্বপুরুষ স্টেগোডন (Stegodon) ভারতভূমিতেই প্রথম সৃষ্ট হয়; তাহার পর প্লায়োসিন (Pliocene) সময়ে অগতের অন্তর্গত গিয়া তাহারা বসবাস করিতে থাকে।

মিশরের নিয় ওলিগোসিন শিলামধ্যে জন্তুশ্রেষ্ঠ কপিদের (Anthropoid ape) প্রথম পরিচয় পাওয়া যাইলেও, মনে হয়, ভারতেই তাহাদিগের ক্রমবিকাশ হইয়াছে। মানবের আবির্ভাব প্রথমে কোন্ দেশে হয়, তাহা আমরা সঠিকভাবে বলিতে পারি না, তবে প্রাচীনতম মনুষ্যের পূর্বসাবশেষ (javan pithecanthropous) প্রাচ্য ভূমিতেই আবিষ্কৃত হইয়াছে।

উষ্ট্রের সৃষ্টি উত্তর-আমেরিকাতেই প্রথম হয়, কেন না, সে দেশে ইওসিন সময়কার শিলামধ্যে উষ্ট্রের বহু পরিচয় পাওয়া যায়। প্লায়োসিন যুগের শেষসময়ে তাহারা মধ্য-এসিয়া হইতে ভারতে আইসে, কিন্তু যুরোপে তাহারা কখনও যায় নাই।

ঘোটকদিগের উৎপত্তি সম্বন্ধে সভাপতি মহাশয় বলেন যে, তাহারাও উষ্ট্রের মত উত্তর-আমেরিকাতে প্রথম সৃষ্ট হয় এবং পরে মধ্য-এসিয়া হইয়া ভারতে আসিয়া তাহারা বাস করে।

“গণ্ডার” জাতি সম্বন্ধে ডাঃ পিলগ্রিম বলেন যে, উত্তর-আমেরিকা হইতে ভিন্ন ভিন্ন সময়ে দলে দলে অল্প স্থানে তাহারা যাইতে থাকে; এবং ঐ জাতীয় এক প্রকার অদ্ভুত শ্রেণীর জীবের একটি জীবিতাবশেষ বেলুচিস্থানে পাওয়া যায়। ইহা আকারে হস্তী অপেক্ষাও বৃহৎ এবং ইহার মাথার খুলীটি ৫ ফুট লম্বা; পরে তুর্কীস্থান এবং চীনদেশেও ইহার জীবিতাবশেষ আবিষ্কৃত হয়। সুমাত্রা-দেশীয় দুইটি শৃঙ্গবিশিষ্ট গণ্ডার যাহারা আজি কালি পূর্ববঙ্গে বর্তমান আছে, তাহাদের আদিম নিবাস যুরোপ। একখণ্ডবিশিষ্ট ভারতীয় গণ্ডারের পরিচয় অন্য কোন দেশে পাওয়া যায় না; কাষেই মনে হয়, তাহাদের উৎপত্তি ভারতেই হইয়াছিল।

নিয়-মায়োসিনের শেষাংশে ভারত যুরোপ হইতে

পৃথক হইয়া যায়; সুতরাং দুই দেশের জন্তু বিভিন্ন প্রকার হইতে থাকে। প্লায়োসিনের প্রথমে যুরোপের জন্তুদিগের মধ্যে ঘোর পরিবর্তন ঘটে। এসিয়া এবং যুরোপের মধ্যস্থ সমুদ্র শুষ্ক হওয়ার অথবা সমুদ্র ক্ষুদ্র ক্ষুদ্র কতকগুলি হ্রদে পরিণত হওয়ার ফলে যে সকল প্রাণীর মধ্য-এসিয়ার ক্রম-বিকাশ হইতেছিল, তাহারা দলে দলে নূতন স্থলপথে যুরোপ ভূমিতে প্রবেশ করে। দৃষ্টান্ত-স্বরূপ তিন খুববিশিষ্ট ঘোটক হিপরিয়ন, জিরাফ, হায়েনা, কুকুর, বিড়াল ইত্যাদির নাম উল্লেখ করা যাইতে পারে। দক্ষিণ-য়ুরোপে প্রথমে ইহারা গিয়া বাস করিতে থাকে; কিন্তু সেখানে অধিক দিন স্থায়ী হইতে পারে নাই। পরে তাহারা আফ্রিকায় গিয়া বাস করে এবং আজিও এই সকল জন্তু সেখানে অবস্থান করিতেছে। প্লায়োসিনের শেষাংশে যুরোপ হইতে তাহারা লুপ্ত হইয়া যায়।

ডাঃ পিলগ্রিমের মতে শেষ দলে যে সকল জন্তু যুরোপ অথবা মধ্য-এসিয়া হইতে ভারতে আগমন করে, তাহাদের মধ্যে—নর্ষদাদেশীয় হস্তী, হিমালয়-প্রদেশস্থ পিঙ্গল বর্ণের ভল্লুক, সিংহ, ব্যাঘ্র ইত্যাদির উল্লেখ করা যাইতে পারে।

উত্তর-আফ্রিকা এবং যুরোপে আজকাল যে প্রকার হায়েনা পাওয়া যায়, সেই প্রকারের হায়েনা কিছু দিনের জন্তু ভারতে বাস করিয়াছিল; কারণ, কারমূলে প্লায়োসিন সময়ের শিলামধ্যে তাহাদের জীবিতাবশেষ পাওয়া গিয়াছে। এই দেশের বন্য শূকরের সহিত যুরোপীয় শূকরের সাদৃশ্য থাকায় মনে হয়, তাহারা উত্তর-দেশ হইতে ভারতে আগমন করে।

পরিণামে সভাপতি মহাশয় স্বীকার করেন যে, স্তন্যপায়ী জন্তুদিগের ইতিহাস আমরা সম্যক্রূপে অবগত নহি এবং ভারতে ঐকান্তিক যত্নসহকারে অনুসন্ধান করিলে এমন অনেক তথ্য আবিষ্কার করিতে পারা যায়, যাহার সাহায্যে স্তন্যপায়ী জীবদিগের প্রকৃত উৎপত্তিস্থল, ক্রমবিকাশ প্রভৃতি আমরা সঠিকভাবে অবগত হইতে পারি।

চিকিৎসা-বিভাগ

লে: কর্ণেল এফ. পি. ম্যাকি, ও, বি, ইং, আই, এম্.
এম্ এই বিভাগের সভাপতি হইয়াছিলেন।

এই বিভাগে সর্বসম্মত ৩২ টা মৌলিক প্রবন্ধ গৃহীত হয়, তন্মধ্যে ষাঁহার উপস্থিত ছিলেন, তাঁহাদের প্রবন্ধ পাঠ করা হয়। অধিকাংশ গবেষণাই বাঙ্গালীর; মিঃ গাঙ্গুলী একাই ৮টি মৌলিক প্রবন্ধ পাঠ করিয়াছিলেন। চিকিৎসাশাস্ত্রের প্রায় সকল বিভাগেই ভারতে যে গবেষণা হইতেছে, তাহা আমরা প্রবন্ধগুলি হইতে অবগত হইতে পারি। পাঠের পর প্রায় প্রত্যেক প্রবন্ধেরই আলোচনা হয়। পরিশেষে সভায় একটি মন্তব্য গৃহীত হয় যে, ভারত গভর্নমেন্ট এবং প্রাদেশিক গভর্নমেন্টকে অহুরোধ করা যাইতেছে যে, ভারতে সংক্রামক রোগের বৃদ্ধির জন্য মৃত্যুসংখ্যা অসম্ভবরূপে বৃদ্ধি পাইয়াছে। তাহার আশু নিবারণের জন্য সরকারী স্বাস্থ্য-বিভাগগুলির উন্নতি করা আবশ্যিক এবং রোগ-নিবারণের জন্য নূতন নূতন প্রক্রিয়া অবলম্বন করিতে হইলে ভারতের সর্বত্র গবেষণা-মন্দিরের প্রতিষ্ঠার প্রয়োজন।

সভাপতির অভিভাষণে লে: ম্যাকি বিশদরূপে বুঝাইয়া দেন, মশকাদি বিভিন্ন কীটের দংশনে কিরূপ বিভিন্ন প্রকার রোগের আক্রমণ হইতে পারে এবং তাহার ফলে মৃত্যুর সংখ্যা কিরূপভাবে বৃদ্ধি পায়। তিনি বলেন, নানা প্রকার কীটের দংশনে বীজাণু শরীরে প্রবিষ্ট হওয়ায় মৃত্যুর সংখ্যা ভারতে ভয়াবহরূপে বৃদ্ধি পাইয়াছে; ইহার আশু নিবারণের উপায় না আবিষ্কার

তিনি আরও বলেন যে, যত দিন না রোগের প্রতীকার করা যায়, তত দিন ভারতের আর্থিক, সামাজিক কোন প্রকার উন্নতি হইতে পারে না, অদৃষ্টের উপর নির্ভর করিয়া থাকিলে আর চলিবে না। সভাপতি মহাশয় আশা করেন যে, প্রাচ্যের অপরাধর জাতি নিদ্রা হইতে যেমন জাগ্রত হইয়াছে, তেমনই ভারতবাসীরও নিদ্রাভঙ্গ হইয়াছে এবং রোগ দূর করিবার জন্য তাহার বন্ধপরিকর হইয়াছে: বহু রোগের প্রতিষেধক উপায়



লে: কর্ণেল এফ. পি. ম্যাকি

দেখিয়া তাহাদের বিশ্বাস হইয়াছে যে, সকল প্রকার রোগই উপযুক্ত উপায় অবলম্বন করিতে পারিলে দূর করিতে পারা যায়। লে: ম্যাকি মহোদয়ের প্রধান বক্তব্য এই যে, আমরা যেন কোন প্রকার রোগে আক্রান্ত হইয়া না পড়ি, তাহার জন্য আমাদের সতর্ক হইয়া থাকা উচিত এবং ব্যাধির প্রতীকারের জন্য আমরা সাধ্যমত অর্থ খরচ ব্যয় করিতে পারি; রোগে আক্রান্ত হইলে, ঔষধপ্রয়োগে তাহা হইতে পরিত্রাণ লাভ অপেক্ষা বাহাতে আক্রান্ত না হইতে হয়, তাহার

জন্য উপায় অবলম্বন করা শ্রেয়: নহে কি? তিনি বলেন যে, মৃত্যুসংখ্যার—বিশেষত: শিশুমৃত্যুসংখ্যার হ্রাস করিলে স্বাস্থ্যবান হইয়া অপেক্ষাকৃত অধিক দিন জীবিত থাকিতে পারা যায়—ইহা পাশ্চাত্য জগতে গত শতাব্দীর শেষ অর্ধাংশে প্রমাণিত হইয়াছে এবং এইরূপ আশাতীত ফললাভের প্রধান কারণ, সে দেশে রোগের প্রতিষেধক যথেষ্ট উপায় অবলম্বন করা হইয়াছিল এবং ঔষধপ্রয়োগে রোগ-নিবারণের দ্বারা কখনও এরূপ ফল লাভ করিতে পারা যাইত না। গ্রীষ্মপ্রধান দেশে যে সকল রোগের আধিক্য দেখা যায়, তাহাদের প্রকৃতি

এবং নিবারণের উপায় নির্ণয় করিতে হইলে, বহু গবেষণা-মন্দির স্থাপন করা উচিত এবং যে যে স্থানে সংক্রামক রোগের প্রাদুর্ভাব হইতেছে, তথায় উক্ত মন্দিরের সেবকগণ গিয়া রোগের সঠিক কারণ ও নিবারণের উপায় করিলে তবে ভারতবাসী ভীষণ রোগের কবল হইতে আশ্রয়লাভ করিতে পারিবে।

কৃষি-ভিত্তিক বিভাগ

মিঃ আর, এন্স, ফিন্‌লোবি, এন্স, সি, এফ, আই, সি, এই বিভাগে সভাপতির আসন গ্রহণ করিয়াছিলেন।

কৃষি তত্ত্ব এবং পশু-চিকিৎসা-সংক্রান্ত প্রায় প্রত্যেক বিষয় সম্বন্ধে মৌলিক গবেষণা এই বিভাগে গৃহীত ও আলোচিত হইয়াছিল। মুক্তেশ্বরের Imperial Bacteriological Laboratoryতে মিঃ হাওয়ার্ড ও তাঁহার সহকারী বর্জুক রুত গোপালন ইত্যাদি শীর্ষক পরীক্ষামূলক কয়েকটি মৌলিক প্রবন্ধ পঠিত হয়।

এই সকল বিষয় সম্বন্ধে মিঃ এন্স কে সেনের দুইটি প্রবন্ধ উল্লেখযোগ্য। কৃষি-তত্ত্বে “দুধের ব্যাকটেরিওলজি” (bacteriology) শীর্ষক মিঃ ওয়ালটনের গবেষণা, ‘উৎকৃষ্ট ধাতুর জন্য জমীতে কিরূপ সার দেওয়া কর্তব্য’ শীর্ষক এবং “জমীতে নাইট্রোজেন ও পটাশের পরিমাপ কি উপায়ে সম্ভবপর” শীর্ষক মিঃ পিবানের গবেষণা উল্লেখযোগ্য। এই সভায় যে সকল মৌলিক গবেষণা গৃহীত হয়, তাহাদিগকে ৪ ভাগে বিভক্ত করা হয়। (১) কৃষি-রসায়ন (Agricultural Chemistry), (২) পশু-চিকিৎসা, (৩) কৃষি উদ্ভিদ-তত্ত্ব (Agricultural Botany), (৪) কৃষি-তত্ত্ব। সর্বসমেত ৫৫টি মৌলিক প্রবন্ধ গৃহীত হইয়াছিল।

সরকারী কৃষি-বিভাগের চেষ্টায় ভারতে কৃষিকার্যে কিরূপ উন্নতি হইয়াছে এবং হইতেছে, তাহার সংক্ষিপ্ত



মিঃ আর, এন্স, ফিন্‌লো

বিবরণ সভাপতি মহাশয় তাঁহার অভিভাষণে বলেন। তাঁহার মতে কোন নূতন বিষয় প্রচলন করিবার পূর্বে সেই বিষয়ের সম্বন্ধে যথেষ্ট গবেষণা হওয়া আবশ্যিক এবং সেই উপায় অবলম্বন করিলে কি কি উপকার পাওয়া যাইবে, তাহা চাষীদের বিশেষ করিয়া দেখাইয়া দেওয়া উচিত; এই উপায় অবলম্বন না করার ফলে উনবিংশ শতাব্দীর শেষভাগ পর্যন্ত কোন প্রকার উন্নতি হওয়া

সম্ভবপর ছিল না। উন্নত শস্যের (Improved crops) আবাদে কি পরিমাণ শস্য পাওয়া যাইতে পারে এবং কি প্রকার উৎকর্ষ হইয়াছে, তাহা কৃষকরা মাত্র ১৯১০ খৃষ্টাব্দে বুঝিতে পারিয়াছে; এই প্রসঙ্গে সভাপতি মহাশয় দুঃখ প্রকাশ করিয়া বলেন যে, উন্নত শস্যের আবাদ বহু স্থানে হইলেও সমগ্র কর্ষিত ভূমির তুলনায় তাহা সা মা ত্র। কৃষি-বিভাগ কর্তৃক অনুমোদিত অন্যান্য উপায় কৃষকরা অবলম্বন না করার কয়েকটি কারণ তিনি দেখাইয়াছিলেন। প্রধান কারণ, তাঁহার মতে কৃষ-

কের অর্থাভাব। উন্নত প্রণালীতে চাষ-আবাদ করিতে হইলে মূলধনের প্রয়োজন; ভারতের কৃষকদের আর্থিক অবস্থা এতই গীন যে, তাহারা প্রত্যহ উদরপূষ্টি করিয়া যথেষ্ট খাইতে পারেনা, অর্থব্যয় করিয়া কৃত্রিম সার ও যন্ত্রাদি কোথা হইতে ক্রয় করিবে? তিনি বলেন, সম্ভবায় সমিতি ইত্যাদি স্থাপন করিয়া ভারত গভর্নমেন্টের কৃষকদিগকে অর্থসাহায্য করা প্রধান কর্তব্য। আর কাল-বিগ্ন না করিয়া দেশের সর্বত্র যাহাতে উন্নত প্রণালীতে চাষ-আবাদ করা হয়, তাহা করা উচিত। জমীতে উপযুক্ত সার প্রদান ও জল নিকাশ ইত্যাদি করিবার আর একটি উদ্দেশ্য শস্যকে সতেজ রাখা এবং যাহাতে শস্য কোন প্রকার রোগে আক্রান্ত না হইয়া পড়ে। যে সকল কারণ হইতে তিনি এই সিদ্ধান্তে উপনীত হইয়াছিলেন তন্মধ্যে কতকগুলি কারণ নিম্নে লিখিত হইল।

(১) জমীতে পটাশের অভাব হইলে (Rhizoctonia) রিজোকটোনিয়া কর্তৃক পাট আক্রান্ত হয়।

(২) Diplodia Chorchori কর্তৃক আক্রান্ত ব্যাধিগ্রস্ত পাটকে জমীতে সোডিয়াম সাল্ফেট (Sodium sulphate) দিয়া রোগমুক্ত করা বাইতে পারে।

(৩) মশক কর্তৃক আক্রান্ত চা-গাছের বৃদ্ধি বন্ধ হইলে পটাশ প্রয়োগ করিয়া তাহাকে রোগমুক্ত করা যায়।

(৪) পূর্ববঙ্গের আমগাছগুলি এক প্রকার কীট কর্তৃক আক্রান্ত হইয়া পড়িত; বাঙ্গালার ব্রহ্মপুত্র নদীর পূর্বভাগের স্থানগুলিতে কত আমগাছ যে এই প্রকার কীট কর্তৃক আক্রান্ত হইয়া নষ্ট হইয়া গিয়াছে, তাহার

আর ইয়ত্তা নাই;—আমগাছ যে সকল জমীতে উৎপন্ন হয়, সেই জমী উপযুক্ত কর্তিত হইলে কীটের হাত হইতে নিস্তার পাওয়া যায়; ইহা প্রমাণিত হইয়াছে।

তিনি পরিশেষে বলেন যে, শস্তের আকারবৃদ্ধি হইলেই চলিবে না। পরন্তু আমাদিগকে লক্ষ্য রাখিতে হইবে, যাহাতে শস্ত সতেজ ও সবল থাকিয়া রোগের আক্রমণ হইতে নিজেকে বাঁচাইয়া রাখিতে পারে। এই বিষয়ে সবিশেষ লক্ষ্য রাখিলে বৃহৎ লক্ষ লক্ষ নর-নারীর অন্নসংস্থান হইতে পারে, তাহাতে কোন সন্দেহ নাই।

[ক্রমশঃ ।

শ্রীশিবপ্রসাদ চট্টোপাধ্যায় ।

হতাশ প্রেম

হয় ত কারে আপন মনে ভাবছ ব'সে প্রিয় !

মনের মত হইনি ব'লে আমি তোমার কাছে,

বাসছ ভালো প্রাণের চেয়ে হৃদয়-নিধি দিয়েও

অনুসরণ করছি তবু আমি তোমার পাছে ,

যামিনীর এই মধুর আলো

লাগছে না আর আমার ভালো,

প্রাণটা আমার স্বতঃই যে হয়

তোমার তরেই নাচে ।

প্রেমের দ্বারে আঘাত ক'রে ফিরিয়ে দেছ যে দিন

মুসড়ে গেছে হৃদয়খানি হারিয়ে যাবার ভয়ে,

প্রাণের মাঝে নীরবতা জেগেছে গো সে দিন

জড়িয়ে গেছে তোমায় আমি অটুট অক্ষয়ে ;

হতাশ প্রেমের গোপন ব্যথা,

মিলনের হায় আকুলতা,

তোমার সাথেই চ'লে গেছে

অপরূপ বিশ্বয়ে ।

দূরে যতই যাচ্ছি আমি জড়িয়ে আছে স্মৃতি

হৃদয় মেলি' দেখছি তোমা প্রতি ক্ষণে ক্ষণে,

বিরহের হায় লেশটি যে গো জাগছে প্রাণে নিতি

যামিনী মোর কাটছে যেন শুধুই জাগরণে ;

জানছি তোমায় পাবার আশা,

মিথ্যা শুধুই ভালবাসা,

তবু তোমার কথা কেন

ভাবছি সদাই মনে !


শ্রীমতী বিদ্যাংপ্রভা দেবী



অঙ্গুলির ছাপ অভ্রান্ত নহে

এত দিন সভ্য মানবজাতির ধারণা ছিল, প্রত্যেক মানুষের অঙ্গুলির ছাপ স্বতন্ত্র। পৃথিবীতে কোনও দুই ব্যক্তির অঙ্গুলির ছাপ এক প্রকার হইতে পারে না—প্রকৃত লোককে সনাক্ত করার পক্ষে তাহার অঙ্গুলির ছাপ আইন-আদালতে অভ্রান্ত প্রমাণরূপে ব্যবহৃত হইয়া থাকে। কিন্তু আমেরিকার লস এঞ্জেলসের মিল্টন কার্লসন নামক জনৈক বিশেষজ্ঞ বৈজ্ঞানিক উপায়ে সপ্রমাণ করিয়াছেন যে, অঙ্গুলির ছাপ অভ্রান্ত নহে। হস্তলিপি, টাইপরাইটিং এবং অঙ্গুলির ছাপ বিশ্লেষণ করিয়া তিনি প্রমাণ করিয়াছেন যে, অঙ্গুলির ছাপ জাল করা যাইতে পারে।

বহুপ্রকার অণুবীক্ষণ যন্ত্র, পরিমাপক যন্ত্র ও



মিল্টন কার্লসন অণুবীক্ষণ যন্ত্রবোনে জাল হস্তলিপি পরীক্ষা করিতেছেন


আলোকচিত্র গ্রহণের ক্যামেরা প্রভৃতির সাহায্যে তিনি সম্প্রতি অনেকগুলি মোকদ্দমার অভ্রান্ত প্রমাণগুলিকে জাল প্রতিপন্ন করিয়া বিচারক ও আইনজগণের বিশ্বাসোৎপাদন করিয়াছেন। তিনি বলেন, কোন লোকের হস্তলিপি দেখিয়া নির্দেশ করা যায়, সেই ব্যক্তি কিরূপ মানসিক অবস্থার প্রভাবে উহা লিখিয়াছেন। শাস্ত, চঞ্চল, জেদ অথবা ভীষণ অবস্থায় লিখনভঙ্গীর ব্যতিক্রম ঘটয়া থাকে এবং লেখকের চরিত্রের ছাপ সেই লিখনভঙ্গীতে প্রকাশ পাইয়া থাকে। মূল লিখিত বিষয়টি অণুবীক্ষণ যন্ত্রের দ্বারা পরীক্ষা করিয়া, উহা আলোকচিত্র এবং কাচের সাহায্যে সহস্রগুণ বর্দ্ধিতাকারে জুরীদিগের সমক্ষে উপস্থাপিত করিয়া তিনি তাঁহাদিগকে নিজের গবেষণার প্রমাণ দিয়া সন্তুষ্ট করিয়াছেন। কয়েক বৎসর পূর্বে কোনও নারীকে হত্যা করার অপরাধে এক ব্যক্তি আদালতে অভিযুক্ত হয়। যে হোটেলে এই হত্যাকাণ্ড ঘটে, তাহার কোনও গৃহের কপাটের উপর লোকটির অঙ্গুলির ছাপ পড়িয়াছিল। হত্যাকাণ্ডের সময় নারী ও পুরুষের মধ্যে ধস্তাধতি হইয়াছিল। সেই সময়ে আক্রমণকারী পুরুষের অঙ্গুলির ছাপ দরজার কপাটে পড়িয়াছিল। বাদিগণ আদালতে প্রমাণ করেন যে,

অভিনুক্ত ব্যক্তির অঙ্গুলির ছাপের সহিত কপাটের উপর লিপ্ত অঙ্গুলির ছাপ একই। এই অভ্রান্ত প্রমাণের বলে লোকটিকে আসামীর কাঠডায় টানিয়া আনা হয়। কিন্তু কালসন্ প্রমাণ করিয়া দেন যে, উক্ত অঙ্গুলির ছাপ জাল। তৃতীয় ব্যক্তির দ্বারা ঐ ছাপ দরজার কপাটের উপর লিপ্ত করা হইয়াছিল এবং হত্যাকাণ্ডের পূর্বে আক্রান্ত নারীর সহিত আক্রমণকারী পুরুষের যে দস্ত-ধ্বস্ত হইয়াছিল, তাহা সঠিক মিত্যা। কালসনের প্রমাণ-প্রয়োগ অভ্রান্ত বলিয়া গৃহীত হওয়ার আসামী মুক্তি পাইয়াছিল।

কালসন্ প্রমাণ করিয়াছেন, রবারষ্ট্যাম্পের সাহায্যে যেমন কোনও ব্যক্তির স্বাক্ষর জাল করা সহজ, অঙ্গুলির ছাপও সেই প্রকারে সহজে জাল করা সম্ভবপর। মানুষ যখন নিদ্রিত থাকে, সেই অবস্থায় তাহার অজ্ঞাতসারে তাহার অঙ্গুলির ছাপ গ্রহণ করা বিচিত্র নহে। কোনও দলিলে কাহারও অঙ্গুলির ছাপ থাকিলে তাহা যে সেই ব্যক্তির জ্ঞাতসারে গৃহীত, এমন মনে করিবার সন্দেহের অবকাশ

আছে; সুতরাং তাহার মতে অঙ্গুলির ছাপকে কোনও বিষয়ে অভ্রান্ত প্রমাণস্বরূপ গ্রহণ করা যাইতে পারে না। তাহার মতে, মানুষের হস্তাক্ষর, অঙ্গুলির ছাপ অপেক্ষা ঋটি প্রমাণ। কারণ, যদি কেহ অপরের হস্তাক্ষর জাল করে, তবে তাহা যে জাল, তাহা প্রমাণ করিবার অনেক প্রকার কৌশল আছে। হস্তলিপি পরীক্ষায় বিশেষজ্ঞগণ চেষ্টা করিলে, জালিয়াৎ লেখকের হস্তাক্ষর, লেখনীর প্রয়োগ-প্রণালী, কাগজ এবং বাহার উপর রাখিয়া লিখিত বিষয় লিপিবদ্ধ হইয়াছে, তাহার উপরিভাগ বিশ্লেষণের দ্বারা স্থির করিতে পারেন, কোন লেখাটি ঋটি বা কোনটি জাল। কোন একটি ব্যাপারে কালসন্ প্রমাণ করিয়া দিয়াছেন যে, যে

কাগজে দলিল সম্পাদিত হইয়াছিল, তাহা এমনই পাতলা যে, টেবলের উপরে ফেলিয়া কখনই তাহা সে ভাবে লিখিত হইতে পারে না। এই ব্যাপারে, গাফী যে টেবলের উপর কাগজ রাখিয়া লিখিয়াছিল বলিয়া প্রমাণ দিয়াছিল, কালসন্ সেই টেবলের উপরিভাগের আলোকচিত্র লইয়া বিশেষ শক্তিশালী কাচের সাহায্যে প্রমাণ করিয়া দিয়াছিলেন যে, সেই টেবলের উপরিভাগ এমনই অসমতল যে, তাহার উপর ঐরূপ পাতলা কাগজ রাখিয়া ঐ ভাবে দলিল লিপিবদ্ধ করিলে লিখনপ্রণালী স্বতন্ত্র আকার ধারণ করিত।




টেবলের উপরিভাগে—সূক্ষ্ম কলমের সাহায্যে পাতলা কাগজের উপর সম্পাদিত দলিল লিখিত হইতে পারে না

কালসন্ আরও প্রমাণ করিয়াছেন, পৃথিবীর সর্বশ্রেষ্ঠ জালিয়াৎ কোনও লেখকের স্বাক্ষরকে সম্পূর্ণভাবে জাল করিতে পারে না। পৃথিবীর কোনও লোকই তাহার নিজের নাম দুইবার একই ভাবে স্বাক্ষর করিতে পারে না; কিন্তু তাহার বর্ণবিভ্রাস-প্রণালীর এমন একটা বৈশিষ্ট্য আছে, যাতে কোনও স্বাক্ষর যে তাহারই, তাহা বিশেষজ্ঞগণ ধরিতে পারেন। বর্ণবিভ্রাস-প্রণালী ও লিখনভঙ্গীর অঙ্গ-

নীলনের দ্বারা বিশেষজ্ঞগণ কোনটা জাল ও কোনটা ঋটি, তাহা নিঃসংশয়ে নির্দেশ করিতে পারেন। কোনও একটা প্রসিদ্ধ মোকদ্দমায় সাক্ষ্যদান-কালে কালসন্ বলিয়াছিলেন যে, স্বাক্ষরকারীর অপেক্ষাও বিশেষজ্ঞগণের মত মূল্যবান।

প্রতিপক্ষের এটর্নী তাহাতে তাঁহাকে প্রশ্ন করিয়াছিলেন, “আপনি কি বলিতে চাহেন যে, আমার নিজের লেখা আপনি যেমন চিনেন, আমি তেমন জানি না?”

উত্তরে কালসন্ বলেন, “কোনও ব্যক্তিকে তাহারই স্বহস্তলিখিত বিষয়কে তাহারই লিখিত কি না, প্রশ্ন করা অপেক্ষা বিশেষজ্ঞের অভিমত গ্রহণই বাঞ্ছনীয়, কারণ,



আসল হস্তাক্ষর ও নকল স্বাক্ষর একের উপর অপরটি আরোপ করিয়া
কালসন জাল প্রতিপন্ন করিয়াছেন

অভিজ্ঞ ব্যক্তি নিঃসংশয়ে
প্রমাণ করিয়া দিতে পারেন,
প্রকৃতই সেই স্বাক্ষর বা
লিখিত বিষয়টি তাহারই
দ্বারা সম্পাদিত হইয়াছে
কি না।”

এটর্নী ত্রি বিষয়ে আর
প্রশ্ন না করিয়া অন্য কথা
পাড়িলেন এবং কিয়ৎকাল
পরে এক খণ্ড কাগজ বাহির
করিলেন। তাহাতে ভিন্ন
হস্তের লিখিত অনেকগুলি
পদ দেখিতে পাওয়া গেল।
এটর্নী কালসনের হস্তে
কাগজটি দিয়া প্রশ্ন করি-

লেন, কয় জন এই কাগজে লিখিয়াছে, তাহা তাঁহাকে
বলিয়া দিতে হইবে। আর কতগুলি লেখনীই বা ব্যব-
হৃত হইয়াছে, তাহাও জানিতে চাহিলেন। কালসন
অণুবীক্ষণ যন্ত্রের সাহায্যে উহা পরীক্ষা করিতে চাহিলেন।
দ্বিপ্রহরে উহা পরীক্ষা করিবার পর অহুরূপ আর এক-
খানি কাগজে উল্লিখিত লেখাগুলি নকল করিয়া
ফেলিলেন। তাহার পর অপরাহ্নে আদালতে আসিয়া
শেষোক্ত কাগজখানি এটর্নীর টেবলে রাখিয়া দিলেন।

সওয়াল-জবাব আরম্ভ হইলে ব্যবহারাজীব সেই

কাগজখানি লইয়া পরীক্ষা করিলেন এবং বিজ্ঞপত্রে
প্রশ্ন করিলেন, “অভিজ্ঞ মহাশয়, আপনি যদি কাগজ-
খানি পরীক্ষা করিয়া থাকেন, তবে আদালতে স্পষ্ট
করিয়া বলুন, ক’জন ইহার লেখক?”

কালসন বলিলেন, “এক জন লোক, একটিমাত্র
কলমের সাহায্যে লিখিয়াছে।”

“ঠিক বলছেন?”

“নিশ্চয়ই!”

এটর্নী চীৎকার করিয়া বলিলেন, “কিন্তু আমি প্রমাণ
দিচ্ছি, দুটি কলমের সাহায্যে আমি নিজে সবটা লিখেছি।”
তিনি কলম দুইটি বাহির করিলেন।

কালসন বলিলেন, “আপনার হাতে যে কাগজ-
খানা আছে, ওটা ত নকল”
এই বলিয়া তিনি আসল
কাগজখানা পকেট হইতে
বাহির করিয়া দিলেন।



এই ছুরীর উপর রক্তাক্ষরে কালসন জাল অহুরূপ ছাপ প্রস্তুত
করিয়াছিলেন। বামে প্রথমপত্র—ইহা দ্বারা প্রকৃত আসামিকে
আবিষ্কার করিয়াছিলেন

যন্ত্রাহারে শক্তিরক্ষা

জাপানে লোকসংখ্যার
অনুপাতে কৃষিকার্যের উপ-
যোগী ক্ষেত্রের পরিমাণ
অত্যন্ত কম। সুতরাং খাদ্য-
দ্রব্যের সমস্যা জাপানে
অত্যন্ত জটিল। প্রাচীন
জাপানকে এ জন্ত নানা
অনুবিধা ভোগ করিতে



জাপানী বৈজ্ঞানিক ট্রেডমিলে যন্ত্রাহারী জাপানী সৈনিকের
শক্তি পরীক্ষা করিতেছেন


হয়। স্বল্পাহারে মানুষ পরিশ্রমশক্তিকে অব্যাহত রাখিয়া জীবনযাত্রার পথে নিৰ্ঝিবাদে চলিতে পারে কিনা, এই বিষয় লইয়া জাপানের জনৈক বিজ্ঞানবিদ নানা প্রকার যন্ত্র আবিষ্কার করিয়া পরীক্ষাকার্য্য চালাইতেছেন। অত্যন্ত কম ও সাধারণ আহাৰ্য্য পরিমাপ করিয়া পরীক্ষার্থী মানুষকে আহাৰ্য্য করিতে দিয়া উদ্ভাবিত যন্ত্রের সাহায্যে তাহার কৰ্ম-ক্ষমতার পরীক্ষা লওয়া হইতেছে। বৈজ্ঞানিক প্রত্যাহ পরীক্ষার্থী লোকটিকে একটি Treadmill এ চড়াইয়া দেন। উহার উপর পাদ চারণা করিবামাত্র যে শক্তি উৎপন্ন হয়, তদ্বারা আর একটি সংশ্লিষ্ট যন্ত্র আবর্তিত হইতে থাকে। লোকটি নির্দিষ্ট কয়েক ঘণ্টা ধরিয়া ট্রেডমিলে কার্য্য করিলে বুঝা যায় যে, স্বল্পাহারে তাহার পরিশ্রম-ক্ষমতা অব্যাহত থাকিতেছে কিনা। লোকটির নাসিকার উপর একটি 'ফনেল' সংযুক্ত থাকে। তাহাতে পরীক্ষার্থীর শ্বাস-প্রশ্বাস-ক্রিয়ার পরিচয়ও বৈজ্ঞানিক পাইয়া থাকেন।

ভাবী অভভেদী অট্টালিকা

সত্যতা-বৃদ্ধির সঙ্গে সঙ্গে অত্যুচ্চ অট্টালিকাসমূহও প্রতীচ্য জগতে নিৰ্মিত হইয়াছে। 'উলওয়ার্থ টাওয়ার' নামক অট্টালিকা উচ্চতার জন্য প্রসিদ্ধ। ইহার উচ্চতা ৭ শত ৫০ ফুট। কিন্তু নিউইয়র্কের জনৈক প্রসিদ্ধ স্থপতি সম্প্রতি মত প্রকাশ করিয়াছেন যে, দেশের আইন-কানুন বজায় রাখিয়া লৌহ ও প্রস্তরের সাহায্যে "উলওয়ার্থ টাওয়ারের" দ্বিগুণ উচ্চ-অভভেদী অট্টালিকা নিৰ্মাণ করা অসম্ভব নহে। তিনি নক্সা রচনা করিয়া বলিয়াছেন যে, অদূর-ভবিষ্যতে ১ হাজার ৫ শত ফুট উচ্চ অট্টালিকা নিৰ্মিত হইতে পারে। এই বহুতলসংযুক্ত

অট্টালিকার চূড়া ক্রমশঃ সূচের স্তর স্তর আকার ধারণ করিবে। তাহার নক্সার চিত্র, পাঠক প্রদত্ত ছবিতে দেখিতে পাইবেন। উত্তরকালে এইরূপ অত্যুচ্চ অট্টালিকা মার্কিন দেশকে অলঙ্কৃত করিয়া তুলিবে, এ সম্বন্ধে বহু এঞ্জিনিয়ারও ভবিষ্যদ্বাণী করিয়াছেন। নিউ ইয়র্কের

1500 ft.



ভাবী অভভেদী অট্টালিকা

স্থপতি-সভ্যের প্রেসিডেন্ট মিঃ হার্ভে করবেট বলিতেছেন, অদূর-ভবিষ্যতে সহরের সর্বত্রই অর্ধ-মাইল উচ্চ অট্টালিকা নিৰ্মিত হইবে। তখন না কি পথ হইতে মোটরগাড়ীসমূহও অকর্ষিত হইবে—জনসাধারণ এক বাড়ী হইতে অন্য বাড়ীতে যাইবার সময় হেলান প্রাটফরমের সাহায্য গ্রহণ করিবে। প্রত্যেক অট্টালিকায় দোহুল্যমান ছাদ নিৰ্মিত হইবে। গৃহনিৰ্মাণের যাবতীয় সরঞ্জাম বর্ণবৈচিত্র্য-বহুল হইবে।

তোষকের নৌকা

আমেরিকায় এক নূতন প্রকার তোষকের নৌকা প্রস্তুত হইয়াছে। এই তোষক জলে আঁদৌ আঁদৌ হইবে না। যে কারখানা হইতে এই নৌকা প্রস্তুত হইয়াছে,

তাহার এক জন প্রতিনিধি, গ্যাসোলিন মোটরযুক্ত



তোষকের নৌকা চড়িয়া নিৰ্মাতার প্রতিনিধি জলক্রমণ করিতেছেন

একখানি তোষকের নৌকার চড়িয়া এক নদীতে উক্ত নৌকা অনেক ঘণ্টা চালাইয়াছিলেন। এক প্রকার গাছের শূন্য ও লঘু তন্তু দ্বারা তোষকের অভ্যন্তরভাগ পরিপূর্ণ করা হইয়া থাকে। এই তোষকের নৌকা যেমন লঘুভার, তেমনই দীর্ঘকালস্থায়ী।

পকেট ছাতা

আমেরিকায় সংপ্রতি এক প্রকার ছত্র নির্মিত হইয়াছে; এই ছাতা ব্যাগে অথবা পকেটে করিয়া বেড়ান যায়। ছাতার হাতলটি অনেকটা দূরবীক্ষণ যন্ত্রের আকারবিশিষ্ট। মুড়িয়া রাখিলে ইহার দৈর্ঘ্য মাত্র ১০ ইঞ্চি এবং পরিধি দুই ইঞ্চি মাত্র। মুঠার কাছে একটু চাপ দিয়া ঘুরাইলেই ছাতাটি বন্ধ হইয়া যায়। খুলিবার প্রয়োজন হইলে বিপরীত দিকে ঘুরাইবামাত্র উহা বিস্তৃত হইয়া পড়িবে।

ভ্রমণকারীর পক্ষে এইরূপ ছত্র বিশেষ প্রয়োজনীয়।



বামহস্তে পকেটে রাখিবার অবস্থায় ছত্র—দক্ষিণ হস্তে ছত্রের বিস্তৃত অবস্থা।

বালকের কীর্তি


নিউইয়র্কের জনৈক বালক কিছু শিরীষ ও দস্ত পরিষ্কার করিবার কাঠির সাহায্যে 'ইফেল টাওয়ারের' একটা নকল মূর্তি নির্মাণ করিয়াছে। বালকটি এই নমুনার অট্টালিকা নির্মাণ করিতে ৩ শত ঘণ্টা পরিশ্রম করিয়াছিল। ১১ হাজার দাঁতের কাঠি গৃহ-নির্মাণে ব্যবহৃত হইয়াছে। বালক এমন নৈপুণ্য সহকারে এই 'মডেল' তৈয়ার করিয়াছে যে, আসলের সহিত কোনও স্থানেই বিন্দুমাত্র ব্যতিক্রম ঘটে নাই। নির্মাণ-কৌশলে এঞ্জিনিয়ারিং বিজ্ঞানের প্রকৃষ্ট পরিচয় পাওয়া গিয়াছে। বালকটি দস্ত-চিকিৎসাশাস্ত্র অধ্যয়নের অবকাশে এই গৃহ নির্মাণ করিয়াছে।

ঔপন্যাসিকের গ্রন্থ-নায়ক

প্রসিদ্ধ ঔপন্যাসিক মার্কটোয়েনের গ্রন্থের কিশোর নায়ক 'টম্ সভার' ও 'হক্‌লেবেরী ফিন্' এর মূর্তি গড়িয়া জনৈক প্রসিদ্ধ ভাস্কর হ্যানিবালা মো (Hannibal Mo) নগরে স্থাপিত করিয়াছেন। প্রসিদ্ধ মার্কিণ সাহিত্যিক মার্কটোয়েন এই নগরে দীর্ঘকাল বাস করিয়াছিলেন। ভাস্কর মূর্তিযুগলকে গ্রন্থ-বর্ণিতভাবেই অঙ্কিত করিয়াছেন—ঠিক যেন তাহারা অরণ্যমধ্য হইতে নির্গত হইতেছে। ভাস্করের নির্মিত মূর্তিযুগলে অসাধারণ শিল্পনৈপুণ্য প্রদর্শিত হইয়াছে।



মার্কিণ ঔপন্যাসিকের কিশোর নায়ক-যুগলের প্রস্তরমূর্তি



দাঁতের কাঠির সাহায্যে বালক ইফেল টাওয়ারের নকল মূর্তি গড়িতেছে

দক্ষিণ-আমেরিকায় বৈদ্যুতিক মানচিত্র



দক্ষিণ-আমেরিকায় বৈদ্যুতিক মানচিত্র

সিন্‌সিনেটি বিদ্যালয়ের কয়েক জন উচ্চশ্রেণীর ছাত্র দক্ষিণ-আমেরিকায় একখানি বৈদ্যুতিক মানচিত্র প্রস্তুত করিয়াছে। ভূগোল শিক্ষায় ছাত্রের আগ্রহ বর্দ্ধিত করিবার উদ্দেশ্যে এই ব্যবস্থা। মানচিত্রের পশ্চাতে বৈদ্যুতিক 'বাল্ব'গুলি এমনভাবে সংস্থাপিত হইয়াছে যে, সুইচের চাবী টিপিলেই নির্দিষ্ট স্থানে আলোক জ্বলিয়া উঠিবে। ইহাতে পাঠার্থীর ভূগোলপাঠের স্পৃহা ও কৌতূহল অতিমাত্রায় বর্দ্ধিত হইয়া থাকে। মানচিত্র-খানিকে বেখানে ইচ্ছা চিত্রের স্তায় সরাইয়া লইয়া যাইতে পারা যায়।

বিচিত্রে বিমানপোত

স্পেনীয় এঞ্জিনিয়ার ডন্ জে, দেলা সিবুভা সম্প্রতি একখানি বিচিত্রে বিমানপোত নির্মাণ করিয়াছেন। এই পোতের নাম 'অটোজিরো'। আলোচ্য বিমান পোত-খানি কলকল্পের বিচিত্রে সন্নিবেশ-কৌশলে আপনা হইতেই পাখীর স্তায় আকাশ-পথে উড্ডীন হইতে পারে। বিশ্বের বিখ্যাত বৈজ্ঞানিকগণ এত দিন সাধনা করিয়াও এইরূপ ভাবে কোনও বিমান-রথ নির্মাণ করিতে পারেন নাই। সুকৌশলী বৈজ্ঞানিক ডন্ সিবুভার

এই আবিষ্কারে বৈজ্ঞানিকগণ বিস্মিত হইয়াছেন। ফাব্রু-বরো বিমান-পোতাশ্রয়ে (Aerodrome) 'অটোজিরো'র পক্ষিগতির ক্রীড়া প্রদর্শিত হইয়াছিল। পাখীর সহিত ইহার আকৃতিগত সাদৃশ্য অত্যন্ত অল্প হইলেও আরোহণ-অবরোহণকালে উহার ডানাগুলি ঠিক পাখীর ডানার মতই সঞ্চালিত হইতে থাকে। 'অটোজিরো' সোজা-সুজিভাবে অবরোহণ ও আরোহণ করিতে পারে। সাধারণ বিমানপোতের স্তায় এই নবাবিষ্কৃত বিমান-রথ আকিয়া বাকিয়া নানাবিধ গতি-কৌশলেও পাখীর স্তায় ডানা সঞ্চাল করিয়া প্রদর্শনীক্ষেত্রে সমবেত বৈজ্ঞানিক দার্শনিকগণের বিস্ময়োৎপাদন করিয়াছিল।

রেশম ও সুচের কীর্তি

এক জন কিশোরী সম্প্রতি রেশমসূত্র ও সুচের সাহায্যে আমেরিকার রাষ্ট্রপতি কুলিজের এক বিচিত্র প্রতিমূর্তি অঙ্কিত করিয়াছে। চিত্রটি নানা বর্ণের সূত্রসম্মিলনে অতি অপূর্ব দর্শন হইয়াছে। এই চিত্র দর্শনে অভিজ্ঞগণ পর্যন্ত কিশোরীর নৈপুণ্যের প্রশংসা করিয়াছেন। কিশোরী মিসেস কুলিজের প্রতিমূর্তি অল্পরূপ উপায়ে রচনা করিতেছে। উহা সমাপ্ত হইলে চিত্রযুগল 'হোয়াইট হাউসে' উপস্থিত হইবে।



রেশমসূত্র ও সুচের সাহায্যে রাষ্ট্রপতি কুলিজের প্রতিমূর্তি



সৌমন্তিনী

[গল্প]

১

বিপ্লবীক বিশ্বস্তর ভট্টাচার্য্য যখন দীর্ঘকাল ভারত সরকারের অধীনে চাকুরী করিবার পর অবসর গ্রহণ করিয়া স্বগৃহে ফিরিলেন, তখন ৭ বৎসরের মেয়ে মাধুরীকে তাহার ঠাকুরদাদার হস্তে সমর্পণ করিয়া বৃদ্ধের পুত্র ও পুত্রবধূ উভয়েই এক বৎসরের মধ্যে অকালে এই পৃথিবী হইতে অবসর লইলেন। ঠাকুরদাদা ও নাতনী এখন উভয়ে উভয়ের শেষ অবলম্বন!

বিপ্লবের শূন্য ভাবে, 'ভগবান্, এমন হইল কেন? কোন্ পাঁপের ফলে তাহার জীবন সকল দিক্ দিয়া এমন ভাবে অভিশপ্ত হইয়া গেল?' জীবনের মধ্যাহ্নেই তাহার পত্নীবিয়োগ হয়, গৃহহীন হইয়াও পুত্র-পুত্রবধূর মুখ চাহিয়া পুনরায় বাসা বাঁধিতে চাহিলেন, কিন্তু অদৃষ্টের বিড়ম্বনায় তাহাও ভূমিসাৎ ধূলিসাৎ হইয়া গেল!

উন্নয়ন শোক সময়ের প্রলেপে পুরাতন হইয়া আসিল, কিন্তু শোকে বৃদ্ধের পঞ্জর ভাঙিয়া গেল। এত দিন নিজে আশার কুহকে ঘুরিয়াছেন, পরকালের চিন্তা করিবার অবসর পান নাই। এখন জীবনের বাকী দিনগুলি ভগবানের চিন্তায় কাটাইয়া দিবেন ভাবিয়া ভট্টাচার্য্য মহাশয় এক বৃদ্ধা আশ্রয়াকে তাহার গৃহে প্রতিষ্ঠিত করিলেন, এবং বিষয়-সম্পত্তির একটা ব্যবস্থা করিয়া কোন তীর্থস্থানে যাইয়া বাস করিবেন স্থির করিলেন। অনেক বৃদ্ধ, বৃদ্ধা আশ্রয়ই সঙ্গে যাইতে প্রস্তুত হইলেন ও বিপ্লবকে বুঝাইতে চেষ্টা করিলেন যে, শূন্য বিদেশে একমাত্র বালিকা পৌত্রীকে লইয়া তাহার অনেক কষ্ট হইবে। কিন্তু তিনি কোন কথাই কানে তুলিলেন না, শুধু বলিলেন যে, তিনি আর-নূতন করিয়া মায়ার বন্ধন সৃষ্টি করিতে চাহেন না, এবং সকল শুভাকাঙ্ক্ষী আশ্রয়-বন্ধুবান্ধবের উপদেশ অবহেলা করিয়া পুরোহিত ডাকাইয়া শুভদিনে কাশীধাম খাইবার জন্ত রেল উঠিলেন।

বিপ্লবের জনৈক অবসরপ্রাপ্ত সহকর্মী কাশীবাস করিতেছিলেন। তিনি তাহার ঠিকানা পূর্বেই সংগ্রহ করিয়া তাহার রওনা হইবার সংবাদ তারযোগে জানাইয়াছিলেন। কাশী স্টেশনে গাড়ী পৌঁছিলেই দেখিতে পাইলেন, তাহার বৃদ্ধ বন্ধু যোগেন্দ্রনাথ চট্টোপাধ্যায় তাহাদের অপেক্ষায় প্লাটফর্মে দাঁড়াইয়া আছেন। যোগেন্দ্র বাবু বিপ্লব ও মাধুরীকে গাড়ী হইতে নামাইয়া লইলেন এবং নৌকাযোগে বাসা অভিমুখে রওনা হইলেন।

যোগেন্দ্র বাবুর বাসা গঙ্গার তীর উপরেই। তিনি স্ত্রী ও কনিষ্ঠা পুত্রবধূকে লইয়া এই বাড়ীতে বাস করেন। যোগেন্দ্র বাবুর দুই পুত্র। মোটপুত্র সাধারণতঃ সপরিবারে দেশের বাড়ীতে বাস করেন। কনিষ্ঠ পুত্র ম্যাট্রিকুলেশান পরীক্ষার পাশ হইয়া হিন্দু-বিদ্যালয়-লয়ে পড়িতেছিল।

বিপ্লবের জন্ত গঙ্গামহল পল্লীতে বাসা ঠিক হইল, ও একটি

প্রোচা ব্রাহ্মণকণ্ঠা রাঁধুনী নিযুক্ত হইল। কিন্তু যোগেন্দ্র বাবুর নিকট বিদায় পাইয়া নিজের বাসায় যাইতে ৫৬ দিন বিলম্ব হইল। এই কয় দিন ছুঁ বৃদ্ধ একত্র গঙ্গামহল ও দেবতাদর্শনে গত জীবনের নানা প্রসঙ্গের আলোচনায কাটাইলেন। যোগেন্দ্র বাবুর বালিকা পুত্রবধূ কমলার সঙ্গে মাধুরীও কয় দিন খুব আশোদে কাটাইল ও তাহাদের মধ্যে বিশেষ ভালবাসা জন্মিল।

গঙ্গামহলের যে বাসায় বিপ্লব আসিলেন, উহা একটি বৃহৎ বাড়ী। উহার ভিন্ন ভিন্ন অংশে ভিন্ন ভিন্ন ভাড়াটিয়া বাস করে। ভট্টাচার্য্য মহাশয়ের জন্ত স্থানে একটি অংশ ভাড়া লওয়া হইয়াছিল। নিয়মিত-রূপে সন্ধ্যা-অর্চনা, দেবদর্শন ও গঙ্গাতীরে পৌত্রীকে লইয়া বেড়াইয়া তাহার দিনগুলি বেশ কাটিতে লাগিল।

২

মাধুরী বড় হইয়াছে, অর্থাৎ যে বয়সে হিন্দুদের মেয়েব বিবাহ না হইলে লোকসমাজে অভিশবকদের লালনা ও গল্পনা আরম্ভ হয়, সেই বয়স হইয়াছে। ১৩১৪ বৎসরের হিন্দুদের মেয়ে, অশুচি বিশ্বস্তর তাহার বিবাহের কোন উদ্যোগই করিতেছেন না দেখিয়া অংশের ভাড়াটিয়ারা প্রথমে নিজেদের মধ্যে আলোচনা আরম্ভ করিল ও পরে প্রকাশ্যভাবেই বৃদ্ধকে আক্রমণ করিতে লাগিল। বিপ্লব কোন কথাই কানে তুলেন না। কখন কখন বিরক্ত হইলে বলেন, নাতনীর বিবাহ দিবেন না। তাহার উপর আর শুভানুধ্যায়ীদের তক চলে না, তাহারা বৃদ্ধকে পাগল ঠিক করিয়া বৃদ্ধপ্রয়াসী মনকে শান্ত করিল।

কাশীর মাধুরীর তীক্ষ্ণ মেধা ও শিক্ষালাভের আগ্রহ প্রবল দেখিয়া বিপ্লব স্বয়ং তাহাকে বৃত্ত করিয়া পড়াইতে লাগিলেন। অল্প দিনের মধ্যেই মাধুরী রামায়ণ, মহাভারত প্রভৃতি অনেক ধর্মগ্রন্থও পড়িয়া ফেলিল।

সে দিন শুক্র একাদশী। বৈকালে দশাধমেঘ ঘাটে কোথাও রামায়ণগান, কোথাও শাস্ত্র-আলোচনা, কোথাও কথকতা হইতেছে। সর্বত্রই ভীড়। বৃদ্ধ বৃদ্ধা, যুবক-যুবতী, বালক-বালিকা নিজেদের মনোমত সঙ্গী খুঁজিয়া লইয়াছে। মাধুরী ঠাকুরদাদার সঙ্গে একটি খাটের সিঁড়ির উপরের ধাপে বসিয়া ছিল। কত নৌকা সান্ধ্য-বায়েসেবী আরোহী লইয়া গঙ্গায় এ দিক ও দিক চলিতেছে কিরিত্তে। এমন সময় মাধুরী দেখিতে পাইল, একখানি নৌকা হইতে কে তাহাকে ইঙ্গিত করিয়া ডাকিতেছে। মাধুরী ও বিপ্লবের দৃষ্টি সেই দিকে আকৃষ্ট হইল।

নৌকাখানি তাহাদের দিকে অগ্রসর হইতে লাগিল ও নিকটে আসিলে তাহারা দেখিল, নৌকার যোগেন্দ্র বাবুর স্ত্রী, পুত্রবধূ ও দুই জন যুবক। গঙ্গামহল বাসায় আসিবার পর মাধুরী ঠাকুরদাদার সঙ্গে

কয়েকবার যোগেন্দ্র বাবুর বাড়ীতে গিয়াছিল, তাঁহাদের সঙ্গে কয়েক বার দশাধমেঘ ঘাটেও দেখা হইয়াছিল, কিন্তু তাহার পর অনেক দিন আর তাহাদের দেখা-সাক্ষাৎ হয় নাই। আজ হঠাৎ দেখা হওয়ার মাধুরীর ও তাহার বাকবী কমলার আর আনন্দের সীমা রহিল না। নৌকা ঘাটে লাগিতেই কমলা মাধুরীকে ও তাহার ঠাকুরদাদাকে এক রকম জোর করিয়াই নৌকার উঠাইয়া লইল। নৌকা আবার গঙ্গাবক্ষে ছুলিতে ছুলিতে চলিল।

নৌকার মাধুরী ও কমলা দুই সখীতে নিভৃত বসিয়া আলাপ সুরু করিল। প্রথমে অপরিচিত যুবক দুই জনের সম্মুখে মাধুরী সঙ্কোচ বোধ করিতেছিল, পরে কমলার স্বিফ্ট স্নেহে ও সরস বাক্যলাপে তাহার সে ভাব কাটিয়া গেল। যোগেন্দ্র বাবুর শ্রী বিশ্বস্তরকে লক্ষ্য করিয়া অনুযোগ করিয়া বলিলেন যে, তিনি আর অনেক দিন তাঁহাদের বাড়ীতে পারেন ধূলী দেন না, বৌমা ত মাধুরীর কথা বলিয়া বলিয়া তাঁহাকে অস্তির করিয়া তুলেন, ইত্যাদি। শুট্টাচাষা মহাশয় যোগেন্দ্র বাবুর কথা জিজ্ঞাসা করিয়া যখন জানিলেন যে, তাঁহার শরীর ইদানিং বড় ভাল বাইতেছে না, তখন বিশেষ দুঃখিত হইলেন এবং শীঘ্রই এক দিন মাধুরীকে লইয়া যোগেন্দ্র বাবুকে দেখিয়া আসিবেন বলিলেন। কমলার কাছে মাধুরী যুবক দুই জনের পরিচয় পাইল, এক জন কমলার স্বামী, অপর জন কমলার দাদা। উভয়েই কাশী বিশ্ববিদ্যালয়ে পড়ে ও বিশ্ববিদ্যালয়ের নাগোয়ার হোস্টেলে থাকে। কমলার স্বামী শীঘ্রই বিশ্ববিদ্যালয়ের শেষ পরীক্ষা দিবে, তাহার দাদা এখানে নুতন ভর্তি হইয়াছে। কলেজ কয়েক দিন বন্ধ থাকায় তাহার কাশী বেড়াতে আসিয়াছে।

মাঝিকে দাড় হইতে উঠাইয়া দিয়া কমলার দাদা সত্যেন দাঁড় টানিতেছিল। তাহার সৃষ্টিত মন্দর দেহে স্বাস্থ্যের প্রাচুর্য ছিল। তাহার উপর সে যেন আনন্দের প্রস্রবণ। সে তাহার কল-হাস্তে ও গল্পে সকলকে প্রফুল্ল করিয়া রাখিয়াছিল, এখন বিশ্বস্তর ও মাধুরীকে দেখিয়া কিছু সঙ্কোচ বোধ করিতে লাগিল। কিন্তু অল্পকণ্ঠেই সে ভাব কাটিয়া গেল। কেদারঘাট পর্যন্ত আসিতে সক্ষম হইয়া গেল। তখন কেদারেশ্বরের আরাতি হইতেছিল, বিশ্বস্তর মন্দিরে যাইতে চাহিলেন। কমলার স্বামী অতুল তাহার মাতা ও বিশ্বস্তরকে লইয়া নৌকা হইতে নামিয়া মন্দিরে গেল। নৌকা ঘাটে রাখিয়া সত্যেন, কমলা ও মাধুরী নৌকা বসিয়া রহিল। দক্ষিণ হাওয়ার নৌকা অল্প অল্প ছলিতেছে, চাঁদের আলোয় গঙ্গার জল চিক্ চিক্ করিতেছে, গঙ্গার ধারে মন্দিরে মন্দিরে আরাতির শব্দ ঘণ্টা বাজিতেছে। আলো ছলিয়া উঠিয়াছে। অথচ সর্বত্রই একটা সৌম্য শান্ত ভাব। কমলা সত্যেনের কাছে মাধুরীর পরিচয় করিয়া দিল। সত্যেন যখন শুনিল, মাধুরী পাশ্চাত্য শিক্ষায় বিদ্বানী না হইলেও বেশ শিক্ষিতা, এবং অল্প বয়সেই পিতামাতাকে হারাইয়া এখন একমাত্র পিতামহের স্নেহে ও যত্নে আত্মীয়-স্বজনবিরহিত মৃদুর বিদেশে লালিতপালিত, তখন সত্যেনের চিত্ত মাধুরীর প্রতি প্রশংসায় স্নেহে করুণায় ভরিয়া গেল। সত্যেন মাধুরীর দিকে চাহিয়া কি যেন বলিতে গেল, কিন্তু কিছু বলিতে পারিল না।

মাধুরী কমলার পাশ ঘেসিয়া বসিয়া ছিল। সত্যেনের কাছে তাহাকে শিক্ষিতা বলিয়া পরিচয় করিয়া দেওয়ার জন্যে মাধুরী অত্যন্ত লজ্জা বোধ করিতেছিল। সে কমলার গা ঠেলিয়া দিয়া বলিল—“যান, অত ঠাট্টা কেন?” এবং সত্যেনকে লক্ষ্য করিয়া মৃদুস্বরে বলিয়া ফেলিল, “ওঁর কথা শুনবেন না, উনি ভারি ঠাট্টা করতে পারেন।” মূগ্ধ সত্যেনের কথার স্রোত অপরিচিতা বালিকাকে দেখিয়া এতক্ষণ রুদ্ধ হইয়াছিল। এখন আলোচনার একটি সূত্র পাইয়া তাহা ধরিয়া সে কথা সুরু করিল, বলিল,—“বেশ ভ, মেয়েদের পক্ষে লেখাপড়া শেখা কি লজ্জার কথা? মেয়েরা লেখাপড়া শিখলে

কিন্তু আমার খুব ভাল লাগে।” মাধুরীর স্বাভাবিক সঙ্কোচ এই প্রিয়দর্শন যুবকের সহজ কথার ভঙ্গীতে অনেকটা অতীত হইয়াছিল। সে বলিল—“আপনি বুঝি কমলা দিদিকে তাই অনেক বই কিনে দিয়েছেন? কমলা দিদিকে আপনি নিজেই পড়াতেন বুঝি?” কমলা হাসিয়া বলিল—“কমলা দিদির বিদ্যার কথা আর বলতে হবে না। দাদাও পড়াতেন, আর আমিও পড়তুম।”

এইরূপে কথাবার্তার ধারা আরও সহজ হইয়া আসিল। সত্যেনের আড়ষ্ট ভাব আর রহিল না। সে মাধুরীকে জিজ্ঞাসা করিল—“তুমি কি রকমের বই পড়তে ভালবাস? আমার মনে হয়, মেয়েদের নভেল পড়া উচিত নয়। পৌরাণিক বা ঐতিহাসিক বই বা ভ্রমণকাহিনী পড়লে নভেল পড়ারই আনন্দ পাওয়া যায়, অথচ তাহাতে চিত্তের কোন অবসাদ বা প্লানি আসে না, যেমন নভেল পড়া? অনেক সময় হয়। অবিদ্বি সকল নভেলই সমান নয়। এমন অনেক নভেল আছে, যা না পড়লে বাঙ্গালা ভাষার সম্পদ বুঝতে পারা যায় না, এই ধর না কেন, যেমন বঙ্কিম বাবুর নভেল।” সত্যেন কথা বলিতেছিল না, যেন বস্তুত করিতেছিল।

কেদারেশ্বরের আরাতি থামিয়া গিয়াছিল, অতুলের সঙ্গে তাহার মাতা ও বিশ্বস্তরকে নৌকার ফিয়ারে দেখিয়া সত্যেনের বাক্যস্রোত রুদ্ধ হইল। সকলে নৌকার উঠিয়া বসিলে নৌকা ছাড়িয়া দিল। অতুল সত্যেনকে জিজ্ঞাসা করিল—“কি হে তারিক, তোমাদের কিসের এত তপ হচ্ছিল?” সত্যেন নিজের উত্তেজিত অবস্থার নিজেই লজ্জিত হইয়া অপেক্ষাকৃত সহজ তরে বলিল—“এই মেয়েদের লেখাপড়ার কথা হচ্ছিল।” অতুল বলিল—“জান, শ্রীলোকের বিষয় নিয়ে তপ করা তোমার অনধিকারচচ্চা, কারণ, তুমি চিরকুমার সত্যার এক জন নেতা?” এই রকম গল্প ও রহস্য চলিতে চলিতে নৌকা দশাধমেঘ-ঘাটে আসিয়া পৌঁছিল। যোগেন্দ্র বাবুর শ্রী বিশ্বস্তরকে বার বার করিয়া অনুরোধ করিলেন, মাধুরীকে লইয়া তিনি যেন মধো মধো তাঁহাদের ওখানে যান। বিশ্বস্তর প্রতিশ্রুতি দিয়া মাধুরীর সঙ্গে নামিয়া গেলেন।

৩

কয় দিন কাশীতে খুব আমোদে কাটাইয়া অতুল ও সত্যেন বিশ্ব-বিদ্যালয়ের সহর নাগোয়ায় ফিরিয়া আসিল। কয় দিন পরে অতুল খবর পাইল, তাহার দাদা দেশ হইতে কাশীতে আসিয়াছেন। পরের শনিবারে অতুল কাশী যাইবে স্থির করিল ও সত্যেনকেও সঙ্গে যাইবার জন্ত অনুরোধ করিল, কিন্তু সত্যেন স্বীকার করিল না। এই ত সে দিন ঘুরিয়া আসিয়াছে। অতুল চলিয়া গেলে সত্যেনের বড়ই একা বোধ হইতে লাগিল; ভাবিল, অতুলের সঙ্গে গেলেই বেশ হইত। গতবারে কাশীতে বড় আমোদেই কাটিয়াছিল, সে দিনের সেই নৌকাভ্রমণ সত্যেনের জীবনে একটি স্মরণীয় ঘটনা। মাধুরীর কথা মনে হইলে এখনও তাহার চিত্ত স্নেহে ও সহানুভূতিতে পূর্ণ হইয়া উঠে। তাহার শিক্ষালাভের আগ্রহ দেখিয়া সত্যেনের আনন্দ হইয়াছিল।

কাশী হইতে আসিবার পর সত্যেন ভাবিয়াছিল, মাধুরীর জন্ত কয়েকপানা বই কিনিয়া পাঠাইয়া দিবে। কিন্তু তাহাতে কোন অস্তায় হইবে না ত? অনেক ভাবিয়া সত্যেন স্থির করিল, সে করপানা ভাল বই মাধুরীর জন্ত পাঠাইবে, ইহাতে কোন লজ্জা, কোন অস্তায় নাই। সে কলিকাতা হইতে ডাকযোগে করপানা ভাল বাঙ্গালা বই আনাইয়া বিশ্বস্তরের নিকট পাঠাইয়া দিল। সঙ্গে যে চিঠি পাঠাইল, তাহাতে তাহার নিজের পরিচয় বিশ্বস্তরকে স্মরণ করাইয়া দিয়া লিখিল—“আপনার পৌত্রী মাধুরীর জ্ঞানলাভের স্মৃতি দেখিয়া আমি বিশেষ আনন্দিত হইয়াছিলাম, আপনি যেরূপ

শ্রেহ ও যত্নের সহিত মাধুরীকে লেপাপড়া শিখাইতেছেন, তাহাতে আপনার প্রতি আমি আন্তরিক শ্রদ্ধা অনুভব করিয়াছি বলিয়াই এই বই করণানি পাঠাইতে সাহসী হইয়াছি। আশা করি, ঠা'হা আমার শ্রদ্ধার নিবেদন বলিয়া গ্রহণ করিবেন।"

বিশ্বস্তর বইগুলি মাধুরীকে দিলেন, কিন্তু কোথা হইতে উঠা আসিল, তাহা বলিলেন না। সত্যোকে দেখিয়া পথান্ত বৃদ্ধ তাহার প্রতি শ্রেহের আকর্ষণ অনুভব করিতেছিলেন। তাহার সম্বন্ধে অনেক কথা শুনিয়া ও তাহার উন্নত জন্মের পরিচয় পাইয়া বিশ্বস্তর মুগ্ধ হইয়াছিলেন। সত্যোনের অনেক মন্তামত সাধারণ 'সে কালের লোক' ক্ষমার দৃষ্টিতে দেখিতে পারিত না। সত্যো প্রী-শিক্ষার বিশেষ অহুরাগী, বালিকা বিধবার বিবাহ সমর্থন করে, সমাজ-সংস্কারের অনেক উদার মত পোষণ করে; অথচ পুরাতনের প্রতি তাহার শ্রদ্ধা অপখ্যাণ্ড। তাহার স্বভাবে কোন উচ্ছ্বাস নাই, প্রকৃতি অত্যন্ত কোমল ও সংযত। বিশ্বস্তর বৃদ্ধ হইলেও উদার মতাবলম্বী এবং স্বাধীনচেতা ছিলেন। সেই জন্ত নবীন মগের নবীন ভাবের ভাবুক এই যুবকটিকে তিনি অপ্রীতির দৃষ্টিতে দেখিলেন না; বরং স্বাধীনভাবে চিন্তা করিবার ক্ষমতা তাহার আছে বলিয়া তিনি সত্যোনের প্রতি একটু আকর্ষণ হইয়াছিলেন।

মাধুরী বইগুলি পাঠিয়া আনন্দে অধীর হইল, কোথা হইতে আসিল, তাহা জানিবার জন্ত পিতামহকে প্রশ্ন করিল। বিশ্বস্তর শুধু বলিলেন যে, তাহার এক বিশেষ শ্রেহের পাণ্ড এই বইগুলি পাঠাইয়াছে। ঠাকুরদাদার সেবা যত্ন ও সংসারের নানাবিধ ছোটখাট কায করিবার পর মাধুরী প্রায়ই বইগুলি লইয়া পড়িতে বসে। কখনও কখনও ঠাকুরদাদাকে পড়িয়া শুনায় কখনও আবার সে যাহা পড়িয়াছে, তাহা গল্প করিয়া বৃদ্ধকে বলে ও তাহার ভাল-মন্দ মন্ততি-অসমন্ততি আলোচনা করে। এইভাবে পিতামহ ও পৌত্রীর মধ্যে একটি সাহিত্যের বৈঠক জন্মিয়া উঠিল। এক দিন এই রকম একটি বৈঠক বসিয়াছে, এমন সময় পবন আসিয়া, যোগেন্দ্র বাবু সাংঘাতিকরূপে পীড়িত।

মাধুরীকে সঙ্গে করিয়া বিশ্বস্তর যখন যোগেন্দ্র বাবুর বাড়ী আসিয়া পৌঁছিলেন, তখন তাহার অবস্থা সঙ্কটাপন্ন। সেই দিন সকালবেলা যোগেন্দ্র বাবু গঙ্গানানের পর বিশ্বনাথ দর্শন করিয়া ভীড় ঠেলিয়া আসিতে অত্যন্ত অসুস্থ বোধ করিতেছিলেন। বাড়ী পৌঁছিয়া সিঁড়ি দিয়া উপরে উঠিবার পথেই মূচ্ছিত হইয়া পড়েন। কখন হইতেই তিনি অজ্ঞান অবস্থায় আছেন। ডাক্তার বলিয়াছে, সন্ন্যাস রোগ, জীবনের আশা খুব কম। আত্মীয়-স্বজন সকলেই চিন্তাকুল, বিষণ্ণ। যোগেন্দ্র বাবুর জ্যেষ্ঠ পুত্র নিকটেই ছিল, অতুল ও সত্যো নাগোয়া হইতে আসিয়া পৌঁছিয়াছে। সেবা-সুশ্রুতা রীতিমত চলিতেছে। ডাক্তার মধ্যে মধ্যে আসিয়া রোগী দেখিয়া ও ঔষধের ব্যবস্থা দিয়া বাইতেছেন।

মাধুরী আসিয়াই রোগীর শিয়রে বসিল। কমলা ও সে দুই জন রোগীর সমস্ত পরিচর্যার ভার লইল। কমলার শাস্ত্রী অনেক করিয়া বলিলেও তাহাদিগকে সেখান হইতে উঠাইতে পারিলেন না। সমস্ত রাত্রি ধরিয়া রোগীর পাশে কখন অতুলের দাদা, কখন অতুল, কখন সত্যো, কখনও বা দুই তিন জন একত্র বসিয়া জাগিয়া রহিল। বিশ্বস্তর মধ্যে মধ্যে বাইয়া রোগীর অবস্থা পরীক্ষা করিতেছেন। মাধুরী ও কমলার সেবা-যত্নে ও অক্লান্ত পরিচর্যায় সকলেই মুগ্ধ হইয়া গিয়াছিল। এইরূপে দুই দিন কাটিল, কিন্তু তৃতীয় দিনে সকল শ্রম বার্থ করিয়া দিয়া যোগেন্দ্র এই পৃথিবী হইতে বিদায় লইলেন।

মণিকর্ণিকার ঘাটে বখন যোগেন্দ্রের মরদেহ শুশ্রূ পরিণত হইয়া গেল ও তাহার শোকাকুল পরিবারবর্গকে লইয়া গঙ্গানানাস্তে বখন বিশ্বস্তর যোগেন্দ্রের বাসায় ফিরিয়া আসিলেন, তখন তাহার শুধুই মনে

হইতে লাগিল—আমারও পরপারের ডাক বাদ এমনই অকস্মাৎ এমনই অতর্কিতে আসিয়া পড়ে, তবে মাধুরীর কি হইবে? যোগেন্দ্র চলিয়া গেল, কিন্তু তাহার শূন্য স্থান তাহার সংসারের পক্ষে পূর্ণ হওয়ার বিশেষ কোন প্রয়োজনই রহিল না। কিন্তু বিশ্বস্তরের অভাবে মাধুরীর কি হইবে? এই কথা তিনি অনেক সময়ই চিন্তা করিয়াছেন, কিন্তু এমন করিয়া জন্মজন্ম আর কখনও করেন নাই। বিশ্বস্তর চারিদিক অন্ধকার দেখিলেন। যোগেন্দ্রের শোকাকুল পরিবারের ক্রন্দন ধ্বনি তাহার মর্শ্বতলে যাইয়া আঘাত করিল। বৃদ্ধ আর স্থির হইয়া থাকিতে পারিলেন না। জন্মের প্রচণ্ড আবেগে আঁস্তর হইয়া পাগলের মত ঘুরিতে লাগিলেন। মাধুরীকে এক কোণে একাকী মগটি স্থান করিয়া বাসিয়া থাকিতে দেখিয়া বিশ্বস্তর তাহাকে কোলের কাছে টানিয়া আনিয়া উচ্চু সত আবেগে কাঁদিয়া উঠিলেন। সত্যো নিকটেই ছিল; বিশ্বস্তরকে শোকে অভিভূত দেখিয়া সে সহসা কোন সাহসনার কথা খুঁজিয়া পাইল না। অবশেষে ধরা গলায় বলিল—“ভটাচা'য়া মশা'য়, আপনি কোথায় এখন সকলকে শান্ত করবেন, না আপনি 'নজেষ্ট অধীর হচ্ছেন।” মাধুরীর দিকে চাহিয়া বলিল—“মাধুরী, তুমিও কাঁদছ?” বিশ্বস্তর বলিলেন—“আমি চ'লে গেলে মাধুরীর কি হবে? এ পৃথিবীতে মাধুরীর আপনার বলতে কে রইবে?” সত্যো উত্তর করিল, “আপনি শোকে জানহারা হয়েছেন, তাই এ রকম ভাবছেন। একটি স্পৃহা দেখে মাধুরীর বিবাহ দিলেই আপনি নিশ্চিন্ত। মাধুরীর মত সুশিক্ষিতা স্কুলের মেয়ের বিয়ের ভাবনা কি?” বিশ্বস্তরের যেন এ কথা মনেই হর নাট। তিনি যেন আপন মনেই বলিতে লাগিলেন, “বিবাহ—বিবাহ, তা'হা তো”—তার পর নিতান্ত অসহায়ভাবে বলিতে লাগিলেন, “কিন্তু কেমন করে মাধুরীর বিয়ে দিব? সত্যো, আমি যে বড় দুঃখী।” বিশ্বস্তর কথা কয়টি বলিয়া দৌধনিখাস ফেলিলেন। সত্যো ন বুকিল, বিশ্বস্তর যোগেন্দ্রের মৃত্যুতে বড়ই শোক পাইয়াছেন।

যথাসময়ে যোগেন্দ্রের শ্রাদ্ধ হইয়া গেল। বিশ্বস্তর মাধুরীকে লইয়া গঙ্গামহল বাসায় ফিরিয়া গেলেন, অতুল ও সত্যো নাগোয়ার চলিয়া গেল। কালপ্রবাহ যেমন চলিতেছিল, সেই বকমই চলিতে লাগিল।

৪

মাধুরীর বয়স এখন পনের। কৈশোর ও যৌবনের সঙ্গমস্থলে আসিয়া সে গভীর হইয়া পড়িয়াছে। এখন আর ঠাকুরদাদার সঙ্গে গল্পে পরিহাসে সে পূর্বের খচ্ছন্দতা ও আনন্দ পায় না। বিশ্বস্তরও যেন দূরে সরিয়া বাইতেছেন, তিনিও অনেক সময় একাকী বসিয়া নিঃশব্দে, মাধুরীর সঙ্গে আর তেমন সাহিত্য-বৈঠক বসে না, যেন দুইটি মৃনব-মন নিজেদেব চারিপাথে দুর্ভেদা প্রাচীর ভুলিয়া স্বতন্ত্র হইয়া পড়িতেছে।

সে দিন প্রাতঃকালে বিশ্বস্তর গঙ্গানানের পর আফ্রিকে বসিয়াছেন, এমন সময় পিয়ন তাহার নামের একখানা খামের চিঠি দিয়া গেল। মাধুরী অপরিচিত হস্তের শিরোনামা লেখা দেখিয়া চিঠি কোথা হইতে কে লিখিয়াছে, জানিবার জন্ত উৎসুক হইল। সে ইংরাজী অক্ষর চিনত, ডাকের ছাপ পড়িয়া বুঝিল, কাশী বিশ্ববিদ্যালয় হইতে চিঠি আসিয়াছে, স্তত্রাং বুঝিল, অতুল বা সত্যো লিখিয়াছে। চিঠিখানা যত্ন করিয়া তাহার একখানা বইএর মধ্যে রাখিয়া দিল এবং বিশ্বস্তর আফ্রিক সারিয়া উঠিলে মাধুরী তাহাকে চিঠি দিল। এ পিঠ ও পিঠ উন্টাইয়া দেখিয়া যত্নের সহিত শিরোনামা পরীক্ষা করিয়া বিশ্বস্তর তাহার শরৎকথের গেলেন, ও সেখানে চিঠি খুলিয়া দেখিলেন, সত্যো লিখিয়াছে। আগ্রহের সহিত চিঠিখানি একবার পড়িয়া আবার পড়িতে লাগিলেন ও মধ্যে মধ্যে পড়া বন্ধ রাখিয়া চিন্তা করিতে লাগিলেন। 'গভীর চিন্তার রেখা তাহার কপালে, চোখে, মুখে সর্বত্র

ফুটিয়া উঠিল। মাধুরী এতক্ষণ দূর হইতে খোলা জানালার মধ্য দিয়া বিশ্বস্তরকে দেখিতেছিল, চিঠি কে লিখিয়াছে, তাহা জানিবার জন্য তাহার অত্যন্ত আগ্রহ হইতেছিল, অথচ অকারণ বিধা ও শঙ্কার বিশ্বস্তরকে কোন কথা জিজ্ঞাসা করিতেও পারিতেছিল না। বিশ্বস্তরকে অতিশয় চিন্তাঘিত দেখিয়া ও অমঙ্গল সংবাদ আশঙ্কা করিয়া শেষে মাধুরী ঘরের মধ্যে বাইরা, কোথা হইতে চিঠি আসিয়াছে, তাঁহাকে জিজ্ঞাসা করিল। বিশ্বস্তর মাধুরীর কথায় যেন চমকিয়া উঠিলেন, ও কেমন যেন অপ্রস্তুতভাবে বলিলেন, “হ্যাঁ, খবর ভাল, সত্যোনের চিঠি, সে ভাল আছে, তার এম, এ পাশের পবর দিয়েছে। সে আর অতুল মাননের বৃদ্ধবাবু কানীতে আসবে লিখেছে।” মাধুরী বুঝিল, বিশ্বস্তর চিঠির অনেক কথাই গোপন করিলেন। বুঝিল, এই পাশের পবর ও তাগাদের কানীতে আসিবার কথাই মধ্য এমনি কি আছে, বাহা পড়িয়া বিশ্বস্তর এমন গুন্ হইয়া বসিয়া চিন্তা করিতে পারেন? যখন বিশ্বস্তর আর কোন কথা না বলিয়াই চিঠিখানি বালিসের তলায় রাখিয়া মাধুরীর দিক হইতে মুখ ফিরাইয়া শুইয়া পড়িলেন, তখন মাধুরীর চিত্ত অভিমানের বেদনায় টন্ টন্ করিতে লাগিল; সেও আর কোন কথা না বলিয়া ঘর হইতে বাহির হইয়া রান্নাঘরের দিকে গেল। সেখানে রাধুনী যখন তাহার পুরাতন রহস্তের পুনরাবৃত্তি করিয়া বলিল, সে কি তাহার ঠাকুরদাদাকেই পতিভে বরণ করিবে, তখন মাধুরী হাসিয়া রাধুনীকে ভৎসনা করিয়া সে ঘর হইতে বাহির হইয়া গেল ও তাহার বিছানায় বাইরা মুখ গুঁজিয়া শুইয়া রছিল।

এ দিকে বিশ্বস্তর অনেকক্ষণ চুপ করিয়া শুইয়া থাকিয়া উঠিয়া বসিলেন ও বালিসের তলা হইতে চিঠিখানি বাহির করিয়া আবার পড়িতে লাগিলেন। পড়া শেষ হইলে ঘর হইতে বাহির হইয়া আসিলেন ও মাধুরীকে ডাকিলেন। তাহার কোন সাদা না পাঠিয়া রান্নাঘরে খোঁজ করিলেন, সেখানেও তাহাকে না দেখিয়া শেষে তাহার শয়নঘরে গেলেন। মাধুরী শুইয়াছিল, বিশ্বস্তর ডাকিতেই উঠিয়া বসিল। কিছুক্ষণ কেহই কোন কথা কহিল না। বিশ্বস্তর জিজ্ঞাসা করিলেন, “এমন দুপুরবেলা শুয়ে কেন, কোন অস্থখ করেনি ত দিদি?”

মাধুরী বলিল, “না।” এমন সময় রাধুনী পবর দিল, রান্না প্রস্তুত। নিরমমত আজও মাধুরী ঠাকুরদাদার সঙ্গে রান্নাঘরে গেল, আজও পাখা লইয়া হাওয়া করিতে বসিল, কিন্তু অল্প দিনের মত বৃদ্ধের খাওয়ার সময় গল্প জমিল না।

এইরূপে বিশ্বস্তর ও মাধুরীর মধ্যে ক্রমশঃ একটি বাবধান সৃষ্টি হইতে লাগিল। এই দুই জন প্রাণীর একের অন্তের ছাড়া কোন আশ্রয় ছিল না, সঙ্গীও ছিল না; অথচ উহাদের পরস্পরের মধ্যে যে সহজ সরল ভাব ছিল, তাহাও ক্রম হইয়া যাইতেছে। মাধুরী ভাবিল, বিশ্বস্তর তাহার নিকট হইতে অনেক কথা গোপন করিতেছেন। বিশ্বস্তর ভাবিলেন, মাধুরী এখন আর পূর্বের সেই ছোট্ট বালিকাটি নাই, এখন সে তাহার নিজের সুখ-দুঃখের বিষয় চিন্তা করিতে লিপিয়াছে।

বিশ্বস্তর ও সত্যোনের মধ্যে পূর্ব চিঠি বাওয়া-আসা করিতে লাগিল। মাধুরী সত্যোনকে পূর্বে অসঙ্কোচে অনেক কথা চিন্তা করিয়াছে, প্রকাশে বিশ্বস্তরকে তাহার সম্বন্ধে অনেক কথা জিজ্ঞাসাও করিয়াছে, কিন্তু যে দিন কমলা তাহাকে ঠাট্টা করিয়া জিজ্ঞাসা করিয়াছিলেন— “আমার দাদাকে তোমার পছন্দ হয় ত বল ঘটকালি করি”—সেই দিন হইতেই সত্যোন সম্বন্ধে তাহার একটা লজ্জা আসিয়া পড়িয়াছে, এখন আবার সত্যোন ও বিশ্বস্তরের মধ্যে যখন যখন চিঠি আসা-মাওয়া দেখিয়া মাধুরী ইহা স্থির বুঝিয়াছিল যে, সে নিজেই এই দুই জন প্রাণীর চিন্তার ও আলোচনার বিষয় হইয়া দাঁড়াইয়াছে।

সে দিন বিশ্বস্তর বৈকালে বেড়াইতে বাইবার সময় মাধুরীকে কাছে ডাকিয়া মাথায় হাত বুলাইতে বুলাইতে স্নেহ-সরস কণ্ঠে জিজ্ঞাসা করিলেন— “দিদি, সত্যোন যে বইগুলি পাঠিয়েছিল, সেগুলি সব পড়া হয়েছে?” মাধুরী দেখিল, সে ঠিকই অনুমান করিয়াছিল, তবুও বলিল, “কি পাঠিয়েছিল, তা কি ক’রে বলব, তবে বইগুলো পড়েছি; তোমাকেও ত প’ড়ে গুনিয়েছি।” বিশ্বস্তর যেন আপন মনেই বলিতে লাগিলেন— “বেশ ছেলেটি সত্যোন, শুধু লেখাপড়ার নয়। পবরের কাগজে দেখলাম, সত্যোন ও আর কয়টি হিন্দু-বিধবিত্তালয়ের ছেলে মিলে নানা রকম সমাজহিতকর কাণ্ডের অনুষ্ঠান করেছে, তারা শ্রী-শিক্ষা প্রচার করবে, বালিকা বিধবার বিবাহ চলিত করবে, নিরক্ষর চাষীদের জঙ্গল রাস্তা বিনা মাঠনাথ স্কুল করবে, চরকা কাটা শেখাবে, আরও কত কি! এমন যদি দেশের সব ছেলে মানুষ হ’ত, তা হ’লে দেশের অবস্থা দু’দিনে বদলে যেত। তা, শোন দিদি, কাল অতুল ও সত্যোন কানী আসছে, এক দিন তাদের এখানে গেতে বলতে হয়, পরশু তাদের এখানে নিমন্ত্রণ করা যাক, কেমন?” মাধুরী শুধু বলিল— “বেশ ত।”

বিশ্বস্তর বেড়াইতে বাহির হইয়া গেলেন, সঙ্গে মাধুরী গেল না, এখন সে প্রায়ই যায় না। বাড়ীর খোলা ছান হইতে গঙ্গা দেখা যায়, মাধুরী সেই ছাদে পায়েচারি করিয়া বেড়াইতে লাগিল। চিন্তার পর চিন্তার ভরস্ব আসিয়া তাহার মনকে আঘাত করিতে লাগিল। সত্যোন তাহাকে বইগুলি পাঠাইল কেন? কেন বিশ্বস্তর প্রথমে এই উপহার-দাতার নাম তাহার কাছে গোপন করিয়াছিলেন, কেন আবার তিনি সত্যোনের প্রশংসায় সহস্রমুখ হইয়াছেন? সে মনে মনে সিদ্ধান্ত করিল, তাহাকে লইয়াই বিশ্বস্তর ও সত্যোনের মধ্যে গোপন পরামর্শ চলিতেছে। ইহার মূলে নিশ্চয়ই কমলা আছে। মাধুরী ভাবিতে লাগিল, এক দিন কমলা তাহাকে জিজ্ঞাসা করিয়াছিল, সত্যোনকে সে ভালবাসে কি না। মৃগ ফুটিয়া সে কিছু বলিতে পারে নাই, কিন্তু বোধ হয়, কমলা তাহার মনের কথা বুঝিতে পারিয়া এখন ঘটকালি করিতেছে! হি, হি, সে বোধ হয় সত্যোনকেও বলিয়াছে যে, সে তাহাকে ভালবাসে! কি লজ্জা! কি লজ্জা! সত্যোনকে পরশ আসিবার জন্য নিমন্ত্রণ করা হইয়াছে। সে আসিলে মাধুরী কি করিয়া তাহার সম্মুখে বাহির হইবে? অথচ তাহার সম্মুখে বাহির না হইবার, তাহার সঙ্গে কথা না কহিবার ত প্রকাশ্য কোন কারণই বিদ্যমান নাই! অনেক ভাবিয়াও যখন কোন কুল-কিনারা পাইল না, তখন মাধুরী নীচে নামিয়া গিয়া রাধুনীর কাছে বসিল।

পরদিন ডাকে কমলার নিকট হইতে মাধুরী একখানা চিঠি পাইল। কমলা লিখিয়াছে,—

“ভাই মাধুরী, আজ তোমাকে একটি সুসংবাদ দিব। দাদা তোমার জন্য তাহার চিরকুমার ব্রত ভঙ্গ করিতে রাজী হইয়াছেন। দাদা তাহার ভগিনীপতিকে কি বলিয়াছেন জান? ‘মাধুরীকে বিবাহ করিলে আমার ব্রত ভঙ্গ হইবে না, আমার জীবনের মহাব্রত সকল হইবে।’ ভাই, তোমার কোন গুণের সোনার কাঠির পরশে দাদার মনের এই ব্রত উদ্ব্যপনের ঘূর্ণ বারনা আগাইয়া দিলে? কাল দাদা ও তিনি নাগোয়া হইতে আসিবেন, কারণ, জানই ত তিনি পড়া শেষ করিয়া সেইখানেই চাকুরী করিতেছেন, তাহার কলেজ বন্ধ হইয়াছে; আর দাদা এবার এম, এ পাশ হইয়াছেন, কাল আমরা সকলে তোমাদের গুণানে যাইব। আজ তবে আসি, ভাই, বউদিদি।

তোমার দিদিমণি
কমলা।”



বহুমতী প্রেস :

“যদি গাভন করিতে চাহ, এস নঃস এষ, হেথা
গহন তলে !”

[শিল্পী—শ্রীগিরীন্দ্রনাথ বসু ।

মাধুরী লজ্জা ও গর্বে রাজ্য হইয়া উঠিল। সে নিভতে বাইরা গলায় অঞ্জলি দিয়া ভগবানের উদ্দেশে বারংবার প্রণাম করিল। তাহার সমস্ত শরীরের মধ্য দিয়া—মজ্জার মজ্জার শিরার শিরার—অননুভূতপূর্ব পুলক-স্পন্দন বহিয়া যাইতেছিল।

নির্দিষ্ট দিনে কমলা স্বামী ও ভ্রাতাকে সঙ্গে লইয়া বিখস্তুরের বাড়ীতে আসিল।

আহারাদির পর বিখস্তুর, অতুল ও কমলার মধ্যে অনেক পরামর্শ হইল। পঞ্জিকা দেখিয়া বিবাহের দিনও স্থির হইয়া গেল। কমলা তাহার মাকে পূর্বেই সমস্ত লিখিয়াছিল। একমাত্র পুত্রের বিবাহে মত হওয়ার তিনি অত্যন্ত আঙ্গাদের সহিত বিবাহে তাহার সম্মতি জানাইয়াছিলেন।

৫

বিবাহের কয়েক মাস পরে সত্যান পাটনা কলেজের ইতিহাসের অধ্যাপক নিযুক্ত হইল। গঙ্গামহলের বাসা ছাড়িয়া দিয়া দেবকী-নন্দন হাবলীর একটি বড় বাড়ীতে বিখস্তুর মাধুরীকে লইয়া উঠিয়া আসিলেন। সত্যান ছুটি পাউলেই কাশীতে আইসে। মা পাটনার বাসায় পুত্রের নিকট থাকেন, তিনিও কখন কখন কাশী আসিয়া বিখনাথ দর্শন করিয়া যান। মাথের ইচ্ছা পুত্রবধূকে পাটনার বাসায় লইয়া আসেন, কিন্তু বিখস্তুরের কষ্ট হইবে ভাবিয়া আপাততঃ মাধুরী পিতামহের কাছেই রহিয়া গেল।

সত্যান ও মাধুরী প্রেমের বস্তায় ভাসিয়া চলিয়াছিল। এই দম্পতি যেন কত যুগ ধরিয়া পরস্পর পরস্পরকে ভালবাসিয়া আসিতেছে। সত্যানের যে ভাগ্যাসা মাধুরী জীবনে শ্রেষ্ঠ আশীর্বাদ বলিয়া গ্রহণ করিয়াছিল, এখন সেই ভালবাসা যেন ক্রমেই গভীরতর হইতে লাগিল। মাধুরী ভাবিত, পৃথিবীর প্রথম সৃষ্টি হইতে যেন গ্রাহার পরস্পরকে এমনই ভাবে ভালবাসিয়া আসিতেছে। অন্য কাল ধরিয়া উভয়ে উভয়ের কল্য ষষ্ঠ। মাধুরী কখনই বিবাস করিতে পারিত না যে, এই জীবনেই এই আকর্ষণের ও প্রেমের আরম্ভ এবং এই জীবনেই তাহার শেষ।

সত্যান প্রথম দর্শনেই মাধুরীর প্রতি আকৃষ্ট হইয়াছিল। সতই দিন বাইতে লাগিল, ততই এই আকর্ষণ শক্তিশালী হইতে লাগিল, ততই তাহার প্রেম গভীর হইতে লাগিল। এই প্রেমে তরলতা ছিল না, মাদকতা ছিল না—ছিল শুধু মাধুরী আর সমস্ত। এই রমণী-রক্তকে লাভ করিয়া যে তাহার জীবন ধন হইয়াছে, পূর্ণ হইয়াছে, তাহার বহুদিনের সাধনা সার্থক হইয়াছে, সে তাহা মর্মে মর্মে অনুভব করিয়া পরিতৃপ্ত হইয়াছিল।

এই দুই জন প্রেমের তীর্থযাত্রীর জীবনযাত্রা যখন পরিপূর্ণ গতিতে ও মধুর ছন্দে চলিতেছিল, তখন অকস্মাৎ একটি কাল মেঘ উঠিয়া মুহূর্তে মাধুরীর অদৃষ্ট-আকাশকে অচ্ছন্ন করিয়া ফেলিল।

সেবার স্নেহগ্রহণ উপলক্ষে মহাযোগ উপস্থিত। কাশীতে সমগ্র ভারতবর্ষ হইতে দলে দলে যাত্রী আসিতেছে। গঙ্গার ঘাটের দৃশ্য অপূর্ণ। অগণিত যাত্রী পৌটলা-পুটলি লইয়া সমস্ত খোলা যারণা পূর্ণ করিয়া ফেলিয়াছে।

স্নেহগ্রহণের আর এক দিন বাকি। মধ্যাহ্ন আহারের পর বিশ্রামান্তে বিখস্তুর কুচবিহার রাজবাড়ীতে ভাগবত পাঠ শুনিতে গিয়াছেন। তিনি সন্ধ্যার সময় মাধুরীকে লইয়া গঙ্গার ঘাটে বেড়াইতে বাইবেন বলিয়া মাধুরী সকাল সকাল হাতের কাষ সারিয়া লইয়া চুল বাঁধিতে বসিয়াছে। যে মুহূর্তে মাধুরী মুখ দেখিতেছে, সেই মুহূর্তে সত্যানের দেওয়া। চুল বাঁধিতে বাঁধিতে কত কথাই মনে পড়িতেছে। এক দিন কমলা চুল বাঁধিয়া দিতেছিল ও মাধুরীর সঙ্গে গল্প করিতেছিল। তাহাদের কথাও শেষ হইতেছে না, চুল বাঁধাও

ফুরাইতেছে না। কিছুক্ষণ মাধুরী কমলার কথা শুনিতে পাইল না। পরে অদূরে চাপী হাসির শব্দ শুনিয়া মুখ তুলিয়া সেই দিকে চাহিতেই দেখে, দরজার আড়ালে দাঁড়াইয়া কমলা মুখে কাপড় শুঁ জিয়া হাসিতেছে এবং পিছনে ফিরিয়া দেখে, তাহার স্বামী চুলের গোছা হাতে লইয়া বেণী বাঁধিবার নিখল চেপ্টা করিতেছে। সে যে কি লজ্জার কথা, তাহা ভাবিতে মাধুরীর মুখ লাল হইয়া উঠিল। কখন যে কমলা উঠিয়া গিয়াছিল, আর কখন সে সত্যান আসিয়া তাহার পিঠের কাছে বসিয়াছিল, তাহা যদি মাধুরী একটুও জানিতে পারিয়া থাকে!

অনেক বিলম্বে মাধুরীর চুল বাঁধা শেষ হইল। মধ্যাহ্নে কপালে টিপটি পরিয়া সীমস্তে সিঁদুর পরিতেছে, এমন সময় বাহিরের দরজার কড়া নড়িয়া উঠিল। রাধুনী নীচেই ছিল, সে কড়া নাড়ার ধরণ দেখিয়া বুঝিল, বিখস্তুর নহে, অপর কেহ কড়া নাড়িতেছে। সে দরজা না খুলিয়াই জিজ্ঞাসা করিল, “কে গা?” তার পর কি কথা হইল, মাধুরী উপর হইতে শুনিতে পাইল না। তবে দেখিল, রাধুনী দরজা খুলিয়া দিল এবং কয়েক জন আগন্তুক বাড়ীর মধ্যে প্রবেশ করিয়া সেইখানেই দাঁড়াইয়া রহিল। আগন্তুকের মধ্যে এক জন বৃদ্ধ পুরুষ, অপর তিন জন স্ত্রীলোক,—একটি বৃদ্ধা, অপর দুই জন মধ্য-বয়স্ক। সকলের সঙ্গেই পৌটলা-পুটলি রহিয়াছে। চেহারা দেখিয়া মাধুরী মুহূর্তেই অনুমান করিয়া লইল, হাংরা যোগ উপলক্ষে কাশীতে গঙ্গানানের জন্ত আসিয়াছে। বৃদ্ধটি তিতরে প্রবেশ করিয়া মাটিতেই বসিয়া পড়িল এবং চীৎকার করিয়া বলিতে লাগিল, “ওগো কি, জল দাও ত, হাত-পা ধুই। বাপ, কি ঘোরাটাই না ঘুরেছি, বাসা কি আর মেলে। যাক, ওগো কি, ভট্টাচার্য্য মশাই কোথায় গেছেন, বললে,—ভাগবত শুনতে? আহা হা, পুণ্যধাম কাশীধামে এসেই যেন শরীর-মন জুড়িয়ে-গেল।” এইরূপে বৃদ্ধটি অনেকক্ষণ ধরিয়া অনর্গল বক্রিয়া বাইতে লাগিল। রাধুনীকে কি বলিয়া সম্বোধন করায় রাধুনী খুব চটয়া যাইতেছিল। স্ত্রীলোকগুলি ইতোমধ্যে রাধুনীর সঙ্গে কলতলায় গিয়া হাত-মুখ ধুইয়া উপরে উঠিল ও মাধুরীর নিকট বাইরা দাঁড়াইল। মাধুরী একটি মাজুর বিছাইয়া তাহাদিগকে বসিতে দিল। বৃদ্ধা স্ত্রীলোকটি মাধুরীর সঙ্গে কথা শুরু করিল। বৃদ্ধা কহিল, “আমরা আসছি বর্দ্ধমান জেলা থেকে। ভাবলাম, এই তিন কাল গিয়ে এক কাল বাকি, এখন যদি একটু ধন্য-কন্য না করব ত করব কখন! ঠাকুর-দেবতার স্থানে বাস করবার পুণ্য নিয়ে ত আর আসিনি, ভাই ভাবলাম, বাবা বিখনাথের ধামে যখন আপনাদেরই লোক রয়েছে, তখন আর ভাবনা কি, একবার দর্শনটা করে আসি।”

বৃদ্ধা একটু খামিল, পরে মাধুরীকে জিজ্ঞাসা করিল, “ভট্টাচার্য্য কি নাটনীকে নিয়েই ভাগবত শুনতে গেছেন? আহা হা, এমন ভাল মানুষের অদেখে এমন কষ্ট লেগা ছিল! গুরু, গুরু, সকলই তোমার ইচ্ছা।”

যখন বৃদ্ধাটি কথা কহিতেছিল, তখন অপর স্ত্রীলোকগুলি মাধুরীর মুখের দিকে একদৃষ্টে চাহিয়া ছিল। বৃদ্ধার সকল কথা মাধুরী বুঝিতে পারিতেছিল না। তাহার মন্দ ভাগ্যের কথা ভাবিয়া বৃদ্ধা ব্যথিত হইল, বুঝিতে পারিল না। তাহার মনে হইল, বোধ হয়, ইহার বাড়ী ভুল করিয়া এই বাড়ীতে আসিয়াছে। মাধুরী জিজ্ঞাসা করিল, “আপনারা কোন্ ভট্টাচার্য্যের কথা বলছেন, বাড়ী ভুল করেন নি ত?”

বৃদ্ধা সন্তুষ্ট হইয়া জিজ্ঞাসা করিল, “এ পরাজের বিখস্তুর ভট্টাচার্য্যের বাসা নয়? যে কোম্পানীর চাকুরী করত, এখন পেন্সিল নিয়ে ত্রিধবা নীতনাকে নিয়ে কাশীবাস করছে?”

মাধুরী বিধবা নাতনীর কথায় শিহরিয়া উঠিল, তাহার বুক ছুঁ ছুঁ করিতে লাগিল। মাধুরী বুঝিল, ইহার বাড়ী ভুল করিয়াছে, অথচ

বিশ্বস্তরের প্রকৃত পরিচয় ত ইহার দিল! মাধুরী মুচের মত বসিয়া রহিল।

মাধুরীর কোন উত্তর না পাইয়া বৃদ্ধা আবার জিজ্ঞাসা করিল, “কেন গা, এ কি বিশ্বস্তর ভট্টাচার্যের বাসা নয়?”

মাধুরীর বৃকের মধ্যে টিপ টিপ করিতেছিল, রক্ত যেন দ্রুত তাতে চলিতে চলিতে মাঝে মাঝে পানিয়া যাইতেছিল। ভয়ে ভয়ে জিজ্ঞাসা করিল, “আপনারা তাহার কোন্ নাতনীর কথা বলছেন?”

বৃদ্ধা বলিল, “ও মা, কোন্ নাতনী আবার গো! ভট্টাচার্যের ত ঐ একই নাতনী! তারই ত বড়ো বড় সাধে বিয়ে দিয়েছিল, আমাদেরই গ্রামের মথুর চক্রবর্তীর ছেলে বৈষ্ণবনাথের সঙ্গে। আহা, সে যেন হরগোরীর মিলন গো, হরগোরীর মিলন। ৫ বছরের ক’নে আর ১০ বছরের বয়: কিন্তু বছরও ঘুরলো না গো, বছরও ঘুরো না।” বৃদ্ধা দেখিল যে, মাধুরী মুচ্ছতার মত পড়িয়া যাইবার উপক্রম হইয়াছে, তখনই সে চীৎকার করিয়া রাধুনীকে ডাকিতে লাগিল, “ওগো মেয়ে, তুমি শীগ্গির উপরে এসো, তোমাদের গৌএর বুঝ মুচ্ছার ব্যামো আছে, দেখ, কেমন কচ্ছে।”

চীৎকার শুনিয়া রাধুনী ছুটয়া আসিল। আগন্তুক বৃদ্ধি পৌটলা হইতে একখানা কাপড় বাহির করিয়া তাহা বিছাইয়া এতক্ষণ নীচেই শুইয়া ঘুমাইতেছিল, তাহারও ঘুম ভাঙিয়া গেলে সেও উপরে ছুটয়া আসিল এবং তাহার বাক্যের শ্রোত পুনরায় ছুটয়া দিল। মাধুরী অনেকটা প্রকৃতিস্থ হইলে রাধুনী বলিল, “কেন এমন হ’ল দিদি, এমন ত কখনও দেখিনি। বড়োও গিয়েছে কখন, এখনও ফেরবার নাম নাই। দাদাবাবুকে ত সেই যে কি বলে টেলিগার না কি তাই ক’রে দিলে হয়।”

আগন্তুক বৃদ্ধ অত্যন্ত বিষ্ণের মত বলিতে লাগিল, এই মুচ্ছার রোগের নাম হিষ্টিরিয়া, ইহাতে বিশেষ কোন ভয়ের কারণ নাই এবং চোপে-মুখে জলের কাপটা দিবার পরামর্শ দিয়া তাহার সঙ্গী প্রীলোকদের সঙ্গে কথাবার্তা আরম্ভ করিল, ইতোমধ্যে মধ্যবয়সী প্রীলোক দুইটি তাহাদের নিজেদের মধ্যে চুপি চুপি কি বলাবলি করিতেছিল, মাধুরী একটু স্থস্থ হইলে রাধুনীকে একটু আড়ালে ডাকিয়া লইয়া তাহার মিকট হইতে যাহা জানিল ও শুনিল, তাহাতে তাহারা সকলেই বিস্ময় ও গণায় স্তম্ভিত হইয়া গেল এবং মুহূর্ত্তেই তাহা বাড়ীময় রাষ্ট্র হইয়া গেল ও মাধুরীর জীবনের সমস্ত ওলট-পালট করিয়া দিল।

৬

মাধুরী বাল-বিধবা। পাঁচ বৎসর বয়সে তাহার যে বিবাহ হইয়াছিল, আজ মাধুরী তাহা জানিল। এত প্রীলোক কয়টির মুখে বিশ্বস্তরের যে মঙ্গলগা; নাতনীর কথা শুনিল, সে যে মাধুরী, তাহা সে বুঝিল। কথা যখন রাষ্ট্র হইয়া পড়িল, আগন্তুক বৃদ্ধ যখন সকল কথা শুনিয়া এক দণ্ডে দাঁড়াইল না, এ বাড়ীতে জলস্পর্শ পথায় আর না করিয়া নানা রকম মন্তব্য প্রকাশ করিতে করিতে সঙ্গীদের লইয়া চলিয়া গেল, তখন মাধুরীর চিত্ত লজ্জায়, কোভে ও গণায় ক্রতবিকৃত হইতে লাগিল। তাহার মনে হইল, সমস্ত পৃথিবী তাহাকে প্রস্তারণা করিবার জন্য বড়্য় করিয়াছে, বিশ্বস্তর তাহার সর্বপ্রধান শত্রু, তিনিই তাহাকে এমন করিয়া অপমান করিলেন, জগতে তাহার মত গণিত জীব বোধ হয় আর কেহই নাই। তাহার মত হতভাগিনী নারী যে হিন্দুকুলে আর এক জনও নাই—ইহাই সে স্থির জানিল। এখন সে কি করিবে, কোথায় যাইবে ভাবিয়া পাইল না। সমস্ত পৃথিবী যেন তাহার কাছে শূণ্য, মরুভূমি বলিয়া মনে হইতে লাগিল। কোথায়ও তাহার আশ্রয় নাই, সে সকলেরই পরিত্যক্তা, গণাভরে সকলেই তাহার দিক হইতে দৃষ্টি কিরাইয়া লইতেছে এবং অসাক্ষাতে তাহার

মন ভাঙ্গা লইয়া পরিহাস করিতেছে, ইহাই মাধুরীর মনে হইতে লাগিল।

রাত্রি হইয়া গেল। মাধুরী বিছানায় শুইয়া উপুড় হইয়া পড়িয়া কাঁদিতে লাগিল। কতক্ষণ তাহার এই ভাবে কাটিল, তাহা সে জানিতে পারিল না। যখন বিশ্বস্তর তাহার শিয়রের কাছে বসিয়া তাহার মাথায় হাত বুলাইতে বুলাইতে স্নিগ্ধ কণ্ঠে ডাকিলেন, “দিদি, দিদি,” তখন অনেক রাত্রি হইয়া গিয়াছে। বিশ্বস্তরের মুখের দিকে মাধুরী চাহিতে পারিল না। তাহার মন বিশ্বস্তরের প্রতি গণায়, অভিমানে ও রোয়ে ভরিয়াছিল। সে যেমন শুইয়াছিল, তেমনই শুইয়া রহিল, কোন সাড়া দিল না। বিশ্বস্তর অনেকক্ষণ চুপ করিয়া বসিয়া থাকিয়া উঠিয়া গেলেন।

সমস্ত রাত্রি মাধুরী জাগিয়া কাটাউল। এখন সে কি করিবে, কি রকম আচরণ এখন তাহার পক্ষে শোভন হইবে, ইহাই সে চিন্তা করিতে লাগিল, কিন্তু কোন যুক্তিই তাহার মনোমত হইল না। অথচ এই রাত্রির মধ্যেই তাহাকে সমস্ত ঠিক করিয়া ফেলিতে হইবে। রাত্রির গোপন নীরবতার মধ্যেই সে তাহার নিজের সঙ্গে একটা বুঝাপড়া করিয়া লইতে চায়। দিনের আলোর সঙ্গে সঙ্গেই তাহার লাঞ্ছনা আরম্ভ হইবে, সমাজের শাসনকর্তারা তাহার উপর বিচারে বসিবেন এবং প্রাণদণ্ডেরও অধিক যে শাস্তি, তাহাই তাহার জন্ত নির্ধারিত হইবে।

রাত্রি প্রভাত হইয়া গেল, কিন্তু মাধুরীর কণ্ঠা স্থির হইল না। সে ভয়ে ভয়ে ঘর হইতে বাহির হইল এবং নিঃশব্দে নীচে নামিয়া গেল। পাছে রাধুনীর সঙ্গে দেখা হয়, এই আশঙ্কায় রান্নাঘরের দিকে গেল না, কলতলায়ও না। কোথায় যাইতেছে, তাহার ঠিক নাই, অথচ তাহাকে একটা কিছু করিতে হইবে। তখনও রাধির অন্ধকার সম্পূর্ণরূপে কাটে নাই, রান্নায় বেশী লোকচলাচল তখনও আরম্ভ হয় নাই, দেবালয়ে নহবতের বাজনা তখনও বাজিয়া উঠে নাই। মাধুরী ধীরে ধীরে দরজা খুলিয়া বাহির হইয়া পড়িল ও গঙ্গার রাস্তা ধরিয়া চলিল। দশাশ্বমেধঘাটে যখন পৌছিল, তখন ভোর হইয়া গিয়াছে। উষান্নানার্থ দুই এক জন করিয়া স্নান করিতে আসিতেছে। গঙ্গার তরঙ্গ তখনও আলোড়িত হইয়া উঠে নাই। মাধুরী একটি নিভৃত সোপানে বসিল এবং গঙ্গায় যেমন ভোরের বাতাসে তরঙ্গের খেলা চলিতেছিল, মাধুরীর মনেও তেমনই চিন্তার তরঙ্গ খেলিতে লাগিল। হাতের পাঁপা ও সোনার বালা ও চুড়ির প্রতি দৃষ্টি পড়িতেই মাধুরী যেন সন্দেহে ভীষণ ছালা অশ্রুভব করিতে লাগিল। সেগুলি যেন আশ্রনের বেগুন হইয়া মাধুরীর সন্দেহে দক্ষ করিতে লাগিল। ছি! ছি! কেন সে তাহার এই সাজসজ্জা লইয়া এখনও গঙ্গায় ডুবিয়া মরে না? তাহার প্রাণের মায়া কি এতই বেশী, সত্যই কি তবে সে স্বিচারিণী? গঙ্গায় ডুবিয়া মরিলে ত হয়—ইহা মনে হইতেই মাধুরী যেন একটা মুক্তির পথের অনুসন্ধান পাইল। এতক্ষণ ইহা তাহার মনেই আইসে নাই। মাধুরীর প্রাণের বাধা অনেকটা হালকা হইয়া গেল। সে স্থির করিল, গঙ্গায় এই শীতল জলে তাহার প্রাণের ছালা জুড়াইবে।

মাধুরী যেখানে বসিয়াছিল, সেখানে রোদ আসিয়া পড়িয়াছে, ঘাটে স্নানার্থীর ভীড় আরম্ভ হইয়াছে। সহসা যেন তাহার ধান-ভঙ্গ হইল এবং গঙ্গার ঘাটে সে কি করিয়া এত লোকের সম্মুখে বসিয়া আছে, ভাবিয়া লজ্জিত হইয়া উঠিল। তাড়াতাড়ি উঠিয়া দাঁড়াইতেই সম্মুখে বিশ্বস্তরকে দেখিতে পাইল। দুই জনের কেহই কোন কথা না বলিয়া বাড়ীর দিকে অগ্রসর হইল। যখন তাহারা বাড়ীতে প্রবেশ করিল, তখনও কেহ কাহাকে কোন কথা বলিল না।

মাধুরী এখন তাহার কণ্ঠবা স্থির করিয়া ফেলিয়াছে, মুক্তির পথের অনুসন্ধান পাইয়াছে, এখন আর তাহার প্রাণে কোন মানি নাই।

বিধবের প্রতি কোন রোষ নাই। বিধবের উপর এখন আর তাহার কোন প্রতিমান নাই, বরং এখন তাহার জন্ত দুঃখ বোধ হইতেছে। এই বৃদ্ধ মাধুরীর স্থানের জন্তই ত তাহার নিজের সংস্কারের মূলে কুঠারাঘাত করিয়াছেন! এই ভাগ কি সাধারণ ভাগ! ইহার জন্ত কি বৃদ্ধের হৃদয় ছিঁড়িয়া টুকরা টুকরা হইয়া যায় নাই? মাধুরী এখন বিধবের পূর্বের অনেক অবোধ্য আচরণ বুলিতে পারিল। বুলিল, বিধবা নাভূনীর আবার বিবাহ দিবেন কি না, ইহা স্থির করিতে তাহার প্রাণে কত দ্বন্দ্ব হইয়া গিয়াছে। এখন মাধুরী বেশ বুলিতে পারিল, কেন বিধবের তাহার সঙ্গে বিধবা-বিবাহ ভাল কি মন্দ, ইহা লইয়া তর্ক করিতেন, কেন তিনি বিদ্যাসাগরের শাস্ত্রব্যাপার বিচার করিতেন। এসমস্তই ত তাহার মনকে দৃঢ় করিবার জন্ত।

মাধুরীর নিজের মনে নূতন করিয়া দ্বন্দ্ব আরম্ভ হইল। প্রথম উত্তেজনার অবসানে যখন তাহার মন অনেকটা শান্ত ভাবধারণ করিল, তখন তাহার মনে নানারূপ বিচার ও তদুপস্থিত হইতে লাগিল। তাহার পুনরায় বিবাহ দিয়া বিধবের কি অশ্রয় করিয়াছেন, তাহা বুলিবার চেষ্টা করিল। ৫ বৎসর বয়সে—জ্ঞানের উদ্বোধনের পূর্বেই বিবাহের নামে তাহাকে লইয়া যে ছেলেখেলা হইয়াছিল এবং যাহা ১ বৎসরের মধ্যে ছেলেখেলায় মতই ভাগিয়া গিয়াছে, যাহার বিন্দুমাত্র স্মৃতিও তাহার মনে সামান্তরূপে রেখাপাত করিয়া যায় নাই এবং এত দিন পয্যন্ত যে ঘটনার আভাস পর্যন্তও সে কাহারও নিকট হইতে কখনও পায় নাই, তাহা কি তাহার সমগ্ৰ জীবন পূর্ণ করিয়া রাখিবে? শৈশবের এই ঘটনাটি কি সত্যোনের সঙ্গে তাহার মিলনকে কলুষিত করিয়া দিবে? সত্যোনের সঙ্গে তাহার বিবাহের বিরুদ্ধে কোন যুক্তিই মাধুরী পাইল না, তবুও তাহার মন বলিল, ইহার কোথাও দোষ রহিয়া গিয়াছে, যাহা সে পরিত্যাগ করিতে পারিতেছে না। বুদ্ধি ও বিবেচনা তাহাকে ক্ষমা করিলেও তাহার সমস্ত সঞ্চিত সংস্কার এই ব্যবস্থার বিরুদ্ধে বিদ্রোহী হইয়া দাঁড়াইল। তবুও সত্যোনের প্রতি তাহার যে প্রেম, তাহা যে বৈধ নহে, অনাবিল নহে, তাহা ত মাধুরী কোনমতেই স্বীকার করিতে পারেন না! অথচ সংস্কার বলিতেছে, সে প্রেমে তাহার অধিকার নাই, সে মিলনে তাহার মঙ্গল নাই। আবার তখনই তাহার প্রাণের অন্তস্তল হইতে প্রশ্ন হইতেছে, এই অধিকার হইতে সে বঞ্চিত হইবে কেন? তাহাদের মিলনে অমঙ্গল কোথায়?

যখন এই দ্বন্দ্ব বাড়িয়াই চলিতে লাগিল ও মাধুরী তাহার মনে কোন স্থির সীমাংসা খুঁজিয়া পাইল না, তখন হঠাৎ তাহার মনে হইল, বিধবের এই কাণ্ডে অশ্রয় কাহারও ক্ষতি হউক বা না হউক, সত্যোনের প্রতি ঘোর অশ্রয় করা হইয়াছে। বিধবের যে তাহাকে প্রতারণা করিয়াছেন, তাহাতে কোন সন্দেহ নাই। মাধুরী তখন বুলিতে পারিল, এইখানেই তাহার পাপ। এই পাপের প্রায়শ্চিত্ত করিবার জন্ত সে প্রস্তুত। সে সত্যোনের নিকট হইতে ইহার জন্ত শাস্তি লইয়া স্বচ্ছন্দচিত্তে মরিবে। সত্যোনের তাহার আপনার বলিবার অধিকার মাধুরীর আছে কি না, তাহার বিচার মাধুরীর মনে উদ্ভিত হইল না, কিন্তু এই ভুল ভাগিয়া গেলে যে সত্যোনের সঙ্গে তাহার সকল সম্বন্ধ বিচ্ছিন্ন হইয়া যাইবে, ইহা ভাবিতে মাধুরীর অবোধ মন কাঁদিয়া উঠিল। সে অনেকক্ষণ ধরিয়া কাঁদিল, পরে কাগজ-কলম লইয়া সত্যোনের চিঠি লিখিতে বসিল। কেমন ধরিয়া চিঠি আরম্ভ করিবে, কি লিখিবে, কোন কথাই গুছাইয়া মনে আসিল না। কি বলিয়া সম্বোধন করিবে, ইহা লইয়াই প্রথমে গোল পড়িল। অনেক লিখিয়া ও কাটিয়া সে লিখিল,—

“দেবতা,

আজ আপনাকে যে নিদারণ সংবাদ দিব, তাহা সহ্য করিবার শক্তি আপনার আছে বলিয়াই আপনাকে দেবতা বলিয়া

সম্বোধন করিলাম। এই মনভাগিনী নারী যে কত বড় পাতকিনী, আপনার স্বীয় প্রেম যে কিরূপ অপাত্রে অর্পিত হইয়াছিল, তাহা কি করিয়া বুঝাইয়া দিব?

আপনি এত দিন অমৃত বলিয়া গরল পান করিয়াছেন। আপনি যাহাকে আদর করিয়া স্বর্গের কুহুমের সঙ্গে তুলনা করিতেন, সে কুহুমে যে কত বড় বিধাত কীট রহিয়াছে, তাহা আপনি জানিতেন না।

প্রভু, এক দিন আপনি আমাকে ভালবাসিয়াছিলেন, আজ আমি তার খুব বড় প্রতিদান দিব। গুনিয়াছি, প্রেমের স্পর্শে পাপী মুক্তি পায়। তবে কি আমিও মুক্তির আশা করিব? কিন্তু আমার পাপের ত প্রায়শ্চিত্ত নাই।

না, আপনাকে আর অধিকক্ষণ সংস্বয়ের মধ্যে রাখিব না। শুধু একটি কথা জিজ্ঞাসা করিব, তার পর—তার পর যে সংবাদ দিবার জন্য এই চিঠি লিখিতে বসিয়াছি, তাহা দিব।

বাসিন্দারা মূলে কি দেবতার পূজা হয়? দেবতা-পূজার দুনিবার বাসনার সৌরভে ও রঙ্গে করিয়া পড়িয়াও যদি সে ফুল হরতি ও রঙীন থাকে, তবুও কি সে দেবসেবার অযোগ্য?

আপনি ভরানকরূপে প্রতারণিত হইয়াছেন। আপনি যাহাকে বিবাহ করিয়াছিলেন, সে বিধবা। স্তরং সে বিচারিণী, কলঙ্কিনী।”

চিঠি পাঠাইয়া দিয়া মাধুরী কাঁদিতে বসিল। এখন আর সত্যোনের তাহার কেহ নহে। সে যে তাহার কেহ ছিল, ইহা ভাবিলেও তাহার পাপ! সে তাহার স্মৃতি-পূজা হইতেও বঞ্চিত। না,—না, তাহা কি হইতে পারে? ভাল-মন্দ বিচার কি এতই সহজ? মাধুরীর গড়া শব্দলই কি বিধাতার শাসন-বন্দ? মাধুরী কতই সত্যোনের চিন্তা মন হইতে দূর করিয়া দিতে চায়, ততই তাহার মনকে বেধী করিয়া অধিকার করিয়া বসে। মাধুরীর মন এইরূপে বৃদ্ধ করিয়া ক্ষতবিক্ষত হইয়া অবসন্ন হইয়া পড়িল। সে স্থির করিল, আর মনের সঙ্গে বৃদ্ধ করিবে না। সে যদি পাতকিনীই হইয়া থাকে, তবে তাহার অসংযত মন তাহার পাপের বোধ আর কতই বাড়াইবে? সে তাহার পাপের জন্ত চরম শাস্তি নির্দ্ধারিত করিয়া রাখিয়াছে, স্তরং সে এখন মনের সম্পূর্ণ স্বাধীনতা উপভোগ করিতে ভয় করে না।

মাধুরী তাহার শয়নঘরে প্রবেশ করিল। দরজা বন্ধ করিয়া তাহার হাতবান্ধ খুলিল। সবুজে রঞ্জিত সত্যোনের লেখা চিঠিগুলি বাহির করিয়া তন্ময় হইয়া প্রত্যেকখানি পড়িল। তার পর সেগুলি বন্ধ করিয়া রাখিয়া নীচে নামিয়া গেল। বাগানে বাইরা ফুলগাছ হাতে প্রত্যেকটি ফুল সবুজে তুলিয়া আনিয়া ঘরে আসিয়া মালা গাঁধিল এবং প্রাচীরবিশিষ্ট সত্যোনের কটোখানিতে ফুলের মালা পরাইয়া তাহা বুকে চাপিয়া ধরিল। সে আজ কোন বাধা, নিয়ম মানিবে না। তাহার উন্নত মন যাহা চায়, সে তাহাই তাহাকে দিবে। তাহার মনে হইল, এই বিধে সত্যোনের ও মাধুরী ছাড়া, আর কেহ নাই।

এই ধ্যান যখন ভাঙিল, তখন মাধুরীর চিন্তা আশার আশঙ্কায় ছুলিতে লাগিল। আজ সকালের ডাকে দেওয়া চিঠি কালই ভোরের তাহার নিকট পাটনার পৌঁছাবে এবং কালই তিনি চিঠি লিখিলে সে চিঠি পরশু সকালে সে পাইবে। সে চিঠি কি তাহার জন্য সুখাদ্য বহন করিয়া আনিবে না?

আশার আশঙ্কায় মাধুরীর দিন যাইতে লাগিল। আজ তাহার সত্যোনের নিকট হইতে চিঠি পাইবার দিন। কিন্তু যদি সত্যোনের আশ্রয় তাহাকে চিঠি না লেগে? এ আশঙ্কা ত মাধুরীর মনে একধারায় হয় নাই। সে যে নির্দ্ধিষ্ট দিনে চিঠি পাইবেই, ইহাই স্থির জানিত, কিন্তু নির্দ্ধিষ্ট দিন উপস্থিত হইলে তাহার এই দৃঢ় বিশ্বাস শিথিল হইতে লাগিল। ঠিকই ত, সত্যোনের আর তাহাকে চিঠি লিখিবে কেন?

মাধুরী আর কোন্ অধিকারে সত্যেনের কাছে চিঠির দাবী করবে ? মাধুরীর চিত্ত যখন নিরাশায় ছাইয়া যাইতে লাগিল, তখন বাহির-দরজার কড়া নাড়িয়া ভগবানের দূতের মত পিরন হাঁকল—“চিঠি।” মাধুরী বেখানে বসিয়া ছিল, নিখাপ রুদ্ধ করিয়া সেইখানেই বসিয়া রহিল ; শুনিতে পাইল, রাধুনী দরজা খুলিয়া চিঠি লইল ও উপরে উঠিয়া বিষভরের ঘরে প্রবেশ করিল। বিষভরের সঙ্গে কি কথা হইল, পরে রাধুনীর পারের শব্দ ক্রমশঃ নিকটে শুনা যাইতে লাগিল এবং একটু পরেই খোলা জানালার ভিতর দিয়া একখানি খামের চিঠি মাধুরীর কোলের কাছে আসিয়া পড়িল। মাধুরীর মনে হইল, পিরনের হাত হইতে তাহার নিকট চিঠি পৌঁছিতে এক যুগ কাটিয়া গিয়াছে। চিঠিখানা মাথার ঠেকাইয়া সে বুক চাপিয়া ধরিল। পরে শিরোনামার প্রত্যেকটি অক্ষর যত্ন সহিত পড়িয়া কম্পিত হস্তে চিঠিখানি খুলিয়া কেলিল। বুক ছুঁ ছুঁ করিতে লাগিল, অক্ষর পর্দা আসিয়া চোখের দৃষ্টি ঝাপসা করিয়া দিল, যাহা পড়িল, তাহারও সম্পূর্ণ অর্থবোধ হইল না, যাহাও অর্থবোধ হইল, তাহাও বিশ্বাস করিবার সাহস হইতেছিল না। সত্যেন লিখিয়াছে,—

“কল্যাণীয়াসু,

মাধুরী, আজ আমার জীবনের পরিপূর্ণ আনন্দের দিন। এই শুভদিনের প্রতীকার আমি অধীর হইয়াছিলাম। আমাদের মিলনকে বার্ষ করিয়া দিতে পারে, এমন শক্তি কি কাহারও আছে ? অর্ধহীন সংস্কারের রক্তচক্ষু দেখিয়া আমরা কি ভগবানের দানকে অবহেলা করিব ? বিবেকবুদ্ধিতে যাহা স্মরণ, তাহা কি লাস্ত্রিত হইবার যোগ্য ? মাধুরী, তোমার মতো যে দেবতা রহিয়াছেন, তাঁহাকে

বিচার-আসনে বসাইয়া ভালমন্দ বিচার করিও। যাহা সত্য, তাহাই শিব ; মঙ্গল হইতে অমঙ্গলের আশঙ্কা কোথায় ?

আমি প্রতারিত হই নাই। বণাসময়ে ক্রমাভিকা করিয়া লইব, এই ভরসাতে আমরাই তোমাকে প্রতারিত করিয়াছি। এ বিবাহে প্রথমে ঠাকুরদাদার আদৌ মত ছিল না—আমিই তাঁহাকে সম্মত করাইয়াছিলাম। এ বিবাহে আমাদের প্রাণের দেবতা কখনই ক্ষুণ্ণ হন নাই—আমাদের প্রেমের মিলনে তাঁহারই জয় ঘোষিত হইয়াছে।

আমি কাল কাশী পৌঁছিব। তোমার প্রেমের যদি উত্তর চাও, তখন দিব। অজ্ঞান শিশুর বৈধব্য হইতে যুবতীর বৈধব্যের পার্থক্য কোথায়, যদি বুঝিয়া না থাক, তাহাও বুঝাইয়া দিব।

আশীর্বাদক
সত্যেন।”

মাধুরী বার বার চিঠি পড়িল। সকল কথা বুঝিল না, যাহা বুঝিল, তাহাতেই তাহার হৃদয়-মন পুলকে ভরিয়া গেল। মনের কোন কোণে কোন ব্যথা রহিল না। তাহার অন্তরের নিভৃত প্রান্ত হইতে ধ্বনিত হইতে লাগিল, “তুমি আমার-ই, তুমি আমার-ই, মম শূন্য গননবিহারী।”

প্রেমপুলকিত চিত্তে সত্যেনের ফটোর সম্মুখে তাহার চিঠিখানি রাখিয়া গলায় অক্ষয় জড়াইয়া মাধুরী তাহার সমস্ত অন্তঃকরণ দিয়া যখন প্রণাম করিল, তখন খোলা জানালার মধ্য দিয়া সূর্য্যমান আশীর্বাদের মত মাধুরীর মাথার উপর রৌদ্র আসিয়া পড়িল ও তাহার সীমন্তের সিন্দুররেখা উজ্জ্বল হইয়া উঠিল।

শ্রীদিগন্তনাথ বঙ্গমদার (অধ্যাপক)।

ফুলের মূল্য

“ফুলটা না কি ভালবাসো বড়—

এনেছি তাই ফুল-শস্যার ফুল,
এর লাগি কি দিতে তুমি পার ?
এমন কুমুম পরশ-ভবাকুল !”

“আমি আজি ইহার লাগি শুধু—

কহিল প্রেমিক মুখে মধুর হাসি,—
“চুম্বন এক দিতে পারি মধু-
ভরা! যাহার আদর সোহাগরাশি !”

“হেথায় আছে ফুল বোড়শীর

প্রিয়ের আশে খোঁপায় গুঁজে রাখা,
এর লাগি কি দিতে পার বীর ?”
“একবারটি দিতে পারি দেখা !”

“হোথায় দেখ আছে দেবের পায়ে

ভক্তিভরে অর্ঘ্য দেওয়ার ফল,
দিতে পার কি তার বিনিময়ে
হবে যাহা তাহার সমতুল ?”


নম্র প্রেমিক কহিল “দিতে পারি

পবিত্র এই ফুলকে দেবতার
কায়মন মোর এক সকলি করি
প্রাণের আমার একটি নমস্কার !”

“এ ফুল প্রিয়ের শেষ সমাধির,—

আজকে দেখ এই শেষ মোর দান—”
কহিল প্রেমিক আবেগ-অধীর—
“এর লাগি মোর দিতে পারি প্রাণ !”

শ্রীবিজয়নাথ মণ্ডল



দেবোত্তর আইন

শ্রীযুক্ত দেবীপ্রসাদ খইতান হিন্দু দেবোত্তর আইনের সংশোধন প্রার্থনা করিয়া কাউন্সিলে এক প্রস্তাব উপস্থাপিত করিয়াছেন। এই প্রস্তাব যদি আইনে পরিণত হয়, তাহা হইলে হিন্দু দেবোত্তর সম্পত্তির তত্ত্বাবধানের ভার যে কতকাংশে সরকারের হস্তে ন্যস্ত হইবে, তাহাতে সন্দেহ নাই। তবে স্মৃতির বিষয়, প্রস্তাবক ব্যবস্থাপক সভার গত ৯ই ডিসেম্বরের অধিবেশনে তাঁহার প্রস্তাবের বিপক্ষে প্রতিবাদের গুরুত্ব বৃদ্ধিয়া আপাততঃ প্রস্তাব তুলিয়া লইয়াছেন। তবে আগামী কাঙ্ক্ষারী অধিবেশনে কাউন্সিলকে নোটিশ দিয়া প্রস্তাব পুনরায় পেশ করিবার ইচ্ছা প্রকাশ করিয়াছেন।

হিন্দুতীর্থ ও মঠের অধিকারী পাণ্ডা ও অধিকারিগণ কোন কোন স্থলে তাঁহাদের অধিকার ও ক্ষমতার যে অপব্যবহার করিয়াছেন, তাহা অস্বীকার করিবার উপায় নাই। আমাদের এই বাঙ্গালার তারকেগরের মন্দিরের মোহাস্ত্র সতীশগিরি নানা অনাচারের অভিযোগে হিন্দু জনসাধারণের দরবারে অভিযুক্ত হইয়াছিলেন। তাঁহার পূর্বেও মোহাস্ত্র মাধবগিরির আমলে বহু অনাচার ও অত্যাচার-অসম্মান্যতার অভিযোগ উপস্থিত হইয়াছিল। সতীশগিরির আমলে অনাচারের বিপক্ষে সত্যগ্রহ আন্দোলন হইয়াছিল, ফলে অন্যান্য এক সহস্র বাঙ্গালী যুবক এ জন্ত কারাবরণ করিয়াছিল এবং পাঁচ ছয় জন মৃত্যুমুখে পতিত হইয়াছিল।

তীর্থ ও মঠে এরূপ অনাচার অনুষ্ঠিত না হয়, তাহারই জন্ত এই আইনের পাণ্ডুলিপি উপস্থাপিত করা হইয়াছে। এমন বিল নূতন নহে। আনন্দ চালুর বিলের সময় হইতে এ যাবৎ এমন বিলের আয়োজন চলিয়া আসিতেছে। হিন্দু জনসাধারণের পক্ষ হইতে এই বিলের পক্ষে ও বিপক্ষে অনেক কথা বলিবার আছে।

যাহারা বিলের পক্ষপাতী, তাঁহারা বলেন, অনাচারী

মোহাস্ত্রা এতই ক্ষমতামালী ও এতই ধনী যে, তাঁহাদের অনাচার নিবারণে জনসাধারণ কিছুই করিয়া উঠিতে পারে না। সম্ভবত্বভাবে কাষ করাও সকল ক্ষেত্রে সম্ভবপর হইয়া উঠে না। অথচ অনাচারনিবারণ করাও বিশেষ প্রয়োজন হইয়াছে, নতুবা দেবস্থানসমূহ কলুষিত ও অপবিত্র হইয়া উঠিবে, লোক আর তীর্থস্থানে বাইতে চাহিবে না। মঠাধিকারী সম্মাসী-মোহাস্ত্রের ভোগ-বিলাসের চরম হইয়াছে। হিন্দু জনসাধারণের ভক্তিভক্ত দেবপূজার অর্থে তাহারা দেবতার পূজারাদনার সুবন্দোবস্ত যত না করুক, আপনাদের বিলাসলালসা চরিতার্থ করিবার নিমিত্ত সেই অর্থ নিয়োজিত করিতে সর্বদা যত্ববান। তাহাদের হস্তী, অশ্ব, যান-বাহন, আহার-বিহার, কামক্রীড়া ইত্যাদি রাজা-মহারাজার ভোগ-বিলাসকে অতিক্রম করিয়াছে। দেবতার অর্থে তাহারা সাধারণের হিতকর কোনও কার্যের অনুষ্ঠান করে না—যাত্রীদিগের উপর পীড়ন করা ছাড়া তাহারা তাহাদের বসবাসের ও পূজারাদনার কোনও সুযোগ করিয়া দেয় না। যখন এই অনাচারশ্রোতনিবারণে হিন্দু জনসাধারণের সম্ভবত্বভাবে কোনও প্রতীকারোপায় নির্ণয় করা সহজসাধ্য হইতেছে না, তখন সরকারের সাহায্য লইয়া কাউন্সিলের মধ্য দিয়া এমন আইন বিধিবদ্ধ করিয়া লওয়া কর্তব্য, যাহাতে ভবিষ্যতে এই ভাবের অনাচার ও অন্যায় অনুষ্ঠিত হইতে না পারে।

এ যুক্তির সারবত্তা সকলকেই স্বীকার করিতে হইবে। তীর্থস্থানের অনাচার দূর হয়, ইহা কোন্ হিন্দুর কামনা নহে? কিন্তু অপর পক্ষেও অনেক কথা বলিবার আছে। মহারাণী ভিক্টোরিয়ার ঘোষণাপত্রে বলা হইয়াছিল যে, এ দেশের লোকের ধর্মে সরকার কখনও হস্তক্ষেপ করিবেন না, যে যাহার ধর্মকর্ম নির্বিঘ্নে বিনা বাধায় সম্পন্ন করিতে পাইবে। সরকার কাহারও ধর্মে কোনরূপ কর্তৃত্বাধিকার গ্রহণ করিবেন না। এই

ঘোষণা এ দেশের 'ম্যাগাকার্টা' বলিয়া অভিহিত হয়। সুতরাং সরকারের মারফতে আমাদের ধর্মের সম্পর্কে কোনওরূপ আইনের কড়াকড়ি করাইয়া লইলে আমাদের দিগকেই স্বেচ্ছায় এই অধিকার হইতে বঞ্চিত হইতে হইবে। ইহা কোনওরূপেই বাঞ্ছনীয় হইতে পারে না। আমাদের অল্প কোনওরূপ স্বাধীনতা থাকুক বা নাই থাকুক, ধর্মগত স্বাধীনতা অক্ষুণ্ণ রাখা চাই-ই।

হিন্দুর ধর্মের আদর্শ ও সনাতন ধর্মকর্ম অক্ষুণ্ণ রাখিবার নিমিত্ত তীর্থ ও মঠাদির প্রতিষ্ঠা হইয়াছিল। এই সকল মন্দির ও মঠের প্রতিষ্ঠা, অস্তিত্ব ও পুষ্টিবিধানের জন্য দেবোত্তর অর্থ ও সম্পত্তি নিয়োজিত হইয়াছিল। ধার্মিক ধনকুবেরগণের দানের অর্থ ও সম্পত্তি, মঠ ও মন্দির প্রতিষ্ঠার ভিত্তি এবং জনসাধারণের পূজা মানসিক ইহাদের অস্তিত্ব ও পুষ্টিসাধনে সহায়তা করিয়া থাকে। দানের ও পূজার প্রথম অবস্থা হইতেই নিয়ম হইয়াছিল যে, মঠাধিকারীরা সর্ববিধ বিলাসলালসা বর্জন করিয়া সংযমী সন্ন্যাসীর জায় বাস করিবেন। এখন মঠাধিকারী যদি সে নিয়মের ব্যতিক্রম করেন, তাহা হইলে হিন্দু ধার্মিক ধনকুবেরদিগের বংশধররা এবং হিন্দু জনসাধারণ সম্ভবদ্বাৰা সেই অনাচার দূর করিবেন।

শঙ্করাচার্য্য ধর্মগত আইন-কানুন করিয়া গিয়াছিলেন যে, মঠাধিকারী ও মোহান্তদিগের পদ চিরস্থায়ী হইবে না। গুণ-বিচার করিয়া মোহান্ত নিয়োগ করা হইবে। অত্বেপি মঠাধিকারী বা মোহান্তদিগের মধ্যে এই নিয়ম পালিত হইয়া আসিতেছে। তবে কি অল্প অনাচারনিবারণে সরকারের সাহায্য গ্রহণ করিতে হইবে?

সন্ন্যাসী, মোহান্ত বা মঠাধিকারীর দুইটি অধিকার আছে। ক্ষুধা পাইলে তিনি আহাৰ্য্য চাহিতে পারেন, এবং পীড়া হইলে চিকিৎসা ও ঔষধ দাবী করিতে পারেন। গৃহস্থদিগের কর্তব্য, মোহান্ত-সন্ন্যাসীদিগের এই অভাব দূর করা। তাহার অধিক অধিকার তাঁহারা সন্ন্যাসীদিগকে দিতে আইনতঃ বাধ্য নহেন। সন্ন্যাসীর নিজস্ব বলিয়া কোনও সম্পত্তি থাকিতে পারে না। এ কথা গোবর্দ্ধন মঠের মোহান্ত স্বয়ং শঙ্করাচার্য্যজী স্বীকার করিয়াছেন। সুতরাং ষত দিন মোহান্ত ও মঠাধিকারীরা দেবতার সম্পত্তির এই ভাবে তত্ত্বাবধান করেন,

তত দিন তাঁহার স্বপদে থাকিবার যোগ্য, অল্পথা নহেন। তাঁহাদের শারীরিক বা মানসিক অবনতি ঘটিলেই তাঁহারা অপর যোগ্য সন্ন্যাসীকে মঠের বা মন্দিরের ভার দিতে বাধ্য। এ বিষয়ে হিন্দু জনসাধারণ তাঁহাদিগকে বাধ্য করিতে পারে, ইহাই শ্রীশঙ্করাচার্য্য-প্রবর্তিত মঠ ও মন্দিরের নিয়ম, ইহাতে সরকারের হস্তক্ষেপ কখনই বাঞ্ছনীয় হইতে পারে না, এ কথা গোবর্দ্ধন মঠের শঙ্করাচার্য্যজী বলিয়াছেন। কিন্তু কিরূপে হিন্দু জনসাধারণ প্রবল শক্তিশালী মোহান্ত ও মঠাধিকারীদিগকে মঠ ও মন্দিরের আইন মানিতে বাধ্য করিবে, ইহাই হইল সমস্যা। গোবর্দ্ধন মঠের শঙ্করাচার্য্যজী বলেন, এ অল্প হিন্দু জনসাধারণের পক্ষ হইতে এক কমিটি গঠন করা আবশ্যিক, উহার নাম হইবে "সাম্প্রদায়িক কমিটি।" কমিটি যদি হিন্দু জনসাধারণের যথার্থ মঙ্গল চিন্তা করিয়া কার্যমনে কার্য করেন, তাহা হইলে হিন্দু জনমত তাঁহাদিগকে নিশ্চিত সমর্থন করিয়া অতিরিক্তকালমধ্যে বলশালী করিয়া তুলিতে সমর্থ হইবে। এ অল্প জনসাধারণের মধ্যে প্রচারকার্যেরও বিশেষ আবশ্যিক। একবার জনমত জাগ্রত হইলে এবং 'সাম্প্রদায়িক কমিটি' ক্ষমতামূলী হইলে মোহান্ত ও মঠাধিকারীরা সরকারের আদালতে না গিয়া 'ধার্মিক প্রজার' দরবারে আসিতে বাধ্য হইবে।

বস্তুতঃ কথাটা ভাবিয়া দেখিবার। আমাদের নিজের হস্তে প্রতীকারের উপায় থাকিতে পরের দ্বারস্থ হইবার প্রয়োজন কি? জনমত জাগ্রত হইলে যে প্রবল শক্তিশালী মোহান্তেরও আসন টলাইয়া দিতে পারে, তাহার পরিচয় তারকেধরে পাওয়া গিয়াছে। ভাইকম সত্যগ্রহের ফলেও ত্রিভাঙ্গুরে রাজসিংহাসন পর্যন্ত কম্পিত হইয়াছে, পরন্তু আকালী শিখের আন্দোলনে বৃটিশ ব্যুরোক্রেটীকেও মতপরিবর্তন করিতে হইয়াছে। চাই কেবল সম্ভবদ্বাৰা, একাগ্রতা, সহনক্ষমতা এবং মতের দৃঢ়তা। সে সদৃশগণাধির সম্মিলিত শ্রোতে সকল বাধাবিঘ্নই ভাসিয়া যাইবে।

—
হিন্দু-সমাজে নির্হিত্যতা নারী
বাঙ্গাল দেশে—বিশেষতঃ পূর্ববঙ্গে 'নারী-নির্হিত্যতন
ম্যালেরিয়া, কালজ্বরের মত একটা বিষম রোগে পরিণত

হইয়াছে. অবস্থাভিন্নমাত্রই ইহা বিদিত আছেন। এ রোগের নিদান ও প্রতীকার বা প্রতিষেধব্যবস্থা সম্বন্ধে নারী-রক্ষা-সমিতি বধেষ্ট শ্রম ও অর্থব্যয় স্বীকার করিয়া গবেষণা করিয়াছেন। উহাতে জানা যায়, অর্থ-কষ্ট বা আশ্রয়ের অভাবই ইহার মূল কারণ. তাহার উপর পিশাচপ্রকৃতির লম্পট দুর্কৃত্তের কামলালসাও ইহার অন্ততম কারণ। এই দুই কারণের জড় মারিতে হইলে সমাজের জাগরণ ও শাসন অতীব প্রয়োজনীয়। হিন্দু-সমাজ অসাড় অজগরের মত পড়িয়া আছে। সে সমাজের জাগরণ সর্বপ্রথমেই আবশ্যিক। যাহাতে আশ্রয়হীনা নারী পরের গলগ্রহ হইয়া পীড়ন ও অত্যাচার সহ করিয়া উদরান্নসংস্থানে বাধ্য না হয়,—কোনওরূপ কাণ্ডিক শ্রমে আপন উদরান্ন সংস্থান করিতে পারে, সমাজের সেই ব্যবস্থা করা উচিত। পরন্তু নিপীড়িতা নির্দোষ নারীকে সমাজে স্থান দিতে হইবে। হিন্দুসমাজের এখন ইহাই প্রথম ও প্রধান সামাজিক কর্তব্য। মুসলমান সমাজকেও অত্যাচারী কামুক মুসলমানদিগের সামাজিক দণ্ডবিধানের ব্যবস্থা করিতে হইবে। সকল সমাজেই এরূপ দুর্কৃত্তের অসংখ্য নাই, এ কথা সত্য। কিন্তু বাঙ্গালায় যে সমস্ত নারী-নির্যাতন হইয়াছে, তাহাতে অপরাধী দুর্কৃত্তের মধ্যে মুসলমানের সংখ্যাই অধিক। এই হেতু মুসলমান-সমাজকে এ বিষয়ে দণ্ডবিধানে অবহিত হইতে হইবে। যাহাতে এরূপ দুর্কৃত্ত পশুপ্রকৃতির লোক সমাজে ঘৃণা ও অবজ্ঞার পাত্র হইয়া থাকে, তাহার জন্ত হিন্দু ও মুসলমান উভয় সমাজ-কেই সচেষ্ট হইতে হইবে। মাতৃজাতির অমর্যাদায় জাতি উৎসন্নের পথে অগ্রসর হয়। এ কথাটা অনুক্ষণ বাঙ্গালী হিন্দু-মুসলমানকে স্মরণ রাখিতে হইবে।

এই যে গাইবান্ধার মোক্তারের কন্যা অভাগী সুহাসিনী হিন্দু গৃহস্থের কুলবধু হইয়াও কয়জন দুর্কৃত্ত কামুক মুসলমানের পাপচক্রুতে পড়িয়া লাহিতা ও অবমানিতা হইল, শেষে স্বামী ও স্বপ্নের গৃহে সমাদরে গৃহীতা হইয়াও নির্ধন নির্ভয় সমাজের নিকট অস্পৃশ্য হইয়া রহিল, ইহার জন্ত দায়ী কে? প্রথম মুসলমান-সমাজ, দ্বিতীয় হিন্দু-সমাজ। মুসলমান দুর্কৃত্তগণ তাহার সতীত্বনাশের জন্ত তাহাকে নামা প্রকারে নির্যাতন

করিয়াছিল। হতভাগীর পিতা বহু কষ্টে তাহার উদ্ধারসাধন করেন। এ বিষয়ে বাঙ্গালী মুসলমান-সমাজের কি কোনও কর্তব্য নাই? আমাদের বিশ্বাস, ভদ্র শিক্ষিত ধর্মভীরু মুসলমানমাত্রই এই ব্যাপারে ক্ষুব্ধ, ব্যথিত ও লজ্জিত হইয়াছেন। তাঁহারাও গৃহস্থ, পুত্র-কলত্র লইয়া বাস করেন, তাঁহারাও মাতৃজাতির সম্মান করিয়া থাকেন। তাঁহারা যদি এই দুর্কৃত্ত পিশাচ-প্রকৃতির স্বধর্মীদিগের ব্যবহারের তীব্র প্রতিবাদ করেন, তাহাদের সামাজিক দণ্ডের ব্যবস্থা করেন, তাহা হইলে ভবিষ্যতে বহু মঙ্গল সাধিত হইতে পারে। সামাজিক শাসনের ভয় থাকিলে দুর্কৃত্তরা ভবিষ্যতে পাপপ্রবৃত্তি দমন করিতে সচেষ্ট থাকিবে। নতুবা শত আদালতের কারাদণ্ডে এই বিষম ব্যাধি যাইবার নহে।

আর হিন্দুসমাজকে কি বলিতে ইচ্ছা করে? গত ৬ই অগ্রহায়ণ সুহাসিনী ময়মনসিংহ মুক্তাগাছায় খণ্ডরা-লয়ে ইহলোক ত্যাগ করিয়াছে। সে যে এই অধঃ-পতিত সমাজের সহানুভূতি হইতে বঞ্চিত হইয়া সকল জ্বালাযন্ত্রণা, অপবাদ, কলঙ্কের হস্ত হইতে নিষ্কৃতি লাভ করিয়া সর্বশ্রেষ্ঠ বিচারালয়ের আশ্রয় লাভ করিয়াছে, ইহাই একমাত্র সাধনা!

সুহাসিনীকে তাহার স্বামী পুনরায় গ্রহণ করিয়াছিল। তাহার স্বপ্নও তাহাকে পুত্রবধুরূপে অন্তঃপুরে স্থান দান করিয়াছিলেন। কিন্তু যে হিন্দুসমাজ উচ্ছৃঙ্খল, সুরাপায়ী, বারবনিতাবিলাসীর কোনও দণ্ডের ব্যবস্থা করে না, সেই সমাজ অভাগী সুহাসিনীকে তাহার অন্ধ স্থান দেয় নাই। ইহা কি সামান্ত মর্শপীড়া ও মনোদুঃখের কারণ! তাহার স্বামী ও স্বপ্ন তাহারই জন্ত সমাজে ‘অচল’, এ বেদনা তাহার বুকে বড়ই বাজিয়াছিল। তাই সে দিন দিন শুকাইয়া গিয়া অকালে ইহলোক ত্যাগ করিল। এ নারীহত্যার জন্ত দায়ী কে?

মৃত্যুর কয়েক দিন পূর্বে সুহাসিনী নারীরক্ষা-সমিতির প্রক্বেষ শ্রীযুক্ত কৃষ্ণকুমার মিত্র মহাশয়কে লিখিয়াছিল :—

“নিবেদন এই যে, পিতা ভগবান্ আমাকে স্বামীর সংসারে আনিয়াছেন, উপলক্ষ আপনাই। আপনারা যে উপকার করিয়াছেন, তাহা জীবনে বিস্মৃত

হইবার নহে। এখানে আসার পরে স্বপ্নের কায় গিরাছে। তাঁহাকে একঘরে করিয়াছে এবং এইরূপ হইয়াছে যে, জীবনে আমার সমাজে উঠিবার সম্ভাবনা নাই। ইহারা আমার হাতে ধারেন নাই, খাইলে কি হইত, জানি না। ভগবানের সৃষ্টির মধ্যে আমার মত হতভাগী দ্বিতীয় আছে কি না সন্দেহ। এখন ইহাদের এমন অবস্থা যে, না খাইয়া মরিবার উপক্রম। সংসারে এক তিল শান্তি নাই। এখন আমার ইচ্ছা যে, কোন আশ্রমে আমার জীবনের অবশিষ্ট দিনগুলি কাটাইয়া দিই। ইহা আমার প্রাণের একান্ত বাসনা। আপনার কি মত জানাইবেন। যদি ভাল বুঝেন, আমার স্বামীর দ্বারা কিংবা আপনি নিজে আমাকে লইয়া বাইবেন। পত্র পাওয়ামাত্র অভিমত জানাইবেন।”

অভাগী সুহাসিনী! এই নির্ঘাতিতা বালিকা কি মনোদুঃখ পাইয়া ইহলোক হইতে বিদায় গ্রহণ করিয়াছে, তাহা পত্রের ছত্রে ছত্রে প্রকাশ। ধন্ত হিন্দুসমাজ! ধন্ত তোমার স্মরণবিচার! এই বালিকার প্রতি রক্তবিন্দু কি ভাষা বিচারের জন্ত লোকেশ্বরের দরবারে বিচারপ্রার্থী হইবে না? হিন্দু-সমাজ! তুমি অচল হিমাচলের মত গর্কোন্নত শির আকাশে তুলিয়া দাঁড়াইয়া থাক, তোমার পাদমূলে নগণ্য ক্ষুদ্র তটিনী তোমার করুণা-বারির অভাবে শুকাইয়া যাউক, তাহাতে ক্ষতি কি? তোমার যুগযুগ-সঞ্চিত সংস্কারের বিরাট আবর্জনা-স্বরূপ কোমলা অনাদৃতা বালিকার রক্তসিক্ত উদ্ভিন্ন হৃৎপিণ্ড যুগান্ত পর্য্যন্ত আবরণ করিয়া থাকিবে, সন্দেহ কি?

কুলীর মৃত্যু

এ দেশের খেতাব্দের হস্তে কৃষাব্দের মৃত্যু এবং ফলে খেতাব্দের বিচারে অব্যাহতির ঘটনা বিরল নহে। ফুলার মিনিটের সময় হইতে আরম্ভ করিয়া শুকুরমণির মামলা, সপ্তদশ ল্যান্সারের গোরা সৈনিকের মামলা, মুলিগানের মামলা, আগরার মামলা, জব্বলপুরের মামলা, হংস শিকারের মামলা, বৈরাগীর মামলা,—এমন কত

মামলার উল্লেখ করা বাইতে পারে। আমাদের কথা নহে, স্বয়ং বড় লাট লর্ড রেডিং ১৯২১ খৃষ্টাব্দে বলিয়াছিলেন,—

“আমার বিশ্বাস, সময় সময় যুরোপীয়রা ভারতীয়দিগের প্রতি যে অনিষ্টোচার ও অত্যাচার-অনাচার করে, জাতিবিদ্বেষের তাহা অন্ততম কারণ। এ সমস্ত অত্যাচার-অনাচারঘটিত মামলার বিচার সর্বক্ষেত্রে যে সমস্তোষজনক হয় না, তাহাও অস্বীকার করা যায় না। ভারতীয়দের বিশ্বাস, এই ভাবের কৃষ্ণাঙ্গ-খেতাজ মামলায় সকল সময়ে সুবিচার হয় না।”

যাহাতে ভবিষ্যতে এমন অনাচার ও অবিচার না হয়, তাহার ব্যবস্থা করিবেন বলিয়া লর্ড রেডিং সে সময়ে আশ্বাসও দিয়াছিলেন।

কিন্তু সে আশ্বাসপ্রদানে কি ফল হইয়াছে? সম্প্রতি আসাম জোড়হাট অঞ্চলে তেলু নামক চা-বাগিচার এক ভারতীয় কুলীকে পশ্চিমপার্শ্বে মৃত অবস্থায় পড়িয়া থাকিতে দেখা যায়। তাহার অঙ্গে আঘাতের চিহ্ন ছিল। পুলিশ-তদন্তের ফলে ওখা চা-বাগানের ম্যানেজার মিঃ বিয়েটী এই কুলীর হত্যাব্যাপারে অপরাধিক্রমে অভিযুক্ত হইলেন। দায়রার জজ মিঃ জ্যাক ৫ জন জুরীকে লইয়া বিচারে বসেন। বিচারে আসামী বে-কসুর খালাস পাইয়াছে।

বিচারকালে প্রকাশ পাইয়াছে যে, তেলু পূর্বে আসামীর বাগিচার স্ত্রীপুত্র লইয়া চাকুরী করিত। তাহার স্ত্রীকে প্রহার করিয়াছিল, সে বিয়েটীর নামে এই অভিযোগ আনয়ন করিয়াছিল। তৎপরে সে অল্প বাগানে কাষ করিতে চলিয়া যায়। আসামী তাহার উপর প্রসন্ন ছিল না, তাহাকে তাহার বাগানে আসিতে দিত না। ঘটনার দিন তাহার বাগানের এলাকায় তেলু প্রবেশ করিয়াছে শুনিয়া সে স্বয়ং তেলুকে তাড়াইয়া দিতে যায়। তাহার নিজের কথায় প্রকাশ, সে তেলুকে চলিয়া যাইতে বলে, তেলু বাইতে চাহে নাই; তাহার পর উভয়ে বচসা হয়। সে তখন তেলুর হাত হইতে ছড়ি কাড়িয়া লইতে তেলু পড়িয়া যায়। সে তেলুর হাত ধরিয়া তুলিয়া আবার চলিয়া বাইতে বলে। তেলু অতঃপর সরকারী রাস্তায় বাইয়া আমা-চাদর ফেলিয়া

ছুটিয়া পলাইয়া যায়। সে কি করিতেছে, দেখিতে গিয়া বিয়েটা দেখিতে পায়, সে ছুটিয়া আবার সরকারী রাস্তায় গিয়াছে ও নালা ডিঙ্গাইবার সময় মুখ খুঁড়িয়া পড়িয়া গিয়াছে। বিয়েটা তাহাকে ধরিয়া উঠায় ও বাড়ী বাইতে বলে। কিন্তু তেলু আবার পড়িয়া যায়।

এ বর্ণনার অসঙ্গতি স্বতঃই প্রতিপন্ন হয়। তাহার বিশ্লেষণ অনাবশ্যক। তাহার পর জোড়হাটের সিবিল মার্জিন তেলুর শব্দ পরীক্ষা করিয়া বলিয়াছেন :—

“তেলুর দেহে প্রায় অর্ধ ইঞ্চি দীর্ঘ একটা খেঁতলান চিহ্ন ছিল। তড়িৎ বক্ষের উপর ও উভয় হাঁটুর নিম্নে আঘাতজনিত ক্ষতচিহ্ন দেখা গিয়াছিল। পঞ্জরের পঞ্চম অস্থিখানি ভাঙিয়া গিয়াছিল এবং প্লীহা কাটিয়া যাওয়ার ও সে জন্ত উদরমধ্যে রক্ত সঞ্চিত হওয়ার তাহার মৃত্যু হইয়াছিল। সে যখন ভূপতিত ছিল, সেই সময় কেহ তাহাকে সজোরে পদাঘাত করিতেই তাহার পঞ্জরের অস্থি ভাঙিয়া গিয়াছিল। সাধারণতঃ পড়িয়া গেলে সেরূপ অস্থি ভাঙিতে পারে না। এমন কি, লাঠির আঘাতেও তাহা সংঘটিত হইতে পারে না।”

এখন জিজ্ঞাস্য, এমন পদাঘাত কে করিল? ঘটনার দিন তেলুর সহিত কোনও লোকের কলহ হইয়াছিল বলিয়া কোনও সাক্ষ্য প্রমাণ পাওয়া যায় নাই; কেবল মিঃ বিয়েটার সহিত যাহা কিছু বচসা হইয়াছিল। মিঃ বিয়েটার তাড়া খাইয়া তাহার এক সঙ্গী দোড়িয়া পলাইয়াছিল, সে-ও জুমা চাদর ফেলিয়া পলাইতে গিয়াছিল। মিঃ বিয়েটা তাহার প্রতি অপ্রসন্ন ছিল, সে সে জন্ত তাহাকে তাড়া করিয়াছিল, ইহা অসম্মান করিলে বিশেষ নোষ হয় না। যাহার ভয়ে তেলু উর্দ্ধ্বাসে পলাইয়াছিল, সে যে তেলুর সহিত মিষ্ট ভাষায় কথা কহিয়া চলিয়া বাইতে বলিবে, ইহা কিরূপে বিশ্বাসযোগ্য হইতে পারে? সিবিল মার্জিন বলেন, তেলুর বক্ষঃপঞ্জর ভগ্ন ও প্লীহা দীর্ঘ হইয়াছিল, সে আপনি পড়িয়া গিয়া এমন হয় নাই, কাহারও সজোরে পদাঘাতের ফলে এমন হইয়াছিল। এ পদাঘাত করিল কি ভূতে?

অথচ আসামীর স্বদেশীয় স্বজাতীয় জুরীরা তাহাকে বেকশ্বর খালাস দিল! জজের আর উপায়ান্তর কি? তিনি ত জুরীর অভিমত মানিতে বাধ্য। বস! তাহা

হইলেই বাপারের এইখানেই যবনিকাপাত হইল, তেলু এখন নিশ্চিত পরলোকযাত্রা করিতে পারে! ইহার পর শ্রীহট্টের মাধবপুর চা-বাগানের দশরথ নামক এক কুলীহত্যার মামলা হইয়া গিয়াছে। এ মামলার আসামীও বাগানের যুরোপীয় ম্যানেজার, তাহার নাম মিঃ উইলসন। বিচারে তাহার মাত্র ২ শত টাকা অর্থদণ্ড হইয়াছে! লর্ড রেডিং এই প্রকৃতির বিচার-প্রহসনের অবসান করিতে চাহিয়াছিলেন না?

কার্পাসের উপর অন্তঃশুল্ক

সম্প্রতি এ দেশের কলজাত কার্পাস-বস্ত্রের উপর অন্তঃশুল্ক ৩ মাসের জন্ত উঠাইয়া দেওয়া হইয়াছে। বোম্বাই ও আমেদাবাদ সহরে দেশীয় কার্পাস-বস্ত্রের কলের সংখ্যা অল্প নহে। কিছু দিন হইতে বোম্বাইয়ের কলসমূহে শ্রমিকদিগের ধর্মঘট হইয়াছিল। ফলে বহু কল বন্ধ হইয়া গিয়াছিল, কতক কলে কায কমাইয়া দেওয়া হইয়াছিল এবং লক্ষাধিক শ্রমজীবী বেকার বসিয়া ছিল।

এ ধর্মঘটের কারণ কি? কলওয়ালারা বলেন, বিদেশী কাপড়ের প্রতিযোগিতা। স্বদেশী শিল্পকে বাঁচাইতে হইলে বিদেশজাত বস্ত্রের উপর শুল্ক বৃদ্ধি করা এবং সঙ্গে সঙ্গে স্বদেশজাত বস্ত্রের উপর শুল্ক উঠাইয়া দেওয়া কর্তব্য। তাহা করা হয় নাই বলিয়া কলওয়ালারা আশঙ্করূপে কাপড় কাটাইতে পারেন নাই এবং সে জন্ত কলে নূতন কাপড় বানাইতে পারেন নাই। পুরাতন মালই গুদামবন্দী হইয়া আছে, তাহার উপর নূতন মাল খরচা করিয়া বানাইবার সখ তাঁহাদের নাই। প্রতিযোগিতায় যদি তাঁহারা দাঁড়াইতে পারেন; যদি অন্তঃশুল্ক উঠাইয়া দিয়া তাঁহাদিগকে সস্তা দরে কাপড় বেচিবার সুবিধা করিয়া দেওয়া হয়, তবেই তাঁহারা আবার জোরে কল চালাইতে পারেন, আবার শ্রমিকদিগকে পূরা বেতন ও পূরা সময় খাটিতে দিতে পারেন। ইহাই কলওয়ালাদিগের পক্ষের কথা। প্রথমে এ বিষয়ে বিশেষ আন্দোলন হইয়াছিল, কর্তৃপক্ষের নিকটে ডেপুটেশান প্রেরিত হইয়াছিল, এমন কি, কলওয়ালারা ও শ্রমিকদিগের সম্মিলিত সূতায় ঐ সম্বন্ধে মন্তব্যও গৃহীত হইয়াছিল। কিন্তু সরকার মুখে এ বিষয়ে সহানুভূতি প্রকাশ করিলেও

কার্যক্ষেত্রে প্রতীকারের কোনও ব্যবস্থা করেন নাই। ইহাতে ফল এই হয় যে, কলওয়ালারা (১) কলের অনেক কাষ কমাইয়া দেন, (২) কুলী-মজুরের বেতন কমাইয়া দেন, (৩) কাষের সময় সংক্ষেপ করেন, (৪) অনেক কল একবারে বন্ধ করিয়া দেন।

বেতন ও কাষের সময় কমাইয়া দেওয়া যে মুহূর্তে ধারম্ভ হইল, সেই মুহূর্ত হইতে কুলীমজুররাও ধর্মঘট করিয়া দলে দলে কাষ ছাড়িয়া দিতে লাগিল। ইহাতে কলওয়ালাদেরই সুবিধা হইল। অনেক কলওয়ালাকে এ জন্ত বাধ্য হইয়া কল বন্ধ করিতে হইল। শেষে এমন অবস্থা উপস্থিত হইল যে, বেকার জন-মজুরের দ্বারা সহরের শাস্তিভঙ্গের আশঙ্কা হইল।

সম্ভবতঃ এই অবস্থা দেখিয়াই সরকার ৩ মাস কালের জন্ত পরীক্ষাধরূপ কার্পাসবাসের উপর অস্তঃশুল্ক উঠাইয়া দিয়াছেন। বহুদিন হইতে এই অস্তায় অনাচার এ দেশের উপর অস্তিত্ব হইয়া আসিতেছে। এ দেশের কার্পাস-শিল্পের উপর শুল্কপ্রতিষ্ঠা যে অস্তায় ও অসঙ্গত, সে কথা লর্ড ল্যান্ডাউন হইতে আরম্ভ করিয়া অনেক লাট স্বীকার করিয়া আসিয়াছেন। কিন্তু বিলাতের লাক্ষাশায়ারের কার্পাস-শিল্প রক্ষার জন্ত এ যাবৎ এই অস্তায় অনাচারের উচ্ছেদ সাধিত হয় নাই। সে দিন বিলাতের রাষ্ট্র-সচিব সার জয়েনসন হিঙ্গ কোনও বক্তৃতায় স্পষ্টই বলিয়াছেন যে, “ভারতের স্বার্থের জন্ত আমরা ভারত শাসন করি, এ কথা বলা প্রকাণ্ড ভণ্ডামী ব্যতীত আর কিছুই নহে। আমরা আমাদের স্বার্থের জন্ত—বিশেষতঃ লাক্ষাশায়ারের স্বার্থের জন্ত ভারত শাসন করিয়া থাকি।”

কথাটা তিক্ত হইলেও সত্য। এ বিষয়ে আরও অনেক প্রমাণ আছে। প্রয়োজন হইলে আমরা তাহা অতীত ইতিহাস হইতে উদ্ধৃত করিয়া দিতে পারি।

জার্মান যুদ্ধকালে বিলাতী কার্পাস-পণ্যের উপর নির্ধারিত শুল্ক অপেক্ষা ভারতে উৎপন্ন কার্পাস-পণ্যের উপর শুল্ক কতকটা কমাইয়া দেওয়া হইয়াছিল। ইহাতে লাক্ষাশায়ারের তাঁতিরা একবারে ক্ষেপিয়া উঠিয়াছিল, পাল্লামেন্টে তুমুল আন্দোলন তুলিয়াছিল। কিন্তু তদানীন্তন ভারত-সচিব সে আন্দোলনে বিচলিত হইলেন

নাই। তিনি বুঝিয়াছিলেন যে, তাঁহার দেশের তাঁতিদের আবদার অস্তায়, পরন্তু ভারতের প্রতি এত দিন অস্তায় আচরণ করা হইয়াছে, তাই তিনি তাহাদের চীৎকারে কর্ণপাত করেন নাই।

অথচ এই অস্তায় আংশিকভাবে রক্ষা করিয়া আসা হইতেছে। ভারতবাসীদের তীব্র প্রতিবাদে ও আবেদন-নিবেদনে কোনও ফল হয় নাই। লর্ড রেডিংএর সরকার বরাবর বলিয়া আসিয়াছেন যে, সরকারী তহবিলে টাকার টানাটানি থাকিতে এই Excise duty অস্তঃশুল্ক কিছুতেই উঠাইতে পারা যাইবে না।

এখন settled fact, unsettled হইল, লর্ড রেডিংকে বিশেষ অর্ডিনান্স জারি করিয়া এই শুল্ক আপাততঃ ৩ মাস কালের জন্ত তুলিয়া দিতে হইল। এমন আরও হইয়াছে। লর্ড ময়লের বঙ্গভঙ্গরূপ settled factও জনমতের প্রাবল্যে unsettled করিতে হইয়াছিল; শিখ গুরুদ্বার আন্দোলন সম্বন্ধে পঞ্জাব সরকারকে settled fact, unsettled করিতে হইয়াছিল।

বোম্বাইএর শ্রমিকগণের জয় হউক, কেন না, তাহাদের ধর্মঘটই অসম্ভবকে সম্ভব করিয়াছে। গত ১৬ই অগ্রহায়ণ মঙ্গলবার বড় লাট লর্ড রেডিং এক অর্ডিনান্সের দ্বারা ঘোষণা করিয়াছেন যে, ডিসেম্বর, জানুয়ারী ও ফেব্রুয়ারী,—এই ৩ মাসের জন্ত দেশীয় কার্পাস-পণ্যের উপর শুল্ক আদায় করা বন্ধ করা হইবে। যদি আগামী বর্ষের সালতামাশী হিসাব-নিকাশের সময় অনুমানমত দেখা যায়, হিসাবে তুল হয় নাই, তাহা হইলে সরকার এই অস্তঃশুল্কের সম্পূর্ণ বিলোপসাধনের প্রস্তাব উপস্থাপিত করিবেন।

জনমতের এমন জয় বহু দিন হয় নাই। কিন্তু এ জয়ে যেন বোম্বাইয়ের মিলওয়ালারা তাঁহাদের কর্তব্য-পথ হইতে ভ্রষ্ট না হইলেন। তাঁহারা জার্মান-যুদ্ধকালে অসম্ভাবিত অর্থ উপার্জন করিয়াছিলেন। কিন্তু সে সময়ে তাঁহাদের মাথা টলিয়াছিল। তাঁহারা প্রচুর লাভবান হইয়াও দেশের দরিদ্র জনগণের মুখ তাকান নাই। অংশীদারদিগকে তাঁহারা অধিক ডিভিডেণ্ড দিয়াছিলেন বটে, কিন্তু কাপড়ের মূল্য হ্রাসে তেমন আগ্রহ প্রকাশ করেন নাই। একরূপ ভাবে কাষ করিলে তাঁহারা

দেশের লোকের সহানুভূতিলাভে বঞ্চিত হইবেন। আরও এক বিষয়ে তাঁহারা দেশের লোকের মনে ব্যথা দিতেছেন। নাটালের কয়লা কিছু সম্ভা দরে পায়েন বলিয়া তাঁহারা বাঙ্গালার কয়লা লইতে সম্মত নহেন। অথচ বাঙ্গালাই তাঁহাদের কাপড়ের প্রধান খরিদার। এ বিষয়ে তাঁহাদিগকে কিছু স্বার্থত্যাগ করিতে হইবে। তাঁহাদের মধ্যে পনেরো আনা কলের মালিকই দেশীয়। অথচ তাঁহারা দেশীয় হইয়াও যে দক্ষিণ-আফ্রিকার তাঁহাদের দেশের লোক অপমানিত, লাঞ্চিত ও বিতাড়িত হইতেছে, সেই দক্ষিণ-আফ্রিকার কয়লা লইতে বিন্দুমাত্র ঘিষাবোধ করেন না, সাগর স্বার্থত্যাগ করিতে চাহেন না। তাহা হইলে বাঙ্গালার লোকও ত বলিতে পারে যে, তাহারাও স্বার্থত্যাগ করিয়া তাঁহাদের কলজাত পণ্য ক্রয় করিবে না, বিদেশী বিলাতী ও জাপানী কলজাত পণ্য ক্রয় করিবে। সুতরাং সকলকেই দেশের মুখ চাহিয়া অল্প-বিস্তর স্বার্থত্যাগ করিতেই হইবে, নতুবা পরস্পর সহানুভূতি প্রদর্শনের সুযোগ থাকিবে না।

বিলাতের শ্রমিক সন্দেহ ও ভারতবর্ষ

বিলাতের শ্রমিক সন্দেহ মিঃ টমাস জনষ্টন এবং ডাণ্ডি জুট মিল এসোসিয়েশনের সম্পাদক মিঃ সাইম এ দেশে বেড়াইতে আসিয়াছেন। তাঁহারা কোনও রাজনীতিক উদ্দেশ্যসাধনে এ দেশে আইসেন নাই, এ দেশের শ্রমিকদিগের অবস্থা প্রত্যক্ষ করিতে আসিয়াছেন, এ কথা তাঁহাদের মুখেই প্রকাশ। মিঃ জনষ্টন কলিকাতার মির্জাপুর পার্কে বক্তৃতাকালে যে কয়টি কথা বলিয়াছেন, তাহাতে যে রাজনীতির সম্পর্ক একবারে নাই, এমন কথা বলা যায় না। তাঁহার বক্তৃতার মূল কথা কয়টি এই,—

(১) বে-আইনী আইনে এ দেশের শতাধিক লোককে আটক রাখা সত্য দেশের আইনসম্মত নহে,

(২) এ দেশের শ্রমিক সম্প্রদায় যে ভীষণ বস্ত্রীতে বাস করে, তাহা মনুষ্যের আবাসযোগ্য নহে, তাহাদের অবস্থার উন্নতিবিধানের জন্ত সকলের সচেষ্ট হওয়া কর্তব্য,

(৩) এ জন্ত ভারতবাসীদের একযোগে পরস্পর সহযোগ করিয়া কর্মপথে অগ্রসর হওয়া কর্তব্য,

(৪) এ দেশের শতকরা ৫ জন লোক শিক্ষালাভ করিতেছে, অবশিষ্ট ৯৫ জন অশিক্ষিত; বৃটিশ সাম্রাজ্যের প্রত্যেক প্রকার শিক্ষালাভ করা জন্মগত অধিকার। এ জন্ত প্রথম ও প্রধান কর্তব্য,—অশিক্ষিতগণের শিক্ষা বিধানের উপায় উদ্ভাবন করা; শিক্ষালাভ না করিলে জনসাধারণ আপনাদের অবস্থা সম্যক্ বৃদ্ধিতে পারিবে না,

(৫) বিলাতের লেবার পার্টি ভারতের আত্ম-নিয়ন্ত্রণের বিশেষ পক্ষপাতী; ভারত বাহাতে দক্ষিণ-আফ্রিকার মত গোমরুল পায়, তাহার জন্ত লেবার পার্টির চেষ্টা করা উচিত।

কথাগুলি শুনিতে ভাল। মিঃ কেয়ার হার্ডি হইতে আরম্ভ করিয়া এ যাবৎ অনেক শ্রমিক সন্দেহ এ দেশে আসিয়াছেন এবং এ দেশের স্বায়ত্তশাসনের পক্ষে কথা কহিয়াছেন। লেবার পার্টির বর্তমান দলপতি মিঃ রামজে ম্যাকডোনাল্ডও এ দেশের সম্পর্কে ভূয়োদর্শন লাভ করিয়া তাঁহার কেতাবে মতামত লিপিবদ্ধ করিয়াছেন। তাহাতে এ দেশের লোকের আশা-আকাঙ্ক্ষার প্রতি তাঁহার যথেষ্ট সহানুভূতির পরিচয় পাওয়া যায়। মিঃ জনষ্টনও স্বল্পদিনে এ দেশের সম্পর্কে যে ভূয়োদর্শন লাভ করিয়াছেন, তাহা দেখিলে বিস্মিত হইতে হয়। এ দেশের আমলাতন্ত্র সরকার যে বিধিবর্জিত দণ্ডাঘাতে লোকের ব্যক্তিগত স্বাধীনতা ভঙ্গ করিয়াছেন, তাহা তিনি 'বর্কর'জনোচিত বলিয়া অভিহিত করিয়াছেন এবং বলিয়াছেন, বাহাতে তাহাদের প্রকাশ্যে বিচার হয়, তাহার জন্ত বিলাতে গিয়া তাঁহার দলকে অহুরোধ করিবেন। কিন্তু তিনি কি ভুলিয়া গিয়াছেন, এই বিধিবর্জিত কাহার আমলে প্রবর্তিত হইয়াছিল? তাঁহাদেরই দলপতি মিঃ ম্যাকডোনাল্ড যখন ইংলণ্ডের শাসন-পাটে বসিয়াছিলেন, তখন এই বিধিবর্জিত ভারতের বৃক হানা হইয়াছিল। তবে?

অবশ্য তাঁহার সাধু উদ্দেশ্যে কেহ সন্দেহ করে না। এমন সাধু উদ্দেশ্য লইয়া অনেক 'বৃটিশার'ই এ দেশে আসিয়া থাকেন। এমন কি, লর্ড কার্ণাইকেল, লর্ড রোণাল্ডশে ও লর্ড রেডিংয়ের মত বৃটিশ রাজপুরুষ হৃদয়ে ভারতের মঙ্গলবিধানের সঙ্কল্প লইয়া ভারতে পদার্পণ করিয়াছিলেন। কিন্তু তাঁহাদের সে সাধু

উদ্দেশ্য কোথায় বিলীন হইয়া গেল? যে 'ইম্পাতের কাঠাম' অক্ষয় রাধিবীর কথা মিঃ রামজি ম্যাকডোনাডও ভুলেন নাই এবং যাহা লর্ড রেডিং তাঁহার উপরওয়াল লর্ড বার্কেণহেডের সহিত একযোগে রক্ষা করিতে বন্ধপরিষ্কর—তাহার প্রভাব এড়াইতে পারে, এমন শক্তিমান কে আছে?

তবে মিঃ জনষ্টন ভারতের একটা মজল করিলেও করিতে পারেন। তিনি স্বয়ং গঙ্গার তটবর্তী পাটের কলের দরিদ্র কুলীমজুরসমূহের দুর্দশা প্রত্যক্ষ করিয়াছেন। তিনি তাহাদের বস্তীর শোচনীয় অস্বাস্থ্য-কর অবস্থা দেখিয়াছেন,—তাহাদের কষ্টকর জীবন দেখিয়া হৃদয়ে ব্যথা অনুভব করিয়াছেন, তাহাদের সামান্ত বেতন ও অভাব-অভিযোগের কথা শুনিয়াছেন। তাই তিনি ব্যথিত হৃদয়ে এ দেশের জনসাধারণকে এই শ্রমিকদিগের যুনিয়নের প্রতি সহানুভূতিসম্পন্ন হইতে উপদেশ দিয়াছেন। এ দেশের লোকের কর্তব্য—এ দেশের লোক কতটা পালন করিবে, তাহা তাহারাই বলিতে পারে; কিন্তু তিনি ত তাঁহার স্বদেশে প্রত্যাভর্তন করিয়া এ বিষয়ে আন্দোলন করিয়া তাঁহার স্বজাতীয় কলের মালিকদিগকে দরিদ্র শ্রমজীবীদিগের প্রতি মনুষ্যোচিত ব্যবহার করাইতে বাধ্য করিতে পারেন। এ বিষয়ে মিঃ সাইম তাঁহার সহায় হইতে পারেন। তিনি ডাণ্ডি জুট মিল এসোসিয়েশানের সেক্রেটারী। গঙ্গার তটবর্তী কলওয়ালারাও প্রায়ই তাঁহার স্বদেশীয় স্বজাতীয়,—তাঁহাদের সহিত ডাণ্ডির জুটওয়ালাদের কি সম্পর্ক আছে, তিনিই বলিতে পারেন। তবে ব্যবসায় প্রতিনিয়তা যে উভয় শ্রেণীর কলওয়ালাদের মধ্যে বিদ্যমান, তাহা অনেকেই জানে। ডাণ্ডির কলওয়ালারা যে এ দেশে আসিয়া কলের প্রতিষ্ঠার সঙ্কল্প করিয়াছেন, তাহাও প্রকাশ পাইয়াছে। মিঃ সাইম যে তাহার অগ্রদূত হইয়া আইসেন নাই, তাহাই বা কে বলিতে পারে? আমাদের পক্ষে উভয়েই সমান—কেন না, এই ব্যবসায় আমাদের যে ঘাসজল বরাদ্দ আছে, তাহাই থাকিবে। তবু মিঃ সাইমের ডাণ্ডি জুট মিলওয়ালারা যদি প্রতিযোগিতার খাতিরে মলের ভাল করিতে পারেন, তাহা হইলেও দরিদ্র ভারতীয় শ্রমিকের উপকার হইতে পারে।

পেজের মামলা

বহুদিন পরে বিচারপতি পেজের মামলার যবনিকা-পতন হইয়াছে। বিচারপতি ওয়ামসলে ও চক্রবর্তী সিদ্ধান্ত করিয়াছেন যে, যখন ক্রটি স্বীকার করিলে এই ভাবের মামলার অবসান হয়, তখন আর পুনরায় তদন্ত-বিচারের প্রয়োজন নাই; সেই হেতু যখন আসামী এক প্রকার ক্রটি স্বীকার করিয়াছেন, তখন উহাই তাঁহারা বর্তমান ক্ষেত্রে পর্যাপ্ত বলিয়া মনে করিয়াছেন।

আমরা বিচারপতিদ্বয়ের বিচারসিদ্ধান্তের বিরুদ্ধে অথবা ব্যক্তিগতভাবে আসামী জজ পেজের বিরুদ্ধে কোন প্রকার মন্তব্য প্রকাশ করিতে চাহি না। কিন্তু এই ভাবের মামলার এইরূপ নিষ্পত্তি হইলে যে তাহার সাধারণ ফল শুভ হয় না, সে কথা অবশ্যই বলিব। মামলাটা কি? কর্পোরেশানের এক জন কর্মচারী বিচারপতি পেজের গৃহে জলের ট্যাক্স আদায় করিতে গিয়াছিলেন, বিচারপতি পেজ তাঁহাকে ট্যাক্স ত দেন না-ই, পরন্তু অপমান ও প্রহার পর্যন্ত করিয়াছিলেন,—ইহাই অভিযোগ।

হাইকোর্টের মাননীয় বিচারপতিদ্বয় যে শেষ বিচার সিদ্ধান্ত করিয়া দিলেন, তাহার ফলে এই কয়টি কথা আদৌ মীমাংসিত হইল না :—

(১) বিচারপতি পেজ অন্য়রূপে কর্পোরেশানের কর্মচারীকে প্রহার ও অপমান করিয়াছিলেন কি না?

(২) কর্পোরেশানের উক্ত কর্মচারী তাঁহার কর্তব্য-পালনের অতিরিক্ত কোনও অন্য় কার্য করিয়াছিলেন কি না, এবং যদি না করিয়া থাকেন, তাহা হইলে তাঁহার কর্তব্য কার্যে এইরূপে বাধা দিবার কাহারও অধিকার ছিল কি না?

(৩) কর্পোরেশানের কোনও কর্মচারী অতঃপর কর্তব্যপালনে এইরূপে বাধা প্রাপ্ত হইলে যদি অতঃপর কর্তব্যপালনে ইতস্ততঃ করে, তবে কর্পোরেশান তাহাকে কর্তব্য অবহেলার জন্ম দায়ী করিতে পারেন কি না?

(৪) যেহেতু কর্পোরেশান মহামান্ত হাইকোর্টের শরণ লইয়াও নিজ কর্মচারীর প্রতি প্রবলের অন্য় আচরণের কোনও প্রতীকারলাভে সমর্থ হইলেন না,

সেই হেতু ভবিষ্যতে তাঁহারা তাঁহাদের কর্মচারীকে জ্বরদস্ত করদাতার নিকট কর আদায় করিতে পাঠাইতে বাধ্য করিতে পারেন কি না ?

(৫) বিচারপতি চক্রবর্তী স্বতন্ত্র রায়ে বেরূপ আভাস দিয়াছেন, তাহাতে বুঝা যায় যে, তিনি বিচারপতি পেজকে সম্পূর্ণ নির্দোষ বলিয়া মনে করেন নাই। তবেই বুঝিতে হইবে, বিচারপতি পেজ নিজের কোর্টে পাইয়া করপোরেশানের জ্বায়া প্রাপ্য আদায় ত দেনই নাই, ধরং করপোরেশানের প্রেরিত আদায়ী কর্মচারীকে অপমান করিয়াছেন। এক জন সাধারণ করদাতা এরূপ করিলে তাহার পক্ষে তবু বলিবার কথা ছিল যে, সে আইন জানে না। তথাপি তাহার কঠোর দণ্ড হইত। কিন্তু যদি মহামান্য হাইকোর্টের বিচারপতির দ্বারা এরূপ আচরণ সম্ভব হয়, তাহা হইলে তিনি কি হাইকোর্টের পবিত্র বিচারাসনে অধিষ্ঠিত থাকিবার উপযুক্ত ?

(৬) বিচারপতি ওয়ামস্লে রায়ে বলিয়াছেন যে, নিম্ন-আদালতের ম্যাজিস্ট্রেট এই মামলায় যে বিচারপদ্ধতি অবলম্বন করিয়াছিলেন, তাহা নানা দিক দিয়াই ভ্রান্ত। সুতরাং তাঁহার বিচারসিদ্ধান্তও ভ্রান্ত হইয়া পড়িয়াছে। বিচারপতি চক্রবর্তী তাঁহার স্বতন্ত্র রায়ে বলিয়াছেন যে, “ম্যাজিস্ট্রেটের বিচারপদ্ধতি আগাগোড়াই বে-আইনী। তিনি যদি দুই এক জন সাক্ষীর সাক্ষ্য গ্রহণ করিয়া আসামীর উপর সম্বন জারি করিতেন, তাহা হইলে উভয় পক্ষের মধ্যে একটা আপোষ-নিষ্পত্তি হইয়া যাইত।” সুতরাং বুঝা যাইতেছে, নিম্ন আদালতের বিচারক তাঁহার কর্তব্যপালনে ঘোর অবহেলা প্রদর্শন করিয়াছেন। এমন বিচারক স্বপদে প্রতিষ্ঠিত থাকিলে ইংরাজের জ্ঞান-বিচারের সুনাম কি বর্ধিত হইবে ?

এই সমস্তাগুলির কে উত্তর প্রদান করিবে ? সাধারণতঃ অর্ধশিক্ষিত পশুপ্রকৃতির নিকট শ্রেণীর ধলা চামড়ার লোক এ দেশের অসহায় দুর্ভাগ লোকের উপর অনাচার আচরণ করিবার থাকে। ইহাতে দেশে জাতিগত বিদ্বেষ ও অসন্তোষ নিত্য বৃদ্ধিপ্রাপ্ত হইতেছে। উদ্ধত পিশাচ-প্রকৃতি যুরোপীয়ের এই কাপুরুষোচিত কার্যে উচ্চপদস্থ রাজপুরুষরাও যে নিতান্ত ক্ষুব্ধ, গজ্জিত ও বিপন্ন হইয়াছেন,

তাহার প্রমাণও পাওয়া যায়। লর্ড রেডিং এই হেতু জাতিবিদ্বেষ আইন প্রণয়নকালে বলিয়াছিলেন যে, এইরূপ কালা ধলা মামলার অবমান করিবার প্রাণপণ চেষ্টা করিতে হইবে।

এই ব্যাপারে নিকট অর্ধশিক্ষিত পশুপ্রকৃতির যুরোপীয় অভিযুক্ত হয় নাই, অভিযুক্ত হইয়াছিলেন শিক্ষিত উচ্চপদস্থ মাননীয় হাইকোর্টের বিচারপতি পেজ ! তাঁহার নিকট দেশের লোক কি আশা করে ? তাঁহার জ্ঞান উচ্চপদস্থ বিচারক দেশের লোককে খেতাবের অন্য় ও অনাচার হইতে রক্ষা করিবেন। তাঁহাদের নিকট দেশের লোক জ্ঞানবিচার, ধৈর্য ও চিত্তসংযমের আশা করে। কিন্তু রক্ষকই যদি ভক্ষক হয়, তাহা হইলে উপায় কি ? উপায়, এই ভাবের উদ্ধতপ্রকৃতি ও অসংযমী লোক যত বড়ই পদস্থ হউন না, তাঁহাকে সেই পদ হইতে বিচ্যুত করা, সেই সম্বন্ধে পদ বাহাতে কলঙ্কিত না হয়, তাহার ব্যবস্থা করা। দেশের ‘শান্তি ও শৃঙ্খলার’ নামে যাহারা শাসনদণ্ড পরিচালনা করিতেছেন, তাঁহারা এ ব্যাপারে নীরব কেন ?

শিক্ষার নিফলতা

সার তেজবাহাদুর সপক গত ৭ই নভেম্বর লক্ষ্মী বিশ্ববিদ্যালয়ের কনভোকেশন উপলক্ষে যে বক্তৃতা করিয়াছেন, তাহাতে তিনি বুঝাইবার প্রয়াস পাইয়াছেন যে, এ দেশে ইংরাজ-শাসনের আমলে যে সকল বিশ্ববিদ্যালয় প্রতিষ্ঠিত হইয়াছে, তাহাদের শিক্ষাদান নিফল হইয়াছে। যে বিশ্ববিদ্যালয়ের শিক্ষাদানের ফলে সার তেজবাহাদুর সপকর মত ইংরাজ শাসনের গুণগ্রাহী ব্যুরোক্রেসীর অহুগৃহীত মনীষী ভারতীয়ের উদ্ভব হয়, আজ তাঁহার মুখে সেই শিক্ষাদান নিফল হইয়াছে শুনিলে মনটা চমকিত হইয়া উঠে না কি ?

সার তেজ বাহাদুর কিন্তু যে কারণে বর্তমান বিদেশী বিশ্ববিদ্যালয়ী শিক্ষার নিফলতা প্রতিপন্ন করিয়াছেন, তাহা আমরা সমীচীন বলিয়া মনে করি না। তিনি ইংরাজের প্রতিষ্ঠিত বিশ্ববিদ্যালয়ের তিনটি যুগ নির্ধারণ করিয়াছেন :—

(১) প্রথম যুগ। কলিকাতা, বোম্বাই ও মাদ্রাজ বিশ্ববিদ্যালয়ের প্রতিষ্ঠার পর একপুরুষকাল এই শিক্ষার প্রভাবে আমরা বিজাতীয় বিধর্ষিতাবাপন্ন হইয়া গিয়াছিলাম। প্রতীচ্যের যাহা কিছু নূতন দেখিয়াছিলাম, তাহাতেই আমরা মুগ্ধ হইয়া দেশের চিরাচরিত আচার-ব্যবহার, শিক্ষা-নীতি, ধর্ম এবং অবদানপরম্পরার প্রতি উপেক্ষা ও অবজ্ঞার দৃষ্টিপাত করিতে অভ্যস্ত হইয়াছিলাম। এই হেতু রক্ষণশীল ভারতীয়ের সহিত 'শিক্ষিত' ভারতীয়ের সংঘর্ষও উপস্থিত হইয়াছিল। রক্ষণশীলরা শিক্ষাকে অর্থ উপায়ের এবং সমাজে মাত্রস্থান লাভ করার পক্ষে উপযোগী মনে করিয়া ঐ শিক্ষা একবারে বর্জন করে নাই বটে, তবে ঐ শিক্ষা দেশে যথার্থ শিক্ষাদানের উদ্দেশ্যসাধনে নিফল হইয়াছিল। মাত্র উহা দ্বারা কতকগুলি লোক 'বিজাতীয়' হইয়া গিয়াছিল, আর কতকগুলি কেবল উহাকে অর্থকরী বলিয়া গ্রহণ করিয়াছিল।

(২) দ্বিতীয় যুগ। বিদেশী রাজনীতি ও ইতিহাসে ব্যুৎপত্তি লাভ করিয়া এই যুগের ভারতীয়রা ইংরাজের নিকট তাহাদেরই দেশের প্রথমত স্বায়ত্ত-শাসনাধিকার লাভের জন্ত চেষ্টিত হইয়াছিল। ইংরাজ বুঝিলেন, ভারতীয়দের শিক্ষালাভে 'চোপ' ফুটিয়াছে, সুতরাং ঐ শিক্ষা কুফল উৎপাদন করিয়াছে; অতএব তাঁহারা বিশ্ববিদ্যালয় হইতে স্বাধীন চিন্তার আকর মিল, বেহাম, বার্ক, মেকলে তুলিয়া দিলেন। কাষেই বিশ্ববিদ্যালয়ের শিক্ষা সাফল্যলাভ করে নাই।

(৩) তৃতীয় ও শেষ যুগ। অতঃপর যাহাতে ভাল কেরানী বা নিম্নপদস্থ কর্মচারী গড়া যায়, এই ভাবের শিক্ষাদান-প্রথাই চলিয়া আসিতেছে। শিক্ষিতগণের যে যোগ্যতা-অর্জনই মুখ্য উদ্দেশ্য হওয়া উচিত এবং শিক্ষার লক্ষ্যই যে তাহা হওয়া উচিত, বিশ্ববিদ্যালয়ের শিক্ষায় তাহা একবারে ভুলিয়া যাওয়া হইয়াছিল। সার তেজ বাহাদুর বলেন, গত ৪০।৫০ বৎসর ধরিয়ৱা বিশ্ববিদ্যালয়ের শিক্ষাকার্য যে ভাবে পরিচালিত হইয়া আসিতেছে, তাহাতে এইরূপ ধরণের শিক্ষিত লোক প্রস্তুত হইতেছিল যে, তাহারা যোগ্যতার সহিত সরকারী কার্য সম্পাদন করিতে পারে এবং উর্দ্ধতন কর্মচারীর হুকুম অমুসারে

কায চালাইতে পারে। কিন্তু তাহারা যাহাতে উর্দ্ধতন কর্মচারীদিগের যোগ্যতা অর্জন করিতে পারে, সেরূপ শিক্ষা দেওয়া হয় নাই। এই হিসাবে বিশ্ববিদ্যালয়ের শিক্ষা সাফল্যলাভ করে নাই।

সার তেজ বাহাদুর যে তিন যুগের হিসাব দেখাইয়াছেন, তাহা তাঁহার মতাবলম্বী ভারতীয়ের যোগ্য হইয়াছে সন্দেহ নাই। হুঃখের বিষয়, এ দেশে ইংরাজের বিশ্ববিদ্যালয়ের শিক্ষাদানের নিফলতার যেটা সর্বাপেক্ষা বড় দিক, সেটা সার তেজ বাহাদুর দেখান নাই বা দেখাইতে পারেন নাই।

তিনি প্রথম যুগের যে চিত্রাঙ্কন করিয়াছেন, তাহা হইতেই বুঝিয়াছেন যে, এ দেশে ইংরাজের প্রবর্তিত শিক্ষাদানের সঙ্গে সঙ্গে আমরা জাতীয়তা হারাইতে আরম্ভ করিয়াছিলাম। সার তেজ বাহাদুর গোড়াটা ধরিয়ৱাছেন ঠিক, তবে মাঝে খেই হারাইয়া ফেলিয়াছেন। আমরা সেই বিকৃত শিক্ষার ফলে 'দেশের ঠাকুর ফেলিয়া বিদেশের কুকুর' পূজিতেও আরম্ভ করিয়াছিলাম; সকল বিষয়ে দেশকে অবজ্ঞা করিয়া বিদেশকে অমুসরণ করিতে শিখিয়াছিলাম; ফলে আমাদের মধ্যে একটা দাসত্বের মনোবৃত্তি জাগিয়া উঠিয়াছিল। সেই দাস-মনোবৃত্তির নাগপাশ হইতে আমরা এখনও মুক্ত হই নাই, আমরা এখনও তাহার প্রভাবে যেন ভূতাবিষ্টের মত হইয়া আছি। আমরা জাতীয়তা হারাইয়া, ধর্ম হারাইয়া, সমাজ হারাইয়া একটা দাসমনোবৃত্তিচালিত যন্ত্রে পরিণত হইয়াছি, নিজের বিশেষত্ব বিসর্জন দিয়া যুগতৃষ্ণিকায় ব্রাহ্ম যুগের স্তায় বিদেশীয় বিজাতীয় শিক্ষার মোহ-মরীচিকায় উদ্ভ্রান্ত হইয়া ধাবিত হইয়াছি। ইহাই বিশ্ববিদ্যালয়ের শিক্ষার প্রকৃত নিফলতা।

অসহযোগের উত্তরে অসহযোগ

অসহযোগের ব্যাখ্যা লইয়া যেমন মহাত্মা গান্ধীর মন্ত্র-শিষ্যগণের মধ্যে মতবিরোধ ঘটিয়াছিল, কলে পরিবর্তন-বিরোধী ও কাউন্সিলকামী এই দুই দলে অসহযোগীরা বিভক্ত হইয়া গিয়াছিল, তেমনই সহযোগের সীমা ও পরিমাণ লইয়া স্বরাজ্যী কাউন্সিলকামীদিগের মধ্যেও

মতবিরোধ ঘটনাচ্ছে এবং উহার ফলে দল ভাঙ্গিয়া যাইতে বসিয়াছে। মহাত্মা গান্ধীর বর্জননীতির মধ্যে কাউন্সিলবর্জন অন্ততম—উহাকে অন্ততম প্রধান বর্জননীতি বলিলেও অত্যাক্তি হয় না। মহাত্মা বলিয়াছিলেন, কাউন্সিলের কাষে আত্মশক্তির ক্ষয় বা অপচয় করিলে দেশের ও জাতির গঠনকার্যে শক্তি নিয়োগ করিবার সুযোগ থাকে না; বিশেষতঃ কাউন্সিলপ্রবেশ দ্বারা দেশে স্বরাজ আনয়ন করা সম্ভব হইবে না। স্বরাজ্য দলের প্রতিষ্ঠাতা এবং নেতা পরলোকগত দেশবন্ধু চিত্তরঞ্জন দাশ মহাত্মাজীর মন্ত্রশিষ্য হইলেও কারামুক্তির পর হইতে গঠনকার্য (চরকা ইত্যাদি) অপেক্ষা কাউন্সিল-প্রবেশের উপর অধিকতর আস্থা স্থাপন করিয়াছিলেন এবং নিজের ব্যক্তিত্বের প্রভাবে দেশের চিন্তাশ্রোত অনেকটা ফিরাইয়া দিয়াছিলেন। দেশবন্ধু অসহযোগ অর্থে কাউন্সিলের নধা দিয়া সরকারের সহিত অসহযোগকেও বুঝিয়াছিলেন। যাহাতে কাউন্সিলে প্রবেশ করিয়া অসহযোগীরা ক্রমাগত আমলাতন্ত্র সরকারের কার্যে বাধা-প্রদানের দ্বারা কাউন্সিলের ও সংস্কার আইনের অসারতা দেখাইয়া দিতে পারে অথবা ঐশ্বর্যশাসনের উচ্ছেদসাধন করিতে পারে, দেশবন্ধুর কাউন্সিলপ্রবেশ ও অসহযোগ মন্ত্রের তাহাই উদ্দেশ্য ছিল। সে উদ্দেশ্য তিনি কতক পরিমাণে সফল করিয়া গিয়াছেন। বাঙ্গালার ঐশ্বর্যশাসনের অবসান হইয়াছে। এখন বাঙ্গালার আমলাতন্ত্র সরকারের স্বৈচ্ছাচার শাসনের নগ্ন মূর্ত্তি আবার পূর্ব্বের মত প্রকট হইয়া উঠিয়াছে।

কিন্তু দেশবন্ধুর ব্যক্তিত্বের অভাবে কাউন্সিলে স্বরাজীদের অসহযোগনীতি সম্বন্ধে মতের মিল হইতেছে না। দেশবন্ধু যেমন মহাত্মা গান্ধীর বিশুদ্ধ অসহযোগের বিপক্ষে বিদ্রোহী হইয়া নূতন পন্থা খুঁজিয়া বাহির করিয়াছিলেন, তেমনই বর্তমান স্বরাজীদের মধ্যে কেলকার, জয়াকর, অ্যান্ড প্রমুখ দলপতিরা স্বরাজী-নেতা পণ্ডিত মতিলাল নেহরুর অসহযোগ ব্যাখ্যার সহিত একমত হইতে পারিতেছেন না। তাঁহারা লোকমাত্ৰ তিলকের Responsive co-operation নীতির পরূপাতী হইতে চাহিতেছেন। ইহার অর্থ এই যে, সরকার কাউন্সিলের

কার্যে সহায়ত্ব দেখাইয়া যতটুকু সহযোগ করিতে প্রস্তুত হইবেন, ততটুকু পরিমাণে তাঁহারাও সহযোগ করিতে প্রস্তুত থাকিবেন,—এমন কি, প্রয়োজন হইলে তাঁহারা মন্ত্রিস্বের মত সরকারী চাকুরী গ্রহণ করিতেও পশ্চাৎপদ হইবেন না। পণ্ডিত মতিলাল ইহার তীব্র প্রতিবাদ করিয়া বলিয়াছেন যে, তাহা হইতেই পারে না, হইলে স্বরাজ্য দলের মূলনীতি ভঙ্গ করা হইবে। মিঃ টাণ্ডের সরকারী চাকুরী গ্রহণের পর হইতে উভয় দলে বিরোধ আরও স্পষ্ট হইয়া উঠিয়াছে। ইহা পূর্ব্ব-সংখ্যার মাসিক বসুমতীতে বলা হইয়াছে।

কেলকার জয়াকরের দল বলিতেছেন, পণ্ডিত মতিলাল যদি অসহযোগী বাধাপ্রদানকারী হইয়াও স্বীন কমিটিতে প্রবেশ করিতে পারেন, এবং শ্রীযুক্ত পেটেল ব্যবস্থাপরিষদের প্রেসিডেন্ট হইয়া বলিতে পারেন যে, প্রয়োজন হইলে তিনি দিনে দশবার বড় লাটের সহিত দেখা করিতেও প্রস্তুত আছেন, তাহা হইলে শ্রীযুক্ত টাণ্ডের সরকারী চাকুরী গ্রহণে আপত্তি কি আছে? অসহযোগের স্বরূপ এবং পরিমাপ কি? উহা কে নির্ধারণ করিবে?

উভয় দলের মধ্যে রফার চেষ্টাও হইতেছে। মাজাজের স্বরাজীদের মধ্যে শ্রীযুক্ত শ্রীনিবাস আয়েঙ্কারের শান্তিপ্রয়াসী বলিয়া সুনাম আছে। লালী লাজপৎ রায়েরও মধ্যস্থ হইয়া বিবাদ মিটাইবার শক্তি আছে। ইহারা সকলেই উভয়পক্ষে বিরোধের অবসানের জন্য প্রাণপণ চেষ্টা করিতেছেন। কিন্তু জয়াকর ও কেলকারের দল বলিয়াছেন,—“যাহাতে সহযোগের প্রত্যুত্তরে সহযোগনীতির ক্ষতি হয় অথবা উহার প্রচারে বাধা পড়ে, এমন সর্ব্বে আমরা রক্ষায় সম্মত হইব না। পণ্ডিত মতিলাল যদি প্রতিশ্রুতি দেন যে, আগামী নির্বাচনকালে স্বরাজী দল এই নীতি অবলম্বন করিবে, তাহা হইলে তাঁহারা আপাততঃ প্রচারকার্য স্থগিত রাখিতে পারেন। কিন্তু এরূপ প্রতিশ্রুতি না দিলে নূতন দলকে স্বরাজ্য দলের মধ্যে থাকিতে দিয়া তাহাদের নীতির প্রচার করিতে দিতে হইবে। কিন্তু যদি পণ্ডিত মতিলাল সম্মত না হইয়া দলের মধ্যে সজ্ববদ্ধতা ও শৃঙ্খলারক্ষার জন্য জিদ করেন, তাহা হইলে Responsive

co operationists অথবা কেলকারের নূতন দল স্বরাজ্য দল ছাড়িয়া দিয়া নূতন দল গঠন করিবেন।”

সুতরাং মিলন যে সংঘটিত হইবে, এমন লক্ষণ দেখা যাইতেছে না। একটা কথার মারপেচ উপলক্ষে আরও অধিক মতবিরোধ ঘটিয়াছে। পণ্ডিত মতিলাল বলিতেছেন, দেশবন্ধু দাশ তাঁহার ফরিদপুরের বক্তৃতায় যে Honourable Co-operation অথবা সম্মানজনক সহযোগের কথা বলিয়াছিলেন, তিনি তাহা মানিয়া লইয়া কার্য্য করিতে প্রস্তুত আছেন। জয়াকর-কেলকারের দল বলিতেছেন, তাঁহারা Responsive Co-operation অথবা সহযোগের উত্তরে সহযোগ দিতে প্রস্তুত আছেন। তাহা হইলেই বুঝা যাইতেছে, উভয় দলের মধ্যে honourable ও responsive এই দুইটি কথা লইয়াই যত গোলযোগের উদ্ভব হইয়াছে।

এখন এই কথা দুইটির ব্যাখ্যা বিশ্লেষণ করিলে কি দেখা যায়? পণ্ডিত মতিলাল তাঁহার honourable কথার ব্যাখ্যা করিয়া বলিতেছেন যে, “দৃষ্টান্তস্বরূপ বলা যাইতে পারে, যদি সরকার শাসন-সংস্কারের সংস্কারের উদ্দেশ্যে দেশের প্রার্থনা অনুসারে একটি রয়েল কমিশন নিযুক্ত করেন, তাহা হইলে তাঁহাদের কার্য্য ‘সম্মানজনক’ বলিয়া মানিয়া লওয়া যাইতে পারে। সরকার যদি এত ভাবের একটা gesture অথবা জনমতের অনুকূল কার্য্য না করেন, তাহা হইলে স্বরাজ্য দল তাঁহাদের সহিত সহযোগ করিতে সম্মত হইবেন না, কোনরূপ সরকারী চাকুরী গ্রহণ করিবেন না।” জয়াকর-কেলকারের দল বলিতেছেন, “সরকার কি করেন বা না করেন, তাহা দেখিয়া সরকারী চাকুরী গ্রহণের বিপক্ষে বাধা রাখা হইবে না; তবে চাকুরী গ্রহণ করা হইবে বলিয়া কাউন্সিলে বাধাপ্রদান-নীতি পরিত্যক্ত হইবে না।”

দেশের লোক এখন বুঝুন, উভয় পক্ষের মধ্যে এরূপ মত-বিরোধ থাকিলে মিলন কিরূপে সম্ভবপর হইতে পারে। এক পক্ষ বলিতেছেন, মন্ত্রী-গিরি বা অন্য কোনও সরকারী চাকুরী লওয়ার বিপক্ষে বাধা উঠাইয়া দিতেই হইবে, অপর পক্ষ বলিতেছেন, তাহা হইতেই পারে না, সরকার জনমতের প্রতি পূর্বে সম্মান প্রদর্শন করুন,

তাহার পর চাকুরী গ্রহণ করা হইবে। এ অবস্থায় রক্ষা হইতেই পারে না।

অবস্থা দেখিয়া মনে হয়, স্বরাজ্য দলের সকলেরই এখন সরকারী চাকুরী গ্রহণে কোনও আপত্তি নাই; তবে এক দল বলিতেছেন, সরকার ডাকুন বা নাই ডাকুন, আমরা খাইতে যাইবই, আর অন্য দল বলিতেছেন, এইবার ডাকিলেই যাইব। প্রভেদ এইটুকু। ইহাতে আমাদের দরজীর দোকানে উটের প্রবেশলাভের গল্প মনে পড়িতেছে। দাকুণ বৃষ্টিতে দাড়াইয়া উট ভিজিতেছিল। দরজীকে অনুরোধ করিয়া উট প্রথমে মাথাটা তাহার দোকানে রক্ষা করিয়া জল-ঝড় হইতে বাঁচাইল। তাহার পর সম্মুখের পা দুইখানা; পরে পিছনের পা দুইখানা; শেষে লেজটুকুও বাদ গেল না।


তবে সম্প্রতি উভয় দলের মধ্যে এই সর্ভ হইয়াছে যে, আগামী কানপুর কংগ্রেস পর্য্যন্ত উভয় দলের মধ্যে বিরোধ মূলত্ববী থাকিবে, কংগ্রেসের সময় স্বরাজ্য দল তথায় সমবেত হইলে যৎকর্তব্য অবধারণ করা হইবে।

এইরূপই যে হইবে, তাহা পূর্বে জানাই ছিল। বাঘ একবার রক্তের আশ্বাদ পাইলে ক্রমাগত রক্তের আশায় ঘুরিয়া থাকে। কাউন্সিলে প্রবেশ করিলে শত বাধা-প্রদান সত্ত্বেও সরকারের সহিত সহযোগ করিতেই হয়,— সে সহযোগ যত সামান্যই হউক, তাহাতে ক্ষতি নাই। একবার সূত্রপ্রমাণ সহযোগ হইতে পারিলে শেষে রক্ত-প্রমাণ সহযোগের ফাঁদ গলায় পরিত্রিত হইবে। ইতাই নিয়ম। এখন ত কথা উঠিবেই, সহযোগের বা অসহযোগের পরিমাপ কি? স্বীন কমিটিতে প্রবেশ লাভ করাতে বা কোন বন্ধু-পুল্লের সরকারী চাকুরীলাভে সহায়তা দান করাতে কতটুকু সহযোগ করা হয়, তাহা কে-নির্ণয় করিবে? কাউন্সিলপ্রবেশের অবশ্যস্বাভাবী ফল এইরূপ হইবে বলিয়াই কি ভবিষ্যদর্শী মহাত্মা গান্ধী স্বরাজ্যীদিগকে বেপরোয়া কংগ্রেসী ক্ষমতা দিবার কথা পাড়িয়াছিলেন? তিনি কি দেখিতেছিলেন, দৌড় কত দূর? কে জানে!

শ্রীযুত বলাইদাস চট্টোপাধ্যায়

বিখ্যাত মোহনবাগান ফুটবল ক্লাবের প্রথম শ্রেণীর খেলোয়াড় বলাইদাস বঙ্গালী তরুণ দলের পরম প্রিয়। তিনি নানাবিধ ব্যায়াম-ক্রীড়ায় কৃতিত্ব প্রদর্শন করিয়া দেশীয় বিদেশীয় সকল শ্রেণীর লোকের প্রীতির কারণ হইয়াছেন।

সার সুরেন্দ্রনাথ লিথিয়া গিয়াছেন, “আমি জীবনে যাহা কিছু উন্নতিসাধন করিয়াছি, তাহার মূলে আমার রীতিমত ব্যায়ামের অভ্যাসকে নির্দেশ করিতে পারি।...আমার প্রথম জীবনে আমাদের বাড়ীতে এক আখড়া ছিল। আমরা প্রত্যহ সেই আখড়ায় ব্যায়াম অভ্যাস করিতাম—উহা আমাদের বাধ্যতামূলক শিক্ষার



শ্রীযুত বলাইদাস চট্টোপাধ্যায়

বাঙ্গালী তরুণদিগের মধ্যে অধুনা ব্যায়ামের প্রতি আগ্রহ দেখা যাইতেছে। জাতির পক্ষে ইহা শুভলক্ষণ বলিয়া মনে করা যাইতে পারে। সম্ভরণ, বাচখেলা, দৌড়ঝাঁপ, উল্লম্বন প্রভৃতি দেশীয় খেলার সঙ্গে সঙ্গে ফুটবল, ক্রিকেট, হকি, মুষ্টিযুদ্ধ প্রভৃতি বিদেশী খেলাও বাঙ্গালীর জাতীয় খেলার মধ্যে পরিগণিত হইতেছে। অল্পকাল অবস্থায় পরিমিতরূপে ব্যায়ামে শরীর সবল ও সুস্থ হয়, এ কথা সকলেই জানে। আত্মসম্মান অক্ষুণ্ণ রাখিতে হইলে শারীরিক বলসঞ্চয় করা যে প্রথম ও প্রধান প্রয়োজন, তাহা বোধ হয়, কাহাকেও বুঝাইতে হইবে না।

সদৃশ ছিল। এই অভ্যাসের গুণে আমার ভ্রাতা ক্যাপ্টেন ক্রিস্তেন্দ্রনাথ বাঙ্গালীর মধ্যে ব্যায়ামপটুদিগের রাজা (Prince among Bengalia thletes) হইতে সমর্থ হইয়াছিলেন।”

বলাইদাসও বাল্যজীবন হইতে ব্যায়ামসাধনা করিয়া আসিতেছেন। এ ক্ষেত্রে তাঁহার সমকক্ষ এ দেশে বিরল বলিলেও অত্যাুক্তি হয় না।

বলাইদাস ১৯০০ খৃষ্টাব্দে বর্ধমান জিলার অন্তর্গত কালনা মহকুমার নিকট ইছাপুর বালুকন গ্রামে তাঁহার মাতামহ অন্নদাপ্রসাদ ঘটকের গৃহে জন্মগ্রহণ করেন। ১৯২৩ খৃষ্টাব্দে মোহনবাগান দলের হইয়া ফুটবল

খেলিতে গিয়া বিশেষ সুনাম পাইয়াছিলেন এবং ডার-
হাম লাইট ইনফ্যান্ট্রি রেজিমেন্ট দলের দৌড়বাজকে
পরাস্ত করিয়া লেসলি কাপটি আত্মসাৎ করিয়াছিলেন।
মোহনবাগানের সেন্টার হাফ ব্যাকরূপে তিনি খেলায়
দেশী বিদেশী সকলকে মুগ্ধ করিয়াছিলেন।

কলিকাতা হকি এসোসিয়েশনের সুযোগ্য সেক্রে-
টারী মি: এ. বি. রসার কতকগুলি বাছাই বাঙ্গালী
খেলোয়াড় লইয়া রেঙ্গুন, সিঙ্গাপুর ও জাভা দ্বীপে
খেলিতে গিয়াছিলেন। বলাইদাস সে দলে ছিলেন
এবং সে সকল স্থানেও বিশেষ সুনাম অর্জন
করিয়াছিলেন।

বিগত ১৭ই এপ্রেল তারিখে
তিনি বকসিংএ বাট টমাসকে
৪ রাউণ্ডে পরাজিত করিয়া-
ছেন। তাঁহার মৃত্যুঘাতের
সময় ইংরাজ দর্শকরা এত সম্বলিত
হইয়াছিলেন যে, তাঁহার বাজী
শেষ হইবার পরেও ১০ মিনিট
কাল করতালিধ্বনি হইয়াছিল।

বলাইদাস অনেকগুলি
ভারতীয় বালককে তাঁহার মত
সকল প্রকার খেলায় শিক্ষা
দান করিতেছেন। তিনি দীর্ঘ-
জীবী হউন। বাঙ্গালার তরুণ
সম্প্রদায় তাঁহার পদাঙ্ক অনুসরণ
করিয়া শাণীক শক্তিসঞ্চয়
করুন, আত্মসম্মান জ্ঞানে উদ্-
বুদ্ধ হউন, ইহাই কামনা।



ললিতমোহন সিংহ রায়

গিয়াছিলেন। বাঙ্গালীর প্রায় সর্ববিধ সামাজিক, রাজ-
নীতিক ও ধর্মগত কার্যে তাঁহার এ যাবৎ আত্মনিয়োগ
করিয়া আসিতেছেন। বাঙ্গালার তাঁহাদের বহুবিধ
সদহুষ্ঠানেরও পরিচয়ের অসম্ভাব নাই। বাঙ্গালীর
সুখ-দুঃখ তাঁহার নিঃস্ব করিয়া লইয়াছিলেন।

পরলোকগত ললিতমোহন পূর্বপুরুষগণের পদাঙ্ক
অনুসরণ করিয়াছিলেন। তিনি বাঙ্গালার বহু সাধারণ
জনহিতকর কার্যে যোগদান করিতেন। তিনি শিক্ষিত,
মিষ্টভাষী ও জনপ্রিয় ছিলেন। বাঙ্গালী ভাষার প্রতি
তাঁহার যথেষ্ট অহুরাগ ছিল। তাঁহার রচিত জামা-
সন্যাসাদি এ দেশের সাহিত্যানুরাগীদের নিকট আদর

পাইয়াছিল। তিনি বিশাল-
কায় ও সুদর্শন ছিলেন।
তাঁহার সম্বন্ধে কবি কালি-
দাসের এই উক্তি বিশেষরূপে
প্রযুক্ত, —

“বৃঢ়োরস্কো বৃষস্কন্ধঃ

শালপ্রাংশুমহাত্মজঃ ।

ফাল্গকর্মকমঃ দেহঃ

ফাল্গধর্ম ইবাশ্রিতঃ ॥”

১৯১০ হইতে ২৩ গুণ্ডাঙ্গ
পর্যন্ত বাঙ্গালার ব্যবস্থাপরিষদে
তিনি বর্তমান বিভাগের জমী-
দারশ্রেণীর নির্বাচিত প্রতিনিধি
ছিলেন। তাঁহার মাতুল পর-
লোকগত সারদাপ্রসাদ সিংহ
রায় স্বগ্রামে বহু সদহুষ্ঠান
করিয়া গিয়াছেন, তন্মধ্যে চক-
দীঘির দাতব্য হাসপাতাল

পরলোকগত ললিতমোহন সিংহ রায়
চকদীঘির ক্ষত্রিয় জমীদার রায় বাহাদুর ললিতমোহন
সিংহ রায় গত ৫ঠা অগ্রহায়ণ প্রাতঃকালে ইহলোক
ত্যাগ করিয়াছেন। বাঙ্গালার যে সকল রাজপুত-
পরিবার বহু পূর্বে বসবাস করিয়াছিলেন, চকদীঘির
সিংহ রায় বংশ তাঁহাদের অন্ততম। বহু কাল এ দেশে
বসবাসের ফলে তাঁহার প্রায় বাঙ্গালীই হইয়া

অন্যতম। এই হাসপাতালরক্ষাকল্পে ললিতমোহন
বিশেষ আগ্রহান্বিত ছিলেন। প্রজাদের অভাব-অভি-
যোগের কথা তিনি স্বয়ং শ্রবণ করিতেন। রাজা মণি-
লাল সিংহ রায় ও শ্রীযুত রজনীকান্ত সিংহ রায় তাঁহার
জামাতা। লেফটেনেন্ট বিজয়প্রসাদ সিংহ রায় তাঁহার
দৌহিত্র। মৃত্যুকালে তাঁহার বয়ঃক্রম ৬৮ বৎসর
হইয়াছিল।

দ্বিতীয় অ্যাক্ট-পরিষদ

দাৰ্শাবকাশের পর গত ৩রা ও ৪ঠা ডিসেম্বর বাঙ্গালা কাউন্সিলের শীতের অধিবেশন আরম্ভ হইয়াছে। আমলা-তন্ত্র সরকার বাঙ্গালা হইতে দ্বৈতশাসন তুলিয়া লইতে বাধ্য হইবার পরে কাউন্সিলের অধিবেশনে জনমতের 'হাওয়া' কোন্ দিকে বহে, তাহা দেখিবার জন্ম অনেকের আগ্রহ যে না হইয়াছিল, এমন নহে। বাঙ্গালার অ্যাংলো-ইণ্ডিয়ান ও মডারেট পত্রমহলে স্বরাজ্য দলের division in the camp লক্ষ্য করিয়া মন্তব্য প্রকাশিত হইয়াছিল যে, এবার কাউন্সিলে জনমত নিশ্চিতই স্বরাজ্য দলের ভাঙ্গাহাটে ভাঙ্গন-নীতির ভাঙ্গা কপালের পথ গ্রহণ করিবে না; এমন কি, চোরঙ্গীর 'ভারতবন্ধু' সরকারকে উদাসীন থাকিতে নিষেধ করিয়া একবার উঠিয়া পড়িয়া কোমর বাঁধিয়া দ্বৈতশাসন প্রবর্তনে মডারেটদিগের সহিত একযোগে কার্য্য করিতে উপদেশ দিয়াছিলেন। সুতরাং এই কাউন্সিলে কি হয়, জানিবার জন্ম আগত হওয়াটা বিশ্বয়ের বিষয় নহে।

৪ঠা তারিখের অধিবেশনেই জনমতের গতি নির্ণীত হইয়া গিয়াছে। প্রথম দিনে মহারাজা কৌশীলচন্দ্রের প্রস্তাবে বাঙ্গালার প্রজাস্বত্ব আইন সংশোধনের পাঞ্জ-লিপি সম্বন্ধে বিচার আলোচনার ভার এক সিলেক্ট কমি-টির উপর অর্পিত হইয়াছে। এই দিনের অধিবেশন সম্বন্ধে এখন বলিবার বিশেষ কিছু নাই। সিলেক্ট কমিটির সিদ্ধান্ত প্রকাশিত না হইলে কোন কথা বলা চলে না।

দ্বিতীয় দিনের অধিবেশনে সরকারপক্ষের উপ-স্থাপিত তিনটি প্রস্তাবই ব্যবস্থাপক সভায় না-মঞ্জুর হইয়াছে,—(১) বালী সেতুর জন্ম বাঙ্গালার পক্ষ হইতে আংশিক ব্যয়বরাদ্দ করিবার প্রস্তাব, (২) বাঙ্গা-লার অর্ধে শ্রীহট্টের যোজনা করিয়া দিবার বিপক্ষে প্রস্তাব, (৩) বাঙ্গালার মিউনিসিপ্যালিটিসমূহের সংশোধন-সম্পর্কিত বিলের সম্বন্ধে প্রস্তাব।

এই তিনটির কোনটিই ব্যবস্থাপক সভায় গৃহীত হয় নাই। ইহাতে অ্যাংলো-ইণ্ডিয়া মহলে নৈরাশের তপ্তাশাস বাহিয়াছে। তাঁহারা বলিতেছেন, "আর কোনও আশা নাই, দ্বৈতশাসন বাঙ্গালায় চলিবার

সম্ভাবনা নাই। 'মরিয়াও না মরে রাম, এ কেমন বৈরী?' স্বরাজ্য দল ছত্রভঙ্গ হইলেও তাহাদের ভাঙ্গনের প্রভাব ত বিন্দুমাত্র হ্রাস হয় নাই। তবে?"

শীতের মরশুমে ৮ই ডিসেম্বর হইতে আরও ৪ দিন কাউন্সিলের অধিবেশন হইবার কথা ছিল। এই ৪ দিনে ন্যূনাধিক ১ শত ৩০টি মন্তব্য পেশ হইবার কথা। তন্মধ্যে দুইটি বিশেষ উল্লেখযোগ্য,—(১) গত বৎসর কাউন্সিল যে মন্ত্রীদিগের বেতন মঞ্জুর করেন নাই, সেই মন্ত্রীদিগের বেতন দেওয়া হউক, ইহা গৃহীত হইয়াছে। (২) বন্ধে দ্বৈতশাসন পুনঃ প্রবর্তিত হউক, অর্থাৎ যে হস্তাক্রান্ত বিভাগগুলি সরকার নিজ হস্তে গ্রহণ করিয়া-ছিলেন, তাহা পুনরায় হস্তাক্রান্ত করা হউক। এই প্রস্তাব প্রত্যাহার করা হইয়াছে।

এই দুইটি মন্তব্য উপস্থাপিত হইবার পূর্বে বাঙ্গালার স্বরাজ্য দলের বর্তমান নেতা শ্রীযুক্ত ষতীন্দ্রমোহন সেন-গুপ্ত প্রস্তাব করেন যে, সম্প্রতি বাঙ্গালার রাজনীতিক বন্দীদিগের মধ্যে তিন জনের ঘটনায় যে ব্যবহারের কথা শুনা গিয়াছে, সে সম্বন্ধে কাউন্সিলকে বিচারালো-চনার অবসর প্রদানের নিমিত্ত কাউন্সিল মূলত্বী রাখা হউক। সরকারপক্ষে সার হিউ স্টিফেনসন ইহাতে আপত্তি করেন। কিন্তু ৮টি ভোটের জোরে সরকার-পক্ষের পরাজয় হয় এবং শ্রীযুক্ত ষতীন্দ্রমোহনের প্রস্তাব গৃহীত হয়।

এ পরাজয়েও হাওয়ার গতি বৃদ্ধিতে পারা যাইতেছে। বাঙ্গালার রাজবন্দীদের অবস্থার উন্নতির বিষয়ে ভার-তীয়দের মধ্যে সকল শ্রেণীর রাজনীতিকই যে একমত, তাহা এই ভোটের আধিক্য দেখিয়াই বুঝা যাইতেছে। স্বরাজ্যীরা আপন দলের সদস্যদের সমর্থন লাভ করিয়াছেন, ইহাতে বোধ হয়, দেশের যথার্থ মঙ্গলকর কার্য্যে তাঁহারা প্রথমাবধি স্বদলের বিশ্বাস অর্জন করিয়া আসিতেছেন। মাঝে তাঁহাদের দলের মধ্যে মতবিরোধ উপস্থিত হই-য়াছে। কিন্তু সে জন্ম প্রকৃত জনহিতকর কার্য্যে তাঁহারা স্বদলভুক্তদিগের সহায়ুভূতি ও সাহায্য হইতে কখনও বঞ্চিত করেন নাই। মডারেট ও ইণ্ডিপেন্ডেন্টদের মধ্য হই-তেও বহু সমস্ত স্বরাজ্যদলপতির দিকে ভোট দিয়াছেন; সুতরাং শেষ কে হায়ে, তাহা এখনও বলা যায় না।

কাউন্সিলে আর একটি প্রয়োজনীয় মন্তব্য উপস্থাপিত হইয়াছিল। প্রস্তাবক ডাক্তার বিধানচন্দ্র রায় প্রস্তাব করেন যে, 'সরকার কাউন্সিলের ৮ জন ভারতীয় সদস্য ও ২ জন বিশেষজ্ঞকে লইয়া একটি কমিটি গঠিত করুন। ঐ কমিটি ভাগীরথীর জল কি কারণে অপবিত্র হয়, তাহার কারণ অনুসন্ধান করুন এবং ভবিষ্যতে আর যাহাতে সে কারণ বিদ্যমান না থাকে অর্থাৎ ভাগীরথীর জল যাহাতে আর অপবিত্র না হয়, তাহার উপায় নির্ধারণ করুন।' তাঁহার এই প্রস্তাব গৃহীত হইয়াছে। ইহা যে সমরোপযোগী হইয়াছে, তাহাতে সন্দেহ নাই। ভাগীরথীর জল অপবিত্র হওয়ার কেবল যে হিন্দুর ধর্মকর্মে ব্যাঘাত ঘটিতেছে, তাহা নহে, ভাগীরথীর উভয় তটবর্তী স্থানসমূহ ইহার জন্য অস্বাস্থ্যকর হইয়া উঠিয়াছে। প্রস্তাবমত কার্য হইলে এই অনাচারের কারণ দূর হইতে পারে।

লর্ড সিংহের উপদেশ-সুখা

ব্যুরোক্রেসীর অগ্রগত-অনুকম্পার আওতার পরিবর্তিত লর্ড সিংহ বহু ভাগ্যবিপর্যয়ের পর পরিণত বয়সে আশাতক হেতু মস্তিষ্কবিকৃতি রোগে আক্রান্ত হইয়াছিলেন বলিয়া শুনা গিয়াছিল। সম্প্রতি তিনি রোগজনিত নিষ্কলনবাস হইতে সহসা নিষ্ক্রান্ত হইয়া ভারতের রাজনীতিক্ষেত্রে আবার দেখা দিয়াছেন, তাঁহার অল্পময় উপদেশ-সুখা-বর্ষণে এ দেশের লোককে আপ্যায়িত করিয়াছেন। কিন্তু তাঁহার উপদেশের গতি-প্রকৃতি দেখিয়া মনে সন্দেহ না হইতে পারে না যে, তাঁহার রোগ এখনও তাঁহাকে সম্পূর্ণরূপে পরিত্যাগ করে নাই।

অস্বাচিতভাবে দেশের লোককে উপদেশ দিতে অগ্রসর হইয়া লর্ড সিংহ বলিয়াছেন, "আমি এখনও বলিতেছি, ভারতবাসী স্বায়ত্ত-শাসনের যোগ্যতা অর্জন করে নাই।" কেন করে নাই, তাহার কারণ দেখাইয়া রায়পুরের লর্ড বলিতেছেন, "ভারতে শাসনযন্ত্র চালাইবার মত যোগ্য ব্যক্তি যথেষ্ট আছেন বটে, কিন্তু তাহা হইলেও ইহা বুঝিতে হইবে না যে, যে গণতন্ত্রমূলক স্বরাজ আমাদের কাম্য, আমরা ১৯১৫ হইতে ১৯২৫ খৃষ্টাব্দ পর্যন্ত আমাদের কার্য দ্বারা সেই গণতন্ত্রমূলক

স্বরাজলাভের অধিকতর যোগ্য হইয়াছি।" এইখানেই লর্ড সিংহ ক্রান্ত হইয়াছেন নাই, তিনি এই অপকল্প উক্তির টীকাও সঙ্গে সঙ্গে করিয়া ফেলিয়াছেন। তিনি বলিয়াছেন, "কতকগুলি নৈরশাসকের সৃষ্টি করিয়া দেশের শাসনযন্ত্র পরিচালনা করা যায় বটে, কিন্তু তাহা হইলে উহা ত দেশের লোকের (অর্থাৎ জনসাধারণের) দ্বারা পরিচালিত শাসনযন্ত্র হইবে না। জনসাধারণ দ্বারা পরিচালিত শাসনযন্ত্র প্রতিষ্ঠিত করা দুর্লভ ব্যাপার। খেতকায় ব্যুরোক্রেসীর পরিবর্তে কৃষকায় ব্যুরোক্রেসীর প্রতিষ্ঠা করিলেই অভীষ্ট সিদ্ধ হইবে না। সুতরাং গণতন্ত্রমূলক স্বরাজ প্রতিষ্ঠা করিতে হইলে জনসাধারণকে অগ্রে তাহার যোগ্যতা লাভ করিতে হইবে।"

কথাটার নূতনত্ব কিছুই নাই। ১৯১৫ খৃষ্টাব্দের জাতীয় কংগ্রেসের প্রেসিডেন্টরূপে তিনি এই ভাবের কথাই বলিয়াছিলেন, - আমরা এখনও স্বরাজলাভের যোগ্যতা অর্জন করি নাই।

কিন্তু লর্ড সিংহকে যদি জিজ্ঞাসা করা যায়, কবে কোন্ দেশে জনসাধারণ অগ্রে শাসনযন্ত্রের কল-কজার রহস্য অবগত হইয়া—সে বিষয়ে জ্ঞানের পরিপক্বতা লাভ করিয়া গণতন্ত্রমূলক শাসনাধিকার লাভ করিয়াছে, তাহা হইলে তিনি কি উত্তর দিবেন? লোককে জলে নামিতে না দিলে লোক কিরূপে সাঁতার শিখিবে? তিনি কি বলিতে পারেন যে, ফ্রান্স ও মার্কিনের মত গণতন্ত্রশাসিত দেশের জনসাধারণ দীর্ঘকাল স্বরাজ উপভোগ করিবার পর এখনও শাসনযন্ত্রের সকল রহস্য অবগত হইয়াছে? দেশের জনসাধারণ কোনও দেশে শাসনযন্ত্র পরিচালনা করে না, তাহাদের মধ্যে যাহারা শিক্ষিত ও অবস্থাভিজ্ঞ, সেই সকল প্রতিনিধিই তাহাদের হইয়া শাসনযন্ত্র পরিচালনা করিয়া থাকেন। ইংলও, ফ্রান্স, মার্কিন—সকল দেশেরই এই ব্যবস্থা। তবে ভারতের বেলা এ নিয়মের ব্যতিক্রম হইবে কেন? ইংলওরই লেখক মিঃ বনার ১৯২৩ খৃষ্টাব্দের 'নাইন্টিথ সেঞ্চুরী' পত্রে লিখিয়াছিলেন, "দেশের জনসাধারণ, জনসাধারণ হিসাবে শাসনকার্য পরিচালনে অসমর্থ, তাহারা সে কথা বিলক্ষণ অবগত আছে, পরন্তু শাসনযন্ত্র পরিচালনা

করিবার ইচ্ছাও তাহারা প্রকাশ করে না।” তবে? তবে কি লর্ড সিংহের মাপকাঠি লইয়া ভারতবাসীকে প্রলয়ান্ত কাল পর্যন্ত জনসাধারণের যোগ্যতালাভের জন্ত অপেক্ষা করিতে হইবে?

আমাদের মনে হয়, অসুস্থ শরীরে লর্ড সিংহের বর্তমান রাজনীতিক ঘূর্ণীপাকে সম্প্রদান করা ভাল হয় নাই।

শুশ্রূষনে জোন্সার প্রদীপ

দেশের লোক দুই বেলা পেট পূরিয়া খাইতে পায় না, সরকারী তহবিলে অর্থাভাবে তাহাদের রোগের আবশ্যকমত প্রতীকার-ব্যবস্থা হয় না, সুপেয় পানীয়ের ব্যবস্থা হয় না, কচুরীপানা উচ্ছেদের উচ্চোগ-আয়োজন অঙ্করেই লয়প্রাপ্ত হয়—অথচ এ দেশে ভাগ্য-বিধাতাদের বিলাস-ব্যসনে অর্থ বণ্টন করিতে বলিবার ও সমর্থন করিবার উকীলের অভাব হয় না। এ দেশের ইহাই বিশেষত্ব। কথা উঠিয়াছে, হাওড়ার জীর্ণ সেতু ভাঙ্গিয়া বিরাটকলেবর নূতন ধরণের সেতু প্রস্তুত কর, সহরের বুকের উপর বিমান-রেলপথ নির্মাণ কর, টালীগঞ্জে পার্ক ও খাল কর, বেহালায় বাচ-খেলার আড্ডা কর। ফর্দ খুবই লম্বাচোড়া। এ ফর্দ করিতে বিশেষ ভাবনাচিন্তা নাই, কেন না, গোরীসেন আছে, টাকার ভাবনা কি?

এ দেশের ভাগ্যবিধাতা ক্লাইভ ষ্ট্রীট ও চৌরঙ্গীর কর্তাদের ভোগ-বিলাস চরিতার্থ করিবার মূলে যে একটা গুচ্ছ রহস্য নিহিত আছে, তাহা অস্বীকার করিবার উপায় নাই। বিলাতে বেকার-সমস্যা দিন দিন বাড়িয়া যাইতেছে। ভারতের কামধেনু দোহন করিতে পারিলে সে সমস্যা অবসানের কতকটা সহুপায় হয়। সেখানকার কলকারখানাওয়ালারা যদি ভারতে রেল, পুল ও অন্যান্য যন্ত্রপাতির অর্ডার প্রাপ্ত হয়, তাহা হইলে অনেক বেকারের কাষ জুটে। ইহা যে এই সব ‘সহরের উন্নতির’ কতকটা মূল কারণ, তাহা অসুস্থানে বুঝিয়া লওয়া যায়। খাইবার রেল নির্মাণে আড়াই কোটি টাকা ব্যয় হইয়াছে। টাকাটা অবশ্য ভারতের। এই রেল নির্মাণে ভারতবাসীর কি উপকার

হইয়াছে? সত্য বটে, সীমান্ত জাতিরা রেলের সম্পর্কে জনমজুরী পাইয়াছিল, কিন্তু বক্রী কাষগুলো? সাজ-সরঞ্জাম কোথা হইতে আসিল? এই রেল হইতে ভারতের কি আয় হইবে? সাইলক বলিয়াছিল,—Money breeds টাকা ফল প্রসব করে। এ ক্ষেত্রে খাইবার রেল ভারতের জন্ত কি স্বর্ণডিম্ব প্রসব করিবে?

এই ভাবে পার্ক, খাল, পুল, রেলও পয়দা হইবে। ইহাতে দরিদ্র ভারত-প্রজার কি লাভ হইবে, কর্তৃপক্ষ তাহা বুঝাইয়া দিবেন কি?

শ্রীযুক্ত রাইমোহন রায় চৌধুরী
বালিয়াটীর সুপ্রসিদ্ধ জমীদার শ্রীযুক্ত রাইমোহন রায় চৌধুরী মহাশয় রোগমুক্ত হইয়া আবার স্বদেশ-সেবায় আত্মনিয়োগ করিয়াছেন। দেশে জলাশয়, চিকিৎসালয়,



শ্রীযুক্ত রাইমোহন রায় চৌধুরী

হাট, বিজ্ঞানপ্রতিষ্ঠা প্রভৃতির জন্য ইহাদের ব্যয়বাহ্য চিরপ্রসিদ্ধ। সম্প্রতি বালিগাটতে শ্রীশ্রীরামকৃষ্ণ সেবাপ্রম প্রতিষ্ঠিত হইয়াছে।

ভাইকম সত্যগ্রহে ত্রিবাঙ্কুড়ের রাজমাতা

ত্রিবাঙ্কুড়ের রাজমাতা তাঁহার রাজ্যমধ্যে ভাইকম সত্যগ্রহীদের প্রতি যে সহানুভূতি প্রদর্শন করিয়াছেন, তাহার জন্য তিনি নিশ্চিতই হিন্দু জনসাধারণের শ্রদ্ধা ও কৃতজ্ঞতা অর্জন করিয়াছেন। তাঁহার রাজ্যমধ্যে ভাইকম সহরের দেবমন্দিরের প্রবেশ-পথে জনসাধারণের প্রবেশাধিকার ছিল না। অন্ত্যজ ও অস্পৃশ্য বলিয়া বাহারা অভিহিত, তাহারা 'মহুয়' বলিয়া স্বীকৃত হয় না; ইহাই দাক্ষিণাত্যের সমাজবিধি। ইহারই বিপক্ষে ভাইকমে সত্যগ্রহ আন্দোলন হইয়াছিল।

বর্তমানে ভারতে মুক্তি-সমর চলিতেছে। এ সমর কেবল রাজনীতিক্রমে নহে, ধর্ম ও সমাজনীতিক্রমেও এই সমরে দেশের নবজাগৃত জনমত আকুল আগ্রহভরে সম্প্রদান করিয়াছে।



ত্রিবাঙ্কুড়ের রাজমাতা

ধর্ম ক্ষেত্রে আমরা পঞ্জাবে এবং তারকেশ্বরে এই মুক্তি-সমরের পরিচয় প্রাপ্ত হইয়াছি। পঞ্জাবের শিখ গুরুদ্বার আন্দোলনে যে বিরাট ত্যাগের দৃষ্টান্ত পরিলক্ষিত হইয়াছে, তাহাতে জনসাধারণের অসাধারণ সহন-কমতার ভিত্তির উপর যে মুক্তির শুধু পবিত্র মন্দির অচিরে গঠিত হইয়া



মাত্রাজের গবর্নর লর্ড গসেন ও ত্রিবাঙ্কুড়ের
নাবালক মহারাজা

আকাশে গর্কো-
রত শির উত্তো-
লন করিয়া
দণ্ডায়মান হইবে,
এমন আশা
স্বতঃই মনে উদয়
হয়। তার কে-
থরেও বাঙ্গালার
জনসাধারণের
যে ত্যাগ, যে
সজীব ক্রতা, যে
শৃঙ্খলা ও যে
সহন-কমতার
উজ্জল আদর্শ
পরিদৃষ্ট হইয়াছে,
তাহাতে মনে
হয়, এই আদর্শ

বিফল হইবার নহে, উহার পুণ্যপ্রভাব দেশমধ্যে অশেষ কল্যাণ সাধিত করিবার হেতু হইবে। যুগ-যুগ-সঞ্চিত সংস্কারের বিরাট আবঙ্কনান্তরূপ অপসারিত করিয়া দেশের সনাতন ভাবধারা সহজ, সরল, অনাবিল ও অনায়াসগতিতে ধাবিত হইবে, এই মুক্তি-সমরের প্রাণপ্রতিষ্ঠায় তাহারই আভাস পাওয়া যাইতেছে।

অস্পৃশ্যতা-পাপ আমাদিগকে বিরাট অজগরের মত অষ্টপৃষ্ঠে বন্ধন করিয়া রাখিয়াছে। যুগ যুগ ধরিয়া এই পাপ সমাজ-শরীরে প্রবেশ করিয়া সমাজকে জর্জরিত করিয়াছে। এ পাপ হইতেও মুক্তির চেষ্টা হইতেছে। দাক্ষিণাত্যের রামেশ্বর, মীনাক্ষীসুন্দর, শ্রীরঙ্গ প্রভৃতি মন্দিরের গর্ভগৃহে অন্ত পরে কা কথা, আর্ধ্যাবর্ষের ব্রাহ্মণ-গণেরও প্রবেশাধিকার নাই। দাক্ষিণাত্যের তামিল ব্রাহ্মণ পাণ্ডারা বলিয়া থাকেন যে, বিদ্যাপর্ব্বতের উত্তরস্থ ব্রাহ্মণরাও শূদ্রভাবাপন্ন, যেহেতু, তাঁহারা ভামাকু সেবন করিয়া থাকেন, মৎস্য আহার করিয়া থাকেন। এ বিষয়ে আমাদের বিশেষ অভিজ্ঞতা আছে। আমরা রামেশ্বরে এইরূপে বাধাপ্রাপ্ত হইয়াছিলাম। আমাদের সহিত এক জন বাঙ্গালী ব্রাহ্মণ পণ্ডিত ছিলেন, পাণ্ডারা

ঠাহাকেও গর্ভগৃহে প্রবেশ করিতে দেয় নাই। তর্ক-বিতর্ককালে আমরা শুনিয়াছিলাম, বাঙ্গালার এক সম্ভ্রান্ত ব্রাহ্মণ কুমোদার এই জবরদস্তির কথা শুনিয়া মাদ্রাজ হইতে দেশে ফিরিয়া গিয়াছিলেন, অথচ তিনি বিস্তর খরচ করিয়া রামেশ্বর শিবলিঙ্গের উপরে ঢালিবার জন্ত গঙ্গোত্রী হইতে গঙ্গাজল আনয়ন করিয়াছিলেন! নেপালের মহারাণা চন্দ্রসমসের জন্ত বাহাচুরজীও সপরিবারে রামেশ্বরদেবকে পূজা করিতে গিয়া বাধাপ্রাপ্ত হইয়াছিলেন! তাহার পর তিনি বলপূর্বক পূজার কার্য সমাধা করিয়া ১০ সহস্র মুদ্রা প্রণামী দিয়াছিলেন।

ভদ্র ও উচ্চবংশীয় আর্য্যাবর্ষবাসীর প্রতি এই ব্যবহার। তবেই বুঝিয়া দেখুন, দাক্ষিণাত্যের অন্ত্যজ অস্পৃশ্যদিগের প্রতি কিরূপ ব্যবহার করা হয়! এই হতভাগ্যরা মন্দিরের অভ্যন্তরে ত প্রবেশ করিতে পারেই না, মন্দিরে বাইবার পথেও তাহাদের প্রবেশ নিষেধ। কেবল ভাইকমে কেন, ভারতের অন্ত্র 'অন্ত্যজ অস্পৃশ্য'দিগের প্রতি তথাকথিত উচ্চবর্ণীয়া ষেরূপ ব্যবহার করিয়া থাকেন, তাহা মানুষ পশুর প্রতিও করে না। শুনা যায়, সিন্ধুপ্রদেশে একটি ব্রাহ্মণ বালক গ্রামের কূপের মধ্যে দৈবাৎ পড়িয়া গিয়াছিল। সেখানে কতকগুলি ব্রাহ্মণ-মহিলা উপস্থিত ছিলেন। ঠাহারা বালকের উদ্ধারের উপায় করিতে না পারিয়া কেবল চাঁৎকার ও গা-হতাশ করিতেছিলেন। এমন সময়ে ত্রৈ পথ দিয়া কয়জন দোসাদ বা চামার জাতীয় লোক দিনমজুরী করিতে বাইতেছিল। তাহারা ব্যাপার শুনিয়া দৌড়িয়া বালকের উদ্ধার-সাধন করিতে গেল। কিন্তু ব্রাহ্মণ মহিলারা কূপের পথ আগুলিয়া দাঁড়াইয়া বলিলেন, "ধবরদার, ওদিকে যাস নি, জল ছুঁলে অপবিত্র হবে।"

বুঝিয়া দেখুন, ব্যাপার যদি সত্য হয়, তাহা হইলে অবস্থা কি ভীষণ! আপনাদেরই এক বালকের অপঘাত যত্ন হইতেছে, অথচ তাহার জীবনরক্ষার উপায় থাকিতেও স্পর্শের ভয়ে তাহার প্রাণরক্ষা করিতেও তাহারা অহুমতি প্রদান করিলেন না! ইহা হইতে সংস্কারের প্রভাব কিরূপ ভীষণ, বুঝিতে বিলম্ব হয় না। 'অন্ত্যজ' হিন্দু, মুসলমান বা ধুটান হইলে হিন্দুর নিকট যে

অধিকার প্রাপ্ত হয়, হিন্দু থাকিলে তাহা প্রাপ্ত হয় না। এ জন্ত দলে দলে হিন্দু ধর্ম্মান্তর গ্রহণ করিয়া থাকে। অথচ হিন্দু-সমাজের চৈতন্য হয় না। অস্পৃশ্যতাবর্জন মন্ত্রের প্রবর্তক মহাত্মা গান্ধী বলিয়াছেন, "একত্র পান-ভোজন বা বিবাহের আদানপ্রদান সকল জাতির প্রবর্তন করার সম্পর্ক ইহাতে নাই, মানুষের প্রতি মানুষের মত ব্যবহার করারই প্রয়োজন।" ভাইকমে 'অন্ত্যজরা' মানুষের মত ব্যবহার পায় নাই বলিয়া সত্যগ্রহ আন্দোলন হইয়াছিল। সে আন্দোলনে কেবল যে অস্পৃশ্যরা আত্মনিয়োগ করিয়াছিল, তাহা নহে, স্থানীয় কংগ্রেস কমিটির বহু সম্ভ্রান্ত সদস্যও তাহাতে যোগদান করিয়া কষ্ট-বিপদ সহ করিয়াছিলেন। মহাত্মা গান্ধী এই আন্দোলনে পূর্ণ সহায়ত্ব জ্ঞাপন করিয়াছিলেন। এ মুক্তি-সমরে জনমতের জয় হইয়াছে, জনসাধারণের কষ্টসহন-কমতা সফল হইয়াছে, জনসাধারণ মন্দিরের পথে প্রবেশের অধিকার লাভ করিয়াছে।

এই জয়ে ত্রিবাঙ্কুড়ের রাজমাতারও অংশ আছে। রাজমাতা পরম বুদ্ধিমতী ও বিদূষী। তিনি স্বামীর মৃত্যুর পর হইতে নবীন মহারাজার অভিভাবিকারূপে মৃশ্বলার সহিত রাজ্যশাসন করিতেছেন। ঠাহার দয়া, সৌজন্য এবং জনহিতকর কার্য্য লোকবিশ্রুত। মহাত্মা গান্ধী ঠাহার সহিত সাক্ষাৎ করিয়া অস্পৃশ্যতা-পাপের কথা বুঝাইয়া দিয়াছিলেন। রাজমাতা এই বরণ্য অতিথির যথেষ্ট সমাদর করিয়া ধৈর্য্যসহকারে ঠাহার যুক্তিতর্ক শ্রবণ করিয়াছিলেন এবং একটা আপোষ বন্দোবস্ত করিবেন বলিয়া আশা দিয়াছিলেন। তাহারই ফলে আজ ভাইকমে সত্যগ্রহের জয় হইয়াছে, জনসাধারণ মন্দিরপথে প্রবেশাধিকার লাভ করিয়াছে। এখন আবার মন্দিরপ্রবেশাধিকারলাভের জন্ত আন্দোলনের আয়োজন হইতেছে।

রাজমাতা জনমতের সম্মান রক্ষা করিয়া ঠাহার রাজনীতিকতার পরিচয় প্রদান করিয়াছেন। তিনি দীর্ঘজীবন লাভ করিয়া দাক্ষিণাত্যের অস্পৃশ্যতা-পাপ দূর করিতে আত্মশক্তি নিয়োজিত করুন, ইহাই কামনা।

মহাভিনিষ্ক্রমণ

দিন আসে, দিন যায় ; কিন্তু কি ভাবে আসে এবং কি ভাবে যায় ? যিনি পৃথিবীর অন্ধকার মোচন করিতে জন্মগ্রহণ করিয়াছেন, কি দৃষ্ট, কি অদৃষ্ট, কি দূরবাসী, কি নিকটবাসী, কি ভূত কালের, কি ভবিষ্যৎ কালের যে কোন প্রাণী হউক না কেন, সকলকে সুখী করিতে বন্ধপরিকর হইয়া যিনি ধরাধামে অবতীর্ণ হইয়াছেন, প্রমোদ-শৃঙ্খলে আবদ্ধ হইয়া তিনি কি দিন কাটাইতে পারেন ? সংসারের ক্ষণস্থায়ী সুখভোগে কি তিনি বদ্ধ থাকিতে পারেন ?

অস্তঃপুরের চতুর্দিকে নরপতি শুক্লোদন প্রচুর ভোগবিলাসের ব্যবস্থা করিয়াছেন। সুবেশা নর্তকীগণ হাব-ভাব, তান-লয়সংযোগে মধুর সঙ্গীত গাহিতেছে। হাস্তময়ী, প্রেমময়ী গোপা স্বামীর আনন্দবর্দ্ধনার্থ কি না করিতেছেন ? কিন্তু যিনি সমগ্র জাতির দুঃখ দূর করিবার স্মহৎ ব্রত গ্রহণ করিয়াছেন, রাজাস্তঃপুরের প্রচুর ভোগবিলাসের ও আড়ম্বরের মধ্যেও তাঁহার চিত্তে শাস্তি ছিল না। তাই আদরিণী যশোধরার পার্শ্বে উপবিষ্ট হইয়াও সিদ্ধার্থ বলিতেছেন :—

“বদ্ধ আছি প্রমোদ-ভবনে
বিশাল বিস্তার স্থান তোরণ-বাহিরে।
ভাবি প্রিয়ে, এসেছি কি কাষে,
কি কাষে কাটাই দিন ?
অজ্ঞান-আধারে রয়েছি সংসারে,
কারাবাসে প্রফুল্ল অস্তরে,
বারেক না ভাবি জীবনের লক্ষ্য কিবা ?”

গোপা ভাবিয়া আকুল ! কিসে প্রাণাপেক্ষা প্রিয়তম স্বামীর মনে একরূপ উদাস ভাব জন্মে ? কি প্রকারে তাঁহার এই ব্যাকুলতা দূর হয় ? ভোগ-সুখের প্রতি আকৃষ্ট রাধিবার জন্ম নরপতি কি না করিতেছেন ? পুত্রের জন্মই ত তিনি অহোরাত্র আকুল। কিসে পুত্রের মনে শাস্তি হয় ? তাঁহার উদাসীন চিত্তকে ভোগাসক্তির দিকে আকৃষ্ট রাধিবার জন্ম তাঁহাকে বিবাহপাশে আবদ্ধ

করিয়াছেন। নিত্য নূতন নৃত্য-গীত-আমোদ-প্রমোদের বিশেষ ব্যবস্থা করিতেছেন। তবে ? তবে কি গোপা স্বামীর চিত্তবিনোদনে সন্তুষ্ট নহেন ? স্বামী কি তাঁহারই জন্ম সংসারে অনাসক্ত ? সাধনী স্ত্রীর মনে অশান্তির সীমা নাই। কি কারণে, কি অপরাধে তিনি স্বামীকে আপন করিতে পারিতেছেন না ? তাই গোপা ত্রিয়মাণা।

সুবুদ্ধি সিদ্ধার্থ স্ত্রীর আক্ষেপের কারণ বুঝিতে পারিলেন। না, না, তোমার জন্ম এ উদাসভাব নয় !

“যত দিন দেখি নাই বদন তোমার,
শূন্যময় হেরিতাম সুন্দর সংসার ;
এখন আমি তব, তুমি হে আমার,
ছায়া কোথা আর ?
সকলি আলোকময়।”

যশোধরা স্বামীর ংথায় আশ্রয়িতা হইলেন। মনের আঁধার কাটিয়া গেল। তাই ত ! ইহা কি সম্ভব হয় ? যে স্বামী তাঁহাকে সহস্র সহস্র নারীর মধ্য হইতে স্বেচ্ছায় স্বয়ং দেখিয়া নির্বাচিত করিয়াছেন, যাহার আদরে তিনি গরবিণী, তিনি কি তাঁহাকে না ভালবাসিয়া পারেন ? তথাপি তিনি স্বামীকে নিজ স্বপ্ন-বৃত্তান্ত না বলিয়া থাকিতে পারিলেন না।

গোপা এক অদ্ভুত, আশ্চর্য্য স্বপ্ন দেখিয়াছেন। জগতে এক ভীষণ প্রলয় হইয়াছে। পর্বতসমূহ উৎপাটিত হইয়াছে, সূর্য্য অন্ধকারে আবৃত ; চন্দ্র স্বর্গ হইতে ভূমিতলে পতিত হইয়াছে। তাঁহার নিজ মুকুট ভূমিতলে গড়াগড়ি বাইতেছে ; সুবর্ণের অলঙ্কার, মণি-ময় হার ছিন্নভিন্ন। তাঁহার হস্তপদ কঙ্কিত হইয়াছে। যে শস্যায় উভয়ে সুখে শায়িত ছিলেন, সে শয্যা শোভা-হীন ; স্বামীর রত্নময় অলঙ্কার ইতস্ততঃ প্রক্ষিপ্ত। নগর হইতে ভীষণ জলন্ত অগ্নি ছুটিতেছে। প্রমোদ-কাননের সুবর্ণ-দণ্ডগুলি ছত্রভয়, পুষ্পবাটিকা বজ্রাঘাতে ধ্বংস হইয়াছে। দূরে সমুদ্রের জলরাশি উত্তপ্ত—মেরু টলায়মান।

গোপা স্বপ্নবৃত্তান্ত বলিতে বলিতে কাঁপিতে লাগিলেন। তাঁহার চিত্তে সুখ নাই। অজানিত বিপদের আশঙ্কা করিয়া তিনি একান্ত ভ্রিয়মাণ হইয়া পড়িতেছিলেন। বুঝি ভবিষ্যৎ বক্রগণের বাণী সফল হয়! বুঝি স্বামী তাঁহাকে ত্যাগ করেন! সুবাদিনী ভয়ে কাঁপিতেছিলেন।

সিদ্ধার্থ সাপ্নীকে আশ্বাস দিতে লাগিলেন ;—“সে কি, উহাতে ভয়ের কি আছে? স্বপ্ন অমূলক চিন্তামাত্র। উহাতে আত্মস্থাপনের কিছুই নাই। তাঁহাকে ত্যাগ করিয়া, মায়া-শৃঙ্খল ছিন্ন করিয়া, পুত্রকে ফেলিয়া তিনি কোথায় যাইবেন? অসম্ভব।”

গোপা স্বামীর কথায় আশ্বস্ত হইলেন। সখীগণ মধুর সঙ্গীতে তাঁহার চিত্তবিনোদন করিতে লাগিল। প্রমোদাগারে উভয়েই নিদ্রিত হইয়া পড়িলেন।

গভীর রাত্রিতে স্বামি-স্ত্রী পর্যাঙ্কোপরি নিদ্রিত। জগৎ নিশ্চল। কিন্তু দূর হইতে কে যেন গাহিতেছিল—

“কি কাণে এসেছি কি কাণে গেল,
কে জানে কেমন কি খেলা হ’ল!
প্রবাহের বারি, রহিতে কি পারি,
যাই, যাই কোথা—কুল কি নাই?
কর হে চেতন, কে আছে চেতন,
কত দিনে আর ভাঙ্গিবে স্বপন?
যে আছে চেতন, ঘুমাও না আর,
দারুণ এ ঘোর নিবিড় আঁধার;
কর তমোনাশ, হও হে প্রকাশ,
তোমা বিনে আর নাহিক উপায়
তব পদে তাই শরণ চাই।”

সিদ্ধার্থ নিদ্রিত, কিন্তু এই সঙ্গীত তাঁহার কানের ভিতর দিয়া মরমে পশিল। তিনি জাগ্রত হইলেন। পার্শ্বে গোপা, চতুর্দিকে নর্ভকীগণ। এখন আর তাহাদের সে হাব-ভাব নাই; তাহাদের তম্বু আর আবেশে অবশ নহে। এখন তাহাদের বিকৃত ভাব, তাহারা

সংজ্ঞাহীন, শবের জায় পতিত। গবাক্ দিয়া চন্দ্রকিরণ আসিতেছিল—সে স্নিগ্ধ কিরণমালা ত এখন আর সিদ্ধার্থের ভাল লাগিতেছিল না—উহা এখন বিষমর বোধ হইতেছিল। তাই সিদ্ধার্থ বলিলেন,—

“ধিক্ ধিক্ মানবের সংস্কার!
মরুভূমি-মাবে ভ্রমে মরীচিকা পাছে পাছে!
ভুলি আশার ছলনে,
ঐ সুখ—ঐ সুখ বলি,
ধেয়ে যায় উন্মত্তের প্রায়;
শতবার প্রতারিত, তবু নাহি শিখে,
শত দুঃখে ভ্রাস্তি নাহি ঘুচে।
যেতে চাই—রাখে যেন ধ’রে।”

সিদ্ধার্থ বুঝিলেন, আর বিলম্ব করিবেন না। যতই বিলম্ব করিবেন, ততই মায়া বাড়িবে, নিগড় আরও কঠিন হইবে। যে কার্যের জন্ত ধরাধামে আসিয়াছেন, সে কার্য সমাধান করা কঠিন হইবে, হয় ত আর সময় আসিবে না। তাই তিনি দৃঢ়প্রতিজ্ঞ হইলেন। সংসার-বন্ধন ছিন্ন করিতেই হইবে। পিতার আদর, স্ত্রীর প্রেম, পুত্রের মায়া—সব বৃথা। রাজৈশ্বর্যভোগ, সুখের প্রলোভন আর তাঁহাকে প্রলুব্ধ করিয়া রাখিতে পারিল না। জনক ও মাতৃস্বসার স্নেহপাশে, “আজন্ম অধ্যুষিত প্রাসাদের মুখস্থতি” আর তাঁহাকে বন্ধ করিতে পারিল না। শৃঙ্খলমোচন হইল, অনন্ত জীবের অব্যক্ত আহ্বানে, তিনি সর্বত্যাগী হইলেন; মহাদুঃখে নিপতিত অসহায় প্রাণীর উদ্ধারের জন্ত তিনি ক্ষুদ্র প্রমোদ-আগারের ক্ষণস্থায়ী আনন্দ বর্জন করিয়া, ‘ছন্দকে অর্থ আনয়নার্থ আহ্বান করিলেন। ক্ষুদ্র কপিলাবস্তু আর তাঁহাকে আবদ্ধ রাখিতে পারিল না। জগতের দুঃখ-মোচনের জন্ত, আরক কার্য সমাধা করিবার জন্ত, সঙ্কল্পসিদ্ধির নিমিত্ত তিনি সব বিসর্জন দিয়া নিজ ভূমি পরিবর্জন করিলেন। ক্ষুদ্র রাজধানী, ক্ষুদ্রতর প্রাসাদ পরিত্যাগ করিয়া তিনি এক্ষণে বিশাল, বিরাট পৃথিবীর দুঃখমোচনে অগ্রগামী হইলেন।

শ্রীযোগীন্দ্রনাথ সমাদ্দার (অধ্যাপক, এম, এ)।



বৈদেশিক



রাজমাতা--১৮৮৯ খৃষ্টাব্দের প্রতিকৃতি

রাজমাতা আলেকজান্দ্রা

ইংলণ্ডের রাজমাতা আলেকজান্দ্রা ৮১ বৎসর বয়সে দেহত্যাগ করিয়াছেন। প্রায় ৬০ বৎসর পূর্বে ১৮৬৩ খৃষ্টাব্দের ৭ই মার্চ তারিখে ১৯ বৎসর বয়সে রাজকুমারী আলেকজান্দ্রা বিলাতে পদার্পণ করেন। তিনি ডেনমার্কের রাজা নবম খ্রিস্টিয়ানের কন্যা, তাঁহার সহিত মহারাণী ভিক্টোরিয়ার জ্যেষ্ঠ পুত্র যুবরাজ (প্রিন্স অফ ওয়েল্‌স) এলবার্ট এডওয়ার্ডের বিবাহের কথা স্থির হইয়াছিল। সুতরাং তিনি ইংলণ্ডের রাজবংশের চিরাচরিত প্রধানমুসারে রাজপুত্রের ভাবী বধূরূপে ইংলণ্ডে আসিয়া ছিলেন। ইংলণ্ডে পদার্পণের তিন দিন পরে তাঁহাদের উষাহক্রিয়া সম্পন্ন হয়।



রাজমাতা--১৮৯৫ খৃষ্টাব্দের প্রতিকৃতি

বিবাহের পর হইতেই রাজকুমারী আলেকজান্দ্রা একবারে

উৎসাহ রাজকুলবধূই হইয়া যান। তিনি পরমা সুন্দরী, মিতম্বাণিনী, কোমলপ্রাণ ও নানা সদগুণশালিনী ছিলেন। প্রথমাবধিই তাঁহার প্রতি আকৃষ্ট হইয়াছিল। sweetheart of the nation বলিয়া অভিহিত করিয়াছেন। ইহা সামান্ত সুখ্যাতির কথা নহে।

১৮৪৪ খৃষ্টাব্দের ডিসেম্বর মাসে তাঁহার জন্ম হয়। ফ্রিসিয়ায় জার প্রথম নিকোলাসের কন্যা প্রিন্সেস আলেকজান্দ্রা তাঁহার ধর্মমাতা ও নিকট আত্মীয় ছিলেন, তাঁহার নামেই তাঁহার নামকরণ হইয়াছিল। তাঁহার পুরা নাম প্রকাণ্ড, কারোলাইন মেরি সার্লেট লুইসি জুলি আলেকজান্দ্রা। কিন্তু শেষোক্ত নামটাই ইংলণ্ডের লোকের প্রিয়।

৬০ বৎসরকাল তিনি ইংলণ্ডের জনসাধারণের হৃদয়ের উপর আধিপত্য করিয়া আসিয়াছেন। ডিন গ্লানলি তাঁহার সম্বন্ধে লিখিয়াছেন,—“আলেকজান্দ্রা অতীব সরলপ্রকৃতি এবং লোকের চিত্তহরণকারিণী।” বিখ্যাত ঔপন্যাসিক চার্লস ডিকেন্স তাঁহার সম্বন্ধে

লিখিয়া গিয়াছেন যে, “আলেকজান্দ্রা কেবল ভয়ভীতা লজ্জাশীল বালিকা নহেন, তাঁহার মুখমণ্ডলে এমন একটা গাভীয়া ও উদাযা দেখা যায়, বাহাতে মনে হয় যে, তাঁহার চরিত্রের বেশিটা আছে, একটা নিজস্ব বলিয়া জিনিস আছে।”

তাঁহার সুদীর্ঘ বিবাহিত জীবনের অধিকাংশ কাল তিনি ‘প্রিন্সেস’রূপেই অতিবাহিত করিয়াছিলেন; কিন্তু মহারাণী ভিক্টোরিয়ার শেষ জীবনে তাঁহাকেই রাজপ্রাসাদের ‘গৃহিণী’ কাব্য সম্পন্ন করিতে হইত। অথচ তিনি অপেক্ষাকৃত শান্ত নির্জন জীবনযাপন করিতে ভালবাসিতেন। তাঁহার স্বামী যখন যুবরাজরূপে ভারতে আইসেন, তখন তিনি তাঁহার সঙ্গে ভারতযাত্রা করেন নাই।

মহারাণী ভিক্টোরিয়ার দেহাবসানের পর তিনি ইংলণ্ডেই হইয়াছিলেন, ইংলণ্ডের সম্রাট এডওয়ার্ডের সহধর্মিণীরূপে রাজ্যের সুখ-ওঃখের অংশভাগিনী হইয়াছিলেন। তাঁহার অন্তঃকরণ অতি কোমল ছিল। ব্যাধিত পীড়িত-বিপদের প্রতি তাঁহার সহানুভূতি অকৃত্রিম ছিল। এই জন্য রাজ্যের লোক তাঁহাকে



বিবাহের ২১ বৎসর পরে



১৮৮০ খৃষ্টাব্দে ওয়েলসের যুবরাজপত্নী রূপে

আন্তরিক ভালবাসিত, ভক্তি প্রদর্শন করিত। কুমারী ফ্লোরেন্স নাইটিংগেল সেবার্ধের যে পথ দেখাইয়া গিয়াছিলেন, মহারানী আলেকজান্দ্রা সেই পথ অনুসরণ করিয়াছিলেন। বৃহৎ-যুদ্ধকালে তিনি সেবারতা নারী সমিতির প্রতিষ্ঠা করিয়াছিলেন এবং ১৯০২ খৃষ্টাব্দে তাঁহার ইম্পিরিয়াল মিলিটারী নার্সিং সার্ভিসের প্রাণপ্রতিষ্ঠা হইয়াছিল। তাঁহার স্বামী সপ্তম এডওয়ার্ড যেমন peace maker স্বপ্না শান্তিপ্রতিষ্ঠাতা বলিয়া খ্যাতি লাভ করিয়াছিলেন, তেমনি তিনিও আহত ও পীড়িতের সেবাকারিণী আখ্যা লাভ করিয়াছিলেন।

জীবনে তিনি পুত্রশোক প্রাপ্ত হইয়াছিলেন। তাঁহার জ্যেষ্ঠ পুত্র



রাজমাতা—আধুনিক প্রতিকৃতি

প্রিন্স এলবার্ট ডিউক (যিনি ভারত-ক্রমণে আসিয়াছিলেন) বিবাহের অব্যবহিত পূর্বেই মৃত্যুমুখে পতিত হইলেন, সে শোক তাঁহাকে বড়ই বাধিয়াছিল। স্বামিহারা হইবার পর হইতে তিনি একবারে নির্জন বাস গ্রহণ করিয়াছিলেন।

আজ তাঁহার বিরোধে সমগ্র সভ্য জগৎ বাধা প্রকাশ করিতেছে। যিনি মানুষের মনের উপর এরূপ প্রভাব বিস্তার করিতে পারেন, তিনি যে সৌভাগ্যবতী, ইহাতে সন্দেহ নাই।

স্মৃতি কথা

চিনির ঝোড়কে ঝোড়া নিমের বড়ী অপেক্ষা খাঁটি তাজা নিম অনেক ভাল। ভারতের সম্পর্কে আমাদের ভাঙ্গা-বিধাতাদের মুখে অনেক লম্বাচোড়া গালভরা উদার আশার কথা শুনা যায়। কখনও শুনি, আমরা বৃটিশ সাম্রাজ্যের অঙ্গীকার : কখনও ঘোষণা হয়, আমরা বৃটিশ নাগরিকের অধিকার পাইরাছি ; আবার কখনও

বা বড় গলায় কর্তারা বক্তৃতা করেন যে, তাঁহারা বক্রুৎ ও সহযোগের হাত বাড়াইয়াই আছেন, আমরা কেবল gestureটুকু করিলেই হয়।

এ ভাবের কথা শুনিতে শুনিতে মন তিক্ত হইয়া গি়ে। তবু ইহার মধ্যে যদি ছুই একটা প্রকৃত সত্য কথা শুনা যায়, তাহা হইলেও মনটা খুসী হয়। একবার কলিকাতার পৌরস্বয়ং পরিষদে গয়াটসন সাইদ আমাদিগকে দাঁত দেখাইতে তাঁহার দেশের লোককে উৎসাহিত করিয়াছিলেন। আর একবার 'পাইওনিয়ার' পত্র আমাদিগকে তাঁহার জাতির Tiger qualities দেখাইয়াছিলেন। আর অতিরিক্ত অধিকার চাহিলেই—Thus far and no fartherএর গভীর বাহিরে এক পদ অগ্রসর হইবার অভিপ্রায় প্রকাশ করিলেই, ওপক হইতে তরবারি-কখনা যে কতবার হইয়াছে, তাহার ইরতী, নাই। আমাদের মন্দিরা



শিকার-বেশ আলেকজান্দ্রা

তখন বলিয়াছেন, We have won India by the sword, and we mean to keep it by the sword.

এ সকল দেখিয়া গুনিচাঁও কিন্তু আমাদের দেশের এক শ্রেণীর ভাবকের অটল বিশ্বাস টলে না,—তাঁহারা জানেন, এক পরম কারুণিক বিধাতাপুরুষ দয়াপরবশ হইয়া ইংরাজের হস্তে আমাদের মত নাবালক নালায়েক জাতির অভিভাবকত্বের ভার সমর্পণ করিয়াছেন এবং ইংরাজ নানা কষ্ট, নানা স্বার্থত্যাগ স্বীকার করিয়া আমাদের মঙ্গলের ও স্বার্থের জন্ত এ দেশ শাসন করিতেছেন ; তাঁহাদের অবগতির জন্ত আমরা তাঁহাদিগকে মানবের দেশের স্বরাষ্ট্র-সচিব সার জয়েনসন ডিক্‌সের সে দিনের একটা বক্তৃতা পাঠ করিতে বলি। তারের সংবাদে প্রকাশ, সার জয়েনসন সেই বক্তৃতায় ইংরাজ শ্রোতৃমণ্ডলীকে বলিয়াছেন, "আমরা ভারতের স্বার্থের বা মঙ্গলের জন্ত ভারত শাসন করিতেছি, এ কথাটা একবারে পাহাড়ে বিখ্যা।" শ্রোতৃমণ্ডলী অমনই সম্বরে বলিয়া উঠেন,

shame shame ! . সার জয়েনসন জবাব দেন, "লজ্জার কথাই বল, আর বাহাই বল, আমি যাহা বলিতেছি, তাহা খাঁটি সত্য। আমি ভারতকে সভ্যতালোকে আনয়ন করার কাধে সহানুভূতি প্রকাশ করি, নিজেও এই কাধে অনেক করিয়াছি। কিন্তু তাহা বলিয়া আমি এত ভয় নহি-যে, বলিব, আমরা ভারতীয়দের স্বার্থের জন্ত ভারত শাসন করিতেছি। ভারতে সর্বাপেক্ষা অধিক বৃটিশ পণ্য—বিশেষতঃ লাক্ষ্যশারীরের পণ্য কাটরা থাকে। এই জন্তই আমরা ভারত শাসন করিতেছি।" কেমন ? এ কি সহযোগ "শ্রমবহীতে বইছে তুফান" না ?

জড়বাদের বিপক্ষে বিদ্রোহ

জড়বাদী প্রতীচা জড়জগতের প্রাকৃতিক শক্তিকে শৃঙ্খলিত করিয়া আপনার ধনাগম ও সুখ-স্বচ্ছন্দ্যের সুবিধা করিয়া লইতেছে বটে, কিন্তু প্রতীচোর সকলেই যে আধ্যাত্মিক উন্নতিমার্গে বিচরণ করিতে আগ্রহান্বিত মনে, এমন কথা বলা যায় না। প্রতীচোর বহু মনীষী তাঁহাদের দেশে জড়ের পূজার আবল্য দেখিয়া তাহার বিপক্ষে বিদ্রোহী হইয়াছেন। মনীষী রোমে রোঁলা তাহার প্রকৃষ্ট দৃষ্টান্ত। জড়বাদের লীলাভূমি নবীন মার্কিনের বহু ভাবুক জড়বাদের অপকারিতা বুঝিয়াছেন, তাঁহারা প্রতীচোর আধ্যাত্মিক অবনতিতে চিন্তাহিত হইয়াছেন। স্বামী বিবেকানন্দ এক দিন ভারতের আধ্যাত্মিকতার বাণী লইয়া প্রতীচাকে অনুপ্রাণিত করিয়াছিলেন, সে দেশের সর্বত্র তাঁহার বহু শিষ্য-সামন্ত হইয়াছিল। আমরা তাঁহার বহু মার্কিন-শিষ্য ও শিষ্যা দেখিয়াছিলাম; তন্মধ্যে মিঃ টি. জে. হারিসন ও মিসেস্ হারিসনের নাম উল্লেখযোগ্য।

এ দেশের আংলো-ইণ্ডিয়ান সম্প্রদায় মহাত্মা গান্ধীর আধ্যাত্মিকতা ও মনোবলের গভীর তত্ত্ব বুঝিতে পারেন না, ইহার জগৎ তাঁহাকে তাঁহারা নানারূপ বিজ্ঞপ-বাক্য করিতেও পরাশ্রুত নহেন। কিন্তু তাঁহাদের স্বদেশের কুমারী ম্যাডেলিন গ্লেড দেশে থাকিয়াও মহাত্মার বাণী সমাক্ জদয়ঙ্গম করিতে সমর্থ হইয়াছেন। তিনি কিছুদিন পূর্বে মহাত্মার সবারমতী আশ্রমে উপস্থিত হইয়া আশ্রম-বাসিনী হইয়াছেন। তিনি বিদ্বা, চিত্রাঙ্কন ও সঙ্গীত-বিদ্যাতেও বিশেষ পারদর্শিনী। তিনি প্রতীচোর জড়বাদের মধ্যে লালিত-পালিত হইয়াও এক্ষণে আশ্রমে থাকিয়া আশ্রমবাসিনীদের কঠোর ব্রহ্মচর্যা ও সেবাধর্ম সর্বতোভাবে পালন করিতেছেন। তিনি পক্ষর পরিধান করেন, স্বহস্তে সূতা কাটেন, এমন কি, মেথরের কাষ পধাস্ত প্রকল্পচিত্তে করিয়া থাকেন।

আচার্য্য। প্রফুল্লচন্দ্র রায় সবারমতী আশ্রমে তাঁহার সহিত

কথোপকথন করিয়াছিলেন। কুমারী গ্লেড তাঁহার প্রশ্নের উত্তরে বলেন, “বহু দিন বাবৎ আমি মহাত্মা গান্ধীর বাণীতে অনুপ্রাণিত হইয়াছি। গত কয় বৎসর বাবৎ আমি বিলাতেও কঠোর সংযমের মধ্যে থাকিয়া জীবন যাপন করিয়াছি। প্রতীচ্যে যে জড়বাদমূলক সত্যতা দিন দিন পুষ্টিলাভ করিতেছে, আমি তাহার ঘোর বিরোধী। আমার বিশ্বাস, এই জড়বাদের পথে অধিক দিন অগ্রসর হইলে প্রতীচা উৎসন্ন পথে যাইবে। এই সত্যতার ফলে এক দিকে যেমন বহু ক্রোরপতির উদ্ভব হইতেছে, তেমনিই অপর দিকে দরিদ্র কুণ্ডিত আশ্রয়হীন লক্ষ লক্ষ লোক নিতা অসন্তোষ ও অভাবের মধ্যে বাস করিতেছে। তাহাদের জীবনে অধ্যাত্মবাদের স্থান নাই। তাহারা অর্থার্জননের পিপাসায় সর্বত্র ছুটাছুটি করিতেছে। ঐ সমস্ত দেখিয়া আমার মনে ভাবান্তর উপস্থিত হয় এবং তাহার পর অনেক চিন্তা করিবার পর মনে শান্তিলাভ করিবার জন্ত আমি মহাত্মার আশ্রমে চলিয়া আসিয়াছি। এখানে আসিয়া আমার উদ্বেগ সার্বক হইয়াছে। এই আশ্রমে অশান্তি ও অসন্তোষের লেশমাত্র নাই। আমার মনে হয়, ভারতকে পুনর্জীবিত করিতে হইলে, ভারতের প্রকৃত উন্নতিসাধন করিতে হইলে এ দেশে আবার কুটীর-শিল্পের প্রতিষ্ঠা ও উন্নতিসাধন করিতে হইবে। কলকারখানার যুগ ক্রমেই চলিয়া যাইবে। সেই জন্ত এখানে আমি চরকা দ্বারা সূতাকাটা ও তাঁতে বস্ত্রবয়ন দেখিয়া প্রীতি লাভ করিয়াছি। ভারতের সর্বত্র চরকা ও তাঁত চালাইতে পারিলে, ভারত স্বাবলম্বী হইবে। সমগ্র জগৎ জড়বাদের মোহে পড়িয়া বিপন্ন হইয়াছে। জগতের চিন্তাশীল ব্যক্তিমাত্রই জগৎকে এই আসন্ন বিপদ হইতে রক্ষা করুন, ইহাই তাঁহাদের প্রধান কর্তব্য।”

প্রতীচোর ভোগবিলাসের মধ্যে লালিতা-পালিতা এই কুমারীর একরূপ পরিবর্তন শুভ লক্ষণ সন্দেহ নাই। মহাত্মা গান্ধীর বাণী যে জগতে এমন পরিবর্তন আনয়ন করিতে সমর্থ হইয়াছে, ইহা জগতের বিশেষ সৌভাগ্য বলিতে হইবে। কালে মহাত্মার প্রদর্শিত ভারতের সনাতন ভাবধারা জগৎকে জড়বাদের মোহ হইতে পরিজ্ঞান করিতে পারিবে, ইহা হইতে এমন আশা কি করা যায় না?



স্রম-সংশোধন—“নির্কাসিতের দীপ” প্রবন্ধে ১৬৫ ও ১৬৬ পৃষ্ঠায় মুদ্রিত চিত্রের নাম তইটি উল্টা হইয়া গিয়াছে। ১৬৫ পৃষ্ঠায় চিত্রের নাম “কুষ্ঠাশ্রমের শুশ্রূষাকারিণীগণ” এবং ১৬৬ পৃষ্ঠায় চিত্রের নাম “কুষ্ঠাশ্রমের তোরণ” হইবে।

শ্রীসতীশচন্দ্র মুখোপাধ্যায় ও শ্রীসত্যেন্দ্রকুমার বসু সম্পাদিত
কলিকাতা, ১৩৬ নং বহুবাজার স্ট্রিট. “বঙ্গমতী রোটারী মেসিনে” শ্রীপূর্ণচন্দ্র মুখোপাধ্যায় দ্বারা মুদ্রিত ও প্রকাশিত।



স্মৃতি প্রেস]

• ভাব্য

[শিল্পী—ত্ৰীহেমেন্দ্ৰনাথ মজুমদার ।



৪র্থ বর্ষ]

পৌষ, ১৩৩২

[৩য় সংখ্যা]

মহাভারত ও ইতিহাস

১.

মহাভারত নামের উৎপত্তি সম্বন্ধে কবি গ্রন্থমধ্যে নানা স্থানে
উল্লেখ দিয়াছেন : 'শান্তনু রাজার দেদীপ্যমান ইতিহাস
মহাভারত বলিয়া বিখ্যাত হইয়াছে ।'

“মহাভাগ্যে নৃপতেভীরুস্তা মহাশ্বনঃ ।

নস্মেতিহাসে ত্যক্তিমান্ মহাভারতমুচ্যতে ॥”

—১১-১২, আদিপর্ব ।

কবি আর এক স্থানে বলিতেছেন, 'ভরতবংশীয়গণের
সুমহৎ জন্মবৃত্তান্ত ইহাতে বর্ণিত আছে । এই নিমিত্ত
ইহাকে ভাবত বলা যায় এবং মহৎ ও ভারত-তৎ হেতু ইহা
মহাভারত নামে কীর্তিত হইয়া থাকে ।'

আর এক স্থানে লিখিত আছে, 'ভারতকুলের মহৎ
জন্মবৃত্তান্ত ইহাতে কীর্তিত আছে ; এই নিমিত্ত ইহার নাম
মহাভারত ।'

এই যে তিন প্রকার মহাভারত নামের উৎপত্তি দেওয়া
হইল, ইহা গল্প মহাভারত নামের উৎপত্তি । এতদ্ভিন্ন মহা-
ভারত কথা নিগূঢ় অর্থ আছে ।

ভরত, ভারত, ভারতী এই তিনটি কথা আছে, প্রথমে
ভারত ও ভারতী এই দুইটি কথা দেখা যাইবে । ভারত

কথার অর্থ ভরতবংশজাত । কোরব ও পাণ্ডবগণকে
ভারত বলিত, যেমন ভারতান্ = পাণ্ডবান্ ।

— ১০-১৬৩, উদ্যোগপর্ব ।

ভারতম্ = ভীমঃ—১৯-১১ অঃ, ভীষ্মপর্ব ।

ভারতমহামাত্রম্ = ভরতবংশশ্রেষ্ঠং জ্ঞঃশাসনম্ ।

—১৮-১১৭ অঃ, ভীষ্মপর্ব ।

ভারতী কথা অগ বচনং, সরস্বতী ; যেমন 'স্বরব্যাঞ্জন-
সংস্কারা ভারতী শব্দলক্ষণা ।' - ২৩-৪৩, কাপর্ব ।

কবি লিখিতেছেন—

“ঈরয়ন্তঃ ভারতীং ভারতানামভাচনীয়াম্ ।”

— ২-৭১, উদ্যোগপর্ব ।

টীকাকার অর্থ করিতেছেন, ভারতানাং পাণ্ডবানাং
ভারতীং বাচম্ ঈরয়ন্তম্ ।

“পাণ্ডবদিগের কথা যাহারা আমাদের সভায় বলিতেছে ।”

তাহা হইলে ভারত ও ভারতী কথা মধ্য যে
প্রভেদ আছে, তাহা সহজে দেখা যায় । তথাপি এ স্থলে
দুইটি কথা লাইয়া একটু রহস্য আছে বলিয়া মনে হয় ।
সংস্কৃত ভাষায় একই অর্থে অকার স্থানে দীর্ঘ ঈকারের

প্রয়োগ অনেক স্থলে দেখিতে পাওয়া যায়; তাহাতে তাৎপর্যের কোন প্রভেদ হয় না,—যেমন নদ, নদী। পুংলিঙ্গ অকারান্ত পুত্র শব্দের পরে বসিয়াছে বলিয়া ব্রহ্মপুত্র নদ হইল; আর আকারান্ত স্ত্রীলিঙ্গ গঙ্গা শব্দ পরে বসিয়াছে বলিয়া গঙ্গা নদী হইল। এইরূপ নগর, নগরী, দধীচ, দধীচি; পুর, পুরি, পুরী ইত্যাদি। তাহা হইলে ভারত ও ভারতী এই দুইটি কথা যে এক, তাহা বলা যায় না।

উপরে লিখিত হইয়াছে, ভারতের বংশজাতদিগের সাধারণ নাম ছিল ভারত। কিন্তু কবি ভারত কথাও ভারত অর্থে ব্যবহার করিয়াছেন, যেমন—

“ভরতাঃ = ভারতবংশা ভীষ্মাদয়ঃ।”

—১৬-৭২, উদ্যোগপর্ব।

যদি ভারত ও ভারতী একই কথা হয়, (যেমন নদ ও নদী) এবং ভারত ও ভারত যদি এক কথা হয়, তাহা হইলে এই তিনটি কথা প্রয়োজন অনুসারে একই অর্থে ব্যবহার হইতে না পারে, তাহা বলা যায় না।

ভারত কথা সম্বন্ধে আরও কিছু বলা যাইতে পারে! “তদভিমানী অথবা তদভিমানিনী দেবতা” এই বচনটির ব্যাখ্যা করা সহজ নহে। পূর্বে ইহার উদাহরণ দেওয়া হইয়াছে—ব্রহ্মা ও বেদ: ব্রহ্মা হইলেন বেদাভিমানী দেবতা; কবি অল্প স্থলে ব্রহ্মবিৎ অর্থে ব্রহ্মা কথা ব্যবহার করিয়াছেন।

—৭২-২৮৭, শান্তিপর্ব।

সেইরূপ ঋষি অর্থে মনু ও মনুদ্রষ্টা; সেইরূপ কবি ও কাব্যকাব্যানি শুক্র, প্রাজ্ঞানি নীতিশাস্ত্রাণি।

—৩৭-১২৪, শান্তিপর্ব।

যোগ ও যোগী এক কথা ১১-২০০ অঃ, শান্তিপর্ব।

বেদব্যাস অর্থে বেদের বিভাগ এবং বেদের বিভাগ অভিমানী দেবতা। বাক্ অর্থে বাক্য এবং বাক্ অর্থে জিহ্বা।

—১-৩৬, অনুশাসনপর্ব।

ভারত শব্দের নানা অর্থ আছে; তন্মধ্যে অলঙ্কার-আদি শাস্ত্রের সূত্রকর্তার নাম ভারত। ঐরূপ ভারত শব্দের এক অর্থ গ্রন্থভেদঃ। তাহা হইলে দেখা যাইতেছে, ভারত, ভারত ও ভারতী এই তিন কথার ভিতর একই অর্থের ইঙ্গিত আছে, কবি প্রয়োজন অনুসারে ভিন্ন ভিন্ন স্থলে ভিন্ন ভিন্ন অর্থ গ্রহণ করিয়াছেন। পরে এ সম্বন্ধে আলোচনা হইবে।

ভারত ও ভারতী এই দুই যদি এক কথা হয়, তাহা

হইলে মহাভারতের অর্থ হয় মহা কথা। মহা শব্দ মহৎ শব্দের রূপান্তর। এই মহৎ শব্দের অসংখ্য অর্থ হইতে পারে। দার্শনিকরা এই শব্দের নানা প্রকার ব্যাখ্যা করিয়া থাকেন। ‘যেমন ‘মহতঃ অহঙ্কার।’ ‘অব্যক্তং মহান্ অহঙ্কারঃ পঞ্চতন্মাত্রাণি একাদশেন্দ্রিয়াণি পঞ্চ মহাত্মানি পঞ্চবিংশো ভোক্তেতি।’ —৪১-১৭, অনুশাসনপর্ব।

অনেক প্রকার অর্থ থাকিলেও মহৎ শব্দের তলে একটি মৌলিক অর্থ আছে—পরমাত্মা; মহতে = কৃষ্ণায়।

—৬৭-২০, উদ্যোগপর্ব।

পরমাত্মা অর্থ হইতে মোক্ষ অর্থ দূর নয়। যেমন মহতে = মোক্ষায়; ‘মহতী বিমোক্ষাখ্যাসিদ্ধি।’ তাহা হইলে মহাভারত কথার অর্থ হইল মহা কথা, পৃথ্বী কথা, কৃষ্ণের কথা, মোক্ষের কথা। পূর্বে দেখিয়াছি, রামায়ণ কথার অর্থও মোক্ষ কথা।

ভারত কথার সম্বন্ধে আরও একটু রহস্য থাকিলেও থাকিতে পারে। প্রথমে বলা হইয়াছে, পুরাণ প্রভৃতি গ্রন্থে ঘটনাগুলি প্রায় কোন নৈসর্গিক পদার্থ আশ্রয় করিয়া বর্ণিত হইয়াছে। তা কথার অর্থ জ্যোতি এবং ভ চক্র, এ উভয়েই মনে আসে। আর দিবসের মাতার নাম রতা; প্রজাপতির গুরসে রতার গর্ভে দিবসের জন্ম হয়, তাহা হইলে ভারত কথার সহিত জ্যোতি ও আলোক ইহাদের ঘনিষ্ঠ সম্বন্ধ। কুরুপাণ্ডবদিগের বংশবিনয়ণ দ্বিবিবার সময় পুনরায় এ প্রশ্ন আলোচিত হইবে।

হিন্দুধর্মে অলৌকিকের স্থান নাই, তাহা বুদ্ধির অগম্য, সে সম্বন্ধে কোন আলোচনা নাই, বুদ্ধির অতীত এই কথা মাত্র বলা আছে, সেই কারণে (মিরাকল্ অথবা সুপার-নেচারল্) অস্বাভাবিক কোন ঘটনা হিন্দুরা কখন বিশ্বাস করে না; কখন তাহাদের আশ্রয় গ্রহণ করে না। আমরা পুরাণ বৃত্তিতে পারি না বলিয়া তাহাদিগকে “গাঁজাখোরি” বলি; পুরাণলেখকদিগকে (মহাভারতও পুরাণমধ্যে গণ্য) অনেক প্রকার শিক্ষা প্রদান করিতে হইত; সে শিক্ষা বা শস্ত্র খোল-ছোবড়ার মধ্যে লুক্কায়িত রাখিতে হইত। এইরূপ করিবার কারণ পরে বৃত্তিতে চেষ্টা করিব। একে নানা প্রকার রহস্য, তাহার উপর নানা প্রকার আবরণ; দুই হাজার বৎসরের বিশাল ও দুর্ভেদ্য জটী উন্মোচন করিয়া এক একগাছি চুল মূল হইতে ডগা পর্য্যন্ত কুলাইয়া বাছিয়া

শুভাইয়া সাজাইয়া রাখা এক প্রকার অসম্ভব। অথচ পুরাণ-লেখকগণ জটা ছাড়াইবার কৌশল অর্থাৎ রহস্য উদ্ঘাটনের উপায় সম্বন্ধে যথেষ্ট ইঙ্গিত দিয়া গিয়াছেন।

নানা প্রকার পুরাণলেখক গ্রন্থের রহস্য রক্ষা করিয়াছেন। ব্যাকরণের সাহায্য ও কথার খেলা এই দুইটি হইল প্রধান অবলম্বন। বেদের নিরুক্ত আছে, পুরাণে বৈদিক নিরুক্তের সদৃশ নিরুক্ত না থাকিলেও পৌরাণিক ভাষার মন্ব উদ্ঘাটন করিতে বিশেষ নির্বাচন ও বাক্যার্থের বিশেষ প্রয়োগ পদে পদে দেখিতে পাওয়া যায়, মহাভারত-কার লিখিয়াছেন ;—

“নিরুক্তমশ্রু যো বেদ সর্বপাঠৈঃ প্রমুচ্যতে।

ভরতানাং বতশ্চায়মিতিহাসো মহাভূতঃ ॥”

— ১০-৬০, আদিপর্ব।

ভরতকুলের মহৎ জন্মবৃত্তান্ত ইহাতে বর্ণিত আছে, এই নিমিত্ত ইহার নাম মহাভারত। যিনি মহাভারত শব্দের এই ব্যুৎপত্তিলভ্য অর্থ অবগত আছেন, তাঁহার সমুদয় পাপ ধ্বংস হয়; যে হেতু, ইহাতে ভরতকুলের মহাভূত ইতিহাস বর্ণিত আছে, তন্নিমিত্ত ইহা কীর্তন করিলে মানবগণের মহা-পাতক নিমোচন হয়। এই অনুবাদ মে ভুল, তাহা বলা যার না, তবে ইহা অসম্পূর্ণ, সে বিষয়ে সন্দেহ নাই। সাধারণ পাঠ্য প্রবন্ধ ব্যাকরণ অথবা নিরুক্তের বিস্তারিত আলোচনার স্থান নয়, তথাপি কিছু না বলিলে পৌরাণিক রহস্যের মন্ব বুঝা কঠিন হইবে। উপরে বলিয়াছি, ব্যাকরণ ও কথার খেলার সাহায্যে পৌরাণিক রহস্য প্রধানতঃ রক্ষিত হইয়াছে। যাহা প্রকটন করে, তাহাকে ব্যাকরণ বলে। ব্যাকরণ বেদান্তের অন্তর্গত। ব্যাকরণের নামান্তর শিষ্ট-প্রয়োগ। শিষ্ট, ভদ্র অথবা আযাগণ যে ভাবে কথা রচনা করেন, তাহারই নাম শিষ্টপ্রয়োগ। কিন্তু শিষ্ট কথার অপর অর্থও আছে।

“ততঃ প্রমুতা বিদ্বাংসঃ শিষ্টা ব্রহ্মধিসত্তনাঃ।”

— ৩৫-১, আদিপর্ব।

সর্বগুণসম্পন্ন বিদ্বান্ ও শিষ্ট ব্রহ্মধিগণ জন্মগ্রহণ করিলেন। এ স্থলে শিষ্ট অর্থে কেবল ভদ্র বলিয়া মনে হয় না। স্থানান্তরে লিখিত আছে—

“যো স্থান্তে ব্রহ্মণঃ শিষ্টঃ স আশ্রয়তিরুচ্যতে।”

— ২৯-২৫০, শান্তিপর্ব।

যে শিষ্ট ব্রহ্মণ ইঞ্জিয় সকলকে প্রমাদ হইতে সম্যক্রূপে রক্ষা করত ধ্যানাবলম্বন পূর্বক অবস্থান করেন, তাঁহাকেই আশ্রয়তি বলা যায়।

এ স্থলে শিষ্ট কথার সহিত তত্ত্বজ্ঞান ও অবিচার বিপরীত বিদ্যা এই ভাবের সম্বন্ধ দেখিতে পাওয়া যায়।

বিশ্বামিত্র বলিতেছেন,—

“শিষ্টা বৈ কারণং ধম্মে তদ্বৃত্তং অনুবর্তয়ে।”

— ৩-১৪১, শান্তিপর্ব।

কবি স্থানান্তরে লিখিতেছেন,—

“লোকাচারেষু সম্ভূতা বেদোক্তাঃ শিষ্টসম্মতা।”

— ৩১-১, বনপর্ব।

অনুবাদক ইহার অর্থ দিতেছেন যে, সকল সদৃশ বেদোক্ত লোকাচারপ্রচলিত শিষ্টসম্মত, কিন্তু টীকাকার শিষ্ট কথার অন্য অর্থ দিতেছেন। শিষ্টানাং = “বেদপ্রামাণ্যবাদিনাম্।”

এই অর্থটি বিশেষ ভাবিব্যার সামগ্রী।

মহাভারতের সময় দেশে যোর বিপ্লব চলিতেছিল। এক দলে হইল বেদপ্রামাণ্যবাদী, অপর দলে বেদ-বিরোধী অসংখ্য সম্প্রদায় ছিল;—যাহারা বেদকে প্রামাণ্য বলিয়া স্বীকার করিতেন না। বেদপ্রামাণ্যবাদীরা হইলেন শিষ্ট, তাহারা যে ভাবে কথা রচনা করিতেন এবং ব্যাখ্যা করিতেন, তাহার নাম শিষ্টপ্রয়োগ।

স্থানান্তরে— ৪৪-১০৩, শান্তিপর্ব।

টীকাকার সুশিক্ষিতঃ কথার অর্থ দিতেছেন, ভাষ্য-কথাবিশারদৈঃ। আমরা মহাভারতে অসংখ্য স্থানে ব্যাকরণের নিয়মের ব্যতিক্রম দেখিতে পাই। যে স্থলে কোন কথা ব্যাকরণসূত্র দ্বারা গঠিত না হয়, সে কথাগুলি সম্বন্ধে নিপাতনে সিদ্ধ, এই কথা বলা হয়।

“পৃষোদরাতিহাং সাধুঃ।” এইরূপ নানা উপায় আছে। পূর্বে দেখিয়াছি, সীতা কথা এইভাবে সাধিত হইয়াছে। তাহার পর আর্ষপ্রয়োগ। মন্ত্রদেবতা বেদপ্রামাণ্যবাদী ঋষিগণ আলোচিত বিষয়ের গৌরব বশতঃ বাক্য অথবা ভাষা প্রয়োজন অনুসারে গঠিত করিয়াছেন।

ঋষিপ্রণীতং ইতি আর্ষম্।

মহাভারতে অন্ততঃ সহস্র স্থানে আর্ষপ্রয়োগের উদাহরণ আছে। সাধারণ ব্যাকরণের প্রায় প্রত্যেক সূত্রের

ব্যতিক্রম আর্ষপ্রয়োগে দেখিতে পাওয়া যায়। আর এক প্রকারে মহাভারতলেখক ব্যাকরণের সাহায্য গ্রহণ করিয়াছেন, তাহার নাম স্বার্থে প্রয়োগ। স্বার্থে ক, যেমন বাল = বালক। জন = জনক। অর্ভ = অর্ভক। স্বার্থে গিচ, যেমন গমিষ্যতি, গমিষ্যতি। রমস্তি, রময়স্তি। স্বার্থে তদ্ধিত; যেমন—শব + ইব = শাব, রব + ইব = রাব, লোহ + ইব = লৌহ; চোর = ইব = চৌর; চণ্ডাল + ইব = চাণ্ডাল; অবসথ + ইব = আবসথ; তৈজস + ইব = তৈজস; বিশম্পায়ন + ইব = বৈশম্পায়ন; দ্বীপায়ন + ইব = দ্বৈপায়ন; ইত্যাদি ইত্যাদি।

ব্যাকরণের সাধারণ নিয়মের ব্যতিক্রমের উদাহরণ যথেষ্ট আছে;—যেমন—সম + অঙ্গ = সমঙ্গ; অষ্ট + বক্র = অষ্টাবক্র; তাহার পর রলয়োঃ সাবর্ণাৎ দভীভয়ে আদলভ্যং উদারক—উদালক; চরাচর, চলাচল; এতদ্ব্যতীত বর্ণান্তর প্রয়োগ আছে। যেমন,—জটা ও সটা; দম্পতি, জম্পতি; কিল্মিষ, কিল্মিস; প্রলাপ, প্রলাব; গোতম, গোদম; সনাদন, সনাতন। কোথাও বা অক্ষর-বিশেষের আদেশ হয়, যেমন;—রক্ষণার্থে অব ধাতু স্থানে র আদেশ হইয়া রবি কথা গঠিত হইয়াছে, কোন কোন স্থলে কবি বৈদিক ব্যাকরণের আশ্রয় গ্রহণ করিয়াছেন, ইহাকে ছান্দস প্রয়োগ বলে। কোন স্থলে কবি একরূপ কথার গঠন করিয়াছেন, যাহা বহুবচন নিমিত্ত কোন ব্যাকরণের সূত্র দেখিতে পাওয়া যায় না; যেমন,—কলে যাহার তুল্য সুন্দর নাই, তাহার নাম নকুল। যিনি স্পর্শ করিলে রোগ মুক্ত হয় এবং পুনঃ যৌবন হয়, তাহার নাম শাস্ত্রু।

“বৎ বৎ করাভ্যং স্পর্শতি জীর্ণং স সুখমশ্নুতে।

পুনর্যুবা চ ভবতি তস্মাৎ তং শাস্ত্রুং বিদুঃ ॥”

—১৩-১৫, আদিপর্ব।

এইরূপে নানা প্রকারে পুরাণ-প্রাণতুগণ নিজেদের প্রয়োজন অনুসারে কথার গঠন করিয়াছেন, অথবা কথা-গুলির অর্থ দিয়াছেন। এক ধাতু হইতে ভিন্ন ভিন্ন অর্থ-প্রকাশক অনেক কথা গঠিত হইতে পারে, এ কথা সকলেই জানে। যেমন,—আহার, প্রহার ইত্যাদি এবং এক কথার নানা অর্থ হয়, যেমন,—আত্মা, গো ইত্যাদি। এই সকল কথার কোন স্থানে কি অর্থে প্রয়োগ হইয়াছে, অনেক

সময় নির্ণয় করা কঠিন। তাহার পর পর্যায়বাচক শব্দ আছে, নানা অর্থবাচক শব্দ আছে—একাক্ষর কোষ আছে। মহাভারত প্রভৃতি পুরাণলেখকগণ রহস্যরক্ষার নিমিত্ত অসংখ্য স্থানে এই সকল উপায়ের আশ্রয় গ্রহণ করিয়াছেন।

মহাভারতমধ্যে অস্তুরঃ সহস্র কথা রহস্যপূর্ণ। ছ'চারিটি মাত্র উদাহরণ দিলাম। কুশীলব কথার অর্থ নট, আর এক অর্থ ফাল-লেখা, কথাটির আর এক প্রকার অর্থ আছে,—কুশীলং বাহি গচ্ছতি বঃ অর্থাৎ ছুরাচার। উক্ত কথার অর্থে উত্তরদিক হইতে পারে এবং উৎকৃষ্ট হইতে পারে। আত্মা অর্থে নিরুপাধিস্বরূপং প্রত্যক্ষম্। ৭৮-২০০, দ্রোণপর্ব।

আত্মা কথার অর্থ শরীর, মন ও স্বয়ং = আত্মানং শরীরং। — ৭৯-২০০, দ্রোণপর্ব।

বিরাগবসনা কথাটি প্রথমে মনে হয়, বৈরাগ্য যাহার বসন, কিন্তু কথাটির প্রকৃত অর্থ নানা পৃথগ্বিপরায়ণি বসনানি যেমাং তে বিরাগবসনঃ। — ১৬-২০। ১২, কর্ণপর্ব।

প্রণয়াং কথার অর্থ স্নেহ বশতঃ কথাটির অর্থ অর্থ প্রকৃষ্টাং ত্যয়াং যুক্তিযুক্ত ইত্যং। — ১০-১২, কর্ণপর্ব।

বিহঙ্গ কথা হইতে যথেষ্ট কোতুক পাওয়া যায়; বিহঙ্গ হইল পক্ষী, পক্ষী হইল দ্বিজ; দ্বিজ হইলেন ব্রাহ্মণ; আবার বিহঙ্গ অর্থ বাণ; নদ ও নদী যদি এক কথা হয়, তাহা হইলে বাণ ও বাণি এ উভয়ের মধ্যে কোন প্রভেদ থাকিবে না। বিধর্মী কথার সাধারণ অর্থ বিপরীত অথবা বিগঠিত বস্মানুসবণকানী; কিন্তু উহার অর্থ অর্থ আছে; কথাটি ভগবানের বিশেষণ যিনি দম্ব বা গুণের অতীত। প্রতিশ্রুত কথাটির এক অর্থ অঙ্গীকৃত; উহার আর এক অর্থ প্রতিশ্রুত। কুলপ অর্থ মন্দ রাজ্য, অপদ অর্থ কুৎসিতাঙ্গরান্ পাতীতি নীচপরিজন ইত্যং।

১০১, শল্যপর্ব।

ক্রমঃ নেত্র বলিলে ক্রমঃবর্ণ নেত্র বলায় না, উহার অর্থ,—ক্রমঃ যাহার নেত্র।

ক্রমঃ নেত্রং নেত্রা বস্ম স তথা। — ১৫-৫, শল্যপর্ব।

অসার কথা বলিলে অপদার্থ হয় বলায়, কিন্তু অসার কথার আর এক অর্থ আছে, এ কথাটিও ভগবানের গুণবাচক।

নার্স্তি সারো বস্মাদন্তঃ কেবলানন্দঃ।

— ১৯০-১৪, অশ্বশাসনপর্ব।

প্রাক্ত কথার অর্থ বিচক্ষণ, কিন্তু ইহার অন্য অর্থ প্রকৃষ্টেন অজ্ঞঃ অর্থাৎ বিশেষরূপে অজ্ঞ। কথার খেলাতে কৌতুক আছে, সন্দেহ নাই। পরে দেখিব, ইহার যথার্থ মর্ম না বঝিবা আমাদের যথেষ্ট অনিষ্টও ঘটয়াছে। যাহারা বিষ্ণু, শিব প্রভৃতির স্তব পড়িয়াছেন, তাঁহারা জানেন যে, স্তবগুলি প্রায়ই কতকগুলি গুণবাচক শব্দ গ্রথিত করিয়া রচিত হইয়াছে। কোন কোন স্তবে এইরূপ সহস্রাধিক কথা সন্নিবিষ্ট আছে। কথগুলি ভগবানের নাম। যাহারা সেই শব্দগুলির নিগূঢ় অর্থ বঝিতে চেষ্টা করেন, তাঁহারা দেখিতে পান যে, প্রতি কথাটি দর্শনমূলক। কল্পনার সাহায্যে দার্শনিক তাৎপর্যটিকে রূপ ও গুণ দেওয়া হইয়াছে। তাহার ফলে কথাটি কৈ প্রকার আকৃতি ধারণ করিয়াছে। এই সকলের সাহায্যে রহস্য এইরূপ ভাবে লুক্কায়িত থাকে যে, তাহাদেব অস্তিত্ব পযাস্ত লোকে সন্দেহ করে না।

এখন মহাভারতে কি আছে, বঝিতে চেষ্টা করা যাউক। যে ক্ষেত্রে মহাভারত লিপিত হইল, তাহার এই সংক্ষিপ্ত বিবরণ অর্জুনের পুত্রের নাম অভিমত্না, অভিমত্নার পুত্রের নাম পরীক্ষিত। পরীক্ষিত এক দিন মৃগয়া করিতে গিয়াছিলেন। তিনি বনমধ্যে গোপ্রচারে আসীন ধ্যানমগ্ন একটি মনিকে দেখিতে পান। পলায়িত মৃগের কথা জিজ্ঞাসা করিলে মৌনাবলম্বী মনি কোন উত্তর করিলেন না, পরীক্ষিত ক্রুদ্ধ হইয়া একটি মৃত সর্প সেই মনির গলায় ঝুলাইয়া দিয়া সেই স্থান হইতে চলিয়া গেলেন। ঐ মনির নাম ছিল শমী, তাঁহার শৃঙ্গী বলিয়া একটি পুত্র ছিল; যখন পিতার পরীক্ষিতের হস্তে এই তদংশ ঘটয়াছিল, তখন শৃঙ্গী ব্রহ্মার নিকট গিয়াছিলেন। কিরিয় আসিলে পিতার এই অবস্থা দেখিয়া তিনি ক্রোধভরে পরীক্ষিতকে শাপ প্রদান করিলেন যে, সাত দিনের মধ্যে তক্ষকদংশনে তাঁহার মৃত্যু হইবে। ফলে তাহাই হইল।

পরীক্ষিতের চারি পুত্র ছিল, তন্মধ্যে জ্যেষ্ঠ জন্মেজয় রাজসিংহাসনে আরোহণ করেন। পিতার তক্ষকদংশনে মৃত্যুর কথা শুনিয়া জন্মেজয় সর্পকুল ধ্বংস করিতে একটি সর্প-সত্রের আয়োজন করেন সেই যজ্ঞে ব্যাসদেব, তাঁহার শিষ্য বৈশম্পায়ন প্রভৃতি নানা ঋষি এবং লোমহর্ষণ নামে এক জন সূত উপস্থিত ছিলেন। সর্পসত্রে যখন

অবকাশ হইত, সেই সময়ে সভাতে বেদমূলক নানা প্রকার কথার আলোচনা হইত। সেই সূত্রে মহাভারত আখ্যান কথিত হয়। বৈশম্পায়ন নিজ গুরু ব্যাসের আদেশে যজ্ঞ-সভাতে এই আখ্যানটি বলেন। সর্পসত্র সমাপ্ত হইলে সূত-পুত্র লোমহর্ষণ (সৌতি) নানা স্থান পর্যটন করিতে করিতে নৈমিষারণো শৌনক মনির আশ্রমে আসিয়া উপস্থিত হইলেন এবং তথায় শৌনক প্রভৃতি ঋষিগণের অনুরোধক্রমে বৈশম্পায়নের মথ হইতে মহাভারত নামে যে আখ্যানটি শুনিয়াছিলেন, সেই আখ্যানটি তদ্রূপে ঋষিগণের নিকটে কীর্তন করেন। মহাভারতের মতো 'ধৃতরাষ্ট্র বলিলেন, ভীষ্ম বলিলেন' প্রভৃতি কথার উল্লেখ দেখিতে পাওয়া যায়। বাহুল্য নিবারণের নিমিত্ত এইরূপ লিখিত হইয়াছে। সম্পূর্ণ লিখিত হইলে বলিতে হইত, সৌতি শৌনককে বলিলেন যে, বৈশম্পায়ন জন্মেজয়কে বলিয়াছিলেন যে, ধৃতরাষ্ট্র, ভীষ্ম এই কথা বলিয়াছিলেন।

পূর্বে বলা হইয়াছে, মহাভারত একখানি পুরাণমধ্যে পরিগণিত। পুরাণে বংশ, বংশানুচরিত প্রভৃতি পাঁচটি লক্ষণ থাকে, মহাভারতেও কুরুপাণ্ডবদিগের উৎপত্তির কথা আছে, সে বর্ণনাটি কিছু দীর্ঘ। পরে তাহা বঝিতে চেষ্টা করিব। যুধিষ্ঠির হইতে প্রতীপ পাঁচ পুরুষ উর্দ্ধে অবস্থিত। প্রতীপ হইতে কুরুপাণ্ডবদিগের বংশ-বিবরণ বিস্তৃতভাবে দেওয়া আছে। সংক্ষেপে গল্পটি এইরূপ।

এক দিন দেবগণ ব্রহ্মার নিকট উপবিষ্ট ছিলেন, ইন্সাকু-বংশীয় মহাভীষ নামে এক জন রাজষি তথায় উপস্থিত থাকেন। এমন সময় গঙ্গা সেই স্থান দিয়া বাইতেছিলেন। বাইতে বাইতে বায়বশে তাহার পরিধেয় বস্ত্র কিছু ক্ষুণ্ণিত হয়, সেই অবস্থা দেখিয়া সকল দেবগণই অধোমুখ হইলেন। কেবল মহাভীষ মস্তক অবনত করেন নাই। এই অশিষ্টাচারের জন্ত তাঁহার প্রতি অভিশাপ হইল যে, তুমি পৃথিবীতে গিয়া প্রতীপ নামে রাজা হইবে। এই ঘটনার কিছু পূর্বে আর এক ব্যাপার ঘটয়াছিল। এক দিন আট জন বসু সঙ্গীক বশিষ্ঠের আশ্রমে বেড়াইতে গিয়াছিলেন। বশিষ্ঠ তখন আশ্রমে ছিলেন না, ঐ অষ্ট বসুর মধ্যে ত্র্যনামক এক জন বসুর স্ত্রী বশিষ্ঠের নন্দিনী নামক গাভীকে লইতে বাগ্ৰতা প্রকাশ করেন। তিনি শুনিয়াছিলেন, ঐ নন্দিনীর দুগ্ধ পান করিলে স্ত্রীলোক চিরযৌবনা হয়, তাঁহারই

এক সখীর নিমিত্ত তিনি নন্দিনীকে ধরিতে ইচ্ছা করিয়া-
ছিলেন। বশিষ্ঠ ফিরিয়া আসিয়া যখন সমস্ত ব্যাপার
অবগত হইলেন, তখন তিনি ঐ অষ্ট বসুদিগকে অভিশাপ
দিলেন যে, তোমরা পৃথিবীতে গিয়া মানবী-গর্ভে জন্মগ্রহণ
করিবে। বসুগণ অনেক অহুন্নয়-বিনয় করিলেন, বশিষ্ঠ
বলিলেন যে, তোমরা মানবীগর্ভে জন্মিবে, তবে পৃথিবীতে
তোমাদের এক বৎসরের অধিক থাকিতে হইবে না, কিন্তু
ঐ দ্যনামক বসুকে অনেক দিন পৃথিবীতে থাকিতে হইবে।

গঙ্গা প্রতীপের ঐরূপ আচরণ ভাবিতে ভাবিতে চলিয়া
যাইতেছিলেন, এমন সময় পথমধ্যে দেখিলেন যে, আট জন
বসু তাঁহার নিকট আসিতেছেন--গঙ্গা কি হইয়াছে,
জিজ্ঞাসা করিলে তাঁহারা তাহাদের প্রতি বশিষ্ঠ-প্রদত্ত
অভিশাপের কথা জানাইলেন এবং অনেক খেদ ও দুঃখ
প্রকাশ করিয়া বলিলেন যে, যখন আমাদের মানবীগর্ভে
জন্মিতে হইবে, তুমি এই কর, যেন তোমার গর্ভে আমা-
দের জন্ম হয়।

সময়ে মহাভীষ প্রতীপ নামে হস্তিনাতে রাজা হইলেন।
তিনি এক দিন বসিয়া আছেন, এমন সময়ে অসামান্য রূপ-
সম্পন্ন একটি কামিনী আসিয়া তাঁহার কোলে বসিল।
প্রতীপ জিজ্ঞাসা করিলেন “তুমি কে? কি চাও?”

কামিনীটি বলিল, “আমি গঙ্গা, আমার ইচ্ছা, আমাকে
তুমি বিবাহ কর।”

প্রতীপ বলিলেন, “তাহা হবে না; তুমি আমার দক্ষিণ
উরুতে বসিয়াছ, ঐ স্থান পুত্র, কন্যা ও পুত্র-বধুর। তবে
তুমি এক কাষ কর, আমার শাস্ত্র বলিয়া এক পুত্র আছে,
তুমি তাহাকে বিবাহ কর।” কালক্রমে প্রতীপের মৃত্যু হইল
ও শাস্ত্র হস্তিনাপুরে রাজা হইলেন। তিনি ঐ সকল কথা
কিছুই জানিতেন না। এক দিন ঘটনাক্রমে গঙ্গার সন্ত
তাঁহার সাক্ষাৎ হয়, গঙ্গার অলৌকিক রূপে মুগ্ধ হইয়া শাস্ত্র
তাঁহাকে বিবাহ করিতে ব্যগ্রতা প্রকাশ করেন। গঙ্গা
বলিলেন, “আমি তোমাকে এক অঙ্গীকারে বিবাহ করিতে
পারি।”

শাস্ত্র জিজ্ঞাসা করিলে গঙ্গা বলিলেন, “তোমাকে
বিবাহ করিবার পর আমি যাহাই করি না কেন, তুমি
আমাকে আমার কৰ্ম সঙ্কে কোন প্রলম্ব বা প্রতিবাদ
করিতে পারিবে না। যদি কর, আমি তৎক্ষণাৎ তোমার

নিকট হইতে চলিয়া যাইব।” শাস্ত্র সেইরূপ অঙ্গীকার
করিলেন।

গঙ্গার সহিত শাস্ত্রের বিবাহ হইল ও ক্রমে ক্রমে গঙ্গার
গর্ভে শাস্ত্রের গুঁরসে সাতটি পুত্র জন্মিল। শাস্ত্র দেখিলেন
যে, শিশুগুলি জন্মিবামাত্র গঙ্গা প্রত্যেককেই গঙ্গাজলে
নিক্ষেপ করেন। তিনি বিবাহের পূর্বে যে প্রতিজ্ঞা করিয়া-
ছিলেন, সেই প্রতিজ্ঞার অনুরোধে গঙ্গাকে কিছু বলিতে
পারিলেন না। তবে যখন অষ্টম শিশুটি ভ্রমিষ্ট হইল, তখন
তিনি আর থাকিতে পারিলেন না। নিশ্চয়তার জন্য
স্বপ্নপ্রভাতিনী গঙ্গাকে অনেক ভৎসনা করিলেন এবং অষ্টম
পুত্রটিকে বিনাশ করিতে নিষেধ করিলেন।

গঙ্গা তখন তাঁহাকে পূর্বপ্রতিজ্ঞার কথা স্মরণ
করাইয়া দিলেন এবং বলিলেন, “তুমি নিজ অঙ্গীকার ভঙ্গ
করিলে, আর আমি তোমার নিকট থাকিব না।” এই বলিয়া
গঙ্গা চলিয়া গেলেন এবং নিঃ পুত্রটিকেও সঙ্গে লইয়া
গেলেন।

এই ঘটনার অনেক বৎসর পরে শাস্ত্রের সহিত গঙ্গা-
তীরে একটি বালকের সন্ত সাক্ষাৎ হয়। গঙ্গার সন্তও
তখন তাঁহার দেখা হয়। শাস্ত্র গঙ্গার কথায় বিশ্বাস
পারিলেন যে, ঐ বালকটি তাহারই গুঁরসজাত সন্তান। তিনি
নিজ পুত্রটিকে লইয়া হস্তিনাপুরে ফিরিয়া আসিলেন। ঐ
বালকটি শাস্ত্র-তনয় গাঙ্গেয় ভীষ্ম।

পরে ভীষ্ম বয়ঃপ্রাপ্ত হইলে শাস্ত্র এক দিন মৃগয়া
করিতে করিতে বনমধ্যে একটি মধুর আশ্রয় পাঠিলেন।
সুগন্ধি কোথা হইতে আসিতেছে, তাহা অনুসন্ধান করিতে
গিয়া তিনি একটি ধীবরের গর্ভে উপস্থিত হইলেন। তথায়
একটি পরমাসুন্দরী যুবতীকে দেখিতে পাঠিলেন এবং বসি-
লেন যে, সেই সুমিষ্ট গন্ধ উহারই গাত্র হইতে আসিতেছিল।
শাস্ত্র রাজধানীতে ফিরিয়া আসিলেন, কিন্তু তিনি সেই
কন্যাটির রূপে মুগ্ধ হইয়াছিলেন--তাহাকে বিবাহ করিতে
ব্যাকুল হইলেন।

ভীষ্ম পিতার মনোভাব বুঝিতে পারিয়া সেই কন্যাটিকে
নিজ পিতার নিমিত্ত ঐ ধীবরের নিকট প্রার্থনা করেন।
নিষাদরাজ বলিল, যদি ঐ কন্যার গর্ভজাত পুত্র শাস্ত্রের
মৃত্যুর পর তাঁহার রাজ্যাধিকারী হয়, তবে তিনি রাজা
শাস্ত্রকে নিজ কন্যা গন্ধবতীকে দান করিবেন। ভীষ্ম

তাহাতে সম্মত হইলেন এবং নিজে কখন বিবাহ করিবেন না, তাহাও প্রতিজ্ঞা করিলেন। এই ভীষণ প্রতিজ্ঞার নিমিত্ত তাঁহার নাম হইল সত্যব্রত ভীষ্ম। সত্যবতীর গর্ভে শান্তনুর ঔরসে তিনটি পুত্র জন্মে, তন্মধ্যে বিচিত্রবীর্ষ্য পিতৃসিংহাসনে আরোহণ করেন। ভীষ্ম বৈমাত্র ভ্রাতা বিচিত্রবীর্ষ্যের নিমিত্ত অম্বা, অম্বিকা ও অম্বালিকা নামী কাশীরাজের তিন কনিকাকে স্বয়ংবরসভা হইতে অপরাপর রাজগণ সমক্ষে হরণ করিয়া হস্তিনাপুরে লইয়া আইসেন। অম্বা পূর্বে শল্যরাজকে আশ্রয় প্রদান করিবেন বলিয়া স্থির করিয়াছিলেন; সেই কারণে তিনি হস্তিনাপুর হইতে চলিয়া গেলেন। অম্বিকা ও অম্বালিকার সহিত বিচিত্রবীর্ষ্যের বিবাহ হইল। তাঁহার সম্ভান না হওয়াতে অম্বিকার গর্ভে ব্যাসের ঔরসে ধৃতরাষ্ট্রের জন্ম হয়, অম্বালিকার গর্ভে ব্যাসের ঔরসে পাণ্ডুর জন্ম হয় এবং অম্বিকা কর্তৃক নিগড়া এক দাসীর গর্ভে ব্যাসের ঔরসে ক্ষত্রিয় বিদুরের জন্ম হয়। ধৃতরাষ্ট্র বয়ঃপ্রাপ্ত হইলে স্ববলরাজতনয়া গান্ধারীকে বিবাহ করেন। পাণ্ডু বসুদেবের ভগিনী রাজা কুন্তিভোক্ত কর্তৃক প্রতিপালিতা কুন্তীকে বিবাহ করেন। তিনি মদুরাজকন্যা মাদীকে দ্বিতীয় দাররূপে পরিগ্রহ করেন। ষোড়শ ধৃতরাষ্ট্র জন্মান্ত বালিয়া পিতার মৃত্যুর পর তাঁহার ভ্রাতা পাণ্ডু রাজা হইলেন। কিছুকাল রাজত্ব করিয়া পাণ্ডু দুই স্ত্রীর সহিত বনগমন করেন। পাণ্ডুকে পূর্বে এক মনি শাপ দিয়াছিলেন যে, পুত্রজনন তাঁহার পক্ষে মৃত্যুর কারণ হইবে। সেই কারণে তাঁহার কোন পুত্র জন্মে নাই। কুন্তী যখন কন্যা অবস্থায় পিতৃগৃহে ছিলেন, তখন দুর্কাসা মনি তাঁহার পরিচর্যায় প্রীত হইয়া তাঁহাকে এই বর দেন যে, তিনি যে কোন দেবতাকে স্মরণ করিবেন, সেই দেবতা তাঁহার নিকট উপস্থিত হইবেন। এইরূপে পিতৃগৃহে কুন্তীর গর্ভে সূর্য্যের ঔরসে কর্ণের জন্ম হয়। পুত্র জন্মিবামাত্র কুন্তী তাহাকে নদীতে ভাসাইয়া দেন, কর্ণ সূত্রবংশীয় অধিরথ নামে রথকার-গৃহে প্রতিপালিত হয়। স্বামীসহিত বনবাসকালে কুন্তীর গর্ভে ধর্ম্মের ঔরসে যুধিষ্ঠিরের জন্ম হয়, পবনের ঔরসে ভীমের ও ইন্দ্রের ঔরসে অর্জুনের জন্ম হয় এবং অশ্বিনী-কুমারদ্বয়ের ঔরসে মাদীর গর্ভে নকুল-সহদেবের জন্ম হয়।

বনে অবস্থানকালে শতশৃঙ্গ পর্ব্বতে পাণ্ডুর মৃত্যু হয়। সেই স্থানের মনিগণ পাণ্ডুর মৃতদেহ ও পুত্রগণ লইয়া হস্তিনাপুরে আইসেন। মাদী স্বামীর চিত্র আয়োজন করেন।

ব্যাসের বরপ্রভাবে ধৃতরাষ্ট্রের ঔরসে গান্ধারীর গর্ভে দুর্ঘ্যোধন প্রভৃতি শত পুত্র ও একটি কন্যা জন্মে। বালকরা বয়ঃপ্রাপ্ত হইলে তাহাদিগকে ধর্ম্মর্বেদ শিক্ষা দিবার নিমিত্ত ভীষ্ম দ্রোণাচার্য্যাকে গুরুরূপে নিযুক্ত করেন। সূত্রঘরে প্রতিপালিত কর্ণও তাহাদের সহিত অস্ত্রশিক্ষা লাভ করে। প্রথম হইতেই ভীষ্ম ও দুর্ঘ্যোধনের মধ্যে এবং কর্ণ ও অর্জুনের মধ্যে ঈর্ষা ও বৈরিতা জন্মে। যুধিষ্ঠির প্রভৃতি পাণ্ডুপুত্রগণ পুরবাসীদিগের প্রিয় ছিলেন। দুর্ঘ্যোধনের মনে আশঙ্কা হইত যে, পুরবাসীগণ তাঁহাকে উপেক্ষা করিয়া যুধিষ্ঠিরকে রাজসিংহাসনে বসাইবে। এই আশঙ্কায় তিনি পিতার সহিত পরামর্শ করিয়া কুন্তীর সহিত পঞ্চপাণ্ডবকে বারণাবতে প্রেরণ করেন। তথায় তাঁহার আজ্ঞাক্রমে পুরোচন নামে এক ব্যক্তি একটি জতু-গৃহ নির্মাণ করিয়া রাখিয়াছিল। সেই গৃহে পাণ্ডবেরা আসিয়া বাস করিল। বিদুর পূর্বেই দুর্ঘ্যোধনের অভিপ্রায় বুঝিতে পারিয়াছিলেন এবং তৎসম্বন্ধে যুধিষ্ঠিরকে অগ্রেই সতর্ক করিয়া দিয়াছিলেন। অবসর বুঝিয়া এক রজনীতে পাণ্ডবগণ গৃহে আগুন লাগাইয়া মাতার সহিত পলায়ন করিলেন। দুর্ঘ্যোধনের ভয়ে তাঁহার বাক্যবশ ধারণ করিয়া দেশে দেশে পর্য্যটন করিতেছিলেন। দ্রুপদ রাজার কন্যা দ্রৌপদীর স্বয়ংবর হইবে শুনিয়া তাঁহার পাঞ্চাল দেশের রাজধানীতে আগমন করিলেন। অর্জুন দ্রৌপদীর স্বয়ংবর-সভায় লক্ষ্য-ভেদ করিয়া দ্রৌপদীকে লাভ করিলেন। পরে কুন্তীর কথা অনুসারে দ্রৌপদী পঞ্চ-পাণ্ডবের স্ত্রী হইলেন।

রাজা ধৃতরাষ্ট্র এই সকল সংবাদ অবগত হইয়া সঙ্গীক পঞ্চ-পাণ্ডবকে হস্তিনাপুরে আনয়ন করিলেন এবং তাঁহাদিগকে রাজ্যের এক অংশ প্রদান করিলেন। পাণ্ডবেরা ইন্দ্রপ্রস্থে রাজধানী স্থাপন করিয়া বাস করিতে লাগিলেন। এই সময়ে অর্জুন দ্বাদশ বৎসরের নিমিত্ত বনে গমন করেন। বনবাসের কাল অতীত হইবার অব্যবহিত পূর্বে তিনি কৃষ্ণের ভগিনী সুভদ্রাকে হরণ করিয়া বিবাহ করেন। ইন্দ্রপ্রস্থে বাসকালে অগ্নির অনুরোধে তিনি কৃষ্ণের সারথ্যে খাণ্ডবদান দান করেন। অগ্নি প্রীত হইয়া তাঁহাকে গাণ্ডীব ধনু ও দুইটি অক্ষয় তুণীর প্রদান করিলেন।

ইহার পরে রাজা যুধিষ্ঠির রাজস্বয়ংবর করেন। সেই স্বক্রে সকল দেশ হইতে রাজগণ প্রভূত রত্ন ও অপরাপর দ্রব্য

উপঢ়োকন প্রদান করেন। ইহাতে ছর্যোধানের মনে ঙ্গেৰা জন্মে। যুতরাষ্ট্র সততই নিজ পুত্র ছর্যোধানকে পাণ্ডবদিগের সহিত শক্রতা করিতে নিষেধ করিতেন, তিনি তাহাকে বলিলেন, 'পাণ্ডুপুত্ররা তোমার বাহুরূপ, অতএব তাহা-দিগকে ছেদন করিও না।' ছর্যোধান নিজ মাতুল শকুনির সহিত পরামর্শ করিয়া পিতাকে অহুরোধ করিলেন, বাহাতে পাণ্ডবগণ হস্তিনাপুরে আসিয়া তাঁহার সহিত দ্যুতক্রীড়া করেন। যুধিষ্ঠির সন্মত হইলেন এবং দ্রোপদী ও ভ্রাতা-দিগের সহিত হস্তিনাপুরে দ্যুতক্রীড়া করিতে আসিলেন।

এত দূর পর্য্যন্ত যে আপ্যায়িকাটি প্রথম হইতে শেষ পর্য্যন্ত রহস্ত্রপূর্ণ, সেই রহস্ত্রগুলি আত্মপূর্কিক উন্নাটন করা অসম্ভব। তবে রহস্ত্র যে আছে, সে বিষয়ে সন্দেহ নাই; বৃষ্টিবার নিমিত্ত কবি যে সকল ইঙ্গিত দিয়াছেন, সে সঙ্কল্পে বোধ হয় কিছু বলা যাইতে পারে।

রামায়ণে রাম হইলেন শুদ্ধ ব্রহ্ম, সীতা শুক্রা নিম্পাপা, গল্পপক্ষে রাম ও সীতার চরিত্রে কোন প্রকার মল বা দোষ নাই। মহাভারতে কৃষ্ণবর্ণের কিছু আধিক্য দেখা যায়। লেখক স্বয়ং কৃষ্ণদ্বৈপায়ন ব্যাস। শ্রীকৃষ্ণ মহাভারতের কেন্দ্রমুর্তি, কৃষ্ণ হইলেন শুদ্ধসত্ত্বময় জ্ঞানবিগ্রহ পরমাত্মা।

--:১:১-১, আদিপর্ক।

অর্জুনি কৃষ্ণবর্ণ, দ্রোপদীর নাম কৃষ্ণা; কিন্তু দ্রোপদীর নাম সঙ্কল্পে একটু কোঁতুক আছে। কৃষ্ণা অর্থে শ্রামা, শ্রামা কথার অর্থ নিত্য ষোড়শা অর্থাৎ চিরযৌবনা। কবি ইহাদের সকলের চিত্রে কিছু-না-কিছু কলঙ্কের রেখা অঙ্কিত করিতে সঙ্কচিত হয়েন নাই। শ্রীকৃষ্ণকে কবি ছই এক অবস্থায় লজ্জা অনুভব করাইয়াছেন; অর্জুনের নানা স্থানে কবি হীনবর্ণে চিত্রিত করিয়াছেন। সেইরূপ যুধিষ্ঠির প্রভৃতিকে কবি কৃষ্ণবর্ণে রঞ্জিত করিতে ব্রটি করেন নাই। বলা বাহুল্য,

দার্শনিক এবং ঐতিহাসিক রহস্ত্র রক্ষা করিতে কবিকে এই-রূপ কল্পনার আশ্রয় গ্রহণ করিতে হইয়াছিল। কিন্তু এইরূপ বর্ণনার পশ্চাতে সে সময়ের দেশের রাজনীতিক ও সামাজিক অবস্থার আবছায়া স্পষ্ট দেখিতে পাওয়া যায়। স্থূল কথা, মহাভারতের সর্বত্রই মিশ্রিত বর্ণের চিত্র কিছু অধিক। যিনি দেবগুরু বৃহস্পতি, তিনি আবার দৈত্যগুরু শুক্র। ছয়মু যখন কথ মূনির আশ্রমে প্রবেশ করিয়াছিলেন, তখন তিনি আশ্রমমধ্যে বেদপাঠী ব্রাহ্মণদিগকে দেখিলেন; আর সেই স্থানেই চাক্রাকগণকে দেখিলেন। বলরাম হইলেন সংকর্ষণ, শ্রীকৃষ্ণ ও সংকর্ষণ ইহারা হইলেন চতুর্ক্যুতের দুই জন অগ্ণতম পুরুষ। অগচ অর্জুন হইলেন শ্রীকৃষ্ণের সখা; আর ছর্যো-ধান হইলেন বলরামের প্রিয়শিষ্য। কুরুপাণ্ডবদিগের বংশ-বিবরণসময়ে এই মিশ্রিত বর্ণের উদাহরণ যথেষ্ট দেখিতে পাওয়া যাইবে।

মহাভারতের মহাভীষ, বিভীষণের ভীষ ও ভীষ এই তিনেরই মধ্যে সাদৃশ্য আছে। মহাভীষ ও ভীষ উভয়েই প্রথমে দোষ করিয়াছিলেন। পৃথিবীতে জন্মিয়াও এক-কালে পাপশূন্য হয়েন নাই। মহাভীষের নাম হইল প্রতীপ, অর্থাৎ প্রতিকূল; চেতন-সলিলা গঙ্গার সহিত তাঁহার মিলন হইল না। জ্ঞানের সহিত শাস্ত্র অর্গাৎ উপরমের বিবাহ হইল, তথাপি একটু কিন্তু আছে, শাস্ত্র হইলেন শাস্ত্র--নু। ন বিতর্কে। কবিও ইহার যথেষ্ট ইঙ্গিত দিয়াছেন। উপ-যুক্ত পুত্র ভীষ বর্তমান থাকিতে তিনি স্বয়ং ক্ষত্রিয় হইয়া ধীবরকণ্ঠার কপের মোহে আকৃষ্ট হইয়া এ প্রকার অগ্ণায় অঙ্গীকারে তাহাকে বিবাহ করিতে ব্যাকুল হইতেন না। সেই কারণে গঙ্গাও তাঁহার নিকট চিরদিন বাস করেন নাই। আপ্যায়িকাটির আর আর রহস্ত্রগুলির কথা পরে বিবৃত হইবে।

শ্রীউপেন্দ্রনাথ মুখোপাধ্যায় (কর্ণেল)।

অজানা পথ

জানালার পাশে বসে, অজানা পথের পানে
চেয়ে থেকে ভাবি মনে অতীতের কোনখানে
প্রথম উহার বৃকে পণিকের পদ-লেখা—
বিষ্ণু-বন্ধে চিত্তসম সহসা দিছিল দেখা!

শ্রীউষাবালা সেন।



প্রলের আলো

ষোড়শ পরিচ্ছেদ

পাকা কথা

কাউন্ট ভন আরেনবর্গের অনুরাগের পরিচয় পাইয়া বার্থা প্রথম কয়েক দিন বড়ই অস্বচ্ছন্দতা অনুভব করিল; তাহার মনে হইল, কাউন্টকে বিবাহ করিলে জোসেফ কুরেটের প্রতি বিশ্বাসঘাতকতা করা হইবে। তাহাকে ভালবাসিয়া জোসেফকে যথেষ্ট নির্ঘাতন সহ্য করিতে হইয়াছে; এমন কি, তাহার জন্মই জোসেফকে দেশত্যাগী হইতে হইয়াছে। জোসেফের প্রেমের স্মৃতি মন হইতে মুছিয়া ফেলিয়া সে কি করিয়া কাউন্টকে বিবাহ করিবে? কাষটা বড়ই গতিত হইবে। কিন্তু ক্রমে তাহার মনের ভাব পরিবর্তিত হইল। শিলাখণ্ডের উপর দীর্ঘকাল ধরিয়া ক্রমাগত জলবিন্দুপাতে শিলারও ক্ষয় হয়; মায়ের অবিশ্রান্ত উপদেশে ও অনুরোধে বার্থার মনও নরম হইল। তাহার ধারণা হইল, তাহার ঞায় সম্ভ্রান্তবংশীয়া মহিলার জোসেফ কুরেটের ঞায় সামান্য লোকের প্রণয়ে মুগ্ধ হইয়া নিতান্ত 'ছেলেমানুষী' হইয়াছিল, মোহে ভুলিয়া সে যে ভুল করিয়াছিল, তাহা পাগ্লামী ভিন্ন আর কি? কাউন্টের সহিত জোসেফের তুলনা? ছি, ছি, সে কি ভুলই করিয়াছিল!—এই ভ্রম সংশোধন করাই বার্থা বাঞ্ছনীয় মনে করিল। সে কাউন্টের পক্ষপাতিনী হইল।

কিন্তু বার্থা কাউন্ট ভন আরেনবর্গকে অন্তরের সঙ্গে ভালবাসিতে পারিল কি না সন্দেহ। এ যেন পোষাকী প্রেম! কাউন্টের স্ততিবাদে তাহার রূপযৌবনের গর্ভ পরি-তৃপ্ত হইয়াছিল; 'কাউন্টের ভন আরেনবর্গ' খেতাব যে কোন নারীর আকাঙ্ক্ষার সামগ্রী বলিয়াই তাহার ধারণা হইল। এই সম্মান ও গৌরব উপেক্ষা করা মূঢ়তা বলিয়াই তাহার

বিশ্বাস হইল। কিন্তু সে স্থিরচিত্তে তাহার হৃদয়ভাব বিশ্লেষণ করিলে বুঝিতে পারিত, জোসেফকেই সে প্রাণ ভরিয়া ভালবাসে, কাউন্টের প্রতি তাহার পক্ষপাত মোহ-মাত্র। প্রেম পাকা সোনা, মোহ গিল্টি!

নারীর মন ভ্লাইবার কোশলে কাউন্ট অসাধারণ দক্ষ ছিলেন; কোন রমণীর প্রকৃতি কিরূপ, তাহা বুঝিয়া তিনি তাহার মনোরঞ্জে একরূপ নৈপুণ্য প্রকাশ করিতেন যে, অতি সহজেই সে তাঁহার পক্ষপাতিনী হইত। কাউন্ট আনা স্মিটকে মেন যাহ করিয়া ফেলিলেন। রূপে, গুণে, রুচির উৎকর্ষতার, বংশের শ্রেষ্ঠতায় কাউন্ট যে তাহার 'জামাই হইবার' উপযুক্ত, এবং তাঁহার অপেক্ষা যোগ্যতর জামাই সমস্ত যুরোপ খুঁজিয়া আর একটিও মিলিবে না—এ বিষয়ে সে নিঃসন্দেহ হইল! কাউন্ট আরও কিছু দিনের ছুটির জন্ত যে আবেদনপত্র প্রেরণ করিয়াছিলেন, তাহা মঞ্জুর হইয়াছিল। সুতরাং তাঁহার আর তাড়াতাড়ি করিবার কারণ রহিল না। শাশুড়ীর সহিত জামাতার যেরূপ ঘনিষ্ঠতা হয়, আনা স্মিটের সঙ্গে কাউন্টের সেইরূপই ঘনিষ্ঠতা হইল। সকলেই বুঝিল, কাউন্ট শাস্ত্রই সেই বাড়ীর জামাই হইবেন। কাউন্ট আনা স্মিটের গৃহে 'জামাই আদরে' দিনপাত করিতে লাগিলেন। কি ক্ষুণ্ণ!

কিন্তু অধিক মাখামাখির ফলে পিটার কাউন্টের প্রতি কতকটা বীতশ্রদ্ধ হইয়া উঠিল। তাহার শ্রদ্ধা কমিয়া গেল; তাহার ধারণা হইল—কাউন্ট সঙ্কীর্ণচেতা, লোভী ও মৎলববাজ। সে কাউন্টের প্রতি অসম্মান বা অশ্রদ্ধা প্রকাশ না করিলেও মনে করিত—এতখানি বাড়াবাড়ি বড়ই অশোভন, উপাধি ভিন্ন তাঁহার এরূপ কোন সম্বল নাই—যে জন্ত তাঁহাকে ওভাবে মাথায় তুলিয়া নৃত্য করা সম্ভব হইতে পারে। তাহার মা যখন বার্থাকে একাকী

কাউন্টের সঙ্গে অরণ্যে কান্তারে ভ্রমণে পাঠাইত, সামাজিক প্রথা অনুসারে ইহাও দোষাবহ বলিয়াই পিটারের মনে হইত; কিন্তু সে মায়ের ভয়ে এই অশোভন কার্যের প্রতিবাদ করিত না। বড়ী মনে করিত, কাউন্ট আর ছ'দিন পরেই ত বাৰ্থাকে বিবাহ করিবে, তবে আর তাহাকে একাকী কাউন্টের সঙ্গে যেখানে সেখানে পাঠাইতে দোষ কি? কাউন্ট ত টোপ গিলিয়াছেই, এই সুযোগে মেয়েটা যদি তাহাকে ভাল করিয়া গাঁথিতে পারে—তাহার সুব্যবস্থায় সে ওঁদাসীন্দ্ৰ প্রকাশ করিবে কেন? উভয়ের মিশামিশি যত বেশী হয়—ততই ভাল! কাউন্ট বাৰ্থার প্রতি প্রণয়প্রদর্শনে যদিও কোন দিন কার্পণ্য প্রকাশ করেন নাই, তথাপি প্রচলিত প্রথায় প্রকাশভাবে সম্মতিজ্ঞাপন করেন নাই। সে সময় বিবাহসম্বন্ধ স্থির হইলে উভয় পক্ষে একটা চুক্তিনামা (Contract) লেখাপড়া হইত। কাউন্ট তখন পর্য্যন্ত তত দূর অগ্রসর না হওয়ায় আনা স্মিট সম্পূর্ণ অনসন্দের হইতে পারে নাই; টোপ গিলিয়াও যদি শিকার ফস্কাইয়া যায় ত কাদা মাখাই সার হইবে!

ক্রমে কাউন্টের ছুটি শেষ হইয়া আসিল; তখনও তিনি বিবাহের প্রস্তাব করিলেন না। এ জন্ত আনা স্মিট উৎকণ্ঠিত হইয়া উঠিল। তাহার আশঙ্কা হইল, বাৰ্থাকে বিবাহ করিবার জন্ত কাউন্টের আন্তরিক আগ্রহ নাই, তাহার সুদীর্ঘ অবসরটা তাহার বাড়ীতে 'জামাই আদরে' কাটাইবার জন্তই কাউন্ট মিথ্যা আশা দিয়া তাহাকে ভুলাইয়া রাখিয়াছেন। তাহার এই অনুমান সত্য হইলে—ওঃ, কি সাংঘাতিক প্রতারণা! সে কি করিয়া সমাজে মুখ দেখাইবে? লজ্জায় তাহাকে দেশত্যাগিনী হইতে হইবে। কাউন্ট ফাঁকা কথায় আর তাহাকে ভুলাইয়া রাখিতে না পারেন, কথাটা 'পাকা' হইয়া যায়, এই উদ্দেশ্যে আনা স্মিট এক দিন অপরাহ্নে কাউন্টকে তাহার খাস-কামরায় আহ্বান করিল।

কাউন্ট সেই কক্ষে প্রবেশ করিয়া একখানি আরাম-কেদারায় উপবেশন করিলে আনা স্মিট বলিল, "দেখ কাউন্ট, তুমি হয় ত মনে করিতেছ, আমি হঠাৎ তোমাকে আমার খাস-কামরায় ডাকিয়া পাঠাইলাম কেন? তোমার সঙ্গে গোপনে আমার ছুই একটা জরুরী কথা আছে;—হাঁ, আমাদের উভয়ের পক্ষেই সমান জরুরী। তুমি এত দিন

আমার এখানে থাকায় আমরা সকলেই কত আনন্দিত হইয়াছি, তাহা তোমাকে বুঝাইতে পারিব না; সে আনন্দ অনির্বাচনীয়, কেবল উপভোগ্য; কিন্তু বড়ই ক্ষোভের বিষয় যে, তোমার ছুটি শেষ হইতে আর অধিক বিলম্ব নাই। শুনিলাম, আগামী সপ্তাহেই তোমাকে তোমার 'রেজিমেণ্টে' যোগদান করিতে হইবে। এ কথা কি সত্য?"

কাউন্ট বলিলেন, "হাঁ, বড়ই দুঃখের বিষয় বটে, কিন্তু সত্য। সরকারের চাকুরী লইয়া যত দিন ইচ্ছা ছুটি ভোগ করা যায় না। ইহা যে বড়ই বিড়ম্বনাজনক, তা কি করিয়া অস্বীকার করি?"

আনা স্মিট মিনিট ছুই নিস্তক থাকিয়া বলিল, "তুমি বাৰ্থার কিরূপ পক্ষপাতী হইয়াছ, তাহার প্রতি তোমার আকর্ষণ কিরূপ প্রবল—তাহা কেবল আমি কেন, সকলেই লক্ষ্য করিয়াছে বাবা! এমন কি, স্থানীয় সম্ভ্রান্ত সমাজে তোমাদের এই ঘনিষ্ঠতা আলোচনার বিষয় হইয়া দাঁড়াইয়াছে। আমি বাৰ্থার মা, সুতরাং তাহার ভবিষ্যতের চিন্তা আমার পক্ষে সম্পূর্ণ স্বাভাবিক—ইহা তোমাকে স্বীকার করিতেই হইবে। এই জন্ত তাহার সম্বন্ধে তুমি কি স্থির করিয়াছ, তোমার মনের ভাব কি, তাহা জানিবার জন্ত আমার বড়ই আগ্রহ হইয়াছে।"

আনা স্মিটের কথা শুনিয়া কাউন্ট যেন বড়ই অব্রত হইয়া উঠিলেন; তাহার মুখের দিকে চাহিতেও যেন লজ্জা হইল। কিন্তু তাঁহার এই ভাব স্থায়ী হইল না। তিনি ঢোক গিলিয়া বলিলেন, "হাঁ—ইয়ে—ভা—আমি আপনার কণ্ঠকে প্রাণ ভরিয়া ভালবাসিয়াছি, এ কথা স্বীকার করিতে কুষ্ঠার কোন কারণ দেখি না।"

আনা স্মিটের বৃকের উপর হইতে যেন একটা পাহাড় নামিয়া গেল। সে মনে মনে অত্যন্ত খুসী হইয়া একটু হাসিয়া বলিল, "আঃ, তোমার কথা শুনিয়া আমার যে কি আনন্দ হইল!—কিন্তু একটা কথা যে এখনও বুঝিতে পারিতেছি না। তোমাদের এই ভালবাসার পরিণাম কি, তাহা চিন্তা করিয়াছ?"

কাউন্ট ঈষৎ আবেগভরে বলিলেন, "দেখুন স্র, আমি অনেক পূর্বেই আপনার কণ্ঠার নিকট বিবাহের প্রস্তাব করিতাম; কিন্তু তাহা করিতে আমার সাহস হয় নাই

কেন জানেন? আপনাকেও সে কথা বলি বলি করিয়া এত দিন বলিতে পারি নাই; আমার এই দুর্বলতা আপনি মার্জনা করিবেন।—কথা এই যে, অতি সম্ভ্রান্ত বংশে আমার জন্ম হইলেও আমি চাকরী করিয়া যে যৎসামান্য বেতন পাই, তাহা ব্যতীত আমার অণু কোন আয় নাই; তাহার উপর আমার বংশোচিত মান-সম্ভ্রম বজায় রাখিতে গিয়া আমাকে কতকগুলো টাকা দেনা করিতে হইয়াছে। আমার চাকরীর আয় হইতে সেই ঋণ পরিশোধের কোন উপায় দেখিতেছি না; এ অবস্থায় বিবাহের মত ব্যয়সাধ্য সখ কি করিয়া পূর্ণ করি? আমার আর্থিক অবস্থা সচ্ছল হইলে এত দিন আপনার কণ্ঠার পাণি প্রার্থনা করিতাম।”

আনা স্মিট উত্তেজিত স্বরে বলিল, “এই কথা? এই তুচ্ছ কারণে তুমি চিরজীবন অশান্তি ভোগ করিবে, আর আমার মেয়েটারও জীবনের সুখ, শান্তি, আশা, আনন্দ নষ্ট করিবে? তুমি যদি বার্থাকে নিরাশ করিয়া চলিয়া যাও— তাহা হইলে তাহার কি দশা হইবে, কোনও দিন ভাবিয়া দেখিয়াছ কি? আমি কি তোমাকে এক দিন কথায় কথায় বলি নাই—আমার স্বামী বার্থার জন্ম যে সম্পত্তি উইল করিয়া দিয়া গিয়াছেন—তাহার মূল্য দশ লক্ষ ফ্রাঙ্ক?—আমি এই সম্পত্তি হাতে লইয়া নানা ভাবে তাহার উন্নতি করিয়াছি; কিছু দিনের মধ্যেই তাহার মূল্য পনের লক্ষ ফ্রাঙ্ক হইবে। বার্থাকে বিবাহ করিয়া যে এই পনের লক্ষ ফ্রাঙ্কের মালিক হইবে, তাহাকেও ভবিষ্যতে অর্থাভাবে কষ্ট পাইতে হইবে—এ কথা শুনিলে। ক না হাসিয়া থাকা যায়? এই অর্থ কি তোমার সামাজিক সম্ভ্রমরক্ষা বা সাংসারিক ব্যয়নির্বাহের পক্ষে যথেষ্ট নহে?”

কাউন্ট আত্মসংবরণে অসমর্থ হইয়া বিহ্বল স্বরে বলিয়া উঠিলেন, “যথেষ্ট নহে? যথেষ্ট অপেক্ষা অনেক অধিক! আমাদের দেশে এরূপ জমীদার অল্পই আছে, যাহাদের সম্পত্তির মূল্য পনের লক্ষ ফ্রাঙ্কের অধিক। এরূপ সম্পত্তির আশা আমার সর্বাপেক্ষা অসম্ভব স্বপ্নেরও অগোচর।”

আনা স্মিট হাসিয়া বলিল, “কিন্তু তোমার অসম্ভব স্বপ্ন সফল হওয়া কত সহজ, এখন বুঝিলে ত? সে কথা থাক। এই তুচ্ছ কারণে ভিন্ন বিবাহে আপত্তি হইবার আর কোন কারণ আছে কি? আমি তোমার হিতৈষিনী, আমার কাছে কোন কথা গোপন করিও না বাবা!”

কাউন্ট মস্তক অবনত করিলেন। আনা স্মিট সে সমর সাফল্য-গর্বে বিভোর না হইলে দেখিতে পাইত, তাহার প্রশ্নে কাউন্টের মুখ লাল হইয়া উঠিয়াছে, এবং চক্ষুতে উদ্বেগ ও চাঞ্চল্য পরিস্ফুট হইয়াছে। তাহা দেখিলে আনা স্মিট অনুমান করিতে পারিত—কাউন্টের জীবনেতিহাসের কোন কোন পৃষ্ঠা সম্ভবতঃ মদীলগু ছিল, এবং সে অযোগ্য পাত্রের কণ্ঠা-সম্প্রদান করিতে উদ্বৃত হইয়াছে। কিন্তু আনা স্মিট কাউন্টের এই ভাবান্তর লক্ষ্য করিবার অবসর পাইল না।

কাউন্ট মুহূর্তমধ্যে আত্মসংবরণ করিয়া দৃঢ় স্বরে বলিলেন, “না, বিবাহের অণু কোন প্রতিবন্ধক নাই।”

আনা স্মিট উৎসাহভরে বলিল, “উত্তম, তাহা হইলে তুমি বাগদানে সম্মত আছ?”

কাউন্ট বলিলেন, “নিশ্চয়ই।”

আনা স্মিট বলিল, “আমি অবিলম্বেই বাগদানের সংবাদ যথারীতি প্রচারিত করিব, তাহার পর তোমার সুবিধা বুঝিয়া বিবাহের দিন স্থির করিও।”

কাউন্ট বলিলেন, “তাহাই হইবে। আপনার কাছে আজ অসঙ্কোচে আমার মনের কথা প্রকাশ করিয়া কি আনন্দ হইয়াছে, তাহা আপনাকে বলিয়া বুঝাইতে পারিব না। আপনাকে সরলভাবে আর একটা কথা বলিব, তাহা শুনিয়া আপনি আমাকে নির্লজ্জ বলিয়া উপহাস করিবেন না। আমি যাহাতে অবিলম্বে আমার উত্তমর্গণের কবল হইতে মুক্তি লাভ করিতে পারি, আপনাকে তাহার ব্যবস্থা করিতে হইবে। আর—আর সমর-বিভাগ হইতে স্বেচ্ছায় আমার নাম অপসারিত করিতে কিছু টাকা খরচ হইবে, সে টাকুটাও—”

কাউন্ট কথা শেষ না করিয়া মাথা চুলকাইতে লাগিলেন।

আনা স্মিট প্রসন্ন হান্তে বলিল, “ও কথা বলিতে আর লজ্জা কি বাবা! তা, কত টাকা হইলে তোমার ঋণ পরিশোধ, আর কি বলে—পন্টন হইতে তোমার নাম খারিজ করিতে পারিবে, বল।”

কাউন্টের তখনও মাথা চুলকাইতেছিল; স্মতরাং তিনি মাথা হইতে হাত না নামাইয়া মাথা নামাইয়া কুণ্ঠিতভাবে বলিলেন, “ঠিক যে কত টাকা লাগিবে, তা এখন

আন্দাজ করিয়া বলা শক্ত; তবে আমার বিশ্বাস, খুব বেশী না হইলেও, অন্ততঃ এক লাখ ফ্রাঙ্ক পাইলেই এই ছোটো ধাক্কা আমি সামলাইতে পারিব।”

কথাটা বলিয়াই তিনি মাথা তুলিয়া উৎকণ্ঠিতভাবে আনা স্মিটের মুখের দিকে চাহিলেন। তাঁহার মনে হইল, বিবাহের প্রস্তাব পাকা হইবার পূর্বে এতগুলি টাকা চাহিয়া বসা হয় ত সম্ভব হইল না; এক লাখ ফ্রাঙ্ক বাহির করিয়া দিতে হইবে ভাবিয়া মাগী হঠাৎ বাঁকিয়া বসিলেই সব মাটা!—কিন্তু আনা স্মিটের মুখভাবের কোন পরিবর্তন হইল না দেখিয়া তিনি আশ্বস্ত হইলেন; শেষে বড়ীর কথা শুনিয়া তিনি কেবল বিস্মিত নহে, স্তম্ভিত হইলেন!

আনা স্মিট অবজ্ঞাভরে বলিল, “মোট এক লক্ষ ফ্রাঙ্ক! এই সামান্য টাকার কথা বলিতে তোমার অত সঙ্কোচ হইতেছিল? কি আশ্চর্য! এই টাকা ত যে কোন দিন আমার তহবিলে আমদানী হয়! তুমি এখন হইতে যাইবার পূর্বে আমাকে স্মরণ করাইয়া দিও, টাকা পাইবে।”

কাউন্ট আনন্দে উৎসাহে আত্মবিস্মিত হইয়া লাকাইয়া উঠিলেন এবং দুই হাতে বড়ীর গলা জড়াইয়া ধরিয়া তাহার দুই গালে দুই চুমা দিলেন! গদগদ স্বরে বলিলেন, “তুমি সত্যই আমার মা! আজ তোমাকে প্রাণ ভরিয়া মা বলিয়া ডাকিয়া ধন্য হইলাম।”

ধন্য রূপটান! ধন্য তোমার মোহিনী শক্তি!

বুড়ী বলিল, “আর আমি তোমাকে জামাই সম্বোধন করিয়া কৃতার্থ হই। এখন চল জামাই বাবাজী, গাড়ী করিয়া একটু বেড়াইয়া আসি। বাথাকেও কাপড়-চোপড় পরিয়া প্রস্তুত হইতে বলি।”

দশ মিনিট পরে আনা স্মিট বাথার ঘরে গিয়া দুই হাতে বাথাকে জড়াইয়া ধরিল এবং তাহাকে বৃকে লইয়া আবেগ-ভরে তাহার মুখচুম্বন করিল।

ব্যাপার কি বুদ্ধিতে না পারিয়া বাথার সবিস্ময়ে বলিল, “কি হইয়াছে, মা! তোমাকে এত খুসী দেখিতেছি কেন?”

আনা স্মিট বলিল, “তুমি এখন আর বাথার স্মিট নও, মা, আজ হইতে তুমি কাউন্টের ভন আরেনবর্গ! কাউন্টের

ভন আরেনবর্গ! তুমি আমার অভিবাধন গ্রহণ কর। আজ আমার জীবন সার্থক।”

বার্থা বলিল, “তোমার কথা বুদ্ধিতে পারিলাম না, মা! কি হইয়াছে?”

আনা স্মিট বলিল, “আমার জীবনের স্বপ্ন সফল হইয়াছে। কাউন্ট তোমাকে বিবাহ করিতে সম্মত হইয়াছেন। কথা পাকা হইয়া গিয়াছে; এইমাত্র সব ঠিক করিয়া আসিলাম; দুই দিনের মধ্যেই বাগদানের সংবাদ প্রচারিত হইবে।”

সপ্তদশ পরিচ্ছেদ

বাজিমাং

কাউন্ট ভন আরেনবর্গের সহিত বাথার বিবাহের প্রস্তাব স্থির হওয়ায় আনা স্মিটের এতই আনন্দ হইল যে, তাহার মাথা ঘুরিয়া গেল! কাউন্টের শ্যালক বলিয়া সন্মানে পরিচিত হইবার আশায় ফ্রিজও অত্যন্ত উৎফুল্ল হইয়া উঠিল; তথাপি তাহার মনে হইল—তাহার মা একটু বেশী রকম বাড়াবাড়ি করিতেছে। কিন্তু পিটার একটু চাপা মেজাজের লোক, সে তেমন উৎসাহ প্রকাশ করিল না; তাহার মনে হইল,—এত তাড়াতাড়ি বিবাহ না দিলেই ভাল হইত। সকল দিক না দেখিয়া, ধীরভাবে চিন্তা না করিয়া তাড়া-তাড়ি বিবাহ দিলে অনেক সময় পস্তাইতে হয়, এ কথাও সে বলিতে কুণ্ঠিত হইল না।

পিটারের মস্তব্য শুনিয়া আনা স্মিট একটু অসন্তুষ্ট হইল। সে উত্তেজিত স্বরে বলিল, “সে দিনের ছেলে তুমি, তোমার ত ভারী বুদ্ধি! সকল দায়িত্ব আমি নিজের ঘাড়ে লইয়া কাউন্টের সঙ্গে বাথার বিবাহ দিতেছি; আমি ভুল করি নাই, ইহা তোমরা পরে বুদ্ধিতে পারিবে। তোমার সন্দেহ আস্থাস্থাপনের অযোগ্য!”

পিটার মায়ের প্রকৃতি বুদ্ধিত; আনা স্মিট একেই প্রতিবাদ-অসহিষ্ণু, তাহার উপর বিবাহটা শীঘ্র শেষ করিবার জন্য তাহার দুর্দমনীয় জিদ দেখিয়া পিটার আর কোন কথা বলিল না। সে ভাবিল, “হবেও বা! মায়ের মত বুদ্ধিমতী রমণী পৃথিবীতে আর কয় জন জন্মিয়াছে?”

আনা স্মিট কাউন্টের সহিত তাহার কণ্ঠ্য বাগ্‌দানের সংবাদ স্থানীয় সংবাদপত্রসমূহে প্রকাশের ব্যবস্থা করিয়াই ক্ষান্ত হইল না ; সে কাউন্টের বংশমর্যাদা ও নানা সদগুণের বিবরণ লিখিয়া একখানি পত্র ছাপিল এবং তাহা তাহার আত্মীয়, বন্ধু ও পরিচিত ভদ্রলোকগুলির নিকট পাঠাইয়া দিল। সে সঙ্কল্প করিল, বার্থার বিবাহে এরূপ আড়ম্বর করিবে যে, তাহা দেখিয়া সকলকেই একবাক্যে স্বীকার করিতে হইবে, তেমন জাঁক জুরিচে কেহ কখন দেখে নাই !

বাগ্‌দান-পর্ক যথানিয়মে সুসম্পন্ন হইবার কয়েক দিন পর কাউন্ট তাঁহার কর্মস্থানে যাত্রা করিলেন ; জুরিচ-ত্যাগের পূর্বেদিন কাউন্ট আনা স্মিটকে টাকার কথা বলিলে আনা স্মিট তাঁহাকে প্রতিশ্রুত অর্থ প্রদান করিল। বিবাহের পূর্বেই কাউন্টকে এতগুলি টাকা দেওয়া হইল দেখিয়া ফ্রিজ বড়ই অসন্তুষ্ট হইল। সে রাগ করিয়া বলিল, “মা, তোমার এক বিন্দু কাণ্ডজ্ঞান নাই ! হইলেনই বা উনি কাউন্ট ; উহার প্রকৃতি, প্রবৃত্তি, অবস্থা সম্বন্ধে কোন কথা আমরা জানি না বলিলেও চলে ; উনি আমাদের অতিথি হইয়া কিছু দিন এখানে বাস করিয়াছেন এবং তোমার পীড়াপীড়িতে বার্থাকে বিবাহ করিতে সম্মত হইয়াছেন ; কিন্তু তাহা উহার মনের কথা কি না, উনি এখানে ফিরিয়া আসিয়া বিবাহ করিবেন কি না, কে বলিবে ? তুমি উহার দম্বাজিতে ভুলিয়া বিবাহের আগেই এতগুলি টাকা দিয়া ফেলিলে ! এই রকম চালাকী করিয়া দাঁও মারা ইহার পেশা কি না, তাহাই বা কে বলিবে ? শেষে তোমাকে পস্তাইয়া মরিতে না হয় !”

পুলের কথায় আনা স্মিট রাগিয়া আগুন হইল। কাউন্ট দম্বাজ ! এই ভাবে দাঁও মারা তাঁহার পেশা ! এ রকম মানিকর অশ্রাব্য কথা বলিতেও ফ্রিজের সাহস হইল ? আনা স্মিট চক্ষু রক্তবর্ণ করিয়া বলিল, “ফ্রিজ, তোমার মুখ ভারী আলগা ; কাউন্টের মত সম্মানিত লোকের বিরুদ্ধে এ সকল কথা বলিতে তোমার লজ্জা হইল না ? ছি, ছি, তুমি এত অভদ্র ! কেন তুমি অনধিকারচর্চা করিতে আসিয়াছ ? টাকা আমার ; আমার টাকা আমি জলে ফেলিব, ইচ্ছামত বিলাইয়া দিব ; আমার কার্যের প্রতিবাদ করিবার তোমার কি অধিকার ? আমার কোন কথার বা কার্যের প্রতিবাদ করিলে তোমার মঙ্গল হইবে না।”

মায়ের কাছে তাড়া খাইয়া ফ্রিজ আর মাথা তুলিয়া কোন কথা বলিতে সাহস করিল না। পিটারও মায়ের এই অপব্যয়ের প্রতিবাদ করিতে উত্তত হইয়াছিল, কিন্তু ফ্রিজের অবস্থা দেখিয়া সে সতর্ক হইল। মাকে চটাইলে মঙ্গল নাই, ইহা সে বেশ ভালই জানিত। এতগুলি টাকা পরহস্তগত হইল দেখিয়া ফ্রিজ ও পিটার অত্যন্ত মর্ন্যহত হইলেও কাউন্টের সহিত বার্থার বিবাহ তাহারা অত্যন্ত বাঞ্ছনীয় বলিয়াই মনে করিয়াছিল। কাউন্টের শালক এবং কাউন্টের ভাই বলিয়া সর্বত্র পরিচিত হইবার জন্ত তাহাদের বড়ই আগ্রহ হইয়াছিল ; তবে এতগুলি টাকা হাতে পাইয়া যদি কাউন্টের মতপরিবর্তন হয়, তিনি বিবাহ করিতে না আইসেন—তাহা হইলে টাকাও গেল, কাউন্টের শালক হইবার সৌভাগ্যও বঞ্চিত হইতে হইল—ভাবিয়া উভয়ে এত দূর কাতর হইয়াছিল।

ফ্রিজ বা পিটার কাউন্টের বিরুদ্ধে অসাধুতা বা লোভের ইঙ্গিত করিলে তাহাতে আনা স্মিটের ত রাগ হইবারই কথা, কিন্তু বিশ্বয়ের বিষয় এই যে, বাগ্‌দানের পর বার্থাও কাউন্টের এরূপ পক্ষপাতিনী হইয়াছিল যে, কাউন্টের রুচি ও প্রবৃত্তির কেহ নিন্দা করিলে সে তাহা সহ করিতে পারিত না ! মায়ের মনোবৃত্তি তাহার হৃদয়েও সংক্রামিত হইয়াছিল। কি এক অপূর্ব মাদকতায় তাহার হৃদয় আচ্ছন্ন হইয়াছিল, এই মোহ প্রেম নহে ; সে তখনও জোসেফকে ভুলিতে পারে নাই। জোসেফের সরল, সুন্দর, উদার মুখ মধ্যে মধ্যে তাহার মনে পড়িত ; বেদনায় তাহার হৃদয় টন-টন করিয়া উঠিত। তখনই নিজের উপর তাহার রাগ হইত এবং কৃষকপুত্র জোসেফের স্মৃতি মন হইতে মুছিয়া ফেলিবার জন্ত যথাসাধ্য চেষ্টা করিত। কিন্তু প্রথম যৌবনের নবীন প্রেম তাহার ধমনীর শোণিত-প্রবাহের সঙ্গে যেন মিশিয়া গিয়াছিল, সহস্র চেষ্টাতেও সে তাহার প্রভাব অতিক্রম করিতে পারিত না ; তখন সে জোসেফকে অপ্রণয়ী, নিষ্ঠুর, অবিশ্বাসী প্রতিপন্ন করিবার জন্ত ব্যগ্র হইয়া উঠিত ! সে চিত্তচাঞ্চল্য দমন করিবার জন্ত বিষয়াস্তরে মনোনিবেশ করিল। মায়ের সঙ্গে বাজারের দোকানে দোকানে ঘুরিয়া বিবাহোপলক্ষে ব্যবহারোপযোগী নানা প্রকার সখের জিনিষ ক্রয় করিয়া বেড়াইতে লাগিল। কিন্তু আনা স্মিটের স্বদেশানুরাগ যতই প্রবল হউক, কোন স্বদেশী

পরিচ্ছদ তাহার পছন্দ হইল না ; 'ফ্যাসনের রাণী' প্যারিসের দিকেই তাহার মন পড়িয়া রহিল। এই দুর্বলতা যুরোপের প্রত্যেক দেশের ধনশালিনী নারীমাত্রেই মজ্জাগত। সুইটজারল্যান্ড ত দূরের কথা, ইংলণ্ড ও আমেরিকার মহিলা-সম্প্রদায়েরও বিশ্বাস, পরিচ্ছদ-নির্মাণে প্যারিসের দর্জিরাজগতে অতুলনীয় ! আনা স্মিটের ধারণা হইল, কাউন্ট-পত্নীর ব্যবহারযোগ্য পরিচ্ছদ সুইটজারল্যান্ডের কোন নগরে সংগৃহীত হইবার সম্ভাবনা নাই ; এই জন্ত সে বহু অর্থব্যয় করিয়া প্যারিসে রাশি রাশি পরিচ্ছদের 'ফর-মাস' পাঠাইল। বিবাহের এক সপ্তাহ পূর্বে হইতে আনা স্মিটের বাসভবন অলকায় পরিণত হইল এবং সেই শোভা দেখিবার জন্ত বহু দূরবর্তী পত্নী হইতে দলে দলে লোক আসিতে লাগিল।

বার্থার দিনগুলি বেশ আনন্দে কাটিতে লাগিল ; এখন তাহার বিদ্মাত্র অবসর নাই। প্রত্যহ প্রভাতে সে ডাকঘরে আর্দালী পাঠায়, প্রত্যহই সে কাউন্টের নিকট হইতে এসেন্স-সুবাসিত এক একখানি সুদীর্ঘ পত্র পায় ; তাহার প্রতি ছত্রে মধু ক্ষরিতে থাকে ! প্রেমলিপি-রচনায় বার্থা এখন শিক্ষানবীশ নহে ; বৎসরের পর বৎসর ধরিয়া জোসেফকে সে গোপনে প্রেমের পত্র লিখিত, তাহার সেই অভ্যাস এখন কাষে লাগিল। কাউন্টের পত্র পাঠ করিয়া দীর্ঘতর পত্রে তাহার যথাযোগ্য উত্তর লিখিতে দিবাভাগ সুখস্বপ্নের ন্যায় অতিবাহিত হইত। তাহাদের উভয়ের উত্তর-প্রত্যুত্তরে যেন 'প্রেমের কুস্তি' চলিত ; উভয়েরই চেষ্টা পত্রের ভাষায় প্রেমের প্রগাঢ়তা পরিব্যক্ত করিয়া পরস্পরকে পরাজিত করিবে !—প্রেমলিপি ডাকঘরে পাঠাইয়া, পরী সাজিয়া সে সান্দ্রভ্রমণে বাহির হইত ; সন্ধ্যার পর দর্জিদের কাষ-কর্ম পরীক্ষা করিত ; তাহার পর আহারান্তে শয়ন করিতে যাইত। সমস্ত দিনের মধ্যে বেচারী এক মিনিট ক্লরসং পাইত না।

কাউন্ট আনা স্মিটকে লিখিয়াছিল—ডিসেম্বর মাসের পূর্বে পন্টনের চাকরীতে তাহার ইস্তফা দেওয়ার সুযোগ হইবে না ; অতএব বিবাহের দিন যেন ডিসেম্বর মাসেই ধার্য করা হয়।—এ কথা শুনিয়া বার্থার কত অভিমান ! এই দীর্ঘ বিরহ তাহার অসহ হইয়া উঠিয়াছিল। কিন্তু তাহার অভিমান-ভরা অনুযোগে কোন ফল হইল না।

ডিসেম্বর মাসেই বিবাহের দিন স্থির হইল। তবে কাউন্ট নভেম্বরেই আসিবেন লিখিয়া বার্থাকে আশ্বস্ত করিলেন।

কাউন্ট নভেম্বর মাসের শেষ সপ্তাহে পন্টনের চাকরীতে ইস্তফা দিয়া বিবাহ করিতে আসিলেন ; কিন্তু এবার তিনি একা আসিলেন না। তাহার সঙ্গে একটি খুড়তুতো ভাই ও একটি আর্দালী আসিল ; এই আর্দালীটি তাহার পন্টনের 'সিপাই' ছিল।

বিবাহের পূর্বরাত্রে আনন্দে, উৎসাহে, কাষ-কর্মে কাহারও নিদ্রা হইল না। বিনিদ্র বিভাবরী প্রভাত হইল ; কিন্তু সে দিন কি দুর্যোগ ! এরূপ ভীষণ দুর্দিনে কখন কাহার বিবাহ হইয়াছে কি না সন্দেহ। প্রভাত হইতেই মুম্বলধারে বর্ষণ আরম্ভ হইয়াছিল ; তাহার পর যতই বেলা অধিক হইল, ততই ঝটিকা-প্রকোপ বার্কত হইতে লাগিল ! ঝটিকাবেগে হ্রদের জলরাশি আলোড়িত ও উচ্ছ্বসিত হইয়া নগর-পথ পরিপ্লাবিত করিল। প্রলয়ের মেঘ যেন মাথার উপর ভাঙ্গিয়া পড়িবার উপক্রম করিল ; তাহার পর শুভ্র তুষাররাশি গিরিশৃঙ্গ হইতে প্রচণ্ড ঝটিকা-প্রবাহে বিক্ষিপ্ত হইয়া, সমগ্র নগর আচ্ছন্ন করিয়া ফেলিল ; যেন প্রলয়কাল সমাগত !

বিধাতার এই অবিচারে আনা স্মিটের ক্রোধ ও ক্ষোভের সীমা রহিল না। তাহার কন্যার বিবাহের দিন পরমেশ্বরের এ কি প্রতিকূলতা ! পরমেশ্বর তাহার কারখানার কর্মচারী হইলে এই ধ্বংসের উপযুক্ত প্রতিফল পাইতেন ; আনা স্মিট তাঁহাকে চাকরী হইতে বরখাস্ত করিয়াই ক্ষান্ত হইত না, জোসেফ কুরেটের মত তাঁহাকে চূর্ণ করিত ! কিন্তু বিধাতাকে হাতে না পাওয়ার তাহার মন্থাহত হওয়াই সার হইল। সে জলের মত অর্থব্যয় করিয়া যে অদৃষ্টপূর্ক সমারোহের ব্যবস্থা করিয়াছিল, ক্রুদ্ধের একটি ফুৎকারে তাহা নিশ্চিন্ত হইয়া মুছিয়া গেল ! বৃষ্টির অবিশ্রান্ত বর্ষণে, ঝটিকার প্রচণ্ড আবর্তে, বহুদূর-ব্যাপী তুষার-সম্পাতে তাহার বিপুল আয়োজন পণ্ড হওয়ার, তাহার উৎসব-মুখর প্রমোদাগার যেন নিরানন্দময় শ্মশানে পরিণত হইল ! তাহার আনন্দের হাট ভাঙ্গিয়া প্রলয়ের ঝটিকা হো হো শব্দে, বজ্রপের হাসি হাসিতে লাগিল।

সকল দেশের নারী অস্বাধিকপরিমাণে অন্ধ সংস্কারের

বশবর্তিনী; আনা স্মিট এই কুসংস্কারের প্রভাব অতিক্রম করিতে পারে নাই; তাহার মনে হইল, এই আকস্মিক দুর্যোগ বার্থার বিবাহিত জীবনের অশুভ সূচনা করিতেছে; হয় ত এই বিবাহের ফল কল্যাণপ্রদ হইবে না; বার্থার ভবিষ্যৎ জীবন হয় ত এইরূপ ঝটিকাভিক্কুদ্ব অশান্তিসঙ্কুল হইবে।—এ কথা চিন্তা করিয়া তাহার সর্বদা ভয়ে কণ্টকিত হইয়া উঠিল। সে প্রথমে মনে করিল, বিবাহের দিন পরিবর্তিত করিবে; কিন্তু সকল আয়োজন পণ্ড করিয়া অনির্দিষ্ট ভবিষ্যতে নূতন আয়োজন করা অসম্ভব বোধিয়া, সে কথা মুখে আনিতে তাহার সাহস হইল না। সেই দুর্যোগের মধ্যেই সে শুভকার্য্য শেষ করিতে রুতসঙ্কল্প হইল।

নির্দিষ্ট সময়ে বিবাহের দল ভজনালয় অভিমুখে যাত্রা করিল বটে, কিন্তু ঝড়ে তাহারা ছত্রভঙ্গ হইয়া পড়িল। তখন এরূপ বেগে তুষার-বৃষ্টি হইতেছিল যে, সমস্ত আকাশ গাঢ় অন্ধকারে সমাচ্ছন্ন, এক হাত দূরের বস্তুও দেখিবার উপায় ছিল না! কোন প্রকারে গীর্জায় উপস্থিত হইবার পর, বিবাহ শেষ হইলে বার্থা যখন ‘কার্ডেটস্’ হইয়া মাতৃভবনে প্রত্যাগমন করিল, তখনও প্রকৃতির ভাবান্তর লক্ষিত হইল না। মেয়ে ‘কার্ডেটস্’ হইয়াছে দেখিয়া আনা স্মিটের সকল ক্ষোভ দূর হইল; সে যেন সুখের সপ্তম স্বর্গে বিচরণ করিতে লাগিল! তাহার উচ্চাভিলাষ এত দিনে পূর্ণ হইল; সে এখন কার্ডেটসের জননী! বার্থাকে গর্ভে ধারণ করা সে সার্থক মনে করিল। অতঃপর শতাধিক পুরুষ ও মহিলা ভোজনে বসিল। সে এক বিরাট ব্যাপার! যেন রাজকীয় উৎসব!

আকাশ অপেক্ষাকৃত পরিষ্কৃত হইলে কার্ডেটস্ তাহার স্বামীর সহিত রেল-স্টেশনে যাত্রা করিল, কারণ, জন্মগীতে তাহাদের ‘মধুচন্দ্রমা’-যাপনের ব্যবস্থা হইয়াছিল।

এইরূপে বার্থার জীবন-নাটকের দ্বিতীয় অঙ্কের অভিনয় আরম্ভ হইল। পাঠক-পাঠিকাগণ ধৈর্য্য ধারণ করিয়া অপেক্ষা করিতে পারিলে ক্রমে অবশিষ্ট অঙ্কগুলির অভিনয়ও দেখিতে পাইবেন।

এখানে একটি ক্ষুদ্র ঘটনার কথা বলিব।

স্মিট এণ্ড সন্সের লোহার কারখানায় একটি যুবক কারিগর চাকরী করিত; তাহার নাম ক্লিন্জিলি।—সে জোসেফ কুরেটের পরম বন্ধু। জোসেফ সেন্টপিটার্স-বর্গে উপস্থিত হইয়া ক্লিন্জিলিকে মধ্যে মধ্যে পত্র লিখিত।

কার্ডেট ভন আরেনবর্গের সহিত বার্থার বিবাহের পর সে জোসেফকে একখানি দীর্ঘ পত্র লিখিয়াছিল। সেই পত্রের একাংশ আমরা নিম্নে উদ্ধৃত করিলাম :—

“তুমি আমাকে অনুরোধ করিয়াছিলে—ফ্রলিন স্মিট (বার্থা) সম্বন্ধে কোন কথা যেন তোমাকে লিখিতে ভুলিয়া না যাই। কিন্তু তাহার সম্বন্ধে এবার তোমাকে যে সংবাদ দিতেছি, তাহা পাঠ করিয়া তুমি নিশ্চয়ই আনন্দিত হইবে না। প্রায় এক সপ্তাহ পূর্বে কার্ডেট ভন আরেনবর্গ নামক একটা জন্মাণের সহিত তাহার বিবাহ হইয়াছে শুনিয়া তুমি কি বিস্মিত হইবে? এই লোকটার সম্বন্ধে কোন কথা আমরা জানিতে পারি নাই; তাহার কথা লইয়া হাটে-বাজারে যথেষ্ট আলোচনা চলিতেছে! কেহ কেহ বলিতেছে, লোকটা ভয়ঙ্কর ভণ্ড ও ধড়িবাজ, আমাদের কর্তীকে চালবাজিতে মাৎ করিয়াছে! তবে লোকটার যে কাণা-কড়িরও সম্বল মাই, সাধারণের এই ধারণা সত্য বলিয়াই মনে হয়; কর্তী তাহাকে বিস্তর টাকা ঘুস দিয়া মেয়েটি গছাইয়াছেন—এরূপ জনরবও শুনিতে পাইতেছি। কার্ডেট জামাই পাইয়া অহঙ্কারে মাটীতে তাঁহার পা পড়িতেছে না, কিন্তু আমার বিশ্বাস, শীঘ্রই তাঁহাকে পস্তাইতে হইবে। বিবাহে যে রকম জাঁকজমক হইয়াছিল—তেমন সমারোহ আর কখন দেখি নাই; কোন রাজকন্য়ার বিবাহেও বোধ হয়, ও রকম ধুমধাম হয় না! সে দিন কারখানার কাষ-কন্ম্ব বন্ধ ছিল, আমরা সকলেই নিমজ্জিত হইয়াছিলাম। গীর্জায় যখন বিবাহ হইতেছিল, তখন ভীষণ দুর্যোগ; কিন্তু সেই দুর্যোগের মধ্যেই আমরা বিবাহ দেখিতে গিয়াছিলাম। তখন বার্থার মুখ দেখিয়া, এই বিবাহে সে যে খুব সুখী হইয়াছে, এরূপ মনে হইল না। তবে তাহার পোষাক ও অলঙ্কারের ঘটা দেখিয়া আমরা মুগ্ধ হইয়াছিলাম বটে। কার্ডেটের চেহারা ও ভাব-ভঙ্গী দেখিয়া মনে হয়, লোকটা ফক্কড় ও অপদার্থ।

আশা করি, এই বিবাহের সংবাদ শুনিয়া তুমি বুক ফাটিয়া মরিবে না। তুমি ফ্রলিন স্মিটের কথা ভুলিয়া যাও। রুসিয়ার গিয়াছ, বোধ হয়, এখন কিছু দিন সেখানেই থাকিবে। এই সুযোগে কোন একটা সুন্দরী রুসবালার প্রেমে পড়িতে পারিবে না? ইহা অপেক্ষা সে অনেক ভাল হইবে।”

অষ্টাদশ পরিচ্ছেদ

হর্ভেঞ্জ রহস্য

জোসেফ কুরেট সেন্টপিটার্সবার্গে আসিয়া সলোমন কোহেনের আশ্রয়ে বেশ সুখে ছিল। সলোমন কোহেন কয়েক দিনেই বুঝিতে পারিল, জোসেফের মত কাষের লোক বড়ই হুল'ভ ; নিহিলিষ্টদের পরম সৌভাগ্য যে, সে তাহাদের দলে যোগ দিয়াছে। সলোমন জোসেফকে পুত্রবৎ স্নেহ করিতে লাগিল।

জনসাধারণের সহিত সলোমনের যথেষ্ট পার্থক্য ছিল ; অনেক বিষয়েই তাহার অসাধারণত্ব বুঝিতে পারা যাইত। প্রাচীন যুগের সলোমন 'মহাজ্ঞানী' বলিয়া খ্যাতি লাভ করিয়াছিলেন ; সলোমন কোহেনেরও সেই নামধারণ সার্থক হইয়াছিল। সে এরূপ তীক্ষ্ণদৃষ্টিসম্পন্ন, কূটনীতিজ্ঞ, বিবেচক, দূরদর্শী, বুদ্ধিমান ও সতর্ক ছিল যে, রুসিয়ার পক্ষে সে বিপজ্জনক হইয়া উঠিয়াছিল ; তাহাকে নিহিলিষ্ট সম্প্রদায়ের মেরুদণ্ড বলিলে অত্যুক্তি হয় না। সে নিহিলিষ্ট সম্প্রদায়কে নানা ভাবে সাহায্য করিলেও সর্বদা এরূপ সতর্ক থাকিত যে, পুলিশ কোন দিন তাহাকে রুস গবর্ণ-মেন্টের শত্রু বলিয়া সন্দেহ করিতে পারে না ; সে যে অত্যুৎসাহী নিহিলিষ্ট, ইহা পুলিশের ও রাজপুরুষগণের স্বপ্নেরও অগোচর ছিল। নিহিলিষ্ট নেতৃবর্গের সহিত তাহার পত্রব্যবহারের বিরাম ছিল না ; সে রুস রাজধানীতে বসিয়া অলক্ষ্য সূত্রসঞ্চালনে তাহাদিগকে পরিচালিত করিত ; কিন্তু গবর্ণমেন্টের গুপ্তচররা এ সকল ব্যাপার জানিতে পারিত না। এই জন্তই বলিতেছি, সলোমন কোহেন সাধারণ লোক ছিল না। অবশ্য, নিহিলিষ্ট নেতৃবৃন্দের স্বভাবসিদ্ধ সতর্কতাও তাহার সাফলাভ্যের অন্ততম কারণ। তাহার কথায় ও ব্যবহারে সকলেরই ধারণা হইত, এরূপ সরলপ্রকৃতি, বিনয়ী, সদাশয় লোক জগতে হুল'ভ !

লোকের ধারণা ছিল, সলোমন কোহেন 'টাকার কুমীর' ; সে নানা উপায়ে প্রচুর অর্থ উপার্জন করিত বটে, কিন্তু তাহার ব্যয়ের পরিমাণ এত অধিক ছিল যে, সে অধিক কিছু সঞ্চয় করিতে পারে নাই। সে নানা কারণে লিপ্ত ছিল, এ জন্ত জোসেফের কাষের অভাব হইল না। সে

দেখিত, জোসেফ যখন যে কাষের ভার পাইত, তাহা অপূর্ব দক্ষতার সহিত সুসম্পন্ন করিত।

সলোমন কোহেনের কণ্ঠা রেবেকা অসামান্য রূপের জন্ত খ্যাতি লাভ করিয়াছিল। সকলেই তাহার রূপের প্রশংসা করিত। সে যেরূপ ধীরপ্রকৃতি, সেইরূপ স্বল্পভাষিনী। প্রগল্ভা যুবতীরা তাহার গাম্ভীর্য ও চিন্তাশীলতার নিন্দা করিত ; মুখরা চপলার দল তাহাকে গর্হিতা মনে করিত। এই নিরীহ শান্ত যুবতীকে দেখিয়া বা তাহার সহিত আলাপ করিয়া কেহই বুঝিতে পারিত না, তাহার সঙ্কল্প কিরূপ দৃঢ়, তাহার প্রতিভা-বৃত্তি কিরূপ প্রখর !

অল্পদিনেই জোসেফের সহিত রেবেকার বন্ধুত্ব হইল। রেবেকার সদয় ব্যবহারে জোসেফ তাহার বশীভূত হইল। আত্মীয়-স্বজনের সংশ্রববিচ্যুত, প্রবাসী জোসেফ রেবেকার সহানুভূতি ও মমতার পরিচয় পাইয়া তাহার নিকট কৃতজ্ঞ না হইয়া থাকিতে পারিল না। কিন্তু সে তাহার কৃতজ্ঞতা কোন দিন বাক্যে প্রকাশ করিবার চেষ্টা করে নাই। জোসেফ তাহার অপরূপ রূপ-লাবণ্যে মুগ্ধ হইয়াছিল বটে, কিন্তু সে মোহ তখনও লালসা-বর্জিত ; মহিমময়ী দেবমূর্তি দেখিলে ভক্তের মনে যে ভাবের উদয় হয়, রেবেকার প্রতি তাহার মনের ভাব তখনও সেইরূপ। উভয়ের বন্ধুত্ব ক্রমে প্রগাঢ় হইয়া উঠিল। এই সময় জোসেফ তাহার বন্ধুর পত্রে কাউন্ট ভন আরেনবর্গের সহিত বার্থার বিবাহের সংবাদ জানিতে পারিল। এই সংবাদে জোসেফ বড়ই অধীর হইয়া উঠিল। সে ভাবিয়াছিল, ব্যাপারটা নিতান্ত তুচ্ছ মনে করিয়া 'ওদাসী' ও অবজ্ঞা প্রকাশ করিবে। কিন্তু তাহার হৃদয় বিদ্রোহী হইয়া উঠিল ; সে চিত্ত সংযত করিতে পারিল না। তাহার আশা ছিল, প্রতিকূল অবস্থার সহিত সংগ্রাম করিয়া সে এক দিন জয় লাভ করিবে, তখন বার্থাকে লাভ করা হয় ত অসম্ভব হইবে না ; কিন্তু বার্থার বিবাহের সংবাদ শুনিয়া আশার ক্লীণ আলোকশিখা নির্ধাপিত হইল। বার্থা তাহাকে প্রতারিত করিয়াছিল, প্রেমের অভিনয়ে তাহাকে মুগ্ধ করিয়া তাহার হৃদয় লইয়া খেলা করিয়াছিল, এই ধারণাই তাহার অধিকতর মর্শ্ব-পীড়ার কারণ হইল ; নিজের জীবনে ঘৃণা হইল ; কিন্তু রেবেকার স্নেহে ও যত্নে সে কতকটা প্রকৃতিস্থ হইল ; তাহার মনে হইল, যদি সে রেবেকার প্রণয় লাভ করতে পারে,

তাহা হইলে আবার সে সুখী হইবে। অতীতের স্মৃতি মন হইতে মুছিয়া ফেলিয়া আবার নূতন করিয়া সংসারের পথে অগ্রসর হইবে। বার্থী তাহার মুখের দিকে চাহিল না, তাহার হৃদয়ভরা প্রেম পদনলিত করিয়া অগ্নের হস্তে আহুসমর্পণ করিল; সে কেন তাহার জন্ম হা-হতাশ করিয়া মরিবে? জোসেফের হৃদয় রেবেকাময় হইল!

কিন্তু অদ্ভুত এই নারীর প্রকৃতি! তাহার হৃদয়-রহস্য দুর্জয়। রেবেকা তাহাকে স্নেহ করে, যত্ন করে, তাহার প্রতি মমতায় রেবেকার কোমল হৃদয় পূর্ণ; কিন্তু রেবেকা তাহাকে প্রেমাম্পদ মনে করে বা তাহাকে প্রণয়িনীর গায় ভালবাসে—ইহা সে বিশ্বাস করিতে পারিল না।—রেবেকা কোন দিনই তাহার নিকট সে ভাব প্রকাশ করে নাই। রেবেকার মনের ভাব সে বুঝিতে পারিল না; অথচ একবার নারীর প্রণয়ে নিরাশ হইয়া রেবেকার নিকট তাহার মনের ভাব প্রকাশ করিতেও সাহস হইল না। অবশেষে সে স্থির করিল, আর আশুন লইয়া খেলা করিবে না; সলোমন কোহেনের আশ্রয় ত্যাগ করিবে এবং আশাহীন উদ্দেশ্যহীন জীবন লইয়া দেশদেশান্তরে ঘুরিয়া বেড়াইবে—যত দিন মৃত্যু আসিয়া তাহার সকল সস্তাপ না হরণ করে!

এইরূপ যখন তাহার মনের অবস্থা, সেই সময় এক দিন সে সংবাদ পাইল, কোন জরুরি কার্যে তাহাকে সুইটজারল্যান্ডে যাত্রা করিবার জন্য অবিলম্বে প্রস্তুত হইতে হইবে। এই সংবাদে সে বড়ই কাতর হইয়া পড়িল, এবং রেবেকার সান্নিধ্য ত্যাগ করা তাহার পক্ষে কত কষ্টকর—তাহা বুঝিতে পারিল! কিন্তু নিহিলিষ্ট দলপতির আদেশ অলঙ্ঘনীয়—তাহাও সে জানিত; সুতরাং ইচ্ছা না থাকিলেও তাহাকে সুইটজারল্যান্ডে প্রত্যাগমন করিতেই হইবে। সে এই আদেশ খণ্ডনের কোন উপায় না দেখিয়া অবশেষে সলোমন কোহেনের শরণাপন্ন হইল। সুইটজারল্যান্ডে না গিয়া সে যাহাতে তাহার নিকট থাকিতে পারে—তাহারই ব্যবস্থা করিবার জন্ম অনুরোধ করিল। সলোমন বলিল, তাহার চেষ্টা সফল হইবার সম্ভাবনা নাই; দলপতির আদেশ পালন করিতেই হইবে। কিন্তু সে জোসেফের প্রার্থনা হঠাৎ অগ্রাহ না করিয়া, তাহার অনুকূলে চেষ্টা করিতে সন্মত হইল। জোসেফকে ছাড়িয়া দিতে তাহারও ইচ্ছা ছিল না; জোসেফের গায় কার্যদক্ষ ও বিশ্বস্ত

কর্মচারী তাহার সুবিস্তীর্ণ কর্মশালায় আর একাটও ছিল না, জোসেফকে ছাড়িয়া দিলে তাহার কাষকর্মের যথেষ্ট ক্ষতি হইবে—ইহাও সে জানিত।

কিন্তু জোসেফ তাহার আশ্রয় ত্যাগ করিয়া যাইতে অসম্মত কেন—ইহা জানিবার জন্ম সলোমনের আগ্রহ হইল। সে বলিল, “সুইটজারল্যান্ড তোমার স্বদেশ; স্বদেশ যাইতে ইচ্ছা না হয় কার?—তুমি এ সুযোগ ত্যাগ করিতেছ কেন?”

জোসেফ বলিল, “আপনার নিকট পিতার স্নেহ পাইয়াছি; আমি এখানে বড়ই সুখে আছি।”

সলোমন বলিল, “ইহাই কি তোমার স্বদেশপ্রত্যাগমনে অনিচ্ছার একমাত্র কারণ?”

জোসেফ অবনত মুখে বলিল, “দেশে আমার কোন বন্ধন নাই; এখানে আমি—আমি—”

সলোমন বলিল, “কি বলিতেছিলে বল, বলিতে কুণ্ঠিত হইতেছ কেন?”

জোসেফ বলিল, “আমি আপনার কণ্ঠকে ভালবাসিয়া ফেলিয়াছি!”

জোসেফের কথা শুনিয়া সলোমনের মুখ হঠাৎ অত্যন্ত গম্ভীর হইয়া উঠিল, ক্রোধে চক্ষু যেন জলিয়া উঠিল; কিন্তু সে তৎক্ষণাত্ মনের ভাব গোপন করিয়া সংযত স্বরে বলিল, “রেবেকাও কি তোমাকে ভালবাসে?”

জোসেফ ক্ষুণ্ণভাবে বলিল, “জানি না, তাঁহার মনের ভাব কোন দিন বুঝিতে পারি নাই।”

সলোমন বলিল, “তাহার মনের ভাব জানিবার জন্ম কোন দিন চেষ্টা করিয়াছ? তাহাকে সে কথা জিজ্ঞাসা করিয়াছ?”

জোসেফ বলিল, “না; সে কথা তাহাকে জিজ্ঞাসা করিতে আমার সাহস হয় নাই। আমার কথা শুনিয়া আপনি কি রাগ করিলেন? আমি তাঁহাকে প্রাণ ভরিয়া ভালবাসি। দেবী তিনি, আমি মনে মনে তাঁহাকে ভক্তের মত শ্রদ্ধার পুষ্পাঞ্জলি দিয়া আসিয়াছি, এ আমার অপরাধ কি না, জানি না, কিন্তু এ কথা স্থির যে, আপনার ইচ্ছার প্রতিকূলে আমি কোন কাষ করিব না।”

সলোমন অচঞ্চল স্বরে বলিল, “না জোসেফ, আমি তোমার প্রতি অসন্তুষ্ট হই নাই, রাগও করি নাই।”

সলোমনের কথায় সাহস পাইয়া জোসেফ বলিল, “আপনি রাগ করেন নাই শুনিয়া আমার বড় আনন্দ হইল ; একটা কথা জানিতে আমার অত্যন্ত আগ্রহ হইয়াছে। আমার কোন আশা আছে কি ?”

জোসেফের প্রশ্নে সলোমনের মুখমণ্ডল অস্বাভাবিক গম্ভীর হইয়া উঠিল ; তাহার সর্বাঙ্গ কাঁপিতে লাগিল, দারুণ উত্তেজনায় তাহার উভয় হস্ত মুষ্টিবদ্ধ হইল, সুগৌরব প্রশস্ত ললাটের শিরা ফুলিয়া উঠিল এবং ক্র কুঞ্চিত হইল। জোসেফ তাহার এই ভাবান্তর লক্ষ্য করিয়া ভীত হইল ; সে কি বলিতে উত্তত হইয়াছে, এমন সময় সলোমন হাত তুলিয়া তাহাকে নীরব থাকিতে ইঙ্গিত করিয়া দৃঢ়স্বরে বলিল, “জোসেফ, তুমি এ আশা ত্যাগ কর। তোমার আশা পূর্ণ হওয়া অসম্ভব ; হাঁ, সম্পূর্ণ অসম্ভব।”

জোসেফ সবিস্ময়ে বলিল, “আপনি অসম্ভব না বলিয়া অসম্ভব বলিলেন কেন ?”

সলোমন জোসেফের মুখের উপর স্থির দৃষ্টিতে চাভিয়া ধীর গম্ভীর স্বরে বলিল, “না, অসম্ভব না হইলেও অসম্ভব। আমি আবার বলিতেছি—সম্পূর্ণ অসম্ভব। এ আশা তুমি হৃদয় হইতে বিসর্জন কর।”

জোসেফ কুণ্ঠিতভাবে বলিল, “আপনি বিজ্ঞ, বিবেচক ; তথাপি আপনি আমাকে আমার ধর্মীর শোণিত-প্রবাহ রুদ্ধ করিতে আদেশ করিতেছেন। আমার আশা পূর্ণ হওয়া অসম্ভব কেন—তাহা কি জানিতে পারি না ?”

সলোমন যেন কিঞ্চিৎ বিব্রত হইয়া বলিল, “জোসেফ কুরেট ! আমি তোমার কোতূহল দূর করিতে পারিব না ; অন্ততঃ এখন নহে।”

জোসেফ আর কোন কথা না বলিয়া ক্ষুব্ধ হৃদয়ে অবনত মস্তকে সেই কক্ষ ত্যাগে উত্তত হইয়াছে, এমন সময় সলোমন পূর্ববৎ গম্ভীর স্বরে বলিল, “শোন জোসেফ, একটা কথা জানিতে চাই ; তুমি যে রেবেকাকে ভালবাসিয়াছ—ইহা কি সে জানিতে পারিয়াছে ? এরূপ সন্দেহও কি তাহার মনে স্থান পাইয়াছে ?”

জোসেফ বৃথিয়া দাঁড়াইয়া বলিল, “জানি না ; তবে কেহ ভালবাসিলে নারীরা তাহা বুঝিতে পারে না, ইহা বিশ্বাস করা কঠিন। নারীর হৃদয় দর্পণের ঢায় স্বচ্ছ, প্রেমিকের প্রেম তাহাতে প্রতিবিম্বিত হয়।”

সলোমন এ কথা শুনিয়া জোসেফকে যাহা বলিল, তাহাতে তাহার বিস্ময় শতগুণ বর্দ্ধিত হইল !

সলোমন বলিল, “তুমি প্রেমিকের মতই কথা বলিয়াছ। তোমার প্রণয় ঘনীভূত হইবার পূর্বে নিঃসন্দেহ হওয়াই কর্তব্য। তুমি আমাকে যে সকল কথা বলিলে—এই সকল কথা রেবেকাকেও বলিয়া দেখ। তাহা হইলে তাহার মনের ভাব বুঝিতে পারিবে ; বুঝিতে পারিবে, তোমার আশা পূর্ণ হইবার বিন্দুমাত্র সম্ভাবনা নাই।”

কিন্তু জোসেফ তিন দিনের মধ্যেও রেবেকাকে কোন কথা বলিতে সাহস করিল না। তাহার প্রতি রেবেকার মনের ভাব কিরূপ—তাহার ইঙ্গিতে, কথায়, ব্যবহারে তাহাই পরীক্ষা করিতে লাগিল। শেষে তাহার ধারণা হইল, রেবেকা তাহাকে নিশ্চয়ই ভালবাসে। কিন্তু রেবেকা তাহার প্রতি আসক্ত হইলেও তাহাদের বিবাহে কি বাধা থাকিতে পারে—জোসেফ তাহা বুঝিতে পারিল না। সে জানিত, সলোমন কোহেন তাহার দারিদ্র্যকে অপরাধ মনে করে না। নিহিলিষ্টেরা সাম্যবাদী। তবে বাধা কি ?

জোসেফ রেবেকার মনের ভাব জানিবার জন্ত ব্যগ্র হইল ; কিন্তু কথাটা জিজ্ঞাসা করিতে সঙ্কোচ বোধ করিল, শীঘ্র তেমন সুযোগও পাইল না। অবশেষে এক দিন সুযোগ জুটিয়া গেল ; বোধ হয়, সলোমন কোহেন ইচ্ছা করিয়াই সুযোগটা জুটাইয়া দিল। সলোমন রেবেকাকে এক দিন কোন থিয়েটারে ‘অপেরা’ দেখাইতে লইয়া যাইবে বলিয়া প্রতিশ্রুত হইল। নির্দিষ্ট দিন সন্ধ্যার পর রেবেকা সাজসজ্জা করিয়া তাহার পিতাকে বলিল, “এস বাবা, থিয়েটারে যাই।”

সলোমন তখন টেবলের উপর ঝুঁকিয়া পড়িয়া কি লিখিতেছিল ; সে মুখ তুলিয়া বলিল, “ভারি একটা জরুরি কাযে ব্যস্ত আছি, মা ! আমার ত তোমার সঙ্গে যাইবার অবসর হইবে না।”

রেবেকা বলিল, “সে কি বাবা ! আমি যে কাপড়-চোপড় পরিয়া প্রস্তুত হইয়া আসিয়াছি ! তোমার কায আছে, আমার সঙ্গে যাইতে পারিবে না, এ কথা আগে বলিলেই পারিতে।”

সলোমন বলিল, “আমি যাইতে না পারিলেও তোমার

কোন অশুবিধা হইবে না, জোসেফ কুরেট তোমার সঙ্গে যাইবে।”

রেবেকা পিতার আদেশে জোসেফকে সঙ্গে লইয়া অপেরা দেখিতে চলিল।

তাহারা উভয়ে একত্র রঙ্গালয়ে উপস্থিত হইল; কিন্তু জোসেফ ‘বলি বলি’ করিয়াও কথাটা বলিতে পারিল না, ভাবিল, ‘অপেরা’ দেখিয়া বাড়ী ফিরিবার সময় বলিলেই চলিবে।

কয়েক ঘণ্টা পর অভিনয় শেষ হইলে, তাহারা রঙ্গালয়ের বাহিরে আসিল। শীতের রাত্রি। পথে বরফ জমিয়া লোহার মত শক্ত হইয়াছিল। আকাশ নির্মল; নক্ষত্রগুলি এরূপ উজ্জ্বল প্রভা বিকীর্ণ করিতেছিল যে, মেরুসন্ধিহিত দেশ ভিন্ন অত্র সেরূপ দেখিতে পাওয়া যায় না। জোসেফ ও রেবেকা পশুলোম-নির্মিত স্থল পরিচ্ছদে সর্বাঙ্গ আবৃত করিয়া, অনাবৃত প্লেজ্ গাড়ীতে পাশাপাশি বসিয়া বাড়ী চলিল।

গাড়ী তুষারমণ্ডিত পথে চলিতে আরম্ভ করিলে জোসেফ রেবেকাকে বলিল, “তোমাকে সঙ্গে লইয়া এই ভাবে বেড়াইতে পাওয়ায় আমার যে কি আনন্দ হইতেছে—তাহা তোমাকে বুঝাইতে পারিব না রেবেকা।”

রেবেকা বলিল, “আনন্দটা যে তুমি একাষ্ট উপভোগ করিতেছ—এরূপ মনে করিও না; আমারও খুব আনন্দ হইয়াছে।”

রেবেকার কথা শুনিয়া জোসেফের মুখ লাল হইয়া উঠিল; তাহার হৃদয় সবেগে স্পন্দিত হইতে লাগিল। তাহার বিশ্বাস হইল—আশা পূর্ণ হইবে। সে বলিল, “তোমার কথা শুনিয়া বড়ই সুখী হইলাম, রেবেকা! কারণ—কারণ—”

কারণটা কি, তাহা আর তাহার মুখ দিয়া বাতির হইল না, কথাগুলো যেন তাহার গলায় বাধিয়া গেল!

রেবেকা স্নিগ্ধ দৃষ্টিতে জোসেফের মুখের দিকে চাহিয়া বলিল, “কারণ—বলিয়াই চুপ করিলে কেন? কি বলিতেছিলে, বল।”

রেবেকার সহানুভূতিপূর্ণ সুকোমল কণ্ঠস্বরে জোসেফের সঙ্কোচ দূর হইল, একটু সাহসও হইল। সে তাহার পুরু-দস্তানামণ্ডিত হাতখুনি রেবেকার হাতের উপর রাখিয়া কম্পিত স্বরে বলিল, “কারণ, আমি তোমাকে ভালবাসি।”

জোসেফের কথা শুনিয়া রেবেকা চঞ্চল হইয়া উঠিল; সে স্থির দৃষ্টিতে একবার জোসেফের মুখের দিকে চাহিয়া মুখ ফিরাইল। নৈশ অন্ধকারে দৃষ্টি অবরুদ্ধ না হইলে জোসেফ দেখিতে পাইত—রেবেকার নীল শতদলের মত চক্ষু দুটি জলে ভাসিতেছে!

কিন্তু রেবেকার ভাবান্তর সে বুঝিতে পারিল, তাই সভয়ে বলিল, “আমার কথায় রাগ করিলে কি?”

রেবেকা মানসিক চাঞ্চল্য দমন করিয়া ধীর স্বরে বলিল, “না জোসেফ, তোমার কথায় আমি রাগ করি নাই।”

জোসেফ একটু অভিমানের স্বরে বলিল, “রাগ কর নাই, তবে আমার কথা শুনিয়া ও রকম চঞ্চল হইয়া উঠিলে কেন? বল, রেবেকা, বল,—আমি তোমার অপ্রীতিভাজন নহি—আমার এই ধারণা কি ভ্রান্ত?”

রেবেকা যেন মোরিয়া হইয়া উঠিয়া দৃঢ় স্বরে বলিল, “জোসেফ কুরেট, তুমি বুঝিতে পার নাই—আমার বৃকে ছুরি মারিয়া আমাকে কিরূপ যন্ত্রণা দিতেছ!”

জোসেফ স্তম্ভিত হইয়া ক্ষণকাল নিস্তব্ধভাবে বসিয়া রছিল, তাহার পর অশ্রুট স্বরে বলিল, “তোমার কথাগুলি হেয়ালীর মত হৃর্ষোধ্য; আমি উহার মর্ম্ম বুঝিতে পারিলাম না!”

রেবেকা বলিল, “ও হেয়ালীই থাক, তোমাকে উহার মর্ম্ম বুঝিতে হইবে না।”

জোসেফ বলিল, “না রেবেকা, উহা আমাকে জানিতেই হইবে। যদি বুঝিতাম, আমার প্রার্থনায় তুমি অসন্তুষ্ট হইয়াছ, তাহা হইলে ইহা জানিবার জন্ত নিশ্চয়ই আগ্রহ প্রকাশ করিতাম না। কিন্তু আমি জানি, আমাকে তুমি উপেক্ষা কর না।”

রেবেকা মনে ব্যথা পাইয়া বলিল, “তোমাকে উপেক্ষা করিব? আমার হৃদয় কি নারী-হৃদয় নহে?”

জোসেফ রেবেকার মুখের কাছে মুখ আনিয়া আবেগ-ভরে বলিল, “তাহা হইলে তুমি আমাকে সত্যই ভালবাস?”

এ কথায় রেবেকা পুনর্বার অত্যন্ত চঞ্চল হইয়া উঠিল; মিনিট দুই-সেকোন কথা বলিতে পারিল না, শেষে দীর্ঘনিশ্বাস ফেলিয়া বলিল, “হাঁ, আমি তোমাকে ভালবাসি;”

ভগিনী তাহার ভাইকে যে রকম ভালবাসে, সেই রকম ভালবাসি।”

জোসেফ দীর্ঘনিশ্বাসে বলিয়া ফেলিল, “কিন্তু আমি তোমার ও রকম ভালবাসা চাহি না, রেবেকা! আমি ত তোমার ভাই নই; নারী তাহার প্রিয়তমকে যে ভাবে ভালবাসে, আমি তোমার সেই ভালবাসার প্রার্থী। আমি তোমাকে লাভ করিতে চাই।”

রেবেকা কাতর কণ্ঠে বলিল, “জোসেফ, তুমি আর আমার বুকে ছুরি মারিও না। এ যন্ত্রণা অসহ্য।”

জোসেফ ক্ষুব্ধ স্বরে বলিল, “আমি তোমার বুকে ছুরি মারিতেছি? কোন নারী তাহার প্রণয়ীর মুখে প্রেমের কথা শুনিয়া তাহা কি ছুরিকাঘাতের মত যন্ত্রণাদায়ক মনে করে? তুমি ত স্বীকার করিয়াছ, আমাকে ভালবাস।”

রেবেকা বলিল, “হাঁ, ভগিনী ভাইকে যে রকম ভালবাসে, আমি তোমাকে ঠিক সেই রকম ভালবাসি।”

জোসেফ বলিল, “আমি ত তোমার ভ্রাতৃস্নেহের প্রার্থী নহি; আমি চাহি তোমার হৃদয়; আমি তোমাকে পত্নীরূপে লাভ করিতে চাহি।”

রেবেকা এবার চুই হাতে মুখ ঢাকিয়া নীরবে রোদন করিল; অশ্রুশিশিতে তাহার হাতের দস্তানা ভিজিয়া গেল। উদ্বেল হৃদয়বেগ দমন করিতে না পারায় সে ফুলিয়া ফুলিয়া কাঁদিতে লাগিল। ইহা দেখিয়া জোসেফ বিস্ময়ে অভিভূত হইল। জোসেফ জানিত, রেবেকার চিত্ত-সংযমের শক্তি অসাধারণ, ছুঃপ-কণ্ঠে সে বিচলিত হয় না; সে অনেকবার রেবেকার নয়নে অগ্নিশূলিঙ্গ দেখিয়াছে, কিন্তু কখন অশ্রু দেখিতে পায় নাই; অশ্রুপাত করা যেন তাহার পক্ষে অস্বাভাবিক। সেই রেবেকার নয়নে অশ্রুর ধারা বহিতেছে!—ইহার কারণ বুঝিতে না পারিয়া জোসেফ হত-বুদ্ধি হইল; তাহার মুখে কথা সরিল না।

মনের ভার লঘু হইলে রেবেকা মুখ তুলিয়া ভগ্ন স্বরে বলিল, “জোসেফ, ও সকল কথা আমাকে আর কখন বলিও না; কারণ, আমি তোমাকে বিবাহ করিতে পারিব না। আমাদের মিলন অসম্ভব।”

জোসেফ বলিল, “আমাদের মিলন অসম্ভব?”

রেবেকা দৃঢ় স্বরে বলিল, “হাঁ, পূর্বেও বলিয়াছি, এখন আবার বলিতেছি—এ জীবনে আমাদের মিলন অসম্ভব।”

জোসেফ বলিল, “কিন্তু আমাকে কি ইহার কারণ জানিতে দিবে না?”

রেবেকা বলিল, “এখন আমাকে ও কথা জিজ্ঞাসা করিও না। ভবিষ্যতে হয় ত তোমাকে তাহা বলিতে পারিব। আমি তোমাকে সহোদরের মত ভালবাসিব; তুমি আমাকে ভগিনীর মতই দেখিও। তোমাকে বিবাহ করা—আমার অসাধ্য।”

জোসেফ আর কোন কথা বলিল না; অবশিষ্ট পথটুকু তাহার মৌনভাবে অতিক্রম করিল। আশার যে ক্ষীণ শিখা জোসেফের হৃদয়ে মৃৎপ্রভা বিকাশ করিতেছিল, তাহার ভাগ্যবিড়ম্বনায় তাহা নির্ঝাপিত হইল। নিরাশার গাঢ় অন্ধকারে তাহার হৃদয় আচ্ছন্ন হইল। সে মর্শ্বাহত হইয়া মনে মনে বলিল, “বাচিয়া আর সুখ কি? এখন মৃত্যুতেই আমার শান্তি। যেরূপে হউক, মরিয়া এ জালা জুড়াইব। জীবন আমার পক্ষে বিড়ম্বনামাত্র।”

শকটখানি সলোমনের গৃহদ্বারে উপস্থিত হইলে জোসেফ রেবেকাকে নামাইয়া দিল; তাহার পর তাহার হাত ধরিয়া লইয়া চলিল। অন্ধকারে কিছু দূর অগ্রসর হইয়া জোসেফ হঠাৎ গামিল এবং রেবেকাকে মুহূ স্বরে বলিল, “রেবেকা, তোমার অনুরোধ বা আদেশ আমার নিকট অলঙ্ঘনীয়। আমি তোমার প্রস্তাবেই সন্মত হইলাম। তোমাকে ভগিনীর মতই ভালবাসিব। কিন্তু আমার মনের কথা তুমি জানিতে পারিয়াছ; প্রেমসী নারীর প্রতি প্রেমিক পুরুষ যে ভাবে আকৃষ্ট হয়, আমিও তোমার প্রতি সেইরূপ আকৃষ্ট হইয়াছি; এই আকর্ষণ হইতে মুক্ত হওয়া আমার অসাধ্য। প্রণয়িনীকে বক্ষে ধারণ করিয়া যে সুখ, প্রণয়িনীর অধরে অধর স্পর্শ করিয়া সে আনন্দ ও তৃপ্তি, একবার মুহূর্তের জন্ত আমাকে সেই সুখ, সেই আনন্দ ও তৃপ্তি লাভ করিতে দাও; ইহাই আমার অন্ধকারাচ্ছন্ন, হৃগ্ন, মরুময় জীবনপথের পাথের হউক।”

রেবেকা কোন কথা বলিল না; সে দীর্ঘনিশ্বাস ত্যাগ করিয়া জোসেফের বুকে মাথা রাখিল; তখন জোসেফ উন্মত্ত-প্রায় হইয়া তাহাকে আলিঙ্গন-পাশে আবদ্ধ করিল এবং ব্যাকুলভাবে তাহার মুখচুম্বন করিল। রেবেকাও জোসেফের ত্বাতির ওষ্ঠে মুহূর্তমাত্র স্থায়ী প্রণয়িনীর অধিকারের ছাপ মারিয়া দিল; তাহার পর সুদৃঢ় ভূজবন্ধন হইতে তাহাকে

মুক্তিদান করিয়া কোমল স্বরে বলিল, “কি মধুর মাদকতা !
কিন্তু জোসেফ, যদি তোমার অঙ্গীকার পালনের ইচ্ছা
থাকে—তাহা হইলে তুমি আর কখন আমাকে এ ভাবে
প্রলুব্ধ করিও না !”

জোসেফ বলিল, “এই মুহূর্তে আমার মৃত্যু হইলে সে
মৃত্যু কি স্থখের হইত !”

য়েবেকা ব্যগ্রভাবে বলিল, “না, না, ও কথা মুখে
আনিও না ; যে আমার সর্বনাশ করিয়াছে—তাহাকে
শাস্তি দেওয়ার জন্ত তোমাকে বাঁচিয়া থাকিতে হইবে।”

এ আবার কি কথা ?—জোসেফ বিশ্বয়ের অতল গর্ভে
তলাইয়া গেল !

[ক্রমশঃ ।

শ্রীদীনেত্রকুমার রায় ।

আকুলতা

দূরে ঐ বনে বনে পাখী করে কলরব,
তোমার কথাটি মনে পড়ে,
সারাটি হৃদয় মোর ভেদিয়া আঁধার ঘোর
তোমার স্মৃতিতে যায় ভ’রে ।

ঐ ঘন নীলাকাশ,
বন-কুম্বের বাস,
পাতায় পাতায় শ্রামলতা,
প্রভাত-বাতাসটুকু কি যেন আবেগ-মাখা
ভরা কি নীরব আকুলতা !

এবার বিদায়-ক্ষণে তুমি ত ছিলে না কাছে—
কেহ ত কাতর আঁগি তুলি’,
বেদনা-বাকুল বৃকে চাহেনি আমার পানে,
দেয়নি বিদায় ‘এস’ বলি’ ।

বাতায়নে কারো আঁগি,
ছিল না ত অশ্রু মাখি,
শূন্য কুটার ছিল শুধু,
হৃ’পাশে ধানের ক্ষেত মাঝে সরু আল ধরি’
এসেছি একেলা ওগো বঁধু ।

অদূরে খেজুর-ঝোপ—শ্রান্ত গোধনগুলি
আলসে শুইয়া পাশে তার,
আপেক্ষে মুদিত আঁগি, মনে হয় বৃকে বৃষ্টি
তাহাদেরো ভাবনার তার !

খিঙ্ক বটের ছায়,
ভাবনা-বিহীন তায়,
রাখালেরা খেলে লুকোচুরি,
সরম ভাঙিয়া মোর অশ্রুট রোদন-ধ্বনি
উঠেছিল সারা হৃদি জুড়ি’ ।

সুন্দর সে মুখখানি দোখিয়াছি কতবার
তবু গো নূতন পলে পলে,
করণ-মিনতি-মাথা শূন্য নয়ন হ’তে
বেদনা যে জল হয়ে গলে ।

প্রবাস-যামিনী কবে
জানি না বিগত হবে,
কবে হবে মধুর মিলন ।
যুগল-হৃদয় মাঝে পুলক উঠবে তুলে
সুধাময় হবে এ জীবন ।

শ্রীকালীপদ ঘোষ

স্বামী বিবেকানন্দ ও জাতিগঠন

২

আর্য্য, দ্রাবিড়, শক, হুন, তুর্কী, পার্ঠান, মোগল ও যুরোপীয় নানা দেশ হইতে আগত নানা জাতি এ দেশে রহিয়াছে। ভাষা, আচার-ব্যবহার ইত্যাদির এত বিচিত্র সমাবেশের ফলে মানুষে মানুষে পার্থক্য এখানে এত বেশী যে, ইহার মধ্যে ঐক্য কোথায়, সহসা বলা কঠিন। সনাতন ধর্ম, বৌদ্ধধর্ম, খৃষ্টান ও ইসলামধর্ম, জগতের এই চারিটি প্রধান ধর্ম—এই ভারতবর্ষেই আসিয়া একত্র মিলিয়াছে। এই মিলনের ভিত্তি বা মূলনীতি সহসা আমাদের মূলদৃষ্টিতে প্রতিভাত না হইলেও, আমরা সমাজ-জীবনে ইহা স্পষ্টই উপলব্ধি করি যে, বেদান্ত-ভিত্তির উপর প্রতিষ্ঠিত ভারতের নিজস্ব বাহ্য কিছু, তাহার সহিত অগ্ণাৎ অভ্যাগত জাতির ধর্ম ও আদর্শ একত্র করিয়া ভারতবর্ষ তাহার বিশিষ্ট প্রকৃতি অক্ষুণ্ণ এক অতি বৃহৎ সামাজিক সম্মিলনের আয়োজন করিয়া রাখিয়াছে। এই আয়োজনকে বাহাতে আমরা সার্থক করিয়া তুলিতে পারি, তাহার জ্ঞান স্বামী বিবেকানন্দ যে সার্বজনীন সম্মিলনভূমির প্রতি আমাদের লক্ষ্য রাখিতে উপদেশ করিয়াছেন, তাহা পূর্ক-প্রবন্ধে যথাসাধ্য আলোচনা করিতে চেষ্টা করিয়াছি। “ভাবী ভারত গঠনে ধর্মের ঐক্যসাধন অনিবার্যরূপে প্রয়োজন। এই ভারতভূমির পূর্ক হইতে পশ্চিম, উত্তর হইতে দক্ষিণ সর্বত্র এক ধর্ম সকলকে স্বীকার করিতে হইবে”—এ কথা যিনি বলিয়াছেন, তিনি এক ধর্ম কথাটা সচরাচর যে অর্থে ব্যবহৃত হয়, সে অর্থে ব্যবহার করেন নাই। ‘আমাদের বিভিন্ন সম্প্রদায়ের সিদ্ধান্ত সমূহ যতই বিভিন্ন হউক, উহাদের যতই বিভিন্ন দাবী থাকুক, তথাপি কতকগুলি এমন সিদ্ধান্ত আছে, বাহাতে সকল সম্প্রদায়ই একমত।’ পূর্ক-প্রবন্ধে ইহাকেই আমরা ‘পরমার্থ-সাধনা’ বলিয়াছি।

ভারতবর্ষে সাম্প্রদায়িক ঐক্যসাধন করিয়া জাতিগঠনের জ্ঞান আমাদের এই স্বদেশীয় উপায়টি সম্বন্ধে অনেকের নানা প্রকার সন্দেহ আছে। পাশ্চাত্যদেশাগত নানা ভাব আত্মস্থ করিয়া আমাদের অনেকের চিন্তে এই ধারণা বন্ধমূল হইয়াছে যে, যে বৈদেশিক জাতীয় প্রকৃতির সম্পূর্ণ বিপরীত শাসনপ্রণালীর বন্ধন ভারতের সমস্ত বিচ্ছিন্ন সঙ্ঘকে এক

শৃঙ্খলে বাধিয়াছে, তাহাই আমাদের ঐক্য দান করিবে। এই রাষ্ট্রীয় পরাধীনতা ও পরমুখাপেক্ষিতার বজ্রবন্ধনকে ধাহারা ঐক্যসাধনের উপায়রূপে গ্রহণ করিয়া নিশ্চিতভাবে কালতিপাত করিতে চাহেন, স্বামীজী তাঁহাদের দলের ছিলেন না। বন্ধন দ্বারা কতকগুলি দেহকে একত্র করিলেই মিলন সাধিত হয় না। বাহিরের এই বন্ধন যতই দৃঢ় হউক, এক দিন যদি সহসা কোন কারণে ইহা শিথিল হইয়া যায়, তাহা হইলে তৎক্ষণাৎ আমরা বিভক্ত, বিচ্ছিন্ন ও ছত্রভঙ্গ হইয়া পড়িব। সেই জ্ঞান বন্ধনের শক্তি অপেক্ষা আত্মশক্তিতেই স্বামীজী অধিকতর বিশ্বাসী ছিলেন এবং তাঁহার স্বদেশ সহস্র সহস্র বৎসরের বিপ্লবের মধ্য দিয়াও যে অব্যাহত সত্যকে চরদিন বহন করিয়া আসিয়াছে, সেই সত্যের প্রতি তাঁহার প্রগাঢ় বিশ্বাস ছিল। এই বিশ্বাসের উপর দাঁড়াইয়াই তিনি এ দেশে ইংরাজ-শাসনের বন্ধনটাকে একটা ঐতিহাসিক দুর্ঘটনা বলিয়া মনে করিতেন না। তিনি ইহার প্রয়োজনীয়তা ও যথায়োগ্য সার্থকতাও স্বীকার করিতেন। ইংরাজ-শাসন ভারতবর্ষকে যে কৃত্রিম ঐক্য দান করিয়াছে, তাহাকে একটা স্নানোৎসবে গ্রহণ করিয়া কার্য্য করাই তাঁহার অভিপ্রায় ছিল। তিনি বিশ্বাস করিতেন, যখন আমরা ভিতরের দিক হইতে মিলিতে পারিব, তখন বাহিরের এই বন্ধনটা স্বাভাবিকরূপেই গসিয়া পড়িয়া যাইবে। ভিতরের দিক হইতে মিলিবাব চেষ্টা না করিয়া, জাতিগঠনের উপাদানগুলিকে কানে না লাগাইয়া আমরা যদি পুনঃ পুনঃ এই লৌহ-কঠিন বন্ধনশৃঙ্খলটার উপর মাথা কুটিতে থাকি, তাহা হইলে শৃঙ্খল একটুও শিথিল হইবে না—এবং আমরাই আহত হইয়া, ব্যাহত হইয়া অধিকতর দুর্বল ও উন্মার্গগামী হইয়া পড়িব।

ভিন্নজাতি ও আদর্শের সামঞ্জস্যবিধান

আমরা পূর্ক বলিয়াছি, পরমার্থতত্ত্বের সাধন, সংরক্ষণ ও প্রচার এই ত্রিবিধ দায়িত্ববোধের ভিত্তির উপর ভারতীয় সভ্যতা ও জাতি গড়িয়া উঠিয়াছিল। কিন্তু কালবশে ইহা অব্যাহত থাকে নাই। বৌদ্ধ-উপপ্লাবনের পর ভারতীয়

মুখে এক অতি বৃহৎ উচ্ছ্বলতার মধ্যেও ভারতের প্রতিভা এই দায়িত্ববোধে বিস্মৃত হয় নাই; কিন্তু প্রতিকূল অবস্থার চাপে পড়িয়া পরমার্থ-তত্ত্বের প্রচার অপেক্ষা সাধন ও সংরক্ষণের উপরই অধিকতর দৃষ্টি দেওয়া হইয়াছিল। দুঃখের বিষয়, যে প্রয়োজনে সংরক্ষণ-নীতি অবলম্বিত হইয়াছিল, সেই প্রয়োজন চলিয়া গেলেও, এই সংরক্ষণের ভাব ভারতবর্ষ ত্যাগ করিতে পারিল না। অতিমাত্রায় সংরক্ষণ-নীতির ফলে ভারতের অধিকাংশ লোক জাতির সর্বশ্রেষ্ঠ ভাব-সম্পদ হইতে বঞ্চিত হইল। ভারতের যাহা কিছু মহান তত্ত্ব, তাহাতে অল্পসংখ্যক ব্যক্তি নিজেদের একচেটিয়া অধিকার বলিয়া মনে করিতে লাগিলেন। যাহারা দেশের অধিকাংশ, তাহাদের সহিত ভারতের জাতীয় ধারার প্রাণগত যোগ বিচ্ছিন্ন হইল। অধিকাংশের এই দুর্গতিই ভারতে মুসলমান অধিকারের কারণ। মুসলমান-শাসন এই একচেটিয়া অধিকারের দাবীকে বহুল পরিমাণে হ্রাস করিয়া ফেলিয়াছিল। “মুসলমানের ভারত-অধিকার দরিদ্র পদদলিতের উদ্ধারের কারণ হইয়াছিল। এই জন্যই আমাদের এক-পঞ্চমাংশ ভারতবাসী মুসলমান হইয়া গিয়াছিল। কেবল তরবারির বলে ইহা সাধিত হয় নাই। কেবল তরবারি ও বন্দুকের বলে ইহা সাধিত হইয়াছিল, ইহা মনে করা পাগলামী মাত্র।” মুসলমান-শাসন যখন উচ্চশ্রেণীর হিন্দুদের একচেটিয়া অধিকারকে আশ্রয় ও প্রশ্রয় দিল না, তখন নানা দিক হইতে নানা মনীষী ও ধর্মসংস্কারক পর-সংঘাতের সহিত সামঞ্জস্যসাধনের কার্য্য আনস্ত করিয়া দিলেন, এবং আজ পর্য্যন্তও সেই সংরক্ষণ-নীতি ও একচেটিয়া অধিকারের বিরুদ্ধে সামঞ্জস্যসাধনের সজীব প্রতিক্রিয়া চলিতেছে। পাঠান ও মোগল যুগ হইতে বৃটিশযুগ পর্য্যন্ত ভাঙ্গা-গড়ার এই ইতিহাসের ধারাটিকে স্বামীজী স্পষ্টভাবে অনুভব করিয়াছিলেন। বিদেশী শিল্প ও সভ্যতার পুনঃ পুনঃ আক্রমণে বিধ্বস্ত ও বিপর্য্যস্ত জাতি যে শক্তির বলে ভারতবর্ষে এখনও টিকিয়া আছে, ভারতের সেই সনাতন প্রাণশক্তির মৃত্যুবিজয়ী মহিমা তাঁহার ধ্যানে ধরা দিয়াছিল, তাঁহার বাক্যে স্মৃতির হইয়াছিল, তাঁহার কন্ঠে মূর্ত্তিগ্রহণ করিয়াছিল। তিনি দেখিয়াছিলেন, ভারতে সামঞ্জস্যবিধান করিয়া জাতিগঠনের কার্য্য শুরু হইয়া নাই; সমাজের নানা স্তরে ইহা নানা আকারে চলিতেছে;

তথাপি ইহার গতি দ্রুততর করিবার জন্ত সজ্ঞানে আমা-দিগকে জাতিগঠনে প্রবৃত্ত হইতে হইবে, ইহাই স্বামীজীর অভিপ্রায় ছিল।

জাতিগঠনের কার্য্যপ্রণালী

ভারতবর্ষের প্রাণশক্তির সম্যক পরিচয় লাভ যদি আজ আমরা করিতে পারি এবং সজ্ঞানে জাতির সেবায় নিযুক্ত হইতে পারি, তাহা হইলে পরাধীনতার সকল লজ্জা, ভীকার সমস্ত দৈন্ত এক দিনেই অন্তর্হিত হইয়া যাইবে। আমাদের গুরুদায়িত্বপালনের কৰ্ম্মক্ষেত্রে দাঁড়াইলে, আমরা দেখিব, পৃথিবীর কোন জাতির নিকটই আমরা ছোট নহি, অক্ষম নহি, দুর্বল নহি। পাশ্চাত্য সভ্যতার প্রচণ্ড সংঘাত, সৈন্ত ও পণ্য লইয়া স্বার্থান্ধ অভিযান—ভারতবর্ষকে পরাহত করিতে পারে নাই, ইহা আমাদের শক্তিকে মুক্তি দিয়াছে, আমাদের বুদ্ধিকে স্বাধীন করিয়াছে। সহস্র অমঙ্গল-উৎপাতের মধ্যে ইহা যে এই পরমমঙ্গলসাধন করিয়াছে, তাহার প্রতিদানে আমরাও মঙ্গলই ফিরাইয়া দিব, কল্যাণ-সাধনেই ত্রুতী হইব। ‘ভারতবর্ষের উপযুক্ত আধ্যাত্মিক অধিকার জগতে পুনঃপ্রতিষ্ঠা’ করিতে হইবে, এবং সেই দিকে ধ্রুবদৃষ্টি রাখিয়া আমাদের জাতিগঠনের কার্য্যপ্রণালী অবলম্বন করিতে হইবে।

অতিমাত্রায় সংরক্ষণ-নীতিমূলক সমাজব্যবস্থার ফলে, ভাবপ্রবাহ রুদ্ধস্রোত ও পঙ্কিল হইয়া পড়িয়াছে,—ইহার পথের বাধা সরাইয়া দিতে হইবে। পরমার্থতত্ত্বের কেবল সংরক্ষণ নহে, সাধন ও প্রকারের ব্রত গ্রহণ করিতে হইবে। আমাদের অসহায় ও অক্ষম অবস্থার কথা আমরা জানি। সহস্র বৎসরের নানা কুসংস্কার আমাদের মনকে অভিভূত করিয়া রাখিয়াছে, তাহাও জানি—এক বিপরীত শিক্ষা ও সভ্যতার প্রবল ঘূর্ণাবর্ত্তে পড়িয়া আমরা যে প্রতিদিন উৎসর্গের মুখে ছুটিয়া চলিয়াছি, তাহাও সকলে অস্বিমজ্জায় অনুভব করিতেছি। মোট কথা, আমাদের জাতীয় জীবনের সহস্র দুর্গতির কঙ্কালসার দৈন্ত সকলের দৃষ্টির সম্মুখেই প্রতিভাত, অতএব সেগুলি সবিস্তার আর্তনাদ সহকারে বর্ণনা করিয়া কোনও ফল নাই। বর্ত্তমান ভারতের এই জড়দেহকে—অতীতকালের পরম্পরাগত মহৎ-স্মৃতি ও বৃহৎ-ভাবের দ্বারা সবল, সজীব করিয়া তুলিবার জন্ত যে

জীবন-প্রবাহ জাতির অঙ্গপ্রত্যঙ্গে সঞ্চারিত করিয়া দিতে হইবে, তাহার দায়িত্বের বিঘ্নবহুল জটিলতাকে পরিহার করিয়া কোন সহজ উপায়ে জাতিগঠনের ইচ্ছাজালবিছা নাই। বাহারা কলরব-বহুল আন্দোলনের উত্তেজনার বাজুবিছাকেই প্রয়োজনসাধনের সহজ সুলভ উপায় বলিয়া মনে করেন, তাঁহাদের সাধু উদ্দেশ্যের সহিত সহানুভূতিসম্পন্ন হইয়াও, স্বামীজী তাঁহাদের উপায়ের প্রতি শ্রদ্ধাসম্পন্ন হইতে পারেন নাই। তিনি স্পষ্ট করিয়া বলিয়াছেন,—“উপস্থিত অবস্থার মধ্য দিয়াই কেবল কার্যে অগ্রসর হইতে পারা যায়, অন্য উপায় নাই। ভাল-মন্দ বিচারের শক্তি সকলের আছে, কিন্তু তিনিই বীর, যিনি এই সমস্ত ভ্রমপ্রমাদ ও ভ্রুংখপূর্ণ সংসারের তরঙ্গে পশ্চাৎপদ না হইয়া, এক হস্তে অশ্রুবারি মোচন করেন ও অপর অকম্পিত হস্তে উদ্ধারের পথ প্রদর্শন করেন। এক দিকে গতানুগতিক জড়পিণ্ড সমাজ, অণু দিকে অস্তির ধৈর্যহীন অগ্নিবর্ষণকারী সংস্কারক; কল্যাণের পথ এই দুইএর মধ্যবর্তী। জাপানে গুনিয়াছিলাম যে, সে দেশের বালিকাদিগের বিশ্বাস এই যে, যদি ক্রীড়াপুত্তলিকাকে হৃদয়ের সহিত ভালবাসা যায়, সে জীবিত হইবে। * * * আমারও বিশ্বাস যে, যদি কেউ এই হতশ্রী, বিগতভাগ্য, লুপ্তবুদ্ধি, পরপদদলিত, চিরবৃত্তান্তিত, কলহশীল ও পরশ্রীকাতর ভারতবাসীকে প্রাণের সহিত ভালবাসে, তবে ভারত আবার জাগিবে। যখন শত শত মহাপ্রাণ নরনারী বিলাসভোগসুখেচ্ছা বিসর্জন করিয়া কারাগনো-বাক্যে দারিদ্র্য ও মূর্খতার ঘনাবর্তে ক্রমশঃ উত্তরোত্তর নিমজ্জনকারী কোটি কোটি স্বদেশীয় নরনারীর কল্যাণ কামনা করিবে, তখন ভারত জাগিবে। আমার গায় ক্ষুদ্র জীবনেও ইহা প্রত্যক্ষ করিয়াছি যে, সজ্জদেহ, অকপটতা ও অনন্ত প্রেম বিশ্ব বিজয় করিতে সমর্থ। উক্ত গুণশালী এক জন কোটি কোটি কপট ও নিষ্ঠুরের হুর্দ্ধুদ্ধি নাশ করিতে সমর্থ।”

এইরূপ এক দল অকপট স্বদেশপ্রেমিক কর্মী লইয়া স্বামীজী সমগ্র ভারতে কতকগুলি শিক্ষালয় স্থাপন করিতে চাহিয়াছিলেন। সেই শিক্ষালয়গুলি হইবে জাতির শক্তিকেন্দ্র। এখান হইতে ক্রতবিঘ্ন শিক্ষক ও প্রচারক-গণ ক্রমে সমগ্র জাতির লৌকিক শিক্ষা ও ধর্মপ্রচারের দায়িত্ব গ্রহণ করিবেন। ধর্মপ্রচার বলিতে অবশ্য স্বামীজী

উপনিষদের প্রাণপ্রদ বীর্ষ্যপ্রদ তত্ত্বগুলির কথাই বলিয়াছেন, হাজার বৎসরের কণাচারগুলির কথা বলেন নাই। বেদান্তের এই সকল মহান তত্ত্ব কেবল গিরিগুহার বা অরণ্যে আবদ্ধ থাকিবে না, বিচারালয়ে, ভজনালয়ে, দরিদ্রের কুটীরে, মৎস্যজীবীর গৃহে, ছাত্রের অধ্যয়নাগারে সর্বত্র এই সকল তত্ত্ব আলোচিত ও কার্যে পরিণত করিতে হইবে।

এই শিক্ষাদান ও শিক্ষাদানের জন্ত কস্মসজ্ব গঠন—জাতিগঠনের প্রথম ও প্রধান প্রয়োজন বলিয়া তিনি মনে করিতেন। তিনি বলিয়াছেন, “প্রত্যক্ষ দেখিতেছি, যে জাতির মধ্যে জনসাধারণের ভিতর বিঘ্নবুদ্ধি যত পরিমাণে প্রচারিত, সে জাতি তত পরিমাণে উন্নত। ভারতবর্ষের যে সর্বনাশ হইয়াছে, তাহার মূল কারণ ঐটি, দেশীয় সমগ্র বিঘ্নবুদ্ধি এক মুষ্টিমেয় লোকের মধ্যে রাজশাসন ও দস্তাবেজ আবদ্ধ করা। যদি পুনরায় আমাদের উঠিতে হয়, তাহা হইলে ঐ পথ ধরিয়া অর্থাৎ সাধারণ জনগণের মধ্যে বিঘ্ন-প্রচার করিয়া। * * * কেবল শিক্ষা, শিক্ষা, শিক্ষা। যুরোপের বহু নগর পর্যটন করিয়া তাহাদের দরিদ্রের সুখস্বাচ্ছন্দ্য ও বিঘ্ন দেখিয়া আমাদের গরীরদের কথা মনে পড়িয়া অশ্রু বিসর্জন করিতাম। কেন এ পার্থক্য হইল?—শিক্ষা, জবাব পাইলাম।—শিক্ষাবলে আত্ম-প্রত্যয়, আত্মপ্রত্যয়বলে অন্তর্নিহিত ব্রহ্ম জাগিয়া উঠিতে-ছেন, আর আমাদের ক্রমেই তিনি সঙ্কচিত হইছেন। নিউ-ইয়র্কে দেখিতাম, Irish Colonists (আমেরিকা-প্রবাসী আইরিশগণ) আসিতেছে—ইংরাজপদ-নির্পাড়িত, বিগতশ্রী, দ্রুতসঞ্চয়, মহাদরিদ্র, মহামূর্খ—সম্মল একটি লাঠী ও তার অগ্রবিলম্বিত একটি ছেঁড়া কাপড়ের পুঁটলী। তার চলন সভয়, তার চাউনি সভয়। ছ’মাস পরে আর এক দৃশ্য।—সে সোজা হয়ে চলছে, তার বেশভূষা বদলে গেছে, তার চাউনিতে, তার চলনে আর সে ভয় ভয় ভাব নেই। কেন এমন হ’ল? আমার বেদান্ত বলছেন যে, ঐ Irish Colonistকে তাহার স্বদেশে চারিদিকে ঘুরার মধ্যে রাখা হয়েছিল—সমস্ত প্রকৃতি একবাক্যে বলছিল, Pat, তোর আর আশা নাই, তুই জন্মেছিস গোলাম। . থাক্‌বি গোলাম—আজন্ম গুন্তে গুন্তে Patএর তাই বিশ্বাস হ’ল, নিজেকে Pat হিপ্‌নোটাইজ করে যে, সে অতি নীচ, সঙ্কচিত হয়ে গেল। আর আমেরিকায় ম্যামিভামাত্র চারি

দিক থেকে ধ্বনি উঠলো—Pat, তুইও মানুষ, আমরাও মানুষ, মানুষেই ত সব করেছে, তোর আমার মত মানুষ সব করতে পারে, বুকে সাহস বাধ। Pat ঘাড় তুলে, দেখলে, ঠিক কথাই ত, ভিতরের ব্রহ্ম জেগে উঠলেন।”

আমরা আজকাল জাতিগঠনের জন্তু নানাপ্রকার উপায় চিন্তা করিতেছি, কিন্তু যে ভীতি, যে দৌরল্য আমাদের জাতীয় জীবনকে পঙ্গু করিয়াছে, তাহা দূর করিবার জন্তু কি করিয়াছি? আমাদের পূর্বপুরুষগণের নিকট হইতে দায়স্বরূপ প্রাপ্ত যে তত্ত্বসমূহ আমরা উপনিষদ বা বেদান্তের আকারে পাইয়াছি, সেগুলি শক্তির বৃহৎ আকর-স্বরূপ, ইহা স্বামী বিবেকানন্দ পুনঃ পুনঃ আমাদের কাছে স্মরণ করাইয়া দিতে শ্রান্তি বোধ করেন নাই। “উহার দ্বারা সমগ্র জগৎকে পুনরুজ্জীবিত এবং শক্তি ও বীর্যশালী করিতে পারা যায়। সকল জাতির, সকল মতের, সকল সম্প্রদায়ের দুর্বল দুঃখী পদদলিতগণকে উহা উচ্চরবে আহ্বান করিয়া নিজের পায়ের উপর দাড়াইয়া মুক্ত হইতে বলে। মুক্তি বা স্বাধীনতা—দৈহিক স্বাধীনতা, মানসিক স্বাধীনতা, আধ্যাত্মিক স্বাধীনতা, ইহাই উপনিষদের মূলমন্ত্র।”

স্বামী বিবেকানন্দের জাতিগঠনমূলক কার্যপ্রণালীর আলোচনায় আমরা মোটামুটি দেখিলাম,—

১। ভারতের জাতীয় জীবনের মেরুদণ্ডস্বরূপ ধর্ম—যাহা বিভিন্নপ্রকার মতবৈচিত্র্যের প্রসারতা হেতু ক্ষুদ্র বৃহৎ নানা সম্প্রদায়ে বিভক্ত হইয়া পড়িয়াছে, তাহার সমন্বয়-সাধন।

২। এই সমন্বয়সাধনের জন্তু বিভিন্নপ্রকার মত-বৈচিত্র্যগুলিকে অস্বীকার করিতে হইবে না, পরন্তু পূর্ণ-ভাবে গ্রহণ করিয়া পরমার্থ-তত্ত্বের সাধন, সংরক্ষণ ও প্রচারের সার্বভৌমিক ভিত্তির উপর স্থান দান করিতে হইবে। যে সার্বজনীন কার্যপ্রণালী এই ঐক্যকে সার্থক করিবে, তাহা ত্যাগ ও সেবা।

৩। যাহারা ভবিষ্যৎ ভারতের উদ্বোধনকল্পে প্রকৃতই স্বার্থত্যাগ করিতে প্রস্তুত আছেন, তাঁহাদিগকে এই নবযুগ-ধর্ম সেবাত্রত গ্রহণ করিতে হইবে। ভারতের বিশাল জনসম্বল—যাহারা ক্রমাগত বহু শতাব্দী ধরিয়া নিষ্পেষিত ও পদদলিত হইয়া আসিতেছে—তাঁহাদিগের স্পন্দহীন

লুপ্তপ্রায় মনুষ্যত্বকে খাড়া দিয়া, বিছা দিয়া, আত্মজ্ঞান দিয়া উদ্বুদ্ধ করিতে হইবে। ত্যাগ ও সেবাত্রত সহায়ে এই স্নপ্রাচীন জাতির পুনরুত্থান অনিবার্য।

৪। যাহারা এইরূপে দেশকল্যাণসাধনার আয়োৎসর্গ করিবেন, তাঁহাদিগকে কেন্দ্রসংহত হইয়া সমগ্র ভারতে কতকগুলি শিক্ষালয় স্থাপন করিতে হইবে। কতকগুলি বীর্যবান, সম্পূর্ণ, অকপট, তেজস্বী ও বিশ্বাসী যুবককে আচার্য্য, প্রচারক ও লৌকিক বিদ্যাশিক্ষাদাতরূপে গড়িয়া তুলিতে হইবে।

“পবিত্রতার অগ্নিমন্ডলে দীক্ষিত হইয়া, ভগবানে দৃঢ়-বিশ্বাসরূপ বর্ষে সজ্জিত হইয়া, দরিদ্র, পতিত ও পদদলিতদের প্রতি সহানুভূতিজনিত সিংহবিক্রমে বুক বাধিয়া, সমগ্র ভারতবর্ষ ভ্রমণ করিয়া, মুক্তিসেবা, সামাজিক উন্নয়ন ও সাম্যের মঙ্গলময়ী বার্তা দ্বারে দ্বারে প্রচার করিবার জন্তু” বিবেকানন্দ এক দল চরিত্রবান্ নরনারীকে আহ্বান করিয়াছিলেন; সে আহ্বান আমাদের হৃদয়কে উদ্বুদ্ধ করিতেছে, তাহা তখনই বৃষ্টিতে ঞ্চারি, যখন দেখি, অজ্ঞাত অখ্যাত পল্লীর বুকে আজ দুই চারি জন কর্মী অনলস সেবাত্রতে দীন-দরিদ্র, অজ্ঞ-মুর্খের কল্যাণসাধনে নিযুক্ত রহিয়াছেন; যখন দেখি, ছুভিক্ষে, বজ্রায়, ঝঞ্ঝায়, মহামারীতে জাতিবর্ণনির্কিশেপে সকলের দ্বারে দ্বারে গিয়া অন্ন-বস্ত্র বিতরণ করিতে মহানুভব যুবকগণ সঙ্কোচ বোধ করিতেছেন না, বিরক্তি বোধ করিতেছেন না। সমগ্রের জন্তু ব্যষ্টির এই যে মমত্ববোধ যৎসামান্যরূপে জাতীয় জীবনে দেখা দিয়াছে, ইহার পূর্ণাবস্থা আমরা কল্পনানৈত্রে প্রত্যক্ষ করিব। মানুষে মানুষে ঐকান্তিক ভেদের দেশে এই ঐকাত্মানুভূতির মূলরূপকে গর্বের সহিত অভিনন্দিত করিব। জাতিগঠনকার্যের যে মঙ্গলকে আজ আমাদের দেশের তরুণরা ত্যাগ ও সংঘের দ্বারা বহন করিয়া আনিতেছেন, ইহার জন্তুই ত দুঃখিনী জন্মভূমি অনন্তকালের পথে প্রতীক্ষায় দাঁড়াইয়া ছিলেন। আজ তাঁহার চিত্তে অপমান-মোচনের আশা হইয়াছে, আজ তিনি আশ্বাস পাইতেছেন, আনন্দে প্রস্তুত হইতেছেন। কিসের জন্তু? যুগযুগান্তের যে সম্পদরাজি তাঁহার অতীতকালের পুণ্যস্মৃতি পুত্রগণ তাঁহার নিকট গচ্ছিত রাখিয়া গিয়াছিলেন, সেই অনাদৃত বহুকালসঞ্চিত রত্নরাজি আবর্জনার মধ্য হইতে বাহিরে

আনিয়া দেশজননী নবগৌরবে সম্মানগণকে দান করিতেন। মহান্ ভাবসম্পদের উত্তরাধিকারসূত্রে ছোট-বড় সকল ভারতবাসী আপনার ভ্রাতৃত্বকে সার্থক করিয়া তুলিবে। সেই শুভদিন আসিবার পূর্ক পর্য্যন্ত, আমরা যেন কোন ষথাবিহিত কর্মকে ফাঁকি দিবার চেষ্টা না করি, লোক যেন আমাদের ভ্রষ্ট জীবনের দুর্শ্রুতিকে উত্তেজিত ও ক্ষুব্ধ করিয়া কোন বিজাতীয় পন্থায় অন্ধবেগে পরিচালিত না করে। আমাদের চিত্তকে সমস্ত বিকৃতি হইতে রক্ষা করিবার যে স্বাভাবিক শক্তি অর্জন করিবার কৌশল স্বামী

বিবেকানন্দ শিক্ষা দিয়া গিয়াছেন, ভয়ে বা দৌর্বল্যে তাহা গ্রহণ করিতে যেন আমরা সঙ্কুচিত না হই। যে কল্যাণের পথে রহিয়াছে, তাহার কখনও দুর্গতি হয় না, ইহা বিশ্বাস করিয়া বিবেকানন্দ-প্রদর্শিত পন্থায় জাতিগঠন করিবার দিন আসিয়াছে।*

শ্রীসত্যেন্দ্রনাথ মজুমদার।

* ১৩৩০, ৭ই অগ্রহায়ণ, শনিবার 'খিরোজ্জিকাল সোসাইটি হলে' 'বিবেকানন্দ সমিতির' সাপ্তাহিক অধিবেশনে পঠিত।

তবু

অকারণে কেহ বেদনা দিয়েছে
দেছে কলঙ্ক কেহ,
রুত্নতায় প্রতিশোধ দেছে
করেছি যাদের স্নেহ।
কপট এসেছে বন্ধুর বেশে
করেছে অনেক ক্ষতি।
তবু জগদীশ তোমার জগৎ
সদয় আমার প্রতি।

মূর্খ এসেছে উপদেশ দিতে
নীরবে সহেছি তাহা,
ভণ্ড গোপনে ছুরিকা হানিয়া
স্বমুখে বলেছে 'আহা'!
ইতর এসেছে ভদ্র সাজিয়া
যদিও শিখাতে নীতি,
তবু জগদীশ তোমার জগৎ
সদয় আমার প্রতি।

স্বর্ণ যদিও ছলিতে এসেছে
হেরি দরিদ্র মোরে,
দস্যু এসেছে আত্মার দ্বারে
সাধুর পোষাক পরে।
যদিও অভাব অনাটন বহু
দিয়াছে এ বসুমতী—
তবু জগদীশ তোমার জগৎ
সদয় আমার প্রতি।

যা চেয়েছি তাহা পাই নাই বটে
না চেয়ে পেয়েছি কত,
অযুত প্রীতির প্রলেপ পেয়েছি
জুড়াতে বৃকের ক্ষত।
যদিও হৃৎখের মরুতে শুমেছে
স্বখের সরস্বতী,
তবু জগদীশ তোমার জগৎ
সদয় আমার প্রতি।

অপরিচিতের প্রণয় দিয়েছে
অচেনার ভালবাসা,
পরকে করেছে আপন অধিক
নিরাশে দিয়েছে আশা।
এসেছে আঁধার শেফালী করেছে
সুরভিত বনবীথি,
জয় জগদীশ তোমার জগৎ
সদয় আমার প্রতি।

শ্রীকুমুদরঞ্জন মল্লিক

অনৈক্য; এই বৈষম্য ভারতীয় লিপিতে নাই। ভারতীয় লিপিতে লিখিত কোন শব্দের কোথাও ক বা গ লেখা হইলে উহা ক বা গ'ই পড়া হইবে, কিন্তু সিমেন্টকে উচ্চারণের রূপ পরিবর্তিত হইয়া উহা কাফ্ ও গিমেল্, আরবী-ফার্সীতে কাফ্ ও গাফ্ এবং ইংরাজীতে কে ও জী উচ্চারিত হইবে। আরবী-ফার্সীতে হ্রস্ব-দীর্ঘ-জ্ঞাপক কোন চিহ্ন নাই, কাযেই আরবী-ফার্সী ইত্যাদি লিপি ও ভাষা আমাদের কাছে,—এমন কি, বঙ্গীয় সাধারণ মুসলমানগণের নিকটও হেঁয়ালিবিশেষ। *

আরবী বর্ণমালা এইরূপ অলিফ্, বে, তে, সে, জীম্, হে, খে, দাল্, জাল্, রে, জে, সিন, শীন, শোয়াদ, জোয়াদ, † তো, জো, এইন, গেইন, ফে, কাফ্, কাম, মীম, হুন, ওয়াও, হে, হমজা, ইয়েও, ইয়াএ; এই ৩০টি বর্ণ হইতে পূর্বোক্ত ১৮টি সুর বাতির হয়। ইহার মধ্যে স ও জএর দুই ভাগ করা যাইতে পারে, শীন ও শোয়াদের উচ্চারণ আমাদের “শ”এর মত হইবে এবং জীমের উচ্চারণ ঠিক আমাদের “জ”এর ঠায় হইবে, জ শ্রেণীর জাল, জে, জোয়াদ, জো এই বর্ণ চারিটির স্পষ্ট উচ্চারণ-নির্দেশক বর্ণ আমাদের ভাষায় নাই। দস্ত ও জিহ্বার সাহায্যে ইংরাজী “Z” বর্ণ যেরূপ উচ্চারিত হয়, এই বর্ণচতুষ্টয় ঠিক সেইরূপেই উচ্চারিত হইবে, যেমন, Zal, Zea এইন ও গেইন অক্ষর দুটির উচ্চারণের সুর লিখিয়া বুঝাইবার মত বর্ণ ইংরাজী বা বাঙ্গালা, কোন বর্ণমালায় নাই, এই বর্ণ দুটির উচ্চারণে বিশেষত্ব আছে, বর্ণ দুটি খুব গাঙ্গীর্যের সহিত কণ্ঠ হইতে আরম্ভ হইয়া দস্ত ও জিহ্বায় শেষ হয়। ফের্ উচ্চারণ ইংরাজী “F”এর মত, ছোট কাফের উচ্চারণ বাঙ্গালা “ক” বা ইংরাজী “K”এর ঠায়, বড় কাফের উচ্চারণ বিশেষভাবে,

ইহাও গাঙ্গীরভাবে কণ্ঠ হইতে আরম্ভ হইয়া দস্ত ও ওঠে শেষ হয়, ইংরাজী “Q” দিয়া অক্ষরটি উচ্চারিত হইতে পারে। লাম্, মীম্, হুন্ যথাক্রমে L. M. N. বা ল, ম, ন। ‘ওয়াও’এর উচ্চারণ বাঙ্গালার ‘ও’ এবং ইংরাজী “O”র মত, আরবীর ছোট ইয়ে ও বড় ইয়াএ’র উচ্চারণ বাঙ্গালার ই ও এ’র মত। অলিফ্, ওয়াও, হমজা, ইয়ে ও ইয়াএ এই পাঁচটি অক্ষর আরবী স্বরবর্ণ। এই গেল আরবী উচ্চারণ ও বর্ণপরিচয়ের কথা।

ঘ, ছ, ঝ, ঞ, ঠ, ড, ঢ, প, ভ ইত্যাদি সুর বা ঐ বর্ণযুক্ত উচ্চারণ আরবী ভাষায় কোথাও নাই। অনেকে বলেন—“শুভান্-অলাহ্”, তাহাতে সন্দেহ হয়, “ভ” বর্ণ আরবীতে আছে, কিন্তু কোরাণ, হাদিস্ অনুসন্ধান করিয়াছি, কোথাও “ভ” পাই নাই, উহার শুদ্ধ উচ্চারণ “শুব্-হান্-অলাহ্”, উদাহরণস্বরূপ “শুব্-হান্-অলাহ্ ও অল-হম্-হুলিল্লাহে ও অলাহ্, ইল্-ললাহ্ ও অলাহ্ অকবর অলাহল ওলা-কুওয়ত ইলা বিলাহ অলি-অল্ল-অজীম।”—তৃতীয় কলমা, কোরাণ।

আরবী, ফার্সী বা উর্দুতে আকার ও ইকার-সূচক মাত্র তিনটি চিহ্ন আছে,—জবর, জের ও পেশ। জবর আকার-সূচক চিহ্ন, ‘ত’কে তা করিতে হইলে তোয় বর্ণে জবর দিতে হয়, যেমন তোয় জবর তা। জের চিহ্ন ইকার ও একার এবং পেশচিহ্ন ওকার ও উকার উভয় রূপেই ব্যবহৃত হয়, এই চিহ্নদ্বয় ব্যবহারের কোন বিশেষ নিয়ম নাই, পাঠ ও শব্দ-অনুযায়ী ইহার রূপভেদ হয়; অর্থাৎ তোয় জের দিলে তি ও তে দুইই হয়, আবার তোয় পেশ দিলে তো এবং তুও হয়।

আরবীতে আর একটি চিহ্ন আছে, উহাকে “দোজবর” বলে। কোন বর্ণে এই চিহ্ন প্রয়োগ করিলে, তাহার আকার, ইকার উচ্চারণ ত থাকিবেই, উপরন্তু সঙ্গে সঙ্গে “ন” উচ্চারিত হইবে, যেমন, বে দোজবর বন, বে দোজের বিন, বে দো পেশ বুন।

তসদীদ্, জযম্ ও মওকুফ্ এই তিনটি চিহ্ন আরবী, ফার্সী ও উর্দু তিন ভাষাতেই আছে। যে বর্ণ তসদীদ্ চিহ্নযুক্ত, উহা দ্বিধ উচ্চারিত হয়, যেমন বাচ্চার শব্দে চে বর্ণে তসদীদ্ যুক্ত হইয়া উহার দ্বিধ হইয়াছে। দুইটি বর্ণকে একই সঙ্গে যুক্ত করিয়া

* আরবী বা ফার্সী ভাষায় কোথাও “হ” শব্দ নাই, তবুও শিক্ষিত বঙ্গীয় মুসলমান সম্প্রদায়গণ কেন যে শ বা স স্থানে হ ব্যবহার করেন, তাহা বুঝিতে পারি না, চএর এই ছিছিকারে আশ্চর্য হইয়াছি।

† জোয়াদ বর্ণের উচ্চারণ লইয়া মুসলমানগণের মধ্যে মতভেদ আছে। সুন্নীসম্প্রদায় বর্ণটিকে “জোয়াদ” বলেন, শীরাগণ বলেন—জোয়াদ। শীরাগণ “হাত বাধিয়া” নেমাজ পড়েন না এবং “অমীন” শব্দ জোরে উচ্চারণ করেন, ইহা লইয়া মধ্যে মধ্যে দুই সম্প্রদায়ে হাতাহাতি হইয়া যায়। দুই সম্প্রদায়ে এইরূপ বিতণ্ড মতভেদ আছে। “অল্ হমহুলিল্লাহ-রক্ব-অল্-অমীন” এই পদে ..বং কোরাণের স্থানে স্থানে “অমীন” শব্দ আছে।

উচ্চারণ করিবার জন্য সাক্ষেতিক চিহ্নরূপে জযম্ ব্যবহৃত হয়। মওকুফ বা হসন্ত বর্ণ, ইহা প্রকাশের কোন চিহ্ন নাই, পাঠ অনুসারে বুঝিয়া লইতে হইবে। মওকুফ বর্ণ দিয়া কোন শব্দ আরম্ভ হয় না। উপরি-উক্ত তিনটি চিহ্নই বর্ণের উপরে থাকে।

আরবী বর্ণমালার আরও কতকগুলি বিশেষত্ব আছে। আরবী ভাষায় যত্র-তত্র অলিফ ওলাম অর্থাৎ “অল্” শব্দ লিখিত হয়, কিন্তু উচ্চারিত হয় না। কোথাও কোথাও অলিফ-লামের মাত্র লাম উচ্চারিত হয়, আবার শব্দবিশেষে দুইটির একটিও উচ্চারিত হয় না; এই উচ্চারণ লোপের বিশেষ নিয়ম আছে।

হরফে কমরী

অলিফ ও লামের পরে যদি অলিফ, বে, জীম, হে, গে, এইন, গেইন, ফে, কাফ, কাফ, গীম, ওয়াও, হে ও ইয়ে এই বর্ণগুলি থাকে,

তাহা হইলে অলিফ ও লাম উচ্চারিত হয় না, কেবলমাত্র লাম উচ্চারিত হয়, যেমন, নূরুল্-এইন, হওল-মকদূর, বিল্-ফ্যাল্; এই শব্দগুলির মধ্যে অলিফ-লাম রহিত-

যাচ্ছে, কিন্তু অলিফ উচ্চারিত হয় নাই। আরবীতে উপরি-উক্ত বর্ণগুলিকে “হরফে কমরী” বলে।

হরফে শমসী

আবার এই “অল্” বা অলিফ-লাম বর্ণ যদি—তে, সে, দাল্, জাল্, রে, জে, সিন, শান্, শোয়াদ, জোয়াদ, তো, জো, লাম ও হুন্ বর্ণের পূর্বে থাকে, তাহা হইলে অলিফ-লাম বা অল্ একেবারেই উচ্চারিত হয় না, অলিফ-লামের পরবর্তী বর্ণে তসদীদ্ চিহ্ন দেওয়া হয় এবং ঐ বর্ণ দ্বিহ্ন উচ্চারিত হয়; যেমন, “ইনদ্-তা-কীদ্” শব্দটির বানান এই-রূপ, এইন হুন্ জের-ইন, দাল্-অলিফ-লাম্ জযম্ দ, তে অলিফ জবর তা, কাফ ইয়ে জেরকী, দালমওকুফ, এখানে অলিফ-লাম থাকে সত্ত্বেও উহা উচ্চারিত না হইয়া পরবর্তী

বর্ণে তসদীদ্ লাগিয়া ঐ বর্ণ দ্বিহ্ন হইয়াছে। আরবীতে উপরি-উক্ত বর্ণগুলিকে “হরফে শমসী” বলা হয়।

আরবী ভাষায় “হুন্” বর্ণের উচ্চারণ কোথাও বা আংশিক, কোথাও বা সম্পূর্ণরূপে লুপ্ত হইয়া যায়, ইহারও একটা নিয়ম আছে।

ইদ্গাম

সাকীন্ (হসন্ত) হুনের পর ইয়ে, হুন্ বা গীম থাকিলে, সাকীন্ হুনের স্বর আংশিকভাবে লুপ্ত হইয়া যায়, বাঙ্গালার চন্দ্রবিন্দুর গ্রায় ঐ হুন্ অহুনাসিক স্বরে উচ্চারিত হয়, যেমন—মই-অ-কুলু, শব্দটির বানানে হুন্ থাকিলেও স্পষ্ট উচ্চারিত হইতেছে না।

আবার সাকীন্ হুনের পর যদি রে বা লাম থাকে, তাহা হইলে ঐ হুনের উচ্চারণ একেবারেই হইবে না, যেমন—“গীরকিব-হীম”, শব্দটির বানান এই—গীম্ হুন্ জের

ও জযম্ গী. রে জবর তসদীদ্ র, বে জের তসদীদ্ কিব, হেজেরহী গীম্ সাকীন্। হুনের পর রে বর্ণ থাকায় হুনের উচ্চারণ লুপ্ত হইয়াছে। আরবীতে এই নিয়মটিকে

سُبْحَانَ اللَّهِ وَبِحَمْدِهِ وَلَا إِلَهَ إِلَّا اللَّهُ وَاللَّهُ
أَكْبَرُ وَلَا حَوْلَ وَلَا قُوَّةَ إِلَّا بِاللَّهِ الْعَلِيِّ
الْعَظِيمِ

আরবী কল্মা

“ইদ্গাম” বলে।

ভারতের আরবী শিক্ষার্থীগণকে অলিফ বে, তে ইত্যাদি সরল সুরেই বর্ণপরিচয় করান হয়, কিন্তু আরব অধিবাসীর আরবী বর্ণমালার উচ্চারণ অল্-অলিফ ও-অল্-হমজতু, অক্বাও, অত্তাও ইত্যাদি সুরে। মোটামুটি ভাবে আরবী বর্ণপরিচয়ের বর্ণন করিলাম, এইবার আরবী ভাষার কথা।

এই ভাষা পড়িবার ভঙ্গী কিরূপ, তাহা লিখিয়া বুঝান যায় না, বুঝিতে হইলে পাঠকের মুখে শুনিতে হয়। স্থানে স্থানে খুব জলদ, এত দ্রুত পাঠ যে, আরবী ভাষায় খুব দক্ষ পাঠক ছাড়া ভাষার সৌন্দর্য্য বজায় রাখিয়া পড়িতে পারেন না; আবার যারগায় যারগায় এত ঠায় পড়িতে হয় যে, সে

সম্বন্ধেও ঐ কথাই খাটে, আরবীতে যথেষ্ট অভিজ্ঞতা না থাকিলে, কোথায় যে দ্রুত পড়িতে হইবে আর কোথায়ই বা খুব টানিয়া পড়িতে হইবে, তাহা স্থির করা কঠিন এবং আরবী শব্দ অল্প ভাষার অক্ষরে লিখিয়া প্রকাশ করাও অসম্ভব। * এই ভাষা পাঠিত হয় এক বিচিত্র সুরে। বিচিত্র ভাষার একটু নমুনা এই—“মীন-অল্-অয়-যাবে অখরজ খরজত খারেজীন মীনম্নারে হদীকন অওলা তখ্ফ্ খোফন্ খরজন্ খবীরন্।”

এইবার ফার্সীর কথা। ফার্সী বর্ণমালার সংখ্যা ৩৩টি, আরবী বর্ণমালার মত সমস্ত বর্ণই ইহাতে আছে, পে, চে ও গাফ্ এই তিনটি বর্ণ ফার্সীতে বেশী, আর একটি অতিরিক্ত বর্ণ যে X বা Zea

ফার্সীতে আছে, কিন্তু এটি গণনা না করিলেও চলে। বর্ণমালাকে ফার্সীতে “হরুফে তহজ্জী” বলে। আরবী বর্ণগুলি যে সুরে উচ্চারিত হয়, ফার্সীর সেই সেই বর্ণ ঠিক ঐ সুরেই উচ্চারণ

করিতে হইবে। সে, হে, সোয়াদ, জোয়াদ, তো, জো, এইন ও কাফ্ ফার্সীর এই আটটি বর্ণ আরবী শব্দে ব্যবহৃত হয়, সেই জন্ত এগুলিকে “হরুফে আরবী” বলা হয়। মূলতঃ ফার্সী বর্ণমালা মাত্র চব্বিশটি, ইহার মধ্যে পে, চে, যে Zea ও গাফ্ এই বর্ণ-চতুষ্টয় ফার্সীর নিজস্ব বর্ণ, ইহা কেবল ফার্সী শব্দে ব্যবহৃত হয়। বর্ণের সহিত বর্ণ যুক্ত করিবার চিহ্নগুলিকে “হরাক্ৎ” বলে, আবার যে বর্ণে কোন হরাক্ৎ নাই, সে বর্ণ “মতহর-রক্”। মতহর-রক্ তিন প্রকার ;—সকুন্ (জযম), তস্দীদ

ও মওকুফ্। হরাক্ৎ তিনটি ;—ফতহ্, কশরহ্ ও যম্মহ্ (Zamma)। ফতহ্ বা জবর,—বর্ণের উপরে দেওয়া হয় এবং ইহার উচ্চারণ কতক অলিফ্ বা অএর মত, স্থান-বিশেষে টানিয়া পড়িলে আ হয়, যে বর্ণে এই চিহ্ন থাকে, তাহাকে “মফতুহ্” বলে। কশরহ্ বা জের, বর্ণের নীচে থাকে, ইহার উচ্চারণ কতকটা এর ঞায়, টানিয়া পড়িলেই সুর বাহির হয়, যে বর্ণে এই চিহ্ন থাকে, তাহাকে “মকশর” বলে। যম্মহ্ বা পেশ, বর্ণের উপরে কিছু বামে থাকে, ইহার উচ্চারণ প্রায় ‘ও’র মত, স্থানে স্থানে ‘উ’ও উচ্চারিত হয়। যম্মহ্-চিহ্নিত বর্ণ “ময়্মুম্” নামে অভিহিত হয়। সকুন্ (জযম) চিহ্নিত বর্ণকে “সাকিন”, তস্দীদ বর্ণ “হরুফে

মসদদ” এবং চিহ্ন বা মাত্রাশূন্য বর্ণকে “মওকুফ্” বলে। জবর, জের ও পেশ্ এবং তস্দীদ, জযম ও মওকুফের কথা আরবী ভাষার বর্ণনায় বিস্তৃতভাবে বলিয়াছি।

আমার বিশ্বাস, ফার্সী খুব শীঘ্র শেখা যায়। ইহার

د و + نور العين - حشيتي المقدر - بالفعال
عند التوحيد - من يقول - من ثمم
اب پ ت ث ش ض ط ظ ع و ق ك گ ل م ن و ۶۶۵
ফার্সী ও হিন্দু বর্ণমালা, পে, ডাম, ডে ও হম্বা হিন্দু বর্ণমালা আছে।
- - - - -

ফার্সী ও উর্দু বর্ণমালা

পাঠ-প্রণালী আরবীর মত তত কঠিন নয়—অগণ্ড সরল। ফার্সী ভাষা এত শ্রুতিমধুর যে, অর্থ না বুঝিতে পারিলেও শুনিতে ইচ্ছা হয়। এই ভাষার ছ’ একটি প্রণোত্তর নীচে তুলিয়া দিলাম।

“বা-এদ্ কি মন্ খিলাফে রা-এ পিদরম্ নকুনম্”,—পিতার আজ্ঞার অবাধ্য না হওয়া আমার কর্তব্য। “ই বাদাম্ অজকী খরিদী”—এই বাদাম কাহার নিকট হইতে কিনিয়াছ?—“মন নখরিদম্, আঁ কস্ আমদ ওইঁজা গুজাস্ত”, আমি কিনি নাই, এক ব্যক্তি এখানে আসিয়াছিল, সেই ফেলিয়া গিয়াছে। “অন্দরাঁ দম্ কি বীমার জাঁ বিদাদ্ জনে দস্ত বর সর জুদ্ ও মন গীরিস্তম্”—মুম্বু’ ব্যক্তি প্রাণত্যাগ করায় জীলোকটি কপাল চাপড়াইলেন ও আমি কাঁদিলাম্। ফার্সী ভাষার সৌন্দর্য্য বিকশিত হইয়া উঠিয়াছে কবিতায়, শাদী “করীমা”

* শ্রীযুত ব্রজেননাথ বন্দ্যোপাধ্যায় তাঁহার কয়েকটি প্রবন্ধে ঐতিহাসিক ব্যক্তিগণের আরবী-ফার্সী নামের যে সংশোধন করিয়াছেন, তাহাতে তাঁহার এ বিষয়ে সম্যক্ অভিজ্ঞতার সন্ভাব আছে বলিয়া মনে করা অসম্ভব হয় না।

রচনার প্রারম্ভে করীমের চরণে নতমস্তকে সমস্ত অপরাধের
মার্জনা চাহিয়াছেন,—

“করীমা ব বখ্শাএ বর হালেমা,
কি হস্তম অসীরে কমন্দে হওয়া।
নদারে মগইরজ তু ফরিয়াদ রস,
তুইয়া শায়ী রাখতা বখ্শও বস।
নিগেহদার মারা জীরাতে খতা,
খতাদর গুজারো শওয়াবম হুমা।

শেষ ছত্রের অর্থ স্পষ্ট বুঝিতে পারা যায়,—আমার সমস্ত
গতা ক্ষমা করিয়া শওয়াব্ (আশিস্) দাও।

মুসলমানদের মধ্যেই উর্দু ভাষা চলিত থাকিলেও
ভারতই এই ভাষার জন্মস্থান। কেহ বলেন, দিল্লীই উর্দু
জন্মভূমি ; কেহ বলেন, লাহোর। সকল ভাষার শব্দসংগ্রহ
এই ভাষায় আছে, তাই ইহার অন্য নাম “লঙ্করী ভাষা।”
উর্দু বর্ণমালা সর্বসমেত ৩৭টি। টে, ডাল, ডে ও হমজা এই
বর্ণ চারিটি ইহাতে বেশী আছে। আরবী ফার্সীর মত ঘ,
ভ, ঝ প্রভৃতি আলাদা বর্ণ ইহাতেও নাই, কিন্তু অন্য উপায়ে
উর্দু বৈয়াকরণিকগণ এই বর্ণগুলির সৃষ্টি করিয়া লইয়াছেন।
ইংরাজীতে যেমন Combined letterএর সাহায্যে ঘ, ছ
ইত্যাদি বর্ণ আমরা তৈয়ার করিয়া থাকি, উর্দুতে তেমনই
কেবলমাত্র হের সাহায্যে ঘ, ভ, ঝ প্রভৃতি যে কোন বর্ণ
তৈয়ার করা যায়, যেমন বে হে জবর ভ, জীম্ হে জবর ঝ,
গাফ্ হে জবর—ঘ ইত্যাদি। অন্য বর্ণের সহিত যুক্ত হইলে
হের আকার বদলাইয়া যায়। অন্যান্য সমস্ত নিয়ম ও
বর্ণের উচ্চারণ আরবী ও ফার্সীর মত। জবর, জের, পেশ ও

তস্দীদ, জযম্ ইত্যাদি সমস্তই ইহাতে আছে এবং ব্যবহার-
প্রণালী ও উচ্চারণ একই। উর্দু ভাষা অল্পদিনে শেখা যায়,
কারণ, এই ভাষাভাষীর সহিত আমরা পরিচিত, যাহারা
পশ্চিমাঞ্চলে থাকেন, প্রকারান্তরে ইহাই তাঁহাদের কথ্য-
ভাষা।

উর্দু গণ্ড এইরূপ,—“নমাজ সে ফারিগ্ হোতে হী জনাজে
কো উঠাকর লে চলে, চলতে ওঅক্ত্ অগর কলমহ শরীফ
ও অগৈরে পড়ে তো দীল মে পড়ে, আওয়াজ সে পড়না
মকরুহ হৈ।”—তালিম-অল-ইসলাম ৩র্থ ভাগ, পৃষ্ঠা ২৫।

উর্দু কবিতা বা গান এইরূপ,—

“ফীরাক জানা মৈ হমনে সাকী
লোছ পিয়া হৈ সরাব করকে,
শন্ম্ নে মেরা জীগর্ জলায়া তো
মৈনে খায়া কবাব করকে।
জরা জো রুখ্ সে নকাব সরকি
ভো মার ডালা হিজাব করকে।
মেরে জনাজে পে মেরা কাতিল
নামাজ পড় কর ইয়ে কহ রহা হৈ—
লে অব তো সর্ সে অয়জাব উতরা
চলা হঁকারে শওয়াব করকে।
নফুল বুল্-বুল্ খসী সে হরগীজ জো
গুল্কে ফুলা নহী সমাতা,
গয়া ওহ্ অভার কী ছকান পর,
ফীর উসনে বেচা গুলাব করকে।”


গানটির অর্থ ও ভাব বড়ই মন্বস্পর্শী।

শ্রীবিমলকান্তি মুখোপাধ্যায়।

জন্মভূমি

শৈশবের লীলাভূমি পবিত্র রসাল !
কৈশোরের ক্রীড়াক্ষেত্র বিচিত্র বিশাল।
প্রেমের পবিত্র কুঞ্জ সরস যৌবনে !
সাধনার তপোবন বার্বিক্য জীবনে।
জননী মহিমময়ি ! তোমারে প্রণমি !
স্বর্গ হ'তে শ্রেষ্ঠ তুমি মাতঃ জন্মভূমি।

শ্রীমোহিতকুমার হাজরা।



ক্রীতদাসী

তখনও ভোর হয় নাই, গাছের পাতায়-লতায় ফলে-ফুলে নিশির শিশির মক্তাবিন্দুর মত বলমল করিতেছে, ছুই একটা পাখী কুলায় হঠতে আহার অন্বেষণে বাহির হইতেছে, দূরে নিবিড় নীল পাহাড়ের মাথার উপর রাক্ষা উষার রাক্ষা আভা মৃদু তুলিকাষ্পশে পরম সুন্দর চিত্র অঙ্কিত করিতেছে। আমি তখনও তাষুর মধ্যে কঞ্চল মুড়ি দিয়া শুইয়া আছি। বাহির হইতে মহাদেব থাপ্পা ডাকিল, “বাবুজী, মেলায় যাবে না, এর পর রোদ উঠবে যে!”

আমি তাড়াতাড়ি কঞ্চল ফেলিয়া দিয়া উঠিয়া দাঁড়াইলাম, বাহিরে আসিয়া একবার চারিদিকে চাহিয়া প্রকৃতির প্রথম প্রভাতের নগ্নমূর্তি দেখিয়া লইলাম, বলিলাম, “তাঁই ত, রাত পুইয়ে এসেছে। নাও মহাদেব, সব যোগাড় ক’রে নাও, আমি এলুম ব’লে।”

যত শীঘ্র সম্ভব প্রাতঃকৃত্য সম্পন্ন করিলাম। স্বল্পক্ষণ পরেই সম্পূর্ণ প্রস্তুত হইয়া মহাদেবকে সঙ্গে লইয়া পথে বাহির হইয়া পড়িলাম।

শীতের প্রভাত, তাহাতে পাহাড়ের তরাই অঞ্চল। কনকনে হাওয়ায় গরম কাপড়ের মধ্যে থাকিয়াও হাড় কাঁপিতেছিল, হাত অবশ হইয়া যাইতেছিল, বুক গুরু-গুরু করিতেছিল। নেপাল তরাই অঞ্চলে সরকারী জরিপের কার্যে আজ ছয় মাস হইল নিযুক্ত হইয়াছি। মাত্র চব্বিশ বৎসর বয়সে পেটের দায়ে আত্মীয়-স্বজন হইতে বিচ্ছিন্ন হইয়া এই সুদূর প্রবাসে নিকাসিত গুরু জীবন অতিবাহিত করিতেছি। স্বাপদসঙ্কুল ঘন জঙ্গলমধ্যে অপেক্ষাকৃত পরিষ্কৃত তৃণাচ্ছাদিত ময়দানে আমাদের তাম্বু পড়িয়াছে। আমিই এই ‘নিরস্তপাদপদেশে এরংগুর’ মত সর্ক সর্কময় কর্তা, আমার তাঁবে বিস্তর সরকারী লোকলস্কর।

মহাদেব গাইড হইয়া চলিতেছে, আমি তাহার পশ্চাদনুসরণ করিতেছি। সেই প্রত্যুর্মেই কত পাহাড়ী নরনারী আমাদেরই মত মেলার উদ্দেশ্যে চলিয়াছে, তাঁহাদের স্বন্ধে ও পৃষ্ঠদেশে নানা পণ্যসম্ভার।

পথ চলিতে চলিতে মহাদেব বলিল, “বাবুজী, এ মস্ত মেলা, এত বড় মেলা এ অঞ্চলে আর কোনও সময়ে হয় না।”

আমি হাসিলাম। ভাবিলাম, কৃপবন্ধ মণ্ডুক এই পাহাড়ী, তাহার ক্ষুদ্র গণ্ডীর বাহিরের জগতের কোন সংবাদই রাখে না, তাহার পক্ষে এই জঙ্গলের মেলা যে মস্ত মেলা হইবে, তাহাতে বিশ্বাসের বিষয় কি আছে? জিজ্ঞাসা করিলাম, “তোদের নেপালীরাও কি এ মেলায় আসে?”

মহাদেব দূরের ধমায়মান পাহাড়ের পর পাহাড়ের শ্রেণীর দিকে অঙ্গুলী নির্দেশ করিয়া বলিল, “ঐ পাহাড়ের ও-পার হ’তে হাজার হাজার নেপালী এই মেলায় জমায়েৎ হবে। এখানে সারা বছরের গেরোস্থালীর মাল খরিদ-বিক্রী ক’রে পাহাড়ে ফিরে যাবে, আবার এক বছর পরে মেলায় আসবে।”

আমি পুনরায় জিজ্ঞাসা করিলাম, “মেলায় কি সব বিকিকিনি হয়? গেরোস্থালীর মাল ছাড়া আর কিছু হয় না?”

মহাদেব সগর্বে বলিল, “হয় না? কত কি বিকিকিনি হয়। গরু, ছাগল, ভেড়া, গোষ, কুকরী, বঁটা, হাল,— কত কি! আর একটা জিনিষ বিকিকিনি হয়, যা আর কোথাও হয় না। বল দিকি বাবুজী, সে জিনিষ কি?”

আমি বলিলাম, “তোদের কি জিনিষ বিকিকিনি হয়, তা আমি জানবো কি ক’রে?”

মহাদেব হাসিয়া বলিল, “মানুষ, বাবুজী, মানুষ! নেয়েলোক মন্দলোক এই মেলায় বিকি-কিনি হয়।”

আমার বিশ্বাসের সীমা রহিল না। এই বিংশ শতাব্দীর সভ্যতার দিনে ইংরাজ রাজত্বের সীমানায় মানুষ বেচা-কেনা হয়, ইহা কি আশ্চর্যের কথা নহে?

ক্ষণেক নিস্তব্ধ থাকিয়া বলিলাম, “সে কি রকম? কারা বেচে? কাদের বেচে? কেনেই বা কারা?”

মহাদেব আমাকে চমকিত করিয়া পরম আনন্দ ও গর্বে

অনুভব করিতেছিল। সে আমার বিষয়ের মাত্রা আরও বর্ধিত করিয়া গভীরস্বরে বলিল, “দেখতেই পাবে বাবুজী, আমি আর কি বলবো?”

অদূরে জনস্রোত দেখিয়া, কোলাহল শুনিয়া বুঝিলাম, মেলায় নিকটবর্তী হইয়াছি। মহাদেব মিথ্যা গর্জন করে নাই, মেলা মস্ত মেলাই বটে। পাহাড়ের পাদমূলে বহু বিস্তৃত প্রান্তরে মেলা বসিয়াছে। তখন উসোদয় হইয়াছে। সেই প্রথম প্রভাতালোকে দেখিলাম, বিরাট জনসমুদ্র যেন অশুধির মত তরঙ্গের ঘাত-প্রতিঘাতে গর্জন করিতেছে। অসংখ্য নরনারী, অপার অপরিমেয় পণ্যসম্ভার! নানাবর্ণের শীতবস্ত্রে আচ্ছাদিত পাহাড়ী নরনারী যেন এক বিরাট পুষ্পোৎসবের নানাবর্ণের পুষ্পের মতই অশুভিত হইতেছে। আমি মহাদেবের সঙ্গে সেই বিরাট জনসমুদ্রে গা ভাসাইয়া দিলাম।

২

আমার পাদদ্বয় ভূমি স্পর্শ করিতেছিল কি না সন্দেহ। কখনও কখনও সেই জনসমুদ্রের অতল তলে তলাইয়া যাইবার আশঙ্কা হইতে লাগিল। এক স্থানে ভিড়ের চাপে আমরা উভয়ে উভয়ের সঙ্গে হইতে বিচ্ছিন্ন হইয়া পড়িলাম। বহু কষ্টে সেই ভিড়ের চাপ হইতে আত্মরক্ষা করিয়া বাহিরে অপেক্ষাকৃত ফাঁকা বায়ুগায় আসিয়া চীৎকার করিয়া ডাকিলাম, “মহাদেব!” কে সাড়া দিবে? বুঝিলাম, বিরাট জনসমুদ্রে মহাদেবকে গ্রাস করিয়াছে।

সঙ্গিহারা—গাউঁড-হারা হইয়া ক্ষণেক উদভ্রাস্তের মত এদিক ওদিক ঘুরিয়া বেড়াইলাম। গগনের থালে তখন জ্বাকুসমসঙ্কাশ মহাত্ম্যতি তপনদেব আত্মপ্রকাশ করিয়াছেন, সূর্যালোকে সারা জগৎ হাসিতেছে, কেবল সঙ্গিহারা আমি,—আমার মুখে হাসির কোনও চিহ্ন ছিল না। বার বার চারিদিকে ঘুরিলাম, কিন্তু কোথাও মহাদেবকে পাইলাম না। মেলায় গৃহস্থালীর কিছু কিছু জিনিষ কিনিব, হুই একখানা পাহাড়ী কঞ্চল ও নেপালী কুকরী কিনিব, মনে কুরিয়াছিলাম, কিন্তু কিছুই ভাল লাগিল না, মহাদেব না হইলে কে কিনিয়া দিবে?

পরিশ্রান্ত হইয়া এক প্রান্তে আসিয়া কোমলাসূত তৃণশয্যার উপর বসিয়া পড়িলাম। নাতিদূরে বহু পাহাড়ী

নরনারী কঞ্চল জড়াইয়া বসিয়া ছিল, তাহাদের মধ্যে অনেকেই অল্পবয়স্ক। বালক-বালিকা, কিশোর-কিশোরী ও যুবক-যুবতীর সংখ্যাই অধিক, তবে পুরুষ অপেক্ষা নারীর ভাগই বেশী। এক জন বয়স্ক পাহাড়ী এক এক নারী বা পুরুষকে কাছে আনিয়া দাঁড় করাইতেছে এবং পাহাড়ী ভাষায় উচ্চৈঃস্বরে বলিতেছে, “কে খরিদার আছ, এই বালিকাকে কিনিব, ইহার বয়স ১৩ বৎসর।”

তখনই মনটা চমকিত হইয়া উঠিল। মহাদেব যে নরনারী বিকিকিনির কথা বলিয়াছিল, ইহাই ত তাই! কোতূহলের বশবর্তী হইয়া আমি সেই মানুষ বেচার হাটের দিকে অগ্রসর হইলাম।

কত বিকি-কিনি হইল। দেখিলাম, ক্রেতা বা বিক্রেতা এই মানুষ বেচার কোনরূপ বিষয় প্রকাশ করিতেছে না। যেমন ঘৃত, লবণ, তৈল, তণ্ডুল কেনা-বেচা হয়, মানুষও তেমনি কেনা-বেচা হইতেছে, পাহাড়ীরা চিরাচরিত প্রথামুসারে ইহাতে অভ্যস্ত হইয়া গিয়াছে, তাহাদের মনুষ্যোচিত অস্তরের কোমল বৃত্তিনিচয় ইহাতে বিন্দুমাত্র আহত হইতেছে না। আমি বাঙ্গালী, এ বীভৎস দৃশ্য আমার পক্ষে অসহনীয় বেদনার কারণ হইল। আমি বিরক্ত হইয়া স্থান ত্যাগ করিবার জন্য প্রস্তুত হইলাম। এমন সময়ে একটি অভাবনীয় দৃশ্য দেখিয়া আমি স্তম্ভিত হইয়া ফিরিয়া দাঁড়াইলাম। এতক্ষণ যে সমস্ত পুরুষ ও নারী ক্রীত-বিক্রীত হইতেছিল, তাহাদের মধ্যে প্রায় সকলেই সাধারণ পাহাড়ী, তাহাদের বিশেষত্ব কিছুই ছিল না। কিন্তু হঠাৎ আনার দৃষ্টি একটি তরুণীর প্রতি আকৃষ্ট হইল। তরুণী এক-বেণীধরা, কালভূজঙ্গীর মত সেই বেণী পৃষ্ঠদেশে জালু পর্যন্ত বিলম্বিত। তাহার উভয় গণ্ডে দুইটি গোলাপ-কোরক ফুটিয়াছিল। তাহার সর্কোঙ্গে প্রথম যৌবনের লাবণ্য বহিয়া যাইতেছিল। সাধারণ পাহাড়ীয়াদের মত তাহার চক্ষু ও নাসিকা ক্ষুদ্র ও গোলাকার ছিল না—নীলোৎপলের মত নয়নযুগল আয়ত, নাসিকা কবি-বর্ণিত তিল-ফুলের মত সরল ও উন্নত। সর্কোপরি তাহার মুখে চোখে এমন একটা করুণ-কোমল কাতরতার ভাব জড়ান-মাখান ছিল, যাহা দেখিলেই তাহার দিকে দৃষ্টি স্বতঃই আকৃষ্ট হয়। যৌবনের বা• রূপের যাহু এমনই যে, মানুষের মনের উপর তাহার প্রভাব বিস্তার করিবেই। আমিও

মাছুষ, আমি বহিমুখে পতঙ্গের মত তাহাতে আকৃষ্ট হইলাম।

ছয় মাস কাল অহরহ পাহাড়ীয়াদের সহিত জীবন-যাপনের ফলে আমি পাহাড়ী ভাষা বলিতে ও বুঝিতে অভ্যস্ত হইয়াছিলাম। সুতরাং ক্রীতদাসী-বিক্রেতার কথা বুঝিতে বিলম্ব হইল না। বিক্রেতা বলিতেছিল, যুবতীর মূল্য এক বৎসর কালের জন্ত ৫০ টাকা।

কি জানি কেন, হঠাৎ এই তরুণীকে ক্রয় করিবার বাসনা আমার মনে জাগিয়া উঠিল। আমি বাঙ্গালী,—এ ক্রয়-বিক্রয়ে আমার কোনও সহানুভূতি থাকিবার কথা নহে, কিন্তু তরুণীর আয়তনয়নদ্বয়ের করুণ কাতর দৃষ্টি আমাকে যেন তাহার দিকে সবলে আকর্ষণ করিল। আমি অগ্রসর হইয়া বিক্রেতাকে আমার মনের অভিপ্রায় জ্ঞাপন করিলাম। পাহাড়ী নরনারীরা সবিস্ময়ে আমার দিকে তাকাইয়া রহিল,—বাঙ্গালী বাবুরা কখনও এরূপ করিয়াছে বলিয়া হয় ত তাহাদের জানা ছিল না।

অতি অল্প কথায় বিকিকিনি হইয়া গেল। আমি তরুণীকে লইয়া মেলার বাহিরে চলিয়া আসিলাম, আমার অল্প কিছু পণ্য সংগ্রহ করা হইল না।

তরুণীর সঙ্গে একটি বৃদ্ধ পাহাড়ী আসিতেছিল, সে বলিল, “বাবুজী, তুমি এই বিকিকিনির নিয়ম-কানুন জান?”

আমি বলিলাম, “না।”

সে বলিল, “তবে সব কথা জেনে রাখ। এই কণ্ঠা আজ হ’তে এক বৎসর কাল তোমার ক্রীতদাসী হয়ে থাকবে। এর উপর তোমার পূর্ণ অধিকার থাকবে। এক বছরের পর ওকে আমি নিয়ে যাব, আমি ওর বাপ। যদি এর মধ্যে তোমাদের সন্তান হয়,—”

আমি চমকিত হইলাম। সন্তান! তবে কি এই তরুণীর দেহভোগেও ক্রেতা অধিকারী! আমি বলিলাম, “সে কি?”

বৃদ্ধ বলিল, “হাঁ, এই-ই নিয়ম। ওর দেহের উপর তোমার অধিকার থাকবে। কিন্তু সন্তান হ’লে সে সন্তান তোমার হবে না, এই কণ্ঠা এক বছর পরে সেই সন্তান নিয়ে ঘরে ফিরে আসবে।”

আমি গম্ভীরভাবে বলিলাম, “হঁ, আশ্চর্য কিছু নিয়ম আছে?”

বৃদ্ধ বলিল, “আছে। এই এক বছরের মধ্যে তোমায় ওকে খেতে পরতে দিতে হবে। মনের অমিল হ’লে ওকে এক বছরের মধ্যে তাড়িয়ে দিতে পারবে না, কাছেই রাখতে হবে। ঠিক এক বছর পরে তুমি যেখানেই থাক, আমি সেখানে গিয়ে একে দাবী করব। কেমন, এতে রাজী আছ?”

আমি ঘাড় নাড়িয়া সম্মতি জ্ঞাপন করিলাম। বৃদ্ধ বলিয়া যাইতে লাগিল, “আরও একটা সর্ভ আছে। তোমাদের মধ্যে যদি ভালবাসা হয়, তা হলেও একে বিবাহ করতে পারবে না। এক বছর পরে আমি বা আমার ছেলে অথবা আমার বংশের কোনও পুরুষ এসে যদি দেখে, তুমি এ নিয়ম ভঙ্গ করেছ, তা’ হ’লে তোমাকে হত্যা করবো।”

আমি শিহরিয়া উঠিলাম। বলিলাম, “সে ভয় নেই। এর চোখে মুখে দুঃখের ভাব দেখে আমার করুণা জেগে উঠেছে, আমি ওর প্রতি ভাল ব্যবহারই করব।”

বৃদ্ধ সে কথা যেন শুনে নাই, এমনই ভাব দেখাইয়া বলিল, “তবে এক বছর পরে এসে যদি দেখি, তোমাদের দুজনেরই বিবাহের ইচ্ছা হয়েছে, তা হ’লে আমি নিজে তোমাদের বিয়ে দেবো। কেমন, সব কথা ভাল ক’রে বুঝলে? এই কটা নিয়ম পালন করলে কোনও গোল থাকবে না। এরও কটা নিয়ম মানতে হবে। তোমার সুখ ও আরামের অথবা ভোগের জন্তে এর দেহের দ্বারা যা সম্ভব হয়, তা এ করতে বাধ্য থাকবে। না করলে এক বৎসর পরে একে তার প্রমাণ পেলে আমি তোমার টাকা ফিরিয়ে দিয়ে যাব। বাবুজী, তবে আসি।”

বৃদ্ধ চলিয়া গেল। যাইবার পূর্বে সে কণ্ঠার দিকে ফিরিয়া চাহিল না। তরুণীর অশ্রুসজল দৃষ্টি যতক্ষণ তাহার চলন্ত মূর্তির প্রতি নিবন্ধ রহিল, ততক্ষণ আমি সেই প্রান্তর-মধ্যে দাঁড়াইয়া বিস্ময়ান্বিতমনে আকাশ-পাতাল ভাবিতে লাগিলাম।

সাবিত্রী অগ্ৰাগ্র পাহাড়ীয়াদের মত জলকে ভয় করে; তরুণীর নাম সাবিত্রী। সে পারতপক্ষে স্নান করিতে চাহে না, জলের সম্পর্ক রাখিতে চাহে না। সে অপরিষ্কার

অপরিচ্ছন্ন। তাহার স্বভাবতঃ ভ্রমরকৃষ্ণ কুঞ্চিত কেশদাম তৈলাভাবে সদাই রুক্ষ থাকিত, তাহার অপরূপ রূপ সবেও তাহার দেহ হইতে সর্বদা একটা বিকট গন্ধ ছড়াইয়া পড়িত। এ জন্ম আমি তাহাকে আমার নিকটে বড় একটা আসিতে দিতাম না। সে ঘর কাঁট দিত, বাসন মাজিত, বিছানার পাট করিত, এমন কি, কাঠ-চেলা করিত, মোটও বহিত; কিন্তু আমি তাহাকে আমার পানীয় বা আহাৰ্য্য সংগ্রহের বা ব্যবস্থার বিষয়ে কোন ভার দিতাম না। মহাদেব থাপ্পা আমার কাছে অনেক দিন থাকিয়া বাঙ্গালীর মত হইয়া গিয়াছিল, তাহার উপর ঐ সব ভার ছিল। সে পারত-পক্ষে কথা কহিত না, নীরবে আপন কর্তব্য পালন করিয়া যাইত, তাহাকে ডাকিলে নীরবে আসিয়া দাঁড়াইত এবং আদেশ শুনিয়া তৎক্ষণাৎ তাহা পালন করিতে যাইত।

প্রথম যে দিন সে আমার কাছে ভক্তি হয়, সেই দিন রাত্রিকালে আমার শয়নের পর সে নীরবে আমার তাম্বুতে প্রবেশ করিয়া নীরবে আমার শয্যা-প্রান্তে বসিয়া নীরবে আমার পদসেবা করিতে লাগিল। সমস্ত দিনের পরিশ্রমের পর ক্লান্ত হইয়া পড়িয়াছিলাম, কায়েই শয়ন-মাত্র তন্দ্রাভিভূত হইয়াছিলাম। হঠাৎ পদদ্বয়ে কোমল হস্তস্পর্শে আমার তন্দ্রাঘোর কাটিয়া গেল, বিস্মিতনেত্রে চাহিয়া দেখিলাম, সাবিত্রী আমার পদসেবা করিতেছে। আমি ক্ষিপ্ৰগতি পদদ্বয় সরাইয়া লইয়া তীরের মত দাঁড়াইয়া উঠিলাম, গম্ভীর স্বরে সাবিত্রীকে বলিলাম, “কে তোমাকে এখানে আসতে বললে? যাও।”

সাবিত্রীও দাঁড়াইয়া উঠিয়াছিল। সে তাহার বন-কুরঙ্গীর মত বিশাল আয়ত নীলোৎপলতুল্য নয়নের দৃষ্টি আমার মুখের উপর স্থাপিত করিল; তাহাতে বিস্ময়, ভয় ও কুণ্ঠার চিহ্ন স্পষ্ট প্রকট হইয়া উঠিয়াছিল।

আমি আবার উচ্চস্বরে বলিলাম, “যাও।”

সাবিত্রী বুকের উপর হাত রাখিয়া কেবল একটি কথা উচ্চারণ করিল, ‘কেট-।’ এই বোধ হয়, তাহার প্রথম সম্ভাষণ। পাহাড়ীয়ারা ক্রীতদাসীকে কেট বলে।

আমি রুষ্টস্বরে বলিলাম, “তা হোক। তুমি পাশ্বের তাঁবুতে গিয়ে শোও। আর কোনও দিন আমার শোবার সময়ে এখানে এস না।”

তখন সাবিত্রীর নয়নযুগলে যে ভক্তি, শ্রদ্ধা ও কৃতজ্ঞতার

ভাব ফুটিয়া উঠিতে দেখিয়াছিলাম, তাহা ইহজীবনে ভুলিতে পারি নাই। পরদিন হইতে সাবিত্রীকে অপেক্ষাকৃত প্রফুল্লমুখে গৃহস্থালীর কাষ করিতে দেখিয়াছি। তবে তাহার বিষাদমাখা আননের ধীর-গম্ভীর ব্যথিত ভাব একবারে অন্তর্হিত হয় নাই, তাহার গভীর নীরবতার অবিচ্ছিন্নতাও কখনও ক্ষুণ্ণ হয় নাই।

একটি বিষয়ে সাবিত্রী ঘড়ির কাঁটার মত কাষ করিয়া যাইত। জল-ঝড়, শীত-গ্রীষ্ম,—যাহাই হউক, সে প্রত্যুষে ও সন্ধ্যায় তাহা হইতে দূরে পাহাড়ের দিকে প্রত্যহ বেড়াইতে যাইত। তাহাকে কখনও এ বিষয়ে অমনোযোগী হইতে দেখি নাই।

এক দিন সন্ধ্যার পূর্বে আমার হাতে কোনও কাষ ছিল না, আমি সে জন্ম একটু দূরে ভ্রমণ করিতে বাহির হইয়া-ছিলাম। যে স্থান হইতে নীল নিবিড় পাহাড়ের শ্রেণী স্পষ্ট দেখা যায়, সেই স্থানের নিকটবর্তী হইয়া দূর হইতে দেখি-লাম, একটি নারী-মূর্তি পাহাড়ের উপর অন্তগমনোন্মুখ তপন-দেবের প্রতি নির্নিমেষনয়নে চাহিয়া রহিয়াছে। বায়ু-তাড়নায় তাহার গাত্রাবরণখানি উড্ডীয়মান হইতেছিল—সে দিকে তাহার দৃষ্টি ছিল না। তাহার পৃষ্ঠদেশে লম্বিত বেণী দোহল্যমান হইতেছিল, দূর হইতে তাহাকে বেন চিত্রার্চিত প্রতিমার মত দেখাইতেছিল। আমি দ্রুতগতি অগ্রসর হইলাম। কেন সে প্রত্যহ এই স্থানে আসিয়া পাহাড়ের প্রতি স্থিরদৃষ্টি হইয়া দণ্ডায়মান হয়, জানিবার জন্ম আমার কোতূহল উদ্দীপ্ত হইয়াছিল।

আমি তাহার নিকটবর্তী হইয়া স্নেহাৰ্দ্ৰস্বরে ডাকিলাম, “সাবিত্রী!”

সাবিত্রী চমকিত হইয়া পশ্চাতে ফিরিয়া দেখিল, তাহার মুখে-চোখে আশঙ্কার চিহ্ন প্রকটিত হইয়াছিল। চোর চুরি করিতে গিয়া ধরা পড়িলে তাহার মুখের ভাব যেমন হয়, সাবিত্রীর মুখেও তেমনই আশঙ্কার ভাব জাগিয়া উঠিল। আমি জিজ্ঞাসা করিলাম, “এখানে তুমি কি করিতেছ? প্রত্যহ এখানে আসিয়া কি দেখ?”

সাবিত্রী এতক্ষণে আপনাকে সামলাইয়া লইয়াছিল, সে বিন্দুমাত্র সঙ্কুচিত না হইয়া পাহাড়ের দিকে অঙ্গুলী নির্দেশ করিল। ন্যূতিদূরে পাহাড়ের পর পাহাড়ের শ্রেণী বিশাল সমুদ্রবন্দে বেন তরঙ্গমালার মত অল্পমিত হইতেছিল।

অস্তাচলগামী সূর্যের রক্ত আভা পাহাড়ের মাথার উপর ঝকমক করিতেছিল। সে সময়ে পাহাড়ের যে শোভা হইয়াছিল, তাহা কবির তুলিকারই যোগ্য উপকরণ। আমি বলিলাম, “পাহাড় দেখিতেছিলে? কেন, ওখানে কি দেখে?”

এত দিন পরে সাবিত্রীর মুখে একের অধিক কথা শুনিতে পাইলাম। সে বলিল, “ঐ পাহাড়ের ওপারে আমাদের ঘর। সেখানে আমার সব আছে।”

আমি বলিলাম, আমি যেমন প্রত্যহ আমার সোনার বাঙ্গালার একখানি নিভৃত পল্লীর শ্রামশোভা দেগিবার জন্ম ক্যাকুল হই, সাবিত্রীও তেমনই তাহার পাহাড়ে ঘেরা জন্মদা পল্লীভূমির দর্শনের জন্ম প্রত্যহ ব্যাকুল হয়, তাহার আকুল আকাঙ্ক্ষা মুষ্টি পরিগ্রহ করিয়া সঁঝে-সকালে এইখানে দেখা দেয়। সহানুভূতিতে আমার অন্তর ভরিয়া গেল, পুনরপি স্নেহার্চকণ্ঠে বলিলাম, “ঐ ওপারে যেখানে তোমার সব আছে, সেইখানে যেতে চাও? কেন, তোমার কি এখানে কোনও কষ্ট হচ্ছে?”

সাবিত্রী এবার কোনও কথা কহিল না, নীরবে নতমুখে দাঁড়াইয়া রহিল। তাহার হৃদয়ের অন্তস্তলে তখন ভাব-সমুদ্রের কি তরঙ্গভঙ্গ হইতেছিল, প্রবাসী আমি, আমার বুহুকু হৃদয়েয় নিত্য হাহাকারের মধ্য দিয়া তাহা বঝিয়া লইতে আমার বিলম্ব হইল না, অবিকম্পিত কণ্ঠে বলিলাম, “সাবিত্রি, সত্যই তুমি এখানে ঐ পাহাড়ের পরপারে ফিরে যেতে চাও? যাও, আমি তোমায় কোনও বাধা দেবো না।”

সাবিত্রীর পাষণের মত সুখ-দুঃখের অন্তঃস্থিত মৃগ-মণ্ডলে এক অপূর্ব রক্তরাগ ফটিয়া উঠিল, আয়তলোচন দুইটি কি এক অপূর্ব জ্যোতিতে ধক-ধক জলিয়া উঠিল, আমার মনে হইল, যেন নিশ্চল মৃগয় প্রতিমায় প্রাণসঞ্চার হইয়াছে। সে করুণ ব্যথাহত স্বরে উত্তেজিত কণ্ঠে বলিল, “সত্যি বলছ, বাবুজী? আমার দেশে ফিরে যেতে ছকুম দিচ্ছ?”

আমি বলিলাম, “ছকুম না সাবিত্রি, আমি তোমায় আনন্দের সঙ্গে ইচ্ছা করে যাবার জন্তে অনুরোধ করছি। কেন তুমি ইচ্ছার বিরুদ্ধে এখানে পুঁড়ে থাকবে, আমি তোমার মনে ব্যথা দিতে চাই না।”

সাবিত্রী তখনও আমার কথা বিশ্বাস করিতে পারিতেছিল না। এমন ত হয় না। তবে কি বাবুজী তাহার সহিত রহস্ত করিতেছেন? সে আবার উত্তেজিত স্বরে বলিল, “তামাসা না বাবুজী, সত্যি?”

আমি হাসিয়া বলিলাম, “হাঁ, সত্যি। তুমি যদি এখনই দেশে ফিরে যেতে যাও, স্বচ্ছন্দে যেতে পার। আমি তোমায় বাধা দেবো না, কেউ বাধা দেবে না। এই নাও, পথের খরচা।”

আমি ভাহাকে কিছু অর্থ দিবার জন্ম হস্ত প্রসারণ করিলাম, সে দুই পদ পিছাইয়া গেল, হাত দুইখানি বুকের উপর রাখিয়া আবার বলিল, “আমার খরিদ করার টাকা? সে টাকার কি হবে?”

আমি বলিলাম, “আমি সে টাকা একবার দিয়েছি, আর ফিরিয়ে চাইনে। এই রাত্রিকালে একলা যেতে পারবে?”

সাবিত্রী দৃঢ়স্বরে বলিল, “খুব পারব; আমার ভয় নেই। রাতে এমন একলা যাওয়া আসা আমার খুব অভ্যাস আছে।”

আমি বলিলাম, “তবে এই টাকা নাও।”

সাবিত্রী করপ্রসারণ করিয়া টাকা লইল। তাহার পর সে আমার মুখের দিকে তাকাইয়া গভীর কৃতজ্ঞতার দৃষ্টি নিক্ষেপ করিল এবং আর কিছু না বলিয়া পাহাড়ের দিকে অগ্রসর হইল। মুহূর্তের মধ্যেই সে দক্ষ্যার অন্ধকারে মিলিয়া ইয়া গেল।

৪

বাসায় ফিরিয়া আমার মনটা ভাল ছিল না। যেন কি নাই, যেন কি হারাইয়াছি, যেন হৃদয়ের আশা-আকাঙ্ক্ষার মধ্যে কি একটা জিনিষ ফাঁকা হইয়া গিয়াছে,—এমনই অবস্থা হইল। ভাল করিয়া আহার করিতে পারিলাম না। আত্মসম্মানে একটা আঘাত পাইলাম বলিয়া মনে হইল। এই পাহাড়ী তরুণীর প্রতি এ যাবৎ কোনওরূপ মন্দ ব্যবহার করি নাই, বরং যতটা মনে পড়ে, খুব সদয় ব্যবহারই করিয়াছি। তবে কি সে সদয় বা নির্দয় ব্যবহারের অতীত? তাহার অশিক্ষিত, অমার্জিত মনে কি কৃতজ্ঞতা বলিয়া কোনও মনোবৃত্তির ছাপ অঙ্কিত হয় নাই? অজ্ঞাতে আমি

কি তাহার মনে কোনওরূপ ব্যথা দিবার কারণ হইয়াছি ? আমি কি তাহাকে ধরিয়া রাখিবার মত কোনওরূপ আকর্ষণের ব্যবস্থা করি নাই ? আত্মীয়-স্বজনের আকর্ষণ অথবা স্বাধীনতালাভের আকর্ষণ যে এ ক্ষেত্রে তাহার অন্ত সকল মনোবৃত্তির আকর্ষণ অপেক্ষা অধিক প্রবল হইয়াছে, তাহা বুঝিতে পারিলাম।

ভাবিতে ভাবিতে তন্দ্রাচ্ছন্ন হইয়া পড়িলাম। কিন্তু সে তন্দ্রা অধিকক্ষণ স্থায়ী হইল না। সাবিত্রীর আসার পর প্রথম রাত্রিতে যেমন আমার পদদ্বয়ে কোমল হস্তস্পর্শের অনুভূতিনাভে জাগ্রত হইয়া উঠিয়াছিলাম, তেমনই এবারেও হঠাৎ কাহার হস্তস্পর্শে আমি জাগিয়া উঠিলাম; চোখে হাত ঘমিয়া চাহিয়া দেখিলাম, সাবিত্রী সেই প্রথম দিনের মত আমার পদসেবায় রত রহিয়াছে !

আমি তীরের মত উঠিয়া বসিয়া সবিস্ময়ে জিজ্ঞাসা করিলাম, “এ কি সাবিত্রি, তুমি ? তুমি দেশে ফিরিয়া যাও নাই ?”

সাবিত্রী নতমুখে কেবল বলিল, “না।”

আমি বলিলাম, “না ? কেন, যাও নাই কেন ? আমি ত তোমায় মুক্তি দিয়েছি।”

সাবিত্রী বলিল, “মুক্তি চাঞ্চি না, মুক্তিতে আমার অধিকার নাই।”

আমি উত্তরোত্তর বিস্মিত হইয়া বলিলাম, “কেন নাহ ? আমি তোমায় কিনেছি, আমিই মুক্তি দিয়েছি। তবে ?”

সাবিত্রী বলিল, “তুমি যদি তাড়িয়ে না দাও, বাবুজী, তা হ'লে আমি যাব না। এক বছর আমার যাবার অধিকার নেই।”

আমি বলিলাম, “কেন, টাকা দিয়েছি ব'লে ? টাকা আমি ফিরে নিতে চাই না।”

সাবিত্রী ক্ষণকাল নীরবে রহিল, তাহার পর ধীরে ধীরে বলিল, “টাকা ফিরিয়ে দেবার ক্ষমতা আমার বাবুজীর নেই, দিলেও আমি যাব না। বাবুজী, আমায় তাড়িয়ে দিও না, অন্ততঃ এক বছর তোমার সেবা করতে দাও।”

কথাটা বলিয়া সাবিত্রী কাতর করুণদৃষ্টিতে আমার মথের দিকে আকুল আগ্রহে চাহিয়া রহিল। আমার

বিস্ময়ের সীমা রহিল না। সাবিত্রী এত কথা ত কখনও বলে নাই। আজ কি অজ্ঞাত কারণে তাহার এই ভাবান্তর !

সাবিত্রী আবার করুণস্বরে বলিতে লাগিল, “বাবুজী, তুমি আমায় যা করতে বল, তাই করব, তুমি আমায় তাড়িয়ে দিও না। এখন থেকে আমি তোমাদের বাঙ্গালীর মত হ'তে চেষ্টা করব, আমার জন্তে তোমার কখনও বিরক্তি বা ঘৃণা হবে না।”

উত্তরের প্রতীক্ষা না করিয়াই সাবিত্রী ধীরে ধীরে তাহার বাহিরে চলিয়া গেল। আশ্চর্য্য তরুণী !

পরদিন হইতে লক্ষ্য করিলাম, সাবিত্রী প্রত্যহ স্নান করে, সর্বদা পরিষ্কার-পরিচ্ছন্ন থাকে, পরিধেয় বস্ত্রাদি সাধ্যমত ময়লাশূন্য রাখে। প্রাতে ও সন্ধ্যায় আর সে পাহাড় দেখিতে যায় না, তৎপরিবর্তে জঙ্গলে গিয়া বনফুল সংগ্রহ করিয়া আনিয়া মালা গাথিয়া কেশের শোভা বর্ধন করে, অনুক্ষণ হাসিমুখে কাথ করিয়া যায়। তাহার মুকুলিত গোবনে যে অস্বাভাবিক গাভীর্ষ্য দেখা দিয়াছিল, তাহা যেন কোন বাত্বকের মায়াদণ্ডের স্পর্শে ক্রমেই অপসারিত হইতে লাগিল। আর আমার সেবার কথা ?—তাহা আর কি বলিব। প্রবাসে আমার এই নিঃসঙ্গ জীবনে সে যেন একাধারে জননী, কণ্ঠা, ভগিনী, পত্নী ও দানীরূপে আমার সকল অভাব দূর করিয়া সকল প্রকার সুখ-স্বাচ্ছন্দ্যবিধান করিতে লাগিল। আমার মথের কথাটি খসিবার অবসর হইত না,—সে যেন কোনও দৈবশক্তিবলে আমার মনের কথা জানিতে পারিয়া আমার আদেশের প্রতীক্ষা না করিয়া আমার বাঞ্ছিত কার্য্য সম্পন্ন করিয়া নাইতে লাগিল। কি অক্লান্ত পরিশ্রমী সে, কি কস্মতনয়তা তাহার, সে সেবার তুলনা কোথায় খুঁজিয়া পাইব ?

যতই দিন যাইতে লাগিল, ততই ভুলিয়া যাইতে লাগিলাম যে, আমি বাঙ্গালী, আমি অনিলেন্দু রায়, আমারও দেশ-ঘর আছে, আমারও জননী-ভগিনী আত্মীয়-স্বজন আছে, আমারও আপনার বলিবার মত অনেক কিছু আছে। এই অতি দূরের পাহাড়ী তরুণী কি জানি কিসে অজ্ঞাতসারে আমার জীবনের প্রায় সমস্ত স্থানটা জুড়িয়া বসিল। একবার আমি রোগাক্রান্ত হইলে সে প্রায় এক পক্ষকাল আহার-নিদ্রা ত্যাগ করিয়া আমার সেবা

করিয়াছিল। জরত্যাগের পর যখনই চেতনা হইত, তখনই দেখিতাম, সে তাহার ক্ষুদ্র করপল্লবে আমার পদসেবা করিতেছে, অথবা তালবৃন্ত ব্যজন করিতেছে। কখনও কখনও জ্ঞান হইলে তাহার দিকে চাহিয়া দেখিলে মনে হইত, সে কি এক অপার্থিব দৃষ্টিতে নির্নিমেঘে আমার দিকে চাহিয়া আছে,—সে চাহনিতেন যেন সে সর্বস্ব হারাইয়া আপনাকে বিলাইয়া দিয়াছে। এ তন্নয়তার সময়ে তাহাকে কি সুন্দরই দেখাইত!

এক দিন আমাদের জরীপ বিভাগের ‘বড় সাহেব’ ‘ইন্স্পেকসনে’ আসিলেন। তাঁহার জন্ম পূর্ক্বাহেই বড় তাষু পড়িয়াছিল। তাঁহার আগমনের পরদিন তাঁহার তাষুতে আমার ডাক পড়িল। আমি কাগজপত্র লইয়া তথায় হাজির হইলাম। তাঁহাকে কাগজপত্র বুঝাইয়া দিতে আমার অনেকটা সময় গেল। আমি সেই সময়ের মধ্যে তাঁহার তাষুর আসবাবপত্র দেখিয়া লইলাম। তন্মধ্যে একটা জিনিষের প্রতি আমার খুবই লোভ হইয়াছিল। সেটি একটি সুদৃশ্য সূচিক্রম ব্যাঘ্রচর্ম। সেখানি তাঁহার ইজি-চেয়ারের উপর আঁতুত ছিল।

আমার তাষুতে ফিরিয়া আমি মহাদেব থাপ্পার সহিত কথা কহিতে কহিতে ব্যাঘ্রচর্মের কথা পাড়িলাম এবং তাহাকে বলিলাম, “ঐরূপ একখানা চর্ম কি এখানে সংগ্রহ করা যায় না, যাহা দাম লাগে দিব, আমার উহাতে বড় লোভ হইয়াছে।” সেই সময়ে সাবিত্রী আমার দপ্তরের বাহিরে একটা বাঁশের মোড়ার উপর বসিয়া আমার একটা জামার বোতাম আঁটিতেছিল, সে সূচিকার্যে সিদ্ধহস্ত ছিল।

পরদিন বেলা ৯টার সময় আমি বাহিরে জরীপের কার্যে যাইবার জন্ম প্রস্তুত হইতেছি, এমন সময়ে সাবিত্রী আসিয়া বলিল, “বাবুজী, একবার আমার সঙ্গে যাবে নাটার ধারে, তোমায় একটা জিনিষ দেখাব।”

আমি কৌতূহলাক্রান্ত হইয়া বলিলাম, “কি জিনিষ, সাবিত্রী?”

সে বলিল, “দেখতেই পাবে।” স্বল্পভাষিণী আর কিছু বলিল না। আমি বলিলাম, “তা ঐ দিকেই ত যাব। চল, তোমার জিনিষ দেখি গিয়ে।”

সাবিত্রী আসিবার পর আমাদের তাষু পাহাড়ের

কোলের দিকে অনেকটা সরাইয়া লইয়া যাওয়া হইয়াছিল। জরীপের কার্যে ৫৬ মাস অন্তর এমন ভাবে তাষু সরান হইয়া থাকে। মহাদেব থাপ্পা ও কয়জন কুলীকে লইয়া আমি ও সাবিত্রী পাহাড়ের দিকে অগ্রসর হইলাম।

পাহাড়ের উপর হইতে কয়েকটা ঝরণা নামিয়া আসিয়াছে এবং একত্র মিলিত হইয়া ক্ষুদ্র শ্রোতস্বিনীর আকারে প্রবাহিত হইয়াছে। শীতকাল, স্মতরাং তাহাতে অধিক জল ছিল না, সরু স্মতার মত ঝির-ঝির করিয়া শ্রোতোধারা প্রবাহিত হইতেছিল। নদীর আশেপাশে ঝোপ, জঙ্গল ও কাঁটাবন, সেগুলি খুবই ঘন-সন্নিবিষ্ট। ইচ্ছা করিলে হিংস্র জন্তু তাহার মধ্যে অনায়াসে লুকাইয়া থাকিতে পারে। এ জন্ম আমি আগ্নেয়ান্ত সঙ্কে লইয়া জরীপ করিতে যাইতাম। এ দিনও অঙ্গ লইতে ভুলি নাই।

সাবিত্রী নদীর তটে উপনীত হইয়া পাহাড়ের দিকে আরও খানিকটা পথ অগ্রসর হইল, আমরাও কৌতূহলের বশবর্তী হইয়া তাহার পশ্চাদনুসরণ করিলাম। সেখানে ঝোপ-জঙ্গল আরও গাঢ় ও ঘন হইয়া আসিয়াছে। হঠাৎ একটা ঝোপের পার্শ্বে সাবিত্রী থমকিয়া দাঁড়াইল এবং অঙ্গুলী নির্দেশ করিয়া বলিল, “ঐ ঝোপের ও-পাশে নদীর জলের ধারে—”

সেখানে ঝোপ-জঙ্গল একেবারে নদীর জলের ধারে আসিয়া মিশিয়াছে। ঝোপের অপর পার্শ্বে উপনীত হইয়া দেখিলাম, প্রায় জলের উপর একটা প্রকাণ্ড পশুর মৃতদেহ পড়িয়া রহিয়াছে। ভাল করিয়া দেখিতেই বুঝিলাম, সেটা ব্যাঘ্রের মৃতদেহ। তাহার দক্ষিণ চক্ষুতে একটি বাণ বিদ্ধ রহিয়াছে এবং তথা হইতে রক্তের ধারা তাহার মুখমণ্ডলে গড়াইয়া পড়িয়াছে, সে রক্ত গাঢ়, ঈষৎ নীলাভ। বিষ্ময়ে স্তম্ভিত হইয়া সেই দিকে কিছুক্ষণ নির্নিমেঘ নয়নে চাহিয়া রহিলাম। আমার লোকজন হর্ষবিষ্ময়ে কোলাহল করিয়া উঠিল।

আমি প্রকৃতিস্থ হইলে জিজ্ঞাসা করিলাম, “সাবিত্রী, তুমিই কি এই বাণ শিকার করেছ?”

সাবিত্রী নতমুখে বলিল, “তুমি যে বাঘের ছাল চেয়েছিলে, বাবুজী।”

কোনও উত্তরের প্রতীক্ষা না করিয়া সাবিত্রী তাষুর দিকে চলিয়া গেল, একবার পশ্চাতে ফিরিয়াও দেখিল না।

আমি স্তম্ভিত হইয়া রহিলাম, আমার ভাবসমুদ্রে তখন ভীষণ তরঙ্গভঙ্গ হইতেছিল।

আমার তন্ময়তা ভঙ্গ করিয়া মহাদেব বলিল, “বাবুজী, আমাদের পাহাড়ী ছেলে-মেয়ে বাঘ শিকার করতে জানে। সবাই যে জানে, তা নয়, তবে অনেকে জানে। সাবিত্রীরা পাহাড়-জঙ্গলের সন্তান!”

আমি বলিলাম, “তা ত বুঝলুম। কিন্তু কা’ল তোমার আমায় বাঘছালের কথা হয়েছে, এর মধ্যে সাবিত্রী বাঘ মারলে কখন?”

মহাদেব বলিল, “কা’ল রাত্রিতে সাবিত্রী কুলীদের তাঁবু থেকে তীর-ধনু চেয়ে নিয়েছিল। আজ ভোরে নদীর ধারে ঔৎ পেতে ছিল, বাঘ জল খেতে এলে শিকার করেছে।”

আমি বিস্মিত স্তম্ভিত হইয়া রহিলাম। কেবল বলিলাম, “কি অব্যর্থ সন্ধান!”

২

আমাদের জরীপের কাষ প্রায় শেষ হইয়া আসিয়াছে। ইহার মধ্যে আমাকে কয়েকবার স্থান পরিবর্তন করিতে হইয়াছে। এখন যেখানে আসিয়াছি, সেখানে একটা বড় নদীর ধারে তাণ্ডু পড়িয়াছে। ফাস্তন মাসের মাঝামাঝি সময়, নদী প্রশস্ত হইলেও জলের বহতা সামান্য, হাঁটিয়া পার হওয়া যায়।

সাবিত্রীর অক্রান্ত নীরব সেবায় আমার অন্তর তাহার প্রতি একটা অনির্কচনীয় স্নেহরসে ভরিয়া উঠিতেছিল। লোক যেমন ছোট ভাগিনীকে স্নেহের দৃষ্টিতে দেখে, আমিও সাবিত্রীকে তেমনই দেখিতাম, সে আমার এই নির্কাসিত গুণ জীবন-মরণ সাহায্য শীতল প্রশ্রবণ। সে এখন নিত্য আমার শয়নকালে কিছুক্ষণ পদসেবা করে, নিষেধ করিলে কিছুতেই গুনে না, বকাবকি করিলে তাহার আয়ত নয়নদ্বয় হইতে এমন করুণ কাতর দৃষ্টি ঝরিয়া পড়ে যে, সে সময়ে তাহাকে অদেয় আমার কিছুই থাকে না। বস্তুতঃ তাহার মঙ্গল হস্তস্পর্শে আমার অযত্ন-বিগ্নস্ত প্রাণহীন গৃহস্থালীতে প্রাণের সঞ্চার হইয়াছিল। কিন্তু সে যে আমার হৃদয়ের কতখানি স্থান জুড়িয়া বসিয়াছিল, তাহা তখন বুঝিতে পারি নাই। যখন বুঝিলাম, তখন আর সে সে কথা বুঝিবার সুযোগ পাইল না।

কয়দিন হইতে আকাশে খুবই মেঘ করিয়াছে। আকাশে মাঝে মাঝে গুরুগম্ভীর গর্জন হইতেছে, কিন্তু প্রবল বাতাসে মেঘ কাটিয়া যাইতেছে, বর্ষণ হইতেছে না। কিন্তু তাহা হইলেও আবার আকাশে মেঘের সঞ্চার হইতেছে, প্রতি মুহূর্ত্তেই বৃষ্টির আশঙ্কা যে না হইতেছে, এমন নহে।

সে দিন নদীর ওপারে অনেক দূরে আমার জরীপে যাইবার কথা। শেষ রাত্রিতে সামান্য বৃষ্টি হইয়া গিয়াছে, সুতরাং শীতটাও শেষ অস্তিত্ব জানাইয়া যাইবার অবসর প্রাপ্ত হইয়াছে। রাত্রিতে শয্যা গ্রহণের পর লেপ মুড়ি দিতে হইয়াছিল; কিন্তু সাবিত্রীর কোমল করস্পর্শে মনে হইল, যেন লেপের ভিতরেও আমার পায়ে কে বরফ ঢালিয়া দিতেছে। আমি পদদ্বয় টানিয়া লইয়া কাঁপিতে কাঁপিতে বলিলাম, “আজ আর পা টেপে না, যাও, শোও গিয়ে, সাবিত্রী!”

সাবিত্রী স্নানমুখে হাত গুটাইয়া লইল, কিন্তু যেমন শয্যাপার্শ্বে প্রত্যহ বাঁশের মোড়ার উপর বসিয়া থাকে, তেমনই বসিয়া থাকিতে বিরত হইল না। আমি একটু উষ্ণ হইয়া বলিলাম, “কই, গেলে না?”

সাবিত্রী বলিল, “এই যাই। বাবুজী, আমায় তাড়িয়ে দিলেই কি বাঁচ?”

আমি হাসিয়া বলিলাম, “না, না, তোমায় এই শীতে খাওয়ার পর ব’সে থাকতে কষ্ট হবে বলেই যেতে বলছি।”

সাবিত্রী কতকটা অভিমানের স্বরে বলিল, “আমি যাব না। যতক্ষণ তুমি না যুমবে, ততক্ষণ এখান থেকে নড়ব না। আচ্ছা বাবুজী, আমার যাবার সময় এলে যদি আমি না যাই, তা হ’লে কি আমায় তাড়িয়ে দেবে?”

আমি বিস্মিত হইলাম। সাবিত্রী এত কথা কখনও বলে না। বলিলাম, “তাড়িয়ে দেব কেন? তোমার যতক্ষণ ইচ্ছে থাক না, কেবল পা টেপে দিও না।”

সাবিত্রী ক্ষণকাল গম্ভীর হইয়া রহিল। তখন বাহিরেও গম্ভীরা প্রকৃতির বুকে গুরুগম্ভীর গর্জন হইতেছিল।

তাহার পর সাবিত্রী ধরা-গলায় বলিল, “আজকের রাতের কথা বলছি না। বছর ফুরুলে যখন গায়ে ফিরে যাবার সময় হবে, তখন—”

আমি বুঝিলাম। মনটা আমার বড়ই চঞ্চল হইয়া উঠিল। তাই ত, সে দিনেরও ত আর বেশী বিলম্ব নাই।

সাবিত্রী-হীন জীবন,—সে কেমন, তাহা ত কল্পনাও করিতে পারি না। এ কয় মাসে সে যেন আমার এই নিঃসঙ্গ জীবনের একটা অংশই হইয়া গিয়াছে। ক্ষুব্ধ ব্যথিত কণ্ঠে বলিলাম, “তুমি যদি আমার ছেড়ে যাও, তা হ’লে আমি ত তোমায় ধ’রে রাখতে পারব না। তোমার আত্মীয়-স্বজন তোমায় ত কড়ার মত নিয়ে যাবেই।”

সাবিত্রী গম্ভীর স্বরে বলিল, “আর আমি ইচ্ছা ক’রে যদি না যাই?”

আমি ধড়মড়িয়া উঠিয়া বসিলাম, সাবিত্রীর হাত ছ’খানি ধরিয়া আকুল আগ্রহভরে বলিলাম, “সত্যি যাবে না, সাবিত্রি? না, তামাসা করছ, ওঃ!”

সাবিত্রী তাহার মাথাটা আমার পায়ের উপর রাখিয়া মুখ ঝুঁজিয়া নীরবে পড়িয়া রহিল, ঠিক সেই সময়ে কড় কড় শব্দে অতি নিকটেই বজ্রাঘাত হইল, বিদ্যুতালোকে চারিদিক বলসিয়া উঠিল, সাবিত্রী আরও জোরে আমার পা-ছ’খানা জড়াইয়া ফুঁপিয়া ফুঁপিয়া কাঁদিতে লাগিল।

আমার বিশ্বয়ের সীমা রহিল না। এই নিরঙ্কর পাহাড়ী বালিকার মনে এমন কি ভাবের উদয় হইয়াছে যে, সে তাহাকে সামলাইতে পারিতেছে না? সে ত এমন কখনও ক’রে না। সে স্বভাবতঃ ধীর-গম্ভীরা, স্বল্পভাষিণী, শাস্তস্বভাবা, ভয় বা লজ্জা তাহাকে কখনও অভিবৃত্ত করিয়াছে বলিয়া জানি না। সন্নেহে তাহার নবকিশলয়-লাবণ্যমাখা মুখখানি তুলিয়া ধরিয়া বলিলাম, “সাবিত্রি! এ কি, কাঁদছ? কেন, ভয় পেয়েছ? কিসের ভয়? এই ত আমি কাছে রয়েছি। দেখ আমার দিকে চেয়ে, অমন বাজ কত পড়ে।”

মুহূর্ত্তে সাবিত্রীর অভাবনীয় পরিবর্তন হইল; সে আমার স্পর্শ হইতে তৎক্ষণাৎ মুক্ত হইয়া কিছু দূরে সরিয়া গেল। হাসিয়া বলিল, “কিছু হয়নি, বাবুজী। আমরা বাজে ভয় পাই নে। তুমি শোও।”

বলিয়াই সে বেণী দোলাইয়া চলিয়া গেল। আশ্চর্য্য বালিকা! এই কান্না, এই হাসি!

মুহূর্ত্তমধ্যেই কিন্তু সাবিত্রী ফিরিয়া আসিয়া বলিল, “একটা কথা, বাবুজী। কা’ল ভোরে নদী পেরিও না।”

• আমি বিস্মিত হইয়া বলিলাম, “কেন? তা’ কি হয়?”

নদী আমার পেরতেই হবে, জরীপের কাজ জরুরী, পড়তে পারে না।”

সাবিত্রী তথাপি বলিল, “তবুও পেরিও না, একটা দিনে কি এসে যাবে, পরের দিনে যেও।”

সাবিত্রী চলিয়া গেল। আমি হাসিয়া মনে মনে বলিলাম, বালিকার খেয়াল, যখন ধরেছে এই জেদ, ঈগ্গীর ছাড়বে না।

শেষরাত্ৰিতে মহাদেব আমায় তুলিয়া দিল। তাড়াতাড়ি শৌচ সমাপন করিয়া ও চা-বিকুটাদি জলযোগ করিয়া সদল-বলে সসরঞ্জামে বাহির হইয়া পড়িলাম। সে সময়ে সাবিত্রীর কথা মনেও ছিল না।

শেষ রাত্ৰিতে কিছু বৃষ্টি হইয়াছিল। আমরা যখন বাহির হইলাম, তখন বারি ঝরিতেছিল। আকাশ তখনও ঘোর ঘনঘটাচ্ছন্ন, গুরু গুরু মেঘগর্জন ও বিদ্যুৎবিকাশও হইতেছিল।

নদীর নিকটে যখন পৌঁছিলাম, তখন ভোর হইয়াছে। দূর হইতে দেখা গেল, নদীতে জলের বিস্তারবৃদ্ধি হইয়াছে। কা’ল যে নদীতে ধু ধু চরের মধ্যে স্ততার মত ঝির-ঝির করিয়া জল বহিতেছিল, আজ তাহা ক্ষুদ্র খালের আকার ধারণ করিয়াছে, তাহাতে জলকল্লোল শুনা যাইতেছে।

নদীর তটে উপনীত হইয়া পার্শ্বের এক ঝোপের আড়ালে একটি মনুষ্যমূর্ত্তি দেখিতে পাইলাম। এই চর্য্যোগে কাষ না থাকিলে কে এমন লোক আছে যে, এই নদীতটে আসিয়া নিশ্চেষ্ট বসিয়া থাকে? বিশেষতঃ এখানে বাঘের ও অগ্ন্যাগ্নি ত্রিংশ্র জন্তুর ভয় আছে। এই সময়ে মহাদেব বলিয়া উঠিল, “বাবুজী, ওখানে সাবিত্রী ব’সে কেন? এ চর্য্যোগে একলা এসেছে ও?”

আমি যতটা বিস্মিত হইলাম, তদপেক্ষা ক্রুদ্ধ হইলাম, পুরুষকণ্ঠে বলিলাম, “এ কি সাবিত্রি? তুমি এখানে একলা ব’সে কি করছ? এই জলঝড়, এত ভোরে এখানে এসেছ কেন? বাঘ-শিকার করা কি শেষ হয় নি?”

সাবিত্রী যেমন বসিয়া ছিল, তেমনই বসিয়া রহিল, বলিল, “আমার কাষ আছে।”

আমি অধিকতর ক্রুদ্ধ হইয়া বলিলাম, “কাষ আছে! যাও, এখনি যাও তাষুতে। শুনলে,, আমি ছকুম করছি তোমাকে।”

সাবিত্রীর বিশাল নয়নদ্বয় ধক্-ধক্ জলিয়া উঠিল। কিন্তু সে মুহূর্তমাত্র, তাহার পর কোন কথা না বলিয়া সে উঠিয়া দাঁড়াইল এবং তাহার দিকে দুই চারি পদ অগ্রসর হইল।

আমরা নিশ্চিত হইয়া নদীগর্ভে অবতরণ করিলাম। জানু পর্য্যন্ত জলে মগ্ন হইল। কল্যা কিন্তু পায়ের পাতা-টুকুমাত্র ডুবিয়াছিল। সামান্য জল, কিন্তু কি ভীষণ তাহার স্রোত! মহাদেব আগায় ধরিয়া লইয়া না চলিলে হয় ত আমি নদী পার হইতেই পারিতাম না। নদীর জলে অবতরণ করিয়াছি,—এমন সময়ে কোথা হইতে কি এক অভাবনীয় কাণ্ড ঘটয়া গেল। যত দিন বাঁচিয়া থাকিব, সে দিনের সেই ঘটনার স্মৃতি অল্পক্ষণ স্মৃতিপটে জাগরুক থাকিবে।

অকস্মাৎ শতবঙ্গ-নির্গোমে দিগ্-দিগন্ত ধ্বনিত-প্রতি-ধ্বনিত করিয়া অগাধ অপরিমেয় জলরাশি পাতাডের উপর হইতে ছুটিয়া আসিল, বিধ্বনিত কার্পাসরাশির স্রায় তাহার ফেনপুঞ্জ যেন টগবগ করিয়া ফুটিতে লাগিল,—আর সেই উদ্দাম আবির্ভাব উন্নত জলরাশি সম্মুখে যাহা কিছু বাধা পাইল, হয় তাহা দলিত মগিত করিয়া, না হয় ঘোর গর্জনে স্রোতোমুখে ভাসাইয়া লইয়া চলিল। সে ভীষণ তাণ্ডবনৃত্য যে না দেখিয়াছে, সে উহার ধারণা করিতে পারিবে না।

মুহূর্তমাত্র আমি যেন মল্লমন্ডের মত সেই দ্রুত ধাবমান জলরাশির দিকে চাহিয়া রহিলাম, মুহূর্ত পরেই যে কুলাল-চক্রের স্রায় ঘোর গভীর রবে ঘূর্ণায়মান জলাবর্ত আমাকে গ্রাস করিয়া স্রোতোমুখে ভাসাইয়া লইয়া চলিবে, তখন আমার সে জ্ঞান ছিল না। মহাদেব আমার হস্তমুক্ত হইয়া তটভিমুখে প্রাণপণে দৌড়িয়া অগ্রসর হইল। আমার কিন্তু হস্তপদ অবশ হইয়া গিয়াছিল, আমি এক পদও নড়িতে পারিলাম না। কিন্তু সেই সময়ে কাহার হুইখানি কোমল বাহু আমাকে দৃঢ় আলিঙ্গনে আবদ্ধ করিয়া সবলে তটভিমুখে আকর্ষণ করিয়া লইয়া চলিল, সঙ্গে সঙ্গে ভীষণ জলস্রোত আমাদের প্রচণ্ডবেগে আঘাত করিয়া প্লাত্টিত করিল। আমি সংজ্ঞাশূন্য হইলাম।

যখন জ্ঞান হইল, তখন দেখিলাম, আমি আমার তাহার শয্যায় শয়ন করিয়া আছি, আমার আশে-পাশে লোক-জন, সকলেরই মুখে ভয় ও উদ্বেগের চিহ্ন। সরকারী

ডাক্তার বাবু পিয়ারেলাল তাহাদিগকে আশ্বাস দিয়া বলিতেছেন, “ভয় কি, আর ভয় নাই, বাবু এইবার উঠে বসবেন দেখ না। ভয় ঐ সাবিত্রীর জন্মে।”

সাবিত্রীর নাম শুনিয়া ধড়মড়িয়া উঠিয়া বসিলাম, ব্যাকুলকণ্ঠে ভীতিব্যঞ্জক স্বরে ডাক্তার বাবুর হাত হুখানা ধরিয়া বলিলাম, “সাবিত্রী? সে কোথায়, কেমন আছে? সেই না আমায় বাঁচিয়েছে?”

ডাক্তার বাবু বলিলেন, “উত্তেজিত হবেন না, সবই বলছি। আপনার যা বিপদ কেটে গেছে, তা সাবিত্রী না থাকলে কাটত না। আমি সবই শুনেছি। যখন পাহাড়ের ঢল নেবেছিল, তখন সাবিত্রী আপনাকে বুকে জড়িয়ে ধরে সেই ঢলের মুখে ধাক্কার উপর ধাক্কা খেয়েছিল। ওরা পাহাড়ী মেয়ে, খুব শক্ত জান্ ওদের। তবে বুদ্ধির কাষ করেছিল, প্রথম মুখেই সে আপনাকে নিয়ে একখানা বড় পাথর জড়িয়ে পড়েছিল। তাই ধাক্কার উপর ধাক্কা খেয়ে তার মাথাটা খেঁৎলে গেছে বটে, তবু নিজে সব আঘাত সয়ে নিয়ে আপনাকে বাঁচাতে পেরেছিল। উঃ, ধন্য মেয়ে বটে! এবার ওকে ভাল ক’রে ইনাম দেবেন। তবে হুঃখু এই, বেঁচে উঠলে হয়! আহা হা, ছেলেমানুষ!”

আমি উন্মত্তের মত শয্যা হইতে লাফাইয়া পড়িলাম, ডাক্তার বাবু ও অত্যাচার লোকজন “হাঁ হাঁ” করিতে করিতেই আমি একবারে পার্শ্বের কামরায় সাবিত্রীর শয্যাপার্শ্বে গিয়া নতজানু হইয়া বসিয়া পড়িলাম, সাবিত্রী তখন হাঁপাই-তেছিল, সে জাগিয়াছিল; তাহার মাথায় ব্যাণ্ডেজ বাঁধা। আমাকে দেখিয়াই তাহার বেদনাক্লিষ্ট পাণ্ডুর বদন ঈষৎ রক্তাক্ত হইয়া উঠিল, চক্ষু দুটি উজ্জ্বল হইয়া উঠিল, মুখমণ্ডল আনন্দ ও তৃপ্তির আলোকে হাসিয়া উঠিল। আমি আবেগ-ভরে তাহার একখানি হাত ধরিয়া বলিলাম, “সাবিত্রী! সাবিত্রী! এ কি করলে সাবিত্রী! আর মাসখানেক পরে তোমার বাপ এলে আমি তাকে গচ্ছিত ধন কি ক’রে দেবো?”

আমার চক্ষু ফাটিয়া দরবিগলিতধারে অশ্রুপাত হই-তেছিল। সাবিত্রীর মুখে অপার্থিব হাসির রেখা ফুটিয়া উঠিল, সে আমার হাতখানা তাহার মুখে বুকে বুলাইতে বুলাইতে ইঙ্গিতে অল্প লোকজনকে সরাইয়া দিতে বলিল। আমি তৎক্ষণাৎ তাহার অনুরোধ পালন করিলাম।

তখন সাবিত্রী আমার মুখের উপর পুলকিত তৃপ্তির দৃষ্টি নিবন্ধ করিয়া ক্ষীণ কণ্ঠে বলিল, “কাঁদছ বাবুজী, আমার জন্তে কাঁদছ? ছি!”

আমি চীৎকার করিয়া কাঁদিয়া উঠিয়া অশ্রুরুদ্ধ কণ্ঠে বলিলাম, “এ কি করলি, সাবিত্রি? আমার জন্তে প্রাণ দিলি?”

সাবিত্রীর মুখচক্ষু আরও উজ্জ্বল হইয়া উঠিল, সে ধীর স্থির অবিকম্পিত কণ্ঠে বলিল, “তোমার জন্তে প্রাণ দেবো, এটা কি একটা বড় কথা হ’ল, বাবুজী? তুমি আমায় যা দিয়েছ, এ জন্মে তা ত কোথাও পাইনি।”

সাবিত্রী খুবই ঠাঁপাইতে লাগিল। আমি তাহাকে নীরব থাকিতে বলিয়া ডাক্তার বাবুকে ডাকিবার উদ্দেশ্যে দাঁড়াইতে গেলাম, সাবিত্রী বাধা দিয়া করুণ দৃষ্টিপাত করিয়া বলিল, “আমার সময় হয়ে এসেছে। এরা বলছে, আজ তিন দিন অজ্ঞান ছিলাম, মাথার যন্ত্রণায় চৈতন্য ছিল না। ডাক্তার বাবু বলেছেন, বেঁচে থাকলেও আর মাথা ঠিক থাকবে না, পাগল হয়ে যাব! ভগবানের দয়ায় তা হয়

নি, এর জন্তে তাঁর পায়ে কত মাথা কুটেছি। কিন্তু জ্ঞানের বদলে প্রাণ দিতে হবে। তা হোক, কিন্তু তবু জ্ঞান হ’ল ব’লে তোমায় দেখে মরতে পারবো, না হ’লে কি হ’ত?”

আশ্চর্য! এই নিরঙ্কর পাহাড়ী বালিকার কি অস্তু-দৃষ্টি আসিয়াছে? মরণকালেই ত লোকের এমন হয়। আমার প্রাণটা হাহাকার করিয়া কাঁদিয়া উঠিল; বলিলাম, “সাবিত্রি, যখন জানতে পেরেছি, তখন ত আর তোমায় ছাড়ব না!”

সাবিত্রীর চক্ষু অসম্ভব উজ্জ্বল হইয়া উঠিল, সে আমায় কি বলিতে বাইতেছিল, হঠাৎ তাহার স্বর বন্ধ হইল, হস্তপদ অবশ হইয়া আসিল, দেহ আমার বক্ষে এলাইয়া পড়িল। আমি ফুকারিয়া কাঁদিয়া উঠিলাম। সকলে যখন কামরায় আসিল, তখন সব শেষ হইয়া গিয়াছে!

তাহার পর? তাহার পর সেই পার্বত্য নদীতটে সুবর্ণপ্রতিমা বিসর্জন করিয়া আসিলাম। এই পরিণত বয়সে নিঃসঙ্গ জীবনে সে স্মৃতির হস্ত হইতে এক দিনও নিষ্কৃতি পাই না!

নবান্ন

আজি নবানে নূতন ধান্ণ আনি,
সাজাও তোমার অর্ঘ্যের গালিখানি।
ছয়ারে ছয়ারে আলিপনা রেখাগুলি,
বহে গোরবে লক্ষ্মীর পদধূলি।
নব মঞ্জরী ছয়ারে ছয়ারে বাঁধা,
মন্দ গন্ধে হতেছে পায়স রাঁধা।
অতিথি এসেছে, বর গৃহরাণী সবে,
আজি সুমধুর পুণ্য শঙ্খ-রবে।
আঙ্গিনায় দাও পাতিয়া দর্ভাসন,
আজি সন্তান প্রণমিবে শ্রীচরণ।

ঘরে পাকা ধান আসিতেছে ভারে ভার,
দিক বিমোহিছে রূপে ও গন্ধে তার।
জননী ধরণী আজি অঝোতর করে,
শস্ত্র বিতরে সন্তান ঘরে ঘরে।
মঙ্গল দীপখানি দেবী আজ জ্বালো,
কলাপাতে নব পায়স ও পিঠা ঢালো।
অমৃত স্মৃতি সিঞ্চিত হ’ক তার,
লক্ষ্মী করুণা তাহে যেন গ’লে যায়।
ভক্ত অতিথে কর তাহা বিতরণ,
সার্থক হ’ক শুভ নবান্ন ঋণ।

শ্রীফটিকচন্দ্র বন্দ্যোপাধ্যায়

যৌন-নির্বাচন ও সৌন্দর্যবুদ্ধি

কবি সিলার বলিয়াছেন, ক্ষুধা ও প্রেম এই উভয় শক্তির বলে জগদ্বয় চলিত হইয়া থাকে। সাধারণ অর্থে ব্যক্তি-জীবন রক্ষার নিমিত্ত আহার্যের প্রতি সে আসক্তি, তাহার নাম 'ক্ষুধা।' ইহা মূলতঃ ব্যক্তি-জীবনের সহিত সম্পর্কিত হইলেও ইহার দ্বারা প্রকৃতির মহত্তর উদ্দেশ্য সাধিত হয়। এক গ্রাম আহার্যের জন্ত শতাব্দিক প্রাণীর মধ্যে কলহ। সেই কলহের ফলে দুর্বল এবং অযোগ্যের বিনাশ এবং অপসরণ ঘটে এবং সবল ও যোগ্যতর প্রাণী তাহাদের স্থান অধিকার করিয়া লয়। এইরূপে জাতির জীবনের উন্নতি হইয়া থাকে। 'প্রেম' কথাটার একটু ব্যাপক অর্থ আছে, উহা ইংরাজী altruism। নিজের জীবন রক্ষা করিবার নিমিত্ত প্রত্যেক প্রাণী আহার করে, বিশ্রাম করে, আশ্রয়স্থল করে। এই তিন কার্য ছাড়া সে সন্তান উৎপাদন, শিশুপালন প্রভৃতি আরও কতকগুলো কার্য করিয়া থাকে। ব্যক্তি-জীবনের হিসাবে এই সকল কার্যের প্রয়োজন নাই। বংশ এবং জাতির স্রোত প্রবাহিত রাখিবার নিমিত্ত সন্তান উৎপাদন ও প্রতিপালনের প্রয়োজন হয়। জীবের জীবন বিশ্লেষণ করিলে দেখা যায় যে, উহার দুইটা বিভাগ আছে; - একটা ব্যক্তিগত, অপরটা জাতিগত; একটা স্বার্থপর, অপরটা নিঃস্বার্থ। সন্তান প্রতিপালনের জন্ত স্নেহ, বাৎসল্য প্রভৃতি যে সকল গুণের আবশ্যিক, তৎসমুদায়ই এই 'প্রেম' কথাটার অন্তর্গত। স্বার্থে ক্ষুধা ও পরার্থে প্রেম সংসাররূপী এঞ্জিন-কলের জল ও কয়লাস্বরূপ।

জাতির জীবন রক্ষা ও তাহার অভ্যুন্নতি প্রকৃতির মূখ্য উদ্দেশ্য। জাতি-জীবন রক্ষার জন্ত ব্যক্তি-জীবনের প্রয়োজন; সুতরাং উহা গৌণ। জাতির জীবন-রক্ষার জন্ত যদি ব্যক্তি-জীবন সমর্পণ করিতে হয়, তাহাতেও ক্ষতি নাই এবং তাহা হইয়াও থাকে। এমন অনেক জীব আছে, সন্তান প্রসব করিবার পরই তাহাদের মৃত্যু হয়। এই সকল জীব সাধারণতঃ এককালে একাধিক সন্তান প্রসব করিয়া থাকে। এই ব্যাপারে একটা মাতৃজীবন নষ্ট হয় বটে, কিন্তু তৎপরিবর্তে একাধিক জীবন লাভ হয় এবং

তদ্বারা জীবের বংশবিস্তার ঘটয়া থাকে। পাঁচটার জন্ত একটাকে বিসর্জন করা প্রাকৃতিক ধর্ম। ফল পাকিলেই ওষুধির জীবনান্ত হয়, কিন্তু মরণের পূর্বে প্রত্যেক বৃক্ষটি বহুসংখ্যক বীজের মধ্যে বহুসংখ্যক নূতন বৃক্ষের প্রাণ সঞ্চিত রাখিয়া যায়।

জাতির জীবন রক্ষা ও উহার বিস্তার নৈসর্গিক নিয়মে ঘটয়া থাকে। বহুবিধ প্রণালীতে ইহা সংঘটিত হয়। ইহার সংঘটন প্রকৃতি দেবীর প্রধান উদ্দেশ্য। অভিব্যক্তি-বাদের হিসাবে জগতের প্রত্যেক স্তরে প্রত্যেক রঞ্জে ধীরে ধীরে অভ্যুন্নতি হইতেছে। এই উন্নতি শুধু বাহ্য এবং দৈহিক নহে - ইহা আভ্যন্তরিক এবং নৈতিকও বটে। এই অভ্যুন্নতির নিমিত্ত প্রকৃতি দেবী উন্মাদিনী। যেমন করিয়া হটক উন্নতি চাই। ইহাতে যদি সহস্র সহস্র প্রাণনাশ হয়, ক্ষতি নাই। হিসাব-নিকাশের খতিয়ানে লাভ দেখিতে পাইলেই হইল। নানাবিধ উপায়ে, নানা প্রকার প্রণালীতে এই নৈসর্গিক উদ্দেশ্য সাধিত হইতেছে। তন্মধ্যে জাতির জীবনরক্ষার প্রধান উপায় পুনরুৎপাদন। বিভিন্ন শ্রেণীর প্রাণী ও উদ্ভিদের মধ্যে এই পুনরুৎপাদন প্রণা বিভিন্ন প্রকার। বর্তমান প্রসঙ্গে এই সম্বন্ধে আমরা স্থূলভাবে কিঞ্চিৎ আলোচনা করিব।

জাতিগত জীবনের হিসাবে সন্তানোৎপাদন আবশ্যিক। ইহাতে বংশের রক্ষা ও বিস্তার ঘটয়া থাকে বটে, কিন্তু ব্যক্তিগত জীবনের হিসাবে ইহা নিষ্পয়োজন। অপিচ, এই কার্য ব্যক্তি-জীবনের একটা প্রকাণ্ড অন্তরায়। নিজের জীবন রক্ষা ও ক্ষুণ্ণবৃত্তির জন্ত জীব সর্বদা ব্যস্ত ও ক্লান্ত। তাহার উপর যখন সন্তানের জীবনরক্ষা ও ক্ষুণ্ণবৃত্তির ভার আসিয়া উপস্থিত হয়, তখন তাহার জীবন দুর্বল হইয়া পড়ে। সন্তানোৎপাদনে প্রাকৃতিক উদ্দেশ্য সাধিত হয় বটে, কিন্তু তাহাতে জীবের কি আইসে যায়? ব্যক্তি-জীবনের হিসাবে এই কার্যে তাহার লাভ নাই, বরং ক্ষতিই আছে।

জীব মরিতে চাহে না—সে তাহার জীবনকে এতই ভালবাসে এবং মরণকে এতই ভয় করে। অতি দুঃখী এবং

চর্কিত-জীবন-ভারাক্রান্ত ব্যক্তিও বাঁচিতে চায়—আবহমান কাল বাঁচিতে চায়। সমস্ত দিন ধরিয়া কাঠ কাটিয়া শ্রান্ত-ক্লান্ত কাঠুরিয়া জীবনের প্রতি বিতৃষ্ণ হইয়া পথিপার্শ্বে কাঠের বোঝা নামাইয়া যমকে আহ্বান করিতে লাগিল। জীবনে তাহার আর প্রয়োজন বা আসক্তি নাই, তখন তাহার পক্ষে মরণই শ্রেয়ঃ। আহ্বানে যম আসিয়া উপস্থিত হইলেন। তৎক্ষণাৎ কাঠুরিয়ার প্রকৃত জ্ঞানোদয় হইল। যম জিজ্ঞাসা করিলেন, “আমায় ডাকিতেছ কেন?” কাঠুরিয়া উত্তর করিল, “এই কাঠের বোঝাটা আমার মাথায় তুলিয়া দিবার জন্য।” স্মরণ্য দেখা যাইতেছে, সাময়িক দুঃখ-কষ্টের তাড়নায় কাঠুরিয়ার জীবনের প্রতি যে অনাসক্তি জন্মিয়াছিল, তাহা ক্ষণিক এবং উহা আস্থারিক নহে। অবশ্য পুনঃ পুনঃ দুঃখ-ক্লেশে মানুষের মানসিক শক্তি অবসন্ন হইয়া পড়ে এবং অনেক স্থলে সে আত্মহত্যাও করিয়া থাকে, কিন্তু আত্মহত্যার প্রবৃত্তি মানবের স্বাভাবিক বা সাধারণ প্রবৃত্তি নহে, উহা সাময়িক উত্তেজনাবশতঃ উন্নততার জন্য ঘটয়া থাকে। আত্মহত্যার কালে আত্মহা ব্যক্তি উন্নত। সাধারণ হিসাবে মানবের চরম আয়ু এক শতাব্দী। স্বাস্থ্য-বিজ্ঞান এবং আত্মরক্ষার প্রণালীর উন্নতিসাধন করিয়া সে যদি দেড় শত অথবা দুই শত বৎসর বাঁচিতে পারে, ব্যক্তিগত হিসাবে তাহাতেই তাহার পরম লাভ। সমাজ-জীবনের জন্য সন্তান উৎপাদন ও পালনকার্যের পরিবর্তে সে যদি উক্তরূপ চেষ্টা করে, তাহা হইলে তাহার আকাঙ্ক্ষা প্রত্যক্ষ-ভাবে চরিতার্থ হয়, কিন্তু সাধারণতঃ দেখা যায় যে, তাহা হয় না। অতি ক্ষুদ্র উদ্ভিদ ও প্রাণী হইতে আরম্ভ করিয়া উন্নত মানব পর্যন্ত যন্ত্রচালিতের ন্যায় এক অনির্দিষ্ট প্রচ্ছন্ন-শক্তির তাড়নায় প্রকৃতি-নির্দিষ্ট পুনরুৎপাদন প্রথার অনুসরণ করিয়া থাকে এবং সেই কার্যে সে বহু কষ্টভোগ ও ব্যক্তি-জীবন ক্ষয় করিতে বাধ্য হয়।

ইহা কেন হয়? জীব প্রকৃতির কলেজে প্রাণবিজ্ঞানের অধ্যাপকের নিকট লেকচার শুনিয়া এবং তাহা হইতে সমাজ-জীবনরক্ষার উপযোগিতা সম্বন্ধে জ্ঞানলাভ করিয়া যে এই কার্যে ব্রতী হয়, এমন নহে। সন্তানোৎপাদনের ত্রায় বন্ধাটে বুদ্ধিমান জীবমাত্রই স্বতঃ রাজি হইবে না, ইহা জানিয়াই চতুরা প্রকৃতিদেবী কৌশল অবলম্বন করিয়াছে। কয়েক প্রকার তাড়না, প্রেরণা ও আসক্তির সৃষ্টি করিয়া

তদ্বারা জীবকে অভিভূত এবং বশীভূত করিয়া প্রকৃতি তাহার উদ্দেশ্যসাধন করিয়া লইতেছে। উক্ত তাড়না, প্রেরণা ও আসক্তি দুই প্রকার;—মানসিক ও দৈহিক। সন্তানের জন্য বাৎসল্য, করুণা ও ব্যগ্রতা এইগুলি মানসিক, আর ইন্দ্রিয়াসক্তি দৈহিক তাড়না। দৈহিক তাড়না ইন্দ্রিয়লিপ্সা যৌন সঙ্গমের নিমিত্ত জীবকে উত্তেজিত করে। তখন ইন্দ্রিয়তৃপ্তিই জীবের উদ্দেশ্য। ঐ কার্যের চরম উদ্দেশ্য যে সন্তানোৎপাদন এবং বংশরক্ষা, এ কথা সে তখন ভাবে না। উপস্থিত প্রবৃত্তির বশেই সে তখন উন্নত হইয়া পড়ে। নতুবা বংশরক্ষার উপযোগিতা-বিষয়ক লেকচার শুনিয়া, বোধ হয়, খুব অল্পসংখ্যক ব্যক্তি সন্তানোৎপাদনে রাজি হইত। বাৎসল্য প্রভৃতি নৈতিক বৃত্তিগুলি যথা-সময়ে আপনি আসিয়া উপস্থিত হয় এবং তদ্বারা জীব সন্তানের প্রতিপালনে নিযুক্ত হইয়া থাকে। এই বৃত্তিগুলি পরার্থপর। ইহাদের সাহায্যে প্রকৃতির মহত্তর উদ্দেশ্য সমাজ-জীবন রক্ষিত হইয়া থাকে।

অতি ক্ষুদ্র হইতে আরম্ভ করিয়া উন্নত শ্রেণীর প্রাণী ও উদ্ভিদের মধ্যে বিভিন্ন প্রণালীতে পুনরুৎপাদনক্রিয়া সাধিত হয়। কোন কোন এক-কোষ উদ্ভিদ ও প্রাণী পুনরুৎপাদনের সময় উপস্থিত হইলে তাহাদের শরীর লম্বা করিতে থাকে। এইরূপে উহাদের মধ্যদেশ ক্রমশঃ সূক্ষ্ম হইয়া খণ্ডিত হইয়া পড়ে এবং প্রত্যেক খণ্ড এক একটি স্বতন্ত্র প্রাণিদেহে পরিণত হইয়া একাধিক জীবের উৎপত্তি করে। এই প্রণালী—যাহাতে এক হইতে একাধিকের উৎপত্তি হয়—প্রাকৃতিক নির্কীচনের হিসাবে প্রকৃষ্ট প্রণালী নহে। কারণ, ইহার দ্বারা একাধিক প্রাণীর সৃষ্টি হয় বটে, কিন্তু জীবন-সংগ্রামের সহায়ক শক্তির আদৌ উন্নতি হয় না। কারণ, এ স্থলে সন্তান মাতারই অংশ, স্মরণ্য সেই একই মাতার এক প্রকার শক্তি ও প্রবৃত্তিরাজির দ্বারা সন্তানের দেহে প্রবাহিত হইয়া থাকে। উৎকর্ষের নিমিত্ত সে নূতনতর শক্তির সহযোগ লাভ করিতে পারে না। প্রাচীন পরিবেষ্টনীর মধ্যে তাহার জীবনযাত্রা একরূপে চলিয়া যায়। কিন্তু নূতন এবং অপ্রত্যাশিত অবস্থা উপস্থিত হইলে তাহার আত্মরক্ষা কঠিন হইয়া পড়ে। এরূপ জীবের আত্মরক্ষা ও বংশরক্ষায় যথেষ্ট যোগ্যতা নাই। এই এক হইতে একাধিকের সৃষ্টি পুনরুৎপাদন-প্রথার নিম্নতর স্তর। উন্নত জীবের পক্ষে ইহা উপযোগী নহে।

ক্ষুদ্র অথচ অপেক্ষাকৃত উন্নত কতিপয় শ্রেণীর কীটের পুনরুৎপাদন প্রথায় একটু বৈচিত্র্য দেখা যায়। উপযুক্ত সময় উপস্থিত হইলে প্রত্যেক ছুইটা কীট পরস্পরকে আকৃষ্ট করে এবং নিকটবর্তী হইলে উভয়ে মিলিত হইয়া এক হইয়া যায়। ইহার ফলে পৃথক পৃথক কীটের বিভিন্ন সংস্কার ও প্রবৃত্তিরাজি একত্র হইয়া অভিনব যুক্ত-প্রবৃত্তির সৃষ্টি হয়। এইরূপ সংমিলনের নাম conjugation বা সঙ্গম। সঙ্গমের পর কীটগুলি কিছুকাল যাপন করে এবং উপযুক্ত সময়ে ছুই না ততোধিক খণ্ডে বিভক্ত হইয়া একাধিক প্রাণী উৎপন্ন করিয়া থাকে। এই প্রাণীদের মধ্যে মাতৃ-কীটের যুক্ত প্রবৃত্তিরাজি বর্তমান; সুতরাং ইহা জীবনসংগ্রামে যোগ্যতর এবং এই যোগ্যতার উপর জাতিজীবন নির্ভর করে। বিভিন্ন শক্তির সমবায়ে যে শক্তির সৃষ্টি হয়, তাহা উৎকৃষ্ট শক্তি। উৎকর্ষসাধন প্রকৃতির সর্বপ্রধান উদ্দেশ্য। ব্যক্তি-জীবন ও সমাজ-জীবনরক্ষার অমুকুল প্রবৃত্তির উৎকর্ষসাধনের উদ্দেশ্যে এই সংমিশ্রণ প্রথা প্রচলিত। ইহার দ্বারা নূতন এবং যোগ্যতর জীবনের সৃষ্টি হইয়া থাকে। এই উদ্দেশ্যেই আমাদের সমাজে সমান গোত্রে বিবাহ নিষিদ্ধ।

উচ্চ শ্রেণীর বহুকোষ উদ্ভিদ ও প্রাণিদেহ প্রণিধান করিলে দেখিতে পাওয়া যায় যে, ইহাদের দেহে এক এক শ্রেণীর কোষ জীবদেহের পরিপোষণ, আয়ুর্ক্ষা, পুনরুৎপাদন প্রভৃতি জীবনধারণ ও বংশরক্ষার অমুকুল কার্যে পৃথকভাবে নিযুক্ত। তন্মধ্যে যে কোষগুলি পুনরুৎপাদন কার্যে নিযুক্ত, তাহা-দিগকে মোটামুটি ছুই শ্রেণীতে ভাগ করা যায়। এক শ্রেণীর নাম ডিম্বকোষ, গর্ভকোষ বা মাতৃকোষ, অপর শ্রেণীর নাম পুং-কোষ। গর্ভকোষ ও পুং-কোষের সম্মিলনে সন্তান উৎপন্ন হয়। কোনও কোনও জীব-শরীরে এই উভয় কোষই বিद्यমান। সাধারণতঃ কোনও কোনও উচ্চশ্রেণীর জীবদেহে উক্ত উভয় প্রকার কোষের মধ্যে এক প্রকার কোষ পূর্ণ বিকশিত এবং অপর কোষ একেবারে লুপ্ত। যাহাদের দেহে পুং-কোষ বিকশিত, তাহারা পুরুষ এবং তাহাদের দেহে গর্ভকোষ লুপ্ত। পক্ষান্তরে, যাহাদের গর্ভকোষ বিকশিত, তাহারা স্ত্রী এবং তাহাদের দেহে পুং-কোষ লুপ্ত থাকে। কিন্তু পুরুষ হউক অথবা স্ত্রী হউক, অণুবীক্ষণের সাহায্যে প্রত্যেকের দেহে লুপ্ত কোষের সত্তা প্রমাণিত করিতে পারা যায়।

সাধারণতঃ দেখা যায়, পুং-কোষ অপেক্ষা গর্ভকোষ আকারে বৃহত্তর; কারণ, উহার মধ্যে ভবিষ্যৎ জগের প্রাণধারণ ও বৃদ্ধির নিমিত্ত আহাৰ্য্য অথবা পরিপোষণের উপযোগী পদার্থ সঞ্চিত থাকে। প্রাণী অথবা উদ্ভিদ যখন প্রথম জন্মগ্রহণ করে, তখন সে অত্যন্ত দুর্বল। এত দুর্বল যে, সে জীবন-সংগ্রামে যোগদান করিতে অসমর্থ। পরের মুখে গ্রাস কাড়িয়া লইয়া আহাৰ্য্য করিবার ক্ষমতা তখনও সে লাভ করিতে পারে না। সেই কারণে জীবনরক্ষার নিমিত্ত সে তখন মাতৃবদাশ্রিত্য উপর নির্ভর করিয়া থাকে। যত দিন সে জীবন-সংগ্রামে সম্পূর্ণ উপযুক্ত না হয়, তত দিন পর্যন্ত সে মাতৃকোষ-সঞ্চিত পদার্থের দ্বারা আয়ুপুষ্টি সাধন করিয়া থাকে। শুধু আয়তনে বৃহত্তর নহে, গর্ভকোষের স্বভাব স্থির। পক্ষান্তরে, ক্ষুদ্রতর পুং-কোষের স্বভাব অত্যন্ত চঞ্চল। গর্ভকোষের সহিত সঙ্গত হইবার নিমিত্ত ইহার নিয়ত সচল। বহুবিধ জলচর প্রাণীর জীবনেতিহাস আলোচনা করিলে দেখিতে পাওয়া যায় যে, পুং-কোষ পুরুষের দেহ হইতে জলমধ্যে পরিত্যক্ত হইলে, উহা গর্ভকোষের সন্ধানে নিয়ত তীরবেগে ছুটাছুটি করে। কিন্তু গর্ভকোষ কখন সেরূপ করে না। পুষ্পশালী বৃক্ষে সাধারণতঃ ছুই প্রকার ফুল ফুটে—পুং-পুষ্প ও স্ত্রীপুষ্প। পুং-পুষ্পের পুং-কেশরে পরাগ থাকে এবং সেই পরাগে পুং-কোষ বিद्यমান। স্ত্রী-পুষ্পের গর্ভ-কেশরের মূলদেশে গর্ভ-কোষ থাকে। আবার এমন অনেক ফুল আছে, যাহাতে পুং-কেশর ও গর্ভ-কেশর উভয়ই বর্তমান। পুং-কোষ এবং গর্ভ-কোষ একই পুষ্পে থাক অথবা স্বতন্ত্র পুষ্পে থাক, ফল এবং বীজের উৎপত্তি-সাধনের নিমিত্ত উহাদের সম্মিলনের প্রয়োজন। গর্ভ-কোষ নিয়ত স্থির, অচঞ্চল। স্থান ত্যাগ করিয়া উহা কোথাও যায় না বা উহার কোথাও যাইবার প্রয়োজন হয় না। যে কোন প্রকারে হউক, পুং-কোষ গর্ভকোষের সন্নিধানে উপস্থিত হইলে সম্মিলন ঘটে এবং ঐ যুক্ত-কোষ গর্ভকোষের স্থানেই বিকশিত হইয়া জগ অথবা বীজে পরিণত হইয়া থাকে। বায়ুপ্রবাহের দ্বারা পুং-কোষস্থ পরাগরেণু গর্ভকোষে নীত হয়। মধুলুক মক্ষিকা ও ভ্রমরগণ পুষ্প হইতে পুষ্পান্তরে পরিভ্রমণ করিয়া থাকে; তাহাদের পক্ষ-পুট ও হস্ত-পদাদিতে সংলগ্ন হইয়া পুং-কোষস্থ পরাগ গর্ভকোষে উপস্থিত হয় এবং এইরূপে পুনরুৎপাদন-কার্য সংসাধিত হইয়া থাকে।

সুতরাং দেখা যাইতেছে যে, পুং-কোষের ধর্ম চাঞ্চল্য এবং গর্ভকোষের ধর্ম স্থাগুত্ব। এই উভয় কোষের প্রকৃতি তাহাদের আধারীভূত প্রাণী ও উদ্ভিদের শরীরে প্রতিফলিত হইয়া তাহাদের স্বভাবকেও নিয়ন্ত্রিত করিয়া থাকে। পুরুষ-রাই সাধারণতঃ স্ত্রীজাতির অনুসরণ অনুসন্ধান করে এবং প্রণয়োদ্দীপক ললিত সবিদ্যম বিলাস, বর্ণগরিমা, সুগন্ধ, সুমধুর প্রণয়-সস্তাষ প্রভৃতি দ্বারা তাহাদিগকে আকৃষ্ট ও মগ্ন করিয়া থাকে। উজ্জলবর্ণ পুষ্পরাজি তাহাদের বর্ণ-বৈচিত্র্যের সাহায্যে অলিগণকে আকৃষ্ট করে। রূপহীন অনেক পুষ্প সাধারণতঃ সুগন্ধ হয়; সেই সুগন্ধে মগ্ন হইয়া তাহারা তৎসন্নিধানে উপনীত হয়। অলিগণের পক্ষসংলগ্ন পরাগ গর্ভকোষে নীত হয় এবং সেই উপায়ে বৃক্ষের বংশ-রক্ষা হয়। পুং-কোকিল তাহার সুমধুর পঞ্চম সুরে কোকি-লার মনোরঞ্জন করে। শিখী তাহার উদ্ভবনুচ্ছাতি কলাপ বিকীর্ণ ও আনন্দিত করিয়া শিখিনীর অন্তরে সুরভাভিলাষ জাগরিত করিয়া তুলে। বর্ষাগমে প্রমত্ত দর্দ্র তাহার ঐক-তান-মাধুর্যো, নীরব নিশাথে নিলী তাহার অবিশ্রান্ত সঙ্গীতে এবং তামসী রজনীতে গছোত তাহার অপূর্ণ মাণিক্যভাষিতে কান্তাহৃদয়ে সঙ্গমেচ্ছার সৃষ্টি করিয়া থাকে। এমন কি, শ্রীভগবান্ বিষ্ণুকেও এক সময়ে প্রকৃতির এই নিয়ম পালন করিতে হইয়াছিল। “বর্হেণেব স্মরিতরুচিনা গোপ-বেশশ্চ বিমোহঃ”—সরমসঙ্কচিত্তা ননদী-বিদ্রুপ-সমুস্তা গোপাঙ্গনার হৃদয়ে আকুলতা উৎপাদন করিবার নিমিত্ত শ্রীহরিকে গোপবেশ ধারণ করিতে হইয়াছিল। তিনি শিখিপুচ্ছশোভিত সুচারু আনন ঈমৎ বক্র করিয়া অপূর্ণ বন্ধির্মামে বেণুরন্ধ্রে কুংকার দিয়া যে অনৈসর্গিক সুরলহরী বিকীর্ণ করিয়াছিলেন, তাহাতে মগ্ন চরাচর সেই সুরস্রোতে ভাসিয়া চলিয়াছিল—অবলা গোপবালার ত কণাট নাই। তাহার তখন সংসার ভুলিয়া গেল, শাশুড়ী-ননদের ভয় হৃদয় হইতে তিরোহিত হইল, এক সুরে এক ভাবে এক দিকে তাহাদের মন আকৃষ্ট হইতে লাগিল, হিতাহিতবোধ লুপ্ত হইল, প্রকৃতির জয় হইল। স্নানার্থ আকর্ষণ-নিমজ্জিতা সুন্দরী সেই ভাবে রছিল। স্নানার্থিনী বিগলহসনা গোপিকা সলিলমধ্যে অবতরণের পূর্বে কুম্বলদাম কবরীমুক্ত করিতে-ছিল—সে সেই ভাবে রছিল। কুম্বপূর্ণকালে সলিলোপরি অবনতাস্ত্রী গোপবালা সেই ভাবেই রছিল—কলসী কক্ষে

ভুলিয়া লইতে ভুলিয়া গেল। অভ্যঞ্জন সোপানপীঠে পড়িয়া রছিল—কেহ তাহার সন্যবহার করিল না। স্নানান্তে সিক্ত-বসনা, মুক্তকেশী, কুম্বকক্ষা যুবতী স্বগছে প্রত্যাবর্তন করিতে-ছিল, এমন সময় সেই শ্রীমুখচুম্বিত বেণুদণ্ড অপূর্ণ সুরতরঙ্গ নিঃসৃত করিল; যুবতী নিশ্চল নিস্পন্দ—সে পথেই দাঁড়াইয়া রছিল, হয় ত পূর্ণকুম্ব কক্ষচ্যাত হইয়া ধূলার পড়িয়া গেল; কিন্তু তাহার ক্রক্ষেপ নাই। সে একদৃষ্টে সেই অমূর্ত সুরের দিকে চাছিল রছিল। তাহার আকুল হৃদয় বুকি বলিতেছিল—

“আমায় বাঁধিতে ডেকেছে কে !

তারে ব’লে আসি তোমার বাঁধি

আমার প্রাণে বেজেছে।”

শ্রীভগবান্ দেখিলেন, গোপবধুগণের এই ভাবান্তর তাঁহার প্রতি প্রত্যাশে নহে, ইহা সম্পূর্ণ আত্মসমর্পণ। তাঁহার ইচ্ছা পূর্ণ হইল। প্রকৃতি জয়লাভ করিল।

পূর্বেই বলিয়াছি, পুরুষের স্বভাব চাঞ্চল্য, আর স্ত্রীজাতির স্বভাব স্থৈর্য। উন্নত শ্রেণীর জীব প্রকৃতি-নির্দিষ্ট পুনরুৎ-পাদন প্রথার বশবর্তী হইয়া যৌন-নির্কাচনে নিযুক্ত হয়। এই কার্যের উপায় ও পন্থা নানাবিধ। উদ্ভিদ জগতে পুষ্পের বর্ণবৈচিত্র্য, মধু, সুগন্ধ প্রভৃতি এই কার্যে সহায়তা করিয়া থাকে। উত্তর জীবরাও তাহাদের বর্ণবৈচিত্র্য, যৌনস্বাদি, সুকণ্ঠ, নানাবিধ চঞ্চল ভাবভঙ্গী এবং নানাবিধ শক্তি প্রভৃতি দ্বারা যৌন-নির্কাচনে সমর্থ হয়। পাশব শক্তির সাহায্যে কিরূপে যৌন-নির্কাচন সাধিত হয়, পাণ্ডিত পাটক্রাফট-বর্ণিত উত্তর-মহাসাগরবাসী সীল নামক প্রাণীর বিবরণ হইতে তাহার একটি উৎকৃষ্ট উদাহরণ পাওয়া যায়।

সীল জাতির যৌন-নির্কাচনের একটা নির্দিষ্ট কাল আছে। পূর্ণবয়স্ক বলবান পুরুষ-সীল সমুদ্রমধ্যে বাস করে। যৌনসঙ্গমকালের প্রায় এক মাস পূর্বে সে সাগর-তীরবর্তী শৈলে গিয়া উপস্থিত হয় এবং স্ত্রী-সীলের জন্ম অপেক্ষা করিতে থাকে। যথাকালে স্ত্রী-সীলরা যখন তথায় আসিয়া উপস্থিত হয়, পুরুষটি তখন তাহাদিগকে পর্বতের উপর তুলিয়া লয় এবং নূতন আর এক দলের জন্ম অপেক্ষা করে। এইরূপে সে অনেকগুলি স্ত্রী-সীলকে ঘিরিয়া বসিয়া থাকে। সময় সময় স্ত্রীগণ সংখ্যায় অত্যধিক হইয়া পড়ে; কিন্তু তাহাতে তাহার ক্রক্ষেপ নাই। অপেক্ষাকৃত দুর্বল পুরুষ-সীলরা সেই পাহাড়ে উঠিতে সময় সময় চেষ্টা করে।

পূর্ব-বিজ্ঞেতার আক্ষালনে তাহাদিগকে নিরাশ হইয়া ফিরিতে হয়। অনেক সময় হয় ত কোন তুল্যবলশালী পুরুষ-সীল তথায় আসিয়া ছই তিনটি স্ত্রীসীলকে লইয়া পলায়ন করিতে থাকে। তখন উভয় সীলের মধ্যে ভয়ঙ্কর যুদ্ধ বাধিয়া যায়। কখন কখন তাহারা একটি স্ত্রী-সীলকে ধরিয়া উভয় দিক হইতে টানাটানি আরম্ভ করে। ফলে সেই স্ত্রী-সীলের মৃত্যু ঘটে। দলস্থ কোন স্ত্রী পলায়ন করিবার প্রয়াস করিলে অথবা ততদ্দেশে কোনরূপ চাঞ্চল্য প্রকাশ করিলে পুরুষটি গর্জন করিয়া তাহাকে তিরস্কার করে। তিরস্কারে শাসিত না হইলে সে তাহার গলদেশে ভয়ঙ্করভাবে দংশন করিয়া তাহাকে রক্তাক্তদেহে ভূপাতিত করিয়া থাকে। এইরূপে প্রত্যেক বৎসর চঞ্চল স্বভাবের নিরাকরণ এবং স্ত্রী-সীলের স্বভাব-সিদ্ধ শাস্ত প্রকৃতির উৎকর্ষসাধন হয়। প্রায় তিন মাস ধরিয়া এই ব্যাপার চলিতে থাকে। এই সময়ের মধ্যে পুরুষ-সীল সর্বদাই ব্যস্ত ও সতর্ক। সে প্রায় অনাহারেই তিন মাসকাল যাপন করিয়া গৌর্ণ-শার্ণ দুর্বল দেহে সমুদ্র-মধ্যে প্রত্যাগমন করে।

পাশব শক্তির সাহায্যে যৌন-নির্বাচন অনেক বানর-সমাজেও দেখিতে পাওয়া যায়। বানরসমাজে বীর হনুমান বলিয়া পরিচিত একটা পুরুষ-দলপতি থাকে। দলের অপর বানরগণ কেবল স্ত্রী। স্বীয় দৈহিক শক্তির প্রভাবে ঐ বীর হনুমান অপর কোন পুরুষকে দলের মধ্যে প্রবেশ করিতে দেয় না। দলস্থ কোন স্ত্রী যদি পুং-সন্তান প্রসব করে, দলপতি তৎক্ষণাৎ সেই সন্তানকে বধ করিয়া ভবিষ্যৎ প্রতিযোগিতার মূলোচ্ছেদ করিয়া থাকে। দলপতি বৃদ্ধ হইয়া দুর্বল হইয়া পড়িলে অন্য স্থান হইতে পুরুষ হনুমান আসিয়া তাহাকে বধ করিয়া ফেলে এবং দলের অধিনায়কত্ব অধিকার করিয়া লয়।

মানবজাতি বানরের বিজ্ঞানসম্মত ধংশধর। আদিম-কালের অসভ্য মানব পশুর সজ্জিত বনে বাস করিত এবং পশুর ত্রায় বনজাত উদ্ভিদ ও প্রাণিমাংস ভক্ষণ করিয়া জীবনধারণ করিত। সভ্যতার আলোক তখন তাহাদের মধ্যে প্রবেশ করে নাই। তখনকার মানব-চরিত্রে মানবত্ব অপেক্ষা বানরত্বের প্রভাব অধিকতর ছিল। প্রজ্ঞাশালী জীব হইলেও সে কালের অপরিণত মানুষের জীবনযাত্রা

প্রধানতঃ পাশবিক সংস্কারের সাহায্যে অতিবাহিত হইত। তাহার প্রজ্ঞার পরিমাণ খুব সামান্য। সেই অর্ধকপি-মানব-সমাজে বানরের ত্রায় পাশবিক শক্তির সাহায্যে যৌন-নির্বাচন সংসাধিত হইত। এতদ্ব্যতীত অনেক স্ত্র্যপায়ী জীব, ভেক, কীটপতঙ্গ প্রভৃতি শ্রেণীর মধ্যে উক্ত প্রথা প্রচলিত আছে।

সভ্য যুরোপীয়দের সমাজে সে দিন পর্য্যন্ত duel প্রথার প্রচলন ছিল। একই স্ত্রীর প্রণয়াভিলাষী ছই জন পুরুষের মধ্যে যোগ্যতা (duel) যুদ্ধ দ্বারা প্রমাণিত হইত। সভ্য হিন্দু-গণের স্মৃতিশাস্ত্রে “লাক্ষ্যং দৈবং প্রাজ্ঞাপত্যং আর্ষং আত্মর-রাক্ষসম্। গাঁন্ধবধু পিশাচক” এই অষ্টবিধ বিবাহ-প্রথার ব্যবস্থা আছে। তন্মধ্যে সম্প্রতি ব্রাহ্ম ও আত্মর-প্রথা প্রচলিত, কিন্তু এমন এক কাল ছিল, যখন হিন্দুসমাজে রাক্ষস প্রথায় অর্থাৎ দৈহিক শক্তির সাহায্যে স্ত্রীলাভ শাস্তসম্মত ছিল।

যৌন-নির্বাচনের সাহায্যে প্রাকৃতিক নির্বাচনের উদ্দেশ্য অনেক পরিমাণে সংসাধিত হইয়া থাকে। বিভিন্ন জীবের জীবনযাত্রার সৌভাগ্য ও তদর্থে প্রয়োজনীয় শক্তি বিভিন্ন প্রকার। যে সকল শ্রেণীর জীব পাশব শক্তির সাহায্যে যৌন-নির্বাচন সাধন করে, তাহাদের পুরুষরা স্বভাবতঃ স্ত্রীজাতি অপেক্ষা বলবন্তর এবং দংষ্ট্রানখরাদি-প্রহরণশালী। ইহা প্রাকৃতিক নির্বাচনের সহায়ক। যে পুরুষ সর্বাপেক্ষা চতুর, দ্রুতগামী, মাহমী, বলবান্ ও যুদ্ধক্ষম, সেই যুদ্ধে জয় লাভ করে, দুর্বলকে বহিস্কৃত করিয়া দেয় অথবা বধ করিয়া ফেলে, এবং স্বকীয় প্রকৃষ্ট শক্তি সন্তানের চরিত্রে নিহিত করিয়া থাকে। এইরূপে যৌন-নির্বাচনের সাহায্যে প্রত্যেক জীব স্ব স্ব জীবনযাত্রার অনুকূল উৎকৃষ্ট শক্তি অর্জন করিয়া অভ্যুন্নতি লাভ করিতেছে। ক্ষিপ্রগতি মৃগ-জীবনের উপযোগী, মৃগ তাহাই লাভ করিতেছে। ব্যাঘ্রাদি হিংস্র প্রাণী স্মৃতিশক্তি নখদংষ্ট্রা ও চতুরতা লাভ করিতেছে। উড়িবার শক্তি, নীড়নিষ্কাশনে বিচক্ষণতা এবং আহারান্বেষণে কুশলতা পক্ষি-জীবনের উপযোগী, সে তাহাতেই পটু লাভ করিতেছে। মানুষ প্রজ্ঞাশালী জীব, জীবনসংগ্রামে প্রজ্ঞাই তাহার প্রধান সহায়। বংশানুক্রমে মানবের প্রজ্ঞাশক্তির বিকাশ ও উন্নতি হইতেছে। এইরূপে সমগ্র জগৎ অভিব্যক্তির পন্থায় উৎকর্ষের দিকে ধাবিত। অভ্যুন্নতি প্রকৃতির চরম উদ্দেশ্য।

সভ্য মানব প্রজ্ঞাজীবী। তাহার চরিত্রে ইতর জীবের ত্রায় সংস্কারের প্রাধান্য নাই। প্রজ্ঞাবুদ্ধির বলে সে সকল

প্রাণীর উপর প্রাধান্য লাভ করিয়াছে। প্রজ্ঞা কেবলমাত্র একটা মৌলিক বুদ্ধি নহে। ইহা জীবের জীবনযাত্রার উপযোগী বহুবিধ বুদ্ধির সমষ্টি। সেই বহুবিধ এবং বহু-সংখ্যক বুদ্ধিবৃত্তিগুলিকে ব্যষ্টিভাবে না ধরিয়া সমষ্টিভাবে এক কথায় প্রজ্ঞা নামে অভিহিত করা হয়। প্রজ্ঞার উপাদানীভূত বুদ্ধিগুলির মধ্যে একটির নাম সৌন্দর্য্যবুদ্ধি। সৌন্দর্য্যের অর্থ কি? আমরা কাহাকে সুন্দর এবং কাহাকেই বা কুৎসিত বলিয়া থাকি? সুন্দরের লক্ষণ কি? আমাদের ইন্দ্রিয়গণের সাহায্যে আমরা রূপ-রস-গন্ধাদির সত্তা অনুভব করিয়া থাকি। রূপ-রস-গন্ধাদির মধ্যে যাহা আমাদের ইন্দ্রিয় ও মনকে তৃপ্ত করে, তৃপ্ত করে, যাহা আমাদের জীবনযাত্রার সুখকর ও মঙ্গলকর, তাহাই সুন্দর। বর্ণ-গৌরবে ভানুদয় সুন্দর—ইহা রূপজ সৌন্দর্য্য। শর্করাদির মিষ্ট রস রসনেন্দ্রিয়ের তৃপ্তিজনক—ইহা সুন্দর, এই সৌন্দর্য্য রসজ। শেফালি-মল্লিকার গন্ধ আমাদের নাসার তৃপ্তি-সাধন করে—ইহা সুন্দর, ইহা গন্ধজ সৌন্দর্য্য। বীণা-নির্কণ সুন্দর—কারণ, তজ্জনিত সুরধারা আমাদের শ্রবণেন্দ্রিয়ের তৃপ্তিসাধক। কোমলাঙ্গী ভামিনীর আলিঙ্গন সুন্দর—কোমল স্পর্শে হর্ষ উপস্থিত হয়। শ্রীভগবান্ সুন্দর—তাঁহার সৌন্দর্য্যে ভক্তের অন্তরিন্দ্রিয় উল্লসিত হইয়া উঠে। আমাদের ইন্দ্রিয়গুলি সৌন্দর্য্যবোধের দ্বারস্বরূপ। সৌন্দর্য্যের পরিষ্কি ইন্দ্রিয়ের সংখ্যার উপর নির্ভর করিয়া থাকে।

সৌন্দর্য্য-বুদ্ধি প্রজ্ঞাশালীদের মধ্যে এত প্রবল যে, অনেক স্থলে মনুষ্য, এমন কি, দেবতাকেও তদ্বারা অভিভূত হইতে হয়। অপহৃতপত্নী রামচন্দ্র জায়ার অন্তরে পম্পা সরোবর-তীরে উপস্থিত হইলেন। তথায় স্তনাভিরাম-স্তবকাভিনয়্য তটশোকলতার সৌন্দর্য্যরাশি দাশরথির হৃদয়ে কান্তালিঙ্গনেচ্ছা জাগরিত করিয়া তুলিয়াছিল। তাই তিনি ভ্রান্তভাবে উহাকে আলিঙ্গন করিতে প্রয়াস পাইয়াছিলেন। “পর্যাপ্ত-পুষ্পস্তবকাবনয়্য সঞ্চারিণী পল্লবিনী লতাব” গিরিরাজনন্দিনীর মোহিনী মূর্ত্তি বীরাসনে অধ্যাসীন সুগভীর ধ্যাননিরত যোগেন্দ্রেরও যোগাসনকে বিচলিত করিতে সমর্থ হইয়াছিল।

মানবচরিত্রে প্রজ্ঞাবুদ্ধি যথেষ্ট পরিমাণে বিকাশলাভ

করে বটে, কিন্তু তাই বলিয়া উহা মানবজাতির একচেটিয়া অধিকার নহে। মনুষ্যের নানা জীবের চরিত্রেও অল্পবিস্তর প্রজ্ঞাবুদ্ধির পরিচয় পাওয়া যায়। অনেক ইতর জীবের প্রজ্ঞাবুদ্ধি আছে বলিয়াই বঙ্কিমচন্দ্রের কমলাকান্ত উদরায়ের নিমিত্ত কলুর গৃহে সমুপস্থিত কুকুর ও বুয়ের বিভিন্ন কার্য্য-প্রণালী দর্শন করিয়া পলিটিক্সের ক্ষেত্রে বিস্মার্ক ও উল্সী অনুসৃত দুইটা পক্ষা নির্ণয় করিতে সমর্থ হইয়াছিলেন। সৌন্দর্য্যবুদ্ধি প্রজ্ঞার অঙ্গীভূত। সুতরাং প্রজ্ঞাশালী ইতর জীবেরও সৌন্দর্য্যবুদ্ধি আছে। এই সকল জীব তাহাদের সৌন্দর্য্যবুদ্ধির সাহায্যে যৌন-নির্কীচনসাধন করিয়া থাকে। সেই জন্ত বর্ষাগমে কান্দর্প্য প্রভাবে উত্তেজিত হইয়া “বিকীর্ণ-বিস্তীর্ণ-কলাপশোভিতং সসম্মমালিঙ্গনচুখনাকুলং প্রবৃত্তনৃত্যং বর্হিণাম্ কুলম্” কান্তাহৃদয়ে সৌন্দর্য্যবুদ্ধি জাগরিত করিয়া তুলে। কোকিল যখন তাহার সুমধুর স্বরলহরী বিকীর্ণ করিতে থাকে, তখন কোকিলার অন্তরে কান্তসমাগমেচ্ছা স্বতঃই উদ্বুদ্ধ হইয়া উঠে। জ্যোৎস্নাময়ী রজনীতে সুকণ্ঠ পাণিয়া নির্জ্জন তরুশাখায় বসিয়া যে গান করে, তাহার সুরতরঙ্গে আকাশ বাতাস আকুল হইয়া উঠে, স্ত্রী-পাণিয়ার হৃদয়ের ত কথাই নাই।

পূর্বেই বলা হইয়াছে, স্ত্রীজাতির ধর্ম্ম। সাধারণতঃ দেখা যায়, অচঞ্চলস্বভাবা স্ত্রীজাতির সৌন্দর্য্যবুদ্ধিতে সাদা দিবার নিমিত্ত যে প্রয়াস, তাহা চঞ্চলপ্রকৃতি পুরুষের। পুরুষ তাহার সুররূপাদির প্রভাবে কান্তাহৃদয়ে আকুল বাসনা-সৃজনে চেষ্টা করে। কিন্তু সে কৃতকার্য্য হইল কি না, তাহা স্ত্রীজাতির সামান্য দুই একটা চঞ্চল লক্ষণে প্রকাশ পাইয়া থাকে। “স্ত্রীণামাশুং প্রণয়বচনং বিব্রমো হি প্রিয়েষু”—প্রিয়ের নিকট বিব্রমবিলাস প্রদর্শনই রমণীদের প্রথম প্রেম-সূচক বাক্যস্বরূপ।

মানবজাতির স্ত্রী ও পুরুষ তুল্যভাবে প্রজ্ঞাশালী ও সৌন্দর্য্যবুদ্ধিতে বুদ্ধিমান। এ স্থলে যৌন-নির্কীচনের উদ্দেশ্যে উভয়েই পরস্পরের অন্তরকে আকৃষ্ট করিবার জন্ত চেষ্টা করে। পুরুষ এবং স্ত্রী উভয়েই প্রসাধনে নিযুক্ত হয়। স্ত্রী যেমন পুরুষকে সুন্দর দেখিতে চায়, পুরুষও তেমনই বাসনা করে যে, তাহার প্রণয়িনী সৌন্দর্য্যশালিনী হউক।

শ্রীউদ্ভাপতি বাজপেয়ী।



রামপ্রসাদ ও প্রসাদী সঙ্গীত

৫

রামপ্রসাদ সৰ্ব্বদে একরূপ অগবাদের কথাও আমরা শুনিরাছি যে. তিনি “বৈষ্ণব-বিষেবী ছিলেন।” ‘কৃষ্ণ-কীর্তন’ লিখিয়া ‘শান্ত’ কৈলাস বাবুর সার্টিফিকেট যেনন তিনি খোদাইয়াছেন, তেমনই আবার ‘বঙ্গভাষা ও সাহিত্য’-রচয়িতা শ্রীযুত দীনেশচন্দ্র সেন মহাশয়ের নিকট ঐ ‘বিষেবী’ বদনামের ভাঙ্গীও হইয়াছেন। প্রমাণস্বরূপ দীনেশ বাবু তাঁহার ‘বিজ্ঞানসুলভ’ হস্তে তথাকথিত বিষেবের কিছু নমুনাও উদ্ধৃত করিয়াছেন, যথা—

“খাসা চীরা বহির্বাস, রাজা চীরা মাথে,
চিকণ গুণ্ডী গায়, বাঁকা কোৎকা হাতে।
মুগ্ধ গুগ্ধ ছড়া গলে, ঠাই ঠাই ছাব,
ছুই ভাই ভজ্ঞে তারা সৃষ্টিছাড়া ভাব।
পৃষ্ঠদেশে গ্রন্থ বোলে খান সাত আট.
ভেকা লোকে ভুলাইতে ভাল জানে ঠাট।
ভুগলামি ভাবে ভাব জন্মে থেকে থেকে
বীরভদ্র অশেষত বিবম উঠে ডেকে।”...

এই বর্ণনাটি কোটালের নিয়োজিত সেই সকল ছদ্মবেশী চরের, বাহারা চোর অশেষণের অজুহাতে নগরময় বিবম উৎপাত করিয়া বেড়াইতেছে। ইহার মধ্যে হরকরা, পাটনি, দাতা, ব্রজবাসী, অবধৌত, ব্রহ্মচারী প্রভৃতির ভেকধারীরাও আছে। তথাপি উদ্ধৃত বর্ণনার মূলে কবির বিক্রম কাহাদের লক্ষ্য করিয়াছে, তাহা তাঁহার নিজের উক্তিভেদেই প্রকাশ,—

“গোড়রাজ্যে গোড়াগুলা চলে যে যে ঠাটে,
সেক্রমে ভ্রমরে কত হাটে ঘাটে মাঠে।”...

গোড়ামিকে পরিহাস করা আর “বৈষ্ণব-বিষেব” অবশ্যই এক কথা নহে। ‘বোষ্টোমি আদপ-কারদা’ ছরন্ত হইলেই বিষ্ণু উপাসক বা “বৈষ্ণব” হওয়া যায় না, স্ততরাং রামপ্রসাদের ঐ বাহু ভঙ্গঃ সন্দ্বন্ধীয় রসিকতাকে দীনেশ বাবুর উদাহরণ সমেত ব্যাখ্যা সত্ত্বেও ‘বৈষ্ণব-বিষেব’ বলিয়া গ্রাহ্য করা চলিতেছে না। বিশেষতঃ, যখন রামপ্রসাদের কণ্ঠে আমরা শুনি,—

“ও মন, তোমার ভ্রম গেল না।
পেয়ে শক্তিতত্ত্ব হলি মত্ত,
হরিহর তোমার এক হলো না।
বৃন্দাবন আর কাশীধামের
মূল-কথা মনে বোঝ না—
কেবল ভবচক্রে বেড়াও ঘুরে
ক’রে আত্মপ্রতারণা।

অসি বাণীর মর্ষ বুঝে (তোমার)

কর্ষ করা আর হ’ল না।

যমুনা আর জাহ্নবীকে

এক ভাবে মনে ভাব না।

প্রসাদ বলে, গুণগোলে

এই যে কপট উপাসনা।

(ভূমি) শ্রাম শ্রামাকে প্রভেদ কর,

চক্ষু থাকতে হ’লে কাণ।”

তখন বুঝি যে, বৈষ্ণব-বিষেব ত দুয়ের কথা, চিরপ্রসিদ্ধ ‘শান্ত-বৈষ্ণব’-মন্দের সহজ সময় পথই তাঁহার অন্তরের মধ্যে খুলিয়া গিয়াছিল। ‘বঙ্গদর্শনে’র সমসাময়িক “প্রচার” নামক মাসিকপত্র ‘বেদের ঈশ্বরবাদ’ শীর্ষক প্রবন্ধে দেখা যায় যে, রামপ্রসাদের এই বৈশিষ্ট্যটি ঐ প্রবন্ধকারের নজরে পড়িয়াছে। তিনি বলিয়াছেন,—“আমরা ধবেদ হইতেই আরম্ভ করি, আর রামপ্রসাদের শ্রামা-বিষয় হইতেই আরম্ভ করি, সেই কৃষ্ণোক্ত ধর্মেই উপস্থিত হইব। রামপ্রসাদ কালী নামে পরব্রহ্মেরই উপাসনা করিতেন,—

“প্রসাদ বলে ভক্তি মুক্তি উভয়কে মাথে ধরেছি,

এবার শ্রামার নাম ব্রহ্ম জেনে ধর্মকর্ম সব ছেড়েছি।”

আমরা পূর্বেও দেখিয়াছি যে, রামপ্রসাদের গানে সেই Pantheistic ভগবৎধারণা বা “সর্বং ধর্মিৎ ব্রহ্ম”বাদ প্রকাশ পাইয়াছে, বাহাতে আহারে, বিহারে, শয়নে, নিদ্রায়, শ্রবণে ও মননে সংসারকে নিত্য ব্রহ্মের সন্মুখে রাখিবার জন্ত তিনি মনের সহিত বোঝাপড়া আরম্ভ করিয়াছেন। আমাদের উদ্ধৃত উদাহরণটি ছাড়া আরও অনেক গানে এই ভাব-সাধনার বিশেষ ধারাটি পুনঃ পুনঃ দেখা দিলেও, এই “Living and moving in God”এর বিবাদী ভাবও, যে অনেক পাওয়া যায়, তাহাও আমরা দেখাইয়া আসিয়াছি। প্রথমটিকে লক্ষ্য ও দ্বিতীয়টিকে লক্ষ্যসাধনের উপায় হিসাবে দেখিতে পারিলে তাঁহার ভাব-সাধনার কার্যকারণ সম্বন্ধ আমরা ঠিক মতই বুঝিব এবং ঐ বৈষম্যের একটি অর্থও পাইব। অতঃপর পদাবলী অধ্যয়ন এইখানেই শেষ করিয়া রামপ্রসাদের অন্ত কয়েকটি বিশেষত্বের কথা পাড়িব।

রবীন্দ্রনাথ তাঁহার ‘বিসর্জন’ নামক নাট্য-কাব্যে ‘দেবীর শ্রীভ্যধে বলিদান’ সৰ্বদে যে মর্ষম্পর্শী চিত্রটি আঁকিয়া রাখিয়াছেন, তাহার সহিত অনেকেই পরিচিত। কিন্তু শান্ত-পরিবারের চিত্রাচারিত কর্ম্মহুতানের ভিতর জন্মগ্রহণ করিয়াও রামপ্রসাদ তাঁহার স্বতঃসিদ্ধ স্বভাবের ভিতর হইতেই এই প্রথাগত মেঘ মহিষাদি বলিদানের বিরুদ্ধ-বাদ যে কত সুললিত করিয়া সংক্ষেপে প্রচার করিয়াছিলেন, নিয়োদ্ধৃত ছন্দ-কল্পিতগর্ভে তাহার সাক্ষী,—

“অগতকে সাজাচ্ছেন যে মা,
 দিয়ে কত রত্ন সোনা,
 ওরে, কোন্ লাজে সাজাতে চাসু তার
 দিয়ে ছার ডাকের গহনা ।
 অগতকে খাওয়াচ্ছেন যে মা,
 হুমধুর খাড়া নানা ।
 ওরে, কোন্ লাজে খাওয়াতে চাসু তার
 আলো চাল আর বুট-ভিজানা ।
 অগতকে পালিছেন যে মা
 সাদরে, তাই কি জান না ।
 ওরে, কেমন ক’রে দিতে চাস বলি
 বেব-মহিব আর ছাগল-ছানা ।”

আজ পর্যন্ত বাহু আড়ম্বরময় প্রতিমা-পূজার অর্থোক্তিকতা সম্বন্ধে মিশনারী বন্ধুরা হুযোগ পাইলেই আমাদেরকে উপদেশ দিয়া থাকেন এবং চাক-চোলের বাজে ঘুমের ব্যাঘাত ঘটে বলিয়া বিজ্ঞ হস্তে প্রশ্ন করেন—“We should like to ask our Hindu readers in all seriousness—‘who are these gods who delight in all this clatter fuss and dancing girls, making night hideous and preventing sleep?’ Why is their taste in music so very crude there pleasure so very carnal?”—অনাকীরবৎ এরূপ প্রশ্ন পাঠক কাহারও মুখ হইতে শুনিতে মানুষের জেদই বাড়ে এবং অনুরূপ ক্রটির কথা তুলিয়া প্রশ্নকারীদের বিবিধ আচার-অনুষ্ঠানেও দোষারোপ করিবার ইচ্ছা হয়, কিন্তু এ ক্ষেত্রে তাহা না করিয়া সর্বতোভাবে ইংরাজী প্রভাববর্জিত রামপ্রসাদের কাছে আসিলেই আমরা দেখিতে পাইব যে, তথাকথিত উপদেশ পাইবার বহু পূর্বেই তিনি স্বয়ং কত বড় কথা নিজেকে শুনাইয়াছেন,—

“মন তোর এত জাবনা ক্যানে ।
 একবার কালী ব’লে বস রে ধ্যানে ।
 জাঁকজমকে করলে পূজা
 অহঙ্কার হয় মনে মনে ।
 তুমি লুকিয়ে তাঁরে কর রে পূজা
 জানবে না রে জগজ্জনে ।
 খাতু পাষণ মাটির মুর্স্তি
 কাজ কি রে তোর সে গঠনে ।
 তুমি মনোময় প্রতিমা গড়ি’
 বসাও হৃদি-পদ্মাসনে ।
 * * *
 ঝাড় লঠন বাতির আলো,
 কাজ কি রে তোর সে রোশনাইয়ে,
 তুমি মনোময় মাণিক্য জ্বলে
 দাঁও না জলুক নিশিদিনে ।
 বেব-ছাগল আর মহিষাদি
 কাজ কি রে তোর বলিদানে ।
 তুমি জয় কালী জয় কালী ব’লে
 বলি দাঁও বড়-রিগুগণে ।”
 * * *

প্রসাদ-গীতিকার মধ্যে তিনটি মাত্র গান পাওয়া যায়, বাহাতে ‘সুরার’ কথা আছে এবং ‘ভয়রতা’র রূপক হিসাবে তাহার ব্যবহার আছে। ইহা হইতে ধরিয়া লওয়া হয় যে, তিনি সুরা পান করিতেন।

তিনি সুরা পান করিতেন কি না, সে অবশ্য সত্য কথা, তবে ঐ গীতি-ত্রয়ের ভিতর হইতে এরূপ অনুমানের কোনও অবকাশ পাওয়া যায় না। ওমর, হাকিম ও রুমির সুরা-বিলাস জগদ্বিখ্যাত এবং সেই সুরাকে ভগবৎপ্রেমোদ্ভূততার রূপক হিসাবেও তাঁহাদের কাব্যে ব্যবহৃত দেখিতে পাওয়া যায়। এই কবিদের কল্পনার ধোরাক যে বস্তুগত্যা ‘সুরার গিরগালা’ হইতেই আসিয়াছে, তাহাও বুঝিতে বিলম্ব হয় না—বিশেষতঃ ওমর খৈরাম ও সুরার সাকার প্রেমে বিভোর হইয়া বিধানই দিয়া গিয়াছেন,—

“পান কর তাই বাবজীবন,
 বারেক মলে কিরবে না আর
 এই কথাটিই সঠিক জানি ।”

তাহা ছাড়া, তাঁহার সুরা (যদিও ওমর-বিভোর সুরা-সম্প্রদায়ের মতে রামপ্রসাদেরই “জ্ঞান-শুঁড়ীতে চুরার ভাটি, পান করে মোর মন-মাতালে”র অনুরূপ) ভক্তি-রসের চোতক বলিয়াও মনে হয় না। চিরন্তন দার্শনিক প্রশ্ন,—

“বিশ্বভুবনখানির কোলে, কোথেকে বা কোন্ কারণে,
 কিছুই নাহি বুঝতে পারি আসছি ভেসে শ্রোতের টানে ;
 শূন্য করি’ এ কোল আবার, দম্কা-হাওয়ার ঘূর্ণিবেগে,
 বেরিয়ে যাবো কোথায়, কেন ?—পাইনে যে তা’র কোনই মানে ।”

এই প্রশ্নের কোনও সঙ্গতরূপে অতাবজ্ঞিত হতাশাই তিনি সুরা-বিলাসে ডুবাইতে চাহিয়াছিলেন,—কিন্তু রামপ্রসাদের অবস্থা অন্ত-রূপ ; নিছক দার্শনিকতা ছিল তাঁহার মতে অন্ধঘেরই নামান্তর। তাঁহার মস্তকিতে যে ‘সুরার কথা’ প্রসঙ্গত আসিয়া পড়িয়াছে, তাহা সুরাসম্প্রদায়ের স্তায় তাঁহার কাব্যের প্রধান অঙ্গ বা বিশিষ্ট উপকরণ নয় বলিয়াই, মনে হয় যে, তাঁহার জীবনেও ইহার উল্লেখযোগ্য কোনও স্থান ছিল না। অবশ্য এ সকল কথা বিচারের সামাজিক মূল্য বাহাই থাকুক, সাহিত্যিক মূল্য এক বিন্দুও নাই ; বেহেতু, জীবনের অভ্যাস হৃদয়ের অমরতাকে ছাপাইয়া উঠিতে পারে না। হাকিম, রুমি, ওমর প্রভৃতির পানপাত্র তাঁহাদের জীবনের সঙ্গে সঙ্গেই ভাঙ্গিয়া গিয়াছে, কিন্তু তাঁহাদের হৃদয় আজও অগত অমর হইয়া আছে।

রামপ্রসাদের জীবনব্যাপী চিন্তা ও ধ্যান-ধারণার সহিত আমরা একরূপ পরিচিত হইয়া আসিলাম। এইবার মৃত্যু সম্বন্ধে তাঁহার ধারণার পরিচরটুকু গ্রহণ করিয়া এ আলোচনা শেষ করিতে চাই। মৃত্যু সম্বন্ধে সাধারণতঃ ‘লোকের’ মনে একটি বিভীষিকা থাকিয়া গিয়াছে, কারণ, তাহার অভ্যন্তর আমাদের জ্ঞানের নিকট অন্ধকারে আচ্ছন্ন। এই সাধারণ বিভীষিকাকে ‘শমন’ নাম দিয়া ‘কালী’ নামের জোরে তাহাকে তাড়াইবার চেষ্টা আমরা প্রসাদ-পদাবলীতে অনেক পাই—অবশ্য মনের মধ্যে বলসঞ্চার করিয়া মৃত্যু সম্বন্ধে সম্পূর্ণ নির্ভর হইবার সাধনা ছাড়া আর কিছুই নয়। আমাদের দেশের শাস্ত্রকার ও সমাজপতির মৃত্যুর মুর্স্তি ও মৃত্যুপারের ব্যাপার যথাসাধ্য ভয়ঙ্কর করিয়া আঁকিয়া গিয়াছেন এবং মানুষকে ভয় দেখাইয়া ধর্মকার্যে প্রবৃত্ত করিবার জন্য “গৃহীত ঈব কেশেবু মৃত্যুনা” বলা অপেক্ষা বড় ভয়ের কথা বুঝি বা আর ধারণাতেও আনিতে পারেন নাই—এতই ভয়ানক আমাদের এই মৃত্যু। এ বিষয়ে রামপ্রসাদের বিশ্বাস খুবই সহজ, স্বচ্ছ ও অনাড়ম্বর হইয়া উঠিয়াছিল দেখা যায়। সে বিশ্বাস এই,—

যে কারণেই হউক, বিশ্বচেতনাই দানা বাঁধিয়া আমাদের মধ্যে বিশেষ চেতনার পরিণত হইয়াছে, আর ইহাই জীবন। অপর পক্ষে, এই বিশেষ-চেতনাই সমরাস্তরে বিশ্ব-চেতনার চিনাইয়া বাইবে আর তাহাই মৃত্যু। ইহার মধ্যে বসদুত, স্বর্গ, নরক, পাপ-পুণ্যের শাস্তি

বা পুরস্কার, ছুভ-প্ৰেত, সালোক্য সাবুজা এতৃতি কোনও বালাই নাই। এ কালের লোকান্তরিত কবি বিজ্ঞানলাল বুঝিরাছিলেন,—

“মৃত্যু যদি মৃৎশূন্য, মৃত্যু হুঃখহীন ;
বিনা মৃৎ-হুঃখ ভাৱ, একাকার, নিৰ্ণিকার,
নিভয়ে হইয়া বাব পরব্রহ্মে লীন।”

রামপ্রসাদও গাহিয়াছেন,—

“এক ঘরেতে বাস করিছে পঞ্চ জনে মিল-জুলে ;
সে যে সময় হইলে আপনা আপনি
যে যার স্থানে বাবে চলে।
প্রসাদ বলে বা’ ছিলি ভাই,
তাই হবি রে নিদানকালে ;
বেমন জলের বিশ্ব জলে উদয়
জল হয়ে সে মিশায় জলে।”...

এ ধারণা অবশ্য রামপ্রসাদের উদ্ভাবিত কোনও নূতন ধারণা নহে ; এখানে তিনি দার্শনিকেরই শিষ্টত্ব স্বীকার করিয়াছেন। এই কথা মানিয়াই ওমর খৈয়াম ‘জীবনের’ উপর জোর দিয়া দাঁড়াইয়াছেন, এই কথা মানিয়াই পাশ্চাত্য সাধনা ইহলোক ও ইহজীবন-প্রধান এবং এই কথা উপলব্ধি করিয়া গার্হস্থ্য-জীবন অস্বীকার করিলে আমরাও শঙ্করের মন লইয়া, পরম্পরের প্রতি সহানুভূতিপূর্ণ ভগবৎ-প্রতিষ্ঠ গৃহীত জীবন বাপন করিতে করিতে জীবনের আনন্দকণাগুলিকে যথাসময়ে আনন্দসাগরে মিলাইয়া দিতে সমর্থ হইব।

এতকণের আলোচনার আমরা বিশেষভাবে এই কথাটিই বুঝিয়া আসিলাম যে, প্রসাদ-পদাবলী প্রধানতঃ “শান্তি-বিজ্ঞান”। সমাজ-গঠন, জাতিগঠন, মানুষের প্রতি মানুষের ব্যবহার-নির্দেশ, স্বদেশ-প্রীতি, বিশ্ব-প্রীতি, রাজনীতি, অর্থনীতি প্রভৃতি কিছুই ইহার লক্ষ্য নহে—কেবল আত্মাকে লক্ষ্য করিয়াই ইহা সর্বসাধারণের আত্মীয়। ইংরাজীতে যাহাকে বলে ‘one-man-deep literature’ বা এক-মানুষ-ভোর গভীর সাহিত্য, প্রসাদ-গীতিকাও তাই। এই অশান্তি-চঞ্চল জগতে কি করিয়া মনের শান্তিতে থাকি যায়, শুধু জীবনকে কেমন করিয়া রস-সুখধর করিয়া রাখা যায় এবং মানুষের যাবতীয় অচেতনের অন্তরালে দণ্ডায়মান মৃত্যুকেও কেমন করিয়া নিবাস প্রদানেরই মত সহজগম্য করিয়া তুলি যায়, প্রসাদ-সাহিত্য তাহা আমাদের দেখাইয়া দিতে পারে। যে চিন্তাশক্তি বুদ্ধিমত্তার মতে হিন্দুশাস্ত্রের প্রথম ও শেষ কথা, তাহা লাভ কারবার জন্য রাম-প্রসাদ আমাদের সহায়তা করেন। তিনি আমাদের সকলেরই বন্ধু ও আত্মীয়, শ্রদ্ধার পাত্র ও শান্তি-পথের প্রদর্শক ; অন্তরে সন্ন্যাস, হৃদয়ে ভক্তি এবং জীবনে কর্তব্যনিষ্ঠা ইহা গার্হস্থ্যধর্ম পালন করার তিনি আমাদের বা প্রত্যেক গৃহীরই এক উজ্জল আদর্শ। তাঁহার পুণ্যস্থতির উদ্দেশ্যে অক্ষাণ্ড নমস্কার নিবেদন করিয়া এ আলোচনা আমরা শেষ করিলাম। *

শ্রীবিজয়কৃষ্ণ ঘোষ।

অসমীয়া বৈষ্ণবধর্ম

বৈষ্ণবধর্ম অতি প্রাচীন ধর্ম। কোন্ সময় হইতে কি ভাবে এই ধর্ম চলিয়া আসিয়াছে, তাহার বিবরণ সঠিকরূপে অবগত হওয়া অতীব দুঃসহ। ভারতবর্ষে প্রধানতঃ ৬টি বৈষ্ণবসম্প্রদায় আছে, যথা,— শ্রীবৈষ্ণব, মাধবাচার্য্য, রামানন্দী, বল্লাভাচার্য্য, চৈতন্যপন্থী ও

মহাপুরুষীয়া। নদীয়ার শ্রীচৈতন্যদেব কখনও কামরূপের কোন স্থানে পদার্পণ করেন নাই। অসমীয়া বৈষ্ণবশাস্ত্রে অনতিদূর গৌহাটী দক্ষিণপাট এতৃতি স্থানের জনকয়েক ব্যক্তি মহাপ্রভুকে সেখানে খাড়া করিতে যথা প্রয়াস পাইয়াছেন। পাঠকবর্গের অবগতির জন্য শ্রীচৈতন্যদেবের বিষয়ে পরে আমরা কিছু আলোচনা করিব।

আমাদের “মহাপুরুষীয়া বৈষ্ণবসম্প্রদায়” অত্যন্ত প্রখ্যাত। কামরূপ-বঙ্গীয় শঙ্করদেব প্রাচীন বৈষ্ণবশাস্ত্রের বিধান অনুযায়ী সেখানে এই ধর্ম প্রচার করেন। তাঁহার পূর্বে কোন কোন সংস্কৃত পণ্ডিত মধ্যে মধ্যে যৎকিঞ্চিৎ আলোচনা করিতেন মাত্র। শঙ্করদেব মহাপুরুষ ছিলেন বলিয়া তৎপ্রচারিত বৈষ্ণবধর্ম “মহাপুরুষীয়া ধর্ম” নামে অভিহিত শঙ্করদেব নামদেবের জ্ঞান ‘ভক্তিগী-কৃষ্ণ’, বল্লাভদেবের জ্ঞান ‘গোপী-কৃষ্ণ’, শ্রীচৈতন্যদেবের জ্ঞান ‘রাধাকৃষ্ণ’ ও রামানন্দের জ্ঞান ‘সীতারাম’এর যুগল-উপাসনার বিরোধী ছিলেন। তিনি তদীয় শিষ্ট-গণকে কেবল শ্রীকৃষ্ণের প্রতি দাস্তভাবে অকুরাগী হইতে উপদেশ দিয়াছিলেন। তাঁহার মতে—একমাত্র শ্রীকৃষ্ণের উপাসনা করিলে মুক্তি লাভ করা যায়, অন্য দেবদেবীর অর্চনা নিশ্চরোজন। এই শঙ্করদেবের ৭ জন প্রসিদ্ধ শিষ্ট তাঁহারই পছন্দানুসরণ করিয়া প্রাচীন কামরূপ রাজ্যের নানা স্থানে বৈষ্ণবধর্ম প্রচার করেন। বৈষ্ণব ঠাকুর রচিত পুথিতে এই ৭ জন শিষ্টের নাম পাওয়া যায়,—

“তান হস্তে হৈব আচাৰ্য্য সাত জন।
সি সবাতো হস্তে হৈব লোকর তারণ।
রামরাম, হরি, দামোদর বিপ্রবর।
মধু, হরি, নারায়ণ মাধব প্রেষ্ঠতর।
পরম অমূল্য ভক্তি মহাধর্মচর।
সবে তার মাধবক অর্পিতা নিশ্চর।
দামোদর, মাধবক ধর্মত ধাপিতা।
নিজ কাৰ্য্য সাধি কালে বৈকুণ্ঠে চলিতা।”

শঙ্করদেবের দেহত্যাগের পর তদীয় ধর্মগদী লইয়া মাধবদেব ও দামোদরদেবের মধ্যে বিরোধ বাধে। এই মাধবদেব জাতিতে কামরূপ এবং দামোদরদেব জাতিতে ব্রাহ্মণ ছিলেন। মাধবদেব গুরুর গদী প্রাপ্ত হইলে ব্রাহ্মণ দামোদরদেব মর্মান্বিত হইয়া একটি স্বতন্ত্র দল গঠন করেন। তিনি ব্রাহ্মণ ছিলেন বলিয়া তাঁহার দলের লোকেরা আপনাদিগকে আর “মহাপুরুষীয়া” না বলিয়া “বামুনীয়া” বলিয়া পরিচয় দিতে লাগিলেন এবং পরবর্তী কালে প্রচার করিয়া দিলেন যে, তাঁহাদের গুর “দামোদরদেব” নদীয়ার শ্রীচৈতন্যদেবের শিষ্ট ছিলেন—শুভ্র শঙ্করদেবের সহিত তাঁহার কোন সম্বন্ধ ছিল না। কিন্তু উজনিয়া অঞ্চলের দামোদরীয়া শ্রীশ্রীদক্ষিণপটীয়া অধিকারী মহোদয় বলেন,— “মহাপুরুষীয়া ও দামোদরী পূর্বে প্রায় এক মিল আছিল। যদিও পরে মাধবে গণ্ডগোল করি কিছু প্রভেদ করিল”—বাহী, ৩য় বৎসর, ১০ম সংখ্যা, ভাদ ৪৫২ পিঠি।

“সৎসম্প্রদায় কথা” নামক পুথিতে উল্লেখ আছে যে, “দামোদরদেব শ্রীচৈতন্যদেবের নিকট হইতে দীক্ষা গ্রহণ করিয়াছিলেন।” ইহা গৌহাটী অঞ্চলের কোন অল্পশিক্ষিত ‘বামুনীয়া’ দলের লোকের লেখা বলিয়া মনে হয়। ইহার গোড়া হইতে শেষ পর্যন্ত বামুনী কথার অবতারণা। আমরা দেখিতে পাই, দামোদরদেবের শরণমত শঙ্করদেবের চারি নাম, অথচ শ্রীচৈতন্যদেবের মত ষোলনামাক। সৎসম্প্রদায় ইহার উত্তর দিয়াছে,—“চৈতন্যের গোড়াতে চারি নাম ছিল। তিনি উড়িষ্যার রাজা শূভ্র প্রতাপরুদ্রকে তিন নাম * দিলে পর

* হালিসহর রামপ্রসাদ সম্মেলনের বাৎসরিক সভার পঠিত এবং প্রতিযোগিতার মেডেল প্রাপ্ত।

* তিন নাম—দামোদরী শূভ্রেরাও তিন নাম ও ব্রাহ্মণের চারি নাম পান ; মহাপুরুষীয়ার সকলেই চারি নাম পাইয়া থাকেন।—লেখক।

রাজা অন্ন বলিয়া অবজ্ঞা করেন এবং সেই অবজ্ঞা ঘোষে তাঁহার গলা বাঁকিয়া যায়। তখন ঐচৈতন্য সেই তিন নামকে বোল করিয়া জন্মসময়ে প্রচার করেন।” পাঠক! এই রকম মামুলী গল্প ঐচৈতন্য-চরিতের কোথাও আছে কি? সংস্কৃতদ্বারের যুক্তি এই ধরণের। ইহাতে আছে,—চৈতন্য আসামে আসিয়া নারদের অভিনয় করিয়াছিলেন,—

“পাদে হাতে বীণা ধরি কুকনায় পাই নারদ জেষ্ঠা দেখাইলা।”

—৩০ পৃষ্ঠা।

“পাদে চৈতন্ত তাক তৎজ্ঞান দি ওরেবাক গৈলা।”—৩১ পৃষ্ঠা।

ইহা হইতেই প্রমাণ হইয়া গেল, ঐচৈতন্তদেব আসামে আসিয়া-ছিলেন।

নীলকণ্ঠ-কৃত দামোদর-চরিত্র পাঠে অবগত হওয়া যায় যে, নদীরাতে ঐচৈতন্তদেবের সহিত শঙ্করদেবের দেখাশুনা হয়। চৈতন্ত এক টুকরা ভূর্জপত্রের মত লিখিয়া শঙ্করের পুরোহিত রামরামদেবের হস্তে দিয়া বলিলেন, “ইহা দামোদরদেবকে দিও।” তীর্থ হইতে ফিরিয়া আসিয়া রামরাম হরিমন্দিরে সেই ভূর্জপত্র দামোদরদেবকে বখাবিধি দিলেন,—

হরিমন্দির করিলন্ত ভক্ত নিরন্তর।

লভিলা সংসঙ্গ আবে চুলিলা শঙ্কর।

খামে ভাঙি পত্র পাছে দামোদরে চাইলা।

শরণ ভজন শিলা চারি নাম পাইলা।

গঙ্গাজল প্রসাদ শঙ্করে আনি দিলা।

দামোদরে গঙ্গাজল মাখাত করিলা ॥—নীলকণ্ঠ।

এই নীলকণ্ঠ বামুনীয়া সম্প্রদায়ের লোক ছিলেন। তাঁহার লিখিত উপরি-উক্ত পদমধ্যে দামোদরদেবের “চারি নাম” প্রাপ্তির কথা উল্লেখ আছে। আমরা পূর্বে বলিয়াছি, ঐচৈতন্তের “বোল নাম” শঙ্করদেবের “চারি নাম”। বাহা হটক, পাঠক! আপনারা বিচার করিয়া দেখুন, ভূর্জপত্রের মত লিখিয়া লোক মারফতে পাঠাইয়া দিয়া ভাহাকে শিবা করিবার বিধি কোন্ শাস্ত্রে আছে?

দামোদরদেবের চরিত্র বিষয়ে “গুরুগীতা” প্রধান শাস্ত্র। ইহাতে ঐচৈতন্তদেবের নিকট হইতে দামোদরদেবের দীক্ষা, শরণ বা সং-উপদেশ গ্রহণ সম্বন্ধে কোন কথা উল্লেখ নাই,—

বরাহ কুণ্ড পূর্বে চৈতন্ত আছিল।

মণিকুটে ছুরোজনে সম্ভাষণ তৈলা।

পরম আনন্দে ছুরো ছুইকো আসাসিলা।

তথা হস্তে চৈতন্ত জগন্নাথে গৈলা ॥—রামরায়।

এই পদ হইতে গুরু-শিষ্যের কোন সম্বন্ধ পাওয়া যায় না, বরং বুঝা যায় যে, পরম্পর পরম্পরকে মণিকুটে দেখিতে পাইবার কালে বহুভাবে সম্ভাষণান্তর চলিয়া গেলেন।

উক্ত রামরায়-কৃত গুরুগীতাতে আমরা দেখিতে পাই যে, দামোদরদেব পরবর্তী কালে কুচবিহার-বাসী “বেহুরা” ব্রাহ্মণ নামক জনৈক চৈতন্তপন্থীকে মন্ত্র দিয়া নিজ সম্প্রদায়ভুক্ত করেন। দামোদরদেব ঐচৈতন্তদেবের নিকট হইতে মন্ত্র বা শিলা পাইলে আপন গুরুর শিষ্যকে পুনরায় নিজ শিষ্য করিতে কি? এ সম্বন্ধে গৌহাটীর প্রসিদ্ধ প্রত্নতত্ত্ববিদ শ্রীযুত হেমচন্দ্র গোস্বামী মহোদয় কি বলেন?

বামুনীয়া দলের কেহ কেহ বলেন,—ঐচৈতন্তদেব কামরূপের হাজোর নিকটে গুহার বাস করিয়াছিলেন বলিয়া স্থানীয় লোকেরা এখনও উহাকে “চৈতন্ত গোস্বামী” বলেন। তাঁহার আনিয়া রাখুন যে, নদীয়ার ঐচৈতন্তদেবের পূর্বনাম “নিমাই।” “দীক্ষাপ্রাপ্তির এক বৎসর পরে তিনি কেশব ভারতীর নিকট “শ্রীকৃষ্ণ-চৈতন্য” নাম প্রাপ্ত হইলেন।

চৈতন্য নামধারী আরও কয়েক জন সন্ন্যাসীর নাম প্রাপ্ত হওয়া যায়। নিমাইয়ের পরবর্তী নাম “চৈতন্য” নহে—তাঁহার নাম হইয়াছিল শ্রীকৃষ্ণচৈতন্য। এই প্রসঙ্গে উল্লেখযোগ্য—আপার আসামে একটি কেরোসিন তৈলের খনির নাম “নার্ঘেরিটা।” জনৈক ইটালী দেশীয় ইঞ্জিনিয়ার প্রথমে-উহা খনন করেন এবং তাঁহার দেশের তৎকালীন রাণীর নাম অনুসারে উহার নাম রাখেন “নার্ঘেরিটা।” স্থানের নাম শুনিয়া “নার্ঘেরিটা আসামে আসিয়াছিলেন।” কেহ বলিলে যেমন গুন্য, পাঠক! নদীয়ার ঐচৈতন্তদেবের এখানে আগমন সম্বন্ধেও কি কি তরুণ গুন্য না?

চৈতন্য-ভাগবতে (পৃঃ ১০৪) আছে, নিমাই পণ্ডিত বোর তাকিক ছিলেন এবং পণ্ডিত অবস্থায় তিনি বঙ্গদেশ ভ্রমণ করেন,—

“বঙ্গদেশে মহাপ্রভু হইলা প্রবেশ।

অত্মপিও সেই ভাগ্যে ধন্য বঙ্গদেশ ॥”

এখানে “বঙ্গদেশ”এর কথা আছে, “পূর্বদেশ”এর কথা নাই। প্রচুর শ্রীযুত অচ্যুতচরণ চৌধুরী তৎকালি মহাশয় ব্যাখ্যা করিয়াছেন, (ঐহটের ইতিবৃত্ত উত্তরাংশ, ২৪২ পৃষ্ঠা)—“প্রাজ্ঞ গ্রন্থকার কর্তৃক সর্ব বঙ্গদেশ পদের প্রয়োগ হওয়ার কেবল পঞ্চাতীতবর্তী ফরিদপুরাদি নহে, ঐহট, ময়মনসিংহ আদি সমস্ত পূর্ববঙ্গ উদ্ভিষ্ট হইয়াছে বলিয়া বোধ হয়।” এক্ষণে পূর্বোক্ত বামুনীয়া দলের কথাপ্রসঙ্গে উল্লেখ-যোগ্য যে, পূর্ববঙ্গ বলিলে তদাধ্যে কামরূপ পড়ে না। ঐচৈতন্তদেবের সময়েও কামরূপ একটি স্বতন্ত্র দেশ ছিল:

আমরা পূর্বে বলিয়াছি, “মহাপ্রভু শঙ্করদেব ১৪৫১ শকাব্দে জন্মগ্রহণ করেন।” তিনি ১৯ বৎসর বয়ঃক্রমকালে বৈষ্ণবধর্ম প্রচার করিতে আরম্ভ করেন। ঐচৈতন্তদেবের জন্ম-শক ১৪০৭। তিনি ২৪ বৎসর বয়ঃক্রমকালে দীক্ষা প্রাপ্ত হইয়া সন্ন্যাসী হইলেন। শ্রীমৎ বৃন্দাবন দাস কৃত “চৈতন্য-ভাগবত”এ কিংবা শ্রীমৎ কৃষ্ণদাস কবিরাজ কৃত “চৈতন্য-চরিতামৃত”এ মহাপ্রভু ঐচৈতন্তদেবের কামরূপগমনের কিংবা দামোদরদেবের তাঁহার নিকট শিষ্যত্ব গ্রহণের কোন কথাই নাই। মহাপ্রভুর মানবলীলা সংবরণের অনতিকাল পরেই “ঐচৈতন্য-চরিতামৃত” রচিত হয়। ইহা একখানি প্রামাণিক গৌড়ীয় বৈষ্ণবগ্রন্থ। ইহা হইতে কিয়ৎংশ উদ্ধৃত করা হইল,—

“শ্রীকৃষ্ণচৈতন্য নবদ্বীপে অবতরি।

অষ্টচল্লিশ বৎসর একট বিহরি ॥

চৌদ্দ শত সাত শকে জন্মের প্রমাণ।

চৌদ্দ শত পঞ্চাশে হৈল অন্তর্ধান ॥

চল্লিশ বৎসর প্রভু কৈল গৃহবাস।

নিরন্তর কৈল প্রেমভক্তির প্রকাশ ॥

চল্লিশ বৎসর শেষে করিয়া সন্ন্যাস।

চল্লিশ বৎসর কৈল নীলাচলে বাস ॥

তার মধ্যে ছয় বৎসর গমনাগমন।

কভু দক্ষিণ কভু গৌড় কভু বৃন্দাবন ॥

অষ্টাদশ বৎসর রহিল নীলাচলে।

কৃষ্ণপ্রেম-নারায়ণে ভাসাইলা সকলে ॥”

—১২শ পরিচ্ছেদ।

পুনশ্চ :—

“চল্লিশ বৎসর ইহে নবদ্বীপ গ্রামে।

লগুয়াইল সর্বলোকে কৃষ্ণপ্রেম নামে ॥

চল্লিশ বৎসর ছিলা করিয়া সন্ন্যাসি।

ভক্তগণ লৈঞা কৈল নীলাচলে বাস ॥

তাৰ মধ্য নীলাচলে ছয় বৎসর।
 নৃত্য-গীত প্রেমভক্তি দান নিরন্তর।
 সেতুবন্ধ আর গৌড় ব্যাপি বৃন্দাবন।
 প্রেম নাম প্রচারিয়া করিলা ভ্রমণ।
 এই মথালীলা নাম লীলার মুখ্যধাম।
 শেষ অষ্টাদশ বর্ষ অন্ত্যালীলা নাম।
 তাৰ মধ্য ছয় বর্ষ ভক্তগণ সঙ্গে।
 প্রেমভক্তি লগুয়াইলা নৃত্য-গীত-রঙ্গে ॥
 ষাটশ বৎসর শেষ রহিলা নীলাচলে।
 প্রেমাবস্থা শিখাইলা আশ্বাদনচ্ছলে।
 রাজি-দিবসে কৃষ্ণ-বিবাহ-কুরণ।
 উদ্ভাদেৰ চেষ্টা করে প্রলাপ বচন।
 শ্রীনাথার প্রলাপ বেছে উদ্ধব দর্শনে।
 সেই মত উদ্ভাদ প্রলাপ করে রাজিদিনে ॥”

১৩শ পরিচ্ছেদ।

এতদ্ভাৰীত শ্রীচৈতন্যচরিতামৃত পাঠে জানা যায়—অতঃপর তাঁহার বাহ্যজ্ঞান শূন্য হইয়া গিয়াছিল। তিনি চটক পৰ্ব্বতকে পৌবর্দ্ধন বলিয়া ভাবিতেন, গঙ্গা ও নীল সমুদ্রকে যমুনা জ্ঞানে তাহাতে ঝাঁপাইয়া পড়িতে উদ্ভত হইতেন, উপধনকে ভ্রমে বৃন্দাবন বলিতেন, উচ্চৈশ্বরে ক্রন্দন করিতেন, মুচ্ছা যাইতেন, ঘাসে মুখ ঘষিয়া যা করিতেন; ভক্তগণ তাঁহাকে গৃহমধ্যে আবদ্ধ রাখিয়া ভ্রমণ করিতেন, ইত্যাদি।

চৈতন্যচরিতামৃতের গ্রন্থকার শ্রীমৎ কৃষ্ণদাস কবিরাজ স্পষ্টই বলিয়াছেন যে, শেষ ১৮ বৎসর মধ্যে শ্রীচৈতন্য নীলাচল হইতে আর কোথাও যান নাই—

“বৃন্দাবন হৈতে যদি নীলাচলে আইলা।

আঠার বৎসর তাহা বাস, কাঁহা নাহি গৈলা ॥”

—মথালীলা, ১ম পরিচ্ছেদ।

আমরা পূর্বে বলিয়াছি যে, শ্রীমৎ বৃন্দাবন দাস “শ্রীচৈতন্য-ভাগবত” রচনা করেন। এখানে উল্লেখযোগ্য শ্রীমৎ কৃষ্ণদাস কবিরাজ তাঁহার সম্বন্ধে বলিয়াছেন,—

“কৃষ্ণলীলা ভাগবতে কহে বেদব্যাস।

চৈতন্যলীলাতে ব্যাস বৃন্দাবন দাস ॥”

ভক্তরা ভগবানকে নানাভাবে উপলক্ষি ও আশ্বাদন করিয়া থাকেন। কামরূপের মহাপুরুষ শঙ্করদেবের দাস্তভাব, নদীয়ার শ্রীচৈতন্য মহাপ্রভুর সাম্যভাব। দাস্তপ্রেমের ভক্তরা ভগবানকে এচুর সম্ভ্রম ও নৌরব দেখান—তুমি প্রভু, আমি দাস। এই প্রেমে ভক্ত ও ভগবানের মধ্যে ব্যবধান থাকিয়া যায়, ভক্তের সম্ভ্রমবোধের ধর্ম হয়। এই জন্য মহাপ্রভু দাস্তপ্রেম অনুমোদন করিলেও উহাকে উত্তম বলেন নাই। দাস্তভাবে আসিঙেই সেবার প্রয়োজন হয়। সাকার ভিন্ন নিরাকারের সেবার প্রয়োজন হয় না। কিন্তু গীতাতে পরম্পরের শ্রীতির আদানপ্রদানের ব্যাপারও অভিযুক্ত হয় নাই। গীতার ষাটশ অধ্যায়ে ভক্তি বিশেষভাবে আলোচিত হইয়াছে। এই অধ্যায়ই বিরাটরূপ দর্শনের অব্যবহিত পরবর্তী অধ্যায়। বিরাটরূপ দর্শনের পর ভক্তি ব্যতীত বোধ হয় আর কোন বিষয়ের অবতারণা যুক্তিযুক্ত হয় না।

স্মরণীয় কালে প্রাচীন বঙ্গ বে সকল জাতির লোক আসিয়া নিজ নিজ প্রভাব বিস্তারের প্রয়াস পান, তন্মধ্যে জ্রাবিড় * মঙ্গলীয়

* জ্রাবিড়—প্রাগৈতিহাসিক যুগে বাঙ্গালাদেশে জ্রাবিড়গণ বে আধিপত্য বিস্তার করিয়াছিলেন, দামোলিগি (তমোলুকের নামান্তর) নামই তাহার অন্যতম প্রমাণ। প্রত্নতত্ত্ববিদগণ সিদ্ধান্ত করিয়াছেন, বহুকাল পূর্বে এই নগরী দামোন বা জ্রাবিড় জাতির অধিকৃত ছিল।

ও আৰ্যগণ উল্লেখযোগ্য। জ্রাবিড়রা অতি প্রাচীন জাতি। এই জাতি এককালে সমগ্র ভারতবর্ষে আপনাদের আধিপত্য বিস্তার করিয়াছিল। পুরুষমূর্ত্তির সহিত স্ত্রীমূর্ত্তির পূজা তাহাদেরই মধ্যে প্রচলিত ছিল। তাহাদের যুগলতত্ত্ব জরদেব, বিদ্যাপতি প্রভৃতি বৈষ্ণব কবিদের পদাবলীতে সর্বপ্রথম কুটির উঠে। শ্রীচৈতন্যদেব সেই তত্ত্ব গ্রহণ করায় তাঁহার শিষ্যগণ নানা স্থানে যুগল উপাসনাবিধি প্রবর্ত্তিত করেন। মহাপুরুষ শঙ্করদেবের দামোদরদেব, মাধবদেব প্রভৃতি শিষ্য গীতা ও ভাগবতকে মূল ধর্মগ্রন্থ বলিয়া মানিয়া লগুয়ার একমাত্র শ্রীকৃষ্ণে শরণ লইতে তাঁহাদের শিষ্যগণকে উপদেশ দিয়াছিলেন।

রাম রায় কৃত দামোদর চরিত্র (গুরুলীলা) হইতে অবগত হওয়া যায় যে, দামোদরদেব একমাত্র “নামধর্ম” প্রচার করিয়াছিলেন। উহাতে তাত্ত্বিক ধর্মের কোন আভাস পাওয়া যায় না। এই চরিত্র পুথিতে আছে—কোচরাজ পরীক্ষিৎ দামোদরদেবকে ছাপ বলি দিয়া পূজা করিবার আজ্ঞা দিয়াছিলেন, কিন্তু তাঁহার ধর্মমত প্রাণিহিংসা বিরুদ্ধ বলিয়া তিনি তাঁহার রাজ্য পরিত্যাগ করিয়া বিজয়পুরে বাজা করিয়াছিলেন,—

তীর্থক সেবন দেবী উপাসন ধর্মকর্ম যোগ-যোগ।

রামকৃষ্ণ নামে সকলে সিজয় ন লাগে একো উদ্ভোগ।

তাহতে বহু গঙ্গা যমুনাও গোদাবরি সরস্বতী।

আন তীর্থ বত, আছে পৃথিবীতে, স্থানে পায় সদাতি ॥

অচ্যুতর বৈতে, উদার চরিত্র প্রসঙ্গ করে সতত।

তীর্থর সম্মান, হোয়ে সেই স্থান গীতা ভাগবত মত ॥

এতেকসে রাম কৃষ্ণনাম বিনে, ন জানোহৌ আসি আন।

কৃষ্ণর নামত, ধর্ম-কর্ম বত সবার আশ্রয় স্থান ॥”

গোপালদেব

পূর্বে আমরা মহাপুরুষ শঙ্করদেবের শিষ্য মাধবদেবের কথা বলিয়াছি। এই মাধবদেবের গোপালদেব * নামে এক প্রসিদ্ধ শিষ্য ছিলেন। তদীয় সম্প্রদায়ের লোকরা আপনাদিগকে “গোপালদেবী” বলিয়া পরিচয় দিয়া থাকেন। গোপালদেব ১৪৩৩ শকে আসাম প্রদেশস্থ শিবসাগর জিলার নাজিরা নগরীর নিকটস্থ গোখোরা গ্রামে কামেশ্বর ভূঞার ঔরসে বজ্রাঙ্গী দেবীর গর্ভে জন্মগ্রহণ করেন। গোপালের পূর্বপুরুষের নাম রুদ্ৰেশ্বর : তৎপুত্র সৌরেশ্বর, তৎপুত্র সিংহেশ্বর, তৎপুত্র গোপেশ্বর, তৎপুত্র গোপালেশ্বর ও তৎপুত্র কামেশ্বর এই গোপালের পিতা। গোপালদেব কামরূপ জিলার বরপেটা হইতে প্রায় ১০ মাইল দূরে ভবানীপুর নামক স্থানে একটি সত্র স্থাপন করিয়াছিলেন, এ জন্য তিনি ভবানীপুরীয়া গোপাল আতা নামে অভিহিত হইলেন। গোপাল ভবানীপুর সত্র ব্যতীত জোয়ারাদি, কালজার, লুয়াচুর ও কথামি সত্র স্থাপন করেন। গোপাল আতার পুত্রের নাম কমললোচন। তৎপুত্রের নাম রামকৃষ্ণ, তৎপুত্র “মাধবানন্দ” দৌকাচাপড়ি সত্র, “মাধবানন্দ” আমগুড়ি, “দেবকীনন্দ” কলাকাটা, “স্বরূপানন্দ” ধোপাবধ, “রামানন্দ” নাচনিপাড় ও হেমারবড়ি সত্র স্থাপন করেন।

গোপালদেবের প্রধান ছয় জন-ত্রাক্ষণ ও ছয় জন কায়স্থ শিষ্য ছিলেন। কায়স্থ-শিষ্যদিগের নাম ও প্রতিষ্ঠিত সত্রের নাম বধা,—

* গোপালদেব—বিগত বৈশাখ সংখ্যার “মাসিক বহুমতী” পত্রিকায় গোপালদেবকে কলিতা জাতীয় বলিয়া ভুলক্রমে উল্লেখ করা হইয়াছিল। কলিতারা বঙ্গদেশীয় কারহদিগের সমতুল্য (পদমর্যাদার) ইহাও বলা হইয়াছিল। এ জন্য এখানে উল্লেখযোগ্য যে, কলিতা-জাতির বিধবা বিবাহ আছে। বঙ্গদেশে মাত্র ২১৩টি সম্পূর্ণ হিন্দু জাতি মধ্যে এই প্রথা কখনও কখনও আমরা দেখিতে পাই।

(১) বাহবাড়ী সত্বে সংস্থাপক বড় বহুমণি; (২) হালধিআটি ও মহাবরিয়া সত্বে সংস্থাপক “নারায়ণদেব”; (৩) গজেন্দ্র সত্বে সন্ন যজ্ঞমণি, (৪) নবরিয়া সত্বে সনাতনদেব; (৫) মায়ামরা সত্বে অনিরুদ্ধ; এবং ভেজপুর মহকুমার গামেরির নিকটস্থ দলৈপো সত্বে সংস্থাপক সনাতন। এখানে উল্লেখযোগ্য যে, গোপালদেবের “কুক-নাম”ধারী দুই জন প্রসিদ্ধ শিল্প ছিলেন। তন্মধ্যে প্রথম কৃষ্ণের অপরা নাম মুরারি। ইনি চরাইবহি সত্বে সংস্থাপক। এই সত্বে মাল্লুগো বীণস্থ আহতগুরি সত্বে হইতে ১। মাইল দূরে অবস্থিত। দ্বিতীয় কৃষ্ণের নাম পরমানন্দ। ইনি হাবুজিয়া-সংস্থাপক।

মহাপুরুষীয়া সম্প্রদায়ের প্রসঙ্গ

শঙ্করদেবের ধ্যান বর্ণনার যে ধ্যানের কথা আছে, তাহা মানস-ধ্যান। ঈশ্বর-চিন্তা হেতু প্রথম অবস্থায় মানুষের পক্ষে একটি রূপ চিন্তা করা বা ধ্যান করা দরকার; নতুবা চিন্তাস্থির হয় না—কোন ধারণা জন্মিতে পারে না। এই জন্য শঙ্করদেব শিক্ষা দিয়াছিলেন,—“মুখে বোলোঁ রাম, জন্মেরে ধরোঁ রূপ।” তৎশিল্প মাধবদেব নিরাকার ঈশ্বরসাধনা শিক্ষা দিয়াছিলেন। ঈশ্বর যে নিষ্ঠুর, নিরাকার, নির্বিকার ও চৈতন্য-রূপ, তাহাও শঙ্করদেব বলিয়াছেন। সগুণ ঈশ্বরের আরাধনা করিতে করিতে জ্ঞানোন্নতি হইলে নিষ্ঠুর ঈশ্বরের সাধনা করা যায়।

শ্রীবিজয়ভূষণ ঘোষ চৌধুরী।

প্রাচীন ভারতে দাস-দাসী

পৃথিবীতে বহুকাল হইতে ক্রীতদাস ও ক্রীতদাসী ব্যবহার করিবার প্রথা চলিয়া আসিতেছে। যত দিন হইতে মানবের ইতিহাস পাওয়া বাইতেছে, এই প্রথাও সেই সঙ্গে দেখিতে পাওয়া বাইতেছে। মিশরের পিরামিড এই দাসগণ নির্মাণ করিয়াছিল। প্রাচীন গ্রীস ও রোমে এ প্রথা ছিল; ব্যাবিলন, পারস্য ও চীনে এ প্রথা ছিল। প্রাচীন ভারতেও ইহার অস্তিত্বের বিবরণ পাওয়া যায়। আঙ্গকাল পৃথিবী হইতে এই নিষ্ঠুর প্রথা নির্বাসিতপ্রায় হইয়াছে। কেবল মুসলমান-অধিকৃত রাজ্যসমূহে এবং চীন দেশের স্থানে স্থানে এখনও ইহা বর্তমান থাকিয়া অতীতের সাক্ষ্য দিতেছে।*

প্রাচীন রোমের ইতিহাসে দেখা যায়, তথায় দাসগণ বড়ই নির্দয়-রূপে ব্যবহৃত হইত। কেহ প্রভুর নিকট হইতে পলায়ন করিলে তাহার প্রাণদণ্ড হইত। কাহাকেও সিংহের মুখে নিক্ষেপ করা হইত, কাহাকেও কুকুর দ্বারা ভক্ষণ করান হইত, ইত্যাদি।

মুসলমান যুগে এক বাদশাহ অন্য কোন রাজার রাজ্য জয় করিলে সে বিজিত রাজ্যের উচ্চ বীচ সর্কশ্রেণীর নরনাগিকে বন্দী করিয়া লইয়া গিয়া বিক্রয় করিত। আবার অন্য কোন পরাক্রান্ত রাজা আসিয়া হয় ত উক্ত বিজিত রাজ্যের ক্রীতদাসকে বন্দী করিয়া লইয়া গিয়া দাসদাসীরূপে ব্যবহার করিত, না হয় বিক্রয় করিত। ইহার উপর দস্যু-তৎপর ছিল; তাহারা সুযোগ পাইলেই অপরের ক্রীতদাসাদি অপহরণ করিয়া লইয়া যাইত ও দাসী-হাটায় বিক্রয় করিত।

ঐহারা আমেরিকার ইতিহাস জানেন, ঐহারা জানেন, দাসগণ তথায় কিরূপ নিষ্ঠুরভাবে ব্যবহৃত হইত। ক্রীতদাস ও পশুতে কোন প্রভেদ হইত না।

প্রাচীন ভারতেও এই সমস্ত ব্যাপার অনুষ্ঠিত হইত, তবে অনেক কম পরিমাণে। আর দাস-দাসীগণের প্রতি নিষ্ঠুর আচরণের কোন বিবরণ মহাভারতে পাওয়া যায় না। তবে কথা এই যে, যজ্ঞ

ক্রয়-বিক্রয় করা প্রথাটিই একটি নিষ্ঠুরতা। চিরজীবনের জন্য এক জন লোকের স্বাধীনতালোপ, ইহা অপেক্ষা যোরতর নিষ্ঠুরতা আর কি হইতে পারে?—প্রাচীন ভারতে দাসদাসীগণের প্রতি কিরূপ ব্যবহার করা হইত, তাহা ভালরূপে অবগত হওয়া না বাইলেও কিরূপ ভাবে দাসদাসীর আদান প্রদান চলিত, তাহা বেশ জানিতে পারা যায়। আমরা বর্তমান প্রবন্ধে তাহাই দেখাইতে চেষ্টা করিব।

এই সমস্ত দাসদাসী নানা উপায়ে সংগৃহীত হইত। কোন কোন স্থানে নিয়ন্ত্রণের লোকেরা আপনাদের ক্রীতদাস বিক্রয় করিত।

শল্য কর্ণকে বলিতেছেন, “হে সূতপুত্র! আতুর ব্যক্তিকে পরি-ভাগ ও পুত্রকলত্রদিগকে বিক্রয় করা অল্পদেশে সবিশেষ প্রচলিত আছে।”—কর্ণপর্ব ৪৬।

যুদ্ধে জয়লাভ হইলে বিজিতগণ পরাজিত ব্যক্তির ক্রীতদাস, দাস-দাসী সমস্ত গ্রহণ করিতেন।

ঘোষবাত্মকালে চিত্রসেন গঙ্গারাজা দুর্ঘোষনকে পরাস্ত করিয়া তাঁহার ক্রীতদাস দাসদাসী সমস্তই বন্দন করিয়া লইয়া যাইতেছিল।—বনপর্ব ২৪১।

সঞ্জয় ধৃতরাষ্ট্রকে বলিতেছেন, “হে মহারাজ! অনন্তর পাণ্ডব-পক্ষীয় বীরগণ শিবিরमध्ये প্রবেশ পূর্বক আপনাদের অসংখ্য দাস দাসী এবং সমুদ্র সূবর্ণ, রত্ন, মণি, মুক্তা, বিবিধ আভরণ, কঞ্চল ও অস্ত্র-প্রভৃতি নানা প্রকার ধন প্রাপ্ত হইয়া তুমুল কোলাহল করিতে লাগিলেন।”—শল্যপর্ব ৬০।

অন্তত্বে,—

“ধর্মরাজ এই বলিয়া ঘোষ্ঠতাতে ধৃতরাষ্ট্রের অনুমতি গ্রহণ পূর্বক বৃকোদরকে দুর্ঘোষনের প্রাসাদ-পরিশোধিত, নানা রত্ন-খচিত, দাস-দাসী-সম্বিত ইন্দ্রালয় ভূলা গৃহ; অর্জুনকে দুর্ঘোষন-গৃহের স্তায় সুদৃশ্য মালাসংযুক্ত হেমতোরণবিভূষিত, দাস দাসী ও ধন-ধান্ত-পরি-পূর্ণ দুঃশাসন-ভবন; নকুলকে দুর্মর্ষণের সূবর্ণমণি মণ্ডিত কুবেরভবন ভূলা প্রাসাদ এবং প্রাণাধিক সহদেবকে দুর্শ্রুধের কমলদলাকী কামিনীগণে পরিপূর্ণ কনকভূষিত গৃহ প্রদান করিলেন।”—শান্তিপর্ব ৪৪।

দস্যুদল সুযোগ পাইলেই ত্রীলোকগণকে অপহরণ করিত। বহুবংশধ্বংসের পর “অর্জুন যখন বহুকুলকামিনীগণকে লইয়া হস্তিনা-পুরী গমন করিতেছিলেন, তখন পথিমধ্যে কতকগুলি দস্যু তাহাদিগকে আক্রমণ করিল। পরিশেষে সেই দস্যুগণ তাঁহার (অর্জুনের) সমুদ্র হইতেই বৃষ্টি ও অন্ধকর্ণিগের অতি উৎকৃষ্ট কামিনীগণকে অপহরণ করিয়া পলায়ন করিল।”—মৌঘলপর্ব ৭।

যখন কোন রাজা প্রবলপরাক্রান্ত হইয়া রাজস্ব বা অশ্বমেধ বজ্র করিতেন, তখন তাঁহার স্বাধীন নরপতিগণ অর্থ ও অস্ত্রাদি দ্রব্যের সহিত দাস দাসী উপঢৌকন প্রদান করিতেন। দাস-দাসী উপ-ঢৌকন দেওয়া মুসলমান যুগেও প্রচলিত ছিল।

রাজা যুধিষ্ঠিরের অশ্বমেধবজ্রসময়ে নানা দেশ-সমাগত “নরপতি-গণও ধর্মরাজের হিতসাধনার্থ বিবিধ রত্ন, স্ত্রী, অশ্ব ও আতুর লইয়া হস্তিনায় আগমন করিতে লাগিলেন।”—আশ্বমেধিক পর্ব ৮৫।

দুর্ঘোষন যুধিষ্ঠিরের রাজস্বযজ্ঞের ঐশ্বর্য বর্ণনা করিতেছেন। “শত সহস্র গোসেবী ব্রাহ্মণ ও দাসবর্গ মহাজ্ঞা যুধিষ্ঠিরের স্ত্রীতির নিমিত্ত বিচিত্রবর্ণ ত্রিশত উষ্ট্র, বড়বা, রাশীকৃত বলি ও স্বর্ণময় কমণ্ডলু এবং কাপালিকদেশ-নিবাসিনী লক্ষ দাসী সমভিব্যাহারে প্রবেশিতে না পারিয়া দ্বারদেশে দণ্ডায়মান আছেন।”—সভাপর্ব ৫০।

রাজা বা উচ্চপদস্থ ব্যক্তিগণ যখন কন্যার বিবাহ দিতেন, তখন কন্যার সহিত বহুসংখ্যক দাসী আনাতার গৃহে পাঠাইতেন।

* নেপালেও এই প্রথা বর্তমানে আছে। বর্তমান রাজা এই প্রথা রহিত করিয়া দিবার চেষ্টা করিতেছেন।—বহু: স:।

পাণ্ডবগণের সহিত দ্রৌপদীর “পরিণয় সম্পন্ন হইলে ক্রপদরাজ পাণ্ডবদিগকে বহুবিধ ধন, পর্কিতে ন্যায় মহোন্নত এক শত হস্তী, মহার্ষি বৈশম্পয়ান-বিভূষিত এক শত দাসী এবং স্বর্ণালঙ্কৃত ও স্বর্ণ-প্রগ্রহোপেত অশ্বচতুষ্টয়-বোজিত এক শত রথ প্রদান করিলেন।”—আদিপর্ব ১২৮।

রাজা যযাতি যখন দেববানীকে বিবাহ করেন, তখন “তিনি মহর্ষি শুক্ল ও দানবগণ কর্তৃক সমাদৃত ও সংকৃত হইয়া সেই দুই সহস্র কন্যার সহিত শর্কিষ্ঠা ও দেববানীকে সমভিব্যাহারে লইয়া নিজ রাজধানীতে প্রত্যাপন করিলেন।”—আদিপর্ব ৮১।

এই সকল দাসী জামাতার উপপত্নীরূপে ব্যবহৃত হইত।

শর্কিষ্ঠা একদা যযাতিকে বলিতেছেন, “সখীর পতি ও আপন পতি উভয়েই তুল্য এবং একের বিবাহে অন্যের বিবাহ দিচ্ছ হইয়া থাকে; অতএব যখন আমার সখী তোমাকে পতিত্বে বরণ করিয়াছেন, তখন আমারও বরণ করা হইয়াছে।”—আদিপর্ব ৮২।

এই উক্তি হইতে স্পষ্টই বুঝিতে পারা যাইতেছে যে, স্ত্রীর সখী বা দাসীগণকে পত্নীস্থানীয়া বলিয়া মনে করা হইত।

বাসুদেবের ঔরসে ও দাসী-গর্ভে বিদুরের জন্ম হয়।—আদিপর্ব ১০৬।

যখন গান্ধারী গর্ভবতী ছিলেন, তখন এক জন বৈশ্বা দাসী ধৃত-রাষ্ট্রের সেবা করিয়াছিল। ঐ বৈশ্বার গর্ভে যুয়ৎসুর জন্ম হয়।—আদিপর্ব ১১৫।

দীর্ঘতমা ঋষির ঔরসে ও বলি রাজার দাসীর গর্ভে কাকীবৎ প্রভৃতি একাদশ পুত্র উৎপন্ন হয়।—আদিপর্ব ১০৪।

এই সমস্ত দাস-দাসী নৃত্যগীত শিপিত।

“মহাত্মা যুধিষ্ঠিরের নৃত্যগীত-বিশারদ শত সহস্র দাসী ছিল।”—বনপর্ব ২৩২।

গৃহে অতিথি বা নিমন্ত্রিত ব্যক্তি আসিলে সম্রাট ব্যক্তিগণ রমণী প্রদান দ্বারা তাঁহাদিগের অভ্যর্থনা করিতেন। রাজহর যজ্ঞের সময় “ধর্মরাজ সমস্ত নিমন্ত্রিত জনগণকে পৃথক পৃথক গো সমূহ, শয্যা, অসংখ্য স্বর্ণ ও দিব্যাতরণ ভূষিতা, রূপবোঁবনবতী, সর্কাক্ষমুন্দরী রমণী প্রদান করিলেন।”—সভাপর্ব ৩২।

অর্জুন অশ্বিনিকার্ষ স্বর্গে গমন করিলে “ইন্দ্র চিত্রসেনকে নির্জনে আহ্বান করিয়া কহিলেন, হে গন্ধর্বরাজ! অচ্ছ তুমি অপ্সরোবরা উর্কপীর নিকট গমন কর এবং সে এখানে আসিয়া যেন ফাল্গুনীর মনোরথ সকল করে, ইহাও আদেশ করিবে।”—বনপর্ব ৪৫।

ইন্দ্র যখন কর্ণের নিকট কুণ্ডল ও বর্ষ গ্রহণ করিতে গিয়াছিলেন, তখন কর্ণ তাঁহাকে ব্রাহ্মণবেশে আগত দেখিয়া কহিলেন, “হে ব্রহ্মণ! স্বর্ণাতরণবিভূষিতা প্রমদা অথবা গোসমূহপূর্ণ গ্রাম, ইহার মধ্যে কি প্রদান করিব বলুন।”—বনপর্ব ৩০২।

মহারাজ যুধিষ্ঠিরের অশ্বমেধযজ্ঞ সমাপ্ত হইলে, “পরিশেষে ধর্মরাজ যুধিষ্ঠির নরপতিদিগকে অসংখ্য হস্তী, অশ্ব, বস্ত্র, অলঙ্কার, রত্ন ও স্ত্রী প্রদান করিয়া বিদায় করিতে লাগিলেন।”—আশ্বমেধিকপর্ব ৮২।

শ্রীকৃষ্ণ যখন সন্ধির আশায় দুর্বোধনসমীপে গমন করেন, তখন ধৃতরাষ্ট্র বিদুরকে কহিতেছেন, “একবর্ণ সর্কাক্ষমুন্দর বাহ্লীকদেশীর চারি চারি অশ্ব সংবোজিত স্বর্ণনির্মিত বোড়শ রথ.....স্বর্ণবর্ণ অজাতাপত্য দশ দাসী, তৎসংখ্যক দাস.....তাঁহাকে প্রদান করিব।”—উত্তোপুপর্ব ৮৫।

রাজা বা সম্রাট লোক কাহারও উপর সন্তুষ্ট হইলে তাঁহাকে ধনরত্নের সহিত দাসী উপহার দিতেন। কর্ণ কুরুক্ষেত্রযুদ্ধে এক দিন বলিতেছেন, “হে বীরগণ! আমি তোমাদিগের মধ্যে যিনি আমাকে মহাত্মা ধনঞ্জয়কে দেখাইয়া দিবেন, তিনি বাহা প্রার্থনা করিবেন,

আমি তাঁহাকে তাহাই প্রদান করিব।” যদি তিনি তাহাতে সন্তুষ্ট না হইলেন, “তাহা হইলে কাংশুনির্মিত দোহনপাত্রসমবেত এক শত দুক্ষবতী গাভী, এক শত গ্রাম এবং অশ্বতরীযুক্ত স্ককেশী যুবতীগণ-সমবেত খেতবর্ণ রথ প্রদান করিব।” ইহাতেও সন্তুষ্ট না হইলে..... “অজাতপত্র এক শত কামিনী প্রদান করিব।” তাহাতেও যদি সন্তুষ্ট না হইলেন, “তাহা হইলে অন্যান্য জিনিষের সহিত মগধদেশসম্বৃত এক শত নববোঁবনসম্পন্ন নিককঠ দাসী ও অন্যান্য পদার্থ প্রদান করিব।”—কর্ণপর্ব ৩২।

মগধদেশীরা দাসীর আদর সর্কাক্ষের অধিক ছিল।

বেণ্য রাজা সিদ্ধান্তপকের বাধার্থ্য শ্রবণে প্রথম স্তুতিবাদক অত্রির প্রতি একান্ত প্রীত ও প্রসন্ন হইয়া কহিলেন, “হে সিজোত্তম! আপনি সর্বজ্ঞ এবং আমাকে নরোত্তম ও সর্কাক্ষ তুল্য বলিয়া কীর্তন করিলেন, এই নিমিত্ত আমি আপনাকে বসন-ভূষণে বিভূষিত দাসী সহস্র, দশ কোটি স্বর্ণ ও দশ রত্নতর সমর্পণ করিতেছি, গ্রহণ করুন।”—বনপর্ব ১৮৫।

ব্রাহ্মণদিগকে ধর্মার্থ অন্যান্য দ্রব্যের সহিত দাসদাসী দান করা হইত। মহারাজ পৌরব “প্রতি যজ্ঞে মদপ্রাণী স্বর্ণবর্ণ দশ সহস্র হস্তী, ধর্মপত্নীকা-পরিশোভিত রথ, সহস্র সহস্র স্বর্ণালঙ্কৃত কন্যা...দান করিতেন।” সেই স্থিতিগণ যজ্ঞে দাসদাসী দক্ষিণা প্রদান করিয়াছিলেন।—ক্রোধপর্ব ৫৭।

মহারাজ ভগীরথ “রাজা ও রাজপুত্রগণকে পরাভব করিয়া হেমালঙ্কার-ভূষিত দশ লক্ষ কস্তা ব্রাহ্মণগণকে প্রদান করেন।”—ক্রোধপর্ব ৬০।

মহারাজ অশ্বরীষ ব্রাহ্মণগণকে অস্ত্রাস্ত্র দ্রব্যের সহিত “অসংখ্য ভূপতি ও রাজপুত্র প্রদান করিয়াছিলেন।”—ক্রোধপর্ব ৬৪।

মহারাজ শশবিন্দু ব্রাহ্মণগণকে দশ কোটি পুত্র ও তদপেক্ষা অধিক-সংখ্যক কস্তা দান করেন।—ক্রোধপর্ব ৬৮।

কর্ণ একদা অজ্ঞানতা নিবন্ধন কোন ব্রাহ্মণের হোমধেনুসম্বৃত বৎসকে সংহার করিয়াছিলেন। তিনি শলাকে কহিতেছেন, “আমি শত শত দীর্ঘদন্ত হস্তী ও অসংখ্য দাসদাসী প্রদান করিয়াও তাঁহাকে প্রসন্ন করিতে সমর্থ হইলাম না।”—কর্ণপর্ব ৪৩।

নকুল যুধিষ্ঠিরকে বলিতেছেন, “আমরা যদি ব্রাহ্মণগণকে অশ্ব, গো, দাসী, সমলঙ্কৃত হস্তী, গ্রাম, জনপদ, স্ত্রী ও গৃহ প্রদান না করিয়া মাৎসর্ঘ্যপারায়ণ হয়, তাহা হইলে আমাদের নিশ্চরই কলি-স্বরূপ হইতে হইবে।”—শান্তিপর্ব ১২।

অশ্বাধিশতি মহারাজ বৃহদ্রথ ব্রাহ্মণগণকে দশ লক্ষ স্বর্ণালঙ্কৃত কস্তা দান করিয়াছিলেন।—শান্তিপর্ব ২২।

গৌতম নামে এক জন ব্রাহ্মণ এক ধনবান্ দৃশ্যর নিকট খাড়া-শামগ্রী ও বাসস্থান প্রার্থনা করেন। “ব্রাহ্মণ প্রার্থনা করিবারাত্র দৃশ্য তাঁহার বাসস্থান নির্দিষ্ট করিয়া তাঁহাকে নুতন বস্ত্র ও এক যুবতী দাসী প্রদান করিল।”—শান্তিপর্ব ১৬৮।

মহর্ষি গৌতম একটি হস্তি-শিশু পালন করিয়াছিলেন। ধৃতরাষ্ট্র সেই হস্তীটিকে লইবার ইচ্ছায় গৌতমকে কহিলেন, “মহর্ষে! আমি আপনাকে সহস্র গোধন, এক শত দাসী, পঞ্চশত বর্ণ-মুদ্রা ও অস্ত্রাস্ত্র নানাবিধ ধন প্রদান করিতেছি, আপনি তৎসমুদয় লইয়া আমাকে এই হস্তীটি প্রদান করুন।”—অশ্বশাসনপর্ব ১০২।

যুধিষ্ঠির বিদুরকে বলিলেন, “ধৃতরাষ্ট্র ব্রাহ্মণদিগকে রত্ন, গাভী, দাস, দাসী, মেঘ, ছাগ প্রভৃতি বাহা দান করিতে বাসনা করেন, তাহাই গ্রহণ করিয়া অনারাগে ব্রাহ্মণ, অক্ষ ও দীন দরিদ্রদিগকে প্রদান করুন।”—অগ্নিসম্বাসিকপর্ব ১৩।

দাসদাসীগণ ভাসুদেবের মতই একটা পদার্থ ছিল।

অনন্তর ধৃতরাষ্ট্র “স্বহৃদগণের প্রত্যেকের নামোল্লেখ পূর্বক অন্ন, পান, বান.....দাস, দাসী.....ও বরাদ্দনা সমুদয় প্রদান করিতে লাগিলেন।”—আশ্রমবাসিক পর্ব ১৪।

ধৃতরাষ্ট্র, কুন্তী ও গান্ধারীর শ্রাদ্ধকালে ব্রাহ্মণগণকে শব্দা, খাদ্য-দ্রব্য, মণিবস্ত্রা.....সমস্তক ত দাসী প্রদান করা হইল।”—আশ্রম-বাসিকপর্ব ৩২।

বৈশম্পায়ন জনমেজয়কে কহিতেছেন, “এই ইতিহাস শ্রবণ করিতে আরম্ভ করিয়া সাধ্যানুসারে ভক্তি পূর্বক ব্রাহ্মণগণকে বিবিধ রত্ন, গাভী, কাংশ্রময় দোহনপাত্র, অলঙ্কার, বস্ত্র ও দাসদাসী প্রদান করিয়া থাকেন,.....ঐহারা দান করা কর্তব্য।”—বর্গারোহণপর্ব ৬।

ভীষ্ম যুধিষ্ঠিরকে কহিতেছেন, “.....ঐহারা বাচকদিগকে গো, অশ্ব, স্তবর্ণ, বান, বাহন এবং বিবাহোচিত অলঙ্কার, বস্ত্র ও দাসদাসী প্রদান করিয়া থাকেন,.....ঐহারাই স্বর্ণলাভ করিয়া থাকেন।”—অনুশাসনপর্ব ২০।

ক্রীষ বা নপুংসক দাস রাখিবার প্রথাও তৎকালে প্রচলিত ছিল। হনুমান ভীষ্মকে উপদেশ দিতেছেন, “ধর্মকায্যে ধার্মিক, অর্থকায্যে

পণ্ডিত, ত্রীলোকের নিকট ক্রীষ ও ক্রুরকর্মে ক্রুয়দিগকে নিয়োগ করিবে।”—বনপর্ব ১৫০।

নপুংসকগণ অন্তঃপুরে প্রহরীর কার্য করিত।

কুরুক্ষেত্রযুদ্ধে কৌরবপক্ষীর বীরগণ নিহত হইলে “বৃদ্ধ অমাত্যগণ ক্রী ও ক্রীষদিগের সহিত উহাতে (কৌরব শিবিরে) অবস্থান করিতে ছিলেন।”—শল্যপর্ব ৬৩।

বৃদ্ধ অমাত্যগণ ত্রীলোকদিগের রক্ষণাবেক্ষণ করিতেন।

নপুংসকদিগকে অন্তঃপুরে ত্রীলোকদিগের শিক্ষক নিযুক্ত করা হইত। অর্জুন নপুংসক সাজিয়া বিরাটরাজার অন্তঃপুরে উত্তরাকে নৃত্য-গীত শিক্ষা দিতেন।

নৈতিক যুগে আর্ষাদিগের দাসদাসী ব্যবহার অনেক কমিয়া গিয়াছিল। ইহার আভাসও মহাভারতে পাওয়া যায়। তবে একে-বারে উঠিয়া যায় নাই। কারণ, পরবর্তী কালে অর্থাৎ ঐতিহাসিক যুগেও এ প্রথা ভারতে বর্তমান ছিল। অনুশাসনপর্বের ভীষ্ম যুধিষ্ঠিরকে উপদেশ দিতেছেন, “দিবা-বিহার এবং ঋতুমতী ক্রী, কুমারী ও দাসীর সহিত সংসর্গ করা নিতান্ত দুষণীয়।”—অনুশাসনপর্ব ১০৪।

শ্রীঅমূল্যচন্দ্র বন্দ্যোপাধ্যায়।

ডদাসী

তোমরা বাঁচিয়া লও, যাহা কিছু ভাল পাও,
পরস্পর বিভাগ করিয়া ;
যত কিছু পরিতাপ, যত কিছু অভিশাপ,
রেখে যাও আমার লাগিয়া।

দখিণা মলয় বায়ু, বাড়ে বাতে পরমায়ু,
লও বুকে তোমরা পাতিয়া ;
দধু বায়ু সাহারায়, পরান জ্বলিয়া যায়,
তাই রেখে আমার লাগিয়া।

নক্ষত্রখচিতাকাশে, সুবিমল চাঁদ গামে,
দেখ তাহা তোমরা চাহিয়া ;
অমানিশা অন্ধকার, মেঘাবৃত চারিদার
থাক তাহা আমার লাগিয়া।

চর্য্য চোম্ব্য লেহু পের তোমরা সকলে পেও,
স্বর্ণ-খাটে থাকিও শুইয়া ;
পরিভ্রান্ত ভস্ম ছাই, যাতে কিছু কাষ নাই,
রেখে তাহা আমার লাগিয়া।

শান্তি সুখ ভালবাসা, নিতি নব নব আশা,
থেক সব তোমরা লইয়া ;
ধূণা কষ্ট অনাদর যাহে দুখ বহুতর,
রেখে তাই আমার লাগিয়া।

প্রশংসা তোমরা লও, যেইখানে যাহা পাও,
সদা অতি যতন করিয়া ;
লোকনিন্দা অপবাদ, নাহি যাতে কারও সাধ,
থাক তাহা আমার লাগিয়া।

অনায়াত সুকুমার, সুবাস কুমুম তার,
পর সবে জীবন ভরিয়া ;
অপবিত্র অপকৃষ্টে, যাহে প্রাণ হয় নষ্টে,
রেখে তাই আমার লাগিয়া।

না লাগে আঁচড় ঘা, কণ্টকে না ফুটে পা',
থাক সুখে সকলে বাঁচিয়া ;
পড়ুক অশনি মাখে, ক্ষতি নাই কারো তাতে,
আনি যদি বাই গো মরিয়া।

শ্রীমতী হেমপ্রভা নাহা

খেজুরী বন্দর

ভাগীরথীর মোহানার পশ্চিমতটবর্তী নিভৃত বিলাতী কাউ-
শ্রেণীর (Casuarina tree) মধ্যে বিখ্যাত প্রাচীন বন্দর
খেজুরীর দুই একটি অট্টালিকা সমুদ্র-যাত্রীগণের দৃষ্টিপথবর্তী
হইয়া থাকিবে। খেজুরী মেদিনীপুর জিলার কাঁথি মহকুমায়
অবস্থিত। ইহা ইষ্ট ইণ্ডিয়া কোম্পানীর আমলে একটি
প্রয়োজনীয় পোতাশ্রয় ছিল। এক দিন খেজুরীর নদীবক্ষে

শত শত অর্ণবয়ান
আশ্রয় লাভ
করিত,—না না
দেশবাসী সার্গবাঙ্কি-
গণের কোলাহলে
এই স্থান নগরিত
পাকিত। ইহার
অতীত কাল স্থায়ী
অতীত জীবনেতি-
হাসের গৌরবময়
পৃষ্ঠা উন্মুক্ত করিলে
সুখমোভাগ্যের
জলস্তকাভিনী
চিত্রিত দেখা যায়।

ভাগীরথীর
পলিতে যে সমস্ত

দেশভাগ ক্রমান্বয়ে উদ্ধৃত হইয়াছে, তন্মধ্যে খেজুরী অগ্রতম।
প্রাচীনযুগে সুদূর তাম্রলিপির নিকটবর্তী বঙ্গোপসাগর
আজ খেজুরী-সীমাস্তবর্তী হইয়া বিরাজ করিতেছে;—
আজিও সমুদ্র-গর্ভে যে সমস্ত নূতন চরের সৃষ্টি ও পুষ্টি সাধিত
হইতেছে—অদূর-ভবিষ্যতে তাহা যে উর্বর ও সুশ্রামল
মুর্ত্তিতে জাগ্রত হইয়া বঙ্গভূমির কলেবরের বৃদ্ধিসাধন
পূর্বক খেজুরীকে সমুদ্র হইতে দূরবর্তী করিবে, সে বিষয়ে
সন্দেহ নাই।

ষোড়শ শতাব্দীর প্রারম্ভ হইতে খেজুরীর অবয়ব-সংগঠন
আরম্ভ হইয়াছিল বলিয়া বোধ হয়। ডি ব্যারোজ (১)

(১) Map of Bengal in Jao De Barros' Da Asia, Pt. II.



খেজুরীর সমাধিক্ষেত্র ও পরিত্যক্ত খেজুরী
(পোষ্ট আফিসের উপর হইতে গৃহীত)

(১৫৫৩) ও ব্লেভের (১) (১৬৬০) মানচিত্রে খেজুরী
ও হিজলীর অবস্থানপ্রদেশে একটি দ্বীপ উদ্ধৃত হই-
তেছে দেখা যায়। ভ্যালেনটিন (২) (১৬৬০), জর্জ
হিরোণ (৩) (১৬৮২) ও বোরীর (৪) (১৬৮৭)
মানচিত্রে হিজলী ও খেজুরী দুইটি দ্বীপাকারে স্বতন্ত্রভাবে
চিত্রিত হইয়াছে। যখন কলিকাতার প্রতিষ্ঠাতা জব চার্ণক

১৬৮৭ খৃষ্টাব্দে
সায়েন্টা খাঁ কর্তৃক
হুগলী হইতে বিতা-
ড়িত হইয়া আশ্র-
য়োদ্দেশে হিজলীতে
আগমন পূর্বক
বাদশাহী সৈন্য
কর্তৃক আক্রান্ত ও
অবরুদ্ধ হইলে, সে
সময় খেজুরী স্বতন্ত্র
দ্বীপাকারে বর্তমান
ছিল। ১৭০৩ খৃষ্টা-
ব্দের নাবিকগণের,
(৫) ১৭৬৯ খৃষ্টা-
ব্দের হুইট চার্চের
(৬), ১৭৭০

(১) Reproduced copy of Blaeu's Magni Mogoleo Imperium in his *Theatrum Orbis Terrarum*, vol. II, in J. A. S. B., pt. I, 1873; also Blochmann's *contributions to the Geography and History of Bengal*, Appendix.

(২) Vanden Broucke's Map of Bengal in Valentyn's Memoir, vol. V.

(৩) George Heron's Chart of Point Palmyra to Hugli in the Bay of Bengal,—*Hedges' Diary*, vol. III, Appendix.

(৪) Thomas Bowery's Chart of the Hughly River in his *Geographical Account of the countries round the Bay of Bengal*.

(৫) Midnapore Dt. Gazetteer, p. 9.

(৬) Whitchurch's map of Bengal from actual survey, reproduced by Cap. Melville in Surveyor General's Office, Calcutta, May, 1866.

খৃষ্টাব্দের বোর্ণেটর (১) ও ১৭৮০ খৃষ্টাব্দের রেণেলের (২) মানচিত্রে খেজুরী দ্বীপ দৃষ্ট হয়। খেজুরী ও হিজলী দ্বীপদ্বয়ের ব্যবধানবর্তী জলভাগের নাম কাউখালি নদী ছিল। কাউখালির আলোক-গৃহের নিকটে এই নদীর ক্ষীণ অবশেষ এখনও “কাউখালির খাল”রূপে বর্তমান আছে। উত্তরদিকে এই দ্বীপদ্বয়কে স্থলভাগ হইতে বিচ্ছিন্নকারী জল-স্রোতের চিহ্ন ‘কুঞ্জপুর খাল’-রূপে এখনও দৃষ্ট হয়। (৩) হিরোণের মানচিত্রে এই জল-স্রোতগুলি পাঁচ হইতে সাত ‘বাম’ (Fathom) পর্য্যন্ত গভীর বলিয়া চিহ্নিত আছে। সম্ভবতঃ উনবিংশ শতাব্দীর প্রারম্ভ হইতে খেজুরী দেশ-ভাগের সহিত সংযুক্ত হইয়া থাকিবে। ১৮০২ খৃষ্টাব্দে লবণ রপ্তানীর সুবিধার জন্য কুঞ্জপুর খালের পক্ষোদ্ধারের বিষয় সরকারী কাগজপত্রে জানা যায়। (৪)

“খেজুরী” নাম সম্ভবতঃ খেজুরগাছের সংস্রবে সৃষ্ট হইয়া থাকিবে। এই স্থান ‘খেজুরী’ অপেক্ষা ‘খাজুরী’ নামেই অধিক পরিচিত। বৌরী ‘খেজুরী’কে ‘খাজুরী’



কাউখালি আলোকগৃহ

[৮০ ফুট উচ্চ ; x চিহ্নিত স্থান ভূমি হইতে ১:৩৩ ফুট উর্দ্ধে ; এই স্থানে একটি প্রস্তরফলক আছে, উহা ১৮৬৭ খৃষ্টাব্দের বন্যার প্লাবনের উচ্চতাপ্রাপক]

(casuree) করিয়াছেন। ১৭০১ খৃষ্টাব্দের নাবিকদিগের চার্টে ‘গ্যাজুরী’ (Gajouri) আছে। (১) ১৭৬৩ খৃষ্টাব্দে ডি. এনভিল ‘ক্যাজোরী’ (Cajori) লিখিয়াছেন। (২) সেয়ার (১৭৭৮) কর্তৃক প্রস্তুত মানচিত্রগুলিতে ক্যাজোরী (Cajori) দেখা যায়। (৩) রেণেলের ম্যাপে (১৭৮০) কাদ্জেরী (Cudjere) পাওয়া যায়। (৪) এই নাম-গুলি ‘খাজুরীর’ই বৈদেশিক স্বরূপ হইতে পারে। বৈদেশিক লেখকগণ স্ব স্ব স্বভাব-স্বলভ উচ্চারণের তারতম্যে ‘খেজুরী’ নামের আরও নানা প্রকার বানান লিপিবদ্ধ করিয়াছেন। যথা,- হিরোণ Kedgerye, উইলিয়াম হেড্জিস্ Kegeria, (৫) জার্মিংটন Kidgerie, (৬) ১৬৭৯ খৃষ্টাব্দের ভগলী কুঠার কাগজপত্রে Kedgaree (৭) প্রভৃতি। ইম্পিরিয়াল গেজেট্রিয়ারে Khijuri ও Kijuri, নে দি নী পুর গেজেট্রিয়ারে Khejri এবং বেলীর সেটেল-মেন্ট রিপোর্টে Kajooreah আছে। (৮) বর্তমান পোর্ট ট্রাষ্ট সারভে Khajuri বা “Date palm place”

(১) *Midnapore Gazetteer*, p. 9.

(২) Rennell's Atlas Plate No. XIX.

(৩) ‘The Kunjapur Khal was then a deep, broad stream, which completely cut off Khejri and Hijli from mainland, and these again were divided into two distinct islands by the river Cowcolly of which the channel now completely vanishes’ Wilson's *Early Annals of the English in Bengal*, vol. I, p. 105.

(৪) ‘In 1802 the Kunjapur Khal from the Rasulpur to the Hugli was excavated to facilitate the carriage of salt to Calcutta, and possibly the Khal follows the line of the old branch which made Hijli an island’. A. K. Jameson's *Final Report on the survey and settlement operations in the Dist. of Midnapore*, p. 6.

(১) *Hedges Diary vol. III p. 208.*

(২) Yule and Burnell's *Hobson-Jobson* S. V. Kedgerree.

(৩) *Hedges Diary vol. III p. 208.*

(৪) Rennell's Atlas, Sheet No. XIV.

(৫) *Hedges Diary vol. I p. 67.*

(৬) *Hedges Diary vol. III p. 208.*

(৭) *Factory records*, Hugli No. 2, 1679, 27th April quoted by Temple in *Bowery*.

(৮) H. V. Bayley's *Report on the settlement of the Majnumootah Estate in the district of Midnapore, 1844.* p. 15, para 25.

করিয়াছেন। (৪) সারভে ইণ্ডিয়া প্রকাশিত Bengal sheetএ এই বানানই দেখা যায়। (৫) নামটি বর্তমান Khajri ও Kedgerec দুই প্রকারে লিপিত হয়। থানার নাম Khajri এবং পোষ্ট আফিসের নাম Kedgerec; খেজুরীর স্মৃতি-সৌভাগ্যের দিনে শেখোক্ত নাম ব্যবহৃত হইতে আরম্ভ হইয়াছিল। সম্ভবতঃ 'খেজুরী'কে মুখরোচক খিচুড়ি নামক খাওয়ার সমসংক্রমক ভাবিয়া যুরোপীয়রা Kedgerec করিয়াছেন! কারণ, খিচুড়িকে ইংরাজীতে Kedgerec বলে। আমাদের মনে হয়, নদী বা খালের মধ্যে নৌকা প্রভৃতির আশ্রয়স্থানে দৃশ্যমানভাবে একটি খেজুরগাছ বর্তমান ছিল,—তাহা দেখিয়া দেশীয় নৌ-চালকরা 'খেজুরী' নামকরণ করিয়া থাকিবে। খেজুরী বন্দরকেই স্থানীয় লোক 'খাজুরী ঘাট' বলিত। নৌকা বা জাহাজের মাগপত্র 'ওঁসা-নানা' করিবার স্থানকে 'ঘাট' বলে। বশোহর জিলায় খাজুরিয়া গ্রাম আছে,—সেখানে খেজুরের সংস্রবে এই নামের সৃষ্টি বলিয়া বেশ অনুমান হয়। কাঁথি মহকুমাতেষ্টে সর্বং থানায় অত্যন্ত খাজুরী গ্রাম আছে। (৬) এই নামও খেজুরগাছের নিদর্শন ভিন্ন অন্য কি হইতে পারে?—গাছের নামের অনু-করণে বাঙ্গালার বহু পল্লীর নাম সৃষ্ট। হিজলী, পিপলী, গরাণিয়া, তেঁতুলিয়া, করাঞ্জি প্রভৃতির উল্লেখ করা যাইতে পারে। কলাগেছে, আমগেছে, পলাশবাড়ী, জামবাড়ী প্রভৃতির ত কথাই নাই। খেজুরীর পাশেই তালপাটা গ্রাম, খাল ও ঘাট আছে। সম্ভবতঃ তালগাছের নামসংস্রবে তালপাটা (তালপতী?) হইয়া থাকিবে। দূর হইতে দৃশ্যমান তাল ও খেজুরগাছ দ্বারা নদী বা খালগুলিকে চিনিবার উপায়ের জন্য এই সমস্ত নামের সৃষ্টি হওয়াই সম্ভব।

হিজলীর লোক-বিশ্রুত তাজ খাঁ মসনদ-ই-আলীর

বংশীয়গণের রাজত্বলোপের পর (১৬৬১), (১) খেজুরী ও হিজলীদ্বীপদ্বয় পর্তুগীজ ও মগ-দস্যুদিগের অত্যাচারে অধিবাসিবর্জিত হইয়া হিংস্রজন্তুপূর্ণ অরণ্যে পরিণত হয়। হিরোণ ও রেণেলের মানচিত্রে এই সমস্ত স্থানে দীর্ঘ অরণ্য ("Long wood") ও ঘনসন্নিবিষ্ট বৃক্ষাবলী চিহ্নিত আছে। ওলন্দাজ লেখক গ্যান্টার (Ganter Schouten) লিখিয়াছেন,—“আমরা ১৬৬৪ খৃষ্টাব্দের ১৬ই জানুয়ারী জলেশ্বর নদী (২) বামে রাখিয়া (গঙ্গার মোহনানার দিকে) বাইতে-ছিলাম। এখানে দেশভাগে কিয়দূর বিস্তৃত ক্ষুদ্র ক্ষুদ্র অরণ্য দৃষ্টিগোচর হইয়াছিল। ঐ সমস্ত অরণ্য সর্প, গণ্ডার, বহু-মন্ডিয় ও ন্যাঘাদি হিংস্রজন্তুতে পূর্ণ ছিল। এই জন্তু বঙ্গদেশের লোক সমৃদ্ধসন্নিহিত স্থানে বাস করে না।” (৩) তাজ খাঁ মসনদ-ই-আলীর সমৃদ্ধিপূর্ণ রাজধানী হিজলী এবং তাহার উপকণ্ঠ খেজুরীর এই দুর্বস্থা বোধেটে ও লুণ্ঠকগণের নির্দয়-হস্তের চিহ্ন ভিন্ন অন্য কিছুই নহে। সারদ্বীপের নিকটবর্তী রোগস্ রিভার (Rogues' River) (৪) এই সমস্ত জল-দস্যুর আড্ডা ছিল। ইহারা দুর্দর্ষ ডাকাতি ও লুণ্ঠনবৃত্তিতে গঙ্গার মোহনাবর্তী সমগ্র সুন্দরবন, হিজলী ও খেজুরী প্রভৃতি সমৃদ্ধ স্থানগুলি জনমানবহীন অরণ্যে পরিণত করিয়াছিল। (৫)

(১) Valentyn's Memoir, vol. V. p. 158; cf. রামপুর নবাবের লাইব্রেরীতে রক্ষিত কাঙ্গী "বরকত-ই-হাসান" হস্তলিপি (শ্রদ্ধের ঐতিহাসিক অধ্যাপক শ্রীযুক্ত বহুনাথ সরকার মহাশয়ের অনুগ্রহে প্রাপ্ত।)

"Hijli has been conquered by the imperial forces. Bahadur with his family has been captured as a punishment for his disobedience (i. e. rebellion) [probably in Jan. or Feb. 1661]" *Maraqat—folio No. 116.*

(২) জলেশ্বর নদী সম্ভবতঃ স্বর্ণরেখাকে উদ্দেশ্য করিয়া বলা হইয়াছে।

(৩) Schouten's *Voyage aux Indes Orientales*, vol. ii, p. 143 (Sir R. Temple's translation).

(৪) হেজেনের টীকাকার Mr. Barlowর মতে রোগস্ রিভার বর্তমান 'গ্যানেল ক্রীক' (মাড়গঙ্গা নদী) (*Hedges Diary vol. III p. 208*) Hobson-Jobsonএ Yule and Burnell ইহা 'কুল্পী ক্রীক' বলিয়া সিদ্ধান্ত করিয়াছেন। (*Hobson-Jobson s. v. Rogues' River*).

(৫) cf. Bernier—“They made women slaves, great and small, with strange cruelty, and burst all they could not carry away. And hence it is that there are seen in the mouth of the Ganges so many fine cities quite deserted.”

(১) *Hedges' Diary vol. III, p. 208.*

(২) Bengal sheet No. 73 $\frac{2}{3}$

(৩) Thana Salang, Jurisdiction list village No. 313; পোষ্ট আফিসের তালিকা দৃষ্টে জানা যায়, বঙ্গু, ভূপাল ও টোটা উপত্যকার খাজুরী (Khajuri) এবং কেশাবাদের দুই স্থানে “খেজুর হাট” আছে।

কোম্পানীর বঙ্গদেশীয় কুঠীসমূহের প্রথম গবর্নর উইলিয়ম হেজেস ১৬৮৩ খৃষ্টাব্দে খেজুরী দ্বীপে অবতরণ করিয়া একটি পুরাতন মন্দির ভগ্নাবশেষ দেখিয়াছিলেন। উহাতে দুইটি ছোট কামান ছিল। ষ্ট্রিনশাম মাস্টার ১৭৭৬ খৃষ্টাব্দে বোধ হয় এই দুর্গকেই লবণ প্রস্তুতের কারখানারক্ষার্থ মোগল-নির্মিত দুর্গ বলিয়া নির্দেশ করিয়াছেন। (১) স্কাউটেন ১৬৬৪ খৃষ্টাব্দে গঙ্গার মোহানাবর্তী অরণ্যের মধ্যে একটি মৃত্তিকা-নির্মিত দুর্গ দেখিয়াছিলেন,—উহাতে কতকগুলি দুর্দশাপন্ন কৃষক ছিল। (২) সম্ভবতঃ এই দুর্গ মসনদ-ই-আলী ও তৎসংশ্লিষ্টগণের দুর্গের ভগ্নাবশেষ। শাহ-জাহানের রাজত্ব-সময়ে এই সমস্ত জলদস্যুর অত্যাচার নিবারণ-জন্ত হিজলীতে ফৌজদারীর পদ প্রতিষ্ঠিত হইয়াছিল। (৩) হিজলীর তাজ খাঁ মসনদ-ই-আলী ও তৎসংশ্লিষ্টগণ ফৌজদারের ভার প্রাপ্ত হইয়া এই দুর্গ



খেজুরীর নিকট রসুলপুরের মোহানা

(এইখানে 'কপালকুণ্ডলা'র নবকুমারের বাত্যাভির্ভিত নৌকা প্রবেশ করিয়াছিল)

নির্মাণ করেন বলিয়া সম্ভব। পর্তুগীজ মিশনারী সিব্যাষ্টিয়ান ম্যান্রিক্ ১৬২৯ খৃষ্টাব্দে গঙ্গাসাগরের সমীপবর্তী চরে পোত-দুর্ঘটনার হিজলীর উপকূলে উপস্থিত হইলে মসনদ-ই-আলীর রক্ষিসৈন্য ও রণতরী মোগলদিগের পক্ষে তাঁহাদিগের জাহাজাদি আটক করিয়াছিলেন। (১) যাহা হউক, হেজেস এই দ্বীপটিতে প্রচুর বরাহ, হরিণ, মহিষ ও ব্যাঘ্রাদি বন্যজন্তু দেখিয়াছিলেন। এই দ্বীপটি তাঁহার নিকট উর্বর ও আনন্দদায়ক বোধ হইয়াছিল। (২) হেজেস কথিত খেজুরীতে এই সমস্ত বন্যজন্তুনিবাস—ইহার দস্যুর উপদ্রবে

উচ্ছিন্ন হওয়ারই সমর্থন করে। বর্তমান-সময়ে খেজুরী অঞ্চলে মৃত্তিকা-গর্ভে যে সমস্ত ভগ্ন দেব-মূর্তি আদি পাওয়া যায়, তা হাতে ইহার প্রাচীন জননিবাসই প্রতিপন্ন হয়। (৩) হিজলী দ্বীপের সমস্ত সন্তোদরা এবং প্রায় একাঙ্গীভূতা খেজুরী কখনও হিজলীর গৌরবের

দিনে পরিত্যক্ত অরণ্য ছিল না। চার্গক দস্যুবিধ্বস্ত হিজলীকে ভয়ঙ্কর স্থান (direful place) বলিয়াছিলেন। (৪)

অষ্টাদশ শতাব্দীতে কালক্রমে নদীর বহতা (channel) পরিবর্তিত হওয়ার খেজুরী একটি পোতাশ্রয়ে (Anchorage) পরিণত হয়। হিজলী জিলাভুক্ত খেজুরী ১৭৬৫

(১) "On the other side was the western channel by the island of Hijli, where the Mogul had built a small fort to protect his salt works." *Diary of Streyntsham Master.*

(২) "Therefore, on our way we only saw a little clay fort where some Negroes were existing wretchedly enough." *Schouten, vol. ii, p. 143*—Temple's translation.

(৩) "The Arakanese and Portuguese pirates now began to commit depredations on the Orissa coast and in Hijli. Tracts of lands became depopulated and the ryots left their fields. Shahjahan thereupon annexed Hijli to Bengal so as to enable the imperial fleets stationed at Dacca to guard against these piratical raids." J. A. Campos, *History of the Portuguese in Bengal, p. 95.*

cf. Hunter's *S. A. B. vol. III, p. 100*—this Foujdari or Magistracy was made apparently for the purpose of subjecting the whole coast liable to the invasions of the Maghs, to the Royal jurisdiction of the Nawara or Admiralty fleet of boats stationed at Dacca.

(১) *Bengal: Past and Present, vol. XII, 1916, pp. 281-286*—Padre Maestro Fray Seb. Manrique in Bengal.

(২) *Hedges' Diary vol. ii p. 67.*

(৩) সম্ভ্রতি অ-জানবাড়ী গ্রামের শ্রীযুত বরেন্দ্রকৃষ্ণ মিত্রার একটি ও সাত বন্দ গ্রামে একটি পুষ্করী ধননে স্তম্ভর : ভগ্ন দেবমূর্তি পাওয়া গিয়াছে। ঐগুলি লেখকের নিকট রক্ষিত আছে।

(৪) W. W. Hunter's *History of British India.*

খৃষ্টাব্দে কোম্পানীর দেওয়ানী গ্রহণের সময় বৃটিশ অধিকার-ভুক্ত হয়। (১) সুতরাং খেজুরী এই সময়ে বা ইহার অত্যন্তকাল পরে ইষ্ট ইণ্ডিয়া কোম্পানীর কার্যস্থল হইয়া থাকিবে। কোম্পানীর আমলে দক্ষ্য-বিধ্বস্ত খেজুরীর বন-জঙ্গল কাটিয়া গম্বুয়াবাসোপযোগী করা হয়। এই জন্য খেজুরীকে রাজস্বসম্বন্ধীয় কাগজপত্রে ‘জঙ্গলবুরি’ মৌজা বলে। মেদিনীপুর কালেক্টরীতে রক্ষিত ১৭৮৮ খৃষ্টাব্দের পঞ্চবার্ষিক লিপিতে (Quinquennial Register) জনৈক বন্দোবস্তগ্রহীতার দখলে খেজুরীর উনত্রিশ বাটি (৩) ১৫ বিঘা ৮ চটাক জমী দৃষ্ট হয়। (৩) সম্ভবতঃ এই ব্যক্তিকে জঙ্গল আবাদের জন্য বন্দোবস্ত দেওয়া হইয়াছিল।

ইতঃপূর্বে কোম্পানীর বৃহৎকার বাণিজ্য-জাহাজগুলি বালেস্বর পর্য্যন্ত আসিলে ক্ষুদ্র ক্ষুদ্র জাহাজে মালপত্র পরি-বহিত করিয়া হুগলী পর্য্যন্ত প্রেরিত হইত। কারণ, ঐ সমস্ত জাহাজ ভাগীরথীর মোহনায় চরবহুলতার জন্য আর এই দিকে অগ্রসর হইতে পারিত না। সর্বপ্রথম ১৬৭০ খৃষ্টাব্দে ক্যাপ্টেন জেমস ‘রেবেকা’ নামক জাহাজকে পথপ্রদর্শক নাবিকের (Pilot) সাহায্যে ভাগীরথী পর্য্যন্ত আনিতে সমর্থ হইল। ক্যাপ্টেন স্ট্যাকোর্ড ১৬৭৯ খৃষ্টাব্দে ‘ফ্যালকন’ (Falcon) নামক জাহাজ ভাগীরথী পর্য্যন্ত আনয়ন করেন; ঐ সময় হইতে বালেস্বরে বৃহৎ জাহাজগুলির মাল পরিবহন না হইয়া হিজলীতে পরিবহিত হইবার রীতি হয়। (৪) এই সময় হিজলী বন্দরের স্থানাধিকার করে। ইহার অত্যন্তকাল পরে খেজুরীও সামুদ্রিক বন্দর ও বাণিজ্য-কেন্দ্রস্থল হইবার সূচনা দেখাইয়াছিল। কারণ, উইলিয়াম

হেজেস তাঁহার বিখ্যাত রোজনামচায় লিখিয়াছেন, ১৬৮৪ খৃষ্টাব্দে পর্ভুগীজরা খেজুরী ও হিজলী দ্বীপদ্বয় অধিকার করিতে ইচ্ছুক হইয়াছিল। (১) খেজুরীর প্রয়োজনীয়তা বৃদ্ধি না হইলে ইহা পর্ভুগীজদিগের প্রলোভনের বস্তু হইতে পারিত না। অতঃপর কোম্পানীর বাণিজ্য-সমৃদ্ধির দিনে জাহাজের মালপত্র পরিবর্তনের কার্য খেজুরীতে সংঘটিত হইলে স্থানাট সুরমা নগরের শ্রী-শোভা ধারণ করে। (২)

এসিষ্ট্যান্ট রিভার সারভেয়র মিষ্টার রীক্স (H. G. Reaks) খেজুরী সম্বন্ধে লিখিয়াছেন,—“কলিকাতার জাহাজদের সম্বন্ধে সামুদ্রিক নৌ-যাত্রীর আরম্ভ-পথ খেজুরীতে সুন্দর পোতাশ্রয় সৃষ্ট হওয়ার উদ্দেশ্যে একটি প্রয়োজনীয় স্থানে পরিণত হয়। মোহনার ঐ স্থান হইতে ভাগীরথীর পথে কলিকাতা পর্য্যন্ত যাত্রায় বৃহৎ জলযানগুলির পক্ষে কষ্ট-সাধ্য ও বিপজ্জনক ছিল বলিয়া পথিমধ্যে খেজুরীতে এই সমস্ত জাহাজ অবস্থান করিত এবং সেই স্থানে মালপত্র ও আরোগী পরিবহিত করিয়া ‘স্লুপ’ (sloop) নামক ক্ষুদ্র জাহাজের সাহায্যে কলিকাতার আমদানী-রপ্তানী চলিত। প্রতিনিধির (Agent) নিবাস-গৃহ, পোর্ট অফিস এবং জাহাজযাত্রীগণের জন্য বিশ্রামকক্ষ (waiting room) নিশ্চিত হইয়া স্থানাট একটি সহরে পরিণত হইয়া উঠিল। তৎকালীন “কলিকাতা গেজেটে” প্রকাশিত পশ্চান্নিখিত বিজ্ঞাপন দর্শনে জানা যাইবে,—অষ্টাদশ শতাব্দীর শেষ-ভাগে এই স্থান কিরূপ সমৃদ্ধিপূর্ণ হইয়া উঠিয়াছিল;—“১৭৯২ খৃষ্টাব্দের ২৯শে মে তারিখে খেজুরীতে অল্পাধিক ৮ বিঘা জমীর উপর অবস্থিত একটি বৃহৎ বাহির-‘দালান’ (hall), চারিটি শয়ন-গৃহ এবং উন্মুক্ত বারান্দা-সংবলিত একটি দ্বিতল অট্টালিকা নীলামে বিক্রীত হইবে।”

“এই সময়ে খেজুরী হইতে কলিকাতা যাত্রায় নৌকা দ্বারা নিষ্পন্ন হইত। কলিকাতায় প্রচারিত সংবাদপত্রসমূহ দ্বারা প্রেরিত দ্রুতগামী ডিক্সী নৌকাগুলি খেজুরী হইতে

(১) “Hijili and Tamruk did not come under company's administration until the grant of the Diwani in 1705.” Firminger's *Fifth Report*, vol. 1, Introduction, p. cxxiii.

(২) ‘বাটি’ উড়িষ্যায় প্রচলিত এক প্রকার ভূমির পরিমাণ—২০ বিঘাতে এক ‘বাটি’ হয়। এই হিসাবে খেজুরীর বন্দোবস্তকৃত ভূমি স্থানীয় মাপের প্রায় ৬০০/ বিঘা হয়। এই পরিমাণ স্ট্যাণ্ডার্ড ৭৫০/ বিঘার উর্ধ্ব হইবে। খেজুরীর প্রচলিত এক বিঘা = (৭ ফু: ১০ ১/২" ই × ২০' (৭" ফু: ১০ ১/২" × ১৬) বা ২২০৫ বর্গ গজ। বর্তমান সময়ে খেজুরী মৌজার পরিমাণ স্ট্যাণ্ডার্ড বিঘা। সম্ভবতঃ প্রাপ্ত বন্দোবস্ত আনু-মানিকভাবে হইয়া থাকিবে।

(৩) Bayley's *Majnamoottuk Report*, p. 85.

(৪) Bowery's *Countries round the Bay of Bengal*, p. 166, n2.

(১) Yule, *Diary of Hedges*, vol. 1, p. 172.

(২) খেজুরী কোন সময়ে হইতে পোতাশ্রয়ে পরিণত হয়, ঠিক জানা যায় না। সম্ভবতঃ ১৭৮০ খৃষ্টাব্দের পূর্ববর্তী কোনও সময়ে হইয়া থাকিবে। কারণ, ঐ সময়ে প্রস্তুত রেগেলের মানচিত্রে (sheet no xix) খেজুরী দ্বীপের তীরভূমির পাথ দিয়াই জাহাজের পথ (Cadjarree Road) চিহ্নিত আছে।

বহিঃসমুদ্রে গমন করিয়া যুরোপের সর্বপ্রথম সংবাদের জন্ম নবাগত জাহাজে উপস্থিত হইত। সহরে এইরূপে লব্ধ নূতন সংবাদ প্রচারের জন্য স্বভাবতঃই একটি উত্তেজনাপূর্ণ 'দৌড়াদৌড়ি' পড়িয়া বাইত। উত্তরকালে কলিকাতা পর্য্যন্ত 'পাখা' (arms) সঞ্চালনশীল সঙ্কেতবাহক মঞ্চসমূহ প্রতিষ্ঠিত হইয়া সংবাদ আদান-প্রদান নিৰ্বাহ হয়। ১৮৫২ খৃষ্টাব্দে বৈদ্যুতিক বাতাবহ যন্ত্র-স্থাপন দ্বারা এই প্রথার পরিবর্তন সাধিত হইয়াছিল। এখনও কতকগুলি সংবাদ-বহনের উচ্চ সঙ্কেত-মঞ্চ নদীতীরে বর্তমান ; বড়ুল (Bdul), ধজা (?) ও হুগলী পর্যায়ে একরূপ দেখিতে পাওয়া যাইবে। ১৭৮৯

খৃষ্টাব্দে খেজুরী হইতে কলিকাতা যাত্রায় ক্রীকরূপ সহজসাধ্য ছিল। তাত্ত্বিক বৎসরের ১৯শে আগষ্ট তারিখের এই বিজ্ঞাপন দর্শনে জানা যাইবে,— 'বেরিংটন জাহাজের মিড-শিপম্যান নামক কন্সচারী জন ল্যান্স গত ২০শে জুলাই খেজুরীস্থিত উক্ত



সঙ্কেতের জন্ম ব্যবহৃত কামান (Signalling gun)

জাহাজ হইতে পলায়ন করিয়া অত্যল্পক্ষণ পরেই কলিকাতায় দৃষ্ট হইয়াছিল।' ১৬৩৬ খৃষ্টাব্দে শুক-বিভাগের কন্সচারিগণ খেজুরীতে জাহাজগুলি পরিদর্শন পূর্বক সমুদ্রযাত্রার অনুমতি প্রদান করিতেন। খেজুরীর সমীপবর্তী নদীপথ ১৮৬৯ খৃষ্টাব্দ পর্য্যন্ত বর্তমান থাকিয়া পরে মধ্যনদীতে পরিবর্তিত হইয়াছিল। অতঃপর খেজুরী পোতাশ্রয় ও নদীপ্রণালী সহরে বিনষ্ট হয়। জাহাজ গমনাগমন বর্জিত হইয়া খেজুরী অপ্রয়োজনীয় হইয়া উঠে। এক্ষণে এই স্থানে দর্শনীয় বস্তুর মধ্যে একটি জোয়ার-ভাটার সঙ্কেত-নির্দেশক যন্ত্র (Tidal semaphore) ও সময়ক্রমে সম্মিলিত বাজার মাত্র দৃষ্ট হয়।" (১)

১৮০৮ খৃষ্টাব্দের "কলিকাতা গেজেটে"র বিজ্ঞাপন-স্তুভে খেজুরীতে একটি বাড়ী বিক্রয়ের এইরূপ বিজ্ঞাপন দেখা যায়,— "খেজুরী এষ্টেট। আগামী বৃহস্পতিবার ১১ই ফেব্রুয়ারী, ১৮০৮ খৃষ্টাব্দ, টুলো কোম্পানীর (Tulloch & Co) নীলাম-গৃহে পরলোকগত শ্রীযুত জন রাসেল ও উইলিয়াম হল্যাণ্ডের সম্পত্তির একজিকিউটরগণের অনুমতিক্রমে খেজুরীস্থিত যে বাড়ীতে ইতঃপূর্বে শ্রীযুত রাসেল ও হল্যাণ্ডের (Messrs Russel and Holland) কার্যালয় অবস্থিত ছিল—সেই মূল্যবান ও সুবিখ্যাত দ্বিতল অট্টালিকা (Valuable and wellknown upper roomed

house) এবং অন্যান্য সুবিস্তৃত গৃহাদি মায় ন্যূন-মূল্যে ১ শত বিঘা ভূমি সম্পূর্ণ (without reserve) প্রকাশ্য নীলামে বিক্রীত হইবে।" (১) এই বিজ্ঞাপন খেজুরীর এককালীন সুখ-সৌভাগ্যের পরিচায়ক সন্দেহ নাই।

১৭৬৩ খৃষ্টাব্দে

ফরাসীদিগের কতকগুলি রণতরী বালেশ্বরে কয়েকটি ইংরাজ-জাহাজ ধৃত করে, তজ্জন্য খেজুরীস্থিত বৃটিশ জাহাজগুলি ফরাসী কণ্ডক আক্রান্ত হইবার সম্ভাবনায় কলিকাতায় আতঙ্ক উপস্থিত হইয়াছিল। নদীর মন্দাবস্থা ও প্রতিকূল বায়ুর জন্য খেজুরী হইতে জাহাজগুলি কলিকাতা আনিবার চেষ্টা সফল হয় নাই। (২) ইহার কয়েক বর্ষ

(১) Hug David Sanderson's *Selections from Calcutta Gazette, vol. 11: (1806-1815)*.

(২) "Calcutta in January 1763 was in a panic, as the French fleet was in Balasore Roads and had captured several English vessels. It was found they could not remove the ships from Kedgerie to Calcutta as they could not easily return on account of the unfavourable winds and very dangerous channels."

Long's *Notes from selections from records of the Govt. of India Introduction, p. 40.*

Also, *ibid p. 295, "A French fleet at Balasore."*

(১) *Bengal: Past and Present, Vol. 11, no 2, April, 1918.*

পরে একবার খেজুরী হইতে ফরাসীদিগের রসদ সংগ্রহে বাধাপ্রদানের জন্য ইংরাজদিগের সৈন্যসমাবেশ আবশ্যক হইয়াছিল। জলেশ্বরের নিকট মোহনপুরে বন্দ-ব্যবসায়-ব্যপদেশে মঁসিয়ে অগ্গাণ্ট (Monsieur Aussant) নামক জর্নৈক ফরাসী রেসিডেন্ট থাকিতেন। তাঁহার শরীররক্ষী রাখিবার সর্ত্ত লইয়া ইংরাজদিগের সহিত বিবাদ উপস্থিত হয়। কর্তৃপক্ষের নির্দেশমতে (১) মেদিনীপুরের ইংরাজ রেসিডেন্ট জন পীয়াস' লেপ্টনান্ট বেট্‌ম্যান নামক সৈন্যধাক্কে দুই দল সৈন্য লইয়া খেজুরী

ও হিজলীতে প্রেরণ

করেন। ফরাসী বা

ওলন্দাজগণ কর্তৃক

খেজুরীর উপকূলে

বন্দ-জাহাজ ভিড়া-

ইয়া রসদ গ্রহণের

সম্ভাবনা ছিল।

বেট্‌ম্যানের প্রতি

আদেশ ছিল--মাল-

পত্র বহনোপযোগী

গনাদি দেশের

ভিতরের দিকে

২০ মাইল দূরে সর-

ইয়া দিবেন এবং

সমুদায় রসদাদি নষ্ট

করিবেন। বেট্‌ম্যান

সৈন্যদলসহ উপস্থিত হইয়া দেখিলেন, ফরাসীরা খেজুরীতে

প্রচুর চাঁউল সংগৃহীত করিয়া রাখিয়াছে এবং এই

স্থানের অধিবাসীরাও ফরাসীদিগের পক্ষপাতী হইয়া পড়ি-

য়াছে। (২) যাহা হউক, ফরাসীদিগের বিরুদ্ধ মনোভাবের

চিহ্ন না পাইয়া ১৭৭০ খৃষ্টাব্দের বর্ষাকালে সৈন্যদল অপসৃত করা হয়। (১)

কোম্পানীর আমলের খেজুরীর পথে নৌ-দস্যুর উৎপাত ছিল। এ জন্ত সরকার বাহাদুর ভাগীরথীর মোহানার পথে নানা স্থানে 'গার্ড' বোট' বা চৌকি নৌকার ব্যবস্থা করেন। এই সকল নৌকা পুণিসের তহাবধানে নদীর নানা স্থানে পাহারা দিত। ১৭৮৮ খৃষ্টাব্দের ২৪শে এপ্রিল তারিখযুক্ত একটি সরকারী আদেশ

হইতে জানা যায়,

গ ব র জেনা-

রেল বাহাদুর হিজ-

লীর ম্যাজিষ্ট্রেটকে

অগ্গাণ্ট কয়েকটি

স্থান ব্যতীত তাল-

পাটা হইতে হিজ-

লীর বাক পর্যন্ত

৭ ও ৮ নং বোটের

পাহারার বন্দোবস্ত

করিলেন বলিয়া

জানা হইতে ছেন।


প্রত্যেক চৌকি

নৌকায় একটি

করিয়া লাল নিশান

ও সেই নিশানের

উপর সাদা অক্ষরে



'বোটটা' মঞ্চ ও প্রাক্ষণ এইখানে Signal mast ছিল

(Backgroundএ ভাগীরথীর মোহানা ; বামপার্শ্বে

অস্পষ্টভাবে একটি জাহাজ দেখা যাইতেছে)

• (১) কামানবাগী গাড়ী ! (২) কামান। (৩) তিনটি প্রোগ্রিত ক্ষুদ্র কামান।

বাস্তালা ভাষায় নৌকার নম্বর থাকিবার ব্যবস্থা হইয়াছিল। (৩)

[ক্রমশঃ।

শ্রীমহেন্দ্রনাথ করণ।

(১) John Cartier's letter to John Pierce, dated 3rd March, 1770 Calcutta—Firmenger's *Bengal District Records, Midnapore, vol 11, p. 180.*

(২) "Mr. Bateman had written to say that upon enquiry he found there was a great deal of rice at Khajri belonging to the French and several peons

with it. As the people seemed to be quite under the French, he thought it not improbable that they might move the rice into the jungles." J. C. Price's *Note on the History of Midnapore, vol. 1 p. 79.*

(৩) *Midnapore Dt. Gazetteer, p. 46.*

(২) কলিকাতা এ কাল ও সেকাল, শ্রীহরিসাধন মুখোপাধ্যায়, ৬৭০ পৃষ্ঠা।

রূপের মোহ



সপ্তম পরিচ্ছেদ

রমেন্দ্রের কবিতাচর্চায় বেশ বিয় ঘটিতে লাগিল।

বালাবন্ধুর গৃহে প্রায়ই আহারের ও ভ্রমণের নিমন্ত্রণ। আজ নোকানোগে বোটানিক্যাল গার্ডেন, কা'ল চিড়িয়াখানা, পরশু যাদুঘর ইত্যাদি। যে কোনও দর্শনীয় স্থানে যাইবার সময় সুরেশচন্দ্র রমেন্দ্রকে লইয়া যাইতেন। সুরেশচন্দ্রের, বিশেষতঃ অমিয়া ও সরযুর সনির্বন্ধ অনুরোধে সে এড়াইতে পারিত না; এড়াইবার জন্ত সে বিশেষ চেষ্টাও করিত না। যে দিন কোথাও যাওয়া ঘটিত না, সে দিন আহারাদির পর খালি গল্প ও নানাবিধ বিষয়ের আলোচনা চলিত। কবিতাচর্চায় বিশেষ বিয় ঘটিতেছিল বলিয়া রমেন্দ্র যে বিশেষ ক্ষণ হইয়াছিল, তাহার ব্যবহার দেখিয়া কেহ তাহা অনুমান করিতে পারিত না। মার্জিতরুচি, বিহীনী তরুণীদিগের সাহচর্যে সে ভালই ছিল। প্রথমতঃ একটু সঙ্কোচ ও কুণ্ঠা অনুভব করিত; কিন্তু শেষে এমন দাঁড়াইল যে, সে নির্দিষ্ট সময়ের পূর্বেই বন্ধুগৃহে হাজির হইত এবং যে সময়ে মেসে ফিরিয়া আসিলে চলিতে পারিত, সে সময়টাও সে তথায় বসিয়া নানা আলোচনায় যোগ দিত।

যে ভারতীর স্বর্ণবীণার মধুর গুঞ্জে তাহার চিত্ত অধিকাংশ সময় মগ্ন হইয়া থাকিত, এখন একেবারে তাঁহার কুঞ্জসীমার বাহিরে চলিয়া যাওয়ায় মাঝে মাঝে তাহার চিত্তে অতৃপ্তির একটা ছায়াপাত হইত বটে; কিন্তু তাহা অতি ক্ষীণ ও মুহূর্তস্থায়ী। অল্প পক্ষের প্রবল আকর্ষণে মনের সে অস্বাচ্ছন্দ্য-অবস্থা অল্পেই অন্তর্হিত হইত। অমিয়ার ধীর, গভীর অথচ সহজ, সরল আলাপ-ব্যবহারে তাহার

হৃদয়-বীণার কোন অলক্ষ্য তন্ত্রীতে যে মধুর রাগিণীর মধুর সুর বাজিয়া উঠিত, তাহারই ধ্যানে সে যেন নিমগ্ন হইয়া পড়িতেছিল।

আজ সন্ধ্যায় রমেন্দ্র একটু সকাল সকাল মেসে ফিরিয়া আসিয়াছিল। অমিয়া ও সরযুর কোন আশ্চর্যভবনে নিমন্ত্রণ ছিল, তাই সে ছাত্রকে পড়াইয়াই সোজা মেসে তাড়া-তাড়ি ফিরিয়া আসিয়াছিল। আহারাদির পর টেবলের সম্মুখে বসিয়া সে তাহার কবিতার গাতাখানি টানিয়া বাহির করিল। কয়েক দিন পূর্বে সে একটি কবিতার কয়েকটি চরণ লিখিয়াছিল, অত্যাধি তাহা সমাপ্ত হয় নাই। সেই অর্দ্ধরচিত কবিতাটি সমাপ্ত করিবার সে চেষ্টা করিতে লাগিল।

সম্মুখের খোলা জানালা দিয়া নক্ষত্রচিত্রিত আকাশের অনেকখানি দেখা যাইতেছিল। রমেন্দ্র দোয়াতের পার্শ্বে কলমটি রাগিয়া দিয়া নীরবে সেই দিকে চাহিয়া রহিল।

ধ্যান আজ কিছুতেই যেন একাগ্র হইতে চাহিতেছিল না। কল্পনার ধ্যান করিতে গিয়া এ কাহার চিত্র মানসপটের সমগ্র স্থানটি অধিকার করিয়া বসিতেছে? কি মধুর মৃগুচ্ছবি! যৌবনের প্রথম প্রভাতের মুকুলিত সৌন্দর্য্য এখন দলরাজি-বিকশিত পদ্মের আয় চারিদিকে কি শোভার বিস্তারই না করিয়াছে। বর্ণে, গন্ধে, ঔজ্জ্বল্যে কি পূর্ণ পরিণতিই ঘটয়াছে! অতীতের স্বপ্ন আবার কেন নূতন করিয়া তাহার চিত্তকে উদ্ভ্রান্ত করিয়া তুলিতেছে! এ চিন্তা তাহার পক্ষে নিষিদ্ধ, তবু কেন সে তাহার মনকে এই নিষিদ্ধ চিন্তার আবর্তে আবর্ত হইতে দিল? সম্ভব নহে,

তাহা সে জানে, তথাপি, তপনতাপবিগলিত তুষারধারার
জায় আকস্মিক চিন্তাস্রোত অতর্কিতভাবে তাহার চিত্তকে
কোথায় ভাসাইয়া লইয়া চলিয়াছে ?

রমেশ্বর উঠিয়া দাঁড়াইল—অদীরভাবে গৃহমধ্যে পাদচারণা
করিতে লাগিল। জামার পকেটে হাত পড়িবামাত্র সে থম-
কিয়া দাঁড়াইল। সকালে দেশের পত্র আসিয়াছিল; তখন
সে স্ত্রীমারে বেড়াইতে বাইবে বলিয়া সুরেশ্বরের বাড়ী গাঠতে-
ছিল। কায়েই পত্রখানি না পড়িয়াই পকেটে রাখিয়া বাহির
হইয়া পড়িয়াছিল। সমস্ত দিনের উৎসাহ, আনন্দ ও উত্তে-
জন্য আতিশয়ো চিঠির কথা সে সম্পূর্ণ ভুলিয়া গিয়াছিল।
এখন পকেটে হাত দিবামাত্র উহা তাহার হাতে
ঠেকিল।

খামের উপরের শিরোনামা পড়িয়া রমেশ্বর একবার মূখ
বিকৃত করিল। দীর্ঘে দীর্ঘে খামখানা ছিঁড়িয়া ফেলিল।
নারী-হস্তাক্ষরে পত্রখানি লিখিত। যে লিখিয়াছে, সে তাহারই
পত্নী সহধর্মিণী!

কিন্তু কি সাধারণভাবেই না লিখিত! সম্বোধন হইতে
নাম স্বাক্ষর পর্য্যন্ত—শুদ্ধ, পুরাতন, বৈচিত্র্যহীন! নদীর
গর্ভ বিদ্যমান, কিন্তু কুলপ্লাবী জলস্রোত কোথায়?

“অনেক দিন আপনি দেশে আসেন নাই; এবার
পূজার সময় আসিবেন কি? মা আপনাকে দেখিবার জন্য
বড় বাস্তু। আগে কয়েকখানি পত্র লিখিয়াছি, কিন্তু উত্তর
কখনও পাই নাই।”

বিন্দুমাত্র সরসতা নাই! যে পত্রে হৃদয়ের উচ্ছ্বাস ব্যক্ত
না হইল, তাহা লিখিবার সার্থকতা কোথায়?

ক্ষুণ্ণচিত্তে রমেশ্বরনাথ শত খণ্ডে চিঠিখানা ছিঁড়িয়া
ফেলিয়া শয্যার উপর বসিল। চিন্তাস্রোত ভিন্ন পথে চলিল।
এম্-এ পরীক্ষায় প্রশংসার সঙ্গিত উত্তীর্ণ হইবার পর তাহার
বিবাহ দিবার জন্য মাতার কি প্রাণপণ আগ্রহ ও চেষ্টা!
কিন্তু কোনমতেই সে বিবাহ করিবে না, আজীবন চির-
কোমার্গ্য পালন করিবে। অবশিষ্ট জীবন সে শুদ্ধ কল্পনার
ধ্যানেই কাটাইয়া দিবে। বিবাহে তাহার সুখ নাই। যাহাকে
পাইলে তাহার জীবন সার্থক ও ধন্য হইত, সমাজ ও অবস্থা
তাহাকে সে অধিকার হইতে বঞ্চিত করিয়াছিল। সুতরাং
বিবাহ সে কখনই করিবে না। কিন্তু মাতার নয়নাঙ্গুর কাছে
তাহাকে পরাজয় স্বীকার করিতে হইয়াছিল। পিতাকে সে

শৈশবে দেখিয়াছিল, তাঁহার কথা রমেশ্বরের ভাল স্মরণ নাই।
মাতার স্নেহদৃষ্টিই সর্বদা তাহাকে অক্ষয় কবচের মত রক্ষা
করিয়া আসিয়াছে। তাহাদের আর্থিক অবস্থা ভালই ছিল।
মাতার শাসন ও পালননৈপুণ্যে সে সুশিক্ষায় বঞ্চিত হয়
নাই। জননী একাধারে তাহার পিতা ও মাতার আসন গ্রহণ
করিয়াছিলেন।

মাতার আগ্রহাতিশয়ে অবশেষে তাহাকে বিবাহ করিতে
হইয়াছিল। কিন্তু প্রাচ্য ও প্রতীচ্য শিক্ষার সংমিশ্রণে সে
যে অপূর্ণ আদর্শ মনের মধ্যে গড়িয়া রাখিয়াছিল, পত্নী তেমন
হইল না, কাহারও হয় না। প্রতিভার বণ কালো না হইলেও
সে গৌরী নহে, তপস্বিকাঞ্চনবর্ণাভাও নহে। সুতরাং কল্পনা-
সেনী তরুণ যুবকের আদর্শের কাছে নিতান্তই তুচ্ছ। সমা-
লোচনারও অনোগা। ধনী পিতার কথা বটে; মোটামুটি
লেখা-পড়াও হয় ত সে কিছু শিখিয়াছিল; কিন্তু রমেশ্বর যাহা
চায়, বাঙ্গালীর ঘরের হিন্দু-কুললক্ষ্মীদিগের নিকট তাহা সে
ছাপ্পাপ্যই মনে করিয়াছিল। বিশেষতঃ মনের আশা সফল
না হওয়ায়, চঞ্চল মানসিক অবস্থায় বিবাহ ঘটায়, সে এমনই
বিরসচিত্তে ছিল যে, পত্নীর সঙ্গিত আলাপ-পরিচয়েরও চেষ্টা
করে নাই। সুতরাং রমেশ্বরের কবিহৃদয়ে সঙ্গিনীর জন্য যে
প্রেম-নদীর উদ্দাম বেগ অনুভূত হইত, তাহার প্রবাহ পত্নীর
দিকে প্রবাহিত না হইয়া পশুকবিতা রচনায় চরিতার্থ হইতে
লাগিল।

পত্নীর সঙ্গিত তাহার কতটুকুই বা পরিচয়? বিবাহের
প্রথম বৎসরে বারকয়েকের বেশী তাহার সঙ্গিত সাক্ষাৎই হয়
নাই। যদি উত্তর পক্ষের আগ্রহ থাকে, তাহা হইলে দুই তিন-
বারের সাক্ষাতেও যথেষ্ট ঘনিষ্ঠতা জন্মিয়া থাকে; কিন্তু
তাহাদের পরস্পরের হৃদয়ের আদান-প্রদান ঘটিবার পর্য্যাপ্ত
শুভ সুযোগ আসিয়াছিল কি না, ভবিতব্যতাই তাহার
বিচারক। স্ত্রী যখন পিতৃদালয় হইতে স্বামিগৃহে আসিত,
রমেশ্বর সে সময় রায়চাঁদ-প্রেমচাঁদ ও আইন পড়ার অজুহতে
কলিকাতায় থাকিত; যখন প্রতিভা পিতৃদালয়ে বাইত—
অবসর করিয়া তখন সে জননীর চরণ-বন্দনার জন্য দেশে
বাইত।

রমেশ্বরের মাতা বুদ্ধিমতী ও পাকা গৃহিণী হইলেও এত
দিনে তিনি পুত্রের চম্পাকী ধরিতে পারেন নাই—বধুর প্রতি
রমেশ্বরের উপেক্ষার আভাস পান নাই। রমেশ্বর সে ক্ষুণ্ণ যেরূপ

সতর্কতা অবলম্বন করিয়াছিল, তাহা ছলনাপূর্ণ হইলেও, সহসা তাহাতে তাহাকে দোষী করা যায় না ; অন্ততঃ রমেন্দ্র মনকে তাহাই বুঝাইয়াছিল। মাতা পুত্রকে বিশ্বাস করিতেন, সত্যই সে পড়া-শুনা লইয়া বিব্রত—সেই সাধনাই তাহার একান্ত লক্ষ্য, ইহা বুঝিয়া পড়া শেষ না হওয়া পর্য্যন্ত মাতাও পুত্রকে বাড়ী আসিবার জন্ত জিদ করিতেন না। তাহা ছাড়া এম্-এ পাশের পর সে কোনও রাজকুমারকে পড়াইবার ভার গ্রহণ করায়, তাহার অবসরও অল্প, ইহাও মাতাকে সে বুঝাইয়াছিল। এ অর্গ উপার্জনের কোন প্রয়োজন ছিল না ; কিন্তু স্বোপার্জিত অর্থে সে শিক্ষা সমাপ্ত করিবে, সে জন্ত পৈতৃক সম্পত্তির কপর্দকমাত্র সে ব্যয় করিবে না, এই সঙ্কল্পের কথা সে বুঝাইয়া দিয়াছিল। বুদ্ধিমতী মাতা পুত্রের স্বাবলম্বনের ইচ্ছাকে ক্ষুণ্ণ করিতে সম্মত ছিলেন না। জীবনের প্রথম অনঙ্গ হইতেই যদি সম্ভান আপনার পায় ভর দিয়া দাঁড়াইতে পারে, সে ত সুখের কথা।

উল্লিখিত কারণে সে ঘন ঘন বাড়ী আসিবার পথ বন্ধ করিয়া দিয়াছিল। মাতাও ভাবিতেন, আর কত দিন ? লেখা-পড়া শেষ করিয়া বাড়ী আসিয়া বসুক, তখন পুত্র রীতিমত গৃহস্থালী আরম্ভ করিবে।

রমেন্দ্র জানাগার ধারে দাঁড়াইয়া অতীত ও বর্তমান জীবন—এবং জীবনের ব্যর্থতা সম্বন্ধে চিন্তা করিতেছিল। বাস্তবিক, যে পুরুষের ভাগ্যে মনোমত পত্নীলাভ ঘটে—সেই সুখী, বিধাতার শ্রেষ্ঠ দানই তাহার। কিন্তু কি ছুর্ভাগা সে, যাহা সে চাছিল, তাহা সে পায় নাই। ভারতবর্ষের আদর্শ হিসাবে, পত্নী স্বামীর সহায়, সচিব, সখী, শিষ্যা, জীবন-সঙ্গিনী—এক কথায় সর্বস্ব। কিন্তু প্রতিভা কি তাই ? সে কি তাহার পার্শ্বচারিণী হইবার যোগ্য ? এই যে সে কত রজনী বিনীত অবস্থায় কাটাইয়া, কল্পনার কুঞ্জ হইতে কত মনোরম, সুগন্ধী পুষ্প সম্বল আহরণ করিয়া আনিয়াছে, তাহার পত্নী কি সে সকলের মর্ম্ম বুঝিয়াছে ? প্রীতিভাজন বন্ধু-বান্ধবদিগকে সে তাহার রচিত “যুথিকা” পাঠাইয়াছিল, সঙ্গে সঙ্গে পত্নীকেও একখানি বই ডাকযোগে পাঠাইয়া দিয়াছিল ; কিন্তু কই, প্রতিভা ত সে সম্বন্ধে একটি কথাও তাহাকে লিখিয়া জানায় নাই ! তাহার স্বামী কবি, এ সৌভাগ্যে তাহার আনন্দ হইবার কথা নহে কি ? কবিতা বুঝিবার শক্তি থাকিলে ত ? অর্ধশিক্ষিতা পত্নীবাসিনী

নারীর সে বুদ্ধি কোথায় ? হয় ত খানকয়েক উপায়াসই পড়িয়াছে। তাহাও কি বুঝিতে পারে, ছাই ? হয় ত শুধু গল্পাংশই পড়িয়া যায়। উপায়াসে যে সকল অপূর্ব তত্ত্ব, বর্ণনাবৈচিত্র্য এবং চরিত্রের সৌন্দর্য্য থাকে, তাহা বুঝিবার ও বিশ্লেষণ করিবার ক্ষমতা তাহাদের কোথায় ? পত্নীনারী এ সকল রসমাধুর্য্যের আশ্বাদ পাইবে কিরূপে ? প্রেম কত মহৎ, কি সুন্দর ! ইহার অনুভূতি বধুর কল্পনার অতীত। হয় ! তাহার মত হতভাগা আর কে আছে ? তাহার জীবন চিরদিনের জন্ত ব্যর্থ, নিষ্ফল হইয়া গিয়াছে !

রমেন্দ্র আকুল দৃষ্টিতে তারকাচিত্রিত স্তব্ধ গগন পানে চাহিয়া রহিল। সেখানে আশ্বাসের কোনও আভাস কি সে দেখিতে পাইতেছিল ?

ষষ্ঠ পরিচ্ছেদ

“বোমা !”

“যাই, মা।”

অনুচ্চ, মৃদু কাণে উত্তর দিয়া গোময়লিপ্তহস্তে পুত্রবধু কাছে আসিলে শান্তভী স্নেহে বলিলেন, “এত ভোরে উঠেছ কেন, মা ? এত কি কাণ যে, রাত পোহাতে না পোহাতে বিছানা ছেড়ে উঠেছ ? ঠাণ্ডা লেগে অসুখ কববে যে !”

পুত্রবধু প্রতিভা দৃষ্টি নত করিয়া মৃদু হাসিল। শরতের প্রভাতে ঠাণ্ডার ভয় ! মা যেন কেমন !

রমেন্দ্রের মাতা বলিলেন, “হাত ধুয়ে এস, মা লস্কি ! বড়বৌ বাকি কাণ করবে’খন। আশা, খেটে খেটে বাছার আমার শরীর কালি হয়ে গেছে।”

হাস্ত দমন করিয়া মৃদু স্বরে প্রতিভা বলিল, “আমি বেশী খাটি কই, মা ? আপনি আমায় মোটে কাণ কর্তেই দেন না। সকালবেলা তুলসীতলায় গোবর-লতা না দিলে মন ভাল থাকে না, তাই মা দিচ্ছিলাম।”

“তা বেশ করেছ। এখন যাও, হাত-পা ধুয়ে এস। কাপড় ছেড়ে ঘরে যাও, খাবার ঢাকা আছে, আগে খেয়ে নাও। তাড়াতাড়ি রান্নাঘরে যাবার দরকার নেই, আজ আমি রাঁধব।”

প্রতিভা চলিয়া গেল। গৃহিণী বারান্দায় বসিয়া তাড়া-তাড়ি মালা করিতে লাগিলেন।

শরৎপ্রভাতের রৌদ্র গোময়লিপ্ত উঠানে পড়িয়া হাসিতেছিল। অদূরে গোয়ালঘরের সম্মুখে কয়েকটি পরস্বিনী গাভী রোমন্থ করিতেছিল। দোহনাবশেষ পালানে মুখ রাখিয়া বাছুরগুলি দুগ্ধপানের চেষ্টা করিতেছিল।

এমন সময় শাক-সজ্জী ও তরকারীপূর্ণ একটা প্রকাণ্ড ঝড়ি মাথায় লইয়া এক ব্যক্তি প্রাঙ্গণে দাঁড়াইয়া ডাকিল, “মা !”

মালা রাখিয়া গৃহিণী বলিলেন, “ওতে কি রে, মাধু ?”

মাধব বারান্দায় ঝড়ি নামাইতে নামাইতে বলিল, “বাগানের তরকারী। আজ তুমি নিজে রাখবে বলে বেশী ক’রে এনেছি।”

মাধব জ্ঞাতিতে গোয়াল। পাঁচ বৎসর বয়সে পিতৃ-মাতৃহীন, আত্মীয়স্বজনপরিত্যক্ত বালক, রমেন্দ্রের পিতা পার্শ্বতীচরণের আশ্রয় লাভ করে। পার্শ্বতীচরণ বেণীপুরের জমীদারদিগের দেওয়ান ছিলেন। মেদিনীপুর তালুক হইতে বাড়ী ফিরিবার সময় এই অনাথ বালকটিকে পাইয়া তিনি তাহাকে সঙ্গে করিয়া আনেন এবং পুত্রনির্বিশেষে প্রতিপালন করিতে থাকেন। তদবধি সে এই পরিবারেরই এক জন হইয়া গিয়াছিল। পিতামাতা বলিতে সে পার্শ্বতী-চরণ ও তাঁহার পত্নীকেই বৃত্ত। পার্শ্বতীচরণ মাধবকে গ্রাম্য বিদ্যালয়ে মাইনর পর্য্যন্ত পড়াইয়াছিলেন। তাহার পর তাহাকে জমীদারীকাৰ্য্যে পাকা করিয়া তুলেন। কোনও পিতৃমাতৃহীনা গোপ-বালিকার সহিত মাধবের বিবাহও দিয়া-ছিলেন। মাধব পত্নীসহ পার্শ্বতীচরণের বাড়ীতেই থাকিত।

যত দিন কঠা জীবিত ছিলেন, মাধব তাঁহার সঙ্গে মঙ্গলই ফিরিত। তাঁহার ৮ বৎসরের একমাত্র সন্তান ও সহধর্মিণীকে রাখিয়া যখন তিনি এক দিন দোকান-পাট তুলিয়া লইলেন, তখন মাধবও আপনাকে পিতৃহীন মনে করিয়াছিল। জমীদারের কার্য্য ছাড়িয়া দিয়া মাধব তখন পার্শ্বতীচরণের তালুকের তত্ত্বাবধান করিতে লাগিল। পার্শ্বতীচরণ যে সম্পত্তি রাখিয়া গিয়াছিলেন, তাহাতে মালিয়ানা প্রায় ৫ হাজার টাকা মুনাফা ছিল। কোথায় কোন সম্পত্তি কি ভাবে আছে, সমস্তই মাধবের নখদর্পণে ছিল; সুতরাং পার্শ্বতীচরণের অবিদ্যমানে কেহ তাঁহার বিধবা ও নাবালক পুত্রকে ঝাঁকি দিতে পারিল না। মাধবকে

সকলেই যমের মত ভয় করিত। তাহার দেহে অগাধ বল, জদয়ে অপরিমিত সাহস ছিল। কুস্তি, লাঠিখেলা অথবা মামলা-মোকদ্দমায় আশপাশের ৮৯ থানা গ্রামের মধ্যে মাধবের সমকক্ষ কেহই ছিল না।

মাধবের এখন ১৫ বৎসর বয়স হইলেও তাহার পেশীবহুল, ঋজু ও বলিষ্ঠ শরীরের দিকে চাহিলে কেহ তাহার বয়স ত্রিশ বৎসরের বেশী বলিয়া অনুমান করিতে পারিত না। তাহার মাথার একটা কেশ পর্য্যন্ত পাকে নাই, ললাটে একটাও কুঞ্চিত রেখাপাত হয় নাই। মাধব নিজের হাতে পার্শ্বতীচরণের বাগানে শাক-সজ্জীর আবাদ করিত, খামার জমীতে লাঙ্গল ধরিয়া ধান-কড়াইএর চাষ করিত। মাথায় করিয়া তরকারীর ঝোড়া বহন করিতে তাহার আত্মসম্মানে এতটুকু আঘাত লাগিত না। এ সংসারের যে সে বড় ছেলে! তাহার সন্তানাদির সম্ভাবনা ছিল না। স্বামী ও স্ত্রী মিলিয়া বাড়ীর সব কাযই করিত। বাড়ীতে দাসদাসীর বাহুল্য ছিল না।

রমেন্দ্রের মাতা প্রায় বলিতেন যে, কৃষাণ রাখিয়া চাষ করিলে দোষ কি? মাধবের অত পরিশ্রম করা উচিত নয়। উত্তরে মাধব হাসিয়া বলিত, “মা, তুমি আশীর্বাদ কর—এ দেহ সামান্য মেহনতে ভেঙ্গে পড়বে না! যে পয়সা মজুরকে দেব, তা’তে দেবতা, অভ্যাগতের সেবা হবে।” তবে বেশী পরিমাণে আবাদের প্রয়োজন হইলে সে নগদা মজুরের সাহায্য লইত।

পার্শ্বতীচরণের গৃহ হইতে এ পর্য্যন্ত কখনও কোনও অতিথি বিমুখ হয় নাই। বেলা ১টাই বাজুক অথবা রাত্রি দ্বিপ্রহরই হউক, যখনই কোন অতিথি বা ভিখারী আসিত, মাধব তাহাকে পরিতোষ পূর্ব্বক না খাওঁয়াইয়া ছাড়িয়া দিত না।

মাধব জমীদারীকাৰ্য্যে যেমন মজবুত ছিল, কৃষিকাৰ্য্যেও তাহার মাথা তেমনই খেলিত। সে প্রতি বৎসর বাড়ীর সংলগ্ন বিস্তৃত ভূখণ্ডে নানাবিধ শাক-সজ্জীর আবাদ করিত। লাউ, কুমড়া, বেগুন, মুলা, শিম, বরবটা, আলু, পটল প্রভৃতি সময়োপযোগী সকল প্রকার জিনিষই পর্য্যাপ্ত পরিমাণে উৎপন্ন হইত। নারিকেল, সুপারী, কদলীবৃক্ষ শ্রেণীবদ্ধভাবে বাগানের শোভা ও সম্পদ বৃদ্ধি করিত। নারিকেল হইতে বৎসরের উপযোগী তৈলও জন্মিত। সুপারী

কিনিতে হইত না। ক্ষেত্রে যে সরিষা জন্মিত, তাহা হইতে সংবৎসরের তৈল ত হইতই, অধিকন্তু কিছু উদ্ভুক্তও থাকিত। বাড়ীতে চাষের জন্ত চারি জোড়া বলদ ছিল, অবসরকালে মাধব তাহাদিগকে ঘানিগাছে জুড়িয়া দিত। ছুইটি বৃহৎ পুরুরিণী ছিল—একটিতে মাধব চারা মাছ জন্মাইত, অপরটিতে মাছ বড় হইত। বাড়ীতে কয়েকটি পরশ্বিনী গাভী ছিল। মাধবের ব্যবস্থাপুণে একই সময়ে সকলে দুগ্ধ প্রদান করিত না। অথচ সারা বৎসর পর্য্যাপ্ত দুগ্ধ উৎপন্ন হইত। দুগ্ধ হইতে মাখন ও সর তুলিয়া মাধব যে ঘৃত প্রস্তুত করিত, তাহাতে পার্শ্বতীচরণের বাড়ীর ব্যবহারের উপযোগী ঘৃত কোনও দিন বাজার হইতে কিনিতে হয় নাই।

এইরূপে মাধবের কস্মকুশলতায় রমেন্দ্রের মাতা তালুকের আয় হইতে অতি সামান্য অর্থ লইয়াই সংসারের বাবতীয় কায চালাইতেন। অধিকাংশ অর্থ সঞ্চিত হইত। তবে সস্তার বাজারে মাধব কিছু অর্থ লইয়া ধান, চাউল কিনিয়া ব্যবসায় করিত। সুদ লইয়া টাকা ধার দেওয়া মাধবের কোষ্ঠীতে লেখে নাই। পার্শ্বতীচরণ কখনও সুদ লইতেন না। তাহার জীবনে এই স্বধর্মপরায়ণ ঞায়নিষ্ঠ ব্যক্তির চরিত্রের আদর্শ রেখাপাত করিয়াছিল। মাধব কখনও সুদ লইয়া টাকা খাটাইত না, কিন্তু বিপদের সময় অর্থসাহায্য পায় নাই, এমন লোক সে গ্রামের মধ্যে কেহই ছিল না। সুদের উপর মাধবের বিজাতীয় ঘৃণা ছিল।

স্বদেশী আন্দোলনে মাধব কোনও দিন সাক্ষাৎসম্বন্ধে যোগ দেয় নাই; তাহার যৌবনের প্রথম অবস্থায় স্বদেশী আন্দোলনের ডান্ডাও হয় নাই, কিন্তু দেশী জিনিষ পাইলে সে কখনও বিদেশী জিনিষ ব্যবহার করিতে চাহিত না। পার্শ্বতীচরণের গৃহে বিদেশী জিনিষের বড় একটা প্রবেশাধিকার ছিল না। ইংরাজী সে বেশী পড়ে নাই সত্য, কিন্তু তাহা না পড়িয়াও দেশের মাটির প্রতি তাহার যে শ্রদ্ধা, ভক্তি ও বিশ্বাস ছিল, বোধ হয়, অনেক দেশনেতার তাহার অর্ধেকও ছিল না।

মাধব তরকারীর ঝোড়া রোয়াকের উপর নামাইয়া, কোমর হইতে গামোছা খুলিয়া লইয়া ঘাম মুছিয়া ফেলিল। তাহার পর গৃহকর্তার সম্মুখে বসিয়া ঝোড়া হইতে একে একে ফল-মূল ও তরকারীগুলি নামাইয়া রাখিতে লাগিল।

গাছের বড় বড় পাকা পেঁপে একপাশে রাখিয়া মাধব বলিল, “মা, খোকার চিঠি পেয়েছ? সে কবে আসবে?”

মাধব এখনও রমেন্দ্রকে খোকা বলিয়া ডাকিত।

জননী বলিলেন, “চার পাঁচ দিন আগে একখানা পোষ্ট-কার্ড লিখেছিল, কিন্তু আসবার দিনের কথা তাতে কিছু লেখেনি।”

মাধব বলিল, “সে পেঁপে বড় ভালবাসে ব’লে গাছের পেঁপেতে হাত দেইনি। এগুলো একেবারে পেকে উঠেছে, তাই তোমার জন্ত আনলুম। পূজোর ত আর বেশী দেরী নেই। কবে আসবে, তা লিখলে না কেন?”

মাতা বলিলেন, “একজামিনের পড়ায় বুকি খুব ব্যস্ত আছে।”

মাধব হাই তুলিয়া তুড়ি দিতে দিতে বলিল, “আমি এখন আবার ক্ষেতের দিকে চল্লুম, মা! তুমি সকাল সকাল কায সেরে নিও।”

মাধব চলিয়া গেলে তাহার স্ত্রী রাধারাণী গোয়ালঘরের কায সারিয়া কুটনা কুটিতে বসিল।

সপ্তম পরিচ্ছেদ

দ্বিপ্রহরে, আহারশেষে রমেন্দ্রের মাতা কাশীরাম দাসের মহাভারত পড়িতেছিলেন। পাশ্বে রাধারাণী ও প্রতিভা বসিয়া সেই পুণ্যকাহিনী শুনিতেন। প্রতিভা পিতৃগৃহে শিক্ষা পাইয়াছিল। আধুনিক হিসাবে সে সুশিক্ষিতা ছিল কি না, তাহা বলা যায় না। তবে সুপাণ্ডিত পিতার নিকট হইতে শিক্ষা পাইয়া বাঙ্গালাভাষায় তাহার নিতান্ত মন্দ অধিকার জন্মে নাই। চারুপাঠ তৃতীয় ভাগ, রামবনবাস, নবনারী, ভূদেববাবুর পারিবারিক প্রবন্ধ, সামাজিক প্রবন্ধ প্রভৃতি গ্রন্থ সে বিদ্যালয়ের ছাত্রীর ঞায় ব্যাকরণ ও সাহিত্য হিসাবে অধ্যয়ন করিয়াছিল। ব্যাকরণ কোমুদীর চারি ভাগই তাহার কণ্ঠস্থ ছিল। ইংরাজী ও সংস্কৃত-সাহিত্যে সুপাণ্ডিত পিতা স্বয়ং সন্তানকে শিক্ষা দিতেন। বালিকা-বিদ্যালয়ে কখনও কথাদিগকে খাইতে দেন নাই। চাণক্য-শ্লোক ছাড়া, গীতার বহু শ্লোক প্রতিভার কণ্ঠাগ্রে ছিল। কালিদাসের কয়েকখানি কাব্যও সে পড়িয়াছিল। ইংরাজীও যে সে কিছু না জানিত, তাহা নহে। কিন্তু স্বভাবতঃ



“শতক বরষ পরে, বধুয়া মিলল ঘরে,
রাধিকার অন্তরে উল্লাস । •
হারানিধি পাইছু বলি, লইয়া হৃদয়ে তুলি,
রাখিতে না সহে অবকাশ ।”

বঙ্গমতী প্রেস]

[শিল্পী—শ্রীসতীশচন্দ্র সিংহ ।

স্বল্পভাষিনী এবং লজ্জাশীলা বলিয়া প্রতিভা কখনও কাহারও নিকট নিজের বিজ্ঞাবুদ্ধির পরিচয় দিবার চেষ্টা করিত না। সে যে পিতার শিক্ষাশুণে ভাষা-সাহিত্যে বিশেষ ব্যুৎপত্তি লাভ করিয়াছিল, এ সংবাদ তাহার শ্বশুরা-লয়ের কেহই জানিতেন না। রমেন্দ্র ত জানিবার জন্ত কোন দিন চেষ্টাও করে নাই। প্রতিভাও এমনই ভাবে থাকিত যে, লেখাপড়ার প্রতি তাহার কিরূপ আগ্রহ এবং তাহার অধিকারই বা কত দূর, তাহা কেহ বঝিতে পারিত না।

তবে কেহ যদি গোপনে তাহার বড় কাপড়ের ট্রাঙ্কটি খুলিয়া দেখিত, তাহা হইলে, গীতা, কুমারসম্ভব, উত্তররাম-চরিত প্রভৃতি কয়েকখানি সংস্কৃত গ্রন্থ এবং মাইকেল মধু-সূদন দত্তের জীবনচরিত, বাহুবল্লুর সজ্জিত মানব-প্রকৃতির সম্বন্ধ বিচার, সামাজিক ও পারিবারিক প্রবন্ধ এবং রুক্ষ-চরিত্র প্রভৃতি বাঙ্গালা ভাষার কয়েকখানি উপাদেয় গ্রন্থ দেখিতে পাইত। সেগুলি তাহার পিতার দান। গভীর রজনীতে অথবা নির্জর্জন স্থানে গোপনে অবকাশমত সেগুলি প্রতিভা অধ্যয়ন করিত।

শাশুড়ী মহাভারত পাড়তেছিলেন। পুত্রবধু সাগ্রহে তাহা শুনিতেন। পিতৃগৃহে সে কতবার যে এই অমৃত-গ্রন্থ পড়িয়াছে! রামায়ণ ও মহাভারতের সে একনিষ্ঠ উপাসিকা। এমন চমৎকার গ্রন্থ কোন্ সাহিত্যে আর আছে? রামের পিতৃভক্তি, লক্ষ্মণের ভ্রাতৃত্বের, পৃথিবীর আদর্শ, সীতার পতিপ্রেম ও সচ্ছিত্ততা যুগ যুগ ধরিয়া পৃথিবীতে অমৃত ছড়াইতে থাকিবে। ভীষ্মের মত দেব-চরিত্র কোথায় দেখিতে পাওয়া যায়? যুধিষ্ঠিরের জ্ঞান সত্যনিষ্ঠা, ধৈর্য ও মহত্ব কে দেখাইতে পারিয়াছে? সাবিত্রীর জ্ঞান সতীগর্ভ পৃথিবীর নারীসমাজের আদর্শ। ধ্রুব সত্য মৃত্যুকে কক্ষফলের দ্বারা—একনিষ্ঠ সাধনার দ্বারা কে কোথায় জয় করিতে পারিয়াছিল? সমগ্র পৃথিবীর ইতি-হাসে এমন দ্বিতীয় চিত্র আছে কি? সুপণ্ডিত পিতার নিকট হইতে এই সকল তত্ত্ব সে উত্তমরূপে আয়ত্ত করিয়া লইয়াছিল।

প্রত্যহ গৃহকন্ম সমাধার পর কত্রী মহাভারত বা রামায়ণ পাঠে অবসরকাল যাপন করিতেন। সেই সময় পুত্রবধু তাঁহার কাছে বসিয়া থাকিত। ইহা তাঁহাদের নিত্যকার্যের

মধ্যে ছিল। ইহাতে পাঠিকা ও শ্রোতার—কোন পক্ষেরই অবসাদ কখনও দেখা যাইত না।

অপরাত্নের আলোকরশ্মি গাছের পাতার ফাঁক দিয়া, খোলা জানালার মধ্য দিয়া প্রতিভার মুখে আসিয়া পড়িয়াছিল। তখন তাহার মুখে অবগুণ্ঠনের দীর্ঘ পরিসর ছিল না, কখনও থাকিত না। ইহাতে তাহার শাশুড়ীর নিষেধ ছিল। পুত্রবধু বাড়ীর মেয়ে—মা'র কাছে মেয়ের অবগুণ্ঠনের অন্তরাল সম্পূর্ণ নিষ্প্রয়োজন। প্রতিভা নিবিষ্টমনে সেই অমৃত-কাহিনী শুনিতেন। শাশুড়ী তখন সহসা স্বামিপরিত্যক্তা রাজরাণী দময়ন্তীর অসহায় অবস্থার কথা পড়িতেছিলেন। সে করুণকাহিনী বহুবার শ্রুত বা পাঠিত হইলেও প্রতিভার প্রাণে নূতন বেদনার সঞ্চার করিল। তাহার ক্ষুদ্র হৃদয়টুকু অসহায় রাজরাণীর সেই অবস্থার কথা কল্পনা করিয়া যেন ফুলিয়া উঠিল। কল্পনাবলে সে যেন তখন নিজের মানস-দৃষ্টির সম্মুখে কাননে পরিত্যক্তা, অর্ধবসনা সূন্দরীর চিত্র দেখিতে পাইতেছিল। নিজে-ভক্তের পর একমাত্র আশ্রয় স্বামীকে দেখিতে না পাইয়া পতিগত-প্রাণা নারীর প্রাণে কিরূপ বন্ধুণা, কাতরতা ও নৈরাশ্রের উদয় হইয়াছিল, তাহা অনুভব করা নারীর পক্ষে-বিশেষতঃ ভারতীয় রমণীর পক্ষে নিতান্তই সহজ। প্রতিভার আয়ত লোচনযুগলে সমবেদনার অশ্রু ছল-ছল করিয়া উঠিল। অশ্রুর অগোচরে সে অশ্রুবিন্দু অঞ্চলে মুছিয়া ফেলিল।

গৃহিণীর কণ্ঠস্বরও আঁদ্র হইয়া আসিয়াছিল। তিনি অশ্রুমনস্কভাবে পুত্রবধুর দিকে চাহিলেন। সে দৃষ্টি ইচ্ছাকৃত নহে। অনেক সময় মানুষ শুধু শুধু চাহিয়া দেখে—এ দৃষ্টিও সেইরূপ। করুণ, শোকাবহ কাহিনী পাঠ বা শ্রবণ-কালে সাধারণতঃ অনেকেরই ভাবান্তর ঘটিয়া থাকে; প্রতিভার এরূপ ভাবান্তর তিনি অনেক সময়ই লক্ষ্য করিয়া আসিয়াছেন। কিন্তু আজ তাহার অশ্রুসিক্ত মুখমণ্ডল দেখিয়া তাঁহার কোমল মাতৃহৃদয় যেন অকস্মাৎ শিহরিয়া উঠিল। কোন কারণ হয় ত ছিল না, তথাপি তাঁহার চিত্ত করুণায় ভরিয়া উঠিল। গৃহিণী পড়া বন্ধ করিয়া বলিলেন, “বেলা গেল; আজ এই পর্য্যন্ত থাক। মা লক্ষ্মি! দেখ ত আমার মাথায় পাকা চুল আছে কি না?”

পাকা চুলের অভাব নিশ্চয়ই ছিল না। প্রতিভা পাকা চুল বাছিতে বসিয়া গেল,

এমন সময় বাহিরে হরকরা ডাকিল, “চিঠি আছে !”

কর্ত্রী রাধারাণীকে চিঠি লইয়া আসিতে বলিলেন।

পত্রহস্তে মাধবের পত্নী ফিরিয়া আসিল। কর্ত্রী চিঠি দেখিয়াই বুঝিলেন, রমেন্দ্র লিখিয়াছে। এবার পরীক্ষার বিলম্ব আছে, রাজকুমারের সহিত দেশভ্রমণে যাইবার প্রয়োজন হইবে না, এ সংবাদ তিনি পূর্বেই জানিয়াছিলেন। শরীর অসুস্থ বলিয়া রাজকুমার দার্জিলিঙ্গে চলিয়া গিয়াছেন, সে সংবাদ রমেন্দ্রই পূর্বে লিখিয়াছিল।

আশাম্পন্নিত হৃদয়ে মাতা পুত্রের পত্র পড়িতে লাগিলেন। পাঠশেষে তাঁহার মুখমণ্ডল গম্ভীর হইল। রমেন্দ্র লিখিয়াছে, পরীক্ষার বিলম্ব থাকিলেও এইবার শেষ পরীক্ষা, সুতরাং এখন দেশে গেলে তাহার পক্ষে বি-এল পরীক্ষায় চরম সার্থকতালাভে নানা বিঘ্ন ঘটতে পারে। রায়চাঁদ-প্রেমচাঁদ বৃত্তিলাভের জন্ত সে যে চেষ্টা করিতেছে, তাহাতেও বাধা পড়িবার সম্ভাবনা। এই কয় বৎসর ধরিয়া সে এই বৃত্তিলাভের জন্ত পরিশ্রম করিয়াছে—পাছে সাধনা ব্যর্থ হয়, সেই আশঙ্কায় এত দিন সে এই পরীক্ষা দেয় নাই। কিন্তু এইবার সে সকল প্রকার পরীক্ষা দেওয়ার হাঙ্গামা মিটাইয়া ফেলিবে—ছাত্রজীবন সমাপ্ত করিয়া সে মাতার কোলে ফিরিয়া গিয়া সংসারের দায়িত্ব গ্রহণ করিবে। সুতরাং পূজার সময় দেশে না গিয়া সে কলিকাতাতেই থাকিবে, সে জন্ত সে মাতার অনুমতি চাহিয়াছে। তবে হয় ত হঠাৎ ছুই এক দিনের জন্ত সে মাতৃচরণ-বন্দনা করিতে দেশে যাইতেও পারে, ইত্যাদি।

সন্ধ্যার সময় মাধব ক্ষেত্র হইতে গৃহে ফিরিলে কর্ত্রী তাহার হস্তে রমেন্দ্রের পত্রখানি দিলেন। সে উহা পড়িয়া বলিল, “পূজার সময় ক’দিনের জন্ত বাড়ী এলে পড়ার কি

ক্ষতি হবে বুঝলুম না, মা ! পূজার সময় দেশে আসবে না, এ কি রকম কথা ?”

মাতা বলিলেন, “মাধব, সে হবে না। পূজোর সময় কোন বার বোমাকে আনি নে। এবার এনেছি, বুঝেই এনেছি, সুতরাং ছেলেকে বাড়ী আসতেই হবে। এখনও ত পূজোর কয় দিন বাকি আছে, তুমি কলকাতায় গিয়ে তাকে সঙ্গে ক’রে নিয়ে এস।”

“সেই কথাই ভাল। মিত্তিরদের কাছে ধানের বাবদ পাঁচ শ টাকা পাওনা আছে, বৃহবার সেই টাকাটা দেবার কথা। আজ রবিবার, মাঝে আর দুটো দিন—বৃহবার রাতে বা বৃহস্পতিবার সকালে আমি কলকাতায় যাব।”

“তাকে বঝিয়ে দিও যে, বেশী দিন আমি তাকে এখানে রাখব না। লক্ষ্মীপূজোর পরই তাকে ছেড়ে দেব। তাতে তার পড়া-শোনার কোন ক্ষতি হবে না। লেখাপড়ার ক্ষতি হ’তে পারে ভেবেই এত দিন আমি তাকে কোন ঝঞ্জাটের মধ্যে ফেলিনি। বোমাকেও বেশীর ভাগ বাপের বাড়ীতে রেখেছি। কিন্তু এখন আমিই বেশ বঝতে পারছি, তার ক্ষতির কোন সম্ভাবনা নেই। তাকে বলো, আমি নিজেই তাকে আসবার জন্ত বিশেষ ক’রে ব’লে দিয়েছি। তার আসা চাই।”

প্রতিভা তখন তুলসীতলে সন্ধ্যাদীপ জ্বালাইয়া, অলক্ষ্য দেবতার উদ্দেশে প্রণাম করিয়া উঠিতেছিল।

কর্ত্রী সেই দিকে চাহিয়া দৃঢ়স্বরে বলিলেন, “বুঝেছ, মাধু, রমেনের কোন রকম ওজর আপত্তি আমি এবার শুনবো না—সেটা তাকে বঝিয়ে দিও। তা’কে সঙ্গে ক’রে আনা চাই।”

[ক্রমশঃ ।

শ্রীসরোজনাতথ ঘোষ ।

দর্শন

[কবীর]

প্রিয়তম-সাথে ক’রে নে রে প্রেম
কি ভাবিস্ বার বার ;
নাবিকের সাথে মিলন না হ’লে
কেমনে হবি রে পার ?

দেখিবার সাধ যদি থাকে তাঁরে
দর্পণ মাজ তবে -
ধূলা-ভরা যদি থাকে সে মুকুর
কোথা হ’তে দেখা হবে ?

শ্রীকমলকৃষ্ণ মজুমদার ।

কলিকাতা ও সহরতলা—৫৪ বৎসর পূর্বে



ইংরাজী ১৮৭০ খৃষ্টাব্দের ঠিক শ্রাবণ মাসে আমি প্রথম কলিকাতায় আসি। দেখিতে দেখিতে সুদীর্ঘ ৫৪ বৎসর অতীত হইয়া গেল। সে সময়ের কলিকাতা কিরূপ ছিল, আর আজ কি হইয়াছে, উহা যেন নন্দদর্পণে দেখিতে পাইতেছি। কবি সত্যই বলিয়াছেন—“স্মৃতি শুধু জেগে থাকে।” বাস্তবিক তখন কি ছিল, আর এখন কি হইয়াছে, তাহা শুনিবার জ্ঞান অনেকের আগ্রহ হইতে পারে, বিশেষতঃ যুবকবৃন্দের। আমার মত বুদ্ধদিগের নিকটে অবশ্য আমার নূতন কিছু বলিবার নাই।

প্রথম যখন কলিকাতায় আসিলাম, তখন আমাদের বাসা ছিল ভারতীয় ব্রাহ্মসমাজের সন্নিকটে, তখন ব্রহ্মানন্দ কেশব সেন ব্রাহ্মধর্ম প্রচারার্থ বিলাত গমন করিয়াছেন। ভিক্টোরিয়া মেমোরিয়াল হলে সেই সময়কার কলিকাতার কোনও প্রতিকৃতি আছে কি না, জানি না। তখন সবেমাত্র


খিলান করা পয়ঃপ্রণালী (drain) কলিকাতায় প্রবর্তিত হইতেছে, দুই চারিটি রাজপথ প্রস্তুত হইতেছে এবং নূতন জলের কল আসিয়াছে। হিন্দু-সমাজের অনেকে সেই কলের জল অপবিত্র বলিয়া ব্যবহার করিতে নারাজ ছিলেন। অধিকাংশ হিন্দু-গৃহস্থের গৃহে উড়িয়া ভারীদিগের দ্বারা ভারে তোলা গঙ্গাজল ব্যবহৃত হইত। এক ভার অর্থাৎ দুই কলস জলের দুই আনা মূল্য ছিল। সুতরাং আজকাল আমরা জলের জ্ঞান যে টেক্স দিই, সেটাকে টেক্স বলা অগায়; পূর্বের তুলনায় আমাদের অনেক পয়সা বাঁচিয়া যায়। তখন প্রতি বাড়ীতে মাটির সাধারণ পাতকুয়া ছিল, তাহার জলে থালা-বাসন মাজা প্রভৃতি গৃহস্থালীর দায়িত্বীয় কাম স্বচ্ছন্দে নিৰ্বাহ হইত। আর ভারীরা যে গঙ্গাজল বা হেছিয়া, লালদিঘী, গোলদিঘী প্রভৃতি হইতে যে জল আনিত, তাহা কেবল পানীয়রূপে ব্যবহৃত হইত। পথে এক শ্রেণীর লোক “কুয়োর ঘটা তোলাবে” বলিয়া হাঁকিত। তাহাদের সহিত দড়ি ও কাঁটা থাকিত। তাহারা এখন আর নাই বলিলেই হয়। এরূপ অনেক পেশারই বিলোপ সাধিত হইয়াছে। পথের দুই পাশে উন্মুক্ত পয়ঃপ্রণালী (পগার) ছিল। সেই পগার দিয়া অতি কদর্য পঙ্কিল অবিল



কেশবচন্দ্র সেন

জলের স্রোত বহিত। সেই জলের (chemical character) এর কথা বলিতে চাহি না। তাহাতে ছিল না, এমন জিনিষ নাই, তাহার গন্ধে নাসিকা কুঞ্চিত করিতে হইত; আর সেই পগারের পারে গৃহস্থবাড়ী, দোকান প্রভৃতি ছিল। প্রত্যেক পগার পার হওয়ার জন্ত সঁকো ছিল। অনেক সময় এমন চর্ঘটনা ঘটয়াছে যে, গাড়ী ঘোড়া একেবারে তাহার ভিতর গিয়া পড়িয়াছে। এখনকার মত পূর্নবিভাগ মিউনিসিপ্যালিটির তখন হয় নাই। পয়ঃপ্রণালী ইত্যাদিতে কতরূপ জীব

যে ভাসিয়া বেড়াইত, তাহার ইয়ত্তা ছিল না। ভূগন্ধে অন্নপ্রাণনের অন্ন উঠিয়া বাইবার উপক্রম হইত। পান্থখানার মলও তাহাতে ঢালা হইত। আমার সম্পর্কীয় জ্যেষ্ঠা মহাশয় প্রভৃতি বাহারা তখন কলিকাতায় চাকুরী করিতেন, তাঁহারা বলিতেন, হাট-খোলা, কুমারটুলী প্রভৃতি অঞ্চলে অনেক মেথর গঙ্গায় বিষ্ঠা ঢালিত, স্রোতে সে সমস্ত ভাসিয়া বেড়াইত। কাপড় কাচিবার সময় তাহাতে সেই মল লাগিয়া



ফোর্ট উইলিয়ম --- ১৭৩৬

বাইত, আর স্নানের সময় সীগস্তিনীদের কেশগুচ্ছে তাহা জড়িত হইয়া যাইত। সে এক অদ্ভুত বাপার ছিল! তখনকার তুলনায় এখন কলিকাতা স্বর্গ।

গঙ্গাতে সর্কাদা পাইলের জাহাজ দেখা যাইত। য়ুরোপ হইতে যে সমস্ত সমুদ্রপোত পণ্যসম্ভার লইয়া এ দেশে আসিত, তাহা পাইল খাটাইয়া উত্তমাশা অন্তরীপ ঘুরিয়া কলিকাতায় আসিয়া উপনীত হইত। তবে তখন স্নয়েজ-খাল সবেমাত্র কাটা হইতেছে।

প্রায় ১ শত ১০ বৎসর পূর্বেকার কথা, কবি ঈশ্বর গুপ্তের বয়স তখন ৩ কি ৪ বৎসর হইবে, সবেমাত্র তিনি কলিকাতায় আসিয়াছেন। তিনি ছিলেন স্বভাবকবি, চেষ্টা বা কষ্টকল্পনা করিয়া তাঁহাকে কবি হইতে হয় নাই। কলিকাতায় কি দেখিয়াছ, জিজ্ঞাসা করিলে, অমনি তিনি বলিয়া উঠিতেন,--

“রেতে মশা দিনে মাছি,

এই নিয়ে ভাই কলকেতায় আছি।”

কলিকাতায় কি প্রকার আবর্জনা ও ময়লা ছিল এবং কলেরার প্রকোপ কিরূপ ছিল, তাহা এই মশা-মাছি হইতেই বুঝা যায়। সে সব কথা ভাবিলেও এখন আতঙ্ক হয়।

এখন যেখানে প্রেসিডেন্সী কলেজ, সেখানে আমরা সর্কাদে কর্দমলিপ্ত হইয়া হেয়ার স্কুলে হাজির হইতাম। হেয়ার স্কুলের স্থানে তখন খোলা মাঠ ছিল, তখন স্কুলের নাম পরিবর্তন করিয়া হেয়ার স্কুল রাখা হয়। একতারা



সেন্ট এ্যান্ড চার্চ—১৭৫৬

বাড়ীতে ভবানীচরণ দত্ত লেনে তখন হেয়ার স্কুল বসিত। এখন যেখানে সংস্কৃত কলেজ, উহার অপর পাশে ছিল প্রেসিডেন্সী কলেজ। তখন হেয়ার স্কুলের মাত্র ২৪খানি ঘর ছিল, আর যে যায়গা খালি ছিল, সেখানে ১৮৭৩ খৃষ্টাব্দে লর্ড নর্থব্রুক বর্তমান প্রেসিডেন্সী কলেজের ভিত্তি স্থাপন করেন। প্রিন্সিপাল মিঃ টনী য়ুনিভারসিটির কয়েকজন প্রতিষ্ঠাবান্ মেধাবী ছাত্র লইয়া শিক্ষাকার্য

আরম্ভ করেন। কেশব-চন্দ্রের অমুজ্জ-কৃষ্ণ-বিহারী সেন তাঁহাদের অগ্রতম ছিলেন। আমরা পাশের উচ্চ ভিত্তির উপর দাঁড়াইয়া সে সব অমুষ্ঠান দেখিয়াছিলাম। এখনকার হেয়ার স্কুল তখন সবে-মাত্র নির্মিত হইতেছে। তখন পুরান এলবাট হলও সংস্থাপিত হয় নাই। উহার পর যে বাড়ীতে হয়, উহার ২৪খানি ঘর ভাড়া লইয়া ক্লাশের কাব চলিয়া যাইত, তাহারই একটা হলে প্রেসিডেন্সী কলেজের অতিরিক্ত র সা য় ন শাস্ত্র বিষয়ে লেকচার দেওয়া

হইত। তখন বর্তমান হাইকোর্টের বিল্ডিং তৈয়ারী হইতেছে। এখন যেখানে আলিপুরের সংলগ্ন সাকুলার রোডের উপর ইলেক্ট্রিক সাপ্লাই ডিপার্টমেন্টের কতকগুলি গবর্ণমেন্টের কারখানা-ঘর আছে, সেখানে ছিল সদর দেওয়ানী আদালত। কিছু দিন পরে উহা হাইকোর্টে পরিণত হইলে নব-নির্মিত বর্তমান বাড়ীতে উঠিয়া গেল। যাহুঘর তখন নির্মিত হইতেছিল। পার্ক স্ট্রীটে এসিয়াটিক সোসাইটির হলে যাহুঘর অবস্থিত ছিল, এখনও শকটচালকরা তাহাকে “পুরানো

যাহুঘর” বলে। চোরবাগানে রাজেন্দ্র মল্লিকের বাড়ীতে এক চিড়িয়াখানা ছিল, তাহাতে অনেক রকম পশুপক্ষী ও সরী-সৃপাদি ছিল, দলে দলে লোক তাহা দেখিতে যাইত। কলেজের মধ্যে প্রেসিডেন্সী, জেনারেল এসেমরী ও লণ্ডন মিশনারীর খুব নাম ছিল। কলিকাতায় ২৪টি মাত্র স্কুল ছিল। সমস্ত বাঙ্গালায় এখন ৯ শত হাই স্কুল আছে, তখন মাত্র প্রত্যেক জিলায় এক একটি গভর্ণমেন্ট স্কুল ছিল, সব জিলায় ছিল কি না মনে

পড়ে না। যখন আমার পিতা আমায় কলিকাতায় আনয়ন করিলেন, তখন আমাদের গ্রামে আমার পিতার প্রতিষ্ঠিত একটা মাইনর স্কুল ছিল। গ্রামে মাইনর স্কুল থাকিলে তখন সে গ্রাম ধন্য হইত। লোক ভাবিত, না জানি কি একটাই হইয়াছে। তখন অরিয়েন্টেল সেমিনারী, মেট্রোপলিটান, হিন্দু ও হেয়ার স্কুলের যথেষ্ট খ্যাতি ছিল। কলিকাতার ট্রেণিং একাডেমী নামক স্কুলটিও তখন ছিল।

১৮৭০ খৃষ্টাব্দের পর কেশবচন্দ্র বিলাত



মাইকেল মধুসূদন দত্ত

হইতে ফিরিয়া আইসেন এবং “সুলভ সমাচার” নামক একখানি পত্রিকার প্রচলন করেন। তাহাতে অনেক সংবাদ থাকিত; কিন্তু দাম ছিল মোটে এক পয়সা। এ রকম স্বল্পমূল্যের সংবাদপত্র পূর্বে আর ছিল না। অবশ্য, বাঙ্গালা “সোমপ্রকাশ” লক্ষ্যপ্রতিষ্ঠ সাপ্তাহিক পত্রিকা ছিল। সাধুভাষায় লিখিত হইত বলিয়া উহা শিক্ষিতসমাজের মুখপত্রস্বরূপ ছিল। শিবনাথ শাস্ত্রী মহাশয়ের মাতুল ষারিকানাথ বিজ্ঞানভূষণ মহাশয় উহার সম্পাদক ছিলেন। তিনি সংস্কৃত কলেজের

অধ্যাপকও ছিলেন। তখনকার দিনে গবর্ণমেন্ট কলেজের অধ্যাপকের পক্ষে সংবাদপত্রের সম্পাদক হইতে বাধা ছিল না। এমন কি, এডুকেশন গেজেট নামক পত্রিকাখানির সম্পাদক ছিলেন গবর্ণমেন্টেরই বেতনভোগী এক জন উচ্চ-রাজকর্মচারী— স্বনামধন্য ভূদেবচন্দ্র মুখোপাধ্যায়। এডুকেশন গেজেটে তখন ভারতের অশান্তির কথাও প্রকাশিত হইত। এখন কোন সরকারী কর্মচারী যদি কোনও কাগজের সম্পাদক হয়েন এবং তাহাতে যদি ভারতের অশান্তির কথা বাত্মির হয়, তবে সে কর্মচারীর ভাগো গবর্ণমেন্টের বিরুদ্ধে কৃপাদৃষ্টি পড়ে, আশা করি, তাহা বলিয়া দিবার প্রয়োজন নাই। তখন

গবর্ণমেন্টের কাগজ

অত্যন্ত নিরীহ ও

ভাল ছিল। তাহা-

দের রচনায় গবর্ণ-

মেন্ট, কি ছু মা ত্র

আপত্তি করিতেন

না, বরং অতাব

অভিযোগ জানাই-

বার জন্য উৎসাহ

দান করিতেন।

দেখিতে দেখিতে

যুগান্তর উপস্থিত

হইল। হাইকোর্ট

নূতন বাড়ীতে

স্থানান্তরিত হইলে

পর পিতা মহাশয়

আমাকে মাঝে মাঝে নিজের নামলা-মোকদ্দমার তদ্বিরের জন্য সঙ্গে লইয়া যাইতেন। বিলাতী জুজদিগকে দেখিয়া তখন অবাধ হইয়া যাইতাম। আজ আমাদের দেশী লোকরাও জুজ হইতেছেন। পরলোকগত দ্বারিকানাথ মিত্র মহাশয়কেও আমি দেখিয়াছি।

১৮৭২ খৃষ্টাব্দে এক দিন আমাদের দেশের কপোতাক্ষী নদীর তটে সাগরদাড়ীর কবি ও ব্যারিষ্টার মধুসূদন দত্তের সঙ্গে আমার পিতা আমাকে পরিচয় করিয়া দিলেন। তখন আমি বালকমাত্র। বোধ হয়, ইংরাজী ১৮৭১ খৃষ্টাব্দে লর্ড মেণ্ড আন্দামান পরিদর্শন করিতে যান, সেখানে শের

আলী নামক এক জন ওহাবী তাহাকে হত্যা করে। সে সময়ে কিছুদিনের জন্য হাইকোর্ট বোধ হয় এখনকার টাউন-হলে বসিত। সেখানেও জুজ নর্ম্যানকে আর এক জন ওহাবী ছুরিকাঘাত করে। অল্পসময়ের মধ্যে দুই জন উচ্চপদস্থ কর্মচারী নিহত হইলেন। ইহাতে মহা আতঙ্ক উপস্থিত হয়। এই সকলের মূলে ওহাবী মড়ক আছে বলিয়া গবর্ণমেন্টের সন্দেহ হইল। তাই এই ব্যাপার উপলক্ষে অনেক কাণ্ডকারখানা হইল। আমিও আলী নামক এক জন ধনী ওহাবীর বিচার হয় ও তাহাকে আন্দামানে দ্বীপান্তরিত করা যায়।




চৌরঙ্গীর একাংশ—১৮১২ খৃঃ

কলিকাতার আর্চার্ড ও প্রসার তখনও আরম্ভ হয় নাই। তখনকার চৌরঙ্গী ও এখনকার চৌরঙ্গীতে অনেক প্রভেদ। একালের মত বিরাট ভগ্না তখন মাত্র ২৫টি হইয়াছে। উইলসন হোটেলে তখন অবশ্য ছিল, কিন্তু একালের মত এত প্রকাণ্ড ছিল না। আর তখন কলিকাতার ধন-দৌলৎ এখনকার এক-দশমাংশও ছিল কি না সন্দেহ। ব্যবসায়-বাণিজ্যের প্রসার তেমন ছিল না। পাট তখন এ দেশে জন্মিত না বলিলেই চলে। পল্লীগামে গৃহস্থের প্রয়োজনানুযায়ী পাট চাষ হইত। গো-বন্ধনের, ঘর বা বাগানের বেড়ার এবং মুৎকুটারের চাল ছাইবার জন্য রজু

প্রস্তুত করিতে
পাটের আবশ্যক
হইত। তখন প্রতি
পল্লীগৃহস্থ অবসর-
মত পাট হইতে
সূতা পাকাইত।
তখন পাট বড়
একটা রপ্যনী হইত
না। ১৮৭৬ খৃষ্টাব্দ-
বন্দর পর হইতে
পাটের রপ্যনী
আরম্ভ হয়। তখন
হই একটি পাটের
কারখানা হইতেছে।
এখন কলিকাতা
বন্দর হইতে পাট

ও বোম্বাই বন্দর হইতে তুলার রপ্যনী বাদ দিলে কি
অবস্থা হয়, তা কল্পনায় আইসে না।


ছাপড়ার লোকসংখ্যার অধিকাংশই পাটের ব্যবসাদার
ও কুলী লইয়া গণিত। বঙ্গবঙ্গ হইতে আরম্ভ করিয়া দিবেনা
পর্যন্ত ভগলীর উভয় তটে ৮১টি পাটের কল আছে। প্রত্যেক



কার্ডিন্সল হাউস—১৮১২ খৃঃ

পাটের কলে গড়ে ৭৫ হাজার শ্রমজীবী আছে। এইরূপে
প্রায় ৩২ লক্ষ লোক আজ জীবিকা অর্জন করিতেছে।
যখন পাট হয় নাই, তখন চাউলও অত্যন্ত কম হইত,
চাউলের রপ্যনীও খুব কম ছিল। আমাদের ছেলেবেলায়
পাঁচ সিকা মণ চাউল বিক্রয় হইতে দেখিয়াছি। তাহার

পর দেড় টাকা,
পোনে দুই টাকা।
দেশী জিনিষের
চম্বুলাতা চাউলের
দর দেখিয়া বুঝা
পায়। আমাদের
দেশী মোটা চাউল
যখন পাঁচ সিকা,
দেড় টাকা, তখন
কলিকাতায় না হয়
১০ টাকা, আর
আজকাল ৯ টাকা
হইতে ১০ টাকা
পর্যন্ত। আমি
যখন কলিকাতায়



রাইটস বিল্ডিং—১৮১২ খৃঃ

আসি, তখন বিস্কৃত দ্রুত ছিল মণ প্রতি ১৮ টাকা, আর এখন বিস্কৃত দ্রুত ত বাজারেই পাওয়া যায় না।

যাহার গৃহে গরু আছে, যে নিজে ননী-মাখন করে, সে উহা হইতে বিস্কৃত দ্রুত পাইতে পারে। বাজারে যে দ্রুত বিস্কৃত বলিয়া চলে, তাহাতেও কিছু না কিছু ভেজাল আছে ই, আর তাহাও ৩ টাকা সেরের কমে পাওয়া হকর।

এখন যেমন এ দেশে কেরোসিনের বচল প্রচার হওয়াতে টিনের ক্যানের স্তারা অজ্ঞান মিলে, তখন তাহা ছিল না—কেন না, কেরোসিন তৈলের ব্যবহার হইত না।

মটকির বিস্কৃত দ্রুত মণ প্রতি ১৫ হইতে ১৮ টাকা মূল্যে পাওয়া যাইত এবং চর্কি, মহুয়া প্রভৃতির তৈল ভেজাল দেওয়া হইত না। মিঠাই, কচুরী, গজা, জিলিপী প্রভৃতি ৫ আনা হইতে ৬ আনা সের মূল্যে পাওয়া যাইত। ১৮৭৩ খৃষ্টাব্দে বিহার অঞ্চলে ভীষণ দুর্ভিক্ষ দেখা দেয়। আমার পিতা এই জন্য তাড়াতাড়ি এক গাড়ী অর্থাৎ ২০ মণ বালাম

চাউল ১১ সিকা মূল্যে ক্রয় করিলেন। বলা বাহুল্য, মহাজনরা এই সংবাদ পাইবার পূর্বেই কিছু দর চড়াইয়া ছিলেন, নচেৎ বাজার দর আড়াই টাকার বেশী হইত না। এখন সেই চাউলের বাজার দর ১০ টাকা। আমরা যে



এস্পানেডের একাংশ—১৮১২ খৃঃ

বাড়ীতে মাসিক ৩০ টাকা ভাড়া থাকিতাম, তাহার ভাড়া এখন অন্যান্য দেড় শত টাকা। তখনকার দিনে আজকালকার মত এত বেশী পয়সা, সিকি, ছয়ানীর প্রাচুর্য্য ছিল না। সাধারণ কেনাবেচা কড়ি দিয়া চলিত। যাহার যতটুকু জিনিস আবশ্যিক, কড়ি মূল্যে তাহা ক্রয় করিত। আজকাল সামান্য পানওয়ালীও এক পয়সার কমে পান বিক্রয় করে না!



এস্পানেড রো—১৮৩৬ খৃঃ

বলা বাহুল্য, গঙ্গার সেতু তাহার অনেক পরে হইয়াছে,—বোধ হয় ১৮৭৫ খৃষ্টাব্দে। এই পুলের বিখ্যাত এঞ্জিনিয়ার সার ব্রাডফোর্ড লেসলী (Sir Bradford Leslie) এখন জীবিত আছেন। বয়স অন্ততঃ ৯০এর অধিক হইবে। তখনকার বড়বাজার আর এগনকার বড়বাজারে অনেক প্রভেদ। তখন কতক কতক মাড়োয়ারী কলিকাতায় আসিয়া যথেষ্ট প্রতিপত্তি লাভ করিয়াছিল বটে। বিলাতী কাপড়ের আমদানী তাহারাই আরম্ভ করিয়াছিল। সে সময় ২১৭ জন বাঙ্গালী বিদেশী সওদাগরী হৌসের মুচ্ছন্দী ছিল। প্রায়ক্রমে লাখ কোম্পানী, অর্থাৎ রাজা

আমি অনেক সময় বলিয়া থাকি, এমন অনেক মাড়োয়ারী ভাটিয়া আছেন, যাহারা তাঁহার মত লোককে এক হাতে কিনিয়া অন্য হাতে বেচিতে পারেন। এক এক জন মাড়োয়ারী আছেন, যিনি অল্পসময়ের মধ্যে ২১৪ কোটি টাকা রোজগার করেন, আবার হয় ত ততোধিক অল্পসময়ের মধ্যে সেই পরিমাণ টাকা লোকসান দিয়া থাকেন। অথচ তাহাতে তাঁহাদের জরুরি নাই।

বোম্বাইয়ে বৎসর তিনেক পূর্বে মথুরাদাস গোকুলদাস একাই বোধ হয় ৪ কোটি টাকা ব্যবসায় লোকসান দেন, কিন্তু তিনি মাথা খাড়া করিয়া রহিলেন—কতকগুলি

কাপড়ের কারবারের managing agency তাঁহাকে অবশ্য ছাড়িতে হইল। বিলাতে তাঁহার যে ঘোড়দৌড়ের ঘোড়া ছিল, তাহাদের দাম ৫০ লক্ষ টাকার কম হইবে না। তাঁহার জননী তখন তাঁহাকে আশ্বাস দিয়া বলেন, “তুই ভাবিস না। আমার যে জহরৎ, মনি, মুক্তা আছে,



চিৎপুর রোডের দৃশ্য—১৮১২ খৃঃ

হরীকেশ লাহাদেব পূর্বপুরুষ ও শিবকৃষ্ণ এণ্ড কোম্পানী প্রভৃতি ২১৪টি বড় বড় বাঙ্গালী ফার্ম (Firm) ছিল, ইহারা বিলাতী মাল আমদানী করিতেন। কিন্তু ক্রমে ক্রমে আমাদের অপটুতা ও শ্রম-বিমুখতা বশতঃ মাড়োয়ারীরা সেই সমস্ত পদ দখল করিয়া লইয়াছে। সে সময় বড়বাজারে অনেক বাঙ্গালীর বাড়ী ছিল। বিশেষতঃ তখন চোরবাগানের মল্লিকদের, জোড়াসাঁকোর শ্রাম মল্লিক প্রভৃতির লক্ষপ্রতিষ্ঠ ধনী বলিয়া খ্যাতি ছিল। আর এখন যদি মাড়োয়ারীদের সহিত তাঁহাদের তুলনা করেন, তাহা হইলে কি দেখিতে পাইবেন? রাজা হরীকেশ লাহাকে

তার দাম ফেলে ছাড়িয়ে দিলেও ১ কোটি টাকা হবে, তোর ইন্সলভেন্সী নিতে হবে না।” বড়বাজারেও এইরূপ ছই দশ জন ভাটিয়া, মাড়োয়ারী আছেন। পূর্বে বলিয়াছি, বড়বাজারে তখন অনেক বাঙ্গালীর বাড়ী ছিল। কিন্তু ক্রমে ক্রমে মাড়োয়ারীরা সে সকল দখল করিয়াছে। আমি যখন মফঃস্বলে যাই, তখন বলিয়া থাকি British Conquest of Bengal এবং মাড়োয়ারী Conquest of Bengal, ইত্যাদি। এ জন্ত অনেক মাড়োয়ারী আমার উপর বিরক্ত হইবেন। কিন্তু আমি নিন্দার জন্ত বলি না। স্বজাতিকে উত্তোঙ্গী পুরুষ হইতে বলিয়া থাকি। এখন যদি বলি,

ইংরাজরা দেশের সব ধন লুণ্ঠন করিয়া লইতেছে, তখন ভাবিবেন না, ইংরাজকে ডাকাইত বলিতেছি; সে বলার অর্থ—‘তোমরা দেশবাসীরা জাগ।’ আমার অনেক মাড়োয়ারী মক্কেল আছেন, অনেক সময় ভিক্ষার জগু তাঁহাদের দ্বারস্থ হইতে হয়। তাঁহারা আমাকে খুলনা ছুভিক্ষ ও উত্তর-বঙ্গ-প্রাবন উপত্যকায় মুক্তহস্তে হাজার হাজার টাকা দান করিয়াছেন।


এক সময়ে বড়বাজারে বাঙ্গালীর অনেক বাসভিটা ও জমী ছিল। এখন অবশ্য দেখিতে গেলে বর্ধমানের ও কাশিমবাজারের মহারাজাদের এক আনা আন্দাজ ধারণা আছে। এক দিকে চুগলীর পুল, এ দিকে গঙ্গা, ও দিকে হাতকোট পর্য্যন্ত, আর এ দিকে কুমারটুলীর কাছাকাছি Y. M. C. A. এই সমস্ত পল্লী মাড়োয়ারী-দিগের দখলে আসিয়াছে। আমের নিয়ান আছে, ইন্দী আছে, ইংরাজ আছে—ইহা বা সমস্ত জমী বাঙ্গালীর নিকট হইতে

ক্রয় করিয়া লইয়াছে আর অভাগা বাঙ্গালী ‘ভিটে-মাটা-চ্যুত’ হইয়া ক্রমে এই সংগ্রামে হটিয়া আসিতেছে। এক্ষণে চন্দ্রনাথস্ব হইয়া বাঙ্গালী পৈতৃক সম্পত্তি বিক্রয় করিয়া ভিটাশূণ্য হইয়াছে। যাহাকে peaceful penetration বলিয়া থাকে, সেই প্রথায় ক্রমান্বয়ে চোরবাগান, বারানসী ঘোমের ষ্ট্রট পার হইয়া নারকুলার রোডের উপর পর্য্যন্ত মাড়োয়ারীরা আসিয়া পড়িয়াছে। এমন কি, অনেক মাড়োয়ারী, ভাটিয়া আছেন, যাহারা চোরঙ্গী অঞ্চলে বড় বড় বাড়ীর মালিক হইয়া তথায় বাস করেন। যাহারা একটু শিক্ষিত ও মাজ্জি হুচি, তাঁহারা আবার যুরোপীয়দের মত

থাকিতে শিখিয়াছেন। তাহার উপর সেন্ট্রাল এভিনিউর দুই পার্শ্বে আমাদের চোখের উপর যে সব গাং তালি বাড়ী হইতেছে, তাহার মধ্যে শতকরা একখানা বাড়ীও বাঙ্গালীর কি না মনেহ।

বিখ্যাত বাগ্মী ও ভারত-বন্ধু জন ব্রাইটের (John Bright) কথা—We are homeless strangers in the land we once called our own.

গঙ্গায় তখন ষ্ট্রামার একপ্রকার ছিল না বলিলেই হয়। অধিকাংশ মাঙ্গুলওয়ালি পাইল-তোলা জাহাজ ছিল। সুয়েজ কেনাল ১৮৬৮ খৃষ্টাব্দের শেষভাগে কাটা হয়। তখন



মদননোভনের মন্দির—১৮১২ খৃঃ

হইতে সুয়েজের ভিতর দিয়া ষ্ট্রামার চলিতে থাকে। তাহাতে ব্যবসা-বাণিজ্য-জগতে যুগান্তর উপস্থিত হয়, কারণ, উদ্ভাষণ অন্তরীপ বেষ্টিত করিয়া পালীজাহাজকে এ দেশে আসিতে হইত। তাহাতে প্রায় ৩২ মাস, কখনও ৬ মাস সময় লাগিত; কখনোই পণ্যসম্ভার অতি উচ্চ মূল্যে বিক্রয় করিতে হইত। কিন্তু সুয়েজ খাল হওয়ার পর ৩৪ সপ্তাহে লগুন হইতে কলিকাতা আসা সম্ভব হইল; ফলে পণ্য অতি মস্তায় বিক্রয় হইতে লাগিল।

শ্রীপ্রফুল্লচন্দ্র রায়।



সর্বস্বন্দর শ্রীভগবানকে দেখিবার জন্য জীবের ত্রৈকাণ্ডিক আকাঙ্ক্ষাই ভক্তির প্ররোহভূমি। এই ভূমি শবণকীর্তনাদি রূপ সাধন-ভক্তির নিশ্চল সলিলধারায় সর্বদা সিক্ত হইলে ইহাতেই শ্রীভগবদর্শন হয় এবং তাহার ফলে পূর্বনির্দিষ্ট ভাব-ভক্তির উদয় হইয়া থাকে।

কৃষ্ণী দেবীর স্তব প্রসঙ্গে শ্রীমদ্ভাগবতেও ইহাই স্পষ্ট-ভাবে নির্দিষ্ট হইয়াছে—

“শ্রুত্বস্তি গায়স্তি গুণস্তা ভীক্ষশঃ
স্মরস্তি নন্দস্তি তবোহি তং জনাঃ।
ন এব পশুস্ত্যচিরেণ ভাবকঃ
ভবপ্রবাহোপরমং পদাধুজম ॥”

যাহারা অবিরত তোমার লীলাচরিত শবণ করে, গান করে, বণন করে, স্মরণ করে ও অভিনন্দন করে, তাহারা অচিরকালেই তোমার পাদপদ্মের দর্শন লাভ করিতে সমর্থ হয়, সেই পাদপদ্মই এই দুঃখময় সংসার-নিবন্ধির একমাত্র উপায়।

এই দর্শনাভিলাস দর্শনীয় শ্রীভগবানকে পাঠিয়া যখন ভাবরূপে পরিণত হয়, তখন আর সাধন-ভক্তির আবশ্যকতা থাকে না, এই ভাবাবস্থাকে আনয়ন করিয়া ভক্তকে কৃতার্থ করাই জ্ঞানাদিনীশক্তির মুখ্য কাৰ্য্য। এক কথায় বলিতে গেলে বলিতে হয়, শ্রীভগবানের জগৎসৃষ্টিরও ইহাই মুখ্য উদ্দেশ্য।

সচ্চিদানন্দবিগ্রহ রসস্বরূপ শ্রীভগবান স্বীয় অচিন্ত্য লীলাশক্তিপ্রভাবে আপনিই আপনা হইতে জীবনিচয়কে এই মায়ীময় বিশ্বরাজ্যে প্রবেশ করাইয়াছেন কেন? ইহার উত্তর, জীবনিবহকে চরিতার্থ ও পরিপূর্ণ করা। সৃষ্টির পূর্বে জীবের দেহাত্মাভিমান ছিল না, সুতরাং তাহার সাংসারিক কোন দুঃখই ছিল না, ইহা স্থির, তবে তাহাকে ভবপ্রপঞ্চে

প্রবেশ করাইয়া অশেষ প্রকারের সংসার-দুঃখ ভোগ করাইবার আবশ্যকতা কি ছিল? এই দুঃখ প্রশ্নের উত্তর কোন দার্শনিকই যে ভাল করিয়া দিতে পারিয়াছেন, ইহা মনে হয় না, কারণ, ভারতের দার্শনিক আচার্যগণ সকলেই মুক্তিবাদী, তাহাদের সকলেরই চরম বা পরম লক্ষ্য মুক্তি। সৃষ্টির পূর্বে কিছ্ সকল জীবই মুক্ত অর্থাৎ সর্বপ্রকার দুঃখ হইতে নিস্কৃষ্ট ছিল, ইহাও তাহারা সকলেই একবাক্যে স্বীকার করিয়া থাকেন, ইহাই যখন তাহাদের সকলেরই সিদ্ধান্ত হইল, তাহা হইলে ইচ্ছা না থাকিলেও তাহাদিগকে স্বীকার করিতে হইবে যে, ভগবানই আমাদের, অর্থাৎ বদ্ধজীব-নিবহের সকল প্রকার দুঃখভোগের একমাত্র কারণ। তিনি যদি নিজের ইচ্ছায় এই বৈষম্যময় সৃষ্টি না করিতেন, তাহা হইলে আমাদের মধ্যে কেহই কোন প্রকার দুঃখভোগ করিত না, সুতরাং আমাদের দুঃখের সংসারে প্রবেশ করাইয়া তিনি আমাদের প্রতি নির্দয় ব্যবহারই করিয়াছেন। জ্ঞানবাদিগণ বলিবেন, জীবের প্রাক্তন কাম্যাসুসারেই তাহার সংসার-দুঃখ-ভোগ হয়; ইহাতে শ্রীভগবানের কোন হাতই নাই। এ প্রকার উত্তর কিছ্ মনকে তুষ্ট করিতে পারে না। কারণ, এই প্রকার কল্পনা করিলে শ্রীভগবানের অপ্রতিহত স্বাতন্ত্র্য ও কারুণ্যের ব্যাঘাত হয়। শ্রুতি কিছ্ তাহার পরিপূর্ণ স্বাতন্ত্র্য নিঃসন্দেহভাবে উদ্ঘোষিত করিতেছে—

“সর্বজ্ঞতা তপ্তিরনাদিবোধঃ
স্বতন্ত্রতা নিত্যমলুপ্তশক্তিঃ।
অনন্তশক্তিঃ চ বিভোবিধিজ্ঞাঃ
ষড়াহরজ্জানি মহেশ্বরশ্চ।”

যাহারা বেদতাপস্যা বুঝেন, তাহারা বলিয়া থাকেন যে, সেই সর্বত্র অবস্থিত মহেশ্বরের ছয়টি নিত্য সিদ্ধ গুণ

আছে, যথা—সর্বজ্ঞতা, তৃপ্তি, অনাদিবোধ, স্বতন্ত্রতা, অলুপ্ত শক্তি ও অনন্ত শক্তি। শুধু ইহাই নহে—শ্রুতি আরও বলিয়া থাকে—

“স এষ তং সাধুকর্ম্ম কারয়তি যং উন্নিবীষতি, স বা এষ তং অশুভং কর্ম্ম কারয়তি যমধো নিবীষতি।”

যাহাকে উন্নত করিতে ইচ্ছা করেন, সেই এই ভগবান্ তাহাকে পুণ্যকর্ম্ম করাইয়া থাকেন, আবার যাহাকে অবনত করিতে ইচ্ছা করেন, তাহাকে তিনিই অশুভ কর্ম্ম করাইয়া থাকেন।

মুক্তিবাদী জ্ঞানী দার্শনিকের মতে এই প্রকার ভগবন্ত্বের স্বরূপ সামঞ্জস্যের সহিত সিদ্ধ হয় না এবং ভক্তিসিদ্ধান্তেরও অমুকল হয় না, এই কারণে শ্রীভগবানের শ্রীমুখনির্গত শ্রুতির পদাঙ্ক অনুসরণ করিয়া ভক্তিবাদী গোড়ীয় বৈষ্ণব-সম্প্রদায়ের আচার্যগণ বলিয়া থাকেন যে, শ্রীভগবান্ স্বীয় অপ্রতিহত অচিন্ত্যশক্তিপ্রভাবে জীবকে বিষম সংসারে প্রবেশ করাইয়া থাকেন এবং দুঃখভোগও করাইয়া থাকেন। এই দুঃখভোগরূপ ভগবদ্বিরহের অনুভূতি যথাযথ না হইলে, রসরূপ নিরবধি আনন্দময় শ্রীভগবানের সহিত জীবের ভাবময় মধুর মিলনের অপার আনন্দ সাক্ষাৎ-কৃত হইতে পারে না। বিরহই মিলনের পূর্ণতা সম্পাদন করিয়া থাকে, বিরহের পূর্ণ অনুভূতি যাহার নাই, মিলনের বিমল আনন্দ তাহার পক্ষে গগন-কুম্বের ত্রায় অলীক, তাই নিত্য মিলনের নিরবধি সম্ভোগানন্দ অনুভব করাইয়া জীব-নবহকে আনন্দভুক্ করিবার জন্ত করুণাময় শ্রীভগবান্ মায়ীশক্তির দ্বারা এই বৈষম্যময় প্রপঞ্চ নির্মাণ করিয়াছেন। সৃষ্টির পূর্বে জীবনিবহ তাঁহাতে অগ্নিতে বিস্ফুলিঙ্গসমূহের ত্রায় অবিভক্ত অবস্থায় বর্তমান ছিল, তৎকালে বিরহানুভূতি না থাকায়, জীব-রসরূপ শ্রীভগবানের আনন্দানন্দ অনুভব করিতে সমর্থ ছিল না, সুতরাং আনন্দভুক্ও ছিল না—সেই জীবসমূহকে হ্লাদিনীর স্ফূর্তি দ্বারা আনন্দ অনুভব করাইবার জন্ত এই সুখ-দুঃখময় প্রপঞ্চ, তিনি নিজ অঘটন-ঘটনা-পটায়সী মায়ীশক্তির দ্বারা রচনা করিয়াছেন, বাহিরের মায়িক স্তরের আনন্দনে বহিমুখী বৃত্তির দ্বারা পরিচালিত হইলে, জীব দেহাধ্যাস বশতঃ ভগবদ্বৈমুখ্যকে প্রাপ্ত হয়, সঙ্গে সঙ্গে মায়িক দুঃখ, শোক ও বিপদের আবর্তে পতিত হয় এবং নিত্য প্রাপ্ত সুখরূপী ভগবানের আনন্দনে

বঞ্চিত হয়, এইরূপে তাহার সংসারদুঃখভোগ করিতে করিতে সকল দুঃখের নিদান বলিয়া দেহ প্রভৃতিতে বৈরাগ্য লাভ করিবার অবসর হয়, সেই অবস্থায় করুণাময় শ্রীভগবানের স্বরূপশক্তি হ্লাদিনীর প্রভাবে তাহার ভগবদ্বিরহেরও তীব্র অনুভূতি জাগিয়া উঠে এবং তাঁহাকেই পাইবার জন্ত তীব্র অভিলাষ উৎপন্ন হয়, ইহাই হইল জীবের শ্রীভগবানের প্রতি আসক্তির বা ভক্তির প্রথমাবস্থা, ইহাকেই বৈষ্ণবাচার্যগণ ভগবৎ-প্রেমের অঙ্কুরাবস্থা কহিয়া থাকেন। তীব্র দর্শনাভিলাষের নিরন্তর ঘূতাহতিতে জাজল্যমান ভগবদ্বিরহাগ্নির দারুণ তাপময়ী জালায় চিত্ত তখন জলিত হইয়া দ্রবীভাব প্রাপ্ত হয়, সেই দ্রুতচিত্ত অশ্রুধারারূপে পরিণত হয় এবং সেই অশ্রুধারা নয়নে বহিতে আরম্ভ করিলে, বাহুরূপাসাক্তরূপ নয়নের মল প্রক্ষালিত হইয়া যায়, এই ভাবে নয়ন বিশুদ্ধিপ্রাপ্ত হইলে তাহা দ্বারা চির-আকাঙ্ক্ষিত সর্বসুন্দর শ্রীমসুন্দরের মনোহর সূক্ষ্মরূপ সাধকের দর্শনযোগ্য হইয়া থাকে।

তাই ভক্ত কবি গাহিয়াছেন—

“সর্বত্র কৃষ্ণের মূর্তি করে ঝলমল।
সেই দেখে আঁখি যার হয় নিরমল ॥
অন্ধীভূত নেত্র যার বিষয় ধুলিতে।
কেমনে সে সূক্ষ্ম মূর্তি পাইবে দেখিতে ॥”

সাধনা-সিদ্ধির এই প্রথম সূচনারূপ অঙ্কুরাবস্থার বিশেষ পরিচয় শ্রীমদ্ভাগবতেও অতি সুন্দরভাবে প্রদত্ত হইয়াছে, যথা—

“এবংব্রতঃ স্বপ্রিয়নামকীর্ত্তা
জাতানুরাগো দ্রুতচিত্ত উচৈঃ।
হস্যতো রোদিত্তি রোতি গায়-
ত্যান্মাদবন্ ত্যতি লোকবাহঃ ॥”

এই প্রকার ব্রতাবলম্বী সাধক নিজের ইষ্ট শ্রীভগবানের নাম কীর্ত্তন করিতে করিতে তাহাতেই অমুরক্ত হইয়া থাকে—সেই অমুরাগবশে তাহার চিত্ত বিগলিত হয়, তখন সে অকস্মাৎ হাসিয়া থাকে, আবার কখনও রোদন করে, কখনও উচৈঃস্বরে তাঁহাকে ডাকিয়া থাকে এবং গানও করে, তখন সে আর এ সংসারের লোক থাকে না, নিজ ভাবেই উন্নতের ত্রায় সে নৃত্যও করে।

এই লোকবাহ অবস্থায় উপনীত হইলে ভক্ত এ সংসারে যাহা কিছু দর্শন করে, সর্বত্রই তাহার শ্রীভগবানের স্বরূপ-দৃষ্টি হইয়া থাকে, এ জগৎ সকলই তখন তাহার নিকট শ্রীকৃষ্ণময় হইয়া যায়।

তখন—

“শং বায়ুমগ্নিং সলিলং মহীং চ
জ্যোতীংষি সন্ধানি দিশো দ্রুমাदीন্ ।
সরিৎসমুদ্রাংশ্চ হরেঃ শরীরম্
যৎকিঞ্চ ভূতং প্রণমেদনগ্নঃ ॥”—(ভাগবত)

আকাশ, অনিল, অনল, সলিল, পৃথিবী, চন্দ্র, সূর্য্য প্রভৃতি জ্যোতিষ্কনিচয়, মনুষ্য, গো, মহিষ, ছাগ প্রভৃতি প্রাণিসমূহ—পূর্ব্ব-পশ্চিম উত্তর-দক্ষিণ উর্দ্ধ ও অধোদিক-চক্রবালে পরিদৃশ্যমান তরু, গুল্ম, লতা, বৃক্ষ প্রভৃতি স্থাবর-নিবহ, নদী বা সমুদ্র সকল প্রাপঞ্চিক বস্তুই তাহার নয়নে প্রাপঞ্চিক সত্তা হইতে বিচ্যুত হয়, সকল বস্তুই তাহার সম্মুখে সেই আনন্দময় শ্রীহরির জ্যোতির্ময় শরীর বলিয়া প্রতীত হয়—তাই সে যাহা কিছু দেখে, তাহাতেই শ্রীভগবানের চিদানন্দময় বিগ্রহের স্ফূর্তি দেখিয়া ভক্তিভরে প্রণাম করিয়া থাকে।

এই প্রকার সর্বত্র সর্বদা ভগবৎস্ফূর্তির সঙ্গে সঙ্গে অনাদি-কালসঞ্চিত দেহাশ্মভাবের প্রবল সংস্কার বশতঃ কদাচিৎ দ্বৈতস্ফূর্তিরূপ ভগবদ্বিরহের তীব্র অনুভূতিই ভগবৎপ্রেমের ভাবময় বিবর্ত, এই ভাবময় বিবর্তের অপূর্ব্ব আনন্দনই ভক্ত-জীবনে জীবন্তুক্তি, কলিযুগ-পাবনাবতার শ্রীচৈতন্যদেবই ইহার চরম বা পরম আদর্শ, নিজ মুখে আপনার এই অপ্রাকৃত ভক্তিদশার পরিচয়প্রসঙ্গে তিনি ইহাই ব্যক্ত করিয়াছেন—

“এই মত দিনে দিনে স্বরূপ রামানন্দ সনে
নিজ ভাব করেন বিদিত ।
বাহে বিষ-জ্বালা হয় ভিতরে আনন্দময়
কৃষ্ণপ্রেমার অদ্ভুত চরিত ॥
এই প্রেমার আনন্দন তপ্ত ইক্ষু চর্ষণ
• মুখ জলে, না যায় ত্যজন ।
সেই প্রেমা যার মনে তার বিক্রম সেই জানে
বিষামৃতে একত্র মিলন ॥
---(চৈতন্য-চরিতামৃত)

শ্রীগোরাঙ্গদেবের এই ভাবোন্মাদময় ভগবৎপ্রেমের পূর্ণ-বিকাশ ব্রজধামেই হইয়াছিল, তাই বৈষ্ণবকবিকুল-ধুরন্ধর শ্রীরূপ গোস্বামী বিদগ্ধমাধব নামক কৃষ্ণলীলা-নাটকে ইহার পরিচয়প্রসঙ্গে বলিয়াছেন—

“পীড়াভিনবকালকূটকটুতা গর্ভশ্চ নিকাসনো
নিঃশ্বন্দেন মুদাং সুধামধুরিমাহঙ্কারসঙ্ঘোচনঃ ।
প্রেমা সুন্দরি নন্দনন্দনপরো জাগর্তি যশাস্তরো
জায়ন্তে স্ফুটমশ্চ বক্রমধুরস্তেনৈব বিক্রাস্তয়ঃ ॥”

বিরহের দারুণ পীড়ানিবহে এই প্রেম নূতন কালকূটের তীব্রতামূলক গর্ভকে নিকাসিত করিয়া থাকে, আবার প্রিয়-তমের নিত্য স্ফূর্তিজনিত যে অপার আনন্দ অনুভূত হয়, সেই আনন্দের নিঃশ্বন্দে সুধার ও মাধুর্যের অহঙ্কার সঙ্ঘ-চিত হইয়া যায়, হে সুন্দরি! নন্দনন্দনের প্রতি এই প্রেম যাহার মনে উদ্ভিত হয়, সেই ব্যক্তিই ইহার বক্র অথচ মধুর বিক্রম অনুভব করিতে সমর্থ হয়।

এই মধুরসাত্বিক প্রেম-ভক্তির সহিত মুক্তির তুলনা হইতে পারে না, কারণ, ইহা অভাবময় নহে, পরন্তু ইহা সর্বোচ্চসর্ব্ব হুঃখবিরোধী ভাবস্বরূপ, মানবোচিত মনো-বৃত্তির পরিপূর্ণ বিকাশই এই ভক্তির স্বভাব, মোক্ষে মনোবৃত্তিনিচয়ের আত্মস্তিক ধ্বংসমাত্রই হইয়া থাকে, সে অবস্থায় আনন্দময়িতা না থাকায় আনন্দ কিছুই থাকে না,—এই কারণে সেই মোক্ষের প্রতি কাহারও প্রীতি হওয়া উচিত নহে। যে নিকাণে সকল প্রকার কর্তব্যের উচ্ছেদ হয়, যেখানে জ্ঞান, জ্ঞেয় ও জ্ঞাতা এই ত্রিণ্ডী-ভাব। বগলিত হয়, অহংসত্তার আত্মাস্তক উচ্ছেদ যাহার স্বরূপ, সেই নিকাণে রসতত্ত্ববিদ ভক্তের রুচি হওয়া কখনই সম্ভবপর নহে। কবিচূড়ামণি রসজ্ঞ কবি কবিকর্ণপুর তাই বলিয়াছেন,—

“নিকাণ-নিষ্ফলমেব রসানভিজ্ঞা-
শ্চুষস্ত নাম, রসতত্ত্ববিদো বয়স্ত ।
শ্রামামৃতং মদনমধুরগোপরামা
নেত্রাঙ্কলীচূনুকিতাবসিতং পিবামঃ ॥”

—চৈতন্যচন্দ্রোদয় ৭ম অঙ্ক ।

যাহারা রসতত্ত্বে অনভিজ্ঞ, তাহারা নিকাণরূপ নিষ্ফলের প্রতি অভিলাষযুক্ত হউক, আমরা কিন্তু রসতত্ত্বের

আস্বাদন করিতে সমর্থ হইয়াছি, এই কারণে কাম যাহা-
দের প্রেমে পরিণত হইয়া স্বৈর্য্য প্রাপ্ত হইয়াছিল, সেই
সকল গোপ-রমণীগণের নয়নৈকদেশ হইতে পীতশেষ-
ভাবে নির্গলিত শ্রামরসরূপ অমৃতই আমরা পান করিয়া
থাকি।

সংসারে জীবমাত্রই আনন্দকামনা করে, আনন্দের
জন্মই সকলে কার্য্যতৎপর, সেই আনন্দের আস্বাদ যাহাতে
অসম্ভব, এরূপ নির্কাণমুক্তি কোন্ বিবেকী ব্যক্তির স্পৃহণীয়
হইতে পারে? কাহারও না। জ্ঞানী বলিবেন, সংসার
যখন হুঃখে ভরা, আমার আমিত্ব থাকিতে যখন আমার
হুঃখের হস্ত হইতে নিষ্কৃতির সম্ভাবনা নাই, তখন হুঃখের
হস্ত হইতে নিষ্কৃতিলাভের জন্ম আমার আমিত্বের উচ্ছেদও
স্পৃহণীয় হইবে না কেন?—ভক্ত বলেন, সংসার হুঃখময়
কাহার দোষে? আনন্দময় লীলাপর শ্রীহরি সংসারকে
আনন্দময় করিয়া সৃষ্টি করিয়াছেন, দেহাভিমানী ইন্দ্রিয়-
সুখলম্পট সংসারী জীব ভোগের ভ্রমায় ব্যাকুল হইয়া
নিজ কর্তব্য বুঝে না বা ব্ৰিয়্যাও করিতে চাহে না, নিজে
শ্রীভগবানের নিত্যদাস হইয়াও তুচ্ছ কর্তৃত্বাভিমানের বশে
সে প্রভু হইতে চাহে, তাই তাহার পক্ষে স্বভাববশে সংসার
হুঃখময় হইয়া দাঁড়ায়, এই সকল অনর্থের মূল হইতেছে
তাহার ভগবদবৈমুখ্য, সে যদি ভগবদবিমুখ না হইয়া
আপনার স্বতঃসিদ্ধ ভগবদ্দাসভাবকে ব্ৰিকিতে পারে,
তাহা হইলে তাহার ইন্দ্রিয়-লৌল্য স্বতই নিবৃত্ত হয় এবং
ভগবদভজনে প্রবৃত্তিও জাগিয়া উঠে—সেই প্রবৃত্তি দ্বারা
পরিচালিত জীবের দেহাশ্রান্তি আপনিই সরিয়া পড়ে,—
মর্কজীবে ভগবৎসত্তার পরিপূর্ণ ভাব দেখিতে পাওয়া
মর্কাস্থভূত হরির সেবায় তখন সে অধিকার প্রাপ্ত হয়,
এবং সাধনভক্তির প্রভাবে ভগবদভজনানন্দে অধিকারী
হইয়া থাকে। সে আনন্দের আস্বাদন যাহার ভাগ্যে ঘটে,
তাহার পক্ষে এ সংসারের কোন দস্ত বা কোন অবস্থাট
হুঃখের কারণ হইতে পারে না, তাহার নিকটে সংসারের

সকল বস্তুই সুখময় হইয়া উঠে—সে ভজনানন্দে আত্মপর-
ভেদদর্শনে অসমর্থ হয় এবং প্রকৃত হরিসেবক হয়,
সুতরাং তাহার পক্ষে জীবন হুঃখের হেতু নহে, অলৌকিক
অপার আনন্দেরই হেতু হইয়া থাকে, তখন তাহার
আমিত্ব দেহ, ইন্দ্রিয়, কলত্র-পুত্র প্রভৃতিতে সীমাবদ্ধ থাকে
না—তাহার আত্মসত্তার সংসার পরিপূর্ণ হইয়া যায়। তাই
শাস্ত্র বলিতেছে,—

“নিরহং যত্র চিৎসত্তা সা তুর্যা মুক্তিরূচ্যতে।

পূর্ণাহস্তাময়ী ভক্তিস্বর্য্যাভীতা নিগত্বতে ॥”

যে অবস্থায় চিৎসত্তা অহঙ্কারবর্জিত হয়, তাহাকে
তুরীয় মুক্তি বলা যায়, আর অহংভাব যে অবস্থায় পরি-
পূর্ণতা লাভ করে, তাহাকেই ভক্তি কহে। এই ভক্তি
তুরীয় অবস্থা হইতেও অতীত, এই ভক্তির উদয় হইলে
মানব-আত্মা বিশ্বাত্মা হইয়া উঠে, মুক্তি এরূপ অবস্থায় স্বয়ং
উপস্থিত হইলেও ভক্ত তাহার প্রতি উপেক্ষাই করিয়া
থাকে। তাই শাস্ত্র বলিতেছে,—

“সিদ্ধয়ঃ পরমাশ্চর্য্যা মুক্তয়ঃ পরমাদ্ভুতাঃ।

হরিভক্তিমহাদেব্যাস্চটিকাবদনুক্রতাঃ ॥”

বিচিত্র প্রকারের অগ্নিাদি সিদ্ধিনিচয় এবং পরমাদ্-
ভুতস্বরূপ মুক্তিসমূহ—হরিভক্তিরূপা মহাদেবীর পরি-
চারিকা দাসীর গ্রায় অমুসরণ করিয়া থাকে।

গৌড়ীয় বৈষ্ণবাচার্য্যগণের পদাঙ্ক অমুসরণ করিয়া
মুক্তি ও ভক্তির স্বরূপনির্ণয়প্রসঙ্গে আমার যাহা বক্তব্য,
তাহার উপসংহার এইখানেই করা গেল। আমি যাহা
বলিয়াছি, তাহা নিতান্ত অল্প হইলেও পাঠকবর্গের ধৈর্য্য-
ভঙ্গভয়ে বাধ্য হইয়া আপাততঃ এইখানেই এই প্রবন্ধের
উপসংহার করিতেছি। যাহারা এ বিষয়ে অধিক অমু-
সন্ধান করিতে চাহেন, তাঁহারা ভক্তিরসামৃতসিন্ধু ও
ভাগবত-সন্দভ প্রভৃতি গৌড়ীয় বৈষ্ণবাচার্য্যগণের সুপ্রসিদ্ধ
গ্রন্থনিবহের পর্যালোচনা করিবেন।

শ্রীপ্রমথনাথ তর্কভূষণ।



শিল্প-মঞ্জরী

জ্যাকেট সেমিজ ১—বস্ত্রের নারী জাতির মধ্যে ইহা একটি প্রিয় লজ্জানিবারণোপযোগী সেমিজ। এই সেমিজের প্রচলন অধিকাংশ সময় সৌপীন নারী-সমাজেই দেখিতে পাওয়া যায়।

সরঞ্জাম ১—(Materials) কাপড় ছ'লম্বা অর্থাৎ ৪৪" ইঞ্চি লম্বা হইলে ২ গজ ১৭" ইঞ্চি।

জ্যাকেটের মাপ ১—জ্যাকেটের মাপ লইতে হইলে কাঁধ হইতে হাঁটু ৯" ইঞ্চি নীচে পর্যন্ত মাপ লইতে হয় অথবা মেয়েদের পছন্দানুযায়ী লওয়া দরকার। মনে করুন :—


লম্বা—৪৪" ছাতি—৩২" কোমর ২৮" পুট—৬" পুট হাতা—১৫" মোহরী—১৩" সেস্ত—১৫"

জ্যাকেট সেমিজের কয় অংশ কাপড় দরকার :—সম্মুখ ও পিছন, দুই হাতা, বোতাম পটা, হাতের মোহরীর পটা।

জ্যাকেট সেমিজ করিবার প্রণালী :—
যে কাপড়ের জ্যাকেট সেমিজ হইবে, তাহার চওড়া দিকে ডবল ভাঁজ করিয়া লম্বা মাপের ৪" ইঞ্চি কাপড় বেশী লইয়া অর্থাৎ ৪৪" + ৪" = ৪৮" ইঞ্চি স্থানে দাগ করিতে হইবে। মনে করুন, ক, খ ৪৮" এই লাইনের উপর চিহ্ন করিতে হইবে, ক বিন্দু ছাতির মাপের $\frac{১}{৪}$ অংশে ৮"—২" = ৬" ইঞ্চি স্থানে গ চিহ্ন করিয়া ঘ ১৬" ইঞ্চি নীচে ক, চ সেস্ত মাপ ১৫" ইঞ্চি চ, ত ১৬" ক, খ লাইনের ভিতর ভাগে চিহ্ন

করিয়া ক বিন্দু হইতে ত চিহ্নে দাগ কাটিয়া ত, ফ ২ ইঞ্চি নীচে সোজা অংশে দাগিয়া লইতে হইবে। এখন ক, ড পুট মাপ ৬" ইঞ্চি + $\frac{১}{৪}$ " = ৬ $\frac{১}{৪}$ " ইঞ্চি চিহ্ন করিয়া ড বিন্দু হইতে গ, ছ লাইন পর্যন্ত সোজা ভাবে দাগিতে হইবে। ঘ, জ ছাতির $\frac{১}{৪}$ অংশ ৮" + ১ = ৯" ইঞ্চি স্থানে চিহ্ন করিয়া ত বিন্দু হইতে কোমরের মাপের $\frac{১}{৪}$ অংশ ৭" + ১ = ৮" ইঞ্চি স্থানে ঘ চিহ্ন করিয়া ড, ট সংযোগ করিতে হইবে।

এখন সেমিজের ঘের খ বিন্দু হইতে ছ বিন্দু পর্যন্ত ১৬" ইঞ্চি গ লাইন হইতে ১৬" ইঞ্চি উপরে ছ বিন্দু চিহ্ন করিয়া চিত্রানুযায়ী দাগিয়া ট, প সংযোগ করিতে হইবে।




১নং চিত্র

জ্যাকেট-সেমিজে জ্যাকেটের স্থায় একটি ভাঁজ অথবা দুইটি ভাঁজও দেওয়া যায়, সেইটি ড, ছ অঙ্কে ক খ বিন্দু ত বিন্দু হইতে ২" ইঞ্চি দূরে দ বিন্দু চিহ্ন করিয়া গ, দ বাকা ভাবে চিত্রানুযায়ী সংযোগ করিতে হইবে। গলার অংশ দাগিবার সময় ড বিন্দু হইতে ২ $\frac{১}{২}$ " ইঞ্চি ভিতর অথবা যে, যে ভাবের খোলা পছন্দ করে, সেই অনুরূপ চ বিন্দু চিহ্ন করিয়া ধ বিন্দু ২" ইঞ্চি নীচে সোজা চিহ্ন করিয়া ক, খ লাইনের সম্মুখে ধ, ব সোজা লাইনে সংযোগ করিয়া লইলে সেমিজের পিছনকার অংশ দাগ দেওয়া হইল। এখন ব, ধ, চ, ড, গ, ছ, ট, জ ও খ দাগে বাটিয়া লইলে পিছনের অংশ কাটা হইল।

সম্মুখের অংশ কাটিবার সময় কাপড়কে ডবল ভাঁজ করিয়া সম লম্বা কাপড় লইয়া সম্মুখের অংশ দাগিতে হইবে। গ, ছ লাইনে ৮, ১ সোজা লাইন টানিয়া ছাতির মাপ লইতে হইবে। ঘ, জ ছাতির অংশ ৯" ইঞ্চি ৬ বিন্দু ছাতির মাপের $৩২" + ৬" = ৩৮"$ ইঞ্চি তাহার অর্ধেক ১৯" ইঞ্চি স্থানে ঘ, জ ছাতির অংশ বাদ দিয়া ১০" ইঞ্চি স্থানে ৭ বিন্দু চিহ্ন করিয়া ত, ট কোমরের মাপের ৮" ইঞ্চি ৩ বিন্দু কোমরের মাপের $২৮" + ৭" = ৩৫"$ ইঞ্চি তাহার অর্ধেক ১৭½" ইঞ্চি ত, ট পিছনের অংশে ৮" ইঞ্চি বাদ দিয়া অবশিষ্ট ২½" ইঞ্চি ৯ বিন্দু চিহ্ন করিয়া ঘেরের অংশ খ, ছ ১৬" ঘের সঙ্গে সম অংশ ২ বিন্দু খ লাইনের সমান রাখিয়া ছ বিন্দু ও স বিন্দু ১৬" ইঞ্চি রাখিতে হইবে। এখন ডবল ভাঁজে দেখা যায়, ৩২" ইঞ্চি ছাতির মাপের সমান রহিল মোট ঘের ৬৪" ইঞ্চি। সেমিজের ঘের সায়ার ঘেরের মত বেশী থাকিলে ক্ষতি হয় না, কম হইলে চলাফেরার পক্ষে বড়ই কষ্টকর হয়। এখন ৮, ৯ ও ১০ বিন্দু চিত্রানুযায়ী সংযোগ করিতে হইবে। কোমরের ১১ ও ১২ দাগে দুই চিত্রানুযায়ী ১" ইঞ্চি পরিমাণ টেকিন দিয়া লইতে হইবে, যাহাতে কোমরে টাইট হইয়া বসে। এখন কাঁধ মোহড়া ও গলার অংশ কাটিতে হইবে। ড বিন্দু হইতে চ বিন্দু, ড বিন্দু ও ৫ বিন্দু আর চ বিন্দুতে ৪ বিন্দু সমান রাখিয়া চিত্রানুযায়ী ½" ইঞ্চি উপরে চিত্রানুযায়ী বাঁকাভাবে দাগিতে হইবে। ৫ ও ৮ চিত্রানুযায়ী ভিতরে রাখিয়া দাগিয়া লইতে হইবে যে, পিছনকার মোহড়া ও সম্মুখের মোহড়া একত্র ছাতির মাপের অর্ধেক অর্থাৎ ছাতি ৩২" ইঞ্চি অর্ধেক ১৬" ইঞ্চি হইয়াছে কি না দেখিতে হইবে। মোহড়ার অংশ দাগ দেওয়া হইলে গলার অংশ দাগ দিতে হইবে। গলা যত বেশীর ভাগ খোলা রাখিবার ইচ্ছা হয়, তত বেশী রাখিতে হইবে। পিছনকার অংশ ৮, ৬ ২" ইঞ্চি কাটা হইয়াছে। সম্মুখের অংশে ততোধিক ৪, ১৩ বিন্দুতে রাখিলে ৪" পরিমাণ রাখিয়া ১৩ বিন্দু হইতে ১৪ বিন্দু সোজাভাবে সংযোগ করিয়া ১৪ ও ৩ বিন্দু একটু বাঁকাভাবে চিত্রানুযায়ী সংযোগ করিলে সেমিজের পিছনকার অংশ দাগ দেওয়া হইল। এখন ৩, ১৪, ১৩, ৪, ৫, ৮, ৭, ৯, ১০ ও ২ দাগে কাটিয়া লইলে সম্মুখের অংশ কাটা হইল। ৩ ও ২ সেন্তের লাইন হইতে সম্মুখের অংশে জোড়া ধাক্কিবে।

হাতের অংশ কাটিবার নিয়মঃ—কাপড়কে লম্বা দিকে ছাট বাদ দিয়া পুট হাতের মাপ অনুযায়ী কাপড়কে ডবল ভাঁজ করিয়া এডের দিকে ছাতির ½ অংশ ২" ইঞ্চি যোগ দিয়া হাতের মোহড়ার অংশ লইতে হইবে। ড বিন্দু হইতে শ বিন্দু ছাতির মাপের ½ অংশ ৮ + ২" = ১০" ইঞ্চি, পুট ৬" ইঞ্চি বাদ দিয়া ভ, য ১৫" ইঞ্চি য বিন্দু হইতে মোহড়ার অর্ধেক ৬½" + ৩" = ৯½" ইঞ্চি ব বিন্দু চিহ্ন করিয়া ঘ, ছ যত ইঞ্চি দূরে পিছনের কাপড় আছে, তত ইঞ্চি ড, ল চিহ্ন করিয়া ল, জ-র সোজা দাগিয়া ড-র সংযোগ করিয়া ড-র বাঁকাভাবে সংযোগ করিয়া লইতে হইবে। এখন র বিন্দু ব বিন্দুতে যোগ করিয়া ড, র, ব ও য দাগে কাটিয়া লইলে হাতের অংশ কাটা হইল।



২০নং চিত্র

জ্যাকেট-সেমিজ সেন্সাই ৪—প্রথমতঃ পিছনের অংশের মাঝখানে ফ, ত ও ধ দাগে খিলনী দিয়া দ, খ দাগে ½" ইঞ্চি পরিমাণ ভাঁজ করিয়া খিলনী দিয়া পরে বকেয়া দিতে হইবে। গলার অংশ পিছনের অংশ দুই ভাঁজকে খুলিয়া চ, ধ ও ব লাইনে ইনসেসন বসাইয়া সম্মুখের



৩০নং চিত্র

অংশে ১৪ বিন্দু হইতে ৩ বিন্দু পর্যন্ত বোতামপটা ও কাজঘরপটা বসাইয়া লইতে হইবে। বোতামপটা ও কাজঘরপটা বসানো হইয়া গেলে ৪, ১৩ ও ১৪ বিন্দুতে গলার অংশে ইনসেসন বসাইয়া সম্মুখের দুই অংশে ১১ ও ১২ বিন্দু স্থানে দুই দিকে দুইটি করিয়া ৪টি টেকিন দিয়া

লইতে হইবে। এখন কাঁধ ও পাশের অংশ জুড়িয়া নীচের ঘেরের অংশে ১৩" ইঞ্চি পরিমাণ একটি প্লেট ভাঙ্গিয়া সেলাই দিয়া তথার ৩" ইঞ্চি উপরে তিনটি সরু প্লেট সেলাই দিয়া হাতের অংশে মোহরী স্থানে মোহরী মাপের ১৩" ইঞ্চি বেশী, মনে করুন ১৩" ইঞ্চি মোহরী + ১৩" ইঞ্চি = ১৪৩" ইঞ্চি পরিমাণ লম্বা ইনসেসনের পরিমাণ চওড়া এক টুকরা ফলকে

ইনসেসনের সঙ্গে ভাঁজ করিয়া মোহরী যতটুকু কাপড় বেশী আছে, তাহাকে কুচি দিয়া জুড়িতে হইবে। তাহার পর বগলের নীচের অংশ জুড়িয়া মোহড়ায় লাগাইয়া সম্মুখে ৫ বা ৬টি বোতাম-ঘর করিয়া সমস্থানে বোতাম বসাইয়া লইলে "জ্যাকেট-সেমিজ" সেলাই হইল।

শিল্পী শ্রীযোগেশচন্দ্র রায়।

বসুধৈব কুটুম্বকম্

১
ক্লদ তৃণ—তার সনে
বাধা আছি কি বন্ধনে,
আমি নাহি জানি।

ধরণীর আন্তরণে
কবে ছিন্ন শম্পসনে,
আজ নাহি মানি।

২
রুধি রবি-শশি-পথ
যুগ যুগ হিমবৎ
আছে অবিচল ;
বিরাত পাষণ-দেহ,
হয় ত আমারি কেহ—
আমি ক্ষীণবল।

৩
সীমাহীন পারাবার
গরজিছে অনিবার
ভাঙ্গিতে ছ'কুল ;
ভয়ে তার পানে চাই,—
সে হয় ত মোর ভাই,
আজি কেন ভুল ?

৪
উর্ধ্বরা করিয়া ভূমি
ধায় নদী তট চুমি—
মাতৃ-সুত্রধারা ;
জননী বলিতে তার
কেন মোর প্রাণ চায় ?
আমি মাতৃহারা।

উদ্ধে গ্রহ-পরিবার
ঘুরিতেছে অনিবার—
শশাঙ্ক তপন।

আলো, তাপ অকাতরে
দেয় মর্হবাসী নরে,
তারা যে আপন।

৬
নক্ষত্রের অনীকিনী—
আমি তাহাদের চিনি
চির-পরিচয়ে ;
তারা মোর নহে পর,
ঘুরি জন্ম-জন্মান্তর
তাহাদের লয়ে।

৭
আসে যায় ঋতুদল,
দেয় মোরে ফুল-ফল
বড় ভালবেসে।
মেঘ তার লয়ে ঝারি
ঢালে ধরাপৃষ্ঠে বারি—
শস্ত্র উঠে হেসে।

৮
জড়-চৈতন্যের ভেদ,—
আমি এ বুঝি না বেদ,—
মুক বা বাহ্যয়,
সর্বভূতে আত্মীয়তা,—
আমি বুঝি সার কথা,
পর কেহ নয়।

শ্রীগিরিজানাথ মুখোপাধ্যায়।



প্রত্নরক

৮

সমুদ্রসৈকতে কত বালক-বালিকা ছুটাছুটি করিতেছে, কত নর-নারী বিগুন্ধ বায়ু সেবন করিতেছে। এখনও সূর্যাস্ত হয় নাই—দূরে চক্রবালে অস্তমিতপ্রায় তপনদেবের রক্তিম আভা আকাশ ও জল রক্তাভ করিয়াছে, কিন্তু মেঘের তলদেশে গোম্বুলির ধূসর ছায়ায় মলিন হইয়াছে। ছ-ছ ছ-ছ বায়ুর অবিশ্রান্ত গর্জন, হা-হা হা-হা মহাসমুদ্রের অনন্ত তরঙ্গভঙ্গ। তরঙ্গের উপর তরঙ্গ চড়িয়া তটপ্রান্তের উদ্দেশে তীরবেগে ছুটিতেছে, নদাপথে দ্বিধাভিন্ন হইয়া অর্ধবৃত্তাকারে সৈকতে আসিয়া আছাড়িয়া পড়িতেছে, আবার সৈকতে বাধা প্রাপ্ত হইয়া লজ্জায় শির অবনত করিয়া দূরে ছুটিয়া পলায়ন করিতেছে। সৈকতের সতিত সমুদ্রের এইরূপ অবিশ্রান্ত ক্রীড়া চলিতেছে। সে ভীমকাস্ত সৌন্দর্যের এ জগতে কি তুলনা আছে!

একটি ক্ষুদ্র শিশু সৈকতে বসিয়া একান্তে বালুকার ক্ষুদ্র ঘর নির্মাণ করিতেছিল, আর তাহারই নিকটে বসিয়া একটি সুন্দরী যুবতী তন্ময়চিত্তে সমুদ্র ও সৈকতের স্নিগ্ধ-গম্ভীর সংগ্রাম নিরীক্ষণ করিতেছিল। কেহ দেখিলে অনুমান করিবে, তাহার বাহ্যজ্ঞান রহিত হইয়াছে। বস্তুতঃ তাহার দৃষ্টি কোনও দিকে নিবদ্ধ ছিল না—কেবল বেলাভূমিতে সেই তরঙ্গভঙ্গ-ভীষণ মহাসমুদ্রের আছাড়ি-পিছাড়ির প্রতি স্থির লক্ষ্য ছিল। সিকতাময় বেলার ছুগ্নস্নিগ্ধ ধবলিমার সতিত যখন অল্পধির উদগারিত ফেনপুষ্পের সুখ-সম্মিলন হইতেছিল, তখন তাহার হৃদয়ও বিগুন্ধ আনন্দে ভরিয়া যাইতেছিল—বিশাল লবণাঘুরাশি যতই তালে তালে নৃত্য করিতেছিল, ততই তাহার মনও সঙ্গে সঙ্গে সুখাবেশে বিভোর হইয়া উঠিতেছিল। একবার সে অক্ষুট আনন্দ-গুঞ্জে বসিয়া উঠিল, “মরি মরি! কি শোভা! কি শোভা!”

গহনির্মাণে নিবিষ্টচিত্ত বালক তাহার কণ্ঠস্বরে আকৃষ্ট হইয়াছিল, বলিল, “কি বললে মা?”

যুবতী চমকিত হইয়া ধ্যানরাজ্য হইতে বাস্তব জগতে নামিয়া আসিল, স্মিতহাস্যের সহিত বলিল, “কিছু না, তোমার ঘর গড়া হ’ল?”

বালক বলিল, “এই হ’ল। কেন মা, রোজই কি তাড়া-তাড়ি ঘরে ফিরতে হবে? কেন, ঐ ত কত লোক রয়েছে, ওরা ত যাচ্ছে না।”

যুবতী হাসিয়া তাহার অঙ্গে এক নুষ্টি বালুকা ছুড়িয়া মারিয়া বলিল, “তুই ওদের সঙ্গে থাক না, শৈল, আমি যাই।”

বালক (শৈল) খেলা ফেলিয়া ছুটিয়া আসিয়া যুবতীর গলা জড়াইয়া ধরিয়া আদরে চুষন করিয়া বলিল, “ছুপ্তে, মা-টা! চল না মা, বাড়ী যাই, দাদা আবার বকবে।”

যুবতী স্নেহে বালককে বুকে জড়াইয়া ধরিয়া বার বার তাহার মুখচুষন করিল—মনে হইতেছিল, যেন তাহার বুড়ুকু হৃদয় বালককে অক্ষুরন্ত স্নেহ-অমিয়ধারা বর্ষণ করিয়াও তৃপ্তি পাইতেছিল না। স্মৃষ্টি স্বরে সে বলিল, “না বাবা, আরও একটু খেল, এখনও বৈজনাথ তাড়া দেয় নি।”

বালক তথাপি তাহার আলিঙ্গনপাশ হইতে মুক্ত হইতে ইচ্ছা করিল না, বলিল, “হাঁ মা, এইখানেই আমরা থাকব।”

যুবতী বলিল, “হাঁ রে, তাই হবে। আচ্ছা শৈল, তোমার পাহাড় ভাল লাগে, না, এই সমুদ্র ভাল লাগে?”

বালক বিজ্ঞের ঞায় বলিল, “আমার ছই-ই ভাল লাগে।”

যুবতী হো-হো হাসিয়া উঠিল। বালক অপ্রস্তুত হইয়া বলিল, “না মা, এইখানটাই ভাল লাগে। বল, আর পাহাড়ে ফিরে যাবে না, কেমন?”

বলা বাহুল্য, প্রতিমার পুরী আসিয়াছে। দার্জিলিঙ্গের ঘটনার পর বৎসরাধিককাল অতীত হইয়া গিয়াছে। ইতো-মধ্যে তাহার নানা স্থান ঘুরিয়া আজ দুই মাস হইল পুরীতে বাস করিতেছে। দার্জিলিঙ্গে প্রতিমা এই নেপালী অনাথ বালকটিকে কুড়াইয়া পাইয়াছিল। এই মাতৃহীন বালকের পিতা যে কয় দিন প্রতিমাদের বাড়ী চাকুরী করিয়াছিল, সেই কয় দিনেই এই বালক প্রতিমার হৃদয় অধিকার করিয়া বসিয়াছিল। তাহার কলিকাতায় প্রত্যাবর্তনের পূর্বে হঠাৎ অর্জুন থাপ্পা কলেরায় মারা যায়। তদনধি এই আশ্রয়হীন বালক শৈলনাথ থাপ্পা ইহাদের নিকটেই আছে। বালক তাহাকে মা বলিয়াই জানে—তাহারই নিকট বাঙ্গালীর ছেলের মত বাঙ্গালা ভাষায় লিখিতে, পড়িতে ও কথা কহিতে শিখিয়াছে।

তাই বালক যখন নিজ হাতেই আর পাহাড়ে ফিরিয়া যাইবে না বলিল, তখন প্রতিমার হৃদয় আনন্দের আতিশয্যে ভরিয়া উঠিল—তাহার নয়ন-কমল অশ্রুসিক্ত হইল—তাহার স্নেহ-বস্ত্র আজ সার্থক হইয়াছে, এ আনন্দ সে রাখিবে কোথা ?

পুলকিত স্নেহভরে বালকের মাথাটা বকের মধ্যে টানিয়া লইয়া প্রতিমা বলিল, “আচ্ছা শৈল, সত্যি বলবি, তোর আর পাহাড় যেতে ইচ্ছে করে না ?”

বালক আরও বকের কাছে ধেসিয়া বসিয়া গভীর কণ্ঠে বলিল, “না মা, তুমি যেখানে, আমি সেইখানে থাকতে ভালবাসি।”

প্রতিমার দেহ-মন কি এক অপূর্ণ অনাস্বাদিত-পূর্ণ ভাবাবেশে ভরিয়া গেল—বড় বড় তপ্ত ফোঁটা গণ্ডস্থল বাহিয়া ঝরিয়া পড়িল—শরীর থর-থর কাঁপিয়া উঠিল।

“মা, তুমি কাঁদছ ? কেন মা ? চল মা, বাসায় যাই”, শৈল কথা কয়টা বলিতে বলিতে প্রতিমাকে টানিয়া কয়েক পদ অগ্রসর হইল, বৃদ্ধ দ্বারপাল প্রকাণ্ড যষ্টি স্কন্ধে লইয়া তাহাদের পশ্চাদ্দৃশ্য করিল। একটা দমকা পাগলা বায়ু সমুদ্রে বাহিয়া আসিয়া সৈকতে হু-হু শব্দ করিয়া উড়িয়া গেল, বায়ুভরে বালুকারাশি চারিদিকে বিক্ষিপ্ত হইয়া ঘনাকারে ভরিয়া গেল, মুহূর্তকাল হস্তপরিমিত দূরের কোনও বস্তুই দেখা গেল না। প্রতিমা প্রাণপণে বালককে জড়াইয়া

ধরিয়া রহিল বটে, কিন্তু প্রবল বেগবান বায়ু তাহার ওড়নাখানা মুহূর্তে উড়াইয়া লইয়া গেল।

যখন আবার প্রকৃতি শাস্তমূর্তি ধারণ করিল, তখন সমুদ্রে সৈকতে অনেকে বসিয়া পড়িয়াছে, অনেকে ভয়ে কাঁপিতেছে, অনেকে চোখের বালি মুছিতেছে, অনেকে সমুদ্রশীকরপৃক্ত বসনাঞ্চল নিঙড়াইতেছে, প্রতিমার দ্বারপাল অদূরে সৈকতে শায়িত নৌকার গায়ে জড়ান ওড়নাখানার উদ্ধারসাধন করিতে ছুটিয়াছে। প্রতিমার কিন্তু কোনও দিকে দৃষ্টি ছিল না, সে শৈলকে ক্রোড়ে লইয়া তটভূমি পশ্চাতে রাখিয়া মহা-সমুদ্রের দিকে তাকাইয়া ছিল। তখনও বায়ুতাড়িত বিশাল বারিধির চাঞ্চল্য নিবারণিত হয় নাই। সে কি স্নিগ্ধ-গভীর ভয়ান ভীষণ প্রাণোন্মাদকর দৃশ্য ! সে তরঙ্গে তরঙ্গে ঘাত-প্রতিঘাত—সে দলিত মথিত মহাসিকুর ক্রোধোন্মত্ত উদ্দাম নৃত্য—সে তুলাতস্ততে অগাধ অপরিমেয় তুলা-বিধুননের ঞ্চায় সৈকত-সান্নিধ্যে সফেন তরঙ্গভঙ্গ,—সে দৃশ্য যে একবার দেখিয়াছে, সে ত জীবনে ভুলিতে পারিবে না।

হঠাৎ শৈল শিশুমূলত কৌতূহলবশে চীৎকার করিয়া উঠিল, “মা, ও মা, দেখ মা, ঐ মেমসাহেব দৌড়ে আসছে, ওর চুলের রাশ চার দিকে কেমন উড়ছে, মুখখানা ঢেকে ফেলেছে।”

প্রতিমা চমকিত হইয়া পশ্চাতে মুখ ফিরাইতেই দেখিল, অতি নিকটেই অপূর্ণ চঞ্চলা ক্রীড়ারতা যুবতী-মূর্তি !—সেই য়নানী মহিলা বস্ত্রতঃই যেন বাহুজ্ঞানরহিতা হইয়া প্রকৃতির হাসি-কান্নায় আপনাকে চালিয়া দিয়া সমুদ্রেসৈকতে উদ্দাম আনন্দে ছুটাছুটি করিতেছিল। কি সুন্দর সে নবকিশলয়-লাবণ্যমাখা চল-চল মুখমণ্ডল ! গোধুলির আলো-আঁধারে তাহাকে যেন পরীরাজ্যের রাজকন্য়ার মতই দেখাইতেছিল। প্রতিমা তাহার মুখের উপর বিশ্বয়হর্ষ-পরিপূরিত দৃষ্টি নিবদ্ধ করিতেই সেই য়নানী যুবতী হঠাৎ থমকিয়া দণ্ডায়মান হইল। ছুটাছুটির জন্ত তখনও তাহার ঘন ঘন শ্বাস নির্গত হইতেছিল, বক্ষঃস্থল কাঁপিয়া কাঁপিয়া উঠিতেছিল। কিন্তু সে মুহূর্তমাত্র।

যুবতী ছুটিয়া আসিয়া দুই হাতে প্রতিমার একখানি হাত চাপিয়া ধরিয়া হান্তক্ষুরিতাধরে ভাঙ্গা ভাঙ্গা বাঙ্গালায় জিজ্ঞাসা করিল,—“আমাকে চিন্তে পারেন ? সেই যে দার্জিলিঙ্গে সিঞ্চড়ে দেখা হয়েছিল ? আপনারা পালিয়ে

এলেন কেন ? আমি কত খোঁজ করেছিলুম। ছিঃ ছিঃ, এক দিন দেখা করতেও নেই ? আমি সেই এক দিনেই আপনাকে কত ভালবেসেছিলুম—এক দিনও ভুলতে পারি নি। কোথায় আছেন ? ক’দিন থাকবেন ? এখান থেকে কিন্তু পালাতে দোবো না।”

ইভ এক রাশ কথা কহিয়া ফেলিল, প্রতিমাকে জবাব দিবার অবসরই দিল না। প্রতিমা শৈলকে ক্রোড় হইতে নামাইয়া ষোড়হাতে ইভকে নমস্কার করিল, মুহূর্ত্তে বলিল, “আপনারা ভাল আছেন ? কবে এলেন ?”

ইভের সদা হাস্যপ্রফুল্লানন মলিন হইল, সে ঢোক গিলিয়া বলিল, “আমরা আজই পুরী এক্সপ্রেসে এসেছি। আমি বেশ আছি, কিন্তু আমার স্বামী—এই যে তিনি সঙ্গেই আসছিলেন, কোথায় পেছিয়ে পড়েছেন, দুর্ব্বল কি না !”

প্রতিমার দৃষ্টি স্বভাবতঃই ইভের উৎকণ্ঠিত শঙ্কিত দৃষ্টির পথানুসরণ করিল। আবার চারি চকুর মিলন হইল। সেই সিকড়ে উষার প্রথম রাগদীপ্ত সুন্দর প্রভাতে, আর আজ বর্ষ পরে সমুদ্রসৈকতে গোখুলির আলো-আঁধারে ! প্রতিমার সমস্ত শরীরের রক্তশ্রোত যেন নিমিষে ছুটিয়া আসিয়া মুখ-মণ্ডল আরক্তিম করিয়া তুলিল ; কিন্তু সে ক্ষণমাত্র, পর-ক্ষণেই মুখখানিকে পাংশুবর্ণ করিয়া দিয়া রক্তশ্রোত চলিয়া গেল, প্রতিমা দৃষ্টি অবনত করিল।

ইভ ছুটিয়া গিয়া বিমলেন্দুর হস্ত ধারণ করিয়া বলিল, “ইন্দু, ডালিং, চিন্তে পারছো না এঁকে ? ইস, বড় হাঁপাচ্ছে যে, বড্ড বেশী পরিশ্রম হয়েছে।” বলিতে বলিতে ইভ বিমলেন্দুর একখানি হাত আপনার কাঁধের উপর তুলিয়া দিয়া তাহার দেহের সমস্ত ভারটা পরম যত্নভরে আপনার উপরে তুলিয়া লইল। ইভ বলিয়া যাইতে লাগিল, “আমি বারণ করেছিলুম, শুন্লে না। সারা রাত গাড়ীর কষ্ট গিয়েছে, আজ বিশ্রাম নিলেই হ’ত।”

বিমলেন্দু নারীর সম্মুখে এই ভাবে ব্যবহৃত হইয়া বিষম লজ্জিত হইয়াছিল। সে তাড়াতাড়ি আপনাকে ইভের বাহুবন্ধন হইতে মুক্ত করিয়া বলিল, “না, কষ্ট হবে কেন ? চল, এখানটায় গিয়ে বসি।”

তখনও বিমলেন্দু হাঁপাইতেছিল। যুরোপীয় পরিচ্ছদে তাহাকে প্রতিমা প্রথমে মুহূর্ত্তকাল চিনিতে পারে নাই ; কিন্তু না চিনিবার আরও বখেষ্ঠ কারণ যে ছিল না, এমন

নহে। এই কি সেই বলিষ্ঠ, সুস্থ, যুবক বিমলেন্দু ? এক বৎসরে কি পরিবর্তন ! শীর্ণ দেহ, চকু কোটরগত, দেহের বর্ণ মলিন !

ইভ তাহার কথাটা কাড়িয়া লইয়া বলিল, “বাঃ, বেশ ত ! এঁর সঙ্গে আলাপ না করেই যাবে, এ কি রকম কথা ? সিঞ্চড়েই না বলেছিলে, এঁদের সঙ্গে তোমার জানা-শোনা আছে ? বোন, তুমি এঁকে জান ?”

প্রতিমা মহা বিপদে পড়িল—সে বিমলেন্দুকে দেখিয়াই মুখের অবগুণ্ঠন টানিয়া দিয়া শৈলর হাত ধরিয়া অবনতদৃষ্টি হইয়া দাঁড়াইয়া ছিল। বিমলেন্দুকে কোন জবাব দিবার অবসর না দিয়াই সে স্পষ্ট খোলা গলায় বলিল, “না, জানি না। হয় ত বাবার সঙ্গে জানা-শোনা থাকতে পারে। আয় শৈল।”

কথাটা বলিয়া সে উচ্চ তটভূমির দিকে অগ্রসর হইতে পা বাড়াইল। ইভ তাহাকে বাধা দিয়া বলিল, “বাঃ, আপনি বেশ ভদ্রলোক ত ? কোথায় বাসা নিয়েছেন ব’লে যান। না হয় চলুন, আজই আপনার ওখানে বেড়িয়ে আসছি। আমরা ‘সি তিলা’ ভাড়া করেছি—ঐ যে ঐ নিশান উড়ছে। আমরা না জানিয়ে কিন্তু এবার পালাতে পারবেন না, প্রতিজ্ঞা করুন।”

প্রতিমা মহা ফাঁপরে পড়িল, সে যত সঙ্গ ত্যাগ করিতে চায়, এই মায়াবিনী মেরেটা ততই তাহাকে আঁকড়িয়া ধরে, বিধাতার এ কি অপূর্ব্ব খেলা ! সে কি জবাব দিবে ভাবিতেছিল, কিন্তু তৎপূর্বেই বিমলেন্দু বাধিত অভিমানা-হত কণ্ঠে বলিল, “ইভ, তুমি ছেলেমানুষ ! দেখছ না, ওঁরা তোমাদের সঙ্গে মিশতে চান না। বিশেষ ওঁরা বড়লোক। এস, যাই।”

ইভ কিন্তু কোন কথা শুনিব না, সে ছুটিয়া গিয়া প্রতিমার একখানি হাত ধরিল, বলিল, “বলুন, আমরা না জানিয়ে কোথাও যাবেন না, বলুন।”

প্রতিমা তাহার সরল শিশুর মত আদ্যার দেখিয়া হাসি চাপিয়া রাখিতে পারিল না, বলিল, “আচ্ছা, তাই হবে। কিন্তু আমরা বেশী দিন এখানে থাকব না, তা ব’লে রাখছি।” প্রতিমা তাহাদের ঠিকানা বলিয়া দিল।

ইভ মহা সন্তুষ্ট হইয়া তাহার হস্তচুম্বন করিল, বিমলেন্দুর দিকে ফিরিয়া মুহূ হাসিয়া বলিল, “দেখলে ইন্দু, আমার

কথা থাকলো কি না—তুমি কি না বল, এঁরা বড় লোক, গরীবের সঙ্গে মেশেন না।”

বিমলেন্দ্র ব্যঙ্গের হাসি হাসিয়া বলিল, “ঠা, মিশবেন না কেন, যেখানে এক পক্ষে মন জুগিয়ে চলা, সেখানে মেলা-মেশায় গোল থাকে না।”

আঘাতের উপর আঘাত—প্রতিমার নীলোৎপল নয়ন-যগল দপ করিয়া জলিয়া উঠিল, সে-ও সমান ওজনে জবাব দিল, “যাদের নিজের সামর্থ্যে কোন কিছু কুলোয় না, যারা পরের আঁচল ধ'বে বেড়ায়, তারাই তাদের ছোট মনের আপে অপরকেও মেপে বেড়ায়।”

সে আর উত্তরের প্রতীক্ষা না করিয়া হন হন করিয়া চলিয়া গেল। বিমলেন্দ্র পাণ্ডুর বদনমণ্ডল আরক্তিম হইয়া উঠিয়াছিল। ইভ উভয়ের মূপের দিকে চাহিয়া কিছু বঝিতে না পারিয়া বিস্মিত হইল।

৯

পাঁচ দিনের মিলামিশাতে উভয়ে উভয়ের প্রতি শীঘ্রই আকৃষ্ট হইয়া পড়িল। ইভ পূর্ক হইতেই প্রতিমাকে প্রীতির দৃষ্টিতে দেখিয়াছিল, স্মরণ্য তাহার মত স্নেহপ্রবণ প্রকৃতিতে প্রতিমার প্রতি অতি শীঘ্র গভীর স্নেহ প্রেমের নিগড়ে আবদ্ধ হওয়া কঠিন হয় নাই। প্রতিমা স্বভাবতঃ গভীর—সে সহজে বাহিরের লোকের সহিত মিশিত না, এজন্য অনেকে তাহাকে গর্হিতা ধনাঙ্করক্ষীতা বলিয়া মনে করিত। সে তাহাতে জ্বল্পপও করিত না। কিন্তু ইভের বেলা তাহার গাভীর্য্য কোথায় উড়িয়া গিয়াছিল। ইভের সরল শিশুর মত আবদার ও বাহানার স্নেহের দাবী তাহাকে এমন এক আকর্ষণের গভীর মধ্যে আনিয়া ফেলিয়াছিল যে, দূরে পলাইবার ইচ্ছা থাকিলেও সে পলাইতে পারে নাই। শেষে মাসাধিককাল গত হইলে এমন অবস্থা হইল যে, কেহ কাহাকেও দিনান্তে একবার না দেখিলে থাকিতে পারিত না।

তাহাদের মধ্যে এমন ঘনিষ্ঠতা বিয়াজিত হইলেও ইভ একটা ব্যাপার লক্ষ্য করিয়া বিস্মিত হইত। প্রতিমা পারতপক্ষে তাহার স্বামীর সঙ্গ কামনা করিত না। দৈবক্রমে তাঁহার সহিত প্রতিমার সাক্ষাৎ ঘটয়া গেলে প্রতিমা কোন না কোন ছল ধরিয়া অন্তর চলিয়া যাইত—ছই এক

মুহূর্ত্ত থাকিলেও বিমলেন্দ্র চেষ্ঠা সবেও কোনওরূপ বাক্যালাপে যোগদান করিত না। বিমলেন্দ্র ইহাতে বে মনে আঘাত পাইত—সে চিহ্ন তাহার মুখে চোখে ফুটিয়া উঠিত। অথচ প্রতিমা তাহা দেখিয়াও লক্ষ্য করিত না।

ইভ এ সকল খুঁটিনাট লক্ষ্য করিয়াছিল। সে ভাবিত, হয় ত হিন্দু অন্তঃপুরচারিকাদিগের পক্ষে পরপুরুষের সহিত এইরূপ ব্যবহারই স্বাভাবিক; তবে প্রতিমার পিতার সহিত বিমলেন্দ্র পরিচয় আছে বলিয়া হয় ত সে তাহার সম্মুখে বাহির হয়, কিন্তু তাহা বলিয়া তাহার সহিত আলাপ-পরিচয় বা ঘনিষ্ঠতা হওয়া বাঞ্ছনীয় নহে। প্রতিমার পিতাও যুগাকরেও জানিতে দিতেন না যে, তাঁহাদের সহিত বিমলেন্দ্র কোনও ঘনিষ্ঠ সম্পর্ক আছে। যাহাই হউক, এজন্য সে প্রতিমার সহিত জগতের আর সকল বিষয়ে আলাপ-পরিচয় করিলেও কেবল স্বামীর কথা পাড়িত না।

এক দিন কিন্তু প্রতিমাই অবাচিতভাবে তাহার স্বামীর কথা পাড়িল। ছই জনে এক দিন সমুদ্রবেলায় বসিয়া আছে, অদূরে শৈল খেলা করিতেছে। হঠাৎ উভয়ে দেখিল, একটা শীর্ণকার লোক কানিতে কানিতে স্বাসরুদ্ধ হইয়া যাইবার উপক্রম হইয়াছে—সে নৈকতে বসিয়া পড়িয়া সবলে মাথাটা চাপিয়া ধরিয়াছে আর তাহার সঙ্গী আশ্রয় তাহাকে ধরিয়া রহিয়াছে, কি করিবে, স্থির করিতে পারি-
তেছে না। কিন্তু সে ক্ষণমাত্র, তাহার পরেই তাহার সে অবস্থাটা কাটিয়া গেল, সেও উঠিয়া সঙ্গীর সহিত অন্তর চলিয়া গেল।

প্রতিমা আনমনে হঠাৎ বলিয়া ফেলিল, “আচ্ছা ভাই, তোমার স্বামী এক বৎসরে এত রোগা হয়ে গিয়েছিলেন কেন? দার্জিলিঙ্গে ত এমন ছিলেন না।”

কথাটা বলিয়াই তাহার চোখদুখ লাল হইয়া উঠিল, সে তাড়াতাড়ি কথাটা চাপা দিবার জন্য বলিল, “প্রথম প্রথম এক দিন তাঁকে এইখানে বেড়াতে বেড়াতে কাস্তে দেখেছি, তাই বলছি।”

ইভ তাহার ভাববৈলক্ষণ্য লক্ষ্য করে নাই। স্বামীর স্বাস্থ্য সম্পর্কে প্রশ্ন হইবামাত্র তাহার স্বভাবতঃ হান্তোচ্ছল মুখমণ্ডল সহসা গভীর আকার ধারণ করিল। সে বিষাদ-ভরা কাতর কণ্ঠে ধীরে ধীরে বলিল, “সে অনেক কথা, সেই জন্তই ত এখানে এসেছি। আচ্ছা ভাই, ঠিক ক'রে বল

ত—তুমি মিথ্যে বলবে না জানি, তাই জিজ্ঞাসা করছি, তুমি প্রথমে যা দেখেছিলে, তার চেয়ে কতকটা উন্নতি হয়নি কি ?”

ইভ তীব্র উৎকর্ষার সহিত উত্তরের প্রতীক্ষা করিতে লাগিল। প্রতিমা প্রথমটা খতমত খাইয়া গেল বটে, কিন্তু পরক্ষণেই প্রকৃতিস্থ হইয়া সহজ সরলভাবেই বলিল, “হাঁ, খুবই হয়েছে। হবারই কথা।”

ইভ সবিশ্বয়ে জিজ্ঞাসা করিল, “কেন ?”

প্রতিমা মৃদু হাসিয়া বলিল, “হবে না ? এমন লক্ষ্মীর সেবাতেও যদি না হয়, তবে কিসে হবে জানি না।”

ইভ কিন্তু সন্তুষ্ট হইল না—সে আরও কিছু ভরসার কথা আশা করিয়াছিল। বলিল, “ওঃ, এই কথা ! আমি আর তাঁর কি সেবা করতে পেরেছি ? সাধ মিটিয়ে ত সেবা করতে পেলুম না।”

বলিতে বলিতে ইভের আয়ত নয়নদ্বয় অশ্রুপ্লুত হইয়া উঠিল। প্রতিমা বিস্মিত হইল। কি আশ্চর্য্য ! ইহার এত ভালবাসিতে জানে ? প্রতিমার ধারণা অন্তরূপ ছিল। ইংরাজ জাতির মধ্যে এমন লক্ষ্মী থাকিতে পারে, এ ধারণা তাহার ছিল না। সে শুনিয়াছিল, আজ এক বৎসর যাবৎ ইভ কি অসাধারণ ধৈর্য্য ও সহিষ্ণুতার সহিত অক্লান্ত পরিশ্রমে রুগ্ন স্বামীর সেবা করিয়াছে। ইভের নেপালী আয়া কত দিন তাহাকে নিঃস্নেহে সেই সেবার পরিচয় দিয়াছে। বিবাহের পর হইতেই বিমলেন্দ্র স্বাস্থ্যভঙ্গ হয়। প্রথমে সে কিছুতেই পত্নীর গলগ্রহ হইয়া থাকিতে চাহে নাই—যত দিন উঠিতে দাঁড়াইতে পারিয়াছে, তত দিন চাকুরী করিয়াছে। যখন একবারে শয্যা লইয়াছে—যখন তাহার একবারে উত্থানশক্তি রহিত হইয়াছে, তখন হইতে ইভ তাহার সকল ভার গ্রহণ করিয়াছে। কেবল পত্নীর মত নহে, জননীর মত, ভগিনীর মত, দাসীর মত ভার গ্রহণ করিয়াছে। তাহার ক্লান্তি, বিরক্তি, ঘৃণা,—কিছুই ছিল না, ৬৭ মাস কাল সে দুই হাতে স্বামীর মলমূত্র পরিষ্কৃত করিয়াছে, বহু বিনিদ্র রজনী অতিবাহিত করিয়াছে, কিসে স্বামী বিন্দুমাত্রও অস্বাচ্ছন্দ্য উপভোগ না করেন, প্রাণপণে তাহার ব্যবস্থা করিয়াছে। এ জন্ত সে কাম্বিক বা মানসিক কোন শ্রমেরই ক্রটি করে নাই, অর্থাৎ ব্যয়ে কণামাত্র কার্পণ্য করে নাই। চিকিৎসকরা যেখানে

বায়ুপরিবর্তনের নিমিত্ত লইয়া যাইতে উপদেশ দিয়াছেন, সেইখানেই লইয়া গিয়াছে। এই অল্পবয়সে সে বেরূপ ধীর স্থিরভাবে স্বামীর চিকিৎসা ও সেবার সকল ব্যবস্থা করিয়াছে, তাহাতে বিজ্ঞ বহুদর্শী চিকিৎসকগণেরও বিশ্বাস উৎপাদিত হইয়াছে।

ইচ্ছা থাকুক বা না থাকুক, প্রতিমাকে এ সকল কথা শুনিতে হইয়াছিল, সে নিজেও কচিৎ কখনও ইভের ‘সি ভিলায়’ গিয়া ইভের অক্লান্ত স্বামি-সেবা প্রত্যক্ষ করিয়াছিল। ইংরাজ-বালিকার এ মধুময় চরিত্রশুণে সে একবারে মুগ্ধ হইয়াছিল—ইহার জন্ত সমগ্র ইংরাজ জাতির প্রতি প্রীতি-শ্রদ্ধায় তাহার হৃদয় ভরিয়া উঠিয়াছিল। এখন ইভের মুখে শেষ কথাটা শুনিয়া ও ইভের চোখে জল দেখিয়া প্রতিমার সমস্ত প্রাণের ভালবাসাটা ইভের দিকে ছুটিয়া গেল, সে দুই হাতে ইভকে বুকের মাঝে টানিয়া লইয়া হর্ষগর্ভভরে বলিল, “সকল পত্নীই এমনই ক’রে স্বামি-সেবা করবার সৌভাগ্য অর্জন করে, এইটেই প্রার্থনা করি।”

ইভ প্রতিমার কাঁধের উপর মাথা রাখিয়া অশ্রু-গদগদ-কণ্ঠে বলিল, “এক একবার মনে হয়, যদি আমার প্রাণ দিয়েও তাঁর স্বাস্থ্য ফিরিয়ে আনতে পারা যায়, তা হ’লে প্রাণ দিয়েও দেখি। ভাই, তুমি বিবাহিত নও, প্রাণ দিয়ে কখনও ভালবাস নি, আমার মনের কি যাতনা, বুঝতে পারবে না। যে দিন হ’তে দেখেছি, আমার প্রাণাধিকের ভালবাসা ও আদর-যত্নের মধ্যেও কি একটা অভাব থেকে যাচ্ছে—যে দিন থেকে বুঝেছি, আমার এই প্রাণটার সমস্ত ভালবাসা দিয়েও তাঁর অশান্ত মনকে শান্ত করতে পারিনি, যে দিন থেকে জানতে পেরেছি, সকল সুখের—সকল আরামের মধ্যে থেকেও তিনি কি জানি কিসের একটা অভাব অনুভব করছেন, সেই দিন থেকেই বুঝে ছিলাম, তাঁর স্বাস্থ্যভঙ্গ হচ্ছে। মনই ত সব, মন ভাঙলে দেহ কোথায় থাকে ? কত চিকিৎসা করিয়েছি, কত রকমে তাঁর মন ভোলাবার চেষ্টা করেছি, কিছুতেই পারি নি। এক একবার মনে হ’ত, হয় ত আত্মীয়-স্বজন, স্বধর্ম, সমাজ ছেড়ে এসে তাঁর মন হু হু করছে—আমার ভালবাসা সে অভাব পূর্ণ করতে পারছে না। কিন্তু পরে বুঝেছি, সে অভাব অল্প কিছুই। কি সে অভাব, আমার কে ব’লে

দেবে?—আমি প্রাণ দিয়ে সে অভাব ঘোচাবার চেষ্টা করব। এক বৎসর এখানে সেখানে নিয়ে বেড়িয়েছি, অনেক ক’রে এখন তাঁকে কতকটা সুস্থ করেছি, এক একবার মনে হয়েছে, তাঁর সে অভাব বৃদ্ধি আর নেই। বড় আশায় পুরী এসেছি। এখানে এসে ভাল আছেন। এখন প্রায় তাঁর মুখে হাসি দেখতে পাই। কিন্তু একটা ভয় নতুন ক’রে জেগে উঠছে। মনে হচ্ছে, মাঝে মাঝে কচিং কখনও যেন সেই পূর্বের অভাবের ভাবটা দেখা দিচ্ছে।”

প্রতিমা চঞ্চল হইয়া উঠিল, বলিল, “না, না, ও তোমার মিথ্যে কল্পনা। ভালবাসার জনের সম্বন্ধে অমন আশঙ্কা হয় ত পদে পদেই হয়।”

ইভ উঠিয়া বসিয়াছিল, এখন আর সে কাঁদিতেনি না। আশায় উৎফুল্ল হইয়া বলিল, “তাই হোক, তোমার কথাই সত্য হোক। ভাই, তুমি যে আমার মনে কি সাস্থনা দিলে, বলতে পারিনি। সত্যি বলছ, এমনই আশঙ্কা হয়? তুমি কি ক’রে জানলে, তুমি ত কাউকে ভালবাসনি।”

প্রতিমা মহা কাঁপরে পড়িল, সে তাড়াতাড়ি উঠিয়া বলিল, “ঐ দেখ, কথায় কথায় সঙ্কে হয়ে এল। শৈল, শৈল! দেখ, ছেলেটা খেলা করতে করতে কোথায় এগিয়ে গেছে।”

ইভ যাইতে যাইতে বলিল, “হাঁ—ভাল কথা, দিন সাতকের জন্তে আমরা চিহ্না দেখতে যাব, তুমি যাবে? না ভাই, ‘না’ কথা শুনবো না, আমি মিঃ চক্রবর্তীর হাতে পায়ে পড়ব, বল, যাবে বল? না হ’লে জানবো, তুমি আমার ভালবাস না।”

তাহার বালিকার ঞায় আগ্রহাতিশয্য দেখিয়া প্রতিমা হাসিয়া ফেলিল। সে ইভকে বৃষ্টিয়াও বৃষ্টিতে পারিল না। এই মেয়েটি এই বালিকা, পরমুহূর্ত্তেই জ্ঞানবুদ্ধা বধি-য়সী নারী; এই হাসে, এই কাঁদে; ইহার সকলই বিচিত্র। প্রতিমা বলিল, “আচ্ছা, সে তখন দেখা যাবে। এখন চল ত ঘরে যাই। উঃ, আকাশ আঁধার ক’রে আসছে, বড় উঠলো ব’লে, চল চল।”

উভয়ে শৈলের হাত ধরিয়া দ্রুতপদে তটারোহণ করিতে লাগিল। সঙ্গে সঙ্গে ছ ছ বড় নামিল।

২০

চিহ্না হৃদের দৃশ্য যে একবার দেখিয়াছে, সে জীবনে তাহা ভুলিতে পারিবে না। মাদ্রাজের দিক যাইতে দক্ষিণ পার্শ্বে পাহাড়ের পর পাহাড়ের শ্রেণী, বামপার্শ্বে দূরদিগন্তবিসারী হৃদের জলরাশি, মধ্যে রেলের লাইন। কোথাও কোথাও চিহ্নাবারি মৃদুস্পর্শে রেল-লাইনের চরণ চূষন করিতেছে। শ্রামল স্তম্ভের ছোট ছোট পাহাড়-গুলি দূর হইতে গাঢ় নীল মেঘের মতই অল্পমিত হইতেছে; হৃদের বুকের মাঝে ক্ষুদ্রায়তন দ্বীপগুলি মুক্তাহারের মধ্যে মরকতমণির মত শোভা পাইতেছে; কোথাও জলচর বিহঙ্গ পরম আনন্দে হৃদের জলে সাঁতার দিতেছে; কোথাও বা দ্বীপের পশুপক্ষী হৃদের তটে দেখা দিয়া অন্তর্হিত হইতেছে; দূরে শঙ্খশ্বেত পাইল তুলিয়া কত তরণী ভাসিয়া যাইতেছে—সেগুলি জলচর পক্ষীর মতই অল্পমিত হই-তেছে। প্রতিমা বিশ্বয়বিস্মারিতনেত্রে প্রকৃতির এই সকল দৃশ্য দেখিতেছে, আর ইভ তাহাকে কতই না তামাসা করিয়া জ্বালাতন করিতেছে। সে এক কি সুখের দিনই অতিবাহিত হইতেছে!

প্রতিমা কিছুতেই পুরুষদিগের সহিত এক গাড়ীতে যাইতে চাহে নাই। তাহাদের জন্ত একখানা প্রথম শ্রেণীর কামরা রিজার্ভ করা হইয়াছিল। পার্শ্বের কামরায় পুরুষরা উঠিয়াছিলেন। প্রতিমা ও ইভ শৈলকে লইয়া যে গাড়ীতে ছিল, তাহাতে গাড়’ সাহেবের দৃষ্টিটা কিছু খর রকমেরই পড়িয়াছিল। কিন্তু বিমলেন্দু প্রতি স্টেশনে নামিয়া তাহাদের তত্ত্ব লইতেছিল, এ জন্ত গাড়’ সাহেবের লোলুপ দৃষ্টি অধিকক্ষণ তাহাদের কামরার দিকে স্থায়ী হইতে পারিতেছিল না। ইহাতে ইভের কিছু আসিয়া না গেলেও প্রতিমার খুবই একটা অস্ববিধা বোধ হইতেছিল। একে ত প্রথমে সে চিহ্নায় আসিতেই চাহে নাই, তাহার উপর (যদিও বা সে ইভের অথবা পিতার অনুরোধ এড়াইতে না পারিয়া তাহাদের সঙ্গী হইয়াছিল) বিমলে-ন্দুর সঙ্গ তাহার নিকটে অতীব বিসদৃশই অল্পভূত হইতে-ছিল। সে যত না গাড়’ সাহেবের দৃষ্টিপাতে অস্বস্তি অল্পভব করিতেছিল, বিমলেন্দুর সহিত দৃষ্টি-বিনিময়ে ততোধিক বিরক্তি বোধ করিতেছিল। সে এ জন্ত

কোন ষ্টেশনে গাণ্ডী থামিলেই প্লাটফর্মের অপর পার্শ্বে উঠিয়া গিয়া বসিতেছিল। ইহাতে ইভ বিস্মিত হইয়া প্রশ্ন করিলে সে বলিয়াছিল, ষ্টেশনে যে এক গাদা লোক দাঁড়াইয়া থাকে!

ইভ তাহাতে হানিয়া জবাব দিয়াছিল, “এই যে গুনি, তোমাদের মধ্যে আর তেমন আবার নেই!”

রক্তা ষ্টেশনে নাগিবামাত্র স্থানীয় ঠাকুরের পাণ্ডারা তাহাদিগকে পুষ্পমাল্যে ভূষিত করিয়া দিল—উদ্দেশ্য কিছু দক্ষিণা আদায় করা। ইভকে প্রথমে তাহারা মালা দিতে সাহস করে নাই, কিন্তু ইভ যখন ষ্টেশন-প্লাটফর্ম হস্ত-মুখরিত করিয়া নিজের কণ্ঠ মাল্যপরিধানের জন্ত বাড়াইয়া দিল, তখন পাণ্ডাদের মধ্যে সর্বাপেক্ষা বড় মালা দিবার প্রতিযোগিতার ধুম পড়িয়া গেল।

চিক্কায় তাহাদের প্রথম দুই তিন দিন বেশ কাটিল। প্রতিমা এক দিন নিজে চিক্কায় মাছ রাঁধিয়া সকলকে খাওয়াইল। ইভ ইতঃপূর্বে কয়দিন প্রতিমার হাতে রাঁধা পোলাও, কোন্দা, কাটলেট, চপ খাইয়াছিল—উহা তাহার অতীব উপাদেয় বলিয়াই মনে হইয়াছিল, কিন্তু এই মাছের তরকারী তেল দিয়া রাঁধা হইতেছে দেখিয়াই সে প্রথমে উহার প্রতি দীহরাগ হইয়াছিল। কিন্তু প্রতিমার অনুরোধে সে অনিচ্ছাসত্ত্বেও যখন একটু তরকারী খাইল, তখন আর ভুলিতে পারিল না, ‘আরও দাও আরও দাও’ করিয়া তাহাকে উদ্যস্ত করিয়া তুলিল। সে রন্ধনে প্রতিমাকে প্রথম শ্রেণীর সার্টিফিকেট দান করিল। একটা বিষয়ে সে প্রতিমাকে বিচুতেই সম্মত করিতে পারে নাই। প্রতিমা পুরীতে এক দিনও মৎস্য-মাংস আহার করে নাই, এখানেও করিল না। পীড়াপীড়ি করিলে বলিত, তীর্থে আসিয়া নিরামিষ খাইতে হয়। ইভ ধর্মের কথা গুনিয়া আর কোনও আপত্তি করিত না। আর এক বিষয়ে ইভ প্রতিমাকে জ্বদ করিতে দেখিয়াছিল। সে এক দিন হঠাৎ দেখিয়াছিল, প্রতিমা চুল বাধিবার সময় চিরণীর অগ্রভাগে অতি সামান্য হিন্দুর হিন্দু তুলিয়া লইয়া সীমস্তে স্পর্শ করিতেছে। সে জানিত, হিন্দু সধবা নারীরাই সীমস্ত হিন্দুর-রঞ্জিত করিয়া থাকে। এ জন্ত সে প্রতিমার নিকট কৈফিয়ৎ চাহিলে প্রতিমার সমস্ত মুখখানা রক্তা হইয়া উঠিয়াছিল, সে কিছুকণ নীরব

থাকিয়া বলিয়াছিল, ‘সধবারা সীমস্তে হিন্দুর লেপন করে, অতঃপর পক্ষে হিন্দুর স্পর্শ করিলে দোষ নাই।’

এক দিন তাহারা চিক্কায় নৌবিহারে গেল। এই দিন ইভের জীবনে অতি স্মরণীয় দিন—কেন না, এই দিন হইতে তাহার ক্ষুদ্র জীবন-নাটকের দ্বিতীয় ও শেষ অঙ্ক আরম্ভ হইয়াছিল। মাঝিরা লগি মারিয়া নৌকা লইয়া যাইতেছিল। চিক্কায় গভীরতা প্রায় সর্বত্রই অতি সামান্য, কাষেই বহুদূর পর্যন্ত কেবল লগি মারিয়াই নৌকা লইয়া যাওয়া যায়। ইভ ও প্রতিমা এক পার্শ্বে বসিয়াছিল। প্রতিমা জলে হাত ডুবাইয়া জল লইয়া খেলা করিতেছিল। সকলেই কথা কাহিতেছিল, কেবল প্রতিমা তাহাতে যোগদান করে নাই, সে অনন্তমনা হইয়া দূরে পাইলভরে গমনশীল নৌকাগুলির গতিবিধি নিরীক্ষণ করিতেছিল। শৈল দুই চারিবার কোনও কিছু নূতন দেখিলে হর্ষভরে তাহার ‘মাকে’ জানাইতেছিল বটে, কিন্তু প্রতিমা তাহা দেখিয়াও নীরব রহিল। পথে এক স্থানে জলের বৃকে ক্ষুদ্র শিলাখণ্ডের উপর একটি কাঠের ঘর জাগিয়াছিল। যেমন শিলা, তদনুরূপ ঘর—যেন ছেলেদের খেলার ঘর। বায়ুতড়িত চিক্কায় তরঙ্গ মাঝে মাঝে তাহার পাদমূল চুষন করিতেছিল,—এমন কি, তরঙ্গ উচ্চ হইলে কক্ষের মধ্য দিয়া চলিয়া যাইতেছিল। বিমলেন্দু গল্প করিল, এটা এক পাগলা সাহেবের ঘর। সে রাত্রিকালে একাকী এই ঘরে কখনও কখনও বাস করিত। বিশেষতঃ ঘোর ঝড়বাতের সময় ঘনরুক্ষা রজনীতে সে এই ঘরে থাকিতে বড় ভালবাসিত। ইভ সবিষ্ময়ে জিজ্ঞাসা করিল, “এত বায়ুগা থাকতে এখানে বাস করত কেন?”

বিমলেন্দু বলিল, “খেয়াল! এই দেখ না, সকলে আমরা গল্প-গুজব করছি, তোমার বন্ধু কিন্তু আপনার খেয়ালে আছেন।”

প্রতিমার মুখমণ্ডল আরক্তিম হইয়া উঠিল। সে দৃষ্টি অবনত করিয়া রহিল। রামপ্রাণ বাবু গভীরভাবে বলিলেন, “মানুষ কখন কি খেয়ালে থাকে, তা কেউ বলতে পারে না। এমনও দেখা যায়, মানুষ খেয়ালের বেশে কসাইয়ের মত কাষ করে, অথচ মনে ভাবে, সে মস্ত কর্তব্যপালন করছে।”

ব্যাপারটা গুরুগম্ভীর হইয়া যায় দেখিয়া ইভ উচ্চ হাস্য করিয়া বলিল, “দেখ দেখি ভাই, তুমি আপনার মনে আছ

ব'লে কত কথা উঠছে। না হয় দুটো কথা কইলে। শুনেছি, ইন্দু তোমাদের আত্মীয়, নিতান্ত পরপুরুষ নয়, তবে কথা কইতে দোষ কি?”

নৌকার মধ্যে দারুণ গভীরতা দেখা দিল, কেহই কথা কহে না, ইভ ও শৈল ছাড়া অপর তিন প্রাণী মহা অস্বস্তি বোধ করিতে লাগিল।

এই সময়ে শৈল সকলকে অস্বস্তির হাত হইতে বাচাইয়া দিল, চীৎকার করিয়া বলিল, “দেখ মা, ঐ বৃড়া নৌকা-খানা কি রকম ক'রে হেলেছিলে পাগলের মত আসছে।”

বস্তুতঃ প্রকাণ্ড একখানা বোঝাই নৌকা পাইলভরে হেলিয়া ছলিয়া তাহাদের দিকে অগ্রসর হইতেছিল, তাহার যেন দিগ্বিদিক্জ্ঞান ছিল না। তাহার আশে-পাশে আরও কয়খানা নৌকা অগ্রসর হইতেছিল বটে, কিন্তু তাহাদের গতিবিধি এমন অসংযত ছিল না। আসল কথা, এই নৌকার অতি জীর্ণ হালখানা জলে মোচড় দিতে গিয়া ভাঙ্গিয়া গিয়াছিল; সুতরাং নৌকার গতিবিধির উপর মাঝির কোনও হাত ছিল না, সে কেবল ‘গামাল সামাল’ হাঁক দিয়া সম্মুখের নৌকাগুলিকে সতর্কতা অবলম্বন করিতে বলিতেছিল। মুহূর্তমধ্যে অভাবনীয় কাণ্ড ঘটয়া গেল। মাঝি প্রকাণ্ড নৌকাখানা বহু চেষ্টার ফলেও সামলাইতে পারিল না—সেখানা প্রচণ্ডবেগে ইভদের ক্ষুদ্র নৌকার উপর আসিয়া পড়িল। নৌকার সমস্ত বেগটা ক্ষুদ্র নৌকার উপর অনুভূত হইল না বটে, কিন্তু খেটুকু ধাক্কা লাগিল, তাহাতেও প্রচণ্ডতা সহ্য করিতে না পারিয়া ক্ষুদ্র নৌকাখানা কাপিতে কাপিতে এক পাশে কাঁৎ হইয়া পড়িল, সঙ্গে সঙ্গে ইভ বহু কষ্টে আত্মরক্ষা করিতে সমর্থ হইলেও প্রতিমা সে আক্রমণের বেগ প্রতিহত করিতে পারিল না, চক্ষুর পলকে চিহ্ন আর অবিল জলরাশির মধ্যে নিষ্কপ্ত হইল। নৌকাবাহীরা ‘কি হইল’ ‘কি হইল’ বলিয়া চীৎকার করিতে না করিতেই বিমলেন্দু জলে বাষ্প প্রদান করিল।

নিমিষের মধ্যে এতটা কাণ্ড ঘটয়া গেল। ইভও ধাক্কা খাইয়া প্রায় জলে পড়িবার উপক্রম করিয়াছিল; কিন্তু প্রতিমার দেহে বাধা পাইয়া কোনও রূপে তিষ্ঠিয়া গেল—

আর প্রতিমা তাহার দেহের ভারে কোনও রূপে আত্মরক্ষা করিতে সমর্থ হইল না। ইভ দেখিয়াছিল, বিমলেন্দুর ব্যগ্র দৃষ্টি পূর্বাপর প্রতিমার প্রতিই নিবদ্ধ ছিল। সে দৃষ্টিতে কি আকুলতা বিজড়িত ছিল, তাহা সে ভিন্ন অণু কেহ লক্ষ্য করে নাই।

মাঝিরা নৌকা সামলাইয়া লইবার পূর্বেই বিমলেন্দু প্রতিমার দেহ বক্ষে লইয়া নৌকায় উঠিল। তখন সে জ্ঞান-হারার মতই হইয়াছিল—সে জলমগ্না প্রতিমার উদর হইতে জল-নিষ্কাশনের চেষ্টা না করিয়া তাহাকে প্রাণপণে বক্ষে চাপিয়া ধরিয়া ভীতিবিহ্বলনেত্রে কাতরকণ্ঠে কেবল ডাকিতেছিল, “প্রতিমা! প্রতিমা!”

রামপ্রাণ বাবু এই সময়ে প্রতিমার অচৈতন্য দেহ তাহার বাহুবেষ্টন হইতে মুক্ত করিয়া নানা কৃত্রিম প্রক্রিয়ার দ্বারা তাহার স্বাস্থ্য বহাইবার চেষ্টা করিতে লাগিলেন, পরন্তু মাঝিকে নৌকা তীরে লইয়া যাইতে আদেশ করিলেন। শৈল ‘মা মা’ করিয়া ডুকুরিয়া কাঁদিয়া উঠিয়াছিল। রাম-প্রাণ বাবু ধমক দিয়া তাহাকে ক্রন্দন হইতে প্রতিনিবৃত্ত করিলেন। বস্তুতঃ নৌকার মধ্যে একা তিনিই তখন প্রকৃতিস্থ ছিলেন বলিয়া ব্যাপার সহজেই সহজ আকার ধারণ করিল। দেখিতে দেখিতে প্রতিমা নয়ন উন্মীলন করিল—আবার চারি চক্ষুতে মিলন হইল। তখনও প্রতিমা বিমলেন্দুর দৃষ্টিতে দৃষ্টি সংবদ্ধ করিয়াই নিমিষে দৃষ্টি অবনমিত করিয়া লইল, তাহার পাংশুবর্ণ মুখমণ্ডল আরক্তিম হইয়া উঠিল।

ইভ আত্মোপাস্ত সমস্তই প্রত্যক্ষ করিয়াছিল—কিন্তু সে আড়ষ্ট হইয়া বসিয়াছিল। তাহার সম্মুখে সমস্ত বিশ্বব্রহ্মাণ্ড ঘুরিতেছিল—সে সবই দেখিতেছিল, অথচ কিছু তলাইয়া বুঝিতে পারিতেছিল না। তাহার যেন সকল ঘটনাই স্বপ্নের মত মনে হইতেছিল। কেবল একটা কথা সে কিছুতেই ভুলিতে পারিতেছিল না—তাহার স্বামী অমন করিয়া প্রতিমাকে কাতরকণ্ঠে নাম ধরিয়া ডাকিয়াছিল কেন— তাহার স্বামী প্রতিমার দিকে অমন করিয়া চাহিয়াছিল কেন! প্রতিমা তাহার কে? [ক্রমশঃ।



কুইনাইন উৎপাদন

ম্যালেরিয়া ভারতের সমস্ত প্রদেশে, বিশেষতঃ বঙ্গদেশে যে কি সর্বনাশসাধন করিতেছে, তাহা সকলেই অবগত আছেন। সাময়িক পত্রাদিতে এই বিষয়ের এত আলোচনা হইয়াছে ও হইতেছে যে, সরকারী অঙ্কাদি উদ্ধৃত করিয়া ম্যালেরিয়া দ্বারা বিপুল জনক্ষয় প্রতিপন্ন করিতে যাওয়া অনাবশ্যক। কেরোসিন প্রয়োগে মশক-ডিম্ব ও কীড়া বিনাশ, পয়ঃপ্রণালীর সংস্কার, জঙ্গল পরিষ্কার, বিশেষজাতীয় মৎস্য চাষ, গৃহপালিত পশুদির দ্বারা ম্যালেরিয়াবীজ-বাহক মশক আকষণ (Blood Feed) ইত্যাদি ম্যালেরিয়া নিবারণের অনেক উপায় উদ্ভাবিত হইয়াছে। কিন্তু এ পর্যন্ত ম্যালেরিয়া চিকিৎসায় যে সমুদয় ঔষধ ব্যবহৃত হইয়াছে, তন্মধ্যে কুইনাইনই সর্বশ্রেষ্ঠ। সুতরাং ভারতবাসীর পক্ষে কুইনাইন যে বহু মূল্যবান পদার্থ, তাহা সত্যই প্রতীয়মান হয়। যে গাছের ত্বক হইতে কুইনাইন প্রস্তুত হয়, তাহার নাম সিন্ধোনা (Cinchona)। ভারতে এখনও দেশের অভাবপূরণের অনুরূপ সিন্ধোনা উৎপাদিত হয় নাই।

সিন্ধোনার ইতিহাস

সিন্ধোনা ভারতের আদিম উদ্ভিদ নহে। দক্ষিণ-আমেরিকার বলিভিয়া, পেরু, ইকুয়াডর, কলম্বিয়া, ভেনেজুয়েলা প্রভৃতি অঞ্চলের পার্বত্য প্রদেশই ইহার জন্মস্থান। সিন্ধোনা-বৃক্ষের জ্বর-নাশক গুণ প্রথমতঃ ১৬৪০ খৃষ্টাব্দে প্রধানতঃ স্পেনবাসিগণ কর্তৃক যুরোপে প্রচারিত হয়। এক শতাব্দীর পর কোন্ গাছ হইতে এই ত্বক পাওয়া যায়, তাহা নির্দ্ধারিত হয়। আবার তাহারও এক শতাব্দী পর অর্থাৎ ১৮৪৭ খৃষ্টাব্দে, প্যারী নগরের প্রসিদ্ধ উদ্ভিদতাত্ত্বিক উগানে সিন্ধোনা বোপিত

হইয়া সিন্ধোনাবৃক্ষের উৎপত্তিস্থলীয় সমস্ত বাদামুবাদের গীমাংসা করিয়া দেয়। ইহাই নিজ জন্মস্থানের বাহিরে সিন্ধোনা বৃক্ষের প্রথম চাষ। তাহার পর সিন্ধোনা প্রবর্তন, ভারত, সিংহল, সেণ্ট হেলেনা, পূর্ব-আফ্রিকা প্রভৃতি নানা দেশে ব্যাপ্ত হইয়া পড়িয়াছে। এখন আর কুইনাইনের জন্ম কেহ দক্ষিণ-আমেরিকার উপর নির্ভর করে না। বরং দক্ষিণ আমেরিকাকেই অগ্রত আবশ্যক কুইনাইন ক্রয় করিতে হয়।

ভারতে সিন্ধোনা-প্রবর্তন খুব অধিক দিন হয় নাই। লেডী ক্যানিং দেশমধ্যে স্থানে স্থানে জরের অত্যধিক প্রকোপ দেখিয়া সিন্ধোনা বৃক্ষ আনাইয়া ভারতে রোপণ করিতে অগ্রসর হইলেন। তাঁহার চেষ্টাতেই Sir Clements Markham সিন্ধোনা-বীজ ও গাছ আনিবার জন্ম ১৮৫০ খৃষ্টাব্দে দক্ষিণ-আমেরিকা যাত্রা করেন। প্রথমে বিফলমনোরথ হইলেও, অবশেষে ১৮৬১ খৃষ্টাব্দে নীলগিরি পর্বতের উৎকামন্দে সিন্ধোনাবীজ রোপিত হয়। এই বীজগুলি Cinchona Calisaya ও C. Succirubra জাতীয়। পরবর্তী ফেব্রুয়ারী মাসে C. Officinalisএর বীজও আসিয়া পড়ে।

ভারতে সিন্ধোনা-প্রবর্তনের অল্পদিন পরেই এমন একটি ঘটনা ঘটে, যাহাতে কুইনাইন-বাজারের নেতৃত্ব ইংরাজের হস্তচ্যুত হইয়া হল্যান্ডবাসিগণের করতলগত হয়। ১৮৬৭ খৃষ্টাব্দে মিঃ লেজার নামক জনৈক ইংরাজ দক্ষিণ-আমেরিকার উৎকৃষ্ট পশম উৎপাদনোপযোগী মেঘের অনুসন্ধান গমন করেন। সেই উপলক্ষে তিনি কিয়ৎ পরিমাণ সিন্ধোনাবীজও সংগ্রহ করিয়াছিলেন। যুরোপে ফিরিয়া আসিয়া তিনি উক্ত বীজগুলি প্রথমতঃ ইংরাজ সরকারকেই দিতে চাহিয়াছিলেন। কিন্তু সরকারী কায়ে যেমন দীর্ঘসূত্রতা হইয়া থাকে, এ ক্ষেত্রেও তাহাই হইল। অগত্যা মিঃ লেজার ওলন্দাজ সরকারকেই

মাত্র ৩ শত ৬০ টাকায় বীজগুলি বিক্রয় করিলেন। ১ ফুটেরও অধিক; পূর্ব হিমালয়ে সত্যে বৃদ্ধি ১৮৫৪ খৃষ্টাব্দ হইতে ওলন্দাজ সরকার যবদ্বীপে সিকোনা-প্রাপ্ত হয়।

প্রবর্তনের চেষ্টা করিতেছিলেন। এখন তাঁহারা এই

বীজগুলি হাতে পাইয়া অপ্রত্যাশিত সুবিধা লাভ করিলেন। তখনও কিন্তু জানা ছিল না যে, মিঃ লেজার কর্তৃক সংগৃহীত বীজ কুইনাইন উৎপাদনের পক্ষে সর্বোৎকৃষ্ট বলিয়া পরিগণিত হইবে। কালক্রমে তাহা প্রকাশ পাইল। এই সমুদায় বীজ হইতে উৎপাদিত ২০ হাজার গাছই যবদ্বীপে বর্তমান বহুবিস্তৃত সিকোনা চাষের সূত্রপাত করিয়াছিল। বলা বাহুল্য যে, জগতের মধ্যে যবদ্বীপ এখন সিকোনা চাষ ও কুইনাইন উৎপাদনের প্রধান কেন্দ্র হইয়া দাঁড়াইয়াছে। অন্য সমস্ত দেশ ইহার অনেক পশ্চাতে পড়িয়া আছে। ভারতের পক্ষে সৌভাগ্যের বিষয় এই যে, মিঃ লেজারের সিকোনাব (*C. Calisaya* Var *Ledgeriana*) কিয়দংশ বীজ মিঃ মণি নামক এক জন ভারত-প্রবাসী ইংরাজ সওদাগর ক্রয় করেন। অনেক হস্তপরিবর্তনের পর এই বীজগুলি সিকিম প্রভৃতি অঞ্চলে গিয়া পৌঁছায়। বর্তমান সময় বাঙ্গালার সিকোনা বাগিচার *Ledgeriana* উপজাতির গাছের সংখ্যা সর্বোৎকৃষ্ট অধিক।

সিকোনার জাতি ও চাষ

সিকোনার অন্যান্য ৪০টি জাতি আছে; তন্মধ্যে এতদেশের পক্ষে চারিটি জাতিই প্রধান। বহুলের বর্ণ অনুসারে জাতিগুলি বাজারচলিত নামকরণ হইয়াছে।

১। (*inchona Calisaya*;— পীত বহুল (yellow bark) গাছ ছোট ও ঝাড়াল; কাণ্ডের ব্যাস



সিকোনার পত্র, ফল ও ফুলবিশিষ্ট শাখা

২। *C. Calisaya* Var, *Ledgeriana*; ইহা প্রকৃতপক্ষে উপরি-উক্তের উপজাতি। অপেক্ষাকৃত ছোট গাছ এবং ডালের পরিমাণও কম; কিন্তু ডালে কুইনাইনের পরিমাণ অন্য সমস্ত জাতি অপেক্ষা অধিক; ইহাও পূর্ব-হিমালয়ে ও ব্রহ্মদেশের স্থানে স্থানে বেশ জন্মায়।

৩। *C. Officinalis* পাণ্ড বহুল Pale or crown bark; গাছ প্রায় ২০ ফুট উচ্চ, কিন্তু সুদৃঢ় শাখাপ্রশাখা-বিশিষ্ট নয়; সিকিমে ইহার চাষ পরিত্যক্ত হইয়াছে; পক্ষান্তরে নীলগিরি পর্বতে ইহার চাষ সমধিক।

৪। *C. Succirubra*; রক্ত বহুল (Red Bark); সিকোনা

জাতিসমূহের মধ্যে ইহাই সর্বোৎকৃষ্ট এবং দাক্ষিণাত্যে, সাতপুরা পর্বতে, উত্তর-বঙ্গে, ব্রহ্মদেশে সর্বত্রই ইহা উৎপাদিত হইতেছে। গাছ ৫০ ফুট পর্যন্ত উচ্চ হয়।

উক্ত কয়েকটি জাতি ব্যতীত সিকোনার কতিপয় বর্ণ-সঙ্ঘর আছে। তন্মধ্যে অনেকগুলি পরীক্ষা-ধীন; কিন্তু ইহা স্থির যে, উক্ত সঙ্ঘর সমূহের মধ্যে দুই চারিটি অল্পোচ্চ স্থানের পক্ষে উপযোগী হইবে।

সিকোনার চাষ নিতান্ত সহজ নহে। এক দিকে অধিক উচ্চ পর্বতশৃঙ্গে যেমন সিকোনাবৃক্ষের সম্যক পরিপুষ্ট হয় না, তেমনি অন্য দিকে অল্পোচ্চ স্থানে উৎপাদিত সিকোনা-বহুলে কুইনাইনের মাত্রা কম থাকে। যেখানে অল্প হইলেও বৎসরের সকল সময় সমভাবে বারিপাত হইয়া থাকে, সেইরূপ পর্বতগাত্রে সিকোনা ভাল জন্মায়। পুরাতন উন্মুক্ত প্রান্তর



সিকোনা বহুল

অপেক্ষা নূতন জঙ্গলকাটা জমী নিষ্কোনার পক্ষে প্রশস্ত। যবদ্বীপে নিষ্কোনা যে এত উত্তমরূপে জন্মায়, তাহার প্রধান কারণ, উক্ত দেশের আগ্নেয়গিরি-প্রশ্রবণ-সম্বৃত মৃত্তিকা বলিয়াই অনেকে মনে করেন। নিষ্কোনার চারা প্রথমে তন্মায় প্রশস্ত করিতে হয়, তৎপরে নির্দিষ্ট বয়সে গাছগুলি উঠাইয়া ক্ষেত্রে রোপণ করিতে হয়। বঙ্গ অপেক্ষা ব্রহ্মদেশে অপেক্ষাকৃত অল্পবয়স্ক গাছ তুলিয়া বসাইয়া সফল পাওয়া গিয়াছে। তৃতীয় চইতে পঞ্চম বৎসরের মধ্যে কতকগুলি (প্রায় এক-চতুর্থাংশ) গাছ তুলিয়া ফেলিয়া বাগিচা পাতলা করিয়া দিতে হয়। এইরূপ তুলিয়া-ফেলা গাছের ডুকই প্রথম ফসল। ১২।১৪ বৎসর পরে গাছগুলিকে একেবারে সমূলে উৎপাটন করাই চলিত প্রথা। কাণ্ড ও মূলের সংযোগস্থলের ২ হাত লম্বা বকলই সর্বাপেক্ষা ভাল। শাখাপ্রশাখা ছেদন করিয়া অথবা কাণ্ড কাটিয়া দিয়াও ডুক সংগ্রহ করা হয়। কাণ্ড-কর্তনই (Coppicing) আজকাল প্রকৃষ্ট প্রথা বলিয়া গণ্য হইতেছে। বীজ হইতেই নিষ্কোনা-চারা তৈয়ারী হয়, কিন্তু উৎকৃষ্ট গাছের বীজ হইতে দেওয়া হয় না; উক্ত শ্রেণীর অল্প গাছের সজ্জিত কলম বাঁধা হইয়া থাকে। নিড়ানি প্রভৃতি নিষ্কোনা চাষের আরও অনেক তদ্বির আছে। বর্তমান প্রবন্ধে তৎসমুদায় উল্লেখের স্থানাভাব। ফলতঃ, ইহা স্মরণ রাখা আবশ্যিক যে, সতেজে গাছ বৃদ্ধি পাইলেই হইল না, উহার ডুকে যথেষ্ট পরিমাণ কুইনাইন ও অগ্নাত্ত উপকার (alkaloid) বিদ্যমান থাকা বরং অধিক প্রয়োজনীয়। বাঙ্গালার নিষ্কোনায় কুইনাইনের মাত্রা শতকরা ৪.০৩ হইতে ৫.১৯ ভাগ; ব্রহ্মদেশে তদপেক্ষা কিছু অধিক, কিন্তু যবদ্বীপের বকলে শতকরা ৮ ভাগেরও অধিক কুইনাইন পাওয়া যায়। কুইনাইন চাষের জমী বৃদ্ধি পাওয়া খুবই বাহনীয়; কিন্তু তদপেক্ষা অধিক দরকারী কাষ—রাসায়নিক বিশ্লেষণে ও নির্বাচন দ্বারা এমন নিষ্কোনা জাতির উদ্ভব করা, যাহা কুইনাইনের মাত্রায় যবদ্বীপের বকলের সমকক্ষ হইবে।

নিষ্কোনা-বাগিচা

সমগ্র ভারতে বর্তমান সময় চারিটি নিষ্কোনা-বাগিচা আছে। তাহার মধ্যে দুইটি নূতন ও পরীক্ষাধীন এবং দুইটি পুরাতন ও বহু বৎসর ধরিয়া বকল উৎপাদন করিতেছে। আমরা

ইতঃপূর্বে ১৮৬১ খৃষ্টাব্দে দাক্ষিণাত্যে নিষ্কোনা-প্রবর্তনের বিষয় উল্লেখ করিয়াছি। উহার এক বৎসর পরে সিকিম-প্রান্তে উত্তর-বঙ্গে নিষ্কোনা রোপিত হয়। এখন নাহুবত্তমই দাক্ষিণাত্যে দরকারী নিষ্কোনা-চাষের কেন্দ্র। ইহা উৎকামন্দের নিকট অবস্থিত। উক্ত স্থলে চাষের জমী ৪ হাজার একরের কিছু অধিক। তাহার মধ্যে দুই-তৃতীয়াংশ জমীতে গবর্ণমেণ্ট খাসে চাষ করিয়া থাকেন, অবশিষ্ট জমীতে অগ্নাত্ত ব্যক্তি ক্ষুদ্র ক্ষুদ্র খণ্ডে চাষ করে। বাঙ্গালার নিষ্কোনা-বাগিচা দার্জিলিং-এর নিকটবর্তী মংপু এবং মংসং নামক স্থানদ্বয়ে অবস্থিত। এই দুইটি বাগিচায় ৩ হাজার ৫৫ একর জমীতে নিষ্কোনা রোপিত হইয়াছে, কিন্তু কিঞ্চিদুর্ভাগ ২ শত একর জমী ফসল প্রদানের উপযোগী হইয়াছে। বঙ্গদেশের বাগিচায় পাঁচ জাতীয় নিষ্কোনা উৎপাদিত হয়; চাষের জমীর আধিক্যের পরিমাণে উহাদিগের নাম যথাক্রমে,—Ledgeriana, Ledgeriana x succirubra, Officinalis, Ledgeriana x Officinalis এবং Succirubra। এই বাগিচায় আজকাল একর প্রতি প্রায় ২ হাজার ৭ শত ৫৭ পাউণ্ড বকল পাওয়া যাইতেছে।

নূতন বাগিচার মধ্যে দাক্ষিণাত্যে অন্তর্ভুক্ত পর্বতের বাগিচা সবেমাত্র আরম্ভ হইয়াছে। ব্রহ্মদেশের টাভয় অঞ্চলে কিছু দিন হইল একটি বাগিচা ছিল, উহাতে ফসল সন্তোষজনক না হওয়ায় বাগিচা ক্রমশঃ মারগুই প্রদেশে স্থানান্তরিত করা হইয়াছে। ১৯২৩-২৪ খৃষ্টাব্দের বিবরণীতে দেখা যায় যে, মারগুই বাগিচার নিষ্কোনা বেশ ভালরূপে জন্মাইবার সম্ভাবনা আছে। ইতোমধ্যেই যে বকলের রাসায়নিক পরীক্ষা হইয়াছে, তাহাতে ভারতের অল্প স্থানজাত বকল অপেক্ষা এ স্থানের বকলে অধিক মাত্রায় কুইনাইন পাওয়া যাইতেছে। এই মন্তব্য Ledgeriana জাতির পক্ষেই প্রযুক্ত। Succirubra জাতি ততটা সফল হয় নাই, কিন্তু বঙ্গদেশের বাগিচার দুই একটি সঙ্গর জাতি যে মারগুই ক্ষেত্রে উত্তমরূপে জন্মিবে, তাহা কর্তৃপক্ষগণ আশা করেন।

কুইনাইনের কারখানা

শুদ্ধ নিষ্কোনা উৎপাদন করিলেই কার্য শেষ হইল না। বকল বিদেশে চালান দিয়া বণিকের সামান্য লাভ হইতে পারে বটে, কিন্তু তাহাতে দেশের কিছুমাত্র উপকার নাই।

ভারত হইতে সিঙ্কোনার রপ্তানী কয়েক বৎসর কমিয়া আসিতেছিল, কিন্তু সম্প্রতি আবার বাড়িয়া চলিয়াছে। সিঙ্কোনা রোপণের পর হইতেই সরকার কুইনাইন উৎপাদনের চেষ্টা করিতে থাকেন। এশিয়ার মধ্যে সর্বপ্রথম উৎকামন্দে মিঃ ব্রাউটন কর্তৃক কুইনাইন প্রস্তুত হয়। উহাকে Amorphous quinine বলা হইত এবং উহাতে তিনটি উপকারের মিশ্রণ ছিল। উহার মূল্য ছিল আউন্স প্রতি দেড় টাকা। তৎপরে ১৮৭৫ খৃষ্টাব্দে বঙ্গদেশীয় কুইনাইন কারখানায় Cinchona febrifuge তৈরী হয়। সিঙ্কোনা-বঙ্গলের সমস্ত বীৰ্য্য অথবা উপকারসমূহ ইহাতে বিদ্যমান। Quinine Sulphate তাহার আরও কিছু দিন পরে বাহির হইয়াছে। বিশুদ্ধ Quinine Sulphate বায়ু সংস্পর্শে কিছু ময়লা হইয়া যায় এবং সূক্ষ্ম দানাও বাধে না। সামান্য পরিমাণ Cinchonidine সংযোগ করিয়া দিলেই এই দোষ শুধরাইয়া যায়। সেই জন্ত Ledgeriana জাতি কুইনাইন প্রস্তুতের জন্ত সর্বাপেক্ষা উপযোগী হইলেও, উহার সহিত সামান্য পরিমাণ Succirubra মিশ্রিত করিয়া উৎকৃষ্ট দানাদার Quinine Sulphate প্রস্তুত হইয়া থাকে।

এ স্থলে আরও একটি বিষয়ের উল্লেখ আবশ্যিক। পূর্বে চিকিৎসকগণ ও সাধারণ ব্যক্তিবর্গের ধারণা ছিল যে, কুইনাইন সিঙ্কোনার একমাত্র কার্যকর উপকার। কিন্তু বঙ্গদেশে বহুবিধ পরীক্ষার ফলে আজকাল কতিপয় ডাক্তার মত প্রকাশ করিতেছেন যে, সিঙ্কোনা-বঙ্গলের সমস্ত উপকারগুলির বিশেষ বিশেষ ক্রিয়া আছে এবং কোন কোন প্রকারের ম্যালেরিয়া জরে কুইনাইন অপেক্ষা সিঙ্কোনা-ছালের উপকার-সমষ্টি অর্থাৎ Cinchona febrifuge অধিকতর ফলপ্রদ। সেই জন্ত C. Succirubra জাতির চাষের পরিসরবৃদ্ধির চেষ্টা হইতেছে। এখনও কিন্তু কুইনাইনের কারখানায় কুইনাইনই প্রধান উৎপাদিত দ্রব্য, যদিও অপর উপকারগুলি প্রস্তুত হইতে আরম্ভ হইয়াছে। বঙ্গদেশীয় কুইনাইন কারখানায় কোন্ কোন্ কুইনাইন উপকার কি পরিমাণ প্রস্তুত হয়, তাহা নিম্নলিখিত তালিকা হইতে বুঝিতে পারা যাইবে ;—

কুইনাইন সলফেট (Quinine Sulphate)

২১ হাজার ৫ শত ৫০ পাউণ্ড

অগ্রান্ত কুইনাইনের যৌগিক দ্রব্য (other Quinine Salts)	৪ শত ৮৪ পাউণ্ড
কুইনিডিন সলফেট (Quinidine Sulphate)	১১ পাউণ্ড
অগ্রান্ত কুইনিডিন যৌগিক দ্রব্য (Quinidine Salts)	৬ পাউণ্ড
সিঙ্কোনেডিন-ঘটিত দ্রব্যাদি (Cinchonidine Salts)	৭ পাউণ্ড
কুইনিওডিন (Quiniodine)	৭৮ পাউণ্ড
সিঙ্কোনা ফেব্রিফিউজ (Cinchona febrifuge)	৮ হাজার ২ শত ৯৪ পাউণ্ড

বঙ্গালার কুইনাইনের কারখানায় শুধু যে তৎসংলগ্ন বাগিচা-উৎপাদিত সিঙ্কোনা-বঙ্গল হইতে কুইনাইন প্রস্তুত হয়, তাহা নহে। ওলন্দাজ গবর্নমেন্টের সহিত ১৯২৩ খৃষ্টাব্দ পর্য্যন্ত চুক্তি করিয়া ভারত-গবর্নমেন্ট প্রতি বৎসর কিয়ৎপরিমাণে কুইনাইন ও সিঙ্কোনা-ছাল যবদীপ হইতে আনয়ন করেন। উক্ত ছাল হইতে কুইনাইন নিষ্কাশন বঙ্গালার কারখানাতেই পূর্বে হইত ; সম্প্রতি ছাল মাদ্রাজ ও বঙ্গ উভয় স্থানের কারখানার মধ্যে ভাগ করিয়া দেওয়া হইতেছে। গত বৎসর উক্তরূপ যবদীপজাত ৪ লক্ষ ৩০ হাজার ৬ শত ৪ পাউণ্ড বঙ্গল হইতে ২৪ হাজার ৯ শত ৫৬ পাউণ্ড Quinine Sulphate এবং ৪ হাজার ৯ শত ৮৩ পাউণ্ড Cinchona febrifuge প্রস্তুত হইয়াছে। অবশ্য এই কুইনাইন বঙ্গদেশে ব্যবহারের জন্ত নহে। ভারত-গবর্নমেন্টই ইহার মালিক।

কুইনাইনের চাহিদা

কিছু দিবস পূর্বে লণ্ডনের Imperial Instituteএর কর্তৃপক্ষগণ জগতের কুইনাইন-সমস্তা সম্বন্ধে আলোচনা করিতে গিয়া অনুমান করেন যে, আপাততঃ মোটামুটি নিম্নলিখিত পরিমাণে সিঙ্কোনা-ছাল পৃথিবীতে উৎপাদিত হয় ;—

যবদীপ	২ শত ৩০ লক্ষ পাউণ্ড
ভারত	২০ " "
অগ্রান্ত দেশ	৪ " "

মোট ২ শত ৫৪ লক্ষ পাউণ্ড

বৃটিশ সাম্রাজ্যে কুইনাইনের চাহিদা সম্বন্ধে তাঁহাদিগের অনুমান নিম্নরূপ ;—

ইংলণ্ডের যুক্তরাজ্য ২ হাজার ৫ শত ৩০ হাজার আউন্স
ভারত ২২ " ২ " ৪০ " "
সম্রাজ্যভুক্ত অন্যান্য দেশ ২ " " পাউণ্ড।

অথবা মোটামুটি ৮০ লক্ষ আউন্স।

সাম্রাজ্যের অন্যান্য দেশ সম্বন্ধে বাগাই ইউক, ভারত সম্বন্ধে যে এইরূপ অনুমান ঠিক নয়, তাহা সহজেই বুঝিতে পারা যায়। ১৯২২-২৩ খৃষ্টাব্দ পর্য্যন্ত ৫ বৎসরে ভারতে সিন্ধোনা চাষের জমী ৪ হাজার ৮ শত ৪০ একর হইতে ৭ হাজার ১ শত ১৫ একরে দাঁড়াইয়াছে। উহার মধ্যে ৪ হাজার ১ শত ১৫ একর মাদ্রাজে এবং অবশিষ্ট বাঙ্গালায়; অত্র কোন প্রদেশেই এখনও সিন্ধোনার ব্যবসায়োপযোগী চাষ হয় নাই। ইহাও স্বরণ রাখা আবশ্যিক যে, উক্ত পরিমাণ জমীতে রোপিত সমস্ত সিন্ধোনা-গাছই ফসল প্রদানের উপযুক্ত হয় নাই। বঙ্গদেশের বাগিচায় ৩ হাজার একর রোপিত জমীর মধ্যে কেবলমাত্র ২ শত একর জমী হইতে এখন ফসল পাওয়া বাইতেছে। গড়পড়তা একর প্রতি ফলনের হার ২ হাজার ৭ শত পাউণ্ড ছাল ধরিলে বাঙ্গালায় উৎপাদনের মাত্রা প্রায় সাড়ে ৫ লক্ষ পাউণ্ডে দাঁড়ায়; মাদ্রাজে তদপেক্ষা কিছু অধিক হইবে। ফলতঃ কোনক্রমেই ভারতজাত সিন্ধোনা-বন্ধলের পরিমাণ ১২ লক্ষ পাউণ্ডের অধিক হইবে না। আমরা পূর্বেই বলিয়াছি যে, ভারতোৎপাদিত সমস্ত ছালের দেশমধ্যে সদ্যবহার হয় না। ১৯১৩-২৪ ও ১৯২৪-২৫ খৃষ্টাব্দে যথাক্রমে ২, ৬৮, ০৯৭ এবং ৫ লক্ষ ৫৯ হাজার ৫ শত ৯২ পাউণ্ড সিন্ধোনাক বিদেশে চালান গিয়াছিল।

অতঃপর কুইনাইনের আলোচনা করিলে দেখিতে পাওয়া যায় যে, বাঙ্গালার কারখানায় বঙ্গদেশ ও ভারত-সরকারের জন্ম ১৯১৩-১৪ খৃষ্টাব্দে মোট ৫৬ হাজার ৮ শত ২২ পাউণ্ড সিন্ধোনা উপকার সমূহ প্রস্তুত হইয়াছিল। মাদ্রাজেও উক্ত সময়ে উৎপাদনের পরিমাণ প্রায় ৬ হাজার পাউণ্ড। উভয়ের সমষ্টি করিলে ১ লক্ষ ১৬ হাজার ৮ শত ২২ পাউণ্ড হয়। কিন্তু Imperial Institute-এর মতে ভারতে ১ লক্ষ ২৫ হাজার পাউণ্ড সিন্ধোনা উপকার প্রস্তুত হয়। মাদ্রাজ ও বঙ্গের কারখানায় উৎপাদিত সিন্ধোনা উপকার সমূহ দেশমধ্যে ত কাটিয়া যায়ই; এতদ্বিন্ন ২৮ লক্ষ ৮ হাজার ৭ শত ৩৪ পাউণ্ড (১৯২৪-২৫) কুইনাইন বিদেশ হইতে আমদানী হইয়া থাকে। সুতরাং ভারতে কুইনাইনের

দরকার মোটে ১ লক্ষ ৩০ হাজার পাউণ্ড বলিয়া অনুমান করা ভ্রাম্যক। উহার দ্বিগুণের অধিক কুইনাইন এখনই ভারতে কাটিতেছে। তবুও যথেষ্ট অভাব রহিয়াছে। ভারত গবর্ণমেন্ট এ পর্য্যন্ত তাঁহাদের কুইনাইন কেবলমাত্র পঞ্চনদে দিতে পারিতেছেন। ১৯২৩ খৃষ্টাব্দের শেষভাগে Cinchona Conference দিল্লীর অধিবেশনে মাদ্রাজ ও বঙ্গদেশকে যে কুইনাইন দেওয়ার জন্ম অনুমোদন করেন, তাহা এখনও কার্যে পরিণত হয় নাই।

ভারতবাসীর প্রয়োগ

উত্তম স্বাস্থ্য ব্যতীত কোন ব্যক্তি অথবা কোন জাতি উন্নতি লাভ করিতে পারে না। ম্যালেরিয়া যে প্রতিনিয়ত আমাদের জাতীয় স্বাস্থ্যের মূলে কঠোরঘাত করিতেছে, তাহা সকলেরই জানা আছে। সেই জন্ম ম্যালেরিয়ার একমাত্র প্রতীকার সিন্ধোনা-উপকারাবলী উৎপাদনে আমাদের যে কত স্বার্থ আছে, তাহা বলা অনাবশ্যক। এ পর্য্যন্ত কুইনাইন-শিল্প সরকারের হস্তেই রহিয়াছে; তাহার প্রধান কারণ—সিন্ধোনা-বাগিচাওয়ালা তাঁহারা এবং কারখানাওয়ালাও তাঁহারা। দেশে লক্ষ লক্ষ লোক ম্যালেরিয়ার কবলে পতিত হইলেও সরকার যে বিনামূল্যে অথবা স্বল্পমূল্যে কুইনাইন বিক্রয় করেন, তাহা কেহ গনে করিবেন না। যে কুইনাইন প্রস্তুত করিতে পাউণ্ড প্রতি ৭ টাকার কিছু বেশী পড়ে, তাহাই ২৭ টাকা দরে বিক্রয় হয়। ভারত-গবর্ণমেন্টে বঙ্গদেশের কারখানায় খরচ দিয়া কুইনাইন প্রস্তুত করাইয়া লইয়া এবং উহা বাজারদরে বিক্রয় করিয়া যথেষ্ট লাভ করেন। সুতরাং কুইনাইন-শিল্পে যে লাভ নাই, তাহা বলা যায় না। কিন্তু সরকারের হাত হইতে মুক্ত না হইলে কুইনাইন-শিল্প দ্বারা সাধারণের কোন লাভ হইতেছে না এবং সুদূর পল্লীগামের ম্যালেরিয়া-রোগীর চিকিৎসারও কোন সুব্যবস্থা হইতেছে না। দেশের লোক এই কার্যে অবহিত না হইলে উন্নতির কোন ভরসা নাই। কারণ, কুইনাইন-শিল্পের ভিত্তি সিন্ধোনা-চাষ। মাদ্রাজে বে-সরকারী চাষ কতক পরিমাণে আছে, কিন্তু বাঙ্গালায় উক্তরূপ চাষ একবারে নাই বলিলেই চলে। সিন্ধোনা একটি অননুসাধারণ ফসল। ইহার জন্ম অবশ্য বিশেষ প্রকারের স্থান, জমী ও জলহাওয়া দরকার। তথাপি ইহা

স্বীকার করা যায় না যে, যে কয়েকটি স্থানে আপাততঃ সিন্ধোনা-চাষ হইতেছে, তন্মিন্ন ভারতে আর কুত্রাপি উহার উপযুক্ত স্থান নাই। বস্তুতঃ বাঙ্গালার জলপাইগুড়ি ও দার্জিলিং জিলায়, আসামের মিকির পর্বতে, কুমায়ূনের কিয়দংশে, পঞ্চনদের হিমালয়ভুক্ত অঞ্চলে এবং দেশীয় রাজ্যাদির মধ্যে সিকিম, ভূটান, নেপাল ও পার্শ্বত্যা ত্রিপুরায় সিন্ধোনা-চাষ করিলে সাফল্যলাভ সম্বন্ধে সন্দেহ খুবই কম। প্রথমে কাঁচামাল উৎপাদিত না হইলে কারখানা স্থাপনের চেষ্টা করা রূপা। অবশ্য সরকারী কারখানাঘর কেবলমাত্র নির্দিষ্ট পরিমাণ বন্ধল ব্যবহার করিতে পারে। দেশে উৎপাদিত ছাল অনেক সময়ে খরিদার অভাবে বিদেশে চালান যায়। সেরূপ ছাল লইয়া একটি ছোট কারখানা চলিতে পারে।

কিন্তু ঐরূপ অনিশ্চিত সরবরাহের উপর নির্ভর করিয়া অথবা যবদ্বীপ হইতে বন্ধল আনাইয়া কারখানা খুলিবার চেষ্টা সমীচীন বলিয়া বোধ হয় না। যবদ্বীপে যেমন অগ্রে স্থানীয় বাগিচার সহিত চুক্তি করিয়া লইয়া পরে কারখানা খোলা হয়, তদ্রূপ করাই ভাল। ফলতঃ, উৎপাদনের মূল্যের উপর সামান্য লাভ রাখিয়া বহু দিন না ভারতের শ্রায় দরিদ্র দেশে কুইনাইন যথেষ্ট পরিমাণে বিতরণ করিতে পারা যায়, তত দিন আমাদিগের ম্যালেরিয়ার হস্ত হইতে নিষ্কৃতিলাভের কোন উপায় নাই; এবং তাহা করিতে হইলেই সাধারণের সিন্ধোনা-চাষের উপর মনঃসংযোগ করা আবশ্যিক।

শ্রীনিবন্ধবিহারী দত্ত ।

প্রার্থনা

আমারে ফুটিতে দিও দলের মতন
কাননের এক পাশে নিভৃত শাখায়,
নূতন আলোক দিও মেলিতে নয়ন—
নিভতে রাখিও ঢাকি পাতার ছায়ায় !

সবলের অত্যাচারে- অন্য় বিচারে,
ছুরলের বক্ষে যেথা পড়ে পদাঘাত
এই মোর ক্ষুদ্র বক্ষে রক্ষিয়া তাহারে,
আমারে ধরিতে দিও সে তীর আঘাত !

ব্যথিতের চোখে যেথা ঝরে অশ্রুধার
আমারে মুছিতে দিও আঁচলে সে জল,
যে বীণা ভাঙ্গিয়া গেছে, ছিঁড়ে গেছে তার,
সে বীণে তুলিতে দিও রাগিণী কোমল !

উদ্যম সিন্ধুর বৃকে নাবিক যেথায়
ভয়পোত, প্রকৃতির ছুর্যোগ আঁধারে,
ক্ষুদ্র মোর তরীখানি বাহিয়া সেথায়
আমারে বাহিতে দিও ঝঞ্ঝার মাঝারে ।

সৌন্দর্যের দম্ব্য বারা—মূর্ত্ত অভিশাপ
তাদের নাশিতে দিও বাহতে আমার
অদম্য অজেয় শক্তি ; নাশিতে সে পাপ
ঝলকে যেন সে মম প্রেম তরবার ।

আমারে মরিতে দিও হাসিতে হাসিতে
নীরবে ঝরিয়া পড়া ফুলের মতন,
ধূলি-কণা পূত করি নিরুদম নিশাথে
নীরবে মিশিতে দিও ধূলির মতন !

শ্রীবিজয়মাধব মণ্ডল ।



সূর্যাতপ-নিবারক 'কলার'

জার্মানিতে সম্প্রতি এক প্রকার 'কলার' বা গলাবন্ধ নির্মিত হইয়াছে। স্নানার্থিনী নারীগণ স্বাভাবিক অর্থাৎ বায়ুপূর্ণ না করিয়া গলদেশে ধারণ করিলে স্নানের সময় উহা সূর্যাতপ হইতে স্বক ও গলদেশকে রক্ষা করে। বায়ুপূর্ণ অবস্থায় গলদেশে ধারণ করিলে, সস্তরণকালে কলার'টি 'বোয়া' (buoy)র তায় দেহকে ভাসাইয়া



সূর্যাতপনিবারক গলাবন্ধ বা 'কলার'

রাখে। ইহাতে প্রথম শিক্ষার্থিনী সস্তরণকারিণী বহু দূর পর্যন্ত অনায়াসে সাঁতার দিতে পারেন। কলারটি অত্যন্ত লঘুভার হইলেও পরীক্ষার ফলে দেখা গিয়াছে যে, ইহা স্নানবেশপরিহিতা ছই জন নারীর ভার-সহনে সমর্থ— এক জন সৈনিক তাহার যাবতীয় জব্যসস্তার সহ ইহার সাহায্যে জলে ভাসিয়া থাকিতে-পারে।

কাচের বোতলের শক্তিপরীক্ষা

ছোট ছোট খালি বোতলগুলির শক্তিপরীক্ষার জন্ত আমেরিকার কোনও পশুশালায় সম্প্রতি এক অপূর্ব পদ্ধতি অবলম্বিত হইয়াছিল। একখানি সুদৃঢ়, প্রশস্ত তক্তার উপর ৪টি পাইট বোতল রাখিয়া তাহার উপর আর একখানি



কাচের বোতলের শক্তিপরীক্ষা

অনুরূপ তক্তা বসাইয়া দেওয়া হইয়াছিল। পশুশালায় এক হস্তী এই তক্তার আসনে উপবিষ্ট হইলে বোতলগুলির একটিও ভাঙ্গিয়া যায় নাই। হস্তীটির ওজন ১ শত সাড়ে ৫৮ মণ। এই বিরাট ওজনের চাপে শুধু এক দিকের বোতল কাঠের তক্তার মধ্যে এক ইঞ্চি বসিয়া গিয়াছিল।

প্রাগৈতিহাসিক যুগের চিত্র

প্রাগৈতিহাসিক যুগে গুহাবাসী নরনারী গুহাগাত্রে পশু-পক্ষীর চিত্র ক্ষোদিত করিয়া থাকিত। 'জিয়ন গ্রাশনাল




গুহাগাত্রে ক্ষোদিত পশুর চিত্র

পার্ক' সম্বন্ধিত কোনও গুহামধ্যে এইরূপ আদিম যুগের চিত্র আবিষ্কৃত হইয়াছে। প্রত্নতাত্ত্বিকগণ স্থির করিয়াছেন যে, বহু সহস্র বৎসর পূর্বে গুহাবাসী নরনারী দৃঢ় প্রস্তরগাত্রে ঐ সকল চিত্র ক্ষোদিত করিয়াছিল। চিত্রের বিষয় শুধু পশু—হরিণ, ডিনোসর প্রভৃতি।

মর্মরপ্রস্তর-রচিত সঙ্গীতাগার

রোডস দ্বীপের জনৈক কোটিপতি এমনই সঙ্গীতপ্রিয় যে, প্রচুর অর্থব্যয়ে তিনি প্রভিডেন্স সহরে রজার উইলিয়ম



মর্মরপ্রস্তরনির্মিত সুরহং সঙ্গীতাগার

পার্ক একটি সঙ্গীতাগার নির্মাণ করিয়া দিয়াছেন। এই ভবনটি আগাগোড়া মর্মরপ্রস্তরে নির্মিত। উদ্ভানের যে স্থানে সঙ্গীতাগারটি নির্মিত, তাহার চারি পার্শ্বে তৃণাশ্রুত শ্রামল ক্ষেত্র। প্রয়োজন হইলে ৫০ হাজার শ্রোতা একসঙ্গে বসিয়া তথায় সঙ্গীত শ্রবণ করিতে পারে। বাদক ও গায়কগণ সঙ্গীতগৃহের সোপানে বসিয়া সঙ্গীতলাপ করিয়া শ্রোতৃগণকে পরিতৃপ্ত করিয়া থাকে।

পঞ্চবর্ণের পেন্সিল

চিত্র-শিল্পী প্রভৃতির ব্যবহারের জন্য এক প্রকার নূতন পেন্সিল আমে-

রিকার বাজারে বিক্রীত হইতেছে। এই পেন্সিলের আধারে পঞ্চ বিভিন্ন বর্ণের সীসা আছে। যে বর্ণের পেন্সিলের প্রয়োজন, আধারসংশ্লিষ্ট একটা ক্ষুদ্র 'ড্রাম' ঘুরাইলেই সেই বর্ণের সীসা, আধারস্থ সূক্ষ্ম মুখের কাছে উপস্থিত হইবে। সীসা ঘুরাইয়া গেলে মুখ খুলিয়া সেই বর্ণের সীসা ভরিয়া লইতে হয়।



পঞ্চবর্ণের পেন্সিল—দক্ষিণদিকে বর্ণনির্দেশক অংশ অবস্থিত

আলোকিত ইফেল-চূড়া

প্যারীর সুপ্রসিদ্ধ 'ইফেল টাওয়ার' সম্প্রতি সহস্র সহস্র বৈজ্ঞানিক 'বল্‌বের' সাহায্যে আলোকিত করা হইতেছে। জনৈক

ফরাসী মোটর-নির্মাণ
। বজাপন দিবার অভিপ্রায়ে
ফরাসী সরকারের নিকট
হইতে বহু অর্থ দিয়া উহা
জমা লইয়াছেন। সমগ্র স্তম্ভটি
যখন বৈজ্ঞানিক আলোকে
ঝলসিত হইয়া উঠে, তখন
নগরের যে কোনও স্থান
হইতে উহা দৃষ্টিগোচর হয়।
ইফেলের উচ্চতা ৯ শত ৮৬
ফুট, ১৮৮৯ খৃষ্টাব্দে উহা
নির্মিত হয়। জগতের বিভিন্ন
স্থান হইতে দর্শকগণ এই
স্তম্ভের উপর উঠিয়া সমগ্র
নগরটিকে পর্যবেক্ষণ করিয়া
থাকে।



বিজ্ঞাতালোকে উদ্ভাসিত 'ইফেল্ টাওয়ার'

নিদ্রায়

দৈহিক ওজনের হ্রাস

রাত্রিকালে নিদ্রার পর
প্রত্যেক মানুষেরই দেহের
ওজন কমিয়া যায়, ইহা
বৈজ্ঞানিক সত্য। আমে-
রিকার 'কার্ণেজি ইন্সটিটিউ-
শনে' সম্প্রতি একপ্রকার
তুলাযন্ত্র ব্যবহৃত হইতেছে—
ইহাতে নিদ্রাভঙ্গের পর
প্রতিদিন কতটুকু দৈহিক
ওজন হ্রাস পায়, তাহা
জানিতে পারা যায়। অবশ্য
নিদ্রার পর দৈহিক ওজন
অতি সামান্য পরিমাণেই হ্রাস

পাইয়া থাকে। এই তুলাযন্ত্র এমনই ভাবে নির্মিত
যে, অতি সামান্য পরিমাণ হ্রাস-বৃদ্ধিও ইহাতে ধরা পড়িয়া
থাকে। এমন কি, শরীর ঘর্মাক্ত হইবার পর দেহের



স্বপ্নতম ওজন পরিমাপ করিবার তুলাযন্ত্র

ওজন অতি সামান্য হ্রাস পাইলেও এই
বস্তু তাহা নিভুলভাবে নির্দেশ করিবে।
দিবানিদ্রাতেও শরীর লঘু হয়, রাত্রি-
কালের নিদ্রার ফলে এবং দিবা নিদ্রায়
মানুষের কি প্রকার ওজন কমিয়া যায়, এই
যন্ত্রের সাহায্যে তাহাও বুঝিতে পারা যায়

শ্যাম-রাজদম্পতি



রাজা যশ্চ রাম ও রাণী সুবদনা

গত ২৬শে নবেম্বর তারিখে শ্যামদেশের
রাজা যশ্চ রাম পরলোক গমন করিয়া-
ছেন। কিছু দিন পূর্বে তিনি তাঁহার
মণ্ডিষীকে রাজরাণী হইবার অনুপযুক্ত
মনে করিয়া তাঁহাকে রাজকীয় সম্মান
হইতে অবসর প্রদান করিয়াছিলেন
এবং রাজকুমারী সুবদনার পাণিগ্রহণ
করেন। তাঁহার মৃত্যুর কয়েক দিন
পূর্বে রাণী সুবদনার একটি কণ্ঠাগস্তান


ভূমিষ্ঠ হয়। বাঙ্গালীরা কোনও এক সময়ে শ্যামদেশে উপনি-
বেশ স্থাপন করিয়াছিলেন; তাহার বহু ঐতিহাসিক প্রমাণ
আছে। বিশেষতঃ শ্যামরাজবংশের বহু পুরুষ ও নারীর নাম

বাকালীর মত। যেমন রাজা চূড়ালঙ্করণ, রাজা ষষ্ঠ রাম, সুবদনা প্রভৃতি। রাজা রামের কোনও পুত্রসন্তান নাই। বর্তমানে তাঁহার ভ্রাতা সুখোদয়ের রাজকুমার প্রজাধিপক নূতন রাজা হইয়াছেন।

থাকেন। ঠুলি পরিয়া থাকিলে পেঁয়াজের ঝাঁঝ লাগিয়া চোখে জল আসিতে পারে না। বাকালাদেশের নারীরা চোখে ঠুলি পরেন না, পেঁয়াজ ছাড়াইবার সময় বঁটার অগ্র-ভাগে একটা পেঁয়াজ বিদ্ধ করিয়া রাখেন, তাহাতে পেঁয়াজের ঝাঁঝ চোখে লাগে না, জলও পড়ে না।

ষট্চক্র মোটর বাস

জার্মানীতে ষট্চক্র-বিশিষ্ট মোটর বাস নিশ্চিত হইয়াছে। ড্রেন্ডেন্ সহরে দাঙ্গা-হাঙ্গা মাঘটিলে পুলিশ-প্রহরীরা এই বাসে করিয়া ঘটনাস্থলে



৩২ জন পুলিশ-প্রহরীসহ ষট্চক্র মোটর বাস

উপস্থিত হয়। ইহাতে ৩২ জন পুলিশ বসিতে পারে। এই শ্রেণীর বাস অত্যন্ত দ্রুতগতিবিশিষ্ট। সামরিক প্রথা ও শৃঙ্খলা বজায় রাখিয়া পুলিশ-প্রহরীরা এই বাসে উঠে এবং নামিয়া পড়ে। ইহাতে অযথা সময় নষ্ট হয় না এবং বিন্দুমাত্র বিশৃঙ্খলা ঘটিবার অবকাশ পায় না।

পেঁয়াজ ছাড়াইবার কৌশল

পেঁয়াজ ছাড়াইতে গেলেই উহার ঝাঁঝে চোখে জল আইসে। এ জন্ম পাশ্চাত্য নারীরা ঢাকা কাচের ঠুলি ব্যবহার করিয়া



ঠুলি পরিয়া পেঁয়াজ ছাড়াই

রাজপথের আলোক-স্তম্ভে ফুলের সাজি পেন্সিল-ভানিয়ার রাজপথগুলিকে নয়নস্নিগ্ধকর রাখিবার উদ্দেশে পশ্চি-

পার্শ্বস্থ আলোক-স্তম্ভগুলি দ্রাক্ষালতা ও পুষ্পভারে সুসজ্জিত রাখা হয়। এমন ভাবে লতা ও ফুলের সাজি সংস্থাপিত থাকে যে, তাহাতে আলোকপাতে কোনও রূপ অসুবিধা ঘটে না এবং পথচারী লোকদিগের দৃষ্টিরোধও করে না। পশ্চিমপার্শ্বে এইরূপ লতা-পুষ্পশোভিত শত শত আলোক-স্তম্ভের অবস্থানে রাজপথগুলি কতকটা উজানের মত মনোরম বোধ হয়।




লতা-পুষ্পশোভিত আলোক-স্তম্ভ

প্রাগৈতিহাসিক যুগের অস্থি

দক্ষিণ আমেরিকায় “Valley of the Giants” নামক উপত্যকাভূমি খনন করিতে করিতে সম্ভ্রান্তি এক বিরাট

মহাশয় ঐ মূর্তির আবরণ উন্মোচন করিয়াছেন। মাদ্রাজ এ বিষয়ে যে পথ দেখাইয়াছেন, বাঙ্গালী নিজের প্রদেশে— বাঙ্গালার সর্বশ্রেষ্ঠ নেতার সম্বন্ধে সে পরিচয় দিতে পারে নাই।



প্রাগৈতিহাসিক। ডিনোসরের উরুদেশের অস্থি

প্রাগৈতিহাসিক যুগের ‘ডিনোসরে’র অস্থিখণ্ড আবিষ্কৃত হইয়াছে। বিশেষজ্ঞগণ স্থির করিয়াছেন, এই অস্থিখণ্ড ‘ডিনোসরে’র উরুদেশের একটি অংশ মাত্র।

মাদ্রাজে

দেশবন্ধু স্মৃতি-সৌধ

গত ডিসেম্বর মাসের মাঝামাঝি মাদ্রাজ সহরে ‘দেশবন্ধু-নিকেতনে’ পরলোকগত দেশ-নেতা চিত্তরঞ্জন দাশের একটি স্মৃতি-মন্দির প্রতিষ্ঠিত হইয়াছে। এই মন্দিরের মধ্যে দেশবন্ধুর আবক্ষোমূর্তি রক্ষিত হইয়াছে। মন্দিরটি ভারতীয় স্থপতি-শিল্পের প্রকৃষ্ট নিদর্শন। বড় লাটের ব্যবস্থা-পরিমদের অগ্রতম সদস্য শ্রীযুত তুলসীচরণ গোস্বামী



মাদ্রাজে দেশবন্ধু-মন্দির ও মূর্তি

কাষ্ঠনির্মিত পয়ঃপ্রণালী




সুরহৎ দারুনির্মিত পয়ঃপ্রণালী

মার্কিণে উত্তর-কালি-ফার্নিয়া প্রদেশে “কালিফোর্নিয়া অরে-গন পাউয়ার কোম্পানী” দুইটি ইষ্টকনির্মিত পয়ঃপ্রণালীকে একটি দারুনির্মিত পয়ঃপ্রণালীর দ্বারা সংযুক্ত করিয়া দিয়া-ছেন। নদীতে বাঁধ দিয়া যে জল কোম্পানী নিজের কাষে

ব্যবহার করিতেছিলেন, উল্লি-খিত সুরহৎ পয়ঃপ্রণালীর মধ্য দিয়া সেই জলশ্রোত দেড় মাইল দূরবর্তী অপর একটি স্থানে লইয়া বাওয়া হইতেছে। দারু-নির্মিত পয়ঃপ্রণালীর মধ্যভাগ ১৬ ফুট ব্যাসবিশিষ্ট। উহার দৈর্ঘ্য ১ হাজার ৩ শত ১৬ ফুট। যে কাষ্ঠসমূহের দ্বারা পয়ঃপ্রণালী নির্মিত হইয়াছে, তাহা ৪ ইঞ্চি পুরু। পয়ঃপ্রণালী ইম্পাতের বেটনীর দ্বারা আবদ্ধ। এই প্রণালী-পথে প্রতি সেকেন্ডে ২ হাজার ঘন-ফুট জল নির্গত

হইয়া থাকে, অর্থাৎ ১ কোটি ২০ লক্ষ ব্যক্তির প্রত্যেকের জন্ম প্রতিদিন ১ শত গ্যালন জল সরবরাহ হইয়া থাকে। এমন বৃহৎ দারুনির্মিত পয়ঃপ্রণালী পৃথিবীর কুত্রাপি দেখিতে পাওয়া যায় না।

বিমানপোতে নারীর টেনিস-ক্রীড়া



বিমানপোতে মিস্ গ্রাভিস্ রয় আইভান অনগারের সহিত টেনিস খেলিতেছেন

মার্কিন নারীগণ সকল বিষয়েই অগ্রগামিনী। সে দিন লস এঞ্জেলস্ নগরে বিমানপোতের উপর মিস্ গ্রাভিস্ রয় টেনিস-ক্রীড়ায় অপূর্ব সাহস ও ক্রীড়া-নৈপুণ্য প্রদর্শন করিয়াছেন। বিমানপোত ওড়াজার কুট উর্কে উখিত হইলে, তিনি পোতের ছাদের উপর দাঁড়াইয়া আইভান অনগার নামক জনৈক যুবকের সহিত টেনিস খেলিতে আরম্ভ করেন। পোতখানি তখন আকাশপথে দ্রুতগতিতে ধাবিত হইতেছিল। নিম্ন হইতে দর্শকদল এই নারীর বিচিত্র সাহস দর্শনে বিস্ময়বিমুগ্ন হইয়াছিল।

স্নানার্থীর মুদ্রাধার


আমেরিকার শিল্পী একপ্রকার মুদ্রাধার নির্মাণ করিয়াছেন, উহা রবার হইতে প্রস্তুত। সম্ভরণকারী বা স্নানার্থীরা উহা বামহস্তের মণিবন্ধে ধারণ করিতে পারেন। মুদ্রাধারটি এমনই ভাবে নির্মিত যে, উহা জলে নষ্ট হয় না, ছিড়িয়া

স্নানার্থীর রবারের মুদ্রাধার

যায় না। সম্ভরণকারী উহার মধ্যে মুদ্রা বা চাবি প্রভৃতি রাখিয়া অনায়াসে জলবিহার করিতে পারেন।

প্রসিদ্ধ ডুবো জাহাজ

ফোনও মার্কিংপনে বৃটশের একখানি স্মৃহুৎ ও শ্রেষ্ঠ ডুবো জাহাজের বিবরণ প্রকাশিত হইয়াছে। এই জাহাজ নির্মাণ করিতে প্রায় ১ কোটি ৯০ লক্ষ টাকা ব্যয়িত




প্রসিদ্ধ ডুবো জাহাজ

হইয়াছে। জাহাজখানি একাদিক্রমে আড়াই দিন অনায়াসে জলের মধ্যে ডুবিয়া থাকিতে পারে এবং সেই সময়ের মধ্যে ২০ হাজার মাইল পথ অতিক্রম করিতে সমর্থ। জাহাজখানির দৈর্ঘ্য ৩ শত ৫০ ফুট এবং উহাতে ১ শত ২১ জন

নাবিক থাকে। জাহাজের অগ্ৰাণ্ড বিবরণ সামরিক বিধান অনুসারে অপ্রকাশ্য এবং কর্তৃপক্ষ সে সকল সংবাদ বাহিরের কাহাকেও অবগত হইতে দেন না।

প্যারী নগরীর বৈদ্যুতিক মানচিত্র

প্যারী নগরীর বিশিষ্ট দ্রষ্টব্য স্থান-সংবলিত একখানি মানচিত্র নগরের বিশিষ্ট স্থানে রক্ষিত আছে। এই মানচিত্র ঘণ্টা কাচের উপর অঙ্কিত এবং বৈদ্যুতিক আলোকে




প্যারীর বৈদ্যুতিক মানচিত্র

উদ্ভাসিত করা যায়। বৈদেশিকগণ এই মানচিত্রের সাহায্যে কোনও পরিদর্শক ব্যতীত দর্শনীয় স্থানে গমন করিতে পারেন। মানচিত্রের তলদেশে প্রসিদ্ধ স্থানগুলির নাম লিখিত আছে, পাশ্বে একটি করিয়া বোতাম। বোতাম টিপিলেই সেই স্থানের আলোক জলিয়া উঠিবে, এবং কি উপায়ে কোথা দিয়া তথায় পৌঁছিতে পারা যায়, তাহাও প্রদর্শিত হইবে। মানচিত্রের পঞ্চাশাধিক বিভিন্ন দিক হইতে সেই স্থানে যাইবার আলোকিত পথ দেখিতে পাওয়া যায়। বিভিন্ন দিকের পরিচয় চিত্রের বামকোণে সাঙ্কেতিক অক্ষরে লিখিত আছে। মানচিত্রেও সেই সকল সাঙ্কেতিক অক্ষর বিদ্যমান। কোন্ পথে কিরূপ ভাবে গমন করিতে পারা যায়, তাহারও একটি তালিকা আছে।


সূর্য-পরিচালিত আলোকাধার

লণ্ডনের জয়ডনস্থিত বিমানপোতাশ্রয়ের কাছে একটি আলোক স্থাপিত হইয়াছে। এই আলোক এমনই কৌশলে নির্মিত যে, সূর্যোদয়ের পূর্বেই উহা আপনা হইতে নির্গত হয় এবং সূর্যাস্তের সঙ্গে সঙ্গেই আপনা হইতে প্রজ্জলিত হইয়া উঠে। আলোকাধারে একটি 'ভাল্ভ' (Valve) বা ছিপি সন্নিবিষ্ট আছে। এই 'ভাল্ভ' বা ছিপি



সূর্য-পরিচালিত বিচিত্র আলোকাধার

নিম্নস্থ আধারস্থিত গ্যাসকে নিয়ন্ত্রিত করিয়া থাকে। ইহা সূর্যালোকস্পর্শমাত্রই গ্যাসপ্রবাহকে বন্ধ করিয়া দেয় এবং আলোক অন্তর্হিত হইবামাত্রই গ্যাসের নির্গমপথ মুক্ত করিয়া ফেলে। সুতরাং এই আলোক প্রজ্জলিত করিবার জন্ত কোনও লোকের প্রয়োজন হয় না। শুধু গ্যাসের আধারে গ্যাস জন্মাইবার পদার্থ মাঝে মাঝে সরবরাহ করিতে হয়। তাহাও সর্বদা নহে, একবার আধারটি পূর্ণ করিয়া রাখিলে কয়েক সপ্তাহ আর তাহা স্পর্শ করিবার প্রয়োজন হয় না।



করোণার-কোর্টের তদন্তের প্রায় এক সপ্তাহ পরে, একদিন সকালে, আমার মক্কেল-শৃঙ্গ বসিবার ঘরে, আরাম কেদারায় অর্ধশায়িত অবস্থায়, গরম চায়ের বাটীতে ঈষৎ চুম্বক দিতে দিতে, আমি গোকর্দমার নথি-পত্র অভাবে খবরের কাগজখানাতে মনঃসংযোগ করিবার উপক্রম করিতেছিলাম—এমন সময় পুলিশের পোষাকধারী একজন বাঙ্গালী সেই ঘরে প্রবেশ করিয়া ‘মাথার হেল্-মেট’ নামীয় টুপিটা টেবলের উপর রাখিয়া, বাঙ্গালীর মতই আমাকে অভিবাদন করিলেন। আমিও যথারীতি প্রত্যভি-বাদন করিয়া তাঁহাকে আমার সম্মুখের একখানা চেয়ারে বসিতে আহ্বান করিলাম। তিনি বসিয়া, টুপিটা আবার সেই চেয়ারের নীচে রাখিয়া জিজ্ঞাসা করিলেন, “মশাইয়েব নামই তো অরুণকুমার দত্ত?”

আমি সম্মতি-সূচক ঘাড় নাড়িলে, তিনি বলিতে লাগিলেন, “আপনার সঙ্গে আমার সাক্ষাৎ-সম্বন্ধে আলাপ না থাকলেও, আমি আপনার নাম শুনেছি। আপনি পুলিশ-কোর্টে প্র্যাক্টিস করেন, তা’ও জানি।”

আমাদের পাড়ার সেই হত্যা ব্যাপারের সংশ্বে, সম্প্রতি আমার নাম ও “পেশা”টা অগ্ন্যগ্ন সাক্ষীদের নামের সঙ্গে সংবাদপত্রে প্রচার হওয়ায়, তাহা ইদানীং অনেকেরই গোচরীভূত হওয়া কিছু বিচিত্র নয় বটে; কিন্তু আমার ‘প্র্যাক্টিস’ যে এখনও কেবল ট্রায় ভাড়া দিয়া আদালতে যাওয়া আসাতেই সীমাবদ্ধ ছিল, এ কথাটাও যে সকলেই জানিত, তাহা আমি স্বীকার করিতে প্রস্তুত নহি। যাহা হউক, আমি উপযুক্ত গাভীর্য্য সহকারে, সৌজন্য পূর্ণ মস্তক সঞ্চালন করিয়া, জিজ্ঞাসা করিলাম, “মশায়ের নামটা জানতে পারি কি?”

তিনি ঈষৎ গর্হিতভাবে বলিলেন, “আমার নাম বোধ হয় আপনি শুনে থাকবেন,—আমি সি, আই, ডি’র নলিনী

গান্ধুলী। এন্, গান্ধুলী বল্লই বোধ হয় সহজে বুঝতে পারবেন।”

আমার নিশ্চয়ই বড় হুর্ভাগ্য যে, নামটা কখনও শুনি-য়াছি বলিয়া স্মরণ হইল না। লোকটি যেরূপ দাস্তিকতা সহকারে নিজের নাম প্রকাশ করিলেন, তাহাতে নামটা বোধ হয় খুবই সুপরিচিত;—অথচ আমি তাহা এ পর্য্যন্ত শুনি নাই বলিলে, হয় তো আমিই ‘খেলো’ হইব ভাবিয়া আমি বলিলাম, “ও! বটে?—তা বেশ হয়েছে, আপনার সঙ্গে আলাপ হ’য়ে বড়ই কৃতার্থ হ’লাম।—চা খাবেন কি?”

“নাঃ! থাক,—আমি চা খেয়েই বেরিয়েছি। এখন একটু কাষের কথা কওয়া যা’ক্। আপনাদের এ পাড়ার ঐ ১০ নং বাড়ীর হত্যা ব্যাপার সম্বন্ধে সে দিন যে ইন্-কোয়েষ্ট (Inquest) হয়ে গিয়েছে, তা’তে কে যে হত্যা-কারী, সে বিষয়ে কিছুই সিদ্ধান্ত হয় নি। সেই জন্তু সি, আই, ডি-র উপর এ বিষয়ে তদন্তের ভার পড়েছে এবং কর্তৃপক্ষ আমাকেই এই কার্য্যে নিযুক্ত করেছেন”—বলিয়া, তিনি যেন আরও একটু গর্হিতভাবে আমার দিকে চাহিলেন।

আমি ভাব বুঝিয়া লইলাম, “ও! তা’ ভালই হয়েছে। কর্তৃপক্ষ যে এ বিষয়ে সচেষ্ট হয়েছেন, তা জেনে বড় সুখী হ’লাম। ব্যাপারটা যেমন জটিল, তেমনি ঠিক উপযুক্ত লোকের হাতেই তার মীমাংসার ভার পড়েছে। আপনি অবশ্যই কৃতকার্য্য হবেন।”

“আমার পক্ষে সে জন্তু চেষ্টার নিশ্চয়ই ক্রটি হবে না। করোণার কোর্টে যে সব লোকের সাক্ষ্য লওয়া হয়েছিল, আমি ইতোমধ্যেই তাদের প্রায় সকলের সঙ্গে দেখা করে, তাদের আপন মুখের কথা সব শুনেছি। ও বাড়ীটা ভাল করে পরিদর্শন করেছি। এখন আপনার মুখে হতব্যক্তির কথা কিছু শুনতে পেলেই, এ দিকের কাষ আমার শেষ হবে।”

“আমার যা কিছু বলবার ছিল, সবই তা আমি পুলিশ’

তদন্তের সময় এবং করোণার কোর্টেও বলেছি! আপনি বোধ হয় তা দেখে থাকবেন?”

“হাঁ তা অবশ্যই দেখেছি। কিন্তু তবু, আরও যদি কিছু আপনার কাছে জানা যায়, এই আশায় আপনার সঙ্গে দেখা করতে এসেছি।”

“না, মশায়! তার চেয়ে বেশী কিছু আর আমি জানি না।”

“তাই ত! তা হলে ত দেখেছি কোন দিকেই কিছু কিনারা করা মুশকিল! আপনি বোধ হয় বুঝেছেন যে, এ ক্ষেত্রে হত্যাকারীর সন্ধান পেতে হলে, আগে হত্যাকারীর পূর্ক পরিচয়টা ঠিক জানা দরকার। কিন্তু, তার পূর্ক-কাহিনী জানবার যখন উপায় কিছু দেখা যাচ্ছে না, তখন হত্যাকারীর সন্ধানেরই বা উপায় কি?”

“আপনি কি বেশ নিঃসংশয়ে বলছেন যে, উপায় কিছু নাই?”

“এতে আর সংশয়ের কথা কি আছে? সকল দিকেই একটা অলঙ্ঘনীয় বাধা এসে অসুসন্ধানের পথ বন্ধ করছে। পুনী লোকটা, তার অস্ত্র-শস্ত্র নিয়ে সম্পূর্ণ নিরুদ্দেশ হ’য়েছে। ছইয়ের কোনটির কোন চিহ্ন পর্যাস্ত পাওয়া যাচ্ছে না। বাড়ীটার মধ্যে আমি বিশেষরূপে অসুসন্ধান করেও, ও ছইয়ের কোনটিরই কোন নিদর্শন পেলাম না। কোন পথ দিয়ে লোকটা ও বাড়ীতে ঢুকলো বা তা থেকে বেরুলো, তারও কোন সন্ধান পাওয়া গেল না।”

“অথচ, যে উপায়েই হোক, ওখানে বাইরের লোক যে আসত এবং নন্দন সাহেব যে তা জানত,—শুধু জানত নয়, অপরের কাছে তা লুকাবারও চেষ্টা করত,—তাতে কোন সন্দেহ নাই।”

“সে কি? আপনার কথা আমি বুঝতে পাচ্ছি না।”

“কেন? আমি করোণার-কোর্টে যে একজাহার দিয়ে ছিলাম, সেটা মনে করে দেখলেই বুঝতে পারবেন যে, আমি সেই জানালার পর্দার উপর ছায়ার কথা বলছি। আমি যখন ঐ পর্দার গায়ে এক জন স্ত্রীলোক ও এক জন পুরুষের ছায়া দেখেছিলাম, তখন নন্দন সাহেব বাড়ীতে ছিল না; কারণ, তার অস্ত্রক্ষণ পরেই, বাড়ীর সামনের রাস্তার মোড়ে তার সঙ্গে আমার দেখা হয়েছিল। কিন্তু, তাকে যখন আমি ঐ কথা বললাম, সে তখন দৃশ্টা আমার কল্পনামূলক

বলে প্রমাণ করবার জন্ত এত ব্যগ্র হ’ল যে, বাড়ীতে অস্ত্র কেউ নাই, বা আসতেও পারে না, তাই দেখাবার জন্ত সে আমাকে জেদ ক’রে বাড়ীর মধ্যে নিয়ে গেল।”

“আপনি গিয়ে কি দেখলেন?”

“লোকটা বাড়ীর ভিতরের সমস্তটাই আমাকে দেখালে। কিন্তু যদিও বাড়ীতে অপর কোন লোক, কিংবা যাতায়াতের অপর কোন পথ দেখতে পেলাম না বটে, তবু, অস্ত্রক্ষণ পূর্কই যে এক জন স্ত্রী ও এক জন পুরুষ সেখানে ছিল, তাতে আমার কোনই সংশয় নাই। কি উপায়ে তারা এসেছিল বা গিয়েছিল, তা অবশ্য আমি এখনও বুঝতে পারি নি।”

“ঐ পথটা আবিষ্কার করাই বিশেষ দরকার। তা হলেই বুঝা যায় যে, হত্যাকারী সেই পথ দিয়ে এসেছিল।”

“হাঁ, তা ত নিশ্চয়; কিন্তু তা হলে হত্যাকারীকে বার করবার কোন উপায় হবে বলে আমার বোধ হয় না।”

১১

আমার কথা শুনিয়া গাঙ্গুলী মহাশয় কিয়ৎক্ষণ চিন্তাবিত্ত-ভাবে নীরবে বসিয়া রহিলেন। পরে বলিলেন, “তা হলে আপনার বিবেচনায় এখন কি করা উচিত?”

“দেখুন, এ বিষয়ে আমি অনেক চিন্তা করেছি। তার ফলে আমার মনে হয় যে, এ সম্বন্ধে এমন ছই একটা বিশিষ্ট লক্ষণ আছে, যার দিকে আমাদের প্রথমেই মনোযোগ দেওয়া দরকার। প্রথমতঃ,—তত ব্যক্তি ঐ জানাবাড়ীতে এসে, নাম ভাঁড়িয়ে অজ্ঞাতবাস করছিল। তার কারণ কি? সে আমাকে বলেছিল যে, শত্রু-ভয়ে সে ঐ রকম করেছিল। কথা সত্য কি না? দ্বিতীয়তঃ,—তার কাছে কোন নিভৃত পথ দিয়ে লুকিয়ে অপর লোক আসত। তারই বা কারণ কি? এই ছইটা প্রশ্নের উত্তর বার করতে পারলেই বোধ হয় এই হত্যা-রহস্যের মীমাংসা হ’তে পারে। সেই জন্ত আমার মতে সর্কপ্রথমেই আমাদের ঐ লোকটার পূর্কবৃত্তান্ত জানবার চেষ্টা করা উচিত।”

“আমিও ত গোড়ায় আপনাকে সেই কথাই বলেছি। কিন্তু কি উপায়ে তার পূর্ক-ইতিহাস জানা যায়,—তাই ত সমস্যা!”



মনসা দেবী

“কেন ?—তার আসল নাম-ধাম জানতে পারলেই ত ও সমস্তার মীমাংসা হ’তে পারে ?”

গাঙ্গুলী মহাশয় একটু শ্লেষ করিয়া বলিলেন, “খুব সহজ কথা বল্লেন বটে ! কিন্তু তা জানবার উপায় কিছু আছে ব’লে ত বোধ হয় না।”

আমিও প্রত্যুত্তরে ঈষৎ বিরক্তভাবেই বলিলাম, “কেন ?—বিজ্ঞাপনের দ্বারা ?”

তিনি বেন কিছু বিস্মিত হইয়া বলিলেন, “বিজ্ঞাপন ? সে কি ? কিসের বিজ্ঞাপন ?”

“কেন ? আজকাল খবরের কাগজে এই রকম কত বিজ্ঞাপন বার হয়, তা কি আপনি দেখেন নি ? কুলবিহারী নন্দন নামধারী ঐ লোকটার একটা বিশদ বিবরণ,—তার মুখে একটা দীর্ঘ ক্ষতের দাগ, একটা কনিষ্ঠ অঙ্গুলীর অভাব, ইত্যাদি,—ইংরেজী ও বাঙ্গালা কাগজে প্রকাশ করে এবং ‘ছাণ্ডবিলে’ ছাপিয়ে বিতরণ করে দেখতে হানি কি ?”

সি, আঠি, ডি বাবুর আত্মাভিমানে কিছু আঘাত লাগিল বোধ হয়। তিনি বেশ একটু শ্লেষভরে হাসিয়া বলিলেন, “পুলিসের লোককে এত কাঁচা মনে করবেন না মশায় ! ঐ রকম বিবরণ এর মধ্যেই “ছাণ্ডবিলে” লিখে, সহরের প্রত্যেক থানায় লটকে দেওয়া হয়েছে জানবেন।”

“খবরের কাগজে দেওয়া হয়েছে কি ?”

“না, তা আবশ্যিক ব’লে বোধ হয় না।”

“মাফ করবেন গাঙ্গুলী মশায় ! আপনাদের কায অবশ্য আপনারাই ভাল বুঝেন। কিন্তু আমার মনে হয় যে, থানায় ছাণ্ডবিল লটকে দেওয়ায়, জনসাধারণের তা নজরে পড়বার সম্ভাবনা পুঁই সামান্য। সংবাদপত্রে প্রকাশভাবে বিজ্ঞাপন দিলে, সে সম্ভাবনাটা বেশী হয় না কি ?—আপনাকে অবশ্য আমি পরামর্শ দিচ্ছি, তা ভাববেন না।”

“আচ্ছা, আপনার কথাটা বিবেচনা ক’রে দেখা যাবে এখন। আপাততঃ তা হ’লে আপনার আর সময় নষ্ট ক’রব না। এখন বিদায় হই।”

“আপনি যেকষ্ট স্বীকার ক’রে এতক্ষণ আমার সঙ্গে এ বিষয়ে আলোচনা করলেন, তাতে আমি বাস্তবিক কৃতার্থ

হয়েছি। এখন আপনাকে আমার একটু অনুরোধ জানিয়ে রাখি। যদি কাগজে বিজ্ঞাপন দেওয়াই মনস্থ করেন, তা হ’লে তার ফলাফল কি হয়, যদি অনুরোধ ক’রে আমাকে জানতে দেন ত বড় আপ্যায়িত হব।”

“কেন, আপনার এতে স্বার্থ কি ?”

“স্বার্থ বিশেষ কিছু নাই বটে, কিন্তু ব্যাপারটা আমাদেরই পাড়ার, এবং এতই রহস্যময় যে, আপনি যে যে উপায়ে এই রহস্য ভেদ করবেন, সে সব এবং তার ফলাফলগুলো জানতে আমার কৌতূহল হওয়াটা কিছু আশ্চর্য্য বা অশ্রায় মনে করেন কি ?”

“না ; সেটা স্বাভাবিক বটে। তা বেশ ! এ বিষয়ে যখন যেমন খবর হবে, আপনাকে জানাব।”

পরদিন সকালেই খবরের কাগজে আমার পরামর্শ অনুযায়ী এক বিজ্ঞাপন বাতির হইয়াছে দেখিলাম এবং তাহার প্রায় এক সপ্তাহ পরে গাঙ্গুলী মহাশয় আবার আমার সঙ্গে দেখা করিলেন। এবার আত্মস্মৃতির তাব একেবারেই পরিহার করিয়া বলিলেন, “পুলিসের ধরা-বাঁধা নিয়মের চেয়ে আপনার পরামর্শটায় শীঘ্রই ফল ফলেছে দেখছি। বিজ্ঞাপনের উত্তরে গত কল্যা একখানা চিঠি পেয়েছি। বর্ধমান থেকে এক ব্যক্তি লিখেছেন যে, বিজ্ঞাপনের বিবরণ পড়ে তাঁর অনুমান হয় যে, হত ব্যক্তি তাঁর জামাতা। তিনি নিজের মেয়েকে নিয়ে আমার সঙ্গে দেখা করতে আগামী কল্যা বেলা ৩টার সময় আসবেন, লিখেছেন। সে সময়ে আপনি যদি উপস্থিত থাকতে ইচ্ছা করেন ত আমার আফিসে ঐ সময় আসতে পারেন।”

আমি আনন্দে উৎফুল্ল হইয়া বলিলাম, “আপনার এ অনুরোধে আমি বড়ই আপ্যায়িত হলাম, গাঙ্গুলী মশায় ! আমি নিশ্চয়ই যথাসময়ে যাব। লোকটির নাম কি ?”

“চিঠিতে নাম সহি আছে,—করালী প্রসাদ সেন !”

“তিনি পুলিসের ফটোগ্রাফ দেখে কি বলেন, দেখা যাবে।”

“হাঁ, সেটাই হবে আসল প্রমাণ।”

তাহার পর আগামী কল্যা তাঁহার আফিসে আমাদের পুনর্মিলনের বন্দোবস্ত স্থির করিয়া তিনি প্রস্থান করিলেন।


[ক্রমশঃ ।

শ্রীমতীশচন্দ্র মুখোপাধ্যায় (এটর্নী) ।

কংগ্রেস

গত ২৬শে ডিসেম্বর যুক্তপ্রদেশের কানপুর সহরে ভারতীয়
জাশনাল কংগ্রেসের একচত্বারিংশৎ অধিবেশনের উদ্বোধন
হইয়াছিল। এ বিষয়ে যুক্তপ্রদেশ বাঙ্গালা অপেক্ষা সৌভাগ্য-

দূরে এক ক্রোশব্যাপী বিরাট ময়দানে কংগ্রেস-মণ্ডপ ও তৎ-
সংশ্লিষ্ট দপ্তরাদি নির্মিত হইয়াছিল। ঐ স্থানটির নাম রক্ষিত
হইয়াছিল 'তিলক নগর।' তিলক নগরের কংগ্রেস-মণ্ড-



তিলক নগরের দৃশ্য

বান, কেন না,
বাঙ্গালায় এক
কলিকাতা ব্যতীত
অত্র কোনও সহরে
এ যাবৎ কংগ্রেসের
অধিবেশন হয় নাই,
অথচ যুক্তপ্রদেশের
এলাহাবাদ, লক্ষ্ণৌ,
কাশী প্রভৃতি সহরে
ইতঃপূর্বে কংগ্রে-
সের অধিবেশন
হইয়া গিয়াছে।
কানপুর সহর হই-
তে প্রায় ৩০ মাইল



তিলকনগরের বাজারের দৃশ্য

পের সম্মুখে একটি
মাঠ, ফোয়ারা ও
গাছপালা দিয়া
সাজান হইয়াছিল,
উহার চারিদিকে
দোকান। উহার
নাম দেওয়া হইয়া-
ছিল— 'গঙ্গী চক।'।
এইরূপে 'কেলকার
ময়দান', 'দেশবন্ধু-
রোড', 'নে হ রু
রোড', 'সৌকৎ-
রোড' প্রভৃতি
পথের দেশনেতৃগণের

নামে নামকরণ করা হইয়াছিল। বিরাট তিলক নগর ও এই সবল পথ-ঘাট নিৰ্ম্মাণে ও নামকরণে দেশের লোক যে কৃতিত্ব প্রদর্শন করিয়াছেন, তাহাতে তাঁহাদের স্বাবলম্বন ও আত্ম-সম্মান জ্ঞানের সম্যক পরিচয় পাওয়া যায়। মুক্তি-পথের পথিকের




কংগ্রেসের মণ্ডপ

পক্ষে এমন পরিচয় প্রদান খুবই শোভন হইয়াছে। পরের উপর নির্ভর না করিয়া যে দেশের লোক গঠনকার্যে (পথ-ঘাট-নিৰ্ম্মাণে, আলোক ও জলের ব্যবস্থায়, আহাৰ্য্য পানীয়ের ব্যবস্থায়, সংবাদ আদান-প্রদানের ব্যবস্থায় এবং শাস্তিরক্ষায়) সম্যক অভিজ্ঞতা লাভ করিতেছে, কানপুরের

২৫ হাজার টাকা চাঁদা দিয়াছিলেন।

তিলক নগরের দক্ষিণাংশে বাগান-বাটীর মধ্যে সভানেত্রীর বাসের জন্য একটি 'বাকলো' নির্দিষ্ট হইয়াছিল। প্রথমে জনরব রটে যে, কমিউনিষ্টরা ও হিন্দু-সভার সদস্যগণ সভানেত্রী শ্রীমতী সরোজিনী নাইডুর অভ্যর্থনা

কংগ্রেস তাহার সাক্ষ্যপ্রদান করিতেছে। অভ্যর্থনা-সমিতির সভাপতি কানপুরের ডাক্তার মু রারি লাল ও কানপুরবাসীরা এ বিষয়ে পরিশ্রমে ও অর্থব্যয়ে কার্পণ্য প্রদর্শন করেন নাই। কানপুরের প্রসিদ্ধ বণিক যোগীলাল কমলা-পং একাই এতদর্থে



কংগ্রেস-মণ্ডপের সিঁহদার

গোলযোগ ঘটাইবেন ; কিন্তু তাহা হয় নাই । তাঁহার অভ্যর্থনা অপূর্ণ হইয়াছিল, পত্রপুষ্পমাল্যে ও আলোক-সজ্জায় পথিপার্শ্বস্থ গৃহাদি সজ্জিত করা হইয়াছিল, কানপুরের জনসাধারণ সর্বান্তঃকরণে তাঁহার প্রতি শোভাযাত্রার সময়ে প্রীতি-শ্রদ্ধা জ্ঞাপন করিয়াছিল ।

হইবারই কথা, কেন না, এ দেশের লোক স্বতঃই নারীর প্রতি সম্মান প্রদর্শন করিয়া থাকে । তাহার পর শ্রীমতী সরোজিনী নাইডুর মত শিক্ষিতা, বিদূষী, সর্বজনপ্রিয়, দেশ-প্রেমিকা নারীর সম্মান সর্বত্র । ইতঃপূর্বে আফ্রিকার প্রবাসী ভারতীয়রা তাঁহাকে তত্রত্য কংগ্রেসে সভানেত্রীর পদে বরণ করিয়া অন্তরের শ্রদ্ধা প্রদর্শন করিয়া ছিলেন । মহাত্মা গান্ধী কংগ্রেসে তাঁহার উপর সভানেত্রীর ভারার্পণের সময়ে বলিয়াছিলেন, “তাঁহার অল্পম বাগ্মিতা ও অকাট্য



কানপুর কংগ্রেসের সভানেত্রী শ্রীমতী সরোজিনী নাইডু

যুক্তিবলে দক্ষিণ আফ্রিকার যুরোপীয়রাও মুগ্ধ হইয়াছিলেন । তিনি সিংহের বিবরে গিয়া তাহাকে বশীভূত করিয়াছিলেন । লোক মনে করে যে, শ্রীমতী সরোজিনী যদি দক্ষিণ আফ্রিকায় এগন গমন করেন, তাহা হইলে

এসিয়াবাসীদের বিরুদ্ধে যে আইন বিধিবদ্ধ করিবার চেষ্টা হইতেছে, তাহা এখনও নিবারিত হইতে পারে । আমার তত্রত্য অনেক ইংরাজ বন্ধু এই মর্মে আমাকে পত্র দিয়াছেন । ইহাতেই প্রমাণ হইতেছে যে, যোগ্য ব্যক্তির স্বক্কেই এবার কংগ্রেস পরিচালনের ভার অর্পিত হইয়াছে ।”

মহাত্মার সদিচ্ছা ও প্রশংসাবাদ বহন করিয়া এবং সমগ্র দেশবাসীর প্রীতি-শ্রদ্ধার অর্ঘ্য মস্তকে ধারণ করিয়া শ্রীমতী সরোজিনী নাইডু এবার কংগ্রেসে সভানেত্রী করিয়াছেন । দেশ তাঁহার নিকট কতই না পূর্ণ হৃদয়ে উপদেশের পীণমধারা পাইবার আশা করিয়াছিল !

সভানেত্রীর অভিভাষণ


শ্রীমতী সরোজিনী ভারতের কবিকুঞ্জের কোকিল । সুতরাং তাঁহার অভিভাষণ কবিত্বের প্রতিভায় সমুজ্জল হইবে, তাঁহার ভাষা ও ভাব স্বচ্ছ নিশ্চল অনায়াস-

গতি স্রোতোধারার ঞায় প্রবাহিত হইবে, ভারতের অসংখ্য লোক তাহা মুগ্ধচিত্তে শ্রবণ করিবে, তাহার প্রভাবে প্রভাবান্বিত হইবে,—ইহাতে সন্দেহের অবকাশ ছিল না ।

কংগ্রেস এ দেশের সর্বশ্রেষ্ঠ জাতীয় রাজনীতিক

প্রতিষ্ঠান। প্রতি বৎসর যিনি কংগ্রেসের পরম গৌরবময় পদে সমাসীন হইবেন, তাঁহার নিকট এ দেশের জনগণ ভবিষ্যৎ কর্মনীতির আভাসের আকাঙ্ক্ষা করিয়া থাকে। যে সময়ে দেশ রাজনীতিক মতদ্বন্দ্ব ও সাম্প্রদায়িক কলহে ছিন্ন-ভিন্ন, সে সময়ে কংগ্রেসের সভাপতি এই কলহ-দ্বন্দ্বের মধ্য দিয়া কি কর্মপদ্ধতি নির্দেশ করিয়া দেন, তাহা জানিবার জন্ত লোক আগ্রহান্বিত হইবেই। এই হেতু জনসাধারণ সরোজিনী দেবীর নিকট সেই পদ্ধতি নির্ধারণের আশা করিয়াছিল।

দিল্লীর অতিরিক্ত কংগ্রেসে স্বরাজ্য দলকে ব্যবস্থাপক সভা প্রবেশে অমুমতি প্রদান করা হইয়াছিল। কোকনদ কংগ্রেসে সেই ব্যবস্থাই অমুমোদিত হইয়াছিল। কারামুক্তির পর মহাত্মা গান্ধী বেলগাঁও কংগ্রেসে দিল্লী ও কোকনদের নির্ধারণ নাকচ করেন নাই। স্বরাজ্য দল সেই নির্ধারণ অমুসারে কংগ্রেসের রাজনীতিক কার্যভার প্রাপ্ত হইয়া কংগ্রেসের কার্য পরিচালিত করিতেছিলেন। ইহার পর দুইটি ব্যাপার সংঘটিত হইয়াছে :—(১) কংগ্রেসকে পুনরায় রাজনীতিক প্রতিষ্ঠানে পরিণত করা হইয়াছে, (২) স্বরাজ্য দলের মধ্যে এক সাম্প্রদায়িক অসহযোগ ও সর্বদা বাধা প্রদান-নীতি পরিহার করিয়া সহযোগের উত্তরে সহযোগ (Responsive Co-operation) নীতি অবলম্বন করিয়াছিলেন।



কংগ্রেস মণ্ডপে সভানেত্রী শ্রীমতী সরোজিনী নাইডুর
অভিভাষণ পাঠ

তাই এবার কংগ্রেসে দেশবাসী আশা করিয়াছিল যে, সভানেত্রী তাঁহার অভিভাষণে ভবিষ্যৎ কর্মপদ্ধতি নির্ধারণ করিয়া দিবেন, পরন্তু স্বরাজ্য দল সহযোগের উত্তরে সহযোগ-নীতি গ্রহণ করিবেন কি না, তাহাও নির্ধারণ করিয়া দিবেন।

সভানেত্রী তাঁহার নাতিদীর্ঘ অভিভাষণে কিভাবে এই দুই সমস্যার সমাধান করিয়াছেন, তাহাই বিশেষ বিবেচ্য। প্রথমেই সভানেত্রী সুললিত স্মৃতিভাষায় আমাদের পরম্পর বিদ্বেষ ও দ্বন্দ্বের কথা, পরন্তু আমাদের চরম অবনতি ও সহায়হীনতার কথা উল্লেখ করিয়াছেন। আমরা যে কর্ণধারহীন হইয়া আমাদের আহত আত্মসম্মান ও দাসত্বের ভারে অবসন্ন হইয়া সাম্রাজ্যবাদের ক্রীড়নক রূপে ভারতের রাজনীতির মহাসমুদ্রে ভাসিয়া চলিতেছি, সে কথার উল্লেখ করিতে সভানেত্রী বিস্মৃত হইয়া নাই।

এ অবস্থার—এ চরম দুর্দশার প্রতীকার কিরূপে সম্ভব হইবে? শ্রীমতী সরোজিনী দেবী এক


কথায় এই প্রতীকারের পথ নির্দেশ করিয়াছেন :—(১) গ্রাম-গঠনের নিশ্চিত বিভাগ নির্ণয়, (২) জনগণের শিক্ষার ব্যবস্থা নির্ধারণ, (৩) সামরিক শিক্ষার ব্যবস্থা নির্ধারণ এবং (৪) রাজনীতিক প্রচার-কার্যের ব্যবস্থা নির্দেশ।

এতদ্ব্যতীত তিনি আরও দুইটি উপায়ের কথা উল্লেখ

করিয়াছেন :—(১) সাগরপারের প্রবাসী ভারতীয়গণকে সাহায্য প্রদান, (২) হিন্দু-মুসলমানের মধ্যে একতা বিধান।

উপসংহারে সভানেত্রী বলিয়াছেন, “যদি ভারতীয় ব্যবস্থা-পরিষদের বসন্ত মরশুমের শেষেও সরকার আমাদের স্বরা-জ্যের দাবীর উত্তরে আন্তরিক প্রত্যুত্তর না দেন, তাহা হইলে কংগ্রেস তাহার সদস্যগণকে ব্যবস্থা-পরিষদসমূহের সদস্যপদ ত্যাগ করিতে এবং সরকারের বিপক্ষে আন্দোলন চালাইতে অহুজ্জা প্রদান করিবেন।

মোটামুটি ইহাই এ বৎসরের সভানেত্রীর অভিভাষণের সার কথা।



অভ্যর্থনা-সমিতির সভাপতি—ডাঃ মুরারিলাল

এ সকল ইঙ্গিতের বিশ্লেষণ করিয়া সভানেত্রী প্রথমেই বলিয়াছেন, “মহাত্মা গান্ধী আমাদিগকে যে অপূৰ্ণ ত্যাগের মন্ত্র প্রদান করিয়াছেন, তাহাকেই আদর্শ করিয়া লইতে হইবে। বন্ধন হইতে জাতির মুক্তির যে শুভ মন্ত্র তিনি আমাদিগকে শিখাইয়াছিলেন, আমরা আমাদের দৌৰ্বল্য হেতু তাহার উপ-যুক্ত হইতে পারি নাই। অতি অল্পকাল মাত্র আমরা মানুষের মত আমাদের পূৰ্বপুরুষের অনুসৃত সেই মহামন্ত্রকে আদর্শ করিয়া কল্পক্ষেত্রে বাঁপাইয়া পড়িতে পারিয়াছিলাম। ইতিহাস ইহার পরে যাহাই বলুক, ইহা অবশ্যই স্বীকার করিতে হইবে




অভ্যর্থনা-সমিতির সহকারী সভাপতি—
বারাণসীর পণ্ডিত ভগবানদাস



প্রদর্শনী সমিতির সম্পাদক—পণ্ডিত রামকৃষ্ণ গুপ্ত




অভ্যর্থনা সমিতির সম্পাদক—পণ্ডিত গণেশশঙ্কর বিহারী



অভ্যর্থনা সমিতির সহকারী সভাপতি
এলাহাবাদের শ্রীযুত পুরুষোত্তম দাস টাণ্ডল

যে, মহাত্মা গান্ধীর অহিংস
অসহযোগ মন্ত্র প্রবল বাত্যার
মত আমাদের গতানুগতিক
জাতীয়-জীবনকে টলাইয়া
দিয়াছিল, তাহার অসাড়তার
মধ্যে স্পন্দনের অক্ষুপ্রেরণা
আনয়ন করিয়াছিল। এখনও
তাহার প্রভাব আমাদের
জাতীয়-জীবনের সহিত ওতঃ-
প্রোতভাবে বিজড়িত আছে।
সুতরাং যে কর্মপদ্ধতিই
আমরা নির্ধারণ করি, এই
যুগপ্রবর্তক প্রভাবকে আদর্শ
রাখিয়া আমাদেরকে কর্ম-
ক্ষেত্রে অগ্রসর হইতে
হইবে।”

এই মহান আদর্শ সম্মুখে
রাখিয়া আমরা প্রথমেই



অর্থ সমিতির সম্পাদক—পণ্ডিত রামকুমার

গ্রাম ও জাতিগঠন কার্যে
অগ্রসর হইব। আমাদের
ছিন্নভিন্ন শক্তিশূন্য জাতীয়-
জীবনের আগ্রহ, উদ্যম ও
উৎসাহকে পুনরায় শৃঙ্খলাবদ্ধ
করিয়া এই কার্যে আত্ম-
নিয়োগ করিতে হইবে।
যাহাতে আমাদের সামাজিক,
অর্থনীতিক, শ্রমশিল্পসম্বন্ধীয়
এবং মানসিক উন্নতি সম্ভব-
পর হয়, তাহার জন্ম কংগ্রেস-
সকে কয়েকটি নির্দিষ্ট বিভাগের
সৃষ্টি করিতে হইবে।
প্রত্যেক বিভাগের উপর
জাতি ও গ্রাম-গঠনের একটি
ভার অর্পিত করিতে হইবে।
দেশবন্ধু দাশ যে ভাবে
গ্রাম ও জাতি-গঠনের স্বপ্ন

দেখিয়াছিলেন, সেই ভাবে আমাদেরকে কক্ষক্ষেত্রে অগ্রসর হইতে হইবে। যাহাতে দেশবাসী আত্ম-



শ্বেচ্ছাসেবক সমিতির সম্পাদক—শ্রীযুত জি, জি, যোগ

নির্ভরশীল, আত্মপ্রত্যয়ী ও আত্মসম্মান জ্ঞানে প্রবুদ্ধ হইতে পারে, তাহাই হইবে গ্রাম ও জাতি-গঠনের মূল লক্ষ্য। আর হল ও চরকাকে নিদর্শন রাখিয়া—শিক্ষা-প্রচারে উৎসাহী হইতে হইবে—যাহাতে সেই শিক্ষায় অনু-প্রাণিত হইয়া আমাদের অভাগা দরিদ্র কৃষককুল হৃৎখ-দারিদ্র্য ও রোগ-শোকের পেষণ হইতে মুক্তি পায়, তাহাই করিতে হইবে।

গ্রাম-গঠনের সঙ্গে সঙ্গে শ্রমশিল্পের পুনর্গঠন করিতে হইবে। এই শিল্পে নিযুক্ত আমাদের শ্রমিক ভ্রাতৃবর্গকে সম্ভবতঃ ও যথাসম্ভব শিক্ষিত করিতে হইবে। যাহাতে তাহারা জনপূর্ণ ক্ষুদ্র অস্বাস্থ্যকর গৃহে পশুর মত জীবন যাপন করিতে বাধ্য না হয়, যাহাতে তাহাদের বেতন গায়-সঙ্গত হয়, যাহাতে তাহারা বিগুঢ় পবিত্র আনন্দময় জীবন যাপন করিতে সমর্থ হয়,—এমনই ভাবে কংগ্রেসকে কার্য্য-রম্ভ করিতে হইবে। ধনী ও শ্রমিকের মধ্যে যাহাতে সদ্ভাব ও সহযোগিতা প্রতিষ্ঠিত হয়, তাহাই করিতে হইবে।

শিক্ষাক্ষেত্রে আমাদেরকে পরাধীনতা হেতু দাসমনোবৃত্তি হইতে সর্বাগ্রে অব্যাহতি লাভ করিতে হইবে। যাহাতে আমরা ব্যর্থ অনুকরণপ্রিয়তা এবং কৃত্রিমতার প্রভাব হইতে মুক্ত হইয়া আমাদের সনাতন ভাবধারার অনুযায়ী শিক্ষালাভে আমাদের বংশধরগণকে দীক্ষিত করিতে পারি, আবার আমাদেরকে তাহাই করিতে হইবে এবং প্রাচ্য ও প্রতীচ্যের জ্ঞানবিজ্ঞানের মধ্যে যাহা কিছু মঙ্গলকর, তাহাই গ্রহণ করিয়া উন্নতির পথে অগ্রসর হইতে হইবে।

সাময়িক শিক্ষাকে আমাদের জাতীয় শিক্ষার বাধ্যতা-মূলক অঙ্গ পরিণত করিতে হইবে। সরকার স্বীকৃত কমিটি বসাইয়া এ সম্বন্ধে যে সিদ্ধান্তেই উপনীত হউন না, কংগ্রেসের কর্তব্য,— এই মুহূর্ত্ত হইতে এক জাতীয় ‘মিলিশিয়া’ (সেনা-দল) গঠনে প্রবৃত্ত হওয়া, বর্তমান জাতীয় শ্বেচ্ছাসেবক-বহুলীকে ভিত্তি করিয়া এই ‘মিলিশিয়া’-গঠন করিলেই চলিবে। কেবল স্থলে নহে, জলে ও আকাশপথের সমর-শিক্ষায়ও আমাদের যুবকগণকে অভ্যস্ত করিবার উপায় নির্ধারণ করিতে হইবে।



মহিলা শ্বেচ্ছাসেবিকাদের কত্রী—শ্রীমতী সার্ব্বভাঙ্গী দীক্ষিত


আমাদের সাগরপারের প্রবাসী ‘ভারতীয় ভ্রাতৃবর্গের প্রতি খেতকায়-জাতিরা যে অপমানকর ব্যবহার করিতেছে,

তাহার জ্ঞান তাহাদিগের সাহায্যে আমাদের অগ্রসর হইতে হইবে। আমাদের মনুষ্যত্ব ও আত্মসম্মান এই কর্তব্যের পথ আমাদের দেখাইয়া দিতেছে। এ জ্ঞান কংগ্রেসের একটি "সাগরপার বিভাগের" প্রতিষ্ঠা করা কর্তব্য। এই বিভাগ সাগরপারের ভারতীয়গণের স্বার্থের প্রতি সর্বদা দৃষ্টি রাখিবেন।

সর্বত্র ভারতীয় দাবীর কথা, ভারতের আশা-আকাঙ্ক্ষার কথা, প্রচারিত করিতে হইবে। এ জ্ঞান কংগ্রেসের প্রচার-বিভাগ প্রতিষ্ঠার প্রয়োজন। জাতীয় সংবাদপত্রসমূহ এ বিষয়ে অনেক পরিমাণে সাহায্য করিতে পারিবেন। বিশেষতঃ বিদেশে বিশ্বাসযোগ্য সংবাদ প্রচারের ব্যবস্থা করিতে হইবে। যাহাতে ভারতের সম্বন্ধে সত্য সংবাদ প্রচারিত হয়, তাহারও ব্যবস্থা করিতে হইবে।



মহাত্মা গান্ধী স্বদেশী প্রদর্শনীর মধ্যে প্রবেশ করিতেছেন



স্বদেশী প্রদর্শনীর দৃশ্য

হিন্দু-মুসলমানের বিবাদে আমাদের সর্বনাশ হইতেছে যদি তাঁহারা পরস্পর ক্ষমাযুগা করিতে অভ্যস্ত হইলে, তাহ হইলে এ বিবাদের অবসান হইতে পারে। যদি তাঁহারা পরস্পর পরস্পরের ধর্মের সৌন্দর্যটুকুর প্রতি শ্রদ্ধা হইতে পারেন, যদি তাঁহারা পরস্পর পরস্পরের প্রাচী উন্নত সভ্যতার গৌরবে গৌরব অনুভব করিতে অভ্যস্ত হইলে, তাহ হইলে তাঁহাদের বিবাদ ত অচিরে কথার কথা পর্যাবসিত হইবে। এ বিষয়ে উভয় সম্প্রদায়ের নারীজাতি যথেষ্ট কার্য করিতে পারেন। তাঁহারা যদি পরস্পর সখি বন্ধনে আবদ্ধ হইলে, যদি তাঁহারা আপন সম্মানগণকে পরস্পর প্রীতি-শ্রদ্ধার ভাব পোষণ করিতে শিক্ষা প্রদান করে বাল্যকাল হইতে যদি তাঁহারা তাহাদিগকে বন্ধুত্বের আলাপলাপ গড়িয়া তুলিতে পারেন, তাহ হইলে কার্য সহজ ও সরল হয়!

জাতি ও গ্রাম-গঠনের পথে কংগ্রেসের এইগুলি প্রধান কার্য। তবে সত্বর স্বরাজলাভই হইল কংগ্রেসের লক্ষ্য। এখনও কতকগুলি কংগ্রেসকর্মী আছেন, যাহারা সনাতন অসহযোগ-নীতি মানিয়া চলেন। তাঁহারা মহাত্মা এই মঙ্গলজনক নীতি কায়মনে অনুসরণ করিয়া ব্যবস্থার সভাসমূহের সার্থকতা স্বীকার করেন না, উহার সহিত সংশ্লিষ্ট রাখিতে চাহেন না। তাঁহারা চরকা ও খন্দর প্রচারে ও অস্পৃশ্যতা নিবারণে আত্মনিয়োগ করা স্বরাজলাভের প্র



স্বদেশী প্রদর্শনীতে মহাশ্বে গন্ধীর বক্তৃতা

উপকরণ বলিয়া মনে করেন। এই হেতু বর্তমানে শৃঙ্খলা ও সম্ভবতঃ স্বরাজ্য দলই কংগ্রেসের একমাত্র রাজনীতিক দল-রূপে ব্যুরোক্রেটার সহিত প্রকৃত রাজনীতিক সংগ্রামে প্রবৃত্ত রহিয়াছেন। জাতির জীবন-মরণের সন্ধিক্ষণে সকল শ্রেণীর রাজনীতিকেরই কি কংগ্রেসে প্রবেশ করিয়া এক হইয়া স্বরাজ-সংগ্রামে প্রবৃত্ত হওয়া কর্তব্য নহে? সকল শ্রেণীর রাজনীতিকই সংস্কার আইনকে মিথ্যা সংস্কার বলিয়া নির্দ্বার-রণ করিয়াছেন। সকলেই এই ভূয়া সংস্কারের পরিবর্তে প্রকৃত সংস্কার কামনা করিতেছেন! সকলেরই ঔপনিবে-শিক স্বায়ত্ত-শাসন চরম লক্ষ্য। মিসেস্ বেমাণ্টের কমন-ওয়েলথ বিলে সেই মনোভাব বিশেষরূপে ব্যক্ত হইয়াছে। বড়লাটের ব্যবস্থা-পরিষদ হইতেও সেই দাবীর কথা ব্যক্ত হইয়াছে। সেই দাবীর কম কোনও দাবীতে ভারতবাসী সন্তুষ্ট হইতে পারিবে না, ভারতবাসীর আত্মসম্মান তৃপ্ত হইতে পারিবে না।

ভারতবাসী তাহার জাতি অধিকার ও দাবীর কথা ব্যক্ত করিয়াছে। এখন গভর্নমেন্টে তাহাদের পক্ষ হইতে ইহার উত্তর প্রদান করুন। গভর্নমেন্ট এখন ইহার কি উত্তর দেন, তাহা জানিয়া আমাদের ভবিষ্যৎ কার্যপদ্ধতি নির্ধারিত হইবে। যদি গভর্নমেন্টে ইহার উত্তরে আস্তরিকতা ও উদারতা প্রদর্শন করেন, ভালই, নচেৎ ব্যবস্থা-পরিষদের


বসন্ত মরশুমের শেষেও যদি আমরা আমাদের জাতি দাবীর আস্তরিক ও উদার উত্তর না পাই, তাহা হইলে কংগ্রেস তাঁহার সমস্ত কর্মীকে ব্যবস্থা-পরিষদ সমূহের সদস্য পদ ত্যাগ করিতে অহুজ্জা প্রদান করিবেন এবং কৈলাস হইতে কলিকাতার পর্যন্ত ও সিদ্ধ হইতে ব্রহ্মপুত্র পর্যন্ত সমগ্র ভারতে এমন তেজোগর্ভ বিরটি আন্দোলন উপস্থিত করিবেন, যাহাতে দেশবাসী সর্বস্ব পণ করিয়া জন্মভূমির মুক্তিসাধনে বন্ধপরিকর হইতে অভ্যস্ত হইবে। এই মুক্তিসংগ্রামে আমরা ভয় হইতে মুক্ত হই, ইহাই সর্বনিয়ন্তা ভগবানের নিকট আমার আস্তরিক প্রার্থনা।

কি শিখিলাম ?

ইহাই কংগ্রেস প্রেসিডেন্ট শ্রীমতী সরোজিনী নাইডুর অভিভাষণের সার মর্ম। ইহা দ্বারা তিনি এ বৎসরের



জাতীয় পতাকার উৎসবে লাল লাজপৎ রায়ের প্রার্থনা




পুরুষ বেচাসেমের ক

মত আমাদের রাজনীতিক কর্তব্যপথ নির্ধারণ করিয়া দিয়াছেন। একদিকে তিনি আমাদের গ্রাম ও জাতি-গঠন করিতে উপদেশ দিয়াছেন, অপর দিকে তিনি গভর্ণ-মেণ্টকে ভয় দেখাইয়া বলিয়াছেন যে, যদি আগামী বসন্ত কালের মধ্যে তাঁহারা আমাদের কমনওয়েলথ্ বিলের দাবীর অথবা ব্যবস্থা-পরিষদ-নির্দিষ্ট দাবীর অনুরূপ সংস্কার প্রবর্তিত না করেন, তাহা হইলে দেশে তুমুল আন্দোলন উপস্থিত করিয়া কংগ্রেস দেশবাসীকে চরম ত্যাগার্থ প্রস্তুত করিবেন এবং আত্মশক্তিবলে জন্মভূমির মুক্তি সাধন করিবেন। এই দুইটি ভাবধারার মধ্যে আমরা সামঞ্জস্য খুঁজিয়া পাই না। যদি গ্রাম ও জাতিগঠন করা এগাবৎ সম্পন্ন না হইয়া থাকে, তবে আগামী বসন্ত কালের মধ্যে প্রবলপ্রতাপ সরকারকে ভয় দেখাইয়া কার্যোদ্ধার করা কিরূপে সম্ভবপর হইতে পারে? জগতে কোন সরকারই স্বৈচ্ছার বহুকালের অধিকার বা ক্ষমতা পরিহার করেন না, জনমতের প্রবল শক্তিই তাঁহাকে সে বিষয়ে বাধ্য করিতে পারে, অত্যাধিক নহে। ফ্রান্স, রাশিয়া, আয়ারল্যান্ড প্রভৃতি দেশের দৃষ্টান্ত ছাড়িয়া দিতেছি, কেন না, সে সব দেশে রক্তপাতের মধ্য দিয়া দেশের মুক্তি সাধিত হইয়াছে। কিন্তু ফিনল্যান্ডের দৃষ্টান্ত অপ্রাসঙ্গিক হইবে না। যখন রাশিয়ার জারের অপ্রতিহত শাসনের প্রভাব ফিনল্যান্ডেও বিসর্পিত, সেই সময়ে ফিনল্যান্ডের জনগণ স্বায়ত্ত-শাসন লাভের জন্ত বিরাট আন্দোলন উপস্থিত করে। সে আন্দোলনে জারেরও আসন টলিয়াছিল। জার শেষে বাধ্য হইয়া ফিনল্যান্ডকে স্বায়ত্ত-শাসন দিবেন বলিয়া ঘোষণা করেন। কিন্তু যে দিন ফিনল্যান্ডের প্রকৃত পাল্ল-মেণ্টের উদ্বোধন হইবার কথা, সেইদিন হঠাৎ জারের সেনাদল ফিনল্যান্ডের সমস্ত প্রতিষ্ঠান, সমস্ত 'আটঘাট' অধিকার করিয়া রহিল, জারের বান্টিক নৌ-বাহিনী ফিনল্যান্ডের উপর গোলাবর্ষণের জন্ত প্রস্তুত হইয়া রহিল। সকলেই জানিল, ফিনল্যান্ডের মুক্তির আশা সাগরের অতল তলে তলাইয়া গেল। কিন্তু ঠিক সেই সময়ে ফিনল্যান্ডের দেশপ্রেমিকরা একদিনে একযোগে সমস্ত সরকারী কার্যের সংস্রব ত্যাগ করিতে দেশবাসীকে প্রবুদ্ধ করিলেন। সে কি বিরাট ব্যাপার! সরকারী ডাক, তার, রেল, যান-বাহন, দপ্তর, খাজনাখানা,—কোথাও কেহ কার্যে আসিল

না, জারের সরকার প্রমাদ গণিলেন। ভয়প্রদর্শনে, লোভপ্রদর্শনে, যুক্তিতর্ক কাকুতিমিনতি প্রয়োগে,—কিছুতেই তাঁহারা কার্পণ্য প্রদর্শন করিলেন না। কিন্তু ফিন-লাণ্ডবাসী অটল অচল,—তাঁহারা জন্মভূমির মুক্তি সাধনের জন্ত সর্বস্ব পণ করিয়াছে, কোনও ত্যাগ-স্বীকারে তাঁহারা কাতর নহে। তখন জারের সরকার বাধ্য হইয়া ফিন-লাণ্ডকে প্রকৃত মুক্তি প্রদান করিলেন!

ইহা অধিক দিনের কথা নহে, রাশিয়ার শেষ জারের শাসনকালেই ঘটয়াছিল। অবশ্য ফিনল্যান্ডের সহিত ভারতের তুলনা করা যায় না। ফিনল্যান্ড ক্ষুদ্র দেশ, ফিনরা এক জাতি, একই সভ্যতার অন্তর্গত। সুতরাং তাহাদের পক্ষে একদিনে যাহা সম্ভব হইয়াছিল, ভারতে তাহা একদিনে সম্ভব নহে। ভারত একটা মহাদেশ বলিলেও হয়। এ দেশে নানা জাতির, নানা ধর্ম্মীর বাস। তাহাদের সকলের সভ্যতা একই যুগের বা একই পর্যায়ের নহে। তাহাদের চিন্তার ও ভাবের ধারাও সকল ক্ষেত্রে এক নহে। সুতরাং ফিনল্যান্ডের লোকের মত তাহা-দিগকে ত্যাগসহন ক্ষমতায় অভ্যস্ত করিতে হইলে তাহাদের মধ্যে চিন্তার বা ভাবের যে সামঞ্জস্য-সাপন প্রয়োজন, তাহা অবশ্যই সময়-সাপেক্ষ।

ভারতে নবযুগপ্রবর্তক মুক্তিযুদ্ধের গুরু মহাত্মা গান্ধী ১৯০২ খৃষ্টাব্দে ভারতে বহুল পরিমাণে যে ফিনল্যান্ডের অবস্থা আনয়ন করিয়াছিলেন, তাহা তাঁহার বিরুদ্ধবাদীরাও স্বীকার করিয়া থাকেন। তাঁহার কল্পনাকল্পিত প্রধান তিনটি উপকরণ ছিল,—(১) হিন্দু-মুসলমান মিলন, (২) অম্পৃশ্যতা-নিবারণ, (৩) চরকা ও খন্দর প্রচার ও প্রচলন। এই তিন উপকরণকে ভিত্তি করিয়া তিনি ভারতে ভাবের সামঞ্জস্য প্রয়োজন মত আনয়ন করিতে সমর্থ হইয়াছিলেন। উহার ফলে জনগণ জাতিধর্ম্মনির্কিশেষে স্বরাজ লাভের উদ্দেশ্যে ত্যাগ স্বীকারে অভ্যস্ত হইয়াছিল, মহাত্মা ভারতে এক জাতি গঠনে সাফল্যলাভ করিয়াছিলেন। তাই সেই সময়ে আমীর ফকীর হইয়াছিল, সামান্য দেশকর্ম্মী হইতে সুখে পালিত রাজ্যাধিকারী পর্য্যন্ত অনেকেই হুঃখ কষ্ট বিপদের কষ্টকমুকুট শিরে ধারণ করিতে সমর্থ হইয়া-ছিলেন। হিন্দু, মুসলমান, জৈন, খৃষ্টান, শিখ, পার্শী,—এমন কোনও জাতি ছিল না, যাহার মধ্য হইতে



মহিলা স্বেচ্ছাসেবক

কষ্টসহনক্ষম দেশকর্মীর উদ্ভব হয় নাই। এমন কি নেপালী দেশকর্মী নরনারীও কারাবরণ করিতে অগ্রসর হইয়াছিলেন। ভারতে তখন এক নবযুগের উদয় হইয়াছিল! অহিংস অসহযোগের পক্ষে মুক্তিলাভের এমন দৃষ্টান্ত জগতে বিরল। সে যুগ স্বল্পকালস্থায়ী হইলেও ভারতের ইতিহাসে উহার মূল্য আছে। উহার প্রভাব কেবল ভারতে নহে, জগতের অন্ত্রও বিসর্পিত হইয়াছিল। মিশর, তুর্কী, চীন, জার্মানী, মার্কিন প্রভৃতি নানা দেশে উহার বিজয় ঘোষিত হইয়াছিল, কোন কোন দেশ সেই নীতি গ্রহণ করিয়াছিল। সর্কাপেক্ষা সাফল্যের কথা এই যে, উহাতে প্রবলপ্রতাপ আমলাতন্ত্র সরকার বিচলিত হইয়া এক সময়ে রফার কথায় সম্মত হইয়াছিলেন।

তাহার পর অন্ধকার যুগ। আমরা তাহাতেই এখন বিচরণ করিতেছি। পরস্পর ঘৃণা, হিংসা, সন্দেহ, অবি-
শ্বাস,—এ যুগের লক্ষণ। বরদোলিতে এ যুগের আরম্ভ। বোম্বাই, আমেদাবাদ, চৌরীচৌরা এই যুগ আনয়ন করিয়াছে। মহাত্মা বুঝিয়াছিলেন যে, দেশের লোক সম্পূর্ণ প্রস্তুত হইতে পারে নাই, তাই তিনি আবার নূতন করিয়া জাতি গঠনে প্রবৃত্ত হইয়াছিলেন। হিন্দু-মুসলমান-মিলন, অস্পৃশ্যতা পরিহার এবং চরকা ও খন্দর প্রচলনকে তিনি উহার প্রধান উপকরণ বলিয়া স্থির করিয়াছিলেন। গ্রাম-জনপদে চরকা ও খন্দর প্রচলন দ্বারা দরিদ্র জনসাধারণের অর্থকষ্ট নিবারণ হইতে পারে, পরস্তু সকল সম্প্রদায়ের মধ্যে আদানপ্রদানের ফলে প্রীতির ভাব সঞ্চারিত হইতে পারে, এ কথা মহাত্মা বুঝিয়াছিলেন। সুতরাং এই পথে চিত্তশুদ্ধি লাভ করিয়া ত্যাগসহনের ক্ষমতা অর্জন করিতে বলিয়া মহাত্মা নূতনভাবে ভারতকে গড়িয়া তুলিতে আরম্ভ করিয়াছিলেন। তাহার পর তাঁহার কারাদণ্ড, সঙ্গে সঙ্গে দেশে অবসাদ ও মতদ্বন্দ্বের আবির্ভাব।

মতদ্বন্দ্বের ফলে কাউন্সিল-প্রবেশের মোহ আসিয়াছিল। উহার বিষময় ফল এখন আমরা সকলেই প্রত্যক্ষ করিতেছি। প্রথমেই উহাতে আমরা ত্যাগের পথ ত্যাগ করিয়া সাম্প্রদায়িক স্বার্থদ্বন্দ্বের পথে অগ্রসর হইয়াছি। হিন্দু-মুসলমানে আবার বিরোধের উদ্ভব ইহার প্রথম বিষময় ফল। তাহার পর উত্তেজনার পথে আমরা মুক্তির ইঙ্গিত লইয়া প্রকৃত মুক্তির পথের সন্ধান হারাইয়াছি, আমাদের

জাতীয় শক্তি বিধা ভিন্ন করিয়া শক্তির ক্ষয় করিয়াছি। শেষ ফল;—যে সরকারী সম্মানের ও চাকুরীর মোহ আমরা বিসর্জন করিয়া কষ্টসহনে অভ্যস্ত হইতেছিলাম, সেই মোহে আবার আকৃষ্ট হইয়াছি। মিঃ থাণ্ডে হইতে আরম্ভ করিয়া জয়াকর, কেলকার, পেটেল, মতিলাল,— ইহার প্রকৃষ্ট দৃষ্টান্ত। ইহাদের মধ্যে একে অপরকে ‘সহযোগকামী’ বলিয়া অভিযুক্ত করিতেছেন। কাহারও বা সহযোগের উত্তরে সহযোগ নীতি; আবার কাহারও সম্মানকর সহযোগ নীতি।

কংগ্রেসে এবার পণ্ডিত মতিলালের সম্মানকর সহযোগ নীতি গৃহীত হইয়াছে, জয়াকর কেলকারের সহযোগের উত্তরে সহযোগ নীতির পরাজয় হইয়াছে। ফলে কিন্তু সহযোগ নীতিই প্রকারান্তরে গৃহীত হইয়াছে। সরকারকে সময় দেওয়া হইতেছে, যদি সরকার সেই সময়ের মধ্যে আমাদের সম্মানজনক সহযোগের বিনিময়ে সম্মানজনক সহযোগের আভাস ইঙ্গিত প্রদান না করেন, তাহা হইলে আমরা দেশকে আইন অমান্য করিবার জন্ম প্রস্তুত হইবার অনুকূলে ভীষণ আন্দোলন দ্বারা গঠন করিব। শ্রীমতী সরোজিনী কংগ্রেসের সভানেত্রী-রূপে তাহাই সমর্থন করিয়াছেন, তাহার অধিক নূতন কিছু দিতে পারেন নাই।

সরকারকে এমন ইঙ্গিত ও আভাস দিবার জন্ম ভয় প্রদর্শন করা যে আর হয় নাই, তাহা নহে। পূর্বে এরূপ একাধিকবার হইয়াছে। তাহার ফল কি হইয়াছে? সুতরাং এবার বার বার তিন বার ভয়প্রদর্শনের চেষ্টা হইতেছে কি? কংগ্রেসকর্মী কাউন্সিল ত্যাগ করিলেই কি সরকারের শাসন-কার্য অচল হইবে? বাঙ্গালার দ্বৈত-শাসন নষ্ট হইয়াছে, সরকার নিজ ইচ্ছামত শাসন চালাইতেছেন; তাহাতে কি শাসনের কার্য অচল হইয়াছে? তবে এই মিথ্যা ভয়প্রদর্শনে ফল কি? শ্রীমতী সরোজিনী এই অসার নীতির অকুমোদন করিয়া তাঁহার কর্তব্য পালন করিতে পারেন নাই।

শ্রীমতী সরোজিনী সরকারকে কাউন্সিলের মধ্য দিয়া ভয়প্রদর্শনের পর ভয়প্রদর্শন সফল না হইলে গ্রাম ও জাতিগঠন-কার্যে আত্মনিয়োগ করিতে চাহেন। কেন, সে জন্ম অপেক্ষা না করিয়া কি গ্রাম ও জাতিগঠন এখন

হইতেই আরম্ভ করা যায় না? গ্রাম ও জাতির অর্থাৎ মুক্ত জনসাধারণের মধ্যেই যে আমাদের সমস্ত শক্তি নিহিত, তাহা বোধ হয় তিনি অস্বীকার করিতে পারেন না। অতি অল্প দিন পূর্বে যুক্তপ্রদেশের আমলাতন্ত্রের শাসনকর্তা স্থানীয় জমিদারদিগকে সঙ্ঘোধন করিয়া বলিয়াছিলেন,—এই জনসাধারণই আপনাদের প্রভু (Master), এ কথাটা সর্বদা স্মরণ রাখিবেন। জনসাধারণই গ্রাম ও জাতি। এত দিন তাহাদের সম্বন্ধ হইতে বিচ্ছিন্ন ছিল বলিয়াই কংগ্রেস ধনী, বিলাসী, শিক্ষিত সম্প্রদায়ের অবসর-বিনোদনের ক্ষেত্র ছিল। মহাত্মা গান্ধীই প্রথমে প্রকৃত পক্ষে জনসাধারণের সহিত কংগ্রেসের সম্বন্ধ স্থাপন করিয়া কংগ্রেসে মত্তমাতঙ্গের শক্তি আনয়ন করিয়াছিলেন— তাহার প্রভাব এখনও অল্পভূত হইতেছে। তাঁহার সময় হইতেই কৃষাণ ও শ্রমিক আন্দোলন উপস্থিত হইয়াছে, কংগ্রেস সার্বজনীন প্রতিষ্ঠানে পরিণত হইয়াছে। মহাত্মা গান্ধীর এত শক্তি কিসে? তাঁহার মনোবল সর্বজনবিদিত। সেই অপূর্ণ মনোবলের ফলে তিনি আজীবন সেবাব্রত গ্রহণ করিয়া জনসাধারণের মধ্যে তাঁহার প্রভাব বিস্তার করিয়াছেন। জনসাধারণের সেবা তাঁহার জীবনের ব্রত, তাই আজ ভারতের দিগ্দিগন্তে যেখানেই তাঁহার আবির্ভাব হয়, সেই স্থানেই জনগণ তাঁহার ‘দর্শনের’ জন্ম উন্মত্ত হয়, ‘মহাত্মা গান্ধী’ জয়-রবে গগন-পবন মুখরিত করে।

কংগ্রেস জনগণের উপর সে প্রভাবে বঞ্চিত হইলে কংগ্রেসের কি মূল্য থাকে? শ্রীমতী সরোজিনী প্রথমে কাউন্সিলের প্রভাবের উপর নির্ভর করিয়া পরে জনসেবা গ্রহণ করিতে চাহিয়াছেন। এইখানেই তাঁহার অভিভাষণের অসাফল্য স্পষ্টই প্রতীয়মান হয়। কাউন্সিলের মায়ার প্রভাব মুক্ত হইতে না পারিয়া কংগ্রেস-নেত্রী কংগ্রেসের মহান আদর্শ ও লক্ষ্য হইতে ভ্রষ্ট হইয়া পড়িয়াছেন।

সেদিন শ্রীযুক্ত রাজাগোপালাচারী মাদ্রাজের জাতীয় দলকে সঙ্ঘোধন করিয়া বলিয়াছেন,—You are doing nothing in the Councils, really nothing. The idea of obstruction is dead and gone. It is impossible to revive it. What is the use of impotent cry for Home Rule without

power behind the cry? Win affection and gratitude of our masses and you will be invincible. Win it by service rendered by saving people from wretchedness and want, by abolition of drink trade.

ইহাই প্রকৃত মুক্তির পথ, ইহাই আমাদের গ্রহণ করিতে হইবে। মহাত্মা গান্ধী স্বরাজ্য দলকে সমর্থন করিলেও কংগ্রেসের স্বদেশী প্রদর্শনীতে এই কথাই বলিয়াছেন,—“চরকা বন্ধ করে গ্রাম ও জাতি গঠন কর, হিন্দু-মুসলমানে প্রীতিস্থাপন কর, অস্পৃশ্যতা দূর কর, গ্রামে গিয়া জনসাধারণের মধ্যে কার্য্য কর।” ইহাতে একাগ্রতা চাই, উৎসাহ চাই, স্বার্থত্যাগ চাই, দেশপ্রেম চাই। নতুবা শত কাউন্সিলের মধ্য দিয়া ভয়প্রদর্শন করিলেও আমাদের ব্রত সফল হইবে না।

শ্রীমতী সরোজিনী পূর্ণাঙ্গঃকরণে দেশবাসীকে এই পথ দেখাইতে পারেন নাই। দেশের সম্মুখে কি কি প্রবল সমস্যা উপস্থিত হইয়াছে, কেবল তাহা বর্ণনা করিয়া গেলে সমস্যা সমাধানের উপায় নির্দেশ করা হয় না। দৃষ্টান্ত স্বরূপ হিন্দু-মুসলমান সমস্যা সম্পর্কে তাঁহার পরামর্শ ও উপদেশের কথা উল্লেখ করা যাইতে পারে। তিনি ইঙ্গিত করিয়াছেন, উভয় সম্প্রদায় যদি mutual forbearance অর্থাৎ পরস্পর ক্ষমাঘৃণা করেন এবং উভয় সম্প্রদায়ের নারীগণ যদি পরস্পর প্রীতি প্রদর্শন করেন ও পুত্রকন্যাগণকে পরস্পরের প্রতি সহিষ্ণু ও প্রীতিভাবাপন্ন হইতে শিক্ষা দেন, তাহা হইলে এই সমস্যার সমাধান হইতে পারে। কিন্তু এই ‘যদি’ কথাটা কিরূপে বাস্তবে পরিণত হইবে, তাহা তাঁহার অভিভাষণে নাই। সার আবদর রহিমের মত মুসলমান কালাপাহাড় থাকিতে এই ‘যদি’ কি কখনও বাস্তবে পরিণত হইবে? হিন্দু ও মুসলমান নারীরা কিরূপে পরস্পর মিলিত হইবেন ও প্রীতির জলসা করিবেন, তাহা অভিভাষণে নির্দিষ্ট হয় নাই। কেবল কতকগুলি গলিত ‘চর্কিত-চর্কণ’ মুখে বলিয়া গেলে সমস্যার প্রকৃত সমাধান করা হয় না। অভিভাষণে একটাও নূতন কর্মপদ্ধতির (Line of Action) উল্লেখ নাই। কেবল এক বিষয়ে কিছু অভিনব আছে, কংগ্রেসের কর্মকাণ্ড চালাইবার জন্ম ভিন্ন ভিন্ন

বিভাগের সৃষ্টি। কিন্তু জাতির জীবন মরণের সমস্ত-সমাধানে শিখিবার বা জানিবার কিছুই অভিভাষণে নাই।

আয়ারল্যান্ডের মুক্তিদূত টেরেন্স ম্যাক-সুইনী বলিয়া-ছিলেন, “The only condition on the fulfilment of which the freedom of a subject nation depends, is her real will to freedom, পরাধীন জাতির মুক্তি তাহার মুক্ত হইবার আন্তরিক ইচ্ছার উপর নির্ভর করে।” দেশবাসীর মধ্যে মুক্তির এই আন্তরিক ইচ্ছা জাগ্রত না হইলে অপরকে শত ভয়-প্রদর্শনেও মুক্তি আসিবে না। বতদিন আমরা জন-সাধারণের মধ্যে সেই ইচ্ছার ক্ষেত্র প্রস্তুত করিতে সমর্থ না হইব, ততদিন আমরা কাউন্সিল খেলাঘরের খেলানা ও মারামারি লইয়াই ব্যস্ত থাকিব।

এই ইচ্ছার ক্ষেত্র কিরূপে প্রস্তুত করিতে হইবে? তাহারা কি, কত বড়—বিরাট, কিরূপ শক্তিশালী, সজ্ববদ্ধ-ভাবে কামনা করিলে তাহাদের নিকট কি অজ্ঞেয় থাকিতে পারে,—এ সকল কথা তাহাদিগকে বুঝাইতে হইবে। কেন তাহারা অদৃষ্টের উপর সকল অপরাধের বোঝা চাপাইয়া অমানবদনে দুঃখ-শোক-জরা-মৃত্যু সহিয়া গতানু-গতিক জীবন যাপন করিয়া যায়, তাহা তাহাদিগকে জানাইতে হইবে। এজন্য তাহাদের মধ্যে বসবাস, তাহাদের সুখ-দুঃখে সহানুভূতি ও সমবেদনা প্রদর্শন, তাহাদের সেবা পরিচর্যা প্রয়োজন। এ বিষয়ে আমরা অনভ্যস্ত নহি। দেশে ছুর্ভিক্ষে, মহামারীতে, মেলায়, প্লাবনে আমাদের কর্মীরা তাহাতে অভ্যস্ত হইয়াছে। এখন চাই তাহার সজ্ববদ্ধ চেষ্টা।

কিন্তু প্রথমেই এই সেবাত্রতধারী ‘মিশনারীদের’ আপনাদের চিন্তাশুদ্ধি করা প্রয়োজন। এজন্য তাঁহাদিগকে

প্রথমেই অন্তরে দেশপ্রেম জাগাইতে হইবে। দেশবন্ধু দাশ বলিয়াছিলেন, স্বরাজ অন্তরের, বাহিরের নহে। অন্তরে মুক্তির সন্ধান পাইলেই বাহিরে মুক্তির বাসনা জাগিয়া উঠে। দেশকর্মীদিগকে তাই অন্তরে মুক্তির সন্ধানের অনুকূল মনোবৃত্তিতে অভ্যস্ত হইতে হইবে। বিকৃত শিক্ষার মনো-বৃত্তি পরিহার করিয়া দেশের সনাতন ভাব-ধারায় অনু-প্রাণিত হইতে হইবে। আচার্য্য জগদীশচন্দ্র যেমন বারাণসী বিশ্ববিদ্যালয়ের কনভোকেশনের অভিভাষণে উদ্ভিদের দৃষ্টান্ত দিয়া বুঝাইয়াছিলেন যে, “বৃক্ষ তাহার জন্মস্থলের মৃত্তিকার মধ্যে দৃঢ়ভাবে মূল প্রবেশ করাইয়া দিয়া প্রতিষ্ঠিত থাকে বলিয়া সে বাহিরের আঘাত সহ করিবার ক্ষমতা অর্জন করে”, তেমনই কর্মীরা তাহাদের সনাতন ভাব ধারা অক্ষুণ্ণ রাখিয়া সময়ের পরিবর্তনের তরঙ্গাভিঘাত সহ করিয়া দণ্ডায়মান হইতে সমর্থ হয়। আচার্য্য জগদীশচন্দ্র বলেন, “ভারত তাহার সনাতন ভাবধারার সূত্র কখনও হারায় নাই, তাহার বৈশিষ্ট্য নানা পরিবর্তনের মধ্য দিয়া জাগাইয়া রাখিয়াছে; কিন্তু সঙ্কে সঙ্কে সেই পরিবর্তনের সহিত সামঞ্জস্য রাখিয়া চলিয়াছে।” এই ভাবে মনোবৃত্তির বিকাশ করিয়া চিন্তাশুদ্ধি করিতে হইবে। তাহা হইলে দেশকর্মীরা গ্রাম ও জাতিগঠনে সমর্থ হইবেন।

যুগপ্রবর্তক মহাত্মা গান্ধী এখনও জ্ঞানের বর্ধিকালোক হস্তে লইয়া নিরাশার ঘনান্ধকারের মধ্যে আমাদের মুক্তির পথ দেখাইয়া দিতেছেন। শ্রীমতী সরোজিনী মহাত্মার মন্ত্রশিষ্যা—তিনি গুরুনির্দিষ্ট ত্যাগমন্ত্রেরও পক্ষপাতিনী; কিন্তু দুঃখের কথা, তিনি গুরুর উপর একান্ত নির্ভরশীল হইতে পারেন নাই, তাই তাঁহার মন সংশয়দোলায় দোহলা-মান হইয়াছে। সে সংশয়াকুল মন লইয়া দেশবাসীকে কর্তব্য পথ দেখাইয়া দেওয়া কাহারও পক্ষে সম্ভব নহে!

সান্ত্বনা

যদি কোন দিন জীবনের পথ

দুঃখময় মনে হয়,

যদি কভু তব সুখের গগন

হয় মেঘে মেঘময়,

যদি গিয়ে পড় অকূল সাগরে

শান্ত বিহগ সম,

উর্ধ্বে চাহিয়ো, সেখান পথিক!

আছে সুখ অল্পম।

শ্রীউমানাথ ভট্টাচার্য্য।



পারস্যে আবার নাদীর শা

প্রাচীন পারস্য বা ইরানের শা-ইন-শাহের রাজতন্ত্র হইতে কাজার রাজবংশ অপসারিত হইলেন এবং তাঁহাদের স্থলে এক অজ্ঞাত কুলশীল সাম্রাজ্য ব্যক্তি সিংহাসনে উপবেশন করিলেন,—তাঁহার নাম রেজা খাঁ পহ্লাবী অর্থাৎ পহ্লাবীবংশীয় রেজা খাঁ (পহ্লাবীবংশীয়গণের নাম ভারতের ইতিহাসেও পাওয়া যায়, তবে পারস্যের এই পহ্লাবী-বংশীয়গণের সহিত তাঁহাদের সংশ্লিষ্ট ছিল কি না, প্রত্নতত্ত্ববিদগণের তাহা আলোচনীয়)। রেজা খাঁ সাম্রাজ্য কৃষকের পুত্র, অর্থাৎ তিনি আজ নাদীরের সিংহাসনে উপবিষ্ট। তবে নাদীর শা দিল্লীর ময়ূর সিংহাসন লুণ্ঠন করিয়া পারস্যে আনয়ন করিয়াছিলেন এবং সেই সিংহাসনে বসিয়া দোর্দণ্ডপ্রতাপে অর্ধ এশিয়া শাসন করিয়াছিলেন; রেজা খাঁর সেই ময়ূর সিংহাসন নাই, তিনি পারস্যের তক্ত ই-তাউসে বসিয়া রাজাশাসন করিতেছেন। নাদীরের মত তাঁহার রাজ্য-বিস্তারের কামনা নাই, বিদেশ জয়যাত্রার আগ্রহও নাই; কিন্তু তাহা হইলেও নাদীর শা তাঁহার আদর্শ। আবার পারস্য নাদীরের আদর্শের পারস্যের মত কিরূপে জগতে শ্রেষ্ঠ স্থান অধিকার করিবে, এই আকুল কামনা, রেজা খাঁর অগ্রিমজাগত।

ইরান—গোলাপ বুলবুলের দেশ ইরান, ভাষা-শিল্পে, কলা-সৌন্দর্য্যবিকাশে অতুলনীয় ইরান, হাকিক, সাদীর, ওমর খায়েমের ইরান,—যে ইরানের কলাশিল্পী জগতে অতুল শিল্প নিদর্শন রাখিয়া গিয়াছেন, সেই ইরান আবার কিরূপে জগতে গর্ভোন্নত শিল্প উত্তোলন করিয়া জ্ঞান-বিজ্ঞানে, ঐশ্বর্য্য-সম্পদে অস্ত্রান্ত স্বাধীন জাতির স্তার দণ্ডায়মান হইবে, রেজা খাঁর তাহাই আকাঙ্ক্ষা, সে আকাঙ্ক্ষার তাঁহার অন্তর অহনিশ পূর্ণ হইয়া আছে। অর্থাৎ রেজা খাঁ কে? তিনি ত সাম্রাজ্য সৈনিকরূপে অসি হস্তে ভাগ্যপথ পরিষ্কৃত করিয়াছেন, তিনি নিজের অপূর্ণ প্রতিভার বলে আজ পারস্যের শা-ইন-শা হইয়াছেন। যে পারস্য জয়ধুর, সাইয়াল, দরিয়াস, সোরাব রসুম, হাকিক, সাদী, জামাল-উদ্দীন, শা আববাস, নাদীর শাহ লীলাক্ষেত্র ছিল, আজ সেই পারস্যে সামান্য সৈনিক রেজা খাঁ কিরূপে শীর্ষস্থানীয় হইতে সমর্থ হইলেন?

আর্ম্যান যুদ্ধকালে আর্ম্যানীর মার্কিন দূত মিঃ জেরার্ড বলিয়াছিলেন, জগতে 'সম্রাটের যুগ' অতীত হইল, গণতন্ত্রের যুগ আরম্ভ হইল; অর্থাৎ অপ্রতিহতশক্তি স্বেচ্ছাচারী সম্রাটরা আর ভবিষ্যতে রাজ্য-শাসন করিতে পারিবেন না, রাজা আর আর কেহ থাকিবেন না।

যদি কেহ থাকে, তাঁহাকে জনসাধারণের ইচ্ছাশক্তির মুখ চাহিয়া রাজ্যশাসন করিতে হইবে। বস্তুতঃ রুসিয়া, আর্ম্যানী, অষ্ট্রিয়া, জেকোম্বাভিয়া, পোলাণ্ড, হাঙ্গারী, তুর্কী, চীন প্রভৃতি দেশে রাজ্য-শাসনতন্ত্রের পরিবর্তে গণশাসনতন্ত্র প্রতিষ্ঠিত হইয়াছিল; পরন্তু পারস্য, মিশর প্রভৃতি দেশেও রাজা থাকিলেও জনগণের প্রতিনিধি-সভা দেশেব শাসনকাণ্ডা নিয়ন্ত্রিত করিতেছিলেন। এ সকল দেখিয়া গুনিয়া গণতন্ত্রের যুগ আনিয়াছে বলিয়া মনে হওয়া বিচিত্র নহে।

কিন্তু তাহার পর যে যুগ আসিয়াছে, তাহাতে মাসোলিনি, ট্রি রিভেরা, লেনিন, চাঙ্গ-সোলিন, উপেইফু প্রভৃতি Dictator বা ভাগানিয়ামকের আবির্ভাব হইয়াছে, তাহারা তাঁহাদের ব্যক্তিত্বের প্রভাবে নানা দেশে স্বেচ্ছাচার প্রণোদিত শাসনতন্ত্রের প্রতিষ্ঠা করিয়া-

ছেন। সুতরাং স্বেচ্ছাচার শাসনের যুগ যে চিরতরে অন্তিমিত হইয়াছে, এ কথা নিঃসংশয়ে বলা যায় না। চীনের মত যুগ যুগ রাজ্যশাসন নিয়ন্ত্রিত দেশেও যখন গণতন্ত্র শাসন প্রতিষ্ঠিত হইবার পরেও স্বেচ্ছাচারী নিয়ামকের আবির্ভাব সম্ভব হইয়াছে, তখন প্রাচীন পারস্যেও যুগ যুগ প্রচলিত রাজ্য-শাসনের যে পুনঃ প্রবন্ধন হইবে না, ইহা কেহ নিশ্চিতরূপে বলিতে পারেন না। পারস্যে রেজা খাঁর আবির্ভাব ইহাতেই সম্ভব হইয়াছে।

পহ্লাবীরা এক সময়ে ইরান শাসন করিয়া-ছিলেন। জেন্দ রাজবংশের পর ইরানে পহ্লাবী-বংশের উদয় হইয়াছিল। কাস্পীয় সাগরের দক্ষিণে পার্শ্বতা রাদবার জিলার আলামৎ নামক স্থানে রেজা খাঁর জন্মস্থান। ঐ স্থানেই পহ্লাবীবংশীয়রা বহু প্রাচীন কাল হইতে প্রভাব বিস্তার করিয়া আসিতেছেন।

ইরানের বর্তমান ইতিহাসে রেজা খাঁর উত্তর ও উন্নতি উপন্যাসের ঘটনাবলীর মত বিচিত্র ও মনোরম। সামান্য সৈনিক হইতে তিনি ক্রমে পারস্যের প্রধান মন্ত্রী ও সমর-সচিবের পদে উন্নীত হইয়াছিলেন। আর্ম্যান যুদ্ধের পূর্বে প্রাচীন ইরান ইংরাজ ও রুসের প্রভাবে



রেজা খাঁ পহ্লাবী

প্রভাবান্বিত হইয়াছিল, উত্তর ইরান রুসিয়ার Sphere of influence এবং দক্ষিণ ইরান ইংরাজের Sphere of influenceরূপে পরিণত হইয়াছিল; শাহ তাঁহাদের ক্রীড়নকে পরিণত হইয়াছিলেন। পারস্যের তৈলের খনি উত্তর শক্তির আকর্ষণের বিষয় হইয়াছিল। এই তৈলের মালিকানি স্বত্বলাভের জন্য আন্তর্জাতিক চক্রান্তের সৃষ্টি হইয়াছিল। ইরান উত্তরের মধ্যে ভাগাভাগি হইয়া বাইতে বসিয়াছিল। মহাযুদ্ধের কালে রুসিয়ার অন্তর্বিগ্রহ উপস্থিত হইলে ইরানে রুসিয়ার প্রভাব শিথিলমূল হইয়া পড়ে। মেধাবী রেজা খাঁ সে সুযোগ পরিত্যাগ

করেন নাই। গাজী মুতাকা কামাল পাশা যেমন তুর্কী সুলতানকে (খলিফাকে) পদচ্যুত করিয়া তুরস্কে নূতন শাসন প্রবর্তন করিয়াছিলেন, গাজী আবদুল করিম যেমন করাসী ও স্পেনের ক্রীড়নক মরকোর সুলতানের শাসন না মানিয়া মুরদেশে নূতন শাসন প্রবর্তন করিয়াছিলেন, রেজা খাঁও তেমনই ইরাণকে পরের প্রভাব হইতে মুক্ত করিয়া ইরাণে নূতন শাসন প্রবর্তন করিলেন। জগতে এইরূপে নানা দেশে মোশলেম শক্তির প্রকৃত প্রাণপ্রতিষ্ঠা হইল। এ জন্ত রেজা খাঁ ইরাণের নবযুগ প্রবর্তকরূপে—ইরাণের মুক্তি-দূতরূপে ইতিহাসে সুবর্ণাকরে নামাঙ্কিত করিয়া রাখিলেন।

সাইরাসের রাজত্বকালে ইরাণ জগতের সাম্রাজ্যগণের মধ্যে শ্রেষ্ঠত্বের আসন লাভ করিয়াছিল। তিনি লাইভিয়ার ধনকুবের রাজা ক্রিসাসকে রণে পরাজিত করিয়াছিলেন এবং মিডস ও ব্যাবিলোনিয়ানদিগকেও পরাস্ত করিয়া তাহাদের রাজ্য অধিকার করিয়াছিলেন। কাম্বাইসান, দরায়ুস ও শেরের (Xerxes) রাজত্বকালে মিশর ও এসিরামাইনর ইবাণের অন্তর্ভুক্ত হইয়াছিল। সে যুগে ইরাণ জলে স্থলে সর্ব্বা-পেক্ষা শক্তিশালী রাজ্য বলিয়া পরিগণিত হইয়াছিল। মধ্যযুগে সেনুসি, সাসানিয়ান, সেলজুক ও মুকি প্রভৃতি কত রাজত্বের এই প্রদেশে উত্থান-পতন হইয়াছে। জেরিস খাঁ এক সময়ে এই দেশ জয় করিয়াছিলেন। তাহার পর ইংলণ্ডে হানোভার রাজত্বকালে নাদীর শাহ আবার ইরাণকে শ্রেষ্ঠত্বের পাদে উন্নীত করিয়াছিলেন। তিনিই জেরিস, অস্তিনা ও তাইমুরের মত এসিরার শেষ নেপোলিয়ান। আমেদ শা আবদালির সময়েও ইরাণ আবার একবার ঐহিক উন্নতিঃ শীর্ষদেশে উপনীত হইয়াছিল।

বর্তমান কালে কাজার রাজবংশের শা নাসীরুদ্দীন পারস্যের শেষ স্বাধীন নৃপতি। ১৮২৬ খৃষ্টাব্দে তিনি এক ধর্ম্মাঙ্গ আততায়ীর হস্তে নিহত হইলেন। তাঁহার উত্তরাধিকারী শা নোজাকর ঋণের দায়ে ইংরাজ ও রুসের ক্রীড়নকরূপে পরিগণিত হইলেন। তখন পারস্যের জনসাধারণ তাঁহার উপর অসন্তুষ্ট হইয়া গণতন্ত্র শাসনপ্রতিষ্ঠার জন্ত তাঁহাকে উত্থাপিত করিয়া তুলে। তাহারই ফলে ১৯০৬ খৃষ্টাব্দে পারস্যে প্রথম 'মজলিস' বা প্রজার প্রতিনিধি সভার (Parliament) উদ্বোধন হয়।

নাসীরুদ্দীনের উত্তরাধিকারী মহম্মদ আলি নব-প্রবর্তিত মজলিস মানিয়া চলিবেন বলিয়া প্রতিশ্রুত হইলেন। কিন্তু মজলিসে ক্রমে গোলযোগ উপস্থিত হইল। প্রাচীন রাজতন্ত্র-প্রয়াসী দলের সহিত নবীন সংস্কারকারী দলের মনোমালিন্য উপস্থিত হইল; ১৯০৮ খৃষ্টাব্দে শাহের প্রাণনাশের এক বড় বস্ত্র ধরা পড়িল। তখন মহম্মদ আলি তাঁহার রুসিয়ান কসাকগণের সাহায্যে মজলিস ভাঙ্গিয়া দিলেন। বিলাতে যেমন ColonelPride's purge বা বলপূর্ব্বক পার্লামেন্ট ভঙ্গ করা হইয়াছিল, মহম্মদ আলিও তেমনই ভাবে পারস্যের নব-প্রবর্তিত পার্লামেন্ট ভঙ্গ করিয়া দিলেন।

ইহার পর পারস্যের স্বাধীনালিষ্ট দেশভেদিকরা চারিদিকে বিক্রোহ ধ্বংসা উত্তোলন করিলেন এবং এমন কি রাজধানী তিহারাণেও রাজপক্ষে ও প্রজাপক্ষে যুদ্ধ চলিল। শেষে শাহকে রুসিয়ান

দূতাবাসে আশ্রয় গ্রহণ করিতে হইল। শাহ সিংহাসন ত্যাগ করিয়া বৃতিভোগী হইয়া রুসিয়ান ওডেসা বন্দরে বাস করিতে সম্মত হইলেন। তাঁহার নাবালক পুত্র শা আমেদ মিরজাকে পারস্যের সিংহাসনে বসান হইল। সেই সময়ে মার্কিনজাতীয় মিঃ স্টিয়ারকে পারস্যের অর্থ-নীতিক পরামর্শদাতা নিযুক্ত করা হইল। কিন্তু তিনি শীঘ্রই পদত্যাগ করিলেন। তিনি সেই সময়ে বলিয়াছিলেন যে, ইংরাজ ও রুসিয়ান চক্রান্তে পারস্যে স্বাধীন শাসনতন্ত্র প্রতিষ্ঠার উপায় ছিল না।

১৯১৪ খৃষ্টাব্দে নবীন শাহের রাজ্যাভিষেকের সঙ্গে সঙ্গে আবার মজলিস বসিল। তখন জার্মান-যুদ্ধ বাধিয়াছে। শাহ জার্মানীর বিপক্ষে দণ্ডায়মান হইলেন। শা আমেদ মিরজা রাজ্যশাসনে এক-বারেই অকর্ম্মণ্যতা প্রকাশ করিতে লাগিলেন। তিনি দুর্ব্বল চিত্ত, আত্মোপশ্রয়, ভোগী ও বিলাসী। তাঁহার বয়স এখন ৩০ বৎসরের অধিক নহে। কিন্তু এই বয়সের মধ্যেই তিনি মুরোপে—বিশেষতঃ প্যারী সহরে সুরা ও সুন্দরী লইয়া কালাতিপাত করিতে অত্যন্ত হইয়াছিলেন। রাজ্যের উন্নতিবিধানে তিনি একেবারেই অমনোযোগী ছিলেন। তাই আজ তাঁহাকে ৩০ বৎসর অতিক্রম করিতে না করিতে রাজ্য হইতে নির্বাসিত হইয়া প্যারী সহরে সামান্ত লোকের স্তায় বাস করিতে হইতেছে। ১৯২৩ খৃষ্টাব্দে শাহ নিজের রাজ্য ছাড়িয়া প্যারী যাত্রা করেন এবং সেখানে সুরা ও সুন্দরী লইয়া এবং জুয়া খেলিয়া কালাতিপাত করিতে থাকেন। দরিদ্র পারস্যীক প্রজার কষ্ট-দন্ত অর্থাৎ এইরূপে ব্যরিত হইতে থাকে। সুতরাং আজ যে তাঁহাকে পারস্যের জনমত সিংহাসনচ্যুত করিয়াছে, এ জন্ত ছুঃখ বা অনুতাপের কথা কিছুই নাই। এখন তাঁহাকে বৃতিভোগী হইয়া জীবনের অবশিষ্ট কাল অতিবাহিত করিতে হইবে। তবে তাঁহার এক সাঙ্খ্যনা এই যে, তিনি বহু মূল্যের রত্নালঙ্কার প্রাপ্ত হইয়াছেন।

পূর্বেই বলিয়াছি, আজ যিনি পারস্যের দণ্ডমণ্ডের কর্তা হইলেন, সেই মহম্মদ রেজা খাঁ পল্লবী কৃষাণের সন্তান। বাল্যে তাঁহার শিক্ষার কোনও সুযোগ হয় নাই; কিন্তু তিনি পরে এই অভাব নিজের চেষ্টায় পূর্ণ করিয়াছিলেন।

প্রথম জীবনে রেজা খাঁ পারস্যীক কসাক সৈন্যদলের এক জন সামান্য সৈনিক ছিলেন। জার্মান যুদ্ধের পূর্বে রুসিয়ান সেনানীদের দ্বারা এই সৈন্যদল পারস্যে গঠিত হইয়াছিল। ১৯২১ খৃষ্টাব্দে রেজা খাঁ সামান্য সৈনিক হইতে নিজ কৃতিত্বে সেনাপতির পদে উন্নীত হইয়াছিলেন। ঐ সময়ে পারস্যের শাহ আমেদ মিরজা ইংরাজের সহিত এক সন্ধিবন্ধনে আবদ্ধ হইতে ইচ্ছা প্রকাশ করেন। ইহাতে পারস্যে নানা স্থানে প্রজা বিক্রোহ উপস্থিত হয়। তীক্ষ্ণী রেজা খাঁ দেখিলেন, উহাই উপযুক্ত অবসর। তিনি এক দিন শীতের সন্ধ্যায় কাসভিন সহর হইতে সৈন্যে রাজধানী তিহারাণের অভিমুখে যাত্রা করিলেন।

তৎপূর্বে ১৯২০ খৃষ্টাব্দে পারস্যের কসাক সৈন্যদলের রুসিয়ান সেনানীরা পারস্য হইতে বিতাড়িত হইয়াছিলেন। তাঁহারা জারের ভক্ত ছিলেন এবং রাজতন্ত্র শাসনের পক্ষপাতী ছিলেন। সুতরাং বলশেভিক গণতন্ত্রের উত্থানকে কোনও সাহায্য প্রদান করিলে



শা আমেদ মিরজা

না। বলশেভিকরা ১৯২০ খৃষ্টাব্দে পারস্যের সেনাদলকে পরাজিত করিয়া এনজেলি অধিকার করে ও রেল অভিমুখে অগ্রসর হয়। কিন্তু তখন ব্রিটিশ সৈন্য কর্তৃক বাধাপ্রাপ্ত হইয়া হঠিয়া যায়। ইংরাজের সেনাপতি আয়রণসাইড ঐ সময়ে শাহ আমেদকে রুসিয়ান সেনানীদিগকে কর্তৃত্ব করিতে বাধা করেন। রেজা খাঁ সেই অবসর ভোগ করিলেন না। তিনি সেই সময়ে পারসীক কসাক সৈন্যদলের সেনাপতিত্ব গ্রহণ করিলেন। ইংরাজের সহিত তাঁহার সন্ধাব ছিল।

রেজা খাঁ এইরূপে সেনাপতিত্ব গ্রহণ করিয়া রাজধানী তিহারান আক্রমণ করিলেন এবং পুরাতন শাসনতন্ত্র পরিবর্তন করিয়া নূতন গভর্নমেন্ট প্রতিষ্ঠা করিলেন। তিনি জিন্নাউদ্দীনকে মজলিসের প্রধান মন্ত্রীর পদে বসাইয়া নিজেই শাসনদণ্ড পরিচালনা করিতে লাগিলেন। কিন্তু জিন্নাউদ্দীনের গভর্নমেন্ট দীর্ঘই পদভাগ করিলেন। তাহার পর অল্প দিনের মধ্যে কয়েকটি গভর্নমেন্টের উত্থান-পতন হইল। রেজা খাঁ সেই সময়ে পারস্যের Dictator বা ভাগ্যানিয়ামক হইলেন। তখন তিনিই প্রকৃতপক্ষে পারস্যে সর্বস্বত্বী হইলেন। ১৯২৩ খৃষ্টাব্দে রেজা খাঁ স্বয়ং প্রধান মন্ত্রীর পদ গ্রহণ করিলেন। তৎপূর্বে তিনি সমর-সচিব ও সর্দার সিপা (প্রধান সেনাপতি) ছিলেন। ঐ বৎসরেই শাহ আমেদ যুরোপ যাত্রা করেন।

প্রধানের পদে বরিত হইয়া রেজা খাঁ অশান্ত পারস্যে শৃঙ্খলা ও শান্তি আনয়নের জন্য প্রাণপণ প্রয়াস পাইলেন। তিনি পারস্যের সেনাদলের অত্যন্ত পিয়পাত্র; এত দিন পরে তাঁহার আমলে পারসীক সেনারা রীতিমত বেতন, আহাৰ্য ও পরিচ্ছদ পাইতে লাগিল। ইহাই তাঁহার জনপ্রিয়তার কারণ।

তিনি সৈন্তগণকে শৃঙ্খলা ও যুরোপীয় প্রকার সময় শিক্ষা দিতে লাগিলেন। পারস্যের সীমান্ত সমূহেও তিনি সশাসন ও শৃঙ্খলার প্রবর্তন করিলেন; বিশেষতঃ যেখানে তৈলের খনিসমূহ অবস্থিত, সেই লুন্ডিহানে তাঁহার অমোঘ শাসনদণ্ড স্তায় ও ধর্মের নিদর্শনরূপে পরিচালিত হইতে লাগিল। ইহাতে পারস্যের সম্পদ বৃদ্ধি হইতে লাগিল। আরবী-স্থানেও (পারস্যের একটি প্রদেশ) তিনি পারস্যের শাসন সুপ্রতিষ্ঠিত করিলেন। তত্রত্য মোহাম্মদের শেখ খাসাল এত দিন তিহারানের কর্তৃত্ব স্বীকার করেন নাই। তাঁহার দগততা ও অত্যাচারে স্থানীয় অধিবাসিবৃন্দ সর্বদা সশঙ্ক ছিল। শেখ খাসালকে তিনি দমন করিলেন বটে, কিন্তু তিনি তাঁহার প্রতি কঠিন ব্যবহার করেন নাই। বরং তিনি দয়া ও সৌজন্য প্রকাশের দ্বারা তাঁহাকে বশীভূত করিয়াছেন। ১৯২১ খৃষ্টাব্দে তিনি পারস্যের বিখ্যাত দস্থা-সর্দার (পারস্যের রবিণ হুড) কুচলিক খাঁকে এবং কুর্দ সর্দার সিমকোকে দমন করিলেন। পরন্তু যেসেদের বিদ্রোহ উপশান্ত করিলেন। ইহার পরে ক্রমে ক্রমে বক্তিমারী ও কাসগাই জাতীয় দুর্দর্শ বিদ্রোহীরা তাঁহার নিকট পরাজয় স্বীকার করিল। ঐ বৎসরের মে মাসে ইংরাজরাও উত্তর পারস্য হইতে তাঁহাদের সৈন্ত অপসারণ করিলেন। এখন কেবলমাত্র পারসীক বালুচিস্থানে শান্তি প্রতিষ্ঠা করার কার্য অবশিষ্ট আছে; নতুবা রেজা খাঁ অতি অল্পসময়ের মধ্যে পারস্যের সর্বত্র যে ভাবে শান্তি ও শৃঙ্খলা প্রতিষ্ঠা করিয়াছেন, তাহাতে অগতের লোকের বিস্মিত হওয়া আশ্চর্যের বিষয় নহে।

দস্যতা নিবারিত এবং শান্তি ও শৃঙ্খলা প্রতিষ্ঠা হওয়ার রাজ্যমধ্যে প্রজারা গৃহে ও নিরাপদে বাস করিতেছে এবং ব্যবসায়-বাণিজ্যের ধীরে ধীরে উন্নতি হইতে আরম্ভ করিয়াছে। রেজা খাঁ ইহাতেও কান্দ করেন নাই। তিনি ডাক্তার মিলস পাউয়ের অধীনে এক মার্কিন অর্থনীতিক কমিশন বসাইয়াছেন। এই কমিশন অল্পদিনেই পারস্যের অর্থনীতিক অবস্থার যথেষ্ট উন্নতি সাধনে সমর্থ হইয়াছেন।

১৯২৪ খৃষ্টাব্দে পারস্যে এক গণতন্ত্র শাসন প্রতিষ্ঠা করিবার কথা

উঠে। রেজা খাঁ নিরামক হইবার পরেই শাহ আমেদ যুরোপে গিয়া বাস করিতে থাকেন, এ কথা পূর্বেই বলিয়াছি। সুতরাং পারস্যে কিরূপ শাসনতন্ত্র প্রবর্তিত থাকে, ইহা এক সমস্তার বিষয় হইয়া উঠে। মৌলভী ও মোল্লারা গণতন্ত্র শাসন প্রতিষ্ঠার যোর প্রতিবাদ করিলেন। রেজা খাঁ মুসলমান তীর্থস্থানসমূহে ধর্মকার্য সম্পন্ন করিয়া মোল্লাগণের ঐতি অর্জন করিলেন। তাহার পর ১৯২৪ খৃষ্টাব্দের ফেব্রুয়ারী মাসে তীর্থভ্রমণের পর রাজধানীতে আসিয়া রেজা খাঁ ঘোষণা করিলেন যে, তিনি অতঃপর শাহের নিকট রাজ্যশাসনের জ্ঞান দায়ী থাকিবেন না, দায়ী থাকিবেন মজলিসের নিকট; অত্যা তিনি প্রধান মন্ত্রীর পদ ভাগ করিবেন। তখন মজলিসের সদস্যগণ প্রমাদ গণিলেন। যিনি পারস্যের একমাত্র জ্ঞানকর্তা—যিনি নবপারস্যের অপ্রতিদ্বন্দ্বী প্রতিষ্ঠাতা—যিনি প্রাচীরের অবসান ও অন্ধকার দূর করিয়া নবীনের উৎসাহ ও আলোক আনয়ন করিয়াছেন, তিনি যদি রাজ্যশাসন কার্য হইতে দূরে থাকেন, তাহা হইলে পারস্যের দণ্ড কি হইবে? মোল্লা ও মৌলভীগণও ভাবিলেন, যে শাহ বিদেগুণ বিধর্মীর সহিত আমোদ-প্রমোদে কালহরণ করিতেছেন, তাঁহার অপেক্ষা ধর্মপ্রাণ রেজা খাঁ কত গুণ শ্রেষ্ঠ! সুতরাং সকলে একযোগে শাহকে পদভাগ করিবার জ্ঞান সংবাদ জ্ঞাপন করিলেন। শাহ তাহাতে সন্তুষ্ট হইলেননা। মজলিস ১৯২৫ খৃষ্টাব্দের জুন মাস পর্যন্ত অপেক্ষা করিলেন। তখনও শাহের সঙ্কল্প টলে নাই। সুতরাং অনেক চিন্তার পর মজলিস গত নভেম্বর মাসে কাজারবংশের শেষ নৃপতি শাহ আমেদ মিরজাকে সিংহাসনচ্যুত করিয়া সাময়িকভাবে রেজা খাঁ পক্ষবীকে পারস্যের রাজপদে অভিষেক করিবার মন্তব্য গ্রহণ করিলেন এবং Constituent Assemblyর উপর নূতন রাজা নির্বাচন করিবার ভার প্রণয়ন করিলেন। তাহার পর উক্ত এসেমব্লি ২৫৭ ভোটে রেজা খাঁ পক্ষবীকে পারস্যের শাহ-ইন-শাহ পদে অভিষিক্ত করিয়াছেন। স্থির হইয়াছে, অতঃপর (১) পুরুষগণ পারস্যের শাহ হইবেন, (২) রেজা খাঁর পুত্র যুবরাজ হইবেন, (৩) যুবরাজের জননী পারস্যবাসিনী হওয়া চাই, (৪) রাজ-অভিভাবক আর থাকিবেন না। রাজ-অভিভাবক কার্য নূতনার পর এসেমব্লী মূলতুবি হইয়াছে।

পারস্যের এ যুগের যুগপুরুষ বেজা খাঁ দেখিতে দীর্ঘ, বলিষ্ঠ, সুপুরুষ; এক কথায় "ব্যাচোরফ: ব্যবস্কফ: শালপ্রাংগু: মহাত্মফ:"। তাঁহার বিশাল ললাটে নিষ্ঠুরতার ও সাহসিকতার ছাপ বেন স্বভঃই অঙ্কিত হইয়া রহিয়াছে।

রেজা খাঁ যৌবনে বিদ্যালয়শিক্ষা করিয়াছেন। তিনি প্রত্যহ পারস্যের "রেয়াদ" (বক্ত) নামক সংবাদপত্র পাঠ করিতেন। কলিকাতার 'হাবলুল মতিন' সংবাদপত্রের পারস্যে বহুল প্রচার ছিল; কিন্তু ঐ কাগজের প্রচার পারস্যে বন্ধ হইয়া যাইবার পর 'রেয়াদের' প্রচার বৃদ্ধি হয়। 'রেয়াদ' পাঠ করিয়া রেজা খাঁ তাঁহার জগদ্বিস্তার দুর্দশার কথা জানিতে পারেন। তাঁহার জীবনে সংবাদপত্রের প্রভাব সামান্য নহে।

রেজা খাঁর অধীনে পারস্যে যে নবগঠিত সৈন্তদল প্রস্তুত হইয়াছে, তাহার তুলনা পারস্যে খুজিয়া পাওয়া যায় না। তাঁহার ৪০ সহস্র সুশিক্ষিত সেনার সম্বন্ধে কোনও বিদেশী পর্যটক বলিয়াছেন, উহা Models of efficiency যোগ্যতার আদর্শ।

রেজা খাঁ সিংহাসন প্রাপ্ত হইবার পরেই সমস্ত রাজনীতিক বন্ধকে দয়াপ্রদর্শন করিয়া মুক্তিদান করিয়াছেন। ভূতপূর্ব কাজার রাজবংশের সকলের বৃত্তির ব্যবস্থা করিয়াছেন, তাঁহাদিগকে ক্ষমা করিয়া স্বচ্ছন্দে পারস্যে বাস করিতে দিয়াছেন, ভূতপূর্ব শাহেরও সকল অপরাধ মার্জনা করিয়াছেন। পারস্যের ইতিহাসে এ উদারতা নূতন বুলিতে হইবে। আমাদের আশা, শাহ রেজা আবার পারস্যকে এমিরার অন্যতম শ্রেষ্ঠ শক্তিরূপে পরিণত করিতে সমর্থ হইবেন।

বঙ্কিম-স্মৃতি *

কৈশোরে যখন সাহিত্য সেবার নিবন্ধ ছিলাম ও যখন 'সাহিত্য' পত্রিকার সহযোগী সম্পাদকের ভার আমার উপরে ন্যস্ত ছিল, তখন বঙ্কিমচন্দ্রের কাছে তাঁহার সহিত সাক্ষাৎ করিতে একবার গিয়াছিলাম—সে সময় তাঁহার নিকট হইতে বহু উপদেশ ও উৎসাহ প্রাপ্ত হইয়াছিলাম। তাঁহার সহিত আমার সম্বন্ধ কতকটা পুরুষানুক্রমিক বলিতে পারি, কারণ আমার পূজাপাশ খণ্ডের মহাশয় রমেশচন্দ্র দত্ত যখন বঙ্কিমচন্দ্রের কাছে বাঙ্গালা রচনা করিবার ইচ্ছা ও অসামর্থ্য জানান, তখন বঙ্কিমচন্দ্র তাঁহাকে সাহিত্য সেবার উৎসাহিত করিয়া বলেন যে, আপনাদের মত শিক্ষিত লোকের বাঙ্গালা রচনার কঠোর বোধ করা উচিত নহে—আপনারা বাহাই লিখিবেন, তাহাই বাঙ্গালা হইবে। বঙ্কিমচন্দ্র আমার পত্রীকে তাঁহার গ্রন্থাবলী নিজ হস্তে নাম লিখিয়া উপহার দিয়াছিলেন। সে গ্রন্থাবলী আমি সবদে তুলিয়া রাখিয়াছি।

বহুদিন প্রবাসেও ফলে যেমন দেশের সহিত সংস্রব বিচ্ছিন্ন হইয়া আইসে, তেমনই নানা কারণে বঙ্গসাহিত্যের সহিত আমার সম্বন্ধ ক্ষীণ হইয়া আসিয়াছিল। জীবনের অপরাহ্নে সেই সম্বন্ধ দৃঢ় করিবার এই সুযোগলাভে আমি কৃতার্থ হইয়াছি।

বঙ্গবাসীর নিকট বঙ্কিমচন্দ্র এত সুপরিচিত যে, তাঁহার জীবন-বৃত্তান্ত আলোচনা করা বহুল্য দেশযুক্ত মনে হইতে পারে। কিন্তু ঋণজন্মা মহাপ্রলয়ের সংখ্যা এ দেশে অতি অল্প এবং দেশবাসী তাঁহার স্মৃতিরূপে ও তাঁহাদিগের প্রদর্শিত পথানুসরণে সাধারণতঃ উদাসীন। এই সকল মহাজনের জীবনের উজ্জ্বল দৃশ্য যে কোন প্রকারে সশাসকদা দেশবাসীর সম্বন্ধ পদোপ্ত রাখিতে পারিলে অনাড়ম্বরীয়ে প্রাণস্বাক্ষরে সম্ভাবনা হইতে পারে সেই কারণে তাঁহাদিগের জীবন-বৃত্তান্তের আলোচনা অন্তান্ত নিষ্ফল ও নিস্প্রয়োজন নহে।

১৭৬১ খ্রীস্টাব্দে ১৩ই আষাঢ় তারিখে বঙ্কিমচন্দ্র এই ভিট'র জন্ম গ্রহণ করেন। বাল্যে হুগলী কলেজে বিদ্যালয় শিক্ষা করেন। ১৮৫৮ খ্রীস্টাব্দে প্রেসিডেন্সী কলেজ হইতে কলিকাতা বিশ্ববিদ্যালয় পঞ্চম বি এ পরীক্ষার উত্তীর্ণ হইয়াই ডেপুটি ম্যাগিষ্ট্রেটের পদ প্রাপ্ত হইলেন। কৰ্ম-সূত্রে নানা স্থান পরিভ্রমণ করিয়া শেষজীবনে খালীপুরে আইসেন ও ১৮৯১ খ্রীস্টাব্দে কৰ্ম হইতে অবসর গ্রহণ করেন।

১৩০০ সালের ১৬শে চৈত্র তারিখে দেশবাসীকে শোক-সাগরে নিমজ্জিত করিয়া তিনি দেহত্যাগ করেন।

বাল্যকাল হইতেই তাঁহার সাহিত্যানুরাগ অত্যন্ত প্রবল ছিল। পাঠ্যবহুতেই পদ্য রচনা করিয়া মধ্যে মধ্যে 'প্রকাশক' ও অন্যান্য পত্রে প্রকাশ করিতেন। সুকবি ও আমার পুরুষকব ইন্দ্রচন্দ্র গুপ্ত তাঁহার প্রথম সাহিত্য-গুরু। পঞ্চদশ বৎসর বয়সে "ললিতা ও মানস" নামক একখানি ক্ষুদ্র গ্রন্থ তিনি প্রণয়ন করেন। ২৭ বৎসর বয়সে তাঁহার প্রথম উপন্যাস "দুর্গেশ নন্দিনী" -কাশিত হয়। এই একখানি গ্রন্থেই বঙ্কিমচন্দ্র সর্বোচ্চ শ্রেণীর লেখক বলিয়া পরিচিত হইলেন। তাঁহার পর যে সকল উপন্যাস রচনা করেন, তাহার মধ্যে কোনও একখানি লিখিলেই বোধ হয় তিনি অমরত্ব লাভ করিতে পারিতেন। এই উপন্যাসগুলির মধ্যে কয়েকখানি যুরোপীয় ভাষায় অনূদিত হইয়াছে।

১২৭৯ বঙ্গাব্দে তিনি "বঙ্গদর্শন" নামে একখানি নূতন ধরণের মাসিকপত্র প্রকাশ করিতে আরম্ভ করেন। বঙ্গ "বঙ্গদর্শন"

বিভ্যালোচনা বিষয়ে যুগান্তর উপস্থিত করিয়াছিল। বঙ্কিমচন্দ্র তাঁহার সম্পাদন ভার পরিত্যাগ করিলে ১২৮২ সালে ঐ মাসিকপত্র বন্ধ হইয়া যায়।

বঙ্কিমচন্দ্র কেবল যে উপন্যাস রচনাতেই কৃতিত্ব প্রকাশ করিয়াছিলেন, এমত নহে। "ধর্মতত্ত্ব" ও "কৃষ্ণচরিত্রে" তাঁহার দূরদর্শিতার, দূরদর্শিতার ও স্মৃতিপূর্ণ গবেষণার পরিচয় পাওয়া যায়।

যে সময় সাহিত্যক্ষেত্রে বঙ্কিমচন্দ্রের উদয় হয়, তখন অনাদৃত্য, অসম্মানিতা বঙ্গভাষার অতি দীন-মলিন অবস্থা। সেই সময় বঙ্কিম আপনাব সমস্ত শিক্ষা, অনুরাগ ও পতিতা উপহার লইয়া সেই উপেক্ষিতা দীনশীলা বঙ্গভাষার চরণে সমর্পণ করেন। তখন নবপ্রযুক্তি ইংরাজী শিক্ষার স্রোতে সকলেই ভাসমান। ইংরাজীতে ছুই ছত্র রচনা করিতে পারিলেই শিক্ষিত যুবক গর্বে ক্ষীণ হইতেন। বঙ্গভাষার প্রতি অনুরাগ গ্রাম্য বর্ষভতা বলিয়া পরিগণিত হইত। সেই সময় বঙ্কিম তাঁহার সুশিক্ষা ও অসাধারণ ধীশক্তি প্রসূত ধনভুরাজি বঙ্গভাষার পদে নিবেদন করেন। সৌভাগ্যবশত সেই অনাদৃত্য-মলিন ভাষার মুখ সহসা অপূর্ণ লক্ষ্মী প্রস্কুট হইয়া উঠে। তাঁহার অলৌকিক পতিতার আলোকে বঙ্গবাসী বঙ্গভাষার স্বরূপ অন্বেষণে পবিত্র হয় ও তাঁহারই উৎসাহে সাদরে মাতৃভাষার পূজা করিতে আরম্ভ করে।

সাহিত্যক্ষেত্রে বঙ্কিমচন্দ্রের স্থান নির্দেশ অথবা তাঁহার অশেষবিধ রচনাবলীর সমালোচনা করা আমার ক্ষমতাভীত এবং এই অভিভাষণের অভিপ্রায় বাহুভূত। বঙ্কিমচন্দ্র যে বঙ্গ-সাহিত্যের নবযুগ সর্বক, তাহা সর্ববাদিসম্মত। তিনি কেবল যে দেশবাসী একটি ভাবের আন্দোলন উপস্থিত করিয়াছিলেন, তাহা নহে। সেই আন্দোলন উপযুক্ত সীমা অতিক্রম করিয়া ভাষাকে বিপণে না লইয়া যায়, সে বিষয়েও তিনি বিশেষ মনোযোগী ছিলেন। পার অনেক স্থলেই লেখক ও সমালোচক সম্প্রদায় স্বতন্ত্র হইয়া থাকে। কিন্তু বঙ্গসাহিত্যের যে অবস্থার বঙ্কিমের উদয়, সে সময়ে একই লোক ছুই কাধের ভার গ্রহণ না করিলে সাহিত্য এত দ্রুত উন্নতি লাভ করিতে পারিত না। বঙ্কিম ভিন্ন আর কেহ উত্তর কার্য দক্ষতার সহিত পরিচালনা করিতে পারিতেন না। এক দিকে গঠন—অপর দিকে রক্ষণ ও বিপণ হইতে নিবারণ এই দুই কাব্য বঙ্কিম তাঁহার রচনা ও সমালোচনার দ্বারা একাকী করিয়াছিলেন। সাহিত্যের পক্ষে যাহা কিছু কণ্টকস্থানীয়—যাহা কিছু অমার্জনীয়, তাহা তাঁহার কঠোর কশাঘাতে ও স্মৃতিশক্তি বিক্রমে নির্মূল করিতেন। সাহিত্যে উচ্চাঙ্গ গঠনের ও সেই আদর্শ রক্ষণের ভার তিনি বহুশ্রেণী রাখিয়াছিলেন। তাই যখন সাহিত্যের গভীর প্রশান্ত-সরোবর হইতে প্রস্রবণের প্রবল উৎস তিনি উদ্ঘাটন করিয়াছিলেন, তখন তাহাকে উদ্ভাস অপ্রতিহতরূপে প্রবাহিত হইতে দেন নাই। লেখক হিসাবে তিনি যেমন নির্মূল গুল্ল সংঘত হাস্যরস সাহিত্যে প্রথম আনয়ন করেন এবং হাস্যরসকে উপদ্রববিজড়িত আদি রসের এবং নিম্নশ্রেণীর প্রহসনের পংক্তি হইতে উন্নত করিয়া উচ্চতর শ্রেণীতে অধিষ্ঠিত করেন, সমালোচক হিসাবে তেমনই সুসঙ্গতি, সুকৃতি ও শিষ্টতার সীমা নির্দেশ করিয়া দেন।

সাধারণতঃ একটি ধারণা অনেকের আছে যে, সরকারী কার্য করিলে মানুষ সকল কর্তব্য অযোগ্য হইয়া পড়ে। বঙ্কিমের জীবন অনুধাবন করিলে এই ধারণা ভিত্তিহীন বলিয়া প্রমাণিত হইবে।

কাঠালপাড়া বঙ্কিম সাহিত্য সম্মেলনের তৃতীয় বার্ষিক অধিবেশনে সভাপতির অভিভাষণ হইতে গৃহীত।

রাজকার্যে তাঁহাকে কখন হয় ত সাময়িক অপ্রীতিকর জীবন বাপন করিতে হইয়াছে, কিন্তু নিরবচ্ছিন্ন সুখ ও শান্তি এই জরায়ুতা শোক-বিজড়িত সংসারে কাহারও ভাগ্যে সম্ভব হয় না এবং তিনি যে ব্যবসায়ী হইন না কেন, সুখ ও দুঃখের ভার সমভাবে তাঁহাকে বহন করিতে হয়। যিনি সেই সুখ ও দুঃখের ভার সমভাবে বহন করিয়া কর্তব্যপালনে অবিচলিত থাকিয়া জীবনসংগ্রামে জয়লাভ করেন, তিনিই প্রকৃত মহাপুরুষ। বঙ্কিমচন্দ্রের অসামান্য প্রতিভার সহিত কর্তব্যনিষ্ঠা ও অসামান্য স্বদেশ-প্রেম সম্বন্ধে মিশ্রিত ছিল।

অধিকাংশ গ্রন্থেই তাঁহার সেই উদার হৃদয়ের স্বদেশ-প্রেমিকতার উচ্চাঙ্গ সুপরিষ্কৃত। তাঁহার তিরোস্তাবের কত বৎসর পরে তাঁহারই মন্ত্রমুগ্ধ হইয়া দেশবাসী স্বদেশ-প্রেমের আবেগ অনুভব করে। তিনি বাঙ্গালার যে বিচিত্র রূপ তাঁহার মানসনেত্রে দেখিয়াছিলেন, কত বৎসর পরে সেই ছবির ছায়া আমাদের নয়নপথে উদ্ভিত হইতেছে। মঙ্গলময়ের বিধানে কত কালে—কত চেষ্টার ফলে যে সেই ছবি পরিষ্কৃত হইয়া উঠিবে, তাহা কল্পনা করিতেও সাহস হয় না।

বঙ্কিমচন্দ্রের স্বর্গারোহণের অব্যবহিত পরে কবীন্দ্র রবীন্দ্রনাথ কোন শোক-সভার আয়োজন করিয়াছিলেন,—“আজ বঙ্কিমচন্দ্রের মৃত্যুর পরেও আমরা সভা ডাকিয়া সাময়িক পাত্র বিলাপলুচক প্রবন্ধ প্রকাশ করিয়া আপনার কর্তব্য সাধন করিতে উদ্বৃত্ত হইয়াছি।

তার অধিক আর কিছুতে হস্তক্ষেপ করিতে সাহস হয় না। প্রতি-মূর্ত্তি প্রতিষ্ঠা বা কোনরূপ স্মরণচক্র স্থাপনের প্রস্তাব করিতে প্রস্তুতি হয় না। পূর্বে অভিজ্ঞতায় হইতে জানা গিয়াছে যে, চেষ্টা করিয়া অকৃত-কার্য হইবার সম্ভাবনা অধিক। উপর্যুপরি বারংবার অকৃতজ্ঞতা ও অনুৎসাহের পরিচয় দিলে ক্রমে আর আত্মসম্মানের লেশমাত্র থাকিবে না এবং ভবিষ্যতে প্রবন্ধ লিখিয়া শোকের আড়ম্বর করিতেও কুঠা বোধ হইবে।”

তাঁহার মৃত্যুর ৩১ বৎসর পরে আজও তাঁহার পূর্ণাঙ্গ জন্মভূমির উপর মর্ম্মর-প্রসূত মূর্ত্তি প্রতিষ্ঠানকল্পে সাহায্যের জন্য ধারে ধারে আমাদের ঘুরিয়া বেড়াইতে হইতেছে।

রাজনীতি, সমাজ, ধর্ম, ভাষা ও স্বদেশ-প্রীতি প্রবন্ধ করিতে স্বর্গীয় রাজা রামমোহন রায়ে পরবর্তী বোধ হয় কোন বাঙ্গালীই বঙ্কিম-চন্দ্রের ন্যায় অকৃষ্ণিতভাবে সাহায্য করিতে সমর্থ হইবেন নাই। দেশবাসীর সেই চিরকণের কণামাত্র একটি মর্ম্মর প্রতিমূর্ত্তি প্রতিষ্ঠার দ্বারা পরিশোধ করিবার জন্য আজও আমাদের এতই লুক আশা—এতই নিষ্ফল প্রয়াস!

আমার বিশ্বাস বঙ্গবাসী—বঙ্গভাষী—সাহিত্যসেবী ও দেশকর্ম্মী অকৃতজ্ঞতা-কলঙ্ক-মুক্ত হইতে পরাগ্রুপ হইবেন না।

শ্রীজ্ঞানেন্দ্রনাথ গুপ্ত (আই সি-এস)।

বৃহৎ বরণ

ওরে আজ রোসনে দূরে
দাঁড়া সে বুকট বেঁসে,
ছুড়ে ফ্যান্ ভাবনা ভীতি
আবেগে যাক্ তা ভেসে' ;
আজি আর নাই রে মানা,
পৃথিবীর নাই সীমানা,
যত দূর দৃষ্টি চলে
সবুজে সবুজ মেশে।

এ কি এ উন্মাদনা !
ধ'রে যে রাখতে নারি,
হৃদয়ের বাঁধ ভেঙ্গেছে
ছুটেছে ভাব-জোয়ারী !
এস আজ আসবে যদি
এ হিয়ার নাই অবধি,
আমি আর নাই রে আমি
গিয়েছি আপনা ছাড়ি' !

ছুটেছে প্রাণ ছুটেছে
প্রেমেরি দিগ্বিজয়ে,
স'রে আজ যাসনে কোণে
লুকিয়ে' রোসনে ভয়ে।
বুকে আজ আয় রে সবাই
লিখিলে প্রাণ পেতে চাই—
ছোট এ গণ্ডী ছেড়ে'
বৃহতে মগ্ন হ'য়ে।

ভেনে আয় দৈন্তরাশি
বিপদের বন্তাসহ ;
অপমান আর অত্যাচার
এ প্রাণের অর্ঘ্য লহ।
সুখা-বিষ কান্না-হাসি
সবারে তুল্য বাসি,
প্রাণের এ তীর্থশালে
কেহ আজ তুচ্ছ নহ।

শ্রীনলিনী গুপ্ত, এম্-এ



পরলোকে মহারাজ

জগদ্বিজ্ঞানাথ রায়

বিগত ১১শে পৌষ মঙ্গলবার বেলা ১টা ৩৭ মিনিটের সময় নাটোরের স্বনামধন্য মহারাজ জগদ্বিজ্ঞানাথ রায়— প্রাতঃস্মরণীয়। রাণী ভবানীর বংশধর পরলোক গমন করিয়াছেন। কয়েক দিবস পূর্বে মহারাজ সখ করিয়া পোল ও কয়েকজন পুরবাসীর সহিত পদ্মরাজে এলগিন রোড অতিক্রম করিতেছিলেন। সেই সময়ে একখানা ভাড়াটিয়া ট্যাক্সি গাড়ীর আঘাতে তিনি ভূপতিত হইলেন। তাহার ফলে সংজ্ঞাশূন্য অবস্থায় সময় যাপনের পর জগদ্বিজ্ঞানাথ আকস্মিক দুর্ঘটনার একাদশ দিবসে সকল প্রকার চিকিৎসার অতীত হইয়াছেন।

সন ১২৭৫ সালে ৪ঠা কার্তিক জগদ্বিজ্ঞানাথের জন্ম হয়। নাটোরের মহারাণী ব্রজসুন্দরী তাঁহাকে দত্তক পুত্ররূপে গ্রহণ করেন। ৮ বৎসর বয়ঃক্রম কালে ১৮৭৫ খৃষ্টাব্দে জগদ্বিজ্ঞানাথ 'মহারাজ' উপাধি প্রাপ্ত হইলেন। ১৮৮৫ খৃষ্টাব্দে তাঁহার বিবাহ হয়। মহারাজ জগদ্বিজ্ঞানাথ রাজসাহী বিদ্যালয়ে শিক্ষালাভ করেন। আমরা তাঁহারই মুখে শুনিয়াছি যে, বিদ্যালয়ে শিক্ষালাভকালে তিনি যাহার শিক্ষাধীন ছিলেন, সেই উন্নতমনা শিক্ষকের অভিভাবকতায় তাঁহার জীবনের অনেক পরিবর্তন ঘটিয়াছিল। আভিজাত্যগর্ক কোনও দিন তাঁহার হৃদয়কে বুঝা অহঙ্কারে স্ফীত করিতে পারে নাই। বাল্য ও কৈশোরের সেই সুখময় জীবনের কথা তিনি "শ্রুতিস্মৃতি" শীর্ষক আত্মজীবন-কথাতেও লিপিবদ্ধ করিয়া গিয়াছেন।

প্রবেশিকা পরীক্ষায় উত্তীর্ণ হইবার পর জগদ্বিজ্ঞানাথ কলিকাতা প্রেসিডেন্সী কলেজে বি, এ পর্য্যন্ত বাহিরের ছাত্র হিসাবে পাঠ করিয়াছিলেন। ইংরাজী, সংস্কৃত ও বাঙ্গালা সাহিত্য ব্যতীত দর্শন শাস্ত্রেও মহারাজ জগদ্বিজ্ঞানাথ বিশেষ ব্যুৎপত্তি লাভ করিয়াছিলেন। আমরা জানি, দর্শনশাস্ত্রে

তাঁহার এমনই প্রগাঢ় ব্যুৎপত্তি ছিল যে, তিনি এম, এ ক্লাশের দর্শন-শিক্ষার্থীর পাঠেও সাহায্য করিতেন।

ইন্দিরার বরপুত্র হইলেও দেবী ভারতীর স্বর্ণবীণার মধুর ঝঙ্কার জগদ্বিজ্ঞানাথকে আকৃষ্ট করিয়াছিল। তিনি এমনই অধ্যয়নানুরাগী ছিলেন যে, সাহিত্য, ইতিহাস, বিজ্ঞান, দর্শন সকল প্রকার শাস্ত্রে অধিকার করিবার জন্য জীবনের অধিকাংশ সময় অতিবাহিত করিতেন। গুণদক্ষ শিক্ষকের সহায়তায় তিনি সঙ্গীতশাস্ত্রেও সম্যক ব্যুৎপত্তি লাভ করিয়াছিলেন। তাঁহার গায় যুদঙ্গবাদক অতি অল্পই দেখিতে পাওয়া যাইত।

কাব্যকলার অনুরাগী হইয়াও তিনি ব্যাঙ্গামের বিষয়ে পক্ষপাতী ছিলেন। প্রসিদ্ধ মল্লের নিকট হইতে তিনি মল্লবিদ্যা আয়ত্ত করিয়াছিলেন। ক্রিকেট ক্রীড়ায় তাঁহার এমন অনুরাগ ছিল যে, বিগত ১৯০০ খৃষ্টাব্দে তিনি স্বয়ং একটি 'ক্রিকেট টিম,' প্রতিষ্ঠা করিয়া তাহার উৎকর্ষ সাধনের জন্য বহু অর্থ ব্যয় করিয়াছিলেন। প্রায় দ্বাদশবর্ষ ধরিয়া এই দলটি ভারতবর্ষে নানাস্থানে ক্রীড়ায় প্রতিযোগিতা করিয়াছিল।

মহারাজ জগদ্বিজ্ঞানাথ ১৮৯৪ খৃষ্টাব্দে বঙ্গীয় ব্যবস্থাপক সভায় সদস্য নির্বাচিত হইয়াছিলেন। ইহার পর ১৮৯৭ এবং ১৯১২ খৃষ্টাব্দে দুইবার সদস্য নির্বাচিত হইয়া কার্য করিয়াছিলেন।

বাঙ্গালার জমীদারগণের অধিকাংশ রাজনীতিক আন্দোলনে যোগদান করিয়া গবর্নমেন্টের অপ্রিয়ভাজন হইতে চাহেন না; কিন্তু মহারাজ জগদ্বিজ্ঞানাথ দেশের সুসন্তান ছিলেন, তিনি কংগ্রেসের সহিত সংশ্রব রাখিয়া দীর্ঘকাল দেশের সেবা করিয়াছিলেন। মনে পড়ে, স্বদেশী আন্দোলনের প্রথম যুগে যখন দেশাত্মবোধের প্রেরণায় সমগ্র বঙ্গদেশে জাগরণের সাড়া পড়িয়াছিল, সাহিত্য-সম্রাট বঙ্কিমচন্দ্রের 'বন্দে মাতরম্' ধ্বনি সমগ্র দেশকে উদ্ভুদ্ধ করিয়া তুলিয়াছিল, বাঙ্গালার মুকুটহীন সম্রাট



সুরেন্দ্রনাথের জলদগন্তীর বাণী সমুদ্রমেখলা ভারতবর্ষকে অতিক্রম করিয়া সুদূর প্রতীচ্যদেশে অমুরণিত হইয়াছিল, তখন নাটোরের মহারাজ জগদ্বিন্দ্রনাথও দেশপূজার আহ্বানে সাড়া না দিয়া পারেন নাই।

যৌবনের চলচঞ্চল উদ্দাম আবেগ অনেকটা স্থির হইয়া আসিবার পর জগদ্বিন্দ্রনাথ রাজনীতিক্ষেত্রে আর তেমনভাবে যোগ দিতে পারেন নাই। তখন বীণাপাণির কমলবনে সমগ্র মন-প্রাণ দিয়া তিনি কুমুম চয়ন আরম্ভ করিয়াছিলেন। সাহিত্যের তিনি অমুরক্ত ভক্ত ছিলেন। জীবনের উপভোগ্য বাবতীয় বিষয়ে অমুরাগ থাকিলেও তাঁহার প্রাণ ভারতীর তপোবনে ধ্যাননিরত হইয়াছিল। ঐকান্তিক নিষ্ঠা ও ভক্তি সহকারে তিনি আজীবন সাহিত্য-চর্চা করিয়া আসিয়াছিলেন সত্য; কিন্তু তথাপি, প্রকাশ্য-ভাবে যোগদান না করিলেও শেষের দিকে দেশের জাতীয় জাগরণ সম্বন্ধে তিনি কোনও দিন অনবহিত ছিলেন না।

বঙ্গ সাহিত্যের সেবক ও পাঠকবর্গ সাহিত্যিক জগদ্বিন্দ্রনাথকে কোনও দিন বিশ্বৃত হইতে পারিবেন না। বাঙ্গালা সাহিত্যে তাঁহার একটা স্থান আছে এবং থাকিবে। তাঁহার ভাষার একটা সহজ স্বচ্ছন্দগতি দেখিতে পাওয়া যায়। গ্রাম্যতাদোষ তাঁহার রচনাপ্রণালীর কুত্রাপি দেখিতে পাওয়া যায় না। সাহিত্য সম্রাট বঙ্কিমচন্দ্র এবং কবিবর রবীন্দ্রনাথ—উভয়েরই তিনি ভক্ত ও অমুরাগী ছিলেন। জগদ্বিন্দ্রনাথ কয়েকখানি উপাদেয় গ্রন্থ রচনা করিয়াছেন। “সম্মতারা” “দারার দুর্ভাগ্য,” “নূরজাহান” পাঠ করিলে তাঁহার কবিত্ব শক্তি এবং ইতিহাস জ্ঞানের প্রচুর পরিচয় পাওয়া যায়। সাহিত্যের পরিপুষ্টি সাধনের জন্ত তিনি “মর্ম্মবাণী” নামক একখানি সাপ্তাহিক পত্র প্রকাশ করেন। একবর্ষকাল পরিচালনার পর “মানসী” মাসিক-পত্রিকার সহিত “মর্ম্মবাণী” সম্মিলিত হয়। এই দুইখানি পত্রিকারই তিনি সম্পাদক ছিলেন। সম্মিলিত “মানসী ও মর্ম্মবাণী” পরিচালন কালে জগদ্বিন্দ্রনাথ সাহিত্যামুরাগের প্রকৃষ্ট পরিচয় প্রদান করেন। “শ্রুতিস্মৃতি” শীর্ষক ধারাবাহিক প্রবন্ধে তিনি আত্মজীবন-কাহিনী বিবৃত করিতে-ছিলেন। সঙ্গে সঙ্গে ভিন্ন ভিন্ন দেশের নানা বিবরণ দক্ষ ঐতিহাসিকের লেখনীচালনায় ফুটিয়া উঠিতেছিল।

সামাজিক জীবনে জগদ্বিন্দ্রনাথের স্থায় ব্যক্তি অধুনা

ছল'ভ বলিলেই হয়। বাঙ্গালার সর্কশ্রেষ্ঠ ও পুরাতন অভিজাত ব্রাহ্মণ জমীদার গৃহের বংশধর হইয়াও আভিজাত্যগর্ক তাঁহাতে দেখিতে পাওয়া যাইত না। সকল সম্প্রদায়ের সকল অবস্থার লোকের সহিত তিনি এমনই অসঙ্কোচে মিলামিশা করিতেন যে, কেহ বিদ্মুত্ব কুণ্ঠা অনুভব করিতে পারিত না। যিনি যে ব্যবসায়ীই হউন না কেন, জগদ্বিন্দ্রনাথ অল্পক্ষণের আলাপেই তাঁহার সহিত সেই বিষয়ে এমন আলোচনায় মগ্ন হইতেন যে, নবাগত বৃষ্টিতেই পারিতেন না যে, বিষয়টি তাঁহার প্রিয় নহে। সকল বিষয়েই আলোচনা করিবার মত সংগ্রহ ও জ্ঞান তাঁহার ছিল। অতি অল্প আলাপেই তিনি যে কোনও ব্যক্তির সহিত আপনার জনের মত ব্যবহার করিতেন।

বন্ধুবাৎসল্য জগদ্বিন্দ্রনাথের চরিত্রের একটা বৈশিষ্ট্য ছিল। দরিদ্র সতীর্থ বা বন্ধুর বিপদ আপদে তিনি যেভাবে সকল প্রকার সাহায্য ও শুশ্রূষা করিতেন, তাহা অভিজাত সম্প্রদায় কেন, সাধারণ ব্যক্তির পক্ষেও অনুকরণীয়। এ সম্বন্ধে অনেক কাহিনী—রচনা কথা নহে—আছে, প্রত্যেকটি উপন্যাসের মত রোমাঞ্চকর ও স্বর্ণাঙ্করে লিখিয়া রাখিবার যোগ্য।

জগদ্বিন্দ্রনাথ সাহিত্যের তপোবনে সাধনা করিয়া সিদ্ধিলাভ করিয়াছিলেন। তাঁহার রচনায় প্রসাদগুণ ও ভাব-মাধুর্য্য বাঙ্গালার সম্পদ হিসাবে চিরস্থায়ী হইবার যোগ্য। আজ তাঁহার অকাল বিয়োগে বাঙ্গালা সাহিত্যের যে ক্ষতি হইল, তাহা বাঙ্গালী পাঠক মস্মে মস্মে অনুভব করিবে। অভিজাত বংশের সম্মান, ধনীর ছলনা হইয়া জগদ্বিন্দ্রনাথ যে ভাবে সাহিত্যের সেবা করিয়া গিয়াছেন, তাহা শুধু প্রশংসনীয় নহে, অনুকরণযোগ্য। মুস্মীগঞ্জের বিগত সাহিত্য সম্মিলনে মহারাজ জগদ্বিন্দ্রনাথ সভাপতিত্ব করিয়াছিলেন। সে সময়ে তিনি যে অভিভাষণ পাঠ করিয়াছিলেন, তাহাতে জ্ঞাতব্য বহু বিষয় ছিল। উহাই তাঁহার শেষ অভিভাষণ। বাঙ্গালা সাহিত্যে আর তাঁহার লেখনী-প্রসূত অনবদ্য ভাষার ঝঙ্কার শুনিতে পাওয়া যাইবে না। ৫৮ বৎসর বয়সে, আকস্মিক দুর্ঘটনায় এই মৃত্যু যে অত্যন্ত করুণ ও শোকাবহ, তাহাতে সন্দেহ মাত্র নাই। মহারাণী স্বামিহীনা হইয়া যে প্রচণ্ড শোক পাইয়াছেন, তাহাতে আমরা সমবেদনা প্রকাশ করিতেছি। পুত্র

যোগেন্দ্রনাথ ও কণ্ঠা বিভাবতী পিতৃশোকে যে আবার পাইয়াছেন, তাহাতে আমরা ব্যথিত। ভগবান বন্ধুবৎসল সাহিত্যপ্রেমিক মহাপ্রাণ মহারাজের পরলোকগত আত্মার তৃপ্তি ও শান্তি বিধান করুন।

ডাক্তার চন্দ্রশেখর কালী

গত ১৯শে পৌষ বেলা ১২টার পর কলিকাতার প্রসিদ্ধ হোমিওপ্যাথিক ডাক্তার চন্দ্রশেখর কালী মহাশয় ইংলো ক হ্যা গ করিয়াছেন। ঢাকা জিলার ধামরাই-গ্রামে তাঁহার জন্ম হইয়াছিল। তাঁহার পিতা প্রাণধন কালী মহাশয় পুত্রকে ইংরাজী বিদ্যায় শিক্ষিত করিলেও হিন্দু আদর্শে তাঁহাকে গড়িয়া তুলিয়া-ছিলেন। ঢাকা হইতে প্রবেশিকা পরীক্ষায় উত্তীর্ণ হইয়া চন্দ্রশেখর কলিকাতা মেডিক্যাল কলেজে



ডাক্তার চন্দ্রশেখর কালী

শিক্ষাগাভ করেন। ডাক্তারী পাশ করিবার পর তিনি পাবন্যয় এলোপ্যাথি মতে চিকিৎসা ব্যবসায় আরম্ভ করেন; কিন্তু পরে এলোপ্যাথিতে বীতশ্রদ্ধ হইয়া হোমিওপ্যাথিমতে চিকিৎসা করিতে আরম্ভ করেন এবং পরে কলিকাতায় আসিয়া অল্পকালের মধ্যেই সহরের অন্ততম প্রধান হোমিওপ্যাথিক চিকিৎসক বলিয়া

পরিগণিত হইলেন। সেই সময়ে তিনি বহু দুরারোগ্য ব্যাধির চিকিৎসা করিয়া সুনাম অর্জন করিয়াছিলেন। অনেকের নিকট তিনি ধনস্তরী বলিয়া গৃহীত হইয়াছিলেন। আমরা কয়েকটি রোগে তাঁহার আশ্চর্য্য ক্ষমতার পরিচয় পাইয়া-ছিলাম। কোনও এক দরিদ্রের facial paraly'sis রোগে তিনি মাত্র এক কোঁটা ঔষধ প্রয়োগ দ্বারা রোগীকে

স্বল্প কাল মধ্যে নির্ব্যাধি করিয়া-ছিলেন। এলো-প্যাথিক চিকিৎসকগণ সেই কঠিন রোগে অস্ত্রোপচার করিবার কথা পাড়িয়া ছিলেন। বাঙ্গালা ভাষায় তিনি বয়েকখানি উৎকৃষ্ট হোমিও-প্যাথিক চিকিৎসা-গ্রন্থ প্রণয়ন করিয়া গিয়াছেন। উহাতে এ দেশের বহু চিকিৎসা-শিক্ষার্থী উপরত হইয়াছে। তাঁহার প্রস্তুত কয়েকটি বিশেষ রোগের বিশেষ ঔষধের সুনাম আছে। তাঁহার রচিত কয়েকটি দেব-দেবীর সঙ্গীত

বাঙ্গালা ভাষার সম্পদ মধ্যে পরিগণিত হইতে পারে যাত্রা, কীর্তন, কথকতা ও রামায়ণ গান ইত্যাদি জাতীয় সঙ্গীত ও অভিনয় আদিতে তিনি পরমানন্দ লাভ করিতেন এ বিষয়ে তাঁহার গুণগ্রাহিতার যথেষ্ট পরিচয় পাওয় গিয়াছে। এমন কি, আমরা তাঁহাকে কোন কোন পালা-গান সম্পূর্ণরূপে আবৃত্তি করিতে শুনিয়াছি, অনেক ছড়

কাটিতে গুনিয়াছি। বস্তুতঃ বাঙ্গালা সাহিত্যের এই অঙ্গের প্রতি তাঁহার যে শ্রদ্ধা ছিল, তাহা অধুনা নবীন সাহিত্য-হুরাগীদিগের মধ্যে বিরল। তিনি আকারে বিরাট ছিলেন, নৈতিক শক্তিও তাঁহার সামান্য ছিল না। আড়ংঘাটার রেলসংঘর্ষ কালে তিনি কত আহত অভাগার সেবা করিয়াছিলেন, তাহার ইয়ত্তা নাই। গুনিয়াছি, তিনি সেই সময়ে নিজের যজ্ঞোপবীত ছিঁড়িয়া তদ্বারা আহতের অঙ্গে ব্যাণ্ডেজ বাধিয়া দিয়াছিলেন। আহতগণকে সস্তর্পণে স্থানান্তরিত করিবার সময়ে তাঁহার দৈহিক শক্তির সম্যক পরিচয় প্রস্ফুট হইয়াছিল। তিনি আনুষ্ঠানিক শুদ্ধাচারী হিন্দু ব্রাহ্মণ ছিলেন। জপতপ বজ্র হোমে তাঁহার অনেক

সময় অতিবাহিত হইত। তাঁহার কলিকাতার বাটীতে প্রতিবৎসর সমারোহে পূজাপার্করণ সম্পন্ন হইত। সে সময়ে তিনি প্রাচীনকালের হিন্দু গৃহস্থের মত নানা জনের মধ্যে আনন্দ বিতরণ করিতেন। বস্তুতঃ তাঁহার মত 'সেকালের' গুণগ্রাহী ধর্মপ্রাণ হিন্দু গৃহস্থের সংখ্যা ক্রমেই হ্রাস হইয়া আসিতেছে। তিন পুত্র ও তিন কন্যা রাখিয়া পরিণত বয়সে ডাক্তার চন্দ্রশেখর কালী পরলোক গমন করিয়াছেন। মৃত্যুকালে তাঁহার বয়স প্রায় ৭০ বৎসর হইয়াছিল। এ জন্ম তাঁহার মৃত্যুতে শোক করিবার কিছুই নাই। এ যুগের বাঙ্গালী তাঁহার মত 'হিন্দু গৃহস্থের জীবন' যাপন করিতে পারিলে তাঁহার স্মৃতির সম্মান রক্ষিত হইবে।

ঋণী

আখিরী যে হ'য়ে এল,
মিছে কেন জের টানা।
মিটিয়ে দিতে হবে এষার,
যে যা পাবে ষোল আনা।

হ' হাত পেতে ঋণ করেছি,
ভাবিনিক ভবিষ্যৎ।
হ' চোখ বুজেই ক'রে গেছি
খতের উপর দস্তখৎ।

পাহাড় প্রমাণ দাড়িয়ে গেছে
সুদে আসল বাকি জায়ে।
ভিটে-ভাটা যা ছিল মোর
তাও গিয়েছে দেনার দায়ে।

সর্বস্বাস্ত হ'য়ে এখন ;
ভার হয়েছে জীবন কাটা।
দিবানিশি ভাবছি যে তাই
নাই যে কিছু পুঁজিপাটা।

ভালবাসার দাবী নিয়ে
ডিক্রীজারী করা আছে।
আপন বলতে যা আছে তাও
নীলান হ'য়ে যায় গো পাছে।

নিঃস্ব হ'য়ে বিশ্ব-মাবে
ভিক্ষা মাগি গায়ে গায়ে।
বিনিময়ে বিকিয়ে যাব
কবে আমি তা'দের পায়ে।

সবার কাছেই ঋণী আমি
সবাই যে চায় কিনে নিতে।
(আমার) জীবন-মরণ বাহার হাতে
চায় না যে সে ছেড়ে দিতে।

শ্রীপ্রমথনাথ বসু।

রাজমাতা আলেকজান্দ্রা

বাল্মীকীর কবি মধুসূদন গাহিয়াছেন,—

“সেই ধনু নরকুলে, লোকে যারে নাহি ভুলে,
মনেব মন্দিরে নিত্য সেবে সর্বজন।”

বস্তুতঃ যে সকল নরনারী জগতে তাঁহাদের ব্যক্তিত্বের প্রভাব রক্ষা করিয়া ইহলোক হইতে বিদায় গ্রহণ করিতে পারেন, তাঁহারা ই সার্থক জন্মগ্রহণ করিয়া থাকেন। এ হিসাবে ইংলণ্ডের রাজমাতা মহারাণী আলেকজান্দ্রা নরকুলে

জন্মগ্রহণ করিয়া ধনু হইয়াছেন। তাঁহার সুদীর্ঘ এক-অশীতিবর্ষব্যাপী জীবন উপ-স্থানের মত মনোরম। ইংলণ্ডের রাজনীতিক, সামাজিক এবং পারিবারিক জীবনে আলেকজান্দ্রা এই সুদীর্ঘকাল যে প্রভাব বিস্তার করিয়া গিয়াছেন, তাহার তুলনা বিরল। ইংলণ্ডের রাজকবি টেনিসন এই Sea King's daughter অথবা সাগর-রাজকন্যাকে অভিনন্দিত করিয়া যে কবিতা লিখিয়া গিয়াছেন, তাহা আজিও ইংলণ্ডের জনসাধারণের তাঁহার প্রতি আন্তরিক শ্রদ্ধাপ্রীতির পরিচায়ক।

টেনিসন সেই সময়ে লিখিয়াছিলেন,—“Joy to the people and joy to the crown, come to us Love us and make us your own. এস জনসাধারণের আনন্দ, এস রাজসিংহাসনের আনন্দ, এস তুমি, আমাদিগকে ভালবাস, আমাদিগকে আপনার করিয়া লও।” আলেকজান্দ্রা মাত্র ঊনবিংশ বর্ষ বয়সে ইংলণ্ডের রাজপুত্রবধুরূপে ইংলণ্ডে পদার্পণ করিয়াছিলেন এবং এই সাদর প্রীতিপূর্ণ আহ্বানের সার্থকতা সম্পাদন

করিয়াছিলেন। ইহা তাঁহার পক্ষে সামান্য গৌরবের কথা নহে। ১৮৬৩ খৃষ্টাব্দের মার্চ মাসে যখন এই দিনেই রাজকুমারী ইংলণ্ডের যুবরাজ এডওয়ার্ডের মনোনীতা বধুরূপে ইংলণ্ডে আগমন করেন, তখন হইতে তাঁহার চিরবিদায়ের দিন পর্যন্ত তিনি কবি টেনিসনের আহ্বানের প্রত্যুত্তর প্রদান করিয়াছিলেন, তাঁহার পারিবারিক, সামাজিক এবং রাজনীতিক জীবনে জাতির ভালবাসা, ভক্তি ও শ্রদ্ধা অর্জনে সমর্থ হইয়াছিলেন।



বর-কন্যাবেশে সম্রাট এডওয়ার্ড ও রাণী আলেকজান্দ্রা

আজ তাঁহার শোকে ইংরাজ জাতি মুহমান। আজ ইংরাজ জাতি তাঁহাকে হারাইয়া যেন আপনার অতিনিকট-আত্মীয়কে হারাইয়াছে বলিয়া মনে করিতেছে। তাঁহার ব্যক্তিত্বের প্রভাব তাঁহার মৃত্যুতে যেন শত সৌরকরোজ্জ্বল প্রভায় ফুটিয়া উঠিয়াছে। গত ২০শে নভেম্বর শুক্রবার বেলা ৫টা ২৫ মিনিটের সময় আলেকজান্দ্রা সান্ড্রিংহাম রাজপ্রাসাদে ৮১ বৎসর বয়সে দেহত্যাগ করিয়াছেন। উহার পরের রবিবারের প্রাতঃকালে তাঁহার মম্বর দেহ সান্ড্রিংহাম প্রাসাদ হইতে সান্ড্রিংহাম

গির্জায় স্থানান্তরিত করা হয়। যতক্ষণ দেহ লগুনে স্থানান্তরিত করা হয় নাই, ততক্ষণ উহা গির্জার বেদীর পার্শ্বদেশে রক্ষিত হইয়াছিল। ঐ রবিবারে গির্জায় তাঁহার মৃত্যুকালীন ধর্মকার্য সম্পাদিত হইয়াছিল। রাজা পঞ্চম জর্জ ও রাণী মেরী এবং রাজপরিবারের অন্যান্য বংশধর এই ধর্মকার্যে যোগদান করিয়াছিলেন। তাহার পর জনসাধারণকে এই পবিত্র মন্দিরে তাহাদের চিরপ্রিয় রাজমাতাকে একবার শেষ দেখা দেখিবার

নিমিত্ত অনুমতি প্রদান করা হইয়াছিল। রাজ-পরিবারের এই শোকে ইংলণ্ডের ধনী, নিধন, পণ্ডিত, মূর্খ, আপামর সাধারণ সমস্ত হৃদয়ে সহানুভূতি প্রদর্শন করিয়াছিল,—রাজমাতার প্রতি তাহাদের আন্তরিক শ্রদ্ধাপ্রীতি জ্ঞাপন করিয়াছিল। এই শ্রদ্ধাপ্রীতি-প্রদর্শন কেবল রাজমাতা বলিয়া নহে, ইহাকে নারীত্বের, মাতৃত্বের, পত্নীত্বের প্রতি জাতির সম্মানপ্রদর্শন বলিলে অত্যুক্তি হয় না। তাঁহার সৌন্দর্যের, তাঁহার কোমলতার, তাঁহার মধুরতার, তাঁহার মহানুভবতার, তাঁহার দয়াদাক্ষিণ্যের প্রতি এই সম্মান প্রদর্শিত হইয়াছিল। ষাট বৎসর ধরিয়া যে নারী এই ভাবে একটা



রাণী আলেকজান্ডার মুকুটোৎসব—১৯০২ খৃঃ

বিরাট জাতির হৃদয়-সিংহাসনে অধিষ্ঠিত থাকিবার উপযোগী গুণরাশি অর্জন করিতে পারেন, তাঁহার প্রতি হৃদয় স্বতঃই শ্রদ্ধায় ভরিয়া যায়। যে মহীয়সী নারীর


গুণকীর্তনে ডিকেন্স, থ্যাচারে, টেনিসন, পাদরী উইলবার-ফোস'ও ডিন ষ্ট্যানলীর মত খ্যাতনামা লোক শতশুখ হইতে পারেন, তাঁহার জীবনকথা স্বর্ণাক্ষরে লিখিত হইয়া থাকিবার যোগ্য।



সেণ্ট জর্জ চ্যাপেল গীর্জায় রাণী আলেকজান্ডার বিবাহ

কি গুণে আলেকজান্ডা ইংরাজ জাতিতে এরূপে মুগ্ধ করিতে পারিয়াছিলেন? এক জন ইংরাজ লেখক তাঁহার সম্বন্ধে লিখিয়াছেন,—
“She was a dignified lady, an exceptional wife and mother, a devoted relative and friend, but she was also tolerant, unassuming, natural as well as tactful in manner, charitable in mind and action and altogether charming.” তাঁহার দুর্ভাগ্যও যে ছিল না, এমন নহে, কিন্তু তাঁহার জীবনে সে দুর্ভাগ্যও দোষ না

হইয়া শুণে পরিণত হইয়াছিল,—তিনি হৃদয়ের মহাশ্বে, দয়ায়, করুণায় যোগ্য অযোগ্য বিচার করিতে পারিতেন না, হুঃস্থ প্রার্থী ও অসুস্থ রোগাতুর তাঁহার নিকট যোগ্যতা অযোগ্যতার মাপকাঠিতে বিচার পাইত না। তাঁহার নারী-



বিবাহ সঙ্গিনীসহ রাণী আলেকজান্দ্রা


সুশভ করুণার উৎস সকলের জন্ম সকল সময়ে সমানভাবেই উন্মুক্ত ছিল। এমন নারীর জীবন-কথা লিপিবদ্ধ করিতে আনন্দ আছে।

সাগরবেষ্টিত ক্ষুদ্র দিনেমার রাজ্যের জগতের মানচিত্রে স্থান অতি সামান্য নহে। অতি প্রাচীন কাল হইতেই এই ক্ষুদ্র দেশের 'সাগর-রাজারা' নানা দেশের ইতিহাসের পত্রাঙ্কে তাঁহাদের নামের প্রভাব রাখিয়া গিয়াছেন। দিনেমার রাজবংশ যুরোপের নানা রাজ্যের নানা সিংহাসনে নানা রাজা প্রদান করিয়াছেন। অতি প্রাচীনকাল হইতেই তাঁহারা নির্ভয়ে ছুস্তর সাগর পার হইয়া নানা দিগ্দেশ জয় করিয়াছেন, নানা দেশে নানা নূতন মিশ্রিত জাতির সৃষ্টি করিয়াছেন। ইংলণ্ডের রাজা কেনিউট দিনেমারজাতীয় ছিলেন। কেনিউটের সময় হইতে ইংলণ্ডে দিনেমার জাতির প্রতিষ্ঠা হইয়াছিল। অ্যাংলো-সাক্সন বা নর্মাণদের মত দিনেমার জাতিও ইংরাজ জাতির পূর্বপুরুষ। তাঁহাদের রাজবংশের সহিত ইংলণ্ডের রাজবংশের বিবাহের আদানপ্রদান বহুবারই হইয়াছিল। রাজা হেরল্ডের জননী গাইথা দিনেমার রাজবংশীয়া ছিলেন। স্কটলণ্ডের রাজা তৃতীয় এলেকজান্ডারের কন্যা নরওয়ের রাজা পঞ্চম এরিকের পত্নী

হইয়াছিলেন, নরওয়ের রাজারা দিনেমার রাজবংশের সহিত ঘনিষ্ঠ রক্তসম্বন্ধে আবদ্ধ ছিলেন। পরবর্তী কালে ইংলণ্ডের রাজা প্রথম জেমস দিনেমার-রাজ দ্বিতীয় ফ্রেডারিকের কন্যা এ্যানকে বিবাহ করিয়াছিলেন। ইংলণ্ডের রাণী এ্যান ডেনমার্কের রাজকুমার জর্জকে বিবাহ করিয়াছিলেন। ইংলণ্ডের রাজা দ্বিতীয় জর্জের কন্যা রাজকুমারী লুইসি ডেনমার্কের রাজা পঞ্চম ফ্রেডারিকের সহিত পরিণয়সূত্রে আবদ্ধ হইয়াছিলেন। সুতরাং আলেকজান্দ্রা বিবাহসূত্রে যে রাজবংশের বধু হইয়াছিলেন, সেই রাজবংশের সন্তিত তাঁহার পিতৃবংশের রক্ত-সম্বন্ধ বিঘ্নমান ছিল। তিনি নিজের কন্যাকে দিনেমার রাজকুমার চার্লসের হস্তে দান করিয়াছিলেন।

বাল্যকাল

রাজমাতা আলেকজান্দ্রার জীবন কয়েকটি ভাগে বিভক্ত করা যাইতে পারে,—(১)রাজকুমারী-রূপে তাঁহার বাল্যকাল, (২) যুবরাজ-পত্নী রূপে তাঁহার বিবাহিত জীবনকাল,



সেন্টজর্জ চ্যাপেলে গীর্জার মধ্যে বিবাহ-সভা

(৩) মহারানী-রূপে তাঁহার রাজনীতিক জীবনকাল এবং
(৪) রাজমাতারূপে তাঁহার বৈধব্যকাল।

প্রথমেই তাঁহার বাল্যকালের কথা বলা যাউক। আলেকজান্দ্রা ক্যারোলাইন মেরি চার্লোটা লুইসি জুলি ডেনমার্কের রাজধানী কোপেনহেগেন সহরের গুল রাজ-প্রাসাদে ১৮৪৪ খৃষ্টাব্দের ১লা ডিসেম্বর তারিখে জন্মগ্রহণ করেন। তাঁহার পিতা মাক্সবার্গ ও ব্রেচেনবার্গের রাজ-কুমার ক্রিশ্চিয়ান, মাতা হেসির রাজকুমারী লুইসি। যখন তাঁহার কণ্ঠার জন্ম হয়, তখন রাজকুমার ক্রিশ্চিয়ান স্বপ্নেও ভাবেন নাই যে, তিনি এক দিন ডেনমার্কের সিংহাসনে



রানী আলেকজান্দ্রা (প্রথম প্রসূতী বেশে)

আরোহণ করিবেন। তিনি পত্নীর অধিকারসূত্রে এই রাজ-পদ লাভ করিয়াছিলেন। ডেনমার্কের রাজা অষ্টম ক্রিশ্চিয়ান অপুলক অবস্থায় পরলোকগমন করেন, ইহাই রাজ-কুমার ক্রিশ্চিয়ানের পত্নীর মারফতে সিংহাসনলাভের কারণ হইয়াছিল। রাজকুমার ক্রিশ্চিয়ান রাজা অষ্টম ক্রিশ্চিয়ানের অল্পগ্রহে বিদ্যালিক্ষা এবং সমরশিক্ষা করিতে সমর্থ হইয়াছিলেন। তাঁহার পত্নী রাজা ক্রিশ্চিয়ানের ভ্রাতুষ্পুত্রী ছিলেন।

রাজকুমার ক্রিশ্চিয়ান ও রাজকুমারী লুইসি সামান্য অবস্থায় তাঁহাদের প্রথম বিবাহিত জীবন অতিবাহিত করিয়াছিলেন। তাঁহাদের গুলপ্রাসাদ তাঁহাদের নিজের ছিল না,

রাজা অষ্টম ক্রিশ্চিয়ান তাঁহাদিগকে ঐ প্রাসাদে বাস করিতে দিয়াছিলেন। ঐ প্রাসাদের সৌন্দর্য্যসৌষ্ঠব হিসাবে কোন বৈশিষ্ট্য ছিল না। কিন্তু আলেকজান্দ্রার মাতা রাজকুমারী লুইসি পাকা গৃহিণী ছিলেন, স্বয়ং পরিশ্রমী ও মিতব্যরী ছিলেন; এই হেতু সংসারে তাঁহাদের অসন্তোষ বা কষ্ট ছিল না। তিনি স্বয়ং পুত্র-কণ্ঠাকে লেখাপড়া শিখাইতেন। বালকরা বড় হইলে তাহাদের জ্ঞান শিক্ষক নিযুক্ত হইত। বিদ্যালিক্ষা বাতীত বালিকাদিগকে রাজকুমারী লুইসি রুগ্নের সেবা, আপনাদের কাপড়-জামা তৈয়ারী এবং গৃহ-স্থানীর সমস্ত কার্যের বিদ্যা শিক্ষা দিতেন। রাজকুমারী আলেকজান্দ্রার বাল্যজীবন এইরূপে জননীর প্রভাবে প্রভাবান্বিত হইয়া গড়িয়া উঠিয়াছিল। ভবিষ্যতে এই প্রভাব



অশ্বপৃষ্ঠে সম্রাট এডোয়ার্ড ও রানী আলেকজান্দ্রা

কত দূর ফলপ্রসূ হইয়াছিল, তাহা সর্বজনবিদিত। সাধারণ গৃহস্থের দুঃখ-কষ্টময় জীবনের যে শিক্ষায় বালক-বালিকার জীবনের হাতে খড়ি হয়, আলেকজান্দ্রার তাহার অভাব ছিল না।

রাজকুমারী আলেকজান্দ্রা যখন অষ্টম বর্ষের বালিকা, তখন ১৮৫২ খৃষ্টাব্দের লণ্ডন সন্ধি অনুসারে রাজকুমার ক্রিশ্চিয়ান ডেনমার্কের ভাবী রাজারূপে স্বীকৃত হইলেন। ইহার পর এই ভাগ্যপরিবর্তনের ফলে তিনি বাসের জ্ঞান বার্ণষ্টর্ক হুর্গ প্রাপ্ত হইলেন। এই হুর্গ পত্নীর শাস্ত-শীতল ক্রোড়ে অবস্থিত। এই স্থানে রাজপরিবার পরম আনন্দে কালটিপাত করিতে লাগিলেন। ইহা তাঁহাদের এত

প্রিয় যে, পরিবারের কত্তারা বিবাহিত হইয়া স্বামীর
ঘর করিতে ষাইবার পরে ও প্রতি বৎসর অন্ততঃ একবার
এই স্থানে সমবেত হইতেন।

ভ্রাতা ও ভগিনীখণের সহিত রাজকুমারী আলেকজান্দ্রা
এইরূপে সামান্য অবস্থায় বাল্য অতিবাহিত করিয়াছিলেন।
ঐহার পিতামাতার অর্থের স্বচ্ছলতা ছিল না বটে, তথাপি
মাতৃঘের চরিত্র-গঠনে শিশুকাল হইতে যে সকল উপকরণের
প্রয়োজন হয়, আলেকজান্দ্রার তাহার অভাব ছিল না।



বিখ্যাত ভাস্কর ওয়ালডেমার মৃত্যুকাল পর্য্যন্ত এই রাজপরি-
বারের ঘনিষ্ঠ বন্ধু ছিলেন এবং প্রায়শঃ ঐহাদের আতিথ্য
গ্রহণ করিতেন। আলেকজান্দ্রার জন্মগ্রহণের অব্যবহিত
পূর্বেই ঐহার মৃত্যু হয়। কিন্তু ঐহার নানা মর্্মরমূর্তি
শুলপ্রাসাদের পার্শ্বস্থ বাহুঘরে সংরক্ষিত হইয়াছিল বলিয়া
রাজকুমারীর বাল্যকালে উহা প্রায়ই দেখিবার এবং ওয়াল-
ডেমার সম্বন্ধে নানা গল্প শুনিবার সুযোগ হইত। রোসেন-
বার্গ শ্রুট নামক আর এক রাজপ্রাসাদে দিনেমার রাজা-



রানী আলেকজান্দ্রা—শিশুগণকে অস্থপঠে লইয়া

পুত্র, পৌত্রী ও পৌত্রীর পুত্রসহ রাজমাতা

ঐহার জননী পাকা গৃহিণী ছিলেন, এ কথা পূর্বেই বলি-
য়াছি। তিনি ঐহার গৃহে সে সময়ের বহু কলাবিদ্যা-বিশা-
রদকে আমন্ত্রণ করিতেন এবং ঐহাদের সংস্পর্শে আসিয়া
আলেকজান্দ্রার প্রতিভাবিকাশের ও অভিজ্ঞতারুদ্ধির ভিত্তি-
পত্তন হইয়াছিল। সেই সময়ে হান্স এণ্ডার্সন ঐহার বিখ্যাত
Fairytale অথবা পরীর গল্প লিখিতেছিলেন। তিনি
প্রায়শঃ শুলপ্রাসাদে আমন্ত্রিত হইয়া রাজপরিবারের সম্মুখে
সন্ধ্যার পরে ঐহার “Ugly Duckling” অথবা “Little
Mermaid” গ্রন্থ হইতে রচনা পাঠ করিয়া শুনাইতেন।

দিগের বহুকালসঞ্চিত নানা বিখ্যাত চিত্র ও মূর্তি আদিও
এই রাজপরিবারের প্রায় নিত্যই নয়ন-মন চরিতার্থ করিত।
রাজার পুস্তকাগারে ১ লক্ষ অমূল্য গ্রন্থ সংগৃহীত ছিল;
আলেকজান্দ্রা উহার প্রভাবেও প্রভাবান্বিতা হইয়াছিলেন।
সেই সময়ে বিখ্যাত গায়িকা জেনী লিও কোপেনহেগেন
সহরে ঐহার গানে আপামর সাধারণকে মোহিত করিতে-
ছিলেন। আলেকজান্দ্রার ঐহার গান শুনিবার সৌভাগ্য-
লাভ হইয়াছিল। আলেকজান্দ্রার জননী প্রথমে ঐহাকে
সঙ্গীতবিদ্যা শিক্ষা দিয়াছিলেন, তাহার পর নৃত্য ও গীত

শিক্ষকরাও তাঁহাকে শিক্ষিতা করিয়াছিলেন। নৃত্যে তিনি যশস্বিনী হইয়াছিলেন। কুমারী নাডসেন (Xnudsen) নাম্নী বিদূষী শিক্ষয়িত্রীর নিকট তিনি ইংরাজী ভাষা শিক্ষা করিয়াছিলেন এবং সে জগৎ ভবিষ্যতে চিরদিন তাঁহার প্রতি কৃতজ্ঞ ছিলেন। সূচিকার্য্যে, রন্ধনকার্য্যে এবং গৃহস্থালীর অন্যান্য কার্য্যে তাঁহার জননী তাঁহাকে বিশেষ পারদর্শিনী করিয়াছিলেন।

যখন তাঁহার পিতা যৌবরাজ্যে অভিষিক্ত হইয়া বার্গ-ষ্টফের রাজপ্রাসাদে বসবাস করিতে লাগিলেন, তখন তিনি সপরিবারে সরল ও আড়ম্বরশূন্য জীবনযাপন করিতেছিলেন। প্রকৃতির ছায়াশীতল শ্রামল ক্রোড়ে রাজপ্রাসাদ অবস্থিত ছিল; প্রতি রবিবারে রাজপরিবার এক মাইল দূরে জেন্-টফট গ্রামের গ্রাম্য গির্জায় ভজনা করিতে যাইতেন এবং মাঝে মাঝে বনভোজন করিতেন ও নদীতে বাচ খেলিতে যাইতেন। রাজকুমারীদের মধ্যে কথা হইত, ভবিষ্যতে কে



পূত্রকণাসহ রাণী আলেকজান্দ্রা

কি হইতে চাহেন। কেহ বলিতেন, আমি সুন্দরী হইব, কেহ বলিতেন, আমি যশোলাভ করিব; আলেকজান্দ্রা বলিতেন, আমি লোকের ভালবাসা অর্জন করিব। তাঁহার ভবিষ্যৎ জীবনে সেই আশা পূর্ণ হইয়াছিল।

মাত্র দুই বৎসর বয়সে আলেকজান্দ্রা প্রথম দেশভ্রমণ করেন। মেন নদতটে রামপেনহেম প্রাসাদ তাঁহার জননীর পিত্রালয়; সেখানে তিনি দুই বৎসর বয়সে রাজপরিবারের অন্যান্য রাজকুমার ও কুমারীদের সহিত নীত হইয়াছিলেন। ভবিষ্যতে বড় হইয়া আলেকজান্দ্রা এই প্রাসাদে বৎসরে একবার যাত্রা করিতেন এবং রাজপরিবারের অন্যান্য বংশধরদিগের সহিত জার্মান, ফরাসী ও ইংরাজী ভাষায় কথা কহিতেন। এই প্রাসাদেই আলেকজান্দ্রা টেকের রাজকুমারীর সহিত পরিচিত হইয়াছিলেন এবং সেই সূত্রে ইংরাজ রাজপরিবারেরও সহিত পরিচিত হইয়াছিলেন। ইংলণ্ডের বর্তমান রাণী মেরী এই টেক-পরিবারেই জন্মগ্রহণ করিয়াছেন।



পৃষ্ঠদেশে জ্যেষ্ঠা কণাসহ রাণী আলেকজান্দ্রা

দশ বৎসর বয়সে আলেকজান্দ্রা প্রথম ইংলণ্ডে গিয়া-
ছিলেন। বাকিংহাম প্রাসাদে মহারাণী ভিক্টোরিয়া বালক-
বালিকাগণকে ভোজ দিয়াছিলেন, আলেকজান্দ্রা তাহাতে
উপস্থিত ছিলেন।

যখন আলেকজান্দ্রা সপ্তদশবর্ষীয়া স্কন্দরী যুবতী, তখন
তঁহার সহিত ইংলণ্ডের রাজকুমার এডওয়ার্ডের সাক্ষাৎ ও
পরিচয় হয়। তখন রাজকুমার এডওয়ার্ড বিংশতিবর্ষীয়
যুবক। ১৮৬১ খৃষ্টাব্দে প্রিন্স অফ ওয়েলস্ এডওয়ার্ড, ওয়ার্ম'স্

রাজকুমারীর নিকটাস্থায়ীরা এই বাগ্‌দানের কথা জিজ্ঞাসা
করেন, তখন রাজকুমারী আলেকজান্দ্রা হাসিয়া যুবরাজের
একখানি ক্ষুদ্র ফটো বাহির করিয়া বলেন, এই আমার
স্বামী।

বিবাহিত জীবন—প্রিন্স অফ ওয়েলস্

বিবাহের কথা স্থির হইয়া গেলে ১৮৬৩ খৃষ্টাব্দের ২৮শে
ফেব্রুয়ারী তারিখে রাজকুমারী আলেকজান্দ্রা তঁহার বাল্য



রাণী আলেকজান্দ্রা চরকা চালাইতেছেন

গির্জায় রাজকুমারীকে দৈবক্রমে দেখিতে পায়েন। সেই
প্রথম সাক্ষাতেই তিনি তঁহার প্রতি আকৃষ্ট ও অনুরক্ত
হয়েন। পরবৎসর আবার বেলজিয়ামের রাজদরবারে
উভয়ের সাক্ষাৎ হয়। ফলে মহারাণী ভিক্টোরিয়া বেলজিয়া-
মের রাজপ্রাসাদে গিয়া রাজকুমারী আলেকজান্দ্রাকে দেখিয়া
আইসেন এবং ১৮৬২ খৃষ্টাব্দের নভেম্বর মাসে রাজকুমার ও
রাজকুমারী বেলজিয়ামের লায়েকেন প্রাসাদে পরস্পর বাগ্-
দস্তা হয়েন। হেসির রাজপ্রাসাদে (মাতুলালয়ে) যখন



মহারাণী ভিক্টোরিয়ার জুবিলী বৎসরে রাণী আলেকজান্দ্রা

ও কৈশোরের লীলাস্থল হইতে ইংলণ্ড যাত্রা করিলেন।
তখন তিনি উনবিংশতিবর্ষীয়া স্কন্দরী যুবতী। ভবিষ্যতে
তিনি যেমন নিজ গুণে ইংরাজ জাতির চিত্ত জয় করিয়া-
ছিলেন, তেমনই এই সময়ে তঁহার স্বজাতিরও মন হরণ
করিয়াছিলেন। তঁহার ইংলণ্ডযাত্রাকালে কোপেনহেগেনের
জনসংঘ দলে দলে কাতারে কাতারে তঁহাকে একবার
দেখিবার জন্য রেল-লাইনের পার্শ্ব দিয়া ছুটিয়া চলিয়াছিল।
গ্রামবাসীদের পত্রে-পুষ্পে তাহাদের গৃহ সজ্জিত করিয়াছিল।




স্বামীর মৃত্যু শয্যায় রাণী আলেকজান্দ্রা

জনগণের এমন প্রীতি-শ্রদ্ধা অর্জন করা সকলের ভাগ্যে ঘটে না।

ইংলণ্ডে ভাবী রাজপুত্রবধুর অভ্যর্থনা এক বিরাট ব্যাপার, তাহার তুলনা ইতিহাসে বিরল। ৮ই মার্চ তারিখের প্রাতঃকালে রাজকুমারী আলেকজান্দ্রা গ্রেভসেণ্ড বন্দরে অবতরণ করেন এবং সেই দিনই লণ্ডনে উপস্থিত হইলেন। তখন বিরাট জনসমূহ তাঁহাকে দেখিবার এবং অভ্যর্থনা করিবার জন্য উন্মত্ত হইয়াছিল। ইংরাজ ঐতিহাসিকরাই বলেন, এরূপ বিরাট জনতা ইহার পূর্বে বা পরে ইংলণ্ডে আর কখনও হয় নাই। শোভাবাত্রার পথে পথাতিক্রম করা অত্যন্ত হ্রস্ব হইয়াছিল। এক সময়ে টেম্‌লবারের নিকট রাজকুমারীর শকট জনতার পেষণে উল্টাইয়া যাইবার উপক্রম হইয়াছিল। সে সময়ে পুলিশ অতি কষ্টে শান্তিরক্ষা করিয়াছিল। রাজকুমারী কিন্তু সেই সঙ্কটমঙ্কল অবস্থাতেও অসাধারণ ধৈর্য ও নির্ভীকতার পরিচয় প্রদান করিয়াছিলেন। উইণ্ডসর প্রাসাদে উপস্থিত হওয়া পর্যন্ত সমস্ত পথেই এইরূপ জনতা ছিল। রাজকবি টেনিসন তাঁহার 'Ode of Welcome' কবিতায় রাজকুমারীকে সাদরে ইংলণ্ডে অভিনন্দিত করিয়াছিলেন। ইহার কিছু দিন পরে

তিনি আলেকজান্দ্রার সম্মুখে তাঁহার এই কবিতা স্বয়ং আবৃত্তি করিয়াছিলেন। রাজকুমারী ধৈর্যসহকারে আত্মোপাস্ত কবিতা শ্রবণ করিয়াছিলেন। যখন টেনিসন পাঠকালে এই চরণটি আবৃত্তি করেন,— "Blissful bride of a Blissful heir," তখন রাজকুমারীর ধৈর্যের বাধ ভাঙ্গিয়া গিয়াছিল, তিনি সরল উন্মুক্ত প্রাণে হাস্য করিয়াছিলেন, কবি টেনিসনও সেই হাসিতে যোগদান করিয়াছিলেন।

উইণ্ডসর প্রাসাদে আগমন করিবার তিন দিন পরে রাজকুমারী সেন্টজর্জ গির্জায় রাজকুমার এডওয়ার্ডের সহিত পরিণয়সূত্রে আবদ্ধ হইলেন। নয় দিন মধুবাসরের পর



শোক পরিচ্ছদে রাণী আলেকজান্দ্রা

রাজকুমার ও রাজকুমারী সেন্টজেমস প্রাসাদে এক বিরাট সামাজিক সম্মেলনের আয়োজন করেন। ইংরাজ-সমাজ এই স্থানে দম্পতিকে প্রীতিভরে বাহুপ্রসারণ করিয়া বক্ষে ধারণ করেন। ইহার পর রাজকুমারী যতই জনসাধারণের নিকট পরিচিত হইতে লাগিলেন, ততই দিন দিন জনগণ তাঁহার প্রতি আকৃষ্ট হইতে লাগিল। লণ্ডনের গিল্ডহলের ভোজে সহরের লর্ড মেয়র ও এলডারম্যানগণ তাঁহাকে সম্মানিত করিলেন। জুন মাসে অক্সফোর্ড বিশ্ববিদ্যালয় রাজকুমারীকে

আসিয়াছিলেন। সেখানে তাঁহাদের সহিত হান্স এণ্ডার্সনের সাক্ষাৎ হইয়াছিল। প্রিন্স জর্জের জন্মগ্রহণের পরের মাসে মার্লবরো প্রাসাদে এক অগ্নিকাণ্ড ঘটে। প্রাসাদে গোলযোগ উপস্থিত হইলে প্রিন্স এডওয়ার্ড কালিঝুলি-মাথা মুখে ব্যস্তভাবে পত্নীর নিকট উপস্থিত হইয়া বলেন,—“ছেলেদের নার্সারিতে আগুন লাগিয়াছে, কিন্তু কোনও ভয় নাই, এখনই আগুন নিতাইতেছি। চল, অগ্নত্র নিরাপদ স্থানে তোমায় রাখিয়া আসি।” ইহার পর যুবরাজ স্বয়ং অগ্নাত



রানী আলেকজান্দ্রার পিতা



রানী আলেকজান্দ্রার মাতা

অভিনন্দিত করিলেন। ইহার পর দম্পতি শরৎকালে স্কটল্যাণ্ড ভ্রমণ করিতে যান।

জননী আলেকজান্দ্রা

৮ই জানুয়ারী তারিখে ফ্রগমোর প্রাসাদে তাঁহার প্রথম সন্তান প্রিন্স এলবার্ট ভিক্টর (ডিউক অফ ক্রেয়ারেন্স) জন্মগ্রহণ করেন। তখন তাঁহার বয়স মাত্র বিংশতি বৎসর। তাঁহার মাতৃত্বের প্রথম প্রভাতেই সন্তান-পালনের কর্তব্য-বুদ্ধি জাগ্রত হইয়াছিল। সে কর্তব্যে তিনি এতই তন্ময় হইয়াছিলেন যে, এই বৎসরের প্রথম ভাগে তিনি কদাচিৎ প্রকাশ্যে দেখা দিতেন। ১৮৬৫ খৃষ্টাব্দের মে মাসে প্রিন্স জর্জ (বর্তমান সম্রাট) মার্লবরো প্রাসাদে জন্মগ্রহণ করেন। ইহার পূর্ব-বৎসরে দম্পতি ডেনমার্ক ভ্রমণ করিয়া

লোকের সহিত অগ্নি নির্বাণ করিতে যান। ঘরের মেঝে খুঁড়িয়া ফেলিবার সময় একখানা তক্তা সরিয়া যাওয়ায় তিনি নীচে পড়িয়া যান। দৈবক্রমে তিনি বিশেষ আঘাত প্রাপ্ত হইলেন নাই।

এই সময়ে প্রুসিয়ানরা ডেনমার্ক আক্রমণ করিয়াছিল। পিতৃরাজ্য আক্রান্ত হওয়ায় আলেকজান্দ্রা বিচলিত হইয়াছিলেন বটে, কিন্তু কোন দিন ইংলণ্ডকে পিতৃপক্ষ সমর্থনে উৎসাহিত করিবার জন্ত তাঁহার প্রভাব বিস্তার করেন নাই। এক দিন রাজকুমারী বিয়েট্রিসকে তিনি জিজ্ঞাসা করেন, “তুমি কি উপহার চাও?” বিয়েট্রিস অমুচস্বরে বলেন,— “If you please, I should like Bismark's head on a charger”

১৮৬৬ খৃষ্টাব্দের শরৎকালে রাজকুমারী কর্ণওয়ালের

বোটালাক টিনখনি দেখিতে যান। এই ভাবে নানা শ্রমিক-কেন্দ্রে গমন করিয়া তিনি পরে শ্রমিকগণের ভাল-বাসা অর্জনে সমর্থ হইয়াছিলেন। তিনি অনাড়ম্বর জীবন-যাপন করিতেন, কিন্তু জনগণের মঙ্গলবিধানে সর্বদা সচেষ্ট ছিলেন। ১৮৬৩ খৃষ্টাব্দের জুন মাসে তিনি প্লাউয়ের অনাথ আশ্রমের প্রাণপ্রতিষ্ঠা করেন। ১৮৬৬ খৃষ্টাব্দের জুলাই মাসে তিনি ফার্মিংহামের অনাথ বালকগণের আশ্রমপ্রতিষ্ঠা

করেন এবং পরে ডেনমার্ক হইয়া ১৮৬৭ খৃষ্টাব্দে মিশর ভ্রমণ করিয়া আইসেন।

১৮৬৭ খৃষ্টাব্দে তাঁহার প্রথম কন্যার (প্রিন্সেস্ রয়্যালের) জন্ম হয়। ঐ বৎসরেই তাঁহার জাহ্নুদেশে বাত-ব্যাধি দেখা দেয়। বহুদিন উহাতে কষ্ট পাইবার পর জুলাই মাসে ব্যাধিমুক্ত হইলেন। কিন্তু তদবধি তিনি সামান্যরূপে খুঁড়াইয়া চলিতে বাধ্য হইলেন। এ জন্ম



ফার্মিংহাম প্রাসাদ—এই প্রাসাদে রাজমাতার মৃত্যু হইয়াছে



ফার্মিংহাম প্রাসাদ—পূর্বদিকের দৃশ্য

উপলক্ষে জনসাধারণের সমক্ষে প্রথম বক্তৃতা প্রদান করেন।

১৮৬৬ খৃষ্টাব্দে রাজকুমারী অত্যন্ত পীড়িত হইয়া পড়েন। পীড়া উপশমের পর তিনি জার্মানীর উইসবেডেনের স্বাস্থ্য-বাসে গিয়া নষ্ট স্বাস্থ্য ফিরিয়া পান। পরবৎসর আয়ারল্যাণ্ডে ভ্রমণ করেন। সেখানেও তিনি জনগণের চিত্ত জয় করেন। ঐ বৎসরেই তিনি আর একবার স্কটল্যান্ড যাত্রা

তাঁহার খঞ্জতাকে ইংরাজ Alexandra Limp বলিয়া থাকে।

ইহার দুই বৎসর পরে তাঁহার জী-পুরুষে আয়ারল্যাণ্ড, ওয়েলস্, প্যারী, ডেনমার্ক, বার্লিন, ভায়েনা, ভূমধ্য-সাগর, মিশর, তুর্কী ও ক্রাইমিয়া প্রদেশ পরিভ্রমণ করিয়া আইসেন। মিশরের নীল নদে নৌকা-ভ্রমণ-কালে রাজকুমারীর ক্যাবিনের পার্শ্বস্থ কামরায় এক

অগ্নিকাণ্ড ঘটয়াছিল, তবে সময়ে উহা নির্দাপিত হইয়াছিল।

১৮৭১ খৃষ্টাব্দে রাজকুমারীর তৃতীয় পুত্র আলেকজান্দার এলবার্ট জন্মগ্রহণ করিবামাত্র এক দিন জীবিত ছিলেন। ইহার অব্যবহিত পরেই তাঁহার আর এক ভীষণ পরীক্ষার সময় উপস্থিত হয়। ঐ বৎসরেই যুবরাজ মারলবরো প্রাসাদে টাইফয়েড রোগে অত্যন্ত অসুস্থ হইয়া পড়েন। সেই স্থান হইতে সাণ্ডিংহাম প্রাসাদে তাঁহাকে স্থানান্তরিত করা হইল। মাসাধিককাল রাজকুমারী অক্লান্ত পরিশ্রমে স্বামীর সেবা ও পরিচর্যা করিয়াছিলেন।

গির্জায় ভজনা করিতে যাওয়া ছাড়া অথবা প্রজাগণকে বড়দিনের উপহার দিতে যাওয়া ছাড়া তিনি এক মুহূর্তও প্রাসাদ ত্যাগ করিতেন না। তবে তাঁহারই প্রাসাদের টাইফয়েড রোগাক্রান্ত এক অশ্ব-পালককে একবার দেখিতে গিয়াছিলেন বটে। তিনি কিরূপ পরের ব্যথায় ব্যথা অনুভব করিতেন, তাহা ইহাতেই বুঝা যায়। এই গুণবতী রাজকুমারী এইরূপে স্বামীর সেবা ও পরের



শানড্রিংহাম প্রাসাদের ড্রয়িং রুম

দুঃখে সহানুভূতি প্রদর্শন করিয়া জনগণের হৃদয়ে আপনার সিংহাসন এত দৃঢ় করিয়াছিলেন যে, তাহারা যথার্থই তাঁহার অনুরক্ত ভক্ত হইয়াছিল। এ যাবৎ ইংলণ্ডের জনসাধারণ রাজপরিবারকে তেমন প্রীতির দৃষ্টিতে দেখিত না, আপনার বলিয়া মনে করিত না। আলেকজান্দ্রার চরিত্র-গুণে আকৃষ্ট হইয়া তাহারা যথার্থ রাজভক্ত হইয়া পড়িল।



শানড্রিংহাম প্রাসাদের ড্রয়িংরুমে মহারানী ভিক্টোরিয়ার দরবার চিত্র

যুবরাজ বহুকষ্টে আরোগ্যলাভ করিবার পর মহারানী ভিক্টোরিয়া সপরিবারে সেন্টপল ভজনাগারে ভগবান্কে ধন্যবাদ জ্ঞাপন করিতে যান। তাহার পর রাজদম্পতি কয়েকটি জনসাধারণের কার্যে আত্মনিয়োগ করেন। তন্মধ্যে বেথনাল গ্রীণের যাদুঘর প্রতিষ্ঠা, গ্রাণ্ড অর্মণ্ড দ্বীটের বালকবালিকাগণের হাঁসপাতাল প্রতিষ্ঠা প্রভৃতি উল্লেখযোগ্য। কিন্তু এ সকল কার্যে আত্মনিয়োগ করিলেও তিনি এক দিনেরও অল্প অননীয়

কর্তব্য অবহেলা করেন নাই। নিজের মাতার নিকট বাল্যে যে শিক্ষা লাভ করিয়াছিলেন, স্বয়ং জননী হইয়া সেই শিক্ষা অল্পস্বল্পে সন্তান-পালনে তিনি সর্বদা তৎপর ছিলেন। তিনি পুত্র-কন্যার সহিত শিশুর মত ক্রীড়া করিতেন।

১৮৭৪ খৃষ্টাব্দের জানুয়ারী মাসে তিনি ডিউক অফ এডিনবরার বিবাহ-সম্বন্ধ স্থির করিবার জন্ত রুসিয়া যাত্রা করেন। ইহার কিছু পরে দেশে ফিরিয়া তিনি তাঁহার পুত্র-ছয়কে নৌ-সামরিক বিদ্যাশিক্ষার্থ বিদায় দেন। এই শিক্ষা সম্পূর্ণ হইতে ১৮৮২ খৃষ্টাব্দ পর্য্যন্ত অতিবাহিত হইয়াছিল।

১৮৭৫ খৃষ্টাব্দে যুবরাজ এডওয়ার্ড ভারত-যাত্রা করেন। রাজকুমারী আলেকজান্দ্রা ক্যালো বন্দর পর্য্যন্ত যুবরাজের

ব্যাপারে আলেকজান্দ্রাকেই রাজপরিবারের গৃহিণীরূপে কর্তব্যপালন করিতে হইয়াছিল। সে সময়ে তিনি জগতের নানা স্থান হইতে যে সমস্ত প্রীতি-উপহার প্রাপ্ত হইয়া-ছিলেন, তাহাতে মারলবরো প্রাসাদের Indian room টি ভরিয়া গিয়াছিল। ইহাতেই বঝা যায়, তিনি কিরূপ জন-প্রীতি অর্জন করিতে সমর্থ হইয়াছিলেন।


১৮৯১ খৃষ্টাব্দ আলেকজান্দ্রার পক্ষে অতি দুর্ভাগ্যস্বরূপে দেখা দিল। ঐ বৎসরে তাঁহার দ্বিতীয় পুত্র ডিউক অফ ইয়র্ক (বর্তমান সম্রাট) কঠিন রোগে আক্রান্ত হইলেন। আলেকজান্দ্রা অহোরাত্র পুত্রের রোগশয্যাপার্শ্বে বসিয়া সেবা-পরিচর্যা করিয়াছিলেন। দ্বিতীয় পুত্র আরোগ্যলাভ

করিলেন বটে, কিন্তু তাঁহার জ্যেষ্ঠ পুত্র ডিউক অফ ক্লেয়ারেন্স ১৮৯২ খৃষ্টাব্দের জানুয়ারী মাসে অকালে ইহলোক ত্যাগ করিলেন। ইহার পূর্বে টেকের রাজকুমারী মেরীর সহিত তাঁহার বিবাহের কথা স্থির হইয়া গিয়াছিল। এই শোক আলেকজান্দ্রাকে কিরূপ বাজিয়াছিল, তাহা সহজেই অনুমেয়। কিছুকাল তিনি শোকে মুহূমান হইয়া কোনও-রূপ সাধারণ কার্যে আর যোগদান করেন নাই, এমন কি, প্রাসাদ হইতেও বাহির করেন নাই।

পরবৎসর (১৮৯৩ খৃষ্টাব্দে) ডিউক অফ ইয়র্কের সহিত টেকের

রাজকুমারীর উদ্বাহক্রিয়া সম্পন্ন হইল। সেই সময়ে আবার আলেকজান্দ্রা কন্মক্ষেত্রে প্রবেশ করিলেন। কিন্তু তখনও তাঁহার আননে শোকের গভীর ছায়া একবারে মিলাইয়া যায় নাই। এই সময়ে আলেকজান্দ্রা পপলারের Seaman's Mission, ব্ল্যাকওয়াল হাঁসপাতালের আকস্মিক দুর্ঘটনার ওয়ার্ড এবং টাওয়ার ব্রিজের ভিত্তিপ্রতিষ্ঠার উৎসবে যোগদান করেন। বয়র-যুদ্ধে একখানি হাঁসপাতাল জাহাজের নামকরণ তাঁহারই নামে হইয়াছিল। তিনি জাহাজ প্রেরণের উৎসবে উপস্থিত ছিলেন।

১৮৯৮ খৃষ্টাব্দে তাঁহার জননী ডেনমার্কের রাণীর মৃত্যু



শ্রানড্রিংহাম প্রাসাদের লাইব্রেরী-কক্ষ

সহগমন করিয়াছিলেন। ইহার পরে উপযুক্ত পরি ত্রিনি কয়টি শোক পাবেন। তাঁহার ভ্রাতার পত্নী হেসির গ্রাণ্ড ডাচেস এলিস এবং তাঁহার নিকট-আত্মীয় ডিউক অফ এলব্যানি এই সময়ে অকালে কালগ্রাসে পতিত করেন।

মহারাণী ভিক্টোরিয়া পরিণত বয়সের জন্ত সাধারণ কার্যে পূর্বের মত আর যোগদান করিতে পারিতেন না ; এ জন্ত রাজকুমারীকে প্রায়শঃ তাঁহার হইয়া রাজ-কর্তব্য পালন করিতে হইত। ১৮৯৭ খৃষ্টাব্দে মহারাণীর Golden Jubilee এবং যুবরাজ ও যুবরাজ-পত্নীর Silver wedding এই সময়ে সমারোহে সম্পন্ন হয়। এই দুই

হয়। কথিত আছে, মাতার রোগশয্যাপার্শ্বে তিনি একাদিক্রমে ১৬ ঘণ্টাকাল রোগের সেবা-পরিচর্যায় আত্মনিয়োগ করিয়াছিলেন। পরে প্রতি বৎসর তিনি একবার জননী সমাধি-মন্দিরে ভক্তি-প্রীতির উপহার প্রদান করিতে যাইতেন।



সপরিবারে রাণী আলেকজান্দ্রা ও সম্রাট এডওয়ার্ড

১৯০০ খৃষ্টাব্দে যুবরাজ ও যুবরাজ-পত্নী কোপেনহেগেনে

যাত্রা করিয়াছিলেন। ক্রসেলস সহর হইতে যখন গাড়ী ছাড়ে, তখন সিপিডো নামক এক যুবক, দম্পতির গাড়ীর ফুটবোর্ডে লাফাইয়া উঠিয়া যুবরাজকে লক্ষ্য করিয়া পর পর দুইটি গুলী ছুড়ে। সৌভাগ্যক্রমে তাহার সন্ধান বার্থ হইয়া যায়। যুবক তৎক্ষণাৎ পতন হয়। সে সময়ে আলেকজান্দ্রার মনের অবস্থা কিরূপ হইয়াছিল, তাহা সহজেই অনুমেয়।

মহারাণী আলেকজান্দ্রা


১৯০১ খৃষ্টাব্দের ২২শে জানুয়ারী তারিখে মহারাণী ভিক্টোরিয়া ইহলোক ত্যাগ করেন। সেই সময়ে আলেকজান্দ্রা অসবোর্ণ প্রাসাদে অবস্থান করিতেছিলেন। তাঁহার পুত্র ডিউক অফ ইয়র্ক তখন রোগশয্যায় শায়িত। যে সময়ে তাঁহার সম্মুখে সংসারের এই ভীষণ পরীক্ষা সমুপস্থিত, সেই সময়ে তাঁহার উপর গুরু কর্তব্যভার অর্পিত হইল। ৩৮ বৎসর কাল যিনি প্রিন্সেস অফ ওয়েলসরূপে জনগণের

প্রীতি-শ্রদ্ধা অর্জন করিতেছিলেন, আজ তাঁহাকে বিধাতার বিধানে ইংলণ্ডের রাজসিংহাসনে স্বামীর পার্শ্বে সমাসীন হইয়া সাম্রাজ্যের শ্রেষ্ঠ মহিলারূপে কর্তব্য পালন করিতে হইল। সে কর্তব্য পালনে তিনি কখনও পরাস্থ হইয়া নাই। তাঁহার পরবর্তী জীবনে তাহার বহু পরিচয় প্রাপ্ত হওয়া যায়।

মহারাণীরূপে আলেকজান্দ্রা Leader of Fashion এবং First Lady of the Empire হইলেন বটে, কিন্তু তাঁহার পারিবারিক জীবনে তিনি যথাপূর্ব আড়ম্বরহিত হইয়া জননী ও পত্নীরূপে কালাতিপাত করিতে লাগিলেন। সাধারণতঃ লোক রাজরাণীর জীবনকে যে ভাবে দেখিয়া থাকে, আলেকজান্দ্রা পারিবারিক জীবনে তাহা হইতে দূরে থাকিয়া শান্ত অনাড়ম্বর জীবন-যাপনে সুখলাভ করিতে লাগিলেন। পুত্র-কন্যাকে এবং পশুপক্ষীকে ভালবাসা তাঁহার জীবনের একটা প্রধান অঙ্গ ছিল। সংবাদপত্রে নিত্য রাজরাণীর দৈনন্দিন জীবনযাপন যে ভাবে বিবৃত হইয়া থাকে, আলেকজান্দ্রা স্বামী ও পুত্র-কন্যার সহিত সেই ভাবে জীবনযাপন করিতেন না, অত্যান্য সাধারণ গৃহস্থের ন্যায় সংসারের সুখ-দুঃখে মগ্ন হইয়া থাকিতেন, একথা ধারণা করাও যেন কঠিন হইয়া পড়ে। কিন্তু প্রকৃতই তিনি সেই ভাবে জীবনযাপন করিতেন :

যুরোপে ও মার্কিণে অধুনা দেখা যায়, পুত্রের জনক-জননীরা আপনাদের আমোদ-প্রমোদে ও বিলাস-লালসায় এমন মগ্ন থাকেন যে, পুত্র-কন্যার শিক্ষা বা চরিত্রগঠনে মনোযোগ দিবার অবসর প্রাপ্ত করেন না। মার্কিণে ইহা এক বিষম সমস্যার বিষয় হইয়া দাঁড়াইয়াছে। যাহাকে Home influence বা জনক-জননীর প্রভাব বলে, আজ-কাল সম্মান-সম্মতির তাহা হইতে বঞ্চিত হইয়া উচ্ছৃঙ্খল ও অসংযমী হইতে অভ্যস্ত হইতেছে। মহারানী আলেকজান্দ্রা কিন্তু এই অপরাধে কখনও অপরাধিনী করেন নাই। শত রাজকার্যের মধ্যেও তিনি নিজ পুত্র-কন্যাকে 'গৃহের প্রভাব' হইতে বঞ্চিত করেন নাই। ইহা তাঁহার ন্যায় ভোগ-বিলাসে লালিতাপালিতা নারীর পক্ষে অল্প শ্রমের পরিচায়ক নহে। ধাত্রী ও শিক্ষকের হস্তে পুত্র-কন্যার ভারার্শণ করিয়া তিনি কখনও নিশ্চিন্ত করেন নাই। তিনি পুত্র-কন্যাকে লইয়া খেলা ও আমোদ-প্রমোদ করিতেন, অখারোহণে বা নৌকারোহণে ভ্রমণ করিতেন, বিদেশযাত্রা করিতেন। এ জন্য পুত্র-কন্যারাও তাঁহাকে আন্তরিক ভালবাসিতেন, ভক্তি-শ্রদ্ধা করিতেন। প্রিন্স 'এডি' যখন জন্মগ্রহণ করেন, তখন হইতে তিনি যেমন অনেক সময় নাসারিতে থাকিতেন, পুত্রকে স্নান করাইয়া কাপড়-চোপড় পরাইয়া দিতেন, তাহার সহিত খেলা করিতেন, তেমনই মহারানী হইয়াও তিনি বয়স্ক পুত্রগণের শিক্ষা ও সেবাপরিচর্যার ভার গ্রহণ করিয়াছিলেন।

১৯০১ খৃষ্টাব্দের ১৪ই ফেব্রুয়ারী তারিখে আলেকজান্দ্রা স্বামীর



রানী আলেকজান্দ্রার "ডেনিস গোশাল।"



ডবলিন ইউনিভার্সিটিতে মহারানী আলেকজান্দ্রার "ডাক্তার অফ মিউজিক" উপাধিপ্রাপ্তি

সহিত প্রথম রাজকার্যে যোগদান করিলেন, রাজা সপ্তম এডওয়ার্ডের প্রথম পালামেণ্টে উদ্বোধনের উৎসবে উপস্থিত হইলেন। তিনি কিরূপ স্বদেশী পণ্যের অমুরাগিণী ছিলেন, তাহা ২০শে আগষ্ট তারিখের তাঁহার পত্রে জানা যায়। ঐ পত্রে তিনি ইংলণ্ডের মহিলাগণকে সঙ্ঘোদন করিয়া বলেন যে, "আমাদের রাজ্যাভিষেক উৎসবে যাহারা উপস্থিত থাকিবেন, তাঁহারা যেন ইংলণ্ডে প্রস্তুত পরিচ্ছদ পরিধান করিয়া আগমন করেন।"

১৯০২ খৃষ্টাব্দের ২২শে জুন তারিখে রাজা এডওয়ার্ড ও রানী আলেকজান্দ্রার রাজ্যাভিষেক উৎসব সম্পন্ন হইবার কথা ছিল। কিন্তু এই সময়ে হঠাৎ অসুস্থ হইয়া পড়েন মূলতুবী থাকে। এই আগষ্ট তারিখে রাজ্যাভিষেক-ক্রিয়া স্তব্ধ হইল। সে সময়ে যাহারা তথায় উপস্থিত ছিলেন, তাঁহারা মহারানী আলেকজান্দ্রার রাজোচিত গাভীর্ষ্য ও ঔদার্য্য পরিলক্ষিত করিয়া প্রীতিলাভ করিয়াছিলেন।

ঐ বৎসরের ২৪শে অক্টোবর তারিখে রাজদম্পতি লণ্ডনে প্রথম শোভাযাত্রা করিয়া প্রজাগণের মধ্যে শকটারোহণে ভ্রমণ করেন এবং গিল্ড হলে তাঁহাদিগকে ভোজ দেওয়া হয়। ২৭শে ডিসেম্বর তারিখে মহারানী আলেকজান্দ্রা বয়স্ক-যুদ্ধে নিহত বৃটিশ সৈনিকগণের ১৪৬৫ জন বিধবা ও পুত্রকন্যাগণকে এক বিরাট ভোজ দেন।

১৯০৩ খৃষ্টাব্দে মহারানী আলেকজান্দ্রা হাঁসপাতাল, রোগীর সেবা-পরিচর্যা প্রতিষ্ঠান সমূহের প্রতিষ্ঠায়

আত্মনিয়োগ করেন। ১৯০৪ খৃষ্টাব্দের ১৭ই জুলাই তারিখে তিনি বৃটিশ রেড ক্রস সোসাইটির প্রথম সভায় সভানেতৃত্ব করিয়াছিলেন। ঐ প্রতিষ্ঠান পরে জার্মান-যুদ্ধে মানুষের শোকতাপ ও ব্যথাহরণে কত সহায়তা করিবে, তখন তাহা কেহ ধারণাও করেন নাই। ১৩ই নবেম্বর তারিখে মহারাণী

জনগণের দ্বারস্থ হইয়া ভিক্ষা-প্রার্থনা করেন — যা হা তে দরিদ্র, উপবাস-ক্লিষ্ট বেকার লোকগণ শীত-কালে কষ্ট না পায়, তাহার জন্ত দেশের হৃদয়বান সম্পন্ন লোকদিগকে সাহায্য করিতে অনুরোধ করেন। ফলে ১ লক্ষ ২৫ হাজার পাউণ্ড মুদ্রা এতদর্থে সংগৃহীত হইয়াছিল। ইহাতে দুইটি বিষয় পরিষ্কৃত হয়,—

(১) মহারাণী আলেকজান্দ্রার পরদুঃখ কাতরতা,

(২) ইংলণ্ডের জনগণের তাঁহার প্রতি প্রীতিশ্রদ্ধা।

১৯০৬ খৃষ্টাব্দে তাঁহার পিতা ডেনমার্কের রাজা নবম ক্রিশ্চিয়ান পরলোকগমন করেন। মহারাণী তাঁহার অন্ত্যেষ্টিক্রিয়ায় যোগদান করিয়াছিলেন।

১৯০৭ খৃষ্টাব্দের ফেব্রুয়ারী মাসে রাজ-দম্পতি প্যারী যাত্রা করেন। সেখানে তাঁহাদের বিরাট অভ্যর্থনা হইয়াছিল। সেখানে ফরাসী জনসাধারণ তাঁহাদিগকে আন্তরিক প্রীতিশ্রদ্ধা জ্ঞাপন করিয়াছিল। রাজা এডোয়ার্ড সার্থক Peace maker আখ্যা লাভ করিয়াছিলেন। মহারাণী

আলেকজান্দ্রাও সার্থক Sweet heart of the world আখ্যা লাভ করিয়াছিলেন।

ইহার পর কয় বৎসর রাজ-দম্পতি নানা রাজ্যে ভ্রমণ করেন এবং কাউয়েস ও লওনে, রুসিয়া, ইটালী ও নরওয়ে প্রভৃতি দেশের নানা রাজারাজীকে সাদরে অভ্যর্থনা করেন। সঙ্গে সঙ্গে তাঁহারা সাধারণের হিতকর নানা অমুষ্ঠানে যোগদান করেন। সে সকল কার্যের বিস্তৃত বিবরণ



উপবিষ্ট কুইন ভিক্টোরিয়া, ক্রোড়ে বর্তমান প্রিন্স অফ ওয়েল্‌স, দক্ষিণে রাণী আলেকজান্দ্রা এবং রাণী মেরী

এ স্থলে অনাবশ্যক। ইহা বলিলে যথেষ্ট হইবে যে, তাঁহারা যুরোপ ও মার্কিণের নানা রাজ্যের সহিত প্রীতি-বন্ধন দৃঢ় করিতে সক্ষম হইয়াছিলেন, সঙ্গে সঙ্গে সাম্রাজ্যের সমস্ত প্রজার প্রীতি-শ্রদ্ধা অর্জনে সাক্ষ্য লাভ করিয়াছিলেন।

রাজমাতা

পরম আনন্দে ও গৌরবে রাজদম্পতির জীবন অতিবাহিত হইতেছিল। কিন্তু চিরদিন সমান যায় না। মানুষের জীবনে সুখের সঙ্গে দুঃখের পরীক্ষার কাল সর্বসময়েই বিদ্যমান। মহারাণী আলেকজান্দ্রাই বা সে নিয়মের বন্ধন

হইতে অব্যাহতি পাইবেন কেন? ১৯১০ খৃষ্টাব্দের মে মাসে মহারাণী করফিউ ছোপে ভ্রমণ করিতে গিয়াছিলেন। এই মে তারিখে তিনি সেখানে তার পাইলেন যে, তাঁহার স্বামী সাংঘাতিক রোগে আক্রান্ত হইয়াছেন। করফিউ হইতে ডোভারে যত শীঘ্র পৌঁছান যায়, মহারাণী তাহা অপেক্ষা বিন্দুমাত্র সময় অপব্যয় করিলেন না। ডোভারে উপস্থিত হইয়া তিনি দেখিলেন, যেন সারা ইংলণ্ড এক গভীর চিন্তা-সাগরে মগ্ন—

লোকের আনন্দ ও আমোদ-প্রমোদ যেন কোন যাহুকরের মায়াদণ্ডে নিমিষে অন্তর্হিত হইয়াছে। ঐ দিন, ও তৎপরদিন বাকিংহাম রাজপ্রাসাদ হইতে সম্রাটের অবস্থাজ্ঞাপক নানা ঘোষণা ঘণ্টায় ঘণ্টায় প্রকাশিত হইতে লাগিল। ৬ই মে

সব শেষ! রাত্রি প্রায় ১২টার সময় মহারাণী আলেকজান্দ্রা বিধবা হইলেন।

এই আকস্মিক দুর্ঘটনায় মহারাণী আলেকজান্দ্রা শোকে মুহমান হইলেন নাই। তিনি জানিতেন, বিধাতার অমোঘ দণ্ড হইতে রাজা-প্রজা কাহারও অব্যাহতি নাই। আরও জানিতেন যে, তাঁহার এই গভীর শোকে আপামর সাধারণ



পার্লিমেণ্টে রাণী আলেকজান্দ্রা ১৯০৫ খৃঃ

প্রজার পূর্ণ সহানুভূতিই তাঁহার যথেষ্ট সাহায্য। সেই সহানুভূতির উত্তরে তিনি প্রজাগণকে সম্বোধন করিয়া লিখিয়াছিলেন,—
“From the depths of my poor heart I wish to express to the whole nation and to our kind people we love so well my deep—
felt thanks for all their touching sympathy in my overwhelming

sorrow and unspeakable anguish Give me a thought in your prayers which will comfort and sustain me in all I have yet to go through.”

শোকে আচ্ছন্ন হইলেও তিনি জগতের লোকের নিকট হইতে বিদায় গ্রহণ করিয়া একবারে নির্জন জীবনযাপন করেন নাই, বরং তাহাদের সহানুভূতি ও সমবেদনার বাণী পাইবার জন্ত আগ্রহ প্রকাশ করিয়াছিলেন। কবি টেনিসন তাঁহার “In Memorium” কাব্যে শোকাচ্ছন্নের মুখ দিয়া বলাইয়াছিলেন, “I will not shut me from my kind,” আমি মানবজাতি হইতে দূরে আমাকে আবদ্ধ করিয়া রাখিব না, অর্থাৎ শোকে মুহমান হইলেও আবার আমি জগতের সুখ-দুঃখের অংশ গ্রহণ করিব।” মহারাণী আলেকজান্দ্রাও এই চরিত্রের মত একবারে নির্জনবাসিনী-যোগিনী সাজেন নাই।

স্বামীর অন্ত্যেষ্টিক্রিয়ার সময়ে তিনি তৎসম্পর্কিত সমস্ত আচার-অনুষ্ঠানে যোগদান করিয়াছিলেন। সেই অন্ত্যেষ্টিক্রিয়াকালের একটি ঘটনা উল্লেখযোগ্য। সপ্তম এডোয়ার্ডের মৃতদেহ সমাধিস্থানে বহন করিয়া লইয়া যাওয়া হইতেছে, রাজা পঞ্চম জর্জ, তাঁহার পুত্রদয় এবং মহারাণী আলেকজান্দ্রা পশ্চাতে শকটারোহণে শব্দ গমন করিতেছেন। সেই শব্দ-গমনকারী দিগের মধ্যে

কাইজার দ্বিতীয় উইলিয়ামও ছিলেন। যখন সমাধিক্ষেত্রে শোভাযাত্রা উপস্থিত হইল, তখন এক জন অশ্বপাল মহারাণীর শকট-দ্বার উন্মোচনার্থ প্রস্তুত হইল। অমনই কোথা হইতে অতর্কিতভাবে কাইজার উইলিয়াম তাঁহার ঘনকৃষ্ণ অশ্ব হইতে অবতরণ করিয়া একলক্ষ অগ্রসর হইয়া মহারাণীর শকটের দ্বার উন্মোচন করিয়া সম্ভ্রমভরে তাঁহাকে ভূতলে অবতরণ করাইলেন। নারীর প্রতি এই সম্মান-প্রদর্শন কাইজারের পক্ষে সে সময়ে অতি শোভনই হইয়াছিল।

তাহার পর ঈশ্বরদেবদশায় মহারাণী আলেকজান্দ্রা এইভাবেই জীবনের অবশিষ্ট কাল অতিবাহিত করিয়াছিলেন।



রাণী আলেকজান্দ্রা (ক্রোড়দেশে ২টি কুকুর)

তিনি একবারে সন্ন্যাসিনী সাজেন নাই বটে, কিন্তু আর তিনি জনসাধারণের সমারোহ বা উৎসবব্যাপারে প্রাণ খুলিয়া যোগদান করেন নাই। ১৯১১ খৃষ্টাব্দে জনসাধারণ আর তাঁহাকে সাধারণ কার্যে বড় একটা দেখিতে পায় নাই। ১৯১২ খৃষ্টাব্দে ধীরে ধীরে আবার তিনি দুই একটি জনহিতকর কার্যে যোগদান করিতে লাগিলেন। ঐ বৎসর ২৬শে জুন তারিখটি “আলেকজান্দ্রাদিন” নামে অভিহিত। ঐ দিন তিনি হাঁসপাতাল-সম্পর্কিত উৎসবে প্রথম সাধারণ কার্যে দেখা দেন। ইহার এক মাস পূর্বে তিনি আর একটি শোক প্রাপ্ত হইলেন, তাঁহার ভ্রাতা ডেনমার্কের রাজা

অষ্টম ফ্রেডারিক পরলোক-গমন করেন। মহারাণী আলেকজান্দ্রা সে শোকও সহ করিয়া এই জনহিতকর কার্যে আত্মনিয়োগ করিয়া সাহসনা লাভ করেন। ইহার পরবৎসর তিনি আর এক শোক প্রাপ্ত হইলেন। তাঁহার আর এক ভ্রাতা গ্রীসের রাজা, আততায়ীর হস্তে নিহত হইলেন। ঐ বৎসর তাঁহার ইংলণ্ডে আগমনের পঞ্চাশৎ বাৎসরিক।

১৯১৪ খৃষ্টাব্দের ৪ঠা আগষ্ট তারিখে ইংলণ্ড জার্মানীর

বিরুদ্ধে যুদ্ধ ঘোষণা করিলেন। সেই বিশ্বযুদ্ধকালে রাজমাতা আলেকজান্দ্রা আহত ও রুগ্ন সৈনিকগণের সেবা-পরিচর্যা কার্যে তাঁহার জীবন উৎসর্গ করিলেন। তখন তাঁহার বয়স সত্তর বৎসর। অথচ সেই পরিণত বয়সে তিনি অক্লান্ত পরিশ্রমে এই সেবাপরিচর্যার ভার গ্রহণ করিতে বিদুমাত্র কাতর হইলেন নাই। তাঁহার সে সময়ের কার্যের পুনরাবৃত্তি নিশ্চয়োজন। হাঁসপাতাল-পরিদর্শন, আহত সৈনিকগণের সুখস্বাচ্ছন্দ্য বিধান, রণসত্তার প্রস্তুতের কারখানা পরিদর্শন, যুদ্ধে নিযুক্ত সৈনিকগণের জন্ত দাতব্য চাঁদা আদায় কার্য, সেবাপরিচর্যার নিয়মকানুন নির্দেশ, সৈনিকগণের পরিবারবর্গের ভরণপোষণের ব্যবস্থা প্রভৃতি



রাণী আলেকজান্ডার শববাহক দল

ব্যাপারে তাঁহাকে কখনও শিথিলপ্রযত্ন হইতে দেখা যায় নাই। যুদ্ধ-বিরতির পর ছয় মাস কাল পর্য্যন্ত তিনি ইহাতে প্রাণমন উৎসর্গ করিয়াছিলেন। এইখানেই তাঁহার নারীত্ব ও মাতৃত্ব পূর্ণাঙ্গে ফুটিয়া উঠিয়াছিল।

১৯২০ খৃষ্টাব্দে তিনি অত্যন্ত পীড়িত হইয়া পড়েন। সেই সময় হইতে তাঁহাকে সাধারণ কার্যে অতিরিক্ত পরিশ্রম করিতে দেওয়া হয় নাই। ১৯২১ খৃষ্টাব্দ হইতে আবার তিনি ধীরে ধীরে সাধারণ কার্যে যোগদান করিতে আরম্ভ করেন। গৃহের কোণে আবদ্ধ হইয়া থাকা তাঁহার প্রকৃতি-বিরুদ্ধ ছিল। ১৯২২ খৃষ্টাব্দে তাঁহার পৌত্রী প্রিন্সেস মেরীর উদ্বাহক্রিয়া সম্পন্ন হইল। তখন হইতে আবার তাঁহার সাধারণ কার্যের গুরুভার বৃদ্ধি হইল। ১৯২৩ খৃষ্টাব্দে রাজকুমারী মেরীর প্রথম সন্তান ভূমিষ্ঠ হইল, রাজ মাতা আলেকজান্ডার পৌত্রীর পুত্রের মুখদর্শন করিলেন ঐ বৎসর তাঁহার ইংলণ্ড আগমনের ষষ্ঠি বাৎসরিক। ঐ বৎসরের ২৬শে এপ্রেল তারিখে

তাঁহার পৌত্র ডিউক অফ ইয়র্কের বিবাহ হইল। সে আনন্দে রাজমাতা যোগদান করিয়াছিলেন।

তাহার পর দুই বৎসর তিনি সান্ত্রিংহাম গ্রামে শান্ত নিৰ্জন বাস করিয়া আসিতে-ছিলেন। ১৯২৪ খৃষ্টাব্দের ১লা ডিসেম্বর তিনি অশীতি বৎসরে পদার্পণ করিলেন। তখনও কেহ বুঝিতে পারে নাই যে, তাঁহার ইহকালের লীলা সাক্ষ হইয়া আসিতেছে। তখনও তিনি শকটারোহণে ভ্রমণ

করিতেন। গত ১৮ই নভেম্বর তারিখেও তিনি শকটারোহণে বায়ু সেবন করিয়াছিলেন। ১৯শে নভেম্বর সংবাদপত্রে ঘোষিত হইল, রাজমাতা অসুস্থ, হৃদরোগে সাংঘাতিকভাবে আক্রান্ত। ১৯২৫ খৃষ্টাব্দের ২০শে নভেম্বর তারিখে তাঁহার আত্মা এই নখর দেহ ত্যাগ করিয়া ইহলোক হইতে চির-বিদায় গ্রহণ করিল। সৌভাগ্যবতী নারী দীর্ঘ রোগ-ভোগে কষ্ট না পাইয়া পুত্র-কলত্র রাখিয়া অনন্তধামে চলিয়া গেলেন।



রাণী আলেকজান্ডার শবযাত্রার দৃশ্য

রাজমাতার অ্যেষ্টিফ্রিয়া

রাজমাতা আলেকজান্দ্রার মৃত্যুর পর তাঁহার দেহ স্ত্রাণ্ডিং-হাম প্রাসাদের শয়নকক্ষে শব্যার উপর রক্ষিত হয়। নানা পুষ্পে তাঁহার দেহ শোভিত করা হইয়াছিল। এক জন প্রত্যক্ষদর্শী বর্ণনা করিয়াছেন যে, সেই সময়ে তাঁহার চিরনিদ্রায় মগ্ন মুখমণ্ডলে অপূর্ণ শান্তি বিরাজ করিতেছিল, তখন যেন তাঁহাকে “ত্রিশ বৎসরের অধিকবয়স্কা বলিয়া বোধ হইতেছিল না।” তাঁহার আত্মীয়স্বজন, বন্ধুবান্ধব, ভৃত্য

ভজনা কার্যের পর উইগসর হুর্গের এলবার্ট মেমোরিয়াল চ্যাপেলে কফিন রক্ষিত হয়। ইহার পর তাঁহার দেহ সেন্ট জর্জেস রাজকীয় চ্যাপেলে রাজা সপ্তম এডোয়ার্ডের কবরের পার্শ্বে রক্ষিত হইবার কথা।

উলফার্টন ষ্টেশনে দেহ নীত হইবার কালে রাজা পঞ্চম জর্জ, যুবরাজ প্রিন্স অফ ওয়েলস, নরওয়ের যুবরাজ, ডিউক অফ ইয়র্ক এবং প্রিন্স হেনরী গান-ক্যারেজের পশ্চাতে নগ্নমস্তকে পদভ্রজে ২ মাইল পথ গমন করেন। রাণী মেরী, রাণী মড, রাজকুমারী ভিক্টোরিয়া এবং গ্রীসের রাজকুমারী



স্থানড্রিংহাম প্রাসাদ হইতে উলফার্টন ষ্টেশনে রাণী আলেকজান্দ্রার শবের শোভাযাত্রা

পরিজন এবং প্রজাবর্গকে একে একে অথবা দুই জন করিয়া একসঙ্গে তাঁহাকে শেষ দেখা দেখিতে দেওয়া হইয়াছিল।

তাঁহার পর তাঁহার দেহ গান-ক্যারেজে করিয়া স্ত্রাণ্ডিং-হাম জমীদারীর মধ্য দিয়া স্ত্রাণ্ডিংহাম গির্জায় স্থানান্তরিত করা হয়। ২৬শে নভেম্বর তারিখের অপরাহ্নে গির্জায় রাজপরিবার শবাধারের পার্শ্বে বসিয়া প্রার্থনা করেন। পরে গির্জা হইতে উলফার্টন ষ্টেশনে এবং উলফার্টন ষ্টেশন হইতে রেলযোগে লণ্ডন লইয়া যাওয়া হয়। লণ্ডনের কিংস ক্রস ষ্টেশন হইতে রাজমাতার দেহ সেন্ট জেমস প্রাসাদে ও পরে তথা হইতে ওয়েস্ট মিনিষ্টার এবিতে নীত হয়। তথায়

শকটারোহণে তাঁহাদের অনুসরণ করেন। স্থানীয় জনগণও সেই শেষ যাত্রায় তাঁহার প্রতি শ্রদ্ধাপ্রীতি প্রদর্শনের জন্ত অনুগমন করিয়াছিল। রাজমাতার শবাধারের উপর রক্ষিত পুষ্পমালাদির সংখ্যা সমধিক হইয়াছিল। পৃথিবীর প্রায় সর্বত্র স্থান ভজনালয়ে তাঁহার আত্মার মঙ্গল কামনা করিয়া প্রার্থনা করা হইয়াছিল। এইরূপে জগতের অসংখ্য লোকের শ্রদ্ধাপ্রীতি অর্জন করিয়া পরিণত বয়সে আলেকজান্দ্রা পরলোকে প্রস্থান করিয়াছেন। তাঁহার Gentle lady of Sandringham আখ্যা চিরদিন তাঁহার জন-প্রিয়তার পরিচয় প্রদান করিবে সন্দেহ নাই।



৩

গজু যে মাসী খুঁজিতে নবদ্বীপ যাচ্ছে, এ কথা সে বদিকে বলেনি। নবদ্বীপ-টবদ্বীপের মত বোষ্টম ভিধিরীর আড্ডা যে গজেন্দ্র-জীবনের দরের লোক চেনে, ফিজি, হাইটের পোজিসানের জেটেলম্যানের মাসী-ফাসী গোছ কিন্তুত কুটম্ব থাকতে পারে, এ কথা সে জীর কাছে কিংবা অন্ত কোন ভদ্রসমাজে স্বীকার করতে সাহস করে না।

এই শিক্ষা সভ্যতা আত্ম-প্রতিষ্ঠার দিনে এখনও এমন লোকের অভাব নেই যারা গজুর স্বভাবের এই বিশেষত্ব প্রশংসার চক্ষুতে দেখেন না, ফলে এই দোষে সেই সব লোক নিজেরা ঠকে মরেন।

ব্রাহ্মণ, বৈষ্ণব, কায়স্থ, নবশাখ প্রভৃতি জাতিভেদের আভিধানিক আখ্যা আজও প্রচলিত আছে বটে, উন্নত-সমাজ কিন্তু এখন অন্তরূপ বর্ণাশ্রমের সৃষ্টি করেছে। অনেকে মনে করেন, বিলাত-ফেরত বাবুরা এক জাত; কিন্তু সেটা একেবারে ভুল সংস্কার; বিয়ান্নিস মোহরী ব্যারিষ্টার আর তিনশো টাকা মাসমাহিনার ল-লেকচারার এক জাতি নয়! মোটর-চড়া বি-এল্ আর ট্রামমাত্র গতি বি-এল্ জাতিতে আলাদা। বত্রিশ-ষোল ভিজিটের ডাক্তার বৈষ্ণব আর দু'চার টাকার ডাকে হাজির ডাক্তার-বৈষ্ণব পাংক্তের নয়। এইরূপ শিক্ষক জাতির মধ্যে কেরাণী জাতির মধ্যে-ও পৈতার বহরের ভিন্নতা আছে; সামবেদীর পৈতা যত লম্বা, যজুর্বেদীর পৈতা তার অর্ধেকও নয়। সুতরাং উচ্চ জাতি বলে পরিচয় দিয়ে সমাজের সম্মান নিতে হ'লে লোককে অনেকটা লেফাপা দোরস্ত হ'য়ে চলতে হয়।

ইকুরস প্রকৃতির দান; কলার কৌশলে সেই রস শরীরায় পরিণত হয়। ছন্দ ও স্বভাব-স্বজিত সুধা কলার প্রক্রিয়ায় মাহুয সেই ছন্দকে স্বল্পসংযোগে দধি বা ছানায় পরিণত ক'রে, আত্মাদের মাধুর্য্য-বৈচিত্র্য উপভোগ ক'রে।

সভ্যতার সঙ্গে কলার উৎকর্ষের বৃদ্ধি হ'লে 'চিনি ও

ছানারূপ প্রকৃতির বিকৃতিপ্রাপ্ত পদার্থদ্বয় একত্র মিলিত হ'য়ে মনোহরা সন্দেশ নামে অভিহিত হয়; পাকপটুতা ঐ সন্দেশকে রসালগ্রাহ সুস্বাদু ক'রে দেয়।

সত্য স্বভাবের দান, কিন্তু যেমন পাকা সোনায় একটু খাদ না মিশালে গহনা গড়া যায় না, তেমনি বিষয়-কর্মে বা সামাজিক আদান-প্রদানে খাঁটি সত্যে Current coin অর্থাৎ বাজার চলন মুদ্রা তৈরী করা যায় না; টাকা, আধুলি, সিকি ভেদে ভাগ বুঝে একটু মিথ্যার খাদ মিশান একান্ত আবশ্যিক। সংসারী লোক যে সত্য কথা কইতে পারে, এ কেউ-ই বিশ্বাস করে না, এই জগতই দোকানে দরকরা-করির সৃষ্টি, হাফ-প্রাইস-সেল্ এত মিষ্টি। লোকে যদি কথায় কথায় দশ বিশ লাখ টাকায় রাজা উজীর মারে, তবে পাঁচ জনে বলে বটে,—“অত জাঁক কিছু নয়, গুঁর দেড় লাখ, দু'লাখ টাকা থাকে ত ঢের।” অন্ততঃ আটশো টাকা মাসিক আয় প্রচার না করলে বন্ধু-বান্ধব ব্যাপারী মহাজন সেটা মনে মনে দু'শো-আড়াইশো ব'লে ধ'রে নেয় না।

যদি-ও আজ পর্য্যন্ত গজেন্দ্র-জীবনের মাসিক আয় গড়ে সত্তর-আশী টাকার উপর পৌঁছায় নি, তবু সে কথার আভাষে চালচলনে এমন একটা লেফাপা বজায় রেখে চলে, যাতে অতি কুটিল বাড়ীওয়ালার ও জটিল দোকানদার-ও সে যে অন্ততঃ টাকা শ'তিনেক পায়, তা ঠিক ক'রে রেখেছে। মফঃস্বলের লোকের এর উপর আর একটা বড় সুবিধা আছে, যা খাঁটি কলিকাতাবাসীদের আদৌ নেই।

পূর্ক-সংস্কার হ'তে আমরা এখন-ও বিশ্বাস করি যে, পল্লীবাসী লোকের কিছু না কিছু ভূসম্পত্তি আছে-ই আছে। এদের মধ্যে-ই আবার অনেকে-ই কথায় কথায় “আমাদের প্রজারা”, “খাজানা আদায়”, “কালেক্টরী”, “মামলা,” “সরীকানি” প্রভৃতি সেরেসতা মাফিফ বুলির কোড়নে আলাপকারী এমন পাক ক'রে তোলেন যে, আমরা তাঁ'দের

ছোট-খাট জমিদার বা যোদ্ধার না মনে ক'রে পারি না। কলাবিৎ গজেন্দ্র অবশ্যই এ সনাতন প্রথা কার্যক্ষেত্রে খাটাতে কল্পর করেনি। কিন্তু মফঃস্বলবাসীদের যেমন এক দিকে ঐ সুবিধা, অল্প দিকে তেমনই একটা বিশেষ অসুবিধা আছে; কলকাতা ত্যাগ ক'রে তাঁ'রা দেশে গেলে-ই বা অল্পত্র রওনা হ'লে এখানকার পাওনাদারদের মনে বড় বড় জমিদারদের সম্বন্ধে-ও কেমন একটা খটকা লাগে, তা গজুর মত লোকের ত কথা-ই নাই।

গজুর ছাট-কোট-টাই আর বদরিকার বুট বেস্লেট দেখে বাড়ীওয়ালা বাড়ীর চাবি খুলে দেন। ছোট-খাটো পরিপাটী দোতলাটি ও তার কাশ্মিরী বারাণ্ডা দেখে বস্ত্র-বাজারের এক জন ক্যাবিনেট মেকার পঞ্চাশ টাকার মাত্র একখানি চেক পেয়ে কোচ, কেদারা, টেবিল, আলমারী, টিপয়, সাইডবোর্ড, দেরাজ, হোয়াটনট, খাট প্রভৃতিতে প্রায় ছ'শো টাকার আম্বাবে ঘরগুলি সাজিয়ে দেয়। বার অমন সাজান-গোছান বাড়ী, ফ্রেঞ্চকাট দাড়ী, আর স্বাধীনা স্ত্রীর সিন্ধের সাড়ী, তা'কে কোন্ দোকানদার না আহাযা আর কোন্ "এণ্ড কোং" না ব্যবহার্য্য বস্তাদি সরবরাহ করে!

দোকানদারদের মধ্যে কি একটা ফ্রি মেম্বর আছে তা বোঝা যায় না, কিন্তু গড়পাড়ের মুদী ক'দিন যেই সাহেবকে চুক্তে-বেকতে না দেখে মুখভারী করা চাকর-দের মুখে "কে জানে কোথায় গেছে" শুনে তাই তো— তাই তো কর্তে শুরু করে, অমনি কোথেকে কি টেলি-প্যাথিতে যেন বৌবাজার ধর্ম্মতলা রাধাবাজার প্রভৃতি সব আড়ঙের এণ্ড কোংরা হাইট সাহেবের বাড়ী বিল পাঠাতে শুরু ক'রে দিলে।

বদরিকা শুধু ব্যতিব্যস্ত নয়, সন্ত্রস্ত। বলা গেছে মাসী বা নবদ্বীপ এ রকম কোন কথা গজু স্ত্রীকে-ও বলেনি আর কা'কেও বলেনি; সে ব'লে গেছে ব্যাঙ্গমা বেগমের একখানা লাইফ সাইজ ছবি আঁকবার জন্য মাদদহের নবাব-বাড়ী থেকে একটা তাঁ'র এসেছে, তাই সে যাচ্ছে। কিন্তু রাধাবাজারের ক্লক মার্চেস্ট টমাস সিন্ধি এণ্ড কোং পি, এন্, বাগ'চীর ডাইরেক্টরী খুলে মালদহে কোন নবাবের নাম না দেখে বড়-ই উদ্ভিগ্ন হ'য়ে পড়েছেন, আর তাঁ'র বৃকের ধুক-ধুকুনিটুকু ব্যোম-ভরঙ্গে বাহিত হ'য়ে হাইট সাহেবের

কৃপাপ্রাপ্ত সকল দোকানদারকে-ই গালে হাত দিয়ে ভাবতে বসিয়ে দেছে।

আজ সকাল থেকে রাঁধুনী চাকর-বাকর কাষ করা বন্ধ ক'রে দিয়েছে। সকলেরই বাড়ী থেকে জরুরী চিঠি এসেছে;—বেয়ারার বাপ মরে মরে, দেখবার ইচ্ছে থাকে তো পত্রপাঠ চ'লে আসে, ছোকরা চাকরটির দেশে বে'র সম্বন্ধ ঠিক হয়েছে, যেতেই হবে; আর বায়ুনঠাকুরের দেশে সব জমী সেটলমেন্ট হচ্ছে—সে রাত্রিতে-ই না রওনা হ'লে দেড় বিঘের জমীদারীতে একটা ভয়ানক গোলমাল হ'য়ে যাবে। তিন চার মাস ধ'রে সকলের-ই মাইনে বাকী পড়েছে, সাহেব কবে ফিরবেন ঠিক নেই, অত বড় মেম সাহেবের হাতে নিশ্চয়ই টাকা আছে, তিনি কেন গরীবদের টাকাগুলি চুকিয়ে দিচ্ছেন না। ঘরে এক দানা চাল, এক গুঁড়ো ময়দা বা এক টুকরো কয়লা পর্য্যন্ত নাই। টাকার অভাবে কয়লাওলা ওয়াগন থেকে ডিলিভারী নিতে পাচ্ছে না, মুদীর দোকানে ভাল চাল নেই, এখন যা আছে, তা সাহেব মুখে দিতে পারবে না, ময়দার ইলেক্ট্রিক কলের মালিক এক ছোড়া মাড়োয়ারী—আর অধিক বলবার প্রয়োজন নেই।

বেলা ১১টা বেজে গেছে, উপবাসী বদরিকা অল্প ভিক্ষের চিন্তার পারে কাল পরশুর পানে চেয়ে যেন একটু ঝাপসা ঝাপসা দেখছে।

পাড়াগেঁয়ে মেয়ে ছোটবেলায় দেশে থাকতে কলকাতা সহরের কত রকম আজগুবি গল্প শুনতো। সেখা রাস্তায় পয়সা ছড়ানো থাকে, মফঃস্বলের লোক গিয়ে ধুলোমুঠো ধরলে সোনা মুটো হ'য়ে যায়, সেখানকার বাবুরা গাড়ী ভিন্ন এক পা নড়ে না, ঝিয়েদের পর্য্যন্ত গা-ভরা সোনাদানা, ভাল ঘরের মেয়েরা তো সেজে-গুজে গড়ের মাঠের ধানের ক্ষেতে, কালীঘাটের চৌরঙ্গীতে মনুমেন্টের ওপর বেড়িয়ে বেড়ায়। দশ বছরের মেয়ে মার সঙ্গে কলকাতায় এসে বাপের বাসায় যদিও এ সব কলকাতাগিরি দেখতে পারনি, তবু কলসী কাঁকে ক'রে পুকুর থেকে জল-ও আনতে হ'ত না, ধান সিজুতে-ও হ'ত না, আর খালা-ঘটি-ও বড় একটা মাজতে হ'ত না। কিন্তু গজু দাদার মুখে লম্বা লম্বা কথা শুনে আর "প্রথম চূষন" "স্বামীর বন্ধু-দর্শনে" প্রভৃতি কবিতা; "বিধবা ধোপানী", "সতীত্বের জগন্নাথ তীর্থ" প্রভৃতি

উপস্থাপ পাঠ করে তা'র বাবা যে এখন-ও যে বাঙ্গাল সেই বাঙ্গাল আছে, এটা সে বিলক্ষণ রকম বুঝতে পেরেছিল, আর ঐ রকম বর্কর বাবা জাতির বিরুদ্ধে বিদ্রোহ ক'রে "নোনার বাংলাকে" ডায়মণ্ডকাটা করবার জন্তই যে গজেন্দ্রের ছায় বুঝা এবং বদরিকার ছায় বুঝতীর জন্ম এটাও তা'র দাদা তা'কে উদ্দীপনার ভাষায় বুঝিয়ে দিয়েছিল।

এই জন্তেই রাখাল যেমন বাঙ্গার থেকে হাঁদের ডিম সেদ্ধ কিনে খেয়ে এক দিন ভারত-উদ্ধারের পথে অনেকটা এগিয়ে গেলুম মনে করেছিল, তেমনি বদি-ও গজু দাদাকে মুকিয়ে বিয়ে করতে সম্মত হ'য়ে সংস্কারের একট প্রদীপ্ত দৃষ্টান্ত দিয়ে সমাজের বাক্ষণ ক'রে দেবে ভেবেছিল।

মোছলমানী খানার আর মোছলমানী তামাকে, "খাইয়ে" তত মজা পায় না, দূরে ব'সে যে জ্বাখে সে ভ্রাণে ঐ ছোটো জিনিস বত লোভনীয় মনে করে। প্রণয়রূপ বিলিভী খানাটাও অনেকটা ঐ রকম। ঘোবনের জলস্থ উহুনে পাকে চড়ায়ে প্রণয় যত নিষ্টি লাগে, বিবাহের পর সান্ধিতে বেড়ে খাবার সময় ততটা সুখকর প্রায় হয় না; হাতে চর্কি চট্চট কর্তে থাকে, মাংসের ছিব্ড়ে দাঁতের ফাঁকে ঢুকে যায়, অশ্রমনস্কে এক একবার হাড় কামড় দিলে দাঁত কনকনিয়ে ওঠে, আর পরদিন প্রভাতে উন্মাদে বাসী পেঁয়াজ-রসুনের— বুঝেছেন তো।

বিনি বত-ই মদ্রগুপ্তি জাহ্নন, স্বামীর ভেতরকার কথা স্ত্রী আর খানসামা খানিকটা টের পাবে-ই পাবে। এক-দিকে যেমন বদি গজুর মনোগ্রাম ছাপা চিঠির কাগজ এন্ডেলাপ পিওন বই কলিং বেল ইলেকট্রিক ফ্যান প্রভৃতিকে বতটা রিয়েলিষ্টিক মনে কর্তো, অত্র দিকে তেমনি তার ক্যাশবাক্সটিকে একটি জাপান পালিশ-করা রোমান্টিক পরার্থ ব'নে-ই ভাবতো; আর চেক বইখানি আয়রণ সেকে না রেখে ওয়েষ্ট পেপার বাসকেটে রাখলে-ই বেশী মানানসই হয় মনে কর্তো।

বিবাহের পর মাস তিনেক যেন একটা ফুলের মালার স্বপ্নের মত চ'লে গেল। তখন "প্রিয়তম" "ব—আমার" "চোখে চোখে হাঁসি" "কোলা চুলের রাশি" অমাবস্তার নিশিতেও নবীন জীবন ছুটতে পূর্ণিমার শশীর সুধাবৃষ্টি করতো। কিন্তু কাথের তাড়া, রান্নাঘরের সাতলানর সাঁড়া, গোছান-খিতানোর দরকার, তাগাদার সরকার, যখন সেই

স্বপ্নের মোহ ভেঙে দিলে তখন ছুজনের-ই আলাপের স্বর একটু ফিরে গেল।

ভায়ের গলায় মালা দিয়ে বদি দেখলে যে, দেশে, সমাজে বা সংবাদপত্রে তেমন একটা কিমাশর্চ্য কিমাশর্চ্য ধ্বনি উথিত হলো না; একখানা সাপ্তাহিকে গয়ারামটা যা একটা ব্যঙ্গ-চিত্র দিয়েছিল মাত্র।

মাতার আত্মহত্যা ও পিতার নিরুদ্দেশ-ও কস্তার মনে বেশ একটু বেদনার ধাক্কা দিলে। তার পর—তার পর বদি যেন গজুর অঙ্গ থেকে স্বামীর সূত্রাণ অপেক্ষা দাদার গন্ধটা-ই বেশী ক'রে পেতে লাগলো।

এততে-ও বদি অনেকটা টেনেটুনে আপনাকে সামলে রেখেছিল, কিন্তু এ ক'দিনের তাগাদা আর আজ একেবারে ভাঁড়ার খালি, চাকর-বাকররা হাত গুটিয়ে ব'নে আছে দেখে বেচারী একেবারে দমে গেল।

আদত কথা, বিবাহ জিনিষটা এক রকম ছোড় কলম বাঁধা; এক গাছে ছোটো কচি ডাল একটু ছুলেছেলে এক-সঙ্গে বেঁধে দিলে দিনকতকের জন্ত জুড়ে যেতে পারে বটে, কিন্তু তা থেকে শেকড় বেরোর না; একটি শেকড়-গুন্ধ ছোট চারার সঙ্গে অত্র একটি বড় গাছের তেজীয়ান নূতন শাখা জুড়ে দিয়ে যে কলম হয়, তাই শেকড় গেড়ে মাটাতে বসে আর ফল-ও দেয়। যুরোপেও শুনেছি কজিন-বিবাহ ইদানীং ক'মে আসছে।

এ ক্ষেত্রে-ও মূলের অভাবে ছুটি ডাল অল্পদিনের মধ্যে ফাঁক হ'য়ে যেতে লাগলো; প্রথম ঘোবনে তপ্তরক্তজনিত আসক্তিকে প্রণয় নাম দিয়ে ছুজনকে একত্র বাঁধবার জন্তে যে হুতাগাছটি জড়ানো হয়েছিল, সেটি মোটে ভাল ক'রে চরকার কাটা নয় কেবল হাত-পাকান, কাথেরই ছুদিনে আলুগা হ'য়ে গেল।

বেলা বারটা বেজে গেছে, মুখখানি শুকিয়ে জলটুকু পর্যন্ত মুখে না নিয়ে বদরিকা ঘরটিতে ব'সে আছে; এমন সময়ে তার বোনের চেয়ে-ও আপনার প্রিয়তমা সখিবয় অরু ও নিপু, সৌহৃদ্য সঙ্ঘোষনে ইমির্টি ও মফিন, জাপানী সিন্ধের শাড়ী জড়ানো মৌন্দর্য্য নিয়ে সবুট-চরণ-চাঞ্চল্যে হাসতে হাসতে দস্তপংক্তির জলুস দেখিয়ে প্রবেশ করেন। অরু একেবারে তাড়াতাড়ি গিয়ে তার স্লামউজের আস্তানা-আবৃত চাকর-বাহুলতার আলিঙ্গনে বদরিকাকে আবদ্ধ ক'রে

বলে;—“আমাদের অন্য় হয়েছে ভাই, তুমি ক’দিন একলাটি আছ, আস্তে পারিনি; কি জান ভাই ইমিঠি, শুনেছ ত আমাদের মিঠার চাকী আর তোমার মফিনের তিনি মিঠার চক্রবর্তী পতিত জাতিকে উন্নত করবার জ্ঞ কি রকম প্রাণপণ চেষ্ঠা কচ্ছেন—”

নিপু। শুনে আশ্চর্য্য হবে মফিন, গেল মাসে উনি একবার দেশে গেছিলেন, সেখানে এক জন নমঃশূদ্রদের বাড়ী একটি আঠার বছরের ছেলে মারা যায়, তাদের বাড়ীর লোকরা কাঁদতে কাঁদতে সেই মড়া নিয়ে যখন নদীর বাগে শোভা-যাত্রা করে, তখন মিঠার চক্রবর্তী কারুর কথায় দৃকপাত না ক’রে বরাবর তাদের সঙ্গে আগে আগে ফুলের মালা গলায় দিয়ে ফুল ছড়াতে ছড়াতে গিয়েছিলেন।

অরু। আর পরশু রাত্রে তুমি-ই না ত্যাগ স্বীকারের কি জলন্ত দৃষ্টান্ত দেখালে! স্বহস্তে মেথরদের উঠান ঝাড়ু দিয়ে—

বদি। মেথরের উঠান!

অরু। হ্যাঁ। দীনহুখী পতিতের বেদনায় যখন পুরুষের বুক কেঁদে উঠেছে, তখন আমরা নারীজাতি কি পশ্চাতে প’ড়ে থাকবো?

আমাদের পাড়ায় এক মেথরদের বাড়ী ছিল, তাদের কার্যে সাহায্য করবার জ্ঞ, উৎসবের আনন্দে যোগ দেবার অভিপ্রায়ে—

নিপু। তোমার ইমিঠি কশুর মার হাতের তৈরী হাজারিবাগি পিঠে পর্য্যন্ত আহ্লাদ ক’রে খেয়েছেন।

অরু। সে ত আমি খেয়েছি-ই, আর তুমি যে ভাই সেই বালুতি-মালতী-মালা-বেষ্টিতা-মেথরাসন স্বহস্তে ঝাড়ু দিয়ে দিলে!

বদি। তা—তা—

অরু। এ বিষয়ে অবশ্য মিঠার চক্রবর্তীকে ধন্যবাদ দিতে হয়; কেন না তিনি ঐ কাষের জ্ঞ নিপুকে একগাছা নূতন ময়ূরপুচ্ছের বুরুষ কিনে দিয়েছিলেন।

নিপু। আর তুমি-ও ত সেই উঠানে আল্পনা দিয়ে দিলে ভাই। কি চমৎকার সে রচনা-ই ইমিঠি, বেন সব সত্যিকার নোট, সত্যিকার কোম্পানীর কাগজ—

অরু। আর সেই কমিক—হাসির ছবিটা!

নিপু। হ্যাঁ হ্যাঁ সে ভাই বড় মজা;—যে পিঁড়েতে

বর-ক’নে দাঁড়াবে তার উপর আল্পনা দিয়ে অরু যে একটা টিকিওয়াল পৈতে-পরা বুড়ো ভট্চার্থি বায়ুনের মূর্ত্তি এঁকে দিয়েছিল; তা দেখলে মিঠার হাইটও স্মথ্যাতি না ক’রে থাকতে পারতেন না।

অরু। ভাল কথা, ইনি ফিরেছেন?

বদি। না।

অরু। কবে ফিরবেন?

বদি। বলতে পারি না।

অরু। চিঠি পত্র—

বদি। কিছু পাইনি।

নিপু। একটা কথা শুন্ছিলুম—অবশ্য শুভবে আমরা বিশ্বাস করি না—

অরু। আর মালদহের মতন পুরাতন সহরে যে এক জন-ও নবাব নেই, এটা কি বিশ্বাসযোগ্য?

নিপু। কলকাতার দোকানদারগুলোর চিরকাল এক রোগ; সলিয়ে ফলিয়ে জোর ক’রে সব জিনিষ গছাবে, তার পর বলা নেই কওয়া নেই বিলের উপর বিল পাঠান!

ঠিক এই সময়ে বদির স্ত্রী বেন যুকোমুখী হ’য়ে বকুতে-বকুতে ঘরের মধ্যে এসে বলতে লাগলো;—“আ মলো হাড়-হাবাতে হতছাড়া সব, মর, মর—চার চারটে দরোয়ান্ আরু ছ’ মিন্বে সরকার না কি বলে ভাই; বলু সবাইকে, খুব দশ কথা শুনিয়া দিমু, আ গেলো যা, সাহেব ফিরুক, ট্যাকা রোজগার কর্তে গেছে, ছশো পাঁচশো নিয়ে ঘরকে আসুক, তখন বিল দেখাস, কিল তুলিস; ভদর ঘরের মেয়ের ওপর এ উৎপাত কেন? বেচারী একে এই বেলা পর্য্যন্ত মুখে স্বলটুকু দেয়নি;—”

নিপু। অরু!

অরু। নিপু!

নিপু। তবে সত্যি?

অরু। দেখছি ত ভাই।

নিপু। মিথ্যা! মিথ্যা! সব মিথ্যা!

অরু। উঃ প্রতারণা! প্রতারণা! মিথ্যা!

বদি। কেন কি হ’লো ইমিঠি, কি হ’লো ভাই মফিন?

নিপু। এখন-ও প্রতারণা! এখন-ও ইমিঠি!

এখন-ও মফিন!

বদি। তবে কি বলবো ?

অরু। নতজানু হ'য়ে ক্রমাগত প্রার্থনা করা তোমার উচিত।

নিপু। আমাকে যে নারকলের খাবার তৈরী ক'রে সিন্ধের জ্যাকেট দিয়ে তত্ত্ব করেছিলে, তা প্রতারণা !

অরু। আমার বিবাহের বাৎসরিক উৎসবের দিনে যে রূপোর পাউডারের কোটা দেওয়া হয়েছিল, তাও প্রতারণা ; আমি মিথ্যার উপহার গ্রহণ করিছি ; কি পাপ !

নিপু। এখন-ও আমরা লেডী মনে ক'রে আপনার লোকের মত কথা বলছিলাম—মানা করেনি—উপোস ক'রে মর্চে বলেনি !

অরু। যার একটা জলখাবার পয়সা নেই, ঘরে বোধ হয় চাল-ও নেই, সে কি না আশ্রয় ক'রে আমাদের নিজের সঙ্গে একাসনে বসিয়েছে।

নিপু। অন্নহীন ! ইতর ! ইতর ! ধিক্ ! ধিক্ ! এস অরু, আমরা এখন সকলকে সাবধান ক'রে দিই ; সোসাইটি গেল ! মেথর-মিত্রা নৃপেন্দ্রকুমারী আত্মমর্যাদার তাড়নায় অরণার কর-তরুশাখা ধরিয়া খরপদে গৃহ-ত্যাগ করিয়া গেলেন।

বদি কাদিয়া ফেলিল ; এ কান্নায় কলা প্রকাশের আভাষও ছিল না, একেবারে বুকখানা ফেটে রক্ত যেন গ'লে জল হ'য়ে পল্লীবালার চোখ দিয়ে গড়িয়ে ঝর-ঝর ক'রে প'ড়ে গেল।

আর ঝি—সে তো একেবারে অবাক !

যদি কেউ এ লেখাটা পড়েন, তা হ'লে ভেবে দেখবেন কথাটা বড় সোজা নয় ; ঝি অবাক ! যে খোলার-ঘর-বাসিনী সকালে-বিকলে-কাথ-ক'র্তে-আম্বুনি, কথায়-কথায়-মনিবের-ওপর-কম্বুনি, বাবু-ধাক্কা-পরিহিতা, চুড়ী-বলয়িতা কাণে মাকড়ি নাকে জাঁকড়ি নিজের চাকরী ক'র্তে এসে আর্টটোর মধ্যে বাসন মেজে দিয়ে, মনিবের আফিসের চাকরীটি বজায় রেখে দেয়, সেই ঝি-জাতি-সম্ভবা আমাদের এই নিম্নমুখী ঝি,—বদরিকার জন্ত জীবন বিসর্জনে সমর্থ মফিন্ ইমির্জির কীর্তি দেখে ঝাঁটা নিয়ে তেড়ে যাওয়া চুলোয় যাক, মুখে একটা রা কাড়তেও পারেনা। বেচারী আন্তে আন্তে মেজের ব'সে প'ড়ে, একটু যেন অপ্রস্তুতভাবে

প্রভুপত্নীর দিকে চেয়ে ব'লে ;—তা—তা—মা, স্থ্যি চ'লে প'ড়তে যায়, এতবেলা মুয়ে একটু জলও দেও নি, তা—তা—আমি হাঁড়ীটে চড়িয়ে দেব ? কয়লা এখনও দিন হুয়ের মত ঘরকে আছে, হুকিয়ে রাখছি।

বদ। হাঁড়ী চড়াবে তুমি !

ঝি। হ্যাঁ মা, মিন্‌সেগুগোর হ্যাঁপায় প'ড়ে আমিও গোসা ক'রে ঘর চ'লে গেছ'হু ; রান্না ক'রে ছ মুঠো খাবার পর মনটা যেন কেমন আকুটে উঠলো, তাই ঘর থেকে এক নোট চাল, এক মুঠো ডাল আর গোটা ছই আনু টালু এনেছি,—এত বেলায় বাজারকে গেলে মাছ টাছ কি আর পের্তু ;—তা' দি না ছটি চড়িয়ে, আহা ছেলেমানুষ কি উপুখী থাকতে পারে !

বদরিকার চোখের জল এখনও শুকায় নি, কথা-গুলোও যেন গলার ভেতর দে ঠেলে ঠেলে বেরোতে লাগলো ;—ব'লে—“তা' তুমি কেন এতটা ক'র্তে গে'লে—গরিব মানুষ—”

ঝি। অ হরি ! আমরা আবার গরিব হ'নু কদিন থেকে ? বানাদের সোনাদানা আছে তানারাই তো ধন কড়ি খোয়া গেলে গরিব হয় ; আমরা বড়লোক-ও নই, ক্যান্ডাল-ও নই, ছিরকালটা ঝি আছি ছিরকালটাই ঝি থাকব—গতর যদিইন টে'কবে। দশ বছর আগে যে ভাত খেয়েছি আজও সেই ভাত খাচ্ছি, দশ বছর পরেও সেই ভাত খাব।

বদ। তা আমিই কেন রাঁধি না।

ঝি। কোন্ বুক নিয়ে রাঁধবে মা ; অই ঝকমকে ডাইনি ছটো বাণ মেরে যে তোমার আদেক রক্ত চুষে খেয়ে গেল ! আমিই দিচ্ছি ঝপ্ ক'রে ছটো সেদ্ধ ক'রে ;—তোমরা তো আর জাত ফাত মানো না।

বদ। জাত না—জাত না, তবে তুমি—

ঝি। (ঈষৎ হাসিয়া) তা বটে—তা বটে, দেহোটা একটু অশুদ্ধ ; কিন্তু মা তোমার এই বিয়ের কথা আমি জানি, পাঁচ জনে পাঁচ কথা বলবে ব'লে কারুর কাছে ভাঙি নি।

বদ। (সচকিতে) আমার বিয়ের কথা ! তা—তা—তুমি কি জানো ?

ঝি। (নিম্নস্বরে) সাহেব তো তোমার পিণ্ডতো

ভাই; বাঙালীর ঘরে মুরগীই খাও জুতোই পর, ভাই বোনে তো আর বিয়ে হয় না, ও এক রকম রাখা রাখি;—

বদি একেবারে মেজের লুটিয়ে প'ড়ে ডুকরে কাঁদতে লাগলো। ঝি স্নেহে তাকে তুলে বুকের কাছে টেনে নিয়ে চোখ মুছোতে মুছোতে ব'লে, “মা ভচ্চনা করিনি, ভচ্চনা করিনি, বুকে বাজবে মনে ক'রেও বলিনি, একে দিশী লোক, তায় ছেলেমানুষ, কিছু তো জানো না; আমি সব ভাল ভাল লোকের কাছে গুনিচি তোমার পেটে একটা হ'লে, বাছা সাহেবের একটা দাঁতখোটা খ'ড়কে এক পাটা ছেঁড়া জুতোও পাবে না।”

বদি ফোঁপাতে ফোঁপাতে ব'লে, “সে কি, সে কি তুমি এ সব কথা কোথেকে জানলে?”

ঝি। ওমা, তোমরাই কি একা কাগচ পড়, আমাদের-ও খবরের কাগচ আছে।

বদি। তোমাদের খবরের কাগচ?

ঝি। গঙ্গার ঘাট না গঙ্গার ঘাট;—গঙ্গার ঘাট আমাদের খবরের কাগচ। আমার এক মাসী যে নিত্য গঙ্গার চান করে, তিনি জগন্নাথের ঘাটে এক আলোচালের গদীর মণ্ডাদারণী।

বদি আর কোনো কথা কহিল না; বাপের বাড়ী ছাড়ার পর এমন মিষ্টি ভাত সে আগে খায়নি।

মরণ যে কত মিষ্টি, তা শোক তাপ নৈরাশ্রের জ্বালায় সময় ঘুম এসে মানুষকে এক একবার বুঝিয়ে দে যায়।

কিন্তু ঘণ্টা দুই-ও বদি ভাল ক'রে সে সোয়ান্তিটুকু ভোগ ক'র্তে পেলো না। নীচেয় চাকর-বাকর পাওনাদারদের গোল আর বাড়ীওয়ার সরকার দরওয়ানের কর্কশ চীৎকারে সে কি একটা স্বপ্নের মাঝখানে ধড়মড়িয়ে জেগে উঠে বাইরে এসে দেখে যে নীচেয় মহা তর্জন গর্জন; বৌবাজারের বাবুতে আর বাড়ীওয়ার দরওয়ানে যেন লড়াই

বেধেছে, এক জন বসবার ঘর থেকে টেবিল চেয়ার সব টেনে বের কর্বে আর এক জন তা বের ক'র্তে দেবে না—ভাড়ার জন্তে আটক রাখবে। আকাশের পানে চাইতে গিয়ে বদি দেখলে যে পাশের সব বাড়ীর বৌ-টৌ গিন্নী-টিনী খড়খড়ি খুলে কি ছাতে উঠে যেন বরষাত্রা বা প্রতিমা বিসর্জনের মজা দেখছেন; কাষেই সে আবার ঘরে ঢুকে দেয়ালে হাতখানা দিয়ে কাঠ হ'য়ে দাঁড়িয়ে রইলো; লুটিয়ে পড়বার ক্ষমতাও তার নাই।

* * * * *

খান্ হুস্তিন বাড়ী ছাড়িয়ে একটি সরু গলির ভেতর এক ঘর গৃহস্থ ব্রাহ্ম পরিবার বাস ক'র্তেন, পাড়ার ছ'চার ঘর ব্রাহ্ম ছাড়া তাঁদের অপর বাড়ীর সঙ্গে বড় মেশামিশি ছিল না, বিশেষ মেয়েয় মেয়েয়। হঠাৎ তাঁদের বাড়ীর গিন্নী সেই ঘরে ঢুকে বদির হাতখানি ধ'রে ব'লেন; “আয় মা আমার সঙ্গে আয়, একে ছেলেমানুষ তায় একা ভয় পাবারই তো কথা!

বদি কোনও কথা কহিল না, এই ব্রাহ্মগৃহিণীর স্নেহ-মাখা হাতের আকর্ষণে তিন বছরের শিশুর চলনে তার পা ছুখানি মাত্র চলিয়া বাটার বাহিরে গেল। যাবার সময় দেখলে একটি ভদ্রলোক—বোধ হয় তার রক্ষাকর্তীর পুত্র—বাটার চাবিটি তাঁর নিজের জামীনে রাখার বন্দোবস্ত ক'র্তেন।


* * * * *

বিবাহের তাৎপর্য বদি ঝিয়ের কাছে বুঝেছে; ব্রাহ্ম-গৃহিণী তার ধাত্রীকার্য্য শিক্ষার বন্দোবস্ত ক'রে দিয়ে তাকে মেয়ের মত নিজের বাড়ীতে রেখেছেন।

গজেক্তের জীবনে এখন সত্যসত্যই একমাত্র উপায়—মাসি!

[ক্রমশঃ।

শ্রীঅমৃতলাল বসু।



শোচনীয় মৃত্যুসংবাদ

বাহাদুর প্রসিদ্ধ নাট্যকার-দীনবন্ধু মিত্র মহাশয়ের তৃতীয় পুত্র রায় বাহাদুর বঙ্কিমচন্দ্র মিত্র তাঁহার কলিকাতার “দীন-ধাম” ভবনে বিগত ২২শে অগ্রহায়ণ আশ্বহত্যা করিয়া ইহলোক ত্যাগ করিয়াছেন। ইংরাজী ১৮৬০ খৃষ্টাব্দে যশোহর জিলার অন্তঃপাতী চৌবেড়িয়া গ্রামে বঙ্কিমচন্দ্র জন্মগ্রহণ করেন। বাল্যে তিনি কৃষ্ণনগর কলেজিয়েট স্কুলে বিদ্যাশিক্ষা করেন এবং তৎপরে কলিকাতায় আনিয়া শিক্ষা সম্পন্ন করেন। এম্-এ ও বি-এন্স পরীক্ষায় উত্তীর্ণ হইয়া ১৮৮৭ খৃষ্টাব্দে তিনি মুন্সেফী চাকুরী গ্রহণ করেন এবং নানাস্থানে চাকুরী করিবার পর ১৯০৮ খৃষ্টাব্দে সবজ্জের পদে উন্নীত হইলেন। ১৯১৩ খৃষ্টাব্দে তিনি কলিকাতা ছোট আদালতের জজের পদে নিযুক্ত হইলেন। ১৮৭৯ খৃষ্টাব্দে মেদিনীপুরের প্রসিদ্ধ সরকারী উকীল রায় বিপিনবিহারী দত্ত বাহাদুরের জ্যেষ্ঠা কন্যা শ্রীমতী প্রিয়ম্বদার সহিত তাঁহার বিবাহ হয়। গত ১৯১৬ খৃষ্টাব্দে তাঁহার পত্নী বিয়োগ হয়। তাঁহার কয়েকটি পুত্র-কন্যা বিদ্যমান।

বঙ্কিমচন্দ্র অমর পিতার বহু সদগুণ প্রাপ্ত হইয়াছিলেন, তন্মধ্যে তাঁহার সাহিত্যাহুরাগ সর্বাপেক্ষা অধিক উল্লেখযোগ্য। সরকারী কার্যে বোগ্যতা প্রদর্শনের ফলে তিনি রায় বাহাদুর উপাধিতে সন্মানিত হইয়াছিলেন, কিন্তু এই সরকারী কার্য সম্পাদন করিবার কালেও তিনি তাঁহার মাতৃভাষার সেবায় আত্মনিয়োগ করিবার অবসর প্রাপ্ত হইয়াছিলেন। তিনি সুকবি, তাঁহার বহু কবিতা নানা মাসিকপত্রে প্রকাশিত হইয়াছিল। সেই সকল কবিতা একত্র গ্রথিত করিয়া তিনি ‘অকিঞ্চন’ নামে এক কাব্যগ্রন্থ


প্রণয়ন করিয়াছিলেন। ‘চীবর’ তাঁহার আর একখানি কাব্যগ্রন্থ। ভারতধর্মমহামণ্ডল তাঁহাকে ‘কবিভূষণ’ উপাধি প্রদান করিয়াছিলেন।

বঙ্কিমচন্দ্র সরল, অনাড়ম্বর জীবন যাপন করিতেন। তাঁহার মৌলিক ও অমায়িকতা তাঁহার জীবনে বহু বন্ধুগণের সোপান হইয়াছিল। “দীন-ধামে” (তাঁহার পিতা দীনবন্ধুর নামে এই ভবনের নামকরণ করা হইয়াছিল) বহু সময়ে বহু সাহিত্যিকের সমাগম হইত। বঙ্কিমচন্দ্র এ সকল সামাজিক ও সাহিত্যিক মিলনে পরমানন্দ লাভ করিতেন।

বঙ্কিমচন্দ্র পারিবারিক জীবনে অনেক শোক-তাপ পাইয়াছেন। পরিণত বয়সে পত্নী-বিয়োগ-ব্যথা তাঁহাকে বড়ই বাজিয়াছিল। তাহার উপর তাঁহার এক পুত্র-বিয়োগে তিনি অত্যন্ত কাতর হইয়া পড়িয়াছিলেন। এ শোক তিনি সহ করিতে পারেন নাই, আশ্বহত্যা করিয়া ইহ-জগতের সকল শোক-তাপের প্রভাব হইতে মুক্তিলাভ করিয়াছেন। তাঁহার এই অস্বাভাবিক মৃত্যুতে আমরা স্তম্ভিত হইয়াছি। শিক্ষিত, সুচরিত্র, কৃতবিদ্য লোক এইভাবে ইহলোক হইতে বিদায় গ্রহণ করিলে মনে অস্বস্তি অহুভব করাই স্বাভাবিক।

ইদানীং তিনি অনিদ্রা ও মূত্ররুদ্ধ রোগে কষ্ট পাইতেছিলেন। বোধ হয়, ইহাও তাঁহার অপমৃত্যুর অল্প এক কারণ। ঘটনার দিন তিনি তাঁহার ভবনের স্নানাগারে সর্বান্ত স্পিরিট নিরুত্তর করিয়া অধিদাহে ইহলীলা সাক্ষর করিয়াছেন।

মৃত্যুকালে তাঁহার বয়স ৬৫ বৎসর হইয়াছিল। অতীব হৃৎখের কথা, তাঁহার বর্ষীয়সী জননী এখনও বর্তমান!



সম্পাদক—শ্রীসতীশচন্দ্র মুখোপাধ্যায় ও শ্রীসত্যেন্দ্রকুমার বসু
কলিকাতা, ১৬৬ নং বহুবাড়ার ষ্ট্রীট, ‘বসুমতী’ বৈজ্ঞানিক-রোটারী-মেসিনে শ্রীপূর্ণচন্দ্র মুখোপাধ্যায় মুদ্রিত ও প্রকাশিত



অনন্ত শয়নে

বসুমতী প্রেমা]

[প্রাচীন চিত্র হইতে ।

মাসিক

বসুমতী



৪র্থ বর্ষ]

মাঘ, ১৩৩২

[৪র্থ সংখ্যা]

রসশাস্ত্র

৩

অলঙ্কারশাস্ত্র বা রসশাস্ত্রের যে সকল গ্রন্থ বর্তমান সময়ে প্রচলিত দেখিতে পাওয়া যায়, তাহাদের মধ্যে ভারত মুনি প্রণীত 'নাট্যশাস্ত্রই' সর্বাপেক্ষা প্রাচীন বলিয়া বোধ হয় ; ভারত-প্রণীত নাট্যশাস্ত্রের পূর্ববর্তী কোন রস-গ্রন্থ এ পর্যন্ত প্রাপ্ত হওয়া যায় নাই। এই নাট্যশাস্ত্র ঠিক কোন সময়ে বিরচিত হইয়াছিল, তাহা নিশ্চিত করিয়া বলিতে পারা যায় না, কিন্তু খৃষ্ট-পূর্ববর্তী প্রথম শতাব্দীতেও ইহা যে প্রচলিত ছিল, তাহা অস্বীকার করিবার উপায় নাই। ভারত-নাট্যশাস্ত্র এক্ষণে আমরা যে আকারে দেখিতে পাইতেছি—সেই আকারে ইহা প্রচলিত হইবার পূর্বেও সংস্কৃত ভাষায় বহু কাব্যগ্রন্থ প্রচলিত ছিল, তাহা এই ভারত-শাস্ত্র হইতেই জানিতে পারা যায়। ঐ সকল কাব্য ও নাটক প্রভৃতিতে রসময় কবিতার সন্নিবেশ-প্রণালী দেখিলেও বেশ বুঝিতে পারা যায় যে, তৎকালে রসশাস্ত্রের সম্যক আলোচনা ভারতবর্ষে সুপ্রতিষ্ঠিত হইয়াছিল। শুধু তাহাই নহে, কালিদাস প্রভৃতি পরবর্তী মহাকবিগণ যে

সকল ছন্দের বহুল ব্যবহার করিতেন, সেই সকল ছন্দ অর্থাৎ শার্দূল বিক্রীড়িত, অঙ্কুরা, বসন্ত তিলক, শিখরিণী, ইন্দ্রবজ্রা ও উপেন্দ্রবজ্রা প্রভৃতি ছন্দঃও সেই সময় কবিগণের মধ্যে সুপ্রচলিত ছিল। এই প্রকার বহু আভ্যন্তরীণ প্রমাণ দ্বারা ইহা অনায়াসেই প্রতিপন্ন হয় যে, এই ভারত-নাট্যশাস্ত্র রচিত হইবার বহু শতাব্দী পূর্বে হইতেই সুমার্জিত, রুচিসঙ্গত, সুসংস্কৃত বহু 'দৃশ্য ও শ্রব্য-কাব্য' ভারতে প্রচলিত ছিল! দৃশ্যকাব্য কি ভাবে রচিত হইলে তাৎকালিক শিষ্ট সামাজিকগণ কর্তৃক আদৃত হইত এবং দৃশ্যকাব্য রচনার মুখ্য উদ্দেশ্যই বা কি, তাহা অতি স্পষ্টভাবে ভারতশাস্ত্রে বিস্তৃতভাবে আলোচিত হইয়াছে। নাটক প্রভৃতি দৃশ্যকাব্যের দ্বারা সমাজে কি কি উপকার সাধিত হইয়া থাকে—তাহা বর্ণনা করিতে যাইয়া ভারত মুনি যাহা বলিয়াছেন, তাহা বর্তমান সময়ের নাটকরচয়িতা কবিগণের বিশেষভাবে প্রণিধানযোগ্য।

“ধর্ম্মা ধর্ম্মপ্রবৃত্তানাং কামাঃ কামার্থসেবিনাম্ ।
নিগ্রহো ছুর্বিনীতানাং মত্তানাং দমনক্রিয়া ॥
ক্লীবানামপি যুনাং বা উৎসাহেশ্বরমানিনাং ।
অবোধানাং বিবোধশ্চ বৈদগ্ধ্যং বিছ্যামপি ॥
ঈশ্বরানাং বিলাসশ্চ রতিরুদ্ধিগ্ধচেতসাম্ ।
সর্বোপজীবিনামর্থঃ ।” ইত্যাদি ।

ইহার তাৎপর্য এই যে, যাহাদের ধর্মে প্রবৃত্তি আছে— তাহাদের ধর্ম্ম এই দৃশ্যকাব্য হইতে হইয়া থাকে—যাহারা কামার্থ সাধক তাহাদের কামও ইহা হইতে হইয়া থাকে, ছুর্বিনীতগণ ইহা দ্বারা নিগ্রহীত হয়, মদমত্ত ব্যক্তিগণের দমনও ইহা দ্বারা হয়, যাহারা ক্লীব-প্রকৃতি, তাহাদেরও ইহা দ্বারা দাস্ত হইতে পারে। উচ্ছৃঙ্খল-চরিত্র তরুণগণ, ঐশ্বর্যাভিমानी ও বোধহীন ব্যক্তিগণ এই নাটক হইতে কর্তব্য-বোধ লাভ করিতে পারে, বিদ্বৎসমাজও ইহার দ্বারা বৈদগ্ধ্য লাভ করিয়া থাকে। উদ্বিগ্নচিত্ত ব্যক্তিগণের ইহাতে চিত্ত উন্নত হয়, এক কথায় বলিতে গেলে বলিতে হয় যে, সকল প্রকার প্রয়োজনের অপেক্ষাকারী ব্যক্তিগণ ইহা দ্বারা নিজ নিজ অভীষ্ট লাভ করিতে সমর্থ হইয়া থাকে।

ভরত মুনির এই প্রকার উক্তি সমূহের দ্বারা স্পষ্টই প্রতীত হয় যে, প্রাচীন ভারতে দৃশ্যকাব্যের উদ্দেশ্য কেবল লোকের চিত্তরঞ্জনই ছিল তাহা নহে, কিন্তু চিত্তরঞ্জনের সঙ্গে লোকনিবহের সংকার্যে প্রবৃত্তি এবং অসংকার্য হইতে নিবৃত্তির উৎপাদন দ্বারা সমাজের পরমকল্যাণ-সাধনই তাহার প্রধান ও অনুপেক্ষণীয় উদ্দেশ্য ছিল। যাহারা উচ্ছৃঙ্খল প্রবৃত্তির বশে বিধি-নিষেধ উল্লঙ্ঘন করিয়া সামাজিক অশান্তির উৎপাদন করিয়া থাকে, ব্রহ্মাস্বাদসদৃশ বিশুদ্ধ রসাস্বাদনের দ্বারা বিশুদ্ধ করিয়া তাহাদিগকে নিজের ও সমাজের হিতকর কার্যে প্রবর্তিত করাই রসাত্মক কাব্যের মুখ্যতম উদ্দেশ্য হওয়া উচিত, এ কথা কবিকে ভুলিলে চলিবে কেন? পূর্বজন্মের বহু স্মৃতির ফলে যাহারা এ সংসারে কবিত্বশক্তি লইয়া জন্মগ্রহণ করেন, তাঁহারা যদি কেবল নিজ খেয়ালের বশবর্তী হন এবং সেই খেয়ালের বশে জনচিত্তদূষক কাব্যরচনা করেন, তাহা হইলে তাঁহাদের সেইরূপ উচ্ছৃঙ্খল কাব্যরচনা সমাজের সর্বনাশের পথকে উন্মুক্ত করিয়া দেয়, এই কারণে তাঁহারা শিষ্ট সামাজিকগণের অশ্রদ্ধারই পাত্র হইয়া থাকেন।

ভরত মুনির পরবর্তী ভারতীয় আলঙ্কারিক আচার্য্য-গণের মধ্যে আনন্দবর্দ্ধনাচার্য্যের নামই সর্বপ্রথমে উল্লেখযোগ্য। আনন্দবর্দ্ধন খৃষ্টীয় নবম শতাব্দীর শেষভাগে কাশ্মীরদেশে বিদ্যমান ছিলেন। এই সময়ে অবন্তী বর্ষা কাশ্মীরের নরপতি ছিলেন, ইহা রাজতরঙ্গিণী নামক সুপ্রসিদ্ধ সংস্কৃত ইতিহাস-গ্রন্থে দেখিতে পাওয়া যায়। আনন্দবর্দ্ধনাচার্য্যের ‘ধ্বন্যালোক’ নামক গ্রন্থে কাব্য সমালোচনা অতি সুন্দরভাবে করা হইয়াছে। অভিনব গুপ্তপাদাচার্য্য ও মন্মট ভট্ট প্রভৃতি সুপ্রসিদ্ধ আলঙ্কারাচার্য্যগণও কাব্যসমালোচনা বিষয়ে আনন্দবর্দ্ধনাচার্য্যেরই পদাঙ্ক অনুসরণ করিয়া প্রভূত যশঃ অর্জন করিয়া গিয়াছেন, এই আনন্দবর্দ্ধনাচার্য্য স্ব-প্রণীত ধ্বন্যালোক নামক গ্রন্থে এক স্থানে বলিয়াছেন,—

“অনৌচিত্যাদৃতে নাগ্ৰদসভঙ্গশ্চ কারণম্ ।

প্রসিদ্ধৌচিত্যবন্ধস্ত রসশ্চোপনিষৎ পরা ॥”

ইহার তাৎপর্য এই যে, অনুচিত বর্ণনা ব্যতিরেকে রসভঙ্গের অণু কোন কারণই নাই। লোকসমাজে যাহা উচিত বলিয়া প্রসিদ্ধ, তদনুকূলভাবে যদি কাব্য বিরচিত হয়, তাহা হইলে সেই কাব্যকে রসের পরম উপনিষদ্ বলিয়া বুঝিতে হইবে।

উপনিষৎ সমূহে সর্বদোষবিনর্জিত ব্রহ্মরূপ রসের তত্ত্ব উপদিষ্ট হইয়া থাকে, কাব্যেরও প্রতিপাত্ত সেই রসতত্ত্ব, ব্রহ্মের ত্রায় বিশুদ্ধ সেই রসতত্ত্বের প্রতিপাদক যে কাব্য, তাহাতে যদি মানসিক অশুদ্ধির হেতু কোন বিষয় বর্ণিত না হয়, তাহা হইলেই সেই কাব্য উপনিষদের ত্রায় শিষ্ট-সমাজে আদৃত ও শ্রদ্ধেয় হইয়া থাকে—ইহাই হইল আনন্দবর্দ্ধনাচার্য্যের উল্লিখিত শ্লোকটির অভিপ্রায়।

এই নিজকৃত শ্লোকটির তাৎপর্য বর্ণনাপ্রসঙ্গে তিনি স্বয়ং কি বলিয়াছেন? তিনি বলিয়াছেন,—

“ইয়ং তু উচ্যতে ভরতাদি স্থিতিং চানুবর্তমানেন মহা-
কবিপ্রবন্ধান্ পর্য্যালোচয়তা স্বপ্রতিভাং চানুসরতা কবিনা
অবহিতচেতসাত্ত্বা বিভাবাণৌচিত্যত্রংশ পরিত্যাগে
পরঃপ্রযত্নো বিধেয়ঃ । ঔচিত্যবতঃ কথা শরীরশ্চ বৃত্তশ্চ
উৎপ্রেক্ষিতশ্চ বা গ্রহো ব্যঞ্জক ইত্যনেন এতৎ প্রতি-
পাদয়তি যৎ ইতিহাসাদিষু রসবতীষু কথাষু বিবিধাষু
সতীষু অপি যৎ তত্র বিভাবাণৌচিত্যবৎ কথা শরীরঃ
তদেবগ্রাহং নেতরৎ । বৃত্তাদপিচ কথা শরীরাহুৎপ্রেক্ষিতে

বিশেষতঃ প্রযত্নবতা ভবিতব্যং। তত্রহি অনবধানাৎ
শ্লতঃ কবেরব্যুৎপত্তি সম্ভাবনা মহতী ভবতি।”

ইহাই বলা হইতেছে যে, ভারত প্রভৃতি যে মর্যাদা
বাধিয়া দিয়াছেন, কবি তাহার অনুবর্তন করিবেন, অত্যা
মহাকবিগণের রচিত কাব্যনিচয় তিনি ভাল করিয়া অনু-
শীলন করিবেন এবং নিজ প্রতিভারও অনুসরণ করিবেন।
অবলম্বন এবং উদ্দীপন প্রভৃতি রস-সৃষ্টির উপাদান সমূহের
ঔচিত্যের ব্যাঘাত যাহাতে না হয়, এইভাবে অবহিতচেতা
হইয়া তিনি কাব্য-নির্মাণে প্রযত্নপর হইবেন, কথার
উপাদানস্বরূপ যে বস্তু, তাহা কল্পিত বা ইতিবৃত্তমূলক
হউক—সর্বথা তাহা লোকসমাজের অনুকূল বা উচিত
হওয়া আবশ্যিক, এইরূপ কথা বস্তুতঃ রসের ব্যঞ্জক হইয়া
থাকে। এই প্রকার নির্দেশ করিয়া উক্ত শ্লোকের রচয়িতা
ইহাই বুঝাইতে চাহেন যে, ইতিহাস প্রভৃতি নানাপ্রকার
রসসম্বন্ধিত কথা বিদ্যমান থাকিলেও তাহার মধ্যে যে
কথা-বস্তুতে বিভাবাদির ঔচিত্য বিদ্যমান আছে, সেই
কথা-বস্তুকেই আশ্রয় করিয়া কাব্যনির্মাণ বিষয়ে কবি
প্রযত্নপর হইবেন, এইরূপ না করিয়া অনবধানবশতঃ যদি
নিজ কর্তব্য বিষয়ে কবি শ্লথিতপদ হন, তাহা হইলে
তিনি অব্যুৎপন্ন বলিয়া শিষ্ট-সমাজে সম্ভাবিত হইতে
পারেন, অর্থাৎ শিষ্টসমাজে তাহার রচিত কাব্য উপেক্ষিত
হইয়া থাকে।

কবির প্রতিভা জনসমাজের হিতকরী হওয়াই আবশ্যিক,
উচ্ছ্রাল-প্রকৃতি যুবক বা অবিবেকী বৃদ্ধগণের চিত্তরঞ্জন
করিয়া আপাতমধুর খ্যাতি বা অর্থ উপার্জন করা কবি-
প্রতিভার উদ্দেশ্য হওয়া উচিত নহে, এইরূপ কবিত্বশক্তির
অপব্যবহার করিয়া কেহ কিয়ৎকালের জন্ত অল্প জন-
সমাজে মহান্ আদর পাইতে পারেন, কিন্তু তাহার এইরূপ
স্বপ্রতিভার অপব্যবহার কবিসমাজের পক্ষে কখনও
অনুকরণীয় হওয়া উচিত নহে—ইহাও আনন্দবর্দ্ধনাচার্য্য
অতি স্পষ্টভাবে নির্দেশ করিয়াছেন। তিনি বলিয়াছেন,—

“পূর্বে বিশৃঙ্খলগিরঃ কবয়ঃ প্রাপ্তকীর্তয়ঃ।

তান্ সমাশ্রিত্য ন ত্যাজ্যা নীতিরেবা মনীষিণা ॥

বান্মাকি-ব্যাসমুখ্যাশ্চ যে প্রখ্যাতাঃ কবীশ্বরাস্তাঃ।

তদভিপ্রায়বাহোহয়ং নাম্মাভির্দর্শিতো নয়ঃ ॥”

পূর্বকালে অসংযতভাষী বহু কবি প্রাকৃত সমাজে
কীর্তি লাভ করিয়া গিয়াছেন ইহা সত্য, কিন্তু তাই বলিয়া
তাঁহাদিগের অনুকরণ করিতে যাইয়া এই শিষ্ট জনাঙ্ক-
মোদিত ঔচিত্যমার্গ কদাপিও বর্জনীয় নহে, বান্মাকি ও
বেদব্যাস প্রভৃতি ভুবন-প্রখ্যাত কবীশ্বরগণের অভিপ্রেত
নহে বলিয়া এই ঔচিত্য পরিহারনীতি বিষয়ে আমরা
কোন প্রকার উপদেশ করিতে প্রবৃত্ত হই নাই।

আনন্দবর্দ্ধনাচার্য্য কাব্যরচনার প্রকৃত উদ্দেশ্য বর্ণন-
প্রসঙ্গে আরও বলিয়াছেন যে,—

“শৃঙ্গাররসান্ধৈরুখীকৃতাঃ সন্তো হি বিনেয়াঃ সুখং
বিনয়োপদেশং গুহুস্তি। সদাচারোপদেশরূপা হি নাটকাদি,
গোষ্ঠী বিনেয়জনহিতার্থমেব মুনিভিরবতারিতা।”

আদি রসের যাহা অঙ্গ বা উপকরণ, তাহার বর্ণনা
দ্বারা বিনেয় ব্যক্তিগণকে কাব্যশ্রবণে বা নাট্যাদি দর্শনে
উন্মুখ করিবার মুখ্য উদ্দেশ্যই এই যে, এই ভাবে কাব্যশ্রবণে
উন্মুখ বিনেয়গণ অনায়াসে বিনয় শিক্ষা করিতে সমর্থ হইয়া
থাকে। নাটক প্রভৃতি গোষ্ঠী সদাচারের উপদেশ স্বরূপই
হইয়া থাকে। শিক্ষণীয় জনসাধারণের উপকারের জন্তই মুনি-
গণ এই প্রকার নাটকাদি গোষ্ঠীর অবতারণা করিয়াছেন।

ভরত মুনি ও আনন্দবর্দ্ধনাচার্য্য প্রভৃতি রসাত্মক
কাব্যের দূরদর্শী সমালোচক মহাশয়গণ কাব্য ও নাটকাদির
উদ্দেশ্য যে ভাবে বর্ণনা করিয়াছেন, তাহা প্রদর্শিত হইল।
পরবর্তী কবি ও সমালোচকগণও প্রাচীন ভারতে
কাব্যানুশীলন বিষয়ে এই পদ্ধতিরই অনুসরণ করিয়া
গিয়াছেন। তাই এক জন প্রাচীন মহাকবি বলিয়াছেন,—

“যদা প্রকৃত্যেব জনশ্চ রাগিণো

দৃশং প্রদীপ্তোহুদি মন্থধানলঃ।

তদাত্তভূয়ঃ কিমনর্থপণ্ডিতৈঃ

কুকাব্য হব্যাহতয়ঃ সমর্পিতাঃ ॥”

প্রাকৃত নরনারীগণের হৃদয়ে স্বভাবতই কামানল যখন
সর্বদাই প্রজ্বলিত রহিয়াছে, তখন আবার অনর্থ পণ্ডিতগণ
কেন তাহাতে কুকাব্যরূপ হবির আহুতি প্রদান করিয়া
থাকে?

মহাকবির অঙ্গ-নির্দেশ প্রসঙ্গেও অলঙ্কার-শাস্ত্রে এইরূপ
উল্লিখিত হইয়াছে,—

“সাধ্বী ভারতী ভাতি সৃষ্টি সদ্ব্রতচারিণী ।
গ্রাম্যার্থ বস্তুসংস্পর্শ বহিরঙ্গা মহাকবেঃ ॥”

ইহার তাৎপর্য এই যে, যদি মহাকবির ভারতী সৃষ্টি অর্থাৎ সাধু বিষয়ক উপদেশরূপ সদ্ব্রতচারিণী হয় এবং গ্রাম্যার্থ বস্তুর সহিত সংস্পর্শ বর্জিত হয়, তবেই তাহা সাধ্বী পতিব্রতার ঞায় শোভা পাইয়া থাকে । প্রাচীন কবি জগদ্ধরও বলিয়াছেন,—

অস্থানে গমিতালয়ং হতধিয়াং বাগ্‌দেবতা কল্পতে
ধিক্‌কারায় পরাভবায় মহতে তাপায় পাপায় বা ।
স্থানে তু ব্যয়িতা সতাং প্রভবতি প্রখ্যাতয়ে ভূতয়ে
চেতোনিবৃত্তয়ে পরোপকৃতয়ে শান্ত্যৈ শিবাবাপ্তয়ে ॥”

ইহার তাৎপর্য এই যে, বিকৃত-বুদ্ধি কবিগণের ভারতী কুৎসিত বিষয়নিবহের বর্ণনায় ব্যয়িত হইয়া থাকে এবং তাহার পরিণাম ইহাই হয় যে, সেই ভারতী লোকনিন্দা, পরাভব, পরিতাপ বা পাপ প্রবৃত্তির হেতু হইয়া পড়ে, কিন্তু সুকবিগণের ভারতী সদ্বস্তুবর্ণনার্থ ব্যয়িত হয়, তাহার পরিণামও ইহা হয় যে, তাহা এ সংসারে যশঃ, ঐশ্বর্য্য, অস্তঃকরণপ্রসাদ, পরোপকার শাস্তি ও পরমানন্দের কারণ হইয়া থাকে । আর এক জন মহাকবিও বলিয়াছেন,—

“স্বাধীনোরসনাঞ্চলঃ পরিচিতাঃ শব্দাঃ কিয়ন্তঃ কচিৎ
ক্ষৌণীক্লে ন নিয়ামকঃ পরিসদঃ শাস্তাঃ স্বতন্ত্রং জগৎ ।
তদ্যয়ং কবয়োবয়ং বয়মিতি প্রস্তাবনাছং কৃতি
স্বচ্ছন্দং প্রতিসদ্য গর্জত বয়ং মৌনব্রতালম্বিনঃ ॥”

জিহ্বার অগ্রভাগ কাহারও অধীন নহে, কতকগুলি বর্ণের সহিতও পরিচয় হইয়াছে, কোথায়ও রাজা শাসন করিতে প্রস্তুত নহেন, বিদ্বৎসভাও শাস্তি অবলম্বন করিয়া রহিয়াছে, জগৎও উচ্ছৃঙ্খল হইয়া যাহা ইচ্ছা, তাহাই করিতে উত্তম, সূত্রাং তোমরা—‘আমরা সকলে কবি’ এই বলিয়া প্রচণ্ড হৃদ্বারের সহিত যথেষ্টভাবে গর্জন করিতে থাক । আমরা আর কি বলিব, মৌনব্রতই আমাদের পক্ষে এ ক্ষেত্রে একমাত্র অবলম্বনীয় হইয়াছে ।

কাব্যের উদ্দেশ্য কি? তাহারই পরিচয় প্রসঙ্গে নাট্যাচার্য্য ভরত মুনি হইতে আরম্ভ করিয়া বহু আলঙ্কারিক ও কাব্যসমালোচক আচার্য্যগণের অভিমত অল্প-বিস্তর ভাবে সমুদ্রিত হইল, ইহা দ্বারা সুস্পষ্টভাবে ইহাই

প্রমাণিত হইতেছে যে, সংস্কৃত রসময় সাহিত্যের মুখ্য উদ্দেশ্য—ভাব বিগুন্ধি সহকৃত সাধারণ মনোরঞ্জন— উচ্ছৃঙ্খলতা পরিহার করিয়া রসাস্বাদন দ্বারা জনসাধারণের নৈতিক উন্নতি সম্পাদন করাই প্রাচীনকালবর্তী মহাকবিগণের জীবনের মুখ্য উদ্দেশ্য ছিল । সুন্দর ও কুৎসিত, ভাল বা মন্দ উভয়ই কবি-কল্পনা হইতে প্রসূত হইয়া থাকে । কবিতা-সুন্দরীর কোমলস্পর্শে কঠিনও কোমল হয়, কুৎসিতও সুন্দর বলিয়া প্রতীত হয়, ইহা ঙ্গব সত্য ; কিন্তু তাই বলিয়া অশিব বস্তুর আকার বদলাইয়া উন্মাদনার আকারে সুন্দর করিয়া লোকচক্ষুতে প্রতিভাত করা কবির কর্তব্য নহে । যে অশিবকে শিব করিয়া গড়িতে পারে, তাহার শিব ও সুন্দরকে আরও শিব আর সুন্দর করিয়া সাজাইবার শক্তি যে বিলক্ষণ আছে, তাহা কে অস্বীকার করিবে? সেই শক্তির সাহায্যে হুঃখের সংসারকে সুখে পরিণত করিবার জন্ত শ্রীভগবান্‌ অসাধারণ কবিত্ব-শক্তি দ্বারা মণ্ডিত করিয়া যাহাদিগকে এই সংসারে প্রেরণ করিয়াছেন, তাঁহাদের পক্ষে জিদের বা খেয়ালের বশবর্তী হইয়া সেই শক্তির অপব্যবহার দ্বারা সমাজকে অশিব-পথে টানিয়া লইয়া বিপ্লবের সৃষ্টি করা সভ্য ও শিষ্টসমাজে কিছুতেই কর্তব্য নহে—ইহাই ছিল প্রাচীন ভারতের কাব্য-সমালোচক আচার্য্যগণের সুপ্রতিষ্ঠিত সিদ্ধান্ত । উল্লিখিত প্রমাণ-নিচয় অনিসন্দ্বাদিতভাবে তাহাই বলিয়া দিতেছে ।

বর্তমান সময়ে আমাদের জাতীয় সাহিত্য এই প্রাচীন ভারতের আলঙ্কারিকগণের মতের অনুবর্তী কি না, অথবা উক্ত মতের অনুবর্তন আমাদের দেশের সাহিত্যরথিগণের পক্ষে কর্তব্য কি না, তাহার বিচার এখন করিব না ; কারণ প্রাচীন ভারতের আলঙ্কারিকগণ যে রসতত্ত্বকে উক্ত সিদ্ধান্তের বশবর্তী করিয়াছিলেন, সেই রসতত্ত্বের বিস্তৃত আলোচনা না করিয়া ঐরূপ বিচারে অগ্রসর হওয়া উচিত নহে, এই কারণে এক্ষণে তাঁহাদের পদাঙ্ক অনুসরণ করিয়া কাব্যের প্রাণভূত সেই রসতত্ত্বেরই অবতারণা করা যাইতেছে । নাট্যসূত্রকার ভরত মুনি বলিয়াছেন—

“বিভাবানুভাবব্যভিচারিসংযোগাদ্‌ রসনিষ্পত্তিঃ ।”

ইহার অর্থ—এই বিভাব, অনুভাব ও ব্যভিচারিভাবের পরস্পর সংযোগে রস নিষ্পত্তি হইয়া থাকে ।

রসনিপুত্তির কারণ এই বিভাব, অনুভাব ও ব্যভিচারি ভাবের প্রকৃত স্বরূপ কি, তাহা ভাল করিয়া না বুঝিলে উক্ত রস-লক্ষণটি বুঝিতে পারা যায় না ; এই কারণে এক্ষণে এই বিভাবাদির স্বরূপ কি, তাহা নির্দেশ করা যাইতেছে । কাব্য-প্রকাশকার মন্বট ভট্ট বলিয়াছেন,—

“কারণাত্মক কার্য্যাণি সহকারীণি যানি চ ।
রত্যাদিঃ স্থায়িনো লোকে তানি চেৎ কাব্যনাট্যয়োঃ ॥
বিভাবা অনুভাবাশ্চ কথাশ্চে ব্যভিচারিণঃ ।
ব্যক্তঃ সতৈর্বিভাবাদৌঃ স্থায়ীভাবো রসঃ স্মৃতঃ ॥”

ইহার তাৎপর্য্য এই—লোকে অনুরাগ প্রভৃতি স্থায়ি-ভাবের যাহা কারণ, কার্য্য ও সহকারী, তাহা যদি কাব্য ও নাটকে বর্ণিত বা অভিনীত হয়, তাহা হইলে তাহারই কথা ক্রমে বিভাব, অনুভাব ও ব্যভিচারিভাব এইরূপ তিনটি শব্দের দ্বারা অভিহিত হইয়া থাকে । এই বিভাব, অনুভাব

ও ব্যভিচারিভাবের দ্বারা অনুরাগ প্রভৃতি স্থায়িভাব যদি অভিব্যক্ত হয়, তাহা হইলে সেই অভিব্যক্ত অনুরাগ প্রভৃতি স্থায়িভাবই রসরূপে পরিণত হয়, প্রাচীন রসতত্ত্ববিদ আচার্য্যাগণ এইরূপই রসতত্ত্ব হইয়া থাকে, ইহা বলিয়া থাকেন । ভরত মুনির রস-লক্ষণ বুঝাইতে যাইয়া কাব্য-প্রকাশকার যাহা বলিয়াছেন, তাহার প্রকৃত তাৎপর্য্য বুঝিতে হইলে একটু বিস্তৃত ব্যাখ্যার প্রয়োজন আছে, অর্থাৎ ভাব শব্দের অর্থ কি, স্থায়িভাব কাহাকে বলে, বিভাব, অনুভাব ও ব্যভিচারিভাবের সহিত এই স্থায়িভাবের সম্বন্ধ কিরূপ, এই কয়টি বিষয় বিশিষ্টভাবে না বুঝিতে পারিলে এই শ্লোক দুইটির মধ্যে যে রসতত্ত্বের রহস্য নিহিত আছে, তাহার স্বরূপ হৃদয়ঙ্গম করিতে পারা যায় না । এই কারণে এক্ষণে পৃথক্ পৃথক্ ভাবে ঐ কয়টি বিষয়ের স্বরূপ কি, তাহা বুঝিবার জন্ত প্রযত্ন করা যাইতেছে । স্মৃতরাং আগামী প্রবন্ধে তাহারই বিস্তৃত আলোচনা করা যাইবে ।

শ্রীপ্রমথনাথ তর্কভূষণ ।

ঋণ

তোমার ধার যে শুধব আমি
কি ধন এমন আছে,
ভেবে আমি কুল পাই না
শুধাই তোমার কাছে ।


যখন তোমার দয়া স্মরি
পুলকে প্রাণ উঠে ভরি',
তোমায় কিছু পাই না দিতে
মরি বিষম লাজে ।

ভাল-মন্দ আজীবনের
কর্ম্ম যত আছে,
সাই নিয়ে আজ বিকাইব
আমি তোমার কাছে ।

জন্মাবধি প্রতি দিবস
প্রতি ক্ষণে ক্ষণে
ভরে আমার এ দেহ-প্রাণ
তোমার দেওয়া দানে ।

তবু ঋণের না হ'লে শোধ,
মনে তখন যেন প্রবোধ,
ঋণ নয় গো ভিক্ষা সব
আমায় দিয়েছ যে ।

শ্রীরামকান্ত ভট্টাচার্য্য, এম্-এস্-সি



১

“রাজায় রাজায় যুদ্ধ হয় উলুখড়ের প্রাণ যায়”—মতি বিশ্বাস রাগের মাথায় যখন ছোট ভাই সুরেশকে পৃথক্ করিয়া দিতে সঙ্কল্পবদ্ধ হইল এবং সুরেশও দাদার ক্রোধকে সম্পূর্ণ উপেক্ষার দৃষ্টিতে দেখিয়া পৃথক্ হইবার জন্ত প্রস্তুত হইয়া দাঁড়াইল, তখন মতিলালের স্ত্রী মহেশ্বরীর অবস্থা ঠিক যুধ্যমান পরম্পরের মধ্যবর্তী উলুখড়ের অবস্থার মতই সঙ্কটাপন্ন হইয়া উঠিল।

বারো বৎসর বয়সে মহেশ্বরী প্রথম যখন স্বামীর ঘর করিতে আসিয়াছিল, তখন তাহার শাওড়ী ঠাকুরাণী তিন বৎসর-বয়স্ক সুরেশকে তাহার হাতে সঁপিয়া দিয়া নিশ্চিত চিত্তে পরলোক যাত্রা করিয়াছিলেন। তদবধি মহেশ্বরীই সেই মাতৃহীন শিশুর মাতৃস্থান অধিকার করিয়া এমন স্নেহ-যত্নে তাহার লালনপালন করিয়া আসিতে লাগিল যে, সুরেশ কোন দিনই মাতার অভাব অনুভব করিতে পারিল না। অল্পদিনের মধ্যেই সে মাতার স্নেহ-স্মৃতি বিশ্বস্ত হইয়া মহেশ্বরীকেই মাতৃজ্ঞান করিয়া লইল এবং যত দিন না তাহার জ্ঞান-বুদ্ধি পরিপক হইল, তত দিন পর্যন্ত সে মহেশ্বরীকেই মা বলিয়া ডাকিয়া মাতৃসম্বোধনের তৃপ্তি উপভোগ করিতে লাগিল। পরিশেষে তাহার জ্ঞান-বুদ্ধি জন্মিলে মহেশ্বরী—বিশেষতঃ মেজবৌ অন্নদা ও পাঁড়ার পাঁচ জন যখন তাহাকে বুঝাইয়া দিল যে, মাতৃবৎ স্নেহে লালন-পালন করিলেও মহেশ্বরী প্রকৃতপক্ষে তাহার গর্ভধারিণী মাতা নহে—বড় ভায়ের স্ত্রী বৌদিদি, সুতরাং তাহাকে মা বলিয়া না ডাকিয়া বৌদিদি বলিয়া ডাকাই সঙ্গত, তখন অগত্যা সুরেশ স্তম্ভুর মাতৃসম্বোধন ত্যাগ করিয়া মহেশ্বরীকে বৌদি বলিয়াই ডাকিতে আরম্ভ করিল। প্রথম প্রথম কিছুদিন বৌদি বলিয়া ডাকিতে তাহার বাধিয়া যাইত এবং সে অন্তরের মধ্যে একটা নিদারুণ ব্যথা ও অতৃপ্তি অনুভব করিত। ক্রমে অভ্যাস হইয়া গেলে আর তাহার কোন কষ্টই রহিল না।

তা বড় হইয়া বৌদি বলিয়া ডাকিলেও সে মহেশ্বরীর স্নেহযত্ন হইতে কিছুমাত্র বঞ্চিত হইল না, নিজেও বৌদির নিকট হইতে মাতার নিকট প্রাপ্য স্নেহ আদায় করিয়া লইতে তিলমাত্র ত্রুটি করিল না। মেজবৌ অন্নদা তাহার অতিরিক্ত আদর-আকারকে নিতান্ত অগ্রায় ও অসহ বোধ করিলেও মহেশ্বরীর নিকট কিন্তু তাহা কিছুমাত্র অসহ বোধ হইত না। বরং সে নিজের পেটের ছেলে নেপালের আকারকে উপেক্ষা করিয়া সর্বাগ্রে সুরেশের আকার পূর্ণ করিয়া দিত। অন্নদা ইহাতে বিরক্তি অনুভব করিয়া নেপালের পক্ষাবলম্বন পূর্বক সময়ে সময়ে স্নেহসহকারে বলিত, “তাপলা পেটের ছেলে, ও বড় জোর ম’লে একটা পিণ্ডী দেবে, কিন্তু ঠাকুরপো তোমার স্বর্গের সিঁড়ি বেধে দেবে, দিদি।”

মহেশ্বরী হাসিয়া উত্তর করিত, “স্বর্গের সিঁড়ি তাপলাও বাধবে না, সুরেশও বাধবে না মেজবৌ, তবে আঁতের চেয়ে ছড়ের টান কত বেশী, তুই যদি পরের ছেলেকে মাঝুষ করতিস, তা হ’লে বুঝতে পারতিস।”

বলা বাহুল্য, সুরেশ আদর-যত্ন মহেশ্বরীর নিকট যতটা পাইত, অন্নদার কাছে তাহার কিছুই পাইত না, পাইবার প্রত্যাশাও করিত না। ভাইদের কাহারও কাছে তাহার আকার তেমন খাটিত না। বড় ভাই মতিলালের কাছে কত-কটা খাটিলেও মেজো ভাই হীরালাল ত তাহাকে দেখিতেই পারিত না। বড় বোয়ের অতিরিক্ত আদরে সুরোর যে পরকাল নষ্ট হইয়া যাইতেছে, এমন অভিযোগ সে জ্যেষ্ঠের নিকট প্রায়ই উপস্থাপিত করিত। মতিলাল কখন বা অভিযোগের গুরুত্ব বিবেচনা করিয়া সুরেশকে একটু শাসন করিত, কখন বা তাহার পরকালরক্ষার জন্ত বড়বৌকে দুই চারি কথায় উপদেশ দিয়াই নিরস্ত হইত।

তা হীরালাল যে সুরেশের বিরুদ্ধে মিথ্যা অভিযোগ করিত, তাহা নহে। শুধু হীরালাল কেন, মহেশ্বরী ছাড়া আর সকলেই সুরেশের পরিণাম চিন্তা করিয়া ব্যাকুল হইয়া পড়িয়াছিল।

ছয় বৎসরে পা দিতেই মতিলাল কনিষ্ঠকে পাঠশালায় ভর্তি করিয়া দিয়াছিল। উচ্চশিক্ষায় শিক্ষিত করিবার অভিপ্রায়ে সে যে সুরেশকে পাঠশালায় ভর্তি করিয়া দিয়াছিল, তাহা নহে। উচ্চশিক্ষায় তাহার প্রয়োজনও ছিল না। তবে চাবীর ছেলে, নিজের হিসাব-গণ্ডা বুঝিতে পারে, রামায়ণ মহাভারতটা পড়িয়া শুনাইতে পারে, এতটুকু বিত্তা হইলেই যথেষ্ট। এই আশায় বাজে খরচের বিরোধী হইলেও মতিলাল গুরু মহাশয়ের বেতনস্বরূপ মাসে চারি আনা বাজে খরচ করিতে প্রস্তুত হইয়াছিল।

হীরালাল কিন্তু প্রায়ই তাহাকে সংবাদ দিত, লেখাপড়া শিখাইবার আশায় সুরেশকে পাঠশালায় দিলেও সুরেশ মাসের মধ্যে দশটা দিন পাঠশালায় উপস্থিত হয় কি না সন্দেহ। আজ পেট-কামড়ানি, আজ পায়ে ব্যথা, আজ যাইতে ইচ্ছা নাই, ইত্যাদি ওজরে বড়বোকে ভুলাইয়া সে ঘরে বসিয়া থাকে। পাঠশালায় পড়ুয়া ছেলেরা তাহাকে ধরিতে আসিলে বড়বো তাহাদের দূর দূর করিয়া তাড়াইয়া দেয়। তা ছাড়া পাঠশালায় যাইবার জন্ত বাহির হইলেও দশ দিন সে পাঠশালায় যায় না; গয়লাদের গোয়াল ঘরে পাতা-দোয়াত লুকাইয়া রাখিয়া গয়লাদের ক্ষেতা, ঘোমতের বেজা, মাইতিদের নফরার সঙ্গে মিলিয়া গুলিদাণ্ডা খেলিতে থাকে, গাছে উঠিয়া আম-জাম পাড়িয়া খায়, গাছের কোটরে কোটরে পাখীর ছানা খুঁজিয়া বেড়ায়।

মতিলাল এ জন্ত সময়ে সময়ে সুরেশকে শাসন করিতে যাইত, কিন্তু মহেশ্বরীর অঞ্চলাশ্রয়ে সে এমন নিরাপদ হইয়া ছিল যে, মতিলালের শাসনের কঠোরতা তাহাকে স্পর্শমাত্র করিতে পারিত না।

বছর পাঁচেক পাঠশালায় যাতায়াত করিবার পর মতিলাল এক দিন সুরেশের বিত্তার পরীক্ষা লইবার জন্ত আম-কাঠের গাছ-সিঁদুক হইতে ত্রাকড়ায় বাধা জীর্ণ কাশীদাসী মহাভারতখানা বাহির করিয়া সুরেশকে তাহা পড়িতে দিল। সুরেশের বিত্তা কিন্তু তখন বর্ণপরিচয় দ্বিতীয় ভাগ অতিক্রম করিতে পারে নাই। সুতরাং মহাভারত দেখিয়া তাহার চক্ষু স্থির হইল, বানান করিয়া দুই এক ছত্র কষ্টে-স্বপ্তে পড়িয়াই নীরব হইয়া রহিল। মতিলাল বিজ্রপের হাসি হাসিয়া তাহাকে সম্বোধন করিয়া বলিল, “খুব পড়েছিস, এখন বৌদির কাছ থেকে পয়সা নিয়ে মুড়কী-বাতাসা কিনে খেয়ে আয়।”

বিরক্তি-কুঞ্চিত মুখে মতিলাল বলিল, “নাঃ, লেখাপড়া তোর কিছু হবে না। মিছে কেন মাসে চার গণ্ডা পয়সা গুরুমশায়কে প্রণামী দিই। তার চাইতে কাল থেকে মাঠে গিয়ে ক্ষেতের কাষ শিখবি।”

গুরু মহাশয়ের নিশ্চয় শাসন হইতে অব্যাহতি লাভের সুযোগ পাইয়া সুরেশের আনন্দের সীমা রহিল না। কিন্তু ক্ষেতের কাষে লাগিয়া সুরেশ যখন দেখিল, দ্বিতীয় ভাগের বানান মুখস্থ করা হইতে ইহা কিছুমাত্র সুখপ্রদ নহে এবং পাঠশালায় বরং ফাঁকি দিয়া খেলিবার উপায় আছে, কিন্তু এ কাষে সে উপায় কিছুমাত্র নাই, ফাঁকি দিতে গেলে হীরালালের কঠোর হস্ত তাহার কর্ণযুগলকে আর্জু করিয়া দেয়, তখন সুরেশের আনন্দ নিরানন্দে পরিণত হইল। দুই চারি দিন কাষ করিয়াই সে পা-হাতের বেদনা, পেট-কামড়ানি, মাথাধরা ইত্যাদি ওজর দেখাইয়া, কোন দিন বা খুব সকালেই বিছানা হইতে উঠিয়া পলায়ন করিয়া ক্ষেতের কাষের কঠোরতা হইতে মুক্তিলাভের জন্ত চেষ্টিত হইল। মতিলাল যে এ জন্ত তাহাকে তাড়না করিত না, তাহা নহে; কিন্তু মহেশ্বরীর অঞ্চলাশ্রয়ে মেঘাচ্ছাদিত সূর্য্য-কিরণের ত্রায় তাহার নিকট তেমন দুঃসহ বোধ হইত না। মতিলাল অধিক তাড়না করিতে গেলে মহেশ্বরী অভিমানক্ষুব্ধ কণ্ঠে বলিত, “দেখ, নিজের ভাই ব’লে জোর দেখিয়ে যদি ওকে শাসন করতে যাও, তা হ’লে ওর সব ভার নিতে হবে কিন্তু তোমাকে। আমি ওর কিছুতেই আর নেই।”

মতিলাল তাহাকে বুঝাইয়া বলিত, “তুমি রাগ কচ্ছে বটে বড়বো, কিন্তু ও ছোড়া লেখাপড়াও শিখলে না, চাষের কাষেও লাগবে না, তা হ’লে খাবে কি ক’রে?”

অভিমান-গম্ভীর মুখে মহেশ্বরী বলিত, “যেমন ক’রে পারে, তেমন ক’রেই খাবে। ওর কি এরি মধ্যে চাষে খাটুবার বয়স হয়েছে? ওর মা নাই, তাই ওকে নিয়ে তোমরা যা খুসী তাই কচ্ছে, বেঁচে থাকলে কি ওই বারো বছরের ছুধের ছেলেকে রোদে পুড়ে, জলে ভিজ্জে, মাঠে খাটতে পাঠাতো?”

সুরেশের মাতৃহীনতার দুঃখস্বরূপে মহেশ্বরীর চোখে জল আসিত। মতিলাল লজ্জায় আর কিছু বলিতে পারিত না। হীরালাল কিন্তু বেশ চড়া সুরে বলিত, “যাই বল দাদা, বড়বো কিন্তু ওর পরকালটি খাচ্ছে।”

মতিলালও ইহা বুঝিত, বুঝিলেও কিন্তু জীর মর্শ্বকাতরতা স্বরণে কোন উত্তর দিতে পারিত না। শুধু হীরালালের স্পষ্টবাদিতার জগ্ন মনে মনে তাহার উপর একটা বিরক্তি পোষণ করিত।

২

হীরালালের ভবিষ্যৎ বাণীই কিন্তু যথার্থ হইল। এক দিকে অতিরিক্ত আদর, অন্য দিকে শাসনের অভাব,—ইহার ফলে সুরেশ ক্রমেই উচ্ছৃঙ্খল হইয়া উঠিল; দিনে দিনে সুরেশের বিরুদ্ধে নানাবিধ অভিযোগ আসিয়া মতিলালকে উত্যক্ত করিয়া তুলিল। দীর্ঘ মাইতি ক্ষেতের সব চেয়ে বড় তরমুজটা খাইতে দেয় নাই বলিয়া সুরেশ রাগে রাত্রিকালে তাহার ক্ষেতের সমস্ত তরমুজগাছ উপড়াইয়া দিয়াছে, জীবন ঘোষ আম খাওয়ার ক্ষণ্ট গালাগালি করিয়াছিল বলিয়া এক রাত্রির মধ্যে তাহার বাগানের সমস্ত গাছের আম উজাড় করিয়া দিয়া আসিয়াছে, গোবরার মা পাঁচ টাকা দামের খাসীটা দুই টাকায় বিক্রয় করে নাই, এই অপরাধে সঙ্গীদের সহিত মিলিয়া তাহার খাসীটাকে লুকাইয়া কাটিয়া খাইয়াছে, হরিশ দত্ত তাহার খিড়কী পুকুরে ছিপ ফেলিতে দেয় নাই বলিয়া পুকুরিণীতে বিষাক্ত বৃক্ষপত্র নিক্ষেপ পূর্বক পুকুরের সব মাছ মারিয়া ফেলিয়াছে, ইত্যাদি অভিযোগ প্রায়ই আসিয়া মতিলালের কানে উঠিত। মতিলালের জিজ্ঞাসার উত্তরে সুরেশ কখন অপরাধ স্বীকার করিত, কখন বা অভিযোগ মিথ্যা বলিয়া উড়াইয়া দিত। মতিলাল কোন দিন তাহাকে গালাগালি বা উপদেশ দিয়াই নিরস্ত হইত, যে দিন বেশী রাগ হইত, সে দিন দুই চারি ঘা প্রহারও দিত। প্রহারের ফল কিন্তু বিপরীত হইত। প্রহৃত হইয়া সুরেশ রাগে বাড়ী ছাড়িয়া চলিয়া যাইত, দুই এক দিন তাহার উদ্দেশ্য পাওয়া যাইত না। তাহার নিরুদ্ধে মছেখরী কিন্তু কাঁদিয়া আকুল হইত। মতিলালকে তখন কাজকর্ম ফেলিয়া, এ বাড়ী সে বাড়ী, এ গ্রাম সে গ্রাম ঘুরিয়া সুরেশকে খুঁজিয়া আনিতে হইত। অনেক সময় আবার যথেষ্ট সাধ্যসাধনা না করিলে সে ঘরে ফিরিতে চাহিত না। জীর অনুরোধে বাধ্য হইয়া মতিলালকে সাধ্যসাধনাও করিতে হইত, এবং এটাকে সে নিজের ক্রোধবশতঃ কৃতকার্যের প্রায়শ্চিত্ত বলিয়াই জ্ঞান করিত।

হীরালাল জ্যেষ্ঠের এই কর্মভোগ দেখিয়া শ্লেষ সহকারে বলিত, “শাসন করতে গিয়ে পায়ে ধরার চাইতে শাসন না করাই ভাল, দাদা।”

এ কথায় মতিলাল যথেষ্ট আঘাত পাইলেও আঘাতের বেদনা চাপিয়া, মুখে কাষ্ঠহাসি হাসিয়া বলিত, “কি করবো রে হীরু, ‘মা’র পেটের ভাই, মেরে গেলেও ফিরে চাই”— দুষ্ট বজ্জাত হয়েছে ব’লে ওকে শাসনও কত্তে হবে, আবার ভাই ব’লে কোলেও টেনে নিতে হবে।”

জ্যেষ্ঠের ধৈর্য দেখিয়া হীরালাল আশ্চর্য্যান্বিত হইত।

এক দিন কিন্তু মতিলালের ধৈর্য একেবারেই বিচলিত হইল। সে দিন হারানী বৈষ্ণবী আসিয়া সরোদনে জানাইল যে, সুরেশের জালায় গ্রামে তাহার বাস করা দায় হইয়া উঠিয়াছে। সে গরীব বৈষ্ণবের মেয়ে, পাঁচ বাড়ীতে ভিক্ষা করিয়া খায়, কিন্তু সুরেশ তাহার পরকাল খাইবার জগ্ন ব্যস্ত হইয়া উঠিয়াছে। কয়েক দিন হইতে সে প্রত্যহ সন্ধ্যার পর হারানীর গৃহে গিয়া আড্ডা দিতে আরম্ভ করিয়াছিল। হারানী ইহাতে বিরক্ত হইলেও মুখের উপর স্পষ্ট কিছু বলিতে পারে নাই। কিন্তু ক্রমেই সুরেশ বাড়াবাড়ি আরম্ভ করিতেছে দেখিয়া সে না বলিয়া থাকিতে পারে নাই। গত কল্য সন্ধ্যার পর সুরেশ তাহার গৃহে উপস্থিত হইলে হারানী তাহাকে সেখানে ঢুকিতে নিষেধ করিয়া দিয়াছিল। ইহার ফলে সুরেশ রাত্রিকালে তাহার ঘরের দরজায় জানালায় ধাক্কা দিয়াছে, বাড়ীতে ইট-পাটকেল, এমন কি, কতকগুলো গরুর শাড় পর্য্যন্ত ফেলিয়াছে, দরজায় একটা ছাগলের চামড়া ঝুলাইয়া দিয়া আসিয়াছে। মতিলাল ইহার প্রাতবিধান না করিলে হারানী গ্রামের আরও দশ জন লোককে জানাইবে, তার পর না হয় এখানকার বাস উঠাইয়া অন্ত্র চলিয়া যাইবে।

মতিলাল মাঠ হইতে আসিয়া সবেমাত্র স্নান করিতে যাইতেছিল, হারানীর উপর অত্যাচারের কাহিনী শুনিয়া সে রাগে কাঁপিতে লাগিল। হীরালাল গভীর আক্ষেপ প্রকাশ করিয়া বলিল, “শুধু হারানীকেই দেশ ছেড়ে যেতে হবে না দাদা, আমাদেরও শীগ্গীর দেশত্যাগ করতে হবে। সুরো যে রকম অন্ত্র অত্যাচার আরম্ভ করেছে, তাতে লোকের কাছে দিন দিন মুখ দেখান দায় হ’য়ে উঠছে। তোমার

সহ গুণ আছে দাদা, সব স'য়ে থাকতে পারবে, আগাকে কিন্তু দেশ ছেড়ে পালাতেই হবে।”

মতিলাল ক্রোধে গর্জন করিয়া বলিল, “কাউকে দেশ-ত্যাগ করতে হবে না হীরা, আজ ওই হতভাগাকে বাড়ী-ছাড়া করবো।”

মতিলাল ফিরিয়া সুরেশকে ডাকিয়া হারাণীর অভিযোগের সত্যাসত্য জিজ্ঞাসা করিল। সুরেশ তখন নিজের দোষ চাপিয়া হারাণীর সম্বন্ধে এমন কতকগুলি কুৎসিত অভিযোগ ব্যক্ত করিতে লাগিল যে, তচ্ছবণে মতিলাল অধৈর্য হইয়া উঠিল। সে রাগে কাঁপিতে কাঁপিতে গিয়া সুরেশের ঘাট চাপিয়া ধরিল। সুরেশ কিন্তু তখন আর বালক নহে, অষ্টাদশ বর্ষীয় যুবক। সুতরাং সে এক কাঁকানিতে জ্যেষ্ঠের হস্ত হইতে আপনাকে মুক্ত করিয়া লইল এবং সে দিন সে ভয়ে পলাইয়া না গিয়া মতিলালের সম্মুখে বুক ফুলাইয়া দাঁড়াইয়া দৃপ্তকণ্ঠে বলিয়া উঠিল, “কেন বল তো, রোজ রোজ আমাকে মারতে আসবে?”

রোম-বিকৃত কণ্ঠে মতিলাল বলিল, “মারবো না তো তোকে আদর করবো না কি। তুই এমন সব অশ্রায় কাণ্ড করিস কেন?”

ঘাড় উঁচু করিয়া সদর্পে সুরেশ উত্তর করিল, “আমার পুসী।”

সুরেশের এতটা স্পর্ধা হীরালালের অসহ্য হইল; সে হস্তাফালনপূর্বক রাগে যেন কাঁপিতে কাঁপিতে চীৎকার করিয়া উত্তর করিল, “কি, এত দূর আস্পর্ধা হ'য়েছে তোরা! বেরো হতভাগা বাড়ী থেকে।”

বিকৃত মুখভঙ্গী সহকারে সুরেশ বলিল, “বেরো বাড়ী থেকে! বাড়ী তোমার একার না কি?”

সুরেশের উত্তর শ্রবণে কেবল হীরালাল নয়, মতিলালও স্তম্ভিত হইল। অদূরে মহেশ্বরী দাঁড়াইয়াছিল। মতিলাল বক্রদৃষ্টিতে একবার তাহার দিকে চাহিল। সে দৃষ্টির অর্থ—তোমার আদরের পরিণাম দেখ। মহেশ্বরীও ইহা বুঝিল। বুঝিয়া সে লজ্জারক্ত মুখখানা স্বামীর দিক হইতে ফিরাইয়া লইয়া সুরেশকে সম্বোধন করিয়া বক্রগম্ভীর কণ্ঠে বলিল, “কি বললি রে, সুরো?”

তাহার প্রশ্নে সুরেশ কিন্তু একটুও লজ্জিত বা ভীত হইল না। নির্ভীকভাবে উত্তর করিল, “কেন বলবো না,

ভয় না কি? বিনি দোষে রোজ রোজ আমাকে মারতে আসবে, বাড়ী থেকে তাড়িয়ে দেবে। কেন, আমি বুঝি বাড়ীর কেউ নয়?”

“তুই হতভাগা কুলাঙ্গার!” বলিয়া মতিলাল রাগে কাঁপিতে কাঁপিতে তাহাকে মারিবার জন্ত অগ্রসর হইল। হীরালাল আসিয়া তাহাকে ধরিয়া ফেলিল, ধীর-গম্ভীর স্বরে সাঙ্ঘনা দিয়া বলিল, “ওর সঙ্গে মারামারি ক'রে কি হবে দাদা? তা'তে শুধু লোক হাসবে এইমাত্র?”

সঙ্ক্ষেপে মতিলাল বলিল, “তাই ব'লে ও হতভাগা বুকে বসে দাড়ী ওপুড়াবে?”

হীরালাল বলিল, “দাড়ী ওপুড়বার কাণ্ড যখন করেছ দাদা, তখন তার উপায় কি? ও এখন আর ছেলেমানুষটি নয়, মারতে গেলে হয় ত মার খেতেও হবে। বাড়ী থেকে তাড়িয়ে দিতেও পারবে না; ও ঠিকই বলেছে, বাড়ী কারও একার নয়।”

ক্রোধ-রক্তমুখে মতিলাল বলিল, “বাড়ী কারও একার নয় যখন, তখন সব ভাগ-যোগ ক'রে নিয়ে ওর যা ইচ্ছা তাই করুক।”

অস্তুরাল হইতে অন্নদা অমুচ্ছবরে বলিয়া উঠিল, “ওগো, তাই দাও গো, তাই দাও। মা গো মা, শুনে শুনে ভয়ে যেন পেটেব ভেতর হাত-পা সঁধায়। হারাণী বোষ্টমী, মার বয়সী, তার সঙ্গে যখন এমন ব্যাভার, তখন আমরা ত কোন্ ছার। না বাবু, আমি ত আর ওকে নিয়ে ঘর করতে পারবো না।”

সুরেশ জলস্ত দৃষ্টিতে অস্তুরালস্থিতা অন্নদার দিকে চাহিয়া বলিল, “বেশ, আমিও কাউকে নিয়ে ঘর করতে বলি না।”

মতিলাল জিজ্ঞাসা করিল, “আলাদা হবি তুই?”

“হাঁ, হব।”

হীরালাল বলিল, “তাই হোক দাদা, কালই লোকজন ডেকে ওকে আলাদা ক'রে দাও।”

মতিলাল বলিল, “কাল নয়, আজিই—এখনি।”

সেই দিনই বৈকালে পাড়ার দুই জন লোককে মধ্যস্থ রাখিয়া ধান, চাল, ঘটা, বাটি বাহা কিছু ছিল, সমস্তই ভাগ করিয়া দেওয়া হইল। ভাগ ঠিক হইলে হীরালাল সুরেশকে ডাকিয়া বলিল, “তোরা ভাগ দেখে নিয়ে যা, সুরো!”

সুরেশ নিজের ঘরের ভিতর হইতে উত্তর দিল, “বার বেশী গরজ হবে, সে নিজেই দেখে নিয়ে যাবে।”

অগত্যা হীরালাল ও অন্নদা উভয়ে সুরেশের ভাগ তাহার ঘরে পৌঁছাইয়া দিয়া আসিল। মতিলাল বলিল, “জমী-যায়গা যা আছে, কাল সে সব ভাগ ক’রে নিতে হবে।”

সুরেশ বলিল, “আমি যখন খাটতে পারি না, তখন জমী-যায়গা নিয়ে করবো কি?”

“তা হ’লে জমী-যায়গার ভাগ নিবি না?”

“না।”

“খাবি কি?”

“সে ভাবনা আমার, তোমাদের নয়, দাদা।”

ভাগবোগ সব মিটিয়া গেলে মহেশ্বরী স্বামীকে সম্বোধন করিয়া বলিল, “হাঁ গা, করলে কি? সুরোকে আলাদা ক’রে দিলে?”

বিরক্তি সহকারে মতিলাল বলিল, “আমি আলাদা ক’রে দিলাম, না ও হতভাগা নিজেই আলাদা হলো।”

মহেশ্বরী বলিল, “ওর একটুও জ্ঞান-বুদ্ধি থাকলে কি আলাদা হয়। কিন্তু ছেলেমানুষের সঙ্গে তুমিও ছেলেমানুষ হ’লে।”

বিরক্তি-কুঞ্চিত মুখে মতিলাল বলিল, “অত্যাচার আদর দিয়ে তুমি ওকে যতটুকু বাড়িয়ে তুলতে হয় তা তুলেছ। এখন ওর হাতে ছ’চার ঘা মার আমাকে খাওয়ালে যদি তোমার মনস্কামনা সিদ্ধ হয়, তা হ’লে বল, কালই আবার ওকে এক ক’রে নিই।”

মহেশ্বরী আর কিছু বলিল না। শুধু নীরবে বেদনার একটা দীর্ঘশ্বাস ত্যাগ করিল।

রাত্রিকালে মতিলাল জিজ্ঞাসা করিল, “সুরো এ বেলা খেলে কি?”

মহেশ্বরী উত্তর দিল, “ছাই।”

মতিলাল বলিল, “এ বেলা ভাত এক মুঠো দিলেই পারতে। রাত-উপোসী পড়ে রইলো।”

তর্জন সহকারে মহেশ্বরী বলিল, “থাক্ গে উপোসী। যে বড় ভাইকে মানতে যেতে পারে, বড় ভায়ের সঙ্গে আলাদা হ’তে পারে, তাকে আমি সেধে ভাত দিতে যাব। গলার দড়ি আমার!”

জীর কথায় মতিলাল শুধু একটু হাসিল; কোন উত্তর দিল না।

৩

পরদিন সকালে উঠিয়া মহেশ্বরী দেখিল, সুরেশ উপবাস-ক্লিন্ন মুখাবরণ হাঁড়ীর মত গম্ভীর করিয়া বাহিরে চলিয়া গেল। দেখিয়া মহেশ্বরীর কষ্টও হইল, রাগও হইল। আহা, এক দণ্ড ক্ষুধার জ্বালা সহ করিতে পারে না, কিন্তু কাল সেই কোন্ ‘ছপুরে’ এক মুঠা খাইয়াছে, বাকি দিন-রাত্রিটা উপবাসে কাটিয়া গেল। এই উপবাস দিতে সুরেশকে যে কতটা কষ্ট সহ করিতে হইয়াছে, তাহা মনে করিতেই মহেশ্বরীর চোখে জল আসিল। আহা, মুখখানা শুকাইয়া যেন আমসী হইয়াছে, চোখ দুইটা বসিয়া গিয়াছে।

কিন্তু কি রাগ এই একরত্তি ছোড়ার! সমস্ত রাত্রিটা উপবাসে কাটাইয়া দিয়াছে, ক্ষুধার যাতনায় ছটফট করিয়াছে, হয় ত রাত্রিকালে ঘুমাইতেও পারে নাই, তথাপি সে মহেশ্বরীর কাছে আসিল না, তাহাকে কোন কথাই বলিল না। আসিলে—খাটতে চাহিলে মহেশ্বরী কি তাহাকে খাইতে না দিয়া থাকিতে পারিত? ভাইরা না হয় উহাকে আলাদা করিয়া দিয়াছে, মহেশ্বরী ত দেয় নাই। সুতরাং তাহার কাছে আসিতে আপত্তি কি ছিল? ভাই পর করিয়া দিয়াছে বলিয়া সে কি মহেশ্বরীকেও পর করিয়া ফেলিল? হা রে অকৃতজ্ঞ! সকালে তাহার সম্মুখ দিয়া চলিয়া গেল, কিন্তু মুখ তুলিয়া একবার তাহার দিকে চাহিয়াও গেল না। ইহাকেই বলে পর। নিজের পেটের ছেলে হইলে এক দিনে কি এতটা পর ভাবিয়া লইতে পারিত!

সুরেশের অকৃতজ্ঞতায় মহেশ্বরীর অন্তরটা ক্রোধে ও অভিমানে যেন ফুলিয়া উঠিতে থাকিল। সে গৃহকর্মে মনোযোগ দিয়া সুরেশের চিন্তাটাকে মন হইতে অপসারিত করিয়া দিতে প্রয়াসী হইল। অথচ গৃহকর্মের ব্যস্ততার মধ্যেই তাহার লক্ষ্য রহিল, সুরেশ বাড়ীতে ফিরিল কি না।

রান্না চাপাইয়া অন্নদা জিজ্ঞাসা করিল, “হাঁ দিদি, ঠাকুরপোর চাল নেব কি?”

বিরক্তি-বিকৃত স্বরে মহেশ্বরী বলিল, “তার চাল নিতে খাবি কেন বল ত? সে আলাদা হয়েছে জানিস না বুঝি।”

অন্নদা ধীরে ধীরে মাথা নাড়িয়া বলিল, “জানি, কিন্তু তার ত রান্না-বান্নার কোন উজ্জ্বল দেখছি না। এর পর ছপুরবেলা যদি বল, তাকে ভাত দিতে হবে—”

গর্জন করিয়া মহেশ্বরী বলিল, “না না, আমি তাকে ভাত দিতে যাবো না ; তার চালও তাকে নিতে হবে না।”

মধ্যাহ্ন অতীত প্রায়। তখনও সুরেশ কিরিল না। সকলের খাওয়া হইয়া গেল, মতিলাল ও হীরালাল মাঠে চলিয়া গেল। অন্নদা ছেলেমেয়েদের খাওয়াইয়া ধোয়াইয়া মহেশ্বরীকে খাইতে ডাকিল। মহেশ্বরী বলিল, “আমার পেটটা বড় কামড়াচ্ছে। আমি এখন খাব না, আমার ভাত তুলে রাখ।”

অন্নদা তাহার ভাত তুলিয়া রাখিয়া নিজে খাইতে বসিল। মহেশ্বরী ঘরের দাবায় আঁচল পাতিয়া শুইয়া পড়িল। পড়িয়া পড়িয়া ভাবিতে লাগিল, হতভাগা গেল কোথায় ? সকালে উঠিয়া বাহিরে গিয়াছে, এখনও দেখা নাই। রাগ করিয়া কোণাও চলিয়া গেল না কি ? কিন্তু যখন নিজের ভাগ বুঝিয়া লইতে শিখিয়াছে, তখন রাগ করিয়া চলিয়া যাইবে কেন ? কোথায় টো টো করিয়া ঘুরিয়া বেড়াইতেছে। কিন্তু পেটের জ্বালা দূর করিবার কি উপায় করিল ? কি খাইবে আজ ? জানি না ; কাল রাত্রির মত বিধাতা আজও তাহার কপালে কিছু মাপিয়াছে কি না। পাড়ার কেহ কি ডাকিয়া এক মুঠো ভাত খাওয়াইবে না ?

সুরেশ ধীরে ধীরে বাটার মধ্যে প্রবিষ্ট হইল। মহেশ্বরী উদ্বেগ-চঞ্চল দৃষ্টিতে তাহার মুখের দিকে চাহিয়াই বুঝিতে পারিল, এখন পর্য্যন্ত তাহার খাওয়া হয় নাই। খাওয়া হইলে মুখখানা অমন শুকনা দেখাইত না, পেটটা ভিতর দিকে চলিয়া যাইত না। হা হতভাগ্য, এতখানি বেলা পর্য্যন্ত না খাইয়া ঘুরিয়া বেড়াইতেছিলি ! বেলা এক প্রহর হইলে তুই যে ক্ষুধায় দাঁড়াইতে পারিতিস না। সুরেশের অনাহার-বিগ্ৰহ ম্লান মুখের দিকে চাহিয়া চাহিয়া মহেশ্বরীর বৃকের ভিতরটা টক্-টক্ করিতে লাগিল।

বাড়ীতে ঢুকিয়া সুরেশ উঠানের মাঝামাঝি আসিয়া একবার শ্রমকিয়া দাঁড়াইল এবং ইতস্ততঃ চঞ্চল দৃষ্টি নিক্ষেপ করিয়া মহেশ্বরীর চোখে চোখ পড়িতেই যেন তীব্র ক্রোধে তাড়াতাড়ি মুখ ফিরাইয়া লইল ; তার পর ধীরে ধীরে গিয়া নিজের ঘরের দাবায় উঠিয়া বসিল।

মহেশ্বরী জিজ্ঞাসা করিল, “এত বেলা পর্য্যন্ত কোথায় ছিলি রে, সুরো ?”

ভারীমুখে সুরেশ উত্তর দিল, “চুলোয়।”

“কি খেলি ?”

“ছাই-পাঁশ।”

তীব্র তিরস্কারের স্বরে মহেশ্বরী বলিল, “চুলোয় থাকতে যাবি কেন, ছাই-পাঁশই বা খেতে যাবি কেন ? আজকাল নিজের ভাগ-বখরা বুঝে নিতে শিখেছিস, হারাণী বোষ্টমীর দরজায় ধাক্কা দিতে বাহাদুর হয়েছিস, বড় ভাইকে মারতে যেতে—তার সঙ্গে আলাদা হ’তে পেরেছিস, আর এক মুঠো ফটিয়ে খেতে গতির হলো না।”

ক্রুদ্ধ স্বপনের ছায় জলন্ত দৃষ্টি উন্নত করিয়া ভারী গলায় সুরেশ উত্তর করিল, “দেখ বোদি, হারাণী বোষ্টমী—যাক, আমার কথায় তোমরা বিশ্বাস করতে যাবে কেন। কিন্তু আমাকে যখন আলাদা ক’রে দিয়েছ, তখন আমি খাই না খাই, সে খোঁজে তোমাদের দরকার কি বল ত ? তোমরা নিজের পেট ঠাণ্ডা ক’রে শুয়ে আছ, থাক।”

বলিতে বলিতে সুরেশের কণ্ঠটা যেন রুদ্ধ হইয়া আসিল। সে দাঁতে ঠোঁট চাপিয়া উঠিয়া দাঁড়াইল এবং ক্ষিপ্ৰপদে ঘরে ঢুকিয়া সশব্দে বিছানার উপর শুইয়া পড়িল। মহেশ্বরী স্তব্ধভাবে তাহার ঘরের দরজার দিকে চাহিয়া পড়িয়া রছিল। হা নির্বোধ ! কে পেট ঠাণ্ডা করিয়া শুইয়া আছে রে ! মহেশ্বরী ? তাহার যদি সে ক্ষমতাই থাকিত, তাহা হইলে তোর মত নিমকহারামের সঙ্গে সে মুখ তুলিয়া এত কথা কহিত না। এত দিনেও তুই তাহাকে চিনিতে পারিলি না ! তোর দুর্ভাগ্য নয়, দুর্ভাগ্য মহেশ্বরীর নিজের।

অন্নদা আহার করিতে করিতে সকল কথাই শুনিতো-ছিল। এক্ষণে সে যেন গভীর সমবেদনাপূর্ণ কণ্ঠে মহেশ্বরীকে সম্বোধন করিয়া বলিল, “হায় দিদি, কা’কে তুমি এত কথা বলছো ? ও কি আর তোমার সে সুরো আছে। ওর এখন লম্বা লম্বা হাত-পা, লম্বা লম্বা কথা হয়েছে। ও এখন আর কার তোয়াক্কা রাখে ? তা নইলে গায়ে-ঘরে কি এমন একটা কেলেঙ্কারী করতে পারে, মা-বাপের তুলিয়া বড় ভাই—তাকে তেড়ে মারতে যায়। মা গো মা, ঘেন্নায় পাড়ায় মুখ দেখাবার যো নাই !”

মহেশ্বরী তীব্র ক্রকুটী করিয়া পাশ ফিরিয়া শুইল।

৪

রাত্রিতে মতিলাল খাইতে বসিয়া জিজ্ঞাসা করিল, “সুরো আজ খেলে কি? রান্না-বাগ্না করেছে?”

মহেশ্বরী বলিল, “পোড়া কপাল! সুরো রেঁধে খাবে,— রান্নাতে জানলে ত? এক ঘটা জল নিয়ে খেতে জানে না।”

মতিলাল জিজ্ঞাসা করিল, “তা হ’লে খেলে কি?”

ক্রুদ্ধিত করিয়া মহেশ্বরী উত্তর দিল, “খেয়েছে ছাই। কাল রাত থেকে উপোস দিয়ে শুকিয়ে পড়ে রয়েছে।”

স্নীর মুখের উপর বক্র কটাক্ষ নিক্ষেপ করিয়া ঈষৎ শ্লেষ-হাস্যসহকারে মতিলাল বলিল, “সুরো একা শুকিয়ে রয়েছে, না তোমাকে শুক শুকিয়ে রেখেছে?”

যেন গভীর উপেক্ষায় ঠোঁট ফুলাইয়া মহেশ্বরী বলিল, “কপাল আর কি! তার জন্তে আমি শুকিয়ে মর্মে যাব কেন? সে আমার বত্রিশ নাড়ী-ছেঁড়া পেটের ছেলে না কি যে, তাকে না খাইয়ে খেতে পারবো না।”

“তা হ’লেই হলো” বলিয়া মতিলাল আহার শেষ করিয়া উঠিল। হীরালালের খাওয়া আগেই হইয়া গিয়াছিল। স্মৃতরাং অন্নদা মহেশ্বরীকে সম্বোধন করিয়া বলিল, “ও বেলা পেট কামড়াচ্ছে ব’লে খেলে না, এ বেলা খাবে ত দিদি? ভাত বাড়ি?”

মহেশ্বরী যেন গর্জিয়া উঠিল; বলিল, “ও বেলা অসুখ ছিল ব’লে খাই নি, এ বেলা খাব না কেন বল ত? তোরা সব আমাকে মনে করেছিস কি? বাড়ীতে আমাকে টিকতে দিবি, না বাড়ী ছাড়া করবি বল দেখি?”

অপ্রতিভভাবে অন্নদা বলিল, “না না, তোমার অসুখ সেরে গিয়েছে কি না তাই জিজ্ঞেস করছি। নাও, এসে খেতে বসো।”

মহেশ্বরী রাগে রাগেই আসিয়া খাইতে বসিল বটে, কিন্তু খাওয়া তাহার পক্ষে যেন বিষম দায় হইয়া উঠিল। সম্মুখের ঘরে সুরো কাল রাত্রি হইতে না খাইয়া দাঁতে দাঁত দিয়া পড়িয়া রহিয়াছে, আর সে ভাতের খালা লইয়া স্বচ্ছন্দে খাইতে বসিয়াছে! হা ভগবান, এগুলো ভাত, না বিষ? সুরোকে উপবাসী রাখিয়া এ বিষ সে কিরূপে গলাধঃ করিবে? ভাল, সুরো ছেলেমানুষ, সে একটা ছুর্কর করিয়া

লজ্জায় হউক, রাগে হউক, না হয় তাহার কাছে আসিতে পারে নাই, কিন্তু বুড়া মাগী সে, সে-ই বা কোন্ গিয়া ডাকিয়াছে, আর সুরো, খাবি আর! আজ যদি সুরোর মা থাকিত, তাহা হইলে তিনিও কি তাহারই মত চুপ করিয়া থাকিতে পারিতেন? মহেশ্বরীর মনে হইল, এই ভাতগুলো লইয়া সুরোকে বুঝাইয়া শাস্ত করাইয়া খাওয়াইয়া আইসে। যতই রাগ হউক, তাহার কথা সুরো কখনই ঠেলিতে পারিবে না। কিন্তু স্বামী, মেজো ঠাকুরপো, মেজো-বৌ, ইহারা বলিবে কি? ইহারা কি তাহার নিম্ন-জ্ঞতা দেখিয়া মুখ বাঁকাইয়া হাসিবে না?

অন্নদা বলিল, “ভাত নিয়ে নাড়াচাড়াই করো যে দিদি, খাও না।”

মহেশ্বরী অগত্যা এক গ্রাস ভাত লইয়া মুখে তুলিতে গেল। কিন্তু মুখের কাছে ভাতের গ্রাস আনিতাই সুরোর অনাহার-ক্লিষ্ট মুখখানা চোখের সামনে যেন ভাসিয়া উঠিল; তাহার কম্পিত হস্ত হইতে ভাতগুলো ঝর্-ঝর্ করিয়া পাতের উপর পড়িয়া গেল। চোখ ফাটিয়া জল বাহির হইবার উপক্রম করিল; মহেশ্বরী বহু কষ্টে তাহা রোধ করিয়া রহিল।

অন্নদা বক্র কটাক্ষে তাহার ভাব-ভঙ্গী নিরীক্ষণ করিতে-ছিল। সে হাসিটা কষ্টে চাপিয়া বলিল, “ব’সে রইলে যে, দিদি?”

অশ্রুধ্ব-কণ্ঠে মহেশ্বরী বলিয়া উঠিল, “আমার মোটেই ক্ষিদে নাই মেজো-বৌ, আমি খেতে পারবো না।”

মহেশ্বরী হাতের অবশিষ্ট ভাতগুলোকে পাতের উপর আছাড়িয়া ফেলিল। ঈষৎ হাসিয়া অন্নদা বলিল, “খেতে যে পারবে না, তা আমি জানি দিদি, কিন্তু এ রকম না খেয়ে ক’দিন থাকবে বল দেখি? তার চেয়ে আর এক কাষ কর, হাঁড়ীতে ভাত রয়েছে, আমি হাত ধুয়ে এসে বেড়ে দিই। তুমি ঠাকুরপোকে ডেকে খাইয়ে নিজেও এক মুঠো খাও।”

রোষপ্রদীপ্ত-কণ্ঠে গর্জন করিয়া মহেশ্বরী বলিল, “কি বলি মেজো-বৌ, সে হতভাগাকে আমি সেধে খাওয়াতে যাব? সে কাল থেকে আমার সঙ্গে কথা পর্যন্ত বর না, তা জানিস।”

“কেন তোমার সঙ্গে কথা কইতে যাব?”

সুরেশকে দেখিয়া মহেশ্বরী ও অন্নদা উভয়েই বিস্ময়ে

চমকিয়া উঠিল। সুরেশ জলন্ত দৃষ্টিতে মহেশ্বরীর মুখের দিকে চাহিয়া রোষদীপ্ত কণ্ঠে বলিল, “আমাকে যখন তোমরা জোর ক’রে আলাদা ক’রে দিয়েছ, তখন কেন আমি তোমার সঙ্গে কথা কইতে যাব ?”

অশ্রুপ্লাবিত কণ্ঠে মহেশ্বরী ডাকিল, “সুরো !”

জোরে মাথা নাড়িয়া উত্তেজিতভাবে সুরেশ বলিল, “আগে বল, কেন তোমরা আমাকে আলাদা ক’রে দিলে ? দিয়েছ যদি, আমার বদলে তুমি উপোস দিয়ে শুকিয়ে মরবে কেন ?”

কথার সঙ্গে সঙ্গে সুরেশের গলাটা যেন ধরিয়া আসিল। মহেশ্বরী ঈষৎ হাসিল ; সত্বর উঠিয়া বাঁ হাত দিয়া তাহার এক-খানা হাত চাপিয়া ধরিল ; শাস্ত-কোমলকণ্ঠে বলিল, “যে আলাদা ক’রে দিয়েছে সে দিয়েছে। তুই এখন ভাত খাবি ?”

ঘাড় বাঁকাইয়া সুরেশ বলিল, “যারা আমাকে আলাদা ক’রে দিয়েছে, তাদের ভাত আমি খেতে যাব কেন ?”

মহেশ্বরী বলিল, “এ ভাত তাদের নয়, আমার ভাত—আমার ভাগের ভাত। এ ভাত তোকে খেতেই হ’বে সুরো।”

মহেশ্বরী তাহাকে টানিয়া আনিয়া ভাতের কাছে বসাইয়া দিল। বলিল, “যদি আমাকে উপোস রেখে মেরে ফেলতে না চাস, তবে ভাত খা বল্ছি।”

মহেশ্বরী নিজের হাতে ভাতের গ্রাস লইয়া তাহার মুখে তুলিয়া দিল। সুরেশ সে ভাত মুখ হইতে ফেলিতে পারিল না, কিন্তু তাহা গলাধঃ করিতে করিতে তাহার দুই চোখ দিয়া ঝর ঝর অশ্রুধারা গড়াইয়া পড়িল। মহেশ্বরী গ্রাসের পর গ্রাস তুলিয়া তাহার মুখে দিতে থাকিল।

অন্নদা হাতের ভাত হাতে রাখিয়া বিশ্বয়-বিস্ফারিত দৃষ্টিতে সেই দিকে চাহিয়া রহিল।

৴

পরদিন খানিক বেলা হইলে সুরেশ একটা হাঁড়ী লইয়া রান্না চাপাইতে গেল, দেখিয়া অন্নদা আশ্চর্য্যান্বিত-ভাবে জিজ্ঞাসা করিল, “আজ রাঁধবে না কি, ঠাকুর-পো ?”

গম্ভীর মুখে সুরেশ উত্তর দিল, “রাঁধবো না তো খাব কি ? রোজ রোজ উপোস দিতে যাব না কি ?”

কুণ্ঠিত মুখে অন্নদা বলিল, “উপোস দিতেই বা যাবে কেন ? হাত আছে, পা আছে, এক মুঠো ফুটিয়ে খাওয়া বৈ তো না।”

মহেশ্বরী জিজ্ঞাসা করিল, “কি রাঁধবি রে ?”

মুখ মচকাইয়া সুরেশ বলিল, “যা হয়—ভাতে ভাত।”

বলিয়া সে উনান ধরাইতে গেল। কিন্তু উনান ধরাইবার কৌশল সে জানিত না ; সুতরাং বিস্তর পাতা-কুটা কাঠ ঘুঁটে উনানে গুজিয়া দিলেও উনান ধরিল না। পাতা কুটা সব পুড়িয়া গেল, কিন্তু কাঠের গায়ে আগুন ধরিল না, কেবল অন্ধ-দগ্ধ ঘুঁটেগুলো হইতে ধূমরাশি উখিত হইয়া স্থানটাকে অন্ধকারময় করিয়া তুলিল। উনানে ফুঁ দিতে দিতে সুরেশের চোখ দুইটা লাল হইয়া আসিল, ধোঁয়ায় চোখ দিয়া জল পড়িতে লাগিল। সুরেশের বিরক্তির সীমা রহিল না। তাহার ইচ্ছা হইল, কাঠখণ্ডের আঘাতে হাঁড়ীসমেত উনানটাকে চূরমার করিয়া দিয়া ঘরে গিয়া শুইয়া পড়ে, সাত দিন উপবাস দিতে হইলেও এমন ঝক্কারির কাষে হাত দিবে না। শুইয়াও পড়িত সে, যদি মেজো বোয়ের বিদ্রোপোক্তির ভয় না থাকিত। পশ্চাৎপদ হইলে এখনই হয় ত মেজো-বো টিঁকারি দিয়া বলিবে, “কি ঠাকুর-পো, রাঁধতে পারলে না ?” না, যেমন করিয়াই হউক, উনান ধরাইয়া অন্ততঃ আজিকার মতও এক মুঠা ফুটাইয়া খাইতে হইবে।

সুরেশ পুনরায় পাতা-কুটা সংগ্রহ করিয়া আনিয়া উনান ধরাইবার চেষ্টা করিতে লাগিল। কিন্তু তাহার সকল চেষ্টাই ব্যর্থ হইল। পাতা-কুটাগুলো ধু ধু করিয়া পুড়িয়া গেল, কিন্তু কাঠ ধরিল না, মোটা মোটা কাঠের চেলাগুলার গায়ে শুধু খানিকটা করিয়া কালি পড়িল মাত্র। অনবরত ফুৎকার দিতে দিতে সুরেশের চোক দুইটা জ্বালা করিতে লাগিল। তাহার যেন ডাক ছাড়িয়া কাঁদিতে ইচ্ছা হইল। অদূরে বসিয়া অন্নদা কুটনো কুটিতে কুটিতে মুখ টিপিয়া হাসিতে লাগিল।

মহেশ্বরী স্থান করিতে গিয়াছিল। সে ফিরিয়া আসিয়া সুরেশের হৃদশা দেখিয়া ভিজা কাপড়েই তথায় ছুটিয়া আসিল এবং সুরেশকে তিরস্কার করিয়া বলিল, “সেই থেকে উনান ধরাচ্ছিস ? তবেই তুই আলাদা রেঁধে খেয়েছিস আর কি। সর আমি দেখি ?”

মহেশ্বরী উনানের ভিতর হইতে কাঠ-ঘুঁটেগুলো বাহির করিয়া প্রথমতঃ খানকয়েক পাতলা কাঠ সাজাইয়া দিল, তার পর পাতা জ্বালিয়া দিতেই কাঠগুলো সহজেই ধরিয়া উঠিল। মহেশ্বরী বলিল, “এইবার হাঁড়ীতে জল দে।”

হাঁড়ীতে কতটা জল এবং কি পরিমাণ চাউল দিতে হইবে, তাহা দেখাইয়া দিয়া মহেশ্বরী কাপড় ছাড়িতে গেল। সুরেশ চাউলের সঙ্গে কয়েকটা আলু ফেলিয়া দিয়া ফাঁকে গিয়া হাওয়ায় বসিল; মাঝে মাঝে আসিয়া উনানে কাঠ দিয়া যাইতে লাগিল।

ফুটিয়া ফুটিয়া ভাত সিদ্ধ হইলে সুরেশ অনেক কষ্টে ভাতের হাঁড়ী উনান হইতে নামাইল, কিন্তু তাহার ফেন ঝাড়া তাহার পক্ষে নিতান্তই দুঃসাধ্য বলিয়া বোধ হইল। মহেশ্বরীও তাহা জানিত। সে আসিয়া এই দুঃসাধ্য কার্য সহজেই সম্পন্ন করিয়া দিল।

অন্নদা একটু শ্লেষের হাসি হাসিয়া বলিল, “ঠাকুরপো ত খুবই রাঁধলে!”

মহেশ্বরী বলিল, “তুইও যেমন পাগল মেজো-বৌ, ও এখনও খেয়ে আঁচাতে জানে না, ও নিজে রোঁধে খাবে। তোর ভাস্করের যেমন পাগলামি!”

অন্নদা মুখখানাকে একটু গম্ভীর করিয়া বলিল, “তা কাষ কি দিদি এমন পাগলামীতে? আলাদা খেলেও তোমাকেই যখন সব ক’রে দিতে হবে, তখন এর চাইতে একতরে খেলেই ত হয়।”

ঈষৎ ক্রুদ্ধভাবে মহেশ্বরী বলিল, “সে ত তোর আমার কথায় হবে না মেজো-বৌ, যারা আলাদা ক’রে দিচ্ছে, তারা বুঝবে। কিন্তু আলাদা ক’রে দিচ্ছে ব’লেই সুরো যে একেবারে পর হ’য়ে গিয়েছে, তা মনে করিস না।”

অন্নদা আর কোন উত্তর করিল না, শুধু অবজায় ঠোঁটটা একটু ফুলাইল মাত্র।

সুরেশ সেই দিন স্বহস্ত-প্রস্তুত অন্ন ভক্ষণ করিতে করিতে মনে মনে প্রতিজ্ঞা করিল, “উপোস দিয়ে শুকিয়ে মরতে হয় তাও স্বীকার, তবু নিজে রোঁধে খেতে আর যাব না।”

পরদিন কিন্তু তাহাকে আর রাঁধিতে হইল না, মহেশ্বরী সকাল সকাল স্নান সারিয়া আসিয়া তাহাকে রাঁধিয়া দিল।

অন্নদার কিন্তু ইহা ভাল লাগিল না; সে রাগে গর্-গর্ করিল এবং সংসারের কাষের অছিলা করিয়া পাঁচ কথা কহিতে লাগিল। মহেশ্বরী সে কথায় তেমন কান দিল না।

কিন্তু মতিলাল যখন তাহাকে জিজ্ঞাসা করিল, “হাঁ বড়-বৌ, তুমি না কি রোজ রোজ সুরোকে রোঁধে দাও?” তখন

মহেশ্বরী কতকটা চুঃখিত এবং কতকটা ক্রুদ্ধভাবে উত্তর করিল, “হাঁ দিই, দিতে তুমি বারণ কর না কি?”

মতিলাল একটু ইতস্ততঃ করিয়া বলিল, “আমি বারণ করি না বটে, কিন্তু হীকু বলছিল, তা হ’লে ওকে আলাদা ক’রে দেওয়ার কি দরকার ছিল?”

মহেশ্বরী ক্রুদ্ধভাবেই উত্তর দিল, “দরকার কি ছিল না ছিল, তা তোমরাই জান। কিন্তু আলাদা ক’রে দিচ্ছে ব’লে ও যে খেতে পাবে না, উপোস দিয়ে থাকবে, তা আমি দেখতে পারবো না। আমি ওকে মানুষ করেছি।”

মতিলাল বলিল, “মানুষ করেছ ব’লে ওকে যদি শাসন করতে না দাও, তা হ’লে ওর পরকাল তুমিই নষ্ট করবে বড়বৌ।”

ক্রুদ্ধ করিয়া মহেশ্বরী বলিল, “শাসন করতে হয় বুঝি খেতে না দিয়ে?”

মতিলাল বলিল, “যেমন রোগ তেমনি ওষুধ। দু’বেলা তৈরী ভাত খাচ্ছে, আর স্ফুর্ভি ক’রে ঘরে বেড়াচ্ছে। কিন্তু দু’দিন উপোস দিতে হ’লেই দেখবে, এ স্ফুর্ভি আর থাকবে না।”

মহেশ্বরী বলিল, “উপোস ত এক দিন এক রাত দিয়েছিল।”

মতিলাল বলিল, “কিন্তু আর একটা রাত না যেতেই তুমি ডেকে এনে খাইয়েছিলে। রাগ করো না বড়বৌ, তোমার অবশ্য প্রাণের টান আছে, না খাইয়ে থাকতে পারলে না। কিন্তু তাতে ওর পরকালটা যে মাটা হ’য়ে যাচ্ছে, তা ত তুমি বুঝছ না।”

একটু ভাবিয়া মহেশ্বরী বলিল, “বেশ, আমি রোঁধে না খাওয়ালেই যদি ওর পরকাল ভাল হয়, কাল থেকে আমি আর রোঁধে দেব না।”

৬

পরদিন সুরেশ ঘুরিয়া ফিরিয়া আসিয়া মহেশ্বরীকে জিজ্ঞাসা করিল, “আমার রান্না হয়েছে, বৌদি?”

মহেশ্বরী গম্ভীরভাবে উত্তর দিল, “না।”

আশ্চর্যের সহিত সুরেশ বলিল, “বাঃ রে, এতখানি বেলা হলো, এখনও রান্না হয় নি?”

ক্রুদ্ধস্বরে মহেশ্বরী বলিল, “না, হয় নি। কে তোমার চাকরাণী আছে বল ত, রোজ রোজ তোমাকে রোঁধে দেবে?”

মুখ ভার করিয়া সুরেশ বলিল, “রোঁধে দিলেই বুঝি চাকরাণী হয় ?”

তীব্র তিরস্কারের স্বরে মহেশ্বরী বলিল, “হাঁ, হয়। তুমি সকাল থেকে উঠে গায়ে ফুঁ দিয়ে বেড়িয়ে আসবে, আর আমি তোমার জন্তে ভাত তৈরী ক’রে রাখবো,—কেন, আমার কি এমন দায় পড়েছে বল ত। তোর কি কায-কর্ম কিছুই নাই ?”

সুরেশ বলিল, “কায-কর্ম আর কি আছে ? কাযের মপো মাঠের খাটুণী ত ? তা ও কায আমার দ্বারা হবে না।”

মহেশ্বরী বলিল, “মাঠে খাটতে না পারিস, লাটসাহেবের চাকরীই বা কোন্ কচ্চিস ?”

সুরেশ বলিল, “লাটসাহেবের চাকরী না করি, টো টো কোম্পানীর চাকরী কচ্ছি ত।”

মহেশ্বরী শ্লেষভরে বলিল, “টো টো কোম্পানীর চাকরী করলেই যদি পেট ভরে, ভরুক।”

কিছুক্ষণ চুপ করিয়া থাকিয়া সুরেশ জিজ্ঞাসা করিল, “তুমি তা হ’লে আর আমাকে রোঁধে দেবে না ?”

দৃঢ়কণ্ঠে মহেশ্বরী উত্তর দিল, “না, দেব না।”

“আচ্ছা, দাও কি না দেখা যাবে” বলিয়া সুরেশ তাহার সম্মুখ হইতে দ্রুতপদে প্রস্থান করিল। অন্নদা মহেশ্বরীকে সম্বোধন করিয়া বলিল, “দেখলে দিদি, আলাদা হগেও তেজ একটু কমে নি। জোর দেখিয়ে কায করিয়ে নেবে ! যেন বিনি-মাইনের দাসী-বাদী। তোমার লজ্জা নেই ব’লেই দিদি, তুমি ওর কায ক’রে দিতে যাও, আমার ত ওর মুখের দিকেও চাইতে ইচ্ছা করে না।”

মহেশ্বরী তাহার কথার উত্তর না দিয়া নীরবে মাছ কুটিতে লাগিল।

খানিক পরে মহেশ্বরী উঁকি দিয়া দেখিল, সুরেশ চুপ করিয়া শুইয়া রহিয়াছে। মহেশ্বরী কোন কথা না বলিয়া নিজের কাযে মন দিল।

সকলের খাওয়া-দাওয়া হইয়া গেলে মহেশ্বরী ও অন্নদা খাইতে বসিল। খাইতে বসিয়া অন্নদা বলিল, “রান্না হয় নি শুনে বাবু’বুঝি রাগ ক’রে গুয়ে রইলেন ! এক মুঠো রোঁধে খেতে গতর হলো না। ভাল কুড়ে ব্যাটাছেলে যা হোক।”

মহেশ্বরী তাহাকে ধমক্ দিয়া বলিল, “চুলোয় যাক্ সে ! তার কথায় তোর আমার কি দরকার বল ত।”

বলিয়া মহেশ্বরী সুরেশের উপর আপনার ক্রোধ ও বিরক্তি যেন অন্নদাকে ভাল করিয়া বুঝাইয়া দিবার অভি-প্রায়ে ক্রিপ্রহস্তে ভাতের গ্রাস মুখে তুলিতে লাগিল। আজ তাহার আহারে এতটা ব্যস্ততা দেখিয়া অন্নদা বিস্মিত হইল।

খাইতে খাইতে মহেশ্বরী এক একবার বক্রদৃষ্টিতে সুরেশের ঘরের দরজার দিকে চাহিতে লাগিল। যেন তাহার ইচ্ছা, সুরেশও তাহাকে খাইতে দেখিয়া বুঝিতে পারে যে, মহেশ্বরী তাহার উপর কতটা বিরক্ত হইয়াছে, তাহাকে অভুক্ত রাখিয়াও সে খাইতে দ্বিধা বোধ করে নাই।

মহেশ্বরীর ইচ্ছা অপূর্ণ রহিল না। খাওয়া শেষ হইয়া আসিয়াছে, এমন সময় সুরেশ উঠিয়া ঘরের বাহিরে আসিয়া দাঁড়াইল এবং স্নানমুখে করুণনেত্র একবার আহারনিরতা মহেশ্বরীর দিকে চাহিয়াই দ্রুতপদে বাড়ীর বাহির হইয়া গেল। অন্নদা বলিল, “না খেয়েই বাবু বেরিয়ে গেলেন কোথায় ?”

তীব্র ঘৃণাবিশিষ্ট কণ্ঠে “চুলোয়” বলিয়া মহেশ্বরী পাতের অবশিষ্ট ভাতগুলোকে অন্নদার দিকে ঠেলিয়া দিয়া বলিল, “আর খেতে পাচ্ছি না। পারিস ত তুই খেয়ে নে, মেজোবো।”

বিস্ময়-বিশিষ্ট স্বরে অন্নদা বলিয়া উঠিল, “ও মা, কতই বা ভাত খেয়েছ তুমি ? প্রায় অর্ধেক ভাতই যে পড়ে রয়েছে। মাছ পর্যন্ত খাও নি এখনও।”

মুখ মচকাইয়া মহেশ্বরী বলিল, “মাছ ক’দিন থেকেই খেতে পারি না, কেমন যেন গন্ধ ছাড়ে। তুই খা।”

বলিয়াই মহেশ্বরী তাড়াতাড়ি উঠিয়া পড়িল এবং কয়েক-খান উচ্ছিষ্ট পাত্র লইয়া তাড়াতাড়ি ঘাটের দিকে চলিয়া গেল। আর একটু বসিয়া থাকিলেই অন্নদা দেখিতে পাইত, তাহার চোখের কোল ছাপাইয়া অশ্রুরাশি ঠেলিয়া বাহির হইবার উপক্রম করিতেছে।

সেই দিন রাত্রিতে মহেশ্বরী জোর গলায় স্বামীকে জানাইল, “ওগো, তোমার কথাই রেখেছি আমি, আজ আর সুরোকে রোঁধে দিই নাই। বিশ্বাস না হয়, দেখ গিয়ে, আজ সে উপোস দিয়ে পেট কোলে ক’রে পড়ে রয়েছে।”

কথা সমাপ্তির সঙ্গে সঙ্গে মহেশ্বরীর চোখের পাতাগুলো

এমন ভারী হইয়া আসিল যে, সে আর স্বামীর সম্মুখে দাঁড়াইয়া তাহার উত্তর শুনিবার জন্ত অপেক্ষা পর্য্যন্ত করিতে পারিল না।

৭

রাত্রিতে বিছানায় পড়িয়া সুরেশ ভাবিতেছিল, অভিমান বড়, না কুখার তাড়না বড়? তাহার মন স্পষ্ট উত্তর দিল, “কুখার তাড়নাই বড়।” মনের কাছে এই নিঃসন্দেহ উত্তর পাইয়া সুরেশ আর শুইয়া থাকিতে পারিল না, খড়মড় করিয়া বিছানার উপর উঠিয়া বসিল। কিন্তু লজ্জা, মান, অভিমান, ক্রোধ—সর্বাপেক্ষা প্রবল এই কুখার তাড়না নিবৃত্তির উপায় কি? সারাদিনের অনাহার। আর এক দিনও তাহাকে অনাহারে কাটাইতে হইয়াছিল। কিন্তু সে দিনের অনাহারের সঙ্গে আজিকার অনাহারের প্রভেদ আছে। সে দিন সে ঘরে ভাত পাইবে না জানিয়া লোকের গাছের পেয়ারা, পেঁপে, কলা, জামরুল আশ্রয়সাৎ করিয়া কুখারটাকে তেমন প্রবল হইতে দেয় নাই। আজ কিন্তু সুরেশ সেরূপ কোন চেষ্টাই করে নাই। সময়ে ভাত এক মুঠা পাইবে জানিয়া সে নিশ্চিত চিন্তে ঘরে ফিরিয়াছিল। কিন্তু ঘরে ফিরিয়া যখন দেখিল, ভাত পাইবার আশা নাই, তাহার একমাত্র আশাশূল বৌদি পর্য্যন্ত তাহার উপর বিরূপ হইয়া, তাহাকে না খাওয়াইয়া নিজে স্বচ্ছন্দে ভাতের পাথর লইয়া বসিয়াছে, তখন তাহার মনে হইল, সারা জগৎটার মধ্যে তাহাকে এক মুঠা কুখার অন্ন দিতে আর কেহই নাই—সংসারে সে একেবারে অসহায়! দূর হউক, সংসারে যাহার কেহই নাই, তাহার খাওয়াটাই বা থাকে কেন? কতকটা ছুঃপে—কতকটা ক্রোধে সুরেশ মনে মনে প্রতিজ্ঞা করিল, ‘নাঃ, তাহাকে খাইতে না দিয়া সকলে যখন সম্ভষ্ট, তখন সে আর খাইবেই না।’ এই চূর্জয় প্রতিজ্ঞাটাকে মনের ভিতর জাগাইয়া রাখিয়া সুরেশ সারা বিকালটা গ্রামের এক প্রান্ত হইতে অল্প প্রান্ত পর্য্যন্ত ঘুরিয়া আসিল বটে, কিন্তু খাইবার জন্ত কোন চেষ্টাই করিল না। দস্তদের পুকুর পাড়ের গাছের খোলো খোলো জামরুলগুলোও তাহার দৃষ্টি আকর্ষণ করিতে পারিল না।

ঘুরিয়া-ফিরিয়া সুরেশ সন্ধ্যার পর যখন বাড়ী ফিরিল, তখন কুখার তাহার সর্কশরীর ঝিম্ ঝিম্ করিতেছে, মাথাটা যেন ঘুরিয়া পড়িতেছে। কিন্তু আজ তাহার দৃঢ় প্রতিজ্ঞা,

কুখার তাড়নাকে সে পরাজিত করিবে, কিছুই খাইবে না। সুরেশ অবসন্ন দেহে ঘরের দরজা ভেজাইয়া দিয়া শুইয়া পড়িল, এবং চক্ষু মুদিয়া ঘুমাইবার জন্ত চেষ্টা করিতে লাগিল।

কিন্তু কি বিপদ! ঘুম যে আজ চোখে আসিতেই চাহে না। বেশীক্ষণ চক্ষু মুদিয়াও থাকা যায় না, চোখ টন্ টন্ করে। কাষেই সুরেশ কখনও চোখ বুজিয়া, কখন বা চোখ চাহিয়াই বিছানার উপর পড়িয়া রহিল। পড়িয়া পড়িয়া সে খোলা জানালা দিয়া দেখিল, ছেলেদের খাওয়া হইয়া গেল, মেজদার খাওয়া হইল। খানিক পরে বড়দা আসিয়া খাইল। এইবার বৌদির পালা। আজও বৌদি খাইতে বসিয়া হয় তো সে দিনকার মত টানিয়া লইয়া গিয়া খাওয়াইবার জন্ত চেষ্টা করিবে। কিন্তু নাঃ, সে দিনকার মত যতই টানাটানি করুক, আজ সে কিছুতেই খাইবে না। সারাদিন উপবাসী রাখিয়া রাত্রিকালে আদর দেখাইয়া এক মুঠা খাওয়ান,—এমন খাওয়ান দরকার কি? সুরেশ মনটাকে দৃঢ় করিয়া লইয়া স্থির করিল, “আজ বৌদি যতই ডাকুক, যতই টানাটানি করুক, কিছুতেই সে খাইবে না।”

কিন্তু কে, কেহই তো তাহাকে ডাকিল না? মেজবৌ খাইয়া, আঁচাইয়া রান্নাঘরে চাবী দিল, বৌদি তাহাকে খান সিদ্ধ করিবার জন্ত কাল খুব ভোরে উঠিতে আদেশ দিয়া ঘরের দরজা বন্ধ করিল। বাড়ীতে আর কাহারও কোনই সাড়া-শব্দ নাই। বৌদি তাহা হইলে রাত্রিকালে ভাত খাইল না। অম্বলের অম্বলের জন্ত মাঝে মাঝে তাহাকে রাত্রিকালে ভাত বন্ধ দিতে হয়। আজও বোধ হয় তাহাই হইল। কিন্তু হতভাগা অম্বলটা দেখা দিবার আর কি দিন পাইল না? বৌদির স্নেহ অম্বরোধের উত্তরে সুরেশ যে কঠোর দৃঢ়তা দেখাইবে বলিয়া প্রস্তুত হইয়াছিল, তাহা দেখাইবার সুযোগ দিল না?

রাত্রির গভীরতার সঙ্গে বাড়ীখানা যতই নিস্তব্ধ হইয়া আসিতে লাগিল, সুরেশের চাঞ্চল্য ততই যেন বাড়িয়া উঠিল। আচ্ছা, বাড়ীর লোকগুলো কি নিষ্ঠুর! একটা লোক যে সারাদিনটা না খাইয়া রহিয়াছে, তাহার সম্বন্ধে কোন তথ্য লওয়াই ইহারা আবশ্যিক বিবেচনা করিল না? ইহাদের মনে কি একটুও দয়ামায়া নাই? উহারা বলিলেও সুরেশ ত খাইত না, কিন্তু উহাদের একবার বলাটাও কি

উচিত ছিল না? নাঃ, সুরেশ সাত দিন না খাইয়া থাকিলে, তথাপি এই লোকগুলার প্রদত্ত খাদ্য গ্রহণ করিবে না।

কিন্তু এ কি, ঘুম যে কিছুতেই আসে না। পেটের ভিতর যেন একটা ভীষণ দাহ চলিতেছে। মনে হইতেছে, যেন একটা প্রচণ্ড দাবানল প্রজ্জ্বলিত হইয়া বিশ্ব-সংসারকে দগ্ধ করিতে উত্তত হইয়াছে। কানের পাশে যেন হাজার হাজার ঝিঁ ঝিঁ পোকা আসিয়া ডাকিতে আরম্ভ করিয়াছে। ওঃ, কি ভয়ানক যাতনা এই ক্ষুধানলের! সংসারের সকল কষ্ট সহ হয়, কিন্তু এ কষ্ট যে অসহ!

যখন নিতান্ত অসহ বোধ হইল, তখন সুরেশ আর শুইয়া থাকিতে পারিল না, উঠিয়া বিছানার উপর বসিল। নাঃ, এ অনল নির্ঝাপিত না করিলে স্থির থাকিবার উপায় নাই। কি দিয়া ইহাকে নির্ঝাপিত করিবে? ঘরে ত কিছুই নাই। ঘরে শুধু চাউল আছে। কিন্তু এত রাত্রিতে উঠিয়া উনান ধরাইয়া রাখিয়া খাওয়া—আরে রাম, সে কায সুরেশের দ্বারা হইবে না, রাখিতে পারিবেও না সে। শুনা যায়, পেটের জ্বালায় ত লোকে শুকনা চাউল খাইয়াই ক্ষুধিবৃত্তি করে। তবে আর চিন্তা কি!

সুরেশ আলো জালিয়া চাউলের পাত্র হইতে সেরখানেক চাউল ঢালিয়া লইল এবং গভীর আগ্রহের সহিত এক মুষ্টি চাউল মুখগহ্বরে নিক্ষেপ করিল। হরি হরি, শুকনা চাউলও কি খাওয়া যায়? যে খাইতে পারে, সে মানুষ নয়—রাকস। অতি কষ্টে মুখ মধ্যস্থ চাউলগুলি চিবাইয়া সুরেশ এক ঘটি জল গলায় ঢালিয়া দিল এবং নিতান্ত হতাশভাবে অবশিষ্ট চাউলগুলোকে এক পাশে সরাইয়া রাখিল।

জল পান করিয়া সুরেশ একটা তৃপ্তি অনুভব করিল বটে, কিন্তু তাহা স্বপ্নকালের জ্ঞান। অল্পক্ষণ পরেই তাহার মনে হইল, না, এমন করিয়া না খাইয়া থাকা যাইবে না। ইহারা যদি নিতান্তই খাইতে না দেয়, খাওয়ার অন্য উপায় যাহা হউক করিতেই হইবে। ব্যাটাছেলে, হাত-পা আছে, এমন করিয়া উপবাস দিয়াই বা থাকিব কেন? বিদেশে চলিয়া গেলে মুটেগিরি করিলেও ত পেটে খাইতে পাওয়া যাইবে। কিন্তু তাহার আগে ইহাদের সঙ্গে একটা 'হেস্ত-নেস্ত' করিয়া লওয়া দরকার। 'হেস্ত-নেস্ত' আর কি, বৌদির

কাছে—বড়দার কাছে সাফ জবাব লইতে হইবে, ইহাদের মন্তব্যটা কি? নতুবা বৌদি ইহার পর ছঃখ করিতে পারে। কাল সকালেই—সকালে কেন, আজ এখনই জবাব লইয়া কাল সকালে যাহা হয় করিব।

কথাটা ভাবিয়াই সুরেশ ভড়াক করিয়া উঠিয়া ঘরের দরজা খুলিয়া ফেলিল এবং দৃঢ়সঙ্কল্পে মন বাঁধিয়া বেশ জোরে পা ফেলিয়া মতিলালের ঘরের দরজায় গিয়া ডাকিল, "বৌদি!"

৮

বাড়ীর আর সকলে ঘুমাইলেও মহেশ্বরী তখনও ঘুমাইতে পারে নাই; হতভাগা সুরেশের অনাহার-ক্লিষ্ট মুখখানাকে চোখের সামনে রাখিয়া তাহার জ্ঞান যে কি উপায় অবলম্বন করিবে, পড়িয়া পড়িয়া ব্যাকুলচিত্তে তাহাই ভাবিতেছিল। সুরেশের ডাক শুনিয়াই সে চমকিতভাবে উত্তর দিল, "কে রে, সুরো!"

সুরেশ বলিল, "হাঁ আমি। বড়দা কি ঘুমিয়েছে?"

"ঘুমিয়েছে! কেন বল দেখি?"

"কেন কি? ডেকে দাও বড়দাকে। তুমিও ওঠো, আমার দরকারী কথা।"

মহেশ্বরী তাড়াতাড়ি উঠিয়া আলো জালিয়া দরজা খুলিল। দরজা খোলার শব্দে মতিলালের ঘুম ভাঙিয়া গেল। মহেশ্বরী তাহাকে বলিল, "ওঠো ত একবার, সুরো ডাকছে।"

"সুরো ডাকছে? কেন রে, সুরো?" বলিয়াই মতিলাল ধড়মড় করিয়া উঠিয়া বসিল। সুরেশ ঘরে ঢুকিয়া মতিলালের সম্মুখে মেঝের উপর বাঁকিয়া বসিয়া বলিল, "একটা কথা আছে তোমার সঙ্গে বড়দা।"

"কি কথা রে?"

"কথা অপর কিছু নয়, তোমাদের মতলবটা কি খুলে বল দেখি?"

একটু বিস্ময়ের সহিত মতিলাল জিজ্ঞাসা করিল, "মতলব? মতলব কিসের, সুরো?"

"কিসের মতলব?" অশ্রুকাतर চোখ দুইটা জ্যেষ্ঠের মুখের উপর নিবদ্ধ করিয়া ছঃখ-গাঢ় কণ্ঠে সুরেশ বলিয়া উঠিল, "কিসের মতলব? কি জন্তে আমাকে আলাদা করে দিলে বল ত? আমি কি এমন দোষ করেছি, যার জন্তে

আমাকে তোমরা উপোস দিইয়ে রেখেছ ? আমি কি তোমাদের কেউ নই ?”

বলিতে বলিতে অভিমানের অশ্রুধারার সুরেশের চোখ-মুখ ভাসিয়া গেল। দৃঢ়তার সহিত সাক জবাব লইতে আসিয়া কাঁদিয়া কেঁদিয়া সুরেশ যেন লজ্জিত হইয়া পড়িল। সে লজ্জার ছই হাতে মুখ ঢাকিয়া ফুলিতে ফুলিতে বলিল, “আমি কি এতই পর হ’য়ে গিয়েছি যে, সারাদিন না খেয়ে বিছানায় পড়ে ছটফট করছি, আর তোমরা দিব্যি খেয়ে-দেয়ে—”

সুরেশ আর বলিতে পারিল না; উচ্ছ্বসিত বাস্পে তাহার কণ্ঠ রুদ্ধ হইয়া আসিল। মতিলাল মাথাটা হেঁট করিয়া নীরবে বসিয়া রহিল। মহেশ্বরী অগ্রসর হইয়া জিজ্ঞাসা করিল, “কি গো, চূপ ক’রে রইলে যে ?”

মতিলাল একটা ক্ষুদ্র নিশ্বাস ত্যাগ করিয়া বলিল, “চূপ ক’রে থাকবো না ত কি করবো ?”

“তোমার নিজের ছেলে হ’লে কি করতে ?”

“নিজের ছেলে অবাধ্য হ’লে তাকেও ঠিক এই রকমে শাসন করতাম।”

মহেশ্বরীর চোখ ছইটা যেন অলিয়া উঠিল; গর্ক্ণফীত কণ্ঠে বলিল, “আচ্ছা, কর ত দেখি শাসন। ওর মা নাই ব’লে তোমরা যা ইচ্ছা তাই করতে চাও বুঝি ? কাল থেকে আমি আর তোমার কোন কথাই শুনবো না; ওকে রেঁধে ভাত দেব, দেখি, তোমরা আমার কি করতে পার।”

মতিলাল বিস্ময়চকিত দৃষ্টিতে জীর গর্ক্ণপ্রদীপ্ত মুখের দিকে চাহিল।

পরদিন রাত্রা শেষ করিয়া মহেশ্বরী সুরোকে ডাকিয়া ভাত বাড়িয়া দিলে অন্নদা গভীর বিস্ময় ও শঙ্কা অহুভব

করিয়া বলিল, “হাঁ দিদি, ঠাকুরপোকে ভাত দিলে, ওরা ত কিছু বলবে না ?”

তাহার দিকে চোখ পাকাইয়া চাহিয়া মহেশ্বরী উত্তর করিল, “শুধু বলবে না, মাথাটা পর্য্যন্ত কেটে নেবে। আচ্ছা মেজবোঁ, ওরা না হয় পুরুষমানুষ, যা মনে আসে তাই করতে পারে। কিন্তু তুই ত মেয়েমানুষ, ছেলের মা, তোর বুকটাও কি পুরুষদের মতই শক্ত !”

মহেশ্বরীর এই তিরস্কারে অন্নদা একটুও লজ্জা অহুভব করিল না, বরং যেন গভীর অবজ্ঞার নাসাগ্র কুঞ্চিত করিল।

হীরালাল জ্যেষ্ঠকে সম্ভাষণ করিয়া জিজ্ঞাসা করিল, “হাঁ দাদা, সুরো কি তা হ’লে আবার এক অগ্নেই থাকবে ?”

ঈশৎ হাসিয়া মতিলাল উত্তর করিল, “তাই রইলো বৈ কি রে, ভাই। কি জানিস, মেয়েমানুষগুলো থাকতে কাউকে শাসন করা যাবে না। আমরা পুরুষমানুষ, মনে করলে খুন-জখমও ক’রে ফেলতে পারি, কিন্তু এই মেয়ে-মানুষগুলো ত ততটা পেরে ওঠে না।”

ক্রোধ-গভীর মুখে হীরালাল বলিল, “তা হ’লে দেখছি, বড়বোঁই সুরোর পরকালটা নষ্ট করলে।”

সহাস্ত্রে মতিলাল বলিল, “যে পাপ করবে, সে-ই ভুগবে। আমরা কেন খুন ক’রে পাপের ভাগী হ’তে যাই।”

হীরালাল আর কোন প্রতিবাদ করিতে পারিল না বটে, কিন্তু জ্যেষ্ঠের জৈগতা দর্শনে ঘৃণায় মুখখানা বিকৃত করিল। মহেশ্বরী কিন্তু বিষম সঙ্কট-হইতে মুক্তিলাভ করিয়া প্রক্কা-সজল নেত্রে স্বামীর মুখের দিকে চাহিল।

শ্রীনারায়ণচন্দ্র ভট্টাচার্য্য।

প্রেম-স্মৃতি

সঙ্গীতের মুহূর্ত্তর ধীরে ধীরে হইলে বিলীন
অন্তঃকর্ণে বাজে তার সুর,
মধুময়ী মল্লিকার দলগুলি হইলে মলিন
স্রাণে জাগে গন্ধ সুমধুর।

বৃন্ত হ’তে ঝরে যবে স্নকোমল গোলাপের দল
ঝরাপাতা রচে শব্দা তার,
তুমি গেছ, তব স্মৃতি তেমতি রচিত হৃদি-তল
প্রণয়ের বাসর তোমার।

শ্রীভূজবর্ধন রায় চৌধুরী।

খেজুরী বন্দর

২

ভারতবর্ষে সংস্থাপিত সর্বপ্রথম টেলিগ্রাফ লাইন কলিকাতা হইতে খেজুরীর সহিত সংযোজিত হইয়াছিল। ১৮৫১ খৃষ্টাব্দে কলিকাতা মেডিক্যাল কলেজের রসায়নাদ্যাপক ডাক্তার ও'শাগ্নেসী (Dr. W. B. O' Shaughnessey) কলিকাতা হইতে ডায়মণ্ডহারবার এবং বিষ্ণুপুর, মায়াপুর, কুকড়াহাটি ও খেজুরী পর্যন্ত সর্বসমেত ৮২ মাইলব্যাপী টেলিগ্রাফ লাইন স্থাপন করিবার অনুমতি প্রাপ্ত হন। ১৮৫২ খৃষ্টাব্দে কুকড়াহাটি হইতে খেজুরী লাইন উন্মুক্ত হয়। তৎকালে ডাঃ ও'শাগ্নেসীর উদ্ভাবিত এক প্রকার ক্ষুদ্র বৈদ্যুতিক যন্ত্রসাহায্যে সংবাদ গৃহীত হইত; পরে ১৮৫৭ খৃষ্টাব্দে মোর্স উদ্ভাবিত যন্ত্র প্রচলিত হয়। (১)

খেজুরীর পোষ্ট আফিসের কার্য সুবিস্তৃত ছিল। যুরোপীয় ব্যবসায়ী, জাহাজের যাত্রী ও নাবিকগণের সহিত কার্যসম্বন্ধের জন্ত এই পোষ্ট আফিসের ভার উচ্চ বেতনভোগী ইংরাজ-কর্মচারীর উপর ব্রহ্ম থাকিত। ইহার অধীনে অনেকগুলি ডাক-নৌকা সমুদ্রস্থিত জাহাজে যাতায়াত করিয়া চিঠিপত্রাদির আদান-প্রদান করিত। এই ডাক-নৌকাগুলির দাঁড়ি-মাঝি ও পোষ্ট আফিসের দেশীয় কর্মচারীদিগের অবস্থানের জন্ত পোষ্ট আফিস-গৃহের পার্শ্বেই শ্রেণীবদ্ধভাবে দ্বাদশটি কক্ষ-বিশিষ্ট প্রকাণ্ড 'ব্যারাক্' ছিল, তাহা অথহে অতি অল্পদিন মাত্র ভূমিসাৎ হইয়াছে। ডাক-নৌকার কর্মচারীগণের কর্তব্য-সম্পাদন বিপদ-বর্জিত ছিল না। "কলিকাতা গেজেটে" ১৮০৬ খৃষ্টাব্দের ২০শে আগষ্ট তারিখে পোষ্টমাষ্টার জেনারাল প্রদত্ত একটি বিজ্ঞাপনে জানা যায়—খেজুরীর একটি ডাক-নৌকা চিঠিপত্রাদি জাহাজে বিলি করিয়া সাগরছীপের নিকট তীরদেশে নোঙ্গরাবদ্ধ ছিল, এমন সময় একটি ব্যাঘ্র লাফ দিয়া নৌকায় উঠিয়া দাঁড়ি-মাঝির এক ব্যক্তিকে লইয়া গিয়াছিল। ইহার ফলে আরও দুই জন আহত হয় এবং নৌকাখানি উল্টাইয়া

যায়।(১) একবার 'মেরীমেড' নামক জাহাজের কর্মচারীগণ খেজুরীর একটি ডাক-নৌকার কর্তব্য কার্যে ব্যাঘাত উৎপন্ন করায় কোর্ট উইলিয়ম হইতে সর্কৌন্সিল গবর্নর জেনারল ১৮০০ খৃষ্টাব্দের ১৮ই ডিসেম্বর তারিখে ভবিষ্যতে খেজুরীর পোষ্টমাষ্টারের অধীনস্থ কোনও ব্যক্তির সহিত এইরূপ ব্যবহারের জন্ত কঠোর শাস্তির বিষয় 'কলিকাতা গেজেটে' বিজ্ঞাপিত করেন।(২) ১৮৬৪ খৃষ্টাব্দে মিঃ জে, বোটেলহো (J. Botelho) খেজুরীর পোষ্টমাষ্টার ছিলেন। ইনি পোষ্টমাষ্টার এবং অবৈতনিক ম্যাজিস্ট্রেটেরও কার্য করিতেন। ১৮৬৪ খৃষ্টাব্দের ভীষণ ঝটিকা-বর্ষে পুত্র ইউজীন ও পত্নী মেরীসহ ইনি নিহত হন।

শুনা যায়, প্রাণাধিক পুত্র প্রথমে নিরুদ্ভিষ্ট হওয়ার, শোকাভুর দম্পতি একটি সিন্দূকের উপর আরোহণপূর্বক পুত্রের সন্ধানে বস্ত্র জলরাশিতে ভাসমান হইয়া প্রাণত্যাগ করেন। খেজুরীর যুরোপীয় সমাধিক্ষেত্রে ইঁহারা সপরিবারে সমাহিত আছেন। পরবর্তী পোর্ট ও পোষ্টমাষ্টার মিঃ ডবলিউ টি, মিলার এই সমাধিতে প্রস্তরলিপি যোজিত করেন।

প্রাচীরবেষ্টিত খেজুরীর যুরোপীয় সমাধিক্ষেত্রটি এখনও গবর্নমেন্ট সুসংস্কৃত অবস্থায় রক্ষা করিতেছেন। সমাধিক্ষেত্রে মোট তেত্রিশটি সমাধি আছে, তন্মধ্যে একুশটি ক্ষোদিত লিপিয়ুক্ত। সর্কাপেক্ষা প্রাচীন লিপিটির সময় ১৮০০ খৃষ্টাব্দ। এই সমাধিটি একটি নাবিকের, লিপিটি এক্ষণে পাওয়া যায় না। একটি অস্পষ্ট ও ভগ্ন লিপিফলক আছে—সম্ভবতঃ সেইটিই এই সমাধির লিপি হইবে। কেহ কেহ বলেন, লিপিবিহীন সমাধিগুলি আরও পূর্ববর্তী সময়ের।(৩) বর্তমান লিপিগুলির মধ্যে প্রাচীনতম লিপিটি ১৮১৮

(১) H. Sanderson's *Selections from Calcutta Gazette vol. IV.* (1806-1815) p 71.

(২) W. S. Setonkar's *Selections from Calcutta Gazette vol III.* (1798 - 1805) p, 74.

(৩) "A few years ago the earliest inscriptions which could be found was on a detached and broken slab, dated 1880 and to the memory of the boatswain of a ship, but some of the graves without inscriptions were probably of an earlier date." *Midnapore Gazetteer*, p, 200.

(১) *Imperial Gazetteer of India (1907), vol III,* p, 437.

খৃষ্টাব্দের ১০ই সেপ্টেম্বর তারিখযুক্ত। কাঁথির পূর্ববিভাগের সুপারভাইজার মিঃ এমোস ওয়েস্টের সমাধিটি সর্কাপেক্স আধুনিক;—ইহার তারিখ ১৮৬৫ খৃষ্টাব্দের ১০ই অক্টোবর। সমাধিগুলির অধিকাংশই নৌ ও সৈন্যবিভাগীয় কর্মচারি-গণের। নিম্নে লিপিবদ্ধ সমাধিগুলির সংক্ষিপ্ত বিবরণ প্রদত্ত হইতেছে :—


১। নীল ম্যাক ইনেস—“ডুনিরা” জাহাজের মিডশিপম্যান—মৃত্যু ১০ই সেপ্টেম্বর, ১৮১৮।

৭। সারা—হেনরী অসবর্ণের পত্নী—মৃত্যু ৩রা জাহু-য়ারী, ১৮২৫।

৮। ডবলিউ, এ, চামার, ভাগলপুরের জজ ও ম্যাজিষ্ট্রেট—মৃত্যু ১৬ই জাহুয়ারী, ১৮২৬।

৯। ক্যাপটেন জেমস রীড, বেঙ্গল নেটিভ ইন্ফ্যান্ট্রী, ১ম রেজিমেন্ট—মৃত্যু ২৩শে নভেম্বর, ১৮২৬।

১০। ডবলিউ, এইচ, ব্রেট—কোম্পানীর বঙ্গদেশীয় নৌবিভাগের মেট—মৃত্যু ১৩ই আগষ্ট, ১৮২৬।



খেজুরীর সমাধিক্ষেত্রের দৃশ্য

২। কুমারী সারলী অ্যানি—মিডলসেক্সবাসী রেভারেণ্ড টমাস ব্র্যাকেনের কন্যা—মৃত্যু ১২ই নভেম্বর, ১৮২০।

৩। হোর্যাশিও নেলসন ড্যালাস, “লেডী মেলভিল” জাহাজের পঞ্চম অফিসার—মৃত্যু ২৮শে জুলাই, ১৮২০।

৪। এমেলিয়া—দিনাজপুরের জজ ও ম্যাজিষ্ট্রেট এড-ওয়ার্ড ম্যাকওয়েলের পত্নী—মৃত্যু ২৬শে জুলাই ১৮২২।

৫। চার্লস রাসেল ক্রোমলীন্, ইষ্ট ইন্ডিয়া কোম্পা-রীর কর্মচারী—মৃত্যু ২৬শে সেপ্টেম্বর, ১৮২২।

৬। রবার্ট আলেকজান্ডার বেটলী—কলিকাতাবাসী—মৃত্যু ২২শে নভেম্বর, ১৮২৫।

১১। জোস কাটিস স্টেপলটন—নৌবিভাগের ব্র্যাঞ্চ পাইলট—মৃত্যু ১৪ই আগষ্ট, ১৮২৬।

১২। জর্জ ফর্বস, এম, ডি—অ্যাসিস্ট্যান্ট সার্জন—মৃত্যু ২৩শে অক্টোবর, ১৮৩৭।

১৩। ক্যাপটেন উইলিয়ম পীট—“ফর্বস” ষ্টীমারের অধ্যক্ষ—মৃত্যু ১৭ই জুন, ১৮৩৭।

১৪। রবার্ট পীচার—“ভ্যান্ডিটার্ট” জাহাজের ১ম অফিসার—মৃত্যু ১৯শে আগষ্ট, ১৮৩৭।

১৫। জে, এইচ, বার্নো—সিভিল সার্ভিস—মৃত্যু ১১ই সেপ্টেম্বর, ১৮৪১।

১৬। ক্যাপ্টেন জেমস্ ম্যাসন্, আমেরিকান জাহাজ “কোরিজা”—মৃত্যু ১৯শে মে, ১৮৫৩।

১৭। চার্লস্ উইলিয়মসন, মাঞ্চেষ্টরের জর্জ উইলিয়মসনের পুত্র—মৃত্যু ১লা ডিসেম্বর, ১৮৫৪।

১৮। মাইকেল হোগ্যান্—“এ, বি, টমসন্” নামক অ্যামেরিক্যান জাহাজের মাষ্টার—মৃত্যু ৫ই জুলাই, ১৮৫৫।

১৯। চার্লস্ লিটন, পাইলট জাহাজ “শাল্ডউইন”—মৃত্যু ২৫শে নভেম্বর, ১৮৫৮।

২০। জে, বোটেলহো, পত্নী মেরী ও পুত্র ইউজীন—৫ই অক্টোবর, ১৮৬৪।

২১। এমোস্ ওথেষ্ট, সুপারভাইজার পূর্ববিভাগ—মৃত্যু ১০ই অক্টোবর, ১৮৬৫।

কতকগুলি সমাধিলিপি এতই মর্মস্পর্শী যে, পাঠ করিলে অশ্রুসংবরণ করা যায় না। নির্জন প্রকৃতির মুক্তাকাশের চন্দ্রাতপ নিম্নে সুবৃন্ত আত্মাগুলি অনাবিল শান্তির ক্রোড়ে শায়িত। ভাগীরথী মধুর কলসঙ্গীতে এই মহানিদ্রায় সুধাবর্ষণ করে! সাগর-স্নাত চঞ্চল সমীরণ বহু কুসুমের সুবাস লইয়া সমাধিগুলি সুস্বিদ্ধ করিয়া তুলে! মেদিনীপুরের ঐতিহাসিক সুহৃদ্বর যোগেশচন্দ্র খেজুরীর সমাধিক্ষেত্র বর্ণনায় লিখিয়াছেন—“প্রকৃতি দেবীর স্নেহময় কোলে খাজুরীর নীরব সমাধিক্ষেত্রটি হৃদয়ে শান্তির ভাব আনয়ন করে। গভীর নির্জনতা এখানে দেদীপ্যমান। জনকোলাহল এখানে নীরব। পাছে মৃত ব্যক্তিদিগের শান্তির নিদ্রা ভঙ্গ হয়, সে জন্য জড়প্রকৃতিও যেন ভীত ও চকিত।”(১) এই পবিত্রতার নির্জনতার মধ্যে গভীর নিশীথে জ্যোৎস্নাহাসি মুখরিত সুদূর মেঘলোক হইতে দেবদূতগণ সমাহিত আত্মাগুলির জন্য কে জানে কি সুধাই না বহিয়া আনে!

খেজুরীর সে শ্রী-সৌষ্ঠব আর নাই। যে জনপূর্ণ নগরী এক সময়ে নানা দেশীয় মানবের কোলাহলে মুখরিত হইয়া থাকিত, সুরম্য সৌধশ্রেণীতে বিভূষিত হইয়া যাহা এককালে প্রাসাদ-নগরীর সৌষ্ঠব ধারণ করিয়াছিল, আজ তাহা ভ্রষ্টশ্রী হিংস্র জন্তুপূর্ণ অরণ্যভূমি! শৃগালের বীভৎস চীৎকার ও বিহঙ্গের কলধ্বনিমাত্র তাহার নিস্পন্দ নিস্তব্ধতা

ভঙ্গ করিতে বর্তমান! উপর্যুপরি প্লাবনাদি নৈসর্গিক বিপ্লবে ত্রীসম্পদময়ী খেজুরী বিধ্বস্ত হইয়াছে।

১৭৬০ খৃষ্টাব্দে খেজুরীর নিকটস্থ নদীপথ অল্পে অল্পে অগভীর হইয়া উঠিতেছিল।(১) কিন্তু ১৭৬৭ খৃষ্টাব্দের হুগলী নদীর সারভে রিপোর্টে খেজুরী নৌপথের অবস্থা উত্তম ছিল বলিয়াই জানা যায়।(২) কালক্রমে উপর্যুপরি ঝটিকাবর্ত ও প্লাবনের আতিশয্যে খেজুরীবন্দর ধ্বংস ও নদীপ্রণালী (channel) পরিবর্তিত হইয়াছে। ইতিমধ্যে সাগরদ্বীপের নিকট New Anchorage বা নূতন পোতাশ্রয় গঠিত হইয়া উঠিয়াছিল। ১৮২২ খৃষ্টাব্দের কলিকাতা জেনারাল পোষ্টাফিসের একটি বিজ্ঞাপনে জানা যায়, খেজুরী হইতে ডাক-নৌকাগুলির সাগরদ্বীপ পর্য্যন্ত যাওয়া-আসা বিপজ্জনক বিবেচিত হওয়ায়, কলিকাতা হইতে সরাসরি New Anchorage পর্য্যন্ত জাহাজে ডাক আদান-প্রদানের ব্যবস্থা হইয়াছিল।(৩) সুতরাং এই সময়ের পূর্বেই ভাগীরথীর খেজুরীর নিকটস্থ ‘চ্যানেল’ পরিবর্তিত হইয়াছিল—মনে করা যায়। ইতোমধ্যে ডায়মণ্ডহারবার বন্দরে পরিণত হওয়ায়, সেখানে খেজুরীর শ্রায় শুদ্ধবিভাগীয় কার্যালয়াদি প্রতিষ্ঠিত হইয়াছিল।(৪)

১৮০৭ খৃষ্টাব্দের ১০ই মার্চের ভীষণ ঝটিকায় খেজুরীবন্দরের যথেষ্ট ক্ষতিসাধিত হইয়াছিল। তৎকালীন ‘ইণ্ডিয়া গেজেটে’ এই ঝটিকা সম্বন্ধে লিখিত হইয়াছে—“খেজুরী,

(১) “In 1760 in consequence of the river getting worse, vessels at Kedgerree were not to draw more than 16 feet.”

Long's Selections from unpublished Record of the Govt. of India. vol, I, Introduction, p, xxxiii.

(২) “For going out or coming in of Kedgerree finds good water, not having less than 16 feet at low water spring tide.” India Gazette, Aug 13, 1807, Ibid, p. 503

(৩) H. D. Sanderson's Selections from Calcutta Gazette, vol, V, p, 641.

(৪) “At Diamond Harbour the Company's ships usually unload their outward and receive the greater part of their homeward bound cargoes, from whence they proceed to Saugor roads, where the remainder is taken in.”

Hamilton's East India Gazetteer of 1815.

(১) শ্রীযুত যোগেশচন্দ্র বসু প্রণীত “মেদিনীপুরের ইতিহাস” ১ম খণ্ড, ৩১৩ পৃঃ।



খেজুরীতে ভাগীরথী-তীরে শবদাহ দৃশ্য

মাগরদ্বীপ ও নোপথবর্তী জাহাজাদির ক্ষতি সম্বন্ধে প্রত্যহ সংবাদ আসিতেছে। * * * ১৭৮০ খৃষ্টাব্দে সংঘটিত পশ্চিম-ভারতীয় দ্বীপপুঞ্জের ভীষণ ঝড়ের ঞায় এই ঝড় ভয়ঙ্কর হইয়াছিল।(১) ইহার কয়েক বৎসর পরেই ১৮২৩ খৃষ্টাব্দের ২৭শে মে তারিখের ভীষণ ঝড়িকাবর্ত খেজুরী পোতাশ্রয়ের সর্বনাশ সাধন করে। এই ঝড়িকা-প্রসঙ্গে 'কলিকাতা গেজেটে' প্রকাশিত বিবরণের কিয়দংশ উদ্ধৃত হইতেছে ;—

“গত ২৭শে তারিখের রজনীতে এক অতি ভীষণ ঝড়িকাবর্ত নিকটবর্তী ৬৭ মাইল স্থান আচ্ছন্ন করিয়া খেজুরী উপকূলের বিলক্ষণ ক্ষতি সাধিত করিয়াছে। নদী কিংবা বৃষ্টির জল দ্বারা এই প্লাবন ঘটয়াছে—আমরা তাহা জানিতে পারি নাই;—কিন্তু এই স্থানের নিম্নাবস্থানের বিষয় ভাবিয়া আমাদের মনে হয়, এই অনিষ্টের পূরণ হইতে বহুদিন লাগিবে। আমরা গভীর দুঃখের সহিত জানাই-তেছি যে—কেবলমাত্র এই দুর্ঘটনাই ঘটে নাই। নদীবক্ষে যে পরিমাণ ক্ষতি সংঘটিত হইয়াছে—তাহা উপকূল অপেক্ষাও ভয়ঙ্কর এবং দুর্ভাগ্যবশতঃ অপেক্ষাকৃত অল্প প্রতীকারসাধ্য ! * * * রাত্রির অন্ধকারে ক্ষতির পরিমাণ নির্ণয় করা যায় নাই ;—প্রভাত হইলে হৃদয়বিদারক দৃশ্য দৃষ্টিগোচর হইয়াছিল ! দক্ষিণ, পূর্ব, পশ্চিম—যত দূর দৃষ্টি যায়, সমুদায় দেশ সলিলগর্ভে নিহিত !

(১) *India Gazette, Aug, 13. Tuesday, 1807. Seton Ker's Calcutta Gazette, Selections. vol, IV. p. 177,*

গ্রামবাসীরা গলা পর্যন্ত জলে বাসক-বালিকাগুলিকে মাথায় করিয়া বালি-আড়ির দিকে আসিতেছে। এ পর্যন্ত এই দুর্ঘটনায় হতব্যক্তির সংখ্যা নির্ণীত হয় নাই ;—কিন্তু সমস্ত বিবরণ দৃষ্টে আমাদের মনে হয়—মৃতের সংখ্যা অত্যধিক হইবে। * * * ৬০ বৎসর পূর্বে একবার এইরূপ দুর্ঘটনা ঘটিয়া-ছিল বলিয়া লোকে বলিতেছে। এরূপ

ভীষণ ঝড় সংবাদদাতা কখনও দেখেন নাই,—অথবা অতি প্রাচীন লোকেও এরূপ ঝড়ের কথা স্মরণ করিতে পারে নাই। খেজুরী উপকূল সম্বন্ধে সংবাদদাতার বর্ণনা প্রকৃতই বিষাদজনক। জাহাজের ধ্বংসাবশেষে নদীতীর পরিপূর্ণ ! সংবাদদাতার ভাষায় বলিতে গেলে বলা যায়,—সেখানে জাহাজের যে কোনও অংশ—অতিকায় মাস্তুল হইতে ক্ষুদ্র পেরেক পর্যন্ত দৃষ্টিপথে পতিত হইবে। সমুদ্রজলের প্লাবন সম্বন্ধে এই কথা বলিলে যথেষ্ট হইবে যে, ক্যাপ্টেন রোসন্ সমুদ্রের সীমা হইতে বহুদূরে একটি পুষ্করিণীতে স্নান করিতে গিয়া-ছিলেন—তাহার জল বঙ্গোপসাগরের জলের ঞায় তুল্য লবণাক্ত !”(১) এই ঝড়িকায় নিকটবর্তী জাহাজ পরিচালন পথের সমুদায় ‘বয়া’ (Buoy) নষ্ট হইয়াছিল এবং মরিশসগামী “লিভারপুল”, দক্ষিণ-আমেরিকাগামী “হেলেন্”, “ওরাক্যাবেসা”, কটকযাত্রী “কটক” প্রভৃতি বৃহৎ ও ক্ষুদ্র জাহাজগুলি খেজুরীর নিকট চরে আহত হইয়া ধ্বংস হয়।

অতঃপর ১৮৩১ ও ১৮৩৩ খৃষ্টাব্দের ভীষণ বন্যার প্লাবন

(১) *Sanderson's Calcutta Gazette selections vol V, pp. 43-47.*



শবদাহের অপর দৃশ্য

খেজুরীর ছরবন্দা বর্ধিত করে। শেষোক্ত বর্ষের বন্ডায় নদী ও সমুদ্রোপকূল বিধ্বস্ত হইয়াছিল; জলমগ্ন হইয়া বহু মনুষ্য ও গবাদি প্রাণত্যাগ করিয়াছিল। এই জীব ও জনপদ-ধ্বংসকারী ভীষণ বন্ডায় বিবরণ মিঃ বেলীর সেটেলমেন্ট বিবরণীতে আছে। এ দেশে ইহাকে “চব্বিশ সালের লোণা ছর লাপি” বলে। বেলীর মতে এই ছর্বিপাকে এতদঞ্চলের একচতুর্থাংশ মাত্র লোক জীবিত ছিল। ইহার জলপ্রবাহের ভীষণ তরঙ্গাঘাত সমুদ্রবেষ্টক উচ্চ বাঁধ ও স্বতঃ সৃষ্ট বালিআড়িগুলি সম্পূর্ণ বিধ্বস্ত করিয়াছিল।(১)

১৮৪৪ খৃষ্টাব্দের সেটেলমেন্টের কাগজপত্র দৃষ্টিগোচর করিলে খেজুরীর তৎপূর্বেই ধ্বংসমুখে পতিত হইবার বিষয় অবগত হওয়া যায়। জরিপি চিঠায় (২) কয়েক বিঘা জমী পূর্বের আফিস-গৃহ ও বর্তমান বালুচর বলিয়া জরিপ আছে। এই চিঠায় তৎকালীন অবশিষ্ট খেজুরীবাজারের ১৯খানি দোকান এবং ২৬ জন বারবনিতার বাসগৃহের পরিচয় পাওয়া যায়, ৮ জন সারঙ্গের (Serang) ঘর-বাড়ী জরিপ আছে। শুষ্কবিভাগের গৃহ, খেজুরী থানা, গবর্ণমেন্টের কয়েকটি ‘আটচালা’, বাবুচ্চিখানা, বাগিচা, গোরস্থান, ‘বাউটা’মঞ্চ (Signal mast), সরকারের কয়েকটি ‘কুঠি’ প্রভৃতি এই জরিপি চিঠায় স্থান পাইয়াছে। “মিঃ এন, এন, বোস সাহেব” সম্ভবতঃ ঐ সময়ে খেজুরীর পোর্ট ও পোষ্টমাষ্টার ছিলেন; শঙ্কর বাবুচ্চি, খেউরু খানসামা প্রভৃতি ইহারই পরিচারক ছিল বলিয়া বোধ হয়—চিঠায় এই সমস্ত নাম স্থান পাইয়াছে। “হিউম সাহেবের বিবি”র নামে কিছু জমীর জরিপ দেখা যায়; সম্ভবতঃ ইনিই তৎসময়ে খেজুরীর শেষ ইংরাজ বাসিন্দা। অত্র কোনও ইংরাজ অধিবাসীর নাম চিঠায় নাই। সুতরাং যুরোপীয়ান পল্লীটি ইতঃপূর্বেই ভাগীরথী ধ্বংস করিয়াছিল। খেজুরী বন্দর ও বাজারের তখন বেশ নিস্ত্রভ অবস্থা সিদ্ধান্ত করা যায়। মিঃ বেলী লিখিত ঐ সময়ের সেটেলমেন্ট রিপোর্টে জানা যায়, খেজুরীতে শুষ্কবিভাগের জন্ম পাঁচটি কক্ষবিশিষ্ট একটি

কাঁচা বাংলা এবং পোষ্টমাষ্টার ও তাঁহার সহকারীগণের জন্ম দুইটি ইষ্টকালয় ছিল। বোধ হয় এই দুইটিই এখনও বর্তমান। ইহা ছাড়া খেজুরীর অধিবাসীদিগের সাতখানি ইষ্টকনির্মিত গৃহের উল্লেখ আছে। খেজুরী থানা খেজুরী বন্দরের নিকটেই অবস্থিত ছিল। (১) উহাতে এক জন দারোগা, এক জন জমাদার ও ছয় জন বরকন্দাজ অবস্থান করিত। বর্তমান খেজুরী থানার স্থায় ইহা স্মৃতিস্তম্ভ ছিল না। ইহার অধীনে কেবলমাত্র খেজুরী, সাহেবনগর, আলিচক, বামনচক ও ভাঙ্গনমারি এই কয়খানি গ্রাম ছিল। বর্তমান খেজুরী থানাভুক্ত অত্রাশ্র শতাধিক গ্রাম “হাঁড়িয়া কাঞ্চননগর” থানার এলাকাভুক্ত ছিল। খেজুরীর ব্যবসায় দ্রব্যের মধ্যে স্থানীয় মুসলমানগণ টাটকা মাংস, মুরগী ও ফল, শাক-শস্জী জাহাজে লইয়া বিক্রয় করিত।(২)

তাহার পর ১৮৬৪ খৃষ্টাব্দের বন্ডা। ভাগীরথী এত ক ল ধরিয়া গর্ভসাৎ করিতে করিতে খেজুরীর যাহা বাকী রাখিয়াছিল,—এই নিশ্চয় ঝটিকাবর্ত তাহা নিশ্চিহ্ন করিয়াছে। ইহাই এ দেশে প্রসিদ্ধ ‘বায়ান্তর সালের বন্ডা’। এই বন্ডায় সমুদ্রজলপ্রবাহ তীরবর্তী সমুচ্চ বাঁধের উর্ধ্বে প্রায় সার্ক চারি হস্ত উচ্চে উচ্ছ্বসিত হইয়া সমগ্র দেশ প্লাবিত করিয়াছিল। ঐতিহাসিক হাণ্টার এই বন্ডায় বিস্তৃত হৃদয়বিদারক বর্ণনা প্রদান করিয়াছেন।(৩) তখন খেজুরীর সৌভাগ্য-সূর্য্য প্রায় অন্তগামী, দুই একটি কীর্তি যাহা অবশেষ ছিল, এই নৈসর্গিক বিপ্লবে তাহার অবসান হয়। এই প্রদেশবাসী প্রায় বারো আনা লোক এই বন্ডায় প্রাণত্যাগ করে। মৃত্যু সংখ্যার ভীষণতা সম্বন্ধে একটি দৃষ্টান্ত দিলে যথেষ্ট হইবে যে, এতদঞ্চলের একটি দায়রা সোপর্দ ডাকাভী মোকদ্দমায় ৩২ জন সাক্ষী ছিল, কিন্তু বন্ডার পর তাহা-দিগের মধ্যে দুই জনকে মাত্র জীবিত পাওয়া গিয়াছিল! এই বন্ডায় জলস্রোতের বেগে খেজুরীর সামুদ্রিক বাঁধ (Embankment) ভগ্ন হইয়া এক স্থানে জলপ্রপাতের স্থায় জল পড়িয়া একটি স্নগভীর হ্রদের সৃষ্টি হইয়াছিল,— তাহা এখনও বর্তমান।

(১) Bayley's *Majnamutha Settlement Report*, 1844, p. 98.

(২) ১৮৪৩ খৃষ্টাব্দের ১২শে মার্চ হইতে ২১শে এপ্রিল পর্যন্ত মিঃ চাল'স্ পিটার হোরাইট ডেপুটী কালেক্টরের অধীনে খেজুরী জরিপ হইয়া চিঠা প্রস্তুত হয়। উক্ত চিঠা বোদনীপুর কালেক্টরীতে রক্ষিত আছে।

(১) বর্তমান খেজুরী থানা ৩ মাইল দূরবর্তী জনক গ্রামে অবস্থিত।

(২) Bayley's *Majnamutha Report*, 1844, pp. 96-105.

(৩) Hunter's *S. A. B. vol III*, pp. 200-227.

খেজুরী বন্দরের যুরোপীয়ান বসতির স্মরণ্য হস্তাঙ্কলি নিশ্চিহ্নরূপে লুপ্ত হইয়াছে। এক্ষণে এই স্থান দেখিয়া কেহই ধারণা করিতে পারিবেন না যে, ইহা এক সময়ে এত সমৃদ্ধিপূর্ণ ছিল। যুরোপীয়দিগের বাস-সংস্রবের চিহ্নস্বরূপ এই স্থানটির 'সাহেবনগর' আখ্যা বর্তমান আছে মাত্র। 'সাহেব নগর' এক্ষণে কৃষকের হলকর্ষিত ভূমিমাত্র! প্রাচীন স্থতির শেষ নিদর্শনস্বরূপ দুইটি ইষ্টকালয় এখনও বর্তমান। একটি পোষ্ট আফিস ভবন;—অল্প দিন হইল খেজুরী পোষ্ট আফিসটিও ঐ স্থান হইতে লোকালয়ে স্থানান্তরিত হইয়াছে। এই সুন্দর বাটীখানি গভর্ণমেন্ট বিক্রয়েচ্ছু হইয়াছেন। সংস্কারের অভাবে গৃহটি জীর্ণ হইয়া পড়িতেছে। অত্রটিতে

পূর্ত বি ভা গী র
কর্মচারী অবস্থান
করেন এবং ইহার
এ কাং শ ডা ক-
বাংলারূপে ব্যব-
হৃত হয়। পোষ্ট
আফিসগৃহের ঠিক
সম্মুখেই 'বাউটা'
প্রদানের মাস্তুলদণ্ড
(Signal mast)
ছিল। তা হা র
কর্তিত তলদেশ ও
সোপানযুক্ত মঞ্চ
এখনও বর্তমান।
ঐ স্থানে একটি

কামান ও কামানবাহী লৌহশকট আছে। কামানটিতে ১৭৯৮ খৃঃ ক্রোদিত আছে। ইহা সঙ্কেতের (Signalling) জন্ত ব্যবহৃত হইত। 'বাউটা' মঞ্চের প্রাঙ্গণে তিনটি ক্ষুদ্র ক্ষুদ্র কামান একত্র প্রোথিত দেখা যায়। বন্দরের হিন্দুকর্ম-চারী ও ডাক-নৌকার হিন্দু নাবিকগণ যেখানে মহোৎসবে ৩গঙ্গাপূজা করিত,—সেই বিস্তীর্ণ প্রান্তর এখনও "গঙ্গা-পূজার বাড়ী"রূপে বর্তমান। মুসলমান লঙ্কররা প্রকাণ্ড প্রকাণ্ড মুসজ্জিত 'তাজিয়া' লইয়া ভাঙ্গনমারির 'কারবেলা' মরদানে বিপুলোন্মাসে 'মহরম' নিষ্পন্ন করিত। খেজুরীর 'বাগুবস্তি' নামক পদ্মী নানা প্রদেশবাসী জাহাজের মুসলমান

লঙ্করদিগের উপনিবেশ; এখনও তাহাদের কতকগুলি বংশধর জাহাজে কার্য করিয়া থাকে। খেজুরী বাজারের আর অস্তিত্ব নাই; তাহা এখন ভাগীরথীর কুক্ষিগত। যেখানে হাট বসিত, তাহা এক্ষণে নিবিড় অরণ্য! মানবের হাট ভাঙ্গিয়া অহি-নকুল-শৃগালের আস্তানা হইয়াছে! এখানে আসিলে কবির এই উক্তি মনে পড়ে,—

"Amidst these lovely regions

* * nature dwells

In awful solitude, and nought is seen

But the wild herds that

own no master's stall."



খেজুরীর পরিত্যক্ত পোষ্ট আফিস—(নদীতীরবর্তী এই বাড়ীটি
গভর্ণমেন্ট বিক্রয় করিবেন)

খে জু রী তে
"হালাম শাহের
দী ঘি" নামক
একটি প্র কা ণ্ড
আয়তন বিগুহ
সরোবর বর্তমান।
ই হা র কো নও
ইতিহাস পাওয়া
যায় না। এই দীঘি
"হা লা ম শা হ"
নামক কো ন
ব্যক্তির খনিত,
কি ইহার নাম
"আ ল ম্ সা র র"
(সাগর) দীঘি,

তাহা ঐতিহাসিকগণের আলোচ্য। বঙ্গ-জননী-মন্দিরের অর্গব-তোরণে সতর্ক প্রহরিরূপে কাউখালির সমুচ্চ আলোকস্তম্ভ খেজুরীর সীমান্তদেশে দণ্ডায়মান আছে। এই আলোক-গৃহ—ইহার নির্মাণের সময় ১৮১০ খৃষ্টাব্দ—ইহাতে এতাবৎ আলোক প্রদান করিয়া বর্তমান বর্ষে নদী-প্রণালীর (channel) পরিবর্তনের জন্ত অনাবশ্যক ও অব্যবহার্য্যবোধে পরিত্যক্ত হইয়াছে। অদূরেই বিশ্রতনামা হিজলীর নবাব তাজ খাঁ মসনদ-ই-আলীর সংস্থাপিত মসজিদ—বঙ্গোপসাগরের ভীষণ তরুসাড়িঘাত উপেক্ষা করিয়া সর্গর্ষে স্থাপনিতার কীর্তি ঘোষণা করিতেছে।

জব চার্ণকের আশ্রয়লাভের সময় (১৬৮৭ খৃঃ) হিজলী ভীষণ ম্যালেরিয়াপূর্ণ হইয়া উঠিয়াছিল। হিজলীতে গিয়া ম্যালেরিয়ার কবল হইতে অক্ষত শরীর ও সতেজ প্রাণ লইয়া প্রত্যাবর্তনের অসম্ভবতা একটি দেশীয় প্রবাদের সৃষ্টি করিয়াছিল। (১) একই স্থানে অবস্থিত খেজুরীর তদানীন্তন স্বাস্থ্য সঙ্কেও এই কথাই প্রযোজ্য করনা করা বাইতে পারে। হিজলী ও খেজুরী তখন পর্তুগীজ ও মগ অত্যাচারে জন-মানবহীন অরণ্যে পর্যাবসিত হইয়াছিল,

লোক-চেষ্ঠার অভাবে তীর-বর্তী বেষ্টন-বাঁধ ইত্যাদি ভগ্ন হইয়া স্থানটি জোয়ার-প্লাবনের নিত্য লীলাক্ষেত্ররূপে সদাসর্বদা আর্দ্র থাকিত, সুতরাং ইহার জলবায়ু স্বাস্থ্যপ্রদ ছিল না। অষ্টাদশ শতাব্দীর প্রারম্ভে খেজুরীর সুখ-সৌভাগ্যের দিনে বহু ইংরাজ স্বাস্থ্যলাভার্থে খেজুরীতে আসিয়া বাস করিতেন, ছুই একটি সমাধি-লিপিতে ইহার পরিচয় পাওয়া যায়। অতঃপর লবণ-ব্যবসায়ের বিস্তৃতির জন্ত খেজুরী পুনরায় অস্বাস্থ্যকর হইয়া উঠে। বর্তমান 'জল-পাই' (২) বলিয়া কথিত সমুদ্রতীরবর্তী জমীগুলিতে

সমুদ্রের লবণাক্ত জল জোয়ারের দ্বারা প্রবিষ্ট করাইয়া আটক রাখা হইত। ঐ জলের লবণাক্ত পলিমুক্তিকার



খেজুরীর মহরমের মিছিল

পরিষ্করণ দ্বারা লবণ প্রস্তুত হইত। এই বন্ধজল পচিয়া দূষিত বাষ্পের দ্বারা অস্বাস্থ্যের বীজ ছড়াইত। মিঃ বেলী তাঁহার ১৮৪৪ খৃষ্টাব্দের সেটেলমেন্ট রিপোর্টে এখানকার স্বাস্থ্য সঙ্কে লিখিয়াছেন,—এ দেশের জলবায়ু দেশীয়দিগের উপযোগী হইলেও বিদেশী ব্যক্তির পক্ষে মহা অনিষ্টজনক ছিল। লবণ প্রস্তুতের জমীগুলি হইতে নিঃসৃত দূষিত বাষ্পই ইহার কারণ বলিয়া তিনি অনুমান করেন। (১) যাহা হউক, কালক্রমে লবণ প্রস্তুতের কারখানা উঠিয়া যাও-

রায় এবং জঙ্গলাদি পরিষ্কৃত হইয়া জন-নিবাস বর্ধিত

• হওয়ায় খেজুরী এখন স্বাস্থ্য-সম্পদে ভরিয়া উঠিয়াছে। এককালে ম্যা লে রি য়া র আবাসস্থল বলিয়া নিন্দিত খেজুরী আজ ম্যালেরিয়া-পীড়িতের আশ্রয়স্থল হইয়া উঠিয়াছে। সমুদ্র-স্নাত স্নিগ্ধ সমীরণ নিদাঘের প্রচণ্ড উষ্ণতাকেও বসন্তের দিবস-গুলির ত্রায় মধুর করিয়া রাখে। প্রায় তিন বৎসর পূর্বে পূজ্যপাদ লেপ্টনান্ট কর্নেল শ্রীযুত উপেন্দ্র নাথ মুখোপাধ্যায় এম্-ডি, আই, এম্, এস, (অবসরপ্রাপ্ত) মহোদয় এই দীন লেখকের সহিত পরিচয়স্থলে খেজু-

রীতে গ্রীষ্ম-যাপন করিয়াছিলেন। এই স্থানের জলবায়ু তাঁহার নিকট এতই উৎকৃষ্ট ও প্রীতিপ্রদ বোধ হইয়াছিল যে, তিনি বলিয়াছিলেন,—এই স্থান ভারতবর্ষের বিখ্যাত স্বাস্থ্যকর স্থানগুলির মধ্যে অগ্রতম গণ্য হইবার দাবী রাখে। এরূপ স্থলত (২) ও শান্তিপূর্ণ জীবনযাত্রা তাঁহার মতে অল্প কোনও স্বাস্থ্যকর স্থানে সম্ভব নহে। তিনি এই স্থান ওয়ালটেরার অপেক্ষাও কোন কোন বিষয়ে অধিকতর কৃত

(১) "So fatally malarious was the spot that the difference between going to Hijili and returning thence passed into a Hindustani proverb."

Wilson's *Early Annals*, vol I, p, 165.

cf also Hunter's *History of British India*—"Yet so unhealthy that it had passed into a native proverb, it is one thing to go to Hijili but quite another to come back alive"

(২) "The Jalpai lands, it may be explained, were lands which, being exposed to the overflow of tidal water, were strongly impregnated with saline matter."

Midnapore *Gazetteer* p, 104.

(১) Bayley's *Majnamutah Report*, 1844, p, 104.

(২) খেজুরীতে বিত্তম খাঁট হুজুর সের ১০ হইতে ৮০ আনা। উন্নতকারীও হ্রাস নহে। গটলে সত্য।

মনে করিয়াছিলেন। এমন কি, তিনি অভিমত প্রকাশ করিয়াছিলেন যে, তাঁহার বার্কক্যাবস্থা না হইলে তিনি এখানে গৃহনির্মাণ করিয়া স্থায়ী গ্রীষ্মাবাস করিতেন। যাতায়াতের অসুবিধাই এই সুস্বাস্থ্যপূর্ণ স্থানকে লোক-লোচনের অন্তরালে রাখিয়াছে। আমরা প্রত্যক্ষ করিয়াছি, বহুদিনের ম্যালেরিয়া-পীড়িত অনেক জীর্ণ রোগী দৈবাৎ বা কর্শোপলক্ষে এই স্থানে আসিয়া স্বাস্থ্য ও লাভণ্য লইয়া

প্রত্যাবৃত্ত হইয়াছেন। ম্যালেরিয়া-পীড়িত ২৯বাসী পুরী-ওয়াল্টেরার-দার্কিলিং-মধুপুর ঘূরপাক খাইতেছেন, কিন্তু গৃহের কোণে কলিকাতা হইতে অদূরবর্তী—ডারমণ্ড-হার-বার হইতে নৌকাযোগে অল্পকাল বাতাসে মাত্র দুই ঘণ্টার পথ খেজুরীর তৃপ্তিপ্রদ জলবায়ুর রোগনাশক শক্তির পরীক্ষা করিয়া দেখিবেন কি? * শ্রীমহেন্দ্রনাথ করণ।

* এই প্রবন্ধের কতকগুলি কটোগ্রাফ ইনগেন্ড্রনাথ জানা কল্লুক প্রদত্ত।

স্বামী বিবেকানন্দ

যে দিন আসিলে তুমি এ ধরার ধুলার প্রাক্ণে,
হে সন্ন্যাসী বীর,
বিধাতা আঁকিয়া দিল স্বহস্তে তোমার গুত্র ভালে
দীপ্ত রাজ-টাকা জয়শ্রীর !
সে দিন এ বঙ্গদেশ করনাও করেনি কখনো
কি মহান্ সুরে—
বাজিবে ধর্মের ভেরী ঋষির উদার-কণ্ঠে
ছঃখ-ক্লিষ্ট এ জগৎ জুড়ে !
যৌবন আনিল তব তীব্র এক অশাস্ত পিপাসা
গুধু তাঁর লাগি—
ধার তরে দিবানিশি কেঁদে কেঁদে খুঁজিয়া বেড়ায়
কত সাধু, ত্যাগী ও বৈরাগী।
দৃপ্ত মন অহঙ্কারে ছুটিল জ্ঞানের পথ ধরি'
উন্মাদ হইয়া,
যে তুষা পীড়িছে তারে, ভাবিল, মিটাবে সেই তুষা
জ্ঞান-বারিধির বারি পিয়া !
জ্ঞানের জটিল পথে পথহারা হয়ে গেলে তুমি,
হে বিবেক-স্বামী,—
রুদ্ধ হৃদয়ের তব ষত সব অশাস্ত ক্রন্দন
গুনিলেন নিজে অন্তর্যামী !
মূর্ত্ত-জ্ঞান সৌম্য শাস্ত নিঃস্ব এক পূজারী ব্রাহ্মণ
দিল সে বারতা—
সংশয়-তিমির নাশি' আলোকিয়া মানস-জগৎ
দেখা তোমা দিলা জগন্মাতা !
তার পরে কাটাইলে কত মাস, বরষ কত না
ফিরি দেশে দেশে,
গৈরিক বসন পরি' যষ্টিখানি হাতে লয়ে গুধু
অস্তরে মাগিয়া পরমেশে !
পাশ্চাত্য সভ্যতা-মোহে মুগ্ধ এই অধ্যাত্ম ভারতে
করিলে প্রচার—
“ভগবান্ প্রেষ্ঠ সত্য, হে ভারত, কেন তোলো আজ
সনাতন সত্য সারাৎসার !”

অস্তরে প্রেরণা পেয়ে সিদ্ধুপারে পাশ্চাত্য প্রদেশে
করিয়া প্রয়াণ,
ধর্ম মহাসভামাঝে ভারতের প্রতিনিধিরূপে—
গাহিলে আত্মার জয় গান !
হৃদে বসি' হৃষীকেশ বাণী নিজে তব কণ্ঠে থাকি'
দিলা তোমা সুর,
নির্ঝাক বিশ্বয়ে স্তব্ধ হ'ল গুনি প্রতীচীর লোকে
সেই গীত কিবা স্মধুর !
সনাতন হিন্দুধর্ম প্রচারিয়া ভারতে ফিরিলে
ভারতের ধন,
ভারতবাসীর নাম সমুজ্জল হইল জগতে
শান্তিবর্ত্তা গুনিল ভুবন !
পরোধীন ভারতেরে রত হেরি পরামুসরণে,
হইয়া ব্যথিত,
তব দেব-কণ্ঠ হ'তে তেজোদীপ্ত দিব্য বাণী
হইলা ফুরিত—
“পর-অনুবাদে তব কতু মুক্তি নাই, হে ভারত !
ক্লেব্য ত্যাগ কর,
তোমার আদর্শ নারী, পূজ্যা সীতা, দময়ন্তী, সতী
সর্বত্যাগী আদর্শ শঙ্কর !”
মোহনিন্দ্রা দূরে গেল,—ভারত গুনিল এই
অপূর্ব বারতা,
আত্মাশ্বেষী হয়ে পুন দীক্ষা নিল তব পাশে—
নব-ভারতের জন্মদাতা !
তোমার প্রদত্ত মন্ত্র সেই হ'তে জপিছে ভারত
হে বিশ্ব-প্রেমিক,
শিক্ষা দিয়ে, সেবা দিয়ে, প্রেম দিয়ে ভরিলে স্বদেশে
মূর্ত্তিমান ত্যাগের প্রতীক !
রোগে-শোকে ছঃখে-তাপে তপ্ত-ক্লান্ত অভাগিনী ধরা,—
তোমা বুকে ধরি'
জুড়াইল বুক তার, নিঃস্ব হ'ল প্রতি ধূলিকণা
ঋষি-হস্তে লভি' শান্তি-বারি !
শ্রীচণ্ডীদাস মুখোপাধ্যায়।

কাশ্মীরের মহারাজা

২

মহারাজা প্রতাপসিংহের বিরুদ্ধে যে সকল অভিযোগ উপস্থাপিত করা হইয়াছিল, আমরা এখন সে সকলের আলোচনায় প্রবৃত্ত হইব।

মহারাজার বিরুদ্ধে প্রধান অভিযোগ, তিনি চরিত্রহীন। আমরা পূর্বেই বলিয়াছি, প্রতাপসিংহ যৌবনে কুপথগামী হইয়াছিলেন বটে, কিন্তু তাঁহাকে সুশিক্ষিত করিবার জন্ত তাঁহার পিতা যে চেষ্টা করিয়াছিলেন, তাহা সর্বতোভাবে ব্যর্থ হয় নাই; বিশেষ পিতার মৃত্যুর পূর্বেই তিনি সংযত হইয়াছিলেন এবং রাজ্যভার গ্রহণ করিয়াই সম্পূর্ণরূপে পরিবর্তিত-চরিত্র হইলেন। তাঁহার চরিত্র-হীনতার কোন কথা রাজ্যে উঠে নাই। কেবল তাহাই নহে, চরিত্রহীনতা রাজ্যে কুশাসনের কারণ না হইলে ইংরাজরাজ কোন দেশীয় রাজ্যে রাজাকে রাজ্যচ্যুত করেন নাই। বর্তমান সময়েও কোন কোন দেশীয় রাজার সম্বন্ধে চরিত্রগত নানা কুৎসা-কথা ইংরাজের আদালতে আলোচিত হইলেও, ইংরাজরাজ তাঁহার সম্বন্ধে কোন দ্রুত ব্যবস্থাই করেন নাই। বিলাতের কোন কোন রাজার চরিত্র-দোষ ইতিহাস-প্রসিদ্ধ। কিন্তু সে জন্ত

বিলাতের প্রজারা কি তাঁহাদিগকে রাজ্যচ্যুত করিয়াছে?

দ্বিতীয় অভিযোগ—তিনি কাশ্মীরে কুশাসন প্রবর্তিত করিয়াছেন ও পরিচালিত করিতেছেন। আমরা ইতঃপূর্বে তাঁহার শাসন-সংস্কারপ্রীতি সম্বন্ধে যে সকল কথা বলিয়াছি, তাহাতে কি মনে হয়, প্রতাপ সিংহ রাজা হইয়া কাশ্মীরে কুশাসন প্রবর্তিত ও পরিচালিত করিয়াছিলেন?

রাজ্যলাভের সঙ্গে সঙ্গে তিনি যে ঘোষণা করেন, তাহাতেই তিনি কতকগুলি অনাচারছোতক শুদ্ধ বর্জন করেন। ফলে রাজস্ব কমিয়া যাইলেও প্রজার কল্যাণ সাধিত হয়। ইতঃপূর্বে আমরা মিষ্টার প্ল্যাউডেনের জিদে মিষ্টার উইংগেট নামক এক জন কর্মচারীকে কাশ্মীরে জমাবন্দীর জন্ত নিযুক্ত করার কথা বলিয়াছি। এরূপ মনে করা অসঙ্গত নহে যে, মিষ্টার উইংগেট কাশ্মীরের ব্যবস্থায় ক্রটি নির্দেশ করিবার



কাশ্মীরের বর্তমান মহারাজা হরি সিংহ

উদ্দেশ্যেই নিযুক্ত হইয়াছিলেন। সেই মিষ্টার উইংগেট ১৮৮৮ খৃষ্টাব্দের ১লা আগষ্ট তারিখে মহারাজার বরাবর জরিপ-জমাবন্দী সম্বন্ধে যে রিপোর্ট পেশ করেন, তাহাতে মহারাজার কাছে স্বীকার করিয়াছিলেন—“আ প না র সহিত সাক্ষাতের ফলে আমার বিশ্বাস জন্মিয়াছে, দরিদ্রের প্রতি আপনি সর্বদাই সহানুভূতিশীল, আপনি ভূমি-সংক্রান্ত সমস্তায় মনোযোগী এবং সর্বোপরি আপনি, রাজকর্মচারীদিগের অনাচার হইতে কৃষককুলকে রক্ষা কবিত্তে কৃতসঙ্কল্প।” * ষাঁহার সম্বন্ধে ১৮৮৮ খৃষ্টাব্দের আগষ্ট মাসে এই কথা বলা হইয়াছিল, ৮ মাস যাইতে না

যাইতেই যে তাঁহাকে কুশাসনের প্রবর্তক ও পরিচালক বলিয়া রাজ্যশাসনভারচ্যুত করা হয়, ইহা কি বিশ্বাসের বিষয় নহে?

মিষ্টার ডিগবী তাঁহার কাশ্মীর সম্বন্ধীয় পুস্তকে লিখিয়াছিলেন, মিষ্টার উইংগেটের অহুমান, কাশ্মীরে জনসংখ্যার

হ্রাস হইয়াছে। কাশ্মীরের সম্বন্ধে ইহা অস্বাভাবিক মাত্র হইলেও ব্রিটিশ-শাসিত ভারতে কোন কোন জিলায় ২ বৎসরে জনসংখ্যা শতকরা ৩৩ জন হিসাবে কমিয়াছে। সুতরাং ইংরাজের পক্ষে জনসংখ্যা হ্রাসের কথা তুলিয়া কাশ্মীরে কুশাসনের অভিযোগ উপস্থাপিত করা শোভা পায় না। উনবিংশ শতাব্দীতে কাশ্মীরে মাত্র ২ বার ছুর্ভিক্ষ প্রবলভাবে আত্মপ্রকাশ করিয়াছিল, আর ব্রিটিশ-শাসিত ভারতবর্ষে ১৮ বৎসরে ২ কোটি লোক অনাহারে

আদর্শ ধরিলে অযোধ্যা প্রদেশে কখন কুশাসন হয় নাই।* ভারতে ছুর্ভিক্ষ কমিশনের অন্তিম সদস্য সার হেনরী কানিংহাম বলিয়াছেন, ইংরাজ-শাসিত ভারতে কাশ্মীরে অধিবাসীরা ঋণভারগ্রস্ত ও সর্বস্বান্ত—তাহার কারণ :—

(১) সিপাহী-বিদ্রোহের সময় অযোধ্যায় সরকার প্রজার নিকট হইতে কর আদায় করিয়া গইলে ইংরাজ সরকার প্রজাকে পুনরায় সেই কর দিতে বাধ্য করিয়াছিলেন।

(২) ১৮৬৭ খৃষ্টাব্দে অজন্মা হয়। পরবৎসরও



হ্রদ

প্রাণত্যাগ করিয়াছে। তাহার পর কথা—কাশ্মীরে ভূমিকর অধিক হওয়ার ক্রমক্ৰমে পক্ষে তাহা প্রদান কষ্টসাধ্য। এই অপরাধে যদি রাজাকে রাজ্যচ্যুত করা সম্ভব হয়, তবে ভারতে ইংরাজ সরকারের সম্বন্ধে কি ব্যবস্থা করা কর্তব্য? ভারত সরকারের কর্মচারী সার চার্লস এলিয়ট স্বীকার করিয়াছেন—“আমি নিঃসঙ্কোচে বলিতে পারি, আমাদের কৃষকদিগের অর্দ্ধাংশ সমগ্র বৎসরে কখন উদর পূরিয়া আহার করিতে পায় না।” কাশ্মীরে কখন এমন ব্যাপার ঘটে নাই। কর্ণেল ম্যালিসন বলিয়াছেন—“বিলাতের

ভাল শস্ত না হওয়ায় গবাদি পশুর এক-চতুর্থাংশ মরিয়া যায় এবং দরিদ্র অধিবাসীরা হয় অনাহারে মৃত্যুমুখে পতিত হয়, নহে ত গোয়ালিয়রে বা মালোয়্যায় চলিয়া যায়। এই অবস্থায় ইংরাজ রাজকর্মচারীরা কড়া তাগাদা দিয়া খাজনা আদায় করার প্রজারা চড়া মূদে টাকা ধার করিয়া মহাজনের জালে পড়ে। ব্রিটিশ সরকারের আদালতে মহাজনদিগের পক্ষই সমর্থিত হয়; এই কাষের ফলে ও ছুর্ভিক্ষ লোকের দারিদ্র্য অতি ভীষণ হইয়া উঠিয়াছে।

* History of the Indian Mutiny.

মহারাজা প্রতাপসিংহের শাসনে কাশ্মীরে কখন এরূপ ব্যাপার হইয়াছে, প্রমাণিত হয় নাই।

মহারাজার বিরুদ্ধে তৃতীয় অভিযোগ—তিনি অমিতব্যয়ী। সরকার বলেন, “রাজ্যের রাজস্ব-ব্যাপার বিশৃঙ্খল”—সে বিশৃঙ্খলা “আপনার অমিতব্যয়িতায় বর্ধিত হইয়াছে”; কারণ, “আপনি অত্যন্ত বেহিসাবীভাবে রাজ্যের রাজস্ব ব্যয় করিয়াছেন।”

এ কথা যদি সত্য হইত যে, কাশ্মীরের রাজকোষ শূন্য হইয়াছিল, তবে সে জন্ম মহারাজার সঙ্গে সঙ্গে ভারত সরকারেরও লজ্জিত হইবার বিশেষ কারণ ছিল। কারণ, সেই অবস্থাতেও ভারত সরকারের জন্ম প্রত্যক্ষ ও পরোক্ষভাবে মহারাজাকে অনেক টাকা ব্যয় করিতে হইয়াছিল।

আমরা প্রথমে মহারাজার অমিতব্যয়িতার বিষয় আলোচনা করিব। যোগেন্দ্রচন্দ্র বসু সে সম্বন্ধে বলিয়াছেন :—

“মহারাজার বিরুদ্ধে এই অভিযোগে যদি বৃদ্ধিতে হয়, তিনি রাজস্বের অপব্যয় করিয়াছিলেন, তবে সে অভিযোগ সর্বতোভাবে ভিত্তিহীন। রাজস্ব সম্বন্ধে অমিতব্যয়ী হওয়া ত পরের কথা, তিনি বিশেষ সতর্ক ও মিতব্যয়ী ছিলেন। পিতার প্রবর্তিত আদর্শের অনুসরণ করিয়া তিনি রাজ্যলাভ করিবার পরই স্বীয় পারিবারিক ও নিজ ব্যয়ের জন্ম নির্দিষ্ট মাসহারা লইবার ব্যবস্থা করিয়াছিলেন এবং কিছু দিন পরে তাহার পরিমাণও কমাইয়াছিলেন। তাঁহার পদমর্যাদা বিবেচনা করিলে এই মাসহারার পরিমাণ—৯৩ হাজার টাকা অত্যধিক নহে। অবশ্য এই টাকা তিনি যথেষ্ট ব্যয় করিতেন। রাজ্যপ্রাপ্তি হইতে আলোচ্যসময় পর্যন্ত তিনি ৬ বা ৭ বাবদে অধিক অর্থ ব্যয় করিয়াছেন—

- (১) পিতৃশ্রাদ্ধে
- (২) লর্ড ডাকরিণের সহিত সাক্ষাৎ করিতে কলিকাতায় গমনে
- (৩) কর্মচারীদিগের পূর্কপ্রাপ্য বেতন পরিশোধে
- (৪) রাজ্যাভিষেককালে
- (৫) তিনি যুবরাজ অবস্থায় যে ঋণ গ্রহণ করিয়াছিলেন, তাহা পরিশোধে
- (৬) পিতার বার্ষিক শ্রাদ্ধে
- (৭) রাজা অমরসিংহ বিপত্নীক হইলে তাঁহার দ্বিতীয়

বিবাহে।

“প্রথম, দ্বিতীয়, তৃতীয়, চতুর্থ ও ষষ্ঠ বাবদে খরচে কেহ সঙ্গত আপত্তি করিতে পারেন না। পঞ্চম বাবদ সম্বন্ধে কথা উঠিতে পারে এবং ইহা লইয়া মহারাজার সহিত তাঁহার মন্ত্রীগণের তর্কবিতর্কও হইয়াছিল। তিনি যদি তাঁহার উত্তমর্গদিগকে প্রতারিত করিতে চাহিতেন, তবে সহজেই তাহা করিতে পারিতেন। উত্তমর্গরা তাঁহার আদালত ব্যতীত অত্র তাঁহার বিরুদ্ধে নালিশ রুজু করিতে পারিতেন না এবং ইচ্ছা করিলে তিনি স্বীয়



কাশ্মীর বাজার

প্রভাবে নিজ বিচারালয়ে আপনার পক্ষে সুবিধাজনক বিচার-ব্যবস্থা করিলে তাঁহারা আর ডিক্রী পাইতেন না বা পাইলেও তাহা জারি করিতে পারিতেন না। কিন্তু উদার-হৃদয় মহারাজা সেরূপ কার্য করিতে পারেন না। তিনি তাঁহার উত্তমর্গদিগকে তাহাদের প্রাপ্য অর্থে বঞ্চিত করিবার কল্পনা ঘৃণাসহকারে পরিত্যাগ করিয়াছিলেন। তিনি মন্ত্রীগণের সহিত এই বিষয় লইয়া তর্ক করেন— বলেন, তিনি সঙ্গ সত্যই ঋণ গ্রহণ করিয়াছিলেন; তিনি বলেন, ঋণ শোধ না করিলে তিনি প্রত্যাবার্ত্ত হইবেন

এবং শাস্ত্রোক্তি উদ্ধৃত করিয়া দেখান, সেরূপ কার্যের ফলে তিনি ইহলোকে অপযশ ও পরলোকে দণ্ড অর্জন করিবেন। মন্ত্রীরা ইহার পর আর কিছু বলিতে পারেন নাই এবং মহারাজা ঋণ শোধ করিয়া বিবেক-বুদ্ধির ও স্থায়নিষ্ঠার পরিচয় দিয়াছিলেন। সপ্তম বাবদে ব্যয় কম করিলেও চলিতে পারিত। তবে রাজা অমরসিংহ তখনও অল্পবয়স্ক, মহারাজও তাঁহাকে অত্যন্ত স্নেহ করিতেন। কায়েই এই ব্যয়ও একান্ত অপরাধ বলিয়া বিবেচনা করা যায় না। মোটের উপর ব্যয়ও এত অধিক হয় নাই যে, তাহার বিশেষ নিন্দা করা সম্ভব। ইহার উপর নির্ভর করিয়া তাঁহার বিরুদ্ধে অমিতব্যয়িতার অভিযোগ উপস্থাপিত করা ভাসমান ভূণের উপর প্রস্তরনির্মিত সেতুর ভিত্তিস্থাপনের মত নির্বুদ্ধিতার কার্য।”

ভারত সরকার মহারাজার অকর্মণ্যতার প্রমাণ-স্বরূপ বলিয়াছিলেন, তাঁহার শাসনে রাজকোষ শূন্য হইয়াছিল। যদি এ কথা সত্য হয়, তবে জিজ্ঞাসা করিতে হয়, সে জন্ত দায়ী কে? রাজকোষ শূন্য করিবার কোন

দায়িত্ব কি ভারত সরকারের ছিল না? ভারত সরকারের কর্মচারীদের প্রভাবেই নিম্নলিখিত ব্যয় হইয়াছিল,—


- | | |
|--|--------------|
| (১) ভারত সরকারকে ঋণ দান | ২৫ লক্ষ টাকা |
| (২) বিলাম উপত্যকা কার্ট রোডে বার্ষিক ব্যয় | ৬ লক্ষ টাকা |
| (৩) বিলাম-শিয়ালকোট রেলপথের ব্যয় | |
| (এক বৎসরে প্রদত্ত) | ১৩ লক্ষ টাকা |
| (৪) জম্মুতে জলের কলের ব্যয় | ৩ " " |

কেবল ইহাই নহে। যে সময় বড় লর্ড ডাকরিণ মহারাজাকে রাজস্ব-ব্যয় সম্বন্ধে সতর্ক হইতে বলিতেছিলেন, সেই সময়েই কাশ্মীর দরবার হইতে লেডী ডাকরিণ মেডিক্যাল ফণ্ড কমিটিতে ৫০ হাজার টাকা ও লাহোরে এচিসন কলেজে ২৫ হাজার টাকা লওয়া হয়। যখন কাশ্মীরের রাজকোষ পূর্ণ নহে, সেই সময় তাঁহার পত্নীর কর্তৃত্বাধীন ভাণ্ডারের জন্ত ৫০ হাজার টাকা লইতে সম্মত হওয়া কি বড় লর্ডের পক্ষে সম্ভব হইয়াছিল? সে প্রশ্নের উত্তর কে দিবে?

তাহার পর? ১৮৮৮-৮৯ খৃষ্টাব্দে কয় জন যুরোপীয় শিয়ালকোটের নিকটে শিকার করিতে যাইলে তাহাদের জন্ত দরবারের প্রায় ৫০ হাজার টাকা ব্যয় হয়। গুলমার্গে একটি ও জম্মুতে আর একটি নূতন রেসিডেন্সী-গৃহ নির্মিত হইতেছিল, শেষোক্ত গৃহের জন্ত ১ লক্ষ টাকা ও তাহার আসবাবের জন্ত ২৫ হাজার টাকা ব্যয় বরাদ্দ হইয়াছিল; অথচ রেসিডেন্ট তথায় অধিক সময় বাস করিতেন না এবং শিয়ালকোট পর্যন্ত রেলপথ রচিত হইলে বৎসরে আরও অল্পকাল

নিসাতবাগ

বাস করিবেন স্থির ছিল। এ সব ব্যয় মহারাজার আগ্রহে করা হইয়াছে, না—ইহার দায়িত্ব পরোক্ষভাবে ভারত সরকারের ও প্রত্যক্ষভাবে সেই সরকারের প্রতিনিধির? যে সময় লর্ড ল্যান্ডাউন কাশ্মীরের রাজকোষ “শূন্য” বলিয়া প্রচারিত করিয়াছিলেন, সেই সময় রাজ্যের ব্যবসার জন্ত অনাবশ্যক রেলপথ রচনার ১৩ লক্ষ টাকা ব্যয় করা কি সম্ভব? জঙ্গীলাট কাশ্মীরজমণে বাওয়ার দরবারের



১ লক্ষ টাকা ব্যয় হইয়াছিল। বাহারা তাঁহার সঙ্গে গিয়াছিল, তাহার সকলেই—তাঁহার খাস সেক্রেটারী হইতে বাসিয়াড়া পর্যন্ত প্রত্যেক লোক—দরবারের অতিথি বলিয়া পরিগণিত হইয়াছিল। কপূরতলার মহারাজা কাশ্মীরে গমন করায় দরবারের ৫০ হাজার টাকার অধিক ব্যয় হয়, অথচ মহারাজ প্রতাপসিংহ তাঁহাকে নিমন্ত্রণ করেন নাই! ১৮৮৮ খৃষ্টাব্দে লর্ড ডাফরিণ কাশ্মীর বাইবেন বলিয়া আয়োজনে দরবারের লক্ষ টাকা ব্যয় হয়। তবে তিনি না বাওয়ার আরও ২ লক্ষ টাকা ব্যয় হয় নাই।

যাঁহার মহারাজা প্রতাপ-সিংহের বিরুদ্ধে রাজস্ব সম্বন্ধে অমিতব্যয়িতার অভিযোগ উপস্থাপিত করিয়াছিলেন, তাঁহার রাজ্যের ব্যয় কিরূপে বর্ধিত করিয়াছিলেন, তাহা দ্রষ্টব্য। মহারাজার হস্ত হইতে শাসন-ভার কাড়িয়া লইবার পর যে ব্যবস্থা হয়, তাহাতেই তাহা বৃদ্ধিতে পারা যায়—

(১) রেসিডেন্টের কাছে যে উকীল থাকেন, তিনি পূর্বে মাসিক ৬৬ টাকা বেতন পাইতেন। তাঁহার স্থানে রাজা অমরসিংহের এক জন লোককে মাসিক ৪ শত টাকা বেতনে নিযুক্ত করা হয়।

(২) তোষাখানার ভারপ্রাপ্ত কর্মচারীর বেতন মাসিক ২ শত টাকা ছিল। তাঁহার স্থানে রাজা অমরসিংহের ভৃত্যের পিতাকে মাসিক ৬ শত টাকা বেতনে নিযুক্ত করা হয়।

(৩) মাসিক ৫ শত টাকা বেতনে এক জন ফটোগ্রাফার নিযুক্ত করা হয়। তাহার কাষ রাজা অমরসিংহের কাছে থাকে।

(৪) ধনজীতাই নামক এক ব্যক্তি কর্ণেল নিসবেটের প্রিয়পাত্র। সে মারীর রাস্তায় টকা (অখবান) চালিত

করায় মাসিক ৫ শত টাকা হিসাবে পায়। অথচ জম্মুর রাস্তায় ডাক চলাচলের সঙ্গে তাহার কোন সম্বন্ধ ছিল না।

(৫) কাশ্মীরে যুরোপীয় যাত্রীদিগের অভ্যর্থনার ব্যবস্থা করিবার জন্ত মাসিক ৫ শত টাকা বেতনে এক জন মণ্ডল নিযুক্ত করা হয়।

(৬) পূর্বে মারীর রাস্তায় যে “নেটিভ ডাক্তার” ছিলেন—তিনি মাসিক ৫০ টাকা বা ঐরূপ বেতন পাইতেন। তাঁহার স্থানে মাসিক ৩ শত টাকা বেতনে এক জন যুরোপীয়ান রাধিবার বন্দোবস্ত হয়।

(৭) পূর্বে দেশীয় ঠিকাদারের স্থানে দ্বিগুণ টাকায় মারীর রাস্তায় স্পে ডিং কোম্পানীকে ঠিকা দেওয়া হয়।

(৮) শ্রীনগরে পানীয় জলের অভাব নাই—কেবল তথায় আবর্জনা দূর করিবার ব্যবস্থা শোচনীয়। সেই শোচনীয় ব্যবস্থার সংস্কার-চেষ্টা না করিয়া জলের কলের জন্ত কয় লক্ষ টাকা ব্যয়ের করনা হয়।


(৯) শ্রীনগরের সান্নিধ্যে গুপকারে ও গুলমার্গে যুরোপীয়দিগের জন্ত জমী মাপ করা হয় এবং উত্তান, বিলাসবীধি প্রভৃতি রচনার

জন্ত মঞ্জুর প্রস্তুত করা হয়।

(১০) দরবারের খরচে কাশ্মীরে ঘোড়দৌড়, বন-ভোজন প্রভৃতি চলিতে থাকে।

সুতরাং মহারাজার আমলের ব্যয় অপেক্ষা তাহার পরই অধিক অপব্যয় হয়।

কর্ণেল নিসবেটের জন্ত দরবারের কত খরচ হইত—তিনি দরবারের খরচে কিরূপে শিয়ালকোটে ও লাহোরে “রাজার হালে” বাস করিতেন, সে সব কথা তৎকালে ‘ষ্টেটসমানে’ আলোচিত হইয়াছিল।



শঙ্করাচার্যের মন্দির

মহারাজার বিরুদ্ধে চতুর্থ অভিযোগ—তিনি হীনচরিত্র ও অযোগ্য পারিষদপুঞ্জ পরিবৃত। যাঁহারা কাশ্মীর দরবারের বিষয় বিশেষরূপ জানিতেন, তাঁহারা বলিয়াছেন—এ কথা সত্য যে, মহারাজা তাঁহার কম জন ভৃত্যের ও কর্মচারীর উপর বিশ্বাস স্থাপন করিয়াছিলেন, কিন্তু তাহারা তাঁহার পুরাতন ভৃত্য এবং তাহাদের প্রতি তাঁহার বিশ্বাসে বিশ্বাসের কোন কারণ থাকিতে পারে না। এরূপ ব্যাপার কেবল যে রাজপরিবারেই দেখা যায়, এমনও নহে; অনেক সাধারণ লোকের গৃহেও ইহা লক্ষিত হয়। মহারাজার এরূপ ভাবের বিশেষ কারণও যে ছিল না, এমন নহে।

মহারাজা যেন কেমন একটা কুসংস্কার হেতু তাহাকে চাকরীতে বহাল রাখিয়াছিলেন। ইহা তাঁহার দৌর্ভাগ্য বলিয়া বিবেচিত হইতে পারে। অলৌকিক শক্তিতে বিশ্বাস থাকিলে সময় সময় যে এমন হয়, রুসিয়ার হতভাগ্য রাজপরিবারেও তাহা দেখা গিয়াছে—রাসপুটকিন জার নিকোলাসের মহিবীর উপর যে প্রভাব প্রতিষ্ঠিত করিয়াছিলেন, তাহা বিশ্বাসকর।

মহারাজার বিরুদ্ধে শেষ অভিযোগ—তিনি রাজদ্রোহ-জনক ও হত্যাকল্পে পত্র ব্যবহার করিয়াছিলেন। যদিও সরকার বলিয়াছিলেন, তাঁহারা এই অভিযোগে অতিরিক্ত



প্রাসাদ

কাশ্মীরে রাজদরবারে ষড়্‌যন্ত্রের অন্ত ছিল না, কাবেই রাজার পক্ষে বিশ্বাসী অনুচরে পরিবৃত থাকাই স্বাভাবিক—তিনি নূতন লোককে রাজপ্রাসাদে নিযুক্ত করিলে তাঁহার জীবনও বিপন্ন হইতে পারিত। সুতরাং পরিচিত পুরাতন লোকদিগকে সরান কখনই সম্ভব বলিয়া বিবেচিত হইতে পারিত না। কিন্তু ভৃত্যবর্গ যে তাঁহার বিশেষ প্রিয়পাত্র বলিয়া বিবেচিত হইতে পারিত, এমনও নহে। করুণ-হৃদয় প্রত্ন বিশ্বাসী ও প্রভুতন্ত্র ভৃত্যকে যে ভাবে দেখেন, তাহাতে ভৃত্যকে প্রিয়পাত্র বলা যায় না। তবে এক জন জ্যোতিষী তাঁহার উপর বিশেষ প্রভাব স্থাপন করিয়াছিল। সে যে সর্বতোভাবে বিশ্বাসযোগ্য নহে, তাহা জানিয়াও

বিশ্বাস স্থাপন করেন না, কিন্তু প্রকৃতপক্ষে ইহাই সর্বাপেক্ষা অধিক গুরু অভিযোগ এবং সরকার যে ইহা অবিশ্বাস করিয়াছিলেন, এমনও মনে হয় না। এই সব পত্রের কথা আমরা পূর্বে উল্লেখ করিয়াছি। সেই সব পত্র লইয়া কর্ণেল নিসবেট কলিকাতায় বড় লাটকে দেখাইতে গমন করেন। কর্ণেল নিসবেট কিরূপে এই সব পত্র হস্তগত করেন, সে সম্বন্ধে নানা মত ব্যক্ত হইয়াছিল। কিন্তু তৎকালে কোন অ্যাংলো-ইণ্ডিয়ান পত্র যে বলিয়াছিলেন, মহারাজার অনিষ্ঠাঘেবী রাজা অমরসিংহের দ্বারাই সে সব পত্র কর্ণেল নিসবেটের কাছে নীত হয়, তাহা বর্থাৎ বলিয়া মনে হয়। মহারাজা প্রতাপসিংহ বড় লাটকে যে পত্র লিখিয়াছিলেন,

তাহাতে তিনিও বলিয়াছিলেন, এ সব ব্যাপারের মূলে রাজা অমরসিংহ আছেন। সে সব পত্র পরীক্ষা করিলেই বুঝা যায়—সেগুলি কোন অসম-সাহসী ব্যক্তির জাল করা জিনিষ। কর্ণেল নিসবেট কেমন করিয়া সেগুলিকে যথার্থ ও বিশ্বাসযোগ্য বিবেচনা করিয়া সেগুলি লইয়া বড় লাটের কাছে পেশ করিতে গিয়াছিলেন, তাহাই বিশ্বয়ের বিষয়।

আমরা ইতঃপূর্বে ৩ খানি পত্রের অনুবাদ প্রদান করিয়াছি। এই সব পত্রের ২ খানি রামানন্দ নামক পুরোহিতকে ও ২ খানি তাঁহার মীরণবল্ল নামক ভৃত্যকে লিখিত। এই দুই জনই সর্বদা মহারাজার কাছে থাকিত। তবে তিনি তাহাদিগকে পত্র লিখিবেন কেন? আর ইহাদিগের মত লোককে এরূপ গুরু বিষয়ে পত্র লিখা কি সম্ভব বলিয়া বিবেচিত হইতে পারে? এ সব পত্রে স্বাক্ষর বা তারিখ ছিল না। আরও সন্দেহের কথা, পত্রগুলি জাল বলিয়া মহারাজা সেগুলি দেখিতে চাহিলেও কর্ণেল নিসবেট তাঁহাকে দেখান নাই।

এরূপ ক্ষেত্রে ভারত সরকারের পক্ষে এই সব পত্রে বিশেষ বিশ্বাস স্থাপন করার কথা স্বীকার করা সম্ভব নহে। কিন্তু ১৮৮৯ খৃষ্টাব্দের ৩রা এপ্রিল তারিখে ভারত সরকার ভারত-সচিবকে যে পত্র লিখেন, তাহাতে লিখিত ছিল—“আমরা এই সব পত্রের অতিরিক্ত গুরুত্ব স্বীকার করিতে প্রস্তুত নহি; কারণ, এক বৎসর পূর্বেও আমরা এইরূপ কতকগুলি পত্র পাইয়াছিলাম এবং মহারাজার ক্রটিও আমাদের অজ্ঞাত নহে।” এই পত্রের শেষাংশে মহারাজার উপর যে বক্রোক্তি আছে, মহারাজার পত্রের উত্তরে লিখিত বড় লাট লর্ড ল্যান্সডাউনের পত্রেও তাহা পুনরুক্ত হইয়াছিল—“আপনি (মহারাজা) যে সব পত্রের কথা বলিয়াছেন, গত বসন্তকালে সে সকলের প্রতি আমার মনোযোগ আকৃষ্ট করা হইয়াছিল। ইহার অনেকগুলি যথার্থ বলিয়াই মনে হয়। আমি পূর্বে ভারত সরকারের হস্তগত যে সব পত্রের কথা বলিয়াছি, সে সকলের সহিত এগুলির সাদৃশ্যও অসাধারণ।” ইহাতে মনে হয়, সরকার অন্ততঃ কতকগুলি পত্র জাল নহে—আসল বলিয়া বিশ্বাস করিয়াছিলেন। অথচ পূর্বেকৃত কথার পরই বড় লাট লিখিয়াছিলেন :—“আপনি যে মনে করিয়াছেন, আমার সরকার কেবল এই সব পত্রের উপর নির্ভর করিয়া কাষ (আপনাকে

রাজ্যশাসনভার মুক্ত) করেন নাই, তাহা সত্য। যদি এ সব পত্রই আসল হইত, তাহা হইলেও আমি মনে করিতে পারিতাম না যে, এ সব ইচ্ছাপূর্বক বা এ সকলের প্রকৃত অর্থ বুঝিয়া লিখিত হইয়াছিল।” বড় লাটের এই উক্তিকে ক্রমে ক্রমে বলা যাইতে পারে। কারণ, ইহাতে বলা হয় :—

(১) মহারাজার পক্ষে এরূপ পত্র লিখা অসম্ভব নহে।

(২) মহারাজা এতই নির্বোধ যে, তিনি এ সব পত্র লিখিয়া থাকিলেও পত্রগুলি অবজ্ঞা ও উপেক্ষার যোগ্য।

প্রকৃতপক্ষে মহারাজা নির্বোধ ছিলেন না। তিনি লর্ড ল্যান্সডাউনকে যে পত্র লিখিয়াছিলেন, তাহা পাঠ করিলে তাঁহাকে নির্বোধ মনে করা যায় না, পরন্তু মনে বিশ্বাস জন্মে, তাঁহাকে আত্মপক্ষসমর্থনের ও আপনাকে নিরপরাধ প্রতিপন্ন করিবার কোনরূপ সুযোগ না দিয়া ভারত সরকার তাঁহার প্রতি অনাচারই করিয়াছিলেন। তাঁহার ব্যাপারে সেই “দশচক্রে ভগবান ভূত” গল্প মনে পড়ে।

মহারাজার বিরুদ্ধে ষড়যন্ত্র পাকা হইলে ১৮৮৯ খৃষ্টাব্দের মার্চ মাসে রাজা অমরসিংহ শিয়ালকোটে রেসিডেন্টের কাছে গমন করিলেন। ষড়যন্ত্রের মধ্যে রেসিডেন্ট, রাজা অমরসিংহ ও রাজস্ব-সচিব পণ্ডিত সুরাজ কোল ছিলেন। শিয়ালকোটে দুই দিন মাত্র থাকিয়া রাজা অমরসিংহ তাঁহার দ্রব্যাদি তথায় ফেলিয়া রাখিয়া মহারাজার কাছে আসিয়া রেসিডেন্টের সঙ্গে কলিকাতায় যাইবার অনুমতি প্রার্থনা করিলেন। মহারাজা রেসিডেন্টের কলিকাতায় যাইবার কোন কথা পূর্বে শুনে নাই; তিনি যাত্রার কারণ জিজ্ঞাসা করিলে রাজা অমরসিংহ বলিলেন, কাশ্মীর রাজ-পরিবারের মান-সম্মত যাইতে বসিয়াছে, তাঁহাদের সর্বনাশ হইয়াছে, কতকগুলি পত্র পাওয়া গিয়াছে—তাহাতে প্রমাণ হইয়াছে, মহারাজা রুসিয়ার সহিত ও দলিপসিংহের সহিত ষড়যন্ত্র করিতেছেন। এই কথা বলিয়া তিনি রেসিডেন্টের সঙ্গে কলিকাতায় যাইবার অনুমতি প্রার্থনা করিলেন। মহারাজা এই রহস্যজনক উক্তিতে একান্ত বিস্মিত হইলেন। তিনি রাজা অমরসিংহকে কলিকাতায় যাইবার অনুমতি দিতে অস্বীকার করিলেন এবং তাঁহার সহিত জন্মুতে সাক্ষাৎ

করিবার জন্য রেসিডেন্টকে পত্র লিখিলেন। ছুই দিন কাটিয়া গেল; রেসিডেন্ট কোন উত্তর দিলেন না। মহারাজা বিব্রত হইয়া পড়িলেন। এ দিকে কতকগুলি অবিখ্যাসী কর্মচারী তাঁহাকে ভয় দেখাইবার জন্য তাঁহার কি হইবে, সে সন্ধে নানারূপ অতিরঞ্জিত কথা বলিতে লাগিল। মহারাজা বলিলেন, তিনি সেরূপ পত্র লিখেন নাই। অমরসিংহ বলিলেন, পত্রের লিখা তাঁহার বলিয়াই মনে হয়; কেবল স্বাক্ষর সন্ধে সন্দেহ আছে। অথচ পত্রগুলিতে স্বাক্ষরই ছিল না! তখন মহারাজা বুঝিলেন, বড়বন্ধের মূলে অমরসিংহ ছিলেন। বিশ্বাসঘাতক কর্মচারিদলে পরিবৃত, স্বীয় ভ্রাতার দ্বারা বিপন্ন, অপমানিত ও আপনার ভবিষ্যৎ ভাবিয়া ভীত মহারাজা এমনই বিচলিত হইলেন যে, ছুই দিন অনাহারে রহিলেন। তিনি বলিলেন, “যদি ইংরাজ ইচ্ছা করে, তবে আমার রাজ্যের যে কোন অংশ লউক—সেনানিবাস প্রতিষ্ঠিত করুক। তাহারা আমাকে এমনভাবে কষ্ট দেয় ও অপমানিত করে কেন?”

অমরসিংহের দল বুঝিলেন, তাঁহাদের কার্যসিদ্ধির সুযোগ উপস্থিত হইয়াছে। রেসিডেন্টকে সে কথা জানান হইল। কোন সংবাদ না দিয়া রেসিডেন্ট জন্মুতে আসিয়া উপস্থিত হইলেন ও মহারাজার সহিত সাক্ষাৎ করিবার পূর্বে রাজা অমরসিংহের সহিত গোপনে পরামর্শ করিলেন। তিনি মহারাজার সহিত অত্যন্ত অনিষ্ট ও উদ্ধতভাবে ব্যবহার করিলেন। তিনি বলিলেন, বড় লাট অত্যন্ত অসন্তুষ্ট হইয়াছেন এবং মহারাজার যদি প্রাণরক্ষা হয়, তবে তিনি আপনাকে ভাগ্যবান বলিয়া বিবেচনা করিতে পারিবেন।

মহারাজা দৃঢ়তাসহকারে বলিলেন, পত্রগুলি কখনই তাঁহার লিখা নহে। তিনি সেগুলি দেখিতে চাহিলে রেসিডেন্ট উদ্ধতভাবে বলিলেন, পত্রগুলি যে তাঁহারই লিখিত, সে বিষয়ে তাঁহার কোন সন্দেহ নাই; তিনি সে বিষয়ে আর কোন কথা শুনিতে চাহেন না। শেষে তিনি বলিলেন, কি করিলে মহারাজা রক্ষা পাইতে পারেন, তাহা তিনি রাজা অমরসিংহকে বলিয়া গেলেন; মহারাজা যদি আদালতে বিচারের অপমান হইতে অব্যাহতিলাভ করিতে চাহেন, তবে যেন তিনি সেইভাবে কাষ করেন। এই কথা বলিয়া তিনি একখানি অমুশাসনের খশড়া রাখিয়া চলিয়া গেলেন। রাজা অমরসিংহ তাহা মহারাজাকে

দিয়া তদনুসারে অমুশাসন প্রচার করিতে বলিলেন। মহারাজা তাহাতে অসম্মত হইলেন। সে দিন তিন চারি বার তাঁহার পরামর্শ-পরিষদের অধিবেশন হইল। অমরসিংহের দলই মন্ত্রীরা মহারাজাকে নানারূপ ভয় দেখাইয়া অমুশাসনে স্বাক্ষর করিতে বলিতে লাগিলেন। রেসিডেন্ট সেই অমুশাসন লইবার জন্য জন্মুতেই ছিলেন। অমরসিংহ বলিলেন, তিনি রেসিডেন্টকে লিখিবেন, মহারাজা স্বাক্ষর করিতে অসম্মত।

পরদিন রেসিডেন্টের লিখিত পত্রের অনুবাদ মহারাজাকে প্রদত্ত হইল এবং অবস্থা বিপাকে পড়িয়া তিনি এই “স্বৈচ্ছায় ক্ষমতাত্যাগপত্র” স্বাক্ষর করিলেন। আমরা নিম্নে সেই কাশী পত্রের অনুবাদ প্রদান করিতেছি,—

নানা গুণশালী, প্রিয় ভ্রাতা রাজা অমরসিংহজী,
রাজ্যের উন্নতির জন্য বৃটিশ সরকারের অনুকরণে শাসন-
পদ্ধতির সংস্কার আমাদের অভিপ্রেত বলিয়া আমি ৫
বৎসরের জন্য নিম্নলিখিত ব্যক্তিগণে গঠিত শাসকসভ্যের
উপর জন্মু ও কাশ্মীরের শাসনভার অর্পণ করিলাম,—

রাজা রামসিংহ

রাজা অমরসিংহ

ভারত সরকারের সহিত পরামর্শ করিয়া নিযুক্ত এক
জন অভিজ্ঞ যুরোপীয় কর্মচারী। ইনি দরবারের কর্মচারী
বলিয়া বিবেচিত হইবেন এবং মাসিক ২ হাজার টাকা
হইতে ৩ হাজার টাকা বেতন পাইবেন।

রায় বাহাদুর পণ্ডিত সুরাজ কোল

রায় বাহাদুর পণ্ডিত ভগরাম

এই শাসকসভ্য ৫ বৎসর কাল সকল বিভাগে শাসন-
কার্য পরিচালিত করিবেন। ৫ বৎসরের মধ্যে সভ্যের
শেষোক্ত ৩ জন সদস্যের কাহারও পদ শূন্য হইলে আমার
সম্মতিক্রমে ভারত সরকার সে পদে নূতন সদস্য নিযুক্ত
করিবেন।

এই ৫ বৎসর কাল অতীত হইলে আমি রাজ্যশাসন
সন্ধে যেরূপ ব্যবস্থা সঙ্গত বিবেচনা করিব, সেইরূপ
ব্যবস্থা করিতে পারিব। বর্তমান পরোয়ানার তারিখ
হইতে ৫ বৎসর পূর্বোক্ত ব্যবস্থা চলিবে। মহলাতের
অর্থাৎ প্রাসাদের বা আমার ব্যক্তিগত কোন ব্যাপারের
সহিত এই শাসকসভ্যের কোন সন্ধে থাকিবে না এবং

ঠাঁহারা সে সব বিষয়ে কোনরূপে হস্তক্ষেপ করিতে পারি-
বেন না। মহলাতের ও আমার নিজ খরচ বাবদে যে
টাকা বরাদ্দ আছে, তাহা পূর্ববৎ বরাদ্দ থাকিবে। শাসক-
পরিষদ সে সব বরাদ্দ কমাইতে পারিবেন না। মহলাতে
বা খাসে যে সব জায়গীর বা স্থাবর অস্থাবর সম্পত্তি আছে,
সে সব আমার কর্তৃত্বাধীন থাকিবে এবং শাসকসম্মত সে
সকলে কোনরূপে হস্তক্ষেপ করিতে পারিবেন না। বিবাহে,
মৃত্যুতে এবং অন্যান্য ঐহিক ও পারত্রিক কার্যে আমার যে
ব্যয় হইবে, সে সব দরবার দিবেন।

আমার ভ্রাতৃগণের মধ্যে কেহ আমার অহুমতি অনুসারে
শাসক-মণ্ডলীর সভাপতি নিযুক্ত হইবেন।

পূর্বোক্ত ৫ বৎসরের মধ্যে আমি রাজ্যের শাসন-
কার্যে হস্তক্ষেপ করিব না। কিন্তু অত্র হিসাবে কাশ্মীরের
মহারাজার মর্যাদা ও স্বাধীনতা আমারই থাকিবে।

আমার অহুমতি ব্যতীত শাসকমণ্ডলী কোন রাজ্যের
বা ভারত সরকারের সহিত কোন নূতন চুক্তি করিতে
অথবা আমার বা আমার পূর্বপুরুষদিগের কৃত কোন
চুক্তি পুনরায় করিতে বা পরিবর্তিত করিতে পারিবেন না।

আমার অহুমতি ব্যতীত ঠাঁহারা কাহাকেও জায়গীর
দিতে, জমীর পাট্টা দিতে, দরবারের কোন স্থাবর বা
অস্থাবর সম্পত্তি বিক্রয় করিতে বা হস্তান্তর করিতে
পারিবেন না।

তারিখ ২৭শে ফাল্গুন, ১৯৪৫ সন্বৎ।

এই পরোয়ানাই ব্রিটিশ সরকার কর্তৃক স্বৈচ্ছাকৃত পদ-
ত্যাগপত্র বলিয়া অভিহিত হইয়াছিল। স্বৈচ্ছায় পদ-
ত্যাগের যে দৃষ্টান্ত অল্পদিন পূর্বে নাভার মহারাজা রিপু-
দমন সিংহের ব্যাপারে দেখা গিয়াছে, ইহা কোন কোন
বিষয়ে তাহার অহুরূপ হইলেও সকল বিষয়ে নহে। মহা-
রাজা প্রতাপসিংহও মহারাজা রিপুদমন সিংহের মত স্বৈচ্ছায়

এই পত্রে স্বাক্ষর করার কথা অস্বীকার করিয়াছিলেন—
সাদৃশ্য এই পর্য্যন্ত। আলোচ্য পরোয়ানা, পদত্যাগপত্র নহে,
ইহা মহারাজা প্রতাপসিংহ কর্তৃক ঠাঁহার প্রধান মন্ত্রীর উপর
জারি-করা পরোয়ানা। ইহাতে রেসিডেন্টের বা ভারত
সরকারের কোন কথাও নাই। এই অস্থায়ী বন্ধোবন্ধেও
মহারাজার কতকগুলি ক্ষমতা নিজ হস্তে রক্ষিত হইয়াছিল।

কিন্তু ভারত সরকার যে ইচ্ছা করিয়া ইহাকে পদত্যাগ-
পত্র নামে অভিহিত করিয়াছিলেন, তাহার কারণ, ঠাঁহারা
ইহার সর্বগুলিও মানিয়া চমেন নাই। সেই জন্য ভারত
সরকার ভারত-সচিবকে লিখিয়াছিলেন,*—

“আমরা কাশ্মীরের যে বন্ধোবন্ধ করিব, তাহা
সর্বতোভাবে মহারাজা প্রতাপসিংহের পদত্যাগপত্রের
ভিত্তির উপরই প্রতিষ্ঠিত হইবে না। কারণ, তিনি, ঠাঁহার
মানসম্মত রক্ষা করিবার ও তিনি অন্তরূপে যে সব সুবিধা
পাইতে পারিতেন না, সেই সব পাইবার চেষ্টায় এই পত্র
রচিত করিয়াছেন। ইহার কতকগুলি সর্ব মানিলে অসুবিধা
অনিবার্য। সুতরাং আমরা এই পত্র মহারাজার রাজ্য-
শাসনে অক্ষমতার স্বীকারোক্তি বলিয়া গ্রহণ করিব এবং
সাধারণভাবে ব্যবস্থা করিতে প্রবৃত্ত হইব।”

এইরূপে রেসিডেন্টের কথায় মহারাজার কথা অবিশ্বাস
করিয়া ভারত সরকার পূর্বকৃত সন্ধির সর্ব ভঙ্গ করিয়া
মহারাজা প্রতাপসিংহকে রাজ্যভারমুক্ত ও অপমানিত
করিয়াছিলেন এবং ঠাঁহাকে বিনা বিচারে অপরাধী স্থির
করিয়া লইয়া যে স্বৈরশাসনপ্রিয়তার পূর্ণপরিচয় প্রকট
করিয়াছিলেন, সেই ঘটনার পর বিনা বিচারে শত শত
ভারতীয় প্রজার স্বাধীনতা হরণ করার তাহাই পুনরায়
আস্বপ্রকাশ করিয়াছে।

শ্রীহেমেন্দ্রপ্রসাদ ঘোষ।

* Despatch, dated Simla, 3rd April, 1889.

কোথা গেছি ফিরে ?

কোথা গেছি ফিরে ?

হৃথে হৃথে অনাসক্ত, যে আমার চিরভক্ত

পরহিত-ব্রত বার মনের মন্দিরে,

হেলার অতিথি আমি তথ্য গেছি ফিরে।

শ্রীবাশরীভূষণ মুখোপাধ্যায় :



প্রলয়ের আলো

উনবিংশ পরিচ্ছেদ

গভীর নিশীথে

রেবেকা কোহেনের সহিষ্ঠ জোসেফ কুরেটের যে সকল কথা হইয়াছিল, তাহা তাহারা কাহারও নিকট প্রকাশ করিল না; এমন কি, তাহারাও আর কোন দিন এই প্রসঙ্গের আলোচনা করিল না। সেই ঘটনার প্রায় এক সপ্তাহ পরে এক দিন প্রভাতে রেবেকার পিতা সলোমন কোহেন জোসেফকে বলিল, “বিবাহ সম্বন্ধে রেবেকার মত জিজ্ঞাসা করিয়াছিলে কি?”

জোসেফ বলিল, “হাঁ, জিজ্ঞাসা করিয়াছিলাম।”

সলোমন। “সে কি বলিল?”

জোসেফ। “আপনার কথাই সত্য, তিনি বলিলেন, আমার আশা পূর্ণ হইবার সম্ভাবনা নাই।”

সলোমানের মুখ হঠাৎ গম্ভীর হইয়া উঠিল, সে মুহূর্তকাল নিস্তব্ধ থাকিয়া বলিল, “অসম্ভব কেন—তাহা তোমাকে বলিয়াছে কি?”

জোসেফ। “না”।

সলোমন কোহেন জোসেফকে আর কোন কথা জিজ্ঞাসা করিল না। জোসেফও রহস্তভেদের জন্ত আগ্রহ প্রকাশ করিল না, যদিও রেবেকার গুপ্তকথা জানিবার জন্ত তাহার কৌতূহল অসংবরণীয় হইয়াছিল। সে মনে করিল, রেবেকা কোন না কোন দিন তাহাকে মনের কথা খুলিয়া বলিবে, কিন্তু রেবেকা কোন কথা বলিল না।

জোসেফ ক্রমে অধীর হইয়া উঠিল, তাহার হৃদয় অশান্তি ও অসন্তোষে পূর্ণ হইল। রেবেকার সুন্দর মুখ তাহার মনের উপর অসামান্য প্রভাব বিস্তার করিয়াছিল, অথচ সে জানিত তাহাকে লাভ করিবার আশা নাই, তাহাদের মিলনের পথে যে সুছত্তর ব্যবধান বর্তমান, তাহা অতিক্রম

করা তাহার অসাধ্য! রেবেকা তাহার প্রতি আদর-যত্ন প্রদর্শনে মুহূর্তের জন্ত বিন্দুমাত্র ঔদাসীন্য প্রকাশ না করায়, এই ঘনিষ্ঠতা তাহার হৃৎসহ হইয়া উঠিল। অবশেষে জোসেফ কোন উত্তেজনাপূর্ণ কার্যে আত্মনিয়োগ করিয়া, তাহার শোচনীয় অবস্থা বিস্মৃত হইবার সঙ্কল্প করিল। কিন্তু তাহার ইচ্ছার স্বাধীনতা না থাকায় তাহাকে নিশ্চেষ্টভাবে বৈচিত্র্যহীন দিনগুলি অতিবাহিত করিতে হইল।

জুরিচ পরিত্যাগের পর জোসেফ তাহার পিতামাতাকে একখানিও পত্র লিখে নাই, তাহাদেরও কোন সংবাদ সে জানিতে পারে নাই। সে সঙ্কল্প করিয়াছিল, আর্থিক অবস্থার উন্নতি না হইলে তাহাদিগকে চিঠিপত্র লিখিবে না। তাহাদের কোন আপদ-বিপদ ঘটিলে সে তাহার বন্ধু ক্লিন্জেলের পত্রে তাহা জানিতে পারিত। ক্লিন্জেল তাহাদের প্রসঙ্গে কোন কথা না লিখায়, জোসেফের ধারণা হইয়াছিল, তাহার পিতামাতা শারীরিক সুস্থ আছে।

জোসেফ কুরেটকে রুসিয়ার প্রেরণ করিয়া নিহিলিষ্টরা নিশ্চেষ্ট ছিল না। তাহারা একটি অতি ভীষণ ও গভীর ষড়্‌যন্ত্র সফল করিবার জন্ত নিঃশব্দে চেষ্টা করিতেছিল, কোনরূপে তাহা ব্যর্থ হইতে না পারে, এ বিষয়ে তাহাদের তীক্ষ্ণদৃষ্টি ছিল। জোসেফ সলোমানের নিকট জানিতে পারিয়াছিল, এই ষড়্‌যন্ত্র সফল করিবার জন্ত শীঘ্রই তাহাকে কোন কঠিন দায়িত্বভার প্রদত্ত হইবে। কিন্তু সেই দায়িত্বভার কি, তাহা সে জানিতে পারে নাই, এই-জন্ত সে উৎকণ্ঠিতচিত্তে কর্তৃপক্ষের আদেশের প্রতীক্ষা করিতে লাগিল। নিহিলিষ্ট সম্প্রদায়ের অধিনায়কের আজ্ঞাবাহী ভূতরূপে অন্ধভাবে তাহার আদেশ পালনের জন্ত জোসেফের বিন্দুমাত্র আগ্রহ ছিল না; কঠোর দায়িত্বভার গ্রহণ করিয়া অল্প সকলকে পশ্চাতে রাখিয়া সে প্রলয়ানলের সম্মুখীন হইবে এবং স্বাধীনতার সংগ্রামে

সেনাপতির স্থান অধিকার করিবে, এই উচ্চাভিলাষ সে মুহূর্তের জন্য ত্যাগ করিতে পারে নাই।

জোসেফ এক দিন সলোমনের নিকট তাহার মনের কথা খুলিয়া বলিল; সে বলিল, “দেখুন, যদি কোন বিপজ্জনক দায়িত্বভার গ্রহণ করিয়া দুর্ভাগ্যক্রমে আমাকে ধরা পড়িতে হয়, তাহা হইলে আমার মৃত্যু অনিবার্য! কিন্তু আমার মৃত্যুতে কাহার কি ক্ষতি? আমার পিতা-মাতা ভিন্ন অণু কেহই আমার জন্য অশ্রুপাত করিবে না, কিন্তু কালে তাঁহারা সে শোক ভুলিয়া যাইবেন। পুত্র-বিরোগব্যথা পিতামাতার হৃদয়েও স্থিরস্থায়ী হয় না।”

সলোমন অবিচলিত স্বরে বলিল, “বৎস, তোমার এই উচ্ছ্বাস দমন কর। আমাদের সম্প্রদায়ের উদ্দেশ্য সফল করিতে হইলে তিনটি বিষয়ের প্রতি লক্ষ্য রাখিতে হইবে—প্রথম সতর্কতা, দ্বিতীয় দূরদৃষ্টি, তৃতীয় সহিষ্ণুতা। তুমি ধৈর্য্যাবলম্বন করিয়া সুযোগের প্রতীক্ষা কর, তোমার আশা যথাসময়ে পূর্ণ হইবে। সহিষ্ণুতার অভাব হইলে আমাদের উদ্দেশ্য ব্যর্থ হইবে, আমাদের বিনাশ অপরিহার্য হইবে।”

এই সকল প্রসঙ্গের আলোচনার দুই সপ্তাহ পরে, এক দিন গভীর রাত্ৰিতে জোসেফের শয়নকক্ষের দ্বারদেশে কাহার করাঘাতের শব্দ হইল, সেই শব্দে জোসেফের নিদ্রাভঙ্গ হইল। আমরা পূর্বেই বলিয়াছি, সলোমন কোহেনের বাস-গৃহের সর্বোচ্চ তলের একটি কক্ষ জোসেফের শয়নের জন্য নির্দিষ্ট হইয়াছিল, সেই কক্ষটি অট্টালিকার এক প্রান্তে অবস্থিত। সেই কক্ষের নিকটে অণু কোন কক্ষ ছিল না, অণু কক্ষের সহিত তাহা সংস্রব-রহিত। এই কক্ষে সলোমন জোসেফের সহিত গুপ্ত পরামর্শ করিত, কেহ লুকাইয়া থাকিয়া তাহাদের পরামর্শ শুনিবে—তাহার সম্ভাবনা ছিল না বলিয়াই সলোমন এই কক্ষে জোসেফের শয়নের ব্যবস্থা করিয়াছিল।

দ্বারে পুনঃ পুনঃ করাঘাত-শব্দ শুনিয়া জোসেফ শয্যা হইতে উঠিয়া গিয়া নিঃশব্দে দ্বার খুলিয়া দিল। সে দেখিল, সলোমন কোহেন দ্বারপ্রান্তে দাঁড়াইয়া আছে! তাহার পরিধানে গাউন, মাথায় কাল মখমলের টুপি, পায়ে চটি জুতা এবং হাতে একটি আঁধারে লণ্ঠন, তাহার ভিতর বাতি জলিতেছিল।

সলোমন কোহেন, জোসেফের শয়নকক্ষে প্রবেশ করিয়া দ্বার রুদ্ধ করিল, তাহার পর নিঃশব্দে বলিল, “তোমার সঙ্গে দুই একটা কথা আছে, জোসেফ।”

সেই গভীর রাত্ৰিতে সলোমন অত্যন্ত সতর্কভাবে এই কক্ষে প্রবেশ করিলেও, এক জন লোকের তীক্ষ্ণদৃষ্টি অতিক্রম করিতে পারিল না। সে দ্বার রুদ্ধ করিবার অল্প কাল পরে এক জন লোক নিঃশব্দ পদসঞ্চারে দ্বারদেশে উপস্থিত হইল এবং দ্বারে কর্ণসংযোগ করিয়া দাঁড়াইয়া রহিল! অনেক সময় অতি সতর্কতায় সতর্কতার উদ্দেশ্য ব্যর্থ হয়—এ ক্ষেত্রেও তাহাই হইল। সে যথাসাধ্য সতর্কতা অবলম্বন করিয়াও শত্রুপক্ষের গুপ্তচরের তীক্ষ্ণদৃষ্টি অতিক্রম করিতে পারিল না।

সলোমন তাহার হাতের লণ্ঠনটা টেবিলের উপর রাখিয়া চেয়ারে বসিয়া পড়িল, তাহার পর তীক্ষ্ণদৃষ্টিতে চারি দিকে চাহিয়া নিঃশব্দে বলিল, “জোসেফ, তুমি যে সুযোগের প্রতীক্ষা করিতেছিলে—এত দিনে সেই সুযোগ উপস্থিত।”

আনন্দে জোসেফের মুখ উজ্জ্বল হইয়া উঠিল, উৎসাহে তাহার চক্ষু দুইটি মুহূর্তের জন্য জলিয়া উঠিল। সে স্পন্দিত বক্ষে আবেগ-কম্পিত-স্বরে বলিল, “উত্তম সংবাদ।”

সলোমন তাহার ভাবান্তর লক্ষ্য না করিয়া বলিল, “আমি বিশ্বস্তসূত্রে সংবাদ পাইলাম, আমাদের আরক কার্য্য দীর্ঘকাল পরে সফল হইবার সম্ভাবনা দেখা যাইতেছে। সুখশান্তিহীন অভিশপ্ত দেশের হতভাগ্য নরনারীগণের যুগ-যুগব্যাপী দুঃখ-দুর্গতি মোচনের জন্য শীঘ্রই একটি অতি ভীষণ ষড়্‌যন্ত্র সফল করিবার চেষ্টা হইবে। এই ষড়্‌যন্ত্র কার্য্যে পরিণত করিবার জন্য এত কাল ধরিয়া যে সকল উদ্যোগ আয়োজন চলিতেছিল—এখন তাহা সম্পূর্ণপ্রায়; দুই একটি কায মাত্র বাকী আছে। যদি আমাদের সৌভাগ্যক্রমে এই ষড়্‌যন্ত্র সফল হয়, তাহা হইলে সমগ্র সভ্যজগত বিন্ময়ে স্তম্ভিত হইবে। এ দেশের শাসনপদ্ধতির এরূপ আমূল পরিবর্তন হইবে—বাহা এখন পর্য্যন্ত সমগ্র যুরোপখণ্ডের স্বপ্নেরও অগোচর!”

জোসেফ স্পন্দিত-বক্ষে জিজ্ঞাসা করিল, “এই ষড়্‌যন্ত্রের উদ্দেশ্য কি?”

সলোমন কোহেন তৎক্ষণাৎ এই প্রশ্নের উত্তর না দিয়া পুনর্বার সেই কক্ষের চতুর্দিকে দৃষ্টিপাত করিল, তাহার পর

জোসেফের মুখের উপর নির্নিমেব দৃষ্টি স্থাপিত করিয়া নির স্বরে বলিল, “রুস-সত্রাটের প্রাণসংহার !”

কথাটা শুনিয়া জোসেফের বুকের উপর বেন জোরে জোরে হ্রস্বস্বরে যা পড়িতে লাগিল ! তাহার মুখ হঠাৎ নীল হইয়া গেল এবং তাহার সর্কাজ কণ্টকিত হইল।

সলোমন কোহেন তাহার এই পরিবর্তন লক্ষ্য করিল, সে বিস্মিত হইয়া বলিল, “বৎস, তোমার হৃদয় অতি কোমল। তোমার হৃদয়কে ইম্পাতের মত কঠিন করিতে হইবে। যদি এই কঠিন কার্যসাধনে তোমার মনে সঙ্কোচ উপস্থিত হয়, তাহা হইলে এখনও তোমার প্রতি-নিবৃত্ত হইবার সময় আছে, আর পদমাত্র অগ্রসর হইলে ফিরিবার উপায় থাকিবে না। অসমসাহসী লোক ভিন্ন, এই সকল কঠিন কার্য অত্রের অসাধ্য; যাহারা ‘মরিয়া’ হইতে না পারে, এ সকল কার্যে হস্তক্ষেপ করিতে যাওয়া তাহাদের পক্ষে বিড়ম্বনা মাত্র ! তুমি এখনও তোমার হৃদয়কে পাষাণে পরিণত করিতে পার নাই।”

সলোমনের কথা শুনিয়া জোসেফ দম্বিত হইল, তাহার একটু রাগও হইল, সে মনে করিল—সলোমন তাহাকে কাপুরুষ মনে করিয়া অবজ্ঞাভরে এই ভাবে তিরস্কার করিল ! এই জন্য তাহার আত্মসম্মানে আঘাত লাগিল। সে রক্তমণ্ডের অভিনেতার মত বন্ধে করাঘাত করিয়া সগর্বে বলিল, “মহাশয়, আপনি আমাকে ভুল বুঝিয়াছেন ! আমি স্বীকার করি, আমি বয়সে নবীন, স্বীকার করি, আমি প্রবীণের সুদীর্ঘ জীবনের অভিজ্ঞতা লাভ করিতে পারি নাই, কিন্তু সংসারে কত জন আমার মত আশাভঙ্গ হইয়াছে ? আমার মত আর কয় জনের জীবনের সকল সাধ, সকল কামনা ভাগ্য-বিড়ম্বনার চূর্ণ হইয়াছে ?—জগতে এরূপ হতভাগ্য আর কয় জন আছে—যাহাদের হৃদয় আঘাতের পর আঘাতে, আমার হৃদয়ের মত অসাড় হইয়া গিয়াছে ! দয়া করিয়া আপনি আমাকে ভুল বুঝিবেন না, আমার সঙ্কল্পের দৃঢ়তার ও নিষ্ঠার আপনারা অনারাসে নির্ভর করিতে পারেন। জ্ঞানের পক্ষ সমর্থন করিতেছি, এই বিশ্বাস লইয়া, যে কোন ছন্দ ও ভীষণ কার্যভার গ্রহণ করিতে আমি সম্পূর্ণ প্রস্তুত আছি। মৃত্যুভয় আমাকে সঙ্কল্পচ্যুত করিতে পারিবে না—আমার এ কথা আপনি বিশ্বাস করুন।”

সলোমন কোহেন কোমল স্বরে বলিল, “বৎস, জোসেফ, তুমি মনে আঘাত পাও এ উদ্দেশ্যে আমি তোমাকে ও সকল কথা বলি নাই। আমি জানি, তোমার কর্তব্যনিষ্ঠা প্রশংসনীয়; জানি, তোমার সাহস ও সঙ্কল্পের দৃঢ়তার আমি সম্পূর্ণরূপে নির্ভর করিতে পারি। এখন তোমার সেই সাহস ও কর্তব্যনিষ্ঠার পরীক্ষাকাল সমুপস্থিত। কাল রাত্রি ১২টার সময় এই নগরের কোন নির্জন পল্লীতে আমাদের সমিতির গুপ্ত অধিবেশন হইবে; সেই অধিবেশনে কয়েকটি প্রয়োজনীয় বিষয়ের মীমাংসা হইবে। তোমাকে কোন কঠিন দায়িত্বভার প্রদানের প্রস্তাব হইবে। এই কার্যে তোমার জীবন বিপন্ন হইবে; সম্ভবতঃ, তোমাকে জীবন উৎসর্গ করিতে হইবে; কিন্তু তাহাতে আক্ষেপের কারণ নাই। স্বাধীনতা লাভের চেষ্টায় মৃত্যুকে বরণ করা গৌরবের বিষয়। এ দেশের কোটি কোটি অধিবাসী যথেষ্টাচারী সত্রাটের কঠোর শাসনে মৃত্যুর অধিক যত্না ভোগ করিতেছে, তাহা হইতে তাহাদিগকে নিষ্কৃতি দানই আমাদের চরম লক্ষ্য।”

জোসেফ সলোমন কোহেনের কথা শুনিতে শুনিতে অত্যন্ত উত্তেজিত হইয়া উঠিয়াছিল; সে মন সংযত করিয়া দৃঢ়স্বরে বলিল, “আমি মৃত্যুভয়ে কাতর নহি; আমাকে যে কার্যভার প্রদান করা হইবে, তাহা সম্পন্ন করিতে কুণ্ঠিত হইব না।”

সলোমন কোহেন এবার চেয়ার হইতে উঠিয়া মহা উৎসাহে জোসেফের করমর্দন করিল; হাসিয়া বলিল, “বৎস, তোমার সাহস প্রশংসনীয়, পরমেশ্বর এই ভীষণ বিপদে তোমার জীবন রক্ষা করুন; তুমি কার্যোদ্ধার করিয়া নির্ঝিন্দে প্রত্যাগমন করিতে পারিলে আমি কত আনন্দিত হইব—তাহা তুমি বুঝিতে পারিবে না। কাল রাত্রি সাড়ে এগারটার সময় এই বাড়ী হইতে বাহির হইয়া রাজপথে উপস্থিত হইবে এবং পথের অপর প্রান্তে দৃষ্টিপাত করিলে ছিন্ন পরিচ্ছদধারিণী, রুম্মকেশা, অনশনক্লিষ্টা একটি ভিখারিণীকে দেখিতে পাইবে। সে তোমাকে কোন কথা বলিবে না; এমন কি, তোমাকে দেখিতে পাইয়াছে, এরূপ ভাবও প্রকাশ করিবে না। তুমি নিঃশব্দে তাহার অঙ্গসঙ্গ করিবে। সে যেন তোমার দৃষ্টি অতিক্রম করিতে না পারে। তাহার অঙ্গসঙ্গ করিয়া এক মাইল দূরে একটি

পুরাতন অট্টালিকার সম্মুখে উপস্থিত হইবে। তুমি অন্ধ-কারেই সেই অট্টালিকার প্রবেশ করিবে। কয়েক মিনিট পরে একজন লোক তোমাকে লক্ষ্য করিয়া জিজ্ঞাসা করিবে, ‘কে বার?’ তুমি অসঙ্কোচে উত্তর দিবে, ‘স্বাধীনতা।’ এই শব্দটিই গুপ্ত সমিতিতে প্রবেশাধিকারের সাক্ষেতিক নিদর্শন। সেই লোকটি তখন তোমার হাত ধরিয়া কতকগুলি সোপান পার করিয়া ভূগর্ভে লইয়া যাইবে, ভূগর্ভস্থ একটি কক্ষে প্রবেশ করিবে। সেই কক্ষেই কাল গুপ্ত-সমিতির অধিবেশন হইবে। তোমাকে যাহা যাহা করিতে হইবে, তাহা বলিলাম, কথাগুলি স্মরণ রাখিবে, এখন তুমি শয়ন করিতে যাও, আমার কিছুই বলিবার নাই।”

সলোমান কোহেনের কথা শেষ হইয়াছে বুঝিয়া, যে লোকটি দ্বারে কর্ণসংযোগ করিয়া তাহাদের পরামর্শ শুনিতেছিল, সে তাড়াতাড়ি উঠিয়া অতি সত্তর্পণে লঘু পদবিক্ষেপে অদৃশ্য হইল। সলোমান দ্বার খুলিয়া, যে পথে আসিয়াছিল, সেই পথে চলিয়া গেল। সেই গভীর নিশীথে কেহ যে চোরের মত গোপনে আসিয়া তাহাদের গুপ্ত পরামর্শ শুনিয়া গিয়াছে, সলোমানের মনে মুহূর্তের জন্ত এ সন্দেহ স্থান পাইল না।

সলোমান জোসেফকে শয়ন করিতে বলিল; কিন্তু দারুণ উত্তেজনায় তাহার মাথা গরম হইয়াছিল, শয়ন করিয়াও সে ঘুমাইতে পারিল না। তাহার সম্মুখে সুদীর্ঘ জীবন—কর্মময় গৌরবময় বৈচিত্র্যময়; কত আশার, কত কামনার, কত আনন্দ ও বিষাদের, আলোক ও ছায়ার সুদৃশ্য চিত্র তাহার নিদ্রাহীন নয়নের সম্মুখে আবির্ভূত হইয়া মিলাইয়া যাইতে লাগিল। সে দীর্ঘশ্বাস ফেলিয়া চক্ষু মুদ্রিয়া বলিল, “এইবার বোধ হয় সব শেষ! রেবেকা! রেবেকা!”

বিংশ পরিচ্ছেদ

বোবা হিসাব-নবিশ

পরদিন জোসেফ যথানিয়মে তাহার দৈনন্দিন কায করিতে লাগিল বটে, কিন্তু তাহার অন্তমনস্ক ও বিষণ্ণভাব লক্ষ্য করিয়া অনেকে বিস্মিত হইল; সে মনের ভাব গোপন করিবার চেষ্টা করিল না।

সেই দিন রেবেকা তাহার পিতার নিকট জানিতে পারিল,

গভীর রাত্ৰিতে নিহিলিষ্টদের গুপ্ত সমিতির যে অধিবেশন হইবে, সেই অধিবেশনে জোসেফকে উপস্থিত থাকিতে হইবে। এই সংবাদে রেবেকা অত্যন্ত ভীত ও উৎকণ্ঠিত হইল; তাহার মনে কষ্টও হইল। সে একবার গোপনে জোসেফের সহিত সাক্ষাতের জন্ত উৎসুক হইল; কিন্তু সারাদিন নিভৃতে সাক্ষাতের সুযোগ হইল না। সন্ধ্যার পূর্বে সে জোসেফের সহিত দেখা করিল।

রেবেকা জোসেফকে বিচলিতস্বরে বলিল, “ওনিলাম, আজই আমাদিগকে একটি ভীষণ অগ্নি পরীক্ষার সম্মুখীন হইতে হইবে; তোমাকেই না কি সেই প্রজ্বলিত অগ্নিকুণ্ডে লাফাইয়া পড়িতে হইবে। এই শোচনীয় বিরোগান্ত নাটকের তুমিই প্রধান নায়ক নির্ধাচিত হইয়াছ।”

রেবেকার চক্ষু অশ্রুপূর্ণ হইল, তাহার বিচলিত কণ্ঠস্বর শুনিয়া, তাহার আবেগ ও উৎকণ্ঠা লক্ষ্য করিয়া, জোসেফ বুঝিতে পারিল, রেবেকা তাহাকে কত ভালবাসে, রেবেকার হৃদয়ের কতখানি অংশ সে অধিকার করিয়াছে। জোসেফ রেবেকার কথার অত্যন্ত ব্যথিত ও বিচলিত হইয়া কম্পিতস্বরে বলিল, “তোমার কথা সত্য; বোধ হয় আজ রাত্ৰিতে আমার মৃত্যুর পারোয়ানা বাহির হইবে।”

রেবেকার বুকের ভিতর কাঁপিয়া উঠিল, তাহার চক্ষুতে আতঙ্কের চিহ্ন পরিস্ফুট হইল; সে অশ্রুটস্বরে বলিল, “অতি ভয়ানক কথা! তুমি কেন ইহাদের দলে যোগদান করিলে?”

জোসেফ বাহ্যিক ঔদাসীন্য প্রকাশ করিয়া, একটু হাসিয়া বলিল, “তাহাতে কাহার কি ক্ষতি?”

রেবেকা বলিল, “ক্ষতি? হাঁ ক্ষতি আছে বৈ কি! তোমার বয়স অল্প, তোমার জীবনের এখনও অনেক বাকি। তোমার জীবনের প্রভাতকাল মাত্র অতীত হইয়াছে; এখনও তুমি জীবন-মধ্যাহ্নে উপনীত হও নাই। এই অল্প বয়সেই তুমি কেন এরূপ নিরাশ হইয়াছ? জীবনকে এতই বিড়ম্বনাপূর্ণ ও ভারবহ মনে করিতেছ যে, যে ব্যাপারে তোমার ব্যক্তিগত স্বার্থ নাই, তাহাতে জড়াইয়া পড়িয়া আত্মোৎসর্গে উত্তত হইয়াছ।”

জোসেফ ক্ষুদ্র স্বরে বলিল, “রেবেকা, আমি ‘মরিয়া’ হইয়া এ কাজ করিয়াছি। জীবনের প্রভাতে মৃত্যুকে বরণ করিতে হইলে মানুষের মত মরাই ভাল। কুকুরের মত অস্ত্রের মুখাপেক্ষী হইয়া বাঁচিয়া থাকার লাভ কি?

রেবেকা বলিল, “বুঝিয়াছি, তোমার আশাভঙ্গ হইয়াছে, তুমি জীবনকে ব্যর্থ মনে করিতেছ। কিন্তু এত হতাশ হইয়াছ কেন? সকলের কি সকল আশা পূর্ণ হয়? আমি যে মনস্তাপ সহ্য করিতেছি, তাহার তুলনায় তোমার মনের কষ্ট অতি তুচ্ছ। তথাপি আমি জীবন রাখিয়াছি; আমি বাঁচিয়া থাকিতে চাই—কারণ আমার প্রতিহিংসা চরিতার্থ হয় নাই। অত্যাচারের প্রতিফল দিতে না পারিলে আমি মরিয়াও স্তব্ধ হইতে পারিব না।”

রেবেকার কথা শুনিয়া জোসেফের প্রচ্ছন্ন কৌতূহল প্রবল হইয়া উঠিল; সে বলিল, “রেবেকা, তোমার আশাভঙ্গের কারণ কি? তুমি এ কথা আমাকে বলিতে কি জন্ত কুণ্ঠিতা? তোমার উপকার করিবার জন্ত আমি পৃথিবীর অন্ত প্রান্তে যাইতেও প্রস্তুত আছি। যদি কেহ তোমার অপকার করিয়া থাকে, আমি তাহার কুকর্ষের প্রতিফল দিব; না পারি, সেই চেষ্টায় প্রাণ বিসর্জন করিব, কারণ আমি তোমাকে ভালবাসি। আমি যাহাই করি, আমার হৃদয়-ভরা প্রেম গোপন করিতে পারিব না। তোমার এই ভাই-ভগিনীর অভিনয় আমার অসহ্য হইয়া উঠিয়াছে। বিড়ম্বনা!”

রেবেকা ভয়ঙ্করে বলিল, “তুমি আর আমাকে প্রেমের কথা বলিও না, আমাকে ও কথা বলা নিষ্ফল। এ কথা ত আমি তোমাকে অনেক বার বলিয়াছি। তবে কেন পুনঃ পুনঃ ভালবাসার কথা বলিয়া আমার মনে কষ্ট দিতেছ?”

জোসেফ বলিল, “কিন্তু তুমি যে সত্যই আমাকে ভালবাস।”

রেবেকা মুখ ফিরাইয়া বলিল, “হাঁ, ভগিনী ভাইকে যেমন ভালবাসে।”

জোসেফ তাহার হাত ধরিয়া আবেগভরে বলিল, “ও কথা শুনিতে বেশ, কিন্তু তাহাতে প্রেমের ক্ষুধা মিটে না; তাহাতে তৃপ্তি নাই।”

রেবেকা অতি কষ্টে আত্মসংবরণ করিয়া হাত টানিয়া লইয়া বলিল, “তুমি তোমার অমূল্য জীবন নষ্ট করিও না, এখনও সতর্ক হও। সাধ করিয়া আগুনে কাঁপ দিও না। আমার অপমানকারীকে প্রতিফল দানের জন্তও তোমাকে বাঁচিয়া থাকিতে হইবে, এ কথা কি তোমাকে বলি নাই?”

আমি সত্যই বড় নির্যাতন ভোগ করিয়াছি; যে আমাকে পীড়ন করিয়াছে, তাহাকে তুমি যথাযোগ্য শাস্তি দান করিবে।”

জোসেফ। তোমার জীবন কি জন্ত বিষময় হইয়াছে, তাহা কি আমাকে বলিবে না?

রেবেকা। এক দিন হয় ত বলিতে পারি, কিন্তু এখন নহে।

জোসেফ। এখন না বলিবার কারণ?

রেবেকা। নানা কারণে আমি তোমাকে এখন কৌতূহল দমন করিতে অস্বীকার করিতেছি। তুমি ধৈর্য্য অবলম্বন কর। এক দিন তুমি সকল কথাই জানিতে পারিবে। আমিই তোমাকে বলিব, কিন্তু এখন আমি কোন কথা প্রকাশ করিতে পারিব না।

রেবেকা জোসেফকে অল্প কোন প্রশ্ন করিবার অবসর না দিয়া হঠাৎ উঠিয়া প্রস্থান করিল। জোসেফ স্তিমিত ও হতাশ হইয়া পড়িল; জীবনের প্রতি আর তাহার মায়ামমতা রহিল না। যেন একটা প্রচণ্ড ঝটিকা আসিয়া তাহার জীবন-তরণীর বন্ধন-রজ্জু ছিঁড়িয়া, তাহা অকূলে ভাসাইয়া লইয়া চলিল। তাহা ডুবিয়া যাউক বা অসীম পারাবারে ভাসিয়া যাউক, ফল সমান বলিয়াই তাহার মনে হইল। জোসেফ অন্ধকারাচ্ছন্ন নিভৃত কক্ষে একাকী বসিয়া দীর্ঘনিশ্বাস ত্যাগ করিয়া বলিল, “আজ আমার ভাগ্যকল নির্ণীত হইবে।” কিন্তু তাহার অদৃষ্টে কি আছে, তাহার পরিণাম কি, তাহা সে অনুমান করিতে পারিল না।

সলোমন কোহেনের একটি রুস-কর্মচারী ছিল, তাহার নাম আলেকজান্দার কালনিকি। দুই বৎসর হইতে সে সলোমনের হিসাব-রক্ষকের কক্ষে নিযুক্ত ছিল। সে সলোমনের বাস-গৃহেই বাস করিত। সলোমন তাহাকে বিশ্বাসী কর্মচারী বলিয়াই জানিত, কিন্তু ব্যবসায় সংক্রান্ত কার্য্য ভিন্ন তাহার সহিত অল্প কোন প্রশ্নের আলোচনা করিত না। সলোমন তাহাকে একটু শ্রদ্ধা করিত, এ জন্ত কোন কোন বিষয়ে অল্পাংশ কর্মচারী অপেক্ষা তাহার কিঞ্চিৎ স্বাধীনতা ছিল। লোকটা অত্যন্ত অল্পভাষী বলিয়া সকলে তাহাকে ‘বোবা হিসাবনবিশ’ বলিয়া বিদ্রূপ করিত। কিন্তু সে কাহারও উপহাসে কণপাত করিত না। সে উত্তর-রুসিয়া হইতে সেন্টপিটার্গের চাকরী করিতে

আসিয়াছিল, কিন্তু কেহই তাহার জীবনের ইতিহাস জানিত না। সে অনেক বড় লোকের প্রশংসাপত্র ও সুপারিশ-চিঠি আনিয়াছিল; সেই সকল চিঠিপত্রে নির্ভর করিয়া সলোমন কোহেন তাহাকে চাকরীতে নিযুক্ত করিয়াছিল। হিসাবের কার্যে সে সুদক্ষ ছিল এবং তাহার সতর্কতার অল্প কোন কর্মচারী কোহেনের ক্ষতি করিতে পারিত না। সে নিজের সম্বন্ধে কোন কথা কাহারও নিকট প্রকাশ করিত না। প্রভুর স্বার্থই তাহার একমাত্র লক্ষ্য ছিল। লোকটি সুপুরুষ, চক্ষু দুইটি উজ্জ্বল, চুলগুলি গাঢ় কৃষ্ণবর্ণ। অল্পভাষী, চতুর এবং খাঁটি লোক বলিয়া সকলে তাহাকে দম্মীহ করিয়া চলিত। সলোমনের সংসারের অতি সামান্য বিষয়ও তাহার তীক্ষ্ণদৃষ্টি অতিক্রম করিত না। কোন বিষয়ে তাহাকে বিশ্বয় প্রকাশ করিতে দেখা যায় নাই এবং তাহার হৃদয়ে কোন সুকুমার বৃত্তি আছে, ইহা বিশ্বাস করিতে কাহারও প্রবৃত্তি হইত না। কিন্তু কথাটা সত্য নহে, কারণ খেজুর গাছের মত তাহার বহির্ভাগ নীরস হইলেও তাহার অন্তরে রস ছিল। সে তাহার প্রভু-কন্যা রেবেকাকে ভালবাসিয়াছিল।

কাল্নকিকে লোকে বোবা বলিয়া উপহাস করিলেও রেবেকার সহিত আলাপ করিবার সুযোগ সে কখন ত্যাগ করিত না। তাহার উজ্জ্বল চক্ষু দুইটি সর্বদা ব্যাকুলভাবে রেবেকার অনুসরণ করিত। অরসিক বলিয়া তাহার দুর্নাম থাকিলেও, রেবেকার মনোরঞ্জনের জন্ত সে কোন দিন চেষ্টার ক্রটি করে নাই। কিন্তু সে বেচারী রেবেকার মনের উপর বিন্দুমাত্র প্রভাব বিস্তার করিতে পারে নাই। রেবেকা তাহার মনের ভাব বুঝিতে পারিয়া মনে মনে হাসিত এবং মজা দেখিবার জন্ত কখন কখন তাহার সহিত রসিকতা করিত। তখন কাল্নকির মনে হইত, সে আকাশের চাঁদ হাতে পাইয়াছে! রেবেকা সত্যই তাহার প্রেমে মজিয়া গিয়াছে। রেবেকা সলোমনের একমাত্র কন্যা, তাহার বিপুল সম্পত্তির উত্তরাধিকারিণী, সুতরাং কাল্নকি অনেক সময় ‘আকাশে কিন্না বানাইয়া’ আশ্ব-প্রসাদ উপভোগ করিত। রেবেকা তাহাকে প্রকাশভাবে অবজ্ঞা করিত না, বরং তাহাকে মিষ্ট কথায় প্রতারিত করিয়া আনন্দ উপভোগ করিত। কাল্নকি ইহাতে সাহস পাইয়া এক দিন রেবেকাকে বলিয়া ফেলিল, “আমি

তোমাকে বড় ভালবাসি, আমাকে তোমার গোলাম করিয়া লও, আমি কৃতার্থ হই। বল আমাকে বিবাহ করিবে?”

তাহার স্পর্ধায় রেবেকা প্রথমে হতবুদ্ধি হইয়া রহিল, তাহার পর তাহার হৃদয় ক্রোধে পূর্ণ হইল, সে বুঝিতে পারিল—কুকুরকে ‘নাই’ দিয়া বড়ই কুকর্ম করিয়াছে! কিন্তু সে মনের ভাব গোপন করিয়া বলিল—তাহাদের বিবাহের সম্ভাবনা নাই, কাল্নকি যেন তাহাকে দ্বন্দ্ব করিবার আশা ত্যাগ করে।

কিন্তু কাল্নকি রেবেকার কথা বিশ্বাস করিল না। তাহার ধারণা হইল—রেবেকার অসম্মতি মৌখিক মাত্র; তাহার জ্ঞান সুপুরুষ সলোমনের হিতাকাঙ্ক্ষী সেবক রেবেকাকে বিবাহ করিতে চাহিতেছে—ইহা রেবেকার সৌভাগ্য! অবশেষে যখন সে বুঝিল, রেবেকা তাহাকে ভালবাসে না, তাহাকে মিষ্ট কথায় প্রতারিত করিয়াছে—তখন তাহার রাগ হইল; কাল্নকি প্রতিজ্ঞা করিল, এই ছলভ রত্ন লাভের জন্ত সে শেষ পর্যন্ত চেষ্টা করিবে, ইহাতে সলোমন সর্বস্বান্ত হয়—তাহাকে পথে বসিতে হয়, তাহাতেও আপত্তি নাই। কিন্তু সে মুখে কোন কথা বলিল না, বা আর কোন দিন রেবেকার নিকট প্রেম প্রকাশ করিল না। সে অত্যন্ত দুঃখিতভাবে হতাশ হৃদয়ে তাহার কর্তব্য সম্পাদন করিতে লাগিল। কি অনলে তাহার হৃদয় দগ্ধ হইতেছে, কাল্নকি তাহা কাহাকেও বুঝিতে দিল না।

কাল্নকি রেবেকাকে ভালবাসিয়াছে বা তাহাকে বিবাহ করিবার জন্ত ক্ষেপিয়া উঠিয়াছে—রেবেকা এ কথা তাহার পিতার নিকট প্রকাশ করিল না, নিতান্ত তুচ্ছ কথা ভাবিয়া সে তাহা উপেক্ষা করিল। বিশেষতঃ, সলোমন কোহেন নিজের কায-কর্ম লইয়া সর্বদা এরূপ ব্যস্ত থাকিত যে, রেবেকা এই সকল বাজে কথার আলোচনার তাহার সময় নষ্ট করা অত্যন্ত অসঙ্গত মনে করিল। এই জন্ত সলোমন কিছুই জানিতে পারিল না। তাহার কন্যা কর্তৃক উপেক্ষিত হইয়া তাহার বিশ্বস্ত কর্মচারী শত্রু হইয়া উঠিতে পারে, এ কথা জানিতে পারিলে সলোমন সতর্ক হইবার সুযোগ পাইত, কিন্তু রেবেকার অদূরদর্শিতায় সে সেই সুযোগে বঞ্চিত হইল, ইহা তাহার পরম দুর্ভাগ্যের বিদ্য।

কাল্নকি প্রত্যাখ্যাত হইয়া হা-হতাশ করিয়া মরিতেছে না, রেবেকার সহিত হাশালাপে বিরত হইয়া গভীরভাবে নিজের কাষ-কর্ম করিয়া বাইতেছে দেখিয়া রেবেকা ভাবিল, তাহার রূপের নেশা কাটির গিয়াছে, সে নিজের ভ্রম বুঝিতে পারিয়া সতর্ক হইয়াছে—ভবিষ্যতে আর তাহাকে বিরক্ত করিবে না। সুতরাং রেবেকা তাহার সম্বন্ধে অনেকটা নিশ্চিত হইল। সে কি চরিত্রের লোক, কিরূপ কুটিল ও স্বার্থপর, ইহা রেবেকা বুঝিতে পারে নাই। তাহার এই ভ্রমের ফল কিরূপ বিষম হইবে, রেবেকার তাহা ধারণা করিবার শক্তি ছিল না।

কাল্নকি রেবেকাকে বিবাহের প্রস্তাব করিয়া প্রত্যাখ্যাত হইয়াছিল, জোসেফ কুরেট ইহা জানিতে পারে নাই। জোসেফ নিজের কাষ-কর্ম লইয়া ব্যস্ত থাকিত, সে কাল্নকিকে চিনিতেও, তাহাদের মধ্যে ঘনিষ্ঠতা ছিল না। জোসেফ যে রাত্রিতে গুপ্তসমিতির অধিবেশনে যোগদানের জন্ত প্রস্তুত হইয়াছিল, সেই দিন অপরাত্তে কাল্নকি তাহাকে পথের দিকে অগ্রসর হইতে দেখিয়া তাহার সম্মুখে আসিয়া বলিল, “তোমার সঙ্গে গোপনে আমার ছুই একটি কথা আছে।”

জোসেফ সবিস্ময়ে বলিল, “আমার সঙ্গে ?”

কাল্নকি গভীরস্বরে বলিল, “হাঁ, জোসেফ কুরেট, তোমারই সঙ্গে।”

জোসেফ কাল্নকির মুখের উপর সন্ধিচিহ্নে দৃষ্টিপাত করিয়া বলিল, “কি কথা ?”

কাল্নকি বলিল, “আমি ঘণ্টার জন্ত আমার সঙ্গে আসিতে পারিবে না? চলিতে চলিতেই তাহা শুনিতে পাইবে।”

উত্তরে একত্র চলিতে আরম্ভ করিল, কয়েক মিনিট পরে কাল্নকি হঠাৎ জিজ্ঞাসা করিল, “তুমি রেবেকা কোহেনের সঙ্গে প্রেমালাপ আরম্ভ করিয়াছ ?”

জোসেফ কাল্নকির এই অশিষ্ট প্রশ্নে এতই বিস্মিত ও বিরক্ত হইল যে, ছুই এক মিনিট সে কথা বলিতে পারিল না, জোসেফ থমকিয়া দাঁড়াইয়া, হতবুদ্ধি হইয়া কাল্নকির মুখের দিকে চাহিয়া রহিল। তাহার পর হঠাৎ সন্দেহ হইল—কাল্নকিও রেবেকার প্রণয়কাকী, সুতরাং তাহাকে প্রেমের প্রতিদ্বন্দী মনে করিয়া ক্রুদ্ধ হইয়াছে।

জোসেফ, কাল্নকির প্রশ্নের উত্তর না দিয়া জিজ্ঞাসা করিল, “তুমি কি কোন দিন রেবেকা কোহেনকে ভালবাসা জানাইয়াছ ?”

কাল্নকি ক্রোধে উত্তেজিত হইয়া বিচলিত স্বরে বলিল, “আমি তোমাকে যে প্রশ্ন করিয়াছি, তোমার ও কথা তাহার উত্তর নহে। হাঁ, আমি আমার প্রশ্নের উত্তর চাহি, আমার দাবী পূর্ণ কর।”

জোসেফ ক্র-কুঞ্চিত করিয়া বলিল, “দাবী! কিসের দাবী ?”

কাল্নকি বলিল, “উত্তরের দাবী। কিন্তু তুমি আমাকে ভুল বুঝিও না, তোমার সঙ্গে আমার ঝগড়া করিবার ইচ্ছা নাই। আমি জানি, তুমি রেবেকা কোহেনকে প্রেমের কথা বলিয়া ভুলাইবার চেষ্টা করিতেছ, কিন্তু সে তোমাকে বিন্দুমাত্রও আশা-ভরসা দিয়াছে কি না, ইহাই তোমার কাছে জানিতে চাই।”

জোসেফ ভুল বুঝিল, সে মনে মনে বলিল, “তাই বটে! রেবেকা এই লোকটাকে ভালবাসিয়া ফেলিয়াছে, এই জন্মই সে আমার হৃদয়-ভরা প্রেম প্রত্যাখ্যান করিয়াছে! ওঃ, এই সহজ কথাটা এত দিন বুঝিতে পারি নাই!”—তাহার হৃর্ভাগ্য, সে রেবেকার হৃদয়ের পরিচয় পাইয়াও, এতদিনেও তাহাকে চিনিতে পারিল না। এই রুসিয়ানটাকে তাহার প্রণয়ী মনে করিয়া ক্রোধে ও ক্রোড়ে উত্তেজিত হইয়া উঠিল! ইহার ফল কিরূপ শোচনীয় হইতে পারে, তাহাও সে ভাবিয়া দেখিবার অবসর পাইল না। ছুই একটি প্রশ্নের বাঁকা উত্তর না দিলে জোসেফ যাহাকে বন্ধুশ্রেণীভুক্ত করিতে পারিত, কথার দোষে সে তাহার মহাশত্রু হইল!

জোসেফ মুহূর্তকাল নীরব থাকিয়া বলিল, “আমি তোমাকে এইমাত্র বলিতে পারি—রেবেকা কোহেন আমাকে ঘৃণা করে না।”

জোসেফের কথা শুনিয়া কাল্নকি ক্রোধে অগ্নি উঠিল। তাহার কৃষ্ণবর্ণ চকুতারকা হইতে ক্রোধানল বিকীর্ণ হইতে লাগিল। কাল্নকির ধারণা হইল, রেবেকা জোসেফ কুরেটকে ভালবাসে বলিয়াই তাহার প্রেম-প্রত্যাখ্যান করিয়াছে! নিদারুণ উত্তেজনায় সে উত্তর হস্ত মুষ্টিবদ্ধ করিয়া জোসেফকে বিকৃতস্বরে বলিল, “তোমাকে হত্যা করিলে আমার মনের আলা জুড়াইত।”

কাল্নকির ভাব-ভঙ্গী দেখিয়া ও কথা শুনিয়া জোসেফ ছই হাত দূরে সরিয়া দাঁড়াইল, সবিস্ময়ে বলিল, “আমাকে হত্যা করিবার জন্য তোমার এরূপ আগ্রহের কারণ কি?”

কাল্নকি উত্তেজিত স্বরে বলিল, “এখনও তাহার কারণ বুঝিতে পার নাই? তুমি আমার প্রণয়-পথের হ্রস্ব বাধা, আমি যাহাকে বিবাহ করিয়া সুখী হইতে পারিতাম, তুমি তাহাকে আমার নিকট হইতে কাড়িয়া লইবার চেষ্টা করিতেছ! তুমি হঠাৎ কোথা হইতে আসিয়া আমার জীবনের সুখশান্তি হরণ করিতে উদ্ভূত হইয়াছ। তোমার এই ধৃষ্টতা আমি ক্ষমা করিতে প্রস্তুত নহি। তোমাকে হত্যা না করিলে আমার মনের আলা জুড়াইবে না।”

রেবেকা কাল্নকিকে ভালবাসে বলিয়াই তাহার প্রেম প্রত্যাখ্যান করিয়াছে, এ বিষয়ে জোসেফের আর বিন্দুমাত্র সন্দেহ রহিল না! তাহার হৃদয়েও স্মৃতিষ্ক ঈর্ষানল জলিয়া উঠিল। কেহই নিজের ভ্রম বুঝিতে পারিল না! রেবেকা তাহাদের উভয়েরই প্রেম প্রত্যাখ্যান করিয়াছে, ইহা বুঝিতে পারিলে তাহাদের বিবাদ আর অধিক দূর অগ্রসর হইত না। কিন্তু একই নারীর প্রতি আসক্ত যুবকদ্বয়ের মন স্মৃতিষ্কিতে আকৃষ্ট হইল না। উভয়েই পরস্পরকে মহাশত্রু মনে করিতে লাগিল।

জোসেফ কঠোরস্বরে বলিয়া উঠিল, “তুমি রেবেকাকে ভালবাস; হাঁ, নিশ্চয়ই ভালবাস! কিন্তু তোমার মত একটা বর্ষের বিদেশীকে ভালবাসার পরিণাম কি, তাহা একদিন সে বুঝিতে পারিবে। স্মৃতিষ্ক অহুশোচনার আশ্রমে তাহার জীবনের সকল সুখশান্তি ভস্মীভূত হইবে।”

কাল্নকি জোসেফের এই তীব্র মন্তব্য সহ্য করিতে পারিল না, সে তৎক্ষণাৎ জোসেফের সম্মুখে লাফাইয়া পড়িয়া ছই হাতে তাহার গলা টিপিয়া ধরিল! কিন্তু জোসেফ কাল্নকি অপেক্ষা বলবান ও ব্যায়ামে স্ননিপুণ ছিল, জোসেফ তাহার কবল হইতে অবলীলাক্রমে মুক্তি লাভ করিয়া উভয় হস্তে তাহাকে উর্দ্ধে তুলিল এবং অদূরবর্তী অটালিকা প্রাচীরে সবলে নিক্ষেপ করিল।

সেই সময় ছই জন পথিক সেই পথে অগ্রসর হইতেছিল, কাল্নকি প্রাচীরগাত্রে নিক্ষিপ্ত হইবামাত্র তাহারা ঘটনা-স্থলে উপস্থিত হইয়া, যুবকদ্বয়ের কলহের কারণ জানিবার

জন্য আগ্রহ প্রকাশ করিল, জোসেফ তাহাদের নিকট কোন কথা প্রকাশ করা অসম্ভব মনে করিয়া নিঃশব্দে সেই স্থান ত্যাগ করিল। কাল্নকি আহত হইলেও অতি কষ্টে ধরাশয্যা ত্যাগ করিল, আঘাতের বেদনা অপেক্ষা পরাজয়ের হীনতার সে অধিকতর কাতর হইল। সে পথিকদ্বয়ের কোন প্রশ্ন কানে না তুলিয়া টলিতে টলিতে জোসেফের অনুসরণ করিল, এবং তাহার সম্মুখে উপস্থিত হইয়া যুদি তুলিয়া বলিল, “শোন জোসেফ কুরেট, আজ তুমি আমার প্রতি যে ব্যবহার করিলে, তোমাকে ইহার অতি ভীষণ প্রতিফল ভোগ করিতে হইবে।”

জোসেফ তখন রাগে ধর ধর করিয়া কাঁপিতেছিল; তাহার সংযম বিলুপ্ত হইয়াছিল। সে তীব্র স্বরে বলিল, “আমাকে ভয় দেখাইতে তোমার লজ্জা হইতেছে না? পুনর্বার যদি আমার অঙ্গস্পর্শ কর, তাহা হইলে আমি তোমাকে মাটিতে ফেলিয়া পিষিয়া মারিব।”

কাল্নকি বলিল, “শুণ্যমীতে আমি অনভ্যস্ত; ইতর শুণ্ডার মত মারামারি করিয়া লোক হাসাইবার জন্য আগ্রহও আমার নাই। কিন্তু পুনর্বার বলিতেছি, তোমাকে অতি কঠিন শাস্তি পাইতে হইবে; তোমার হৃদয়ের শোণিতের বিনিময়ে এই অপমানের ঋণ পরিশোধ করিতে হইবে। তুমি জান না আমি তোমাকে মুঠার পুরিয়াছি; আমার কবল হইতে তোমার নিস্তারলাভের উপায় নাই।”

কাল্নকি সবেগে প্রস্থান করিল। তাহার শেষ কথা-গুলির মর্ম্ম বুঝিতে না পারিয়া জোসেফ অত্যন্ত ভীত ও উৎকণ্ঠিত হইল। কাল্নকির স্পর্ধিত উক্তি কি অর্থহীন প্রলাপ? জোসেফ ইহা বিশ্বাস করিতে পারিল না; তাহার সন্দেহ হইল, কাল্নকি কোন কৌশলে তাহার গুপ্ত কথা জানিতে পারিয়াছে! ইহার ফল কিরূপ শোচনীয় হইতে পারে চিন্তা করিয়া তাহার সর্কাজ ভয়ে কণ্টকিত হইয়া উঠিল। ভাবিয়া সে কিছুই স্থির করিতে পারিল না; অবশেষে সে মনে মনে বলিল, “কাল্নকি ক্রোধাক হইয়া ও কথা বলিয়া গেল; উহার কথার কোন মূল্য নাই! সে আমার কি অনিষ্ট করিবে? আমার গুপ্ত কথা তাহার জানিবার সম্ভাবনা কোথায়?”

কিন্তু মনে মনে এইরূপ তর্ক বিতর্ক করিয়া জোসেফ নিশ্চিন্ত হইতে পারিল না। কি একটা আশঙ্কা ও উদ্বেগ

তাহার মনের ভিতর কাঁটার মত বিধিরা রছিল। অবশেষে সে গৃহে উপস্থিত হইয়া মনে মনে এই সকল কথাই আলোচনা করিতে লাগিল। প্রায় এক ঘণ্টা পরে জোসেফ রেবেকার সহিত সাক্ষাৎ করিয়া তাহাকে জিজ্ঞাসা করিল, “আলেকজান্দার কাল্নকি সম্বন্ধে তুমি সকল কথা জান কি ?”

রেবেকা জোসেফের প্রশ্নে হঠাৎ অত্যন্ত গম্ভীর হইয়া উঠিল, তাহার মুখ শুকাইয়া গেল, সে চঞ্চলভাবে অক্ষুট-স্বরে বলিল, “তুমি ও কথা জিজ্ঞাসা করিতেছ কেন ?”

জোসেফ বলিল, “কারণ আছে; আমার প্রশ্নের উত্তর দিতে পারিবে না ?”

রেবেকা মিনিট দুই নিস্তব্ধ থাকিয়া বলিল, “আমি যাহা জানি, তাহা তোমার নিকট প্রকাশ করিতে বাধা নাই। কাল্নকি একবার আমার নিকট বিবাহের প্রস্তাব করিয়াছিল; কিন্তু আমি তাহা প্রত্যাখান করিয়াছিলাম।”

জোসেফ সহজস্বরে বলিল, “আমি তাহা জানি।”

রেবেকা ক্রুদ্ধিত করিয়া বলিল, “তুমি জান ? এ কথা তুমি কিরূপে জানিলে ?”

জোসেফ বলিল, “কাল্নকিই আমাকে বলিয়াছে।”

জোসেফ সকল বিবরণ সবিস্তার রেবেকার গোচর করিল। তাহার পর সে রেবেকাকে স্তব্ধভাবে বসিয়া থাকিতে দেখিয়া বলিল, “কাল্নকি আমাকে যে কথা বলিয়া ভয় দেখাইয়াছে, তাহাতে সত্যই কি ভয়ের কারণ আছে ?” রেবেকা মুখ ভার করিয়া বলিল, “না আমার ত সেরূপ মনে হয় না। অপমানিত হইলে লোকে কত কথা বলিয়া ভয় দেখায়, তাহার মূলে কি সত্য থাকে ? আমার বিশ্বাস, সে আমাদের কোন গুপ্ত সংবাদ জানে না। সে আর তোমার প্রতি অত্যাচার করিবার চেষ্টা করিবে না, কারণ সে তোমার বলের পরিচয় পাইয়াছে। সুতরাং তুমি কথা হাসিয়া উড়াইয়া দিতে পার।”

এ কথায় জোসেফ অপেক্ষাকৃত নিশ্চিন্ত হইল; কিন্তু তাহার মনের খটকা দূর হইল না। সে সঙ্কল্প করিল, কাল্নকির গতিবিধির প্রতি তীক্ষ্ণ দৃষ্টি রাখিবে; এবং তাহার সন্দেহের কথা শীঘ্রই সলোমন কোহেনের গোচর করিয়া তাহাকে সতর্ক করিবে। সলোমন নিহিলিষ্ট, এ কথা যদি কাল্নকি জানিতে পারিয়া থাকে, তাহা হইলে সকলেরই সর্বনাশ অনিবার্য।

[ক্রমশঃ ।

শ্রীদীনেশকুমার রায় ।

কবে ?

আমার শ্রোত ফুরাবে কবে

আমার কৈ রে পারাবার ?

আমার পথের অন্ত হবে কবে,

আমার কৈ রে পুরীর দ্বার ?

ছুটবে কবে আমার কমল-কলি,

আমার কৈ উষা, কৈ রবি ?

কৈ সুধাকর, প্রাণ-চকোরের মম

তুষা মিটবে কবে সবি ?

কত দেশ ঘুরব লতা হয়ে,

আমার কৈ রে সে বিটপী ;—

তাহার পারে, জড়াবে তার গায়ে

কবে আমার তারে সঁপি ?

মরি আমি মরীচিকার মৃগ,

দূরে কত দূরে জল ?

জলে তুষার তুষানলে দেহ,

হ'ব কখন সুশীতল ?

গ্রীষ্মে আমার যায় পৃথিবী জলে,

কবে আসবে রে বরষা ?

বসন্ত রে আসবে কবে, শীতে

প্রাণের নাই কিছু ভরসা !

নৌকা আমার ছুটছে অকূলেতে,

কবে কূলের পাব দেখা ?

কখন পাব প্রাণের সাথীরে যে,

আমি রইতে নারি একা ।

শ্রীহর্গামোহন কুমারী !



ভারতীয় বিজ্ঞান কংগ্রেস

উদ্ভিদ-তত্ত্ব-বিভাগ

বারাণসী হিন্দু বিশ্ব-বিদ্যালয়ে উদ্ভিদ-তত্ত্ব-বিভাগে এই সভার অধিবেশন হয়। সভাপতি—অধ্যাপক আর, এস, ইনামদার, বি এ, বি এ জি। ভারতের বিভিন্ন প্রান্ত হইতে বহু গণ্য-মান্য বৈজ্ঞানিক এই বিভাগে যোগদান করিতে আসিয়াছিলেন; তাঁহাদের মধ্যে মিঃ ও মিসেস হাওয়ার্ড, ডাঃ সাহ্নি, ডাঃ অগরকার, অধ্যাপক কাশ্যপের নাম উল্লেখ করা যাইতে পারে। সুপ্রসিদ্ধ উদ্ভিদ বৈজ্ঞানিক সার জগদীশচন্দ্র বসু মহাশয়ের উপস্থিতিতে সভার গৌরব যে সমধিক বৃদ্ধি পাইত, ইহাতে কোন সন্দেহ নাই। উদ্ভিদ-তত্ত্বের প্রত্যেক বিষয় সম্বন্ধে গবেষণা-মূলক প্রবন্ধ পঠিত ও আলোচিত হয়। হিন্দু বিশ্ববিদ্যালয়ের অধ্যাপক ইনামদার ও তাঁহার সহকর্মীদের কর্তৃক লিখিত সাতটি মৌলিক প্রবন্ধ আলোচিত হয়। ডাঃ অগরকার পূর্ব-নেপালের বহু স্থান গত চারি বৎসরে ভ্রমণ করিয়া সেই সকল স্থানের উদ্ভিদ-বৃত্তান্ত প্রকাশ করেন। হিমালয়ের উদ্ভিদের পরিচয় তাঁহার মৌলিক প্রবন্ধ হইতে আমরা পাই। সর্বসমেত ৫৬টি মৌলিক প্রবন্ধ এই বিভাগে পঠিত হইয়াছিল।

সভাপতি তাঁহার অভিভাষণে “উদ্ভিদের মধ্যে শারীরিক ক্রিয়ার স্বয়ং ব্যবস্থা” (Auto regulation of Physiological Processes in Plants) সম্বন্ধে বক্তৃতা দেন। নির্জীব পদার্থ-নিচয় ঘেরুপ রসায়ন ও পদার্থ-শাস্ত্রীয় নিয়মের বশীভূত, জীবিত পদার্থ সেইরূপই বশীভূত। কিন্তু জীবিতের মধ্যে এত প্রকার জটিল ক্রিয়া হইতে থাকে যে, প্রথমে মনে সন্দেহ হয় না যে, তাহারা ঐ সকল নিয়ম পালন করিয়া চলে না। কিন্তু বাস্তবিক তাহা নহে। নানা প্রকার

শারীরিক ক্রিয়ার (Physiological processes) প্রকৃতি ও কার্যের আলোচনা করিয়া সার জগদীশচন্দ্র বসু মহাশয়ের “Law of Product” যে সঠিক নহে, ইহা তিনি প্রকাশ করেন। হিন্দু বিশ্ব-বিদ্যালয়ের Laboratoryতে এই বিষয়ে তিনি বহু পরীক্ষা করিয়াছেন; সেই সকল পরীক্ষা হইতে তিনি এই সিদ্ধান্তে উপনীত হইয়াছেন যে, উদ্ভিদের মধ্যে যে সকল নিয়ামক ঘটনা (Regulatory Phenomena) দেখিতে পাওয়া যায়, তাহারা আপনা আপনি হইয়া থাকে; অতঃপর কোন ক্রিয়ার উপর নির্ভর করে না। উদ্ভিদের মধ্যে বিভিন্ন শারীরিক ক্রিয়ার পরস্পরের সম্বন্ধ তিনি বিশেষ করিয়া বর্ণনা করেন এবং বলেন, এই সকল ক্রিয়ার একমাত্র উদ্দেশ্য—যাহাতে উদ্ভিদটি সম্যকরূপে বৃদ্ধি পায়। একটি উদ্ভিদকে কেবলমাত্র জীবিত পদার্থ বলিয়া ভাবিলে চলিবে না, পরন্তু ভাবিতে হইবে যে, তাহারা রাসায়নিক ও পদার্থ-বিজ্ঞান-সম্বন্ধীয় বিভিন্ন ক্রিয়ার ফলে সৃষ্ট বস্তু। তাঁহার মতে এই বিষয়ের ব্যবহারিক ও অব্যবহারিক উভয় দিকেরই যথেষ্ট চর্চা হওয়া আবশ্যিক। উপবর্ণের (Species) উৎপত্তি ও ক্রম-বিকাশ, জীবিত প্রাণীর নির্মাণ-বিধান ইত্যাদি প্রশ্নের সমাধান অব্যবহারিক (Theoretical) দিক চর্চা করিলে করা যাইতে পারে। ব্যবহারিক (Practical) বিষয়গুলি সমাধান করিতে হইলে এই বিষয়ে যাহারা গবেষণায় নিযুক্ত, তাঁহাদিগের সহিত ভারতের বিভিন্ন প্রদেশের সরকারী কৃষি-বিভাগের কর্মচারীদিগের সহযোগিতা একান্ত আবশ্যিক। সভাপতি মহাশয় আশা করেন যে, অদূর-ভবিষ্যতে এরূপ সহযোগিতা নিশ্চিত হইবে।

নৃতত্ত্ব-বিভাগ ১—(Anthropology)

সভাপতি—অধ্যাপক প্রশান্তচন্দ্র মহলানবিশ এম,এ (ক্যাণ্টাব) এই বিভাগে ২২টি মৌলিক প্রবন্ধ গৃহীত হইয়াছিল। “নৃতত্ত্ব” শীর্ষক প্রবন্ধটি প্রথমে পঠিত হয়। মহীশূর প্রদেশান্তর্গত হালগুর, এবং চেমাপুতনার (Chemaputna) সন্নিকটবর্তী কয়েকটি স্থানে বহু প্রাচীন কতকগুলি নৃত্ত্ব-স্তম্ভ দেখা যায়। মিঃ বি, রাও ঐ সকল নৃত্ত্বস্তম্ভের সম্বন্ধে গবেষণা করিয়া তাহাদের বয়স এবং শ্রেণী বিভাগ করেন; তিনি প্রধানতঃ তিন শ্রেণীতে তাহাদিগকে বিভক্ত করিয়াছিলেন,—(১) সমাধিস্তম্ভ (২) বীরোপাসক স্তম্ভ (৩) দেবতার আবাসভূমিজনিত নৃত্ত্বস্তম্ভ।

দ্বিতীয় প্রবন্ধটি মিঃ সম্পৎ আরেক্সার মহাশয় রচনা করিয়াছিলেন। তিনি বহু প্রাচীন কালের কতকগুলি ধাতু-নির্মিত যন্ত্রাদি অবিষ্কার করিয়াছেন; তন্মধ্যে হইতে প্রায় ৪০টি সভায় প্রদর্শন করেন। ঐ শ্রেণীর আধুনিক যন্ত্রাদি অপেক্ষা তাহারা কোন অংশে হীন নহে। তিনি প্রমাণ করেন, বহুপূর্বে দক্ষিণ-ভারতে লৌহের কারখানা ছিল; তথায় সকল প্রকার যন্ত্রাদি নির্মিত হইত।

ধীরেন্দ্রনাথ মজুমদার মহাশয় মধ্য-ভারতের কোল, মুণ্ডা প্রভৃতি জাতিদের ধর্ম, রীতি, আচার, সঙ্গীতচর্চা ইত্যাদি আলোচনা করিয়া তাঁহার গবেষণা ৪টি মৌলিক প্রবন্ধে লিপিবদ্ধ করেন। ঐ সকল জাতি উদ্ভি পরিতে বড় ভাল-বাসে; ইহার কারণ উল্লেখে তিনি দেখাইয়াছেন যে, বিভিন্ন সম্প্রদায়ের বৈশিষ্ট্য রক্ষা করিবার জন্মই উদ্ভির প্রচলন; উহা ধর্মের অন্তর্গত বলিয়া নহে। কোলদের ধর্ম সম্বন্ধে তিনি বিশেষ আলোচনা করিয়াছেন। প্রধান বঙ্গ (হিত-কারী ও অহিতকারী ভূতযোনি) দিগের স্বরূপ ও কার্য্য-বলী, এবং “মাঘো” (শীত), “বা” (বসন্ত), “দেসউলি বঙ্গা” (বীরপূজা), “জন্মাম” ইত্যাদি প্রচলিত উৎসবের বিবরণী প্রকাশ করেন। বিভিন্ন সম্প্রদায়ভুক্ত কয়েক শত কোলের দেহের অঙ্গপ্রত্যঙ্গাদি পরিমাপ করিয়া তাহা-দিগের শারীরিক গঠনের বিশেষত্ব তিনি দেখাইয়াছিলেন; পরিশেষে কোলদের সঙ্গীতাদি আলোচনা করিয়া মজুমদার মহাশয় তাঁহার বক্তব্য সমাপ্ত করেন। অবশিষ্ট যে সকল প্রবন্ধ পঠিত হইয়াছিল, তাহার মধ্যে মিঃ আরেক্সারের মহীশূরের ষোণী সম্প্রদায়ের আচার-ব্যবহার-সংবলিত

প্রবন্ধটি উল্লেখযোগ্য। (Race mixture in Bengal) “বাঙ্গালার বিভিন্ন জাতির সংমিশ্রণ” বিষয়ে সভাপতি মহাশয় বক্তৃতা করেন; তাঁহার বক্তব্য ম্যাজিক লঠন সাহায্যে স্মন্দরভাবে সরস করিয়া তুলিয়াছিলেন। ভারত-বর্ষের বহু জাতির (Caste) এবং সম্প্রদায়ের (Tribe) শারীরিক গঠনের পরিমাপ তিনি সংগ্রহ করিয়াছেন; ইহা হইতে তিনি অনুমান করেন যে, বিভিন্ন জাতির মধ্যে যে সাদৃশ্য দেখা যায়, তাহার কারণ সহজে প্রমাণ করিতে পারা যায় না; তাঁহার মতে ভারতের প্রত্যেক বর্ণের (Caste) সহিত অল্প ছুইটি বর্ণের সাদৃশ্য দেখা যায়; একটি সেই প্রদেশের উচ্চ অথবা হীনবর্ণ, অপরটি ভারতের অল্প প্রদেশের সমবর্ণ। জাতিবর্গের পরস্পরের সাদৃশ্যমূলক পুরাতন মতবাদগুলি বিচার করিয়া তিনি নিজের মত প্রকাশ করেন; অধুনা নৃত্ত্ব, বিজ্ঞান-পর্যায়ভুক্ত হইতে পারে কি না, সে বিষয়ে তিনি যথেষ্ট সন্দেহ প্রকাশ করেন; তবে নৃত্ত্বের আলোচনা যথেষ্ট পরিমাণে হইলে ইহার সাহায্যে বহু সিদ্ধান্তে উপনীত হইতে পারা যাইবে বলিয়া আশা করা যায়।

প্রাণি-তত্ত্ব-বিভাগ—(Zoology)

সভাপতি—ডাঃ বেণীপ্রসাদ ডি, এম্ সি।

এই বিভাগে সর্বশুদ্ধ ২৫টি মৌলিক প্রবন্ধ গৃহীত হইয়াছিল। সুপ্রসিদ্ধ প্রাণিতত্ত্ববিদ ডাঃ বেণীপ্রসাদ মহাশয় সভাপতির আসন অলঙ্কৃত করিয়াছিলেন। তিনি তাঁহার অভিভাষণে শমুকজাতীয় জীবের খাসেন্দ্রিয়ের ক্রম-বিকাশ (Evolution of gills in gastropod) সম্বন্ধে তাঁহার গবেষণার ফল প্রকাশ করেন। প্রত্যেক যুগের প্রাণী পরীক্ষা করিয়া কিরূপে ধীরে ধীরে খাসেন্দ্রিয়ের বিকাশ হইয়াছে, তাহা তিনি অতি স্মন্দরভাবে বর্ণনা করিয়াছিলেন। হিন্দু বিশ্ব-বিদ্যালয়ের অধ্যাপক চন্দ্রভাল জলোকার বীর্ঘ্য-কীট সম্বন্ধে গবেষণা করিয়া প্রবন্ধ প্রকাশ করিয়াছিলেন। তিনি বলেন যে, ইহারা অতি ক্ষুদ্র এবং লক্ষ লক্ষ কীট একত্র বাস করে। অণুবীক্ষণ যন্ত্রে ইহাদের আকার তিনি পরীক্ষা করিয়াছেন; দৈর্ঘ্যে ইহারা মাত্র ০.৩০৬ মিলিমিটার (Millimeter); কাষেই ইহাদিগকে সহজে দেখিতে পাওয়া যায় না। কোষের মধ্য হইতে

বেখানে উহারা সৃষ্ট হয়—সেখানে উহারা একটি নলের মধ্য দিয়া বহির্গত হইয়া যায়। হিন্দু বিশ্ব-বিদ্যালয়ের প্রধান অধ্যাপক ডাঃ মেহরা একটি অল্প জীবাণু কীট (Parasite) আবিষ্কার করিয়াছেন, তাহারই বিবরণী তিনি তাঁহার মৌলিক প্রবন্ধে প্রকাশ করেন। এই প্রকার কীট ভেকের উদরের নাড়ীর ভিতর বাস করিয়া থাকে। ইহাদের আকার চেপ্টা এবং দৈর্ঘ্যে ইহারা প্রায় ৬ ইঞ্চি। ইহারা শরীরের অগ্রভাগ দ্বারা নাড়ীর পার্শ্ব-গাত্রে সংযুক্ত হইয়া থাকে এবং সংযুক্ত হওয়ারাকালীন মুখ ঘুরাইয়া চতুর্দিক হইতে খাদ্য সংগ্রহ করে। ভেকের অঙ্গ হইতে বাহির করিলে প্রায়ই ইহারা বাঁচে না; কিন্তু উপযুক্ত খাদ্য প্রদান করিয়া দুই একটিকে জীবিত রাখিতে পারা যায়, ইহা দেখা গিয়াছে।

শ্রীনগরে প্রায় ২ মাস অবস্থান করিয়া মিঃ বি, কে, মল্লিক এবং মিঃ বি, এল, ভাটিয়া প্রায় ৩১ প্রকার প্রোটোজোয়া পরীক্ষা করিয়া তাঁহাদের গবেষণা প্রকাশ করিয়াছিলেন। এই সকল প্রাণী আবদ্ধ জলে বাস করিয়া থাকে; বিশেষতঃ যেখানে জলজ উদ্ভিদ থাকে, সেখানে ইহাদিগকে অধিক সংখ্যায় দেখা যায়। ডালহুদ এবং অন্টাগ হুদ হইতে ইহাদিগকে লইয়া বৈজ্ঞানিকদ্বয় গবেষণা করিয়াছিলেন। তাঁহাদের মতে এখানে যে সকল জাতি (Species) দেখিতে পাওয়া যায়, তাহাদের মধ্যে ১৭ প্রকার ভারতের অন্তর্গত কোথাও দেখিতে পাওয়া যায় না; তিনটি ব্যতিরেকে অপরগুলিতে স্থানীয় বিশেষত্ব বিশেষ কিছু দেখা যায় না; যুরোপ ও আমেরিকার বিভিন্ন প্রান্তে প্রাপ্ত প্রোটোজোয়ার বর্ণনার সহিত ইহাদের প্রভেদ অতি অল্পই দেখা যায়। বোলতার একটি বৃহৎ চাকের বর্ণনা মিঃ চোপরা তাঁহার প্রবন্ধে প্রকাশ করিয়াছিলেন। এই চাকটি সম্প্রতি Zoological Survey of India কর্তৃক অধিকৃত হইয়াছে; উহার আকার অনেকটা নাশপাতির মত এবং ইহা দৈর্ঘ্যে ৩ ফুটেরও অধিক। ইহাতে মাত্র দুইটি দ্বার আছে এবং একটি স্তর দ্বারা সম্পূর্ণ আবৃত। মিঃ এস, কে, দত্ত গঙ্গাজল হইতে প্রাপ্ত Rhadscacid Turdellarianএর শারীরিক বৃত্তের বিষয় পরীক্ষা করিয়াছেন। তিনি বলেন যে, এরূপ প্রাণী গঙ্গার অতি অল্পই আবিষ্কৃত হইয়াছে; ইহাদের প্রকৃতি আমরা বিশেষ অবগত নহি; কায়েই ইহাদের বিষয় বিশেষ পরীক্ষা করা আবশ্যিক।

রসায়ন-বিভাগ

হিন্দু বিশ্ববিদ্যালয়ের রসায়ন-বিভাগে এই সভার অধিবেশন হয়। সভাপতি—ডাঃ জ্ঞানচন্দ্র ঘোষ ডি, এস, সি। ভারতের রসায়নবিদ পণ্ডিতগণ উপস্থিত থাকিয়া এই সভার অশেষ গৌরব বৃদ্ধি করিয়াছিলেন। অন্টাগ বিভাগ অপেক্ষা এই বিভাগে সদস্যসংখ্যা অধিক ছিল। এই বিভাগে ১০৮টি মৌলিক প্রবন্ধ গৃহীত হয়। উপস্থিত বৈজ্ঞানিকদিগের মধ্যে আচার্য্য প্রফুল্লচন্দ্র রায়, ডাঃ জ্ঞানচন্দ্র মুখোপাধ্যায়, ডাঃ নীলরতন ধর, ডাঃ মেঘনাদ সাহা, ডাঃ দে, ডাঃ গুয়ামসন, ও ডাঃ ভাটনাগরের নাম সবিশেষ উল্লেখযোগ্য। হিন্দু বিশ্ববিদ্যালয়ের ছাত্রবর্গ অধ্যাপক ডাঃ ভাটনাগরের তত্ত্বাবধানে ৬টি মৌলিক পরীক্ষামূলক প্রবন্ধ রচনা করিয়াছিলেন; ঐ রচনাগুলির মধ্যে শ্রীমান আশুতোষ গাঙ্গুলীর রচনা উপস্থিত বৈজ্ঞানিকগণ কর্তৃক বিশেষ প্রশংসিত হইয়াছিল। অধ্যাপক জ্ঞানচন্দ্র ঘোষ আলোক-রসায়ন (Photo Chemistry) সম্বন্ধে তাঁহার অভিভাষণ পাঠ করেন। আলোক-রসায়ন শাস্ত্রে ডাঃ ঘোষ গবেষণা করিয়া যে সমস্ত নূতন তথ্য আবিষ্কার করিয়াছেন, তাহাই তিনি প্রকাশ করেন। আলোক-রসায়ন ক্রিয়াকে তিনি প্রধানতঃ দুই ভাগে বিভক্ত করিয়াছিলেন।

(১) দুই বা ততোধিক দ্রব্যের সংমিশ্রণে নূতন দ্রব্য সৃষ্ট হয়; যে সমস্ত রাসায়নিক ক্রিয়ায় এই নূতন দ্রব্যের কার্যকরী ক্ষমতা (Energy) মূল দ্রব্যগুলি হইতে অধিকতর।

(২) যে সমস্ত ক্রিয়ার মূল দ্রব্যগুলির কার্যকরী ক্ষমতা সৃষ্ট নূতন পদার্থ হইতে অধিকতর।

আলোক-রাসায়নিক ক্রিয়াগুলির মূল প্রকৃতি এবং এই বিষয় সম্বন্ধে প্রচলিত মতবাদগুলি (Theory) তিনি বিশদরূপে বর্ণনা করেন। তাঁহার মতে যে সকল ঘটনার ফলে প্রকাশ-বিসর্জক শক্তি (Radiant Energy) রসায়ন-সম্বন্ধীয় শক্তিতে পরিবর্তিত এবং রসায়ন-সম্বন্ধীয় শক্তি (Chemical Energy) প্রকাশ-বিসর্জক শক্তিতে পরিবর্তিত হয়, সেই সমুদায় ঘটনা আলোক-রসায়ন শাস্ত্রের অন্তর্গত। তিনি বলেন যে, আলোক-রসায়ন এবং তরলতার বৃদ্ধিও কার্বন্ ডাই-অক্সাইড (Carbon di-oxide) গ্রহণের মধ্যে যথেষ্ট সম্বন্ধ আছে; এইরূপ প্রাকৃতিক অনেক

ঘটনার প্রকৃতি আলোক-রসায়ন শাস্ত্রের সাহায্যে অবগত হইতে পারা যাইবে। রসায়ন শাস্ত্রের এই অংশ অবগত হইবার জন্ত সভাপতি মহাশয় গবেষণার আত্মনিয়োগ করিয়াছেন এবং এত অল্প সময়ের মধ্যে এতদূর সফল-কাম হইয়াছেন যে, বৈজ্ঞানিক জগতের সর্বত্র পরিচিত ও সম্মানিত হইয়াছেন।

এই বিভাগে যে সমস্ত মৌলিক প্রবন্ধ পঠিত হয়, তাহার অধিকাংশ ডাঃ ভাটনাগর, ডাঃ নীলরতন ধর, ডাঃ জ্ঞানচন্দ্র

পদার্থের পরীক্ষা করিলে দেখা যায় যে, প্ল্যাটিনম্ ধাতুর Valency স্থির থাকে না; পরস্তু প্রত্যেক বারেই পরিবর্তিত হইয়া যায়। ত্রীযুক্ত পঞ্চানন নিয়োগী তাঁহার প্রবন্ধে দেখাইয়াছেন যে, কি কি কারণের জন্ত লৌহে মরিচা পড়ে এবং তাহার নিবারণের উপায়ই বা কি?

এই বিভাগে ভারতীয় রাসায়নিক সমাজের প্রথম অধি-বেশন, সার প্রফুল্লচন্দ্র রায় মহাশয়ের সভাপতিত্বে হইয়া-ছিল। ডাঃ জ্ঞানচন্দ্র মুখোপাধ্যায় (সম্পাদক) মহাশয় বলেন



বাম হইতে দক্ষিণে—(১) অধ্যাপক কে, কে, ম্যাথু; (২) অধ্যাপক আর, এস, ইনামদার; (৩) হিন্দু বিশ্ববিদ্যালয়ের অধ্যক্ষ এ, বি, ক্রব; (৪) আচার্য প্রফুল্লচন্দ্র রায়; (৫) ডাক্তার নীলরতন ধর; (৬) অধ্যাপক শ্রামচরণ দে; (৭) অধ্যাপক এম, বি, রেনে।

মুখোপাধ্যায় কর্তৃক রচিত হইয়াছিল। আচার্য সার প্রফুল্ল-চন্দ্র রায় মহাশয় প্ল্যাটিনম্ ধাতুর Valencyর ভিন্নতা (Varying Valency of Valency) সম্বন্ধে সারগর্ভ পরীক্ষামূলক মৌলিক প্রবন্ধ রচনা করিয়াছিলেন। তিনি দেখাইয়াছেন যে, প্ল্যাটিনম্ ক্লোরাইডের (Platinum chloride) সহিত ডাই ইথিল সাল্ফাইডের (Di Ethyl Sulphide) সংমিশ্রণফলে ভিন্ন ভিন্ন যৌগিক পদার্থের (compound) সৃষ্টি হয়; এবং প্রকারে প্রস্তুত প্রত্যেক

যে, এই সমাজে প্রায় ১ শত ৭০ জন সদস্য মনোনীত হইয়া-ছেন এবং কলিকাতা বিশ্ববিদ্যালয় বৎসরে ১ হাজার, ৫ শত টাকা এবং ভারতের অন্যান্য বিশ্ববিদ্যালয়ও অর্থ-সাহায্য করিতে প্রতিশ্রুত হইয়াছেন। তিনি আরও বলেন যে, ভার-তীয় রাসায়নিক সমাজ প্রতিষ্ঠিত হইয়াছে, ইহা ওনিয়া যুরোপ ও আমেরিকার বহু রাসায়নিক সমাজ আনন্দবার্তা জ্ঞাপন করিয়াছে। সার প্রফুল্লচন্দ্র রায় মহাশয় তাঁহার অভিভাবে বলেন যে, রোম ও গ্রীক সভ্যতার বহু পূর্বে ভারতীয়রা

পরীক্ষামূলক পদ্ধতি অবগত ছিলেন এবং অনেক বৈজ্ঞানিক তথ্য আবিষ্কার করিয়াছিলেন। পাশ্চাত্য জগতের বিজ্ঞান-সেবার তিনি অশেষ প্রশংসা করেন এবং আশা করেন, ভারতের গৌরব-রবি বাহা অধুনা অন্তর্মিত হইয়াছে, তাহার পুনরুদয় পাশ্চাত্যবাসীদের সহিত সহযোগিতায় কার্য করিলে অতি শীঘ্র হইবে; সে দিন প্রাচ্য ও প্রতীচ্য মিলিত হইয়া মানবের হিতকর বহু কার্য্য করিতে সমর্থ হইবে। তিনি বলেন যে, রাজনীতিক মত-ভেদ অবশ্য থাকিবে; কিন্তু বিজ্ঞানন্দিরে প্রবেশ করিলে জাতি, বর্ণ, ধর্মের কিছুই প্রভেদ থাকিবে না। সভাপতির অভিভাষণ ম্যাজিক লণ্ঠন সাহায্যে অতিশয় হৃদয়গ্রাহী হইয়াছিল।

ডাঃ ফুট্টার সভাপতি মহোদয়কে ধন্যবাদ প্রদান করিয়া বলেন যে, রাজনীতি-ভেদ ভুলিয়া বৈজ্ঞানিক গবেষণায় আত্মনিয়োগ করা একান্ত আবশ্যিক।

মনোবিজ্ঞান-বিভাগ—(Psychology)

সভাপতি—অধ্যাপক নরেন্দ্রনাথ সেন গুপ্ত, এম, এ, পি,



বামে—নরেন্দ্রনাথ সেন গুপ্ত



শ্রীশিবপ্রসাদ চট্টোপাধ্যায়

এচ, ডি। মনোবিজ্ঞান-বিভাগের অধিবেশন এই বৎসর প্রথম হয়। প্রথম সভাপতি বঙ্গের এক জন স্মৃতি সন্তান নির্বাচিত হইয়াছিলেন, বাঙ্গালীর এ পরম সৌভাগ্যের কথা। ডাঃ সেন গুপ্ত মহাশয় কলিকাতা বিশ্ববিদ্যালয়ের বিজ্ঞান কলেজের মনোবিজ্ঞানের অধ্যাপক। তিনি এক জন প্রথম শ্রেণীর বৈজ্ঞানিক, তাঁহার পরীক্ষাগারে গবেষণায় আত্মনিয়োগ করিয়া তিনি নূতন নূতন বৈজ্ঞানিক তথ্য আবিষ্কার করিয়া বিশ্বের জ্ঞান-ভাণ্ডারের শ্রীবৃদ্ধি করিতেছেন। প্রায় ২৫টি মৌলিক প্রবন্ধ এই বিভাগে গৃহীত হইয়াছিল; সভাপতি মহাশয় তাঁহার অভিভাষণে ভারতে মনোবিজ্ঞানের উপযুক্ত চর্চা না হওয়ার জন্য দুঃখ প্রকাশ করিয়া বলেন যে, কিরূপ পদ্ধতি অবলম্বনে শিক্ষার প্রচলন হওয়া উচিত ইত্যাদি বহু প্রয়োজনীয় বিষয়ের মীমাংসা মনোবিজ্ঞানের সাহায্যে করা যাইতে পারে। তিনি বলেন যে, পাশ্চাত্য জগতে মনোবিজ্ঞানের অশেষ উন্নতি হইয়াছে; পুরাতন মতবাদগুলি পরিত্যক্ত হইয়া নূতন নূতন মতবাদের সৃষ্টি হইতেছে; অধুন মনোবিজ্ঞান ক্ষুদ্র গণ্ডীর মধ্যে আবদ্ধ নহে; ইহার কার্যকরী শক্তি অত্যন্ত; পাশ্চাত্য

বৈজ্ঞানিকরা ইহার সাহায্যে সভ্য জগতের সর্বত্র জাতির মানসিক শক্তির বৃদ্ধি করিতেছেন; কিন্তু চূর্ভাগ্যবশতঃ ভারতে ইহার সম্যক চর্চা না হওয়ার ফলে ইহার কিছুমাত্র প্রভাব ভারতে দেখা যায় না। ভারতে প্রায় শতাধিক শিক্ষালয়ে ইহার শিক্ষা দেওয়া হইয়া থাকে, কিন্তু তত্রাচ বহু বিষয় যাহা মনোবিজ্ঞান সাহায্যে স্থির করা যাইতে পারে, তাহা অসীমায়িত হইয়া রহিয়াছে। শিক্ষা-সমস্তা আমাদের দৃষ্টি সর্বপ্রথমে আকৃষ্ট করে; অধুনা যে প্রণালীতে শিক্ষা দেওয়া হইতেছে, তাহা ভারত-সন্তানের মনের উপর কিরূপ প্রভাব বিস্তার করিতেছে, তাহার আলোচনা হওয়া উচিত। ভারত-সন্তানের বয়ো-বৃদ্ধির সহিত মানসিক শক্তি কি ভাবে বিকাশ লাভ করে এবং তাহার সহিত সামঞ্জস্য রক্ষা করিয়া বিভিন্ন বয়সের জন্ত শিক্ষার বিভিন্ন বিষয়গুলি কিরূপে নির্বাচন করিতে হইবে, স্থির করিতে হইলে মনোবিজ্ঞানের সাহায্য লওয়া আবশ্যিক। ইহা ব্যতিরেকে সামাজিক মনস্তত্ত্বের বহু অসীমায়িত বিষয়ের মীমাংসা হওয়া অতি প্রয়োজনীয়। ভারতীয় সভ্যতার ইতিহাস মনোবিজ্ঞান সাহায্যে সঠিক অবগত হইতে পারা যায়; কিন্তু ছুঃখের বিষয়, এতাবৎকাল পর্যন্ত ইহার কোন চেষ্টা দেখা যায় নাই। আমরা অতীতের মহিমা অবগত

হইতে সচেতন; কিন্তু মনোবিজ্ঞানের সাহায্য না লওয়ার ফলে আমাদের পূর্বেপুরুষ আর্থ্য ঋষিগণের মানসিক ক্ষমতার ক্রম-বিকাশ এবং তাহার যথার্থ পরিমাপে আমরা অসমর্থ। জাতীয় জীবনের উন্নতি করিতে হইলে আমাদের অনেকখানি শক্তি এই বিষয়ে প্রয়োগ করা উচিত। ভারতে মনোবিজ্ঞানের উন্নতি না হওয়ার কারণ সভাপতি মহাশয় বলেন যে, আমাদের দেশে এই বিজ্ঞান এ যাবৎকাল পর্যন্ত পৃথিব্যত বিজ্ঞান-ভাবে শিক্ষা দেওয়া হইত; কিন্তু ইহার সিদ্ধান্তগুলির সত্যতা পরীক্ষাগারে পরীক্ষা করা হইত না। এ বিষয় যথার্থরূপে শিক্ষা দিতে হইলে পরীক্ষাগার (Laboratory) স্থাপন করিয়া হাতে-কলমে শিক্ষা দেওয়া উচিত। এ বিষয়ে কোন সন্দেহ নাই। পরীক্ষাগার স্থাপনে বিশেষ অর্থ-ব্যয় হয় না; কিন্তু তত্রাচ ভারতীয় বিশ্ববিদ্যালয়ে এবং কলেজে পরীক্ষাগার স্থাপিত না হওয়ার কারণ কি বৃদ্ধিতে পারা যায় না। সভাপতি মহাশয় তাঁহার অভিভাষণের শেষে বলেন যে, মনোবিজ্ঞান যথার্থভাবে শিক্ষা দিতে হইলে এবং প্রয়োজনীয় বিষয়গুলির মীমাংসা করিতে হইলে ভারতীয় মনোবৈজ্ঞানিক-দিগের একযোগে কার্য করা আবশ্যিক।

শ্রীশিবপ্রসাদ চট্টোপাধ্যায়।

সন্ধ্যা

অস্ত রবির কনক আভায়
গাছের পাতা রাঙিয়ে দিয়ে
পুরবের কোন্ স্মৃতি হ'তে
সন্ধ্যা আসে জগৎ ছেয়ে।
শান্ত জগৎ শান্তির আশায়
সাঁজের কোলে বাঁপিয়ে পড়ে
সে-ও যে তাহার ধূসর বাসটা
ছড়িয়ে দেছে জগৎ জুড়ে।

কল্প অস্তে কুবকের দল
আনন্দেতে ফিরছে ঘরে
শান্ত সাঁজের মধুর ছবি
দেখছে তথা প্রাণটা ভ'রে।
বিহগ-নিচর আপন গানে
পল্লীটাকে মুখর ক'রে
পল্লীমাঝে স্বরগ-ছবি
আনন্দেতে তুলছে গ'ড়ে।

শান্তি-হারি বিরাম-বিহীন
চলছি আমি অবিরত
কবে হবে সন্ধ্যা আমার
চলবই বা আবার কত ?

শ্রীঅমরেন্দ্রনাথ দে

রূপের মোহ



অষ্টম পরিচ্ছেদ

“চমৎকার!—অতি অপূর্ণ!—এমন আর দেখি নাই!”

“রমেন বাবু, আপনি কবি, এ সৌন্দর্যের রস ত আপনি ভালরকমই বুঝবেন; কিন্তু বাস্তবিক এ দৃশ্যে আমাদেরও প্রাণ কানায় কানায় ভরে উঠেছে; কেমন, না, বৌদি?”

সরযুর প্রশ্নের কোন উত্তর না দিয়া অমিয়া দিক্‌চক্রবালে দৃষ্টি নিবদ্ধ করিয়া রহিল। সীমাহীন সমুদ্রের অগাধ জলরাশি প্রভাত-আলোকস্পর্শে শিহরিয়া উঠিতেছিল। তরুণ তপন যেন নাচিতে নাচিতে সমুদ্রগর্ভ হইতে এক লক্ষ্যে প্রাচী আকাশে আসন গ্রহণ করিল! মুহূর্ত্তে যেন সমুদ্রের জলরাশির বর্ণ পরিবর্তিত হইয়া গেল। অসহ্য পুলকে অধীর হইয়া গভীর-গর্জনে তরঙ্গের পর তরঙ্গ আসিয়া তটভূমিতে আছাড় খাইতে লাগিল। দূরে—বহু দূরে—যত দূর দৃষ্টি চলে, শুধুই জলবিস্তার! কোথায় ইহার শেষ?—পরপারে সে কোন্ রাজ্য? জলধিবক্ষে কুহেলিকার ধ্বংস যবনিকা ছলিতেছিল, তাহার অপর প্রান্তে কোন্ মায়াময় পুরীর সন্ধান পাওয়া যাইতে পারে?

মুগ্ধের স্থায় সকলেই সেই বিচিত্র রূপের আধার সমুদ্রের পানে চাহিয়া ছিল। সুরেশচন্দ্র বহু বার সমুদ্র দেখিয়াছেন, জাহাজে চড়িয়া দিনের পর দিন যাপন করিয়াছেন; কিন্তু তথাপি তাঁহারও চিত্ত এ দৃশ্যে অভিভূত হইল। অনন্ত রূপবৈচিত্র্যময় সমুদ্র চিরদিনই নূতন—বৈচিত্র্যই ইহার বৈশিষ্ট্য। যত দেখ, কিছুতেই তৃপ্তি নাই, প্রতি বারই মনে হইবে, এমন আর দেখি নাই। প্রতিদিনই নূতন ছবি—প্রতি মুহূর্ত্তেই বর্ণ-পরিবর্তন।

সূর্যোদয়ের সঙ্গে সঙ্গেই বাতাস ক্রমশঃ প্রবল হইতে লাগিল। ধীবরগণ নৌকা সমুদ্রে ভাসাইয়া দিল। তরঙ্গের নৃত্যলীলার সঙ্গে সঙ্গে ডিক্‌গুনি একবার তরঙ্গশীর্ষে চড়িয়া বসিতেছিল, আবার কোথায় অন্তর্হিত হইতেছিল। সরযু নির্ঝাক বিশ্বয়ে সমুদ্রচারী ধীবরদিগের দুঃসাহস-লীলা দেখিতেছিল। সহসা শিহরিয়া সে বলিয়া উঠিল, “ওদের ভয় নেই?—এখনই ডুবে যাবে যে!”

পার্শ্বে ই সুরেশচন্দ্র দাঁড়াইয়া ছিলেন; তিনি বাগলেন, “সে ভয় ওদের নেই। এ সব নৌকো সহজে ডোবেও না।”

ক্রমে রৌদ্রের উত্তাপ বাড়িয়া উঠিল। তখন প্রাতঃভ্রমণ সারিয়া সকলে গৃহাভিমুখে ফিরিয়া চলিল। সুরেশচন্দ্রের বাসাও সমুদ্রতটে। তিনিও সকলকে লইয়া বাসার দিকে চলিলেন।

বাড়ীটি খুব বড় নহে। বাহিরের দিকে একটি বড় ঘর। সুরেশ ও রমেন্দ্র এই ঘরটি দখল করিয়াছিলেন। দুই দিকে দুইখানা ক্যাম্পখাট, মধ্যে একটা ছোট টেবল। অন্তরের দিকে দুইটি ঘর। যেটি বড়—অমিয়া ও সরযু তাহাতে থাকিত। কোণের ঘরটি পিসীমার অধিকারে ছিল। পাক-গৃহের সংলগ্ন দুইটি ঘরের একটিতে চাকর, ব্রাহ্মণ রাত্রিতে শয়ন করিত, অপরটিতে আহালাদি হইত। পিসীমার রন্ধনাদি বারান্দার এক প্রান্তে হইত। প্রত্যেক শয়নকক্ষে যাইবার জন্ত ভিতর হইতে একটি করিয়া অতিরিক্ত দরজা ছিল। অন্তরের ঘর হইতে বাহিরের ঘরে আসিবার দরজাটি বন্ধ থাকিত, সুতরাং সুরেশচন্দ্র ও রমেন্দ্র নিশ্চিন্তভাবে বাহিরের ঘরটি অধিকার করিয়া রাখিয়াছিলেন।

বাসায় ফিরিয়া চা-পান করিয়া সুরেশচন্দ্র বলিলেন, “আমি একবার খানিক ঘুরে আসি। বাজারের দিকেও যাব; তুমি যাবে, না লিখবে?”

রমেন্দ্র তখন কবিতার খাতা খুলিয়া বসিয়াছিল। সে বলিল, “না ভাই, এ বেলা আর নড়ছি না। কবিতাটা আজ শেষ করতেই হবে।”

“তবে তুমি থাক” বলিয়া সুরেশচন্দ্র ছড়ি হাতে লইয়া বাহির হইলেন।

রমেন্দ্রনাথ সমুদ্রের দিকে মুখ করিয়া বসিল।

কক্ষ নির্জন; বাতায়নপথে সীমাহীন জল-বিস্তার দেখা যাইতেছিল। অবিশ্রান্ত তরঙ্গ-গর্জনের তৈরবরাগ কি মধুর, কি অপূর্ণ! রমেন্দ্রের হৃদয়ে কল্পনার প্রবাহ ছুটিতেছিল। সে ধ্যানের চিত্র অক্ষরে ফুটাইয়া তুলিতে লাগিল।

বহুকণ পরে রচনা সমাপ্ত হইল। স্বস্তির একটা নিঃশ্বাস ফেলিয়া কবি, রচিত কবিতাটি একবার পড়িয়া লইল। হৃদয়ের অন্তঃপুরে যে চিত্র ফুটিয়া উঠিয়াছিল, তুলিকাঘাতে তাহার সৌন্দর্য্য কি সম্পূর্ণরূপে সে ব্যক্ত করিতে পারিয়াছে? না—তাহা অসম্ভব। কেহ কোন দিন তাহা পারে নাই, সে-ই বা পারিবে কিরূপে!

রমেন্দ্র উঠিয়া দাঁড়াইল। তাহার চিত্ত এখন অপেক্ষাকৃত লঘুভার—প্রসন্ন। বড়ীর দিকে চাহিয়া সে দেখিল, প্রায় দুই ঘণ্টা সে ভারতীর আরাধনা করিয়াছে।

আজ পাঁচ দিন তাহার পুরীধামে আসিয়াছে। এই কয় দিন ধরিয়া তাহার জীবনও যেন একটা নূতন পথে চলিয়াছে। অনাস্বাদিতপূর্ণ কোন রস ও সৌন্দর্য্যের পূর্ণপাত্র কেহ যেন তাহার হৃদয়ের উপকূলে দাঁড়াইয়া তাহারই ওষ্ঠপ্রান্তে ধরিয়া রাখিয়াছে, কোন এক বিচিত্র মুহূর্ত্তে হয় ত সে তাহা আকর্ষণ পান করিয়া চরিতার্থতালাভ করিতে পারে, এমনই একটা ভাব আজ কয়দিন হইতে তাহার চিত্তকে মুগ্ধ করিয়া রাখিয়াছে।

বাতায়নপথে সে দেখিতে পাইল, শত শত পুণ্যকামী নরনারী সমুদ্রে স্নান করিতে নামিয়াছে। দেখিবামাত্র সমুদ্রস্নানের জন্ত তাহার চিত্ত অধীর হইয়া উঠিল। প্রথম দিন স্নান করিতে নামিয়া সে বড় বিব্রত হইয়া পড়িয়াছিল। সমুদ্রস্নানের নিয়ম সে জানিত না। অগ্ন্যন্ত অনভিজ্ঞ

স্নানার্থীর শ্রায় তটভূমিতে দাঁড়াইয়া স্নান করিতে গিয়া, তরঙ্গাঘাতে বেলাত্নমতে লুপ্তিত হইয়াছিল। তাহার পর এ কয়দিন সে সমুদ্রস্নানের দিকে ঘেসিত না। আজ কথাগুলো সুরেশচন্দ্রের নিকট হইতে স্নানের কৌশলটি সে জানিতে পারিয়াছিল। অগাধ জলরাশির মধ্যে তরঙ্গের উপর চড়িয়া স্নানের যে কি অপূর্ণ আনন্দ, আজ তাহা উপভোগের জন্ত রমেন্দ্র প্রস্তুত হইল।

তৈলমর্দনাস্তে ‘গামোছা’ লইয়া সে বাহির হইল। এমন সময় পশ্চাৎ হইতে মধুর বামাকণ্ঠে কেহ বলিল, “রমেন বাবু, স্নানে যাচ্ছেন না কি?”

রমেন্দ্র ফিরিয়া দেখিল, সরযু ও অমিয়া।

সরযু বলিল, “আমরাও যাচ্ছি, দাঁড়ান।”

রমেন্দ্র সবিস্ময়ে বলিল, “সমুদ্রস্নান আপনাদের মত বাঙ্গালীর মেয়ের সাজে না—বড় মুক্কিলে পড়বেন।”

সরযু হাসিয়া বলিল, “আপনি নিশ্চিত থাকুন, আমাদের জন্ত কোন ভয় নেই। আজ নতুন নয়, আমরা রোজই স্নান করি। চলুন, দেখবেন, তরঙ্গ আমাদের কোন ক্ষতি করতে পারবে না।”

রমেন্দ্র একবার উভয়ের বেশের দিকে চাহিয়া প্রশংসাত্মক ভাবে বলিল, “সেমিজের উপর মোটা কাপড় পরেছেন, এটা খুব বুদ্ধিমতীর মত কাঁচ হয়েছে বলতে হবে।”


সরযু বলিল, “আমাদের অভিজ্ঞতার অল্প পরিচয়ও স্নানের সময় দেখতে পাবেন। চলুন না।”

তিন জন স্নানের ঘাটের দিকে চলিলেন। নিকটেই “স্বর্গছয়ার!”

নবম পরিচ্ছেদ

পূর্ণরাত্রিতে সামান্য ঝড় হইয়া গিয়াছিল, কিন্তু প্রভাতের পর হইতে গভীর রজনীর চর্যোগের কোন লক্ষণই প্রকৃতিতে বিদ্যমান ছিল না। আকাশ মেঘশূন্য; সূর্য্যের অগ্নান জ্যোতিঃ সমুদ্রবক্ষে নব নব বর্ণরাগের প্রকাশ করিতেছিল। শুধু তরঙ্গগুলি অল্প দিনের তুলনায় বিপুলকায়।

পুরীর সমুদ্র ঘাঁহারা দেখিয়াছেন, তাঁহারা জানেন, তটভূমি হইতে সমুদ্রবক্ষের কিয়দূর পর্যন্ত জলের গভীরতা তেমন বেশী নহে। যতদূর ইচ্ছা নামিয়া স্নান করা যাইতে



ধ্যানে

বঙ্গমতী প্রেস]

[শিল্পী—শ্রীচারুচন্দ্র সেন ওপ্ত ।

পারে, বিপদের কোন আশঙ্কা নাই। শুধু তরঙ্গ যখন গভীর গর্জনে ছুটিয়া আইসে, সেই সময় মাথা পাতিয়া দাও, তরঙ্গ তোমার কোনরূপ অনিষ্ট না করিয়া চলিয়া যাইবে, অথবা একটু লাফাইয়া উঠ, অমনই তরঙ্গ তোমাকে মাতার স্থায় স্নেহে কোলে তুলিয়া লইয়া আবার সেইখানেই দাঁড় করাইয়া দিয়া চলিয়া যাইবে। যদি বা দৈবাৎ পদশালন ঘটে, তাহাতেও কোন বিপদের আশঙ্কা নাই; অথ তরঙ্গ আসিয়া তোমাকে কূলে রাখিয়া যাইবে। প্রবাদ আছে, সমুদ্র কাহারও দান গ্রহণ করে না। কোন কিছু ফেলিয়া দাও, তরঙ্গ পর-মুহূর্ত্তে তাহা তোমার কাছেই রাখিয়া যাইবে।

স্বর্গস্থানের ঘাটে বহু নরনারী স্নান করিতেছিল। রমেন্দ্র, অমিয়া ও সরযু তথায় আসিল। প্রতি মুহূর্ত্তেই তরঙ্গ তটভূমি প্লাবিত করিয়া যাইতেছিল। কোন কোন তরঙ্গ অল্পদূর আসিয়াই ভাঙ্গিয়া পড়িতেছিল। অনভিজ্ঞগণ তটভূমিতে জাহ্নু পাতিয়া, মাথা বাড়াইয়া তরঙ্গপ্রবাহে স্নান সারিতেছিল। কেহ অসতর্ক হইলেই বেলাভূমিতে তাহার দেহ গড়াগড়ি যাইবে।

রমেন্দ্র দেখিল, অমিয়া ও সরযু অবলীলাক্রমে সমুদ্রগর্ভে নামিয়া যাইতেছে। তরঙ্গ-পীড়নে তাহাদের কোন অনিষ্ট হইল না। অপূর্ণ কৌশলে তাহারা তরঙ্গের সঙ্গে সঙ্গে নামিতে নামিতে, উঠিতে উঠিতে অগ্রসর হইতেছিল। রমেন্দ্রও তাহাদের দেখাদেখি সমুদ্রগর্ভে অবতরণ করিল। অল্পক্ষণেই সে বুঝিতে পারিল, ইহাতে স্নানের বড় আনন্দ। রমেন্দ্রের দেহ সমুদ্র-তরঙ্গের বিচিত্র স্পর্শে শিহরিয়া উঠিতে লাগিল। দীর্ঘকাল ব্যায়ামশিক্ষার ফলে অল্পসময়ের মধ্যেই সে সমুদ্র-স্নানের কৌশলটি আয়ত্ত করিয়া লইল। সরযু ও অমিয়া অনেক দূর অগ্রসর হইয়াছিল, জল তথায় অগভীর। রমেন্দ্রও তরঙ্গে নাচিতে নাচিতে নিকটে আসিয়া দাঁড়াইল।

যাঁহারা সমুদ্র-স্নানে অভ্যস্ত, অথবা সমুদ্র-তরঙ্গের সহিত যাঁহারা নানারূপে পরিচিত আছেন, তাঁহারা পুরীর সমুদ্রেও ষাড়ে'র পরদিবস স্নান করিবার জন্ত অধিক দূর অগ্রসর হইবেন না। কারণ, তাঁহারা জানেন, প্রকৃতির বিপর্যয়ে পুরীর সমুদ্র-তরঙ্গেরও পরিবর্তন ঘটে। জলের নীচে, স্রোতের বিপরীত একটা বেগ জন্মে। অধিক জলে

নামিলে যদি দৈবাৎ পা সরিয়া যায়, তাহা হইলে অনেক সময় সেই নিম্নপ্রবাহিত স্রোতের টানে স্নানার্থীকে বিপন্ন হইতে হয়।

সরযু ও অমিয়া এ তথ্যটি জানিত না, রমেন্দ্ররও সে অভিজ্ঞতা ছিল না। কিন্তু অল্পসময়ের মধ্যে সে বুঝিল, অধিক দূর অগ্রসর হওয়া সমীচীন নহে। কারণ, সে জলের নীচে যেন আরও একটা প্রবাহের টান সামান্তরূপ অনুভব করিতেছিল। সে ইতোমধ্যে সরযু ও অমিয়াকে ছাড়াইয়া অগ্রসর হইয়াছিল। কতিপয় 'হুলিয়া' বালক নিকটেই তরঙ্গের উপর লাফালাফি করিতেছিল। ইহা ছাড়া অন্য কোন সাহসী স্নানার্থী ততদূর আসেনি নাই। সরযু ও অমিয়াকে অগ্রসর হইতে দেখিয়া রমেন্দ্র বলিয়া উঠিল, "এ দিকে আর আসবেন না, টান বড় বেশী।"

কিন্তু তাহার নিষেধ কে শুনে? রমেন্দ্র যদি আজ নূতন স্নান করিতে নামিয়া ওখানে যাইতে পারে, তাহারা পারিবে না? কিন্তু তাহারা বুঝিতে পারে নাই যে, রমেন্দ্র তাহার ব্যায়ামপটুতা ও দৈহিক শক্তির সহায়তায় যে বেগ কোন রকমে এড়াইতে পারিতেছিল, তাহাদের মত কোমলা নারীর পক্ষে তাহা সহজসাধ্য নহে। উহারা রমেন্দ্রের পার্শ্বে দাঁড়াইবামাত্র একটা প্রবল সমুদ্র-তরঙ্গ ছুটিয়া আসিল। সরযু ও অমিয়া পূর্বশিক্ষামত তরঙ্গের উপর চড়িয়া বসিল। তরঙ্গ তাহাদিগকে সেইখানে নামাইয়া দিয়া চলিয়া গেল বটে, কিন্তু এবার তাহারা ঠিক দাঁড়াইয়া থাকিতে পারিল না। উপরের স্রোতের প্রতিকূল নিম্ন-প্রবাহের টানে তাহাদের পা সরিয়া গেল, তাহারা বুঝিল— অধিক জলে দ্রুত তাহাদিগকে টানিয়া লইয়া চলিয়াছে। ভয়ে উভয়েরই মুখ হইতে আর্ত চীৎকার বাহির হইল। রমেন্দ্র তাহাদের বিপদ বুঝিতে পারিয়াই উভয় বাহুর সাহায্যে তাহাদিগকে টানিয়া তুলিতে গেল। কিন্তু সরযুকে ধরিতে পারিল না। এক জন হুলিয়া বালক তাহাকে ক্রিপ্রহস্তে টানিয়া তুলিল। রমেন্দ্র অমিয়ার হাত ধরিয়া সবলে আকর্ষণ করিল। বিপদের সময় মানুষ প্রায় হিসাব করিয়া কাঁচ করে না, সে জ্ঞান তখন থাকে না। অমিয়া তখন ঠিক কি করিয়াছিল, তাহা তাহার বোধগম্য ছিল না, তবে কয়েক মুহূর্ত্তের জন্ত সে সময় তাহাকে রমেন্দ্রের দেহে আশ্রয় গ্রহণ যে করিতে হইয়াছিল, ইহা খুবই সত্য।

মুহূর্তমধ্যে এত বড় ব্যাপারটা ঘটয়া গেল। অল্প বড় কেহ এ ঘটনা লক্ষ্য করিবার অবকাশ পায় নাই। যথা-সম্ভব ক্ষিপ্ৰপদে সকলে তীরে ফিরিয়া চলিল। তখনও সরযু ও অমিয়ার দেহ আশঙ্কায় ধর ধর করিয়া কাঁপিতেছিল। তীরে উঠিয়া ছুনিয়া বালককে রমেঞ্জ তাহাদের বাসায় যাইবার জন্ত অহুরোধ করিল।

পথ চলিতে চলিতে রমেঞ্জ বলিল, “আপনাদের অত দূর যাওয়া উচিত হয় নি। উঃ! কি বিপদই কেটে গেল!”

অমিয়া তখনও প্রকৃতিস্থ হইতে পারে নাই। সরযুর চরণযুগল তখনও কাঁপিতেছিল। সে বলিল, “আমরা রোজই ত অত দূর যাই, ওর বেশীও গিয়ে থাকি। আজ যে এমন হবে, কে জানে?”

দশম পরিচ্ছেদ

সমুদ্র-স্নানের ঘটনার পর হইতেই রমেঞ্জের মনের ভিতর একটা বিশেষ পরিবর্তন ঘটয়াছিল। অমিয়ার সহিত তাহার বহু দিনের জানাশুনা। কিছুকাল পূর্বে অমিয়াকে বিবাহ করিবার জন্ত সে উন্নতবৎ হইয়াছিল, কিন্তু নানা কারণে সে বিবাহ হয় নাই। প্রথম যৌবনের স্মৃতি সে একরূপ ভুলিয়া গিয়াছিল। এমন অনেকেরই হয়। কিন্তু কলিকাতার রাজপথে গাড়ীর দুর্ঘটনা হইতে অমিয়া প্রভৃতিকে রক্ষা করিবার পর ঘন ঘন আত্মীয়তার অবকাশে রমেঞ্জের হৃদয়ে লুপ্তপ্রায় পূর্বস্মৃতি আবার জাগিয়া উঠিয়াছিল। ক্রমে তাহার নিরবলম্ব হৃদয়ে—কারণ বিবাহ হইলেও জীর প্রতি তাহার বিদ্মাত্রে আসক্তি না থাকায় মন একান্ত শূণ্য অবস্থায় ছিল—অমিয়ার মোহিনী মূর্তি জাগিয়া উঠিতে লাগিল। রমেঞ্জ বৃত্তিত, অমিয়ার চিন্তাকে তাহার হৃদয়ে স্থান দিবার অধিকার তাহার নাই, কারণ সে পরজী এবং রমেঞ্জও বিবাহিত। কিন্তু তাহার চিত্ত কিছুতেই এই বাধা মানিয়া চলিতে পারিতেছিল না। যদি অমিয়ার নিকট হইতে সে দূরে থাকিতে পারিত, তাহা হইলে হয় ত সে মনের হৃদমনীয় ইচ্ছাকে অনেকটা সংযত করিতে পারিত। এত দিন ত সে এক রকম সবই ভুলিয়া গিয়াছিল। কিন্তু প্রথম যৌবনের স্মৃতি আবার যখন নূতন করিয়া মনে জাগিয়া উঠিল, যাহাকে অবলম্বন করিয়া

তরুণ-হৃদয় উদ্ধাম করিয়া-বলে মনের রাজ্যে একটা নূতন স্বর্গ রচনা করিয়াছিল, আবার তাহাকে প্রতিদিন কাছাকাছি পাইয়া তাহার সহিত সর্বদা নানাপ্রকারে ভাবের আদান-প্রদান চলিতে লাগিল, তখন ত উচ্ছ্বল মনকে ঠেকাইয়া রাখা বড় সহজ ব্যাপার নহে। যদি পরিণীতা জীর প্রতি তাহার বিদ্মাত্রে আকর্ষণও থাকিত, তাহা হইলে সম্ভবতঃ তাহার মনে এত শীঘ্র আন্দোলন উপস্থিত হইত না। কিন্তু প্রকৃতপক্ষে সে যে বিবাহিত, অনেক সময় সে ধারণাও তাহার থাকত না। অমিয়া সরযু ও সুরেশচন্দ্রের নিকটেও তাহার পরিণয়ের কথা সে ঘূণাক্ষরেও প্রকাশ করে নাই। এ পরিচয় দিবার প্রয়োজনও এ পর্যন্ত ঘটে নাই।

কলিকাতায় অবস্থানকালে, অমিয়ার সহিত প্রতিদিনের সাহচর্যের ফলে রমেঞ্জের মনে যে ভাব জাগিয়া উঠিয়াছিল, পুরীতে আসিবার পর তাহা দিন দিন পুষ্ট হইয়া উঠিতেছিল। সমুদ্র-স্নানের পর তাহার মনের বিকার সীমা ছাড়াইবার উপক্রম করিল।

সমুদ্রের স্রোতোবেগে আকৃষ্ট হইয়া অমিয়া যখন গভীরতর জলের দিকে চলিয়া যাইতেছিল, সেই সময় অপূর্ব কৌশলে রমেঞ্জ তাহাকে ধরিয়া ফেলিয়াছিল। ভীতা স্তম্ভরী তখন একান্তভাবে কয়েক মুহূর্তের জন্ত রমেঞ্জের বিশাল বক্ষে আশ্রয় লইয়াছিল। তাহার তখনকার শঙ্কাব্যাকুল নেত্রের দৃষ্টি, যুগল-বাহুর বন্ধনস্পর্শ রমেঞ্জের হৃদয়ে বিষম বিপ্লব বাধাইয়া দিয়াছিল।

স্পর্শ জিনিষটা তুচ্ছ নহে। উহার শক্তি অমোঘ, অব্যর্থ। এ সম্বন্ধে রমেঞ্জ পুস্তকে অনেক কথাই পড়িয়াছিল। কিন্তু পূর্বে কখনও সে ইহার প্রভাব উপলব্ধি করিবার অবকাশ পায় নাই। এখন সে বৃত্তিতে পারিল, মানব-মনোবৃত্তি-বিশেষত্বের চিত্রকরণ যাহা লিখিয়া গিয়াছেন, তাহা অতিরঞ্জন নহে। যাহাকে মনে মনে বিশেষ প্রীতিভাজন বলিয়া জানি, বিশ্বাস করি, যাহাকে পাইলে জীবনের সার্থকতা হইল বলিয়া মনে করা যায়, যাহাকে লাভ করিবার জন্ত মন হৃদমনীয় ইচ্ছায় পূর্ণ, এমন ব্যক্তিকে যতক্ষণ না স্পর্শ করা যায়, ততক্ষণ হয় ত আত্ম-দমনের সামর্থ্য থাকিলেও থাকিতে পারে, কিন্তু একবার যদি বাহিত বা বাহিতার দেহের স্পর্শ কোনরূপে অনুভূত

হয়, তাহা হইলেই সর্বনাশ! তখন শীতল স্পর্শও প্রচণ্ড অনলের দহনজ্বালার পরিণত হয়। সে অবস্থায় শরীর ও মনকে সংঘমের বাঁধনে বাঁধিয়া রাখিতে পারে এমন শক্তিমান পুরুষ বা দৃঢ়চেতা নারীর সংখ্যা জগতে খুব কমই দেখিতে পাওয়া যাইবে।

রমেশ্বর এইরূপ অনেক কথাই পড়িয়াছিল, কিন্তু বিশ্বাস করিতে পারিত না। এখন সে নিজের ভ্রম মর্শ্বে মর্শ্বে বুঝিতে পারিল। অমিয়ার দেহের ঋণিক স্পর্শ-স্মৃতি থাকিয়া থাকিয়া তাহার মনে বিপ্লবের ধুমায়িত অগ্নিকে জ্বালাইয়া তুলিতে লাগিল। কোনমতেই সে অমিয়ার নিষিদ্ধ চিন্তাকে মস্তিষ্ক হইতে বিতাড়িত করিতে পারিল না। যতই সে দৃঢ়তা সহকারে স্মৃতির জ্বালা ভুলিবার চেষ্টা করিতে লাগিল, জ্বালা যেন ততই প্রবল হইয়া উঠিতে লাগিল।

দিনের মধ্যে শত বার অমিয়ার সংস্রবে আসিতে হয়। তখন কিরূপ দৃঢ়তার সহিত উচ্ছ্বল মনকে সংযত রাখিতে হয়, তাহা কি রমেশ্বর বুঝিতে পারে না? সে কি ভীষণ সংগ্রাম! বিদ্রোহী হৃদয় নয়ন ও আননে আত্ম-প্রকাশ করিতে চাহে, কিন্তু ভদ্রতা, শিক্ষাভিমান ও আত্মমর্যাদা-জ্ঞান হৃদয়ের এই নগ্ন ভাবটিকে নানারূপে ঢাকিয়া রাখিবার চেষ্টা করে। এইরূপে মনকে আঁধার দিয়া, আত্মবঞ্চনা করিয়া চলাফেরা করা কৃত কঠিন কার্য, রমেশ্বর তাহা পদে পদে অসম্ভব করিতে লাগিল। সে বুঝিতেছিল, তাহার চিত্ত ক্রমেই দুর্বল হইয়া পড়িতেছে, বাসনার প্রবল শ্রোতে হৃদয় ভাসিয়া চলিয়াছে। অথচ বাহিরে সে ভাব প্রকাশ করিবার কোনও উপায় নাই, সঙ্গতও নহে।

রমেশ্বর তাহার কামনা-সুন্দরীর চিত্র কবিতায় ফুটাইয়া তুলিতে লাগিল। সমস্ত প্রাণ ঢালিয়া সে নিজের এই নূতন অভিজ্ঞতার কথা কাব্য-চিত্রে আঁকিয়া তুলিল। মন এইরূপে কবিতার মধ্য দিয়া আত্মপ্রকাশ করিতে লাগিল, তাহাতে কতকটা তৃপ্তি জন্মিতেছিল বটে, কিন্তু শিরায় শিরায়—রক্তের কণায় কণায় যে আগুন জ্বলিতেছিল, তাহার নিবৃত্তি ঘটিল না। বরং সঙ্কুচিত বহির জ্বালা উহা আরও গভীরভাবে অন্তরকে আচ্ছন্ন করিয়া জ্বলিতে লাগিল।

রমেশ্বর বুঝিল, ইচ্ছা করিলেও অমিয়ার চিন্তার স্মৃতি হইতে তাহার অব্যাহতির পথ নাই। কারণ, সবই যদি শুধু কল্পনা হইত, তবে হয় ত এক দিন সে সব ভুলিতে পারিত। কিন্তু ইহা ত নিছক কল্পনা নহে। শরীরিণী মানসী মূর্ত্তিকে সকল সময়ে সে প্রত্যক্ষ করিতেছে, আলাপ, আপ্যায়ন এবং সর্বদা কাছাকাছি পাইলে ভুলিবার অবকাশ কোথায়? সুতরাং অজগর সর্প শত বেষ্টনে তাহার শিকারকে যেমন পিষ্ট করিতে থাকে, রমেশ্বরের চিত্তও অমিয়ার চিন্তারূপ নাগিনীর শত পাকে বাঁধা পড়িয়া তেমনই পিষ্ট হইতে লাগিল।

সময়ে সময়ে তাহার প্রাণ যখন হাঁপাইয়া উঠিত, তখন সে এক একবার আপনাকে মুক্ত করিবার জন্ত ব্যর্থ ব্যাকুলতা প্রকাশ করিত। পরক্ষণেই মোহ আসিয়া আবার তাহাকে অভিভূত করিত। তখন নির্জীবভাবে, স্বপ্না-বিষ্টেরই মত সেই অবস্থার ভিতর দিয়া সে চলিতে আরম্ভ করিত।

সমস্ত জানিয়া গুনিয়াই ইচ্ছাপূর্ব্বক সে এই অভিনব মানসিক অবস্থায় আসিয়া দাঁড়াইয়াছিল। যখন আত্ম-রক্ষার উপায় ছিল, তখন সে বিন্দুমাত্র চেষ্টাও করে নাই। তাহার পর যখন সে আপনার মানসিক অধঃপতনের পর্য্যাপ্ত পরিচয় পাইল, তখন সে যুক্তির দ্বারা মনকে বুঝাইল, হইতে পারে, ইহা সামাজিক বিধি-ব্যবস্থার প্রতিকূল, কিন্তু নিত্য মানবের বিধি-নিষেধের গভীর মধ্যে ইহাকে ফেলা যায় না। সেই যুক্তির দোহাই পাড়িয়া সে আদর্শের উচ্চ শৃঙ্খল হইতে ক্রমেই নীচে নামিয়া আসিয়াছে। পথের কোথায় এখন অতলস্পর্শ গহ্বর মুখব্যাধান করিয়া তাহার পতনের প্রতীক্ষা করিতেছে, সে দিকে লক্ষ্য রাখিবার বিন্দুমাত্র আগ্রহও তাহার ছিল না।

আর অমিয়া? হাঁ—রমেশ্বরের সঙ্গ, তাহার সহিত আলাপ, আলোচনা সবই অমিয়ার কাছে প্রীতিপ্রদ ছিল। যৌবনের প্রথম বিকাশকাল পর্য্যন্ত যাহার সহিত সর্বদা অসঙ্কোচে মেলামিশা করা গিয়াছে—মতের আদান-প্রদান দীর্ঘকাল ধরিয়া যাহার সহিত চলিয়াছিল, সহোদরের যে প্রিয় স্নেহ, নিজের খেলারও সাথী, এমন কি, এক দিন যিনি তাহার জীবনের সখারূপে নির্বাচিতও হইয়াছিলেন, চারি কংসর পুরে তাহার সহিত অতর্কিত মিলনে সে

অবশ্যই আনন্দ অনুভব করিয়াছিল। তাহার পক্ষে উহা যে খুবই স্বাভাবিক, ইহা সে মনেও ভাবিয়াছিল। বিশেষতঃ এক দিন যে পরম প্রীতিভাজন শ্রদ্ধাস্পদ বন্ধু ছিল, সে যদি জীবনরক্ষায় সহায়তা করে, তবে স্বতঃই তাহার প্রতি চিন্তা আকৃষ্ট হয়, ইহা যে মানব-হৃদয়ের স্বভাবসিদ্ধ ধর্ম। রমেন্দ্রের অমায়িক ব্যবহার, কবি-হৃদয়ের উচ্ছ্বাসভরা আলাপ-আলোচনা প্রকৃতই অমিয়াকে কতকটা মুগ্ধ করিয়াছিল, তাহা সে অস্বীকার করিতে পারে না এবং তাহার কোন প্রয়োজনও সে অনুভব করে নাই। কোনও বিবাহিতা সাক্ষী নারী প্রিয়দর্শন প্রীতিভাজন বাল্যবন্ধুকে যেরূপ শ্রদ্ধা ও প্রীতির দৃষ্টিতে দেখে, অমিয়াও ঠিক সেই ভাবে রমেন্দ্রকে গ্রহণ করিয়াছিল। তাহাতে অনাবিল সখ্য ছাড়া আর কিছুই ছিল না।

কিন্তু শ্রদ্ধা ও সখ্য বাধা না পাইলে ক্রমশঃ আরও অনেক দূর যে অগ্রসর হইতে পারে, অমিয়ার মনে একবারও সে চিন্তার উদয় হয় নাই। প্রথমতঃ অনেকেরই তাহা হয় না। রমেন্দ্রের ব্যবহারে বাহ্যতঃ সে এমন কোনও ইঙ্গিত পর্যন্ত পায় নাই—বাহ্যতে তাহার মনে কোনও প্রশ্ন উঠিতে

পারে। সুতরাং সে বাল্য-সুহৃদ, সুকবি রমেন্দ্রকে অপরিচিন্তা শ্রদ্ধা ও প্রীতিদান করিয়া আসিতেছিল।

সমুদ্র-স্নানের সময় সে মুহূর্তের জন্ত রমেন্দ্রের বিশাল দেহে আশ্রয় গ্রহণ করিয়াছিল, কিন্তু সে স্পর্শে যে কোনও বিরুদ্ধ ভাব ক্রমে মনে উদ্ভিত হইতে পারে, এমন হৃচ্চিন্তা জন্মিবার অবকাশ তাহার হৃদয়ে হয় নাই। যদি মনের মধ্যে কোন মোহ সৃষ্ট হইয়া থাকে, তাহা এমনই প্রচ্ছন্ন-ভাবে এবং অজ্ঞাতসারে শনৈঃ শনৈঃ অগ্রসর হইতেছিল যে, অমিয়ার আত্মবোধ তাহাতে উদ্ভূত হয় নাই।

সুতরাং রমেন্দ্র কতকটা জ্ঞাতসারে যে নিষিদ্ধ মোহে আপনাকে জড়াইয়া ফেলিবার সুবিধা দিতেছিল, অমিয়া অজ্ঞাতসারেই হয় ত সেই পথে চলিতেছিল। মাহুষ এমনই করিয়া বুদ্ধি পথিলাস্ত হয় ! আত্মাহুশীলন এবং কোনও নির্দিষ্ট লক্ষ্যে আত্মনির্ভরের অভাবেই মাহুষকে অপথে বিপথে গিয়া কতই না কৰ্মভোগের দুঃখ-যন্ত্রণা সহ্য করিতে হয় !

এমনই করিয়া কৰ্মসূত্র উভয়কে কোথায় টানিয়া লইয়া যাইতেছিল ?

[ক্রমশঃ ।

শ্রীসরোজনাথ ঘোষ ।

গোধূলি-লগনে

হের মোর স্বর্ণ-সৌধমালা পশ্চিম-গগনে !
আমি আলো, এসো ওগো ছায়া !—গোধূলি-লগনে,
লাজ-নত্র নত মুখে, এসো বধু-বেশে,
আঁধারের লুটায় আঁচল ;
বরণ করিব তোমা' দিবা-অবশেষে,
এসো মোর আঁধির কাজল !

কুসুমিতা কুঞ্জ-লতিকারা হুলিয়া দোহল,
গাঁথে মোর মিলনের মালা, সুরভি-মঞ্জল ।
তটিনীর কুলু-কুলু গুঠে জয়গান,
বিহঙ্গিনী গাহিছে মঙ্গল,
ওই হের ধীরে ধীরে গুঠে চন্দ্রকলা—
সোহাগের প্রদীপ উজ্জল !

এসো ছায়া ! পরো গলে, খুলে দিই
কিরণের হার,
ভেদ নাই—আলো ছায়া, তুমি-আমি
মিলে একাকার !

সীমাহীন চক্রাতপ-তলে জ্যোতিক সকল—
রচিয়াছে পরিণয়-সভা আঁধি বল-মল ।
প্রকৃতির পূর্ণকুস্ত মহাসিদ্ধু-নীরে
এলো চুলে ক'রে এসো স্নান ;
তুমি চাহ, আমি চাহি—হুঁ হুঁ হুঁ হুঁ পানে,
বাণ্ড সে যে আরতির তান !

কুঞ্জে রচে কানন-কামিনী কুসুম-শয়ন,
এসো ভুঞ্জি সুখনিশি, করি' স্বপন-চয়ন !
আলো-ছায়া ঝিকি-মিকি মিলনের পরে,
সমীরণ মুছ অমুরাগে—
দিনান্তের ক্লাস্ত মোর তপ্ত তনুখানি
সুশীতল প্রেম তব মাগে !

শ্রীসদাশিব বন্দ্যোপাধ্যায়



আহার্য তৈল ও তৈলজ আহার্য

মানব-সভ্যতার উন্মেষের সময় হইতেই যে তৈলের প্রচলন আরম্ভ হইয়াছে, তাহাতে সন্দেহ করিবার কোন কারণ নাই। তিল হইতেই তৈল শব্দের উৎপত্তি এবং চারি হাজার বৎসর পূর্বেও ভারতে তিল উৎপাদনের উল্লেখ দেখিতে পাওয়া যায়। কিন্তু ভারত, আফ্রিকা, আমেরিকা প্রভৃতি নানাদেশে বহু ও কর্ষিত তৈল-ফসল পুরাকালাবধি যথেষ্ট পরিমাণে উৎপাদিত হইয়া আসিলেও ঊনবিংশ শতাব্দীর শেষভাগ পর্যন্ত ব্যবহারিক হিসাবে তৈলবীজ সমূহের যে পূর্ণ সদ্যবহার হইত, তাহা বলিতে পারা যায় না। এতদ্দেশে এ পর্যন্ত তৈল প্রধানতঃ রন্ধন কার্যে, কিয়ৎ পরিমাণ গাত্র মর্দনে, ঔষধে নানাবিধ শিল্পে ও গার্হস্থ্য ব্যাপারে ব্যবহৃত হইয়া আসিতেছে। উন্নতিশীল প্রতীচ্যে অবশ্য তৈলের ব্যবহারের ক্ষেত্র আরও কিছু প্রশস্ত—সাবান, বাতি রং ইত্যাদি প্রস্তুতেও কয়েক জাতীয় তৈলের ব্যবহার হইতেছিল। কিন্তু তৈলের প্রকৃত সদ্যবহার হইতে আরম্ভ হইয়াছে বিগত মহাযুদ্ধের সময় হইতে। যখনই মিত্র-শক্তিবর্গ মধ্য-যুরোপে নানা প্রকার প্রাণীজ আহার্য দ্রব্য ও যুদ্ধোপকরণ প্রস্তুতোপযোগী কাঁচা মাল প্রবেশের পথ রুদ্ধ করিলেন, তখন হইতেই উদ্ভিজ্জ তৈল হইতে বিবিধ প্রকার আবশ্যিক দ্রব্য প্রস্তুতের প্রচার-চেষ্টা চলিতে থাকিল। অপেক্ষাকৃত অল্পদিনের মধ্যেই জর্মন বৈজ্ঞানিকগণ শুধুই যে চর্কি, মিস্রিণ, চামড়া পালিশ ও কল মসৃণ করার তৈল এবং অন্যান্য অপরিহার্য সমরোপাদান উদ্ভিজ্জ তৈল হইতে প্রস্তুত করিতে সমর্থ হইলেন তাহা নহে; বস্তুতঃ দেশের সেরূপ সঙ্কটের সময় তাঁহারা তৈল হইতে এমন এক শ্রেণীর পুষ্টিকর আহার্য প্রস্তুত করিলেন, যাহা স্বল্পমূল্যে ক্রয় ও আহার করিয়া জনসাধারণ ছদ্ম, মাখন, পণির প্রভৃতির অভাব ও অত্যন্ত মহার্ষতা সত্ত্বেও শরীর রক্ষা করিতে সমর্থ হইল! সেই সময় হইতেই তৈলজ আহার্যের যে সব

শিল্প প্রতিষ্ঠিত হইয়াছে, জর্মনী এখনও তাহাতে অগ্রণী হইয়া আছে। যুদ্ধাবসানের পর যে গুরু অর্থকুহতা জগতের নানা স্থানে দেখা দিয়াছে, তাহাও এই শিল্পকে যথেষ্ট সাহায্য করিয়াছে; অধিক অর্থব্যয় করিয়া ছদ্ম, মাখন, ঘৃত, পণির প্রভৃতি ক্রয় করা যতই অসাধ্য হইয়া উঠিতেছে, এইরূপ আহার্যের কার্ণীতি ততই বাড়িতেছে।

ভারতের তৈলবীজ

আফ্রিকার তৈল-শস্ত্রের সংখ্যা ভারত অপেক্ষা অধিক হইলেও উহাদের মধ্যে অনেকগুলিরই ব্যবসারে প্রাধান্য কম। ভারতই জগতের মধ্যে তৈল-শস্ত্র উৎপাদনের অন্ততম প্রধান কেন্দ্র। এতদ্দেশে মোট যে পরিমাণ জমিতে ফসল উৎপাদিত হয়, তাহার শতকরা প্রায় ৫৩ ভাগ তৈলশস্ত্র দ্বারা অধিকৃত। ভারতের জমির অল্পসারে ইহা সামান্য হইলেও অন্ত দেশের তুলনায় প্রায় ১ কোটি ৪০ লক্ষ একর তৈল-শস্ত্রের জমিকে বিপুল পরিমাণ জমি বলিয়া স্বীকার করিতে হইবে। সেই জন্মই অন্যান্য দেশ ভারতের তৈল-শস্ত্রের উপর ক্রমশঃই অধিকতর লোলুপ দৃষ্টি ফেলিতেছে। গত ১৯২১-২২ খৃষ্টাব্দে তৈল-শস্ত্রের জমি অর্ধলক্ষ অধিক পরিমাণ বৃদ্ধি পাইয়াছিল। তাহার পর আবার বাজার মন্দার জন্ম কিছু কমিয়া গিয়াছে। ভারতের তৈল-ফসলের মধ্যে চারিটিই সর্বপ্রধান; উহাদের চাষের জমির অঙ্কাদি হইতে তাহা সহজেই বুঝিতে পারা যাইবে :— রাই ও সরিষা ৩৮ লক্ষ একর; তিল ৩১ লক্ষ; কার্পাস, মহরা এবং পোস্তা বীজ হইতেও আহার্য তৈল পাওয়া যায়। এ দেশ হিসাবে বিবেচনা করিলে দেখিতে পাওয়া যে, ভারতের সমগ্র তৈল-বীজের এক-চতুর্থাংশ মাত্রাজ প্রদেশেই উৎপন্ন হয়; তৎপরেই মধ্য-প্রদেশ এবং বিহার ও উড়িষ্যার স্থান (প্রত্যেকে শতকরা ১৫ ভাগ); বঙ্গদেশে কেবলমাত্র শতকরা ৮ ভাগ তৈল-বীজের জমি অবস্থিত।


তৈল-শিল্পের বর্তমান অবস্থা

দেশীয় ঘানির সাহায্যে প্রতি গ্রামেই যে অল্প বিস্তর তৈল নিষ্কাশন করা হয় তাহা সকলেই জানেন। কি পরিমাণ তৈল যে দেশমধ্যে ব্যবহৃত হয়, তাহা অধিক নির্ধারণ করিবার উপায় নাই। তবে মোটামুটি হিসাবে ধরিতে পারা যায় যে, প্রতিবৎসর ভারতে প্রায় ৫০ লক্ষ টন তৈল-বীজ উৎপাদিত হয়। এই পরিমাণ বীজের মূল্য গড়-পড়তায় প্রায় ৭৫ কোটি টাকা, ইহার মধ্যে ২৫ কোটি টাকার বীজ তৈল, খৈল ইত্যাদি বিদেশে চালান যায় বলিয়া ধরিলে অসঙ্গত হইবে না। অবশিষ্টের কাটুতি দেশেই হইয়া থাকে। সমষ্টিভাবে দেখিতে গেলে এতদেশে তৈল-শিল্পের পরিসর খুব বড় বলিয়া বোধ হয়। কিন্তু বাস্তবিক তাহা নহে। সমস্ত ভারতে তৈলের বৃহৎ কারখানার সংখ্যা ১ শত ২৫ এর অধিক হইবে না; তন্মধ্যে তিন-চতুর্থাংশ কল বঙ্গদেশে অবস্থিত; বাকিগুলি ব্রহ্মদেশে। এই কয়েকটি কলের কথা ছাড়িয়া দিলে দেখা যায় যে, আপাততঃ তৈল-শিল্প যাহাদের হাতে শুল্ক আছে, তাহারা যেমন অশিক্ষিত, তেমনই অর্থবলহীন; এবং নিষ্কাশনপ্রথা যেমন অপচয়-মূলক, উৎপাদিত তৈলও তেমনই নিকৃষ্ট শ্রেণীর। দেশমধ্যে তৈলের বড় কারখানা প্রতিষ্ঠার কথা দূরে থাকুক, আজকাল যে সমস্ত উন্নত আদর্শের ছোট ছোট কলও প্রস্তুত হইয়াছে, তাহারও গ্রামাঞ্চলে বড় একটা ব্যবহার দৃষ্ট হয় না। যাহাকে সাধারণতঃ কলের তৈল বলে, তাহাতে সময়ে সময়ে এত বিভিন্ন প্রকারের ভেজাল দেখিতে পাওয়া যায় যে, বোধ হয় ব্যবসায়িকগণ স্মৃতিধা পাইলেই কোন জিনিষই মিশাইতে দ্বিধা বোধ করে না। কয়েক বৎসর পূর্বে কলিকাতায় সরিষার তৈলে 'পাকড়া' অথবা কুমুম ফলের বীজের তৈল মিশ্রণ ও তজ্জনিত সাধারণের স্বাস্থ্যহানি, তাহার উৎকৃষ্ট উদাহরণ। যতক্ষণ না তৈল-শিল্প অশিক্ষিত ব্যক্তিবর্গ দ্বারা পরিচালিত হয় এবং তাহারা নানাবিধ আহাৰ্য্য তৈলের পুষ্টিকর গুণাবলী অক্ষুণ্ণ রাখিয়া বৈজ্ঞানিক প্রথায় তৈল প্রস্তুত করিতে অগ্রসর না হইলেন, ততক্ষণ ভারতে উৎকৃষ্ট শ্রেণীর তৈল উৎপাদনের আশা খুবই কম।

তৈল-নিষ্কাশন-প্রথা

যে কোন তৈল-বীজকে কুটিয়া জলের সহিত কিছুক্ষণ ফুটাইলেই উহা হইতে যে তৈলকণাগুলি বিচ্যুত হইয়া

জলের উপর ভাসিয়া উঠে—তাহা মানব বহু পূর্বেই আবিষ্কার করিয়াছিল। এখনও অনেক দেশের আদিম লোকেরা উক্ত প্রথাতেই তৈল বাহির করে। এতদেশেও কোন কোন পল্লীগ্রামে নারিকেল-শাঁস হইতে ফুটন্ত জল সাহায্যে তৈল প্রস্তুত করা হয়। ঘানিতে পেষণ করিয়া তৈল বাহির করা তদপেক্ষা উন্নত প্রথা, যদিও ইহার উদ্ভবও স্মরণাতীতকাল পূর্বে হইয়াছিল। চাপ দ্বারা তৈল নিষ্কাশনপ্রথা ছই প্রকারের;—'ঠাণ্ডা' অর্থাৎ এ স্থলে বীজের খোসা ছাড়ান হয় না; সমস্ত বীজের উপরই চাপ দেওয়া হয় এবং খৈলে খোসা সমেত বীজ থাকে। 'গরম' প্রথায় তৈল-নিষ্কাশনের পূর্বে খোসা ছাড়াইয়া লইয়া ও শাঁসে ঈষৎ পরিমাণে তাপ প্রয়োগ করিয়া উষ্ট্র-লোমের খলিয়ার পুরিয়া চাপ দেওয়া হয়। চাপ দিয়া তৈল-নিষ্কাশনের অনেক প্রকার যন্ত্রপাতি আছে; তন্মধ্যে কতকগুলি বিভিন্ন ধরণের হাইড্রলিক প্রেস (Hydraulic Press) অত্যন্তম। নানাপ্রকারের চাপযন্ত্রের ও খোসা ভাঙ্গিবার, শাঁস উত্তপ্ত করার ও অত্যন্ত আনুষঙ্গিক যন্ত্রপাতির বিবরণ প্রদান করিবার স্থান বর্তমান প্রবন্ধে নাই। তবে এইমাত্র এখানে বলিতে পারা যায় যে, কোন প্রকার চাপযন্ত্রেই তৈল একবারে নিঃশেষ হইয়া বাহির হইয়া যায় না। খৈলে অল্পবিস্তর পরিমাণ তৈল থাকে। তদ্বিন্ন যে সমস্ত বীজে তৈলের মাত্রা অধিক, তৎসমুদয়ই সাধারণ চাপযন্ত্রের উপযুক্ত; সে সকল বীজে তৈলের মাত্রা কম, সেগুলির তৈল চাপ দ্বারা নিষ্কাশন করিয়া লাভ হয় না। ভারতের ঞ্চর দেশে—যেখানে মজুরী সস্তা এবং অধিক তৈলযুক্ত বীজ সহজেই পাওয়া যায়—উন্নত আদর্শে প্রস্তুত চাপযন্ত্র পল্লীগ্রামে মনুষ্য অথবা পশু-বল দিয়া চালানোর যথেষ্ট সুযোগ আছে। কিন্তু বর্তমান সময়ে যে সমুদয় নিষ্কাশন-প্রথা আবিষ্কৃত হইয়াছে, তন্মধ্যে বায়ী জ্বাবণ (Volatile Solvents) দ্বারা তৈল-নিষ্কাশন প্রথাই সর্বাপেক্ষা কম অপচয়-মূলক, অপেক্ষাকৃত সহজ এবং উৎকৃষ্ট শ্রেণীর তৈল-প্রদায়ী। এ স্থলে উক্ত প্রথার সংক্ষিপ্ত বিবরণ প্রদত্ত হইল;—প্রথমে বীজ-গুলিকে ঝাড়িয়া উত্তমরূপে বাছিয়া লওয়া হয়, তৎপরে বীজের কাঠিন্য, আকার ও অত্যন্ত স্বাভাবিক গুণ অনুসারে বিট তোলা (ribbed) কিংবা মনুষ্য পেষণযন্ত্রে পিষিয়া



বারী জাবণ-প্রথায় তৈল-নিষ্কাশণের কারখানা

তৈল বীজকে সূক্ষ্ম ধুলিতে পরিণত করা হইয়া থাকে। অতঃপর বড় বড় নলাকার পাত্রে মধ্যে উক্ত চূর্ণকে পুরিয়া উপযুক্ত পরিমাণ জাবণসংযোগ করা দরকার। এই পাত্রগুলিকে নিষ্কাশক অথবা Extractor বলে। বৃহৎ কারখানা সমূহে একটি নিষ্কাশকের পরিবর্তে পাশাপাশি ৩৪টি নিষ্কাশক সজ্জিত থাকে। প্রথম নিষ্কাশক হইতে তৈলযুক্ত জাবণ দ্বিতীয়ে, তাহা হইতে তৃতীয়ে এবং এইরূপে শেষেরটিতে গিয়া পড়ে। বলা বাহুল্য যে, শেষটি হইতে বাহির হইয়া আসার সময় জাবণ প্রচুর পরিমাণে তৈল লইয়া আইসে। নিষ্কাশক হইতে জাবণ বাহির হইয়া আসিলে উহাকে চোলাই যন্ত্রের মধ্যে চালাইয়া দেওয়া হয়। এই যন্ত্রের সাহায্যে তৈল ও জাবণ পৃথক হইয়া যায়; তৈল পাত্রেই থাকে এবং জাবণ অত্র আধারে গিয়া জমা হয়। চোলাই করার পূর্বে ও পরে ছাঁকনি দ্বারা ছাঁকিয়া বাহাতে কোনরূপে তৈলের সহিত বীজের কণা প্রভৃতি চলিয়া আসিতে না পারে, তাহা যত্নে যথেষ্ট সতর্কতা অবলম্বন করিলে তৈল খুব উৎকৃষ্ট শ্রেণীর হয়। তৈল হইতে জাবণ অপসৃত করার পর তৈল হইতে খেল পৃথক করিয়া দেওয়া হয়। বারী জাবণ দ্বারা নিষ্কাশণ-প্রথায় খেলে প্রায় তৈল থাকে না বলিলেই চলে। কিন্তু উহাতে শতকরা ১৬ হইতে ২৫ ভাগ শৈত্য থাকে। এই পরিমাণ শৈত্য থাকিলে গুণান্নাত করিয়া রাখিলে মাল খারাপ হইয়া যাইতে

পারে বলিয়া গুণ করার কালে আবার খেল দিয়া শৈত্যের মাত্রা অর্ধেক করিয়া লওয়াই নিয়ম। সাধারণ খেলে তৈল অধিক থাকে বলিয়া উহা পশুদিগের পক্ষে হুস্পাচ্য হয়, কিন্তু এইরূপ প্রথায় যে খেল (groats) পাওয়া যায়, তাহা যেমন পুষ্টিকর তেমনই অধিক দিন স্থায়ী। এ স্থলে বলা আবশ্যক যে, যে সমস্ত দ্রব্য সাধারণতঃ জাবণরূপে ব্যবহৃত হয়, তন্মধ্যে Petrol, Benzene, Spirit এবং Chlorinated hydrocarbonই প্রধান। তৈলোৎপাদক দ্রব্যবিশেষে ইহার একটি বা অল্পটি ব্যবহৃত হয় এবং সময়ে সময়ে একাধিক বস্তুর মিশ্রণও প্রয়োজন করা হইয়া থাকে।

তৈল শোধন-প্রণালী

পূর্কোক্ত কয়েকটি প্রথার মধ্যে যে কোনটি দ্বারা তৈল প্রস্তুত হউক না কেন, উহা সম্পূর্ণভাবে পরিষ্কৃত হয় না। তাহা করিতে হইলে তৈলের স্বাদ, গন্ধ ও বর্ণ নষ্ট করা আবশ্যক। বিলাতে হাল্ নামক স্থানে এবং জর্জর্জি হামবর্গে যেমন তৈল-নিষ্কাশণের বড় বড় কারখানা আছে, তেমনই তৈল-শোধনের কারখানাও রহিয়াছে। এইরূপ শোধনের কারখানায় তৈল আসিলেই প্রথমে তাহার অম্লত্বের মাত্রা ও স্বরূপ নির্ণয় করা হইয়া থাকে এবং তদনুসারে কি প্রণালীতে উহা শোধিত করা হইবে, তাহা নির্ধারিত করা হয়। সচরাচর উদ্ভিজ্জ তৈলসমূহে কতকগুলি বসা-মূলক অম্ল (fatty acids) ব্যতীত অণু লাল ও আটাবৎ দ্রব্যও থাকে। এইগুলি যতদূর সম্ভব অপসৃত করিয়া না দিলে তৈলের স্বাদ খারাপ হয় এবং উহা বেশী দিন স্থায়ী হয় না। সেই জন্ত আহার্য তৈল প্রস্তুতে এই বিষয়ের উপরই সমধিক দৃষ্টি রাখিতে হয়। তৈল-শোধনের প্রথম স্তরই উক্তরূপ free fatty acid পৃথক করিয়া দেওয়া। এতদ্ব্যতীত তৈলকে এক প্রকার চোলাই যন্ত্রের মধ্যে চালাইয়া দিয়া, আবশ্যক মত তাপ প্রয়োগ করিয়া উহার সহিত কার্বনিক সোডা মিশ্রিত করিয়া দেওয়া হয়। পূর্কোক্ত অম্লগুলি সোডার সংস্পর্শে

আসিলেই সাবানে পরিণত হইয়া অধঃস্থ হয়। পরে সাবান জমিয়া গেলে পাত্রের নিম্নদিকের ধ্বংসাকার অংশ খুলিয়া সাবান বাহির করিয়া লইয়া পাত্রান্তরে রাখা হইয়া থাকে। এইরূপ সাবান হইতে আবার কিয়ৎপরিমাণে তৈল বাহির করিয়া লইয়া অবশিষ্টাংশ সাবানের কলঙয়লাগণকে বিক্রয় করিয়া শোশনকারিগণ বেশ লাভ করেন।

তৈল অল্পমুক্ত হইলে দ্বিতীয় স্তরে উহাকে ধুইবার, শুক করিবার ও বর্ণহীন করিবার ব্যবস্থা করিতে হয়। পুনরায় আর একটি বড় পাত্রের মধ্যে তৈল ঢালাইয়া উহাকে বারংবার লবণাক্ত গরম জল দিয়া ধুইলে সাবানের আর বাহা কিছু ক্ষুদ্রাংশ থাকে, সমস্তই বাহির হইয়া যায়। তৎপরে উত্তম বাষ্প প্রয়োগ করিয়া তৈল শুক করা হইয়া থাকে। ইহার পরের স্তরের কাঁচ শুক্কীকৃত তৈলকে বর্ণহীন করা। তৈলের রং নষ্ট করিবার জন্য নানাপ্রকার দ্রব্য ব্যবহৃত হয়, কিন্তু তন্মধ্যে এক প্রকার সাজিমাটাই সর্বাঙ্গীণেই ভাল। উত্তম তৈলে এই প্রকার মৃত্তিকা মিশাইয়া দিয়া কিয়ৎকাল ধরিয়া তৈল নাড়িতে হয়; ক্রমশঃ সমস্ত তৈলই বিবর্ণ হইয়া যায়। তৎপরে উত্তমরূপে একাধিকবার ছাঁকিয়া পরিষ্কৃত তৈল বাহির করিয়া লইতে হয়।

যে সমস্ত তৈল দ্বারা মাখন অথবা অন্যান্য আহাৰ্য্য পদার্থ প্রস্তুত হয়, তৎসমুদয়কে প্রথমে সম্পূর্ণরূপে গন্ধহীন করা দরকার। গন্ধ নাশ করিবার পাত্রও একটি চোলাই-যন্ত্র। বার বার উত্তম বায়ু প্রয়োগ করিলে এবং অধিক তাপিত জল বাষ্পের সহিত চোলাই করিলে সমস্ত গন্ধজল বা দ্রব্যই তৈল হইতে বাহির হইয়া গিয়া অন্ত্র জমা হয়। কিছুকাল এইরূপ বাষ্প প্রয়োগের পর যখন একবারেই স্বাদ ও গন্ধহীন তৈল যন্ত্র হইতে বহির্গত হইতে আরম্ভ হয়, তখন তাপ বন্ধ করিয়া দিয়া তৈলকে ক্রমশঃ শীতল করা হইয়া থাকে। শীতল হওয়ার পর আবার একবার তৈলকে ছাঁকা আবশ্যিক। ইহা এ স্থলে উল্লেখযোগ্য যে, উল্লিখিত যন্ত্রগুলির কয়েকটিতে বায়ুবিরহিত প্রাচীর (Vacuum) তাপ প্রয়োগ করিবার ব্যবস্থা আছে। তদ্বারা ময়লা প্রবেশের পথ রুদ্ধ হইয়া নির্মল তৈল প্রস্তুত হইয়া থাকে।




তৈল-শোধনের কারখানা

তৈলজাত খাদ্যদ্রব্য

যে প্রণালীদ্বারা বর্তমান সময় ভাল মন্দ প্রায় সকল প্রকার তৈলকেই খাদ্য-তৈলে পরিণত করা হইতেছে, তাহার নাম Hydrogenation; এতদ্বারা সচরাচর যে সব তৈল তরল অবস্থায় থাকে, সেগুলিকে জমাইয়া কঠিন করিয়া ফেলিতে পারা যায়। জমাইতে হইলে পূর্বে প্রকারে শোধিত তৈল লইয়া, একটি প্রশস্ত বন্ধ পাত্রে রাখিয়া উহাতে আবশ্যিক পরিমাণ উত্তাপ প্রয়োগ করা হয়। Nickel, Palladium অথবা অন্য কোন Catalyst, তৎপরে সামান্য পরিমাণ একটু তৈলের সহিত মিশ্রিত করিয়া উহা পম্প করিয়া পূর্কোক্ত তৈলাধারে ঢালাইয়া দেওয়া হয়। অতঃপর পাত্রমধ্যে হাইড্রোজেন বাষ্প চালান হইতে থাকে এবং সঙ্গে সঙ্গে পাত্রান্তরস্থিত ঘূর্ণমান পাখা দ্বারা তৈল আলোড়িত হইতে থাকে। তৈল Catalyst সাহায্যে দরকার মত হাইড্রোজেন শোধন করিয়া লইলে উহাকে ছাঁকিয়া Catalyst পৃথক করিয়া দেওয়া হয়। তৈল ক্রমশঃ ঘনীভূত হইয়া জমিয়া যায়। এই প্রণালীতে তৈলের যে রাসায়নিক পরিবর্তন সংঘটিত হয়, তাহাতে পুষ্টিগুণের কোন ক্ষতি হয় না। আমরা পূর্বে যে সমস্ত তৈলের নামোল্লেখ করিয়াছি, তদ্ব্যতীত জলপাই, বাদাম, তিসি, পুন্নাগ প্রভৃতির তৈলও খাদ্য তৈলে পরিণত করা হইয়াছে। ফলতঃ এই কঠিনীভূত করার প্রণালী তৈল-জগতে যুগান্তর আনয়ন করিয়াছে

এবং উদ্ভিজ্জ তৈলসমূহের ব্যবহারক্ষেত্রের পরিসর সমধিক পরিমাণে বাড়িয়া গিয়াছে। এখন তৈলজাত ছুঁচ, মাখন, নবনী, আইস-ক্রিম প্রভৃতি নানা প্রকার দ্রব্য বাজারে দেখা দিয়াছে ও দিতেছে। কালক্রমে এই শ্রেণীর দ্রব্যের যে কাঁচা অধিক হইবে, সে সম্বন্ধে সন্দেহের অবকাশ নাই। ইতঃপূর্বে আমরা তৈল-শোধনের মূল প্রণালীর বর্ণনা করিয়াছি। এই প্রকারের শোধিত তৈল লইয়া এক শ্রেণীর বিলাতী কলওয়ালগণ আহাৰ্য্য প্রস্তুতে প্রয়োগ



তৈল কাঠিগুড়ত করিবার যন্ত্র

করেন। তৈলজ আহাৰ্য্য প্রস্তুতে বিলক্ষণ রাসায়নিক জ্ঞান ও কৌশল প্রদর্শিত হয়। মাখন অথবা ঘূতের সমতুল্য উদ্ভিজ্জ তৈল হইতে যে সমস্ত দ্রব্য তৈয়ারী হয়, তাহা-দিগকে প্রধানতঃ দুইটি ভাগে বিভক্ত করিতে পারা যায় :— Nut margarine ইহা খেতাভ এবং ইহাতে কোন প্রাণীজ চর্কি থাকে না; Oleo margarine এর বর্ণ অনেকটা স্বাভাবিক মাখনের স্থায় এবং স্বাদও তজপ; ইহাতে প্রাণীজ

বশাও থাকিতে পারে। উভয় প্রকার পদার্থ ই একাধিক জাতীয় তৈল অথবা বশার সংমিশ্রণে এবং সময়ে সময়ে প্রকৃত ছুঁচ ও মাখন সহযোগে প্রস্তুত হয়। ঘূর্ণ্যমান শীতল (Chilled) ড্রামের উপর উক্ত মিশ্রণ ছড়াইয়া দিলে উহা সঙ্গে সঙ্গেই তুষার কণাবৎ জমিয়া নীচে একটি বিশেষ পাত্রে পড়িয়া যায়। উক্ত প্রকারের কণারাশি ২৪ দিন রাখিয়া দিলে উহাতে স্বাভাবিক মাখনের গন্ধ অল্পভূত হয়। তখন আবার বিশেষ প্রকারের কল দিয়া তৈলকণারাশি মাড়িয়া, অনাবশ্যক জলের মাত্রা বাহির করিয়া দিয়া প্যাকু করা হয়।

এ পর্যন্ত এতদেশে বিদ্যমান আহাৰ্য্য তৈল প্রস্তুতের যে সমুদয় চেষ্টা হইয়াছে, তন্মধ্যে কোচিনে টাটা কোম্পানির নারিকেল তৈলের কারখানা ও বোম্বাইয়ের নিকট কার্পাস-বীজ-তৈলের কারখানা অগ্রতম। কিন্তু ভারতের স্থায় বিশাল দেশের পক্ষে তাহা কিছুই নহে। যে সমুদয় উৎকৃষ্ট তৈল-বীজ সাহায্যে আমরা সহজেই আহাৰ্য্য তৈল-শিল্প গঠন করিয়া তুলিতে পারি, সেগুলির আদৌ সদ্যব-হার হইতেছে না। বরং বিদেশীয় বণিকগণ এই সমু-দয় বীজ ও খৈল লইয়া গিয়া তৈল ও তৈলজ আহাৰ্য্য প্রস্তুত করিয়া ভারতেই চালান দিতেছেন। মৎস্য, মাংস, ছুঁচ প্রভৃতি ক্রমশঃ এত মহাৰ্য্য হইয়া পড়িতেছে যে, মধ্যবিত্ত লোকেরা আবশ্যক পবিমাণ ঐ সমুদয় দ্রব্য ব্যবহার করিতে পারিতেছেন না। তৈলজ আহাৰ্য্য এইরূপ অবস্থায় যথেষ্ট উপকারে আসিতে পারে; অন্ততঃ বিপুলভাবে প্রস্তুত হইলে ইহা যে নকল ঘূত এবং দূষিত ছুঁচ অপেক্ষা অনেক ভাল, তাহা সকলেই স্বীকার করিবেন। শ্রীনিবন্ধবিহারী দত্ত।

প্রেমপত্র


উষার উদয়ে নীল উদার আকাশ,
বিলুপ্ত তারকাপুঞ্জ, মন্দ তজ্রাবেশ,
তরুচ্ছারে মায়া-মণিমালার প্রকাশ,
কুঞ্জে কাঁপিছে বন; দীর্ঘরাত্রি শেষ।

নিখসিছে সমীরণ আনন্দ-আবেগে,
কুমুদ-কুমুদ কত কেলি কুতূহলী,
কোমল-অলঙ্ক-রক্ত ভূর্জপত্র মেঘে,
রবি-রশ্মি বর্ণরঞ্জ—স্বর্ণ রেখাবলী।

কে লিখেছে প্রেমপত্র,—কি বিরহ-ব্যথা,
কার মিলনের বাহা রেখায় লেখায়,
কে লেখে কে দেখে, আর পড়ি প্রতি কথা,
প্রেম দেবতারে মর্মবেদনা জানায়?

কোথা কবি কালিদাস, প্রেমপত্র পড়ি'
দেখাবে জলকা নবপ্রেম স্বপ্ন গড়ি'।

মুনীন্দ্রনাথ ঘোষ।



ত্যাগীর লাভ

বাড়ী ফিরিয়াই অম্বুকে দেখিতে পাওয়া যাইবে, রতন এই আশাই করিয়া আসিতেছিল; কিন্তু বাড়ীতে আসিয়া যখন তাহাকে দেখিতে পাওয়া গেল না, তখন তাহার মুখের সে প্রফুল্ল ভাবটা চকিতে অন্তর্হিত হইয়া গেল, শ্রাবণ-আকাশের মত তাহার মুখ অন্ধকার হইয়া উঠিল। সে কাকিমাকে প্রণাম করিবার আগেই জিজ্ঞাসা করিল, “কাকিমা, অম্বু কোথায় গেছে?”

কাকিমা একটু বক্রভাবে উত্তর দিলেন, “সে এক ছেলে বাপু; বললুম তোর দাদা আসবে,—এত ক’রে বেচারা পত্র দিয়েছে, আর ছুটো দিন বাড়ীতে থাক, তারপর না হয় আমার বাড়ী যাস,—কি বলব বাবা, আমার একটি কথা যদি শোনে, যেমন আমার দাদার ছেলে এল, অমনি তার সঙ্গে চলে গেল।”

রতন একটা দীর্ঘনিশ্বাস ফেলিতে ফেলিতে হঠাৎ সামলাইয়া লইল; নাঃ, অম্বুর জন্ম একটা দীর্ঘনিশ্বাসও উচিত নয়। এতকাল পরে তাহার সাধী দাদা আসিতেছে, সে ছুটো দিনমাত্র অপেক্ষা করিয়া যাইতে পারিল না? এমন নয় যে দাদা পত্র দেয় নাই? আসিবার দিন ঠিক করিয়া রতন সনির্বন্ধ অম্বুরোধ করিয়া পত্র দিয়েছে, অম্বু যেন তাহার না আসা পর্যন্ত কোথাও না যায়। সেই অম্বু,—যাহার জন্ম সে দিন-রাত্রি ভাবে, সে কি না সেই স্নেহপূর্ণ-হৃদয় দাদার কথা একটীবারও ভাবিল না, দাদা অম্বুক দিন—অম্বুক সময়ে আসিবে জানিয়াও চলিয়া গেল?

নিদারুণ হুঃখে রতনের বুকটা ভাঙ্গিয়া পড়িতে চাহিতেছিল, এতকাল পরে স্বদেশে আত্মীয়-স্বজনের মধ্যে ফিরিয়া আসার যে আনন্দ, তাহা সে কিছুতেই অম্বুভব করিতে পারিতেছিল না। অনেক কষ্টে সে নিজের মধ্যে ধৈর্য আনিয়া কাকিমার আদেশমত আনীত জিনিস কয়টি তাহাকে মিলাইয়া দিল, ছোট বোন সূশীর জন্ম পুতুল, বাস্তব প্রভৃতি অনেক জিনিস আনিয়াছিল, সে সব তাহাকে দিয়া তাহার মুখে হাসির লহর দেখিল। সংসারে যাহাকে সে বর্ধা আন্তরিক ভালবাসিত—যাহাকে একটীবার দেখার জন্ম তাহার মনটা বড় ছটকট করিতেছিল, কেবল

তাহাকেই সে পাইল না, তাহার জন্ম পছন্দ করিয়া আনা জিনিসগুলো ব্যাগের মধ্যেই পড়িয়া রহিল।

অম্বুপম কাকিমার একমাত্র পুত্র, রতনের অপেক্ষা বৎসর তিনেকের ছোট। রতন যখন মাত্র দুই বৎসরের, তখন তাহার মা মারা যান, ছেলোটিকে স্বামী ও জা’য়ের হাতে দিয়া গিয়াছিলেন। স্বামী আর বিবাহ করেন নাই। ভ্রাতৃজ্ঞান হস্তে পুত্রটিকে দিয়া তিনি বিশ্বাস করিতে পারেন নাই, তাহার কারণও ছিল। তিনি লাহোরে কাষ করিতেন, বৎসরে একবারমাত্র দেশে আসিতেন; রতন কাকিমার কাছেই মানুষ হইতেছিল, অতটুকু ছেলেকে নিজের কাছে লইয়া গিয়া রাখিবার সাহস পিতা করিতে পারেন নাই।

অম্বুপমের জন্মের পর রতন কাকিমার নিকট হইতে পূর্বেকার মত আদর-যত্ন আর পায় নাই, ইহা বর্ধার্থ সত্য কথা। কাকা কিশোর বাবু কাষের জন্ম সমস্ত দিন বাহিরে বাহিরেই থাকিতেন, ভিতরে জী কি ভাবে রতনকে লালন-পালন করিতেছেন, সে খবর তিনি বিশেষভাবে জানিতে পারেন নাই।

এক দিন বালক রতনের তদ্বাবধানে চতুর্থাবধীয় শিশু অম্বুকে রাখিয়া কাকিমা কার্যান্তরে গিয়াছিলেন; ছুটু অম্বুকে রতন কিছুতেই সামলাইয়া রাখিতে পারে নাই, অম্বু সিঁড়ির উপর হইতে গড়াইয়া নীচে পড়িয়া গিয়াছিল। এই অপরাধের জন্ম রতনকে সারাদিনের মত একটা ঘরে বন্ধ করিয়া রাখা হইয়াছিল, তাহাকে কিছু আহার করিতে দেওয়া হয় নাই; বালক ক্ষুধার কাতর হইয়া মাকে ডাকিয়া কাঁদিতে কাঁদিতে ঘুমাইয়া পড়িয়াছিল। এ সমস্ত কথা কিশোর বাবুর কানে উঠে নাই, উঠিলে এতদূর ঘটতে পারিত না। দৈবক্রমে সেই দিনই রতনের পিতা বিনোদ বাবু আসিয়া পড়িলেন; নিজের চোখে ছেলের হৃদশা দেখিয়া তিনি তাহাকে নিজের কাছে লাহোরে লইয়া গেলেন, সেইখানে সে লেখাপড়া শিখিতে লাগিল।

এখানে এত শান্তি পাইলেও রতন যাইবার সময় বড় কম কাঁদিয়া যায় নাই; কেন না, অম্বুপমকে সে বড় ভালবাসিত। রতনকে কাছে লইয়া গিয়া পিতা দেশে আসার

সংখ্যা খুবই কমাইয়া দিলেন, হয় ত কোন বৎসর আসিতেন, কোন বৎসর আসিতেন না। পিতার সহিত রতনও আসিত, অল্পমকে লইয়া তখন তাহার আনন্দের সীমা থাকিত না। তিন বৎসরের মাত্র বড় হইয়া সে অল্পমকে ছেলেমানুষ মনে করিয়া উপদেশ দিত, গভীরভাবে তাহার পড়া লইত, শাসন করিত।

রতন এম, এ পাশ করিয়া সম্প্রতি লাহোরেই একটা কাষে নিযুক্ত হইয়াছিল, অল্পম কলিকাতার থাকিয়া বি, এ পড়িতেছিল।

গত বৎসর লাহোরেই বিনোদ বাবু মারা যান, পিতার মৃত্যুর পর রতনের দেশে আসা এই প্রথম। সে ছয় মাসের ছুটি লইয়া আসিয়াছে, এই ছয়টা মাস সে দেশে আত্মীয়-স্বজনের মধ্যে আনন্দে কাটাইয়া দিতে চায়।

রতনের এখানে আসাটাকে কাকিমা মোটেই স্নানজরে দেখিতে পারেন নাই। তাহার আসিবার পত্রখানি লইয়া তিনি স্বামীকে বলিলেন, “ওগো, রতন এবার কি করতে আসছে, তা জানো?”

স্বামীর কথা শুনিয়া কিশোর বাবু আশ্চর্য হইয়া গেলেন, বলিলেন, “কার কথা বলছো,—রতনের? কি করতে সে আসছে—আশ্চর্য্য প্রশ্ন! অনেক কাল সে দেশে আসেনি, প্রায় চার পাঁচ বছর হবে। তাকে কি চিরকালই সেই ভূতের দেশে থাকতে হবে?”

কাকিমা গভীর হাস্যের সহিত বলিলেন, “তাই বটে; সাথে কি লোকে তোমার ঠিকার? এমন নির্কৃষ্ণ লোক পেলে কে না ঠকিয়ে ছ’ হাতে জিনিষ নেবে? তোমার হয়েছে কি,—এর পর যদি ‘মালা’ হাতে করে জী-পুত্র নিয়ে গাছ-তলায় না বসতে হয় ত আমার নামই ঠিক নয়, এ আমি ঠিক বলছি, দেখে নিয়ো।”

কিশোর বাবু নির্বাক-বিশ্বয়ে শুধু জীর দিকে চাহিয়া রহিলেন, কিছুতেই বুঝিয়া উঠিতে পারিলেন না, কেন এত জিনিষ থাকিতে নারিকেলের মালা হাতে করিয়া জী-পুত্রসহ তাঁহাকে পথের ধারে গাছতলায় বসিতে হইবে। তিনি একটু উৎকণ্ঠিতও হইলেন, কেন না, যে সময়ের উল্লেখ করা হইল, সে সময়টা বড়ই ধারাপ। হেতুটা সময় থাকিতে জানা গেলে প্রীতীকার সম্ভব হইতেও পারে।

স্বামীর স্তম্ভিত মুখ ও বিস্ফারিত চোখের দিকে চাহিয়া

কাকিমার জ্যেষ্ঠ আরও বাড়িয়া গেল; তিনি মুখের সম্মুখে হাতখানা নাড়িয়া বলিলেন, “নেকা যেন, কিছু বুঝতে পারেন না। রতন যে এতকাল বাদে দেশে আসছে, এর একটা কোন উদ্দেশ্য নেই, তাই মনে ভাবছ? এই যে বাড়ী-ঘর—বাগান-পুকুর, এ সবই ত রতনের বাপের টাকার হয়েছে। শুনেছি, তোমাদের না কি এইখানটার ছ’খানি মাত্র মেটে ঘর ছিল, পাঁচ সাত কাঠা মাত্র জমী ছিল; এখানকার এই জমিদারী, তিনতালী বাড়ী, এ সব রতনের বাপ নিজের টাকার করেছেন।”

“আর আমি বুঝি কিছুই করি নি, ছোট বউ, আমি বুঝি কেবল—”

জ্যেষ্ঠের আতিশয্যে কিশোর বাবুর কণ্ঠ রুদ্ধ হইয়া গেল।

কাকিমা বলিলেন, “ভারি ত তোমার মাইনে ছিল, তাইতে তুমি করেছ—বলতে একটু মুখেও বাধছে না, এই আশ্চর্য্য। দলিল-পত্র সবই রতনের বাপের নামে, তোমার নামে কিছুই নেই। রতন কি কিছু বোঝে না, সে এখন আর সেই ছেলেমানুষটি নেই, সবই সে বুঝতে পেরেছে, তাই এবার তার সম্পত্তি সে অধিকার করতে আসছে। সে সামান্য একটা চাকরি নিয়ে পড়ে থাকবে সেই দূর লাহোরে, আর তুমি তার বাড়ী-ঘর জমী-জমা স্বচ্ছন্দে ভোগ করবে, সে কি হ’তে পারে? আমার কথা দেখে নিয়ো, সে এবার এই সব ভোগ-দখল করতেই আসছে।”

কিশোর বাবু দীপ্তমুখে মাথা হেলাইয়া বলিলেন, “সে ঠিক কথাই বলেছ, ছোট বউ; আমি তাকে এই জন্তে আসতে বলেছি বলেই ত সে আসছে, নইলে—”

“তুমি তাকে আসতে বলেছ?—”

কাকিমা এক মুহূর্ত্ত স্তব্ধ হইয়া রহিলেন, তখনই সে স্তব্ধতা কাটিয়া গেল, দীপ্তকণ্ঠে তিনি বলিলেন, “তুমি লিখেছ আজ আসতে? তাই ত আমিও ভাবছি, নইলে কে এমন ‘ঘরের ঢেঁকি কুমীর’ আছে, নিজের পারে নিজে কুড়ুল মারছে। অত্নকে পথের ভিখারী করছো—তুমিই?”

হতভম্ব হইয়া গিয়া কিশোর বাবু মাথা চুলকাইয়া বলিলেন, “কেন, পথের ভিখারী হ’ল সে কি করে? রতন তেমন ছেলেই নয়, ছোট বউ, তুমি যা ভাবছ, সে তা কখনই করতে পারবে না। অত্নকে অহর্নিশি দেখছ, তার পাশে

রতনকে দাঁড় করিয়ে দেখ, ছ'জনে ঠিক সমান কিংবা কার চেয়ে কে বেশী। ও সব তোমার কি যে ভাবনা ছোট বউ, ও সব ভেবে মিথ্যে মন খারাপ করো না। এ কথা যথার্থ যে, তার বাপের মাথার ঘাম পায় কেলে উপার্জনের কল নির্কিবাদে ভোগ করছি আমরা, আর সে যথার্থ উত্তরাধিকারী হ'য়ে এর একটি পয়সা,একটা জিনিষ পায় নি। মাসিক সামান্য দেড়শো টাকার জন্তে সে মাথার ঘাম পায় কেলে কেন বাপু, দেশের ছেলে দেশে এসে থাক, যা তোর বাপ করে রেখে গেছে, তা আজ খায় কে? দেড়শো টাকা মাইনে দিয়ে আজ পাঁচটা ম্যানেজার সে নিজেই যে রাখতে পারে, যথার্থ কি না বল, ছোট বউ।”

অত্যন্ত খুসি হইয়া কিশোর বাবু হাসিতে লাগিলেন। স্বামীর নির্কুদ্ধিতা দেখিয়া জীর সর্কাদ জলিতেছিল, মুখখানা কাঠিন করিয়া তিনি সরিয়া গেলেন।

অল্পম খুব লাকালাকি করিয়া বেড়াইতেছিল, “উঃ, আমি তাঁর চাকর কি না, তাই যে দিন বাবু বাড়ী আসবেন, সে দিন আমার বাড়ী থাকা চাই-ই। মনে করছে আর কি ছুদিন বাদে আমিই ত জমিদার হ'ব, এখন হ'তে হুকুমটা চালিয়ে নেওয়া যাক। আমি কখনই এ হুকুম শুনব না, তাকে জানাব যে, আমি তাকে খোড়াই কেয়ার করি।”

সুটকেশের মধ্যে আবশ্যিক ছুই চারিখানা কাপড় জামা গুছাইয়া লইয়া সে মাতুলালয়ে যাত্রা করিল, বেগতিক দেখিয়া কিশোর বাবু পুত্রকে বুঝাইতে গেলেন, পুত্র তাঁহাকে বলিল, “বাবা, তুমি কিছু বোঝ না, মানুষ চিনতে তোমার এখনও চের দেরী আছে। বছরখানেকের মধ্যেই চিনতে পারবে,তখন বুঝতে পারবে আমি ঠিক কায়ই করেছি কি না।”

কিশোর বাবু পিছাইয়া পড়িলেন, মনে মনে ভাবিলেন, এ শতাব্দীর ছেলেগুলো বাপকে মানিতে চায় না। হায় রে সে কাল! তাঁহারা যে মাথা সোজা করিয়া পিতার সম্মুখে দাঁড়াইতে পারেন নাই!

রতন এখানে আসিয়া রহিয়া গেল। দীর্ঘদিন প্রবাসে থাকিয়া প্রাণটা তাহার হাঁকাইয়া উঠিয়াছিল, সে তাই কাকার স্নেহপূর্ণ পত্রখানি পাইবামাত্র ছুটিয়া আসিয়াছে। অল্পকে বলিবে বলিয়া কত কথা সে মনের মধ্যে সাজাইয়া আনিয়াছিল, তাহার একটা কথাও বলা হইল না।

রতন আসিবার কিছু দিন পরে মাতুলালয় হইতে অল্প

লিখিত একখানা পত্র দৈবক্রমে রতনের হাতেই আসিয়া পড়িল। অল্পম জানিত, পত্র যথাস্থানে পৌঁছাবে, কেহ তাহার পত্র পড়িবে না, সেই জন্ত অত্যন্ত সাধারণভাবেই সে পত্রখানা দিয়াছিল।

পত্রে অল্প সামান্য ছুই চারি কথার মাঝখানে লিখিয়াছিল, দাদা থাকতে সে এ বাড়ীতে আসিতে চায় না, সেই জন্ত এখন সে আমার বাড়ীতেই থাকিবে এবং সেখান হইতেই বি, এ, পরীক্ষা দিবার জন্ত প্রস্তুত হইতেছে।

পত্রখানা কখন যে রতনের হাত হইতে খসিয়া পড়িল, তাহা সে জানে না, রতন আশ্চর্য হইয়া দাঁড়াইয়া রহিল। অল্প যে এ কথা লিখিতে পারে, ইহা তাহার স্বপ্নেরও অগোচর। রতন জানে, অল্পকে সে যেমন প্রাণ চালিয়া ভালবাসে, অল্পও তাহাকে তেমনই ভালবাসে; শুধু অল্পের স্বভাব-রঞ্জিত করিয়া সে প্রবাসের দিনগুলি যাপন করিত। অবকাশকালে সে অল্পের দীর্ঘ পত্রগুলো বাহির করিয়া একই পত্র বোধ হয় পঞ্চাশবার করিয়া পড়িত। সে সব পত্রে কি গভীর ভালবাসা! কত স্নেহ তাহাতে উচ্ছ্বসিত হইয়া উঠিত! সে কি শুধু মিথ্যা স্তোক দিয়া তাহার দাদাকে ভুলাইয়া রাখিয়াছিল?

ছুই হাতে মাথা চাপিয়া ধরিয়া রতন অল্পের কথাই ভাবিতে লাগিল।

সাম্বনা দিতে যখন কেহ না থাকে, তখন অধীর মন আপনাকেই আপনি সাম্বনা দেয় দেখা যায়। রতনের মনে ধীরে ধীরে একটি সাম্বনার বাণী ভাসিয়া উঠিল,—এ মিথ্যা কথা নহে ত? অল্প হয় ত তাহার মন বুঝিবার জন্তই এমন সাধারণ ভাবে পত্রখানা দিয়াছে, সে নিশ্চয়ই জানে, এ পত্র তাহার হাতে পড়িবেই। হাঁ, ইহাই সম্ভব, এমন ভয়ানক কথা কখনই সত্য হইতে পারে না।

তাহার বিবর্ণ মুখে আবার চিরন্তন হাসির রেখা ফুটিয়া উঠিল। পত্রখানা তুলিয়া লইয়া কাকিমার কাছে গিয়া হাসিমুখে সেখানা তাঁহার হাতে দিয়া বলিল, “অল্প কি ছুই হয়েছে দেখেছ, কাকিমা, কি রকম করে পত্রখানা লিখেছে একবার দেখ। সে আমার পরীক্ষা করছে,—দেখেছে আমি পত্র পেয়ে পাগল হয়ে বাই কি না। তেমনই বোকা কি না আমি যে, এই সামান্য পত্রখানা পেয়ে এই মিথ্যেটাকেই যথার্থ বলে মনে নেব?”

কাকিমার মুখখানা এতটুকু হইয়া গেল। তিনি তাড়া-তাড়ি পত্রখানা কুড়াইয়া লইয়া শুধু হাসি হাসিয়া বলিলেন, “তাই ত, বোকা ত তুমি হওনি বাবা, তার কাষের দ্বারাই সে বোকা হ’য়ে গেল। সে স্পষ্টই ত দেখছে যে—”

কথাটা আর শেষ করা হইল না, কি একটা গলার মধ্যে বাধিয়া যাওয়ার তিনি ভীষণ রকম একটা বিষম খাইলেন।

অনু আসিল না; দিনের পর দিন—সপ্তাহের পর সপ্তাহ কাটিয়া চলিল, অনু ফিরিল না।

বিবর্ণ মুখে রতন বলিল, “অনু তবে যথার্থ কথাই লিখেছে কাকিমা, আমি থাকতে সে আর বোধ হয় এখানে আসবে না। আমি তার কি করেছি কাকিমা, আমি যে তাকে এখনও সেই ছোটবেলার মতই ভালবাসি।”

রতনের চক্ষু দুইটি অশ্রুতে পূর্ণ হইয়া উঠিয়াছিল, গোপন করিবার জন্তই সে তাড়াতাড়ি মুখ ফিরাইল।

কাকিমা ব্যস্ত হইয়া উঠিলেন, “সে কি কথা, বাবা, তাও কি হ’তে পারে কখনও? অনু দাদা বলতে বাঁচে না, সে কখনও সত্যি এ কথা বলতে পারে? নতুন জায়গায় গেছে, সমবয়সী কয়টি পেয়েছে, তাই চট করে আসছে না। সখ মিটলেই আপনি আসবে।”

বিষন্ন স্বরে রতন বলিল, “তত দিনে আমিও ত চলে যাব কাকিমা, আমার সঙ্গে তার আর দেখা হবে না।”

কাকিমা বলিলেন, “সে কি কথা? এখানে থাকো, জমিজমাগুলো নইলে—”

শুধু হাসি হাসিয়া রতন বলিল, “আমি ও সব বুঝিনে কাকিমা, কাকা আছেন, চিরকাল যেমন তিনি দেখছেন, তেমনই দেখবেন।”

প্রায় তের চৌদ্দ বৎসরের কথা, বিনোদ বাবুর অকৃত্রিম বন্ধু হাইকোর্টের এটর্নি হেমলাল বাবু প্রস্তাব করিয়াছিলেন, তাঁহার কন্ঠার সহিত রতনের বিবাহ দিতে হইবে। মেয়েটি মাত্র চার পাঁচ বৎসরের ও রতন এগার বার বৎসরের বালকমাত্র। বিনোদ বাবু বাঙ্গালার আসিলেই হেম বাবুর বাসায় গিয়া দুই চারি দিন বিশ্রাম লইতেন, রতনও সেখানে মহানন্দে খেলিয়া বেড়াইত, হেম বাবুর জী এই মাতৃ-হারী স্মদর্শন বালকটির ব্যবহারে ও চতুরতার বড়ই স্ত্রীত হইয়াছিলেন। এই ছেলেটির মায়ের অভাব তিনি নিজেকে

দিয়া পূর্ণ করিবার জন্ত ব্যগ্র হইয়া উঠিয়াছিলেন, তাই আশাকে দিয়া তাহাকে কাছে পাইবার প্রস্তাবটা তিনিই করিয়াছিলেন।

এ প্রস্তাবে বিনোদ বাবু আনন্দের সহিত সম্মত হইয়াছিলেন। মেয়েটি পিতামাতার একমাত্র সন্তান, কিন্তু শুধু এই জন্তই তিনি তাহাকে পাইতে চান নাই; ইহার রূপ ও গুণও তাঁহাকে আকর্ষণ করিয়াছিল। পুত্রের ভাবী স্ত্রীরূপে তিনি আশাকেই নির্বাচিত করিয়াছিলেন।

আশা ম্যাট্রিক পাস করিয়াছিল। হিন্দুর মেয়ের পক্ষে এই লেখাপড়াই যথেষ্ট মনে করিয়া তাহার পিতামাতা তাহাকে আর পড়ান নাই। রতনের পথ চাহিয়া তাঁহারা কন্ঠাকে এই অষ্টাদশ বৎসর পর্যন্ত অবিবাহিতা রাখিয়াছেন। রতনকে দেশে ফিরিয়া আসিয়া বিবাহ করিবার জন্ত তাঁহারাও উপযুক্তপরি কয়েকখানি পত্র দিয়াছেন।

পিতা যে এই বিবাহ-সম্বন্ধ ঠিক করিয়া রাখিয়া গিয়াছেন, এ কথা নিজের মুখে কাকাকে জানাইতে রতন বড় লজ্জাবোধ করিতেছিল। আশার একখানি ফটো তাহার কাছে ছিল এবং হেম বাবুর একখানি পত্রও ছিল; এখন এই পত্র ও ফটোখানি কোন রকমে কাকার সম্মুখে গোপনে চালান করিতে পারিলে হয়। বিশ্বাস আছে, কাকা পত্র পড়িয়া এবং ফটো দেখিয়া সবিশেষ বুঝিতে পারিবেন।

আশাকে রতন যথার্থই ভালবাসিত; কিন্তু বাক্যে বা ব্যবহারে সে কথা সে কোনও দিন প্রকাশ করে নাই। সে জানিত, তাহার পরলোকগত পিতার সম্মতি এবং আশার পিতামাতার আন্তরিক আগ্রহের ফলে সে অবশ্যই আশাকে লাভ করিয়া চরিতার্থ হইবে। কিন্তু সম্মতি হেমলাল বাবু-লাহোরের ঠিকানায় তাহাকে যে পত্র দিয়াছেন, তাহার এক স্থানে লিখিত ছিল যে, রতনের অনাবশ্যক বিলম্বে তাঁহারা ক্রমেই নিরুৎসাহ হইয়া পড়িতেছেন। যদি একান্তই তাহার বিবাহের অভিপ্রায় না থাকে, তবে বাধ্য হইয়া তাঁহাকে অন্তত কন্ঠাদান করিতে হইবে। হিন্দুর ঘরের মেয়ে আর রাখা ত যায় না। অন্তত হইতে আর একটা ভাল সম্বন্ধ আসিয়াছে। রতন আর বিলম্ব করিলে বাধ্য হইয়া সেই পাজেই তাঁহাকে কন্ঠার বিবাহ দিতে হইবে।

• হেমলাল বাবুর শেষ পত্রখানা বাস্তব-হই পড়িয়া রতন ব্যাগ হইতে আশার ফটো বাহির করিয়া তন্নয়ন হইয়া

দেখিতে লাগিল। এই আশা যে তাহার বাগদত্তা, সে অস্ত্রের হইবে, এ কি সম্ভব হয়? না, আজ যেমন করিয়াই হউক, কাকাকে সব বলা চাই-ই, নহিলে তাহারই সব যায় যে!

চঞ্চল চরণক্ষেপে চতুর্দিক শব্দায়িত করিয়া ছুটিতে ছুটিতে স্ত্রী আসিয়া পড়িল। “কার ছবি দাদা,— দেখি?”

ফস করিয়া রতনের হাত হইতে ফটোখানা টানিয়া লইয়া একটি বারের জন্ত পলকের দৃষ্টিপাত করিয়া সহজ সুরেই সে বলিল, “ও, বউদির ছবি দেখছ?”

“বউদি,—বউদি কে?”

রতন একবারে অবাক হইয়া গেল। তাহার সহিত আশার বিবাহ হইবে, এ কথা তবে বাড়ীর সকলেই জানে।

উচ্চ হাসিয়া স্ত্রী বলিল, “ও মা, সে কথা তুমি জান না বড়দা? এই মেয়ের নাম আশা না? এর সঙ্গে দাদার বিয়ের সম্বন্ধ ঠিক হয়ে গেছে; আশীর্বাদ পর্য্যন্ত হয়ে গেছে যে! এই ত বৈশাখ মাসেই বিয়ে হবে, সব ঠিক। হ্যাঁ, বড়দা, তোমার সঙ্গে না এক এর বিয়ে হওয়ার কথা ছিল?”

রতন একবারে স্তম্ভিত হইয়া গিয়াছিল, তাহার মনে হইতেছিল, এমন আঘাত সে জীবনে আর কখনও পায় নাই। এক দিন সে আর একটা ছঃসহ আঘাত পাইয়াছিল, সে তাহার পিতার মৃত্যুর দিনে; কিন্তু সে অসহ শোকেও সে সাধনা পাইয়াছিল। আজিকার এ বেদনায় সে সাধনা পাইবে কোথায়?

আঘাতের প্রথম বেদনাটা সামলাইয়া লইতে রতনের কয়েক মুহূর্ত কাটিয়া গেল; তাহার পরই সে বিবর্ণ মুখে বলিয়া উঠিল, “কে বললে এর সঙ্গে আমার বিয়ে হওয়ার কথা ছিল?”

স্ত্রী হাসিয়া উঠিয়া করতালি দিয়া বলিল, “আহা! আমি যেন কিছু জানিনে। মা আর দাদা এক দিন এই সব কথাই ত বলছিল, আমি সেখানে বসে পুতুল খেলতে খেলতে সব শুনেছি। হঁ হঁ, আমার চোখে ধুলো দেওয়া অমনি কি না।”

স্ত্রী খানিকটা খুব হাসিয়া লইয়া তাহার পর হঠাৎ গম্ভীর হইয়া উঠিয়া বলিল, “হ্যাঁ বড়দা, তা তুমিই কেন একে বিয়ে করলে না? দাদা বলছিল অরুণ দাদার কাছে,

তুমি না কি একে খুব ভালবাস, সেই জন্ত দাদা একে বিয়ে করবেই। কেন দাদা, এ রকম—”

তিরস্কারের সুরে রতন বলিল, “ছোটমুখে ও সব কথা মোটেই মানায় না স্ত্রী, তুই যা খেলা কর গিয়ে। ও সব ব্যাপার নিয়ে তোকে এখন হ’তে বুড়োর মত মাথা ঘামাতে হবে না।”

মাথা হুলাইয়া স্ত্রী বলিল, “না, মাথা ঘামাতে হবে না বই কি, যা শুনেছি তাও বলব না? তুমি না কি তোমার বাড়ী-ঘর, বাগান-পুকুর নিতে এসেছ দাদা, আমাদের সকলকে না কি তাড়িয়ে দেবে?”

রতন জিজ্ঞাসা করিল, “কে বললে?”

স্ত্রী উত্তর দিল, “মা তোমার এখানে আসার আগে বাবাকে বলছিলেন, আমি লুকিয়ে থেকে সব শুনেছি। আমাদের কেন তাড়িয়ে দেবে দাদা! আমরা কি করেছি?”

গম্ভীর স্বরে রতন বলিল, “কিছু করিস্ নি বোন, কিছু করিস্ নি। হ্যাঁ রে স্ত্রী, আমায় দেখে কি তেমনি মনে হয়, আমি কি তোদের তাড়িয়ে দিতে পারি? এ বাড়ী-ঘর, বাগান-পুকুর, যার কথা তুই বলছিস, এ সবই যে তোদের বোন, আমি এখানে ছ’দিনের জন্তে এসেছি, কিছুই ত নিতে আসি নি। কাকা যদি আমায় না দেখতেন, কাকিমা যদি আমায় কোলে তুলে না নিতেন, এত দিন কোথায় থাকতুম? সংসারের সঙ্গে সকল সম্পর্কই আমার উঠে যেত যে! আমি নেমকহারাম নই, আমি জীবন থাকতে সে কথা ত ভুলতে পারব না, ভাই।”

রতনের অস্তরে ক’তখানি গভীর ক্ষত উৎপন্ন হইয়াছিল, তাহা তাহার বাহ্য ভাব দেখিয়া কেহই বুঝিতে পারিল না। কেহ জানিতে পারিল না, তাহার বুকের অভ্যন্তরে রাবণের চিতা জলিতেছে, সেই চিতায় তাহার শান্তি, সুখ সবই পুড়িয়া গিয়াছে।

চৈত্র মাস শেষ হইয়া আসিল। রতন গিয়া কাকাকে জানাইল, সে ছই তিন দিনের মধ্যে তাহার কার্যস্থল লাহোর চলিয়া যাইবে।

কিশোর বাবু কি লিখিতেছিলেন, হাতের কলমটা ফেলিয়া তাহার মুখপানে তাকাইয়া বলিলেন, ছয় মাসের ছুটি নিয়ে এসেছিস, তিন মাসও পুরো ছই নি। এর মধ্যে চলে যাবি কি, রতন?”

রতন নতমস্তকে বলিল, “হ্যাঁ কাকা, বড় দরকার পড়েছে—সেই জন্তে—”

চিরপূজ্য পিতৃসম কাকার কাছে রতন জানে কখনও মিথ্যা কথা বলে নাই; আজ এই মিথ্যা কথাগুলি বলিতে তাহার হৃদয় শতধা হইয়া যাইতেছিল, তথাপি বলিতে হইল, আর উপায় নাই।

কিশোর বাবু অকস্মাৎ দীপ্ত হইয়া উঠিয়া বলিলেন, “তা পড়ুক দরকার, আমি তোকে আর সেখানে যেতে দেব না। এই বাড়ী-ঘর সবই তোরা, দাদা মুখের রক্ত তুলে বাড়ী-ঘর, জমিদারী করে গেছেন—সে কি পরের জন্তে? তাঁর একমাত্র ছালাল তুই থাকবি বিদেশে—সামান্য দেড়শো টাকার জন্ত বৃকের রক্ত জল করবি, আর পরে তোর বিষয়-সম্পত্তি লুঠে খাবে, তোর টাকায় বড়মানুষী করবে, এ হতেই পারে না রতন।”

শান্ত স্বরে রতন জিজ্ঞাসা করিল, “পর কে কাকা?”

কাকা কথাটা বলিয়া ফেলিয়া সামলাইয়া লইবার জন্ত ইতস্ততঃ করিতেছিলেন। নেহাৎ ভালমানুষ কাকার এই অবস্থা দেখিয়া রতনের চিত্ত ব্যথিত হইয়া উঠিল, সে বলিল, “আপনি বৃষ্টি নিজেদের পর বলছেন; এ কথাটা কেমন করে মুখে আনলেন, কাকা? জগতে আপনাদের চেয়ে আমার আপনার আর কেউ আছে কি? আপনাদের স্নেহ যদি আমি না পেতুম, তা হ’লে আমার কোথায় যেতে হ’ত, আমার যে কোন অস্তিত্বই থাকত না। বাবা আপনাকে জানেন ব’লেই আপনার হাতে সব বিষয় দিয়ে গেছেন, আমার আপনার আদেশমত চলবার উপদেশ দিয়ে গেছেন। না কাকা, আপনি আপনাদের পর বলবেন না, ওতে মনে হয়—আপনারা আমার পর ক’রে দিচ্ছেন।”

তাহার চোখ দিয়া টপ্ টপ্ করিয়া কয়েক ফোঁটা জল ঝরিয়া পড়িল।

ব্যস্ত হইয়া উঠিয়া কিশোর বাবু তাহাকে টানিয়া বসাইলেন, “কাদছিস রতন,—হ্যাঁ রে, কাদছিস কেন রে? সত্যই কি আমি তোকে পর ভাবতে পারি, আমি যে তোকে অল্পর চেয়েও ভালবাসি। অল্প তোর অনেক পরে এসেছে, বৃকের ভালবাসাটা তুই যে আগে নিয়েছিস। কেউ কি আজ সে কথা জানে, কেউ না, কেউ জানে না।

এক জন জানতেন, সে দাদা আমার স্বর্গে চলে গেছেন, আমি তাঁর কাছ ছাড়া জগতে আর এক প্রাণীর কাছে আমার কথা প্রকাশ করিনে। সকলে কত কথা বলে, তোর জমিদারী বাড়ী-ঘর সব নিজের নামে করে নেওয়ার জন্তে কত শিক্ষা দেয়, ওরে, আমি কি তোর সেই কাকা : যে তোর জিনিষ আমি নেব? যকের মতন তোর জিনিষ আমি আগলে নিয়ে বসে আছি, অল্পকে পর্যন্ত কিছুতে হাত দেবার অধিকার দিই নি। কত অপমান যে প্রকৃত আমার সইতে হয় রতন, আজ যদি তোর বাপ থাকতেন, তাঁর কাছে সব কথা বলে মনের ভার হালকা করে ফেলতুম।” তাহার কণ্ঠস্বর একেবারেই রুদ্ধ হইয়া গেল, তিনি তাড়াতাড়ি অন্ধ দিকে মুখ ফিরাইলেন।

ব্যথিতই ব্যথিতের মর্ষ বৃষ্টি, নিপীড়িত নিপীড়িতের বেদনা বৃষ্টি, দরিদ্রই দরিদ্রের দারিদ্র্য-কষ্ট বৃষ্টি; ঠিক সেই জন্তই রতন কাকাকে বৃষ্টি, কাকা-ভাইপোর চোখের জল এক জনের উদ্দেশ্যেই ছুটিল।

কিশোর বাবু চকিতে আপনাকে সামলাইয়া লইলেন, আর্ন্তকণ্ঠে বলিলেন, “তা বলে তুই চলে গেলে চলবে না রতন, বিয়ে করে সংসারী হয়ে এইখানেই থাক। দাদা বলেছিলেন, হেম বাবুর মেয়ে আশাকে যেন পুত্রবধু করা হয়; সে সম্বন্ধ আমি ঠিক করে রেখেছি, এই বৈশাখেই বিয়ে দেব ঠিক করেছি। অল্পকেও পাঠিয়েছিলুম, সে তার কয়টি বন্ধুকে নিয়ে গিয়ে দেখে এসে শতমুখে প্রশংসা করলে। বৈশাখ মাসে বিয়ে করে বউমাকে এনে বাড়ীতে বস, আমার কর্তব্যও শেষ হয়ে যাক।”

হায় রে! সরল হৃদয় কাকা অল্পকে বৃষ্টি দাদার পাত্রী দেখিতে পাঠাইয়াছিলেন; সে যে নিজের সম্বন্ধ নিজেই ঠিক করিয়া আসিয়াছে, কাকা তাহা এখনও জানেন না। না, এ কথা তাঁহাকে জানান হইবে না, তাহার ব্যথাভরা মনটাকে একেবারে ভাঙ্গিয়া চূর্ণ করিয়া ফেলা কখনই উচিত নয়। তিনি যে বড় সরল, তাহার মন যে বড় উদার।

রতন খানিকটা চুপ করিয়া রহিল, সকল বিধা-সঙ্কোচকে দমন করিয়া ফেলিয়া হঠাৎ সে বলিয়া উঠিল, “আমি তাকে বিয়ে করতে পারব না কাকা।”

কিশোর বাবু আকাশ হইতে পড়িলেন, বিস্ফারিত

চোখের দৃষ্টি তাহার মুখের উপর রাখিয়া বলিলেন, “তাকে বিয়ে করবি নে, সে কি কথা বলছিল রতন? দাদা যে তার সঙ্গে তোর বিয়ের সম্বন্ধ করে রেখেছেন, তাঁর সে কথা রাখবি নে?”

বড় ব্যথায় রতন হাসিল, বলিল, “বাবা আমাদের ছোট বেলার কারও প্রকৃতি না জেনেই বিয়ের সম্বন্ধ করে রাখলেও সে যদি আমার তার উপযুক্ত না মনে করে বা আমি তাকে উপযুক্ত না মনে করি; তবু সব বুঝেও বাবার আদেশ রাখতে চিরকালের জন্তে ছঃখবরণ করে নিতে হবে? কাকা, আমাদের বিয়ে করতেই হবে?”

কিশোর বাবু মাথা-চুলকাইয়া চিন্তিত মুখে বলিলেন, “তা বটে; তবে তোমার যদি মত না হয়, থাক। কিন্তু আমি কথা দিয়েছি যে রতন?”

ব্যাকুলভাবে তিনি রতনের দিকে তাকাইলেন।

শান্ত স্বরে রতন বলিল. “আপনার একটুও ভাবতে হবে না কাকা, আমি অমুর সঙ্গে তার বিয়ে দেওয়ার কথা বলছি, কেন না, আমি জানি অমুর সঙ্গে তার ঠিক মিল হবে। আমি আশাকে বেশ জানি, আমাদের ঘরে যাকে বলে রূপে লক্ষ্মী, গুণে সরস্বতী, সে বাস্তবিকই তাই। কাকিমা তার মত পুত্রবধু পেয়ে সুখী হবেন, আপনিও অসুখী হবেন না। অমু তাকে দেখেছে, আমি জানি, পছন্দও করেছে, তাকে বিয়ে করতে অমু রাজি হবে। আপনি একবার অমুমতি দিন কাকা, আমি আনন্দের সঙ্গে এতে মত দিচ্ছি, যাতে বিয়েটা হয়, তার জন্তে হেম বাবুকে পত্রও দিচ্ছি। আপনি ভাবছেন, আশা আমার বাগদত্তা, আর এমন রূপ ও গুণ থাকা সত্ত্বেও কেন আমি তাকে বিয়ে করলুম না, কিন্তু কাকা, বিয়ে করতে আমার মোটেই ইচ্ছা নাই, সেই জন্তে—”

একটা দিকে কুল পাইয়া কিশোর বাবু যেন হাঁক ছাড়িয়া বাঁচিলেন, অল্প দিকে রতন বিবাহ করিতে চায় না শুনিয়া তেমনই উদ্ভিগ্ন হইয়া উঠিলেন; ব্যগ্রকণ্ঠে তিনি বলিলেন, “তুই মোটেই বিয়ে করবিনে রতন, সে কি কথা বলছিল?”

কাকার উদ্ভিগ্নতার দেখিয়া রতন হাসিল, “তাই কি হয় কাকা; বিয়ে করব বই কি, তবে ছুঁচার বছর পরে। জমিদারী যেমন চালাচ্ছেন, তেমনই চালান, ছুঁচার বছর

পরে আমি ফিরে এসে সব তার নেব, আপনাকে তখন কিছু ভাবতে হবে না।”

রতন কিছুতেই কাকা কাকিমার অমুরোধ রাখিতে পারিল না। কাকিমা যখন শুনিলেন, সে জমিদারী লইবে না এবং আশার সহিত অমুর বিবাহ-সম্বন্ধ ঠিক করিয়া দিয়া নিজে আবার স্বদূর সেই লাহোরে চলিয়া যাইতেছে, তখন রতনের উপর তাঁহার পুত্রাধিক মারা উৎসাকারে ঝরিয়া পড়িল। তিনি কিছুতেই রতনকে ছাড়িলেন না, চোখের জল ফেলিয়া অন্ততঃ পক্ষে ভাইয়ের বিবাহকাল পর্যন্ত দেশে থাকিবার জন্ত বিশেষ অমুরোধ করিলেন, অমুর পত্র দেখাইলেন, সে আগামী কল্যা বাড়ী আসিবে। মাঝে আর পনেরটা দিনমাত্র আছে, এই কয়টা দিন পরে রতন যাইতে পারে, তখন তিনি আপত্তি করিবেন না।

রতন অচল, অটল। সে জানাইল, তাহার উপরওয়ালা তাহাকে জরুরী তার দিয়াছেন। সে না হয় পূজার সময়ে আসিয়া দিন কত দেশে থাকিবে, সেই সময় অমুর সহিত তাহার দেখা হইবে এবং ভ্রাতৃবধুকেও সে সেই সময়ে দেখিবে। সকলের নিকট হইতে বিদায় লইয়া অকম্পিতপদে সে জন্মের মতই দেশ ছাড়িয়া চলিয়া গেল— আর ফিরিয়াও চাহিল না।

অমুপমের বিবাহ আশার সহিত সম্পন্ন হইয়া গেল।

বিবাহের ঠিক নির্দিষ্ট দিনে রতনের নিকট হইতে নববধু আশালতার নামে একখানি রেজেষ্ট্রী করা দান-পত্র আসিয়া পৌঁছাইল, তাহার সহিত কিশোর বাবুর নামে একখানি পত্রও ছিল। পত্রে সে মোটামুটি জানাইয়াছিল, সে আর দেশে ফিরিবে না, দেশের সহিত সকল সম্বন্ধ সে এবার গিয়া মিটাইয়া আসিয়াছে। নববধুকে যৌতুকস্বরূপ তাহার কিছু দিবার অধিকার নিশ্চয়ই আছে, কেন না, রতনের বড় স্নেহের ভ্রাতা অমুপমের স্ত্রী; শুধু এই সম্পর্কটুকু মনে করিয়া সে তাহার পৈতৃক স্থাবর অস্থাবর সমস্ত সম্পত্তি তাহার নামে লেখাপড়া করিয়া দিল। ভবিষ্যতে তাহার জন্ত আর কাহাকেও ভাবিতে হইবে না, সকলে যেন তাহাকে বাস্তব জগতের বহির্ভূত বলিয়া মনে করে; সেই জন্তই সে নিজের নির্কাসন নিজেই নির্কাসন করিয়া লইল।

কিশোর বাবুর চোখের উপর হইতে একখানি রহস্যময়

পর্দা যেন হঠাৎ খসিয়া পড়িয়া গেল, তিনি খানিক স্তম্ভিত-ভাবে দাঁড়াইয়া থাকিয়া শেষে পত্রহস্তে জীর সন্ধানে ছুটিলেন। পথের মাঝে তাঁহাকে দেখিতে পাইয়া তীব্রকণ্ঠে মুখে যাহা আসিল, তাহাই বলিয়া গেলেন; তাঁহাদের চক্রান্তে পড়িয়াই যে রতন আজ চিরকালের জন্য প্রবাসী হইল, নিজের সর্বস্ব পরকে বিলাইয়া ফকির সাজিল, কথা বলিতে বলিতে হঠাৎ তাঁহার কণ্ঠস্বরের তীব্রতা জলে ভিজিয়া কোমল হইয়া পড়িল, চোখ ছাপাইয়া খানিকটা জল-ঝর ঝর করিয়া ঝরিয়া পড়িল।

কিশোর বাবু দানপত্রখানা জীর গায়ে ছুড়িয়া ফেলিয়া চোখ মুছিতে মুছিতে বলিলেন, “এই রইল দানপত্র। ভবিষ্যতে তোমাদের জমিদারী তোমরাই চালিও। তার ব্যাপ-মা কেউ নেই বলে তোমরা সবাই ষড়যন্ত্র করে যে তাকে সর্বস্বহারা করে সেখানে নিঃসহায়ভাবে একলা ফেলে রাখবে, তা হ’তে পারে না। আমি ত এখনও মরিনি, আমি যতক্ষণ বেঁচে আছি, ততক্ষণ আমি তারই সেই স্নেহ-ময় কাকা, তোমরা তাকে ত্যাগ করেছ, আমি তাকে বুকে তুলে নেব। এ দানপত্র আমি এখনই নষ্ট করে ফেলতে পারি, কেন না, এখনও আমার ইচ্ছায় কাঁচ চলতে পারে—তোমাদের স্থান যথার্থই আমি গাছতলায় নির্দেশ করে দিতে পারি; কিন্তু তা আমি ক’রব না। তার এই ত্যাগ তাকে বড় মহিমাময় করে দিয়েছে, আমি তাকে বড় ভাল-বাসি বলেই নীচু করতে পারব না। তার ত্যক্ত এই সম্পত্তি অভিশাপের মতই তোমাদের বুক চেপে বসে থাক, নড়তে চড়তে যেন বুকের মধ্যে কাঁটা বেঁধে—এ তারই দান-যার সুখশান্তি সব তোমরা কেড়ে নিয়েছ। সে বড় আশা করে সংসারী হ’তে এসেছিল—তোমরা তার সুখের ঘরে আগুন দিয়ে পথ হতেই তাকে বিদায় করেছ। উঃ, সব রকমে কি রকম বঞ্চনাই না করেছ তাকে, সেইগুলো মনে ক’র, তা হলে তার মহত্বটাও বুঝতে পারবে। তোমাদের সব আছে, তার আমি ছাড়া এ জগতে আর কেউ নেই, তাই আমি তার কাছেই চললুম, তোমাদের সঙ্গে আমার সম্পর্কও চিরকালের মত ফুরিয়ে গেল।”

সেই দিনই বাস-বিছানা গুছাইয়া কাহারও অধরোধ

অধরোধে কর্ণপাত না করিয়া কিশোর বাবু রতনের নিকট যাত্রা করিলেন।

নিজের সর্বস্ব দানের ব্যথা রতনকে এতটুকু কষ্ট দিতে পারে নাই। অন্তরে হয় ত মেঘ জমিয়াছিল, বাহিরে তাহার আভাস কিছুমাত্র ছিল না।

সকাল বেলাটার রতন মুখহাত ধুইয়া আসিয়া সবেমাত্র চায়ের কাপে হাত দিয়াছে, ঠিক সেই সময়ে কাকা আসিয়া পড়িলেন। হাতের কাপ নামিয়া পড়িল, কাকা তাহাকে বুকের মধ্যে জড়াইয়া ধরিয়া কাঁদিয়া ফেলিলেন। ব্যাপারটা বুঝিতে রতনের বিন্দুমাত্র বিলম্ব হইল না, তথাপি সে রুদ্ধকণ্ঠে জিজ্ঞাসা করিল, “আপুনি এখানে এলেন কেন, কাকা?”

“কেন এসেছি তাই জিজ্ঞাসা করছিস রতন? আমি তোঁর কাছে—এখানে থাকতে এসেছি। নিজের অতুল বৈভব, শান্তিসুখ সব বিসর্জন দিয়ে এখানে ছঃখপূর্ণ নির্বাসিত জীবন ভোগ করতে তুই চাস, আমিও তোঁর সাথী হয়ে এখানে থাকব। সংসারের দেনাপাওনা সব চুকিয়ে দিয়ে এসেছি, ওদের সঙ্গে আর আমার কোনও সম্পর্ক নেই। স্বামীর কর্তব্য পালন করেছি, পিতার কর্তব্য পালন করেছি, কাকার কর্তব্য পালন করতে পারিনি, তাই পালন করতে এসেছি। তুই আমার বাধা দিস নে রতন, তুই যেন আমার ফিরে পাঠাতে চাস নে; মনে কর, যদি আজ তোঁর বাপ থাকতেন, তাঁকে কি ঠেকিয়ে রাখতে পারতিস? আমি তোঁর সেই বাপেরই ভাই, একই রক্ত আমাদের দেহে ছিল—এখনও আমার আছে, তাই তোঁর বাপ স্বর্গ হ’তে তাঁর ইচ্ছা আমার প্রাণে প্রেরণ করেছেন; আমি তাঁর আদেশ পালন করব, তোকে ফেলে প্রাণ থাকতে কোথাও যাব না।”

রতনের ছুইটি চোখ জলে পূর্ণ হইয়া উঠিল, সে মুখ ফিরাইয়া বলিল, “না, না, কাকা আপনাকে কোথাও যেতে হবে না। আমরা পিতাপুত্র এখানে বেশ সুখে দিনগুলো কাটিয়ে দেব। আপনি বসুন, আমি আপনার স্থান করবার উত্তোগ করতে চাকরটাকে বলে দেই।”


শ্রীমতী প্রভাবতী দেবী সরস্বতী।

বুদ্ধগয়া

২

বুদ্ধগয়ায় যে সমস্ত দেবমূর্তি দেখিতে পাওয়া যায়, তাহা হিন্দুর নিকটে নূতন। বৌদ্ধধর্মের প্রথম অবস্থায় মূর্তি-পূজা প্রচলিত ছিল না। বুদ্ধদেবের মৃত্যুর পর তাঁহার ভ্রাতৃ আট ভাগে বিভক্ত করিয়া আটটি দেশের রাজাকে দেওয়া হইয়াছিল। তাঁহারা এই ভ্রাতৃ উপরে “চৈত্য” নির্মাণ করাইয়াছিলেন। চিতার ভ্রাতৃর আধার বলিয়া এই জাতীয় ইমারতের নাম চৈত্য। গৌতম বুদ্ধ যখন বাঁচিয়া ছিলেন,

চৈত্য আছে। বুদ্ধগয়ায় মহাবোধি মন্দিরের উত্তর দিকে ছোট বড় অতি প্রাচীনকালের অনেকগুলি পাথরের চৈত্য দেখিতে পাওয়া যায়। পরবর্তীকালে চৈত্য লম্বায় বাড়িয়া গিয়াছিল। বাঙ্গালা দেশের পাল রাজাদের আমলে একটি গোল পাথরের বেদীর উপরে অর্ধ বৃত্তাকার স্তূপ নির্মাণ করা হইত। ক্রমে ক্রমে এই পাথরের বেদীটি লম্বা হইয়া উঠিয়া একটি ছোট মন্দিরের আকার ধারণ করিয়াছিল।



পালরাজের আমলের চৈত্য

তখনই চৈত্য কি রকম আকারের হইবে, তাহার বর্ণনা করিয়াছিলেন। অতি প্রাচীনকালের চৈত্যগুলি অর্ধ বৃত্তাকার। বুদ্ধদেবের ভিক্ষাপাত্র বা মাটির মালসা উল্টাইয়া রাখিলে দেখিতে যে রকম হয়, প্রাচীনকালের চৈত্যগুলি ঠিক সেই রকম। রাওলপিণ্ডির নিকটে মানকিয়ালা গ্রামে, তরুশিলার নিকটে এবং মালব দেশে ভিলসার নিকটে সাধী গ্রামে এই জাতীয় পুরাতন স্তূপ বা



সেনরাজাদের আমলের চৈত্য

এই জাতীয় চৈত্য সেন রাজাদের আমলে তৈয়ারী হইত এবং ইহার অনেকগুলি বুদ্ধগয়ায় পাওয়া গিয়াছে। এই চৈত্য আবার দুই রকমের; স্মারক চৈত্য এবং গর্ভচৈত্য। স্মারক চৈত্যগুলি নিরেট। কাশীর নিকটে সাধনাথে, যেখানে গৌতম বুদ্ধ প্রথম ধর্মপ্রচার করিয়াছিলেন, তাহার নিকটে একটি বড় পাথরের নিরেট বা স্মারক চৈত্য আছে। ফাঁপা বা গর্ভ চৈত্যগুলিতে বুদ্ধের, তাঁহার শিষ্যবর্গের

অথবা কোন বিখ্যাত বৌদ্ধ সাধুর অস্থি বা ভস্ম রাখা হইত। মানকিয়ানা বা সরস্বতীর চৈত্যে এই রকম ভস্মাবশেষ পাওয়া গিয়াছে। এই জাতীয় ছোট গর্ভচৈত্য বুদ্ধ গয়ার অনেক পাওয়া গিয়াছে। চৈত্যের চারিদিকে সাধারণতঃ চারিটি কুলুঙ্গী দেখিতে পাওয়া যায় এবং এক একটি কুলুঙ্গীতে সাধারণতঃ বুদ্ধের এক একটি মূর্তি থাকে।



পাথরের তোরণের নিকটবর্তী চৈত্য

বুদ্ধগয়া-মন্দিরের সম্মুখে পাথরের তোরণের নিকটে যে মাঝারি পাথরের চৈত্যটি আছে, তাহাতে কিন্তু বুদ্ধের মৃত্যুর পরিবর্তে তাঁহার জীবনের চারিটি প্রধান ঘটনা আছে। একদিকের কুলুঙ্গীতে বৈশালীতে মর্কট-হৃদের ভীরে একটি বানর কর্তৃক গৌতম বৌদ্ধকে মধু প্রদানের চিত্র, অপর দিকে শ্রাবস্তীতে গৌতম বুদ্ধ কর্তৃক ছয় জন তীর্থিক পণ্ডিতের পরাজয় চিত্র, তৃতীয় দিকে সঙ্কাস্ত্র নগরে গৌতমের ত্রয়জিংশ স্বর্গ হইতে অবতরণ প্রভৃতি নানাবিধ চিত্র আছে।


কোন সময়ে বৌদ্ধধর্মে মূর্তিপূজা আরম্ভ হইয়াছিল, তাহা ঠিক করিয়া বলিতে পারা যায় না। তবে গুনিতে পাওয়া যায় যে, গৌতম বুদ্ধ যখন বাঁচিয়াছিলেন, তখনই

তাঁহার কাঠের ও ধাতুর মূর্তি তৈয়ারী হইয়াছিল। আমরা যে সমস্ত বুদ্ধমূর্তি পাইয়াছি, তাহার মধ্যে পশ্চিম পঞ্জাবের এবং আফগানিস্থানে গ্রীক শিল্পীদের নির্মিত মূর্তি সর্বপ্রাচীন। গান্ধারের গ্রীক শিল্পীরা যে ভাবে মূর্তি তৈয়ারী করিয়া গিয়াছেন, তাঁহাদের পরে প্রায় হাজার বৎসর ধরিয়া ঠিক সেই রকমভাবেই বুদ্ধের মূর্তি তৈয়ারী হইত।



শ্রাবস্তীর তীর্থিক পরাজয়ের মূর্তি

খৃষ্টাব্দের অষ্টম শতকে মগধ দেশের শিল্পীরা এক নূতন রকমের মূর্তি গড়িতে আরম্ভ করিলেন। এই সময় হইতে বাঙ্গালা ও বিহারের বুদ্ধমূর্তি কেবল গৌতম বুদ্ধের আকার নহে, তাঁহার জীবনের এক একটি প্রধান ঘটনার চিত্র। যেমন শ্রাবস্তীর তীর্থিক পরাজয়ের চিত্র, উরুবিষ বা বুদ্ধগয়ার গৌতমের সঙ্ঘোধিলাভের চিত্র। বুদ্ধগয়ার যত মূর্তি পাওয়া গিয়াছে, তাহার মধ্যে সঙ্ঘোধিলাভের মূর্তি সংখ্যায় অধিক। মূল মহাবোধি মন্দিরের ভিতরে বেদীর উপরে এবং মন্দিরের পশ্চাতে বোধিবৃক্ষের মূলে যে ছইটি মূর্তি দেখিতে পাওয়া যায়, তাহা উরুবিষ বা বুদ্ধগয়ার গৌতমের সম্যক সঙ্ঘোধি বা বুদ্ধত্বলাভের অবস্থার মূর্তি।



উরুবিষ বা বুদ্ধ গয়ার গৌতমের সম্বোধি লাভের মূর্তি পীঠ

বৌদ্ধধর্মের শেষ দশায় বৌদ্ধরা বর্তমান কালের হিন্দুদের মত নানা দলে বিভক্ত হইয়া পড়িয়াছিলেন। ইহাদের মধ্যে একদল ক্রমে ক্রমে গৌতমের সঙ্গে সঙ্গে অনেক বুদ্ধ ও দেবতাকে পূজা করিতেছেন। এই সমস্ত দেবতার মধ্যে কতকগুলি আমাদের দশমহাবিষ্ণুর ছিন্নমস্তার মত ভীতিপ্রদ। ইংরাজী-নবীশ পণ্ডিতরা এই শ্রেণীর বুদ্ধ দেবতাদিগকে বুদ্ধ তান্ত্রিক দেবতা আখ্যা প্রদান করিয়াছেন। ক্রমে এই জাতীয় দেবতা সংখ্যায় এত বাড়িয়া গিয়াছিল যে, তাহাদের পরিচয় নির্ণয় করিবার জন্ত বড় বড় পুস্তক লিখিতে হইয়াছিল। এই শ্রেণীর বৌদ্ধদের কথায় বা ভাষায় আমরা যাহাকে দেবতার ধ্যান বলিয়া থাকি, তাহার নাম সাধনা। সাধনার সংখ্যা বাড়িয়া গেলে তাহার জন্ত অভিধানের মত বড় বড় গ্রন্থ রচিত হইয়াছিল। এই সমস্ত গ্রন্থের নাম—সাধনমালা বা সাধন-সমুচ্চয়। সম্প্রতি মহামহোপাধ্যায় শ্রীযুত হরপ্রসাদ শাস্ত্রী মহাশয়ের পুত্র অধ্যাপক শ্রীযুত বিনয়তোষ ভট্টাচার্য্য অনেকগুলি সাধনমালা একত্র করিয়া বরোদার মহারাজা শ্রীযুক্ত সারাজীরাও গাইকোবারের ব্যয়ে মুদ্রিত করাইয়াছেন। পণ্ডিতদিগের নিকটে বুদ্ধ বোধিসত্ত্ব এবং বহু দেবতা-সম্বন্ধিত বৌদ্ধধর্মের শাখার নাম বজ্রযান বা মন্ত্রযান। এই প্রকার বৌদ্ধধর্মের দেবতা কি প্রকার বীভৎস বা অশ্লীল, তাহা একটি সাধনা পড়িয়া দেখিলেই বুঝিতে পারা যায়। বুদ্ধগয়ার যে হিন্দু-মঠ আছে, তাহার দক্ষিণ দিকের তোরণের বাম পাশে একটি অক্ষকার ঘরে দুই তিনটি প্রকাণ্ড বজ্রযানের দেবমূর্তি আছে। তাহাদের

মধ্যে ত্রৈলোক্য বিজয়ের মূর্তি প্রধান। যুগলক নরনারীর বক্ষের উপরে প্রত্যালীচ পদে উর্ধ্বলিঙ্গ অষ্টভূজ চতুর্ভক্ত পুরুষ মূর্তি ত্রৈলোক্য বিজয়ের সাধনা বা ধ্যান এইরূপঃ—

“ত্রৈলোক্য বিজয় ভট্টারকং,
নীলং, চতুর্মুখং, অষ্টভূজং; প্রথম
মুখং, ক্রোধশৃঙ্গারং, দক্ষিণম্, রৌদ্রম্,
বামম্, বীভৎসম্, পৃষ্ঠম্ বীররসম্;
ঘাত্যাং ঘণ্টা-বজ্রাঘ্নিত হত্যাভ্যাম্
হৃদি বজ্র ছঙ্কারঃ মুদ্রাধরম্; দক্ষিণ

ত্রিকরৈঃ খট্টাক্কুশ-বাণধরম্ বাম ত্রিকরৈঃ চাপপাশ
বজ্রধরম্; প্রত্যালীচেন বামপাদাক্রান্তঃ মহেশ্বর মস্তকং
দক্ষিণ পাদাবষ্টক গৌরী স্তনযুগলং, বুদ্ধশৃঙ্গাম মালাদি
বিচিত্রাঘরাভরণধারিণং আস্থানম্ বিচিন্ত্য মুদ্রান্ বন্ধয়েৎ।”



ত্রৈলোক্য বিজয়

পূজার নিয়ম অনেকটা আমাদের আঙ্গিক পূজার মত। গোড়ায় বসে দেব স্থাপন করিতে হয়। পঞ্চবর্ণের গুঁড়া

দিয়া বস্ত্র আঁকিতে হয়। দেবতাদের বস্ত্র সম্বন্ধে অনেক গ্রন্থ আছে। বুদ্ধগয়ার বর্তমান মোহাস্ত শ্রীযুক্ত কুম্ভদয়াল গিরির নিকটে নেপাল দেশে লেখা একখানি অতি প্রাচীন বস্ত্রগ্রন্থ আছে। ইহার নাম—“চাতুর্কিংশতি সাহস্রিক বস্ত্রাবিধানং”। পনের বৎসর পূর্বে মোহাস্ত মহারাজা ইহা আমাকে দিয়াছিলেন এবং মগধ ও গোড়ের ভাস্কর্যশিল্প সম্বন্ধে আমি যাহা কিছু লিখিয়াছি, তাহার অধিকাংশ এই গ্রন্থের সাহায্যে লিখিত। ত্রৈলোক্য-বিজয়ের যজ্ঞের সম্বন্ধে সাধনমালায় এই পরিচয় পাওয়া যায় :—

“সূর্যো নীল হৃদ্যরম্”

অর্থাৎ হরিত্রা বর্ণের ঞ্ড়ায় দ্বাদশ কোন আদিত্য বা সূর্য্য আঁকিয়া তাহার উপরে অর্থাৎ কেন্দ্রে নীল বর্ণের ঞ্ড়া দিয়া ষট্‌কোণচক্রে “হং” এই বীজটি লিখিতে হয়। দেব-প্রতিষ্ঠার পরে মুদ্রাবন্ধন করিতে হয়। সে সম্বন্ধেও সাধন-মালায় নির্দেশ আছে।

যথা :—তত্র মুষ্টিদ্বয়ং পৃষ্ঠলগ্নং কৃত্বা কণীয়সীদ্বয়ং শৃঙ্খলা কারণে যোজয়েৎ।

তাহার পরে মঞ্জোচ্চারণ।

এই মন্ত্র আমাদের তান্ত্রিক পূজার বীজের মত, যথা, “ওঁং হ্রীং হ্রাং হ্রৈং হ্রং স্বাহা।”

কালে গোতমবুদ্ধ হিন্দুর দেবতা হইয়া দাঁড়াইয়াছেন। বুদ্ধ কেমন করিয়া বিষ্ণুর দশ অবতারের মধ্যে এক অবতার হইয়া উঠিলেন, তাহা অতি আশ্চর্যজনক। আমরা বিষ্ণুর দশ অবতারের যে সমস্ত মূর্ত্তি পাই, তাহার মধ্যে নবম অবতার বুদ্ধের মূর্ত্তি, বৌদ্ধধর্মের প্রতিষ্ঠাতা গোতম বুদ্ধের মূর্ত্তির মত হিন্দুরা বিশেষতঃ ব্রাহ্মণরা সহজে গোতমকে দেবত্ব প্রদান করেন নাই। মগধ—এমন কি সমস্ত ভারতবর্ষ যখন বৌদ্ধ-প্রধান হইয়া উঠিল, তখন হিন্দুরা বাধ্য হইয়া বুদ্ধের পূজা আরম্ভ করিলেন। মৎশ্র, কুম্ভ, বরাহ, নৃসিংহ, বামন, রাম, রাম, রাম, বুদ্ধ, কন্দী এই দশ অবতারের মধ্যে বুদ্ধাবতার পালরাজাদের সময়েও সকল হিন্দু স্বীকার করিত না। গয়া জেলায় টিকারী গ্রামের নিকটে কোঞ্চ গ্রামে একটি অতি প্রাচীন মন্দির আছে। এই মন্দিরে দশ অবতারের যে পাথরের মূর্ত্তি আছে, তাহাতে বুদ্ধ অবতারের মূর্ত্তি নাই। ইহাতে মৎশ্র, কুম্ভ, বরাহ, নৃসিংহ,

বামন, ত্রিবিক্রম, পরশুরাম, রামচন্দ্র, বলরাম, ও কন্দীর মূর্ত্তি দেখিতে পাওয়া যায়। এই মূর্ত্তিটিও পালরাজাদের আমলের তৈয়ারী এবং ইহা হইতে বুঝিতে পারা যায় যে, খৃষ্টাব্দের দশম শতক পর্য্যন্ত গোতম বুদ্ধ বিষ্ণুর অবতার-রূপে হিন্দুধর্মে প্রবেশ করিতে পারেন নাই। কতক হিন্দু তাঁহাকে অবতার বলিয়া মানিত, কিন্তু সকলে মানিত না। বুদ্ধকে বিষ্ণুর অবতাররূপে পূজা করিবার প্রথার কারণ ভারতে বৌদ্ধ-ধর্মের প্রতিষ্ঠা। ব্রাহ্মণরা যখন দেখিলেন যে, হিন্দুর দেবতার পূজা অপেক্ষা বুদ্ধের পূজা লোকের প্রিয়, তখন তাঁহারা বুদ্ধকে হিন্দুর দেবতা করিয়া লইতে প্রস্তুত হইলেন। বুদ্ধ বিষ্ণুর নবম অবতার হইলেন। কিন্তু হিন্দুর বুদ্ধ আর বৌদ্ধের বুদ্ধে একটু তফাৎ রাখিয়া গেল। হিন্দুর বুদ্ধ ব্রাহ্মণসন্তান, শাক্যজাতীয় ক্ষত্রিয় নহেন; তাঁহার জন্ম গয়া জেলায়—কপিলবাস্তুতে নহে। কিন্তু হিন্দুরা দশ অবতারের মূর্ত্তিতে বুদ্ধের মূর্ত্তি গড়িবার সময়ে বৌদ্ধরা যে ভাবে শাক্যরাজ-পুত্র, ক্ষত্রিয় জাতীয় গোতম সিদ্ধার্থের মূর্ত্তি গড়িত, ঠিক তাহারই অনুকরণ করিত। এইরূপে সেকালের ব্রাহ্মণরা কোন গতিকে হিন্দুধর্মের মান বাঁচাইবার চেষ্টা করিয়াছিলেন। বুদ্ধ-গয়ার মোহাস্ত মহারাজের এক জন বেতনভোগী লেখকের লেখায় পড়িলাম যে, মহাবোধি-মন্দিরের ভিতরে যে বুদ্ধ-মূর্ত্তি আছে, তাহা না কি ব্রাহ্মণজাতীয় বিষ্ণুর অবতার গয়ায় জাত বুদ্ধের মূর্ত্তি। এই পণ্ডিতটি বোধ হয় জানেন না যে, হিন্দুবংশীয় এক জন রাজার ব্যয়ে কমাদেশের রাজ-পণ্ডিত খৃষ্টাব্দের দ্বাদশ শতকে গোতম সিদ্ধার্থের মূর্ত্তি বলিয়া এই মূর্ত্তিটি তৈয়ার করাইয়াছিলেন।

বৌদ্ধের প্রধানতীর্থ বলিয়া বুদ্ধগয়া কিন্তু কখনই বৌদ্ধের একাধিকার ছিল না। ইতিহাসের সকল যুগেই বুদ্ধ-গয়ার হিন্দুর মূর্ত্তি পাওয়া গিয়াছে। সিংহল দেশের এক ভিন্দু গণেশের মূর্ত্তি প্রতিষ্ঠা করিয়াছিলেন। বুদ্ধ-গয়ার অনেক-গুলি বিষ্ণুমূর্ত্তি আছে। ধর্মপালের রাজত্বের ছাব্বিশ বৎসরে কেশব নামক এক জন ভাস্কর একটি চতুর্ভুজ মহাদেবের মূর্ত্তি প্রতিষ্ঠা করিয়াছিল। রঘুনন্দনের সময়ে গয়াশ্রাঙ্গে মহাবোধিতে পিণ্ড দেওয়ার প্রথা সুপ্রতিষ্ঠিত হইয়াছিল।

শ্রীরাখালদাস বন্দ্যোপাধ্যায়



পৌরাণিক-প্রসঙ্গ

নৃত্যবিদ্ব (Anthropologist) পণ্ডিতগণের মতে ভারতবর্ষীয় হিন্দুগণ এবং বিদেশীয় খৃষ্টান অথবা মুসলমানগণ সকলেই পরস্পরের জাতি গোষ্ঠি। পরন্তু এ কথা যে ভাষাতত্ত্ববিদগণের দ্বারাও স্বীকৃত হইয়াছে, তাহা সকলেই জ্ঞাত আছেন।

আমরাও অন্তর্জ দেখিয়া বিন্মিত হইব যে, পৃথিবীতে পৃথক্ পৃথক্ নানা দেশে নানাজাতির মধ্যে যে সকল অপ্রাকৃতিক ও অভিমানুভিক ধারণা, বিশ্বাস অথবা সংস্কার উক্ত সমস্ত বিভিন্ন জাতীয় পুরাণ, আখ্যান বা জনশ্রুতিতে প্রচলিত আছে, তাহাদের প্রত্যেকের ভিতরেই কেমন চমৎকার একটা আদর্শ বর্তমান। এ বিষয়ে রাজহান বলেন,—“প্রাচীনকালের ধর্মনীতি, বংশাভিধান ও অজ্ঞাত বিষয়ের পরস্পর সৌসাদৃশ্য পর্যালোচনা করিলে স্পষ্টই বোধ হয়—হিন্দু, চীন, তাতার ও যোগলজাতি এক বংশতরুই ভিন্ন ভিন্ন শাখা মাত্র।” সামান্য ও সংক্ষিপ্ত করিয়া কতকগুলি পৌরাণিক প্রসঙ্গে এ বিষয়ে আলোচনা করা যাইতেছে। যথা,—

মনু

ভারতবাসী হিন্দুগণের আদিপুরুষ মনু। (বৈবস্বত মনু,—সৃষ্টিকার মনু মনেন)।

মিশর দেশের আদি মানবের নাম মিনিস্ (Menes)।

ফ্রিজিয়ানদের মনুর নাম ম্যানিস্ (Manis)।

লিভিয়ান ভাঁহার নাম মেনস্ (Manes)।

গ্রীসে তিনি মাইনস্ (Minos) এবং জার্মানীতে ম্যানাস (Mannas)।

আয়ু

পুরাণে বর্ণিত আছে,—বৈবস্বত মনুর কন্যা ইলা কোন সময়ে উক্তানে পাণ্ডার্য করিতেছিলেন, তথায় বৃষ ভাঁহার রূপে বিমুক্ত হইয়া ভাঁহাকে পত্নীত্বে বরণ করেন, ফলে যে সন্তান জন্মে তাহা হইতেই চন্দ্রবংশের উৎপত্তি এবং এই বংশেই আয়ুর জন্ম হয়।

তাতারীয় যোজপতির নাম যোগল। (হিন্দুদিগেরও মৌদগল্য যোজ আছে।) উক্ত যোগলের দ্বিতীয় পুত্রের নাম আয়ু।

চীন দেশীয় পৌরাণিক কিংবদন্তীতে আছে—একদা এক গ্রহ (কো বা বুধ) ইতস্ততঃ ভ্রমণ করিতেছেন,—সহসা এক রূপসী রমণী ভাঁহার দৃষ্টিতে পড়িল, গ্রহরাজ তাহাকে বলপূর্বক পত্নীত্বে গ্রহণ করিলেন, তাহাতে আয়ু নামক পুত্রের উৎপত্তি হইল।

পৃথিবীর সৃষ্টি

আমাদের পুরাণের মতে ভগবান্ বিষ্ণু মনুকেই দেত্যকে যুদ্ধে নিহত করেন, সেই দেত্যের মেঘ হইতেই মেদিনী অর্থাৎ পৃথিবীর সৃষ্টি।

বাবিলনের পুরাণে আছে,—দেবতা মারডুক্ জল দেত্য টামা-মাটকে হত্যা করিয়া জলের উপর পৃথিবী সৃষ্টি করেন।

মহাপ্লাবন ও কুর্শ

মহাপ্লাবনের কথা পৃথিবীর প্রত্যেক জাতির পুরাণেই অজবিত্তর বিবৃত হইয়াছে। হিন্দু পুরাণে মহাপ্লাবনের পর কুর্শ পৃষ্ঠে করিয়া পৃথিবীকে বহন করিতেছে।

পারস্তের পুরাকাহিনীতেও কুর্শ জলপ্লাবনের পর পৃথিবীকে পৃষ্ঠে ধারণ করিয়া আছে।

উত্তর আমেরিকার আদিম অধিবাসিগণের কুর্শকাহিনী হিন্দুগণেরই অনুরূপ।

আফ্রিকার জুলু জাতির পুরাণে একটা ভীষণ কুর্শ পৃথিবীকে পৃষ্ঠে বহন করিতেছে।

ইহাও মধ্য যুগের যুরোপীয়গণের মধ্যেও কুর্শের পৃথিবীকে পৃষ্ঠে করিয়া বহন করিবার কাহিনী প্রচলিত আছে।

ভূমিকম্প

আমাদের দেশের অশিক্ষিত সাধারণের বিশ্বাস—বহুমতী মাথা নাড়িলে ভূমিকম্প হইয়া থাকে।

উত্তর আমেরিকার আদিম লোকরা মনে করে,—ধরিত্রী বাহন কুর্শ নাড়িলে চড়িলেই ভূকম্পন হয়।

মঙ্গোলিয়ার লামারা বলে, পৃথিবীর বাহন তোক অঙ্গ দোলাইয়া ভূমিকম্প উপস্থিত করে।

মুসলমানগণের পুরাণে পৃথিবীবাহন বৃষ অঙ্গ সঞ্চালন করিলে ভূকম্পন হইয়া থাকে।

সেলিবাস দ্বীপবাসীদের ধারণা, পৃথিবীবাহক বরাহ সময় সময় গাত্র কড়ুরন করিবার জন্য যুদ্ধে অঙ্গ ঘর্ষণ করিলেই ভূমিকম্প হয়।

অতএব দেখা যাইতেছে, ইহাদের সকলেরই বিশ্বাস এই যে, কোন না কোন জীবের অঙ্গসঞ্চালনেই ভূমিকম্প উপস্থিত হইয়া থাকে।

পৃথিবী ও আকাশ

ঋগ্বেদ বলেন,—ভৌস্ পিতর এবং পৃথি মাতর, অর্থাৎ আকাশ পিতা ও পৃথিবী মাতা।

চীনবাসীদের মতেও আকাশ পিতা এবং পৃথিবী মাতা।

গ্রীকদিগের মতে জিহুস (ঘর্গ) হইতেছেন পিতা এবং ভিবিটার (পৃথিবী) হইতেছেন মাতা।

পলিনেশিয়ার মাওয়াত্তী জাতি ঘর্গকে পিতা এবং পৃথিবীকে মাতা বলিয়া থাকে।

দক্ষিণ আমেরিকার পেরুভিয়ান ও উত্তর আমেরিকার আদিম জাতি এবং যুরোপের কিন্স্, ল্যাগ্, এস্, ও অ্যাংলো-সার্বন জাতিদের মতেও পৃথিবী মানবের জননী।

সূর্য্যদেবতা

আমাদের বেদে 'মিত্র' বা সূর্য্য দেবতার উল্লেখ আছে।

পারসিকদিগের ধর্ম্মশাস্ত্রে 'মিত্র' দেবতার বর্ণনা আছে। 'মিত্র'ই সূর্য্য। হেরডোটােসের সময়েও পারসিকগণ মিত্রের উপাসনা করিয়াছেন। 'মিত্র' ও 'মিত্র' উভয়েই অববোধিত রথে আরোহণ করেন।

এসিয়া মাইনরের পুরাকালীন মিডানি রাজ্যেও 'মিত্র' বা সূর্য্যদেবতা পূজিত হইতেন।

প্রাচীন আসীরিয়ার কাশ জাতিদের দেবতাও 'সুরিয়স' বা সূর্য্য।

প্রাচীন বাবিলনের সূর্য্য এবং সেমিটিক বংশীয় আকাদ জাতিও সূর্য্যদেবতার পূজা করিতেন।

ত্রিপুর দেশেও 'মি' বা সূর্য্যদেবতা সকলের পূজা ছিলেন। সে দেশের রাজবংশ 'মি' বা সূর্য্যদেবতা হইতেই উৎপন্ন, স্তত্রাং রাজারাও সকলের পূজা ছিলেন। ভারতবর্ষের রাজন্যগণও সূর্য্যবংশীয় বলিয়া কথিত হইতেন এবং তাঁহারাও প্রজাপণের পূজা হইতেন।

চন্দ্র ও সূর্য্য

আমাদের দেশে চন্দ্র ও সূর্য্য দুই ভাই। গ্রীক পুরাণে এপোলো (সূর্য্য) ভ্রাতা এবং ডায়োন (চন্দ্র) ভগিনী।

ত্রিপুরে সাইরিস বা সূর্য্য ভ্রাতা এবং আইসিস বা চন্দ্র ভগিনী। সে দেশে ভ্রাতা-ভগিনীর বিবাহ বৈধ হওয়ার তাঁহারা আবার স্বামী-স্ত্রীও বটে।

আমেরিকার পেরুদেশেও চন্দ্র-সূর্য্য যথাক্রমে ভগিনী ও ভ্রাতা।

কিন্তু ডুবরাচ্ছর মেরু প্রদেশে এগ্নিমো জাতিদের মতে চন্দ্রই ভ্রাতা এবং সূর্য্যই ভগিনী।

গ্রহণ

আমাদের দেশে চন্দ্র বা সূর্য্য রাহগ্রস্ত হইলে গ্রহণ লাগে।

চীন ও জাম দেশে আমাদের রাহর অনুরূপ এক অস্বরগ্রস্ত হওয়ার চন্দ্র-সূর্য্যের গ্রহণ হয়।

মঙ্গোলিয়াতেও চন্দ্র-সূর্য্য রাহগ্রস্ত হওয়ার গ্রহণ লাগিয়া থাকে। তাহাদের রাহর নাম 'আরাচা'।

আমেরিকার আদিম অধিবাসীদের বিবাস ঠিক আমাদেরই অনুরূপ—রাহগ্রাসে গ্রহণ উপস্থিত হয়।

পলিনেশীয় দ্বীপপুঞ্জে ব্রুঙ্ক উপদেবতা চন্দ্র-সূর্য্যকে গ্রাস করার গ্রহণ হয়।

সকল দেশেই গ্রহণকালে চন্দ্রসূর্য্যকে রক্তার নিমন্ত কোলাহল হইয়া থাকে।

চন্দ্রের কলঙ্ক

আমাদের পুরাণে লিখিত হয় যে, চন্দ্রের কাসরোগ হওয়ায় তিনি বৈষ্ণব আদেশক্রমে রোগ উপশমের জন্য একটি শশককে অঙ্কে ধারণ করিয়া থাকেন। এইজন্যই চন্দ্রের একটি নাম শশক এবং তাঁহার ক্রোড়স্থিত ঐ শশকটিই ছায়াকারে কলঙ্করূপ দেখা যায়।

সিংহলের পৌরাণিক কাহিনীতে কথিত হয় যে, ভগবান্ বুদ্ধদেব বনের মধ্যে কঠোর তপস্যায় নিরত থাকার সময় একবার অভ্যস্ত স্তম্ভিত হইয়া পাড়িয়াছিলেন এবং তাঁহার সেই স্তম্ভিবারণের জন্য একটি শশক জীবন উৎসর্গ করিয়াছিল। সেই পুণ্যে শশকটি চন্দ্রলোকে স্থান প্রাপ্ত হইতেন এবং চন্দ্রের মধ্যে অবস্থিত ঐ শশকটিই কলঙ্কাকারে দেখা যায়।

দক্ষিণ আফ্রিকার মাদাকোরা জাতির পুরা কাহিনীতে আছে,— একদা চন্দ্র পৃথিবীতে একটি অরোক্তনীর সংবাদ শশকের মারকতে

প্রেরণ করেন; শশক একটি ভুল সংবাদ প্রদান করিয়া কিরিয়া আসে। তাহাতে চন্দ্র অতিশয় ক্রুদ্ধ হইয়া তাহাকে মারিতে উদ্ভত হইলে ঐ শশক প্রাণ-ভয়ে ছুটিয়া পলায়ন করে। চন্দ্রে দৃষ্ট কলঙ্ক ঐ পলায়মান শশকটি।

কিহি দ্বীপপুঞ্জের অধিবাসীরা বলে,—চন্দ্র একবার শশককে প্রহার করার, সে দস্ত-নখাঘাতে চন্দ্রের মুখখানি কতবিকৃত করিয়া ছিল, সে চিহ্ন আজও পর্যন্ত চন্দ্রবদনে দৃষ্ট হয়।

আমাদের দেশে চন্দ্রের আর একটি কলঙ্ক আখ্যান বর্ণিত আছে। চন্দ্র বৃহস্পতির নিকট অধ্যয়নকালে গুরুপত্নী হরণ করার তাঁহার ঐ কলঙ্ক হইয়াছে।

আসাম অঞ্চলে বাসিন্দাদের মধ্যে আর একটি আখ্যায়িকা প্রচলিত আছে। একদা চন্দ্র তাঁহার শাওড়ী ঠাকুরাণীর নিকট অর্বেণ্ড আসক্তি প্রকাশ করার তিনি জামাতার আননে অঙ্গার নিক্ষেপ করেন, তাহাতে চন্দ্রবদন দক্ষ হইয়া ঐ কলঙ্ক উৎপন্ন করিয়াছে।

ইুরোপে মাত জাতিদিগের পুরাণ কাহিনীতে কথিত হয় যে, চন্দ্রদেব গোপনে শুকতারার সহিত প্রণয় করার তাঁহার স্ত্রী ক্রুদ্ধ হইয়া নখরাঘাতে চন্দ্রমুখ কতবিকৃত করিয়া দিয়াছেন, সেই চিহ্নই চন্দ্রমুখে দৃষ্ট কলঙ্ক।

রামধনু

আমরা বলি রামধনু অথবা ইন্দ্রধনু।

ইুরোপের কিন্ন জাতি ইহাকে বজ্রপাণি টারারের ধনু বলে।

ইজ্রায়েলগামীরা ইহাকে জিহোভার ধনু বলে।

ইংরাজেরা সোজা বলেন, বৃষ্টি ধনু বা রেণ-বো (Rain-bow)।

ছায়াপথ

আমরা বলি ছায়াপথ।

শ্রামবাসীদের মতে বেতহস্তীর পথ।

আফ্রিকার বাহুতো জাতি ইহাকে দেবতাদিগের পথ বলে।

৬জি জাতি বলে প্রেতাঙ্গার পথ।

সিরিয়া, সারসিয়া ও তুরস্কের লোকরা বলে তৃণপথ।

গ্রীক পুরাণে উহা দেবরাজ জুপিটারের প্রাসাদ পমনের পথ।

স্পেনদেশের লোক বলে সেষ্টিগাপোর পথ।

ইংরাজেরা বলেন, দুগুপথ (Milky way)।

সহমরণ

আমাদের দেশে সতীগণকে মৃত স্বামীর সহিত চিতানলে সহমরণে প্রেরণ করা হইত। রাজা রামমোহন রায়ের চেষ্টায় এবং লর্ড বেণ্টিকের অনুরূপায় উক্ত প্রথা আমাদের দেশ হইতে উঠিয়া গিয়াছে।

আফ্রিকার গিনি নিগ্রোদের বড় লোকের মৃত্যু হইলে তাহার অনেকগুলি স্ত্রীকে সহমরণের জন্য হত্যা করা হইত।

আফ্রিকার আশাণ্ডি রাজ্যে রাজা মরিলে তাঁহার স্ত্রীগুলিকে এবং দাসগণকে নিষ্ঠুরভাবে হত্যা করিয়া মৃতের সহগামী করা হইত।

আফ্রিকার দাহোমী রাজ্যেও ঠিক এই প্রথা আছে।

নিউজিলণ্ডে কোন লোকের মৃত্যু হইলে তাহার স্ত্রীকে গলার কাঁসী দিয়া সহমরণ ঘটাইবার জন্য একগাছি রজ্জু দেওয়া হইত।

হেরডোটােসের ইতিবৃত্তে জানা যায়—প্রাচীন শাকদ্বীপবাসীদের কাহারও মৃত্যু হইলে তাহার পত্নীগণকে বাসকদ্ধ করিয়া হত্যাপূর্বক মৃত স্বামীর সহিত সমাধিবদ্ধ করা হইত।

• তৈমুরলঙ্গের মৃত্যু হইলে তাঁহার বহুসংখ্যক স্ত্রীকে হত্যা করিয়া সহগামিনী করা হইয়াছিল।

শেরশের রাজার মৃত্যু হইলে তাঁহার স্ত্রীগণ উৎসর্গে সহস্রগণ করিতে বাধ্য হইত।

প্রাচীনকালে গ্রীসদেশেও সহস্রগণ-প্রথা প্রচলিত ছিল।

বলি

আমাদের পুরাণে 'নরশ্রেণ' ব্জের উল্লেখ আছে। পূর্বে তাত্তিক বা কাপালিকগণ দেবতার স্ত্রীভাষে নরবলি দিত। এখনও এ দেশে হিন্দু ও মুসলমান উভয়েরই মধ্যে পশুবলি বর্তমান আছে।

আফ্রিকার দাহোমী রাজ্যে অল্প নরবলির বিবরণ আছে। সে দেশের রাজারাও আমাদের দেশের তাত্তিকদিগের ন্যায় মানুষের মৃত্যুর খুলিতে করিয়া মৃত্যু পান করে।

পশ্চিম আফ্রিকাবাসী পৌত্তলিকগণ তাহাদের দেবতার সম্মুখে বহুবিধ বলি দিয়া থাকে।

অন্যান্য নানাদেশে এখনও নানারূপ বলির প্রথা বিদ্যমান আছে। বাহুল্য বিবেচনায় উল্লিখিত হইল না।

দাসপ্রথা

পৃথিবীর সর্বত্র—বিশেষতঃ অন্তরত দেশগুলির মধ্যে রাজনীতিক, সামাজিক ও ধর্মসম্পর্কীয় নানাপ্রকারের দাসত্বপ্রথা প্রচলিত ছিল এবং অল্পবিস্তর এখনও আছে। উহার পুনরুৎপত্তি করিতে গেলে বহুত্র একখানি গ্রন্থ সকলের প্রয়োজন হয়। দৃষ্টান্তরূপে আমাদের দেশের কথাই বর্ণিত হইবে যে, ধর্মবিধান মতে এ দেশের পূজ্যজাতির সকলেই ব্রাহ্মণের অধীন নিত্য দাস এবং এই দাসত্ব ও প্রভুতা এখনও আমাদের দেশের সর্বত্র, বিশেষতঃ পল্লীগামগুলিতে উৎকর্ষ-রূপে বর্তমান দেখা যায়।

ঐশ্বিকান্ত হালদার।

প্রাচীন বাঙ্গালা-সাহিত্যে বৌদ্ধ-প্রভাব

কিছুদিন পূর্বেও লোকের ধারণা ছিল, বিজ্ঞানাগর মহাশয়ই বাঙ্গালা ভাষার জন্মদাতা। আধুনিককালে বাণীর একনিষ্ঠ সাধকগণের গবেষণা ও অধ্যবসায়, সত্যানুসন্ধান, জ্ঞাননিষ্ঠা, সত্যানুরক্তি ও অশেষপ্রম প্রাচীন বাঙ্গালা-সাহিত্যের গহন বনে পথ আবিষ্কার করিতে সমর্থ হইয়াছে। এক্ষণে আমরা বুঝিতেছি, আধুনিক যুরোপের কোন ভাষা হইতেই আমাদের বঙ্গভাষা নবীনা নহেন। ষ্ট্রটের পঞ্চ শত বর্ষ পূর্বেও আমরা দেখিতে পাই যে, বুদ্ধদেব বঙ্গলিপি লিখা করিতেছেন। আর্ধ্যভাষা ব্জের আদিম অসত্য অধিবাসিগণের বেশজ ভাষার সহিত মিশ্রিত হইয়া জনসাধারণের কথিত প্রাকৃত ভাষার সৃষ্টি করিয়াছিল। গৌড় প্রাকৃত নামে অভিহিত এই কথিত ভাষা বঙ্গভাষার পরিণতি লাভ করিয়াছে। খৃষ্টীয় দ্বাদশ শতাব্দী পর্যন্ত সংস্কৃত পুরোহিত ও শাস্ত্রের ভাষা ছিল। সংস্কৃতই উচ্চচিন্তা ও ভাব প্রকাশ করিবার একমাত্র দ্বারদ্বার বিবেচিত হইত। পণ্ডিত-গণ ও সন্ন্যাসের উপরিহরণের ভাব প্রকাশের জন্য "পৈশাচী ভাষা" ব্যবহৃত হইত না। কিন্তু বাধীনতা-প্রয়াসী বৌদ্ধভাব-প্রণোদিত বাঙ্গালী কবিশ্রম সংস্কৃত ভাষাকে অবজ্ঞা করিয়া জনসাধারণের ভাষার নিজ স্বরূপের ভাব ব্যক্ত করিতে সাহসী হইয়াছিলেন। সপ্তম বৎসর পূর্বে যে পুস্তক-ভাব-আলোকীর কীর্ণধারা মত শত বাঙ্গালী কবির হৃদয়ে প্রবাহিত হইয়াছিল, তাহাই এখন বিখ্যাত নব্বের সৃষ্টি করিয়াছে এবং সন্ন্যাসীর বরণপূজ্যগণ তাহার স্নিক দীপ্তল বারিতে

অবগাহন করিয়া বরাহদারিনী মাতার পূজার জন্য ভক্ত-চন্দন-কবিতা-কুম্ভ অর্থাৎ লইয়া বিশ্বজননীর ঘরে দণ্ডায়মান।

খৃষ্টীয় তৃতীয় শতাব্দী হইতে বৌদ্ধধর্ম ব্রাহ্মণ্যপ্রভাব দ্বারা মৃত হইতে আরম্ভ হইয়াছিল। বৈদিক ত্রিরািকাণ্ডের মধ্যে পৌরাণিকতার প্রবাহ প্রসার লাভ করিতে লাগিল। বুদ্ধ-পূজা ও বৌদ্ধ-ভক্তকে ব্রাহ্মণগণ নিজ ধর্মসম্পর্কিত করিয়া আত্মহ করিতে ব্যাপৃত ছিলেন। শুণ্ড যুগে ব্রাহ্মণ ধর্মের পুনরুৎপাদনের সময় বৌদ্ধ-ধর্ম নানা সন্ন্যাসীরা বিভক্ত হইয়া যোর পৌত্তলিকতার ও বহুবিধ ভূত-প্রভেদ প্রভৃতির পূজার পর্যায়সমত হইয়াছিল। দূরদর্শী ও কার্যকুশল ব্রাহ্মণগণ এই স্রবোণে ব্রহ্মবিজ্ঞান ও অধ্যাত্মদর্শনের অত্যন্ত শিখর হইতে অবতরণ করিয়া নিরাকারবাদ ও একেশ্বরবাদের ধ্বংসগিরির সমুদ্র শিখর হইতে নামির আসিয়া, সাহুদেশস্থিত অল্প জনসাধারণের মনোজ করিয়া মূর্তিপূজা ও প্রতীক উপাসনা প্রবর্তন করিয়াছিলেন। ত্র্যবিড় কোলারীয় জাতির উপাস্ত শালগ্রাম শিলা ও দানব-দন্য এবং নাগ-গণের উপাস্ত শিলালিঙ্গ বৈদিক মতপুত হইয়া বৈদিক বিষ্ণু-মহেশ্বর প্রভৃতি দেবতার গোষ্ঠীভুক্ত হইয়া পড়িলেন। এইরূপে উচ্চ ব্রহ্ম-বিজ্ঞানের, একমেবাদ্বিতীয়ম্ বিরাটের ভাবসাধনা হইতে মূর্তিপূজার নিম্ন সোপানে অবতরণ জগতের ইতিহাসে বিরল। কিন্তু ব্রাহ্মণগণ তাহাদের মত, উপাসনা, পূজাবিধি সরল সংস্কৃতেই রচনা করিয়া-ছিলেন। অপর দিকে বৌদ্ধগণ তাহাদের বুদ্ধ, ধর্ম ও সজ্বরূপ ত্রিভুতের মধ্যে ধর্মের উদ্দেশ্যে কাব্য ও গান রচনা করিতে লাগিলেন। ধর্মঠাকুরের পূজাপদ্ধতি ও মাহাত্ম্য-সংকীর্ণনের জন্য 'য কবিতা রচিত হইয়াছিল, তাহাতেই বাঙ্গালা ভাষার উৎপত্তি। বাঙ্গালী কবিশ্রম নিজ স্বাতন্ত্র্যকাধর্মের বশবর্তী হইয়া বঙ্গসাহিত্যকে সংস্কৃতের পদাঙ্গর হইতে উদ্ধার করিতে সমর্থ হইয়াছিলেন। অষ্টম শতাব্দী হইতে দ্বাদশ শতাব্দী পর্যন্ত বৌদ্ধধর্ম যে জীবন-মরণ বুদ্ধে নিযুক্ত হইয়াছিল, তাহার শেষ প্রচেষ্টা-ধর্মমঙ্গলের ধর্মঠাকুর পূজা। মুসলমান কর্তৃক ভারত আক্রমণের পূর্বে হইতে বাঙ্গালা ভাষার পুস্তক দেখিতে পাওয়া যায়। নাথপন্ডের যোগিগণ ও সিদ্ধাচার্যগণের রচনার সময় হইতে বাঙ্গালা দেশ বিজ্ঞান কর্তৃক পরাজিত ও অধিকৃত হইবার কাল পর্যন্ত বাঙ্গালা সাহিত্যের শৈশবকাল বলিতে হইবে। মুসলমান বিজয়ের পূর্বে বৌদ্ধগণ একটি বিরাট বাঙ্গালা সাহিত্য সৃষ্টি করিয়াছিলেন, কিন্তু তাহার নিদর্শন অতি অল্পই পাওয়া যায়।

কিছুদিন পূর্বে পণ্ডিত শ্রীযুত হরপ্রসাদ শাস্ত্রী মহাশয় "বৌদ্ধ গান ও দৌহা" নামক একখানি পুস্তক ছাপাইয়াছেন। তাহার মতে খৃষ্টীয় অষ্টম শতাব্দী হইতে দ্বাদশ শতাব্দীর মধ্যে এই সমস্ত দৌহা লিখিত হইয়াছিল। ইহাতে বৌদ্ধ সহজিয়া ধর্মের মত দেখিতে পাওয়া যায়। এই মতের সমস্ত বই সন্ধ্যা ভাষার লেখা। সন্ধ্যা-ভাষার অর্থ "আলো-আঁধারি ভাষা, কতক আলো, কতক অন্ধকার, ধানিক বুঝা যায়, পানিক বুঝা যায় না।" এই সমস্ত উচ্চ অঙ্কের ধর্ম কথার মধ্যে, আপাতদৃষ্ট সহজ বাক্যের মধ্যে না কি একটা অজানা ভাব লুকায়িত আছে, যাহারা সাধন-ভজন করেন ও সেই পথের পন্থী, তাহারা তাহা বুঝেন, অপর পায়ে না। যাহারা এই ভাষার গান লিখিতেন, তাহাদিগকে সিদ্ধাচার্য বলে। তাহারা এখনও ভিকতে পূজা পাইয়া থাকেন। তাহাদের মতকে জটা ও দেহ উল্লঙ্গ। সহজিয়া গানগুলি কীর্তনের পদে লিখিত এবং তৎকালে ইহা "চর্যাপদ" নামে অভিহিত হইত। চর্যাপদ্যবিশিষ্ট বলেন, লুই সর্বপ্রথম সিদ্ধাচার্য। শাস্ত্রী মহাশয়ের মতে "খৃষ্টীয় ৯ম শতাব্দীতে বৌদ্ধদিগের মধ্যে লুই সহজ ধর্ম প্রচার করেন। সেই সময় তাহার চেলারা অনেক সংকীর্ণের পদ লেখে ও দৌহা লেখে।" এই সমস্ত দৌহার শুরুকে সর্বোচ্চ স্থান দেওয়া হইয়াছে। তাহার জ্ঞানাজন শলাকা দ্বারা মোহ-বিভ্রিত মানবের চক্ষু খুলিয়া যায়। ধর্মের

সুন্দরতম তৎ উদ্ভাটনে তিনিই একমাত্র সহায়ক। শ্রীগুরুমুখপদ নিঃসৃত উপদেশ মানব-মনের আবিষ্কার ও কালিমা বুচাইতে সমর্থ। তিনিই ভবসাগরে একমাত্র দিক্‌দর্শন বস্তু। পুস্তকপাঠ বুঝা। পুস্তক-পাঠে ধর্মের গূঢ় মর্ম বুঝা যায় না। গুরুর বচন বিনা বাক্যব্যয়ে গ্রহণ করিতে হইবে। তিনি বুদ্ধ হইতেও শ্রেষ্ঠ। বেদপাঠ করিলে যদি ব্রাহ্মণ হওয়া যায়, সংস্কার করিলে যদি ব্রাহ্মণ হওয়া যায় এবং অগ্নিতে যুত চালিলে যদি মুক্তি লাভ হয়, তাহা হইলে চণ্ডালও ব্রাহ্মণ হইতে পারে ও মুক্তির অধিকারী হইতে পারে। বেদ যখন শূন্য শিক্ষা দেয় না, বেদ প্রাণাণা নহে, বেদ অপৌরুষেয় নহে। হীনবান ও মহাবান পঞ্চালধিগণও মোক্ষপদ প্রাপ্ত হইতে পারে না। গুরুমুখী সহজ পন্থাই একমাত্র পন্থা। সহজিয়া মতের সমস্ত পুস্তক এই এক কথাই উচ্চকণ্ঠে প্রচার করে।

ডাক ও খনার বচনে বৌদ্ধতাব প্রতিকলিত হইয়াছে। পুষ্করিণী খনন, বৃক রোপণ প্রভৃতি জনহিতকর সদগুষ্ঠান ও সাধারণ গৃহস্থের কাষকর্ম, কৃষিতত্ত্ব, বৃষ্টিকল, চল্লগ্রহণ প্রভৃতি প্রাকৃতিক দৃশ্যের কারণ নির্দেশ ও তাহার যথাযথ বর্ণনা এই সকল বচনে অতি সুন্দররূপে সরল সহজ সাধারণের বোধগম্য ভাষায় রচিত হইয়াছে দেখিয়া অনেকে অনুমান করেন যে, এই বচনগুলি বৌদ্ধ যুগে লিখিত হইয়াছিল। বোধ হয়, বাঙ্গালার কৃষকগণ ও গ্রহাচার্যারা ভূমোদর্শন ও বহুর্নিতা অনুসারে প্রাকৃতিক দৃশ্য দেখিয়া তাহাদের অভিজ্ঞতা-সংবলিত ছড়া রচনা করিয়াছিল। এই ছড়াগুলি লোকপরিপাকের চলিয়া আসিয়াছে। যে যখন পারিয়াছে, তাহার নিজের রচিত ছড়া-গুলিও তাহার সঙ্গে জুড়িয়া দিয়াছে।

গোরক্ষবিজয় নামক একখানি পুরাতন কাব্য আবিষ্কৃত হইয়াছে। লেখার ধরণ ও ভাষার আকৃতি দেখিয়া বোধ হয় কাব্যখানি গুপ্তীয় একাদশ কিংবা দ্বাদশ শতাব্দীতে লিখিত হইয়াছিল। ভবানীদাস, কদম্বা, ভীষদাস প্রভৃতি পরবর্তীকালের কতিপয় কবি ইহার ভাষার উপর হস্তক্ষেপ করিয়া ইহাকে সরল ও সহজবোধ্য করিয়া তুলিয়াছেন। অষ্টম কিংবা নবম শতাব্দীতে যখন সহজ ধর্ম প্রচারিত হইতেছিল, ঠিক সেই সময় কিংবা উহার অব্যবহিত পূর্বে নাথধর্মও প্রচারিত হইয়াছিল। মীননাথ নামে এক সাধক নাথ-সম্প্রদায় স্থাপন করেন। ইহার বঙ্গদেশ ও ভারতবর্ষের অপর্যাপ্ত হানে প্রাধান্য বিস্তার করিয়াছিলেন। বৌদ্ধধর্ম ও শৈবধর্মের সংমিশ্রণে মীননাথ এই নাথধর্ম গঠন করিয়া প্রচার করিতেছিলেন। মীননাথের প্রধান শিষ্য গোরক্ষনাথ সম্ভবতঃ পঞ্জাবের জলন্ধর নামক স্থানে জন্ম-গ্রহণ করিয়া বাঙ্গালারূপে জীবনের অধিকাংশ সময় অতিবাহিত করিয়াছিলেন। এ দেশের বহুলোক তাঁহার ধর্মমত গ্রহণ করিয়াছিল। নাথ গীতিকার মধ্যে নাথসম্প্রদায়ের উচ্চতাব ও ধর্মের বহুবিধ কথা আছে। গোরক্ষ বিজয় ও মরনারতীর গান একই যুগ এবং একই সম্প্রদায়ের পুস্তক। দুই গ্রন্থের মধ্যে সাদৃশ্য বর্তমান। উভয়ের মধ্যে বৌদ্ধ মহাবান ধর্মের অনেক কথা সন্নিবেশিত আছে। গোরক্ষ-বিজয় অতি উপায়ে গ্রন্থ। প্রাচীন বাঙ্গালা-সাহিত্যে ইহা এক অপূর্ণ জিনিস। গোরক্ষ বোগীর চরিত্র শুভ্র হিমালয়ের মত দণ্ডায়মান। ভগবতী দেবীর সমস্ত প্রলোভনের অগ্নি-পরীক্ষায় তিনি কিরূপে উত্তীর্ণ হইয়াছিলেন, দেখিলে গুরুদেব মানব হৃদয়ে নুতন বলের সঞ্চার হয়। স্বয়ং মীননাথ পঞ্চাঙ্গ যে মন্ত্রের বুদ্ধ হইয়াছিলেন—তাহা তাঁহার শিষ্য গোরক্ষনাথকে বুদ্ধ করিতে পারে নাই। তাঁহার হস্তে মূদ্র বেন জীবন্ত ভাব ধারণ করিয়াছিল। মূদ্রে হাত দিয়া “কারা সাধ কারা সাধ” বোলে তিনি কদলিপত্রের রাজপ্রাসাদ প্রকম্পিত করিয়াছিলেন। তাঁহার মন্ত্র গুরুভক্তির অস্তিত্ব বৃষ্টান্ত অগতে বিরল। গোরক্ষ-বিজয়-প্রাচীন বঙ্গ-সাহিত্যে ষাটোক্তান্তের মাত্র আনাদের পৃথিনির্দেশ করিতেছে।

গুপ্তীয় একাদশ ও দ্বাদশ শতাব্দীতে গোবিন্দচন্দ্র পাল বড় রাজত্ব করিতেছিলেন। গোবিন্দচন্দ্রের পিতার নাম মাণিকচন্দ্র ও মাতার নাম মরনারতী গোবিন্দচন্দ্রের সন্ন্যাসের কথা সমস্ত ভারতে প্রচারিত হইয়া এক অভিনব ভাবের উদ্ভেদ করিয়াছিল। বঙ্গীয় পালরাজগণের যশোপাখা পঞ্জাবে, মহারাষ্ট্রে, উড়িষ্যায় ও হিন্দুস্থানে প্রচারিত হইয়া শত শত মরনারতীর মূর্তি, আনন্দ ও শোক উৎপাদন করিয়াছিল। মাণিকচন্দ্রের স্ত্রী মরনারতী গুরুর নিকট মহাজ্ঞান লাভ করিয়াছিলেন, কিন্তু হাড়িসিদ্ধাকে গুরুরূপে বরণ করিতে যাবী অনিচ্ছুক হওয়ার তাঁহার মৃত্যু ঘটয়াছিল। মরনারতী যাবীর চিত্তায় প্রবেশ করিলেন, কিন্তু গোরক্ষনাথের বরে তাঁহার শরীর রক্ষা হইল। অষ্টাদশ বৃষে গোপীচন্দ্রের রাজ্যাভিষেক হইল। তিনি মাতার আজ্ঞায় সন্ন্যাস গ্রহণ করিয়াছিলেন এবং হাড়িসিদ্ধার নিকট জ্ঞান লাভ করিয়া-ছিলেন। মাণিকচন্দ্র রাজার গানে বৌদ্ধপ্রভাব পরিস্কৃত এবং বাঙ্গালার তদানীন্তন সামাজিক চিত্র সুন্দরভাবে প্রতিকলিত হইয়াছে।

রানাই পণ্ডিতের শূন্য পুরাণ ধর্মপূজা বিবরণক প্রধান গ্রন্থ। রানাই পণ্ডিত মহারাজ দ্বিতীয় ধর্মপালের রাজত্বকালে গুপ্তীয় একাদশ শতাব্দীর প্রথমভাগে প্রস্তুত হইয়াছিলেন। শূন্য পুরাণের একাধিক অধ্যায়ের মধ্যে ষটি অধ্যায় সৃষ্টিপত্তন সম্বন্ধে। রানাই মহাবান পঞ্চাবলম্বী বৌদ্ধগণের মত অবলম্বন করিয়া সৃষ্টিপত্তন অধ্যায় লিখিয়া-ছিলেন।

বাঙ্গালার বৌদ্ধপ্রভাব হিন্দুস্থানে মিশিয়া গিয়া সাহিত্যক্ষেত্রে কীর্ণভাবে প্রবাহিত হইয়াছিল। শৈব, শাক্ত ও বৈষ্ণব ধর্মের ত্রিধারা প্রাচীন বঙ্গসাহিত্যের মরুপ্রান্তরে বৃক্ষলতা-তৃণশম্পের স্তায় শোভায় নয়ন ও মনের আনন্দবিধান করিয়াছে। এই জ্ঞান, কর্ম ও ভক্তির উচ্ছ্বাসে কবি-হৃদয় বিলোড়িত হইয়াছিল এবং দেশকাল ও পাত্রভেদে এক অপূর্ণ আকার ধারণ করিয়াছিল।

হিন্দুধর্মের অভ্যুত্থানে শৈবসম্প্রদায় নিজ ধর্মপ্রচারে বদ্ধপরিকর হইয়াছিলেন। শৈব ধর্মপ্রচার্যগণ প্রথম জনসাধারণের মনোরঞ্জে চেষ্টিত হইয়াছিলেন। অশ্বৈত-দর্শনের জীব-ব্রহ্মৈক্যসাধনা শৈবধর্মের ভিত্তি। শৈবগণ শৈববাদিগণের স্তায় সগুণ ব্রহ্মের উপাসক নহেন। শিব ত্রিগুণাতীত আনন্দময় পুরুষ। নিগুণ ব্রহ্মের স্তায় তিনি স্থির-নিশ্চেষ্ট। জীবমাত্রেই বৈরাগ্যসম্পন্ন হইলে, সাধনার উচ্চশিখরে অবস্থিত হইয়া মারাভীত তুরীয় অবস্থা প্রাপ্ত হইলে শিবত্ব লাভ করিবে, ইহাই শৈবধর্মের শিক্ষা। শিব পরম সন্ন্যাসী, সংসারের হৃৎ-হৃৎখে অবিচলিত। বৌদ্ধধর্ম সন্ন্যাসীর ধর্ম—গৃহীর ধর্ম নহে। বুদ্ধপূজাপদ্ধতি দেশময় প্রচারিত হইলে এবং বৌদ্ধ ধর্মাবলম্বীসন্ন্যাস আপামর জনসাধারণের মধ্যে বিস্তৃত হইয়া পড়িলে শৈবসম্প্রদায় বৌদ্ধধর্মকে আকর্ষণ করিয়া লইয়াছিলেন। বৈরাগ্য গুরু বুদ্ধদেবের আসনে পরম সন্ন্যাসী মহেশ্বরকে প্রতিষ্ঠিত করতে বিশেষ কোন আরাগের প্রয়োজন হয় নাই। শ্রবণগণের হরিজীবসন গৈরিক বর্ণ ধারণ করিয়াছে, মুণ্ডিত শির হিন্দুসাধক অটোজালে আবৃত হইয়াছে, কিন্তু শিবের উচ্চ আদর্শ ও সন্ন্যাসতাব সাধারণের মন আকৃষ্ট করিতে সমর্থ হয় নাই। শৈবগণের সংসারবিষেবী আদর্শ বাঙ্গালী কবির আন্তরিক শ্রীতি-ভক্তির উৎস প্রবাহিত করিতে পারে নাই। শিব শ্রদ্ধাশ্রমে-বশানে ঘুরিয়া বেড়ান, তাঁহার সহচর-অনুচর ভূত-প্রভ। শিবের মহিমা অস্ত্রাপি সন্ন্যাসীর গাজনভলার ও শ্রদ্ধানে কীর্ণিত হইয়া আসিতেছে। ভাঙ্গড় ও ভোলানাথ সংসারের গৃহজ্বালা হইতে অস্ত্রাপি নির্বাসিত হইয়া রহিয়াছেন। “কিন্তু বাঙ্গালী কবির কি অসম-সাহসিকতা? কত বড় হুঃসাহস! বাঙ্গালী কবি শিবের সেই “রজত-সিরিনিত” প্লায়ে কলঙ্ক-কালিমা লেপন করিতে-ছাড়েন নাই।” মহামহিমাবিশিষ্ট পুরাণের সাক্ষ্য অবজ্ঞা করিয়া বাঙ্গালী বৌদ্ধ-কবি শিবকে কুবকের দেবতারূপে কল্পনা করিয়াছেন। বৌদ্ধ শিবে

পৌরাণিক শিবের নিষ্কেষ্টতা নাই, সংসার বৈরাগ্যের ভাব নাই। রামাই পণ্ডিত শিবকে ধর্ম পূজার সহায়ক করিয়াছেন। রজনী প্রভাতে দিনের ঘরে ঘরে ভিকার জন্য ঘুরিয়া বেড়ান। ভক্ত কবি তাঁহাকে ধান্য রোগের উপদেশ দিতেছেন; কারণ গৃহে অন্ন থাকিলে অনশনে দেহ ক্লিষ্ট হইবে না। কেন্দুয়া ব্যাঙ্গের চন্দ্র পরিধানের কষ্ট দেখিয়া কবি তাঁহাকে কার্পাস চাব করিতে বলিতেছেন : গায়ে বিভূতি মাখিতে দেখিয়া ভিল-সরিবার চাব করিতে অহুরোধ করিতেছেন। ধর্ম পূজার সুবিধার জন্য সুগ, ইক্ষু ও কলা চাব করিতেও বলিতেছেন। অভাব আনরা দেখিতে পাইতেছি যে, বৌদ্ধ বাঙ্গালী কবি হিন্দুর সন্ন্যাসী নিষ্কেষ্ট শিবকে শ্রদ্ধা হইতে টানিয়া আনিয়া ও তাঁহার স্তম্বে বিগলিত হইয়া ধর্মপূজার উপকরণ সংগ্রাহকরূপে চিত্রিত করিয়াছেন।

বাঙ্গালীর স্নেহপ্রবণ ভক্তিরসসিক্ত হৃদয় শৈবগণের অসামাজিক ও সংসার-বিভূকার আদর্শ গ্রহণ করিতে সমর্থ হয় নাই। বাঙ্গালী মাতৃ-উপাসক। মাতৃভাবের উদ্গাপনার বাঙ্গালী সিদ্ধহস্ত। এই মধুর ও শান্তভাবে তত্ত্ব ভীষণতার পর্যবসিত হইয়া জাতীয় জীবনে এক নব-রূপের অবতারণা করিয়াছিল। বাঙ্গালী শক্তি উপাসক। সরলমতি বৈদিক আধিপত্যের পুরস্কেভাগ্য দার্শনিক ঔপনিষদিক যুগে ক্রীত্ব প্রাপ্ত হইয়াছেন এবং বহুকাল পরে বাঙ্গালী সেন ক্রীত্ব ক্রীড়ে মাতৃষে পরিণত করিয়া তাঁহাকে আত্মশক্তিরূপে পূজা করিয়াছেন। এই ভাবের বশবর্তী হইয়া ব্রাহ্মণগণ বৌদ্ধ ভোগ পুরোহিতগণের স্থিতি দেবীকে সমরোপবাসী করিয়া ব্রহ্মাশিনী শীতলা সৃষ্টিতে প্রতিষ্ঠিত করিয়াছেন। “কর-চরণহীনা, সিন্দুরলিপ্তাঙ্গী, শম্ব বা ধাতুখচিত ব্রহ্মচিহ্নাঙ্কিতা মুখমণ্ডলমাত্রাবশিষ্টা” শীতলা প্রতিমা “বৌদ্ধসংক্রমণের অকাটা প্রমাণ” বলিয়া শ্রীযুত দীনেশচন্দ্র সেন মহাশয় বলিয়াছেন। শীতলা পূজা এখনও বাঙ্গালার গ্রামে অনুষ্ঠিত হইয়া থাকে, এখনও বিস্ফোটক রোগের প্রাদুর্ভাবের সময় বাঙ্গালী গৃহস্থ ক্রোধপ্রশমনার্থ চাকচোল বাত্যাঙ্গি সহযোগে তাঁহার পূজার ব্যবস্থা করিয়া থাকেন এবং এখনও দুর্গপত্রীর শীতলা মন্দির-প্রাঙ্গণে চামর-বন্দীরা সহযোগে শীত শীতলা-সাহায্য সকল শ্রেণীর স্ত্রীলোকগণের মনে ভীতি ও ভক্তির সঞ্চার করে।

মঙ্গসা-মঙ্গলের সর্বত্রই শিবভক্তের সহিত মনসাদেবীর সংগ্রাম দৃষ্ট হয়। শৈবধর্মকে পরাস্ত ও নির্মূল্য করিবার জন্যই মনসামঙ্গল রচিত হইয়াছিল। নদ-নদী-বহল সর্পসঙ্কুল বঙ্গভূমির দেবী বিবহরী। চাঁদ সর্পাগর পরম শৈব, কিন্তু তাঁহাকে বহুবিধ লাজনা ভোগ করাইয়া শিব নিজ মুহুর্তা শীতলার মহিমাপ্রচারে সাহায্য করিয়াছেন। জলানর বঙ্গদেশে সর্পের উপাস্ত্রব প্রচুর। সাধারণের সর্পভয় নিবারণকল্পে সর্পের দেবতা করনা স্বাভাবিক এবং এইজন্য মনসাদেবীর পূজা দ্বারা তাঁহার ক্রুর ও সহকর্যে অনুচরগণকে হস্তগত করিয়া পূজাপাত্র ও আহার্য্য করিবার জন্য মনসাদেবীর শরণাপন্ন হইবার প্রচেষ্টা। এইরূপে সুবচনী, মঙ্গলচণ্ডী, কমলাদেবী প্রভৃতি বহু দেবীর পূজা ও গান প্রচলিত হইতে লাগিল। কত মাতৃপূজা বাঙ্গালী কবি যে শিব-দেবতার পূজা করিয়াছেন, তাহার ইয়ত্তা নাই, কিন্তু অধিকাংশ হলে তাঁহাদের কবিতার উচ্চ অঙ্গের সাহিত্য-রস প্রকটিত হয় নাই। তবে এই বঙ্গদেশজাত সংস্কৃত সম্পর্কশূন্য কাব্য ও পাঁচালী সমূহের মধ্যে বহু সমাজ ও পরিবারের রীতিনীতি আলোচ্যের ন্যায় প্রতিকলিত হইয়াছে। গ্রামের ছায়াপীতল কুটারে ও মুক্ত মন্দির-প্রাঙ্গণে যে শীত-সহরী বাঙ্গালী গ্রাম্য কবির হৃদয় হইতে উৎসারিত হইয়াছিল— তাঁহার কবি-হৃদয় যে কমলীর রমণীর অভুলনীর মহাশক্তির মাতৃসৃষ্টি করনা করিতে সমর্থ হইয়াছিল, তাহা অত্যাধিক কোটি কোটি বঙ্গবাসীর ভক্তি-শ্রীতি আকৃষ্ট করিতে সমর্থ হইতেছে। বাঙ্গালীর নৃপারিক জীবন-আরম্ভ হইবার পূর্বে তাহার প্রাত্যহিক জীবনের ছায়ার যে

সুখস্বঃখ শ্রীতি-ভালবাসা ও ভক্তির মিত্য অভিনয় ঘটিত, তাহা এই সমস্ত বস্তাব কাবর চিত্রে সুন্দরভাবে প্রকাশ পাইয়াছে।

শ্রীহরিপদ যোবাল, বিজ্ঞাবিনোদ।

ব্রহ্মার অপূর্ব সৃষ্টি *

পিতামহ ব্রহ্মা সমস্ত ভুবন ও ভূত সমূহ সৃষ্টি করিবার পর—হস্তে আর অস্ত কোন কাব না থাকার চিন্তাচিত্ত অবস্কার বেশ করদিন কাটাইয়া দিলেন। তিনি সৃষ্টিকর্তা হইয়া মহা মুগ্ধিল করিয়া কেলিয়াছেন, কেন না, অনবরত বিরামহীন কাব করিয়া যাওয়াই তাঁহার স্বভাব হইয়া পড়িয়াছে। কয়েক দিন চিন্তা করিয়াই কাটাইলেন। চিন্তা ত মত্ত কাব! তাহার পর দিব্যদৃষ্টিতে একবার মর্ত্যালোক দেখিয়া লইলেন।

পিতামহ দেখিলেন,—মানবগণ মায়া বা মত্ত শূন্য বলিয়া বেশ সরলতা সহকারে বাস করিতেছে। বড়লোক, ছোটলোক, চাকর-মনিব ভেদ নাই, স্তত্রাং দুঃখের সম্ভাবনা নাই। সকলেই বেশ সুখী। এক আধ জন যদি বেশী ধনী বা বড়লোক হইতে চাহে, তবে অস্ত অনেককে নির্ধন বা ছোটলোক হইতে হইবে, অর্থাৎ মশ জনকে প্রতারণা বা বঞ্চনা করিয়া এক জনকে ধনী হইতে হইবে, নতুবা ধনী হইবার “নাশ্চঃ পশ্চাঃ বিদ্বতে”। পিতামহের সৃষ্ট মানব তখন সকলেই সরল (আর্জব যোগবিশেষাৎ), কাষেই প্রবঞ্চনা-প্রতারণার ধার তাহার ধারে না। পিতামহ বোধ হয় ভাবিলেন, তাই ত, কাবটা ত বড় ধারণ হইয়া পড়িয়াছে, ধনী-দরিদ্র ভেদ নাই—এও কি চলে! যাহাই হউক, একটা বিহিত উপায় করিতে হইবে। সৃষ্টিকর্তার মাথা—কত রং-বেরণের খেয়াল খেলিতে লাগিল। শেষে ‘মিলিত নয়নে’ স্বল্পকাল থাকিয়া তিনি মায়ায় সাহায্যে এক নূতন জীব সৃষ্টি করিলেন।

পূর্বে (বোধ হয় পূর্বেকালে) এক জন দৈত্য ছিলেন—বাহার প্রতাপে দেবতাদিগের কমতা হ্রাসপ্রাপ্ত হইয়াছিল ও সমৃদ্ধি স্তম্বিত হইয়াছিল; ইহার নাম জম্ব।† পিতামহের পূর্বেকালের সকল কথাই স্মরণ থাকে; তিনি নূতন সৃষ্ট জীবটির নাম ঐ জম্ব দৈত্যেরই নামে রাখিলেন, কেবল ৬ বর্গের তৃতীয় বর্গের স্থানে ত বর্গের তৃতীয় বর্গের আবেশ করিলেন মাত্র। এই দৈত্যের আকৃতি—হস্তে তাঁহার পুস্তক, কুশগুচ্ছ, এক শূন্য কমণ্ডল, মৃগচর্ম, খনিজ ও নিজেরই হৃদয়ের মত কুটিলগ্র এক দণ্ড। মস্তক তাঁহার মুণ্ডিত—শিখাব্যতীত,—সেই শিখার মূলে শ্বেতপুষ্প, সেই শ্বেতপুষ্প বেড়িয়া কুশের বেড়। গ্রীবা তাঁহার কাঠের মত শুষ্ক, ওষ্ঠদ্বয় অপক্রিয়ার ঐবৎ চঞ্চল, চক্ষু ধ্যান-স্তম্বিত। দুই হস্তে ক্রম্বাকের বলয়। তিনি ‘মৃৎপরিপূর্ণ’‡ এক পাত্র ধারণ করিয়া আছেন। (এই সৃষ্টিকা গঙ্গাসৃষ্টিকা কি না, তাহা শাগ্রে লেখা নাই; আর, তিনি ‘বহন’ করিতেছিলেন মাত্র লেখা আছে, তা হাতে করিয়া কিংবা রজ্জু দ্বারা গলদেশ হইতে ঝুলাইয়া তাহা লেখা নাই)।

পিতামহ অবশ্যই পবিত্র ব্রহ্মলোকে বসিয়া দৈত্যের সৃষ্টি করিয়া-ছিলেন। কিন্তু তাহা হইলে কি হয়! দম্ব, সৃষ্ট হইবামাত্র পাছে

* গৌহাটী “পূর্ণিমা সম্মেলনে” পঠিত।

† অথর্কবেদ—২।৩।২।

মহাভারত—১।২।১০৫।

ভাগবত—৮।১০।২১।

মার্কণ্ডেয় পুরাণ—১।৮।১৬।

হিরণ্যকশিপুর্ন ধণ্ডের নাম ছিল দম্ব। অর্ধগবত—৩।১৮।১২।

‡ মৃৎপরিপূর্ণ বহন পাত্র। ৭০।

কোনরূপ অশুভসংস্পর্শে তাঁহার শৌচ নষ্ট হইয়া বার এই ভয়ে—
নিজেকে (ব্রহ্মলোকেও) বখাসত্ত্ব অস্ত্রের স্পর্শ হইতে বাঁচাইয়া
দণ্ডারমান থাকিলেন। * এখন তাঁহাকে বসিবার আসন দেয় কে ?
সপ্তর্ষিগণ দত্তের বেশত্বা ভাবত্বা দেখিয়া তাঁহাকে সমস্তম্বে প্রণাম
করিয়া কৃতান্তলি হইয়া সরিয়া দাঁড়াইলেন। ব্রহ্মা, যিনি লীলাচ্ছলে
ইতঃপূর্বে সমস্ত বিশ্ব সৃষ্টি করিয়াছেন, তিনি দত্তকে দেখিয়া নিজের
সৃষ্টিশক্তির তারিক না করিয়া থাকিতে পারিলেন না। তাঁহার এমনই
বিস্ময় ও হর্ষ উপস্থিত হইল যে, তিনি নিঃসন্দেহভাবে দাঁড়াইয়া রহি-
লেন। অগস্ত্যা দত্তের অতি ভীত তপস্তার চিহ্ন দেখিয়া হীনপ্রভ
হইলেন। বিশিষ্ট দেখিলেন যে, তাঁহার নিজের তপস্তা দত্তের
তুলনার কিছুই নহে, কাবেই লজ্জার পৃষ্ঠ সম্বুচিত করিয়া সরিয়া
গেলেন। নারদ নিজের তপস্তার প্রতি আর সমধিক আস্থা রাখিতে
পারিলেন না। অমদগ্নি নিজের জালুঘরের মধ্যে মুগ লুকাইলেন।
বিশ্বামিত্র ভয়ে অন্য দিকে মুখ ফিরাইলেন। এ দিকে দত্ত অনেককণ
পর্যন্ত দণ্ডারমান থাকিয়া ক্ষুব্ধ হইতেছেন দেখিয়া ব্রহ্মা বলিলেন,
“হে পুত্র, এরূপ মহৎ গুণমণ্ডিত তুমি যে আমার ক্রোড়ে বসিবার
উপযুক্ত, অতএব আমার ক্রোড়েই উপবেশন কর।” এই কথা শুনিয়া
দত্ত একবার চারিদিক দেখিয়া লইলেন—পাচে অজ্ঞাতসারে কোন
অপবিত্র দ্রব্যের সংস্পর্শ হইয়া পড়ে—পরে হস্তে জল লইয়া ব্রহ্মার
ক্রোড়দেশে অভ্যঙ্গন করিলেন। (ব্রহ্মার ক্রোড় ত পবিত্র ! আবার
জলের ছিটা কেন ? সাবধান হওয়া ভাল, ব্রহ্মার হস্ত ত তেমন
শৌচ জ্ঞান নাই) এবং আল্পাভাবে সমস্তোচ্চে তাহাতে উপবেশন
করিলেন। † (দত্তের কমণ্ডলু শূন্য ছিল, ব্রহ্মার ক্রোড়ে বসিবার
পূর্বে বোধ হয় জল কোন স্থান হইতে আনিয়াছিলেন। এই জল
গঙ্গার জল ছিল কি না তাহা শাস্ত্রে লেখে না, তবে ব্রহ্মলোক যদি
অর্গেই হয়, তাহা হইলে অর্গে মন্সাকিনী হইতেই জল লইয়াছিলেন—
এরূপ অনুমান আমরা করিতে পারি। মন্সাকিনী গঙ্গাই ত ! তবে
অর্গের গঙ্গা। গঙ্গার জলের মতই কি মন্সাকিনীর জল দত্তের মতে
পবিত্র ? কে জানে ? বাহাই হউক, জলের ছিটা দিয়া উপবেশন
করিলেন)। উপবেশন করিয়াই ব্রহ্মাকে সম্বোধন করিয়া বলিলেন,
মহাশয় ! আপনি উচ্চৈঃস্বরে বাক্যলাপ করিবেন না, যদি একান্তই
আবশ্যক হয়, তবে ভবদীর হস্ত দ্বারা মুখরক্ষা আচ্ছাদন করিয়া বাক্য
ব্যবহার করিবেন। দেখিবেন যেন আপনার মুখনিঃসৃত বায়ু
আমাকে স্পর্শ না করে ; ‡ স্পর্শ করিলেই আমি অশুচি হইয়া বাইব।
কেন না, আপনার মুখনিঃসৃত হইলেও ত সে মুখ নিঃসৃত বটে, অতএব
উচ্ছিষ্ট !” ব্রহ্মা এই কথা শ্রবণ করিয়া ও তাহার অতুলনীর শৌচ
দেখিয়া সমস্তবদনে বলিলেন, তোমার নাম যে রাখিরাছি দত্ত, ইহা
সার্থক বটে। বৎস, তুমি আমার এ হেন রত্ন, কেবল অর্গে শোভা
পাইবে তা কি হয় ! সমাগরা পৃথিবীতে অবতীর্ণ হইয়া পৃথিবীর
মর্কপ্রকার স্তব্ধভোগ কর। আমি আশীর্বাদ করিতেছি, তোমাকে
সম্যকভাবে চিনিতে কেহই পারিবে না।”

ব্রহ্মার আদেশ পাইয়া দত্ত মর্ত্যলোকে অবতরণ করিলেন। এখন
আর তাঁহাকে চিনিবার উপায় নাই। তিনি স্মৃতিভাবে প্রবেশ করি-
লেন, প্রথমেই গুরুদিগের হৃদয়ে, দীক্ষিতের হৃদয়ে ; বালক ও তপস্বীর
হৃদয়ে, গণক, চিকিৎসক, সেবক, বণিক, বর্ণকার, নট, ভট, গায়ক,
বাচক, সকলেরই হৃদয়ে প্রবেশ করিলেন। মানব জগৎ জয় করিয়া
গেলেন প্রাণীদিগের § জগতে, সেখান হইতে গেলেন উদ্ভিদ জগতে।

* ব্রহ্ম পুরসংস্পর্শে শৌচার্থী ব্রহ্মলোকেহপি । ৭২ ।

† অভ্যঙ্গ্য বারিমুট্যা কৃচ্ছগোপাশিশব্দতঃ । ৮১ ।

‡ স্পৃষ্টো ন ত্যাং বখাস্তবাতাংশেঃ । ৮২ ।

§ দত্তো বিবেশ শচ্চাদস্তরমিহ পক্ষিবৃক্ষাণাম্ । ৯২ ।

সর্বত্র পরিভ্রমণ করিয়া, দিবিজয় করিয়া নিজের অরণ্যতাকা নিখাত
করিলেন—গৌড়দেশে। * বাহ্যিক দেশের লোকের বচনে দত্ত,—
প্রাচ্য ও দাক্ষিণাত্যদিগের ব্রত-নিয়মে দত্ত,—কাম্বীরদিগের পদ-
মর্যাদার দত্ত,—আর গৌড়ীয়গণের সর্ব বিবরেই দত্ত।

খুব গুণভাবে দত্ত বিচরণ করিলেও তাঁহাকে চিনিয়া লইবার
উপায় কিছু কিছু শাস্ত্রে নির্দেশ করা আছে।

দত্তবৃক্ষ—নিম্নলিখিত নরন ইহার মূল, সৃষ্টিরদ্বারা কেশের জল
ইহাকে সিক্ত করে, শুচি বায়ু ইহার পুষ্প এবং নানাবিধ স্তব্ধ ইহার
ফল। (স্ব-করিত স্তব্ধ)।

বকদত্ত—অতিরিক্ত ব্রত নিয়মপরায়ণতা ও উচ্ছন্ন্য দত্ত।

কূর্নদত্ত—ব্রতনিয়ম পালন অথচ লোক না জানুক—এই স্তব্ধ-
জনিত দত্ত।

মার্কান্দেয়দত্ত—নিভৃত স্থানে গমন, নিভৃত স্থানে নিয়মপালন, অথচ
যৌর স্বভাব।

ইহাদের মধ্যে বকদত্ত অমীদার, কূর্নদত্ত চোটখাট রাজা আর
মার্কান্দেয়দত্ত দত্তরাজ্যের সার্বভৌম নরপতি।

সাধারণ লক্ষণ—শুশ্রূ-গুণমণ্ডিত বা শুশ্রূ-গুণহীন, কেশযুক্ত বা
জটিল বা মুণ্ডিত মস্তক—বাহাই হউক না কেন, দত্তের এইগুলি সাধারণ
লক্ষণ ;—ইনি (শৌচার্থী) বহু পরিমাণে যুক্তিকা ব্যবহার করেন,
গুজন ও হিসাব করিয়া কথা বলেন, ধীরে ধীরে পাদক্ষেপ করেন,
কখনও কখনও অঙ্গুলিভঙ্গ (আঙ্গুল মটকান) করেন, নানাবিধ বিবাদ
করিতে ও বাধাইতে পণ্ডিত, লোকজনের সমক্ষে অপপরায়ণ, নগরের
রাজপথে ধ্যান করিতে বসেন বা যেন ধ্যান করিতেছেন এইরূপ-
ভাবে চলেন, মধ্যে মধ্যে কর্ণের কোণ স্পর্শ করেন, ললাটে বিস্তীর্ণ
তিলক দ্বারা অনুষ্ঠিত দেবপূজার বিজ্ঞাপন দেন। ইনি নিঃশব্দ
লোকের নিকট সম্মানার্থী, গুণবানদিগের সমাজে গুরু ; আত্মীয়-
স্বজনস্বামী, পরের প্রতি করুণাময় বন্ধু। কার্যের দায় ঠেকিলে
শতবার অনোর কাছে যান ও খোসামোদ করেন ; কার্য শেষ
হইলে উপকারীকে দেখিয়া কৃতজ্ঞ করেন ও মৌনী থাকেন।

বিশেষ প্রকারের দত্ত যে কত আছে, তাহার সংখ্যা করা বিষয়
ব্যাপার। দুই চারিটির নাম দেওয়া গেল। নিঃস্পৃহ দত্ত—অর্থাৎ
আমি সকল বিষয়েই নিঃস্পৃহ, এই ভাবজনিত দত্ত। এই নিঃস্পৃহ
দত্তের তুলনা হয় না। শুচি দত্ত বা শয় দত্ত বা স্নাতক দত্ত বা
সমাধি দত্ত। ইহারা কেহই নিঃস্পৃহ দত্তের শতাংশেও তুল্য নহেন।
শয়দত্ত—সমজ্ঞিত দত্ত ; স্নাতক দত্ত ব্রহ্মচর্য্যপন্যাসনান্তে দত্ত ; সমাধি-
দত্ত, সাধন করিতে করিতে আমার সমাধি হয়, তবে আমাকে
আর পার কে—এই ভাবজনিত দত্ত। শুচিদত্ত যিনি—ভিগি
(সত্যকার) শৌচ অর্থাৎ শুচিতা বা (মনের) পবিত্রতার বিরোধী
(কার্যাতঃ), কিন্তু (বাহ্যশৌচের নিমিত্ত) ‘স্বৎকরকারী’ ; ইনি নিজের
বাহ্যবদিককেও স্পর্শ করেন না ; ইনি বিশ্বামিত্রের লাভ করিয়া
থাকেন। † (ব্যাকরণের একটু নীরস কচকচির মধ্যে বেশ করিতে
হইল, রসিকগণ কমা করবেন। বিশ্বের মিত্র অর্থাৎ সকলেরই বন্ধু
বা হিতকারী এই অর্থে “মিত্রে চর্ষী” (পাণিনি ৬।৩।১৩০) শব্দ
অনুসারে বিশ্বামিত্র শব্দ নিস্পন্ন হয়। এত বিশ্বামিত্র বধি ছিলেন,
গায়ত্রী মন্ত্র ইংগরই দ্বারা দৃষ্ট, কিন্তু ‘স্বৎকরকারী স্ববাক্যবাস্পর্শী’ যিনি
বিশ্বামিত্র—বিশ্ব+অমিত্র, অর্থাৎ সকলেরই শত্রু এই অর্থে)। ‡

স্মৃতি অবস্থায় (abstract) যে দত্ত আমাদের জগতে বাস
করিতেছেন—তাঁহার পিতা বা জনক অতি-পরিপুষ্ট লোভ, জননী

* বিনিবেশ গৌড়বিবরে নিজজয়কেতুং ইত্যাদি । ৮৬ ।

† দত্তঃ সর্বত্র গৌড়ানাম্ । ৮৭ ।

‡ বিশ্বামিত্রস্বরাস্তি । ৮০ ।

কপটতা, সহোদর কুট, গৃহিণী কুটিলতা আর পুত্র হত্যার। (পুত্র পিতৃ-পরীরের বহিঃ প্রকাশ ধরিয়া লইলে দত্তের পুত্র হত্যারকে চেনা সহজ হইবে। কথা.—যে কোন ভাল দ্রব্য বা ভাব বা কথা দত্ত দেখুন বা শুনুন না কেন, খুব গভীরভাবে নাক তুলিয়া তাজিল্যভরে বলিবেন, হ'—হ',—এ আর কি? চের দেখা আছে, ইত্যাদি।)

দত্তের চিত্রকরের পরিচয় * ,—

* কান্দীররাজ 'অনন্তরাজের' সময়ে উনি বর্তমান ছিলেন। অনন্ত-রাজের রাজ্যকাল ১০২৮-১০৬৩ খৃঃ অব্দ, পরে বিজয়েরবরে পুনঃ প্রতিষ্ঠিত। অনন্তরাজ ১০৮১ খৃঃ অব্দে আত্মহত্যা করেন। রাজ-তরঙ্গিণী ৭।১৩৪-৪৫২। কেয়েত্র প্রণীত "ঔচিত্যবিচার চর্চা"র ও "হৃদয় ভিলকে"র (ও অন্যান্য গ্রন্থের) শেষ অংশে কেয়েত্র নিজ পরিচয় দিরাছেন। রাজতরঙ্গিণীকার কলহন ১।১৩ স্লোকে কেয়েত্র প্রণীত নৃপাবলীর উল্লেখ করিরাছেন। কলহনের প্রায় ১ শত বৎসর পূর্বে কেয়েত্র বর্তমান ছিলেন।

নাম—মহাকবি কেয়েত্র ওরফে ব্যাসদাস।
নিবাস—কান্দীর।
বয়স—প্রায় ১ শত বৎসর। ইনি দ্বিতীয় একাদশ শতাব্দীর লোক।
পেশা—গ্রন্থরচনা। কম-বেশী ৩০ খানা গ্রন্থ ইহার রচিত বলিয়া জানা গিয়াছে। "বোধিসত্তাবদানকল্পলতা" ইহারই রচিত।
উপরে যে চিত্র দেওয়া হইল, তাহা 'কলাবিলাস' নামক গ্রন্থের প্রথম সর্গে আছে।

যিনি এই চিত্র ভাল করিয়া দেখিরা নিজে চিত্রের ভাব দ্বারা আক্রান্ত হইতে পারিবেন, বিদ্যুচ্চকলা লক্ষ্মী উহার গৃহে অচলা হইরা বাস করিবেন। ইতি কলশ্রুতি। *

* ১।৩২।

শ্রীলক্ষ্মীনারায়ণ চট্টোপাধ্যায়।

পথহারী

কার পানে তুমি চেয়ে আছ গুণে
জ্ঞেয়ে আছ সারা রাত্টি।
কে পথ হারারে খুঁজিছে কাহারে
জান কি গো শুক তারাটি।

অচেনা অজানা কোন্ পথে গেছে
সে যে গো আমার চলিয়া।
মোর সাথে দেখা হয়নি যে তার
যায় নাই কিছু বলিয়া।

স্তবধ তখন গভীরা রজনী
পাখী উঠে পাখা ঝাড়িয়া।
শন্ শন্ শন্ বহে সমীরণ
তরু-শাখা-শির নাড়িয়া।

একাকিনী সে যে কেমনে কি করে
বাহিরিল পথে জানিনি।
পথ খুঁজে খুঁজে সারা হবে সে যে
কখনো যে পথে চলেনি।

তুমি যে জাগিয়া রয়েছ গো তারা
তবু সে কি পথ হারাবে!
ঘুমায়ে পড়িলে কে দিবে জাগারে
কার কাছে যেয়ে দাঁড়াবে;

পথ চলি চলি হয় ত অলসে
পথের ধূলায় লুটাবে।
কেঁদে কেঁদে আহা সারা হয়ে গেলে
কেবা আর তারে ভুলাবে।

নয়নে নয়নে রাখিরা তোমার
দাঁও তারে পথ দেখায়ে।
জাগিছেন যেথা অগতের নাথ
লবে তারে হাত বাড়ায়ে।

শ্রীপ্রমথনাথ বসু।

মহাভারত ও ভারতবর্ষের ইতিহাস

মহাভারত কি, বৃষ্টিতে হইলে রামায়ণ কি, প্রথমে বৃষ্টিতে চেষ্টা করা প্রয়োজন। “বেদে, রামায়ণে, পবিত্র পুরাণে ও ভারতে, আদি অস্ত ও মধ্যে হরি সর্বত্র গীত হইলেন। ইহাতে পবিত্র বিষ্ণু কথা ও সনাতন শ্রুতি সমুদয় কীর্তিত হয়।”—৯৩-৯৪, ৬ অঃ, স্বর্গারোহণ।

এই মাত্র বলিলে কথাটি পরিষ্কাররূপে বুঝা যায় না। এই সকল গ্রন্থে নানা প্রকার রহস্য স্থল অথবা ঘন আবরণের পশ্চাতে রক্ষিত আছে। এই রহস্যগুলি কেবল মহাভারতের সার তাহা নহে; ‘সরহস্য বেদ’ বেদ-পাঠের নিয়ম ছিল। সুপরিচিত নারিকেল ফলের গঠন হইতে এ রহস্যের স্থান কতকটা বুঝা যাইবে। একটি শুষ্ক নারিকেল ফলে স্থলতঃ তিন ভাগ আছে, প্রথম কাষ্ঠময় খোল, দ্বিতীয় বহিরাবরণ ছোবড়া, তৃতীয় উপাদেয় এবং পুষ্টিকর খাদ্য, শস্য বা শাঁস।

বেদ কি? কতকগুলি জ্যোতিঃ পদার্থের স্তুতি—“স্তুতার্থ-মিহ দেবানাং বেদাঃ সৃষ্টা স্বয়ম্ভুবা”—৫০, ৩২৭ অঃ, শান্তি।

ইহাই যুরোপীয়দিগের “চারি গান”। স্থানান্তরে লিখিত আছে—“এষা ত্রয়ী পুরাণানাং দেবতানাং শাস্বতী”।

৬৯-১০০ অঃ, আদি।

পুরাণ সকলের মূলীভূত ও দেবতাদিগের প্রমাণীভূত যে বেদ, তাহাতে সর্বদা ইহার প্রমাণ প্রাপ্ত হওয়া যায়। এই জড় তারকাগুলি হইল স্থলভাবে বেদের ‘খোল’। যেমন খোল আশ্রয় করিয়া নারিকেলের ছোবড়া থাকে, সেইরূপ এই নৈসর্গিক পদার্থগুলি আশ্রয় করিয়া বেদ লিখিত হইয়াছে। মৃগশিরার উৎপত্তি, গুনঃশেফ প্রভৃতির গল্প হইল ‘ছোবড়া’, এই খোল ও ছোবড়ার মধ্যে মানব জাতীয় জীবনী মস্ত লুকায়িত রহিয়াছে।

“বেদানাং উপনিষৎ সত্যং”

বেদ সকলের রহস্য সত্য। (সত্যং—ব্রহ্মতত্ত্বাবেদ-কো উপনিষৎ।—৭২-১৮ অঃ)।

অনেকে স্মৃতি চিত্রের (টেপেট্রী) বর্ণনা শুনিয়াছেন। কোন একটি বিশেষ ঘটনা লইয়া প্রায় এইগুলি চিত্রিত

হইত। ভিন্ন ভিন্ন রঙ্গের সূতার দ্বারা মোটা কাপড়ের উপর ছুঁচের সাহায্যে গাছ, পাতা, ফুল, হরিণ, কুকুর, ঘোড়া, স্ত্রী-পুরুষ লইয়া এই সকল চিত্র লিখিত থাকিত। প্রায়ই কোন সুদীর্ঘ ঘরের এক দিকের দেওয়ালে এইরূপ স্মৃতি চিত্র দ্বারা আবৃত থাকিত। নিকট হইতে দেখিলে কতকগুলি গাছ, পাতা, ফুল, মানুষ, পশু প্রভৃতি পৃথক পৃথক ও পরস্পর অসঙ্গত বলিয়া মনে হইত। একটু দূরে দাঁড়াইয়া মনোযোগ করিয়া দেখিলে সমগ্র আলোকচিত্র তাৎপর্য হৃদয়ঙ্গম হইত। তখন বুঝা যাইত, সমগ্র চিত্রটি একটি ঘটনার অভিব্যক্তি। কোথাও বা মৃগয়া হইতেছে, কোথাও বা যুদ্ধ হইতেছে, কোথাও বা অভিবেদ হইতেছে; বৃক্ষ, তরু, লতা, মানুষ, পশু, পক্ষী প্রভৃতি সেই ঘটনাগুলি অভিনয় করিতেছে। মহাভারত অবিকল তদ্রূপ। তবে সচরাচর আলোক্য অপেক্ষা কেবল আয়তনে নয়—গাভীর্য্যে লক্ষণে মুগ্ধকর। এক লক্ষ লোকের দ্বারা এই বিশাল চিত্রপট অঙ্কিত হইয়াছে। যদি এক সহস্র ভাগে এই চিত্রখানি বিভক্ত করা যায়, তাহা হইলেও প্রতি অংশ এক একখানি সর্কাবয়বসম্পন্ন সর্কাবয়বসম্পন্ন চিত্রপট বলিয়া মনে হইবে। অথচ এই বিশাল কাব্যে একই কথা প্রতিপাদিত হইয়াছে। সে কথাটির নাম ব্রহ্মাঈতবাদ অথবা জীব ব্রহ্মা ভেদ।

ঈদৃশং হরিং নমস্তুত্যা ব্যাসস্ত মত মথাতো ব্রহ্ম জিজ্ঞাস্তেত্যাদি স্মৃত্তৈর্নির্নীতং যদ্ ব্রহ্মাঈত্যাং তৎপ্রকর্ষণে নানো-পাখ্যানোপবৃংহনে বক্ষ্যামি।—২৫-১ম অঃ আদি।

পুরাণান্তরে লিখিত আছে, যখন মহাভারত প্রণীত হইবে স্থির হইল, তখন ব্রহ্মা ব্যাসকে বলিলেন, তুমি বাস্তুকির নিকট যাও, কি ভাবে মহাভারত লিখিত হইবে, তিনি উপদেশ দিবেন। একটু চিন্তা করিলেই দেখিতে পাওয়া যাইবে যে, রামায়ণ ও মহাভারতের আখ্যায়িকার মধ্যে অনেক সাদৃশ্য আছে। উভয়েই হুই কল্পিত রাজবংশের কথা। রামায়ণে রামচন্দ্র স্বরূপে সীতাকে লাভ করেন; মহাভারতে অর্জুন স্বরূপে

দ্রৌপদীকে লাভ করেন। রামায়ণে রামচন্দ্র চতুর্দশ বৎসর বনে বাস করেন ও রাবণ সীতাকে হরণ করে। মহাভারতে ছর্ষোখন প্রভৃতি ধৃতরাষ্ট্র-পুত্ররা দ্রৌপদীকে অপমান করে ও পাণ্ডবগণ বার বৎসর বনে বাস করেন। রামায়ণে রাবণ সবংশে নিহত হয়; মহাভারতে কোরবরা বিনষ্ট হয়। পরিশেষে রামায়ণে রাম অযোধ্যার রাজা হইলেন, ধৃষ্টিয় ও হস্তিনাপুরে রাজা হইলেন। দুইটি আধ্যাত্মিক এই সাদৃশ্য ব্যতীত আরও নানা প্রকার সাদৃশ্য ও বৈষম্য পরে দেখা হইবে।

রামায়ণের কাহিনী সকল হিন্দুরই জানা আছে। অযোধ্যাপুরীতে অজ্ঞ নামে এক রাজা ছিলেন। অজ্ঞের পুত্র দশরথ। দশরথের তিন মহিষী ছিলেন, কাহারও সন্তান হয় নাই। পুত্রের নিমিত্ত যজ্ঞ করিতে তিনি ঋষিশৃঙ্গ মুনিকে নিজ পুরীতে আনয়ন করেন। সেই মুনির যজ্ঞপ্রভাবে রাজা দশরথের জ্যেষ্ঠা মহিষী কোশল-রাজকন্যা কোশল্যার গর্ভে রামচন্দ্র জন্মগ্রহণ করেন ও অপর দুই মহিষীর গর্ভে আর তিন পুত্রের জন্ম হয়। রামের রাজ্যাভিষেকের সময় উপস্থিত হইলে মন্থরা নামী দাসীর ষড়যন্ত্রের ফলে রামচন্দ্র চতুর্দশ বৎসরের নিমিত্ত সীতা ও লক্ষণের সহিত বনে গমন করেন ও তাঁহার বৈমাত্র ভ্রাতা ভরত তাঁহার স্থানে রাজ্যপালন করেন। বনবাসফলে লঙ্কার অধিপতি রাবণ রামের অনুপস্থিতি সময়ে সীতাকে হরণ করিয়া লইয়া যায়। রামচন্দ্র বানররাজ সূগ্রীবের সহিত মিত্রতা করিয়া হনুমান প্রভৃতির সাহায্যে রাবণকে সবংশে নিহত করিয়া সীতাকে উদ্ধার করেন ও পরে অযোধ্যার সিংহাসনে আরোহণ করেন।

এই হইল স্থূলতঃ আধ্যাত্মিক অথবা 'ছোবড়া' অংশ। ইহার নিগূঢ় রহস্য আছে। সেই রহস্য বৃষ্টিতে হইলে অপর একটি ধর্মের একটি আধ্যাত্মিক উল্লেখ করিতে হয়। ইহুদীদিগের ধর্ম-গ্রন্থ টেষ্টামেন্টে লিখিত আছে যে, ঈশ্বর সৃষ্টির শেষ করিবার পরে আদম্ নামে এক জন মানুষকে সৃষ্টি করেন এবং তাঁহাকে একটি উদ্ভানে বাস করিতে দেন। আদমের নিজাকালে ঈশ্বর আদমের একখানি পঞ্জর-অস্থি লইয়া ইভা নামে এক জন স্ত্রীলোক নির্মাণ করেন এবং তাহাকে আদমের সহচারিণী করিয়া দেন। যে উদ্ভানে আদম ও ইভা বাস করিত, সেই উদ্ভানে মানুষের

উপভোগযোগ্য সকল সামগ্রীই ছিল। ঈশ্বর আদম ও ইভাকে এই আশ্রয় করেন যে, তোমরা এই স্থানের যাবতীয় সামগ্রী উপভোগ করিবে; কিন্তু একটি আপেল ফলের বৃক্ষ আছে, সেই গাছের ফল কখনও আশ্রয়ন করিও না। ঈশ্বরের আদেশ লঙ্ঘন করিয়া এক দিন আদম ও ইভা সেই নিষিদ্ধ ফল আশ্রয়ন করিল। ঈশ্বর এই ঘটনা জানিতে পারিয়া ক্রুদ্ধ হইলেন এবং আদম্ ও ইভাকে সেই স্বর্গীয় উদ্ভান হইতে বহিষ্কৃত করিয়া দিলেন। ইহাই হইল ইহুদী ঋষ্টান্ ও ইসলাম ধর্মের "মানবের পতন।"

ইহুদীদিগের ধর্ম অবলম্বন করিয়া ঋষ্টান্ ধর্ম গঠিত হয়, এবং এই দুই ধর্ম ভিত্তি করিয়া ইসলাম ধর্মের উৎপত্তি হয়। ওল্ড টেষ্টামেন্ট এই তিন ধর্মই প্রামাণ্য ঈশ্বর-কথিত ধর্মগ্রন্থ বলিয়া পরিগণিত। এই তিন ধর্মের সাধারণ নাম সেমেটিক ধর্ম।

উপরে যে আধ্যাত্মিক লিখিত হইল, তাহার দুই প্রকার অর্থ করা হয়। এক অর্থ এই যে, বাস্তবিকই এই সকল ঘটনা ঘটিয়াছিল; দ্বিতীয় অর্থ, ইহা একটি কল্পনা-প্রসূত রূপক মাত্র, ইহার নিগূঢ় অর্থ আছে। সৃষ্টিকালে মানুষ নিষ্পাপ ছিল; ইন্দ্রিয়ের বশীভূত হইয়া মানুষের পতন হইল। ইন্দ্রিয় সংযম না করিতে পারিলে ঈশ্বর-সান্নিধ্য অর্থাৎ মোক্ষলাভ হয় না। ইহুদিরা সম্ভবতঃ অন্য ধর্ম ইহুতে এরূপ প্রবাদ পায়। প্রাচীন পারসিকদিগের মধ্যে এই গল্প ছিল। মেন্সিনা ও মেন্সিনী পুরুষ ও স্ত্রী এক সঙ্গে বাস করিত। তাহাদেরও নিমিত্ত একটি নিষিদ্ধ খাদ্য ছিল। তাহা ফল নয়, ছাগ-ছন্ধ। সে স্থানেও স্ত্রীলোকের প্রলোভনে পড়িয়া পুরুষ ও স্ত্রী উভয়ে সেই নিষিদ্ধ সামগ্রী উপভোগ করে এবং তাহাতে তাহাদের পতন হয়। পুরাতন গ্রীক দার্শনিকদিগের মধ্যে এক সম্প্রদায়ের মত ছিল যে, সকল জড় পদার্থই পাপপূর্ণ, কেবল আত্মাই নিষ্পাপ।

এখন রামায়ণ আধ্যাত্মিক গূঢ় তাৎপর্য বৃষ্টিবার চেষ্টা করা যাউক। অযোধ্যাপুরীতে অজ্ঞ নামে এক রাজা ছিলেন, তাঁহার দশরথ নামে এক পুত্র ছিল। দশরথের কোন সন্তান হয় নাই। অজ্ঞ অর্থে ব্রহ্মা "অজ্ঞা বিষ্ণু হব ছাগাঃ।" ব্রহ্মা হইলেন বেদ অভিমানী দেবতা। ব্রহ্মা অর্থে বেদ। ব্রহ্মা কথার এই অর্থ মহাভারত ব্যতীত উপনিষদ প্রভৃতি অপর গ্রন্থেও দেখিতে পাওয়া যায়। দশরথ হইলেন অজ্ঞের

পুত্র, দশ শব্দ সহস্রবাচী, রথ শব্দের অর্থ এক অর্থ “পরলোক প্রাপকোরথঃ”, যান কথাও এই অর্থে ব্যবহৃত হয়। তাহা হইলে অজের পুত্র দশরথ, ইহার তাৎপর্য এই যে বেদে পরলোকপ্রাপ্তি সম্বন্ধে নানা উপায় কথিত আছে। এই ভাবে অল্প প্রকারেও ব্যক্ত আছে।

“বহুশ্রয়ো বহুমুখো ধর্মহৃদি সমাশ্রিতঃ”। ২৬-২৭৯ আদি

অল্পত্র যুধিষ্ঠির বলিতেছেন,—

“মহাশয়ং ধর্মোপথো, বহু শাখাশ্চ ভারত”। ৩।১৬০শ

আরও একস্থলে লিখিত আছে,—

“দশ লক্ষণসংযুক্তো ধর্ম অর্থ কাম এবচ”। ৬২-২৮৪

অঃ শান্তি

স্থানান্তরে আছে,—

“অনেকান্তং বহুদারং ধর্মমাহ মনীষিনঃ”। ১৮-২২ অঃ অহু

ইহাই হইল দশরথ শব্দের এক প্রকার তাৎপর্য। ইহার আর এক অর্থ হইতে পারে; যজ্ঞ পন্থাকে দশরথ পন্থা বলিত।

শাশ্বতোহয়ং ভূতি পণো নাস্তান্তমহু শুশ্রম্।

মহান্—দাশরথ পন্থা মা রাজন্ কু পথং গমঃ ॥ ৩৭-৮ অঃ শান্তি

এবং “অনাদিরনন্তশচায়ং যজ্ঞীয়ঃ পন্থা ইত্যাহ,—শাশ্বত ইতি। দাশরথঃ একঃ পশুঃ দ্বৌ পত্নী যজোমানৌ ত্রয়োবেদাঃ চত্বার ঋত্বিজ ইতিঃ দাশরথাস্চ প্রচরন্তি যস্মিন্ স দাশরথঃ স এব দাশরথঃ”। ৩৭-৮ অঃ টীঃ

যে যজ্ঞে যজমান স্বয়ং পত্নীর সহিত দীক্ষিত হন, এবং একটি পশু, তিন বেদ ও চারি জন ঋত্বিক এই দশটি অবস্থিতি করে, সেই দাশরথ নামক মহান্ যজ্ঞীয় পন্থাই নিত্য। উহার ফল অবিদ্বন্দ্ব, এইরূপ শ্রুত আছে। এই দুই প্রকার অর্থের বিচার পরে করিব, তবে এই স্থানে বলিয়া রাখি যে, দ্বিতীয় অর্থটি সমীচীন বলিয়া মনে হয়।

দশরথের কোন পুত্র হয় নাই। তিনি পুত্রের জন্ম যজ্ঞ করিতে ঋষিশৃঙ্গ মুনিকে আনয়ন করেন। এই ঋষিশৃঙ্গ মুনিকে বৃন্দিতে আর একটি আধ্যাত্মিক উল্লেখ প্রয়োজন।

মগধদেশে এক সময়ে দ্বাদশ বার্ষিকী অনাবৃষ্টি হয় ও তাহার কালে অনেক প্রজা বিনষ্ট হয়। এই আপদ দূরী-করণের নিমিত্ত নানা চেষ্টা হইল, কিন্তু সকল চেষ্টাই বিফল

হয়। পরিশেষে রাজপুরোহিতগণ বলিলেন, যদি বিভাগুক ঋষির পুত্র ঋষিশৃঙ্গ মুনিকে এ দেশে আনিতে পারেন, তাহা হইলেই বৃষ্টি হইবে। বিভাগুক মুনির একমাত্র ঋষিশৃঙ্গ নামে পুত্র আছে। তিনি তাঁহার উপর বিশেষ অহুরক্ত। পিতার নিকট হইতে পুত্রকে এ দেশে আনয়ন করিতে কাহা-রাও সাধ্য নাই। নানা প্রকার পরামর্শ হইল, কি উপায়ে ঋষিশৃঙ্গকে মগধে আনয়ন করা যায়। পরে স্থির হইল, যদি কেহ তাঁহাকে ভূলাইয়া আনিতে পারে, তবেই তাঁহার মগধে আসা সম্ভব হয়। পুরুষকে ভূলাইতে জীলোকের শক্তি চিরপ্রসিদ্ধ। কিন্তু এরূপ জীলোক পাওয়া যায় কোথায়? ঋষিশৃঙ্গ বিশেষ উগ্রতপা ছিলেন। তপস্তা করিতে করিতে তাঁহার হরিণের ত্রায় শৃঙ্গ নির্গত হইয়াছিল। (ঋষি—হরিণ)। তিনি কখনও জীলোক দেখেন নাই এবং পিতা ভিন্ন অপর কাহাকেও দর্শন করেন নাই। পিতা-পুত্রে নির্জন বনে কঠোর তপস্তা করিতেন, রাজাহুচরেরা তাঁহাকে প্রলুব্ধ করিয়া আনিবার নিমিত্ত রাজপুর-স্থিত গণিকাদিগকে ডাকাইয়া পাঠাইলেন। কিন্তু মুনির কোপে ভয় হইবার আশঙ্কায় তাঁহার নিকট কেহই যাইতে সম্মত হইল না। অবশেষে একজন গণিকা রাজদণ্ডের ভয়ে স্বীকৃত হইল।

যে বনে বিভাগুক মুনির আশ্রম ছিল, তাহারই অনতি-দূরে সে একখানি নৌকা করিয়া উপস্থিত হইল। পরদিন যখন বিভাগুক মুনি ফলমূল অন্বেষণে বনমধ্যে নির্গত হইয়াছিলেন, উপযুক্ত সময় বুঝিয়া সেই গণিকা ঋষিশৃঙ্গ আশ্রমে প্রবেশ করিল। ঋষিশৃঙ্গ পূর্বে কখনও জীলোক দেখেন নাই, আগন্তুক আপনাকে মুনিকুমার বলিয়া পরিচয় দিল। সেই অভিনব মুনিকুমারের সহিত ঋষিশৃঙ্গ অতি আনন্দে দিন যাপন করিলেন। দিবা অবসানে গণিকা যখন বুলিল যে, বিভাগুক মুনির আশ্রমে ফিরি-বার সময় হইয়াছে, তখন সে ঋষিশৃঙ্গের নিকট বিদায় লইয়া আশ্রম হইতে অপসৃত হইল। সায়ংকালে বিভাগুক মুনি আশ্রমে আসিলে ঋষিশৃঙ্গ মুনি তাঁহাকে নূতন প্রকার মুনি-কুমারের কথা বলিলেন, কি আনন্দে তাহার সহিত দিন যাপন করিয়াছিলেন, তাহাও বলিলেন এবং পাছে সে পুনরায় না আসে অথবা কখন সে আসিবে, তাহার জন্ম পিতার নিকট বিশেষ ব্যাকুলতা প্রকাশ করিলেন। মহাভারতে এই আধ্যাত্মিকটি অতিশয় কৌতূহলপূর্ণ। বিভাগুক মুনি

ভিতরকার রহস্য কিছু বুঝিতে পারিলেন না। পরদিনও উপযুক্ত সময় বুঝিয়া সেই গণিকা মূনি-কুমাররূপে উপস্থিত হইল এবং উত্তরে পূর্বদিনের গায় আনন্দে। দন যাপন করিলেন। এইরূপ ছই তিন দিন অতিবাহিত হইলে সেই ছদ্মবেশী মুনিকুমার ঋষিশৃঙ্গকে বলিল যে, আমারও আশ্রম আছে। তুমি তথায় চল। সে পূর্বে নিজ নৌকাখানি আশ্রমের গায় সজ্জিত করিয়া রাখিয়াছিল, ঋষিশৃঙ্গও বিশ্রু চিত্তে মুনিকুমারের আশ্রমের ভিতর প্রবেশ করিলেন। এইরূপ ছল দ্বারা ঋষিশৃঙ্গকে মগধে আনা হইল এবং তাহার ফলে পরজন্ম দেব বারিবর্ষণ করিলেন, ছর্ভিক দূর হইল এবং প্রজারাও রক্ষা পাইল।

এখন ভিতরকার রহস্য বুঝিবার চেষ্টা করা যাউক। উপরে বলা হইয়াছে যে, উগ্র তপস্তা করিতে করিতে ঋষিশৃঙ্গ মূনির মাথা হইতে হরিণের গায় শৃঙ্গ নির্গত হইয়াছিল। এই কারণে তাঁহার নাম হইয়াছিল ঋষিশৃঙ্গ। আরও একটু অলৌকিক বৃত্তান্ত আছে; ঋষিশৃঙ্গ মৃগীর গর্ভজাত, সেই হেতু হরিণের গায় তাঁহার শৃঙ্গ উঠিয়াছিল।

যাহা হউক, এখানে একটু কথা আছে, ঋষিশৃঙ্গ পদটি সাধিত হইয়াছে,—ঋষি + অশৃঙ্গ = ঋষিশৃঙ্গ। যে ঋষি অশৃঙ্গ, সেই ঋষিশৃঙ্গ। শৃঙ্গ অর্থে কামোদ্বেক। “শৃঙ্গং হি মন্থখোদ্ভেদস্তদা গমন হেতুক। উত্তম প্রকৃতি প্রায়োরসঃ শৃঙ্গার উচ্যতে”। (অমর) যে ঋষির কামের সহিত পরিচয় নাই, সেই হইল ঋষিশৃঙ্গ। উপরে যে ছোবড়া অথবা গল্প বলা হইয়াছে, তাহাতে এই ভাবের ইঙ্গিত যথেষ্ট আছে। তাঁহার পিতার নাম বিভাগুক, শেষের “ক” অক্ষরের বিশেষ কোন অর্থ নাই, উহা স্বার্থে ‘ক’ প্রত্যয়, যেমন বলে, বালক। বিভাগু কথার অর্থ স্পষ্ট। বিভা + অণু = বিভাগু। শ্রুতি স্মৃতি-পুরাণ প্রভৃতিতে পরমাত্মার রূপ জ্যোতির্ময় অণুরূপে কল্পিত হইয়াছে। ইন্দ্রিয় দমন ও পরব্রহ্মের পিতা-পুত্র সম্বন্ধে অর্থাৎ প্রসূত প্রসবিতা সম্বন্ধে দার্শনিক কবির কল্পনা মাত্র।

ঋষিশৃঙ্গ উপাখ্যানে, শৃঙ্গ অর্থে কামরিপু বুঝাইল। উপাখ্যানান্তরে যখন বুদ্ধা কুমারী বিবাহ করিতে স্বীকৃতা হইল, তখন তাহাকে যে বিবাহ করে, কবি তাঁহার নাম দিয়াছেন, ‘শৃঙ্গবান’।

অন্ত এক স্থলে আর এক শৃঙ্গীকে দেখিতে পাই।

মুনিকুমার শৃঙ্গী পিতার অবমাননায়, রাজা পরীক্ষিতকে শাপ দেন যে, সপ্তাহমধ্যে তরুণক দংশনে তাঁহার মৃত্যু হইবে। এ স্থলে ক্রোধ হইল, ক্রোধ রিপু, কবি এই রিপু সম্বন্ধে আরও অনেক কথা বলিয়াছেন। এই শৃঙ্গীর পিতার নাম দিয়াছেন, শমী—অর্থাৎ যিনি ইন্দ্রিয় নিগ্রহ করেন। বিত্তা থাকিলেও ক্রোধ জয় হয় না।

ঋষেস্তশ্চ তু পুত্রোহভূত গবিজাতা মহাবশাঃ।

শৃঙ্গীনাম মহাতেজা স্তিগ্নবীৰ্য্যোহতি কোপিনঃ ॥

২-৫০ অঃ আদি।

গবিজাতঃ—গো গর্ভজাতঃ অর্থাৎ অধীত বিত্তা। ঋষিশৃঙ্গ মৃগগর্ভজাত তাহারও ঐ অর্থ; উভয় কথা একই অর্থে ব্যবহৃত হইয়াছে। শৃঙ্গী প্রায়ই ব্রহ্মার নিকট গমন করিতেন।

ব্রহ্মাণঃ উপতস্শ্চ বৈ কালে কালে স্মসংযতঃ ॥

২৬-৯০ অঃ আদি।

কবি দেখাইয়াছেন যে, বংশগৌরবে অথবা শাস্ত্র কিংবা বেদপাঠে ইন্দ্রিয় জয় হয় না।

“বর্ধতে চ প্রভবতাং কোপঃ অতীব মহাত্মনাং।”

৫-৯১ অঃ আদি।

মহাত্মাগণের প্রভাববৃদ্ধির সহিত কোপও সাতিশয় বৃদ্ধিপ্রাপ্ত হইয়া থাকে।

রিপুজয়ের নিমিত্ত সাধনা অথবা তপস্তা প্রয়োজন। ঋষিশৃঙ্গ মুনিকে মগধে আনিবার প্রয়োজন হইল, মগধ অর্বেদিক বৌদ্ধ মতের কেন্দ্রস্থল। যে স্থলে যজ্ঞ হয় না, অথবা বেদের সম্মান হয় না, সেই স্থানে অনাবৃষ্টি এবং প্রজাক্ষয় হয়।

ন ব্রহ্মচারী চরণাদপেতো যথা ব্রহ্ম ব্রহ্মণী ত্রাণমিচ্ছেৎ।

আশ্চর্য্যতো বর্ধতি তত্র দেবস্তত্রাতীক্শ্চঃ স্হঃসহাশ্চাবিশস্তি ॥

১৫-৭৩ শাস্তি।

নরুত্রিয়ং ব্রহ্ম ব্রাহ্মণজাতিব্রহ্মচারীচরণাৎ অধীত শাখাতঃ অপেতঃ দম্ব্যভির্কারিতঃ সন্ ব্রহ্মাণী বেদেহ্যেতব্যে ত্রাণং ব্রহ্মণমিচ্ছেৎ রক্ষিতুরভাবস্তদা দেবস্তত্র আশ্চর্য্যতো বর্ধতি তত্র বর্ধং অত্যন্তং ছর্লভমিত্যর্থঃ। ছঃসহা মারীছর্ভিকাদয়ঃ। অব্রহ্মচারী নাশ্চর্য্যাত ইতি চ পাঠে ব্রহ্মচরণাদ পেতত্বাদ ব্রহ্মচারী বেদাধ্যয়ন শূন্তঃ সন্ ত্রাণ-মিচ্ছেত্তর্হি তত্রাশ্চর্য্যতোহপিন বর্ধতীতি যোজ্যম্। ১৫ টাঃ

যখন ব্রাহ্মচারিগণ দক্ষ্য কর্তৃক নিবারিত হইয়া স্বীয় অধীত শাখা পরিত্যাগ করেন এবং ব্রাহ্মগণ স্বীয় অধ্যাতব্য বেদের আশ্রয় পরিত্যাগ করেন, তৎকালে দেবরাজ অন্ন বারি-বর্ষণ করেন এবং তথায় নিয়ত বহুবিধ উৎপাত সকল উপস্থিত হইয়া থাকে।

এই কারণে অভিনয় স্থান হইল মগধ দেশ, মগধ দেশের রাজা লোমপাদ অঙ্গ দেশের অধিপতি ছিলেন; তিনি ব্রাহ্মদিগের প্রতি মিথ্যা ব্যবহার করিয়াছিলেন।

মহাভারতে অনেক স্থলে অনাবৃষ্টির কথা আছে। প্রায় সকল স্থানেই এই ভাবের ইঙ্গিত পাওয়া যায় “অনা-বৃষ্টির দ্বারা ঋষিদিগের মৃত্যু হয়।”

বয়ং ঋষয় ত্বত্বঃ (সরস্বত্যাঃ) অধীমহি বেদান্ ।

কদাচিৎ অনাবৃষ্ট্যামৃত্যোষু ঋষিষু সম্প্রদায়োচ্ছেদে সতি
ইতি ভাবঃ ॥

৩১-৪২ অঃ শল্য টীঃ ।

শ্রুতিতে আছে, “প্রাণেভ্যো দেবা দেবেভ্যোঃ লোকাঃ ॥

লোমপাদ রাজা ব্রাহ্মদিগের সহিত অসদ্ব্যবহার করিলে, ব্রাহ্মগণ তাঁহাকে পরিত্যাগ করেন। যদৃচ্ছাক্রমে নৃপতি কর্তৃক তাঁহার পুরোহিতের প্রতি অহিতাচরণ হওয়াতে জগৎপতি ইন্দ্র তাঁহার রাজ্যে বারি-বর্ষণ করিলেন না। তাহাতে সমস্ত প্রজা পীড়িত হইতে লাগিল। ৪২-৪৩-১১০ অঃ, বনপর্ব ।

আমরা এই স্থানে মগধ, অঙ্গ দেশ, ব্রাহ্মণের প্রতি দুর্ব্যবহার, যজ্ঞলোপ, অনাবৃষ্টি, প্রজাক্রয় এই সকল কথা লইয়া একটি শৃঙ্খলা দেখিতে পাই।

এই ঋষিশৃঙ্খল মুনিকে রাজা দশরথ পুত্রের নিমিত্ত যজ্ঞ করিতে অযোধ্যায় লইয়া যান ও তাঁহারই যজ্ঞপ্রভাবে রামের জন্ম হয়। কোশল দেশকথার সম্বন্ধে একটু রহস্য আছে। মহাভারতে পরে দেখা যাইবে যে, হিমালয়, কাশী, গঙ্গা প্রভৃতি কথা একাধিক অর্থে ব্যবহৃত হইয়াছে। অযোধ্যা কখন গঙ্গাতীরে অবস্থিত, কখন গোমতীতীরে, কখন সরযুতীরে; হস্তিনাপুর কখন ভাগীরথীর নিকট, কখন বা পঞ্চনদের অন্তর্গত; বিদেহ কখন বা মগধে, কখন বা হিমালয়ে; সেইরূপ কোশল দেশ বঙ্গ হইতে দাক্ষিণাত্যে যাইবার পথে পড়ে; “দক্ষিণে কোশলাধিপতি বেঘাতটের

অধীশ্বর কাশ্মীরবর্গ ও পূর্ব কোশলস্থ নরপতিগণকে সহদেব সমরে পরাভূত করিলেন”। আর এক কোশল দেশ, বর্তমান যুক্তপ্রদেশের অন্তর্গত বলিয়া মনে হয়। অযোধ্যাকে উত্তর কোশল বলিত; কখনও কেবল কোশল বলিত।

“ততোঃ বিগনয়ন্ রাজা মনসা কোশলাধিপঃ ।

২৫-৭৩ অঃ, বনপর্ব ।

এ স্থলে রাজা হইল অযোধ্যার রাজা ঋতুপর্ণ।

এই কোশল-কথা নানাভাবে লিখিত হয়। কোশল, কোশল, কোষল; বলা বাহুল্য, প্রতি কথাই নিগূঢ় অর্থের নিমিত্ত-ভিন্ন ভিন্ন ভাবে লিখিত হয়। “যে দেশে যে বস্তুর দ্বারা উপলক্ষিত, সেই বস্তুর নামে সেই দেশের নামকরণ হয়”। আমার বোধ হয় কোশল-কথার সহিত কাশী-কথার সম্বন্ধ আছে। কুশ ও কাশ শব্দ হইতে কোশল ও কাশী এই দুইটি কথা নিস্পন্ন হয়। কোশল = কুশ + অণ ঘে ল; কাশী = কাশ + অন ঘে ঙ্গিপ্। কাশ অর্থে তৃণ, দর্ভপত্র। কুশ অর্থেও ঐ প্রকার বুঝায়। কুশ ও কাশ উভয়ের সহিত যজ্ঞের বনিষ্ঠ সম্পর্ক; কাশীর নামান্তর তপস্থলি, দ্বারকার নাম কুশস্থলি; রামচন্দ্রের পুত্র কুশ, তাঁহার স্থাপিত নগরের নাম কুশধ্বজ। বিচিত্রবীৰ্য্যঃ ধলু কোশল্যাশ্বজ অশ্বিকাখালিকা কাশিরাজ ছুহিতরাবুপষেমে। ৫১-৯৫ অঃ, আদিপর্ব ।

এ স্থলে কাশিরাজের স্ত্রী হইলেন কোশল্যা। কুশ, যজ্ঞ, কাশী এ সকল কথার তলে একই ভাব আছে; কুশ ও কাশ দ্বারা উপলক্ষিত স্থানের নাম হইল কোশল এবং কাশী; আর এক পক্ষে কুশ এবং কাশ যজ্ঞের চিহ্ন। যজ্ঞ লইয়াই বৈদিক ও বৌদ্ধ মতের প্রধানতঃ বিরোধ হয়। কাশী হইল যজ্ঞপন্থার প্রধান আশ্রয়স্থান, আর এক পক্ষে কাশী হইল যজ্ঞের নিদর্শন; সেই কারণে মহাভারতে ভিন্ন ভিন্ন রূপে কাশীর উল্লেখ প্রায়ই দেখিতে পাইব। কাশি-রাজের ছুহিতাদিগকে ভীষ্ম হরণ করেন; তাহাই তাঁহার মৃত্যুর মূল কারণ হয়। জন্মেজয় কাশিপতি স্তবর্ণবর্মান কন্যা বপুষ্ঠমাকে বিবাহ করেন।

‘স্তবর্ণবর্মানমুপেত্য কাশিপং বপুষ্ঠমার্থং বররাশ্রচক্রমুঃ ।

৮-৪৪ অঃ, আদিপর্ব ।

এ স্থলে রহস্যটি স্পষ্টই দেখিতে পাওয়া যাইতেছে,

বজ্রার্থ ইজ্ ধাতু হইতে জগ্নোজয় কথার উৎপত্তি, আর স্তোম অর্থে যজ্ঞ; স্থানান্তরে দেখিতে পাই, জনকরাজ-পত্নী হইলেন কোশল-রাজনন্দিনী। তাহা হইলে যজ্ঞপত্নী (দশরথ) কুশ উপলক্ষিত যজ্ঞের (কোশল) সহিত মিলিত হইবে, তাহা সহজে বোঝা যায়। এই কাশীতে আসিয়া (সারনাথ) বুদ্ধদেব ধর্মচক্র প্রবর্তন করেন।

সেই কোশলরাজ অথবা যজ্ঞাভিমানী কাশীরাজ-হুহিতার গর্ভে রামচন্দ্রের জন্ম হয়। ইহার দুই প্রকার অর্থ হইতে পারে। বেদে পরলোক সম্বন্ধে নানাপ্রকার উপায় কথিত আছে; অথবা যজ্ঞ (কর্মকাণ্ড) স্বর্গ কিংবা মোক্ষের উপায় বলিয়া কথিত আছে; এই দুই অর্থের মধ্যে যে অর্থেই সমীচীন বোধ হউক না কেন, উভয় সম্বন্ধেই এক কথা থাকে। ইন্দ্রিয় নিগ্রহ হইল শুদ্ধ ব্রহ্ম উদয়ের একমাত্র উপায়।

এই ভাব মহাভারতের অসংখ্য স্থলে লিখিত আছে। আমাদের ধর্মের ইহা হইল মূল ভিত্তি।

অঙ্গ সঞ্জয় মে মাংস পস্থানমকুতোভয়ম্।

যেন গহ্বা হৃষীকেশং প্রাপ্নুয়াং সিদ্ধিমুক্তমাম্ ॥ ১৬।

না কৃতাত্মা কৃতাত্মানং জাতু বিদ্যাজ্ঞানার্জনম্।

আত্মনস্ত ক্রিয়াপায়ো নাগ্নত্রেজিয় নিগ্রহাৎ ॥

১৭-৬৯ অঃ উদ্।

তাত সঞ্জয় ! যাহাতে কিছুমাত্র ভয়ের সম্ভাবনা নাই, যদ্বারা কেশবের সন্নিহিত হইয়া আমি উত্তমাসিদ্ধি প্রাপ্ত হইতে পারি, সেই পথ আমাকে বল। সঞ্জয় কহিলেন, অকৃতাত্মা পুরুষ কখন কৃতাত্মা জনার্দনকে জানিতে পারে না, আত্মক্রিয়ার উপায় ও ইন্দ্রিয়নিগ্রহ ভিন্ন আর কিছুই নাই।

উপাধ্যানে পতিব্রতা জীলোক ব্রাহ্মণকে শিক্ষা প্রদান করিতেছেন,—

ইন্দ্রিয়ানাং নিগ্রহঞ্চ শাস্ততং দ্বিজসত্তম।

সত্যার্জবে ধর্মমাহঃ পরম্ ধর্ম বিদোজনাঃ ॥

৪০-২০৫ অঃ, বনপর্ব।

হে দ্বিজসত্তম ! দম, সারল্য ও ইন্দ্রিয়নিগ্রহ এই কয়টি ব্রাহ্মণের শাস্ত ধর্ম বলিয়া নির্দিষ্ট হইয়াছে।

হৃজ্ঞেয়ঃ শাস্ততো ধর্মঃ স চ সত্যে প্রতিষ্ঠিতঃ।

শ্রুতিপ্রমাণো ধর্মঃ শ্রাদ্ধিত্তি বৃদ্ধাহুশাসনং ॥

৪১-২০৫ অঃ বনপর্ব।

শাস্ত ধর্মটি হৃজ্ঞেয়—তাহা সত্যেতেই প্রতিষ্ঠিত আছে। পণ্ডিতদিগের অহুশাসন এই যে, শ্রুতিই ধর্মের পরিমাপক, সেই শ্রুতিতে ধর্ম বহুপ্রকার দৃষ্ট হইয়া থাকে; সুতরাং তাহা অতিশয় সূক্ষ্ম। সাবিত্রী যমকে বলিয়াছিলেন, সকল আশ্রমেই ইন্দ্রিয় জয়, ইহা ধর্মের মূল।

নানাত্মবস্তুস্ত বনে চরন্তি ধর্মং চ বাসং চ পরিশ্রমং চ।

বিজ্ঞানতো ধর্মমুদাহরন্তি তন্মাং সন্তো ধর্মমাহঃ প্রধানম্ ॥

২৪-২৯৬ বনপর্ব।

অজিতেন্দ্রিয় লোকরা বনে থাকিয়া গার্হস্থ্যবিহিত যজ্ঞাদি ধর্মেরও অহুষ্ঠান করে না, চিরব্রহ্মচর্য্যও অবলম্বন করে না এবং সন্ন্যাসও আশ্রয় করে না। জিতেন্দ্রিয় পুরুষরা উক্ত আশ্রমধর্ম সকলের আচরণ করিয়া থাকেন। ভীষ্ম বুদ্ধিষ্ঠিরকে বলিতেছেন,—

ধর্মস্ত বিধয়ো নৈ কে যে বৈ প্রোক্তা মহর্ষিভিঃ।

স্বং স্বং বিজ্ঞানমাশ্রিত্য দমস্তেষাং পরায়নম্ ॥

৩-১৬০ অঃ, শান্তিপর্ব।

ভীষ্ম বলিলেন, মহর্ষিগণ ধর্মের যে যে অহুষ্ঠান বলিয়াছেন, তাহা নানাবিধ; নিজ নিজ বিজ্ঞান অবলম্বনপূর্ব্বক ইন্দ্রিয়নিগ্রহই তাহাদিগের মধ্যে পরম শ্রেষ্ঠ।

সেমেটিক ধর্মের সহিত হিন্দুধর্মের ইন্দ্রিয়জয় সম্বন্ধে কিছু সাদৃশ্য আছে, সে বিষয়ে সন্দেহ নাই। একটু অগ্রসর হইলে ভাবের পার্থক্য বোধেই দেখা যাইবে। মানবের পতন বলিয়া কোন কল্পনা হিন্দুধর্মে নাই। সেমেটিক ধর্মে মানবের পতন হইল প্রথম সূত্র। হিন্দুধর্মের ক্রমমুক্তি এবং সত্ত্বমুক্তি এই দুইটি হইল মূল ভিত্তি। এই কথা পরে আলোচিত হইবে।

ঋগ্বেদ সঙ্ঘে আর একটি কথা বাকি আছে,—

.....যথাকালে ঋগ্বেদের বিবাহ হইল, তাঁহার জীর নাম ছিল শাস্তা। শাস্তা অর্থে উপরতি, রিপুদমন করিতে না পারিলে শাস্তির সহিত মিলন হয় না।

সীতার সহিত রামের বিবাহ হয়। এই সীতা কল্পনাটি কি? প্রথমে কথিত হইয়াছে যে, রামায়ণ মহাভারত

প্রভৃতি গ্রন্থের গঠন নারিকেল ফলের অনুরূপে তিন ভাগে বিভক্ত করা যায়। প্রথমে 'খোল' বা আশ্রয়ের অংশ, দ্বিতীয় গল্প বা 'ছোবড়া' অংশ, তৃতীয় সার বা 'শস্ত্র' অংশ। এ কথা সমস্ত গ্রন্থ সম্বন্ধে খাটে; কেবল তাহা নহে, গ্রন্থের সকল অংশেই এই ভাবের তিন প্রকার বিভাগ দেখিতে পাওয়া যায়।

‘সীতা লাক্ষ্মণ পদ্ধতিঃ’ অঃ কোঃ।

গল্প হইতেছে যে, জনক রাজা ভূমিতে লাক্ষ্মণ দিবার সময় সীতাকে প্রাপ্ত করেন। চাষ করিলে ভূমিতে যে একটি রেখা পতিত হয়, তাহাকে সীতা বলে।

‘সীবেণ খন্ততে’ কিন্তু সাধারণ ব্যাকরণের নিয়মামুসারে এইভাবে কথাটি সাধিত হয় না। সেই কারণে সীতা কথাটি—

“পৃষোদরা দিত্বাং সাধুঃ”

সীতা লাক্ষ্মণ রেখাশ্চাৎ ব্যোম গঙ্গা চ জানকী।
সীতা নভঃ সরিতি লাক্ষ্মণপদ্ধতৌ চ

শীতো দশাননরিপোঃ সহধর্মিণী চ ॥

শীতং স্মৃতং হিমগুণে চ তদস্মিতে চ

শীতোহ্লাসে চ বহবার তরৌ চ দৃষ্টিঃ ইতি তালব্যাদৌ

ধরনিঃ। অঃ টাঃ।

এই ‘ব্যোমগঙ্গা নভঃ সরিৎ’—আকাশব্যাপী বিস্তৃত ছায়াপথ হইল,—“সীতা কল্পনার খোল” বা ভৌতিক আশ্রয়।

“ভাগীরথীঃ স্মৃতিখাঞ্চ সীতায় (শীতায়) বিমলপঙ্কজাম্।

৪৯-১৪৫ অঃ, বনপর্ব।

সীতা অর্থে গুরা অর্থাৎ নিষ্পাপা। তাহা হইলে কথাটির তিনটি রূপ—সীতা, সীতা, শীতা। এই তিনটি কথারই পৃথক পৃথক অর্থ আছে। সেই তিনটি ভাব একত্র করিয়া, কবি ব্যাকরণের সাধারণ নিয়ম উল্লঙ্ঘন করিয়া সীতা কথাটি গঠিত করিয়াছেন। পাপলেশসংস্পর্শবিরহিতা অমলধবলা, কোটি নক্ষত্রপ্রভা, শুদ্ধব্রহ্মের সহচরী হইলেন—স্নায়ের সীতা।

সীতা জনকরাজ-দুহিতা। ভূমি হইতে উখিতা, পৃথিবীর কণ্ঠা। জনক ও জন উভয়েই এক কথা। স্বার্থে ‘ক’ প্রত্যয় করিয়া “জনক” কথা নিষ্পন্ন হইয়াছে।

স্থানান্তরে জনককে জনরাজ বলিয়া উল্লেখ আছে। এ জন কে?

আখ্যান পঞ্চমৈকর্ষেদে ভূ'য়িষ্ঠং কথ্যতে জনঃ

৪১-৪৩ অঃ, উদ্বপর্ব।

ইতিহাসাদি আখ্যানে ও ঋগাদি চতুর্কর্ষেদে ভূমানন্দ পরমাত্মাকে জন, অর্থাৎ স্থাবরজঙ্গমাত্মক জগৎ বলিয়া উল্লেখ করেন। স্থানান্তরে দেখিতে পাই, জনকের সম্বোধন ‘নারায়ণ’।

রামচন্দ্র সীতা ও লক্ষ্মণের সহিত বনে গমন করেন, অর্থাৎ বৈদিক সত্য স্থাপন, তৎকালে প্রয়োজন হয়। সীতাকে রাবণ হরণ করিল, সীতাকে হরণ না করিলে যুদ্ধ বাধে না, রামচন্দ্র বানরগণের সাহায্যে রাবণকে সবংশে হত করিলেন। এ রাবণ কে?

রাবণের পরিচয় দিতে হইলে তাহার বংশের কিছু পরিচয় দিতে হয়। কশ্যপের দিতি নামে এক স্ত্রী ছিলেন, দিতির গর্ভে সপ্তর্ষির অন্ততম পুলস্ত ঋষির জন্ম হয়। পুলস্তের বিশ্রবা নামে এক পুত্র জন্মে, বিশ্রবার বৈশ্রবন বলিয়া এক কুরূপ পুত্র হয়; ঐ পুত্রের নাম হইল কুবের। বিশ্রবনের কুবের ব্যতীত রাবণ, কুম্ভবর্ণ, বিভীষণ নামে আর তিনটি পুত্র জন্মে। মহাভারত ও অপরাপর পুরাণে রাবণের জন্ম ও তাহার ভ্রাতাদিগের সংখ্যা ও জন্ম সম্বন্ধে নানাপ্রকার বর্ণনা আছে, কিন্তু তাহাতে আখ্যানিকাটির মূল রহস্ত সম্বন্ধে বিশেষ প্রভেদ হয় না।

এই সকল কথার অর্থ বুঝিতে আর একটু অগ্রসর হইতে হয়। ‘হে সুপর্ণে’ এই কথা দুইটি সকলের পরিচিত। সুপর্ণ অর্থে শোভন পক্ষযুক্ত অর্থাৎ সুরূপ। উপমহু্য যখন অশ্বিনীকুমারদ্বয়কে স্তব করিতেছেন, তখন তিনি তাহা-দিগকে সম্বোধন করিলেন, হে সুনাসিকদ্বয়! অর্থাৎ শোভন নাসিক। এইভাবে সুপর্ব এবং সুবর্ণ কথারও উল্লেখ দেখিতে পাওয়া যায়। এ সু কথার বিপরীত অর্থ কু। বিশ্রবা অথবা বিশ্রবন কথাটির অর্থ বিপরীত, অথবা বিগর্হিত শ্রবণ অর্থাৎ শ্রুতি। বিশ্রবণের পুত্র কুবেরের রূপ পুরাণে এইরূপ বর্ণিত আছে,—

কুংসায়ান্ত কুশকোহয়ং শরীরকোদ মুচ্যতে।

• কুশরীরত্বাচ্চ নাম্না তেন বৈ স কুবেরকঃ ॥

অর্থাৎ কুবের হইলেন কু শব্দ এবং কু শরীর। কুবের কথার তলে একটু রহস্য আছে। বের অর্থে বিরোধ। বৈর প্রিয়ঃ পুরুষঃ—বের পুরুষম্। কুবের নৈঋতগণকে রক্ষা করেন, নৈঋতি অর্থে পাপ।

পুরাণে রাবণের রূপ এইরূপ বর্ণিত আছে,—

শঙ্কুর্গো দশগ্রীবঃ পিজলো রক্তমূর্দ্ধজঃ ।
চতুর্শাঙ্গিংশতি ভূজো মহাকায়ো মহাবলঃ ॥
জাত্যঞ্জন-নিভোমর্দ লোহিত গ্রীব এব চ ।

এই বিচিত্র বর্ণনার ভিতর যথেষ্ট অর্থ আছে। কু + ঙ্রি + অন, যে = রাবণ, অর্থাৎ শককারী। এই রাবণ হইল দশানন, “আননং লপনং” যাহা হইতে প্রলাপ করনা কথা প্রভৃতি উৎপত্তি হইয়াছে। তাহা হইলে দশানন, রাবণ অর্থে হইল সহস্র প্রকার (নানাপ্রকার) প্রলাপ কথা, তাহারই অভিমানি দেবতা বা পুরুষ। “রাবণ চতুর্গুণানাং রাজা” অর্থাৎ সত্যের শত্রু চিরকালই আছে। তিনি পূর্বজন্মে হিরণ্যকশিপু দৈত্য ছিলেন, হিরণ্যকশিপু হইলেন দৈত্যগণের আদিপুরুষ। সীতার উদ্ধারের অর্থ সম্বন্ধে কবি বিলক্ষণ ইঙ্গিত দিয়াছেন,—রামচন্দ্র... নষ্ট বেদ ও শ্রুতি উদ্ধারের জায় ভার্যাকে উদ্ধার করিলেন।

রাজ্যে হৃতিষিচ্য লঙ্কারাং রাক্ষসেন্দ্র বিভীষণ ।

ধার্মিকঃ ভক্তিমস্তকং তস্তাভুগতবৎসলঃ ॥

ততঃ প্রত্যাহতা ভার্য্যা নষ্টাবেদ-শ্রুতির্যথা ।

১২-১৪৮ অঃ, বনপর্ব ।

স্থলক্ষিক্ বিকৃতো রাজস্বযুথপরিবারিত ।

শঙ্কুর্গোসহ বক্তে। মলিনো ঘোরদর্শনঃ ॥

১১৬-১১৭ শাষপর্ব ।

চণ্ডালদের রূপবর্ণনার শঙ্কুর্গ লিখিত হইত। চণ্ডাল কাহাকে বলিব, পরে দেখিব।

রাবণের ভ্রাতা হইলেন কুম্ভকর্ণ, বড় ভাই হইলেন শঙ্কুর্গ, এ ভাই হইলেন কুম্ভকর্ণ। ‘ছোবড়া’ অর্থ সহজেই বুঝা যায়। কুম্ভ অর্থাৎ কলসীর জায় কর্ণ যাহার। এখন রহস্যটা দেখা যাক, কর্ণ হইল শ্রুতি, বাপের নাম ছিল শ্রবণ; কুম্ভ অর্থে কৌশিক। কৌশিকের সহিত অনেক স্থলে ভিন্ন ভিন্ন রূপে দেখা হইবে। বিশ্বামিত্রের অপূর নাম কৌশিক, এই বিশ্বামিত্র বশিষ্ঠের আশ্রম হইতে সুরভী নাম্নী যেরূপ

অপহরণ করিতে যান; পরে দেখা যাইবে, সুরভী হইল বেদমাতা “সর্ষকাম ছবা”; তাহা হইলে কুম্ভকর্ণ হইল অবৈদিক শ্রুতি; শ্রবণ রাখিতে হইবে কুম্ভী নগর ও কুম্ভী নদী বুকের জীবনে উভয়ই প্রসিদ্ধ। রব বিরোধ প্রভৃতি কথার তাৎপর্য আর একটি শব্দবাচী শব্দ হইতে পরিস্ফুট হইবে।

অকুজনেন বা মোক্ষং নাহু কুজেৎ কথঞ্চন ।

৬০—৬১ অঃ কর্ণপর্ব ।

যাহারা তর্ক দ্বারা হরণেচ্ছ হইয়া কদাচিত্ ধর্ম ইচ্ছা করে, যদি কোন কথা না বলিয়া তাহাদের নিকট হইতে নিকৃতি পাওয়া যায়, তবে কোনক্রমে বাক্যলাপ করিবে না।

অকুজনেন বেদ শব্দ রাহিত্যেন তদ্বিকল্পং ধর্মং মোক্ষং বা বেদ বাহুমিচ্ছন্তিতান্ প্রতি নাহু কুজেৎ তৈঃ সহঃ সংবাদ-মপি ন কুর্যাদ সস্তাঘ্যান্তে তেন বেদা বিরোধ শ্রুতি যদন্তসা স্মধকরং তদ্বর্থ ইত্যর্থঃ । ৬০টি

কুৎসিং রূপ কুবের, কৌশিক শ্রুতি কুম্ভকর্ণ, বিবিধ অথবা বিগহিত শ্রুতি বিশ্রবন, ইহাদের সম্বন্ধে কবি একটি সুন্দর ইঙ্গিত দিয়াছেন। বনপর্বে ভীষ যুধিষ্ঠিরকে বলিতেছেন—

শ্রোত্রিয়শ্চেব তে রাজস্বন্দ কস্তাবিপশ্চিতঃ ।

অহুবাক হতা বুদ্ধির্নেবা তস্যার্থ দর্শিনী ॥

১১—৩৫ অঃ বনপর্ব ।

যে রূপ অবিজ্ঞান কুৎসিং শ্রোত্রিয়ের বুদ্ধি শ্রুতিবিশেষ দ্বারা নিহত হওয়াতে তস্যার্থ দর্শন করিতে পারে না, সেইরূপ আপনার এই বুদ্ধি তস্যার্থদর্শিনী নহে। বিবাদ কথার এক অর্থ বিবিধ বেদবাদ।

বিভীষণ কে হইল? বিভীষণের ‘উপকথা’ অর্থ হইতেছে নির্ভয়, তাহার আচরণ নির্ভয়ের জায় ছিল। তিনি প্রবল পরাক্রমশালী জ্যেষ্ঠ ভ্রাতা রাবণের তপশ্রণের নিমিত্ত সকল সময় তিরস্কার ও ভৎসনা করিতেন, পরে তাহার কোপ উপেক্ষা করিয়া রামের সহিত মিলিত হন। এখন রহস্যটা বুঝিবার চেষ্টা করা যাউক।

ভীষ + ভিষ = বিভীষ, ভিষ ও ভিষক একই কথা। এ দুইটি ভীষক কে? একটু চিন্তা করিলেই বুঝা যাইবে যে, ইহার স্বর্গবৈষ্ণব অশ্বিনীকুমারস্বরূপ। এই অশ্বিনী কুমারস্বরূপ সম্বন্ধে প্রগাঢ় রহস্য আছে, এ রহস্যের ‘খোল’ হইল

ছ'টি পরিচিতি তারকা। ইহার সম্বন্ধে 'ছোবড়া' অথবা আখ্যায়িকা-বধেই আছে, একটি আখ্যায়িকা হইতে এ রহস্যের কিছু ইঙ্গিত পাওয়া যায়। এক সময় ইন্দ্রপ্রমুখ দেবভাগ বলিলেন যে, অশ্বিনীকুমারদ্বয় স্বর্গের বৈষ্ণবমাত্র, উঁহারা যজ্ঞভাগ গ্রহণের উপযুক্ত নহেন, এই লইয়া মত-বিরোধ হয়; পরিশেষে চ্যবন ঋষির চেষ্টায় অশ্বিনীকুমারদ্বয়ের দেবত্ব প্রতিপন্ন হইল। আর একটু রহস্য আছে, অশ্বিনীকুমারদ্বয় গুহকগণমধ্যে পরিগণিত অর্থাৎ প্রথমে ইহারা অদেব ছিলেন, পরে দেব হইলেন। স্বর্গেও বর্ণভেদ আছে; শাক্তানুসারে অশ্বিনীকুমারদ্বয় হইলেন শূদ্রবর্ণ। অথচ উভয় যখন অশ্বিনীকুমারদ্বয়কে স্তব করিতেছেন, তখন তাঁহাদিগকে পরমাত্মারূপে বর্ণন করিতেছেন। এই আখ্যায়িকাটি চিন্তা করিলে বিভীষণ সম্বন্ধে একটু ইঙ্গিত পাওয়া যায়। অশ্বিনীকুমারদ্বয় প্রথমে দেব ছিলেন না, পরে দেব হইলেন, বিভীষণও তদ্রূপ। প্রথমে তিনি রাক্ষসকূলে জন্ম গ্রহণ করেন; পরে তিনি নিজগুণে রামের সহিত মিলিত হন। অর্থাৎ ভগবৎ-সামীপ্য লাভ করেন।

রামচন্দ্র সূগ্রীব প্রমুখ বানরগণের সাহায্যে রাবণ কুম্ভকর্ণ প্রভৃতিকে বধ করেন। বানরের নামান্তর কপি, কপি অর্থে ধর্ম, এ কারণে অর্জুনের রথ কপিধ্বজ। কপি-গণের রাজা হইলেন সূগ্রীব; রাবণ ছিল দশগ্রীব, রামচন্দ্র ঋষ্যমুখ পর্বতের সাহুদেশে বাস করিতেন। ঋষ্যমুখ হইল ঋষি অমুখ অর্থাৎ অপ্রলাপ। রামচন্দ্র কুম্ভকর্ণ ও রাবণকে ব্রহ্মাজ্ঞ দ্বারা অর্থাৎ বেদরূপ অজ্ঞধারণে বিনাশ করেন।

তাহা হইলে কথা কি হইল? নানা প্রকার বেদান্তিত অথচ কুযুক্তিপূর্ণ বেদ-বিরোধি প্রলাপ সদৃশ মত ছিল। শুদ্ধ চৈতন্য অথবা পরমাত্মার প্রভাবে বেদ প্রামাণ্যে সেই মতগুলি ধ্বংস হইল। আর একটি মাত্র কথা বাকি রহিল, রামের সহচরী হইলেন নির্মলা চেতনা স্বরূপা সীতা, আর রাবণের জী হইলেন মন্দোদরী। 'ছোবড়া' হিসাবে মন্দোদরী অর্থে কীর্ণ কটি, প্রকৃত অর্থে মূঢ়তা-প্রসবিত্রী। রামায়ণ যে রহস্যপূর্ণ, মহাত্মারত লেখক এক স্থানে তাহার স্মন্দর ইঙ্গিত দিতেছেন।

“বান্দীকিবৎ তে নিভৃতং স্বাধ্যায়ং”

আস্তিক পরীক্ষিতকে বলিলেন, আপনীর বীর্ঘ্য বান্দীকির বীর্ঘ্যের ত্রায় গুণ্ড।

রামের বংশধর হইলেন কুশী-লব। 'ছোবড়া' হিসাবে তুণের অগ্রভাগ লইয়া কুশ নির্মিত হইয়াছিল। কুশীলব আর এক অর্থে ব্যবহৃত হয়, যাহারা গান করিয়া বেড়ায়; অর্থাৎ হরিনাম, স্তুতিপাঠক বন্দী ও গায়কের দ্বারা বিস্তারিত হইল। তাহা হইলে রামায়ণ কথার কি অর্থ? এ সম্বন্ধে নানা মত হইতে পারে, এক অর্থ এই যে রাম = শুদ্ধ চৈতন্য + অয়ন = লয় স্থান অর্থাৎ মোক্ষ কথা। এ স্থানে আমরা রামায়ণের নিকট বিদায় লইব। যাহাদের কথা উপরে বলিলাম, তাহাদের মধ্যে অনেকের সহিত শীঘ্র সাক্ষাৎ হইবে।

শ্রীউপেন্দ্রনাথ মুখোপাধ্যায় (কর্ণেল)।

স্মরণে

হ'য়েছিলি গৃহশোভা, নয়ন-মানস-লোভা,
স্মরণ স্মরণ মাথা লাবণ্যের ধনি।
সুধামাথা সম্বোধন, সাথে “মা বা” আলাপন,
চিরতরে অন্তমিত নয়নের মণি।
তোর ভালবাসা হয়, জীবনে কি ভূলা যায়,
প্রেমগুণে প্রাণ মোর তুই বেঁধেছিলি।
কি দোষ দেখিয়া আজ, জীবন প্রভাতে বাজ,
হানিয়া মাথার মাঝে তুই ছেড়ে গেলি।

রোগে শার্ণ তরুখানি, তবু কি মধুর বাণী,
তবু কি মমতা-মাথা মুখে যুহু হাস।
অত শিশু তবু যেন, বহু বিজ্ঞ বৃদ্ধ হেন,
চাহনিতে হৃদয়ের ভাব স্প্রকাশ।
না বলিয়া কোথা গেলি, সব সঙ্গী দূরে ফেলি,
কোন্ নন্দনের বনে করিতে বিহার?।
উত্তর-অয়ন মাধে, যোগী যথা সদা জাগে,
শুভ শুরু সপ্তমীতে নিশার নীহার;।
সাথে ল'য়ে গেলি চলে আঁধারি আগার।।

শ্রীসতীশচন্দ্র শাস্ত্রী।



১১

ঝড় উঠিয়াছে। প্রচণ্ড পূর্ণিমা বায়ুর সহিত সমুদ্র-বারির ভীষণ সংগ্রাম চলিয়াছে—সে সংগ্রামে উভয়েই আর্ন্তনাদ করিতেছে—পুরীর নিশীথ রাত্রির অন্ধ-তমিষা ভেদ করিয়া সে আর্ন্তনাদ পল্লীতে পল্লীতে ছড়াইয়া পড়িতেছে। এক একবার মনে হইতেছে, বুধি বা ভীম প্রভঞ্জন প্রলয়-তাণ্ডবে সমগ্র সহরখানা দলিত মথিত করিয়া চলিয়া বাইতেছে।

এ ভীষণ রজনীতে ইভ একা পুরীর 'দি ভিলার' কক্ষ-ঘর রুদ্ধ করিয়া বসিয়া আছে—তাহার স্বামী আজ ক্লাবে নিমন্ত্রণ রক্ষা করিতে গিয়াছে। অল্প সময় হইলে এতক্ষণ ইভ স্থির থাকিতে পারিত না, স্বামীর সন্ধানে নিশ্চিতই বাহির হইত। সে ইংরাজ-হুহিতা, ভয় কাহাকে বলে জানিত না। কিন্তু আজ তাহার মন কি এক ছুশ্চিত্তার আলোড়িত হইতেছিল। বহিঃপ্রকৃতির সহিত তাহার অন্তরের কি বিশেষ সম্বন্ধ ছিল?

বাহিরে প্রকৃতির বন্ধে যেমন ভীষণ ঝড় বহিতেছিল, ইভের অন্তরেও আজ তাহারও অপেক্ষা ভীষণতর ঝড় বহিতেছিল। সে একখানা পত্র মুষ্টিবদ্ধ করিয়া কক্ষালোকের দিকে পলকহীন দৃষ্টি নিবদ্ধ করিয়া চেয়ারে বসিয়াছিল। তাহার শ্বাসক্রিয়া চলিতেছিল কি না বুঝিবার উপায় ছিল না। সহসা তাহাকে দেখিলে নিশ্চল মর্মর-মুষ্টি বলিয়া অহুমিত হওয়া বিশ্বয়ের বিষয় নহে।

সে কি ভাবিতেছিল? ভাবিতেছিল অনেক কথা—ভাবিতেছিল আকাশ-পাতাল। বায়ু থাকিবা থাকিবা হু হু শব্দে গর্জিয়া উঠিতেছিল—কিন্তু সে দিকে ইভের আদৌ লক্ষ্য ছিল না। বহুকণ এইভাবে থাকিবার পর সে একটি দীর্ঘশ্বাস ত্যাগ করিল, মনে হইল যেন নিঃশ্বাসের

সঙ্গে তাহার প্রাণটাও বাহির হইয়া গেল! কিন্তু পরক্ষণেই সে যেন কথঞ্চিৎ প্রকৃতিস্থ হইয়া পত্রপাঠে মনোনিবেশ করিল। উঃ, কি পত্র! পত্রখানি এই,—

দার্জিলিং

সেক্রেটারিয়েট মেস।

ভাই ইন্দু! তোমার এখন ভাই বলে ডাকতে কেমন বাধ বাধ ঠেকে, এ জন্ত অপরাধী বোধ হয় আমি নই। তুমি এক লাফে যে সাগরে ঝাঁপিয়ে পড়েছো, সেটা একটা প্রকাণ্ড অন্তরালের মত তোমার ও আমার মধ্যে মাথা তুলে দাঁড়িয়েছে—কোনও কালে তা দূর হবে বলে ত মনে হয় না।

শুনছি তুমি হনিমুনে বেরিয়েছো। বেশ করেছে। পূর্ব স্মৃতিও মনের আনন্দে আছে, তাও বুঝতে পারছি। কিন্তু একটা কথা জিজ্ঞাসা করব, ইচ্ছে হয় জবাব দিও, না হয় দিও না। তোমার একলার স্মৃতি আর আনন্দের জন্তে দু-দু'টো বালিকার সর্কনাশ করলে কেন? তুমি ভণ্ড হও আর নাই হও, তা ব'লে তুমি যে এমন নিষ্ঠুর হয়ে বেচারী নারী-জাতের প্রতি দয়ামাহীন আচরণ করতে পার, এতটা স্বার্থপর ব'লে তোমার জানতুম না। তাব দেখি, তুমি তোমার শ্বশুরের উপর রাগ ক'রে বেচারী প্রতিমার কি সর্কনাশটাই করেছে? এটা কি পুরুষ-মাহুষের উপযুক্ত কাণ্ড হয়েছে? প্রতিমাকে ত তুমি এক দিন আশুন সাক্ষী রেখে জী বলে নিয়েছ। তবে? সে কি অপরাধ করলে? সে হিঁহুর মেয়ে, জান তার ডাইভোস' নেই—কাষেই তার জীবনটাকে কত বড় কসাইয়ের মত পারে করে দলেছ, মনে ভেবে দেখ দেখি! তোমরা এখান থেকে বাবার পুর্বেই প্রতিমার সঙ্গে এক দিন দেখা

করতে গেছলুম। লম্বী মেয়ে—এত চাপা যে মনের কষ্ট
স্থাপকরেও জানতে দেয় নি, কিন্তু না দিলে কি হবে, তার
মুখে চোখে সে দিন কি দেখেছিলুম জান? যে লোক
মরছে, তার মুখে চোখে যে ভাব ফুটে উঠে, তাই দেখে-
ছিলুম। মুহূর্তে দেখা দিয়েই সে সরে পড়েছিল। তার পর
তার বাপ আমার বলেছিলেন, যদি আইনে নরঘাতীর
প্রাণদণ্ডের ব্যবস্থা থাকে, তা হ'লে তোমার প্রাণদণ্ড হয়
না কেন? যে এক ঘরে মানুষ মারে, সে অধিক অপরাধ
করে, না যে তিলে তিলে পলে পলে মানুষকে জীবনেও
মেয়ে রাখে,—তার অপরাধ অধিক?

আর অভাগিনী ইভ! ইংরাজের মেয়ে ইভেরও তুমি
কি সর্বনাশ করেছ, একবার ভেবে দেখেছ কি? তাদের
সমাজে এক সঙ্গে দুটো বিয়ে নেই—এক স্ত্রী জীবিত থাকতে
অপর স্ত্রী গ্রহণ করলে দ্বিতীয় বারের স্ত্রী বিবাহিত বলেই
গ্রাহ্য হয় না। আজ হু'দিন না হয় ভগামি ক'রে ইভের
কাছে তোমার প্রথম বিয়ের কথা লুকিয়ে রাখবে—তার
পর? যখন সে কথা প্রকাশ হবে,—সে দিনের কথা
ভেবে রেখেছ কি? ছিঃ, ছিঃ, তোমার ভগামী অনেক
জানতুম, কিন্তু তুমি যে এত বড় স্বার্থপর—নিজের সুখের
জন্য হু' হু'টো জীবকে এমন ক'রে হত্যা করতে পার, তা
জানতুম না। ইচ্ছে করে, তোমার এই কসাইগিরির কথা
জগতের সুমুখে চেষ্টিয়ে ব'লে মনটা খালাস করি। কিন্তু
তাতেই বা লাভ কি? ইভকে সব কথা খুলে ব'লে তবে
বিবাহ করেছ বলে মনে হয় না। ইচ্ছে করে, তাকেও
জানিয়ে দিই। কিন্তু—তাতেও ফল নেই। যতটা
দেখিছি শুনিছি, তাতে মনে হয় মেয়েটা যথার্থ প্রাণ
দিয়ে তোমার ভালবাসে। তার এই সুখের স্বপ্ন ভেঙ্গে
দেওয়াও যা, আর তাকে খাঁড়ার ঘায়ে কেটে ফেলাও তা।
আমি তা করতে পারব না। জান ত আমি কিরূপ ভীরা?
গোরাটাকে যে দিন তুমি মেয়ে ইভকে রক্ষা করেছিলে,
সে দিন আমি ঝড়ের আগেই ছুটে পালিয়েছিলুম। আমি
বাড়ীতে কারো কোড়া-অস্ত্র দেখতে পারি নি।

যাক, যে জন্তু চিঠিখানা লেখা, তা বলা হয় নি। রাম-
প্রাণবাবু কলকাতা বাবার ব্যাগে তোমার জানাতে বলে
গিয়েছিলেন যে, এর পর তিনি মুসলমান হয়ে মেয়ের আবার
বিয়ে দেবেন। সুতরাং এখন থেকে তাঁদের সঙ্গে তোমার

আর কোনও সম্বন্ধ থাকতে পারে না। এই বুঝে
কাষ কোরো। ভবিষ্যতে যদি কোথাও কোন সূত্রে তাঁদের
সঙ্গে তোমার দৈবাৎ দেখা হয়, তা হলে পরিচয়ের চেষ্টা
কোরো না, করলে দরোয়ানের দ্বারা অপমান হবে। তবে
বিয়ের সময়ে তিনি যে কলকাতার বাড়ী আর ১০ হাজার
টাকা নগদ যৌতুক দিয়েছিলেন, তা আর ফিরিয়ে নেবেন
না। ভিখিরীকে দান ক'রে ফিরিয়ে নেওয়া তিনি শ্রাঘ্য মনে
করেন না। তুমি যখন ইচ্ছা ঐ বাড়ীর দলীল ও ওয়ার-
বণ্ডের কাগজ চাইলেই পেতে পার। আমার জানালেই
হবে, তাঁদের বিরক্ত করবার প্রয়োজন নেই। তাঁরা
আমার তাঁদের ঠিকানা দিয়ে গেছেন।

তোমরা কার্শিয়ঙ্গে হনিমুন করছ' জেনে পত্র দিলুম।
কার্শিয়ঙ্গে এখনও আছে কি না, জানি না। না থাকলেও পত্র
বখাস্থানে পৌঁছাবে। পত্র না পাও, আমি দায়ের খালাস।
ইতি তোমার—না, তোমার না, এমনই

নিমাই।

একবার, দুইবার, বার বার পত্রখানা পাঠ করিয়াও যেন
ইভের পাঠ সাক্ষ হইতেছিল না—শেষবার সে ঠিক পড়িতে-
ছিল কি না বুঝিতে পারিতেছিল না। পত্রের অক্ষরগুলো
যেন পুতুলের আকার ধারণ করিয়া তাহার চক্ষুর
সমক্ষে নাঁচিতেছিল। পড়িতে পড়িতে তাহার শরীরটা
আঙুন হইয়া উঠিল, মাথার ভিতর 'রি রি করিয়া
উঠিল, প্রতিক্ষণেই তাহার মনে হইতেছিল, এইবার বুঝি
তাহার চিন্তাশক্তি লুপ্ত হয়। সে তীরের মত দাঁড়াইয়া
উঠিয়া পত্রখানা পদতলে দলিত করিল, ওঠে ওঠে দংশন
করিয়া কক্ষতলে পা ঠুকিয়া আপন মনে গর্জিয়া উঠিল,—
“ভগু! প্রত্নতত্ত্ব!” পরক্ষণে আবার কি ভাবিয়া পত্রখানা
কুড়াইয়া লইয়া কক্ষে দ্রুত পাদচারণা করিয়া বেড়াইতে
লাগিল। শেষে পুনরায় আসন গ্রহণ করিয়া দুই হাতে
মাথা টিপিয়া ধরিয়া বলিল, এ কি, আমি পাগল হবো
না কি? না, না!

আবার সে উঠিয়া ঘরের মধ্যে ছুটিয়া বেড়াইতে লাগিল।
একবার একটা জানালা খুলিয়া দিল, হ হ শব্দে ঝড়জলে
তাহার অঙ্গ ভিজাইয়া দিল, কক্ষতলও জলে ভাসিয়া গেল।
তখন তাহার চৈতন্য হইল, সে তাড়াতাড়ি জানালা বন্ধ
করিয়া আসিয়া আসনে বসিল।

কিছুকণ স্থিরভাবে বসিয়া সে আপনার অবস্থার কথা ভাবিল। সে কি ছিল, কি হইয়াছে। কিসের জন্ত, কাহার জন্ত, সে আজ তাহার সমাজে পরিত্যক্ত হইয়াছে? আত্মীয়-স্বজন, ভাই-বন্ধু, সকলে তাহাকে অস্পৃশ্য অপাংক্ত্যের বলিয়া বিষবৎ দূরে পরিত্যাগ করিয়াছে। যাহাকে তাহার ভাই 'নিগার' বলিয়া ঘৃণায় নাসিকা কুঞ্চিত করে, যাহাকে তাহার ভাই গুলী করিয়া মারিতে চাহিয়াছিল, সে তাহার কে, তাহার জন্ত সে কি না করিয়াছে? তাহার ভাই এই পুরস্কার, এই পুরস্কার! ভণ্ড, কপট, প্রতারক, —ইহাই কি নেটিভের স্বভাব?

কোথেকে কোথেকে তাহার মুখমণ্ডল রক্তবর্ণ ধারণ করিল। কেন সে গুরুজন ও আত্মীয়স্বজনের নিবেদন শুনে নাই? কেন আত্মহারা হইয়া অন্ধকারে বাঁপ দিয়াছিল? কেন না বুঝিয়া, না জানিয়া বিজ্ঞাতি বিধর্মীকে আত্মসমর্পণ করিয়াছিল? স্বহস্তে বিষপান করিয়াছে, তাহার ফলভোগ তাহাকে করিতেই হইবে। বিশ্বাসঘাতক, প্রতারক, — তাহার সহিত তাহার কোন সম্বন্ধ নাই।

পর মুহূর্ত্তেই আবার কি ভাবিয়া কক্ষমধ্যে পাদচারণা করিয়া বেড়াইতে লাগিল। তাহার বিবাহিত জীবনের অতীত মুহূর্ত্তসমূহ একে একে মানসপটে ফুটিয়া উঠিতে লাগিল। কি প্রেম, কি আত্মনির্ভরতা, কি তনয়তা! তাহার স্বামীর মত এমন গুণবান কয় জন হয়? কার্মিয়ঙ্গে শ্রামলশোভার আচ্ছাদিত পর্কতগাত্রে নিৰ্ঝর সঙ্গীত শুনিতেন শুনিতেন তাহার উভয়ে কত দিন আহার-নিদ্রা ভুলিয়াছে। কাশ্মীরের ডলহুদে সুসজ্জিত বিরাম-তরণীতে ভ্রমণ—জ্যোৎস্না-পুলকিতা বামিনীতে হৃদের জলে শত চক্রে শত প্রতিবিম্ব-পাত—মাবির মুখে বাঁশীর গান,—সে যেন এখনও তাহার কানে বাজিতেছে। সেই উভয়ে উভয়ের কণ্ঠালিঙ্গনে আবদ্ধ লইয়া গান শোনা আর জগৎসংসার ভুলিয়া যাওয়া,—সে সব কি তোলা যায়, সে সব কি ভুলিবার জিনিষ? যমুনাঙ্গলে তাজের মর্দরস্বপ্নের স্বর্গীয় প্রতিবিম্ব কতবার ছই জনে নিরালয়ে বসিয়া উপভোগ করিয়াছে!

তাহার পর দিন দিন স্বামীর রোগবৃদ্ধি—তাহার সেবার স্নায়োগ। সদাই হারাই হারাই ভয়,—বাহুপাশে ঢাকিয়া রাখিয়া সাবিত্রীর মত ঘরের সহিত সেই সংগ্রাম, সে সেবার কত তৃপ্তি নাই, মনে হইত, যদি প্রাণটা তিলে তিলে ক্ষয়

করিয়া স্বামীর মুখে হাসি ফুটাইতে পারি। বেদনা-কাতর একান্ত-নির্ভর স্বামী যখন তাহার বক্ষে ঘুমাইয়া কীণাতিকীর্ণ স্বরে যেন পৃথিবীর অপর পার হইতে ডাকিত,—ইভ, ইহা জন্মের মতন খেলা সাদ হইল, তখন তাহার প্রাণটা কি করিয়া উঠিত!

ইভ আর পারিল না, ছুটিয়া গিয়া চেয়ারে বসিয়া টেবলে মুখ শুঁজিয়া ফুঁপাইয়া ফুঁপাইয়া কাঁদিয়া উঠিল। সেই অজস্র-ধারে কারা, প্রাণটা যেন অনেকটা হালকা হইয়া গেল। ফুকারিয়া—বাপরুদ্ধ কণ্ঠে ফুকারিয়া উঠিল,—“কোথায় তুমি স্বামী, এস আমার দুর্বল হৃদয়ে বল দাও। আমার সন্ধিচ্ছ মন, যে যা বলে বলুক, তুমি আমারই আছ। এ চিঠি জাল, আমি চোরের মত লুকিয়ে তোমার চিঠি বার করেছি, কি শান্তি দেবে দাও।”

ইভ তীরের মত দাঁড়াইয়া উঠিল। তাহার চোখে তখন জগ ছিল না, দৃষ্টি কঠোর, মুখ গম্ভীর। সে ভাবিতে-ছিল, সন্ধিচ্ছ মন, কেন সন্ধিচ্ছ মন? তাহার সন্দেহের কি কোনও কারণ ছিল না? ছিল বৈ কি? এই পুরীধামে প্রতি-মাকে দেখিয়া অবধি তাহার স্বামী কি হইয়া গিয়াছে? সে দিন চিহ্ন হুদে আর কেহ দেখুক বা না দেখুক, সে ত দেখি-য়াছে, স্বামীর চোখের দৃষ্টি; সে ত বুঝিয়াছে স্বামীর হৃদয়ের ভাব! না, আর একদিনও না, কাল সে দার্জিলিঙ্গ চলিয়া যাইবে। এই নেটিভের সহিত তাহার কোন সম্বন্ধ নাই। সেখানে গিয়া বিবাহ-বন্ধন বিচ্ছিন্ন করিলেই হইবে।

কড় কড় শব্দে অশনিপতন হইল, সমস্ত জগৎটা যেন কাঁপিয়া উঠিল। ভীম প্রভঞ্জন তখন বৃষ্টির নারোগ্রাপাত ঘাটে মাঠে হাটে ছড়াইয়া দিতেছিল, ঘন ঘন গুরুগম্ভীর মেঘ-গর্জনে ও দামিনীবিকাশে জগৎ চমকিত করিয়া দিতেছিল।

ইভও দ্বিগুণ চমকিত হইল, মুহূর্ত্তকাল তাহার ভাবনা-শ্রোতে বাধা পড়িল। কিন্তু সে মুহূর্ত্তমাত্র। সে আবার চেয়ারে বসিয়া পড়িল, একখানা চিঠির কাগজ লইয়া লিখিতে বসিল। নির্ধম নির্ভর চিঠির বাণী—তাহার সহিত আজ হইতে কোনও সম্বন্ধ নাই, তাহার শঠতা, তাহার প্রবঞ্চনা, তাহার কাপুরুষতা তাহাকে তাহা হইতে অনেক দূরে সরাইয়া লইয়া গিয়াছে, এখন উভয়ে দূরে থাকিলে মজল—না, না, তাহা হইবে না, সে ইংরাজ-হুহিতা, ভীক কাপুরুষের মত মুখ ঢাকিয়া পলায়ন করিবে? তাহা হইলে দুর্ভিক্ষীত শঠের

শক্তি হইল কৈ? সে ত সখক বিচ্ছিন্ন করিতে পারিলেই স্বস্তি পায়। না, তাহা হইবে না, তাহাকেও দণ্ডে দণ্ডে তিলে তিলে প্রিয়জনের বিরহ-দুঃখ অনুভব করাইতে হইবে। যে তুণের আশুন আজ হইতে তাহার হৃদয়ে ধীকি ধীকি জ্বলিতে আরম্ভ করিয়াছে, তাহার অংশ তাহাকেও ভোগ করাইতে হইবে। দূর হউক পত্র!

ইত দলিত মর্দিত পত্রখানি ছুড়িয়া ফেলিল। পরক্ষণে কি ভাবিয়া আবার তাহা তুলিয়া লইল। বাহিরে প্রকৃতি তুমুল ঝড় তুলিয়া প্রলয় মূর্তিতে তখনও গর্জন করিতেছিল, ইন্ডের মনের ঝড়ও তেমনই সমান বহিতে লাগিল! কখনও বেগ সামান্য মন্দ হয়, কখনও বাড়ে। এইরূপে হাসি-কান্নার, স্বস্তি-অস্বস্তির, আশা-নিরাশার, আলোক-অন্ধকারের মধ্যে কখনও ভাসিয়া কখনও ডুবিয়া তাহার বিনিদ্র চক্ষুর উপর দিয়া রাত্রি দ্বিপ্রহর অতীত হইয়া গেল। তখনও তাহার স্বামী ভিলায় প্রত্যাভর্তন করে নাই। করিয়াছিল কি না, সে বিষয়ে তাহার সাড়াও ছিল না। সে আর একবার গবাক্ খুলিয়া বহিঃপ্রকৃতির প্রলয় তাণ্ডব দেখিয়া লইয়া বসিবার ও শুইবার কক্ষের মধ্যস্থ দ্বার বন্ধ করিয়া বসিবার কক্ষেরই একখানা আরাম-কেদারায় কুণ্ডলীর আকারে শুইয়া পড়িল; বেশ পর্যাপ্ত পরিবর্তন করিল না। সে তখনও আকাশ-পাতাল ভাবিতেছিল, তাহার ধূ ধূ ভাবনার সাহারার অন্ত ছিল না। কত রাত্রিতে শ্রান্ত, চিন্তাভারগ্রস্তা যাতনাক্লিষ্টা, বালিকা ঘুমাইয়াছিল, তাহা সেই বলিতে পারে। একবারে বিনিদ্র রজনী অতিবাহিত করিয়াছিল কি না, তাহাই বা কে বলিতে পারে? এমনই-ভাবে জগতের কত দেশে কত মর্ষপীড়িতের কাতর চক্ষুর উপর দিয়া বিনিদ্র রজনী অতিবাহিত হইয়া যায়, তাহা মানুষের ভাগ্যবিধাতাই জানেন।

২২

যে ছুর্যোগের সময় ইত বাণবিদ্ধা হরিণীর মত মর্ষবেদনার ছট্‌কট করিতেছিল, সে সময়ে তাহার সকল সুখ—সকল দুঃখের কারণ স্বামী কোথায় ছিল? সে তখন প্রতিমাদের বাড়ীর শৈলকে রাজকন্টার গল্প বলিতেছিল, আর নিতান্ত অনিচ্ছাসহেও জুড়তার খাতিরে প্রতিমা কাঠ হইয়া সেই ঘরের এক কোণে বসিয়াছিল।

অনেকে হয় ত আশ্চর্য হইবেন। যে বিমলেন্দুর রামপ্রাণ বাবুর গৃহে প্রবেশ নিষিদ্ধ হইয়াছিল—এমন কি, অপমানিত হইয়া বিতাড়িত হইবার আশঙ্কা ছিল—আজ সেই গৃহে বিমলেন্দু কেবল প্রবেশ নহে, রীতিমত আড্ডা গাড়িয়া বসিয়াছে, ইহাতে বিস্মিত হইবার কারণ যে নাই, তাহা বলা যায় না। কেন এমন অভাবনীয় পরিবর্তন হইল?

এ যোগাযোগের প্রথম পর্ব ইতই ঘটাইয়াছিল। তাহার সরল স্নেহপ্রবণ প্রাণ প্রতিমাকে প্রথম দিনেই ভালবাসিয়া ফেলিয়াছিল। পুরীতে যতই দিন যাইতে লাগিল, ততই উভয়ের মধ্যে সখ্য ও পুণ্য গাঢ় হইতে গাঢ়তর হইতে লাগিল, শেষে এমন অবস্থা হইল, কেহ কাহাকেও এক দিন না দেখিলে থাকিতে পারিত না।

অবশ্য এই স্নেহপ্রেমের আবহাওয়ার প্রভাব যে রামপ্রাণ বাবু বা বিমলেন্দুকে অগ্নাধিক অভিভূত করে নাই, এমন কথা বলা যায় না। প্রতিমা ইতকে ভগিনীর মত ভালবাসিতে শিখিয়াছিল, ভগিনীর মতই দেখিত; রামপ্রাণ বাবুও ক্রমশঃ এই পরম যাহুকরী, স্নেহময়ী ইংরাজ-বালিকাটিকে অতি আপনার জন বলিয়া মনে করিতে অভ্যস্ত হইয়াছিলেন। প্রতিমা ক্রমশঃ বিমলেন্দুকে তাহার ভগিনীর স্বামী বলিয়া ভাবিতে শিখিয়াছিল, সে যে কোনও কালে বিমলেন্দুর বিবাহিতা পত্নী ছিল, এ কথা সে অথবা রামপ্রাণ বাবু অধিকাংশ সময় বিস্মৃত হইতেন। এমনই ইন্ডের মাগ্নার বন্ধন—এমনই তাহার যাহুকরী বিষ্ঠা!

তবে এই ভাবটা থাকিত যতক্ষণ বিমলেন্দু ইন্ডের সঙ্গ ছাড়া না হইয়া তাহাদের সহিত দেখাসাক্ষাৎ করিত বা কথাবার্তা করিত। বিমলেন্দু একাকী কখনও রামপ্রাণ বাবুর বাসায় নিমন্ত্রিত হইত না। তাহার নিমন্ত্রণ যে কেবল ইন্ডের স্বামী বলিয়া, উহা সে হাড়ে হাড়ে অনুভব করিত। তবে বিমলেন্দু একটা বিষয়ে অল্পদিনেই প্রতিমাকে জয় করিয়া ফেলিয়াছিল, সে শৈলকে কয়দিনে এমন বশ করিয়াছিল যে, যে দিন শৈল বিমলেন্দুর মুখে রূপ-কথার গল্প না শুনিত, সে দিন তাহার ভাল করিয়া ঘুম হইত না। বিমলেন্দু বাল্যকাল হইতেই ছেলে ভালবাসিত, ছেলে বশ করিতে জানিত।

যে দিন হইতে বিমলেন্দু চিত্তার জল হইতে প্রতিমাকে উদ্ধার করিয়াছিল, সেই দিন হইতে রামপ্রাণ বাবুর গৃহে সে ইচ্ছা করিলেই তাহার পক্ষে অব্যাহত হইতে পারিত, কিন্তু তাহার কেমন বাধ বাধ ঠেকিত— বাতাসে নীরমান নিশানের চীনাংগকের মত মনটা সে দিকে ধাবিত হইলেও তাহার দেহটা কেবল চক্ষুগজ্ঞার ধাতিরে সে দিকে ইভের সঙ্গ ব্যতীত যাইতে চাহিত না। বিশেষতঃ প্রতিমা এ যাবৎ কখনও তাহার সহিত নির্জনে অবস্থান করে নাই, নির্জনতার উপক্রম হইলেই সে কোনও না কোনও ছুতার অস্ত্র চলিয়া যাইত। বিমলেন্দু বৃষ্টি, প্রতিমা তাহাকে এখনও আন্তরিক ঘৃণা করে; বৃষ্টি, আর অহুশোচনার তাহার অন্তর ভরিয়া উঠিত। ক করিলে যেমন ছিল তেমন হয়! তাহার পাপের প্রারম্ভিক কি?

ঘটনার দিন বিমলেন্দুর ক্লাবে নিমন্ত্রণ ছিল। সে সন্ধ্যার পূর্বেই সাজিয়া-গুজিয়া বাহির হইয়াছিল। ইভের মাথা ধরিয়াছিল বলিয়া সে একাকী সমুদ্রতীর হইয়া ক্লাবে যাইবে স্থির করিয়াছিল। সমুদ্রতীরে উপস্থিত হইয়া তাহার হৃদয় চন্দ্রোদয়ে মহোদধির মত আলোড়িত হইয়া উঠিল—সে অনতিদূরে বৃদ্ধ দ্বারপাল বৈজনাথের সহিত প্রতিমা ও শৈলকে বেড়াইতে দেখিয়াছিল। কিন্তু তাহার এই হর্ষ কণ্ঠস্বর হইল। তাহাকে দেখিবামাত্র প্রতিমা ব্যস্তভাবে জিজ্ঞাসা করিল, 'ইভকে নিয়ে এলেন না?'

বিমলেন্দু বলিল, 'না, তার বড় মাথা ধরেছে।' অমনই প্রতিমা বলিল, 'ওঃ, তা হ'লে তাকে একবার দেখে আসি, আপনি শৈলকে নিয়ে একটু বেড়াবেন, আমি কিছু পরে বৈজনাথকে পাঠিয়ে দেব।' জবাবের প্রতীক্ষা না করিয়া প্রতিমা দ্বারপালকে লইয়া চলিয়া গেল। বিমলেন্দুর হাসিভরা মুখখানা আঁধার হইয়া গেল, তাহার মনে হইল, সমুদ্রতট যেন লোকারণ্যশূন্য হইয়া গিয়াছে। শৈল কিন্তু তাহাকে দেখিরাই গল্পের জন্ত ধরিয়া বসিল। তখন বিমলেন্দুর কিছুই ভাল লাগিতেছিল না। তথাপি বালকের আঁধার সে এড়াইতে পারিল না, রাজকন্টার গল্প বলিতে বলিতে সমুদ্রতীরে পরিভ্রমণ করিতে লাগিল। বালক তাহাকে প্রশ্নের উপর প্রশ্ন করিয়া আলাতন করিয়া তুলিল। সে আজ একটা সঙ্গ করিয়াই প্রতিমাদের

সহিত দেখা করিতে আসিয়াছিল। যে সুযোগ সে এক দিন অহুস্কান করিতেছিল, আজ বিধাতা তাহা ঘটাইয়া দিয়াছিলেন। রামপ্রাণ বাবু হঠাৎ জরুরী তার পাইয়া বিষয়-কর্মের জন্ত আজই অপরাহ্নে কলিকাতা রওয়ানা হইয়াছিলেন। সুতরাং প্রতিমাকে নির্জনে পাইবার তাহার আজ খুবই সুযোগ উপস্থিত হইয়াছিল। কিন্তু প্রতিমা ত ধরা দেয় না!

টিপ টিপ করিয়া বৃষ্টি পড়িতেছিল, বর্ষার আকাশ মেঘাচ্ছন্ন ছিল। হঠাৎ দেখিতে দেখিতে বায়ু শন শন শব্দে গর্জিয়া উঠিল, সঙ্গে সঙ্গে বড় বড় ফোঁটা পড়িতে লাগিল। ছর্যোগের আশঙ্কা করিয়া বিমলেন্দু শৈলকে লইয়া দ্রুতগতি তাহাদের বাসার দিকে অগ্রসর হইল; বাসা নিকটেই। কিন্তু বাসার পৌছিবার পূর্বেই গুরু গুরু মেঘ গর্জন করিয়া উঠিল, ঘন ঘন বিজলী চমকিতে লাগিল, কড় কড় করিয়া বাজ ডাকিল, ক্রমে ঝন্ ঝন্ করিয়া মুষলধারার জল নামিল। তখন অন্ত্রোপায় হইয়া বিমলেন্দু শৈলকে ক্রোড়ে তুলিয়া দৌড়াইতে আরম্ভ করিল।

বাসার পৌছিয়াই বিমলেন্দু বৈজনাথের মুখে গুলিল, তাহাদের মেমসাহেবের সহিত দেখা করা হয় নাই, ঝড়বৃষ্টির আশঙ্কায় তাহারা ঘরেই ফিরিয়া আসিয়াছে, দিদিমণি ভিতরে আছে। 'দিদিমণি' যে ভিতরে ছিলেন, তাহার প্রমাণ পাইতে বিমলেন্দুর বিলম্ব হইল না, কেন না, তখনই দাসী আসিয়া পরিবর্তনের জন্ত তাহাকে ও শৈলকে বঙ্গ দিয়া গেল।

বাহিরে প্রকৃতি ভীষণ মূর্ছি ধারণ করিলেও বিমলেন্দু ভিতরে একটা অনাস্বাদিতপূর্ক তৃপ্তি ও শান্তি অহুতব করিতেছিল—বৃষ্টি এমনটি সে কখনও অহুতব করে নাই। কেন,—তাহা সে নিজেই বলিতে পারে না। তাহার মনে হইল যেন এই তাহার নিজের ঘর, এইখানে সে যেমন আরাম অহুতব করিতেছে, এমন সে নিজের বাড়ীতে একদিনও করে নাই। শৈল ঝড়-বৃষ্টি কিছুই মানিল না, সে সেই ছর্যোগেও গল্পের জন্ত পীড়াপীড়ি করিতে লাগিল। বিমলেন্দুর মনটা খুবই তৃপ্ত ছিল, কাবেই সে হর্ষভরে তাহাকে ক্রোড়ে লইয়া একখানা আরাম কেদারায় বসিয়া রাজপুত্র ও রাজকন্টার গল্প বলিতে আরম্ভ করিল। সেই সময়ে চা ও কিছু ফল মিষ্টান্ন লইয়া দাসীর সঙ্গে প্রতিমা

সেই কক্ষে প্রবেশ করিল। দাসী চা ও মিষ্টান্নাদি রাখিয়া প্রস্থান করিল। প্রতিমা একবার বলিল, খান। তাহার পর যেন নিতান্ত অনিচ্ছা সত্ত্বেও একখানা চেয়ারে বসিয়া পড়িল। তাহার বস্তৃতাই অত্যন্ত অস্বস্তি বোধ হইতেছিল, কিন্তু উপায় নাই, পিতার অল্পপস্থিতিতে সে পরিচিত অতিথিকে আদর-আপ্যায়ন না করিলে শোভন হয় না, ভদ্রতা থাকে না।

শৈল জিজ্ঞাসা করিল, তার পর ?

বিমলেন্দু বলিল, তার পর রাজপুত্র মনের দুঃখে চলে গেল। সে যে রাজকন্যাকে খুব ভালবাসত, তা ত আর মুখ ফুটে বলতে পেলো না, তাই রাজকন্যা মনে করলেন, সে ইচ্ছে করেই চলে যাচ্ছে, তাই তিনিও থাকতে বললেন না।

শৈল জিজ্ঞাসা করিল, রাজপুত্র কোথায় গেল ?

বিমলেন্দু আবার বলিতে লাগিল, যে দিকে হুঁচকু যায়। আগে ত রাজপুত্র রাজকন্যাকে ভাল করে চিনতে পারে নি, কেবল চোখের দেখা দেখেছিল। তার পর যখন চিনতে পারলে, তখন বুঝতে পারলে কি জিনিষ হারিয়েছে।

শৈল বলিল, তা রাজপুত্র কেন রাজকন্যাকে বললে না যে, সে তাকে ভালবাসে ?

বিমলেন্দু অভিমানাহত কণ্ঠে বলিল, তা কি ক'রে বলবে ? সে যে দোষ করেছিল, তার জন্তে রাজকন্যা ত তাকে ক্ষমা করেনি।

শৈল বলিল, কেন দোষ করেছিল ?

বিমলেন্দু বলিল, তাকে ভূতে পেয়েছিল তাই। রাগে মাহুঘের জ্ঞান থাকে না, কিছু দেখতে পায় না। তাই রাগ করে রাজপুত্র রাজকন্যাকে অপমান করেছিল।

এই সময়ে প্রতিমা উঠিয়া দাঁড়াইল। এতক্ষণ সে একখানা খবরের কাগজের আড়ালে মুখ ঢাকিয়া বসিয়াছিল। বলিল, তা হলে আপনারা গল্প করুন, আমি আসছি।

বিমলেন্দুও দাঁড়াইয়া উঠিল, বলিল, না, আপনার আর কষ্ট করে আসবার দরকার নেই, আমি যাচ্ছি।

কথাটা বলিয়া সে ঘরের দিকে অগ্রসর হইল। প্রতিমা প্রথমটা কিছু বলিল না, কিন্তু সে ঘরপথে পৌঁছিবামাত্র বলিল, সে কি, আপনি কি পাগল হয়েছেন ? এই হৃদয়গে কোথায় যাবেন ?

শৈলও এইবার ছুটিয়া গিয়া বিমলেন্দুর হাত ধরিয়া টানিল। অগত্যা বিমলেন্দু ফিরিয়া আসিয়া বলিল, বাঁদের বাড়ী, তাঁরাই যদি চলে যান, তা হ'লে এখানে থাকার প্রয়োজন ?

প্রতিমা মহা ঝাপরে পড়িল, সে ম যবৌ ন শুঁকো অবস্থার দাঁড়াইয়া নতদৃষ্টি হইয়া পদনখে মেঝের কাপেট খুঁটিতে লাগিল। কক্ষের গভীরতা উভয়ের পক্ষে অসহনীয় হইয়া উঠিল। শৈল সেইক্ষণে উভয়ের অস্বস্তি দূর করিয়া হাসিয়া উঠিল, বলিল, বাঃ বাঃ আপনি যাবেন বুঝি, আপনার জন্ত খাবার হবে না বুঝি ?

বিমলেন্দু সতৃষ্ণনয়নে প্রতিমার দিকে চাহিল, কিন্তু প্রতিমার দৃষ্টি তখনও অবনমিত, তাহার আরক্ত মুখমণ্ডলে ছুঁটি কমল ফুটিয়া উঠিয়াছিল। বিমলেন্দু হাসিয়া বলিল, না, না, তোমাদের অত কষ্ট করতে হবে না, আমার ক্লাবে নেমস্তন্ন আছে।

হুঁট শৈল তথাপি বলিল, ইস, এই বিষ্টিতে যায় বুঝি। আসুন, তার পরে রাজপুত্র কোথায় গেল বলবেন আসুন।

সে হাত ধরিয়া বিমলেন্দুকে ঘরের মধ্যে টানিয়া লইয়া গেল। প্রতিমা এতক্ষণে কথা কহিল, বলিল, না শৈল, আর গল্প শোনে না, রাত ৮টা বেজে গেছে, খাবে চল।

তাহার পর বিমলেন্দুর দিকে স্থির শান্ত গভীর দৃষ্টি স্থাপিত করিয়া বলিল, আপনি একটু দেৱী করুন, এ বিষ্টিতে যথার্থই না খেয়ে যেতে পাবেন না, বাবা থাকলেও বেতে দিতেন না,—কাউকে না।

বিমলেন্দু বলিল, না, না, আমি যাই, আমার নেমস্তন্ন আছে।

প্রতিমা ঈষৎ রুদ্ধস্বরে বলিল, এই যে বললেন কিছু আগে, ইভের অসুখ, মাথা ধরেছে। তবে নেমস্তন্ন নিলেন কেন ?

বিমলেন্দু কম্পিত-কণ্ঠে বলিল, নেমস্তন্ন নেবার সময় ত অসুখ আসে নি, তখন বলেও পাঠায় নি যে সে আসছে।

প্রতিমা আরও অধিক রুদ্ধস্বরে বলিল, আপনার কাছে ইভের অসুখ ঠাট্টা-তামাসার কথা হ'তে পারে, কিন্তু আপনার সামান্য একটু অস্বস্তি হলে ইভ চারিদিক অন্ধকার দেখে। আর শৈল, খাবি আর।

কথাটা বলিয়াই সে কক্ষত্যাগ করিতেছিল, শৈল তাহার পূর্বেই ভিতরে ছুটিয়া গেল।

বিমলেন্দু প্রতিমাকে বাধা দিয়া বলিল, দাঁড়ান, একটা কথা বলে যাব, কথাটা বলবার জন্তই এসেছিলুম। বেশীক্ষণ সময় লাগবে না, মাত্র—১ মিনিট।

বিস্মিত নয়ন দুইটি তুলিয়া প্রতিমা বলিল, কি বলুন।

বিমলেন্দু কাতর-কণ্ঠে বলিল, কমা—আমার কৃতকর্মের জন্ত কমা। অজ্ঞান পণ্ড আমি, না বুঝে পাপ করেছি, জন্তই জন্ত তোমার কাছে কমা ভিক্ষে চাইছি। প্রতিমা, ততটুকু দয়াও করবে না কি ?

প্রতিমা নতমুখে নীরবে দাঁড়াইয়া রহিল।

বিমলেন্দু ঝড়ের বেগে আবার বলিয়া যাইতে লাগিল, এই বুক চিরে যদি দেখাবার হ'ত, তা হ'লে দেখাতুম কি অমৃত্যু-তাপের তুবানল এই বুক জ্বলছে। প্রথমে বুঝতে পারি নি। দার্কিলিঙ্গে দেখা হ'লেও বুঝি নি। কিন্তু ইন্ডের ভালবাসাই আমার চোখ ফুটিয়ে দিয়েছে। ইন্ডের প্রাণ দিয়ে সেবা আমাকে নারীর দেবীত্ব বুঝিয়ে দিয়েছে। আমি অধম পণ্ড, সেই নারীমর্যাদা স্বেচ্ছায় ক্রোধের বশে পায়ে দলেছি। আমার কমা কর, প্রতিমা, কমা কর।

প্রতিমা বাস্পরুদ্ধ কণ্ঠে ক্লীণস্বরে বলিল, কেন ও সব কথা তুলছেন, ও সব ত ধুয়ে মুছে গেছে।

বিমলেন্দু উন্মত্তের মত বিকট হাসিয়া বলিল, কি ধুয়ে মুছে গেছে প্রতিমা! জান কি, কৃতকর্মের নিদ্রাভঙ্গের পর যখন জাগরণ এল, তখন কি বৃশ্চিকের জ্বালা এই অন্তরে জ্বলতে লাগল? ধীকি ধীকি তুবানলের মত সে জ্বালা শিখা জ্বলছে। কেউ কি জানতে পেরেছে? ধুয়ে মুছে যাবে? হাঃ হাঃ হাঃ! প্রতিমা, এই বৃকের ভেতরে দেখ, তোমার জন্ত কি সিংহাসন পাতা রয়েছে?

বিমলেন্দু সত্য সত্যই জ্ঞানহারা হইয়াছিল, প্রতিমার হাতখানি টানিয়া লইয়া নিজের বৃকের উপর স্থাপন করিল। তখন বাহিরে ঝড়ের গর্জন সমান তেজেই চলিতেছিল।

প্রতিমা প্রথমটা কিংকর্তব্যবিমূঢ় হইয়াছিল, কিন্তু সে কণিক। মুহূর্ত্ত পরেই সে সজোরে হাত ছাড়াইয়া লইয়া কঠোর ব্যঙ্গোক্তি করিয়া কহিল, দেখুন, ও সব থিয়েটারি এ্যাণ্টিক পুরুষ মানুষের শোভা পায় না। আমাদের কর্তব্য ইন্ডের অসুখ-শয্যার কাছে পড়ে রয়েছে জানবেন।

কথাটা বলিয়া প্রতিমা উত্তরের প্রতীক্ষা না করিয়া ঝড়ের বেগে কক্ষের বাহির হইয়া গেল। " "

বিমলেন্দুর মুখখানা পাংশুবর্ণ ধারণ করিল। সে প্রতিমাকে এত কঠোর এত নিষ্ঠুর বলিয়া মনে করে নাই।

বিমলেন্দুও দ্রুতবেগে ঘরের বাহিরে গিয়া প্রতিমার পথ আঙুলিয়া দাঁড়াইল, বলিল, প্রতিমা, কি করলে তোমার প্রত্যয় হবে? যতদিন সাধ্য ছিল চেপে রেখেছি, আর পারি না, কথার জবাব দেবে না? বেশ, অনাহূত হলেও আমি অতিথি। অতিথিকে এই দুর্ঘ্যোগে ঘর থেকে তাড়িয়ে দেবে?

প্রতিমার মুখে চোখে আশ্বন ছুটিতেছিল, সে আরও একটা কঠিন জবাব দিতে যাইতেছিল, কিন্তু ঠিক সেই সময়ে শৈল সেখানে ছুটিয়া আসিল, বলিল, বেশ ত মা, খাবার দিতে বলে বেশ ত বসে আছ?

শৈল বিমলেন্দুর হাত ধরিয়া বলিল, চলুন, খাই গিয়ে।

প্রতিমা শৈলকে লইয়া ভিতরে যাইবার সময়ে বলিয়া গেল, দেখুন, কঠিন হলেও আমার অপ্রিয় সত্য কথা বলতে হবে। এর জন্তে আমার দোষ দেবেন না। মনে রাখবেন, আপনি কথায় বা কায়ে ইন্ডের প্রতি অবিখ্যাসী হলে যত বড় পাপ করবেন, তার বাড়া পাপ জগতে নেই।

প্রতিমা আর অপেক্ষা করিল না, শৈলকে লইয়া চলিয়া গেল। বিমলেন্দু সেইখানে নীরব হইয়া কাঠ-পুস্তলিকার মত কিছুক্ষণ দাঁড়াইয়া রহিল। তাহার চক্ষু রক্তবর্ণ, হস্ত দৃঢ় মুষ্টিবদ্ধ। এতটুকু দয়া নাই? এই কি কোমলা স্নেহপ্রবণা নারী!

টুপিটা মাথায় দিয়া বিমলেন্দু সেই ঝড়বৃষ্টির মধ্যে বাহির হইয়া গেল। তখন পথে কুকুর-বিড়ালও চলিতেছিল না। বহিঃপ্রকৃতির সেই তাণ্ডব নৃত্য মাথা পাতিয়া লইতে তখন সে একা। তাহার অন্তরের প্রকৃতিও সেই সঙ্গে তাণ্ডব নৃত্য করিতেছিল। বৃষ্টির জলে তাহার সর্বাঙ্গ স্নাত প্রাবিত হইতেছিল, সে দিকে তাহার দ্রুতবেগও ছিল না। সে যন্ত্রচালিত পুস্তলিকাবৎ সেই ভয়ঙ্করী রজনীর অন্ধকারের মধ্য দিয়া ক্লাবের অভিমুখে অগ্রসর হইতে লাগিল।

১৩

সেই কাল রাজিতে প্রায় রাজিশেষে যখন বিমলেন্দু একরূপ অপ্রকৃতিস্থ অবস্থার ভিলায় কিরিয়া আসিয়া বসিবার ঘরের দ্বারকন্ধ দেখিরাছিল, তখন তাহার কোনরূপ অসু-ভূতিই ছিল না,—সে যে অবস্থায় আসিয়াছিল, সেই.

অবস্থাতেই শরন কক্ষের শয্যায় শুইয়া পড়িয়াছিল। চৈতন্য-হারিণী সুরা তাহাকে সকল স্মৃতির আলা হইতে অব্যাহতি দিয়াছিল। একবারও তাহার মনে পড়ে নাই, ইভ কোথায়, বাচিয়া আছে কি মরিয়াছে।

প্রকৃতি অকরণ। পরদিন বেলা ১০টার সময়ে যখন বিমলেন্দুর চৈতন্য হইল, তখন জগৎখানা তাহার মানসনেত্রের সম্মুখে ভাসিয়া উঠিয়া তাহাকে যন্ত্রণা দিতে লাগিল, তখন প্রকৃতি সূর্যালোকে হাসিতেছে, পূর্বদিনের সে ঝড়বৃষ্টি আর নাই, আকাশ নির্মল, সূর্য্য মেঘমুক্ত, যে যাহার কার্য্যে লাগিয়া গিয়াছে, কেবল একা বিমলেন্দু মর্শ্ববেদনায় শয্যায় পড়িয়া ছটফট করিতেছে।

চাকর চা আনিয়া ফিরিয়া গিয়াছে। সে আবার আসিল, সাহেব, চা খাবেন কি? বিমলেন্দু ধড়মড়িয়া শয্যায় উঠিয়া বসিল, বলিল, মেম সাহেব কোথায়?

চাকর বলিল, নিমন্ত্রণে গিয়েছেন, বলে গিয়েছেন, আজ আর আসবেন না, হয় ত রাত্রিতে ফিরতে পারেন।

চাকর চলিয়া গেল, বিমলেন্দু বিস্মিত হইল। ইভ ত কখনও না বলিয়া কোথাও যায় না, কোনও কায করে না। তবে কি, কাল রাত্রির কথা মনে করিয়া—লজ্জায় বিমলেন্দুর মাথা আপনি নত হইয়া আসিল। সে কি জানিতে পারিয়াছে তাহার মনের গোপন কথাটি? না, না, অসম্ভব। তবে কি সে মন্তপায়ী হইয়াছে বলিয়া ঘুগায় ইভ তাহার আদেশের প্রতীক্ষা না করিয়াই বাহির হইয়া গিয়াছে? ছিঃ ছিঃ, কি কুকার্য্যই করিয়াছে সে—সে ত কখনও এমন ছিল না। মন্তপ হওয়া ত দূরের কথা, সে কদাচিৎ সুরা পান করিত।

বেলা ১১টার সময়ে বিমলেন্দু স্নান ও প্রাতরাশ সম্পন্ন করিয়া ইভের সন্ধানে বাহির হইল। মনটা তাহার উৎকণ্ঠায় ভরিয়া উঠিল, ইভ ত কখনও এমন করে না—কোথায় গেল সে?

বাইবার মধ্যে প্রতিমাদের বাড়ী, না হয় মিসেস বেলের বাড়ী। মিসেস বেল তাহার জননীর নিকটাত্মীয়া, পরস্তু জীবদ্দশায় পরম বন্ধু ছিলেন। তাহার স্বামী বর্তমানে পুরীর পুলিস সাহেব। এই ছই বাড়ী ছাড়া আর কোথাও ত ইভের পুরীতে গতিবিধি ছিল না। তবে কি তাহার অজানিত ইভের কোন জানা লোক পুরীতে আসিয়াছে?

বিমলেন্দু ঠাড়াইল না, হন হন করিয়া উঠিল। প্রথমেই

সে প্রতিমাদের বাড়ী গেল। সেখানে বৈজনাথের কাছেই গুলিল, মেম সাহেব কালও আসেন নাই, আজও না। তাহার পর মিসেস বেলের বাড়ী। সেখানেও বিমলেন্দু কোনও আশার কথা পাইল না—ইভ সেখানে নাই। বিমলেন্দু ব্যস্ত হইয়া উঠিল। হন হন করিয়া ভিলায় ফিরিয়া আসিল, যদি ইতোমধ্যে ইভ ফিরিয়া আসিয়া থাকে। কিন্তু সেখানেও সে নিরাশ হইল। তখন তাহার ভয় হইল। তথাপি ভাবিল, হয় ত ইভ প্রত্যবে উঠিয়া কোন সঙ্গী পাইয়া দূরে বেড়াইতে গিয়াছে। ইভের যে মিশুক স্বভাব, কাহারও সহিত আলাপ করিতে তাহার অধিকরণ বিলম্ব হয় না। সমস্ত অপরাহুটা সে এই আসে এই আসে করিয়া নিতান্ত অস্থির হইয়া কাটাইল। বিবাহ হওয়া অবধি স্ত্রী-পুরুষে এ যাবৎ কখনও একদিন ছাড়াছাড়ি হয় নাই। তখন বিমলেন্দুর বুকিতে বাকী রহিল না, ইভ তাহার কতখানি হৃদয় জুড়িয়া বসিয়াছে! সন্ধ্যার কিছু পূর্বে সে সমুদ্র-তটে গেল, যদি সেখানে ইভ বেড়াইতে গিয়া থাকে। কিন্তু কোথায় ইভ? সন্ধ্যা পর্য্যন্ত বিমলেন্দু তটের এক প্রান্ত হইতে অপর প্রান্ত পর্য্যন্ত বহবার যাওয়া আসা করিয়া ছটফট করিয়া বেড়াইল। শেষে সন্ধ্যার সময় সে সত্য সত্যই অস্থির হইয়া উঠিল। তাহার প্রাণটা ডুকুরিয়া কাঁদিয়া উঠিল। কোথায় ইভ?—কে বলিয়া দিবে, তাহার ইভ কোথায় লুকাইয়া রহিয়াছে!

বিমলেন্দু পাগলের মত ছুটিয়া আবার ভিলায় ফিরিয়া আসিল, মনটা কি জানি কেন হঠাৎ আশায় উৎফুল্ল হইয়া উঠিল, নিশ্চয়ই ইভ সন্ধ্যার সময় বাসায় ফিরিয়াছে। সে ত সন্ধ্যার পর তাহার সঙ্গ না হইলে কোথাও যায় না। কিন্তু তখনও ইভ ভিলায় ফিরে নাই।

বিমলেন্দু আবার পথে বাহির হইল—উদ্বেগ আবার একবার প্রতিমাদের ও মিসেস বেলের বাড়ী বাইয়া ইভের সন্ধান করিবে। গত দিনের প্রকৃতির প্রলয়মূর্ত্তির চিহ্নমাত্র নাই, নীলাকাশ অসংখ্য তারকার হার গলে পরিয়া হাসিতেছিল,—তাহার মাঝে মাঝে বন্ধে কৌস্তভ রতনের মত নিশানাথ আপনার রূপের ছটার চারিদিক উজ্জল করিতেছিল। নুতিদূরে কয়েকজন দেশীয় লোক মাদল বাজাইয়া মনের আনন্দে গান করিতেছিল। বিমলেন্দুর মনের আলায় সহায়ভূতি প্রদর্শন করিবার কেহ নাই।

বিমলেন্দু সি ভিলা হইতে নির্গত হইবার অন্তর্কণ পরেই ইভ তথায় ফিরিয়া যখন খবর লইয়া জানিল, বিমলেন্দু সারাদিন তাহার জন্ত অপেক্ষা করিয়া এই কতকণ তাহার সন্ধানে আবার বাহিরে গিয়াছে, তখন স্বস্তির নিশ্বাস ফেলিয়া ঘরে গিয়া বেশ পরিবর্তন করিল, হাতমুখ ধুইল, চা আনিতে বলিল।

পূর্ব রাত্রি হইতেই তাহার মাথা টিপ টিপ করিতেছিল। তাহার উপর আজ সারাদিন সে রৌদ্রে ঘুরিয়াছে, এ জন্ত তাহার অরতাব হইয়াছিল। সে প্রত্যুষে রেলের অন্তর্গত গিয়া সারাদিন রৌদ্রে ঘুরিয়া বিকালের গাড়ীতে পুরী ফিরিয়াছিল। আহা! তাহার স্পৃহা ছিল না, সারাদিন সে একরূপ অনাহারেই ছিল। এখন যেন তাহার সব্ব পালিত দেহলতা এলাইয়া পড়িল।

ভিলায় প্রবেশ করিবার কালে প্রতি মুহূর্তেই তাহার আশঙ্কা হইতেছিল, বুঝি বিমলেন্দুর সহিত সাক্ষাৎ হয়। সেই প্রথম সাক্ষাৎকে সে খুবই ভয় করিতেছিল। যতকণ পর্যন্ত সে বাসার লোকজনের কাছে শুনিতে না পাইল যে, 'সাহেব' বাহির হইয়া গিয়াছে, ততকণ কি শুনি কি শুনি করিয়া তাহার বুকে হাতুড়ির ঝা পড়িতেছিল। এইরূপে স্বামী-স্ত্রীর মধ্যে এই প্রথম বিরাট ব্যবধান ভীষণ দৈত্যের মত মাথা তুলিয়া দাঁড়াইতেছিল।

পাছে স্বামীর সহিত সাক্ষাৎ হয়, এই ভয়ে সে প্রত্যুষেই ভিলায় বাহির হইয়া গিয়াছিল। এখন আবার সেই আশঙ্কা ক্রমে মাথা তুলিতে লাগিল। কিন্তু উপায় নাই, দেখা ত হইবেই। তাহার দেহ আর বহে না, সে শয়ন-কক্ষে গিয়া লেপ মুড়ি দিয়া শুইয়া পড়িল। বসিবার কক্ষ ও শয়নকক্ষের মধ্যস্থ দ্বার রুদ্ধ করিবারও তাহার কমতা রহিল না। মুহূর্ত পরেই অবসন্ন ক্রান্ত দেহে সে ঘুমাইয়া পড়িল।

কতকণ সে তন্দ্রাবস্থায় ছিল জানে না, হঠাৎ তাহার স্বামীর কাতর-কণ্ঠে 'ইভ, ইভ, তুমি কি জাগিয়া আছ' শুনিয়া সে জাগিয়া উঠিল। বিমলেন্দু কক্ষে প্রবেশ করিয়াই আলোক জালিয়া দিয়াছিল। সে তাড়াতাড়ি শয্যাপার্শ্বে নতজানু হইয়া বসিয়া ইভকে ছুই হাতে জড়াইয়া ধরিয়া উচ্ছ্বাস করিয়া বলিল, "কি ভয়ই দেখিবেছিলে ইভ! এমনই করে ভয় দেখাতে হয়?" তাহার

কণ্ঠের বিকট হাসির সহিত তাহার চোখের কোণের অশ্রুবিন্দু কিন্তু একেবারেই খাপ খাইতেছিল না।

ছুই হাতে স্বামীকে দূরে ঠেলিয়া ফেলিয়া ইভ ভীতি-ব্যঞ্জক স্বরে চীৎকার করিয়া উঠিল, "আমার ছুঁয়ো না, আমার ছুঁয়ো না। তুমি যদি সরে না যাও, তা হলে আমিই ঘর ছেড়ে চলে যাব।"

বিমলেন্দুর মুখ শুকাইল। তাহার হাসি-কান্নার মধ্য হইতে বিষ্ময়ের ভাব ফুটিয়া উঠিল, বলিল, কি বলছ ইভ, তোমার কি মাথা ধারাপ হয়েছে?

ইভ তাড়াতাড়ি জবাব দিল,—তার চেয়েও বেশী। যাও, বসবার ঘরে গিয়ে বস।

বিমলেন্দু ব্যথিত কাতর হৃদয়ে আবার ইভকে বুকের উপর টানিয়া লইতে হাত বাড়াইল, ইভ ভীত-চকিত হইয়া চীৎকার করিয়া উঠিল, না, না, ছুঁয়ো না। মিনতি করে বলছি ও ঘরে যাও, না হলে আমি চেষ্টা করে লোক জড় করব। বিমলেন্দু প্রসারিত বাহু সঙ্কুচিত করিয়া লইল— সে যে কেবল বিস্মিত হইল তাহা নহে, সে ক্ষুব্ধ অভি-মানহত হইয়া কক্ষ ত্যাগ করিল। কি আশ্চর্য্য, এ কি তাহারই একান্ত-নির্ভর ইভ!

ইভ তখন ভাবিতেছিল, তাহার সহিত বিমলেন্দুর কি সম্বন্ধ? তাহারা বিবাহিত, এ কথা সত্য। কিন্তু আজ স্বামীর হস্তস্পর্শে সে সঙ্কুচিত শিহরিত হইয়া উঠে কেন? এ স্পর্শে সে যে পরপুরুষের স্পর্শাত্মক করিতেছে! এ তাহার স্বামীর দেহধারণ করিয়া কে এই পরপুরুষ? এ ত তাহার স্বামী নহে। আত্মায় আত্মায় যে মিলন, যে বন্ধন, তাহা ত সে অস্বীকার করিতেছে না। তবে কেবল রক্ত-মাংসের এই সংস্পর্শে তাহার মন আকৃষ্ট হইবে কিসে? বিমলেন্দু কক্ষে প্রবেশ করিয়া তাহার গাত্র স্পর্শ করিলেই স্থণায় তাহার সর্ব শরীর শিহরিয়া উঠিয়াছিল কেন? তখন সে বুঝিতে পারে নাই, কেন তাহার মন স্বামীর প্রতি বিদ্বেষী হইয়া উঠিয়াছিল। কিন্তু কিছুকণ চিন্তার অবসর পাইয়াই তাহার মনের অন্ধকার কাটিয়া গেল, সে দিব্যদৃষ্টিতে দেখিতে পাইল, এ ত তাহার স্বামী নহে, এ যে পরপুরুষ। এ লোক তাহার স্বামীর দেহধারী হইতে পারে, কিন্তু স্বামী নহে। তবে কি সে ইহার স্পর্শ সহ্য করিয়া বিচারিণী

হইবে? না, তাহা কখনই হইতে পারে না। তাহার সরল নিশ্চাপ মন বার বার বলিতে লাগিল, না, না, তাহা কখনই হইতে পারে না।

যেমন মনে এই সঙ্কল্পের উদয় হইল, অমনই ইভ হুর্জর বল পাইল, তাহার শরীরের সকল অবসাদ মুহূর্তমধ্যে কাটিয়া গেল। সে ধড়মড়িয়া উঠিয়া বসিয়া সারা অঙ্গ একখানা মোটা চাদরে আবৃত করিয়া বসিবার ঘরে প্রবেশ করিল এবং চেয়ারে উপবিষ্ট বিমলেন্দুর বিষয় উত্তরোত্তর বৃদ্ধি করিয়া তাহার সম্মুখস্থ একখানা চেয়ারে গিয়া বসিয়া পড়িল। বিমলেন্দু তাহার সান্নিধ্যে বাহু প্রসারণ করিয়া অগ্রসর হইতেছিল, কিন্তু ইভের মুখ দেখিয়া থমকিয়া দাঁড়াইল।

গুরুগম্ভীর স্বরে ইভ বলিল, বস।

বিমলেন্দু উপবেশন করিল। তাহার মুখ পাংশুবর্ণ ধারণ করিয়াছিল, হাত কাঁপিতেছিল, কি একটা অজানা ভয় ও উৎকর্ষ তাহার চিত্ত ভরিয়া উঠিয়াছিল। কিছুক্ষণ কক্ষমধ্যে অসম্ভব গম্ভীরতা বিরাজ করিল।

তাহার পর—তাহার পর ধীরে, অতি ধীরে স্পষ্ট স্বরে ইভ জিজ্ঞাসা করিল, বলতে পার কেন আমায় বিবাহ করেছিলে?

বিমলেন্দুর প্রাণ উড়িয়া গেল। অকস্মাৎ বজ্রাবাত হইলে লোক যেমন চমকিত হয়, তেমনই চমকিত হইয়া সে বলিল, এ কি কথা ইভ? বিবাহ করেছিলুম, তোমায় ভালবাসতুম বলে—

‘মিথ্যা কথা!’—কথাটা শেষ করিতে না দিয়াই ইভ এমন জোরে বলিল ‘মিথ্যা কথা’ যে, ঘরটা বেন বিমলেন্দুর দৃষ্টিতে কাঁপিয়া উঠিল। সে ব্যথিত কণ্ঠে বলিল, মিথ্যা কথা? ইভ, এ কি বলছ?

‘ঠিকই বলছি। প্রত্যাহ্বক! যদি টাকার জন্তই বিবাহ করে থাক, তা হলে আমায় বলনি কেন, অনেক টাকা দিতুম, তোমাকে ত আমার অদেয় কিছুই ছিল না।’ ইভের শেষ করটি কথায় তাহার হৃদয়ের আকুল ক্রন্দনের স্বর ভাসিয়া উঠিয়াছিল।

সম্মুখে নির্যাতনের কাতর বেদনার স্বর ভাসিয়া উঠিতে দেখিলেও যখন প্রতীকারের উপায় থাকে না, অথচ প্রতীকারের জন্ত যখন মনটা আকুলি বিকুলি করিয়া উঠে,

ঠিক তখন বিমলেন্দুর সেই অবস্থা হইয়াছিল। কিন্তু উপায় কি? সকল প্রণয়ীই অন্ধ। বিমলেন্দু যদি তখন কোন বাধা না মানিয়া ইভকে বুকে তুলিয়া লইত, তাহা হইলে এইখানেই এই উপভাস শেষ হইয়া বাইত। কিন্তু বিধিলিপি অন্তরূপ। ইভের মূর্ত্তি দেখিয়া বিমলেন্দুর সকল সাহস লোপ পাইল, সে জড়ের মত নিশ্চেষ্ট বসিয়া ভাবিতে লাগিল, কি অপরাধ করিয়াছে সে, যাহার জন্ত ইভ তাহাকে আজ এই কঠিন শাস্তি দিল।

ইভ বিমলেন্দুর মুখের উপর স্থির দৃষ্টি নিবদ্ধ করিয়া আবার জিজ্ঞাসা করিল, প্রতিমা তোমার কে?

ইভের মুখে চোখে এক বিন্দু দয়ার বা প্রেমের চিহ্ন ছিল না।

বিমলেন্দু এবারও চমকিত হইয়া বলিল, প্রতিমা? প্রতিমা?

ইভ ব্যঙ্গোক্তি করিয়া বলিল, হাঁগো হাঁ, প্রতিমা, এই যে দশবার বলছি প্রতিমা। শুনতে পেরেছ নামটা?

যজ্ঞার্থ নীত পশুর কণ্ঠ হইতে যেমন কম্পিত স্বর নির্গত হয়, বিমলেন্দুর কণ্ঠস্বরও তেমনই কম্পিত হইল, সে বলিল, প্রতিমারা আমার আত্মীয়।

স্বর্ণা ও ক্রোধে নাসারন্ধ্র ফীত করিয়া ইভ চীৎকার করিয়া উঠিল, ভণ্ড, মিথ্যুক! এখনও প্রবঞ্চনা? এখনও মিথ্যা? এই নাও পড়।

কথাটা বলিয়া ইভ নিমাইয়ের পত্রখানা বিমলেন্দুর বুকের উপর ছুড়িয়া ফেলিয়া দিল। পথে হঠাৎ বিবধর সর্প দেখিলে পথিক যেমন চমকিত হইয়া উঠে, বিমলেন্দু তেমনই ভীত চমকিত হইল। তাহার দৃষ্টি পত্রের উপর নিবদ্ধ ছিল বটে, কিন্তু তাহার মনটা অন্তর্ভুক্ত চলিয়া গিয়াছিল। ইভ বলিয়া বাইতেছিল,—তুমি কি ভাব, তোমাদের মত আমাদেরও সমাজে নারী এমনই ক্রীতদাসী—একটা হুটো চারটে বটা ইচ্ছে তাদের ধরে ধরে নিজের সুখের জন্তে বিয়ে করে ঘরে পুরে রাখবে? জান, মনে করলে আজই তোমার আমি বাইগামির অপরাধে পুলিশে ধরিয়ে দিতে পারি?

বিমলেন্দুর কম্পিত অঙ্গুলী হইতে পত্রখানা পড়িয়া গিয়াছিল, সেদিকে দৃষ্টি না রাখিয়া সে বিহ্বলচিত্তে বলিল, তাই কর ইভ, আমার জেলে দাও, আমি মহা পাতকী—

ইভ বলিল, না, জেলে দেবো না, তা হলে তোমার

শান্তি হবে না, আমার মত তুহানলে জলবে না, জেলে দেবো না।

বিমলেন্দু বলিল, তুহানল? ইভ, কি তুহানলে জলছ তুমি? এই বুকখানা যদি চিরে দেখাবার হত!

ইভ বলিল, থাক, আর অভিনয়ে কাষ নেই। এখন বা ব্যবস্থা করি শোন! তুমি যে ভাবছ, আমি বিবাহ-বিচ্ছেদের মামলা এনে আমাদের বন্ধন ছিঁড়ে ফেলব, তা হবে না। আমার এতটা বোকা ভেবো না। আমি তোমার মুক্তি দেবো না—সমস্ত জীবন বন্ধনের ভেতরেই রাখবো। ভেবেছ কি বন্ধন ছাড়া পেলেই মনের লালসা চরিতার্থ করতে ছুটে যাবে? তা হবে না। আমি ইংরাজের মেরে, এত সহজে তোমার নিষ্কৃতি দেবো না।

বিমলেন্দু বলিল, আমি নিষ্কৃতি চাই নি। চাইলেও পাই বা না পাই, তুমি যা মনে করছ তা হবে না। ভুল বুঝছে ইভ, প্রতিমা আমার ঘৃণা করে।

ইভ বিস্মিত দৃষ্টি তুলিয়া জিজ্ঞাসা করিল, তুমি জানলে কি করে? আমি ত যতটা বুঝেছি, তাতে মনে হয়—

বাধা দিয়া বিমলেন্দু বলিল, না, না, তুমি জান না, আমি সব খুলে বলছি, ইভ, তা হলে সব বুঝতে পারবে।

ইভ বলিল, বুঝতে চাই নি। তোমাদের ভেতর যে সঙ্কটই থাক, জানতেও চাই নি। আমার কথা এই, তোমার আমার যে সঙ্কট, তা বাইরে যেমন বজায় রয়েছে, তেমনই থাকবে, তবে ভেতরে তোমাতে আমাতে কেবল চেনা লোকের সঙ্কট রাখতে হবে, তার বেশী কিছু না। কেমন এতে রাজী আছ?

বিমলেন্দু এইবার কাতর কণ্ঠে বলিল, ইভ, ইভ! এত নিষ্ঠুর হচ্ছ কেন? মানুষের একটা অপরাধও কি কমার অতীত? আমি এই তোমার ছুঁয়ে শপথ করছি, আমার সে নেশা কেটে গেছে। সত্যি বলছি, মোহ এসেছিল, কিন্তু বে মুহূর্তে প্রতিমা ঘৃণার সহিত প্রত্যাখ্যান করেছে, বলেছে তোমার কাছে বিশ্বাসঘাতক হলে আমার নরকেও স্থান হবে না, সেই মুহূর্ত হতে তার মোহ এই মন থেকে

টেনে উপড়ে কেলেছি। সে আমার সুখের শান্তি-প্রদীপ নয়—হৃৎখের জলন্ত আগুন। ইভ আমার ক্ষমা কর।

ইভ কণকাল বিমলেন্দুকে তাহার একখানা হাত ধরিয়া রাখিতে দিল, হয় ত তখন তাহার বাহুজ্ঞানও ছিল না। কিছুকণ উদাস দৃষ্টিতে চিন্তার পর একটি দীর্ঘনিশ্বাস কেলিয়া ইভ বলিল, কি বলছিলে, প্রতিমা তোমায় প্রত্যাখ্যান করেছে? তা হলে তুমি তার প্রণয় প্রার্থনা করেছিলে!

বিমলেন্দু নত মস্তকে ঘাড় নাড়িয়া বলিল, হাঁ। আমি উন্মত্ত হয়েছিলুম।

ইভ সে কথা কানে না তুলিয়া আবার জিজ্ঞাসা করিল, সে কি উত্তর দিলে?

বিমলেন্দু বলিল, বললুম ত সে বলেছিল, তোমায় ভাল-বাসতে, তোমার প্রতি বিশ্বাসঘাতকতা করলে আমার নরকেও স্থান হবে না।

ইভ কেবল একটি ছোট্ট “হঁ” বলিয়া গম্ভীর হইয়া রহিল। শেষে বলিল, ছি ছি, তুমি না পুরুষ মানুষ? এমন জীকে ত্যাগ করেছ? তও বিশ্বাসঘাতক! তুমি কি নারীকে ব্যথা দিতেই জন্মেছ? জান কি, কি শেল এই বুকে বিধেছ?

বলিতে বলিতে ইভ ফুলিয়া ফুলিয়া কাঁদিয়া উঠিল! রুদ্ধ জল-স্রোত একবার নির্গমের পথ পাইলে সকল অন্তরায় ভাসাইয়া লইয়া চলিয়া যায়। ইভের সে কাণ্ড আর থামে না। টেবলের উপর মুখ ঝুঁজিয়া সে কাঁদিতে লাগিল। সে কাণ্ডার এক এক ফোঁটা জল যেন গলিত শীসকের মত বিমলেন্দুর হৃদয়ে গড়াইয়া পড়িতে লাগিল। সে আর থাকিতে পারিল না। দুই হাতে ইভকে জড়াইয়া ধরিয়া অশ্রুবিগলিত নয়নে সকাতরে ডাকিল, “ইভ, ইভ!” কিন্তু সে কথা কেহ শুনিল না, বিমলেন্দু দেখিল, ইভ মুচ্ছিত হইয়া টেবলের উপর লুটাইয়া পড়িয়াছে। আর যাহা দেখিল, তাহাতে ভয়ে তাহার প্রাণ উড়িয়া গেল। ইভের গাত্র হইতে আগুন ছুটিতেছিল, প্রবল অরে ইভ আক্রান্ত হইয়াছিল।



প্রশান্ততটে প্রলয়-সূচনা

মহাচীনে বর্ধমানের যে সঙ্কট-সঙ্কুল অবস্থা উপস্থিত হইয়াছে, তাহাতে অনেকে অনুমান করিতেছেন যে, ভগ্নতের পরবর্তী মহাযুদ্ধ দূর ভবিষ্যতে প্রশান্ত মহাসাগরে সংঘটিত না হইয়া অতির ভবিষ্যতে মহাচীনেই আরম্ভ হইবে। সাংহাই বন্দরে চীনা ছাত্র হত্যা ও তৎসম্পর্কে যে বিদেশী-বর্জন কাণ্ড আরম্ভ হইয়াছে, উহাই সম্ভবতঃ এই প্রলয়-কাণ্ডের অনুসূচনা করিতেছে।

মহাচীনে সাধারণতঃ শাসন প্রবর্তিত হইবার পর হইতে এ যাবৎ চীনের সর্বত্র শান্তি প্রতিষ্ঠিত হয় নাই; চীনের নানা বিভাগের শক্তিশালী সেনাপতিরা (War-lords) পার্শ্বভৌমত্ব লাভেচ্ছার পরম্পর শক্তিপরীক্ষা করিয়া আসিতেছেন। উহার পরিচয়—পরলোকগত ডাঙ্কার সান-ইয়াত-সেন, চাঙ্গ-সো-লিন, উপেইফু, কের-উসিয়াজ প্রভৃতি বিধ্বংসী War lordদিগের পরম্পর সংঘর্ষেই পাওয়া যায়। এই সকল শক্তিশালী লোক চীনদেশে একটা নিত্য অশান্তি জাগাইয়া রাখিয়াছেন। সে সকল সংঘর্ষের পুনরুল্লেখ নিম্নরূপে।

চীনের অশান্তির মূলে একটা বিষয় বিশেষ লক্ষ্য করিবার আছে। যখনই চীনের অভ্যন্তরে গোলযোগ উপস্থিত হইয়াছে, তখনই দেখা গিয়াছে, তাহার মূল সূত্র চীনের বাহিরে। আজ ৫০ বৎসর যাবৎ যুরোপীয় শক্তির চীনের ব্যাপারে হস্তক্ষেপ করিয়া আসিতেছেন। বঙ্গার যুদ্ধের ফলে যুরোপীয়রা কিরূপে চীনে নিজ স্বার্থসিদ্ধি করিয়া লইয়াছিলেন, শান্তি প্রতিষ্ঠার ও ক্ষতিপূরণের চলে তাঁহারা কিরূপে আত্মকলহের ফলে দুর্বল চীনের বুকে জাঁকিয়া বসিয়াছেন, তাহা সকলে বিদিত আছে। গত ৩০ বৎসর যাবৎ মাকুরিয়া ও মঙ্গোলিয়া প্রদেশে রুসিয়া ও জাপান কিরূপে নিজ নিজ স্বার্থ অক্ষুণ্ণ রাখিবার জন্য Sphere of influence অর্থাৎ প্রভাবের ক্ষেত্র বর্ধিত করিয়া আসিতেছেন, তাহাও কাহারও অবিদিত নহে। বর্ধমানের চীনে যে গোলযোগ উপস্থিত হইয়াছে, বাহাতে রুসিয়ান সোভিয়েটের সহিত চাঙ্গ-সো-লিনের মনোমালিন্য উপস্থিত হইয়াছে এবং বাহার ফলে অতির ভবিষ্যতে প্রশান্ততটে প্রলয় যুদ্ধের আশঙ্কা জাগিয়াছে, তাহারও মূলে মাকুরিয়া ও মঙ্গোলিয়ার রুসিয়া ও জাপানের লোলুপ-দৃষ্টি নিহিত বলিয়া মনে হওয়া বিচিত্র নহে।

প্রথমে চাঙ্গ-সো-লিনের সহিত রুসিয়ান সোভিয়েটের মনো-মালিন্যের কথা বলা যাউক। চাঙ্গ-সো-লিন মাকুরিয়ার War-lord অথবা সর্বোচ্চ চীন সৈনিক-শাসনকর্তা। শিকিনের স্থটান



জেনারেল চাঙ্গ-সো-লিন

Warlord কের-উসিয়াজ যেমন ইংরাজের ঘোর বিপক্ষ,—ইংরাজ বাবসাদারকেই চীনের বড় দুর্দশার মূল বলিয়া মনে করেন, চাঙ্গ-সো-লিন তেমনই রুসিয়ান সোভিয়েটকে চীনের সর্বনাশের মূল বলিয়া মনে করেন। এই হেতু কের-উসিয়াজ রুসিয়ার প্রিয়পাত্র, চাঙ্গ-তেমনই ইংরাজের প্রিয়পাত্র। সুতরাং এই দুই চীন war-lord সম্পর্কে ইংরাজী বা রুসিয়ান কাগজে যে সমস্ত বিবরণ প্রকাশিত হয়, তাহা সকল সময়ে সত্যের ভিত্তির উপর প্রতিষ্ঠিত নহে—উভয় জাতির Propaganda work বা প্রচারকাণ্ডের মধ্যে ধর্ষব্য। তবে মার্কিন সংবাদপত্রের তথ্য এই সম্পর্কে অনেকটা বিশ্বাসযোগ্য, কেন না, মার্কিন চীনের সম্পর্কে অনেকটা নিরপেক্ষ। তাহার কারণ, মার্কিন চীনকে স্বাধীন রাখিতে চাহে; রুসিয়া বা জাপান,—কেহ চীনের

উপর প্রভুত্ব করে, ইহা মার্কিনের অভিপ্রেত নহে। ইহা মার্কিনের স্বার্থ, কারণ রুসিয়া—বিশেষতঃ জাপান প্রাচ্যে প্রশান্ত সাগরে প্রবল হয়, ইহা মার্কিনের অভিপ্রেত নহে। একখানা মার্কিন কাগজে কিছুদিন পূর্বে একটি ব্যঙ্গ-চিত্র প্রকাশিত হইয়াছিল। তাহার মর্ম এইরূপ,—Uncle Sam (অর্থাৎ মার্কিন) দুই হাত তুলিয়া আনন্দের সহিত বলিতেছে, কে কে চীনের স্বাধীনতা কামনা কর হাত তুল; জন বুল (ইংরাজ), জাপান ও রুসিয়া।—সকলেই মুখ বাঁকাইয়া চোখ পাকাইয়া অগ্রসর মুখে হাত নিয়ে রাখিয়া দাঁড়াইয়া আছে। এই ব্যঙ্গ-চিত্র হইতেই বুঝা যায়, মার্কিনের স্বার্থ, চীনের স্বাধীনতা রক্ষা করা।

বাহা হউক, মাকুরিয়া ও মঙ্গোলিয়ার দিকে রুসিয়া ও জাপান যে এতাবৎ ধরদৃষ্টি দিয়া আসিয়াছে, তাহার প্রমাণের অভাব নাই। রুস-জাপ যুদ্ধেই রুসিয়ার প্রভুত্ব লষ্টয়া রুসিয়া ও জাপানে বিবাদের অবসান

হয় নাই। ঐ যুদ্ধের ফলে রুসিয়ার একটি বিরাট Pacific Empire প্রতিষ্ঠার স্বপ্ন ভঙ্গ হইয়াছিল; জাপান রুসিয়াকে দক্ষিণ মাকুরিয়া হইতে স্থানচ্যুত করিয়াছিল, পরন্তু চীনের নিকট রুসিয়া লাওটাঙ্গ উপদ্বীপ এবং তত্ত্ব রেলপথের যে পত্তনী লইয়াছিল, জাপান তাহার অবসান করিয়া দিয়াছিল। কিন্তু তাহা বলিয়া রুসিয়া কখনও মাকুরিয়ার অথবা প্রাচ্য-সাম্রাজ্য প্রতিষ্ঠার আশা পরিত্যাগ করে নাই। রুসিয়ার বিপ্লব হইল, রুসিয়ার জারের প্রভুত্ব ক্ষয় হইল, রুসিয়ার সোভিয়েট প্রতিষ্ঠা হইল, কিন্তু এ সমস্ত পরি-বর্তনেও রুসিয়ার দৃষ্টি মাকুরিয়া হইতে কখনও ভ্রষ্ট হয় নাই। মার্কিন প্রেসিডেন্ট রুসভেট একসময়ে বলিয়াছিলেন,—“পোর্টসমথ উৎসর্গ কলে কিছুকাল বৃদ্ধ স্থপিত রহিল বটে, কিন্তু আমি ভবিষ্যৎপূর্ণ করিয়া বাইতেছি যে, রুসিয়া আবার প্রশান্ত তটে কিরিয়া আসিবে।” তাহার

ভবিষ্যৎ বাণী সকল হইয়াছে। বিশেষতঃ যুরোপের শক্তিপূর্ণ রুসিয়াকে 'এক ধরে' করিয়া রাখিয়াছেন, লোকার্ণো রকাতের রুসিয়াকে স্থান দেন নাই, এই হেতু রুসিয়া প্রাচ্যে তাহার ভাগ্য অবশেষে আত্ম-নিরোধ করিয়াছে, সমগ্র বহা এশিয়াকে তাহার বলশেতিক নীতিতে অনুপ্রাণিত করিয়াছে, এমন কি, চীনের খ্রীষ্টান সেনাপতি কেঙ্গ-উসিয়াকে বলশেতিক মত্রে দীক্ষিত করিয়াছে। প্রাচ্যে এবেশ-নীতি অনুসরণ করিয়া রুসিয়া সাইবিরিয়ার মরুপ্রান্তরেও ১ কোটির উপর রুসিয়ানকে বসবাস করাইয়াছে এবং আরও ১ কোটি রুসিয়ানকে বসবাস করাইবার সঙ্কল্প করিয়াছে।

অবশ্য ইহা বলাই বাহুল্য যে, জাপান রুসিয়ার এই এবেশ-নীতি আদৌ প্রীতির দৃষ্টিতে দেখে না। রুসিয়ার এই বিরূপ জনসমূহ রুসিয়ান সোভিয়েটের সাহায্যে প্রাচ্য সমুদ্রোপকূল পর্য্যন্ত বিস্তৃতি লাভ করে, ব্যবসায়-বাণিজ্য হস্তগত করে, এমার প্রতিপত্তি লাভ করে, অথবা জলে স্থলে সামরিক শক্তি সঞ্চয় করিয়া এখন হয়,— জাপান তাহা আদৌ ইচ্ছা করে না। কাৰ্বেই টোকিও ও মক্কো সহরের প্রতিদ্বন্দী রাজনীতিকরা চীনের দাবার হকে এ ব্যবৎক্রমসংগত চাল ও প্রতিচাল দিয়া আসিতেছেন,—কে কাহাকে রাজনীতিক কৌশল-সম্বন্ধে মাং করিতে পারেন। জার্মান-যুদ্ধকালে জাপান, বার্কিন ও অন্যান্য শক্তির সহিত একযোগে রুসিয়ার সাপোর্টম্যান হীপ ও ভলাডিভস্টক বন্দর অধিকার করিয়া বৈকাল হুদ পর্য্যন্ত সমগ্র সাইবিরিয়া রুসিয়ার নিকট হইতে কাড়িয়া লইয়াছিল। ইহা ১৯১৮ খৃষ্টাব্দের ২টন। কিন্তু ১৯২০ খৃষ্টাব্দের বসন্তকালে ত্রি-শক্তিরা আপন আপন সৈন্ত অপসারণ করিয়া লইলে পর রুসিয়ান সোভিয়েট আবার ধীরে ধীরে প্রাচ্যে আপন অধিকার পুনরুদ্ধার করিয়া লইল। এমন কি, রুসিয়ান সেনা মঙ্গোলিয়ার রাজধানী উর্গাও হস্তগত করিয়া লইয়াছিল।

তরবারি মুখে এতদূর অগ্রসর হইবার পর রুসিয়ান সোভিয়েট রাজনীতিক কৌশল অবলম্বন করিয়া চীনের সহিত বন্ধুত্ব স্থাপন করিল। তাহার স্বীকার করিল যে, অতঃপর আর তাহার জারের আমলের রুসিয়ান গভর্ন-মেন্টের অন্তায় দাবী পোষণ করিবে না, বরং—

- (১) জারের আমলে অধিকৃত চীনের সমস্ত ভূমি তাহার হাড়িয়া দিবে,
- (২) কোনও কতিপূরণ না লইয়া চীনের ইষ্টার্ন রেল-লাইন চীনের প্রত্যাৰ্পণ করিবে,
- (৩) বঙ্গার যুদ্ধকালে স্বীকৃত চীনের কতিপূরণের টাকার উপর দাবী হাড়িয়া দিবে,
- (৪) চীনের কোথাও রুসিয়ান প্রকার বিশেষ অধিকার রাখিবার সঙ্কল্প জিন করিবে না,
- (৫) জারের রুসিয়ার সহিত চীনের যে সমস্ত অন্তায় সন্ধিসর্ভ হইয়াছিল, অথবা চীনের বিপক্ষে জারের গবর্নমেন্টের জাপান বা অন্যান্য শক্তির সহিত যে সমস্ত গুপ্ত অন্তায় সন্ধি হইয়াছিল, সে সমস্ত সন্ধিই নাকচ করা হইবে,
- (৬) রুসিয়া চীনের সহিত সকল বিষয়ে সমানের মত ব্যবহার করিবে।

চীন কখনও এতটা আশা করে নাই। বস্তুতঃ এতদিন তাহার জাপান ও যুরোপীয় শক্তিপূর্ণের নিকট যে ব্যবহার প্রাপ্ত হইয়া

আসিয়াছে, তাহাতে এরূপ অন্তায় সঙ্কল্প, গবর্নমেন্ট সন্ধিতে সহসা বিশ্বাস করিতেই তাহার প্রবৃত্তি না হইবার কথা। কিন্তু যখন চীন দেখিল, রুসিয়ান সোভিয়েটের অভিসন্ধি ভাল, তাহাদের কথাও যে কাবও সে,—তখন চীন বখার্বই আনন্দে অধীর হইয়া রুসিয়ার সহিত বন্ধুত্ব স্থাপন করিল—সে রুসিয়াকে বখার্বই তাহার বৃত্তিহাতা বলিয়া মনে করিল। দেশ-প্রেমিক খ্রীষ্টান সেনাপতি কেঙ্গ এই বন্ধুত্ব স্থাপনের প্রধান উদ্যোক্তা।

কিন্তু প্রাচ্যদেশ সমূহের হুর্ভাগ্যে কোথাও নীরণাকর জরটাদের অভাব হয় না। পরশ্চীকাতরতা দেশ-প্রেমকেও ছাপাইয়া যায়। আমার যারা যদি দেশ স্বাধীন না হয়, তাহা হইলে অপরের যারা আমি হইতে দিব না,—এই নীতি প্রাচ্যে বতটা মান হইয়া আসিয়াছে, অন্ততঃ বোধ হয় কোথাও তত হয় নাই। চাঙ্গ দেখিলেন, কেঙ্গ যদি রুসিয়ান সোভিয়েটের সহিত এই ভাবে বন্ধুত্ব পাতাইয়া নিজে 'ধর হাইরা .লর', তাহা হইলে দুই দিন পরে তিনি কোথায় থাকিবেন? তখনই তিনি সঙ্কল্প স্থির করিয়া কেলিলেন। পূর্বে হইতেই তিনি জাপানের সহিত 'বখার্ব' মাকুরিয়া ভোগ করিতে-ছিলেন। তিনি জানিতেন, জাপানের সহিত রুসিয়ার 'সঙ্কট' কিরূপ; সুতরাং একবার জাপানকে ডাকিলেই হয়। জাপানও তাহার আহ্বানের স্তম্ভ প্রস্তুত হইয়াছিল। বলে,— 'সেখো ভাত খাবি, না, আঁচাবো কোথা!' এইরূপে চীনের ভাগ্যাকাশে আবার এক বিরূপ কলহের সূত্রপাত হইল।

জেনারেল ফেঙ্গের দল কেন রুসিয়ার কথায় কর্ণপাত করিয়াছিলেন, তাহারও কারণ আছে। রুসিয়ার কথায় চীন কোনও কালেই আত্ম স্থাপন করে নাই, জাপান-চীন যুদ্ধকালে চীন রুসিয়াকে হাড়ে হাড়ে চিনিয়া লইয়াছিল। কিন্তু এ ক্ষেত্রে জারের রুসিয়া ছিল না, তাহার স্থানে এক নতুন রুসিয়ার উদ্ভব হইয়াছিল। এ রুসিয়া জগতে সকল জাতির সাম্যবাদ প্রচার করে,—প্রাচ্যজাতির সহিত সমানের মত ব্যবহার করে। অন্যান্য খেতজাতি এমন নহে। বার্কিনের কথায় নাচিয়া চীন জার্মান-যুদ্ধে জার্মানীর বিপক্ষে নাশিয়াছিল—তাহার আশা ছিল, সন্ধির



জেনারেল ফেঙ্গ উসিয়ান

সময় তাহার কথাটাও খেতবন্ধুরা ভাবিয়া দেখিবে, জার্মান-অধিকৃত তাহার সাণ্টাং উপদ্বীপ তাহাকেই কিরাইয়া দিবে। কিন্তু যুদ্ধাবসানে সন্ধির সময় যখন চীন দেখিল, তাহার খেতবন্ধুরা যে তাহার নিজের কোলে সাধ্যমত ঝোল টানিয়া লইল, অথচ তাহাকে কিছু দিল না, বরং—

- (১) সাণ্টাং জাপানকে দেওয়া হইল,
- (২) তাহার দেশের অধিকৃত স্থানসমূহ বখাপূর্ব খেত জাতিরা দখল করিয়া রছিল,
- (৩) বঙ্গার indemnity বখাপূর্ব তাহার স্বক্ষে চালিয়া রছিল,
- (৪) খেতগণের বিশেষ অধিকার, খেত দূতাবাসের রক্ষিসেনা, খেতগণের নিজস্ব ডাক, কাষ্টম, টারিক রেট—এ সমস্তই বখাপূর্ব বঙ্গার রছিল। কাৰ্বেই রুসিয়া যখন চীনের সহিত সমানে সমানের ব্যবহারের কথা পাড়িল, তখন চীনা জনসাধারণ তাহাতে আনন্দিত না হইয়া পারে না।

রুসিয়া চীনের সহিত বস্তুতঃই সকল বিষয়ে সমানের ম্যার ব্যবহার করিতে লাগিল। কিন্তু তাহা বলিয়া সে চীনের ইষ্টার্ন

রেলের বন্ধ চীনে হাড়িরা দিলেও অগরের (অর্থাৎ জাপানের) তাহাতে কোনও অধিকার না থাকে, তাহা দেখিতে ভুলিল না। সুতরাং রুসিয়ান সোভিয়েট গভর্নমেন্টের পীড়াপীড়িতে চীন এ সম্বন্ধে একটা খোলাখুলি চুক্তি করিতে সম্মত হইল। ১৯২৪ খৃষ্টাব্দের ৩১শে মে তারিখে চীনের পররাষ্ট্র-সচিব বিখ্যাত রাজনীতিক মিঃ ওয়েলিংটন কু (খুটান চীনা) রুসিয়ার প্রথম সোভিয়েট দূত কারাখানের সহিত একযোগে একখানি সন্ধিপত্র স্বাক্ষর করিলেন। এই সন্ধিপত্রের প্রধান সর্ভ হইল,—

(১) চীন সোভিয়েট গভর্নমেন্টকে রুসিয়ার প্রকৃত গভর্নমেন্ট বলিয়া স্বীকার করিলেন,

(২) রুসিয়া চীনের উপর তাহার সমস্ত দাবী ত্যাগ করার কথা পুনরপি পাকা করিয়া দিলেন।

কিন্তু এই দুইটি প্রধান সর্ভ হইলেও আসল সর্ভ হইল চীনের ইষ্টার্ন রেল-লাইন লইয়া। স্থির হইল,—

(১) ৫ জন চীনা ও ৫ জন রুসিয়ান এই রেলের নিয়ামক Governing Board হইবেন,

(২) রেল পরিচালনের ক্ষমতা যে এক জন ম্যানেজার ও দুই জন সরকারী ম্যানেজার থাকিবেন, তাহাদের মধ্যে ম্যানেজার ও এক জন সহকারী ম্যানেজার রুসিয়ান থাকিবেন।


সুতরাং প্রকৃতপক্ষে রেল-লাইনের প্রভু রুসিয়ান সোভিয়েটের নিযুক্ত কর্মচারীর হস্তেই স্তম্ভ রহিল।

অবশ্য পিকিংয়ের কর্তৃপক্ষ জেনারল ফেঙ্গের পরামর্শমত এই সন্ধিপত্র স্বাক্ষর ও স্বীকার করিয়া লইলেন বটে, কিন্তু যে স্থানে এই ইষ্টার্ন রেল-লাইন অবস্থিত, সেই মাঞ্চুরিয়ার পিকিংয়ের কর্তৃত্ব ছিল না, সেখানে জেনারল চাঙ্গই সর্ব্বেসর্ব্বা। যখন তাহার নিজের মতের সহিত মিল হইত, তখন তিনি পিকিংয়ের কর্তৃত্ব মানিতেন, অন্যথা পিকিংয়ের আদেশ অমান্য করিবার নিমিত্ত তাহার তরবারি সদাই উন্মুক্ত থাকিত। সুতরাং পিকিংয়ের বন্দোবস্ত মত তিনি মাঞ্চুরিয়ার রেল-লাইনে রুসিয়ার কর্তৃত্ব মানিয়া লইতে চাহিলেন না। তাহার স্বার্থ জাপানের স্বার্থের সহিত অভিন্ন,—পূর্বেই বলিয়াছি, তিনি জাপানের creature, এইরূপ অনেকের সন্দেহ। মকৌ বা পিকিং কর্তৃপক্ষ সাধামত চেষ্টা করিয়াও তাহাকে ঐ সন্ধি মানিয়া চলিতে বাধ্য করিতে পারিলেন না।

১৯২৪ খৃষ্টাব্দের আগষ্ট মাসে চাঙ্গের সহিত পিকিংয়ের কর্তৃপক্ষের যুদ্ধ বাধিল। একে জেনারল ফেঙ্গ এবেল, তাহার উপর চাঙ্গের সহকারী সেনাপতি কুও সাজ-লিঙ্গ বিক্রোহী,—কায়েই চাঙ্গ বরম হইয়া ঘোষণা করিলেন যে, অতঃপর তিনি তাহার মাঞ্চুরিয়া লইয়া থাকিবেন, পিকিংয়ের উপর লোভ করিবেন না। কিন্তু একথা রুসিয়া ভুলিল না। রুসিয়া এই বুদ্ধকালে চাঙ্গের রাজত্বের উত্তর দিকে প্রভুত্ব সৈন্ত সমাবেশ করিল। চাঙ্গ দেখিলেন, সর্ব্বনাশ! হৃদয়ে ফেঙ্গের সেনা, উত্তরে রুসিয়ার সেনা, মাঝে পড়িয়া তিনি মারা বাইবেন। পরন্তু জাপানও সে সময়ে তাহাকে একান্তে সাহায্য দান করিল না। কেন না, সে সময়ে রুসিয়ান সোভিয়েট গলাবাধী করিয়া সকল শক্তিকে লক্ষ্য করিয়া বলিতেছিলেন,—Hands off China! চাঙ্গ বিপদ বুঝিয়া মকৌর সহিত পিকিংয়ের ইষ্টার্ন রেল-সম্পর্কিত সন্ধি মানিয়া লইলেন।

জাপান নিশ্চেষ্ট ছিল না। সে যখন দেখিল, চাঙ্গের সব ব্যর্থ, তখন সে কিপ্রগতি মাঞ্চুরিয়ার রাজধানী মুকডেন সহর অধিকার করিয়া বসিল। পাছে রুসিয়া মাঞ্চুরিয়ার রেল-লাইন দখল করে, এই ভয়ে জাপান এই চাল চালিল। মুকডেনে এখনও জাপ-সেনা বেশ পাকাপোক্ত আড্ডা পাড়িয়া বসিয়াছে। জাপানের এরূপ করিবার একটা কারণ পূর্বেই বলিয়াছি। চাঙ্গের রুসিয়ার সহিত সন্ধি ইহার মূল কারণ। কিন্তু ইহা ছাড়া আরও একটা বিশেষ কারণ ছিল। জাপান দেখিতেছিল যে, রুসিয়ান এক ক্রমঃ বহুতর মোহাই দিয়া চীনে থাকা পাড়িয়া বসিতেছে। কেবল মাঞ্চুরিয়ার নহে, মঙ্গোলিয়া এদেশেও রুসিয়ান সোভিয়েট জাপানকে কর্তৃত্ব প্রতিষ্ঠিত করিয়াছিল। ১৯২১ খৃষ্টাব্দে সোভিয়েট সেনা জার-পক্ষীয় রুসিয়ান সেনাপতি আন্দারেনের পশ্চাৎদান করিয়া মঙ্গোলিয়ার রাজধানী উর্গা সহরে অবশ্য করে। জার-পক্ষীয়রা পরাজিত ও বিকৃত হইবার পরেও কিন্তু সোভিয়েট সেনা মঙ্গোলিয়া ত্যাগ করে নাই। উর্গার রুসিয়ান-দূতাবাসে এক জন টাইপিষ্ট ছিল, তাহার নাম বোডো। এই বোডো তরুণ মঙ্গোলীয়গণকে লইয়া এক বহুসভা গঠন করিল

এবং মঙ্গোলিয়াকে চীন হইতে স্বতন্ত্র করিয়া এক সোভিয়েট সাধারণ-তন্ত্রে পরিণত করিল। বোডোকে গুপ্তভাবে সাহায্য করিবার কে রহিয়াছে, তাহা চীনের জানিতে বাকী ছিল না। রুসিয়ান সোভিয়েটের সেনা সহায় না হইলে বোডোর স্বাধীন মঙ্গোলিয়ান সোভিয়েট প্রতিষ্ঠা করা সম্ভব হইত না। কিন্তু চীন কি করিবে? তখন চীনের War-lordরা পিকিংয়ের কর্তৃত্ব লইয়া পরস্পর বিবাদে মত্ত। খুটান জেনারল ফেঙ্গ, তাহার উপরওয়াল জেনারল উপেইফুকে পরাস্ত করিয়া তখন পিকিং অধিকারের ক্ষমতা লাভ। এ দিকে মাঞ্চুরিয়ার war-lord চাঙ্গ তাহাকে বাধা দিতে উদ্ভত; কায়েই ফেঙ্গ 'সহজ' পথ ধরিলেন, রুসিয়ান সোভিয়েটের আশ্রয় লইলেন। মোটরকারে গোবী বরফমিতে বাজী পারাপার করা হইত। এখন বাজী পারাপার বন্ধ রাখিয়া ঐ সকল মোটর গাড়ীতে ক্রমাগত অস্ত্র পত্র ও অস্ত্রাস্ত্র রণসত্তার রুসিয়ান সাই-বিরিয়া হইতে জেনারল ফেঙ্গের সকাশে



জেনারল উপেইফু

চালান হইতে লাগিল। কালগান এবং ডোলননগর নামক দুইটি সামরিক আড্ডায় এই সকল রণসত্তার রাখিত হইতে লাগিল। চাঙ্গের পক্ষে এই সকল আড্ডা আক্রমণ করা সহজসাধ্য নহে বলিয়া ফেঙ্গ এই দুইটি আড্ডা মনোনিবেশ করিয়াছিলেন। কেবল ইহাই নহে, রুসিয়ান সোভিয়েট মঙ্গোলিয়ার ৫ হাজার রুসিয়ান সেনাবীর অধীনে ৭০ হাজার মঙ্গোলিয়ান সেনাকে হুশিক্ষিত ও হুসজ্জিত করিতে লাগিলেন। উদ্দেশ্য, 'চাঙ্গ' ফেঙ্গকে আক্রমণ করিলেই মঙ্গোলিয়া হইতে এই সৈন্ত সাহায্য অতি সহজ প্রেরণ করা হইবে।

কাংটনেও সোভিয়েটের প্রভাব বিস্তৃত হইতেছিল। সেখানে Congress of Chinese peasants অথবা চীন কৃষক সম্মেলন এক বিরাট প্রতিষ্ঠানে পরিণত হইয়াছিল। তাহাদের মূলনীতি তাহাদের বড় বড় বিজ্ঞাপনে প্রকাশিত হইয়াছিল। তাহাতে তাহাদের রুসিয়ান সোভিয়েট নীতির অনুকরণের পরিচয় ছিল।

সাংহাই সহরে যখন বিরাট চীন ধর্ম্মবট হয়, তখন মকৌ সোভিয়েট, ধর্ম্মবট কমিটিকে ৩০ হাজার রুসিয়ান মুদ্রা সাহায্যার্থ প্রেরণ করিয়াছিলেন।

জাপান এই সকল ব্যাপার প্রত্যক্ষ করিতেছিল, সুতরাং যখন চাঙ্গ বাধ্য হইয়া সোভিয়েটের সহিত সন্ধি করিলেন, তখন জাপান নিজ স্বার্থরক্ষার জন্য সুকডেন অধিকার করিয়া বসিল।

কিন্তু চাঙ্গ সরকারের প্রতীকা করিতেছিলেন। যে মুহূর্তে তিনি জাপানের ঘর শুধাইয়া লইয়া বিদ্রোহী জেনারেল কুরোকেকে পরাস্ত ও নিহত করিলেন, সেই মুহূর্তে তিনি নিজ বৃষ্টি ধারণ করিলেন। এ বিষয়ে তাঁহার পরামর্শদাতারও অভাব ছিল না, কেন না, জাপান সুকডেন অধিকার করিয়া নিশ্চেষ্ট ছিল না। কাবেই চাঙ্গ পশ্চাতে সাহায্যের সাহস পাইয়া হঠাৎ চীনের ইষ্টার্ন রেল-লাইন অধিকার করিয়া বসিলেন এবং রেলের রুসিয়ান জেনারেল ম্যানেজার আই-ভ্যানককে প্রেষণার করিলেন। ইহার তলে তলে জাপান যে অবস্থান করিতেছিলেন, তাহা রুসিয়ান বৃষ্টিতে বিলম্ব হয় নাই। কাবেই সোভিয়েট রুসিয়া রুদ্রবৃষ্টি ধারণ করিয়া চাঙ্গকে সেই মুহূর্তে আই-ভ্যানককে মুক্তি দান করিতে আদেশ করিলেন, অন্তর্ধা রুসিয়ান সোভিয়েট সেনা তদ্বৎই মাফুরিয়ার প্রবেশ করিবে। চাঙ্গ দেখিলেন, এক দিকে তাঁহার শত্রু কেন্দ্র তাঁহার সর্বনাশ সাধনের জন্য প্রস্তুত হইয়া আছেন, অন্য দিকে রুসিয়ান সেনা মাফুরিয়া আক্রমণে উদ্ভত। বোধ হয় জাপানও তাঁহাকে হঠাৎ রুসিয়ান সহিত যুদ্ধ বাধাইতে গোপনে নিষেধ করিল। কাবেই সকল দিক দেখিয়া-গুনিয়া চাঙ্গ আইভ্যানককে মুক্তিদান করিয়াছেন। সোভিয়েট সরকার এখন চাঙ্গের নিকট দাবী করিয়াছেন, Exemplary satisfaction for a grave insult which is in unheard of violation of the agreement of 1924. চাঙ্গ কি satisfaction দেন, এখন তাহাই দেখিবার বিষয়।

ইহাই প্রাচ্যে প্রলয়ের প্রথম সূচনা। অবশ্য সোভিয়েটের সহিত চাঙ্গের এই বিবাদ আপোষে মিটিয়া বাইতে পারে, কিন্তু চিরদিনের জন্য এই বিবাদ মিটিবার নহে। রুসিয়া যুরোপে বাধা পাইয়া প্রাচ্যের দিকে দৃষ্টিপাত করিয়াছে, এ কথা অস্বীকার করিবার উপায় নাই। আজ না হউক, দুই দিন পরে, পীতসাগরে রুসিয়ান ধক ধাবা ডুয়াইবে, ইহাতে সন্দেহ নাই, কেন না, প্রাচ্য সমুদ্রে তাহার বাহির হওয়া চাই-ই। ওলাডিভস্টক বন্দর বৎসরের প্রায় ৮ মাস কাল বরফ-সমুদ্রে আবদ্ধ থাকে, কাবেই দক্ষিণে পীত সমুদ্র ভিন্ন রুসিয়ান গতি নাই। রুসিয়া চীনকে সমান জ্ঞান করিয়া সকল অধিকার হাড়িয়া দিয়াছে, চীনও এ জন্য কৃতজ্ঞ হৃদয়ে তাহাকে স্বরাজ্যে অনেক অধিকার দিতে পারে। কিন্তু চীন-দিলে কি হয়, জাপান তাহা নীরবে সহ্য করিবে না, সে রুসিয়াকে প্রাচ্যে প্রবল হইতে দিতে পারে না। এ বিষয়ে ইংরাজ জাপানের সহায় হইতে পারেন। কিন্তু অন্য দিকে মার্কিনও জাপানকে প্রবল হইতে দিতে পারেন না। জাপান রুসিয়ান শক্তিকে ধর্ম কারুগা চীনে সর্বসর্বা হইয়া, ইহা মার্কিনের অভিপ্রায় নহে, বরং মার্কিন চীনকে খাধীন দেখিতে চাহেন। সুতরাং চীনের সমস্তা লইয়া অদূর ভবিষ্যতে জগতের প্রবল

শক্তিপুঞ্জের যে ভীষণ সংঘর্ষ ঘটবে, তাহার বখেই কারণ বিদ্যমান আছে।

জাপান যে মার্কিনকে শ্রীতির দৃষ্টিতে দেখেন না, তাহার প্রমাণ বহুকেই পাওয়া গিয়াছে। গত বৎসরের মাঝামাঝি মার্কিনের নৌবহর হাওয়াই দ্বীপে কুচকাওয়াজ করিয়াছিল, অস্ট্রেলিয়ার বন্ধুতা পাওয়াইয়া আসিয়াছিল। ইহাতে জাপানে কি বিরুদ্ধ সমালোচনাই না হইয়াছিল! তখন জাপানী সংবাদপত্র 'ককুমিন' বলিয়াছিল,— "It is a plot between two groups of the Anglo-Saxon race to weaken the fighting strength of the Japanese navy." এ কথা বলিবার হেতু যে একবারে ছিল না, তাহা নহে। সেই সময়ে কতকগুলি অস্ট্রেলিয়ার সংবাদপত্র এই মার্কিন নৌবহরের আগমনকে এমন বর্ণে চিত্রিত করিয়াছিল যে, তাহাতে জাপানের সন্দেহ না হওয়াই আশ্চর্য! একখানা অস্ট্রেলিয়ার পত্র এক গির্জা প্রকাশিত হইয়াছিল। ঐ গির্জা এক অস্ট্রেলিয়ার সেনার পশ্চাতে এক প্রকাণ্ডকার মার্কিন গোলন্দাজ সেবাকে দণ্ডারমান করান হইয়াছিল— সে বেন তাহার 'চোট ভাইকে' রক্ষার্থ প্রস্তুত, আর উত্তরের সম্মুখে এক শত্রুকে অস্তিত করা হইয়াছিল,—তাহাকে দেখিলেই মনে হয় সে জাপানী! আর একখানা অস্ট্রেলিয়ার কাগজে লেখা হইয়াছিল, "ইংরাজ যদি চীন সম্পর্কে জাপানের সহিত গুপ্তসন্ধি করেন, তাহা হইলে বড়ই অনাচার করিবেন। ইহা স্বরা ইংরাজ জাপানের হস্তে ক্রীড়নক হইবে এবং কেবল যে মার্কিন তাঁহাকে সন্দেহের দৃষ্টিতে দেখিবেন তাহা নহে, অস্ট্রেলিয়া, কানাডা ও নিউজিল্যান্ডও দেখিবেন। জাপান চীনকে অধীন রাখিতে চাহে, মার্কিন চীনকে স্বাধীন দেখিতে চাহে। এই হেতু ইংরাজের মার্কিনের পক্ষে যোগ দেওয়াই কর্তব্য।" ইহার উপর অস্ট্রেলিয়ার White Australia policy জাপান ও অন্যান্য এসিয়াবাসীর বহিষ্করণে যে সব আইন করিয়াছে, তাহাতে জাপান সহজেই সন্দেহ করিতেছেন যে, মার্কিনে ও অস্ট্রেলিয়ার জাপানের বিপক্ষে একই প্রকার বহিষ্করণ আইন ঘাটা বুঝা বাইতেছে যে, উত্তরের মধ্যে গোপনে জাপানের বিপক্ষে বড় বস্ত্র চলিতেছে।

সুতরাং সকল দিক দিয়া বিবেচনা করিলে বুঝা যায় যে, এখনই যে জাতিগত বিষয়ের কলে জাপানে-মার্কিনে প্রশান্ত মহাসাগরে কালসংঘর্ষ উপস্থিত হইবে, এমন কিছু নিশ্চয়তা নাই; তবে চীনের নানা war-lords-এর স্বার্থসংঘর্ষের সংস্পর্শে জগতের প্রবল শক্তিপুঞ্জ আকুট হইলে তখন প্রশান্তভূটে যে প্রলয়ান্বিত জলিয়া উঠিবে, তাহাতে জগৎ-সংসার উদ্ভীত হইবে। সে সংঘর্ষের কথা মনে করিতেও আতঙ্কে শরীর শিহরিয়া উঠে—তাহার তুলনার জার্জাণ যুদ্ধ বালকের কলহ বলিয়া মনে হইবে। সে সংঘর্ষে জাতিসঙ্ঘের মধ্যে বোঝাপাড়া হইয়া বাইবে—বহুকালের সন্ধিত ক্রোধ, ঘেব, হিংসার নীমাংসা এখানেই হইয়া বাইবে। সে দিনের যে অধিক বিলম্ব আছে, তাহা ত মনে হয় না।

পুষ্পের মরণ

খসিয়া পড়িল যবে একটি কুসুম
নিভূতে—দিবস শেষে—বিশ্রামের ঘুম
কাহার' ত আঁখি হ'তে টুটিল না হয়,
একটু বেদনা নাহি জাগিল ধরায়।
তখন জড়ায়ে ছিল শেষ গন্ধটুকু
তার কুঞ্জ বন্ধপুটে—যে আনন্দটুকু
বিলাত' সে ভালবেসে মর্ত্যের মানবে—
প্রবলে হৃৎকলে নিত্য দেবতা দানবে।

ঐ কি দিগন্তে তার জলিতেছে চিতা ?
কিংবা নিখিলের কবি—বিশ্ব-রচয়িতা
লিখিছেন নিজ করে স্ববর্ণ-অক্ষরে
পুষ্পের মরণ-গাথা অক্ষরে অক্ষরে।

—সে যে আজ চলে' গেছে, ফুটে আছে চুপে
অষ্টার চরণতলে শতদল রূপে।

শ্রীআণ্ডতোষ মুখোপাধ্যায়।



২

১। বৈষ্ণৱ শ্রেষ্ঠ—(ক) “দ্বিজেষু বৈষ্ণাঃ শ্রেয়াঃসঃ”
(মহা, উদ, ৫ অঃ) অর্থাৎ দ্বিজদিগের মধ্যে বৈষ্ণৱগণই শ্রেষ্ঠ ।

(খ) “অব্রাহ্মণাঃ সন্তি তু যে ন বৈষ্ণাঃ” (ঐ ২৭ অঃ)
অর্থাৎ বৈষ্ণৱগণই প্রকৃত ব্রাহ্মণপদবাচ্য, অপর ব্রাহ্মণরা
ব্রাহ্মণ নামের অনধিকারী ।

(গ) “সর্ববেদেষু নিষ্ণাতঃ সর্ববিজ্ঞাবিশারদঃ ।
চিকিৎসাকুশলশৈব স বৈষ্ণৱভিধীয়তে ॥ বিপ্রান্তে বৈষ্ণৱতাং
যাস্তি রোগহুঃখপ্রণাশকাঃ ॥” (উশনঃ-সংহিতা) অর্থাৎ
সর্ববেদজ্ঞ ও সর্বশাস্ত্রবিশারদ ব্রাহ্মণ চিকিৎসার নিপুণ
হইলে বৈষ্ণৱ নামে অভিহিত হইবেন । যে বিপ্র রোগজনিত
হুঃখ নাশ করেন, তিনিই বৈষ্ণৱ নাম পাইয়া থাকেন ।

(ঘ) “স্বয়মর্জিতমবৈষ্ণৱভ্যো বৈষ্ণৱঃ কামং ন দত্ত্বাং”
(গৌতম-সংহিতা) অর্থাৎ বৈষ্ণৱ অবৈষ্ণৱকে স্বোপার্জিত ধন
দান করিবেন না ।

(ঙ) “নাবিজ্ঞানাস্ত বৈষ্ণৱেন দেয়ং বিজ্ঞানং কচিৎ”
(কাত্যায়ন-সংহিতা) অর্থাৎ বৈষ্ণৱ কখনও বিজ্ঞানীকে
বিজ্ঞানার্জিত ধন দান করিবেন না ।

বক্তব্য—‘প্রবোধনী’-লেখক বৈষ্ণৱ ব্রাহ্মণত্ব সমর্থ-
নের জন্ত প্রথমেই পূর্বোক্ত শ্রোত প্রমাণ দেখাইয়া, এই
স্মার্ত প্রমাণগুলিই দেখাইয়াছেন ।

(ক) তিনি “অন্ধহস্তিষ্ঠায়ৈ” মহাতারতীয় ছইটি শ্লোকের
একাংশমাত্র তুলিয়া উহাদের অপরূপ অনুবাদ করিয়াছেন ।

উদ্বোধনপর্বের প্রারম্ভেই আছে—শ্রীকৃষ্ণ প্রস্তাব করি-
লেন যে, পাণ্ডবদিগকে অর্ধরাজ্য প্রত্যর্পণ করিবার জন্ত
ধৃতরাষ্ট্রের নিকট এক জন সূদক্ষ দূত প্রেরণ করা হউক ।
সেই কথা শুনিয়া ক্রপদ রাজা যুধিষ্ঠিরকে বলিয়াছিলেন—
আমার পুরোহিতকে ধৃতরাষ্ট্রের নিকট পাঠান এবং কি
বলিতে হইবে, তাঁহাকে বলিয়া দিউন । এই বলিয়া ক্রপদ
রাজা পুরোহিতকে বলিলেন—

“ভূতানাং প্রাণিনঃ শ্রেষ্ঠাঃ প্রাণিনাং বুদ্ধিজীবিনঃ ।

বুদ্ধিমৎসু নরাঃ শ্রেষ্ঠা নরেষুপি দ্বিজাতয়ঃ ॥

দ্বিজেষু বৈষ্ণৱাঃ শ্রেষ্ঠাঃ বৈষ্ণৱেষু কৃতবুদ্ধয়ঃ ।

কৃতবুদ্ধিষু কর্তারঃ কর্তৃষু ব্রাহ্মবাদিনঃ ॥

স ভবান্ কৃতবুদ্ধীনাং প্রধান ইতি মে মতিঃ ।

কুলেন চ বিশিষ্টোহসি বয়সা চ শ্রুতেন চ ॥

প্রজয়া সদৃশশাসি শুক্রেণাঙ্গিরসেন চ ।

বিদিতঞ্চাপি তে সর্বং যথাবৃত্তঃ স কোরবঃ ॥”

—(উদ, ৩।১-৪)

নীলকণ্ঠের টীকা—“বৈষ্ণৱাঃ বিজ্ঞাবস্তঃ । কৃতবুদ্ধয়ঃ সিদ্ধান্তজ্ঞাঃ ।”

শ্লোকগুলির অনুবাদ—সমস্ত পদার্থের মধ্যে প্রাণীরা
শ্রেষ্ঠ, প্রাণীদিগের মধ্যে বুদ্ধিমানরা শ্রেষ্ঠ, বুদ্ধিমানদিগের
মধ্যে মনুষ্যরা শ্রেষ্ঠ, মনুষ্যদিগের মধ্যে ব্রাহ্মণরা শ্রেষ্ঠ,
ব্রাহ্মণদিগের মধ্যে বিজ্ঞাবানরা শ্রেষ্ঠ, বিজ্ঞাবানদিগের মধ্যে
সিদ্ধান্তজ্ঞেরা শ্রেষ্ঠ, সিদ্ধান্তজ্ঞদিগের মধ্যে তদনুসারে কার্য-
কারীরা শ্রেষ্ঠ, উক্ত কার্যকারীদিগের মধ্যে ব্রাহ্মবাদীরা শ্রেষ্ঠ ।
আপনি সিদ্ধান্তজ্ঞদিগের মধ্যে প্রধান, ইহা আমার জানা
আছে । তত্বে আপনি কুলে, বয়সে ও বিজ্ঞাতেও শ্রেষ্ঠ ।
আপনি বুদ্ধিতে শুক্রে ও বৃহস্পতির সদৃশ । ছর্যোথনের
যে রূপ চরিত্র, তৎসমস্তই আপনার জানা আছে ।

পৌরোহিত্য অর্থাৎ যাজন কেবলমাত্র ব্রাহ্মণেরই কার্য
(মনু, ১০।৭৫-৭৭) ; সুতরাং ক্রপদ রাজার পুরোহিত
ব্রাহ্মণই ছিলেন । এ বিষয়ে মহাতারতও পুনঃ পুনঃ সাক্ষ্য
দিয়াছে । যথা :—

পূর্বোক্ত শ্লোকগুলির পূর্বে যুধিষ্ঠিরের প্রতি ক্রপদের
উক্তি আছে—

“অরঞ্চ ব্রাহ্মণাঃ শীত্রং মম রাজন্ পুরোহিতঃ ।

প্রেষ্যতাং ধৃতরাষ্ট্রায় বাক্যমস্মৈ সমর্প্যতাম্ ॥”

—(উদ, ৪।২৬)

ঐ পুরোহিত ধৃতরাষ্ট্রের সভার তীব্র উক্তি প্রয়োগ করিলে, ভীষ্ম তাঁহাকে বলিয়াছিলেন—

“ভবতা সত্যমুক্তস্ত সৰ্বমেতন্ন সংশয়ঃ ।

অতিতীক্ষ্ণস্ত তে বাক্যং ত্রাস্কণ্যাদিতি মে মতিঃ ॥”

—(উদ্, ২০।৪)

দ্রৌপদীস্বরংবরসভায় অর্জুন কর্তৃক লক্ষ্যবেধের পর পাণ্ডবরা স্বীয় আবাসে প্রস্থান করিলে, তাঁহাদের পরিচয় লইবার জন্য দ্রুপদ রাজা ঐ পুরোহিতকে পাঠাইয়াছিলেন। যুধিষ্ঠির ভীমকে তাঁহার যথাবিধি অভ্যর্থনা করিবার উপদেশ প্রদান করিলে,

“ভীমস্ততস্তৎ কৃতবান্নরেন্দ্র,

তাকৈব পূজাং প্রতিগৃহ্ণ হর্ষাৎ ।

সুখোপবিষ্টস্ত পুরোহিতঃ তদা

যুধিষ্ঠিরো ত্রাস্কণ্যমিত্যুবাচ ॥”

—(আদি, ১৯৩।২২)

অতএব “দ্বিজেষু বৈভ্যাঃ শ্রেয়াংসঃ” ইহা দ্বারা “দ্বিজ-দিগের মধ্যে বৈভগগণই শ্রেষ্ঠ” কিরূপে বুঝা গেল ?

(খ) যুদ্ধের উদ্‌বোধ দেখিয়া ধৃতরাষ্ট্রপ্রেরিত সঞ্জয় যুধিষ্ঠিরকে বলিয়াছিলেন—

আপনি পরম ধার্মিক হইয়াও এবং কখনও কোনও অধর্ম না করিয়াও, এক্ষণে রাজ্যলোভে স্বজন ও গুরুজন-দিগের বিনাশরূপ ঘোর অধর্মকার্য্যে কিরূপে প্রবৃত্ত হইতেছেন ? ইহাতে আপনাকে নিন্দাতাজন হইতে হইবে, ইহা কি বুঝিতেছেন না ? তদন্তরে যুধিষ্ঠির বলিয়াছিলেন— আমি ধর্ম করিতেছি, কি অধর্ম করিতেছি, তাহা বিচার-পূর্ব্বক বুঝিয়া, তাহার পর আমাকে তিরস্কার করিবেন। আপৎকালে ধর্ম্মাধর্ম্মের ব্যতিক্রম করা শাস্ত্রেরই উপদেশ। যথা :—

“মনীষিণাং সত্ববিচ্ছেদনার

বিধীয়তে সংস্রু বৃত্তিঃ সদৈব ।

অত্রাস্কণ্যাঃ সন্তি তু যে ন বৈদ্যাঃ

সর্কোৎসঙ্গং সাধু মত্তেত তেভ্যঃ ॥”

—(উদ্, ২৮।৬)

নীলকণ্ঠীক—“মনীষিণাং মনসো নিগ্রহং কর্ত্ব-
মিচ্ছতাং, সত্ববিচ্ছেদনার সত্বস্ত বুদ্ধিসত্বস্ত চিদাত্মনা সহ

একীভূতস্ত বিচ্ছেদনার...পৃথকরণায়, সংস্রু সতাং গৃহেষু, বৃত্তিঃ জীবিকা শাস্ত্রে বিধীয়তে। আত্মাঘেষণায় সর্কসন্ন্যাস-পূর্ব্বকং ভিক্ষাচর্যাবিধানাং তেভ্যঃ ব্রাহ্মী বৃত্তিঃ কস্তাপি ন নিন্দয়। যে তু অত্রাস্কণ্যা অপি বৈভ্যাঃ বিত্তানিষ্ঠাঃ ন ভবন্তি, তেভ্যঃ ভিক্ষাচর্যাশ্চ অবিধানাং, তেভ্যঃ তেভ্যমর্থে সর্কোৎ-সঙ্গং...স্বধর্ম্মসংযোগম্ আপদনাপদোঃ উচিতং সাধু মত্তেত ॥”

সরলার্থ—যাহারা সর্কত্যাগপূর্ব্বক চিদাত্মার সহিত চিত্তসংযোগ করিতে ইচ্ছুক, অনশনক্লেশে ঐ চিত্তসংযোগের পাছে বিচ্ছেদ ঘটে, তজ্জন্তু তাঁহারা সং জাতির গৃহে ভিক্ষা করিতে পারেন। এই ভিক্ষারূপ ব্রহ্মচারিধর্ম্ম অবলম্বন করিলে, তাঁহারা কাহারও নিন্দনীয় হইবেন না। পরন্তু যাহারা অত্রাস্কণ (অর্থাৎ কলিত্রাদি) হইয়াও বৈভ (অর্থাৎ আত্মবিত্তানিষ্ঠ) নহে, তাহাদের ভিক্ষাচর্য্যের বিধান না থাকায়, কি আপৎকালে, কি অনাপৎকালে স্বধর্ম্মপালন করা উচিত মনে করিবে।

এতাবতা “অত্রাস্কণ্যাঃ সন্তি তু যে ন বৈভ্যাঃ” ইহার অর্থ—“বৈভগগণই প্রকৃত ব্রাহ্মণপদবাচ্য; অপর ব্রাহ্মণরা ব্রাহ্মণ নামের অনধিকারী” কিরূপে দাঁড়াইল ?—ঐরূপ অর্থ হইলে শ্লোকটির পূর্ব্বাপর অর্থ-সঙ্গতি কিরূপে ঘটে ? সঞ্জয় বলিলেন,—“আপনি পরম ধার্মিক হইয়া কিরূপে অধর্ম্ম করিতে যাইতেছেন ?” যুধিষ্ঠির তাহার উত্তর দিলেন,—“বৈভগগণই প্রকৃত ব্রাহ্মণপদবাচ্য, অপর ব্রাহ্মণরা ব্রাহ্মণ নামের অনধিকারী।” ইহা কি অবি-সংবাদিনী ব্যাখ্যা ? * বৈভুই যদি প্রকৃত ব্রাহ্মণপদবাচ্য, তাহা হইলে “ব্রাহ্মণ” বলিলে লোকে বৈভুকে বুঝে না কেন ? বৈভুরা নিজেই বা বুঝেন না কেন ? তাঁহারা আপনাদিগকে ব্রাহ্মণ বলিয়া পরিচয় দিতে কেবল “ব্রাহ্মণ” না বলিয়া, তাহার পূর্ব্ব “বৈভু” বিশেষণ যোগ করেন কেন ? তাঁহাদের প্রতিষ্ঠিত “বৈভু-ব্রাহ্মণ-সমিতি”ই ত ইহার জাজল্যমান উদাহরণ।

(গ) “সর্কবেদেষু নিষ্কাতঃ” ইত্যাদি উশনোবচনে ব্রাহ্মণ চিকিৎসকেরই লক্ষণ উক্ত হইয়াছে; বৈভুর লক্ষণ

* কেহ কেহ বলেন,—“যে মহাত্মারতে ‘দ্বিজেষু বৈভ্যাঃ শ্রেয়াংসঃ’ (ব্রাহ্মণদিগের মধ্যে বৈভগগণই শ্রেষ্ঠ) এবং ‘অত্রাস্কণ্যাঃ সন্তি তু যে ন বৈভ্যাঃ’ (বৈভগগণই প্রকৃত ব্রাহ্মণ, অপর ব্রাহ্মণরা ব্রাহ্মণই নহে) আছে, সে মহাত্মারতে ‘গাণালো ব্রাত্য বৈভ্রো চ’ কথা থাকিতেই পারে না। উহা কাহারও কল্পিত।” তাঁহারা এখন কি বলিতে চাহেন ?—লেখক।

নহে। 'প্রবোধনী'-লেখকের স্বকৃত অনুবাদেই তাহা প্রকাশ পাইতেছে। পূর্বেই বলা হইয়াছে, প্রাচীনতম কালে (যখন অষ্টজাতির উৎপত্তি হয় নাই, তখন) ব্রাহ্মণরাই চিকিৎসক ছিলেন; বর্তমান কালেও বহুসংখ্যক ব্রাহ্মণ চিকিৎসক আছেন।

(ঘ) অবৈষ্ণবকে ও মূর্খকে স্বেপার্জিত ধন ও বিষ্ণাধন দান করা বৈষ্ণবদিগের পক্ষে নিষিদ্ধ হওয়াতেই বৈষ্ণবরা ব্রাহ্মণ, এই কথাটা—অমুক স্থানের দাতব্য চিকিৎসালয়টা যখন কোনও অস্পৃশ্যজাতীরের টাকাতেই চলিতেছে, তখন সে জাতি অস্পৃশ্য হইতে পারে না,—এই কথাই অমুরূপ।

বৈষ্ণব কি এতই দাতা যে, আপামর সকলকে স্বেপার্জিত ধন দান করিয়া সর্বস্বাস্ত হইবে ভাবিয়া, বৈষ্ণবের দেব-দ্বিজকেও এবং অনশনক্লিষ্ট দীনদরিদ্রকেও এক কপ-র্দকও দিও না বলিয়া গৌতম তাঁহাদিগকে সাবধান করিয়া গিয়াছেন?

স্মার্তমাতেই জানেন, গৌতমবচনের অর্থ—বৈষ্ণব (অর্থাৎ বিষ্ণাবান্ ব্যক্তি) অবৈষ্ণবকে (অর্থাৎ বিষ্ণাহীন দায়াদকে) স্বেপার্জিত ধনের অংশ দিবে না।

(ঙ) “বৈষ্ণব কখনও বিষ্ণাহীনকে বিষ্ণার্জিত ধন দান করিবেন না” কাत्याয়নবচনের এই অর্থ হইলে বুঝিতে হয় যে, বৈষ্ণব ভিন্ন আর সকলেই বিষ্ণাহীনকে বিষ্ণাধনের অংশ দিবে।—তাহাই কি ঠিক? মন্বাদি শাস্ত্রকারগণ ত সাধারণের জন্তই ব্যবস্থা করিয়াছেন—স্বেপার্জিত ধনের ও বিষ্ণালক ধনের বিভাগ নাই। যথা :—

“বিষ্ণাধনস্ত যদ্ যশ্চ তৎ তস্মৈব ধনং ভবেৎ।”

—(মনু, ৯।২০৬)

“অনাশ্রিত্য পিতৃদ্রব্যং স্বশক্ত্যাপ্নোতি যক্ষনম্।
দায়াদেভ্যো ন তদ্ব্যাদ্ বিষ্ণালকঞ্চ যদ্ববেৎ ॥”

—(ব্যাস) ইত্যাদি।

“উপশ্লন্তে তু যন্নকং বিষ্ণয়া পণপূর্ককম্।

বিষ্ণাধনস্ত তদ্ বিষ্ণাদ্ বিভাগে ন নিয়োজয়েৎ ॥”

ইত্যাদিরূপ বিষ্ণাধনের লক্ষণ করিয়া, তার পরেই কাत्याয়ন বলিয়াছেন—

“নাবিষ্ণানাস্ত বৈষ্ণেন দেয়ং বিষ্ণাধনং কচিং।

সমবিষ্ণাধিকানাং দেয়ং বৈষ্ণেন তক্ষনম্ ॥”

প্রাচীন স্মার্তদিগের ব্যাখ্যাসূত্রে রঘুনন্দন দায়ভবে উহার ব্যাখ্যা করিয়াছেন—

“তন্মোচারিতবিষ্ণাপদম্ উভাত্যাং সম্বধ্যতে। তেন সমবিষ্ণাধিকবিষ্ণানাং ভাগঃ, ন তু ন্যনবিষ্ণাধিকবিষ্ণায়োঃ। বৈষ্ণেন বিষ্ণয়া।...এবমেব দায়ভাগমদনপারিজাতাদয়ঃ।”

অতএব উক্ত বচনের অর্থ—বিষ্ণাবান্ ব্যক্তি অন্নবিষ্ণব ও বিষ্ণাহীনকে বিষ্ণাধনের অংশ দিবে না। পরন্তু সমবিষ্ণব ও অধিকবিষ্ণবদিগকে দিবে।

৬। ঠৈঃ শ্রেঃ—বশিষ্ঠ, ধনস্তুরি, চন্দ্র প্রভৃতি বৈষ্ণব ছিলেন। ইহারা যে ইদানীন্তন বৈষ্ণবগণের কুল ও গোত্র-প্রবর্তক—তাহা বৈষ্ণবগণের সুবিদিত। যথা—

(ক) “ততঃ প্রকৃতিমান্ বৈষ্ণবঃ পিতুরেষাং পুরোহিতঃ।
বশিষ্ঠো ভরতং বাক্যমুখ্যায় তমুবাচ হ ॥”

—(রামা, অযো, ৭৭ অঃ)

(খ) “ক্ষীরোদমথনে বৈষ্ণো দেবো ধনস্তুরির্হ্যভূৎ।
বিভ্রৎ কমণ্ডলুং পূর্ণমমৃতেন সমুখিতঃ ॥”

—(গরুড় পুঃ)

(গ) চন্দ্রোহমৃতময়ঃ শ্বেতো বিধুর্বিমলরূপবান্।
যজ্ঞরূপো যজ্ঞভাগী বৈষ্ণো বিষ্ণাবিশারদঃ ॥”

—(বৃঃ ধর্ম পুঃ)

স্বতন্ত্র—যে-যে স্থানে যত বৈষ্ণব শব্দ আছে, সকলের অর্থই কি “জাতিবৈষ্ণব” ধরিতে হইবে? তাহা হইলে ত ব্রহ্মা, বিষ্ণু, মহেশ্বর—আত্রকস্তম্ব পর্যাস্ত—সকলকেই বৈষ্ণব বলিতে হয়। যে হেতু মহাদেবের “বৈষ্ণবাথ” নাম ত প্রসিদ্ধ; তদুপরি তাঁহার সহস্রনামের মধ্যে আছে—

(ঘ) “উদ্ভিৎ ত্রিবিক্রমো বৈষ্ণো বিরাজো নীরজোহমরুঃ।”
(মহা, অনু, ১৭।১৪৮)

(ঙ) বিষ্ণুসহস্রনামে আছে—

“বৈষ্ণো বৈষ্ণবঃ সদাযোগী বীরহা মাধবো মধুঃ।”

—(ঐ ১৪৯।৩১)

(চ) বটুকঠৈরবের স্তবে তাঁহার অষ্টোত্তরশতনামের মধ্যে আছে—

“সূর্কসিক্তিপ্রদো বৈষ্ণবঃ প্রভবিষ্ণুঃ প্রভাববান্।”

(ছ) পাণ্ডবদিগকেও বৈষ্ণব বলিতে হয়। যে হেতু,

কুন্তী স্বীয় পুত্রদিগের হৃদশয় ছঃখিত হইয়া শ্রীকৃষ্ণকে বলিয়াছিলেন—

“তে তু বৈশ্বাঃ কুলে জাতা অবস্ত্যা তাত পীড়িতাঃ ।”

—(মহা, উদ্, ১৩২।২৭)

(জ) মহর্ষি বাস্কীকি আদিকবি, স্মৃতরাং কবিরাজ । অতএব তিনিও বৈশ্ব ।

(ঝ) ‘প্রবোধনী’-লেখকের মতে বশিষ্ঠ যখন বৈশ্ব, তখন তাঁহার পুত্র শক্তি, শক্তির পুত্র পরাশর, পরাশরের পুত্র বেদব্যাসকে ত বীজপ্রভাবে ষাঁটি বৈশ্বই বলিতে হয় ।

(ক) ব্রহ্মার মানসপুত্র, সূর্য্যবংশের পুরোহিত বশিষ্ঠ জাতিতে বৈশ্ব ছিলেন, এ কথা শুনিলে হান্স সংবরণ করা যায় না । যাজনকার্য্যে ব্রাহ্মণ ভিন্ন আর কাহারও অধিকার নাই । যথা :—

“অধ্যাপনমধ্যয়নং যজনং যাজনং তথা ।

দানং প্রতিগ্রহশ্চৈব ষট্ কৰ্ম্মাণ্যগ্রজন্মনঃ ॥

জন্মো ধৰ্ম্মা নিবৰ্ত্তন্তে ব্রাহ্মণাং কল্লিয়ং প্রতি ।

অধ্যাপনং যাজনঞ্চ তৃতীয়শ্চ প্রতিগ্রহঃ ॥

বৈশ্বং প্রতি তথৈবৈতে নিবৰ্ত্তেরন্থিতি স্থিতিঃ ।

ন তৌ প্রতি হি তান্ ধৰ্ম্মান্ মনুরাহ প্রজাপতিঃ ॥”

(মনু, ১০।৭৫-৭৮)

অধ্যয়ন, অধ্যাপন, যজন, যাজন, দান ও প্রতিগ্রহ— এই ছয়টি ব্রাহ্মণের ধর্ম্ম । কল্লিয়ের পক্ষে তন্মধ্যে অধ্যাপন, যাজন ও প্রতিগ্রহ নিষিদ্ধ । বৈশ্বের পক্ষেও সেইরূপ ।

অতএব বৈশ্ব হইতে বৈশ্বাগর্ভজাত সাক্ষাৎ বৈশ্বেরই যখন যাজনবৃত্তি নিষিদ্ধ, তখন ব্রাহ্মণ হইতে বৈশ্বাগর্ভজাত বৈশ্বধর্ম্মা অধর্ষের এবং শূদ্র হইতে বৈশ্বাগর্ভজাত শূদ্রধর্ম্মা বৈশ্বের ত কথাই নাই । প্রাচীনকাল হইতে বর্ত্তমান কাল পর্য্যন্ত কোনও অধর্ষ ও বৈশ্বকে যাজনকার্য্য করিতে কেহ কখনও দেখেও না ও শুনেও না ।

বিখ্যামিত্র ব্রাহ্মণত্বলাভের জন্য কেন কঠোর তপস্বী করিয়াছিলেন, তাহা আবাল-বৃদ্ধ-বনিতা প্রায় সকলেই জানে । মহাত্মারতীর আদিপর্কের ১৭৫ অধ্যায়ের বর্ণনা সংক্ষেপে উদ্ধৃত করিতেছি । ইহা পাঠ করিলেই জানিতে পারিবেন,—বশিষ্ঠ বৈশ্ব ছিলেন, কি ব্রাহ্মণ ছিলেন ।

বহু-সৈন্তসংবলিত বিখ্যামিত্র বশিষ্ঠের কামধেয় নন্দিনীকে পাইবার ইচ্ছায় তর্ষিনিময়ে এক অর্কুদ খেয়ু বশিষ্ঠকে দিতে চাহিয়াছিলেন । বশিষ্ঠ তাহাতে অসম্মতি প্রকাশ করিলে বিখ্যামিত্র তাঁহাকে বলিয়াছিলেন,—

“কল্লিয়োহহং ভবান্ বিপ্রস্তপঃস্বাধ্যায়সাধনঃ ।

ব্রাহ্মণেবু কুতো বীর্য্যং প্রশান্তেবু ধৃতান্নম্ ॥”

আমি কল্লিয়, আপনি ব্রাহ্মণ ; ব্রাহ্মণের প্রতি বল-প্রয়োগ কাহারও উচিত নহে ।

কিন্তু আপনি যখন এক অর্কুদ গাভী লইয়া একটি গাভী দিতে চাহিতেছেন না, তখন অগত্যা আমি স্বধর্ম্মানুসারে বলপূর্ব্বক উহা লইয়া যাইব । এই বলিয়া বিখ্যামিত্র হরণ করিতে প্রবৃত্ত হইলে নন্দিনী কাতর নয়নে বশিষ্ঠের দিকে চাহিয়া রহিল । তখন বশিষ্ঠ তাহাকে বলিলেন,—

“হ্রিয়সে হং বলাদ্ ভদ্রে বিখ্যামিত্রেণ নন্দিনি ।

কিং কৰ্ত্তব্যং ময়া তত্র ক্রমাবান্ ব্রাহ্মণোহস্ম্যহম্ ॥”

বিখ্যামিত্র তোমাকে বলপূর্ব্বক লইয়া যাইতেছেন, আমি কি করিতে পারি । আমি যে ক্রমাশীল ব্রাহ্মণ ।

“কল্লিয়ানাং বলং তেজো ব্রাহ্মণানাং ক্রমা বলম্ ।

ক্রমা মাং ভজতে যস্মাদ্ গম্যতাং যদি রোচতে ॥”

কল্লিয়ের তেজই বল, ব্রাহ্মণের ক্রমাই বল । সেই ক্রমা আমাকে আশ্রয় করিয়া আছে । তোমার ইচ্ছা হয়, তুমি গমন কর ।

তখন নন্দিনী আপন অঙ্গ-প্রত্যঙ্গ হইতে বহু সৈন্তের সৃষ্টি করিয়া তাহাদের দ্বারা বিখ্যামিত্রের অমিত সৈন্তকে পরাস্ত করাইল । ব্রহ্মতেজের এই আশ্চর্য্য প্রভাব দেখিয়া বিখ্যামিত্র বলিলেন,—

“ধিগ্ বলং কল্লিয়বলং ব্রহ্মতেজো বলং বলম্ ।”

কল্লিয়ের বলে ধিক্, ব্রহ্মতেজোরূপ বলই পরম বল ।

এই বলিয়া তিনি রাজ্যৈশ্বর্য্য পরিত্যাগপূর্ব্বক কঠোর তপস্বীর প্রভাবে,—

“ততাপ সৰ্কান্ দীপ্তৌজা ব্রাহ্মণম্বমবাপ্তবান্ ।”

সৰ্কলোককে তাপিত করিয়া ব্রাহ্মণত্ব প্রাপ্ত হইয়াছিলেন ।

উক্ত শ্লোকে বশিষ্ঠের বিশেষণ যে বৈশ্ব আছে, রামানুজ

তাহার অর্থ করিয়াছেন,—“বৈশ্বঃ সর্কজঃ । সর্কজাতিবর্জো বৈশ্বো ইতি কোষঃ ।” (বৈশ্ব-সর্কবিজ্ঞাভিঞ্জ)।

(খ) ধমন্তরি নামে অনেক ব্যক্তি ছিলেন—সমুদ্র-মহনে উৎপন্ন এক ধমন্তরি ; কাশিরাজের পুত্র দীর্ঘতমাঃ, তৎপুত্র এক ধমন্তরি ; বিক্রমাদিত্যের নবরত্নসভার এক ধমন্তরি ; ইত্যাদি । তাঁহাদের মধ্যে কেহ জাতিতে বৈশ্ব থাকিলেই বা তাহাতে ইষ্টোপপত্তি কি ? পরন্তু গরুড়পুরাণ হইতে যে সমুদ্রমথনোদ্ভূত ধমন্তরির উল্লেখ করা হইয়াছে, তিনি নারায়ণের অংশ । যথা,—

“অখোদধের্ম্মখ্যমানাং কাশ্যপৈরমৃতার্থিভিঃ ।

উদতিষ্ঠন্নহারাজ পুরুষঃ পরমাদ্বিতঃ ॥

* * * * *

স বৈ ভগবতঃ সাক্ষাদ্ বিষ্ণোরংশাংশসম্ভবঃ ।

ধমন্তরিরিতি খ্যাত আয়ুর্বেদদৃগিজ্যাতাক্ ॥”

(ভাগবত ৮।৮।৩১-৩৫)

তিনি ঐরাবতাদির ছায় অযোনিসম্ভব ; স্মতরাং জাতিতে বৈশ্ব ছিলেন না । সমুদ্রগর্ভে ত আর বৈশ্ব জাতির বাস ছিল না যে, তিনি তৎস্থানে জন্মগ্রহণ করিয়া সমুদ্র হইতে উঠিয়াছিলেন । “রোগহারী” অর্থে গরুড়পুরাণে তাঁহাকে বৈশ্ব বলা হইয়াছে ।

(গ) বৃহৎসমুদ্রপুরাণে চন্দ্রস্তবে চন্দ্রকে যে বৈশ্ব বলা হইয়াছে, তাহা ওষধির অধিপতি চন্দ্র ওষধি দ্বারা রোগ-প্রতীকারক বলিয়া (১ সংখ্যায় প্রদর্শিত “ওষধয়ঃ সংবদন্তে সোমেন সহ রাজা” ইত্যাদি ঋক্ জটব্য) ।

(ঘ) মহাদেবসহস্রনামে যে “বৈশ্ব” শব্দ আছে, নীলকণ্ঠ তাহার অর্থ করিয়াছেন,—

“বৈশ্বঃ বিজ্ঞাবান্ ।”

(ঙ) বিষ্ণুসহস্রনামে বৈশ্ব শব্দের শাক্তর ভাষ্য,— “সর্কবিজ্ঞানাং বেদিত্বাং বৈশ্বঃ ।”

(চ) বটুকস্তবেও বৈশ্ব শব্দের ঐরূপ অর্থ ।

(ছ) মহাভারতে কুন্তী পাণ্ডবদিগকে যে বৈশ্ব বলিয়াছিলেন, তাহার অর্থ নীলকণ্ঠের টীকায়—“বৈশ্বাঃ বিজ্ঞাবস্তঃ ।”

অতএব দেখা যাইতেছে, তাহার উদ্ধৃত স্মার্ত বচন-গুলির মধ্যে কোনটিতেই বৈশ্ব শব্দের অর্থ জাতিবৈশ্ব নহে ।

বৈশ্বদিগের শক্তি, বিশিষ্ট প্রভৃতি গোত্র আছে বলিয়াই যদি তাঁহারা তত্তদগোত্রসম্বৃত ব্রাহ্মণ হন, তাহা হইলে কায়স্থদিগের গর্গ, গৌতম, ভরদ্বাজ ইত্যাদি এবং তেলী, তামলী, কামার, কুমার প্রভৃতিরও কাশ্যপ, শাণ্ডিল্য, ভরদ্বাজ ইত্যাদি গোত্র থাকায় তাঁহারাও কি ব্রাহ্মণ ? বৈশ্বদিগের চন্দ্র গোত্র থাকায় তাঁহাদিগকে দেবতাও ত বলা যাইতে পারে । এই জটাই বোধ হয় (চন্দ্র গগনচারী বলিয়া) “অধ্বঃ খচরো বৈশ্বঃ” এই প্রবাদটা প্রচলিত আছে,— যাহাকে লক্ষ্য করিয়া ‘প্রবোধনী’-লেখক লিখিয়াছেন,— “কেহ বা বৈশ্বগণকে ‘জারজ’ অথবা ‘বর্গসঙ্কর’ কিংবা ‘অজাত’ বলিয়া গালি দেয়।” পরন্তু মহাভারতের প্রামাণ্যে (১ সংখ্যায় বৈশ্ব শব্দের ৩য় অর্থ জটব্য) বৈশ্ব বলিয়া যখন একটা জাতি আছে, তখন বৈশ্বকে ‘অজাত’ বলিয়া আমরাও স্বীকার করি না ।

গোত্র সম্বন্ধে স্মৃতিনিবন্ধকারদিগের অভিমত নিরে প্রদর্শিত হইতেছে । রঘুনন্দন উদ্বাহতস্থে লিখিয়াছেন,—

“বংশপরম্পরাপ্রসিদ্ধমাদিপুরুষব্রাহ্মণরূপং গোত্রম্ । রাজত্ববিশাং প্রাতিশ্বিকগোত্রাভাবাং পুরোহিতগোত্র-প্রবরো বেদিতব্যো । শূদ্রস্ত তু, বৈশ্ববচ্ছৌচকল্পশ্চেতি মনুবচনে চকারসমুচ্চিতগোত্রেহপি বৈশ্বধর্ম্মাতিদেশাং পুরোহিতগোত্রভাগিৎসং প্রতীয়তে ।”

অর্থাৎ প্রত্যেক বংশের আদিপুরুষভূত ব্রাহ্মণকেই গোত্র বলে । স্মতরাং ব্রাহ্মণ ভিন্ন আর কোনও বর্ণেরই গোত্র সম্ভবে না । অথচ বিবাহাদি-ধর্ম্মকর্ম্মানুষ্ঠানে সর্কবর্ণেরই গোত্রোল্লেখ শাক্তাদিষ্ট হওয়ার কল্পিত, বৈশ্ব ও শূদ্রের স্বয়ং গোত্রের অভাব হেতু পূর্বপুরুষীয় পুরোহিতদিগের গোত্রই তাহাদের গোত্র জানিবে ।

৭। বৈশ্ব শ্রুতি—আয়ুর্বেদকে যখন পুণ্যতম বেদ বলা হইয়াছে (যথা,—“তত্ত্বায়ুঃ পুণ্যতমো বেদো বেদবিদ্যাং মতঃ”—চরক, সূত্র, ১ অঃ), তখন এই বেদের ও অজ্ঞাত শাক্তের অধ্যাপক ব্রাহ্মণ ভিন্ন কে হইতে পারে ?

বস্তু-ব্য—“প্রবোধনী”-লেখকের মতে আয়ুর্বেদ যখন বেদ, বেদের অধ্যাপক যখন ব্রাহ্মণ ভিন্ন আর কেহ হইতে পারে না এবং বৈশ্বই যখন সেই আয়ুর্বেদের অধ্যাপক, তখন বৈশ্ব স্মতরাং ব্রাহ্মণ ।

পূর্বেই (১ সংখ্যায়) দেখাইয়াছি, আয়ুর্বেদ বেদ

নহে (উপবেদ) । সুশ্রুতেও আছে,—“ইহ ধ্বায়ুর্বেদো নাম যজুপাজমধর্কবেদস্ত ।” সুশ্রুত ত্রৈবর্গিককেই আয়ুর্বেদের অধ্যাপক বলিয়াছেন এবং শূদ্রেরও আয়ুর্বেদাধ্যয়নের বিধি দিয়াছেন (৪ সংখ্যার দ্রষ্টব্য) । আয়ুর্বেদ বেদ হইলে শূদ্রের অধ্যয়ন করিবার এবং তাহাকে তদধ্যয়ন করাইবার বিধি থাকিত না ।

‘প্রবোধনী’-লেখক নিশ্চিতই স্বয়ং বৈষ্ণব এবং বৈষ্ণব-শাস্ত্রের অধ্যাতা ও অধ্যাপক ; কিন্তু ঐ শাস্ত্রে যে তাঁহার সম্যক ব্যুৎপত্তি জন্মে নাই, তাহার পরিচয় পাওয়া যাইতেছে । ব্যুৎপত্তি জন্মিলে, “তশ্চায়ুষঃ পুণ্যতমো বেদঃ” ইহার অর্থ “আয়ুর্বেদ পুণ্যতম বেদ” কখনই লিখিতেন না । চরকে—

“হিতাহিতং সুখং দুঃখমায়ুস্তস্ত হিতাহিতম্ ।
মানঞ্চ তচ্চ যত্রোক্তমায়ুর্বেদঃ স উচ্যতে ॥”

এইরূপ আয়ুঃ ও আয়ুর্বেদের লক্ষণ করিয়া তৎপরেই বলা হইয়াছে,—

“তশ্চায়ুষঃ পুণ্যতমো বেদো বেদবিদ্যাং মতঃ ।
বক্ষ্যতে যন্নমুখ্যাণাং লোকয়োরুভয়োহিতঃ ॥”

“তস্ত আয়ুষঃ বেদঃ বক্ষ্যতে”—সেই আয়ুর বেদ অর্থাৎ আয়ুর্বেদ (“অর্থেদশমূলীয়”-নামক এই সূত্রস্থানের ত্রিংশ অধ্যায়ে) বলা হইবে ।

সুশ্রুত আয়ুর্বেদ শব্দের ব্যুৎপত্তি করিয়াছেন,—
“আয়ুরস্মিন্ বিত্ততে, অনেন বা আয়ুর্বিন্দতীতি আয়ুর্বেদঃ” (সূত্রস্থান) যাহাতে আয়ুর বিষয় আছে বা যাহার সাহায্যে আয়ুর জ্ঞান হয়, অথবা দীর্ঘায়ু লাভ করে, তাহাকে আয়ুর্বেদ বলে । ‘প্রবোধনী’-লেখকের “মহর্ষিকল্প গঙ্গা-ধর”ও ঐ শ্লোকের টীকায় লিখিয়াছেন,—“বিদ বিচারণে, বিদ লাভে, বিদ জ্ঞানে ইত্যেতেষু অর্থেষু বেদয়তি বিন্দতি বেত্তি বা অনেন অস্মিন্ বেত্তি বেদ ইতি সুশ্রুতানুসারিণঃ ।” অতএব দেখা যাইতেছে, আয়ুর্বেদকে বেদ কেহই বলেন নাই । উক্ত শ্লোকে বেদ শব্দের অর্থ,—সত্তা, বিচার, জ্ঞান বা লাভ (“বেদ” নহে)—আয়ুর্বেদজ্ঞমাত্রেই ইহা জানেন । ‘প্রবোধনী’-লেখকের সে জ্ঞানের অভাবই পরি-
লক্ষিত হইতেছে ।

৮। টৈবঃ ৩ঃ—জয়ানন্দ চক্রবর্তী-কৃত প্রাচীন বৈষ্ণবগ্রন্থ “চৈতন্যমঙ্গলে”ও লিখিত আছে,—

“বৈষ্ণব্রাহ্মণ যত নবদ্বীপে বৈসে ।
মহোৎসব করে সবে মনের হরিষে ॥”

এখানে বৈষ্ণব ও ব্রাহ্মণ এইরূপ অর্থ করিলেও পূর্বে বৈষ্ণবের উল্লেখ থাকায় বৈষ্ণবই শ্রেষ্ঠত্ব সূচিত হইতেছে । অত্য়াপি বহু স্থানেই বহু বৈষ্ণব-সন্তান “বৈষ্ণব ব্রাহ্মণ” বলিয়া আত্মপরিচয় দিয়া থাকেন এবং অত্যান্য জাতির অনেকে স্থলেই বৈষ্ণবগণকে “বদি বামুন” বলেন ।

বস্তুত্ব্য—‘প্রবোধনী’-লেখক “অভ্যাহিতঞ্চ” (বস্তু-সমাসে শ্রেষ্ঠপদার্থবোধক পদের প্রাগ্ভাব হয়) এই পাণিনীয় বার্তিক সূত্র অনুসারে, “চৈতন্যমঙ্গলে” বৈষ্ণব্রাহ্মণ থাকায়, বৈষ্ণবকে ব্রাহ্মণ অপেক্ষা শ্রেষ্ঠ বলিয়াছেন । এইরূপ বলায় বৈষ্ণব ও ব্রাহ্মণের পার্থক্যই সূচিত হইতেছে ; সুতরাং “বৈষ্ণব-গণই প্রকৃত ব্রাহ্মণপদবাচ্য, অপর ব্রাহ্মণরা ব্রাহ্মণ-নামের অনধিকারী” তাঁহার এই স্বীয় উক্তি ব্যাহত হইয়া পড়িতেছে । পরন্তু বাঙ্গালা ভাষায় সর্বত্র সংস্কৃত ব্যাকরণের নিয়ম খাটে না । এইজন্যই কয়েত-বামুন, ধোপা-নাপিত, কাক-কোকিল, মুড়ি-মিছরি ইত্যাদি পদ বাঙ্গালায় বহুল প্রচলিত । সংস্কৃতেও উক্ত নিয়মের ব্যতিচার দেখা যায় । যথা,—

“গন্ধর্কামরসিদ্ধকিন্নরবধু” (বাগ্মীকিকৃত গঙ্গাষ্টক)
“ব্রহ্মেশগুহবিষ্ণুনাং” (চণ্ডী), “মাদোরত্নৈরিবার্ণবঃ”
(কালিদাস) ইত্যাদি ।

তজ্জন্যই “বাসুদেবার্জুনাভ্যাং বুন্” এই পাণিনি-সূত্রের ভাষ্যের উপর তত্ত্ববোধিনীকার লিখিয়াছেন,—

“তদপ্যানিত্যং শ্ববমঘোনামিত্যাদিলিঙ্গাৎ ইত্যবধেয়ম্ ।”
অর্থাৎ যদিও ভাষ্যকার প্রসঙ্গক্রমে লিখিয়াছেন যে, অর্জুন অপেক্ষা অভ্যাহিত বলিয়া উক্ত সূত্রে বাসুদেবের প্রাগ্ভাব হইয়াছে, তথাপি ঐ সূত্রের কার্য অনিত্য জানিবে ; যে হেতু সূত্রকার স্বয়ং “শ্ববমঘোনামিত্যাদিত্যে” এই সূত্রে প্রথমেই শ্বন্ (কুকুর), তার পর যুবন্ এবং তার পর মঘবন্ (ইন্দ্র) ধরিয়াছেন । অতএব শ্বন্-মঘবন্-এর স্থায়ী বৈষ্ণব-ব্রাহ্মণ বলাও চলিতে পারে ।

“বহু স্থানেই বহু বৈষ্ণবসন্তান বৈষ্ণব্রাহ্মণ বলিয়া আত্ম-পরিচয় দিয়া থাকেন” ইহা দ্বারা বুঝা যাইতেছে,—সর্বত্র

সর্ববৈষ্ণব ঐরূপ আত্মপরিচয় দেন না। ইহাও বৈষ্ণব ব্রাহ্মণের তরফের একটা কারণ নয় কি? পরন্তু আত্মপরিচয়-দান প্রমাণ বলিয়া গণ্য হইতে পারে না। যে হেতু, অনেক অন্ত্যজও ব্রাহ্মণ বলিয়া আত্মপরিচয় দিয়া অনেকের বাটীতে রন্ধনকার্য্য করে।

ইতর লোক যাহার গলায় পইতা দেখে, তাহাকেই “বামুন” মনে করে। এই জন্ত তাহারা ভাটবামুন, আচাজ্জি বামুন, ছেত্তিরবামুন, বন্দিবামুন ইত্যাদি বলিয়া থাকে।

৯। বৈষ্ণব শ্রী—মহাদি স্মৃতির মতে একমাত্র ব্রাহ্মণেরই উপনয়নে কার্পাসসূত্রময় উপবীত, মোঞ্জী মেখলা, বিঘ বা পলাশ দণ্ড ও কৃষ্ণসারচন্দ্র ধারণের বিধি আছে (মহু, ২।৪২-৪৪)। বৈষ্ণবগণকে চিরদিন ব্রাহ্মণোচিত বিধি অনুসারেই উপনীত করা হয়। বৈষ্ণবোচিত মেঘলোমের উপবীত বা শগতস্কময়ী মেখলা প্রভৃতি দেওয়া হয় না। বৈষ্ণব ব্রাহ্মচারী ভিক্ষাগ্রহণকালে অত্র ব্রাহ্মণ-বালকের মতই “ভবতি ভিক্ষাং দেহি” বলিয়া থাকেন। বৈষ্ণবোচিত উপনয়ন হইলে “ভিক্ষাং দেহি ভবতি” বলিবার ব্যবস্থা হইত (মহু, ২।৪৯)। অতএব ব্রাহ্মণোচিত উপনয়ন-সংস্কার দ্বারাও বৈষ্ণব ব্রাহ্মণত্বই প্রতিপন্ন হইতেছে।

বক্তব্য—(বৈষ্ণব অর্ঘ্য হইতে পৃথক্—পরে ১৪ সংখ্যায় ‘প্রবোধনী’-লেখকের সিদ্ধান্ত দ্রষ্টব্য) অমুলোমজ বলিয়া অর্ঘ্যের বৈষ্ণবোচিত উপনয়ন-সংস্কার আছে বটে; কিন্তু প্রতিলোমজ বলিয়া বৈষ্ণব উপনয়ন-সংস্কারই নাই, ব্রাহ্মণোচিত কার্পাসোপবীতাদির কথা “শিরো নাস্তি শিরোব্যথা”র দ্বারা। বৈষ্ণবগণকে যে “চিরদিন ব্রাহ্মণোচিত বিধি অনুসারে উপনীত করা হয়,” সে চিরদিনটা কত কাল হইতে?—আর্ষ যুগ হইতে, না রঘুনন্দনের সময় হইতে, অথবা “ঋষিকল্প গঙ্গাধর, উমেশচন্দ্র, প্যারী-মোহন প্রভৃতি বৈষ্ণবকুলে আবির্ভূত” হইবার পর হইতে? বৈষ্ণব ব্রাহ্মচারীকে ব্রাহ্মণোচিত “ভবতি ভিক্ষাং দেহি” বলিয়া ভিক্ষা করিবার ব্যবস্থা কে দিয়াছেন?—কোনও প্রাচীন স্মৃতিনিবন্ধকার, না “ঋষিকল্প গঙ্গাধর” প্রভৃতি কিংবা পত্রলেখক “স্মার্ত্তপ্রবর”গণ?

মহু ব্রাহ্মণের পক্ষেই কার্পাসোপবীত বিধান করিলেও সর্বদেশের ক্ষত্রিয়, বৈষ্ণব ও অর্ঘ্যগণ পুরুষানুক্রমে কার্পাসোপবীতই ধারণ করেন, ইহা সকলেরই প্রত্যক্ষ। তাহারা

ব্রাহ্মণবৎ মেখলাদণ্ডাদিও ধারণ করিয়া থাকেন। যে হেতু, ত্রৈবর্গিকের কার্পাসোপবীতাদিও শাস্ত্রবিহিত। যথা গোভিল—“অলাভে বা সর্কানি সর্কেষাম্” অর্থাৎ ব্রাহ্মণাদি ব্রাহ্মচারীর বসনাদি সঙ্ক্কে বিশেষ করিয়া যাহা যাহা বলা হইল, তাহাদের অপ্রাপ্তিতে সকলেই একপ্রকার বসনাদি ব্যবহার করিতে পারে। অতএব ইহা দ্বারা বৈষ্ণব ব্রাহ্মণত্ব সুপ্রতিপন্ন না হইয়া সুব্যাপন্নই হইতেছে।

১০। বৈষ্ণব শ্রী—বৈষ্ণব প্রতিগ্রহাধিকার। রামায়ণে দেখা যায়, ভগবান্ রামচন্দ্র ভরতকে জিজ্ঞাসা করিতেছেন—

“কচ্চিদ্ বৃদ্ধাংশ্চ বালাংশ্চ বৈষ্ণবমুখ্যাংশ্চ রাধব।
দানেন মনসা বাচা ত্রিভিরেটতর্বিভূষসে ॥”

—(অযো, ১০০ সর্গ)

অর্থাৎ হে রাধব, তুমি বৃদ্ধ, বালক ও শ্রেষ্ঠ বৈষ্ণবদিগকে অর্থদান, মঙ্গলজিজ্ঞাসা ও প্রিয়বাক্য দ্বারা সন্তুষ্ট রাখিতেছ ত?

ভূমিদান সর্কাসেপেক্ষা শ্রেষ্ঠ দান। ব্রাহ্মণ ভিন্ন আর কেহই ভূমিপ্রতিগ্রহ করিতে অধিকারী নহেন। পূর্বকালের বৈষ্ণব পণ্ডিতগণকে প্রদত্ত বহু ব্রহ্মোত্তর জমী এখনও বহু স্থলেই বর্তমান আছে।

বক্তব্য—রামচন্দ্রের ঐরূপ প্রশ্ন করাতেই যদি বৈষ্ণব প্রতিগ্রহাধিকার সিদ্ধ হয় এবং ঐরূপ প্রতিগ্রহাধিকার থাকতেই যদি বৈষ্ণব ব্রাহ্মণ হয়, তাহা হইলে উক্ত শ্লোকে সামান্ততঃ “বৃদ্ধান্” ও “বালান্” থাকায় সর্বজাতীয় বৃদ্ধ ও বালককেও ব্রাহ্মণ বলিতে হয়। পূর্বকালে বহু হিন্দু ভূম্যধিকারী তাহাদের বাটীতে হুর্গোৎসবাদি উপলক্ষে প্রতিমা গড়িবার জন্ত কুমারকে, ফুল যোগাইবার জন্ত মালীকে, পরিচর্যা করিবার জন্ত নাপিতকে, ঢাক বাজাইবার জন্ত মুচিকে এবং যাত্রা করিবার জন্ত অধিকারীদিগকে জমী দিয়া রাখিয়াছেন। তাহাদের বংশাবলী অত্মপি ঐ সকল ভূমি ভোগদখল করিতেছে। তাই বলিয়া তাহারাও কি ব্রাহ্মণ?

ফলের তারতম্য থাকিলেও ব্রাহ্মণ অত্রাহ্মণ—আচণ্ডাল-সকল জাতিকেই দান করিবার বিধি আছে। যথা :—

“সমমব্রাহ্মণে দানং দ্বিগুণং ব্রাহ্মণব্রহ্মবে।

প্রাধীতে শতসাহস্রমনস্তং বেদপারগে ॥”

—(মহু, ৭।৮৫)

(সম = সমকল অর্থাৎ যে দানের যে ফল উক্ত হইয়াছে, তাহাই)।

“সর্বত্র গুণবদানং স্বপাকাদিষপি স্বতম্।”

(বৃহস্পতি)

(গুণবৎ = ফলবৎ, স্বপাক = চণ্ডাল)।

বস্তুতঃ উক্ত শ্লোকে যে “বৈত্য়” আছে, টীকাকারদিগের মতে তাহার অর্থ পূর্ববৎ (৩ সংখ্যায় দ্রষ্টব্য) বিজ্ঞান বা চিকিৎসানিপুণ।

বনবাসকালে পাণ্ডবরা রাজর্ষি আষ্টিবেগের আশ্রমে উপস্থিত হইলে, তিনি যুধিষ্ঠিরকে যে সকল প্রশ্ন করিয়াছিলেন, তন্মধ্যেও ঐরূপ প্রশ্ন আছে। যথা :—

“কচ্চিৎ তে গুরবঃ সর্বে বৃদ্ধা বৈত্য়শ্চ পূজিতাঃ।”

—(মহা, বন, ১৫৯৭)

নীলকণ্ঠের টীকা—“বৈত্য়ঃ বিজ্ঞান বিদিতাঃ ॥”

[ক্রমশঃ।

শ্রীশ্রামাচরণ কবিরত্ন বিজ্ঞাবারিধি।

জেনারেল স্মারাইল



জেনারেল স্মারাইল

মেকর জেনারেল মরিস পল ইমানুয়েল স্মারাইল সিরিয়া দেশে ফরাসী হাই কমিশনার। ইনিই দামাস্কস-ধ্বংসে প্রধান নেতা। যখন জেনারেল ওয়েগাও ফরাসী হাই কমিশনাররূপে সিরিয়া শাসনে নিযুক্ত ছিলেন, তখন তিনি সিরিয়ার পার্শ্বত্যা জাতিদিগের মধ্যে শান্তিপ্রতিষ্ঠা করিয়াছিলেন। এই পার্শ্বত্যা জাতিরাই ক্রমাগত ফরাসী অধিকারের মধ্যে আপত্তিত হইয়া বিশৃঙ্খলার সৃষ্টি করিতেছিল। তিনি ডুবুজ সর্দার সুলতান পাশা আলট্রাসের সহিত সন্ধি স্থাপন করেন। জেনারেল ওয়েগাওর পূর্ববর্তী ফরাসী হাই কমিশনার ডুবুজ সর্দার আলট্রাসকে কারারুদ্ধ করিয়া রাখিয়াছিলেন। জেনারেল ওয়েগাও যখন আলট্রাসের সহিত সন্ধি স্থাপন করেন, সেই সময় তিনি উক্ত সর্দারকে এইরূপ অঙ্গীকারে মুক্তি দেন যে, ভবিষ্যতে আলট্রাস তাঁহাদের সহিত শান্তিতে বাস করিবে। ইহা মাত্র এক বৎসর পূর্বের কথা। তাহার পরই জেনারেল স্মারাইল

হাই কমিশনার হইয়া আইসেন। জার্মানযুদ্ধকালে স্মারাইল সামোমিকায় ফরাসী সেনাদলে নেতৃত্ব করিয়াছিলেন, কিন্তু ১৯১৭ খৃষ্টাব্দের ডিসেম্বর মাসে ফরাসী প্রধান মন্ত্রী ক্লিমেন্স তাঁহাকে পদচ্যুত করেন। জার্মান-যুদ্ধের সমাপ্তি পর্যন্ত স্মারাইল কোনও সেনাদলে নেতৃত্ব করিতে পায়েন নাই। তাহার পর বার্ককোর অজুহতে তাঁহাকে কর্মক্ষেত্র হইতে অবসর দান করা হয়। হিরিয়ট গবর্নমেন্টের আমলে আবার তাঁহাকে সেনাদলে গ্রহণ করা হয়। জেনারেল স্মারাইল সিরিয়ায় উপস্থিত হইয়াই জেনারেল ওয়েগাওর প্রবর্তিত শান্তিনীতির আমূল পরিবর্তন করেন। ইহা হইতেই সিরিয়ার যত গোলযোগের উদ্ভব হইয়াছে।



ডুবুজ সর্দার সুলতান পাশা আলট্রাস



স্মরণধূনী

মহি স্মরণধূনী পতিতপাবনী তুমি স্নাতনী সারাৎসারা
 মহি বা অবলা, কন্যাগরিতচরণকমল-সধুর-ধারা ।
 তুমি তরলিত স্নানকাষনা, বিধি ভূমার কুহর হ'তে,
 কবে বাহিরিলে স্রষ্টার মহাবল্লভ স্নান ভাসারে শ্রোতে ।
 সজীব রেখেছ পারিজাত বন, কনক রাজীব তোমাতে ফুটে
 পুরন্দরের মন্দার বলি লভিলে জিহবে উর্ধ্বপুটে ।
 স্মরণলনার তনু-পরিমলে-স্মরণভি, শীতল বহিরা বারি
 মানবে ভরিতে নেমেছ মহীতে বেদনা সহিতে স্থালোক ছাড়ি ।
 তুমি হরহরি-বিলন-স্বধুরী ধারারূপ ধরি' মধুপ্রণা
 স্মরণলোক হ'তে পরিবহ পথে কল্লোলময়ী কণপ্রতা ।
 স্মরণ-বীণার হরিনামাস্মৃতে দর-প্রেক্ষাশ্রু ধারার পীনা
 হরের অটহান্তে কেনিলা কভু বা গিজলটার সীনা ।
 নীরস শুক সেই অটীজাল সরস করেছ হে রসমরি,
 বিনিময়ে নব উপোগৌরব লভেছ শিবের শীর্ষে রহি ।
 উমানুধ আর লগাট শশীর বিধ পতকে রচিতা মালা
 ফুলানে হরের কণ্ঠে তরলা জুড়ালে তাহার পরল-জালা ।
 শূসীর মৌলি-কপীর মাণিকে স্মরণা পেয়েছ কনক দেহে
 হিমাচল তোমা পেলেছে বন্ধে শুভ্র মধুর তুবার স্নেহে ।
 পাষণ্ডরাজের মর্দ-উৎসে হরিনা নিখিল বৎসলতা
 তুমি বৎসলা জননী হয়েছ—বুঝিতে শিখেছ মোদের ব্যথা ।
 আছে দেবতার ধ্বংসরি, তব স্মৃতিকা পেয়েছি মোরা
 আমরা হারিনি পেয়েছি ও বারি, স্মরণ কলস তরক ওরা ।

তুমি যোগধারা স্বর্গে মর্ভে, ইহ পরজে, দেবতা-নরে,
 মহাপারাবারে মহামহীধরে, অমৃতে ও মৃতে আত্মাজড়ে
 স্মৃতিপথের সাধনা দিয়েছ ভারতে নিখিল বিরোধজরে
 মহামিলনের নবীন স্বর্গ গড়েছ বন্দ সম্বরে ।
 ভারত-দেহের প্রধান ধমনী, শোণিত-জীবন সকারিয়া
 স্মরণ-পিণ্ড স্পন্দিত করি রেখেছ তাহারে সজীবিয়া
 হুঁটি বাহ-ভট বিস্তার করি স্রষ্টার সেই আদিম প্রাতে
 ভারতমাতার ইহসংসার গড়িলে স্মরণ-শোণিতপাতে ।
 কুশলসুন্দর মরুদেশ হ'তে আর্ধ্যপণেরে আনিলে ডেকে
 পালিলে খাতী বটচূড় ছায়ে মা'র মমতার ফলরে রেখে ।
 যোগারেছ তুমি বজ্রের হবি, অমৃত অর দিয়াছ হাস
 পরায়েছ স্মরণ-পটবসন, পূজার দিয়েছ কুহররাপি ।
 উপোষন শত রচিতাছ সাতঃ, হিমাচল হ'তে অজবেশ
 তীর্থারতনে মঠমন্দিরে ধরেছে অঙ্গে দত্তিবেশ ।
 শোভি শিলাতীর প্রক মমের শাল শালনী খন্দির বটে
 স্মরণকাম'র তুবা-বননে ডেকেছ আর্থে আত্মতটে ।
 স্মরণ-ভার্গব অত্রিগালব চ্যবনসনক তাপসলোকে
 হোমধূমে কেশ করিলি স্মরণভ, স্নেহে কাজল পরাল চোখে,
 কণ্ঠে তোমার বলাকার হার অলকের তুবা তুবার মোতি,
 হংস-সধূন অকলে আঁকা, মরনে তোমার উবার জ্যোতি ।
 স্মরণমোদীঃস্মরণশরীর কাশের চামরে বীজাবানা,
 দেবদার বন ঘন কুন্তলে, কু ম-তুষণ শোভিত্তে-মানা ।
 সকেমোজুল হাত তোমার অমৃতের সরননীর মত
 উমাস তব, প্রপাতধারার মন্দর-মিকরে স্মরণধূ

আরতি তোমার স্মৃত জীবের চিতার আলোকে রাজিবিবা
 ভারতী মিত্য মবীম স্মৃতে বন্দনা গায় আনন্দপ্রীবা ।

গিরীশজারার স্মৃততার হার, স্তনকূট হ'তে করিলে তুমি
 স্মৃত ছিঁড়িয়া সাগরাকলে, বার ঘন সেই লইল চুমি' ।
 হরিপদাজ স্মরণলিকা তুমি পড়ে পাবন করেছ নিজে,
 উর্ধ্বপর্ণা স্মৃতিলভিকা জনম তোমার ব্রহ্মগীয়ে ।
 তুমি কনকল মরুত্বকালে দিয়াছ পুণা নীলছাতি
 মকরাজের রাজধানী বেধা মোক মিলার বজ্রছাতি ।
 মধুর হোম-হবিতে পুষ্টা কপিলের কোপ প্রমার্জনী,
 তুমি অহলা-শাপ-পাপহরা, নৌতম-উপোবিবর্জনী ।
 দেশ দেশ হ'তে ভক্ত জনেরে বিলাইছ তুমি তীর্থবাটে
 কুন্তলেয়ার মিলানে তুখন দেবাসিনী তুমি প্রেবের হাটে,
 ভরেছে তোমার দুই তীর পুনঃ বিহার চৈত্র্য সংঘারানে
 জানের কেন্দ্র ধ্যানের গুণা রচিতা রেখেছ ভাহিনে বাবে ।
 স্মৃতকের শুধু নহ শরণা, জাতকেরো দাও সন্মাবনা
 তোমারি চরণে লভে যে শরণ সন্তানকামে ফুলাজনা ।
 কুশলিকার ভ্রমে নিশিরা চিতার স্নান তোমাতে হারা
 তর্পণবারি মর্পণে তব প্রেতলোক হেরে বংশধারা ।
 কোশাকুশী ঘট ভাস্কর, কুন্ত সলিলে ভরিছে গৃহী
 পিতৃলোকেরও বাহিঃ তাদের কুশপিণ্ডক তিল ব্রীহি ।
 এক কণা তব অমৃত-সলিল ও মর্পণের পাথের জাতি',
 সিংহল হ'তে এসেছে খাতী পথের ক্রেশেরে ক্রেশ বা মাদি' ।
 শবসাধনার বসালে অঙ্গে অঘোরপত্নী কৌল-বীরে
 পাষণ্ডে শ্মশানে বন্দী করিয়া রেখেছ ঈশানে তোমার তীরে

কর্ণে তোমার মণিকর্ণিকা, কেশে তব স্মরণকেশের পাণি,
 কটিতে পীঠের বেধলা শীর্ষে গজোত্তরী বসনখানি ।
 বন্ধে তোমার দুই কুলে হরিকীর্তনে প্রেম অশ্রু গলে
 অঙ্গে তোমার হরিনামাবলী মালতী ময়ী তুলসীদলে ।
 হেরি ভঙ্গীরথে মানসনেত্রে হর্ষে প্রণত হরিধারে,
 বহ বরবের তপের সিদ্ধি করিতেছে শিরে কল্পাসারে ।
 চণ্ডালবেশী লাহিত নৃপে রাখিলে বা তুমি অঙ্গে তুলে ।
 ভীম তোমার পূজে এক কুলে বান্দীকি পূজে অস্ত কুলে ।
 যুগ যুগ ধরি বজ্র স্নান, দর্ভাজুরী বোধন ঘটে
 মহাকাশ ভেদি রচিতাছ বেদী স্মৃতি নিবিড় তোমার ভটে ।
 যুগ যুগ হ'তে তবের ময়, স্রষ্টার স্মৃত, তোমার জলে
 চিরপুণ্ডিত প্রতিবন্ধারে আজো কলনাদ করিয়া চলে ।
 কোটি কোটি স্মৃতে বন্ধে নাচাও অর্ছোদয়ের মহোৎসবে,
 তব স্মরণে বি আবক তব নীরে প্রব দীক্ষা লভে ।
 কাব্য-পুরাণ মর্শন পীতা সবাই যেনেতে বরদা বলি'
 যোর মারাবাদী স্মরণ শব্দে তোমার চরণে কৃতাজলি ।
 তব আত্মানে দেবতার নামে যুগ যুগে ময়লীনার স্থলে,
 তোমারি সলিল-সেচনে তাহের সাধনা লতার সিদ্ধি কলে ।
 পরমহংস করিলেন কেলি তব কালীপদ কনকবনে,
 হরিনামাবলী তিলক-তুবার ম'লে তব নিমাই ধনে ।
 বৌদ্ধ ঐশ্বর শব্দ পারসীক তব মসকতে মোমার মাথা,
 'যখনো' রচেছে কবর চলে তোমার স্মরণ ভক্তিমাথা

কমলাকান্ত রাম প্রসাদের শেখ গান শ্রীত তোমারি কাণে
দাহু রঘুনাথ ভুলসী কবীর খাজী বলিয়া তোমারে মানে ।
কত দেবতার আসন টলেছে কত বিগ্রহে ধূলার মীন
হিরা ভক্তির স্বর আসনে প্রবা তুমি চির রাজিহিন ।
ভীষ্মহননী, গ্রীষ্মহননী, ভ্রমজীবনী পরমাগতি
সুঃখ বৈশ্ব-সুরিত হারিণী, নমি দশহরা সত্যবতী ।

পাতালে তুমি না অতলা শীতলা কোটি কোটি কর্ণিকণার ছারে
ভুলসরাজের মৌলিমাণিকে হাজার মূণ্ড পেরেছ পায়ে ।
তুমি ভোগবতী, তুমি যোগবতী-জিলোক জিগধে সকারিণী
অলোকনন্দা জিলোকবন্দা যোজনগন্ধা মলাকিনী ।
-তুমি যমুনার-ভনোমালিত্ত হরণ করেছ বকে ধরি'
গণ্ডকী ঈশা তোমারি সকাশে শিখেছে হনুতি শুভকরী ।
চির অবেধ্যা মোমতী, দেবী তোমার পরশে হয়েছে শুচি,
তোমার ভীর্ষসজনে গেছে আসবরণার স্বন্দ যুচি' ।
হিল কাকনজন্মা তোমায় কনক-পাথের কুশীর করে,
স্বর্ধরা-ধনভাগার পেয়ে পাঠালে জননি শোণের ঘরে ।
শোণেরে তুমি না দিরাছ শোণিমা, হেন-ভুল তার গিতব্রতী
তোমাতে আশ্রয়িলোপ করিয়া ত্রিবেণী রচেছে সরস্বতী ।
তোমারি বিজয়ে নিজ অর সঁপি অর গান গার অজর-কবি ।
ব্রহ্মে কর্ণ অর্পণ-সম দানোদর তার দিরাছে সবি ।
শ্রুতি-মুক্ত শবরপুণ্ড্র, মগপুলিন্দ দেশে না তুমি
পদ্মা সখীরে পাঠারে তারেও করেছ বস্ত-পুণ্ড্রনি ।

তুমিই গড়েছ কোশল মগধ অজ বজ গৌড় কাশী
কত বে রাষ্ট্র ৫ই কুলে তব গর্ভ হইতে উঠিল ভাসি' ।
অলকাপ্রতিম পুরপত্তনে সৃজিলে না কত অবনীতলে
কেনিলোক্ষল বুদ্ধবৃন্দসম ভাঙিলে গড়িলে মীনার ছলে ।
কত নৃপালের রাজ্যাভিষেকে আশিস্ সলিল চালিলে সতী
হে রাজপ্রসূতি, প্রজার খাজী, চিরবৎসলা শুভবতী ।
রাজার রাজার দারুণ স্বন্দে বিচারিকা নিজে হয়েছ তুমি
আপনার দেহে গভী রচিতা বিভাগ করেছ রাজ্যভূমি
আর্ধ্যাবর্ষে তুমি না মর্ন্ত্যে অভুল করেছ শ্রীবৈভবে
তাই কালে কালে লুষ্ঠকদলে লুট করেছ ভোগোৎসবে ।

গার শ্রুতি-স্মৃতি পৌরব-শ্রুতি সরস্বতী ও দৃবস্বতী
পুরাণে ভয়ে ভক্তিবস্ত্রে ত্রিধারা তোমার শুদ্ধিবতী ।
জাতিবিচারের রীতি আচারের সকল গভী দিরাছ মুচি'
বহির মত পুণ্য পন্নশে সবারে করেছ সমান শুচি ।
ব্রহ্মবাধিনী পাত্ততপাবনী ভেদবুদ্ধি কি তোমার সাজে ?
সত্য ব্রহ্ম প্রতিবিশিত তোমার অমল অমু-বাজে ।
সব ভেদাত্মের বিধেব-ব্রহ্মে ধরতরঙ্গে ভাসারে দিলে,
তোমার শরণে হরিশ্ররণে বিশ্বাসে পরিগুচ্ছিলে ।
তব ভীরে ভীরে কুকসায়েরা কুশ চর্কণ করে না বটে,
কুকে তুমি বে সার জেনে প্রেম-গোষ্ঠ রচেছ ভ্রামল শুটে ।
হোমের বহি তুমি নিভাওনি প্রেমে তব বড় জান না মনে,
হৃদিল হ'তে মন্দরে তারে এনেছ প্রেমের আবেষ্টনে ।
তপে আর জপে, সানে নাম গানে, শব্দে প্রণবে, যুগে ও ধুগে
ভক্তিসাধনে শক্তিবোধনে, মিলালে না তুমি, ধ্যানে ও রূপে ।
ত্রাবিড় আর্ষ্যে শবর স্নেছে লিচ্ছবি শকে মিলালে ভাকি'
মৌল এলো মজিয়া গিরি মঙ্গলভোরে পরিগ্রাণী ।
শত বাহ দিবে আশ্রীর পরে বাধিলে বদে অজতটে,
যুগে যুগে অববাহিকার তব ভাষের শোণিত-সঙ্গ বটে ।

দেবতা ভূদেব কজই শুধু তোমার করুণা লভেনি দেবি
ধন-সম্পদে বদ্ধ হয়েছে বৈভেয়া তব চরণে সেবি' ।
শুভ্রেও তুমি মর্যাদা দিলে উন্নীত করি' বৈভগদে
কিরাত নিবানো তোমার প্রসাদে বিরত পত ও পক্ষী-বধে ।
শত পুষ্প কল সম্পদে বিদেহ অজ বনসম
কোন্ দেশ আছে বিশ্বমাজে, কোন্ ভূমি হেন নয়নরম ?
কীরদা, তোমার প্রসাদে আমরা কামধেনুসম গোধমে ধনী
তোমার গোনুখী-করিত অমৃত, কুলের শপ্প, বোগার ননী ।
দেশ-বিদেশের কত বে পণ্য ভাসারে এনেছ মনতাপ্রোতে
সিদ্ধুত্তীরের সিদ্ধু-নীরের ধন-সম্পদ তরিরি গোতে ।
তোমার কুলের শ্রেষ্ঠী বশিক চীন কার্বেছে দিরাছে পাড়ি
যোগাল ভাদের পণ্যজীবন তোমারি শুভ, তোমার নাড়ী ।
কাঞ্চী হইতে চন্দনভার সিংহল হ'তে মুক্তারাজি
আনিয়া দিরাছ পাটলিপুত্রে, সে সব কল্প-ধন আজি ।

কোথা গেল সেই পাটলিপুত্র ? কোথায় লুপ্ত সপ্তগ্রাম ?
কোথায় কর্ণ স্বর্ঘ আজি, সে সব বিশ্ব-ব্যাপ্ত নাম ?
কোথায় গজা রাফের রাষ্ট্র কোথা গেল না গো আজিকে উড়ে
বার নাম শুনি পাঞ্জাব হ'তে 'ববন'বিজয়ী বাইল ঘুরে ।
কোথা সম্ভোব-কেত্র-সত্র তোমার কুলের কীর্তি আজি ?
কোথায় অশ্বমেধের হোতারী ? কোথা সেই বিধিভরী বাজি ?
কোথায় মৌধ্য ? কোথা সে শৌধ্য ? কোথায় গ্রাসিলে শুভ্রতুপে ?
হুই ভীর তব সাজাল বাহারী মঠ-মন্দিরে বজ্রতুপে ?
কোথা ভোজরাজ প্রতিহারকুল কোথায় তাদের বীর্ষিদান ?
বহাতারতীর আসন-অজ কোথায় কান্তকূজ ধাম ?
কোশল চম্পা কাম্পিল্যের সম্পদ আজি কোথায় মীন ?
পঞ্চগৌড় পৌরবর্গ আজি কি তোমার প্রোভের মীন ?

রাজা রাজপথ রাজাসন রথ কিরীট ছত্র চামর সবি
তব সৈকতে ধ্বস্ত প্রোধিত হার আজি চির সমাধি লভি' ।
তোমারি গর্ভে সকল কীর্তি শায়িত এখন অগাধ যুমে
রাজসৌরব, পুরবৈভব বিলীন আজিকে চিতার ধুমে ।
তোমার পুন্ডিনে রাজরাজেন্দ্র প্রেতরূপে আজি শ্রণানচারী
যুগে যুগে নর-কথিরের ধারা বাড়ায়েছে শুধু তোমার বারি ।
গিরি হ'তে এসে গৌরীর রূপে অরুণা হইয়া সাগরে গেলে
মশানের জবা ভাসারে চলিলে, গিরি-মন্দির বহিরা এলে ।
তোমার শাধের সংসার গেছে তুমি না এখনো তেমনি আহ
এত স্মৃতি ব'য়ে এত ব্যর্থ। স'য়ে জানি না না তুমি কেমনে বাঁচো ।
গোত্রভিদের ইরাবতেরে ভাসাইলে তুমি বাজাপথে
বারিতে বারিলে, ধ্বংসবারিণি, কালের করাল ইরাবতে ।

এক কুল তুমি ভাঙো বটে না গো আর কুলে তুমি গড়িয়া তোলো
কত দিন গেল এখনো তোমার ভাঙনের লীলা শেখ না হলো ।
গড় না আবার সকলি তেমনি যুগ-সংঘাতে বা হলো গুঁড়া
পুরজন্মপদ, রাজপরিষদ, আশ্রয়নঠ কনক-চূড়া ।
গড় না আবার মধুকর পোত ভর না দেশের পণ্যভারে
শোভুক তোমার কটিতট পুনঃ মর্দনরম সোপান-হারে ।
মতিত কর তব ভীর, নব পাটলিপুত্র সপ্তগ্রামে
নৃতন সাক্ষত হারা পাকালে, নৃতন পঞ্চপ্রাণ ধামে ।
সারসঙ্গীতে হরিনাদ-গীতে তবের মস্ত্রে, শাস্ত্রপাঠে
স্পন্দিত হও, বন্দনা গা'ক রাজা কবি-মিলে মনোর বাটে ।
ভয়ে নবীন জীবন জাগাতে ভক্তের সাথে আসিলে তবে,
হু'টি পুলিনের অর শৈল নির্জীব জড় অসাড় হবে ?

তোমার পুলিনে দাঁড়িয়ে আজি বা বন্দনা পাই কুতালি,
বন্দনা-হলে শুধু অতীতের রাজারাজ্যের কথাই বলি ।
দীনভূমিদেবো অনেক কথাই বলিবার আছে তোমার পাশে
বিরাট ক্ষুদ্র বিপ্র শূদ্র সব অস্তিত্বে হেথার আসে ।
তোমার শ্রমানে চেয়ে তোমাপানে না কেঁদে কি কেহ

ধাকিতে পারে ?

মহাপথ ভূমি তোমার কিনারে স্থির কে চিত্ত রাখিতে পারে ?
কত জন তব অনল অঙ্কে তুলিয়া দিরাছে প্রাণের ধনে,
আহা তাহাদের শেষস্থিতিটুকু তুমিই রেখেছ সংগোপনে ।
পতিরে হারারে সী'খির সিঁদুর মুছে বার সতী তোমার তীরে
তবরে সঁপিয়া অনাথা জননী ডুবিতে চেয়েছে তোমার নীরে ।
বারেবে ধুঁজিতে না-হারা বালক তোমার শ্রমানে হারার দিশা
প্রিয়তমা-হারা কিরে কিরে আসে তোমার কুলেই কাটার দিশা ।
সব ধরে মুছে নিয়ে বাণ্ড, মিছে মরে সে প্রারম্ভ তব ধুঁকে
ভাঙা ঘট আর পোড়া কাঠ বুকে কাঁদে সে বাসুতে মুখটি গুঁজে ।
চিত্তাই জীবের নয় শেষ পতি—অনৃত লভে সে অশোক লোকে
মুক্তি দিয়াত, তুমি জান তাই অনধীরা তুমি সবার শোকে ।
জীবনের ধন তোমারে সঁপিলে অক্ষয় সে বে প্রবের সাথে,
মুচ শিশু হার সংশয়ে চার খেলানাটি সঁপি মায়েগে হাতে ;
তার দশা হেরে হেসে কেঁদে তুমি মনে মনে বল 'অবিধাসী
মম ভরজ-সোপান সবারে করে বে রে হরিচরণবাসী' ।
অজ্ঞান তারা, অগাধ ভক্তি বিশ্বাস বল কোথায় পাবে ?
ঐশ্বর্যালিকে অঙ্গুরী সঁপি চিরতরে গেল কেবলি ভাবে ।
মন্ত্রদাতী তুমি বৈকুণ্ঠী মহাসাম্যের প্রবর্তনে
তব সংসারে মানবে মানবে অন্তর কিছু জাগে না মনে ।
বিপ্র-শূদ্রে ধনি-দরিদ্রে মহৎ-ক্ষুদ্রে একই রথে,
তুমি চিরদিনই পাঠাও তারিণি একই সেই মহাধাত্মা-পথে ।

বানের মাঝারে হেথা চিরভেদ দস্ত-বর্ণ বস্ত্র কলে,
তব তাদের নিলে তব নীরে প্রেম কীর্তনে নাচিয়া চলে ।
মৃত্যুরো পরে সমাধিলিপিতে বানের দৃষ্ট প্রভেদ রটে
তারা দেখে থাক্ কি মহাসাম্য তৈরিবি ! তব শ্রমানে-ভটে ।

তব কুলে আজি কল্পনা বন হেথা হ'তে ছুটে অন্তলোকে
বন চিত্তাধর-আবছারা কাঁকে মহাপথ জাগে আবার চোখে ।
পিতা পিতামহ পরিজনসহ সবে এই পথে গিরাছে চলি'
শত শত পাণি দেয় হাতছানি ডাকে 'আর আর আর রে বলি' ।
অনাধিকৃত পথরহস্ত ভরে নিরাশার আকুল করে,
তব আশাস শীত নিখাস ললাটের খেদ-বিশু করে ।
কল্পনয়নে হেরিতেছি আজি সজ্জিত মোর আপন চিত্তা
এ তব অনলে আহতি সঁপিতে আহৃত বজন-বন্ধু-মিতা ।
উঠে অবিরল হরি হরি বোল, রোদনের রোল আবার ধিরে
ধাক্ বা সে কথা,—কত না চিত্তা উঠে মনে আজ তোমার তীরে ।

পূর্বপুণ্যে তোমার পুলিনে জনমেছি যবে বনভূমে,
আছে না ভরসা এক দিন লবে অঙ্কে তুলি' এ ছালালে চুবে ।
তবু জানি না বা ভাগ্যচক্রে যদি দূরে রই সময় হ'লে
ধাকিতে ভুলো না ভুলে তোমার, মরণের আগে স্নেহের কোলে ।
এত দিনকার লালিত এ তবু শিরাল-কুকুরে ছিঁড়িতে হবে
এ কথা ভাবিতে শিহরে না প্রাণ, তুমি কি এমনি নিষ্ঠুর হবে ?
তব সিকতার না'র মমতার অনল-শয্যা পাতিয়া রেখ,
তারকত্রক নাম কানে দিও, জননি আমার শিররে থেক ।
তোমার পাবন উর্ধ্ব-রূপাণে জন্ম-বন্ধ ছেদন করি'
পতিতগাবনী-নামে সার্বক করো না, নারকী পতিতে তরি' ।
দেহজর্কর কলসহ মোর চিত্তার তব অর্থ্য মিও,
শরট-করটো লভে বে মুক্ত, আমায়ে তা' শেষে দিও না দিও ।


শ্রীকালিদাস রায় ।

জিলাপী

মিষ্টানের রাণী তুমি জিলাপী রূপসি !
জিহ্বাসনে বিহ্বলে গো, আহ্বানি তোমায় ;
চর্ক্য-চোষ-লেহ-পেয় চতুর্বিধ গুণে
তুষ্টিদাতী পুষ্টিময়ী, অবতীর্ণা তুমি
অবনীমণ্ডলে, কুলকুণ্ডলিনীরূপা,
জলস্ত অনল কোলে ফুটন্ত কটাহে
চক্রে-বক্রে ভাসাইয়া আপন স্তনস্থ
উলটি পালটি ! কি অসহ তাপ-জালা
সহিলে স্নন্দরি, হ্রস্ব চর্কণ আর—
দস্তের পেষণে, স্নুধারামি সঞ্চারিতে
ভক্তের অস্তরে, প্রাণান্তেও ত্রাস্তিবশে
ভুলিব না কভু । সমর্পিয়া রসময়ি,—
সুর্কস্ব তোমার, তোষো তুমি নিরস্তর
যেই অস্ত্র নরে, তারা কি না অকৃতজ্ঞ
শেষে তব প্রতি ? ঘোর কলি ! নরকুলে
কৃতজ্ঞতা—নাতুলের প্রলাপ এ কালে !
বৃথা লো, জিলাপী, তোমার বিলাপে কি ফল ?

ভোজনান্তে আচমন করি সমাপন
কোন জন অকারণ করে নিরূপণ
কি কষ্টে মিষ্টান্ন-রাণী জনম লভিলা ?
ভ্রাস্ত নর, না বুঝিয়া মহিমা তোমার,
ব্যঙ্গভরে নিন্দে তোমা, জিলাপী স্নন্দরি,
কুচক্রীর সঙ্গে রঞ্জে রচিয়া উপমা,
আক্রমিয়া মধুময়ী সে পাপড়িগুণি
'প্যাচ' নামে অভিহিত—যাহা, নিদারুণ
নিরতির কটাক-সম্পাতে ! শাস্তবাক্য
মিথ্যা কভু নহে কদাচন ; প্রেমদান
অরসিকে নিষিদ্ধ বিধান, অভাগিনি !
স্নুধাংগুণে পশি জুড়াও এ জালা,
মর্ত্যালোক-অস্তরালে শাস্তি লাভি' স্নুখে ;
স্নুধাকর সম্বন্ধে সেবিবে তোমারে,
সেবে সাহিত্যিক যথা, সম্পাদকবরে
অমুকম্পা-অভিলাষী স্নুধ-প্রয়াসী ।

শ্রীপ্রবোধচন্দ্র বন্দ্যোপাধ্যায়



২২

অত্যন্ত আগ্রহাধিত হইয়া আমি পরদিবস কোর্ট হইতে সটান গাঙ্গুলী মহাশয়ের আফিসে যথাসময়ে উপস্থিত হইলাম। কিন্তু ঘরে প্রবেশ করিয়া দেখিলাম, তিনি তাঁহার টেবলের পার্শ্বে উপবিষ্টা একটি সুসজ্জিতা যুবতীর সহিত কথোপকথনে নিযুক্ত এবং ঐ রমণীর নিকটে একটি প্রবীণ পুরুষ আর একটি চেয়ারে বসিয়া স্থিরভাবে তাঁহাদের যাক্যানাপ শুনিতেছেন।

যুবতীটি দেখিতে অসামান্য সুন্দরী। চোখ দুটিতে বুদ্ধির বিশেষ প্রখরতা না থাকিলেও, কোমলতা ও প্রফুল্লতা বর্ধিত ছিল। মুখের হাসিও বড়ই মধুর এবং সবটা মিলিয়া যে লোকের বিশিষ্টরূপে চিত্তাকর্ষক, তাহাতে সন্দেহ নাই। বয়স বোধ হয় পঁচিশের বেশী হইবে না। বেশ-ভূষা আজকালকার “উন্নত” ধরণের এবং খুব সৌখীন ও দামী। পায়ে মোজা, জুতাও ছিল। কিন্তু জুতা হইতে বাকি সমস্ত পোষাকেরই বর্ণ সাদা; এমন কি, শাড়ীর পাড় পর্যন্ত সাদা। আমার সে সময়ের জ্ঞানানুসারে আমি মনে করিয়াছিলাম যে, পোষাকের সমস্তটা ঐ রকম “একরঙ্গা” হওয়াই বোধ হয় হালের ক্যানোন। কিন্তু পরে শুনিয়াছি যে, ঐরূপ সব সাদা পোষাক, বিলাতী-বান্ধালী মহিলাগণের মধ্যে না কি বৈষম্য-ব্যঞ্জক। যাহা হউক, রূপ ও পোষাকে, মোটের উপর তাঁহাকে কাচের “সো-কেসের” মধ্যে তুলিয়া রাখিবার উপযোগী মোমের পুতুলের স্থায় অনেকটা বোধ হইতেছিল বলিলে অত্যাঙ্কি হইবে না।

পুরুষটির বয়স প্রায় ৫৫ হইবে। কিন্তু তাহা হইলেও শরীরটি বেশ ছটপুট,—“নাহুস-হুহুস” গোছের। দাড়ি-গোক-মুণ্ডিত মুখটির ভাব বেশ প্রসন্নতাময়; যেন বালকের স্থায় অগতের ছুঃখ-কষ্টের সহিত তাঁহার কোন পরিচয় নাই। তিনি মাথায় কিছু খর্ক এবং তাঁহার পোষাক সম্পূর্ণ সাহেবী।

টেবলের অপর দিকে একটা চেয়ারে আমাকে বসিতে

ইঙ্গিত করিয়া গাঙ্গুলী মহাশয় ঐ ছইটি আগন্তকের সহিত আমার পরিচয় করিয়া দিলেন। তখন জানিলাম যে, পুরুষটির নাম কে, পি, সেন; এবং যুবতীটি তাঁহার কন্যা ও মৃত কুঞ্জবিহারী নন্দন নামীয় ব্যক্তির বিধবা পত্নী,— অস্ততঃ তাঁহাদের ঐরূপ ধারণা। পরিচয় দিবার সময় গাঙ্গুলী মহাশয় আমাকে বলিলেন যে, ইহার স্বামীর আসল নাম ছিল—বিহারীলাল ঘোষ।

‘আমি বসিবার পরে যুবতীটি প্রসন্নবদনে আমার দিকে চাহিয়া বলিলেন, “আপনার সঙ্গে দেখা হয়ে আমি বড় খুসী হলাম, মিঃ দত্ত। মিঃ গাঙ্গুলী আমাকে এইমাত্র বলছিলেন যে, আপনি না কি আমার মৃত স্বামী মিঃ ঘোষকে জানতেন।”


আমি বলিলাম, “আমি তাঁকে কুঞ্জবিহারী নন্দন নামেই জানতাম।”

তিনি একটু হাসিয়া বলিলেন, “বাঃ, কেমন মজার নাম-বদল বলুন ত! তাঁর নাম ছিল বিহারীলাল ঘোষ, আর তাঁর দেশের বাড়ী ও বাগিচার নাম দিয়েছিলেন, ‘নন্দন-কুঞ্জ।’ তার পর ঐ নামগুলো উণ্টে-পাণ্টে নিয়ে নিজের নাম দাঁড় করিয়েছিলেন কি না, কুঞ্জবিহারী নন্দন!”

তৎপরে এক সুদীর্ঘ নিঃশ্বাস ফেলিয়া বলিলেন, “কিন্তু এখন তিনি সব নামের বাইরে চ’লে গেছেন! উঃ, কি ছুঃখ!” বলিয়া অতি সুন্দর ফুল-কাটা পাড়ওয়ালী একখানি সুন্দর রেশমী রুমাল দ্বারা চকুঘ’র আবৃত করিলেন। সঙ্গে সঙ্গে ঘরটা এক মুহূর্তে সুগন্ধে আমোদিত হইল।

এই খিয়েটারী শোকাভিনয়ে আমার কিছু বিরক্তি জন্মিল। চকু হইতে রুমাল অপসৃত হইলে, আরও বিরক্তির সহিত লক্ষ্য করিলাম যে, তাহার এক কুণামাত্র স্থানও জলসিক্ত হয় নাই।

তখন সেন সাহেব কন্যাকে সাব্বনাঙ্কলে বলিলেন, “আর কেঁদে কি হ’বে মা? তিনি এতরূপে ভগবানের



গোচারণ-লীলা

[বসুমতী প্রেস]

[শিল্পী—শ্রীহরেকৃষ্ণ মাজা ।

কাছে গিয়ে শান্তি পেয়েছেন, তাই ভেবে মনকে সবেত করতে হ'বে। এখন এ সব কাণ্ডের জায়গার এসে কাণ্ডের কথা বলাই ভাল। অ্যা, কি বলেন মশায়?" বলিয়া বালকের ন্যায় আমার দিকে চাহিলেন।

আমি কি উত্তর দিব খুঁজিয়া না পাইয়া বলিলাম, "আশা করি, আমার এখানে উপস্থিতির জন্য আপনাদের কাণ্ডের কথায় কোন ব্যাঘাত হয়নি?"

যুবতী ব্যগ্রভাবে বলিলেন, "না,—না, মোটেই না। মিঃ গাঙ্গুলীর সঙ্গে এই সবেমাত্র গোটা কতক কথা হচ্ছিল, এমন সময় আপনি এলেন। আর সে কথাই বা কি? উনি ছুই একটা বাজে সওয়াল করেছিলেন মাত্র।"

গাঙ্গুলী মহাশয় বলিলেন, "আপনার মতে বাজে হলেও আমার কাছে সেগুলো বিশেষ দরকারী। যা হোক, এখন বলুন দেখি, আপনি যে ঐ হত ব্যক্তির জী, তাঁর প্রমাণ কিছু দিতে পারেন কি?"

আমাদের ছুই জনের দিকেই একটু স্মৃষ্টি হাসি ছড়াইয়া তিনি বলিলেন, "তাঁর আর প্রমাণ কি দিব, বলুন না? ঐ নাম পাণ্টাই কি ক'রে হয়েছে, তা ত দেখলেন? তা বাদে আপনি কাগজে যে বিবরণ দিয়েছেন, সেটা আমার husbandএর চেহারার সঙ্গেই ঠিক মিলছে। একবার একটা পার্টিতে গিয়ে, হুর্ঘটনাক্রমে একটা গুলী লেগে তাঁর বাঁ-হাতের কড়ে আঙ্গুলের ছটা পাব খোয়া যায়; আর গালের উপর একটা লম্বা জখম হয়েছিল, তার দাগটা বরাবরই থেকে গিয়েছিল।" পরে তাঁহার পিতার দিকে চাহিয়া বলিলেন, "কেমন, বাবুজি! তাই নয় কি?—তুমি সেই ফটোখানা এঁদের দেখাও না কেন? তা হ'লেই ত এঁরা বুঝতে পারবেন।"

সেন সাহেব বলিলেন, "হাঁ, ঠিক বলেছিস, যমুনা।" বলিয়া তাঁহার একটা ছোট 'ছাণ্ড-ব্যাগ' হইতে একটা 'ক্যাবিনেট' আকারের ফটো বাহির করিয়া গাঙ্গুলী মহাশয়ের হাতে দিলেন।

১৩

আমি ও নলিনী বাবু উভয়েই ব্যগ্রতা সহকারে ছবিখানা পরীক্ষা করিলাম। ফটোখানা দেখেই উপরার্ধের; তাহাতে বাহর নিদর্শনটুকু নাই। কিন্তু মুখাবয়ব সম্পূর্ণ নন্দন সাহেবের মত দেখিতে। তখন পুলিশ মৃতদেহের যে ফটোখানা

তোলাইয়াছিল, নলিনী বাবু তাহা বাহির করিয়া তাহার সহিত এই ছবিটা মিলাইলেন। জীবন্ত ও মৃতাবয়ব মুখাবয়বের বস্তুটা পার্থক্য হওয়া সম্ভব, তাহা বাদ দিলে এ ছবিটা ছবি যে একই লোকের, তাহাতে সন্দেহ করিবার কোন কারণ দেখিলাম না। তথাপি মৃতের ছবির মুখখানা অপরটা অপেক্ষা একটু বেশী বোধ হওয়ার, আমি সে বিষয়ে গাঙ্গুলী মহাশয়ের ও আগন্তুকদের দৃষ্টি আকৃষ্ট করিলাম।

যুবতী বলিলেন, "তা হ'তে পারে। আমাদের এ ছবিটা প্রায় ছ'বছর আগেকার। তিনি বাড়ী ছেড়ে গালিরে যাবার পরে, বোধ হয়, তাঁর অস্থখ বেড়ে শরীর কাহিল হয়ে গিয়েছিল। কি বল বাবুজী?"

সেন সাহেব বলিলেন, "হাঁ, তাই সম্ভব নিশ্চয়। একে ডায়াবীটিস্, তাতে মাথার অস্থখ, তাঁর উপর পান-দোবও যথেষ্ট ছিল। কাষেই শরীর কাহিল হ'বেই।"

আমরা উভয়েই কথাটা যথেষ্ট সম্ভবপর বলিয়া স্বীকার করিতে বাধ্য হইলাম। পরে গাঙ্গুলী মহাশয় জিজ্ঞাসা করিলেন, "তিনি বাড়ী থেকে গালিরে এসেছিলেন কেন?"

যুবতী বলিলেন, "ওঃ, সে অনেক কথা। মোটের উপর বুঝতেই ত পারছেন যে, তাঁতে আমাতে বয়সের তফাৎ ছিল অনেক বেশী, কাষেই বনিবনাও ছিল খুব কম। আর এ কথাও বলতে আমার আপত্তি নাই যে, তাঁর উপর আমার 'দিল' কিছুই ছিল না। কেবল বাবুজীর জিদে আমি তাঁকে বিয়ে করেছিলাম। তবে, এ কথাও বলতে পারি যে, আমি কোনকালে তাঁর তোরাজ ছাড়া, বেহাল করিনি। কিন্তু তাঁর মেয়েটা বড় সন্নতানী। সে আমাকে দুঃমন ভাবত, আর বাপের মন-ভাঙ্গানী করবার চেষ্টা করত। শেষে তিনি মাঝে মাঝে পাগলার মত হ'তে লাগলেন। এক দিন সেই হালে, কাঁকেও কিছু না বলে, সেরেক বাড়ী ছেড়ে চ'লে গেলেন। তার পর বেমালায় গায়েব হয়ে রইলেন। অনেক ডাক্তার করেও পাওয়া গেল না। তার পর আপনার এই বিজ্ঞাপনটা সে দিন বাবুজীর নজরে পড়ায়, চেহারার বেওয়া মিলিয়ে তাঁর মজাদারী নাম পাণ্টাই বেশ বুঝতে পেরে জানলাম যে, লোকটি মারা গেছেন।"

রমণীটির রূপ ও পোষাক দেখিয়া তাহাকে উচ্চবয়সের মার্জিতা মহিলা মনে করিয়া, প্রথমে আমার তাহার প্রতি

বে সঙ্গম হইরাছিল, পরে তাহার নাটকে চংএ শোক-প্রকাশের প্রভাবে তাহা নষ্ট হইরাছিল। ক্রমে তাহার কথাবার্তার ভাব-ভঙ্গীতে তাহার উপর একটা অশ্রদ্ধা, এমন কি, ক্রোধ পর্য্যন্ত হইতে লাগিল। তাহা ছাড়া, পিতা-পুত্রীর বাক্যালাপ বথাসম্ভব বাক্যলার লিখিলাম বটে, কিন্তু বাস্তবিক তাহা এত বেশী ইংরেজী ও হিন্দী কথা মিশ্রিত যে, তাঁহাদের ভাষা আহুপুর্কিক বথায়থরুপে লিখিলে, বোধ হয়, পাঠকের ধৈর্য্যচূতি ষটিতে পারিত।

নলিনী বাবু জিজ্ঞাসা করিলেন, “আপনি তাঁ’র যে মেয়ের কথা উল্লেখ করলেন, সে কি আপনার মেয়ে নয়?”

“আরে না,—না! , আমার ত তাঁ’র সঙ্গে এই সে দিন বিয়ে হইয়াছিল। তখন আমরা দার্কিলিংএ। সেখানে ওনার সঙ্গে আলাপ হয়ে সেইখানেই বিয়ে হয়। সে আজ মোটে বছর দুইয়ের কথা। সে মেয়ে তখন প্রায় ১৪ বছরের ধাড়ী। সে মিঃ ঘোষের আগেকার জীৱ। সে জী অনেক দিন মারা গেছে। ও মেয়েটা বাপের বড় পেয়া-রের। সে এখন বর্ষায় তাঁ’র মাসীর কাছে থাকে। আমার উপর রাগ ক’রে মাসীর সঙ্গে সেখা চ’লে গেছে। তাঁ’র যাবার ছ’এক মাস বাদেই মিঃ ঘোষও ঐ রকমে ঘর ছেড়ে পালিয়ে গেলেন।”

“সেটা এখন থেকে কত দিন হবে?”

“ওঃ! তা—বোধ হয় এক বছর হবে।”

সেন সাহেব বলিলেন, “না রে যমুনা, তুই সব বাড়িয়ে বলছিস। এখন থেকে দশ মাসের বেশী হবে না।”

আমি বিস্মিত হইয়া বলিলাম, “সে কি? তিনি ত আমাদের পাড়ায় মোটে মাস ছয়েক ছিলেন। তা হ’লে আগেকার চার মাস কি অন্ত কোথাও ছিলেন?”

যুবতী বলিলেন, “তা কি ক’রে জানবো? বলেছি ত যে, বাড়ী থেকে পালাবার পরে তার আর কোন পাত্তাই পাওয়া গেল না। কোথায় গেল, কোথায় থাকল, কোন খবরই পেলাম না।—সে কথা যাক। এখন আপনা-দের সব সওয়াল যদি শেষ হয়ে থাকে ত বলুন দেখি, আমার স্বামীর যে ‘লাইফ-ইন্সিওরেন্স’ (Life Insurance) আছে, সে টাকা আমি তাঁ’র বিধবা জী ব’লে পেতে পারি ত?”

গাঙ্গুলী মহাশয় বলিলেন, “ও কথার উত্তর ও আমি

দিতে পারি না। আপনি সেই ইন্সিওরেন্স আফিসে দরখাস্ত করুন। আপনিই যে সে টাকা পাবার অধিকারী, তা তাঁ’দের কাছে প্রমাণ করতে পারলেই টাকা পাবেন।”

“আঃ! আবার কি প্রমাণ? এই ত আপনাদের কাছে সব প্রমাণের কথাই বললাম!”

“আমরা আপনার ও সব প্রমাণে সন্তুষ্ট হ’লেও ইন্সিওরেন্স আফিসও যে তাই হবে কি না, তা আমি বলতে পারি না। তা ছাড়া আপনার স্বামীর উইল আছে কি না—”

“ওঃ, সে সব ঠিক আছে। উইল করবার আগে ত তাঁ’র সঙ্গে আমার বনিবনাও মন্দ ছিল না। ঐ ইন্সিওরেন্সের ৮০ হাজার টাকা সমস্তই উইলে আমাকে দেওয়া আছে। আর দেশের সেই “নন্দনকুঞ্জ” নামের বাড়ী ও বাগিচা, আর জমিদারী ইত্যাদি সব কিছু সম্পত্তি ঐ মেয়ের। ঐ উইলের পর থেকে ক্রমেই তাঁ’র মাথা ধারাপ হ’তে লাগলো, ঝগড়া-কেজিয়াও খুব হ’তে থাকল।”

“উইলে যখন দেওয়া আছে, তখন আপনি উইলের ‘প্রোবেট’ নিলেই, ঐ টাকা পেতে পারবেন বোধ হয়। কিন্তু ও সব কথা নিয়ে মাথা ঘামাবার কাষ ত আমাদের নয়? আপনি হাইকোর্টের উকীলদের কাছে ও সব পরামর্শ করবেন এখন। আপাততঃ এই খুনের বিষয়ে আপনি কি জানেন, বলুন দেখি?”

“আমি ও কথার কিছুই জানি না। কি ক’রে জানবো বলুন? প্রায় এক বছর ত তাকে আমি চোখেই দেখিনি!”

“কে তাঁ’কে খুন করেছে, তা কি আপনি অনুমানও করতে পারেন না?”

“না, মশায়! তা কি ক’রে করব বলুন?”

“আপনি অবশ্য জানেন, তাঁ’র কোন শত্রু ছিল কি না?”

যুবতী অত্যন্ত অবজ্ঞাভরে বলিলেন, “তাঁ’র আবার শত্রু কে হবে? ও রকম অপদার্থ নিজীব লোকের কি কখনও শত্রু থাকতে পারে? তা ছাড়া হালে ত তাঁ’র মাথারই কোন ঠিকানা ছিল না!”

আমি বলিলাম, “অথচ তিনি ত আমাকে বলেছিলেন যে, তাঁ’র শত্রু আছে, আর তাঁ’র তাঁ’র অনিষ্ট চেষ্টা করে।”

সেন সাহেব বলিলেন, “হাঁ, কথাটা ঠিক আমার নামাইয়ের মতই বটে! ছনিয়ার প্রায় সকলেই তাঁর ক্ষমতা সাধবার চেষ্টায় ফিরছে, তাঁকে সরিয়ে ফেলবার চেষ্টা করছে,—এই রকম একটা খেয়াল ইদানীং তাঁর মনে দগ্নেছিল। লোকটা এক রকম ‘বেকুফ’ গোছের হ’য়ে ঠাড়েছিল। দেখুন না কেন, আমার যমুনার সঙ্গে সামান্য একটা মামুলী ঘরোয়া ঝগড়ার ফলে, সে কি না একেবারে গাড়ী ছেড়ে নিরুদ্দেশ হ’য়ে গেল! কিন্তু বাস্তবিক তাঁর কান শত্রু ছিল না।”

“কিন্তু অবশেষে খুনীর হাতেই ত তাঁর মৃত্যু হ’ল?”

“তা বটে, কিন্তু কে যে ও কায করলে, তা ত আমরা কিছুই ঠিক করতে পারিনি। আমাদের বড়ই তাজ্জব বাধ হচ্ছে।”

যমুনা বলিলেন, “কেন যে বাড়ী থেকে সে পালালো,

আর কি করেই বা খুন হলো, আমায় তা বুঝে পারি না!”

“কি উপায়ে তাঁর মৃত্যু হয়েছিল, তা জানেন কি? —স্বপ্নপিশে একটা ধারালো অজাঘাতে সে খুন হয়েছিল।”

“হাঁ, কাগজে পড়েছিলাম বটে,—একটা ছোরার আঘাতে খুনটা হয়েছিল।”

“ঠিক সাধারণ ছোরা নয়। একটা ছোট সন্ন-গোছের ভোজালী।”

“অ্যা! কি বলেন? সন্ন ছোট ভোজালী?” বলিতে বলিলে যুবতীর মুখখানা কিছু বিবর্ণ হইয়া গেল এবং তিনি ক্রণেকের জন্য যেন সংজ্ঞাহীন হইয়া চেয়ারে চলিয়া পড়িলেন।


[ক্রমশঃ।

শ্রীস্বরেশচন্দ্র মুখোপাধ্যায় (এটনি)।

শ্রীঃ হর্ষিমাণ্য

শ্রীঃ হর্ষিমাণ্য দীর্ঘ সম্ভবকাল নির্বাসন দণ্ড উপভোগ করিবার পর ভারতে প্রত্যাপন করিয়াছেন। তিনি ইংরাজ, পূর্বে ‘স্টেশনারি’ পত্রের সম্পাদক ছিলেন। তিনি বিদেশী ও বিধর্মী হইলেও ভারত প্রেমিক। তাঁহার ভার উদারনীতিক মনোভাব ইংরাজ অতি অল্পই দেখা যায়। ভারতের মুক্তিযত্নের তিনি একান্ত উপাসক। তাঁহার নানা রচনার ইহা ব্যতীত হইয়াছিল। ইহার অন্তর্গত তাঁহার সমাজে তাঁহার স্থান ছিল না এবং এই অন্তর্গত তাঁহাকে ‘স্টেশনারি’ সম্পাদন-ভার ত্যাগ করিতে হইয়াছিল। তিনি পরে ‘বোম্বাই ক্রিপিকল’ পত্রের সম্পাদন-ভার গ্রহণ করেন এবং নির্ভীক ভাবে এ দেশের আমলাতন্ত্র সরকারের খেচাচার-মূলক কার্যের তীব্র প্রতিবাদ করিতে থাকেন। কলে তিনি বোম্বাই সরকার কর্তৃক নির্বাসন দণ্ডপ্রাপ্ত হইলেন। তাঁহাকে তাঁহার ইচ্ছায় বিরুদ্ধে জাহাজে করিয়া বিলাতে পাঠাইয়া দেওয়া হয় এবং ভারতে প্রত্যাবর্তন করিতে নিষেধ করা হয়। বিলাতে থাকিয়াও শ্রীঃ হর্ষিমাণ্য ভারতের মঙ্গলচিন্তা করিয়াছেন। কৃতজ্ঞ ভারতবাসী তাঁহাকে কখনও বিস্মৃত হয় নাই, তাঁহার দণ্ডপ্রাপ্ত রহিত করিবার নিমিত্ত বিস্তর আন্দোলন করিয়াছে। কিন্তু কিছুতেই কিছু হয় নাই! সন্মতি তিনি ইংলেণ্ড হইতে সিংহল রাজ্য করেন। সিংহলে তাঁহাকে প্রথমে জাহাজ হইতে অবতরণ করিবার পথে বাধা দেওয়া হইয়াছিল,

কিন্তু পরে এ বাধা অপসারিত হয়। শ্রীঃ হর্ষিমাণ্য অতঃপর রাজ্য হইয়া বোম্বাইয়ে পৌঁছিয়াছেন। ইহাতে তাঁহাকে বাধা দেওয়া হয় নাই। রাজ্য ও বোম্বাইয়ে তাঁহার বিপুল অভ্যর্থনা হইয়াছিল। তাঁহার প্রতি ভারতবাসীর প্রীতি ও বিশ্বাস অসীম। ‘ক্রিপিকল’ পত্রের কর্তৃপক্ষ তাঁহাকে বিনা সর্ভে পুনরায় তাঁহাদের পত্রের সম্পাদনভার অর্পণ করিয়াছেন। যেভাবে ভারতবাসী জাতির তাঁহাকে যথেষ্ট আশ্রয় দান করিয়াছে, তাহাতে মনে হয়, ভারতে জন-মতের উপর তাঁহার প্রভাব কিরূপ অসামান্য। মুকুট মণ্ডিত কোনও রাজাও তাঁহার ভার ভারতবাসীদিগের এমন প্রীতি অর্জন করিতে সক্ষম হইয়াছেন কি না সন্দেহ। স্বতরাং আমলাতন্ত্র সরকার ইহা হইতে নিশ্চতই হুসিত্তে পারিবেন যে, ইংরাজ বলিয়া ভারতবাসীর কাহারও উপর ক্রোধ বা বিরক্তির ভাব নাই। বাহারা ভারতবাসীকে ভালবাসেন, তাহাদের আশা আকাঙ্ক্ষার প্রতি আন্তরিক সহানুভূতি প্রদর্শন করেন, তাঁহারা য জাতি যে ধর্মই হউন না কেন, তাঁহাদের প্রতি ভারতবাসীরাও আন্তরিক প্রীতি প্রদর্শন করিয়া থাকে। শ্রীঃ হর্ষিমাণ্য সন্মতি ভারতবাসী কর্তৃক বোম্বাই নিউনিসিপ্যালিটির সমস্ত নির্বাচিত




শ্রীঃ হর্ষিমাণ্য

হইয়াছেন। ইহাতেও তাঁহার প্রতি ভারতবাসীর বিশ্বাস ও প্রীতির পরিচয় প্রাপ্ত হওয়া যায়।

মেহের আতিশয্য

সুব্যবস্থা !



মা ।—ডাক্তার বাবু, আজ খোকা ভাল আছে—প্রায় তিন সের দুধ খেয়েছে ।
ডাক্তার ।—বেশ ! বেশ !

মায়ের স্নেহ!



মা।—চুপি চুপি এটুকু খেয়ে ফেল বাবা, লুকিয়ে খেলে শুকিয়ে যাবে

ଗୃହିଣୀର ସୋହାଗ ।



କର୍ତ୍ତା ।—ତୁମି କି ଆମାକେ ମାରତେ ଚାଓ ? .

ଗିରୀ ।—ଏଟୁକୁ ନା ଥେଲେ ଆର ଯୁବାବେ କି କ'ରେ ?

রুগ্নের পরিচর্যা



গিন্নী ।—ঘন ছুধটুকু খেয়ে ফেল ।

রুগ্ন কর্তা ।—হ্যাঁ, খেতে আমি বড় ভালবাসি ।

ଜାମାହି ଆଦର !



ଦିନି-ଶାନ୍ତୁଡ଼ି ।—ଓ ଆର ଫେଲେ ରେଖୋ ନା ନାନା !
 ଜାମାହି ।—ଓ ବାବା !

মেভারী ছেলের আহার !



পিসীমা ।—খাও বাবা, এই সরটুকু খাও

টুকটুকে রামায়ণ

শ্রীমদ্রবীকৃত ভট্টাচার্য্য প্রণীত; উপেন্দ্রনাথ মুখোপাধ্যায়-প্রতিষ্ঠিত বহুমতী-সাহিত্য-মন্দির হইতে শ্রীমতীশচন্দ্র মুখোপাধ্যায় কর্তৃক প্রকাশিত। দ্বিতীয় সংস্করণ, মূল্য ১১০ টাকা। আর্থিক কাগজে হরজে ছাপা—হরজিত চিত্রময় রাজ-সংস্করণ।

অনেক দিন পূর্বে শিশু-সাহিত্য রচনার সিদ্ধহস্ত—শুধু সিদ্ধহস্ত কেন, অপ্রতিদ্বন্দ্বী—শ্রদ্ধের নবকৃৎ ভট্টাচার্য্য মহাশয় “শিশুরঞ্জন রামায়ণ” প্রকাশিত করিয়া বাঙ্গালা শিশু-সাহিত্যে যে অতুল প্রতিষ্ঠা অর্জন করিয়াছিলেন, সে কথা এখনও মনে আছে,—মনে আছে, আমাদের বালকবালিকাগণ কত আনন্দে সেই রামায়ণের অতুলনীর সুন্দর কবিতাগুলি আবৃত্তি করিত। তিনি কিছু দিন স্বর্গীয় প্রমদাচরণ সেন প্রবর্তিত শিশু পাঠ্য “সখা” পত্রের সম্পাদন করিয়া, পড়ে পড়ে ও চিত্রে শিশু-সাহিত্যের যে সুন্দর আনন্দজনক আদর্শ দেখাইয়া দেন, তাহারই অনুসরণ করিয়া আর্জ আমাদের শিশু-সাহিত্য এরূপ সমৃদ্ধ, এ কথাও না মুক্তি, এমন নহে। তাহার পর বহু দিন নবকৃৎ বাবু, বলিতে গেলে, এক রকম নীরবই ছিলেন, মধ্যে মধ্যে শিশুপাঠ্য সাময়িক পত্র হুই একটি কবিতা বা হিতোপদেশ-পূর্ণ গল্প লিখিয়াই তাহার কার্য শেষ হইয়াছে বলিয়া মনে করিতেন। তাহার পর অনেকের সাধ্যসাধনার এই চির-অলস সাহিত্য-সেবকের জড়তা অপনীত হইয়াছিল, সেই সময় তিনি এই “টুকটুকে রামায়ণ”খানি লিখিয়াছিলেন। তাহার পর ষাটার তাহার সেই জড়তা, সেই নিশ্চেষ্টতা, সেই উদাসীনতা। প্রথম সংস্করণ “টুকটুকে রামায়ণ” নিঃশেষিত হইয়া গেল, দ্বিতীয় সংস্করণের আর নান-গন্ধ নাই; কত প্রকাশকের আগ্রহ ব্যর্থ হইয়া গেল। অবশেষে অক্সফোর্ড, বহুমতী-সাহিত্য-মন্দিরের প্রতিষ্ঠাতা পরলোকগত উপেন্দ্রনাথ মুখোপাধ্যায় মহাশয় নবকৃৎ বাবুকে তাহার নিভৃত গল্পীভবন হইতে তানিয়া আনিয়া এই “টুকটুকে রামায়ণ”র দ্বিতীয় সংস্করণে ব্রতী করিয়াছিলেন, কিন্তু সহসা পরলোকগত হওয়ার তিনি আর এ দ্বিতীয় সংস্করণ দেখিয়া বাইতে পারিলেন না। তাহার উপযুক্ত পুত্র শ্রীযুত সতীশচন্দ্র মুখোপাধ্যায় পিতার আরম্ভ কার্য শেষ করিয়া এই দ্বিতীয় সংস্করণ প্রকাশ করিয়াছেন। তাই এতকাল পরে আমরা এই সুন্দর রামায়ণখানি দেখিতে পাইলাম। ইহার জন্ত প্রস্তুতকার অগেকা প্রকাশকই ধন্যবাদ-ভাজন।

এই “টুকটুকে রামায়ণ”খানি সত্য সত্যই টুকটুকে,—এ নামকরণে একটুও অতিরঞ্জন নাই—টুক টুক করিয়া রামায়ণের সকল কথাই ইহাতে আছে। নবকৃৎ বাবু সাত কাণ্ড রামায়ণ হুই শত পৃষ্ঠার মধ্যে শেষ করিলেও কোন ঘটনা বাদ দেন নাই, শুধু তাহাই নহে, স্থানে স্থানে তাহার বর্ণনা এই সীমাবদ্ধ হুই শত পৃষ্ঠার কথা ভুলিয়া গিয়াছে। একটা স্থান উদ্ধৃত করিয়া আমার কথা সপ্রমাণ করিতেছি। বিখ্যাত রামলক্ষ্মণকে লইয়া বজ্ররক্ষা করিতে বাইতে ছেন। পথে—

“রাত্রি এলে, নদীর তীরে করুণা কাঁকা ছুঁয়ে।
তিন জনেতেই দুমাইলেন বাসের উপর শুয়ে।”

তাহার পর,—

“রাত পোহালো, রাতা হুঁয়ে এলো পুবের দিক্।
জেগে উঠেন বিখ্যাত সন্নয়ন বৃন্দে ঠিক।
আপ্নি জেগে আগাইলেন হুই তাইকে পরে।
আর্থিক কাজ সেয়ে চলেন অরণ্য-পথ ধরে।”

অনেক রাতা হেঁটে হাজির হলেন অজ্ঞপ্তে।
এইখানে মিলেছে গঙ্গা সরযুতে এসে।
হুঁয়ে মিশে এক হুঁয়ে পে’ ছুটুছে পাগলপারা।
কলু-কলু-কলু ছলু-ছলু-ছলু তিন দিকে তিন ধারা।
আশে পাশে আর কিছু নেই—কেবল ভাবল বন।
বনে বনে আজ্ঞা, আজ্ঞে তাপসগণ।”

বলিয়াছি ত, হুই শত পৃষ্ঠার মধ্যে সাত কাণ্ড রামায়ণ গাহিতে বসিয়াও বক্তাব-কবি নবকৃৎ বাবু আশে পাশে ‘ভাবল বনে’র শোভার মুগ্ধ না হইয়া থাকিতে পারেন নাই। এমন এবং ইহা অপেক্ষাও সুন্দর বর্ণনা যে এই রামায়ণখানির কত স্থানে আছে, তাহা দেখাইতে গেলে আমার এই ছোট করেকটি কথার দেহ বিপুল হইয়া পড়ে, তাই সে প্রলোভন সংবরণ করিতে অনিচ্ছাক্রমেও বাধ্য হইলাম।

তবুও আর একটা স্থান উদ্ধৃত করিয়া নবকৃৎ বাবুর বর্ণনা-কৌশলের পরিচয় না দিয়াই পারিতেছি না। এটি সাগর-বর্ণনা। অতি সরল, সুন্দরিত ভাষার কবির সাগরের যে বর্ণনা দিয়াছেন, তাহা অতীব সুন্দর। বর্ণনাটি এই,—

“শেষে বখন হাজির হোলো মহেন্দ্র পর্কতে।
হনীল জলরাশি সাগর পড়লো নরন-পথে।
বিশে বেন আর কিছু নাই, সাগর একাই আছে।
চেউয়ের উপর চেউ তুলে সে তাওব নাচ নাচে।
পাগলপারা এসে সে চেউ তটে আছাড় ধার।
চকের নিম্নেবে কেনার ষে কুটে ধার তার।”

কি সুন্দর! কেবল বালকবালিকাদিগের জন্ত লিখিত গ্রন্থে কেন, পাঁচটি চক্রে তিতর এমন সহজ সরল এবং সম্পূর্ণ সাগর-বর্ণনা বাঙ্গালার পড়িয়াছি বলিয়াই ত মনে হয় না।

এইখানে একটি কথা নিবেদন করার প্রয়োজন বোধ হইতেছে। আমি বর্তমান ক্ষেত্রে রামায়ণের সৌন্দর্য-বিশ্লেষণে প্রবৃত্ত হই নাই, কোন প্রকার গুরু-গভীর আলোচনা করাও আমার উদ্দেশ্য নহে। আমি এই ছোট করেকটি কথার কবির নবকৃৎ বাবুর অতুলনীর কবিত্ব-ভির পরিচয়ই প্রদান করিতে চাহিয়াছি। তাই, তাহার এই “টুকটুকে রামায়ণ” যেখানে যে রত্নের সম্মান পাইয়াছি, তাহারই কিঞ্চিৎ উদ্ধৃত করিয়া আমার কার্য শেষ করিতেছি। আর, সে রত্নগুলি এমনই উজ্জ্বল, এমনই ভাষার, যে, টীকা-টীকনী করিয়া সেগুলির পরিচয় প্রদান করা নিতান্তই নিশ্চরোজন মনে করিয়াছি।

শ্রীমদ্রবীকৃত পিতৃসত্য-পালনের জন্ত বনে বাইতেছেন, এই কথা তানিয়া পাগলিনীর বত রাতা কৌশল্যা বলিলেন,—

“বৃদ্ধ হুঁয়ে বুদ্ধি গেলো, নারীর কথা শোনে।
এমন রাজার কথার বেতে দিব না তো বনে।”

রাতার এই কথা শুনিয়া সত্যসদ, পিতৃভক্ত রাবল্লী বলিলেন,—

“রাম ক’ন না পিতা তিনি, স্তার অস্তার তাঁর।
পুত্র আমি বিচারে বোর নাইকো অধিকার।
তোনারো হ’ম পূজ্য তিনি, মনে গেলেও তাপ।
তাঁর বিন্দা করা না গো, তোনার পক্ষে পাপ।
আমা হুঁতে হবেন রাজা মুক্ত সত্য-দার।
জেনো তুমি, হবেই আমার মঙ্গল, না, তার।
আশীর্ব্বাদ এই কর শুধু আবার এসে ফিরে।
তোনার চরণ-কমল হুঁটি ধরতে পারি শিরে।”

বুড় পিতা, হুখে শোকে কঁটাগড়-প্রাণ।
সেবা কর তাঁর, না, বাতে কষ্ট না আর পান।”

এত অল্প কথায় এমন করিয়া মা'কে প্রবোধপ্রদান, তাঁহার কর্তব্য-প্রদর্শন অতীব হৃদয়গ্রাহী। নবকৃক বাবু নিজের কন্যতা দেখাইয়া বরাবর এইরূপ ভাবেই গ্রন্থের সংক্ষেপ করিয়াছেন মাত্র—আসল কোনও কথা বাদ দিয়া নয়।

তাঁহার পর সীতাদেবীর কথা। শ্রীরামচন্দ্র বনের বিত্তীবিলা বর্ণনা করিয়া সীতাদেবীকে বনগমনে নিরন্ত করিবার চেষ্টা করিলে সীতাদেবী বলিতেছেন,—

“রাম বুঝালেন অনেক ক'রে, সীতা বলেন তবু।
সঙ্গে বাবো আমি, আমার কন্য কর, প্রভু।
হুখে হুখে পতির সেবা ধর্ম নারীর হয়।
মিছে ও কি দেখাও আমার বাহ-ভালুকের ভয়।
প্রাণের শক্তি আমার যেমন, ভেদি তোমার আছে।
আমার চেয়ে তোমার প্রাণের মাত্রা আমার কাছে ॥
হোক না কেন কষ্টকমর কঠিন বনভূমি।
কষ্ট হবে নাকো যদি সঙ্গে থাকো তুমি।
কুখা তুকা স'রে তুমি যুগবে বনে বনে।
রাজতোগেতে থাকবো আমি, তাই ভেবেচো মনে ?
গাছের ডালার বৃষ্টি-হিমে থাকবে তুমি স্বামী।
অটালিকার পালঙ্কেতে নিজা বাবো আমি !
পত্নী কেবল পতির হুখের ভাগিনী ত নয়।
হুখের ভাগ বন্ধ পেতে অগ্রে নিতে হয়।
রাজতোগে তাই দারুণ যুগা হরতে মোর মনে।
হুখের ভাগ নিরে স্থখী হবো গিরে বনে ॥”

উপরি-উদ্ধৃত অংশের মধ্যে একটি পংক্তির তুলনা নাই,—“আমার চেয়ে তোমার প্রাণের মাত্রা আমার কাছে।” এই উপলক্ষে কবি কৃষ্টি-বাস সীতার মুখ দিয়া যে সকল কথা বলিয়াছেন, তাহা কবি হিঁসাবে সুন্দর হইলেও, নবকৃক বাবু বাহা বলিয়াছেন, তাহা অপেক্ষা অধিক হৃদয়স্পর্শী নহে—এ যেন হৃদয়ের অন্তস্তল হইতে বাহির হইয়াছে।

এইবার শুধু চণ্ডালের সহিত শ্রীরামচন্দ্রের সাক্ষাৎ। কবি নবকৃক বাবু এখানে একেবারে প্রাণ ঢালিয়া দিয়া এই দৃষ্টের বর্ণনা করিয়াছেন,—

“একটা মুখে তিনটে মুখের হান্তি শুহ হেসে।
‘রামা মিতে কৈ রে’ ব'লে হাজির হলেন এসে ॥”
“ওহ বলেন, ‘আমার কু'ড়ে থাকতে হেথা তাই।
গাছতলাতে বসলি কেন, বসু না মিতে তাই।
কইও কথা পরে মিতা, এনেছি মুই বা।
শুখানো মুখ দেখি তাঁহার, আগে তু সব খা’ ॥”

এমন সুন্দর, এমন প্রাণস্পর্শী চিত্র, এমন প্রাণ-তোলানো কথা ধর্মপীর কবির পবিত্র লেখনীতেই সম্ভব। ছিথিখানি যেন আমরা চক্ষুর সম্মুখে অসলু দেখিতে পাইতেছি।

তাঁহার পর পঞ্চবটী বন। এই বনের চিত্র কল্পনা-নেত্রে দর্শন

করিয়া কবি নবকৃক সত্য সত্যই আনন্দহারা হইয়া গিয়াছিলেন, তাই তাঁহার সার্থক লেখনী তাঁহার অজ্ঞাতসারে লিখিয়া কেলিয়াছে,—

“পঞ্চবটী বনটি, মরি, কি মনোহর ঠাই।
বনটি দেখে ভাব'তি হেথা বনটি বা হারাই !
চন্দন শাল দেবদার, বর্ষুর তাল তবাল তর,
তুলে মাখা দেখে আকাশ পায় কি না পায় তাই !
হুই দিকে নীল মেঘের মত, উ'চু পাহাড়—শোভাই কত,
বইতে নদী নিরবধি কল-কল গাই ॥
নানা জাতি পুষ্প ফুটে, প্রজাপতি আসূচে ফুটে,
গুন্-গুন্-গুন্ গুঞ্জে অলি ফুলে সর্বদাই।
চী-চী-কু-চী ডাকতে পাখী, শীঘ্র দেয় কেউ থাকি' থাকি',
বন যেন কর মনের কথা—মনের বাসনাই ॥
ময়ূর নাচে পেখম ধ'রে, যুগ হোটে হর্বতরে,
শোভার ভরা সকল ধরা বে দিক পানে চাই।
পদ্ম ফুটে আছে জলে, হংস চরে কুতূহলে,
পানকৌটি ভাবে ওঠে—অলেক বিরাম নাই।
শতদলের স্থবাস লুটে' শীতল বাতাস বেড়ায় ফুটে,
জুড়ায় শরীর, মনের টুটে সকল হীনতাই।
শোভারূপে উঠ'ছে ফুটে ও কার বাহিনাই ॥”

আর একটি কথা বলিলেই আমার বক্তব্য শেষ হয়। শ্রীমুত নবকৃক ভট্টাচার্য্য মহাশয় এই “টুকটুক রামায়ণে” মহাকবি বাসীকির মূল সংস্কৃত রামায়ণের কেমন সুন্দর অনুবাদ করিয়াছেন, তাঁহার সুন্দরিত সয়ল ছন্দে কেমন অনুবাদ করিয়াছেন, একটিমাত্র স্থান উদ্ধৃত করিয়া তাঁহার পরিচয় দিতেছি। মহাকবি, সীতাদেবীর পাতালপ্রবেশের সময় তাঁহার মুখ দিয়া যে কথা বলাইয়াছেন, এখন তাহাই উদ্ধৃত করিতেছি। সীতাদেবী বলিতেছেন,—

“যথাং রাববানন্তং মনসাপি ন চিন্তয়ে।
তথা মে মাধবী দেবী বিবরং দাতুমর্হতি ॥
মনসা কর্ণণা বাচা যথা রামং সমর্চয়ে।
তথা মে মাধবী দেবী বিবরং দাতুমর্হতি ॥
যথৈতৎ সত্যমুক্তং মে বেদি রামাং পশং ন চ।
তথা মে মাধবী দেবী বিবরং দাতুমর্হতি ॥

নবকৃক বাবু বলিয়াছেন,—

“রাম ছাড়া যদি অন্তে না থাকি ভাবিয়া মনে,
সেই পুণ্যে এই ভিক্ষা চাই।
ভিন্ন হও না বহুধরা, দাত না কোলে ঠাই।
কারননোবাক্যে আমি যদি পূজে থাকি স্বামী,
সেই পুণ্যে এই ভিক্ষা চাই।
ভিন্ন হও না বহুধরা, দাত না কোলে ঠাই ॥
রাম ছাড়া নাহি আমি, যদি ইহা সত্য বাণী,
সেই পুণ্যে এই ভিক্ষা চাই।
ভিন্ন হও না বহুধরা, দাত না কোলে ঠাই ॥”

আমাদের বক্তব্য শেষ হইল। পাঠকগণ নিজে নিজে গ্রন্থখানি পড়িয়া ইহার রস গ্রহণ ও প্রয়োজন উপলব্ধি করেন, ইহাই আমা-দের বিনীত অনুরোধ।

শ্রীজগদগুরু সেন।



সুপ্রাচীন মূর্তি

গ্রীক ঐতিহাসিক হেরোডোটসের বিবরণ পাঠে ব্যাবিলনের সম্বন্ধে ষৎসামান্য পরিচয় পাওয়া যায়। কিন্তু আত্রাহামের জন্মভূমি 'উর' সম্বন্ধে কোন কথাই গ্রীক ঐতিহাসিকের


হইয়াছে যে, অত্র নগরের রাজশক্তি যে সময়ে উর দেশ শাপন করিতেছিল, এই মূর্তি সেই যুগে নির্মিত হইয়াছিল।

বিচিত্র ঘটিকাবল্ল

সুইজারলাণ্ডে ইণ্টারলেকেনএ একটি বিচিত্র ঘটিকা-যন্ত্র স্থাপিত হইয়াছে। একটা 'টাইম্পিস' ঘড়ী উদ্ভানক্রে— ভূমিতলে এমনভাবে সন্নিবিষ্ট হইয়াছে যে, সহজেই যে কেহ তাহা দেখিয়া সময় নির্ণয় করিতে পারে। ঘটিকাবল্লের ডালার



৪ হাজার ৭ শত ২৫ বৎসর পূর্বে নির্মিত মূর্তি বিবরণে লিপিবদ্ধ হয় নাই। সম্ভ্রান্তি প্রত্নতাত্ত্বিকগণ 'উর' প্রদেশের সন্ধান পাইয়াছেন। মেজর উলি অলুসকান ফলে আত্রাহামের সমসাময়িক মন্দির ও হর্দ্যামালার আবিষ্কার করিয়াছেন। স্তূপ ও ভূমি খনন করিয়া প্রত্ন-তাত্ত্বিকগণ ৪ হাজার বৎসরেরও পূর্ববর্তী অনেক দ্রব্য আবিষ্কার করিয়াছেন। বর্তমান মূর্তিটি ৪ হাজার ৭ শত ২৫ বৎসর পূর্বে নির্মিত হইয়াছিল। গবেষণাকালে স্থিরীকৃত



পুষ্পশোভিত ঘটিকাবল্ল

উপর পুষ্প-লতাসমূহ শৃঙ্খলার সহিত রোপিত। সময়জ্ঞাপক শ্বেতবর্ণের সংখ্যাগুলি, ঘড়ীর কক্ষবর্ণ বক্রোদেশে স্পষ্টভাবে মুদ্রিত। 'সেকেন্ড'-জ্ঞাপক কাঁটাটি পর্যন্ত এই ঘড়ীতে সংলগ্ন আছে। এই পুষ্প-লতাপ্রোভিত বিচিত্র ঘটিকাবল্লটি নয়মানন্দ-দায়ক; ইণ্টারলেকেনের কোনও বাস্তুনিবাসের উদ্ভানক্রে ইহা সংস্থাপিত হওয়ার্তে তদ্রূপ রোপী এবং চিকিৎসকগণ এই ঘড়ী দেখিয়া সময় নিরূপণ করিয়া থাকেন।

তামাকপাতার কফিপাত্র

জর্জিয়ার কোন মেলায় তামাকপাতার দ্বারা নির্মিত একটি অভিনব কফিপাত্র প্রদর্শিত হইয়াছিল। শিল্পী অত্যন্ত কৌশলসহকারে এই পাত্রটি নির্মাণ করিয়াছিল। প্রদর্শনী-ক্ষেত্রে পাত্রটি এমনভাবে রাখা হইয়াছিল যে, পাত্র হইতে যেন কফি ঢালা হইতেছে। ইহাতে দর্শকগণ আধারটির



তামাকপাতা-নির্মিত-কফিপাত্র

প্রতি আকৃষ্ট হইয়াছিল। তামাকপাতা ঐ প্রদেশেই উৎপন্ন হইয়াছিল।

নিন্-হার-সাগ্ মন্দিরস্থ ষণ্ড-মূর্তি

টেল্-এল্-ওবিদ্ জনপদ প্রাচীন উরপ্রদেশের সন্নিহিত স্থানে অবস্থিত ছিল। প্রত্নতাত্ত্বিকগণের প্রচেষ্টার ফলে টেল্-এল্-ওবিদ্ আবিষ্কৃত হইয়াছে। তথায় নিন্-হার-সাগ্ নামক একটি প্রাচীন মন্দির ছিল। এই মন্দির স্তূপমধ্য হইতে আবিষ্কৃত হইয়াছে। মন্দিরগাত্রে একটা শিলালেখ দৃষ্টে প্রত্নতাত্ত্বিকগণ স্থির করিয়াছেন যে, রাজা A-an ne pad-da (আন্নিপদ্য) সেই যুগে উরদেশে রাজত্ব করিয়াছিলেন। তিনি 'নিন্-হার-সাগ্' দেবীর উদ্দেশে উল্লিখিত মন্দির নির্মাণ করাইয়াছিলেন। শিলালেখ পরীক্ষার স্থিরীকৃত হইয়াছে যে, খৃষ্ট-জন্মের ৪ হাজার ৫ শত বৎসর পূর্বে উক্ত শিলালিপি উৎকীর্ণ হইয়াছিল। উল্লিখিত মন্দিরে একটি ষণ্ড-মূর্তি আছে। শুক্রবর্ণের শব্দ অথবা



ব্যাবিলোনীয় প্রাচীন মূর্তি

শুক্তি হইতে ষণ্ড-মূর্তি কোদিত। সম্ভবতঃ পারস্তোপ-সাগর হইতে উক্ত শব্দ অথবা শুক্তি সংগৃহীত হইয়া থাকিবে। সুপ্রাচীন যুগের শিল্প-নৈপুণ্য এই ষণ্ড-মূর্তিতে প্রকটিত। ৬ হাজার ৪ শত ২৫ বৎসর পূর্বের মূর্তি এখনও অভয় অবস্থায় রহিয়াছে।

কোটি বৎসর পূর্বের পদচিহ্ন

হোপাটকং হ্রদের সন্নিহিত প্রদেশে প্রসিদ্ধ আবিষ্কারক হড্-সন্ ম্যান্সিমের জমীদারীতে খনন কার্য চলিতেছিল। সেই




হডসন্ ম্যান্সিম ও ১ কোটি বৎসর পূর্বের প্রাগৈতিহাসিক 'ডিনোসরে'র পদচিহ্নাক্রিত প্রস্তরখণ্ড সময় প্রায় ৩০ ফুট ভূমির নিম্নে একটি নরম প্রস্তরের উপর প্রাগৈতিহাসিক 'ডিনোসর' জীবের পদচিহ্ন

আবিষ্কৃত হইয়াছে। পরীক্ষায় স্থিরীকৃত হইয়াছে যে, এই পদটি ১ কোটি বৎসরের পূর্বে উল্লিখিত প্রস্তরের উপর পড়িয়াছিল।

ত্রিচক্র মোটর গাড়ী

বার্লিন সহরে ত্রিচক্র মোটর গাড়ী নির্মিত হইয়াছে। উহাতে দুই জন আরোহী অনায়াসে উপবেশন করিতে পারে। পাশাপাশি না বসিয়া আরোহীরা একজন অপরের পশ্চাতে বসিয়া থাকে। গাড়ীখানি এলিউমিনিয়ামের



ত্রিচক্র মোটর গাড়ী

দ্বারা নির্মিত। সাধারণ মোটর গাড়ীর মত ইহাতে আলোক, বাতাস-নিবারক কাচ প্রভৃতির সমাবেশ আছে।

পাথীর সখ

আমেরিকার অনেক ব্যক্তি অত্যন্ত পাথী ভালবাসেন। তাঁহার বাড়ীর সম্মুখে তিনি বড় গাছের উপর পক্ষীদিগের জন্য একটি কাঠনির্মিত বহু কক্ষবিশিষ্ট বাসভবন নির্মাণ করিয়া দিয়াছেন। বৃক্ষের গুঁড়িটা তিনি টিনের দ্বারা এমনভাবে বেঁটন করিয়া রাখিয়াছেন যে, মার্জারগণ সে বৃক্ষে আরোহণ করিয়া পাথীদিগের সর্কনাশ করিতে পারে না। পক্ষীগণ নির্ভয়ে সেই বৃক্ষে আসিয়া বাসা বাঁধে অথবা খোপের মধ্যে থাকিবার ব্যবস্থা করিয়া লয়। তাহারা



বৃক্ষকাণ্ডে পক্ষি-ভবন

সহজাত বুদ্ধির প্রভাবে বৃক্ষিতে পারে, উক্ত বৃক্ষ মার্জার দ্বারা আক্রান্ত হইতে পারিবে না, এ জন্য বহুসংখ্যক পক্ষী সেই বৃক্ষে ঋতু অনুসারে আসিয়া বাস করে।

শিল্পীর অভিনব মডেল

শিল্পীরা চিত্রাঙ্কন অথবা প্রস্তরের মূর্তি প্রভৃতি নির্মাণকালে 'মডেল' ভাড়া করিয়া আনিয়া থাকেন। একটা আদর্শ



চিত্রকর নির্ভীক মডেলকে মনোমতভাবে হাঁড় করাইতেছেন

মা পাইলে চিত্রাঙ্কণ প্রভৃতি কার্যের সুবিধা হয় না। জনৈক শিল্পী কয়েকটি সুন্দর মূর্তি গড়িয়া তাহাদিগকে আদর্শ করিয়া চিত্র অঙ্কিত করিয়া থাকেন। ইহাতে তাঁহাকে সজীব মডেলের জন্ত অর্থ ব্যয় করিতে হয় না। মূর্তিগুলি এমনইভাবে নির্মিত যে, তাহাদিগকে ইচ্ছামত অবস্থায় রক্ষা করা যায়। না জানিলে বৃষ্টিতে পারা যায় না যে, মূর্তিগুলি সজীব নহে। শিল্পী যে রকম অবস্থায় চিত্র অঙ্কিত করিতে চাহেন, মূর্তিগুলিকে ঠিক তেমনইভাবে রাখিবার সুবিধা ইহাতে অনেক বেশী। সজীব মডেল অনেক সময় এই নির্জীব মডেলের অবস্থান-ভঙ্গী দেখিয়া আপনাকে সংযত করিয়া রাখিতেও পারে। যে শিল্পী এইরূপ প্রাণহীন মডেলের সাহায্যে চিত্রাঙ্কন করিতেছেন, তাঁহার নাম হারিসন্ ফিসার।

বৈদ্যুতিক দীপশলাকা

চুরুট বা চুরুটিকা ধরাইয়া ধূমপানের প্রয়োজন হইলে দীপশলাকা নহিলে চলে না; কিন্তু বৈজ্ঞানিকগণের কৃপায়

যন্ত্র (চিত্র দেখিলেই বুঝা যাইবে) গৃহমধ্যস্থ যে কোনও বৈদ্যুতিক আলোকাধারের সকেটএ (Socket) সংলগ্ন করিয়া দিলেই যন্ত্রটি এমন উত্তপ্ত হইয়া উঠিবে যে, চুরুট বা চুরুটিকা ধরাইয়া লইতে মুহূর্ত বিলম্ব হইবে না। বিলাসী, সৌখীন পুরুষদিগের পক্ষে এই ব্যবস্থা যে খুবই শ্রেয়প্রদ এবং আধুনিক সভ্যতাভোক্তক, তাহা বলাই বাহুল্য। পুনঃ পুনঃ দীপশলাকা আলিবার বালাই ইহাতে নাই। সৌখীন বন্ধুবর্গকে তৃপ্ত করিয়া আনন্দ অর্জনের অবকাশও ইহাতে আছে।

অভিনব বন্ধনী

চেয়ার, টেবল, খাট, পালঙ্ক প্রভৃতি তৈজসপত্র কিছুকাল ব্যবহারের পর শিথিলপদ হইয়া পড়ে। পায়ালগুলি যাহাতে দৃঢ় ও সুসংবদ্ধ থাকে, সে জন্ত সম্প্রতি এক প্রকার বন্ধনী আবিষ্কৃত হইয়াছে। এই বন্ধনী চেয়ারের ৪টি পায়ার কোণে আবদ্ধ থাকে। তাহাতে পায়ালগুলি পরস্পরের দিকে আকৃষ্ট হয়। এই বন্ধনী টেবল, খাট,



চুরুট ধরাইবার বৈদ্যুতিক আলোক

আমেরিকার বিলাসীদিগের বৈঠকখানা ঘরে দীপশলাকা রাখিয়া চুরুট প্রভৃতি ধরাইবার ব্যবস্থা পরিহার করা হইতেছে। নবনির্মিত বৈদ্যুতিক অগ্নি-উৎপাদক




বন্ধনীয়ুক্ত চেয়ার

প্রভৃতি পায়ালবিশিষ্ট তৈজসপত্রে সন্নিবিষ্ট করিলে, তাহাদের পায়াল দীর্ঘকাল অটুটভাবে থাকিবে। বিশেষজ্ঞগণ বলিতেছেন যে, এই বন্ধনী ব্যবহার করিলে অতি অল্প

খরচে টেবল, চেয়ার প্রভৃতি দীর্ঘকাল অটুট অবস্থায় রাখা যাইবে। বন্ধনী কি প্রণালীতে চেয়ারে সন্নিবিষ্ট হইয়াছে, তাহা চিহ্ন দেখিলেই বুঝিতে পারা যাইবে।

জেরুসালেমের প্রাচীনতম কীর্তি

১২২৬ খৃষ্টাব্দে ফিলাডেল্ফিয়া নগরে একটি প্রদর্শনী বসিবে। বাইবেলের বর্ণনা অনুসারে এবং অন্যান্য বিবরণ সংগ্রহ করিয়া, পণ্ডিতগণ রাজা সলোমনের নিৰ্মিত মন্দির, তাহার অত্যন্ত পবিত্র—কোনও ফারাও নৃপতির কণ্ঠার জন্ত নিৰ্মিত প্রাসাদ প্রভৃতি জেরুসালেম নগরে কি প্রণালীতে নিৰ্মিত হইয়াছিল, তাহা আবিষ্কার করিয়াছেন। সেই প্রাচীনতম যুগে মন্দির, প্রাসাদ প্রভৃতি জেরুসালেমের শোভা কি ভাবে বর্ধিত করিয়াছিল, অভিজ্ঞগণ তাহার নক্সা প্রস্তুত করিয়াছেন। ফিলাডেল্ফিয়া প্রদর্শনীতে, রাজা সলোমনের প্রাচীন কীর্তিকে সজীবিত করিয়া অভিজ্ঞগণ দর্শকদিগকে পরিচুপ্ত করিবেন। ২ শত ৪০ ফুট উচ্চ একটি ছুর্গের দ্বারা




রাজপ্রাসাদের সম্মুখের তোরণ প্রভৃতির দৃশ্য

সলোমনের নগরকে স্নশোভিত করা হইবে। এই ব্যাপারে প্রায় কোটি টাকা ব্যয়িত হইবে বলিয়া জানা গিয়াছে।

জলনিমজ্জন ও বিষাক্ত বাষ্পে মৃত ব্যক্তিকে পুনরুজ্জীবিত করিবার উপায়

আমেরিকা যুক্তরাজ্যে প্রতি বৎসর গড়ে ১২ হাজার লোক বিষাক্ত বাষ্প, বৈদ্যুতিক আঘাত দ্বারা ও জলমগ্ন হইয়া মৃত্যুমুখে পতিত হইয়া থাকে। বিগত বৎসরে শুধু জলে ডুবিয়া ৭ হাজার নরনারী মারা গিয়াছে। চিকাগো নগরের স্বাস্থ্যবিভাগের কমিশনার ডাক্তার হারমান্ বগুসেন্ উল্লিখিত প্রকার অপমৃত্যুর আলোচনা করিয়া মত প্রকাশ করিয়াছেন যে, এইরূপ আকস্মিক মৃত্যু হইলেই তাহার সম্বন্ধে হতাশ হইবার প্রয়োজন নাই। অনেক ক্ষেত্রে জীবন থাকিতেও, চেষ্টার অভাবে তাহাকে মৃতের দলে ফেলা হইয়া থাকে।



প্রাচীনযুগে সলোমনের সময় জেরুসালেম—২ শত ৪০ ফুট উচ্চ ছুর্গ



কৃত্রিম প্রণালীতে রোগীর দেহে শ্বাসপ্রশ্বাস ফিরাইয়া আনা হইতেছে। রোগীর মুখ আবৃত থাকিবে; উপর হইতে নীচের দিকে দুই হাতে মর্দন করিবার কালে করতল চাপিতে হইবে

কৃত্রিম উপায়ে তাহার শ্বাসপ্রশ্বাসক্রিয়াকে ফিরাইয়া আনিবাব চেষ্টা হইলে, তাঁহার মতে, অর্ধেকসংখ্যক ব্যক্তিকে পুনরুজ্জীবিত করিতে পারা যায়। তিনি বলেন, বিষাক্ত বাষ্পপ্রভাবে বা জলমগ্ন হইয়া যাহাদের মৃত্যু ঘটে, তাহাদের প্রায় সকলকেই বাঁচাইতে পারা যায়। অনাবশ্যক বিলম্ব না করিয়া, আকস্মিক ছুঁটিনার অব্যবহিত পরেই


মৃত ব্যক্তির দেহে কৃত্রিম উপায়ে শ্বাসপ্রশ্বাসক্রিয়া ফিরাইয়া আনিবার চেষ্টা করিতে হইবে। অন্যান্য ৪ ঘণ্টাকাল ধরিয়া অবিশ্রান্তভাবে এই প্রক্রিয়া করা দরকার। ডাক্তার বণ্ডসেন্ বলেন, রোগীকে স্থানান্তরিত করিতে, বাতাস দিতে, জলপান করিবার অবকাশ দিতে বা তাহার বস্ত্র শিথিল করিতে অথবা বিলম্ব করা উচিত নহে। জলমগ্ন অবস্থায় মৃত্যু হইলে, তাহার উদর হইতে জল বাহির করিবার চেষ্টা না করিয়া কৃত্রিম উপায়ে শ্বাসপ্রশ্বাসক্রিয়া ফিরাইয়া আনিবার চেষ্টা করিতে হইবে। যদি বৈজ্ঞানিক আঘাতে

কাহারও মৃত্যু ঘটে, সব্বদে তাহাকে তাড়িত প্রবাহের সংস্রব হইতে মুক্ত করিতে হইবে—এরূপ ক্ষেত্রে কাঠ, দড়ি, বস্ত্র বা রবার ব্যবহার করা প্রয়োজনীয়। তাহার তাড়িতাহত দেহকে সহসা স্পর্শ করা সঙ্গত নহে। বিষাক্ত গ্যাসে কাহারও মৃত্যু ঘটলে, অবিলম্বে তাহার দেহ মুক্ত বায়ুতে লইয়া যাইতে হইবে; কিন্তু তাহাকে শীতল স্থানে রাখা বা হাঁটাইবার চেষ্টা করা আদৌ সঙ্গত নহে। সকল ক্ষেত্রেই মৃতদেহে কৃত্রিম উপায়ে শ্বাসপ্রশ্বাসক্রিয়া ফিরাইয়া আনিতে হইবে। স্বাভাবিক ভাবে শ্বাসপ্রশ্বাস বহিতে আরম্ভ

করিলেও রোগীর প্রতি তীক্ষ্ণ দৃষ্টি রাখিতে হইবে। কারণ, অনেক ক্ষেত্রে পূর্ণ শ্বাসপ্রশ্বাসক্রিয়া প্রবর্তিত হইবার পূর্বেই রোগীর শ্বাস বন্ধ হইয়া যাইতে পারে। জ্ঞান ফিরিয়া আসিলেই কৃষ্ণাভ কফি রোগীকে পান করিতে দেওয়া দরকার। ছইন্ডি কি ত্রাণ্ডি পান করান আদৌ কর্তব্য নহে। মোটের উপর কখনও উত্তেজিত না হইয়া ধীরভাবে গুণ্ধা করিতে হইবে।



ধীরে ধীরে মনে মনে ৪ পর্য্যন্ত গণনা করিবার পর হাত ছাড়িয়া দিতে হইবে। কুস্কুসকে বায়ু আকর্ষণ বিকর্ষণের সময় দিয়া আবার পূর্ববৎ মর্দন করিতে হইবে



গ্রাম ও জাতি গঠন

এবার কংগ্রেসে গ্রাম ও জাতি গঠনের দিকে বিশেষ দৃষ্টি দেওয়া হইয়াছে। দেশের মধ্যে সর্বাপেক্ষা প্রবল ও সম্ভবত স্বরাজ্যদলের উপর কংগ্রেস পূর্ণ আস্থা স্থাপন করিয়া দেশের কার্যের ভার লুপ্ত করিয়াছেন। সুতরাং তাঁহারা যে গ্রাম ও জাতি গঠনের কার্যকে দেশের কার্যের মধ্যে সর্বশ্রেষ্ঠ বলিয়া ধরিয়া লইয়া কার্যক্রমে অবতীর্ণ হইবেন, এমন আশা করা অসঙ্গত বা অস্বাভাবিক নহে। এ যাবৎ তাঁহাদের কার্যপদ্ধতির কথা কাগজে বড় বড় হরফে ছাপা হইয়াছে, দেখা গিয়াছে। বাঙ্গালার স্বরাজ্য-নেতাকে কোনও কোনও জিলায় গিয়া বক্তৃতা ও প্রচার-কার্যে ব্যস্ত থাকিতেও দেখা গিয়াছে, কিন্তু গ্রাম ও জাতি গঠনকার্য ইহাতে কতটা অগ্রসর হইয়াছে, জানিতে পারা যায় নাই, সে কার্যের কোথায় কিরূপ ভিত্তিপত্তন হইয়াছে, তাহাও জানা যায় নাই।

কেহ কেহ বলেন, এই প্রচারকার্যের মূলে আগামী কাউন্সিল নির্বাচনের সংস্রব আছে। সকল রাজনীতিক দলই যে এ জন্ম এখন হইতে গ্রামে গ্রামে কেন্দ্রে কেন্দ্রে সভাসমিতি করিতেছেন, আপনাদের কার্যপদ্ধতির ধারা ও প্রকৃতি জনসাধারণকে বুঝাইয়া দিতেছেন, তাহা দেখা যাইতেছে। এই কলিকাতা সহরেই কয়টা propaganda সভা হইয়া গেল। স্বরাজ্য দল সেইভাবে মফঃস্বলে প্রচার-কার্য চালাইতেছেন কি না, তাহাও বুঝা যাইতেছে না। যদি তাঁহারা তাঁহাদের সমস্ত শক্তি ইহাতে নিয়োজিত করিতেন, তাহা হইলে হাওড়া-চুঁচুড়া মুসলমান নির্বাচন কেন্দ্র হইতে সার আবদর রহিমের গত জাতির অনিষ্টকারী মুসলমান নির্বাচিত হইতেন না। সার আবদর আলি-গড়ের বক্তৃতায় তাঁহার সর্ধীর্ণ সাম্প্রদায়িক স্বার্থের ও হিন্দু-বিষেবের প্রকৃষ্ট পরিচয় প্রদান করিয়াছেন; তিনি হিন্দু-মুসলমানের মিলনের পক্ষে ধুমকেতুর মত উখিত হইয়াছেন।

এমন লোক এক শ্রেণীর স্বার্থপর ধর্ম্মাঙ্ক লোকের আদর্শ বন্ধু হইতে পারেন, কিন্তু দেশপ্রেমিক স্বরাজ্যকারীর পরম শত্রু ব্যতীত কিছুই নহেন। সুতরাং এমন লোককে একরূপ নির্বিবাদে নির্বাচিত হইবার অবসর প্রদান করিয়া স্বরাজ্য দল তাঁহাদের অকর্ম্মণ্যতা ও মেরুদণ্ডের অভাবের পরিচয় প্রদর্শন করিয়াছেন। দেশবন্ধুর ব্যক্তিত্বের অভাব এই সময়ে যে রূপ অনুভূত হইতেছে, এমন বোধ হয় পূর্বে হয় নাই। কাষেই বলিতে হয়, স্বরাজ্য দল নির্বাচন-সময়ের প্রচারকার্যেও তাঁহাদের দায়িত্ব পালন করিতে পারিতে-ছেন না, প্রকৃত গ্রাম ও জাতি গঠন করা ত দূরের কথা। বাঙ্গালার স্বরাজ্যদলই সর্বাপেক্ষা শক্তিশালী। এ জন্ম আমরা তাঁহাদের আলস্য ও কর্ম্মশক্তির অভাব দেখিয়া বাঙ্গালার ভবিষ্যৎ অন্ধকারময় হইবে বলিয়া শঙ্কিত হইয়াছি।

সহযোগিতার উত্তরে সহযোগ করিবার নীতি গ্রহণ করিয়া যাহারা স্বরাজ্যদল ছাড়িয়া নূতন দল Responsive Co-operationist গঠন করিয়াছেন, তাঁহাদের কার্যপদ্ধতির ঘোষণায়ও বড় বড় কথা আছে। বোম্বাই সহরে এই দলের অগ্রতম নেতা মিঃ কেলকার বলিয়া-ছেন,—“সহযোগের উত্তরে সহযোগ কথার অর্থ দ্বৈত-শাসনের গুণগান বা সমর্থন করা নহে। আমরা সংস্কার আইন গ্রাহ্য ও উপযুক্ত হইয়াছে বলিয়া সংস্কার আইন-মত কাউন্সিলে কার্য করিতে চাহিতেছি না। আমরা জনসাধারণের যাহাতে মঙ্গল হয়, এমনভাবে কাউন্সিলে কার্য করিতে যাইতেছি এবং এই সংস্কার আইন হইতে আরও সংস্কার-মধু নিঙড়াইয়া বাহির করিতে যাইতেছি। দৃঢ়মূল জমীর উপর দাঁড়াইয়া ব্যুরোক্রেণীর সহিত রাজ-নীতিক যুদ্ধ করিবার জন্ম আমরা সংস্কার আইনকে আশ্রয় করিতেছি। যাহারা অলস বাধাপ্রদানকারী, আমরা তাহাদের অপেক্ষা ব্যুরোক্রেণীর অধিক ভয়ঙ্কর শত্রু।”

বোম্বাইয়ে যে সময়ে কাউন্সিল-কর্ম্মী নূতন দলের নেতা বুঝাইতেছেন,—“কাউন্সিল-কামী ভাঙ্গা দলের সহিত

ঠাঁহাদের নূতন দলের আদর্শের ও কার্যপদ্ধতির কোনও ঠ্রক্য নাই,” ঠিক সেই সময়ে কলিকাতায় এই নূতন দলের এলবার্ট হলের সভায় সভাপতি বৃঝাইতেছেন,—“One Party must be our end, the mother-land must be our sole Goddess! স্বাধীন দেশেই দলাদলি শোভা পায়। আমাদের মত দেশকে এক প্রবল শক্তির বিরুদ্ধে যুদ্ধ করিতে হইতেছে, সুতরাং আমরা দলাদলির ‘বিলাস’ উপভোগ করিতে পারি না।”

এইরূপে বাক্য-সমর চলিতেছে, বক্তৃতা দ্বারা, প্রচার দ্বারা নিজ নিজ দলপুষ্টির চেষ্টা চলিতেছে; কিন্তু গ্রাম বা জাতিগঠনের কোনও চেষ্টাই পরিলক্ষিত হইতেছে না। মহাত্মার প্রভাবের আমলে গ্রামে গ্রামে কংগ্রেস প্রতিষ্ঠান অল্পুষ্ঠিত হইয়াছিল, সে সমস্ত প্রতিষ্ঠান গ্রামে গ্রামে কেন্দ্রে কেন্দ্রে গ্রাম ও জাতি গঠনের কার্য্য করিত, গ্রামবাসী জন-সাধারণের সহিত কংগ্রেসের সংস্পর্শ রক্ষা করিত। আজ সেগুলিকে বাঁচাইয়া তুলিবার কি চেষ্টা হইতেছে? বরং কাউন্সিলবিরোধী অসহযোগীরা সংখ্যায় অল্প হইলেও গ্রামে কায করিতেছেন। ডাক্তার প্রফুল্লচন্দ্র ঘোষ প্রমুখ ত্যাগী কর্ম্মীরা গ্রামে গ্রামে খন্দর স্বন্ধে লইয়া লোকের দ্বারে দ্বারে বিক্রয় করিতেছেন, স্বাবলম্বনের মহামন্ত্রকে স্বকার্য্যে সজীব করিয়া তুলিতেছেন।

আর এক শ্রেণীর কর্ম্মীর কথা উল্লেখ করিতে পারি। ঠাঁহারা কোনও দলাদলির মধ্যে নাই, ঠাঁহারা নীরবত্যাগী কর্ম্মী, নিজের ঢাক পিটিয়া বেড়ান না। এই কর্ম্মিসঙ্ঘের নাম Bengal Health Association. এই নীরব কর্ম্ম-সমিতি যে ভাবে গ্রাম ও জাতি গঠন করিতেছেন, যে ভাবে নর-নারায়ণ-সেবায় আত্মনিয়োগ করিতেছেন, তাহাতে মনে হয়, ঠাঁহারাই গ্রাম ও জাতি গঠনে বাঙ্গালার আদর্শ প্রতিষ্ঠা করিবেন। মাত্র ২ বৎসরের মধ্যে ঠাঁহারা বাঙ্গালার ৭টি জিলায় ৩৫টি স্বাস্থ্যকেন্দ্রের প্রতিষ্ঠা করিয়াছেন এবং ৩০ হাজারেরও অধিক কালাজ্বর-রোগাক্রান্ত ব্যক্তির চিকিৎসার ব্যবস্থা করিয়াছেন। ঠাঁহারা সহস্র সহস্র বাঙ্গালীর প্রাণরক্ষা করিয়াছেন বলিয়া গর্ভ্বাভব করিয়া থাকেন। এ গর্ভ্ব করা আমরা স্বাভাবিক বলিয়াই মনে করি। উৎকট ও হুরারোগ্য রোগে একটি প্রাণ-রক্ষাই রক্ত বড় কথা, সহস্র প্রাণরক্ষার ত কথাই নাই।

সমিতি যে কেবল কালাজ্বর ও ম্যালেরিয়া উচ্ছেদে বহুবান্ হইয়াছেন, তাহা নহে, ঠাঁহারা আলোকচিত্র প্রদর্শন ও পুস্তকপুস্তিকা প্রচারের সাহায্যে বাঙ্গালীর ঘরে ঘরে ঠাঁহাদের মহতী বার্তা লইয়া যাইতেছেন। বাঙ্গালার বিশেষ রোগের নিদান নির্ণয়ে ঠাঁহারা গবেষণার বিশেষ বন্দোবস্ত করিয়াছেন। রোগের সেবা-পরিচর্য্যায় ঠাঁহারা এক দল মহাপ্রাণ যুবককে স্বেচ্ছাসেবায় পারদর্শী করিয়া তুলিতেছেন। ঠাঁহাদের মূলমন্ত্র—লোকসেবা, উপায় ভগবানের আশীর্বাদ ও স্বাবলম্বন। আশা করি, ঠাঁহাদের মহৎ উদ্দেশ্য সার্থক হইবে।

যদি এইভাবেও গ্রাম ও জাতি গঠন কার্য্য গড়িয়া তুলিয়া যায়, তাহা হইলেও দেশের প্রভূত মঙ্গল। নতুবা কেবল কাকদ্বন্দ্ব ও দলাদলিতে শক্তির অপচয় হইবে মাত্র।

প্রধানী ভারতীয় ও

দৃষ্টিশ ক্ষমতা

ব্যবস্থা পরিষদে বড় লর্ড রেডিং যে বক্তৃতা করিয়াছেন, তাহাতে প্রবাসী ভারতীয়দিগকে কোনও আশা দিতে পারেন নাই। কেবল চেষ্টা হইতেছে,—আশাহত হইবার কারণ নাই বলিয়া আশ্বাস দিলে প্রকৃত কায হয় না। লর্ড রেডিং দক্ষিণ-আফ্রিকায় যে ডেপুটেশন প্রেরণ করিয়াছেন, সেই ‘সরকারী ডেপুটেশনকেও’ সেখানকার কর্তৃপক্ষ আমল দেন নাই। এ অপমানটাও লর্ড রেডিং বেমানুম পকেটস্থ করিয়াছেন। দক্ষিণ-আফ্রিকায় শ্বেতকার কর্তৃপক্ষ আপাততঃ “দয়া করিয়া” কোণঠেসা আইন স্থগিত রাখিয়াছেন বটে, কিন্তু সে আইন যে অদূর-ভবিষ্যতে বিধিবদ্ধ হইবে, তাহা ঠাঁহাদের ব্যবহারেই বৃঝা যাইতেছে। এমন কি, সম্প্রতি তার আসিয়াছে যে, Action is being taken already in South Africa as if the Bill had become law of the land and renewals of licenses are being refused. সুতরাং মনে হয়, মহাত্মা গান্ধী সে দিন যাহা বলিয়াছেন, তাহাই সত্য হইবে। তিনি বলেন, হয় ত লর্ড রেডিং এই বিলের সামান্য অঙ্গ-বদল (trifling alteration in detail) করাইতে সমর্থ হইবেন, কিন্তু এই বিলের হলে যে বিষ থাকিবে, তাহার কিছুই করিতে পারিবেন না। ১৯১৪ খৃষ্টাব্দে

রক্ষা হয়, সেই রক্ষা অনুসারে ভারতীয় প্রবাসীদের যে সমস্ত অধিকার দেওয়া সাব্যস্ত হইয়াছিল, কোণঠেসা আইনে তাহা ধ্বংস করা হইবে। ১৯১৪ খৃষ্টাব্দ হইতে এ যাবৎ ক্রমশঃ সেই অধিকার নানারূপে ধ্বংস করিয়া আনা হইতেছে। ইহার পর আইন বিধিবদ্ধ হইলে ভারতীয় প্রবাসীর পক্ষে দক্ষিণ-আফ্রিকায় বাস করা অসম্ভব হইবে। অথচ রক্ষার স্থির হইয়াছিল,—No more disabilities but steady improvement in the position of Resident Indian population after removal of fear for unrestricted immigration of Indians. নূতন ভারতীয় প্রবাসী অতিরিক্ত সংখ্যায় যাহাতে দক্ষিণ-আফ্রিকায় আসিতে না পারে, তাহার আশঙ্কা কি নানা আইনে দূর করা হয় নাই? এখন ত শুনা যায়, যাহারা বহুদিন যাবৎ ঐ স্থানে বাস করিতেছে, তাহাদেরই সেখানকার জন্মভূমিতে বাস করা দায় হইয়া উঠিয়াছে, নূতন প্রবাস-বাসেচ্ছু ভারতীয় ত দূরের কথা। তবে? বাসিন্দা ভারতীয়ের অবস্থার উন্নতিবিধান না করিয়া বরং অবনত করিবার চেষ্টা হইতেছে কেন? ইহা কোন্‌ ঞ্চার্ধর্ম অনুমোদিত? লর্ড রেডিংই বা এই অন্টারের বিপক্ষে ডেপুটেশন পাঠাইলে সেই ডেপুটেশন অপমানিত হইলে নীরব থাকেন কেন?

গন্ধী-স্মার্টস রক্ষাটা দক্ষিণ-আফ্রিকায় উড়াইয়া দিবার চেষ্টা হইতেছে। সেখানকার 'কেপ টাইমস' পত্র লিখিয়াছেন, যে সময়ে ঐ রক্ষা হইয়াছিল, তখনকার অবস্থানুসারে দক্ষিণ-আফ্রিকায় কর্তৃপক্ষ যে ব্যবস্থা করিয়াছিলেন, এখনকার কর্তৃপক্ষ ভিন্ন অবস্থায় সেই রক্ষা মানিয়া চলিবেন কেন? মিঃ প্যাট্রিক ডানকান নামক দক্ষিণ-আফ্রিকাবাসী বলিয়াছেন, The Bill does not interfere with the Gandhi-Sumtts Agreement. ইহা কেমন ঞ্চার্ধর্ম অনুমোদিত যুক্তি? সুযোগ ও সুবিধা বুঝিয়া যদি রক্ষা রদ-বদল করা যায়, তাহা হইলে রক্ষার মূল্য কি? তাহা হইলে জগতে যত সন্ধি-সম্বন্ধ হইয়াছে, তাহারই বা মূল্য কি? জার্মান কাইজার বেলজিয়ামের নিরপেক্ষতা রক্ষার সম্বন্ধে সন্ধিকে 'চোতা কাগজ' বলিয়া অগ্রাহ্য করিয়াছিলেন বলিয়া মহাযুদ্ধ সংঘটিত হইয়াছিল, ইংরাজের বিবরণেই এইরূপ প্রকাশ। সে জন্ত জার্মান কাইজারকে দানা, দৈত্য, রাক্ষস, বর্ষর আখ্যায়ণও ভূষিত করা হইয়াছিল। তবে আজ সুসভ্য

ঞ্চার্ধর্মপরায়ণ অপকৃপাত ইংরাজ উপনিবেশ গন্ধী-স্মার্টস রক্ষাকে কালোপযোগী নহে বলিয়া উড়াইয়া দিতে চাহিতেছেন কেন? দক্ষিণ-আফ্রিকায় খেতাদার না কি বড়ই ধর্মভীরু,—ঠাঁহারা ঠাঁহাদের যুনিয়ন পার্লামেন্টের কোন মরশুমী অধিবেশনকালে ভগবানের দয়া প্রার্থনা না করিয়া কার্য্যারম্ভ করেন না। ঠাঁহাদের ভগবান্ কোন্‌ ভগবান্? সে ভগবান্ কি কেবল দক্ষিণ-আফ্রিকায় খেতকারের ভগবান, আর কাহারও নহেন?

কেবল যে এশিয়াবাসীর বিরুদ্ধে খেতকারদের এই সঙ্কীর্ণ স্বার্থসমর, তাহা নহে, তাহারা Class Areas Bill ও Colour Bar Bill দ্বারা দক্ষিণ-আফ্রিকায় আদিম কৃষাজ্ঞ অধিবাসীদিগকেও 'নিজ বাসভূমে পরবাসী' করিবার চেষ্টা করিতেছেন। এ জন্ত ঠাঁহাদের দলপতিয়া ভারতীয় সমস্তকেও নিজস্ব সমস্তা করিয়া লইয়া একযোগে এই সমস্ত অন্টার বর্ষর আইনের প্রতিবাদ করিতে বন্ধ-পরিকর হইয়াছেন। ইহার পরিণাম কি, তাহা এই মুষ্টিমেয় আফ্রিকান খেতাজ সমাজ না জানিতে চাহিলেও সাম্রাজ্যবাদী ইংরাজ রাজনীতিকরা অবশ্যই বুঝেন। এই যে সারা জগৎময় উদ্ধত, গর্কিত, সাম্রাজ্যবাদী খেতাজের ব্যবহারে জাতিবিদ্বেষের হলাহল উখিত হইতেছে, ভবিষ্যতে ইহাতে কি জগতের শান্তি পর্য্যদস্ত হইবে না?

লর্ড রেডিং আইনজ্ঞ কূট-রাজনীতিক, এইরূপই ঠাঁহার খ্যাতি আছে। তিনি 'আইন ও শৃঙ্খলার' এত স্তাবক হইয়া কিরূপে সাম্রাজ্যমধ্যে ভবিষ্যতে আইন ও শৃঙ্খলার অন্তরায়, অসন্তোষ ও অশান্তির বীজ অঙ্কুরিত হইতে দিতেছেন? আফ্রিকানরা মুখে যতই 'লম্বাই চৌড়াই' করুক, তাহারা ইহা বিলক্ষণ জানে যে, ইংরাজের সাহায্য ব্যতীত তাহাদের মত মুষ্টিমেয় জাতি জগতে এক দিন স্বাধীন থাকিতে পারে না। তাহাদেরই পার্লামেন্টের এক সদস্য স্বীকার করিয়াছেন যে, ইংরাজের নৌবহর ঠাঁহাদের দেশ রক্ষা না করিলে ঠাঁহারা এক দিনও তিষ্ঠিতে পারেন না। যদি ইহাই হয়, তাহা হইলে সাম্রাজ্যের মঙ্গলের জন্ত তাহাদিগকে ইংরাজ কি ভারতের প্রতি সমানের ব্যবহার করাইতে বাধ্য করিতে পারেন না? তাহারা স্বায়ত্ত-শাসিত, অতএব তাহাদিগের আভ্যন্তরীণ ব্যাপারে হস্তক্ষেপ করা যায় না,—এ সব ভূয়া কথা বলিয়া লোক ভুলাইলে চলিবে

না। ও সব কথা অনেক হইয়া গিয়াছে। এখন লর্ড রেডিং যদি আপনার ও ভারত সরকারের প্রতিপত্তি রক্ষা করিতে চাহেন, তাহা হইলে কথার আখ্যাস ছাড়িয়া কাঁচ ধরুন, বাহারা ক্ষুদ্র ও মুষ্টিমেয় হইয়া তাঁহার সরকারকে অপমান করিয়াছে, তাহাদের সমুচিত প্রত্যুত্তর দানের ব্যবস্থা করুন, অন্তথা তাঁহার ‘আখ্যাসের প্যাশিকিক্’ বহিলেও ভারতবাসীর মন ভিজিবে না।

লর্ড রেডিং কেবল এইটুকু স্মরণ রাখুন যে, যে বৃটিশ ‘কমনওয়েলথের’ মধ্যস্থ ভারতে তিনি ‘চারবিচার’ করিতে আসিয়াছেন, সেই ভারতের লোক দক্ষিণ-আফরিকায় উড়িয়া গিয়া জুড়িয়া বসে নাই। তাহারা খেতানদের আহ্বানেই সেখানে গিয়াছিল এবং পরিশ্রম ও অধ্যবসায় দ্বারা সেখানে জঙ্গলকে আবাদ করিয়াছে; পরন্তু তাহারা সেখানে পুরুষানুক্রমে বসবাস করিতেছে। তাহারা সে দেশকেই জন্মভূমি বলিয়া জানে, ভারতে তাহাদের অনেকের ঘরবাড়ী নাই—আত্মীয়-স্বজনও নাই। তাহাদের বিপক্ষে প্রবাসী খেতানদের প্রধান অভিযোগ কি, তাহা বিশপ ফিসারের পুস্তিকা পাঠেই জানা যায় :—“ভারতীয়রা মণ্ডপায়ী নহে। এ জন্ম তাহারা যে টাকা জমাইতে পারে, তাহারই জন্ম তাহারা যুরোপীয়ের অপেক্ষা কম দরে মাল বেচিতে পারে। যুরোপীয়রা সরাপক্রমে যে টাকাটা উড়াইয়া দেয়, তাহাতে সংসারে মিতব্যয়ী হইয়া বাস করিতে পারে না। ঘোড়দৌড় ও অন্যান্য জুয়াখেলায়, ফুটবল, হকি ইত্যাদি খেলায়, নাচ-তামাসায় ও বিলাসে অতিরিক্ত ব্যয় হেতু যুরোপীয়রা জীবন-সংগ্রামে ভারতীয়ের নিকট হটিয়া যাইতেছে, এ জন্ম ব্যবসায় প্রতियোগিতায় পরাজিত হয়।” সুতরাং অপরাধটা ভারতীয়ের নহে, যুরোপীয়ের নিজের। সে অপরাধের জন্ম দণ্ড পাইবে কি ভারতবাসী?

শ্রীশচন্দ্রের মোক্ষান্তর

কলিকাতার প্রসিদ্ধ বাঙ্গালী কাগজ-ব্যবসায়ী শ্রীশচন্দ্র গুপ্ত মহাশয় গত ৩রা মাঘ রবিবার তাঁহার কলিকাতার বাসা-বাটীতে অকালে ইহলোক ত্যাগ করিয়াছেন। যে বয়সে অধুনা বাঙ্গালীর সচরাচর মৃত্যু হয়, শ্রীশচন্দ্র সে বয়সের সান্নিধ্য লাভ করেন নাই, এমন নহে, তবে সে বয়সেও তিনি পূর্ণ কর্মক্রম ও উৎসাহ উত্তমশীল ছিলেন, ইহাই আমাদের শোকের কথা। আমরা তাঁহাকে মৃত্যুর দিনের মাত্র ২ দিন পূর্বে ‘বহুমতী সাহিত্য-মন্দিরে’ সহাস্তাননে আমাদের সহিত রহস্তালাপ করিতে দেখিয়াছি; সুতরাং এত শীঘ্র যে তিনি এইরূপে এই পৃথিবী হইতে চিরদিনের জন্ম বিদায় গ্রহণ করিবেন, তাহা মনে করিতে পারি নাই।



শ্রীশচন্দ্র গুপ্ত

শ্রীশচন্দ্র নিজের অধ্যবসায়গুণে ‘বড়’ হইয়াছিলেন। ইংরাজীতে যাহাকে বলে Self-made man, শ্রীশচন্দ্র তাহাই ছিলেন। কালনার তাঁহার পৈতৃক নিবাস। বিশ্ববিদ্যালয়ের বিদ্যায় তিনি যশঃ অর্জন না করিলেও তীক্ষ্ণবুদ্ধি ও ধীশক্তিসম্পন্ন ছিলেন, বিশেষতঃ তাঁহার বাল্যকাল হইতেই ব্যবসায়বুদ্ধি ছিল। যৌবনে কানপুরে ব্যবসায়-ক্ষেত্রে তিনি অশেষ উন্নতি-সাধন করেন। কানপুরে সে সময় তাঁহার প্রভাব অসীম ছিল, তাঁহার চেষ্টায় কানপুরে কংগ্রেসের অধিবেশন হইয়াছিল। তিনি কলিকাতায় প্রত্যাবর্তন করিয়া কাগজের ব্যবসায় উত্তরোত্তর শ্রীবুদ্ধি লাভ করিয়াছিলেন। কাগজের কাষে তাঁহার বিশেষ অভিজ্ঞতা ছিল। তিনি স্বয়ং ইংরাজী ভাষায় তাঁহার একখানি জীবন-কথা লিপিবদ্ধ করিয়াছিলেন, সেখানি প্রকাশিত হয় নাই। আমরা উহা পাঠ করিয়া বুঝিয়াছি, কি গুণে শ্রীশচন্দ্র কাগজের ব্যবসায় প্রতियোগিতায় বিদেশীয়গণকেও পরাস্ত করিয়া, কর্মক্ষেত্রে সাকল্য-গৌরবে মণ্ডিত হইয়াছিলেন। বাঙ্গালী যুবকগণের মধ্যে সেই গুণের

সম্যক আদর হইলে বাঙ্গালীও দেশে নিত্য নূতন ধনাগমের পথ নির্বাচন করিয়া লইতে শিখিবে।

এক পুত্র-বিয়োগই শ্রীশচন্দ্রের বড় বাজিয়াছিল। প্রায় এক বৎসর হইতে চলিল, তাঁহার একটি কৃতী পুত্র যৌবনে ইহলোক ত্যাগ করেন। সেই পুত্রটি অশেষ গুণসম্পন্ন ছিলেন, এজন্য তিনি সকলেরই প্রিয়পাত্র ছিলেন। শ্রীশচন্দ্র সে আঘাতও কিরূপ অসাধারণ ধৈর্য্যসহকারে সহ্য করিয়াছিলেন, তাহা আমরা জানি। কিন্তু কৃষ্ণের অকাল-মৃত্যুর শোক ভ্রাম্মাচ্ছাদিত বহির মত শ্রীশচন্দ্রের বুকের মাঝে অহরহ ঝিকি ঝিকি জলিতেছিল। সেই অগ্নিই শেষে তাঁহাকে ভস্মীভূত করিয়াছে।

মৃত্যুর পূর্ক-মুহূর্ত পর্য্যন্তও শ্রীশচন্দ্র কার্য্য করিয়াছিলেন। সেই দিন সন্ধ্যার পর বন্ধোমধ্যে যন্ত্রণা অনুভব করেন এবং অতি অল্পকালমধ্যেই ইহলোক ত্যাগ করেন।

শ্রীশচন্দ্র কালনার গণ্যমাণ ছিলেন, তথাকার অনারারী ম্যাজিষ্ট্রেট হইয়াছিলেন। তিনি সদা সহায়বদন, রত্নরসপ্রিয়, মিষ্টভাষী, সদালাপী, সামাজিক লোক ছিলেন। তাঁহার বন্ধুভাগ্যও ভাল ছিল। তাঁহার মৃত্যুতে অনেকেই ব্যথা অনুভব করিয়াছেন। তাঁহার বিধবা পত্নী বিছবী ফুলকুমারী গুপ্তা ও ভাগ্যহীন পুত্রগণ তাঁহার আত্মার মঙ্গল কামনা করিয়া শোকে সাশ্বনা লাভ করুন, ইহাই কামনা।

তারকেশ্বর

ব্রাহ্মণসভার উদ্বোধনে তারকেশ্বরের মোহান্তের বিপক্ষে হাইকোর্টে যে মামলা চলিতেছিল, তাহার মীমাংসা হইয়া গিয়াছে। হাইকোর্ট সিদ্ধান্ত করিয়াছেন যে, তারকেশ্বরের মন্দির, দেবসেবা ও বাজারের কর্তৃত্ব এখন রিসিভারের হস্তে গ্ৰস্ত থাকিবে, যত দিন সে সম্বন্ধে শেষ মীমাংসা না হয়, তত দিন ঐ কর্তৃত্ব অক্ষুণ্ণ থাকিবে; তবে মোহান্ত ইহা ছাড়া তারকেশ্বরের অন্যান্য সম্পত্তির মালিকান-স্বত্ব উপভোগ করিতে পারিবেন এবং তাঁহার প্রাসাদের একাংশে রিসিভারের কার্যালয় থাকিবে ও মোহান্ত অপরংশ দখল করিবেন। বলা বাহুল্য, হাইকোর্টের এই সিদ্ধান্ত হিন্দুসমাজের পক্ষে আদৌ সন্তোষজনক হয় নাই। ব্রাহ্মণসভা এই সিদ্ধান্তের বিপক্ষে প্রতিকারার্থে আপীল করিবার জন্ত হাইকোর্টের

অনুমতি চাহিয়াছেন। আপীলে বাহাই হউক, দেবত্র সম্পর্কিত বিষয়ের ব্যবস্থা বাহাতে নির্দোষ হয়, সে জন্ত হিন্দু সমাজের চেষ্টা করা কর্তব্য। হাইকোর্টে যে মামলা হয়, তাহার পরিচালনকার্য্যে অনেক দোষ ছিল। মামলা-চালকরা হিন্দুর আচার-ব্যবহার ও ধর্মকর্মসম্বন্ধে সম্পূর্ণ অনভিজ্ঞ, বিদেশী, বিজ্ঞাতি, বিধর্মী ব্যবহারাজীবের হস্তে মামলা পরিচালনের ভার দিয়া বুদ্ধিমত্তার পরিচয় দিয়াছিলেন বলিয়া আমরা মনে করি না। তাহার উপর মহামাত্র হাইকোর্টের বিচারকরাও যে হিন্দুর দেবত্র আইনসম্পর্কে হিন্দু ব্রাহ্মণ-পণ্ডিতগণের শাস্ত্রসম্মত যুক্তিতর্কের সাহায্য গ্রহণ করিয়া এই মামলার বিচার-সিদ্ধান্ত করা সমীচীন বলিয়া মনে করেন নাই কেন, তাহা বুঝিয়া উঠা যায় না। 'কোম্পানীর আমলে' এই প্রথা বিদ্যমান ছিল। ইংলণ্ডের রাজবংশ ভারতের শাসনদণ্ড কোম্পানীর নিকট হইতে স্বহস্তে গ্রহণ করিবার পর মহারাণী ভিক্টোরিয়া তাঁহার বিখ্যাত ঘোষণাপত্রে এ দেশের লোকের ধর্মসম্বন্ধে নিরপেক্ষতা অবলম্বন করিবেন বলিয়া প্রতিশ্রুতি প্রদান করিয়াছিলেন। তাঁহার পুত্র সম্রাট সপ্তম এডওয়ার্ড এবং পৌত্র সম্রাট পঞ্চম জর্জ এই প্রতিশ্রুতি এ যাবৎ পালন করিয়া আসিয়াছেন এবং আপনারাও এই প্রতিশ্রুতির পুনরাবৃত্তি করিয়াছেন। সে ক্ষেত্রে হিন্দুর দেবত্র আইনসম্পর্কিত এমন জটিল মামলার বিচারকালে শাস্ত্রজ্ঞ ব্রাহ্মণ-পণ্ডিতের মতামত গ্রহণ করিয়া মামলার বিচার করিলে নিরপেক্ষতা অবলম্বনের মূল উদ্দেশ্য সাধিত হইতে পারে, অত্যাধিক লোকের মনে সন্দেহ ও অসন্তোষ সঞ্চার হইবার সম্ভাবনা। বিচারক যতই আইনজ্ঞ হউন না, এ দেশের শাস্ত্রসম্বন্ধে সম্পূর্ণ অভিজ্ঞ না হইলে এ দেশের দেবত্র-সম্পর্কিত মামলার সুবিচার করিতে পারেন বলিয়া হিন্দুসমাজ নিঃসন্দেহ হইতে পারেন না। সুতরাং বাহা হইবার হইয়া গিয়াছে, এখন আপীল গুনানীর সময়ে সরকার এ বিষয়ে দৃষ্টি রাখিয়া মামলার বিচারের ব্যবস্থা করিবেন, এমন দাবী অবশ্যই করা যাইতে পারে।

বিচারকালে আর একটা কথা লক্ষ্য করা কর্তব্য। গুনা যায়, বর্তমান মোহান্ত সতীশগিরি আয়কর হইতে অব্যাহতিলাভেছার কোনও সময়ে স্বীকার করিয়াছিলেন যে, যেহেতু, তারকেশ্বর দেবত্র সম্পত্তি, সেই হেতু ঐ দেবত্র সম্পত্তির উপর আয়কর বসিতে পারে না। এ কথা

সত্য হইলে তাঁহাকে স্বীকার করিতে হয় যে, তারকেশ্বর দেবতার সম্পত্তি, তাঁহার বা অন্য কাহারও স্বোপার্জিত বা উত্তরাধিকার-স্বত্বে প্রাপ্ত সম্পত্তি নহে। আর একটা কথা, তারকেশ্বরে দেবতার পূজা, ভোগ, মানসিক আদি অর্থ হইতে তারকেশ্বরের সম্পত্তির উদ্ভব হইয়াছে, কেহ নিজের তহবিল হইতে অর্থ যোগান দিয়া এই সম্পত্তির সৃষ্টি করেন নাই। দেবতার জন্ম সংগৃহীত অর্থ হইতে যে সম্পত্তির সৃষ্টি হয়, এবং তাহার উপস্থিত হইতে যাহা কিছু (কোটাবালাখানা জমীদারী ইত্যাদি) গড়িয়া উঠে, তাহাও দেবতার; সুতরাং তারকেশ্বরের সম্পত্তি দেবতার না হইয়া অন্য কাহারও তাহাতে মালিকান-স্বত্ব কিরূপে সঞ্জাত হইতে পারে, তাহা শাস্ত্রজ্ঞ ও আইনজ্ঞ ব্যক্তিরাই বিবেচনা করিয়া দেখিতে পারেন।

১৮৮৮ খৃষ্টাব্দে তারকেশ্বরের মোহান্ত সতীশ গিরি তদানীন্তন মোহান্ত মাধবচন্দ্র গিরির নিকট যে প্রতিশ্রুতি প্রদান করিয়া দীক্ষা গ্রহণ করিয়াছিলেন, নিম্নে তাহার অবিকল নকল প্রদান করা হইল। সেই প্রতিজ্ঞা বা প্রতিশ্রুতি-পত্র ১৮৮৮ খৃষ্টাব্দের ২রা ফেব্রুয়ারী হুগলীর সদর সাব রেজিষ্টারী অফিসে রেজিষ্টারী করা হইয়াছিল। ইহা সেই খৃষ্টাব্দের ৭১৮ নম্বর হিসাবের ৪ নম্বর পুস্তকাবলীর প্রথম পুস্তকের ৩৫ পৃষ্ঠায় পাওয়া যাইবে। সেখানে সেই প্রতিশ্রুতিপত্র যে ভাষায় যে ভাবে রেজিষ্টারী করা হইয়াছিল, তাহাই অবিকল সেই ভাবে কোন প্রকার বর্ণাঙ্কিত কিংবা ভাষাঙ্কিত প্রতি-লক্ষ্য না করিয়া সাধারণের অবগতির জন্ত প্রকাশিত হইল :--

“প্রতিশ্রুতি-পত্র

মহামহিম শ্রীযুত রাজা মাধবচন্দ্র গিরি মোহান্ত গুরু পিতা ৮রাজা রঘুচন্দ্র গিরি মোহান্ত জাতি সন্ন্যাসী, পেশা বৃত্তিভোগী, সাকিম জোৎশষু ওরফে তারকেশ্বর পরগণে বালীগড়ি ষ্টেশন সব রেজিষ্টারী হরিপাল ডিষ্ট্রিক্ট হুগলী মহাশয় বরাবরেষু, লিখিতঃ শ্রীভেরারাম হুবে পিতা ৮কেশ্বরাজ হুবে, জাতি ব্রাহ্মণ, পেশা কার্য ক্রিয়াদী, সাং হুবে ছাপয়া, পরগণা বেলিয়া, থানা হুগলী, ডিষ্ট্রিক্ট বেলিয়া, হাল সাং তারকেশ্বর, বালীগড়ী ষ্টেশন ও সবরেজিষ্টারী হরিপাল ডিষ্ট্রিক্ট হুগলী।

কন্তু একরার পত্রমিদং কার্যকাণ্ডে তুমার পিতা ও

সহোদর ভ্রাতা ও ভগ্নী না থাকার আমি স্বয়ং স্বাধীন থাকার ইচ্ছা পূর্বক অন্তের বা মহাশয়ের বিনামুরোধে সন্ন্যাসধর্ম অবলম্বন করার আশায় মহাশয়ের চেলা হওন প্রার্থনার প্রায় তিন বৎসর হইল মহাশয়ের বাটীতে থাকিয়া লেখা-পড়া শিক্ষা করিতেছি। এক্ষণে আমার অভিভাবক বা কুটুম্বাদির নিরাপত্যে অত্র মঠের প্রথামুসারে মন্তক মুণ্ডন চেলা হইবার কারণ একরার লিখিয়া দিতেছি যে, রাজ আজামুসারে অত্রস্থানে থাকিয়া মঠের রিত অমুসারে সচ্চরিত্রে কালযাপন এবং মহাশয়ের জিজ্ঞাসামুসারে সকল কার্য করিতে থাকিব। যদি আমার সচ্চরিত্রের কোন বৈলক্ষণ্য হয় অর্থাৎ সচ্চরিত্রে এবং মহাশয়ের জ্যোতজ্ঞার ও প্রথার কোন বিপরীত কার্য করি, তাহা হইলে মঠের রিত্যামুসারে আমাকে মঠ হইতে বহিষ্কৃত করিয়া দিবেন। তৎকালে আমি মহাশয়ের বা মঠের উপর কোন দাবী দাওয়া করিতে পারিব না এবং করিলেও তাহা সিদ্ধ হইবে না। ভবিষ্যতে আমার কেহ আত্মবর্গ আমার সন্ন্যাসধর্ম লওন পথে কোন আপত্য উপস্থিত করেন, যখন আমি আপন ইচ্ছা পূর্বক ও অন্তের ও মহাশয়ের বিনামুরোধে স্বেচ্ছাপূর্বক স্বয়ং সন্ন্যাসধর্ম অবলম্বন করিতেছি, তখন যে ওরাৎ হউক, আমিই তাহাদিগের দাবী দাওয়া মীমাংসা করিয়া দিব। মহাশয়ের সহিত কোন এলাকা রহিবে না। আর প্রকাশ থাকে যে, আমি সচ্চরিত্রে থাকিলেও কেবল খোরাক পোষাক পাইব এবং যে মঠে যখন যাইতে আজ্ঞা করিবেন, তৎক্ষণাৎ যাইব। খোরাক জন্ত আমি মহাশয়ের বর্তমানে বা অবর্তমানে মঠের উপর কোন দাবী দাওয়া করিতে পারিব না। এতদার্থে অত্র একরার পত্র লিখিয়া দিলাম। ইতি সন ১২৯৩ বার শত চোরানব্বই সাল মোতাবেক তারিখ ১৩ই মাঘ, ইংরাজী ১৮৮৮ সাল, ১লা ফেব্রুয়ারী। নবিসিন্দা শ্রীকুঞ্জবিহারী লাল, সাং চক কেশব, শ্রীবরদাপ্রসাদ গঙ্গোপাধ্যায়, শ্রীলকুড়চন্দ্র চট্টোপাধ্যায়, সর্ব সাং ভঙ্গপুর, ইসাদী শ্রীমহিন্দ্রনাথ আচার্য হাং সাং তারকেশ্বর, শ্রীভোলানাথ ধারা সাং ভাটা, শ্রীতারিণী-চরণ তর্কভূষণ হাং সাং তারকেশ্বর, শ্রীকার্তিকচন্দ্র রায় সাং মালিগড়ী, শ্রীশশীভূষণ বল্লভ সাং তারকেশ্বর, শ্রীশ্রীকান্ত সিংহ রায় সাং পর্দারপুর, শ্রীপাঁচকড়ি মুখোপাধ্যায় হাং সাং তারকেশ্বর, ৪৮৬ নং ইং সন ১৮৮৮ ১৭ই জানুয়ারী

খরিদদার ভেরারাম ছবে। জেলা গাজীপুর সাং ছবে ছাপরা, হাং সাং তারকেখর। কওলা কারণ দাম ১ এক টাকা মাত্র। ভেণ্ডার উমেশচন্দ্র মুখোপাধ্যায়, সাং হরিপাল।”

মোহান্ত মাধবগিরির নিকট সতীশগিরির এই প্রতিশ্রুতি প্রদানের কথায় কি বুঝা যায়? সন্ন্যাসগ্রহণ, সচ্চরিত্র থাকিয়া কালযাপন, অন্তথা মঠ হইতে বিদায়গ্রহণ,

পারেন। আমরা আশা করি, এ বিষয়ে আপীল শুনানীর সময়ে সকল পক্ষের মনোযোগ আকৃষ্ট হইবে।

লর্ড কার্মাইকেলে

বঙ্গালার প্রথম গভর্নর লর্ড কার্মাইকেল ইহলোক ত্যাগ করিয়াছেন। বঙ্গ-ভঙ্গ রদ করিয়া যখন দিল্লীর দরবারে

রাজকীয় ঘোষণা প্রচারিত

হয়, তখন লর্ড কার্মাই-

কেল মাদ্রাজের গভর্নর।

সে সময়ে শাসনে তিনি

সুন্মাম অর্জন করিয়া-

ছিলেন। ভাঙ্গা বঙ্গালা

যোড়া দিবার পর কর্তৃপক্ষ

তাঁহাকেই নূতন বঙ্গালার

গভর্নরের মসনদে বসাইয়া

দেন। সে সময়ে লর্ড

কার্মাইকেল অনেক উচ্চ

আশা হৃদয়ে পোষণ

করিয়া বঙ্গালা শাসন

করিতে আইসেন। বঙ্গা-

লার জলকষ্ট নিবারণ

করার সঙ্কল্প তন্মধ্যে অন্ত-

তম। ব্যক্তিগত হিসাবে

লর্ড কার্মাইকেল উদার ও

উচ্চমনা, সামাজিক ও

জনপ্রিয় ছিলেন, এ কথা

বলা যায়। কিন্তু এ

দেশের স্বৈচ্ছাচার-মূলক

আমলাতন্ত্র-শাসন ব্যাপারে

যিনি নিজের ব্যক্তিত্বের

প্রভাব ফুটাইয়া তুলিতে



কলিকাতা সাহিত্য-সম্মিলনে লর্ড কার্মাইকেল

মঠের উপর তখন কোনওরূপ দাবী করিবার অধিকার বর্জন, কেবল খোরাকপোষাক পাইবার ইচ্ছাপ্রকাশ ও প্রতিশ্রুতি প্রদান,—এই প্রতিজ্ঞায় দেবত্র সম্পত্তিতে তাঁহার মালিকান-স্বত্বের কথা যুগাকরে অসুস্থচিত হয় কি না, নিরপেক্ষ ব্যক্তির তাহা বিচার করিয়া দেখিতে

না পারেন, তিনি শাসনে সফলকাম হইতে পারেন না। এ হিসাবে লর্ড কার্মাইকেল উচ্চাকাঙ্ক্ষাময় ও উদারহৃদয় হইলেও failure রূপে পরিগণিত হইবেন সন্দেহ নাই। যে সিবিলিয়ান চক্রবৃহৎ এ দেশের শাসককে ঘিরিয়া থাকে, তাহার প্রভাব হইতে লর্ড কার্মাইকেল মুক্ত



লর্ড কার্মাইকেল

[কলিকাতা রিভিউ হইতে]

হইতে পা রে ন
নাই। এই হেতু
ঊহার বাঙ্গালার
সুপের পানীর সর-
বরাহের চেষ্ঠা অঙ্ক-
বেই ল য় প্রা প্ত
হইয়াছিল, পরন্তু
ঊহারই শাসন-
কালে বহু বাঙ্গালী
যুবক রাজনীতিক
বন্দিরূপে কারা-
গারে নি ক্ষি প্ত
হইয়াছিল। তবে
লর্ড কার্ণাইকেলের
সৌভাগ্য এই যে,
তিনি ঊ হা র
সৌজন্য ও 'স্বদে-
শীর' প্রতি অনুরাগ
প্রদর্শনের গুণে
বাঙ্গালীর বিশেষ
অপীতির উদ্বেক
করেন নাই। তিনি
বাঙ্গালা ভাষা ও
শিল্পের প্রতি অনু-
ছি লে ন,



রাজা দেবেন্দ্রনাথ মল্লিক

নিজেও বাঙ্গালাভাষা শিখিয়াছিলেন; পরন্তু তিনি এ দেশের
কুটীরশিল্পজাত পণ্য ব্যবহার করিতেন। দোষেগুণে লর্ড
কার্ণাইকেল বাঙ্গালীর অরণীয় হইয়া থাকিবেন সন্দেহ নাই।

রাজা দেবেন্দ্রনাথ মল্লিক

কলিকাতার স্বনামখ্যাত রায় দেবেন্দ্রনাথ মল্লিক বাহা-
ছর সম্প্রতি রাজদত্ত রাজা উপাধি লাভ করিয়াছেন। অধুনা
সরকারের প্রদত্ত উপাধির মূল্য কতটুকু, তাহা কাহারও
অবিদিত নাই। কিন্তু যে স্থলে সেই উপাধির দ্বারা যথার্থ
গণীয় গুণমর্যাদা রক্ষিত হইতে দেখা যায়, সেই স্থলে সেই

উপাধির নিশ্চিতই
মূল্য আছে। রাজা
দে বে ন্দ্র না থ যে
গুণে এই সম্মান
লাভ করিয়াছেন,
সেই গুণ ঊহার
নাম অরণীয় করিয়া
রাখিবে, কারণ,
দাতা চিরজীবী
হ ই য়া থাকেন।
দেবেন্দ্রনাথ যে
বংশে জন্মগ্রহণ
করিয়াছেন, সেই
বংশের দা নে র
খ্যাতি আছে।

দেবেন্দ্রনাথের
আদিবাস ত্রিবে-
ণীতে। যে সময়ে
সপ্তগ্রাম বাঙ্গালার
সমৃদ্ধ বন্দর ছিল,
যে সময়ে বাঙ্গালার
কলপথের বাণিজ্য
সপ্তগ্রামের মধ্য
দিয়া বাহিত হইত,
সেই সময়ে যে

সকল সুবর্ণ-বণিক ব্যবসা-বাণিজ্যে তথায় উন্নতিলাভ
করিয়াছিলেন, দেবেন্দ্রনাথের পূর্বপুরুষরা ঊহাদের মধ্যে
অন্ততম। ঊহারা ব্যবসা-বাণিজ্যে কৃতিত্ব প্রদর্শন করিয়া
এবং দেশহিতকর নানা অমুঠানে আত্মনিয়োগ করিয়া দিল্লীর
বাদশাহের নিকট 'মল্লিক' উপাধি লাভ করিয়াছিলেন।
ঊহাদেরই বংশের নিমাইচরণ মল্লিক কলিকাতার আসিয়া
বসবাস ও বাণিজ্যারম্ভ করেন। নিমাইচরণ দাতা ছিলেন।
হাওড়ার 'নিমাইচরণ মল্লিকের স্মানঘাট', পুরী, বৃন্দাবন আদি
তীর্থস্থানে 'মল্লিকনিবাস', নানাস্থানে দেবালয়-মন্দির ও
ঠাকুরবাড়ী ইত্যাদির প্রতিষ্ঠায় তাহার পরিচয় পরিষ্কৃত।
দেবেন্দ্রনাথ ঊহারই বংশীয় অষ্টমোচরণ মল্লিক মহাশয়ের

দ্বিতীয় পুত্র। ১৮৫২ খৃষ্টাব্দে তিনি তাঁহার মাতামহ মহামু-
ত্তব মতিলাল শীল মহাশয়ের ভবনে জন্মগ্রহণ করেন।

দানের প্রবৃত্তি মল্লিকদিগের বংশাভুগত, পরন্তু দেবেন্দ্র-
নাথ তাঁহার পূর্বপুরুষ নিমাইচরণ এবং মাতামহ প্রাতঃস্মরণীয়
মতিলাল শীল হইতে সেই প্রবৃত্তি সমধিক প্রাপ্ত হইয়া-
ছিলেন। বাল্যকাল হইতেই তিনি দরিদ্রের হৃৎখমোচনে নিজের
'হাত-খরচ' হইতে ব্যয় করিতে অত্যন্ত হইয়াছিলেন। তাঁহার
পিতা সুবর্ণ-বণিক দাতব্য-ভাণ্ডারের অবৈতনিক সহকারী
সভাপতিরূপে ঐ প্রতিষ্ঠানকে চিরস্থায়ী করিবার মানসে
প্রভূত পরিশ্রম করিয়া ৫০ হাজার টাকা মূলধন আদায়
করিয়াছিলেন এবং উহা হইতে বহু দরিদ্র হিন্দু বিধবা ও
অনাথদিগকে সাহায্যদান করিবার ব্যবস্থা করেন। দেবেন্দ্র-
নাথ ঐ সভার অবৈতনিক সম্পাদকরূপে ঐ অনুষ্ঠানের সর্কা-
লীন সৌষ্ঠব বৃদ্ধি করিয়াছেন। এতদ্ব্যতীত তিনি কয়েকটি
ছাত্রকে ও কন্যাদায়গ্রস্তকে সাহায্যদান করিতে থাকেন।
রামবাগানে সাধারণের সুবিধার জন্ত পথনির্মাণার্থ তিনি এক
ভূখণ্ড দান করেন। পাতিপুকুর-দমদমায় কয়েক বৎসর তাঁহার
দ্বারা একটি দাতব্য ঔষধালয় ও দরিদ্রপোষণের নিমিত্ত একটি
সদাব্রত অনুষ্ঠিত হইয়াছিল। ইহার পর ১৯১৭ খৃষ্টাব্দে তিনি
১ লক্ষ ২০ হাজার টাকা ব্যয়ে বেলগাছিয়া মেডিক্যাল কলে-
জের অন্তর্গত একটি দাতব্য ঔষধালয়ের ইমারত নির্মাণ করিয়া
দেন এবং উহার পরিচালন জন্ত ঔষধের ব্যয়স্বরূপ বার্ষিক
১২ শত টাকা দান করিয়াছেন। এতদ্ব্যতীত ১৮টি রোগীর
শয্যার জন্ত তিনি মাসিক ২ শত টাকা স্থায়ী দানের ব্যবস্থাও
করিয়াছেন। কুষ্ঠরোগগ্রস্ত লোকের চিকিৎসা-সেবার জন্ত
তিনি মাসিক ২ শত টাকা স্থায়ী দানের ব্যবস্থা করিয়া দিয়া-
ছেন। এই সমস্ত দাতব্য কার্য যাহাতে চিরদিন সুশৃঙ্খলার
সহিত সমাহিত হয়, তাহার জন্ত তিনি সরকারী ট্রাস্টের হস্তে
২ লক্ষ ৭৫ হাজার টাকা মূল্যের সম্পত্তির দানপত্র গচ্ছিত
রাখিয়াছেন। মাদ্রাজের কুষ্ঠাশ্রমনির্মাণের জন্ত তিনি
৬ হাজার টাকা দান করিয়াছেন।

দেবেন্দ্রনাথ এবার নূতন বর্ষের প্রথম দিনে রাজা
উপাধিতে ভূষিত হইয়াছেন। এতদ্ব্যতীত তিনি দলপতি
হিসাবে গত ১৭ই মাঘ সদাব্রত পালন করিয়া নিজ দলস্থ
বহু ব্রাহ্মণকে ১ খানা করিয়া গিনি, পরিধেয় বস্ত্র ও
শস্য দান করিয়াছেন এবং নানা দরিদ্র ও আতুর আশ্রমের

ছাত্রগণকে বস্ত্রদান করিয়াছেন ও পরিতোষরূপে ভোজন
করাইয়াছেন।


ঘোবনে দেবেন্দ্রনাথ স্বয়ং চা-ব্যবসায়ের সওদাগররূপে
ডি, এন, মল্লিক এণ্ড কোং নামক কার্যালয়ের প্রতিষ্ঠা করেন
এবং ঐ আফিস হইতে বিলাতে ভারতের চা রপ্তানী করিবার
বন্দোবস্ত করেন। প্রেসিডেন্সি জেনারেল হাঁসপাতালে
এবং কলিকাতা মেডিক্যাল কলেজে তিনি চীনের চায়ের
পরিবর্তে এ দেশের চা ব্যবহারের প্রবর্তন করেন। এ বিষয়টি
উদ্বোধনী বাঙ্গালী ব্যবসায়ীর অমুকরণযোগ্য সন্দেহ নাই।

কিন্তু দেবেন্দ্রনাথ দানবীর বলিয়াই আজ তাঁহার নাম
লোকমুখে খ্যাত। সুবর্ণ বণিকসমাজে দানবীরের অভাব নাই।
মতিলাল শীল, সাগর দত্ত, রাজেন্দ্র মল্লিক প্রভৃতি প্রাতঃস্মরণীয়
বাঙ্গালী এই সমাজেরই লোক। দেবেন্দ্রনাথ তাঁহাদের পদাঙ্ক
অনুসরণ করিয়া কৃতিত্ব অর্জন করিয়াছেন। তিনি দীর্ঘজীবী
হইয়া দেশের ও দেশের উপকার করুন, ইহাই কামনা।

পত্রলেখকে মনোমোহন

গত ৬ই মাঘ বুধবার প্রাতে কলিকাতা কর্পোরেশনের
'চীফ ভ্যালুয়ার' ও সার্ভেয়ার, বঙ্গীয় সাহিত্য-পরিষদের
নিষ্ঠসেবক, সাহিত্যসেবী মনোমোহন গঙ্গোপাধ্যায় মাত্র
৪৫ বৎসর বয়সে ইহলোক ত্যাগ করিয়াছেন। তাঁহার
অকালে পরলোকগমন বাঙ্গালী সাহিত্যসেবিসমূহকে
মর্শ্বপীড়িত করিয়াছে সন্দেহ নাই। তিনি উদ্বোধনী, উৎসাহী,
কর্মী পুরুষ ছিলেন। তিনি যে কেবল প্রসিদ্ধ এঞ্জিনিয়ার
ছিলেন, তাহা নহে, 'ভারতীয় স্থাপত্যেও তাঁহার বিশেষ
ব্যুৎপত্তি ছিল। তিনি উড়িষ্যার স্থাপত্য সম্বন্ধে একখানি
গ্রন্থ প্রণয়ন করিয়াছেন, উহা সার উইলিয়ম হাণ্টার ও
রাজা রাজেন্দ্রলাল মিত্রের গ্রন্থের পর বিশেষ প্রামাণ্য পুস্তক
বলিয়া গৃহীত হইয়াছে। বাঙ্গালার মাসিক পত্রিকায়
তাঁহার বহু গবেষণামূলক প্রবন্ধও প্রকাশিত হইয়াছিল।
সাহিত্যপরিষদের উন্নতি ও পুষ্টিকল্পে তিনি যে পরিশ্রম
ও সময় নিয়োজিত করিয়া গিয়াছেন, তাহাতে তাঁহার অভাব
যে পরিষদে বিশেষরূপে অনুভূত হইবে, সে বিষয়ে সন্দেহ
নাই। সাহিত্য-পরিষদের 'রমেশ-ভবনে' তাহার পরিচয়
পাওয়া যায়। কলেজ স্কোয়ারে যে বৌদ্ধ বিহারের প্রতিষ্ঠা
হইয়াছে, তাহার নক্সা তিনিই করিয়া দিয়াছিলেন। জাতীয়

বিজ্ঞা-মন্দিরের কার্যের সহিত তাঁহার সংশ্লিষ্ট ছিল। তিনি স্বামী বিবেকানন্দের অমুর্ত্ত ভক্ত এ বং রামকৃষ্ণ মিশনে র অগ্রতম কর্মী ছিলেন। নানা কার্যে আত্মনিয়োগ করিয়া তিনি অতিরিক্ত পরিশ্রম করিয়াছিলেন। সম্ভবতঃ ইহাই তাঁহার অকালমৃত্যুর কারণ। তাঁহার পিতামাতা এখনও বর্তমান। মনোমোহন বাবু



মিঃ বাঙলা

৫ পুত্র ও ২ কন্যা রাখিয়া বৃদ্ধ পিতামাতার বৃদ্ধ শেল হানিয়া অকস্মাৎ পরলোকযাত্রা করিয়াছেন। এ শোকে সাধনা দিবার ভাষাই নাই।

তাহার একটি কন্যাসন্তান হয় ও সেই কন্যাটি শু শু ভা বে নি হ ত হয় ; পরন্তু মমতাজ পরে মহারাজার আশ্রয় হইতে স্বেচ্ছায় পলায়ন করে, কিন্তু তাহাকে পুনরায় ধরিয়া আনিবার জন্য নানা ষড়যন্ত্র ও অত্যাচার উৎপীড়ন হয়, মমতাজ মামলার বিচারের পর এই মর্মে বড়লাটের নিকট দরখাস্ত করে। এইরূপে নানা ঘটনার মধ্য

হোমস্ফার ও মমতাজের মামলা

বোম্বাই সহরে বাঙলা-হত্যাকাণ্ড-সম্পর্কে নর্ত্তকী মমতাজ বিবি ও ইন্দোরের মহারাজা হোলকারের নামে যে সকল রোমাঞ্চকর রহস্যময় ঘটনার কথা প্রকাশিত হইয়াছিল, তাহা একদেশবাসী এখনও বিশ্বস্ত হয় নাই। আদালতে প্রকাশ্য বিচারকালে অভিযোগ হইয়াছিল যে, মমতাজ বিবি মুসলমান নর্ত্তকীর কন্যা, মাত্র ত্রয়োদশ বর্ষ বয়ঃক্রমকাল হইতে সে ইন্দোরের মহারাজা হোলকারের রক্ষিতা ছিল,

দিয়া মমতাজ বোম্বাইয়ের ধনকুবের মুসলমান যুবক বাঙলার রক্ষিতারূপে জীবন যাপন করিতে থাকে, সেই সময়ে তাহাদের প্রাণনাশের আশঙ্কা জাগাইয়া কয়খানি পত্র আইসে ; তাহার পর এক দিন বোম্বাইয়ের রাজপথে কয় জন লোক বাঙলার মোটর ধরিয়া তাহাকে গুলী মারিয়া হত্যা করে, মমতাজও আহত হয় ; সেই সময়ে চারি জন ব্রিটিশ সেনানী হঠাৎ ঘটনাস্থলে উপস্থিত হওয়ায় মমতাজের প্রাণরক্ষা হয়। কয় জন আসামী ধৃত হয় এবং তাহাদের বিচার ও দণ্ড হয়। এই ঘটনা উপলক্ষ করিয়া সম্প্রতি বড় লাট রেডিফের সরকার কমিশন বসাইয়া এই ব্যাপারের সহিত মহারাজা হোলকারের কোনও সম্পর্ক আছে কি না, অবধারণ করিবার এবং তিনি দোষী কি নির্দোষ বিচার করিবার নিমিত্ত সংকল্প করিয়াছেন এবং সেই মর্মে ইন্দোর দরবারকে জ্ঞাপন

করিয়াছেন। বলা বাহুল্য, ইহাতে ইন্দোরে এবং ভারতের অন্তর্গত হুলস্থূল পড়িয়া গিয়াছে।

এইভাবে কমিশন বসাইয়া দেশীয় রাজন্যগণের বিচার আজ নূতন নহে। লর্ড নর্থব্রকের শাসনকালে বরোদার মলহর রাও গাইকবাড়ের বিচার হইয়াছিল। তিনি বিষপ্রয়োগ দ্বারা বরোদার ইংরাজ রেসিডেন্টকে হত্যা করিবার চেষ্টা করিয়াছিলেন, ইহাই অভিযোগ ছিল। বিচারে তিনি দোষী সাব্যস্ত এবং সিংহাসনচ্যুত হইলেন। তাঁহার স্থলে গাইকবাড়-বংশীয় সায়াজীরাওকে সিংহাসন প্রদান করা হয়। তিনিই বর্তমান গাইকবাড়। অধিক দিনের কথা নহে, নাভার মহারাজাকেও সিংহাসনচ্যুত করা হইয়াছে। ব্রিটিশ-রাজ ভারতের সার্বভৌম শক্তি। দেশীয় মিত্র রাজন্যগণের সহিত তাঁহাদের যে সন্ধি আছে, তাহাতে তাঁহারা এইরূপ বিচার ও দণ্ডদান করিতে অধিকারী। বর্তমান ক্ষেত্রে মর্টে ও ব্রিকরমের ৩০৯ প্যারা অনুসারে কমিশন বসান হইয়াছে।


কথা উঠিয়াছে, হোলকার কমিশনের বিচার মানিয়া লইবেন কি না। যদি তিনি মানিতে স্বীকার না হন, তাহা হইলেই যে তাঁহাকে সিংহাসনচ্যুত করা হইবে, এমন ভাবের কোনও ঘোষণা হয় নাই। না মানিলে ব্রিটিশসরকার তাঁহার ইচ্ছার বিরুদ্ধেও কমিশন বসাইয়া বিচার করিতে পারেন। যতটা প্রকাশ পাইয়াছে, তাহাতে হোলকার কমিশনের বিচার মানিয়া লইতে প্রস্তুত হইয়াছেন বলিয়াই মনে হয়। লর্ড রোডিংয়ের

সরকার কমিশনে দুই জন দেশীয় রাজন্যকেও নিযুক্ত করিবেন বলিয়া শুনা যাইতেছে। প্রকাশ, বিকানীরের মহারাজা কমিশনের অন্ততম রাজন্য সদস্য হইতে সম্মত হইয়াছেন এবং মহীশূরের মহারাজারও অন্ততম সদস্য হইবার সম্ভাবনা

আছে। এতদ্ব্যতীত এলাহাবাদ হাইকোর্টের বিচারপতি সার গ্রীমউড মিশার্ন ও কলিকাতা হাইকোর্টের এক জন বিচারপতি কমিশনে বসিবেন বলিয়াও শুনা যাইতেছে।

বোম্বাইয়ের এডভোকেট জেনারল মিঃ কঙ্গ বাওলাহৃত্যার মামলা পরিচালনা করিয়াছিলেন; সম্ভবতঃ সরকার তাঁহাকেই মহারাজার বিপক্ষে মামলা চালাইবার জন্য নিযুক্ত করিবেন।

এ দিকে মহারাজা হোলকার তাঁহার দেওয়ান মিঃ নরসিংহ রাও এবং আইন-পরামর্শদাতা সার শিবস্বামী আয়ার ও সার তেজবাহাহুর সঙ্গের সহিত পরামর্শ করিয়া নিজ পক্ষসমর্থনের জন্য প্রস্তুত হইতেছেন। এই সম্পর্কে তিনি ইংলণ্ডের প্রসিদ্ধ ব্যবহারাজীব সার জন সাইমন, সার এডওয়ার্ড মার্শাল ও মিঃ প্যাট্রিক হেষ্টিংসের পরামর্শ গ্রহণ করিতেছেন। সম্ভবতঃ বোম্বাইয়ের প্রসিদ্ধ ফৌজদারী ব্যবহারাজীব মিঃ ভেলিনকার মহারাজার পক্ষসমর্থনে নিযুক্ত হইবেন। বাওলা-



মমতাজ

হত্যার মামলায় ইনিই বোম্বাইয়ের পুলিশকোর্টে ও হাইকোর্টে আসামীদের পক্ষসমর্থন করিয়াছিলেন।

সুতরাং এই মামলাটি বড় সাধারণ মামলা হইবে না। বর্তমানকালে এত বড় মামলার বিচার আর হয় নাই

বলিলেও চলে। কাষেই এই দিকে আপামর সাধারণের দৃষ্টি আকৃষ্ট হইয়াছে। বর্তমানে দেশীয় রাজত্বগণের মধ্যে কেহ কেহ যে ভাবে প্রজার মঙ্গলমঙ্গলের দিকে মনোযোগ না দিয়া বিদেশে বিলাসব্যসনে দেশের অর্থ অপচয় করিয়া বেড়াইয়া থাকেন, তাহাতে তাঁহাদের প্রতি সাধারণের

সহা স্তু ত্ব তির
অভাব বিশ্বয়ের
বিষয় নহে।
কাশ্মীরের বর্ত-
মান মহারাজা
সার হরি সিং
বিলাতে যে
শ্রুকারজনক
মামলার
আসামী হইয়া-
ছিলেন, তাহা
আজিও এ
দেশের লোক
বিস্মৃত হয় নাই।
অথচ তিনিই
কাশ্মীরের গদী
প্রাপ্ত হইয়া-
ছেন। এমন
আরও অনেক
রাজার দৃষ্টান্ত
দেওয়া যায়।
কাষেই বাঙলা-
হত্যার রোমাঞ্চ-



ইন্দোরের মহারাজা হোলকার

কর কাহিনী স্মরণ করিয়া জনসাধারণ হত্যার মূলমন্ত্র বাহির করিতে উদগ্রীব হইয়াছে। মহারাজা দাবী কি নির্দোষ, বিচারে তাহা প্রকাশ পাইবে। কিন্তু যাহাই হউক, জনসাধারণ বাঙলাহত্যার রহস্য উদ্ঘাটিত না হইতে দেখিলে সন্তোষ লাভ করিবে না। যাহারা এই ব্যাপারে জড়িত আছে, তাহারা যত বড়ই হউক, তাহাদের প্রত্যেককে ধৃত ও অভিযুক্ত করিলে সাধারণে সন্তুষ্ট হইবে। বোম্বাইয়ের মত স্থানে বাঙলা-হত্যার ব্যাপারে যদি প্রকৃত অপরাধীরা

ধৃত ও অভিযুক্ত না হয়, তাহা হইলে ভবিষ্যতে লোক সর্বদা শঙ্কিত ও ত্রস্ত হইবে।

ইংরাজের ভাবনা

বিলাতে বেকারের সংখ্যাবৃদ্ধির সঙ্গে সঙ্গে ইংরাজের ভাবনা-

বৃদ্ধি হইয়াছে। ভারতে বৃটিশ পণ্যের কাটুতি যত দিন সমান তেজে চলিতেছিল, তত দিন এ ভাবনা ছিল না। এখন জাপান, মার্কিন প্রভৃতি জাতির সহিত প্রতিযোগিতায় ইংরাজ ব্যবসাদারকে হটিয়া যাইতে হইতেছে। সে দিন লর্ড এলমট বলিয়াছেন, “জাপান ল্যান্কাশায়ারের কাপড়ের ব্যবসায়ের প্রবল প্রতিদ্বন্দী হইয়াছে;

কাষেই কিরূপে এই প্রতিযোগিতায় ইংরাজ ব্যবসাদার জয়লাভ করে, তাহা ভাবিয়া দেখা ইংরাজ জাতির বিশেষ কর্তব্য হইয়াছে।” এক দিন জার্মানীও নানা ব্যবসায় ইংরাজকে ভারতের বাজার হইতে হটাইয়া দিয়াছিল, জার্মান যুদ্ধের ফলে ইংরাজের সে ভয় ঘুটিয়াছে। কিন্তু এখন নূতন জুজুর ভয় হইয়াছে। ব্রহ্মের ভূতপূর্ব শাসনকর্তা সার রেজিনাল্ড ক্রাডক কোনও ইংরাজী মাসিক পত্রে লিখিয়াছেন, “ভারতে বৃটিশ পণ্যের

কাটতি ক্রমশঃ কমিয়া যাইতেছে; এজন্য অন্যান্য দেশের পণ্যের উপর শতকরা ১১ টাকার পরিবর্তে ২২ টাকা শুল্ক নির্ধারণ করিয়া বৃটিশ পণ্যকে উহা হইতে অব্যাহতি দিলে ভারতে আবার বৃটিশ পণ্যের কাটতি বাড়িতে পারে। বিনিময়ে ভারতে যে বৃটিশ সেনা ভারত-রক্ষার জন্ত রাখা হয়, তাহার অর্ধেক খরচ বৃটিশ সরকার সরবরাহ করিলে পারেন।” ভারতকে এই ‘উৎকোচ’ দিয়া বৃটিশ পণ্য রক্ষা করিতে হইবে! আবার কেহ কেহ বলেন, ভারতের আশা ছাড়িয়া দিয়া পূর্ব-আফরিকার বৃটিশ পণ্যের কাটতি বাড়াইবার চেষ্টা করা উচিত। বিলাতের ঔপনিবেশিক সচিব মিঃ অরমস্‌বি গোর সে দিন বলিয়াছেন যে, “উনবিংশতি শতাব্দীতে ভারত যেমন বৃটিশ পণ্য কাটতির প্রধান বাজার ছিল, এখন তেমনই এই বিংশ শতাব্দীতে আমাদের পূর্ব-আফরিকার সাম্রাজ্যকে বৃটিশ পণ্য কাটতির প্রধান বাজার করা উচিত।” অর্থাৎ যে উপায়েই হউক, বৃটিশ পণ্যকে বাচাইয়া রাখিতে হইবে। যদি অন্যান্য দেশের পণ্যের উপর শুল্ক হ্রাস করিয়া ভারতের বাজার ইংরাজের পণ্যের কাটতির জন্ত অক্ষুণ্ণ রাখিতে হয়, তাহা করা হউক, না হয় নূতন সাম্রাজ্য পূর্ব-আফরিকার ইংরাজের পণ্য চালাইবার উপায়বিধান করা হউক। যে দিক দিয়াই দেখা যাউক, বিজিত পরাধীন দেশের উপর দিয়া বৃটিশ পণ্য কাটাইয়া লইতেই হইবে! অথচ ইংরাজ বলিয়া থাকেন, ভারতের মঙ্গলের জন্ত তাঁহারা ভারত শাসন করিয়া থাকেন! কিমাশ্চাৰ্য্যমতঃপরম্!

শিশু-মৃত্যু

লেডী রেডিং দিল্লীর “শিশু সপ্তাহ” অনুষ্ঠান উপলক্ষে যে বক্তৃতা করিয়াছেন, তাহা প্রত্যেক ভারতবাসীর অবহিত-চিত্তে পাঠ করা কর্তব্য। মাত্র তিন বৎসর লেডী রেডিংয়ের উদ্যোগে এ দেশে এই পরম মঙ্গলকর অনুষ্ঠানের প্রতিষ্ঠা হইয়াছে। এই জনহিতকর প্রতিষ্ঠানের সহিত রাজনীতির কোনও সম্পর্ক নাই, সুতরাং এ দেশের সকল শ্রেণীর লোকই এই প্রতিষ্ঠানসম্পর্কে পক্ষপাতশূন্য হইয়া সমালোচনা করিতে পারে। প্রতিষ্ঠানটি হইয়াছিল মূলতঃ দিল্লীর শিশু-মৃত্যু রহিত করিবার জন্ত, কিন্তু ঐ প্রতিষ্ঠানটি বিস্তৃতি লাভ

করিয়া ভারতের নানা প্রদেশে ছড়াইয়া পড়িয়াছে। এ দেশে শিশু-মৃত্যু কিরূপ ভীষণ, তাহা বোধ হয় কাহারও অবিদিত নাই। প্রায় ২০ লক্ষ শিশু প্রতি বৎসর এই ভারতবর্ষে প্রাণত্যাগ করে! অথচ আশ্চর্য্য এই যে, চেষ্টার দ্বারা যে এই ভয়াবহ অকাল-মৃত্যু রোধ করা যায় না, তাহা নহে। ভারতের অদৃষ্টবাদী অধিবাসী এ যাবৎ এই অকাল-মৃত্যু দেখিয়াও যেমন বিনা প্রতিবাদে গতানুগতিক জীবন যাপন করিয়া আসিয়াছে, এখনও তেমনই করিতেছে। দৈবক্রমে এই হৃদয়বতী নারী এই মঙ্গলানুষ্ঠানের প্রতিষ্ঠা করিয়া তাহাদের ‘চোখ ফুটাইয়া’ দিয়াছেন। এ জন্ত তিনি যথার্থই এ দেশবাসীর ধন্যবাদের পাত্রী।

লেডী রেডিং বক্তৃতায় বলিয়াছেন, “আমরা আজ এই যে অসুস্থতা, রোগ ও অপরিচ্ছন্নতার বিপক্ষে যুদ্ধ করিতেছি, আমার বিশ্বাস, ঐ যুদ্ধে আমরা কালে অবশ্যই জয়লাভ করিব।” তাঁহার বাণী সার্থক হউক। অসুস্থতা, রোগ ও অপরিচ্ছন্নতা আমাদের ক্রমে ধীরে ধীরে পরিষ্কার হইয়াছে, তাহা বোধাই সহরের দৃষ্টান্ত দিলেই বুঝা যাইবে। বোম্বাইয়ের মত সমুদ্রবেষ্টিত সুন্দর সহরে হাজারকরা ৬ শত শিশু অকালে ইহকাল হইতে বিদায় গ্রহণ করে; অথচ নিউজিল্যান্ডেও শিশু-মৃত্যু হাজারকরা মাত্র ৪২টি! ইহা কি ভীষণ অবস্থা নহে? সুতরাং লেডী রেডিং এই ভীষণ অবস্থার প্রতীকারের উদ্দেশ্যে শিশু-সপ্তাহ প্রতিষ্ঠান আমাদের চক্ষুর সম্মুখে ধারণ করিয়া সত্যই আমাদের উপকার করিয়াছেন। দিল্লী সহরে তাঁহার উদ্যোগে শিশুর অকাল মৃত্যু নিবারণকল্পে যে সকল কার্য্য হইয়াছে, তাহার ফল শুভ—এমন কি, আশা-ভীত হইয়াছে। অবশ্য ১৯১৫ খৃষ্টাব্দ হইতে ভারতে মাতৃ ও শিশু-মঙ্গল প্রতিষ্ঠান অনুষ্ঠিত হইয়াছে। উহার পূর্বে দিল্লীতে ১৯১৩ খৃষ্টাব্দে হাজারকরা ৩ শত ৪৬টি শিশু-মৃত্যু হইয়াছিল। প্রতিষ্ঠানের উদ্ভবের দুই বৎসর পরে ১৯১৭ খৃষ্টাব্দে ঐ সংখ্যা হ্রাস হইয়া হাজারকরা ২ শত ৬৪টিতে দাঁড়ায়। লেডী রেডিং যে ৩ বৎসর এই সদনুষ্ঠানে আত্ম-নিয়োগ করিয়াছেন, সেই তিন বৎসরে শিশু-মৃত্যু আরও কমিয়াছে। গত বৎসরে দিল্লীতে শিশু-মৃত্যু হাজারকরা ১ শত ৮২টিতে নামিয়াছে। এই ভাবে কার্য্য চলিলে ভবিষ্যতে এ দেশে শিশুর অকাল-মৃত্যু ক্রমশঃ নিবারিত হইতে পারে।

লেডী রেডিং বলিয়াছেন,—অজ্ঞতা, রোগ ও অপরিচ্ছন্ন-তাই এই অকাল-মৃত্যুর কারণ। কিন্তু এই কয়টি কারণ ব্যতীত এ দেশের ভীষণ দারিদ্র্য ও আলস্যও যে শিশু-মৃত্যুর প্রধান কারণ, তাহা অস্বীকার করা যায় না। অজ্ঞতা দূর হইলে অনেক কুসংস্কারও দূর হইবার সম্ভাবনা। উহার ফলে অপরিচ্ছন্নতা ও ব্যাধিরও উপশম হইতে পারে। কিন্তু অজ্ঞতা দূর করিবার পক্ষে প্রয়োজনমত চেষ্টা হইতেছে না। তাহার উপর দারিদ্র্যের ভীষণ পাবাণভার প্রধান অস্ত্রায় হইয়া রহিয়াছে। এই দারিদ্র্য-নিবারণের উপায় কি? অনেক সময়ে দেখা যায়, দারিদ্র্যই রোগ ও অপরিচ্ছন্নতার কারণ। লোক আলস্য ও অমনোযোগিতা ত্যাগ করিলেও, ইচ্ছা থাকিলেও, অপরিচ্ছন্নতার

ও রোগের প্রভাব হইতে মুক্ত হইতে পারে না। দারিদ্র্য হেতু লোক দুই বেলা পেট পুরিয়া খাইতে পার না, শিশুর পুষ্টির খাণ্ড যোগাইতে পারে না, অস্বাস্থ্যকর আলোক ও বায়ুহীন স্থানে বহুলোক একঘরে বাস করিতে বাধ্য হয়। বোঝাইয়ে এমনও হয় যে, শিশুর জননী দিনমজুরী করিয়া উদরান্ন সংস্থানের জন্ত শিশুকে অহিফেন সেবন করাইয়া কার্যস্থলে যাইতে বাধ্য হয়; শিশু-পালনের উপযুক্ত অবসর প্রাপ্ত হয় না। এ সকলের প্রতীকারের উপায় কি? লেডী রেডিংয়ের মত উদারহৃদয়া নারীরা শিশু ও মাতৃ-মঙ্গলের জন্ত প্রাণপণ চেষ্টা করিতেছেন সন্দেহ নাই। কিন্তু ইহার উপর এ সকল সমস্যার সমাধান করা চাই। ইহা না হইলে এই বিরাট দেশে প্রকৃত মাতৃ ও শিশু-মঙ্গল সাধিত হইবার উপায় নাই।


মিস্ ম্যাডেলন গ্লেড

কুমারী ম্যাডেলন গ্লেড ইংরাজ-ছাত্রী। তিনি বিলাতের মহাত্মা গন্ধী এক খেতাবীকে শিক্ষারূপে প্রাপ্ত বিলাসব্যসন বর্জন করিয়া মহাত্মা গন্ধীর সবারমতী আশ্রমে হইয়া মহা আনন্দিত হইয়াছেন এবং ঐ খেতাবী বৃটিশ-আগমন করিয়া মহাত্মার মঙ্গল-শিক্ষায় গ্রহণ করিয়াছেন এবং আশ্রমের পাঁচ জনের এক জন হইয়া সেবা, পরিচর্যা এবং সংযম ও সাধন-ভজন কাষ্যে আত্মনিয়োগ করিয়াছেন। ইহার পরিচয় 'মাসিক বসুমতীতে' পূর্বে প্রকাশিত হইয়াছে। যাহারা কানপুর কংগ্রেসে যোগদান করিতে গিয়াছিলেন, তাহারা মহাত্মা গন্ধীর সেবা-পরিচর্যায় আত্মনিবেদিতা এই ইংরাজ-ছাত্রীকে দেখিয়া আসিয়াছেন। তিনি অতীব বিনীতা, স্মৃষ্ণভাষিণী এবং ভারতের আধ্যাত্মিক সাধনায় আস্থাভবী। সম্প্রতি বিলাতের কোন সংবাদপত্রে কুমারী গ্লেডের সম্পর্কে মহাত্মা গন্ধীকে আক্রমণ করিয়া এক প্রবন্ধ প্রকাশিত হইয়াছে। উহাতে বলা হইয়াছে যে,



মিস্ ম্যাডেলন গ্লেড

এখানে যেন গুরু-গৃহে পরমসুখে ও শান্তিতে বাস করিতেছি।" অতঃপর মহাত্মা সঙ্ক্ষে নিন্দকের জিহ্বা সংযত হইবে, এক্ষণে আশা করা অসঙ্গত নহে।



মহারাজা জগদিন্দ্রনাথ রায়

গত ২১শে পৌষ নাটোরের মহারাজা জগদিন্দ্রনাথ রায় লোকান্তরিত হইয়াছেন। পক্ষ, মাস ও ঋতু যাহার বলয়, দিন যাহার অংশ, বর্ষ যাহার দণ্ড, ঋণ যাহার নীতি, স্পন্দন যাহার মধ্যভাগ সেই কালচক্রের অতিক্রান্ত ও অপ্রত্যাশিত ক্রমপরিবর্তনে তাঁহার আয়ু শেষ হইয়াছে। রাজপথে তিনি গতিশীল যানে আঘাত প্রাপ্ত হইয়াছিলেন—কয়দিন পরে তাঁহার মৃত্যু হইয়াছে। বাঙ্গালার অভিজাত-সম্প্রদায় উদয়ান্তভাঙ্গরের করস্পর্শে সমুজ্জল হেমকান্তি যে সকল চূড়ায় সুশোভিত ছিল, তাহারই একটি শৃঙ্গ ছিন্ন হইয়া পড়িয়াছে।

কিন্তু জগদিন্দ্রনাথের জন্ম বাঙ্গালা ও বাঙ্গালী যে আজ আঁকাহুঁত্ব করিতেছে, সে নাটোরের মহারাজার মৃত্যুতে নহে; সে স্থানী ও সামাজিক সাহিত্য-শিল্পরসিকের মৃত্যুতে—সে বাঙ্গালার একজন শ্রেষ্ঠ ভদ্রলোকের অকাল-মৃত্যুতে। জগদিন্দ্রনাথে যে জনগণের ও অভিজাত সম্প্রদায়ের সকল সদগুণ একীভূত হইয়াছিল, তাহার বিশেষ কারণ ছিল।

তিনি যে পরিবারের কুলদীপ ছিলেন, বাঙ্গালার ইতিহাসে সেই রাজপরিবারের পরিচয় নূতন করিয়া দিতে হইবে না। মহারাণী ভবানীর নাম “বঙ্গেশ্বরী তথা।” ইনি “অর্দ্ধ-রঙ্গেশ্বরী” নামে পরিচিতা ছিলেন। তখন নাটোর রাজপরিবারের বার্ষিক রাজস্ব-পরিমাণ—৫২ লক্ষ ৫৩ হাজার টাকা। মহারাণী ভবানীর ধর্ম্মানুরক্তি যেমন প্রবল ছিল, বিষয়বুদ্ধিও তেমনই তীক্ষ্ণ ছিল। বঙ্গদেশে কিম্বদন্তী-তাঁহার তীক্ষ্ণ বিষয়বুদ্ধির পরিচয় প্রচার করিতেছে। কি কৌশলে তিনি বিধবা কন্যাকে সিরাজ-দৌলার লাগসা-কলুষিত দৃষ্টি হইতে রক্ষা করিয়াছিলেন, তাহার কথা বাঙ্গালার সুপরিচিত। আর একটি কিম্বদন্তীকে নবীনচন্দ্রের কবিপ্রতিভা অমর করিয়া গিয়াছে। সিরাজদৌলাকে রাজ্যচ্যুত করিয়া বাঙ্গালার মসনদে

ইংরাজকে বসাইবার মূল কারণ যে বড়বন্দ, তিনি তাহাতে যোগ দেন নাই—তিনি চাহিয়াছিলেন, প্রকাশভাবে যুদ্ধ করিয়া সিরাজদৌলাকে পরাভূত করিতে। বাঙ্গালার নানা মন্দিরে তাঁহার ধর্ম্মানুরাগ সপ্রকাশ। “পঞ্চক্রোশী” কাশীর সীমা তিনিই বহু অর্থব্যয়ে নির্দিষ্ট করিয়াছিলেন। আবার সেই পরিবার সাধকের সাধনায় সমুজ্জল হইয়াছে। মহারাজা রামকৃষ্ণ সাধন জগু প্রসিদ্ধ ছিলেন। তিনি বিষয়-বাসনাবিমুখ হইলে তাঁহার একটি করিয়া জমীদারী হস্তচ্যুত হইত, আর তিনি মহাসমারোহে “জয়কালীর” মন্দিরে পূজা দিতেন—“মা আমাকে বিষয়-বাসনামুক্ত করিতে-ছেন।” তিনি সর্বদাই পারলৌকিক মুক্তির কামনা করিতেন। তিনি গাহিয়াছিলেন :—

“আমার মন যদি যায় ভুলে !

আমার বালীর শয্যায় কালীর নাম
দিও কর্ণ-মূলে।”

জগদিন্দ্রনাথ শৈশবে রাণী ব্রজসুন্দরীর দত্তক পুত্ররূপে সেই পরিবারে প্রবেশ করেন। সে পরিবারের তখন ভাবী মহারাজাকে তাঁহার পদোচিত গুণে—সামাজিক আচার-ব্যবহারে সুশিক্ষিত করিবার ব্যবস্থা ছিল। সে শিক্ষার পদ্ধতি কঠোরই ছিল; বালককে সভামধ্যে চাঞ্চল্য ত্যাগ করিয়া নির্দিষ্টাসনে উপবিষ্ট থাকিতে হইত, লোক বৃথিমা ব্যবহার করিতে হইত। সে শিক্ষার জগদিন্দ্রনাথের ব্যবহার ও ভাব যে প্রভাবিত হইয়াছিল, তাহার প্রমাণ পদে পদে পাওয়া যাইত। কিন্তু যেমন শুভ্র বঙ্গই কুঙ্কুমরাগসিক্ত বারি হইতে সে রাগ গ্রহণ করিতে পারে, তেমনই যোগ্যতা ব্যতীত কেহ শিক্ষায় সুফললাভ করিতে পারে না। জগদিন্দ্রনাথ যে সে শিক্ষার অমুরঞ্জে স্বীয় বৃত্তি রঞ্জিত করিতে পারিয়াছিলেন, সে কথা যেন আমরা বিস্মৃত না হই।



মহারাজ জগদিশ্রনাথ রায়

[কলিকাতা রিভিউ হইতে ।

ঠাহার এই অভিজাতসম্প্রদায়োচিত ভাবের নিম্নে, রাজবেশের অন্তরালে মানুষের হৃদয়ের মত, গণতান্ত্রিক ভাব ছিল। তাহার কারণ, দরিদ্র ভদ্র পরিবারে ঠাহার জন্ম। তিনি আত্ম পরিচয় দিয়াছেন—“রাজপ্রাসাদে আমার জন্ম হয় নাই এবং জন্ম উপলক্ষে দান, ধ্যান, পূজা, মহোৎসব সে সব কিছুই হয় নাই—দরিদ্র ব্রাহ্মণের পর্ণকুটারে আমি জন্মিয়াছিলাম। আমি পিতামাতার একাদশ সন্তান—আমার জন্মে ঠাহারা আনন্দিত হইয়াছিলেন কি না এ কথা বলা কঠিন নয়।” কিন্তু দরিদ্রের পর্ণকুটার হইতে নাটোরের প্রাসাদে নীত হইয়া তিনি এক দিনের জন্মও কুটারের কথা ভুলিতে পারেন নাই; পরন্তু মনে হয়, ঠাহাকে যে কুটার হইতে প্রাসাদে আসিতে হইয়াছিল, সে জন্ম ঠাহার হৃদয়ে সাধারণ মানুষের একটু অতৃপ্ত পিপাসা ছিল। তিনি লিখিয়াছেন—“রাজধানীর জ্যোতির্বিদ জগবন্ধু আচার্য্য আমার রাত্তি তুঙ্গী বলিয়া আমাকে এক মুহূর্ত্তে অত্রভেদী রাজপ্রাসাদের তুঙ্গ শিখরে চড়াইয়া দিল। সেই অবধি স্নেহময়ী, সর্কংসহা, শম্পাস্তীর্ণা ধরিজীর সুখময় স্পর্শ হইতে আমি বঞ্চিত হইয়াই আছি। আজও ঠাহার সুধাশীতল অঙ্কে শুইয়া চক্ষু বৃজিবার অবসর আমার হইল না।”

জনকের প্রতি ঠাহার ভক্তিও অসাধারণ ছিল। বাল্য কালে তিনি চক্ষু-রোগে আক্রান্ত হইয়া দৃষ্টিশক্তিহীন হইতে বসিয়াছিলেন। তখন ঠাহার জনকই জিলার ম্যাজিষ্ট্রেটকে ধরিয়া ঠাহাকে চিকিৎসার্থ কলিকাতায় পাঠাইবার ব্যবস্থা করেন। ঠাহার পুত্র ব্রজনাথ যখন বহু চিকিৎসায় এক চক্ষু হারাইয়া রোগমুক্ত হইয়া নাটোরে ফিরিলেন, তখন ঠাহার কি হুঃখ! ব্রজনাথ লিখিয়াছেন :—

“বাড়ী আসিলাম। বিদেশে যাইবার সময় যে সকল স্নেহশীল আত্মীয়স্বজনকে ছাড়িয়া যাইতে হইয়াছিল, ঠাহাদের সকলকেই আবার দেখিতে পাইলাম। কিন্তু আমার জনক যিনি সন্তানের প্রতি স্নেহাধিক্য প্রযুক্ত জেলার ম্যাজিষ্ট্রেট সাহেবকে বলিয়া আমার চিকিৎসার জন্ম কলিকাতায় যাইবার বন্দোবস্ত, অনেকের মতের বিরুদ্ধে, করিয়া দিয়াছিলেন, ঠাহার নিঃস্বার্থ চেষ্টা ব্যতীত নবম বর্ষ বয়ঃক্রম হইতে আজ পর্যন্ত চির অন্ধতা লইয়া আমার দুর্ভাগ্য জীবনভ্যুর আমাকে হুঃসহ হুঃখের মধ্যেই বহন করিতে

হইত, একমাত্র ঠাহার প্রসাদাৎ এই বিভিন্ন সৌন্দর্য্য-সম্ভারে ঐশ্বর্য্যশালিনী বসুন্ধরার অপরূপ রূপ আজ আমার চক্ষুগোচর হইতে পারিতেছে, ঠাহার রূপায় শৈল-সাগর-সরিৎ-শোভিতা বনকানন-কান্তারসমম্বিতা ধরণীর অপূর্ব শারদ-সৌন্দর্য্য ও বাসন্তী সুষমা আমার নয়ন মনের তৃপ্তি বিধান করিতেছে, সেই প্রত্যক্ষ ভূদেবতা আমার স্নেহশীল পিতৃদেবকে আর দেখিতে পাইলাম না। ঠাহার হতভাগ্য সন্তান ব্রজনাথ যখন তাহার পুনঃপ্রাপ্ত চক্ষুর দ্বারা ঠাহার পাদপদ্মের সন্ধান ইতস্ততঃ দৃষ্টিনিক্ষেপ করিতেছে, তখন তাহার পরম স্নেহময়ী জননীর রিক্ত প্রকোষ্ঠ ও সাশ্র নেত্র ব্রজনাথকে বলিয়া দিল যে, পিতৃপাদবন্দনার সৌভাগ্য তাহার চিরদিনের জন্ম অস্বর্হিত হইয়াছে।”

দরিদ্র পিতামাতার স্নেহের নাম “ব্রজনাথ” তিনি কোন দিন রাজৈশ্বর্য্যের মধ্যে ভুলিতে পারেন নাই; কোন কোন অন্তরঙ্গ বন্ধুকে পত্র লিখিবার সময় সেই নাম স্বাক্ষর করিয়া যেন পরম তৃপ্তি লাভ করিতেন। ব্রজের খেলা ফুরান যেন এই ব্রজনাথের পক্ষে কোন মতেই স্নেহের বলিয়া বোধ হয় নাই।

জগদিশ্বরনাথকে বুঝিতে হইলে ঠাহার জীবনে গঙ্গা-যমুনার প্রবাহ-মিলনের মত দারিদ্র্য ও অভিজাত্যের এই সম্মিলন-কথা মনে রাখিতে হইবে। তিনি কোন দিন ভুলেন নাই—তিনি দরিদ্রের সন্তান। তিনি বলিয়াছেন—

“আমি নিজে দরিদ্রের সন্তান। আমার যে বংশে জন্ম হইয়াছিল, সে বংশ যে কতকাল ধরিয়া দরিদ্র, তাহা কুলজের কুলশাস্ত্রও, বোধ করি, বলিতে পারে না। বংশ-পরম্পরাগত দারিদ্র্যের দোষগুণ আমার রক্তের সঙ্গে শিরায় শিরায় বহিতেছে, স্নতরাং দেহে মনে আমি দরিদ্রেরই একজন। রাজকীয় আহার, আচার আমার আফিসের চোগা চাপকানের মত, প্রয়োজনের সময় উহা পরিয়া লই, প্রয়োজন সাক্ষ হইয়া গেলে আমি যে ব্রজনাথ সেই ব্রজনাথ। জগদিশ্বর আমি নই, উহা আমার সংজ্ঞা মাত্র—যিনি সংজ্ঞা লইয়া সুখী তিনি সংজ্ঞাসুখে মহেন্দ্র, দেবেন্দ্র সুরেন্দ্র, জগদিশ্বর যাহা ইচ্ছা তাহাই হউন, আমি ব্রজনাথ থাকিয়াই চক্ষু মুদিত্তে পারিলে এ বারের মত বাঁচিয়া বাই।”

রাজসাহীতে জগদিশ্বরনাথ স্থলে প্রবেশ করেন।

ইংরাজী, ইতিহাস, সংস্কৃত ও বাঙ্গালা প্রভৃতি বিষয়ে তিনি শিক্ষাতৎপরতা দেখাইতেন—কেবল অল্প শাস্ত্রে তাঁহার অল্পরাগ ছিল না। সংস্কৃত তিনি ভালরূপই শিখিয়াছিলেন এবং তাঁহার বৈশিষ্ট্যবহুল বাঙ্গালা রচনা-পদ্ধতিতে সেই সংস্কৃত শিক্ষার ছাপ সুস্পষ্ট ছিল। তিনি এন্ট্রান্স পরীক্ষায় উত্তীর্ণ হইয়াছিলেন; কিন্তু বিশ্ববিদ্যালয়ের “শ্রেষ্ঠ প্রতিষ্ঠা পত্রখানি” লাভ করা তাঁহার ভাগ্যে ঘটে নাই—বাধ্য হইয়া তাঁহাকে কলেজ ছাড়িতে হয়।

কলিকাতায় আইসেন। নাটোরে তাঁহার উপযুক্ত সঙ্গীর অভাব, পরন্তু কুসঙ্গী জুটবার সম্ভাবনা প্রবল বুঝিয়াই হুর্গা-দাস বাবু তাঁহাকে কলিকাতায় আসিতে উপদেশ দেন। তদ-বধি জগদীন্দ্রনাথ একরূপ কলিকাতাবাসীই হইয়াছিলেন। কলিকাতায় আসিয়া তিনি চৌধুরী পরিবারের বাসস্থানের সান্নিধ্যে বাসা লয়েন। আশুতোষ তখন বিলাত হইতে ব্যারিষ্টার হইয়া আসিয়াছেন। তিনি ছাত্রাবস্থায় বিলাতে যশ অর্জন করিয়াছিলেন এবং এ দেশে ফিরিয়া ‘ভারতী’তে



ওরিয়েন্ট ক্লাবে রবীন্দ্র-সম্ভাষণে মহারাজ জগদীন্দ্রনাথ

পঠকশাতেই তাঁহার বিবাহ হইয়াছিল। ১৮৭৭ খৃষ্টাব্দে তিনি “মহারাজা” বলিয়া বৃটিশ সরকার কর্তৃক অভিহিত হইলেন—তখন তাঁহার বয়স প্রায় ১০ বৎসর। ১৮৮৫ খৃষ্টাব্দে তাঁহার বিবাহ হয়। তখন তাঁহার বয়স প্রায় ১৭ বৎসর।

সাবালক হইবার অল্পদিন পরেই জগদীন্দ্রনাথ কলিকাতায় আগমন করেন। গুনিয়াছি, সার আশুতোষ চৌধুরী মহাশয়ের পিতা হুর্গাদাস বাবুর পরামর্শেই তিনি

ইংরাজ কবিদিগের পরিচয়গ্রন্থক সমালোচনা প্রকাশ করিতেছিলেন। আশুতোষের মধ্যম ভ্রাতা যোগেশ-চন্দ্র তখন, বোধ হয়, মেট্রোপলিটন কলেজে অধ্যাপনা করিতেছেন—অন্য ভ্রাতারা ছাত্র। আশুতোষ তখন স্বীয় প্রতিভাবলে দারিদ্র্যের সহিত সংগ্রাম করিয়া সাফল্য লাভ করিতেছেন। ষোড়াসাঁকোর ঠাকুর পরিবারে তাঁহার বৈবাহিক সম্বন্ধ প্রতিষ্ঠিত হইয়াছে। আশুতোষের মধ্যস্থতায় ঠাকুর পরিবারের সহিত

জগদীন্দ্রের ঘনিষ্ঠতা জন্মে। তখন “ঠাকুরবাড়ী” বিরূপ ছিল, তাহা তাহার আজিকার অবস্থা দেখিয়া অনুমান করিবার উপায় নাই। দেবেন্দ্রনাথ তখন সাধনার সুবিধা হইবে বলিয়া স্বজনগণের নিকট হইতে দূরে পার্ক ষ্ট্রীটে বাস করিতেন। দ্বিজেন্দ্রনাথ, জ্যোতিরিন্দ্রনাথ, রবীন্দ্রনাথ—সকলেই জোড়াসাঁকোয় বাস করেন। “ঠাকুরবাড়ী” তখন কলিকাতায় সঙ্গীতশিল্পসাহিত্যসৌন্দর্য্যচর্চার অগ্রতম প্রধান কেন্দ্র। সেই কেন্দ্রে জগদীন্দ্রনাথ আপনার প্রতিভা-সুরণের অবসর পাইলেন এবং “রাজন” সেই কেন্দ্রের অগ্রতম অন্তরঙ্গ হইয়া পড়িলেন। তখন ‘সাধনা’ রবীন্দ্রনাথের রচনার বাহন।

চৌধুরী পরিবার তখন ওয়েলিংটন স্কোয়ারের ধারে ধর্ম্মতলা ষ্ট্রীটের উপর বাড়ীতে বাস করিতেন। জগদীন্দ্রনাথ স্কোয়ারের অগ্রদ্বারে ওয়েলিংটন ষ্ট্রীটের উপর বাড়ী ভাড়া করিলেন।

এই সময় তিনি সর্ব্বপ্রথমে সাধারণের সহিত পরিচিত হইলেন। সে দিনের কথা আমাদের মনে আছে। তখন সার চার্লস ইলিয়ট বাঙ্গালার ছোট লাট। তাঁহার নানা ব্যবস্থায় বঙ্গদেশ বিচলিত হইয়াছিল। মফঃস্বল মিউনিসিপ্যাল বিল সে সকলের অগ্রতম। এই বিলে স্থানীয় স্বায়ত্ত-শাসনের মূল নীতির পরিবর্তন-প্রচেষ্টা থাকায় দেশের লোক তাহার প্রতিবাদে প্রবৃত্ত হইয়াছিল। তাহাদের অগ্রণী সুরেন্দ্রনাথ বন্দ্যোপাধ্যায়; তাঁহার সহকর্মী—অম্বিকাচরণ মজুমদার। কলিকাতার এক প্রতিবাদ সভায় জগদীন্দ্রনাথ রাজসাহী জনসভার প্রতিনিধিরূপে সেই প্রস্তাবিত আইনের প্রতিবাদ করিয়া ইংরাজীতে এক বক্তৃতা পাঠ করিয়াছিলেন।

প্রায় এই সময়েই তিনি বঙ্গীয় ব্যবস্থাপক সভার সদস্য নির্বাচিত হইলেন। তাহার পর ১৯০৭ খৃষ্টাব্দে এক বার ও তাহার পর আর একবার তিনি বঙ্গীয় ব্যবস্থাপক সভার সদস্য নির্বাচিত হইয়াছিলেন। কখন রাজপুরুষদিগের তুষ্টিসাধনের জন্ত দেশবাসীর মতের বিরুদ্ধে কোন প্রস্তাবে তিনি ভোট দেন নাই। তবে সাহিত্যিকের মনোভাব লইয়া তিনি রাজনীতিকেরে কখন কোনরূপে নেতৃত্বভার গ্রহণ করিয়া খ্যাতিলাভ করেন নাই।

তিনি যে মনে সত্য সত্যই দেশপ্রেমিক ছিলেন,

তাহা তাঁহার পরিচিত ব্যক্তিদিগের অবিদিত ছিল না। কৃষ্ণনগরের মহারাজা শ্রীযুক্ত কৌণীশচন্দ্র রায় বাহাদুর বাঙ্গালার শাসন পরিষদের সদস্য মনোনীত হইলে তিনি তাঁহাকে অভিনন্দিত করিয়া এক সম্মিলনের ব্যবস্থা করিয়াছিলেন। নাটোর ও কৃষ্ণনগর বাঙ্গালার এই দুই ব্রাহ্মণ রাজবংশে পুরুষপরম্পরাগত যে সম্বন্ধ আছে, তাহাতে জগদীন্দ্রনাথ জ্যেষ্ঠতাত, কৌণীশচন্দ্র ভ্রাতৃপুত্র। সে সম্মিলনে কৌণীশচন্দ্র উপস্থিত হইলে স্নেহবশে জগদীন্দ্রনাথ আশীর্বাদী মাল্য তাঁহার কর্ণে পরাইয়া দিলে ভ্রাতৃপুত্র তাহাই তাঁহার চরণতলে রক্ষা করিয়া তাঁহাকে প্রণাম করেন। সে সম্মিলনে যে চিত্তরঞ্জনের মত অসহযোগীও উপস্থিত ছিলেন, তাহাতেই সামাজিক হিসাবে জগদীন্দ্রনাথের সর্ব্বজনপ্রিয়তা প্রতিপন্ন হয়।

জগদীন্দ্রনাথ যখন কলিকাতা সমাজে সুপরিচিত হইলেন, তখন রাজনীতি সাম্প্রদায়িক সঙ্গীর্ণতায় আবদ্ধ হয় নাই। কংগ্রেসের যে অধিবেশন কলিকাতায় প্রথম হয়, তাহাতে উত্তরপাড়ার জয়কৃষ্ণ মুখোপাধ্যায়, মহারাজা যতীন্দ্রমোহন ঠাকুর প্রভৃতি যোগ দিয়াছিলেন। রবীন্দ্রনাথের দুইটি প্রসিদ্ধ সঙ্গীত কংগ্রেস উপলক্ষে রচিত—

“আমরা মিলেছি আজ মাঝের ডাকে”

“অয়ি ভুবন মনোমোহিনী...”

জগদীন্দ্রনাথও রাজনীতিক আন্দোলনে যোগ দিয়াছিলেন। ১৮৯৭ খৃষ্টাব্দের ১২ই জুন যে ভূমিকম্পে বঙ্গ দেশ বিকম্পিত হইয়াছিল, তাহারই মধ্যে নাটোরে বঙ্গীয় প্রাদেশিক সম্মিলনের অধিবেশন হয়। তাহার ২ বৎসর মাত্র পূর্বে সম্মিলন পুনর্জীবিত করিয়া যাযাবর করা হয়। যাযাবর সম্মিলনের প্রথম অধিবেশন বহরমপুরে; অভ্যর্থনা-সমিতির সভাপতি বৈকুণ্ঠনাথ সেন, সভাপতি আনন্দমোহন বসু। তাহার দ্বিতীয় অধিবেশন কৃষ্ণনগরে; অভ্যর্থনা-সমিতির সভাপতি মনোমোহন ঘোষ, সভাপতি তরুপ্রসাদ সেন। সেই অধিবেশনে শ্রীযুক্ত অক্ষয়কুমার মৈত্রেয় রাজসাহীর পক্ষ হইতে পর বৎসরের জন্ত সম্মিলন আহ্বান করিয়া আসিয়াছিলেন। দিবাপাতিরায় রাজা শ্রীযুক্ত প্রমদানাথ রায় ও মহারাজা জগদীন্দ্রনাথ অতিথিসৎকারের ভার ভাগ করিয়া লইয়াছিলেন। এই দুই পরিবারে সম্বন্ধ বহু দিনের। দিবাপাতিয়া রাজবংশের

বংশপতি দয়ারাম নাটোর রাজগৃহে সামান্য পরিচারকরূপে প্রবেশ করিয়া অসাধারণ প্রতিভাবলে সর্বোচ্চ পদ লাভ করিয়াছিলেন। তিনি দাওয়ান ছিলেন এবং প্রভুর একরূপ বিশ্বাসভাজন হইয়াছিলেন যে, তিনিই প্রভুর পক্ষে ব্রাহ্মণ-দিগকে ব্রহ্মোত্তর প্রদান পর্য্যন্ত করিতেন। গল্প আছে, মহারাজকুমারী তারা যখন সম্পত্তি দেখিতেছিলেন, তখন তিনি দয়ারামের ছাড় দেখিয়া ব্রহ্মোত্তরে কোন ব্রাহ্মণের অধিকার স্বীকার করিতে অসম্মত হইলেন। তাহা শুনিয়া

সম্মিলনে ইংরাজীতেই কার্য নিৰ্বাহিত হইত। কৃষ্ণনগরের অধিবেশনে অভ্যর্থনা-সমিতির সভাপতি মনোমোহন ঘোষ সে নিয়মের সামান্য পরিবর্তন করিয়াছিলেন। ষত দিন সরকার না বুঝিবেন যে, দেশের জনগণ আমাদের সহগামী—তত দিন তাঁহাদিগের নিকট হইতে কোন অধিকার আদায় করা যাইবে না, বলিয়া তিনি নিয়ম করিয়াছিলেন, প্রত্যেক প্রস্তাবে এক জন বক্তা বাঙ্গালায় বক্তৃতা করিবেন। নাটোরের অধিবেশনের বৈশিষ্ট্য সেই নিয়ম আরও



উত্তরবঙ্গ সাহিত্য সম্মিলনে মহারাজ জগদীন্দ্রনাথ

দয়ারাম তাঁহাকে বলিয়াছিলেন, “যদি আমার স্বাক্ষরে নাটোর সরকারের কায সম্পন্ন না হয়, তবে তোমারও এ সম্পত্তিতে কোন অধিকার নাই; কারণ, মহারাণী ভবানীর বিবাহের লগ্নপত্রে আমিই দাওয়ানরূপে স্বাক্ষর করিয়াছিলাম।” জগদীন্দ্রনাথ বরাবরই প্রমদানাথকে কনিষ্ঠ ভ্রাতার মত দেখিতেন।

নাটোরে প্রাদেশিক সম্মিলনের অন্নদিন পূর্বে প্রথম ভারতবাসী সিভিলিয়ান সত্যেন্দ্রনাথ ঠাকুর পেন্সন লইয়া আসিয়াছিলেন। তিনিই সে অধিবেশনে সভাপতি। পূর্বে

বিস্তৃত করিয়া বাঙ্গালাকেই প্রাধান্য প্রদান। জগদীন্দ্রনাথের ও সত্যেন্দ্রনাথের মূল অভিভাষণ ইংরাজীতেই লিখিত হইয়াছিল বটে, কিন্তু জগদীন্দ্রনাথের অভিভাষণ তাহিরপুরের রাজা শশিশেখরেশ্বর রায় কর্তৃক ও সত্যেন্দ্রনাথের অভিভাষণ রবীন্দ্রনাথ কর্তৃক অনূদিত ও বিস্তৃত হইয়াছিল। জগদীন্দ্রনাথ তাঁহার অভিভাষণে এ দেশে জমীদারের সহিত জনসাধারণের সম্বন্ধের কথা তুলিয়া বলিয়াছিলেন, উভয়ের স্বার্থ অভিন্ন। অধিবেশনের দ্বিতীয় দিন বহরমপুরের বৈকুণ্ঠনাথ সেন, কৃষ্ণনগরের তারাপদ



সপরিবারে মহারাজ জগদিন্দ্রনাথ
রানী, পৌত্র—অমৃতকুমার, পুত্র—কুমার বেগিন্দ্রনাথ, পুত্রবধূ (ক্রোড়ে শিশু)

বন্দ্যোপাধ্যায় ও কলিকাতার কালীচরণ বন্দ্যোপাধ্যায় প্রভৃতি বাঙ্গালার বক্তৃতা করেন। তৃতীয় দিন অধিবেশনের মধ্যভাগে ভূমিকম্প হয়।

নাটোরে ভূমিকম্প প্রায় ৭ মিনিট ব্যাপী ছিল। স্থানে স্থানে জমী ফাটিয়া গর্ত দেখা দেয় ও তাহার মধ্য হইতে জল উদগত হয়। সে দৃশ্য যে না দেখিয়াছে, তাহাকে বৃদ্ধান অসম্ভব। চারিদিকে বিপন্ন জনতার চীৎকার, পলায়নপর অশ্বের পদধ্বনি, ভীত হস্তীর বৃংহিত। অদূরে গগনে ধূলিবাশি উখিত হইল; বৃষ্টি গেল- নাটোরের প্রাসাদ ভাঙ্গিয়া পড়িয়াছে। সেই বিপন্ন অবস্থাতেও জগদীন্দ্রনাথ বিচলিত হইলেন নাই, পরন্তু পূর্ববৎ যত্নে অতিথিদিগের সৎকার করিয়াছিলেন। পরদিন একখানি ট্রেন আসিলে তিনি আসিয়া অতিথিদিগকে ট্রেনে তুলিয়া দেন। সেই ভূমিকম্পে জয়কালীর মন্দিরও ভগ্ন হইয়াছিল।

বঙ্গীয় প্রাদেশিক সম্মিলনের এই অধিবেশনের পর জগদীন্দ্রনাথ রাজনীতিক্ষেত্রে সুপরিচিত হইলেন। ১৯০১ খৃষ্টাব্দে কলিকাতায় কংগ্রেসের যে অধিবেশন হয়, তাহাতে তিনিই অভ্যর্থনা-সমিতির সভাপতি হইলেন। তাহার পূর্বে ৩ বার কলিকাতায় কংগ্রেসের অধিবেশন হইয়াছিল। সেই তিন অধিবেশনের অভ্যর্থনা-সমিতির সভাপতি যথাক্রমে - রাজা রাজেন্দ্রলাল মিত্র, মনোমোহন ঘোষ ও সার রমেশচন্দ্র মিত্র। জগদীন্দ্রনাথ বলেন, তাঁহারা যে আসন অধিকার করিয়া গিয়াছেন, সে আসনে উপবেশন করিতে তিনি যে দ্বিধা বোধ করেন নাই, এমন নহে; তবে তাঁহারা দেশের জন্ত চিন্তা করেন ও কায করেন, তাঁহাদিগের দলে যোগ দিবার বলবতী বাসনাই তাঁহাকে এই পদ গ্রহণে প্ররুদ্ধ করাইয়াছে। তিনি অভিজ্ঞতায় হীন হইলেও - আশায় ধনী; তিনি এত দিন বিশেষ কোন কায করিতে না পারিলেও, ভবিষ্যতে অনেক কায করিবার আশা রাখেন। অভিভাষণের শেষাংশে দ্বারবন্ধের মহারাজা সার লক্ষ্মীধর সিংহ বাহাছরের মৃত্যুতে শোক প্রকাশ করিবার প্রসঙ্গে তিনি বলিয়াছিলেন, ভূস্বামীরা কংগ্রেসে নানারূপ সাহায্য প্রদান করিয়াছেন এবং তাঁহারা যেন মনে না করেন, তাঁহারা দেশের জনগণ হইতে এক স্বতন্ত্র সম্প্রদায়।

কংগ্রেসের এই অধিবেশনের পর তিনি আর কোন

অধিবেশনে উল্লেখযোগ্য প্রকাশ্যভাবে কোন কায করেন নাই বটে, কিন্তু কলিকাতায় কংগ্রেসের যে অধিবেশনে লাল লজপত রায় সভাপতি হইয়াছিলেন, সে অধিবেশনেও আসিয়াছিলেন।

যৎকালে তিনি অল্প নানা কাযে ব্যস্ত ছিলেন, সেই সময়েও তিনি সর্বপ্রযত্নে শারীরিক বলচর্চার পক্ষপাতী ছিলেন। ১৯০২ খৃষ্টাব্দে তিনি ক্রিকেট খেলোয়াড়দিগের এক দল গঠিত করিয়াছিলেন এবং স্বয়ং তাহাতে খেলা করিতেন। সে দল ভারতের নানা স্থানে যাইয়া খেলা করিয়া আসিয়াছেন—যশও অর্জন করিয়াছেন। ১৯১৪ খৃষ্টাব্দ পর্য্যন্ত সে দল বিদ্যমান ছিল।

১৯০৪ খৃষ্টাব্দে মহারাজা পুনরায় রাজনীতিক্ষেত্রে দেখা দেন। সে বার বহরমপুরে প্রাদেশিক সম্মিলনের অধিবেশন হয় এবং তিনিই তাহাতে সভাপতি নির্বাচিত হইলেন। আমাদের মনে আছে, তাঁহাকে ধনুবাদ দিবার সময় বৈকুণ্ঠনাথ সেন বলিয়াছিলেন, সে বার সভাপতি নির্বাচনে তাঁহাকে বিশেষ কষ্ট স্বীকার করিতে হয় নাই। নৈশ গগনের প্রতি দৃষ্টিপাত করিলে যেমন উজ্জ্বলতম জ্যোতিষ্কই সর্বাগ্রে দৃষ্টিগোচর হয়, তেমনই রাজনীতিক্ষেত্রে দৃষ্টিপাত করিলে তাঁহার দৃষ্টি প্রথমেই মহারাজা জগদীন্দ্রনাথের প্রতি আকৃষ্ট হইয়াছিল। মহারাজা যে অভিভাষণ পাঠ করিয়াছেন এবং যে ভাবে অধিবেশনের কায পরিচালিত করিয়াছেন, তাহাতে তাঁহার আশা যে পূর্ণ হইয়াছে, তাহা বলাই বাহুল্য।

মহারাজার অভিভাষণ অপেক্ষাও তাঁহার ব্যবহার বহরমপুরবাসীদিগকে অধিক মুগ্ধ করিয়াছিল। তাঁহার ব্যবহারই যে তাঁহার বৈশিষ্ট্য-ব্যাঞ্জক ছিল, তাহা তাঁহার পরিচিত সকলেই অস্বত্ব করিয়াছেন। তিনি ঘনিষ্ঠতার কখন কাৰ্পণ্য করিতে জানিতেন না, তাহা তাঁহার প্রকৃতিবিরুদ্ধ ছিল। কাহারও সহিত তাঁহার পরিচয় হইলে তাঁহার সম্বোধন যে কেমন ভাবে কখন “আপনি” হইতে “তুমি”র ব্যবধান ছাড়াইয়া ঘনিষ্ঠতাব্যঞ্জক “তুই”তে পরিণত হইত, তাহা যেন ঠিক বুঝিয়া উঠিতে পারা যায় না। তিনি যেন বন্ধুগণের মধ্যে কোনরূপ ব্যবধান করিতে জানিতেন না, পারিতেন না। সেই জন্তই প্রথমে চৌরঙ্গীতে ‘মানসী’ কার্যালয় ও পরে তাঁহার গৃহ

ছোট, বড়, মেজ, ধনী, নির্ধন সকল প্রকার সাহিত্যিকের মজলিস হইয়াছিল। চৌরঙ্গীর ‘মানসী’ কার্যালয় ফটোগ্রাফের দোকানের একটা অংশমাত্র ছিল; সেই স্থানেই জগদ্বিজনাথ আসর গুলজার করিয়া বসিতেন, এবং যেমন “নানাপক্ষী এক বৃক্ষে” থাকে, তেমনই নানা সাহিত্যিক তথায় সমাগত হইতেন। সে আড্ডা ভাঙ্গিয়া গেলে বহু দিন ল্যান্ডাউন রোডে মহারাজা জগদ্বিজনাথের বৈঠকখানাই একটা বড় সাহিত্যিক বৈঠকখানা ছিল। এত দিনে সেই বৈঠকখানা শূন্য হইয়াছে “নিবেছে দেউটি।” আছে কেবল স্মৃতি।

জগদ্বিজনাথের নানা বিষয়ে অমুরাগের ও পারদর্শিতার কথা ইতঃপূর্বে বলিয়াছি। কিন্তু তিনি প্রকৃতপক্ষে ছিলেন—সাহিত্যিক। যিনি ইচ্ছা করিলে অনায়াসে কেবল বিলাসে জীবন যাপন করিতে পারিতেন, তিনি যে পত্র-সম্পাদকের গুরু দায়িত্ব ইচ্ছা করিয়া গ্রহণ করিয়াছিলেন, সে কেবল তাঁহার ধাতুগত সাহিত্যাহুরাগহেতু। তিনি স্বতঃপ্রবৃত্ত হইয়া ‘মঙ্গলবাণী’ পত্র প্রচার করেন এবং সেই ‘মঙ্গলবাণী’ কিছুদিনের মধ্যেই ‘মানসীর’ সহিত মিলিত হয়। জীবনের শেষ দিন পর্যন্ত তিনি ‘মানসীর’ সম্পাদক ছিলেন। তিনি নামে মাত্র সম্পাদক ছিলেন না; তাঁহার স্বাভাবিক সাহিত্যাহুরাগ তাঁহাকে সেরূপ করিতে দিত না। প্রবন্ধ-রচনা, প্রবন্ধ-নির্বাচন—এ সব তিনি করিতেন।

তাঁহার রচনায় যে বৈশিষ্ট্য ছিল, তাহা অনেক সাহিত্যিকের ঈর্ষ্যার উৎপাদন করিতে পারে। গল্প ও পঞ্চ উভয়বিধ রচনাই তিনি রাখিয়া গিয়াছেন। তিনি দুই বার বঙ্গীয় সাহিত্য-সম্মিলনের সভাপতির অভিভাষণ পাঠ করিয়াছেন এবং তাঁহার শেষ সভায় রচনাপাঠ—মুঙ্গীগঞ্জ সাহিত্য-সম্মিলনে। উত্তর-বঙ্গ সাহিত্য-সম্মিলনে তিনি যে অভিভাষণ পাঠ করিয়াছিলেন, তাহাতে তিনি এমন ভাবও ব্যক্ত করিয়াছিলেন যে, বাণীর সেবকদিগের যে দারিদ্র্য কবিপ্রসিদ্ধি, সেই দারিদ্র্যক্লিষ্ট নহেন বলিয়া তিনি সাহিত্য-সম্মিলনে সভাপতিত্ব করিতে সঙ্কোচ অনুভব করিতেছিলেন;—

“বঙ্গসমাজের যে স্তরে আমি জীবনযাত্রা নির্বাহ করিয়া আসিতেছি, সত্য হউক, মিথ্যা হউক, জনরব এই যে, সেই স্তরের কোন ব্যক্তিই বিশেষভাবে বাগ্‌দেবীর চরণ-চিন্তা

করেন না এবং বিহ্বলনাশুষ্টিত কোন ব্যাপারেই প্রাণের সহিত যোগদান করিতে ইচ্ছুক নহেন। আরও বিশ্বাস এই যে, দারিদ্র্যের দারুণ কশাঘাত দিবারাত্র বাহাদিগকে ব্যতিব্যস্ত করিয়া না তুলে, তাহাদের বাণীমন্দিরে প্রবেশাধিকার নাই। সরস্বতীর শতদল-কাননের শোভা-সৌন্দর্য্যে বিমুগ্ধ হইয়া কোন পথভ্রান্ত লক্ষ্মীনন্দন যদি কখন এ পথে আসিয়া পড়েন, তবে পদ্মবনের পূর্বাধিকারী ষটু-পদবৃন্দের বিকট ঝঙ্কার ও বিষম ছলতাড়নায় তাঁহাকে অস্থির হইয়া পলায়নের পথ খুঁজিতে হয়। এরূপ বিপৎ-সঙ্কুল দুর্গম পথে অগ্রসর হইতে হুহুহুঃসাহসের আবশ্যক। * * * যদি বা বাগ্‌দেবতার চরণ-নিশ্চন্দ্রিমধুস্বাদে বৃক্ষিত হই, তথাপি সারস্বত-কুঞ্জের বহির্দেশে দাঁড়াইয়া সরস্বতীর চরণাশ্রিত পদ্মবনের দূরবাহিগন্ধে হৃদয়-মন পুলকিত করিবার আশায় আসিয়াছি।”

কিন্তু তিনি সত্য সত্যই মন্দিরের বাহিরে দণ্ডায়মান ছিলেন না। তিনি আপনার ভক্তিগুণে সেই মন্দিরে প্রবেশ করিয়া পূজারীর অধিকার লাভ করিয়াছিলেন।

এই অভিভাষণে তিনি নব্যবঙ্গের লেখকদিগের মধ্যে দুই জনের প্রতিষ্ঠায় অনাবিল শ্রদ্ধা জ্ঞাপন করিয়াছিলেন— বঙ্কিমচন্দ্র ও রবীন্দ্রনাথ। বঙ্কিমচন্দ্রের সম্বন্ধে তাঁহার উক্তি এইরূপ;—

“বাল্যকাল অন্ধকারময় কবি-নিকুঞ্জে মধুসূদন যে প্রথম উষার অরুণ-রশ্মিপাত আনিয়া দিয়াছিলেন, সেই আনন্দময় মঙ্গললোকে চতুর্দিক হইতে কলকণ্ঠ বিহ্বলনিচয়ের আনন্দ-কুঞ্জে নিস্তব্ধ বন-বীথিকা মধুচ্ছন্দে মুখরিত হইয়া উঠিয়াছিল। এমন সময় বঙ্গ-সাহিত্যক্ষেত্রে বঙ্কিমচন্দ্রের শুভ আবির্ভাব হইল। ‘চন্দ্রোদয়ারসুত ইবামুরাশিঃ’ দেশের হৃদয় তখন কূলে কূলে পরিপূর্ণ হইয়া স্তম্ভিত অবস্থায় ছিল। সমুদ্রের বিশাল বারিরাশি যেমন চন্দ্রকরস্পর্শে দেখিতে দেখিতে উচ্ছ্বসিত হইয়া উঠে, সমগ্র দেশের হৃদয়স্থ আশা-ভরসা তেমনই আজ আনন্দে উল্লসিত হইয়া উঠিল। যেখানে যে শূন্য দৈন্ত যাহা কিছু ছিল, সব পরিপূর্ণ হইয়া গেল; যেখানে শুষ্কতা, সেখানে নৃত্য; যেখানে নিঃশব্দতা, সেখানে সঙ্গীত জাগিয়া উঠিল; পাঠশালার শুষ্ক সৈকত কোটালের বানে ভাসিয়া গেল। কুরুক্ষেত্রের মহাসমরশায়ী পিতামহের দারুণ পিপাসা-শাস্তির জন্ত অর্জুন যেমন বাহুবল-নিষ্কিপ্ত

শরাঘাতে পাতালস্থ ভোগবতীর নির্মল ধারা আনিয়া
দিয়াছিলেন, বঙ্কিমচন্দ্রের আনীত সাহিত্য-মন্দাকিনীর
পূত-ধারায় সমগ্র দেশের সাহিত্যরসপিপাসা এক নিমেষে
সেইরূপ তৃপ্তিলাভ করিল। এমন হইল কেন? কারণ, 'বঙ্গ-
দর্শন' তখন যথার্থই বঙ্গদর্শনরূপে আমাদের সম্মুখে আসিয়া
আবির্ভূত হইয়াছিল। বাঙ্গালাদেশ তখন আপনার সাহি-
ত্যের মধ্য দিয়া আপনাকে দেখিতে পাইল, এবং আত্মদর্শন
করিল বলিয়াই তাহার এই আনন্দ। এতকাল পরের লেখার
উপর 'মকস' করিয়া কেবল পরকেই চোখের সামনে
রাখিয়াছিল, আজ নিজের আনন্দ প্রকাশের পথ উন্মুক্ত
দেখিয়া এক মুহূর্তে তাহার হৃদয়ের বন্ধনদশা ঘুচিয়া গেল।"

জগদ্বিজনাথের তিরোভাবে বাঙ্গালার সাহিত্যক্ষেত্র
হইতে এক জন সুরসিক সাহিত্য-প্রেমিকের তিরোভাব
হইল। বিজ্ঞবর রাজনারায়ণ বাবু এক দিন হুঃখ করিয়া
বলিয়াছিলেন—এ দেশের নবীন সাহিত্যে যেন বিদেশী
গন্ধ পাওয়া যায়। আজ সে হুঃখের কারণ আরও প্রবল
হইয়াছে। কারণ, যখন তিনি সে কথা বলিয়াছিলেন,
তখন বাঙ্গালীর ছেলে বাঙ্গালা কাব্য-পুরাণাদি পাঠ না
করিলেও যাত্রা, গান, কথকতা—এ সকলের মধ্য দিয়া
বাঙ্গালার ভাবধারা তাহার হৃদয় সরস করিত। আজ
যেন তাহাও আর নাই। কুন্তিবাসের রামায়ণ, কাশীরামের
মহাভারত, কবিকঙ্কণের চণ্ডী, ঘনরামের শ্রীধর্মমঙ্গল,
ভারতচন্দ্রের অন্নদামঙ্গল—এ সকল আজকাল আর তেমন

পঠিত হয় না। আবার দাশরথির পাঁচালী, মধু কানের
চপ-সঙ্গীত, "গোপাল উড়ের টপ্পা"—এ সকলের আর
আলোচনা হয় না। কাষেই বাঙ্গালার সাহিত্যের রসত্রী
আর বড় দেখা যায় না। জগদ্বিজনাথের রচনার সেই
রসত্রী ছিল।

তিনি যে এত শীঘ্র আমাদিগকে ত্যাগ করিয়া যাইবেন,
তাহা কেহ মনেও করিতে পারে নাই। তাঁহার মৃত্যু
অতর্কিত ও অপ্রত্যাশিত। অপরাহ্নে তিনি ভ্রমণে বাহির
হইয়াছিলেন—কিছু দূর পদব্রজে যাইয়া গাড়ীতে উঠিবেন।
তিনি এত সাবধান ছিলেন যে, সোপান অবতরণ করিবার
সময়ও এক জনকে অবলম্বন করিতেন। অথচ সে দিন
তিনি রাস্তা পার হইতে যাইলেন—অদূরে অগ্রসর ট্যাক্সী
লক্ষ্য করিলেন না! ট্যাক্সী তাঁহাকে আঘাত করিল—তিনি
পড়িয়া গেলেন। কিন্তু আঘাতের গুরুত্ব তিনি উপলব্ধি
করিতে পারিলেন না। ট্যাক্সী-চালককে পুলিশে দিবার
প্রস্তাবে তিনি বলিলেন, সে যখন ইচ্ছা করিয়া তাঁহাকে
আঘাত করে নাই, তখন তাহাকে দণ্ডিত করা তাঁহার
অভিপ্রেত নহে। আঘাতের পর গৃহে আসিয়া তিনি
ঘটনাটি সব বর্ণনা করিলেন। তাহার পর তাঁহার বাক-
রোধ হইল। কয় দিন সেই অবস্থায় থাকিয়া তিনি প্রাণ-
ত্যাগ করিলেন।

তাঁহার মৃত্যুতে বাঙ্গালা সমাজ ও বাঙ্গালার সাহিত্যিক
সমাজ বিশেষ ক্ষতিগ্রস্ত হইয়াছে।


শ্রীহেমেন্দ্রপ্রসাদ ঘোষ।

দ্বিজেন্দ্রনাথ ঠাকুর

হে তপস্বি! চিত ভরি' হেরেছ তাঁহারে
পরশ-রতন যিনি মানস-ভিমিরে,
ভোগ-ভ্রাস্তি-পূর্ণ এই বিচিত্র সংসারে,
নির্লিপ্ত রহিলে সব স্বার্থের বাহিরে।
তিমির-আচ্ছন্ন পথে জ্বালি সযতনে
সাধনার দীপখানি, জ্ঞানযোগ-বলে,
চলেছিলে দ্বিধাশূন্য অকম্পিত মনে
দেহের আঁধার যেথা মরে পলে পলে।

কোথা হ'তে পেলো এই সরল নির্ভর?
ছনিরীক্ষ্য যেই তেজে ভাস্বর তপন,
আত্মজয়ী, সেই তেজে করিলে গোচর
সর্বত্র সুগম চির-আনন্দভুবন।
স্বপ্রতিষ্ঠ সত্যনিষ্ঠ সৌম্য দ্বিজবর,
লোকে লোকে পরিপূর্ণ তোমার চেতন।

শ্রীনগিনীমোহন চট্টোপাধ্যায়



দ্বিজেন্দ্রনাথ ঠাকুর

স্বর্গীয় দ্বিজেন্দ্রনাথ ঠাকুরের মৃত্যুর অব্যবহিত পরেই পাঁচ-খানি ইংরাজী-বাক্সা কাগজে তাঁর সম্বন্ধে যে সব কথা লেখা হয়েছে—তার চাইতে বেশী কিছু বলা আমার পক্ষে সম্ভব না।

তাঁর মনের চেহারার রেখাগুলি এতই পরিষ্কট ছিল যে, যিনি তাঁর সঙ্গে এক দিন মাত্র পরিচিত হয়েছেন, তাঁর অন্তরেই সে চরিত্রের ছবি অঙ্কিত হয়ে গিয়েছে। সে চরিত্রের মধ্যে এমন কোনও লুকানো জিনিষ ছিল না—যা স্বল্প পরিচয়ে ধরা পড়ে না, কিন্তু তা হৃদয়ঙ্গম করা বহুদিনের ঘনিষ্ঠতা-সাপেক্ষ। আমাদের অধিকাংশ লোকের স্বভাবের দুটি মূর্তি আছে। একটি আটপোরে, অপরটি পোষাকী। বাইরের লোক আমাদের একরূপে দেখে—ঘরের লোক অন্তরূপ এবং অনেক ক্ষেত্রে এ দুটির ভিতর কোনটি আমাদের যথার্থ রূপ, বলা কঠিন। কেন না, অনেক ক্ষেত্রে তা আমরা নিজেই জানিনে।

দ্বিজেন্দ্রনাথের মন ও ব্যবহারের ভিতর সদর ও মফঃস্বলের ভেদ ছিল না। ঘরে বাইরে তিনি একই লোক ছিলেন—তাই তিনি আত্মীয়-স্বজনের কাছে যা ছিলেন, বাইরের লোকের কাছেও ঠিক তাই ছিলেন। আমার অনেক সময়ে মনে হয় যে, ঘর ও বাহিরে যে দুটি আলাদা জগৎ—এ ধারণা তাঁর মনে কখনও স্থান পায় নি। তিনি পুরোমাত্রায় স্বগত ছিলেন এবং সেই কারণে পুরোমাত্রায় স্ব-প্রকাশ ছিলেন। আমার বিশ্বাস, যে মানুষ ষোল আনা individual, তিনিই হচ্ছেন ষোল আনা universal। আমরা অধিকাংশ লোক individual হ'তে

জানিনে অথবা পারিনে বলেই আমাদের পাঁচ জনের খণ্ড সত্তা—সব জোড়াতাড়া দিয়ে আমরা জাতীয় চরিত্র ব'লে একটা মনগড়া জিনিষ তৈরী করি।

দ্বিজেন্দ্রনাথের প্রকৃতি যে এত সুস্পষ্ট ছিল, তার কারণ, তাঁর মন, তাঁর দেহের মতই একটা বড় ছাঁচে ঢালাই করা হয়েছিল। শরীর-মনের এ চেহারার সুন্দর রেখার অপেক্ষা রাখে না, আলো-ছায়ার অপেক্ষা রাখে না, কারণ, তা আগাগোড়াই আলোক-চিত্র।

ইংরাজীতে simple শব্দের বাক্সা সরলও বটে, ঋজুও বটে। এই ঋজুতাই ও কথার মূল অর্থ। সরলতা নামক মনের ধর্ম ঐ ঋজুতারই রূপান্তর অর্থ।

দ্বিজেন্দ্রনাথের দেহ ও মনের অসামান্য simplicity ছিল। simplicity কোনরূপ সাধনার ধন নয়, তিনি এগুলি নিয়ে জন্মগ্রহণ করেছিলেন এবং জীবনের শেষ দিন পর্যন্ত তা হারান নি। ছবির ভাষায় রেখার আর একটি বিশেষণ আছে। চিত্রকররা কোন রেখাকে strong বলে, কোন

রেখাকে weak।

দ্বিজেন্দ্রনাথের মনের চেহারার রেখাগুলি ছিল যেমন সরল, তেমনই সবল। simplicity এই দীর্ঘজীবনে মুহূর্তের জন্তই তিলমাত্র বিকৃত হয় নি। আর যে জিনিষ বাইরের চাপে অবিকৃত থাকে, তারই নাম অবশ্য strong.

ইংরাজী ভাষায় 'child-like' কথাটা স্তুতিবাচক আর 'Childish' কথাটা নিতান্ত নিন্দাবাচক। বাক্সায় ঠিক এ দুটি বিভিন্ন বিশেষণের বিভিন্ন প্রতিবাক্য নাই। শিশুর মত স্বভাবকে আমরা আজও ভক্তির চোখে দেখতে



দ্বিজেন্দ্রনাথ ঠাকুর



দ্বিজেন্দ্রনাথ ঠাকুর ও রবীন্দ্রনাথ ঠাকুর

শিখিনি। আমাদের বিশ্বাস, যে গুণ শিশুর পক্ষে শোভন, আমাদের পক্ষে তা শোভন নয়। কিন্তু যদি ধরে নেওয়া যায় যে, সর্বপ্রকার কুটিলতার অভাবকেই আমরা শিশু-চরিত্র বলি, তা হলে চরিত্র যে আমাদের প্রীতি ও ভক্তির সামগ্রী হয়—সে বিষয়ে ত সন্দেহ নেই। ও গুণকে যে আমরা আদর করি নে, তার কারণ সামাজিক লোকের ভিতর ও গুণের সাক্ষাৎকার আমাদের ভাগ্যে বড় একটা জোটে না। আমরা বয়স্ক লোকের ভিতর শিশুসুলভ সরলতার পরিচয় পেলে সহজেই মুগ্ধ



দ্বিজেন্দ্রনাথ ঠাকুরের পুত্র—শ্রীস্বধীন্দ্রনাথ ঠাকুর

হই। দ্বিজেন্দ্রনাথ ঠাকুরের সঙ্গে যার পরিচয় হয়েছে, তিনিই তাঁর অসামান্য সরলতার মুগ্ধ হয়েছেন। মনের ও চরিত্রের সরলতা রক্ষা করার একটি প্রধান উপায় হচ্ছে—সাংসারিক বিষয়ে নির্লিপ্ত হওয়া। আমরা অধিকাংশ লোক ও রকম নির্লিপ্ত হতে চাইনে, কেন না, হতে পারি নে। মনোজগতের কোনও একটি বিষয়ে তন্ময় হতে না পারলে মানুষ ব্যবহারিক জীবনকেও একমাত্র জীবন বলে মনে নিতে বাধ্য।

দ্বিজেন্দ্রনাথ ঠাকুরের মনের একমাত্র অবলম্বন




পৌত্র—স্বরীন্দ্রনাথ ঠাকুর



পৌত্র—সৌম্যেন্দ্রনাথ ঠাকুর

ছিল—সাহিত্য। লেখাপড়ার বাইরে জীবনের আর যে সকল কাণ্ড আছে, সে সকল কাণ্ড তাঁর মনকে কখনও স্পর্শ করে নি। তাঁর কাছে সাহিত্য-চর্চা করাই ছিল জীবনের একমাত্র উদ্দেশ্য। আর তিনি চিরজীবন একমনে ঐ সাহিত্যরই চর্চা করে গেছেন।

তিনি যে এক দিকে দর্শন আর এক দিকে কাব্যের চর্চা করেছেন, তার কারণ, তিনি বাল্যকাল থেকে উপনিষদের আবহাওয়ার ভিতর বাস করেছেন। আর উপনিষদ যে একাধারে কাব্য ও দর্শন, তার প্রমাণ বহু যুরোপীয় পণ্ডিত আজও ঠিক করতে পারেন নি যে, উপনিষদ—কাব্য, না দর্শন। এ রকম দ্বিধার কারণও স্পষ্টই—



বঙ্গীয় সাহিত্য-সম্মিলনের সভাপতিরূপে দ্বিজেন্দ্রনাথ ঠাকুর

কাব্য ও দর্শনের ভিতর যুরোপে যে বিচ্ছেদ ঘটেছে, ভারত-বর্ষে সে বিচ্ছেদ কখনও ঘটে নি। এ দেশে আবহমানকালও হুঃখের ভিতর একটি যোগসূত্র রয়ে গেছে।

রবীন্দ্রনাথ সে দিন Philosophical Congressএ যে অভিভাষণ পাঠ করেছেন, তার আসল কথাটা হচ্ছে, কাব্য ও দর্শনের এই যোগাযোগ দেখিয়ে দেওয়া। রবীন্দ্রনাথের চোখ আমাদের শাস্ত্রেরই এই বিশেষত্বের উপরেই পড়েছে, তার কারণ, তিনিও বাল্যাবধি ঐ উপনিষদের আবহাওয়াতেই বদ্ধিত হয়েছেন।

আমরা যে উপনিষদকে একমাত্র দর্শন হিসাবে আলোচনা করি, তার কারণ, আমরা স্কুল-কলেজের



সত্যেন্দ্রনাথ ঠাকুর



জ্যোতিরিন্দ্রনাথ ঠাকুর

আবহাওয়ার ভিতর বড় হয়েছি। কলেজী শিক্ষা ইংরাজী ভাষার মারফৎ যুরোপীয় শিক্ষা। আর যুরোপে সবাই জানেন, যে, কাব্য হয়েছে আর্টের অন্তর্ভুক্ত, আর দর্শন Scienceর; সুতরাং আমরা কাব্য ও দর্শনকে সহজে এক



জ্যোতিরিন্দ্রনাথ ঠাকুর (যৌবনে)

ক'রে দেখতে পারিনে। যদিচ আমরা সবাই জানি যে, কাব্যের ভিতরও যথেষ্ট দর্শন আছে, আর দর্শনের ভিতরও কবিত্ব; তবুও আমরা শেলিকে দার্শনিক ও হেগেলকে কবি বলতে ভয় পাই।

দ্বিজেন্দ্রনাথের লেখা আমার বিচারাধীন নয়। তবুও আমি একটি কথা বলবার লোভ সংবরণ করতে পারছি। ফরাসী দেশে আজকাল কতকগুলি পুরানো বই নূতন ক'রে প্রকাশিত হচ্ছে। যে সব বই সাহিত্য-সমাজে রত্ন ব'লে গণ্য হওয়া উচিত ছিল, কিন্তু নানা কারণে তা হয়নি; যে সব বইয়ের সৌন্দর্য্য পাঠকদের চোখ এড়িয়ে গেছে।

আমার বিশ্বাস, দ্বিজেন্দ্রনাথের “স্বপ্ন-প্রয়াগ” এই শ্রেণীর একখানি বই।

এ বইখানি যে লোকের চোখে পড়েনি, তার কারণ, আমি বহুকাল যাবৎ এ কাব্যের অস্তিত্বের বিষয়ও অজ্ঞাত

ছিলুম, যদিচ ছেলেবেলা থেকে বাঙ্গালা বই পড়বার অভ্যাস আমার ছিল।

এ কাব্যের গুণ বর্ণনা করতে আমি যাচ্ছিলে, তবে এ কথা আমি নির্ভয়ে বলতে পারি যে, যিনি বাঙ্গালা ভাষা জানেন, তিনিই স্বীকার করতে বাধ্য যে, ভারতচন্দ্রের প্লের তিনিই প্রথম কবি—যাঁর ভাষা ও যাঁর ছন্দ, সৌন্দর্য্য ও ঐশ্বর্য্যে ভারতচন্দ্রের অমুরূপ।

হেম-নবীনের যুগে কোনও বাঙ্গালী কবির হাতে বাঙ্গালা ভাষা যে এমন সুন্দর ও সুঠাম মূর্তি ধারণ করতে পারে, এ ধারণা আমার ছিল না। তার পরে আমি দ্বিজেন্দ্রনাথের যত লেখা পড়ি, ততই আমি আশ্চর্য্য হয়ে যাই। সংস্কৃতের সহিত বাঙ্গালা কথার এমন সহজ অথচ অপূর্ক মিলন একমাত্র ভারতচন্দ্রে দেখা যায়।



সোমেন্দ্রনাথ ঠাকুর

রবীন্দ্রনাথের ভাষা ও ছন্দোবন্ধও অপূর্ক। আমার বিশ্বাস, রবীন্দ্রনাথের লেখার উপর তাঁর বড় দাদার কাব্যের প্রভাব অনেকটা ছিল—কতটা ছিল, তা স্বয়ং রবীন্দ্রনাথই বলতে পারেন।

শ্রীপ্রমথ চৌধুরী !

দ্বিজেন্দ্রনাথ

বঙ্গালার প্রাচীন ও নবীনের সন্ধিক্ষণ যাহারা আপনা-
দের জীবনের কর্মপ্রতিষ্ঠার দ্বারা সজাগ রাখিয়াছিলেন,
তাঁহাদের মধ্যে আর এক ক্ষণজন্মা পুরুষ ইহলোক হইতে
বিদায় গ্রহণ করিলেন। তিনি
কলিকাতার সুপ্রসিদ্ধ ঠাকুর-বংশের
শীর্ষস্থানীয় দ্বিজেন্দ্রনাথ। গত ৫ই
মাঘ মঙ্গলবার বোলপুরের শাস্তি-
নিকেতনে তাঁহার মৃত্যু হইয়াছে।
দ্বিজেন্দ্রনাথ স্বনামখ্যাত দেবেন্দ্র-
নাথ ঠাকুর মহাশয়ের জ্যেষ্ঠ পুত্র,
কবীন্দ্র রবীন্দ্রনাথ তাঁহার কনিষ্ঠ।
পরিণত বয়সে পূর্ণ শাস্তিতে
দ্বিজেন্দ্রনাথ নখর দেহ ত্যাগ
করিয়াছেন; স্মরণ্য ইহাতে শোক
করিবার কিছুই নাই। কিন্তু
বঙ্গালী ও বঙ্গালা লেখক হিসাবে
দ্বিজেন্দ্রনাথ যাহা ছিলেন, তাঁহার

অভাবে সে স্থান পূর্ণ করিবার আর কেহ রহিল না, ইহাই
হৃৎধের কথা।

দ্বিজেন্দ্রনাথ বঙ্গালীর জীবনের একটা যুগস্থান অধিকার
করিয়া ৮৬ বৎসর কাল অতি-
বাহিত করিয়াছেন। তাঁহার সময়ে
বঙ্গালার ও বঙ্গালীর জীবনে কত
আবর্তন-বিবর্তনই না হইয়াছে,—
কত পরিবর্তনই না হইয়াছে।
দ্বিজেন্দ্রনাথ সম্ভ্রান্ত ধনাঢ্য পরিবারে
জন্মগ্রহণ করিয়াছিলেন, কিন্তু
বাণীর সাধনায় সিদ্ধি লাভও করিয়া-
ছিলেন। তাঁহারই জগৎদরশ্য ভ্রাতার
মত তিনি একাধারে কমলা ও
বাণীর বরপুত্র হইতে সমর্থ হইয়া-
ছিলেন।

দ্বিজেন্দ্রনাথ সাধকের ত্রায়
একাগ্রচিত্তে বাণীর আরাধনা—সেবা



হেমেন্দ্রনাথ ঠাকুর



বীরেন্দ্রনাথ ঠাকুর



কবীন্দ্র রবীন্দ্রনাথ ঠাকুর (কৈশোরে)

করিতেন, প্রায় নিঃসঙ্গভাবে নিভূতে সাহিত্য, গণিত ও দর্শন শাস্ত্রের চর্চা করিতেন। এ বিষয়ে পরীক্ষার্থী বাগকের মত তাঁহার আত্মজীবন উৎসাহ, উত্তম, অধ্যবসায় ও একাগ্রতা ছিল। তাঁহার শ্রদ্ধের জনক তাঁহাকে বিপুল বিষয়-সম্পত্তি তত্ত্বাবধানের জন্ত কত অমুরোধ, কত চেষ্টা করিয়াছিলেন, কিন্তু বাণীর এই একনিষ্ঠ সাধকের মধ্যে বিষয়-

বিভূষণ প্রচ্ছন্ন-ভাবে দেখা দিয়াছিল, তিনি সে বিষয়ে কখনও অবহিত হইতে পারেন নাই। পিতার পরলোক-গমনের পর দ্বিজেন্দ্রনাথ তাঁহার অংশের বিষয়ের স্থায়ী পত্নী ব্রাহ্ম-বর্গের হস্তে অর্পণ করিয়া ছিলেন, এবং উহা হইতে যে আয় হইত, তাহার ও তাঁহার সংসারের সমস্ত তার পুত্র দ্বিপেন্দ্রনাথের হস্তে অর্পণ করিয়া নিশ্চিত হইয়া ছিলেন। সংসারের এই সমস্ত দায়িত্ব হইতে অব্যাহতি লাভ

করিয়া তিনি নিশ্চিতমনে নিভূতে বাণীর সাধনা করিয়া পরমানন্দ উপভোগ করিতেন। এমন বাঙ্গালী কয় জন জন্মগ্রহণ করিয়াছেন? বিষয়ী ধনীর বংশে জন্মগ্রহণ করিয়া বিষয়ের প্রতি মমতা তাঁহার এতই অল্প ছিল যে, তিনি অবিচারিতচিত্তে মুক্তহস্তে দান করিয়াছিলেন।

• দ্বিজেন্দ্রনাথের প্রতিভা বহুমুখী ছিল—বৈচিত্র্যই


তাঁহার প্রতিভার বৈশিষ্ট্য। তাঁহার কবিত্বশক্তি যেমন অননুসাধারণ ছিল, তেমনই গল্পসাহিত্যেও তাঁহার প্রতিভা বিকশিত হইয়া উঠিয়াছিল। গণিতে ও দর্শনে তাঁহার প্রতিভা মুক্তি লাভ করিয়াছিল। প্রথম যৌবনেই তিনি মাতৃভাষার সেবায় প্রবৃত্ত হইয়াছিলেন। ‘স্বপ্নপ্রয়াণ’ তাঁহার প্রথম কবিতা। ইহা রূপক। এই কবিতাই

তাঁহাকে বাঙ্গালা ভাষার কবিগণের মধ্যে অতি উচ্চ আসন প্রদান করিয়াছিল। তিনিই সর্বপ্রথমে বাঙ্গালা পঞ্চ মহাকবি কালিদাসের ‘মেঘদূত’ কাব্য বাঙ্গালী কবিত্বরস-পিপাসুগণকে উপহার প্রদান করেন। ইহাতে তাঁহার শব্দবিদ্যাসের চমৎকারিতা এবং ছন্দের উপর অসাধারণ অধিকার লোকলোচনে প্রতিভাত হইয়াছিল।

দ্বিজেন্দ্রনাথ গণিতের অনেক সমস্যা-সমাধানে আত্মনিয়োগ করিতেন—সে সময়ে তিনি

তন্ময় হইয়া যাইতেন। তাঁহার Automatic paper-box সকলের বিস্ময় উৎপাদন করিত। তাঁহার শেষ রচনা “রেখাকর বর্ণমালা।” ইহাই বাঙ্গালার প্রথম সটহ্যাণ্ডের গ্রন্থ। অবশ্য, এ গ্রন্থ এখনও মুদ্রিত হয় নাই, তবে শীঘ্রই প্রকাশিত হইবে বলিয়া শুনা গিয়াছে।

• দ্বিজেন্দ্রনাথই প্রথমে ‘ভারতী’ পত্রিকা প্রবর্তন করেন।



দেবেন্দ্রনাথ ঠাকুর



অরুণেন্দ্রনাথ ঠাকুর



দিব্যেন্দ্রনাথ ঠাকুর



পুত্রসহ সৌদামিনী দেবী



সত্যেন্দ্রনাথ ঠাকুর (বৌবনে)

তিনি 'আশ্মাণী ও সাহেবিয়ানা' প্রভৃতি প্রবন্ধে বাঙ্গালীর বিদেশী ভাবের অত্যাচারের বিপক্ষে তীব্র কশাঘাত করেন। ১৯০৫ খৃষ্টাব্দে বাঙ্গালায় যে স্বদেশীর ভাব-বৃত্তি আসিয়াছিল, দ্বিজেন্দ্রনাথ তাহার বহুদিন পূর্বে 'হিন্দু মেলা'র অন্ততম কর্মকর্তা ছিলেন।

তাঁহার রচনার প্রায় অনেক স্থলেই জাতীয় ভাব পরিলক্ষিত হইয়া থাকে। তিনি কয়েক বৎসর বঙ্গীয় সাহিত্য-পরিষদের সভাপতি ছিলেন এবং পরিষদে বহুসংখ্যক প্রবন্ধ পাঠ করিয়াছিলেন। তাঁহার সভাপতির অভিভাষণে মৌলিকতা পরিলক্ষিত হইত। কলিকাতায় সাহিত্য-সম্মিলনের যে অধিবেশন হয়, তাহাতে তিনি সভানেতৃত্ব করিয়াছিলেন। দর্শনের আলোচনাও দ্বিজেন্দ্রনাথ নিজের মৌলিকতা দেখাইয়া গিয়াছেন। তাঁহার 'তত্ত্ববিজ্ঞা' প্রভৃতি জ্ঞানের পরিচায়ক। 'ভারতী', 'তত্ত্ববোধিনী', 'বঙ্গদর্শন' প্রভৃতি পত্রের তাহার বহু রচনা প্রকাশিত হইয়াছিল।

গত ত্রিশ বৎসরব্যাপী কাল দ্বিজেন্দ্রনাথ তাঁহার

বোলপুরের শান্তিনিকেতন আশ্রমের নিকটস্থ কুটারে শান্ত উদ্বেগশূন্য জীবন যাপন করিয়াছিলেন। সে সময়ে তাঁহার শান্ত, তপোবনের ঋষির মত পবিত্র পুত্র জীবনযাপন যিনি দেখিয়াছেন, তিনিই মুগ্ধ হইয়াছেন। সামান্ত

আহার, সামান্ত পরিধান, সামান্তভাবে শয়ন, ইহাই ছিল তাঁহার দৈনন্দিন জীবনের ধারা। তপোবনের পশুপক্ষীরা পর্যন্ত তাঁহার প্রতি এত আকৃষ্ট হইয়াছিল যে, তাহারা নিভয়ে তাঁহার হস্ত হইতে আহার্য তুলিয়া লইত। পৃথিবীর নানা প্রান্ত হইতে নানা বিদ্বান ও পণ্ডিত সম্মান 'বিশ্বভারতী' পরিদর্শনে আসিয়া তাঁহার সহিত আলাপ করিয়া মুগ্ধ হইয়া যাইতেন। তাঁহার শিশুসুলভ সরলতা, তাঁহার উদার অনাবিল হাস্য-পরিহাস, তাঁহার সৌজন্ত, বিনয় ও



মনস্বী দ্বিজেন্দ্রনাথ (শেষ চিত্র)

[কলিকাতা রিভিউ হইতে]

দয়া মমতা সকলকেই তাঁহার প্রতি আকৃষ্ট করিত। মহাত্মা গান্ধী আশ্রমে আসিলেই তাঁহার সহিত সাক্ষাৎ ও আলাপ করিয়া শান্তি ও তৃপ্তি লাভ করিতেন, তাঁহাকে 'বড়দাদা' বলিয়া সম্বোধন করিতেন। মহামতি রেভারেন্ড এণ্ডরুও তাঁহাকে বড়দাদা



শ্রীমতী স্বর্ণকুমারী দেবী (যৌবনে)



ধারকানাথ ঠাকুর

বলিতেন। দ্বিজেন্দ্রনাথের মৃত্যু-সংবাদে মহাত্মা গান্ধী ব্যথা পাইয়া তাঁহার পত্রে মনের ভাব ব্যক্ত করিয়াছেন। দ্বিজেন্দ্রনাথ প্রকৃত প্রস্তাবে কখনও রাজনীতিক ছিলেন না, তথাপি মহাত্মা গান্ধীর দেবোপম চরিত্রগুণে মুগ্ধ হইয়া তাঁহাকে আন্তরিক শ্রদ্ধা-ভক্তি করিতেন।

পরিণত বয়সে সজ্ঞানে পূর্ণ শান্তিতে ইহলোক হইতে

বিদায় গ্রহণ,—ইহা ত স্মৃথেরই কথা, গোরবেরই কথা। ভগবানের দয়ায় দ্বিজেন্দ্রনাথের অটল বিশ্বাস ছিল। ভগবানের নাম করিতে করিতে তিনি ইহজীবনের কর্তব্য শেষ করিয়া অনস্তধামে চলিয়া গিয়াছেন। তাঁহার তিরোভাবে সমগ্র বাঙ্গালী জাতি যে অভাব অনুভব করিতেছে, তাহাই তাঁহার জীবনের সার্থকতা।

ধারকানাথ ঠাকুর

দেবেন্দ্রনাথ ঠাকুর

১ দ্বিজেন্দ্র	২ সত্যেন্দ্র	৩ হেমেন্দ্র	৪ বীরেন্দ্র	৫ জ্যোতিরিন্দ্র	৬ সোমেন্দ্র	৭ রবীন্দ্রনাথ	৮ সৌদামিনী	৯ স্বকুমারী	১০ শরৎকুমারী	১১ স্বর্ণকুমারী	১২ বর্ণকুমারী
১৩ বিপেন্দ্র	১৪ অরুণেন্দ্র	১৫ নীতিন্দ্র	১৬ কৃতীন্দ্র	১৭ সুধীন্দ্র	১৮ সরোজিন্দ্র	১৯ উর্ভাবতী					

জাতিতত্ত্বের প্রতিবাদ

পত কার্তিক সংখ্যার মাসিক বহুসভীতে শ্রীযুত শ্রীমোচরণ কবিরাজ বিজ্ঞাবারিধি মহাশয়ের লিখিত জাতিতত্ত্ব নামক প্রবন্ধে বঙ্গীয় বৈজ্ঞানিক জাতির উপরে অন্তর আক্রমণ দেখিয়া বিস্মিত হইলাম। প্রবন্ধটিতে প্রথমেই বৈজ্ঞানিকদের উপর নানা মিথ্যা দোষারোপ করা হইয়াছে এবং অবধার্ষ বচন উচ্চার করিয়া গালি দেওয়া হইয়াছে।

প্রবন্ধ-লেখক প্রথমেই লিখিয়াছেন,—“যাঁহারা বধেচ্ছাচারে প্রবৃত্ত, তাঁহারা ব্রাহ্মণ-শ্রীত শাস্ত্রের দোহাই দিয়াই স্বয়ং সমর্থন করিয়াও, ঈর্ষাবশে সেই ব্রাহ্মণদিগের অবিসংবাদি শ্রেষ্ঠত্ব অসহমান হইয়া তাঁহাদিগকে অপমানিত করিতেছেন, সভাসমিতি প্রভৃতি সর্বত্রই তাঁহাদের কুৎসা রটনা করিয়া গৌরব নষ্ট করিতে প্রয়াসী হইয়াছেন। তাহার কারণ, তাঁহাদের সর্বশ্রেষ্ঠ হওয়ার প্রধান অন্তরায় ব্রাহ্মণ।” এই কথাটির কোন মূল্য নাই, কারণ, বৈজ্ঞানিক কোন স্থলেই ব্রাহ্মণ জাতির বা প্রকৃত ব্রাহ্মণের অপমান বা কুৎসা রটনা করেন না। সেরূপ করিলে বৈজ্ঞানিক নিজে ব্রাহ্মণের দাবী করিতে অগ্রসর হইতেন না। বৈজ্ঞানিক এ বাবৎ সাধারণ্যে কোন সভা-সমিতি করেন নাই, কোন পত্রিকাতেও সর্বসাধারণের মধ্যে ব্রাহ্মণদিগের “কুৎসা রটনা করিয়া গৌরব নষ্ট করিতে প্রয়াসী” করেন নাই।

বিজ্ঞাবারিধি মহাশয় প্রথম পরিচ্ছেদের নাম দিয়াছেন,—“অবষ্ঠ বা বৈজ্ঞানিক।” ইহার অর্থ এই যে, এই পরিচ্ছেদে বঙ্গীয় বৈজ্ঞানিক জাতির আলোচনা হইবে। এইরূপ প্রতিজ্ঞা করিয়া লেখক সহসা মধ্যস্থলে একটি বচন উচ্চার পূর্বক বৈজ্ঞানিককে “অতি নিকটে জাতি” বলিয়া সম্বোধন লাভ করিয়াছেন। উহার ভাব এই যে, অতি নিকটে বৈজ্ঞানিক নামধারী কোন জাতি কৌশলক্রমে উচ্চ হইয়া বঙ্গসমাজের অতি-জাত শ্রেণীর মধ্যে সর্বোচ্চ স্থান অধিকার করিয়াছিল এবং এখনও করিয়া আছে।

লেখক আরম্ভে বলিয়াছেন,—“আমরা বাল্যে ও যৌবনে দেখিয়াছি, চিকিৎসাশাস্ত্র প্রবীণ বৈজ্ঞানিক আপনাদিগকে বৈজ্ঞানিক বলিয়াই পরিচয় দিতেন, কতিপয়ে বঙ্গভূমি রাধিতেন এবং ১৫ দিন পূর্ণাশৌচ পালন করিতেন।” লেখক কতিপয়ে উপবীতধারী একটা সমগ্র জাতিকে দেখিয়াছিলেন কি? কিন্তু কোথায় দেখিয়াছিলেন, তাহা প্রকাশ নাই।

লেখকের বাল্যে ও যৌবনে (১৮৪৫ বৎসর পূর্বে?) সংস্কৃত কলেজে ব্রাহ্মণের সহিত অধ্যয়ন ও অধ্যাপনার বৈজ্ঞানিক ছাত্র ও অধ্যাপকগণ কতিপয়ে ব্রাহ্মণবৃত্তি ধারণ করিতেন কি? যে ব্রাহ্মণবৃত্তি অস্বাভাবিক অঙ্গ স্পর্শ করিবে না, ইহাই বিধি, তাহা নাভিনিরে মেথলার আকারে সংলগ্ন থাকিবে কেন? কোনও শাস্ত্রবিধানে কোনও উপবীতী জাতির মত বধন ব্রাহ্মণবৃত্তির তাদৃশ চূর্ণতির উল্লেখ নাই, তখন ঐ প্রকার উপবীত ধারণ কোন জাতির জাতীয় বা সামাজিক রীতি, ইহা কখনই বলা যাইতে পারে না। আর যদি ঐরূপ ব্যবহার কাহারও কাহারও সভ্যই দেখা গিয়া থাকে, তবে সমাজনিরস্তা গুরু-পুরোহিতগণ কি নিত্যা বাইতেছিলেন, অথবা কোন নিগূঢ় উদ্দেশ্যে কোন কোন পিতাকে কেহ কেহ ধর্মের নামে ঐরূপ মিথ্যাচার শিখাইতেছিলেন? বস্তুতঃ, প্রবীণ চিকিৎসাশাস্ত্র বৈজ্ঞানিক ঐরূপ আচরণ হইতেই পারে না।

বহুসভাপুরের ঘটনাপ্রসঙ্গে বিজ্ঞাবারিধি মহাশয় লিখিয়াছেন,—“শাস্ত্র-সভার নিমন্ত্রিত ব্রাহ্মণগণের দ্বারা বৈজ্ঞানিককে হুপারির সহিত ব্রাহ্মণবৃত্তি দেওয়া উচিত কি না, এ বিষয়ের মীমাংসার সম ১৩১৮ সালের ৩২শে শ্রাবণ তারিখে বহুসভাপুরে ব্রাহ্মণ-সভার বিশেষ

অধিবেশনে বঙ্গের বাবতীর প্রধান প্রধান অধ্যাপক এবং বাবতীর গণ্যমান্য সুপ্রসিদ্ধ সামাজিক মহোদয়গণ একত্রিত হইয়া বৈজ্ঞানিককে অত্রাহ্মণ, সূতরাং ব্রাহ্মণবৃত্তি দানের অপাত্ত বলিয়া অভিযত প্রকাশ করিয়াছিলেন।” আমরা পাঠক মহোদয়কে এই অংশটুকু বিশেষভাবে পঠীকা করিতে অনুরোধ করি। আমরা অবগত আছি এবং এই উদ্ধৃত অংশ হইতেও ইহা পরিস্ফুট হইতেছে যে, নিমন্ত্রিত বৈজ্ঞানিককে ব্রাহ্মণজ্ঞানে হুপারি ও ব্রাহ্মণবৃত্তি দানের প্রথা ঐ স্থানে প্রচলিত ছিল। ঐ সামাজিক রীতি বৈজ্ঞানিক-সমাজের উন্নয়নের প্রতিকূল হইয়াছে, প্রাচীন ব্রাহ্মণগণের সময়ে যে সামাজিক সনাতন প্রচলিত ছিল, বৈজ্ঞানিক ব্রাহ্মণগণকে সেই আচার বর্জন কালের কোন কোন ব্রাহ্মণের সহ হইয়াছে, সেই মতই উক্ত সভা হইয়াছিল।

বহুসভাপুরের দ্বারা ব্রাহ্মণ ও কারিগরপ্রধান স্থানে ১৪ বৎসর পূর্বেও সমাজে বৈজ্ঞানিকের যে চিরন্তন ব্রাহ্মণোচিত সম্মান প্রচলিত ছিল, সেই সম্মান অপহরণ করিয়া ব্রাহ্মণসমাজ বৈজ্ঞানিকের প্রতি বিরূপ মনোভাবের পরিচয় দিয়াছেন? এইরূপ মনোভুক্তি লইয়াই সমাজ-লোচক বিজ্ঞাবারিধি মহাশয় এই মৌজা কথাটা বৃষ্টিতে পারেন নাই যে, উল্লিখিত বহুসভাপুরের ঘটনা হইতে বৈজ্ঞানিকের চিরন্তন ব্রাহ্মণত্বই প্রমাণিত হয়।

বৈজ্ঞানিকের আভ্যন্তরীণ সমাজসংস্কার ও উন্নতিতে ব্রাহ্মণ-সমাজের কিছু ক্ষতি আছে কি? প্রত্যেক জাতিরই অপর জাতিকে উপযুক্ত গৌরব দান করিতে কুণ্ঠিত হওয়া উচিত নয়, তবে যদি কাহারও গুণাধিক্যবশতঃ উৎকর্ষ থাকে, অপরদের মতক তাহার সম্মুখে আপনাই নত হইবে, তাহার মত কুকর্মে-সংবলিত বিকট অলঙ্কারবাক্যের হুঁহুড়ি, শাস্ত্রের অপব্যাখ্যা ও ভ্রান্ত বচন-বিজ্ঞানসের প্রয়োজন কি?

সমগ্র ভারতবর্ষে বঙ্গদেশ ভিন্ন আর কোথাও “বৈজ্ঞানিক” বলিয়া একটা পৃথক বিভাগ নাই। আয়ুর্বেদবিদ পণ্ডিতদিগের সর্বত্র যে বর্ণ, বর্ণেও তাহাই হওয়া স্বাভাবিক, ইহার ব্যতিক্রম কেনই বা হইবে? ভারতবর্ষের অন্তর যদি চিকিৎসক ব্রাহ্মণদিগকে বৃত্তি হিসাবেই “বৈজ্ঞানিক” বলা হয়, “বৈজ্ঞানিক” শব্দ জাতিবাচক হইয়া যদি কোন প্রদেশে ব্যবহৃত না হয়, বঙ্গই বা কেন হইবে? বস্তুতঃ, যঁহারা বৈজ্ঞানিক বলিয়া একপে বঙ্গ বিদিত, তাঁহারা পঞ্চ ব্রাহ্মণের কান্তকুল হইতে বঙ্গ আগমনের পূর্বে বঙ্গের বাহিরে “গৌড় ব্রাহ্মণ” এবং বঙ্গ “ব্রাহ্মণ” বলিয়াই বিদিত ছিলেন। পঞ্চ ব্রাহ্মণের সম্মানরাজ্য বৈজ্ঞানিককে প্রাচীনতর গৌড়ব্রাহ্মণ বা বাঙ্গালী ব্রাহ্মণ বলিয়াই জানিতেন। এখন যেমন হিন্দুস্থানী ও বাঙ্গালী ব্রাহ্মণে পান্ডিত্যজন বিবাহাদি চলে না, আচার-ব্যবহার লইয়া ঝুঁটিনাটি হয়, তখনও নবাবত কান্তকুল ও বাঙ্গালী ব্রাহ্মণদের মধ্যে সেইরূপ ছিল। এই দুই বিভিন্ন সম্প্রদায় বঙ্গভূমির কোড়ে পরস্পরের সহিত জগীবা পূর্বক শাস্ত্রাদি আলোচনা করিত। ক্রমে “সেন” ব্রাহ্মণদের রাজত্ববশতঃ, তাঁহাদের স্বগতীয় ব্রাহ্মণগণ সাহিত্য ও চিকিৎসাশাস্ত্রে অধিকতর মনোনিবেশ পূর্বক “কবিরাজ” এই উপাধি বরণ করিয়া কেলিলেন। কান্তকুল-ব্রাহ্মণগণ বাগ-ব্রাহ্মণের মত আসিয়াছিলেন, তাঁহারা ক্রিষ্টাণ্ড লইয়াই রহিলেন। স্মৃতি ও শাস্ত্রের ঈর্ষাদিক্য বশতঃ তাঁহারা পণ্ডিত হইলেও “কবিরাজ” আখ্যা পাইলেন না, এ দিকে “কবিরাজ” মহাশয় চিকিৎসাবৃত্তি গ্রহণ করিয়া কান্তকুল বৈজ্ঞানিক বা “বৈজ্ঞানিক” নামেই সর্বত্র বিদিত হইলেন। এই মত তৎপূর্ববর্তী কালে রাজপদাধিষ্ঠিত “সেন” ব্রাহ্মণ-দিগের ভ্রাতৃ-শক্তি প্রভৃতিতে “বৈজ্ঞানিক” বলিয়া উল্লেখ নাই।

পরবর্তী কালের রাজকত্রাকরণা মুসলমান-বিপ্লবে ধ্বংসপ্রাপ্ত হিন্দু-সমাজকে পুনঃ সংগঠিত করিবার সময়ে বৈষ্ণবদিগের চিকিৎসাবৃত্তি দেখিয়া (স্মৃতিতে "অঘট" জাতির চিকিৎসাবৃত্তি নির্দিষ্ট থাকায়) তাঁহাদিগকে এবং তাঁহাদিগের স্নাতকীয় সেনরাজগণকে (সেন রাজ-বংশের সহিত বৈষ্ণবদিগের পূর্বপুরুষদিগের কস্তার দান-শ্রদান বৈষ্ণব-কুলজিগ্রহে বস্তু উল্লিখিত আছে) অঘট মনে করিয়া কোন কোন কুলজিগ্রহে সেনরাজগণের উল্লেখ প্রসঙ্গে উল্লেখ বলিয়াছেন। কিন্তু ইহা তদানীন্তন ব্রাহ্মণ মহাশয়দিগের ভ্রম। সহস্র বৎসরব্যাপী বৌদ্ধ-প্রাচ্যে মূর্খাভিবিজ্ঞাদি জাতের জ্ঞান অঘট জাতির পৃথক সত্তা ভারত-ক্ষেত্রে হইতে মুচিয়া গিয়াছিল। তখন ভারতবর্ষের কুত্রাপি কোন জাতির দশ দিনের অধিক অশৌচ ছিল না, (অত্মপিও সমগ্র আর্ধ্য-বর্ষে নাই); বঙ্গের কোন জাতির তদধিক দিন অশৌচ হইত না। সুতরাং ঐ প্রাচীন গৌড়ীয় ব্রাহ্মণদিগের অঘটত্ব ও পঞ্চদশাহাশৌচিৎ উভয়ই ভিত্তিহীন ও মিথ্যারোপিত। উহা পরবর্তী যুগের নব্য-স্মার্ত মহাশয়দিগের কাণ্ড, তাঁহারা ইহা বঙ্গ অশৌচের দশ, পনের, ত্রিশ, কোথাও বা কেবল দশ ও ত্রিশ এইরূপ দিনসংখ্যা নির্দেশ করিয়া নানা জাতির মধ্যে নানা প্রকার ব্যবস্থা চালাইয়া গিয়াছেন। ঐ সময়েই বৈষ্ণবদিগের অঘটত্ব এবং পঞ্চদশাহাশৌচিৎ প্রথম প্রচলিত হয়। মোগল-পাঠানের বৃদ্ধ হেতু দারুণ বিপ্লবে স্মৃতিশাস্ত্রের গ্রন্থলোপ ও চর্চার শৈথিল্য বশতঃ তদানীন্তন বৈষ্ণব গুরু-পুরোহিতের মনগড়া স্মার্ত ব্যবস্থাকে ধর্ম্মূলক ব্যবস্থা মনে করিয়া মানিয়া লইয়াছিলেন। স্মার্ত মহাশয়রা ক্রমে ক্রমে অশৌচ চিন্তা করেন নাই যে, অঘটের বৃত্তি চিকিৎসা হইতে পারে, কিন্তু যেই চিকিৎসক, সেই যে অঘট, তাহা নাও হইতে পারে। বিশেষতঃ যখন সেই সময় (এমন কি, পঞ্চদশ বৎসর পূর্বেও) বৈষ্ণব চিকিৎসা করিয়া ব্রাহ্মণোচিত ব্যবহার অর্থাৎ রাধিবার অশৌচ তাহার মূল্য গ্রহণ করিতেন না, যখন এই দেশের অপায়র জনসাধারণ "অঘট" শব্দের সাহিত্য পরিচিত নহে, কোন অপ-সংশয়পেও যখন ঐ শব্দ বঙ্গভাষায় বিদ্যমান নাই, কোন প্রাচীন অভিধানে অঘট ও বৈষ্ণবকে একার্থক দেখা যায় না, তখন বৈষ্ণবকে "অঘট" বলিয়া পরিচিত করা যায় ও বৃদ্ধিসঙ্গত নহে। বৈষ্ণবজাতির সম্পূর্ণ ইতিহাস বলিবার স্থান ইহা নহে। অমুসন্ধিৎসু পাঠক বৈষ্ণব-ব্রাহ্মণ সম্বন্ধে হইতে প্রকাশিত গ্রন্থাবলী পাঠ করিয়া দেখিবেন। বাহা হউক, বৈষ্ণবজাতি যখন কাহারও কোন ক্ষতি করে নাই, আপনাদের জাতীয় সংস্কারেই মনোনিবেশ করিয়াছে, তখন কোন কোন অকর্ম্মী ব্রাহ্মণ মহাশয়ের তাহা সঙ্গ হয় না কেন?

বিজ্ঞাবারিধি মহাশয় লিখিয়াছেন,—“ব্রাহ্মণাং বৈষ্ণবন্যায়াম্ অঘটো নাম জায়তে” এই মনুসূচন অনুসারে অঘটের বর্ষসঙ্কর প্রতী-পাদিত হওয়ার বৈষ্ণব অঘট বলিয়া পরিচয় দিতে আর প্রস্তুত নহেন, এই উক্তি প্রথমাংশ ভ্রান্ত; দ্বিতীয়াংশ মিথ্যা। মনু কোথাও বলেন নাই যে, অঘট বর্ষসঙ্কর। অনুলোম বিবাহকে অর্থাৎ উচ্চবর্ণের পুরুষের সহিত নিম্নবর্ণের স্ত্রীর বিবাহকে মনু-বাক্যব্যক্তি কথন বৈধ বা ধর্ম্মসঙ্গত বলিয়াছেন। সুতরাং এইরূপ বিবাহজাত সন্তানকে বর্ষসঙ্কর বলা যায় না, ইহা মনুবচনে স্পষ্ট আছে, যথা—

“ব্যক্তিচারেণ বর্ণানাম্ অবৈষ্ণববেদনেন চ।

ধর্ম্মধ্বংসে চ ত্যাগেন জায়ন্তে বর্ষসঙ্করাঃ।” মনু (১০.২৪)

অর্থাৎ (১) বর্ণ সকলের মধ্যে অবৈষ্ণবভাবে স্ত্রীপুরুষের মিলন হইতে, (২) অপরিণেরা সগোত্রাদি বিবাহ হইতে এবং (৩) ব্রাহ্মণাদিবর্ণ স্ববর্ণোচিত কার্য্য পরিচালনা করিলে বর্ষসঙ্করের উৎপত্তি হয়।

নারদ পরিষ্কার করিয়া বলিয়াছেন—

“আনুলোম্যেন বর্ণানাং বন্ধন স বিধিঃ স্মৃতঃ।

প্রাতিলোম্যেন বন্ধন স জেরো বর্ষসঙ্করঃ।” (১০.২)

অর্থাৎ অনুলোম-বিবাহজাতরা বর্ষসঙ্কর নহে। প্রাতিলোম-জাতরাই বর্ষসঙ্কর। বাক্যব্যক্তি বলিয়াছেন, “অসৎ সন্তস্ত বিজেরাঃ প্রাতি-লোমানুলোমজাঃ” (১০.২) অর্থাৎ অনুলোমবিবাহজাতরা সংপুত্র, প্রাতিলোমজাতরা অসৎপুত্র (বলা বাহুল্য, প্রাতিলোমবিবাহের ব্যবস্থা বা মতাদি কোন শাস্ত্রে নাই, অনুলোমবিবাহে সর্ববিবাহের সমস্ত মত এবং কুশলিকাদি সকল বিধিই আছে)। আধুনিক লোকেরা হুই বর্ণের মিশ্রণকেই বর্ষসঙ্কর মনে করে, কিন্তু শাস্ত্রে ঐ পারিভাষিক শব্দের ইদৃশ অর্থ নহে, তাহা উপরে দেখান গেল। মোট কথা, অবৈধ সন্তানই বর্ষসঙ্কর বা বর্ষ-নিকৃষ্ট (সঙ্কর = নিকৃষ্ট, মিশ্রণ নহে)। আবার স্বকর্ম্ম ত্যাগ করিলেও বর্ষসঙ্কর হইতে হয় (যথা “জুতা বেচা” প্রভৃতি) (এই জন্ত ভগবান্ বলিয়াছেন—“উৎসৌধেয়ুরিমে লোকা ন কুবাম্ কশ্চ চেদমহ্। সঙ্করস্ত চ কর্থা স্তামুপহন্যামিমাঃ প্রজাঃ”—গীতা ৩।২৪)। অতএব বৈধ সন্তান অঘট, বর্ষসঙ্কর নহে। যে সময়ে প্রাচীন ভারতে অসবর্ণ বিবাহের চলন ছিল, তখন মূর্খাভিবিজ্ঞ, অঘট প্রভৃতি অনুলোম-জাত বৈধসন্তানগণ পিতৃবর্ণভুক্ত হইত। তাহারা বর্ষমধ্যে নিকৃষ্ট হইবে কেন?

বৈষ্ণব ও ব্রাহ্মণগণের কলহ নুতন নহে এবং এই কলহে বৈষ্ণব পরা-জ্ঞে হিন্দুস্থানীর নিকটে বাঙ্গালীর পরাজয়ের নিদর্শন পাওয়া যায়। মহাশয় বল্লালসেন রাজার ও বারেন্দ্র বহু ব্রাহ্মণকে অত্রাহ্মণাচিত দোষে মণ্ডিত দেখিয়া বঙ্গদেশ হইতে নির্বাসিত করিয়াছিলেন, কাহাকেও কোলীজ দান করার এবং কাহারও মধ্যাদা হরণ করার বহু ব্রাহ্মণের তিনি চক্ষুঃশূন্য হইয়াছিলেন, এ সকল কথা ব্রাহ্মণ কুলজী গ্রন্থে বর্তমান। সেই সময় হইতে কলহের সূত্রপাত হয় এবং পরে সামাজিক প্রাধান্য লইয়া ঐ কলহ প্রবলতর হইয়া উঠে। তখন বৈষ্ণবদিগের উপর প্রথমে অঘটত্ব আরোপিত হয়। পরে রঘুনন্দন মনুর—

“শনকৈল্ল ক্রিয়ালোপাতিমাঃ ক্রিয়াজাতরঃ।

বৃন্দলভঃ পতা লোকে ব্রাহ্মণাদর্শনেন চ”। ১০।৪৩

[“পৌণ্ড্র কাশোদ্ভ্রু বিভাঃ কাশোজা যবনাঃ শকাঃ।

পারদা পল্লবাস্তীনাঃ কিরাতা দরদাঃ ধনাঃ”। ১০।৪৪]

(অর্থাৎ পৌণ্ড্রকাদি ক্রিয়াজাত ক্রিয়ালোপ ও বেদত্যাগ হেতু ক্রমে ক্রমে শূন্য জাতিতে পরিণত হইয়াছে। এই লোকের প্রমাণ তুলিয়া রঘুনন্দন নিতান্ত অসম্মতিকভাবে অঘটজাতির সূত্র বোষণা করিয়া-ছেন! তদধি রাঢ়ী, বারেন্দ্র প্রভৃতি ব্রাহ্মণ শ্রেণীর ব্রাহ্মণা অটুট রহিল, আর অঘটরা (রঘুনন্দনের হুকুমে বৈষ্ণব) অর্থাৎ বৈষ্ণব শ্রেণীর ব্রাহ্মণরা এক ধাপ নীচে নামিয়া পড়িলেন।

প্রবোধনীতে আছে—“উব্ধ কথ্যটির ব্যুৎপত্তিলভ্য অর্থ এইরূপ—“ত্রয়ী বৈ বিজ্ঞা ঋচো বহুংবি সামানি” (শতপথ ব্রাহ্মণ)। বিজ্ঞা শব্দের মূখ্য অর্থ বেদ। তাহারা সেই বেদ অধ্যয়ন করেন এবং বেদজ, তাহারা বৈষ্ণব। ‘তদধীতে তষেদ’ এই পানিনীর সূত্র দ্বারা বিজ্ঞা + অণ্ = বৈষ্ণব। মতান্তরে—বেদ + ক্য = বৈষ্ণব।” পাঠক মহাশয় দেখুন, এ স্থানে দুইটি মত উল্লিখিত হইয়াছে, একটি পানিনীর মত, অপরটি অণ্ ব্যাকরণের মত। অণ্ ব্যাকরণের মতের মধ্যে পানিনীর সূত্র ‘তদধীতে তষেদ’ অবশ্যই প্রবেশ লাভ করিতে পারে না। কিন্তু বঙ্গের হটক, (মিথ্যার আশ্রয়ে) কতকগুলি দোষ ধরিয়া বাহাছুরি লভতে ত হইবে, তাই বিজ্ঞাবারিধি মহাশয় ইহার সমালোচনার বলিতেছেন—“বেদ + ক্য = বৈষ্ণব, এই ব্যুৎপত্তি ব্যাকরণসম্মত নহে; বেহেতু, ‘তদধীতে তষেদ’ (তাৎ বে অধ্যয়ন করে বা জানে) এই অর্থে ক্য প্রত্যয়ের কোন সূত্র নাই।” ইহার উপর টীকা অদাবস্তক! এখন যদি বলা যায় যে, তৃতীয় মতানু-সারে বিজ্ঞান-কুলঃ ইতি বিজ্ঞা + ক্য = বৈষ্ণব, তাহাতেও কি বিজ্ঞা-বারিধি-মহাশয় পানিনীর কথ্য আরোহণের চেষ্টা করিবেন? ক ও ক্য

প্রভার পাণিনির ব্যাকরণে নাই, তাহাও কি সমালোচকের জানা নাই ?

তৎপরে বিজ্ঞাবারিধি মহাশয় লিখিয়াছেন, বেদজ্ঞ বা বেদাধ্যায়ীকে বৈজ্ঞ বলে, এমন কোনও শাস্ত্রে নাই এবং লোকব্যবহারেও নাই।” পুনশ্চ কিছু পরেই লিখিয়াছেন, “স্পষ্টই বুঝা যাইতেছে, বেদাধ্যায়ী বা বেদজ্ঞকে বৈজ্ঞ বলে না।” এক্ষণে যে বাক্যটি দেখিয়া বিজ্ঞাবারিধি মহাশয়ের গিণ্ড চটিয়াছে, সেই মহাত্মারদের বাক্য ‘ঋজ্বে বৈজ্ঞাঃ শ্রেয়াংসঃ’ (উক্তোপপর্ক ৫অঃ) কিরূপে কালী সিংহের মহাত্মারতে বিশ জন পণ্ডিত অনুবাদ করিয়াছেন, পাঠক মহাশয় তাহা দেখুন। অনুবাদকর্তারা লিখিয়াছেন—“ব্রাহ্মণের মধ্যে বেদজ্ঞ পুরুষেরাই শ্রেষ্ঠ”। বিজ্ঞাবারিধি মহাশয় কি বলিতে চাহেন, মহাত্মারদের অনুবাদক পণ্ডিতমণ্ডলীর মধ্যে কেহই শাস্ত্রমর্মে অবগত ছিলেন না ? যে কোন সংস্কৃত অভিধান খুলিয়া দেখুন, বৈজ্ঞ শব্দের বেদজ্ঞ বা পণ্ডিত অর্থে সহিত চিকিৎসক অর্থ পশাপাশি রহিয়াছে। বেদ যে মুখ্য বিজ্ঞা, তাহাতে সন্দেহ কি ? মনু বলিয়াছেন,—

“বোহনধীভ্য ঋজো বেদমজ্ঞত্র কুরুতে শ্রমন্।

স জীবয়েব শূদ্রমশান্ত গচ্ছতি সাধয়ঃ।” ২।১৩৮

অর্থাৎ যে ঋজ :বেদপাঠ না করিয়া অন্য বিজ্ঞার আলোচনা করে, সে অচিরেই সবংশে শূদ্র প্রাপ্ত হয়। তবেই অন্য বিজ্ঞা জানুক বা না জানুক, বেদবিজ্ঞা জান :বে, ঋজের একান্ত কর্তব্য, অন্যথা বোধিজন্মই রক্ষা হয় না, তাহা দেখা যাইতেছে। এই জন্ত বেদপাঠকেই ব্রাহ্মণের পরম ধর্ম বলা হইয়াছে, অন্য ধর্ম গৌণ ধর্ম (মনু ৪।১৪৭)। অন্ততঃ বিজ্ঞা অর্থাৎ স্পষ্ট ভাবায় ‘বেদ’ ব্রাহ্মণের শরণাগত হইয়াছিলেন, এ কথা মনু ও চান্দোগ্য ব্রাহ্মণে দৃষ্ট হয়—

‘বিজ্ঞা ব্রাহ্মণমেতাহ শেবধিস্তেহশ্মি রক্ষ মান্’ অর্থাৎ বিজ্ঞা (বেদ) ব্রাহ্মণের নিকট গিয়া বলিয়াছিলেন, আমি তোমার নিধি, তুমি আমার রক্ষা কর।’ যে ব্রাহ্মণ বেদবিজ্ঞাকে আশ্রয় দিয়াছিলেন, তিনিই যে বৈজ্ঞ, ইহা কি বিজ্ঞাবারিধি মহাশয় এতক্ষণে বুঝিলেন ? শব্দকল্পদ্রুম কি বলিতেছেন দেখুন—“বৈজ্ঞঃ পণ্ডিতঃ। যথা কাত্যায়নঃ—নাবিদ্যানাং তু বেদোন দেয়ং বিজ্ঞাধনং ক্রীচৎ।” ‘পণ্ডিত’ কথাকে বলে ? বাহার বেদোচ্ছ্বলা বুদ্ধি (পণ্ডা+ইতচ.) আছে, সেই ত পণ্ডিত ? কিন্তু “পণ্ডিত” শব্দে আধুনিক অর্থ, অন্তরূপ হইয়াছে বলিয়াই এত বিভ্রাট! বাহা হউক, প্রাচীন অর্থে পণ্ডিত, বিদ্বান্-বৈজ্ঞ, বেদজ্ঞ যে একার্থক ছিল, সে বিষয়ে সন্দেহ নাই। শেষে চতুর্দশ বিদ্যা, অষ্টাদশ বিদ্যা প্রভৃতিও গৌণভাবে বিজ্ঞাপদবাচ্য হইয়াছিল।

শেষে সিদ্ধান্তকথাটা একটু বলি। বৈদ্য শব্দের অর্থ বেদজ্ঞই হউক, আর সর্গবিজ্ঞাকুশলই হউক, উহার পরিষ্কার অর্থ ‘বিদ্বান্ ব্রাহ্মণ’, কিন্তু চিকিৎসক ব্রাহ্মণও ত মুখ্য নহে। অনেক শাস্ত্র শিক্ষা করিয়া তবে চিকিৎসক হওয়া যায় এবং (অধ্যাপনা ও বাজনের দ্বারা) কেবল ব্রাহ্মণই পুরুষানুক্রমে চিকিৎসা করিতে পাইতেন। এই কারণে প্রাচীনকালে ব্রাহ্মণজাতীর চিকিৎসককেই ‘বৈজ্ঞ বলা’ হইত। কত্রিয় ও বৈজ্ঞ (ব্রাহ্মণ গুরু না পাওয়া যাইলে অর্থাৎ শিক্ষার্থীর


আপৎকালে ব্রাহ্মণ শিক্ষার্থীকে অধ্যাপনা করিতে পারিতেন, কিন্তু পুরুষানুক্রমে বা পোহীক্রমে অধ্যাপনা কত্রিয় বা বৈজ্ঞের বৃত্তি নহে, এবং ঐ জন্য ‘উপাধ্যায়’, ‘আচার্য্য’ প্রভৃতি শব্দ অত্রাহ্মণের কখনও বুরাইত না। বাজন কত্রিয়-বৈজ্ঞের পক্ষে নিষিদ্ধ, এজন্য ‘ঋজ্বে’, ‘পুরোহিত’ প্রভৃতি শব্দে ব্রাহ্মণকেই বুঝায়, অত্রাহ্মণকে বুঝায় না। “বৈদ্য” শব্দ ও তরুণ।”

মুখ্যার্থে বৈজ্ঞ শব্দ কুত্রাপি অত্রাহ্মণের প্রতি প্রযুক্ত হইত না। অবশ্য সমাজের অধঃপতিত অবস্থার সমধিক বিজ্ঞাবজ্ঞা না থাকিলেও বৈজ্ঞ ব্রাহ্মণের সম্ভানকে ‘বৈজ্ঞ’ বলা হইত। কিন্তু প্রাচীনকালে শাস্ত্রানভিজ্ঞ চিকিৎসককে রাজসভাও দণ্ডিত হইতে হইত। ঐরূপ চিকিৎসক ও চিকিৎসাবিক্রমী হীন বৈদ্য শ্রুতিশাস্ত্রে (নট, গায়ন, আপণিক, ভূতকাধ্যাপক, দেবল, শূদ্রযাজী, বহুবাজী ইত্যাদি বিবিধ নিষিদ্ধ ব্রাহ্মণদিগের সহিত ভুল্যভাবে) নিষিদ্ধ ও শ্রাদ্ধে অপাংক্তের হইতেন। কিন্তু নিষ্কার দ্বারা ভূতকাধ্যাপকের বা বহুবাজীর ব্রাহ্মণত্ব খণ্ডিত না হইলে, চিকিৎসকেরই বা ব্রাহ্মণত্ব কেন খণ্ডিত হইবে ? হুতরাং প্রাচীনকাল হইতে অজ্ঞাবধি যে বিদ্বান্ ব্রাহ্মণ সম্প্রদায় বা বিদ্বান্ চিকিৎসকসম্প্রদায় “বৈজ্ঞ” নাম ধারণ করিয়া আসিতেছেন, তাহারাই যে ব্রাহ্মণ, তাহাতে কেহই সন্দেহ করিতে পারেন না।

বিজ্ঞাবারিধি মহাশয়ের এক এই ভাবনার চঞ্চল হইয়া উঠিয়াছে যে, বৈদ্য ‘ব্রাহ্মণ’ বলিয়া গণ্য হইলে তাহাদিগের সহিত ব্রাহ্মণদিগের পান-ভোজন ও বৈবাহিক আদান-প্রদান করিতে হইবে এবং তাহাতে ব্রাহ্মণের জাতি বাইবে। আমরা বলি, এরূপ ব্যবহারে বৈদ্যদিগেরও জাতি বাইবার ভয় আছে।

মহাত্মারদের “ঋজ্বে বৈদ্যাঃ শ্রেয়াংসঃ” এই ঋষিবাক্য শুনিয়াও বিদ্যাগারিধিমহাশয় বিচলিত হইয়াছেন। কিন্তু ইহাতে বিচলিত হইবার কিছুমাত্র কারণ দেখি না। এই উক্তি প্রাচীন বৈদ্য বা বিদ্বান্ ব্রাহ্মণদিগের লক্ষ্য করিতেছে মাত্র। উহা দ্বারা ইহাই বুঝায় যে, বিদ্বান্ ব্রাহ্মণ সাধারণ ব্রাহ্মণ অপেক্ষা শ্রেষ্ঠ। ‘বিশ্রাণাং জ্ঞানতো জ্যোষ্ঠ্যন্’ ইহা ত মনুই বলিয়াছেন। প্রাচীন বৈদ্যগণ অর্থাৎ বিদ্বান্ বিশ্রাণ আধুনিক ব্রাহ্মণ ও বৈদ্য উভয় শ্রেণীরই পূর্বপুরুষ, হুতরাং ঐ বাক্য হইতে ছুই পক্ষই গৌরব অনুভব করিতে পারেন। “বৈজ্ঞ” বশিষ্ঠ (রামায়ণ, অযোধ্যা, ৭৭) হইতে বশিষ্ঠ ৩০ শক্তিগোত্রীয় বৈদ্য ব্রাহ্মণ ও ব্রাহ্মণগণের উৎপত্তি হইয়াছে, এতদ্বারাও ঐ ছুই শ্রেণীর মধ্যে স্নাতৃত্ব সম্বন্ধ স্পষ্ট বুঝা যাইতেছে। বৈদ্য ব্রাহ্মণ সমিতির সভাপতি মহামহোপাধ্যায় গণনাথ সেন শর্মা সরস্বতী শক্তিগোত্রীয় বৈদ্য ব্রাহ্মণ। পূর্বেই বলিয়াছি, বঙ্গ ব্রাহ্মণদিগের মধ্যে এক শ্রেণী পুরুষানুক্রমে কেবল চিকিৎসাপরায়ণ হওয়ার তাহাদের বৈদ্য নামটি পাকা হইয়া জাতিনামে পর্ষাবসিদ্ধ হইয়াছে, আর অপর বাজক শ্রেণীর ব্রাহ্মণরা আজ পাঁচকটি ও ভূতার বা মদের দোকান অপেক্ষা ঔষধের দোকানে হুবিধা বেশী দেখিয়া চিকিৎসা বৃত্তি অবলম্বন করিতেছেন, কিন্তু তথাপি কেহই চিকিৎসক অর্থেও “বৈজ্ঞ” বলিয়া আপনার পরিচয় দিতে চাহেন না। পশ্চিমে ত এরূপ ব্যবহার নাই, পশ্চিমে চিকিৎসক ব্রাহ্মণকে “বৈদ্যই” বলে।

শ্রীভবতারণ ভট্টাচার্য্য বিজ্ঞারত্ন।





দ্বিজেন্দ্রনাথ ঠাকুর (যৌবনে)



দ্বিজেন্দ্রনাথের পত্নী— সর্বময়ী দেবী

দ্বিজেন্দ্রনাথ ঠাকুর

(পূজনীয় বড়দাদা)

ওহে ভ্রাতঃ ! আমার ত ছিলে না একার,
 বিশ্বপ্রেমে বাঁধা তুমি দাদা সবাকার ;
 যে এসেছে কাছাকাছি,
 ছোট বড় নাহি বাছি,
 আলিঙ্গিয়া ধরিয়ান্ন বন্ধের মাঝার ।
 পশু পক্ষী ভয় হীন,
 তব বন্ধু চিরদিন,
 চড়ে কোলে, ওঠে শিরে অপূর্ক ব্যাপার ।
 ওহে দ্বিজোত্তম কবি,
 কলি ধনু তোমা লভি,
 প্রণমি তোমারে স্মরি বার, বার, বার ॥

স্বভাব সরল জানী কি সৌম্য মূর্তি ;
 বরপুত্র কবিতার কল্পনার রথী ।
 'স্বপ্ন-প্রয়াণে' তব দেখালে কি অভিনব
 অপরূপ ছন্দোময়ী বাণী মূর্তিমতী ॥
 কুসুম ঢলিল হৃদয়ে ! বিহঙ্গ কুজিয়া বন্দে !
 তরঙ্গ বিক্রেপে তালে তাণ্ডব যতি !
 মর্ত্যে উঠে জয়কার !
 চমৎকার ! চমৎকার !!
 রবি শশী স্বর্গে করে আনন্দ আরতি !!
 তোমার মহিমা গানে, মনপ্রাণ ধগু মানে,
 লহ শোক-পুষ্পাঞ্জলি সাক্ষ প্রণতি ॥
 শ্রীমতী স্বর্ণকুমারী দেবী ।

সম্পাদক—শ্রীসতীশচন্দ্র মুঠোপাধ্যায় ও শ্রীসত্যেন্দ্রকুমার বসু
 কলিকাতা, ১৬৬ নং বহুবাজার স্ট্রীট, 'বঙ্গমতী' বৈজ্ঞানিক-রোটারী-মেশিনে শ্রীপূর্ণচন্দ্র মুঠোপাধ্যায় মুদ্রিত ও প্রকাশিত



রসশাস্ত্র

৪

ভাব কাহাকে বলে ?

ভরত মূনির নাট্যশাস্ত্রে বিভাব, অনুভাব ও সঞ্চারী, এই যে তিনটি শব্দ প্রযুক্ত হইয়াছে,—ইহাদের স্বরূপ কি, তাহা বুঝিবার অগ্রে, কাহাকে স্থায়ী ভাব বলে, তাহা বুঝা আবশ্যিক, এই কারণে অগ্রে স্থায়ী ভাবেরই কথা বলা যাইতেছে। মানবের মানসিক বৃত্তিগুলির মধ্যে দুই প্রকার বিভাগ দেখিতে পাওয়া যায়, কতকগুলি বৃত্তি ইন্দ্রিয়ের সহিত বিষয়ের সম্বন্ধ হইলেই উৎপন্ন হয়, যেমন চক্ষুর সহিত একটি গোলাপ ফুলের সম্বন্ধ হইবামাত্র আমাদের মন গোলাপের আকার প্রাপ্ত হয়। দার্শনিকগণ বলিয়া থাকেন, আমাদের মন যে বিষয়ের সহিত সম্বন্ধ হয়, সেই বিষয়ের একটা ছাপ মনে পড়িয়া যায়। যেমন কর্দ্দমে পা পড়িলে তাহার উপর পায়ের ছাপ পড়ে এবং ঐ কর্দ্দম পায়ের আকার প্রাপ্ত হয়, সেইরূপ তৈজস অন্তঃকরণে ইন্দ্রিয় দ্বারা বাহিরের কোন বিষয়ের সম্বন্ধ ঘটিলে মনেও ঐ বিষয়ের ছাপ পড়ে এবং মনও ক্রমকালের জন্ত সেই বিষয়ের আকারকে প্রাপ্ত হইয়া থাকে। মনে এই প্রকার বিষয়ের ছাপকেই আমরা মনের বাহ্যবস্তু-বিষয়ক বৃত্তি বলি।

নৈয়ামিক প্রভৃতি দার্শনিকের গতে ইহারই নাম বাহ্য প্রত্যক্ষ। রূপজ্ঞান, রসজ্ঞান, স্পর্শজ্ঞান, শব্দজ্ঞান ও গন্ধজ্ঞান প্রভৃতি বাহ্যবস্তু-বিষয়ক এই জাতীয় জ্ঞানকেই ত আমরা মানসিক বৃত্তি বলিয়া থাকি। এই প্রকার মানসিক বৃত্তিকে কিন্তু স্থায়ী ভাব বলা যায় না।

আমাদের আর এক শ্রেণীর মনোবৃত্তি আছে, সেগুলি ইন্দ্রিয়ের দ্বারা বাহ্যবিষয়ের সহিত মনের সম্বন্ধকে অপেক্ষা করে না, কিন্তু ইন্দ্রিয়ের দ্বারা মন বাহ্য যে সকল আকার প্রাপ্ত হইয়া থাকে, সেই আকার পাইবার পরে মনের যে অবস্থান্তর বা পরিণতিবিশেষ হইয়া থাকে, তাহাকেও দার্শনিকগণ মনোবৃত্তি কহিয়া থাকেন—সেই সকল মনোবৃত্তির মধ্যেই স্থায়ী ভাবও নিবিষ্ট হইয়া থাকে।

একটি ভাল ফুল ফুটিয়াছে দেখিয়া বা তাহার মনোহর সৌরভ আশ্রাণ করিয়া সেই ফুলের প্রতি মনের এক প্রকার আসক্তি জন্মে, আবার তাহাকে দেখিবার জন্ত বা তাহার সৌরভ আশ্রাণ করিবার জন্ত মনে অভিলাষ হয়, কেমন করিয়া সর্বদা ঐ ফুল পাওয়া যাইতে পারে, তাহার চিন্তা হয়, না পাইলে মনে বিষম ভাবের উদয় হয়, পাইবার জন্ত উৎসুক্য হয়, পাইলে অপূর্ণ আনন্দময় চিন্তের অবীর্ভাব

ইহা, তাহাকে পাইবার পথে যে বিষয় ঘটায়, তাহার প্রতিবিষেব জন্মে, তাহার বিষয় ভাবিতে পারিলে মন প্রসাদ লাভ করে, ইহা সকলেরই অমুভব-বেশ। এই যে ফুলের বা ফুলের গন্ধের প্রতি আসক্তি, অভিলাষ, চিন্তা, বিষাদ, ঔৎসুক্য ও উৎফুল্লতা এবং তাহার প্রাপ্তির প্রতিবন্ধের প্রতি বিধেব প্রভৃতি মানসিক বৃত্তিনিচয়, এইগুলিকেই আলঙ্কারিকগণ ভাব বলিয়া থাকেন। এই ভাবসমূহের মধ্যে কতকগুলি অপর ভাবের অধীন। যে ভাবসমূহকে অবলম্বন করিয়া ঐ অধীন বা পরতন্ত্র ভাবগুলি উৎপন্ন হয় বা অবস্থিতি করে, সেই প্রধান ভাবগুলির মধ্যে বাছিয়া কর্ণেকটি ভাবেই তাহারা স্থায়ী ভাব বলিয়া নির্দেশ করিয়া থাকেন। একটি উদাহরণ দেখিলে ইহা স্পষ্ট বেশ বুঝিতে পারা যাইবে।

মহাকবি ভবভূতি-বিরচিত মালতীমাধব নামক নাটকে একটি শ্লোকে এইরূপ দেখিতে পাওয়া যায়,—

“ভূয়োভূয়ঃ সবিধনগরীরথ্যা পর্যটন্তঃ
সাক্ষাৎ কামং নবমিব রতির্মালতী মাধবং যৎ ।
দৃষ্ট্বা দৃষ্ট্বা ভবনবলভীতুঙ্গবাতায়নস্থা
গাঢ়োৎকর্ঠালুণিতলুণিতৈরঙ্গকৈস্তাম্যতীতি ॥”

মাধব প্রতিদিন বার বার দেখিবার আশায় মালতীর বাস-গৃহের নিকটে সম্মুখস্থ পথে প্রায়ই পরিভ্রমণ করিয়া বেড়ায়, আর সাক্ষাৎ রতির গ্রায় অনবদ্যসুন্দরী মালতীও সেই গৃহের বারান্দার উপর গবাক্কের পার্শ্বে বসিয়া ভূতলে অবতীর্ণ নূতন কামের গ্রায় সেই সুন্দরমুষ্টি মাধবকে বার বার দেখিয়া দেখিয়া—দিনের পর দিন চলিয়া যাইতেছে—আশা ত মিটে না, কেবল দেখিয়া ক্রমেই বিরহ-তাপে ক্লেশ হইয়া পড়িতেছে, তাহার কোমল কমনীয় ছোট ছোট হস্ত, পদ প্রভৃতি অঙ্গগুলি অস্তঃপ্রদীপ্ত গাঢ় উৎকর্ঠারূপ অনলের অসহ তাপে যেন বিবশ হইয়া পড়িতেছে—তাহার মনে দারুণ সস্তাপক্রমেই বাড়িয়া যাইতেছে।

ইহাই হইল এই শ্লোকটির সংক্ষিপ্ত তাৎপর্য। এই শ্লোকে দেখা যাইতেছে, পিতৃ-গৃহ হইতে অধ্যয়ন করিবার জন্ত পদ্মপুরে আসিয়া ব্রাহ্মণের পুত্র যুবক মাধব অধ্যয়ন ব্যাপারে এক প্রকার জলাঞ্জলি দিয়া বসিয়াছে। কোন এক দিন, কে জানে কত কি অকৃত কোন মুহূর্তে, পথে

বেড়াইবার সময় সে পথের ধারে এক প্রকাণ্ড ভবনের উপর-তলার বারান্দায় একটি সর্কাবয়বানবতী কিশোরীকে দেখিতে পাইয়াছিল। এই যে দেখা—ইহা তাহার পাঠাভ্যাস-নিরত স্থির জীবন-সমুদ্রকে তল হইতে উপরি-ভাগ পর্য্যন্ত এক কণের মধ্যে আলোড়িত ও বিপর্য্যস্ত করিয়া তুলিল, সে আলোড়নের—সে বিপর্য্যস্ততার পরিচয় তাহার নিজ মুখেই কেমন সুন্দরভাবে ফুটিয়া উঠিয়াছে,—

“জগতি জয়িনস্তে তে ভাবা নবেন্দুকলাদয়ঃ
প্রকৃতিমধুরাঃ সন্তোবাত্তে মনো মদয়ন্তি যে ।
মম তু যদিযং যাতা লোকে বিলোচনচক্রিকা
নয়নবিষয়ং জন্মন্যেকঃ স এব মহোৎসবঃ ॥”

ইহার তাৎপর্য্য :—যাহা দেখিলে মানুষের মন আনন্দ-মগ্ন হইয়া থাকে—সেই নবোদিত চন্দ্রকলা প্রভৃতি স্বভাব-মনোহর বস্তুনিচয় এ সংসারে বিজয়ী হইয়া চিরদিনই অবস্থিতি করিতেছে,—ইহা সত্য হইতে পারে, কিন্তু এই জন-নয়নসমূহের অপূর্ব চক্রিকা কিশোরী আজ যে আমার নয়ন-পথের পথিক হইয়াছে, আমার মনে হইতেছে, আমার এই জন্মে ইহাই একমাত্র মহোৎসব, এমন মহোৎসব এ জীবনে আর কখনও ঘটে নাই—আর ঘটিবে কি না, তাহা কে বলিতে পারে ?

এই দর্শনের পর একটা ঘনিষ্ঠ পরিচয়ের প্রবল তৃষ্ণা তাহাকে ব্যতিব্যস্ত করিয়া তুলিল, গুরুগৃহে পাঠের কথা সে বিশ্বত হইল, সেই সুন্দর মুখখানি আর একবার জীবনে কেমন করিয়া প্রাণ ভুরিয়া দেখিবে, এই চিন্তায় ব্যাকুল হইয়া সে সেই পথে বার বার সেই গবাক্কের দিকে নির্নিমেষ নয়নে চাহিয়া চাহিয়া ঘুরিয়া বেড়াইতে লাগিল। অনিন্দ্য-সুন্দর মন্থপ্রতিম যুবার এই বার বার ভবন-সম্মুখে অকারণ পরিভ্রমণ ও নীলেন্দীবর সদৃশ বিশাল অঙ্গুসন্ধিৎসু নয়নযুগলের তাহারই শয়ন-গৃহের গবাক্কের দিকে নির্নিমেষ দৃষ্টিপাত মালতীর পক্ষে সঙ্কোচের কারণ হইলেও একেবারে যে উপেক্ষণীয় হইয়াছিল, তাহা নহে, তাই সে-ও অবসর পাইলেই সেই গবাক্কের পার্শ্বে আসিয়া দাঁড়াইত ; দাঁড়াইত দেখা দিবার জন্ত নহে, কিন্তু দেখা পাইবার জন্ত। এমনই করিয়া দেখিয়া দেখিয়া মালতী শরতের প্রথর রবি-কিরণে মালতীকুম্বের গ্রায় ক্রমে গুহ ও বিবর্ণ হইতে লাগিল।

পূর্বরাগের এই প্রথমাবস্থার ছবি আঁকিতে বাইরা মহাকবি ভবভূতি সেই কিশোরী ও নবযুবকের যে কয়টি মনের অবস্থা ব্যক্তভাবে সূটাইয়া তুলিয়াছেন, তাহাদের মধ্যে উৎসুক্য, চিন্তা, বিবাদ ও আবেগ,এ কয়টি ভাবই এই উদাহরণে আমাদের সমালোচ্য। কারণ, এই কয়টিকেই আলঙ্কারিকগণ সঞ্চারী ভাব কহিয়া থাকেন। এই কয়টি সঞ্চারী ভাব কিন্তু স্বতন্ত্র বা স্বাধীনস্থিতি নহে। মালতী-হৃদয়ে মাধবের প্রতি অমুরাগ এবং মাধব-হৃদয়ে মালতীর প্রতি অমুরাগ বা ভালবাসা যদি না থাকিত, তাহা হইলে এই উৎসুক্য প্রভৃতি সঞ্চারী ভাবগুলি উদ্ভিত হইত না এবং উদ্ভিত হইলেও তাহা রসের পরিপোষক হইতে পারিত না। এই সকল সঞ্চারী ভাব উদ্ভিত হইয়া সেই অমুরাগ বা ভালবাসাকেই পুষ্ট বা সমুজ্জল করিয়া তুলিতেছে এবং সেই অমুরাগের সুধারসে রঞ্জিত হইয়াছে বলিয়া তাহারাও সমুজ্জল হইয়া উঠিয়াছে। এইরূপে সকল সঞ্চারী ভাবই রসামূলক আশ্বাদের কারণ হইয়া থাকে, কখনও ব্যক্তরূপে, কখনও বা অব্যক্তরূপে যে ভাবটি মানবের হৃদয়-রাজ্য সর্বতোভাবে অধিকার করিয়া বসিয়া থাকে এবং সঞ্চারী ভাব প্রভৃতির সাহায্যে যাহা আশ্বাদ-প্রকর্ষ পাইয়া থাকে, সেই প্রধান ভাবকেই আলঙ্কারিকগণ স্থায়ী ভাব বলিয়া থাকেন; তাই এই স্থায়ী ভাবের লক্ষণ নির্দেশ করিতে বাইরা আলঙ্কারিক আচার্য্য বলিয়াছেন,—

“অবিরুদ্ধা বিরুদ্ধা বা যং তিরোধাতুমক্ষমাঃ।

আশ্বাদাহুরকনোহসৌ ভাবঃ স্থায়ীতি সংজ্ঞিতঃ ॥”

বিরুদ্ধ বা অবিরুদ্ধ মানসিক বৃত্তিনিচয় যাহাকে তিরোহিত করিতে পারে না, রসের আশ্বাদরূপ অমুরসমূহের পক্ষে যাহা মূলস্বরূপ, তাহাকেই স্থায়ী ভাব বলা যায়।

বিরুদ্ধ বা অবিরুদ্ধ ভাব যাহাকে তিরোহিত করিতে পারে না, এই বিষয়টি বুঝিতে হইলে কাহাকে বিরুদ্ধ বা কাহাকে অবিরুদ্ধ ভাব কহে, অগ্রে তাহাই বুঝিতে হইবে। স্থায়ী ভাবনিচয়ের মধ্যে রতি বা অমুরাগ—যাহার নাম ভালবাসা—সর্বাপেক্ষা প্রধান। কারণ, শোক প্রভৃতি স্থায়ী ভাব হইতে যে রস উৎপন্ন হয়, তাহা অমুরাগ হইতে উৎপন্ন রস অর্থাৎ আদিরস হইতে অপকৃষ্ট। আদিরস বেরূপ পরিপূর্ণ ও সমুজ্জলভাবে সামাজিকগণের আশ্বাদ হয়, অস্তান্ত রস

সেরূপ হয় না। এই কারণে কোন কোন আলঙ্কারিক আচার্য্য এমনও বলিয়া থাকেন যে, আদিরসই প্রকৃত রস, অমুরস-গুলি নামেই রস, প্রকৃতভাবে তাহারা পূর্ণরসলক্ষণসম্পন্ন হইতেই পারে না। কেন যে তাহারা এইরূপ সিদ্ধান্তে উপনীত হইয়াছেন, তাহা রসস্বরূপের নির্ণয় প্রসঙ্গে শীল করিয়া অনুশীলন করা যাইবে।

সেই আদিরসের স্থায়ী ভাব যে রতি, তাহার সহিত কিন্তু কতকগুলি মানসিক বৃত্তির বিরোধ দেখিতে পাওয়া যায়। যেমন ওদাসীগ্র, আলস্ত ও ঘৃণা বা জুগুপ্সা। অমুরাগ যে হৃদয়ে যাহার প্রতি উৎপন্ন হয় বা বহুকাল ব্যাপিয়া থাকে, সে হৃদয়ে সেই অমুরাগের পাত্রের প্রতি ওদাসীগ্র কখনও আসিতে পারে না। তাহাকে দেখিবার জন্ত, পাইবার জন্ত বা তাহার সেবা করিয়া ধন্ত হইবার জন্ত সে সর্বদাই উৎসাহবান থাকে। তাহাকে দেখিবার, পাইবার বা সেবা করিবার সুযোগ ঘটিলে সে কখনও আলস্ত বা উপেক্ষা করিতে পারে না। সে তাহার সেই ভালবাসার পাত্রকে কিছুতেই ঘৃণা করিতে পারে না। সুতরাং অমুরাগের বা ভালবাসার বিরুদ্ধভাব হইতেছে—ওদাসীগ্র, আলস্ত বা ঘৃণা প্রভৃতি মানসিক বৃত্তি বা ভাব-নিচয়। কিন্তু সেই অমুরাগ যদি উৎকট অভিমানের বা ক্রোধের দ্বারা কিয়ৎকালের জন্ত আবৃত হয়, তাহা হইলে সেই অভিমানের বা ক্রোধের প্রাবল্যের দশায় মানব-হৃদয়ে কখনও কখনও ওদাসীগ্র বা আলস্ত বা ঘৃণা উৎপন্ন হওয়া অসম্ভব নহে; কিন্তু এই কণিক আলস্ত, ওদাসীগ্র বা ঘৃণা উৎপন্ন হইয়াও সেই অমুরাগকে একেবারে তিরোহিত করিতে পারে না। প্রত্যুত পরকণেই সেই অমুরাগকে আরও প্রদীপ্ত করিয়া তুলে। একটি উদাহরণ দেখিলেই ইহা বেশ স্পষ্ট বুঝা যাইবে।

“অলভু গগনে রাত্রৌ রাজ্যাবধাওকলঃ শনী

দহতু মদনঃ কিংবা মৃত্যোঃ পরেণ বিধাস্ততি।

মম তু দয়িতঃ শ্রাদ্ধান্তাতো জনন্তমলাঘরা

কুলমমলিনং ন ছেবারং জনো ন চ জীবিতম্ ॥”

কুলে জলাঞ্জলি দিয়া গৃহ হইতে বাহির হইলেই ত অনারাসে মাধবের সহিত মিলিত হওয়া বাইতে পারে, এই চিন্তা কণকালের জন্ত মনে উদ্ভিত হইবার পরই মালতী সখীকে ইহা বলিয়াছিল। ইহার তাৎপর্য্য এই,—

সখি ! প্রতি রাত্রিতে পরিপূর্ণ-বিষ সূধাকর আজিকার রাত্রির শ্রায় প্রদীপ্ত বহিপিণ্ডের অকারে আকাশে জলুক, তাহাতে কতি কি ? কাম এ হৃদয় পুড়াইতেছে, পুড়াক, তাহাতেই বা কি কতি ? মরণের অধিক সে আর কি করতে পারে ? আমি পিতাকে বড়ই ভালবাসি, শুধু তাহাই নহে, তাঁহার শ্রায় পিতাকে সৌভাগ্য বশতঃ পাইয়াছি বলিয়া শ্লাঘা অল্পভব করিয়া থাকি । সেইরূপ নির্মল-কুল-প্রসূতা আমার জননী ও আমাদের নিষ্কলঙ্ক কুল আমার বড়ই প্রিয় ও শ্লাঘার বিষয়, কেবল সেই মানুষটি বা আমার এই জীবনই যে আমার একমাত্র প্রিয়, তাহা ত নহে ।

মালতী-মাধব নামক সংস্কৃত দৃশ্যকাব্যে এই উদ্ধৃত শ্লোকটিতে মালতীর আভিজাত্যাভিমান প্রবল হইয়া মাধবের প্রতি তাহার যে অমুরাগ, তাহাকে আচ্ছন্ন করিয়াছে, ইহা স্পষ্টই বুঝা যাইতেছে এবং সেই কারণে মালতীর হৃদয়ে যে কনিক ঔদাসীত্বেরও উদয় হইয়াছে, সেই ঔদাসীত্ব অমুরাগের বিরুদ্ধ ভাব হইলেও তাহা তাহার মাধবের প্রতি অমুরাগরূপ স্থায়ী ভাবকে একবারে তিরোহিত করিতে সমর্থ হয় নাই । কারণ, ঐ শ্লোকটির চতুর্থ চরণে সেই জনই যে “কেবল আমার প্রিয়, তাহা নহে” এই প্রকার মালতীর উক্তি দ্বারা তাহার মাধবের প্রতি অমুরাগ যে তখনও রহিয়াছে, তাহা বেশ বুঝা যাইতেছে । এই ভাবে বিরুদ্ধভাবের সমাবেশেও যে অমুরাগ নষ্ট হয় না, প্রত্যুত উৎকর্ষলাভই করিয়া থাকে, ইহাই অতি সুন্দরভাবে মহাকবি এই শ্লোকে ব্যক্ত করিয়াছেন । অবিরুদ্ধভাবের সমাবেশে এইরূপ অমুরাগের অভিব্যক্তি আরও সুন্দর হইয়া থাকে, যথা—

“মুখে মুক্ততয়েব নেতুমখিলঃ কালঃ কিমারভাতে
মানং ধংস, ধৃতিং বধান, ঋজুতাং দূরে কুরু প্রেয়সি ।
সঠ্যেবং প্রতিবোধিতা প্রতিবচস্তামাহ ভীতাননা
নীচৈঃ শংস হৃদি স্থিতো হি নমু মে প্রাণেশ্বরঃ শ্রোয়তি ॥”

নিতান্ত সরলপ্রকৃতি কোন কুলবধু বার বার পতির অমুচিত ব্যবহারে মনে ব্যথা পাইলেও মানপরায়ণা হয় না, বা পরুষবাক্যপ্রয়োগাদি দ্বারা পতিকে শুধরাইবারও চেষ্টা করে না, ইহা দেখিয়া তাহার প্রিয়সখী তাহাকে একরূপ অবস্থায় তাহার পক্ষে কি করা উচিত, তাহাই উপদেশ

দিতেছে, এবং সেই উপদেশ শুনিয়া সেই মুখা কুলবধু কি বলিতেছে, তাহাই এই শ্লোকটিতে বলা হইতেছে । ইহার তাৎপর্য এই,—

“অগ্নি সরলে ! এমন করিয়া সরলতাময় ব্যবহারে এই ছল'ভ যৌবনরূপ কালটা নষ্ট করিতে বসিয়াছ কেন ? মধ্যে মধ্যে একটু আধটু মান করিবে, হৃদয়ে ধৈর্য্য ধরিবে, প্রিয়তমের প্রতি এত সরলতা ভাল নহে, তাই বলি, অন্ততঃ কিছুকালের জন্তও ইহা দূর কর”,—সখী যখন তাহাকে এইরূপে বুঝাইতে লাগিল, তখন তাহার সত্য সত্যই মুখে ভয়ের চিহ্ন প্রকটিত হইল, সে তখন সখীকে সভয়ে জানাইল, সখি ! অত উচ্চ স্বরে এরূপ কথা আর বলিও না, হৃদয়ে ত প্রাণেশ্বর রহিয়াছেন । তুমি যেরূপ উচ্চ স্বরে ঐ কথাগুলি বলিতেছ, হয় ত তিনি তাহা শুনিতে পাইবেন ।

এই শ্লোকটিতে মুখার প্রিয়তমের প্রতি গাঢ় অমুরাগ বড়ই সুন্দরভাবে ফুটিয়া উঠিয়াছে । তাহার বিশ্বাস, তাহার হৃদয় জুড়িয়া তাহার প্রাণেশ্বর সর্বদাই বিরাজ করিতেছেন, সুতরাং তাঁহার অপ্রিয় বাক্য এত উচ্চ স্বরে সখী যখন বলিতেছে, তখন নিশ্চয়ই তিনি তাহা শুনিতে পাইবেন, এবং শুনিয়া হয় ত ব্যথিত বা ক্রুদ্ধ হইবেন । তাই নিতান্ত ব্যাকুল হইয়া সে সখীকে অমন করিয়া সেই প্রিয়তমের অপ্রিয় কথা কহিতে সনির্বন্ধ নিষেধ করিতেছে । ইহা সখীর উপর টেকা দিয়া, তাহার মুখ বন্ধ করিয়া কোন প্রগল্ভার নশ্ব-পরিহাস নহে, ইহা সত্য সত্যই পতিগতপ্রাণা মুগ্ধ ললনার অনিষ্টসম্ভাবনায় ব্যাকুলিত প্রাণের মর্ষকথা । কারণ, তাহা যদি না হইত, তবে এই কথা বলিবার সময় মুখের উপর সেই আন্তরিক ভীতিজনিত এমন বিবর্ণভাব আসিল কোথা হইতে ? এই শ্লোকে অমুরাগের অমুকুল ভাব ভীতি সম্যক-প্রকারে প্রকটিত হইয়া নিজের প্রাধাত্য ফুটাইয়া দিতেছে বটে, কিন্তু তাই বলিয়া সেই সরলস্বভাবা কিশোরীর পতিগত গাঢ় প্রেম যে তিরোহিত হইয়াছে, তাহা নহে, প্রত্যুত ঐ ভীতিরূপ সঞ্চারী ভাব তাহার স্থায়ী ভাব প্রেমকে সামাজিক-গণের মানস-পটে আরও অধিক উজ্জলভাবে অঙ্কিত করিয়া দিতেছে । তাই আলঙ্কারিক আচার্য্য ঠিকই বলিয়াছেন যে, বিরুদ্ধ বা অবিরুদ্ধ ভাব যাহাকে তিরোহিত করিতে পারে না, রসাস্বাদরূপ অকুরের মূলস্থানীয় সেই ভাবকেই স্থায়ী ভাব বলা যায় । এই স্থায়ী ভাব বা রসাস্বাদের মূলস্বরূপ

প্রধান মানসিক বৃত্তিনিচয় অলঙ্কারশাস্ত্রে আট ভাগে বিভক্ত
হইয়াছে, যথা—

“রতির্হাসশ্চ শোকশ্চ ক্রোধোৎসাহৌ ভয়ং তথা ।
জুগুপ্সা বিস্ময়শ্চাষ্টৌ স্থায়িতাবাঃ প্রকীর্তিতাঃ ॥”

অর্থাৎ—রতি, হাস,শোক,ক্রোধ,উৎসাহ,ভয়, জুগুপ্সা ও
বিস্ময় এই আটটি প্রধান মনোবৃত্তিকে স্থায়ী ভাব বলা যায় ।

রসের স্বরূপ-নির্ণয় করিবার সময়ে এই আট প্রকার
স্থায়ী ভাবের বিশেষ আলোচনা করিলেও চলিবে, আপা-
ততঃ আলম্বন, উদ্দীপন ও সঞ্চারী ভাবের স্বরূপ কি, তাহাই
বলা হইবে ।

[ক্রমশঃ ।


শ্রীপ্রমথনাথ তর্কভূষণ

স্বন্দাবনে

মনে নাহি পড়ে কবে কোথা হ'তে
এসেছিল মোরা নামি,
নয়ন মেলিয়া দেখিলু প্রথম
শুধু তুমি আর আমি ।
স্বমুখে যমুনা ধারা কলকল
উছলে হুকুল ভরি,
কুল-বটমূলে বাশরী ব্যাকুল
গাহে রাধানাম স্মরি ।
যশোদার স্নেহ স্নবলের প্রীতি
গোপিকার প্রেমরাশি,
শুট কদম্ব-ভরা মালঞ্চ
আলো আর গান হাসি ।
রাস-অভিসার বিরহ-মিলন-
ভরা প্রেম-অঙ্গন,
নয়ন শ্রবণ পরিতর্পণ
মধুর স্বন্দাবন !
আরো কাছে এস, আরো কাছে বঁধু,
ওই গুন বাঁশী বাজে,
আখরে তাহার কত স্নুধাধারা,
ভুলায় সকল কাষে ।
সেই এক কথা আদিকাল হ'তে,
কেঁদে গাহে উভরায়,—
যমুনার তটে বেলা প'ড়ে এল,
আয় আয় ত্বরা আয় !
শুক-সারী গেছে ফিরিয়া কুলায়
ধবলী গোষ্ঠে ছুটে,
মাঠের রাখাল ফিরেছে কখন,
জননীর বাহু-পুটে !
পৃথিমা-চাঁদ মল্লিকা-ভাতি,
উজ্জল নিশীথিনী,
যমুনার তটে আয় ফেলে আয়,
দিবসের বিকিকিনি ।

আয় ব্রজবাসি ! আয় আয় আয় !
—ওই উঠে অলাপন ;
জীবন মধুর প্রণয় মধুর,
মধুর স্বন্দাবন !
আরো কাছে এস বাহু-বন্ধনে
অধরে অধর চুমি ;
তুমি আজ বঁধু আমি হয়ে গেছ,
আমি আজ বঁধু তুমি ।
রসের সাগরে একটি বোটার
আমরা কমল ছুটি,
যুগ যুগ ধরি কত কাল গত—
এমনি উঠেছি ফুটি ।
চিন্তামণির মণির আলোকে
হেরেছি দৌহার মুখ,
দৌহার মাঝারে করি অনুভব
হুকুলের যত সুখ ।
কল-কালের কল-কলোলে
আমরা শুনেছি গান,
ডুবিয়া মরিয়া অমর হয়েছি
হারিয়ে পেয়েছি প্রাণ ।
রাজার প্রাসাদ আমরা গড়েছি
আকাশে গাড়িয়া ভিত,
রবির কিরণে কুমুদ ফুটায়
করি রীত বিপরীত ।
“মাটির যখন ছিল না জনম
তখন করেছি চাষ,
দিবস রজনী ছিল না যখন
তখন গণেছি মাস !”
তুমি আর আমি আমি আর তুমি,—
মধুভরা ত্রিভুবন ;
জনমে জনমে তুমি বঁধু মোর
ভুবন স্বন্দাবন !

শ্রীঅরীজজিৎ মুখোপাধ্যায় ।



২

চেতলা, কালীঘাট, ভবানীপুর প্রভৃতি অঞ্চল তখন একেবারে পল্লীগাম ছিল। আমার মনে আছে, ১৮৭৩ খৃষ্টাব্দে গ্রীষ্মাবকাশের সময় আমি বাড়ী না যাইয়া চেতলায় এক আত্মীয়ালয়ে সপ্তাহখানেক অবস্থান করিয়াছিলাম। তখন মনে হইয়াছিল, যেন খাঁটি পল্লীগামে রহিয়াছি। ইদানীং দুই এক বার চেতলা যাইতে হইয়াছে। তখন মনে হইয়াছে, এ কোথায় আসিলাম? কালীঘাটে ও ভবানীপুরের দক্ষিণ অঞ্চলের সব বাড়ীর চারিদিকে বড় বড় ডোবা ছিল—সকল প্রকার আবর্জনার ঐ সকল ডোবা পূর্ণ থাকিত। সহরের নিকটস্থ পল্লীগামের মত হৃদ্যপন্ন স্থান আর নাই। কেন না, সহরের সমস্ত আবর্জনা ও অশুবিধার ভার ইহাদের স্বন্ধেই পতিত হয়। দেখিতে দেখিতে এই চেতলা, কালীঘাট ও আলিপুর কি আশ্চর্যরূপ বিস্তার লাভ করিয়াছে! জজ, ম্যাজিষ্ট্রেট, উকীল, ব্যারিষ্টার, রাজা, মহারাজা, এইরূপ বহু সম্ভ্রান্ত অবস্থাপন্ন লোক অধুনা এই সমস্ত অঞ্চলে বাস করিতেছেন। খিদিরপুর আর বালীগঞ্জও আমাদেরই আমলে কিরূপ পরিবর্তিত হইয়াছে ও কত বড় আকার ধারণ করিয়াছে, তাহা প্রাচীনরা অনেকেই দেখিয়াছেন। ইহার অধিকাংশ বাড়ীই মাড়োয়ারী ও ইংরাজের হাতে। হরিশ মুখার্জি ষ্ট্রীট ও রসা রোডের অনেক বাড়ী—সুখের বিষয়, এখনও বাঙ্গালীর হাতে আছে।

১৮৭০ খৃষ্টাব্দের সঙ্গে তুলনা করিতে গেলে একটা ভাবিবার বিষয় এই যে, তখন পল্লীগামের জমীদার পল্লীগামে থাকিয়া সম্ভ্রষ্ট থাকিতেন, দেশের টাকা দেশে থাকিত। কিন্তু ক্রমে ক্রমে সহরে থাকা একটা রোগ হইয়া দাঁড়াইয়াছে। এখন বড় বড় জমীদার পল্লীগাম ছাড়িয়া কলিকাতা আসিয়া বসবাস করিতে আরম্ভ করিয়াছেন। তাঁহার একরূপ 'দেশছাড়া' বলিলেই হয়। ইহার কুফল অনেক।

পল্লীশ্রী অন্তর্হিত হইয়া সহরশ্রীতে পরিণত হইয়াছে। আমি সমস্ত বাঙ্গালায় বোধ হয় গত আড়াই বৎসরে অন্ততঃ ৩০ হাজার মাইল ঘুরিয়াছি, তন্ন তন্ন করিয়া পল্লীগামগুলি দেখিবার সুযোগ পাইয়াছি। দেখিয়াছি, বীরভূম ও বাঁকুড়া জিলা হুর্ভিক্ষের পীঠস্থান হইয়া দাঁড়াইয়াছে। বাঁকুড়ায় প্রতি তিন বৎসর অন্তর হুর্ভিক্ষ দেখা দেয়। বাঁকুড়ার বিষ্ণুপুরে পূর্বে এক রাজা ছিলেন। মারহাট্টাদের আক্রমণে আলীবর্দী খাঁ যখন ব্যতিব্যস্ত হইয়া উঠিয়াছিলেন, তখন বিষ্ণুপুরের রাজা ইহাদিগকে পরাজিত করিয়াছিলেন।

তাহার পর হইতেই বিষ্ণুপুরের রাজাদিগের হৃদ্যতা আরম্ভ হয়। 'ছিয়ান্তরের মন্বন্তরের' পর রাজা যখন লাটের খাজনা সরববাহ করিতে পারিলেন না, তখন কুলদেবতা মদনমোহনকে আনিয়া বাগবাজারের গোকুল মিত্রের বাড়ীতে রাখেন—তদবধি তাঁহাদের হৃদ্যতার সূত্রপাত হয়। সমস্ত সম্পত্তি বর্ধমানের মহারাজা পত্নী লইলেন। সেই সময় হইতে বাঁকুড়া-বিষ্ণুপুর শ্রীভ্রষ্ট হইল। বাঁধ-বন্ধীর দিকে আর নজর রহিল না।

এই সমস্ত বাঁধে আবশ্যকমত জল ধরিয়া রাখা হইত। আবার তন্মধ্যস্থ ক্ষুদ্র ক্ষুদ্র বাঁধ কাটিয়া দিলে উপর হইতে জল নামিয়া আসিত। ঐ জল নানা পয়ঃপ্রণালীর মারফতে কৃষিক্ষেত্রে সরববাহ করা হইত। ইহাতে প্রচুর ফসল হইত। সেচের এমনই সুব্যবস্থা ছিল। বর্তমানে কৃষিক্ষেত্রের উন্নতির দিকে কাহারও দৃষ্টি নাই। বর্ধমানের মহারাজা জানেন, পত্নী তালুক "অষ্টমে গেলে" তিনি টাকা পাইবেন; পত্নীদার ভাবেন, তিনি নাশিশ করিলে নিয়ম পত্নীদারের নিকট টাকা পাইবেন। এইরূপে জমী হস্তান্তরিত হইয়া থাকে। কেহ কাহারও জন্ত চিন্তা করেন না। ইহাতেই সর্বনাশ হইয়াছে। এখনও দেখা যায়, যাহাকে 'তালপুকুর' বলিত, বর্ধমান বিভাগের বহু স্থানে

সেইরূপ অনেক তালপুকুর ভরাট হইয়া গিয়াছে ; তথায় চাষ-বাস হইতেছে । জল ধরিয়া রাখিবার কোনও বন্দোবস্ত নাই । ময়মনসিংহ ও বরিশাল প্রভৃতি সমস্ত জিলারই জমীদারগণ পল্লী ছাড়িয়া সহর-বাস করিতে আরম্ভ করিয়াছেন । তাঁহাদের অনেকে বৎসরে দুই এক মাসের জন্ত সহর হইতে পল্লীতে ফিরিয়া যান বটে, কিন্তু বড় বড় জমীদার বারমাসই কলিকাতায় থাকেন । ফল এই হইয়াছে যে, পূর্বে জমীদার ও প্রজার মধ্যে যে মধুর সম্বন্ধ ছিল, তাহা লোপ পাইয়াছে । ইহা হইতে যদি জমীদাররা অত্যাচারী হইয়াও প্রজাদের মধ্যে বাস করিতেন, তাহা হইলে তাঁহাদিগকে জমীদারীর মধ্যে বড় বড় দীঘি কাটাইতে হইত, পুরাতন পুকুরিগণুলির সংস্কারসাধন করিতে হইত, পথ-ঘাটের দিকে নজর রাখিতে হইত । কবি কালিদাস রঘুবংশের রাজাদিগের সম্পর্কে লিখিয়াছেন—
“স পিতা পিতরস্তানাং কেবলং জন্মহেতবঃ ।”
বঙ্গালার জমীদার পূর্বকালে বস্তুতই প্রজাগণের পিতার মত ছিলেন । অত্যাচারী জমীদার যদি প্রজার নিকট হইতে অর্থ শোষণ করিয়াও প্রজাদের মধ্যে সর্বদা বাস করেন, তাহা হইলে সেই স্থানে ‘বারো মাসে তের পার্কিং’ করিয়া এবং পুকুরিগণ খনন, পথ নিৰ্ম্মাণ, বৃক্ষ রোপণ ইত্যাদি সদনুষ্ঠান করিয়া দেশের টাকা দেশেই ব্যয় করিবার সুযোগ পাইতেন । প্রজারাও সেই টাকার কতকাংশ প্রাপ্ত হইত । কিন্তু অধুনা জমীদাররা কলিকাতায় বা অন্যান্য সহরে বাস করিতে অভ্যস্ত হইয়াছেন । এক জমীদার কলিকাতার চৌরঙ্গী অঞ্চলে বসতবাটা নিৰ্ম্মাণ করিলেন । অল্প জমীদার ভাবিলেন, ঐ জমীদার যদি ঐরূপ গৃহে বাস করেন, মোটরে চড়েন, খানা দেন, তাহা হইলে তিনিই বা করিবেন না কেন ? এইরূপে প্রতিযোগিতা আরম্ভ হইয়াছিল, এবং ঐ প্রতিযোগিতা হইতেই সর্বনাশের সূত্রপাত হইয়াছে । আমি নিজে দেখিয়াছি, বর্ধমানের মহারাজার বাড়ীতে একটা “পার্টি” হইলে তথায় রোভার, রোল্‌স রয়েস প্রভৃতি বহুমূল্য মোটরের সমাগম হয় । এইরূপে বিলাসের নানা সাজসজ্জায় জমীদারের বহু অর্থ ব্যয়িত হয় । ইহার ফলে লক্ষ লক্ষ টাকা এ দেশ হইতে বিদেশে প্রেরিত হয় । রাজসাহী, বগুড়া অঞ্চলে দেখিয়াছি, পূর্বতন পল্লীবাসী জমীদাররা তথায় শত শত বাঘ, দীঘি ও পুকুরিগণ খনন করিয়া

গিয়াছেন, সে জন্ত তথায় জলকষ্ট কোন কালে অনুভূত হইত না । এখন দেখিতে পাই, দুই তিন শত বৎসর পূর্বে প্রান্তঃ-স্মরণীয়া রাণী ভবানী যে সকল দীঘি ও পুকুরিগণ খনন করাইয়াছিলেন, সেগুলি সংস্কারভাবে হাজিয়া মজিয়া গিয়াছে ; যদি বা কোথাও কিছু জল থাকে, তাহাও বৈশাখ জ্যৈষ্ঠ মাসে একেবারে বর্ধমান হইয়া যায় । সেই জলে বস্ত্র ধৌত করা ও তৈজসপত্র পরিষ্কার করা হয়, আবার সঙ্গে সঙ্গে সেই জল পানীয়রূপেও ব্যবহৃত হয় । ফলে ম্যালেরিয়া, কলেরা প্রভৃতি ভয়ঙ্কর ব্যাধির প্রাচুর্য্যে দেশ একেবারে ধ্বংসের পথে যাইতে বসিয়াছে । গত ২৫ বৎসরের মধ্যেই এই সকল রোগের প্রকোপ অধিক হইয়াছে । আমাদের চূর্তাগ্য যে, অধুনা পল্লীগ্রামে বাস করা অনভ্যতর পরিচায়ক । কলিকাতায় আসিয়া তথাকথিত সভ্যসমাজে বাস করাই এখন সকলের লক্ষ্য হইয়াছে ।

হরিশ মুখার্জি রোডে অথবা রসা রোডে এখন অনেক সঙ্গতিপন্ন লোকের বসতি হইয়াছে । এই বাঙ্গালী বাসিন্দার মধ্যে ইংরাজ, ভাটীয়া, মাড়োয়ারীও আসিয়া বসবাস করিয়াছে । কিন্তু বাঙ্গালীর সহিত ইহাদের কিছু পার্থক্য আছে । বাঙ্গালী ব্যতীত অন্যান্য সম্প্রদায়ের বাসিন্দারা ব্যবসাদার ; প্রতিনিয়ত অর্থ উপার্জন করিতেছে । আর বাঙ্গালীদের মধ্যে ধাঁহারা আছেন, তাঁহাদের মধ্যে উকীল, ব্যারিষ্টার ও দুই চারি জন জজ ছাড়া আর কিছুই নাই । যে সমস্ত জমীদার মামলা-মোকদ্দমা করিয়া উৎসন্ন যাইতেছেন, তাঁহাদের অর্থ এই সমস্ত উকীল-ব্যারিষ্টারদের পকেট পূর্ণ করিতেছে । ইহাতে দেশে নূতন ধনাগম হইতেছে না ; মাত্র দেশের এক স্থানের অর্থ অন্য স্থানে শোষিত হইতেছে ।

আর এক কথা, অধুনা রেল ও ষ্টীমারে যাতায়াতের সুবিধা হইয়াছে বটে, কিন্তু ইহাদের মারফতে পল্লীগ্রাম হইতে সহরে তরিকরকারী, ছদ্ম, মৎস্ত প্রভৃতি নিত্য বাহিত হইতেছে বলিয়া পল্লীগ্রামে ঐ সমস্ত দ্রব্য দ্রুত ও ছত্রাপ্য হইয়া উঠিয়াছে । অনেকে হয় ত অবগত নহেন যে, খুলনায় ছদ্মের মূল্য আট আনা সের । পূর্ব হইতেই ব্যাপারীরা পল্লী-মৎস্যে খুরিয়া দাদন দিয়া রাখে বলিয়া এই অবস্থা উপস্থিত হইয়াছে । এমন কি, আবশ্যক হইলে উচ্চ মূল্যে উপযুক্ত পরিমাণ ছদ্ম, দধি, ঘৃত, মৎস্ত অথবা

ভরিতরকারী এখন আর পল্লীগ্রামে পাওয়া যায় না। এই শোষণক্রিয়াই পল্লীগ্রামের সর্বনাশের মূল। রেল ও ষ্টীমারের কল্যাণেই পল্লীগ্রামের এই ছরবহা হইয়াছে। আমাদের রুচির পরিবর্তন যে ইহার মূলে নিহিত, তাহাতে সন্দেহ নাই।

সে দিন দেখিলাম, বাঙ্গালা দেশে ৩ শত ৮০ কোটি টাকার মাল আমদানী-রপ্তানী হইয়াছে। কথাটা শুনিলে মনে হয়, বৃষ্টি বা সপ্তাহে সপ্তাহে মাসে মাসে কলিকাতার ধন বাড়িয়া চলিতেছে। কলিকাতার অবশ্য প্রভূত ধনের আদান-প্রদান হয়। কিন্তু আমাদের বাঙ্গালীর সহিত ইহার সম্পর্ক কি? এই টাকার শতকরা পাঁচ টাকাও বাঙ্গালীর কি না সন্দেহ। বাঙ্গালী কেরাণী, স্কুল-মাষ্টার, উকীল এবং দুই চারি জন মুনসেফ-জজের সংখ্যা অঙ্গুলীর পর্কে গণনা করা যায়। ইহারা ত অর্থের সৃষ্টি করেন না। আমি আজ ২৫ বৎসর যাবৎ দেশের তরুণদের নিকট বাঙ্গালীর মস্তিষ্ক ও তাহার অপব্যবহারের কথা বলিয়া আসিতেছি—দেশে রাসবিহারী ঘোষ কিংবা এম. পি. সিংহ ২।৪ জনের অধিক নাই। এক এক মাড়োয়ারী অথবা ভাটীয়া বণিক এক দিনে যাহা রোজগার করে, বাঙ্গালী তাহা সংবৎসরেও করিতে পারে না। আমার এক ভ্রাতৃপুত্র ব্যবহারাজীব, তাহার নিকট শুনিয়াছি, আলিপুরে ৭ শত ৫০ জন এবং খুলনায় এক শত জন উকীল আছেন। তাহার উপর প্রতি বৎসর ১০।১৫ জন ওকালতীতে যোগদান করিতেছেন। বৎসর দুই পূর্বে আমি বরিশালে গিয়া কোন বিশিষ্ট ব্যক্তির নিকট শুনিয়াছি, তথায় এমন ২।৪ জন উকীল আছেন—যাঁহারা মাসিক ৫।৭ শত টাকা উপার্জন করেন। অবশিষ্ট উকীলরা গড়পড়তার মাসিক ১৫ টাকা পান কি না সন্দেহ। কেন না, যাঁহারা ঘরের পয়সা আনিয়া বাসাখরচ চালাইয়া থাকেন, তাঁহাদিগকেও ঐ সঙ্গে ধরিতে হয়। অথচ প্রতি বৎসর ২ হাজার ছাত্র আইন শিক্ষা করিতেছে! ইহা কি অর্থনীতিক আত্মহত্যা নহে?

আরমেনিয়ান ষ্ট্রীটে ও এজরা ষ্ট্রীটে ইহুদী ও আরমানী জাতীয় বড় বড় বণিক আছেন। তাহার পর ইংরাজদের মহলা। তাহার পর ভাটীয়া, মাড়োয়ারী, দিল্লীওয়াল ও পার্শী। এ সমস্ত ধনী বণিককে বাদ দিলে বাঙ্গালার ধন কোথায় থাকে? বাঙ্গালার ৮১টি জুটমিল আছে, তন্মধ্যে মাত্র

২টি মাড়োয়ারীর। গত ১।৫ বৎসরের মধ্যে বিরলা ব্রাদার্স ও হকুমচাঁদ স্বরূপচাঁদ কোম্পানীর উদ্যোগে এই দুইটি মিল প্রতিষ্ঠিত হইয়াছে। অবশিষ্ট সমস্ত মিলই ইংরাজের। অবশ্য মিলে বাঙ্গালীর কিছু সেয়ার আছে। ইংরাজরাই মিলের ম্যানেজিং এজেন্ট, তাহাদের মুষ্টি মধ্যস্থি সমস্ত ধন গুস্ত। আপনারা জানেন, সার ডেনিয়াল হেমিলটন, মেকিনন্ মেকেঞ্জির প্রধান অংশীদার। তিনি এক দিন কলিকাতা ইন্সটিটিউট হলে বলিয়াছিলেন, “আমার বলিতে লজ্জা করে যে, আমার অনেক জুটমিলের সেয়ার আছে।” কিন্তু এই যে জুটমিলে লাভ হইতেছে, এই লাভ কাহারো ভোগ করিতেছে? যাহারা ম্যালেরিয়ার কাঁপিতে কাঁপিতে ৮।১০ ঘণ্টা কোমর-জলে থাকিয়া পাট কাচে, তাহারা কি পায়? রেলি ব্রাদার্স, বার্কমায়ার ব্রাদার্স, ডেভিড কোম্পানী প্রভৃতি লাভের সমস্তটাই পায়। আমরা কিছু কিছু দালালী পাই বটে। অবশ্য কোন কোন সওদাগরী আফিসে বাঙ্গালী বড় বাবুর পদে অধিষ্ঠিত আছেন। ইংরাজ বণিক-গণ কলিকাতার ব্যবসা-বাণিজ্যক্ষেত্রে অদ্ভুত প্রসার লাভ করিয়াছে। আমি ত গদর খদর করিয়া পাগল। গত বৎসরের যে তালিকা বাহির হইয়াছে, তাহাতে দেখি, ২৫ হইতে ৩৫ কোটি টাকার বিলাতী কাপড় এ দেশে আমদানী হইয়াছে। মহাত্মা গান্ধীর ও আমাদের চীৎকারের পুরস্কার যথেষ্ট পাইয়াছি। ব্যবসাক্ষেত্রে জাপান প্রতিদ্বন্দ্বী হওয়ায় বোম্বায়ের সর্বনাশ হইয়াছে। আমরা সর্বত্র বাঙ্গালার বৈশিষ্ট্যের কথা বলিয়া বেড়াই। কিন্তু বাঙ্গালীর মত অনুকরণপ্রিয় জাতি পৃথিবীতে আছে কি না সন্দেহ। বাঙ্গালী যুবক যেমন ব্যারিষ্টার হইল, অমনই হার্ট, কোর্ট, কলার কি রকম করিয়া পরিতে হয়, কি রকমে টাই বাধিতে হয়, গুলার কলার আঁটিতে গিয়া কিরূপে থক্ থক্ করিয়া কাসিতে হয়, কিরূপভাবে কাঁটা-চামচ ধরিতে হয়—আর বেশী বলিব না।

কলিকাতা এক হিসাবে নরক হইতে এখন স্বর্গ হইয়াছে। চৌরঙ্গীতে প্রাসাদতুল্য ভবনশ্রেণী, সহরের সর্বত্র বৈদ্যুতিক আলো, পাখা, ট্রাম, মোটর, প্রভৃতির সমাবেশ, অশ্রান্ত সুসভ্য দেশে এ সকল বিষয়ে যেক্রম উন্নতি হইয়াছে, এ দেশেও তাহার ব্যতিক্রম হয় নাই। তাই বলিয়া সক্রোটিস, প্লেটো—ইহারা কি অসভ্য ছিলেন?

ফল-মূল ভোজন করিয়া আজীবন নিভৃত অরণ্যে যাহারা কৃত জ্ঞান-বিজ্ঞানের সাধনা করিয়া গিয়াছেন, তাঁহাদিগকে কি অসত্য বলিব? আধুনিক সভ্যতা যাহাকে বলে—সেটা সাম্য নিদর্শন মাত্র—বহির্ভাগ ছরস্ত রাখিতে পারিলেই আজকাল সভ্য আখ্যা পাওয়া যায়। আমরা মোটর চড়িতেছি, কিন্তু মোটর নির্মাণ করিয়া বা পেট্রোল সরবরাহ করিয়া আমাদের দেশের লোক অর্থ উপার্জন করে না। ফোর্ড, রক্ফেলার পৃথিবীর মধ্যে সর্বশ্রেষ্ঠ ধনী। ফোর্ডের আয় বৎসরে ৩৩ কোটি টাকা। সমগ্র বাঙ্গলাদেশের রাজস্ব ৩১ কোটি টাকা। ইম্পিরিয়াল গবর্নমেন্টের দেয় রাজস্ব বাদ দিলে বাঙ্গালার ভাগ্যে ১০ কোটি টাকা পড়ে। এই যে সুজলা সুফলা বঙ্গভূমির রাজস্ব—একক ফোর্ডের আয় তদপেক্ষা বেশী। কথা এই, আমি যখনই ফোর্ডের মোটরে আরোহণ করি, অমনই সেই অর্থ হয় ফোর্ড নয় ত রোল্‌স্‌ রয়েস অথবা ওভারল্যান্ডের তহবিলে চলিয়া যায়। আমেরিকার প্রতি তিন জনের একখানা মোটরগাড়ী আছে। কিন্তু তাহাদের টাকা অল্পতর যায় না, সেই দেশেই থাকে। আমাদের

টাকাটা যদি আমাদের দেশেই থাকিত, তাহা হইলে কোনও আপত্তি ছিল না। কিন্তু এখন বাঙ্গলাদেশের সর্বনাশ হইতেছে। জীবন-যাত্রার প্রত্যেক ব্যাপারে আমাদের মুখের গ্রাস বিদেশে যাইতেছে। রেল অথবা ষ্টীমারে চড়িলেই টিকিটের মূল্যের চৌদ্দ আনা বিদেশের তহবিলে চলিয়া যায়। যে ছই আনা আন্দাজ এই দেশে রহিল, তাহা ষ্টেশনমাষ্টার, খালাসী প্রভৃতি ভাগ করিয়া লয়। বৈজ্ঞানিক শক্তি বিদেশীর হাতে—

“পর দীপ-মালা নগরে নগরে

তুমি যে তিমিরে, তুমি সে তিমিরে।”

আমরা যদি উৎপন্ন করিতে পারিতাম, তবে টাকাটা আমাদের হাতেই থাকিত। *

[ক্রমশঃ ।

শ্রীপ্রফুলচন্দ্র রায় ।


* ভ্রম সংশোধন—পত্নী মাসের প্রথমে লিখিত হইয়াছে যে, প্রেসি-ডেন্সী কলেজের ভিত্তিসংস্থাপনের সময় অধ্যক্ষ টমী উপস্থিত ছিলেন। সে সময় জেম্‌স্‌ সাতক্লিফ (James Sutcliffe) প্রিন্সিপাল ছিলেন।

অভিমাণে

আমায় কেন লিখ্ছ না ক' চিঠি ?
বল ত আমি থাকি কেমন ক'রে ?
বুকের ব্যথা—বুঝতে যদি সে'টি,
এমন ক'রে রইতে নাকো স'রে ।
যে দিকে চাই, কেবল ফাঁকা লাগে,
কাষের মাঝে পাইনে আমি দিশা,
এক নিমেষের কাষ যা ছিল আগে
আজ তাহাতে কাটছে দিবা-নিশা ।
—ছ'টি অখর লেখ ওগো লেখ,
আজকে আমি কি হয়েছি দেখ ।
সারাটি দিন কাটে কিসের টানে,
কি যে ভাবি—নিজেই নাহি বুঝি,
এখন যাহার জলের মত মানে
একটু রাতে তা'রি অর্থ খুঁজি !
কত কি যে ভাবনা এসে পড়ে,
অমঙ্গলের দেখছি ছায়া কত,
কায়া আমার উঠছে কেঁপে ডরে—
ঝড়ের আগে স্তব্ধ পাখীর মত ।
অনেক দিন যে আছি চিঠির আশায়,
অনেক যুগ তা' হচ্ছে আমার মনে ;

সইছি যা' তার কথা নাইক ভাষায়,
অভিমানই জাগছে ক্ষণে ক্ষণে ।
তুমিও আজ গেলে আমায় ভুলে—
এমনতর কেমন ক'রে হ'ল ?
হৃদয় আমার উঠছে ফুলে ফুলে,
কেমন ক'রে রইলে তুমি বঙ্গ ?
পত্র তোমার—পত্র শুধু নয়,
শরীর দিয়ে—হৃদয় দিয়ে গড়া,
আমার সাথে কতই কি যে কয়,
মূর্ত্তি হয়ে দেয় যেন সে ধরা ।
দেখলে তারে, তোমায় পড়ে মনে,
চুষনে তার—চুমি' তোমার মুখে ;
বন্ধে তারে চাপি পরাগপণে—
মনে ভাবি, পেলাম তোমায় বুকে ।
চুমো আমার রইল তোমার তরে,
একটি প্রণাম তুলিয়া লও পার,
ভালবাসা—আমার হৃদয় ভরে—
বাবুক তাহা মনে কোরো—হায় !

—রেণু ।



ধর্মবীর বিবেকানন্দ শক্তিসঙ্গীবনীমন্ত্রে মৃতকল্প হিন্দু-ধর্মকে নবভাবে পুনরুজ্জীবিত করিয়া তুলিয়াছেন—দুর্বল, শক্তিহীন, হীনবীৰ্য্য, চিরপরাধীন হিন্দুজাতির ভিতরে কর্ম-যোগী বীর সন্ন্যাসী আজীবন শক্তিমন্ত্র প্রচার করিয়া গিয়াছেন—এই কথা বন্ধিলে, বোধ হয়, সত্যের অপলাপ করা হইবে না। স্বামীজীর জীবনচরিত ঘাঁহারা পাঠ করিয়াছেন, তাঁহারা অকুণ্ঠিতচিত্তে স্বীকার করিবেন যে, স্বামী বিবেকানন্দ ছিলেন অসামান্য তেজস্বী পুরুষ, অনন্ত শক্তির আধার, অগ্নিমন্ত্রে দীক্ষিত “শক্তি”র উপাসক। “মিন্মিনে পিন্পিনে ঢোক গিলে গিলে কথা কয়, ছেঁড়া গুতা সাত দিন উপবাসীর মত সরু আওয়াজ, সাত চড়ে কথা কয় না”—এই সমস্ত স্বামীজীর ধাতে আদৌ সহিত না, এইগুলিকে “তমোগুণ, মৃত্যুর চিহ্ন, পচা দুর্গন্ধ” জ্ঞানে তিনি বিষবৎ পরিত্যাগ করিতেন।

স্বামী বিবেকানন্দের বিশ্বাস ছিল যে, একমাত্র দুর্বলতাই আমাদের দুঃখ-দুর্গতির মূল। তাই তিনি অহরহ বলিতেন যে, “ক্লৈব্যং মাস্ম গমঃ”, দুর্বলতা—তুচ্ছ হৃদয়-দৌর্বল্য ত্যাগ কর—“নায়মাত্মা বলহীনেন লভ্যঃ।” ধর্মে-কর্মে, আচারে-ব্যবহারে জীবনের যে কোনও কাষে দুর্বলতা জিনিষটা এই বীৰ্য্যবান্ পুরুষসিংহের অতিশয় অপছন্দ ছিল।

“পরিব্রাজক” কিংবা “ভারতীয় সন্ন্যাসী”র ছবিতেও এই শক্তিশালী পুরুষের অমিত তেজ—অনন্ত বীৰ্য্যের যথেষ্ট আভাস পাওয়া যায়। স্বামীজীর সমস্ত মুখাবয়ব এক অপূর্ণ ঐশী শক্তিতে সমুদ্ভাসিত, তীক্ষ্ণজ্বল চক্ৰবর্তন হইতে খর জ্যোতিঃ—দিব্য তেজঃপুঞ্জ বিচ্ছুরিত হইতেছে, বিবেকানন্দের ভিতরের অলৌকিক প্রতিভা, অপরিমেয় বলবত্তা তাঁহার চোখে মুখে যেন ফুটিয়া উঠিয়াছে! স্বামীজীর ছবি দেখিবামাত্রই মনে হয়, যেন এই অসাধারণ পুরুষসিংহের সর্বদা হইতে তেজোধারা ফাটিয়া পড়িতেছে। বস্তুতঃ, এই

জিতেন্দ্রিয় ব্রহ্মচারী আপনার অনন্ত শক্তির পরিমাণ পাইতেন না।

শক্তিমন্ত্রের সাধক স্বামী বিবেকানন্দের বক্তৃতা এবং চিঠি-পত্রের প্রতি ছত্রেও অফুরন্ত তেজ, অদম্য অসীম শক্তির প্রকাশ দেখিতে পাওয়া যায়। “পত্রাবলী”, “পরিব্রাজক”, “প্রাচ্য ও পাশ্চাত্য”, “বর্তমান ভারত”, “স্বামিশিষ্যসংবাদ”, “ভারতে বিবেকানন্দ” প্রভৃতি গ্রন্থ পাঠ করিয়া অতি দুর্বল, ভীরা কাপুরুষও আপনাকে অনন্ত শক্তির আধার, অসামান্য তেজোমণ্ডিত মানুষ বলিয়া মনে করে—মেদিনী কাঁপাইয়া, সদর্পে বুক ফুলাইয়া, চলিবার সাহস লাভ করে। স্বামীজীর প্রত্যেকটি কথার ভিতর এমন প্রেরণা, এমন একটি ঐশী শক্তি আছে যে, তাহা আসিয়া আমাদের অন্তরের অন্তরতম প্রদেশে আঘাত করে, আমরা তাহাতে নব ভাবে অনুপ্রাণিত হই, নব জীবন লাভ করি। বিবেকানন্দের অমোঘ বক্তৃতাতে ধমনীতে যেন উষ্ণ শোণিতধারা প্রবাহিত হয়; আশা, আনন্দ এবং উৎসাহের আবেগে সমস্ত শরীরে রোমাঞ্চ উপস্থিত হয়; একটা স্মৃত্তিক বৈদ্যাতিক শক্তিতে যেন আপাদ-মস্তক আলোড়িত হয়! মানুষকে আর সামান্য মানুষ বলিয়া ভ্রম হয় না। মনে হয়, সে যেন “অমৃতস্ত পুত্র”, “জ্যোতির তনয়”, “ভগবানের তনয়।” স্বামীজীর লেখার এমনই সম্মোহনী শক্তি যে, বিবেকানন্দ-সাহিত্য পাঠ করিয়া স্ববির স্থিতিশীল, “অতীতহীন ভবিষ্যৎহীন আশাভরসামুদ্র” মানুষও অদম্য উদ্বিগ্নে—অসীম উৎসাহে নব বলে বলীয়ান্—নূতন আশার অনুপ্রাণিত হইয়া উঠে।

ইহা অত্যাশ্চর্য বা অতিরঞ্জন নহে। অনেক ক্ষেত্রে এইরূপ ঘটনা প্রত্যক্ষ করা গিয়াছে। স্বামীজীর প্রত্যেক কথাটি হৃদয়ের অন্তস্তল হইতে ধ্বনিত—তাই উহা গান্ধীবীর শরসন্ধানের মতই অমোঘ, অব্যর্থ! স্বামী বিবেকানন্দের বাণী অন্তরে আঘাত

করে নাই, এমত মানুষ আজ পর্যন্ত আমার দৃষ্টিতে
আইসে নাই।

স্বামী বিবেকানন্দ অন্তরে অন্তরে উপলব্ধি করিয়া-
ছিলেন—“নামমায়া বলহীনেন লভ্যঃ।” তাই এই সর্বভ্যাগী
পরিব্রাজক সন্ন্যাসীর মূলমন্ত্র ছিল—“উত্তীর্ণত, জাগ্রত”,
“এগিয়ে যাও, এগিয়ে যাও, পিছন চেয়ো না।” স্বামীজীর
গ্রন্থাবলী পাঠ করিয়া এই ধারণা জন্মিয়াছে যে, কাল-
তেজোমণ্ডিত বিবেকানন্দের শিক্ষা এবং উপদেশের সার
মর্ম হইতেছে,—“বলবান্ হও, বীর্য প্রকাশ কর।”

আমরা দুর্বল—বলহীন বলিয়া আঘাত পাইয়াও সে
আঘাত ফিরাইয়া দিতে অক্ষম। তমোগুণে আচ্ছন্ন হইয়া
আমরা ঐ অসমর্থতাকে ক্ষমা বলিয়া আত্মপ্রবঞ্চনা করি।
তাই স্বামী বিবেকানন্দ বলিয়াছেন যে, “অহিংসা ঠিক
নির্ভের বড় কথা। কথা ত বেশ, তবে শাস্ত বলছেন,
তুমি গেরস্থ, তোমার গালে এক চড় যদি কেউ মারে,
তাকে দশ চড় যদি না ফিরিয়ে দাও, তুমি পাপ করবে।
যে ব্যক্তি তোমার এক গালে চড় দিবে, তাহার দুই গালে
চড় দিতে পারিলে তুমি মানুষ।” এই কথাই তাৎপর্য
হইতেছে যে, দুর্বলেণ্ড ক্ষমা ক্ষমাই নয়, সবলের ক্ষমাই
প্রকৃত ক্ষমা; শক্তিমান্ পুরুষ যাহা করেন, তাহাই শোভা
পায়। স্বামীজী আরও বলিয়াছেন যে, গৃহস্থের পক্ষে
অন্নায় সহ করা পাপ, “তৎক্ষণাৎ অন্নায়ের প্রতিবিধান
করতে চেষ্টা করতে হবে।” “ভগবান্ আছেন—আমি
সহিলাম, ধর্ম্মে সহিবে না”—এই সব ‘শ্রীকামিতে’ স্বামীজীর
আস্থা ছিল না, এই সব ধর্ম্মের ভাণ তাঁহার ‘ধাতে’ সহিত
না, এই সমস্ত ‘বৃজ্জকির’ উপর তিনি হাড়ে চটা ছিলেন।

আমার বিশ্বাস, আমাদের এই লৌকিক ধর্ম্মানুষ্ঠানে
স্বামী বিবেকানন্দের বড় বেশী প্রত্যয় ছিল না। বিবেকা-
নন্দের ধ্যানধারণা ছিল যে, কি প্রকারে ভারতকে উঠাইতে
পারিবেন, গরীবদের খাওয়াইতে পারিবেন, শিক্ষার বিস্তার
করিতে পারিবেন, কি উপায়ে সামাজিক অত্যাচার, অন্নায়,
অবিচার চিরতরে দূর করিতে পারিবেন। তিনি বলিয়া-
ছেন যে, “ভারতমাতা অন্ততঃ সহস্র যুবক বলি চান, মনে
রেখো, মানুষ চাই, পণ্ড নয়,—যাহারা দরিদ্রের প্রতি সহানু-
ভূতিসম্পন্ন হবে, তাহাদের ক্ষুধার্ত্ত মুখে অন্ন প্রদান করবে,
সর্বসাধারণের মধ্যে শিক্ষাবিস্তার করবে, আর তোমাদের

পূর্বপুরুষগণের অত্যাচারে যারা পণ্ড পদবীতে উপনীত
হয়েছে, তাদের মানুষ করবার জন্ত আ-মরণ চেষ্টা করবে।”
তিনি জানিতেন যে, আমাদের প্রাত্যহিক অভাবই এত
ভয়ানক যে, দৈনন্দিন অভাবের চাপে আমরা আর কিছু
ভাবিবার অবসর পাই না। অন্নবস্ত্রের চিন্তা—দারিদ্র্যের
উপর দারিদ্র্য; ধর্ম্মচিন্তার অবসর কোথায়? তাই
স্বামীজী বলিতেন, “যে জাত সামান্য অন্নবস্ত্রের সংস্থান
করতে পারে না, পরের মুখাপেক্ষী হয়ে জীবনযাপন করে,
সে জাতের আবার বড়াই! ধর্ম্মকর্ম্ম এখন গঙ্গার ভাসিয়ে
আগে ‘জীবন-সংগ্রামে অগ্রসর হ’।”

“মহা উৎসাহে অর্থোপার্জন, ক’রে জী-পরিবার দশ
জনকে প্রতিপালন, দশটা হিতকর কার্যানুষ্ঠান করতে
হবে, এ না পারলে ত তুমি কিসের মানুষ? গৃহস্থই
নও—আবার মোক্ষ!” ইহাতে বুঝা যায় যে, আমাদের
লৌকিক ধর্ম্মে ক’রে স্বামীজীর বড় বেশী আস্থা ছিল না।
“দেশশুদ্ধ প’ড়ে কতই হরি বলছি, ভগবান্কে ডাকছি,
ভগবান্ শুনছেনই না আজ হাজার বৎসর। শুনবেনই
বা কেন? আহাম্মকের কথা মানুষই শোনে না—
তা ভগবান্।”

স্বামীজী জানিতেন যে, আমাদের গোড়ার গলদ ঐ
দুর্বলতা। দুর্বলতাই যত পাপের আকর। দুর্বল বলিয়াই
আজ কর্ম্মসংসারে প্রতি পদে আমাদের পরাজয়—এত
লাঞ্ছনা এবং অপমান। এই সংসারে দুর্বল ব্যক্তির কিছুতেই
রক্ষা নাই, সে সবলের কবলে পড়িবেই পড়িবে, প্রবলের
হাতে পথে-ঘাটে লাথিটা-চড়টা ঘুষিটা তাহার যেন প্রাপ্য।
“যোগ্যতমের জয়” এই কথা স্কুলের ছেলেও জানে।
দুর্বলের উপর সবলের অত্যাচার ত অতি স্বাভাবিক,
তাই টিকিয়া থাকিতে হইলে আমাদের এখন শক্তিসম্পন্ন
হইতে হইবে। আমাদের এখন চাই শুধু শক্তির সাধনা—
ভারতবাসী অতি দুর্বল, নিস্তেজ, বীর্যহীন, তাই সমস্ত
ভারত ব্যাপিয়া আবার শক্তির আরাধনা করিতে হইবে;
নতুবা ভারতের কল্যাণকামনা বৃথা—ভিতরের শক্তির
উদ্বোধন ব্যতীত আত্মপ্রতিষ্ঠা হওয়া কিংবা স্বরাজ লাভ করা
আকাশকুসুম—কল্পনামাত্র। দেশমাতৃকা আজ শক্তিসম্পন্ন
অধিমন্ত্রে দীক্ষিত মানুষ চাহেন—এমন মানুষ, যে মনের
বলে যুক্তান্তর অতিক্রম করিতে পারে; যে দেশের ও

দশের মঙ্গলের জন্ত অক্লেশে, অকুণ্ঠিতচিত্তে যত্নমুখে কাঁপ দিতে পারে ; যে স্ত্রীর জন্ত, সন্ত্যের জন্ত, স্বাধীনতার জন্ত জীবন উৎসর্গ করিতে পারে ; যে বুক ফুলাইয়া সদর্পে বলিতে পারে, “সহস্রবার মনুষ্যজন্ম গ্রহণ করিব এবং যদি দরকার হয়, সহস্রবার মানুষের মত প্রাণ বিসর্জন দিব—জন্ম-মৃত্যুকে বিন্দুমাত্র ভয় করি না।” এইরূপ আত্মত্যাগী অগ্নিমন্ত্রে দীক্ষিত এক দল যুবকসম্প্রদায় গঠন করাই স্বামী বিবেকানন্দের মুখ্য লক্ষ্য ছিল।

স্বামী বিবেকানন্দ বলিতেন যে, আমাদের এখন প্রথম এবং প্রধান কায হচ্ছে দুর্বলতা পরিত্যাগ করা—সব ভয়-ভীতি দূর করা। ভয় যখন ভূতের মত ঘাড়ে চাপিয়া বসে, তখন কি আর রক্ষা থাকে ? “ডিভাইনা কমেডিয়াতে” দেখিতে পাই, দাঁতে স্বর্গ-নরক পর্য্যটনের পর্য্যাপ্ত শক্তির অভাব অনুভব করিয়া ভয়ে পশ্চাৎপদ হইতে চাহিতেছেন—ভার্জিলকে বলিতেছেন যে, তাঁহার তেমন কোন পুণ্য নাই, তিনি নিজকে অল্পযুক্ত মনে করেন এবং তাঁহার স্বর্গ-নরক-পর্য্যটন ভুল-ভ্রান্তিতে পর্য্যবসিত হইবে,—

“Consider well, if virtue be in me
Sufficient, ere to this high enterprise
Thou trust me. ..
Myself I deem not worthy, and none else
Will deem me. I, if on this voyage then
I venture, fear it will in folly end.”

আর ভার্জিল আত্মশক্তিতে অবিশ্বাসী ভীকু দাঁতকে উত্তরে বলিলেন যে, তোমার কথার ভাবে বুঝিলাম যে, ভয়েতে তোমার মন আড়ষ্ট হইয়া গিয়াছে,—

“Thy soul is by vile fear assail'd, which oft
So overcasts a man, that he recoils
From noblest resolution, like a beast
At some false semblance in the

twilight gloom.”

স্বামী বিবেকানন্দ বলিতেন যে, ভয়ের মত পাপ আর নাই, ভয়ই সর্বাপেক্ষা কুসংস্কার। এই ভয় মানুষের মনুষ্যত্ব লোপ করে, মানুষকে পশু করিয়া পশু পদবীতে উপনীত করে। তাই সকলের আগে এই ভয়টাকে ভাঙিতে হইবে—উপনিষদের ভাবায় “অভীঃ” হইতে

হইবে। মহাত্মা গান্ধী বলেন যে, এই পৃথিবীতে তিনি একমাত্র ভগবান্ ব্যতীত অন্য কাহাকেও ভয় করেন না। স্বামী বিবেকানন্দও বলিয়াছেন,—

“Believe ! Believe ! Fear not, for the greatest sin is fear. Say not you are weak. The spirit is omnipotent. Say not man is sinner, tell him that he is a god.”

“বিশ্বাস কর, ভয় করিও না, কারণ, ভয়ই হচ্ছে সর্বাপেক্ষা পাপ। তুমি দুর্বল, এ কথা মুখে আনিও না। মানুষের আত্মার শক্তি অনন্ত। মানুষ পাপী, এমন কথা মুখে আনিও না, তাহাকে ডাকিয়া বল যে, সে একটি দেবতা।” “সর্বশ্রেষ্ঠ প্রাণী” মানুষের অন্তর্নিহিত অনন্ত শক্তিতে স্বামীজী কত দূর আস্থাবান্ ছিলেন, তাহা তাঁহার আর একটি উক্তি হইতে বেশ স্পষ্টই বুঝা যায়। বিবেকানন্দ বলিয়াছেন যে, গরু মিথ্যা কথা কয় না, দেয়াল চুরি করে না, তবু তারা গরুই থাকে, আর দেয়ালই থাকে। মানুষ চুরি করে, মিথ্যা কথা কয়, আবার সেই মানুষই দেবতা হয়। স্বামীজী জানিতেন যে, দেবতা নিজকে খাটো করিয়া কখনও মানুষ হয়েন না, মানুষই নিজগুণে দেবত্ব উন্নীত হয় এবং মনুষ্যত্বের উপর এই অগাধ বিশ্বাস ছিল বলিয়া পরাধীন পরপদানত ভারতে আমরণ তিনি “শক্তিমন্ত্র” প্রচার করিয়া গিয়াছেন।

মহাত্মা গান্ধী যথার্থই বলিয়াছেন যে, বিশ্বাস করিয়া ঠকাও ভাল, তবুও অবিশ্বাস করা উচিত নয়—প্রতারণার ভয়ে শেষে আপনার উপরও মানুষ বিশ্বাস হারায়। সন্দেহ, অবিশ্বাস দূর না করিলে, আমাদের ভয়-ভাবনা ইহজীবনে যুচিবে না। আত্মশক্তিতে অবিশ্বাসী হইলে, নিজেদের উপর শ্রদ্ধাসম্পন্ন না হইলে, আমাদের অভাব-অভিযোগ মৌরসী পাট্টা করিয়া চিরতরে বর্তমান থাকিবে। মহাত্মা গান্ধীর মত স্বামী বিবেকানন্দেরও তাই উদ্দেশ্য ছিল—মানুষের অন্তর্নিহিত অনন্তশক্তির উদ্বোধন করা। স্বামী বিবেকানন্দ বলিতেন যে, “আমরা জ্যোতির তনয়, ভগবানের তনয়, অমৃতশু পুত্রাঃ।”

“নামমায়া বলহীনেন লভ্যঃ।”

আমাদের চাই অপরিমিত বল, অক্ষুরন্ত অদম্য শক্তিতে ভয়পূর হওয়া। আপনাকে ভ্রমেও কখন দুর্বল ভাবা

উচিত নয়। যে ব্যক্তি আপনাকে দুর্বল ভাবে, সে যে অতিশয় দুর্বল হইবে, তাহাতে আর আশ্চর্য্য কি? মনীষী টুর্গেনিভ বলেন,—“If you call yourself a mushroom, you must go into the basket.” “যাদৃশী ভাবনা যন্ত সিদ্ধির্ভবতি তাদৃশী।” তাই স্বামীজী বলিতেন যে, যে ব্যক্তি আপনাকে সর্বদা “দাস” ভাবে, স্বয়ং ভগবান্ও তাহার দাসত্ব মোচন করিয়া তাহাকে মুক্তি দিতে পারেন না। বুদ্ধ বা গন্ধীর মতই বিবেকানন্দ বিশ্বাস করিতেন যে, মানুষের মন লইয়াই সব—“আত্মৈব হ্যাত্মনো বন্ধুরাত্মৈব রিপুর্নাত্মনঃ।”

“The mind is everything—what you think you become.”

এই কথা ভগবান্ বুদ্ধদেব হইতে মহাত্মা গান্ধী সকলেই একবাক্যে স্বীকার করিয়াছেন।

আমরা আপনাদিগকে দুর্বল, অক্ষম, অসহায় ভাবি বলিয়া কৰ্ম্ম-সংসারে আজ আমাদের দুর্দশা এবং দুঃখ-দুর্গতির অন্ত নাই। যে ব্যক্তি আপনাকে অধম ভাবে, অসম্মান করে, অল্প লোক যে তাহাকে সম্মান করিবে—এই আশা কি তাহার দুঃখ নহে? উদ্বাহ বামনের এই চাঁদ ধরায় বিশ্বাস করি না। এখন আমাদের সমস্ত দৃষ্টি অন্তর্মুখী করিতে হইবে, আত্মশক্তি উদ্বোধিত করিতে হইবে, আপনাকে আপনার নির্ভরের দণ্ড হইতে হইবে। আপনার অন্তর্নিহিত শক্তির অনন্তত্ব অমুভব করিতে পারিয়াছিলেন বলিয়া, আঁড়াই হাজার বৎসর পূর্বে ভগবান্ বুদ্ধদেব বলিয়াছিলেন,—“হে মানব, তুমি আপনি আপনার নির্ভরের দণ্ড হও, তোমার নির্বাণ তোমারই হাতে, উহার জন্ত অল্প কাহারও দরকার হইবে না।” মহাপরিনির্বাণের সময় প্রধান শিষ্য আনন্দ শোকে অধীর হইয়া বুদ্ধদেবকে বলিয়াছিলেন যে, ভগবান্ তথাগতের অবর্ত্তমানে তাহাদের কি অবস্থা হইবে, ভিক্ষুসঙ্ঘ নেতৃহীন হইয়া পড়িবে, তখন তাহাদের উপায় কি হইবে? উত্তরে ভগবান্ বুদ্ধদেব আনন্দকে ভৎসনা করিয়া বলিয়াছিলেন,—“এ কি কথা বলিতেছ আনন্দ? আমি কখনও মনে করি নাই যে, আমি ভিক্ষুসঙ্ঘের নেতা কিংবা আমাকে উপলক্ষ করিয়া ভিক্ষুসঙ্ঘ প্রতিষ্ঠিত হইয়াছে। তোমরা প্রত্যেকে যে যাহার নিজ পথ অবলম্বন

করিবে, তোমার পথিপ্রদর্শক প্রদীপ তুমি নিজেই; আশ্রয়-শরণ হও, অনশ্রয় হও।”

বৌদ্ধ ত্রিরত্নের সঙ্ঘের সঙ্গে সঙ্গে স্বামী বিবেকানন্দ বুদ্ধদেবের এই আত্মনির্ভরের অমোঘ বাণী আত্মসাৎ করিয়াছিলেন। মহাত্মা গান্ধীও বুদ্ধদেবের এই আত্মনির্ভরের মন্ত্রে অনুপ্রাণিত। গান্ধীজীকে বুদ্ধের অবতার বলিলেও, বোধ হয়, বিন্দুমাত্র অত্যাক্তি করা হয় না। কারণ, এই বৌদ্ধপন্থী মহাত্মার মূলমন্ত্র প্রেম, অহিংসা, সত্য এবং স্বাবলম্বন। মহাত্মাজীও স্বামী বিবেকানন্দের মত পরমুখাপেক্ষিতা দেখিতে পারেন না, পরের গলগ্রহ হইয়া জীবন ধারণ করার অপেক্ষা মৃত্যুকে সহস্রগুণে শ্রেয়ঃ মনে করেন।

মহাত্মা গান্ধী আজ আমাদের “কুদ্র হৃদয়দৌর্বল্য” ত্যাগ করিতে বলিতেছেন। “দুর্বলতাই জগতের যাবতীয় দুঃখের মূল” আর “ভয়ই সর্বাপেক্ষা কুসংস্কার। স্বামী বিবেকানন্দও ত বার বার এই কথাই বলিয়া গিয়াছেন—“ভয়ই পাপের মূল, দুর্বলতা দূর করিতে হইবে। সবল হও, সাহসী হও, এই মুহূর্ত্তে স্বর্গ পর্য্যন্ত তোমাদের করতলগত হইবে।” “যদি তোমরা বাস্তবিক ভগবানের সম্মান বলিয়া বিশ্বাসী হও, তবে কিছুতেই ভয় পাইও না; ভয়ই মৃত্যু; ভয়ই মহাপাতক; কোন কিছুই অপেক্ষা রাখিও না, সিংহের মত কাঁচ করিয়া যাও, চিরজাগ্রত আমরা—আমাদের সমগ্র জগৎকে জাগাইতে হইবে।”

আমরা যে অমৃতশ্রু পুত্রাঃ—জ্যোতির তনয়, ভগবানের তনয়। আমাদের কি অলস কৰ্ম্মবিমুখ হইলে চলে? আমাদের যে কৰ্ম্ম করিয়া গুহুচিত্ত হইতে হইবে, তাই আমাদের আজ অক্লাস্ত চেষ্টা চাই, অসীম যত্ন চাই। একমাত্র উত্তোগের অভাবেই যে মানুষের জীবনটা মাটি হইয়া যায়! “বড় দুঃখ, বড় ব্যথা, সম্মুখেতে কষ্টের সংসার”—তাই বলিয়া বিষাদমলিন ক্লক চিত্তে বিমর্ষভাবে বসিয়া থাকিলে কি লাভ হইবে? মানুষ যদি নৈরাশ্র, অবসাদ সব দূর করিতে না পারে, তবে সে সংসারের সুখ, জীবনের আনন্দ হইতে চিরতরে বঞ্চিত থাকিবে। তাই আজ চাই আশা, উৎসাহ, আর চাই বুকভরা বিশ্বাস। জড়তা ত্যাগ করিতে হইবে—আলস্য ত্যাগ করিতে হইবে। কাষে লাগিয়া গেলেই তবে আশার আলোক-রেখা খুঁজিয়া পাওয়া যায় এবং এই আশার আলোকেই মানুষ সত্যের

সন্ধান পায়, আর নৈরাশ্র-হতাশায় চিন্তায় চিন্তায় মানুষের শরীর ক্ষয় হইয়া যায়, মানুষ জীৱনে কোন শাস্তিই লাভ করে না। তাই নরকের দ্বারে দাঁতে লেখা দেখিয়াছিলেন—
“All hope abandon, ye who enter here”.
সুতরাং স্বামী বিবেকানন্দ সর্বদাই বলিতেন—“বাজে চিন্তা ত্যাগ কর, মহা উৎসাহে উঠে পড়ে কাষে লেগে যা। কাষ কর, কাষ কর, কেবল কাষ কর কৰ্মবন্ধন ক্ষয় হয়ে যাক—বুক বেঁধে কাষে লেগে যা—”

প্রাতঃস্মরণীয় ছত্রপতি শিবাজীর মত স্বামী বিবেকানন্দও মর্মে মর্মে উপলব্ধি করিয়াছিলেন যে, “এই সংসার কৰ্মভূমি, ইহা বিশ্রামের আগারু নহে, কৰ্ম করিতেই মানুষ এই পৃথিবীতে জন্মগ্রহণ করে, কৰ্মকুষ্ঠ অলসের স্থান এই সমরাজন সংসারপ্রাক্ষণে নাই।” মনীষী কার্লাইলের মত এই কৰ্মযোগী সন্ন্যাসীও বিশ্বাস করিতেন যে, “Man is born to expend every particle of strength that God Almighty has given him in doing the work he finds he is fit for; to stand up to it to the last breath of life and do his best.”

তাই এই অলস, কৰ্মকুষ্ঠ, ভাবপ্রবণ, পরাধীন জাতির ভিতর শক্তিমন্তের সাধক কৰ্মবীর বিবেকানন্দ আজীবন কথায় ও কাষে কৰ্মযোগই বহুলভাবে প্রচার করিয়াছিলেন। স্বামীজী জানিতেন যে, আমাদের “হা-হতোশ্বিতে” কোন ফয়দা নাই, আমাদের ক্রন্দন এবং কাতর উক্তিতে কেহ কর্ণপাতও করে না—কত কাল ধরিয়াই ত কাঁদিতে কাঁদিতে শুধু শোকেরই বৃদ্ধি পাইয়াছে। তাই চোখের জল মুছিয়া এখন একবার আত্মশক্তিতে আত্মস্থাপন করা উচিত—আবেদন-নিবেদনের থালা গঙ্গাজলে বিসর্জন দিয়া আপনার মনুষ্যত্বের উপর নির্ভর করা দরকার। মহাত্মা গান্ধীর মত স্বামী বিবেকানন্দও হিমালয় হইতে কুমারিকা পর্যন্ত এই অমোঘ আত্মনির্ভরের বাণী প্রচার করিয়াছিলেন।

বিবেকানন্দ-সাহিত্য মনোযোগের সহিত পাঠ করিলেই আমাদের উক্তির যথার্থ উপলব্ধি হইবে। স্বামীজী বরাবরই বলিয়াছেন যে, আলস্যের—আরামের শয্যা ত্যাগ করিয়া একবার মেরুদেশের উপর ভর দিয়া স্বেচ্ছা হইয়া শুল্ক মাটির পৃথিবীর উপর দাঁড়াইতে হইবে। আজ ১৯১৯

বাহির হইতে হইবে, ‘দেশ-দেশান্তর-মাঝে যার যেথা স্থান, খুঁজিয়া লইতে হইবে করিয়া সন্ধান।’ নিজের পায়ে ভর দিয়া খাড়া হইতে হইবে, ‘খুব পরিশ্রমী এবং কষ্টসহিষ্ণু লোকের দরকার। “ছটোপুটিতে কি কাষ হয়? লোহার দিল চাই, তবে ত লঙ্কা ডিঙ্গুবি? বজ্রবাটুলের মত হ’তে হবে। যাতে পাহাড়-পর্বত ভেদ হ’তে চায়।” আমাদের এখন আবশ্যিক—“লৌহ ও বজ্রদৃঢ় পেশী ও স্নায়ুসম্পন্ন হওয়া”— “Iron nerves with a well intelligent brain and the whole world is at your feet” “বজ্রপেশী এবং লৌহদৃঢ় বাহু চাই”—এই কথা স্বামী বিবেকানন্দ কতবারই না বলিয়াছেন। কারণ, স্বামীজী জানিতেন যে, দেশমাতৃকা মানুষ বলি চাহেন পশু নয়—দর্শনাম্বুন্দর মানুষের মত মানুষ চাই, তবেই সমাজের কল্যাণ ও উন্নতি সম্ভবপর, নতুবা উহা সূদূরপরাহত।

স্বামীজী বলিতেন যে, “বীরভোগ্যা বসুন্ধরা”—এ কথা ঠিক সত্য। বীর হ’, সর্বদা বল “অভীঃ” “অভাঃ” “মা ভৈঃ।” হিন্দুর সর্বশ্রেষ্ঠ গ্রন্থ শ্রীমদ্ভগবদ্গীতাতে আমরা দেখিতে পাই যে, বুদ্ধবিমুখ অর্জুনকে ভগবান্ শ্রীকৃষ্ণ বলিতেছেন—

“হতো বা প্রাপ্শ্বসি স্বর্গং জিত্বা বা ভোক্যসে মহাম্।
তস্মাদুত্তিষ্ঠ কোন্তেষু যুদ্ধায় কৃতনিশ্চয়ঃ ॥”

“আমাদের সম্মুখেও কার্যক্ষেত্র ঐ প্রশস্ত পড়িয়া; সমরাজন সংসারপ্রাক্ষণ এই; যে জিনিবে, সুখ লভিবে সেই।” সুতরাং আমাদেরও জীবন-যুদ্ধে “কৃতনিশ্চয়” হইয়া অগ্রসর হওয়া উচিত।

“রূপাবিষ্ট, অশ্রুপূর্ণাকুললোচন, বিষাদযুক্ত” অর্থাৎ তমোগুণাচ্ছন্ন অর্জুনকে ভগবান্ শ্রীকৃষ্ণ প্রথমেই জিজ্ঞাসা করিয়াছেন,—

“কুতস্তা কশ্মলমিদং বিষমে সমুপস্থিতম্।

অনার্যাজুষ্টমস্বর্গ্যমকীর্তিকরমর্জুন ॥”

এই “অনার্যসেবিত, অধর্ম্য ও অকীর্তিকর” মোহে সময়ে সময়ে আমরাও অভিভূত হই। আমরা মোহাচ্ছন্ন হই বলিয়া এই সংসারটা একটা মায়া এবং মানবজীবনটা একটা স্বপ্ন বলিয়া ভ্রম হয়—তখন আমরা কাতর স্বরে বলিতে থাকি, “বৃথা জন্ম এ সংসারে” “দারা পুত্র পরিবার তুমি কার কে তোমার?” “কা তব কাস্তা কস্তে পুত্রঃ?”

কিন্তু যখনই ক্লৈব্য বা কাতরতা তুচ্ছ করিয়া, ক্ষুদ্র হৃদয়-দৌর্বল্য ত্যাগ করিয়া বীরের মত গাত্রোথান করি, তখনই মনে হয়, “মানবজীবন সার, এমন পাব না আর, বাহু দৃশ্বে ভুল’ না রে মন।” তখনই কবির মত আকুল কণ্ঠে প্রাণের আবেগে বলিয়া উঠি—

“মরিতে চাহি না আমি সুন্দর ভুবনে,
মানুষের মাঝে আমি বাঁচিবারে চাই ॥”

তখন আর ভগবানের নিন্দা করিয়া এবং অদৃষ্টের দোষ ও মনুষ্যজন্মে ধিকার দিয়া, হুঃখবাদীর মত হতাশ অবসন্ন-চিত্তে কাল কাটাইতে পারি না; ভগবানের মঙ্গলময় বিধানে বিশ্বাস আইসে; ঈশ্বর যাহা করেন, সকলই মঙ্গলের জন্ম, এই ধ্রুব বিশ্বাস আমাদের হৃদয়ে বদ্ধমূল হয়।

তাই ভগবান্ শ্রীকৃষ্ণ তমোগুণাচ্ছন্ন অর্জুনকে প্রথমেই বলিলেন—“ক্লৈব্যং মানস গমঃ।”—“ভ্যজ ক্লৈব্য, উঠ পার্থ, তোমারে ত সাজে না ইহা” “ক্ষুদ্রং হৃদয়দৌর্বল্যং ত্যক্তো-ত্তিষ্ঠ পরম্পদ।” কস্ম্যযোগী ধর্মবীর বিবেকানন্দের মতে আমাদের “এখন উপায় হচ্ছে, ঐ ভগবদ্বাক্য শোনা। ‘ক্লৈব্যং মানস গমঃ।’ ‘তস্মাত্ত্মমুক্তিষ্ঠ যশো লভস্ব।’” কারণ, আমরাও এখন সেই রথস্থ অর্জুনের মত ‘কশ্মল’ অর্থাৎ তমোগুণাভিভূত হইয়া আছি—আমাদের হৃদয় দুর্বল—মোহে আচ্ছন্ন, ভয়ে আড়ষ্ট, জড়তা আমাদের প্রতি পদে। আমাদের মত এই রকম নিষ্ক্রিয় ভাব হস্তপদাদিসংযুক্ত মানুষের শোভা পায় না। যে জড়তাবাপন্ন, সে ত জীবন্মৃত, “লৌহভঙ্গ্বেব স্বসন্নপি ন জীবতি।” জড়তা—ক্লৈব্য ত্যাগ করিলে প্রাণ পাইব, সজীব হইয়া উঠিব। তাই শক্তিমন্ত্র-প্রচারক বিবেকানন্দের বাণী ছিল—“উত্তিষ্ঠত জাগ্রত।” “জাগ্রত ভগবান্” নিদ্রিত জড়কে ত চাহেন না। তিনি চাহেন সজীব মুক্তিপথের যাত্রীকে। উপনিষদে বলা হইয়াছে যে, দেবগণ জাগ্রত প্রাণবান্কে চাহেন, শ্রমে অকাতর জাগ্রতকে চাহেন। গীতায় শ্রীকৃষ্ণ তাই অর্জুনকে ক্ষুদ্র হৃদয়-দৌর্বল্যটুকু ত্যাগ করিয়া যুদ্ধের জন্ম রুতনিশ্চয় হইয়া উঠিতে বলিয়াছেন। আমাদেরও মনের দুর্বলতাটা সকলের আগে দূর করা দরকার। বসিয়া বসিয়া ভাবিলে চলিবে না। আমরাও মানুষ, আমাদের হাত-পা আছে, প্রাণ আছে, আমাদের ভিতরেও ভগবানের অনন্ত শক্তি লুকান

আছে, সেই নিদ্রিত কুল-কুণ্ডলিনীশক্তিকে জাগাইয়া তুলিতে হইবে। স্বামী বিবেকানন্দও জানিতেন যে, মনুষ্যজন্ম-লাভের পথ শানিত ক্ষুরধারের ত্রায় হুর্গম—“ক্ষুরস্ত ধারা নিশিতা হুরতয়া হুর্গং পথস্তৎ কবয়ো বদন্তি।” কিন্তু তিনি ইহাও জানিতেন যে, “নান্যঃ পস্থা বিত্ততে অয়নারী” তাই “উত্তিষ্ঠত জাগ্রত প্রাপ্য বরান্ নিবোধত” উপনিষদের এই শক্তিমন্ত্রে স্বামী বিবেকানন্দ শক্তিহীন, হীনবীৰ্য, দুর্বল, চিরপরাধীন হিন্দুজাতিকে উদ্বোধিত করিয়া তুলিতে চাহিয়াছিলেন।

হুঃখের নামে যাহারা ভয় পায়েন না, বিপদকে যাহারা গ্রাহ করেন না, তাঁহারা ই যথার্থ মানুষ। হুঃখ-দৈত্যের দারুণ পেষণেই “কয়লার মানুষ” “হীরার মানুষে” পরিণত হয়। সোনাকে যত আগুনে পোড়ান যায়, ততই তাহা বিগুহ ও উজ্জ্বল হয়। হুঃখকষ্টের ভিতর দিয়াই ত মানুষ প্রকৃত মানুষ হয়। হুঃখ-দৈত্য এবং বিপদ-আপদকে যাহারা তৃণজ্ঞানে পদদলিত করিয়া, অকুতোভয়ে ভবিষ্যৎ আশায় বুক বাঁধিয়া কার্যক্ষেত্রে অগ্রসর হইয়াছেন, তাঁহাদের পদরজেই পৃথিবী পবিত্র হইয়াছে। আর যাহারা আরামের—আলস্যের সুকোমল শয্যায় শুইয়া, দর্পণে আপনাদের চন্দ্রবদন নিরীক্ষণ করিয়া, বিলাসব্যসনের গড্ডলিক-প্রবাহে গা ঢালিয়া মরণের কোলে ঢলিয়া পড়েন, কই, কেহ তাঁহাদের নামটিও লয় না!

সুতরাং স্বামী বিবেকানন্দের উপদেশ অনুসারে আমাদের এখন নির্ভয়ে সম্মুখে অগ্রসর হইতে হইবে, পশ্চাতে চাহিতে পারিব না, কে পড়িল, তাহা দেখিতে যাইব না। নীচতা, হীনতা, সঙ্কীর্ণতা দূর করিয়া—অচলায়তনের গণ্ডী ডিঙ্গাইয়া, উন্মুক্ত নীলাকাশের মত উদার মুক্তির পথে অগ্রসর হইতে হইবে। বিশ্বের রাজপথে নিরুদ্ধেশ যাত্রার নামে শিহরিয়া উঠিলে চলিবে না। সম্মুখে যে মুক্তির রাজপথ উন্মুক্ত রহিয়াছে, অকুতোভয়ে ভগবানের মঙ্গলময় বিধানে বিশ্বাস রাখিয়া তাহাতেই চলিতে হইবে। ভবিষ্যৎ আমাদের হাতে নয়—ফলাফলের বিধান-কর্তাও আমরা নই,—কন্ঠেই আমাদের অধিকার আছে—‘মা ফলেবু কদাচন।’ অগ্রপশ্চাৎ বিবেচনা, ভবিষ্যতে কি হইবে, না হইবে, তাহার ফলাফল গণনার অনেক ঊঁত সুযোগ কিন্তু হেলায় নষ্ট হইয়া যায়। আর ভবিষ্যৎ বাজে চিন্তায় বৃথা কাল কাটান কি বিজ্ঞতার

পরিচয়—যুক্তিতর্কসম্পন্ন মানুষের লক্ষণ? ‘বদর বদর’ বলিয়া জীবনতরী সংসার-সমুদ্রে ভাসাইয়া দিতে যে বিধা-সঙ্কোচ করে, তাহার নৌকাই ত আগে ডুবে। যুদ্ধক্ষেত্রে যে ব্যক্তি প্রাণের মায়ী করে, মৃত্যুভয়ভীত সেই হতভাগ্য কাঁপুরুষই ত সকলের আগে প্রাণ হারায়। বিধাতার এমনই বিচিত্র বিধান যে, মৃত্যুকে যে ব্যক্তি শঙ্কা করে, ভয় করে, মৃত্যু সেই অভাগাকেই সকলের আগে আলিঙ্গন করে। এই সংসার “শক্তের ভক্ত, নরমের ঘম।” ঘাঁহার শক্তি আছে, এই সংসারে তিনিই শ্রেষ্ঠ।

তাই আমাদের এখন শুধু শক্তি সঞ্চয় করা আবশ্যিক। শক্তির সাধনাই আমাদের এখন ধর্ম হওয়া উচিত এবং তাই ধর্ম জিনিষটা হইবে ক্রিয়ামূলক। স্বামীজীর কথায় ধর্মিকের লক্ষণ হইতেছে—সদা কার্যশীলতা। এই ধর্ম কথাটা তাই মীমাংসকদের মতে ব্যবহার করা হইয়াছে। “অনেক মীমাংসকদের মতে বেদে যে স্থলে কার্য্য করতে বলছে না, সে স্থলগুলি বেদই নয়।” এই “ক্রিয়ামূলক ধর্মই” মানুষকে শক্তিমান তেজোমণ্ডিত করিয়া তুলিতেছে। “power belongs to the workers”, ঘাঁহারা কায করেন, প্রকৃত ক্ষমতা তাঁহাদেরই করতলগত। তাই স্বামীজী বলেন, “বুক বেধে কাযে লেগে যা, অনবরত কায কর—কর্মণ্যে-বাধিকারস্তে”—এবং কর্মবীর বিবেকানন্দের অমিত তেজের বিকাশ দেখা যায় কালবৃত্তিতে—কর্মের অটল দৃঢ়তায়। অর্থাৎ কর্মযোগের ভিতর দিয়াই স্বামীজীর শক্তিমন্ত্র সম্যক্ ফুটিয়া উঠিয়াছে। মহাত্মা গান্ধীও কর্মযোগ আশ্রয় করিয়া ভারতে শক্তিমন্ত্র প্রচার করিতেছেন। কিন্তু স্বামীজী এবং মহাত্মাজীর মধ্যে যথেষ্ট পার্থক্য দৃষ্ট হয়—রাজনীতিকক্ষেত্রে তিলক ও গান্ধীর ব্যবধানের মত কতকটা ব্যবধান লক্ষিত হয়। গান্ধী আত্মিক শক্তির (Soul force) উপরই যেন সব জোর দেন—দৈহিক শক্তিকে পাশবিক শক্তি (Brute-force) হিসাবে পরিহার করিতে চাহেন বলিয়া বোধ হয়। স্বামী বিবেকানন্দ কিন্তু এ বিষয়ে অনেকটা তিলকের মত; লোকমাগ্ন ও স্বামীজীর মত অসামান্য তেজস্বী পুরুষ ছিলেন। স্বামীজী তিলকের মত আত্মিক শক্তিকে আমল না দিয়া একটু এড়াইয়া চলিতে চাহিয়াছেন; এবং দৈহিক শক্তিটার উপর স্বামীজী সময় সময় এমন জোর দিয়াছেন যে, তাহাতে উহার প্রতি স্বামীজীর প্রবল টান

অস্বাভাবিক নহে। কালতেজ—রাজসিক ভাব যে স্বামীজীর মধ্যে তিলকের মত প্রবল মাত্রায় বিস্তৃত ছিল, ইহা নিঃসন্দেহ বলিতে পারা যায়। আমার বিশ্বাস, ভক্তিব্যোগ বা জ্ঞানযোগ অপেক্ষা নিকাম কর্মযোগের প্রতি স্বামীজীর বিশেষ টান ছিল। তাই বোধ হয়, প্রাচীন ঋষিগণের প্রার্থনার সঙ্গে স্বামীজীর শক্তিমন্ত্রের বেশ মিল দেখিতে পাই। ঋষিগণ প্রার্থনা করিতেন—

“বলমসি বলং ময়ি ধেহি।

বীৰ্য্যমসি বীৰ্য্যং ময়ি ধেহি।

তোজোহসি তেজো ময়ি ধেহি।

ওজোহসি ওজো ময়ি ধেহি।”

স্বামী বিবেকানন্দের শক্তিমন্ত্র যেন উক্ত মন্ত্র কয়টির প্রতিধ্বনিমাত্র।

ঋগ্বেদের ঐতরেয় ব্রাহ্মণেও স্বামীজীর শক্তিমন্ত্রের পরিপোষক একটি অপূর্ব উপাখ্যান দেখিতে পাই। রোহিত নামে এক নৃপতি পথে বাহির হইয়াছিলেন। পথশান্ত রোহিত রাজা ক্লাস্তির বশে ঘরে কায আছে মনে করিয়া বাড়ী ফিরিতেছিলেন। “সকল অভাবের পূরণকর্তার” কথা তাঁহার মনে ছিল না। তাই দেবতা ব্রাহ্মণরূপ ধারণ করিয়া গৃহগমনোচ্ছত রোহিত রাজার সম্মুখে হাজির হইলেন। ব্রাহ্মণ রোহিতকে প্রতিনিবৃত্ত করিলেন, সম্মুখে অগ্রসর হইতে উপদেশ দিলেন—“হে রোহিত, চলিতে থাক, পথে বাহির হও, গৃহে ফিরিও না।” বার বার রোহিত শ্রান্ত বলিয়া গৃহে ফিরিতে চাহিলেন, বার বার ব্রাহ্মণরূপী দেবতা রোহিতকে প্রতিনিবৃত্ত করিলেন—“হে রোহিত, চিরকালই শুনিয়াছি যে, চলিতে চলিতে যে ব্যক্তি শ্রান্ত হইয়াছে, তাহার শ্রীর—ঐশ্বর্যের আর ইয়ত্তা থাকে না। শ্রেষ্ঠ জনও যদি শুইয়া পড়িয়া থাকে, তবে সে তুচ্ছ হইয়া যায়। যে ব্যক্তি অনবরত চলিতেছে, স্বয়ং দেবতা তাহার বন্ধু হইয়া তাহার সঙ্গে সঙ্গে বিচরণ করেন। অতএব হে রোহিত, যাত্রা কর, পথে বাহির হও, চলিতে ক্লাস্ত হইও না, গৃহে ফিরিবার নাম লইও না।

“হে রোহিত, যে ব্যক্তি বিচরণ করে, শ্রমবশতঃ তাহার দৈহিক কান্তি বিকশিত কুসুমের তায় সুধামায়ী হইয়া উঠে, তাহার আত্মা দিন দিন বৃহৎ হইতে বৃহত্তর হইতে থাকে,

এবং সে নিত্যই বৃহত্তর ফল লাভ করে। যে পথ সম্মুখে নিত্য উন্মুক্ত, সেই পথে যে বিচরণ করে, শ্রমের দ্বারা হতবীৰ্য্য হয়, তাহার সকল পাপ মরিয়া শুইয়া পড়ে। অতএব হে রোহিত, বিচরণ কর, বিচরণ কর।

“কে বলে দেবতা ভাগ্য দান করে? মুক্তপথে যে বাহির হয়, সে নিজের ভাগ্য নিজের হাতে সৃষ্টি করিতে করিতে চলে। কাহার সাধ্য যে, তাহার ভাগ্য স্পর্শ করিবে? যে বসিয়া থাকে, তাহার ভাগ্যও বসিয়া থাকে; যে উঠিয়া বসে, তাহার ভাগ্যও উঠিয়া বসে; যে শুইয়া পড়িয়া থাকে, তাহার ভাগ্যও শুইয়া পড়িয়া থাকে; যে চলিতে আরম্ভ করে, তাহার ভাগ্যও চলিতে আরম্ভ করে। অতএব হে রোহিত, যাত্রা কর, তুমি পথে বাহির হও, চলিতে থাক, তোমার ভাগ্যও চলিতে থাকিবে।

“যে ব্যক্তি মূঢ়, তাহারই নিত্য কলিযুগ। তাহার যুগ যে বাহির হইতে আইসে। যে ব্যক্তি মুক্তপথে যাত্রা করিয়াছে, তাহার কিসের ত্রেতা, কিসের দ্বাপর, কিসের কলি? সে আপনার সত্যযুগ আপনি গড়িয়া লইতে থাকে—

‘কলিঃ শয়ানো ভবতি, সঞ্জিহানস্ত দ্বাপরঃ ।
উত্তিষ্ঠংজ্ঞেতা ভবতি, কৃতং সম্পত্ততে চরন্ ॥’

যে ব্যক্তি শুইয়া পড়িয়া থাকে, তাহার কলিযুগ লাগিয়াই থাকে। যে ব্যক্তি জাগিয়া উঠিয়া বসিল, তাহার দ্বাপর; যে ব্যক্তি উঠিয়া দাঁড়াইল, তাহার ত্রেতাযুগ উপস্থিত হইল আর যে ব্যক্তি মুক্তপথে যাত্রা করিল, সে সত্যযুগ সৃষ্টি করিয়া চলিল।”

ঐতরের ব্রাহ্মণের এই কয়েকটি অগ্নিমন্ত্র আজ ভারতের মগরে নগরে—পল্লীতে পল্লীতে উদ্‌ঘোষিত হওয়া আবশ্যিক। হতাশ, অবসন্ন, বিষাদমলিন, ভবিষ্যৎ আশাভরশাশ্রু ভারতবাসীর আজ এই শক্তিমন্ত্রে দীক্ষা লওয়া ব্যতীত মুক্তিই দ্বিতীয় উপায় নাই।

স্বামীজীর মিশন এবং বেলেড় মঠের প্রতিষ্ঠাতা কৰ্ম্মবীর ধর্মপ্রচারক বিবেকানন্দ ঐতরের ব্রাহ্মণের ঐ অগ্নিমন্ত্রে জন্ম হইতে দীক্ষিত ছিলেন। তাই এই সর্ব্বত্যাগী পরিব্রাজক সন্ন্যাসী আমরণ অক্লান্ত কৰ্ম্মীর অপূৰ্ণ আদর্শ রাখিয়া গিয়াছেন। তাই এই কৰ্ম্মযোগী বীর সন্ন্যাসী অকুণ্ঠিত

চিত্তে প্রচার করিয়া গিয়াছেন যে, “বীরভোগ্যা বহুধরা, বীৰ্য্য প্রকাশ কর, সাম্‌দান ভেদ দণ্ডনীতি প্রকাশ কর, পৃথিবী ভোগ কর, তবে তুমি ধার্মিক। আর কাঁটা-লাধি খেয়ে, চুপটি করে, স্থগিত জীবন যাপন করলে ইহকালেও নরকভোগ, পরলোকেও তাই।” সর্ব্বত্যাগী, সংসারবিরাগী, ব্রহ্মচারী, সন্ন্যাসব্রতাবলম্বী, জগদ্ধিতার সেবাধর্ম্মে উৎসৃষ্ট-প্রাণ, স্বামী বিবেকানন্দের মুখে ভারতের গৃহস্থরা এই সব অদ্ভুত আশ্চর্য্য অভিনব বাণী শুনিয়া নূতন প্রেরণা লাভ করিয়াছে—নবভাবে উজ্জীবিত হইয়া উঠিয়াছে। আজ নানা দেশের নানা জাতির শত সহস্র লোক স্বামীজীর গ্রন্থাবলী পাঠ করিয়া নব ভাবে অনুপ্রাণিত—নব শক্তিতে উদ্বোধিত হইয়া আশা ও উৎসাহে বুক বাধিয়া অদম্য উত্তরে জীবন-যুদ্ধে অগ্রসর হইতেছে।

“পশ্চাতে ফিরিও না, কেবল সাম্নে এগিয়ে যাও।” “ভগবানের মহিমা ঘোষিত হউক, আমরা সিদ্ধিলাভ করিবই করিব। তুচ্ছ জীবন, তুচ্ছ মরণ, তুচ্ছ ক্ষুধা, তুচ্ছ শীত, অগ্রসর হও—পশ্চাতে চাহিও না, কে পড়িল, দেখিতে যেও না, এগিয়ে যাও—সম্মুখে, সম্মুখে।”

“এস, মানুষ হও, মিছেদের সঙ্কীর্ণ গর্ভ থেকে বেরিয়ে এসে বাইরে গিয়ে দেখ, সব জাতি কেমন উন্নতি-পথে চলেছে। তোমরা কি মানুষকে ভালবাস? তোমরা কি দেশকে ভালবাস? তা হ'লে এস, আমরা ভাল হবার জন্য প্রাণপণে চেষ্টা করি, পেছনে চেও না—সাম্নে এগিয়ে যাও।

“হে বীর, সাহস অবলম্বন কর, সদর্পে বল—আমি ভারতবাসী, ভারতবাসী আমার ভাই। বল, মুখ ভারতবাসী, দরিদ্র ভারতবাসী, চণ্ডাল ভারতবাসী আমার ভাই; তুমিও কটিমাত্র বজ্রাবৃত হইয়া সদর্পে ডাকিয়া বল—ভারতবাসী আমার ভাই, ভারতবাসী আমার প্রাণ, ভারতের দেবদেবী আমার ঈশ্বর, ভারতের সমাজ আমার শিশুশয্যা, আমার যৌবনের উপবন, আমার বার্ককোর বারণনী। বল ভাই—ভারতের মুক্তিকা আমার স্বর্গ, ভারতের কল্যাণ আমার কল্যাণ। আর বল দিনরাত—হে গৌরীনাথ, হে জগদম্বা, আমার মনুষ্য দাও; মা আমার হৃৎকলতা কাপুরুষতা দূর কর, আমার মানুষ কর।”

শ্রীকলিঙ্গনাথ ঘোষ।



৯

মাতটি বন্ধু সখ ক'রে মধুপুরে বেড়াতে এসে আজ আড়াই মাস রয়েছেন। নববর্ষ'না এলে নড়বেন না, নূতন হয়ে ফিরবেন, এই সঙ্কল্প। কেবল এক জনের আর নীচু দিকে নাম্বার গা নেই—উঁচু দিকে এগোবারই ইচ্ছা। সকলেই সক্ষমা, কেহ নিষ্ক্ষমা নন। তবে তাঁদের বিচিত্রকর্মাও বলতে পারেন। আবার সমষ্টিভাবে বলতে গেলেও বিশ্-কর্মাও বলা চলে। আজকালের দিনে তাঁরা অস্বাভাবিক কিছু না হলেও, তাঁদের একটা সংক্ষিপ্ত পরিচয় দেওয়া দরকার।

(১) অক্ষয় বাবু,—ইনি গুজরুটী গড়নের ঘন শ্রাম-



অক্ষয় বাবু

বর্ণ লোক। হাত বুলাবার মত ভুঁড়ি 'দেখা' দিয়েছে। পঁয়ত্রিশেই বেশ প্রবীণ। এক মুখ দাড়ি,—এক বুক চুল।

মুরুব্বী ভাবাপন্ন। মাষ্টারী করতেন, অধুনা বেকার। খুব দ্রুত হুকৌধ প্রবন্ধ সৃষ্টি ক'রে মাসিকে দিয়ে থাকেন। সম্পাদক মহাশয়রা "শক্তের তিন কুল মুক্ত" এই প্রাচীন বচনটির সম্মান রক্ষা ক'রে সেগুলিকে First place (প্রথম স্থান) দেন,—যাতে পাঠকরা সহজে টোপ্কে যেতে পারেন। লোকটি কঠা ব্যক্তি।

(২) কোরক রায়,—বয়স বাইশ। তা' হলেও ইনি এক জন প্রাচীন কবি, মেহেতু, স্কুলে যেতেন এবং বেতন দিতেন, কেবল কবিতা লেখবার জন্তে। পাছে মোটা হ'লে চেহা-রার পোইটি নষ্ট হয়, ছুধ-ঘি খান না। সেই কারণে বা "যাদুশী" ভাব-নার আতিশয্যে, দেহটা উর্দ্ধগতি লাভ ক'রে চামর-শীর্ষ দেহদণ্ডে দাঁড়িয়ে গেছে। চাউনিটা ওঁর চেয়ে স্থির হলে এবং কাঁদবার লোক থাকলে, কান্না প'ড়ে যায়। এক পায়ে লপেটা, অন্য পায়ে মাত্র প্রিজার্ভার (অবশ্য সে দিন আমরা যা দেখেছি)।




কোরক রায়

সর্বসাকুল্যে মালুমটি যেন একটি Ladies'umbrella (মেমের ছাতা)। এঁকে দশ জনে দেশ-ছাড়া করেছে। যখন যে বিষয়টি লিখবেন তেবেছেন, আশ্চর্য্য—কেহ না কেহ সেটি লিখে বসে। বাজালা দেশের কবিরা এমনই পরশ্রীকাতর

যে, তাঁর নির্বাচিত ৫৭টি বিষয়ের একটিতেও তাঁকে হাত দিতে দেয়নি! তিনি প্রথম একটি তালিকা দেখিয়ে দীর্ঘকাল ফেললেন,—সকল বিষয়গুলির বৃকেই কালির কসি টানা! তাই দেশ ছেড়ে সাঁওতাল পরগণায় এসেছেন। কাব্য-জগতে তাদের অকৃত্রিম সৌন্দর্যের কিছু রেখে যাবেন। নোট (notes) সংগ্রহ চলেছে। একটু আধটু লেখাও আরম্ভ করেছেন।

(৩) বিমানশর্মা,—গল্প লেখেন। কোন'টাই শেষ করেন না, পাঠকদের উপর ছেড়ে দেন। তাতে দেশের একটা খুব বড় কায় করা হয়। পাঠকদের ভাবতে হয়,—মাথা খোলে। আবার একটি গল্প হাজারো রকমে শেষ হবার সম্ভাবনাও রাখে। তিনিও প্লটের পিভেণ্ডে পরদেশী। জড় করেছেনও অনেক, এখন লিখে উঠতে পারলেই হয়। একটা এমন দিক দেখিয়ে দেবেন, যা আজও অজ্ঞাত। একসঙ্গে ছুটি ফেঁদেছেন; প্রাতে লেখেন—“পাহাড়ী



বিমানশর্মা



অব্যক্তকুমার

ময়না”, রাতে লেখেন—“মহয়ার মধু।” যে সব কথা ব্যাস ছেড়ে গেছেন, ইনি তা উপন্যাসের মধ্যে পূরণ করতে বদ্ধপরিকর।

(৪) অব্যক্তকুমার,—গবেষণা নিয়ে থাকেন। এইমাত্র বৈজ্ঞানিক হ'তে এলেন। দধীচির আশ্রম যে বৈজ্ঞানিকই ছিল, তার প্রমাণও ভাঙে ক'রে ফিরেছেন। বৈজ্ঞানিকের প্রসিদ্ধ “দধিই” তাঁকে প্রথম ইঙ্গিত দেয়। এক্ষণে চিঁড়ার কি চিনির মধ্যে দধীচির “চিঁটুকু আত্মগোপন ক'রে আছে,” তাহাই মাত্র তাঁর প্রতিপাত্ত রয়ে গেছে। তাঁর পকেট থেকে ডজনখানেক ফাউন্টেন পেন্ বেরুলো। সবগুলিই বে-কাম। চিন্তার চোটে অশ্রমক্ষে চিবিয়ে ফেলেন। ওটা অভ্যাসদোষ কি মূর্খাদোষ,—সে সম্বন্ধে তিনি আজও নিজেই নিঃসন্দেহ নহেন।

(৫) বেলোয়ারী বাবু,—স্বরলিপিতে সিদ্ধহস্ত। সম্প্রতি তেলেগু গানের স্বরলিপি নিয়ে পড়েছেন। ক্লারিওনেট বাজান,—এসরাজ শেষ ক'রে বিলিয়ে দিয়েছেন। কেবল হারমোনিয়ম ছোন না,—মেয়েদের জন্তে উৎসর্গ করেছেন। রোগা, লম্বা। শারীরিক সেরা সম্পত্তির মধ্যে মাথায় সেরা ছুই চুল। ডাক্তারদের শঙ্কা, গলাটা যে রকম কুশ—আর কিছু কম ফুট খানেক দীর্ঘ, কেশের ভারে নানা বিজ্ঞায় বোঝাই করা মাথাটা সহসা কোন্ দিন কেহ-চ্যুত হ'তে পারে। টুঁটিটে সিগ্‌ন্যাল পোষ্টের পাখার মত ঠেলে বেরিয়ে আছে। মুখখানা ষোড়ার আভাস দেয়



বেলোয়ারী বাবু

কে হ কে হ
 তাঁকে কিয়র
 ভাবেন, কেহ
 বা হ র গ্রী ব
 'বনে। সমুদ্রে
 জাহাজের মাঙ্গল
 সর্কাগ্রে দেখা
 যা র, তা তে
 না কি প্রমাণ
 হয়—পৃ থি বী
 গোল। তেমনি
 বেলোয়ারী বাবুর
 হুঁটিটা আগে
 দেখা দেয়, তাতে
 ক'রে প্র মা ণ
 হয় — তি নি
 আ স ছে ন।
 শরীরটে সামলে
 নিতে মধুপুরে আসা।



আলেখ্য

(৬) আলেখ্য,—চিত্রশিল্পী। সে এক আঁচড়ে সাঁও-
 তাল পরগণার সজীব নিৰ্জীব ইন্তক মনোরাজ্য ফোটাবে,
 এই সঙ্কল্প নিয়ে বেরিয়েছে।

(৭) কিংগুক,—বড়লোকের ছেলে। কোষ্ঠিতে
 লেখা ছিল—যৌবনের পূর্বেই পূর্ণ ভাগ্যোদয় হবে, তা
 হয়েছে। কোম্পানীর কাগজের সুদে আর বাড়ীভাড়ায়
 এখন তার বাৎসরিক আয় হাজার ষাটেক। কার্তিকের
 মত চেহারা। হাসিটি কিঙ্ক ফিকে। B. Scর (বি,
 এস, সির) মাঝামাঝি—১৪ বৎসরের বাগ্‌দত্তা কস্তুরিকা
 মারা যাওয়ার মোচকে গেছেন। গবাক্ষপথে সন্ধ্যার
 আবছারায় হুঁদিন দেখেছিলেন, আর হুঁ কিস্তিতে সাড়ে
 সাত লাইন (নিক্সিপ্ত) পত্রপ্রাপ্তি। এইতেই তাঁকে
 বৈরাগ্যের পাকে চড়িয়ে দিয়ে কস্তুরিকা চ'লে গেছেন।
 চুপ্‌চাপ্‌ থাকেন, আর বৈরাগ্য মুখস্থ করেন। তবে
 থাকেন খুব ফিটফাট। বৈরাগ্যের বেগ বে দিন প্রবল
 হয়, সে দিন শোক-সজীত লিখে ফেলেন। একশো হল্‌ই
 "শোক-শতক" নামে প্রকাশ করবেন।

তাঁর উল্লেখযোগ্য গুণ ছুটি,—মাংস খুব ভাল রীতিতে
 পারেন, আর গলাটি খুব মিষ্টি। বাগ্‌দত্তা-বিরোগে গান
 বাঁধাটাও এসে গেছে, এটা আকস্মিক ক্ষুরণ। মেয়েমহলে
 "প্রেমের মাষ্টার" ব'লে তাঁর প্রসিদ্ধি। আজ কাল মাংস
 রোধে খাওয়ান, নিজে আর খান না, নিরামিষ ডিমেই
 সেরে নেন। নাকে দীর্ঘ নিশ্বাস, আর বুকে ভিজে
 টোয়ালে—এই নিয়ে থাকেন। গান গাওয়া বন্ধই করেছেন,
 কারণ, অক্ষয় বাবু বলেন,—“তাই, পরিবার ছেলেপুলে
 ফেলে এসেছি, বাড়ীতে বৃদ্ধা মা। তোমার করুণ কণ্ঠে
 বৈরাগ্যের ভাষা দিন দিন আমাদের উদাস ক'রে দিচ্ছে।
 মাহুকের মন না মতি, কোন্ দিন মোরিয়া হয়ে, তাদের পথে
 বসিয়ে দিয়ে বদ্বিনারায়ণের পথ ধ'রে বেরিয়ে পোড়বো ;
 জ্ঞান থাকতে থাকতে তুমি থামো ত' এখনও উপায় হয়,
 ও ভিটে ওড়ানো ভৈরবী আর ভেঁজ না।” তাই তিনি
 বাসায় আর বড় একটা গান না। ক্রমে এখন তাঁর মনের

ভাব দাঁড়িয়েছে—“এসপার
 কি ওসপার!” নয় ততোধিক
 লাভ (তাঁর ধারণা সেটা
 সম্ভবই নয়) না হয় ওপর
 পানে বলে পড়া। তাই সাধু
 খুঁজতে বেরিয়েছেন, এক
 জনের পাতাও পেয়েছেন,
 যাতায়াতও চলেছে।

* * * *

এঁরা যে বাংলাখানি নিয়ে-
 ছেন, সেখানিকে মধুপুরের
 শোভা বলা চলে। সামনের
 বাগানও ফুলে ফুলে হাসছে।
 ফটকে সাইনবোর্ডে আলে-
 খ্যের নিজের তুলিতে লেখা—
 “স গু থি ম ও ল।” পোষ্ট
 আফিসে সেটা জানানো
 হয়েছে। ঐ ঠিকানায় পত্রাদি



কিংগুক

আসে।

প্রত্যেকেই এক একখানি ডায়েরি খুলেছেন। রোজ
 রাত্রে তাতে নিজের নিজের দৈনন্দিন সঙ্করটা সংক্ষেপে

লিখে রাখেন। প্রভাতী চায়ের মজলিসে সে সব শোনাতে হয় এবং তা নিয়ে আলোচনাও চলে। সে আসরে অব-
গুঠন নেই, শিক্ষিতমাত্রেরই যোগ দিতে পারেন।

অক্ষয় বাবুর ধারণা—একত্র এই নোটগুলি যখন—
“সপ্তর্ষিমণ্ডল” নাম নিয়ে, ছাপার অক্ষরে অ্যাণ্টিকে দেখা
দেবে, তখন এর জন্তে জগতে একটা ভীষণ সাড়া পড়ে
যাবে। ইতোমধ্যেই ভিতরে ভিতরে ইংরাজীতে তিনি
তরজমা করে চলেছেন। কারণ, এটা পাবার জন্তে
বিলেতের লোকই বেশী খুঁকবে! যখন বিজ্ঞাপনে দেখবে,
সাত জন শিক্ষিত লোকের বিভিন্ন শিল্পের সার এর মধ্যে
রয়েছে, তখন সাত সমুদ্র পার থেকে তারা হাত বাড়াবে!
বিজ্ঞানের চোখে দেখতে যে তারাই জানে, অথচ আমাদের
লেখার মধ্যে কি থাকে, তা আমরাই বুঝি না। আমরা
যেটাকে দেখি পাটের তাল, তারা সেটাকে দেখে কাশ্মীরী
শাল।

* * *

ডেপুটী স্বর্ণকান্তি বাবু পূজার বন্ধে ভাগলপুর ছেড়ে
মধুপুরে এসেছেন। “সপ্তর্ষিমণ্ডলের” গায়েই তাঁর বাংলা।
সঙ্গে স্ত্রী আর দুই কণ্ঠা। মীরা ম্যাট্রিক পাস করে
I. Sc. (আই এস সি) পড়ছে, ইরাণী, এই বছর ম্যাট্রিক
দেবে। মীরা স্বল্পভাষিনী, লজ্জাশীলা—শাস্ত্রদর্শনী সুন্দরী।
ইরাণী হাশোজ্জল, রহস্যপ্রিয়, দীপ্তিময়ী। ছুটি মেয়েই
সুন্দরী, তবে ভিন্ন প্রকৃতির। এঁরা উন্নতিশীল হিন্দু
পরিবার।

শুনলাম, এঁরা সারতে এসেছেন। দেখলুম, কারুর
চেহারার কোনখানটাই ত সারবার অপেক্ষা রাখে না,
সকলেরই নিখুঁৎ স্বাস্থ্য।

স্বর্ণবাবু বাংলার বারান্দায় বসে স্টেটসম্যানখানা দেখ-
ছিলেন। পাশের ঘরে পত্নী মন্দাকিনী মেয়েদের বল-
ছিলেন—“অত ঘন ঘন যাওয়া আমি পছন্দ করি না,—
তাতে লোকের আগ্রহ জাগে না,—মামুলি আলাপের
আলপো জিনিষ হয়ে পড়তে হয়। ভাবে—আসবেই
অখন। কারুর এ রকম ভাবটা আমি অপমান বলে
মনে করি।”

ইরাণী সহান্তে বললে—“তুমি কি মা! এত কথা

ভেবে লোকের সঙ্গে মেলা-মেশা! আমরা যাই ওঁদের
ডায়েরি শুনতে। মাহুথ ত হুনিয়াময়, কিন্তু ও জিনিষটা
ওই “সপ্তর্ষিমণ্ডলেই” মেলে। তুমি পাগলাগারদ দেখতে
যেতে না?”

মন্দাকিনী বলিলেন,—“এত পরসা ধরচ ক’রে মধুপুরে
আসা ডায়েরি শুনতে!—পুরুষদের কাছে খেলো হ’তে!
ওরা যদি বুঝে ফেলে, তোদের ডায়েরির নেশা ধরেছে,
দেখবি—লেখা দিন দিন দৌড়ে চলেছে, আর তাতে সাত
কুটি মিছে কথা ঢুকেছে। খবরদার, কিসে তোরা খুসী
হোস—সেটা যেন কিছুতে না ধরা পড়ে। তোদের বাবা
আজ্ঞো তা—”

বারান্দায় First class Deputy (প্রথম শ্রেণীর
ডেপুটী) চমকে উঠলেন।

ইরাণী চোখে মুখে টান ধরিয়ে বললে—“তুমি বলো
কি মা,—বাবার মত দেবতার সঙ্গে—”

মন্দাকিনী ধাঁ করে বললেন,—“সীমা জানতে পারলে,
দেবতার দেবত্রেও সীমা এসে যায়। ওঁর উন্নতির পথে
বাধা দেই কেন।”

মীরার মুখে হাসির রেখাটা ভেতর পিঠেই ফুটলো।

স্বর্ণ বাবু হাসির ফিকে আবরণে গাঢ় বিবাদের আভাটা
ঢাকতে পারলেন না। কাগজখানা কোল থেকে পড়ে
গেল।

প্রগল্ভা ইরাণী হাসিমুখে বলে ফেললে—“উঃ, কি দয়া
মা তোমার!” আরও কি বলতে যাচ্ছিল, কিন্তু মায়ের
তীব্র কটাক্ষ তাকে থামিয়ে দিলে। তিনি কঠিন কণ্ঠে
বললেন,—“আখ ইরা—আমি তোমার পেট থেকে পড়িনি!”

ইরাণী গম্ভীর হয়ে বললে—“তুমি কি ক’রে জানলে, মা!”

শঙ্কিতা মীরা বললে—“শুনলে ত,—তুমি আবার
ওর কথায় রাগ করছো! ওর কোন্ কথাটার মাথামুণ্ড
থাকে, মা?”

উন্মুখ হাসিটা চেপে,—মা নরম হয়ে বললেন—“সেটা
কি ভালো,—এখন আর ছেলেমাহুথটি নয়। মেয়েমাহুথের
‘রূপের’ পরেই ‘কথাবার্তা’।”

এই সময় বাংলার সামনে দিয়ে একখানা বেশ বড়
‘বকুমকে সুন্দর মোটর গুরুগম্ভীর রেশ ছাড়তে ছাড়তে
মহুর গতিতে সপ্তর্ষিমণ্ডলে গিরে ঠেকলো।

দেখবার আগ্রহে, তিন মারে ঝিয়ে তাড়াতাড়ি দক্ষিণের
বারান্দায় হাজির হলেন।

মোটর থেকে পরলা নামলেন—আমাদের পরিচিত
মতি বাবু। তাঁর পোষাক-পরিচ্ছদ আজ ভ্রষ্টব্য।

ইরাণী মীরার কাঁধে এক টিপুনি দিয়ে কানের কাছে
বললে,—“তোমার কতি বাবু!”

—“পোড়ারমুখী।”

—“নাম করতে আছে না কি!”

—“দেখ না মা”—



মীরা—ঠাকুর টাকুর হবেন।

ইরাণী—ঠাকুর হবে কেন, (নীচু হুরে) একেবারে
পুরুত সঙ্গে ক'রে এসেছেন।

মীরা মুখ ফিরিয়ে মায়ের ওপাশে গিয়ে দাঁড়ালো।

মন্দাকিনী বললেন—“তোরা ডায়েরি গুন্তে যাবিনি?”

মীরা বললে—“আমি আজ আর যাব না মা।”

মন্দাকিনী—সে কি! যাবে না কেন? যাও—সেই
চাঁপা রংয়ের কাপড়খানা প'রে নাও গে। আর আমার
হার ছড়াটাও গলায় দিও।—তুমি কি পরবে ইরা?

ইরাণী সহজভাবেই বললে—“আমি ত যাব না।
রোজ রোজ যাওয়া আবার কি,—ও আমি পছন্দ করি না।”



মন্দাকিনী—দেখ ইরা, আমি তোর পেট থেকে পড়িনি!

ইরা—কি ক'রে জানলে মা?

তার পর নামলেন—আমাদের নবনী।

মন্দাকিনী ব'লে উঠলেন—“বাঃ—এ ফুটফুটে ছেলোটিকে
ত দেখিনি। মতি বাবুরই কেউ হবে। ওদের বংশই
দেখছি রূপবান্। পড়াশোনা কতদূর কে জানে!”

এইবার বেরলেন আমাদের আচার্য্য। তিনিই মোটর
চালাচ্ছিলেন,—সোফার পাশেই ব'সে ছিল।

মন্দাকিনী—ও মা—ফোঁটাকাটা এ আবার কে?

মন্দাকিনী ইরাণীর মুখে একদৃষ্টে চেয়ে বললেন—“খণ্ডি
মেয়ে বাবা,—আমি বলেছি কি না, ‘পছন্দ করি না।’
বেজায় বাপের ধাতটি পেয়েছে—”

ইরাণী—অর্থাৎ মন্দ। তোমাকে বাপ তুলতে হবে
না ত।

মন্দাকিনী দাঁও ফস্কাতে চান না, মোলারেম মেরে
বললেন—“ও মা, ‘তুই যে ঝগড়া আরম্ভ করলি! ‘আমি

কি কাউকে মন্দ বলিছি, মীরা ? যাবে বই কি—লক্ষ্মীটি, তুমি না গেলে কোন খবরই পাব না। তোর বাপকে বলিস না—মতি বাবুকে আর ওই ছেলেটিকে বেড়াতে আসতে বলেন।”

ইরাণী যাবার তরে প্রস্তুতই ছিল, তাই অল্প হুঁচার কথায় মা'র সঙ্গে মিটমাট হয়ে গেল।

মা বললেন—“ঠিক যে বেড়াতে গিয়েছ—এটা জানতে দিও না। আমাদের গুত্রা বেরালটাকে হুঁদিন দেখতে পাচ্ছি না—তার খোঁজটাও ত নেওয়া দরকার।”

ইরা মা'র অলক্ষ্যে এমন কতকগুলো হাসির রেখা মুখে ফোটাতে, যার অর্থ বাছাই ক'রে বলা কঠিন।

* * * * *

হুই বোনে বেশ-ভূষাটা একটু সেরে নিচ্ছিলো। মীরার কোনও উৎসাহ না দেখে, আর তাকে নীরব দেখে, ইরা বললে—“কানে একটু কম শোনেন, এই ত। তা ত শীগ্গিরই সেরে যাবে বলেছেন। আর না সারলেও আমি ত কোনো ক্ষতিই ভাবি না। আমাদের শাস্ত্র বলছেন—বিবাহ হলেই হুই ঘুচে এক হয়। তবে আবার কতকগুলো নাক-কান নিয়ে কি হবে!”

মীরার কোন কথা গুন্তে না পেয়ে ইরা তার দিকে চাইতেই দেখলে—তার পদ্যের মত চোখ দুটি জলে ভাসছে। সে অপ্রতিভ হয়ে তাড়াতাড়ি—“ও কি দিদি—আমার কথায়”—বলতে বলতে নিজের আঁচল দিয়ে মীরার চক্ষু মুছিয়ে দিতে লাগলো। মীরা তার গলা জড়িয়ে বললে—“তোমার কথায় কি আমি কখনও কিছু মনে করি, ইরা।” এই ব'লে একটি দীর্ঘনিশ্বাস ফেললো।

ইরাণী সমবেদনা অহুভব ক'রে বললে—“মা'র যে কি পছন্দ, জানি না; উনি আড়াইশো টাকা মাইনে, পাঁচশোর গ্রেড, আর এই বয়সেই রায় বাহাদুর হবার আশা আছে শুনে গ'লে গেছেন! মতি বাবু রূপবান্, তা অস্বীকার করছি না।”

মীরা বললে—“কিন্তু ওঁর চোখের মধ্যে একটা কি যে আছে, যা দেখে আমি শিউরে গেছি, ইরা। সে আমি ফাককে ত বোঝাতে পারবো না। আমার কিন্তু—”

ইরাণী মীরাকে জড়িয়ে ধ'রে বললে—“না—না, সে হ'তে পারে না, মাকে বিশ্বাস করতে পারবে না, তাকে,—

না না, সে হবে না। উনি নিজে কথাটা ভুলেছেন বলেই মা'র এত আগ্রহ,—তার সঙ্গে কতটা-গর্কও ফুটেছে। যাক্, তুমি আর ভেব না দিদি,—ও আমি উল্টে দেবো এখন। বাবার কিন্তু সম্পূর্ণ মত নেই, সেটা আমি বুঝিছি।”

মীরা বললে—“ইরা, আমি বাপ-মা'র কাছে লজ্জাহীনা হ'তে পারব না, অবাধ্যও হ'তে পারব না, তাই আমার এত ভয়, বোন্।”

ইরা অভয় দিয়ে বললে—“তোমাকে কিছু করতে হবে না, সব ভার আমার রইলো। চলো—ও-চিন্তা একেবারে মুছে ফেলে দাও। ওখানে কিন্তু আর মিছে সঙ্কোচ-টঙ্কোচ রেখ না, বেশ সহজভাবে থাকবে।”

২০

তারিণী সামস্তর যথাসর্বস্ব ভাহুড়ীমশার পাল্লায় ঝুলছে। তাঁকে সন্তুষ্ট করতে সে সাতসমুদ্রের জল এক ক'রে বেড়াচ্ছে। আচার্য্যের উপদেশমত কোথা থেকে একখানা নতুন মিনার্ভা মোটরও জোগাড় ক'রে দিয়েছে। বৈকালে ভাহুড়ীমশাই সহ মাতঙ্গিনী হাওয়াগাড়ী চ'ড়ে হাওয়া খান।

আজ একটা নতুন যায়গায় বেড়াতে যাবার প্রস্তাব মতি বাবু আচার্য্যের কাছে করেই রেখেছিলেন। সন্তুষ্ট ছিল—ভেজাল না থাকে, অর্থাৎ নবনী। কারণ, সে ছেলেমানুষ, কল-কজাই নেড়েছে, জ্যাস্তো জিনিষের কদর এখনও শেখেনি। মহিলাদের সামনে আমাদের Awkward positionএ (খয়ে বন্ধনে) ফেলে দিতে পারে। তাকে কোন কাষে পাঠিয়ে ওঁরা মোটরে বেরিয়ে পড়বেন, এইটে ছিল মতিবাবুর গড়াপেটা মতলব; আচার্য্যের গোয়েবি চালে সেটা গেল গুলিয়ে।

মাঝ পথে নবনী রথে উঠে পড়লো।

মোটর সপ্তর্ষিমণ্ডলে সাড়া দিতেই ঋষিরা আসন ছেড়ে ধারান্দায় বেরিয়ে পড়লেন। চুলে, চশমায় আর পাজাবীতে যেন বায়স্কোপের একটা খাড়া গুরুপ্ বেরিয়ে এলো। বেথাপ্ ছিলেন কেবল মাষ্টার অক্ষয় বাবু,—এক বুক চুলের ওপর ধপ্ধপে একখানা টার্কিশ টোয়ালে ঝুলছে! তিনি আশ্চর্যান হতেই মতি বাবু পা বাড়িয়ে গিয়ে বন্ধু সর্মাঙ্কের সংবাদ দিলেন। অক্ষয় বাবু সাদরে “আহ্নন, আহ্নন” ব'লে অভ্যর্থনা ক'রে আচার্য্য আর নবনীকে এগিয়ে

নিলেন। ঋষিরা আপোষে হাসির রেখা টেনে স্মিট অমায়িক আওয়াজে,—দালানমুখো ট্যাড়া হাত টেনে “আন্ন” বলে তাঁদের ঘরে তুলে ফেললেন। হল-ঘর হেসে উঠলো।

লম্বা টেবলটার চারদিকের চেয়ারগুলো গা-নাড়া পেয়ে ঘড় ঘড় শব্দে সকলকে স্থান দিলে।

মতি বাবুর সর্বত্রই গভীরতর স্মৃতি থাকায় ঋষিদের সঙ্গেও আলাপ ছিল। তিনিই উভয়পক্ষের পরিচয় ক’রে দিতে লেগে গেলেন।

এই সময় সুবর্ণ বাবু সহ হুহিতাধর—মীরা ও ইরাণী, এসে উপস্থিত হতেই, পাড়াগাঁয়ের প্রাইমারী স্কুলে সহসা যেন ইনেস্পেক্টর ঢুকলেন। চেয়ার ছেড়ে, সব হুড়মুড় ক’রে দাঁড়িয়ে উঠলেন। মতি বাবু তড়াক্ ক’রে তফাৎ হয়ে সুবর্ণ বাবুর পায়ের ধুলো নিলেন। খিতুতে তিন মিনিট কেটে গেল। নবনী চোখ ছুটো লক্ষ্যভেদের চাউনিতে মীরার মুখে স্থির হয়ে উর্কেই আটকে রয়েছে দেখে, মতি বাবুর মুখখানা হঠাৎ বদ রং মেরে গেল। তিনি চাপা গলায় চুপি চুপি আচার্য্যকে বললেন—“আমি কি সাথে বারণ করেছিলুম, দেখছেন একবার নবনী বাবুর ভদ্রতাটা,— ই-কি!”

আচার্য্য ভাবভঙ্গীতে জানালেন—“বড় ভুল হয়েছে, আপনি ঠিকই বলেছিলেন,” সঙ্গে সঙ্গে নবনী আন্তিনটার একটু টান মেরে তাকে অবনীতে নামিয়ে আনলেন।

তখন মতি বাবু আবার তাঁর অসমাপ্ত পরিচয়ের পালা শুরু করলেন। আচার্য্য amendment (সাধের শুছি) এগিয়ে দিতে লাগলেন। নবনী যে রুড়কির নয় পাশ করা এঞ্জিনিয়ার Medalist and Specialist (চাক্তিধারী মাতব্বর) এবং এক জন Research Scholar (চুণ্ডুপহী) তাই চোঁড়াচুঁড়ির কাষে মোটা মাসোহারার তাঁর সরকারী ডাক পড়েছে, ইত্যাদি ইত্যাদি, আচার্য্য বেশ বিজ্ঞাপনের ভাষায় বাতলে দিলেন। তাতে সকলের প্রচণ্ড প্রশংসা আর ধর দৃষ্টি পড়ায় নবনী বেচারার গ’লে যাবার মত অবস্থা হ’ল।

আচার্য্য সেটা বুঝতে পেয়ে বললেন—“বাবাজীর দোষের মধ্যে বড় লাঙ্ক আর তেমনি নন্দ,—আজকালের ভুবড়ি নয়।”

নবনী গৌরবর্ণে গোলাপী চড়ছিল। সে চাপাগলার আচার্য্যকে বললে—“কি করছেন!”

আচার্য্য তার কানের কাছে মুখ নিয়ে বললেন—“তোমার (middle ম্যানি) ঘটকালী!”

“বাঃ বাঃ, এঁরাই দেশের দীপ্তি, বাঃ” ইত্যাদির মধ্যে সুবর্ণ বাবু বললেন—“আমাদের দেখেই আনন্দ।” অক্ষয় বাবু বললেন—“এখানে বড় একটা কারুর সঙ্গে দেখাই হয় না, এক মতি বাবুই দয়া ক’রে আসেন। আজ আপনাদের পেয়ে পরম লাভ মনে হচ্ছে।”

বেলোয়ারী বাবু বললেন—“এও মতি বাবুরই কৃপায়। অতি সজ্জন লোক। ভগবানের কি বিচার, কানে শুনতে পান না, কথাবার্তায় সুখ নেই। ক্যারিওনেটও পৌছায় না, এ কি কম আপশোস!”

আচার্য্য বললেন—“ঠিক কথা, কানে শুনতে পেলে গুর জোড়া মিলত না। যে রকম ভাল লোক, ও সেরে যাবে দেখবেন।”

ইরাণী মীরার দিকেই চাইলে। মীরার তখন প্রতি শিরা-উপশিরা নবনীতে নিমজ্জিত। ইরা মনে মনে চম্কে গেল, বিবাহিত হওয়াও ত বিচিত্র নয়! নিমেষে তার উজ্জল মুখত্ৰী কে যেন মলিন মসলিনে ঢেকে দিলে। সমুজ্জল কক্ষে ল্যাম্পটার শিখা সহসা যেন কে এক প্যাঁচ কমিয়ে দিলে। দিদি কে সাবধান করবার জন্তে সে চুপি চুপি বললে—“ভদ্রলোকের বাছার ওপর বুদ্ধি অমন ক’রে দিষ্টি দেয়!” মীরা কেবল ধীরভাবে চকু নত করলে।

ইরাণী তার দিদি কে উদ্দেশ্য ক’রে বললে—“গুজার খোঁজ নিতে এসে খুব খোঁজ করছি ত!” পরে অক্ষয় বাবুর দিকে চেয়ে বললে—“দিদির গুজাকে এ বাসায় দেখেছেন কি? হু’দিন সে যে কোথায় গেছে, দেখতে পাচ্ছি না, দেখলে অমুগ্রহ ক’রে ধ’রে রাখবেন, না হয় আমাদের খবর দেবেন। তাকে খুঁজতেই এলুম।”

কিংক বললে—“সে কি হু’দিন আসেনি! বলেননি কেন, আগে শুনলে আমরাই খুঁজতুম। আহা, কি সুন্দর দেখতে, তেমনই নন্দ, আর পরিষ্কার-পরিচ্ছন্ন।”

ইরাণী আধো-হুটু হাসিমুখে বললে—“হু’দিন হয়ে গেলে বুদ্ধি আর খুঁজতে নেই?”

কিংক—“না, তা বলছি না। আচ্ছা, আলেখ্য বাবুর

কামরাটা একবার দেখে আসছি; এ বাসায় উনিই ছুঁপোষ্য।

সকলে হাসলেন।

কিংগুক সেই ফাঁকে উঠে গিয়ে ঠোঁত জ্বলে চায়ের জল চড়িয়ে এলেন।

সুবর্ণ বাবু গুভ্রার প্রসঙ্গ বাহাল রেখে বললেন—“তিনি যে যত্নে থাকেন, রোজ সাবান মেখে নাওয়া, গায়ে এসেন্স, আবার বর্ণাভূষায়ী নামকরণও হয়েছে।”

মীরা বাপের উপর রোষ ও নিষেধ-মিশ্রিত আশখানি কটাঞ্চে চাইতেই তিনি হেসে নীরব হলেন।

• আচার্য্য সবিনয়ে প্রশ্ন করলেন—“তিনি মহিলা বুঝি?”
সকলে অবাক হয়ে তাঁর দিকে চাইলেন। ইরা হাদি-চাপা চোখে বললে—“গুভ্রা আমাদের বেরাল!”

আচার্য্য সহজ সুরেই বললেন—“তা ত বঝেছি মা, তিনি মহিলা কি না, তাই জিজ্ঞাসা করছি। দু’দিন সংবাদ নেই, সেটা খুঁই চিন্তার কথা কি না। সম্ভান-সম্ভবা নন ত? গুঁরা আবার অবলা—”

সকলে হেসে উঠলেন। আচার্য্য মৃঢ়ের মত চেয়ে রইলেন।

অক্ষয় বাবু আচার্য্যের কথার ভাব বুঝতে পেরে বললেন—“আপনি ভুল ঠাউরেছেন, গুঁরা সীতার বনবাসের পক্ষপাতী নন।”

আচার্য্য অতি গো-বেচারার মতই বললেন—“কি জানি মশাই, আমি ঠিক স্নেহেলেও নই, আবার একেলেও নই, একেলে কি বিকেলে, তা বুঝতে পারি না; আমার সময়টাও সুবিধে নয়, কলকেতায় তবু পাঁচ জন ব্যারিষ্টার বিনি পয়সায় মেলে—”

অব্যক্ত বাবু গবেষণার বিষয় খোঁজেন, তিনি ক্রুদ্ধের মাত্রাখানটা ছ’আঙ্গুলের টিপে ছেড়ে দিয়েই গম্ভীরভাবে বললেন—“এরূপ আশঙ্কার অবশ্যই কোন গভীর কারণ থাকতে পারে, সেটা চাই কি ভাবনার জিনিষ হ’তে পারে এবং তার মধ্যে কোন সমস্তা আত্মগোপন করেও থাকতে পারে—১৭”

“ইস্—চায়ের জল চড়িয়ে এসেছি যে,” ব’লে কিংগুক গুঁঠবার মুখে সুবর্ণ বাবু তাঁকে থামিয়ে দিয়ে, “এই যে এরা ছুঁজন রয়েছে, আপনাকে আর কষ্ট করতে হবে না, সেটা

কি ভাল দেখায়” বলতেই ইরাণী মীরার হাত ধরে তাকে তুলে নিয়ে পাশের ঘরে চলে গেল।

অব্যক্ত বাবুর বক্তব্য তখনও ফুরোয়নি, তিনি এই ব’লে সেটা শেষ করলেন—“যাক, নবনী বাবুর রিসার্চে হাত দিতে চাই না, তাঁর এখন নবোত্তম, সেটা খেলাবার খেই দেওয়াই ভাল।”

আচার্য্য আশ্চর্য্য হয়ে বললেন—“বাঃ, আপনার উদারতা দেখে মুগ্ধ হলাম। এই ত চাই, দেশে এইটাই হ’ত। ঝাঁ ক’রে কেউ কেড়ে হেলে বসে। দেখুন মা, কোন এক জন লেখক কত ভাবনা, চিন্তা, দর্শন, গবেষণা, (আর লেখক যখন তখন “অনশন” ত ছিলই) এই সব ক’রে কুমারীদের গণ্ডে কোন এক অবস্থায় রাজ্য রংয়ের আবিষ্কার করেন। কোন বিশেষ ভাবের কত ডিগ্রি সংঘর্ষে ঐ রংটা দেখা দেয়, চাই কি তিনি সেটা বার ক’রে ফেলতেন। তাতে ক’রে চাই কি কালে আমাদের ‘কালী’ নাম ঘুচে যেতে পারতো। *কিন্তু মশাই, দেশটি তা নয়, গাজারো লেখক যেন হাঁ ক’রে ছিলেন; ভাবা নেই, চিন্তা নেই, প্রত্যেকের নায়িকা দেখবেন ৫৬ বার লাগ হচ্ছেন! অত ঘন ঘন লালে যে কাল্চে মারে, সে ছুঁভাবনা কারও নেই। এতে এই হ’ল যে, আবিষ্কর্তা আঘাত খেয়ে ‘দূর কর’ ব’লে ঝাটতি থেমে গেলেন, ক্ষতিটি হ’ল দেশের। চাই কি ক্রমের দ্বারাতে ক’রে নীল, সবুজ, ভারোলেটের আভাযুক্ত ঈষৎ পীত প্রভৃতি দেখান ত অসম্ভব ছিল না, বহুরূপীর ত হচ্ছে এবং তাদের I. H. ও (ফার্ন হিটও) বাতলে দিতেন। কেবল পাঁচ জনে ফাঁকা তুরূপ মেরে কি ক্ষতিতে ক’রে দিলে বলুন দিকি। অবশ্য ভাষার দিক থেকে একটু লাভ হয়েছে, সেটা অস্বীকার করছি না। এত কাল কালিমাটাই ছিল, অধুনা “লালিমা” এসেছে। ভাষার শ্রীবুদ্ধিকল্পে ডালিমা কি অ্যাপ্লিমাতেও কারুর আপত্তি নেই, বরং প্রকাশের পথ সুগম হবে।”

অব্যক্ত বাবু হাঁ ক’রে গুনছিলেন। একটা নিখাস ফেলে পকেট-বুকখানা বার ক’রে তাতে “বহুরূপী” কথাটা নোট ক’রে রাখলেন।

সকলে অত্রাক হয়ে আচার্য্যের কথা উপভোগ করছিলেন! * তাঁর অ-মানান মূর্তিটা মণ্ডলের মধ্যে বেশ

বে-মালুম মানিয়েও এসেছিল। নোটাস্তে অব্যক্ত বাবু মাথা তুলে বললেন—“উঃ, আপনি কি চিন্তাশীল!”

আচার্য্য সহাস্তে বললেন—“মা-বাপ ওইটাই দিয়ে গেছেন—ওইতেই বেড়ে উঠেছি। ওটা আমাকে চেষ্টা ক’রে পেতে হয়নি।”

কিংগুক “আসছি” ব’লে চায়ের চত্বরে ঢুকতে গিয়ে দেখেন, “দোনো বহিনই ঘরের পাশে দাঁড়িয়ে!”

“বাঃ, বেশ চা পাকাচ্ছেন ত!”

“হয়ে গেছে। আপনার অপেক্ষাই করছিলুম। ক্ষমা করবেন, হুনিয়ায় আপনার ত আর নিজের জন্তে কিছু করবার নেই, আমাদের হয়ে কাপ আর পিরিচগুলো টেবলে সাজিয়ে দিয়ে যদি সাহায্য করেন। অত লোকের মাঝখানে দিদির হাত-পা আসবে না, সকলের মাথায় মাথায় না বসিয়ে আসেন।”

মীরা বললে—“ওর কথা শুনবেন না; সকলের পাশ দিয়ে হাত বাড়িয়ে বাড়িয়ে ঘোরা আমার কন্ম নয়, দাদা।”

কিংগুক—ঠিকই ত, ভাগ্যিস আমি এলুম।

ইরানী বললে—“তাও ঠিক, আবার আমিও যে খুঁজ-ছিলুম, তাও ঠিক।”

“সেই মহিলাটিকে ত?”

মীরা মুখে আঁচল দিলে, ইরা সহাস্তে মীরার ঘাড় গিয়ে পড়লো।

“উনি কে দাদা, বেশ কথা কন ত!”

“সেটা আমিও ভাল জানি না। কথাবার্তা বেশ, জানা-শোনাও অনেক। চলুন, চা’-টা চ’লে গেলে গলা আরও খুলতে পারে।”

[ক্রমশঃ।

শ্রীকেশবনাথ বন্দ্যোপাধ্যায়।

প’ড়ে বাড়ী

গাঁয়ের শেষে নদীর পাশে ভাঙ্গা কুটারগুলি,
দাঁড়িয়ে আছে জীর্ণ দেহে আধেক মাথা তুলি’।
বাশের খুঁটি বৃষ্টি-ঝড়ে,
লুটিয়ে আছে ধরার ’পরে,
আশে পাশে জম্ছে ধীরে গাঁয়ের কাদা-ধূলি।

২

নয় পায়ের দাগেই গড়া পথের রেখাটির,
ছ’পাশ থেকে দুর্কীঘাসে ফেলছে ক্রমে ঘিরে।
ছয়ার-বিহীন ভাঙ্গা ঘরে,
আপন মনে ছাগল চরে,
ঝিঁঝিঁর ঝাঁঝর উঠছে বেজে নীরব বাতাস চিরে।

৪

হর্ষ-ছথের মিলন-রেখা ধুলায় আছে ছেয়ে,
গৌরবেরি চিহ্ন লুকায় করুণ-চোখে চেয়ে।
আপন জনায় হিয়ায় স্মরি,
নীরব ব্যথায় হৃদয় ভরি,
কুঁড়ের স্মৃতি মিলায় ধীরে বিদায়-গীতি গেয়ে।

৩

ভোরের আলোক না ছড়াতে পূবের গগন-ধারে,
ঘাটটি নদীর আর জাগে না করুণ-ঝঙ্কারে।
শিশুর মুখের কলস্বরে,
ভবন কে আর মুখর করে,
জীর্ণ পুরী জড়িয়ে আছে বিরাট হাহাকারে।

শ্রীমতীপ্রসন্ন চক্রবর্তী।

ভাষার পরপ্রভাব

প্রত্যেক ব্যক্তিরই ভাষা পৃথক পৃথক। কোনও ব্যক্তি-বিশেষের মনোমধ্যে যে ভাবে ভাব-সম্পর্ক হয় এবং যে ভাবে তাহার বাহ্য অভিব্যক্তি হয়, অল্প ব্যক্তির মনে তাহা ঠিক সেইভাবে হয় না। ভাবের সহিত ভাষার যে সম্পর্ক, তাহাতে ভাষাকে ভাবের বাহন বলা যায়। ভাষা বাহিরের বস্তু আর ভাব মানবের মনোরাজ্যে উদ্ভিত ও বিকশিত হইয়া ভাষাকে বিকশিত ও পরিচালিত করে। মানসিক ভাবের বিকাশের সঙ্গে সঙ্গেই ভাষার বিকাশ ও ভাষার বিকাশের সঙ্গে সঙ্গেই ভাব বা চিন্তাবৃত্তির বিকাশ হইয়া থাকে। শিশুর মনোবৃত্তির অল্পরূপই তাহার ভাষা। ক্রমে ক্রমে বয়সের সঙ্গে যেমন তাহার চিন্তাবৃত্তির বিকাশ হয়, সেইরূপ তাহারই সঙ্গে তাহার ভাষার সম্পদও বাড়ে। এখানে মনে রাখিবার কথা এই যে, অল্প লোকের মনোবৃত্তির বিকাশের সহিত শিশুর মনোবৃত্তির বিকাশের কোনও সম্পর্ক নাই। তাহার সমাজের অল্প লোক যেরূপ চিন্তা করিতে বা ভাষার ব্যবহার করিতে পারে, সে সেরূপ পারে না। তাহাকে বাহ্য শক্তিপ্রভাবে সমস্ত শিখিয়া লইতে হয়; বুদ্ধির প্রার্থ্যা ও জড়তা অল্পসারে তাহার মনে জ্ঞান ও ভাষার বিকাশের তারতম্য দেখা যায়। তাহার সমাজে যাহা কিছু থাকুক না কেন, তাহাতে তাহার স্বত্ব নাই। যতক্ষণ না বাহ্য শক্তি শিক্ষার প্রভাবে সে সেই ভাষার অধিকাংশ সম্পদ দখল করিয়া লইতে না পারিবে, ততক্ষণ ভাষা তাহার নহে। এইরূপে প্রত্যেক ব্যক্তির মনের মধ্যে ভাব ও ভাষার বিকাশ হয়। কারণ, এক জনের মনের সহিত অল্প জনের মনের কোনও সম্পর্ক নাই, সে সম্পর্ক কেবল ভাষা-রূপ বাহ্য শক্তির উদ্ভেজনায় জাগিয়া উঠে। সুতরাং সমাজে যত লোক থাকিবে, ততগুলি পৃথক পৃথক ভাষার সত্তা স্বীকার করিতে হইবে। তাহাতেও আবার ভয়ঙ্কর প্রভেদ। একই ব্যক্তি বিভিন্ন সময়ে বিভিন্নরূপে চিন্তা করে ও বিভিন্নরূপ ভাষায়, বিভিন্ন উচ্চারণে তাহার অভিব্যক্তি হয়। এই ব্যক্তিগত ভাষাই প্রকৃত ভাষা। সমাজগত যেমন একটা কোনও মন নাই, সেইরূপ সমাজগত ভাষাও থাকিতে পারে না। কারণ, ভাষার আধার

মন। আর মনের সত্তা সমাজে নহে, ব্যক্তিতে; সমষ্টিতে নহে—ব্যষ্টিতে। সুতরাং কোনও সমাজে ভাষার সংখ্যা গণনা করিতে হইলে ব্যষ্টির সংখ্যা গণনা করিতে হইবে। সমাজগত ভাষা abstraction বা ভাব-নির্কর্ষ, ইহার প্রকৃত সত্তা নাই, অধিকাংশের মধ্যে প্রচলিত ভাষা-সমূহের গড় লইয়া সামাজিক ভাষা কল্পিত হয়।

সুতরাং সমাজে কোন একটা নির্দিষ্ট কালে যতগুলি লোক থাকিবে, ততগুলি বিভিন্নমুখী শক্তি সেই সমাজের সেই কালের ভাষাকে বিভিন্ন দিকে আকর্ষণ করিতেছে বলিতে হইবে। এই বিভিন্নমুখ আকর্ষণ যদি অসংযতভাবে চলিতে থাকে, তাহা হইলে ভাষার একতা-রক্ষা দুর্বল ব্যাপার হইয়া পড়ে। কিন্তু যেমন জড়জগতে, তেমনই অধ্যাত্ম-জগতে প্রত্যেক শক্তিরই এক একটা প্রতীপ শক্তি বর্তমান থাকে। সেই শক্তি ঐ সকল বিভিন্নমুখী শক্তিকে সংযত করিয়া একটা নির্দিষ্ট পথে পরিচালিত করে। এই কারণেই নানা শক্তির আকর্ষণ ও বিকর্ষণের ফলে চন্দ্র, সূর্য্য, গ্রহ, নক্ষত্র আপন আপন নির্দিষ্ট কক্ষ অনন্তকাল বিচরণ করে, কখনও মার্গভ্রষ্ট হয় না। ঘড়ীর মেন্ স্প্রিং ঘড়ীকে চলচ্ছক্তি দান করে, কিন্তু হেয়ার স্প্রিং বা পেণ্ডুলম সেই শক্তিকে সংযত করে। ভাষার বিভিন্নমুখ আকর্ষণও সেইরূপ পরস্পরের প্রভাবে বিকর্ষণ শক্তি প্রাপ্ত হয়। মনুষ্যের উচ্চারণের বিভিন্নতা ও বৈশিষ্ট্য এত বেশী যে, স্বর শুনিয়াই আমরা লোক চিনিয়া থাকি। কিন্তু উচ্চারণের বিভিন্নমুখিতা সেই পর্য্যন্ত কার্যকরী হয়, যে পর্য্যন্ত অর্থবোধে বাধা উপস্থিত না হয়। কারণ, লোক বুঝিতে না পারিলে উচ্চারণ-শক্তিকে এমন কৌশল অবলম্বন করিতে হইবে, যাহাতে সহজে উচ্চারণের সহিত অর্থের সম্পর্ক রক্ষিত হয়। কারণ, তাহা না হইলে তাহার কণ্ঠ চলে না। তাই দশ জনের গড় লইয়া ভাষার একটা সাধারণ লক্ষণ বা Standard ঠিক করিয়া লওয়া সম্ভবপর হয়।

যে কয়জন লোক লইয়া সমাজ, তাহাদের সকলের সমান শক্তি নহে। শিক্ষা ও সভ্যতার তারতম্য অল্পসারে ভাষার উপর ব্যক্তিবিশেষের প্রভাবেরও তারতম্য হইয়া থাকে।

যাঁহারা শিক্ষিত ও সভ্য এবং যাঁহারা রাজনীতিক কারণে শক্তিমান সমাজের অন্তর্গত, অল্প সকলে তাঁহাদেরই অনুকরণ করিয়া থাকে। সভ্যতা বিষয়েও যেমন, ভাষা বিষয়েও তেমনই। আবার যাঁহারা প্রতিভাবান সাহিত্যিক, তাঁহাদের সাহিত্যে ব্যবহৃত শব্দ অশুদ্ধ ও অপ্রচলিত হইলেও নূতন সৃষ্টিক্রমে ভাষার অঙ্গীভূত হইয়া পড়ে। উদাহরণস্বরূপ বলা যায়, বিজ্ঞানাগর মহাশয় বঙ্গভাষায় 'উভচর' শব্দের প্রচলন করিয়াছেন। মাইকেল কবিতা লিখিবার অভিনব রীতির প্রবর্তন করিয়াছেন। 'তারাম্বরী' ও 'খালানী' রীতির সংগ্রামের ফলে বঙ্গভাষা মধ্যপন্থা অবলম্বন করিয়াছে।

ব্যক্তিবিশেষের ঞ্চার স্থানবিশেষও সময়ে সময়ে সমগ্র ভাষার উপর অভিন্ন কারণে প্রভাব বিস্তার করে। নবদ্বীপ শিক্ষার কেন্দ্র ছিল বলিয়া এক দিন নবদ্বীপের ভাষা যেমন সমগ্র বঙ্গভাষার উপর প্রভাব বিস্তার করিয়াছিল, এক্ষণে কলিকাতার ভাষাও বঙ্গভাষার উপর সেইরূপ প্রভাব ও প্রতিষ্ঠা লাভ করিয়াছে। জগতের সর্বত্রই চিরকাল এই ভাবেই ভাষার সহিত ভাষার সংগ্রাম চলিয়া আসিতেছে এবং অনন্তকাল এই সংগ্রাম চলিতে থাকিবে। সুতরাং পরপ্রভাববিহীন ভাষা পৃথিবীতে থাকিতে পারে না। কখন কোথায় কি ভাবে কোন্ মানব কোন্ মানবের সহিত শিক্ষা, শাসন বা বাণিজ্য ব্যপদেশে মিলিত হইয়াছে, তাহা যেমন বলা যায় না, কোন্ ভাষার উপর কোন্ ভাষার প্রভাব কখন কি ভাবে পড়িয়াছে, তাহাও তেমনই বলা যায় না। অথচ এ কথা খাঁটি সত্য যে, পৃথিবীর প্রত্যেক ভাষাই অল্পবিস্তর পরিমাণে পরপ্রভাবে পুষ্ট।

কিন্তু পৃথক্ পৃথক্ ভাষা কি ভাবে পরস্পরের উপর প্রভাবান্বিত হইতে পারে, তাহা ভাবিয়া দেখা আবশ্যিক।

পরভাষার প্রভাবও ব্যক্তিগতভাবে আরম্ভ হয়। কারণ, ব্যক্তিগত সম্পর্ক ভিন্ন অল্প কোনও প্রকার সম্পর্কই প্রকৃত-পক্ষে থাকিতে পারে না। প্রত্যেক ব্যক্তি বা অন্ততঃপক্ষে অধিকাংশ ব্যক্তির মনে পৃথক্ পৃথক্ ভাবে কোনও প্রভাব প্রতিষ্ঠিত না হইলে তাহা বিস্তৃত হয় না। সেইরূপ কোনও প্রভাব বিস্তার করিবার সময়েও প্রথমে একটিমাত্র মনে তাহা উদ্ভিত হয়। অথবা একসঙ্গে একাধিক মনেও এক প্রভাব ফুটিতে পারে। তবে সেই প্রথম উন্মেষিত ভাব পুনঃ

পুনঃ উদ্ভিত ও পর-মনে বিস্তৃত হইলে তবেই তাহা তিষ্ঠিতে পারে। নতুবা অকস্মাৎ একবার আবির্ভূত হইয়া পুনরুদ্ভবের অভাবে তাহা সর্বতোভাবে লোপ প্রাপ্ত হয়।

ভাষায় পরভাষার প্রভাবের পক্ষে সর্বাপেক্ষা অনুকূল অবস্থা তখনই উপনীত হয়, যখন কোনও ভাষাবিশেষের অধিকৃত দেশ বা ভৌগোলিক সংস্থাপনের মধ্যে লোক একাধিক ভাষায় কথা বলিতে পারে। বহু ভাষায় কথা বলিতে পারিলেই সর্বাপেক্ষা অনুকূল অবস্থা উপস্থিত হয়; তবে মাতৃভাষা ভিন্ন অন্ততঃ আর একটি ভাষায় কথা বলিবার মত জ্ঞান না থাকিলে পরভাষার প্রভাব আদিত্যে পারে না। অন্ততঃপক্ষে পর-ভাষা হইতে গ্রহণ করিবার উপাদান সমূহ বুঝিবার শক্তি চাই—তা সম্পূর্ণভাবেই হউক, আর অসম্পূর্ণভাবেই হউক। যদি বাঙ্গালাদেশবাসী পার্শী, ইংরাজী ভাষা কখনও না জানিত, তাহা হইলে বঙ্গভাষায় এই দুই ভাষার উপাদান দেখিতে পাওয়া যাইত না। বঙ্গভাষায় বহু পোর্টুগীজ শব্দ দেখিয়া এককালে বিস্মিত হইয়াছিলাম; কিন্তু যখন জানিলাম, এক কালে বঙ্গদেশের অনেক লোক পোর্টুগীজ ভাষায় কথা বলিতে জানিতেন, তখন বিস্ময় কাটিয়া গেল।

দেশে যখন দ্বিভাষীর সংখ্যা বেশী হয়, তখন ভাষায় পরপ্রভাবের সূত্রপাত হইয়াছে বুঝিতে হইবে। আমাদের দেশের বর্তমান অবস্থাই ইহার পরিচায়ক। এখানে দেশের সর্বত্রই শিক্ষিত সমাজে ইংরাজী কথার বুকনি দিয়াই কথোপকথন চলে এবং কলম ধরিয়া মাতৃভাষায় কিছু লিখিতে গেলে ভাবের ঠেলা থাকিলেও ভাষা সাড়া দেয় না। এইরূপ স্থলে, অর্থাৎ শিক্ষার প্রভাবে যে পরপ্রভাব আমাদের ভাষায় আবির্ভূত হয়, তাহা সাধারণতঃ শিক্ষিত সমাজের মধ্যেই সীমাবদ্ধ থাকে এবং পরভাষা মিশাইয়া মাতৃভাষায় কথা বলা শিক্ষা ও স্বাধীনতার পরিচায়ক বলিয়া গণ্য হয়। কিন্তু পরপ্রভাব শিক্ষিত সমাজে প্রবেশ করিলেই সমগ্র ভাষা ও সমগ্র জাতিকে গ্রাস করিয়া ফেলে। কারণ, সমাজের নিম্ন স্তরের লোক চিরকাল উচ্চ স্তরের আদর্শ মানিয়া চলে।

ভাষায় পরপ্রভাব দুই প্রকারের হইতে পারে;—(১) পরভাষার শব্দ-গ্রহণ, ও (২) নিজ ভাষার উপাদান দিয়া পরভাষার ছাঁচে ভাষার গঠন। শব্দ-গ্রহণ ব্যাপারে পরপ্রভাব প্রণালীর জটিলতা কিছুই নাই। কিন্তু বাক্যযোজনা

প্রণালী গ্রহণ করিবার পূর্বে শিক্ষা ও সভ্যতার দিক দিয়া পরভাষার সবিশেষ সমাদর হওয়া চাই। সাধারণতঃ সাহিত্যের ভাষাতেই এরূপ পরিবর্তন আরম্ভ হয় এবং নিম্ন-শ্রেণীর লোক সেইরূপ সাহিত্যিক রচনার সহিত অপরিচিতই থাকিয়া যায়। কারণ, এই প্রকার পরিবর্তন চিন্তা প্রণালীর পরিবর্তন-সাপেক্ষ, শিক্ষা ও সংস্কার ব্যতীত সে পরিবর্তন হয় না। বহু কালের পর সমাজের নিয়ন্ত্রণেরও এই প্রভাব বর্ত্তিয়া যায়।

পরভাষার শব্দ গ্রহণের পক্ষে সর্বসাপেক্ষা অনুকূল কারণ অভাব বোধ। গ্রহীতব্য শব্দটিতে যে ভাব বহন করে, সেই ভাব প্রকাশ করিবার জন্য শব্দ যদি ভাষায় না থাকে আর সেই ভাব প্রকাশ করিবার আবশ্যিকতা যদি অনুভূত হয়, তাহা হইলে বিদেশী শব্দ ভাষায় গৃহীত হইবেই হইবে। 'টেবিল' 'চেয়ার' 'রেল' 'ইন্ট্রান' 'টিকিট' 'জেল', 'জজ' প্রভৃতি এই শ্রেণীর শব্দ। বিদেশীয় লোক বা স্থানাদির নাম সাধারণতঃ তাহাদের ভাষা হইতেই গৃহীত হয়। উত্তমাশা, লোহিত সাগর, পীত সাগর, কৃষ্ণ সাগর, ভূমধ্য সাগর, মহাবীর সিকন্দর প্রভৃতি কয়েকটি স্থলে ইহার ব্যভিচার দেখা গিয়াছে। কোনও স্থানের নিসর্গজাত বস্তুর নাম সেই বস্তুর সহিত সেই দেশ হইতেই গৃহীত হয়। এইরূপ স্থলে অতি অশিক্ষিত জাতির নিকট হইতে অতি শিক্ষিত ও সভ্য জাতিও শব্দ সংগ্রহ করে। 'আথরোট, আবলুস, আবীর, বেদানা, আঙ্গুর, নাসপাতি, কিসমিস, পেস্তা, মুসকর, মোনকা, সেলেট প্রভৃতি এই জাতীয় শব্দ। বিদেশজাত কৃত্রিম বস্তুর নাম গ্রহণ বিদেশী সভ্যতার অনুকরণ-সাপেক্ষ। ছাট, কোট, পেষ্ট, কটলেট প্রভৃতি এই জাতীয় শব্দ। শিক্ষা ও সভ্যতার উপকরণ সমূহের নাম-গ্রহণ শিক্ষা ও সভ্যতার গ্রহণ না হইলে হয় না। দশন-বিজ্ঞানাদির পারিভাষিক শব্দ এই জাতীয়। ইংরাজী ভাষা ও অন্যান্য যুরোপীয় ভাষায় এই শ্রেণীর বহু গ্রীক শব্দ গৃহীত হইয়াছে। গ্রীস দেশের জ্যোতিষ শাস্ত্রের প্রভাবে আমাদের ভাষাতেও হোরা, হেলি প্রভৃতি শব্দ আসিয়াছে। আবার যখন বিদেশীয় সভ্যতা ও বিদেশীয় ভাষা অত্যন্ত সমাদৃত হয় এবং আভিজাত্যের লক্ষণ বলিয়া পরিগণিত হয়, তখন বিদেশীয় ভাষা হইতে অবাধে শব্দ সংগ্রহ হয়।

বিদেশীয় ভাষার শব্দ গ্রহণ করিবারাই তাহা

ভাষার অঙ্গীভূত হয় না। নূতন সৃষ্টির সময় যেমন বক্তা তাহার বর্ত্তমান মুহূর্ত্তের উদ্দেশ্য দিষ্ট করিবার জন্য নবসৃষ্ট শব্দের ব্যবহার করে, ভাষার মধ্যে সেই শব্দ প্রচার করিবার কোনও উদ্দেশ্য থাকে না এবং কোনও কালে যে সেই নবসৃষ্ট শব্দ ভাষায় সমাদর লাভ করিবে, সে জানও থাকে না, বিদেশী শব্দ গ্রহণের সময়ও তাহাই হইয়া থাকে। কৃত্তিক উদ্দেশ্য-সিদ্ধির জন্য প্রথম বক্তা শব্দটির ব্যবহার করে এবং তাহার পর ভাবপ্রকাশের যোগ্যতার জন্য বহু লোক সেই শব্দের ব্যবহার করিলে তাহা সেই সমাজে মনোভাবপ্রকাশের সাধনরূপে প্রতিষ্ঠা লাভ করে। এককালে বহু ব্যক্তিও নানা স্থানে ক্রমে শব্দটির প্রথম ব্যবহার করিতে পারে। কিন্তু সর্বসম্মত শব্দটি ভাষায় গৃহীত হয় তখন, যখন বহুবারের অধ্যাতসারে ব্যবহারের পর সমাজে তাহার ভাবপ্রকাশের যোগ্যতা অনুভূত হইয়া পড়ে। কেবল তাহা হইলেই হয় না। বিদেশীয় শব্দের উচ্চারণ, যদি দেশীয় উচ্চারণ-পদ্ধতির অনুকূল না হয়, অর্থাৎ যে সকল ধ্বনি উচ্চারণ করিতে তাহারা অভ্যস্ত, তাহা ছাড়া অন্য প্রকার ধ্বনি যদি এই শব্দের উপাদান হয়, তাহা হইলে শব্দটির উচ্চারণ বদলাইয়া যাইবে, ইহাকে দেশীয় উচ্চারণ-পদ্ধতির অনুকূল করিয়া লওয়া হইবে। কারণ, শব্দ উচ্চারণ করিবার জন্য বাল্যকাল হইতে তাহারা বাগ্‌যন্ত্রের যে সকল উপাদানের যে ভাবে সঞ্চালন করিতে শিখিয়াছে, তাহা অভ্যাস হইয়া পড়িয়াছে, তাহা ছাড়া অন্য কোনও প্রকারে বাগ্‌যন্ত্র-সঞ্চালনের নূতন পরিশ্রম কেহ করে না। ভাষা-শিক্ষায় অভ্যাস ত্যাগ করা যায় না। তাহা অভ্যাস নাই, তাহা রসনাও উচ্চারণ করিবে না, শ্রুতিও শুনিবে না। Stupid, School, Glass, Box প্রভৃতি শব্দ বাঙ্গালায় হইয়াছে ইষ্টুপিট, ইস্কুল, গেলাস, বাক্স প্রভৃতি। স্থানবিশেষে মানসিক প্রক্রিয়া-বিশেষের সাহায্যে শব্দটির সংস্কার করিয়া লওয়া হয়; যেমন ফুট পাথর, উডো-প্লেন, শালটন (Santonine) প্রভৃতি শব্দ। কিন্তু যে সকল শব্দের উচ্চারণে বিশৃঙ্খলা বা বিভিন্নতা নাই, সে সকল শব্দের অবিকল উচ্চারণ হয়। রেল, জেল, লাইন, কোর্ট, নোট, ছক, টিন, পিন ইত্যাদি শব্দ এই জাতীয়। কিন্তু এখানেও যতি বা স্বর-গত প্রভেদ স্থানে স্থানে হইয়া পড়ে। একই দেশের প্রাচীন ভাষার শব্দ আধুনিক ভাষায় গৃহীত হইলেও তাহার ধ্বনিগত

পরিবর্তন হয়। তাই আমার ভাষায় সংস্কৃত শব্দের দৃষ্ট্য সকারের উচ্চারণ তালব্য শকারের দ্বায় হয়।

প্রত্যেক ভাষাতেই কালক্রমে শব্দের ধ্বনিগত পরিবর্তন হয়। পরভাষা হইতে গৃহীত শব্দও এই প্রাকৃতিক পরিবর্তন এড়াইতে পারে না। সুতরাং শব্দের উচ্চারণ লক্ষ্য করিলে অনেক সময় আমরা পরভাষা হইতে ঐ শব্দটি গ্রহণের কালনির্ণয় করিতে পারি। 'স্তম্ভ' 'স্তবক' প্রভৃতি সংস্কৃত শব্দের স্থানে যখন বঙ্গভাষায় 'থাম,' 'থোপ' প্রভৃতি শব্দ পাওয়া যাইবে, তখন স্বাভাবিক অনুমান এই হইবে যে, যে কালে প্রাকৃত ভাষায় উয় বর্ণের লোপে স্পর্শবর্ণের মহাপ্রাণতা হইত, সেই যুগের সৃষ্ট শব্দ এগুলি। কিন্তু স্পষ্ট, দর্শন, স্পর্শ প্রভৃতির স্থানে যখন পষ্ট, দরশন, পরশ প্রভৃতি পাইব, তখন বুঝিব যে, এ সকল শব্দের সৃষ্টি অন্ত্র যুগে বা অন্ত্র স্থানে হইয়াছে। স্পর্শ স্থানে 'আস্পর্শ' অতি আধুনিক। স্নেহ স্থানে নেহ, নেহা ও লেহা এই তিনটি শব্দ ধ্বনিব্যত্যয়ের তিনটি যুগের সাক্ষী।

পরভাষা হইতে শব্দ গৃহীত হয় বটে, কিন্তু প্রত্যয় গৃহীত হয়। সমগ্র শব্দ নূতন ভাষায় সংক্রমিত হয়। তবে যদি এক প্রত্যয়বিশিষ্ট বহু শব্দ ভাষায় গৃহীত হয়, তাহা হইলে স্বাভাবিক উপায়ে গঠিত শব্দসমূহের দ্বায় তাহাদের প্রত্যয়টিরও একটি অর্থ দাঁড়াইয়া যায়। তখন ঐ প্রত্যয়-যোগে ভাষায় নূতন নূতন শব্দের সৃষ্টি হয়। আমাদের

ভাষায় গুণবাচক বিশেষ্যের প্রত্যয় 'ই' বা 'আই' এই ভাবে পারশ্ব ভাষা হইতে আসিয়াছে। নবাব, বদমাইসি, জমীদারি, দোকানদারি প্রভৃতিতে এবং ডাক্তারি, ব্যারিষ্টারি প্রভৃতিতে ঐ 'ই' প্রত্যয় চলিয়াছে। এইরূপ 'বালাই' প্রভৃতির অল্পকরণে 'ভালাই', 'বামণাই' 'খাড়াই', 'লম্বাই' প্রভৃতি চলিয়াছে। পারসী ভাষার আরও অনেক প্রত্যয় বঙ্গ-ভাষায় আছে। কিন্তু ইংরাজী ভাষার প্রত্যয় নাই। ভাল - ness, শিশু—hood, জমীদার—dom, চলে নাই। দুইটি ভাষার ভৌগোলিক সংস্থাপন যদি পাশাপাশি হয় আর সেই দুই জাতির মধ্যে ঘন ঘন মেলা-মেশা চলিতে থাকে, তাহা হইলে দুইটি ভাষাই পরস্পরের প্রভাবে প্রভাবিত হয়। হয় ত উভয় জাতিই পরস্পরের ভাষা শিখিয়া ফেলে। কিন্তু স্ব স্ব উচ্চারণভঙ্গী কেহই ত্যাগ করে না। সাঁওতালরা বাঙ্গালা শিখিলেও তাহাদের উচ্চারণবৈশিষ্ট্য ত্যাগ করে না। যেখানে দুইটি ভাষাই এক মূল ভাষা হইতে উদ্ভূত, সেখানে উভয় ভাষার মধ্যে প্রভেদ ক্রমশঃ সঙ্কীর্ণ হইয়া পড়ে। আর যদি সভ্যতার উৎকর্ষ প্রভৃতি কোনও এক ভাষাকে গ্রাস করিয়া ফেলিতে পারে, তবে একটা মিশ্রিত ভাষা একরূপ ভাবে উৎপন্ন হয় যে, তাহাতে উচ্চারণবৈশিষ্ট্য দুই প্রকার থাকে। আবার কখনও বা একটা সাহিত্যিক সাধারণ ভাষা আবির্ভূত হয়, যাহা ঐ ভৌগোলিক সংস্থানের কোনও অংশেই কণিতভাবে প্রচলিত থাকে না।


• শ্রীবসন্তকুমার চট্টোপাধ্যায়।

অভিনেতা

তোমারে চিনিবে কেবা চির-ছদ্মবেশী,
লুকাইয়া থাক চারু কাব্য-ইন্দ্রজালে,
তরুণ যুবাব রূপ ধর বৃদ্ধকালে,
কখন মহেন্দ্র সাজ, রম্ভা মিশ্রকেশী
উর্ধ্বশীর সহ নত তব পদতলে।
নবরসসিদ্ধ সুখী, কভু কাঁদ শোকে,
কভু ধ্যানমৌন ঋষি স্তব দেবলোকে,
মুখর প্রণয়লাপে, প্রিয়া-বন্ধুঃস্থলে।

কভু হান্তরসময় সরস বচনে,
হর্ষের হিলোল তোল বিষম হৃদয়ে,
খেল মিথ্যা সুখ-হুঃখ প্রেম-হিংসা লয়ে
ভাব-প্রতিবিম্ব ভাসে শ্রীমুখ-দর্পণে।
কবির হৃদয় তুমি—তোমার কোশলে,
কুটে নাট্য কলা-চিত্র নিত্য রঙ্গস্থলে।

মুনাজ্জনাথ ঘোষ।



গজুর ভজন

গজুর মাসীর ছেলে-মেয়ে কিছুই হয় নি, আর হ'লেও তাদের ঘরে আপনাদের বা আমার কুটুম্বিতা করবার যখন কোনোরূপ সম্ভাবনা হবার কথা নয়, তখন তার কুলুজী ঘেঁটে কোনও ফল নেই।

পার্করণ চৌধুরীর জীবদ্দশায় তার সঙ্গে তারিণী ঠাকুরগণের মন্ত্রপড়া গাঁটছড়া বাঁধা হয়েছিল কি না, এ কথা নিয়ে লোকে কানাকানি করলেও পাশাপাশি পড়শী, সমব্যবসায়ী বাসনবিক্রেতাগণ, এমন কি, ঠাকুরগণের গঙ্গান্নানের আলাপী মেয়েরা পর্যন্ত তাঁর চরিত্রে কোনো খুঁৎ ধরতে পারে নি; বরং “মাগী যে মিন্বেকে খুব যত্ন করে”, এ কথা বেমল্ বান্নী, ভবির পিসী, যাছ ঠাকুরগণ, ঝি-মণি প্রভৃতি পাড়ার ও গঙ্গার ঘাটের জগদ্বিখ্যাতা ‘সমা লোচিকারা’ পর্যন্ত বলতে বাধ্য হ'ত। বিশেষতঃ পার্করণ কাঁসারির (বাসন বেচে লোকটি এই উপাধি পেয়েছিল) শেষ রোগশয্যায় তারিণী দাসীর সেবা দেখে পাড়ার মেয়েদের মধ্যে অনেকেই এ কথা বলেছিলেন যে, ‘মাগী কেবল টাকাগুলি ফাঁকি দিয়ে লিখিয়ে নেবে ব'লেই এই তিন চার মাস ধ'রে রক্ত-পূঁয় ঝাঁটছে, আর খাওয়া-নাওয়া ছেড়ে মিন্বের ঐ ওষুধের দুর্গন্ধভরা ঘরে দিনরাত প'ড়ে আছে, নইলে অত ক'রে আপনার হাতে কে আবার সোয়ামীর সেবা করতে যায়, টাকা ত আছে, ছুটো নোক রেখে দিলেই পারে।’

এই সার্টিফিকেটের অকাট্য প্রমাণ ও অপর কোনো জ্ঞাতি আদির আপত্তি-নামার দাখিল না হওয়ায় রাজু মোক্তারের সাহায্যে চৌধুরীর সমস্ত সম্পত্তির প্রোবেট প্রার্থনাকালে তার উত্তরাধিকারিণীকে বেশী বেগ পেতে হয় নি। ••

এই অপরিচিতা নারীর অকস্মাৎ এতটা বিভব লাভে পাঁচ জনে বেশী অশ্চর্য্য হ'ল না বটে, কিন্তু একটা “কে জানে কোথাকার কে” মেয়েমানুষের ভাগ্যে, এক বেচারীর

এত কালের গতরখাটানো টাকাগুলো গিয়ে পড়লো দেখে অনেকের মনেই বিধাতার সুবিচার সম্বন্ধে যেটুকুও সন্দেহই ছিল, তা দূর হয়ে গেল।

পাড়াপড়শী মেয়ে-ছেলেরা, যারা ছ' পাঁচ জন তারিণীর বাড়ীতে বেড়াতে টেড়াতে অসা-যাওয়া করতো, তারা আসা বন্ধ ক'রে দিলে। হাতের শাঁখা খুলে, খান প'রে তারিণী গঙ্গা নাইতে যায়, ধর্ম্মপ্রাণ অন্ন মেয়েরা তার পানে চেয়ে মুখ ফিরিয়ে নেয়। বৈকালে ষষ্ঠীতলার চাতালে ব'সে যখন হর চক্রবর্তী, সিধু পোড়েল, নেতা হালদার, পাঁচু পাল প্রভৃতি শৈবগণ বাবাকে তুরিতানন্দ নিবেদন ক'রে জ্ঞান, তখনও কাঁসারি ‘মাগীর দেমাক্, অজ্ঞার, শুচিবাই’ প্রভৃতি বহুবিধ সদৃশ্যের উল্লেখ করেন। কেবল চন্নন বষ্টুমী তারিণীকে ত্যাগ করলে না, বরং সে আগে সময় সময় এসে চালটে-ডালটে বড়িটে-বেগুণটা, হ'ল ছ' আনা এক আনা পরমাণু নিয়ে যেতো, আর চৌধুরীর ব্যামোর সময় মাঝে মাঝে ব'সে তারিণীর সঙ্গে রাতও জেগে গিছলো, এখন সে দিনের বেলা এ-দোর-ও-দোর ঘরে বেড়ালেও রাত্রিতে তারিণীকে আগলাবার জন্তে তারই বাড়ীতে এসে শুতো।

বিধবার আচার ধ'রে তারিণীর প্রায় বছরখানেক কেটে গেছে; চন্নন ঝাখে, তারিণীর মুখখানা যেন ক্রমে বেশী গোল হয়ে দাঁড়াচ্ছে, ঠোঁট দুখানা যেন মুড়ে আসছে, চোখের আলসীতে যেন একটু একটু চিতে ধরছে, সামনের চুলগুলো যেন তাড়াতাড়ি বেশী পাকছে; যা খোরাক ছিল, তার অর্ধেকও এখন আর নেই; বোষ্টুমীর প্রাণে কেমন একটু খটকা লাগলো।

এক দিন একাদশী; তারিণী করেছেন নির্জলা উপোস, আর চন্নন খানিকটে সাবু বেটে নিয়ে তাইতে খান্ আষ্টেক কুটি গ'ড়ে একটু একো শুড় দিয়ে খেয়ে ছ'জনে একঘরে শুয়ে আছে, তারিণী তক্তাপোষের ওপর, চন্নন নীচে একটা বিছানা পেতে।

চন্দন। দিদি, ঘুম আসছে না ?

তারিণী। না ; রাত এখনও বেশী হয় নি।

চন্দন। ও মা, সে কি, শয়ন-আরতির শাঁখঘণ্টা কখন বেজে গেছে, শুন্তে পাও নি ?

তারিণী। কে জানে, এদানী আমার সকাল সকাল ঘুম আসে না।

চন্দন। তা বুঝতে পারি ; রাত্তির চারটের সময় ঘুম ভাঙলে আমি যখন মনে মনে “নাম” করি, তখনও বুঝতে পারি যে, তুমি জেগে আছ।

তারিণী। চন্দন, যদি কথা তুলি ত বলি ; আমি যেন ঘুমিয়েই পড়েছি, আর বেশী ঘুমোবো কি, তাই শরীরটে যেন ছটফট করে।

চন্দন। তা হবে না, অত বড় শোকটা লাগলো।

তারিণী। শোক—হ্যা—তা—শোক বটে, কিন্তু শুধু তার জন্তে নয় বোন ; এই ধনকড়ি হাতে এসে আমার যেন এক জ্বালা হয়েছে।

চন্দন। ও মা, সে।ক গো, ট্যাকাকড়ি থাকলে ত লোকের বুক আরো দশহাত হয়।

তারিণী। চোখে দেখতে পাস না, তিনি গিয়ে অবধি কেউ আর আমার বাড়ী মাড়ায় না, ঘাটে গেলে পাঁচ জন মেয়ে যেন নাক সিঁটকে স’রে যায় ব’লে আমি গঙ্গা নাওয়া এক রকম ছেড়ে-ই দিয়েছি।

চন্দন। সে হিংসেয় দিদি, সে হিংসেয়। মরুক গে না পোড়া লোকে হিংসে ক’রে জ’লে পুড়ে, তোমার তাত কি ?

তারিণী। এ ট্যাকা নিয়ে আমার লাভ কি, পাঁচ জনের মল্লি কুড়ানো বই ত নয় ; আমি ম’লে এ সব ভোগ করবে কে ? কোনো কুলে কেউ নেই।

চন্দন। কেউ নেই, দিদি ?

তারিণী। সে না থাকারই মধ্যে ! একটা ভাই ছেল, একবার শুনেছিলুম সে না কি কল্কেতায় এসে থাকে, আর দিদি একটা ছেলে রেখে ম’রে গেছলো, তা আছে কি না কে জানে।

চন্দন। কিন্তু এক জন ত আছে—

তারিণী। এক জন ? কে সে ?

চন্দন। ভগবান ! আমি বলি, দিদি, তুমি বোষ্ট ম

হও, বাড়ীতে একটি ঠাকুর পিতিষ্ঠে কর, তাঁর পূজা আচ্ছার কাষে অল্পমনস্ক থাকবে, আর দশ জন গোসাই বোষ্টুমের সেবা ক’রে ট্যাকারও সার্থক হবে।

তারিণী কোনো উত্তর করলে না, চোখ বুজে শুয়ে রইলো।

* * * * *

প্রায় দেড়শত ঘর ধনবান্, সঙ্গতিসম্পন্ন ও মধ্যবিৎ অবস্থার শিষ্য-শিষ্যার নামের ফর্দ, পাঁচ ছয়খানি ভাড়াটিয়া বাড়ী এবং নগদও প্রায় চল্লিশ পঞ্চাশ হাজার টাকা রেখে পিতা গোষ্ঠবিহারী গোস্বামী মহাশয় স্বধাম প্রাপ্ত হবার পর ব্রজগোপাল দিন কতকের জন্তে খুব বাবু হয়ে ওঠে। কল্কেতায় খাসা বাসাবাড়ী, গোসাহবর্ষাসা জুড়ী গাড়ী, নেশার ছড়োছড়ি আর এ-দোর ও-দোর মাড়ামাড়িতে নগদ টাকাগুলি বছর তিনেকের ভেতর নিঃশেষ হয়ে গেল। তার ওপর যখন দেড়াবাড়িতে লেখা পাঁচ সাত হাজার টাকার মাড়োয়ারী ছণ্ডির আখেরি দিন ঘুনিয়ে এল, তখন পূর্বপুরুষের পুণ্যে ও শ্রীশ্রীমহাপ্রভু শ্রীচৈতন্য-দেবের কৃপায় ব্রজগোপালের চৈতন্য হ’ল।

শিষ্যসেবকদের স্মরণ ক’রে গোস্বামিস্মৃত ছোট ক’রে চুল ছেঁটে, টিকি রেখে, গোক কামিয়ে, সাদা ধুতি, পিরাণ, উড়ুনি ও প্যানেলা জুতোর সরঞ্জামে নবদ্বীপের ধন নবদ্বীপে ফিরে গেলেন। সেখানে মাসখানেক বেশ ভালভাবে থেকে পৈতৃক ভঁদ্রাসনে প্রতিষ্ঠিত শ্রীশ্রীনিতাইচৈতন্যবিগহের সেবায় সম্পূর্ণ মনোনিবেশ প্রভৃতি নানারূপ সদাচারের কার্য ক’রে আত্মীয় প্রতিবাসিগণকে ভাল ক’রে সম্বুধি করলেন, পরে চার জন ছড়িদার ও ছ’জন পরিচারক সঙ্গে প্রভু প্রবাসে বহির্গত হলেন। অধিকাংশ ধনবান্ শিষ্যের বাড়ী পূর্বাঞ্চলে—শ্রীহট্ট, ঢাকা, ময়মনসিংহ, করিদপুর, পাবনা প্রভৃতি স্থানে ; বাকুড়া, বীরভূম, মুরশিদাবাদ অঞ্চলেও ভাল ভাল শিষ্য ছিল ; সুতরাং সকল স্থান ঘুরে আসতে গোস্বামী মহাশয়ের এক বৎসরের অধিক সময় লাগলো।

বাল্যকালে ব্রজগোপাল বাড়ীতে সংস্কৃত ও স্কুলে কিছু ইংরাজী অধ্যয়ন করেছিল, প্রবাস হ’তে ফিরে আসবার পর থেকে গোস্বামী অধিকাংশ সময় পণ্ডিতদের নিয়ে শাস্ত্রাধ্যয়ন ও আলোচনা করতেন ; অনেক টোলেও

ব্রাহ্মণদের মাসিক কিছু কিছু বৃত্তিও দিতেন। তাঁর মুখে নবদ্বীপের মাহাত্ম্য শুনে অনেক পূর্বদেশীয় ধনী শিষ্য মাঝে মাঝে নবদ্বীপ দর্শন করতে আসেন এবং সাত আট জন মহাজন ঐ পুণ্যতীর্থে অট্টালিকাও নিৰ্মাণ করেছেন এবং সেখানে মাঝে মাঝে বাসও করেন।

যত টাকার পৈতৃক সম্পত্তি নষ্ট করেছিলেন, পুনঃ সঞ্চয়ে আবার তার সম্বলান করেছেন বটে, কিন্তু শুধরে যাবার পর থেকে নষ্ট সম্পত্তির শোকটা বুকে বড়ই লেগে আছে। সে জন্ত অর্থপিপাসার ঠিক শাস্তি হয় নি, তবে এ কথা স্বীকার করতে হয়, সেই কামনার সঙ্গে প্রবঞ্চনাদি নীচ বৃত্তি তাঁর চরিত্রকে স্পর্শ করে নি।

গোস্বামীর অনেক দীন দরিদ্র শিষ্যও ছিল, এদের মধ্যে চন্নন বোষ্টুমী এক জন। চন্ননের ভক্তিপূর্ণ নিবেদন শুনে প্রভুপাদ তারিণী দাসীকে প্রায়শ্চিত্ত করিয়ে মন্ত্রদীক্ষা দিলেন। কুঞ্জতারিণী নাম প্রভুপাদের-ই প্রদত্ত; এবং তাঁরই উদ্বোধনে ও যত্নে কুঞ্জতারিণীর বাড়ী শ্রীশ্রীরাধাবল্লভ জীউর যুগল মূর্ত্তি প্রতিষ্ঠিত হয়; সমারোহে এই প্রতিষ্ঠা-কার্য সম্পন্ন হবার সময় থেকেই কুঞ্জতারিণীর অন্ধকার পুরী ঘন আলোকিত হয়ে ওঠে। নিত্যসেবা হ'তে প্রায় বিশ পঁচিশ জন বৈষ্ণব-বৈষ্ণবী প্রত্যহ প্রসাদ পায়, গুটি আষ্টেক বৈষ্ণবী বাড়ীতেই থাকে, বৎসরে অন্ততঃ তিনবার মহোৎসব ও নগর-সঙ্কীৰ্ত্তন, এ সওয়ায় জন্মাষ্টমী, রাস, দোল, বুলন ও বৈষ্ণব-পূৰ্ণদিনে ধুমধাম ত আছে-ই।

কুঞ্জতারিণীর মুখে আবার পূৰ্ণের ভাব ফিরে এসেছে; এখন সে লোকজনের সঙ্গে হেসে কথা কয়, হৃৎস্বকে দয়া করে, কেৰ্ত্তন শোনে, গান শোনে, কিন্তু চৌধুরীর মরার পর সাধারণ লোকের ব্যবহার দেখে তার মনে যে কালি পড়েছিল, সেটুকু একেবারে মুছে যায় নি। একমাত্র বৈষ্ণবদের দয়াতেই তার মনে শাস্তি হয়েছে ভেবে ক্রমে সে ভয়ানক গোঁড়া বোষ্টুম হয়ে দাঁড়ালো। সে ছানাকে “বেধো” বলে, বিষ্ণিপুত্রকে বলে “তেফড়কার পাতা”, লেখবার জন্তে সরকার, যদি বলে “কালিটা আন্ছি”, সে কানে আঙুল দেয়, কণ্ঠী গলায় না-থাকা সে চুরির চেয়ে বেশী পাপ মনে করে, আর তিলকসেবা ক'রে যে রমণী তার কাছে আসে, তাকেই গুঁড় ভাবে। গোস্বামী বৈষ্ণব ছাড়া আর কাকেও কিছু দেওয়া সে বৃথা দান বলে জানে।

শ্রীশ্রীপাদপদ্মে তার অচলা ভক্তি, ব্রহ্মবল্লভ গোস্বামী মহাশয় আদেশ করলে সে সৰ্ব্বস্ব বিলিয়ে দিতে পারে, কিন্তু গোস্বামী কখনো কোনো শিষ্যকে “গো” এবং আপনাকে কখনো কোনো শিষ্যর “স্বামী” বলে মনে করেন নি, কুঞ্জতারিণীর সম্বন্ধেও তাই। তিনি গ্ৰাহ্য অগ্ৰাহ্য বুঝে দান ও অগ্ৰাহ্য সংকার্য করান।

গুরুপ্রণামী বা গুরুপত্নী, গুরুপুত্রাদি-প্রণামীর জন্ত প্রভুকে কখনো কোনো ইঙ্গিত করতে হয় নি, কুঞ্জ তারিণী নিজে মনে মনে বুঝেই মাঝে মাঝে দেয়—এবং ভালই দেয়।

* * * * *

তালকুঁড়ে গ্রামের যুবকমণ্ডলীস্থাপিত ড্যাগুণ গিন্জিটারে রাখাল যখন মেঘনাদের পার্ট পায়, তখন একবার তাকে দেখা গেছলো জোরে রিহার্শাল দিতে। সকাল সন্ধ্যা দুপুর রাতদিন রাখালের রিহার্শাল চলছেই চলছে। রাখাল ভাত খেতে বসেছে, পিসীমা পরিবেশন করতে এসেছেন, রাখাল তড়াক ক'রে পিড়ির ওপর দাঁড়িয়ে পড়লো, ওঠবার সময় ডালের কাঁসিখানা তার মাথায় ঠেকে ডালটুকু পিসীমার কাপড়ে আর মাটিতে প'ড়ে গেল, রাখাল দুই হাত পাঞ্জাজলি ক'রে বলে উঠলো,—

“কি কহিলা ভগবতি! কে বধিল কবে
প্রিয়ানুজে? নিশারণে সংহারিলু আমি
রযুবরে; খণ্ড খণ্ড করিয়া কাটিলু
বরষি প্রচণ্ড শর বৈরিদলে, তবে
এ বারতা, এ অদ্ভুত বারতা, জননি,
কোথায় পাইলে তুমি, শীঘ্র কহ দাসে।”

এক দিন রাখালের বউ রাত ছটোর সময় ঘরের খিল খুলে, মা গো বাবা গো করছে শুনে বাড়ীর লোক ছুটে গিয়ে দেখে, মশারির ছটো খুঁট ছিঁড়ে প'ড়ে গেছে, রাখাল তক্তা-পোষের ওপর দাঁড়িয়ে এক হাত বুকে দিয়ে আর এক হাত তুলে চেঁচাচ্ছে,—

“ডাকিছে কুজনে,

হৈমবতী উবা তুমি, রূপসি, তোমায়ে
পাখীকুল! মেল, প্রিয়ে, কমললোচন!
উঠ চিরানন্দ মোর! সূর্য্যকাস্তমণি
সম এ পরাণ, কান্তে, তুমি রবিচ্ছবি;—
তেজোহীন আমি তুমি মুদিলে নয়ন।”

আর এক দিন রাখাল মাধব মণ্ডলকে অশথতলায় না ধ'রে--তার হু কাঁধে হু হাত রেখে বলছে,

“এতক্ষণে—

জানিহু কেমনে আসি লক্ষণ পশিল—

রক্ষ:পুরে ! হায় তাত, উচিত কি তব

এ কাজ ? নিকষা সতী তোমার জননী !”

একেই বলে রিহার্শাল, একেই বলে তন্ময়তা, একেই বলে ঘাত-প্রতিঘাত !

আর এই ক'বছর পরে আজ দেখা যাচ্ছে গজুর ভজন রিহার্শাল ! আজ পনেরো ষোল দিন হ'ল গজু চারুর চণ্ডী-মণ্ডপে আশ্রয় পেয়েছে। চক্ষু না চাইতে চাইতে এক পক্ষ কেটে যায় বটে, কিন্তু কায করতে জানলে আর বরাতে থাকলে এক পক্ষে অনেক কায হয়। কালো আকাশের ওপর একটা একটা রূপলির আঁচড় পড়তে পড়তে এক পক্ষে একখানা পুরো চাঁদ আঁকা হয়ে যায়, আষাঢ়ের শেষ পক্ষ কাটা চটা মাঠে জলের জোয়ার ভাঁটা খেলিয়ে দেয়, দিন পনেরো মাত্র প্রত্যহ একটু আফিং খেলে মৌতাতও জ'মে যায়, তেমনি এই পনেরো ষোল দিনের ভেতরই গজুর জীবনে একটা বেয়াড়া বিপ্লব ঘটে গেছে।

টাকা টাকা ক'রে গজু পাগল হয়ে উঠেছিল, তাই পৌছোবার পরদিন সকালে উঠেই সে চারুকে বললে, “Brother, harber call” নাপিত ডাকাও।—

চারু। কি, চুল ছাঁটবে না কি ?

গজু। ছাঁট ? না আগাগোড়া কাটি—একদম become নেড়া। গোঁপও লোপ ; চুলও উঠবে, টিকি কেটে ফেল্লেই চুকে গেল। গোঁপেরও পুনঃপ্রবেশ হয়—কিন্তু টাকা—টাকা, মাসীর টাকা, বুঝেছ তো brother।

মুণ্ডিত-মুণ্ড গুন্ডশিখাধারী গজু দেখতে বড় মন্দ হয় নি; তার ওপর চারু তাকে বৃন্দাবনী ছোবার বহির্বাঁস পরিয়েছে, গলায় ত্রিকণ্ঠী দিয়েছে, বুকে তুলসীর মালা ছলিয়েছে, নাসায় তিলক-ফলক, সর্কাজে হরেকৃষ্ণ নাম ছাপা। নেপথ্যাচার্য্যভিজ্ঞ চারুর কারুকার্য্যে গজুর যা নবকলেবর হয়েছে, তা' দেখে কে না বলবে যে, গজেশ্বর বৃন্দাবন-made patent বৈষ্ণব, দয়া ক'রে নবদ্বীপে গুণাগমন করেছেন। গজেশ্বরজীবন বদলে চারু গজুকে ব্রজজীবন নাম দিলে। ছেলেবেলাটা গজুর পাড়ারগায়ে

কেটে গেছে, স্ততরাং লজ্জা ভয় ছেড়ে দিনে ছপুরে রাতে মাঠে ঘাটে চাঁচিয়ে অন্ধকার রাত্রিতে তেঁতুলতলা দিয়ে বাড়ী আসতে ভূতের ভয়ে গলা ছেড়ে গান গেয়ে গেয়ে যদিও তার কানে সুর বা মাথায় তালবোধ ছিল না, তবু সে গান ধরলে লোকে আঁৎকে উঠতো না, গলাটা নেহাৎ কক্ক'শ নয়। তার ওপর চারু তাকে আজ এ আখড়ায়, কাল ও আশ্রমে, পরশু--দের ঠাকুরবাড়ীতে নিয়ে গিয়ে কেঁর্তন-টেঁর্তন শোনাতো; এবং সে নিজেও তাকে ছ' পাঁচটা দাণ্ড রায় টাণ্ড রায়ের গান শিখিয়ে দিয়েছিল; সেই সব গান আজকাল গজু ওরফে ব্রজজীবন বাবাজী কখনো বা গুন্ গুন্ ক'রে, কখনো বা উচ্চকণ্ঠে একা বা পাঁচ জনের সামনে গায়।

ধর্ম্মশাস্ত্রে বলে “নামমাহাত্ম্য”, পণ্ডিতরা বলেন, “শব্দশক্তি”; মোদা যাই হোক, কথার প্রভাব যে মানুষের মনে এবং শরীরের ওপর পর্য্যন্ত একটা প্রত্যক্ষ কার্য্য করে, সে বিষয়ে আর সন্দেহ নেই। কটুকাটব্য গালাগালি গুন্লে যখন আমাদের শরীরাত্যস্তরস্থ স্বায়ুর চাঞ্চল্যবৃদ্ধি, শোণিতচালনার সহজ গতির ব্যতিক্রমে মস্তিষ্ক উত্তপ্ত, হৃদয়ের দ্রুততর স্পন্দন, এরূপ নানা বিকৃতি ঘটে, ক্রোধ বা বিরক্তিতে মনের-ও শাস্ত্যভাব, বিচারপ্রবণতা দূরীভূত হয়, আবার তদ্বিপরীতে যখন আদর-আপ্যায়নে, স্নেহ-সম্ভাষণে হৃদয় স্নিগ্ধ, দৃষ্টি প্রফুল্ল, মন আনন্দগুরু হয়, তখন সর্ব্বদা ভগবানের নাম করতে করতে কেন না মানবের অন্তরে অমুরাগ, প্রেমপুলকাদি ভাবের স্ফুর্তি পাবে !

প্রথম প্রথম গজু ভজন করত এই রকম :—

“হরি হরি হরিবোল, হরি হরি হরিবোল”— কি জানি সেখানে কি হচ্ছে, পাওনাদারগুলো—হরেকৃষ্ণ হরেকৃষ্ণ হরেকৃষ্ণ—তা' মুদী কি উঠ'নো বন্ধ করেছে ? বদী খেতে পাবে নিশ্চয়—জয় জয় হরিবোল হরিবোল, জয় জয় মহা-প্রভু হরিবোল—এঃ এই মাসী বেটা বোষ্টুম না হ'লে আবার টাকা দেবেন না, চং দেখ না—হরিবোল হরিবোল হরিবোল—হাজার না হোক সাত আটশো টাকা ফেলে দে না চ'লে যাই—(সুরে) কে যায় নদের বাজার দিয়ে ! হরিবোল হরিবোল ব'লে কে যায় নদের বাজার দিয়ে ! (আমার গৌর যায় কি নিতাই যায় ওরে !)

দিন আষ্টেকের পর গজুর ভজনের দাঁড়া দাঁড়িয়েছে ;—

হরি হরি হরি হরি হরি ! বল মাখাই মধুর স্বরে, হরিনাম কে এনেছে ! এই চুলোর দেনা কটা না থাকতো, আর বদী—না না রাধে রাধে, জয় জয় শ্রীরাধে, জয় জয় শ্রীরাধে (স্বরে)

“কুঞ্জ হ’তে যান্ যখন কুঞ্জর-গামিনী ।
ভূমে উদয় হয় যেন শত সৌদামিনী ॥
হরিশ্বনি ক’রে সব ধনী হরি যায় দেখিতে ।”

এর ছ’ এক দিন পরে গজু বাবাজী—শ্রীবিষ্ণু ! ব্রহ্মজীবন বাবাজী গঙ্গান্নান ক’রে ফিরছেন, এমন সময়ে সামনে পড়’বি ত পড়’—একেবারে গয়ারাম ! গজুর মাথাটা হঠাৎ চড়াক্ ক’রে উঠলো ; গয়ারাম গজুকে চিন্তে পারে নি, নবদ্বীপে বৈষ্ণব-মূর্তি বিরল নয়, অম্নি অম্নি চ’লে যাচ্ছিল ; এমন সময়ে কে যেন গজুকে সামলে দিলে, সে ‘গয়ারাম’ ‘গয়ারাম ভাই’ ব’লে তার পেছনে পেছনে গেল ।

গয়ারাম । (ফিরিয়া) কি হে বাবাজী, আমায় চেন না কি, নাম জানলে কোথেকে ?

গজু । আমায় চিন্তে পারছ না—তুমি কবে এলে এখানে ?

গয়া । আমরা আর্টিস্ মানুষ—আজ দিল্লী, কাল বাকুড়া—সে তুমি বুঝবে কি !

গজু । আমি যে সেই গজেন্দ্র ।

গয়া । কে কোথাকার বাজুন্দুর গজুন্দুরে, তার খপর আমি রাখি নি । রোস, রোস,—তুমি বেশ গায়ে পেণ্ট টেণ্ট করেছ বটে, তোমার বাসা কোথায়—চল ত সিটিং দেবে, বেড়ে ক্যারিকেচিওর ছবি একখানা পাওয়া গেছে ।

গজু । আমি যে সেই গজেন্দ্রজীবন হাইট, এর মধ্যে ভুলে গেলে ?

গয়া । বাবা, হাইট, যে মেটামরফোবিয়া হয়ে গেছ, তা’ তোমায় দেখে যমের ভুল হবে, আমি ত আমি ! তা’ পাখী উড়ে গেছে, এর মধ্যে খপর পেলে কোথেকে ? মনের হুঃখে বোষ্টুম হয়ে পড়লে ?

গজু । কি বলছো—পাখী কি ?

গয়া । ঠাকী, জানেন না পাখী কে ! তোমার সিষ্টার ওয়াইফ্, সিষ্টার ওয়াইফ্ !

গজু । হ্যাঁ হ্যাঁ, কি হয়েছে ?

গয়া । বেঙ্গ হয়েছে, বেঙ্গ হয়েছে—খাত্তী হবে ; আর তোমার ভাবনা নেই ।

গজু । আর আমার ভাবনা নেই—আর আমার ভাবনা নেই । গুরুদেব ! গুরুদেব ! (গয়ারামের চরণে সাষ্টাঙ্গে প্রণাম ক’রে) গয়ারাম, তুমি আমার গুরু, তুমি আমার গুরু !

গয়ারাম অবাক ! “ওঃ ম্যাড্, তা এতক্ষণ বুঝতে পারি নি !” ব’লে গয়ারাম নিজের কাষে চ’লে গেল । গজু দাঁড়িয়ে উঠে গান ধরলে—

“বলে—মাধবীতরুতলে দেখে এলাম কেশবে ;
শুনে রাধার নয়ন ভাসে, কত মিনতি-ভাষে ভাষে
কায কি আর ও সম্ভাষে, ভাষে আর সব ।
আর পাব কি দীন-বান্ধবে, ক’রে দীন বান্ধবে
গিয়ে ব’ধে মথুরার ধবে, পেয়েছেন বৈভব ।
ল’য়ে ব্রজের শ্রীহরি, করেছেন শ্রীহরি,
আর কি আমার শ্রীহরি আসার সম্ভব ।”

গজুর আর গান থামে না ; লজ্জা অভিমান চিন্তা ভাবনা কিছু নেই, নাচতে নাচতে, গাইতে গাইতে চলেছে ।

চারু বাতী ফিরে দেখে, উন্মত্তের মত ছ’ হাত তুলে গজু উঠোনময় ঘুরে ঘুরে নৃত্য করছে, আর গাইছে,—

“তুমি সে কালো চিন্তে না ।
কি বস্তু জানলে না !
সে কালোর তুলনা নাই ভুবনে ।
যাঁর রূপে আলো করে,
হরের মন হরে,
হর ঋশানে কাল হরে যাঁর কারণে ।”

চারু । এ কি ভায়া, এ কি ভাব রিহাসাঁল না কি ?

গজু । (চারুর চরণে পতিত হইয়া) তুমিই গুরু—
তুমিই গুরু !

চারু । ওঠ, ওঠ, কি হয়েছে !

চারু বুঝতে পারলে, এ অভিনয় নয় ।

বাল্যকালে ব্রহ্মগোপাল চারুর বাপের সঙ্গে এক স্থলে

পড়েছিলেন, সেই সুবাদে চারু গোস্বামী প্রভুকে জ্যাঠা-মশাই ব'লে সম্বোধন করতো। তার প্র্যাক্টিক্যাল জোক্ যে এমন ক'রে গজুর মনের মাঝে চোখ ফুটিয়ে দেবে, তা' সে কখন-ও ভাবে নি; সুতরাং গজুকে নিজে গোস্বামী 'মশায়ের সঙ্গে পরিচয় ক'রে দেবার সম্বন্ধে যা' একটু খুঁৎ-খাঁৎ ছিল, তা আর রইলো না।

* * * * *

নানা সহায় ক'রে কুঞ্জতারিণী আজ কয়েক বৎসর হ'ল কুঞ্জে বসেছেন, কিন্তু বোনপো ব্রজজীবন বাবাজী আজ

পর্যন্ত মাসীমার প্রতিষ্ঠিত ঠাকুরবাড়ীর সমস্ত সুশৃঙ্খলা, সমস্ত মঙ্গলধারা বজায় রেখে দীন হুঃখী ভক্তসাধারণের শ্রদ্ধা ও আশীর্বাদ লাভ করেছেন।

কথার রূপ আছে, অরূপ-ও আছে। শুভরূপে গজু হেদোর ধারে এক সন্ধ্যায় বলেছিল—**উপাস্ত্র এক-মাত্র মাসী!**

শ্রীঅমৃতলাল বসু।

* অগ্রহায়ণের সংখ্যায় গজুর নবমীপ যাত্রার পথে গাড়ীর কামরা খালি হওয়ার প্রসঙ্গে "কালনার" পরিবর্তে ভ্রমক্রমে "কাটোয়া ট্রেন" ব্যবহৃত হইয়াছিল—লেখক।

ফুলের রাণী

[Tennyson হইতে]

জাগিয়ে দিও মা গো—

কাল যে মোদের সুখের দিবস নূতন বরষ-মাঝে
আমি হব ফুলের রাণী সাজব নানান সাজে ;
সেখায় অনেক জনা

আসবে তারা দেখতে মোরে ফুলের রাণীর বেশে ;
মুক্ত-বেণী-কেশে—

আজকে যে মা সুখের দিবস মরণকালের মাঝে
সাজতে হবে দিও ডেকে কালকে এমন সাঁঝে।

গভীর ঘুমের মাঝে—

পড়েছিলুম রাতে মা গো ছিল না'ক সাড়,
দিস্ মা গো তুই ডেকে আমার কস্ এ সমাচার

উঠব আমি জেগে—

করুব জোগাড় ফুলের মালা ছোট্ট বাগানেতে,
ফুলের আসন পেতে

সাজব আমি ফুলের রাণী নানান ফুলের মাঝে—
কালকে এমন সুখের মাঝে এমনি ভরা সাঁঝে।

জাগিয়ে ও মা দিলে—

বরষ পরে দেখতে পাব নূতন তপন-'কাশে
সবই নূতন, নূতন বরষ, নূতন ঋতুর মাসে
দেখতে পাবে মোরে
মরণ পারের তরীর মাঝে ফুলের রাণী-বেশে।
সেজে আছি নানান সাজে মুক্ত-বেণী-কেশে।

গত বছর শেষে—

এমনি সুখের মাঝে মোরা ফুলের সুখাসন !
আনন্দেতে কত
আমায় তারা সাজিয়েছিল শিউলী ফুলের রাণী।
ঐ শোন্ মা ভোরের আলো করছে কানাকানি !—

ডাকিস্ মা গো তুই—

মরণ-সময় আসছে 'ধনে' আর ত সময় নেই ;
যদি না পাস্ সাড়া
চেষ্টিয়ে বলিস্ শুনতে পাব স্বর্গপুরীর নীচে।
কাঁদিস্ কেন সুখের সময় কাঁদিস্ কেন মিছে !

রইল তোমার রেণু

বস্বে তোমার স্নেহের কোলে আমার মত মা গো—

বলিস্ তারে যেতে

গাছ গুলো না শুকোর যেন আমার বাগানেতে।

দেখিস্ মা গো তুই ! ভুলিস্নে মা দিতে

একটু ক'রে জল !

অবশ হয়ে আসছে শরীর শিথিল হয়ে যার

বিছিন্নে দে মা ক্লান্ত-পেথে তোর ও আঁচল বার !

শ্রীমতী বিহাংপ্রভা দেবী

ভ্রাতৃের আত্মকাহিনী

আমি আজ মৃত্যুর দ্বারপ্রান্তে আসিয়া দাঁড়াইয়াছি। দৃষ্টিশক্তি হ্রাস, কানও তাহার কায পূর্ণ-মাত্রায় করে না। শরীরে মাংস শিথিল হইয়া আসিয়াছে ও মাথায় যে কয়েকটি কেশ আছে, সবই সাদা। কিন্তু তাহা হইলেও আজ আমার কোন দুঃখই নাই।

বরং যখন চোখে দেখিতাম ঠিক, কানে শুনিতাম পূর্ণ-মাত্রায়, আর শরীর ছিল নীরোগ, তখনই নিজের অজ্ঞাতে মহা দুঃখের সাগরের দিকে ছুটিয়াছিলাম। কেন না, তখন দেহে তারুণ্যের তপ্ত রক্ত উচ্ছলভাবে বহিতেছিল; বুদ্ধি কোথায় আত্মগোপন করিয়াছিল, কে জানে?

দেবতার রুদ্ধতম আশীর্ব্বাদে কি করিয়া এক দিনে আমার সেই মস্ত ভুল ভাঙ্গিয়া গেল, তাহারই সংবাদ আজ জগৎকে দিতে চাহি। যেন আমার মত ভুল আর কাহারও না হয়!

সংসারে সহশক্তি আর ক্ষমা যাহার নাই, সে অভাগা। সে সংসারী হইবার অযোগ্য। শত অসুবিধা থাকিলেও অধ্যবসায় লইয়া যে সেগুলি জয় করিবার চেষ্টা না করে, অসুবিধা আছে বলিয়া নিজে অসুবিধা হইতে দূরে সরিয়া যায়, তাহার দ্বারা সংসার-রক্ষা হয় না। সে অসুবিধার সহিত সংগ্রাম করিয়া নিজের মনুষ্যত্ব প্রতিষ্ঠা করিতে পারে না, কেন না, যে সংসারের স্মৃষ্টকু কামনা করে অথচ তাহার দুঃখটুকুর সহিত সংগ্রাম করিতে শক্তি হয়, সংগ্রাম করা দূরে থাকুক, বরং অগণিত অদৃশ্য পাকে অসুবিধাই তাহাকে জড়াইয়া ধরিয়া শ্মশানের দিকে টানিয়া লইয়া যায়। ইহা প্রকৃত বিঘ্নবাধার কথা।

কিন্তু যাহার কোনও কষ্ট নাই, এমন অভাগাও দুই একটি দেখিতে পাওয়া যায়, যাহারা কল্পিত কষ্টের পীড়নে নিজের জীবন বিষময় করিয়া তুলে; যেমন এক জন আমি। আমার কোনও কষ্ট ছিল না, কিন্তু কপালদোষে সব কষ্টই আমি আমার জীবনে আঁহ্বান করিয়া আনিয়াছিলাম। কপালের দোষই বা দিই কেন,—নিজের—সম্পূর্ণ নিজের দোষে!

আমার সব ছিল। ছেলে ছিল, মেয়ে ছিল, জামাই ছিল, স্ত্রী ছিল; বাড়ী, টাকা, মোটামাহিনার চাকুরী, সবই ছিল। তখন তাহাদের অস্তিত্ব বুদ্ধি নাই!

ছেলে ছিল, তাহার মুখ দেখিতাম মা। মেয়ে-জামাই ছিল, তত্ত্ব লইতাম না। স্ত্রী ছিল, নিকটে রাখিতাম না। বাড়ী, টাকা, সবই যেন দানবীয় অটুহাসিতে আমার অহোরাত্র ব্যঙ্গ-বিজ্ঞপ করিত।

ইচ্ছা হইত, সব একযোগে রসাতলে ষাউক। কিন্তু আমার ইচ্ছায় জগৎ চলে না—তাই কেহই রসাতলে গেল না, আমিই দিন দিন নিজের আক্রোশে নিজে রসাতলে ডুবিতে লাগিলাম।

* * * * *

বিনা দোষে আমি এক দিন স্ত্রীকে তাড়াইয়া দিয়াছিলাম—‘ভিক্ষে ক’রে খে গে যা’ বলিয়া। আর তিনি আমার পদতলে মুখ রক্ষা করিয়া বলিয়াছিলেন—‘ওগো, তুমি আমার তাড়াইয়া দিলে আর আমার কে আছে জগতে?’ আমি তাঁহাকে অজস্র ভৎসনা করিয়া পদাঘাতে গৃহ হইতে বহিষ্কৃত করিয়া দিয়াছিলাম, তাঁহার ভ্রাতা তাঁহাকে লইয়া গেল।

সেই ‘শালা’ না কি বলিয়াছিল, আমার নামে নালিশ করিয়া আদালত হইতে তাহার ভগিনীর ভরণপোষণের ব্যয় আদায় করিয়া লইবে। তাহার উত্তরে আমার স্ত্রীকে আমি বলিতে শুনিয়াছি—‘দাদা, ও আসি কিছুতেই করতে দোবো না। তা হ’লে তোমার আদায়-করা খোর-পোষ খাবার আগে এক ভরি অণু জিনিস খাবো।’ দাদা তদবধি ভগিনীর উপর অপ্রসন্ন! জগতে এক শ্রেণীর লোক আছে, যাহারা কাহারও উপকার করিতে না পারিলেও, অপকার করিবার সুবিধা পাইলে কোনমতে সে চেষ্টা ত্যাগ করিতে চাহে না। কেহ তাহাতে বাধা দিলেই তাহার অত্যন্ত কষ্ট হয়। বালকের ছষ্টামিতে বাধা দিলে সে যেমন নিফল আক্রোশে লক্ষ-ঝম্প করে, ঠিক তেমনই।

তাহার উপর সকলেরই সংসারে ‘স্ত্রী’ বলিয়া একটি মস্ত্রী থাকে। তাঁহার কায—গৃহস্থের কোন্ দিক দিয়া অপব্যয় হইতেছে, কে বসিয়া বসিয়া সংসারে খাইতেছে, কোন্ ব্যয়টা সংক্ষেপ করা যায়, কোন্ কুমড়াটা পচিতে আরম্ভ করিয়াছে, এই বেলা হাতে দিয়া আসা উচিত,—এই সব ছোটবড় নানা কাযে, বুদ্ধিটুকু খরচ করা। বুদ্ধিমান রাজা

প্রায়ই মন্ত্রীর অধীন হয়েন এবং তিনি মন্ত্রীর হুকুম যতদূর সম্ভব কম সময়ের মধ্যে তামিল করিবার চেষ্টা করেন।

আমার শালার মন্ত্রীটিও দেখিলেন, আমার স্ত্রী বাড়ীর একটি অনাবশ্যক 'বাজে খরচ।' এমন কি, রাঁধুণী-ঝিরের কাঁচটাও তাঁহার দ্বারা করান চলে না; কেন না, তাহা হইলে 'বিন্দে পিনী' 'মেজগিনী' 'সেজদিদি' বলিবে কি? অতএব ইহাকে যে কোন প্রকারে হুকুম সরাইতে হইবে।

তবু না কি আমার স্ত্রী কাঁচ করিতে চাহিয়াছিলেন, বলিয়াছিলেন, 'পরের বাড়ীতে দাসীগিরি করা অপেক্ষা তোমার বাড়ীতে ছুই একটা কাঁচ করিয়া দেওয়ায় অনেক অধিক সম্মান আছে।' উত্তরে শুনিলেন, "সে আমার বাড়ীতে হবে না, তা হ'লে অল্প কোথাও গিয়ে চেষ্টা দেখে।" তখন আমার স্ত্রী বলিলেন—“বৌ, তুমিই ত বললে, তাই আমি বলছি। পরের,—আর কার বাড়ী যাবো বল?” মন্ত্রী সরোষে উত্তর দিলেন, “বলেছি, বলেছিই। ভারী দোষ করেছি, না? আমার সঙ্গে আবার শাস্ত্রাজ্ঞ আউড়ে তর্ক করতে আসা। আমি শ্রায়ের যুক্তি-টুকু মানি না।” “তবে এই চুপ করলাম, তোমার কথার আর উত্তর দোবো না।”

গোলযোগ শুনিয়া মন্ত্রীটির রাজা ভিতরে আসিয়া বলিলেন, “বাপু, নিতি নিতি ঝগড়া-ঝাঁটি এ বাড়ীতে পোষাবে না। আর তোমাকে-ও ত বললে তুমি শুনবে না; নিজের ভাল না বোঝো, ছেলে মেয়ে ছোটোও ত আছে। সহজে না দেয়, নালিশ ক'রে তোমাদের ব্যবস্থা করছি বললাম—তাও করতে দেবে না। কে তোমাদের ঝক্কি পোষাবে চিরদিন? নিজের লোক যদি তাড়িয়ে দেয়, পরে কি আর চিরকাল তোমাকে আর তোমার ছেলেমেয়েকে খাওয়াতে পারে? সবাইকার-ই ত সংসার আছে!”

এই খাঁটি তত্বকথা শুনাইয়া দিবার পরও যখন আমার স্ত্রী কিছুতেই তাঁহার সুবুদ্ধি-প্রণোদিত উপদেশ অমুসারে খোর-পোষের নালিশ করিতে রাজী হইলেন না, তখন আর বিলম্ব না করিয়া আমার শ্যালক তাঁহার মন্ত্রী মহাশয়ের আদেশ কার্যে পরিণত করিবার চেষ্টায় রহিলেন। এ রাজাটি বুদ্ধিমান ছিলেন।

* * * * *

ছোট ছেলেটি ও মেয়েটির হাত ধরিয়া আমার স্ত্রী সেই পাড়ার 'বামুন মায়ের' বাড়ী গিয়া উঠিলেন। ঐ ছুইটি

'পেছটান' না থাকিলে তিনি এত দিন অল্প জগতে যাইবার ব্যবস্থা দেখিতেন—যেখানে অবলাকে অনাথা হইতে হয় না, সেই দেশে।

আজ আমার এই স্মৃতিগুলি মনে পড়িলে নিজের জুপিঙ উপাড়িয়া ফেলিতে ইচ্ছা হয়। যদি জিজ্ঞাসা কর, 'তখন হয় নি কেন?'—তখন কি ছাই 'হৃদয়' বলিয়া কোনও বালাই ছিল? তখন আমি পাষণ; উৎসন্নের পথ ধরিয়া পাপের সাথী হইয়া চলিতে আরম্ভ করিয়াছি।

আমার যখন অধঃপতনের নিম্নস্তরে ফেলিয়া দিয়া পাপ বিদায় গ্রহণ করিল, তখন আমার চক্ষু ফুটিল—তখন আমার ভুল ভাঙ্গিল।

এত দিন কিন্তু জ্যেষ্ঠ পুত্রকে মাসে মাসে টাকা পাঠাই-তাম—সে 'বোর্ডিং'এ থাকিয়া 'ম্যাট্রিকুলেশন' দিয়া আমার কাছে আসিয়া দাঁড়াইল। তাহার মনে তখন পড়িবার প্রবল আগ্রহ। সে দিন হঠাৎ আমার সহচর-সহচরীরা আমায় পরামর্শ দিল—‘যেখানে মা, সেখানে ছাঁ-টাকেও দাও পাঠিয়ে।’ মনের ভিতর হইতে পাপ বলিয়া উঠিল, 'নিশ্চয়ই, এটা আর বোঝে না? তোমার গায়ের রক্ত জল করা টাকা, কেন অল্প ভোগ ক'রে বড়লোক হবে?' তাহার পর মাথার মধ্যে ইন্দ্রধনুর সাত-রঙা ছবিটি নাচিয়া উঠিল; সম্মুখের গেলাসেও 'রাঙা রূপসী' হুলিয়া উঠিল; আমার কাঁচ আমি শেষ করিলাম। তখন সে কি স্মৃতি!

বিষন্ন মলিন মুখে আমার পুত্র চলিয়া গেল।

* * * * *

“তোমার পতাকা যাঁ'রে দাও বহিবারে দাও শক্তি—” ছেলে চলিয়া গেল; নিজের চেষ্টায় সে নিজের মাথা উন্নতই রাখিল। কৈশোরে যে শক্তি জাগিয়া উঠে, যৌবনে সে অক্ষয় অজয় হয়।

তাহার জননী ও ভ্রাতা-ভগিনীকে সে নিজের নিকট আনিয়া তাহাদের লইয়া একটি ছোট সংসার গড়িয়া সে যেন পাপকে উপহাস করিয়া চলিতে লাগিল। আমার অনাদর ও অবহেলা তাহার কিছুই করিতে পারিল না। এ দিকে পাপও আমাকে উৎসন্নের পথে একলা ফেলিয়া চলিয়া গেল।

আমার মধু ফুরাইয়াছিল, কাষেই কাছে আর মধুমক্ষিকা

থাকিবে কেন? তাই পাপের সহচর-সহচরীরাও আমায় ছাড়িয়া চলিয়া গেল।

আমি তাহাদিগকে অনুন্নয় করিয়া ডাকিলাম, ‘ওগো, আর একটু এগিয়ে দাও, ঐ ত নরকের দুয়ার দেখা যাচ্ছে; যদি দয়া ক’রে এতখানি পথ সঙ্গে নিয়ে এলে, আর শেষ বেলায় কেন একলা ফেলে দিয়ে যাও?’ কিন্তু তাহারা বিকট হাস্তে চারিদিক মুখরিত করিয়া আপনাদের কৃত্ত্বের পরিচয়টুকু রাখিয়া অবশিষ্ট সমস্ত লইয়া চলিয়া গেল।

* * * * *

ভীষণ ব্যাধিতে তখন আমার সর্কাজ পূর্ণ। অর্থ-ভুক্ত ভৃত্যরা আমাকে ফেলিয়া চলিয়া গিয়াছে। যে বায়সকে লইয়া আমি ময়ূর সাজাইবার চেষ্টা করিয়াছিলাম, সে তাহার পালকগুলি আমারই অঙ্গে ফেলিয়া দিয়া আবার ‘কা—কা’ করিয়া নিজের দলে গিয়া মিশিল। তখন নিজের ভুল বুঝিলাম, কিন্তু তখন প্রায়শ্চিত্ত আরম্ভ হইয়াছে।

সেই সময় মনে পড়িল, যাইবার সময় বড় হুঃখে স্ত্রী যখন আমার দিকে কাতর নয়নে চাহিয়াছিলেন, তখন তাঁহার মুখচক্ষু যেন বলিতেছিল,—

“দেখো, দিন আসবে—যে দিন এই অভাগীকে মনে পড়বে! যাকে তুমি ঘরে ঠাই দেবে ব’লে আমায় তাড়াচ্ছ, সে তোমার অসময়ে করবে না।” প্রকাশ্যে তিনি বলিয়াছিলেন, “অসুখে যদি কখনও অসহায় হও, এ বাদীকে স্মরণ কোরো।”

সে কথা তখন একটা “দূর হয়ে যা”র ছন্দারে ডুবিয়া গিয়াছিল। কষ্টের দিনের স্বপ্ন দেখিবারও মত মনের মধ্যে তখন এতটুকু স্থান ছিল না, সবটুকু মত্ততায় ভরিয়া গিয়াছিল। ভাবিয়াছিলাম,—আমি কি বাহাদুর। ঘরের লক্ষ্মীকে বিদায় করিয়া আঘাটার কুকুরকে সম্বলে ছন্দ অন্ন খাওয়াইয়া তাহার গলায় ‘রাঙাঘটা’ বুলাইয়া ভাবিয়াছিলাম, বুঝি বা তাহাকে পোষই মানাইলাম! কিন্তু যখন ছন্দ অন্ন যোগান দিবার পরমা ফুরাইল, ঘণ্টা খুলিয়া গেলে আর, বাধিয়া দিবার মত মেজাজ রহিল না, তখন কুকুরটা আমার মুখের দিকে একবারও না তাকাইয়া আবার আঘাটায় ফিরিয়া গেল।

তখন সতীলক্ষ্মীর অভিশাপ বর্ণে বর্ণে ফলিতে আরম্ভ করিয়াছে।

আমার প্রতিবেশীরা আমায় বরাবরই ঘৃণা করিত। যখন আমার পাপের সঙ্গে আলাপ চলিতেছিল, তখন আমি বাটার বাহিরে যাইতাম না। কাহারও খোঁজ লইতাম না। তাই আমারও গৃহদ্বার কেহ মাড়াইত না।

নিজের মনে তখন আমি ভাবিতাম—কি মন্ত কাযই না করিতেছি! কাহারও সম্পর্ক রাখি না, সমাজে মিশি না, অথচ আমি সমাজপ্রিয় সঙ্গপ্রিয় মানুষেরই এক জন! কিন্তু যদি কেহ তখন বজ্রকণ্ঠে আমায় বলিয়া দিত, “তুমি মানুষ নও, অ-মানুষ!”

যখন আমার রোগ প্রবল হইল, মুখে এক ফোঁটা জল দিবার কেহ নাই, ‘এখন-মরি, তখন-মরি অবস্থা’, তখন এক জন প্রতিবেশী দয়া করিয়া আমার পুত্রকে সে সংবাদ দান করিলেন।

* * * * *

স্বর্গসুখ তোমরা কেহ কখনও পাইয়াছ কি?

আমি এই মর্মে বসিয়াই স্বর্গ-সুখ পাইয়াছি। যমের দরজায় আসিয়া ধাক্কা দিতেছিলাম, পাপের ‘স্বর্গে’ আমার স্থায়ী উচ্চাসন প্রস্তুত হইতেছিল, এমন সময় কাহারো আমায় ফিরাইয়া আনিল এই আনন্দময়, প্রাণময়, আশীর্বাদে মধ্য—কে তাহারো?

আমার লাজ্জিত, বিতাড়িত, নির্খ্যাতি স্ত্রী-পুত্র, আমার স্বর্গের শাস্তিময় ক্রোড়ে ফিরাইয়া আনিল, আমার ধীরে ধীরে মৃত্যুর দ্বার হইতে টানিয়া আনিল,—সেবা করিয়া, সাধনা দিয়া, সাহস দিয়া, করুণা দিয়া। তাহারো ত আমায় ঘৃণা করিল না, তাহারো ত আমায় ফেলিয়া পলায়ন করিল না! জননীর মত সেবা, বন্ধুব মত স্নেহ, দেবতার মত ক্রমা, ইহাই দিয়া তাহারো আমায় ফিরাইয়া আনিল।

আবার আমি পৃথিবীর আলোক দেখিলাম, আবার তাহার ভোরের গান শুনিলাম, সন্ধ্যার হাওয়ার আবার তাহার সৌগন্ধ আমার নিকট ভাসিয়া আসিল। তেমন আলো, তেমন গান কখনও আমার ভাগ্যে ঘটে নাই!

* * * * *

আমার অসুখের সময় ন’ বছরের স্নানীল যখন আমার সামান্য একটু দরকারের জন্ত হাসিমুখে ছুটাছুটি করিত, আমার ছোট, মেয়েটি যখন ‘বাবা-বাবা’ বলিয়া তাহার ছোট ছুইটি শীতল কোমল করপল্লব আমার তপ্ত ললাটে

বুলাইয়া দিত, যখন রোগশয্যায় ছটফট করিয়া আমি
রোগের যন্ত্রণায় ক্রন্দন করিতাম, আর আমার জী নিজে
কাঁদিয়া আমার নয়নাশ্রু মুছাইয়া দিতেন, তখন কি স্বর্গ
আমার দূরে ছিল? তেমন সুখ যে কখনও পাই নাই!

সে সুখের আশ্বাদ আমি সেই প্রথম পাইলাম। পথের
ভিখারীর কপালে এইবার কোহিনূর জুটিল।

* * * * *

শেষ বংশীধ্বনি এখনও বাজিয়া উঠে নাই; কিন্তু
অদূরে আবার চির-বিশ্রামের দ্বার ধূলুচ্ছায়ার অন্তরাল ভেদ
করিয়া ভাসিয়া উঠিতেছে! আমার গৃহিণী আমার পূর্বেই

স্বর্গে গিয়াছেন, আমিও অপেক্ষা করিয়া বসিয়া আছি, কবে
তাঁহার পার্শ্বে যাইবার ডাক পাইব! আজ ত আমার কোন
কষ্টই নাই!

আজ অপূর্ব শ্রীতে আমার বাড়ী হাসিতেছে!
আজ আমার পৌত্রপৌত্রী আমার 'বুড়ী' করিয়া লুকোচুরী
খেলিতেছে!

* * * * *

কবে সেই দয়াময়ের রাজত্বে এমনই নিস্তরুভাবে থাকি-
বার ডাক আসিবে, সেই জন্ত এ পারে বসিয়াই হাতটা
'মক্স' করিয়া লইতেছি।


শ্রীরামেন্দ্র দত্ত।

আর না

তোমার পানে ফিরাও আঁখি
তোমার পানে ফিরাও মন,
তোমার কাছে যাবার তরে
পাথের মোর নাইক ঘরে
দিবস নিশা আপনা ভুলে
যেন তারি অন্বেষণ
করতে পারি ও গো প্রভু,
শ্রাস্ত যেন না হই কভু—
বুঝি যেন ভাল ক'রে
ধরার কেহ কারো নন।
এ সব বাধন আঁটাআঁটি—
দেখতে বটে পরিপাটি—
সবই মায়ী ছায়াবাজি
করি যদি বিশ্লেষণ—
এবার হরি তোমার পানে
ফিরাও আঁখি, ফিরাও মন!
যাদের তরে খেটে মরি,
তারি মুখোস-পরা অরি,—
এ সব ভস্মে স্তূত ঢালা
বুঝাও মোরে ভগবন্!
এত দিন ত ভূতের খেলায়
কাটিয়ে দিহু হাসি-খেলায়—

এবার ওগো তোমার পায়ে
করব আশ্রু-নিবেদন;
যা' হবার তা' হবে প্রিয়,
তুমি যে পরমাত্মীয়—
এইটি যেন সবার আগে
ভাবতে পারি আমরণ—
এবার হরি তোমার পানে
ফিরাও আঁখি, ফিরাও মন।
এই ধরণীর পাছশালে
আসিয়াছি কোন্ সকালে
কোন্ স্বদূরের বাঁত্রী আমি
ভুলে আছি সারাক্ষণ—
পৌঁছতে যে হবে শেষে
তোমার কাছে—নিজের দেশে—
ভাবি না তা, করছি বুধা
সুখের আশা আক্ষালন;
ঐ যে আঁধার নাম্ছে বাটে,
কখন তরী লাগবে ঘাটে—
নাইক আলো, নাই পাথের,
নাই কিছুই আরোজন—
আর না হরি তোমার পানে
ফিরাও আঁখি ফিরাও মন!

শ্রীআণ্ডতোষ মুখোপাধ্যায়।



জীবন-সঙ্গিনী

ঘরে পাঁচ ছয় জন বসিয়া কেহ মাসিক বা সাপ্তাহিকের পাতা উন্টাইতেছিলেন; কেহ বা নীতি ছুঁনীতি বিষয়ে জোর গলায় আলোচনা করিতেছিলেন; কেহ থিয়েটারের অভিনেতা বা অভিনয়-প্রণালীর নিন্দা ও সূখ্যাতি করিতেছিলেন।

কাহারও হাতে চা'র পেয়ালা, কাহারও হাতে গড়গড়ার নল। কেহ বা আপন মনে চুরুট ফুঁকিতেছিলেন। আড্ডা-ধারীদের মধ্যে কেহই চুপ করিয়া ছিলেন না। ঘুরিয়া ফিরিয়া সকলেই মেজাজ-মাফিক সব রকম আলোচনাতেই যোগ দিতেছিলেন।

বিমল ঘুরাইয়া ফিরাইয়া বার বার গাহিতেছিল,—

‘মরিব মরিব সখী নিশ্চয়ই মরিব,

আমার কাহ্ন হেন গুণনিধি কারে দিয়ে যাব। সখী—’

আড্ডার কর্তা আড্ডাধারী দাদা জানা-গুনা সকলেরই দাদা। কত লোক দাদার এখানে যায় আসে—একটিবার দাদার হাসিমাখা মুখখানি দেখিবার জন্ত, হুইটা মুখের কথা শুনিবার জন্ত। আরও একটা বড় মাদকতা আছে, সে বৌদির হাতের এক পেয়ালা মধুর চা।

আড্ডার কর্তা দাদাকে কিন্তু প্রায়ই শয্যাশয়ী থাকিতে হইত। দাদার বয়স পঞ্চাশের কোঠায়—পঁচিশ বৎসরের সময় হইতে বাতে তাঁহার অধমাজ অবসন্ন। কখনও বাড়ীর মধ্যে এক আধটু চলা-ফেরা করিতে পারিতেন, রোগ বেশী হইলে তাহাও বন্ধ হইয়া যায়। শয্যাই তখন তাঁহার অবলম্বন হয়—আর এক প্রধান অবলম্বন বৌদি ত আছেনই।

দাদা বন্ধু-বান্ধবসহ আড্ডা দিতে বড় ভালবাসেন। এই অবস্থায়ও ঘরে বসিয়া তিনি সর্বপ্রকার সমাজে যত পরিচিত, এমন বোধ হয় অল্প লোকই আছেন।

এমন দীর্ঘ ব্যাধির তাড়নাতেও দাদার হাসিলাবণ্য-ভরা উজ্জ্বল মুক্তি—আর দরদী প্রাণের সহানুভূতির এতটুকুও হ্রাস করিতে পারে নাই। প্রাণের দরদ আর হাসির উচ্ছ্বাস অক্ষুরস্ত পাইবার জন্তই বৃষ্টি দাদার এত বন্ধু জুটিত।

ভর আড্ডার মাঝেও দাদা শ'বার বৌদিকে স্মরণ

করিতেন। অন্তরঙ্গ আড্ডাধারীদের সঙ্গে দাদা অসঙ্কোচে বৌদি-সম্পর্কিত আলাপ করিতেন। সে আলাপে এতটুকু ‘রাখি ঢাকি’ ছিল না। উদার মহাদেবের মত আত্ম-ভোলা দাদা বৌদির নামে মাতিয়া যাইতেন। বাধা-ধরা নীতির নিয়ম ছাড়াইয়া তাহাতে তাঁহাদের সহজ সরল প্রাণের মিলন সম্পর্কের কথাও আসিয়া পড়িত।

এমনই ছিল দাদা-বৌদির সম্পর্ক। স্বামি-স্ত্রীতে মিষ্ট মধুর সম্পর্ক থাকা কিছু অস্বাভাবিক বা বিচিত্র নহে। কিন্তু যে স্ত্রী পঁচিশ বৎসরেরও উপরে ক্রম পঙ্গু স্বামীর আনন্দময়ী জীবনসঙ্গিনী থাকিয়া স্বামীকে সদা আনন্দে উচ্ছ্বসিত করিয়া রাখিতে পারেন, তাঁহার জীবনে একটু বৈচিত্র্য বোধ হয় কিছু আছে।

বিমলের ‘মরিব মরিব সখী নিশ্চয়ই মরিব—’ গান তখনও থামে নাই। রাত্রি প্রায় সাড়ে দশটা বাজে, আড্ডাও পাতলা হইয়া আসিয়াছে।

অমল কহিল—“রেখে দে বিমল তোর প্যান-প্যানানি। মরিব মরিব—ও নারী জাতটারই একটা ধর্ম। একটু কিছু হ’লেই চোখের জলে নাকের জলে একাকার। আর মলেই বাঁচি—এ ত যেন মুখে লেগেই আছে। ঘরেও মরিব মরিব গুনতে গুনতে অস্থির—দাদার ফুর্তির আস্তানায় এসেও আর ও মরিব মরিব ভাল লাগে না, ভাই!”

সুরেশ কহিল—“সত্যি ভাই, ওই মরিব কথাটা মেয়ে-মাত্রেরই বড় প্রিয় দেখা যায়। ম’লে বাঁচি, হাড় জুড়োয়—এ কথা মেয়েদের মুখ থেকে যত শোনা যায়, এমন বৃষ্টি আর কারও মুখ থেকে শোনা যায় না।”

গায়ক বিমল দার্শনিকের মত চক্কু বিস্তৃত করিয়া ধীর সংযতভাবে কহিল—“যার জীবনে কোন লক্ষ্য না থাকে, সেই মরতে চায়। শ্রীরাধার জীবনের লক্ষ্য দূরে সরিয়া পড়িতেছিল, তাই অভিমানে মনোহুঃখে রাধা মরণ-কামনা করিতেছিলেন। কিন্তু যার অভাবে মরণ-কামনা, তাকে ছেড়ে যেতেই কি আর তাঁর প্রাণ চেয়েছিল? কবির নারী-হৃদয়ের অপূর্ব বিশ্লেষণে তাই এ গান যুগে যুগে চির-জীবন্ত।”

অমল কহিল—“জীবন্তও বৃষ্টি, সবই বৃষ্টি। কিন্তু ভাই,

নিজে যখন সংসারের ঝড়-ঝঞ্ঝায় অতিষ্ঠ হয়ে পড়ি, তখন সহধর্মিণীটিও যদি আর জীবন-সঙ্গিনী থাকতে না চেয়ে কেবলই জীবন ছাড়বেন ব'লে ভয় দেখাতে থাকেন, তা হ'লে তাতে মানসিক অবস্থা কি হয় বল দেখি ! 'আমার পক্ষে ত তা একেবারে অসম্ভব। এমনই ঘ্যান-ঘ্যানানি অসম্ভব হওয়ায় আমি ত এক এক দিন বলেই ফেলি—তা বেশ, যদি এতই তোমার ইচ্ছা হয় ত মরলেই পার। মরবে, নিজের কপাল নিয়ে যাবে। কে আর তোমায় ফেরাতে যাচ্ছে বল।"

সুরেশ বলিল—“ওরে বাপ রে, এই কথা তুমি তোমার স্ত্রীকে বলতে পার,- তখন একেবারে কুরুক্ষেত্র বেধে যায় বৃষ্টি ! স্ত্রীকে যেচে মরতে বলা এর মত অপরাধ যে কোন স্বামীর পক্ষে অমার্জনীয় স্ত্রী-শাস্ত্র অনুসারে !”

অমল বলিল—“হ'তে পারে—কিন্তু এ ত যেচে বলা নয়—অতিষ্ঠ হয়ে বলা।”

গায়ক বিমলচন্দ্র কহিল—“যাই-ই হোক, সে মরতে চাইলেই যে তাকে মরতে বলতে হবে, তার কোন মানে নাই। নারী অতি মানিনী—হুজুয় তার অভিমান। এ অভিমান ভাঙতে স্বয়ং শ্রীকৃষ্ণকেও হাজার বার শ্রীরাধার পদতলে মাথা রাখতে হয়েছে। নারী এ অবস্থায় চায় সোহাগ, সাস্বনা। তাতে যদি তুমি চ'টে যাও—তবে ত পুরুষের পুরুষত্বই বিসর্জন দিলে। নারী-চরিত্রের যথা-যোগ্য সম্মান দিয়ে তার অধিকারী ত হ'তে পারলে না। হুজুয় নারী তোমার কাছে চির-অবোধ্যই রয়ে গেল। কি দাদা, কি বলেন ?”

দাদা এতক্ষণ নীরবে কথা শুনিতেন; বলিলেন, “দেখ ভাই, তোমার বৌদি বোধ হয় দোরের পাশে কক্ষেটা রেখে গেলেন—নিয়ে এস উঠে,—”

সুরেশ উঠিয়া কক্ষে আনিয়া গড়গড়ায় বসাইলে দাদা বলিলেন,—“মরিব মরিব সখী—এ নারী-হৃদয়ের অভিমানের উক্তি সন্দেহ নাই। কিন্তু সকল নারীই যে স্বামীকে রেখে মরতে চায়, তা নয়। অবশ্য সধবা মরা নারীর চির-আকাঙ্ক্ষিত, কিন্তু আদর্শ নারী সাবিত্রী ত মরতে চান নাই। বেহুলা স্বামীর জীবন-সঙ্গিনী থাকবার আশাতেই তার মরণ-সঙ্গিনী হয়ে জীবন ফিরে পেয়েছিলেন। স্বামি-গৌরবে গরবিণী নারীর সধবা অবস্থায় মরণ

কাম্য—কিন্তু নারীর এ কামনা স্বার্থ-বিজড়িত কামনা। স্বামীকে ছেড়ে গেলে স্বামীর যে কষ্ট হবে, সে তা ধারণার মধ্যেই আনলে না। সধবা অবস্থায় ম'রে নিজে ভাগ্যবতী নাম কিনলে। বিধবার কষ্ট ভুগলে না,—এই সে বড় ক'রে দেখলে; স্বামীর যে কি হবে, সেটুকু আর ভাবলে না। একে সত্যি প্রেমিকা বা জীবন-সঙ্গিনী কি ক'রে বলা যেতে পারে বল !”

অমল বলিল—“বেশ দাদা, একটু প্রেম-তত্ত্ব হোক না। দাদার মুখে প্রেমতত্ত্ব শুনে আনন্দ আছে।”

দাদা তামাকে ছুইটা টান দিয়া বলিলেন—“প্রেমতত্ত্ব শুনবে ?—সে প্রেম ছিল ব্রজের গোপীদের। শ্রীকৃষ্ণের সব চেয়ে প্রিয় ছিল ব্রজের গোপিকারা। এতে কৃষ্ণভক্ত দিব্যজ্ঞানী ঋষি নারদেরও ঈর্ষ্যা হয়েছিল। মহা ঋষি নারদের সব বিষয়ে দিব্যজ্ঞান এলেও প্রেম বিষয়ের ধারণা বা জ্ঞান বোধ হয় খুব কমই ছিল। তাই শ্রীকৃষ্ণ এক দিন নারদকে এ বিষয়ে কিছু শিক্ষা দেবার জন্ত মহা অসুখের ভাণ করলেন। নারদ এসেছেন, শ্রীকৃষ্ণ মাথার যন্ত্রণায় ছুটফুট কচ্ছেন। শ্রীকৃষ্ণের মাথাধরা—নারদ ত অস্থির। কি করলে প্রভুর মাথার ব্যথা সারে—কি করলে তিনি সুস্থ হবেন !

শ্রীকৃষ্ণ বললেন—“নারদ, এ মাথাধরা ত সারবার নয়। সারতে পারে শুধু যদি মা, বাবা আর দাদা বলরামের পদধূলি ছাড়া আর কারও পদধূলি এনে আন্না দিতে পার, তবেই সারতে পারে।”

নারদ, ভাবলেন; এ ত সোজা কাণ্ড। পৃথিবী জোড়া এত পা রয়েছে—নারদঋষি ঢেঁকী বাহনে এক দণ্ডে সহস্র পদের ধূলি কৃষ্ণচন্দ্রের জন্ত এনে এখনই শ্রীকৃষ্ণের মাথাধরা ছাড়িয়ে দেবেন।

নারদ পদধূলি আনতে যাত্রা করলেন—কিন্তু হায়, জগতের নাথ কৃষ্ণচন্দ্রের জন্ত পদধূলি পাওয়া ত তত সহজ হ'ল না। ঢেঁকী অবিশ্রান্ত চলেছে—কত দেশ-বিদেশ, গ্রাম-নগর পার হয়ে পদধূলির প্রার্থী হয়ে ফিচ্ছেন। শ্রীকৃষ্ণের জন্ত পদধূলি চাই, এ কথা শুনে সব পা গুটিয়ে নিচ্ছে ! ওঃ বাবা, শ্রীকৃষ্ণকে পদধূলি দেব—কার এমন সাহস ! কার এমন শক্তি ! হায়, তবে কি কৃষ্ণের এ মাথাধরা সারবে না !

নারদ শ্রীকৃষ্ণমহিষী সত্যতামা, কল্পিণী সবার কাছে

গেলেন, কত ঋষি, ঋষি-পত্নীর কাছে গেলেন— কেউ না, কেউ না—কেউ পদধূলি দিতে রাজী নয় !

ত্রিভুবন ঘুরে অবশেষে হতাশ হয়ে ফেরবার বেলায় নারদ গেলেন ব্রজের গোপীদের কাছে। নারদের ঢেঁকী আকাশপথে উড়ে আসতেই ব্রজাঙ্গনারা সব আকুল হয়ে ছুটে এল—প্রভু কৃষ্ণচন্দ্রের কি সংবাদ? প্রভু ভাল আছেন ত?

নারদ নীরস মুখে বললেন—‘সংবাদ ভাল নয়। প্রভুর বড় মাথার যন্ত্রণা—ত্রিলোক ঘুরে মাথাব্যথার ওষুধ খুঁজে এলাম, কোথাও মিললো না।’

মোল হাজার গোপী এককণ্ঠে ব’লে উঠলো—‘কি ওষুধ কি ওষুধ—প্রভুর মাথার যাতনা সারাতে কি চাই, বল দেবতা?’

পদধূলি !

মোল হাজার গোপিকা একসঙ্গে পা বাড়াইয়া দিয়া বলিল ‘ঠাকুর, এই নাও পদধূলি, আর কথা কইবার সময় নাই। এই পদধূলি দিয়ে আগে প্রভুকে স্নান কর।’

নারদ গোপিকাদের পদধূলি দিয়ে নারায়ণের মাথাপর্য্য সারালেন।

প্রেম এমনই যে, জগৎ যা দিতে সাহস করে নাই, গোপিকারা কৃষ্ণকে তাই দিয়েছিল। নারদ বললেন, কেন গোপিকারা নারায়ণের এত প্রিয় জীবনসঙ্গিনী।’

অমল বলিল—‘দাদা, এ ত পৌরাণিক হ’ল। আধুনিক প্রেমতত্ত্বের কিছু বলুন।’

দাদা হাসিয়া বলিলেন—‘কি আর বলবো? যুগ বয়ে গেছে, নূতন যুগ পড়েছে। তবে তোমার বৌদি আর আমার প্রেমের ছ’টো কথাই বলি।’

‘আজ পঁচিশ বছর অক্লান্তভাবে হাসিমুখে সে আনায়

টেনে নিয়ে আসছে। কোথাও বাওয়া আসা সে ছে দিয়েছে, আমারই জন্তে নানা অত্যাচারে নিজের অটুট স্বাস্থ্য খুইয়েছে—তোমাদের বৌদি আমার উদ্ধাম যৌবন-সীল প্রত্যক্ষ করেও সয়ে গেছেন। পাকা খেলোয়াড় যে ভাবে স্ত্রীটো টেনে উচ্ছ্বলকে বশে আনে, ইনিও তেমনই কখন রাশ আলগা দিয়ে, আবার কখনও ক’সে টেনে আমায় ঘর মুখ করেছিলেন। নইলে কি হ’ত কে জানে!

‘হাঁ, তার পর নারীর মরিব মরিব ব’লে যে কথাটা হচ্ছিল তোমাদের বৌদি কিন্তু এত সয়েও আমায় ফেলে মরতে একটুও রাজী নন। সে দিন ঐ পাশের ঘরে সব মেয়ের সধবা-মৃত্যুর আকাঙ্ক্ষা জানিয়ে তাঁদের নারী-জীবনের সাধ ও সতীত্বের মহিমা প্রচার কচ্ছিলেন—তোমার বৌদি গুনলু উঠটা গাইলেন—সকলে নিজ নিজ সাধ ব’লে গুঁকে নিজ সাধ ব্যক্ত করতে বলাতে উনি বললেন ‘তোমরা আশীর্বাদ কোরো, আমি যেন সধবা না মরি। আমি সধবা হ’লে গুঁর কি উপায় হবে? আজ ত্রিশ বছর আমি গুঁর সঙ্গে আছি—আমি এই অবস্থা গুঁর—আমি ছেড়ে গেলে উপায় কি হবে! তেমন সধবার সাধ নিয়ে আমি স্বর্গে গিয়েও ত সুখী হ’তে পারবো না!’

‘তবেই দেখছ, নারীও কেউ কেউ আছে যারা স্বামীকে ছেড়ে মরতেও রাজী নয়। প্রেমতত্ত্বের কোন্ দিক বড়, তোমরাই বিচার ক’রে দেখ।’

বাহিরে চুড়ির ঝঞ্জাৎ শোনা গেল। দাদা জানালা খুলিয়া বলিলেন, ‘ওহে, তোমাদের বৌদি বলছেন, পানটান যদি লাগে—’ ঘড়ীতে চং করিয়া একটা বাজিতে সকলের চমক ভাঙ্গিল—ওঃ, এত রাত হয়ে গেছে! দাদার কাছে প্রেমতত্ত্ব গুনতে বসলে সব ভুলে থাকতে হয়!

শ্রীজ্ঞানেন্দ্রনাথ চক্রবর্তী।

শ্যাম

সে শ্যামচাঁদের মতন পিরীতি জানে কি গো আর কেহ?
পিরীতির রসে রসাইয়া বিধি গড়িলা যে তার দেহ!
তাহার নয়নে পিরীতির দিষ্টি—বয়ানে পিরীতি-হাস—
তার রসনায় বাণীমহ চির-পিরীতি করয়ে বাস।
নামায় তাহার পিরীতির খাস সৌরভ হয়ে ধায়—
চলন-ছন্দে পিরীতি-মাখান পিরীতি সকল গায়!

অধর-পরশে বাশের সে বাণী হইল পিরীতি-গড়া
পিরীতির রসে ডুবান তাহার শিখি-চূড়া পীতধড়া।
চরণ-সরোজে যে নুপুর বাজে তাহে সে পিরীতি গাঁথা
তাহার পিরীতে পড়েছে পিরীতি খাইয়া আপন মাথা!
দেবদাস কহে এ হেন পিরীতি তাহার কপালে ঘটে
সেই ত নেহারে ভিতরে বাহিরে পরম-পিরীতি-নটে!

শ্রীদেবকণ্ঠ বাগ্‌চী।

কবিতার কাতরতা

খুলে নে' শিকল ও রে খুলে নে' শিকল,
 বিকল বাঁধনে মম কমনীয় কায়,
 বেঁধে গেছে কুন্তিবাস, সাতবাসী কাশীদাস,
 ধোপানী-চোপার ভয়ে গম্ভী দেছে চণ্ডী
 সমস্ত বাঁশীর রক্ত, পরশি ভারতচন্দ্র,
 সরস ছন্দের বন্ধে নাচালে আমার ।
 লুকায়ে ছিলাম স্তম্ভ, জাগালে ঈশ্বর গুপ্ত,
 তপ্ত তেলে তপ্পে মাছ ভাজালে রাঁধিয়ে ;
 কাঁদায়ে রাঁধালে পাঁঠা, গোটা আনারস
 ছাড়াইয়ে নিলে কি না বার ক'রে রস !
 মিথ্যেবাদী মাইকেল, যদিও ফেরালে ভেল,
 খুলেছি নিগড় ব'লে করি' আশ্ফালন,
 অস্ত হ'ল অস্তে বটে, অক্ষরে অক্ষরে
 মিত্রতা-বন্ধন ; তবু সেই যতি সেই ছন্দ,
 সেই অল্পপ্রাস গন্ধ, নিন্দনীয় সাক্ষ্য-সম্মিলনে ।
 হেমের প্রেমের চেউ, ভাল বলে কেউ কেউ,
 চার্টিগেয়ে খালাসী, নবীনের পলাশী,
 বিলাসী বীরের না কি বড়ই পছন্দ ;
 জাহাজের কাছি টানে, নাচে পদ্ম মদ্যপানে,
 বামুনে বন্ধিতে বাঁধে পদে বেড়ি ছন্দ ।
 জোড়া গেল ভাঙা বুক, হাসি হাসি হ'ল মুখ,
 রবির উদয় দেখি কবির আকাশে,
 শিখিল কবরী গ'লে এলাইল চুল,
 হুলিল অলকে মরি অচেনা কি ফুল,
 ভিজ্জে ভিজ্জে ঘুম, চুপি চুপি চুম্,
 কোকিল চুকিল নীড়ে, ডাকিল পাপিয়া ।
 স্বেচ্ছায় বেড়াই ছুটে, পিছনে আঁচল লুটে,
 লাজ টুটে ফুটে উঠি ফিন্ জোছনায় ;
 দাঁড়াই পা ছই বাড়ায়ে গিয়ে,
 না বাড়াতে এক পা—
 কভু বোসে পড়ি ধাঁ ;
 আরামে বিরাম করি না আসিতে শ্রম ;
 যেথা কথা কন্ কথা কন্,
 এই উঠি এই বসি,
 থরপদে চ'লে যাই সোজা বিশ রশি ।

আর কেবা রাখে দেবে,
 স্বাধীন হয়েছি ভেবে,
 বাজারে বেরুই ছেবে পরিয়া গাউন্ ;
 শেষে দেখি ডায়াকি,
 মজাদার ইয়াকি,
 ক্রিয়া যে কর্তার কাছে ; ইয়ার মিয়ান নাউন্ ।
 দোরে খিল দিয়ে মিল,
 ছন্দ হাসে খিল খিল,
 লুকায়ে লুকায়ে গতি,
 মাঝে মাঝে আসে যতি,
 মুখে এলে গ্রাস অল্পপ্রাস ছাড়ে না ত রবি ।
 এঁরো সেই নাকে শোঁকা,
 শ্রবণে কানের ধোঁকা,
 নোখ দিয়ে এখনও তো দেখে নাকো কবি ।
 খুলে নে' শিকল ও রে খুলে নে' শিকল,
 বাঁধনে বিকল মম কমনীয় কায়,
 খুলে দে বন্ধন, মুছে দে চন্দন,
 পায়স রন্ধনে নাই পিঁয়াজের গন্ধ ;
 পুরানো প্রাচীরে আর না রহিস্ বন্ধ ।
 এস নব নাট্যকার, পাঠ্যের পত্তনীদার,
 লুকানো কোথায় আছ যুবা জর্মান্দার ;—
 কোথায় রয়েছে ছদ্ম, মধ্যবিদ্যালয়পদ্ম,
 কেন মিছে ভানো ধান, ত্যজিয়া চতুর্থ মান,
 করাও সজোরে পান নব বন্ধে মধু ।
 লেখ বিবাহের পদ্য, সদ্য শোকোচ্ছ্বাস,
 ফেল নাবালক-দীর্ঘশ্বাস খাতার পাতায় ;
 বো'ঠান্ বো'ঠান্ ব'লে ধর ঘন তান,
 ফুলের চুলে ব্রাণ নিক্ ছটি কান ;
 বেহাগ শ্রবণে হোক পাগল রসনা,
 পশুক্ নাসার মাঝে বাসন্তী-বসনা,
 সবাই স্বাধীন বন্ধে সবাই স্বাধীন ;
 যে ক'দিন বাঁচি আমি কবিতা সুন্দরী—
 কেন বা রহিব হয়ে নিয়ম অধীন ।
 খুলে নে' শিকল ও রে খুলে নে' শিকল,
 দেখ কম কায় মম বাঁধনে বিকল ।

শ্রীঅমৃতলাল বসু ।



খেেলনা-শিল্প

আমাদের দেশে এ পর্যন্ত খেলনা-শিল্প বলিয়া কোন স্বতন্ত্র ও সুপ্রতিষ্ঠিত শিল্প নাই। অনেক ক্ষুদ্র ক্ষুদ্র সহরে অথবা বর্ধিষ্ণু গ্রামে সূত্রধর, মালাকার, কাঁসারী, কুম্ভকার প্রভৃতি শ্রেণীর লোকেরা কয়েকপ্রকার খেলনা প্রস্তুত করে এবং সেগুলি গ্রাম্য মেলা ইত্যাদিতে দেখিতে পাওয়া যায়। বড় বড় সহরে অবশ্য খেলনা-প্রস্তুতকারী বিশেষ শিল্পী ছুই চারি জন আছে; কিন্তু খেলনা-শিল্প অত্যাগ্ৰ শিল্পে নিযুক্ত ব্যক্তিগণের একটি উপজীবিকা মাত্র। আবশ্যিক কার্যের অবসরে এবং বিশেষ বিশেষ পূজা-পার্বণ উপলক্ষে ইহারা পুতুল তৈয়ারী করিয়া বৎসামাত্র রোজগার করে। আজকাল বঙ্গদেশের মধ্যে কেবলমাত্র বীরভূম জিলায় কাঠ ও ধাতব এবং নদীয়া জিলায় মাটির খেলনা ভূরিপরিমাণে প্রস্তুত হইতে দেখা যায়। কয়েক বৎসর হইতে 'কলিকাতা পটারী ওয়ার্কস' প্রতিষ্ঠিত হইয়া এ দেশে পুতুল-শিল্পেরও অনেক উন্নতি হইয়াছে। রুটির পরিবর্তনের সহিত পূর্বকার ধরণের খেলনার চলন কমিয়া গিয়াছে এবং ইহাতে বিশেষ লাভ হয় না বলিয়াও, আগে যাহারা এ কার্যে লিপ্ত ছিল, তাহারা এ কায ছাড়িয়া দিয়াছে। কিন্তু সুশৃঙ্খলভাবে গঠন করিয়া তুলিতে পারিলে খেলনা-শিল্প যে বেশ লাভজনক হইতে পারে, তাহাতে সন্দেহের অবসর নাই। প্রতিবৎসর ভারতের বাজারে বিক্রীত অর্ধ-কোটিরও অধিক টাকার বিলাতী খেলনা এ সম্বন্ধে অকাট্য সাক্ষ্য প্রদান করিতেছে।

শিল্পের ভিত্তি

বলা বহুল্য যে, বালক-বালিকাগণের চিত্তবিনোদন করা ও তাহাদিগের সময়ক্ষেপণের সহায়তা করাই খেলনা প্রস্তুতের মূল উদ্দেশ্য। সুদক্ষ কারিগর দ্বারা প্রস্তুত হইলে খেলনা আরও একটি উচ্চতর উদ্দেশ্যে ব্যবহৃত হইতে পারে—তাহা বালকদিগকে শিক্ষা প্রদান। বালক নির্ভের চতুর্দিকে যাহা

দেখিতে পায়, যে সামাজিক অবস্থার মধ্যে প্রতিপালিত হয়, তৎসমুদয় যদি খেলনায় প্রতিবিম্বিত হয়, তাহা হইলেই খেলনা চিত্তাকর্ষক হইয়া থাকে। বালক-বালিকার চরিত্রগঠনেও সেরূপ খেলনার সার্থকতা আছে। বস্তুতঃ সেই শ্রেণীর খেলনাকে 'সজীব' খেলনা বলিতে পারা যায়। অল্প কতকগুলি খেলনা একবারেই 'নির্জীব'; সেগুলি শিশুগণকে আদৌ মোহিত করিতে পারে না; কেবলমাত্র কাঠ, ধাতু অথবা প্রস্তরখণ্ডের ত্রায় ব্যবহৃত হয়। স্থান, কাল ও পাত্র বুঝিয়া যে শিল্পী খেলনা প্রস্তুত করিতে সমর্থ, তাহার দ্রব্যই অচিরে বাজারে প্রাধান্য লাভ করে। আমাদের দেশে কতিপয় শ্রেণীর খেলনা যে ক্রমশঃ বিলোপ পাইতেছে, তাহার মূল কারণই বর্তমান কালের পক্ষে তাহাদের অল্পপ-যোগিতা। বিলাতী খেলনার প্রসারবৃদ্ধির কারণ—সেগুলির নূতনত্ব। কিন্তু এই শেষোক্ত শ্রেণীর খেলনার প্রসার দেশের পক্ষে খুবই ক্ষতিকর। উক্তরূপ খেলনার উত্তরোত্তর কাট্টি-বৃদ্ধি শুধুই যে একটি দেশীয় শিল্পের উচ্ছেদসাধন করিতেছে, তাহা নহে; বিলাতী খেলনার ব্যবহারে আমাদের বালকবালিকাগণের কোমল হৃদয়ে অলক্ষিতভাবে এমন একটি বিজাতীয়তার ছাপ পড়িয়া যাইতেছে—যাহা তাহাদিগকে ভবিষ্যতে জাতীয়তার পথ হইতে বিচ্যুত করিতে পারে। সেই জন্তই যাহাতে ভারতীয় শিশুগণের উপযুক্ত খেলনা দেশেই প্রস্তুত হয় এবং তৎসমুদয় উৎকর্ষে ও মূল্যে বিদেশীয় সমশ্রেণীয় দ্রব্যের সমতুল্য হয়, সে বিষয়ে অবহিত হওয়া ভারতবাসীর একান্ত কর্তব্য। এ সম্বন্ধে আরও একটি বিবেচ্য বিষয় এই যে, বর্তমান অন্নসঙ্কটের সময় খেলনা প্রস্তুতস্বরূপ উপজীবিকা নষ্ট হইতে দেওয়া উচিত নহে। এত বিবিধরূপের খেলনা আছে যে, অবসরসময় এই সমুদয় প্রস্তুত করিয়া পুরুষ ও স্ত্রীলোক—সকলেই কিছু কিছু অর্থ উপার্জন করিতে পারেন।

খেলনার শ্রেণীবিভাগ

খেলনা নানা প্রকারের হইয়া থাকে। ইহার জন্ত আবশ্যিক উপাদান আদৌ হ্রস্ত নহে। অবশ্য বিশেষ বিশেষ প্রকারের খেলনার জন্ত বিশেষ বিশেষ উপাদানের কথা স্বতন্ত্র। সামান্য যুক্তিকা হইতে আরম্ভ করিয়া চীনা মাটি, প্রস্তর, কাঠ, বাঁশ, বেত, টিন, পিত্তল, তামা, লোহা, কাচ, নানা বিধ সূত্র ও বস্ত্র ইত্যাদি সমস্তই খেলনা প্রস্তুতে ব্যবহৃত হয়। বর্তমান যুগে যে সমুদয় খেলনা প্রচলিত, সেগুলিকে মোটামুটি নিম্নলিখিত কয়েকটি শ্রেণীতে বিভক্ত করিতে পারা যায় :-

চীনা মাটি ও কাচ :- এই প্রকারের পুতুল প্রায়ই বিদেশ হইতে আমদানী হয়; ইহাদের চক্ষু কাচ দ্বারা প্রস্তুত। শুধু রঙ্গিন কাচের খেলনাও আছে; কিন্তু চীনা মাটির অল্পপাতে কম।

কাঠপিণ্ড অথবা কাগজের খেলনা :- জাপান হইতে এই শ্রেণীর খেলনা অল্পবিস্তর আমদানী হয়।

কাঠ :- বহু পুরাকাল হইতে এতদেশে কাঠের খেলনা চলিত আছে। কাঠ কুঁদিয়া অথবা কাঠের উপর চিত্র করিয়া এই সমুদয় খেলনা প্রস্তুত হয়; জর্মনী এবং জাপান এই শ্রেণীর খেলনায় যেরূপ উন্নতি সাধন করিয়াছে, ভারত তাহার কিছুই পারে নাই। বঙ্গদেশে কিন্তু কাঠনির্মিত সজ্জিত খেলনা প্রস্তুতে অনেকটা উন্নতি সাধিত হইয়াছে। তাহার একটি নমুনা এ স্থলে প্রদর্শিত হইল।



সজ্জিতা বালিকা

ধাতুনির্মিত খেলনা :- পূর্বে পিত্তলের অনেক প্রকার খেলনা প্রস্তুত হইত; এখনও উড়িষ্যার এবং যুক্তপ্রদেশের কতিপয় স্থানে এরূপ খেলনা দেখিতে পাওয়া যায়। কিন্তু বঙ্গদেশে উহা প্রায় উঠিয়া গিয়াছে। তৎপরিবর্তে বরং টিন ও সামান্যমাত্রায় ব্রোঞ্জের প্রস্তুত খেলনার চলন হইয়াছে। লোহা, পিত্তল ও কাঠ দ্বারা

প্রস্তুত কয়েক রকমের খেলনা আজকাল দেখা যাইতেছে। তৎসমুদয়ে যে কারুকার্য ও শিল্প-নিপুণতা প্রদর্শিত



নানা প্রকারের খেলনা

হইয়াছে, তাহা হইতে বুঝিতে পারা যায় যে, বাঙ্গালী শিল্পী সুযোগ ও উৎসাহ পাইলে উচ্চশ্রেণীর দ্রব্য প্রস্তুত করিতে পারে। কলিকাতায় শিল্পীগণের দ্বারা প্রস্তুত এইরূপ দুইটি খেলনা দেখিলেই তাহা সহজে বুঝিতে পারা যাইবে।

প্রস্তর-নির্মিত খেলনা :-

শ্বেত ও নানা বিধ বর্ণের প্রস্তর খেলনা প্রস্তুতে নিয়োগ করা হয়। যুক্তপ্রদেশ ও পঞ্চনদের স্থানে স্থানে এই শ্রেণীর খেলনা প্রস্তুত হয় এবং বঙ্গদেশে উত্তর-পশ্চিমাঞ্চলের ফিরিওয়ালাগণ তৎসমুদয় বিক্রয় করে। সাধারণতঃ এই শ্রেণীর খেলনার মূল্য কিছু অধিক।

**সান ও মাস্তাদির প্রতি-
কৃতি** :- রেলের গাড়ী, মোটর গাড়ী, জাহাজ, বড়ী-সংযুক্ত মনুষ্য অথবা জীবজন্তুর আকৃতি ইত্যাদি এই শ্রেণীর অন্তর্ভুক্ত। বিশেষজ্ঞ শিল্পী দ্বারা প্রস্তুত হইলে এই প্রকারের খেলনা শুধুই যে বালকগণকে আনন্দ




হাওয়ার বন্দুক

প্রদান করিতে পারে, তাহা নহে; এরূপ খেলার দ্রব্য হইতে কলকজা সযত্নে তাহাদের একটা স্থলজ্ঞানও জন্মিয়া থাকে।

কাপড় ও বনাভের খেলনা—এই শ্রেণীর সজ্জিত খেলনা সমুদায়ের চলন কিছু কম। কিন্তু অত্যাগ্র খেলনার অল্পপাতে ইহাদের মূল্য অধিক।

সেলুলইড খেলনা—ইহা আধুনিক যুগের আবিষ্কার। সেলুলইডের বড় বড় পুতুল কলিকাতায় আজকাল অপরিচিত নহে। সেলুলইড মস্তক ও রবরের দেহ-সংবলিত পুতুলের চলনও ক্রমশঃ অধিক হইতেছে। এগুলি অধিকদিনস্থায়ী।

বৈজ্ঞানিক খেলনা—এই শ্রেণীর খেলনাই খেলনা-জগতে সবিশেষ উন্নতি এবং জন্মগীতে ইহা বিশেষ পরিপুষ্টি লাভ করিয়াছে। মনুষ্য ও পশুদির প্রতিকৃতি এরূপ ভাবে প্রস্তুত করা হয় যে, সেগুলি তরুণ-তরুণীগণের পক্ষে যেমন চিত্তাকর্ষক, তেমনই শিক্ষাপ্রদ হইয়া থাকে। বাস্তব



সেলুলইড খেলনা প্রস্তুতের কারখানা

ও প্রাকৃত আকৃতির সহিত এরূপ খেলনার যথেষ্ট সামগ্র্য আছে এবং ইহাদের অঙ্গ-প্রত্যঙ্গগুলি খুলিয়া লইতে ও আবশ্যিকমত যোজনা করিতে পারা যায়। শুধু গ্রন্থপাঠে বালকগণ যে জ্ঞান লাভ করিতে না পারে, এইরূপ খেলনা দ্বারা তাহাদিগের ততোধিক জ্ঞান অর্জন করা সম্ভবপর হয়।

বিদেশীয় খেলনা-শিল্প

জগতের সমস্ত উন্নতিশীল এবং সুসভ্য দেশেই খেলনা-শিল্পের অল্প-বিস্তর উন্নতি সাধিত হইয়াছে। কিন্তু এ বিষয়ে জন্মগীই সর্বাগ্রগণ্য এবং তৎপরেই জাপান। বিগত মহা-যুদ্ধের পূর্বে জন্মগীতে ১৪ কোটি মার্ক মূল্যের খেলনা উৎপাদিত হইত। যুদ্ধের সময় অবশ্য জন্মগীর খেলনা

ব্যবসায়ের বিশেষ ক্ষতি হইয়াছিল এবং সেই সুযোগে জাপান জন্মগীর অনেক ব্যবসায়ক্কেত্র অধিকার করিয়া লয়। কিন্তু যুদ্ধের পর জন্মগী আবার পূর্ণরূপে খেলনা-শিল্পের জীবন-প্রতিষ্ঠা করিতে সমর্থ হইয়াছে। তাহার প্রমাণস্বরূপ বলিতে পারা যায় যে, ১৯২০ খৃষ্টাব্দে জন্মগী নিজ দেশে উৎপাদিত খেলনার শতকরা ৭৩ ভাগ বিদেশে চালান দিয়াছে; বিদেশে প্রেরিত খেলনার পরিমাণ ৬ লক্ষ ১৭ হাজার ১ শত ২৬ হন্দর। ইহাও এ স্থলে বলা আবশ্যিক যে, ইংলণ্ডই জন্মগ খেলনার সর্বাধিক বড় খরিদার। ফলতঃ এখনও জন্মগীতে খেলনা-শিল্প পূর্বের তায় উন্নত অবস্থায় না আসিলেও, জন্মগী নানারূপ প্রতিকূল অবস্থার মধ্যে থাকিয়াও, জগতের বাজারে খেলনা বিক্রয় করিয়া অন্ততঃ ৫ কোটি টাকা লাভ করিতেছে। আমাদিগের দেশে খেলনা-শিল্প সুপ্রতিষ্ঠিত করিতে হইলে জন্মগীর খেলনা-শিল্পের সংগঠন ও বিক্রয়-প্রণালী সম্যক্রূপে হৃদয়ঙ্গম করা উচিত। যদিও জন্মগীর প্রায় সর্বত্রই খেলনা প্রস্তুত হইয়া থাকে, তথাপি খেলনা উৎপাদনের তিনটি প্রধান কেন্দ্র আছে;—সাক্সনী (Saxony), থুরিংজিয়া (Thuringia) ও নুরেমবর্গ (Nuremberg)। প্রথমোক্ত দুইটি স্থানে

খেলনা প্রস্তুত গৃহ শিল্প বহুকাল হইতে চলিয়া আসিতেছে। তাহার ফলে শিল্পিগণ এত দক্ষ হইয়াছে যে, সামান্য ব্যয়ে ভূরি-উৎপাদন (mass production) করিতে তাহারা সমর্থ। বিচিত্র খেলনা প্রস্তুত করাও তাহাদের বিশেষত্ব।

কুটার-শিল্প হিসাবে জন্মগীতে বহু পরিমাণ খেলনা প্রস্তুত হয়; তন্মিত্ত খেলনা প্রস্তুতের বড় বড় কারখানাও আছে। দৃষ্টান্তস্বরূপ আমরা এ স্থলে হানোভার নগরে ডাক্তার হনিয়সের সেলুলইড খেলনা কারখানার উল্লেখ করিতে পারি। এই প্রসিদ্ধ ও বিপুল-কলেবর কারখানায় উৎপাদিত খেলনা-সমূহ আজকাল জগতের প্রায় সর্বত্র সুসভ্য দেশেই দেখা দিয়াছে। গোপিঞ্জেন

(Goppingen), জিঙ্গেন (Gingen on Brenz) ইত্যাদি নগরেও বিশাল কারখানা-সমূহ বিদ্যমান রহিয়াছে। আর এক শ্রেণীর কারখানা জর্মনীতে কিছু দিন হইতে প্রতিষ্ঠিত হইয়াছে—যাহাদিগের বিশেষত্ব মনুষ্য ও পশুদির সঠিক

প্রতিকৃতি প্রস্তুত করা। এই কারখানার মধ্যে মিউনিক (Munich) সহরের Zoo-Werkstaetten নামক কারখানা সর্বাধিক অধিক প্রসিদ্ধি লাভ করিয়াছে। এখানে সিংহ, ব্যাঘ্র, কুকুর, বিড়াল, পাখী, বাদর প্রভৃতির আকৃতি বিশেষজ্ঞ ব্যক্তিগণের design অনুসারে প্রস্তুত হয় এবং

সেগুলির অঙ্গ-প্রত্যঙ্গ সমস্তই বৈজ্ঞানিক হিসাবে সঠিক। এ স্থলে প্রদর্শিত ছবি হইতে তাহার কতকটা আভাস পাওয়া যাইবে। বস্তুতঃ জর্মনী বিজ্ঞানের সাহায্য গ্রহণ করিয়া, নানা দেশের লোকের চরিত্র অনুশীলন করিয়া এবং সম্ভবত্ব-মাল-উৎপাদনের ব্যবস্থা করিয়া আজকাল জগতের খেলনার বাজারে শীর্ষস্থান অধিকার করিয়াছে। বিগত মহাযুদ্ধের সময় ইংলণ্ড, মার্কিন, জাপান প্রভৃতি অনেকেই খেলনার বাজারে যথেষ্ট প্রতিপত্তি লাভ করিয়াছিলেন; কিন্তু এখন সকলকেই হটিয়া যাইতে হইতেছে।

শিল্প সৃষ্টির উপায়

আমাদিগের দেশে বিভিন্ন সহরে 'বে' তথা-কথিত Technical স্কুলসমূহ আছে, সেগুলি সংখ্যায় যথেষ্ট

নহে এবং মধ্যবিত্ত গৃহস্থের উপযোগী কলাবিদ্যা উক্ত স্কুলসমূহে উপযুক্তরূপে শিক্ষা দেওয়া হয় না। খেলনা প্রস্তুত ত কোন স্থানেই শিক্ষা দেওয়া হয় না। কিন্তু যে খেলনা-শিল্প আজকাল দেশে বিচ্ছিন্ন অবস্থায় লুপ্ত রহিয়াছে,



সিম্পাঞ্জী দম্পতি

তাহাকে শৃঙ্খলা সহিত সংগঠন পূর্বক বিকশিত করিয়া তুলিতে হইলে উপযুক্ত শিক্ষাপ্রদান দ্বারা প্রথমেই শিল্পী প্রস্তুত করা আবশ্যিক। জর্মনী ইহা সম্যক্রূপে বুঝিতে পারিয়াই খেলনা-শিল্প শিক্ষা দিবার জন্ত কয়েকটি স্কুল স্থাপন করিয়াছে। এইরূপ স্কুলের মধ্যে তিনটি প্রধান এবং উহাদের

প্রত্যেকের সহিত এক একটি প্রাথমিক (Preparatory) স্কুল সংযুক্ত রহিয়াছে। বিভিন্ন শ্রেণীর খেলনা প্রস্তুতের জন্ত আবশ্যিক উপাদান পরীক্ষা ও নির্বাচন, প্রতিকৃতি, গঠনের আদর্শ-রচনা, কাঠের কাষ, কাচ চীনা মাটি প্রভৃতির ব্যবহার, পুতুলের অঙ্গ-যোজনা ইত্যাদি বিষয় এই সমস্ত স্কুলে শিক্ষা দেওয়া হইয়া থাকে। এতদ্বশে এই প্রকারের স্কুল স্থাপন করা আবশ্যিক হইলেও উহা কার্যে পরিণত করিতে কিছু সময়পাত অবশ্যস্তাবী। কিন্তু আপাততঃ যে সমস্ত টেকনিক্যাল স্কুল আছে, তৎসমুদয়ে বিশেষভাবে খেলনা প্রস্তুত শিক্ষা দেওয়ার ব্যবস্থা সহজেই হইতে পারে। যদি প্রতি স্কুলে দেশীয় ও বিদেশীয় উৎকৃষ্ট খেলনা-সমূহের নমুনা রাখা হয় এবং ছাত্রদিগকে কোন্ কোন্ বিষয়ে বিদেশীয় খেলনার উৎকর্ষ আছে, তাহা স্পষ্টরূপে বুঝাইয়া দিয়া, কি প্রণালীতে কার্য করিলে উক্তরূপ উৎকর্ষ লাভ করিতে পারা যায়, তাহা দেখাইয়া দেওয়া হয়, তাহা হইলে সাধারণতঃ বুদ্ধিমান বাঙ্গালী বালক সহজেই ঐরূপ শিল্প-কৌশল (technique) আয়ত্ত করিতে পারে। এই প্রকারের কতিপয় স্কুল খেলনা-শিল্পী প্রস্তুত



পিঞ্জরে পাখী

করিতে হইলে তাহাদিগের সাহায্যে গ্রামে অথবা নগরে অনেকে আবার খেলনা প্রস্তুত শিক্ষা করিতে পারে।

আমরা পূর্বে উল্লেখ করিয়াছি যে, জন্মগীর কতিপয় স্থানে খেলনা প্রস্তুত সাধারণ গৃহস্থের একটি উপজীবিকা। আমাদিগের দেশে খেলনা-শিল্পের উন্নতিসাধন করিতে হইলে এই পথেই অগ্রসর হওয়া সমীচীন বলিয়া বোধ হয়। দৃষ্টান্তস্বরূপ বলিতে পারা যায় যে, সামান্য শিক্ষা পাইলে ভদ্র মহিলাগণ কাপড়ের, কাঠের অথবা বনাতের সজ্জিত পুতুল প্রস্তুত করিতে পারেন। কাঠের পুতুলের অবশ্য 'কাঠামো' অগ্রেই পাওয়া দরকার এবং অল্প পুতুলের এক একটি নমুনাও (Pattern) চক্রুর সম্মুখে রাখা আবশ্যিক। খেলনা-শিল্প পরিপুষ্টির উদ্দেশ্যে যদি একটি প্রচার-সমিতি গঠিত হয় এবং উক্ত সমিতি বাজার-চলিত খেলনার নমুনাসহ বঙ্গের ক্ষুদ্র ক্ষুদ্র সহরে ও জনবহুল গ্রামে প্রচারক পাঠাইয়া খেলনা রচনাপ্রণালী শিক্ষা দেন, তাহা হইলে অপেক্ষাকৃত অল্পসময়ের মধ্যেই বঙ্গে খেলনা-শিল্প সূদৃঢ় ভিত্তিতে প্রতিষ্ঠিত হইতে পারে।

এ স্থলে আরও বলা আবশ্যিক যে, উক্তরূপ সমিতিকে দুইটি প্রধান কার্য করিতে হইবে ;—(১) খেলনা প্রস্তুতে আবশ্যিক উপাদান যথাসম্ভব স্বল্পমূল্যে শিল্পিগণকে সরবরাহ

করা এবং (২) প্রস্তুতীকৃত খেলনা যে বাজারে সর্বোচ্চ মূল্যে পাওয়া যায়, তথায় বিক্রয় করা। এরূপ ব্যবস্থা না থাকিলে অন্ততঃ প্রথম অবস্থায় শিল্পিগণ উৎসাহের অভাবে কার্যে শিথিলতা প্রদর্শন করিবে। গৃহ, শিল্প-বিদ্যালয় অথবা কারখানাজাত সমস্ত খেলনা সম্বন্ধেই এই কথা বলিতে পারা যায়। নির্দিষ্ট প্রকারের খেলনা লইয়া ও প্রধানতঃ বর্তমান টেকনিক্যাল স্কুলসমূহের উপর নির্ভর করিয়া খেলনা-শিল্প প্রতিষ্ঠার সূত্রপাত করিতে পারা যায়। এইরূপ সামান্য প্রারম্ভও যে নিঃফল হইবে, তাহা বোধ হয় না। কারণ, সচরাচর প্রদর্শনী ও দোকান প্রভৃতিতে যে খেলনার নমুনা দেখা যায়, সেগুলিতে বাঙ্গালী শিল্পীর কল্পনা ও শিল্প-নিপুণতার অভাব নাই। আবশ্যিক কেবল ভূরি উৎপাদন দ্বারা খেলনার মূল্য স্থূলভ করা এবং এরূপ আদর্শে খেলনা প্রস্তুত করা—বাহাতে সেগুলি ভারতের বিভিন্ন প্রদেশের বালক-বালিকাগণের রুচিসঙ্গত ও প্রীতিকর হইতে পারে। তাহা হইলেই মাল কাটতির কোন বিঘ্নই হইবে না। আমরা বর্তমান প্রবন্ধে খেলনা-সম্বন্ধীয় কারখানা শিল্পের আলোচনা করিতে বিরত থাকিলাম; কারণ, বর্তমান অবস্থায় এতদ্দেশে সেরূপ কারখানা প্রতিষ্ঠার অনেক অন্তরায় রহিয়াছে।


শ্রীনিকুঞ্জবিহারী দত্ত।

আবার ?

আবার কি প্রিয়, আসিবে গো তুমি
আমার কুটীর-দ্বারে ?
আবার কি কভু ফুটিবেক ফুল,
গাংবে ফুলে ফুলে ভ্রমরার কুল,
আবার কি কভু উঠিবে গো সুর
ছিন্ন বীণারই তারে ?
আসিবে কি প্রিয়, আসিবে আবার
আমারি কুটীর-দ্বারে ?
আবার কি পাখী গেয়ে' যাবে গান,
বসন্তের দূত তুলি' কুহুতান,—
ভবিয়া দিবে গো ব্যথিত এ প্রাণ
কোন্ সে অজানা সুরে !
হাসিবে কি প্রিয়, হাসিবে আবার
আমারি কুটীর-দ্বারে ?

আবার কি প্রিয়, এ নদীর কূলে,—
আসিবে গো তুমি, আসিবে কি ভূলে
ভাসিয়ে তোমার সোনার তরণী
আকুল নদীর নীরে,
আসিবে কি প্রিয়, আসিবে কি তুমি
আমারি কুটীর-দ্বারে ?
হাসিবে কি প্রিয় হাসিবে কি তুমি,
উজল করিয়া নগ-নদী ভূমি ?
স্বরগের জ্যোতিঃ আনিবে মরতে
অমল কিরণ ধারে,
আবার কি প্রিয় আসিবে গো তুমি
আমারি কুটীর-দ্বারে ?

শ্রীযতীন্দ্রনাথ সেনগুপ্ত



ইতিহাস ও পুরাণ

আজকাল আমাদের দেশে ইতিহাসের চর্চা আরক হইয়াছে। আমরা এই বিষয়ে নানা দিক দিয়া অগ্রসর হইতেছি। বাঙ্গালার সাহিত্য-সম্রাট স্বর্গীয় বঙ্কিমচন্দ্র বলিয়া গিয়াছেন,—“বাঙ্গালায় ইতিহাস চাই—নহিলে বাঙ্গালার ভরসা নাই।” সেই হইতে সেই মহাশয়ার মৃত-সঞ্জীবন মন্ত্রে যেন বাঙ্গালার ইতিহাসের আলোচনা নব-জীবন পাইয়াছে। এই অল্পকালের মধ্যে এই পথে বাঙ্গালী যতটা অগ্রসর হইয়াছে, তাহা আশাপ্রদ।

আমাদের দেশের প্রাচীন ইতিহাস নাই। যুরোপীয়রা অনেকে বলেন, হিন্দুরা ইতিহাস লিখিত না,—ইতিহাসের মর্যাদা বুঝিত না। আমরা এ কথা কোনমতেই স্বীকার করি না। ইতিহাস কথাটা নূতন প্রস্তুত হয় নাই। বৈদিক সাহিত্য হইতে পৌরাণিক সাহিত্য পর্যন্ত সর্ব-সাহিত্যেই “ইতিহাস” শব্দের বহুল ব্যবহার দেখা যায়। আমরা এই প্রবন্ধে সে সকল কথার আলোচনা করিব। তাহার পর হই একখানি আধুনিক ইতিহাস যে না পাওয়া গিয়াছে, তাহা নহে। কাশ্মীরের কল্লন মিশ্র প্রণীত রাজ-তরঙ্গিনী, রাজপুতানার রাজপুতদিগের কাহিনী, চাঁদ-কবি প্রণীত পৃথ্বীরাজ-চরিত, বাঙ্গালার লঘুভারত, বল্লাল-চরিত প্রভৃতি হিন্দুদিগের শেষ আমলের কয়েকখানা বিক্ষিপ্ত ইতিহাস বা ইতিহাসের ছায় গ্রন্থ সম্পূর্ণ বা খণ্ডিত অবস্থার পাওয়া গিয়াছে। তবে প্রাচীন অর্থাৎ বৌদ্ধ-যুগের পূর্ববর্তী সময়ের হিন্দুদিগের ইতিহাস নাই; না থাকিবার অনেকগুলি প্রবল কারণ আছে। তন্মধ্যে একটি কারণের কথা সুপ্রসিদ্ধ ঐতিহাসিক ভিজেন্ট স্মিথ অতি সুন্দরভাবে বিবৃত করিয়াছেন। আমরা এই স্থানে তাঁহার কথা কয়টি উদ্ধৃত করিয়া দিলাম,—

“A large part of the destruction of writings in India, which is always going on, must be ascribed to the peculiarities of the climate and the ravages of various pests,

especially the white ants. The action of these causes can be Checked only by unremitting care, sedulous vigilance and considerable expense, conditions never easy of attainment under Asiatic administration and wholly unattainable in times when documents have been deprived of immediate value by political changes (Akbar, page 3.)”

ইহার মর্মার্থ এইরূপ, —“ভারতের অনেক পুথি-পত্র যে ধ্বংস হইয়া যাইতেছে, তাহার একটা মোটা কারণ এই, দেশের আবহাওয়া, আর নানা রকমের আপদবালাই। তন্মধ্যে উইপোকা একটা বিশেষ বালাই। বিশেষ সতর্ক না থাকিলে এবং অর্থ-ব্যয় না করিলে ঐরূপ উৎপাত হইতে পুথি-পত্র রক্ষা করা যায় না। আর যখন রাজনীতিক পরিবর্তনের ফলে পুথি-পত্রের ও দলিল-দস্তাবেজের উপস্থিত প্রয়োজনীয়তা কমিয়া যায়, তখন উহা রক্ষা করাই অসম্ভব হইয়া পড়ে।”

ভিজেন্ট স্মিথ মুখ্যতঃ আকবরের সময়ের পুথি ও দলিল-দস্তাবেজের কথা বলিয়াছেন। ৩ শত ২১ বৎসর পূর্বে আকবরের মৃত্যু হইয়াছে। তাঁহার মৃত্যুকাল পর্যন্ত তাঁহার কাগজপত্র সম্বন্ধে রক্ষিত ছিল, কিন্তু এই ৩ শত ২১ বৎসরের মধ্যে তাহার অধিকাংশই লোপ পাইয়াছে। ভারতের ইতিহাসে ৩ শত বা ৪ শত বৎসর অতি অল্প সময়। এই অল্প সময়ের মধ্যে যদি এত প্রয়োজনীয় কাগজ-পত্রের অধিকাংশ নষ্ট হইয়া যায়, তাহা হইলে হাজার বা দেড় হাজার বৎসরেরও অধিক পুরাতন ইতিহাস গ্রন্থ যে একে-বারে নষ্ট হইয়া যাইবে, তাহাতে আর বিশ্বয়ের বিষয় কি আছে? গত আড়াই হাজার বৎসরে ভারতে যে কত বিপ্লব হইয়া গিয়াছে, তাহার আর ইয়ত্তা নাই। এই সকল বিপ্লবও পুস্তকাগার-ধ্বংসের ও ইতিহাসনাশের এক একটা প্রবল কারণ। মুসলমান অধিকারকালে বিহার এবং প্রদেশপুর্বে যে বিশাল পুস্তকাগার ধ্বংস হইয়াছিল,

তাহা হইতেই রাজনীতিক বিপ্লবে পুস্তকাদি ধ্বংসের সম্ভাবনা যে কত অধিক, তাহার একটা আভাস পাওয়া যায়।

ইতিহাসরক্ষার পক্ষে আর একটা অতি প্রবল অন্তরায় ছিল। কালের সহিত ইতিহাসের বিস্তৃতি বৃদ্ধি পায়; অর্থাৎ যত দিন যায়, ইতিহাস তত বিস্তৃত হইয়া পড়ে। তখন লোকের পক্ষে উহা সমস্ত মুখস্থ রাখাই কঠিন হইয়া উঠে। পূর্বকালে মাগধ ও চারণগণই ইতিহাস মুখস্থ করিয়া তাহার আবৃত্তি করিতেন। তাঁহাদের পক্ষে সমস্ত ইতিহাস যখন মুখস্থ রাখা কঠিন হইত, তখন তাঁহারা, যে রাজবংশ যে প্রদেশে রাজত্ব করিতেন, সেই রাজবংশের ইতিহাসই কীর্তন করিতেন। কিন্তু অকস্মাৎ যদি অত্র বংশের রাজা বা কোন সেনাপতি আসিয়া কাহারও রাজ্য দখল করিতেন, তাহা হইলে রাজনীতিক কারণেই নবভূপতি মাগধ, চারণ প্রভৃতিকে রাজ্যচ্যুত রাজগণের গুণকীর্তনে বা ইতিহাস গঠনে বাধা দিতেন। অন্ততঃ ঐ সকল পূর্ববর্তী রাজার ইতিহাস কীর্তন করিলে মাগধ ও চারণগণের অর্থ-প্রাপ্তির বিশেষ সুবিধা থাকিত না। কায়েই তাঁহারা পূর্বতন ইতিহাসপাঠ ছাড়িয়া দিয়া নূতন রাজগণের ইতিহাস-পাঠে মনোযোগী হইতেন। পুরাতন ইতিহাস পৃথির মধ্যেই রুদ্ধ থাকিত। পরে কালবশে সেই সকল পুথি উইপোকাকার উৎসরে বা বৈশ্বানরের জঠরেই পরিপাক পাইত। এই প্রকারে অনেক ইতিহাস বিলুপ্ত হইয়া গিয়াছে। চাঁদ কবি প্রভৃতি যে সকল ঐতিহাসিক গ্রন্থের বা নিবন্ধের অস্তিত্ব সম্বন্ধে আভাস দিয়াছেন, তাহার কোনখানিরই কোন সন্ধান আজ পর্য্যন্ত মিলে নাই।

এখানে একটা প্রশ্ন হইতে পারে যে, বেদ, বেদাঙ্গ প্রভৃতি একবারে লোপ পাইল না, ইতিহাসই বা এমন ভাবে সমূলে লোপ পাইল কেন? ইহার উত্তর অতি সহজ। ঋতি, স্মৃতি, দর্শন, পুরাণ, তন্ত্র প্রভৃতি ধর্মশাস্ত্র হিসাবে ব্রাহ্মণগণ পাঠ এবং রক্ষা করিতেন। উহার রীতিমত অধ্যয়ন ও অধ্যাপনা চলিত। ঐ সকল অধ্যয়নের এক একটা ফলশ্রুতিও আছে। কায়েই ধর্ম হিসাবে ও ধর্মবিশ্বাসের বশে উহা পঠিত হইত। তাহা হইলেও উহার প্রত্যেকেরই কত অংশ যে এখন লোকচক্ষুর অন্তরালে আত্মগোপন করিয়াছে, তাহার ইয়ত্তা নাই। বেদের বহু

শাখার এখন সন্ধান মিলিতেছে না। সকল স্মৃতি গ্রন্থের যে সকল অংশ পাওয়া গিয়াছে, তাহা মনে হয় না। আয়ুর্বেদ শাস্ত্র ত মানুষের নিত্য প্রয়োজনীয়। রাষ্ট্রভঙ্গো উহার আলোচনা বন্ধ হইবার নহে। কিন্তু সেই আয়ুর্বেদ শাস্ত্রের এখন ছই খানিমান প্রাচীন গ্রন্থ প্রচলিত আছে; তন্মধ্যে কেহ কেহ বলেন যে, একখানি অপেক্ষাকৃত অর্কাচীন। কিন্তু ঐ গ্রন্থে আরও উনিশ কুড়ি জন ঋষি প্রণীত গ্রন্থের উল্লেখ দেখিতে পাওয়া যায়। গ্রন্থগুলি আর মিলে না। নীতিশাস্ত্র মানব-সমাজের বিশেষ প্রয়োজনীয় গ্রন্থ। উহার আলোচনাও কখনই একবারে বন্ধ হয় নাই। কিন্তু তাহা হইলেও উহার বহু গ্রন্থ আর পাওয়া যাইতেছে না। ব্রহ্মা এক কোটি শ্লোকায়ুক্ত একখানি নীতিগ্রন্থ প্রণয়ন করিয়াছিলেন; উহা 'তর্ক বিস্তৃত' অর্থাৎ উহাতে প্রত্যেক সিদ্ধান্তের হেতুবাদ প্রদত্ত ছিল। * সে গ্রন্থ গেল কোথায়? শুক্রাচার্য্য লিখিয়াছেন যে, মানুষের আয়ুঃ ক্রমশঃ অল্প হইতেছে দেখিয়া, তিনি ব্রহ্ম-প্রণীত নীতিশাস্ত্রের সিদ্ধান্ত-গুলিই শ্লোকাকারে তাঁহার নীতিশাস্ত্রে নিবন্ধ করিয়াছেন। তিনি আরও বলিয়াছেন যে, বশিষ্ঠ প্রভৃতি মহর্ষিরাও তাঁহার পূর্বে উক্ত ব্রহ্ম-প্রণীত নীতিশাস্ত্রের সংক্ষিপ্ত-সার লিখিয়া গিয়াছেন। সে সকল গ্রন্থও আর নাই। কোটিল্যের অর্থশাস্ত্র ত সম্প্রতি পাওয়া গিয়াছে। এইরূপ অনেক গ্রন্থই বিলুপ্ত হইয়া গিয়াছে। তবে অত্র শাস্ত্র অবশ্য-পাঠ্য বলিয়া তাহার কিছু কিছু আছে, ইতিহাসের প্রায় কিছুই নাই।

এখন প্রশ্ন হইতেছে যে, প্রাচীনকালে ইতিহাস যে লিপিত হইত, তাহার প্রমাণ কি? প্রমাণ প্রাচীনকালের সাহিত্য। পূর্বেই বলা হইয়াছে যে, বৈদিক সাহিত্য হইতে পৌরাণিক সাহিত্য পর্য্যন্ত সকল সাহিত্যেই ইতিহাসকে অতি উচ্চ স্থান দেওয়া হইয়াছে। তবে পৌরাণিক সাহিত্যের শেষের দিকে ইতিহাসের স্থানটি যেন বিশেষ

* কেহ কেহ মনে করেন যে, ব্রহ্মার প্রণীত কোন গ্রন্থই থাকিতে পারে না, কারণ, ব্রহ্মা এক জন কাল্পনিক ব্যক্তি। কিন্তু এ কথা বলিলে শুক্রাচার্য্য মিথ্যা কথা বলিয়াছেন বলিতে হয়। তাহা কখনই সম্ভব নহে। আসল কথা, ঐ গ্রন্থ বহু লোক দ্বারা ক্রমশঃ লিপিত এবং উহা ব্যক্তিবিশেষের লিপিত নহে বলিয়া উহা ব্রহ্মার নামে প্রচারিত হইয়াছিল। প্রাচীন লেখকরা এইরূপ করিতেন, এরূপ করিবার কারণ নানা। বিশেষতঃ এক জনের দ্বারা এক কোটি শ্লোকপূর্ণ গ্রন্থ রচনা অসম্ভব।

নামিয়া গিয়াছে দেখা যায়। ইহাতে অনুমান হয় যে, ঐ সময় ঐতিহাসিক সাহিত্যের বিলোপ হইয়াছিল বা হইতেছিল। বৈদিক সাহিত্যে যেখানে যেখানে ইতিহাসের উল্লেখ আছে, তাহা সমস্ত উদ্ধৃত করা সহজ নহে। তাহার উল্লেখ করিতেও অনেক স্থানের প্রয়োজন। সেই জন্য আমি কয়েকটির উল্লেখ করিলাম। যথা—অথর্কসংহিতা (১১, ৬৪), জৈমিনীয় ব্রাহ্মণ (১, ৫৩), গোপথ ব্রাহ্মণ (১, ১০), শতপথ ব্রাহ্মণ (১৩৪, ৩, ১২, ১৬), তৈত্তিরীয় আরণ্যক (২, ৯)। ইহার সর্বত্রই ইতিহাসকে অতি উচ্চ স্থান দেওয়া হইয়াছে। ইহা ভিন্ন তৈত্তিরীয় আরণ্যকের প্রথম প্রপাঠকের তৃতীয় অনুবাকে যে মন্ত্রটি দেখা যায়, তাহাতে স্মৃতি, প্রত্যক্ষ, ঐতিহ্য এবং অনুমান-চতুষ্টয়ের কথা আছে। এ স্থলে “ঐতিহ্য” অর্থে ইতিহাস, আখ্যান ও পুরাণ প্রভৃতি প্রাচীন কথা। শতপথ ব্রাহ্মণে চারি বেদে, ইতিহাস, পুরাণ, নারশংস ও গাথার উল্লেখ দেখা যায়। তৈত্তিরীয় ব্রাহ্মণে অথর্কসংহিতার ব্রাহ্মণ, ইতিহাস, পুরাণ, কল্প, গাথা, নারশংস প্রভৃতিকে স্বাধ্যায়ের বিষয় অর্থাৎ অবশ্য-পাঠ্য বলিয়া ধরা হইয়াছে। ঐতরের ও কোষীতকী ব্রাহ্মণে “আখ্যানবিদ”দিগকে বিশেষ প্রশংসাও করা আছে। শতপথ ব্রাহ্মণের দ্বাদশ কাণ্ডে আখ্যান, অস্বাখ্যান ও উপাখ্যানের কথা আছে। এগুলি লৌকিক ইতিহাসেরই প্রকারভেদ। এরূপ অনেক আছে।

তাহার পর উপনিষদের কথা। উপনিষদের মধ্যে বৃহদারণ্যক উপনিষদই প্রাচীনতম, ইহাই পাশ্চাত্য পণ্ডিত-দিগের মত। সেই বৃহদারণ্যক উপনিষদের দ্বিতীয় অধ্যায়ের চতুর্থ ব্রাহ্মণে লেখা আছে—“যেমন প্রজ্বলিত ভিজ্জা ঝাঠ হইতে একসঙ্গে পৃথক্ আকারে ধূম ও অগ্নি-ফুলিঙ্গ নির্গত হয়, সেইরূপ পরমায়া হইতেই চারি বেদ, ইতিহাস, পুরাণ, বিজ্ঞা (দেবজনবিজ্ঞা fine arts), উপনিষদ শ্লোক সূত্র প্রভৃতি একসঙ্গে পৃথক পৃথকভাবে বাহির হইয়াছে। উহা পরমায়ারই নিখাস। এ স্থলে চারি বেদের পরই ইতিহাসের উল্লেখ করা হইয়াছে।

ছান্দোগ্য উপনিষদও অতি প্রাচীন। ইহাতে দেখা যায় যে, এক সময় দেবর্ষি নারদ সনৎকুমারের নিকট বিজ্ঞা শিক্ষা করিতে গিয়াছিলেন। সনৎকুমার নারদকে জিজ্ঞাসা করেন, তোমার কোন্ কোন্ বিজ্ঞা পড়া আছে? নারদ

ঐখানে তাঁহার অধীত বিজ্ঞার এক লম্বা তালিকা দিয়া-ছিলেন। তন্মধ্যে চারি বেদের পরই ইতিহাস-পুরাণকে পঞ্চম বেদ বলা হইয়াছে এবং বাক্যে বাক্য (তর্কশাস্ত্র), একায়ন (নীতিশাস্ত্র), ব্রহ্মবিজ্ঞা, ভূতবিজ্ঞা রাশি (গণিত) প্রভৃতির উপরে ইতিহাসের স্থান দেওয়া হইয়াছে। সূত্রাৎ বেদের জ্ঞানকাণ্ডেও ইতিহাসকে উচ্চস্থান দেওয়া হইয়াছে।

তাহার পরে ম্যাক্সমুলার প্রভৃতির মতে সূত্রযুগ। এই সূত্রযুগে কল্প, গৃহ, শ্রৌত প্রভৃতি সূত্র রচিত হয়। আমরা দেখিতে পাই যে, শাঙ্খয়ান শ্রৌতসূত্র, আখ্যায়ন গৃহসূত্র প্রভৃতিতে বহু স্থানে ইতিহাসের উল্লেখ আছে, আর ইতিহাসের স্থানও উচ্চ দেওয়া হইয়াছে। ইহার পরই সংহিতার যুগ। মনুসংহিতাই সংহিতার মধ্যে শ্রেষ্ঠ। সেই মনু-সংহিতায় বলা হইয়াছে যে, শ্রাদ্ধকালে ব্রাহ্মণদিগকে বেদ, ধর্মশাস্ত্র, আখ্যান, ইতিহাস, পুরাণ অথবা খিল (শ্রীসূক্ত) শুনাইতে হয়। মনু এ স্থলে “ইতিহাসান্” এই বহুবচনাস্ত পদ প্রয়োগ করিয়াছেন, ইহা দেখিয়া বুঝা যায়, তখন বহু ইতিহাস প্রচলিত ছিল।

তাহার পর পুবাণ! * পুরাণগুলির মধ্যে ব্রহ্মপুরাণই প্রাচীনতম। ব্রহ্মপুরাণে (১।১৬) লিখিত আছে যে, ঋষিরা সূত্রকে “আপনি পুরাণ, আগম, ইতিহাস, দেব-দানব-চরিত্র, জন্ম ও কৰ্ম সমস্তই জানেন” বলিয়া প্রশংসা করিয়াছেন। এখানেও ইতিহাসকে একটা বিশিষ্ট ও অত্যন্ত প্রয়োজনীয় বিজ্ঞা বলিয়া ধরা হইয়াছে। অবশ্য এ স্থলে বেদের কথা নাই, কিন্তু ধীমান্ লোমহর্ষণ সূত্র বা শূদ্র বলিয়া তাঁহাকে বেদবিৎ বলা হয় নাই। এই পুরাণে পরাশর সূত্রকে ইতিহাস-পুরাণজ্ঞ, বেদ-বেদান্ত-পারগ, সর্কশাস্ত্রার্থ-তত্ত্বজ্ঞ প্রভৃতি বলা এবং বহু স্থানে ইতিহাস ও আখ্যানাদি জ্ঞানের প্রশংসা করা হইয়াছে। পদ্মপুরাণেও ইতিহাসের বিশেষ প্রশংসা আছে। বিষ্ণুপুরাণ, পদ্ম-পুরাণ প্রভৃতির মতে পদ্মপুরাণই দ্বিতীয় পুরাণ। এই পদ্ম-পুরাণে (৫।২।৫২) লিখিত আছে যে, ইতিহাস ও পুরাণ দ্বারা বেদের জ্ঞান উপচিত করিয়া লইতে হয়। তাহা যদি

* ইদানীন্তন মতে কাব্যযুগ পৌরাণিক যুগের পূর্ববর্তী। কিন্তু মহর্ষি কৃষ্ণদেপায়ন বেদব্যাস মহাভারতে বলিয়াছেন যে, তিনি পুরাণ প্রণয়ন শেষ করিয়া মহাভারত রচনা করিয়াছেন। আমি এই হিসাবে পুরাণের কথা প্রথমেই বলিলাম। ইদানীন্তন মত যে একেবারে ভ্রান্ত নহে, তাহা পুরাণ-প্রসঙ্গে আলোচনা করা যাইবে।

না করা হয়, তাহা হইলে সেই অল্পবিদ্য লোকের নিকট বেদ 'আমাকে এই ব্যক্তি প্রহার করিবে' ভাবিয়া ভীত হইয়া থাকেন। * এখানে বলা হইয়াছে যে, ইতিহাস ও পুরাণ না জানিলে বেদের অর্থবোধই হয় না। এই শ্লোক এবং ইহার পূর্ববর্তী শ্লোক অত্যন্ত পুরাতন বলিয়া বোধ হয়। কারণ, ইহা তিনখানি পুরাণে অবিকল এক ভাবেই আছে। যথা -- বায়ুপুরাণ (১২০০-১), শিবপুরাণ (৫১ ১৩৫) এবং পদ্মপুরাণ। মহাভারতের আদিপর্কের প্রথম অধ্যায়েও এই শ্লোকটি ঠিক এইরূপই আছে। সেই জন্ম মনে হয়, এই অতি প্রাচীন শ্লোকটি অন্ততঃ তিনখানি পুরাণে ও মহাভারতে অবিকল গৃহীত হইয়াছে। ইহার পূর্ববর্তী শ্লোকটিও পদ্মপুরাণে, বায়ুপুরাণে এবং শিব-পুরাণে ঠিক একরূপই আছে, কিন্তু মহাভারতের আদি-পর্কের দ্বিতীয় অধ্যায়ে উক্ত একটু পরিবর্তিতভাবে দৃষ্ট হয়। উক্ত শ্লোকে ইতিহাস পার্শ্বের অতীব প্রয়োজনীয়তাই সূচিত হইয়াছে। এই পদ্মপুরাণের স্বর্গখণ্ডে (২৬।১৩ঃ) লিখিত হইয়াছে যে, অনধ্যায় দিনে বেদ অধ্যয়নই নিষিদ্ধ; কিন্তু বেদাঙ্গ ইতিহাস এবং পুরাণ বা অত্র কোন ধর্মশাস্ত্র অধ্যয়ন করা নিষিদ্ধ নহে। বিষ্ণুপুরাণেও বহু স্থানে ইতি-হাসের উল্লেখ আছে। ইহাতে প্রথমেই পরাশরের পরি-চয়ে তাঁহাকে অত্রাণ্ড শাস্ত্রে অধিকারী বলার সহিত "ইতি-হাস-পুরাণজ্ঞ" এবং রোমহর্ষণের পরিচয়ে বেদব্যাস ইহাকে ইতিহাস এবং পুরাণ (ইতিহাসপুরাণয়োঃ) শিষ্য করিয়া-ছিলেন বলা হইয়াছে (৩।৩।১০)। এ স্থানে দ্বিবচন প্রয়োগে উভয় বিদ্যার স্বাতন্ত্র্য সূচিত হইতেছে। কিন্তু যেখানে প্রজাপতি হইতে উদ্ভূত বিদ্যার কথা বলা হইয়াছে, সে স্থানে অষ্টাদশ বিদ্যার মধ্যে ইতিহাসের নাম-গন্ধও নাই। (৩।৬।২৮-২৯)। বায়ুপুরাণেও লিখিত হইয়াছে যে, ব্রহ্মা সর্বপ্রথমে পুরাণ, পরে বেদ, বেদাঙ্গ, ধর্মশাস্ত্র ও ব্রতনিয়মাদি স্মরণ করেন। মৎস্যপুরাণেও অনেকটা ঐরূপ কথাই বলা হইয়াছে (৩।২-৫)। গরুড়পুরাণে (পূর্ব ২।৩২) "ইতিহাসাণ্ডহং রুদ্র" অর্থাৎ আমিই রুদ্ররূপে ইতিহাস সমস্ত, এই কথায় ইতিহাস পদের বহুবচনাস্ত

প্রয়োগ দেখিয়া অনুমিত হয় যে, তখন অনেকগুলি ইতি-হাস ছিল। কিন্তু সঙ্গে সঙ্গে ইহাও লক্ষ্য করা আবশ্যিক যে, বৃহদারণ্যক উপনিষদে ব্রহ্মা হইতে ইতিহাস এবং পুরাণ উভয়ের স্বতন্ত্র উৎপত্তি হইয়াছে বলিয়া কীর্ষিত, কিন্তু অধিকাংশ পুরাণেই, বিশেষতঃ শেষ আমলের পুরাণ ও উপপুরাণগুলিতে প্রায় ইতিহাসের স্বাতন্ত্র্য সূচিত নাই।

মহাভারতে ইতিহাসের কথা অনেক আছে। এমন কি, মহাভারতই ইতিহাস, এমন কথাও মহাভারতে দৃষ্ট হয়। সেই মহাভারতেই লিখিত হইয়াছে,—“বেদের মধ্যে যেমন আরণ্যক, ওষধির মধ্যে যেমন অমৃত, হৃদের মধ্যে যেমন উদধি এবং চতুষ্পদ জন্তুর মধ্যে যেমন গাভীই শ্রেষ্ঠ, সেইরূপ সমস্ত ইতিহাসের মধ্যে এই গ্রন্থই শ্রেষ্ঠ। শ্রাদ্ধ-কালে ইহার এক পাদও ব্রাহ্মণদিগকে গুনান কর্তব্য।” ইহাতে বেশ বুঝা যায়, পূর্বকালে বহু ইতিহাস ছিল, নতুবা সমস্ত ইতিহাসের মধ্যে মহাভারত শ্রেষ্ঠ, এ কথা বলার সার্থকতা কি? এই মহাভারতের কথা আমরা পরে বলিতেছি।

কৌটিল্যের নীতিশাস্ত্র পুরাতন গ্রন্থ। কৌটিল্য বা চাণক্য নন্দবংশ-ধ্বংসকারী চন্দ্রগুপ্তের মন্ত্রী ছিলেন। খৃঃ পূঃ ৩২১ অব্দে চন্দ্রগুপ্ত নন্দবংশ ধ্বংস করেন। সুতরাং কিছু কম দুই হাজার আড়াই শত বৎসর পূর্বে কৌটিল্য তাঁহার অর্থশাস্ত্র লিখিয়া গিয়াছেন। ইনি ইতিহাসকে ইতিহাস-বেদই বলিয়াছেন এবং “রাজা যদি উৎপথপ্রতিপন্ন হয়েন, তাহা হইলে মন্ত্রী তাঁহাকে 'ইতিবৃত্ত' এবং পুরাণ দ্বারা সৎ পথে আনিবেন”, এই উপদেশ দিয়াছেন। * তিনি আরও বলিয়াছেন যে, রাজা ও রাজপুত্রগণ অপরাহ্নে অবশ্য অবশ্য ইতিহাস শ্রবণ করিবেন (১ম খঃ, ৫ম অঃ)। কৌটিল্য পুরাণ ও পৌরাণিকদির্গের কথাও বলিয়াছেন।

সুতরাং প্রাচীনকালে যে ইতিহাস ছিল, তাহার সাক্ষী সমস্ত প্রাচীন সাহিত্য। এখন প্রশ্ন হইতেছে, তখনকার লোক ইতিহাস বলিতে কি বুঝিতেন? মন্তুর ভাষ্যকার মেধাতিথি ইতিহাস অর্থে মহাভারতাদি লিখিয়াছেন, আর টীকাকার কুল্লুক ভট্ট সেই ধনিরই প্রতিধ্বনি করিয়াছেন। কিন্তু একমাত্র মহাভারত ভিন্ন আর ইতিহাস বলা যাইতে পারে, এমন গ্রন্থ কি আছে? আছে—রামায়ণ। কিন্তু এই

* ঐ শ্লোকটি এই—

ইতিহাস-পুরাণাভ্যাং বেদং সমুপবৃংহয়েৎ।

বিভেত্যপশ্রুতাদ্বৈদো মাময়ং প্রহরিত্বতি।

* পূর্বম খণ্ড, ৪ঠা অধ্যায়।

ছইখানিমাত্র গ্রন্থ সম্বল করিয়া “ইতিহাস” শব্দ প্রায় সর্বত্র বহুবচনে প্রযুক্ত হইল কেন? মহাভারতের টীকা-কার নীলকণ্ঠ আরও একটু গোলে পড়িয়া একটা হ ব ব র ল করিয়াছেন। কাষেই আমরা অনুমান করি যে, এই সময়ে প্রকৃত ইতিহাস লোপ পাওয়াতে ইতিহাস-গর্ভ মহাভারতকেই ইতিহাস বলা হইয়াছে।

এখন প্রশ্ন হইতেছে, মহাভারতকে ইতিহাস বলা যায় কি? স্বয়ং মহাভারতকার কৃষ্ণদ্বৈপায়ন বেদব্যাসই ইহার উত্তর দিয়াছেন। তিনি যখন ব্রহ্মার নিকট লেখকপ্রার্থী হইয়া গমন করেন, তখন ব্রহ্মার নিকটেই তিনি বলিয়াছিলেন,—“আমি এইরূপ এক গরম পবিত্র কাব্য রচনা করিবার সঙ্কল্প করিয়াছি, যাহাতে বেদের নিগূঢ় তত্ত্ব, বেদ-বেদান্ত, উপনিষদের ব্যাখ্যা, ইতিহাস ও পুরাণের প্রকাশ, বর্তমান, ভূত ও ভবিষ্যৎ এই কালত্রয়ের নিরূপণ, জরা-মৃত্যু-ভয়-ব্যাধি, ভাব ও অভাবের নির্ণয়, বিবিধ ধর্মের ও বিবিধ আশ্রমের লক্ষণ, বর্ণ-চতুষ্টয়ের নানা পুরাণোক্ত আচার-পদ্ধতি, তপস্যা, ব্রহ্মচর্য্য, পৃথিবী, চন্দ্র, সূর্য্য, গ্রহ, নক্ষত্র, তারা, যুগ-চতুষ্টয়-প্রমাণ, ঋক্, যজু ও সামবেদ, আত্মতত্ত্ব-নিরূপণ, ত্রায়, শিক্ষা, চিকিৎসা, দানধর্ম, পাণ্ডপত ধর্ম ইত্যাদি বিষয় ত থাকিবেই, অধিকন্তু উহাতে পরব্রহ্মও প্রতিপাদিত হইবেন।” (মহাভারত আদিপর্ক ১ম অধ্যায়)। ইহাতে বুঝা যায় যে, এই গ্রন্থে সর্বশাস্ত্রের সমাবেশ দৃষ্ট হয়। সেই জন্য ব্রহ্মা বলিয়াছেন যে, তোমার প্রণীত ঐ গ্রন্থ “কাব্যই” হইবে। সুতরাং মহাভারত ইতিহাস নহে,—কাব্য, ইহা ব্রহ্মবাক্য। বেদব্যাস ইহাতে ইতিহাস আছে, এমন কথাও বলেন নাই; ইহাতে ইতিহাস ও পুরা-ণের প্রকাশ বা ব্যাখ্যা আছে, ইহাই মাত্র বলিয়াছেন। আবার মহাভারতের বক্তা সৌতি বলিয়াছেন, “এই মহা-ভারত অর্থশাস্ত্র, ধর্মশাস্ত্র ও কামশাস্ত্র”, অপরিমিতবুদ্ধি ব্যাসদেবই এই কথা বলিয়া গিয়াছেন (আদিপর্ক ২য় অধ্যায়)। ইহা যে ইতিহাস, সৌতি এ কথা এইখানে বলেন নাই। কিন্তু তাই বলিয়া মহাভারতের কোন স্থানে যে এই গ্রন্থকে ইতিহাস বলা হয় নাই, ইহা মনে করা ঠিক নহে। আদিপর্কের প্রথম অধ্যায়ে কথিত হইয়াছে—

“তপসা ব্রহ্মচর্য্যেণ ব্যাস্ত বেদং সনাতনম্।

ইতিহাসমিমং চক্রে পুণ্যং সত্যবতীসুতঃ ॥”

সত্যবতীর পুত্র বেদব্যাস তপস্যা ও ব্রহ্মচর্য্যের প্রভাবে সনাতন বেদকে বিভক্ত করিয়া পরে এই পবিত্র ইতিহাস রচনা করেন। কিন্তু ইহার পূর্ববর্তী কয়েকটি শ্লোকে এই গ্রন্থের লক্ষণ বা বিষয়-বর্ণনায় বলা হইয়াছে যে, ইহাতে কেবল ব্যাখ্যার সহিত ইতিহাস নহে, মানুষের জ্ঞাতব্য প্রায় সকল বিষয়ই কথিত হইয়াছে। সুতরাং ইহাকে নিছক ইতিহাস বলা যায় না।

কিন্তু পূর্বেই বলা হইয়াছে যে, মহাভারতে এ কথাও বলা হইয়াছে যে, বেদের মধ্যে যেমন আরণ্যক, ওষধির মধ্যে যেমন অমৃত ইত্যাদি, ইতিহাসের মধ্যে তেমনই মহা-ভারত। এখানে মহাভারতকে ইতিহাসই বলা হইয়াছে। সুতরাং এক মহাভারতের মধ্যে একই স্থানে দুই প্রকার কথা পাওয়া যাইতেছে। ইহার কারণ কি?

প্রথমে মহাভারত ইতিহাসরূপে রচিত হয় নাই। প্রথমে ব্যাসদেব চব্বিশ হাজার শ্লোক দ্বারা ভারত-সংহিতা রচনা করেন। পণ্ডিতরা তাহাকেই ভারত-সংহিতা বা ভারত বলিয়া থাকেন। ইহাতে উপাখ্যানভাগ একে-বারেই ছিল না। সুতরাং ইহা আদৌ ইতিহাস বলিয়া রচিত হয় নাই। পরে ইহাতে নানাবিধ শাস্ত্রের সহিত ঐতিহাসিক অংশ সংযোজিত হইয়াছে, এ কথাও ত মহা-ভারতে উক্ত রহিয়াছে। (আদিপর্ক প্রথম অধ্যায়)।

এই পর্য্যন্ত আলোচনা করিয়া আমরা দেখিতে পাই-লাম যে, বেদ, সংহিতা, নীতিশাস্ত্র এবং কতকগুলি পুরাণে ইতিহাসকে একটি স্বতন্ত্র এবং প্রধান বিভাগ বলা হইয়াছে। পাণ্ডিত্যের পরিচয়েও ইতিহাসজ্ঞানের প্রয়োজনীয়তা স্বীকৃত হইয়াছে। কিন্তু পরে ইতিহাসকে পুরাণের মধ্যে ধরা এবং তাহার পর ইতিহাসকে একেবারে নগণ্য করা হইয়াছে। বিষ্ণুপুরাণে ব্যাসশিষ্য লোমহর্ষণের পরিচয়ে বলা হইয়াছে, “সুতং জগ্রাহ শিষ্যং স ইতিহাসপুরাণয়োঃ।” (৩৪।১০) অর্থাৎ বেদব্যাস সুত রোমহর্ষণকে ইতিহাস আর পুরাণের শিষ্য করিয়াছিলেন। এখানে দ্বিবচনাস্ত পদপ্রয়োগে উভয় বিভাগ পার্থক্য সূচিত হইতেছে। আবার বায়ুপুরাণে সুত বলিতেছেন, “ইতিহাসপুরাণস্ত বক্তায়ং সমাগেব হি। মাঋগেব প্রতিজগ্রাহ ভগবানীশ্বরঃ প্রভুঃ।” ভগবান্ দ্বৈপায়ন আমাকে ইতিহাস পুরাণশাস্ত্র শিক্ষা দিয়াছিলেন। এখানে একবচনাস্ত পদপ্রয়োগে

উভয়ের যেন একত্বই প্রতিপাদিত হইতেছে। ক্রমে মৎস্য-পুরাণাদিতে ইতিহাসের কথা ত দেখা যায় না। ইহাতে বুঝা যায় যে, এই সময়ে ইতিহাস বিলুপ্ত হইয়াছে বলিয়া আর ইতিহাসকে স্বতন্ত্র স্থান দেওয়া হয় নাই। মহাভারত এবং পুরাণ দ্বারা ইতিহাসের কায করাইবার চেষ্টা হইয়াছে।

এ স্থলে জিজ্ঞাস্য হইতে পারে যে, কোন্ সময়ে ইতিহাস বিলুপ্ত হইয়া গিয়াছে এবং মহাভারতাদির দ্বারা ইতিহাসের কায করাইবার চেষ্টা হইয়াছে? এ ক্ষেত্রে অনুমান ভিন্ন লিখা-পড়া প্রমাণ পাওয়া অসম্ভব। কারণ, ঐরূপ প্রমাণ এ পর্য্যন্ত পাওয়া যায় নাই। মিঃ সি, ভি বৈশ্য বলেন যে, খৃঃ পূঃ ২৫০ বৎসরে অর্থাৎ ম্যাগেস্ট্রেনিসের পর ও অশোকের আমলের পূর্বে মহাভারতকে সর্বশেষ-বার সংস্কৃত করা হয়। কিন্তু ইদানীন্তন বহু পণ্ডিত সাবাস্ত করিয়াছেন যে, খৃষ্টীয় চতুর্থ ও পঞ্চম খৃষ্টাব্দে যখন ভারতে হিন্দুধর্মকে পুনরুজ্জীবিত করা হয়, সেই সময় মহাভারত, পুরাণ এবং অগ্ৰাণ্ড কতকগুলি শাস্ত্রের পুনঃ সংস্কার করা হইয়াছিল। সমুদ্রগুপ্ত এবং চন্দ্রগুপ্তের আমলেই এই কায হয়। সেই সময়ে দেখা যায় যে, বৌদ্ধ বিপ্লবে বহু শাস্ত্র লোপ পাইয়াছে। সুতরাং সে সময় নানা স্থানে অনুসন্ধান করিয়া শাস্ত্র সংগ্রহের ও রক্ষার চেষ্টা হইয়াছিল। অনেক পুস্তক পাওয়া গিয়াছিল—যাহা খণ্ডিত। নানা পুঁথি দেখিয়া উহার খণ্ডিত অংশ পূর্ণ করিবার চেষ্টাও হইয়াছিল। মহাভারতের এক লক্ষ শ্লোক ছিল, তাহা সমস্ত

পাওয়া যায় নাই। এখন মহাভারতে আশী হাজারের অধিক শ্লোক পাওয়া যায় না। অনেক পুরাণে যত শ্লোক থাকিবার কথা, তত শ্লোক ছিল না। সম্ভবতঃ এই সময়ে দেখা যায় যে, প্রাচীন ইতিহাস আর নাই। রাজকীর পুস্তকাগারে উহা বন্দীকূটে পরিণত অথবা আততায়ীর প্রদত্ত অগ্নিতে ভস্মীভূত হইয়া গিয়াছে। যাহা কিছু পাওয়া গিয়াছিল, তাহাও হয় ত এমন ভাবে খণ্ডিত যে, তাহা রক্ষা করিবার উপায় ছিল না, অথবা তাহা রক্ষা করিবার সময় বা প্রয়োজন বোধ হয় নাই, অথচ ধর্মশাস্ত্রে ব্যবস্থা রহিয়াছে যে, শ্রাদ্ধকালে ইতিহাসপাঠ আবশ্যিক। তখন অনুকল্প ব্যবস্থাকেই বড় করিয়া লইয়া শ্রাদ্ধকালে মহাভারত পাঠের এবং মহাভারতকে ইতিহাসের পর্য্যায় ফেলা হইয়াছিল। কারণ, মহাভারতের মধ্যে ইতিহাস আছে। সে ইতিহাস পুরাতনও বটে, লোকের বিশ্বাস উৎপাদনের জন্যই মহাভারতই বলা হয় যে, “বেদের মধ্যে যেমন আরণ্যক, হৃদের মধ্যে যেমন উদধি, চতুস্পদের মধ্যে যেমন গাভী, ইতিহাসসমূহের মধ্যে সেইরূপ মহাভারত। ইহা শ্রাদ্ধকালে পাঠ করা কর্তব্য।” সেই অবধি বর্তমান সময় পর্য্যন্ত শ্রাদ্ধে বিরাট পাঠ করা হইয়া আসিতেছে। বৌদ্ধ বিপ্লবেই ভারতের প্রাচীন ইতিহাস নিঃশেষ হইয়া গিয়াছে, একপ অনুমান করিবার হেতু আছে। ইহা অনুমানমাত্র, তাহা স্বীকার করি, কিন্তু অবস্থা পর্য্যালোচনা করিয়া মনে হয়, এই অনুমান একবারে মিথ্যা হইবে না।

শ্রীশশিভূষণ মুখোপাধ্যায়।

বেলাশেষের গান

মউল সুবাস ছড়িয়ে গেছে
ফাগুন সাঁজের উত্তল হাওয়ার ;
কার তরে আজ পথ হারালেম
সেই সকালের তরী বাওয়ার।
কার চোখের ঐ অভোল হাসি
রঙিন নেশায় বেড়ায় ভেসে,
হারিয়ে-যাওয়া স্মৃতির বেদন
ডুকরে ওঠে কোন্ বাতাসে !
পিয়াল বনের বৃকের কাছে
ঘর-ছাড়া কে দাঁড়িয়ে আছে ?
তার সাথে মোর ছিল চেনা
মিলন আঁধির ব্যাকুল চাওয়ার।

শুধায় মোরে বকুল-হেনা
কোন্ কঁাকণের রিগিঝিনি,
নিদ্রাহারা সুরের কাঙাল
খেলেছে প্রেমের ছিনিঝিনি !
মোর ব্যথা আজ কেউ কি জানে ?
আকাশ বলে—“জানে জানে”,
মৌন-ব্যথা ছড়িয়ে গানে
মিছে মোরে কান্না পাওয়ার।
একদা কোন সাঁঝের বেলায়,
ছায়ার কাঙাল জ্যোৎস্না যথায়—
কুড়িয়ে পাবে বিজন পথিক
পল্লীবালায় আকুল গাওয়ার !
পাপিরা দেবী।

প্রত্যয়ক

১৩

সিভিল সার্জন ইভের জর দেখিয়া ভয় পাইলেন। তিনি বলিয়াছেন, ইহা 'ব্রেন ফিভার'। ইভের বয়সে এ রোগ সাংঘাতিক, শতকরা দুই একটা রোগী রক্ষা পায়। তিনি ইভকে যুরোপীয় হাঁসপাতালে স্থানান্তরিত করিতে উপদেশ দিলেন। তবে ইহাও বলিয়া গেলেন, তিন দিন যেন আদৌ নাড়াচাড়া করা না হয়, অধিকন্তু ইভের আত্মীয়স্বজনকে তার করা হয়।

পরদিন প্রাতঃকালে রোগী দেখিতে আসিয়া সিভিল সার্জন রোগিণীর শয্যাপার্শ্বে ক্ষণেকের জন্ত এক সুন্দরী বাঙ্গালী যুবতীকে বসিয়া থাকিতে দেখিয়া বিস্মিত হইয়াছিলেন।

রোগিণীকে দেখিয়া ডাক্তার যখন কক্ষের বাহিরে গেলেন, তখন বিমলেন্দু সঙ্গে সঙ্গে উঠিয়া গেল। বারান্দায় ডাক্তার বিমলেন্দুকে জিজ্ঞাসা করিলেন, ঐ মহিলাটি কে? বিমলেন্দু বলিল, ইভের বন্ধু।

বিমলেন্দু ডাক্তারকে জিজ্ঞাসা করিল, "কেমন দেখলেন?" ডাক্তার বলিলেন, "মন্দের ভাল। আপনি বললেন, ঐ ভারতীয় মহিলাটি মিসেস্ রায়ের বন্ধু। আপনাদের পর্দা-নশীনদের সঙ্গে এমনভাবে মিসেস্ রায়ের বন্ধুত্ব আশ্চর্য্য হলেও খুবই সুখের বিষয় বটে।"

বিমলেন্দু বলিল, "ইভের বন্ধু পর্দানশীন হলেও শিক্ষিত। হাঁ, আপনি বলেছেন, হাঁসপাতালে নিয়ে যেতে। ইভের বন্ধু জিজ্ঞাসা করছিলেন, এখানে রেখে কি চিকিৎসা করা যায় না?"

ডাক্তার বলিলেন, "বাবে না কেন, তবে সেবার সুবিধে হবে না। এ রোগে সেবাই সব।"

বিমলেন্দু বলিল, "বদি সেবার অভাব না হয়—ধরুন, যদি এঁরা সবাই সেবা করেন?"

ডাক্তার বিস্মিত হইলেন; হাসিয়া বলিলেন, "তা হয় না। এ রোগে দিন-রাত জেগে থেকে ঔষধ-পথ্যের ঘণ্টায় ঘণ্টায় ব্যবস্থা করতে হবে। এঁদের দ্বারা তা সম্ভব হবে না। বিশেষ, এ রোগে বড় ভুল-ভ্রান্তি এনে দেয়। শিক্ষিত নার্স না হ'লে, বিশেষ সতর্ক না হয়ে আর কেউ সেবা করতে পারে না। মিসেস্ রায়ের বন্ধু বালিকা, তাঁর পক্ষে এ কার্য্য করা অসম্ভব।"

বিমলেন্দু বলিল, "আপনি যা ভাল বোঝেন, তাই হবে। তবে হাঁসপাতালে পরের কাছে--তাই, তাই ইভের বন্ধু বলছিলেন—"

ডাক্তার হাসিয়া বলিলেন, "সে ভয় নেই মিঃ রায়। যুরোপীয় হাঁসপাতালে বাড়ীর চেয়েও রোগী বেশী সুখে থাকে, সেবা পায়। তা হোক, আমি কিন্তু এই হিন্দু মহিলার বন্ধুর প্রতি এই অমুরাগ দেখে বড় আনন্দিত হলেম। যদি এঁদের মত শিক্ষিত সম্ভ্রান্ত ভারতীয় মহিলাদের সঙ্গে আমাদের যুরোপীয় মহিলাদের সকল যায়গায় এমনই বন্ধুত্ব ঘটত, তা হ'লে কি সুখের হ'ত!"

ডাক্তার চলিয়া গেলেন প্রতিমা ও বিমলেন্দু রোগীর কক্ষে আসিয়া বসিল। প্রতিমা সহজ সরল কণ্ঠে বলিল, "আমি সব বুঝে নিয়েছি। আপনি একটু বিশ্রাম নিন গিয়ে, সারারাত জেগেছেন।"

বিমলেন্দু বলিল, "সব শুনেছেন ত, রোগ কঠিন, সেবাও কঠিন।"

প্রতিমা বলিল, "হাঁ, শুনেছি সব। তা বেশী দিন ত না, মাত্র আজ আর কাল, তার পর ত হাঁসপাতালে নিয়েই যাবে।"

বিমলেন্দু বিহ্বলের মত বলিল, "হাঁসপাতাল! হাঁসপাতাল!"

প্রতিমা নারীমূলত দয়ার্দ্ৰ কোমল কণ্ঠে বলিল, “ভয় কি ? এমন কত রোগ হয়, আবার সেরেও যায়। সবই ভগবানের হাত।”

বিমলেন্দুর বুভুক্ষু অস্তর সহানুভূতির স্বাদ পাইয়া হা হা করিয়া উঠিল। সে গুমরিয়া বলিয়া উঠিল, “যদি ইতকে ফিরে না পাই—”

প্রতিমা বাধা দিয়া বলিল, “চুপ, চুপ, দেখছেন না, ইভের জ্ঞান ফিরে আসছে। এতক্ষণ আবিল্যিভাব ছিল, এইবার চোখ মেলেছে। যান, আপনি যান।”

যজ্ঞচালিতবৎ বিমলেন্দু কক্ষের বাহির হইয়া গেল। ইভ যেন তন্দ্রাঘোর কাটাইয়া চোখ মেলিয়া চারিদিকে চাহিল। ক্ষীণকণ্ঠে বলিল, “তুমি কি পরী ? আমি ঘুমিয়ে ঘুমিয়ে দেখছিলুম, পরীতে আমায় নিয়ে যাচ্ছে। বললে, বিশ্বাসঘাতক প্রভারক—তার কাছে থেকে না। আবার নিয়ে যেতে এসেছ বুঝি ?”

প্রতিমা বাধা দিয়া তাহার হাতখানি স্নেহে ধরিয়া বলিল, “ছিঃ ভাই, কথা কয়ো না, তোমার যে কষ্ট হবে। এই দেখ কত হাঁপাচ্ছ ”

ইভ তাহার দিকে মাথা ফিরাইয়া যথাসাধ্য শক্তি প্রয়োগ করিয়া তাহার হাতখানা চাপিয়া ধরিয়া বলিল,— “তুমি, তুমি, তুমি কে ? দাঁড়াও, তুমি ত পরী না, তোমায় যে কোথায় দেখেছি। ঐ যা, ভুলে গেলুম !”

ইভ ধীরে ধীরে আবার চক্ষু মুদ্রিত করিল, পাশ ফিরিয়া শুইল। প্রতিমা দেখিল, কিছুকাল ইভ নীরবে চক্ষু মুদ্রিত করিয়া শুইয়া রহিল। সে ভাবিল, ইভ যুমাইতেছে। তখন সে মাথায় বরফের ব্যাগ ধরিয়া রহিল। কিন্তু মুহূর্ত পরেই গুনিল, ইভ চক্ষু মুদ্রিত করিয়াই আপন মনে বলিতেছে,— “নিষ্ঠুর ! যদি আর এক জনকেই ভালবাস, তা হ’লে আমায় বিয়ে করেছিলে কেন ? জানি, আমার চেয়ে সে তোমাকে ভালবাসতে পারবে না—কেউ পারবে না। ঐ যা, যাঃ, ডুবে গেল !”

প্রতিমার গানের রক্তচলাচল বন্ধ হইয়া গেল, সে ইভের কণ্ঠ জড়াইয়া ধরিয়া মিনতির সুরে বলিল, “ছিঃ বোন, লক্ষীটি আমার, চুপ করে যুমোও।”

ইভ এবার চক্ষু উন্মীলন করিয়া বলিল, “ওঃ, তুমি, তুমি ! তুমিই আমার ইন্দুকে ছিনিয়ে নিয়ে যেতে এসেছ ? ওগো,

তোমার পায়ে পড়ি, আর সব নাও, আমার ইন্দুকে আমায় ফিরিয়ে দাও !”

সে করুণ কাতর কণ্ঠে হৃদয়ের অন্তস্তলে কি গভীর প্রেমের সুর বাজিয়া উঠিল, তাহা প্রতিমার বুঝিতে বাকী রহিল না। সে আড়ষ্টের মত বসিয়া রহিল, তখন তাহারি বুকের ভিতর যে হাতুড়ির ঘা পড়িতেছিল, তাহা ভগতের সকলেই গুনিতে পাইতেছিল বলিয়া তাহার মনে হইতেছিল।

ইভ আবার বলিয়া যাইতে লাগিল, “ভাবছিলে, আমি বুঝতে পারিনি ? খুব বুঝেছি। ঐ যে চিকায় সে ডুবে-গেল, তুমি পাগলের মত জলে কাঁপ দিয়ে বুক ক’রে তুললে ! উঃ উঃ ! মাথা যায়—জল, জল !”

হাঁপাইতে হাঁপাইতে ইভ এইবার একবারে শয্যার উপর এলাইয়া পড়িল। প্রতিমা ভীত, উৎকণ্ঠিত হইয়া উঠিল। সে তাড়াতাড়ি ডাকিল, “ইভ, ইভ ! বোনটি আমার !” কে সাড়া দিবে ? ইভ তখন মুচ্ছিত হইয়া পড়িয়াছিল, তাহার সংজ্ঞা লোপ পাইয়াছিল।

প্রতিমাও একরূপ জ্ঞানহারা ও ভয়ে দিশাহারা হইয়া পাগলের মত ছুটিয়া বাহিরে আসিল এবং বসিবার ঘরে বিমলেন্দুকে দেখিতে পাইয়া ধরধর কম্পিত হস্তে তাহার হাত ছুইখানা ধরিয়া ভয়ব্যাকুল সুরে বলিল, “ওগো, শীগ্গির এস, ইভ কেমন করছে।”

‘কি, কি হয়েছে,’ বলিতে বলিতে বিমলেন্দুও একরূপ উন্মত্তের মত শয়নকক্ষের দিকে ছুটিয়া চলিল। তখন বাহুপ্রকৃতি বা পারিপার্শ্বিক অবস্থার প্রতি কাহারও দৃষ্টিপাতের অবকাশ ছিল না।

ইভের অবস্থা সঙ্কটাপন্ন হইল। তাহাকে লইয়া যমে-মানুষে টানাটানি আরম্ভ হইল, তাহাতে তাহাকে স্থানান্তরিত করা অসম্ভব হইয়া উঠিল। প্রতিমার এই ভিলাই এখন ঘরবাড়ী হইয়া উঠিল। রামপ্রাণ বাবু কলিকাতা হইতে ফিরিয়া আসিয়া রাতদিনের জন্ত একখানা মোটর নিযুক্ত করিলেন, তাহারও ভিলাবাড়ী একরূপ ঘরবাড়ী হইয়া উঠিল। এ সময়ে প্রতিমা শৈলর খোঁজ-খবরও রাখিবার অবসর পাইত না।

মানুষ গড়ে এক, বিধাতা করেন অন্তরূপ। রামপ্রাণ বাবু জন্মে আর কখনও জামাতা বিমলেন্দুর সহিত সম্পর্ক বা সম্বন্ধ রাখিবেন না, বলিয়া সঙ্কল্প করিয়াছিলেন, কি

বিধাতার ইচ্ছায় ঘটনাক্রমে এমন অবস্থা উপস্থিত হইল যে, 'ত্যাগ-জামাতা'র সহিত তাঁহাদের যে ঘনিষ্ঠতার ভিত্তি প্রতিষ্ঠিত হইল, তাহা ইহজন্মে লুপ্ত হইবার সম্ভাবনা ছিল না। ইহার নিমিত্তমাত্র—ইভ কি? কে জানে!

১৪

ইভের হাঁসপাতাল যাওয়া হইল না। যে দুই তিন দিন তাহাকে লইয়া যমে-মানুষে টানাটানি হইল, সে কয় দিন অহোরাত্র তাহার প্রবল জ্বরের বিরাম হইল না—প্রায় সর্বক্ষণই সে অচেতন অবস্থায় রহিল ও বিকারের কোঁকে নানা কথা বলিল। সকল কথার মধ্যে সামঞ্জস্য না থাকিলেও একটা কথা সে ঘুরাইয়া ফিরাইয়া প্রায়ই বলিত, কেন তাহাকে সত্য কথা বলা হয় নাই, তাহাকে প্রতারণিত করা হইল কেন? আর একটা নাম প্রায়ই তাহার মুখে শুনা যাইত—সে বিমলেন্দুর অর্ধ-নাম 'ইন্দু'। যখন সিবিল সার্জনের প্রেরিত ভাড়া-করা নাস'রাও গভীর রাত্রিতে ইজি-চেয়ারের উপর তন্দ্রাঘোরে এলাইয়া পড়িত, তখন প্রতিমা একাগ্রচিত্তে শুনিত, প্রবল জ্বর ও তৃষ্ণার কাতরা রোগিণী, 'ইন্দু 'ইন্দু' করিয়া ডাকিতেছে; কখনও হাসিতেছে, কখনও কাঁদিতেছে; কখনও তীব্র ভৎসনা করিতেছে, কখনও কাকুতি-মিনতি করিয়া ইন্দুর ভালবাসা প্রার্থনা করিতেছে। নিশীথে নিৰ্জনে বালিকার সেই মর্মভেদী কাতরোক্তি সমস্ত ঘর ভরিয়া ফেলিত, প্রতিমা একাকিনী একান্তে তাহা শুনিয়া কাঁঠ হইয়া বসিয়া থাকিত, এক এক সময়ে তাহার হৃদয় অভাগিনী ইভের ভগ্নহৃদয়ের তীব্র যাতনায় ভাবাবেগে উদ্বেল হইয়া উঠিত—তাহার আয়ত নয়নকমল দুইটি অশ্রুভারাক্রান্ত হইয়া উঠিত, আবার কখনও কখনও সে ইভের অগাধ অপরিমেয় অনন্ত স্বামি-প্রেমের পরিচয় পাইয়া তন্ময় হইয়া যাইত—বিশ্ব-সংসার ভুলিয়া যাইত, ইভের প্রতি ভালবাসায় তাহার সমস্ত হৃদয়টা পূরিয়া উঠিত।

এক দিন রামপ্রাণ বাবু ইভকে দেখিয়া ফিরিবার সময় কতক বসিলেন, "এমন ক'রে আর ক'দিন চলবে? না থাকনা না দাওয়া, ঘুম ত নেই-ই, শেষে কি মা, তুইও একটা শক্ত রোগে পড়বি?"

প্রতিমা মুহূ হাসিয়া বলিল, "আমার জন্ত ভেয়া না,

বাবা, আমার কিছু হবে না। বরং ইভের দেখাশুনা করতে না পেলে আমি থাকতে পারবো না। জান না কি, তার এখানে কেউ নেই?"

রামপ্রাণ বাবু ব্যগ্রভাবে বলিলেন, "কেন, শুনেছি ত মিসেস বেলুয়া প্রায়ই দেখতে আসেন।"

প্রতিমা বলিল, "হাঁ, তা আসেন বটে, কিন্তু সে ত কুটুস্থিতে রক্ষে করা। দেখাশুনা মানে ত তা নয়।"

রামপ্রাণ বাবু হাসিয়া বলিলেন, "ওঃ, তাই বল। তা আমার মেয়েটির মত ফাষ্ট'ক্লাস সার্টিফিকেট পাওয়া অবৈ-তনিক নাস' ত আর সকলে হ'তে পারে না।"

কথাটা বলিবার কালে প্রতিমার মুখের উপর সম্মেহ দৃষ্টিপাতের সঙ্গে রামপ্রাণ বাবুর মুখে চোখে একটা আনন্দ-গর্ভের রেখা ফুটিয়া উঠিল। তিনি তাড়াতাড়ি আনন্দের অশ্রু চাপিয়া রাখিয়া বলিলেন, "হাঁ, ভাল কথা, শৈল ত তোমার কাছে থাকবার জন্তে বেঙ্গাল কান্নাকাটি আরম্ভ করেছে। আমি চললাম—"

বাধা দিয়া প্রতিমা বলিল, "কেন, রোজ ত দেখা হচ্ছে--তবে আবার কি?"

রামপ্রাণ বাবু বিস্মিত হইলেন। শৈলের উপর প্রতিমার তিনি যে টান দেখিয়াছিলেন, ইহাতে ত তাহার অভিব্যক্তি কিছুই হইল না। তবে কি ইভ একলাই তাহার এতখানি স্থান জুড়িয়া বসিয়াছে? না,—আর কিছু? কথাটা চিন্তা করিতেই তাঁহার মনটা আতঙ্কে শিহরিয়া উঠিল। তিনি একটু জোর করিয়াই বলিলেন, "দেখ, তুমি যা-ই বল, যখন দু'হু'জন নাস' দেখছে, তা ছাড়া তার স্বামী রয়েছে, তখন তোমার এখানে এমন ক'রে রাতদিন প'ড়ে থাকা এখন আর ভাল দেখায় না। লোক কি মনে করবে? বিশেষতঃ ইভ যখন এখন একটু ভালর দিকেই যাচ্ছে। মাঝে মাঝে এসে দেখলেই হ'ল। কি বল?"

প্রশ্নটা জিজ্ঞাসা করিলেন বটে, কিন্তু উত্তরের প্রতীক্ষা না করিয়াই রামপ্রাণ বাবু চলিয়া গেলেন। প্রতিমা অচল নিষ্পন্দ কাঠের মত সেখানে দাঁড়াইয়া কথাটা মনের মধ্যে তোলাপাড়া করিতে লাগিল। 'লোক কি বলবে?'—কেন, এ কথা উঠে কেন? পিতার মুখে এ কথা বাহির হয় কেন? লোকের বলার মত সে এমন কি কাষ করিয়াছে? বলিলই বা লোক, তাহাতে তাহার কি আইসে যায়? এই 'লোক'

জিনিষটার সহিত তাহার সম্পর্ক কি? প্রতিমা মনে মনে হাসিল, তাহার পর কি ভাবিয়া ইভের ঘরে গেল।

তখন এক জন নাস' বসিয়া ছিল। সে তাহাকে দেখিয়া বলিল, “এই যে আপনি এসেছেন, একটু বসুন, আমার একটা জরুরী কল আছে, ঘণ্টা দুয়েকের মধ্যেই ফিরে আসছি।”

প্রতিমা জানিত, যে নাস' কাল রাত্ৰিতে খাটিয়াছে, সে আর আজ দিনে আসিবে না; সুতরাং দিনের অন্ত নাস' আসিতে না আসিতেই এই নাস' ছুটা লইতেছে, ইহাতে সে বিস্মিত হইল। নাস' তাহার সে ভাব লক্ষ্য করিয়াছিল, তাড়াতাড়ি বলিল, “বড় জরুরী, বিশেষ একটা বড় খন্দের হাতছাড়া হ'লে খুব ক্ষতি হবে, বিশেষ কাল রাত্ৰি থেকে মিসেস রায় যেন কতকটা ভালর দিকেই যাচ্ছেন—”

প্রতিমা তাহাকে আশ্বাস দিয়া বলিল, “থাক, আপনার কাণে যেতে পারেন, আমিই থাকব।”

নাস' প্রফুল্ল হইয়া বলিল, “বিশেষ আপনার হাতে রোগী রেখে নিশ্চিত হ'তে পারব। ডাক্তার সাহেব ১০টার সময় আসবেন, আমি তার মধ্যেই আসব।”

নাস' চলিয়া গেল। তখন ইভ ঘুমাইতেছিল। প্রতিমা একবার তাহার কপোল স্পর্শ করিয়া পার্শ্বস্থ ইঞ্জি-চেয়ারে উপবেশন করিল এবং টেবলের উপর হইতে খবরের কাগজখানা লইয়া পড়িতে লাগিল।

কতক্ষণ সে পাঠে নিবিষ্ট ছিল, তাহা তাহার হ'স ছিল না; হঠাৎ কাগজের আড়াল হইতে চোখ উঠাইতেই ইভের মুখের উপর তাহার দৃষ্টি পড়িল। সে বিস্মিত হইয়া দেখিল, ইভ পলকহীন দৃষ্টিতে তাহার দিকে চাহিয়া আছে। আরও আশ্চর্যের কথা, সে দৃষ্টি প্রশান্ত, নির্মল, তাহাতে বিকারের চিহ্নমাত্র ছিল না। প্রতিমার বুকখানা গুরু গুরু কাঁপিয়া উঠিল। ইভের চোখে এ অসাধারণ দীপ্তি কেন? নির্বাণের পূর্বে দীপ জলিয়া উঠিতেছে না ত! তাহার প্রাণ শিহরিয়া উঠিল।

তাড়াতাড়ি কাগজখানা ফেলিয়া সে ইভের শয্যাপার্শ্বে জাহ্নু পাতিয়া বসিয়া দুই হাতে তাহার গলাটা জড়াইয়া ধরিয়া স্নেহমুহূর্ত্তে ডাকিল, “ইভ, বোনটি আমার, এখন ভাল বোধ কচ্ছ ভাই? আমার কিছু বলবে?”

ইভ কথা কহিল না—তেমনই দীপ্ত দৃষ্টিতে তাহার

দিকে চাহিয়া রহিল। কেবল ঘাড় নাড়িয়া একবার সন্মতি জ্ঞাপন করিল।

প্রতিমা বলিল, “কথা কইলে যদি কষ্ট হয়, তা হ'লে কয়ে কাঁচ নেই, এর পর—”

বেশ স্পষ্টস্বরে তাহাকে বাধা দিয়া ইভ বলিল, “কষ্ট হলেও বলতে হবে, কেন না, সময় হয়ে আসছে, হয় ত আর বলবার অবসর পাব না।”

“ছিঃ ভাই, ও কি কথা বলছ? তুমি ত সেরে আসছ, আর ছ'চার দিন বাদে তোমার আমরা পথ্যি দিচ্ছি দেখ না।”

“হঁ, সেরে একেবারেই যাব। প্রতিমা, ইন্দুকে তুমি কি আমার চেয়েও বেশী ভালবাস?”

প্রতিমা প্রথমে কথাটা ঠিক বুঝিতে পারে নাই, তাহার পর যখন সবটা তলাইয়া বুঝিল, তখন তাহার সমস্ত মুখখানা লাল হইয়া উঠিল, সে কি জবাব দিবে, ঠিক করিতে পারিল না।

ইভ হাসিয়া বলিল, “আকাশ থেকে পড়লে, না? ভাবছ, আমি কি ক'রে জানলুম? আমার এত ভালবাস, আর তোমাদের সব কথাটা খুলে বলতে পার নি?”

প্রতিমা ইভের একখানা হাত লইয়া নাড়াচাড়া করিতে করিতে বলিল, “কি বলব? বলবার কি আছে?”

ইভ বলিল, “নেই? বলবার অনেক আছে। তোমাদের যে বিবাহ হয়েছিল—”

প্রতিমা কথা শেষ করিতে না দিয়াই বলিল, “সে বিবাহ ত নামমাত্র, হয়েই ভেঙ্গে গিয়েছিল, তার পর আমাদের ত আর কোনও সম্পর্ক ছিল না। আমরা ত পরস্পর দূরে থাকতেই চেষ্টা ক'রে এসেছি।”

ইভ হাসিল; বলিল, “হঁ, তা করেছ বটে; কিন্তু মন কি কেউ ধ'রে বেঁধে রাখতে পারে? তোমায় যে ইন্দু কত ভালবাসে, তা আমি চিন্তায় জলে ডোবার দিনেই জেনেছি।”

প্রতিমা কাতরস্বরে বলিল, “ছিঃ ভাই ইভ, এমন ক'রে মনে কষ্ট দিচ্ছ কেন? সে আমার কে, আমিই বা তার কে? সে ত তোমার, তোমার প্রতি অবিখ্যাসী হ'লে যে নরকেও তাঁর স্থান হবে, না। দেখ, কথাটা যখন পাড়লে, তখন সবই খুলে বলব। যখন আমাদের বিবাহ হয়েছিল, তখন আমি

ছেলেমানুষ, ছুচার দিন দেখেছিলুম। তার পর একটা তুচ্ছ কথা নিয়ে বাবার সঙ্গে তার ঝগড়া হ'ল। ওরা বংশে খুব ভাল হলেও ছিল গরীব। বিবাহের সময় বাবা ওকে অনেক যৌতুক দিয়েছিলেন, বাড়ী-ঘর লেখাপড়া ক'রে দিয়েছিলেন। ওতে কিন্তু ওরা সন্তুষ্ট ছিল না, বরং অপমান মনে করত, ছেলেবেলা থেকেই বড় অভিমানী। এক দিন বাবাকে বললে বিলেতে পাঠিয়ে দিতে, সেখানে সিভিল সার্ভিস পরীক্ষা দেবে। বাবা চোটে আগুন। তিনি বললেন, তাঁর যা কিছু, সবই ত তাঁর মেয়ের, তবে বিদেশে গিয়ে পেটের ভাতের জন্তে লেখাপড়া শেখবার দরকার কি? তাঁর একটা মেয়ে—তার স্বামীকে তিনি চোখের আড়াল করবেন না। এতে ওরা খুব চটে উঠে বললে, তবে কি তাকে ঘরজামাই হয়ে থাকতে হবে? এমন জামাই হ'তে সে রাজী নয়। ছুচার কথায় খুব ঝগড়া বেঁধে উঠলো। রাগলে বাবার জ্ঞান থাকতো না, তাই তিনি খুব কড়া কথা শুনিয়ে দিলেন; ওরাও রাগ ক'রে সব সম্বন্ধ ঘুচিয়ে চ'লে গেল, চাকুরী ক'রে খেতে লাগলো। তার পর ৭৮ বছর কেটে গেছে, কোন পক্ষে কোন মিটমাটের চেষ্টা হয় নি। কাষেই ওরাও আমাদের কাছে একবারে অজানা অচেনার মতই হয়ে আছে, আমরাও ওদের কাছে তাই। এই জন্ত বলছি, তুমি যা ধারণা করেছ, তা আগাগোড়াই ভুল। যার কাছেই আমাদের কথা শুনে থাক, সে আর সব সত্যি বলতে পারে, কিন্তু শেষের দিকে যা বলেছে, তার মাথায়ু কিছুই নেই।”

ইভের চক্ষু উজ্জ্বল হইয়া উঠিল; বলিল, “সত্যি বলছ? আমার সন্তুষ্ট রাখবার জন্ত বলছ না?”

প্রতিমা সন্নেহে ইভের ললাটে হস্তাবমর্ষণ করিতে করিতে বলিল, “সত্যি বলছি ইভ, এর চেয়ে সত্যি আমি জানি না। এ জন্মে আমাদের সম্বন্ধ ঘুচে গেছে—সে এখন আমার কাছে পরপুরুষ—আমার বড় আদরের ভগিনীর স্বামী! তুমি সেরে ওঠ ভাই—তার পর তোমরা হুজনে সুখী হও, এর বেশী স্নেহের কামনা আমি করি না। আমি তোমায় সুখী দেখতে পেলে যে আনন্দ পাব, স্বর্গসুখও তার কাছে কিছু নয়। এই আমার আসল মনের কথা, বুঝলে ইভ?”

ইভ কোন জবাব না দিয়া প্রতিমার বক্ষে মুখ ঝুঁকাইয়া

খানিকটা কাঁদিল, তাহার পর বলিল, “আমায় কমা কর, প্রতিমা, আমি তোমায় বুঝতে না পেরে অত্যাগ সন্দেহ করেছি। তুমি যে কতখানি উচু, আমি ক্ষুদ্র হয়ে তা বুঝবো কেনন ক'রে?”

প্রতিমারও নয়নযুগল অশ্রুসিক্ত হইয়া আসিয়াছিল। সে তবুও আপনাকে সামলাইয়া লইয়া বলিল, “ছিঃ ভাই, কাঁদে না। তুমি ভাল না হ'লে আমার কিছু ভাল লাগে না—কেঁদো না ভাই।”

ইভ আরও খানিকটা ফুলিয়া ফুলিয়া কাঁদিল, তাহার পর বলিল, “কাঁদতেই আগ্নদের জন্ম যে ভাই! পুরুষের কি? তারা কি বুঝতে পারে, এই এখানে—এই বুকে কি শেল হানতে পারে? এই বুকটা দুই পায়ে দ'লে কি ক'রে চ'লে যায়, তারা কি তা একবারও ভেবে দেখে? উঃ, কেন বিবাহ করেছিলুম, কেন ডান হাতে ক'রে বিষ খেয়েছিলুম!”

ইভ ডুকুরিয়া কাঁদিয়া উঠিল। প্রতিমা কিংকর্তব্যবিমূঢ় হইয়া কেবল তাহাকে ধরিয়া বসিয়া রহিল। তাহার তখন মনে হইতেছিল, কি শান্তি বিমলেন্দুর উপযুক্ত! বিমলেন্দুর প্রতি দারুণ ক্রোধে তাহার হৃদয়টা ভরিয়া উঠিল। সরলা, একান্তনির্ভরশীলা, পতিগতপ্রাণা এই বালিকা হৃদয়ের সর্বস্ব দিয়া তাহাকে ভালবাসিয়াছিল, তাহার কি এই প্রতিদান? নীচ, প্রবঞ্চক, স্বার্থপর পুরুষ—নরকেও কি তোমাদের স্থান আছে!

প্রতিমা সন্নেহে ইভের চক্ষুর জল মুছাইয়া দিল, নিজের চোখ জলে ভরিয়া উঠিলেও তাহা লুকাইয়া ইভকে কত মিষ্ট কথায়—কত আশার কথায় সাহসনা দিল। প্রতিমা বয়সে ইভের অপেক্ষা ছোটই ছিল, কিন্তু সংসারের অভিজ্ঞতায় সে তাহার অপেক্ষা অনেক বড় ছিল। ইভ সাংসারিক বিষয়ে যেন এই পৃথিবীর ছিল না, বড় সরল, বড় কোমল সে,—সংসারের একটু ঝড়-ঝঞ্ঝা সে সহিতে পারিত না। প্রতিমা এই বয়সে সংসারের ভীষণ আঘাত সহ করিয়া আসিয়াছে, কখনও সে জন্ত আক্ষেপ প্রকাশ করে নাই, অথবা অপরকে সে জন্ত কখনও অপরাধী করে নাই। তাহার সংযম—তাহার সহিষ্ণুতা অসাধারণ, তাহা এ দেশের মাটিতেই—এ দেশের জল-বায়ুতেই সম্ভব হয়। ইভ কোমল গোলাপকলিকা; সামান্য উষ্ণ বায়ুর সংস্পর্শেই একবারে

পরিমিত হইয়া পড়িয়াছে। তাই এখন অসাধারণ ধৈর্য-শালিনী মূর্তিমতী সহিষ্ণুতা প্রতিমাই তাহার সাস্তনার উৎস হইল। উভয়ে অনেক কথাবার্তা হইল। ইভ প্রতিমার গলা ধরিয়া সর্বশেষে অশ্রুপ্লুতনয়নে যে কথা বলিল, তাহা প্রতিমার শেষ মুহূর্ত্ত পর্য্যন্ত মনের মধ্যে অঙ্কিত হইয়া ছিল।

২৫

‘আর এই ক’টা ধাপ,—বস! তা হলেই শেষ,—’লিবঙ্গ হইতে দার্জিলিংএর পথে ভুটিয়া বস্তীর প্রস্তর-সোপান অতিক্রম করিতে করিতে লেফটেনেন্ট মরিস্ সিবরাইট তাঁহার সঙ্গিনীদিগকে উৎসাহভরে এই কথা বলিতেছিলেন। তাঁহার যে সঙ্গিনীটি অপেক্ষাকৃত অল্পবয়স্কা এবং যিনি সোপান অতিক্রম করিবার কালে অত্যন্ত হাঁপাইতে-ছিলেন, তিনিই আমাদের পূর্ববর্ণিত ইভ রায়; অপরা লেফটেনেন্ট সিবরাইটের নিকট-আত্মীয়া মিস্ বেল।

ইভ শরীরে সামান্য বল পাইবামাত্র দার্জিলিঙ্গে চলিয়া আসিয়াছে। এবার সে মিসেস্ বেলের এক অবিবাহিতা কন্যাকে সঙ্গে লইয়া আসিয়াছে। বেল-পরিবার দরিদ্র; সুতরাং ইভের আমন্ত্রণে মিস্ বেল সানন্দে তাহার সঙ্গিনী-রূপে দার্জিলিংএ আসিতে সম্মত হইয়াছেন। তিনি ইভ হইতে বৎসর তিনেক বড়, এ জন্ম কতকটা অভিভাবিকার মত হইয়া দাঁড়াইয়াছিলেন। এ বিষয়ে ইভও স্বয়ং তাঁহাকে কতকটা কর্তৃত্ব অর্পণ করিয়াছিল। তাহার শূন্য হৃদয়ের হাহাকারের স্বর ডুবাইয়া রাখিবার জন্ম মিস্ বেল নিতান্ত অল্প অবলম্বন ছিলেন না।

ইভের মনে সাস্তনা দিবার আর একটি উপায় জুটয়া-ছিল,—তিনি লেফটেনেন্ট সিবরাইট। মিস্ বেল দার্জিলিঙ্গে আসিলেই এক দিন মরিসের সহিত তাঁহার পথে সাক্ষাৎ হইল। তদবধি এই সরল মুক্তপ্রাণ যুবক ইভের বাড়ীর একরূপ নিত্য যাত্রী হইয়া দাঁড়াইল। যদি কেহ জিজ্ঞাসা করিত, সেখানে তাহার প্রধান আকর্ষণ কি, তাহা হইলে বোধ হয়, তাহার উত্তর পাইতে বিশেষ কষ্ট হইত না। কারণ, এক পক্ষের মধ্যে মরিসের ধ্যানজ্ঞান হইয়া দাঁড়াইয়াছিল—ইভ। ইভ যে বিবাহিতা—সে যে অপরের, তাহা মরিস কিছুতেই বিশ্বাস করিতে পারিত না। এত বালিকাবয়সে ইংরাজ-হুহিতা কীরূপে বিবাহিতা

হইতে পারে—বিশেষতঃ একটা ‘নেটিভ নিগারের’ সঙ্গে, তাহা সে কল্পনাতেও আনিতে পারিত না। ইভ বার বার সতর্ক করিয়া দিলেও সে প্রাণান্তে তাহাকে মিসেস্ রায় বলিয়া সম্বোধন করিতে পারিত না, সে তাহাকে মিস্ রবিন্সন বলিয়াই ডাকিত।

ঘটনার দিন তাহারা লিবঙ্গ বেড়াইতে গিয়াছিল। ইভ তখন পূর্ণ স্বাস্থ্য লাভ করে নাই; পূর্ণ স্বাস্থ্যের কথা দূরে থাকুক, তাহার তখন অধিক দূর পদব্রজে গমন করিবারও সামর্থ্য হয় নাই। তাই মরিস তাহার ও মিস্ বেলের জন্ম ছুইখানা রিক্সা ভাড়া করিয়াছিল। ভুটিয়া বস্তীর সোপানশ্রেণী রিক্সাতে অতিক্রম করা যায় না বলিয়া এইটুকু তাহারা পদব্রজেই অতিক্রম করিতেছিল। মিস্ বেল বস্তীর লোকজনের দিকে তাকাইয়া শিহরিয়া উঠিয়া বলিলেন, “কি ভীষণ এরা,—যেন নর-রাক্ষস। এদের দেখলে ভয় করে।”

ইভ হাসিয়া বলিল, “তবু মানুষ ত বটে।”

লেফটেনেন্ট মরিস্ সিবরাইট বলিলেন, “তাও ঠিক বলা যায় না। যারা এইমাত্র কথল বেচতে এসেছিল, তাদের গায়ের গন্ধ কি জানোয়ারের মত না? এরা বছরে হয় ত এক দিন স্নান করে, নইলে জলের সম্পর্ক রাখে না।”

ইভ বলিল, “গুনেছি না কি এরা প্রথম যৌবনে যে কাপড় পরে, তা আর মরবার আগে ছাড়ে না। কথাটা কি সত্যি? আমার ত বিশ্বাস হয় না।”

মরিস্ বলিলেন, “হাঁ, তাই। আর তা ছাড়া এরা যে রাক্ষস, তার প্রমাণও আছে।”

ইভ ও মোনা বেল একসঙ্গে বলিয়া উঠিল, “প্রমাণ? কি রকম?”

ইভের দিকে তাকাইয়া মরিস তখন বেশ আসর জমকাইয়া গল্প ফাঁদিলেন, “আপনারা এখানে আসবার মাস-খানেক আগে এরা একটা পোষ্ট-পিয়নকে জীবন্ত পুড়িয়ে খেয়ে ফেলেছিল। এ কথা গুনেছেন কি?”

উভয়ে চমকিত হইয়া বলিল, “কি সর্বনাশ!”

মরিস পুনরায় বলিলেন, “ঘটনা সত্যি। পিয়নটা এই বস্তীতে চিঠি বিলি করতে এসেছিল। ভুটিয়ারা তার দেশ-ঘরের কথা জিজ্ঞাসা করায় সে বলে, গঙ্গার দেশে। তার বুললে, কপিলাবস্তুর কাছে। জিজ্ঞাসা করল,

‘কপিলাবস্তুর কাছে?’ পিয়নটা বাহাছুরী দেখাবার জন্তে বললে, ‘হাঁ।’ অমনি তারা তাকে ধ’রে জীবন্ত পুড়িয়ে মেয়ে তার দেহটা টুকরো টুকরো ক’রে সকলে মিলে খেয়ে ফেললে।”

ভয়ে ইভ ও মোনার মুখ শুকাইয়া গেল, তাহারা চারিদিকে ভয়চকিত দৃষ্টি নিক্ষেপ করিল। মরিস তাহা দেখিয়া হাসিয়া আশ্বাস দিয়া বলিলেন, “ভয় কি? আমাদের দেখলে ওরা যমের মত ভয় করে। বিশেষ আমার কাছে গুলীভরা পিস্তল রয়েছে, তা ওরা জানে।”

ইভ জিজ্ঞাসা করিল, “পিয়নটাকে খেয়ে ফেললে কেন?”

মরিস বলিলেন, “কেম বুঝলেন না? লোকটার বাড়ী বুকের দেশে গঙ্গার ধারে, কায়েই তার দেহটা পবিত্র। হাঃ হাঃ! এমন কুসংস্কার আপনারা এ দেশের যেখানে সেখানে দেখতে পাবেন।”

ইভ দীর্ঘশ্বাস ত্যাগ করিয়া বলিল, “তা কুসংস্কারই বলুন আর যা-ই বলুন, ওরা সরল বিশ্বাসেই ত মানুষটাকে মেরেছিল। ওদের মত সরল বিশ্বাস আমরা কবে ফিরে পাব?”

মোনা ও মরিস সবিস্ময়ে ইভের মুখের দিকে তাকাইল। এ কি অসম্ভব প্রলাপ বকিতেছে ইভ!

মোনা বেল বলিলেন, “আশ্চর্য্য! কি যে বল, তার মাথামুণ্ড নেই। ওরা সরল হ’ল? অসত্য জঙ্গলী নিগার?”

ইভ গম্ভীরভাবে জবাব দিল, “নাসিকা কুঞ্চন কোরো না। ওরা জঙ্গলী নিগার হ’তে পারে, কিন্তু মনের আসল কথা লুকিয়ে রেখে বাইরে অল্প ভাব দেখাতে জানে না। ওদের ভিতর বার এক। ওরা ত আমাদের মত জ্ঞান-বুদ্ধির ফল খায় নি। আমাদের সভ্য শিক্ষিত সমাজে কেবল লুকোচুরি, কেবল ঢাক-ঢাক,—জঘন্য মিথ্যার আবরণে, কপটতার মোড়কে নগ্ন সত্যটাকে ঢেকে রাখার চেষ্টা!”

কথাটা বলিবার সময় ইভের মুখে চোখে একটা দারুণ ঘৃণা ও বিরক্তির ভাব স্পষ্ট ফুটিয়া উঠিল। মরিস ও মোনা বিস্মিত হইল, তাহারা ইভের মধুময় কোমল প্রকৃতির কথাই জানিত, এ ভাবটা কখনও দেখে নাই।

ইভ একটা সোপানের উপর বসিয়া পড়িয়াছিল। মরিস নতজানু হইয়া ব্যগ্র ও উৎকণ্ঠিতভাবে কাতর স্বরে বলিলেন, “মিস রবিনসন, কোন কষ্ট হচ্ছে কি? ইস,

আপনাকে এতটা সিঁড়ি ভাঙ্গিয়ে আমি কি একটা পণ্ডর মত কাযই করেছি!”

ইভ জবাব দিল না, কেবল তাঁহার বালকসুলভ আগ্রহোচ্ছল মুখের দিকে চাহিয়া একটু হাসিল; বলিল, “লেফটেনেন্ট সবরাইট, বোধ হয়, আপনাকে এইবার নিয়ে আজ তিনবার স্মরণ করিয়ে দিতে হচ্ছে যে, আমি মিসেস রায়, মিস রবিনসন নই।”

মরিসের মুখখানা পাংশুবর্ণ ধারণ করিল। তিনি অপরাধীর মত বলিলেন, “আমায় তার জন্ত সাজা দেবেন। তবে এটাও ব’লে রাখছি, আমার দ্বারা সর্বদা আপনাকে মিসেস রায় বলা ঘ’টে উঠবে না।”

ইভও সঙ্গে সঙ্গে একটু গরম হইয়া জবাব দিল, “তা হ’লে বিশেষ ছুঃখের সহিত বলতে হচ্ছে যে, ভবিষ্যতে আমাদের মধ্যে পরস্পর সন্মোদনের অবসর যতই বিরল হয়, ততই মঙ্গল।”

স্থানটায় একটা গভীরতা হঠাৎ দেখা দিল। মরিস এবার যথার্থই কাতর স্বরে বলিলেন, “তা হ’লে মিস রবিনসন কি আমার তাঁর সঙ্গসুখ হ’তে বঞ্চিত করতে চান?”

এই সময়ে মিস মোনা বেল অবস্থাটার গুরুগম্ভীরতা নষ্ট করিয়া দিবার নিমিত্ত বলিলেন, “বাঃ, তোমরা ঝগড়া আরম্ভ ক’রে দিলে, এ দিকে বেলা যে প’ড়ে আসছে। মরিস, রিক্সাকুলীদের ডাক। এখনও কতটা পথ যেতে হবে মনে নেই কি?”

মরিস অপ্রতিভ হইয়া তীরবেগে উঠিয়া রিক্সাকুলীদের উদ্দেশে গেলেন। মোনা বলিলেন, “সত্যি ভাই ইভ, তোমার কথার বাঁধে বেচারী মরিস জ’লে পুড়ে উঠেছে। বুঝতে কি পার না, ও তোমায় কি ভালবাসে—তুমি যেখান দিয়ে চ’লে যাও, সেই মাটাটাকে ও পূজো করে।”

ইভ মুহূর্তে চপলা বালিকার মত হইয়া উচ্চ হাসিয়া বলিল, “আমি পরের বিবাহিতা গৃহিণী,—আমার কাছে মরিস বালক, সে আমার কাছে মাতৃস্নেহ পেতে পারে, ভগিনীস্নেহ পেতে পারে, তার বেশী চাইতে যাওয়া তার পক্ষে অনধিকারচর্চার ধুষ্টতা ব’লে গণ্য হবে না?”

মোনা চোখ ঘুরাইয়া বলিলেন, “ওঃ, ভারী ত বিবাহ! একটা নেটিভ নিগার—”

মোনা আর অধিক অগ্রসর হইতে সাহসী হইলেন না।

ইভের চোখ-মুখের ভাব দেখিয়া হঠাৎ ধামিয়া গেলেন। ইভ তখন দাঁড়াইয়া উঠিয়াছে, তাহার চোখ দিয়া অগ্নি-ফুলিঙ্গ নির্গত হইতেছে। সে কঠোর স্বরে বলিল, “আশা করি, ভবিষ্যতে এ সব অনধিকারচর্চা করবে না। তুমি আমার আমন্ত্রিত অতিথি, এ কথাটা যেন আমায় ভুলে যেতে দিও না। আমার স্বামী যা-ই হন, তিনি আমার স্বামী, এ কথাটা যেন সকল সময়ে মনে থাকে।”

কথাটা বলিয়াই ইভ ধীরগন্তীর পাদবিক্ষেপ করিয়া পথে অগ্রসর হইল। তখন মরিসও রিক্সাওয়ালাদিগকে লইয়া সেই দিকে আসিতেছিলেন। পথে এক স্থানে রুষ্টির জল জমিয়া কাদা হইয়াছিল। ইভ কাদাটা কিরূপে পার হইবে, সেই জন্ত ইতস্ততঃ করিতেছিল। মরিস এক লক্ষ্যে উপস্থিত হইয়া ইভকে নিষেধ করিবার অবসর না

দিয়াই তাহাকে একবারে দুই হাতে তুলিয়া লইয়া কাদা পার করিয়া দিলেন। সেই বহনে কতখানি ভালবাসা জড়ান-মাখান ছিল, তাহা তাঁহার চোখের দৃষ্টিতে প্রকাশ হইয়া পড়িয়াছিল। যেন একটি সুন্দর পালকের মত— যেন একটি প্রস্ফুটিত শতদলের মত ইভের দেহখানি মরিস বহিয়া লইয়া গেলেন। ইভের বিষয় অপনোদিত হইতে না হইতেই তিনি তাহাকে রিক্সায় বসাইয়া দিয়া এবং ভাল করিয়া ‘রাগ’ দিয়া সর্ব্বাঙ্গ ঢাকিয়া দিয়া কুলীদিগকে টানিতে আদেশ দিলেন। তখন তাঁহার গন্তীর হুকুমে সেনানীর সগর্ভ কণ্ঠস্বর জাগিয়া উঠিয়াছিল। ইভ মরিসকে কিছু বলিবার অবসর পাইল না। সে কেবল তাহার গভীর ব্যর্থ প্রেমের কথা ভাবিয়া মনে কষ্ট পাইতেছিল। [ক্রমশঃ।

বিরহিণী

বিরহিণী মেয়ে রহিয়াছে চেয়ে পথের 'পরে।
প্রিয়তম তা'র আসিবে ফিরিয়া তাহার তরে।
সে যে কত দিন—কত কাল আগে
গিয়াছে চলিয়া মনে নাহি জাগে,
আজ্ঞো সে তাহার আশার বাণীটি
হৃদয়ে ধ'রে
চেয়ে আছে দু'টি আঁখি-তারা তুলি
পথের 'পরে।

আকুলিত তা'র কেশপাশ সে যে বাসিত ভালো!
আজ্ঞো সে যে হায়, তেমনি চিকণ, নিকষ-কালো।
মিলন-দিনের যত আভরণ
ল'য়ে সে করেছে দেহের বাঁধন,
বিধুর হৃদয়ে বাঁধন কোথায়?
নাহি যে আলো!
বিফল বাসনা; আসে না সে আর—
বাসে না ভালো।

রাজপথে কত ফিরিছে পথিক কাষের শেষে,
মিলন-আশায় চলিছে তাহার। সুদূর দেশে।
শুধু কি তাহারি বিফল পরাগ?
হৃদয়ে জাগিছে রুখা অভিমান!
সমেষ আকাশে শশী ভেসে যায়
মলিন হেসে—
গগন চুমিছে শ্যামলা ধরণী
বিরহ-শেষে!

কোথায় কে যেন গাহে গান দূরে করুণ সুরে!
গোপন ব্যথার দহনে দহনে পরাগ পুড়ে।
একাকিনী হায় কত রবে আর?
প্রিয় যে নিল না বেদনার ভার!
বেদন আজিকে রোদন জাগায়
বুকটি জুড়ে;
কোথা প্রিয়তম? তারি আশে মন
মরিছে ঘুরে।

যদি নাহি আসে, তথাপি সে হায়, রহিবে চেয়ে।
খেতবাস পরি দিবস কাটাবে মলিনা মেয়ে।
হৃদয় জুড়িয়া আছে আশা তার,—
আসিবে আসিবে প্রিয় সুকুমার
মরণের বেশে চির-মিলনের
গানটি গেয়ে!
যদি নাহি আসে তথাপি সে হায়
রহিবে চেয়ে।

শীত-শেষে আজি পাতা ঝ'রে যায় পথের 'পরে,
ধরণী ধরেছে বিরহের বৈশিষ্ট্য-ভরে।
কালো কেশ হবে গুরু বরণ,
মলিন বয়ান, শিথিল চরণ—
তথাপি বসিয়া বাতায়ন-পাশে
প্রণয়-ভরে
জাগিয়ে রজনী চিরবিরহিণী
আঁখার ঘরে।



>

বঙ্গদেশের—বিশেষতঃ পশ্চিম-বঙ্গের ভদ্রলোকদিগের মধ্যে অনেকেরই উলার নাম শুনিয়া থাকিবেন। উলা পূর্বে সামাজিক ক্রিয়াকলাপের জন্ত, অতিথিসৎকারের জন্ত, বিশিষ্ট ভদ্রলোকের জন্ত এবং “উলুই পাগলের” জন্ত বিখ্যাত ছিল। বর্তমানে ইহা নিবিড় অরণ্য, ভগ্ন দেবালয় ও অট্টালিকাদি এবং ম্যালেরিয়া রাক্ষসীর জন্ত বিখ্যাত হইয়া আছে।

জিলা নদীয়ার রাণাঘাট থানার অধীন উলা, রাণাঘাট হইতে ২৥০ ক্রোশ উত্তরে, কৃষ্ণনগর হইতে প্রায় ৮ ক্রোশ দক্ষিণে ও শান্তিপুর হইতে প্রায় ৫ ক্রোশ পূর্বে অবস্থিত। ইহার দূরত্ব কলিকাতা হইতে সার্ব্ব ২৫ ক্রোশ। যাতা-য়াতে ট্রেনের সুবিধা আছে। ই, বি, রেলের রাণাঘাট-মুর্শিদাবাদ শাখার বীরনগর স্টেশনই উলার স্টেশন এবং ইহা উলা গ্রামের পশ্চিম প্রান্তে অবস্থিত।

পুরাকালে উলার পশ্চিম ও দক্ষিণ প্রান্ত দিয়া এবং আংশিকভাবে উহার পূর্ব প্রান্ত দিয়া ভাগীরথী-গঙ্গা প্রবাহিত ছিল। তৎকালে গঙ্গার চরে—যথায় এক্ষণে উলার ধ্বংসাবশেষমাত্র বর্তমান আছে—উলুবন ছিল। সেই উলুবনে প্রতিষ্ঠিত শিলারূপী চণ্ডীকে লোক “উলা চণ্ডী” বা “উলুই চণ্ডী” এবং উলুবনাকীর্ণ গঙ্গার চরে স্থাপিত গ্রামকে “উলা” কেহ কেহ বলেন যে, উলা চণ্ডীর নাম হইতে উলা হইয়াছে, কেহ বলেন, পারস্য “আউল” অর্থাৎ “জানী বা বুজরুক” অথবা আরব্য “উলা” অর্থাৎ “শ্রেষ্ঠ বা প্রথম” শব্দ হইতে উলার নামকরণ হইয়াছে।

হিন্দু রাজত্বকালে উলা গ্রাম মধ্যদ্বীপমধ্যে অবস্থিত ছিল। পাঠান ও মোগলদিগের রাজত্বকালে যে ৩১টি মহাল লইয়া সরকার সুলেইমানাবাদ গঠিত ছিল, উলা তাহার মধ্যে একটি। আইন-ই-আকবরীতে উল্লেখ আছে যে, বামশাহ আকবরের রাজত্বকালে উলার দেয় রাজস্ব ৮২২৭৭ দাম (৪০ হইতে ৪৮ দাম মূল্যে এক টাকার সমান বিবেচিত হইত) ধার্য ছিল। উলার পূর্ব প্রান্তে পূর্ব-পশ্চিমে দীর্ঘ একটি বৃহৎ দীর্ঘিকার গুহ খাত পড়িয়া আছে, উহাকে লোক “পুরাতন দীঘি” কহে ইহা

মুসলমান রাজত্বকালে মুসলমানদিগের দ্বারা খনিত হইয়াছে, এইরূপ জনশ্রুতি আছে।

খৃষ্টীয় অষ্টাদশ শতাব্দীর শেষভাগে নদীয়ার রাজা কৃষ্ণচন্দ্রের সময়ে তাঁহার রাজ্য যে ৪৯টি পরগণায় বিভক্ত ছিল, উলা তন্মধ্যে একটি। তৎকালে কৃষ্ণচন্দ্রের জমিদারী চারিটি সমাজে বিভক্ত ছিল, যথা—উত্তর ভাগ অগ্রদ্বীপ সমাজ, মধ্যভাগ নবদ্বীপ সমাজ, দক্ষিণভাগ চক্রদ্বীপ সমাজ ও পূর্বভাগ কুশদ্বীপ সমাজ ছিল। উলা তৎকালে চক্রদ্বীপ সমাজের অন্তর্গত ছিল।

কবিকঙ্কণ চণ্ডীতে লিখিত আছে :—

“বাহ বাহ বল্যা ঘন প’ড়ে গেল সাড়া।
বামভাগে শান্তিপুর ডাহিনে গুপ্তিপাড়া ॥
উলা বাহিয়া খিসমার আশে পাশে।
মহেশপুর নিকটে সাধুর ডিঙ্গা ভাসে ॥”

উক্ত চণ্ডী গ্রন্থে লিখিত আছে যে, ধনপতি ও শ্রীমন্ত সওদাগর সিংহল যাইবার কালে উলার পার্শ্বদেশ দিয়া গঙ্গা বাহিয়া গমন করিয়াছিলেন। তৎকালে উলা, খিসমা ও ফুলিয়ার পার্শ্বদেশ দিয়া গঙ্গা প্রবাহিত ছিল। এক্ষণে গঙ্গা উলা হইতে ৪।৫ ক্রোশ দূরে ও ফুলিয়া হইতে প্রায় ১। মাইল দূরে সরিয়া গিয়াছে। ১৬৫৮ খৃষ্টাব্দের পরে এবং ১৭০৭ খৃষ্টাব্দের পূর্বে উলা হইতে গঙ্গা সরিয়া গিয়াছে।

একটি প্রবাদ প্রচলিত আছে যে, শ্রীমন্ত সওদাগর বৈশাখী পূর্ণিমার দিন যখন উলার পার্শ্ব দিয়া ডিঙ্গা করিয়া যাইতেছিলেন, সেই সময় অত্যন্ত ঝড়-বৃষ্টি হইতে থাকে। বাণিজ্য-তরলীগুলিকে ঝড়-জল হইতে রক্ষা করিবার জন্ত তিনি আপন ডিঙ্গার নোঙ্গরের প্রস্তরখণ্ড তুলিয়া উলার প্রান্তভাগে নদীতীরে বটবৃক্ষমূলে স্থাপনা করিয়া চণ্ডীরূপে পূজা করিয়াছিলেন। সেই হইতে উলা-চণ্ডীর পূজা চলিয়া আসিতেছে। বৈশাখী পূর্ণিমা বা গন্ধেশ্বরী পূজার দিন আজিও প্রতি বৎসর মহা সমারোহে উলা-চণ্ডীর পূজা হইয়া থাকে। ইহাকে উলা-চণ্ডীর “জাত” বা “যাত্রা” বলা হয়।

প্রাচীন দলিলাদিতে উলার নাম পাওয়া যায়। ঔরঙ্গ-জেব বাদশাহের রাজত্বকালের অর্থাৎ ১১০১ সালের ১১ই কার্তিক তারিখের একখানি পুরাতন আয়বিক্রয়-পত্রে দেখা যায় যে, সনাতন দত্ত নামক এক ব্যক্তি সজীক অনাহারক্লিষ্ট ও ঋণগ্রস্ত হইয়া উলার তদানীন্তন জমীদার ও মুস্তোফী-বংশের প্রতিষ্ঠাতা রামেশ্বর মিত্র মুস্তোফীর নিকট মাত্র ৯ নম্বর টাকা মূল্যে আয়বিক্রয় করিয়াছিল এবং উহা কাজীর সম্মুখে রেজেস্টারী হইয়াছিল।

কর্তাভজা সম্প্রদায়ের মধ্যে এইরূপ একটি প্রবাদ আছে যে, উক্ত সম্প্রদায়ের প্রতিষ্ঠাতা আউলিয়া চাঁদকে ১৬১৬ শকাব্দের ১৬৯৩-৯৪ খৃষ্টাব্দের ফাল্গুনমাসে উলার মহাদেব বারুই তাহার পানের বরজের মধ্যে প্রাপ্ত হয়। আউলিয়া-চাঁদের বয়স তৎকালে ৮ বৎসর মাত্র। আউলিয়াচাঁদ মহাদেবের গৃহে ১২ বৎসরকাল পুত্রনির্কিংশেষে লালিত-পালিত হইয়াছিলেন এবং মহাদেবের স্ত্রী তাঁহার নাম “পূর্ণচন্দ্র” রাখিয়াছিলেন।

উলার সর্কাপেক্ষা প্রাচীন গ্রন্থের নাম “গঙ্গাভক্তি-তরঙ্গিনী।” উহা উলার খড়দহপাড়ানিবাসী দুর্গাপ্রসাদ মুখোপাধ্যায় কর্তৃক রচিত।

উক্ত গ্রন্থে গঙ্গার গতিবর্ণনাস্থলে উলার সম্বন্ধে লিপিত আছে :—

“অম্বিকা পশ্চিম পারে শান্তিপুর পূর্ব ধারে
রাখিল দক্ষিণে গুপ্তি-পাড়া,
উল্লাসে উলায় গতি বটমূলে ভগবতী
চণ্ডিকা নহেন যথা ছাড়া।

বৈশাখেতে যাত্রা হয় লক্ষ লোক কম নয়
পূর্ণিমা তিথিতে পুণ্যচয়;
নৃত্য গীত নানা নাট দ্বিজ করে চণ্ডীপাঠ
মানে যে, মান সিদ্ধ হয়।

কুলীন সমাজ নাম কিবা লোক কিবা গ্রাম
কানী ভূলা হেন ব্যবহার।

দয়াধর্ম বর্ধে যথা কি কব লোকের কথা
মুনি হেন হেন কুলাচার ॥”

রাজা কৃষ্ণচন্দ্রের পূর্বপুরুষ রাঘবেন্দ্র রায়ের সময়ে হইতে রাজা কৃষ্ণচন্দ্র পর্যন্ত নদীয়ার রাঙ্গাদিগের সিকট

উলা অতি প্রিয় স্থান ছিল। রাজা রাঘবেন্দ্র উলার ‘মাবের পাড়ার’ একটি দীর্ঘিকা কাটাইয়া উহার মধ্যস্থলে একটি জলবাটিকা প্রস্তুত করাইয়াছিলেন। পরবর্তী কালে রাজা কৃষ্ণচন্দ্র কোন কোন বৎসর গ্রীষ্মকালে উলার আসিয়া উক্ত জলবাটিকায় বাস করিতেন এবং ইষ্টদেবতার পূজা করিয়া নিমন্ত্রিত ব্রাহ্মণ ও অধ্যাপকদিগকে গুণামুসারে সম্মানিত করিতেন। উক্ত দীঘি “রাজার দীঘি” বলিয়া পরিচিত ছিল। আজিও উক্ত বৃহৎ দীর্ঘিকা “বা দীঘি” নাম ধারণ করিয়া কোন প্রকারে বর্তমান আছে। রাজা কৃষ্ণচন্দ্র উলার ব্রাহ্মণদিগকে যথেষ্ট এন্ধা করিতেন। একবার কৃষ্ণচন্দ্র গুপ্তিপাড়া হইতে বানর-বানরী আনাইয়া লক্ষমুদ্রা ব্যয় করিয়া উহাদিগের বিবাহ দিয়াছিলেন এবং তদুপলক্ষে নদীয়া, গুপ্তিপাড়া, উলা ও শান্তিপুর প্রভৃতি স্থানের ব্রাহ্মণ-পণ্ডিতদিগকে নিমন্ত্রণ করিয়াছিলেন।

উলার কুলীন “মুখ্যোপাড়ার” কৃষ্ণরাম মুখোপাধ্যায় কৃষ্ণচন্দ্রের সভাপণ্ডিত ছিলেন এবং কৃষ্ণরামের জাতি-ভ্রাতা মুক্তারাম উক্ত রাজসভার হাশ্ব-রসিক ছিলেন। বৈবাহিক সম্বন্ধ না থাকিলেও বিজপ করিবার সুবিধা হইবে বলিয়া রাজা মুক্তারামকে “বেহাই” বলিয়া ডাকিতেন এবং সুবিধা পাইলেই নানা প্রকার বিজপ করিতেন। এক দিন রাজা কহিলেন, “বেহাই, গত রাত্রে আমি এক অদ্ভুত স্বপ্ন দেখিয়াছি; দেখিলাম যে, আমি পায়সের হুদে ও তুমি বিষ্ঠার হুদে পড়িয়া গিয়াছ।” সপ্রতিভ মুক্তারাম উত্তর দিলেন, “আমিও ঠিক ঐ স্বপ্নটি দেখিয়াছি। কিন্তু কিঞ্চিৎ পাথক্য আছে। আমি স্বপ্নে দেখিলাম যে, আমরা উভয়ে হুদঘর হইতে উঠিয়া পরস্পরের গা-চাঁটাচাঁটি করিতে লাগিলাম।”

আর একবার উলার কোন ছুট লোক অপর এক ব্যক্তির জীকে বিক্রয় করিয়াছিল। কৃষ্ণচন্দ্র এই সংবাদ শুনিয়া মুক্তারামকে কহিলেন, “বেহাই, তোমাদের ওখানে নাকি বৌ বিক্রয় হয়?” উত্তরে মুক্তারাম কহিলেন, “হাঁ মহারাজ, আমাদের ওখানে বৌ নিয়ে যাওয়ামাত্রই বিক্রয় হইয়া যায়।”

একবার মুক্তারাম কতকগুলি উৎকৃষ্ট মাগুর মাছ কৃষ্ণচন্দ্রকে খাইতে দিয়াছিলেন। “মাগুর” শব্দের শেষ অক্ষর বাদ দিলে স্ত্রী বুরায় এবং উহার আদি ও অন্ত্যাক্ষর বাদ

দিলে যাহা হয়, রসিক পাঠক তাহা অনায়াসেই অনুমান করিতে পারেন। মাধুর মাছগুলি আহার করিয়া রাজা এক দিন কহিলেন, “মুখ্যো, তুমি আমাকে যাহা দিয়াছিলে, তাহার অস্ত্র পাই নাই।” মুক্তারাম রাজার চুই অভিপ্রায় বুঝিতে পারিয়া কহিলেন, “মহারাজ, আমরা উলার লোক, পাগল মানুষ, আমি আপনাকে যাহা দিয়াছিলাম, তাহার আদি ও অস্ত্র ছই ছিল না।”

রাজা কৃষ্ণচন্দ্র উলার বহু ব্রাহ্মণ ও কায়স্থ, বৈষ্ণব প্রভৃতিকে বহু বিধা নিষ্কর ভূমি দান করিয়া গিয়াছেন। কেবল তাহাই নহে, তিনি উলার “দেওয়ান মুখোপাধ্যায়” বংশের সহিত ও দক্ষিণপাড়ার চট্টোপাধ্যায় বংশের সহিত বৈবাহিক সম্বন্ধ স্থাপন করিয়াছিলেন।

ডাকাইত ধরার জন্ম উলার নাম “বীরনগর” হইয়াছে। ইহা ইংরাজ দস্ত নূতন নাম। উলার রেল-স্টেশন, মিউনিসিপালিটি ও পোষ্ট অফিসে এই নূতন নাম ব্যবহৃত হইতেছে। এক্ষণে সরকারী কাগজপত্রে “উলার” পরিবর্তে “বীরনগর” ব্যবহৃত হইতেছে। শতাধিক বর্ষ পূর্বে উলার মুস্তোফী-বংশের অনাদিনাথ মুস্তোফী শিবেশনী নামক শান্তিপুরনিবাসী গোপ-জাতীয় জনৈক ডাকাইতকে স্বহস্তে ধৃত করেন। উক্ত ডাকাইতের ছই বাহু ছেদন করিলে উহার মৃত্যু হয়। সেই সময় একটি ছড়ার প্রচলন হইয়াছিল, যথা :—

“শিবেশনী মাগুল চোর,

ছোকরাতে করেছে পাকড়া, ধন্য উলা বীরনগর।”

ইহা উলার “বীরনগর” নামকরণ হইবার অন্ততম কারণ।

আর একবার ১৮০০ খৃষ্টাব্দে বিখ্যাত বামনদাস মুখোপাধ্যায়ের পূর্বপুরুষ মহাদেব মুখোপাধ্যায়ের বাটীতে ডাকাইতী হয়। মহাদেব তখন রাণাঘাটের পাল-চৌধুরী-বংশের প্রতীষ্ঠাতা বিখ্যাত কৃষ্ণ পাণ্ডুর সহায়তায় ও নিজ



উলার রাজার দীঘি বা পঁ। দীঘির পশ্চিম পাড়ের দৃশ্য

অধ্যবসায়বলে দীন অবস্থা হইতে অর্থশালী হইয়া উঠিতেছেন। সে কালের বিখ্যাত ডাকাইত বদে বিশে (ভাল নাম বৈষ্ণবনাথ ও বিশ্বনাথ) এই ডাকাইত দলের সর্দার ছিল। গ্রামবাসিগণের চেষ্টায় এই ডাকাইত দলের অনেক লোক ধরা

পড়ে ও ইংরাজের বিচারালয়ে তাহাদিগের শাস্তি হয়। উশাবাসীদের বীরত্বের সম্মানের জন্ম ইংরাজ গবর্নমেন্ট ১৮০০ খৃষ্টাব্দে উলার “বীরনগর” নামকরণ করেন।

২

উলার উলাচণ্ডী ঠাকুরাণী ও বুড়াশিব নামক শিবলিঙ্গ গ্রামের সর্বসাধারণের দেবতা। উলাচণ্ডীকে শ্রীমন্ত সওদাগর প্রতিষ্ঠিত করিয়াছিলেন। উলাচণ্ডী অতি জাগ্রত দেবতা। বহু দূরদেশ হইতে লোক আসিয়া দেবীর নিকট



উলাচণ্ডীতলা




উল্লায় মুস্তোফী-বাটার চণ্ডীমণ্ডপে কাঠের উপর স্থল কারুকাব্য

মনস্কামনাসিদ্ধির, পুত্রপ্রাপ্তির এবং রোগশান্তির জন্ম দেবীর বটবৃক্ষের জড়ান ইষ্টকথণ্ড বাঁধিয়া মানসিক করিয়া যার। মনস্কামনা সিদ্ধ হইলে বৈশাখী পূর্ণিমার দিন তাহার সাধ্যমত দেবীর পূজা দিয়া থাকে। বুড়াশিব নদীয়ার রাজবংশ কর্তৃক প্রতিষ্ঠিত বলিয়া শুনা যায়। গ্রামের দক্ষিণপাড়ায় মুস্তোফীদিগের পুরাতন বাটাতে ৬টি মন্দির এবং নূতন বাটাতে ১৭টি মন্দির বর্তমান আছে। এত অধিকসংখ্যক মন্দির ও দেবতার স্থান নদীয়ার মহারাজা ব্যতীত নদীয়া জিলায় অত্র কাহারও নাই। এতন্মধ্যে পুরাতন মুস্তোফী-বাটার 'বাংলা' ঘরের আকৃতিবিশিষ্ট চণ্ডী-মণ্ডপের কাঠালকাঠের স্তম্ভ ও

উপরের কড়ি, বামনা ও তীরগুলিতে অতি স্থল কারুকাব্য ও নানা প্রকার দেব-দেবীর মূর্তি ও বিভিন্ন প্রকারের ভঙ্গিমাবিশিষ্ট পুস্তলিকা আছে। ইহার তিন দিকের ইষ্টকনির্মিত দেওয়ালে ইষ্টকের উপরে নানা দেব-দেবীর মূর্তি ও নক্সা ক্ষোদিত আছে। এই মণ্ডপটি বাদশাহ' ঔরঙ্গজেবের রাজত্বকালে অমুমান ১৬০৬ শকাব্দে রামেশ্বর মুস্তোফী কর্তৃক নির্মিত। এই মণ্ডপটি বঙ্গদেশের প্রাচীন বাংলা ঘরের নিদর্শন। ইহার চালে পূর্বে অভ্র, ময়ূরপুচ্ছ লাল ও কালবর্ণের বাঁশের শলা বা চিক এবং স্থল বেতের স্ততার বন্ধনী দ্বারা কারুকাব্য খচিত ছিল, ১২৭১ সালের আখিনমাসের ঝড়ে চাল উড়িয়া যাওয়ার কারুকাব্য নষ্ট হইয়া গিয়াছে। কিন্তু কাঠের উপরে ও দেওয়ালের ইষ্টকে যে কারুকাব্য আছে, তাহা আজিও পথিকের বিশ্বয় উৎপাদন করিতেছে। এই মণ্ডপের কারুকাব্য-খচিত কাঠগুলিকে এক্ষণে ভ্রমরবৃন্দ ফুটা করিয়া নষ্ট করিয়া ফেলিতেছে। পুরাকাল হইতে এ কাল পর্যন্ত বহু দূরদেশ হইতে জনমণ্ডলী এই মণ্ডপের অপূর্ক গঠন-প্রণালী ও কারুকাব্য দেখিতে আইসে। এরূপ চণ্ডী-মণ্ডপ বা গৃহ সমগ্র বঙ্গদেশে বিরল। মণ্ডপের সম্মুখস্থ উঠানের অপর পারে হোমের ঘর আছে। এই গৃহে একটি কূপ আছে, উহার মধ্যে প্রথম হইতে আজি পর্যন্ত মুস্তোফী-গণ যতবার জর্গোৎসব করিয়াছেন, তাহার (অর্থাৎ প্রায়



দক্ষিণপাড়ায় অতি প্রাচীন বোধনের বিদ্যুৎ ও দোলমঞ্চ



দক্ষিণপাড়া কুম্ভচক্রের যোড়বাংলা মন্দির

২৫২।৫৩ বৎসরের) হোমের ভঙ্গ সঞ্চিত আছে। নিম্ন-শ্রেণীর লোকের ধারণা এই যে, উক্ত চণ্ডীমণ্ডপ বিশ্বকর্মা কর্তৃক নির্মিত এবং এই হোমঘরে দুর্গাদেবী প্রতি রাত্রিতে রক্ষন করিয়া থাকেন। এই মণ্ডপের পূর্বদিকে মুস্তোফী-বাটার সিংহদ্বারের সম্মুখে ইষ্টক দ্বারা বাধান একটি অতি প্রাচীন বিঘবৃক্ষ আছে। ইহা মুস্তোফীদিগের বোধনের বিঘবৃক্ষ। মুস্তোফীদিগের দুর্গোৎসব যত দিনের প্রাচীন, এই বিঘবৃক্ষটিও তত দিনের পুরাতন। এরূপ প্রাচীন বিঘবৃক্ষ সম্ভবতঃ বঙ্গদেশে আর একটিও নাই। এই বৃক্ষ-মূলে নারিকাসিদ্ধ রঘুনন্দন মুস্তোফী গভীর নিশীথে ইষ্টদেবীর আরাধনা করিতেন।

উক্ত চণ্ডীমণ্ডপের পশ্চিমদিকে মুস্তোফীদিগের জামাই-কোঠার ভগ্নাবশেষ আছে। পূর্বে নবাবী প্রথা অনুসারে জামাতাকে অন্তরমহলে প্রবেশ করিতে দেওয়া হইত না। জামাতা এই গৃহে থাকিতেন এবং রাত্রিকালে দাসীর সহিত কতাকে এই গৃহে পাঠান হইত।

জামাই-কোঠার উত্তরে মুস্তোফী-দিগের বাংলা ঘরের আকৃতি-বিশিষ্ট ইষ্টকনির্মিত যোড়বাংলা মন্দির আছে। মন্দিরমধ্যে রাখা-কৃষ্ণ-বিগ্রহ এবং কতকগুলি শাল-গ্রামশিলা ও বাণলিঙ্গ শিব আছেন। মন্দিরের সম্মুখদেশে ইষ্টকের উপর অতি সুন্দর নয়ন-বিমোহন কারুকার্য-খচিত দেব-দেবীমূর্তি ও পুতুলিকা আছে। এই প্রকারের কারুকার্যবিশিষ্ট যোড়বাংলা মন্দির বঙ্গদেশে অধিক নাই। বহু স্থানের লোক এই মন্দির দেখিতে আইসে। ইহা ১৬১৬ শকে নির্মিত।

মুস্তোফী-বাটার উত্তরদিকে এক স্থানে হরিশ-প্রাণ মুস্তোফীর একজোড়া পঞ্চচূড় শিবমন্দির বনাকীর্ণ হইয়া আছে। মন্দির দুইটির গঠন অতি সুন্দর। ইহার কিঞ্চিৎ উত্তরদিকে বিখ্যাত ঈশ্বরচন্দ্র মুস্তোফীর ঠাকুরবাটার ১০টি একচূড়াবিশিষ্ট শিবমন্দির, একটি নবরত্ন কালীমন্দির এবং একটি অতি বৃহৎ দুর্গামন্দির ও তৎসংলগ্ন শাণবাধান-ঘাটবিশিষ্ট কালিসাগর নামক পুষ্করিণী অবস্থিত।



দক্ষিণপাড়ার কুম্ভচক্রের যোড়বাংলা মন্দিরের সম্মুখের কারুকার্য



দক্ষিণপাড়া হরিশ্চন্দ্র মুস্তোফীর জোড়া শিবমন্দির

বনাকীর্ণ হইয়া ধ্বংসপথে চলিয়াছে। ঈশ্বর মুস্তোফীর দুর্গা-মন্দিরটি সমগ্র নদীয়া জিলার মধ্যে অত্রতম বৃহৎ মন্দির। এই মন্দিরগুলি ১২২৫ হইতে ১২২৯ সালের মধ্যে নিশ্চিত :

পুরাতন মুস্তোফী-বাটার পূর্বদিকে সিদ্ধেশ্বরীতলায় মুস্তোফীদিগের ৮সিদ্ধেশ্বরী কালীর তিনটি অতি প্রাচীন খিলান-করা ছাদবিশিষ্ট গৃহ, মঠবাটা-নামক স্থানে এক জোড়া শিবমন্দির এবং সিংহদ্বারের সম্মুখে কালীর কোঠা ও দোলমঞ্চের ধ্বংসাবশেষ প্রাচীন কীর্তির সাক্ষ্য দিতেছে।

পূর্বে ঈশ্বর মুস্তোফীর অন্তরমহলে তাঁহার আনন্দ রায়



• দক্ষিণপাড়ার কালীসাগর পুকুর—বর্তমান নাম ডিম্পেঙ্গারী পুকুর

নামক কৃষ্ণবিগ্রহের একটি মন্দির ছিল এবং তাঁহার বহির্কাটাতে একটি দ্বিতলসমান উচ্চ স্থাপত্য কারুকার্য-খচিত এবং নানা বিগ্রহ ও মূর্তি-শোভিত কাঠের চালবিশিষ্ট একটি নাচ-ঘর বা চাদনী ছিল, এই দুইটি মহামারীর পরে ধ্বংস হইয়া গিয়াছে।

পুরাতন মুস্তোফী-বাটার বহির্দেশে উত্তর-পূর্বদিকে একটি অতি প্রাচীন একচূড়, কারুকার্যখচিত, ইষ্টকনির্মিত বিষ্ণুমন্দির আছে। ইহা ছোট মিত্র-বংশের কাশীশ্বর মিত্র অনুমান ১৬০৬ শকাব্দে নিৰ্মাণ করেন। উল্লায় ষত




ঈশ্বরচন্দ্র মুস্তোফী দীনদয়াময়ী কালীর নবচূড় ভগ্ন মন্দির

মন্দির আছে, তন্মধ্যে ইহা সর্বাপেক্ষা প্রাচীন। মন্দিরের সম্মুখদেশে দেওয়ালে ইষ্টকের উপর অতি স্থাপত্য কারুকার্য, পুতলিকা ও দেব-দেবীর মূর্তি আছে। ইহার কারুকার্য দেখিতে বহু দূরদেশ হইতে লোক আসিয়া থাকে।

মুস্তোফী-বাটার উত্তরদিকে ব্রহ্মচারীদিগের বাটা। ইহাদিগের উপ



ঈশ্বরচন্দ্র মুন্সীফীর দুর্গামন্দিরের সন্মুখভাগ




দক্ষিণপাড়া মঠবাটীর জোড়া শিবমন্দির



দক্ষিণপাড়া ৩ সিদ্ধেশ্বরী কালীমন্দির ওয়বাটী

ইহাদিগের বহির্বাটাতে একটি সুশ্রী পঞ্চচূড় শিব-মন্দির আছে। উহার মধ্যে একটি বৃহৎ শিব-লিঙ্গ, কুম্ভারামিকা-বিগ্রহ, পিত্তলের দশভূজা ও মূসিংহ-মূর্তি আছেন। এই মন্দির ১২২৫ সাল হইতে ১২৪৫ সালের মধ্যে নির্মিত বলিয়া অনুমিত হয়। এই মন্দিরের ৫০।৬০ হাত দূরে উত্তর-পশ্চিম কোণের দিকে একটি স্থানে গৃহের ভগ্ন-স্তূপ আছে। ঐ স্থানে ব্রহ্মচারিবংশের পূর্ব-পুরুষ নন্দলাল ব্রহ্মচারী চণ্ডালের মৃতদেহ ও নর-মুণ্ডাদি লইয়া সাধনা



দক্ষিণপাড়ায় কাশীধর মিত্রের বিষ্ণুমন্দির

করিতেন। ঐ স্থানে যে গৃহ ছিল, উহার মধ্যস্থলে একটি যজ্ঞকুণ্ড ছিল; উহাতে তিনি আহুতি প্রদান করিতেন। অনুমান ১৭০৬ হইতে ১৭১৫ খৃষ্টাব্দের মধ্যে এই গৃহ নির্মিত হইয়াছিল।

এই স্থান হইতে কিয়দূর উত্তর-দিকে বামনদাস মুখোপাধ্যায়দিগের বাটা আছে। এই বাটাতে দক্ষিণ-দিকের তোরণ-দ্বার দিয়া প্রবেশ করিলে দক্ষিণে শঙ্কুনাথ মুখোপাধ্যায়ের সাত ফোকরের বৃহৎ পূজার দালানের উচ্চ স্তম্ভ ও দেওয়াল এবং অট্টালিকার ধ্বংসাবশেষ দৃশ্যমান আছে দৃষ্ট হয়। শঙ্কুনাথের পূজার দালান উল্লার মধ্যে সর্বাঙ্গোপেক্ষা বৃহৎ ছিল।

ইহার কিয়দূর উত্তরদিকে বামনদাস মুখোপাধ্যায়দিগের



ব্রহ্মচারিবাটার শিবমন্দির

সরকারী পূজাবাটার ছুর্গা-পূজার দালানের ধ্বংসাবশেষ ও চাঁদনী আছে। ইহার কিঞ্চিৎ উত্তরদিকে ইহার পর বর্তী কালে বামনদাস মুখোপাধ্যায় কর্তৃক নির্মিত তাঁহার নিজস্ব ক্ষুদ্র পূজার দালানের ভগ্নাবশেষ বনাকীর্ণ হইয়া আছে। অনুমিত হয় যে, এই গুলি ১২৪৫ সালের পরে বা উহার নিকটবর্তী সময়ে নির্মিত হইয়াছে।

শেষোক্ত পূজাবাটা ছুইটির পশ্চিমদিকে একটি একচূড় শিবমন্দির আছে। উহার মধ্যে একটি খেতপ্রস্তরনির্মিত

শিবলিঙ্গ আছেন। এই মন্দিরের সম্মুখদেশে অতি সামান্য কারুকার্য আছে। এই মন্দিরটি বামনদাস মুখোপাধ্যায়দিগের পূর্বপুরুষ মহাদেব মুখোপাধ্যায় ১৭১২ শকাব্দে—১১৯৬ সালে নির্মাণ করেন। ইহার দক্ষিণপশ্চিমদিকে অনন্যপ্রসাদ মুখোপাধ্যায়ের স্তম্ভ-যুক্ত দ্বিতল বৈঠকখানা।

মহাদেব মুখোপাধ্যায়দিগের এই বাটার বহির্দেশে দক্ষিণদিকে “দাওয়ান মুখোপাধ্যায়”দিগের বাটার ধ্বংসাবশেষ আছে। ইহাদিগের পূজাবাটার স্তম্ভগুলি আজিও নিবিড় জঙ্গলের মধ্যে দৃশ্যমান থাকিয়া পথিকের মনে অপূর্ব ভাবের সঞ্চার করিতেছে।

“দাওয়ান মুখোপাধ্যায়”দিগের বাটার কিঞ্চিৎ দক্ষিণদিকে “ছোট



কুচুই বনের দোলমন্দির

মিত্রদিগের” নূতন বাটীতে উলার অন্ততম বৃহৎ পূজার দালান আছে, ইহা মহামারীর অনেক পরে নির্মিত।

গ্রামের মাঝের পাড়ায় সাকুলার রোডের ধারে দুইটি ক্ষুদ্র একচূড় এবং একটি পঞ্চচূড় শিবমন্দির আছে। পঞ্চচূড় ক্ষুদ্র মন্দিরটি বাজারের মধ্যে অবস্থিত। মন্দিরমধ্যে একটি কৃষ্ণপ্রস্তরের শিবলিঙ্গ আছেন। এই মন্দিরটি তারাকান্ত গঙ্গোপাধ্যায় কর্তৃক ১৭৫৮ শকাব্দে—১২৪২ সালে নির্মিত।

গ্রামের উত্তর প্রান্তে একটি মাঝারি আকৃতির একচূড় শিবমন্দির বনাকীর্ণ হইয়া ধ্বংসপথে চলিয়াছে। ইহা কমলনাথ ও উমানাথ মুঞোপাধ্যায়-দিগের মন্দির বলিয়া বিদিত। ইহার সম্মুখদেশে ইষ্টকের উপর সামান্য কারুকার্য আছে। ইহা ১২৩০ সাল হইতে ১২৫০ সালের মধ্যে নির্মিত বলিয়া অনুমিত হয়।

এই মন্দিরের অদূরে খাঁদিগের অট্টালিকা-সমূহ দণ্ডায়মান আছে। খাঁদিগের বাটীর উত্তর-পশ্চিমদিকে

“কুচুই বনের” দোলমন্দির অবশ্যে দণ্ডায়মান আছে। এই প্রকারের কিন্তু অপেক্ষাকৃত ক্ষুদ্র আর একটি দোলমন্দির গ্রামের বারুইপাড়ায় আছে।

এতদ্ব্যতীত গ্রামের দক্ষিণপাড়ায় একটি ও মাঝের পাড়ায় একটি বৃহৎ বারইয়ারীর ঠাকুরঘর ও চাঁদনী আছে। বৈশাখী পূর্ণিমায় উলাচণ্ডী-পূজার দিন হইতে দক্ষিণপাড়ায় মহিষমর্দিনী ও মাঝের পাড়ায় বিদ্যাবাসিনীমূর্তি গড়িয়া বারইয়ারীপূজা করা হয় এবং এতদ্ব্যতীত দুই পাড়ায় ৩ দিন দিবারাত্রি যাত্রা, কীর্তন ও কবি গান প্রভৃতি আমোদ-প্রমোদ চলিতে থাকে।

গ্রামের উত্তর অঞ্চলে তিন গুহজবিশিষ্ট একটি প্রাচীন মসজিদ জঙ্গলের মধ্যে আছে। ইহা “কলুপাড়ার মসজিদ” বলিয়া বিদিত। ইহা ১৮০০ খৃষ্টাব্দের নিকটবর্তী কোন সময়ে নির্মিত। এতদ্ব্যতীত গ্রামের উত্তরপাড়ায় একটি দরগা ও দক্ষিণপাড়ায় একটি মসজিদের ভগ্নাবশেষ আছে।

এই সকল মন্দির ও মসজিদাদি ব্যতীত উলার বনের মধ্যে বহু ত্যক্ত পূজার দালান ও ভগ্ন অট্টালিকা




কলুপাড়ার পুরাতন মসজিদের পশ্চিমদিক

হিংস্র জন্তুর আবাসভূমি হইয়া আছে।

[ক্রমশঃ]

শ্রীস্বজননাথ মিত্র মুস্তৌফী।





নারী

মাতৃজাতির মধ্যে জাগরণের যে একটা সাড়া পড়িয়াছে, অনেকে এই মন্তব্যটাকে আমল দিতে চাহেন না। তাঁহারা বলেন, কতকগুলি প্রগল্ভা মাসিকে, সাপ্তাহিকে, গল্পে-উপন্যাসে তাহাদের লেখনীর মুখ দিয়া শুধু বাচালতা প্রকাশ করিতেছে,—আর কতকগুলি জীস্বভাববিশিষ্ট পুরুষ তাহাদের সেই নিষ্ফল স্পর্ধাকে প্রশংসা দিয়া চলিয়াছে মাত্র। তাঁহারা প্রকৃত নারী বা পুরুষ, তাঁহারা নীরবেই আছেন,—অর্থাৎ নারীর মত নারী যিনি, তিনি তাঁহার নিজের অবস্থাতেই সন্তুষ্ট এবং পুরুষের মত পুরুষ যিনি, তিনি ঐ অশ্বেষ্যের স্পন্দনকে গ্রাহ্যই করেন না। কিন্তু একটু যদি ভাবিয়া দেখা যায়, তাহা হইলে বৃষ্টিতে বিলম্ব হয় না, এই আন্দোলন নিতান্ত হেলা-ফেলার নয়,—ইহার মধ্যে এমন একটা অখণ্ড সত্য নিহিত আছে—যাহাকে অস্বীকার করিবার কোনও উপায়ই নাই।

পুরুষের প্রাণশক্তি, যাহা জীজাতির উপর এত দিন প্রভুত্ব চালাইয়া আসিয়াছে, তাহার অধিকাংশ কোথা হইতে পাওয়া গিয়াছে? জগতের যে সকল মনীষাদম্পন্ন ব্যক্তি জন্মগ্রহণ করিয়া জাতি বা সমাজকে গরিমাবিত করিয়াছেন, তাঁহাদের ইতিবৃত্ত খুঁজিলে জানা যায়,—তাঁহাদের অধিকাংশই গর্ভধারিণীর নিকট হইতে প্রতিভার অধিকারী হইয়াছেন। অবশ্য পিতা বা অন্নান্ত সংসর্গ হইতে তাঁহারা কেহই যে লাভবান হইবেন নাই, এ কথা বলিতেছি না। ফলতঃ, জাতিকে জীজাতিই প্রসব করিতেছে, বাঁচাইয়া রাখিতেছে। জাতির ধ্বংসের মূলেও ঐ জীজাতি। সুতরাং সৃষ্টি, স্থিতি ও লয়ের মূলভূতা যে নারী,—তাঁহাকে সামান্য ভাবিয়া উপেক্ষা করা যে কিরূপ নির্কুক্ষিতার পরিচায়ক, তাহা সহজেই অনুমের।

স্বভাবকোমলা বলিয়া তাঁহাদিগকে অবলা সংজ্ঞা দিয়া যতই ছোট করা দেখুন না কেন, বৃষ্টিতে হইবে—সেই কোমলতার মধ্যেই কঠোরতার পূর্ণশক্তি বিদ্যমান রহিয়াছে। জল বা বাতাস স্নিগ্ধতার নিদান হইলেও, যখন তাহাদের যে কোনও একটি রুদ্রমূর্ত্তি ধারণ করে, তখন সমস্ত জগৎটা ওলোট-পালোট হইয়া যায়,—জীজাতির চাঞ্চল্যও যে ঠিক সেই ভাবেই অনর্থপাতের সৃষ্টি করিতে পারে এবং করেও, ইতিহাসে তাহার ভূরি ভূরি নজীর আছে।

কিন্তু আমাদের বলিবার উদ্দেশ্য নহে যে, নারী একটু মাথা উঁচু করিলেই তাঁহারা প্রলয়ঙ্করী হইয়া উঠিবেন এবং জগৎ রসাতলে যাইবে। আমরা বলিতে চাই, পুরুষের জাতীয় প্রাণশক্তি জীজাতির নিকট হইতে ধার করা; সুতরাং তাঁহাকে ছোট করিয়া দেখা পুরুষের পক্ষে অকর্তব্য। আমাদের এই জাতীয় উত্থানের দিনে জীজাতিকে জড় করিয়া রাখিলে, কাঁচা ভিতের উপর পাকা ইमारতের মত তাহা দীর্ঘকালস্থায়ী হইবে না। দীর্ঘদাসত্বের ফলে আমরা যে এত ভীকৃত্যাপন্ন হইয়া পড়িয়াছি, প্রতি পুরুষোচিত কার্যে যে অশোভন সঙ্ঘোচ আমাদের কাছে অপদার্থ বলিয়া প্রতিপন্ন করিতেছে, শুধু পররাষ্ট্রের প্রভাবই তাহার একমাত্র কারণ নহে। আমাদের এ বিমূঢ়তার অগ্রতম কারণ জীজাতির উপর অযথা অত্যাচার,—মাতৃজাতির উপর নির্মম নির্ধ্যাতন। মাতৃজাতিকে আমরা আমাদের বিলাসের ক্রীড়নকে পরিণত করিয়াই আমরা বিলাসপ্রিয় হইয়াছি,—মাতৃজাতিকে আমরা স্বাবলম্বনের সুবিধা না দিয়া তাঁহাদের ব্যক্তিত্বকে পঙ্গু করিয়া আমরা আমাদের স্বাবলম্বন ও ব্যক্তিত্ব হারাষ্ট্রা করিয়াছি। যত দিন না আমরা তাঁহাদের ব্যক্তিগত স্বাধীনতাকে মুক্তি দিব, তত দিন আমাদেরও নিষ্ফলতা নাই।

মোটামুটি এইটুকু বুঝিলেই যথেষ্ট হয়, রুগ্না মাতার স্তন্য পান করিয়া শিশু কখনও স্বাস্থ্যবান হইতে পারে না।

এ কথার উত্তরে অনেকে বলিতে পারেন বটে, জী-জাতির প্রতি পুরুষের অযথা নির্যাতনের কথা মध्ये মধ্যে শুনা গেলেও, প্রকৃতপক্ষে এখনকার পুরুষ জীরই অধীন, অস্ততঃ মুখ্যভাগ জৈগ বলিলেই চলে; তাহাই যদি সত্য হয়, তবে জীলোকের ব্যক্তিত্বে পুরুষ এখন আর কোথায় লঙড়া-ঘাত করিতেছে? পুরুষ যতই নিরবীর্ষ হইয়া পড়িতেছে— দাসত্বের একটানা শ্রোতে যতই তাহার গা ভাসাইয়া দিতেছে, জলোকের মত নারী ত ততই তাহার গায়ে জড়াইয়া যাইতেছে, আর পুরুষ নিস্পন্দ নিঃসংস্ক হইয়া, তাহার সে শোষণক্রিয়ার কোনও প্রতীকার করিতে সমর্থ হইতেছে না। এ যুগে অবলাই প্রবলা, পুরুষ নারীর হাতের পুতুল; এক কথায় পুরুষই বরং নারীর পদতলে তাহার ব্যক্তিত্ব—মনুষ্যত্ব সবই বিসর্জন দিতেছে। “দেহি পদ-পল্লবমুদারম্” এ যুগের মূলমন্ত্র। স্ততরাং নারীকে পুরুষ মুঠার মধ্যে রাখিয়া তাহার অন্তর্নিহিত শক্তিকে বিধ্বস্ত করিতেছে—ইহা কি ঠিক?

বিরুদ্ধপক্ষের এ প্রতিবাদ বাহ্যতঃ সঙ্গত বলিয়া বোধ হইতে পারে, যেহেতু, ইদানীং সাধারণের মধ্যে—‘জীর বাধ্য’ বদনামের টীকা বারো আনা, চাই কি চৌদ্দ আনা পুরুষের কপালে অঙ্কিত হইয়া আছে; কিন্তু বাধ্যতা বলিতে যাহা বুঝায়, ইহা তাহা নহে। মোহমূলক বাধ্যতা, যাহা মানুষের মৈতিক শক্তিকে স্তম্ভিত করিয়া রাখে, তাহাতে বাধক বা বাধিতের গোরবের কিছুই নাই। নেশার জন্ত এবং ঔষধার্থে সুরাপান, এই দুইটি এক জিনিষ নহে, কারণ, একে শরীরের ধ্বংসসাধন করে, অণ্ডে শরীরকে নীরোগ ও পুষ্ট করে। নেশার জন্ত শরীরের উপর মদের যে অধিকার, তাহা লুণ্ঠনব্যবসায়ী দস্যুর খেচ্ছাচার সূচিত করে;— অপরপক্ষে ঔষধের খাতিরে শরীরের উপর মদের যে অধিকার, তাহা প্রজাবৎসল বিজয়ী রাজার করুণায় বিজিত সাম্রাজ্যের সৌষ্ঠবসাধক হইয়া উঠে। ফলতঃ, প্রকৃত নারীত্ব যে সকল নারীর হৃদয়ে অধিষ্ঠিত বা জাগ্রদবস্থায় আছে, তাঁহারা কখনও সে ভাবের হীনতা-কলুষিত অধিকারে সঙ্কষ্ট থাকিতে পারেন না। কেন না, তাঁহাদের কাছে উহা অধিকার বলিয়া গণ্য নহে,—যে ইন্দ্রজালে বশীকরণ

ঘটে, তাহা পাপ, তাহা জীজাতির কলঙ্কই ঘোষণা করিবে।

জী-পুরুষ পরস্পরের অর্ধাঙ্গ,—ইহা প্রাচ্য-প্রতীচ্য সব জাতিই একবাক্যে স্বীকার করিয়া থাকেন। তাই ইংরাজীতে জীর প্রিয় অভিধান “Better Half” সংজ্ঞাটিকে দেখিলে বোধ হয়, পাশ্চাত্য সভ্যতায় জী-জাতির আসন পুরুষের উপরে অধিষ্ঠিত এবং সে জন্তই বুঝি তাঁহারা জীকে পুরুষের দক্ষিণ ভাগে উপবিষ্ট হইবার অধিকার নির্দেশ করিয়া গিয়াছেন। কিন্তু আমাদের শাস্ত্র এবং লোকাচারমতে পুরুষের বামে জীর অধিষ্ঠান। পুরাকালের মুনি-ঋষিরা বিশেষ অবহিত হইয়া দেখিয়াছিলেন,—জীজাতির বামার্ধ অধিক ক্ষমতাশালী,—আর পুরুষের দক্ষিণার্ধ অধিক ক্ষমতাশালী; সেই জন্ত জীলোকের অপর নাম বামা। তাঁহারা যাহাকে “শক্তিভূতা সনাতনী” বলিয়া অর্চনা করিয়াছেন, তাঁহার বামহস্তে ঋষি। পূর্ণব্রহ্ম রামচন্দ্র যে হরধনুর্ভঙ্গ করিয়া সীতাদেবীকে বিবাহ করিয়াছিলেন—মহাবীর দশানন সেই গুরুভার ধনু উত্তোলন করিবার জন্ত ব্যর্থ চেষ্টা করিয়াছিলেন, কিন্তু সীতাদেবী উহা বামহস্তে অনায়াসে সরাইয়া রাখিতেন। এই সকল দেখিয়া গুনিয়া বোধ হয়, প্রাচ্য জীকে পুরুষের বামে স্থাপিত করিয়া তাঁহাকে যোগ্য সম্মানেই সম্মানিত করিয়াছে। মোট কথা, অবস্থিতি বামেই হউক আর দক্ষিণেই হউক, প্রত্যেক জাতির বৈশিষ্ট্য আছে;—এমন জিনিষ অনেক আছে, যাহা পুরুষে আছে, নারীতে নাই; আবার নারীতে আছে ত পুরুষে নাই। স্ততরাং সেই উভয় বৈশিষ্ট্যের সমন্বয় না হইলে কোনও সার্থকতা আসিতে পারে না,—যেমন শুধু দক্ষিণ বা বাম হস্তের কর্মঠতায় কোনও গুরুকার্য সূচার-রূপে সম্পন্ন হওয়া এক প্রকার অসম্ভব।

মানুষ স্বথ চাহে। সেই স্বথের চরম স্ফুর্তি তাহার স্বাধীনতা, স্ততরাং স্বাধীনতা জিনিষটা প্রতি নরনারীর বড় কাঙ্ক্ষিত বস্তু। তাই দেখিতে পাই, পুরুষ নারীকে দাবাইয়া রাখিতে বন্ধপরিকর—নারীও পুরুষকে বাগে আনিতে সদাই উন্মুখ। পুরুষ নারীকে কুক্ষিগত করিয়া ভোগ করিতে চাহে—নারীও পুরুষকে স্ববশে রাখিয়া ভোগপিপাসা চরিতার্থ করিতে চেষ্টিত; কিন্তু ভগবানের এমনই নীলা, কেহ কাহাকে ধরা দিতে না চাহিলেও, তিনি

এই ছই জনের মধ্যেই এমন কতকগুলি দুর্বলতা দিয়াছেন যে, সেই স্থানে আঘাত লাগিলেই দুর্বোথনের উরুভঙ্গ অভিনয় হইয়া যায় ! কি মজা ! পুরুষ নারীকেই চাহে এবং নারীকে যত চাহে, পুরুষকে তত চাহে না । অন্তপক্ষে নারী পুরুষকেই চাহে এবং পুরুষকে যত চাহে,—নারীকে তত চাহে না ! উভয়ে উভয়ের প্রতিদ্বন্দ্বী হইয়াও পরস্পর পরস্পরের প্রতি আকৃষ্ট । তাই বৃষ্টি বন্দ অর্থে কলহ—আবার প্রেমমালাপও ! শব্দস্রষ্টার বাহাহুরী বটে ! যাহা হউক, এখন বৃষ্টিতে পারা যাইতেছে, স্বাধীনতা কাম্য—স্ত্রী-পুরুষ উভয়েরই । আরও কথা, সেই স্বাধীনতার স্পৃহাও তাহারা ভগবানের নির্দেশমতই পাইয়া থাকে । কেন না, সেটা তাহাদের জন্মগত সংস্কার । আমরা দেখিতে পাই, শিশু সম্পূর্ণ দুর্বল অবস্থাতেও কখনও পরমুখাপেক্ষী হয় না ;—তাহার অঙ্গসঞ্চালন, তাহার ক্রন্দন,—তাহার মল-মূত্রত্যাগ, হাসি, খেলা সমস্তই যেন তাহার স্বৈচ্ছানুযায়ী ; সে জন্ত কখনও সে কাহারও প্রতীক্ষা রাখে না—রাখিতে জানে না । ক্রমে সেই শিশু যখন ধীরে ধীরে জীবনের পথে অগ্রসর হয়, ততই তাহার হাতে কড়ি, পায়ে বেড়ী পড়ে ! সুতরাং যখন স্ত্রী-পুরুষ উভয়েই তাহাদের স্বাধীনতার বৃত্তি সহ ভূমিষ্ঠ হয়—তখন এক যাত্রায় পৃথক ফল হইবে কেন ?

কেহ হয় ত উত্তর দিবেন,—যেমন উত্তর এখন আমরা সরকার বাগাহুরের কাছ হইতে পাইতেছি যে, স্বাধীনতার দাবী শুধু সেই করিতে পারে,—যে নিজের পায়ে ভর দিয়া দাঁড়াইতে শিখিয়াছে । শিশু যত দিন হাঁটিতে অপটু থাকে, তত দিন তাহাকে পরের অঙ্ক আশ্রয় করিয়া থাকিতেই হইবে । কথাটা ঠিক হইলেও আর একটি কথা আছে ;—শিশু যত দিন হাঁটিতে অপটু হয়, তত দিন যদি সে শুধু কোলে কোলেই বেড়ায়, অপরকে হাঁটিতে দেখিয়া যখন তাহার অন্তরস্থ হাঁটিবার স্পৃহা আকুল আগ্রহে জাগিয়া উঠে, তখন যদি তাহার উত্তম ব্যর্থ হইবে জানিয়া আশঙ্কা করিয়া তাহাকে বৃকে আঁকড়িয়া ধরিয়া রাখা হয়, বা কোনও খেলানা দিয়া ভুলাইয়া যদি তাহার এই আশ্র-নির্ভরতার বৃত্তি-মূলে কুঠারাঘাত করা হয়, তবে তাহার অনিবার্য পঙ্গুত্বের জন্ত দায়ী কে ? সেই উৎকট শিশুবাৎসল্য শত্রুতার নামাস্তর নহে কি ? আমরা চীনাদের মত কাঠের জুতা পরাইয়া খোঁড়া করিয়া

তাহাদের সৌন্দর্যের তারিক করিব—খাঁচার মধ্যে রাখিয়া চুম্‌কুড়ি দিয়া নাচাইয়া বাহবা দিয়া তাহাদিগকে চরিতার্থ করিব—আমরা তাহাদিগের পুকুরে ছাড়িয়া দিয়া চারের লোভ দেখাইয়া গালে বঁড়শী বিধাইয়া মজা দেখিব, আর বলিব ‘মাছটা খুব খেলছে ।’ এ কেমন সভ্যতা, ইহা অপেক্ষা নিষ্ঠুরতা,—বর্বরতা আর কি হইতে পারে ?

স্নেহের সঙ্গে স্বার্থের কোনও সম্বন্ধই নাই, ইহা একটা মিথ্যা কথা । একটু গোড়া হইতে খুলিয়া বলি ।—একই ভালবাসার ফলে, একই রক্ত-বীর্ষের সম্মিলনে ভূমিষ্ঠ হয়,—ছেলে কিংবা মেয়ে । কিন্তু সেই ভাবী সম্বন্ধের মাতা ও পিতা উভয়েই একবাক্যে ভগবানের কাছে আকুল নিবেদন জানান, শুধু তাঁহারাই বা কেন, মাসী-পিসী হইতে আরম্ভ করিয়া পাড়াপ্রতিবেশী, এমন কি, অতিথি-ভিখারী পর্যন্ত কামনা করেন,—‘আহা, মেয়ে না হয়ে যেন একটা ছেলে হয় ।’ এই আগ্রহ এতদূর স্পর্কানুচক যে, যদি তাহার ক্ষমতা থাকিত ত সে ভগবানের উপর কলম চালাইতে একটুও ইতস্ততঃ করিত না ! যথাকালে ছেলে বা মেয়ে হইল, অমনিই শঙ্কানি ;—সবাই সেই শঙ্কানাদের অঙ্ক গণনা করিয়া বৃষ্টিয়া লইল, নূতন অতিথিটি কে ! মেয়ের অভিনন্দনে মাত্র সাত বার শাঁখ বাজিল ? আর ছেলের বেলায় একুশ বার ! যদি মেয়ে হইল ত বাপের বুক দমিয়া গেল, প্রসূতি নীরবে প্রসবযন্ত্রণা সহিতে লাগিলেন । প্রতিবেশী, আত্মীয়-স্বজন তখনও বলিতে লাগিলেন, ‘আহা ! তবু যদি ছেলেটা হ’ত !’ আর যদি ছেলে হইল, অমনিই বাপের বুক একেবারে দশ হাত,—মা প্রসব-ব্যথা ভুলিয়া গেলেন, অগ্ন্যাগ্ন মঙ্গলাকাজ্জীরা হৈ হৈ করিয়া উঠিলেন, ‘আহা, বেশ হয়েছে, বেঁচে থাক !’ অর্থাৎ মেয়ে হ’লে তার মরণই ভাল ছিল । জন্ম হইতে এই যে পার্থক্যের সূচনা, ছেলে ও মেয়ের বয়োবৃদ্ধির সঙ্গে সঙ্গে তাহার পরিমাণও বাড়িতে লাগিল । ছেলে যাহা করে, তাহাই শোভন, যেহেতু, সে ছেলে ; মেয়ের একটুতেই এতটা, যেহেতু, সে মেয়ে,—‘মেয়ে—মেয়ে—মেয়ে তুষ করলে খেয়ে !’

অনেকেই এ কথা উত্তরে বলিবেন, ‘সব বাপ মা ত আর কিছু মেয়েকে তুচ্ছ-তাচ্ছল্য করেন না, গরীবের মেয়েদেরই ঐ দুর্গতি—বড়লোকের নয় । গরীবের গাঁট,

গড়ের মাঠ ;—গাঁটের কড়ি দিয়ে কতাকে বিক্রী করতে হয় ব'লে মেয়ের বাপের গায়ে জ্বালা চড়ে, তাই মেয়েকে ঐরূপ নেক-নজরে দেখে।' আমরা বলিতে চাই, দেশে ধনী কয় জন, আর মধ্যবিত্ত, গরীবই বা কয় জন? এই যে বরপণ ভদ্রকুলকে পিষিয়া মারিতেছে, কত শাস্তির সংসারকে অশাস্তির আগুনে পুড়াইয়া মারিতেছে—এই যে নিশ্চয় নির্যাতনে বিধ্বস্ত হইতেছে বাঙ্গালার সর্বশ্রেষ্ঠ একটা সমাজ, এই নিষ্পেষণ—এই দাহন,—এই নির্যাতন ভোগ করিতেছে, ধনী বেশী, না দরিদ্র বেশী? দরিদ্রই যদি বেশী হয়, তবে তাঁহাদের আক্কেল হয় না কেন? হেতু তাহার কিছুই নয়,—আমরা পুরুষের পক্ষপাতী, তাই; আমরা মাতৃজাতির প্রতি সম্মান হারাইয়াছি, তাই; আমরা ঘৃণিত, অধঃপতিত জাতি, তাই। এই বরপণ প্রথায় ত গবর্ণমেন্টের কোনও হাত নাই, এই বরপণ প্রথায় ত ধর্মের কোনও অনুশাসন নাই—এই দহন-ব্যবসায় ও সমাজে এক-ঘরে হইবার কোনও কড়াকড়ি নাই, তবে কেন এ কাল কু-প্রথার নেশায় আমরা দিশাহারা হইয়া আছি?

তাহার পর পিতাকে ঋণগ্রস্ত করিয়া, হয় ত বা উদ্ধাস্ত করিয়া কত বধুরূপে স্বামীর ঘর করিতে আসিলেন। বাপের বাড়ীতে যে স্বাধীনতাটুকু ছিল,—শাশুড়ী ননদের কচকচানিতে, হয় ত গুণবস্ত স্বামীর দপদপানিতে অব-রোধের আদব-কায়দায় তাহাও প্রায় শেষ হইয়া আসিল। অবশেষে “যাও ছিল রয়ে ব'সে, তাও নিল বগী এসে”, পুত্র যদি ধর্মুর্ধর হইলেন, তাঁহার মাতৃ-ভক্তির পরাকাষ্ঠায় আশ্বা-রাম খাঁচাছাড়া হইয়া পলায়ন করিল! এই ত আমাদের নারীর প্রতি শ্রীতি! সুতরাং আমরা যে নারীর প্রতি বিশ্বাস হারাইব, তাহাতে আর বৈচিত্র্য কি?

কিন্তু আমাদের ভাষিয়া দেখা খুবই উচিত যে, দীর্ঘ দাসত্বের পর আজ আমরা যেমন আত্মোন্নতির জন্ত ব্যাকুল হইয়া উঠিয়াছি এবং এই ব্যাকুলতা যেমন গুভসূচক,—নারীজাতির মধ্যেও ঠিক সেইরূপই একটা আগ্রহের স্পন্দন সঞ্জাত হইয়াছে। তাহাতে মঙ্গল ভিন্ন অমঙ্গল হইতে পারে না। আমাদের উত্থানে ইংরাজের ক্ষতি হইবে, এইরূপ কেহ কেহ বলিয়া থাকেন এবং সেই জন্তই তাঁহারা না কি আমাদের চাপিয়া রাখিতে চেষ্টা করিতেছেন। সত্য কি মিথ্যা বলিতে পারি না, তবে এইটুকু আমাদের প্রব বিশ্বাস,

ইংরাজের আমলে যদি আমাদের উত্থান ঘটাইয়া যায় ত তাহাতে আমাদের গৌরব অপেক্ষা ইংরাজের গৌরবই বরং বেশী হইবে। সে যাহা হউক, নারীজাতির উত্থানে যে আমাদের কোনও ক্ষতি হইবে না, অধিকন্তু আমরা যে একটা সম্পূর্ণ জাতি হইয়া উঠিতে পারিব, সেটা খুব সত্য কথা। সুতরাং তাহাদের সেই জাগরণে আমাদের কর্তব্য—তাহাদের চাপিয়া রাখা নহে, বরং তাহাদিগকে উৎসাহিত করিয়া স্মৃষ্ট পথে পরিচালিত করা;—তাহারা দাঁড়াইতে চাহিতেছে, তাহারা যাহাতে আছাড় না খায়—সে দিকে সতর্ক দৃষ্টি রাখা। দীর্ঘকাল অন্ধকারে অবস্থিতির পর সহসা আলোকে আসিয়া পড়িলে একটু ধাঁধা লাগিয়া থাকে,—কিন্তু তাহার প্রতিষেধক, পুনরায় অন্ধকারের দিকে টানিয়া লইয়া যাওয়ার পরিবর্তে তাহাকে সেই আলোকেই খানিকক্ষণ দাঁড় করাইয়া তাহার সে ধাঁধাকে ঘুচাইয়া দেওয়া। প্রতি পুরুষেরই সেজন্ত চেষ্টিত হওয়া প্রকৃত পুরুষত্ব।

জাতিকে তুলিতে হইলে যথার্থ নারী চাই,—যে নারী বীরপুত্রের প্রসবিনী, বীর ভ্রাতার ভগিনী, বীর স্বামীর সহধর্মিণী। আমরা রাস্তায়, গাটে, মাঠে হৈ-টৈ করিয়া বিশেষ কোন কায করিতে পারিব না;—যত দিন না আমাদের অন্তঃপুরচারিণীগণের কর্তে প্রেরণার বোধন-বাণ বাজিয়া উঠিবে। আমাদের প্রতি অনুষ্ঠানে যত দিন না কল্যাণী নারীর মঙ্গল হস্ত নিয়োজিত হইতেছে, তত দিন আমাদের সার্থকতালাভ সুদূরপর্যন্ত। যেমন দুইটি বিপরীতধর্মী শক্তির সাহচর্যে বিদ্যাজ্জ্বালা বিকশিত হয়,—সেইরূপ আমাদের স্ত্রীপুরুষের সমবায়ে আমাদের আত্ম-প্রতিষ্ঠার দীপ্তালোক প্রোজ্জ্বল হইয়া উঠিবে,—ঋণপ্রভা নহে, স্থির শাস্ত চিরভাস্বর প্রতিভায়। সুতরাং আমাদের ক্ষুদ্র হইলে চলিবে না, আমাদের উৎকর্ষের সহিত আমা-দের নারীজাতির উৎকর্ষসাধন করিতে হইবে এবং আমা-দের উত্থানের বন্ধুর পথে ছুটিয়া চলিয়া বাইতে হইবে,—নারীর হাত ধরিয়া। নারীকে টানিয়া হিঁচড়াইয়া লইয়া গেলে চলিবে না, তাহাকে সমবেগে ছুটিবার সামর্থ্য দিতে হইবে।

আত্মগর্বী আমরা,—প্রভুত্বকামী স্বার্থক আমরা,—আমরাই নারীকে অবলা অভিধান দিয়াছি। ফলতঃ নারী অবলা নয়। এক ধৈর্যের ঐশ্বর্যে নারী যে কতটা

শক্তিশালিনী, দৈনন্দিন জীবনযাত্রার মধ্যে আমরা তাহা প্রতিনিয়ত প্রত্যক্ষ করিতেছি। নারীর সহিকুতা পুরুষে নাই, নারী জননী; জনক-জননীতে পাতাল আর আকাশ পার্থক্য। নারীকে উপলক্ষ করিয়া সমাজ, নারীর জন্তই সাম্রাজ্য; সুতরাং যাহা লইয়া সংসার, স্বরাজ বা স্বাধীনতার এত আয়োজন, তাহাকে ওঁদাম্বের আবর্জনার মধ্যে ঠেলিয়া রাখিলে চলিবে কেন?

অতএব এস নারী,—শত ক্রকুটিকে উপেক্ষা করিয়া শত তাচ্ছীল্যকে উপহাস করিয়া, শত সংকীর্ণতার স্তূপ লীলায় এক প্রান্তে সরাইয়া দিয়া উঠিয়া এস। সতী-সাবিত্রী সীতা-দময়ন্তীর অংশরূপিণী তোমরা, সেই প্রাতঃ-স্বরগীয়া মহীয়সীগণের পতিপ্রাণতা লইয়া এই বিমূঢ় ভারতের অঙ্গনে আবার আসিয়া দাঁড়াও। জনা-সুভদ্রার গায় বীরমাতা হইয়া, গার্গী-লীলাবতীর গায় ধীশক্তিশালিনী হইয়া, ভবানী-শরৎসুন্দরীর গায় পুণ্যানুষ্ঠানপরায়ণা হইয়া কন্দেবী দুর্গাবতীর গায় দেশাত্মবোধ-সম্পন্ন হইয়া প্রতি শুদ্ধান্তে বিচরণ কর। সেই মহিমময়ী মূর্তির সম্মুখে সহস্র বাধা মুহমান হইয়া পড়িবে, যেহেতু, দৈত্যদলনী শক্তির অধিকারিণী তোমরাই।

কিন্তু পুনঃ পুনঃ বলি,—প্রাচ্যের উন্নতিকল্পে প্রতীচ্যের আদর্শকে শ্রেষ্ঠ আসন দিলে চলিবে না। ভারতের মাতা, ভারতের পত্নী, ভারতের ভগিনী, ভারতের কন্যাকে আদর্শের প্রথম স্থানে বসাইয়া তাহার পরে পাশ্চাত্যের আদর্শকে বরণ করিয়া লইলে ক্ষতি নাই। মোট কথা, আমরা Joan De Arc চাই না, সে আমাদের ধাতে সহিবে না, তোমাদেরও না। তোমরা হিন্দুনারী, ব্রাহ্মণ্যধর্মের মানসপ্রতিমা, তোমাদের বিকাশ সেইভাবেই শোভন। সমগ্র ভারতের বক্ষঃ দিয়া কি প্লাবনটাই না ছুটিয়া চলিয়াছে। সত্য কথা বলিতে কি, এত বিপ্লবের মধ্যেও নারী শুধু এখনও হিন্দুর নিষ্ঠাকে যাহা কিছু বজায় রাখিয়াছে, স্বেচ্ছাচার—স্বেচ্ছাচারের মধ্যে, বৈঠকখানায় বা ড্রয়িংরুমে, কাঁটা-চামচের ঠুনঠুননির ভিতরেও, অন্তরে মাঝে মাঝে নারীর ফুৎকারেই শঙ্কধ্বনি উথিত হইতেছে; যুরোপীয়ের পাশ্চাত্য রুচির তুষ্টিসাধনের জন্ত আমাদের নারীর পুণ্যক্ষে বিবিয়ানীর বিলাস-বাস শোভিত হইলেও এখনও স্থানে স্থানে হাতের লোহাও সীঁথির সিঁদূর তোমাদের সাধনী সীমন্তিনী নামের

সার্থকতা সম্পাদন করিতেছে। ব্রত-উপবাস, পূজা-পার্কণ পণ্ড্রম ও বাজে ব্যয়ের সামিল হইলেও এখনও হিন্দু নারী সে সংস্কারকে সম্যক্রূপে ত্যাগ করিতে পারে নাই। তাই সনির্বন্ধ অহুরোধ, হিন্দু নারী,—হিন্দুনারী হইয়াই জাগিয়া উঠ। ক্ষীণধার হইলেও তোমাদেরই বন্ধোনিঃসৃত পীযুষ পান করিয়া এখনও তোমাদের সম্মানগণ নিদ্রিত অবসন্ন হইলেও জীবিত, সে অমিয়ধারা হইতে বঞ্চিত করিয়া কৃত্রিম স্ত্রে সম্মানের কৃশতা—মৃত্যু—সর্বনাশ আনয়ন করিও না।

আর পুরুষ—একবার কৌলীত্বের মোহে অন্ধ হইয়া নারীকে কি নাকালই না করিয়াছ! বোধ হয়, সেই পাপে তাহার উত্থানের দিন এতু পিছাইয়া পড়িয়াছে। আবার অর্থ-কৌলীত্বের প্রচলনে অনর্থকে প্রশয় দিয়া নারীকে কাঁদাইতেছ, বিপথগামিনী করিতেছ, আত্মহত্যার পথে ঠেলিয়া দিতেছ। কেহ বা তাহাকে বিলাস-সঙ্গিনী করিতেছে, কেহ বা দাসীরও অধম করিয়া পদদলিত করিতেছে। ইহা কখনই সমর্থনযোগ্য নহে। ঐ যে পূর্বাকাশে ঈষৎ অরুণচ্ছটা দেখা যাইতেছে, আবার হয় ত নিবিয়া যাইবে, মেঘে আচ্ছন্ন করিয়া ফেলিবে, এখনও সাবধান হও, পুরুষ! কুরুচি, কুপ্রথা, কুসংস্কার, কু-আদর্শরূপ কুগ্রহ হইতে মুক্তিলাভের জন্ত এখনও শাস্তি-স্বস্ত্যয়ন কর, প্রায়শ্চিত্ত কর, সংযত হও। স্থির জানিও, জগতের সর্বশ্রেষ্ঠ সম্পদ নারী। যে জাতির মধ্যে যত বেশী আদর্শ নারী জন্মগ্রহণ করিয়াছেন, সে জাতি তত সম্পন্ন, তত পূর্ণ, তত ধন্য। সে নারীর অপমান শুভ নয়।

নারী বাল্যে সদ্যক্ষুট কুসুমকিঞ্জর, তরল হাস্যময়ী, জীড়ারতা গৌরী; কৌমার্যে ষাদশী-কৌমুদীময়ী, চাপল্য-কাস্তা ব্রীড়ানত্রা উমা-প্রতিমা;—যৌবনে উচ্ছলজল-কল্লোলময়ী, অলকানন্দার গায় পূর্ণাঙ্গী ষোড়শী ভুবনেশ্বরী; প্রৌঢ়ে স্নেহকরণার পূতনির্বরিণী, বিশ্বপালিনী গণেশ-জননী এবং বার্দ্ধক্যে লোলাচন্দ্রাবশেষা, পূর্ণতার সীমান্ত-দেশাতিক্রাস্তা, বেদব্যাস-চিত্তবিভ্রমকারিণী জরতী ভীমা ধুমাবতী, সংক্ষেপতঃ এই নারীর স্বরূপ। যে দিন নারীতে এই রূপের খেলা নিরীক্ষণ করিবার সৌভাগ্য আবার আমাদের ফিরিয়া আসিবে, সেই দিন আমাদের স্মৃদিনও আবার আসিবে, নচেৎ নহে, এটা খুব ঠিক কথা!

শ্রীযতীন্দ্রনাথ মুখোপাধ্যায়

রূপের মোহ



একাদশ পরিচ্ছেদ

চাঁদ সন্ধ্যার আকাশে হাসিতেছিল—সমুদ্রবক্ষে লক্ষ খণ্ডে বিভক্ত হইয়া তরঙ্গে তরঙ্গে সৈকতে বাঁপাইয়া পড়িতেছিল। ভৈরব গর্জনে, উন্নদ উচ্ছ্বাসে তরঙ্গ ছুটিয়া আসিতেছিল। কোথা হইতে আসিতেছে, তাহা দেখা যায় না, বুঝা যায় না; মনে হয়, যেন অনন্ত রহস্যগর্ভ হইতে উখিত হইয়া, শীর্ষদেশে জ্যোৎস্নার মুকুট পরিয়া, তাহারা অটরোলে ছুটিয়া আসিতেছে। দৃষ্টি অধিক দূর অগ্রসর হয় না; নভোরেণুর স্বচ্ছ যবনিকা ক্রমশঃ গাঢ় হইয়া সমুদ্রকে যেন ঢাকিয়া ফেলিয়াছে। বাতাস হ হ করিয়া অবিশ্রান্ত বহিয়া চলিয়াছে। কোন্ অজ্ঞাত রাজ্যের বার্তা সে বহিয়া আনিতেছে?

রমেন্দ্রের মনে পড়িল, আজ সপ্তমী-পূজার রাত্রি। আজ বাঙ্গালার ঘরে ঘরে শারদ-লক্ষ্মীর শুভ আরতির শঙ্খঘণ্টা বাজিতেছে। মানসনেত্রে সে দেখিতে পাইল, গৃহপ্রান্তে দলে দলে গ্রাম্য বালক-বালিকা, নর-নারী মহামায়ার অর্চনা দেখিতে আসিয়াছে। শুধু সে একাই আজ সে আনন্দ-উৎসব হইতে বহু দূরে আপনাকে নির্বাসিত রাখিয়াছে! কিন্তু কেন?

বাতাস ও সমুদ্রগর্জনে একটা উদাস গাভীর্যা ছিল। রমেন্দ্রের কবি-হৃদয় যেন সমুদ্রের অসীমতা অনুভব করিয়া শ্রান্ত হইয়া উঠিতেছিল—হৃদয়ের কোনও প্রান্তে শান্তির রেখামাত্রও যেন নাই! সন্ধ্যার পূর্বেই সে একা সমুদ্র-কূলে আসিয়া বসিয়াছে। সরযু, সুরেশ অথবা অমিয়া কেহই তখনও আসে নাই। অশান্ত মন হইয়া সে একাই অনন্তের কূলে ছুটিয়া আসিয়াছে। সৈকত-তটে দর্লেদলে

বালক-বালিকা উৎসাহে ছুটাছুটি করিতেছে, নর-নারী ইতস্ততঃ বেড়াইতেছে। কোথাও বা দুই চারি জন একত্র বসিয়া আছে।

অপেক্ষাকৃত জনহীন প্রদেশে স্নান চন্দ্রালোক-দীপ্ত তটভূমিতে বসিয়া রমেন্দ্র আত্মবিস্মৃতভাবে কি চিন্তা করিতেছিল?

সহসা সে চমকিয়া উঠিল। পৃষ্ঠদেশে কাহার অঙ্গুলি-স্পর্শের সঙ্গে সঙ্গে শুনিল, “এই যে রমেন, একা বসে কি ভাবছে?”

রমেন্দ্র ফিরিয়া সুরেশচন্দ্রকে দেখিতে পাইল—অদূরে সরযু ও অমিয়া।

রমেন্দ্র ভাড়া-তাড়ি উঠিয়া দাঁড়াইল।

“কি রমেন বাবু, একাই চাঁদের আলোমাখা সাগরের শোভা দেখছেন? একবার আমাদের ডাক্তেও নেই?”

সরযুর প্রশ্নে রমেন্দ্র যেন ঈষৎ লজ্জা অনুভব করিল। সে বলিল, “আপনারা কায়ে ব্যস্ত ছিলেন, তাই একাই চলে এলাম। আজ সপ্তমী-পূজা না?”

সরযু হাসিয়া বলিল, “আজ বাঙ্গালায় কি উৎসব! কিন্তু কই, এখানে ত বিশেষ সাড়া-শব্দ পাওয়া যায় না। তবে শুনেছি, মন্দিরের কাছে না কি অনেক পুতুল সাজিয়ে পূজা হবে।”

সুরেশচন্দ্র চূপ করিয়া কি ভাবিতেছিলেন। তিনি বলিয়া উঠিলেন, “শারদ-লক্ষ্মীর এই পূজা চমৎকার, আমার বড় ভাল লাগে। এই পূজার প্রচার যারা করেন—ছিলেন, প্রকৃতির সমস্ত তত্ত্বটা কি অভ্রান্তরূপেই না তাঁরা

বুঝেছিলেন! শক্তির উদ্বোধনের প্রয়োজন হিন্দু-জাতি বুঝেছিল, তাই তারা এই রকমে মহাশক্তিকে গ'ড়ে পূজা করবাব ত রেখে গেছে।”

অমিয়া এতক্ষণ পার্শ্বে চুপ করিয়া দাঁড়াইয়া ছিল। সে ডাকিল, “দাদা!”

স্বদেশচন্দ্র ভাবমগ্ন দৃষ্টি ফিরাইয়া বলিলেন, “অমি, তুই বৃষ্টি আশ্চর্য্য হয়ে গেছিস? হ্যাঁ, যত দিন ভারতবর্ষে ছিলাম, তত দিন কিছুই বৃষ্টি নি। কিন্তু শক্তির লীলাভূমি বিলাতে যাবার পর এই অপূর্ণ তত্ত্বের আশ্বাদ পেয়ে-ছিলাম; তাও শুধু কল্পনায়! দেখ্ বোন, গণ্ডী টেনে তার মধ্যে ব'সে থাকলে জ্ঞান কোন দিন তার বিশাল রাজ্যে আমাদিগকে প্রবেশের অধিকার দেবে না। হিন্দু জাতটা কত বড় উদার ছিল, বিলাতের সংস্রবে আসবার পরই তা বুঝতে শিখেছি।”

পরিহাসভরে সরযু বলিল, “কিন্তু স্বদেশ বাবু, আপনার এই মত শুনে আমাদের সমাজের লোকরা আপনাকে শ্রদ্ধার পুষ্পাঞ্জলি দেবে না। আপনি আমাদের প্রচলিত ধর্মবিশ্বাসের বিরোধী মত প্রচার করছেন।”

স্বদেশচন্দ্র মূহু হাসিয়া বলিলেন, “লোকমত মেনে কোন দিন চলতে শিখিনি। ভবিষ্যতেও নিজের উপলব্ধ বিশ্বাসের বিনিময়ে কোনও তথাকথিত সমাজ বন্ধনে নিজেকে ধরা দিতেও পারব না।”

রমেন্দ্র এ আলোচনায় তেমন মন দিতে পারে নাই। সে পুরোবর্তিনী অমিয়ার দিকে মাঝে মাঝে চাহিয়া তাহার দেহের সৌন্দর্য্যের বিকাশ দেখিতেছিল। মূহু জ্যোৎস্নালোক অমিয়ার পরিহিত বাসন্তী রঙ্গের বসনের উপর পড়িয়া ঝক্ ঝক্ করিতেছিল। রূপ-জ্যোৎস্নায় আকাশ-জ্যোৎস্নার তরঙ্গ উচ্ছ্বসিত হইয়া উঠায় অমিয়াকে এমনই বিচিত্র, অপূর্ণ বোধ হইতেছিল যে, রমেন্দ্র তাহার মুগ্ধ দৃষ্টি সহসা ফিরাইয়া লইতে পারিল না।

কিন্তু অমিয়া রমেন্দ্রের দিকে চাহিবামাত্র সে দৃষ্টি ফিরাইয়া লইল। অজ্ঞাতসারে একটা দীর্ঘশ্বাস অনন্ত বায়ু-প্রবাহে মিলাইয়া গেল। অমিয়া বলিল, “কবিতার উপাদান খুঁজছেন ন্না কি, রমেন বাবু? সমুদ্রে চাঁদের ঝিল্লি নিয়ে একটা কবিতা লিখুন না?”

স্বদেশচন্দ্র বলিল, “কথাটা মিথ্যে নয়। তবে

অনন্ত সৌন্দর্য্যের কূলে ব'সে যদি সে সৌন্দর্য্যের উপলব্ধি না ঘটে, তবে তার মত হুঃখ আর নেই।”

স্বদেশচন্দ্র রমেন্দ্রের পার্শ্বে বসিয়া পড়িলেন।

“বাস্তবিক এখন শুধু ব'সে ব'সে ভাবতেই ভাল লাগে। অমিয়া, তোমরা ঐখানে বসে পড়। আজকার রাতটা বড় চমৎকার, না রমেন?”

রমেন্দ্র বলিল, “নিশ্চয়ই। প্রকৃতির এমন রূপ কখনও দেখিনি। সমুদ্রে চন্দ্রোদয় যে না দেখেছে, সে কখনও এ সৌন্দর্য্যের কল্পনাও করতে পারবে না।”

অমিয়া ও সরযু নিকটেই বসিয়া পড়িল। কয়েক মুহূর্ত কেহ কথা কহিল না, নীরবে সেই বিচিত্র সৌন্দর্য্যধার সমুদ্রের দিকে চাহিয়া রহিল। রমেন্দ্র একবার চকিতে অমিয়ার দিকে চাহিল। তাহার মনে হইল, অমিয়ার মুখে এমনই একটা বিষম অথচ মধুর শ্রী ফুটিয়া উঠিয়াছে, যাহা সে পূর্বে কখনও দেখে নাই। • মূহু জ্যোৎস্নালোকে অস্পষ্ট দেখা যায় না—একটু যেন ছায়াচ্ছন্ন, অস্পষ্ট! রমেন্দ্র কি বুঝিল, সেই জানে; কিন্তু তাহার চিত্ত যে চন্দ্রালোক-সমুচ্ছল সমুদ্রেরই মত উদ্বেল, তরঙ্গমালী হইয়া উঠিয়াছিল, তাহাতে সন্দেহ নাই।

সহসা সরযু বলিয়া উঠিল, “মানুষের মনটা কি সমুদ্রেরই মত? রমেন বাবু, আপনি ত কবি, মানুষের মনের অনেক তত্ত্ব আলোচনা ক'রে থাকেন, এ বিষয়ে আপনার মত কি?”

“এ বিষয়ে মতবিরোধ বোধ হয় কা'রও হবে না। হ্যাঁ, সমুদ্রেরই মত, অতলস্পর্শ, অনন্ত—কখনও বিক্ষুব্ধ, ভীষণ, সংহারশক্তিসম্পন্ন; আবার কোন সময়ে স্থির, ধীর, সৌম্য—প্রশান্ত।”

উৎসাহিতা হইয়া সরযু বলিয়া উঠিল, “সমুদ্রগর্ভে গুপ্তি, শঙ্খ, মুক্তা পাওয়া যায়, সেটাও বলুন। তা ছাড়া হাজর, কুমীর প্রভৃতিও আছে। মানুষের মনও ঠিক এই রকম, কেমন, না রমেন বাবু?”

“বাস্তবিক!” বলিয়াই রমেন্দ্র চুপ করিল। উপমাটা বোধ হয় তাহার মনে লাগিয়াছিল।

অমিয়া এতক্ষণ একটিও কথা বলে নাই। সে চুপ-চাপ বসিয়া কসিয়া সমুদ্রের দিকে চাহিয়া কি যেন ভাবিতে-ছিল। চন্দ্রকিরণোচ্ছ্বসিত সমুদ্র-তরঙ্গে যে স্বর, ভাল ও

লয় ছিল, তাহার হৃদয়ের ভাবরাশির সঙ্গে সে কি তাহার ঐক্যের পরিমাপ করিতেছিল? তরঙ্গ কোন্ রহস্য-গর্ভ হইতে উঠিয়া প্রবল উচ্ছ্বাসে ছুটিয়া আসিতেছে, সৈকতে আহত হইয়া লক্ষ খণ্ডে ভাঙ্গিয়া পড়িতেছে, সমুদ্র-গর্ভে পুনরায় মিলাইয়া যাইতেছে। ইহা ঠিক তাল ও সঙ্গতি রক্ষা করিয়াই হইতেছিল; অমিয়া কি তাহাই দেখিতেছিল?

অদূরে—রমেন্দ্রের দক্ষিণপার্শ্বেই অমিয়া বসিয়াছিল। অমিয়ার এমন স্তব্ধতা রমেন্দ্র কখনও দেখে নাই। মুখের ঈষৎ চিন্তাক্রিষ্ট ভাবটি তাহার সৌন্দর্য্যকে আরও লোভনীয় করিয়া তুলিতেছে বলিয়া যেন রমেন্দ্রের বোধ হইতে লাগিল। সে বলিল, “তুমি যে আজ একটা কথাও বল না, অমিয়া?”

এই কয় দিনে অমিয়ার পুনঃ পুনঃ প্রতিবাদে রমেন্দ্র তাহাকে আপনি বলা ত্যাগ করিয়াছিল। চারি বৎসর পূর্বে সে যেমন সহজভাবে অমিয়ার সহিত নানা আলোচনায় যোগ দিত, চেষ্টা করিয়া সেই অবস্থাটা ফিরাইয়া আনিবার আগ্রহ তাহার ছিল। কিন্তু ঠিক সেই অবস্থায় ফিরিয়া যাওয়া যে কিরূপ কঠিন কার্য্য, তাহা সে প্রতি পদেই বোধ করিতেছিল।

নিদ্রোথিতার শ্রায় অমিয়া বলিল, “এখানে এলে কথা আপনিই থেমে যায়। অনন্তবার্তার ধ্বনি কান পেতে থাকলে প্রতি মুহূর্ত্তে যেখানে শোনা যায়, সেখানে কথা বলতে ইচ্ছে হয় কি?”

রমেন্দ্র ষাড় নাড়িয়া বলিল, “বড় ঠিক কথা। সমুদ্রের ধারে এলে মনে হয়, অনন্তের সঙ্গে দেহের ভিতরকার মনটির কোন ব্যবধান নেই! তখন খালি ইচ্ছে করে, জলের সঙ্গে দেহটা মিশিয়ে দিই!”

সরযু হাসিয়া বলিল, “কথাটা কবির মত হলেও এমন মনের ভাবটা বড় আশাজনক নয়, রমেন বাবু! সমুদ্র-তীরে এলে যদি আত্মহত্যা বা সংসারত্যাগের কল্পনা প্রবল হয়ে ওঠে, তবে শীঘ্র চলুন—স্থানত্যাগে ন হুর্জনঃ।”

পরিহাস-রসিকা সরযুর কথায় তিন জনই প্রাণ ভরিয়া হাসিয়া উঠিল। রমেন্দ্র বলিল, “আপনার মত সহজ, সরল, উচ্ছ্বাসভরা প্রাণটা যদি আমার হ'ত, মিস্ মিত্র!”

অমিয়া বলিল, “সে কথা মিথ্যা নয়, ভাই। তোমার মনে গভীর একটা চিন্তার ছাপ কখনও দেখলাম না। সবই যেন তোমার কাছে মধুর, সুন্দর, চমৎকার!”

সুরেশচন্দ্র বলিলেন, “রাত্রি অনেক দূর অগ্রসর হয়েছে, এখন মিস্ মিত্রের পরামর্শটা গ্রহণ করাই উচিত। চল রমেন, বাসায় যাওয়া যাক। আবার নিশীথ রাতে তোমার কবিতা সুন্দরীর ধ্যান আছে!”

সকলেই উঠিয়া দাঁড়াইল। চলিতে চলিতে মধুর-গামিনী অমিয়ার লীলায়িত দেহভঙ্গীর সৌন্দর্য্য দেখিয়া রমেন্দ্র আবার দীর্ঘশ্বাস ত্যাগ করিল কি?

* * * *

প্রভাতে উঠিয়াই অমিয়া সুনীলচন্দ্রকে পত্র লিখিতে বসিল। সুনীলচন্দ্র লিখিয়াছিলেন, তাহার কায় শেষ হয় নাই। যদি শেষ করিতে পারেন, তবে তিনি আসিয়া তাহাদের আনন্দের অংশ গ্রহণ করিবেন। অমিয়া স্বামীর এই শেষ পত্রের উত্তর লিখিতেছিল।

পত্রমধ্যে সে কখনও গভীর আবেগ প্রকাশ করিত না। কিন্তু আজ প্রভাতে উঠিয়া সমগ্র অন্তরের মধ্যে সে এমনই একটা ভাবের প্রবাহ অনুভব করিতেছিল যে, তাহাকে রোধ করিয়া রাখা যায় না। এমন অনুভূতি পূর্বে তাহার কখনও হয় নাই। যেন হৃদয়ের তটমূলে অশান্ত ভাবের ঢেউগুলি আছাড় খাইয়া পড়িতেছে, আর তটভূমি যেন সে আঘাতে শিহরিয়া উঠিতেছে। এইরূপ অনুভূতির ফলে তাহার চিত্ত যেন সুনীলচন্দ্রের সান্নিধ্য ও আশ্রয়লাভের জন্ত আরও ব্যাকুল হইয়া উঠিয়াছিল।

দীর্ঘ পত্রের শেষভাগে সে লিখিল, “ওগো, তুমি এস। তোমার অভাব আজ আমাকে যেন চারিদিক হইতে পীড়া দিতেছে! তুমি না আসিলে আমি শান্ত হইতে পারিতেছি না। মনের মধ্যে খালি কান্না পাইতেছে, কেন, তাহা বুঝিতে পারিতেছি না। কত দিনে তোমার বই শেষ হইবে? আর কত দিন তুমি গুরু, নীরস বিজ্ঞানের বহি ও খাতার অন্তরালে নিজেকে নির্বাসিত রাখিবে? তুমি শীঘ্র এস, তোমাকে দেখিবার জন্ত প্রাণ অস্থির হইয়াছে।”

এমনই অনেক কথা লিখিয়া সে চিঠি ডাকে দিল।

দ্বাদশ পরিচ্ছেদ

বৈকালিক চা-পান ও জলযোগের পর ঘরের দরজা ভেজাইয়া দিয়া অমিয়া বিছানায় শুইয়া পড়িল। অকস্মাৎ তাহার মাথা ধরিয়া ভয়ানক যন্ত্রণা হইতেছিল। শয্যায় শুইয়া চোখ বুজিয়া, সে চূপচাপ পড়িয়া থাকিবার চেষ্টা করিল।

কিছুক্ষণ পরে দরজা ঠেলিয়া সরযু ঘরের মধ্যে প্রবেশ করিয়া ডাকিল, “বৌদি !”

ঈষৎ ক্লিষ্ট স্বরে অমিয়া বলিল, “কি ?”

“তুমি অবেলায় এমন ক’রে শুয়ে আছ যে, অসুখ করেছে না কি ?”

পাশ ফিরিয়া সরযুর দিকে চাহিয়া অমিয়া বলিল, “হঠাৎ বড় মাথা ধরেছে ; বস্তুতে পর্য্যন্ত কষ্ট হচ্ছে, ভাই।”

ধীর গতিতে ঘরের মধ্যে প্রবেশ করিয়া সরযু অমিয়ার ললাটে স্নিগ্ধ ও কোমল করপল্লব রক্ষা করিল। অমিয়াও আরামসূচক শব্দ প্রকাশ করিল।

তখন অপরাহ্ন ঘনাইয়া আসিয়াছে। সরযু পশ্চিমের রুদ্ধ জানালা খুলিয়া দিতেই শীকরসিক্ত পবনপ্রবাহ ঘরের মধ্যে প্রবেশ করিল।

সরযুর সদাপ্রসন্ন মুখখানিতে আশঙ্কা ও উদ্বেগের একটা ম্লান রেখা যেন দেখা দিল। সে বলিল, “তাই ত, বৌদি, তোমার আবার অসুখ হ’ল কেন ?”

ননন্দার উদ্বেগ দর্শনে অমিয়ার মুখে মুহূর্ত্ত হস্ত উজ্জ্বল হইয়া উঠিল। সে বলিল, “এর জন্ত ভাবছ কেন, ভাই ? ছপুরবেলা কাঁচা ঘুম ভাঙ্গাতেই মাথাটা খুব জোরে ধরেছে। কোন ভয় নেই, খানিক ঘুমুলেই সেরে যাবে।”

সরযু বলিল, “এখনই লীলা বোধ হয় আসবে। তাদের বাড়ী তোমার ও আমার নিমন্ত্রণ আছে, তা ত জানই। তোমার যখন অসুখ, তখন ত আর যাওয়া চলবে না। তাকে বারণ—”

বাধা দিয়া অমিয়া বলিল, “তা হয় না, বোন। আমরা ছজনই যদি না যাই, লীলার মা মনে বড় কষ্ট পাবেন। বিশেষতঃ কয়দিন ধ’রে আমাদের নিয়ে যাবার জন্ত তিনি কি কষ্টই না করেছেন। লীলা নিজেই যখন নিতে আসছে, তখন অন্ততঃ তোমাকে যেতে হবে।”

ম্লান মুখখানি নত করিয়া সরযু বলিল, “তোমাকে এ অবস্থায় রেখে আমিই বা যাই কি ক’রে ?”

অমিয়া মাথার যন্ত্রণা সত্ত্বেও না হাসিয়া পারিল না। সে বলিল, “কেন, আমার হয়েছে কি ? শুধু মাথা ধরেছে, এই না ? এক যায়গায় গিয়ে যদি আমোদ-আহ্লাদে যোগ দিতেই না পারলাম, তবে সেখানে গিয়ে লাভ কি ? এই জন্তই আমি যাচ্ছি না। মাথা ধরলে আমি মোটে ব’সে থাকতে পারি না ; তা ত জান। এর পর আর এক দিন আমি যাব। তোমার যাওয়া কিন্তু চাই। লীলা তোমার সহ। না গেলে বড় অগায় হবে। বিশেষতঃ, এর জন্ত সম্ভবতঃ তাঁরা আয়োজনও ক’রে ফেলেছেন।”

সরযু কি বলিতে যাইতেছিল, এমন সময় এক সুন্দরী কিশোরী ঘরের মধ্যে প্রবেশ করিল।

“সই !” বলিয়া সরযু সহাস্তে নবাগতার দিকে অগ্রসর হইল। অমিয়াও শয্যার উপর উঠিয়া বসিল।

হাস্তময়ী নবাগতা বলিল, “বেশ ! এখনও কাপড়-চোপড় পরা হয়নি ? আমি একেবারে গাড়ী নিয়েই এসেছি। বৌদি, উঠুন !”

অমিয়া সংক্ষেপে তাহার অসুস্থতার কথা বলিল। নবাগতা কিশোরীর মুখখানি তাহাতে কিছু ম্লান হইয়া গেল। অমিয়া বৃষ্টিতে পারিয়া বলিল, “সরযু তোমার সঙ্গে যাচ্ছে, লীলা। আমি আর এক দিন নিজে যাব। মাকে প্রণাম জানিয়ে বলা, মাথার যন্ত্রণা অসহ্য না হ’লে আমি নিশ্চয়ই যেতাম।”

হুই হস্তে ললাট টিপিয়া অমিয়া শয্যায় শুইয়া পড়িল।

লীলা তখন সরযুকে তাড়া দিয়া বলিল, “তবে তুই শীঘ্র কাপড় প’রে নে।” তাহার পর অমিয়ার দিকে ফিরিয়া বলিল, “সরযুর ফিরে আসতে একটু রাত হয়ে যেতে পারে, তাতে ভাববেন না যেন, বৌদি ! আমি নিজেই ওকে রেখে যাব। বাড়ীতে কিছু আমোদ-আহ্লাদের আয়োজন আছে। কিন্তু বৌদি, আপনি গেলেন না, বড় কষ্ট পেলাম।”

অমিয়া আবার তাহাকে বুঝাইয়া দিল যে, শিরঃপীড়া—মাথার যন্ত্রণা হইলে সে বড় অস্থির হইয়া পড়ে। কিছুই তখন ভাল লাগে না। এ অবস্থায় যদি সে যায় ত আমোদ-আহ্লাদের সুখ সে মাটা করিয়া দিবে। তাহার অপেক্ষা বরং সে আর এক দিন যাইবে।

লীলা ও সরযু একই সিঁড়ালয়ে পড়িত। বাড়ীও তাহাদের পাশাপাশি ছিল। লীলার পিতা সংপ্রতি পুরীতে বদলী হইয়া আসিয়াছিলেন। তাঁহার বাসা সমুদ্রতীরে নহে—সহরের মধ্যে। একদা সমুদ্র-স্নানের সময় সরযু নাল্যসখীর পুরী অবস্থিতির সংবাদ জানিতে পারে। লীলা বিবাহিতা। তাহার পিতা হিন্দু হইলেও নিতান্ত বালিকা-বয়সে বিবাহ দেন নাই। একটু বড় করিয়াই দিয়াছিলেন।

প্রসাধনশেষে সরযু লীলাকে লইয়া চলিয়া গেল।

পিসীমার সে দিন পালাজর-জরের প্রকোপ সবে আরম্ভ হইতেছিল। তিনি কাঁথা জড়াইয়া ত্রাতুপ্তীর কাছে আসিয়া বলিলেন, “তুই যে বড় গেলি না, অমি!”

অমিয়া বলিল, “বড় মাথা ধরেছে, পিসীমা। অসুখ নিয়ে লোকের বাড়ী যাওয়া ঠিক নয়। ওতে নিজেকেও যেমন বিব্রত হ’তে হয়, পরকেও ব্যতিব্যস্ত ক’রে তোলা হয়। তাই গেলাম না। আর তুমি ত জান পিসীমা, মাথা ধরলে আমি মোটে উঠতে পারি না!”

“তবে শুয়ে ঘুমো, বাছা! আমি দরজা ভেজিয়ে দিয়ে যাচ্ছি।”

পিসীমা ঘরে চলিয়া গেলেন।

ত্রয়োদশ পরিচ্ছেদ

“কি গো কবি, চল, একটু বেড়িয়ে আসা যাক, বেলা ৫টা বেজে গেছে। আবার সন্ধ্যার পর আরম্ভ করো। এখন কবিতা সন্দরীর ধ্যান বন্ধ কর, ভাই।”

মুগ্ধ হাশ্বে বন্ধুর দিকে একবার চাহিয়া রমেশ বলিল, “এটা শেষ না ক’রে উঠছি না, ভাই। তুমি এগোও, পথে দেখা হবে। কোন্ দিকে যাবে বল ত?”

সুরেশচন্দ্র ছড়ির মাথাটা রুমালে মুছিতে মুছিতে বলিলেন, “একবার সহরের ভিতরটা বেড়িয়ে আসব। বড় রাস্তা ধ’রে যাব। যেখানে হোক আমার দেখা পাবে। কোথাও না পাও, সোজা স্টেশনের দিকে যেও। আজ ত ওরা নিমন্ত্রণে গেছে, সুরতাং কেউ বেড়াতে যাবে না।”

সুরেশ অথবা রমেশ কেহই জানিত না যে, অমিয়া শিরঃপীড়ার কাতর হইয়া ঘরে শুইয়া আছে। তাঁহারা

ভাবিয়াছিল, লীলার সহিত উভয়েই নিমন্ত্রণ রাখিতে গিয়াছে। লীলা যখন আসিয়াছিল, তখন বন্ধুগল বাহিরের ঘরের দ্বার বন্ধ করিয়া রাখিয়াছিল। সুরতাং কে রহিল, কে গেল, তাহা কেহ জানিতে পারে নাই। গাড়ী চলিয়া যাইবার পর সুরেশচন্দ্র বেড়াইতে যাইবার প্রস্তাব করিলেন।

খাতা হইতে মুখ না তুলিয়াই অগ্রমনস্কভাবে রমেশ বলিল, “আচ্ছা।”

সুরেশচন্দ্র বেড়াইতে চলিয়া গেলেন।

রমেশ একাগ্রমনে “মানসী” কবিতাটিকে সমাপ্তির পথে লইয়া চলিয়াছিল। হৃদয়ের রক্ত দিয়া সে কবিতা রচনা করিতেছিল। কবিতাটি দীর্ঘ। নূতন ছন্দে, ললিত পদবিভাগে, ভাবের মাধুর্যে সে কবিতাটিকে সর্বোৎসাহে সুন্দর করিবার চেষ্টায় ছিল। সুরতাং দিনের আলোকখন নিবিয়া গিয়াছিল, সূর্য্য কখন সমুদ্র-গর্ভে আশ্রয় লইয়াছিলেন, এ সকল বিষয় লক্ষ্য করিবার সুযোগই তাহার ছিল না। সে তখন তাহার মানসী প্রতিমাকে পৃথিবীর সৌন্দর্য্যসম্ভারে ভূষিত করিয়া কল্পনানন্দে তাহার রূপসুধা পান করিতেছিল। প্রাণের ভাষা, সেই বিজয়িনী মানসী রাণীর পূজায়, কবিতার আকারে কাগজের পৃষ্ঠে গড়িয়া উঠিতেছিল। মুগ্ধ কবি নিজের রচনায় নিজেই পুলকিত হইয়া উঠিতেছিল—সর্বদেহে ভাবের আতিশয্যে শিহরণ, স্পন্দন অদ্ভুত হইতেছিল। কোন্ স্বপ্নলোকের রাণি! তুমি মূর্ত্তি ধরিয়া ধরায় নামিয়া আসিয়াছ? যদি আসিয়াছ, তবে শরীরে, মনে সর্বত্র তোমার স্পর্শ পাই না কেন? তোমার মুগ্ধ দৃষ্টির উজ্জ্বল মধুর আলোক-রেখা আমার দৃষ্টিকে অনন্তকালের জগৎ পবিত্র করিয়া দেয় না কেন? তোমার লোকাতীত, বর্ণনাতীত সৌন্দর্য্যের তরঙ্গে অনন্তকালের জগৎ ডুবিয়া মরি না কেন? অনাদি-কাল হইতে আমি তোমারই পশ্চাতে ঘুরিতেছি। অমি রহস্তময়ি! তুমি কাছে আসিয়া ধরা দিতে দিতে আবার কোন্ সুদূর রাজ্যে পলাইয়া যাও—তোমাকে ধরিয়াও ধরিতে পারি না। অমি লীলাময়ি! এমন বিচিত্র লীলার পাকে আর কত কাল অভাগাকে ঘুরাইয়া মারিবে? সহিষ্ণুতার সীমা ক্রমেই অস্তহিত হইতেছে। এমন করিয়া ইন্দ্র-ধনুস-খেলা দেখাইয়া, অনিশ্চিতের মায়ায় আর জুলাইয়া

রাখিও না। এইরূপ উচ্ছ্বাসের ধারা রমেশের কবিতায় উচ্ছ্বসিত হইয়া উঠিতেছিল। আত্ম-বিস্মৃত কবি দেশ-কাল ভুলিয়া তাহাতেই মগ্ন হইয়া রহিল।

কবিতার শেষ ছত্র সমাপ্ত করিয়া পুলকভরে রমেশ খাতা মুড়িয়া রাখিল। সুরেশের কথা তখন মনে পড়ায় তাড়াতাড়ি উত্তরীয় স্বন্ধে করিয়া বাহিরে আসিয়া দাঁড়াইল। দেখিল, অদূরে সমুদ্রের জল কালো হইয়া গিয়াছে। দিবার শেষ আলোকরেখা দিক্চক্রবালে কখন মিলাইয়া গিয়াছে। উপরে চাহিয়া দেখিল, নিবিড় মেঘপুঞ্জ দিগন্ত সমাচ্ছন্ন। বায়ুর প্রবাহমাত্র নাই। সমুদ্রতট প্রায় জনহীন। আসন্ন ঝটিকা ও বৃষ্টির আশঙ্কায় ভ্রমণার্থীর দল গৃহে ফিরিয়া গিয়াছে। যাহারা বাকী ছিল, তাহারাও দ্রুতপদে ফিরিয়া চলিয়াছে।

তাই ত, এখন সে কি করিবে? সুরেশকে কথা দিয়াছে, তিনি ত তাহার প্রতীক্ষা করিবেন।

দোলায়মান চিন্তে রমেশ ধীরে ধীরে পথে আসিয়া দাঁড়াইল। পুনঃ পুনঃ আকাশের দিকে চাহিয়া সে বুঝিল, এ সময় গৃহের আশ্রয় ছাড়িয়া পথে বাহির হওয়া বুদ্ধিমানের কার্য্য নহে। অথচ বাড়ীতে একা বসিয়া থাকিও ত কষ্টকর। এখন ঘরে বসিয়া কবিতা রচনা অথবা পাঠে মন দেওয়ার উৎসাহও তাহার ছিল না।

কিয়দূর সমুদ্রতীরে অগ্রসর হইবার পর, কি মনে করিয়া সে সহরের পথ ধরিল। কিন্তু কয়েক পদ যাইতে না যাইতেই শেঁা শেঁা শব্দ উত্থিত হইল। দূরে সিকতা-ভূমির উপর বালির ধ্বজা উড়িতে আরম্ভ করিয়াছে দেখিয়া সে বুঝিল, গৃহের বাহিরে থাকা আশ্চর্য্য যুক্তিসঙ্গত নহে।

দ্রুতপদে সে বাসার দিকে ফিরিল। আকাশে মেঘ গজ্জন করিয়া উঠিল। নীরদপুঞ্জ মুহূর্ত্তঃ বিদ্যৎ হাসিয়া উঠিতে লাগিল। বাড়ীর দ্বারে রুদ্ধনিশ্বাসে আসিবামাত্র প্রবলবেগে ঝটিকা গজ্জন করিয়া উঠিল।

তাড়াতাড়ি বাহিরের ঘরের বারান্দায় উঠিয়া দাঁড়াইতেই ভৃত্যের সহিত দেখা হইল। সে ঘরের মধ্যে আলো জালিয়া দিয়া চারিদিকের জানালা-দরজা বন্ধ করিয়া দিতেছিল।

সনাতন বলিল, “আজ আপনার বেড়ান হ’ল না, দাদাবাবু!”

“না, কই আর হ’ল।”

“আজ দেখছি, দাদাবাবু বড় কষ্ট পাবেন।”

“শুধু তিনি কেন, তোমার দিদিমণিদেরও ফিরে আসা মুশ্কিল দেখছি।”

সম্মুখের দরজা বন্ধ করিতে করিতে সনাতন বলিল, “বড় দিদিমণি ত যান নি। ছোট দিদিমণিরই কষ্ট হবে!”

সবিস্ময়ে রমেশ বলিল, “অমিয়া নিমহুণে যান নি?”

“না, তাঁর মাথা ধরেছে গুনলাম। ছোট দিদিমণি একাই গেছেন।”

রমেশ চেয়ারে বসিয়া পড়িল।

চতুর্দশ পরিচ্ছেদ

সুরেশচন্দ্র বেড়াইতে বেড়াইতে অনেক দূরে চলিয়া গেলেন। জগন্নাথের মন্দিরমধ্যে তিনি অনেকবার গিয়াছেন। সকল মূনবের সম্মিলনক্ষেত্র এই পবিত্র তীর্থটি তাঁহার বড় ভাল লাগিত। ধর্ম্মমত সম্বন্ধে সুরেশচন্দ্রের কোন গৌড়ামি ছিল না। তিনি অন্ধ ধর্ম্মবিশ্বাসের বিরোধী ছিলেন। এ জন্ম সমাজের অনেকেরই সহিত তাঁহার মতের সামঞ্জস্য ছিল না। যাহা মানুষের মনকে ধরিয়া রাখে, যাবতীয় নীচতা ও পাপ হইতে রক্ষা করে, তাঁহার কাছে তাহাই ধর্ম্ম। স্মুতরাং মত লইয়া মারামারি করার দিকে তাঁহার বিন্দুমাত্র সহানুভূতি ছিল না। যাহার যাহাতে সুবিধা, সে সেই পথ লইয়া থাকিবে। তাহা লইয়া এত হাঙ্গামাই বা কেন?

মন্দির প্রদক্ষিণ করিয়া সুরেশচন্দ্র সুপ্রশস্ত রাজপথ ধরিয়া উত্তরাভিমুখে চলিলেন। পথে কত লোক চলিয়াছে। অধিকাংশই ছিন্নবেশা, মলিনবদন ও ক্লান্তমু। ইহাই ত ভারতবর্ষের প্রকৃত রূপ! দেশের ঐশ্বর্য্য দেশবাসীর আকা-রেই প্রতিফলিত।

কঙ্কালসার বুড়ু বালক আসিয়া সুরেশচন্দ্রের সম্মুখে হাত পাতিয়া দাঁড়াইল; উৎকল ভাষায় দারিদ্র্য-হুঃখ নিবেদন করিল। যুবক স্থিধা না করিয়াই তাহার হাতে কিছু পয়সা দিলেন। বালক কৃতজ্ঞ-হৃদয়ে তাঁহার জয়গান করিতে করিতে চলিয়া গেল।

স্বরেশচন্দ্র ভাবিলেন, এই যে ভারতবর্ষ, সুজলা সুফলা দেশ, এখানে লক্ষীর ভাঙার উদ্ভুক্ত। তবু এ দেশের লোক খাইতে না পাইয়া মরে কেন? তিনি যুরোপ দেখিয়াছেন, আমেরিকার পল্লীতে পল্লীতে বেড়াইয়াছেন; কিন্তু এমন দারিদ্র্য ত কোথাও নাই! রাজপথে চলিতে চলিতে এমন একটি মূর্তি দেখা গেল না, যাহাকে দেখিয়া মন প্রফুল্ল হইয়া উঠে! ঐ যে যুবক গরুর গাড়ী হাঁকাইয়া খাইতেছে, উহার বয়স পঁচিশও পার হয় নাই; কিন্তু উহার আননে যৌবনের স্বাস্থ্য, উৎসাহ, আশা ও প্রফুল্লতা কোথায়? এক জন পঁচিশ বৎসরের যুরোপীয় বা মার্কিন যুৎকের সহিত উহার তুলনা হয় কি? ঐ যে পথচারিণী রমণীরা চলিয়াছে, যুবতী, প্রৌঢ়া, বৃদ্ধা, বালিকা কাহারও আননে উৎসাহের দীপ্তি নাই কেন? সকলেই যেন উৎসাহহীন, স্বাস্থ্যহীন। যুবতীর দেহে যৌবনের প্রফুল্লতা, সহজ সরল গতিভঙ্গী নাই। যে দেশের জীবনযাত্রা অতি সহজেই নির্বাহিত হইতে পারে, সেখানকার নরনারীকে দেখিলেই তাহাদিগকে মৃত্যুপথের যাত্রী বলিয়া মন নিরানন্দে পূর্ণ হইয়া উঠে কেন?

চিন্তার ভারে স্বরেশচন্দ্রের ললাটদেশ রেখাঙ্কিত হইয়া উঠিল। তিনি অশ্রুমনস্কভাবে ক্রমেই অগ্রসর হইতে লাগিলেন। ক্রমশঃ অট্টালিকা ও কুটারশ্রেণীর সংখ্যা হ্রাস পাইয়া আসিতেছিল।

সহসা কাহার ডাকে তিনি থমকিয়া দাঁড়াইলেন। পার্শ্বে চাহিয়া দেখিলেন, একটি উদ্ভানের সম্মুখবর্তী ফটকের মাঝখানে গৈরিক-বসনধারী, মুণ্ডিতশীর্ষ মানব-মূর্তি! মুহূর্তে দৃষ্টিপাতে স্বরেশচন্দ্রের আনন আনন্দালোকে সমুজ্জ্বল হইয়া উঠিল। দ্রুতপদে পথ অতিক্রম করিয়া তিনি সেই মূর্তির দিকে অগ্রসর হইলেন। পরমুহূর্তে তাঁহার মস্তক সন্ন্যাসীর চরণে লুপ্তিত হইল।

“আপনি এখানে?”

ছই হস্তে স্বরেশকে তুলিয়া ধরিয়া সন্ন্যাসী প্রসন্ন হাস্তে বলিলেন, “হ্যাঁ, আজ ছ’ দিন এখানে এসেছি। তুমি কবে এলে?”

“আজ পাঁচ ছয় দিন এসেছি, স্বামীজী!”

“চল, ভিতরে যাই। তোমার প্রেমানন্দও আছে।”

ভয়ে উদ্ভানের মধ্যবিসর্পিত পথে চলিলেন।

স্বামীজী বলিলেন, “পুরীর রাজা এই বাগানটা আমাদের জন্ত ছেড়ে দেছেন। সমুদ্রের ধারে যে বাড়ীটা আমাদের আছে, সেটা বড় ছোট ব’লে আপাততঃ এখানেই আছি।”

স্বরেশচন্দ্র যখন বোম্বাই অঞ্চলে ভ্রমণ করিতেছিলেন, সেই সময় স্বামীজীর সহিত প্রথম আলাপ হয়। সেই আলাপের ফলে তিনি তাঁহার শিষ্যত্ব গ্রহণ করিয়াছিলেন, কিন্তু সে সংবাদ তাঁহার আত্মীয়-স্বজন বা বন্ধু-বান্ধবদিগের কেহই জানিতেন না। জানাইবার আগ্রহও স্বরেশচন্দ্রের ছিল না। এই পরম পণ্ডিত, তত্ত্বদর্শী, মহানুভব স্বামীজীর সহিত আলাপ-আলোচনার পর তাঁহার জীবনে যে নূতন অধ্যায়ের সূচনা হইয়াছিল, তাহার ইতিহাস তিনি ছাড়া অন্য কেহ জানিত না।

গুরুর সহিত শিষ্য উদ্ভানবাটার বিস্তৃত হল-ঘরে পৌঁছিয়া স্বরেশচন্দ্র অনেকগুলি ব্রহ্মচারীকে দেখিলেন, তন্মধ্যে তিন চারি জন তাঁহার সুপরিচিত। প্রেমানন্দ স্বরেশকে আলিঙ্গনে বদ্ধ করিয়া ফেলিলেন। সকলের মধ্যেই এক অনাবিল আনন্দপ্রবাহ বহিতে লাগিল।

নানা বিষয়ে আলোচনার উৎসাহে স্বরেশচন্দ্র স্থান, কাল ও পাত্র ভুলিয়া গেলেন। রমেশ যে তাঁহার সন্ধানে আসিতে পারে, সে কথা তাঁহার আদৌ মনে রহিল না। এ দিকে ঘটা করিয়া আকাশে জলদজাল ছড়াইয়া পড়িতেছিল। দেশের অবস্থা, রাজনীতি, সমাজ ও ধর্মনীতির আলোচনায় সকলে যখন নিরিপ্তচিত্ত, তখন আকাশে মেঘ গর্জিয়া উঠিল। দ্রুতবেগে ঝটিকা বহিতে লাগিল।

তখন সকলের চমক ভাঙ্গিল। স্বরেশচন্দ্রের মনে পড়িল, বাড়ী ফিরিতে হইবে। কিন্তু যেরূপ প্রবল ঝটিকা বহিতেছিল, তাহাতে কাহার সাধ্য ঘরের বাহির হয়।

বঙ্গোপসাগরে—পুরী হইতে অন্যান্য দুই শত মাইল দূরে সমুদ্রগর্ভে যে ঝটিকাবর্ত্ত কয়েক দিন পূর্বে হইতেই পরিস্ফুট হইয়া উঠিতেছিল, কলিকাতার আবহবিভাগের—জলঝড়-সংক্রান্ত আপিস হইতে প্রচারিত দৈনিক সংবাদ-পত্রে যাহার আভাস দুই দিন পূর্বে বাহির হইয়াছিল, সেই ঝটিকাবর্ত্ত হুজুর দানবের ঞায় বেগে হুস্তর জলধি-সীমা অতিক্রম করিয়া পুরীর উপর দিয়া প্রবাহিত হইতে আরম্ভ করিয়াছিল।

স্বপ্নের ব্যস্ততা বৃদ্ধিতে পারিমা স্বামীজী বলিলেন, “আজ তোমাকে এখানেই রাত্রি বাস করতে হবে দেখছি। এই ভীষণ ঝড়ে তোমার ছেড়ে দিতে পারিনে। শীঘ্র যে দুর্ঘ্যোগ ধেমে যাবে, তাও ত মনে হয় না।”

চিন্তিতভাবে স্বপ্ন বলিলেন, “তাই ত দেখছি।”

বাসায় কে কে আছে, কথায় কথায় স্বামীজী তাহা জানিয়া লইলেন। স্বপ্নচক্র ভাবিলেন, জল-ঝড়ে তিনি যেমন আটক পড়িয়াছেন, অমিয়া ও সরযুরও ঠিক সেই অবস্থা হইয়াছে। কারণ, সন্ধ্যার সঙ্গে সঙ্গেই যখন ঝড় উঠিয়াছে, তখন নিশ্চয়ই তাহারা বাসায় ফিরিতে পারে নাই। ভাবনা শুধু পিসীমা ও রমেশের জন্ত। তা বাড়ীতে দাসদাসী সবই আছে, রমেশের অসুবিধা হইবে না। তবে তাঁহার জন্ত পিসীমা ও রমেশের দুর্শ্চিন্তা হইবার সম্ভাবনা। উপায় কি? মানুষের কোন হাত ত নাই।

ঝটিকার প্রচণ্ড শব্দ, বজ্রের ভীম গর্জন ক্রমেই ভীষণ-তর হইতে লাগিল। রাত্রি ৯টা বাজিয়া গেল, কিন্তু ঝড়-বৃষ্টির বিরামের কোন চিহ্ন দূরে থাকুক, বেগ ক্রমেই বাড়িতে লাগিল। বাসায় ফিরিবার সম্ভব তখন স্বপ্নকে সম্পূর্ণ ত্যাগ করিতে হইল।

স্বামীজীর কাছে বসিয়া সদালাপে সময় চলিয়া যাইতে লাগিল। কিন্তু তাহাতেও বাধা। ঝটিকার প্রবাহ রুদ্ধ-হার ও বাতায়নে প্রহত হইতেছিল, তাহাতে আলোচনা বাধা পাইতে লাগিল।

ঝটিকার বিরামের কোন সম্ভাবনা নাই দেখিয়া রাত্রির জলযোগ সারিয়া স্বপ্নচক্র একখানি কবলের উপর আশ্রয় গ্রহণ করিলেন।

স্বপ্নের মোহ

“মশায়, রমেন বাবু আছেন?”

পূজার বন্ধে অনেক ছাত্রই বাড়ী চলিয়া গিয়াছিল। যাহারা তখনও বাইতে পারে নাই, পূজার বাজার করিয়া তাহারা দেশে ফিরিবার আয়োজন করিতেছিল। এমনই এক দিন প্রভাতে এক প্রৌঢ় রমেশের মেসে আসিয়া দাঁড়াইল।

প্রশ্নের উত্তরে জনৈক যুবক বলিল, “রমেন বাবু ত এখানে নেই।”

“নেই?—কোথায় গেলেন?”

“আজ ৩ দিন হ’ল, তিনি চ’লে গেছেন।”

আগন্তুক সবিনয়্যে বলিল, “চ’লে গেছেন? কোথায় গেছেন, বলতে পারেন কি?”

যে যুবক উত্তর করিতেছিল, সে সহসা মুখ তুলিয়া আগন্তুককে দেখিয়া লইল, তাহার পর বলিল, “আপনি কোথা থেকে আসছেন?”

আগন্তুক মাধব। সে বলিল, “আমি তাঁর দেশের লোক। তিনি কোথায় গেছেন, জানেন কি?”

“তা ত জানি নে, হয় ত দেশে যেতে পারেন।”

মাধব বিস্মিত হইল। দেশে যাইবে না বলিয়াই রমেশ পত্র লিখিয়াছিল। পরে কি তাহার মনের গতির পরিবর্তন হইয়াছে? তিন দিন পূর্বে যদি সে চলিয়া গিয়াই থাকে, মাধব রওনা হইবার পূর্বেই বাড়ীতে তাহার পৌছান উচিত ছিল। না, সে কখনই দেশে যায় নাই। তবে সে কোথায় গেল? মুহূর্ত চিন্তা করিয়া সে বলিল, “আপনি বলতে পারেন, এখানে তাঁর কোন অস্তরঙ্গ বন্ধুর বাড়ী আছে?”

যুবক একটু ভাবিয়া বলিল, “হাঁ, তাঁর এক সহ-পাঠীর বাড়ীতে ইদানীং প্রায় যাওয়া-আসা করতেন।”

মাধব সাগ্রহে বলিল, “কোথায় বলুন ত?”

বাক্স গুছাইতে গুছাইতে যুবক বলিল, “স্বপ্ন বাবু ব’লে তাঁর এক বন্ধুর ওখানে প্রায় তিনি যেতেন।”

স্বপ্ন বাবু?—কোন্ স্বপ্ন বাবু?—অকস্মাৎ মাধব যেন একটা আলোকের সূত্র দেখিতে পাইল। সে বলিল, “তাঁর পুরা নাম ও ঠিকানাটা অনুগ্রহ ক’রে বলবেন কি?”

যুবক বলিল, “বাড়ীর নম্বরটা জানিনে। সুকিয়া ষ্ট্রীটে খানকয়েক বাড়ীর পরেই যে ফটকওয়াল বাড়ীটা দেখবেন, সেই বাড়ীটা। এক দিন রমেন বাবুকে সেই বাড়ীতে যেতে দেখেছিলাম। তাঁর বন্ধুর নাম স্বপ্নচক্র ঘোষ।”

মাধব আনন্দ দাঁড়াইল না, যুবককে নমস্কার করিয়াই মেস ত্যাগ করিল।

সুরেশচন্দ্রের নাম তাহার সুপরিচিত। এই যুবকের ভগিনী অমিয়াকে বিবাহ করিবার জন্ত খোকা এক দিন কি পাগলই না হইয়াছিল! সুরেশ বাবুকে সে কোন দিন দেখে নাই, অমিয়ার সহিত প্রত্যক্ষ পরিচয় ঘটবার অবকাশও তাহার কোন দিন হয় নাই, কিন্তু এক দিন তাহাদের সরল পল্লী-জীবনে যে অনর্থের সূত্রপাত হইয়াছিল, তাহার সংশ্লিষ্ট নরনারীর নামধাম সে কখনও বিস্মৃত হইবে না। রমেন্দ্রের মাতা কি বুদ্ধি-চাতুর্যের প্রভাবে সে যাত্রা পুত্রকে স্বধর্মের রক্ষা করিয়াছিলেন, সব ইতিহাসই ত মাধব জানে। সে ব্যাপারে মাধবকে ত কম বেগ পাইতে হয় নাই!

পথ চলিতে চলিতে সব কথাই তাহার মনে পড়িতে লাগিল। তাহাদের বুকজোড়া মাণিক খোকা যখন এম-এ পড়ে, সেই সময় অমিয়ার অসামান্য রূপলাবণ্যে সে মুগ্ধ হয়। সমাজ, ধর্ম সর্বস্বের বিনিময়ে সে তাহার নির্ঝাচি তা সুন্দরীকে বিবাহের জন্ত কি অধীরই না হইয়াছিল! কিন্তু অমিয়ার জ্যেষ্ঠ, রমেন্দ্রের সতীর্থ সুরেশচন্দ্র রমেন্দ্রের প্রস্তাব-মাত্রই সম্মত হয়েন নাই। মাতার অনুমতি লইয়া যদি রমেন্দ্র বিবাহ করিতে পারে, তাহাতে তাঁহার আপত্তি ছিল না। পুত্রের পত্র পাইয়া মাতার মনের অবস্থা কিরূপ হইয়াছিল, তাহা কি মাধব ভুলিয়া গিয়াছে? তাহার পর নানা কৌশলে রমেন্দ্রকে দেশে লইয়া যাইতে কি কম বেগ পাইতে হইয়াছিল? মাতৃভক্ত সন্তান অবশেষে মায়ের চোখের জল ও মলিন মুখ দেখিয়া মনের উচ্ছ্বল অবস্থাকে সংযত করিয়া লইয়াছিল।

বায়স্কোপের ছবির মত সব ব্যাপারটা নূতন করিয়া যেন তাহার চোখের উপর ভাসিয়া উঠিল। দ্রুতপদে মাধব স্কুিয়া ষ্ট্রিটের দিকে চলিল। জিজ্ঞাসা করিয়া সে স্বল্পমাসেই সুরেশচন্দ্রের অট্টালিকার সম্মুখে আসিয়া দাঁড়াইল। কিন্তু তাহাকে হতাশ হইতে হইল, কারণ, সে দেখিল, অধিকাংশ জানালা-দরজা রুদ্ধ। গেটের পার্শ্বেই দ্বারবানের গৃহ। সে তখন রন্ধনের আয়োজন করিতেছিল।

প্রশ্নের উত্তরে সে জানিতে পারিল যে, রমেন্দ্র বন্ধুর সহিত পুরী গিয়াছে। সঙ্গে বৃদ্ধা মাইজী এবং সুরেশচন্দ্রের ভগিনী ও তাহার নন্দা গিয়াছেন। অমিয়ার বিবাহের সংবাদ মাধব জানিত না; সুতরাং সে বুঝিল, সুরেশ বাবুর ভগিনী বিবাহিতা।

সংবাদ শুনিয়া মাধবের মাথায় যেন আকাশ ভাঙ্গিয়া পড়িল। আইন পড়ার ব্যাঘাত হইবে বলিয়া যে রমেন পূজার সময় মা'র কাছে যাইতে পারিল না, সে কি করিয়া পুরী বেড়াইতে গেল? ইহাতে তাহার পড়ার ক্ষতি হইবে না? রমেন জননীকে কিরূপ ভক্তি-শ্রদ্ধা করে, ভালবাসে, তাহা ত মাধবের অগোচর নাই। তবে সেই মা'র চরণ-ছায়ায় জুড়াইতে না গিয়া এমন গুপ্তভাবে সে পুরী পলাইল কেন? হ্যাঁ, ইহাকে পলায়ন ছাড়া আর কোন সংজ্ঞাই দেওয়া চলে না। ঘরে সুন্দরী যুবতী স্ত্রী— সে আকর্ষণই বা খোকা এড়াইল কি করিয়া? বিছাজ্জনের জন্ত হয় ত অনেক কিছু করা যাইতে পারে, কিন্তু যখন সে প্রয়োজন না থাকে?

মাধব কোনমতেই মীমাংসা করিয়া উঠিতে পারিল না। পুরী যাওয়া দোষের নহে। কিন্তু পড়া ছাড়িয়া— বিশেষতঃ যে পড়ার ক্ষতি হইবে বলিয়া সে দেশে মা ও স্ত্রীর কাছে যাইতে পারিল না—সেই পড়ার ক্ষতি করিয়া সে আনন্দ-ভ্রমণে যাত্রা করিল? তার পর,—না, সে আর চিন্তা করিতে পারে না। পুরীর ঠিকানাটা জানিয়া লইয়া সে ষ্টেশনের দিকে ফিরিল। রাত্রির পূর্বে আর কোনও ট্রেন এখন নাই, নিকটের কোনও হোটেলে সে স্নানাহার সারিয়া লইবে।

রাত্রির গাড়ীতে মাধব দেশে ফিরিয়া চলিল। সারা-পথ হুঁতাবনায় কাটিল। মা যখন দেখিবেন, সে একা ফিরিয়াছে, তখন কত ব্যথাই না তিনি পাইবেন! মা বলিয়া দিয়াছিলেন, “মাধব, রমেনকে না নিয়ে তুমি এস না।” এখন সে কি বলিয়া তাঁহার সম্মুখে দাঁড়াইবে? অবশ্য সে সোজা পুরী চলিয়া যাইতে পারিত; কিন্তু আজ পঞ্চমী, কাল যগ্ন। মাকে সে বলিয়া আসিয়াছিল, যগ্নের সন্ধ্যায় সে রমেনকে লইয়া গৃহে ফিরিবে। পুরীতে গিয়া রমেন্দ্রকে সঙ্গে লইয়া দেশে ফিরিতে পূজা শেষ হইয়া আসিবে। কোন সংবাদ না দিয়া যদি সে সোজা পুরী চলিয়া যায়, তবে মাতা নির্দিষ্ট কালের মধ্যে তাহাদিগকে ফিরিতে না দেখিয়া ব্যাকুল ও অস্থির হইয়া পড়িবেন। কিংবা সে যদি তার করে অথবা পত্রযোগে সংবাদ পাঠায় যে, সে রমেন্দ্রকে আনিবার জন্ত পুরী যাইতেছে, তবে অনির্দিষ্ট আশঙ্কায় মা জননী আরও বিব্রত হইয়া পড়িবেন। সুতরাং

এ সকল যুক্তি তাহার নিকট সঙ্গত বলিয়া বিবেচিত হইল না। মাকে সব বলিয়া সে কর্তব্য অবধারণ করিবে। আজন্ম সে সেই শিক্ষাই পাইয়াছে। মাতার আদেশ ছাড়া তাহার অস্ত্র কর্তব্য নাই।

তাই মাধব যখন ষষ্ঠীর রাত্রিতে নিতান্ত অসহায়ের মত একা গৃহিণীর সম্মুখে দাঁড়াইল, তখন তাহার বলিষ্ঠ দেহও হ্রস্বলতাভারে যেন কাঁপিয়া উঠিল। তাহাকে একা দেখিয়া রমেন্দ্রের মাতা অত্যন্ত বিস্মিতা হইলেন। তাঁহার চোখে মুখে একটা আতঙ্কের আর্তনাদ যেন মূর্ত্তি লইয়া দাঁড়াইল।

কৌশলে মাতাকে একান্তে লইয়া গিয়া মাধব সব কথা বলিল। সমস্ত শুনিয়া কয়েক মুহূর্ত্ত তিনি প্রস্তর-মূর্ত্তির মত স্থির হইয়া দাঁড়াইলেন। হৃদয়মধ্যে একটা সন্দেহের ঝটিকা যেন গঞ্জন করিয়া উঠিল। কিন্তু প্রথর বুদ্ধি-শালিনী ও ধৈর্যাবতী রমণী ঝড়ের প্রভাব আননে প্রতিফলিত হইতে দিলেন না। দৃঢ় চরণে, লঘুগতিতে নিজের কাষে ফিরিয়া গেলেন। তাঁহার মুখ দেখিয়া কেহই কিছু অনুমান করিতেও পারিল না।

সকলের আশারাশি শেষ হইলে, বধুকে বৃকের কাছে টানিয়া লইয়া মৃদুস্বরে গৃহিণী বলিলেন, “মা, আমায় একটা কথার সত্যি জবাব দিও, লজ্জা করো না।”

শ্বশ্রুমাতার বৃকের স্পন্দন আজ কি দ্রুতই চলিয়াছে! বিস্মিতভাবে প্রতিভা তাঁহার উদ্বেগ-ব্যাকুল নয়নের দিকে চাহিয়া বলিল, “কি মা?”

“রমেন তোমায় চিঠি লেখে? সত্যি বলা, মা লক্ষ্মি! লজ্জা কি? মা’র কাছে মেয়ের কোন লজ্জা নেই।”

কিন্তু তথাপি লজ্জার অরুণ রাগে প্রতিভার আনন আরক্ত হইয়া উঠিল। ধীরে ধীরে তাহার মাথা নত হইল। মা’র যেমন কথা! ছিঃ, কি লজ্জা!

স্নেহ ও আগ্রহভরে পুত্রবধুর মুখ হুই হাতে তুলিয়া

ধরিয়া শাশুড়ী বলিলেন, “এতে লজ্জা কি? সত্যি কথা বলা, রমেন তোমায় চিঠি লেখে?”

উত্তর না করিলে মা হুঃখিত হইবেন; অবাধ্য ভাবি-বেন। আবার সে কথা বলাও ত সহজ নয়! প্রতিভা মহা সমস্যায় পড়িল। তাহার বক্ষ ঘন ঘন স্পন্দিত হইতে লাগিল। কি লজ্জা! কি লজ্জা!

শ্বশ্রুমাতার তৃতীয়বার প্রশ্নে সে আর চূপ করিয়া থাকিতে পারিল না। অশ্রুটগুঞ্জনে সে বলিল, “না!”

এই কয় বৎসরের মধ্যে একখানিও পত্র লিখে নাই? প্রতিভা লিখিয়াছিল? মাথা নাড়িয়া কোনও মতে সে জানাইয়া দিল যে, সে পত্র লিখিয়াছিল।

রমেন্দ্র উত্তর দেয় নাই? অবনত দৃষ্টি, ম্লান মুখের কোণে লজ্জা-নয়ন সঙ্কোচ--নারীর বুঝিবার পক্ষে তাহাই যথেষ্ট নহে কি?

তথাপি গৃহিণী প্রদীপালোকে বধুর শাস্ত, মধুর, সুন্দর মুখখানি তুলিয়া ধরিলেন। তাহার লজ্জা-কম্পিত নয়ন-গলব নিমীলিত হইয়া আসিল। অধরে ঈষৎ ম্লান হাস্য। গভীর স্নেহ ও সহানুভূতিতে শ্বশ্রুমাতা পুত্রবধুকে বক্ষে চাপিয়া ধরিলেন। সে আননে অনেক অলিখিত ইতিহাস কি মূর্ত্ত হইয়া উঠিয়াছিল?

পরদিবস প্রভাতে মাধবকে ডাকিয়া গৃহিণী বলিলেন, “পূজার মানসিক আছে। আমরা পুরী যাব। সব ব্যবস্থা ক’রে ফেল।”

মাধব বুদ্ধিমান। গৃহিণীর ইঙ্গিত বৃষ্টিতে তাহার বিলম্ব হইল না। সে বলিল, “কবে যাবে, মা?”

মাতা বলিলেন, “আজই। আমাদের ত পূজো নেই, স্তূতরাং বাধা কি? আমরা সবাই যাব কিন্তু। রাধারাণী, বৌমাও সঙ্গে যাবেন।”

মাধব বলিল, “যে আজ্ঞে।”

সে যাত্রার আয়োজন করিতে গেল।

[ক্রমশঃ ।

শ্রীমতীমহাশয় ষোড়শ ।





হিন্দুর বিবাহ

১৯৩২ সালের শ্রাবণের প্রবাসীতে রবি বাবুর "ভারতবর্ষীয় বিবাহ" নামক একটি প্রবন্ধ প্রকাশিত হইয়াছে। তাহাতে রবি বাবু লিখিয়াছেন যে, প্রাচীনকালে হিন্দুরা ব্যক্তিগত স্বার্থের জন্ত বিবাহের ব্যবস্থা করেন নাই, সমাজের প্রতি কল্যাণপালন করিবার জন্ত বিবাহের ব্যবস্থা ছিল। এই জন্ত গান্ধারী, ব্রাহ্মস, আম্বর ও পৈশাচ বিবাহকে স্মৃতিশাস্ত্রে বিবাহ বলিয়া স্বীকার করা হইয়াছে বটে, কিন্তু তাহাদের নিন্দা আছে, এবং ব্রাহ্ম বিবাহের প্রশংসা আছে; কারণ, ব্রাহ্ম বিবাহ বাতীত অপর প্রকার বিবাহে ব্যক্তিগত ইচ্ছার প্রাবল্যে মানুষ কর্তব্যাকর্তব্য বিচার না করিয়া বিবাহ করিয়া থাকে। ব্রাহ্ম বিবাহ আধুনিক সৌজাত্য বিজ্ঞা (Eugenics) সম্মত। এইরূপ বিবাহের ফলে উৎকৃষ্ট সন্তান হইবার সম্ভাবনা বেশী। রবি বাবু ইহাও বলিয়াছেন যে, পরস্পর ভালবাসার পর বিবাহ হয় না বলিয়া আমাদের বিবাহ প্রেমহীন নহে। অপর পক্ষে, খাঁটি এবং চিরস্থায়ী প্রেম পাশ্চাত্য দেশের বিবাহেও সুলভ নহে। বেশী বয়স হইলে নরনারীর ইচ্ছা প্রবল হইয়া উঠে, এ জন্ত তাহার পূর্বে অল্পবয়সেই হিন্দুদের বিবাহ হয়। হিন্দুরা বিবাহকে গৃহস্থের অবশ্য-কর্তব্য বলিয়াছেন বটে, কিন্তু বিবাহ করিয়া গৃহস্থ পালন করাকে জীবনের চরম উদ্দেশ্য বলিয়া স্বীকার করেন নাই। মুক্তির অন্বেষণে গৃহ পরিত্যাগ করিতে হইবে—এই ছিল তাহাদের আদর্শ। এই সকল কথা বলিয়া রবি বাবু প্রবন্ধটির উত্তরভাগে বলিয়াছেন যে, হিন্দুর বিবাহ এবং গৃহস্থের আদর্শ প্রাচীনকালের উপযোগী হইলেও আজকাল তাহা আর উপযোগী নহে। কারণ, আজকাল নতুন শিক্ষা, নতুন মত আসিয়াছে এবং অর্থাভাবে প্রত্যেক গৃহের সামাজিক পরিধি প্রতিদিন সঙ্কীর্ণ হইয়া আসিতেছে।

কিন্তু রবি বাবু সিদ্ধান্ত করিয়াছেন যে, আনাদের বিবাহ ও গৃহস্থের আদর্শ প্রাচীনকালে একটা বিশেষ অবস্থার উপযোগী ছিল এবং আজকাল আর উপযোগী নহে, ইহা যথার্থ বলিয়া মনে হয় না। আমাদের মনে হয় যে, এই আদর্শগুলি চিরস্থায়ী সত্যের উপর প্রতিষ্ঠিত, এবং সেগুলি প্রাচীনকালে যেসকল উপযোগী ছিল, আজকালও সেইরূপ উপযোগী। বর ও কন্যা নিজ ইচ্ছা অনুসারে পাত্রী বা পাত্র নির্বাচন করিবে, এই ব্যবস্থা অপেক্ষা পিতা, মাতা বা অল্প অভিভাবক সঙ্কল্প স্থির করিবেন, এই ব্যবস্থা উৎকৃষ্ট; এ জন্ত আমাদের শাস্ত্রে ব্রাহ্ম বিবাহের প্রশংসা আছে। যৌবনে প্রবৃত্তিগুলি অত্যন্ত বলবতী থাকে, তাহা ভাল লাগে, তাহা করিতে বিশেষ আগ্রহ হয়, কোন পথ কল্যাণকর, তাহা বিবেচনা করিতে ইচ্ছা হয় না। যৌবনে সংসারের অভিজ্ঞতাও কম থাকে। যুবক-যুবতী পাত্রী বা পাত্র নির্বাচন করিবার সময় শারীরিক সৌন্দর্যকে এবং গান গাহিবার বা সরস কথোপকথন করিবার ক্ষমতাকে অত্যন্ত বেশী মূল্য দিয়া থাকে। বংশাবলীর দোষণ সম্যক বিচার করে না। এ সকল কারণে তাহাদের নির্বাচনে অনেক সময় গুরু ভ্রমপ্রমাদ থাকিয়া যায়। পিতামাতা স্বভাবতঃই

পুত্র-কন্যার হিতাকাঙ্ক্ষী। তাহাদের অভিজ্ঞতা বেশী। যৌবনোচিত প্রবল প্রবৃত্তিসমূহ তাহাদের কর্তব্য-নির্ণয়ে বাধা জন্মায় না। শারীরিক সৌন্দর্যকে তাহারা স্তাঘা সমাদর করিয়া থাকেন। বংশাবলীর দোষণও তাহারা উচিতমত বিচার করিয়া থাকেন। এই সকল কারণে তাহাদের নির্বাচন শুভপ্রস্থ হইবার সম্ভাবনা বেশী। তাহারা যে কখনও ভুল করিবেন না, তাহা বলা যায় না। কিন্তু যুবক-যুবতী স্বয়ং নির্বাচন করিলে যত বেশী ভুল হইবে, পিতামাতা তদপেক্ষা কম ভুল করিবেন। ইহার মধ্যে এমন কোন কথা নাই, যাহা হইতে সিদ্ধান্ত করা যায় যে, এই বিবাহ-পদ্ধতি প্রাচীনকালের উপযোগী ছিল, আজকাল উপযোগী নহে।

রবি বাবু বলেন যে, পূর্বকালে মুক্তির জন্ত বৃদ্ধবয়সে গৃহত্যাগ করিবার আদর্শ ছিল, আজকাল সে আদর্শ নাই। এই প্রবন্ধেরই আর এক স্থানে কিন্তু বলিয়াছেন, "সন্তানেরা বয়ঃপ্রাপ্ত হ'লে আজও অনেক গৃহী গৃহ ছেড়ে তীর্থে বাস করে।" তাহা যদি করে, তাহা হইলে আদর্শটা সে আজকাল নাই, তাহা বলা যায় না। তবে আদর্শটা যে প্রাচীনকালে অনেক বেশী সমৃদ্ধ ছিল, তাহাতে সন্দেহ নাই। যদিই বা ইহা সত্য হয় যে, আজকাল সে আদর্শ নাই, তাহা হইলেও আমাদের গৃহস্থের আদর্শট কেন ছাড়া উচিত, রবি বাবু তাহা স্পষ্ট করিয়া বলেন নাই। রবি বাবু বলেন, "আমরা এক দিন ঘর ছাড়ব বলেই ঘর কেঁদেচিনুম। আজ আমরা আর সমস্তই ছেড়েছি, কেবল ঘরখানাট আছে।" যদি যথার্থ আনরা আর সমস্ত ছাড়িয়া থাকি, তাহা হইলেও ঘর শুদ্ধ ছাড়িয়া দিলে আমাদের অবস্থা কিসে ভাল হইবে, তাহা ঠিক বুঝিতে পারিলাম না। একটা আশ্রয়—ঘরটাও ত আছে। তাহা ছাড়িয়া দিলে যে একেবারে পথে দাঁড়াইতে হইবে।

আম্মার উন্নতির জন্ত বৃদ্ধবয়সে গৃহত্যাগ করিবার আদর্শটা প্রাচীনকালে একটা ভাল আদর্শ ছিল, এইরূপ রবি বাবুর মত বলিয়া মনে হয়। এই আদর্শ যদি প্রাচীনকালে ভাল ছিল, তাহা হইলে আজকাল কেন ভাল বলা যাবে না? অতএব রবি বাবুর যদি ইহাই মত হয় যে, বৃদ্ধবয়সে গৃহত্যাগ করিবার আদর্শ সমাজে সজীব থাকিলেই হিন্দুদের বিবাহপ্রথা সার্থক হয়, তাহা হইলে বিবাহ-প্রথাটি পরিবর্তিত না করিয়া প্রাচীন আদর্শট সমৃদ্ধ করিবার চেষ্টা করাই কি উচিত নহে? রবি বাবু যদি এই দিকে তাহার প্রতিভা প্রয়োগ করেন, তাহা হইলে যথেষ্ট সফললাভের আশা করা যায়, তাহা বলাই বাহুল্য।

রবি বাবু বলিয়াছেন যে, প্রাচীনকালে গৃহস্থায়ীপ্রমুখ নদী অতিক্রম করিবার জন্ত বানপ্রস্থপ্রম প্রভৃতি নৌকার বন্দোবস্ত ছিল। এ জন্ত প্রাচীনকালে গৃহস্থের গভীরতাই গৃহস্থকে অতিক্রম করিবার পক্ষে অনুকূল ছিল। এখন বানপ্রস্থপ্রম প্রভৃতি উঠিয়া যাওয়ার্তে গার্হস্থ্য-প্রমের গভীরতা অনিষ্টকর হইয়া দাঁড়াইয়াছে। আমাদের গার্হস্থ্যপ্রমের গভীরতাটি কি, রবি বাবু তাহা স্পষ্ট করিয়া বলেন নাই। শত্ৰুপক্ষ পক্ষ মহাযজ্ঞ আজকাল নাই। আছে স্ত্রী-পুরুষের পরস্পর একনিষ্ঠতা, সন্তানবাৎসল্য, পিতৃমাতৃভক্তি। কিন্তু এ সকল বিষয়ে "গভীরতা"

ছাড়িয়া দিলে, কিরূপে আমাদের উন্নতির সহায় হইবে, তাহা বুঝিতে পারা যায় না।

রবি বাবু বলেন, “আজকাল ভারতে কোন বড় তপস্বী গ্রহণ করতে গেলে গৃহত্যাগ করা ছাড়া উপায় নাই। কারণ, গৃহ একটা গর্ভ হয়ে উঠেছে।” আমাদের কিন্তু মনে হয় যে, বড় কায করিবার জন্ত গৃহ ছাড়িতেন এখনকার অপেক্ষা আপেক্ষা লোক খুব বেশী। প্রাচীনকালের খুব বড় লোকদের মধ্যে গৃহত্যাগীর সংখ্যাই বেশী, যেমন বুদ্ধদেব, মহাবীর, শঙ্করাচার্য, রামানুজ, শ্রীচৈতন্য, রূপ, সনাতন প্রভৃতি। আজকালকার খুব বড় লোকের মধ্যে গৃহ ছাড়িয়াছেন কেবল রামকৃষ্ণ পরমহংস, বিবেকানন্দ ও অরবিন্দ। রামকৃষ্ণ পরমহংস ও বিবেকানন্দ আজকালকার যুগে গৃহধর্মের কোন বিশেষ অনুপযোগিতা দেখিয়া গৃহ ছাড়িয়াছেন, তাহা বলা যায় না। তাঁহারা প্রাচীনকালে জন্মগ্রহণ করিলেও খুব সম্ভব গৃহ ছাড়িতেন। অরবিন্দ অনেকটা রাজনীতিক কারণে গৃহ ছাড়িতে বাধ্য হইয়াছেন। কিন্তু আজকালকার আরও অনেক বড় লোকের নাম করা যায়—যাঁহারা বড় কায করিবার জন্ত গৃহ ত্যাগ করা প্রয়োজন বোধ করেন নাই। যেমন রামমোহন রায়, ঐশ্বরচন্দ্র বিদ্যাসাগর, কেশবচন্দ্র সেন, বাল গঙ্গাধর তিলক, চিত্তরঞ্জন দাশ, মহাত্মা গান্ধী, জগদীশচন্দ্র বসু, রবীন্দ্রনাথ ঠাকুর, ভারতীকর, গোখলে, রাণাড়ে, সুরেন্দ্রনাথ বন্দ্যোপাধ্যায়। আচার্য্য প্রফুল্লচন্দ্র রায় গৃহত্যাগ গ্রহণ করেন নাই বটে, কিন্তু বিজ্ঞান বা বিদ্যা-চর্চার জন্ত বিবাহ করেন নাট, এরূপ বড় পণ্ডিত পাশ্চাত্যদেশেও আছে, বোধ হয়, তাঁহাদের সংখ্যা আমাদের দেশ অপেক্ষা বেশী। বাস্তবিক আমাদের বিবাহপদ্ধতি এবং গৃহধর্ম বড় সাধনার অন্তরায় না হইয়া বরং অশুকুল বলিয়া মনে হয়। কোর্টশিপ, বিফল প্রণয় এবং অবৈধ প্রণয়ে পাশ্চাত্যদেশে অনেক সময় এবং উচ্চম বৃথা নষ্ট হয়, সে ক্ষতি আমাদের দেশে হয় না। আজকাল জীবনসংগ্রাম তীব্রতর হওয়াতে অল্পবয়সে বিবাহের ফলে যৌবনেই অনেকে পুত্র-কন্যার ভারগ্রস্ত হয়েন সত্য, কিন্তু ইহা যেমন এক দিকে কষ্টকর হয়, অপর দিকে উচ্চমের উত্তেজক হইয়া শুভ ফল প্রদান করে। বিবাহের বয়স বাড়াইয়া দিলে এই কষ্ট কিয়ৎপরিমাণে লাঘব হয় সত্য, কিন্তু অনেকগুলি নূতন অসুবিধা আসিয়া পড়ে,—তাহাদের মিলিত গুরুত্ব আরও বেশী। আজকালকার জীবন-সংগ্রামের তীব্রতা সকলের সুবিদিত। যদি সমাজে স্ত্রী-পুরুষের বিবাহের বয়স অনির্দিষ্টভাবে বাড়াইয়া দেওয়া হয় এবং বিবাহ সম্পূর্ণভাবে বাস্তবিক ইচ্ছার উপর নির্ভর করে, তাহা হইলে অনেক পুরুষই বিবাহবন্ধনে আবদ্ধ হইতে স্বীকৃত হইবে না। কারণ, বিবাহে যেমন এক দিকে সুখ আছে, সেইরূপ একটা দায়িত্বও আছে। আজকালকার আর্থিক অসুবিধার দিনে সে দায়িত্ব অনেক স্থলে খুব কষ্টকর হয়। প্রাচীনকালের ব্রহ্মচর্যের সাধনা এবং আদর্শও নাই। আধুনিক শিক্ষার ফলে কষ্টকর দায়িত্ব স্বীকার না করিয়া ফাঁকি দিয়া সুখ-সংগ্রহের চেষ্টাই খুব বেশী রকম দেখিতে পাওয়া যায়। এ জন্য পুরুষদের বিবাহ করিবার অনিচ্ছার ফলে এক দিকে সমাজে দুর্নীতির বৃদ্ধি হইবে, অপর দিকে অবিবাহিতা বয়স্ক কন্যার সংখ্যা বাড়িয়া যাইবে। অবিবাহিতা বয়স্ক কন্যার সংখ্যাবৃদ্ধি হইলে এক প্রধান অসুবিধা এই যে, পিতামাতার অবর্তমানে এই সকল কন্যা জীবিকার জন্ত অত্যন্ত বিপদগ্রস্ত হইয়া পড়েন—বিশেষতঃ আজকালকার আর্থিক অস্থিরতার দিনে। মেয়েরা অবশ্য লেখাপড়া শিখিয়া চাকরী করিতে পারেন। কিন্তু সকলের চাকরী পাওয়া কঠিন। অধিকতর চাকরীর জন্য পরের ঘরস্থ হইলে আত্মসম্মান রক্ষা করা দুঃসহ—পুরুষ অপেক্ষা স্ত্রীলোকের পক্ষে তাহা বেশী লজ্জার বিষয় এবং বাহা আরও আশঙ্কার বিষয়, চাকরীর উমেদার হইলে রমণীগণকে অনেক সময় প্রলোভনের মধ্যে পড়িতে হইবে।

রবি বাবু বলিয়াছেন,—“এখন সময় এসেছে, নূতন ক’রে বিচার করবার ও বিজ্ঞানকে সহায় করবার, বিশ্বলোকের সঙ্গে চিন্তার ও অভিজ্ঞতার মিল ক’রে ভাববার।” কিন্তু এই ভাবে বিচার করিলেও আমাদের বিবাহপদ্ধতি পরিবর্তন করিবার যথেষ্ট কারণ পাওয়া যাইবে বলিয়া মনে হয় না। বিজ্ঞান সম্বন্ধে রবি বাবু এই প্রবন্ধেই বলিয়াছেন যে, আমাদের বিবাহপদ্ধতি আধুনিক Eugenics বা বিজ্ঞানসম্মত। “বিবাহে সুসন্তান হবে, এই যদি লক্ষ্য হয়, তাহলে কামনা-প্রবর্তিত পথকে (অর্থাৎ পাশ্চাত্য প্রথাকে) নিষ্ঠুরভাবে বাধা না দিলে চলবে না।” সুসন্তান উৎপাদন করা যে বিবাহের প্রধান লক্ষ্য, ইহা রবি বাবু বোধ হয় স্বীকার করিবেন না। আমাদের প্রথা যদি এই প্রধান লক্ষ্যের অনুকুল হয়, তাহা হইলে তাহা পরিবর্তিত করিবার প্রয়োজন নাই। আমাদের বিবাহপ্রথা এবং স্ত্রী-পুরুষের অবাধে মেলামেশা করিবার সম্বন্ধে নিষেধ কেবল সুসন্তান উৎপাদনের পক্ষে অনুকুল নহে; বাস্তবিক সুখ, পারিবারিক শান্তি, আধ্যাত্মিক উন্নতি সকলের পক্ষে সহায়ক।

বিশ্বলোকের সঙ্গে চিন্তা ও অভিজ্ঞতার মিল করিয়া ভাবিবার কথা রবি বাবু বলিয়াছেন। তাহাতেও বিশেষ আপত্তি নাই। পাশ্চাত্য দেশে স্বাধীন প্রণয়ের বিবাহের ফল কিরূপ দাঁড়াইয়াছে, তাহা বিবেচনা করিলে তাহাদের প্রথা বাস্তবিক বলিয়া মনে হইবে না। স্বাধীন প্রণয় এবং অবাধে মেলামেশার ফলে অনেক স্থলে বিবাহের বন্ধন অত্যন্ত শিথিল হইয়াছে। Divorce বা স্বামি-স্ত্রীর বিচ্ছেদের সংখ্যা অনেক বাড়িয়াছে। সে দিন ‘Tribune’ সংবাদপত্রে দেখিলাম, আমেরিকার যুক্তরাজ্যে প্রতি সাতটি বিবাহে একটি করিয়া ছাড়া-ছাড়া হয়। পাশ্চাত্য সভ্যতা ভারতীয় সভ্যতার তুলনায় নবীন। এই অল্পদিনের মধ্যে তাহাদের বিবাহপদ্ধতির কুফল অত্যন্ত পরিস্ফুট হইয়াছে। দাম্পত্য অশান্তির বিষে সমাজদেহ জর্জরিত, কিন্তু সহস্র সহস্র বৎসর ধরিয়া আমাদের যে বিবাহপদ্ধতি চলিয়া আসিয়াছে, এত দিনেও তাহার বেশী পারাপ ফল কিছু দেখা যায় নাই। রবি বাবুর বোধ হয় চোখে কল্পনার বালি পড়িয়াছিল, তাই আমাদের “গার্হস্থ্যের আবের্ষে প্রতিদিন বড় বড় নৌকাডুবি” এবং অনেক “ছুঃসহ ট্রাজেডি” দেখিয়াছেন। সমাজে শৃঙ্খলা এবং গৃহে শান্তির পক্ষে আমাদের পদ্ধতিই অধিক উপযোগী বলিয়া মনে হয়।

বিবাহপ্রথার আলোচনা করিয়া তাহার পর রবি বাবু হিন্দুসমাজের অবরোধ-প্রথার আলোচনা করিয়াছেন এবং বলিয়াছেন যে, হিন্দু-সমাজে স্ত্রী-পুরুষের অবাধে মেলামেশা নাই বলিয়া হিন্দুসমাজ নির্জীব হইয়া পড়িয়াছে। তিনি বলেন যে, বীরের বীরত্ব, কন্যার কর্শ্মোচ্চম, রূপকারের কলাকৃতিত্ব প্রভৃতি সভ্যতার সব বড় বড় চেষ্টার পিছনে নারীপ্রকৃতির গুঢ় প্রবর্তনা আছে। ভারতে প্রাচীনকালে অনেক বীর-পুরুষ নারীর গৌরব রক্ষা করিবার জন্য অসাধারণ বীরত্ব প্রদর্শন করিয়াছেন—সেই সকল বীরত্বের কাহিনীতে রাজপুতানার ইতিহাস সমৃদ্ধ হইয়া রহিয়াছে। অবরোধপ্রথা তখনও ছিল, সমাজে স্ত্রী-পুরুষ কখনই অবাধে মেলামেশা করিত না, তাহা সত্ত্বেও নারীর প্রভাব, বীরত্ব উদ্বুদ্ধ করিতে সমর্থ হইয়াছিল। অতএব নারীগণ সম্মুখে আসিয়া প্রশংসা না করিলে যে পুরুষের চিন্তে বীরত্বের ক্ষুর্ভি হইতে পারে না, তাহা নহে। ইসলামের ইতিহাসে বীরত্বের দৃষ্টান্ত বিরল নহে, ইসলামীদের মধ্যে অবরোধপ্রথা হিন্দুদের অপেক্ষাও কঠোর। নারীগণ প্রকাশ্যে আসিয়া বীরত্বের সংবর্দ্ধনা করিলে তাহাতে কিছু কুফলও হইতে পারে। কারণ, নারীর সংস্পর্শে পুরুষের চিন্তে বেরূপ বীরত্বের ক্ষুর্ভি হইবার সম্ভাবনা আছে, সেইরূপ রূপলাগসারও উদ্বেক হইবার আশঙ্কা থাকে। বিগত যুগোপীর মহাসমরের জয়যোষণা করিবার জন্য ইংলণ্ডে যে উৎসব হইয়াছিল, তাহাতে নারীগণ

সৈনিকদের প্রশংসা কিছু অতিরিক্ত মাত্রায় করিয়াছিলেন—অনেক বৈদেশিক সে দৃশ্য দেখিয়া লজ্জায় অধোবদন হইয়াছিলেন। বারমণ্ডাল কবিতা লিখিতে রমণীগণের নিকট উৎসাহ পাইয়াছিলেন সত্য, কিন্তু সে উৎসাহটুকু সমাজকে যে অতিরিক্ত মূল্যে ক্রয় করিতে হইয়াছিল, তাহা কে অস্বীকার করিবে? যুরোপীয় কবি-সমাজে আধ্যাত্মিক কবি, বলিয়া গোটের (Goethe) যথেষ্ট সূখ্যাতি আছে। তাঁহার জীবন-চরিত পাঠ করিলেও পাশ্চাত্য সমাজে স্ত্রী-পুরুষের অবাধে মেলামেশার কুসল অতিশয় সুস্পষ্টভাবে দেখা দেয়। কথা এই যে, দেব-ভাব এবং পশুভাব উভয়ের মিলনেই মানবপ্রকৃতি গঠিত হইয়াছে। প্রায় সকল লোকের চিত্তেই পশুভাব বিদ্যমান, কাহারও মধ্যে তাহা বেশী স্পষ্ট, কাহারও মধ্যে তাহা লুকায়িত বা সূপ্ত। যে স্ত্রীর যুবক ভাল কবিতা রচনা করিতে পারেন এবং গীত গাহিতে পারেন, তিনি যদি ধর্মজ্ঞানবর্জিত হয়েন, তাহা হইলে অবাধে স্ত্রীলোকের সহিত মেলামেশার সুযোগের অপব্যবহার করিয়া তিনি সমাজের যথেষ্ট সর্বনাশ করিতে পারেন এবং করিয়াও থাকেন। অনেক যুবতী কুমারী মনে করিতে পারেন, ইনি সত্যই আমাকে ভালবাসেন এবং শীঘ্রই আমাকে বিবাহ করিবেন। মুন্সী রমণী ইহাও মনে করিতে পারেন যে, প্রেমের অত্যাচার এবং অসহিষ্ণুতা একটু সহ্য না করিলে চলিবে কেন? এই ভাবে পদে পদে অগ্রসর হইয়া অনেক রমণীকে গভীর পক্ষে নিমগ্ন হইতে হইয়াছে। বেশী বিপদের কথা এই যে, এরূপ ক্ষেত্রে পুরুষ অনেক সময় মনে করেন, তিনি সৌন্দর্যের চর্চা করিতেছেন বা যুবতী-স্বপ্নের মনস্তত্ত্ব বিশ্লেষণ করিবার সুযোগ পাইয়াছেন। তিনি যে পরের সর্বনাশ করিতে গিয়া আত্মপ্রবঞ্চনামাত্র করিতেছেন, তাহা নিজেও অনেক সময় বুঝিতে পারেন না। কলাবিদ্যা (Fine Arts) বা সৌন্দর্য-চর্চার দোহাই দিয়া তথাকথিত সভ্যসমাজে কেবল ইল্লিয়জ্জ নিকৃষ্ট সূখ এবং রূপলালসাকে প্রথমে দেওয়া হয়—ঐকিকল্প টলটুয় এই যে গুরু অভিযোগ আনিয়াছিলেন, তাহার মধ্যে অন্ততঃ এইটুকু সত্য নিশ্চয়ই নিহিত ছিল যে, যুরোপীয় সমাজে কবি, অভিনেতা, চিত্রকর প্রভৃতি শিল্পীগণ সমাজে রমণীগণের সহিত অবাধে মেলামেশা করিবার সুযোগের যথেষ্ট অপব্যবহার করিয়াছিলেন এবং শিক্ষিত রমণীগণ তাঁহাদের প্রতিভার সমাদর করিতেন বলিয়াই এরূপ আচরণ করিতে সমর্থ হইয়াছিলেন। সমাজে দুর্নীতি যদি বাড়িয়া যায়, গৃহের পবিত্রতা, সুখ ও শান্তি যদি বিনষ্ট হয়, তাহা হইলে উৎকৃষ্ট কাব্য-নাটক-আলেখ্য লইয়া কি হইবে? কিন্তু ইহা কি যথার্থ যে, শিল্পকলার চর্চা করিতে গেলে সমাজে দুর্নীতির প্রসার অনিবাধ্য? ভারতের অতীত ইতিহাসের প্রতি দৃষ্টিপাত করিলে ইহা সত্য বলিয়া মনে হয় না। রামায়ণ, মহাভারত, ভাগবত, বিষ্ণুপুরাণ প্রভৃতি গ্রন্থ প্রচারের সহিত হিন্দুসমাজে ধর্মভাব গভীরতা এবং বিশালতা লাভ করিয়াছিল। সাধনা বেরূপ হয়, সিদ্ধিও সেইরূপ হইয়া থাকে। প্রাচীন ভারতে কাব্য, ভাষ্য প্রভৃতির উদ্দেশ্য ছিল—শিল্পকলার লোভ দেখাইয়া মানব-মনকে ঈশ্বরের দিকে আকৃষ্ট করা, ফলও সেইরূপ হইয়াছিল। পাশ্চাত্য দেশে সুখের জন্যই শিল্পকলার চর্চা হইয়াছে, এ জন্য অনেক স্থলে ধর্ম এবং স্ত্রীতিকে পরাভব করিয়া শিল্পকলা নিজের বিজয়-কীর্তি ঘোষণা করিয়াছে।

কেবল রামায়ণ-মহাভারতের যুগে নহে, তাহার বহু শতাব্দী পরেও ভারতবর্ষের শিল্প-কলায় ধর্মের আদর্শ অক্ষুণ্ণ রহিয়াছিল। তাহার ফলে কোটি কোটি অর্থ ব্যয় করিয়া ভারতবর্ষের আসন্ন হিমাচল অগণিত সুগঠিত দেবমন্দিরে সুশোভিত হইয়াছে। কালিদাস, ভবভূতি প্রভৃতি মহাকবিগণ মানবধর্মী ঈশ্বরের নায়ক-নায়িকা সৃষ্টাইয়াছেন এবং সকল কাব্যে ধর্মকে শ্রেষ্ঠ আসনে বসাইয়া কামের উপযুক্ত স্থান ধর্মের নীচে এবং ধর্মের অসুগত বলিয়াই নির্দেশ করিয়াছেন।

স্ত্রী-পুরুষের অবাধে মেলামেশা তখনও সমাজে ছিল না, তথাপি অসংখ্য উৎকৃষ্ট কাব্য গ্রন্থ রচিত হইয়াছিল, বিবিধ শিল্প যথেষ্ট উন্নতি লাভ করিয়াছিল। রবীন্দ্রনাথ যে বলিয়াছেন,—“সভ্যতার সমস্ত বড় বড় চেষ্টার পিছনে নারীপ্রকৃতির গুঢ় প্রবর্তনা আছে”, এ কথা অস্বীকার ভারতবর্ষের সভ্যতা সম্বন্ধে আমরা স্বীকার করিতে পারি না। আমাদের সভ্যতার—গৌরবের বস্তু উপনিষদ, দর্শনশাস্ত্র, গীতা, ভাগবত; ইহাদের মধ্যে নারীপ্রকৃতির গুঢ় প্রবর্তনা আছে বলিয়া মনে হয় না। অপেক্ষাকৃত আধুনিক যুগে যে বৈষ্ণবধর্মের তরঙ্গ নবমীপ হইতে উথিত হইয়া বাঙ্গালাদেশ, আসাম ও উড়িষ্যা প্রাণিত করিয়াছিল, সুদূর বৃন্দাবনে যুগান্তর ঘটাইয়াছিল,—কাব্য, সঙ্গীত এবং স্থাপত্য-শিল্পের উৎস খুলিয়া দিয়াছিল, তাহার মধ্যেও নারীপ্রকৃতির গুঢ়-প্রবর্তনা কিছু ছিল বলিয়া মনে হয় না। উত্তর-ভারতের একটি শ্রেষ্ঠ সম্পদ তুলসীদাসের রামায়ণ। ইহার মধ্যে নারীপ্রকৃতির প্রবর্তনা ছিল, কিন্তু রবি বাবু যে অর্থে বলিয়াছিলেন, তাহার বিপরীত অর্থে। অর্থাৎ রমণীর মনোরঞ্জন করিবার জন্য তুলসীদাস রামায়ণ লিখেন নাই, প্রত্যুত তাঁহার সহধর্মিণী তাঁহার জ্ঞাননেত্র উন্মীলন করিয়া দিয়াছিলেন; দেখাইয়া দিয়াছিলেন যে, জগতে রমণীর প্রেম অতি অসার বস্তু। তাই ভারতবর্ষ এই মহারঙ্গ লাভ করিয়াছিল। তার পর এই সে দিন এক নিরঙ্কর ব্রাহ্মণ দক্ষিণে যেরূপে যে ভক্তির প্রদীপ জ্বালিয়াছিলেন, যাহার সংস্পর্শে নিজ হৃদয়ে জ্ঞানের আলোক জ্বালিয়া বিবেকানন্দ কেবল ভারতবর্ষ নহে, পাশ্চাত্যজগৎও চমকিত করিয়া দিলেন, তাহার পিছনেও নারীপ্রকৃতির গুঢ় প্রবর্তনা কিছু ছিল না। রবি বাবু অবশ্য শিশুকলাকে লক্ষ্য করিয়াই এই কথা বলিয়াছিলেন। কিন্তু মস্ত ভুল করিয়াছেন এই যে, “সভ্যতার সমস্ত বড় বড় চেষ্টাকে” শিশুকলার অন্তর্গত মনে করিয়াছিলেন। জগতের সর্বপ্রধান ধর্ম্মান্দোলনগুলি কি সভ্যতার বড় বড় চেষ্টার অন্তর্গত নহে? এই সকল ধর্ম্মান্দোলনগুলির মূলে যে নারীপ্রকৃতির গুঢ় প্রবর্তনা ছিল না, ইহা বোধ হয় রবি বাবুও অস্বীকার করিবেন না। বুদ্ধ ও মহাবীর, বীশু ও মহম্মদ, শঙ্করাচায়া ও রামানুজ, ইহাদের চেষ্টার পশ্চাতে নারী-প্রকৃতির কোন গুঢ় প্রবর্তনা ছিল কি?

রবি বাবু বলিয়াছেন, “আমাদের দেশে কামিনী-কাঞ্চনকে স্বন্দ-সমাসের সূত্রে গেঁথে নারীকে ইতর ভাষায় অপমান করতে পুরুষ কৃষ্ণিত হয় না।” নারীকে অপমান করে তাহারা,—যাহারা তাহাদের পশুপ্রবৃত্তি চরিতার্থ করিবার উপায়রূপে নারীকে চিন্তা করে এবং যাহারা চিত্র আঁকিয়া বা কবিতা লিখিয়া পুরুষের এই পশুপ্রবৃত্তির ইন্ধন যোগাইয়া দেন। যাহারা চোখে আঙ্গুল দিয়া পুরুষের এই পশু-ভাব দেখাইয়া দেন এবং বলেন, “তোমরা এই পশুপ্রবৃত্তি তাগ করিয়া নারীকে মাতৃভাবে দেখিতে চেষ্টা কর”, তাহারা ত নারীকে অপমান করেন না। তাহারা নারীকে সংসারের পঙ্কিল আসন হইতে উত্তোলন করিয়া দেবীর আসনে প্রতিষ্ঠিত করেন। কাঞ্চনের সহিত কামিনীর উল্লেখ করিবার কারণ এই যে, নারী এবং অর্থের প্রতি অস্থায় আসক্তি পুরুষের আধ্যাত্মিক উন্নতির প্রবলতম অন্তরায়। এই দুইটি অস্থায় আসক্তি ত্যাগ করিতে বলিবার মধ্যে ইতর ভাব কোথায়? রবীন্দ্রনাথ যাহাদের বিরুদ্ধে নারীকে ইতর ভাষায় অপমান করিবার অভিযোগ আনয়ন করিয়াছেন, তাহাদের মধ্যে সর্বপ্রধান ব্যক্তি বোধ হয় রামকৃষ্ণ পরমহংস। যে সর্বভাগী মহাপুরুষ জগতের যাবতীয় নারীর মধ্যে জগন্মাতার মুক্তি প্রত্যক্ষ করিয়াছিলেন, তিনি কি কখনও নারীকে ইতর ভাষায় অপমান করিতে পারেন? রবি বাবু বলিয়াছেন, “(নারীকে) ত্যাগ করার দ্বারা সে (পুরুষ) যে আত্মহত্যা করে, তা সে জানেই না।” আমাদের ত মনে হয়, বুদ্ধদেব গোপাকে ত্যাগ করিয়া, ঐচ্ছিকভাবে বিষ্ণুশিষ্যকে ত্যাগ করিয়া, পরমহংসদের সারদা

দেবীকে তাগ করিয়া আত্মহত্যা করেন নাই, অমর হইয়া গিয়াছেন। শুধু যে তাঁহারা অমর হইয়াছেন, তাহা নহে, তাঁহারা বাঁহাদিগকে তাগ করিয়া গিয়াছেন, তাঁহারাও সত্য সত্যই দেবীভাব প্রাপ্ত হইয়াছেন। গোপাল শেষ জীবনে ধর্মভাব সাতিশয় প্রবল হইয়াছিল। বিষ্ণুপ্রিয়ার কঠোর ধর্মসাধনার কথা পাঠ করিলে চক্ষু অশ্রুভারাক্রান্ত হয়। সারদা দেবীর পুণ্যকাহিনী শ্রবণ করিলে বৃষ্টিতে পান্না যায়, তিনি অধ্যাত্মজগতের কত উচ্চ স্তরে আরোহণ করিয়াছিলেন। পরমহংসদেব যে নারীকে ইতর ভাবে অপমান করেন নাই, সত্য সত্যই জগন্মাতৃরূপে পূজা করিয়াছিলেন, তাহার কি ইহাই প্রকৃষ্ট প্রমাণ নহে যে, তাঁহার স্ত্রী জগন্মাতৃভাব নিজস্বদয়ে স্বপার্থভাবে উপলব্ধি করিতে সমর্থ হইয়াছিলেন? কারণ, তুমি অপরকে গভীর শ্রদ্ধার সহিত যে ভাবে নিরীক্ষণ করিবে, তোমার উপর যদি তাহার বিশ্বাস থাকে, তাহা হইলে সে সত্যই সেই ভাবাপন্ন হইয়া যাইবে। ফলতঃ এ বিষয়ে রবি বাবুর মত কেবল হিন্দু-ধর্মের বিরোধী নহে, ব্রাহ্মধর্ম বাতীত বোধ হয় পৃথিবীর সকল প্রধান ধর্মমতের বিরোধী।

রবি বাবুর এই প্রবন্ধটির কোন কোন অংশ পাঠ করিলে মনে হয়, যেন তিনি বিবাহ বিষয়ে পাশ্চাত্য প্রথাও যথেষ্ট উদার বলিয়া বিবেচনা করেন না, তাহাদের নিয়মবন্ধনগুলিও তিনি উঠাইয়া দিবার পক্ষপাতী। “সকল সমাজেই বিবাহ-প্রথা সেই কালের, যখন মানুষ জীবনের পালনামণ্ডে নিরন্তর প্রকৃতির opposition bench অধিকার করে নিজের কর্তৃত্ব জাহির করিবার চেষ্টা করত।” “মানুষের সব চেয়ে বড় দুঃখ-দুর্গতি, বড় অপমান ও গ্লানি নরনারীর এই বিবাহ সম্বন্ধেই।” “কিন্তু যাঁরা মানব-সমাজে, আধ্যাত্মিকতা বিশ্বাস করেন, তাঁরা বিবাহ সম্বন্ধকে পাশব বলের অত্যাচার থেকে মুক্ত করে দিয়ে সমাজে প্রেমের শক্তিকে সত্যভাবে বিকীর্ণ করবার উপায় অন্বেষণ করবেন, তাতে সন্দেহ নাই।” “বিবাহ অনুষ্ঠানে এগনও সমস্ত প্রথার অভ্যাসে ও আইনে আমরা বন্দর যুগে আছি।” কথাগুলি পূর্ব পরিষ্কারভাবে বৃষ্টিতে পারিলাম না। স্মৃতিতে পাঠ, আজকাল পাশ্চাত্যদেশের যে সকল লেখক পূর্ব উন্নত ও অগ্রসর, তাঁহাদের মধ্যে কেহ কেহ একরূপ মত দিয়াছেন যে, বিবাহ-প্রথাটাই উঠাইয়া দেওয়া উচিত। কারণ, স্ত্রীপুরুষের মধ্যে একবার প্রেমের সঞ্চার হইলে যে চিরকাল প্রেম অক্ষুণ্ণ থাকিবে, তাহার কোন মানে নাই এবং পরস্পর প্রেম যদি না থাকে, তাহা হইলে বিবাহের বন্ধন বড় অনিষ্টকর। তাহাদের না কি মত এইরূপ, যে সময়েই যে কোন স্ত্রীপুরুষের মধ্যে ভালবাসা হইবে, তখনই তাহাদিগকে মিলিত হইতে দেওয়া উচিত, তাহাদের মিলনে কোনরূপ বাধা উপস্থিত করিবার সমাজের অধিকার নাই। রবি বাবু কি এই ধরণের মতের প্রতি সহানুভূতি প্রকাশ করিয়াছেন এবং জগতে এইরূপ স্বাধীন প্রেমের প্রচার আকাঙ্ক্ষা করিয়াছেন? ইহা যদি সত্য হয়, তাহা হইলে আমরা অত্যন্ত দুঃখিত হইব সন্দেহ নাই। সে বাহাই হউক, কথাটা রবি বাবু আর একটু স্পষ্ট করিয়া বলিলে ভাল হয়।

শ্রীবসন্তকুমার চট্টোপাধ্যায়।

বর্গা-জমী-সমস্যা

বঙ্গীয় প্রজাসভা আইনের কোন কোন ধারার কিছু কিছু অদল-বদল ও সংযোগ-বিয়োগ করা হইবে, এই উদ্দেশ্যে বাঙ্গালা সরকার হইতে উক্ত আইনের পরিবর্তন ও পরিবর্তনের ধারাগুলি কলিকাতা গেজেটে প্রকাশিত হইয়াছে।

বিলাটি বাঙ্গালা ব্যবস্থাপক সভার সভাগণ কর্তৃক বিচারিত হইয়া গ্রহণীয়গুলি গৃহীত ও বর্জনীয়গুলি পরিত্যক্ত হইবে। সম্প্রতি ব্যবস্থাপক

সভার নির্বাচিত কয়েক জন সভ্যের মধ্যে এই বিলাটি বিবেচনাধীন ছিল—পরে সাধারণ সভ্যদের দ্বারা বিচারিত হইবে।

বিলাটির কিছু কিছু পরিবর্তনে জমীদার ও প্রজা উভয়েরই কিছু কিছু সুবিধা-অসুবিধা হইবে। দেশের মঙ্গলের জন্ত, সর্বসাধারণের হিতের জন্ত প্রজাসভা আইনের উন্নতিকর পরিবর্তনে দেশের সর্বসাধারণ মত দিবে। কিন্তু এই বিলাট দ্বারা কাহারও প্রতি অন্যায় বা পক্ষপাত না হয়, তাহাও বিশেষভাবে লক্ষ্য রাখিতে হইবে।

নিজের জমী-জমাতে অধিকারবৃদ্ধি বা অধিকারচ্যুতি সামান্য কথা নহে। প্রজার হিতার্থ বিলাট গঠন করিতে গিয়া বাঙ্গালার চিরস্থায়ী বন্দোবস্তের কোনরূপ রূপান্তর এ দেশের পক্ষে শুভকর কি না, তাহাও ধীর-ভাবে বিবেচনা।

এ বিলাটের অন্য যে কোন ধারার অপেক্ষা দেশের বর্গা বা ভাগী জমী সম্বন্ধীয় চলিত ব্যবস্থার পরিবর্তনের গুণবই দেশে বিষম উত্তেজনার সৃষ্টি করিয়াছে। বর্গা-জমীর অধিকার-স্বত্ব লইয়া ইতোমধ্যেই জমীর মালিক ও চাষীর মধ্যে নানা ষড়যন্ত্র সূত্রপাত হইয়াছে, বাঙ্গালার কোথাও কোথাও ইহা লইয়া দাঙ্গা-হাঙ্গামা পর্যন্ত চলিতেছে।

সব দেশের লোকই স্থিতি হইবার আশায় কিঞ্চিৎ ভূ-সম্পত্তি করিবার চেষ্টা করে। সব দেশের মত বাঙ্গালা দেশেও এ ব্যবস্থা চলিত আছে। বাঙ্গালার গৃহস্থ-সমাজের মাটির টান অন্যান্য সব দেশের অপেক্ষা বোধ হয় বেশী, তাই বাঙ্গালার অধিকাংশ স্থানে ঘর-বাড়ী, জোতজমা-সম্বন্ধিত স্থিতিশীল গৃহস্থ বেশী দেখা যায়।

বাঙ্গালার চাষী বা অচাষী গৃহস্থ প্রায় সকলেরই কিঞ্চিৎ কিঞ্চিৎ জমী-জমা ও বাড়ী-ঘর আছে। আছে বলিয়াই বাঙ্গালার পল্লীতে এগুনও বসবাস-সমস্যা ও অন্ন-সমস্যা অন্যান্য উন্নত সভ্য দেশের মত ভীষণ হয় নাই।

জমী-জমা ভদ্র গৃহস্থেরও আছে, চাষী গৃহস্থেরও আছে। জমী কিছু থাকিলেই যে তাহাকে হেলে-চাষী হইতে হইবে, এ নিয়ম কার্যকরিত্ব টিকিতে পারে না। জমী যাহার বেশী থাকে, জমী দ্বারা যাহার ভরণ-পোষণ স্বচ্ছন্দে চলিতে পারে, সে গৃহস্থ আপনা হইতেই চাষী গৃহস্থ হয়। যাহার সে উপায় নাই, হাল-চাষের হাঙ্গামা পোহাইবার সুবিধা নাই, তাহাকে বাধ্য হইয়াই জমী অপরকে দিয়া চবাইয়া লইতে হয়।

এই ভাবে যে গৃহস্থ নিজ জমী চাষী গৃহস্থকে আবাদের জন্য দেয়, সেই জমীকেই বর্গা-জমী কহে। এই অবস্থায় জমীর মালিক অর্ধেক শস্ত গ্রহণ করে—চাষী বর্গাদার অর্ধেক শস্ত পায়। কোথাও বা জমীর মালিক শস্তের বদলে মূল্য নির্ধারণ করিয়া তাহাই বর্গাদারের নিকট হইতে লয়।

এই প্রথা দেশে বহুকাল হইতে চলিয়া আসিতেছে এবং এ প্রথা দেশের পরম উপকারও সাধন করিয়াছে। কারণ, জমীর মালিক অর্ধেক শস্ত দিবার বদলে নিজেই দিন-মজুর রাখিয়া জমী চাষ করাইতে পারিত; কিন্তু তাহা না করিয়া সে নিজ শস্তপ্রসূ ভূমির অর্ধেক ভাগ জমীর চাষীকে দিতেছে। চাষীদেরও অনেকের নিজের জমী থাকতেও বর্গা-জমী হইতেই হাল রাখার খরচ পোহাইয়া যায়।

বর্গা-প্রথা এ দেশের অনেকটা ঘরোয়া প্রথা; এবং বিশ্বাসের উপরই বর্গা-প্রথা চলিতেছে। চাষী গৃহস্থ হাতে তুলিয়া বাহা দেয়, জমীর মালিককে তাহাই লইতে হয়। বর্গাদারদের মধ্যেও পূর্বে এ বিশ্বাস খুবই ছিল যে, ঠকাইয়া দুই মুঠা শস্ত বেশী লইলেও নরকভোগ করিতে হইবে।

বাঙ্গালার মধ্যবিত্ত ভদ্র গৃহস্থদের অনেকের এইরূপ কিঞ্চিৎ কিঞ্চিৎ জমী-জমা আছে। আজকাল এই শিক্ষা ও সভ্যতার যুগে উপার্জননের অল্পতা বাহা দাঁড়াইয়াছে, তাহাতে ‘বল না তারা দাঁড়াই কোথা’ বলিয়া শতকরা পঁচাত্তরই জন শিক্ষিতেরই অন্তরাত্মা কাঁদিয়া উঠে।

দেশে এই জমী-জমাটুকুর ভরসাও যদি না থাকিত, তবে অনেক

ভদ্র পরিবারকে অনাহারে মরিতে হইত, ইহাতে সম্মতের বিদ্ভূত অবকাশ নাই। আজ দেশের অবস্থায় একান্ত অনভিজ্ঞ অথচ দেশের হিতকামী ও প্রজা-হিতকামী বলিয়া আত্মগব্বী কেহ কিংবা দেশের সরকারই যদি কোন ব্যবস্থা দ্বারা ভদ্র গৃহস্থদের মুখের আহার হইতে তাহাকে বঞ্চিত করিবার প্রয়াস পান, তবে তাহাকে কোন্ দিক দিয়া হিতকর বলা যাইতে পারিবে ?

দেশের সকলের পক্ষে চাষী হওয়া যেমন অসম্ভব, তেমনই চাষী মাত্রেরই জমীর মালিক হওয়া অসম্ভব। কারণ, জমী বাহারা নিজ হাতে চাষ করে, তাহাদেরও শতকরা নব্বই জন দিন-মজুর।

যে সব সমীকরণবাদী প্রজা-দরদী সাজিয়া এই সব বাণী প্রচার করিয়া আসর জমাইতে চাহিতেছেন, তাহারা এই ভাবে চাষী প্রজার কি উন্নতি করিতে সমর্থ হইবেন, তাহা বুঝা দুর্ঘট। তাহাদিগকে একথা বিশেষভাবে বলা যাইতে পারে যে, বাঙ্গালার এ প্রথা কৃষি-উন্নতির সহায়ক, ক্ষতিকর নিশ্চয়ই নহে।

নিজে চাষ কেহ করে না বলিয়াই তাহাকে নিজ অর্জিত বা পিতৃ-পুরুষের জমী ছাড়িতে হইবে, এরূপ প্রস্তাব কোন্ নীতি অনুমোদন করিবে ? তবে ব্যাঙ্কে গচ্ছিত মুদ্রা এবং অপরাপর সর্বপ্রকার ভূসম্পত্তিতেই যদি এইরূপ সমীকরণ আইসে, তবে কোন রকমে পেট-ভাতা বাহাদের জমী দিয়া চলিতেছে, তাহারাও না হয় এই মহামুভবতা দ্বারা পড়িয়া দেখাইতে পারে !

কিন্তু সেরূপ কোন ব্যবস্থাও শুধু মুখে মুখে করিলে চলিবে না। ষ্টেট বা রাজশক্তিকে এই ভার লইতে হইবে। কোন্ রাজশক্তি সৃষ্টি-চিন্তে এ ভার লইতে আসিবেন ?

গতবার সরকার যখন প্রজাস্বত্ব-আইনের পরিবর্তনের বিষয় উপস্থাপিত করিয়াছিলেন, তাহাতে এই বর্গা-জমীর ভাগ-ব্যবস্থার ও নূতন বিধি প্রবর্তনের কথা ছিল। তখন বর্গা-জমীর ব্যাপার লইয়া দেশে বিপুল বিক্ষোভ আরম্ভ হইয়াছিল। গ্রামবাসীদের মধ্যেই এ ভয় বেশী হইয়াছিল। বৎসরের পেটের ভাত যাহা হইতে চলিবে, অনেক মধ্যবিত্ত লোক সেই জমীও ভয়ে বর্গা দিতে পারিতেছিল না। এ সম্বন্ধে নানা গুজব রটিয়াছিল। পল্লীবাসীদের ধারণা হইয়াছিল, গবর্ণমেন্টই এই সমস্ত অন্যায়ে চাষিকারি নাড়িতেছেন। যাহা লইয়া দেশে এত আলোচনা, ভীতি, উৎকণ্ঠা, তাহার সত্য স্বরূপটা কি, সে সম্বন্ধে দেশের জনসাধারণ বিশেষ কিছুই বুঝিতে পারে নাই।

এবারকার বিল যতটা দেখিয়াছি, তাহাতে বর্গা-জমীর সম্বন্ধীয় ব্যবস্থার কোন পরিবর্তনের কথা পাই নাই। তবে পশ্চিম-বঙ্গের কোন কোন স্থানে জমীদারকে পাজনা টাকায় দেওয়ার পরিবর্তে উৎপন্ন শস্যের কতকাংশ দিবার ব্যবস্থা আছে। বর্তমান বিলে শস্যের পরিবর্তে পাজনা টাকায় রূপান্তরিত করিয়া লওয়ার বিধি আছে। পাজনা হিসাবে জমীদারের অর্থপ্রাপ্তিই বোধ হয় সুবিধাজনক। স্থানীয় অন্তর্গত বিবেচনায় ব্যবস্থা ধাৰ্য হইবে। কিন্তু ইহাতে বর্গা-জমীর কোন কথা আইসে না। বর্গা-জমী পাজনা করিয়া প্রজাকে দেওয়া নহে—পরিশ্রমের মূল্য অর্থে না দিয়া শস্য দেওয়া মাত্র। বর্গা-জমীর ব্যবস্থা সম্পূর্ণ অনারূপ।

গতবার এই বিল পরিত্যক্ত হইলে বুঝা গিয়াছিল, বঙ্গীয় প্রজাস্বত্ব আইনের যে পরিবর্তন হইবার কথা ছিল এবং যাহা লইয়া জমীর মালিকদের মধ্যে মহা আতঙ্কের সৃষ্টি হইয়াছিল, সে ভয় সংপ্রতি কাটিয়া গিয়াছে। এখন নিঃশঙ্ক অবস্থায় আবার জমীর মালিকরা বর্গাবিলি করিতে পারিবেন। যে চাষ করিবে, আইনের বলে সেই জমীর মালিক হইতে পারিবে না। আইনে এই ভাবে যে ব্যবস্থা হইবার কথা উঠিয়াছিল, তাহা পরিত্যক্ত হইয়াছে। দেশের একটা মহা দুর্ভাবনা ও চাকলোর কারণ দূর হইল। এই সুকবস্তার কথা সরকারের দেশময় প্রচার করিয়া দিয়া দেশের বিক্ষোভ দূর করা

কর্তব্য। আপনাদিগের মধ্যে মারামারি-কাটাকাটি দাঙ্গা-মোকর্দমার সত্ত্ব কারণ সংপ্রতি দূর হইল।

আবার বর্তমানে এই বিলের কথা উঠিতেই দেশময় এই বিক্ষোভ আরম্ভ হইয়াছে। জমীর মালিক ভয় করিতেছে, জমী চাষ করিতে দিলেই তাহা বর্গাদারের হইবে, বর্গাদার চাষী ভাবিতেছে, কাঁকতালে এতগুলি জমীলাভ—মন্দ কি! জমীর লোভে কৃষাণ দাঙ্গাহাঙ্গামা মামলা-মোকর্দমা করিতে খুব কমই ভীত হয়।

বিধবা, অনাথা,—ইহাদের অনেকের সম্বল এইরূপ দুই চারিখানি জমী মাত্র। এমন অনেক লোক আমাদের দেশে আছে, তাহাদের জমী অনেক স্থলে এই আইন-পরিবর্তনের গুজবে বর্গাদারের কবলে শক্তভাবে পড়িয়াছে।

অনেক জমীর মালিক জমী পতিত রাগিতেছে, তবু ভাগ চাষীকে দিতেছে না। এই ভাবে পরসম্পত্তিলোপ নহে, এমন অনেক বর্গাদারও চাষের জমী পাইতেছে না। দেশের পক্ষে এ অবস্থা সাংঘাতিক হইয়া দাঁড়াইয়াছে।

প্রজাস্বত্ব আইনের পরিবর্তন বিলে এমন অনায়াস ব্যবস্থা থাকিতে পাবে না বলিয়াই আমাদের ধারণা। যদি তাহাই হয়, তবে সরকারের অবিলম্বে তাহা দেশময় প্রচার করিয়া এই বিক্ষোভ দূর করা উচিত।

পরসম্পত্তি অধিকারের স্বপ্ন বা নিজ সম্পত্তির অধিকারচাতি ভীতি দেশের সর্বত্র সংক্রান্ত হইলে তাহার ফল বড় বিষময় হইবারই সম্ভাবনা।

শ্রীজ্ঞানেন্দ্রনাথ চক্রবর্তী।

বাণী-মঞ্জুষা

মৈমনসিংহে রবীন্দ্রনাথ

মুক্তির জন্য মানুষ দুর্দমনীয় আকাঙ্ক্ষা পোষণ করিয়া আসিয়াছে। মানুষের সহিত পশুদের প্রভেদ এই স্থানে—মানুষ আত্মার বলে জয়ী হইতে চাহে। যে মানুষ তাহার আশা-আকাঙ্ক্ষাকে নির্দিষ্ট সীমা ও সাময়িক-অভাবের মধ্যে আবদ্ধ রাগিতে চাহে, সে নিতান্ত দরিদ্র। যখন সে স্বার্থের ক্ষুদ্র গণ্ডীর প্রভাব অতিক্রম করে, তখনই সৌন্দর্য ও গৌরবে মগ্নিত হয়। প্রাচীন ভারতের আধ্যাত্মিক দান স্বার্থতাগ। স্বার্থমুক্ত বিপজনীন আত্মা প্রকৃত শক্তি প্রদান করে—পূর্ণতা আনয়ন করে। এক দিন ভারত এই শিক্ষা দিয়াছিল। আমাদেরকে এখন সেই শিক্ষায় অনুপ্রাণিত হইতে হইবে।

অভয়াশ্রমে রবীন্দ্রনাথ

কোনও দেশে জন্মগ্রহণ করিলেই যে লোকের উহা স্বদেশ হয়, তাহা নহে, লোক নিজের জীবনের কার্য দ্বারা সেই দেশের উন্নতিকল্পে আত্মনিয়োগ করিলে উহা তাহার স্বদেশ বলিয়া পরিগণিত হইতে পারে। আমরা যে ভারতের স্বরূপ উপলব্ধি করিতে পারি নাই, তাহার কারণ এই যে, আমরা প্রত্যহ ভারতকে স্তম্ভ ও সবল করিবার জন্য প্রতি মুহূর্তে ভারতকে গড়িয়া তুলিবার উপকরণ ও উপচার দান করিতে পারি নাই। দেশসেবার দ্বারা আমাদের আত্মানুভূতিকে আচ্ছন্ন করিয়া আমরা ভারতকে আপনার করিয়া লইতে পারি, অনাথা নহে।



কবীন্দ্র রবীন্দ্রনাথ

ডাক্তার রবীন্দ্রনাথ

মানুষ লক্ষ্য পথকে লক্ষ্য বলিয়া ধারণা করিয়াছে বলিয়া জগতে অমঙ্গলের সৃষ্টি হইয়াছে। এষ্ট লাস্ত্র ধারণার জন্য মানুষ অর্থো-পার্জন্যের প্রবল আকাঙ্ক্ষা ও বিলাস-লালসার অনিষ্টকর প্রভাব হইতে মুক্ত হইতে পারে না। মানুষ ভুলিয়া যায় যে, অর্থের ভোগ শাস্তি বা আনন্দ প্রদান করিতে পারে না, অর্থের সম্ভাবহারই যথার্থ আনন্দ প্রদান করে। মানুষ জীবরূপে যেমন ঐহিক অভাব অনুভব করে, তেমনই আধ্যাত্মিক অভাবও অনুভব করে। কিন্তু মানুষ ভুলিয়া যায় যে, ঐহিক অভাব-আকাঙ্ক্ষাকে আধ্যাত্মিক অভাব আকাঙ্ক্ষার মুখোপেক্ষী না করিলে প্রকৃত আনন্দ পাওয়া যায় না। মানুষের মনোরথের সমাপ্তি নাই, তাই সে অর্থের উপর অর্থ সংগ্রহ করিতে উন্মত্ত হয়, কিন্তু সেই অর্থ সে তাহার আত্মার জন্য সম্ভাবহার করে না। তখন সেই অর্থ তাহার উপর অভিসম্পাতের মত বর্ষিত হয়, ফলে প্রয়োজনাতিরিক্ত অর্থের চাপে মানুষ অবসন্ন হইয়া পড়ে। লালসার ফলে তাহার অজীর্ণ রোগ দেখা দেয়। ঐহিক সুখ-সৌভাগ্য যতক্ষণ আধ্যাত্মিক শাস্তি ও আনন্দের অনুযায়ী হয়, ততক্ষণই

তাহার সার্থকতা ও মঙ্গলসাধনের ক্ষমতা থাকে। ইহার বাহিরে গেলেই উহা অনিষ্টকর হয়। আধুনিক জগতে এই সনাতন সত্য স্বীকৃত হয় না বলিয়াই আমরা অগাধ ধর্মের পাখে বিরাট দারিদ্র্য-দুঃখ-কষ্ট, অভাব-অভিযোগ দেখিতে পাই। মানুষ তাহার প্রভাবে দলিত পিষ্ট হইয়া যাইতেছে, আর প্রতীকারের জন্য বলশেভিকবাদের মত বিকৃত পন্থা গ্রহণ করিতেছে। ভারতবর্ষ বহুকাল হইতে এই সনাতন সত্য উপলক্ষি করিয়া আসিতেছে, কিন্তু বর্তমানে পাশ্চাত্যভাবে আচ্ছন্ন হইয়া ভারতবাসী সেই সত্য হইতে লুপ্ত হইতেছে। ফলে নূতন নূতন দুর্দমনীয় ভোগ-বিলাসের আকাঙ্ক্ষার সৃষ্টি হইতেছে এবং তাহাদের অভূষ্টি হেতু ভারতের আধ্যাত্মিক অবনতি ঘটিতেছে। ভারতের পরাধীনতার ইহাই চরম অনিষ্টকর ফল। ভারত অহরের লালসা সঞ্চয় করিয়াছে, অগচ সেই লালসা-ভূষ্টির অনুকূল পন্থা প্রস্তুত করিতে পারিতেছে না। এই পাপ ভীষণ রোগরূপে তাহার জীবনীশক্তি ক্ষুণ্ণ করিতেছে। ভারত পাশ্চাত্য জগৎ হইতে তুচ্ছ খেলানার আমদানী করিয়া শিশুর মত আনন্দ-কলরব করিতেছে। এ মোহ ঘুচাইতে না পারিলে আমাদের পুনর্জীবনলাভ অসম্ভব হইবে—আমাদের স্বরাজ-লাভের আকাঙ্ক্ষাও মরীচিকার মত মিথ্যা হইবে।

কনভোকেশনে

লর্ড লিটন

আমি এ দেশের বিদ্যালয়সমূহ পরিদর্শনকালে দেখিয়াছি যে, এ দেশের ছাত্রগণকে নানা ভাষায় শিক্ষালাভ করিতে হয়, কিন্তু ইহার উপরে তাহাদের আর এক বিষম অসুবিধা ভোগ করিতে হয়। যে সমস্ত বিষয়ে

তাহাদিগকে শিক্ষালাভ করিতে হয়, তাহা তাহারা মাতৃভাষার সাহায্যে করে না, এক বিদেশী ভাষার সাহায্যে তাহাদিগকে শিক্ষালাভ করিতে হয়। আমার বিশ্বাস, ইহাতে তাহাদের উন্নতিলাভের পথে অত্যন্ত বিলম্ব ঘটে। এই হেতু যাহারা ইংরাজীর পরিবর্তে বাঙ্গালা ভাষার সাহায্যে সকল বিষয়ে শিক্ষালাভের পক্ষপাতী, তাহাদের সহিত আমার সম্পূর্ণ সহানুভূতি আছে।

সত্যগ্রহে মহাত্মা

দক্ষিণ-আফ্রিকার প্রবাসী ভারতীয়দিগকে উপদেশ দিয়া মহাত্মা গান্ধী 'ইয়ং ইণ্ডিয়া' পত্রে লিখিয়াছেন,—আত্মনিয়ন্ত্রণের ক্ষমতা অসীম, জগতে উহার তুল্য আর কিছু নাই। যাহারা আপনাদিগকে সাহায্য করে, জগৎ তাহাদিগকে সাহায্য করে। বর্তমানে আত্মনিয়ন্ত্রণের অর্থ আত্মনিগ্রহ। আত্মনিগ্রহই সত্যগ্রহ। যখন কাহারও মধ্যাদাহানির আশঙ্কা হয়, যখন কাহারও ন্যায্য অধিকার অন্যায় পূর্বক কাড়িয়া লওয়া হয়, যখন কাহারও জীবিকাার্জনের পথে অন্যায় পূর্বক বাধা প্রদান করা হয়, তখন তাহার সত্যগ্রহে সম্পূর্ণ অধিকার আইসে।



বসন্ত-ব্যথা

কোকিল কুহরে ধরি কুহতান,
 মাতাল পবন মাতাল পরাণ,
 ধরণী প'রেছে নববসন্তখান-যতনে—
 কাননে কাননে ফুটেছে বকুল,
 গুঞ্জরি সুখে ধায় অলিকুল ;
 রমণী অঙ্গ ঢাকিয়াছে ফুল-রতনে ।
 শিহরি পবন বয় ধীরে ধীরে,
 জ্যোছনা লুটিছে মাঠে ঘাটে নীরে
 চাষী গেয়ে বলে বসন্ত কিরে এসেছে ।
 পাষণ-গাত্র বহি' জলধারা
 ছুটেছে রক্তে প্রেমে মাতোয়ারা,
 বিরহিণী প্রাণ পেয়ে প্রিয়-সাদা হেসেছে ।
 ফাল্গুন-বায় বয় উত্তরোল,
 কিরে ঘরে ঘরে বলে ঘাঁর খোল ;
 "বিরহিণী তব বিরহী পাগল এলো লো !
 বঁধুরা ছুয়ারে লগ্ন ডারে ডাকি"—
 "বউ কথা কও' পানী থাকি থাকি,
 ডেকে কর 'প্রিয়ে মা:নর ছলা কি ফুরালো ?
 ওই হের দূরে তটিনী উছলে,
 রক্তে ভক্তে নেচে' নেচে চলে ;
 নুপুর বাজারে গান গেয়ে বলে ভামিনী
 "বসন্ত এল, যুমন্ত পুরী—
 মেলি অঁপিপাতা জাগিল শিহরি",
 অঞ্চল-বাস ফুলে নিল ভরি কামিনী ।
 আমি কি গো আজ চেয়ে রব শুধু
 আসিবে না হায় মম প্রাণবঁধু ?
 হৃদি-ফুল-ভরা যৌবন-মধু ঝরি গো—
 সিক্ত করিবে বসন-অঁচল,
 অঁপি-কোলে রেখা টানিবে কাজল !
 বিরহী তোমার বিরহে পাগল করি গো !
 নিশার প্রদীপ নিভে এল প্রায়,
 থেমে এল মোর ফাল্গুন-বায়,
 মম বসন্ত কাঁদে শুধু হায় ফুকারি—
 বৃথা ফল-ফুলে সাজাইলু পালা,
 নিশার প্রদীপ মিছে হ'ল জ্বালা ;
 মন্দির মম করিল না আলা মুরারি !

শ্রীপ্রভাবতী দেবী ।

বসন্তে

বসন্ত আনিছে ফিরে যৌবন-স্বপন,
 মনে পড়ে সে কাহার প্রেমমুখখানি,
 চুসনে অধরে রক্ত আধ সুধাবাণী,
 কণ্ঠে পারিজাতমালা বাহর বন্ধন ।
 স্পর্শ রসাতুর হৃদয়ে হৃদয়ে,
 মোহভরা নবপ্রেম স্পন্দিত চ্ছন্দিত,
 নয়নে নয়নে কথা, শাস সমীরিত
 হৃদয় মুগ্ধছবি—হাসির উদয়ে ।
 কত আশা, কত শ্রীতি—বিহঙ্গের গানে,
 ভ্রমর-গুঞ্জে কত রাগিণী-মুছ'না,
 বিশ্ব যেন প্রেমকাব্য—জীবন-কল্পনা,
 সুধাধারা ঝরে ছুটি পিপাসী পরাণে ।
 মাঝে মাঝে পবনের কোমল হিলোল ;
 জাগাইছে সারা প্রাণে আনন্দ-আলোল ।

মুনীন্দ্রনাথ গোস্বামী

বাসন্তী

আজি নিরমল মোহন প্রভাতে
 বাসন্তী মোর দিয়াছে দেপা,
 সেজেছে ধরণী স্তম্ভল শোভাতে
 সুনীল আকাশে মাধুরী-লেপা ।
 সে আজি এসেছে লয়ে মধুহাসি
 চবণে ফুটিছে ফুল রাশি রাশি—
 হুরতি অলক ; আসিতেছে ভাসি
 মধুর গন্ধ পবনে ।
 আজি কুসুম-ভূষণে বাসন্তী আমার
 এসেছে কুঞ্জ-ভবনে ।
 কর্ণে তাহার মল্লিকা-কুঁড়ি
 ফুল বকুল নাকছাপি
 বন্ধে ছলিছে মালতীর মালা
 পদ্ম করেছে চাপি ।
 এসেছে সে আজি প'রে যুধিবালা
 স্তম্ভল হৃদয় ; বনভূমি আলা
 চরণে নুপুর বাজে মঞ্জলা
 আমার গানের তালে
 ও হুর বাজে যে গোপনে আমার
 পরাণ-অস্তরালে ।

শ্রীউমানাথ ভট্টাচার্য

আবাহন

এস আজি মধুমাস বঙ্গে !
 উজ্জলি' দশদিশি মন্দ মধুর হাসি'
 এস গো অমল উবা-সঙ্গে ।
 কল্প-কাননে আজি বিকচ কুসুমদল—
 মঞ্জু ভ্রমর তাহে গুঞ্জরে অবিরল,
 মত্ত মাতন তানে লক্ষ্য সাগর পানে—
 ধাইছে তটিনী বীচিভঙ্গে ।
 এস আজি মধুমাস বঙ্গে !
 জ্যোৎস্না-উজল নিশি হেরি যে গো তোমা-ময়,
 অপরূপ তব রূপ হৃদিমাঝে জেগে রয়,
 তপ্ত দিনের শেষে স্নিগ্ধ অনিল বেশে
 মুগ্ধ কর গো সারা অঙ্গে ।
 এস আজি মধুমাস বঙ্গে !
 শিশিরের নীহারিকা ঝ'রে গেছে সারা রাত্তি,
 এবে কুহু কুহু তানে বনে বনে মাতামাতি ;
 আশ্রমুকুল-বাসে, পলাপ-গাঁদার রাশে,
 ভেসে এস পুলক তরঙ্গে ।
 এস আজি মধুমাস বঙ্গে !
 শ্রীচিন্তরঞ্জন সেন ।

অনুন্নয়

বারেক করুণাভরে চাহিও আমার পানে,
 শীতল করিও হৃদি অমিয় বচন দানে ।
 আমি প্রিয় তোমা লাগি,
 র'ব সারা নিশি জাগি ;—
 প্রভাতে দরশ দানে, পুলক জাগায়ো প্রাণে,
 এষণ জুড়াবো মোর তোমার মোহন গানে ।
 কেটে গেছে কত দিন কত রাত্তি দীর্ঘ মাস,
 বুকেতে উঠেছে ভরি ক'ত বাধা গা-হতাশ !
 আজি তোমা বার ষার,
 স্মরি প্রিয় হে আমার,
 পুরাও করুণা করি' প্রাণের ব্যাকুল আশ,
 বিরস বদনে সখা, কুটাও বিমল হাস ।
 শ্রীদেবী মুখোপাধ্যায় ।

বসন্ত-হোলী

আজি কার হোলী-খেলা ধরার বুকে !
 ফাগুনেতে কেবা ফাগ দিয়েছে মেখে ?
 ফুলবন-পথে আজি,
 কেবা নবসাজে সাজি'
 এল ধরাপরে হাসি মুখেতে মেখে ?
 আজি কার হোলী-খেলা ধরার বুকে !
 ঘন ঘন হিয়াখানি আজিকে দোলে !
 মঞ্জুল মঞ্জুরী শাখায় ঝোলে !

আজি দেখি লালে লাল
 কার ছ'টি ভরা গাল !
 শ্রামল অ'চলখানি দিল কে খুসে ?
 ঘন ঘন হিয়াখানি আজিকে দোলে !
 আজি কার পরশন হিয়ার জাগে ?
 রাঙিছে অযুত হিয়া প্রেমের ফাগে !
 আজি কার শিহরণ ?
 এত মধু বরিষণ !
 আকুল আবেগ কেন মলয়ে মাগে ?
 আজি কার পরশন হিয়ার জাগে ?
 আজি কার সাড়া পেয়ে গাহিছে পাখী,
 হাজারে হাজারে যেন উঠিছে ডাকি ।
 পাপিয়া পরাণ খুলি'
 ধরেছে মধুর বুলি
 বনেতে কুসুম-কলি ঝেলিছে অ'ধি !
 আজি কার সাড়া পেয়ে ডাকিছে পাখী ?
 আজি যেন হিয়াখানি ভ'রেছে রঙে !
 শিখিল কবরী যেন লুটিছে অঙ্গে !
 দখিণা বাতাস আসি'
 ঢেলেছে ফুলের রাশি !
 উঠেছে তুফান-রাশি প্রেমের গাঙে ।
 আজি যেন হিয়াখানি ভ'রেছে রঙে !
 আজি কি ব্রজের হোলী এসেছে ফিরে ?
 পাপিয়া বাঁশীর স্বর নেছে কি হ'রে ?
 বনমালা বনচূড়ে,
 আজি কি রয়েছে প'ড়ে ?
 গেথেছে অযুত মালা ধরে বিধরে !
 আজি কি ব্রজের হোলী এসেছে ফিরে ?
 অলি বুঝি ফুলে ফুলে নুপুর-রোলে !
 ণাখে শাখে পীতবাস আজিকে দোলে !
 গাছগুলি ফাগ-মাথা,
 লালে লাল ফুল ঢাকা !
 হিয়াপরে রঙ মাথা সযনে দোলে !
 অলি বুঝি ফুলে ফুলে নুপুর-রোলে !
 রাঙিছে অযুত হিয়া প্রেমের ফাগে !
 আজি তাই মাতামাতি ফুলের বাগে !
 ধরা'পরে আজি বিধু
 ঢালিয়া দিয়াছে সীধু !
 আজি তাই পরশন মলয়ে জাগে !
 রাঙিছে অযুত হিয়া প্রেমের ফাগে !
 শ্রীযতীন্দ্রনাথ সেন গুপ্ত ।

বসন্ত-সংবাদ

ওগো এই কি তুমি সেই মধুমাস—
 বাণীর মনোমুগ্ধকর ;
 এই কি সাধের সেই উপবন,
 রক্ত-কমল সরোবর ?
 এই কি তোমার চন্দনবাস—
 মলয় হাওয়ার প্রথম দান,

এই কি কাণ্ডন ফুলবনে'তোয়
 কণ্ঠে শ্রামার মিষ্টি গান ?
 তোমার চারু অঙ্গে কোথায়
 স্নিগ্ধ শ্রামল অঁচল চাকা,
 আজ বমুনায় কোন্ বাশরী—
 কোথায় ব'সে বাজায় বাঁকা ?
 কৈ গো কবি বান্দীকি, বাস,—
 কৈ সে কালি-চণ্ডিদাস,
 কৈ মোহিনী, মদন, রতি,
 কৈ রজনীর প্রেমনিবাস ?
 আজ ভারতের কোন্ প্রদেশে—
 কুসুম হাসে বনে বনে,
 কোথায় মধুপ আশ্রয়—
 নিত্য মধুর অশ্রুধরণে ?
 কোথায় ভোলা তপের ঝোলা—
 দিচ্ছে ফেলে আনমনে,
 রক্ত-রক্তা লজ্জা সতীর—
 যুচায় প্রেম-আলিঙ্গনে ?
 কোথায় চাতক, “বউ কথা-কও”,—
 কোথায় শিবীর নৃত্য কেকা,
 কোথায় কাণ্ডন আশ্রয় তোমার,—
 কোথায় ক্রাগের রক্ত-লেপা ?
 আজ কি তোমার কুসুম কোটে—
 শূন্য ভারত-শ্মশান-ভূমে,
 মিটায় রতি প্রেমের তুষা—
 মন্থধেরি শবকে চুমে ?
 আজ কোথা সে সোনার ভূষণ,
 মা যে আমার দিগম্বরী,
 হায় কোথা সে জগদ্ধাত্রী,—
 এ যে কালী ভয়ঙ্করী ?
 যে দিন স্বাধীন ভারত ছিল
 এই ধরণীর মুকুট-মণি,
 ষড়ুরাজের রক্ত-আসন—
 সতি হেঁথায় ছিল মানি !
 আজ পরাধীন, অন্ন-বিহীন,—
 পরের দ্বারে কাকালী,
 আমরা হীন ভারতবাসী,—
 আমরা কালী বান্দালী !
 তাই কি দূরে গেছ স'রে—
 সঙ্গে নিয়ে জয়-নিশান ?
 ফাল্গুনে তাই কাল-বোশেখীর—
 ঝঞ্ঝা বাজায় এই বিবাণ ?
 ভাঙা-বুকে সর না গো আর,—
 অঁধার হলো ছুই নয়ান,
 আবার কবে সরস তোমার—
 পরশ হবে দৃশ্যমান ?
 মানস-নভে হাসবে কবে—
 মুক্তি-সুখ-চন্দ্রমা,
 পুষ্পবনে ভ্রমর সনে—
 গাইবে চারণ-চন্দনা ?
 আবার কবে মধুর হবে—
 আকাশ আলো বাতাস

যেহে তোমার প্রেমের ধারায়
 সিক্ত হবে বঙ্গ-তল ?
 কাণ্ডন তোমার কালুগুণে আজ—
 ভাবছি কতই আনমনে !
 অন্ধ-আশায় চেয়ে আছি—
 দিগন্তের ঐ আনমনে !
 শ্রীঅমলাকুমার রায় চৌধুরী ।

বসন্তের স্মৃতি

সবে গেছে চ'লে নববসন্ত
 রেখে গেছে স্মৃতি-স্মৃতি ;
 এখনও স্বচ্ছ সুনীল আকাশে
 নিশীথের শশী তেমতি হাসে
 শ্রামল কুঞ্জ-কানন ছাইরে
 উঠে পাপিয়ার গীতি ।
 গেছে দূরে চল রেখে গেছে হেথা
 শুধু পদাঙ্ক-রেখা ;
 পুষ্প-গন্ধে ভরিয়া ভুবন
 বহে ত স্নিগ্ধ সাদ্ধা-পবন
 সাদর আহ্বানে এখনও সে যেন
 ডাকে বসন্ত-সগা ।
 আসিবে না ফিরে মিছে তারে আর
 কায নাই পাখী ডেকে ;
 নন্দন-বনে সুরবালাগণে
 লয়েছে তাহারে ধরিয়া যতনে
 সেথা সবে ছিল তাহারি বিভনে
 শীতের কুহেলী মেখে ।
 পুনঃ মধুমােসে নববেশে ভ্রমি
 এস ধরণীতে ফিরে ;
 ভরি আনন্দে দিগ্‌দিগন্ত
 এস ফিরে এস নব বসন্ত,
 মুক্কা ধরণী কাটায় তোমার
 স্মৃতিটুকু বুকে ধ'রে ।
 শ্রীমতী রমিলা সোম ।

ব্যথিত

নিধুর পীড়নে হিয়ার মাঝারে
 বেদনা বাজিছে নিতি—
 মরমে তোমার পশে না কি তার
 একটি করুণ গীতি !
 আলোকের লাগি প্রাণ তুষাতুর
 ঝরিছে নয়ন-লোর ;
 কোন্ হুর দিয়ে বাঁধিব আবার
 জীবন-বীণাটি মোর ।
 অন্ধ-নিয়তি কতি নাহি তার
 আশায় রয়েছি কবে—
 বেদনার মাঝে মাধুরী তোমার
 আপনি ফুটিয়া রবে ।
 শ্রীহরেন্দ্রকৃষ্ণ বন্দ্যোপাধ্যায় ।

বসন্ত-বিরহী

সেবার আমি ব'সে ব'সে ভাব্ তেছিলাম উন্মনা ;
 ছিলাম যখন আনমনা,
 বসন্ত সে ফিরে গেছে মোর ঘারে,
 হায় অভাগা, এমন সময় খুঁজলে কি আর পায় তারে !
 এবারও সে এসেছিল সব মাধুরী ছড়ায়ে'
 গন্ধ-গানের উত্তরীটি উড়ায়ে,
 গুঞ্জরণ আর মুঞ্জরণের মস্তুরে,
 পড়ছে মনে ঢুকতে যেন চেয়েছিল অস্তুরে !
 বনবীণির অশোক-পলাশ কৃষ্ণচূড়া ফুটায়ে,
 ম'ই-চামেলী-মল্লিকা-বাস ছুটায়ে ;
 কিশলয়ের কিশোর শ্রাম অঞ্চলে,
 এসে মোরে মুগ্ধ হেরে' গেছে চ'লে কোন্ ছলে !
 আশ্বহারা চিত্ত রে মোর মত্ত হয়ে কোন্ ধানে,
 মন-পাতালে ছিলি রে কার সন্ধানে ;
 কত আলোক সান্দ্র-পুলক গন্ধ রে,
 হারিয়ে গেল হাতের পাশে এমনি ছিলি অন্ধ রে !
 কোয়েল দোয়েল ফিঙে শ্রামা শালিকা পিক-চন্দনা,
 কণ্ঠস্থধায় গাইলে তাহার বন্দনা ;
 এ কি মূগ্ধ ! কম বাণা,
 নান্দীমুখে মুক র'লি ভুই কইলিনেকো এক কণা !
 ছালোক-ভুলোক লটে নিলে তার মাধুরী-সঞ্চিত,
 মন-মধুকর রইলি শুধু বঞ্চিত ;
 আজকে নিরাশ-কন্দনে,
 হায় দুরাশা, বাঁধবি তারে দুটি কণার বন্ধনে ।

শ্রীগোপাললাল দে ।

জ্যোৎস্নায়

আজি কোন কায নয়,
 শুধু মোরা হুঁজনে
 কাটাব রজনী, সই
 মধুকল কৃজনে ।
 চেয়ে' রব মুখে মুখে
 বুক রাপি বুক বুক,
 প্রাণে প্রাণে মুগোপন
 প্রণয়েরি পূজনে
 মধুকল কৃজনে ।
 ভেসে যাব, ভেসে যাব
 নাহি জানি কোথা রে,
 দুই জনা—বাঁধ-বাঁধা—
 জ্যোছনার পাথারে ।
 ধরণীর দুখবাণা
 খুঁটি-নাটি, কাতরতা,
 ধুয়ে মুছে' একাকার—
 সোহাগের সঁাতারে
 জ্যোছনার পাথারে ।
 নীলাকাশে নীলপরী
 রত রঙ-স্বপনে
 মিশে যাব, মিশে যাব
 ওরি' মাঝে গোপনে ।

ওই বুক রব মরে—

হিয়া বাঁধা চিরতরে—

যুগে-যুগে মিলনের

প্রিয়-মুখ-স্বপনে—

দুই জনা গোপনে ।

শ্রীনলিনীভূষণ দাশ-শুশু ।

সেই মুখখানি তার

নবীন বসন্ত এল ফেনিল উচ্ছ্বাস-ভরা,
 প্রভাতে জাগিয়া দেখি নবীন শ্রামল ধরা ।
 পাতায় পাতায় আলো, ফুলে হাসি খেলে যায়,
 পুলকে শিহরে তনু দগিণা মলয় বার ।
 গাইছে দোয়েল শ্রামা, পাপিয়ার মধু-গান,
 কোকিলের কুহু কুহু যেন বাঁশরীর তান ;
 মুঞ্জরিত তরুশাপে, গুঞ্জরণ করে অলি,
 গাইছে একটি পাগী, 'বউ কণা কণ' বলি ।
 চঞ্চল হৃদয়খানি, শিহরিল বার বার,
 জাগিয়া উঠিল মনে, 'সেই মুখখানি তার ।'

দুপহরে ব'সে ব'সে চেয়ে দেখি বাতায়নে,
 পখিকেরা পথ বেয়ে চলিতেছে একমনে ।
 চারিদিকে রোদ খেলে, মাঠেতে চরিছে ধেমু,
 গাছের ছায়ার বসি রাখাল বাজায় বেণু ।
 ঝিকমিক করিতেছে দীঘির সে কালো জল,
 মরাল-মরালী খেলে শুভ্র তনু চল-চল ।
 কীণা তরী নদীখানি কে জানে কোথায় যায়,
 নীল বারি-রাশি তার ছলিছে দগিণা বার ।
 দেখিতেছি অপরূপ, ফাগুনের শোভা-ভার,
 হঠাৎ পড়িল মনে, 'সেই মুখখানি তার ।'

ডুখিল তপন ধীরে, ব'লে গেল যাই যাই,
 আঁধারে ছাইল সবি যেন আর কিছু নাই ;
 কুলায়ে ফিরিল পাগী, গল্পন শেষ হ'ল তার
 এাস্ত-কাস্ত হিয়াগুলি রেখে এল কর্ণভার ।
 অসীম উদার নীল, নীরব গগনতলে,
 কীণ প্রদীপের মত তারাগুলি যেন জলে ।
 আঁধারের আলোকের অপরূপ মিশামিশি,
 অবাক নরনে হেরি বাতায়নপাশে বসি,
 ধীরে ধীরে জেগে উঠে হাসিগুনি চল্লমার,
 অমনি পড়িল মনে 'সেই মুখখানি তার ।'

নীরব নিশীথকালে নিদ নাহি ছনয়নে,
 জাগিয়া বসিয়া থাকি উদাসীন আনমনে ।
 ব্যাকুল বাসনা কাঁদে দগিণা মলয় বার,
 কুহুমের মালাগাছি অভিমানে করে বার,
 কেশ বেশ আঙ্গু-ধালু যুমে চলে পড়ে আঁধি,
 যদি এসে, চ'লে যায়, এই ভয়ে জেগে থাকি ।
 নীরব নিখর সবি চাঁদের আলোয় ভরা,
 আমি কাঁদি, এস বধু বাহুপাশে দাও ধরা ।
 নিশি-শ্বেবে করে পড়ে ছিন্ন মালা লতিকার,
 স্বপনে জাগিয়া উঠে 'সেই মুখখানি তার ।'

শ্রীভূপেন্দ্রচন্দ্র চৌধুরী ।



প্রলয়ের আলো

একবিংশ পরিচ্ছেদ

শুপুসমিতির অধিবেশন

রাত্রি সাড়ে এগারটার ঘণ্টা বাজিবামাত্র জোসেফ পশু-লোমনিশ্চিত শীতবস্ত্রে সর্কান্ন আবৃত করিয়া তাহার শয়ন-কক্ষ ত্যাগ করিল। সে প্রথমে সলোমন কোহেনের সহিত সাক্ষাৎ করিতে চলিল। সে সেই কক্ষে রেবেকাকে দেখিতে পাইল না, সলোমন কোহেন অগ্নিকুণ্ডের নিকট বসিয়া ধূমপান করিতেছিল। জোসেফকে সেই কক্ষে প্রবেশ করিতে দেখিয়া সে বলিল, “তুমি প্রস্তুত হইয়া আসিয়াছ? আব্রাহামের ঈশ্বর তোমাকে রক্ষা করুন। আমি জানি, তুমি কর্তব্যপালনে কুণ্ঠিত হইবে না। আজ রাত্রিকালে আমরা যে কার্যে হস্তক্ষেপ করিব, যদি তাহা নির্বিঘ্নে সুসম্পন্ন হয়, তাহা হইলে সমগ্র জগৎ সুস্থিত হইবে। যুরোপের ইতিহাসের আমূল পরিবর্তন হইবে।”

জোসেফ সলোমনের কথায় কর্ণপাত না করিয়া আগ্রহ-ভরে বলিল, “রেবেকা এখানে নাই?”

সলোমন বলিল, “না, রাত্রি অধিক হইয়াছে, সে বোধ হয় শয়ন করিতে গিয়াছে। তাহাকে কি তোমার কিছু বলিবার আছে?”

জোসেফ তাচ্ছল্যভরে বলিল, “না, আমার তেমন কিছু বলিবার নাই, কেবল তাহার নিকট বিদায় লইবার ইচ্ছা হইতেছিল।” রেবেকাকে শেষ দেখা দেখিবার জন্ত তাহার প্রাণ কাঁদিয়া উঠিতেছিল, কিন্তু সে ভাব সে প্রকাশ করিল না। সে সলোমন কোহেনের নিকট বিদায় লইয়া পাকান-নিশ্চিত সোপান অতিক্রম করিয়া বহির্দ্বারে উপস্থিত হইল। জোসেফ দেখিল, দ্বারের অর্গল মুক্ত। সে দ্বার খুলিয়া পথের দিকে দৃষ্টিপাত করিল, পথের আলোকে পরিচ্ছদাবৃত

একটি নারী-মূর্তি তাহার দৃষ্টিগোচর হইল। জোসেফ তৎক্ষণাৎ চিনিতে পারিল—সেই অবগুণ্ঠনবতী রেবেকা!

জোসেফ সবিস্ময়ে বলিল, “রেবেকা, এই গভীর নিশীথে তুমি এখানে কি করিতেছ?”

রেবেকা দ্বারের নিকট সরিয়া আসিয়া বলিল, “তোমার জন্ত দ্বার খুলিয়া রাখিয়া, তোমার নিকট বিদায় গ্রহণের জন্ত এখানে প্রতীক্ষা করিতেছি। তোমাকে সতর্ক করিবার জন্ত দুই একটি কথা বলাও কর্তব্য মনে হইতেছিল।”

রেবেকা যে স্থানে দাড়াইয়া জোসেফের সহিত কথা কহিতেছিল, সেই স্থানটি অন্ধকারাবৃত। জোসেফ হাত বাড়াইয়া রেবেকার হাত ধরিল এবং আবেগকম্পিত স্বরে বলিল, “আমার প্রতি তোমার অসাধারণ দয়া। আমি তোমার পিতার নিকট বিদায় লইতে গিয়াছিলাম, সেখানে তোমাকে দেখিতে না পাওয়ায় আমার মন ক্ষোভ ও নিরাশায় পূর্ণ হইয়াছিল, মনে হইয়াছিল—এ জীবনে আর বৃদ্ধি দেখা হইল না। এখানে অপ্রত্যাশিতভাবে তোমার সাক্ষাৎ পাওয়ায় আমার ক্ষোভ ও নিরাশা দূর হইয়াছে। রেবেকা! বিদায়দানে পূর্বে আমাকে কি ভাবে সতর্ক করিবার জন্ত তোমার আগ্রহ হইয়াছে, তাহা জানিতে পারিলে সুখী হইতাম।”

রেবেকা তাহার হাতের ভিতর হাত রাখিয়া গাঢ় স্বরে বলিল, “তুমি যে কার্যের ভার গ্রহণ করিতে যাইতেছ, তাহা অত্যন্ত বিপজ্জনক কার্য। এই কার্য কিরূপ ভয়াবহ, তাহা আমার অজ্ঞাত নহে। সকল দিক দিয়াই ইহাতে বিপদের আশঙ্কা আছে, মৃত্যু অপরিহার্য। সেই জন্ত আমার অনুরোধ—প্রতি পদক্ষেপে তুমি সতর্কতা অবলম্বন করিবে। সকল দিকে দৃষ্টি রাখিয়া চলিবে, যদি বিপদ অতিক্রম করা সম্ভবপর হয়, তাহা হইলে ইচ্ছা করিয়া বিপদ আলিঙ্গন করিও না।”

জোসেফ নৈরাশ্রভরে হাসিয়া বলিল, “সতর্ক থাকিবার জ্ঞান কেন আমাকে অনুরোধ করিতেছ? জীবন নিরাপদে রাখিবার জ্ঞান চেষ্টা করিয়া কি ফল?”

রেবেকা ক্ষুব্ধস্বরে বলিল, “যাহারা তোমাকে ভালবাসে, তাহাদের মুখের দিকে চাহিয়াই তোমার জীবন-রক্ষার চেষ্টা করা উচিত। তোমার জীবন-বিসর্জনের সংবাদে তাহারা কিরূপ মর্মান্বিত হইবে, তাহা কি তুমি বুঝিতে পারিতেছ না?”

জোসেফ বিমর্ষ স্বরে বলিল, “আমার মৃত্যুতে আমার পিতামাতা ভিন্ন অন্য কেহ অশ্রুত্যাগ করিবে না, আমার বিয়োগ-শোকে অন্য কেহ কাতর হইবে না।”

রেবেকা গাঢ়স্বরে বলিল, “আর এক জনও কাতর হইবে, তোমার বিয়োগ-বেদনার মর্মান্বিত হইবে—সে আমি। তুমি আমাকে তোমার ভগিনীর গায় স্নেহ করিবে—অঙ্গীকার করিয়াছ। ভ্রাতার বিয়োগে ভগিনী কিরূপ কাতর, ক্ষোভে দুঃখে কিরূপ ত্রিয়মাণ হয়, তাহা কি তোমার বুঝিবার শক্তি নাই? তোমার জীবনরক্ষার জ্ঞান অনুরোধ করিবার আমার অধিকার আছে।”

জোসেফ বলিল, “হাঁ, আমাকে তোমার ভ্রাতার গায় স্নেহের পাত্র মনে করিয়া আসিতেছ। পৃথিবীতে ভ্রাতা অপেক্ষাও নারীর অধিকতর প্রীতির পাত্র আছে; আমি তোমার সেই প্রীতি লাভ করিতে পারিলাম না, ইহাই আমার সর্বাঙ্গের অধিক দুর্ভাগ্যের বিষয়।”

রেবেকা বলিল, “আমি তোমাকে পূর্বেই বলিয়াছি, তোমার এই আশা পূর্ণ হইবার সম্ভাবনা নাই। তথাপি তুমি পুনঃ পুনঃ এই অনুরোধ করিয়া আমাকে মর্মান্বিত করিতেছ।”

জোসেফ বলিল, “হাঁ, তুমি পুনঃ পুনঃ বলিয়াছ, আমার আশা পূর্ণ হইবার সম্ভাবনা নাই; কিন্তু আমার আশা কি জ্ঞান অসম্ভব, তাহা তুমি এ পর্যন্ত আমার নিকট গোপন রাখিয়াছ। আজ আমি জীবন ও মৃত্যুর সন্ধিস্থলে দাঁড়াইয়া আছি; তথাপি তোমার ও রহস্য জানিতে পারিলাম না।”

জোসেফ মুহূর্ত্তকাল নিস্তব্ধ থাকিয়া বলিল, “বেশ, তাহাই হউক; জীবনোপাস্তে দাঁড়াইয়া তোমার গুপ্ত রহস্য জানিবার জ্ঞান আর আমি আগ্রহ প্রকাশ করিব না। এখন

তোমাকে আমার একটি অনুরোধ আছে; আমার মৃত্যু-সংবাদ পাইলে তুমি আমার এই অনুরোধটি রক্ষা করিও। এখানে আমার যে সকল জিনিষপত্র থাকিল, তাহা আমার পিতামাতার নিকট পাঠাইতে ভুলিও না। আমার শয়ন-কক্ষে যে ছোট টেবলটি আছে, তাহার উপর আমার বাক্সটি দেখিতে পাইবে। তাহার চাবিটি তোমাকে দিয়া যাইতেছি। বাক্সের ভিতর আমার এক তাড়া চিঠি আর কয়েকটি তুচ্ছ জিনিষ দেখিতে পাইবে। আমার পিতার নাম ও ঠিকানা লিখিয়া বাক্সের ডালায় সেই কাগজখানি আঁটিয়া রাখিয়াছি। বাক্সটি সেই ঠিকানায় পাঠাইলেই চলিবে।”

রেবেকা বলিল, “তোমার কথা শুনিয়া মনে হইতেছে, তুমি আর ফিরিয়া আসিবে না স্থির করিয়াই আমাদের নিকট বিদায় গ্রহণ করিতেছ!”

জোসেফ শুষ্ক হাসি হাসিয়া বলিল, “ফিরিয়া আসিব কি না, কে বলিতে পারে? আমি যে কিরূপ বিপৎসঙ্কুল পথে অগ্রসর হইতেছি, তাহা তুমি জান; মৃত্যুর সম্ভাবনাই অধিক। সুতরাং সকল ব্যবস্থা শেষ করিয়া যাওয়াই বাঞ্ছনীয় নহে কি?”

রেবেকা দীর্ঘনিশ্বাস ত্যাগ করিয়া অক্ষুণ্ণ স্বরে বলিল, “হাঁ, সে কথা সত্য; আমি আর এখানে বিলম্ব করিতে পারিব না। এই দুষ্কর কর্ম্মে যতখানি পশ্চাতে সরিয়া থাকিতে পার, তাহার চেষ্টা করিবার জ্ঞান তোমাকে অনুরোধ করিতে আসিয়াছিল। যদি সম্প্রদায়ের লোকগুলি কোন বিপজ্জনক কাহা তোমাকে নেতৃত্বভার দিয়া, তোমার আড়ালে থাকিবার চেষ্টা করে, তুমি তাহাতে আপত্তি করিবে। তুমি তরুণ, বিশেষতঃ, এই সম্প্রদায়ে তুমি অল্প দিন যোগদান করিয়াছ, বহুদর্শী প্রবীণ লোক থাকিতে কঠোর দায়িত্বভার তুমি কেন গ্রহণ করিবে?”

জোসেফ বলিল, “এ সকল কথা লইয়া এখন তর্ক-বিতর্ক করিয়া কোন ফল নাই। আমার কল্যাণকামনার জ্ঞান আমি তোমার নিকট কৃতজ্ঞ। এখন বিদায় দাও; আর তুমিও সতর্ক থাকিও। যদি এ যাত্রা আমার প্রাণ-রক্ষা হয়, তাহা হইলে পুনর্বার সাক্ষাৎ হইবে, নতুবা এই শেষ—”

জোসেফ হঠাৎ রেবেকার মুখের উপর বুঁকিয়া পড়িয়া

তাহার মুখচূষন করিল। তাহার পর তাহাকে ছাড়িয়া দিয়া তাড়াতাড়ি পথে বাহির হইল। রুসিয়ায় শীতকালের রাজিতে নক্ষত্রগুলি অত্যন্ত শুভ্র ও উজ্জ্বল হইয়া থাকে। আকাশে নক্ষত্রপুঞ্জ হীরকের গায় শুভ্র কান্তি বিকাশ করিতেছিল।

জোসেফ কয়েক পদ অগ্রসর হইয়া, পথের অন্তরালে জার্ণ ও মলিন পরিচ্ছদধারিণী, আহারাভাবে শুষ্কমুখ এক জন ভিখারিণীকে দেখিতে পাইল। দারুণ শীতে উপযুক্ত শীতবস্ত্রের অভাবে সে থর-থর করিয়া কাঁপিতেছিল; জোসেফ তাহার দিকে অগ্রসর হইবামাত্র ভিখারিণীটা চলিতে আরম্ভ করিল। জোসেফ নিঃশব্দে তাহার অনুসরণ করিল। সে তাহার অনুসরণ করিতেছে কি না, ভিখারিণী তাহা একবার কিরিয়াও দেখিল না। জোসেফ ভাবিল, এই নারী কি সত্যই অনশনক্রিষ্টা দরিদ্রা ভিখারিণী, না, ছদ্মবেশিনী কোন মহাসম্রাজ্ঞ বংশের কন্যা বা বধু? কোন “ডচেস” বা “কাউন্টেস”? সে সলোমন কোহেনের উপদেশ অগ্রাহ করিতে পারিল না।

স্রীলোকটা একটা গলীর মোড়ে আসিয়া অন্ধকারে অদৃশ্য হইতেই এক জন লোক জোসেফের সম্মুখে আসিয়া দৃঢ়স্বরে বলিল, “কে য়া?”

জোসেফ ক্ষণকাল নিস্তব্ধ থাকিয়া বলিল, “স্বাধীনতা।” তৎক্ষণাৎ এক জন লোক তাহার হাত ধরিয়া টানিয়া লইয়া চলিল; তাহার পর প্রস্তর-সোপান দিয়া ভূগর্ভে অবতরণ করিতে লাগিল। কয়েক মিনিট পরে তাহার পথিপ্ৰদর্শক পাতালঘরের সম্মুখে আসিয়া তাহাকে নিম্নস্বরে বলিল, “এখানে অপেক্ষা কর।”

জোসেফ কি করিবে ভাবিতেছে, এমন সময় সেই পাতালঘরের দ্বার খুলিয়া গেল। গৃহমধ্যে একটা বাতী জ্বলিতেছিল। জোসেফের পথিপ্ৰদর্শক তাহাকে সঙ্গে লইয়া সেই গৃহে প্রবেশ করিল। সেই কক্ষ অতিক্রম করিয়া তাহার আর একটি সুপ্রশস্ত কক্ষে উপস্থিত হইল। সেই কক্ষের মধ্যস্থলে কড়িকাঠে একটা ল্যাম্প জ্বলিতেছিল, তাহার মৃদু আলোকে সেই কক্ষের অন্ধকার যেন আরও প্রগাঢ় হইয়া উঠিয়াছিল।

জোসেফ সেই কক্ষে অনেকগুলি লোককে উপবিষ্ট দেখিল; কিন্তু ম্লানদীপালোকে কাহারও মুখ সুস্পষ্টরূপে

দেখিতে পাইল না। যে ব্যক্তি তাহাকে সঙ্গে লইয়া সেই কক্ষে প্রবেশ করিয়াছিল, সে তাহার হাত ধরিয়া সকলের অগ্রভাগে উচ্চাসনে বসাইয়া দিল। সকলের দৃষ্টি জোসেফের মুখের প্রতি আকৃষ্ট হইল। এই অতিভক্তির পরিচয় পাইয়া জোসেফ অত্যন্ত কুণ্ঠা বোধ করিতে লাগিল। বুঝিতে পারিল, গুপ্ত সমিতির সদস্যরা তাহাকেই নায়কের দায়িত্বভার প্রদানে কৃতসঙ্কল্প হইয়াছে।

কয়েক মিনিট পরে সভাপতি গম্ভীর স্বরে বলিল, “জোসেফ কুরেট, তুমি আমাদের সম্প্রদায়ভুক্ত হইয়াছ, এখন তুমি আমাদেরই এক জন। তুমি আমাদের বিশ্বাসের পাত্র, তাহার বহু পরিচয় পাইয়াছ, এই জন্ত একটা কঠিন দায়িত্বভার প্রদানের উদ্দেশ্যে তোমাকে আমাদের গুপ্ত সমিতির এই নৈশ অধিবেশনে আহ্বান করা হইয়াছে। তুমি জান, এই অধঃপতিত অভিশপ্ত দেশকে স্বৈচ্ছাচারপূর্ণ বর্বর শাসন-প্রণালীর কবল হইতে মুক্তিদানের জন্ত আমরা লক্ষ লক্ষ লোক গোপনে সজ্জবদ্ধ হইয়াছি। আমরা স্বৈচ্ছাচারী সম্রাটের অত্যাচার দমনের জন্ত, তাহার অবৈধ পৈশাচিক প্রভাব খর্ব করিবার উদ্দেশ্যে, প্রজাপুঞ্জের কল্যাণজনক শাসনসংস্কার প্রবর্তনের অভিপ্রায়ে, বহুদিন যাবৎ চীৎকার করিয়া আসিয়াছি; কিন্তু তাহা অরণ্যে রোদনের গায় নিফল হইয়াছে! যুক্তিবদ্ধত প্রার্থনায় যাহা লাভ করিতে পারি নাই, তাহা আমরা বাহুবলে অর্জন করিতে কৃতসঙ্কল্প হইয়াছি। প্রকাশ্য বিদ্রোহে আমরা প্রচণ্ড রাজশক্তিকে খর্ব করিতে পারিব না, কিন্তু লক্ষ লক্ষ লোকের জীবনব্যাপী প্রাণপণ চেষ্টা আমাদের সাধু সঙ্কল্পকে সাফল্যমণ্ডিত করিবে। আজ এই নির্শাথকালে আমরা কি উদ্দেশ্যে এখানে সমবেত হইয়াছি, তাহা তুমি শীঘ্রই জানিতে পারিবে। আমরা যে দৃঢ় ব্রত সুসম্পন্ন করিবার জন্ত প্রস্তুত হইয়া আসিয়াছি, তাহা নির্বিঘ্নে সংসাধিত হইলে যুরোপের ইতিহাস ভিন্ন আকার ধারণ করিবে; কিন্তু তুমিই উপযুক্ত পাত্র জানিয়া তোমাকেই এই যজ্ঞের পুরোহিতের পদে বরণ করিতেছি। তুমি কৃতকার্য হইতে পারিলে ইতিহাসে তোমার নাম চিরস্মরণীয় হইবে, আর যদি এই চেষ্টায় তুমি মৃত্যুকে আলিঙ্গন করিতে বাধ্য হও, তাহা হইলে কোটি কোটি লোকের দুর্গতি দূর করিবার জন্ত তোমার অলৌকিক আত্মোৎসর্গ বীরেন্দ্রসমাজে তোমাকে অমর করিয়া

রাখিবে। কিন্তু যদি হঠাৎ ধরা পড়িয়া প্রাণভয়ে বিশ্বাস-
ঘাতকতা করিতে প্রলুব্ধ হও, তাহা হইলে তোমার মৃত্যু
অনিবার্য। তোমাকে কি কঠিন ভার প্রদান করা হইবে,
তাহা শীঘ্রই জানিতে পারিবে।”

দ্বাবিংশ পরিচ্ছেদ

নিকোলাস স্ট্রোভিল

পূর্ব-পরিচ্ছেদে বর্ণিত গুপ্তসভার সভাপতি অতঃপর এক-
খানি খাতা খুলিয়া কতকগুলি নামের তালিকা বাহির
করিল। সেই তালিকায় জোসেফের নাম ব্যতীত আরও
১১ জন সভ্যের নাম ছিল। সভাপতি সকল সভ্যের
শ্রুতিগম্য স্বরে এক একটি নাম পাঠ করিলে, এক এক
জন সভ্য তাহার আসন হইতে উঠিয়া গিয়া কিছু দূরে
দাঁড়াইল। জোসেফ ও এই ১১ জন সভ্য এই ভাবে
শ্রেণীবদ্ধ হইয়া দাঁড়াইলে, সভাপতি তাহাদিগকে সম্বোধন
করিয়া গম্ভীর স্বরে বলিল, “ব্রাতৃগণ, আমাদের প্রধান
পরামর্শ-সভার একটি অধিবেশনে তোমরা দ্বাদশ জন
সভ্য সর্বসম্মতিক্রমে একটি কঠিন দায়িত্বভার গ্রহণের জন্ত
নির্বাচিত হইয়াছ। তোমাদের প্রতি কি কার্যের ভার
অর্পিত হইয়াছে, তাহা বলিতেছি, শোন। আমাদের প্রধান
পরামর্শ-সভায় রুসিয়ার জারের প্রাণদণ্ডের আদেশ মঞ্জুর
হইয়াছে। এই অমোঘ আদেশ তোমাদিগকেই পালন
করিতে হইবে। তোমরাই তাহাকে মৃত্যুমুখে নিপাতিত
করিবে।”

নিহিলিষ্ট সম্প্রদায়ভুক্ত সকলেই জানিত, স্বৈচ্ছাচারী
জারের কঠোর শাসন-পাশ হইতে রুসিয়ার মুক্তিবিধানই
তাহাদের জীবনের একমাত্র ব্রত এবং এই ব্রত উদ্ব্যাপন
করিবার জন্ত রুসিয়ার জারকে কোন না কোন দিন হত্যা
করিতেই হইবে, তথাপি সভাপতির আদেশ শুনিয়া সমাগত
সভ্যগণের মধ্যে মুহূর্ত্তজনধ্বনি আরম্ভ হইল, তাহাদের হৃদয়
সবেগে স্পন্দিত হইতে লাগিল। জারের হত্যার ভার
গ্রহণ করিতে হইবে শুনিয়া জোসেফ স্তম্ভিত হইল, তাহার
মুখ শুকাইয়া গেল। তাহার মনে আতঙ্কের সঞ্চার না
হইলেও আকস্মিক অবসাদে তাহার হৃদয় আচ্ছন্ন হইল।
সে বুঝিতে পারিল, এই কঠোর কর্তব্যপালনের পূর্বেই

তাহাদের সকলকে ধরা পড়িতে হইবে, তাহার পর তাহা-
দের প্রাণদণ্ড অপরিহার্য। কিন্তু জোসেফ এ জন্ত প্রস্তুত
ছিল, সে ধীরে ধীরে আত্মসংবরণ করিয়া সভাপতির মুখের
দিকে দৃষ্টিপাত করিল।

সভাপতি কয়েক মিনিট নীরব থাকিয়া তীক্ষ্ণদৃষ্টিতে
জোসেফের ও অবশিষ্ট ১১ জন সভ্যের মুখের দিকে চাহিয়া
পুনর্বার গম্ভীর স্বরে বলিল, “ব্রাতৃগণ, তোমাদের প্রতি যে
ভার অর্পিত হইল, ইহা কিরূপ কঠিন, তাহা আমাদের
কাহারও অবিদিত নহে। কিন্তু এই কঠোর কর্তব্যসাধনে
বিচলিত হইলে চলিবে না। আমরা জীবন-পণ করিয়া
যে হুকুম ব্রত গ্রহণ করিয়াছি, যেরূপেই হউক, তাহার
উদ্ব্যাপন করিতে হইবে। যে সকল স্বৈচ্ছাচারী প্রজাপীড়ক
নরপতি তাহাদের সুরক্ষিত সিংহাসনে বসিয়া নিরন্তর
প্রজাপুঞ্জের হৃদয়-শোণিত শোষণ করিতেছে, তাহাদিগকে
হত্যা করিতেই হইবে। রুসিয়ার জার সেইরূপ স্বৈচ্ছাচারী
প্রজাপীড়ক নরপতি, এই জন্ত তাহার প্রাণদণ্ডের আদেশ
হইয়াছে। ইহা সত্য নিগূহীত, চিরলাভিত, অত্যাচার-
জর্জরিত এই বিশাল সাম্রাজ্যের কোটি কোটি অসহিষ্ণু
প্রজার আদেশ। জারের শ্রায় প্রজাপীড়ক, স্বৈচ্ছাচারী,
দাস্তিক নরপতি নিহত হইয়াছে শুনিলে পৃথিবীর অস্ত্রাস্ত্র
দেশের যথেষ্টাচারী, দর্পোদ্ধত, স্বার্থসর্বস্ব নরপতিগণেরও
চৈতন্যোদয় হইবে! যে দুর্নীতি, পাপ ও হীনতার পক্ষে
আমাদের এই অভিশপ্ত মাতৃভূমি নিমজ্জিত হইয়াছে, সেই
মহাপঙ্ক হইতে তাহাকে উদ্ধার করিতেই হইবে। তাহার
পর রুসিয়ার নবযুগের আরম্ভ হইবে। নিবিড় অন্ধকারাচ্ছন্ন
রজনীর অবসানে তরুণ-অরুণের লোহিত কিরণ রুসিয়ার
নব-জীবনের বার্তা বহন করিয়া আনিবে, রুসিয়ারাঙ্গীরা
যুগযুগান্ত পরে স্বাধীনতার অমৃত-রসের আশ্বাদনে ধন্ত
হইবে। পৃথিবীর দূরতম প্রান্তের অধিবাসিগণ শুনিতে
পাইবে, একটি বিশাল জাতি অধীনতার শৃঙ্খল-পাশ চূর্ণ
করিয়া উন্নতি-পথে অগ্রসর হইয়াছে। তাহাদের দেহ ও
মন চিরদিন দাসত্বভারে নিপীড়িত হইয়া অসাড় ও অকর্মণ্য
হইয়া পড়িয়াছে, তাহারা নব-জীবনের সহিত কর্মশক্তি,
উত্তম ও উৎসাহের অধিকারী হইবে। রুসিয়ার কোটি কোটি
মৃতপ্রায় অধিবাসী মৃত্যুমুখ হইতে উদ্ধার লাভ করিবে।
ব্রাতৃগণ, বন্ধুগণ! এই হুকুম কার্যসংসাধনই আমাদের

জীবনের ব্রত। এই ব্রতের পবিত্রতা ও গৌরব কে অস্বীকার করিবে? একরূপ সঙ্কীর্ণচেতা, স্বার্থপর কাপুরুষ কে আছে যে, মৃত্যু অপরিহার্য জানিয়াও এই ব্রতের উদ্‌যাপনের জন্ত জীবন উৎসর্গ করা গৌরব ও গর্কের বিষয় বলিয়া মনে না করিবে? স্বদেশের কল্যাণসাধনের জন্ত কোন মূঢ় আত্মবিসর্জনে বিমুখ হইবে?”

সভাগণ সভাপতির বক্তৃতায় মুগ্ধ হইল এবং সকলে অস্তরের সহিত তাহার সমর্থন করিল। রুস-সম্রাটকে হত্যা করিতে পারিলেই রুসিয়ার সকল দুঃখ-কষ্টের অবসান হইবে, রুসজাতি দ্রুতবেগে উন্নতি-পথে অগ্রসর হইবে, এ বিষয়ে কাহারও বিন্দুমাত্র সন্দেহ রহিল না। জোসেফের ত্রায় যে সকল হতভাগ্য আশাভঙ্গজনিত মনোভাভে জীবন বিড়ম্বনা-পূর্ণ মনে করিয়া নিহিলিষ্ট সম্প্রদায়ে যোগ দিয়াছিল, তাহাদের সংখ্যা নিতান্ত অল্প ছিল না। তাহারা সভাপতির বক্তৃতায় বিলক্ষণ উৎসাহিত হইয়া উঠিল। জোসেফ প্রাণভয়ে ব্যাকুল না হইলেও অত্যন্ত অস্বস্তি অনুভব করিতে লাগিল। রেবেকা কর্তৃক প্রত্যাখ্যাত হইয়া যদিও সে জীবনের প্রতি অধিকতর বীতশ্রু হইয়াছিল, তথাপি আশার অতি ক্ষীণ আলোকশিখা তাহার অন্ধকারাচ্ছন্ন হৃদয়-কন্দর আলোকিত করিতেছিল; কিন্তু এই দুঃস্বপ্ন ভার গ্রহণ করিয়া সে বুঝিতে পারিল, সেই আলোকশিখা সহসা নিরূপিত হইয়াছে, তাহার হৃদয়ের অন্তিম সম্বলটুকু অদৃশ হইয়াছে!—এখন জীবন ও মৃত্যু তাহার নিকট সমান; বরং মৃত্যুই অধিকতর প্রার্থনীয়, তাহাতে স্মৃতির দংশন হইতে সে মুক্তিলাভ করিতে পারিবে।

অতঃপর সভাপতি সকলকে নির্বাক দেখিয়া জোসেফ ও তাহার সহকর্মীদের লক্ষ্য করিয়া বলিল, “তোমাদের প্রতি যে গুরুভার অর্পিত হইয়াছে, তাহা গ্রহণে তোমাদের কাহারও কোন আপত্তি থাকিলে সেই আপত্তির যুক্তিসঙ্গত কারণ প্রদর্শন করিতে কুণ্ঠিত হইও না।”

কিন্তু কেহই আপত্তি প্রকাশ করিল না, সকলেই মৌনভাবে দাঁড়াইয়া রহিল।

সভাপতি কয়েক মিনিট নীরব থাকিয়া, কেহ একটি কথাও বলিল না দেখিয়া পুনর্বার গম্ভীর স্বরে বলিল, “ব্রাতৃগণ, তোমাদের সম্বন্ধের দৃঢ়তার পরিচয় পাইয়া আমি সত্যই মুগ্ধ হইয়াছি, তোমাদের আত্মত্যাগের পরিচয় পাইয়া

আমার চোখে জল আসিতেছে। আজ তোমরা যে কঠিন ভার গ্রহণ করিলে, ইহা কার্যে পরিণত করিবার সময় তোমাদের জীবন বিপন্ন হইবার আশঙ্কা আছে। হয় ত তোমাদের চাই এক জন কোন কৌশলে পলায়ন করিতে পারিবে, কিন্তু সকলেরই পরিত্রাণলাভের আশা নাই। কিন্তু তোমরা মাতৃভূমির প্রিয় সন্তান, দেশ-মাতৃকার কল্যাণসাধনের জন্ত তোমরা আত্মত্যাগ করিতে উদ্বৃত হইয়াছ, তোমাদের ত্যাগের আদর্শ সকল দেশের স্বদেশ-হিতৈষী মহাপ্রাণ মানবমণ্ডলীর অনুকরণীয়।”

সভাপতি নীরব হইলে নির্বাকিতা দ্বাদশ জন সভ্যের এক জন তাহার সম্মুখে অগ্রসর হইল। এই লোকটির বয়স প্রায় পঞ্চাশ বৎসর, লোকটি দীর্ঘকায়, বলবান, সঙ্কল্পের দৃঢ়তা তাহার মুখে সুপরিষ্কৃত, এবং ভাবভঙ্গীতে লোকটির ব্যক্তিগত স্বাভাব্যতা ও ঔদ্ধত্যের সুস্পষ্ট পরিচয় পাওয়া যায়। সে সভাপতিকে লক্ষ্য করিয়া দৃঢ় স্বরে বলিতে লাগিল,—“সভাপতি মহাশয়, আমি জানিতে চাই, এতগুলি লোকের জীবন একসঙ্গে বিপন্ন করিবার কারণ কি? আমাদের প্রধান পরামর্শ-সভার সভ্যবৃন্দ একমতাবলম্বী হইয়া সম্রাটের প্রাণদণ্ডের আদেশ প্রচার করিয়াছেন। উত্তম, এ সম্বন্ধে আমার কিছুই বলিবার নাই। যে উপায়ে হউক—সম্রাটকে হত্যা করা হউক। আমি পৃথিবীর সকল দেশের সম্রাট ও রাজগণকে ঘৃণা করি। রুস-সম্রাটের প্রতি আমার ঘৃণা আপনাদের কাহারও অপেক্ষা অল্প নহে, বোধ হয়, একটু বেশী। সকল দেশের নরপতিদেরই আমি পৃথিবীর অভিশাপ বলিয়া মনে করি। তাহারা এক জাতির সহিত অল্প জাতির বৃদ্ধ বাধায়, অসঙ্কোচে প্রজাপুঞ্জের শোণিতপাত করে, এবং তাহাদের অনাবশ্যক আড়ম্বর ও বিলাসের ব্যয় বহন করিবার জন্ত দেশের দরিদ্র প্রজাপুঞ্জ তাহাদের কষ্টোপার্জিত অর্থরাশির অপব্যয় করিতে বাধ্য হয়। দেশের জনসাধারণের জীর্ণ পঞ্জর চূর্ণ করিয়া তাহাদের মূল্যবান শকটগুলি সবেগে ধাবিত হয়। সমাজের এই ঘৃণিত ব্যবস্থার বিলোপ-সাধন করিয়া, নানা দোষের আকর কলুষিত সমাজকে সুসংস্কৃত করাই আমাদের প্রধান কর্তব্য। যাহারা আইনের আশ্রয়ে বৈধ দস্যুবৃত্তির সাহায্যে দরিদ্র শ্রমজীবীগণকে প্রতারিত করিয়া বিপুল অর্থ সংগ্রহ করিতেছে, তাহাদের

সর্বস্ব লুণ্ঠন করিয়া তাহা দরিদ্র শ্রমজীবীগণের মধ্যে বণ্টন করিয়া দেওয়াও আমাদের অগ্রতম কর্তব্য।”

তাহার এই বক্তৃতা শুনিয়া সভ্যগণ সোৎসাহে করতালি দিল, এবং মৃদুস্বরে তাহার উক্তির সমর্থন করিল। বক্তা ইহাতে অধিকতর উত্তেজিত হইয়া উঠিল, এবং কয়েক মিনিট নীরব থাকিয়া সকলে নিস্তব্ধ হইলে, রুমালে মুখ মুছিয়া পুনর্বার বলিল, “আমরা যে ছরুহ কার্য্যভার গ্রহণ করিয়াছি, তাহা যে অত্যন্ত বিপজ্জনক, ইহা স্বীকার করিতেই হইবে। কিন্তু দুই তিন জন দৃঢ়প্রতিজ্ঞ, সাহসী ও চতুর লোক একত্র চেষ্টা করিলে এই কার্য্য সংসাধিত হইতে পারে, ইহাও অস্বীকার করা যায় না। এ অবস্থায় এই বারো জন স্বদেশবৎসল, একনিষ্ঠ ও দৃঢ়প্রতিজ্ঞ ব্যক্তির জীবন বিপন্ন করিবার কারণ কি, তাহা কি আগাকে বঝাইয়া দিবেন? আমি স্বয়ং এই ভার গ্রহণ করিতে প্রস্তুত আছি, কিন্তু এক জনের চেষ্টা নানাভাবে বিফল হইতে পারে, এই জন্ত আমি আর এক জনের সহায়তা প্রার্থনীয় মনে করি। আপনাদের কেহ ইচ্ছা করিলে এই কার্য্যে আমার সাহচর্য্য করিতে পারেন। আমরা দুই জন একত্র এই ছরুহ কার্য্য সংসাধন করিব।”

বক্তার উক্তি সঙ্গত বলিয়াই সকলের ধারণা হইল, কিন্তু হঠাৎ কেহ তাহাকে সাহায্য করিতে অগ্রসর হইল না। বক্তা প্রত্যেকের মুখের দিকে সাগ্রহে দৃষ্টিপাত করিতে লাগিল; অবশেষে জোসেফ তাহার সম্মুখে আসিয়া দাঁড়াইল, দৃঢ়স্বরে বলিল, “আমি আপনার সঙ্গে যাইব।”

জোসেফের কথা শুনিয়া সমবেত সভ্যমণ্ডলী অশ্রুট স্বরে তাহার প্রশংসা করিতে লাগিল। তাহাদের গুণ-ধ্বনি নীরব হইলে সভাপতি বলিল, “তোমাদের সাহসের পরিচয় পাইয়া মুগ্ধ হইলাম। জোসেফ কুরেট, তোমার বয়স অল্প, আমরা এখনও তোমার কার্য্যদক্ষতার প্রমাণ পাই নাই, কিন্তু তোমার যোগ্যতায় আমরা নির্ভর করিতে পারি। আর তুমি ষ্ট্রোভিল, আমাদের সম্প্রদায়ের কার্য্যে প্রচুর অভিজ্ঞতা লাভ করিয়াছ; গত ২৫ বৎসর কাল ধরিয়া আমাদের মহদ্ব্রতের উদ্যাপনে যথাসক্তি সাহায্য করিয়া আসিয়াছ। সম্প্রদায়ের মঙ্গলের জন্ত জীবন উৎসর্গ করিয়াছ। বহুদিন পূর্বে তুমি আমাদের যে উপকার

করিয়াছিলে; তাহা আমরা কখন বিস্মৃত হইব না। সুতরাং তোমরা উভয়ে স্বতঃপ্রবৃত্ত, হইয়া যে দায়িত্ব-ভার গ্রহণে উত্তম হইয়াছ, তাহাতে তোমরা সাফল্য লাভ করিয়া বীরেন্দ্র-সমাজের বরণীয় আসন লাভ করিতে পারিবে, এ বিষয়ে আমার বিদ্ভূমাত্র সন্দেহ নাই; আশা করি, সভ্যগণ একবাক্যে তোমাদের এই সঙ্গত প্রস্তাবের সমর্থন করিবেন।”

সমাগত সভ্যগণ সকলেই ষ্ট্রোভিলের প্রস্তাবের সমর্থন করিল। তাহাদের অভিমত শুনিয়া সভাপতি বলিল, “ষ্ট্রোভিল, এই সভায় তোমার প্রস্তাব সমর্থিত ও গৃহীত হইল। জোসেফ কুরেট ও নিকোলাস ষ্ট্রোভিল, তোমরা উভয়ে আমাদের প্রধান পরামর্শ-সভার আদেশ পালন করিবে। জারের প্রাণসংহারের ভার তোমাদের হস্তেই প্রদত্ত হইল। তবে আমি অত্র যে দশ জনের নাম পূর্বে উল্লেখ করিয়াছি, তাহারা পশ্চাতে থাকিয়া তোমাদের সাহায্য করিবে।”

অতঃপর নিকোলাস ষ্ট্রোভিল জোসেফের হাত ধরিয়া উৎসাহভরে বলিল, “এস বন্ধু, আমরা উভয়ে একত্র গৌরব অর্জন অথবা সেই চেষ্টায় দেহ বিসর্জন করিব।”

কি উপায়ে রুস-সম্রাটকে হত্যা করিতে হইবে, এই প্রশ্ন লইয়া সভায় দীর্ঘকাল আলোচনা চলিল; যে স্থান হইতে যে ভাবে সম্রাটকে আক্রমণ করিতে হইবে, তাহার একখানি নক্সাও ষ্ট্রোভিলের হস্তে প্রদান করা হইল। রুস-সম্রাট কোন নির্দিষ্ট দিনে উপাসনার জন্ত একটি ভজনালয়ে যাইবেন; নিহিলিষ্টরা গোপনে এই সংবাদ সংগ্রহ করিয়াছিল। যে পথে সম্রাটের ভজনালয়ে যাইবার কথা ছিল, উক্ত নক্সায় সেই পথটি চিহ্নিত করা হইয়াছিল; সম্রাটের আততায়ী পথের যে স্থানে দাঁড়াইয়া বোমা নিক্ষেপ করিয়া সম্রাটের শকট চূর্ণ করিবার আদেশ পাইয়াছিল, সেই স্থানটিও লাল কালী দ্বারা চিহ্নিত করা হইয়াছিল। যে স্থান হইতে সম্রাটের শকটের উপর বোমা নিক্ষেপ করিবার কথা, সেই স্থান হইতে ভজনালয়গামী শকটের দূরত্ব কুড়ি গজের অধিক নহে। আততায়ী বোমা নিক্ষেপ করিয়া কোন্ পথে পলায়ন করিবে, নক্সাখানিতে তাহাও প্রদর্শিত হইয়াছিল। ঘটনাচক্রে আততায়ীর সেই পথে পলায়ন করা অসম্ভব হইলে, সে যাহাতে অত্র দিকে পলায়ন করিয়া

আয়ত্ত্ব করিতে পারে, এই উদ্দেশ্যে নক্সায় আরও কয়েকটি পথ চিহ্নিত করা হইয়াছিল। আততায়ীর পলায়নে সাহায্য করিবার জন্ত তাহার সহযোগিগণ কোন্ কোন্ স্থানে লুকাইয়া থাকিবে, তাহাও সেই নক্সায় বিভিন্ন প্রকার চিহ্ন দ্বারা নির্দিষ্ট হইয়াছিল। বস্তুতঃ আততায়ীকে পরিচালিত করিবার জন্ত নক্সাখানি নিখুঁত হইয়াছিল।

কেহ মনে করিবেন না, এই নক্সাখানির কথা লেখকের কপোলকল্পিত। এই উপন্যাস-বর্ণিত কোন ঘটনাই কাল্পনিক নহে। রুস-সম্রাটের হত্যাকাণ্ড নির্বিশেষে ও দক্ষতা সহকারে সুসম্পন্ন করিবার জন্ত যে গুপ্ত সভার অধিবেশন হইয়াছিল, তাহার পূর্বোক্ত বিবরণও কাল্পনিক নহে, সম্পূর্ণ সত্য। আমরা যে নক্সাখানির কথা বলিলাম, রুসিয়ার একটি যুবক এঞ্জিনিয়ার তাহা অঙ্কিত করিয়াছিল, এই নিহিলিষ্ট যুবক ধরা পড়িবার ভয়ে রুসিয়ার রাজধানী হইতে কোনও সুযোগে জেনিভা নগরে পলায়ন করিয়াছিল। কিছু দিন পরে জেনিভা নগরেই তাহার মৃত্যু হয়।

যাহা হউক, ষ্টোভিল সেই নক্সাখানি হাতে লইয়া তীক্ষ্ণ

দৃষ্টিতে তাহা পর্যবেক্ষণ করিতে লাগিল; দেখিতে দেখিতে যুহাস্তে তাহার গুপ্তপ্রান্ত অন্বেষণিত হইল। কয়েক মিনিট পরে সে নক্সাখানি ভাঁজ করিয়া পকেটে রাখিল। আরও কিছু কাল ধরিয়া অন্যান্য বিষয় সম্বন্ধে বাদামুবাদের পর সভাভঙ্গ হইল। শত্রুপক্ষের কোন গুপ্তচর সেই সুড়ঙ্গের বাহিরে বা পথের ধারে লুকাইয়া আছে কি না, পরীক্ষা করিয়া, সভাগণ একে একে নিঃশব্দে সভাস্থল পরিত্যাগ করিল; কিন্তু এক জন লোক পথিপ্রান্তে লুকাইয়া থাকিয়া প্রত্যেকের গতিবিধি লক্ষ্য করিতে লাগিল।

জোসেফ কুরেট শেষ পর্যন্ত সেখানে দাঁড়াইয়া ছিল; তাহাকে নিস্তব্ধভাবে দণ্ডায়মান দেখিয়া নিকোলাস ষ্টোভিল তাহার সম্মুখে অগ্রসর হইল এবং তাহার হাত ধরিয়া মৌনভাবে সেই কক্ষ হইতে নিজপ্রান্ত হইল; জোসেফও তাহাকে কোন কথা বলিল না। অবশেষে উভয়ে পথে আসিয়া দাঁড়াইলে, ষ্টোভিল জোসেফকে বলিল, “আমার সঙ্গে চল, তোমার সঙ্গে গোটাকত জরুরী কথা আছে।”

[ক্রমশঃ ।

শ্রীদীনেন্দ্রকুমার রায় ।

বীরাজনা

আজ ফাগুয়ার ফাগুনমাসে চিতোরপুরের প্রাসাদমানে রাজমহিষীর জন্মদিনে নহবোত্ আর শাণাই বাজে। শতক প্রিয়-সহচরী সবাই মিলি ঘিরে ঘিরে মনের মত খুল-পোষাকে সাজায় তাদের রাজ-রাণীরে। কন্দু বী আর কঙ্কমেরই পোসবায়ৈ দিক আমোদ করে গুগ্-গুল আতর চন্দনের যে গন্ধে দিশি উঠছে ভরে। মহোৎসবের ডঙ্কা বাজে শঙ্খ বাজে অন্দরেতে; যুদ্ধ-কঠোর রাজপুত্রেরা উৎসবে আজ উঠল মেতে। আবীর কাগের রংমশালে রঙিন সারা চিতোরপুরী, আনন্দেরই শ্রোতের ধারা ছুটছে সারা চিতোর যুড়ি। সবাই গাহে সবাই হাসে ভাবনা কার নাইক মোটে; বজ্রসম তুর্ধনাদে হঠাৎ সবে চমকে ওঠে। চিতোরপুরী উঠল কেঁপে ভয়ঙ্কর এক হট্টগোলে শত্রু-সেনা ঘিরল পুরী হঠাৎ বেন মন্ববলে। কাগের খেলা বন্ধ হ'ল থামল হঠাৎ শাণাই-বাণী পিচ্কারী রং আবীর কেলে অস্ত্র ধরে চিতোরবাসী।

তজ্জে ওঠে মস্ত অরি কামান-গোলা গজ্জে ছোটে ; পঞ্চশত রাজপুত্র-বীর নিঃশব্দমানে ধর'য় লোটে। রাণার দোসর বৃন্দ-পতির মৃত্যু হ'ল বশাঘাতে ; স্ময়ং রাণা বিদমজ্জিৎ বন্দী হলেন শত্রু-হাতে। ক্রিপ্ত-অরি মস্ত-পাগল—জয়োল্লাসে অধীর সবে— আকাশ ফাটে বাতাস কাঁপে বিকট তাদের “আল্লা” রবে। আচম্বিতে চমকে তারা থমকে থাম'য় বিজয়-ধ্বনি ; ক্রুদ্ধভেজে ঘিরল তাদের শতক চিতোর বীর-রমণী। সবার আগে জম্ব'র বাঈ—চিতোর রাণার প্রাণ-প্রেরসী ; নবীর দেহে বর্ষ অঁটা কোমল করে কঠোর অসি। রাজমহিষী নামেন রণে উন্মাদিনী দেবীর মত ;— শৈরবী সে মূর্ত্তি হেরি' শুরূ অবাক শত্রু বত। ঘটাপানেক লড়াই হ'ল—মরল রাণীর সকল জনা। সবার শেষে ছিন্ন শিরে পড়ল লুটে বীরাজনা।

শ্রীমনির্মল বহু ।



মার্শাল ফেন্সের স্বদেশ-প্রেম

বর্তমানে চীনের খৃষ্টান জেনারেল মার্শাল ফেন্স-উসিয়াঙ্গ সর্কাপেক্কা শক্তিশালী বলিয়া মনে হয়। কেন না, চীনের বর্তমান War-lordদিগের মধ্যে তিনিই কেল্লশক্তি পিকিনের কর্তৃত্ব বল পরিমাণে হস্তগত করিয়াছেন। এগন জগতের সকলের দৃষ্টি যখন প্রশান্ত-তটে চীনের দিকে নিবদ্ধ, তখন চীনের এই শক্তিশালী পুরুষের মনোভাব কি, জানিতে সকলেরই উৎসুকা হওয়া স্বাভাবিক। লোকের মনোভাব তাহার রচনার মধ্য দিয়া প্রায়শঃ বাস্তব হইয়া থাকে। সুতরাং মার্শাল ফেন্সের স্বরচিত প্রবন্ধাদি হইতে তাহার অভিমত উদ্ধৃত করিয়া দেপাইলে সেই কৌতূহল নিবৃত্ত হইতে পারে মনে করিয়া এই স্থানে তাহার এক অভিভাষণ হইতে কিয়দংশ উদ্ধৃত করা যাইতেছে। সম্প্রতি তিনি তাহার অধীনস্থ সামরিক ও বে-সামরিক কর্মচারিগণের সম্মুখে এই অভিভাষণ পাঠ করিয়াছিলেন।

ইহার এক স্থানে মার্শাল ফেন্স বলিতেছেন,—“আমরা চীনবাসীরা ‘স্বদেশী’ ও ‘স্বজাতি’ কথাটা ব্যবহার করিতে অভ্যস্ত হইয়াছি, ‘সামা’ কথাটাও প্রায় উচ্চারণ করিয়া থাকি। কিন্তু প্রকৃত কাব্যক্ষেত্রে আমাদের দেশের প্রবল শক্তিশালী পুরুষরা তাহাদের স্বজাতি ও স্বদেশী দরিদ্র দুর্বলগণকে উৎপীড়ন করিয়া থাকেন। এইভাবে আমাদের দেশে দুর্বলের উপর উৎপীড়ন, অত্যাচার, শোষণক্রিয়া অবাধে চলিতেছে। এমন অবস্থায় কিরূপে আমরা ‘দেশবাসী’ ও ‘সামোর’ কথা সম্মুখে উচ্চারণ করিতে সাহসী হই? পরলোকগত ডাক্তার সানইয়াটসেনের ‘কুয়ো মিন্টাঙ্গ’ দল (হোমরুল পার্টি) এই নামের আবরণে নিলক্ষভাবে নিজ নিজ স্বার্থসাধন করিতেছে; কেহ সিংহাসনের লোভ করেন, কেহ সরকারী বড় চাকুরীর কামনা করেন। কিন্তু ডাক্তার সানইয়াটসেনের কি এই নীতি ছিল? কখনই নহে। তাহার এক লক্ষ্য ছিল—জাতির জীবন রক্ষা করা। তিনি এ কথা বারবার বলিয়া গিয়াছেন, ইহা তাহার কপট কথা নহে, অন্তরের কথা। এগন কুয়োমিন্টাঙ্গ দলের মধ্যে নানা মতবিরোধ ও স্বার্থঘন উপস্থিত হইয়াছে সত্য, কিন্তু সানইয়াটসেনের অথবা তাহার দলের আদর্শ অন্যরূপ ছিল। তাহার মূলমন্ত্র ছিল—জনসেবা।

“এগন আমাদের কর্তব্য কি? আমার মনে হয়, আমরা বাহাই ভাবি, বাহাই অধ্যয়ন করি,—সেই সকলের মধ্য দিয়া একটা আদর্শের প্রতি আমাদের লক্ষ্য রাখা বিশেষ কর্তব্য। সে আদর্শ কি? চীনের ভাবধারার মধ্য দিয়া চীনের মূলনীতি অনুসরণ করিয়া চীন শাসন করা আমাদের আদর্শ হওয়া উচিত।

“মেকিয়াস (Mencius) বলিয়াছিলেন,—People the most precious জনমতই মূল্যবান। আমাদের সাধারণতন্ত্র শাসনে মেকিয়াসের মত মানা করিয়া জনমতকে আমাদের প্রভুপদে উন্নীত করিয়া আমাদের প্রভুর সেবকে পরিণত করিলে আদর্শ অনুসারে কাব্য করা হইবে।

“কিন্তু প্রকৃত কাব্যক্ষেত্রে কি দেখিতে পাই? প্রভু গাছের ছাল ও মূল পাইয়া জীবন ধারণ করিতেছে, আর সেবক রেশম ও সাটিনে দেহ আবৃত করিয়া, চর্ব-চুষা-লেখ-পেয় উপভোগ করিয়া বিলাসময় জীবন যাপন করিতেছে।

“আমাদের প্রভুরা (জনসম্ম) ঠিক যেন রিক্সা-কুলীর মত। তাহারা যেন রিক্সা টানিয়া দৌড়াইতেছে, তাহাদের ললাট হইতে শ্রম-জল ঝরিতেছে, তাহারা ক্লান্ত-শ্রান্ত অবসন্ন দেখে যেন রক্তবমন করিতেছে এবং এইরূপে ইহলোক হইতে বিদায়গ্রহণ করিতেছে! আর আমরা সেবকরা কি করিতেছি? আমরা বড় বড় মোটর-গাড়ী চাপিয়া স্কুর্টির চরম করিতেছি। এ কি বিসদৃশ সাধারণতন্ত্র! আমাদের প্রভুরা পাশার জুয়া খেলিলে পুলিশ তৎক্ষণাৎ তাহাদিগকে গ্রেপ্তার করিবে, সম্ভবতঃ তাহাদের জেল হইবে। অথচ আমরা সেবকরা স্বচ্ছন্দে প্রকাশ্যে ‘মাজং’ নামক জুয়া খেলিতে পারি,—হাজার হাজার টাকা বাজী রাখিয়া হারি বা জয় লাভ করি; তাহাতে কোনও অপরাধ হয় না, বরং পুলিশ আমাদের দ্বারে প্রহরা দিয়া আমাদের বাধা-বিঘ্ন হইতে রক্ষা করে! আমাদের প্রভু তাহার জননী উদরের যত্নগা হইলে যদি এক মাত্রা অহিঞ্জন ক্রয় করে, তাহা হইলে তদুপেই পুলিশের



ডাক্তার সানইয়াটসেন

হস্তে ধৃত হয়। অথচ সেবক মনের সাধ মিটাইয়া সারাদিন আরামে চতু টানিতে পারে! তাহাকে বাধা দিবার কেহ নাই। এ কি ভীষণ বিবেকবর্জিত সাধারণতন্ত্র!

“প্রভু বলিতে কি ব্যাধ? যে মানুষ স্বর্গ ও মর্ত্যের মধ্যে যোগাযোগ আনয়ন করে, সে-ই প্রভু। মানুষের মনুষ্যত্ব ও বৈশিষ্ট্য তাহাকে প্রভুত্ব আনিয়া দেয়। রাজতন্ত্র শাসনে রাজাই প্রভু, কেন না, তিনিই মানুষরূপে স্বর্গ ও মর্ত্যের যোগাযোগ করিয়া দেন। সাধারণতন্ত্র শাসনে জনমতই স্বর্গ ও মর্ত্যের যোগাযোগ করিয়া দেয় বলিয়া সে প্রভু এবং শাসকরা তাহার ভূতা। কিন্তু আমাদের সাধারণতন্ত্রে আমরা কি করিতেছি? আমরা জনসম্ম হইতে এমন এক জন মানুষ খুঁজিয়া বেড়াইতেছি, যিনি জনসম্ম হইতে অনেক উচ্চে আছেন; তাহাকেই আমরা জনগণের প্রভুপদে বসাইতে চাহিতেছি। ইহা ঠিক নহে, ইহা অন্যায়। স্বার্থ সাধারণতন্ত্রে জনসম্মের এক জন নহে, জনসম্মই প্রভু। সুতরাং আমাদের দেশে প্রকৃত সাধারণতন্ত্র প্রতিষ্ঠা

করিতে হইবে জনসম্মুখেই প্রভুপদে উন্নীত করিতে হইবে, সম্মান করিতে হইবে, গৌরবে ভূষিত করিতে হইবে। বর্তমান চীনে ইহার বিপরীত হইতেছে, শাসকরা অত্যাচারী অনাচারী,—তাহারা জনসম্মুখে প্রভুপদে না বসাইয়া তাহাদিগকে দাসত্বশৃঙ্খলে আবদ্ধ করিয়া রাখিয়াছে।”

মার্শাল ফেঙ্গ কিরূপ স্বদেশ ও স্বজাতিকে ভালবাসেন, শ্রদ্ধা 'করেম, সম্মান করেন, তাহা এই রচনা হইতেই জানা যায়। তবে বর্তমানে রাজনীতিক্ষেত্রে Diplomatদিগের কথায় ও কাণে অনেক সময়ে সামঞ্জস্য দেখিতে পাওয়া যায় না। পাশ্চাত্য জগতেও জার্মান-যুদ্ধকালে 'আত্মনিয়ন্ত্রণ', 'ক্ষুদ্র জাতির স্বাধীনতা' প্রভৃতি অনেক 'গাল-ভরা' কথা শুনা গিয়াছিল। এখন সে সব কথা প্রেসিডেন্ট উইলসনের ১৪ পয়েন্টের মত আটলাণ্টিকের অতল তলে তলাইয়া গিয়াছে। মার্শাল ফেঙ্গ মুখে অনেক আশার কথা বলিতেছেন, কিন্তু শেষরক্ষা হইবে কি?

মার্শাল ফেঙ্গ এই স্থানেই দ্বিষ্ট হইয়েন নাই। তিনি ও তাহার মতাবলম্বী শাসকসম্প্রদায় অতি সাদাসিধাভাবে জীবনযাপন করিতেছেন,—merely trying not to waste people's money and the country's wealth প্রকৃত কাষাক্ষেত্রে তাহার এইরূপ স্বার্থ-তাগ সর্বথা প্রশংসনীয়।

কিন্তু ইহাতেও তাহার নিস্তার নাই। জনগণের প্রতি তাহার এই সহানুভূতি প্রদর্শন এবং সাদাসিধাভাবে জীবনযাপন চিংসুরের দৃষ্টি আকর্ষণ করিয়াছে।

মার্শাল ফেঙ্গ স্বয়ং বলিতেছেন,—“আমরা এইরূপ আড়ম্বরহীন জীবনযাপন করিতেছি বলিয়া অনেকে আমাদেরকে রুসিয়ান 'রেড' বলশেভিকবাদের প্রভাবে প্রভাবান্বিত বলিয়া সন্দেহ করিতেছে। বর্তমান কালে লোক সহজেই সন্দেহ হইয়া থাকে। আমি কয়েক দিন লয়াঙ্গের ছিলাম। তখন অনেকে সন্দেহ করিয়াছিলেন যে, আমি লয়াঙ্গের পক্ষপাতী। এইরূপে আমাকে কেহ কেহ প্যাণ্ডিফুর পক্ষপাতী, প্রেসিডেন্ট লিহংচংয়ের পক্ষপাতী, সানইয়াটসেনের পক্ষপাতী, ফেঙ্গটিয়াঙ্গের পক্ষপাতীও বলিয়া সন্দেহ করিয়াছেন। আমি ইহাতে হস্ত সংবরণ করিতে পারি নাই। আমি তাহা হইলে কি? আমি কি ইহার মধ্যে একের পক্ষপাতী, না সকলেরই পক্ষপাতী? আমি বলিব, যিনি, আর সকল চিত্তের উপরে চীনের মঙ্গল-চিন্তাকে হৃদয়ে স্থান দিয়াছেন, আমি তাহারই পক্ষপাতী; যে দেশের সর্বনাশ করিয়া নিজের স্বার্থসাধন করিতে চায়, সে আমার শত্রু—যে আমার দেশকে শত্রুর হস্তে তুলিয়া দেয়, আমি তাহার শত্রু।

“আমাদের জাতীয় মানচিত্রে বিদেশীর দ্বারা অধিকৃত স্থানগুলি রক্তবর্ণে রঞ্জিত করিয়া রাখা হইয়াছে, উহা প্রতিদিন দেখিয়া আমরা আমাদের জাতীয় লজ্জার কথা, অপমানের কথা স্মরণ করি। কিন্তু তাহা বলিয়া কোন বিদেশী জাতির প্রতি আমাদের ঘৃণার ভাব নাই, সকলেই আমাদের বন্ধু। তবে ইহাও বলি যে, আমরা চীনের মুক্তির পক্ষপাতী। এই হেতু আমরা চীনের হস্তচ্যুত অংশগুলির জন্য প্রতি বৎসর আন্দোলন-আলোচনা করিয়া থাকি।”

মার্শাল ফেঙ্গ এইরূপে স্বদেশের স্বাধীনতার জন্য আকুল আগ্রহ প্রকাশ করিয়াছেন। তাহার এই রচনা পাঠ করিলে মনে হয়, তিনি ব্যক্তিগত স্বার্থের জন্য, নিজহস্তে প্রভুত্ব গ্ৰহণ করিবার জন্য বাস্তব নহেন; বাহ্যতে তাহার জন্মভূমি বড় হয়, অন্য পাঁচটা শক্তির মত জগতে মানা-গণা হয়, তাহারই জন্য তিনি তরবারি গ্ৰহণ করিয়াছেন। চীনের বর্তমান অবস্থায় এক জন শক্তিশালী দেশনায়কের বিশেষ প্রয়োজন। এ জন্য তিনি জনমতের প্রতি শ্রদ্ধাসম্পন্ন হইলেও, সাময়িকভাবে নিয়ামকরূপে সকল দলকে এক কেন্দ্রের অন্তর্ভুক্ত করিবার প্রয়াস পাইতেছেন। এ সম্বন্ধে ইংরাজ-পরিচালিত 'নর্থ চায়না হেরাল্ড' পত্র

লিখিতেছেন, “মার্শাল ফেঙ্গের সেনাদল বর্তমানে চীনের মধ্যে সর্বো-পেক্ষা সুশিক্ষিত, শৃঙ্খলাবদ্ধ ও রণদক্ষ। চীনের যে স্থানে এই সেনার আড্ডা আছে, সেই স্থানের লোক তাহাকে তাহাদের অঞ্চলে তাহার সেনা রক্ষা করিতে অনুরোধ করে। তাহার কারণ এই যে, যেখানে ফেঙ্গের সেনা বিরাজ করে, সেখানে লোক শান্তিতে বাস করিতে পায়। মার্শাল ফেঙ্গ প্রায় বলিয়া থাকেন, চীনার বিপক্ষে চীনার যুদ্ধ দেশের পক্ষে সর্বনাশকর। কিন্তু চীনের বর্তমান অবস্থায় এই গৃহযুদ্ধ নিবারণ করিতে হইলে কাহারও মুখের কথায় সম্ভবপর হইবে না। এক জন শক্তিশালী হইয়া বলপূর্বক এই গৃহ-বিবাদ সান্ত্বনা করিলে উপায় নাই বলিয়া ফেঙ্গ তাহার সেনাদলকে শক্তিশালী করিতেছেন, পরস্তু মনো হইতে রণসম্ভারও সংগ্রহ করিতেছেন। স্বার্থপ্রণোদিত হইয়া ফেঙ্গ এরূপ করিতেছেন না। এখন চীনে এক জন শক্তিশালী নিয়ামকের প্রয়োজন বলিয়া ফেঙ্গ এইরূপ করিতেছেন। তিনি কাহারও উপর অত্যাচারের উদ্দেশ্যে এরূপ করিতেছেন না, তবে যাহারা তাহার উদ্দেশ্যের (চীনের মুক্তির) পথে বিঘ্ন হইয়া দাঁড়াইবে, তাহাদের শাসনের জন্য এই ভাবে শক্তি সঞ্চয় করিতেছেন। দেশে শান্তি ও একতা প্রতিষ্ঠাই ফেঙ্গের লক্ষ্য ও আদর্শ। যদি ফেঙ্গের উদ্দেশ্য মত না হইত, যদি তিনি কপট ও স্বার্থপর হইতেন, তাহা হইলে তাহার সেনাদল তাহাকে আন্তরিক ভক্তিপ্রদা করিত না,—তাহার জন্য প্রাণ পম্বাস্ত্র দিতে পশ্চাত্তপদ হইত না।”

ইংরাজের সম্পাদিত পত্র যখন এইরূপ অভিমত প্রকাশ করিতেছে, তখন চীনের ভবিষ্যৎসম্বন্ধে হতাশ হইবার বিশেষ কারণ নাই। মার্শাল ফেঙ্গ যথার্থ দেশ-প্রেমিক কি না—তিনি স্বার্থপর ও হুঁচু কি না, তাহা ভবিষ্যৎই বলিয়া দিবে।

সভ্যতার আলোক

পাশ্চাত্য জগতের শক্তিশালী জাতির আপনাদের সভ্যতাকে শ্রেষ্ঠ বলিয়া মনে করিয়া থাকেন এবং তথাকথিত অসভ্য জাতিদিগকে (Backward nations) তাহাদের সভ্যতার আলোক প্রদান করিয়া অন্ধকারের প্রভাব হ্রাসে মুক্ত করিবার জন্য উৎসুক থাকেন। তাহারা মনে করেন, এক পরম কারুণিক বিধাতা তাহাদিগকে Chosen people অমুগৃহীত ও নিপাচিত জাতিরূপে সৃষ্টি করিয়া জগতের 'অসভ্য' জাতিদিগের অভিভাবক নিযুক্ত করিয়াছেন, সুতরাং তাহারা অসভ্য জাতিদিগকে 'অন্ধকার হইতে আলোক' আনয়ন করিবার বিধাতার মঙ্গলময় উদ্দেশ্যই সাধন করিতেছেন।

কি ভাবে এই উদ্দেশ্য এ যাবৎ সাধিত হইয়া আসিয়াছে, উত্তর-আমেরিকার 'সেমিনোল' নামক রেড ইণ্ডিয়ান জাতির ইতিহাস হইতে বিশেষরূপে জানা যায়। মধ্যযুগে স্পেনীয় বিজেতা ক্রিস্টোফর কোলম্বাসের 'অসভ্য' রেড ইণ্ডিয়ানদিগকে অন্ধকার হইতে আলোক আনয়ন করিয়াছিলেন, তাহা ইতিহাসই সাক্ষ্য প্রদান করে। সে 'ইনকা' জাতির স্থাপত্য-শিল্পের নিদর্শনসমূহ আজও জগতের বিস্ময় উৎপাদন করে, আজ তাহারা কোথায়? পাশ্চাত্য সভ্যতার মঙ্গল-হস্ত-স্পর্শ লাভ করিবার সৌভাগ্য যে সকল অসভ্য জাতির হইয়াছে, মধ্যযুগের সে সকল জাতি এখন কি অবস্থায় রহিয়াছে?

সেমিনোল জাতি ৫০ বৎসর যাবৎ এই সভ্যতার আলোক হইতে দূরে থাকিতে চেষ্টা করিয়া আসিয়াছে। মার্কিন যুক্তরাজ্যের সরকার কত চেষ্টা করিয়াছেন, কিন্তু তাহাদের সকল চেষ্টাই ব্যর্থ হইয়াছে—সেমিনোলরা কিছুতেই 'সভ্য' হইতে চাহে নাই।

মার্কিন সরকার তাহাদের বিপক্ষে অবিরাম যুদ্ধ করিয়াছেন, বল-পূর্বক তাহাদিগকে দেশত্যাগী করিয়াছেন, কলে তাহারা একরূপ

ধ্বংসপ্রাপ্ত হইয়াছে,
এখন সংখ্যায় তাহারা
নব্বসাকুলো ৫ শতে-
রও অধিক হইবে না,
কিন্তু ১৫৩৯ খৃষ্টাব্দে
ডি সোতো যখন টাম্প



পুত্রসহ সেমিনোল জাতীয় রেডইণ্ডিয়ান সর্দার

উপসাগরের উপকূলে প্রথম অবতরণ করিয়া তাহাদের দেশ জয় করিতে আরম্ভ করেন, তখন তাহারা সংখ্যায় বহু সচস্র ছিল, পরন্তু এক শক্তিশালী জাতিও ছিল।

মার্কিন যুক্তরাষ্ট্রের ফ্লোরিডা প্রদেশের এভারগ্লেডস অঞ্চলে সেমিনোলদিগের বাস। এভারগ্লেডস অঞ্চল গভীর জঙ্গল ও জলায় আচ্ছন্ন। কলম্বাস যখন আমেরিকা আবিষ্কার করেন, তখন সেই অঞ্চলের যে অবস্থা ছিল, এখনও তাই আছে। পাশ্চাত্য সাম্রাজ্যিকী জাতিরা যে দিন হইতে তাহাদের জন্মভূমিতে পদার্পণ করিয়া তাহাদিগকে জয় করিতে আরম্ভ করে এবং পরে তাহাদিগের পরমপ্রিয় দলপতি শূরবীর ওসিওলাকে গৃত ও কারারুদ্ধ করে, সেই দিন হইতে তাহারা খেতজাতির সকল সংস্পর্শকে পাপের মত পরিহার করিয়া আপনাদের জঙ্গল ও জলার মধ্যে কষ্টময় জীবন-যাপন করিতেছে—খেতজাতির শত্রু প্রলোভনেও তাহাদের 'সভাতার' আলোকে যাইতে চাহে নাই। ইহা খেতজাতির 'সভাতালোক বিস্তারের' একটি প্রকৃষ্ট দৃষ্টান্ত।

মার্কিন সাম্রাজ্যিকী জাতি বলিয়া গণ্যমান্য করিয়া থাকেন। তাহারা মুক্তির উপায়ক, স্বাধীনতার স্তাবক। তাহারা এই সেমিনোল জাতিকে নানা সাহায্য করিতে অগ্রসর হইয়াছিলেন। কিন্তু ইহারা এমনই 'অসভ্য' এবং এমনই 'নিকোঁধ' যে, মার্কিনের এই স্বৈচ্ছন্দ্রদস্ত সাহায্য কিছুতেই গ্রহণ করিতে সম্মত হয় নাই, বরং বলিয়াছে,—“আমরা তোমাদের সাহায্য চাহি না, আমাদের জলা-জঙ্গলের মধ্যে শান্তিতে থাকিতে দাও।”



আকোমা জাতীয় রেডইণ্ডিয়ান তরুণী

এই সেমিনোল জাতির লিপিত ভাষা নাই, কিন্তু তাহাদের আশ্চর্য্য স্মরণশক্তি আছে। তাহারা তাহাদের জাতির ইতিহাস বংশানুক্রমে স্মরণ করিয়া রাখে এবং ভবিষ্যৎশীলগণকে 'সপ্ত-বৎসরের' যুদ্ধের কথা স্মরণ করাইয়া শিক্ষা দেয়,—যে খেতজাতি অসিওলাকে কারারুদ্ধ করিয়াছে সেই খেতজাতির সংস্পর্শে কখনও যাইও না! পিতা পুত্রকে বালাকাল হইতে এই শিক্ষা দেয়—পুত্র বড় হইয়া তাহার পুত্রকে এই শিক্ষা দেয়। এইরূপ শিক্ষাদান অষ্টশতাব্দী ব্যাপিয়া চলিয়া আসিতেছে।



পুত্রসহ পিউটে জাতীয় রেডইণ্ডিয়ান সর্দার

সেমিনোলরা কখনও শ্বেতজাতিকে অতিধিক্রমে গ্রহণ করে না। কেবল উইলিয়াম (Old Bill) নামক এক মার্কিন বণিক ইহাদের শ্রদ্ধাপ্রীতি অর্জন করিতে সমর্থ হইয়াছিলেন। প্রথমে উহারা তাঁহাকে আপনাদের মধ্যে গ্রহণ করিতে চাহে নাই। কিন্তু তিনি নিজের স্নেহ, যত্ন, সত্যবাদিতা এবং সদয় ব্যবহারের গুণে ক্রমে তাহাদের শ্রদ্ধাপ্রীতি আকর্ষণ করিয়াছিলেন। শেষে তিনি তাহাদের মধ্যে বহুকাল বসবাস করিলে এমন হইয়াছিল যে, তাহারা তাঁহাকে আপনার জন বলিয়া মনে করিত এবং এমন কি তাঁহার জন্য প্রাণ পর্যন্ত দিতে প্রস্তুত হইত। সুতরাং বুঝা যায়, সেমিনোলরা স্বভাবতঃ হৃদয়হীন নহে, সদয় ব্যবহারের প্রত্যুত্তরে তাহারাও সদয় ব্যবহার করিতে জানে। কি ভীষণ ব্যবহার পাইয়া তাহারা শ্বেতজাতির প্রতি এত কঠিন হইয়াছে, তাহা সহজেই অনুমেয়।

উইলিয়াম সেমিনোলদের এক জন হইয়া তাহাদের চাষবাসে, মৎস্য ও পশুপক্ষী শিকারে সাহায্য করেন, তাহাদের রোগ-শোক হইলে সেবা-পরিচর্যা এবং সাহায্য প্রদান করেন। তাহারাও এই হেতু তাঁহার বিপদ আপদে প্রাণ দিয়া তাঁহার সেবা করে। তাহারা কৃতজ্ঞ হৃদয়ে তাঁহাকে তাহাদের জাতির অনেক গুণ্ড বিদ্যা শিখাইয়াছে। ইহার মধ্যে মৎস্যশিকার ও সর্পদংশনের চিকিৎসা অন্যতম। দুইটি উদ্ভিদের পাতার রস করিয়া তাহারা এক বালতি জলে মিশাইয়া দেয় এবং ঐ মিশ্রিত জল জলাশয়ে ফেলিয়া দেয়। মিশ্রিত জল জলাশয়ের জলে মিশিয়া যাইবামাত্র জলাশয়ের সমস্ত মৎস্য উপরে ভাসিয়া উঠে, তখন মৎস্যগুলি যেন অচেতন অবস্থায় থাকে। তখন সেমিনোলরা ইচ্ছামত বাছিয়া বড় মাছগুলি সংগ্রহ করে, অপরগুলি ছাড়িয়া দেয়। কিছু পরে উদ্ভিজ্জ মাদকমিশ্রিত জলের প্রভাব নষ্ট হইলে জলাশয়ে মৎস্য আবার চেতনা প্রাপ্ত হইয়া জলগর্ভে পলায়ন করে। উইলিয়াম সেমিনোলদের নিকট সর্পদংশনের অবার্থ ঔষধও শিক্ষা করিয়াছেন। কিন্তু কি উপাদানে মৎস্য ধরা বা সর্পদংশন হইতে রক্ষা করা হয়, তাহা তিনি জানিতে পারেন নাই। মিশ্রিত কথায়, উৎকোচ প্রদানে অথবা ভয় প্রদানেও এই গুণ্ড বিদ্যা তিনি আয়ত্ত করিতে পারেন নাই। তবে সর্পদষ্টে ব্যক্তিকে সেমিনোলরা সংবাদ পাইলে নিজে যাইয়া রক্ষা করিতে কখনও অসম্মতি প্রকাশ করে না। উইলিয়াম বলেন, “সেমিনোলরা অতি মহৎ জাতি। তাহারা অতীব চরিত্রবান্ ও ধর্ম-পরায়ণ। তাহাদের জলা-জঙ্গলে, যদি কোন শ্বেতকায় রোগগ্রস্ত হইয়া পড়ে অথবা আকস্মিক দুঃখটনায় আহত হয়, তাহা হইলে তাহারা দ্বার গলিয়া গিয়া প্রাণপণে তাহার সেবা করে। তাহাদের মত সন্তান-বৎসল কর্তব্যপারায়ণ পিতামাতা দেখিতে পাওয়া যায় না। তাহারা সকল বিষয়ে—বিশেষতঃ ব্যবসায়-বাণিজ্যে অত্যন্ত সাধু ও সত্যবাদী। আমাদের শ্বেতজাতি তাহাদের নিকট এ বিষয়ে শিক্ষালাভ করিতে পারে। শ্বেতজাতির সংস্পর্শে তাহারা আশ্রিত চাহে না, ইহাই তাহাদের একমাত্র দোষ।”

এমন সাধুপ্রকৃতির হৃদয়বান্ জাতি আজ কাহার জন্য পৃথিবী হইতে লোপ পাইতে বসিয়াছে? তাহাদের মধ্যে কেহ কেহ ভাঙ্গা ভাঙ্গা ইংরাজী বলিতে পারে। যাহারা পারেন, তাহারা তাহাদের শিশুদিগকে শিক্ষা দেয়,—“Paleface no good—all lies—অর্থাৎ শ্বেতকায় ভাল হয় না, উহাদের সব মিথ্যা।” কেন এমন হয়? পাশ্চাত্য সভ্যতা-লোকের দীপ্তি কি এমনই ভীষণ?

মার্কিনের অন্যান্য স্থানেও রেড ইণ্ডিয়ানদিগের প্রতি কি অমানুষিক অত্যাচার আচরিত হইয়া আসিয়াছে, মিঃ ফিলিপ আলেকজান্ডার ব্রস এক মার্কিন পত্রে তাহার বিবরণ প্রদান করিয়াছেন। সে বর্ণনা হৃদয়-বিদারক! উহা উদ্ধৃত করিতে গেলে প্রবন্ধের কলমের অতিরিক্ত বৃদ্ধি প্রাপ্ত হয়।

মার্কিনের কোনও শক্তিশালী শ্রেষ্ঠশ্রেণীর মংবাদপত্র ক্যালিকোর্নিয়া

প্রদেশের ১৮টি, ডাকোটার সিউন্স নামক একটি এবং নিউইয়র্ক সহরের ৬টি রেড ইণ্ডিয়ান জাতির অধিকার সমূহ বলপূর্বক পদদলিত হওয়াতে লিখিয়াছেন,—“রেড ইণ্ডিয়ানদের প্রতি যুক্তরাজ্যের লোকের ও সরকারের ব্যবহার যে জাতির কলঙ্ক,—তাহা অবিসংবাদিত সত্য। এই ব্যবহারের মধ্যে পাশব অত্যাচার, ভয়-প্রতিশ্রুতি ও অমানুষিক যুগার অবিচ্ছিন্ন পরিচয় পাওয়া যায়। কথামূলি কঠোর হইল সন্দেহ নাই। কিন্তু মিঃ ফিলিপ আলেকজান্ডার ব্রসের রেড-ইণ্ডিয়ানদের প্রতি অনায় অত্যাচার সম্পর্কিত প্রবন্ধ পাঠ করিলে এই কঠোর মন্তব্য যে সত্য অতিক্রম করে নাই, তাহা স্পষ্ট প্রতীয়মান হইবে। এখন কংগ্রেস অতীতের এই পাপের প্রায়শ্চিত্ত করুন। যে গর্ভিত মহৎ জাতির বংশধরগণকে আমাদের পূর্বপুরুষেরা হতসর্ভস্ব ও ধরাপৃষ্ঠ হইতে লুপ্ত করিয়া আসিয়াছেন, তাহাদের প্রতি ন্যায় ও ধর্ম অনুসারে সৃষ্টিচার করুন, আইন প্রণয়ন করিয়া তাহাদিগকে আমাদের গণতন্ত্র শাসনের স্বকল লাভ করিতে দিন।” ইহার উপর মন্তব্য বোধ হয় প্রয়োজন হইবে না।

পর্দার বাহিরে

যুরোপে একমাত্র-তুরস্ক রাজ্যে পর্দা-প্রথা প্রচলিত ছিল; গাজী মুস্তাফা কামাল পাশার সমাজ ও শাসন-সংস্কারের ফলে উহাও উঠিয়া গেল বলিয়া প্রকাশ পাইয়াছে। পর্দা ভাল কি মন্দ, সে বিচার এখানে অনাবশ্যক, কেবল এইটুকু জানিলেই যথেষ্ট হইবে যে, তুরস্কের মত মুসলমান রাজ্যেও পর্দা নিসর্জন সম্ভবপর হইল। উহা কি কালের প্রভাব নহে? মানুষ মত বাধা-বিঘ্ন দিউক না কেন, কাল তাহার কার্য করিয়া যাইবেই। উহাই প্রকৃতির নিয়ম। মুস্তাফা কামাল চিরদিনই স্বপ্নের বিরোধী। প্রথমেই তিনি যুরোপীয় শক্তিপুষ্পের প্রভাবের বন্ধন হইতে জন্মভূমিকে মুক্ত করিয়াছেন। উহার জন্য তিনি প্রবল যুরোপীয় শক্তিপুষ্পের স্বার্থের বিপক্ষে গ্রীসের সজিত সংগ্রাম করিতেও পশ্চাদপদ করেন নাই। অসিহস্ত স্বাধীনতা অর্জন করিবার পর তুরস্কের-এই যুগপুরুষ পৌরোহিত্য-পীড়িত শাসন-প্রথার সংস্কার-সাধনে মনোযোগ দিয়াছিলেন। ফলে শেখ-উল-ইসলামের নির্দানন এবং খিলাফতের অবসান। উহা ভাল কি মন্দ হইয়াছে, সে বিচারের স্থল উহা নহে। সে বিচার মুসলমান-জগৎ করিবার অধিকারী। যাহা ঘটিয়াছে, তাহাই বর্ণনা করা এ প্রবন্ধের উদ্দেশ্য। তাহার পর জাতীয় মহাসম্মেলনে ফেজল পরিবর্তে টপ ডাট ও যুরোপীয় পরিচ্ছদের প্রবর্তন। মুসলমান-জগৎ উহাতে চমকিত হইয়াছিল। উহার ফলে তুরস্ক অন্যান্য যুরোপীয় শক্তির মত ধর্মের প্রভাবব্রিত শাসন-প্রথার প্রবর্তন হইয়াছিল। কামাল পাশার শেষ সংস্কার—পর্দা-বিসর্জন। যে তুরস্ক নারী হারেমের মধ্যে আবদ্ধ থাকিয়া অস্বাস্থ্যাপন্ন ছিল, সেই তুরস্ক পর্দার তিরোধান অভিনব সংস্কার বটে। এখন তুরস্কের নারী বহির্জগতে বাহির হইতে আরম্ভ করিয়াছেন। অনেক নারী ভাল কেসানের প্যারীর পরিচ্ছদে ভূষিত হইয়া লোকলোচনের সম্মুখে দেখা দিতেছেন। এত দ্রুত প্রাচীন প্রথার পরিবর্তন অন্য কোনও যুগে অন্য কোনও দেশে হইয়াছে কি না সন্দেহ।

কিরূপে তুরস্কের নারী পর্দার আবরণ হইতে মুক্ত হইয়াছেন, তাহা মেলে হানুমের জীবন-কাহিনী পাঠ করিলে কতক পরিমাণে জানা যায়। তাহার পিতা সুরি বে, সুলতান আবদুল হামিদের বৈদেশিক সচিব; কিন্তু তিনি জাতিতে তুর্ক নহেন। মেলে হানুমের পিতামহ করাসী দেশের অভিজাত সম্প্রদায়ের এক জন। তাহার পদবী ছিল মুকুইস ডি ব্রোসে ডি সাটু মুক। তিনি করাসীর সম্রাট ফার্বর্গ সিন জার্মেণ বংশের সন্তান। ক্রুসেডের যুগে এই বংশ সারাসেনদিগের



কামাল পাশা

বিপক্ষে যুদ্ধে প্রভূত যশঃ অর্জন করিয়াছিলেন। এগন মেলেক হানুম পারীর এক বিপাত পরিচ্ছদ-বিক্রেতী হইয়াছেন।

কিরূপে এই অভাবনীয় পরিবর্তন হইল, তাহার ইতিহাস উপন্যাসের ন্যায় চমকপ্রদ। মেলেক হানুমের পিতামহ পূর্বপুরুষগণের পদাঙ্ক অনুসরণ করিয়া সামরিক পেশা অবলম্বন করিয়াছিলেন। কোনও এক সামরিক গুপ্ত দৌত্যে নিযুক্ত হইয়া তিনি তুরস্ক যাত্রা করেন। তুরস্কে পদার্পণ করিয়াই তিনি 'ইয়ং তুর্ক' দলের প্রতি আকৃষ্ট হইলেন। এই আকর্ষণের ফলে তিনি অচিরে স্বধর্ম ত্যাগ করিয়া মুসলমানধর্ম গ্রহণ করেন। এতদর্থে তিনি তাঁহার ফরাসী পদবী ত্যাগ করিয়া রসিদ বে নাম ধারণ করেন। ইহার এক গুঢ় কারণও ছিল। তিনি এক সুন্দরী সার্কেশীয় মুসলমান মহিলার প্রেমে পড়িয়াছিলেন। এই হেতু তিনি মুসলমান হইয়া তাঁহার পাণিগ্রহণ করেন। তিনি মুসলমান-ধর্মাম্বলারে চারিটি পত্নী গ্রহণ করেন এবং তাঁহার বংশ এত দ্রুত বৃদ্ধিপ্রাপ্ত হইয়াছিল যে, অনেক সময়ে তাঁহার বিপুল বংশের সকলকে তিনি চিনিতে পারিতেন না। কিন্তু অন্য দিকে তিনি তুরস্কের অবনত অবস্থার সংস্কারসাধনে এবং প্রকৃত স্বাধীনতা অর্জনে প্রাণপণে আত্মনিয়োগ করিয়াছিলেন। এ জন্য 'ইয়ং তুর্ক' দল তাঁহাকে অতিমাত্র সন্মান করিতেন। বর্তমান তুর্ক আন্দোলনের

তিনিই পরোক্ষে জয়দাতা বলিলেও স্মৃতি হয় না। এ বিষয়ে সিনাসি নামক এক শিক্ষিত মার্জিতরুচি তুর্ক তাঁহার প্রধান সহায় ছিলেন। সিনাসি পারীর সহরে গিয়া রুসোর গ্রন্থাদি পাঠ করিয়া তাঁহার ভাবধারার স্নাত দ্বাবিত, হইয়া স্বদেশে প্রতাবর্জন করেন এবং রসিদ বেের সহিত একযোগে রুসোর স্বাধীনতামঙ্গ গোপনে তরণ তুর্কদিগের মধ্যে প্রচার করিতে থাকেন। ইহার ফলে তরণ তুর্ক দল ও বর্তমান ন্যাশানা-লিষ্ট দলের উদ্ভব হইয়াছে।

মেলেক হানুমের পিতা মুরী বে তাঁহার জ্যেষ্ঠ পুত্র। তাঁহার হারেমে মেলেক ও তাঁহার ভগিনী জেনেব বালা ও কৈশোর অতিবাহিত করেন। ইংরাজ, ফরাসী, জার্মান ও ইটালিয়ান গণ্ডর্গসের নিকট তাঁহারা শিক্ষিত হইলেন। এইরূপে তাঁহারা পাঁচটি যুরোপীয় ভাষায় বাৎপত্তি লাভ করেন। এতদ্ব্যতীত নঙ্গা অঙ্কন, সঙ্গীত, চিত্রাঙ্কন, সূচিকার্য প্রভৃতিতেও তাঁহাদের শিক্ষালাভ হইয়াছিল। তাঁহাদের মাতা এ সকল বাপারে একবারেই পারদর্শিনী ছিলেন না। তিনি তুর্কী ভাষা ভিন্ন অন্য কিছু জানিতেন না; পরন্তু ধর্মপ্রাণ 'মেকেলে' মুসলমান ছিলেন। তাঁহার কন্যারা কিন্তু পিতার আদেশে পর্দার অন্তরালে থাকিয়া পিতার অতিপিদিগকে (বৈদেশিক দূত আদিকে) গান শুনাইয়া তৃপ্ত করিতেন। জেনেব সুগায়িকা ছিলেন। কাইজার যখন কনষ্টান্টিনোপলে জয়যাত্রা করেন, তখন তিনিই কাইজারের অভিনন্দন-সঙ্গীত রচনা করিয়াছিলেন। কাইজার তাঁহার

গুণের পুরস্কার দিয়াছিলেন। এইভাবে শিক্ষিত করায় তাঁহার পিতা এক বিষম ভুল করিয়াছিলেন। কন্যারা যখন বিবাহিতা হইয়া পুরা মুসলমান মহিলারূপে হারেমে আবদ্ধ হইবেন, তখন তাঁহারা কিরূপে জীবনযাত্রা নিরূহ করিবেন, তাহা তিনি একবারও ভাবিয়া দেখেন নাই। তাঁহার কন্যারা প্রাচ্যের আবদ্ধ জীবনের প্রতি বীতশ্রদ্ধ এবং যুরোপীয় মুক্ত জীবনের প্রতি অনুরক্ত হইয়া উঠিয়াছিলেন।

তাঁহাদের হারেমে বহু যুরোপীয় মহিলা পরিচ্ছদ-বিক্রেতী পরিচ্ছদ বিক্রয় করিতে আসিতেন, তাঁহারা স্বয়ং বাজারে যাইতেন না। এই অবগুণ্ঠনহীন মহিলাদিগকে দেখিয়া তাঁহাদের হিংসা হইত। মেলেক 'নিষিদ্ধ ফল' ভক্ষণ করিলেন—পোষাকের ব্যবসায় হারেমবাসিনীদিগের পক্ষে নিষিদ্ধ হইলেও তিনি গৃহে বসিয়া ঐ ব্যবসায় বিশেষ মনোযোগের সহিত শিথিতে লাগিলেন।

কিন্তু ঘরে বসিয়া শিক্ষালাভ ক্রমে তাঁহার পক্ষে অসহ্য হইয়া উঠিল। তিনি এক গ্রীক পরিচ্ছদওয়ালীকে বহু উৎকোচে বশীভূত করিয়া কয়েক ঘণ্টার জন্ত বাহিরে এক পোষাকের দোকানে লুকাইয়া গিয়া শিক্ষালাভ করিতে লাগিলেন। এক ধুট্টান ক্রীতদাসীর অপরিচ্ছন্ন পরিচ্ছদে ভেহ আবৃত করিয়া প্রত্যহ কয়েক ঘণ্টা কালের

জনা তিনি হারেমের বাহিরে যাইতেন। যদি ধরা পড়িতেন, তাহা হইলে রক্ষা ছিল না।

এই সময়ে এমন এক ঘটনা ঘটিল, যাহাতে মেলেকের জীবনে সম্পূর্ণ পরিবর্তন ঘটিল। তাহার ভগিনী জেনেবের বিবাহ সম্বন্ধ স্থির হইয়া গেল। বর সুপুরুষ, মিষ্টভাষী, শিক্ষিত ও উচ্চপদস্থ রাজ-কর্মচারী। পরে তিনি বৈদেশিক সচিবের পদে উন্নীত হইয়াছিলেন। বিবাহকালে তিনি মেলেকের পিতার সেক্রেটারী ছিলেন। কিন্তু এত গুণ সম্বন্ধে জেনেব বিবাহের কথা শুনিয়া তাঁহাকে ঘৃণাভরে দেখিতে লাগিলেন, মেলেক তাঁহাকে ঘৃণা করিতে লাগিলেন। তাঁহাদের পূর্ব-পুরুষগণের নিকট প্রাপ্ত বংশগত স্বাধীনতা বৃত্তি হেতুই হউক বা তাঁহাদের বাল্যের শিক্ষা-দীক্ষা হেতুই হউক, তাঁহারা একপে অস্তাবর সম্পত্তির মত আপনাদিগকে সারা জীবনের জন্য পরের—সম্পূর্ণ অপরি-চিতের হস্তে বিলাইয়া দিবার ঘোর বিরোধী হইয়া উঠিলেন। এই ব্যাপার হইতেই তুরস্কে স্ত্রী-স্বাধীনতা প্রবর্তনের সূত্রপাত হইয়াছিল, এ কথা মেলেক স্বয়ংই বলিয়াছেন।*

তাঁহারা ভাবিলেন, দেশের বর্তমানের পুঞ্জীভূত সংস্কারই ইহার জন্য মূলতঃ দায়ী। তাঁহাদের পিতা উদারনীতিক হইয়াও সংস্কারের প্রভাব এড়াইতে পারেন নাই। তখন তাঁহাদের সম্বন্ধ হইল, এই সংস্কারের বিপক্ষে সংগাম করা। কিন্তু কি উপায়ে এই সংগাম চালান যাইবে? তাঁহারা যদি এ সম্পর্কে আন্দোলন করিয়া প্রবন্ধ রচনা করেন, কে তাহা ছাপাইবে? এতদ্ব্যতীত গোপনে প্রবন্ধ লিখিয়া সংবাদপত্রে দিলেও পরে ধরা পড়িবার ভয় আছে। কিন্তু তাহা বলিয়া তাঁহারা একবারে নিরস্ত হইলেন না। এতদ্ব্যতীত তাঁহারা তাঁহাদের হারেমের স্ত্রী-ভোজের ব্যবস্থা করিতে লাগিলেন। এই সকল মহিলা-মজলিসে তাঁহারা তাঁহাদের পক্ষের যুক্তি-তর্ক তুর্কী মহিলাদিগকে বুঝাইয়া দিতে লাগিলেন। তাহাতে কিছু কাষ হইল বটে, কিন্তু



জেনেব হানুম—মেলেক হানুমের ভগিনী



মেলেক হানুম—এই তুর্কী মহিলাই সর্বপ্রথম অবরোধের বাহিরে আসিয়াছেন

বহির্ভগৎ তাঁহাদের গোপন-বাণী বৃত্তিতে পারিল না। সম্রাট জগৎ যদি তাঁহাদের কথা শুনিতে না পায়, তাহা হইলে পুরাতন সংস্কারের বিপক্ষে কিরূপে আন্দোলন উঠিতে পারে?

এমনই সময়ে ভাগ্যক্রমে বিখ্যাত ফরাসী লেখক পিয়র লোটা কনষ্টান্টিনোপলে আসিলেন। লোটা তুর্কী জাতিতে ভালবাসিতেন, তুর্কী-সভ্যতারও অনুরাগী ছিলেন; সুতরাং তাঁহার সজিত গোপনে সাহায্য করিয়া তাঁহাকে সমস্ত আনয়ন করিবার সম্বন্ধ তাঁহাদের মনে জাগিয়া উঠিল। তাঁহারা গোপনে লোটার সজিত সাহায্য করিলেন এবং তাঁহাকে ফরাসী ভাষায় হারেমের অবস্থার কথা বর্ণনা করিয়া পত্র লিখিতে লাগিলেন। এই সমস্ত 'হারেমের ডায়েরী' তাঁহারা এক ফরাসী মহিলার দ্বারা সংশোধন করিয়া লভিতেন। পরে এই সকল পত্রকে ভিত্তি করিয়া লোটা তাঁহার বিখ্যাত উপন্যাস 'লে ডেস এনচার্টিস' প্রকাশ করেন। উপন্যাসের গল্পটি এই :—'জেনানি, মেলেক ও জেনেব তিনটি উচ্চবংশীয়া তুর্কী মহিলা। তাহারা ফরাসী গভর্নমেন্টের নিকট শিক্ষিত হইয়াছিল। তাঁহাদের মধ্যে এক জনের প্রাচীন তুর্কী প্রথায় বিবাহ হইল। অপর বিবাহিতা মহিলা পূর্বে কখনও স্বামীকে দেখে নাই। কায়েই সে এই বিবাহে অসম্মত হইয়া স্বামীকে ঘৃণা করিতে লাগিল। তাঁহাদের অভাব অভিযোগের কথা জগৎকে জানাইবার জন্য তাহারা এক ফরাসী উপন্যাসিকের সাহায্য গ্রহণ করিল। তাহারা পর্দানশীনা তুর্কীরমণী, এই হেতু নানা গুপ্ত উপায়ে নানা গুপ্ত স্থানে তাঁহার সজিত সাহায্য করিল। মেলেক উল্লোক ভাগ করিল। জেনানি ফরাসী উপন্যাসিককে ভাল বাসিয়া আকুলতা করিল। কেবল জেনেব বাঁচিয়া রহিল।' লোটা এই ভিত্তির উপর তাঁহার পরম সুন্দর উপন্যাস রচনা করিয়া জগৎকে চমৎকৃত করিলেন। কিন্তু জেনেব ও মেলেক যে ইহার মূল, তাহাতে সন্দেহ নাই। সুতরাং তাঁহাদিগকে তুর্কী স্ত্রী-স্বাধীনতার মূল বলিলেও



পায়ার লোটা—তুর্কীবেশে

অত্যন্তি হয় না। অবশ্য জেনানি বলিয়া কোনও তুর্কী মহিলা ছিল না, উহা জেনেব ও মেলেকের কল্পনাপ্রসূত। কিন্তু লোটা তাহার অস্তিত্বে আশা স্থাপন করিয়াছিলেন এবং তাহার ফ্রাঞ্জের রচনাফোর্টের আলয়ে জেনানির জন্য একটি সমাধিমন্দিরও প্রতিষ্ঠা করিয়া ছিলেন। লোটা এখন আর উচ্চগতে নাই। কিন্তু তিনি যত দিন জীবিত ছিলেন, তত দিন মতাই জেনানির অস্তিত্বে আশ্রয়ান ছিলেন।

লোটা যখন তাহার গ্রন্থ প্রকাশ করিতে উদ্যত হইলেন, তখন মেলেকের সম্মুখে এক মহাসমস্যা উপস্থিত হইল। এই গ্রন্থ প্রকাশ হইলেই তাহাদের কীর্তি প্রকাশ হইয়া পড়িবে, উহা নিশ্চয়। অগতঃ গ্রন্থ প্রকাশ করিতে হইবে, না হইলে তুরস্কের পর্দা-সংস্কার হয় না। প্রকাশ হইবার পর তাহাদের ভাগ্যে কি শাস্তি হইবে— বিশেষতঃ আবদুল হামিদের নায় খেচ্ছাচারী সুলতানের শাসনকালে—তাহা তাহারা বিলক্ষণ জানিতেন। কায়েত তাহারা স্থির করিলেন, স্বদেশ ও স্বগৃহ তহাতে পলায়ন ভিন্ন উপায় নাই। তাহারা জানিতেন, উহাতে বিপদ কিরূপ। কিন্তু ফ্রাঞ্জে থাকিয়া তুর্কী মহিলাদের স্বাধীনতার জন্য সংগ্রাম করা তাহারা জীবনের ব্রত বলিয়া মনে করিয়া তারেমের নিশ্চিত আশ্রয় হইতে বাহিরে বিপদ-সমূহে সম্প্রদান করিলেন। কিরূপে তাহারা তাহাদের গ্রীক ও আর্ম্মাণী জীতদাসীদিগকে উৎকোচে বশীভূত করিয়া, পোলজাতীয়া সঙ্গীত-শিক্ষয়িত্রীর নিকট কিরূপে পাশ-পোট সংগ্রহ করিয়া, কিরূপে জেনেবকে এক পোলজাতীয়া জননী সাজাইয়া এবং নিজে কন্যা সাজিয়া, কিরূপে অতি কষ্টে তুর্কী পুলিশের শ্রেনদৃষ্টি এড়াইয়া তাহারা যুরোপীয় বেশে তুর্কী সীমানা পার হইয়া বেলগেডে এবং তথা হইতে শেষে প্যারী নগরীতে উপনীত হইলেন, তাহার বিস্তৃত বর্ণনা অনাবশ্যক।

তুর্কীর বাহিরে গিয়া অবশুষ্ঠন উন্মোচন করিয়া বহিজগৎ দেখিয়া তাহারা প্রথমে মুগ্ধ হইলেন। কিন্তু পরে মেলেক নিজেই স্বীকার করিয়াছেন যে, প্যারীতে নারীর অবস্থা দেখিয়া তাহার সমস্ত আশা আকাঙ্ক্ষার স্বপ্ন ভঙ্গ হইয়াছিল। তাহাদের স্বপ্নের ফরাসী রাজা যখন বাস্তবে পরিণত হইল, তখন তাহার নাকারজনক অবস্থা তাহা দিগের নবীন হৃদয়ের মুকুলিত আশা ধ্বংস করিয়া দিয়াছিল।

তাহাদের পিতার কিন্তু ইহা হইতেই অধঃপতন হইল। সুলতান আর তাহাকে বিশ্বাস করেন নাই। তিনি যুতুকাল পর্যন্ত গোপনে

তাহাদিগকে অর্থ সাহায্য করিতেন বটে, কিন্তু বাহিরে বলিতেন, কন্যাদের সহিত আর তাহার কোনও সম্পর্ক নাই।


মেলেক পরে খষ্টানধর্ম গ্রহণ করিয়া এক সঙ্গীতজ্ঞ পোলজাতীয় অভিজাতবংশীয় যুবককে বিবাহ করেন। তাহার মাতা এই সংবাদে মর্মান্বিত হইয়া ইহলোক ত্যাগ করেন। জার্মাণি যুদ্ধকালে তাহার স্বামী সর্বস্বাস্ত হইলেন। কায়েই তাহাকে বাল্যের শিক্ষার সম্ভাবহার করিতে হইয়াছিল। তিনি প্যারী নগরীতে এক পরিচ্ছদের দোকান খুলিলেন। তুর্কীর সম্রাট রাজপুরুষের হারেমে বিলাসস্থলে লালিত পালিত কন্যা আজ প্যারীর পরিচ্ছদ-বিক্রেত্রী! তিনি স্বয়ং লিখিয়াছেন,—ইহা তাহার কিসমৎ!

কিন্তু ইহাতে তিনি সন্তুষ্ট। তিনি বলেন, যদি আবার বিধাতা তাহাকে পুন্যাবস্থায় নিক্ষেপ করেন, তাহা হইলে তিনি আবার এইরূপ পলায়ন করিবেন। কেন না, তাহাতে তাহার জীবনের মহৎ উদ্দেশ্য সাধিত হইয়াছে—তুর্কীর মহিলার অবশুষ্ঠন মোচনে তিনি অগ্র-

দূতরূপে বিধাতা কর্তৃক নিকাচিত হইয়াছেন। এখন তিনি পরিণত বয়সে তাহার বাল্যের স্বপ্ন সকল হইতে দেখিয়াছেন—তুর্কীমহিলা অবশুষ্ঠন ত্যাগ করিতেছেন। আবদুল হামিদের ভীষণ রাজত্বের অবসান হইয়া মুস্তাফা কামালের গণতন্ত্র শাসনে তুর্কী পরমানন্দ উপভোগ করিতেছে।



পায়ার লোটা—কন্যাবেশে



ঘোষ-পত্নীর অসুস্থতা অল্পক্ষণই ছিল। তাঁহার ঐ প্রকার ভাব দেখিয়া তাঁহার পিতা ব্যাগ হইতে একটা “স্মেলিং-সার্ভেটর” শিশি বাহির করিয়া তাঁহার নাকের কাছে ধরিতেই সামান্য যেটুকু সংজ্বালোপের উপক্রম হইয়াছিল, তাহা প্রশমিত হইয়া পুন্মরায় তাঁহার সম্পূর্ণ চৈতন্যলাভ হইল।

ইতোমধ্যে নলিনী বাবু এক গ্লাস শীতল জল আনা হইয়া তাঁহাকে পান করিতে দিলেন। কিন্তু ঘোষ-জায়া তখন প্রকৃতিস্থ হইয়াছিলেন। জল পান না করিয়া বলিলেন, “না, না, ও কিছু নয়; আপনারা ব্যস্ত হবেন না। ছপূর্ব-বেলায় রোজে ট্রেনে আসা, তার পর এখানে ঐ সব খুন্খারাপির কথা-বার্তায় মাথাটা কেমন ঘুরে গিয়েছিল মাত্র। আপনাকে অনেক ধন্যবাদ।”

ঘোষ-পত্নীর সহসা ঐরূপ অসুস্থতায় কিন্তু আমার মনে একটু সন্দেহ উপস্থিত হইল। অবশ্য তিনিই যে হত্যাকারী, তাহা মনে না হইলেও হয় ত তিনি ও সম্বন্ধে কিছু জানেন বা অন্ততঃ সন্দেহ করেন অথচ তাহা গোপন রাখিতে চাহেন, এইরূপ একটা সংশয় হইতে লাগিল। তিনি তাঁহার এই অসুস্থতার যে কারণ নির্দেশ করিলেন, তাহা অসম্ভব না হইলেও উহাই যে ঠিক কারণ, তাহা আমার সম্পূর্ণ বিশ্বাস হইল না। কিন্তু এ বিষয়ে বিশেষ চিন্তা করিবার তখন অবসরও ছিল না; কারণ, পিতা-পত্নী আর কোন বাক্যালাপ না করিয়া তখনই প্রস্থান করিতে উদ্বৃত হইলেন। যাইবার সময় নলিনী বাবুর অধুরোধে সেন সাহেব তাঁহাদের কলিকাতায় উপস্থিত বাসস্থানের ঠিকানা দিয়া এবং ঘোষ-জায়া আমার দিকে পুন্মরায় এক মিষ্ট-হাসিসংবলিত কোমল দৃষ্টি নিক্ষেপ করিয়া তথা হইতে প্রস্থান করিলেন।

তখন নলিনী বাবু আমার দিকে সহান্তে চাহিয়া ব্যঙ্গ-চ্ছলে বলিলেন, “তাই ত! অরুণ বাবুর সুন্দর কুট-কুটে

চেহারাটি, মিসেস ঘোষের বেশ নেক-নজরে প’ড়ে গেছে দেখছি।”

আমি একটু বিরক্তিতরে বলিলাম, “ও রকম মেয়ে-মানুষদের বোধ হয় স্বভাবই তাই। ওরা ঐ রকম নেক-নজর রাস্তায় ছড়িয়ে বেড়ায়, নিজেদের রূপের পসরার দিকে লোকের নজর আকর্ষণ করবার জ্ঞাত। কিন্তু যাই বলুন মশায়, ওর ভাব-ভঙ্গী দেখে ওর ওপর আমার কিছু সন্দেহ হচ্ছে।”

“কি সন্দেহ? যে, ও-ই খুন করেছে?”

“অত দূর না হোক, ও যে এ বিষয়ে সম্পূর্ণ নিলিপ্ত, তা আমার মনে হয় না।”

“কেন, তাতে ওর লাভ কি?”

“লাভ? অল্প কিছু না হ’লেও ইন্সিওরেন্সের ঐ টাকাটা।”

“আর সেই সঙ্গে লোকসান, জমীদারী ও অগ্ন্যাগ্ন সম্পত্তির ভোগদখলটা।”

“সে সব সম্পত্তি যে কত, তা ত আমরা জানি না। হয় তো আশী হাজারের কম। আর তা না হলেও ইন্সিওরেন্সের ঐ আশী হাজার হস্তগত ক’রে নন্দন-বুড়োর মত আবার একটা নূতন ‘টোপ’ গাঁথতে পারলে মন্দ কি? ও যে শুধু টাকার জ্ঞানই তা’কে বিয়ে করেছিল, তা’তে ত কোন সন্দেহ নাই। উইলটা করিয়ে নিয়েই তাঁর সঙ্গে ঝগড়া বাধিয়ে, বেচারাকে অতিষ্ঠ ক’রে পাগল বানিয়ে তুলেছিল; শেষে বাড়ী-ছাড়া পর্য্যন্ত করেছিল।”

“সে বুড়ো ইচ্ছা করলে, উইলখানা পরে আবার বদলাতে ত পারতো? না, অরুণ বাবু, আপনি যা-ই বলুন, আমার ত মনে হয় না যে, ও রকম চপলস্বভাবের ছিবলে মাগীর দ্বারা ও সব কায হ’তে পারে।”

“তা হ’লে সৰু ভোজালীর নাম শুনে আঁৎকে উঠে ও রকম অজ্ঞানের মত হয়ে পড়লো কেন? শুনলেন ত ওদের বিয়ে দার্জিলিঙ্গে? আর দার্জিলিঙ্গ সব রকম

ভোজালীর আড়ৎ, তা ত জানেন? সব দিকে চেয়ে মত স্থির করা ভাল নয় কি?”

“ওটাতে মনে একটু খটকা হ’তে পারে বটে, কিন্তু ও যে কারণ দেখালে, তাও ত সম্ভব? তা ছাড়া, ভোজালী কলকাতাতেও যথেষ্ট পাওয়া যায়।”

“তা হ’তে পারে। কিন্তু নলিনী বাবু, আগার সন্দেহটা এত সহজে যাচ্ছে না। আমার উপর ওর নেক-নজর পড়ুক আর না পড়ুক, আপনাদের ‘সি, আই, ডি’-র একটু নেক-নজর ওর উপর থাকা দরকার বোধ হয়।”

“ওঃ! সে বিষয়ে আপনি নিশ্চিত থাকতে পারেন। আমি ওর গতি-বিধির উপর লক্ষ্য রাখতে ছাড়বো না জানবেন। দরকার হ’লে, ওকে ঠিক ‘পাকড়াও’ করতে পারবো। কিন্তু আমার মোটেই বিশ্বাস হয় না যে, ও মাগী এ ব্যাপারে সংশ্লিষ্ট আছে। তা হ’লে সে বিজ্ঞাপন দেখে কখনই আমাদের ফাঁদে পা দিতে আসতো না। নাঃ অরুণ বাবু, আপনার ওটা সম্পূর্ণ বৃথা সন্দেহ।”

“সে আপনি বরুন মশায়, এখন সবই ত আপনার হাতে।”

এই বলিয়া আমি উঠিলাম। চলিয়া আসিবার সময় তাঁহাকে একটু প্লেস করিবার অভিপ্রায়ে বলিয়া আসিলাম, “আর, ও যে সত্যই নন্দনের স্ত্রী কি না, তারও একটু খোঁজ নেবেন।”

নলিনী বাবু প্রথমে একটু বিস্মিত হইলেন বোধ হইল; কিন্তু পরক্ষণেই উচ্ছ্বাস করিয়া, যেন আমার কথাটা উড়াইয়া দিয়া তিনি আমায় বিদায় দিলেন।

২৮

এই ঘটনার কয়েক দিন পরে নলিনী বাবুর নিকট খবর পাইলাম যে, ঘোষ-পত্নী স্বামীর উইলের প্রোবেট পাইবার জন্ত হাইকোর্টে দরখাস্ত করিয়াছেন, এবং সেই সঙ্গে ইন্সিওরেন্সের টাকা পাইবার জন্ত সেই অফিসের নিয়মানুযায়ী আবেদনপত্র দাখিল করিয়াছেন। ক্রমে আরও জানিলাম যে, বিহারীলাল ঘোষ যে মৃত, এ কথা সাব্যস্ত করিবার জন্ত, ঐ ব্যক্তি এবং মৃত কুঞ্জবিহারী নন্দন যে একই লোক ছিলেন, তাহা সপ্রমাণ করিবার অভিপ্রায়ে, বিহারী ঘোষের বর্ধমানের বাড়ীর ছই এক জন পুরাতন ভৃত্য, ছই এক জন প্রতিবেশী ও জমীদারীর নায়েব ও

গোমস্তার সাক্ষ্য তলব হইয়াছে, এবং ফটোগ্রাফ মিলান করা ইত্যাদি বিষয় প্রমাণের জন্ত নলিনী বাবুকে ও আমাকেও তলব হইবে। বাস্তবিক, পরে আমাকে হাইকোর্টে সাক্ষ্য দিতেও হইল। যাহা হউক, আদালতের এই সকল ব্যাপার যথারীতি সমাধা হইতে প্রায় ছই মাস কাটিল। অবশেষে শ্রীমতী যমুনা ঘোষ তাঁহার স্বামীর উইলের প্রোবেট লাভ করিয়া, তাহার বলে অনতিবিলম্বেই ইন্সিওরেন্স অফিস হইতে সেই আশী হাজার টাকাও আদায় করিতে সমর্থ হইলেন।

ইহার প্রায় সপ্তাহখানেক পরে আমি ঘোষ-জায়ার এক চিঠি পাইলাম। তাহাতে তিনি আমাকে তাঁহার কলিকাতার বাসাবাটীতে পরদিন বৈকালে দেখা করিতে অনুরোধ করিয়াছিলেন। আমি যথাসময়ে সে অনুরোধ রক্ষা করিলাম। নানারূপ বাক্যালাপে তিনি আমাকে যথেষ্ট আপ্যায়িত করিলেন। কথাপ্রসঙ্গে তাঁহার কাছে শুনিলাম যে, নলিনী বাবুর নিকট তিনি জানিয়াছেন যে, পুলিশ এ পর্য্যন্ত হত্যাকারীর কোনই সন্ধান করিতে পারে নাই এবং এই কার্যে তাহাদিগকে একটু বেশী প্রবুদ্ধ করিবার অভিপ্রায়ে তিনি নলিনী বাবুকে প্রতিশ্রুতি দিয়াছেন যে, হত্যাকারীকে যে ধরিয়া দিতে বা তাহার সন্ধান করিয়া দিতে পারিবে, তাহাকে ৫ শত টাকা পুরস্কার দিবেন। তৎপরে আমি বিদায় লইবার উপক্রম করিলে তিনি বলিলেন, “এইবার কাকলীও ফিরে আসছে যে!”

আমি জিজ্ঞাসা করিলাম, “কাকলী! তিনি আবার কে?”

“সে কি! আপনি তা জানেন না? সে যে মৃত ঘোষজা মশায়ের সেই প্রথম পক্ষের মেয়ে! আজ ২।৩ দিন হলো, বর্ষা থেকে তার মাসীর চিঠি পেয়েছি। লিখেছে যে, প্রায় মাস চারেক আগে তা’র স্বামীর খুব ভারী অসুখ হয়েছিল। একটু সারবার পরে ডাক্তারের পরামর্শে কয়েক মাস তারা সবাই সমুদ্রে ঘুরে বেড়িয়েছিল। হালে রেঙ্গুনে ফিরে এসে খবরের কাগজে ঘোষজার মৃত্যুর সব খবর আর তার উইল-প্রোবেটের খবরও পেয়েছে। আমিও কিছু দিন আগে কাকলীকে সব খবর দিয়ে একখানা চিঠি লিখেছিলাম। সেটাও সে এত দিনে পেয়েছে। এখন তারা সবাই এখানে শীঘ্রই আসবে লিখেছে। তার পরে হত্যাকারীর রীতিমত প্রকারে তন্মাস করাবে।”

“শুনে সুখী হলাম বটে, কিন্তু অনুসন্ধানের যে ফল কিছু হবে, তা ত আমার আশা হয় না।”

“আমারও তাই মনে হয়। পুলিশের লোকরা নেহাত নালায়েক। কিন্তু কাকলীও সহজে ছাড়বার বান্দা নয়। ছেলেমানুষ হ’লে কি হয়, সে ভারী জিন্দী মেয়ে!”

ক্রমে সন্ধ্যা উত্তীর্ণ হইয়া যাওয়ায় আমি আর বিলম্ব না করিয়া ঘোষ-পল্লীর নিকট বিদায় লইয়া চলিয়া আসিলাম।

এক দিন নলিনী বাবুর সহিত পুনরায় দেখা করিতে গিয়া জানিলাম যে, তিনি স্মরণ কয়েকবার বর্দ্ধমানে যাইয়া নানারূপ অনুসন্ধান করিয়া বিহারী ঘোষের পর্ক-বৃত্তান্ত জানিয়াছেন। লোকটি চিরকালই অধ্যয়নশীল, বিখ্যাত লইয়াই থাকিতেন। প্রথমে পশ্চিমে কোন্ একটা কলেজে প্রোফেসর ছিলেন; পরে বর্দ্ধমাননিবাসী ধনী মাতামহের মৃত্যু হইলে তাঁহার অল্প কোন উত্তরাধিকারী অভাবে বিহারী প্রচুর বিষয়-সম্পত্তি পাইয়া, চাকরী ত্যাগ করিয়া বর্দ্ধমানেই বাস করিতে থাকেন। তিনি কিছু বেশী বয়সে বিবাহ করেন এবং কয়েকটি সন্তান হইয়া সবই শৈশবে মারা যায়। কেবল শেষ যে কন্যা হয়, সে-ই জীবিত আছে। কন্যার পাঁচ বৎসর বয়সে তাহার মাতৃবিয়োগ হয়। তখন বিহারীর বয়স প্রায় ১০।১২ বৎসর। মেয়েকে তাহার মাসী লালনপালন করিতে থাকেন এবং বিহারী স্ত্রীবিয়োগের শোক ভুলিবার জন্ত বিলাত যান ও প্রায় তিন বৎসর পরে ফিরিয়া আইসেন। তখন বর্দ্ধমানের বাড়ী ও বাগান ইংরাজী ধরণে সাজাইয়া ও তাহার “নন্দন-কুঞ্জ” নাম দিয়া তাহাতে কন্যাকে লইয়া বিলাতী চালে বাস করিতে থাকেন। এক বর্ষীয়সী আখীয়াাকে আনিয়া কন্যার পালিকারূপে বাড়ীতে রাখেন এবং তাহার বিখ্যাতের জন্ত এক জন প্রবীণ শিক্ষক ও এক বালিকা সঙ্গীত-শিক্ষয়িত্রী নিযুক্ত করেন।

এই ভাবে ৫।৬ বৎসর কাটিবার পর একবার তাঁহারা কয়েক মাস দার্জিলিঙ্গে বাস করেন। সেখানে সেন সাহেব ও তাহার কন্যার সঙ্গে বিহারীর আলাপ হয় এবং বোধ হয়, ঐ নারীর রূপে মুগ্ধ হইয়া, নিজের কন্যার সম্পূর্ণ অনিচ্ছা সত্ত্বেও বসুনাকে বিবাহ করেন। বর্দ্ধমানে পুনরায় ফিরিয়া আসিবার পরে মাস ছয়েক এক রুকমে কাটিয়াছিল; কিন্তু তাহার পরে বিহারীর ঐ নূতন স্ত্রীর এক পুরুষ

বন্ধু প্রায়ই তথায় আসিয়া বাস করিতে থাকেন এবং তখন হইতেই স্বামি-স্ত্রীর মধ্যে মনান্তর ও নিত্যই কলহ হইতে থাকে। ক্রমে বিহারীর বোধ হয় কিছু মাথা খারাপও হইয়াছিল।

বিহারীর কন্যার সহিত বসুনার কখনও সদ্ভাব হয় নাই, এবং সে ঐ কন্যার উপর নানারূপ অত্যাচার করিত। অবশেষে কন্যার মাসী আসিয়া তাহাকে বসুয় লইয়া যান। ইহার ২।৩ মাস পরেই বিহারী গৃহত্যাগ করিয়া নিরুদ্দেশ হয়েন। কিন্তু রামপালের পোড়োতে আসিবার পূর্বেই চার মাস তিনি কোথায় ছিলেন, সে খবর, অথবা উহার সম্বন্ধে আর এমন কোন খবরই নলিনী বাবু সংগ্রহ করিতে পারেন নাই নাহাতে তাঁহার হত্যাকারীর সন্ধান পাইবার কোন উপায় হইতে পারে।

তৎপরে নলিনী বাবুর সহিত ঐ হত্যাসম্বন্ধে সমস্ত বিষয় আনুপূর্বিক বিচার করিয়া, আমরা উভয়েই সীকার করিতে বাধ্য হইলাম যে, আকস্মিক কোন দৈব সন্মোগ না ঘটিলে, শুধু অনুসন্ধানের দ্বারা এই হত্যা-প্রতিলিকার মীমাংসা হইবার বা হত্যাকারীকে সন্ধান করিবার কোন সম্ভাবনাই আর নাই।

১৬

বলিতে ভুলিয়া গিয়াছি যে, এই হত্যা-ব্যাপারের অনুসন্ধানের সংশ্লিষ্ট থাকার জন্তই হউক বা অপর যে কোন কারণেই হউক, আমি ইদানীং সময়ে সময়ে কোর্টে কিছু কিছু কাযকন্ম পাইতেছিলাম। ‘কী’ অপেক্ষা কাযের প্রতি বেশী মনোযোগ দেওয়ায় মক্কেল মহাশয়রা উকীলকে ফাঁকি দেওয়ার সুখটা যে একটু বেশী উপভোগ করিতেন, তাহাতে সন্দেহ নাই। কিন্তু ইহাতে আমার আপাততঃ লাভ এইটুকু হইয়াছিল যে, কাযগুলো সম্পূর্ণ বা আংশিক ‘বেগারের’ হইলেও, সংখ্যায় তাহা ক্রমে একটু বাড়িতেছিল, এবং তাহার ফলে, আমার সাধের ‘মক্কেল-ঘরে’ সব্ব-রক্ষিত বেঞ্চি ও চেয়ারগুলো আজকাল সপ্তাহের সাত দিনই যে সম্পূর্ণ খালি থাকিত না, তাহাতেই আমি যথেষ্ট আনন্দ লাভ করিতেছিলাম।

অপর সাধারণের স্মৃতিপথ হইতে সেই হত্যাকাণ্ডটা ক্রমে অপমৃত হইলেও, আমাদের পাড়ার লোকের, বিশেষতঃ পিসীমার নিকট উহা এখনও একটা নিত্য আলোচনার

বিষয় ছিল। আর তাহা বিচিত্রও নহে। সম্মুখের ঐ ১০নং বাড়ীটা ‘হানা’র উপর আবার ‘খুনে’ হইয়া পূর্বাপেক্ষা অধিকতর বীভৎস হইয়া দাঁড়াইয়াছিল। তাহাতে আবার খুনী ও তাহার অঙ্গ যখন দুই-ই এমন আশ্চর্যরূপে অন্তর্হিত হইয়াছে যে, তাহাদের একটিরও স্থূল কলেবরের অস্তিত্বের কোন চিহ্ন পর্য্যন্ত এখনও পাওয়া যাইতেছে না, তখন এ হত্যা যে কখনই মানুষের দ্বারা হয় নাই, নিশ্চয়ই কোন অশরীরী প্রেতাত্মার দ্বারা কোন অপার্থিব উপায়ে সাধিত হইয়াছে, এই বিশ্বাস পাড়ার অনেকের এবং পিসী-মারও মনে ক্রমে বেশ বদ্ধমূল হইয়া দাঁড়াইয়াছিল। বলা বাহুল্য যে, তিনি আমাকেও তাঁহার মতাবলম্বী করিবার প্রয়াসী হইয়া ঐ বিষয়ে আমার সহিত যথেষ্ট আলোচনাও করিতেন, এবং তাঁহার নিকট শুনিয়াছিলাম যে, পুনরায় কেহ কেহ নাকি ঐ হানাবাড়ীতে রাত্রির অন্ধকারের মধ্যে এদিক্ ওদিক্ একটা আলোর চলাচল দেখিয়াছে বটে, কিন্তু তাহা ছাড়া খুনের পরে আর কোন নতন রকমের ভূতের উপদ্রবের কথা কিছু শুনা যায় নাই।

আমি পূর্বের ত্রায় এখনও পিসীমার ঐ সব ‘ভূতুড়ে’ মতের সম্পূর্ণ বিরোধী থাকায় তিনি আমার উপর বিরক্ত হইতেন বটে, কিন্তু ও বিষয়ে আমার সহিত আলোচনায় তাঁহার উৎসাহ কিছুমান কম নাই। সেই জন্য আমিও হত্যা সম্বন্ধে তদন্ত-সংক্রান্ত যখন সাহা যচিত, সে সমস্ত কথাই তাঁহাকে যথাসময়ে জানাইতাম এবং সেই প্রসঙ্গে ঘোষ-পত্নীর সহিত আমার শেষবার সাক্ষাতে সে সব কথাবাত্তা হইয়াছিল ও নলিনী বাবুর নিকটে মৃত নন্দন সাহেব বা বিহারীলাল ঘোষের পুঙ্গবৃত্তান্ত যাহা কিছু শুনিয়াছিলাম, সে সমস্তই পিসীমাকে জানাইয়াছিলাম।

বিহারী ঘোষের বৃত্তান্ত সব শুনিয়া, প্রথমে পিসীমা বিস্মিতভাবে কিছুক্ষণ আমার দিকে চাহিয়া, পরে বলিলেন, “কি বললে? আবার বল ত!—বিহারী ঘোষ? পশ্চিমে প্রোফেসারী করতো? মাতামহের বিষয় পেয়েছিল?—ওঃ! একটি মেয়ে রেখে স্ত্রী মারা যায়? বটে? আর শ্বালী বর্ষায় থাকে?—ওঃ! অনস্থ্যার বোন প্রিয়ম্বদা? যোগীন মিত্রের স্ত্রী?”

আমি বিস্মিত হইয়া বলিলাম, “তা’ ত জানি না। আমি আপনার ও প্রশ্নের জবাব দিতে অক্ষম।”

“জবাব আবার কি দেবে? আমি জানি যে ওদের। ওরা যে আমাদের আপনার লোক গো! আমার ননদের বাঁর আপনার মামাতো বোন, তা জান না?—তা তুমিই বা কি ক’রে জানবে, বল? লেখাপড়া নিয়েই থাকতে, আমাদের দেশের বাড়ীতে ত কখনও যাওনি। ওরা আমাদের বাড়ীতে মাঝে মাঝে আসতো। এ বাড়ীতেও বোধ হয় একবার এসেছিল। হ্যাঁ হ্যাঁ! বটেই ত! আমার আশুর (পিসীমার বড় ছেলের নাম আশুতোষ) ভারতের সময়, প্রিয়ম্বদা ছেলেপিলে নিয়ে এসেছিলই ত! তখন যে তারা কলকাতাতেই ছিল। আর—রোসো, রোসো, ছেলেদের সঙ্গে তার সেই মা-মরা বোনঝিকেও যে এনেছিল! আহা! মেয়েটি কি সুন্দরী! যেমন চেহারা, তেমনই রং! ঠিক যেন মেয়েদের মেয়ে! একবার দেখলে আর চোখ ফেরানো যায় না। তখন তার বয়সই বা কত? বোধ হয় ছ’-সাত বছর হবে। তখনই তার চুলের কি বাহার! আহা, যেন সাক্ষাৎ লক্ষ্মী ঠাকরণটি! মুখখানি যেন এখনও আমার চোঁখের সামনেই রয়েছে! অগচ, হলোও ত কম দিন নয়? এই দেখ না, আশু ত দশে পড়েছে? তা হ’লে সে আজ প্রায় ন’বছরের কথা। উঃ! দিন যায় না জল যায়! দেখতে দেখতে ন’বছর কেটে গেছে! এর মধ্যে তাদের আর একবারও দেখিনি, কোন খবরও বিশেষ পাইনি। তারা শাহুই আসবে বললে না? আহা! আশুক, আশুক! অনেক দিন দেখিনি তাদের। এলে আমাকে খবর দিও ত বাবা, একবার গিয়ে দেখা ক’রে আসবো।”

আমি এতক্ষণ পিসীমার এত সব এক প্রকার স্বগত উক্তি নীরবে শুনিতেছিলাম। অবশেষে তাহা এইরূপ এক অপ্রত্যাশিত অনুরোধে পরিণত হওয়ায় আমি বলিলাম, “আমি নিজে খবর পেলে ত আপনাকে দেবো? কিন্তু আমি জানবো কি ক’রে?—তাঁরা যদি রেঙ্গুনের জাহাজ থেকে সটান একেবারে পুলিশ-কোর্টে নামেন ত, হয় ত, আমার জানা সম্ভব হ’তে পারে।”

“আহা! তোমার আর চালাকী করতে হবে না! পুলিশ-কোর্টে তারা নামতে বাঁবে কেন? যোগীন মিত্রের যে বাগুবাজারে নিজের বাড়ী আছে! তুমি সেখানে মাঝে মাঝে গিয়ে খবর নিও যে, তারা এসেছে কি না।”

“তাদের বাড়ীর ঠিকানা কি?”

“তা কি আমার অত মনে আছে? তবে আমার কাছে নিমন্ত্রণের ফর্দটা বোধ হয় আছে। তা দেখে তোমায় ব’লে দেব এখন।”

১৭

ইহার কিছু দিন পরে আমার বড়দিদির এক চিঠি পাইলাম। ছই ভগিনীর সঙ্গেই আমার পত্র ব্যবহার বেশ চলিত। তবে তাঁহারা যত ঘন ঘন ও নানা তথ্যপূর্ণ চিঠি লিখিতেন, আমার দিক হইতে সব সময় তত শীঘ্র বা তত বিশদ রকম চিঠি যাইত না, এরূপ অনুরোধ তাঁহাদের চিঠিতে মাঝে মাঝে দেখিতাম। আমি পিসীমা’র বাড়ীতে বাস আরম্ভ করিবার পর হইতে ভগিনীরা তাঁহাকেও সময়ে সময়ে চিঠি লিখিতেন ও যথাসময়ে উত্তরও পাইতেন। যাহা হউক, বড়দিদির এবারের চিঠিখানির শেষাংশটুকু আমার কিছু প্রহেলিকাময় বোধ হইল। কয়েকবার পড়িয়াও তাহার ভাল রকম অর্থবোধ করিতে পারিলাম না। সে অংশটা এইরূপ :—

“তোমার আজকাল কিছু কিছু প্র্যাকটিস হইতেছে জানিয়া বড়ই আনন্দিত হইলাম। আমার বরাবরই দৃঢ় ধারণা ছিল যে, ওকালতীতে তোমার পদার জমিতে বেশী দেরী হইবে না। সে ধারণাটা সত্যে পরিণত হইতে আরম্ভ হইয়াছে, ইহাতে আমার আরও আশ্লাদ। বিমলা পিসীও —(আমার জ্যতি-পিসীর নাম বিমলা) এ বিষয়ে খুব তৃপ্তি জানাইয়া আমাকে চিঠি লিখিয়াছেন। তাঁহার সব চিঠিতেই যেমন তোমার সম্বন্ধে স্নেহপূর্ণ প্রশংসাবাদ থাকে, ইহাতেও তাহা যথেষ্ট আছে। তিনি যে তোমাকে আন্তরিক স্নেহ করেন ও নিজের ছেলের মত দেখেন, তাহা ত তুমি জান। তুমিও তাঁহার প্রতি পুত্রের স্থায় ব্যবহার কর, তাহাও জানি। কিন্তু তবু তোমাকে বলিতেছি যে, তুমি সকল বিষয়েই তাঁহার বাধ্য হইয়া চলিলে আমরা সবাই বড় সুখী হইব। খুব গুরুতর বিষয়েও তাঁহার কোন অনুরোধ রক্ষা করিতে তুমি অগ্রথা করিও না। কারণ, তিনি তোমার হিতৈষী।”

ছই এক দিন পরে আবার ছোটদিদির নিকট হইতেও প্রায় ঐ একই ভাবের চিঠি পাইলাম। ব্যাপারটা কি, ঠিক বুঝিতে না পারায় আমার কিছু অশান্তি বোধ হইতে

লাগিল, এবং পিসীমা’র সঙ্গেই এ সম্বন্ধে একবার স্পষ্টতঃ কথা কহিব মনস্থ করিলাম। কিন্তু ও কথা তাঁহার নিকট উত্থাপন করার সুযোগ হইবার পূর্বেই রেঙ্গুন হইতে যোগীন্দ্রনাথ মিত্রের নাম স্বাক্ষরিত এক চিঠি পাইলাম। চিঠিখানা ইংরাজীতে লিখিত। তাহার মর্ম্ম এই যে, পর-বর্তী ‘মেল’ জাহাজে তিনি সপরিবারে কলিকাতার জন্ত রওয়ানা হইবেন। মৃত বিহারীলাল ঘোষের হত্যা-সম্বন্ধে তিনি আমার সহিত কিঞ্চিৎ আলোচনা করিতে ইচ্ছা করেন। কিন্তু এবারে অনেক দিন পরে দেশে আসিতেছেন বলিয়া প্রথম কয়েক দিন সম্ভবতঃ তাঁহাকে নানারূপে ব্যস্ত থাকিতে হইবে। সেই জন্ত কবে কোন্ সময়ে তিনি আমার সহিত দেখা করিতে আসিবার সুযোগ পাইবেন, তাহা বলিতে পারেন না। অথচ যত শীঘ্র সম্ভব দেখা হওয়াও আবশ্যিক। শেষে লিখিয়াছেন,—

“অতএব যদি ধৃষ্টতা না মনে করেন ত পর-সপ্তাহের রবিবার প্রাতে অল্পগৃহ পূর্বক আমার বাগবাজার ষ্ট্রীটস্থ — নং বাড়ীতে আসিয়া আমার সহিত সাক্ষাৎ করিবার অনুরোধ করিতে পারি কি?”

যথাসময়ে এই চিঠির মর্ম্ম পিসীমাকেও জানাইলাম। তিনি খুব আনন্দিত হইয়া বলিলেন, “তুমি ত যাবেই, আর আমি কবে দেখা করতে যাবো, সেটাও অগনি স্থির ক’রে এসো।”

আমার কিন্তু এ প্রস্তাবটা ভাল লাগিল না। বলিলাম, “না, পিসীমা, আমাকে যোগীন বাবু যখন ও রকম বিনীত-ভাবে তাঁর বাড়ীতে যেতে আহ্বান করেছেন, তখন অবশ্যই আমার যাওয়া উচিত। কিন্তু তা ব’লে আপনিও যে যেচে তাঁদের বাড়ীতে গিয়ে দেখা করবেন, তা হ’তে পারে না। তাঁরা যখন বিদেশ থেকে আসছেন, তখন তাঁদেরই উচিত, আশ্রয়-বন্ধু-বান্ধবদের বাড়ীতে এসে দেখা করা।”

“ঠা, তা বটে। কিন্তু, তারা হয় ত অল্প পাঁচ কায়ে ব্যস্ত থাকবে। এখানে এসে আমার সঙ্গে দেখা করতে হয় ত অনেক দেরী হ’তে পারে। অথচ আমার যে ‘গরজ’ বেশী!”

“কেন, এত কি গরজ যে, উপযাচক হয়ে আপনি আগেই তাঁদের সঙ্গে দেখা করতে যাবেন? এত ঘনিষ্ঠ আশ্রয়ও ত তাঁরা নন?”

তা' সত্য, কিন্তু আমি যে শুধুই দেখা করবার জন্ত যেতে উৎসুক, তা ত নয়। আমার নিজের একটা বিশেষ দরকার আছে, তাই।”

“এমন কি বিশেষ দরকার পিসীমা, যে, ছুদিন দেৱী হ'লে চলবে না?”

“না, বাবা, দেৱী করতে আমি চাই না। কি জানি যদি ফস্কে যায়?”

এত দিন একত্র বাস করার ফলে পিসীমার বৈষয়িক অবস্থা এবং তাঁহার সাংসারিক সকল রকম খবরাখবরই আমি জানিয়াছিলাম। কারণ, তিনি ব্যবহারে যেমন অমায়িক, প্রকৃতিতেও তেমনই সরল। আমার কাছে কোন বিষয়ই গোপন করিতেন না এবং তাঁহার মত লোকের পক্ষে গোপনীয় কিছু থাকিতেও পারে না বলিয়া আমার ধারণা হইয়াছিল। সেই জন্ত তাঁহার এইরূপ ‘লুকোচুরি’ ধরণের কথা, আমি অত্যন্ত বিস্মিত হইয়া তাঁহার দিকে চাহিয়া রহিলাম।

আমার সেই নির্ঝাঁক প্রশ্ন তিনি তৎক্ষণাৎ বুঝিতে পারিয়া, একটু হাসিয়া বলিলেন, “আমি একটা ফন্দী করেছি, বাবা! কিন্তু এখন তা' আমি তোমাকে জানাবো না। কামটি উদ্ধার যদি হয় ত তখন সবই জানতে পারবে। এখন কেবল আমি যা বলবো, তুমি বিনা আপত্তিতে তাই করবে, এই আমি চাই। কেমন? করবে ত, বাবা? রাগ করবে না?”

বড়দিদির সেই চিঠির কথাটা তখনই আমার মনে পড়িল। আবার সেই প্রহেলিকা! ব্যাপারটা কিছুই বুঝিতে পারিলাম না। অথচ, এই ‘ফন্দী’র মধ্যে দিদিরাও যে জড়িত, তাহা বেশ বুঝা গেল। কিন্তু বিরক্তিকর হইলেও পিসীমার অনুরোধ উপেক্ষাও করিতে পারিলাম না, কাবেই সম্মত হইলাম।

রবিবার সকালে বাগবাজারে যাইবার জন্ত যখন প্রস্তুত হইতেছিলাম, তখন পিসীমা আসিয়া একটা শীল-মোহর-করা মোটা খাম আমার হাতে দিয়া বলিলেন, “আমি প্রিয়দ্বন্দ্বাকে এই চিঠিখানা লিখেছি। তুমি ওখানে গিয়ে এটা তার কাছে পাঠিয়ে দিও। তা হ'লে আমার সেখানে যাবার সম্বন্ধে কোন কথা তোমাকে আর কিছু বলতে হবে না। এতেই সব লেখা আছে।

যদি উত্তর কিছু দেয় ত নিয়ে এসো; না দেয়, তাতেও ক্ষতি নাই।”

আমি তথাস্ত্ব বলিয়া প্রস্থান করিলাম। সেখানে পৌঁছিয়া চাকরের দ্বারা আমার আগমনবার্তা ভিতরে বলিয়া পাঠাইলাম এবং তাহারই হাতে পিসীমা'র চিঠিখানাও পাঠাইয়া দিয়া বৈঠকখানায় বসিয়া অপেক্ষা করিতে লাগিলাম। অনতিবিলম্বে এক জন স্ত্রী, দীর্ঘকায়, প্রবীণ পুরুষ ভিতর হইতে আসিয়া বৈঠকখানায় প্রবেশ করিলেন। যথারীতি সাদর সম্ভাষণের পর উভয়ে আলাপ হইলে জানিলাম, তিনিই যোগীন বাবু। তিনি এঞ্জিনিয়ার, বঙ্গীয় সরকারী চাকরী অনেক দিন করিয়াছিলেন, এখন স্বাধীনভাবে ‘কন্ট্রাক্টারী’ কার্য করিতেছেন। কার্যোপলক্ষে বঙ্গীয় অনেক স্থানে তাঁহাকে থাকিতে হইয়াছে, কিন্তু সে দেশে তাঁহার আপাততঃ স্থায়ী আবাস মোলমেন নগরে। সেইখানকার কাষকন্ম এইবার প্রায় সবই শুটাইয়া ফেলিয়া দেশে আসিয়াছেন। বোধ হয় আর ফিরিয়া আইবেন না।

তৎপরে মৃত বিহারী ঘোষের সহিত তাঁহার নিকট-সম্পর্ক জানাইয়া যোগীন বাবু বলিলেন, “ঘোষজা মশায় শেষে এই বিয়েটা ক'রে নিতান্ত মতিভ্রমের পরিচয় দিয়েছিলেন বটে, কিন্তু সে জন্ত তাঁর মেয়ের উপর তাঁর স্নেহের একটুও অভাব কখনও হয়নি। মেয়েটিও মাতৃহীন ব'লে সমস্ত মনটা দিয়ে বাপকে লেবাস্তো। এই বিয়ের পরে বিমাতার গতিক দেখে নিজেকে সম্পূর্ণ বাপের সেবায় নিযুক্ত করেছিল। কিন্তু বিমাতার দুর্ভাবহার থেকে বাপকে ও নিজেকে রক্ষা করা ক্রমেই দুঃসাধ্য হয়ে দাঁড়াতে লাগলো। ঘোষজা মশায় যখন প্রথম উইল করেন, তখন নূতন জীৱ উপর বিরক্তি বশতঃ তাকে সামান্যমাত্র একটা মাসহারা দিয়ে সমস্ত সম্পত্তি মেয়েকে দিয়েছিলেন। কিন্তু পরে মেয়ের জেদে সে উইল বদল ক'রে জীকে লাইফ ইন্সিওরেন্সের সমস্ত টাকা এবং বাকী সব মেয়েকে দিয়েছেন! কিন্তু তা'তেও মাগীর মন সন্তুষ্ট হ'লো না ব'লে, সে দুর্ভাবহার এত বাড়িয়ে দিলে যে, মেয়ের ও বাড়ীতে আর বাস করা ভার হয়ে উঠলো। তা'র পরে, মাগীর আমেরিকা (না, আণ্ডামান) ফেরত এক পুরানো যুবা বন্ধু এসে ঐ বাড়ীতে জুটলো। ঘোষজার

সঙ্গে বিয়ে হবার অনেক পূর্বে থেকেই না কি ঐ লোক-টার সঙ্গে মাগীর প্রণয় ছিল; সেটা আবার নতুন করে 'ঝালোনো' আরম্ভ হলো। তাই নিয়ে বাড়ীতে মাঝে মাঝে বেশ 'গাড়াই ডোমাই' চলতে লাগলো। মেয়েটি তার মাগীকে সব খবরই মাঝে মাঝে লিপিতো। শেষে উনি আর সন্ত করতে না পেরে, দেশে এসে মেয়েটিকে নিজের সঙ্গে বস্মায় নিয়ে গেলেন। ঘোষজা মশায়কেও সঙ্গে আসবার জন্য অনেক অধ্যরোধ করা হয়েছিল, কিন্তু তিনি কিছুতেই এলেন না। ইদানীং তাঁর মাথা একটু খারাপ হয়েছিল। মেয়েকে জাহাজে তুলে দেবার সময় চুপি চুপি বলেছিলেন, বাড়ীতে যদি অশান্তি বেশী হয় ত তিনি আবার বিলেত চলে যাবেন। যা হোক, মেয়ে বস্মায় আসার পর ঘোষজা মশায়ের চিঠিপত্র প্রথম কিছু দিন বেশ নিয়মিত এসেছিল, কিন্তু ক্রমে তা কমে গিয়ে শেষে একেবারে বন্ধ হয়ে গেল। আমার স্ত্রী ঐ মাগীকে চিঠি লিখে জানতে পারলেন যে, ঘোষজা মশায় বাড়ী ছেড়ে নিরুদ্দেশ হয়েছেন। আমরা অত দূর থেকে তাঁর সন্ধানের কোন উপায়ই করতে পারলাম না। নিজেদের মনকে কোন রকমে প্রবোধ দিয়ে রাখলাম যে, হয় ত তিনি বিলেতেই চলে গিয়েছেন। তার পর গত ডিসেম্বর মাসে আমার হঠাৎ 'প্ল্যুরিসি' হওয়ার অনেক দিন ভুগেছিলাম। শেষে ভগবানের ইচ্ছায় সেরে উঠে, ডাক্তারের পরামর্শে সমুদ্রের হাওয়া খাবার জন্য প্রায় তিন মাস সপরিবারে সিঙ্গাপুর প্রভৃতি করে কায়গায় বেড়িয়ে যখন আবার রেঙ্গুনে ফিরলাম, তখন মিসেস ঘোষের চিঠিতে ঘোষজা মশায়ের হত্যা ও তাঁর উইল প্রবোচনের কথা জানতে পারলাম। পরে পুরানো সংবাদপত্রগুলো সংগ্রহ করে হত্যা-সংক্রান্ত অনেক খবরই জানতে পারলাম। কিন্তু খবরের কাগজের বৃত্তান্ত পড়ে সব কথা ভাল করে জানা যায় না। তবে, এটা বেশ বুঝা গেল যে, এই হত্যা-ব্যাপারের পূর্বাঙ্গ সমস্ত সংবাদ আপনার কাছেই বিশদভাবে জানা যেতে পারে। তাই শেষে ভেবে চিন্তে আপনাকে ঐ চিঠিখানা লিখেছিলাম। আপনি সে জন্য আমাকে ক্ষমা করবেন।"

আমি বলিলাম, "না, না, ও কথা বলবেন না। হত্যা-সম্বন্ধে সবিশেষ সংবাদ পাবার জন্য আপনাদের উৎসুক হওয়া ত খুবই স্বাভাবিক। আমি যা কিছু জানি, সবই

আপনাকে এখনই বলবো। কিন্তু হত্যাকারীর কোন সন্ধান এখনও পাওয়া যায়নি, তা'ও বোধ হয় জানেন?"

"হাঁ, কাগজে ত তাই পড়েছি। কি অন্য় বলুন দেখি? সহরের মধ্যে এত বড় একটা হত্যাকাণ্ড হয়ে গেল, অথচ আজ প্রায় চার মাস হ'তে চলো, এখনও তার কোনই নিরাকরণ হলো না!"

এই সময় একটি ১১০ বৎসরের বালক বাড়ীর ভিতর হইতে আসিয়া যোগান বাবুর কানে কানে কি বলিয়াই প্রস্তান করিল। তিনিও তখন সৌজন্য সহকারে আমার নিকট ক্ষমা প্রার্থনা করিয়া ও আমাকে মুহূর্তমাত্র অপেক্ষা করিতে বলিয়া অন্তরমহলে চলিয়া গেলেন। আমি সে দিনেই সংবাদপত্রখানা সম্মুখে পাঠিয়া তাহাতেই মনো-নিবেশ করিলাম।

১৮

মুহূর্তটা যখন প্রায় ১৫ মিনিটে পরিণত হইল, তখন যোগান বাবু বাহিরের ঘরে ফিরিয়া আসিয়া বলিলেন, "মাফ করবেন, অরুণ বাবু! আপনাকে অনেকক্ষণ একলা বসিয়ে রেখেছি। কিন্তু আপনি ত বেশ লোক যা হোক। এখানে এসে অবধি একবারও আমাকে জানাননি যে, আমাদের বিমলা দিদি আপনার সম্পর্কে পিসী হ'ন আর আপনি ঐ বাড়ীতেই থাকেন! বিমলা দিদি আমার স্ত্রীকে একগালা চিঠি লিখেছেন। সেই চিঠির কথা বলবার জন্যই এই-মাত্র বাড়ীর ভিতর থেকে আমার তলব হয়েছিল। তা থেকে জানলাম যে, আপনি নদীয়ার মহেন্দ্র ডাক্তারের ছেলে!—তা হ'লে আমার নিজের দিক দিয়েও আপনার সঙ্গে একটু নিকটতর সম্পর্ক আছে। আপনার পিতামহ আমার মায়ের খুড়তুতো ভাই ছিলেন। আমার মা তা হলে মহেন্দ্র বাবুর পিসী ছিলেন, আর সে সম্পর্কে আপনি আমার ভাই-পো হন, তা জানেন?" বলিয়া তিনি হাসিতে লাগিলেন।

আমিও হাসিয়া বলিলাম, "না, সত্যই আমি এ সম্পর্ক-টার কথা আগে কখনও শুনিনি। দূরে থাকার জন্য নিকট-সম্বন্ধগুলোও এই রকমে অজানা থেকে যায়।"

"হাঁ, তা সত্য। যা হোক, এখন যখন জানা গেল, তখন এবার থেকে আমাদের মধ্যে আত্মীয়ের মতই আচরণ করতে হবে।—তা হলে এখন চলুন, একবার বাড়ীর

ভিতরে যেতে হবে। আমার স্ত্রী, আপনার কাকী হলেন ত ? তিনি সেই সম্পর্কের বলে আপনাকে তাঁর সঙ্গে দেখা করতে ডাকছেন।”

উপরোধ এড়াইবার কোন উপায় না থাকায় আমি তাঁহার সহিত অন্তরের দিকে চলিলাম। যাইবার সময় বলিলাম, “তা হলে আপনার আর আমাকে ‘আপনি’ ‘মশায়’ সম্বোধন করা চলবে না।”

“তা ত বটেই, কিন্তু শুধু কথায় আত্মীয়তা করলেই ত হবে না। এখন থেকে তোমাকে ঠিক ঘরের ছেলের মত এখানে আসা-যাওয়া করতে হবে।”

কথা কহিতে কহিতে আমরা গন্ধরে উপস্থিত হইলে, তিনি একটা ঘরে আমাকে বসাইয়া বাহির হইয়া গেলেন এবং অবিলম্বে এক গৌরাঙ্গী প্রবীণাকে তথায় সঙ্গে লইয়া আসিলেন ও তিনিই আমার নূতন কাকী বলিয়া পরিচিত করিয়া দিলেন। আমিও যথারীতি তাঁহার পদগুলি লইলাম। পরে সকলে বসিয়া বাক্যালাপ হইতে লাগিল। কাকী বেশ সরলভাবে আত্মীয়েরই মত আমার সহিত কথাবাত্তা কহিতে লাগিলেন। অন্তর্গণ পরেই তিনি দ্বারের দিকে মুখ বাড়াইয়া একটু উচ্চ স্বরে বলিলেন, “কে রে বুড়ী, এত দেরী কচ্ছিস কেন, মা?”

তাঁহার কথা শেষ হওয়ার প্রায় সঙ্গে সঙ্গেই একটি অনিন্দ্যসুন্দরী ১৫।১৬ বৎসরের তরুণী নানা মিষ্টান্নপূর্ণ একখানা থালা লইয়া ঘরে প্রবেশ করিল। বিহারী ঘোমের ৩৭ বৎসরের মেয়েটিকে দেখিয়া পিসীমার যেমন মনে হইয়াছিল যে, ‘একবার দেখিলে আর চোখ নিরাহতে ইচ্ছা হয় না,’—ইহাকে দেখিয়া আমারও ঠিক সেইরূপই মনে হইল। অথচ চাছিল থাকিতেও পারিলাম না:—কেমন একটা লজ্জা আসিয়া বাধা দিতে লাগিল। সে-ও প্রথমে একবার আমার দিকে চাছিলই মলজ্জভাবে চক্ষু নত করিয়া ধীরে ধীরে থালাখানি আমার পার্শ্বস্থিত একটা ছোট টেবলের উপর রাখিয়া প্রস্থানোত্ত হইল। কিন্তু কাকী তাহাকে যাইতে নিষেধ করিয়া নিজের কাছে বসাইয়া বলিলেন, “তুই লজ্জা করিসনি, মা! অরুণ আমা-দের আপনার লোক, ঘরের ছেলেরই মত। কিন্তু আগে কি তা জান্তাম ? চিরকাল বিদেশে থেকে সব আত্মীয়-স্বজনের কাছে একেবারে যেন ‘পর’ হয়ে গেছি। আজ বিমলা দিদির

চিঠি পেয়ে পরিচয় পেলাম।—এইবার থেকে কিন্তু ঘরের ছেলের মত এখানে আসা-যাওয়া করো, বাবা!—কেমন?” বলিয়া আমার দিকে চাছিলেন। আমি মুখে কোন উত্তর না দিয়া শুধু সম্মতি-স্বচক ঘাড় নড়িলাম।

পরে বালিকাকে দেখাইয়া কাকী বলিলেন, “এরই নাম কাকলী। বিমলা দিদির কাছে বোধ হয় এর কথা শুনেছ। আমরা একে ‘বুড়ী’ বলে ডাকি। এ আমার বোনঝি,—ঘোষজা মশায়ের মেয়ে। আহা, বাপের শ্বেদ খবর পেয়ে অবধি বাড়া একেবারে মনভাঙ্গা হয়ে গেছে! হবারই ত কথা! কি ভীষণ কাণ্ড বল দেখি? অথচ এত দিনেও খুনে লোকটার কোন সন্ধানই পাওয়া গেল না। কি আশ্চর্য্য কথা!”

তখন ক্রমে সেই খুনের ব্যাপার আলোচনা হইল। সকলেই উৎসুক চিত্তে এই আলোচনায় যোগ দিয়াছিলেন। কিন্তু কাকলী কিছু বেশী উত্তেজিত হইয়াছিল; শেষে সে যোগীন বাবুকে বলিল, “অনুসন্ধানের ফল কি হবে, তা’ ভগবান জানেন। কিন্তু তা বলে নিশ্চেষ্ট হয়ে ব’সে থেকেই বা লাভ কি?—আবার একটু চেষ্টা ক’রে দেখলে হয় না?”

যোগীন বাবু এ কথার কোন উত্তর দিবার আগেই আমি বলিলাম, “বেশ, আমি তা’তে খুব প্রস্তুত আছি। আমার দ্বারা মত দূর সাহায্য হতে পারে, তা আমি করবো।”


আমার এই প্রতিশ্রুতি পাইয়া সকলেই বেশ সন্তুষ্ট হইলেন, বোধ হইল। তখন কাকী বলিলেন, “ও মা! আমার বুদ্ধি-শুদ্ধি সব লোপ পেয়েছে দেখছি! নিজেদের কথায় উন্নত হয়ে তোমার জল পাবারটা যে প’ড়ে প’ড়ে থাকছে, সে দিকে যেয়াল নেই। নাও, বাবা! একটু মিষ্টি-মুখ কর।”

আমি সকালে একপ জলযোগে অভ্যস্ত না হইলেও উপায়ান্তর অভাবে কিঞ্চিৎ ‘মিষ্টিমুখ’ করিতে বাধ্য হইলাম ও তৎপরে সে দিনের মত বিদায় লইলাম।

আসিবার সময় কাকী বলিয়া দিলেন, “বিমলা দিদিকে আমার প্রণাম জানিয়ে বোলো যে, তাঁর চিঠি প’ড়ে আমার বড়ই আনন্দ হয়েছে। কালই বিকালে তাঁর সঙ্গে দেখা ক’রে সব কথা কইবো। সেই জন্তু আর লিখে জবাব দিলাম না।”

[ক্রমশঃ।

শ্রীশুরেশচন্দ্র মুখোপাধ্যায় (এটর্নি)।



সমাজ ও শান্তিরক্ষা

কিছু দিন পূর্বে এই সহর কলিকাতার বৃক্কের উপর এক জন বাঙ্গালী ভদ্র গৃহস্থ মহিলার উপর এক রিক্সা গাড়ী-চালক পাশবিক অত্যাচার করিয়াছিল। এই মহিলা অল্প-বয়স্কা, রাত্রি প্রায় ৯ ঘটিকার সময়ে বহুবাজার হইতে বেলিয়াঘাটায় যাইতেছিলেন। সঙ্গে একটি বালক ছিল। শিয়ালদহের নিকটে বালকটি কোন কার্যে অল্পক্ষণের জন্য রিক্সা হইতে নামিয়া যায়। রিক্সা-ওয়ালার ইত্যবসরে ছুই এক পা অগ্রসর হইতে হইতে একটা গলীর ভিতর তাঁহাকে লইয়া যায়। সেখানে তাঁহার সর্বনাশ সাধিত হয়। আলিপুরের সেশন জজের বিচারে এই নরপশুর ৫ বৎসর কারাদণ্ডের আদেশ হইয়াছে।

এ দণ্ড অপরাধের উপযুক্ত হইয়াছে কি না, সে বিষয়ে এই স্থলে আলোচনা করিব না। কেবল এই ঘটনা সম্বন্ধে সহরের শান্তিরক্ষা ও বাঙ্গালী হিন্দু-সমাজের সম্পর্কে কিছু বলিতে চাহি।

এমন ঘটনা বাঙ্গালার পল্লী-মফঃস্বলে নিত্য-ঘটনা হইয়া দাঁড়াইয়াছে বটে, কিন্তু কলিকাতায় ইহা নূতন বলিলেও বোধ হয় অত্যুক্তি হইবে না। কলিকাতার মত জনাকীর্ণ সহরে মাত্র রাত্রি ৯ ঘটিকার সময়ে সহরবাসী সম্পূর্ণ সজাগ থাকে, সহরের রাজপথ আলোকিত থাকে এবং সহর-কোটালের শান্ত্রী প্রহরী সহরবাসীর ধনপ্রাণ রক্ষার জন্য সর্বত্র প্রহরা দিয়া থাকে। শিয়ালদহের মোড়ে রাত্রি ৯টার সময়ে কিরূপ ভিড় ও জমজমা থাকে, তাহা সহর-বাসিমাত্রেই জানেন। এ হেন স্থানে একটা রিক্সা-ওয়ালার গৃহস্থ-বধূকে নির্জন স্থানে লইয়া গিয়া কিরূপে তাঁহার সর্বনাশসাধন করিল, তাহা ভাবিয়া উঠিতে পারা যায় না। সেশন জজ তাঁহার রায়ে যুবতীকে নির্দোষ বলিয়াছেন। বিশেষতঃ তিনি যখন লোকলজ্জার আশঙ্কা সত্ত্বেও দুঃস্বভাবকারীর দণ্ডবিধানের নিমিত্ত আদালতে অভিযোগ করিয়াছেন, তখন বুঝিতে হইবে, তাঁহার অসম্মতিতে 'বলপূর্বক

তাঁহার প্রতি পাশব আচরণ করা হইয়াছিল। এ অবস্থায় এমন জনাকীর্ণ স্থানে কোন পথিক তাঁহাকে সাহায্যদান করে নাই, ইহা জানিলে কি বলিতে ইচ্ছা করে? উহা বরং সম্ভবপর হইতে পারে, কিন্তু শিয়ালদহের সাম্মিখ্যে পুলিশপ্রহরী কি উপস্থিত ছিল না? পুলিশের শ্রোণদৃষ্টি গৃহস্থের ঘরের হাঁড়ীর উপরেও পতিত হইয়া থাকে বলিয়া শুনা যায়। তবে এত বড় একটা ভীষণ ব্যাপার পুলিশের দৃষ্টির অন্তরালে কিরূপে সংঘটিত হইল, তাহা ত বুঝিয়া উঠাই কঠিন। তবে এমন হইতে পারে, পুলিশ রাজনীতিক অপরাধীর পশ্চাতে দৃষ্টিটা যেরূপ আবদ্ধ করিয়া রাখে, তাহাতে এ সব ছোটখাট ব্যাপারের জন্য অবশিষ্ট কিছু না থাকিতে পারে। কলিকাতার মত সহরে 'সন্ধ্যা' রাত্রিতে জনাকীর্ণ স্থানে অসহায় নারীর সতীত্বরক্ষা দুর্বৃত্ত নর-পশু কর্তৃক অপহৃত হয়, ইহা কি পুলিশের প্রভু সহর-কোটালের পক্ষে অথবা পুলিশের সাফাই-গায়ক আমলাতন্ত্র-সরকারের কর্তাদিগের কলঙ্কের কথা নহে? নাবালক জাতি বলিয়া যাহাদের সকল ভার তাঁহারা গ্রহণ করিয়াছেন, তাহাদের ধনপ্রাণ রক্ষা কি এই ভাবেই সম্পাদিত হইবার কথা?

কেবল পুলিশকে এ বিষয়ে অপরাধী করিলে অবিচার করা হয়—হিন্দু-সমাজের কি এ বিষয়ে কোনও অপরাধ নাই? শুনিয়াছি, এই নির্যাতিতা যুবতীর স্বামী তাঁহাকে পরিত্যাগ করিয়াছেন। এই হৃদয়হীনতা যে লোকলজ্জা বা সমাজের শাসনের ভয়ে প্রদর্শিত হইয়াছে, তাহা নিঃসন্দেহে বলা যায়। আমাদের সমাজ এ সকল বিষয়ে খুবই 'হৃদয়ের' পরিচয় দিয়া থাকেন! পূর্ববঙ্গের অভাগী মোক্তার-কন্ডার শোচনীয় পরিণামের কথা বোধ হয় আজিও কেহ বিস্মৃত করেন না—উহা বিস্মৃত হইবার জিনিষ নহে। অভাগী শ্রীযুক্ত কৃষ্ণকুমার মিত্র মহাশয়কে হৃদয়ের অন্ত-স্তলের যে মর্ম্মবেদনার কথা নিবেদন করিয়াছিল, বোধ হয়, তাহাতে পাষণ্ড গলিয়া যায়;—কিন্তু আমাদের এই হিন্দু-সমাজ-দাম্ভের চিহ্নটি বুঝি পাষণ্ডকেও ছাপাইয়া যায়!

কত ধর্মকথা, কত পুথির কচকচি এ সব ব্যাপারে কথা হয়, কিন্তু সমাজের অন্তর্গত ছুট ব্রণ পুঁথিয়া রাখিতে কোনও স্থিতি বোধ হয় না। এই নির্ঘাতিতা মহিলার পরিণাম কি হইবে, তাহা যেমন তাঁহার স্বামীর চিন্তা করিবার সাহস নাই, সমাজেরও তেমনই অবসর নাই! এইরূপে সমাজের অঙ্কিত শাসনে কত হিন্দু নারী হিন্দু-সমাজের বন্ধ হইতে খসিয়া যাইতেছে, তাহা কি চিন্তা করিয়া দেখিবারও সময় হয় নাই?

যে সমাজ এইরূপে নির্দোষের দণ্ড-বিধান করিতে অণুমাত্র বিচলিত হয় না, সেই সমাজ অবলা নারীর রক্ষার কি উপায়বিধান করিয়াছে? একটা কথা উঠিয়াছে, নারীকে স্বাধীনতা দিতে হইবে, নারীকে তাহার স্বেচ্ছা অধিকার দিতে হইবে। নারীকে পিঞ্জরাবদ্ধা অশিক্ষিতা ক্রীতদাসী করিয়া রাখিবার পক্ষপাতী এ যুগে কেহ আছেন কি না জানি না, কিন্তু তাহা বলিয়া স্বাধীনতার নামে স্বেচ্ছাচার দেওয়াও কি সঙ্গত? এই ভদ্র গৃহস্থ-মহিলাকে একাকিনী—মাত্র এক বালকের সহিত রাত্রিকালে অতীত প্রেরণ করা হইয়াছিল কেন? যদি তিনি স্বেচ্ছায় এরূপ করিয়া থাকেন, তাহা হইলে তিনি নিশ্চিতই নিতান্ত প্রয়োজনে পড়িয়া এরূপ করিতে বাধ্য হইয়াছিলেন। কিন্তু অধুন। প্রায়ই দেখা যায়, মোটরে, রিক্সায়, ভাড়াটিয়া ছবড়ে দেশীয় মহিলারা অভিভাবকহীন হইয়া সহরে যাতায়াত করিয়া থাকেন। এমন কি, আগরা বহু অল্পবয়স্ক গৃহস্থ বধূকে যোগে-যোগে পালে-পার্কণে অথবা তিথিনক্ষত্র হিসাবে রাত্রিশেষে নির্জনে পথ দিয়া এরূপ অভিভাবকহীন অবস্থায় গঙ্গাঙ্গানে যাইতে দেখিয়াছি। সে সব পথে গুলি, বদমায়েস পশুপ্রকৃতি লোকের অসন্তোষ নাই। এই সকল যুবতী বা কিশোরীর গৃহে নিশ্চিতই অভিভাবক আছেন। তাঁহারা এমনভাবে তাঁহাদিগকে যাইতে অনুমতি প্রদান করেন কেন? অনেকে দারিদ্র্যের অছিলা দেখাইবেন। কিন্তু তাহাই যদি হয়, তাহা হইলে বয়স্ক শক্তিসম্পন্ন অভিভাবকরা সঙ্গে যাবেন না কেন? যে ভাবে এই সকল ভদ্র গৃহস্থ-মহিলা সহরে যাতায়াত করিয়া থাকেন, তাহাতে নিত্য রিক্সা-কুলীর মামলা হয় না কেন, ইহাই আশ্চর্য!

স্বাধীনতা—নারীর প্রাপ্য স্বাধীনতা অধিকার—সে তা

ভাল কথা। কিন্তু সেই স্বাধীনতা কাহাদের জন্ত? স্বাধীন শক্তিশালী জাতির নারীর জন্ত; পরাধীন, পরগদ-লেখী নির্বীৰ্য ক্রৌঞ্চ জাতির নারীর জন্ত নহে। যে জাতি আজিও মানকে প্রাণ অপেক্ষা বড় বলিয়া বুঝিতে শিখিবে না, যে জাতি নিজের নারীর অপমানে আপনাকে অপমানিত বলিয়া মনে করে না, সে জাতি তাহার নারীর জন্ত স্বাধীনতা চাহে কেন? নিজের নারীকে রক্ষা করিবার তাহার ক্ষমতা নাই, তাহার মুখে স্ত্রী-স্বাধীনতার কথা শোভা পায় না! যখন এমন দিন আসিবে, যে সময়ে জাতির একটি নারী নির্ঘাতিতা হইলে সমগ্র সমাজ হৃৎক্বারে গর্জিয়া উঠিবে এবং হৃৎক্বারীর সমুচিত দণ্ড-বিধান করিয়া নির্ঘাতিতাকে বন্ধে তুলিয়া লইবে, তখন স্ত্রী-স্বাধীনতার আন্দোলন করিলে চলিতে পারে। সীমান্ত-প্রদেশের কুমারী এলিসের সম্পর্কে ইংরাজ জাতির হৃৎক্বারের কথা মনে আছে ত?

দেশের যাহারা শাস্তি-বিধাতা, তাঁহাদিগকেও একটা কথা বলা প্রয়োজন। তাঁহারা প্রজার ধন-প্রাণের সঙ্গে সঙ্গে মান-ইজ্জত রক্ষা করিবার ভার লইয়াছেন বলিয়া থাকেন। এ জন্ত তাঁহারা দেশের লোকের হস্ত হইতে অস্ত্র কাড়িয়া লইয়াছেন। তাঁহাদের স্বজাতীয় নরনারীরা বদচ্ছাক্রমে আগ্নেয়াস্ত্র ব্যবহার করিতে পার, এ দেশীরা পারে না। ইহার ফলে এ দেশে খেতাদারী নির্ভয়ে যত্নতর বিচরণ করিতে পারে; দেশীয়া মহিলারা পারে না। শাস্তি-পালরা যদি এদেশীয় মহিলাদিগের মান-ইজ্জত রক্ষা করিতে অসমর্থ হইতেন, তাহা হইলে তাঁহারা খেতাদারীদের মত তাঁহাদিগকেও আগ্নেয়াস্ত্র ব্যবহার করিতে দিন। বর্তমান অবস্থায় কেবল 'বাধিয়া মারা' হইতেছে ব্যতীত কিছু নহে! আমাদের দেশের নারীরা যদি এই অস্ত্র ব্যবহার করিতে শিখেন, তাহা হইলে নারী-নির্ঘাতনের কথা, কথার কথা পর্য্যবসিত হইবে।

রাজবংশীর জন্ম চাঞ্চল্য

গত ১৬ই কান্তন কলিকাতার হরতাল হইয়াছিল। বঙ্গের সুদক্ষান সুভাষিনী বঙ্গ প্রমুখ কয়েক জন রাজবংশী মানসি-মেলে গত ১৫ই কেরকারী হইতে অনর্শন-প্রণয় অবলম্বন

করিয়াছিলেন বলিয়া প্রকাশ পায়। ইহাই চাকলোর কারণ। ঠাহারা জনপ্রিয়, ঠাহাদিগকে আমলাতন্ত্র সরকার যতই বে-আইনী আইনে আটক করিয়া কষ্ট দিন, ঠাহাদের দিকে লোক স্বতঃই আকৃষ্ট হইবে। ঠাহারা জনপ্রিয়, ঠাহারা অনশনে আছেন, ইহা শুনিলে জনমত চঞ্চল হইয়া উঠিবেই,—সর্বপ্রকারে উহার কারণ নির্ণয় করিবার চেষ্টা করিবেই। একটা কারণ জানা গিয়াছে যে, যে হেতু বড়-দিনের সময় যুরোপীয় খৃষ্টান কয়েদীদিগের জন্ত পূজারাদনার ব্যবসাদ আছে, অথচ ভারতীয়ের নাই, সেই হেতু ব্যবহারের এই তারতম্য শিক্ষিত মার্জিতরুচি দেশপ্রেমিক যুবকগণ বিশেষরূপ অস্বস্তি করিয়াছেন। ঠাহারা এই অবস্থার প্রতীকারের জন্তই অনশন-ব্রত অবলম্বন করিয়াছিলেন। ইহা ছাড়া আরও অল্প ব্যাপারের জন্ত ঠাহাদের দ্বারা অনশন-ব্রত অবলম্বিত হইতে পারে। সুভাষচন্দ্র প্রমুখ শিক্ষিত দেশপ্রেমিক বাঙ্গালী তরুণগণ বিনা কারণে এত দিন দণ্ডভোগের পর হঠাৎ এই কার্য করেন নাই, তাহা সকলেই বুঝিতেছে।

‘ফরওয়ার্ড’ পত্র কর্ণেল মালভ্যানীর রিপোর্ট সম্পর্কে যে বিচিত্র সংবাদ প্রকাশ করিয়াছেন, তাহাতে বুঝা যায়, এমন কারণ থাকিা বিশ্বাসের বিষয় নহে। ‘ফরওয়ার্ড’ জেল-কমিটির সমক্ষে কর্ণেল মালভ্যানীর সাক্ষ্য উদ্ধৃত করিয়া দেখাইয়াছেন যে, কর্ণেল মালভ্যানী বলিয়াছেন,—“সকলেই জানেন, গত কয় বৎসর প্রায়ই রাজনীতিক বন্দীদিগের প্রতি কুব্যবহারের অভিযোগ সম্পর্কে সরকারকে যত বিব্রত হইতে হইয়াছে, তত আর কোনও ব্যাপারে হইতে হয় নাই। আবার ইহাও সকলে জানে যে, সরকার নিজের বিবরণ হইতে প্রমাণ করিয়াছেন যে, অভিযোগের কোনও মূল নাই। কিন্তু আমি বলিতেছি, অভিযোগের বিশেষ কারণ ছিল।”

এ কথা কি সত্য? সরকারী কমিটির সমক্ষে সাক্ষ্যের কথা কিরূপে সংগৃহীত হইয়াছে, তাহা এখানে বিচার্য্য নহে, দেখা উচিত, বরূপেই ইহা সংগৃহীত হউক, ইহা সত্য কি না। যদি সত্য হয়, তাহা হইলে সরকারের পক্ষে বিষম-কলঙ্কের কথা। সরকার যে অভিযোগ মিথ্যা বলিয়া প্রমাণ করিতেছেন, সরকারের নিযুক্ত কর্মচারী কর্ণেল মালভ্যানী বলিতেছেন, সে অভিযোগ সত্য,

উহার উপযুক্ত কারণ আছে! ইহা কি চমৎকার অবস্থা নহে? মালভ্যানী সাক্ষ্য আরও যে সব কথা বলিয়াছিলেন বলিয়া ‘ফরওয়ার্ডে’ প্রকাশ, তাহাও অতি সুন্দর। তিনি দুই জন আসামীর সম্বন্ধে রিপোর্টে লিখেন, “উহাদিগকে যে ভাবে বন্দী করিয়া রাখিবার ব্যবস্থা করা হইয়াছে, তাহাতে উহাদের স্বাস্থ্যভঙ্গের সম্ভাবনা আছে; পরন্তু কারা-আইনের ও দেশের নিয়ম অনুসারে নির্জন কারাদণ্ডের যে ব্যবস্থা আছে, তাহা অপেক্ষা উহাদের সম্বন্ধে নির্জনবাসের দণ্ডের ব্যবস্থা আরও কঠোর করা হইয়াছে। পূর্বোক্ত আইনে ও নিয়মে দণ্ডিতকে একাদিক্রমে ৭ দিনের অধিক নির্জন কারাবাসে রাখা যায় না।”

কর্ণেল মালভ্যানী স্বয়ং এই রিপোর্ট দেওয়ার কৈফিয়ৎ দিয়া বলিয়াছেন যে, তিনি ইচ্ছা করিয়াই এই রিপোর্ট দিয়াছেন, তাহার কারণ এই যে, তিনি ঠিক করিয়াছিলেন, হয় ইহার কারণে ঠাহার চাকুরী যাইবে, না হয়, রাজবন্দীদিগের প্রতি ব্যবহারের প্রতীকার হইবে। কিন্তু ঠাহার চাকুরীও যায় নাই, অবস্থার প্রতীকারও হয় নাই; বরং জেলের ইনস্পেক্টর জেনারল ঠাহার রিপোর্ট ফিরাইয়া দিয়া মন্তব্য সম্বন্ধে পুনরায় বিচার-আলোচনা করিতে উপদেশ দেন। এই পত্রে কর্ণেল মালভ্যানীকে আভায়ে বলা হইয়াছিল যে, তিনি বড় জোর এই পর্য্যন্ত লিখিতে পারেন যে, রাজবন্দীদিগকে নির্জন কারাগারে রাখা হইয়াছে, তাহাদিগকে প্রতিদিন ব্যায়াম করিতে দেওয়া হয়, অভিযোগকারী ২ জন রাজবন্দী প্রফুল্লচিত্ত আছে, তাহাদের কাহারও স্বাস্থ্য ক্ষুণ্ণ হয় নাই।

এ সকল কি আরব্য-উপাঙ্গাসের কল্পনা-কথা? কর্ণেল মালভ্যানী যাহা বলিতেছেন, তাহাতে মনে হয়, তিনি যে স্বার্থ রিপোর্ট দিয়াছিলেন, তাহা ঠাহাকে বদলাইয়া জেলের কর্তৃপক্ষের মর্জিমত তৈয়ার করিতে ইচ্ছিত করা হইয়াছিল। অতঃপর সরকারী রিপোর্টের উপর লোকের শ্রদ্ধা কিরূপ থাকিবে, তাহা সহজেই অনুমেয়। ইহার কি কৈফিয়ৎ দেওয়া হয়, তাহার জন্ত জনসাধারণ উৎসুক হইয়া রহিল। মোটের উপর, এইটুকু বুঝা গেল যে, জেলে রাজবন্দীদের প্রতি ভাল ব্যবহার করা হয় না। কর্ণেল মালভ্যানী স্বয়ং জেল-কর্মচারী




শ্রীবিপিনচন্দ্র পাল

ছিলেন—সরকারের তিনি বড় চাকুরিয়া। তিনি যে জেলের প্রধান পুরুষ ছিলেন, পূর্বে শ্রীযুক্ত বিপিনচন্দ্র পাল সেই জেলে কারাদণ্ড ভোগ করিয়াছিলেন। শ্রীযুক্ত বিপিনচন্দ্রের কথায় প্রকাশ, কর্ণেল মালভ্যানী কঠোর শাসনকর্তা ছিলেন। সুতরাং তাঁহার মত উচ্চপদস্থ শ্বেতাঙ্গ সরকারী চাকুরিয়া ‘এজিটেন্টারদের’ মত সরকারের ক্ষতি করিবার বা সরকারকে অপদস্থ করিবার জন্ত যে অকারণ এই সমস্ত কথা রচনা করিয়া সাক্ষ্য দিয়াছেন, তাহা স্থিরমস্তিষ্ক লোক কখনই বলিবে না। আর তাঁহার রিপোর্ট সত্য হইলে রাজবন্দীদের প্রায়োবেশনের মূল কারণ খুঁজিয়া লইতে বিলম্ব হয় না। যাহারা এ দেশের লোক হইয়া, এ দেশের সমস্ত কথা জানিয়া ব্যবস্থা-পরিষদে বে আইনী আইন (৩ আইন) রদের প্রস্তাবের বিপক্ষে ভোট দিয়াছিলেন, তাঁহারা কর্ণেল মালভ্যানীর এই সকল কথার পর কি বলেন, তাহা শুনিতে ইচ্ছা করে।

এই অনশন-ব্রতের কথা ব্যবস্থা-পরিষদেও উঠিয়াছিল। শ্রীযুক্ত তুলসীচরণ গোস্বামী কর্ণেল মালভ্যানীর সাক্ষ্যের কথা তুলিয়া এ বিষয়ে সকলের দৃষ্টি আকর্ষণের জন্ত পরিষদ ঐ দিন মূলতুবী রাধিবার প্রস্তাব করিয়াছিলেন।

তাঁহার প্রস্তাব ভোটের জোরে গৃহীত হয় বটে, কিন্তু সরকারপক্ষ সে বিষয়ে বাধা দিতে ক্রটি করেন নাই। আর আলেকজান্ডার মুডিম্যান বুখাইবার চেষ্টা করেন যে, কর্ণেল মালভ্যানীর সাক্ষ্য ১৯১৫ খৃষ্টাব্দে ইংলণ্ডে জেল-কমিটির সমক্ষে লওয়া হইয়াছিল; তখনকার অবস্থা আর এখনকার অবস্থায় অনেক প্রভেদ; বিশেষতঃ জেল-কমিটি কর্ণেলের সাক্ষ্য সত্ত্বেও রাজবন্দীদের প্রতি জেল-কর্তৃপক্ষের ব্যবহারের সম্বন্ধে কোনওরূপ মন্দ মন্তব্য প্রকাশ করেন নাই।

সরকারের এ কৈফিয়তে বালকও সন্তোষ লাভ করিতে পারিবে না। যেহেতু, ১১ বৎসর অতীত হইয়াছে, সেই হেতু অবস্থা পরিবর্তন হইয়াছে, ইহা অস্বত্ব বুক্তি বটে। ১১ বৎসর পূর্বে এ দেশের শাসন-সিন্দূকের চাবিকাঠি যেমন ব্যুরোক্রেসীর মুঠার মধ্যে ছিল, এখনও কি তেমনই নাই? ১১টা বৎসর যাইতে পারে, শাসনের এঁটোটা



শ্রীতুলসীচরণ গোস্বামী

কাঁটাটা হয় ত বুড়ুকু কাঙ্গালদের গোলুপ নয়নপথে নিক্ষিপ্ত হইতে পারে, কিন্তু তাহা বলিয়া শাসনের 'শাস-জন' কি হাত-ছাড়া করা হইয়াছে, শাসন-নীতির কি এক-চুল 'নড়ন-চড়ন' হইয়াছে? লাল লক্ষপৎ রায় পরিষদে সার আলেকজান্ডারের কথার উত্তরে বলিয়াছেন যে, "তিনি ভুক্তভোগী, রাজবন্দিরূপে তিনি দুই এক জন দয়ালু ও হৃদয়-বান্ জেল-সুপারিন্টেন্ডেন্টের নিকট হয় ত ভাল ব্যবহার পাইয়া থাকিতে পারেন, কিন্তু সাধারণ জেল-কর্তৃপক্ষ তাঁহা-দিগকে (রাজবন্দীদিগকে) ভয়ঙ্কর চরিত্রের লোক বলিয়া মনে করিত এবং নানা অব্যক্ত উপায়ে তাঁহাদের প্রতি নির্দয় ব্যবহার করিত।"

ইহার পরেও কি সার আলেকজান্ডার বলিবেন যে, জেলে রাজবন্দীদের প্রতি সদয় ব্যবহার করা হয়? শ্রীযুক্ত তুলসীচরণ গোস্বামী সার আলেকজান্ডারের সাফাইয়ের উত্তরে বলিয়াছিলেন, কর্নেল মালভ্যানীর কথা যে অবি-শ্বাস্ত, এমন কথা জেল কমিটি তাঁহাদের রিপোর্টে কোথাও বলেন নাই। সুতরাং এ সব "ভাঙ্গা মেকোয় আটচালার দাঁড় করান" সরকারের পক্ষে সম্ভব হইবে না। সরকারের কোনও কোনও কর্মচারী রাজবন্দীদের তেজ দমন করিবার জন্য কমতার অপব্যবহার করিয়া থাকেন; তাহা কি সরকার অস্বীকার করিতে পারেন? সুতরাং মিথ্যা কথার আবরণে সত্য গোপন করিবার চেষ্টা না করিয়া এখন যদি রাজবন্দীদের ব্যবহারের বিষয়ে রীতিমত নজর রাখিবার চেষ্টা করা হয়, তাহা হইলে সকলের পক্ষেই উহা শোভন হয় না কি?

রাজবন্দী

শ্রীযুক্ত অমরেন্দ্রনাথ দত্ত বড়লাটের ব্যবস্থা-পরিষদে ৩ রেগুলেশান রদ করিবার উদ্দেশে একটি প্রস্তাব করিয়া-ছিলেন। নানা তর্ক-বিতর্কের পর গত ১৯শে ফেব্রুয়ারী সপ্তাহের ৩টি ভোটের জোরে তাঁহার প্রস্তাব পরিত্যক্ত হই-য়াছে, বিলের পক্ষে ১৬ এবং বিপক্ষে ১৯ ভোট হইয়াছিল। যে বে-আইনী আইনে বিনা বিচারে মানুষকে আটক করিয়া রাখা হয়, এবং যাহার বিপক্ষে দেশের সকল সম্প্র-দায়ের সকল শ্রেণীর অধিকসংখ্যক লোক তীব্র প্রতিবাদ করিয়া আসিতেছে,—তাহা 'রিফরমড ফাউন্সিলে' পরিত্যক্ত

হইল না, ইহাতেই কি সংস্কৃত ব্যবস্থাপরিষদের স্বরূপ বুঝা যায় না?

ডাক্তার গৌর তর্ক-বিতর্ককালে বলিয়াছিলেন, "দমন-নীতিমূলক আইনের সম্পর্কে যে কমিটি (Repressive Laws Committee) বসিয়াছিল, তাহার রিপোর্ট অনুসারে কার্য করিতে সরকার ত্রায়তঃ ধর্মতঃ বাধ্য ছিলেন। কমিটি সরকারই বসাইয়াছিলেন। সুতরাং কমিটি নানা সাক্ষ্য-সাব্দ লইয়া, নানা বিচার-আলোচনা করিয়া যে সিদ্ধান্তে উপনীত হইয়াছেন, তাহা যদি চোতা কাগজের আধারে নিক্ষেপ করা হয়, তাহা হইলে কমিটি কমিশন বসাইবার প্রহসন করার সার্থকতা কি?" সার হেনরী স্টেনিয়ন কমিটির রিপোর্ট হইতে কতকাংশ উদ্ধৃত করিয়া বলিয়াছেন যে, কমিটি সম্পূর্ণ-রূপে ৩ রেগুলেশান রদ করিতে পরামর্শ দেন নাই। ভাল কথা। কিন্তু কমিটি এই রেগুলেশানের যতটুকু অংশ রদ করিতে পরামর্শ দিয়াছিলেন, তাহাও কি রদ করা কর্তব্য ছিল না? এই যে কারেক্সি কমিশন, এগ্রিকালচার কমিশন ও ট্যাক্সেশান কমিটি বসান হইয়াছে বা হইতেছে, যদি ইহাদের সিদ্ধান্ত অনুসারে কার্য করা না হয়, তাহা হইলে এই সমস্ত কমিটি কমিশন বসাইয়া ফল কি? অনর্থক সরকারী অর্থ অপব্যয় করা ব্যতীত ইহাতে কি মঙ্গল সাধিত হয়? নি কমিশনের সিদ্ধান্তমত কার্য করিতে বিলম্ব হয় নাই—হইলেও যুরোপীয় সমাজের চীৎকারে সরকার স্থির থাকিতে পারেন নাই। তবে কি বৃষ্টিতে হইবে, দেশের জনগণের অসুস্থ সিদ্ধান্তই কেবল উপেক্ষিত হইবে, আর উহার প্রতিকূল সিদ্ধান্ত সাদরে গৃহীত হইবে? তবে এ সকল প্রহসনের অবতারণা না করিয়া আমলাতন্ত্র সরকার স্বেচ্ছামত কায করিয়া গেলেই ত পারেন।

রেগুলেশান কথাটার অর্থ কি? দেশের শাসক-সম্প্রদায় (Executive) ইচ্ছামত যে আইন বাধিয়া দেন, তাহাকে রেগুলেশান আখ্যা দেওয়া যায়। ইহা 'ল' বা আইন নহে। শাসক সম্প্রদায়ের হস্তে এই স্বেচ্ছাচার-মূলক আইন বানাইবার যদি অপ্রতিহত ক্ষমতাই থাকে, তাহা হইলে সংস্কৃত ব্যবস্থাপক সভার অস্তিত্বের প্রয়োজন কি? দেশের আইন করিবার জন্য দেশের প্রতিনিধি-গণের হস্তে প্রকৃত ক্ষমতা দেওয়াই যদি কাউন্সিল-সৃষ্টির উদ্দেশ্য হয়, তাহা হইলে শাসক সম্প্রদায়ের হস্তে এই

স্বৈচ্ছাচারমূলক আইন বানাইবার ক্ষমতা অক্ষুণ্ণ রাখিলে কি সেই উদ্দেশ্য সাধিত হয়? তবে কাউন্সিলসৃষ্টির উদ্দেশ্য কি, লক্ষ্য কি? আর সেই কাউন্সিল যদি এমনই ভাবে গঠিত হয় যে, উহাতে জনগণের প্রতিনিধিদিগের সমবেত অভিমত শাসক সম্প্রদায়ের স্বৈচ্ছাচারমূলক আইন রদে সমর্থনা হয়, তাহা হইলে তাহাকে দায়িত্বমূলক সংস্কৃত ব্যবস্থাপরিষদই বা বলা হয় কেন?

১৯১৯ খৃষ্টাব্দের রিফরম আইন গৃহীত হইয়াছে, এ কথা সরকারপক্ষই স্বীকার করেন। যদি তাহাই হয়, তবে দেশের আইন-কানুন এই রিফরম আইন অনুসারে গঠিত ব্যবস্থাপরিষদই গঠন করিবেন, ইহাই ত আইনানুগ (constitutional) ব্যবস্থা। কানাডা ও অষ্ট্রেলিয়ায় যখন জনগণের প্রতিনিধিসভা গঠিত হয়, তখন ঐ সভা দুইটি পূর্বে প্রবর্তিত দেশের আইন-কানুন অনুমোদন (Ratified) করিয়াছিল, আর তাহা হইয়াছিল বলিয়াই পূর্বের আইন-কানুন দেশের আইন-কানুন বলিয়া গৃহীত হইয়াছিল। ১৯১৯ খৃষ্টাব্দের রিফরম কাউন্সিল যদি অনুরূপ অধিকারে বঞ্চিত হয়, তবে তাহার মূল্য কি, সার্থকতাই বা কি? যদি সংস্কৃত ব্যবস্থাপরিষদের এই অধিকার না থাকে, তাহা হইলে তাহাকে প্রকৃত সংস্কৃত ব্যবস্থাপরিষদে পরিণত করিয়া সংস্কৃত ব্যবস্থাপরিষদ বলিয়া অভিহিত করা কি যুক্তিসঙ্গত নহে?

আর একটা কথা, যখন ৩ রেগুলেশান প্রবর্তিত হইয়াছিল, তখন দেশে পিনাণ কোড (দণ্ডবিধি আইন) ছিল না। এখন দেশে দণ্ডবিধি আইন পূর্ণরূপে প্রতিষ্ঠিত; সুতরাং দণ্ডবিধি আইন থাকিতে এই রেগুলেশান অক্ষুণ্ণ রাখা কিরূপ ভায় বা যুক্তিসঙ্গত হইতে পারে? জাতির বিপৎকালে সাময়িকভাবে এইরূপ বে-আইনী আইন প্রবর্তনের প্রয়োজন হইয়া থাকে, এ কথা সত্য। জার্মান যুদ্ধকালে ইংলণ্ডে Defence of the realm আইন প্রবর্তিত হইয়াছিল। কিন্তু উহা সাময়িক প্রয়োজন সাধিত করিবার উদ্দেশ্যে দেশের বিপৎকালে প্রবর্তিত হইয়াছিল। তাহা বলিয়া চিরদিন উহা দেশের সাধারণ আইন-পুস্তকের অঙ্গীভূত হইয়া যায় নাই। এ দেশেই বা এইরূপ বে-আইনী আইন কায়ম-মোকায়ম হইয়া দেশের সাধারণ আইনের অঙ্গে চাপিয়া বসিবে

কেন? এ সম্বন্ধে সরকারপক্ষ এবং বে-সরকারী সদস্য-পক্ষ হইতে নানা যুক্তি দেওয়া হইয়াছে। মিঃ ডনোভান বাঙ্গালার সিভিলিয়ান। তিনি ব্যবস্থাপরিষদের সদস্যরূপে এই ১৮১৮ খৃষ্টাব্দের ৩ রেগুলেশানের পূর্ণ সমর্থন করিবার কালে তাঁহার বহুকালের অভিজ্ঞতার দোহাই দিয়া বলিয়াছেন, (১) বঙ্গদেশের জনসাধারণ এই আইনের বিপক্ষ নহে, (২) কোনও মুসলমান যখন এই আইনে দণ্ডিত হয় নাই, তখন বুকিতে হইবে, ইংরাজ শাসকের দোষে অসন্তোষ সৃষ্ট হয় নাই, সৃষ্ট হইলে মুসলমানরাও এই আইনে দণ্ডিত হইত, (৩) সার সুরেন্দ্রনাথ বাঙ্গালার যথার্থ মত ব্যক্ত করিয়াছিলেন; উহা ৩ রেগুলেশানের বিরুদ্ধ নহে, (৪) এ দেশের মুক্তিকামীরা যে আয়ারল্যান্ডের নজীর দেখ ইয়া মুক্তিকামনা করে, সেই আয়ারল্যান্ডের স্বরাজ গভর্নমেন্টই বহু দেশীয় আইনশিকে এইরূপ আইনে আটক করিয়া রাখিয়াছেন।

৩ রেগুলেশান যখন বাঙ্গালার সম্পর্কে প্রযুক্ত হইয়াছে এবং বহু বাঙ্গালী যখন এই আইনের কবলে পড়িয়া বিনা বিচারে আটক আছে, তখন মিঃ ডনোভান বাঙ্গালার অভিজ্ঞ সিভিলিয়ান হইয়া এ সম্বন্ধে অবশ্যই নিজের মতামত প্রকাশ করিতে পারেন। তিনি ১৬ বৎসরের অভিজ্ঞতার দোহাই দিয়াছেন। এই দীর্ঘকালের মধ্যে বাঙ্গালার জনসাধারণের সহিত তাঁহার ঘনিষ্ঠতার কি সুযোগ হইয়াছিল, তাহা প্রকাশ নাই। এ দেশের বিদেশী সিভিলিয়ানদের দেশের জনসাধারণের সহিত মিলামিশার কতটুকু সুবিধা হয়, তাহা সকলেই জানে। যে প্রজা সামান্য চৌকীদার, পাহারাওয়ালার কাছে ঘেসিতে সাহস করে না, সেই প্রজা জিলার দণ্ডমণ্ডের কর্তা সিভিলিয়ানের সহিত মিলামিশা করিয়া অকপটে তাহার মনের ভাব ব্যক্ত করিবে, এমন কথা মিঃ ডনোভান কিরূপে বলিতে পারেন? তবে তিনি কিরূপে জানিবেন যে, বাঙ্গালার জনসাধারণ এই আইনের বিরোধী নহে? তবে যে শ্রেণীর লোকের সহিত তাঁহার জানাশুনা হইবার সম্ভাবনা, সেই 'রায় বাহাদুর, 'খাঁ বাহাদুর' খয়েরখানের দল এ আইনের বিরোধী না হইতে পারেন। কিন্তু তাঁহারা বাঙ্গালার জনসাধারণ নহেন। মিঃ ডনোভানের যখন বাঙ্গালা সম্বন্ধে ১৬ বৎসরের অভিজ্ঞতা আছে, তখন অবশ্যই তিনি কৃষ্ণকুমার

মিত্র, অখিনীকুমার দত্ত প্রমুখ ৯ জন নির্বাসিতের কথা জানেন। তাঁহাদিগকে বিনা বিচারে নির্বাসিত করা হইয়াছিল। কিন্তু পরে শাসকসম্প্রদায়ের মধ্যে কেহ কেহ বলিয়াছিলেন, তাঁহাদের মধ্যে অনেকে নির্দোষ,— এ কথা কি মিঃ ডনোভান জানেন না? শ্রীযুক্ত কৃষ্ণকুমার মিত্র মহাশয় স্বয়ং বলিয়াছেন, তাঁহাকে শাসক সম্প্রদায়ের কোনও উচ্চপদস্থ কর্মচারী নির্দোষ বলিয়াছিলেন। মিঃ ডনোভান যদি এ কথা না জানেন, তবে তাঁহার অভিজ্ঞতার মূল্য কি? মিঃ ডনোভান অযথা সার সুরেন্দ্রনাথের নামে মিথ্যা কলঙ্ক প্রচার করিয়াছেন। সার সুরেন্দ্রনাথ কখনও এই বে-আইনী আইনের পক্ষপাতী ছিলেন না। সুরেন্দ্রনাথ তাঁহার জীবন-কথায় লিখিয়াছেন, “শাসক সম্প্রদায়ই এই আইন প্রবর্তনের সময়ে মন্ত্রীদিগের সহিত পরামর্শ করেন নাই, An act of the Executive Government in regard to which they (Ministers) were not consulted.” বরং সুরেন্দ্রনাথ ১৮৯৭ ও ১৯১৮ খৃষ্টাব্দে

এই বে-আইনী আইনের প্রতিবাদ করিয়াছিলেন, এ জন্ম কমিটি গঠন করিয়া বিচার-আলোচনা করিতে বলিয়াছিলেন, বিনা বিচারে দণ্ড দানে লোকের মনে সন্দেহ হয়, এ কথাও বলিয়াছিলেন। তবে? মুসলমানরা দণ্ডিত হয় নাই, ইহার কারণও যথেষ্ট আছে। মুসলমানের মধ্যে হিন্দুর মত শিক্ষার বিস্তার এখনও যথেষ্ট পরিমাণে হয় নাই; সুতরাং রাজনীতিক কারণে তাঁহাদের মধ্যে অসন্তোষও যথেষ্ট পরিমাণে উদ্ভূত হয় নাই। এখন হইতেছে। সুতরাং তাঁহাদের মধ্যেও যে ক্রমে রাজনীতিক অপরাধ বিস্তারলাভ করিবে না, অথবা তাঁহাদের প্রতি যে ৩ রেগুলেশান প্রযুক্ত হইবে না, তাহা মিঃ ডনোভান নিশ্চয় করিয়া বলিতে পারেন না। অসহযোগের যুগে

বহু মুসলমান কারাদণ্ডে দণ্ডিত হইয়াছিলেন। বাদশা মিঞা, চাঁদ মিঞা প্রমুখ শীর্ষস্থানীয় মুসলমানগণও যে দণ্ডিত হইয়াছিলেন, তাহা কি মিঃ ডনোভান অস্বীকার করিতে পারেন? বহু মুসলমান যে এই আইনের কাউন্সিলে, সংবাদপত্রে ও বক্তৃতায় তীব্র প্রতিবাদ করিয়াছেন, তাহাও কি মিঃ ডনোভান অস্বীকার করিতে পারেন? তাঁহার আয়ার্ল্যান্ডের নজীরও স্থান-কাল-পাত্রোপযোগী হয় নাই। আয়ার্ল্যান্ড মুক্তি পাইয়াছে, ভারত পরাধীন,



সার সুরেন্দ্রনাথ বন্দ্যোপাধ্যায়

সুতরাং উভয় দেশের মধ্যে তুলনা হইতে পারে না। ভারত স্বরাজ পাইলে কি করিবে না করিবে, তাহার মীমাংসা এখন হইতে পারে না। স্থান-কাল-পাত্র অনুসারে ভারত নিজের ঘরের ব্যবস্থা নিজে করিয়া লইবে। কিন্তু বিদেশী সরকারের প্রধানে যখন বিনা বিচারে আটকের ব্যবস্থা হইয়াছিল, তখন আয়ার্ল্যান্ডও ভারতের মত তীব্র প্রতিবাদ করিয়াছিল। ম্যাকস্‌ইনীর মত আইরিশ রাজনীতিকদিগের অসাধারণ আত্মত্যাগ তাঁহাদিগকে বিদেশী শাসকের

হস্তে লাহিত ও দণ্ডিত হইবার কারণ হইয়াছিল, মিঃ ডনোভান আইরিশম্যান হইয়াও কি তাহার ইতিহাস জানেন না?

মিঃ ডনোভান, ডি ভ্যালেরা ও ম্যাকস্‌ইনীর দেশবাসী হইয়াও দমননীতির সমর্থন করিতেছেন, ইহাতে শ্রীযুক্ত অমরেন্দ্রনাথ দত্ত বিশ্বয় প্রকাশ করিয়াছেন। কিন্তু সকল দেশেই এমন লোক আছেন। এ দেশেও জয়চাঁদ মিরজাকর ছিল।

সরকারপক্ষে সার আলেকজান্ডার মুন্ডিয়ান বলশেভিক বিভীষিকার কথা তুলিয়া আইন সমর্থন করিয়াছিলেন। তিনি ‘টাইমস্’ পত্র হইতে উদ্ধৃত করিয়া দেখাইয়াছিলেন যে, অক্সফোর্ডের ভারতীয় ছাত্ররা বলশেভিকবাদ

যারা প্রভাবান্বিত হইয়াছে। বে-সরকারী যুরোপীয়দিগের পক্ষ হইতে কর্ণেল ক্রফোর্ডও বলিয়াছেন, বলশেভিক বিপ্লবিকা দূর না হইলে এই আইন রদ করা যায় না। ইংরাজীতে কথা আছে, give a dog a bad name and hang it. যখন যুক্তিতর্কের হালে পানি পাওয়া যায় না, তখন এই ভাবের জুজুর ভয় প্রদর্শন করা আমলাতন্ত্র সরকারের ও তাহাদের পৌখারীদের স্বভাব। শ্রীযুক্ত তুলসী-চরণ গোস্বামী অক্সফোর্ড লেবার যুনিয়নের প্রেসিডেন্টের বক্তৃতা উদ্ধৃত করিয়া দেখাইয়াছেন, ইংলণ্ডের ভারতীয় ছাত্রগণের বলশেভিকবাদ-প্রীতির কথা সর্ব্বৈব মিথ্যা। যদি যথার্থই ভারতীয় ছাত্রদিগের বিপক্ষে এই অপরাধের সাক্ষ্য-প্রমাণ থাকে, তাহা হইলে তাহাদিগের প্রকাশ্য বিচার হয় না কেন? আর বিলাতের মুষ্টিমেয় 'বলশেভিক-ভক্ত' ভারতীয় ছাত্রদিগের জন্ত কি ভারতে এই বে-আইনী আইন কায়েম-মোকামে রাখিতে হইবে? এ কিরূপ যুক্তি? হরির অপরাধের জন্ত শ্রাম দণ্ডভোগ করিবে, এ কিরূপ বিচার? আরও এক যুক্তি দেওয়া হইয়াছে যে, বাহিরের এবং বাহিরের আন্দোলনকারীর প্রভাব হইতে ভারতকে রক্ষা করিবার জন্ত এই আইন বিধিবদ্ধ রাখা প্রয়োজনীয়। এ যুক্তিও অস্বত! দেশের মধ্যে দেশবাসীর অপরাধ প্রকাশ্য আদালতে সপ্রমাণ না হইলেও বাহিরের দৃষ্ট প্রভাবের আশঙ্কায় বে-আইনী আইন বলবৎ রাখিতে হইবে এবং উহার সাহায্যে বিনা বিচারে দেশের লোককে আটক করিয়া রাখিতে হইবে। সুন্দর ব্যবস্থা!

সরকারপক্ষ আশ্বাস দিয়াছেন, এই বে-আইনী আইনে দণ্ডিত রাজবন্দীদিগের প্রতি যথাসম্ভব সদ্যবহার করা হইতেছে। সে কিরূপ, তাহাও ব্যাখ্যা করা যাইতেছে। ব্যবস্থাপক সভায় শ্রীযুক্ত নলিনীরঞ্জন সরকারের প্রশ্নে জানা যায়,—মান্দালয়, মেদিনীপুর, আলীপুর, বহরমপুর প্রভৃতি জেলে রাজবন্দীদিগকে প্রত্যহ খানাতলাস করা হয়; পরন্তু মাদ্রাজ ও মধ্যপ্রদেশের জেলের রাজবন্দীদিগকে খানাতলাস করিবার জন্ত ঐ দুই সরকারকে বাঙ্গালা সরকার অনুরোধ করিয়াছেন। সরকার ইহার উত্তরে বলিয়াছেন, খানাতলাস করিবার অধিকার সরকারের আছে; পরন্তু অপর প্রদেশের সরকারকে এইরূপ খানাতলাস করিবার জন্ত

বাঙ্গালা সরকার বলিতে পারেন। এই ব্যবস্থা কি এক নম্বর সদ্যবহারের দৃষ্টান্ত?

বাঙ্গালার শতাধিক রাজবন্দীর মধ্যে কাহারও কাহারও স্বাস্থ্যভঙ্গ হইয়াছে, কেহ কেহ শয্যাশায়ী, কাহাকেও কাহাকেও আত্মীয়দিগের সহিত দেখা-সাক্ষাৎ করিতে দেওয়া হয় না, আবার কাহারও কাহারও পরিবারবর্গকে যে মাসিক ভাতা দেওয়া হয়, তাহাতে ভ্ররণপোষণ চলা হুঃসাধ্য। দৃষ্টান্তস্বরূপ, ইনসিন জেলের হরিচরণ চক্রবর্তী, বহরমপুর জেলের অনিলবরণ রায়, মেদিনীপুর জেলের সতীশচন্দ্র পাকড়াশী, বহরমপুর জেলের অমূল্যচরণ অধিকারী, তরণী সোম ও রণজিৎ রায়, মধ্যপ্রদেশে ডামা জেলের আশুতোষ কানী, উক্ত প্রদেশের কেটুল জেলের পঞ্চানন চক্রবর্তী প্রভৃতির নাম উল্লেখযোগ্য। ইহাদের প্রতি কিরূপ সদ্যবহার করা হইতেছে, তাহা সংবাদপত্রে প্রকাশিত হইয়াছে; সে সকলের বিস্তৃত বিবরণ অনাবশ্যক। কিন্তু তাহাদিগকে বিনা বিচারে কেবল পুলিশের গোয়েন্দার কথার উপর নির্ভর করিয়া সন্দেহবশে জেলে আটক করিয়া রাখা হইয়াছে, তাহাদিগকে মুক্তিপ্রদান না করিলেও অন্ততঃ তাহাদের অবস্থার অসুখায়ী ব্যবহার করাও ত মনুষ্যোচিত!

হোলকারের সিংহাসন ত্যাগ

সংবাদপত্রে প্রকাশ পাইয়াছিল যে, বাওলা-মমতাজ-ঘটিত ব্যাপার উপলক্ষ করিয়া বর্ড রেডিংয়ের সরকার ইন্দোর দরবারের মহারাজাধিরাজ রাজরাজেশ্বর সম্রাট তুকোজী রাও হোলকারকে হয় কমিশনের সমক্ষে বিচারপ্রার্থী হইতে, না হয় সিংহাসন ত্যাগ করিতে বলিয়াছিলেন। বহু চিন্তা ও বিচার-আলোচনার পর হোলকার সিংহাসন ত্যাগ করিবার ইচ্ছা প্রকাশ করিয়াছেন। তাঁহার পুত্র যুবরাজ যশোবন্ত রাও তাঁহার স্থানে ইন্দোরের গদীতে বসিবেন। তিনি মাত্র অষ্টাদশবর্ষীয় যুবক। গত বৎসর তাঁহার বিবাহ হইয়াছে। কিন্তু বর্তমান হোলকারও অতি অল্পবয়সে ইন্দোরের গদীতে আরোহণ করিয়াছিলেন।

ভারত সরকার এক ঘোষণায় জানাইয়াছেন যে, গত ২৭শে জানুয়ারী তারিখে মহারাজাকে তাঁহাদের সিংহাসনের কথা জ্ঞাত করা হয় এবং ১৫ দিনের মধ্যে তাঁহার নিকট উত্তর প্রার্থনা করা হয়। মহারাজা কেবলমাত্র মাসের শেষ



যশোবন্ত রাও—বর্তমান হোলকার

পর্যন্ত সময় প্রার্থনা করেন। সেই প্রার্থনামত কার্য করা হইয়াছে। মহারাজা যখন নিজে সিংহাসন ত্যাগ করিলেন, তখন আর বাওলা-মমতাজ-কাণ্ডের সম্পর্কে তদন্ত কমিশন বসান হইবে না।

মমতাজ-বাওলা-কাণ্ডের সম্পর্কে প্রকৃত অপরাধী ধৃত ও দণ্ডিত হয় নাই বলিয়া দেশের লোক চঞ্চল হইয়াছিল। সুতরাং বর্তমান মহারাজা গদী ত্যাগ করিলেন বা না করিলেন, তাহার জন্ত দেশের লোক বাস্ত ছিল না। আসল কথা, তাহারা এই মমতাজ-বাওলা-ব্যাপারের গুপ্ত রহস্য উদ্ঘাটন করিতে চাহে। লর্ড রেডিংয়ের সরকার সে রহস্য উদ্ঘাটন না করিয়া কেবল মহারাজার গদীত্যাগ ব্যাপারেই এই ব্যাপারের যবনিকাপাত করিলেন কেন ?

লর্ড রেডিংয়ের আমলে নাভার রাজ্যরও গদীচ্যুতি ঘটয়াছে, হোলকারেরও হইল। ইহাতে কি দেশের লোকের অসন্তোষের কারণ দূর হইল, না বৃদ্ধি পাইল ? যদি বিচারে হোলকার দোষী বলিয়া সাব্যস্ত হইতেন, তাহা হইলে তাঁহার দণ্ডে কাহারও আপত্তি থাকিত না। কিন্তু প্রকৃত রহস্য উদ্ঘাটিত হইল না, হোলকার স্বেচ্ছায় গদী ত্যাগ করিলেন—অন্ততঃ এইরূপই প্রকাশ। সে স্থলে জনসাধারণের সন্দেহ ত দূর হইল না। অবশ্যই ‘যবুধবু’ হইয়া রছিল, এইরূপই মনে হইতেছে।

বিলাতের ‘ডেলি হেরাল্ড’ পত্র অভিমত প্রকাশ করিয়াছেন যে, ভারত সরকার এইরূপ কমিশন নিযুক্ত করিবার অধিকারী নহেন। কারণ, মহারাজা হোলকার স্বাধীন (?) নরপতি, তিনি ভারত সরকারের অধিকার ও আয়ত্তের সীমার মধ্যে অবস্থিত নহেন। তিনি ব্রিটিশ গভর্নমেন্টের সহিত সন্ধির অধিকারে ভারতের বাহিরের সহিত সন্ধি-শান্তির সম্পর্ক রাখিতে পারেন না বটে, কিন্তু অল্প সকল বিষয়ে ভারত সরকারের আয়ত্তাধীন নহেন। কিন্তু ভারত সরকার বলিতে পারেন, চিরাচরিত প্রথাভঙ্গারে তাঁহারা এ যাবৎ সমস্ত দেশীয় রাজ্যের উপর একটা সার্বভৌমিক কর্তৃত্বাধিকার উপভোগ করিয়া আসিতেছেন এবং দেশীয় রাজ্যরাও এ যাবৎ সেই কর্তৃত্বাধিকার স্বীকার করিয়া আসিতেছেন। এ বিষয়ে তাঁহারা বরোদার গুইকবাড় মলহর রাও হোলকারের বিচার ও দণ্ডের কথা নজীরস্বরূপ উদ্ধৃত করিতে পারেন। সে ব্যাপার লর্ড নর্থব্রকের আমলে ঘটয়াছিল। সুতরাং সে অধিকার আধুনিক নহে।

এই অধিকারবলে ভারত সরকার ইচ্ছামত দেশীয় রাজ্যের রাজা ভাঙ্গিয়াছেন গড়িয়াছেন ; তাঁহাদের



মমতাজ বেগম

পদমর্যাদা হ্রাস বা বৃদ্ধি করিয়াছেন। কিন্তু দেশীয় রাজত্ব-দিগের পক্ষ হইতেও বলা যাইতে পারে যে, যে দুই পক্ষ সন্ধিপত্র স্বাক্ষর করেন, তাঁহাদের মধ্যে এক পক্ষ স্বেচ্ছা-পূর্বক যদি সন্ধির সর্ত্ত ভঙ্গ করিয়া স্বেচ্ছাচারমূলক নীতি অবলম্বন করেন, তাহা হইলেও সন্ধির উদ্দেশ্য ব্যর্থ হয় না।

১৮৯১ খৃষ্টাব্দে ভারত সরকার যে ঘোষণা করেন, তাহাতে বলা হইয়াছিল যে, ইংলণ্ডের রাণী (তখন সাম্রাজ্ঞী ভিক্টোরিয়া) ও ভারতের দেশীয় রাজত্বগণের মধ্যে আন্তর্জাতিক আইনের নীতি অনুসৃত হইতে পারে না; কারণ, রাজত্বরা সার্বভৌম ব্রিটিশরাজের অধীন। কিন্তু দেশীয় রাজত্বরা বলিতে পারেন, এই ঘোষণা এক-তরফা; তাঁহারা এই ঘোষণায় স্বাক্ষর করেন নাই।

গত বৎসর বোম্বাই হাইকোর্ট কোনও এক নামলায় সিদ্ধান্ত করিয়াছিলেন যে, বেনারস স্টেটের বাসিন্দা ব্রিটিশ ভারতের প্রজা নহে, স্বতন্ত্র রাজ্যের বাসিন্দা (alien)। বেনারস স্টেট মাত্র ১৯১১ খৃষ্টাব্দে গঠিত হইয়াছে। তাহা হইলে প্রাচীন ইন্দোর স্টেটের কি হইবে? উহা কি ব্রিটিশ ভারতের অন্তর্গত, না স্বতন্ত্র রাজ্য? ইন্দোরের মহারাজা স্বতন্ত্র রাজ্যের রাজা বলিয়া ভারত সরকারের অধিকার ও আয়ত্তের অন্তর্ভুক্ত হইতে পারেন না। কোন্ কোর্টই বা তাঁহার বিচারে বসিতে পারেন?

যদি ইন্দোরের মহারাজা ভারত সরকারের নিযুক্ত কমিশনের নিকট বিচারপ্রার্থী না হইতেন, তাহা হইলে ভারত সরকার কি করিবেন? তাঁহারা কি ইন্দোরে সৈন্য প্রেরণ করিয়া মহারাজাকে কমিশনের বিচার মানিতে বাধ্য করিবেন?

‘ডেলি হেরাল্ড’ যে সমস্তার কথা তুলিয়াছেন, তাহা ভাবিয়া দেখিবার বটে। তবে স্থখের বিষয়, মহারাজা স্বয়ং গদী ত্যাগ করিয়া ভারত সরকারকে এই সমস্তার দায় হইতে উদ্ধার করিয়াছেন।

ইংরাজের সহিত হোলকারের কি সন্ধি হইয়াছিল, তাহার সংক্ষিপ্ত পরিচয় দিতে হইলে হোলকার-বংশের একটু ইতিহাস দিতে হয়। খৃষ্টীয় ১৮শ শতাব্দীর প্রথমার্ধে যখন ভারতে মোগল শক্তির অধঃপতনের ফলে নানা স্বাধীন হিন্দু ও মুসলমান রাজ্যের অভ্যুদয় হয়, তখন দাক্ষিণাত্যে পঞ্চ মারাঠা শক্তিসম্ভব (Confederacy) উদ্ভব হইয়াছিল।

প্রাতঃস্মরণীয় শিবাজী মহারাজের বংশধরদিগের প্রধান মন্ত্রী পেশোয়াকে লইয়া এই শক্তিসম্ভব গঠিত হইয়াছিল। বস্তুতঃ পেশোয়া বাজীরাও এই সম্ভবের প্রাণপ্রতিষ্ঠাতা। গোয়ালিয়রের সিদ্ধিয়া (সিক্কে), ইন্দোরের হোলকার (হলকার), নাগপুরের ভোঁসলা এবং বরোদার গাইকবাড়—এই চারিটি মারাঠা রাজবংশ এবং পুনর পেশোয়া, ইহাই মারাঠা শক্তিসম্ভব।

হোলকার ইন্দোরের মারাঠা রাজবংশের নাম। মারাঠা ভাষায় হলকারই ঠিক উচ্চারণ। বংশের প্রতিষ্ঠাতা মলহররাও হলকার দাক্ষিণাত্যের নীরা নদীর তটে অবস্থিত হল নামক গ্রামের আদিম নিবাসী ছিলেন বলিয়া তাঁহার বংশের পদবী হলকার হইয়াছে। ১৬৯৩ খৃষ্টাব্দে মলহরের জন্ম। তিনি সামান্য কৃষককুলের সন্তান, কিন্তু নিজ প্রতিভা ও শৌর্য্যবলে জগতে শ্রেষ্ঠত্ব লাভ করিয়াছিলেন। যৌবনে তরবারি ধারণ করিয়া ১৭২৪ খৃষ্টাব্দে পেশোয়ার সৈন্যশ্রেণীতে প্রবেশ করেন এবং মাত্র ৬ বৎসরের মধ্যে পেশোয়ার সেনাপতিপদে বরিত হইলেন। সেনাপতিরূপে তিনি বাহুবলে মোগল-সাম্রাজ্য হইতে মালবদেশ জয় করিয়া লইলেন। পেশোয়া কৃতজ্ঞতার নিদর্শনস্বরূপ তাঁহাকে ইন্দোরের রাজপদে প্রতিষ্ঠিত করেন। ইহাই হোলকার-বংশের আদি ইতিকথা।

মলহরের পৌত্র মালিরাও অথবা তাঁহার বিধবা পুত্রবধু প্রাতঃস্মরণীয় মহারাণী অহল্যা বাইয়ের রামরাজস্ব এবং পরে অহল্যা বাইয়ের সেনাপতি তুকোজীরাও ও তুকোজীর পুত্র যশোবস্তরাও হোলকারের ইতিকথা এ স্থলে অপ্রাসঙ্গিক। যশোবস্ত রাওয়ের সহিত ব্রিটিশ শক্তির সংঘর্ষ এবং লর্ড লেকের হস্তে তাঁহার আত্মসমর্পণ, তাঁহার উপপত্নী মহারাণী তুলসীবাই ও নাবালক পুত্র মলহর রাওয়ের রাজ্যশাসন, মারাঠা সর্দারগণের হস্তে তুলসী বাইয়ের মৃত্যু, মেহদিপুরের যুদ্ধে ব্রিটিশ শক্তির নিকট হোলকারের সৈন্তের পরাজয়, ১৮৫৮ খৃষ্টাব্দে মণ্ডোখরের সন্ধি,—এ সকল ব্যাপারও ইতিহাসপ্রসিদ্ধ হইয়া রহিয়াছে। মলহর রাওয়ের পরে মার্ত্তণ্ড রাও, হরি রাও, খাণ্ডে রাও, তুকোজী রাও, শিবাজী রাও এবং বর্তমান মহারাজাধিরাজ সয়াই তুকোজী রাও পর পর হোলকার হইয়া ইন্দোরের গদীতে বসিয়াছেন। ইহাদের

নিজ রাজ্যমধ্যে ২১ তোপ এবং বাহিরে ১৯ তোপের অবিকার আছে। ইহাদের সৈন্যসংখ্যা প্রায় ১০ হাজার। রাজ্যের লোকসংখ্যা ১০ লক্ষেরও উপর।

এখন জিজ্ঞাস্য, মেহিদপুরের যুদ্ধের পর ইংরাজ-রাজের সহিত তদানীন্তন ছলকারের কি সন্ধি হইয়াছিল এবং যে সন্ধিই হইয়া থাকুক, সেই সন্ধি এখনও বলবৎ কি না। যত দূর জানা যায়, সেই মণ্ডেশ্বরের সন্ধিই এ যাবৎ বলবৎ আছে। গ্রাণ্ট ডাফের ইতিহাসে আছে, ১৮১৭ খৃষ্টাব্দে মেহিদপুরের যুদ্ধ হয় এবং ঐ যুদ্ধের পর মারাঠা শক্তি একবারে ধূল্যবলুণ্ঠিত হয়। ইহার ফলে পেশোয়ার রাজ্য ইংরাজ-সরকারে বাজেয়াপ্ত হয়, শেষ পেশোয়া বাজী রাওকে (দ্বিতীয়) বাৎসরিক ৮ লক্ষ টাকা বৃত্তি দিয়া কানপুরের নিকট বিঠুর নামক স্থানে বাস করিতে দেওয়া হয়। নাগপুরে আপ্পা সাহেবের শোচনীয় মৃত্যুর পর ভোঁসলা পরিবারের এক শিশুকে নাগপুরের সিংহাসনে বসান হয়। আর হোলকারের সহিত মণ্ডেশ্বরের যে সন্ধি হয়, তাহাতে হোলকার ইংরাজের সহিত করদ মিত্ররাজ্যরূপে করদ-রক্ষণ-নীতি (subsidiary system) অনুসারে বন্ধুতা-সূত্রে আবদ্ধ হইলেন। পরন্তু তাঁহাকে রাজপুত্ররাজ্য সমূহের উপর সমস্ত কর্তৃত্ব পরিত্যাগ করিতে হয়। করদ-রক্ষণ-নীতিটা গভর্নর জেনারল লর্ড ওয়েলেসলিরই প্রবর্তিত। এই নীতি অনুসারে দেশীয় রাজস্বগণকে স্ব স্ব রাজনীতিক স্বাধীনতা পরিত্যাগ করিয়া ইংরাজের সহায়তা ও আশ্রয়লাভের দ্বারা অপরের আক্রমণ হইতে নিস্তার পাইতে ইংরাজরাজ আহ্বান করিয়াছিলেন। এই প্রথা অনুসারে ইংরাজের সহিত সন্ধি করিলে (১) কোনও রাজা অতঃপর ইংরাজ-সরকারের বিনা অনুমতিতে অস্ত্র কোন রাজার সহিত যুদ্ধ-বিগ্রহ বা সন্ধি করিতে, (২) রাজনীতিক বন্দোবস্ত করিতে অথবা (৩) কোন বিদেশীয়কে রাজকার্যে নিযুক্ত করিতে পারিবেন না, এইরূপ স্থির হইয়াছিল। দেশীয় রাজন্যগণ এই সন্ধি-বন্ধনে আবদ্ধ হইয়া ইংরাজ সেনানীর অধীনে সৈন্য রাখিতে বাধ্য হইতেন এবং সৈন্যের ব্যয়নির্বাহের জন্ত ইংরাজকে নিজ রাজ্যের কিয়দংশ দান করিতেন।

বর্তমান হোলকারের পূর্বপুরুষ মেহিদপুর যুদ্ধের পর ইংরাজের সহিত এই সন্ধিবন্ধনে আবদ্ধ হইয়াছিলেন।

এই সন্ধির সর্ভে (১) ইংরাজকে সার্বভৌম শক্তি বলিয়া স্বীকার করার, (২) ইংরাজের সহায়তা ও আশ্রয় লাভ করার, (৩) ইংরাজের বিনা অনুমতিতে অপরের সহিত সন্ধি বা যুদ্ধ না করার বা বিদেশীয় নিয়োগ না করার, (৪) ইংরাজ-সৈন্য নিজরাজ্যে রক্ষা করার কথা আছে বটে, কিন্তু কোথাও ইংরাজের নিকট হোলকারের অধীন-রূপে বিচারের জন্ত দণ্ডায়মান হইতে বাধ্য হওয়ার কথা নাই। ইংরাজ হয় ত বলিতে পারেন, ইংরাজকে যখন হোলকার সার্বভৌম (Paramount Power) শক্তি বলিয়া সন্ধিতে মানিতেছেন, তখন মানিয়াই লইয়াছেন যে, তাঁহাকে ইংরাজ অধীনরূপে বিচার করিতে পারেন; আর এরূপ বিচারে ইংরাজের বহু দিন হইতে prescriptive right বহুকাল উপভুক্ত অধিকার দাঁড়াইয়া গিয়াছে।

ইহা বড় সমস্তার কথা। এত বড় একটা জটিল আইনের কূট তর্কের মীমাংসা করে কে? দেশীয় রাজস্বগণ চরিত্রহীন, রাজকার্যে অমনোযোগী বা যথেষ্টাচারী হইলেন, এরূপ কামনা কেহই করে না, বরং তাঁহাদিগকে এ বিষয়ে সংযত রাখিবার পক্ষে উপযুক্ত ব্যবস্থা হউক, ইহা জনমত ইচ্ছা করে। কিন্তু তাহা বলিয়া তাঁহাদের সহিত সন্ধির সর্ভ চোতা কাগজ বলিয়া উড়াইয়া দিয়া ভারত-সরকার ইচ্ছামত ব্যবহার করিবেন, ইহাও বাঞ্ছনীয় হইতে পারে না।

স্বাধীনতামাঙ্গী

ভারতের রাজস্ব-সচিব সার বেসিল ব্লাকেট ব্যবস্থা-পরিষদে গত ১লা মার্চ তাঁহার ১৯২৫-২৬ খৃষ্টাব্দের সালতামামী হিসাব পেশ করিয়াছেন। এই বার লইয়া সার বেসিলের চতুর্থ বার হিসাব পেশ করা হইল। তিনি যে বৎসর এ দেশে আইসেন, সেই বৎসর লইয়া তৎপূর্বে অতীত ৪ বৎসর ভারতের আর্থিক অবস্থা মন্দ ছিল, এ কথা অস্বীকার করা যায় না, ৪ বৎসর কালই আয়-ব্যয়ে ঘাটতি পড়িত। সার বেসিলকে যখন বিলাতের 'ট্রেজারী' হইতে এ দেশের রাজস্ব-সচিবরূপে আমদানী করা হয়, তখন লর্ড রেডিং আশা করিয়াছিলেন যে, তাঁহার অভিজ্ঞতার ফলে ভারতের রাজস্ব-সচিবের আর্থিক অবস্থা হয় ত উন্নত হইলেও

হইতে পারে। সার বেসিল এই কয় বৎসরে সেই অবস্থার যে কতক উন্নতিসাধন করিয়াছেন, তাহা অস্বীকার করা যায় না। এ বৎসরেও তিনি যাহা আয়-ব্যয়ের পর উদ্বৃত্ত হইবে বলিয়া মনে করিয়াছিলেন, তাহা হইতে অধিক অর্থ উদ্বৃত্ত হইবে, হিসাবে এইরূপই প্রকাশ।

সার বেসিল যখন প্রথম সালতামামী হিসাব পেশ করেন, তখন (১৯২৩-২৪ খৃষ্টাব্দে) গত ৪ বৎসরের ষাঁট-তির দুর্ভাগ্য ভার তাঁহার স্বন্ধে পতিত। এক এক বৎসরে ৫ কোটি, ১৫ কোটি, ২৩ কোটি, ২৬ কোটি,—এমন কি, ২৭ কোটি পর্য্যন্ত ষাঁট্টি হইয়াছিল। এই সকল কারণে ১৯২৩-২৪ খৃষ্টাব্দে সার বেসিলকে লবণকর দ্বিগুণ করিতে হইয়াছিল। তাহার পর ক্রমে ক্রমে প্রতি বৎসরে উন্নতি পরিলক্ষিত হইয়াছে। লবণ-কর-বৃদ্ধির ফলে দরিদ্র প্রজাকে অবসন্ন করিয়া যে এই উন্নতি সাধিত হইয়াছিল, তাহাতে সন্দেহ নাই। গত বৎসর সার বেসিল সাধারণ সাল-তামামী হিসাব হইতে রেলের বাজেট পৃথক করিয়া ফেলিয়াছেন। ঐ বৎসর তাঁহার আনুমানিক উদ্বৃত্ত ৪ কোটির স্থলে ৫ কোটি ৬৮ লক্ষ টাকায় দাঁড়াইয়াছিল। সাময়িক ব্যয় ৭০ লক্ষ টাকা হ্রাস করিবার এবং রেল হইতে ১ কোটি ১৫ লক্ষ টাকা আদায়ের ইহাই ফল। এ বৎসর সার বেসিলের আনুমানিক হিসাবে আয় ১ শত ৩১ কোটি ৩৫ লক্ষ টাকা (পূর্বের অনুমানের উপর ৬৭ লক্ষ টাকা অধিক) এবং ব্যয় ১ শত ৩০ কোটি ৫ লক্ষ টাকা হইবার সম্ভাবনা। সুতরাং সংশোধিত আনুমানিক হিসাবে ১ কোটি ৩০ লক্ষ টাকা উদ্বৃত্ত হইবার সম্ভাবনা আছে। এই উদ্বৃত্তের মধ্যে ৫০ লক্ষ টাকা পুরাতন ও প্রাচীন স্মৃতিরক্ষা বাবদে ব্যয়িত হইবে বলিয়া ধার্য হইয়াছে। আগামী ১৯২৬-২৭ খৃষ্টাব্দের আনুমানিক আয় ১ শত ৩৩ কোটি ৪৩ লক্ষ টাকা এবং ব্যয় ১ শত ৩০ কোটি ৩৮ লক্ষ টাকা হইবার সম্ভাবনা। সুতরাং আগামী বৎসরে ৩ কোটি ৫ লক্ষ উদ্বৃত্ত হইবার সম্ভাবনা করা যায়। উহার মধ্য হইতে বঙ্গ-শিল্পের অস্তঃশুদ্ধ রদ বাবদ ১ কোটি ৭৫ লক্ষ টাকা বোম্বাইয়ের কলওয়ালাদিগকে দেওয়া হইয়াছে, সুতরাং প্রদেশসমূহকে তাহাদের দেয় টাকার পরিমাণ কমাইয়া দেওয়ার অথবা প্রজার কর হ্রাস করিবার পক্ষে ১ কোটি ৩০ লক্ষ টাকা থাকিবার কথা।

হিসাব খুবই আশাজনক সন্দেহ নাই, কিন্তু বর্তমানের ব্যবস্থা আশাপ্রদ হইলেও ভবিষ্যতের আশার কি ব্যবস্থা করা হইতেছে, তাহা বুঝা যায় না। দেশের জাতীয় ঋণ কপর্দক পরিমাণে কমাইবার কোনও ব্যবস্থা হয় নাই। প্রজার উপর গুরুভার কর হ্রাস করিবারও কোনও লক্ষণ দেখা যাইতেছে না। প্রাচীন স্মৃতিরক্ষা বাবদে ৫০ লক্ষ টাকা ব্যয় হইবে, ইহাতে আপত্তির কথা না থাকিতে পারে, কিন্তু ঐ সঙ্গে প্রজার কর হ্রাস করার অথবা প্রাদেশিক তহবিলকে দেয় টাকার দায় হইতে কিছু কাটান-ছাড়ান দেওয়ার পক্ষে কোন বিশেষ আশাজনক উপায় অবলম্বন করা হইতেছে না। প্রাদেশিক ভাণ্ডারে অর্থের স্বচ্ছলতা না হইলে জাতি-গঠনমূলক কার্যের কখনও সুবিধা হইতে পারে না। পরন্তু প্রজার গুরু কর-ভার না কমিলে দরিদ্র প্রজার কষ্ট লাঘব হইবে না, সুতরাং অ্যাংলো-ইণ্ডিয়া যতই prosperity Budget বলিয়া উল্লাস ও আনন্দ প্রকাশ করুন না, সার বেসিলের বাজেটকে ঐ আখ্যায় ভূষিত করা যায় না। কেবল লবণ-কর নহে, ডাক-টিকিট, ষ্ট্যাম্প ইত্যাদির মূল্য হ্রাস না করিলে বাজেটকে 'উন্নতি বাজেট' বলা যায় না।

জাঙ্গাণ যুদ্ধের পূর্বে প্রজার উপর কর যাহা নির্ধারিত হইত, এখন তাহা অপেক্ষা বহু গুণ অধিক কর-ভার বর্তমান রহিয়াছে। যদিও যুদ্ধের পূর্বের অবস্থা একবারে আনয়ন করা সম্ভবপর না হয়, তাহা হইলেও ক্রমশঃ উহার পরিমাণ হ্রাস করা কর্তব্য নহে কি? সার বেসিল বলিয়াছেন, কাষ্টমস গুদ্বের আয়ে ভাণ্ডারে ৫৭ কোটি টাকা পাওয়া গিয়াছে। ইহাতে তিনি গর্ব ও আনন্দ অনুভব করিয়াছেন, কিন্তু উহাতে গর্ব বা আনন্দ প্রকাশ করিবার কিছু আছে বলিয়া মনে হয় না। কাষ্টম গুদ্ববৃদ্ধির ফলে আমদানী পণ্যের মূল্য বাজারে অতিরিক্তরূপ বৃদ্ধি পাইতেছে। দেশের লোককে ঐ অতিরিক্ত টাকা বিদেশে যোগান দিতে হইতেছে। ইহা দেশের আর্থিক অবস্থার পক্ষে কিরূপে আশাজনক হইতে পারে?

বঙ্গালী ছাত্র ও ছাত্রী

বঙ্গালীর ব্যবস্থাপক সভায় শ্রীযুক্ত অশ্বিনীকুমার বন্দ্যোপাধ্যায়ের প্রস্তাবে বঙ্গালী ছাত্রদিগের ব্যয়াম বাধ্যতামূলক

করিবার কথা স্থির হইয়াছে। প্রস্তাবক বলেন, কলিকাতা বিশ্ববিদ্যালয়ের সম্পর্কিত ছাত্র-মঙ্গল কর্তৃক-প্রস্তুত রিপোর্টে দেখা যায়, বাঙ্গালার ছাত্রবর্গের মধ্যে শতকরা ৮ জন মাত্র সুস্থ ও সবলকার; পরন্তু তাহাদের মধ্যে শতকরা ৫০ জনেরও অধিক দীর্ঘোন্নত নহে। মিঃ জেমস বলেন, ১৯২৫ খৃষ্টাব্দের রিপোর্টে দেখা যায়, বাঙ্গালার ছাত্রবর্গের মধ্যে শতকরা ৬৭.৫ জনের দৈহিক দৌর্বল্য আছে। বস্তুতঃ রিপোর্ট না দেখিলেও সচরাচর চক্ষুর সমস্যা যাহা দেখা যায়, তাহাতে মনে হয়, বাঙ্গালী জাতি ক্রমশঃ দুর্বল ও অসুস্থ হইয়া পড়িতেছে। ইহার কারণ অনেক আছে। ম্যালেরিয়া, অজীর্ণ, অবসাদ, আলশ, ভেজাল,---কত কি! সে সকলের চর্চিতচর্ষণ আবৃত্তি নিম্নয়োজন। অথচ প্রাচীনকালে এই ভারতেরই কোন গভর্ণর জেনারল বাঙ্গালী জাতিকে a manly race বলিয়া বর্ণনা করিয়াছিলেন। এ রোগের প্রতীকার কি? বাধ্যতামূলক ব্যায়াম প্রবর্তন করা ভাল, কিন্তু ঐ সঙ্গে ভেজাল নিবারণের জন্ত দেশের লোককে বন্ধপরিষ্কার হইতে হইবে। দেশে এখন যে স্বাস্থ্যোন্নতি-সমিতি সমূহের প্রতিষ্ঠা হইতেছে, তাহাদিগকে সর্বাস্তঃ-করণে সাহায্য ও সমর্থন করিতে হইবে। সকলের উপর যুগ্মপ্রবর্তক মহাত্মা গান্ধীর প্রদর্শিত plain living and high-thinking নীতি অনুসরণ করিবার চেষ্টা করিতে হইবে। এ জন্ত প্রাচীনকালের সনাতন ভাবধারার পুনঃ প্রবর্তন করিতে হইবে—বাহাতে ছাত্রজীবনে সংযমের আদর্শ অনুসৃত হয়, এমনভাবে জাতীয় শিক্ষার প্রবর্তন ও প্রচার করিতে হইবে। নতুবা কেবল দৈহিক ব্যায়ামে যে বিশেষ উপকার হইবে, এগন ত মনে হয় না।

কৃষিকমিশন

দিল্লী সহরে যে ভারতীয় কমাণ্ডার কংগ্রেসের অধিবেশন হইয়াছিল, উহাতে সভাপতি লাল হরকিশন লাল তাঁহার অভিভাষণে রয়াল এগ্রিকালচারাল কমিশনের সমর্থন করিয়া বলিয়াছিলেন, ভারতের মাফাতার আমলের কৃষি-পদ্ধতি লাভজনক নহে, সুতরাং আধুনিক বৈজ্ঞানিক কৃষি-পদ্ধতি অনুসরণ করা ভারতের কর্তব্য। সমবায় সংঘটন, পশুপালন, বীজনির্বাচন, জল সরবরাহ, বৈজ্ঞানিক হাট-চালনা দ্বারা ভূমিকর্ষণ, উন্নত উপায়ে ফল-ফুল উৎপাদন

ইত্যাদি কার্যে ভারতবাসীর এখন অবহিত হওয়া কর্তব্য। এ বিষয়ে কৃষি কমিশন অনেক সাহায্য করিবে। লালজীর সহিত আমরা একমত হইতে পারিলাম না। অবশ্য, আধুনিক উন্নত বৈজ্ঞানিক উপায়ে কৃষিকার্য করিলে ভারতবাসী যে লাভবান হইবে, তাহাতে সন্দেহ নাই। কিন্তু সে জন্ত কমিশন বসাইবার প্রয়োজন কি? ইহার বাবদে যে অর্থব্যয় হইবে, তাহা ত ভারতকেই বহন করিতে হইবে? অথচ এই অনর্থক অর্থব্যয়ের প্রয়োজন কি? বরং ঐ অর্থে ভারতের কৃষককুলকে বৈজ্ঞানিক যন্ত্রাদি ও বীজ সরবরাহ করিলে অনেক কাষ হইতে পারে। এক বৎসর পূর্বে লর্ড ল্যাংকিংটন ইষ্ট ইণ্ডিয়া এসোসিয়েশনে বলিয়াছিলেন, “ভারতে উপস্থিত কৃষি-কমিশন বসাইবার প্রয়োজন নাই। যে সকল উন্নতিমূলক তথ্য জানা আছে এবং পরীক্ষা দ্বারা অগ্রান্ত্র সভ্যদেশে প্রমাণিত হইয়াছে, ক্রমে ক্রমে তদনুসারে এ দেশের কৃষির উন্নতিসাধন করাই কর্তব্য।” আমাদের এই পরামর্শই সমীচীন বলিয়া মনে হয়।

আফ্রিকার রোডেশিয়া প্রদেশের কৃষি-সচিব সে দিন ঘোষণা করিয়াছেন যে, “স্থানীয় সরকার প্রথমে দেখিবেন যে, কোথায় চাষ-আবাদের উপযোগী জমী পড়িয়া আছে এবং সেখানে চাষ-আবাদের শিক্ষার কিরূপ সুবিধা আছে। এ রিপোর্ট সরকার ভূমির ইনস্পেক্টরগণের নিকট সংগ্রহ করিবেন। তাহার পর চাষবাসের ইচ্ছুক শিক্ষিত ‘সেটলার’গণকে গোয়েবীর’ Experimental farm এ পাঠান হইবে। তথায় তাহারা farmerগণের (চাষ-আবাদে দক্ষ কৃষিজীবীগণের) নিকট এক বৎসরকাল হাতে-কলমে শিক্ষা লাভ করিবে। তাহার পর শিক্ষানবীশগণকে চাষ-আবাদের জমী দেওয়া হইবে।”

এ দেশেও কমিশন না বসাইয়া সরকার এই ব্যবস্থা অনুসরণ করিলে পারেন ত। এ জন্ত বৃটিশ সরকার বাৎসরিক ৩০ লক্ষ পাউণ্ড রোডেশীয় সরকারকে কর্তব্য দিবেন বলিয়াও আশা দিয়াছেন, অবশ্য যদি রোডেশীয় সরকারও স্বয়ং ৩০ লক্ষ পাউণ্ড নিজ তহবিল হইতে ব্যয় করেন। এই সুবিধা করিয়া দিবার পর বৃটিশ সরকার শিক্ষানবীশ settlerগণকে গ্রহণ করিবেন। তাহাদের অনুদান দেড় হাজার পাউণ্ড মূলধন আছে, তাহাদিগকে

উহার বারো আনা ভাগ সরকারে জমা রাখিয়া settlementএর বন্দোবস্ত করিতে হইবে। এই জমা টাকার দক্ষণ তাঁহারা শতকরা ৫ পাউণ্ড সুদ পাইবেন। জমীর স্থায়ী উন্নতির জন্য সরকার settlerগণকে ৩ শত পাউণ্ড কর্তব্য দিবেন।

এ সকল ব্যবস্থাও এ দেশের সরকার অনুসরণ করিতে পারেন।

প্রেসিডেন্ট ও কাউন্সিল

বঙ্গীয় ব্যবস্থাপক সভার প্রেসিডেন্ট ও কাউন্সিলের সদস্যগণের মধ্যে যে বিবাদের অভিনয় হইয়া গেল, তাহাতে আমরা হাসিব কি কাঁদিব, বুঝিয়া উঠিতে পারি না। রূপকোচিত অভিনয়ে বাঙ্গালার ও বাঙ্গালীর সুনাম কতটুকু বর্ধিত হইল, তাহা বোধ হয় বিবদমান পক্ষদ্বয় একবারও ভাবিয়া দেখিবার অবসর প্রাপ্ত হয়েন নাই।

নির্বাচিত প্রেসিডেন্ট কুমার শিবশেখরের পদপ্রাপ্তির পর হইতে কয়েক ক্ষেত্রে যে ঘোবনসুলভ ঔদ্ধত্যের পরিচয় দিয়াছেন, তাহাতে সন্দেহ নাই। এ সম্বন্ধে পূর্বে আমরা কঠোর মন্তব্য প্রকাশ করিতে বাধ্য হইয়াছিলাম। বর্তমান ব্যাপারেও যে তাঁহার সেই ঔদ্ধত্য কতক পরিমাণে আত্মপ্রকাশ করিয়াছে, তাহাতেও সন্দেহ নাই। সদস্য অশ্বিনীকুমার নিম্নস্বরে যে মন্তব্য প্রকাশ করিয়াছিলেন, তাহার পুনরাবৃত্তি করিতে বলিয়া তিনি পদোচিত গাঙ্গীর্ষ্য রক্ষা করিতে পারেন নাই। সদস্যের পর সদস্যকে সভা-গৃহ ত্যাগ করিতে বলিয়াও তিনি আপন পদমর্যাদার প্রয়োজনাত্মিক সন্মান রক্ষার চেষ্টা করিয়াছিলেন।

কিন্তু এ সকল অপরাধ সত্ত্বেও তিনি কাউন্সিলের প্রথম নির্বাচিত প্রেসিডেন্ট। কাউন্সিলাররা স্বয়ং নির্বাচন করিয়া তাঁহাকে প্রেসিডেন্টের পদে বসাইয়াছেন। ভাল হউক, মন্দ হউক, কাউন্সিলাররা কাউন্সিলকে গ্রহণ করিয়াছেন, কাউন্সিলে প্রবেশ করিয়া দেশের কায করিতে প্রস্তুত হইয়াছেন। সে ক্ষেত্রে কাউন্সিলের মর্যাদা রক্ষা করা তাঁহাদের সর্বতোভাবে কর্তব্য ছিল। তাঁহারা বলিয়াছেন, কাউন্সিলারদের মর্যাদাও কি মর্যাদা নহে?—সুতরাং যে প্রেসিডেন্ট কাউন্সিলারদের মর্যাদা রক্ষা করেন না, সে প্রেসিডেন্টকে তাঁহারা চাহেন না। কিন্তু

তাঁহাদেরই নির্বাচিত প্রেসিডেন্টকে অপদস্থ ও অপমানিত করিয়াও কি তাঁহারা কাউন্সিলের মর্যাদা রক্ষা করিয়াছেন? তাঁহাদের এই ঘরোয়া যুদ্ধে কাহার আনন্দ—কে মজা উপভোগ করিতেছে, তাহা কি তাঁহারা বুঝিবার সামর্থ্যও অর্জন করেন নাই?

প্রেসিডেন্ট যাহা ruling দিয়াছিলেন, তাহা আইনভায়ে দিতে পারেন। তবে ব্যাপারের লঘু বিবেচনা করিয়া তাঁহার কার্য করা উচিত ছিল, এ কথা সত্য। যে সংশোধন-প্রস্তাব তিনি পেশ করিতে অসম্মতি দিয়াছিলেন, তাহা না দিলেই শোভন হইত, এ কথাও ঠিক। তাহা না করিয়া তিনি সার আবদর রহিমের মত ‘ধর-ভাঙ্গানীর’ অগ্রায় আন্দার রক্ষা করার অপরাধে অপরাধী বলিয়া দেশের লোকের নিকট প্রতিভাত হইয়াছেন। কিন্তু তাহা হইলেও তিনি যখন নির্বাচিত প্রেসিডেন্ট, তখন কাউন্সিলারগণের তাঁহাকে অপমানিত ও অপদস্থ করা কর্তব্য হয় নাই। আমরা এমনও শুনিয়াছি যে, ‘upstart’ কথাও বিবাদকালে ব্যবহৃত হইয়াছিল। ইহা কি সত্য? যদি সত্য হয়, তাহা হইলে কি উহা কাউন্সিলের পক্ষে কলঙ্কের কথা নহে?

অধুনা এক শ্রেণীর তরুণগণের মধ্যে অধৈর্য ও অসংযমের পরিচয় নানা সভা-সমিতিতে পাওয়া যাইতেছে। অল্প পরে কা কথা, স্বয়ং রবীন্দ্রনাথও সভায় অপমানিত হইয়াছিলেন। কাউন্সিলাররা তাঁহাদের ধৈর্য ও সংযমের দৃষ্টান্ত দ্বারা দেশের তরুণগণের মধ্যে এই উচ্ছৃঙ্খল বৃত্তি সংযত করিবার চেষ্টা করিবেন, ইহাই কি বাঞ্ছনীয় নহে? তাঁহারা দেশের জনগণের প্রতিনিধিত্বের দাবী করেন। সুতরাং তাঁহাদের নিকট দেশ কতটা ধৈর্য ও সংযমের আশা করে, তাহা কি তাঁহারা বুঝেন না?

প্রেসিডেন্ট নির্বাচিত। সুতরাং তিনি সরকারপক্ষ নহেন, ইহা মানিতেই হইবে। তবে তাঁহাকে অপমান করিয়া কি সরকারের অপমান করা হইয়াছে? সরকারের ইহাতে ক্ষতি কি? তাঁহারা ত তফাতে দাঁড়াইয়া হাসিতেছেন। তাঁহারা কি এই নজীর দেখাইয়া জগৎকে বুঝাইবেন না যে, এ দেশের লোক এখনও Parliamentary free institutionএর উপযুক্ত হয় নাই?

প্রেসিডেন্টকে পদ হইতে অপসারণ করিবার প্রস্তাব

করিয়া কি কাউন্সিলাররা বুদ্ধিমত্তার পরিচয় দিয়াছেন? তাঁহাদের এ ঘরোয়া বিবাদে সরকারের কি ক্ষতি? যাহারা প্রেসিডেন্টকে নির্বাচন করিয়াছেন, তাঁহারা এই তাঁহাকে সরাইবার প্রস্তাব করিয়াছেন। যদি ইহার ফলে প্রেসিডেন্ট পদচ্যুত হইতেন, তাহা হইলে কাউন্সিলের গৌরবের বিষয় কি ছিল? উহা হারা কি তাঁহারা ব্যুরোক্রেণীর ক্ষমতার এক বিন্দুও ক্ষতি করিতে পারিতেন?

কাউন্সিল-কামনার কুফল ক্রমশঃই ফলিতেছে। মহাত্মা গান্ধী অনেক চিন্তার পর কাউন্সিল বর্জনের উপদেশ দিয়াছিলেন। যতই দিন যাইতেছে, ততই কাউন্সিলের ব্যর্থতা প্রতিপন্ন হইতেছে। এই সকল অনর্থক কাউন্সিল বিবাদে শক্তির ক্ষয় হইতেছে, একতা নষ্ট হইতেছে, জাতি-গঠন কার্য পিছাইয়া পড়িতেছে। মোহাচ্ছন্ন জাতির এই সত্য বুদ্ধিবার এখনও বিলম্ব আছে।

কুলী-হত্যার মামলা

সিমলা শৈলের আর্শ্বি ক্যান্টিন বোর্ডের কন্ট্রোলার এইচ ম্যানসেল-প্লেডেল, যোগেশ্বর নামক রিক্সা-কুলীকে গত ৩রা সেপ্টেম্বর তারিখে লাথি মারিবার ফলে যোগেশ্বরের মৃত্যু হয়, এ কথা সংবাদপত্রে প্রকাশিত হইয়াছিল। আঞ্চলিক ডিভিসনের সেশন জজ লেকটানেট কর্ণেল নোলিস এই মামলার বিচার করিয়া আসামীকে ১৮মাস সশ্রম কারাদণ্ডে এবং ৪ হাজার টাকা অর্থদণ্ডে দণ্ডিত করিয়াছেন। যদি আসামী জরিমানা আদায় না দেয়, তাহা হইলে তাহাকে আরও ১ বৎসর সশ্রম কারাদণ্ড ভোগ করিতে হইবে। যদি জরিমানা দেয়, তাহা হইলে ঐ টাকার একাধিক অর্থাৎ ২ হাজার টাকা এমন ভাবে স্বেচ্ছা খাটান হইবে, যাহাতে নিহত যোগেশ্বরের বিধবা পত্নীর গ্রাসাচ্ছাদন নিৰ্বাহিত হয়। এই মামলায় ৪ জন এসেসর ছিলেন। তাঁহাদের সহিত জজ একমত হইতে না পারিলেও এই দণ্ড দান করিয়াছেন।

এ দেশে খেতাজের হস্তে এ দেশীয়ের হত্যা এই নূতন নহে; কিন্তু এমন বিচার নূতন বটে। কুলার মিনিটের সময় হইতে এ দেশে এমন অনেক ঘটনা হইয়া গিয়াছে। এই সে দিন আসামের চাবাগিচার এইরূপ কুলী-হত্যা হইয়াছিল। তাহার বিচারফল যেমন অসন্তোষজনক হইবার, তেমনই হইয়াছিল। সে

মামলার বিবরণ আমরা পূর্বে প্রকাশ করিয়াছি। বলি-জান চাবাগিচার খেতাজ ম্যানেজার বিয়াটি, তেলু নামক কুলীকে হত্যা করার অপরাধে বিচারার্থ প্রেরিত হয়। আসাম উপত্যকা জিলার সেশন জজ ৪ জন যুরোপীয় ও ১ জন ভারতীয় জুরীর সাহায্যে বিচার করিয়া তাহাকে বেকসুর খালাস দেন। সম্প্রতি আসাম সরকার এই সিদ্ধান্তের বিপক্ষে কলিকাতা হাইকোর্টে আপীল করিয়াছেন। সিমলা কুলীহত্যার মামলার রায়ে স্মৃতিরাত্ম অভিনবত্ব আছে। বিচারপতি তাঁহার রায়ে বলিয়াছেন,— “যদি কোন সম্বংশজাত উচ্চপদস্থ ভারতীয় ভদ্রলোক কোনও ইংরাজ অথবা ভারতীয় কুলীর মৃত্যুর কারণ হয়েন, তবে তাঁহাকে আমি যেরূপ দণ্ড দিব, এ ক্ষেত্রে মিঃ ম্যানসেল প্লেডেলকেও আমি সেইরূপ দণ্ড দিয়াছি। প্রতিহিংসা লওয়া দণ্ডদানের উদ্দেশ্য নহে। যাহাতে অপরে ভবিষ্যতে অপরাধ না করে, তাহারই জন্ত দণ্ড দেওয়া হইয়া থাকে। যদি আমার দণ্ডদান উচ্চ আদালতে বহাল হয়, তাহা হইলে আসামীর এই দণ্ড ব্যতীত আরও গুরু ক্ষতি হইবে, এ কথা আমি জানি। চারি জন এসেসরের ২ জন আসামীকে ‘সন্দেহের সুবিধা’ দান করিয়াছেন অর্থাৎ তাঁহার অপরাধ সম্বন্ধে সাক্ষ্য-প্রমাণে সন্দেহ আছে বলিয়া তাঁহাকে মুক্তি দান করিতে বলিয়াছেন। অপর দুই জন এসেসর তাঁহাকে ইচ্ছাপূর্বক সামান্য আঘাত করার অপরাধে অপরাধী সাব্যস্ত করিয়াছেন। কিন্তু আমি তাঁহাদের চারি জনেরই মতে মত দিতে পারিলাম না। আসামীর অপরাধ সাব্যস্ত করিয়া তাহাকে দণ্ডিত করিলাম।”

এ দেশে এরূপ রায়ে এই নূতন বলিলেও বোধ হয় অত্যাধিক হয় না। প্রায়ই দেখা যায়, কালা-ধলা-ঘটিত হত্যাকাণ্ডের মামলায় অপরাধী ধলা স্বজাতীয় জুরী বা এসেসরের কল্যাণে বে-কসুর খালাস পায়। ইহাতে অপরাধী ধলাদের ‘বুক বলিয়া’ যায়। তাহারা মনে করে, এ দেশীয়ের জীবনের মূল্য অকিঞ্চিৎকর। সে জীবন তাহারা যদি স্বহস্তে গ্রহণ করে, তাহা হইলে বড় জোর তাহাদের সামান্য দুই চারি টাকা জরিমানা হইবে। এই ভাবে দণ্ডের ভয় না থাকায় এইরূপ শোচনীয় কালা-হত্যাকাণ্ড সংঘটিত হইয়া থাকে। ইহাতে দেশে বিরূপ অসন্তোষের উদ্ভব হয়, তাহা সহজেই অনুমেয়।

বস্তুতঃ চিন্তা করিয়া দেখিলে বলা যায়, এ দেশের বৃটিশ বিদ্রোহের মূলে এই ভাবের কালাধলা-ঘটিত মামলার বিচার-প্রহসনের অস্তিত্ব যতটুকু, এত আর কিছু নহে। যদি সকল বিচারপতি লেফটানেন্ট কর্ণেল নোলিসের মত কর্তব্যপরায়ণ ও নিরপেক্ষ হইলেন, তাহা হইলে দেশের বারো আনা অস-স্বোষের জড় নষ্ট হয়। আমাদের লিখিবার পর এই রায়ে বিক্রমে আপীল হইয়াছে। আপীলে সুবিচার হইলে আমরা সুখী হইব।

স্বরাজ্যদলের নিষ্ক্রমণ

গত ৮ই মার্চ সোমবার দিল্লীতে ব্যবস্থা-পরিষদের সভা বসিয়াছিল। সভার পরিণামফল কি হয়, দেখিবার জ্ঞান জীদর্শকদিগের গ্যালারীতে ভারতীয় ও যুরোপীয় মহিলা-বৃন্দের সমাবেশও বিস্ময়কররূপে বৃদ্ধি পাইয়াছিল। কান-পুরে বিগত কংগ্রেসের অধিবেশনে স্থিরীকৃত হইয়াছিল যে, যদি সরকার জনমতের অনুকূলে সংস্কার-আইনের পুন-র্গঠন না করেন, তাহা হইলে কংগ্রেসের অনুজ্ঞা লইয়া ঠাঁহার পরিষদের সভা হইয়াছেন, ঠাঁহার পরিষদ ত্যাগ করিয়া দেশের গঠনকার্যে আত্মনিয়োগ করিবেন—দেশ-বাসীকে জনগত আইন অমান্য করিবার জ্ঞান গড়িয়া তুলি-বেন। অধিবেশনের ফলে স্বরাজ্যদল সভাক্ষেত্র পরিত্যাগ করিয়া আসিয়াছেন। ঠাঁহাদের এই নিষ্ক্রমণ ইতিহাসে চিরস্মরণীয় হইয়া থাকিবার যোগ্য। গভীর নিস্তরতার মধ্যে স্বরাজ্যদল যখন দৃঢ়চরণে সভাক্ষেত্র পরিত্যাগ করি-লেন, তখন কাহারও মুখ হইতে একটি জয়ধ্বনি উঠিত হয় নাই, কোনও দিক হইতে একটি করতালি-শব্দও শ্রুত হয় নাই। সরকারপক্ষের সভ্যবৃন্দও তখন নির্ঝাক হইয়া-ছিলেন।

সভারস্তের পর মিঃ জিন্না প্রস্তাব করেন যে, আলোচ্য বিষয়গুলির মধ্যে ১৬ হইতে ২৭ দফা পর্যন্ত মূলতুবী রাখা হউক। তৎপরিবর্তে ২৮ দফার অর্থাৎ বড় লাটের কার্য-করী সভার ব্যয়-বরাদ্দ বিষয়ের আলোচনা করিতে হইবে। এ বিষয়ে তিনি পূর্বেই অর্থাৎ ৩ঠা মার্চ তারিখে রাজস্ব-সচিবকে জানাইয়াছিলেন যে, সর্বপ্রথমেই তিনি এই বিষ-য়ের আলোচনা করিবেন এবং সে জ্ঞান স্বরাজ্যদলের তরফ হইতেও, এ বিষয়ে আলোচনা করিতে ঠাঁহাকে ক্ষমতা

প্রদান করা হইয়াছে। মিঃ জিন্নার প্রস্তাবের বিরুদ্ধে স্বরাষ্ট্র-সচিব বক্তৃতা করেন। তিনি বলেন যে, এই প্রস্তাব চলিতে পারে না; কারণ, মিঃ জিন্নার প্রস্তাব অসঙ্গত। পূর্বাধি যে যে দফার আলোচনা যেরূপ পর্যায়ে হইবার কথা আছে, তাহা না হইলে কার্যের শৃঙ্খলা থাকিবে না। রেভারেণ্ড ম্যাকফেল বক্তৃতা করিতে উঠিয়া বলেন যে, কোনও দল সংখ্যায় প্রবল হইলেই যে সেই দলের নির্দেশা-নুসারে কার্য নির্বাহের প্রথা পরিত্যক্ত হইবে, ইহা আদৌ বাঞ্ছনীয় নহে।

প্রেসিডেন্ট মিঃ ভি, জে, পেটেল মিঃ জিন্নার প্রস্তাবকে নিয়মানুগ নহে বলিয়া আদেশ জারী করেন। তখন সক-লেই ভাবিয়াছিলেন, মিঃ পেটেল সরকারপক্ষকে সমর্থন করিতেছেন। তাহার পর সার বেসিল ব্লাকেট গুপ্ত বিভা-গের ব্যয় বরাদ্দ সম্বন্ধে প্রস্তাব উত্থাপিত করিলে মিঃ জিন্না উহার আলোচনা ও ব্যয় মঞ্জুর স্থগিত রাখিবার জ্ঞান প্রস্তাব করেন। স্বরাজ্য দলপতি পণ্ডিত মতিলাল নেহরু বলেন যে, কোন দফার ব্যয় মঞ্জুর করা হইবে কি না হইবে, সে বিষয়ের আলোচনায় ঠাঁহার দল সম্পূর্ণ নিরপেক্ষ থাকিবেন। তাহার পর তিনি ঠাঁহার দলের উদ্দেশ্য বিবৃত করিয়া বলেন—গত ৩ বৎসর ধরিয়া নিয়মানুবর্তী পথে জনমতের সহিত সরকারের সংঘর্ষের ইতিহাস আলোচনা করিয়া ঠাঁহারা এই সিদ্ধান্তে উপনীত হইয়াছেন যে, ঠাঁহাদের সকল চেষ্টা ব্যর্থ হইয়াছে, এখন স্বরাজ্যদলকে ব্যবস্থাপরিষদের সংস্রব ত্যাগ করিয়া যাইতেই হইবে। এই মর্মে বক্তৃতা করিবার পর পণ্ডিত মতিলাল নেহরু সদলবলে সভাক্ষেত্র হইতে নিষ্ক্রান্ত হইলেন। সরকারপক্ষ হইতে বিজ্ঞপাত্মক প্রশংসাধ্বনি করি-বার চেষ্টা সম্পূর্ণ ব্যর্থ হইয়াছিল। স্বরাজ্যদলের ধীরগভীর-ভাবে নিষ্ক্রমণে দর্শকদল পর্যন্ত স্তম্ভিত হইয়া পড়িয়াছিলেন।

অতঃপর প্রেসিডেন্ট মিঃ ভি, জে, পেটেল বলেন যে, স্বরাজ্যদল যখন সভাক্ষেত্র ত্যাগ করিয়াছেন, তখন সভার আর কোনও বিষয়ের আলোচনা এখন চলিতে পারে না। পরদিবস পর্যন্ত সভা মূলতুবী রহিল। স্বরাজ্যদল সংখ্যায় অধিক এবং জনমতের প্রতিনিধি; সুতরাং ঠাঁহাদের অবিদ্যমানে কোনও প্রসঙ্গের আলোচনা সঙ্গত হইবে না এবং সংস্কার আইনমূলক ব্যবস্থা-পরিষদের প্রকৃত উদ্দেশ্য সাধিত হইতে পারে না। তিনি সরকারপক্ষকে এ কথাও স্মরণ

করাইয়া দেন যে, সরকারপক্ষ সভাক্ষেত্রে এমন কোনও দফার আলোচনা যেন না করেন, যে বিষয়ে বাদানু-বাদের সম্ভাবনা আছে। কারণ, সংস্কার আইনে যে সকল ব্যবস্থা আছে, তাহার ব্যতিচার ঘটতে দিতে তিনি অবকাশ প্রদান করিবেন না। যদি সরকারপক্ষ তৎসঙ্গেও সেইরূপ প্রসঙ্গ উত্থাপিত করেন, তাহা হইলে ব্যবস্থা-পরিষদের প্রেসিডেন্ট হিসাবে তাঁহার উপর যে অতিরিক্ত ক্ষমতা আছে, তাহার বলে তিনি সেই প্রস্তাবের আলোচনা অনির্দিষ্ট কাল পর্যন্ত স্থগিত রাখিতে বাধ্য হইবেন।

মিঃ পেটেলের এইরূপ দৃঢ়তা দর্শনে সকলেই স্তম্ভিত হইয়াছিলেন। তাঁহার বক্তৃতা সভাক্ষেত্রে যেন বজ্রপাত করিয়াছিল। কেহ স্বপ্নেও ভাবেন নাই যে, মিঃ পেটেল সভাপতির কার্য যে ভাবে সম্পাদিত করিয়া আসিয়াছেন, তাহাতে সরকারপক্ষকে এখন এমন ভাবে বিপন্ন হইতে হইবে। এখন আর জনমতের সহিত ক্ষমতাদগ্ধ সরকারের দ্বন্দ্ব নহে। নিয়মানুবর্তী পথে প্রেসিডেন্টের সহিত সরকার-পক্ষের সংঘর্ষ। ইহার পরিণামফল দেখিবার জন্ত দেশবাসী উন্মুখ হইয়া রহিয়াছে।

বাহ্য হইবার, তাহা ত হইয়া গেল। এখন স্বরাজ্যদল কি করিবেন? যুগপ্রবর্তক, ভবিষ্যদর্শী মহাত্মা গান্ধী মানসনেত্রে বহুদিন পূর্বে সংস্কৃত ব্যবস্থাপক সভার এই পরিণাম দেখিয়া আসিয়াছিলেন। এ যাবৎ তিনি নানা যুক্তিতর্ক সম্বন্ধে ব্যবস্থাপক সভার কার্যকারিতায় আস্থা স্থাপন করিতে পারেন নাই। তথাপি দেশের মধ্যে সর্বাপেক্ষা প্রবল রাজনীতিক দলকে তাঁহাদের মতানুযায়ী কার্য করিবার অবকাশ দিয়াছিলেন। এখন স্বরাজ্যদলপতি পণ্ডিত মতিলাল নেহরু স্বয়ং স্বীকার করিতেছেন যে, বিগত ৪ বৎসরের কাউন্সিল সংগ্রাম বিফল হইয়াছে। ইহাতে যে শক্তির অপব্যয় হইয়াছে, তাহাতে দেশ ও জাতিগঠনকার্য কতদূর অগ্রসর হইতে পারিত, তাহা কি তিনি একবার ভাবিয়া দেখিবেন? মহাত্মা পুনঃ পুনঃ বলিয়া আসিতেছেন, দেশের জনসাধারণকে জানাইতে না পারিলে কেবল কাউন্সিলের দ্বন্দ্ব প্রবল শক্তিসম্পন্ন ব্যুরোক্রেমীকে


জনমতের অমুকূল করিতে পারা যাইবে না। পণ্ডিত মতিলাল ও তাঁহার মতাবলম্বীরা ঠেকিয়া শিথিয়া মহাত্মার উপদেশ এখন কি শিরোধার্য করিবেন? গ্রাম ও জাতিগঠন কার্যে তাঁহাদের সমগ্র শক্তিকে নিয়োজিত করিবেন? জনমতকে তাহাদের প্রকৃত অবস্থাজ্ঞানে উদ্ভুদ্ধ করিবেন?—না, আবার কাউন্সিলের মোহে আকৃষ্ট হইয়া বৃথা শক্তির অপচয় করিয়া মুক্তির পথকে সূদূরবর্তী করিবেন?

মহিলা 'জষ্টিশ্ অব্ দি পিস্'



ডাক্তার শ্রীমতী মালিনী মুকঠঙ্কর

ডাক্তার শ্রীমতী মালিনী মুকঠঙ্কর বোম্বাইয়ের জনৈক ব্যবহারাজীব শ্রীযুত বালচন্দ্র মুকঠঙ্করের বিদুষী পত্নী। এই হিন্দু মহিলা গোড় সারস্বত ব্রাহ্মণ-সমাজভুক্ত। শ্রীমতী মালিনী মুকঠঙ্কর বহুদিন হইতে সমাজ-সংস্কারে আত্মনিয়োগ করিয়া আসিয়াছেন। তাঁহার এই সাধু প্রচেষ্টার ফলে তিনি সম্প্রতি 'জষ্টিশ্ অব্ দি পিস্' পদে বরিত হইয়াছেন। গোড়-সারস্বত ব্রাহ্মণ সম্প্রদায়ের মধ্যে ইনিই সর্বপ্রথম মহিলা 'জষ্টিশ্ অব্ দি পিস্' হইলেন।





রবারের গোলাপগুচ্ছ
নবোদ্ভাবিত কোন কৌশলে
অধুনা রবারের পুষ্পগুচ্ছ ও
পত্র নিশ্চিত হইতেছে। এই
সকল নকল পত্র ও পুষ্পে
স্বভাবজাত পত্র ও পুষ্পের
স্বাভাবিক বর্ণ-বিন্যাস এমনই
বিচিত্রভাবে অমুকৃত হইতেছে
যে, তাহার কৃত্রিমতা বুঝিতে
পা রা ক ঠি ন। রবারকে
'জেলি'র মত অবস্থায় আনয়ন
করিয়া, অল্প কোনও দ্রব্যের
সহিত মিশ্রিত করা হয়।
তাহার পর মিশ্রিত পদার্থ-
টাকে চাপিয়া চাপিয়া পাতলা
কাগজের মত অবস্থায় পরি-
ণত করা হয়। গোলাপের পাপড়ীর আকারে উহা কাটিয়া ছেন। পাক দিলেই
লইলে গোলাপ-ফুল নিশ্চিত
হইল। পত্র সম্বন্ধেও অমু-
ক্লপ ব্যবস্থা। একটা রবারের
ডালে পত্র ও পুষ্প সম্বিষ্ট
হইলে প্রকৃষ্টিত পত্র-পুষ্প-
সম্বিত গোলাপগাছ বলিয়া
উখম তাহাকে সকলেই
বলিতে বাধ্য হইবে। এই



রবারের পত্র ও পুষ্প



কাউন্টেন পেন হইতে পাক দিয়া ডাকটিকিট বাহির করা হইতেছে

উপায়ে যে কোনও প্রকারের
পুষ্প নিশ্চিত করা যায়।
দীর্ঘকাল এই রবারের পত্র
পুষ্প অবিকৃত অবস্থায় থাকে।

ফাউন্টেন পেনের মধ্যে ডাকটিকিট

ফাউন্টেন পেনের প্রান্তদেশে
ডাকটিকিট রাখিবার ব্যবস্থা
উদ্ভাবিত হইয়াছে। পকে-
টের মধ্যে ডাকটিকিট
রাখিলে অনেক সময় নষ্ট
হইয়া যায়, জোড়া লাগে।
এ জন্ম জনৈক শিল্পী ফাউ-
ন্টেন পেনের প্রান্তদেশে এক-
ক্লপ আধার প্রস্তুত করিয়া-
আধারমুক্ত ডাকটিকিট এক এক
করিয়া বাহির হইয়া আসিবে,
অথবা উণ্টা পাক দিলে
টিকিটগুলি ভিতরে বাইবে।
একবার আধারমধ্যে প্রবিষ্ট
হইলে পাক দিয়া না খুরাইলে
কখনই গড়িয়া বাইবে না।
ব্যবস্থাটি অতি চমৎকার।

মোটরগাড়িতে ঔষধের দোকান



স্বাভাবিক অবস্থার মোটরগাড়ী

আমেরিকার কোনওঁ ঔষধবিক্রেতা মোটরগাড়ী করিয়া ঔষধবিক্রয়ের ব্যবস্থা করিয়াছেন। এই মোটরগাড়ী এমনই বিচিত্র কৌশলে নির্মিত যে, ইচ্ছানুসারে ইহাকে বৃহদায়তন করিতে পারা যায়। মোটর সাহায্যে অথবা হস্ত দ্বারা ঘুরাইলে গাড়ীর দেহাভ্যন্তর হইতে উভয় পার্শ্বের আয়তন বাহির হইয়া পড়ে; উপরের অংশও উর্ধ্বে উত্থিত হয়। তখন আয়তন ৫×৭×৯ ফুট দাঁড়ায়। গাড়ীর মধ্যে ৭ হাজার বিভিন্ন প্রকারের দ্রব্য রাখিবার ব্যবস্থা আছে। গাড়ীর দ্বার পশ্চাৎভাগে,




বন্দীভূত মোটরগাড়ী

উহা বন্ধ থাকে। কারণ, দর্শকগণ পাছে গাড়ীর মধ্যে প্রবেশ করিয়া ভীড় জমাইয়া তুলে। রাত্রিকালে বৈহ্যতির আলোকে মোটরগাড়ীর অভ্যন্তরভাগ আলোকিত করিবার ব্যবস্থা আছে। দিবাভাগে কজায়ুক্ত বাতায়ন তুলিয়া দিলে আলোক প্রবেশ করে। গাড়ীর মধ্যে ছইখাঁ

সুরক্ষিত ডাকগাড়ী


আমেরিকার ডাকবিভাগের কর্তৃপক্ষ দস্যুর আক্রমণ হইতে চালক ও দ্রব্যাদি সুরক্ষিত রাখিবার জন্ত এক প্রকা



আয়তন বাড়াইবার পরবর্তী অবস্থা

মোটরগাড়ী নিষ্কাশন করাইয়াছেন। চালক যে কামরায় বসিয়া গাড়ী চালাইয়া থাকে, তাহার ছই পার্শ্বে সূদৃঢ় ও চূর্ভেণ্ড দ্বার আছে। সম্মুখে বাতাসপ্রতিরোধকারী যে কাচ-নির্মিত আবরণ আছে, বন্ধকের গুলী তাহা ভেদ করিতে অসমর্থ। পশ্চাৎভাগেও এমন আবরণ আছে যে, দস্যুগণ সহস্র চেষ্টা সত্ত্বেও তাহা ভাঙ্গিয়া ফেলিতে পারিবে না। উভয় পার্শ্বস্থ দ্বারে ক্ষুদ্র ছিদ্র আছে, প্রয়োজন হইলে, তাহার মধ্য দিয়া চালক হাত বাহির করিয়া পশ্চাতের গাড়ীকে থামাইবার জন্ত ইঙ্গিত করিতে পারিবে। কর্তৃপক্ষ এই প্রকার নবনির্মিত সূদৃঢ় গাড়ীগুলি বড় বড় নগরে ব্যবহার করিবেন বলিয়া সঙ্কল্প করিয়াছেন।

অভিনব ছিপি



রবারের ছিপি ও 'ডুপার'

বিন্দু বিন্দু করিয়া ঔষধ ঢালিবার প্রয়োজন হইলে কাচের 'ডুপার' ব্যবহৃত হইয়া থাকে। কিন্তু উহা সহসা ভাঙ্গিয়া যাইতে পারে বলিয়া, আমেরিকায় শুধু রবারের 'ডুপার' নিশ্চিত হইয়াছে। ইহা বোতলে ছিপির মতও ব্যবহৃত হয়। এই রবারের 'ডুপার' দীর্ঘকাল স্থায়ী। চক্ষুর উপর ঔষধ নিক্ষেপের প্রয়োজন হইলে এই রবারের ডুপারের দ্বারা সে কার্য নিশ্চিন্তে সম্পন্ন হয়; অধিকন্তু কাচের ডুপারের দ্বারা চক্ষুতে আঘাত লাগিবার সম্ভাবনা থাকে; ইহাতে সেরূপ কোনও আশঙ্কা নাই। একবার গরম জলে ডুবাইয়া লইলে রবারের ডুপারের দোষও থাকিবে না।

পর্যটকের বিশ্রামাগার

ভাস্করতার নামক স্থানে পর্যটকদিগের বিশ্রামার্থ একটি খিলান করা ঘর নিশ্চিত হইয়াছে। এই খিলানের ঘরটি একটি বৃক্ষের তক্তা, কড়ি, ডাল প্রভৃতির সাহায্যে নিশ্চিত, অল্প কোনও পদার্থ ইহাতে সন্নিবিষ্ট হয় নাই। গাছের গুঁড়ি হইতে যে স্তম্ভ বা থামগুলি নিশ্চিত হইয়াছে, তাহাদের উপরের দিক পর্যন্ত পরিত্যক্ত



সাবানের মূর্তি



বৃক্ষ-নিশ্চিত বিশ্রামাগার

হয় নাই। ইহাতে স্বাভাবিক শোভা আরও বাড়িয়াছে। সমগ্র কাঠামোটি গ্রীসীয় মন্দিরের অঙ্করণে নিশ্চিত। একটি বৃক্ষের উপকরণে এই বিশ্রামাগার নিশ্চিত হওয়ার বুঝা যাইতেছে, বৃক্ষটি কিরূপ বৃহদায়তন।

সাবান-নিশ্চিত মূর্তি

আমেরিকায় কোনও শিল্পমেলায়, ভাস্কর-শিল্পের প্রতিযোগিতাকালে, কোন শিল্পী সাবানের সাহায্যে হাত্তোদ্দীপক মূর্তি গঠন করিয়া প্রদর্শনী-ক্ষেত্রে রাখিয়াছিলেন। এই মূর্তির প্রতিপাত্ত বিষয়—জোরে বাতাস বহিতেছে, জনবহুল রাজপথে হুই জন নারী বহু দিন পরে অকস্মাৎ পরস্পরের সাক্ষাৎ পাইয়াছে, উভয়ে স্মরণমত একটু আল্লাপ করিতে ব্যস্ত। এই মূর্তি এমন নিখুঁতভাবে গঠিত হইয়াছে যে, প্রস্তর-কোদিত মূর্তিতে তাহা সম্ভবপর হইত না। সাবানের এই মূর্তিটি বিশেষজ্ঞগণ, পুরস্কারপ্রাপ্তির যোগ্য বিবেচনা করিয়াছেন।

গুলী-নিবারক বর্ষ

আমেরিকায় চিকাগো সহরের পুলিশবিভাগ হইতে গুলী-নিবারক এক প্রকার বর্ষ নিশ্চিত হইয়াছে। এই বর্ষ



গুলীনিবারক বস্ম

পদযুগল ব্যতীত সর্বত্র সুরক্ষিত রাখে। পুলিশকর্ম-চারীরা উহা বন্ধনীর দ্বারা কক্ষদেশে ঝুলাইয়া রাখে। বস্মে একটি ছিদ্র আছে; সেই ছিদ্রে গুলী-নিবারক কাচ সংলগ্ন। উল্লিখিত কাচের মধ্য দিয়া সমস্তই দেখিতে পাওয়া যায়—লক্ষ্য নির্ণয়েরও সুবিধা হয়। এই বস্মটির ওজন প্রায় ১৫ সের হইতে পারে। অতি সহজে বস্মটিকে সুবিধামত অবস্থায় পরিধান করা যায়। দস্যুদলকে বাধা দিবার সময় বস্মগুলি ছুর্গের মত ছুর্ভেদ্য। পুলিশকর্মচারীরা এই বস্মের অন্তরালে থাকিয়া, আততায়ীর গুলীবর্ষণ হইতে অনায়াসে আত্মরক্ষা করিতে পারে।

বিচিত্র মোটরযান

চিকাগো সহরে যে সকল মোটরগাড়ী যাত্রী বহন করে, তাহাদের অনেকগুলিতে সম্প্রতি একরূপ দ্বার সংযোজিত হইয়াছে। এই দ্বার আপনা হইতে খুলিয়া যায় এবং আপনা হইতেই বন্ধ হয়। যতক্ষণ গাড়ীর গতি থাকিবে, দ্বার কোনও মতেই উন্মুক্ত হইবে না। যখন গাড়ী সম্পূর্ণরূপে থামিয়া যাইবে—দ্বার অমনই উন্মুক্ত হইবে। যাত্রীগণ যে পর্যন্ত গাড়ীর সোপানে দাঁড়াইয়া থাকিবে, ততক্ষণ



মোটর যানের দ্বার আপনা হইতে মুক্ত হইয়াছে

দ্বার উন্মুক্ত থাকিবে, বন্ধ হইবে না। আরোহীদিগের শরীরের ভারে গাড়ীর অভ্যন্তরে পদতলস্থ পাটাতন দ্বারের কপাট মুক্ত করে, কিন্তু যতক্ষণ গাড়ী না থামিবে, ততক্ষণ দ্বার খুলিবে না। আরোহী নামিয়া গেলেই পাটাতনের উপস্থিত ভার অন্তর্হিত হয় এবং দ্বার আপনা হইতেই আবার বন্ধ হইয়া যায়, সে জন্য কণ্ডাক্টরকে ব্যস্ত হইতে হয় না। এই শ্রেণীর শতাধিক মোটর যান চিকাগো সহরে চলিতেছে। বায়ুর চাপের প্রভাবেই এইরূপ প্রণালীতে দ্বার বন্ধ ও উন্মুক্ত হইয়া থাকে।

রত্নখচিত কর্ণভরণ

পাশ্চাত্যদেশের নারীগণের রুচিপরিবর্তন ষটিতেছে। মার্কিন মহিলারা কর্ণভূষার প্রতি অধিকতর মনোযোগ দিতেছেন। বিলাসিনীসমাজ স্থির করিয়াছেন, অতঃপর অন্ত্যন্ত অঙ্গের জায় কর্ণকেও লোক-লোচনের বিষয়ীভূত করিবার প্রয়োজনীয়তা আছে। সুতরাং কর্ণে রত্নখচিত

অলঙ্কার-ধারণের 'ফ্যাসান' মার্কিণ মহিলারা আবার নবো-
জ্জমে প্রবর্তিত করিতেছেন। অগ্রে কর্ণের নিম্নভাগে ছল
অথবা অমুরূপ ক্ষুদ্র অলঙ্কার ধারণ করার প্রথা ছিল, কিন্তু
তাহাতে সুন্দরীর সুঠাম সমগ্র কর্ণটি লোক-লোচনকে
আকৃষ্ট করিত না। অধুনা-প্রবর্তিত রত্নখচিত কর্ণাভরণ
সমগ্র কর্ণটিকে উদ্ভাসিত করিবে। এই কর্ণভূষার মধ্যস্থলে
একটি দীপ্তিমান রত্ন সংলিষ্ট থাকিবে। এই অলঙ্কার ধারণ
করিবার জ্ঞ কৰ্ণে ছিদ্র করিবার প্রয়োজন নাই—শুধু
কৌশলে কর্ণে সংলগ্ন করিয়া দিলেই চলিবে। অলঙ্কারটিও
লঘুভার; সুতরাং সুন্দরীর কর্ণ তাহার ভারে পীড়িত



রত্নখচিত কর্ণাভরণ বা 'কান'

হইবে না। বাঙ্গালা দেশে এক সময়ে 'কান' নামক অল-
ঙ্কারের প্রচুর প্রচলন ছিল; বঙ্গসুন্দরীরা উহা সমাদরে
ব্যবহার করিতেন। প্রতীচ্যের অমুকরণে অধুনা তাহা
বিলুপ্ত হইয়াছে। কিন্তু মার্কিণ বিলাসিনীদিগের অমুকরণে
নবীনযুগের তরুণীরা হয় ত আবার 'কানের' মহিমায় মুগ্ধ
হইবেন। তবে তখন যেখানে শুধু হেমের সমাদর ছিল,
এখন সেই স্থলে হ্যাতিমান রত্নাবলীর সমাবেশ ঘটিবে।

ভারতীয় সঙ্গীতে যুরোপীয় মহিলা

মিস্ মড্ ম্যাকার্থি ইংলণ্ডের এক জন খ্যাতনামা গায়িকা।
ইনি বেহালা বাণ্যযন্ত্রে অসাধারণ পারদর্শিনী। এই নারী




: ভারতীয় সঙ্গীতে যুরোপীয় মহিলা

ভারতীয় সঙ্গীত-কলার বিশেষ অমুরাগিণী এবং এ বিষয়ে
তাঁহার সহিত প্রতিদ্বন্দ্বিতা করিবার মত কোনও পুরুষ বা
মহিলা যুরোপে নাই। ভারতীয় রাগ-রাগিণীর আলাপ-
কালে মিস্ মড্ ম্যাকার্থি ভাবভঙ্গী সহকারে অত্যন্ত
নিপুণতার সহিত সঙ্গীতের অভিব্যক্তি করিয়া থাকেন।
মিঃ জন ফাউণ্ডস্‌এর সহিত তাঁহার পরিণয় হইয়াছে।

বালুকা-নির্মিত মূর্তি

জনৈক পদবিহীন ভাস্কর (যুদ্ধে এই ব্যক্তি পদযুগল হারা-
ইয়াছেন) সমুদ্রতীরে বালুকার সাহায্যে নানাবিধ মূর্তি
গড়িয়াছেন। যুদ্ধসংক্রান্ত বিভিন্ন বিষয়ের দৃশ্য তিনি
বালুকার সাহায্যে এমন চমৎকারভাবে নির্মাণ করিয়া-
ছেন যে, দেখিবামাত্রই প্রত্যেকটি যেন সজীব বলিয়া
অমুমিত হইবে। কয়েকটি সাধারণ যন্ত্র-সাহায্যে ভাস্কর
মূর্তিগুলি গড়িয়াছেন। সূর্য্যের রশ্মি, বাতাসের প্রভাব
প্রভৃতি প্রাকৃতিক কারণেও মূর্তিগুলি দীর্ঘকাল অক্ষত দেহে



• বালুকা-নির্মিত মূর্তি

বিরাজিত। কোন কোন উপাদানের সাহায্যে
বালুকাকেও তিনি সূদৃঢ় করিয়া লইয়াছিলেন।

বিরাট আলোক-স্তম্ভ

ফ্রান্সে একটি বিরাট আলোক-স্তম্ভ প্রতিষ্ঠিত হই-
য়াছে। বিমানপোতদিগকে নির্দিষ্ট পথে চালিত



বিরাট আলোক-স্তম্ভ

করিবার জন্ত এই আলোকস্তম্ভ নির্মিত হইয়াছে। ইহার
আলোকরশ্মি ৩ শত মাইল দূরবর্তী স্থান হইতে দৃষ্টিগোচর
হইবে। দক্ষিণ-ইংলণ্ড এবং ইটালীর উত্তর হইতে এই
আলোকরশ্মি দেখিতে পাওয়া যাইবে।

বৈদ্যুতিক শক্তিপ্রভাবে রক্ত-সঞ্চারণ

কোনও সূস্থ দেহ হইতে রোগীর দেহে রক্ত সঞ্চারণ করিয়া
তাহাকে বাঁচাইয়া তুলিা যায়। চিকিৎসা-জগতের এই
আবিষ্কার বহু রোগীর প্রাণদান করিতে সমর্থ হইয়াছে।
বৈজ্ঞানিকগণ এই রক্ত-সঞ্চারণ প্রক্রিয়া ইদানীং বৈদ্যুতিক
যন্ত্রের সাহায্যে অভ্রান্তভাবে নিশ্চয় করিতেছেন। ডাক্তার
এ, এল্ সোরেসী (Soresi) [এই নূতন যন্ত্রের উদ্ভাবন
করিয়াছেন। মোটর-তাড়িত পিচকারী সূস্থ দেহ হইতে




বৈদ্যুতিক শক্তিপ্রভাবে দেহান্তরে রক্ত সঞ্চারণ হইতেছে
রোগীর দেহে রক্ত অতি অল্প সময়ের মধ্যেই সঞ্চারণ
করিয়া দেয়। ক্রকলিন্ হাঁসপাতালে এই নবোদ্ভাবিত
যন্ত্রের পরীক্ষাকার্য্য সম্পন্ন হইয়াছে।

রত্নখচিত বুদ্ধ-মূর্তি

ইংলণ্ডের সাউথকেন্‌সিংটনস্থিত ভিক্টোরিয়া ও আলবার্ট
মিউজিয়ামে সম্প্রতি অনেকগুলি প্রাচীন শিল্প-নৈপুণ্য-পূর্ণ
মূল্যবান্ দ্রব্য সংগৃহীত হইয়াছে। তন্মধ্যে গিয়াংসি হইতে
প্রাপ্ত অবলোকিত বোধিসত্ত্ব-মূর্তি বিশেষ উল্লেখযোগ্য।
এই মূর্তিটি বহু মূল্যবান্ রত্নখচিত। ষোড়শ শতাব্দীতে
জর্নৈক নেপালী শিল্পী সন্ন্যাসাশ্রমে প্রবেশ করিয়া এই
অপূর্ব মূর্তি নির্মাণ করিয়াছিল।



রত্নখচিত বোধিসত্ত্ব মূর্তি



শেষ রক্ষা

এক অপরাহ্নে চুঁচুড়া ষ্টেশনে এক পঞ্চবিংশতিবর্ষীয় যুবক একখানি কলিকাতাগামী প্যাসেঞ্জার ট্রেন হইতে নামিল। নামিবার পূর্বে একবার দেখিলেও নামিয়াই সে প্ল্যাটফর্মের প্রান্তে চুঁচুড়া লেখাটা আর একবার দেখিয়া তবে নিশ্চিত হইল। ভাবে বোধ হইল, যুবক এ ষ্টেশনে বড় বেশী বার আইসে নাই।

প্ল্যাটফর্মে সব সময়ে কুলী পাওয়া যায় না। যুবক এক হাতে একটি বড় বেতের ব্যাগ, অপর হাতে একটি মাঝারী বোচকা তুলিয়া লইয়া গেটে টিকিট দিয়া বাহিরে আসিল।

আপ্ন প্ল্যাটফর্মে তাহার একটু আগে একখানি গাড়ী থামিয়াছিল এবং সেই গাড়ী হইতে দলে দলে আরোহী নামিয়া সন্মুখের রাজপথের উপর ভিড় করিয়া দাঁড়াইয়াছিল।

‘আম্বন বাবু ঘোড়াবাজার’, ‘আম্বন কাছারী’ ইত্যাদি মৌখিক বিজ্ঞাপন দিয়া গাড়োয়ানরা গাড়ী আগাইয়া আনিল ও প্রত্যেক গাড়ীতে ৫৬ জন করিয়া আরোহী লইয়া ঘোড়ার পিঠে চাবুক মারিয়া তাহাদের একটু ছুটাইতে চেষ্টা করিল। গাড়ী চালাইতে চালাইতে ইতস্ততঃ দেখিতে লাগিল, যদি গাড়ীর মাথায় বসিবার মত ছুই এক জন আরোহী জুটিয়া যায়। এইরূপে এক এক করিয়া প্রায় সব গাড়ী ছাড়িয়া দিল। একখানি মাত্র গাড়ী অবশিষ্ট ছিল। যুবক গাড়ীখানার সন্মুখে আসিয়া সৌরভপুর যাইতে কত ভাড়া, গাড়োয়ানকে জিজ্ঞাসা করিল।

গাড়োয়ান যুবককে বেশ করিয়া নিরীক্ষণ করিয়া উত্তর করিল, “দেড় টাকা।”

যুবক বলিল, “দেড় টাকা কেন বাবু, বারো আনাই ত ছিল বরাবর।”

“সেই সব দিনকাল চ’লে গেছে বাবু”, বলিয়া গাড়োয়ান তাহার গাড়ী চালাইয়া দিল।

পিছন হইতে যুবক বলিল, “আচ্ছা চল, এক টাকা পাবে।”

গাড়োয়ান সে কথা কান দিল না।

যুবক এক হাতে ব্যাগ ও অপর হাতে বোচকা লইয়া অগ্রসর হইল। খানিকটা অগ্রসর হইয়াই যুবক বাঁ দিকের পথ ধরিল।

“এ বাবু, শুনে যান, বাবু, শুনে যান।”

পিছন কিরিয়া যুবক দেখিল, গাড়োয়ান পুনরায় ডাকিতেছে। মোড়ের নিকট যুবক দাঁড়াইল। গাড়ী কাছে আসিল।

কোচবান্ধ হইতে অপর একটি লোক নামিয়া পড়িয়া বলিল, “যান না বাবু, ছুই টাকা ভাড়া ত মন্দ বলছে না!”

পশ্চিমাঞ্চলের লোক বাঙ্গালার আসিয়া বাঙ্গালা শিখিয়াছে মনে করিয়া এইরূপ নির্বিচারে বাঙ্গালা ব্যবহার করিয়া যাইতেছে!

বিস্মিত হইয়া যুবক বিগত হিন্দীতে গাড়োয়ানকে বলিল, “তুমি ত নিজ মুখে দেড় টাকা বলেছিলে, এ আবার নতুন কথা কেন বলছ?”

“হু’ টাকাই ত বলেছিলুম বাবু” বলিয়া গাড়োয়ান নিলজ্জভাবে হাসিতে লাগিল।

“তোমাদের ধরম বলে কোন পদার্থ আর নেই, একেবারে চ’লে গেছে। তোমার গাড়ী নেব না।”

অত্যন্ত ক্রুদ্ধ হইয়া যুবক বাস্ত ও বোচকা লইয়া পথ হাঁটিতে সুরু করিল।

মিনিট দশেক চলিবার পর যুবকের গতি মন্দ হইয়া আসিল, মনের উষ্ণতাও অনেকটা কমিল। বোঝা ছুইটি হাত বদলাইয়া লইয়া যুবক ভাবিল, গাড়ীখানা ছাড়িয়া দেওয়া ভাল হয় নাই। সামান্য একটা বৌকের বশে এতখানি কষ্ট ঘাড়ে না লইলেই ভাল হইত। অন্ততঃ অনেকটা আরামে যাওয়া যাইত।

যুবক একবার পিছনের দিকে চাহিল। ভাবিল, হইতেও পারে, গাড়োয়ান হয় ত তাড়াতাড়ি গাড়ী চালাইয়া আসিয়া দেড় টাকার যন্ত্রণায় পাঁচ সিকায় রাজী হইবে। তা সে যদি সত্যই আইসে, তাহা হইলে যুবকও উদারতা দেখাইতে কম করিবে না; দেড় টাকা ভাড়াই তাহাকে দিবে।

কিন্তু কোথায় গাড়ী? হুই দিকে বর্ষার জলশ্রোত বহিয়া পরিখা লইয়া সুপ্রশস্ত রাস্তা সোজা চলিয়া গিয়াছে। কোথাও গাড়ীর চিহ্ন নাই।

বোঝা বহা অভ্যাস ছিল না, কিংবা তাহার শরীর দুর্বল ছিল, তাই যুবক বুঝিল, তাহার শরীর যে পরিমাণে ক্লান্ত হইয়া আসিতেছে, হাতের বোঝাও সেই পরিমাণে ভারী হইয়া উঠিতেছে।

এখন উপায়? আবার কি ষ্টেশনে ফিরিয়া যাইবে? না, ফিরিয়া যাওয়া আর হইতে পারে না। এক আশা, যদি পশ্চিমদিক হইতে কোন খালি গাড়ী আইসে ত তখনই তাহাতে চড়িয়া বসিবে। কিন্তু খালি গাড়ীর কোন লক্ষণই দেখা গেল না।

আরও খানিক চলিয়া যুবক ক্লান্ত হইয়া হাতের বোঝা পাশে রাখিয়া কিছুক্ষণ বিশ্রাম করিয়া লইল। যুবক বুঝিল, শুধু হাতে যদি সে অটুসিত, ইহার দ্বিগুণ পথ সে এতক্ষণ অনায়াসে চলিয়া যাইত; যদি গাড়ী পাইত, এতক্ষণে গন্তব্য স্থানে পৌঁছাইয়া যাইত।

গন্তব্য স্থানের কথা মনে হইতেই তাহার শরীরে যেন বলসঞ্চার হইল। দাঁড়াইয়া উঠিয়া বোঝা দুইটি তুলিয়া লইয়া সে আবার পথ চলা শুরু করিল।

অস্তুতঃ একটা কুলী পাওয়া গেলেও চলিত। ১৭।১৮ ধংসরের একটি ছোকরাকে দেখিয়া যুবকের মনে হইল, অস্তুতঃ একটি মোট বহিতে বলিলে এ রাজী হইতে পারে। ভাবে বোধ হইল, ছেলোট কাহারও ক্লষণ হইবে। অনেক দিন দেশ ছাড়া বলিয়া চট করিয়া মোটের কথা বলিতে যুবকের সাহস হইল না। একটু ইতস্ততঃ করিয়া যুবক জিজ্ঞাসা করিল—“হ্যাঁ হে, এখানে এমন কোন লোক পাওয়া যায় না যে, এই ছটো নিয়ে আমার সঙ্গে যায়?”

‘এখানে আর লোক কোথায় পাবেন?’ বলিয়া ছেলোট পার্শ্ববর্তী জঙ্গলের দিকে অভিনিবেশ সহকারে চাহিতে লাগিল। হঠাৎ সে গান ধরিয়া দিল—

‘সে যে রেখে গেছে চরণ-রেখা গো!’

সর্বনাশ! কৃষক-পুত্রের মুখে এই গান! আর ইহাকেই সে মোট বহিতে বলিবার সংকল্প করিয়াছিল! তাহার অল্পপস্থিতির মধ্যে বাঙ্গালা দেশটার কি পরিবর্তন হইয়া গিয়াছে।

ক্লান্তপদে চলিতে চলিতে যুবক কৃষক-পুত্রের অত্যন্ত সাধু ভাষায় রচিত গান শুনিতে লাগিল। ক্রমে আশে-পাশে বনের মধ্যে তাহার গানের সুর হারাইয়া গেল; আর শুনা গেল না।

আবার এক যাত্রগায় যুবক বোঝা নামাইয়া বিশ্রাম করিয়া লইল। আবার উঠিল।

বামদিকে একটি ছোট বাড়ী। উঠানে ধানের গোলা। মাটির ঘরের ছোট জানালার ভিতর দিয়া হুই চারিটি কুতূহলী চক্ষু যুবকের এই ধীর ক্লান্ত গতি দেখিতে লাগিল। যুবক ভাবিল, এই ছোট বাড়ীটিই যদি তাহার গন্তব্য স্থান হইত, তাহা হইলে সে বাঁচিয়া যাইত।

রাড়ীর সম্মুখেই রাস্তার উপর একটি প্রৌঢ় লোক খালি গায়ে হাঁকা হাতে দাঁড়াইয়া ছিল। যুবককে লক্ষ্য করিয়া বলিল,—“আপনার ছটো হাত যোড়া, বড় অসুবিধা হচ্ছে ত!”

কষ্টের মধ্যেও যুবকের হাসি পাইল। কি গভীর সহানুভূতি! মুখ দিয়া এ কথাটি বাহির হইল না, “আহা, তোমার কষ্ট হইতেছে; চল, তোমার একটা বোঝা লইয়া তোমাকে একটু আগাইয়া দিই।” সবাই ফাঁকা আওয়াজ করিতে চাহে!

যুবক তখন একবার পথ চলে, একবার অপেক্ষা করে, আবার উঠে, এইরূপে পথ চলিতে লাগিল। ক্রমে পা অচল হইয়া আসিল। কাঁধে, ঘাড়ে ও হাতে বোঝা বদল করিয়া করিয়া সব কটা অঙ্গকেই আড়ষ্ট করিয়া ফেলিল। তখনও আধ মাইলের কিছু উপর পথ বাকী আছে।

ঝিঁঝিঁর ডাক যেন শুনা গেল। যুবকের মনে হইল, এ ঝিঁঝিঁর ডাক নহে। তাহার বোধ হয় শক্তি-লোপ হইতেছে, তাই কর্ণের মধ্যে ঐরূপ শব্দ হইতেছে। মাঠে কোন ছোট ফুল দেখিলেও হয় ত সে ভাবিত, চোখে সরিষার ফুল দেখিতেছে।

কষ্টে ও ক্রোধে যুবকের চোখে জল আসিল। নিতান্ত অবসন্ন হইয়া সে সেই রাজপথে ধুলার উপর বসিয়া পড়িল।

এমন সময় কে বলিল—“আপনার কি বোঝা বইতে বড় কষ্ট হচ্ছে?”

২

“পথিক, তুমি পথ হারাইয়াছ,” প্রশ্নে নবকুমার ইহার অধিক বিস্মিত ও তৃপ্ত হয় নাই। যুবক বিস্মিত হইয়া মুখ তুলিয়া দেখিল, এক যুবতী পথের উপর দাঁড়াইয়া তাহার দিকে সহানুভূতি-স্বিষ্ট দৃষ্টিতে চাহিয়া আছে। যুবতী স্নানরূপী, দীর্ঘাকৃতি। মেঘাবৃত জ্যোৎস্নার মত মলিন বসন ও রুক্ষ কেশভার তাহার সৌন্দর্য্যকে একটু স্নান করিয়াছিল; কিন্তু ইহাতে তাহার মনোহারিত্ব একটুও কমে নাই।

সেই প্রশস্ত রাজপথের সহিত দক্ষিণদিক হইতে একটি সংকীর্ণ পল্লীপথ আসিয়া মিশিয়াছিল। তরুণী হাতে কয়েকটি সূতার বাণ্ডুল ও গুটিচারেক ছোট জামা লইয়া সেই সংকীর্ণ পথ দিয়া এই বড় রাস্তায় পড়িবার সময়ে যুবককে এইরূপ বিপন্ন দেখিয়াছিল।

তরুণীর বয়স সতের কি আঠার বৎসর হইবে। ঐ বয়সের নারীর পক্ষে অপরিচিত এক যুবকের সহিত পথিমধ্যে কথা কহা উচিত কি না, তরুণী সম্ভবতঃ সামান্য ক্রণের জন্ত তাহা চিন্তা করিয়াছিল। শেষে নিতান্ত অসহায়ের মত যুবককে ধুলার উপর বসিয়া পড়িতে দেখিয়া তাহার বোধ হয় মায়া হইয়াছিল, তাই লজ্জা ত্যাগ করিয়া কথাটা জিজ্ঞাসা করিয়া ফেলিয়াছিল।

যুবক তরুণীর প্রশ্নে মুখ ফিরাইয়া দেখিতে পাইয়াছিল যে, তাহার মুখে ও চোখে কৌতূহল ছাড়া করুণা ও সাহায্য করিবার একটা ইচ্ছা ফুটিয়া আছে। যুবক বলিয়া ফেলিল, “হ্যাঁ, কষ্ট হচ্ছে।”

“আপনি কোথায় যাবেন?”

“সৌরভপুর। আর কত দূর আছে?”

“আর বেশী নেই; এসে পড়েছেন বলে। আচ্ছা, আপনি মোট ছ’টি রাখুন দিকি মাটিতে; আমি খানিকটা বয়ে দিচ্ছি।”

তরুণীর দিকে কৃতজ্ঞ দৃষ্টিপাত করিয়া যুবক কেবল বোচকাটা মাটিতে রাখিয়া ব্যাগটা লইয়া উঠিল। বলিল, “একটা আমি বেশ পান্ধব’ধন।”

যুবতী আর কিছু না বলিয়া বোচকাটা মাথার উপর ঘড়ার মত করিয়া বসাইয়া সংক্ষেপে বলিল, “আমুন।”

তরুণী তাহার লঘু ক্রিপ্রগতিতে সংকীর্ণ পথ ধরিয়া আগে আগে চলিল।

যুবক বলিল, “সৌরভপুর যেতে এই বড় পথ দিয়ে যেতে হয়, না?”

“এ পথেও যাওয়া যায়।”

তরুণী মুখ না ফিরাইয়াই চলিতে আরম্ভ করিল।

যে সাহায্য ইতর ভদ্র কোন পুরুষের নিকট পায় নাই, তাহা যে এক অপরিচিতা পল্লী-যুবতীর কাছে পঠাওয়া যাইতে পারে, তাহা যুবক ভাবে নাই। চলিতে চলিতে একবার মাথা তুলিয়া যুবক দেখিল, যুবতী একই ভাবে চলিতেছে। একবার ফিরিয়াও দেখিতেছে না যে, সে কত দূর আছে।

ইহা যুবককে ঈষৎ আঘাত করিল, কিন্তু বলিবারও ত কিছুই নাই! অপরিচিত যুবকের সহিত অনাবশ্যক আলাপ করিবার আগ্রহ এই তরুণীর মধ্যে সে আশাই বা করিবে কেন?

মিনিট দশেক নীরবে যুবতীর অনুসরণ করিয়া যুবক জিজ্ঞাসা করিল, “আপনার ত আবার ফিরে যেতে অনুবিধা হবে।”

যুবতী মুখ না ফিরাইয়াই বলিল, “না।”

অতি সংক্ষেপে এই উত্তর দিয়া যুবতী পূর্ববৎ চলিতে লাগিল।

একটি মন্দিরের সম্মুখে আসিয়া যুবতী স্থির হইয়া দাঁড়াইল। যুবক নিকটস্থ হইতেই মন্দিরের বামদিকের পথ দেখাইয়া দিয়া বলিল, “আপনি এই পথে যাবেন।” সে বোচকাটা ভূতলে নামাইয়া যুবকের দিকে একটু আগাইয়া দিল।

এই যে বিশেষ ব্যবধান রাখিয়া চলা, ইহার বিরুদ্ধে তাহার কিছুই বলিবার ছিল না। ইহাই সঙ্গত, হয় ত বা স্বাভাবিকও, তথাপি যুবক উহাতে একটু হুঃখ অনুভব না করিয়া পারিল না।

যুবক বোচকাটা লইয়া মুখ তুলিয়া দেখিল, তরুণী পূর্ব-পথ ধরিয়া অনেকখানি অগ্রসর হইয়া গিয়াছে।

একটা কৃতজ্ঞতার কথাও বলা হইল না। ‘আপনি না থাকলে’ গোছের একটা অসম্পূর্ণ কথা মুখের কাছাকাছি আসিতেই যুবতীর দুরত্ব ও নিম্প্রহতার জন্ত এতই বিসদৃশ

মনে হইল যে, কথা কয়টা তাহার কম্পিত ওষ্ঠাধরের এ পারে আসিবার ভরসা পাইল না।

একটা নিশ্বাস ফেলিয়া যুবক মন্দিরের বামদিকের পথ ধরিল।

৩

আই-এস-সি পাশ করার পর এক বৎসর মাইনিং পড়িয়া চারুর বিবাহ হয়। বিবাহের রাত্রিতে চারুর মনটা এতই দমিয়া গিয়াছিল যে, সে যে আর কখন পাশ করিবে বা জীবনে সুখী হইবে, সে আশা তাহার মন হইতে দূর হইয়াছিল।

বিবাহের রাত্রিতে সে এক মহাবিজ্ঞান। চারুর স্বপ্নে স্কুলমাষ্টার, তথাপি তিনি কতটা কমলার বিবাহে সর্বসমেত ১৫ শত টাকা দিতে স্বীকৃত হইয়াছিলেন, তন্মধ্যে নগদ দিবার কথা ছিল ৭ শত টাকা। বিবাহের সময় দেখা গেল, তিনি নগদ সংগ্রহ করিতে পারিয়াছেন ৫ শত টাকা, বাকী দুই শত টাকার তখনও অভাব। বাকী টাকা কোথায় বলিতেই চারুর স্বপ্নে হাত যোড় করিয়া বলিলেন যে, তিনি এত চেষ্টা করিয়াও বাকী টাকা সংগ্রহ করিতে পারেন নাই। বাড়ী বন্ধক দিয়া পনের শত টাকা পাইবারই কথা ছিল, কিন্তু কার্যকালে তাহার বারো শত টাকার বেশী দিল না; বলিল,—‘এ বাড়ী বন্ধক দিয়া ইহার বেশী টাকা দেওয়া চলে না।’ তখন অন্য স্থানে সংগ্রহ করিবার সময় ছিল না, কাষেই ঐ টাকাতেই স্বীকৃত হইতে হইল। তিনি আপাততঃ ছাণ্ডনোট লিখিয়া দিতেছেন, একটু সামলাইয়া উঠিয়াই বাকী টাকাটা দিয়া দিবেন।

চারুর পিতা যাহা মুখে আসিল, তাহাই বলিয়া ভাবী বৈবাহিককে সংবর্দ্ধনা করিলেন। বিবাহ না দিয়া পাত্র উঠাইয়া লইয়া যাইবেন, সে ভয়ও দেখাইলেন। শেষে অনেক ভদ্রলোকের অনুরোধে এবং ইহার অধিক মূল্য কোথাও পাইবেন না মনে বুঝিয়া, দুই শত টাকার পরিবর্তে তিন শত টাকার একখানি ছাণ্ডনোট লিখাইয়া লইয়া, তবে বিবাহে অমুমতি দিলেন।

এই অপমানের অগ্নি সাক্ষী রাখিয়া, চারু ও কমলার বিবাহ সমাধা হইয়াছিল।

বিবাহের সময়ই কমলাকে লইয়া আসিয়া চারুর পিতা তিন মাস কাল কমলাকে আর পাঠান নাই। বৈবাহিকের

কাতর অনুরোধ ও কমলার নয়নাশ্রু তাঁহাকে একটুও বিচলিত করিতে পারে নাই। চারু অনেক সময় ভাবি-মাছে, জীর পক্ষ হইয়া পিতাকে অনুরোধ করিবে, কিন্তু সাহসে কুলায় নাই। শেষে কমলার পিতা একবার আসিয়া অনেক পালাগালি নীরবে সহ করিয়া ছয় মাসের মধ্যে স্ত্রী সমেত সমস্ত টাকা পরিশোধ করিয়া দিবেন, এই অঙ্গীকারে কমলাকে লইয়া আসিয়াছিলেন। ৩ মাস যাইতে না যাইতে বৈবাহিকের কড়া তাগাদায় কমলার পিতার অত্যন্ত ভাবনা হইল। শেষে তিনি গত্যস্তর না দেখিয়া, মেয়ের দুইখানি গহনা বন্ধক দিয়া টাকার বোগাড় করিয়া বৈবাহিকের কাছে পাঠাইয়া দিলেন। আশা করিয়াছিলেন, এখনও কমলা কয়মাস থাকিবে। তাহারই মধ্যে যেমন করিয়া হউক, মেয়ের গহনা খালাস করিয়া আনিবেন। কিন্তু টাকা পাইবার কয়েকদিন পরেই চারুর পিতা কোন খবর না দিয়া, হঠাৎ এক দিন আসিয়া পড়িলেন ও নানাবিধ আপত্তি সত্ত্বেও কমলাকে লইয়া গেলেন। কমলার বিশেষ সাবধানতা সত্ত্বেও বাড়ী আসিয়াই তিনি জানিতে পারিলেন যে, যাহারই শিল ও নোড়া, উক্ত দ্রব্যদ্বয় দিয়া তাহারই দাঁতের গোড়া ভাঙ্গা হইয়াছে—অর্থাৎ তাঁহারই গহনা বন্ধক দিয়া তাঁহারই দেনা পরিশোধ করা হইয়াছে।

ক্রোধে অন্ধ হইয়া তিনি পুত্রবধূর সমস্ত গহনা কাড়িয়া লইয়া তাহাকে পিত্রালয়ে পাঠাইয়া দিলেন। তখন কমলার বয়স পঞ্চদশ।

ঠিক ইহার পরদিন চারু বাড়ী আসিয়া এই সমস্ত গুনিয়া স্তম্ভিত হইয়া গেল।

পিতার এই আচরণ, তাহার উপর সংসারে বিমাতা; চারু আর সহ করিতে পারিল না। মনের দুঃখে সে সেই রাত্রিতেই গৃহত্যাগ করিল।

প্রথমে চারু কলিকাতায় আসিয়া এক অর্ধেক সন্ন্যাসী ও অর্ধেক গৃহীর আশ্রয় গ্রহণ করিয়া সেখানে বৎসরখানেক ছিল। সেই আধুনিক সন্ন্যাসী গেরুয়া বসন ও ‘ভেজিটেবল স্নু’ পরিতেন, মাথায় বড় চুল রাখিতেন, তাহাতে বুদ্ধচারীর নিষিদ্ধ তৈল না দিয়া সাবান মাখিতেন, অস্ত্রের অসাক্ষাতে কেশপ্রসাধন করিতেন, প্রকাশে চা পান করিতেন ও ধর্মের নানা জটিল বিষয়ে বক্তৃতা দিতেন—যাহাতে বক্তৃতার বিষয় আরও কঠিন হইয়া তাঁহার মাহাত্ম্য আরও বাড়াইয়া

তুলিত। কীর্তন তিনি করিতেন, কিন্তু তাঁহার কণ্ঠের স্বরের চেয়ে মুখের হাবভাব অধিকতর মনোহর হইত। তাঁহার স্ত্রী গিনি সোনার গহনার সঙ্গে বারোমাস রেশমী শাড়ী পরিতেন;—অবশ্য এই সব গহনা ও শাড়ী তাঁহাদের ভক্তবৃন্দ যোগাইতেন। চারুর মন সময়ে সময়ে ভক্তিপথ হইতে বিচলিত হইয়া পড়িত। গুরুদেব কোন কৃচ্ছসাধন বা জনসেবা না করিয়া দিব্য আরামে কাল কাটাইবেন আর কেন যে তাহারা তাঁহার হইয়া সমস্ত কার্য করিয়া দিবে, ইহার কারণ সে খুঁজিয়া পাইত না, বিশেষ করিয়া কষ্ট ছিল তাহারই মত কয়েক জন শিষ্যের, যাহারা এক বেলা তাঁহার অন্ন ভক্ষণ করিয়া বিনা বেতনে তাঁহাদের দুই জনের ও তাঁহার বহু ধনী ভক্তের পরিচর্যা করিত। যাহা হউক, সবই সহ করিয়া আসিয়াছিল, কিন্তু সে গুরুদেবের একটা আচরণ সহ করিতে না পারিয়া, হঠাৎ তাঁহার শিষ্যত্ব ছাড়িয়া চলিয়া গেল। ব্যাপারটা হইয়াছিল এই যে, তিনি এক নিরীহ শিষ্যের সুন্দরী ও যুবতী স্ত্রীকে এমন দুই একটা কথা কহিয়া ফেলিয়াছিলেন, যাহা তাঁহার সন্ন্যাসের সঙ্গে মোটেই খাপ খায় নাই এবং সে কথাগুলি মোটেই রাষ্ট্র হইত না— যদি না তাঁহার স্বর্ণালঙ্কারভূষিতা স্ত্রী দ্বিতীয় রিপূর বর্শাভূত হইয়া সব কথা প্রকাশ করিয়া ফেলিতেন।

চারু ও তাহার সমবয়স্ক আর এক জন যুবক কাহাকেও না জানাইয়া গুরু-সন্নিধি ত্যাগ করিয়াছিল।

কিন্তু সন্ন্যাসের দিকেই তাহাদের তখনও ঝোঁক ছিল, সে জন্ত তারকেশ্বরের এক হিন্দুস্থানী সন্ন্যাসী তাহাদের দুই জনকে পাকড়াও করিয়া লইল।

এই সন্ন্যাসীর সঙ্গে চারু বিনা মাগুলে নানা দেশ পরিভ্রমণ করিয়া কাশীধামে আসিল। হঠাৎ তাহার গুরু সেখানে চাঁদা আদায় করিতে প্রবৃত্ত হইলেন। চাঁদার উদ্দেশ্য নাকি গয়া জিলার এক স্থানে তিনি বাল-বৃদ্ধ-যুবা, পশু, পক্ষী, কীট, পতঙ্গ ইত্যাদি সকলের জন্ত কূপ নির্মাণ করিতেছেন, তাই।

গয়া জিলায় কোন স্থানে কূপ নির্মাণের কথা সে শুনে নাই— দেখা ত দূরের কথা। গুরুর এবংবিধ কল্পনা-কুশলতার পরিচয় পাইয়া তাহারা দুই জনেই গুরুর দল ছাড়িয়া দিল। কাশীতে চারুর কিছু দূর সম্পর্কের এক মামা ছিলেন; তাঁহারই সাহায্যে বরাকরের কাছে কোন কমলার খনিতে

একটা চাকরী পাইয়া সেখানে চলিয়া গেল। ক্রমশঃ চাকরী হইতে কমলার ব্যবসায়ের একটা অংশ পাইল। অনেকের সহিত চারুর পরিচয় হইল। দুই এক জন বন্ধুও জুটিল। তাহারা চারুর মুখ হইতে তাহার দুর্ভাগ্যের কথা ধীরে ধীরে বাহির করিয়া লইল। সকলে মিলিয়া পরামর্শ দিল—যাহা কিছু ঘটয়াছে, তাহাতে কমলার বিন্দু-মাত্র দোষ নাই; কেবল পিতার দারিদ্র্য, শ্বশুরের ক্রোধ ও লোভ এবং স্বামীর বৈরাগ্য—এই সমস্ত বিষয়ের জন্ত সে-ই সর্বাপেক্ষা বেশী কষ্টভোগ করিয়াছে ও করিতেছে। ইহা যে অত্যন্ত অবিচার হইয়াছে, তাহাতে সন্দেহ নাই; অতএব কমলার কষ্ট অবিলম্বে দূর করা উচিত। কিছু বেশী অর্থ হাতে করিয়া চারু শীঘ্রই শ্বশুরবাড়ী যাত্রা করিল। পথে চারু আসানসোলে কমলার জন্ত জামা-কাপড় ও অন্যান্য কিছু কিছু উপহারের দ্রব্যাদি কিনিয়া লইয়া, বরাবর চুঁচুড়ায় আসিয়া নামিল।

বলা বাহুল্য, এই যুবকই সেই চারু, যে দুই হাতে দুইটি ঝোকা লইয়া পথিমধ্যে বিপন্ন হইয়াছিল।

৪

খুঁজিয়া খুঁজিয়া চারু শ্বশুরবাড়ী পৌঁছিল। শুনি, এক বৎসর হইল, শ্বশুর মারা গিয়াছেন। দশ বৎসরের একটি পুত্র ও শ্বশুরকুলের পরিত্যক্তা নিরাভরণা যুবতী কন্যা লইয়া তাহার শাশুড়ীর কণ্ঠের একশেষ হইয়াছে। অতি কষ্টে দিন চলে—না চলারই সমান। নিকটস্থ গ্রামে একটি মাইনর স্কুল আছে; সেখানে ছেলেটি ঘরের খাইয়া বিনা বেতনে পড়িতেছে। মেয়ে ও মা চরকা কাটিয়া, সূতা বেচিয়া, ধনি-কতাদিগের ছোট ছোট ছেলে-মেয়েদের জামা তৈয়ারী করিয়া দিয়া, কোনমতে দিন কাটাইতেছে। বাড়ী বিকাইয়া যাইবার মত হইয়াছে। ভদ্রাসনখানি বজায় রাখিবার জন্ত চারুর শ্বশুর সমস্ত জমী-জমা বেচিয়া খরচ কমাইয়া ঋণের অধিকাংশ টাকা শোধ করিয়া গিয়াছিলেন—বাকী টাকা পরিশোধের আর সময় পান নাই। সুদ সমেত তাহা এখন পাঁচ শতে দাঁড়াইয়াছে।

কি কষ্টে তাহাদের দিন কাটিয়াছে, কি দুঃখ বুকে করিয়া তিনি স্বর্গে গিয়াছেন, এই সব কথা বলিতে বলিতে চারুর শাশুড়ী কতবার কাঁদিয়া ফেলিলেন। চারু

সজলনেত্রে সব গুণিতে গুণিতে ভাবিল, এ সমস্ত তাহারই কলঙ্কের কাহিনী।

শাশুড়ীর সঙ্গে কথাবার্তা কহিয়া চারু ভিতরের একটি ঘরে বসিয়া, তাহার শ্রালকের সঙ্গে গল্প করিতে করিতে ভাবিতে লাগিল, তাহার জী এত দিনে কত বড় হইয়াছে এবং তাহার সঙ্গে কি ধারণা করিয়াছে।

রাত্রিকালে আহাঙ্গারদির পর চারু তাহার জন্ত রচিত শয্যার উপর শুইয়া পড়িল। রাত্নাঘরে তাহার শাশুড়ী ছাড়া আর একটি প্রাণী আছে, কেবল এইটুকুই চারু বুঝিতে পারিল। সব কায শেষ করিয়া, কমলা যখন আপনাকে সমস্তে অবশুষ্টিত করিয়া, চারুকে প্রণাম করিয়া দাঁড়াইল, চারু যে কি বলিয়া জীকে সম্ভাষণ করিবে, তাহা ভাবিয়া খুঁজিয়া পাইল না।

চারু জিজ্ঞাসা করিল—“ভাল আছ ?”

অবশুষ্টিতা কোন উত্তর দিল না। চারু তাহাকে শয্যার আপনার পাশে বসাইয়া অবশুষ্টিত খুলিয়া দিতে গেল। অবশুষ্টিত খুলিবামাত্র চারু সবিস্ময়ে দেখিল, এ সেই পূর্বদৃষ্টা যুবতী, যে আজ পথে বিপদের মধ্যে তাহাকে সাহায্য করিয়াছিল।

চারু কমলাকে বুকের কাছে টানিয়া আনিয়া বলিল,—
“কমলা, তুমি! আমি তোমার ভার নিতে পারি নি; কিন্তু তুমি না বলতে আমার পথের অর্ধেক ভার আপন হাতে নিয়েছিলে। আমার ক্রমা কর।”

কমলা নত হইয়া স্বামীর পদধূলি গ্রহণ করিল।

শ্রীমাণিকলাল ভট্টাচার্য।

পল্লী-বধু

শিকা-দীক্ষা পাননি তবু গুণ্ডকর্মে ফুল মনে উঠেন এঁরা মাতি,
স্বার্থ-অন্ধ নয় গো কভু, ‘শুকতারারি’ মত নিতা ফুটান গুণের ভাতি।
চান না কভু দালান-কোঠা, কুঁড়ে ঘরে দেন যে ঢেলে নিছক শাস্তি-মুখ,
উপবাসে ক্রান্তি মেনে, কোনও দিনই বিবাদ-ক্রিষ্ট হয় না এঁদের মুখ!

ভোর না হ’তে ‘গোমর-জলে’,

কুটার উঠান করেন এঁরা নিতা পরিষ্কার,

মাঘের শীতে ডোবার জলে,

কাপড়-কাচা বাসন মাজায় করেন না মুখ ভার!

দারুণ শীতে সামিজ-কামিজ,

পায় না এঁদের অনাদৃত ক্রান্ত দেহে ঠাই,

শাক-অন্নেই থাকেন তৃপ্ত,

পূজা ব্রত আচার নিষ্ঠা কিছুই যে বাদ নাই!

অন্ধ-আতুর ভিখারীর হায়,

আর্দ্রনাদে চিরদিনই কাতর এঁদের বুক,

রুক কথায় তাড়িয়ে তাঁদের

পান না এঁরা রসাল-ভোজে শাস্তি তৃপ্তি স্থপ।

‘ধান ভেনে’ আর ‘বাটনা বেটে’

এঁদের দেহে হয় না কভু “অন্নপিত্ত” ভয়;

রোগীর পাশে রাতটা জেগেও,

‘শিরঃপীড়া’, ‘হিষ্টিরিয়া’ করেন এঁরা জয়!

শাক সজীর সমাবেশে

পঞ্চবাঙ্গল রাঁধেন নিতি,—রসাল তারি তার,

পাচক চাকর ঝিয়ের হাতে,

দেন না সাঁপে গৃহস্থালী রাশাঘরের ভার।

বস্তুর শাউড়ী সাথে এঁদের হয় না কভু—‘মুল্লীয়ানা’ কথার বিনিময়,

পতির সাথে চান না এঁরা করতে কভু উপন্যাসের চিত্র অভিনয়!

পরনিম্নায় পর-কুৎসায়, সমুৎসকে—কোন দিনই দেন না এঁরা কান,

দামীজ গয়না শাউড়ীর তরে দেন না বিঁধে পতির বৃকে চোখা কথার বাণ!

শয্যা ছেড়ে ‘বাসি মুখে’ দেন না হুঁজে গরম চা আর রুটী আলুর ঝোল,
‘কুটনা কুটেই’ মুখ ঝাকিয়ে ছুটান না গো—গিলীপণার ‘বক-বকম’ বোল!
হাতা পস্তি নোড়া ছেড়ে, নভেল নিয়ে সকাল-বিকাল দেন না এঁরা কেটে,
আশ্রিতাদের করতে শাসন, তীব্র কণা কখনও না এঁদের মুখে ছোটে!

“গৈয়ো” ব’লে নয় গো ঘৃণা,

এঁরাই খাঁটি পল্লী-রাণী, কর্ণে মুর্তিমতী;

স্পর্শে এঁদের দৈন্য ঘুচে,—

“কুদ্র তুণে ফুটিয়ে তোলে দীপ্ত গীরক-জ্যোতি।

আচার ব্যাভার সাদাসিধা,

ছল-চাতুরী এঁদের কাছে পায় না কভু স্থান,

সভ্যতারই ভেজাল মেখে,

চান না নিতে, বিনিময়ে ওজন করা মান!

‘বার-ফুটানি’ চান না এঁরা,—

আসল যে গো ‘তালির জোড়ে’ রয় না কভু ঢাকা!

টানের ‘পরে টান পড়িলে,

যায় যে ফেঁসে নিমেষমাঝে ভিতর যাদের ফাঁকা!

মোটো ভাত আর মোটা কাপড়

পেলেই তুট্ট-চান না ‘ফাঙ্গি’ ‘টেটুকুল’ বা আর,

ধরণ-ধারণ নকল করে,

কোন দিনই ঘুচবে না যে অসীম দৈন্যভার!

গভীর তব্ব করছে ব্যক্ত, সকল চিন্তা উধাও ক’রে অনাটনের মাঝে,

বিলাস-নেশার উচ্চ মাথা,

এঁদের পায়ে আপনা হ’তেই পড়ছে হুয়ে লাজে!

‘গৈয়ো’—সে যে মাতা শুয়া,—সাবিত্রী আর সীতা গৃহ করেন তপোবন,

নকল ভূষায়, বিলাস-নেশায় ‘গরীব দেশে’ আনেন না কৌ দৈন্য বিড়ম্বন!

শ্রীহরেন্দ্রলাল সেনগুপ্ত।

ট্রিপলি


ট্রিপলি ভূমধ্য সাগরের উপকূলবর্তী উত্তর-আফ্রিকার একটি নগর। অধুনা ইহা ইতালীয়দিগের অধিকারভুক্ত একটি উপনিবেশ। এই শুভ্র নগরটি দেখিতে মনোরম, ইহার দীর্ঘ-চূড়া-বিশিষ্ট গম্বুজগুলি সমুদ্রবক্ষ হইতে



সমুদ্রকূলবর্তী ট্রিপলি নগরের দৃশ্য

দেখিতে পাওয়া যায়। টিউনিস ও আলজিয়ার্স উত্তর-আফ্রিকার অন্যতম নগর এবং ট্রিপলির সন্নিহিত হইলেও ট্রিপলি নগরে আফ্রিকার আবহাওয়া যেমন স্পষ্ট, অন্যত্র তেমন নহে।

১৯১১ খৃষ্টাব্দে নক্ষত্রখচিত অর্ধচন্দ্রাকৃতি পতাকার পরিবর্তে ইতালীয় পতাকা আবার ট্রিপলির বন্ধোদেশে উড্ডীন হইয়াছে। বহুপূর্বে ট্রিপলিটানিয়া রোমের অধিকারভুক্ত ছিল! তৎপরে তুর্কী ও আরবের পতাকা পর্যায়ক্রমে বিজয়গর্ভে ট্রিপলির বন্ধোদেশে স্ব স্ব প্রাধাণ্য ঘোষিত করিয়াছিল। এই নগরটি বহু প্রাচীন। ফিনিশীয়দিগের যুগ হইতে ট্রিপলির কথা ইতিহাসের পৃষ্ঠদেশ অলঙ্কৃত করিয়া আছে। ফিনিশীয়গণ এই



• ট্রিপলির প্রাচীন দুর্গ •

নগরে ব্যবসায়-বাণিজ্য কুরিত, তখন হইতেই ট্রিপলি বন্দরের খ্যাতি ছিল। তখন ইহার নাম ছিল ওইয়া (Oea)। পরবর্তী যুগে ট্রিপলি (ত্রিনগরী) নামে অভিহিত হয়।

ফিনিশীয়দিগের পরে ট্রিপলি-

টানিয়া কার্থেজের অধিকারভুক্ত হয়। জামারণক্ষেত্রে, খৃষ্টজন্মের ২ শত ২ খৃষ্টাব্দ পূর্বে নিউমিডীয় ম্যাসিনিসা (Messinissa) ট্রিপলির সার্বভৌমিকত্ব প্রাপ্ত হইলেন। তাঁহার উত্তরাধিকারীরাও ট্রিপলির উপর রাজত্ব করিয়াছিলেন। পরে ট্রিপলিটানিয়া রোমানদিগের একটি প্রদেশরূপে পরিণত হয়।

ট্রিপলি বন্দরের সন্নিহিত স্থানে প্রাচীন যুগের রোমক স্থপতিশিল্পের নিদর্শন এখনও দেখিতে পাওয়া যায়। মার্কস

অরিলিয়সের (Marcus Aurelius) রাজত্বকালে একটি খিলানযুক্ত অটালিকা নিশ্চিত হইয়াছিল, সেই খিলান এখনও বিদ্যমান আছে।


রোমকযুগের পর ভ্যাণ্ডাল, বাইজান্টাইন, আরবগণ



নগর-তোরণ

ট্রিপলি অধিকার করিয়াছিল। সপ্তম শতাব্দীতে আরবগণ ট্রিপলির উপর আধিপত্য বিস্তার করে। তৎপরে ট্রিপলিটানিয়ার খাস অধিবাসীরা ট্রিপলিকে স্বাধিকার-সীমায় লইয়া আইসে। একাদশ শতাব্দীতে আরবগণ পুনরায় ট্রিপলি অধিকার করে।

১১৯৬ খৃষ্টাব্দে নর্মানগণ ট্রিপলি দখল করিয়া দ্বাদশ বৎসরকাল তথায় স্থায়ী প্রাধাত্য অক্ষুণ্ণ রাখিয়াছিল। কিন্তু



মর্দরপ্রস্তরনির্মিত স্থিতি-স্তম্ভের কল্লেকটি খিলান

পরে মোসলেম বাহিনী উহা নর্মানগণের নিকট হইতে কাড়িয়া লয়। স্পানিয়ার্ডগণ ১৫১০ হইতে ১৫৩০ খৃষ্টাব্দ পর্যন্ত ট্রিপলির শাসক ছিল। স্পেনের রাজা পঞ্চম চার্লস এই নগরটি মালটার খৃষ্টান যোদ্ধগণকে প্রদান করেন। তুর্কগণ ১৫৫১ খৃষ্টাব্দে মালটার Knightগণকে পরাজিত করিয়া ট্রিপলি অধিকার করে।

তুর্কী র জয়-পতাকা ক্রমশঃ সমগ্র ট্রিপলিটানিয়া প্রদেশে উড্ডীন হয়। ১৭১৩ খৃষ্টাব্দে কারামান্‌লি নামক জনৈক তুর্কী সামরিক কমান্ডারী সম্রাটকে উৎকোচ দান করিয়া এবং ট্রিপলিস্থিত যাবতীয় সামরিক কমান্ডারীকে হত্যা করিয়া উক্ত প্রদেশের স্বাধীন নরপতি বলিয়া আপনাকে ঘোষণা করে। ১৮৩৫



আরব সৈনিক

খৃষ্টাব্দ পর্যন্ত কারামান্‌লির বংশধরগণ ট্রিপলি শাসন করিয়াছিল। কিন্তু পরে উহা পুনরায় তুরস্কের অধিকারভুক্ত হয়।

কারামান্‌লির রাজত্বের বহুপূর্ব হইতেই ট্রিপলিতে জলদস্যুর অত্যন্ত প্রাচুর্য হইয়াছিল। অত্যাচারী যুরোপীয় রাজত্বের ঞ্চায় অলিভার ক্রমওয়েলও ১৬৫৫ খৃষ্টাব্দে আড্‌মিরাল্ রবার্ট ব্লেকের অধিনায়কতায় এক রণপোত বহর ট্রিপলিতে প্রেরণ করেন। বহু খৃষ্টান নরনারীকে জলদস্যুগণ হরণ করিয়া ট্রিপলিতে দাসরূপে বিক্রয় করিত। অলিভার ক্রমওয়েলের

উদ্দেশ্য ছিল, জলদস্যুগণকে ধ্বংস করিয়া খৃষ্টান দাসগণকে মুক্তি প্রদান। ওলন্দাজ, ফরাসী, ইংরাজ, আমেরিকান্ এবং সার্ডিনীয়গণ পর্যায়ক্রমে ট্রিপলি আক্রমণ করে। সকলেরই উদ্দেশ্য—জলদস্যুর অত্যাচার নিবারণ করা। কিন্তু তথাপি জলদস্যুর অত্যাচার উপশম প্রাপ্ত হয় নাই। উনবিংশ শতাব্দী পর্যন্ত জলদস্যুগণের অত্যাচার প্রায় সমভাবেই চলিয়াছিল।

১৯১১-১২ খৃষ্টাব্দের যুদ্ধে তুর্কীর অধিকার হইতে ইতালীয়গণ ট্রিপলি অধিকার করে। তৎপরে ইতালীর জয়পতাকা সমগ্র লিবিয়ার বক্ষোদেশে



হুর্গতোরণসম্মুখে সেনাদল

এবং তাহার পরবর্তী ছইটি বড় রাজপথ ব্যতীত ট্রিপলির সর্বত্রই প্রাচীন যুগের নিদর্শন বিস্তৃত। নগরের মধ্যে প্রবেশ করিলেই প্রাচীন যুগের স্মৃতি আপন। হইতেই স্পষ্ট হইয়া উঠিবে। প্রসিদ্ধ রাজপথগুলির ধারে কাফিখানা, ব্যাঙ্ক, ডাকঘর, শাসন-কর্তার প্রাসাদ, বিপণিশ্রেণী, কার্যালয়; তাহারই পার্শ্বে শ্রেণীবদ্ধ উষ্ট্র বিশ্রাম করিতেছে; আবার মোটরযানগুলিও দ্রুতবেগে ধাবিত হইতেছে। আরব ও নিগ্রোগণ প্রাচীন যুগের সুপ্রাচীন পরিচ্ছদে ভূষিত হইয়া রাজপথে বিচরণ করিতেছে। সজে সজে থাকিবেশে ইতালীয়গণ চলিতেছে। আরব ও নিগ্রোরমণীরা সর্বাঙ্গ বোরণায় আচ্ছন্ন করিয়া মাত্র একটি নয়ন অনাবৃত রাখিয়া পথ চলিতেছে। তাহাদেরই পার্শ্বে যুরোপীয় নারীর সহজ অবাধ গতি।

প্রস্তরখচিত স্মৃতি হুর্গের পার্শ্বদেশ দিয়া প্রধান



প্রাচীন রাজপথ—খিলান-করা ছাদ দ্বারা আবৃত

উড্ডীন করিবার উদ্দেশ্যে ইতালীয় বাহিনী অভিযান করিতে থাকে। কিন্তু যুরোপীয় মহাসমরের প্রলয়-বিষাণ বাজিয়া উঠায় ইতালীয়গণ সমগ্র লিবিয়া-জয় বন্ধ রাখিতে বাধ্য হইয়াছিল। আবার এখন ইতালীয় সৈন্য পুনরুত্থমে যুদ্ধ চালাইতেছে।

নানা ভাগ্যবিপর্যয়ের পর ট্রিপলি এখন ইতালীয় অধিকারভুক্ত হইলেও, বিভিন্ন যুগের বিভিন্ন শাসনশক্তির নানাবিধ স্মৃতি ট্রিপলিতে দেখিতে পাওয়া যায়। নগরের সমুদ্র-উপকূলবর্তী অংশ



উৎসবকালে নিগ্রোদিগের পতাকা



সাহারা মরুভূমিনিবাসী অবগুষ্ঠনারত পুরুষ

পথ-বিসর্পিত। দুর্গের প্রাচীর যেমন দৃঢ়, তেমনই উচ্চ। নগরের কোনও সৌধই উচ্চতায় দুর্গ-প্রাচীরের সমকক্ষ নহে। ১৯১১ খৃষ্টাব্দের যুদ্ধে দুর্গের অনেক স্থল ভগ্ন হইয়াছিল বটে; কিন্তু ইতালীয়গণ তাহার পুনঃ সংস্কার করিয়াছেন। প্রতিদিন অপরাহ্নে দুর্গের প্রধান তোরণসন্নিধানে ইতালীয়গণ অধুনা সৈন্তক্রীড়া প্রদর্শন করিয়া থাকেন।

রাজপথ অতিবাহন করিয়া নগরের মধ্যে প্রবিষ্ট হইলেই দর্শক মনে করিবেন, তিনি যেন 'আরব্য রজনীর' বর্ণিত কোনও এক নগরের মধ্যে প্রবেশ করিয়াছেন। বিংশ শতাব্দীর সভ্যতালোকদীপ্ত রাজপথের চিত্র যেন অন্তর্হিত হইয়া গিয়াছে। খিলান-করা ছাদযুক্ত পথের দুই ধারে নানাপ্রকার দোকান—কেহ তাঁতে কাপড় বুনিতেছে, কোনও দোকানে বিভিন্ন বর্ণের নানাপ্রকার কার্পেট বিক্রয়ার্থ সজ্জিত রহিয়াছে। বিক্রেতৃগণ আরামে খারদারের আশায় বসিয়া আছে।

আবৃত রাজপথ পরিত্যাগ করিয়া বাহিরের মুক্ত আকাশতলে বাহির হইলেই সম্মুখে ছোট ছোট গলী দেখিতে পাওয়া যাইবে; তাহার উভয় পার্শ্বে দ্বিতল, গুলু অট্টালিকা শ্রেণীবদ্ধভাবে দণ্ডায়মান। অট্টালিকাগুলিতে জানালা নাই বলিলেই হয়—কদাচিৎ কোথাও অতি ক্ষুদ্র গবাক লোহরেলিং-বেষ্টিত। কোনও অট্টালিকার ঈষৎমুক্ত দ্বারপথে; ভিতরের দৃশ্য দৃষ্টিগোচর হইলে বুঝা যায় যে,

আরবদিগের অন্তরের ধরগুলি বৃহৎ বাতায়ন-সংযুক্ত, সূর্য্য লোকিত এবং পরিচ্ছন্ন।

ট্রিপলির রাজপথে আরব রমণীকে কদাচিৎ দেখিতে পাওয়া যায়। মাঝে মাঝে শুধু ২।৪ জন বৃদ্ধা নিগ্রো রমণী অবগুষ্ঠনারত অবস্থায় কোনও দোকানে জিনিষপত্র ক্রয় করিতে আসিয়া থাকে। নগরের এক অংশে ইহুদীদিগের বাস। কিন্তু বৈদেশিক সহস্র তাহাদিগকে ইহুদী বলিয়া বুলিতে

পারিবেন না; কারণ, সকলেই মস্তকে রক্তবর্ণ তুর্কী ফেজ টুপী ব্যবহার করিয়া থাকে। এই পল্লীর দ্বারদেশে সর্বদাই অবগুষ্ঠনযুক্ত নারীর দলকে কোন না কোন বিষয়ের আলোচনায় নিযুক্ত দেখা যায়। ইহা হইতেই দর্শক অনায়াসে অনুমান করিতে পারেন যে, তাহারা



লিবীয় মরুভূমিনিবাসী স্ত্রী

মুসলমান সম্প্রদায়ভুক্ত নহে। তাহারা ইহুদী; খৃষ্ট-জন্মের সহস্র বৎসর পূর্বে ফিনিসীয়গণ যখন ট্রিপলিতে ব্যবসায়-কেন্দ্র প্রতিষ্ঠিত করিয়াছিল, সেই সময় হইতেই এই ইহুদীদিগের পূর্বপুরুষগণ এখানে বসবাস করিয়া আসিয়াছে। এই সকল ইহুদীর গাত্রবর্ণ অত্যন্ত গৌর। বাল্য ও কৈশোরে এই ইহুদী নারীদিগের আকৃতি পরম রমণীয় থাকে, কিন্তু বয়োবৃদ্ধির সঙ্গে সঙ্গে স্থলকায় হইয়া পড়ায় সে সৌন্দর্য্য আর প্রায়ই থাকে না।



ট্রিপলির নাগরিকা—উৎসববেশে

অধুনা কোন কোন সম্ভ্রান্ত ইহুদী পরিবার যুরোপীয় বেশ-ভূষা ও আচার-ব্যবহার অবলম্বন করিয়াছে। এই অগ্রগামী দলের যুবতীরা বল-নৃত্যে যোগদান করিয়া সম্পূর্ণ যুরোপীয়ভাবে উৎসবক্রিয়া সম্পাদন করিয়া থাকে। কিন্তু

এইরূপ ইহুদী নরনারীর সংখ্যা ট্রিপলিতে এখনও অধিক নহে। বেশীর ভাগই প্রাচীর অবলম্বিত পদ্ধতিতে চলিয়া থাকে। আচার-ব্যবহার, বেশ-ভূষা সবই প্রাচ্য ধরণের। রবিবার দিবসে বিবিধ বর্ণের পোষাক-পরিচ্ছদ ধারণ করিয়া ইহুদী নরনারীরা পল্লীর গলীপথগুলিকেও সমুজ্জ্বল করিয়া তুলে। ইহুদী নারীদিগের কেহ কেহ জুতা-মোজা ব্যবহার করিয়া থাকে। কেহ নগ্নপদে, কেহ বা শুধু চটিজুতা পায় দিয়া রাজপথে বহির্গত হয়।

ইহুদী পুরুষগণও প্রাচ্যদেশীয় বেশভূষা ধারণ করিয়া থাকে। অনেক ইহুদীর বেশ দেখিয়া আরবদিগের সহিত তাহাদের পার্থক্য বুঝিতে পারা যায় না। ইহাদের পোষাকও বর্ণবৈচিত্র্যবহুল। ইহারা সন্তানগণকে সুশিক্ষিত করিবার পক্ষপাতী। ট্রিপলিতে অনেকগুলি ভাল ভাল বিদ্যালয়ও আছে। ইহুদী বালকগণ ইতালীয় সামরিক পরিচ্ছদধারী কর্মচারীর ছায় পোষাকে সজ্জিত হইয়া স্কুলে গমন করিয়া থাকে।

সুদান হইতে যে সকল কাফ্রি ক্রীতদাস হিসাবে ট্রিপলিতে আনীত হইয়াছিল, বর্তমান নিগ্রোগণ তাহাদেরই বংশধর। আরবগণের সহিত এই নিগ্রোদিগের ঘন ঘন বৈবাহিক সম্বন্ধের ফলে ক্রমশঃ ট্রিপলিতে নিগ্রোদিগের মুখাকৃতির পরিবর্তন ঘটিয়াছে। কিন্তু দেহের বর্ণ এবং কেশরাজির বৈশিষ্ট্যের বিশেষ কোন বৈলক্ষণ্য ঘটে



ট্রিপলির মুসলমান মোল্লা বা ধর্মবাজক



ট্রিপলির রুটি-বিক্রেতা

নাই। আরবদিগের বেশ-ভূষা ও আচার-ব্যবহার নিগ্রো-দিগের মধ্যে অন্তঃপ্রবিষ্ট হইলেও তাহারা কোন কোন উৎসবে সাহারা-মরুভূমিবাসী পূর্বপুরুষদিগের কোন কোন রীতিনীতি এখনও বিস্তৃত হয় নাই; উৎসব-

নৃত্যে এখনও তাহার আভাস পাওয়া যায়। নগরের নবনির্মিত প্রাচীরের বহির্ভাগে নিগ্রো-দিগের ধর্মমন্দির বিস্তৃতমান। তথায় তাহারা উৎসবক্রিয়া সম্পন্ন করিয়া থাকে। নিগ্রোরমণীরা স্বর্ণ ও রৌপ্যালঙ্কারে ভূষিতা হইয়া উৎসবে যোগদান করিয়া

থাকে; দশ অঙ্গুলীতে অঙ্গুরীয় ধারণ করিয়া ঐশ্বর্যের পরিচয় প্রদান করে।

ট্রিপলিতে বহুসংখ্যক মসজিদ আছে। প্রত্যেক মসজিদের চূড়া বিভিন্ন আকারের এবং দেখিতে সুন্দর। প্রত্যহ উপাসকগণ ৫ বার করিয়া নামাজ পড়িতে মসজিদে গমন করিয়া থাকে। প্রসিদ্ধ মসজিদগুলি ট্রিপলির পূর্বতন শাসক-সম্প্রদায়ের বংশধরগণের অধিকারভুক্ত।

ইহুদীগণ নগরের যে অংশে বাস করে, তাহার সন্নিহিত স্থানে প্রাচীন নগরের প্রাচীর এখনও

বিদ্যমান। পুরাতন ঐতিহাসিক স্মৃতি হিসাবে সেই প্রাচীরের অংশ এখনও সংরক্ষিত আছে। ইতালীয়গণ ট্রিপলি অধিকার করিবার পর নগররক্ষার জন্ত চারিদিকে নূতন সুদৃঢ় প্রাচীর নির্মাণ করিয়াছে। প্রাচীর-বেষ্টনীর মধ্যে একটি মরু-উজান পর্য্যন্ত বিস্তৃতমান। কিন্তু নগর-তোরণগুলি অধুনা সর্বদাই মুক্ত থাকে—রাত্রিকালেও রুদ্ধ করা হয় না। কারণ, দেশীয় ইতালীয় সৈনিকগণের বীরত্বে শঙ্কিত হইয়া এখন কেহ আর বিদ্রোহ করিতে সাহসী হয় না। মরুভূমির মধ্যেও ইতালীয়গণ অসঙ্কোচে মোটরে

যাতায়াত করিতেছে, মরু-দস্যুগণ পর্য্যন্ত তাহাদিগকে আক্রমণ করিতে ইতস্ততঃ করে। ট্রিপলি হইতে চ্যাডামেস ৩ শত ৬৬ মাইল দূরে। মধ্যে বিরাট মরুভূমি। ইতালীয়গণ এই ভীষণ বালু-সমুদ্রের মধ্য দিয়া উভয় নগরের গতায়াতের সহজ পথ আবিষ্কার করিতেছে।



ট্রিপলিবাসী ইহুদী

চ্যাডামেস--মরুভূমির অন্তর্গত একটি শস্যশালী নগর। এখানে একটি উষ্ণ প্রস্রবণ আছে। শুনা যায়, এই উৎস-সলিল মানব-দেহের পক্ষে অত্যন্ত উপকারী এবং নানাপ্রকার ধাতব পদার্থের সন্ধান এই উৎসের সলিল মধ্যে পাওয়া গিয়াছে। পূর্বে চ্যাডামেসএ



ট্রিপলির নিগ্রো উপনিবেশের সদস্য

প্রায় ৬ হাজার অধিবাসী ছিল, কিন্তু সম্প্রতি উহার অধিবাসীর সংখ্যা ক্রমশঃ হ্রাস প্রাপ্ত হইতেছে। ব্যবসা-বাণিজ্যের অসুবিধা ঘটায় অনেকে অন্ত্র চলিয়া যাইতেছে।

সমগ্র ট্রিপলিট্যানিয়ার অধিবাসীর সংখ্যা ৫ লক্ষ ৫০ হাজার। ইহার মধ্যে অধিকাংশই বাযাবর সম্প্রদায়ভুক্ত। ট্রিপলি নগরে ১৫ হাজার ইতালীয়, ২ হাজার মাল্টাবাসী, ৮ হাজার ইহুদী এবং ৩২ হাজার আরব, নিগ্রো প্রভৃতির বাস।

ইতালীয়গণ ট্রিপলিতে রেলপথ খুলিয়াছে। ট্রিপলি হইতে ৭৫ মাইল দূরবর্তী সুয়ারা পর্যন্ত রেলপথ বিস্তৃত। কর্তৃপক্ষ ক্রমশঃ রেলপথের বিস্তার ঘটাইতেছেন। শীঘ্রই টিউনিসিয়ার সীমান্ত পর্যন্ত রেলপথ বিস্তৃত হইবে।

রোমকগণ ট্রিপলিতে প্রশস্ত রাজপথ সমূহ নির্মাণ করাইয়াছিলেন। বর্তমানে ইতালীয়গণও বড় বড় পথ নিষ্কাণে অবহিত হইয়াছেন। একটি রাজপথ ৭৫ মাইল দীর্ঘ।

আজিজিয়ায় ১৯১৯ খৃষ্টাব্দ পর্যন্ত তুর্ক ও আরবদিগের সঞ্চিত

ইতালীয়গণকে সংগ্রাম করিতে হইয়াছিল। এখন সে যুদ্ধের সমাপ্তি ঘটয়াছে। একটি ক্ষুদ্র পাহাড়ের উপর



ধর্মসংক্রান্ত উৎসবকালে নিগ্রো বাদকদল



ট্রিপলির ডব্ব বিক্রয়ের হাট



নগররক্ষাকল্পে নবনির্মিত প্রাচীর

ছর্গ আছে। তথাই দেশীয়গণ কেহ বাস করে না, শুধু কতিপয় অসামরিক কর্মচারী অধুনা বাস করিতেছেন, এক জন সৈন্তও এখন তথায় নাই।

ট্রিপলিতে বসন্তকালে অপরিাপ্ত পুষ্প পাওয়া যায়। এত বিভিন্ন বর্ণের পুষ্প যে, কেহ সংখ্যা

নির্দেশ করিতে পারে না। রাজপথের দুই ধারে বাযাবর সম্প্রদায় বালিক্লেত্র প্রস্তুত করে—বত দূর দৃষ্টি চলে, শুধু বালিক্লেত্র, বহুদূরে চিক্চকুরালে বালির ক্লেত্র মিশিয়া গিয়াছে!

ট্রিপলি অদ্রিমালা-সুশোভিত—পূর্ব হইতে পশ্চিম প্রান্ত পর্যন্ত শুধু গিরিশ্রেণী। এই গিরিশ্রেণী অতিক্রম করিয়া ১৯১৩ খৃষ্টাব্দে নির্মিত রাজপথ আঁকিয়া-বাঁকিয়া চলিয়া গিয়াছে। গিরিশৃঙ্গে উঠিলে প্রাকৃতিক শোভায় দর্শকের চিত্ত অভিভূত হইয়া যাইবে। নিম্নে শশুশ্রামল ক্লেত্র-বালি, নানাবিধ শাক-সজী বক্ষে ধারণ করিয়া রাখিয়াছে। কেশখাও জলপাই-কুঞ্জ—এক একটি বৃক্ষ রোমক যুগের স্মৃতি লইয়া এখনও জীবিত। অসমতল মালভূমিতে



নগরবাসিনী আরব-মুসলমানে

ঝাউ প্রভৃতি জাতীয় বৃক্ষ বহুল পরিমাণে দেখিতে পাওয়া যায়। পর্বতগুলির মধ্যে আগ্নেয়গিরির অস্তিত্বও বিদ্যমান—তবে এখন নিষ্ক্রিয়, নির্জীব।

ঘারিয়ান্ অঞ্চলে ৩০ হাজার লোকের বাস। এই অঞ্চলকে ট্রোগলোডাইট (Troglodytes) বা ভূগর্ভ-নিবাসীদিগের বাসভূমি বলিয়া অভিহিত করা হয়। অধিবাসীরা গুহায় বাস করে না, কিন্তু সমতল ভূমি খনন করিয়া ২০ হইতে ৩০ বর্গ-ফুট গর্ত তৈয়ার করে। গভীরতায় এক একটি গর্ত ৩০ হইতে ৪০ ফুট পর্যন্ত হয়। প্রত্যেক গর্তের পার্শ্বে ঢালুভাবে স্ফুঙ্ক কাটিয়া গর্তের তলদেশে মিশাইয়া দেওয়া হয়। পথের সম্মুখে মাটা খনন করিয়া ঘর নির্মিত হয়, আলোক ও বাতাস আসিবার জন্ত গহ্বরের মুখের উপরিভাগ খোলা থাকে। ঘরগুলির ছাদ ও পার্শ্ব এবং স্ফুঙ্ক অত্যন্ত আর্দ্র। উপরিভাগ হইতে প্রবেশের পথে দ্বার সংযুক্ত এবং উহার চতুর্পার্শ্বে উত্তোলিত মৃত্তিকা আল দিয়া রাখা হইয়া থাকে। এই বিচিত্রদর্শন গৃহগুলি অতি স্বল্পমূল্যে নির্মিত হয় এবং সামান্য ব্যয়ে সংস্কৃত করা

চলে। গ্রীষ্মকালে গৃহগুলি অত্যন্ত আরামপ্রদ—শীতল; শীতকালে বেশ উষ্ণ।

ট্রিপলি হইতে কিছু দূরে খননকার্য আরম্ভ হইয়াছে। প্রাচীন যুগের প্রসিদ্ধ নগরী লেপটিস্ ম্যাগ্‌না (Leptis Magna) ভূগর্ভে সমাহিত হইয়া আছে। ইতালীয় সরকার উহার খননকার্যে ব্রতী হইয়াছেন। রাজপথ ও সমুদ্রের মধ্যবর্তী স্থানে একটা বালিয়াড়ি দেখিতে পাওয়া যায়। এই শুভ্র বালিয়াড়ির অভ্যন্তরে যে ফিনিসীয় যুগের নগরী সমাহিত হইয়া আছে, তাহা কেহ স্বপ্নেও অস্বপ্নেও কল্পিত না।

ইদানীং খনিজ সাহায্যে বালিয়াড়ি সরাইয়া প্রাচীন নগরীর কিয়দংশ আবিষ্কৃত হইয়াছে। সম্রাট সেপটিমিয়স্ সার্ডিয়সের প্রাসাদের কিয়দংশ, প্রাচীর এবং খিলান-করা তোরণ ও চত্বরবিশিষ্ট স্নানাগার আবিষ্কৃত হইয়াছে। ১২ শত বৎসর পূর্বে এই নগরী এক দিন ধ্বংসের সূত্রপতি ছিল। আজ দীর্ঘ ১২ শতাব্দী পরে আবার তাহাকে লোকলোচনের গোচরীভূত করা হইতেছে। রাজপ্রাসাদের মন্দির-প্রস্তরনির্মিত স্তম্ভগুলি এখনও অবিকৃত অবস্থায় স্থপতিশিল্পের নৈপুণ্য ঘোষণা করিতেছে।



লিবিয়ার বাঘাবর বাদক



সমুদ্রকূলবাসিনী ত্ৰিপলি স্তম্ভরীর দল



ঋঃসন্ত,প হইতে আবিষ্কৃত রোমান যুগের সাধারণ স্নানাগার
 স্নানাগার আরও সুদৃশ্য। প্রাচীর কোন কোন স্থানে
 প্রায় ৩০ ফুট উচ্চ। বিবিধ বর্ণের মর্ম্মর-প্রস্তরের স্তম্ভ
 স্নানাগারের শোভা বৃদ্ধি করিতেছে। স্নানাগারের অব-
 তরণিকা বা সোপানশ্রেণী এখনও অভয় অবস্থায় বিদ্যমান।
 এই সকল বিষয়কর পদার্থ ৪০ ফুট বালুকায় নিম্নে প্রোথিত
 ছিল। লেপ্টিস ম্যাগনা পম্পী নগরীর সহিত প্রতি-
 যোগিতায় সমর্থ। খননকার্য্য সম্পূর্ণ হইলে আরও বহু
 প্রাচীন কীর্তি আবিষ্কৃত হইবার সম্ভাবনা।



প্রাচীন গুহা-গৃহ



মর কাননকর্ত্তা নিগ্ৰে কুটার

শ্ৰীসরোজনাথ ঘোষ ।



মামলপঞ্জী

৫ই আষাঢ়—

রেশমুনে চলন্ত ট্রেনে গুণ্ডামী—ডাকাইতের সহিত ধস্তাধস্তিতে যাত্রী আক্রান্ত। দেশবন্ধুর কন্যাশ্রয় কর্তৃক চতুর্থী আক্রমণ—দেশবাসী সকলকে নিমন্ত্রণ। গুটির নিকট ২৬পানি গাম্বে পিটুনী পুলিশ। উত্তর-মেরুসাজীর লগুনে প্রভাগমন। চীনে দেশবাসী পক্ষগণ ও বিদেশী বর্জনের চেষ্টা। দেশহিতকর কাষে শোণপুরের মহারাজার ১০ লক্ষ টাকা দান।

৬ই আষাঢ়—

শ্রীহতা অপরাধে প্রেসিডেন্সী জেলে যোগেন্দ্রনাথ দোসের ফাঁসী। বোমা সম্পর্কে এলাহাবাদে বাঙ্গালী সবক গ্রেপ্তার। সার আশুতোষ মুগোপাধ্যায়ের মৃত্তি-প্রতিষ্ঠা ভাণ্ডারের জন্য ফুটবল পেলা দ্বারা ৫ হাজার টাকা সংগ্রহ। তারকেশ্বর মামলার পরামর্শ কমিটি গঠনের প্রস্তাব।

৭ই আষাঢ়—

মান্দালয় জেলে রাজবন্দী পূর্ণচন্দ্র দাসের সাংঘাতিক পীড়া। কাঁচড়াপাড়ায় জমিদার-গৃহে ডাকাইতি। সীমান্ত হিন্দুদের উপর দৌরাত্ম্যে চিৎ কমিশনারের কথা।

৮ই আষাঢ়—

দেশবন্ধুর স্মৃতিরক্ষার জন্য বঙ্গবাসীর নিকট মহারাজার নিবেদন। মাদ্রাজে টি. প্রকাশমের স্বরাজ্য দলে যোগদান। রাজবন্দী সত্যেন্দ্রচন্দ্র মিত্র বহুমুত্র রোগে পীড়িত। দেশবন্ধু সম্পর্কে শ্রীযুত অরবিন্দ ঘোষের তার। পারস্তের সাতের স্বদেশ প্রভাগমন।

৯ই আষাঢ়—

দেশবন্ধুর স্মৃতিরক্ষার ব্যবস্থা—মহিলা হ্রাসপাতালের জন্য ১০ লক্ষ টাকা প্রার্থনা। চীনে গোলযোগ ঘনীভূত—নানা স্থান হইতে সৈন্য আমদানী। বন্ধুকের গুলীতে জাপানীর মৃত্যুতে কঙ্গলের তীব্র প্রতিবাদ।

১০ই আষাঢ়—

জব্বলপুরে কালীপূজায় নরবলি। ভাইকম সত্যগ্রহে খেচ্ছা-সেবকদিগের পিকেটিং বন্ধ। কুচবিহার বিবাহ-বিচ্ছেদের মামলার রাণী ঙ্গশারীণীর জয়লাভ, মাসিক ৪ শত টাকা ভাতা বরাদ্দ। মহীশূরের মহারাজার চরকামস্ত্রে দীক্ষাগ্রহণ। মুলতানে জোড়া খুন—৪ জন সিপাহী গ্রেপ্তার। কলিকাতা কর্পোরেশন হইতে শ্রীযুত হুজাবন্দ্র বহুকে অনির্দিষ্ট কালের জন্য ছুটি প্রদান। মাদ্রাজে কংগ্রেসকর্মী কৃষ্ণ স্বামী মৃত্যু। রাজা মহেন্দ্রপ্রতাপের তিব্বত ও নেপাল গমনের সঙ্কল্প। সার বসন্তকুমার মল্লিক পাটনা হাইকোর্টের প্রধান বিচারপতি নিযুক্ত। বোম্বাইয়ের ধনকুবের শ্রীযুত বোম্বাইজির করাসী-মহিলা বিবাহ।

১১ই আষাঢ়—

দেশবন্ধুর মৃত্যুসংবাদে কেনিয়ার হরতাল। শ্রীহটে উকীলে-হাকিমে আদালতমধ্যে চটাচটি। সার হরি সিংএর কাশ্মীরের গদি-প্রাপ্তির কথা। বাওলা হত্যার মামলার প্রতিষ্ঠা কাউন্সিলে আবেদনের আয়োজন। চীনে ফরাসী বণিক নিহত, ব্রিটিশ মহিলাদের কাটন ভাগ।

১২ই আষাঢ়—

পতিত জাতির উন্নতিকল্পে ইন্দোরের মহারাজার ৮০ হাজার টাকা দান। সার আলবিয়ান রাজকুমার বন্দোপাধ্যায় গোলিয়রের রিজেন্ট নিযুক্ত। রন্ধে জ্বলে ভূপর্ষাটক পরাগরণের বিপদ। মাদ্রাজে হিন্দু বিশ্ববিদ্যালয় স্থাপনের চেষ্টা। ফ্রান্স হইতে ১১ জন চীনা নির্বাসিত এবং বেলজিয়ম সীমান্তে ১৬ জন চীনা গ্রেপ্তার। গ্রীসে রাষ্ট্র-বিপ্লব—নৌসেনাদলের বিপ্লবে যোগদান।

১৩ই আষাঢ়—

শিবপুরে ভীষণ কাণ্ড, পুলিশে-ডাকাতে লড়াই—১ জন পুলিশ হত, ৫ জন আহত। ডেরা ইন্সাইলপানে অগ্নিকাণ্ডে হিন্দুদিগের হৃদশা, ডেপুটি কমিশনারের অতুত হকুম। ভাগলপুরে হিন্দু-মুসলমানে মনোমালিন্য। শিয়ালদহ ডাকাইত দলের মামলার সার—একসঙ্গে ১২ দণ্ডা শুনানী—সমগ্র রজনী বিচার, ৩১ জনের কারাদণ্ড, ১৬ জনের মুক্তি।

১৪ই আষাঢ়—

মুন্সীগঞ্জে পাট কাটার ভীষণ দাঙ্গা। হুগলী গোঘাটে ডাকাইতি—৬ হাজার টাকা অপহৃত। দিল্লীতে হিন্দু জাঠ গ্রেপ্তার। এলাহাবাদে বকরিদে ১৪৪। যতীন্দ্রমোহন সেনগুপ্ত প্রাদেশিক কংগ্রেস কমিটির প্রাদেশিক স্বরাজ্য দলের সভাপতি নির্বাচিত। মহাত্মা গান্ধীর পুত্র মণিলালের নেতৃত্বে দক্ষিণ আফ্রিকায় অসহযোগ।

১৫ই আষাঢ়—

'বিপ্লব ও ছাত্র সমাজ' সম্পর্কে প্রিয়নাথ গাঙ্গুলী ও অক্ষয়কুমার গুপ্তের কারাদণ্ড। কলিকাতা বিশ্ববিদ্যালয়ের আশুতোষ ভবনের স্বারোদঘাটন। দিল্লীতে বিরোধশঙ্কর স্বামী প্রদানন্দ। বিলাতে দেশবন্ধু শোক-সভা। দিল্লীতে প্রিন্সিপাল কুমিলকুমার রুদ্দের মৃত্যু। পুরীর গোবর্দ্ধন মঠের শঙ্করাচার্য স্বামী মধুসূদন তীর্থের তিরোধান।

১৬ই আষাঢ়—

খড়গপুরে মহাত্মা গান্ধী। গুটীতে পিটুনী পুলিশ। ঢাকার নৌকা-ভুবা। বাঙ্গালোরে সার বেসিল ব্লাকেট। কনস্টিবুলনোপলে ৪৭ জন হুর্দ বিদ্রোহীর প্রাণদণ্ড। মণিলাল গান্ধীর নেতৃত্বে দক্ষিণ আফ্রিকায় নিষ্ক্রিয় প্রতিরোধ।

১৭ই আষাঢ়—

বর্তমানের মহারাজার সভাপতিত্বে টাউন হলে দেশবন্ধু-শোক-সভা, গড়ের মাঠে জনসভা ও বৃনিত্যসিটি ইনিস্টিটিউটে মহিলা-সভা। বিরাট সমারোহে দেশবন্ধুর শ্রাদ্ধ। দিল্লীতে সৈন্যসমাবেশ—সমগ্র সৈন্যের সহর পরিভ্রমণ। বিলাতে ভারতীয়দিগের সৈন্য দলে গ্রহণ সম্বন্ধে আলোচনা। শ্রীমতী বেসান্টের বিলাতযাত্রা। ভবানীপুর সেবক সমিতিতে মহাসম্মেলন। চট্টগ্রামে স্বরাজ্য দলপতি বতীন্দ্রমোহনের সংবর্ধনা। সরকার কর্তৃক জি. আই. পি. রেল গ্রহণ।

১৮ই আষাঢ়—

খিদিরপুরে হিন্দু-মুসলমানে ভীষণ দাঙ্গা, ১ জন হত, ৩৭ জন আহত, ঘটনাস্থলে মহাসম্মেলন ও মোলানা আজাদ—পুলিস-কর্মচারীও আহত। পোলাও ভীষণ বন্যা—দেড় লক্ষ লোক গৃহহীন। উত্তর-পাড়ার কুমার ভূপেন্দ্রনারায়ণ কর্তৃক চুঁচড়া মেডিকেল স্কুলে ২০ হাজার টাকা দান। ব্রহ্মে ঝড়ে দুর্ঘটনা—৭ জন হত, ৪ জন আহত।

১৯শে আষাঢ়—

দিল্লীতে হিন্দু-মুসলমানে গোমাংস নিষ্ক্ষেপ। নূতন শাসনপদ্ধতির প্রতিবাদে তাঞ্জিয়ারে হরতাল। খিদিরপুরে আবার দাঙ্গার আশঙ্কা। রায় বাহাদুর সুরেন্দ্রচন্দ্র সেনের মৃত্যু।

২০শে আষাঢ়—

কাঠালপাড়ায় বন্ধিম-সাহিত্য-সম্মিলন—সভাপতি শ্রীযুত জ্ঞানেন্দ্রনাথ গুপ্ত। বাওলা হত্যা মামলার আসামীদের প্রাণদণ্ড স্থগিত। মৈমনসিংহে বোমা লটয়া ডাকাইতি। হবিগঞ্জে সা বদিয়াল আলম। আলোরায় দুর্ঘটনায় কংগ্রেস তদন্ত কমিটি নিয়োগের কথা। চীনে বৃটিশ সার্কল আক্রান্ত। কলিকাতা বিশ্ববিদ্যালয়ে সমবায় উৎসব। শ্রীমতী বেসান্টের ইংলণ্ডযাত্রা।

২১শে আষাঢ়—

খিদিরপুর ওয়াটগঞ্জে আবার দাঙ্গার সম্ভাবনা। উত্তর পশ্চিম রেল ধর্মঘটের অবসান। মেদিনীপুরে মহাসম্মেলন গন্ধী।

২২শে আষাঢ়—

রেঙ্গুনে ব্যারিষ্টার ম্যাকডোনেলের নামে মানহানির মামলা। নোরাখালিতে নির্বাচন গোলযোগে ৭ জনের কারাদণ্ড।

২৩শে আষাঢ়—

ফরাসী কর্তৃক পণ্ডিচেরীতে সৈন্য সংগ্রহ। শিবসাগর জিলার চা-বাগানে হাঙ্গামা—৭ জন কুলী আহত। লাহোরে খেতাজের হাতে কৃষ্ণাঙ্গ প্রহৃত। স্বরাজ্যের ৭ বৎসরের বালিকা হরণ। মৈমনসিংহে সি, আই, ডির অত্যাচার। লাহোরে পণ্ডিত মতিলাল নেহরু।

২৪শে আষাঢ়—

ভারতের শাসননীতি পরিবর্তন সম্পর্কে লর্ড সভায় ভারত-সচিবের বক্তৃতা—অবস্থার পরিবর্তনসাধনে অসম্মতি প্রকাশ। মহরমে এলাহাবাদে ১৪৪। কাঁধিতে মহাসম্মেলন গন্ধী। তারকেশ্বর সত্যগ্রহে মহাসম্মেলন উদ্ভি। উদয়পুরে 'কংগ্রেসকর্মী পাটিকেট আড়াই বৎসর কারাদণ্ড। পণ্ডিত মতিলাল নেহরুর পীড়া। কলিকাতা বিশ্ববিদ্যালয়ের আই, এ, পরীক্ষার ফল প্রকাশ।

২৫শে আষাঢ়—

মেদিনীপুরে মহাসম্মেলন গন্ধী। গুরুদ্বার সমস্তার সমাধান, গভর্ণরের ঘোষণায় শিখ কয়েদীদিগের মুক্তিলাভ। দারিদ্র্যবাদে মোলানা সৌকত আলি। মাসগোয় অগ্নিকাণ্ডে সাড়ে ৩৭ লক্ষ টাকা ক্ষতি।

২৬শে আষাঢ়—

রিসিভার কর্তৃক তারকেশ্বর সম্পত্তি দখল। দিল্লীতে বকরিদে বিশেষ পুলিশের বাবস্থা। শ্রীযুত সতীশরঞ্জন দাশ ভারত-সরকারের আইন-সচিব নিযুক্ত। রাজবন্দী সন্তোষকুমার মিত্রের এম. এ পরীক্ষা প্রদানের অনুমতিপ্রাপ্তি। নূপেন্দ্রচন্দ্র বন্দ্যোপাধ্যায়ের কলিকাতা আগমন। মরক্কোর দীর্ঘকালব্যাপী যুদ্ধের সম্ভাবনা।

২৭শে আষাঢ়—

লর্ড বার্কেনহেডের বক্তৃতায় পণ্ডিত মতিলাল নেহরুর কথা। মহাসম্মেলন গন্ধীর নওগাঁও ও সলপে গমন। মিঃ জি, পি, রায় ডাক ও তার বিভাগের ডিরেক্টার জেনারেল নিযুক্ত।

২৮শে আষাঢ়—

সিরাজগঞ্জে মহাসম্মেলন গন্ধী। তগলী জেলে-রাজবন্দীগণের অনশন-ব্রত গ্রহণ। মাদারীপুরে গভর্ণর লড লীটন। ঝাঁসীতে রিভলভার প্রাপ্তিতে ৩ জন কংগ্রেসকর্মী গ্রেপ্তার।

২৯শে আষাঢ়—

কলিকাতা কর্পোরেশন কর্তৃক মেয়র দেশবন্ধুর স্থতিরক্ষার বাবস্থা। লাহিড়ী মোহনপুরে মহাসম্মেলন গন্ধী। হাইকোর্টের বিচারে তারকেশ্বরে রিসিভার নিয়োগ স্থগিত। বরিশালে গভর্ণর।

৩০শে আষাঢ়—

মণিলাল কোঠারীর কলিকাতা আগমন। দেবেন্দ্রনাথ ঠাকুরের দৌহিত্রী হিরন্ময়ী দেবীর মৃত্যু। বোম্বায়ে কাপড়ের কলের মজুরদিগের বেতন হ্রাস বাবস্থা। মালাকায় খেতাজ কর্তৃক মজুর-কর্মচারী উপর পাশবিক অত্যাচার। মশোতরে মহাসম্মেলন গন্ধী। মোলানা মনুদ আলী মালেরিয়ায় আক্রান্ত।

৩১শে আষাঢ়—

শিয়ালদহে দুই দল মুসলমানে দাঙ্গাহাঙ্গামা। দেশবন্ধু-গৃহ নিগিল ভারত স্বরাজ্যদলের সভা, চিত্তরঞ্জন দাশের নীতিতে অবিচলিত বিশ্বাস। কলিকাতা হইতে পদব্রজে রেঙ্গুন গমন—পরাগরঞ্জন দেব কীর্তি। অমৃতসরে ডাক্তার কিচলুর সভাপতিত্বে সকল দলের মুসলেম বৈঠক। অর্ডিন্যান্সে কুমিল্লায় ছাত্র গ্রেপ্তার। রাজবন্দী সন্তোষকুমার মিত্রের মুক্তি।

৩২শে আষাঢ়—

ফরাসীর রুচ পরিভাগ আরম্ভ। পিকিনে পুনরায় অন্তর্বিপ্লব—সন্ধির প্রস্তাবে আবদ্ধ করিবার অসম্মতি। মাদারীপুরে মিউনিসিপাল নির্বাচনে স্বরাজ্যদলের জয়লাভ।

১লা শ্রাবণ—

শ্রীযুত বতীন্দ্রমোহন সেনগুপ্ত কলিকাতা কর্পোরেশনের মেয়র নির্বাচিত। কলিকাতায় স্বরাজ্য সম্মিলন—সূতাকাটা প্রাবেশিক পরিবর্তনের বাবস্থা। ইরাক পালমেণ্টের প্রথম অধিবেশন। চীন সম্বন্ধে লঙনে পরামর্শ বৈঠক। স্পেনের রাজাকে হত্যার বড়বক্ত।

২রা শ্রাবণ—

রঙ্গপুর জেলায় ৪টি স্থানে নারী-নির্ধাতন। ব্রহ্মবাসীর সমবেত প্রার্থনা—গভর্নকে চাই না। নবমীপে বীরগণের উপর অনাচারের সংবাদ। নাজা জেল হইতে মার্কিন সাহিদী জাঠের ৫০ জন আকালীর মুক্তি। আলিপুর আদালতে গিদিরপুর ডক হাজনার ৪৫ জন আসামীর বিচার আরম্ভ।

৩রা শ্রাবণ—

সাকরাইল (হাওড়া) ডাকাইতিতে ৭ জন গ্রেপ্তার। মরক্কোর যুদ্ধে রীফদিগের পরাজয়। পর্দাগালে বিদ্রোহে সামরিক আইন জারি।

৪ঠা শ্রাবণ—

বেঙ্গল নাশানল ব্যাঙ্কের অংশীদারগণের সাধারণ সভা। মৈমনসিংহে সদর রাস্তায় বোমা বিস্ফোরণ। চিকার ভীষণ জলপ্লাবন—বহু গ্রাম জলমগ্ন। পুণায় সম্মরণে ২ জন খেতাজ জলমগ্ন। করাসীর রাইন পরিত্যাগ। রাজবন্দী পূর্ণচন্দ্র চৌধুরী স্বগৃহে আটক।

৫ই শ্রাবণ—

রাজবন্দী শচীন্দ্রনাথ সান্নালের বাকুড়ায় বিচার আরম্ভ। রাজবন্দী অমরেন্দ্রনাথ বসু, লালমোহন ঘোষ প্রভৃতি স্বগৃহে আটক এবং বতীন্দ্রনাথ ভট্টাচার্য্য প্রভৃতি বহরমপুর জেল হইতে স্থানান্তরিত। মহাত্মা গান্ধীর আশ্রয়দান—স্বরাজ্যদলের উপর কংগ্রেসের ভার্য্য। কবীন্দ্র রবীন্দ্রনাথ ঠাকুরের কলিকাতা আগমন।

৬ই শ্রাবণ—

দুই বৎসর পর জৈঠোর গুরুদ্বার গঙ্গাসাগরে অখণ্ড পাঠ। গরায় হিন্দুসভার প্রচারকগণের উপর ১৪৪ জারি। নিপিল ভারত দেশবন্ধু স্মৃতিরক্ষার ব্যবস্থা। মাদুরায় প্রলয় কাণ্ড—ভীষণ ঝড় ও বৃষ্টি। সাম্প্রদায়িক বিরোধে হায়দ্রাবাদে সংবাদপত্র-সম্পাদক অভিযুক্ত।

৭ই শ্রাবণ—

ইন্দোরে পুলিশের অত্যাচারে কংগ্রেসকর্মীদের প্রায়োপবেশন। আলোয়ার ছুটনার তদন্ত কমিটির রিপোর্ট প্রকাশ। শ্রীহৃষ্টে কুলী-নিগ্রহে যুরোপীয় চা-বাগান ম্যানেজারের বিচার। কানপুরে 'বর্ধমান' সম্পাদকের কারাদণ্ড, আপীল না-মঞ্জুর। স্বামী কুমারানন্দের কারা-মুক্তি। দেশবন্ধু চিত্তরঞ্জনের স্থানে শ্রীযুক্ত বীরেন্দ্রনাথ শাসনাল বঙ্গীয় ব্যবস্থাপক সভার সভাপতি নির্বাচিত।

৮ই শ্রাবণ—

স্বাধিকারীর সহিত মতান্তরে শ্রীযুক্ত চিত্তামণির 'ডেলিমেল' পত্রের সম্পাদক পদত্যাগ। মাদারীপুরে বোমা ও বন্দুক লইয়া ডাকাইতি। লর্ড কার্জনের উইল—দুইটি অট্টালিকা জাতিকে দান। রীফের নূতন চালে স্পেনের আশঙ্কা। কলিকাতা খেতাজ সমাজে মহাত্মা গান্ধী। কৃষ্ণদাস পালের বার্ষিক স্মৃতি-সভায় মহাত্মা গান্ধী। গোহাটীতে শ্রীমতী সরোজিনী নাইডু।

৯ই শ্রাবণ—

কলিকাতা বিশ্ববিদ্যালয়ে শারীরিক ব্যায়াম শিক্ষার ব্যবস্থা। দেশের জনা রাজপুত-মহিলা কলাবতীর কারাবরণ। বাকুড়া জেলে রাজবন্দী গণেশ ঘোষের নিগ্রহ। বর্ধমান মঙ্গলকোট রাজবন্দী বিনয়েন্দ্র চৌধুরী পীড়িত। গঙালে ব্রাহ্মণ-বিধবা অপহরণ। আমেদাবাদে হিন্দু-বালক খুনে হিন্দু-মুসলমানে দাঁড়া। ডাক্তার আনী বেসান্টের সত্রাট-সম্পত্তির সহিত সাক্ষাৎ।

১০ই শ্রাবণ—

সার ভেজবাহাদুর সঞ্জয় সভাপতিত্বে এলাহাবাদে মডার্নেট সভা। রাজবন্দী খগেন্দ্রনাথ দাসগুপ্তের চক্ষুরোগ।

১১ই শ্রাবণ—

পুনার নূতন রেলস্টেশন—গভর্নর কর্তৃক স্বারোদঘাটন। কপূর-তলার মহারাজার আমেরিকা ভ্রমণ। শিলচরে মোটর চাপায় ২ জন শ্রমিক রমণীর মৃত্যু। কলিকাতায় খৃষ্টান ধর্মবাহক সভায় মহাত্মা গান্ধী।

১২ই শ্রাবণ—

হাইকোর্টে তারকেবর মোহান্তের মামলা—রিসিভার নিয়োগে আপত্তি। মাত্রাজে কুডুপা জিলার হিন্দু-মুসলমানে দাঁড়া। 'বার-ডাক্তার' পায়রা শিকারে ১২ বৎসরের বালক হত্যা। হংকংএ ধর্ম-ঘটের অবসান। আমেদাবাদে নোট জালে এক পরিবারের সকল লোক গ্রেপ্তার।

১৩ই শ্রাবণ—

হাইকোর্টে তারকেবর মোহান্তের পরাজয়, রিসিভার নিয়োগ বহাল। রাজবন্দী পূর্ণ আচার্য্য স্বগৃহে আটক। মাত্রাজে গোদাবরী নদীতে বন্যা। বারাসতে ভীষণ ডাকাইতি। ভারতবাসী ইংরাজদিগের সভায় (কলিকাতায়) মহাত্মা গান্ধীর বক্তৃতা। বিলাতে শ্রমিক-সম্মিলনে শ্রীযুক্ত যোশীর বক্তৃতা। উরগাঁও খনি ছুটনার ৮ জনের জীবন্ত-সমাধি।

১৪ই শ্রাবণ—

কলিকাতা আলবার্ট হলে জনসভায় ভারত-সচিবের উক্তি আলো-চনা। 'শতবর্ষের বাঙ্গাল' বাজেয়াপ্ত। কলিকাতার মেয়র নিয়োগে মহাত্মা গান্ধীর উপদেশ। অযোধ্যা সীতাপুরে হিন্দু-মুসলমানে বিরোধ।

১৫ই শ্রাবণ—

নোয়াখালি ও বরিশালের নানা স্থানে নোট জাল। কলিকাতায় তিলক স্মৃতি-সভা। উড়িষ্যায় বন্যায় সরকারী ইস্তাহার। চীন কর্তৃক তিব্বত আক্রমণের উদ্বোধন। চিকিৎসকের পরামর্শ অনুসারে রাজা কৈজুলের যুরোপ যাত্রা। যুবরাজের দক্ষিণ-আমেরিকা যাত্রা। পেশোয়ার খাইবারে ভীষণ বন্যা।

১৬ই শ্রাবণ—

মহরমে শোভাবাজারে হাজামা। কলিকাতায় ফুটবলের শিম্ভের শেষ খেলা, রয়াল স্কটের জয়। করাচীতে শ্রীমতী সরোজিনী নাইডুর বক্তৃতা। সার বিপিনকৃষ্ণ বসু পুনরায় নাগপুর বিশ্ববিদ্যালয়ের ভাইস-চ্যান্সেলার নির্বাচিত। পারস্ত সৈনিক কর্তৃক মহামেরার প্রাসাদ আক্রমণে ১ শত আরব নিহত। লণ্ডনে পাতিয়ালার মহারাজা।

১৭ই শ্রাবণ—

মহাত্মা গান্ধীর স্বরাজ্যের মহারাজার গৃহে গমন। বঙ্গীয় ব্যবস্থাপক সভায় দেশবন্ধু দাশের শোকপ্রকাশ প্রস্তাব আলোচনা বন্ধ। মহরম উপলক্ষে পাণিপথে গণ্ডগোল ও ধরপাকড়। কেনীতে দুইটি স্থানে সশস্ত্র ডাকাইতি।

১৮ই শ্রাবণ—

ব্রহ্মদেশে বয়কট দল কর্তৃক ব্যবস্থাপক সভা বর্জন। বিক্রমপুর সিদ্ধেশ্বরী কালীমন্দিরে পুলিশ কর্মচারীর অনাচারের সংবাদ। দিন দুপুরে হাজরা রোডে সশস্ত্র ডাকাইতি। সিভিল সার্ভিসে মহিলা গ্রন্থপত্রের ব্যবস্থা মঞ্জুর। করাচীতে মিউনিসিপালিটি কর্তৃক শ্রীমতী নাইডুর সংবর্ধনা।

১৯শে শ্রাবণ—

ছাত্রীহরণে কলিকাতায় মাদ্রাজী গৃহ-শিক্ষকের কারাদণ্ড। ভাগলপুরে ২৫ লক্ষ টাকার জমিদারী লইয়া 'মামলা'। কাবুলে দেশবন্ধু দাশের জন্য শোকপ্রকাশ। কলিকাতায় চল্লিশগ্রহণে বিরাট ব্যবস্থা। ৪৯২ জন ভারতবাসী শ্রমিকের বৃটিশ গিয়ানা হইতে স্বদেশে প্রত্যাবর্তন। আসামের গারো হিলে কয়লার খনি আবিষ্কার। অ্যাংলো ইণ্ডিয়ান সম্প্রদায়ের প্রতিনিধির মহাস্বাক্ষরী সহিত সাক্ষাৎ।

২০শে শ্রাবণ—

মান্দালয় জেলের রাজবন্দীগণ কর্তৃক শ্রীমতী বাসন্তী দেবীর নিকট পত্র প্রেরণ। পদ্মায় নৌকাডুবীতে ৫ জনের মৃত্যু। মান্দালয় জেলে রাজবন্দী জ্যোতিষচন্দ্র ঘোষের পীড়া। হাইকোর্টে প্রতাপ ওহরায়ের আশীলের বিচার আরম্ভ। বহরমপুরে মহাস্বাক্ষরী গঙ্গী, আজিমগঞ্জ, জিয়াগঞ্জ, নশীপুর প্রভৃতি পরিদর্শন। ষ্টার থিয়েটারে কর্ণার্কনের দ্বিশততম অভিনয়োৎসব।

২১শে শ্রাবণ—

কলিকাতা গেজেটে বি. এ. পরীক্ষার ফল প্রকাশ। অপরাহ্নে সার হুরেল্লনাথ বন্দ্যোপাধ্যায়ের মৃত্যু। বারাকপুরে বিরাট জনসমাগম। কার্পাসের অভাবে লাঙ্কশায়ারের কল বিপর। বড় লার্ট লর্ড রেডিংএর ভারতে প্রত্যাগমন। বহু হজযাত্রীর দিল্লীতে প্রত্যাগমন।

২২শে শ্রাবণ—

মধ্যপ্রদেশে মন্ত্রিপদ গ্রহণের লোকান্তার। উমেশচন্দ্র বন্দ্যোপাধ্যায়ের দানে গড়দহে নূতন বিদ্যালয় প্রতিষ্ঠা। বারাকপুরে সার হুরেল্লনাথ-ভবনে মহাস্বাক্ষরী গঙ্গী। সার হুরেল্লনাথের মৃত্যুতে দেশের সর্বত্র শোকপ্রকাশ।

২৩শে শ্রাবণ—

লর্ড লিটনের কলিকাতায় প্রত্যাগমন। কুমিল্লার ভিক্টোরিয়া কলেজের ছাত্র নলিনীমোহন সরকার অর্ডিনান্সে গ্রেপ্তার। জেমসেদপুরে মহাস্বাক্ষরী গঙ্গী—শ্রমিকসঙ্ঘ সমস্তার সমাধান চেষ্টা। চট্টগ্রাম মিউনিসিপালিটি কর্তৃক মেয়র যতীন্দ্রমোহনের সংবর্ধনা। সিরিয়ায় আরব-বিদ্রোহ, ফরাসীর ভাঙ্গা-বিপদায়। মিনার্ভা থিয়েটারের নূতন গৃহ প্রতিষ্ঠা।

২৪শে শ্রাবণ—

আহিরীটোলা ক্লাবের বার্ষিক উৎসব। পুনায় মুসলমান-শিক্ষা বৈঠক। কাকোরীতে প্যাসেঞ্জার ট্রেনে ভীষণ ডাকাইতি, বহু আরোগী হতাহত। বোম্বায়ে শ্রমিক চাঞ্চলা—কাপড়ের কলে গণ্ডগোল। জেমসেদপুরে মহাস্বাক্ষরী টাকার তোড়া প্রদান।

২৫শে শ্রাবণ—

হিন্দু-বিশ্ববিদ্যালয়ে আয়ুর্বেদ কলেজ প্রতিষ্ঠার আয়োজন। নাগপুরে প্রবল বন্যা, বহু পশুর প্রাণনাশ। ডাক্তার বিধানচন্দ্র রায় ও রায় হুরেল্লনাথ চৌধুরীর জাতীয় দলের সদস্যপদ ত্যাগ। সিরিয়ায় ফরাসী গণ্ডগোল বন্দী।

২৬শে শ্রাবণ—

কলিকাতায় নিকট বৃদ্ধ বিপন্নিকের কীর্তি, বিবাহ-সভা হইতে পলাইয়া গঙ্গাগর্ভে ঝপ্প প্রদান। আসাম গণ্ডগোল সার জন কারের ইংলণ্ড যাত্রা। আসাম মাধবপুর চা-বাগানে ম্যানেজার কুলী-হত্যার মামলায় দায়রায় সোপর্দ। মাদ্রাজ কর্পোরেশনে পুরাজা দলের জয়, লিঙ্কিন দুতাবাসে ধর্মগট।

২৭শে শ্রাবণ—

কলিকাতা কর্পোরেশনে আবার পীরের সমাধি সমস্তার আলোচনা। জাতীয় আয়ুর্বিজ্ঞান কলেজে মহাস্বাক্ষরী গঙ্গী। বঙ্গীয় ব্যবস্থাপক সভার অধিবেশন আরম্ভ, কুমার শিবশেখরের রায় সভাপতি নির্বাচিত। দৈনিক বহুমতীর ষাটশ বর্ষ আরম্ভ। বারিষ্টার শ্রীযুত ধীরেন্দ্রনাথ ঘোষ "বেঙ্গলী" পত্রের সহযোগী সম্পাদক নিযুক্ত।

২৮শে শ্রাবণ—

বঙ্গীয় ব্যবস্থাপক সভার দ্বিতীয় দিনের অধিবেশন; নূতন সভাপতি কুমার শিবশেখরের রায়ের কার্যভার গ্রহণ। চীনদেশে জনতার উপর গুলী বর্ষণে চাঞ্চলা। হাইকোর্টের প্রবীণ উকীল মহেন্দ্রনাথ রায়ের মৃত্যুতে শোক প্রকাশ। শিক্ষার বাহন সম্পর্কে আচার্য প্রকুলচন্দ্র রায়।

২৯শে শ্রাবণ—

শ্রীরামপুর বয়ন বিদ্যালয়ে মহাস্বাক্ষরী গঙ্গী। কলিকাতায় শ্রীযুত চিত্তামণি আলিগড়ে ভীষণ হিন্দু মূলমানে দাঙ্গা। টাউন হলে সার হুরেল্লনাথের শোক সভা। কোরিয়ায় ভীষণ বন্যা। ফ্রান্সে রেল দুর্ঘটনায় ৯ জনের মৃত্যু।

৩০শে শ্রাবণ—

লাহোরে ভাষণ জলপ্লাবন—সমগ্র সহর জলমগ্ন। কামালপাশার পত্নী তাগ। চট্টগ্রামে লবণ ব্যবসায়ীর বিপদ, নীলামে লবণ বিক্রয়।

৩১শে শ্রাবণ—

২৪ পরগণা মহেশতলায় ডাকাতিতে গ্রামবাসীদের সহিত ডাকাত দলের লড়াই। মরিশসে ভারতীয় শ্রমিক সমস্তা সম্পর্কে মহারাজ সিংএর কথা। মণিরাম পুরে হুরেল্লনাথ বন্দ্যোপাধ্যায়ের শ্রাদ্ধ। দক্ষিণ আমেরিকায় বৃটিশ যুবরাজ। শ্রীযুত তুলসীচন্দ্র গোস্বামীর বিলাত হইতে কলিকাতায় প্রত্যাগমন। ভারত সভা গৃহে জাতীয় মন্ডারেট সংঘের অধিবেশন।

১লা ভাদ্র—

বঙ্গীয় ব্যবস্থাপক সভার অধিবেশন, বহু বেসরকারী বিলের আলোচনা। নবদ্বীপে মৎস্যজীবীগণের উপর পাজনা আদায়ের জন্য সরকার হইতে নোটাশ জারি। শ্রীযুত যতীন্দ্রমোহন সেনগুপ্তের চট্টগ্রাম গমন। কলিকাতা হাইকোর্টে রাজবন্দী শচীন্দ্রনাথ সাগালের বিচার। কলিকাতায় কবীন্দ্র রবীন্দ্রনাথ ঠাকুর। শ্রীযুত রাজেন্দ্রপ্রসাদের সভাপতিত্বে কাশী বিদ্যালয়ের দ্বিতীয় বার্ষিক কনভোকেশন।

২রা ভাদ্র—

কলিকাতা রোটারী ক্লাবে চরকার উপকারিতা সম্বন্ধে মহাস্বাক্ষরী গঙ্গীর বক্তৃতা। মহাস্বাক্ষরী গঙ্গীর কটক যাত্রা। নবাব হুজাত আলি বেগের মৃত্যুতে বঙ্গীয় ব্যবস্থাপক সভার অধিবেশন বন্ধ। নূতন দিল্লী নগর প্রতিষ্ঠা-কল্পে সম্রাটের ভারতগমনের সঙ্কল্প। রেঙ্গুনে ডাকাতির অভিযোগে যুরোপীয় পুলিশ কর্মচারী অভিযুক্ত।

৩রা ভাদ্র—

কলিকাতা বিশ্ববিদ্যালয় কর্তৃক বঙ্গভাষা বাধ্যতামূলক করিবার চেষ্টা। হাতোয়ার শোভাযাত্রা সম্পর্কে হিন্দু মুসলমানে ভীষণ দাঙ্গা। ডাক্তার হুরাবর্দী কর্তৃক স্বরাজ্য দলের সদস্য পদ ত্যাগ। বঙ্গীয় ব্যবস্থাপক সভার অধিবেশন। চীন কর্তৃক সন্ধির সর্ব লঙ্ঘনে বৃটিশের সহিত যুদ্ধ সম্ভাবনা। শ্রী বাহাদুর খাজা মহম্মদ হুর বিহাণ্ড ও উড়িষ্যা ব্যবস্থাপক সভার সভাপতি নির্বাচিত।

৪ঠা ভাদ্র—

বঙ্গীয় বাবস্তাপক সভার অধিবেশন—সরকারের অতিরিক্ত বায় বরাদ্দ। হুগলিতে জল সরবরাহ সমস্যায় মিউনিসিপ্যাল কর বন্ধের আন্দোলন। ভারতীয় বাবস্তা পরিষদের উদ্বোধনে বড় লাটের বক্তৃতা। শাসন সম্পর্কে স্পষ্ট কথা। সারণ মীরগঞ্জে হিন্দু মুসলমানে হান্সা।

৫ই ভাদ্র—

বঙ্গীয় বাবস্তাপক সভায় রাজবন্দী অনিলবরণ ও সত্যেন্দ্রচন্দ্রের কথা। বসরায় ভীষণ অগ্নিকাণ্ডে ১০ লক্ষ টাকা ক্ষতি। চীনে ধর্মঘটে হংকং বন্দরে প্রত্যাহ ২ লক্ষ পাউণ্ড ক্ষতি। বঙ্গ পতনে বৃটিশ প্রদর্শনীর একাংশ ভস্মীভূত। বহরমপুর ষ্টেশনে বহু এংলো ইণ্ডিয়ান গ্রেপ্তার।

৬ই ভাদ্র—

ডাক্তার আবদুল্লাহ নারওয়ান্দীর স্বরাজ্য দল তাগে মহাত্মা গান্ধী। ভাগলপুর জুবিলী কলেজে বিহারী ও বাঙ্গালী ছাত্রের মারামারি। বিলাতে পাটিকার সহিত লক্ষ পতির বিবাহ। শ্রীযুক্ত ডি. জে. পিটেল বাবস্তাপরিষদের সভাপতি নির্বাচিত।

৭ই ভাদ্র—

কলিকাতায় বহু জুরার আড্ডায় পুলিশের হানা ২ শত জুরাডী গ্রেপ্তার। স্বামী ওস্বারানন্দের কারামুক্তি। টিটাগড়ে হিন্দু মুসলমানে দাঙ্গা। পণ্ডিত গোপবন্ধু দাসের কলিকাতা আগমন।

৮ই ভাদ্র—

ভারতীয় বাবস্তা পরিষদে পুরাতন সভাপতির বিদায় ও নূতন সভাপতির কাণ্ডার গ্রহণ, নোয়াপালিতে ভীষণ নৌকা ডুবী। ডাক্তার সার রামকৃষ্ণ ভাণ্ডার করেন মৃত্যু। ওহাবিগণ কর্তৃক মদিনা আক্রমণ মিশরে সর্দার লীষ্টাকের হত্যাকাণ্ডের প্রাণদণ্ড।

৯ই ভাদ্র—

কবীন্দ্র রবিন্দ্রনাথ ঠাকুরের পীড়া। ভারতীয় রাষ্ট্রীয় পরিষদের অধিবেশন। অষ্ট্রেলিয়ায় বৃটিশ জাহাজ আটক। ভারতীয় বাবস্তা পরিষদে ১৫টি নূতন বিলের আলোচনা। গঙ্গায় ভীষণ ছবটনা ও ৪ জনের মৃত্যু।

১০ই ভাদ্র—

মাদারীপুরে ভীষণ ডাকাতি, গ্রামবাসী কর্তৃক ডাকাত গ্রেপ্তার। রাষ্ট্রীয় পরিষদে ৬টি সরকারী বিল পাশ। দক্ষিণ আফ্রিকায় ভারতবাসীর প্রতি অবিচার, খ্রী-পুত্র পরিবার বিভাচিত। শ্রামবাজার নূতন পার্কে মহাত্মা গান্ধীকে মানপত্র প্রদান। বাবস্তা পরিষদে কতকগুলি বি সরকারী বিলের আলোচনা।

১১ই ভাদ্র—

চাঁদপুরে সশস্ত্র ডাকাতি, ৩ হাজার টাকা উধাও। বাঙ্গালী বালকের পদব্রজে মানস সরোবর যাত্রা। রাজবন্দী যতীন্দ্রনাথ ভট্টাচার্যের পীড়া। ডুরস বিদ্রোহীদের দামাস্কাস আক্রমণ। চাইবাসায় মহাত্মা গান্ধী। বৈষ্ণবাচার্যের শোচনীয় রেল ছবটনা। মদিনা অপবিত্র হওয়ার বোম্বায়ে হরতাল।

১২ই ভাদ্র—

মদিনায় গোলাবর্ষণ সম্পর্কে মৌলানা আবুল কালাম আজাদের ইস্তাহার। রাজবন্দী প্রভাতচন্দ্র চক্রবর্তীর ছবটনা। শ্রামবাজার পার্কে চরকা প্রদর্শনী। প্রসিদ্ধ ওস্তাদ বহুনাথ রায়ের মৃত্যু। কলিকাতা ওভারটুন হলে মহাত্মা গান্ধীর বক্তৃতা।

১৩ই ভাদ্র—

বিচারপতি পেজের বিরুদ্ধে কোর্জদারী মামলা রুজু। ২২ মাইল সম্ভরণ প্রতিযোগিতা। বোম্বায়ে জনসভায় পেলাকৎ কমিটির প্রতি অনাস্থা প্রকাশ। কাঁকিনাড়ায় শান্তিভঙ্গের আশঙ্কা। বোম্বায়ে মুসলমান সভায় মৌলানা সৌকত আলির অপমান। অমৃতসরে ডাকাতে পুলিশে লড়াই।

১৪ই ভাদ্র—

আলবার্ট হলে ডাক্তার প্রতাপচন্দ্র গুহ রায়ের বিদায় অভিমন্দন সভা। লাহোরে বিরাট মুসলমান সভা। নোয়াপালি রামগঞ্জে ৭ জন ভদ্র যুবক গ্রেপ্তার। ১৩ মাইল সম্ভরণ প্রতিযোগিতা।

১৫ই ভাদ্র—

খুলনায় জিলা ম্যাজিস্ট্রেটের বিরুদ্ধে অভিযোগ। আমেদাবাদে হিন্দু মুসলমান সংঘর্ষ। বসরায় অগ্নিকাণ্ডে ৫০ হাজার পাউণ্ড মূল্যের সম্পত্তি নষ্ট। কাঁকিনাড়ায় শোভাযাত্রা উৎসবে হিন্দু মুসলমানে হান্সা—১২ জন আহত। মদিনায় পশ্চিম্পতির অপবিত্র হওয়ার করাচীতে হরতাল।

১৬ই ভাদ্র—

ভারতীয় বাবস্তা পরিষদে কতকগুলি সরকারী বিলের আলোচনা। মহাত্মা গান্ধীর বাঙ্গালা তাগ। আইন অমান্য করার রাজবন্দী পরমানন্দ দে অভিযুক্ত। এলাহাবাদে ছেলেধরা আতঙ্ক। মুকবি মুনীন্দ্রনাথ ঘোষের মৃত্যু।

১৭ই ভাদ্র—

রেন্সুনে বিরাট নাবিক ধর্মঘট। দেওঘরে ডাকাতির দৌরাত্ম্য। দার্জিলিংএ টাকার গোলমালে ডেপুটি পোস্টমাষ্টার জেনারেল অভিযুক্ত। রাষ্ট্রীয় পরিষদে উত্তরাধিকার সংক্রান্ত আইন আলোচনা।

১৮ই ভাদ্র—

জুনাগড়ে শিবমূর্ত্তির সম্মুখে বলিদান। শ্রেম বিভ্রাটে কলিকাতায় দুই জন এংলো ইণ্ডিয়ানের মল্লযুদ্ধ। বাঁকুড়া কলেজ হোস্টেলে ছাত্র-গণের প্রায়োপবেশন। বরিশাল বাজারে পিকেটিং আরম্ভ। বাবস্তা পরিষদে সহবাস সম্মতির আইনের আলোচনা।

১৯শে ভাদ্র—

গণপতি উৎসবে বুলদানায় হিন্দু মুসলমানে সংঘর্ষ। ১৬ বৎসর পরে যুক্তপ্রদেশ হত্যাকাণ্ডের আসামী গ্রেপ্তার। অষ্ট্রেলিয়ায় বৃটিশ সাম্রাজ্যের সংবাদপত্রসেবীদিগের সম্মিলন। ঢাকা ওরাকফ সম্পত্তির মামলার রহস্ত প্রকাশ। দেহরাজনে স্বামী বিচারানন্দের উপর প্রস্তর বর্ষণ। সার্ভেন্ট পত্রের পঞ্চম বার্ষিক উৎসব।

২০শে ভাদ্র—

মুলীগঞ্জে ভীষণ জলপ্লাবন। ভারতের প্রতি বিলাতের শ্রমিক দলের সহায়ত্ব প্রকাশ। গ্লাসগোতে ভারতবাসী ধুন। সিমলায় ধলার হাতে কালা কুলীর মৃত্যু। মদিনার প্রকৃত অবস্থা জানিবার জন্য ভারত হইতে প্রতিনিধির প্রেরণের ব্যবস্থা।

২১শে ভাদ্র—

দমদমার নিকট ডাকাতিতে পুলিশের উপর গুলী ২ জন লোক গ্রেপ্তার। আমেদাবাদে শ্রমিক সংঘের সহিত মহাত্মা গান্ধীর সাক্ষাৎ। মির্জাপুর পার্কে আচার্য প্রফুল্লচন্দ্র রায় কর্তৃক শুদ্ধ ধর্মের প্রদর্শনী উদ্বোধন।

২২শে ভাদ্র—

ময়ূরভার-যুদ্ধে রীকদিগের বলবৃদ্ধি। ঢাকার অর্ডিনাল ৩ জন গ্রেপ্তার। শ্রাম পার্কে সার সুরেন্দ্রনাথের শোকসভা। সাহ এম-দাহুল হকের স্বরাজ্যদল ত্যাগ। বাবু পরিষদে মুন্সিফান কমিটির রিপোর্টের আলোচনা। কাঁকিনাড়ার মুসলমান কর্তৃক শিবমূর্ত্তি ভঙ্গ।

২৩শে ভাদ্র—

ভারতীয় বাবুপরিষদে মুন্সিফান রিপোর্ট সম্পর্কে পণ্ডিত মতি লাল নেহরুর প্রস্তাব গৃহীত। হাওড়া পুলের জন্য টাকা প্রদানে ভারত সরকারের অসম্মতি।

২৪শে ভাদ্র—

মির্জাপুর পার্কে লাঠিখেলা। বাবু পরিষদে বে সরকারী বিলের আলোচনা। এলাহাবাদে অতি বৃষ্টি। পালার্মেন্টে মিষ্টার সাকলাত ওয়ালার নির্বাচনে আপত্তি। আবহুল করিমের আড্ডায় বোমা নিক্ষেপ। বোম্বায়ে অভিনেত্রী গ্রেপ্তার।

২৫শে ভাদ্র—

শ্রীরামপুরে দারোয়ানে ছাত্র হাঙ্গামা। মাদ্রাজ বাবুপক সভার দেবমন্দিরে বলি বন্ধের চেষ্টা। শোণ নদীতে ভীষণ বন্যার রেললাইন ভগ্ন। বাবু পরিষদে লী লুঠ সম্বন্ধে আলোচনা। রাষ্ট্রীয় পরিষদে দক্ষিণ আফ্রিকার ভারতবাসী সম্বন্ধে আলোচনা। এক দল যুবকের বিনা টিকিটে ভ্রমণের ফলে নোয়াখালি স্টেশনে হাঙ্গামা।

২৬শে ভাদ্র—

বোম্বায়ে বেলজিয়ামের রাজদম্পতি। রাষ্ট্রীয় পরিষদে শ্রীযুত শেঠনার শাসন সম্বন্ধীয় প্রস্তাব পরিত্যক্ত। জেলে শ্রীযুত সুভাষচন্দ্র বসুর ওজস্বী হ্রাস। আসাম বেঙ্গল রেলের এজেন্টের পদ-ত্যাগ। রঙ্গপুর কলেজে ছাত্রের অপমানের চাঞ্চল্য। মাদ্রাজ বাবুপক সভার সভাপতির মৃত্যু।

২৭শে ভাদ্র—

পুল্লিয়ার বিহার প্রাদেশিক সম্মিলন; মহাত্মা গান্ধীর যোগদান। কলেজ সমূহে বাধ্যতামূলক বাঙ্গালা অধ্যাপনার জন্য কলিকাতা বিশ্ববিদ্যালয়ের প্রস্তাব। গয়ায় শোভাযাত্রা বন্ধে ১৪৪ ধারা জারি। চট্টগ্রামে বন্যা। ময়ূরভার করাসী আক্রমণ। নারায়ণগঞ্জে যতীন্দ্র-মোহন সেনগুপ্ত।

২৮শে ভাদ্র—

রেনু গুণ্ডা হলে সভায় গণগোল, বঙ্গার প্রতি চেয়ার নিক্ষেপ। নারায়ণগঞ্জে মিউনিসিপাল নির্বাচনে স্বরাজ্য দলের জয়। বিজয়ী শিখ বীরগণের পাঞ্জাব হইতে কলিকাতা প্রত্যাগমন। ঢাকার পণ্ডিত শ্রামসম্মত চক্রবর্তী।

২৯শে ভাদ্র—

দামাঙ্গসে হরতাল। দার্জিলিংএ মহারাজা কৌশীশচন্দ্র রায়ের সংবর্ধনা। মাকিণে মিষ্টার শাকলাতওয়ালার প্রতি ভীত দৃষ্টি। পুল্লিয়ার অম্পৃষ্ঠ জাতির সভায় মহাত্মা গান্ধীকে মানপত্র দান।

৩০শে ভাদ্র—

বালা পাটকলে ধর্মঘট। লক্ষ্মী সিতারপুরে হিন্দু-মুসলমান দাঙ্গার পুলিশের গুলী বর্ষণ, কয়েক জন হতাহত। বোম্বায়ে কাগড়ের কল-সমস্যা—১৪টি কল বন্ধ—৩০ হাজার শ্রমিকের ধর্মঘট। বাবু পরিষদে ট্রেড ইউনিয়ন বিলের আলোচনা। শ্রীমতী সরোজিনী নাইডু কানপুর কংগ্রেসের সভানেত্রী নির্বাচিত। বরিশালে বোমার আতঙ্কে বহু বাড়ীতে খানাতলাস।

৩১শে ভাদ্র—

কলিকাতায় বেঙ্গলিয়ম রাজ-দম্পতি। দণ্ডিত বাঙ্গালিগের বাবুপক সভা প্রবেশ সম্বন্ধীয় প্রস্তাব বাবু পরিষদে গৃহীত। ঢাকার যতীন্দ্র-মোহন সেনগুপ্ত, মিউনিসিপালিটির অভিনন্দন প্রদান।

১লা আশ্বিন—

রাঢ়ীতে মহাত্মা গান্ধী। ভারতীয় রাষ্ট্রীয় পরিষদে বড় লাটের বক্তৃতা। স্বামী বিদ্যানন্দের ব্রহ্মগমনে মণিপুর মহারাজার আপত্তি। বাবু পরিষদে কারখানা সংক্রান্ত আইনের আলোচনা—বঙ্গ-শিল্পের স্বদেশী শুদ্ধ সম্বন্ধীয় প্রস্তাব গৃহীত। মহাত্মা গান্ধীর সহিত বিহার মন্ত্রী সাক্ষাৎ। লক্ষ্মী সহরঃজলময়।

২রা আশ্বিন—

বোম্বায়ে অধ্যাপক শ্রীযুত বিনয়কুমার সরকার। আমেদাবাদ লাট অভিনন্দনে বাধা। জাপানে প্রিন্স জর্জ। অতি বৃষ্টিতে দার্জিলিংএর রেলপথ লণ্ডলণ্ড, ট্রেন যাতায়াত বন্ধ। মাদ্রাজে বারবনিতা দমন আইন।

৩রা আশ্বিন—

কলিকাতায় রাহাজানির অপরাধে জমীদার গ্রেপ্তার। ঢাকায় ৪টি স্থানে খানাতলাস ও নরেন্দ্রমোহন সেন গ্রেপ্তার। দার্জিলিংএ বেল-জিয়ামের রাজদম্পতি। শ্রীযুত সাকলাতওয়ালার টাটার চাকুরী ত্যাগ। গয়ায় মহাত্মা গান্ধী। তুরস্ক ও ইরাকের মধ্যবর্তী স্থানে ৮ হাজার পৃষ্ঠান গৃহহীন।

সম্পাদক—শ্রীমতীশচন্দ্র মুখোপাধ্যায় ও শ্রীমতীশচন্দ্রকুমার বসু

কলিকাতা, ১৬৬ নং বহুবাজার স্ট্রীট, 'বঙ্গমতী' বৈজ্ঞানিক-রোটারী-মেসিনে শ্রীপূর্ণচন্দ্র মুখোপাধ্যায় দ্বারা মুদ্রিত ও প্রকাশিত



“দেখছ প্রিয়া—পূব গগনের স্বর্ণ-কিরণ চাঁদটি আজ,
দিচ্ছে উ কি পাতার কাঁকে সোদের মিলনকুঞ্জমাঝ।
তোমার কবি সেই বেদিনে কুলুবে ধরার মিলন-হৃৎ,
কার খোঁজে ওর গুড়বে হেথার অন্ত-মিলন দৃষ্টিটুক।”

—ওমর খৈয়াম।

বঙ্গমতী প্রেস।

[শিল্পী—শ্রীউপেন্দ্রনাথ ঘোষ দস্তিদার।]

মাসিক

বসুমতি



৪র্থ বর্ষ]

চৈত্র, ১৩৩২

[৬ষ্ঠ সংখ্যা]

সার

সার্বিক

অনন্তের বানী শুনি, অসন্তের ঘাবুঁরী উমেবে
আনন্দের ঘুঁপাঁড় পবিত্র করি দিবে কে?
বসুন্ডা বিকুন্ডা তলে
সংসারিণী নীমাঙ্কলে,
চক্ষন অক্ষন গঞ্জে চন্দ্রমা বেলাফিত হাবে ॥

মনুঁর মণ্ডুন্ডা চুন্ডে মণ্ডীবে গুণ্ডা বকলুন্ডা
আনন্দেরিবে কলে কলে অতলে গুন্ডা-হিন্দোল।
নমনপলুতে হামি
হিলুন্ডা চুন্ডে হামি,
মিলন-মল্লিকা-মালো আদ্যেবে পবন-বলুন্ডে ॥

সার্বিক

১৮ ফাল্গুন

১৩৩২

সৃষ্টির মিলন

যে দেশের মানুষ আমরা, সে দেশ সম্বন্ধে বার বার নানা উপলক্ষ্যে নতুন করে আমাদের চৈতন্য উদ্বোধিত হওয়া চাই। কোনো কোনো বিশেষ কালের বিশেষ সুযোগে যখন আমাদের হৃদয় পূর্ণচন্দ্রের উদয়ে সমুদ্রের মত উদ্বেল হয়ে উঠে, তখন আমাদের একটি মহৎ উপলক্ষি হচ্ছে আপনাদের ঐক্যের নতুন উপলক্ষি। আজকের দিনে আপনারা যে সকলে মিলে আমাকে আপনার ব'লে গ্রহণ করলেন, তার মধ্যে থেকে আমি এই কথাটি পাচ্ছি যে, আমার সাধনার ভিতরে পূর্ববঙ্গ একটি ঐক্য অমুভব করচে। যে এক-ভাষার সূত্রে দেশের বর্তমানের সঙ্গে ভাবী কালের, এক-প্রান্তের সঙ্গে আরেক প্রান্তের যোগ, আমার মধ্যে সাহিত্যের সেই যোগসূত্রকেই আপনারা সঞ্চর্কনা করলেন। বাণী-লোকে দেশের অন্তরতম ঐক্যের যে-রূপ আমাকে উপলক্ষ্য করে এখনি আপনাদের সকলের অমুভবে প্রকাশিত, সেই সম্মিলিত অমুভূতির অপূর্ণ আনন্দ আমাকে স্পর্শ করেছে।

বাংলা দেশের মাঝখান দিয়ে এসে গঙ্গা সমুদ্রের সঙ্গ লাভ করলে। সেই আসন্ন মিলনের মুখে নদী পূর্ণ হয়েছে, উদার হয়েছে। নদীর এই পূর্ণতা বাংলা দেশের দুই তীর-কেই বরদান করে প্রবাহিত। নদী এ দেশকে বিচ্ছিন্ন করে নি, দুই মাতৃবাহুর মত দুই তীরকে পরস্পরের কাছে টেনে এনেছে। সর্বদিকে প্রসারিত বহুশাখায়িত নাড়ী যেমন এক চৈতন্যের ধারাকে অঙ্গে প্রত্যঙ্গে ব্যাপ্ত করে দেয়, এই নদীরও সেই কাজ।

পৃথিবীর অধিকাংশ বড় বড় সভ্যতাই কোনো না কোনো নদীকে আপন বাহন করেছে। ঐজিপ্টে নীল নদ, পশ্চিম-এসিয়ায় ইউফ্রাটিস, পারস্তে অক্সাস, চীনে রাঙ-সিকিয়াঙ। মাটির যে পথ, তার গতি নেই, জলের যে পথ, সে আপন গতির দ্বারা মানুষকে গতিবান করে; মানুষের চিন্তা ও কর্মধারাকে তীর থেকে তীরে, দূর থেকে দূর প্রসারিত করে দিয়ে সমাজের ঐক্যসাধন করে। নদীতে নদীতে মিলে আপন পলিমাটি দিয়ে বাংলা দেশকে কেবল সে রচনা করেছে, আপন স্তম্ভ দিয়ে কেবল যে তাকে পালন করেছে, তা নয়, এখানকার মানুষকে মানুষের কাছে টেনেছে। তাই বহুযুগ থেকে যখন নদীবাহনহীন

বাংলার মৃগায়ী মূর্তি একত্বের গড়ে উঠে, তার চিন্ময়ী মূর্তিও ঐক্যলাভ করচে।

এই যেমন জলের একটি নদী, তেমনি আরেক নদী আছে, সে ভাষার নদী। ভাষার ঐক্য বাংলা প্রদেশে যেমন, মাদ্রাজ বোম্বাই প্রভৃতি অন্ত্র প্রদেশে তেমন নয়। সে-দেশে কঠিন মাটির উপর দিয়ে পর্বত-প্রান্তরের ব্যবধান ভেদ করে মানুষ এখানকার মত এমন সহজে পরস্পরের কাছে চলাচল করতে পারে নি। বাংলা দেশে নিরন্তর চলমান পথে ভাষা নিরন্তর সর্বত্র প্রবাহিত হ'তে পেরেছে। এই-রূপে বাংলা দেশের নদী যেমন বাংলা ভাষাকে বহুবিস্তৃত করার দ্বারা বাঙালীর চিত্তকে ব্যাপকভাবে ঐক্য দেবার সুযোগ করে দিয়েছে, তেমনি অন্তসচ্ছলতাকে এ প্রদেশে প্রসারিত করে দেওয়াও এই নদীর দ্বারা ঘটেছিল। এই সচ্ছলতাই মানুষের আত্মীয়তাকে নিবিড় করে দেবার প্রধান উপায়। উদ্বৃত্ত অন্ত ঘরে থাকলে মানুষ শ্রান্ত অতিথিকে, বুকুকু অকিঞ্চনকে, দূরসম্পর্কীয় কুটুম্বকে দ্বার থেকে ফিরিয়ে দেয় না, অর্থাৎ যে-সমাজধর্ম্মে মানুষের প্রতি মানুষের দায়িত্বকে আত্মসম্মতির চেয়ে বড় করে চর্চা করতে বলে, সেই ধর্ম্ম স্বীকার করা সহজ হয় যদি ঘরে অনাভাব না থাকে। একদা সেই অন্তসচ্ছলতার দিনে বাংলার পল্লীতে পল্লীতে আত্মীয়তার বিস্তার অজস্রভাবে স্বাভাবিক হয়েছিল। তখনকার কালের বাঙালী-সমাজ নদীমাতৃকার পক্ষপাতে পরিপুষ্ট ছিল। এখন তার পরিবর্তন ঘটেছে, এ কথা স্বীকার করতেই হবে। এমন নয় যে, আমাদের মাটির আর সফলতা নেই, বা নদীর ধারা গেছে শুকিয়ে; এখনো বর্ষে বর্ষে বর্ষায় বর্ষায় বাংলার প্রান্তনে পলিপঙ্কের স্তর প্রকৃতি জননী লেপে দিয়ে যান; তবু পরিবর্তন ঘটেছে। তার উপর কারো হাত নেই। এক দিন আমাদের আঙিনার চারিদিকে প্রাচীর তোলা ছিল; সেই প্রাচীরের মধ্যে দেশ আপনার সম্বলেই আপন ক্ষুধা মেটাত, প্রয়োজন জোগাত। আজ সমস্ত পৃথিবীর দাবী পৃথিবীর প্রত্যেক দেশের সামনে; সেই ভিড় এসেছে বাংলা দেশের দরজাতেও। নিজের প্রয়োজনের সামগ্রী একান্তভাবে সংরক্ষণ করে রাখবার আবরণটা আর রইল না। যে বৃহৎ

বাহির আমাদের হাতে হাতে মাঠে আজ জায়গা জুড়ে দাঁড়াল, তাকে ঠেকানো আর যায় না, হার রোধ করতে গেলেও বিপত্তি। আমরা দুর্বল বলে যে রোধ করতে পারিনি, তা নয়। যেমন পৃথিবীর বয়োবৃদ্ধির ভিন্ন ভিন্ন যুগে ভিন্ন ভিন্ন অবস্থার কারণে ভূত্বকসংস্থানের অনিবার্য পরিবর্তন হয়েছে, তেমনি পৃথিবীব্যাপী মানবিক অবস্থার পরিবর্তনে আমাদের সামাজিক নূতন ব্যবস্থার প্রবর্তন অনিবার্য। সে যদি আমাদের ইচ্ছাবিরুদ্ধ হয়, অভ্যাসবিরুদ্ধ হয়, তবু উপায় নেই। তাই যে-পরিমাণ ফলে ফসলে উৎপন্ন জব্যে দেশের নিজের প্রয়োজন চলে যায়, আজ তাতে আমাদের দৈন্ত দূর হতে পারে না। লোকালয়ের জীবন-ইতিহাসে আজ সকল হাটের মধ্যেই বিশ্বের বড় হাট, সেই হাটে সকল মানুষকে আমাদের ভাগ দিতে হবে। আগে যা ছিল বিল, এখন তা যদি নদী হ'য়ে যায়, তা হ'লে বাহিরের দিকে জলের টানের বিরুদ্ধে নালিশ ক'রে হবে কি? এখন নদীর সুযোগটা নেবার জন্ত জীবনযাত্রাকে তারই অনুগত ক'রে তুলতে হবে। সেইটে করতে পারার উপরেই আমাদের ঐর্ষ্যালাভ, আমাদের প্রাণরক্ষা নির্ভর করে।

একদা পল্লীতে পল্লীতে আত্মীয়তাজালে জড়িত যে-একটি স্নিগ্ধ সরস সংসারযাত্রা আমাদের ছিল, তার রস আজ গেছে শুকিয়ে। বহিঃপৃথিবীর সঙ্গে নূতন সম্বন্ধকে আমরা আয়ত্ত করতে পারি নি, তার খোলা দরজা দিয়ে যে-পরিমাণে আমাদের সম্বল বেরিয়ে যাচ্ছে, সে-পরিমাণে ভিতরে আমরা কিছু টেনে আনতে পারিচিনে। এতে আমাদের সমাজে চিরাগত আত্মীয়তার মধ্যে কুপণতা আপনিই এসে পড়চে। দেশের ঐর্ষ্য সকলে মিলে ভোগের দ্বারা যে সৌভাগ্য সম্বন্ধ অনেক দিন ব্যাপক হয়ে আমাদের মধ্যে বিরাজ করছিল, আজ তা নেই বলেই হয়। হৃদয়ের কোনো পরিবর্তন হয়েছে, এমন কথা বলিনে। আমরা বাঙালী জাতি স্বভাবতই ভাব-প্রবণ,—আমরা সহজেই পরস্পরের আতিথেয় আনন্দ পাই। আমাদের শান্তিনিকেতন বিদ্যালয়ে বারবার দেখেছি, সেখানে বালকেরা, যেমন ক'রে রোগীর সেবা, স্নিগ্ধভাবে পরস্পরকে যেমন ক'রে যত্ন করে, যুরোপ প্রভৃতি স্থানে এমন দেখা যায় না। যুরোপে নূতন ছাত্রদের প্রতি পুরাতন ছাত্রেরা যে অসহ্য দৌরাখ্য করে, যার থেকে কখনো কখনো প্রাণহানি পর্যন্ত ঘটে, আমাদের বিদ্যালয়ে তা আমরা কল্পনাই করতে

পারি নে। দীর্ঘকাল-প্রচলিত সামাজিক অভ্যাসের দ্বারা বলপ্রাপ্ত ভাবপ্রবণতাই তার কারণ। আমাদের সেই মনো-ধর্মটাই যে হঠাৎ উল্টে পাণ্টে গেছে, তা বলা যায় না। আত্মীয়তার কেন্দ্র উদার করবার জন্তে আমাদের চিন্তে আকাজকা রয়েছে, কিন্তু উপায় নেই। সম্বলের অভাব ঘটতে আমাদের অত্যন্ত মেরেছে। আমাদের কোমল মৃত্তিকার দেশে বহুদিন ধ'রে আমাদের যে স্বভাব লালিত হয়েছে, প্রবল হয়েছে, সেই স্বভাবটি আজ ক্লিষ্ট। রাষ্ট্রীয়সম্মিলন প্রভৃতি যে সকল সাধারণের কাজে আমরা মিলি, সে সব জায়গাতেও আমরা ব্যক্তিগত আত্মীয়তার আতিথেয় আয়োজন না দেখতে পেলে ক্ষুব্ধ হই। অর্থাৎ ক'রকে বাইরেও খুঁজি। এই যে ঘরের ছাঁচে ঢালা আমাদের সমাজ, এ যখন সামাজিকতায় নিঃস্ব হয়ে যায়, তখন আমাদের আনন্দ থাকে না। তখন আমাদের যে বিকৃতি ঘটে, সেই বিকৃতি থেকে পরস্পরকে ঈর্ষ্যা করি, ভেদবুদ্ধি কথায় কথায় প্রবল হয়ে উঠে, পরস্পরকে ছোট করতে চাই, পরস্পরকে সহায়তা করবার জোর চলে যায়। এই বিকৃতির কালে আমাদের অন্তরের উপবাস ঘটে, তার ঔদার্য থাকে না। তাই আজ আমাদের স্বভাব তার আপনাকে প্রকাশ করবার বাধা পাচ্ছে। সেই বাধাই আমাদের সকল মনোদৈন্তের মূলে। আমাদের শান্তিনিকেতনকে কেন্দ্র ক'রে পল্লীর যে-কাজ চলচে, সেই উপলক্ষে দেখতে পাই, গ্রামগুলি একেবারে দেউলে। তাদের চেহারা ভগ্নাবশেষের চেহারা। অর্থাৎ তাদের মধ্যে অতীতের মরা নদীর গহ্বরটা হাঁ ক'রে আছে, বর্তমান ও ভবিষ্যতের স্রোত নেই বলেই হয়। নিরানন্দ, নিরঙ্গ, মলিন সে সব গ্রামের মুখশ্রী। আমরা বাহির থেকে যার সোর-সরাবৎ অত্যন্ত ক'রে গুন্তে পাই, সে হচ্ছে সহর। দেশের সমস্ত ধন সেখানে পুঞ্জিত, জীবিকার সমস্ত আয়োজন সেখানে সংহত। আজ আমাদের কর্তব্য-আলোচনা ও কর্তব্যবুদ্ধিচালনার কেন্দ্র সহর হওয়াতে সমস্ত দেশের চেহারাকে ভুল ক'রে দেখি। পল্লীসভায় আমরা যখন দেশউদ্ধারব্রত গ্রহণ করি, তখন সেই সভার রূপটাকেই দেশের প্রতিক্রম বলে কল্পনা করি। একটা কল্পিত আত্মবোধকেই আমরা দেশাত্মবোধ বলে আপোষে ঠিক ক'রে রাখি। আমাদের বোধশক্তি দেশের এমন একটি অংশের মধ্যে লালিত ও অধিষ্ঠিত, সমস্ত দেশের সঙ্গে যার প্রকৃতির বৈসাদৃশ্য।

যুরোপের সভ্যতা সহরের মধ্যেই আপনাকে প্রকাশ করে। সেখানে বড় বড় দেশে প্রধান নগরীগুলি দেশের মর্মান্বন অধিকার ক'রে থাকে। এই নাগরিক সভ্যতাকে আমি নিন্দা করি নে। সেখানে এটা মহৎ। কিন্তু সভ্যতার এই রকম বিকাশ প্রাচ্যদেশের প্রকৃতিগত নয়। উদাহরণ-স্বরূপে বলা যেতে পারে, চীনের সভ্যতা পোলিটিকাল নয়, সে সভ্যতা সামাজিক। পলিটিকসে প্রাণপুরুষের পীঠস্থান রাজধানীতে, সমাজতন্ত্রে প্রাণ পরিব্যাপ্ত হয়ে থাকে পল্লীতে পল্লীতে। এই জন্ত বার বার রাষ্ট্রবিপ্লব চীনের সাম্রাজ্যকে আঘাত করেছে, সমাজকে আঘাত করে নি। প্রাচীন গ্রীস নেই, কিন্তু প্রাচীন চীন আজও আছে। দেশের কোন এক অংশে সেই চীন সংহত নয়, সর্বত্র সে পরিকীর্ণ : বাংলা দেশের কথাও ভেবে দেখ। ঢাকা সহর নবাবী আমলে একটি প্রধান স্থান ছিল সন্দেহ নেই, কিন্তু এ কথা সত্য নয় যে, পূর্ববঙ্গের সর্কারীন চৈতন্য এইখানেই একান্তভাবে কেন্দ্রীভূত ছিল। তার প্রাণপ্রবাহ নদীর তীরে তীরে শ্রামল ক্ষেত্রে ক্ষেত্রে বনচ্ছায়াম্বিত গ্রামে গ্রামে হিল্লোলিত হয়েছিল। দেশের যারা পণ্ডিত, তাঁরা পল্লীতে পল্লীতে বিদ্যা দিয়েছেন, সমাজব্যবস্থা রেখেছেন, ধর্মসাধনাকে বাঁচিয়েছেন, দেশের যারা ধনী, তাঁরা পল্লীতে পল্লীতে অতিথিশালা স্থাপন করেছেন, দেবমন্দির নির্মাণ করেছেন, জল দিয়েছেন, অন্ন দিয়েছেন, আনন্দ দিয়েছেন। এমনি ক'রে আমাদের দেশ কোনো একটি বিশেষ মশালে আপন আলো জালায় নি, নিজের সর্কারীর দীপ্তি তাকে দীপ্যমান ক'রে রেখেছিল। যদি বলি, আজ সেদিন নেই, আজ সহরেই আমাদের প্রাণ-নিকেতনের ভিৎ পত্তন করা চাই, তা হ'লে আমাদের স্বভাবের বিরুদ্ধে লড়তে হবে। যুরোপীয় আদর্শে আমাদের দেশের বাহিরের রূপ যেমন করেই তৈরী করি না কেন, তা কখনোই পাকা হবে না, ব্যাপকতায় ও গভীরতায় তা তুচ্ছ হয়ে থাকবে, খবরের কাগজের ভেঁপু তার মহিমা ঘোষণা করতে থাকলেও মহাকালের শৃঙ্গধ্বনিতে সে বারেবারে বিদীর্ণ বিলীন হয়ে যাবে। এই যুরোপীয় কারখানার মার্কা-মারা বাহিরের ঠাটটিকে গ্রামের মধ্যে নিটে যেতে চেষ্টা করি; সেখানকার চণ্ডীমণ্ডপে সে বিসদৃশ হয়ে থাকে। সেখানে যে ভাবে মানুষের জীবন-গড়া, আমাদের মুখে তার ভাষা নেই, আমাদের 'মহর

সেখানকার কর্মক্ষেত্রে সাড়া না পেয়ে ব্যর্থ হয়ে ফিরে আসে।

কলকাতার মত সহরে আলগাভাবে নানা মতলবে যেখানে বহু মানুষের ছড়াছড়ি, সেখানে সামাজিক আত্মীয়তা সহজ নয়। সেখানে সিনেমার, থিয়েটারে, বক্তৃতাভাষার মানুষের সমাগম হয়, কিন্তু বথার্থভাবে মিলন সম্ভবপর হয় না। সহরে আপিস হ'তে পারে, কারখানা হ'তে পারে, প্রয়োজনসাধনের মোটা মোটা ব্যবস্থা হ'তে পারে। মানুষে মানুষে আত্মীয়তার জাল রচনা গ্রামেই সম্ভব। যদি সেই আত্মীয়তার শক্তি বাংলাদেশের পল্লীতে আবার উদ্বোধিত করতে পারি, তবে হিন্দুমুসলমানের মধ্যেও মিল হ'তে পারবে। আজ তাদের মধ্যে বিরোধ হয় কেন? অন্ন কমেছে, তাই কাড়াকাড়ি ঠেলাঠেলির দিন এল। কেউ কাউকে কিছু ছাড়তে চায় না, কাড়তেই চায়।' নিজের মধ্যে প্রাণের অজস্রতা নেই, তাই আমরা পরস্পরকে মারি। গ্রামগুলি যে দিন প্রাণসম্পদে কানায় কানায় ভরে উঠবে, সে দিন তার সুযোগ কি কেবল হিন্দু পাবে, মুসলমান পাবে না? প্রাচুর্যের দিন যে উৎসবের দিন, সেই উৎসবের দিনে আমাদের স্বভাবে কার্পণ্য থাকে না। সেই উৎসবের দিনে আমাদের বিষয়বুদ্ধির সর্কারিতা চ'লে যায়। সে দিন হিন্দু-মুসলমান মেলাবার জন্তে কৌশলের দরকার হবে না, কোনো পক্ষকে ঘুষ দেওয়া অনাবশ্যক হবে। বৈষয়িক সুবিধার যোগে মিল political alliance এর মত। প্রয়োজনের তাগিদে ইংরেজ ফ্রান্সকে বলচে বন্ধ, ফ্রান্সও ইংরেজকে বন্ধ ব'লে ঘোষণা করচে, সামান্য একটু ষা পেলেই আলগা গ্রন্থির যোগসূত্র টুকরো টুকরো হয়ে যায়।

আমি এই যে ঢাকায় এসেছি, এখানে হিন্দু-মুসলমান হুই ধারার সঙ্গমস্থল, এখানে মুসলমানকে এমন কথা বলতে লজ্জা হয় যে, তুমি যদি হিন্দুর সঙ্গে না মিলতে পার, আমাদের কোনো একটা বিশেষ দরকারে বাধ্য হ'বে। প্রয়োজন আছে, অতএব মিলতে হবে, এ কথা বললেই কি অপর পক্ষে গুন্বে? অনেক দিন ত শোনে নি। বলতে হবে, তোমাকে আমাকে বহুশত বছর ধ'রে এক মাটির অন্ন মানুষ, এক পাড়ায় বাস, তবু তুমি আমাকে ভালো বাসো না, আমি তোমাকে ভালো বাসিনে, এই বড় লজ্জা। বড়

লজ্জা যদি আমি তোমাকে কমা না করতে পারি, তুমি আমাকে কমা না কর। বিষয়কর্মে তোমাতে আমাতে বখরা আছে, এমন কথা বারবার স্বরণ করিয়ে দিয়ে কি আত্মীয়বন্ধন পাকা হয়? কখনো না। যে আত্মীয়তা হৃদ্বিনেরও ভাগ নিতে প্রস্তুত, অসুবিধারও বোঝা একসঙ্গে বহন করে, ঘৃষ দিয়ে স্বযোগের প্রলোভন দিয়ে কি তারি পত্তন করা সম্ভব? মাঝে মাঝে যখন গরজের দায়ে ঠেকি, তখন মুসলমানকে বলি, তোমাতে আমাতে ভাই, শুনে মুসলমান বলে, সুর ঠিক লাগচে না।

হঠাৎ একটা মুন্সিলের কথা মনে জাগতেই এক মুহূর্তে সৌন্দর্য জমিয়ে তোলবার চেষ্টা অন্তর্ধ্যামীকে ফাঁকি দেবার পরামর্শ। অথচ সত্ত্ব সত্ত্বই পাকা রাস্তায় পলিটিক্সের জুড়ি হাঁকিয়ে চলব কি ক'রে, এমন কথা যদি জিজ্ঞাসা কর, তবে আমি বলব, আমি ত কোনো যাহুবিচার কথা জানিনে। আমি এইটুকু জানি, যেখানে হুজনে মিলে প্রাণ দিয়ে একটি কোনো পরিপূর্ণতা সৃষ্টি করা হয়, সেইখানে দরদ স্বাভাবিক। বিধাতার সৃষ্টি যে দেশ, সেখানে আমরা যেমন আছি, অগ্র জীবজন্তুও তেমনি আছে, তাদের সঙ্গে মিলনের ঐক্যক্ষেত্র বাইরে, তার কোনো মূল্য নেই। সেই দেশকে স্বদেশ করতে হ'লে তাকে আপন কায়মনপ্রাণ দিয়ে সৃষ্টি ক'রে তুলতে হয়; তবেই তার উপরে আমাদের দরদ জাগে। সেই দরদের উপর আমাদের মিলন প্রতিদিন গভীর হ'তে থাকে। বিধাতার দরদ এই বিশ্বসৃষ্টির পরে, সেখানে যে তাঁর আত্মপ্রকাশ। আপন আত্মাকে যখন দেশে প্রকাশ করি, আর সেই প্রকাশে যখন হিন্দু-মুসলমানের যোগ থাকে, তখন সেই যোগেই আমরা এক মহাজাতি হয়ে উঠি।

এ কথাটা পলিটিক্সের কোঠার পড়ল কি না, তা বলতে পারিনে, কিন্তু এটা ফাঁকা কথা নয়। এ সম্বন্ধে আমি কিছু কাজও ক'রে থাকি; তারই জোরে দৃঢ় প্রত্যয়ের সঙ্গে কথাটা বলতে পারি।

আমাদের যেখানে কাজের ক্ষেত্র, সেখানে হিন্দু-পাড়াও আছে, মুসলমানপাড়াও আছে, আমাদের অল্পষ্ঠানের দ্বারা তারা উভয়েই ঐক্যলাভ করেছে। সেখানে যে সব ছেলে পন্নী-সেবার ব্রতী—বাদের আমরা ব্রতীবালক নাম দিয়েছি—তারা সেখানকার গ্রামেরই ছেলে। তারা কেউ হিন্দু, কেউ মুসলমান। তারা সেখানকার ঘেঁ-জলবায়ুকে বিভ্র

করচে, সে জলবায়ু মুসলমানপন্নীরও, হিন্দুপন্নীরও। তারা মুসলমানপন্নীরও আশুন নেবার, হিন্দুপন্নীরও আশুন নেবার। পরস্পরের নিরন্তর যোগে গ্রামের জীবনধারা এই যে সম্পূর্ণ হয়ে উঠচে, এর মূল কথা এমন নয় যে, বর্তমান কনগ্রেসের এই হুকুম—এর মূল কথা এই যে, আমরা এক-দেশের লোক। ষিক, যদি আমাদের কাছে এই সহজ কথাটির প্রমাণ না হয়। আমাদের সেখানে অনেককাল থেকে মুসলমানপন্নীর সঙ্গে সাঁওতাল-পন্নীর বিরোধ চলে আসছিল, মাথা ফাটাকাটি ও মামলার অস্ত ছিল না, আজ তাদের মাঝখানকার একটি কর্মযোগে স্বভাবতই সে বিরোধ মিটে আসচে। পলিটিক্সের উদ্দেশ্যসাধনে নয়, অহৈতুক কল্যাণের সম্বন্ধবন্ধনে তারা ভিতরের দিক থেকে মিলতে পারচে। তাদের আমরা এই বলি যে, তোমাদের কাছে বাইরের কোনো দাবী নেই; আমরা এইমাত্র চাই যে, তোমরা সুস্থ হও, সবল হও, জ্ঞানবান্ হও, তা হ'লে তারই মধ্যে আমরা সকলেই সার্থক হব, তোমাদের অপূর্ণতায় আমাদের সকলেরই অপূর্ণতা। কথা উঠবে, গ্রামের মধ্যে ত তেত্রিশ কোটি ভারতবাসী নেই; যে বিরাট-ধাক্কার তেত্রিশ কোটিকে উপরে ঠেলে তোলা যাবে, এই গ্রামের মধ্যে তার প্রয়োগ হবে কেমন ক'রে? • ১

আমার কথা এই যে, তেত্রিশ কোটি তো ভারতবর্ষের সর্বত্রই, নিকটে ঘরের দ্বার থেকে সুরু ক'রে দূরে সমুদ্রতীর পর্যন্ত। তেত্রিশ কোটিকে পেতে গেলে তেত্রিশ জনকে পাওয়া চাই, সেই তেত্রিশকে ডিঙিয়ে তেত্রিশ কোটিতে পৌঁছতে পারে, এমন শক্তি কারো নেই। ফললাভের লোভটা বেশি প্রবল হলেই গোড়া থেকেই সেই ফলের আয়তন মাপতে সুরু করি, তখন বাহু পরিমাণকে আন্তরিক সত্যের চেয়ে দামী ব'লে মনে হয়। শক্তির মূল যেখানে সত্যে, সেখানে সে আপন সাধনাতেই সার্থকতা অহুত্ব করে। আপনাকে কর্মে প্রকাশ ন্ন ক'রে তার চলে না বলেই তার সর্মে; তার সাধনা আর সিদ্ধির মধ্যে কোনো ভাগ নেই, হুইয়ে মিলে অবিচ্ছিন্ন এক। আমাদের আত্মীয়তার ভিত্তির উপরেই আমাদের স্বরাজের একমাত্র নির্ভর, এ কথাই কিছু-মাত্র সন্দেহ নেই; কিন্তু সেই স্বরাজকেই একমাত্র সিদ্ধি-জেনে আত্মীয়তাকে তার সোপান করা করলেই বিপদ। গার্হের পক্ষে একই সজীব সত্যের যোগে তার অহুর থেকে

কল পর্যন্ত সমান মূল্যবান; আসল কথাটি তার জীবনের সমগ্রতা। সেই সমগ্রতার মধ্যে তার গুঁড়ি, ডাল, ফল-ফুল সবাই স্বভাবত আপন স্থান পায়। আজ যে কারণেই হোক, মনের মধ্যে বিশেষ একটা তাড়া লেগেছে, তাই পোলিটিকাল সিদ্ধি সত্ত্বে হাতে হাতে পাবার লোভে সেই-টেকেই বিচ্ছিন্ন করে দেখছি, জীবনের সমগ্রতার মধ্যে যথাস্থানে তাকে দেখচিনে, তাই এ কথা মনে করতে বাধে না যে, গাছটাকে বাদ দিয়েও ফলের সাধনা করা যায়। বিশ্বপ্রকৃতি গাছকে চার বলেই ফলকে পায়, মাহুব যদি একান্ত লোভের অধীর্ষ্যে গাছের প্রতি মমতা না রেখেই ফলকে পাবার দাবী করে, তবে কেবলমাত্র চীৎকারের জোরে প্রকৃতি তার সে দাবী মঞ্জুর করে না।

তার একটা প্রমাণ দেখ। বাংলাদেশের বহু বিস্তৃত অধিবাসী নমঃশূদ্র; আমরা জীবনের ব্যবহারে তাদের বহু দূরে রাখব অথচ পোলিটিকাল সিদ্ধির কোঠায় তাদের সঙ্গে ঐক্যের ফাঁকা হিসাব ফাঁদব, কোনো প্রকার বুদ্ধ-রুকীর দ্বারা এটা সম্ভবপর হ'তে পারে না। এতকাল ধরে প্রতিদিন দলে দলে তারা আমাদের সমাজ থেকে ব্রষ্ট হয়ে যাচ্ছে, সেটা হৃদয়ে কি সত্য ক'রে বাজল? বাজে যখন কনগ্রেসে তারা চার আনা চাঁদা দিতে আপত্তি করে, বাজে যখন রাজপুরুষদের সঙ্গে বিরোধে তারা ক্ষতি স্বীকার করতে নারাজ হয়। তাদের সঙ্গে আমাদের আত্মীয়তাসূত্র যদি পোলিটিকাল সিদ্ধি লোভের সূত্র না হ'ত, তা হ'লে আমরা গোড়াতেই তাদের ডাকতাম, বলতাম, তোমরা সমাজ ছেড়ে গেলে তাতে আমাদেরই শূন্যতা। বহু কাল চ'লে গেল, কোনো দিন এই দরদের কথা বলবার শক্তি পেলাম না। আজকের দিনে তাদের বলচি কি? না, তোমরা বিমুখ হও ব'লে আমাদের পলিটিকেলর আসন্ন যোল আনা জমল না। প্রতিদিনের স্নান-পান ও মলিনতা মার্জনার জন্তেই যারা জলাশয়ের সমানর করেছেন, বিশেষ দিনে আশুন নেবাবার বেলাতেও জাহকরের পথ চেয়ে তাদের ব'সে থাকতে হয় না। তাই আজ আমি নিবেদন করচি, পল্লীর যে শুক বন্ধ থেকে প্রাণের ধারা স'রে গেছে, সেখানে প্রাণে ফিরিয়ে আনবার জন্তে এখনকার কালের যে সব যুবকের মন উদ্বীপিত হয়েছে, স্বদেশবাদী মাহুকের প্রতি এমন একটি সহজ শ্রীতির টানেই যেন সে কাজে তাঁরা

নিবৃত্ত হন, যে শ্রীতি সমগ্রভাবে দেশকে দেখতে জানে, কেবলমাত্র পোলিটিকালভাবে নয়।

আজকের দিনে যখন আমরা পল্লীর কথা ভাবি, তখন টুকরো ক'রে ভাবি। মনে করি, কৃষির উন্নতি ক'রে কৃষকদের অবস্থা কিছু ভালো ক'রে দিলেই আমাদের কাজ সারা হ'ল। কিন্তু পল্লীর জন্তে পূর্ণ প্রাণের আনন্দের ব্যবস্থা না ক'রে দিয়ে কেবল দৈনিক ছ'চার আনা তার আর বাড়িয়ে দিলেই তাকে উদ্ধার করা হ'তে পারে, এ কথা কখনই সত্য নয়।

ভারতে যে এক দিন বৌদ্ধধর্মের জোয়ার লাগল, সে দিন সমগ্রভাবে তার চৈতন্যের উদ্বোধন হয়েছিল বলেই ভারতের ঐশ্বর্য্য প্রাণের সকল বিভাগেই পূর্ণ হয়েছিল। নির্বিশেষভাবে সে নিজেকে পেয়েছিল বলেই বিশেষ বিশেষ ভাবে সে আপনার সকল শক্তিকেই কাজে খাটাতে পেরেছিল। তেমনি ক'রে মানব-ধর্মের সমগ্রতার একটা বাণী যদি বড় ক'রে আমাদের দেশের কাছে আসে, তবেই তার প্রাণশক্তি সকল দিকে জাগ্রত হয়ে তাকে রক্ষা করতে পারবে। যদি বলি, গ্রামকে অন্ন দেব, বজ্র দেব, তবে তার মধ্যে যতই আমাদের দয়া থাক না কেন, তার ভিতরে ভিতরে একটা অশ্রদ্ধা লুকিয়ে থাকে। যদি বলি, গ্রাম যাতে আর্পনাকে আপনি সম্পূর্ণভাবে পায়, তার মধ্যে সেই জাগরণ সঞ্চার ক'রে দেব, তবেই তার প্রতি যথার্থ শ্রদ্ধা প্রকাশ করা হয়। নববসন্তসমাগমে অরণ্যে গানও জাগে, ফুলও ফোটে, ফলেরও আরোজন হয়, একই প্রাণের ধাক্কা পেয়ে তার বিচিত্র সার্থকতা সত্য হয়ে ওঠে। আমাদের দেশের পল্লীতে তেমনি ক'রে নূতন প্রাণের নব বসন্ত আবির্ভূত হোক। সরকারী বারিকের কাছে কোজদের জন্তে ঘেরাও জলাশয় থাকে, আমাদের দেশের শিক্ষিত ভদ্রসাধারণের জন্তে সুখ-সন্মান শিক্ষা-দীক্ষার তেমনি যদি রিজার্ভ টেক থাকে, তবে তাই দিয়ে সমস্ত দেশকে শুকিয়ে মরা থেকে কেউ বাঁচাতে পারবে না। মানবাত্মার সমস্ত ক্ষুধা মেটাবার ব্যবস্থা সহরেই যদি থাকে আর গ্রামে যদি না থাকে বা অত্যন্ত কৃপণভাবে থাকে, তবে তাতে দেশের উপবাস ঘোচে না। তাই বিশ্বভারতী থেকে আমরা পল্লীর—যে কাজ করচি, তার উদ্দেশ্য হচ্ছে শান্তি-নিকেতনে উৎসারিত জ্ঞান ও রসের সকল ধারাই আমরা চারদিকে বিস্তীর্ণ ক'রে দেব,—রিজার্ভ টেকের বেড়া ক্রমে ক্রমে ভেঙে

দিতে হবে। আমাদের সেখানে গ্রামের কার্যে ধারা
আছেন, তাঁরা সকলেই বাঙালী নন, অন্তর্ প্রদেশেরও লোক
আছেন, ইংরেজও আছেন—তৎস্বত্রে সমস্ত গ্রামের লোক
তাঁদের আপনার লোক বলেই সহজেই অনুভব করতে
পারেন। সেখানে ধনী দরিদ্র, শিক্ষিত অশিক্ষিত, হিন্দু-
মুসলমানে মিলন চলেচে, বাক্যে নয়, কাজে। এ মিলন
স্বষ্টিক্রমে স্বষ্টিকারদের মিলন, এই ত সব চেয়ে গভীর
মিলন। এই মিলনের ভিতর দিয়ে দেশ আপনার ধন
আপনি উৎপন্ন করুক, আপন বিরোধের আপনি সমাধান
করুক, আপন প্রাণ-উৎসমুখের বাধা আপনি সরিয়ে দিক।
ছটি একটি গ্রামেও যদি সার্থকতার সম্পূর্ণ রূপ দেখাতে পারি,
তা হলে তেত্রিশ কোটির জগ্রে ভাবতে হবে না। শিখা
থেকে শিখা ধরে উঠবে, আলোক থেকে আলোক বিস্তীর্ণ
হবে। অনেক বাহু, অনেক মুণ্ড নিয়ে রাক্ষসই ভীমগর্জনে
আফালন করতে আসে, কিন্তু ভগবান স্কুমার বালক হয়ে

নেখা দিতে লজ্জা পান না। তাঁর বিশটা বাহু দশটা মুণ্ডের
দরকারই নেই, এই কথাটির প্রতি শ্রদ্ধা করবার সাহস যদি
থাকে, তবে যথাস্থানে আমাদের পূজা নিবেদন করতে
আমরা বিধা করব না, কৃপণতা করব না। তাই কি
উপরে অন্নকালের মধ্যে সমস্ত ভারতবর্ষকে স্বাধীন করা
যেতে পারে, এই প্রশ্নটি পোলিটিকাল মেগাফোন বোনে
যখন ধ্বনিত হয়, তখন তার উত্তরে আমি বলি যে, আমি
জানিনে। আমি কেবল এই জানি যে, ভারতবর্ষের মধ্যে
কুদ্র যেটুকু জায়গাতে সেই আমাদের সাধনা সর্বাঙ্গীনভাবে
সত্য হ'তে পারে, সেইটুকুর উপরে দাঁড়িয়েই সমস্ত ভারত-
বর্ষকে উদ্ধার করবার যথার্থ হ'চনা হবে। *

স্বাধীন মিলন

* ঢাকা জগন্নাথ হলে সাধারণ সভার প্রদত্ত বক্তৃতা।

কুঞ্জ-ভঙ্গ



মহাভারত ও ভারতবর্ষের ইতিহাস

৪

ভীষ্ম বৈমাত্রেয় ভ্রাতা বিচিত্রবীৰ্য্যের নিমিত্ত কাশিরাজের তিনটি কন্যা স্বয়ংবরস্থল হইতে হরণ করেন। রামারণে কৌশল্যা ছিলেন কোশলরাজ অর্থাৎ কাশিরাজের কন্যা, এই তিনটি কন্যাও কাশিরাজ-দুহিতা। কন্যাগুলির নাম অম্বা, অম্বিকা ও অম্বালিকা। দেখিতে পাওয়া যাইতেছে যে, নামগুলির মধ্যে যথেষ্ট সাদৃশ্য আছে, একটু চিন্তা করিলে এই তিনটি নামের গূঢ় অর্থ বুঝা কঠিন হইবে না। অম্বা হইল অ + ম + বা ; ম অর্থে মৃত্যু।

“দ্যাকরস্ত ভবেন্নুভ্যস্ত্যাকরং ব্রহ্ম শাশ্বতম্।

মমেতি চ ভবেন্নুভ্যান্ মমেতি চ শাশ্বতম্ ॥”

৩-১৩ অশ্বমেধপর্ক।

মৃত্যু ভ্রূপে প্রমাদ, আত্মজ্ঞানশূন্যতা।

“প্রমাদং বৈ মৃত্যুমহং ব্রবীমি তথা প্রমাদমমৃতং ব্রবীমি।”

৪-৪২ উদ্বোগপর্ক।

অম্ব অর্থে বিত্তা অথবা জ্ঞান, কিন্তু শেষে বা আছে, বা বিকল্পে। কবি এই বিকল্প অর্থাৎ দ্বিত্ব-ভাব সুন্দর-রূপে রক্ষা করিয়াছেন। অম্বার অর্দ্ধদেহ হইয়াছিল জীৱপিণী, অপর অর্দ্ধদেহ হইয়াছিল নদীৱপিণী। এই অম্বার একবার নারীরূপ হয়, একবার পুরুষরূপ হয়, নারী-রূপে অম্বার নাম শিখণ্ডিনী হইল এবং পুরুষরূপে অম্বা শিখণ্ডী হইল। এই শিখণ্ডী ভবিষ্যতে ভীষ্মের বধের উপায় হয়।

দ্বিতীয় কন্যার নাম হইল অম + বি + কা = অম্বিকা। শেষের কা আমরা ছাড়িয়া দিতে পারি, স্বার্থে ক, পরে জীৱাৎ আপ্—তাহা হইলে বাকি রহিল অম + বি। এই বি হইল বিশ্রবণের বি সদৃশ, অর্থাৎ বিরুদ্ধ বা বিপরীত জ্ঞান অর্থাৎ অজ্ঞানতা। অজ্ঞানতার পুত্র হইল অন্ধরাজ। ধৃতরাষ্ট্র। অজ্ঞানতার সহিত অন্ধতার সম্বন্ধ আমরা পরেও

দেখিতে পাইব। তৃতীয় কন্যার নাম হইল অম্বালিকা, অর্থাৎ অম + বালিকা—যে জ্ঞান সম্বন্ধে শিশু সদৃশ। কবি এই শিশু-ভাবের পরিচয় যথেষ্ট দিয়াছেন, বালিকা-স্বভাব-সুলভ ভয়প্রযুক্ত অম্বালিকা ব্যাসকে দেখিয়া বিবর্ণা হইয়া-ছিলেন। বালিকা-বুদ্ধি হেতু অম্বিকা তাঁহার স্থানে ব্যাসের নিকট এক জন দাসীকে পাঠাইয়াছিলেন। জ্ঞানে শিশু এই ভাব ও কথা আমরা পরে পাইব।

মহাভারতে কুরু-পাণ্ডবদিগের যুদ্ধ হইল প্রধান ঘটনা। মহাভারতের যুদ্ধকে কুরু-পাণ্ডবের যুদ্ধ কেন বলে? ইহা একটু চিন্তা করিবার বিষয়।

সম্বরণের পুত্রের নাম কুরু। ধৃতরাষ্ট্র ও পাণ্ডুপুত্রগণ উভয়েই সম্বরণ-পুত্র কুরুর বংশজাত, হুর্যোধন প্রভৃতিকে কেন বিশেষ করিয়া কৌরব বলে। দুঃশাস্ত-পুত্র ভারতের বংশ হইতে জাত বলিয়া কুরু ও পাণ্ডব উভয়কেই ভারত বলিয়া সম্বোধন আছে, কৌরব ও ভারত কথা সম্বন্ধে যে রহস্য আছে, তাহা পরে বুঝিবার চেষ্টা করিব। তবে দ্যুতক্রীড়ার কথাটা প্রথমে বলা প্রয়োজন। প্রধানতঃ—দ্যুতক্রীড়ার ফলেই কুরু-পাণ্ডবদিগের মধ্যে বিরোধ হয়, সভাস্থলে দ্রৌপদীর অপমান এবং তাহার পরে পাণ্ডবদিগের সঙ্গীক বনবাস, ইহাই হইল কুরু-পাণ্ডবদিগের মধ্যে যুদ্ধ বাধিবার একটি প্রধান কারণ; গল্পটি এই—

ধৃতরাষ্ট্রের আদেশক্রমে দ্যুতক্রীড়ার নিমিত্ত এক বৃহৎ সভাগৃহ নিৰ্ম্মিত হইল। সভাস্থলে ধৃতরাষ্ট্র, দ্রোণ, ভীষ্ম ও বিষ্ণুর প্রভৃতি কুরু-বৃদ্ধগণ উপস্থিত হইলেন; হুর্যোধন, দুঃশাসন, শকুনি, কর্ণ, বিকর্ণ প্রভৃতি কুরুপক্ষীয়রা আসি-লেন। যুধিষ্ঠির ও তাঁহার চারি ভাই কৌরবদিগের সহিত ক্রীড়া করিতে উপস্থিত হইলেন। এতদ্বিধ ব্রাহ্মণগণ ও অন্যান্য ব্যক্তি ক্রীড়া দেখিতে সভার সমাগত হইলেন। শকুনি-পাশা খেলিতে লাগিল, যুধিষ্ঠির বাজি রাখিতে

লাগিলেন। প্রতিবারই শকুনির কপট ক্রীড়ার ফলে যুধিষ্ঠিরের হার হইতে লাগিল। এইরূপে যুধিষ্ঠির একে একে সমস্ত ধন, রত্ন, অশ্ব, রথাদি, দাসদাসী, রাজ্য প্রভৃতি তাঁহার বাহা কিছু সম্পত্তি ছিল, সকলই হারিলেন। পরে তিনি সহদেব, নকুল, অর্জুন, ভীমকে পণ রাখিলেন; তাহাদিগকেও হারিলেন। শেষে নিজেকে পণ রাখিলেন, সে বারও তাঁহার হার হইল। শেষে শকুনির পরিহাস-উক্তিতে দ্রৌপদীকে পণ রাখিলেন, তাঁহাকেও হারিলেন। তখন দুর্যোধন সভাস্থিত সূত প্রাতিকামিন্কে বলিলেন যে, তুমি অন্তঃপুরে গিয়া দ্রৌপদীকে বল যে, তুমি এখন দাসী হইয়াছ, কুরু-মহিলাদিগের পরিচর্যা কর।

বিহ্বল এ কথায় তীব্র আপত্তি করিলেন। তিনি বলিলেন, যুধিষ্ঠির প্রথমে নিজেকে হারিয়াছেন, নিজে দাস হইলে তাঁহার দ্রৌপদীর উপর কোন অধিকার থাকে না। এ অবস্থায় তাঁহার পণে দ্রৌপদী কখন দাসী হইতে পারে না। দুর্যোধন তাঁহার কথা শুনিলেন না, প্রাতিকামিন্কে অন্তঃপুরে পাঠাইয়া দিলেন; সে গিয়া দ্রৌপদীকে দুর্যোধনের কথা জানাইল। দ্রৌপদী প্রাতিকামিন্কে বলিলেন, “তুমি সভায় গিয়া জিজ্ঞাসা করিয়া এস, রাজা যুধিষ্ঠির অগ্রে আমাকে হারিয়াছিলেন, না অগ্রে নিজেকে হারিয়াছিলেন?”

প্রাতিকামিন্ সভাতে এই কথা বলিল, সভাস্থ কেহই কোন উত্তর দিলেন না। ক্রিয়ৎক্ষণ বাগ্‌বিতণ্ডার পর হুঃশাসন স্বয়ং অন্তঃপুরে গিয়া দ্রৌপদীর কেশাকর্ষণ পূর্বক তাঁহাকে সভামধ্যে আনয়ন করিল। সভায় আসিয়া দ্রৌপদী ভীমপ্রমুখ সভাসদদিগকে পূর্বে প্রাতিকামিনের নিকট যে প্রশ্ন জিজ্ঞাসা করিয়াছিলেন, সেই প্রশ্ন জিজ্ঞাসা করিলেন; কিন্তু কেহই কোন উত্তর দিলেন না। উপরন্তু হুঃশাসন, কর্ণ, দুর্যোধন তাঁহাকে অনেক উপহাসসূচক কথা বলিল।

দ্রৌপদী তখন একবঙ্গা ছিলেন; হুঃশাসন তাঁহার বস্ত্র আকর্ষণ করিতে লাগিল, কিন্তু ধর্ম অলঙ্কিতভাবে থাকিয়া দ্রৌপদীকে বস্ত্র দিতে লাগিলেন। দুর্যোধন দ্রৌপদীকে অনেক কটু উক্তি করিলেন এবং নিজের বাম উরু তাঁহাকে প্রদর্শন করিলেন। ভীম তাহা দেখিয়া প্রতিজ্ঞা করিলেন যে, তিনি যুদ্ধে হুঃশাসনের রক্তপান করিবেন ও

দুর্যোধনের উরুভঙ্গ করিবেন। দ্রৌপদীর এই লাহনার সভাস্থিত সকলেই নীরব হইয়া রহিলেন; কেহই কিছু বলিলেন না; কেবল ধৃতরাষ্ট্রের বিকর্ণ নামে এক পুত্র দ্রৌপদীর প্রতি এইরূপ ব্যবহারে অতিশয় ক্রুদ্ধ হইয়া কৌরবদিগের আচরণের বিপক্ষে তীব্র প্রতিবাদ করিলেন। যখন দ্রৌপদীর প্রতি এইরূপ অত্যাচার হইতেছিল, তখন দুর্যোধনের অগ্নিহেত্র-গৃহে গোমায়ুগণের ক্রন্দনধ্বনি উঠিল; গর্দভগণ চীৎকার করিয়া উঠিল; পক্ষিগণ তাহার প্রত্যুত্তর দিল। ধৃতরাষ্ট্র তখন দ্রৌপদীকে বলিলেন, “তুমি আমার নিকট বর প্রার্থনা কর।” দ্রৌপদী নিজের স্বামীদিগের দাসত্ব মোচন ও তাঁহাদের অঙ্গ পুনঃপ্রাপ্তি বর যাজ্ঞা করিলেন। ধৃতরাষ্ট্র তখন, পাণ্ডবরা বাহা কিছু হারিয়াছিলেন, সেই সকল প্রত্যর্পণ করিতে আদেশ করিলেন। পাণ্ডবরাও সজীক ইন্দ্রপ্রস্থে যাজ্ঞা করিলেন; এই হইল দ্যুতপ্রকরণ।

যখন ধৃতরাষ্ট্র দ্রৌপদীকে বর দান করিয়াছিলেন, তখন দুর্যোধন সভায় উপস্থিত ছিলেন না। তিনি সকল কথা জানিতে পারিয়া পিতার নিকট অহুরোধ করিলেন যে, পাণ্ডবরা পুনরায় সেই সভায় আসিয়া তাঁহার সহিত দ্যুতক্রীড়া করেন। এবার একটিমাত্র পণ থাকিবে। যে পক্ষ হারিবে, সেই পক্ষ ছাদশ বৎসরের নিমিত্ত অভিনবকল পরিয়া বনে বাস করিবে এবং ছাদশ বর্ষ উত্তীর্ণ হইলে তাহারা এক বৎসর কোন স্থানে অজ্ঞাতবাসে থাকিবে। যুধিষ্ঠির এই অঙ্গীকারে সম্মত হইলেন। পুনরায় দ্যুতক্রীড়া হইল। এবারও যুধিষ্ঠির হারিলেন, তাহার ফলে যুধিষ্ঠির প্রভৃতি পঞ্চপাণ্ডব ও দ্রৌপদী বনে গমন করিলেন। ইহার নাম অহুদ্যুতপ্রকরণ।

এই আধ্যাত্মিকতার এখন রহস্য বুঝিবার চেষ্টা করা বাউক। এই গল্পটি বাস্তবিক কি? এ সভা কি, এ দ্যুতক্রীড়া কি প্রকার, দ্রৌপদী এবং যুধিষ্ঠির প্রভৃতি ভ্রাতৃগণ কী হারা—দুর্যোধন প্রভৃতি ভ্রাতৃগণ বা কাহারো? ভীম, দ্রোণ, কর্ণ ইহারাই বা কে?

সভা কথার অর্থ—“ধর্মান্ববিচারস্থানং”, এই বিচারস্থানে অঙ্গক্রীড়া হইয়াছিল। তাহা হইলে অঙ্গক্রীড়ার অর্থ কি? অঙ্গপাদ গৌতমমুনি হইতে এই অঙ্গ কথা গৃহীত হইয়াছে।

“অন্তর্দধৌ স বিখেশো বিবেশ চ রসাং প্রভুঃ ।

রসাং পুনঃ প্রবিষ্টঃ স যোগং পরমমাস্থিতঃ ॥”

৫৪—৩৪৭ শাস্তিপর্ক ।

এ স্থলে রসা কথা রসাতল শব্দের পরিবর্তে বসিয়াছে । সেইরূপ কুরুক্ষেত্র স্থানে কুরু কথার প্রয়োগ হয় এবং সত্য-ভামা কথার স্থানে ভামা কথার প্রয়োগ হয় । সেই প্রকার অক্ষপাদ কথার স্থানে অক্ষ কথার প্রয়োগ হইয়াছে । অক্ষপাদমুনি হইলেন জ্ঞানদর্শন-প্রণেতা ; তাহা হইলে অক্ষক্রীড়া হইল বিচার বা তর্ক । আর একটু রহস্য আছে । অক্ষপাদমুনি এরূপ দয়ালুস্বভাব ছিলেন যে, পথে হাঁটিতে গেলে পাছে পিপীলিকা প্রভৃতি বিনষ্ট হয়, এই নিমিত্ত তাঁহার পায়ে চক্ষু হইয়াছিল । এই কারণে তাঁহার নাম অক্ষপাদ হয় । আর এক কথা, অক্ষপাদের নাম ছিল গৌতম, গৌতম বৃদ্ধদেবের নামাস্তর ।

সভাতে যে অক্ষক্রীড়া হইল, তাহার নাম কেবল অক্ষক্রীড়া নয়, তাহার নাম অক্ষদ্যুত । নল রাজা পুঙ্করকে বলিতেছেন ;—

“নচেছাঙ্কসি দ্যুতং তৎ যুদ্ধদ্যুতং প্রবর্ততাম্ ।”

৮—৭৮ বনপর্ক ।

হে-রাজন, যদি দ্যুতক্রীড়া করিতে অভিলাষ না করেন, তবে দৈবধর্মবিধানে যুদ্ধদ্যুতে প্রবৃত্ত হউন ।

এই ভাবে আমরা স্থানান্তরে দেখিতে পাই, যুদ্ধের নাম প্রাণদ্যুত । বনবাসকালে শ্রীকৃষ্ণ অর্জুনকে বলিতেছেন ;—

“অতর্কিতবিনাশশ্চ দেবলেন বিশাম্পতে ।”

৫—১৩ বনপর্ক ।

দ্যুতক্রীড়াতে অতর্কিত বস্তুরও বিনাশ হয় ।

এ স্থলে তর্ক-কথার খেলার সাহায্যে দ্যুতের সহিত বিচারের সম্বন্ধ স্পষ্টই দেখিতে পাওয়া যাইতেছে । দ্যুত কথার আরও যে অল্প প্রকার অর্থ হইতে পারে, তাহা কবি স্থানান্তরে দিয়াছেন ।

“দ্যুতমেতৎ পুরা কল্পে দৃষ্টং বৈরকরং নৃণাম্ ।

তস্মাদ্যুতং ন সেবেত হাস্তার্থমপি বুদ্ধিমান্ ॥”

১২—৩৭ উদ্যোগপর্ক ।

এই যে দ্যুতক্রীড়া হইল, ইহা পূর্ককল্পে মানবগণের বৈরকর দৃষ্ট হইয়াছে । অতএব বুদ্ধিমান ব্যক্তি পরিহাসের নিমিত্তও দ্যুতসেবা করিবে না ।

বনবাসকালে যুধিষ্ঠির দ্রৌপদী ও ভ্রাতৃগণকে বলিতেছেন ;—

“অহং হৃক্ষানম্ববত্তং জিহীর্ষন্ রাজ্যং সরাষ্ট্রং ধৃতরাষ্ট্রশ্চ পুত্রাং ।”

৩—৩৪ বনপর্ক ।

আমি ধৃতরাষ্ট্রের পুত্রের নিকট হইতে রাষ্ট্রের সহিত রাজ্য হরণ করিবার নিমিত্ত দ্যুতক্রীড়ায় প্রবৃত্ত হই । মহাভারতে রাষ্ট্র, রাজ্য, রত্ন, ঐশ্বর্য প্রভৃতি কথা একাধিক অর্থে ব্যবহৃত হইয়াছে । প্রায় সকল স্থানেই এই কথাগুলির পশ্চাতে আধ্যাত্মিক ভাবের ইঙ্গিত পাওয়া যায় । স্বরাজ্য কথা শ্রুতিমূলক ; মোক্ষের সহিত ইহার ঘনিষ্ঠ সম্বন্ধ । যুধিষ্ঠিরকে কবি সর্বগুণের আধার বলিয়া কল্পনা করিয়াছেন । তিনি যে রাজ্যলোভে সাধারণ লোকের জ্ঞান জুয়া খেলিয়া রাজ্য হরণ করিবার চেষ্টা করিবেন, তাহা সম্ভব নহে ।

আরও একটু কথা আছে । দ্যুতের নামাস্তর পরিদেবন । পরিদেবন করার অর্থ বিলাপ । ‘আননং লপনং’, আমরা পুনরায় দশাননের দেখা পাই । দ্যুতের নাম গৃহ ; ‘র-লয়োঃ সাবর্ণ্যাং’ গ্রহ ও গৃহ একই কথা । বিগ্রহ কথার অর্থ বিবাদ । বিবিধ বেদ-বাদের নাম বিবাদ, বিপরীত বেদবাদকেও বিবাদ বলে । তাহা হইলে সভাতে যে কি প্রকার দ্যুতক্রীড়া হইয়াছিল, তাহার একটু ইঙ্গিত পাওয়া যায় । শেষ কথা—দ্যুতের নামাস্তর ছুরোদর । এ স্থলে পুনরায় আমরা মন্দোদরীর সাক্ষাৎ পাইলাম ।

এখন যাহারা দ্যুতক্রীড়া করিতেছিলেন, তাঁহারা কে, তাহা বুঝিবার চেষ্টা করা যাউক । পাণ্ডব কথার অর্থ কি ? প্রথমতঃ ইহার আধ্যাত্মিক অর্থ পাণ্ডুপুত্র । কিন্তু পাণ্ডব কথা পণ্ড হইতে নিম্পন্ন হইতে পারে । মুনি-শাপে পাণ্ডু পুত্র-জনন সম্বন্ধে নিফল অর্থাৎ ‘পণ্ড’ হইয়াছিলেন । সেই কারণে তাঁহার পুত্রদিগের নাম হইল পাণ্ডব । এ স্থলে কবি ইঙ্গিত দিলেন যে, পাণ্ডবরা ক্রীবের পুত্র । আর একটু কৌতুকের কথা আছে । হরিণরূপী মুনি পাণ্ডুকে এই শাপ দিয়াছিলেন, হরিণ অর্থে পাণ্ডুর । পাণ্ডু নাম, ব্যাসের পুত্র সম্বন্ধে কেবল ব্যবহৃত হইত, তাহা নহে ; যুধিষ্ঠির প্রভৃতি পাণ্ডুপুত্রদিগকেও পাণ্ডু বলিত ।

“পাণ্ডুরেব পাণ্ডবঃ, স্বার্থে তদ্বিতঃ ।”

২২—২০ উদ্যোগপর্ক ।

সেইরূপ কুরুবংশীয়দিগকে কুরু বলিত ও ভরতবংশীয়-দিগকে ভরত বলিত ; ইক্ষাকুবংশীয়দিগকে ইক্ষাকু বলিত । পাণ্ডু কথার এক অর্থ শ্বেতবর্ণ, আর এক অর্থ রক্তপীত-মিশ্রিত বর্ণ, তৃতীয় অর্থ পীতবর্ণ । অর্থাৎ শ্বেত এবং নানা-বিধ মিশ্রিত বর্ণকে পাণ্ডুবর্ণ বলে । বর্ণ কথার সাধারণ অর্থ রং ; ইহার অত্র প্রকার অর্থও আছে । গুণ আরোপণ করিয়া নানাপ্রকার বর্ণ কল্পিত হইয়াছে, ইহাই হইল হিন্দুসমাজে বর্ণবিভাগের গূঢ় তাৎপর্য্য । যুধিষ্ঠির প্রভৃতি পঞ্চ ভ্রাতাতে এই কল্পনা সুন্দররূপে রক্ষিত হইয়াছে । অর্জুন কর্তৃক বর্ণনায় যুধিষ্ঠির ও ভীম উভয়েই গৌরবর্ণ ; এ স্থলে বর্ণ অর্থে রং । কিন্তু আরও একটু ভিতরকার কথা আছে । যুধিষ্ঠির হইলেন ধর্মপুত্র, তিনি নিষ্পাপ অর্থাৎ শুক্লবর্ণ । ভীম বায়ুর পুত্র,—মরুদগণ বৈশ্ববর্ণ । অর্জুন নর-নারায়ণের এক অংশ ; বিষ্ণু ক্লিয়বর্ণ । নকুল-সহদেব শূদ্রবর্ণ অশ্বিনীকুমারদয়ের পুত্র । অর্থাৎ পাঁচ ভ্রাতাতে ভাল মন্দ উভয়ই মিশ্রিত ছিল । প্রথম তিন ভ্রাতা হইলেন কুন্তীর পুত্র ।

কুন্তী কল্পনাটি কি ? এ সম্বন্ধে একটি অতিশয় কৌতুক-ময় রহস্য আছে । যখন যুধিষ্ঠির, ভীম এবং অর্জুনের জন্ম হইল, তখন পাণ্ডু কুন্তীকে অনুরোধ করিলেন যে, তুমি আর একবার আর এক জন দেবতাকে স্মরণ কর, তাহা হইলে তোমার আর এক পুত্র জন্মিবে । কুন্তী পাণ্ডুর কথায় এক-কালে অস্বীকৃতা হইলেন । তিনি বলিলেন—

“নাতশ্চতুর্থং প্রসবমীপংস্বপি বহুস্ত্যত ।

অতঃপরং শ্বৈরিণী শ্রাদ্ধক্ষকী পঞ্চমে ভবেৎ ॥”

৭৭—১২৩ আদিপর্ক ।

কুন্তী তাঁহাকে কহিলেন, ধর্মবেত্তারা আপৎকালেও চতুর্থ প্রসব প্রশংসা করেন না । কারণ, চতুর্থ পুরুষসংসর্গে শ্বৈরিণী হয় এবং পঞ্চম পুরুষসংসর্গ করিলে বেশ্যা হইয়া থাকে । কুন্তী তখন ভুলিয়া গেলেন, কণ বলিয়া তাঁহার আর এক পুত্র ছিল ; তিনি নিজেকে স্বামীর নিকট শ্বৈরিণী বলিয়া পরিচয় দিতে কুণ্ঠিত হইলেন । বলা বাহুল্য, এ সকল কথাগুলিই কল্পনা-প্রসূত । শ্বৈরিণী ও বেশ্যা এই দুই শব্দের অর্থ লইয়া এই কৌতুকময় রহস্যটি গঠিত হইয়াছে ।

কুন্তী কে ? কু অর্থে পৃথিবী, কুন্তীর অপর নাম পৃথ্বী, কুন্তী ধৈর্যের নিমিত্ত প্রসিদ্ধা । এ পৃথিবী কে ?

“সর্বভূতানাং জনয়িত্রী অবিজ্ঞা পৃথিবী ।”

১—১৯ শান্তিপর্ক ।

এ স্থলে আমরা অবিজ্ঞা অর্থাৎ বেশ্যা পাইলাম । বলা বাহুল্য, অবিজ্ঞা অর্থে মোহ । শ্বৈরিণী কথার অর্থ কি ?

“কৃষ্ণদ্বৈপায়নো রাজমজ্জাতচরিতং চরন্ ।

বারাণশ্চামুপাতিষ্ঠমৈত্রেশঃ শ্বৈরিণীকুলে ॥”

৩—১২০ অশ্বশাসনপর্ক ।

কৃষ্ণদ্বৈপায়ন অজ্ঞাতচরিতরূপে বিচরণ করত বারাণসীতে মুনিমণ্ডলের মধ্যে মৈত্রেশের নিকট উপস্থিত হইলেন ।

শ্বৈরিণীর অর্থ হইল মুনিমণ্ডল ।

স্বম্ ঈরয়তি ধর্মায় প্রেরয়তি শ্বৈরিণী মুনিশ্রেণী তস্তাঃ কুলে গৃহে । টীকাকার ঈরয়তি অর্থে প্রেরয়তি করিয়াছেন । আমার বোধ হয়, ‘ধর্মঃ’ কথয়তি করিলে সমীচীন-তর অর্থ হয় । ঈরা, ইলা, পৃথিবী, গো, বেদ এ সকলই সমান অর্থবাচক । যাহা হউক, শ্বৈরিণী কথার সহিত ধর্ম কথার সম্বন্ধ পাওয়া গেল । এ সম্বন্ধের প্রয়োজন শীঘ্রই দেখিতে পাইব ।

উক্ত শ্লোকে যে শ্বৈরিণী কথা ব্যবহৃত হইয়াছে, তাহার আরও একটু গূঢ় তাৎপর্য্য আছে । স্ব অর্থে স্বর্গ ; স্বঃ ঈরয়তি অর্থে স্বর্গপ্রাপক ; স্বর্গের সহিত যজ্ঞের সম্পর্ক মহাভারতে অসংখ্য স্থানে দেখিতে পাইব । এ স্থানে কুন্তীর সহিত স্বর্গের অথবা যজ্ঞপহার সম্বন্ধ গাইলাম । কাশীতে মুনিগণ ছিলেন, এ কাশী কথার গূঢ় তাৎপর্য্য পরে বুঝিতে পারিব ।

পাণ্ডব কথার উৎপত্তি সম্বন্ধে বোধ হয় আরও কিছু বলা যাইতে পারে । পা+অণ্ড+ব এই ভাবে কথাটি নিষ্পন্ন করিলে আর এক প্রকার অর্থ হয় । পা অর্থে রক্ষা অথবা ধারণ অর্থাৎ ‘ধর্ম’ যদি করা যায়, আর অণ্ড অর্থে যদি বীজ বা কারণ হয়, তাহা হইলে পাণ্ডু কথার অর্থ ধর্মের মূর্জ বেদ হইতে পারে । সেই ভাবে পাণ্ডব অর্থে ‘পাণ্ডঃ বাস্তি গচ্ছন্তি যে তে পাণ্ডবাঃ ।’ অর্থাৎ বৈদিক পন্থা অনুসরণকারী । এই ভাবে কুশীলবা, কেশব প্রভৃতি কথা নিষ্পন্ন হইয়াছে । পাণ্ডব কথার অত্র প্রকার অর্থও হইতে পারে । সেই অর্থটি বুঝিতে হইলে আর একটি কথার সাহায্য লইতে হয় ।

“শীর্ষপাৰাণসংহারাঃ কেশশৈবালশাঘলাঃ ।
অস্থিনীনসমাকীর্ণা ধম্মঃশরগদোদ্ভুপাঃ ॥”

৩০—৫২ কর্ণপর্ক ।

এ স্থলে উদ্ভুপা কথার অর্থে টীকাকার বলিতেছেন, ভাস্করস্বাহুদ্রবরকত্রসদৃশীঃ পাস্তীভ্যুদ্ভুপাঃ ধম্মুরাদিবহুদ্ভুপাঃ শোভা বাসাং তা ইতি বা ।

এ স্থলে উদ্ভুপার কথা হইতে পা ও ভা এক কথা হইতে পারে বলিয়া মনে হয় । তাহা হইলে পাণ্ডু জ্যোতী-রূপং অণ্ডং বাতি গচ্ছতি ইতি পাণ্ডবঃ ; এ অর্থও হইতে পারে । এ সম্বন্ধে বিভাগু কথা মনে হয় । পাণ্ডবদিগের সহিত ইন্দ্রের অর্থাৎ যজ্ঞাভিমানী দেবতার সম্বন্ধ নানা-প্রকারে দেখিতে পাওয়া যায় । তাঁহাদের রাজধানীর নাম হইল ইন্দ্রপ্রস্থ, তাঁহাদের ভৃত্যের নাম ছিল ইন্দ্রসেন ।

যুধিষ্ঠির হইলেন ধর্মের পুত্র, স্বয়ং ধর্ম বিহুররূপে জন্ম-গ্রহণ করেন । আখ্যায়িকা হিসাবে ধর্ম ও ধর্মপুত্রের মধ্যে প্রভেদ থাকিতে পারে, কিন্তু গৃঢ় তাৎপর্য্য বুঝিতে হইলে উত্তর কথার প্রায় এক অর্থ হয় ।

উপরে বলিয়াছি, পুত্র অর্থে স্বরূপ ; ‘আত্মা বৈ জায়তে পুত্রঃ’ যুধিষ্ঠির হইলেন ধর্মের স্বরূপ ।

‘এষ বিগ্রহবান্ ধর্ম ।’ ১০—৭০ বিরাটপর্ক ।

ইনি সৃষ্টিমান্ ধর্ম । ভীষ্ম এক স্থানে বলিতেছেন :—
“ত্যজ্যেত সর্বপৃথিবীং সমৃদ্ধাং যুধিষ্ঠিরো ধর্মমথো ন জহাৎ ।”
৪৮—৬৯ সভাপর্ক ।

যুধিষ্ঠির সমস্ত পৃথিবী ত্যাগ করিতে পারেন, কিন্তু ধর্ম ত্যাগ করিতে পারেন না । অশ্রুত যুধিষ্ঠির সম্বন্ধে কথিত আছে :—

“যশ্চ নাস্তি সমং কশ্চিৎ ।”

৪—৫৫ শান্তিপর্ক ।

যাঁহার সমান কেহ নাই । যুধিষ্ঠিরকে সর্বগুণসম্পন্ন করিবার বিশেষ কারণ আছে ।

শরশয্যায় শয়ান ভীষ্ম সমবেত মুনিমণ্ডলী ও পঞ্চ-ব্রাতাকে ধর্মের নিগূঢ় তাৎপর্য্য বলিতেছেন । শান্তি-পর্ককে মহাভারতের অমৃত বলে । যুধিষ্ঠির ধর্ম সম্বন্ধে প্রশ্ন করিতেছেন, ভীষ্ম উত্তর দিতেছেন ।

‘ধর্মাত্মা মাং ধর্ম্মানহুপৃচ্ছতু ।’

২—৫৫ শান্তিপর্ক ।

ভীষ্ম বলিলেন, আমি প্রকৃত অন্তঃকরণে ধর্মকথা বলিব, কিন্তু কোন ধর্ম্মাত্মা আমাকে ধর্ম বিষয়ে প্রশ্ন করুন, পাণ্ডুনন্দন যুধিষ্ঠির আমার প্রশ্ন করুন । ধর্ম্মশিক্ষা বিষয়ে হিন্দুধর্ম্মের ইহা একটি মৌলিক বিধি । পবিত্র মনে অহু-সন্ধান না করিলে তত্ত্বজ্ঞান লাভ হয় না । আর এক স্থলে ছর্যোধান যুধিষ্ঠির সম্বন্ধে বলিতেছেন যে, বেদান্ত ও যজ্ঞ-সাগরের পারদর্শী রাজেন্দ্রগণ যুধিষ্ঠিরকে উপাসনা করেন ।

১—৫২ সভাপর্ক ।

বেদান্ত ও যজ্ঞ-সাগরের পারদর্শী এই দুইটি বিশেষণের উপযোগিতা শীঘ্রই বুঝিতে পারিব ।

তবে সকল স্থানে যুধিষ্ঠির সম্বন্ধে এ ভাব রক্ষিত হয় নাই । দ্রোণাচার্য্যের বধের নিমিত্ত কবি যুধিষ্ঠিরকে মিথ্যা কথা বলাইয়াছেন । ছর্যোধানের রাজ্য হরণের নিমিত্ত যুধি-ষ্ঠির দ্যুতক্রীড়া করিয়াছিলেন ; কর্ণের সহিত যুদ্ধে কল্লিয়ধর্ম্ম পরিত্যাগ করিয়া যুধিষ্ঠির পলায়ন করেন । বলা বাহুল্য, এই-রূপে যুধিষ্ঠিরকে অঙ্কিত করিবার বিশেষ কারণ ছিল । এই প্রকার গুটিকত স্থান ভিন্ন সকল স্থানেই যুধিষ্ঠিরকে ধর্ম্মের আদর্শ করিয়া চিত্রিত করিয়াছেন । দ্যুতক্রীড়াস্থলে ধর্ম্মের সহিত যুধিষ্ঠিরের কি সম্বন্ধ, তাহা এখনই দেখিতে পাইব ।

ভীষ্মের স্বরূপ একটু বুঝা কঠিন । দেহের বলের নিমিত্ত ভীষ্ম প্রসিদ্ধ । বায়ু তুল্য কেহ বলশালী নাই । যে কার্য্যে দেহের বলের প্রয়োজন, ভীষ্ম সেই স্থানেই আছেন । কুন্তীকে বহিতে হইবে, দ্রোপদীকে বহিতে হইবে, ভীষ্ম তাহাই করিতে-ছেন । দ্রোপদী বলিলেন, আমার জন্ত পদ্ম লইয়া এস, ভীষ্ম তাহাই আনিতে গেলেন ; তাহার ফলে যক্ষদিগের সহিত তাঁহার যুদ্ধ বাধে । ভীষ্ম হিড়িম্ব রাক্ষস, বক রাক্ষস বধ করেন । কুন্তী ভীষ্মের দেহ অহুপাতে তাঁহাকে ভোজন করাইতেন । যখন পাঁচ ভাই ব্রাহ্মণ সাজিয়া পাঞ্চাল নগরে বাস করিতেছিলেন, তখন তিষ্ণালক অগ্নের আধভাগ ভীষ্ম একা খাইতেন ; বাকী আধভাগ আর সকলে মিলিয়া খাইতেন । ভীষ্মকে তুবরক বলিলে ভীষ্ম মহা রুষ্ট হইতেন । তুবরক যে বলিত, তিনি তাহাকে বধ করিতে ছুটিতেন । তুবর ও তুপর একই কথা, ইহার অর্থ দাড়ি-গোঁপ-বিহীন ; তদ্বিত্ত উত্তর কথার আর এক অর্থ আছে ।

“অশ্বোহজ...——মুচম্ ।”

৬৩—১৫৯ উদযোগপর্ক ।

এই সকল কথার গূঢ় অর্থ পরে দেখিব।

কবি ইহা অপেক্ষা ভীমকে ক্রমতঃ বর্ণে চিত্রিত করিয়াছেন। ভীম হৃষ্যোদনকে অস্তায় যুদ্ধে নিপাতিত করেন, হৃঃশাসনকে নিহত করিয়া তাহার শোণিত পান করেন। রক্ত পান করিয়া তিনি বলিলেন যে, এরূপ অমৃত পূর্বে কখন আশ্বাদন করেন নাই, অথচ লোকসমক্ষে প্রকাশ করিলেন যে, তিনি হৃঃশাসনের রক্তপান করেন নাই, কেবল-মাত্র ওষ্ঠ দিয়া রক্ত স্পর্শ করিয়াছিলেন। যুদ্ধের পর তাঁহারই নিশ্চয় বাক্যে পীড়িত হইয়া অন্ধ, পুঞ্জহীন ধৃতরাষ্ট্র হস্তিনাপুর ত্যাগ করিয়া গান্ধারীর সহিত বনে গমন করেন।

তবে ভীমকে অগ্ররূপেও কবি চিত্রিত করিয়াছেন। বনবাসকালে এবং যুদ্ধের পর যখন পাঁচ ভাই ও দ্রৌপদী বসিয়া ধর্ম সঙ্কে আলোচনা করিতেন, তখন ভীমও তাঁহাদের সকলের সহিত সমভাবে নৈতিক ও দার্শনিক বিচার করিতেন। ভীমের এই প্রকার জ্ঞানী রূপের ইঙ্গিত তাঁহার একটি নাম হইতে বোধ হয় পাওয়া যায়। ভীম মরুতের পুত্র, মারুতি। মারুতি কথা হইতে ভীমের জ্ঞানের সহিত সঙ্কের বোধ হয় কিছু ইঙ্গিত আছে। মা অর্থে লক্ষ্মী; মাধব অর্থে লক্ষ্মীপতি; এ লক্ষ্মী কথার অর্থ কি? সচরাচর সম্পদ অথবা সৌভাগ্য-অভিমানিনী দেবতাকে লক্ষ্মী বলে। কিন্তু লক্ষ্মী কথার আর এক অর্থ আছে; লক্ষ্মী—স্রীং-(লক্ষ + স্রী—কর্তৃ) (নীতিমানকে দেখে যে)। লক্ষ্মী কথার নামান্তর ক্ষীরাক্তিতনয়া, ভার্গবী, হৃৎকিত্তিতনয়া; লক্ষ্মীমন্ত্র হইল 'সর্বকামফলপ্রদ', বেদমাতা সুরভি হইলেন সর্বকামহৃৎ কামধেয়ু। লক্ষ্মী ক্ষীরমাগর-সন্তুতা; বলা বাহুল্য, এ ক্ষীর সুরভি ধেয়ুর জ্ঞানরূপ অমৃত। আর একটু কথা আছে। লক্ষ্মী পদ্মালয়া, সরস্বতী পদ্মাসনা; উভয় কল্পনার মূলে একই ভাব রহিয়াছে। যুরোপীয়গণ মনুষ্য-হৃদয়কে তাহাদের হৃদয়ের ছাপের মত অঙ্কিত করেন। প্রকৃতপক্ষে এই প্রকার ছাপের সহিত মনুষ্য-হৃদয়ের কোন সাদৃশ্য নাই। বাঁহারা আবরক ঝিল্লী-(পেরিকার্ডিয়াম) মধ্যে স্থিত মনুষ্য-হৃদয় ও সেই হৃদয় হইতে উদ্ভিত বৃহৎ বক্রাকার এয়োটা ধমনী দেখিয়াছেন, তাঁহারা জানেন যে, সর্বস্ত প্লেফুটোগুথ পদ্ম-কোরক তাহার অবিকল অল্পরূপ। ইহা হইতে পদ্মালয়া ও পদ্মাসনার কথার অর্থ 'অল্পমান' করা যায়। হৃদয়রূপ পুণ্ডরীক অর্থাৎ পদ্মে

উহাদের আসন। ইহার অর্থ—মনে জ্ঞানের উদয় হয়। শুক্রচৈতন্য রামের ভ্রাতার নাম লক্ষণ। আমার বোধ হয়, জ্ঞানের ভাব লইয়া লক্ষণ কথাটি নিষ্পন্ন হইয়াছে।

“হৃৎ চাহবনীমহং মহাভাগ্যে প্রতিষ্ঠিতাঃ।

অগ্রে ভোজ্যাঃ প্রসূতীনাং শ্রিয়া ব্রাহ্ম্যাত্মকমিতাঃ ॥”

৯—৩৫ অল্পশাসনপর্ব।

এ স্থলে শ্রিয়া অর্থে বিষ্ণু, তাহা হইলে লক্ষ্মী ও বিষ্ণু একই অর্থবাচক হইল। তাহা হইলে মারুতি কথার অর্থ হইল—যাহার রু (রব) মা অর্থাৎ জ্ঞান সদৃশ; হৃৎমান ও ভীমসেন সেই মারুতি।

অর্জুন কল্পনার মূল কি? যে যে শব্দে অর্জুন বুঝায়, সেই সেই শব্দে অর্জুনবৃক্ষ বুঝায়। অর্জুনবৃক্ষের একটি নাম ইন্দ্রক্র।

“নদী সর্জে বীরতরুরিন্দ্রক্রঃ ককুভোর্জুনঃ।”

—অমরকোষ।

তাহা হইলে আমরা দেখিতে পাইলাম, একটি অড়-শব্দার্থ (অর্জুনবৃক্ষ) অবলম্বন করিয়া অর্জুন কল্পিত হইয়াছে। এই বৃক্ষের অপর নাম অর্জুনক্র; ক্র, ক্রমঃ (অমরকোষ), যাহার নাম ক্র, তাহার নাম ক্রম। অর্জুনবৃক্ষ হইল ইন্দ্রক্রম; তৃতীয় পাণ্ডব হইলেন ইন্দ্রপুত্র। দ্বিতীয় কথা, অর্জুন অর্থে শ্বেত, “সিতো গৌরো বলকো ধবলোহর্জুনঃ।”—অমরকোষ।

পুনরায় আমরা সিত শুক্র-নিষ্পাপ কথার ইঙ্গিত পাইলাম। তৃতীয় কথা ঋ—গতো। অর্জুন শব্দ ঋ ধাতু হইতে নিষ্পন্ন হইতে পারে। সর্বে গত্যর্থী জ্ঞানার্থীশ্চ, সকল গত্যর্থ শব্দ জ্ঞানার্থবাচক। এ স্থলে আমরা অর্জুনের সহিত শুভ্র নিশ্চল জ্ঞানের সঙ্কে দেখিতে পাই। কবি এই ভাবটি এক স্থানে সুন্দররূপে প্রকাশ করিয়াছেন।

হৃষ্যোদন বলিতেছেন,—

“ভগবান্ দেবকীপুত্রো লোকাংশ্চিন্নিহনিষ্টিতি।

প্রবদন্নর্জুনে সখ্যং নাহং গচ্ছেহু কেশবম্ ॥”

৭—৬৯ উদ্যোগপর্ব।

হৃষ্যোদন বলিলেন, দেবকীপুত্র ভগবান্ কেশব যদি অর্জুনের সহিত মিত্রতা স্বীকার করত সমস্ত লোক সংহার করেন, তথাপি আমি এক্ষণে তাঁহাকে প্রাপ্ত হইতে পারি না।

এ স্থলে টীকাকার অর্জুন শব্দের অর্থ করিতেছেন, “অর্জুনে বিগুহ্নে কামক্রোধাদিমলশূন্তে সখ্যাং বদন্ ভগবানস্তি।” তাহা হইলে অর্জুন হইলেন বিগুহ্ন নির্মল। রামায়ণে গুরা নিম্পাপা সীতা হইলেন শুদ্ধব্রহ্ম রামের অর্ধাংশ। মহাভারতে কৃষ্ণাৰ্জুন অর্থাৎ নরনারায়ণকে দেখিতে পাইলাম। এ স্থলে নর, অর্জুন হইলেন নারায়ণের অংশ। চতুর্থ কথা, অর্জুন হইলেন ইন্দ্রপুত্র, ইন্দ্র স্বর্গের অধিপতি। যজ্ঞের সহিত স্বর্গের যে সম্বন্ধ, তাহা পরে দেখিব। ইন্দ্র হইলেন যজ্ঞাভিমানী দেবতা, অর্জুন তাঁহারই পুত্র।

অর্জুনের গাণ্ডীব কি? গাণ্ডীব কথা গাণ্ডি + ব এইরূপে নিম্পন্ন হইয়াছে। গণ্ড + ই = গাণ্ডি; ইহার অর্থ গ্রহি, অর্থাৎ অর্জুনের ধনুক গ্রহি অর্থাৎ পর্কয়ুক্ত ছিল; ইহাই হইল এক প্রকার অর্থ। গ্রহি ও গ্রহ নদ ও নদী শব্দের ত্রায় এক অর্থকাচক, উহা পর্কয়ুক্ত; এ গ্রহখানি কি?

“তচ্চ দিব্যং ধনুঃ শ্রেষ্ঠং ব্রহ্মণা নিশ্চিতং পুরা।”

১৯—২২৫ আদিপর্ক।

সেই শ্রেষ্ঠ ধনু যাহা ব্রহ্মা পূর্বে নির্মাণ করিয়াছিলেন। ব্রহ্মা বেদের কর্তা, তাহা হইলে গাণ্ডীব ধনুর অর্থে বেদ। উপরে দেখিয়াছি, ধনু ও ধেমু একই কথা হইতে পারে। স্থানান্তরে অর্জুন যাহা বলিতেছেন, তাহা হইতে এই অনুমান আরও দৃঢ়তর হয়।

“জানাসি দাশার্হ মম ব্রতং ত্বং

যো মাং ক্রয়ীৎ কশ্চন মানুষেবু।

অন্যস্মৈ তং গাণ্ডীবং দেহি পার্থ

যন্ততোহস্মাদীর্ঘ্যতো বা বরিষ্ঠঃ ॥”

কর্ণপর্ক।

অর্জুন শ্রীকৃষ্ণকে বলিতেছেন, হে বৃষ্ণিপ্রবর দাশার্হ কেশব, আমার এই নিয়ম তোমার বিদিত আছে, যে মনুষ্য-মধ্যে যে কোন লোক আমাকে “পার্থ, যে ব্যক্তি তোমার অপেক্ষা অস্ত্রে বা বীর্যে শ্রেষ্ঠ, তুমি তাহাকে গাণ্ডীব প্রদান কর”, এই কথা বলিবে, আমি তৎক্ষণাৎ তাহাকে বিনষ্ট

করিব এবং ভীমেরও এই প্রতিজ্ঞা আছে যে, কেহ তাঁহাকে ‘ভুবরক’ বলিয়া সম্বোধন করিলে তিনি তাহার প্রাণ সংহার করিবেন।

উপরের শ্লোকের নিগূঢ় অর্থ—যে কেহ তাঁহাদিগকে বেদবিরোধী বলিবেন অথবা তাঁহাদিগকে বেদ ত্যাগ করিতে বলিবেন, তাঁহারা তাহাকে বধ করিবেন। এইরূপ অর্থ কি করিয়া হইল, তাহা পরে দেখিব। অর্জুনের রথ কপিধ্বজ, কপি অর্থে ধর্ম; তাঁহার অশ্ব শ্বেতবর্ণ।

নকুল-সহদেব মাজীর পুত্র। মাজী স্বামীর সহিত চিতারোহণের সময় নিজের দুইটি শিশুপুত্রকে কুস্তীর হাতে সমর্পণ করিয়া দিয়া যান। কুস্তীও তাহাদিগকে নিজ পুত্রদিগের ত্রায় পালন ও স্নেহ করিতেন। বিশেষ করিয়া সহদেবকে তিনি অতিশয় স্নেহ করিতেন। ইহাদের রহস্য পরে বৃষ্ণিতে চেষ্টা করিব।

পঞ্চ পাণ্ডব হইলেন কুস্তীর পুত্র, অথবা পুত্রস্থানীয়। এক পক্ষে ইঁহারা হইলেন ধর্ম প্রভৃতি দেবতা ও দিকপাল-গণের পুত্র, অপর পক্ষে ইঁহারা হইলেন অবিজ্ঞা অর্থাৎ মোহের পুত্র। তাহা হইলে বৃষ্ণিতে পারা যায়, কেন ইঁহারা সময়ে সময়ে পাপে লিপ্ত হইতেন। পাণ্ডবদিগের এই ইন্দ্রিয়-সেবী মোহজ রূপের কবি এক স্থানে অতি প্রশস্ত ইন্দ্রিত দিয়াছেন। ভীষ্ম যুধিষ্ঠিরকে বলিতেছেন :—

“শুদ্ধাভিজনসম্পন্নঃ পাণ্ডবাঃ সংশিতব্রতাঃ।

বিজ্ঞতা দেবলোকেষু পুনর্মুখ্যমেঘ্যথ ॥”

৬৯—২৭৯ শাস্তিপর্ক।

তোমরা পাঁচ ভাই মৃত্যুর পর স্বর্গে গমন করিবে, তথায় পুণ্যক্রম হইলে পুনরায় পৃথিবীতে জন্মগ্রহণ করিবে; পুনরায় তোমরা স্বর্গে যাইবে, পুনরায় পৃথিবীতে আসিবে। এইরূপে অগণিত বার তোমাদিগকে যাতায়াত করিতে হইবে। বাস্তবিক কবি পাঁচ ভাইকেই স্বর্গ নরক দেখাইয়াছেন। ভীষ্মের কথার নিগূঢ় তাৎপর্য আছে, যজ্ঞপত্নী হইল পুনরাবৃত্তি পত্নী, যজ্ঞপত্নীর সহিত পাণ্ডবদের সম্বন্ধ শীঘ্রই দেখিতে পাইব।

[ক্রমশঃ।

শ্রীউপেন্দ্রনাথ মুখোপাধ্যায়।

রূপের মোহ



ষোড়শ পরিচ্ছেদ

ঝটিকা সে রাত্রিতে যেন মৃত্যুর বার্তা বহন করিয়াই বহিতেছিল। এমন ভীষণ ঝড় রমেন্দ্র কখনও দেখে নাই। প্রতি মুহূর্তেই মনে হইতেছিল, মত্ত দৈত্য সহস্র-বাহুর দ্বারা দ্বার-জানালা চূর্ণ করিয়া এখনই সকলকে উড়াইয়া লইয়া যাইবে। সন্ধ্যার সময় ঝড়ের অবস্থা দেখিয়া বাড়ীর সকলে সকাল সকাল আহারের হাঙ্গামা মিটাইয়া ফেলিয়াছিল। অল্প দিনের মত আজ অমিয়া রমেন্দ্রের আহারের সময় উপস্থিত থাকিতে পারে নাই। তাহার শিরঃপীড়া অনেকটা কমিয়া গেলেও ক্লাস্তিবশতঃ সে তখনও শয্যা-ত্যাগ করে নাই।

সন্ধ্যার সময় হইতেই পিসীমার বাতিকের জ্বর বাড়িয়াছিল। এত যে ঝড় হইতেছিল, তাহাতেও তাঁহার হুঁস ছিল না। মাঝে মাঝে তাঁহার এমন জ্বর হইত। এক দিনের বেশী জ্বর থাকিত না। সাত আট ঘণ্টা বেহুঁস থাকিবার পর জ্বর ছাড়িয়া যাইত। পুরাতন পরিচারিকা সৈরভী। পিসীমার ঘরে থাকিত, আজও সে তাঁহার শয্যা-পার্শ্বে বসিয়া ছিল।

সামান্য কিছু আহারের পর অমিয়া একবার পিসীমার সন্ধান লইতে গেল। তাঁহার জ্বরের জন্তু কাহারও হুঁসাবনা ছিল না, কারণ, সকলেই তাঁহার জ্বরের গতির সহিত পরিচিত ছিল। খানিক পিসীমার শয্যা বসিয়া থাকিবার পর সৈরভীকে পিসীমা সম্বন্ধে সতর্ক থাকিতে বলিয়া অমিয়া ক্লাস্তদেহে শয়নকক্ষে ফিরিয়া আসিল। তাহার মাথার ধারণা সম্পূর্ণ তিরোহিত হইয়াছিল। কিন্তু ক্লাস্তদেহেও নিদ্রা আসিতেছিল না।

সে ছোট টেবলটির ধারে চেয়ারখানা টানিয়া লইয়া বসিল। জানালা-দরজা রুদ্ধ ষাটিকার বেগ ও গর্জন ক্রমেই বাড়িতেছিল। বৃষ্টির ধারা ও ষাটিকার প্রবাহ রুদ্ধ বাতায়নে প্রচণ্ডবেগে প্রতিহত হইতে লাগিল।

নিদ্রার স্পৃহা বিন্দুমাত্র নাই। বিপ্লবময়ী রজনীর সহিত তাহার হৃদয়ের কোনও যোগসূত্র আছে কি না, বসিয়া বসিয়া সে কি তাহাই ভাবিতেছিল?

সরযুর এ রাত্রিতে ফিরিবার আর কোন সম্ভাবনা নাই। এমন ছুর্যোগে লীলার মা কখনই তাহাকে ছাড়িয়া দিবেন না; কেই বা দেয়? আর দাদা? তাই ত, তিনিই বা কোথায় আটক পড়িলেন? সম্ভবতঃ কোথাও তিনি আশ্রয় লইয়াছেন। এ রাত্রিতে ঘরে ফিরিয়া আসা তাঁহার পক্ষেও অসম্ভব। যদি ঝড় কমিয়া যায়, তাহা হইলে আসিতে পারেন। সহোদরের জন্ত উদ্বিগ্নভাবে সে উঠিয়া একবার জানালা খুলিয়া প্রকৃতির অবস্থা দেখিবার চেষ্টা করিল। খোলা পথে উদ্দাম বায়ুপ্রবাহ এমনভাবে প্রবেশ করিল যে, তখনই অমিয়া দ্বার বন্ধ করিয়া দিল। মুহূর্ত দৃষ্টিপাতে সে আকাশের যে অবস্থা দেখিল, তাহাতে বুঝা গেল, শীঘ্র এ ছুর্যোগের অবসান ঘটবার সম্ভাবনা নাই। চিন্তিত মনে সে আবার চেয়ারে বসিয়া পড়িল।

টেবলের উপর দক্ষিণ কর রাখিয়া সে কি ভাবিতে লাগিল। প্রলয়ের বার্তা লইয়াই যেন আজ এই ষাটিকা বহিতেছে! কি উদ্দাম ইহার বেগ, কি হৃদমণীয় ইহার প্রভাব! মাহুধের মনের সঙ্গে কি ইহার তুলনা করা চলে না? ক্ষুদ্র হৃদয়েরও অন্তরালে সময়ে সময়ে নানাভাবে যে ঝড় বহিয়া থাকে, তাহাও ত এমনই প্রচণ্ড, এমনই প্রলয়কারী!

ভাবিতে ভাবিতে তাহার চিত্ত প্রবাসী স্বামীর দিকে ধাবিত হইল। এই ঝড়ের সময়ে তিনি কি করিতেছেন? পুরীর আকাশে যে বারিবিছাৎভরা মেঘপুঞ্জ দেখা যাইতেছে, এলাহাবাদের আকাশেও কি তাহারা দলে দলে গিয়া পৌঁছে নাই—মত্ত বাতাস কি সেখানেও 'স্কুর্ক' খাস ফেলিতেছে না? বঙ্গোপসাগরের অকুল জলধিগর্ভ হইতে উখিত লক্ষজটালীর্ষ যে দানব ভীষণ ছঙ্কারে দিগ্ভ্রম কাঁপাইয়া, আকাশের নীলিমাকে আচ্ছন্ন করিয়া ছুটিয়া চলিয়াছে, তাহার করালমূর্ত্তি কি সুদূর পশ্চিমাঞ্চল পর্য্যন্ত বিস্তৃত হয় নাই? যদি সেখানেও এমনই ছুর্যোগময়ী রজনীর আবির্ভাব ঘটিয়া থাকে, তবে তিনি এখন কি করিতেছেন? বিজ্ঞানের গভীরতম তত্ত্বালোচনা ঝটিকার গর্জনে কি বাধা পাইতেছে না? স্বামীর স্বভাবের যতটুকু পরিচয় সে পাইয়াছে, তাহাতে সে বেশ জানে যে, পৃথিবীর কোনও আলোড়ন তাঁহার চিত্তের তন্ময়ত্বকে বিচলিত করিতে পারিবে না। বিজ্ঞানের আলোচনায় তাঁহার যত আনন্দ, এমন কিছুতেই নহে। যখন তিনি কোনও তথ্যের আবিষ্কারে, নময় থাকেন, তখন বিশ্বব্রহ্মাণ্ড উলট-পালট হইয়া গেলেও তিনি বুঝিতে পারেন না। তাহার বিবাহিত জীবনের চারি বর্ষসম্বন্ধ ত এমনই ভাবে কাটিয়াছে। তাহাকে ভাল তিনি নিশ্চয়ই বাসেন; কিন্তু সে ভালবাসা পর্য্যাপ্তরূপে ব্যক্ত করিবার অবকাশ তাঁহার কোথায়? যৌবনের উদ্দাম বিলাস-লালসা সেই শাস্ত্রস্বভাব, সংযতচরিত্র ঋষিতুল্য সাধননিরত বৈজ্ঞানিকের সহিষ্ণুতাকে বিন্দুমাত্র টলাইতে পারে না। এ জন্ত অমিয়া তাঁহাকে কি শ্রদ্ধাই না করিয়া থাকে! তিনি পরম সুন্দর যুবা, আর সে-ও নবীনা সুন্দরী। এ বয়সে অবাধ প্রেম-চর্চায় রত থাকিলে কেহ দোষ দিতে পারে না। কিন্তু সাধনারত বৈজ্ঞানিক সে বিষয়ে উদাসীন। মনে মনে অমিয়া কি সে জন্ত স্বাগি-গর্ক অমুভব করে না?

চিন্তার ধারা স্ত্রের পর স্ত্র অবলম্বন করিয়া কোথা হইতে কোথায় গিয়া উপনীত হয়, তাহার কোনও ধারাবাহিক ইতিহাস এ পর্য্যন্ত মানব-মনোবৃত্তি শাস্ত্রেও লিখিত হয় নাই। অমিয়ার চিন্তাস্ত্র তেমনই করিয়া স্ত্র জাল বয়ন করিতে করিতে যৌবন হইতে কৈশোর, কৈশোর হইতে বাল্য, আবার ঘুরিয়া ফিরিয়া বাল্য হইতে যৌবনের

অতীত স্মৃতিকে বুনিয়া বুনিয়া কোথা দিয়া কোথায় বাইতে লাগিল, তাহা নিজেই সে বুঝিয়া উঠিতে পারিল না।

আকাশে কখনও তীব্র, কখনও মৃহনাদে বজ্র ডাকিয়া উঠিতেছিল। জানালা ও দরজার সামান্য ফাঁক দিয়া দামিনীর চকিত দীপ্তিও মাঝে মাঝে গৃহমধ্যে প্রবেশ করিতেছিল। অমিয়া চাহিয়া দেখিল, টেবলের উপর স্থাপিত টাইম্পিস্ ঘড়ীতে ১১টা বাজিয়া গিয়াছে। ঝটিকার বেগ তখনও বাড়িতেছিল। এবার অমিয়া সুরেশচন্দ্রের প্রত্যাবর্তন সম্বন্ধে হতাশ হইল। তাঁহার কোন বিপদ ঘটে নাই ত? সে কথা ভাবিতেও তাহার সমগ্র অন্তর যেন তীব্র ব্যথায় ভরিয়া উঠিল।

চেম্বার ছাড়িয়া অমিয়া কক্ষমধ্যে পরিক্রমণ করিতে লাগিল। না, তাহার দাদা নির্যোধ নহেন। ঝড়ের পূর্বেই তিনি কোন গৃহস্থের বাড়ীতে নিশ্চয়ই আশ্রয় লইয়াছেন। তাহার মনের মধ্য হইতে কে যেন বলিয়া দিল, সুরেশের জন্ত কোন চিন্তা নাই।

অপেক্ষাকৃত নিশ্চিন্ত মনে অমিয়া শয্যার উপর বসিল। শয়নের ইচ্ছা তখনও হইল না। টেবলের ধারে বসিয়া একখানা বই টানিয়া বাহির করিল। দুই চারি ছত্র পড়ার পর সে উহা মুড়িয়া রাখিয়া দিল। একখানা কাগজ লইয়া সে চিঠি লিখিতে বসিল। দুই চারি ছত্র লিখিয়া কি ভাবিয়া সে উহা ছিঁড়িয়া ফেলিল। আবার চেষ্টা করিল, পুনরায় ছিঁড়িয়া ফেলিল। লেখা কোন মতেই অগ্রসর হইতে চাহে না। মনের মধ্যে যে বিচ্ছিন্ন ভাবরাশি জমা হইয়াছিল, তাহারা সকলে এক সময়েই যেন ছড়াছড়ি করিয়া বাহিরে আসিতে চাহিল। কিন্তু ভাষাতে তাহা-দিগকে ধরিয়া রাখা অসম্ভব।

হতাশভাবে সে দক্ষিণ করতলে মাথা রাখিয়া আবার ভাবিতে বসিল।

সম্প্রদর্শন পরিচ্ছেদ

আর রমেন? সেই বিপ্লবময়ী রজনীতে নির্জন কক্ষে রমেন্দ্র কি করিতেছিল? আহারশেষে আজ সে একটু গভীরভাবেই শয়নকক্ষে ফিরিয়া আসিয়াছিল। সে কি তখন ভাবিতেছিল, ঝড়ার সহিত হৃদয়কে উড়াইয়া দিলে—সেই রক্তবিছাৎশিহরিতা প্রকৃতির বক্ষে ঝাঁপাইয়া পড়িলে

কেমন হয়? সমুদ্রের তরঙ্গে মৃত্যু কি আজ মহানন্দে নাচিয়া উঠিতেছে না? মৃত্যুর মূর্তি কেমন? এমনই ভৈরব-গর্জনে সে কি অন্তরদেশে আবিভূত হইয়া থাকে? দেহকে অধিকার করিবার পূর্বে মনকে সে কি অগ্রে অধিকার করিবার চেষ্টা করে না? দর্শনশাস্ত্র এ বিষয়ে অত্রান্ত সত্যকে নির্দেশ করিয়াছে কি?

কিন্তু অকস্মাৎ রমেশ্বরের অত্যন্ত বিশ্বয়বোধ হইল। মৃত্যুর কথাটা অতর্কিতভাবে আজ তাহার মনে জাগিয়া উঠিল কেন? যখন মানুষের মনে সুখ বা সুখের লালসা পরিপূর্ণভাবে রাজত্ব করিতে থাকে, তখন কি মৃত্যুর হঃখময় চিন্তা তাহার চিন্তে বিন্দুমাত্র প্রভাব বিস্তার করিতে পারে? তবে—তবে কি তাহার আজ সেই চরম অবস্থা উপস্থিত? এই পরিপূর্ণ যৌবন, সুস্থ সবল দেহ, কল্পনাপূর্ণ হৃদয়, যশঃ ও কৃতিত্বলাভের দুর্দমনীয় লিপ্সা—এ সকল বিদ্যমানও তাহার প্রাণে মৃত্যুর চিন্তা জাগিয়া উঠিল কেন?

কেন?—তাহা ত রমেশ্বর ভাবিয়া স্থির করিতে পারিল না। সে আবার ভাবিতে লাগিল। তাহার ত সবই আছে, অথচ এমন রিক্ততাবোধ কেন সে করিতেছে? খাঁটি সোনা, হীরা, মুক্তা, কিছুই অভাব নাই। শুধু শিল্পীর নিপুণ হস্ত উপযুক্ত খাদ মিশাইয়া সোনাকে অলঙ্কারের উপযোগী করিয়া গড়িয়া তুলে নাই। কে সেই শিল্পী? কোথায় তাহার ঘর?—রমেশ্বর নয়ন মুদ্রিত করিয়া দৃষ্টিকে অন্তরমধ্যে প্রেরণ করিল। কই, কিছুই ত লক্ষ্য করা যায় না!

অতীত জীবনের ঘটনাগুলি আজ আবার নূতন করিয়া মনে পড়িতে লাগিল। নিম্নলিখিত নেত্রে রমেশ্বর জীবনেতিহাসের অতীত অধ্যায়গুলি খুলিয়া খুলিয়া যেন পড়িতে লাগিল। সাধ, আশা, বাসনার কত রক্ত লেখাই না পৃষ্ঠাগুলিকে পূর্ণ করিয়া রাখিয়াছে!

ঘরের মধ্যে গাঢ় অন্ধকার—রমেশ্বর দীপ নিবাইয়া দিয়াছিল। অন্ধকারে চিন্তা করার একটা মোহ ও উন্মাদনা আছে। চিন্তার রেখা আননে প্রতিফলিত হইলে তাহা অন্ধের দৃষ্টিপথ হইতে শুধু লুকাইয়া রাখিবার সুবিধা হয় বলিয়া নহে; অন্ধকারে চিন্তার গভীরতা অধিক হয়। একাগ্রভাবে চিন্তার বিষয়কে ধারণা করিবার—উপভোগ করিবার সুবিধা ইহাতে যথেষ্ট। লোকচক্ষুকে এড়াইবার চেষ্টা অপেক্ষা আত্মবঞ্চনা করিবার চেষ্টা তাহাদের অধিক;

অন্ধকারের আশ্রয় তাহাদের পক্ষে অধিকতর লোভনীয় নহে কি?

বাহিরের বিপ্লব ঘরের অন্ধকারে যেন আরও জমাট বাধিয়া রমেশ্বরের অল্পভূতিকে আরও উদগ্র করিয়া তুলিল। শয্যা শয়ন করিয়া সে অর্থহীন নানাচিন্তার গোলকধাঁড়ার মধ্যে ঘুরিয়া বেড়াইতে লাগিল। নিদ্রা আজ কোনমতেই তাহার নয়নে আবিভূত হইবার লক্ষণ প্রকাশ করিল না।

অবশেষে রমেশ্বর শয্যার উপর উঠিয়া বসিল। জানালা-দরজার ফাঁক দিয়া ঝটিকাপ্রবাহের প্রতিহত তরঙ্গ এক একবার ঘরের মধ্যে প্রবেশ করিতেছিল। সহসা অন্ধকার ভেদ করিয়া কক্ষমধ্যে আলোকুরশ্মির আবির্ভাব দেখিয়া সে চমকিয়া উঠিল। নিরীক্ষণ করিয়া সে দেখিল, সুরেশ-চন্দ্রের ক্যাম্পখাটখানা যে দিকে পাতা রাখিয়াছে, সেই দিকের দ্বার ঈষৎখুলে। সেই ফাঁক দিয়া পার্শ্ব কক্ষের দীপালোকশিখা তাহাদের ঘরের মধ্যে আসিয়া পড়িয়াছে।

অমিয়াদের শয়নকক্ষ ও তাহাদের এই বাহিরের ঘরের মাঝের দরজাটা বন্ধই ত ছিল! উহা খুলিয়া গেল কিরূপে? বোধ হয়, কোনও সময়ে ভৃত্য ঘর পরিষ্কার করিবার কালে অর্গলমুক্ত করিয়া থাকিবে, পরে বন্ধ করিতে হয় ত ভুলিয়া গিয়াছে। এখন বাতাসের সাহায্যে অর্গলমুক্ত কপাট ফাঁক হইয়া পড়িয়াছে।

নিঃশব্দ-চরণে রমেশ্বর দ্বার বন্ধ করিবার জন্য উঠিল। কিন্তু দরজার কাছে আসিয়াই সে সহসা স্তব্ধভাবে দাঁড়াইল। সে দেখিল, দীপ্ত আলোকাধারের সম্মুখে দক্ষিণ-করতলে মস্তক তুলু করিয়া অমিয়া বসিয়া আছে। তাহার মস্তকের ভ্রমরকৃষ্ণ কেশরাজি স্বাকুলারিত; পৃষ্ঠোপরি বিলম্বিত। মুখের কিয়দংশমাত্র দেখা যাইতেছিল। রমেশ্বর বৃথিল, সুন্দরী গভীর চিন্তায় নিমগ্ন।

ঈষৎখুলে দ্বার আর বন্ধ করা হইল না। রমেশ্বর নিতিনেব-লোচনে সেই ধ্যানমগ্ন রমণীর দিকে চাহিয়া দাঁড়াইয়া রহিল। কাষটা যে ভদ্রতাসম্মত নহে, নিতান্তই অবৈধ, তাহা রমেশ্বরের সংস্কার তাহাকে জানাইয়া দিল, কিন্তু তথাপি সে আত্মদমন করিতে পারিল না। সেই রূপজ্যোৎস্নার আলোকে সে যেন মজ্জমুগ্ধ পতঙ্গবৎ আকৃষ্ট হইতে লাগিল। বক্ষের মধ্যে এ কি ক্রমশঃ রক্তস্রোত চলাকেন্দ্রা আরম্ভ করিয়াছে! রমেশ্বর হান ও কাণ বিস্মৃত হইল। সে যৌকর্যমণী

নারীকে মানসীপ্রতিমারূপে কল্পনা করিয়া সে কবিতা রচনা করিতে আরম্ভ করিয়াছে, যাহার স্মৃতি তাহার হৃদয়ের গোপন অন্তঃপুরে সদাই জাগ্রত, যাহার বিষয় চিন্তা করিতেও মন আনন্দে উৎফুল্ল হইয়া উঠে, সেই সুন্দরীকে বিপ্লবময়ী রজনীতে একাকিনী বসিয়া থাকিতে দেখিয়া তাহার সমগ্র চিত্ত যেন পাখা মেলিয়া সেই দিকে ধাবিত হইল।

অজগরের মুখদৃষ্টির সম্মুখ হইতে আকৃষ্ট জীব যেমন ইচ্ছাসঙ্কেও অন্তর্ভুক্ত পলায়ন করিতে অসমর্থ হয়, রমেন্দ্রের অবস্থা ঠিক তেমনই হইল। চূষকশৈল যেমন লৌহকে আকর্ষণ করিতে থাকে, ঝামিয়ার নিশ্চল মূর্তি ঠিক তেমনই ভাবে রমেন্দ্রকে আকর্ষণ করিতে থাকিল। অজ্ঞাতসারে ছুই এক পদ করিয়া কখন যে রমেন্দ্র অমিয়ার অভিমুখে অগ্রসর হইতে আরম্ভ করিয়াছিল, তাহা সে বুঝিতেই পারিল না। স্বপ্নাবিষ্টের মত সে ধীরে ধীরে সেই দিকে চলিতে লাগিল।

ঝাটিকার গর্জন, বজ্রের নির্যোষ, কিছুই তখন রমেন্দ্রের কর্ণে প্রবেশ করিতেছিল না। তাহার দৃষ্টির সম্মুখে শুধু অমিয়ার মূর্তি। মাতালের মত টলিতে টলিতে সে অমিয়ার কাছে গিয়া উপস্থিত হইল। অমিয়া তখন নিবিষ্টমনে কি ভাবিতেছিল। সে রমেন্দ্রের সান্নিধ্য আদৌ বুঝিতে পারিল না।

কয়েক মুহূর্ত সেই নিশ্চল সৌন্দর্য্যপ্রতিমার পানে চাহিয়া চাহিয়া সহসা রমেন্দ্রের মস্তিষ্কের সমস্ত রক্ত যেন চঞ্চল হইয়া উঠিল। একটা প্রচণ্ড উন্মাদনার আতিশয্যে তাহার সমগ্র দেহ ধরধর করিয়া কাঁপিয়া উঠিল। সংযমের বাধ এতক্ষণ যে বিপুল জলোচ্ছ্বাসের গতিরোধ করিয়া আহত হইতেছিল, সহসা তাহা ভাঙ্গিয়া প্লাবনশ্রোত প্রবাহিত হইল।

মুচুর ঞ্চার রমেন্দ্র সহসা অমিয়ার শিথিল বামকরতল তাহার অগ্নিময় দক্ষিণ-করপুটে চাপিয়া ধরিল। অমনই তাহার সমস্ত দেহে যেন একটা অসহ্য বিদ্যুৎপ্রবাহ বহিয়া গেল। তাহার সমস্ত ইন্দ্রিয়ের ক্রিয়া যেন মুহূর্তের জন্ত স্তব্ধ হইয়া গেল—যেন একটা উদ্‌গাপিণ্ড নিমেষমধ্যে তাহার বন্ধোদেগ আলোড়িত করিয়া মস্তিষ্কে প্রহৃত হইল।

সেই আকস্মিক স্পর্শে অমিয়ারও ধ্যান ভাঙ্গিয়া গেল। সন্নিহিত চাহিয়া দেখিতেই তাহার বাক্যও যেন স্তব্ধ হইয়া

গেল। সেই স্পর্শের ঐক্সজালিক প্রভাব কি তাহাকে মুহূর্তের জন্তও অভিভূত করিয়াছিল?

রমেন্দ্র তখন উন্মত্তের ঞ্চার অনর্গলভাবে যদৃচ্ছ বলিয়া যাইতে লাগিল। পর্ব্বতমুখ ভেদ করিয়া উত্তপ্ত গৈরিক-ধারা যেমন প্রচণ্ডভাবে চারিদিকে ছুটিয়া যাইতে থাকে, রমেন্দ্রের মুখ হইতেও তাহার এত দিনের রুদ্ধ ভাবপ্রবাহ তেমনই ভাবে প্রকাশ করিতে লাগিল। বাসনার সে কি হৃদমনীয় 'লাভা'-প্রবাহ! নতমুখে স্তব্ধভাবে অমিয়া বসিয়া রহিল।

রমেন্দ্রের বক্তব্য শেষ হইল। ঠিক সেই মুহূর্তে দিগন্ত আলোড়িত করিয়া বিভীষণ রবে নিকটে বজ্র গর্জিয়া উঠিল।

হৃঃস্বপ্ন-পূর্ণ নিদ্রাভঙ্গের পর মাতৃষ সভয়ে যেমন চমকিত হইয়া উঠে, অমিয়াও ঠিক তেমনই ভাবে সহসা উঠিয়া দাঁড়াইল। প্রবল আকর্ষণে সে রমেন্দ্রের কম্পিত মূর্তি হইতে আপনার করপন্নবকে বিচ্ছিন্ন করিয়া লইল। তাহার পর স্থিরদৃষ্টিতে রমেন্দ্রের দিকে চাহিয়া দৃঢ়, অকম্পিত কণ্ঠে বলিয়া উঠিল, “আপনি—রমেন বাবু, আপনি? -- ছি!”

নারীর আননে অসন্তোষের তীব্র জ্বকুটা; কিন্তু কণ্ঠ-স্বরে বিন্দুমাত্র উত্তেজনা নাই। রমেন্দ্র বিহ্বলভাবে সেই আত্মস্থা রমণীমূর্তির দিকে চাহিয়া ছুই পদ পিছাইয়া গেল। তাহার কণ্ঠ রুদ্ধপ্রায়।

রাজ্যীর ঞ্চার উন্নত মস্তকে দাঁড়াইয়া দৃঢ়কণ্ঠে অমিয়া বলিতে লাগিল, “আপনার উপর আমার যথেষ্ট বিশ্বাস ছিল। সেই আপনি এমন?—ছি!”

এই সংক্ষিপ্ত ধিক্কার রমেন্দ্রের মস্তকে যেন বজ্রাঘাত করিল। মুহূর্তে সে যেম এতটুকু হইয়া গেল। সে বুঝিল, কি ভীষণ, অতলস্পর্শ গহ্বরমুখে সে দাঁড়াইয়া! কি অমার্জ্জনীয় অপরাধই না সে করিয়াছে! সে ভদ্র-সন্তান; সুশিক্ষাও সে পাইয়াছে। পরজ্ঞীর শয়নকক্ষে চোরের ঞ্চার প্রবেশ করিয়া সে তাহার হস্তস্পর্শ করিয়াছে—জঘন্য বাক্য উচ্চারণ করিয়াছে। এই কি প্রেম? ভালবাসা? না জঘন্য লালসা, পুতিগন্ধময় কামনার অভিব্যক্তি?

রমেন্দ্র আর সহ্য করিতে পারিল না। মাতালের ঞ্চার টলিতে টলিতে, বিবর্ণ মুখে, ঞ্চারিত-চরণে যথাসম্ভব তাড়া-তাড়ি-সে কক্ষ হইতে পলায়ন করিল।

পলাও রমেন্দ্র, পলাও! নারীর মর্যাদাকে বাক্য দ্বারাও যে পাপিষ্ঠ অপবিত্র করিতে চাহে, মনুষ্যসমাজে তাহার স্থান থাকিতে পারে না। যেখানে মানুষ আছে— যেখানে নারী স্বামিপুত্র প্রভৃতি সহ বাস করে, অথবা স্বামীর পবিত্র স্মৃতিকে উদ্ঘাপিত করিয়া জীবন ধারণ করিয়া থাকে, তেমন স্থানে তোমার মত হতভাগ্যের ছায়া যেন পতিত না হয়।

অষ্টাদশ পরিচ্ছেদ

পিষ্ট, অভিশপ্ত জীবের গায় অবসন্নভাবে রমেন্দ্র বাহিরের ঘরে প্রবেশ করিয়া দ্বার বন্ধ করিয়া দিল। তাহার পর নির্জীবভাবে শয্যার উপর পড়িয়া রহিল। বাহিরে তখন ঝটিকা সমানভাবেই বহিতেছিল। কিন্তু বাহিরের বিপ্লব রমেন্দ্রের মনের কোনও প্রাস্তকে স্পর্শ করিতে পারিল না। তাহার অন্তরে তখন বিপুল গর্জনে যে প্রলয়-ঝটিকা বহিতেছিল, প্রকৃতির বিপ্লব তাহার কাছে নিতান্তই তুচ্ছ।

এত দিন সে যেন হিমালয়ের উত্তুঙ্গ শৃঙ্গের উপর উন্নত শীর্ষে বসিয়াছিল। আজ এক মুহূর্তে এ কোন্ অতলস্পর্শ অন্ধ-কারগহ্বরে সে নিক্ষিপ্ত হইয়াছে! এত দিনের শিক্ষা, জ্ঞান, অভিজাত্যগর্ভ, শালীনতা— সবই কি মুহূর্তের দুর্বলতায় চূর্ণ হইয়া অণু-পরমাণুতে মিশিয়া যায় নাই? সে কবি? এই জঘন্য মনোরুত্তি তাহার হৃদয়ের অন্তরালে থাকিয়া দিন দিন পুষ্ট হইয়াছে? সে অস্ত্রের ধর্মপত্নীর নিকট যে কথা ব্যক্ত করিয়াছে, তাহার প্রায়শ্চিত্তের বিধান কি কোনও ধর্ম-শাস্ত্রে পাওয়া যাইতে পারে? সে নিজে বিবাহিত; তাহার পত্নী বিজ্ঞমান; কিন্তু সে এমনই পাপিষ্ঠ যে, সকল কথা ভুলিয়া, পবিত্র দাম্পত্যজীবনের কণ্ঠব্য বিস্মৃত হইয়া, অস্ত্রের দাম্পত্যজীবনে অভিশাপ বহন করিয়া আনিতেছিল! এত বড় অপরাধের প্রায়শ্চিত্ত কি? সুরেশ তাহার বন্ধু, অমিয়া তাঁহার সহোদরা। এই অমিয়াকে প্রাণ ভরিয়া ভালবাসিবার পর তাহাকে বিধিমত জীবনসঙ্গিনী করিতেও সে উত্তম হইয়াছিল। তাহাকে আজ সে কোথায় নামাইয়া আনিতে গিয়াছিল? অন্তরের গোপনতম প্রকোষ্ঠে মানসী প্রতিমারূপে যাহাকে প্রতিষ্ঠিত করিয়া সে এত দিন স্নেহ, প্রেম ও শ্রদ্ধার অর্থ্য দান করিয়া আসিয়াছে, আজ তাহাকে কি নির্দয়ভাবেই না অপবিত্র করিতে উত্তম

হইয়াছিল! না, এমন মহাপাপের প্রায়শ্চিত্ত যে কি, তাহা সে খুঁজিয়া পাইতেছে না! সুরেশচন্দ্র জানিতে পারিলে কি মনে করিবে?—কাল সকালে সে মুখ দেখাইবে কি করিয়া?

সহসা রমেন্দ্র চমকিয়া উঠিল। কেহ জানিতে না পারিলেও তাহার এই অপবিত্র ব্যবহারের কাহিনী অনন্ত বিশেষ লিখিত হইয়া যায় নাই কি? কোনও কার্য ত দুয়ের কথা, কোনও চিন্তাকে লুকাইয়া রাখিবার শক্তি কাহারও আছে কি? মনুষ্যসমাজ জানিতে না পারিলেও ইথরে ব্যোমে তাহা চিরমুদ্রিত হইয়া লোকলোকান্তরে সচল পদার্থের মত সঞ্চালিত হইতে থাকে না কি?

রমেন্দ্রের সর্বশরীর কণ্টকিত হইয়া উঠিল। সে যাহা করিয়াছে, তাহা মুছিয়া ফেলিবার উপায় নাই—নাই! কি দুর্ভাগ্য! প্রবৃত্তি—হীন, কলুষিত মনোরুত্তি তাহাকে কোন্ পক্ষিল গহ্বরে নামাইয়া দিয়াছে? মনুষ্যত্বের স্বর্ণচূড় সৌধ মুহূর্তের দুর্বলতায় ধূলিসাৎ হইয়া গেল! এ মুখ সকলের কাছে সে কিরূপে দেখাইবে?

মানসিক যন্ত্রণা ও উত্তেজনার আতিশয্যে রমেন্দ্র উঠিয়া বসিল। কম্পিত হস্তে বাতী জালিয়া সে তাড়াতাড়ি এক-খানা কাগজ টানিয়া লইল। তার পর সে লিখিল,—

“সুরেশ, আমার মন বাড়ীর জন্ত অকস্মাৎ অত্যন্ত ব্যস্ত হইয়াছে। তোমার ফেরা পর্য্যন্ত অপেক্ষা করিতে পারিলাম না। ভোরেই যে গাড়ী ছাড়িবে, তাহাতেই চলিলাম। আমার এই অতর্কিত গমনের জন্ত যদি পার ত মার্জনা করিও। ট্রাঙ্ক, বিছানা প্রভৃতি রহিল, কারণ, এ দুর্ঘ্যোগে লোক পাওয়া যাইবে না। যদি পার ত আমার মেসে পরে পাঠাইয়া দিও। সকলে নিদ্রিত, বিদায় লওয়া হইল না। পার যদি আমাকে ক্ষমা করিও। ইতি—রমেন্দ্র।”

‘স্নেহের’ শব্দটা লিখিতে গিয়া কলমে বাধিয়া গেল। তাহার সমস্ত অন্তর বিদ্রোহী হইয়া যেন বলিয়া উঠিল, ‘ধুবরদার, বন্ধুত্বের অভিনয় আর সাজে না!’ সত্য কথা—বন্ধুত্বের যে পরিচয় সে দিয়াছে, ইতিহাসে তাহা চিরস্মরণীয় হইবার যোগ্য।

লিখিত পত্রখানা টেবলের উপর চাপা দিয়া রাখিয়া রমেন্দ্র তাহার মস্তডাঠোন ব্যাগটা খুলিয়া ফেলিল। কয়েক-খানা জামা-কাপড় এবং কবিতার খাতা উহার মধ্যে রাখিয়া

রমেন্দ্র মুদ্রাধারটি পরীক্ষা করিল। তিনখানি এক শত টাকার ও খানকয়েক দশ টাকার নোট ব্যতীত কয়েকটি খুচরা টাকাও আধারে ছিল।

কোট গায় দিয়া রমেন্দ্র ষড়ীর দিকে চাহিল—৫টা বাজিয়া দশ মিনিট হইয়াছে। জানালা খুলিয়া দেখিল, ঝটিকার বেগ বহুল হ্রাস পাইয়াছে, বৃষ্টি প্রায় ধরিয়া গিয়াছে। ব্যাগটা হাতে লইয়া নিঃশব্দে দ্বার খুলিয়া সে বাহিরে আসিল।

সমুদ্রের স্কন্ধ মূর্তি সহসা তাহার দৃষ্টি আকৃষ্ট করিল। উদ্দাম, উত্তাল তরঙ্গ তীরদেশে প্রচণ্ড শব্দে আছাড়িয়া পড়িতেছিল। উষার প্রথম আলোক-রেখা মেঘমেহুর আকাশের ছিদ্রপথে আয়প্রকাশ করিতেছিল। সেই স্তিমিত আলোকে সমুদ্রের কালো বৃকে ফেন-পুষ্পিত তরঙ্গের শোভা ভীষণ—ভয়াবহ!

সেই ভীষণে মধুরে মিলিত দৃশ্য দেখিবার মত মানসিক অবস্থা রমেন্দ্রের তখন ছিল না। সে পথে নামিয়া পড়িল। কদাচিৎ ছই এক ফোটা বৃষ্টি তখনও পড়িতেছিল, রমেন্দ্র তাহাতে ক্রম্পক করিল না! তাহাকে পলায়ন করিতে হইবে—বাড়ীর কোনও লোক জাগিবার পূর্বে বহু দূরে চলিয়া যাইতে হইবে। পশ্চিমপাশে সুরেশের সহিত দেখা হইবার যথেষ্ট আশঙ্কাও বিস্তমান। সারা রাত্রি ছুর্যোগ গিয়াছে—অবসর পাইবামাত্রই সে নিশ্চয় বাসার দিকে আসিবে। স্মতরাং তৎপূর্বেই তাহাকে ষ্টেশনে যাইতেই হইবে। সুরেশচন্দ্রকে সে কোনমতেই মুখ দেখাইতে পারিবে না।

প্রাণপণ বেগে রমেন্দ্র চলিতে লাগিল। সদর রাস্তা ছাড়িয়া সে বক্রপথ ধরিল। পশ্চিমপাশে অনেক স্থানে জল জমিয়াছে, কোথাও বা বড় বড় গাছ ধুলিমাৎ হইয়া রহিয়াছে। সে এখন কোনও দিকে চাহিতে পারিতেছিল না। অনেক স্থান কর্দমাক্ত, পিচ্ছিল; কিন্তু বাহিরের কোন সুরবিধা বা অসুরবিধার দিকে তাহার কোন খেয়ালই ছিল না। সে শুধু সুরেশ, অমিয়া প্রভৃতির নিকট হইতে তখন দূরে থাকিতে চাহে। দূরে—বহু দূরে, যেখানে গেলে ইহার তাহার কোন সন্ধান পাইবে না, এমন স্থানে সে যাইতে চাহে। যদি লোকালয় পরিত্যাগ করা সম্ভবপন্ন হইত, তবে সে মহুসসমাজেও আজ মুখ দেখাইত না।

তখনও রাজপথ অন্ধকারে ঢাকা। মেঘের ফাঁক দিয়া উষার মুছ আলো অন্ধকারকে সামান্তরূপে সরাইয়া দিয়াছিল মাত্র। বাতাস তখনও সন্ সন্ শব্দে বহিয়া যাইতেছিল। পথের কোথাও মানুষ ত দূরের কথা, পশুপক্ষী পর্য্যন্ত নাই। সেই জনহীন পথে ঝড়েরই স্রাব বেগে—মাতালের মত টলিতে টলিতে রমেন্দ্র চলিতেছিল।

ষ্টেশনে পৌঁছিয়া রমেন্দ্র দেখিল, প্ল্যাটফরমে এক জনও লোক নাই। একখানি মালগাড়ী একটু পরেই ছাড়িবে। ষ্টেশন-মাষ্টার গার্ডকে চার্জ বুঝাইয়া দিতেছিলেন। জিজ্ঞাসায় সে জানিল যে, সাড়ে সাতটার পূর্বে কোনও যাত্রিগাড়ী নাই। তাহাকে সে পর্য্যন্ত অপেক্ষা করিতেই হইবে।

রমেন্দ্র প্রমাদ গণিল। তখন প্রায় সাড়ে পাঁচটা। সেই সময় হইতে সাড়ে সাতটা পর্য্যন্ত ষ্টেশনে অপেক্ষা করিতে গেলে সুরেশ নিশ্চয় তাহার সন্ধানে এখানে আসিবেন। যদি অমিয়া আপাততঃ কোন কথা প্রকাশ নাও করে, সুরেশচন্দ্র প্রশ্ন করিলে সে কি সঙ্গত উত্তর দিবে? শুধু বাড়ীর জন্ম মন কেমন করিতেছে বলিয়া সে এমন ভাবে চলিয়া যাইতেছে, ইহা যে বালকও বিশ্বাস করিতে চাহিবে না। সুরেশচন্দ্র যদি তাহার কোনও উজর না শুনিয়া তাহাকে আবার পুরীর বাসায় লইয়া যাইতে চাহেন, তবে কেমন করিয়া সে অমিয়ার সম্মুখে উপস্থিত হইবে? না—না—তাহা সম্পূর্ণ অসম্ভব।

মুহূর্তের মধ্যে এই সকল চিন্তা বিদ্যুতের মত রমেন্দ্রের মস্তিষ্কে উদ্ভিত হইল। নৈরাশ্রভাবে একটা আর্ন্ত চীৎকার যেন তাহার বৃকের মধ্যে ধ্বনিত হইয়া উঠিল। ছই হস্তে বক্ষোদেশে চাপিয়া ধরিয়া সে প্ল্যাটফরমের উপর দিয়া চলিতে লাগিল। সহসা তাহার মাথায় একটা বুদ্ধি গজাইল। দ্রুতপদে বাঙ্গালী ষ্টেশন-মাষ্টারের কাছে গিয়া সে বলিল যে, সে বড় বিপদগ্রস্ত। সাক্ষীগোপালে তাহার এক বন্ধু আছেন। দেবদর্শন উপলক্ষে সেখানে গিয়া তাঁহার অসুখ হইয়াছে। সে কাল রাত্রিতে 'তার' পাইয়াছে। ছুর্যোগে কাল যাওয়া হয় নাই। যাত্রিগাড়ী ছাড়িবার এখনও বহু বিলম্ব। মাল-গাড়ীতে যদি দয়া করিয়া যাইতে দেওয়া হয়, তবে সে বিশেষ উপকৃত হইবে, এ জন্ম উপযুক্ত ব্যয় করিতেও সে সন্মত।

ঐতত্ত্বলা নির্জলা মিথ্যা বলিতে তাহার অন্তরাখ্যা স্কন্ধ

হইয়া উঠিল; কিন্তু সে যুক্তির দ্বারা মনকে বুঝাইল, সুরেশচন্দ্রের সহিত সাক্ষাতের তুলনায় এমন মিথ্যা কথা বলিতে সে সহস্রবার প্রস্তুত আছে।

ষ্টেশন-মাষ্টার সবিস্ময়ে রমেশ্বর মুখের দিকে চাহিলেন। তাহার বেশ-ভূষা সম্ভ্রান্তজনোচিত, মুখে উদ্বেগ ও ছশ্চিন্তার চিহ্ন। দেখিয়া তাঁহার মনটা একটু আর্জ হইল। ভদ্রভাবে তিনি বলিলেন, “মাল-গাড়ীতে যাত্রী যাবার নিয়ম ত নেই মশায়!”

রমেশ্বর বলিল, “আজ্ঞে, তা আমি জানি। তবে আপনি যদি দয়া করে আমার যেতে দেন, তা হ’লে আমার বন্ধুটির জীবনরক্ষা হয়। আপনি বাঙ্গালী, আমার অবস্থা বুঝে আমার দয়া করুন।”

“আচ্ছা, আপনি দাঁড়ান” বলিয়া ষ্টেশন-মাষ্টার দ্রুত-গতিতে গার্ডের কাছে গেলেন। উভয়ে কয়েক মুহূর্ত কি কথা হইল। তাহার পর তিনি ফিরিয়া আসিয়া বলিলেন, “আপনি যেতে পারেন। আমি গার্ডকে ব’লে দিয়েছি। একখানা প্রথম শ্রেণীর টিকিটের দাম দেবেন, আর ওকে কিছু বকসিস্ করবেন।”

কৃতজ্ঞভাবে রমেশ্বর ষ্টেশন-মাষ্টারকে ধন্যবাদ জানাইল। তাহার পর একখানি দশ টাকার নোট বাহির করিয়া তাঁহাকে বলিল, “আপনার ছেলে-মেয়েদের কিছু খেতে দেবেন।”

যুক্ত-করে প্রতিশ্রুতি করিয়া মূহূর্তে ষ্টেশন-মাষ্টার বলিলেন, “মাপ করবেন। আমরা স্নানা রকমে টাকা নিয়ে থাকি সত্য; কিন্তু বিদেশে আপনি বাঙ্গালী, বিপন্ন। এ সময়ে আমাদের মত অর্থ-পিশাচও ওটা নিতে পারে না। ধন্যবাদ! আপনি গাড়ীতে উঠুন, এখনি ট্রেন ছেড়ে দেবে।”

রমেশ্বর বুঝিল, লোকটি মনুষ্যত্ববর্জিত নহে। সে আর পীড়াপীড়ি না করিয়া গার্ডের গাড়ীতে গিয়া উঠিল। গার্ড যত্ন পূর্বক তাহাকে আসনে বসাইল।

পর-মুহূর্তে বাণী বাজিয়া উঠিল, গাড়ী চলিতে আরম্ভ করিল। রমেশ্বর স্বস্তির নিশ্বাস ত্যাগ করিল।

ঠিক সেই সময় মুহলধারে বৃষ্টি নামিয়া আসিল।

উনবিংশ পরিচ্ছেদ

রীতিমত এক পশলা বৃষ্টির পর আকাশ পরিষ্কার হইয়া গেল। বেলা তখন প্রায় ৭টা। সূর্যের আলোকে আর্জা প্রকৃতি হাসিয়া উঠিল। সুরেশচন্দ্র নিরুপায় হইয়া এতরূপ সন্ন্যাসীদের কাছে বসিয়া গল্প করিতেছিলেন। প্রাভাতিক চা-পান যথাযোগ্যভাবেই হইয়াছিল। ব্রহ্ম-চারীরা চা ত্যাগ করেন নাই।

বৃষ্টি ধরিবামাত্র স্বামীজীকে প্রণাম করিয়া সুরেশচন্দ্র দ্রুতপদে বাসার দিকে চলিলেন। বাড়ীর অবস্থা জানিবার জন্ত তাঁহার বিশেষ হুর্ভাবনাই হইয়াছিল। পশ্চিমদ্যে চলিতে চলিতে তিনি বুঝিতে পারিলেন, গত রজনীর ঝটিকা বড় সাধারণ নহে। পথ জুড়িয়া বড় বড় গাছ পড়িয়া আছে, অনেক মাটির ঘর ধুলিসাৎ হইয়াছে। সমুদ্র-বক্ষে তখনও পর্বতপ্রমাণ তরঙ্গ উঠিতেছিল। তীরভূমিতে দর্শকদলের মেলা আরম্ভ হইয়াছিল; কিন্তু অল্প অতি বড় ছুঃসাহসিকও সমুদ্রস্থানে সাহস করিবে না। বিক্ষুব্ধ সমুদ্রের ভীম সৌন্দর্য্য দেখিবার অবকাশ তখন সুরেশচন্দ্রের ছিল না। বাড়ীতে ফিরিয়া সকলের কুশল জানিতে না পারা পর্য্যন্ত তাঁহার মন স্থির হইবে না। দ্রুতপদে তিনি চলিলেন। সমুদ্রতীরবর্তী অট্টালিকা যদি ঝড়ের প্রকোপ সহ করিয়া টিকিয়া থাকে, তবেই না মঙ্গল!

বাসার নিকটে আসিয়া সুরেশচন্দ্র স্বস্তির নিশ্বাস ত্যাগ করিলেন। অদূরে তাঁহাদের একতল গৃহ অটুটভাবেই দণ্ডায়মান। তখন নবোদিত সূর্যের আলোকতরঙ্গ ফেন-পুষ্পিত উন্মিলীর্ষ হইতে গড়াইয়া পড়িতেছিল।

সদর দরজার কাছে আসিয়া সুরেশচন্দ্র দেখিলেন, সনাতন ঝাড়ু লইয়া জঞ্জাল পরিষ্কার করিতেছে। তিনি সোজা পিসীমার ঘরের দিকে আগে চলিয়া গেলেন।

ঘরের সম্মুখে পিসীমার পার্শ্বে অমিয়াকে দেখিয়া সুরেশ বলিয়া উঠিলেন, “তোমরা কখন এলে, অমি?”

রাত্রিশেষে পিসীমার অরত্যাগ হইয়াছিল। তিনি বলিয়া উঠিলেন, “ও ত নেমস্তনে যায় নি। বড় মাথা ধরেছিল ব’লে যেতে পারে নি; সরঘু একাই গেছে।”

সুরেশচন্দ্র সন্মুখে ভগিনীর দিকে চাহিলেন। বাস্তবিক শিরঃপীড়ার কষ্ট ও তন্দ্রানিত অবসাদের চিহ্ন অমিয়ার

আননে স্পষ্ট দেখা যাইতেছিল। ভগিনী যে মাঝে মাঝে এই পীড়ার যন্ত্রণায় অত্যন্ত কষ্ট ভোগ করিয়া থাকে, তাহা তিনি জানিতেন। সম্মুখে সুরেশ বলিলেন, “বড় কষ্ট পেয়েছ তবে?”

অমিয়া নত দৃষ্টিতে বলিল, “এখন ভাল আছি, দাদা।”

উত্তরটা সরাসরি না হইলেও সুরেশচন্দ্র উহাতেই সন্তুষ্ট হইলেন। তাহার পর গত কল্যকার ঝড়ের কথা বলিতে লাগিলেন। সমস্ত রাত্রি সকলের জ্ঞান কি দুর্ভাবনাতেই কাটিয়াছিল, তাহার আভাসও তিনি দিলেন।

অমিয়া মৃদুস্বরে বলিল, “কাল তুমি কোথায় ছিলে, দাদা?”

সুরেশচন্দ্র সংক্ষেপে বলিলেন যে, তাঁহার পরিচিত এক সন্ন্যাসীর আশ্রমেই তিনি রাত্রিবাস করিয়াছেন। সন্ন্যাসীর সহিত তাঁহার কি সম্বন্ধ, তাহার আভাসমাত্রও দিলেন না। শুধু এইটুকু জানাইলেন যে, তিনি সেখানে পরম যত্নেই ছিলেন।

বঙ্গাদি পরিবর্তনের জ্ঞান সুরেশচন্দ্র বাহিরের ঘরের দিকে গেলেন। ভূত্য তখন ঘরটি ঝাড়িয়া মুছিয়া, জানালা খুলিয়া দিয়াছিল। সুরেশচন্দ্র ভাবিয়াছিলেন, রমেন্দ্রকে হয় ত ঘরের মধ্যেই কবিতা-চর্চায় নিরত দেখিবেন। কিন্তু ঘর শূন্য দেখিয়া তিনি ভাবিলেন, হয় ত সে সমুদ্রতীরে বেড়াইতে গিয়াছে, এখনও ফিরিয়া আইসে নাই।

কাপড়-চোপড় ছাড়িয়া সুরেশ ধূমপানের জ্ঞান ভূত্যকে তাগিদ দিলেন। সারা রাত্রির মধ্যে আশ্রমে সে সুবিধা ঘটে নাই।

আলবোনার নলটি তুলিয়া লইয়া নিমীলিত নেত্রে সুরেশ তাম্রকূট-দেবতার ধ্যান করিতে লাগিলেন। ঘড়ীতে টং টং করিয়া ৮টা বাজিয়া গেল। তিনি চমকিয়া উঠিলেন। এত বেলা পর্যন্ত রমেন্দ্র কোন দিন ত বাহিরে থাকে না। তিনি নল ত্যাগ করিয়া উঠিয়া দাঁড়াইলেন। সহসা তাঁহার দৃষ্টি একবার কক্ষের চারিদিকে ঘুরিয়া আসিল। পরিচিত গাডপ্টোন ব্যাগটি ত নির্দিষ্ট স্থানে নাই! অস্বচ্ছন্দ চিত্তে টেবলের ধারে আসিয়া দাঁড়াইতেই একখানা খোলা পত্র তাঁহার দৃষ্টি আকৃষ্ট করিল।

কৌতূহলবশে তুলিয়া লইয়া সুরেশচন্দ্র উহা পড়িয়া ফেলিলেন। রমেন্দ্রের অসুস্থতির কারণ তখন স্পষ্ট

হইয়া উঠিল, কিন্তু এত তাড়াতাড়ি চলিয়া যাইবার হেতু কি?

খোলা জানালা দিয়া সমুদ্র বেশ দেখা যাইতেছিল। নিবন্ধ দৃষ্টিতে সুরেশচন্দ্র সেই দিকে চাহিয়া কি ভাবিতে লাগিলেন। চিন্তা করিতে করিতে সহসা তাঁহার ললাট রেখাঙ্কিত হইয়া উঠিল।

একটা নিশ্বাস ত্যাগ করিয়া সুরেশচন্দ্র পত্রখানি পকেটের মধ্যে রাখিয়া দিলেন। এমন সময় একখানা গাড়ী আসিয়া বাড়ীর সম্মুখে থামিল। হাশুময়ী, সদাপ্রসন্নমূর্তি সরযু গাড়ী হইতে নামিয়াই সুরেশচন্দ্রকে দেখিতে পাইল। ক্ষুদ্র, কোমল করপল্লব-যুগল যুক্ত করিয়া একটি ছোট নমস্কার করিয়া সহাস্রমুখে সে তাড়াতাড়ি ভিতরে চলিয়া গেল। সুরেশচন্দ্রও মন্থরগমনে অন্তঃপুরের দিকে চলিলেন।

পিসীমার সম্মুখে দাঁড়াইয়া সরযু গত রজনীর দুর্যোগ ও সখীর বাড়ীর আতিথেয়তার গল্প করিতেছিল। অমিয়া সাগ্রহে তাহার বর্ণনা শুনিতেছিল। সুরেশচন্দ্রকে দেখিয়া সরযু কণ্ঠস্বর অপেক্ষাকৃত কোমল করিয়া লইল।

কথা শেষ হইলে সুরেশচন্দ্র বলিলেন, “রমেন আজ ভোরেই দেশে চ’লে গেছে। সে আমার সঙ্গে দেখা না করেই চ’লে গেল কেন বুঝলাম না।”

বিস্মিতভাবে সরযু বলিল, “কাকেও না বলেই রমেন বাবু চ’লে গেছেন? কেন? কি হয়েছে?”

অমিয়াও তাহার দাদার দিকে প্রশ্নমুচক দৃষ্টিপাত করিল।

অশ্রমনস্বভাবে সুরেশ বলিলেন, “আশ্চর্য্য! চিরকালই সে খেয়াল লইয়া আছে!”

পিসীমা বলিলেন, “রমু চ’লে গেল, একবার বলেও গেল না?”

কিয়ৎকাল নীরব থাকিয়া সরযু বলিল, “কোন চিঠিও লিখে রেখে যান নি?”

“হ্যাঁ, তা লিখেছে বটে, কিন্তু কারণটা নেহাৎ ছেলে-মানুষী গোছের। হঠাৎ বাড়ীর জ্ঞান মন খারাপ হয়েছে।”

পিসীমা বলিলেন, “তা হ’তে পারে, বাছা। মা’র কাছ-ছাড়া হয়ে আছে কি না, কাল রাত্রিতে হয় ত মায়ের জ্ঞান প্রাণটা কেঁদে উঠেছিল।”

সুরেশচন্দ্র কোন কথা না বলিয়া বাহিরের দিকে চলিয়া গেলেন।

অমিয়া একবার দৃষ্টি নত করিল। তাহার পর সরযুর দিকে চাহিয়া বলিল, “চল, কাপড়-চোপড় ছাড়বে।”

উভয়ে গৃহমধ্যে প্রবেশ করিল।

বিংশ পরিচ্ছেদ

রৌদ্র প্রথর হইয়া উঠিয়াছিল, কিন্তু সুরেশচন্দ্রের সে দিকে ক্রক্ষেপ ছিল না। তিনি তখন সমুদ্রকূলের পথের উপর অশ্রমনস্বভাবে পায়চারী করিতেছিলেন। স্নানের সময় তখনও হয় নাই। স্বর্গদ্বারে আজ স্নানার্থীর সমাবেশ ছিল না—সমুদ্রের আলোড়ন তখনও কম নহে।

“মশায় শুন্ছেন?”

সুরেশচন্দ্র ফিরিয়া চাহিলেন। দেখিলেন, এক দীর্ঘাকার বলিষ্ঠ বাদ্গালী তাঁহার দিকে দ্রুতপদে অগ্রসর হইতেছে। তাহার পরিধানে অর্ধমলিন মোটা ধুতি, গায় একটা মোটা কাপড়ের মেরজাই—স্কন্ধের উপর থানের চাদর, পায় চটি-জুতা।

সুরেশচন্দ্র উৎসুকভাবে দাঁড়াইলেন। আগন্তুক কাছে আসিয়া তাঁহাকে নমস্কার করিল। সুরেশচন্দ্রও প্রতিনমস্কার করিলেন। নবাগত বলিল, “রমেন বাবু এখানে কোন্ বাড়ীতে থাকেন বসন্তে পারেন? স্বর্গদ্বারের কাছেই তাঁদের বাসা। অল্প কয়দিন হ’ল কলকাতা থেকে এসেছেন। তাঁর বন্ধু সুরেশ বাবুর বাসাতেই আছেন।”

সুরেশচন্দ্র একবার আগন্তুকের আপাদমস্তক নিরীক্ষণ করিয়া বলিলেন, “আপনি রমেন বাবুকে খুঁজছেন, কেন বলুন ত?”

নবাগত বলিল, “আপনি তা হ’লে তাঁকে চেনেন? আমাদের বাড়ী এক দেশেই কি না! মহাপ্রভুকে দেখতে আসবার সময় শুনেছিলুম, তিনি এখানে আছেন, তাই একবার দেখা করতে এলাম। আপনার সঙ্গে তাঁর আলাপ আছে বুঝি?”

স্বস্তির নিশ্বাস ত্যাগ করিয়া সুরেশ বলিলেন, “তাকে খুবই জানি; সে আমার ছেলেবেলার বন্ধু। আমারই নাম সুরেশ।”

সুরেশচন্দ্রের দিকে কৌতূহলস্বভাবে চাহিতে চাহিতে

আগন্তুক বলিল, “ওঃ, আপনিই সুরেশ বাবু? রমেন বাসায় আছে ত? দেখা—”

বাধা দিয়া সুরেশ বলিলেন, “সে ত এখানে নেই। আজই ভোরের গাড়ীতে সে চ’লে গেছে।”

“চ’লে গেছে?—” বিশ্বয়বিমূঢ়ভাবে আগন্তুক কয়েক মুহূর্ত চুপ করিয়া রহিল; তাহার পর সহসা বলিয়া উঠিল, “কেন, এত শীঘ্র গেলেন যে?”

সুরেশচন্দ্র আগন্তুকের কথার স্বরে যেন আশাতঙ্কের স্পন্দন অনুভব করিলেন। কিন্তু সে জ্ঞাত কোন কৌতূহল প্রকাশ না করিয়াই বলিলেন, “তা ঠিক জানি না; তবে মন খারাপ হয়েছে ব’লে চ’লে গেছে।”

“কোথায় গেছেন, তা জানেন কি?”

“বাড়ীর জ্ঞাত মন খারাপ হয়েছে, বোধ হয়, বাড়ীতেই গেছে।”

আগন্তুক ক্ষুদ্র একটা “হু” শব্দ করিয়া কয়েক মুহূর্ত চুপ করিয়া রহিল। তাহার পর বলিল, “ভেবেছিলাম দেখা হবে; তা যখন হ’ল না, উপায় কি? আপনাকে কষ্ট দিলাম, ক্ষমা করবেন।”

সুরেশচন্দ্র কুণ্ঠিতভাবে বলিলেন, “সে কি কথা; এতে কুমার কি আছে? ভাল কথা—আপনারা কোথায় উঠেছেন?”

আগন্তুক বলিল, “পাণ্ডার বাসাতেই আছি।”

সুরেশচন্দ্র বলিলেন, “রমেন আমার সহোদরের মত। তার দেশের লোক, আমার আপনার জন। যদি কিছু মনে না করেন, আমাদের বাসাতেই—”

বাধা দিয়া আগন্তুক সবিনয়ে বলিল, “আজ্ঞে, তার কোন প্রয়োজন হবে না। যেখানে উঠেছি, ভালই আছি; কোন অসুবিধা হচ্ছে না। হু’এক দিনের জ্ঞাত আপনাদের ব্যস্ত করার ইচ্ছে নেই। নমস্কার।”

আগন্তুক দীর্ঘ দীর্ঘ পদবিক্ষেপ করিয়া চলিয়া গেল। সুরেশচন্দ্র কয়েক মুহূর্ত স্থির দৃষ্টিতে লোকটির গতিশীল দীর্ঘমূর্ত্তির দিকে চাহিয়া বাসার দিকে ফিরিলেন।

এ দিকে আগন্তুক দ্রুতপদক্ষেপে সহরের দিকে ফিরিয়া চলিল। মন্দিরের কাছাকাছি আসিয়া আলোবাতাসবিহীন এক দ্বিতল অট্টালিকার সম্মুখে আসিয়া সে দ্বার খুলিয়া ভিতরে প্রবেশ করিল। সোপান বাহিয়া উপরে উঠিয়া

সে একটি ঘরে প্রবেশ করিল। তথায় এক বর্ষীয়সী বিধবা বসিয়া ছিলেন। তাঁহার অনতিদূরে অর্ধ-অবশ্যনাবৃত্তা এক নারী টাঁক খুলিয়া কাপড় বাহির করিতেছিল।

আগন্তুক ডাকিল, “মা !”

বর্ষীয়সী সাগ্রহে বলিলেন, “কে, মাধব ? খবর কি ? রমুর দেখা পেলে ?”

উত্তরীয়খানা স্বক হইতে নামাইয়া মাধব বলিল, “না, মা, খোকা এখানে নেই।”

“নেই ; কোথায় গেল ?”

মাধব বলিল, “স্বপ্নে বাবুর সঙ্গে দেখা হ’ল। তিনি বলেন যে, আজ ভোরেই সে হঠাৎ দেশে চ’লে গেছে।”

মাতার মুখ গভীর হইল। তিনি কিছুক্ষণ চুপ করিয়া বসিয়া রহিলেন। তাহার পর বলিলেন, “তবে এখানে আর দেবী ক’রে কাষ নেই। আজই চল ফিরে যাই। রাত্রিতে গাড়ী আছে ত ?”

মাধব ঘাড় নাড়িয়া বলিল, “আজ যাওয়া হয় না মা। কয়দিনে পথের কষ্ট ত কম হয় নি। আজ বিশ্রাম ক’রে কাল সকালের গাড়ীতেই যাওয়া যাবে। খোকা আগের কলকাতায় উঠবে নিশ্চয়, তার পর দেশে রওনা হবে। সঙ্গে সঙ্গে আমরাও গিয়ে পড়ব।”

রমেশের মাতা বলিলেন, “তবে তাই কর। আজ চল মহাপ্রভুকে দেখে আসি।”

মাধব বলিল, “বড়বৌ কোথায় ? উহুনটুহুনগুলো ঠিক ক’রে রাখুক না।”

গৃহিণী বলিলেন, “রাগ্নার দরকার হবে না। এখানে প্রসাদ কিন্তে পাওয়া যায়, পাণ্ডা ঠাকুর বলেছেন। তাতেই আমাদের চ’লে যাবে।”

মাধব তখন জামা খুলিয়া বলিল, “তবে তোমরা স্নান সেরে নাও। মহাপ্রভুকে এই বেলা দর্শন ক’রে পূজা দিতে হ’বে।”

অন্নকণের মধ্যে স্নান সারিয়া সকলে দেবদর্শনে চলিলেন। পাণ্ডা সঙ্গে চলিল। এক দিনের মধ্যে যত দূর সম্ভব দেখাশুনা করিয়া লইতে হইবে।

জগন্নাথদেবের মন্দির-প্রাঙ্গণে দর্শনার্থীর ভিড় মন্দ নহে। মন্দিরের প্রহরীরা এক এক দল দর্শককে ভিতরে প্রবেশ করিতে দিয়া জনতা নিয়ন্ত্রিত করিতেছে।

শাওড়ীর পশ্চাতে প্রতিভা চলিতেছিল। সে এক এক-বার বিশ্বয়ে সেই স্বহৃৎ মন্দিরের চূড়া ও বৃহৎ মন্দির-প্রাঙ্গণের দিকে চাহিতেছিল। এই মন্দিরের বিবরণ তাহার অজ্ঞাত নহে। সে ইহার বর্ণনা অনেকবার পড়িয়াছিল, কিন্তু জনতার মধ্যে সকল বিষয় ভাল করিয়া দেখিবার সুযোগ ঘটে না।

ক্রমে মাধব ও পাণ্ডার সহায়তায় তিন জন নারী মন্দির-গর্ভে প্রবেশ করিল। প্রথমটা কিছু দেখা গেল না। দর্শনার্থীরা একটু সংযত হইলেই তাহাদের সম্মুখে দেবতার মূর্তিগুলি দৃষ্ট হইল।

সমস্তম্বে প্রতিভা ত্রি-মূর্তির দিকে চাহিল। ছই পার্শ্বে শ্রীকৃষ্ণ ও বলরাম, মধ্যে ভগিনী স্তভদ্রা। এমন কল্পনার মূর্তি প্রকাশ সমগ্র ভারতবর্ষের আর কোথাও নাই। হিন্দু সর্বত্রই প্রকৃতি ও পুরুষকে স্বামী ও স্ত্রী কল্পনা করিয়া বিগ্রহ-মূর্তি গড়িয়া রাখিয়াছে, কিন্তু ভ্রাতা ও ভগিনীকে দেবতার আসনে বসাইয়া পূজার পদ্ধতি এই শ্রীকৃষ্ণ ছাড়া অন্যত্র ত নাই! প্রতিভা মুগ্ধ-বিশ্বয়ে মূর্তির দিকে চাহিল। শিল্পীর নিপুণ-চাতুর্য্য মূর্তিব্রয়ে নাই, কিন্তু ভক্তের চিত্ত কবে বাহিরের রূপে মুগ্ধ হইয়াছে? শত শত বৎসর ধরিয়া কোটি কোটি ভক্ত এই বিগ্রহের চরণতলে ভক্তির অর্থ্য নিবেদন করিয়া আসিতেছে। তাহারা বাহিরের রূপে মুগ্ধ হইয়া কোন দিন আইসে নাই। অন্তর্নিহিত ভক্তিকে নিবেদন করিতেই আসিয়া থাকে।

প্রৌঢ়া বিধবা ধ্যানস্তিমিত নেত্রে জগন্নাথের মূর্তির দিকে চাহিয়া কি প্রার্থনা করিলেন, তাহা তিনিই জানেন, আর যিনি সকলেরই মনের কথা জানেন, তিনিই জানিলেন। প্রতিভা মুগ্ধ-বিশ্বয়ে সেই ত্রি-মূর্তির দিকে চাহিয়া রহিল। তাহার চারি পার্শ্বের দর্শকগণ উচ্চরবে ত্রিদিবনাথের মহিমা ঘোষণা করিতেছিল। তাহারও অন্তরতম প্রদেশ হইতে সেই বাণী যেন বহুত হইয়া উঠিতে লাগিল। ক্ষুদ্র, কোমল করযুগল যুক্ত করিয়া সে সর্বলোকেশ্বরের নিকট হৃদয়ের প্রার্থনা নিবেদন করিতেছিল। সেই নিবেদনের মধ্যে স্বামীর কল্যাণকামনা যে ছিল না, তাহা নহে, বরং আজ দেবতাকে প্রত্যক্ষ করিয়া সে সমস্ত সংশয় ও সন্দেহবিমুক্ত হৃদয়ে মনে মনে বলিয়া উঠিল, “ঠাকুর, তাঁকে হৃদী করো, শাস্তি দাও !”

প্রতিভার ক্ষুদ্র হৃদয় হইতে উখিত এই সংক্ষিপ্ত নিবেদন বিশ্বনাথের চরণতলে স্থান পাইল কি না, কে জানে। কিন্তু তাহার হৃদয় যেন অকস্মাৎ লঘু হইয়া গেল। সে সমগ্র প্রাণশক্তি নরনে কেন্দ্রীভূত করিয়া কয়েক মুহূর্ত দেব-মূর্তির দিকে চাহিয়া রহিল। শ্রীকৃষ্ণের ললাটে একখানি উজ্জল হীরক দীপ্তি পাইতেছিল। সহসা আনন্দের শিহরণ তাহার সর্বদেহে বহিয়া গেল। দেব-মূর্তির আননে আনন্দের জ্যোৎস্নাধারা বহিয়া যাইতেছে কি ?

চারিদিক হইতে দর্শকের ঠেলাঠেলিতে মন একাগ্র হইতে পারে না। তাহারাও ম্রেশীকরণ স্থিরভাবে দেবতার পূজা করিতে পারিল না। পাণ্ডার সাহায্যে মাধব রমণী-দিগকে বাহিরে লইয়া আসিল। মন্দির-প্রাঙ্গণে আসিয়া রাখারাগী হর্ষানন্দে বলিয়া উঠিল, “মাঠাকরণ, বড় পুণ্য

করেছিলুম, তাই আজ মহাপ্রভুকে দেখতে পেলাম। খড় অঞ্জের পাপ খণ্ডে গেল, মা !”

কথাটা প্রতিভার কানে পৌঁছিয়া প্রাণে গিয়া যেন বাজিল। তবে—তবে তাহার অনিচ্ছাকৃত, অজ্ঞের অপরিচিত পাপরাশি কি এই পুণ্য দর্শনের ফলে তির্যোহিত হইয়া গেল ! সে আবার কাহার উদ্দেশ্যে ছই হাত তুলিয়া ললাটে স্পর্শ করিল।

মাধব-পরীর কথায় প্রোচা ঈষৎ হাসিলেন। তাঁহারও হৃদয় আজ যেন অনেকটা স্নিগ্ধ হইয়াছিল। শুধু মাঝে মাঝে রমেন্দ্রের কথা মনে করিয়া তাঁহার প্রাণে যেন একটা কাঁটা খচ্ খচ্ করিয়া বিধিতেছিল।

[ক্রমশঃ ।

শ্রীসরোজননাথ ঘোষ ।

দৈত্য ও পরী

ভয় দেখিয়ে ভক্তি আদায় করা
দৈত্যমশায় কেমন ক'রে চলে,
ছল ফোটানো বোটার আঘাত দিয়ে
ফল কভু হয় কি ধরাতলে ?

এ যেন হয় পাখীর গলা টিপে
জোর করিয়ে গীতটি আদায় করা,
এ যেন হয় চাঁদকে ফুটা ক'রে
সুধার ধারায় শূণ্য কলস তরা ।

সাপকে এবং বাঘকে সবাই ভরি°
ক্লেপা কুকুর—দেখলে পলাই যারে,
সম্মানী যে নয়কো অধিক তাঁ'রা
জন্তু হউক বৃত্তে সেটা পারে ।

অপরকে যে কষ্ট দিতেই পটু
সেই যদি হয় সবার চেয়ে বড়,
এমন তীখণ কণ্টক হায় ফেলে
ফুলের আদর তোমরা কেন কর ?

নিষ্ঠ উই আর ইঁহুর ছুটি ভায়ে
নিঃস্বার্থ হায় পরের অপকারে,
ভীমরুল আর বোলতা ছুটি সাধু
শাস্ত্র শুনেও কামড়াতে না ছাড়ে ।


কই তাহারা পায় না ত কই পূজা,
তেমন বিশেষ সম্মানী ত নয়,
তবে কেন ভয় দেখায়ে শুধু
ভক্তি তুমি চাইছ মহাশয় !

দস্ত দেখায় উচ্ছে ব'সে বানর
উড়ো বায়স অনেক কৃতি করে,
জেনে শুনে সুদূর অতীত থেকে,
আদর তা'দের কল্পে না ত নয় ।

পীড়ন করা কাষটা পুরাতন
তাতে কিসে তারিক পাবে তুমি,
শিশুপাল ও কংসরাজের কথা
ভোলেনি যে আজও ভারত-ভূমি ।

তাহার চেয়ে হও না ভালো নিজে
পশু-স্বভাব ত্যাগ করিয়া কেলো,
অমৃতময় উঠবে হয়ে ধরা
গরল ভখেই প্রাণ যে তোমার গেল !

শ্রীকুমারজন বসিক ।



জাতিতত্ত্ব

১১ টেবল প্রঃ রাতীয় সমাজের অনেক বৈষ্ণবী শালগ্রাম-শিলা পূজা করিয়া থাকেন। এইরূপ ছর্গাপূজা ও কালীপূজা এবং চণ্ডীপাঠ প্রভৃতি অস্ত্রাপি অনেক বৈষ্ণব স্বয়ং করিয়া থাকেন। সেই সকল স্থলে বৈষ্ণবমহিলাদের পাক করা অন্ন ভোগও দেওয়া হয়।

বস্তুব্য—ইদানীং সকলেই সকল কার্য্য করিতেছে। কিন্তু কলিয়-বৈষ্ণবদির স্পর্শপূর্ব্বক শালগ্রাম-শিলা ও প্রতিমা-পূজা শাস্ত্রনিষিদ্ধ। এ সম্বন্ধে “প্রাণতোষণী”কার বিশদ বিচার করিয়াছেন। যথা :—

“নমু, ব্রাহ্মণঃ পূজয়েন্নিত্যং কলিয়াদিন’ পূজয়েৎ ইতি বিষ্ণুধর্ম্মোক্তরবচনাৎ কলিয়াদীনাং শালগ্রামশিলা-মূর্ত্তিপূজন-নিষেধাৎ কলিয়াদিভিঃ শালগ্রামশিলামূর্ত্তিপূজনং কর্তব্যং কথমিতি চেৎ ? ন, ব্রাহ্মণকলিয়বিশাং ত্রয়াণাং মুনিসত্তম। অধিকারঃ স্মৃতঃ সম্যক্ শালগ্রামশিলাচর্চনে ॥ ইত্যাদি-পদ্মপুরাণাদিবচনৈঃ কলিয়াদীনাং শালগ্রামপূজাশ্রবণাৎ। এবং সতি, ব্রাহ্মণশ্চৈব পূজ্যোহহং শুচেরপ্যশুচেরপি। জীশূদ্রকল্পসংস্পর্শো বজ্রপাতাধিকো মম ॥ ইতি লিঙ্গপুরাণ-বচনে ব্রাহ্মণশ্চৈব ইত্যত্র অত্রযোগব্যবচ্ছেদপরেণ এককারণে ব্রাহ্মণমাত্রশ্চৈব স্পর্শবৎ পূজারামধিকারো গম্যতে। কলিয়া-দীনাং স্পর্শমাত্রঃ নিষিদ্ধমিতি। এবং সতি কলিয়াদি-পূজানিষেধকবচনানাং স্পর্শমাত্রনিষেধপরত্বাৎ কলিয়াদীনাং শালগ্রামপূজাবিধায়কানি বচনানি স্পর্শহীনপূজাবিষয়ত্বেন যোজ্যানি।”

অর্থাৎ ব্রাহ্মণ, কলিয় ও বৈষ্ণব এই তিন বর্ণই শালগ্রাম-শিলা পূজা করিতে পারেন। তন্মধ্যে কলিয় ও বৈষ্ণব স্পর্শ ব্যতিরেকে পূজা করিবেন। স্ত্রী ও শূদ্রের শালগ্রাম-শিলার স্পর্শ ও পূজায় অধিকার নাই। “একত্র সূচঃ শাস্ত্রার্থো বাধকঃ বিনা অত্রাপি তথা” (এক বিষয়ে শাস্ত্রের যে বিধান আছে, বাধক বচন না থাকিলে অত্র বিষয়েও সেই বিধান) এই ছায়ে প্রতিমাপূজা বিষয়েও ঐ নিয়ম।

কলিতে কলিয়, বৈষ্ণব, অধর্ষাদি শূদ্র বলিয়া পরিগণিত।

“ইদানীন্তন-কলিয়াদীনামপি শূদ্রত্বমাহ মনুঃ—শনকৈশ্চ কলিয়ালোপাদিমাঃ কলিয়জাতয়ঃ। বুধলভ্বং গতা লোকে ব্রাহ্মণাদর্শনে চ ॥ অতএব বিষ্ণুপুরাণম্—মহানন্দিস্মৃতঃ শূদ্রাগর্ভোহুভবোহতিলুকো মহাপদ্যো নন্দঃ পরশুরাম ইবা-পরোহধিলকলিয়াস্তকারী ভবিতা। ততঃ প্রভৃতি শূদ্রা ভূপালা ভবিষ্যন্তীতি। তেন মহানন্দিপর্ষ্যস্তঃ কলিয় আসীৎ। এবং কলিয়ালোপাদ্ বৈষ্ণানাংপি তথা। এবমধ-র্ষাদীনামপি।”—(শুদ্ধিতত্ত্ব)

বাচস্পতি মিশ্রও ঐরূপ লিখিয়াছেন।

এই কারণে কলিয়, বৈষ্ণব ও অধর্ষের শালগ্রামাদি পূজার ব্যবহার নাই। তাঁহাদিগের ব্রাহ্মণপুরোহিতরাই ঐ সকল কার্য্য করিয়া থাকেন।

এই “জাতিতত্ত্ব”র আলোচনা আমি বিদ্বেষবশে করিতেছি না, অপকৃপাতেই করিতেছি। তবে এ পর্য্যন্ত তাঁহাদের স্বপক্ষে বলিবার কিছু পাই নাই। কিন্তু এখানে তাঁহাদের স্বপক্ষে বলিবার একটা কথা আছে—

মহামহোপাধ্যায় বাচস্পতিমিশ্রাদির ঐরূপ মীমাংসা প্রমাণরূপে গণ্য হইলেও আমাদের কিন্তু মনোরম হইতেছে না। যেহেতু, শূদ্র রাজা (অর্থাৎ কলিয়কর্ম্মকারী) হইবে বলিয়া কলিয়দিগকেও যে শূদ্র হইতে হইবে, এ কিরূপ যুক্তি! তাহা হইলে স্নেহের রাজত্বে সকল কলিয়কেই আবার স্নেহও হইতে হয়, এবং তাহা হইলে মহাভারতে (বন, ১২০।৬৩) কলিয়ুগে “শূদ্রা ধর্ম্মং প্রবক্ষ্যন্তি” থাকায় সকল ব্রাহ্মণকেই শূদ্র হইতে হয়।

মনু উক্ত বচনে “ইমাঃ কলিয়জাতয়ঃ” (এই সকল কলিয়জাতি) বলিয়া পরবচনেই তাহাদের নির্দেশ করিয়াছেন—

“পৌণ্ড্র কাশ্চৌদ্ভ্রবিড়াঃ কাশ্বোজা জবনাঃ শকাঃ।

পারদাঃ পহ্বাশ্চীনাঃ কিরাতা দরদাঃ ধশাঃ ॥” (১০।৪৪)

“ইমাঃ” বলিয়া ঐ সকল কলিয়ের পতি অঙ্গুলিনির্দেশ এবং “বুধলভ্বং গতাঃ” এই অতীত কাল প্রয়োগ করার উহার সংহিতা প্রণয়নের পূর্বে ঐ সকল কলিয়ই শূদ্র প্রাণ হইয়াছিল, সমস্ত কলিয় হয় নাই, ইহা স্পষ্টই বুঝা

যাইতেছে। তাহা না হইলে পরশুরাম ত্রেতাযুগে অবতীর্ণ হইয়া একুশবার পৃথিবীকে যে নিঃকল্লির করিয়াছিলেন, তখন তিনি কল্লির পাইলেন কোথায়? তাহাতেও প্রত্যেক বারেই নিঃশেষে কল্লিরনাশ করিলে 'একুশবার' কিরূপে ঘটিল? তাঁহার সমকালে ও ত্রেতার শেষভাগেও সূর্য্য ও চন্দ্রবংশীয় কল্লিরগণের অস্তিত্ব কিরূপে সম্ভব হইল? স্বাপরে বহুবংশীয়, ভরতবংশীয় প্রভৃতি কল্লির কিরূপে রহিল? এবং কলিতে মহানন্দি পর্য্যন্ত কল্লিরই বা কোথা হইতে আসিল? মহাপদ্মনামা নন্দের অধিল-কল্লিরাস্ত-কারিত্বও সেইরূপ। এতাবত পরশুরাম ও মহাপদ্ম নিঃশেষে কল্লির বিনাশ করেন নাই, এবং ক্রিয়ালোপে অধিকাংশ কল্লিরাদি শূদ্রপ্রাপ্ত হইলেও সকল কল্লির, সকল বৈশ্ব ও সকল অশ্বত্থ শূদ্র হইয়া যান নাই। কতক কতক প্রকৃত কল্লির, প্রকৃত বৈশ্ব ও প্রকৃত অশ্বত্থ আছেন; বহু প্রদেশে তাঁহাদিগের অস্তিত্ব দেখাও যাইতেছে। এই কারণেই বঙ্গীয় অশ্বত্থগণের মধ্যে কতক উপবীতধারী ও কতক উপবীতবর্জিত ছিলেন এবং এখনও অনেক আছেন (শেষোক্ত অশ্বত্থেরা শূদ্রধর্ম্মানুসারে ১ মাস অশৌচ পালন করিয়া থাকেন)। ইহাতে তাঁহাদের অশ্বত্থ ও শূদ্রত্ব স্পষ্ট প্রতীয়মান হইয়া থাকে। কিন্তু এক্ষণে অনেকই একাকার হওয়ার তাঁহাদের পার্থক্য বৃদ্ধিবার উপায় নাই। স্তত্রাং সংশয়স্থলে সকল অশ্বত্থকেই শূদ্র বলিয়া মনে করিতে হয়।

অতএব কোনও কৈশ্বর এবং ইদানীন্তন কোনও অশ্বত্থেরও শালগ্রামশিলা ও প্রতিমা পূজায় অধিকার নাই। তবে যে সকল অশ্বত্থ পুরুষানুক্রমে উপবীতধারণাদি বৈশ্ব-ধর্ম্ম পালন করিয়া আসিতেছেন, তাঁহারা (যজনে অধিকার না থাকায়) নিজের জন্ত স্পর্শ ব্যতিরেকে ঐ সকল পূজা করিতে পারেন বটে; কিন্তু শালগ্রামের স্পর্শে গাত্র-মার্জনা এবং প্রতিমার প্রাণপ্রতিষ্ঠাদি স্পর্শ বিনা করা যায় না বলিয়া তাঁহারাও স্বয়ং না করিয়া পুরোহিত ব্রাহ্মণের দ্বারাই করাইয়া থাকেন।

পরন্তু রঘুনন্দনের ঐ পঙক্তি দেখিয়া আমাদের ইহাও মনে হয়, তাঁহার সময়ে বঙ্গদেশে কল্লির, বৈশ্ব ও অশ্বত্থগণ উপবীতবর্জিতই ছিলেন। তদর্শনেই তিনি তাঁহাদের শূদ্রত্বের কারণ নির্দেশ করিয়া গিয়াছেন। সে সময়ে

তাঁহাদের উপবীত থাকিলে তিনি কখনই ঐরূপ লিখিতেন না, এবং নবদ্বীপে বৈশ্বমণ্ডলীতে পরিবেষ্টিত থাকিয়া ঐরূপ লেখায় তাঁহাদের হস্তে তিনি নিস্তার পাইতেন না। ইহাতে স্পষ্টই বুঝা যাইতেছে, তৎকালে অশ্বত্থ বা বৈশ্বরা নিশ্চয়ই শূদ্রধর্ম্মা ছিলেন। তাঁহার ঐরূপ লেখায় চক্ষুরক্ষা হওয়ার তাঁহার পরবর্ত্তী কালে তাঁহাদের অধিকাংশই উপবীত গ্রহণ করিয়া বৈশ্বধর্ম্মানুসারে ১৫ দিন অশৌচপালনাদি করিতে আরম্ভ করিয়াছিলেন। কিন্তু সে উপবীত গ্রহণ বিধিপূর্ব্বক হয় নাই। যেহেতু, চারি পুরুষ উপনয়ন-সংস্কার-বর্জিত হইলে, তাঁহাদের সন্তানের উপনয়ন হইতে পারে না (৫ম পরিচ্ছেদে দ্রষ্টব্য)। এই জন্তই অবৈধ উপনয়ন বলিয়া তাঁহারা কতিদেশে যজ্ঞস্থত্র রাখিতেন * (কতিদেশে যজ্ঞস্থত্র রাখা শাস্ত্রে নিষিদ্ধ, এবং তাদৃশরূপে ধৃত যজ্ঞস্থত্র উপবীতপদবাচ্যও নহে)। যাহা হউক, বৈশ্বদিগের প্রতি সৌহার্দবশতঃ, অনুমানের উপর নির্ভর করিয়া সে সকল কথা বলিতে আমি প্রস্তুত নহি।

জ্ঞান, শ্রাদ্ধ, পঞ্চযজ্ঞ ভিন্ন কার্য্যে পুরাণপাঠে অধিকার থাকায় শূদ্রও যখন নিজের জন্ত মার্কণ্ডেয়পুরাণান্তর্গত চণ্ডী পাঠ করিতে পারেন, তখন অশ্বত্থ ও বৈশ্বের তাহাতে বাধা নাই; কিন্তু অশ্বত্থের জন্ত চণ্ডীপাঠ ব্রাহ্মণ ভিন্ন আর কেহই করিতে পারেন না। যথা :—

“ব্রাহ্মণং বাচকং বিছান্নাত্ত্ববর্ণজমাদরাং।

শ্রদ্ধাত্ত্ববর্ণজাদ্রাজন্ বাচকান্নরকং ব্রজেৎ ॥”

(হর্গোৎসবতস্বে ভবিষ্যপুঃ)

ব্রাহ্মণ ভিন্ন বর্ণ দ্বারা পুরাণাদি পাঠ করাইলে ও তাহাদের মুখে শুনিলে নরকে যাইতে হয়।

রঘুনন্দন হর্গোৎসবতস্বে লিখিয়াছেন—

“শূদ্রকর্ত্ত্বকবৃষোৎসর্গাদৌ ব্রাহ্মণকর্ত্ত্বকচক্রবৎ ব্রাহ্মণ-
দ্বারা পকান্ননৈবেদ্যাশি শূদ্রোহপি দাতুমর্হতি।”

শূদ্র কর্ত্ত্বক বৃষোৎসর্গাদিতে ব্রাহ্মণপক চক্রর স্থান, ব্রাহ্মণপক অন্ন দ্বারা শূদ্রও দেবতার ভোগ দিতে পারে।

* মুনিদাবাদ-মির্জাপুরনিবাসী শ্রীযুত হর্গোৎসব রায় মহাশয় লিখিয়াছেন—“আমাদের এ অঞ্চলে বহু বৈশ্বের বাস। আমি বাল্যকালে দেখিয়াছি, তাঁহারা কোমরে পইতা রাখিতেন, ব্রাহ্মণের নিকট শূদ্রবৎ ব্যবহার করিতেন এবং বয়ঃকনিষ্ঠ ব্রাহ্মণকেও প্রশান করিতেন।

সুতরাং অঘর্ষণও ঐরূপ করিতে পারেন; কিন্তু স্বপক অন্ন দ্বারা দেবতার ভোগ দিতে পারেন না।

“মন্তুকৃত্যুতরাগাধ ন ভূজীত কদাচন।

... ..

‘চিকিৎসকস্ত মৃগয়োঃ ক্রুরস্তোচ্ছিষ্টভোজিনঃ।

... ..

পূরণং চিকিৎসকস্তান্নং পুংচল্যাভ্রমিস্ক্রিয়ম্।”

(মনু ৪।২০৭—২২০)

“চিকিৎসকস্ত অঘর্ষণ” — (কুল্লুক)

অর্থাৎ অঘর্ষণের অন্ন খাইবে না। অঘর্ষণের অন্ন খাইলে পুষ খাওয়া হয়।

“অমৃতং ব্রাহ্মণ্যেন দারিদ্র্যং ক্রিয়ম্ চ।

বৈশ্বান্নেন তু শূদ্রান্নং শূদ্রান্নান্নরকং ব্রজেৎ ॥”

(ব্যাস ৪।৩৬)

ব্রাহ্মণের অন্ন অমৃত, ক্রিয়ের অন্ন দারিদ্র্যজনক, বৈশ্বের অন্ন শূদ্রান্নস্বরূপ এবং শূদ্রের অন্নভোজনে নরকে গমন হয়।

ইত্যাদি বচন দ্বারা অঘর্ষণের পকান্ন যখন সর্ববর্ণের অতোজ্য এবং ব্রাহ্মণের জাতির পকান্ন যখন ব্রাহ্মণের অতোজ্য সুতরাং অম্পৃশ্য, তখন ব্রাহ্মণ ভিন্ন আর কোনও দ্বিজাতিরই পকান্নে দেবতার ভোগ হইতে পারে না। শূদ্রজাতীয়া “বৈশ্বমহিলাদের পাক করা অন্নভোগ” ত সুদূর-পরাহত।

এই স্থানে প্রসঙ্গক্রমে আরও তিনটি বক্তব্য এই যে—

(১) প্রোক্ত কারণে ব্রাহ্মণ ভিন্ন কোনও দ্বিজাতিই পকান্ন দ্বারা শ্রাদ্ধ ও পিণ্ডদান করিতে পারেন না। (আমান্ন দ্বারা করিবেন)। যেহেতু, (ক) শ্রাদ্ধীয় অন্ন ব্রাহ্মণেরই ভোজ্য, (খ) অর্গ্যকরণে ব্রাহ্মণের পাণিতে অন্নাদান করিবার বিধি, এবং (গ) পিণ্ডও ব্রাহ্মণকে দাতব্য।
যথা :—

(ক) “গোভিলঃ .. ব্রাহ্মণানামন্ন্য । ব্রাহ্মণানামন্ন্যোতি ব্রাহ্মণান্ নিমন্ত্র্য শ্রাদ্ধং কুর্যাৎ । .. ব্রাহ্মণাসম্পত্তৌ কুশময়- ব্রাহ্মণে শ্রাদ্ধযুক্তং শ্রাদ্ধবিবেকে—নিধারাদ্ধ দর্ভচরমাসনেষু .. ইতি তদ্বৃৎবচনাৎ, ব্রাহ্মণানামসম্পত্তৌ কৃৎস্বা দর্ভময়ান্

দ্বিজান্ । শ্রাদ্ধং কৃৎস্বা বিধানেন পশ্চাদ্ বিপ্রেষু দাপয়েৎ ॥ ইতি শ্রাদ্ধযুক্তভাষ্যকার-সমুদ্রকর-ধৃতবচনাচ্চ ।”

(শ্রাদ্ধতত্ত্ব)

“শ্রোত্রিয়ান্যৈব দেয়ানি হব্য-কব্যানি দাতৃভিঃ।

অর্হত্তমায় বিপ্রায় তস্মৈ দত্তং মহাকলম্ ॥”

(মনু ৩।১২৮)

(খ) “অগ্ন্যভাবে তু বিপ্রশ্চ পাণাবেব জলেহপি বা ॥”

(গ) “পিণ্ডাংস্ত গোহজবিপ্রেষ্যো দত্তাদগ্নৌ জলেহপি বা ॥”

(মৎস্তুপুঃ)

শ্রাদ্ধধর্মের অতিদেশ হেতু পূরকপিণ্ডদানও ব্রাহ্মণের দ্বিজাতির আমান্ন দ্বারাই কর্তব্য।

(২) অঘর্ষণ ও বৈশ্ব ব্রাহ্মণাদির নমস্তু নহেন। তাঁহা-দিগকে নমস্কার বা অভিবাদন করিলে ব্রাহ্মণের প্রায়শ্চিত্ত কর্তব্য। যথা :—

“ব্রাহ্মণ ইত্যনুবৃত্তৌ মিতাকরায়ঃ হারীতঃ—ক্রিয়-শ্চাভিবাদনেহহোরাত্রমুপবসেদেবং বৈশ্বশ্চাপি। শূদ্রশ্চাভি-বাদনে ত্রিরাত্রমুপবসেদিতি। অত্র অহোরাত্রাভ্যুপবাস-শ্রবণাৎ মৃত্তস্তরোক্তবিপ্রদশকনমস্কাররূপলঘুপ্রায়শ্চিত্তস্ত প্রমাদবিষয়ং, ভ্রমকৃতনমস্কৃতিবিষয়ং বা। যথা মনুঃ—যদি বিপ্রঃ প্রমাদেন শূদ্রং সমভিবাদয়েৎ। অভিবাশ্চ দশ বিপ্রাংস্ততঃ পাপৈঃ প্রমুচ্যতে ॥”

(মলমাসতত্ত্ব)

অর্থাৎ ব্রাহ্মণ, ক্রিয় ও বৈশ্বকে অভিবাদন করিলে, অহোরাত্র উপবাস, এবং শূদ্রকে অভিবাদন করিলে ত্রিরাত্র উপবাস করিবে।—এই হারীতবচনে অহোরাত্র ও ত্রিরাত্র উপবাসরূপ প্রায়শ্চিত্তের বিধান থাকায়, অত্র মুনির মতে দশ জন ব্রাহ্মণকে নমস্কাররূপ যে লঘু প্রায়শ্চিত্ত বিহিত হইয়াছে, তাহা প্রমাদকৃত বা ভ্রমকৃত নমস্কারের পক্ষে। যেহেতু মনু বলিয়াছেন—ব্রাহ্মণ যদি প্রমাদ (অনবধানতা) বশতঃ শূদ্রকে অভিবাদন করে, তাহা হইলে দশ জন ব্রাহ্মণকে অভিবাদন করিয়া সেই পাপ হইতে মুক্ত হইবে।

এই জন্তই, ভ্রমপ্রমাদ বশতঃ নমস্কার করিয়া পাছে ব্রাহ্মণের প্রায়শ্চিত্ত হইবে, তাহা হইলে আপনাদিগকেও পাপভাগী হইতে হইবে, এই আশঙ্কায় পূর্বে অঘর্ষণজাতীয় বৈশ্বের কতিদেশে যজ্ঞোপবীত রাখিতেন বলিয়া মনে হয়।

অতএব যে সকল ব্রাহ্মণ-ছাত্র জ্ঞানপূর্বক বৈষ্ণব অধ্যাপকদিগকে প্রণাম করিয়া থাকেন, তাঁহারা ত্রিরাত্র উপবাসরূপ প্রায়শ্চিত্ত করিয়া আর কখনও ঐরূপ গর্হিত কর্ম যেন না করেন, (অসমর্থগকে প্রত্যেক উপবাসের অল্পকল্প ৮পণ কড়ি উৎসর্গ করিবারও বিধি আছে)।

(৩) ব্রাহ্মণও শূদ্রের সহিত এক পঙক্তিতে ভোজন করিলে, ত্রিরাত্র উপবাস, স্নান ও পঞ্চগব্যপানরূপ প্রায়শ্চিত্ত করিয়া পাপমুক্ত হইবেন (অঙ্গিরা)।

২২। ১২৪ শ্রু—ইতিহাসে দেখা যায়, খৃষ্টীয় একাদশ শতাব্দীতে বঙ্গাধিপতি বৈষ্ণবপতি মহারাজ বল্লালসেন চাতুর্ভূজসমাজের কোলীন্ড সংস্থাপন করিয়াছিলেন। ব্রাহ্মণেতর কোনও রাজারই ব্রাহ্মণসমাজের উপর নেতৃত্ব করা বা বড়কে ছোট করা কখনই সম্ভবপর নহে। বল্লালসেন তাঁহার “দানসাগর”-নামক স্মৃতিগ্রন্থে সেনবংশকে “শ্রুতিনিয়মগুরু” বলিয়া উল্লেখ করিয়াছেন। শ্রুতি শব্দের অর্থ বেদ, শ্রুতিনিয়ম অর্থাৎ বেদবিহিত নিয়ম, তাহার গুরু ব্রাহ্মণ ব্যতীত আর কে হইতে পারে ?

বস্তুতঃ—বল্লালসেন চাতুর্ভূজের কোলীন্ড সংস্থাপন করেন নাই; কেবল আদিশূরানীত বঙ্গীয় ব্রাহ্মণ ও কায়স্থ-গণেরই করিয়াছিলেন। কুলজীগ্রন্থে বৈষ্ণবগণেরও কোলীন্ড-সংস্থাপন লিখিত আছে; তাহাতে সেন, দাস ও গুপ্তকে যথাক্রমে উত্তম, মধ্যম ও অধম কুলীন বলা হইয়াছে। বল্লালের মৃত্যুর বহুকাল পরে ঐ সকল গ্রন্থ রচিত হইয়াছিল; সুতরাং বৈষ্ণবদিগের কোলীন্ডসংস্থাপন বল্লালের স্বকৃত, কি অল্পরোধপরতন্ত্র ঘটক মহাশয়গণের কৃত, তদ্বিষয়ে যথেষ্ট সন্দেহ হয় (অর্থ পরিচ্ছেদে ১২নং দ্রষ্টব্য)। যাহাই হউক, বৈষ্ণবগণের এই পৃথক কোলীন্ডসংস্থাপনেও তাঁহাদের “প্রকৃত ব্রাহ্মণপদবাচ্যত্ব” নিরাকৃত হইতেছে।

হিন্দুপতিমাত্রেরই শ্রুতিনিয়মগুরুত্ব এবং ব্রাহ্মণসমাজের উপরও নেতৃত্ব শাস্ত্রবিহিত ও ব্যবহারপ্রসিদ্ধ। যথা :—

“সম্যগ্ বেদান্ প্রাপ্য শাস্ত্রাণ্যধীত্যা
সম্যগ্ রাজ্যং পালয়িত্বা চ রাজা ।
চাতুর্ভূজ্যং স্থাপয়িত্বা স্বধর্ম্মে
পুতান্না বৈ মোদতে দেবলোকে ॥”

(মহা, শাস্তি, ২৫।৩৬)

রাজা সম্যগ্রূপে বেদজ্ঞান লাভ ও শাস্ত্রসমূহের স্মারন-পূর্বক সম্যগ্রূপে প্রজাপালন এবং চাতুর্ভূজ্যকে স্বধর্ম্মে স্থাপন করিয়া পবিত্র হইয়া দেবলোকে সুখে বাস করেন।

এই জন্মই কত্রিয় রাজা পরীক্ষিৎ পরমধার্ম্মিক ও ব্রাহ্মণভক্তিনিষ্ঠ হইয়াও, তৃষার্তকে পানীয় না দিবার অপরাধে স্বধর্ম্মাহুরোধে, শমীক মুনির স্বক্কে মৃতসর্প-সংযোজনরূপ দণ্ডবিধান করিয়াছিলেন।

গ্রন্থকারমাত্রেরই গ্রন্থের নমস্কিয়ারূপ মুখবন্ধে দেবতাকেই প্রণাম করিয়া থাকেন। মহুঘোর মধ্যে কেবল পিতা, মাতা ও গুরুর প্রণাম কোনও কোনও গ্রন্থে দেখা যায়; কিন্তু কোনও জাতির প্রণাম কুত্রাপি দৃষ্ট হয় না। বল্লালসেন “দানসাগর” গ্রন্থের প্রারম্ভে কেবলমাত্র ব্রাহ্মণদিগকেই প্রণাম করিয়াছেন। যথা :—

“যে সাক্ষাদবনীতলামৃতভূজো বর্ণাশ্রমজ্যায়সাং
যেষাং পাণিষু নিক্শিপস্তি কৃতিনঃ পাথেরমামুগ্নিকম্ ।
যদ্বক্তে পনতাঃ পুনস্তি জাতীঃ পুণ্যাজিবেদীগির-
স্তেভ্যো নির্ভরভক্তিসম্ভ্রমনময়োনি দ্বিজৈভ্যো নমঃ ॥”

যাঁহারা ভূতলে প্রত্যক্ষ দেবতা, যাঁহারা সকল বর্ণ ও সকল আশ্রমের শ্রেষ্ঠ, পুণ্যবান্ লোকেরা যাঁহাদের হস্তে পরলোকের পাথের গচ্ছিত রাখেন (অর্থাৎ পরকালে স্বর্গাদি উৎকৃষ্ট লোকে যাইবার জন্ম যাঁহাদিগের হস্তে ধনদান করেন), এবং যাঁহাদিগের মুখনিঃসৃত পবিত্র বেদধ্বনি ত্রিভুবনকে পবিত্র করে, সেই ব্রাহ্মণদিগকে সাতিশয় ভক্তি ও সম্মানের সহিত মস্তক অবনত করিয়া প্রণাম করি।

তৎপরে স্বীয় বংশ ও গুরুর পরিচয় দিয়া পুনর্বার বলিয়াছেন—

“হুরধিগমধর্ম্মনির্গম-বিষমাধ্যবসায়সংশয়স্তিমিতঃ ।
নরপতিরয়মারেভে ব্রাহ্মণচরণারবিন্দপরিচর্যাম্ ॥”

এই রাজা হুর্বোধ-ধর্ম্মনির্গমরূপ বিষম অধ্যবসয়ে (অশক্য কর্ম্মে উৎসাহে) সংশয়ে জড়ীভূত হইয়া ব্রাহ্মণদিগের চরণারবিন্দ সেবা করিতে আরম্ভ করিয়াছিলেন।

“ওশ্রুবাপরিতোষিতৈরবিরতং সম্ভূর ভূদৈবতৈ-
র্দত্তামোঘবরপ্রসাদবিশদস্বাস্তম্ভলৎসংশয়ঃ ।

শ্রীবল্লালনরেশ্বরো বিরচয়ত্যেতং গুরোঃ শিক্ষয়া

“স্বপ্রজীবধি দানসাগরময়ং শ্রদ্ধাবতাং শ্রেয়সে ”

নিরন্তর সেই সেবার পরিতোষ লাভপূর্বক ভূদেবগণ মিলিত হইয়া, দয়া করিয়া যে অব্যর্থ আশীর্বাদরূপ বর দিয়াছেন, তদ্বারা চিত্ত নির্মল ও সকল সংশয় দূরীভূত হওয়ায় গুরু (অনিরুদ্ধভট্টের) শিক্ষায় এই নরপতি ত্রিব্রাহ্মণসেন শ্রদ্ধাবান্ ব্যক্তিগণের শ্রেয়োলাভের জন্য যথামতি এই দানসাগর রচনা করিতেছেন।

ব্রাহ্মণসেন ব্রাহ্মণ হইলে, অত বড় রাজা হইয়া, ব্রাহ্মণের এত সম্মান, ব্রাহ্মণের নিকট এত হীনতা স্বীকার এবং এত বিনয় করিয়া ব্রাহ্মণদিগকে প্রণাম করিতেন না।

ব্রাহ্মণের মৃত্যুর বহুকাল পরে ঘটক-কারিকাবলী রচিত হইয়াছিল। 'ঐহাদের 'সেন' উপাধি দেখিয়া ঐ সকল কারিকাবলীতে যদিও ঐহাকে বৈষ্ণবংশসম্বৃত বলা হইয়াছে, তথাপি ঐহাদের বৈষ্ণবজাতীয়ত্বে সংশয় জন্মে। যেহেতু, মহাভারতে দেখা যায় (আদি, ১১১ অঃ) কুন্তীগর্ভজাত কর্ণের প্রকৃত নাম বসুমত, এবং ঐহার পুত্রের নাম বৃষসেন। "ব্রাহ্মণচরিতে" লিখিত হইয়াছে—ঐ বৃষসেনের পুত্র পৃথুসেন, তৎপুত্র বীরসেনের জন্ম, তৎপুত্র সামন্তসেন, তৎপুত্র হেমন্তসেন, তৎপুত্র বিজয়সেন, তৎপুত্র ব্রাহ্মণসেন। "দানসাগরে"ও লিখিত হইয়াছে—হেমন্তসেনের পুত্র বিজয়সেন, তৎপুত্র ব্রাহ্মণসেন। এতাবতী ভীমসেনাদির ঐহ "সেন" ঐহাদের নামেরই অংশ বুঝা যাইতেছে (উপাধি নহে)। ঐহারাও শাসনপত্রাদিতে কেবল চন্দ্রবংশোদ্ভব বলিয়াই আয়ুপরিচয় দিয়াছেন; কুত্রাপি বৈষ্ণব বলিয়া পরিচয় দেন নাই (কলিকাতা সাহিত্যসভা হইতে প্রকাশিত মৎসম্পাদিত দানসাগরের ভূমিকায় সংগৃহীত কতিপয় শাসনপত্র দ্রষ্টব্য)।

দানসাগরের দ্বিতীয় শ্লোকে ঐ "শ্রুতিনিয়মগুরু"র পূর্বে ও পরে "ইন্দোর্বৈধিকবন্ধোঃ শ্রুতিনিয়মগুরুঃ ক্রমচারিত্রচর্যা-মর্যাদাগোত্রৈশলঃ ... নিরগমদবনে-ভূষণং সেনবংশঃ" লিখিয়া ব্রাহ্মণ স্বয়ং ঐহাদের সেনবংশকে (অর্থাৎ সেনাস্তনামধারী ব্যক্তিবর্গের বংশকে) চন্দ্র হইতে উৎপন্ন ও কৃত্রিয়াচারী বলিয়াছেন; বৈষ্ণব বা ব্রাহ্মণ বলেন নাই। কর্ণ, চন্দ্রবংশীয়া ও ভবিষ্যতে চন্দ্রবংশীয় পাণ্ডুর পত্নীভূতা কুন্তীর গর্ভজাত হইয়াও, স্মৃতজাতীয়া কন্যা বিবাহ করার ঐহার বংশ বর্ণসঙ্করত্ব প্রাপ্ত হওয়ায় উক্ত সেনবংশের কেহই স্পষ্ট করিয়া আপনাদিগকে কৃত্রিয়ও বলিতে পারেন নাই।

এই সমস্ত দেখিয়াই বোধ হয় 'প্রবোধনী'-লেখক বৈষ্ণব 'চন্দ্র' গোত্র স্থির করিয়াছেন (৬ সংখ্যা); কিন্তু ব্রাহ্মণ ভিন্ন দেবজাদি আর কেহই যে 'গোত্র' হইতে পারেন না, তাহা (ঐ সংখ্যাতেই) বলিয়াছি।

১৩। বৈষ্ণব শ্রুতি—"ব্রাহ্মণাদ্ বৈষ্ণবকৃত্যামধর্ষো নাম জায়তে" (মনু ১০ অঃ) অর্থাৎ ব্রাহ্মণপরিণীতা বৈষ্ণবকৃত্যার গর্ভে জাত বৈধ সম্মান 'অধর্ষ' নামে অভিহিত।

পঞ্চম বেদ মহাভারতে ভগবান্ বেদব্যাস বলিয়াছেন— "ত্রিষু বর্ণেষু পত্নীষু ব্রাহ্মণাদ্ ব্রাহ্মণো ভবেৎ" (অনু ৪৭।১৭) অর্থাৎ তিন বর্ণের পত্নীতে ব্রাহ্মণ হইতে ব্রাহ্মণই উৎপন্ন হয়।

পরে আরও স্পষ্ট করিয়া বলিয়াছেন—"ব্রাহ্মণ্যাং ব্রাহ্মণাজ্জাতো ব্রাহ্মণঃ স্তান্ন সংশয়ঃ। কৃত্রিয়ায়াং তথৈব স্তাদ্ বৈষ্ণৱামপি চৈব হি ॥" (৪৭।২৫) অর্থাৎ ব্রাহ্মণ হইতে ব্রাহ্মণীতে, কৃত্রিয়কৃত্যতে ও বৈষ্ণবকৃত্যতে জাত পুত্র ব্রাহ্মণই হয়, তাহাতে সন্দেহ নাই।

মনুসংহিতাতেও স্পষ্ট বলা হইয়াছে—"সর্ববর্ণেষু তুল্যাসু পত্নীষুকৃতযোনিষু। আনুলোম্যেন সম্বৃত্য জাত্যা জ্যেষ্ঠাস্ত এব তে ॥" (১০ অঃ) অর্থাৎ সকল বর্ণের মধ্যে বিবাহের পূর্বে অকৃতযোনি ও বিজয়নামান্তে তুল্যা পত্নীতে অনু-লোমজ সম্মান জাতিতে পিতৃবর্ণই হইয়া থাকে।

মহর্ষিকল্প গন্ধাধর এই শ্লোকের এইরূপ অর্থ করেন— সর্ববর্ণের মধ্যে জাতিসামান্তে তুল্যা নারীতে, সমানাসমান-বর্ণজা পত্নীতে এবং অনুলোমজা অকৃতযোনি কন্যা অর্থাৎ কুমারীতে জাত সম্মান পিতৃবর্ণই হইয়া থাকে।

বাস্তব্যঃ—উক্ত মনুবচনের ঐ অর্থই প্রকৃত হইলে, উহার পরশ্লোক—

"জীঘনন্তরজাতাসু ষ্ট্রৈকরূপাদিতান্ স্তান্।

সদৃশানেব তানাহর্ষাতৃদোষবিগর্হিতান্ ॥"

অনন্তরজাতা জীতে ষ্ট্রিজাতিদিগের উৎপাদিত পুত্রগণ মাতৃদোষে বিগর্হিত (অর্থাৎ মাতার হীনবর্ণত্ব হেতু হীন) শিশুসদৃশ হয় (পিতৃজাতীয় হয় না)।

তাহার পরেই আবার—

"বিশ্রুত্ব ত্রিষু বর্ণেষু নৃপতের্বর্ণরৌধরোঃ।

• বৈষ্ণব বর্ণে চৈকশ্বিন্ ধড়তেহপসদাঃ স্মৃতাঃ ॥"

ব্রাহ্মণের কলিরা, বৈশ্বা ও শূদ্রা জীতে, কলিয়ার বৈশ্বা ও শূদ্রা জীতে এবং বৈশ্বের শূদ্রা জীতে উৎপন্ন— এই ছয় পুত্র নিকৃষ্ট ।

“পুত্রা যেহনস্তরজীজাঃ ক্রমেণোক্তা বিজ্ঞানানাম্ ।

তাননস্তরনামস্ত মাতৃদোষাৎ প্রচক্ষতে ॥”

বিজ্ঞাতিদিগের অনস্তরবর্ণজীজাত পুত্ররা মাতৃদোষে (অর্থাৎ মাতার হীনবর্ণ হেতু পিতৃজাতীয় না হইয়া) মাতৃ-জাতীয় হইয়া থাকে ।—এই সকল বচনের সামঞ্জস্য কিরূপে রক্ষিত হয় ?

সমানাসমানবর্ণজা পত্নীতে জাত সন্তান পিতৃবর্ণই হইলে, ব্রাহ্মণের শূদ্রাগর্ভজাত সন্তান নিষাদকেও ব্রাহ্মণ, এবং কলিয়ার বৈশ্বাগর্ভজাত সন্তান মাহিষ্যকেও কলিয় বলিতে হয় ।

ব্রাহ্মণের অনস্তরজ অর্থাৎ কলিরাগর্ভজাত পুত্র মূর্খাভি-বিক্রমই যখন মাতৃবর্ণ হইয়া থাকে, তখন একান্তরজ অর্থাৎ বৈশ্বাগর্ভজাত পুত্র অম্বষ্ঠ কিরূপে পিতৃবর্ণ হইতে পারে ? অম্বষ্ঠ যদি পিতৃবর্ণ অর্থাৎ ব্রাহ্মণই হয়, তবে তাহার ‘অম্বষ্ঠ’ এই পৃথক সংজ্ঞা কেন ? অম্বষ্ঠ ব্রাহ্মণ হইলে, অম্বষ্ঠকতা সূতরাং ব্রাহ্মণকতা ; তাহার গর্ভে ব্রাহ্ম-ণোৎপন্ন আতীরও তাহা হইলে ব্রাহ্মণ হইতে পারে । যেহেতু মনুই বলিয়াছেন—

“ব্রাহ্মণাহগ্রকন্তায়ামাবৃত্তো নাম জায়তে ।

আতীরোহম্বষ্ঠকন্তায়ামায়োগব্যাস্ত ধিগ্ধনঃ ॥”

(১০।১৫)

“সর্ববর্ণেষু তুল্যাস্ত” ইত্যাদি মনুবচনের টীকা— “ব্রাহ্মণাদিষু বর্ণেষু চতুর্ষুপি, তুল্যাস্ত সমানজাতীয়াস্ত (পত্নীষু) যথাশাস্ত্রং পরিণীতাস্ত অকৃতযোনিষু, আহুলোম্যেন— ব্রাহ্মণেন ব্রাহ্মণ্যাং, কলিয়েণ কলিয়ারাং, বৈশ্বেন বৈশ্বায়াং, শূদ্রেণ শূদ্রায়াম্ ইত্যনেন অনুক্রমেণ যে জাতাঃ, তে মাতা-পিত্রোর্জাত্যা যুগ্মাঃ তজ্জাতীয়াঃ এব জাতব্যাঃ ।”

অর্থাৎ ব্রাহ্মণ, কলিয়, বৈশ্ব ও শূদ্র এই চারি বর্ণের যথাশাস্ত্র পরিণীতা অকৃতযোনি সর্বণা পত্নীতে উৎপন্ন পুত্রগণ মাতাপিতৃজাতীয়ই হয়—অর্থাৎ ব্রাহ্মণের ব্রাহ্মণীপত্নীর পুত্র ব্রাহ্মণ, কলিয়ার কলিরাপত্নীর পুত্র কলিয়, বৈশ্বের বৈশ্বা-পত্নীর পুত্র বৈশ্ব, এবং শূদ্রের শূদ্রাপত্নীর পুত্র শূদ্র হইয়া থাকে ।

এই অর্থই প্রকৃত ; যেহেতু এই অর্থেই উক্ত সমস্ত বচনের সামঞ্জস্য রক্ষিত হইতেছে ।

বিকুসংহিতাতেও এই কথা স্পষ্টরূপেই উক্ত হইয়াছে ।
যথা :—

“সমানবর্ণাস্ত পুত্রাঃ সর্বণা ভবন্তি । আহুলোম্যাস্ত মাতৃ-বর্ণাঃ । প্রতিলোমাস্বাৰ্য্যবিগর্হিতাঃ ।” (১৬।১—৩)

মনু উক্ত বচনে “পত্নীষু” বলিয়া প্রত্যেক বর্ণের পরিণীতা সর্বণা জীকেই বুঝাইয়াছেন । যেহেতু “পত্নীনাং যজ্ঞসংযোগে” এই পাণিনিহৃত্ত দ্বারা সহধর্মচারিণী অর্থেই পতি শব্দের উত্তর ঙীপ্ প্রত্যয়ে ‘পত্নী’ হয় । অসর্বণা জীর সহিত ধর্মাচরণ শাস্ত্রনিষিদ্ধং এই জন্তই তিনি, এবং অত্র সংহিতাকারগণও অসর্বণা জীর স্থলে সর্বত্রই ভার্য্যা শব্দ প্রয়োগ করিয়াছেন ; কুত্রাপি ‘পত্নী’ বলেন নাই, এবং বিজ্ঞাতিদিগের অসর্বণা আহুলোমজাতা কন্তার বিবাহ বিষয়ে ‘ধর্মতঃ’ না বলিয়া “কামতস্ত প্রবৃত্তানাম্” (মনু ৩।১২) বলিয়া ব্যবস্থা দিয়াছেন, মহাভারতেও (অনু ৪৭।১৩) এইরূপ বিবাহে “রতিমিচ্ছতঃ” আছে । অসর্বণা বিবাহে পাণিগ্রহণেরও বিধান নাই ; আছে কেবল—

“শরঃ কলিয়য়া গ্রাহঃ প্রতোদো বৈশ্বকন্তয়া ।

বসনস্ত দশা গ্রাহাঃ শূদ্রয়োৎকৃষ্টবেদনে ॥”

(মনু ৩।১৪)

বর একটা বাণ ধারণ করিলে কলিয়া তাহার এক প্রান্ত গ্রহণ করিবে, বর প্রতোদ (পাঁচনী বাড়ি) ধরিলে বৈশ্বা তাহার এক প্রান্ত ধরিবে, এবং শূদ্রা বরের উত্তরীয় বস্ত্রের দশা (দশী) ধারণ করিবে ।

এই জন্তই অমর পত্নীপর্য্যয়ে বলিয়াছেন—“পত্নী পাণি-গৃহীতী চ দ্বিতীয়া সহধর্মিণী ।”

পাণিগৃহীতী—যথাবিধি যাহার পাণিগ্রহণ করা হই-য়াছে। দ্বিতীয়া—যে ধর্মাচরণের সহায়ভূতা (দোসর) । সহধর্মিণী—“সঙ্গীকো ধর্মমাচরেৎ” এই ব্যবস্থাসূত্রে যাহার সহিত ধর্মাচরণ করা যায় ।

অতএব “সর্ববর্ণেষু তুল্যাস্ত” বচনের ব্যাখ্যায় ‘প্রবো-ধনী’-লেখকের “বিজ্ঞানসামান্ত্রে তুল্যা পত্নীতে” লেখা এবং তাহার মহর্ষিকল্প গঙ্গাধরের “সমানাসমানবর্ণজা পত্নীতে” লেখাটাও অতিজ্ঞতার পরিচায়ক হয় নাই ।

এই ত মনুস্বচনের সঙ্কে বলা হইল। এখন মহাত্মার-
তীয় দুইটি শ্লোকের সঙ্কে বসি : -

শাস্ত্রবাক্যের প্রকৃত অর্থ নির্ণয় করিতে হইলে তাহার
প্রকরণ, উপক্রম, উপসংহার ও বচনান্তরের সহিত সামঞ্জস্য
দেখিতে হয়। 'প্রবোধনী'-লেখক সে সকলের প্রতি দৃষ্টি-
পাত না করাতেই ঐ দুইটি শ্লোকের অন্তরূপ অর্থ
বুঝিয়াছেন।

অনুশাসনপর্বের ৪৭ অধ্যায়ে উক্ত শ্লোকদ্বয়ের উপ-
ক্রমে ভীষ্মের প্রতি যুধিষ্ঠিরের প্রশ্ন—

“চতশ্রো বিহিতা ভার্য্যা ব্রাহ্মণস্ত পিতামহ।

ব্রাহ্মণী কলিত্রা বৈশ্বা শূদ্রা চ রতিমিচ্ছতঃ ॥

তত্র জাতেষু পুত্রেষু সর্কাসাং কুরুসন্তম।

আনুপূর্ব্যেণ কস্তেবাং পিত্র্যাং দায়ান্তমর্হতি ॥”

(৪—৫)

ব্রাহ্মণের ব্রাহ্মণী, এবং রতীচ্ছার কলিত্রা, বৈশ্বা ও শূদ্রা
এই চতুর্বিধ ভার্য্যা বিহিত হইয়াছে (যথা মনু—“সবর্ণাগ্রে
দ্বিজাতীনাং প্রশস্তা দারকর্মাণি। কামতস্ত * প্রবৃত্তানা-
মিমাঃ স্ত্র্যাঃ ক্রমশোহবরাঃ ॥ শূদ্রেব ভার্য্যা শূদ্রস্ত সা চ
স্বা চ বিশঃ স্মতে। তে চ স্বা চৈব রাজ্ঞশ্চ তাশ্চ স্বা চাগ্র-
জন্মনঃ ॥” ৩।১২-১৩) ; তাহাদের পুত্রগণের মধ্যে যথা-
ক্রমে পিতার ধনে কে কিরূপ অধিকারী হইবে ?

ভীষ্মের উত্তর—

“লক্ষণং গোবৃষো যানং যৎ প্রধানতমং ভবেৎ।

ব্রাহ্মণ্যাস্তদ্ধরেৎ পুত্র একাংশং বৈ পিতুর্ধনাৎ ॥

শেষস্ত দশধা কার্য্যং ব্রাহ্মণস্যং যুধিষ্ঠির।

তত্র তেনৈব হর্ষব্যাস্চহারোহংশাঃ পিতুর্ধনাৎ ॥

কলিত্রায়াস্ত যঃ পুত্রো ব্রাহ্মণঃ সোহপ্যসংশয়ঃ।

স তু মাতৃবিশেষেণ ত্রীনংশান্ হর্ষু মর্হতি ॥

বর্ণে তৃতীয়ে জাতস্ত বৈশ্বায়াং ব্রাহ্মণদপি।

দ্বিরংশস্তেন হর্ষব্যো ব্রাহ্মণস্যাদ্ যুধিষ্ঠির ॥

শূদ্রায়াং ব্রাহ্মণাজ্জাতো নিত্যাদেয়ধনঃ স্মতঃ।

অন্নং চাপি প্রদাতব্যং শূদ্রাপুত্রায় ভারত ॥”

(১১—১৫)

* কামতঃ কামবশাৎ (কুলুক)। ধর্মার্থমাদৌ সিবর্ণাযুচ্। পশ্চাৎ
রিবংসবশেৎ (পরাশরভাব্যো মাধবাচার্য্য)।

অর্থাৎ ব্রাহ্মণ-পিতার সম্পত্তির মধ্যে যাহা যাহা সর্বোৎ-
কৃষ্ট, তৎসমস্ত বিভাগনা করিয়া ব্রাহ্মণীর পুত্র একাই
লইবে। অন্ত সম্পত্তি ১০ ভাগ করিয়া তাহার মধ্যেও
ঐ ব্রাহ্মণীর পুত্র ৪ অংশ, কলিত্রার পুত্র ৩ অংশ এবং
বৈশ্বার পুত্র ২ অংশ লইবে। শূদ্রার পুত্র ('নিত্যা-অদেয়-
ধন') ধনাধিকারী নহে, তথাপি তাহাকে ১ অংশ দিবে।

ইহার পরেই বৈশ্বপ্রবোধনীতে উক্ত দুইটি শ্লোক—

“ত্রিষু বর্ণেষু জাতো হি ব্রাহ্মণাদ্ ব্রাহ্মণো ভবেৎ ॥” (১৭)

ব্রাহ্মণ্যাং ব্রাহ্মণাজ্জাতো ব্রাহ্মণঃ শ্রান্ সংশয়ঃ।

কলিত্রায়্যাং তথৈব শ্রাষ্ট্রায়ামপি চৈব হি ॥” (২৫)

উপসংহারে যুধিষ্ঠিরের পুনঃ প্রশ্ন—

“কস্মাত্তু বিষমং ভাগং ভজেরন্ নৃপসন্তম।

যদা সর্কে ত্রয়ো বর্ণাঙ্কয়োক্তা ব্রাহ্মণা ইতি ॥” (২৯)

আপনি যখন তিন বর্ণকেই (অর্থাৎ ব্রাহ্মণ হইতে
ব্রাহ্মণীজাত, কলিত্রাজাত ও বৈশ্বাজাত পুত্রকে) ব্রাহ্মণ
বলিলেন, তখন তাহারা কি জন্ত একরূপ অসমান অংশ প্রাপ্ত
হইবে ?

ভীষ্ম এ প্রশ্নের উত্তর দিয়া শেষে বলিয়াছিলেন—

“এষ দায়বিধিঃ পার্থ পূর্ব্বমুক্তঃ স্বয়ম্ভুবা ॥” (৫৮)

পূর্ব্বকালে ব্রহ্মা এইরূপ দায়ভাগের বিধি বলিয়া-
ছিলেন।

ঐ অধ্যায়টার নাম “রিকৃথবিভাগ-কথন” (রিকৃথ =
ধন)।

তার পরেই “বর্ণসঙ্করকথন”-নামক ৪৮ অধ্যায়ের
প্রথমেই যুধিষ্ঠিরের প্রশ্ন—

“অর্গাল্লোভাষা কামাষা বর্ণানাঞ্চাপ্যনিশ্চয়াৎ।

অজ্ঞানাষাপি বর্ণানাং জায়ন্তে বর্ণসঙ্করাঃ ॥

তেষামেতেন বিধিনা জাতানাং বর্ণসঙ্করে।

কো ধর্ম্মঃ কানি কর্মাণি তন্মে ক্রতি পিতামহ ॥”

(১—২)

অর্থ গ্রহণ, কলিত্রাপিতার সম্পত্তি পাইবার লোভ,
রতীচ্ছা, বর্ণের অনিশ্চয় অথবা বর্ণ সঙ্কে অজ্ঞতা হেতু
বর্ণসঙ্কর জন্মে। সেই বর্ণসঙ্করদিগের ধর্ম্ম কি, তাহা
আমাকে বলুন।

এই স্থলে প্রথমক্রমে বক্তব্য এই যে—যুধিষ্ঠিরের ঐরূপ প্রশ্নে স্পষ্টই বুঝা যাইতেছে, কেবল অসবর্ণা জাতি উৎপাদিত সম্ভানকেই বর্ণসঙ্কর বলে না; ঐ সকল কারণে সবর্ণ-জীর্গর্ভজাত সম্ভানও বর্ণসঙ্কর বলিয়া গণ্য হয়। অতএব যাহারা বরপণরূপ অর্থ লইয়া পুত্রের বিবাহ দেন, তাঁহারাও বর্ণসঙ্করের সৃষ্টি করিয়া থাকেন। গীতার উক্ত হইয়াছে—

“সঙ্করো নরকায়ৈব কুলঘানাং কুলশ্চ চ।

পতন্তি পিতরো হেবাং নুশ্চপিণ্ডোদকক্রিয়াঃ ॥”

(১।৭১)

যাহারা বর্ণসঙ্কর উৎপাদন করে, তাহারা ও তাহাদের বংশ নরকগামী হয় এবং তাহাদের পূর্বপুরুষগণ জলপিণ্ডের বিলোপে পতিত হইয়া থাকেন।

পাছে বর্ণসঙ্করের কারণ হইতে হয়, এই ভয়ে স্বয়ং ভগবান্ও ভীত হইয়া বলিয়াছিলেন,—

“সঙ্করশ্চ চ কৰ্ত্তা শ্চামুপশ্চাত্তামিমাঃ প্রজাঃ ॥”

(গীতা ৩।৭৪)

এখন প্রকৃত কথা বলি। যুধিষ্ঠিরের ঐ প্রশ্নের উত্তরে ভীষ্ম বলিতে লাগিলেন,—

“ভার্য্যাশ্চতশ্চো বিপ্রশ্চ হুমোরাত্মা প্রজায়তে।

আমুপূৰ্ব্ব্যাদয়োহীনৌ মাতৃজাতৌ প্রস্বয়তঃ ॥” (৭)

ব্রাহ্মণের ব্রাহ্মণী, কলিঙ্গ, বৈশ্যা ও শূদ্রা এই চতুর্বিধ ভার্য্যার মধ্যে যথাক্রমে ব্রাহ্মণীগর্ভজাত পুত্র ব্রাহ্মণ, কলিঙ্গাগর্ভজাত মুর্দ্ধাভিষিক্ত ও ব্রাহ্মণ* (পূর্বোক্ত মনুস্মৃতির সহিত একবাক্যতায় ‘ব্রাহ্মণসদৃশ’—নীলকর্ষ ও ঐরূপ বলিয়াছেন), এবং বৈশ্যাগর্ভজাত অশ্বঠ ও শূদ্রাগর্ভজাত নিষাদ নিকৃষ্ট ও মাতৃজাতীয়।

এতাবত, সুলভাদি সম্বন্ধে সাদৃশ্য হেতু যেমন মনুস্মৃতিতেও হস্তী বলা যায়, সেইরূপ ব্রাহ্মণধনে অধিকারিত সম্বন্ধে তৎসাদৃশ্য হেতু ৪৭ অধ্যায়ের ১৭ ও ২৫ শ্লোকে দায়ভাগপ্রকরণেই মুর্দ্ধাভিষিক্ত ও অশ্বঠকে ব্রাহ্মণ বলা হইয়াছে (ভ্রাতৃজাতীয় হেতু নহে); শূদ্রার পুত্র ধনাধিকারী নহে বলিয়া তাহাকে ব্রাহ্মণ বলা হয় নাই। ঐরূপ ব্যাখ্যায় সর্বসামঞ্জস্যই সুরক্ষিত হইতেছে। অন্তর্থাৎ ৪৭ অধ্যায়ে

অশ্বঠকে ব্রাহ্মণ বলিয়া ৪৮ অধ্যায়ে তাহাকে মাতৃজাতীয় (অর্থাৎ বৈশ্য) বলা উদ্ভূতপ্রলাপ হয়।

ইহা আমাদের মন-গড়া ব্যাখ্যা নহে। পূর্বোক্ত “ব্রাহ্মণ্যাং ব্রাহ্মণাজ্জাতঃ” ইত্যাদি শ্লোকের টীকার নীলকর্ষ যাহা সংক্ষেপে লিখিয়াছেন, তাহাই আমরা বিস্তার করিয়া লিখিলাম। তিনি লিখিয়াছেন,—“এতচ্চ দায়ার্থম্ অবধ্য-স্বার্থঞ্চ উক্তং, বিপ্রাং বৈশ্যাং শূদ্রাঞ্চ জাতশ্চ মাতৃ-জাতীয়শ্চ বক্ষ্যমাণস্বাৎ।” অর্থাৎ এখানে অশ্বঠকে ‘বে ব্রাহ্মণ বলা হইয়াছে, তাহা দায়ার্থিকারের জন্ত এবং রাজ-দণ্ডে অবধ্য হইবার জন্ত; বেহেতু পরে অশ্বঠকে মাতৃ-জাতীয় বলা হইবে।

২৪। বৈশ্য প্রঃ—বৈশ্যগণ অশ্বঠ-জাতীয় নহেন। বৈশ্যগণ বৈশ্য বলিয়াই পরিচিত ও প্রসিদ্ধ, অশ্বঠ বলিয়া নহে।

বক্তব্য—যাহারা বৈশ্য বলিয়া পরিচিত ও প্রসিদ্ধ এবং উপবীতধারী, তাঁহারা এত কাল আপনাদিগকে অশ্বঠ বলিয়াই জানিতেন। তজ্জন্ত এখনও, ব্রাহ্মণ্য লাভ করিয়াও, অনেকেরই ১০ দিন অশৌচ গ্রহণ ও পকায় দ্বারা শ্রাদ্ধ করিতে সাহস করিতেছেন না।* “অশ্বঠানাং চিকিৎসিতম্” এই মনুস্মৃতিতে অশ্বঠের চিকিৎসাবৃত্তি বিহিত হওয়ার এবং “ভিষগ্ বৈশ্যৌ চিকিৎসকে” এই অমরোক্তিতে বৈশ্য শব্দের অত্রতম অর্থ ‘চিকিৎসক’ থাকায় অশ্বঠরাই বৈশ্য নামে পরিচিত ও প্রসিদ্ধ হইয়াছিলেন। স্মৃচতুর জাতিবৈশ্যগণ তাঁহাদের বৃত্তি অবলম্বন ও তদ্বিবয়ে নৈপুণ্য লাভ করিয়া অশ্রের অগোচরে কোমরে পইতা রাখিয়া ক্রমে ক্রমে তাঁহাদের দলে মিশিয়া গিয়াছেন। সেই জন্ত সকল অশ্বঠই চিকিৎসা-ব্যবসায় করেন; কিন্তু সকল বৈশ্য চিকিৎসা-ব্যবসায় করেন না; এবং সেই জন্তই অশ্বঠ ও বৈশ্য জাতির উপাধিও এক হইয়াছে। এক্ষণে “প্রবোধনী”র প্রবেশনে ধর্মের দিকে না চাহিয়া, ভূত ভবিষ্যৎ ও ইহ-কাল পরকাল না ভাবিয়া সকল অশ্বঠই বৈশ্য নামে পৃথক্ জাতি হইয়া দাঁড়াইয়াছেন। তবে অশ্বঠ ও বৈশ্যের পার্থক্য

* এই প্রবন্ধ দুই অংশ প্রকাশের পর মহানন্দোপাধ্যায় কবিগণের শ্রীযুক্ত গণনাথ সেন মহাশয়ের বৈবাহিক-বিয়োগ ও স্ত্রী-বিয়োগ হইলে তাঁহাদের পুত্রেরা দশদিনে শ্রাদ্ধ করিয়াছেন—এ কথা যোগ্য হয় লেখক মহাশয়ের জানা নাই।—সম্পাদক।

কোথায় ? অম্বষ্ঠরা বৈষ্ণবজাতীয় হইলে তাঁহাদের উপনয়ন-সংস্কার কোন্ প্রমাণে হয় ? কোন্ প্রমাণে তাঁহারা—ব্রাহ্মণ হওয়া দূরে ষাউক—দ্বিজাতিই বা হন ? ‘প্রবোধনী’-লেখক যে সকল প্রমাণে বৈষ্ণব ব্রাহ্মণত্ব প্রতিপন্ন করিতে প্রয়াস পাইয়াছেন, তৎসমস্তই যে অকিঞ্চিৎকর, তাহা সকলকেই এখন অবশ্যই স্বীকার করিতে হইবে। বৈষ্ণব শব্দের ব্যুৎপত্তিতে (১ম সংখ্যায়) দেখাইয়াছি,—মহাভারতে বৈষ্ণবে বৈষ্ণাগর্ভে শূদ্রোৎপন্ন বলা হইয়াছে। বর্ণশ্রেষ্ঠা কৃত্যার সহিত হীনবর্ণ পুরুষের বিবাহ শাস্ত্রনিষিদ্ধ। ব্রাহ্মণ-পরিণীতা বৈষ্ণবকৃত্যার গর্ভোৎপন্ন অম্বষ্ঠ বৈধ সন্তান (এ কথা ‘প্রবোধনী’-লেখকও বলিয়াছেন—১৩ সংখ্যায়), ইহা আমরাও স্বীকার করি। কেবল মহাভারতে নহে, ব্রহ্মবৈবর্ত-পুরাণেও আছে—

“বৈষ্ণোহশ্বিনীকুমারেণ জাতস্ত বিপ্রযোষিতি ।”

(ব্রহ্ম, ১০ অঃ)

অশ্বিনীকুমার হইতে ব্রাহ্মণীর গর্ভে বৈষ্ণবের জন্ম।

মহাভারতে অশ্বিনীকুমারকে শূদ্র বলা হইয়াছে।

যথা—

“আদিত্যাঃ কলিরাস্তেবাং বিশস্ত মরুতস্তথা ।
অশ্বিনৌ তু স্ততো শূদ্রৌ তপস্যাগ্রে সমাহিতৌ ॥
স্বতাঋঙ্গিরসো দেবা ব্রাহ্মণা ইতি নিশ্চয়ঃ ।
ইত্যেতৎ সৰ্বদেবানাং চাতুর্কর্গ্যং প্রকীর্ষিতম্ ॥”

(শাস্তি ২০৮।২৩-২৪)

দেবতাদিগের মধ্যে আদিত্যগণ কলির, মরুদগণ বৈষ্ণব, অশ্বিনীকুমারদ্বয় শূদ্র এবং ঋঙ্গিরোগণ ব্রাহ্মণ। দেবতাদিগের এইরূপ চাতুর্কর্গ্য উক্ত হইয়াছে।

এতাবতা বৈষ্ণব—ব্রহ্মবৈবর্তপুরাণের মতে চণ্ডালস্থানীয় এবং মহাভারতের মতে উদপেক্ষা উৎকৃষ্ট আয়োগবস্থানীয়। পরন্তু ব্রহ্মবৈবর্ত অপেক্ষা মহাভারতের প্রামাণ্যই অধিক।

ব্যাসসংহিতায় (১।৮) উক্ত হইয়াছে—

“অধমাত্তমায়ান্ত জাতঃ শূদ্রাধমঃ স্ততঃ ।”

নিকৃষ্টবর্ণ পুরুষ হইতে উৎকৃষ্টবর্ণা জাতিতে উৎপন্ন পুত্র শূদ্র।

এতদবস্থায় বৈষ্ণব ব্রাহ্মণ হওয়া ভাল, কি অম্বষ্ঠ-বৈষ্ণব থাকাই ভাল—ইহা ধীর ও স্থির চিত্তে বিবেচনা করিয়া দেখিতে ধর্মভীরু কৃতবিদ্য বৈষ্ণব মহোদয়গণকে অনুরোধ করি।

শ্রীশ্যামাচরণ কবিরত্ন বিজ্ঞাবারিধি।

কুড়ানো সম্পদ

আনমনে একা একা পথ চলিতে
দেখিলাম ছোট মেয়ে ছোট গলিতে,
হাসিমাখা মুখখানি চির-আছরী,—
ঝরে-পড়া স্বর্গের রূপ-মাধুরী !

ফণিনীর মত পিঠে বেগী ঝুলিছে
চঞ্চল সমীরণে ছল ছলিছে,
মঞ্জরী-ধ্বনি বাজে চল-চরণে
মিহি নীল-ধূপছায়া শাড়ী পরণে।

বস্ত্রের আবরণ-কারা টুটিয়া
অঙ্গের হেম আভা পড়ে লুটিয়া,
মিষ্টি মধুর আঁধি, দৃষ্টি চপল
বঙ্কিম কীর্ণাধর, রক্ত-কপোল।

চ’লে গেল পাশ দিয়ে ক্ষিপ্রপদে,
বিজুলীয়া ছোট রেখা নীল নীরদে !
ছুঁয়ে দিলু কেশপাশ হাত বুলায়ে
নেচে নেচে গেল সে যে ছল ছলা’য়ে !

শিহরিয়া উঠিলাম ঘন পুলকে
হারাইয়া গেছু কোথা কোন্ ছ্যলোকে !
ভ’রে গেল সারা প্রাণ এ কি হরষে !
এতখানি সম্পদ মূহু পরশে !

পথ-মাঝে কুড়াইয়া পেছু যে হরষ,
দাম তার লাখ টাকা—একটু পরশ !

গোলাম মোস্তফা, বি.এ, বি-টি।

উলা

৩

মহামারীর পূর্বে শতাব্দী-রবে উলা কানীতুল্য প্রতীক-মান হইত। গ্রামে বারো মাসে তের পার্কণ উপলক্ষে আমোদ-প্রমোদ ও ফলাহারের নিমন্ত্রণ লাগিয়া থাকিত। প্রায় ২ শত .ছর্গোৎসব ও ১২/১৩ শত দীপাঘিতা-শ্রামা-পূজা হইত। বামনদাস মুখোপাধ্যায়ের বাটীতে রথ ও স্নান-যাত্রায়, পুরাতন মুস্তোফী-বাটীতে ছর্গোৎসবে এবং ঈশ্বরচন্দ্র মুস্তোফীর নূতন বাটীতে জগদ্ধাত্রীপূজায় বিশেষ সমারোহ হইত। এমন দিন ছিল যে, উলার মুচি এবং বারবনিতা-গণও সমারোহে ছর্গোৎসবাদি করিয়াছে। উলা-চণ্ডী-পূজার দিন উলা-

চণ্ডীতলায় এত ছাগ ও মহিষ বলি হইত যে, রুধিরের স্রোত দেখিয়া অনেক লোক অজ্ঞান হইয়া পড়িয়া যাইত। * গ্রামে ছয়খানি বারইয়ারী পূজা হইত, তন্মধ্যে মারের পাড়ার ও দক্ষিণপাড়ার বার-ইয়ারীতে সর্কা-পেকা অধিক ও


নানাবিধ তামাসা হইত। এসকল উৎসবের অধিকাংশ বহু দিন পূর্বেই বন্ধ হইয়া গিয়াছে। উৎসবের আনন্দ-কোলাহলের পরিবর্তে এক্ষণে ক্রন্দনের রোল উঠিতেছে। উলাচণ্ডী-পূজায় আর সে মহা-সমারোহ ও অসংখ্য জীবহত্যা নাই, পূর্বের তায় লোকসমাগম হয় না। আজিও গ্রামে তিনখানি বারইয়ারী হইয়া থাকে,

তন্মধ্যে ছইখানি বারইয়ারীতে পূর্বের তায় না হইলেও আমোদ-প্রমোদ হইয়া থাকে। সাময়িক পূজাপার্কণ গ্রাম হইতে একপ্রকার উঠিয়া গিয়াছে। কেবলমাত্র পুরাতন মুস্তোফীবাটীর প্রাচীন পূজাপার্কণগুলি কোন প্রকারে সম্পন্ন হইতেছে, কিন্তু পূর্বের সমারোহ আর নাই।

বামনদাস মুখোপাধ্যায়দিগের বাটীতে স্নানযাত্রা ও রথের সমারোহের পরিবর্তে এক্ষণে রথের সময় রথটি টানা হয় মাত্র। গ্রামে যে সামান্ত লোকসংখ্যা আছে, তাহাদিগের অধিকাংশ ভগ্ন-স্বাস্থ্য ও অর্থ-হীন। তাহারা জীবনমৃত হইয়া

আছে। এক প লো কে র পক্ষে বি লা স-ব্য স নে অর্থব্যয় সম্ভবপর নহে। ক্রিয়াহীন উলাবাসীর মন্ত্রহীন পূজারী অর্থশূন্য পূজার অভিনয় ক রি য়া অন্তের সংস্থান করিতে পারিতেছে না।

উলা ব্রাহ্মণ-প্রধান গ্রাম ছিল। রাজা কৃষ্ণচন্দ্রের সময় উলার প্রায়



দক্ষিণপাড়ার মুস্তোফীদের চণ্ডীমণ্ডপ টান আচ্ছাদিত হওয়ার পরের দৃশ্য
(প্রতিষ্ঠাতা রামেশ্বর মুস্তোফী। প্রতিষ্ঠার শকাব্দা ১৬০০ খৃঃ)
বামদিকে একটি ভগ্ন দেয়ালে জামাই-বারিকের তিনটি দরবার খিলান

৭২ সহস্র লোকের বাস ছিল বলিয়া শুনা যায়; তন্মধ্যে কেবল, ফুলিয়া ও খড়দহ মেলের আড়াই হাজার ঘর ব্রাহ্মণ ছিলেন। এই আড়াই হাজার ঘরের মধ্যে ৫ শত ঘর নৈকম্য কুলীন ছিলেন। গ্রামে ফুলিয়া মেলের বহু স্বভাব ও ভদ্রকুলীন ছিলেন। রাজা কৃষ্ণচন্দ্রের বহু পরে, মহামারী দ্বারা উলা ধ্বংস হইবার পূর্বে বহু রাঢ়ী ও সামান্ত বারেন্দ্র ও শ্রোত্রিয় ব্রাহ্মণের বাস ছিল। কোন ক্রিয়াকর্ম উপলক্ষে প্রায় ৩ সহস্র ব্রাহ্মণ একসঙ্গে পংক্তি

* ঐ দিন উলার রাস্তায় হস্তী ও মহিষের যুদ্ধ হইত। গৃহস্থগণ আপন আপন গৃহের উপর হইতে উহা দেখিত।

ভোজনে বসিতেন। উলার ব্রাহ্মণদিগের একটি প্রধান সমাজ ছিল। উলার ব্রাহ্মণগণ শুধু ব্রাহ্মণ নহে, উলাবাসী-মাজেই—বঙ্কুতাবাগীশ, সুরসিক ও উপস্থিতবুদ্ধিসম্পন্ন ছিলেন। অল্প স্থানের ব্রাহ্মণগণ উলার ব্রাহ্মণকে ভয় করিতেন, মহামারী দ্বারা উলা ধ্বংস হইবার অব্যবহিত পূর্বে উলার ব্রাহ্মণ, তথা সকল সমাজের মধ্যে বানাবিধ অনাচার ও পাপের স্রোত বহিতেছিল। পাপস্রোত একবার বহিলে সহজে উহার গতিরোধ করা যায় না। আজিও এই অভিশপ্ত গ্রামকে ইহার কলভোগ করিতে হইতেছে।

উলার ব্রাহ্মণবংশগুলির মধ্যে মুখ্যোপাড়ার কৃষ্ণরাম ও মুক্তারাম মুখোপাধ্যায়দিগের বংশ সর্বাঙ্গের প্রাচীন ও কুলগর্বে গরীয়ান। এতদ্ব্যতীত মাঝের পাড়ার মহাদেব



উলা কুলরাম মুখোপাধ্যায়ের বাটীর ভগ্নাবশেষ

প্রাচীন অধিবাসী। দক্ষিণপাড়ার মুস্তোফীবংশ প্রাচীন ও বিখ্যাত। দক্ষিণপাড়ার বাজারে বসুর বংশ, রামসন্তোষ বসুর বংশ ও মধুসূদন বসুর বংশ এবং ছোট মিত্রদিগের বংশগুলি প্রাচীন এবং মুস্তোফীদিগের সহিত আত্মীয়তায়

মুখোপাধ্যায়ের, দেওয়ান মুখোপাধ্যায়দিগের, গঙ্গোপাধ্যায়দিগের, জজ ভট্টাচার্য্যদিগের ও কৃষ্ণনগরের রাজবংশীর রায়দিগের বংশ, দক্ষিণপাড়ার গড়ের চট্টোপাধ্যায়দিগের ও ব্রহ্মচারীদিগের বংশ এবং উত্তরপাড়ার মুখোপাধ্যায় প্রভৃতি কয়েকটি বংশ বিশেষ বিখ্যাত।

ব্রাহ্মণ ব্যতীত গ্রামে বহুকাল হইতে অনেকগুলি কুলীন, মৌলিক ও বাহান্তরে কায়স্থ এবং বৈষ্ণব বাস ছিল। কায়স্থদিগের মধ্যে মাঝের পাড়ার মিত্র ও দত্তবংশ উলার



মুখ্যোপাড়ার সরকারী বাটীর রাখাবনজের ভগ্ন বনাকীর্ণ গৃহ



উলার মুখ্যোপাড়ার কর্তার বাটীর পুজার-দালান

আবদ্ধ। বৈষ্ণবদিগের মধ্যে ঈশ্বর কবিরাজের ও রায়দিগের বংশ বিশেষ খ্যাত।

নবশাকদিগের মধ্যে “ধাঁ” উপাধিধারী তিলি-জাতীয় “কুণ্ডু”গণ বিখ্যাত।

মহামারীর অব্যবহিত পূর্বে উলায় প্রায় ৫০ সহস্র লোকের বাস ছিল, তন্মধ্যে বহু গোপ, কর্মকার, কৈবর্ত, তন্তুবার, সূত্রধর, নাপিত, মালাকর, স্বর্ণকার, কুম্ভকার, ময়রা, সুবর্ণবণিক, কাঁসারী, বাকুই, সদগোপ, ছলিয়া, বাইতি, বাগ্দী, হাড়ি, মুচি, ডোম ও মুসলমানের বাস ছিল। ইহাদিগের অধিকাংশ এক্ষণে লোপ পাইয়াছে। যাহা এখনও অবশিষ্ট আছে, তাহা প্রতিবৎসর দ্রুত কমিয়া যাইতেছে।

৪

এক কালে উলায় নানাবিধ দ্রব্য প্রস্তুত হইত। স্বর্ণকারগণ স্বর্ণ, রৌপ্য ও জড়োয়া অলঙ্কার গড়িত। সমগ্র বঙ্গদেশের মধ্যে উলার আচার্য্য ব্রাহ্মণগণ সর্ব-প্রথম ডাকের সাজ প্রস্তুত করেন। কুম্ভকারগণ উৎকৃষ্ট প্রতিমা ও মৃন্ময় ‘তৈজসপত্রা’দি গড়িতে পারিত। কর্মকারগণ দেবপূজার জন্ত লৌহদণ্ডনির্মিত কারুকার্য্যবিমণ্ডিত বৃহৎ বাতী-

দান, মহিষ-বলির খড়া ও গৃহস্থের নিত্য ব্যবহার্য্য অস্ত্রাদি প্রস্তুত করিত এবং বলিদানে দক্ষ ছিল। মালা-করগণ নানাবিধ ফুলের সাজ ও অলঙ্কার, আতসবাজী, ফুলের ছড়, অত্রের বাতীদান ও ঝাড় প্রভৃতি প্রস্তুত করিত। সূত্রধরগণ কাঠের উপরে অতি সূক্ষ্ম কারুকার্য্য ও নান্যবিধ মূর্তি প্রভৃতি বানাইত—যাহার অপূর্ণ নিদর্শন মুন্সৌকীবাটার চণ্ডীমণ্ডপে বর্তমান আছে। রাজমিজীগণ বিবিধ প্রণালীতে মন্দির, মসজিদ ও অট্টালিকাদি প্রস্তুত করিত, ইহার নিদর্শন গ্রামের মুন্সৌকীবাটার বোড়-বাংলা মন্দিরে, ছোট্ট মন্দিরদিগের বিষ্ণুমন্দিরে ও গ্রামের অন্যান্য



ভগ্ন জামাইকোঠার সম্মুখে সমবেত মালেরিয়াক্রিষ্ট বালক-বালিকাগণ

মন্দির, মসজিদ ও অট্টালিকাদিতে দেখিতে পাওয়া যায়। তন্তুবারগণ সূক্ষ্ম এবং মোটা বস্ত্রাদি প্রস্তুত করিত। এক শ্রেণীর লোক ছিল, তাহারা রজনবিত্তা জানিত; ইহারা জলচৌকী ও খাট প্রভৃতির পারাতে হারী লাল, নীল ও কাল রং করিয়া দিত। পটুয়াগণ উৎকৃষ্ট কুচো গুড়ুল, খেলনা প্রস্তুত করিতে এবং ছবি ও দৃশ্যপট অঙ্কিত করিতে পারিত। এক শ্রেণীর লোক ছিল, তাহারা কড়ির আলনা ও সিন্দূরচূপড়ি প্রভৃতি প্রস্তুত করিত। কবিরাজগণ ও মৃগী-গণ রাসায়নিক প্রক্রিয়া দ্বারা নানাবিধ ঔষধ প্রস্তুত করিত। আর এক শ্রেণীর লোক ছিল, তাহারা তুলট কাগজ প্রস্তুত করিত। কাঁসারীগণ গৃহস্থের নিত্য ব্যবহার্য্য নক্সা-করা ও মূর্তিবিমণ্ডিত বাসন এবং নৌকার সম্মুখ ও পশ্চাদ্দেশের জন্ত ও পাকীর ডাণ্ডার প্রান্তভাগের জন্ত নানাপ্রকার জীবজন্তুর অবয়ব প্রস্তুত করিয়া দিতে পারিত। মুচিগণ মোটা-মুটি জুতা প্রস্তুত করিতে জানিত। এক শ্রেণীর লোক ছিল, ইহারা ধনীর গৃহে খান-সামার কার্য্য করিত এবং প্রসা-ধনের নানাবিধ অভিনব পদ্ধতি জানিত। ময়রাগণ উৎকৃষ্ট মিষ্টান্ন প্রস্তুত করিত; ইহা-দিগের সূয়া-তোলা মোণ্ডা,

সন্দেশ, রসগোল্লা ও ঘৃতসিক্ত অভিনব বীরখণ্ডী অতি বিখ্যাত। উলা আজ শিল্পশূন্য হইয়াছে। একমাত্র মিষ্টান্ন ব্যতীত উল্লেক্ষযোগ্য কোন দ্রব্যই এখন আর উলায় হয়না। পূর্বে উলায় উৎকৃষ্ট আকের গুড় ও নীল উৎপন্ন হইত, বহু পূর্বে তাহা উঠিয়া গিয়াছে।

উলার জীলোকগণ অবসরকালে স্ত্রী দড়ির শিকা, কারুকার্য্যবিশিষ্ট কুছা, কড়ির দ্রব্য প্রস্তুত করিতেন, সূতা কাটার তাঁহাদের দক্ষতা ছিল এবং বিবিধ টোটকা ঔষধের ব্যবহারও জানিতেন। আলিপনা দিতে এবং “লক্ষ্মীর গাঁছ” চিত্রিত করিতে তাঁহারা বিশেষ পারদর্শিনী

ছিলেন। . এক্ষণে
আলিপুর ব্যতীত
আর বিশেষ
কিছুই তাঁহারা
জানেন না।

উলার প্রাচীন
শিল্পসম্ভারের নিদ-
র্শন আজিও গ্রামের
বিভিন্ন ব্যক্তির
গৃহে আছে।




একটি বনাকীর্ণ মন্দির

এক সময় গ্রামে
বিবিধ প্রকারের
আমোদ-প্রমোদ ও

ব্যঙ্গ্যমের চর্চা ছিল, ঘরে ঘরে কালোয়াতি ও বৈঠকী গান,
পাড়ায় পাড়ায় হরিসঙ্কীর্তন, রামায়ণ গান ও কথকতা
হইত। নিম্ন শ্রেণীর লোকদিগের মনসার ভাসানের
সখের দল এবং অবস্থাপন্ন লোকদিগের সখের পাঁচালীর
ও কবির দল থাকিত। এক দলের সহিত অপর দলের
প্রতিযোগিতা হইত এবং বিজ্ঞতা পুরস্কৃত হইত। কথিত
আছে যে, ঈশ্বরচন্দ্র মুস্তোফীর
বাটীতে জগদ্ধাত্রীপূজা উপলক্ষে
কবির লড়াই হইত এবং তিনি
বিজ্ঞতাকে মূল্যবান শাল আপন
অঙ্গ হইতে খুলিয়া পারিতোষিক
দান করিতেন।

মহামারীর পূর্বে উলার গায়ক-
দিগের মধ্যে "গানবিলাস" মহাশয়,
তৎপুত্র হরচন্দ্র বন্দ্যোপাধ্যায়,
মোহন দত্ত, কাণা কানাই চট্টো-
পাধ্যায় (জন্মাক) এবং ব্রজ মুখো-
পাধ্যায় প্রভৃতি বিখ্যাত ছিলেন।
মহামারীর পরে শশী মুখোপাধ্যায়
ও ঘনশ্যাম মিত্র, কৈলাস ও জগদ্বন্ধু
বন্দ্যোপাধ্যায়, কানাই চট্টোপাধ্যায়



উলার বন

ও হরি মুখোপাধ্যায়
ভাল গায়ক
ছিলেন।

মহামারীর পূর্বে
ও পরে অনেকগুলি
ভাল 'বাজিরে'
ছিলেন। অক্ষয়
ব্রহ্মচন্দ্র রায় এবং
কেবলকৃষ্ণ মুখো-
পাধ্যায় (বা বন্দ্যো-
পাধ্যায়) বিখ্যাত
'পাখোয়া জী'
ছিলেন। শুনা যায়
যে, কেবলকৃষ্ণের
৩০ হাত দীর্ঘ এক

পাখোয়াজ ছিল, তিনি তাহাই বাজাইতেন এবং নিমন্ত্রিত
হইয়া বহু দূরদেশে পাখোয়াজ বাজাইতে যাইতেন।
ইহাদিগের পরে নীলরতন, অমুকুল ও যদুকুল মুখোপাধ্যায়,
কেন্দারনাথ বসু, বঙ্কুবিহারী চট্টোপাধ্যায় এবং রাজেন্দ্রনাথ
ও নীলকণ্ঠ বন্দ্যোপাধ্যায় বাঁশী বাজাইয়া সুনাম অর্জন
করিয়াছিলেন। উলার অনেক বারবনিতা ছিল, ইহারা

ভাল বাজাইতে ও নৃত্য-গীত করিতে
জানিত। তারা নামী কোনও
পেশাকর ইহাদিগের মধ্যে বিশেষ
বিখ্যাত ছিল।

মহামারীর পূর্বে কয়েক জন
হরবোলা ও ভাঁড় ছিলেন, তন্মধ্যে
শ্রীমোহন মুখোপাধ্যায় সর্বশ্রেষ্ঠ।
তিনি ইংরাজ আদালতের বিচারের
প্রহসন ও বিভিন্ন ব্যক্তির ও পণ্ড-
পক্ষীর স্বয়ং অঙ্কুরণ করিতেন।
দক্ষিণপাড়ার বারইয়ারীতলায়
মহিষ-বলিদানের সময় তিনি মহি-
ষের পৃষ্ঠের উপর উঠিয়া হস্তীর ঠায়
ঘন ঘন বৃংহিত ধ্বনি করিতেন।
হস্তী.তাহার পৃষ্ঠের উপর উঠিয়াছে

ভাবিয়া মহিষ কিঞ্চিৎ শাস্ত ভাব ধারণ করিলে এক খড়্গাঘাতে তাহার মুণ্ডচ্ছেদ করা হইত। তিনি রাত্রিকালে দেয়ালের উপরে হস্তের ছায়া পাতিত করিয়া অঙ্গুলি ও হস্তসঞ্চালন দ্বারা নানাবিধ পশুপক্ষীর অবয়ব দেখাইতে পারিতেন।

শ্রীমোহন অনেক রাজবাড়ীতে আপন কৃতিত্ব দেখাইয়া অন্নসংস্থান করিতেন। একবার তিনি দিনাজপুরের রাজবাড়ীতে কৃতিত্ব দেখাইয়া সমবেত ভদ্রমণ্ডলীর নিকট হইতে বহু প্রশংসা লাভ করিয়াছিলেন। তিনি যখন অভিনয় সাজ করিয়া রঙ্গমঞ্চের এক পার্শ্বে বিশ্রাম করিতেছেন, সেই

সময় পশ্চিমদেশ হইতে আগত এক জন হিন্দুস্থানী ভাঁড় আপন কৃতিত্ব দেখাইবার জন্ত একগাছি রজ্জু হাতে লইয়া রঙ্গমঞ্চে অবতীর্ণ হইল। সে যেন পলাতক অশ্বের সন্ধানে বাহির হইয়াছে, এইরূপ ভাণ করিয়া, শ্রীমোহন যে স্থানে বসিয়া বিশ্রাম করিতেছিলেন, তথায় আসিয়া কহিল, “আরে মেরি ঘোড়ি! তুম্ হিয়া হায়?” এই বলিয়া সে শ্রীমোহনের গলদেশে রজ্জু দিতে উত্তত হইল। শ্রীমোহন তৎক্ষণাৎ ঘোড়ার ত্রায় উপুড় হইয়া হস্তদ্বয়ের উপর শরীরের সমুদায় ভার দিয়া পদদ্বয় দ্বারা

উক্ত ব্যক্তির বক্ষোদেশে এমন “চাট” মারিলেন যে, সে দূরে নিক্ষিপ্ত হইয়া ধরাশায়ী হইল। পরবর্তী কালে উলার খোদাবক্স নিকারী নামক এক মুসলমান বিভিন্ন স্থানের মেলায় দলবল সহ যাইয়া ম্যাজিক দেখাইয়া অর্থোপার্জন করিত।

গ্রামের শাণাইদার পাড়ায় মুসলমানজাতীয় ভাল শানাইদার ছিল, তাহাদিগের নাম—খাতির, চরণ, হেলা, প্রচাপ ও বেণী প্রভৃতি। বাইতিপাড়ায় ভাল ঢুলী ছিল, অল্প পাড়াতেও ছিল; ইহাদিগের নাম—হরে, দীনে, এককড়ি, পেশা ও ছিরে প্রভৃতি।



উলার নিকারীপাড়ার দরগা

১৮৮৩ খৃষ্টাব্দের নিকটবর্তী কোন সময় দক্ষিণপাড়ার কালীকুমার মিত্রের বাড়ীতে সর্বপ্রথম সখের থিয়েটারের দল গঠিত হয়। ইহারা “মেঘনাদের” পালা আরম্ভ করিয়া ছিলেন। কিন্তু দলের লোকদিগের মধ্যে মনোমালিন্য হওয়ার অভিনয় হয় নাই। তৎপরে ১৮৯৬ খৃষ্টাব্দে খাঁপাড়ায় “বাসন্তী থিয়েটার” নাম দিয়া একটি সখের থিয়েটারের দল গঠিত হয়। ইহারা “বিশ্বমঙ্গল”, “নরমেধ যজ্ঞ” ও “তরুবালা” প্রভৃতি নাটক দক্ষতার সহিত অভিনয় করেন। কালক্রমে এই থিয়েটার বন্ধ হইয়া যায় এবং ১৯০৩-৪ খৃষ্টাব্দে “উলা বাসন্তী ড্রামাটিক

ইউনিয়ান” নাম দিয়া আর একটি দল গঠিত হয়। এই দলে পূর্ববর্তী দলের অধিকাংশ অভিনেতা ছিলেন। এই শেবোক্ত দল “হরিশ্চন্দ্র”, “বিশ্বমঙ্গল”, “রিজিয়া” ও “সংসার” প্রভৃতি অভিনয় করেন। ইহারা কেবল নাটক অভিনয় করিতেন না, পরন্তু হৃৎহকে সাহায্য, রোগীর সেবা, মৃতের সংকার ও কণ্ঠদায়গ্রস্তকে কণ্ঠদায় হইতে উদ্ধার করিতেন। অভিনেতা-দিগের মধ্যে ভিখারীলাল মুখোপাধ্যায়, হরিপদ গঙ্গোপাধ্যায়, শ্রীযুত সুরেন্দ্রনাথ মুখোপাধ্যায়, সতীশচন্দ্র ভট্টাচার্য্য, শ্রীযুত

সতীশচন্দ্র বন্দ্যোপাধ্যায়, শ্রীযুত উমানাথ মুস্তোফী ও শ্রীযুত প্রকাশচন্দ্র মুস্তোফী বিভিন্ন ভূমিকায় অতি দক্ষতার সহিত অভিনয় করিয়াছেন। ১৯২৫ খৃষ্টাব্দে শ্রীযুত প্রকাশচন্দ্র মুস্তোফী বিলাতে যাইয়া লণ্ডন সহরে পর্য্যন্ত অভিনয়ের দ্বারা সুখ্যাতি অর্জন করিয়া আসিয়াছেন। তিনি কলিকাতার ও পশ্চিম-বঙ্গের বিভিন্ন স্থানের সখের থিয়েটার-সম্প্রদায়ের ড্রামাটিক ডিরেক্টর ও অবৈতনিক শিক্ষক। উলার শেবোক্ত থিয়েটারের দল ভাঙ্গিয়া যাওয়ার বহু দিন পরে গত ১৯২৩ খৃষ্টাব্দে একটি নূতন দল গঠিত হইয়াছে, কিন্তু অর্থাভাবে ইহার উন্নতি হইতেছে না। ইহারা হৃৎহ

গ্রামবান্দীগের সেবা করিবার মহৎ উদ্দেশ্য লইয়া কার্যক্ষেত্রে অবতীর্ণ হইয়াছেন।


এক কালে গ্রামে বখেটে ব্যায়াম-চর্চা ছিল। বহু কুস্তীগির ও লাঠিয়াল ছিল। সম্ভ্রান্ত ব্যক্তিদিগের গৃহে সেকালে হিন্দুস্থানী ষারবান্ ও ডাকাইতের সর্দার এবং বিখ্যাত লাঠিয়ালগণ রাত্রিকালে প্রহরায় নিযুক্ত থাকিত। লাঠিখেলা, তরবারিখেলা, ধনুর্ধারণ দ্বারা লক্ষ্যভেদ করা ও কুস্তি প্রভৃতি নানাপ্রকার ব্যায়াম-ক্রীড়ার চর্চা ছিল। গ্রামের বগীতলা-পাড়ার বগী সরকার নামক কায়স্থজাতীয় এক জন বিখ্যাত পালোয়ান ছিলেন। তাঁহার খ্যাতি ওনিয়া কাশ্মীর হইতে

খাওয়ারিতে থাকুন।" ইহা বলিলে উক্ত কাশ্মীরী পালোয়ান সেই বটবৃক্ষের ডালু ধারণ করিলেন এবং বগী স্বীয় হস্ত উক্ত ডালু হইতে অপসারণ করিলেন। বগী ডালু ছাড়িয়া দিবামাত্র সেই বৃহৎ ডালু কাশ্মীরী পালোয়ানকে লইয়া সবেগে উর্দ্ধে উখিত হইয়া তাহাকে দূরে নিক্ষেপ করিল। ইহাতে কাশ্মীরী পালোয়ান ভাবিল, বগীর চেলায় বখন এত শক্তি, না জানি বগীর কত শক্তি আছে। ইহা ভাবিয়া সে পৃষ্ঠপ্রদর্শন করিল। সেকালের লোক কহিত যে, বগী ব্রহ্মদৈত্যের সহিত লড়িয়া শক্তি প্রাপ্ত হইয়াছিল। মহামারীর দ্বারা উলা ধ্বংস হইবার পরেও বগী জীবিত ছিলেন। তখন তাঁহার



শঙ্করনাথ মুখোপাধ্যায়ের ভগ্ন পূজার দালান

এক জন বিখ্যাত পালোয়ান তাঁহার সহিত বল পরীক্ষা করিবার জন্য উলায় আসিয়াছিল। এক দিবস বগী সরকার বখন এক বৃহৎ বটগাছের ডালু মুয়াইয়া ধরিয়া স্বীয় ছাগলকে উহার পাতা খাওয়ারিতেছিলেন, সেই সময় উক্ত কাশ্মীরী পালোয়ান তাঁহার নিকটে আসিয়া, বগী সরকার, কোথায় আছেন জিজ্ঞাসা করিল। বগী আগন্তকের পরিচয় ও আসিবার কারণ জানিয়া লইয়া কহিলেন, "আমি বগী সরকারের শিষ্য। আমি তাঁহাকে ডাকিয়া দিতেছি। আমি বতকণ না কিরিয়া আসি, আপনি ততক্ষণ অপেক্ষা করিয়া, এই বটগাছের ডালুটি ধরিয়া আমার ছাগলকে পাতা



কমলনাথ মুখোপাধ্যায়দিগের ভাস্ক শিবমন্দির

বার্দ্ধক্য অবস্থা এবং গাত্রচর্শ্ব লোল হইয়া গিয়াছে, কিন্তু সে সময়েও তিনি ইচ্ছা করিলে দেহের মাংসপেশী এরূপ কঠিন করিতে পারিতেন যে, বালকরা তন্মধ্যে স্চ বিদ্ধ করিতে সমর্থ হইত না। বিখ্যাত ভোজনবিলাসী "মুনকে রঘুনাথের" অন্ততম পুত্র ভূষণ ভট্টাচার্য সমসাময়িক লোক ছিলেন এবং তিনিও এক জন পালোয়ান ছিলেন। জন্মার্তমীর দিম প্রভাতে দক্ষিণপাড়ার বুড়া শিবতলার নিকটে পালোয়ানদিগের ও বালকদিগের কুস্তি ও ব্যায়াম-ক্রীড়া হইত। উহা দেখিতে বহু লোকসমাগম হইত। খেলোয়াড়গণ "জয় মন্দলালকি" বলিয়া মন্ত্রমুখিতে প্রবেশ করিত।

ইহার বহুকাল পরে ১৮৯৬ খৃষ্টাব্দে গ্রামের খাঁপাড়ার একটি "রীডিং এণ্ড স্পোর্টিং ক্লাব" স্থাপিত হয়, উহার নেতা ছিলেন শ্রীযুত যতীন্দ্রনাথ ও সুনন্দেন্দ্রনাথ খাঁ (কলিকাতার "খাঁ এণ্ড কোংএর") এবং শ্রীযুত অম্বুকুলচন্দ্র মুখোপাধ্যায় প্রভৃতি যুবকগণ। ইহাদিগের সখের খিয়েটার ছিল, লাইব্রেরী ছিল এবং ব্যায়াম-চর্চা ছিল। প্রতি বৎসর বৈশাখী পূর্ণিমার পরের দিন বারইয়ারী-পূজার সময় খাঁ-দামির পূর্বপাড়ে ইহাদিগের স্পোর্টস বা ব্যায়ামের প্রতিযোগিতা হইত। পূর্বোক্ত খাঁ মহাশয়গণ ও শ্রীযুত অম্বুকুলচন্দ্র মিত্র (কলিকাতার ভিক্টোরিয়া মেমোরিয়ালের নির্মাণকালে মার্টিন কোম্পানীর পক্ষে ইনি রেসিডেন্ট এঞ্জিনিয়ার থাকাকালে যোগ্যতার পরিচয় দিয়া "রায় বাহাদুর" হইয়াছেন) ও যজ্ঞেশ্বর কুণ্ড প্রভৃতি যুবকগণ এই ক্লাবের ভাল খেলোয়াড় ছিলেন।

ঠিক এই সময় গ্রামের দক্ষিণপাড়ার ও মাঝের পাড়ার যুবকগণ শ্রীযুত নগেন্দ্রনাথ বন্দ্যোপাধ্যায়ের (বর্তমানে ইনি আলীপুরের পাবলিক প্রেসক্রিউটার এবং কলিকাতা মিউনিসিপ্যালিটির কমিশনার) পরিচালনাধীনে "উল্লা এথলেটিক ক্লাব" নাম দিয়া আর একটি ক্লাব গ্রামের দক্ষিণ-

পাড়ায় প্রতিষ্ঠিত করেন। শরীর-গঠন, ব্যায়াম-চর্চা ও সেবা এই ক্লাবের লক্ষ্য ছিল। প্রতি বৎসর উলাচণ্ডী-পূজার দিন মিউনিসিপ্যাল আপিসের নিকটে ইহাদিগের ক্রীড়ার প্রতিযোগিতা হইত। এই ক্লাবে শ্রীযুত উদানাথ মুস্তোফী, শ্রীযুত যতীন্দ্রনাথ বন্দু, শ্রীযুত তারাচরণ বন্দ্যোপাধ্যায় ও শ্রীযুত হিরণকুমার দাশগুপ্ত প্রভৃতি বিখ্যাত খেলোয়াড় ছিলেন।

এই উত্তর ক্লাবের বাৎসরিক উৎসবে বা ক্রীড়া-প্রতিযোগিতার দিনে নানা স্থানের বহু সম্ভ্রান্ত ব্যক্তি নিমন্ত্রিত

হইয়া আসিয়া ক্রীড়া, উলাচণ্ডীপূজা ও বারইয়ারী একসঙ্গে সকলই দেখিয়া যাইতেন। অত্য়মান ১৯০৪ খৃষ্টাব্দে এই দুইটি ক্লাব উঠিয়া গিয়াছে। এক্ষণে স্কুলের বাগকদিগের ফুটবল ক্লাব আছে বটে, কিন্তু উহাতে আর পূর্বের স্তার প্রাণ নাই। অর্থাভাব ও স্বান্যহানি ইহার কারণ।

গ্রামে দুই জন ভাল শিকারী ছিলেন। তাঁহাদিগের নাম যতীন্দ্রনাথ মুস্তোফী এবং আশুতোষ মুখোপাধ্যায়। যতীন্দ্রনাথ পলায়মান জন্তু এবং অন্ধকার রাত্রিতে কেবলমাত্র শব্দ লক্ষ্য করিয়া শিকার করিতে পারিতেন। আশুতোষ অনেক সময় গোবরডাঙ্গার বিখ্যাত শিকারী জ্ঞানদাপ্রসন্ন রায়ের সহিত নানাস্থানে শিকার করিতে যাইতেন। বর্তমানকালে উল্লায় এক জন শিকারী আছেন। ইহার নাম শ্রীযুত হিরণকুমার দাশগুপ্ত। ইনি প্রতি বৎসরেই দুই একটি ব্যাঘ্র বধ করিতেছেন।



উল্লায় স্কুল

১৮৮৩ খৃষ্টাব্দে দক্ষিণপাড়ার কালিকুমার মিত্রের বাটীতে গ্রামের সর্বপ্রথম লাইব্রেরী প্রতিষ্ঠিত হয়, কিন্তু অল্পকাল পরে উহা উঠিয়া যায়।

১৮৯৬ খৃষ্টাব্দে খাঁপাড়ার একটি লাইব্রেরী প্রতিষ্ঠিত হয়। সভ্যগণের নিকট হইতে প্রাপ্ত অর্থ দ্বারা ক্রীত পুস্তকাদি বাদে ইহাতে মুখ্যোপাড়ার সুরেশচন্দ্র

চট্টোপাধ্যায় প্রায় ১ হাজার গ্রন্থ দান করিয়াছিলেন। ১৯০৪ খৃষ্টাব্দের পরে এই লাইব্রেরী উঠিয়া গেলে ইহার পুস্তকাদি সেই স্থানেই পড়িয়া রহিল। উল্লায় বর্তমান লাইব্রেরী স্কুল-গৃহে প্রতিষ্ঠিত আছে। ইহা ১৯২২ খৃষ্টাব্দে স্থাপিত হইয়াছে। মিউনিসিপ্যালিটি হইতে ইহাকে কিঞ্চিৎ সাহায্য দিবার ব্যবস্থা হইয়াছে।

[ক্রমশঃ।

শ্রীযতীন্দ্রনাথ মিত্র মুস্তোফী।



প্রলয়ের আলো

ত্রয়োবিংশ পরিচ্ছেদ

প্রাণদণ্ড অথবা সাইবেরিয়া

মধ্যরাত্রিতে রুসরাজধানীর রাজপথে শীতের প্রাণঘাতী ক্রুর হুঃসহ, তাহা ধারণা করা আমাদের সাধ্যাতীত ; শীতের আক্রমণ হইতে আত্মরক্ষা করিবার জন্ত নিকোলাস ড্রোভিল ও জোসেফ কুরেট পথে আসিয়া গলাবন্ধ দিয়া কণ্ঠদেশ আবৃত করিল . পশুলোমাবৃত টুপী টানিয়া ক্র পর্ধ্যস্ত নামাইয়া দিল, এবং চর্মনির্মিত দস্তানা-পরিবেষ্টিত হাত দুইখানি ভারী কোটের প্রশস্ত পকেটে রাখিয়া গন্তব্য পথে অগ্রসর হইল । কিন্তু তুষারচ্ছন্ন নদীর উপর দিয়া যে শীতল বায়ু প্রবাহিত হইতেছিল, তাহা তাহাদের অনাবৃত মুখে করাতের দাঁতের মত বিধিতে লাগিল । রাজপথে তখন জনমানবের সাড়াশব্দ ছিল না ; আলোকস্তম্ভশিরে নীলাভ আলোকের দীপগুলি জাগাইয়া রাখিয়া সুদীর্ঘ রাজপথ যেন গভীর নিদ্রায় মগ্ন হইয়াছিল ।

তাহারা উভয়ে চলিতে লাগিল ; তাহাদের নিকটে বা দূরে অস্ত্র কেহ আছে, ইহা তাহারা বিশ্বাস করিতে না পারিলেও, এক জন লোক অতি সতর্কভাবে ছায়ার ভায় তাহাদের অনুসরণ করিতেছিল । ড্রোভিল ও কুরেট সত্যস্থল পরিত্যাগ করিয়া পথে আসিলে সে একটি গুপ্ত স্থান হইতে বাহির হইয়া তাহাদের অনুসরণ করিতে আরম্ভ করিয়াছিল । এই ব্যক্তি কোন কৌশলে গোপনে তাহাদের সত্য উপস্থিত হইয়া সত্যপতির সকল কথাই শুনিয়াছিল ; তাহার পর ড্রোভিল ও জোসেফ কুরেট রুস-সম্রাটকে হত্যা করিবার ভার গ্রহণ করিলে, নিঃশব্দে সত্যস্থল ত্যাগ করিয়া পথে আসিয়াছিল ; এবং পথ-প্রান্তবর্তী একটি দাঁকোর রেলিং-সন্নিহিত স্তম্ভের আড়ালে দাঁড়াইয়া তাহাদের প্রতীক্ষা

করিতেছিল । -- ড্রোভিল ও কুরেট মুহূর্তের জগুও তাহার দৃষ্টি অতিক্রম করিতে পারিল না ।

তাহারা চলিতে চলিতে শুনিতে পাইল, অদূরবর্তী গীর্জার ঘড়ীতে তিনটা বাজিয়া গেল । তাহারা চলিতে চলিতে আর একটি পথে উপস্থিত হইল ; সেই পথের দুই ধারে বৃক্ষশ্রেণী থাকায় সুশীতল সমীরণ-প্রবাহ তাহাদিগকে আক্রমণ করিতে পারিল না । সেই পথে শীতের তীব্রতাও যেন কমিয়া আসিল ; এ জগু তাহারা কতকটা স্বস্তি বোধ করিতে লাগিল ।

ড্রোভিল চলিতে চলিতে হঠাৎ থামিয়া জোসেফকে বলিল, “জোসেফ কুরেট, তুমি কে ? কোথা হইতে আসিয়াছ ?”

অস্ত্র কোন নব-পরিচিত ব্যক্তি এরূপ প্রশ্ন করিলে, তাহা শিষ্টাচারবিরুদ্ধ মনে করিয়া জোসেফ হয় ত রাগ করিত ; কিন্তু ড্রোভিলের প্রশ্নে সে বিরক্তি প্রকাশ করিল না, সহজ-স্বরে বলিল, “আমি ? আমি সুইটজারল্যান্ডের জুরিচ হইতে আসিয়াছি । “আমি কে ?—আমি—কেহই নহি !”

ড্রোভিল গভীর স্বরে বলিল, “তুমি কেহ হও বা না হও, তোমার অস্তিত্বটুকু যে শীঘ্রই বিলুপ্ত হইবে, এ বিষয়ে আমি নিঃসন্দেহ ; কারণ, জারকে নিহত করিয়া আমাদের নিষ্কৃতিলাভের আশা নাই ; আমাদের নিঃশব্দে নিহত হইতে হইবে ।”

জোসেফ একটা দীর্ঘনিশ্বাস ত্যাগ করিল, কোন কথা বলিল না ।

ড্রোভিল জোসেফের দীর্ঘনিশ্বাসের শব্দ শুনিতে গাইল ; সে জোসেফের মুখের দিকে তীব্র দৃষ্টিপাত করিয়া বলিল, “তোমার ঐ এক দীর্ঘনিশ্বাসেই বুঝিলাম তোমার হৃদয় আমার হৃদয়ের মত পাষাণে পরিণত হয় নাই ;”

জোসেফ অবজ্ঞাস্তরে বলিল, “হইতে পারে; কিন্তু জীবনটাকে আপনি যে রূপে ~~উপেক্ষা~~ বস্তু বলিয়া মনে করিতেছেন, আমার জীবনকে আমি যে তাহা অপেক্ষা অল্প উপেক্ষা করি, এরূপ ভাবিবেন না।”

ষ্ট্রোভিল বলিল, “কুরেট, তুমি তরুণ যুবকমাত্র; যৌবনকালে সকলেরই হৃদয় আশায় ও আনন্দে পূর্ণ থাকে। তোমার হৃদয় স্বচ্ছ, ঠিক কাচের মত স্বচ্ছ; এই জন্ত আমি তাহা দেখিতে পাইতেছি; তোমার মনের ভাব স্পষ্ট বৃত্তিতে পারিতেছি। আমার মত তোমার হৃদয়ও স্ত্রীলোক দ্বারা চূর্ণ হইয়াছে; সকল আশা, আকাঙ্ক্ষা, সুখ, শাস্তি নষ্ট হইয়া গিয়াছে।”

জোসেফ সবিস্ময়ে বলিল, “এ কথা আপনি কিরূপে জানিতে পারিলেন?”

ষ্ট্রোভিল ঈষৎ হাসিয়া বলিল, “কিরূপে জানিতে পারিলাম? আমি কি তোমাকে বলি নাই—তোমার হৃদয় কাচের মত স্বচ্ছ, আমি তাহাতে তোমার মনের ভাব সুস্পষ্ট-রূপে প্রতিকলিত দেখিতেছি? কিন্তু এখন সে সকল কথা আলোচনার প্রয়োজন নাই। আমি তোমাকে বন্ধুরূপে গ্রহণ করিয়াছি; আমাদের জীবনের শেষ দিন পর্যন্ত এই বন্ধুত্ব-বন্ধন অক্ষুণ্ণ থাকিবে; হয় ত ইহ-জীবনের অবসানেও সেই বন্ধন বিচ্ছিন্ন হইবে না। মৃত্যুর পর কি ঘটবে, কে বলিতে পারে? যাহারা ধর্ম-প্রচার উপলক্ষে নরকের কথা লইয়া আলোচনা করে, তাহারা বলিতে ভুলিয়া যায় যে, নরক ইহলোকেই বর্তমান। আমি এই জীবনেই নরকভোগ করিয়াছি; অতঃপর কোন নরকে আমাকে আর কখন যাইতে হইবে না। আমার বিবেক হৃৎসহ নরকযন্ত্রণা ভোগ করিয়াছে; আমার হৃদয় ক্ষত-বিক্ষত হইয়াছে।”

ষ্ট্রোভিলের কথা শুনিয়া জোসেফ বিস্ময়-বিস্ফারিত নেত্রে তাহার মুখের দিকে চাহিয়া রহিল। ষ্ট্রোভিলের কথাগুলি অর্থহীন প্রলাপ বলিয়াই তাহার সন্দেহ হইল; সে ভাবিল, ষ্ট্রোভিল কি বিকৃত-মস্তিষ্ক?

জোসেফের মনের ভাব বৃত্তিতে পারিয়া ষ্ট্রোভিল ঈষৎ হাসিয়া বলিল, “বন্ধু, তুমি আমাকে পাগল মনে করিতেছ! আমি হয় ত মূর্খতাই পাগল; কারণ, আমি আপনাকে পাগল মনে করি না। শুনিয়াছি, কোন পাগলই আপনাকে

পাগল মনে করে না। আমার মস্তিষ্ক বিকৃত হয় নাই, যদি কিছু বিকৃত হইয়া থাকে—সে আমার হৃদয়। হাঁ, আমার মস্তিষ্ক সম্পূর্ণ সুস্থ আছে, আমরা আজ রাজ্যিকালে আমাদের গুপ্ত সমিতির অধিবেশনে যোগদান করিয়াছিলাম। যে নক্সাখানি আমাকে দেওয়া হইয়াছে, তাহা আমার পকেটেই আছে। আমরা উত্তম সাম্প্রদায়িক কর্তব্যের আহ্বানে এ ফই বন্ধনে আবদ্ধ হইয়াছি। আমরা যে কঠিন কার্যের ভার গ্রহণ করিয়াছি—তাহা সুসম্পন্ন হইলে সমগ্র পৃথিবীর লোক বিশ্বয়ে অভিভূত হইবে। আমাদের নাম সভ্য জগতের সকল লোকের কণ্ঠে ধ্বনিত হইবে। সমগ্র জগতে আমাদের খ্যাতি প্রচারিত হইবে। হয় ত কেহ কেহ আমাদের খ্যাতির পূর্বে ‘অ’ উপসর্গ যোগ করিতে চাহিবে। কিন্তু মানুষের প্রকৃত উদ্দেশ্য বৃত্তিতে অনেকে প্রায়ই ভুল করে। আমাদের সম্বন্ধেও যদি কেহ ভ্রান্ত ধারণা পোষণ করে, তাহাতেই বা আমাদের ক্ষতি কি? তখন আমরা নিজ-প্রশংসার সীমা অতিক্রম করিব। জীবিত ব্যক্তির কোন মনুষ্য মৃত ব্যক্তির আত্মার বিরক্তি উৎপাদন করিতে পারে না।”

ষ্ট্রোভিলের কথায় জোসেফ বিন্দুমাত্র উৎসাহ প্রকাশ না করিয়া বিমর্ষভাবে বলিল, “আমরা যে কঠিন কার্যের ভার গ্রহণ করিয়াছি, তাহা সফল হউক না হউক, আমাদের মৃত্যু যে অপরিহার্য, ইহা আমিও স্বীকার করি; কিন্তু সে কথা লইয়া অতটা আশ্ফালন করিবার প্রয়োজন দেখি না।”

ষ্ট্রোভিল সোৎসাহে বলিল, “এস, পথে এস! তোমার কথাতেই তুমি ধরা পড়িয়া গিয়াছ বন্ধু! জীবনটাকে তুমি এখনও আঁকড়িয়া ধরিয়া রাখিতে উৎসুক। তোমার হৃদয় এখন আমার হৃদয়ের মত পাষাণে পরিণত হয় নাই। আমার বিবাদময় জীবন-কাহিনী শুনিবার জন্ত তোমার আগ্রহ হইয়াছে কি? না, না, তোমার আতঙ্কের কোন কারণ নাই; আমি তোমার ধৈর্য্যে আঘাত করিব না; আমার সেই কাহিনী দীর্ঘ নহে। একটিমাত্র শব্দে তাহা নিঃশেষে বলা যাইতে পারে; সেই শব্দটি—নারী!”

ষ্ট্রোভিলের জীবন-কাহিনী শ্রবণের জন্ত জোসেফের কৌতূহল হইল। সে সহায়ভূতিভরে বলিল, “আপনার শোচনীয় অবস্থার জন্ত আমার বড়ই দুঃখ হইতেছে;

আপনি বোধ হয়, আপনার প্রণয়িনী দ্বারা প্রতারণিত হইয়াছেন ?”

ট্রোভিল উত্তেজিত স্বরে বলিল, “প্রতারণিত ? হাঁ, তোমার অসুস্থমান সত্য ; প্রতারণা ভিন্ন তাহাকে আর কি বলিতে পারি ? কিন্তু প্রতারণাই হউক, আর প্রত্যাখ্যানই হউক, যে দিন আমার সুখের স্বপ্ন ভাঙিয়া গিয়াছে, আমার সকল আশা চূর্ণ হইয়াছে, সেই দিন হইতে আমি ইহজীবনেই নরক-যন্ত্রণা ভোগ করিতেছি। আমার চেহারা দেখিয়া তুমি বুঝিতে পারিয়াছ—আমি তেমন সুপুরুষ নহি ; প্রশস্ত ললাট ও প্রকাণ্ড মস্তকও আমার নাই ; তাহার উপর ব্যবসারে আমি সামান্ত দ্রুতী ছিলাম। কিন্তু ব্যবসায় দেখিয়া মানুষের মনুষ্যত্বের বিচার করা সম্ভব নহে। আমার হৃদয় খুব উদার ছিল ; আমার মস্তিষ্কও বিলক্ষণ উজ্জ্বল ছিল। কিন্তু আমি স্বপ্নঘোরে আচ্ছন্ন হইয়াছিলাম। আমার ধারণা হইয়াছিল—মানুষমাত্রই সমান। কিন্তু ইহা ভ্রান্ত ধারণা, এরূপ ধারণা নির্কোষের পক্ষেই স্বাভাবিক ; এইরূপ ভ্রান্ত ধারণার বশীভূত হইয়া, নির্কোষরা আমার মতই শাস্তি ভোগ করে। আমি একটি বৃহৎ কারখানায় চাকরী করিতাম, সে বহুদিন পূর্বের কথা। সেই কারখানার মালিকরা ‘রথচাইল্ডস্দের মত ধনবান্। তাঁহাদের এক জনের একটি কন্যা ছিল ; আমি তাহাকে ভালবাসিয়া কেলিলাম ! দেখিলাম, সে-ও আমাকে ভালবাসিয়াছে। সে আমার নিকট অঙ্গীকার করিল—আমাকে জীবনে ভুলিবে না ; কখন অবিবাহিত হইবে না। কিন্তু আমাদের এই গুপ্তপ্রেমের কথা গোপন রহিল না ; কিছু দিন পর তাহার অস্তিত্বস্বরূপ সকল কথাই জানিতে পারিল। আমি খেঁকী কুকুরের মত পদাঘাতে সেই কারখানা হইতে বিতাড়িত হইলাম। তাহার পর আমার প্রিয়তমার সহিত অন্য একটি যুবকের বিবাহ হইল। আমি হতাশ হৃদয়ে স্ট্রীটজারল্যাণ্ডে প্রস্থান করিলাম। তাহার পর আমি কি ভাবে জীবনের দিনগুলি কাটাইতে লাগিলাম— তাহা বলিবার প্রয়োজন দেখি না। ইহাই আমার জীবনের—আমার ব্যর্থ প্রেমের ইতিহাস। আমার জীবন এইরূপে ব্যর্থ হইয়াছে ; আমি কি ছিলাম, আর কি হইয়াছি ! আমার এই অদ্ভুত পরিবর্তনে আমিই বিশ্বের অতিভূত হই। পৃথিবীর কোন সামগ্রী আর আমাকে আনন্দ দান

করিতে পারে না ; কাগরও প্রতি আমার শ্রদ্ধা নাই, মনুষ্য-সমাজকে আমি অসুস্থের সহিত যুগা করি। আমি দরিদ্র ও নির্কোষ বলিয়া লাহিত হইয়াছি ; সমাজ কর্তৃক পরিত্যক্ত হইয়াছি। কিন্তু অন্য সকলের মত আমার হৃদয় আছে এবং দেহে যদি আত্মা বলিয়া কোন পদার্থ থাকে, তাহাও আছে। আমার মস্তিষ্কও অন্য লোকের মস্তিষ্ক অপেক্ষা কোন অংশে হীন বা অকর্ষণ্য নহে। তথাপি আমি কুকুরের মত বিতাড়িত হইয়াছি ; কুষ্ঠরোগীর স্থায় অবজ্ঞাত ও পরিত্যক্ত হইয়াছি ! এই জন্তই এখন আমি জানি, এই যুদ্ধে আমার পরাজয় অবশ্যম্ভাবী ; কিন্তু তাহাতে কি যায় আইসে ? জীবনের প্রতি আমার বিন্দুমাত্র মায়ামমতা নাই ; আমার জীবন-ভার ছর্কহ হইয়াছে। পদদলিত হইবার লোভে কে আশাহীন, শাস্তিহীন, বিড়ম্বনাপূর্ণ জীবনের ভার বহন করিবে ? যে কার্যে উদ্দীপনা আছে, বিপদ আছে, মৃত্যুর সহিত সংগ্রাম করিবার সম্ভাবনা আছে, সেইরূপ কার্যে প্রবৃত্ত হইতে পারিলে আমার মন আনন্দে পূর্ণ হয়। জানি, ইহার ফলে মৃত্যুকে বরণ করিতে হইবে ; কিন্তু তাহাতে ক্ষতি কি ? মৃত্যুর পর শাস্তি লাভ করিতে পারিব কি না, কে বলিতে পারে ? কিন্তু এ জীবনে আমার সকল সুখ, সকল শাস্তির অবসান হইয়াছে। পৃথিবীতে আমার আর কিছুই প্রার্থনীয় নাই ; আমি এখন কেবল বিশ্বস্তির প্রার্থী। আমার বিশ্বাস—মৃত্যু সেই প্রার্থনা পূর্ণ করিতে পারিবে।”

জোসেফ স্বীয় ব্যর্থ প্রেমের কাহিনীর সহিত এই কাহিনীর সাদৃশ্যে অত্যন্ত বিস্মিত হইল। সে বুঝিতে পারিল, তাহাদের উভয়ের অবস্থা অভিন্ন। জোসেফ ট্রোভিলের করমর্দন করিয়া আবেগভরে বলিল, “আপনি আমার আন্তরিক সহায়ত গ্রহণ করুন। আমার তুচ্ছ জীবনের কাহিনীও আপনার এই কাহিনীর স্থায় শোচনীয়, এইরূপ বিবাদময়। এই জন্ত আমিও আপনার স্থায় উদ্বেগহীন, শক্তিহীন, আশাহীন জীবন বহন করিতেছি ; আশা আছে, মৃত্যুর অঙ্গুগ্রহে বিশ্বস্তি লাভ করিব।—জীবনে, যতক্ষণ কোন আশা থাকে, কোন কামনা থাকে, কোন কামনা পূর্ণ হইবার সম্ভাবনা থাকে, তখন তাহা তৃপ্তিদায়ক ও উপভোগ্য ; কিন্তু যাহার সকল আশা ফুরাইয়াছে, সকল কামনা ব্যর্থ হইয়াছে—তাহার জীবন ছর্কহ



আনুমানে

[শিল্পী-ত্রিযুক্ত ভবানীচন্দ্র নাহা ।

বহুমতী প্রেস]

ভারমাত্র; সে ভার নামাইতে পারিলেই সকল কষ্টের অবসান হয়।”

ট্রোভিল মাথা নাড়িয়া গভীর সহানুভূতিভরে বলিল, “আহা বেচারী! তোমার অবস্থা ভাবিয়া আমার বড়ই দুঃখ হইতেছে। তুমি এখনও তরুণ যুবক; আমার বয়স তোমার বয়সের প্রায় দ্বিগুণ। আমার জীবনের সকল রস শুকাইয়া গিয়াছে; কিন্তু তোমার হৃদয় এখনও বোধ হয় কিঞ্চিৎ সরস আছে। এই জন্যই তোমার হৃদয় এখনও আমার হৃদয়ের স্তায় নীরস, কঠিন পাষাণে পরিণত হয় নাই। আমার ইচ্ছা, তুমি বাঁচিয়া থাক।”

জোসেফ বলিল, “আপনি অদ্ভুত প্রকৃতির লোক। আঘাতের পর আঘাতে আমার হৃদয় কিরূপ অসাড় হইয়া উঠিয়াছে, তাহা বুঝিতে পারিলে আপনি এখনও আমাকে জীবনধারণের লোভ দেখাইতেন না।”

ট্রোভিল মুহূর্তকাল নিস্তব্ধ থাকিয়া জিজ্ঞাসা করিল, “তোমার বন্ধু-বান্ধব নাই কি?”

জোসেফ বলিল, “প্রকৃত বন্ধু যে ছই এক জন নাই, এ কথা বলিতে পারি না। কিন্তু তাহাদের সহিত এখন আর আমার কোন সংস্বব নাই।”

“তোমার ভাই-ভগিনীও নাই কি?”

“না।”

“পিতামাতা?”

জোসেফ কুণ্ঠিতভাবে বলিল, “হাঁ, আমার পিতামাতা উভয়েই জীবিত আছেন।”

ট্রোভিল দীর্ঘনিশ্বাস ত্যাগ করিয়া বলিল, “এ সংসারে পিতামাতাই মনুষ্যের প্রধান বন্ধন। তাঁহাদিগকে হারা-ইলে মানুষ পৃথিবীতে সর্বশ্রেষ্ঠ বান্ধবে বঞ্চিত হয়। অন্ততঃ তাঁহাদের মুখ চাহিয়াও তোমার বাঁচিয়া থাকা উচিত। রাজা বা সম্রাটদিগকে হত্যা করিতে যাওয়া অত্যন্ত বিপজ্জনক কাৰ্য; আমাদের মত যে সকল হতভাগ্যের সংসারে আপনার বলিতে কেহ নাই, তাহাদের মৃত্যুসংবাদ শুনিয়া কেহই শোক করিবে না, তাহারা জীবন বিড়ম্বনাজনক বলিয়াই মনে করে এবং জীবন বিসর্জন করিতে মুহূর্তের জন্য কুণ্ঠিত বা ভীত হয় না, এ সকল কাৰ্যের ভার সেই সকল লোকের হস্তে অর্পণ করিয়া তোমার মত লোকের দূরে সরিয়া যাওয়াই উচিত।”

পিতামাতার কথা স্মরণ হওয়ার জোসেফ অত্যন্ত কাতর হইয়া পড়িল। বৃদ্ধ পিতামাতার প্রতি পুত্রের কর্তব্য অসম্পন্ন রাখিয়া সে তাঁহাদের অজ্ঞাতসারে দূরদেশে চলিয়া আসিয়াছে—ইহা অত্যন্ত গর্হিত হইয়াছে বুঝিয়া তাহার মনে অহুতাপের সঞ্চার হইল। সে মনে মনে বলিল, “দেশত্যাগের পর পিতামাতাকে পত্র না লিখিয়া বড়ই অশ্রদ্ধ কাৰ্য করিয়াছি; তাঁহাদের মুখের দিকে না চাহিয়া চলিয়া আসিয়াছি, বৃদ্ধবয়সে তাঁহাদিগকে সুখী করিবার জন্য কোনও দিন চেষ্টা করি নাই। কিন্তু আর সে সুযোগ নাই; এখন আর আক্ষেপ করিয়া কোন ফল নাই।”

কিন্তু ট্রোভিলকে এ সকল কথা না বলিয়া জোসেফ দৃঢ়স্বরে বলিল, “না, আমার সঙ্কল্প পরিবর্তিত হইবার নহে; আপনি বোধ হয় এখনও আমাকে চিনিতে পারেন নাই। আমি আপনারই মত অসমসাহসী ও নির্ভীক। জীবনের অতীত ঘটনার কথা চিন্তা করিয়া লাভ নাই; ভবিষ্যৎ জীবনও অন্ধকার-সমাচ্ছন্ন। যদি প্রাণরক্ষা হয়, ভবিষ্যতে কখন আমরা বিচ্ছিন্ন হইব না, আর যদি মরিতেই হয়, উভয়ে একত্র মরিব।”

ট্রোভিল হাসিয়া বলিল, “এখন চল, একত্র পানানন্দে বিভোর হইয়া সকল দুশ্চিন্তা কিছু কালের জন্য ভুলিয়া থাকি।”

রুসিয়ার প্রধান প্রধান নগরে কতকগুলি ভোজনাগার সন্ধ্যা হইতে প্রভাত পর্যন্ত খোলা থাকে। তাহারা এই শ্রেণীর একটি ভোজনাগারের সম্মুখে উপস্থিত হইলে ট্রোভিল বলিল, “এই ভোজনাগারের মালিকের সহিত আমার পরিচয় আছে, লোকটি সরলপ্রকৃতি, খাঁটি মানুষ। তাহার সাহস থাকিলে তাহাকে আমাদের দলে টানিয়া লইতে পারিতাম; কিন্তু তাহার সাহসের বড়ই অভাব। আমরা এখানে আশ্রয় লইয়া পানাহারের পর কিছুকাল ঘুমাইয়া লইব, তাহার পর আমাদের কর্তব্য সম্বন্ধে আলোচনা করিলেই চলিবে।”

তাহারা উভয়ে সেই ভোজনাগারে প্রবেশ করিল। তাহারা একটি সুপ্রশস্ত কক্ষে উপস্থিত হইয়া অত্যন্ত আরাম বোধ করিল; কারণ, ঘরটি বেশ গরম এবং গদী-আঁটা শ্রিঙের চেয়ারগুলি অত্যন্ত আরামদায়ক। তাহারা কোঁট খুলিয়া ফেলিয়া বিশ্রাম করিতে বসিল এবং এক এক

পেয়লা লেবুর রস-মিশ্রিত চা এবং রুটী, বাধা কপির ডালনা ও চাটনী আনিতে আদেশ করিল।

আহারের পর তাহারা প্রফুল্লচিত্তে ধূমপানে প্রবৃত্ত হইল। সেই সময় আরও তিন চারি জন লোক সেই কক্ষস্থিত বেঞ্চির উপর শয়ন করিয়া নিদ্রাসুখ উপভোগ করিতেছিল; কারণ, ভোজনাগার হইলেও সেখানে রাজি-যাপনের ব্যবস্থা ছিল। রুসিয়ার অনেক গৃহহীন দরিদ্র আশ্রয়ভাবে বৃক্ষমূলে রাজিযাপন না করিয়া, এই সকল ভোজনাগারে আশ্রয় গ্রহণ করে; কয়েক আনা পয়সা দিলেই উক্ত কক্ষে রাজিবাস করিতে পার।

সেই সুপ্রশস্ত কক্ষের অন্ত প্রান্তে কেহ শয়ন করে নাই দেখিয়া ষ্ট্রোভিল জোসেফকে সঙ্গে লইয়া সেই দিকে শয়ন করিতে চলিল। তখন আর রাজি অধিক ছিল না; সেই অসময়ে অন্ত কোন 'খদ্দেরের' দোকানে আসিবার সম্ভাবনা নাই বুঝিয়া আর্দালী 'ষ্টোভে'র সম্মিহিত কোণটিতে শয়ন করিয়া কয়েক মিনিটের মধ্যেই নাসিকাগর্জন আরম্ভ করিল।

কেহ তখনও জাগিয়া আছে কি না, বুঝিতে না পারিয়া ষ্ট্রোভিল একটা লম্বা টেবলের উপর 'কাত' হইয়া বসিয়া হাতে মাথা রাখিয়া নিঃশব্দে চুরুট টানিতে লাগিল; অবশেষে যখন সে বুঝিতে পারিল, সকলেই ঘুমাইয়াছে, তখন জোসেফের পাশে শয়ন করিয়া, তাহার কানের কাছে মুখ রাখিয়া মৃদুস্বরে বলিল, "দেখ জোসেফ, আমরা যে ভয়ানক কঠিন কাবের ভার লইয়াছি, তাহা সুসম্পন্ন করিবার জন্য মনের বল, ধীরতা ও কৌশল অপরিহার্য। কোন কারণে আমাদের চেষ্টা বিফল না হয়। তবে আমাদের চেষ্টা সফল হউক আর নিষ্ফল হউক, আমরা ধরা পড়িবই; তাহার পর আমাদের প্রাণদণ্ড হইবে, এ বিষয়েও আমি নিঃসন্দেহ। কিন্তু বোমা নিক্ষেপের পর ভীষণ শব্দের সঙ্গে সঙ্গে যখন সত্ৰাটের শকটখানি চূর্ণ হইবে, সেই সময় নিশ্চয়ই একটা বিষম হৈ-চৈ আরম্ভ হইবে; সেই সুযোগে আমাদের পলায়ন করা অসম্ভব না হইতেও পারে। কিন্তু স্মরণ রাখিও, আমাদের এইরূপ সুযোগলাভের আশা নিতান্ত অল্প। তবে যদি কোন কৌশলে পলায়ন করিয়া প্রকৃতির রুসিয়া ত্যাগ করিতে পারি, তাহা হইলে আর আমাদের ধরে কে? রুসিয়ার বাহিরে যাইতে পারিলেই আমরা নিরাপদ হইব।"

জোসেফ বলিল, "আপনার কথা শুনিয়া বুঝিলাম, আপনি পলায়নের সুযোগ ~~পাইয়া~~ করিয়া ধরা দিবেন না।"

ষ্ট্রোভিল বলিল, "ইচ্ছা করিয়া ধরা দিব? না, আমি সেরূপ পাগল নহি। পলায়নের সুযোগ পাইলে আমি নিশ্চয়ই তাহা ত্যাগ করিব না। তবে এ কথাও সত্য যে, আমি পলায়নের জন্য প্রাণপণ চেষ্টা করিব না। বিশেষতঃ চেষ্টা করিলেই যে আমরা কৃতকার্য হইব, এ কথা দৃঢ়তার সহিত বলিতে পারি না। যদি পলায়ন করিতে পারি, তাহা হইলে বুঝিব, দৈবক্রমেই তাহা সম্ভব হইয়াছে।"

জোসেফ আর কোন কথা না বলিয়া অল্প কথা ভাবিতে লাগিল। তাহার মনে হইল, সে রুসিয়ান নহে, রুস-সম্রাটও তাহার শত্রু নহেন; রুসিয়ার শাসন-প্রণালীর সহিত তাহার কোন সংঘর্ষ নাই, তাহার পরিবর্তনেও তাহার ক্ষতিবৃদ্ধি নাই; এ অবস্থায় সে রুস-সম্রাটকে হত্যা করিবার ভার কেন গ্রহণ করিল? বিশেষতঃ, রুস-সম্রাটের মৃত্যুর পর রুসিয়ার শাসন-প্রণালীর সংস্কার হইবে, রুসিয়ার প্রজাপুঞ্জের হৃৎকের নিশার অবসান হইবে, তাহারই বা নিশ্চয়তা কি? সে চেষ্টা করিলে সুখে না হউক, কতকটা শান্তিতে অবশিষ্ট জীবন অতিবাহিত করিতে পারিত, তাহার সম্মুখে ধ্যাতিলাভের অনেক পথ উন্মুক্ত ছিল। নিজে সুখী না হউক, অর্ধোপার্জন করিয়া বৃদ্ধ পিতামাতাকে প্রতিপালন করিতে পারিত; তাহার চেষ্টা-বলে বার্ককে তাহার সুখী হইতে, শান্তি লাভ করিতে পারিত। সেরূপ চেষ্টা না করিয়া সে নিহিলিষ্টদের দলে মিশিল, তাহাদের নিকট দানখত লিখিয়া দিল; তাহাদের দলে সহস্র সহস্র লোক থাকিতে তাহাকেই তাহার বিপদের মধ্যে ঠেলিয়া দিল। মরিতে হয়, ঐ নির্দোষ বিদেশী-টাই মরুক, ইহাই তাহাদের উদ্দেশ্য! ইহাই কি নিহিলিষ্ট দলপতিদের সুবিচার? অথচ যদি সে এই আদেশ-পালনে অবহেলা করে, কঠব্যসম্পাদনে তাহার কোন ক্রটি লক্ষিত হয়, তাহা হইলে তাহার তাহাকে হত্যা করিতে মুহূর্তের জন্য কুণ্ঠিত হইবে না!

এই সকল কথা চিন্তা করিয়া জোসেফের হৃদয় বিদ্রোহী হইয়া উঠিল। নিঃস্বপ্ন ভ্রম বুঝিতে পারিয়া তাহার মনে 'অশ্রুতাপের সঞ্চার' হইল; জোসেফ দীর্ঘকাল নীরব থাকিয়া অবশেষে মনের ভার লঘু করিবার জন্য ষ্ট্রোভিলকে সংক্ষেপে

এই সকল কথা বলিল। কয়েক ঘণ্টার পরিচয়েই সে ষ্ট্রোভিলকে তাহার হিতৈষী ও বিশ্বাসী বন্ধু বলিয়া মনে করিয়াছিল; তাহার ধারণাই হইয়াছিল, ষ্ট্রোভিলের নিকট অকপট চিন্তে মনের ভাব প্রকাশ করিলে তাহার অপকারের আশঙ্কা নাই।

ষ্ট্রোভিল নিষ্ঠুরভাবে তাহার কথা শুনিয়া গম্ভীর স্বরে বলিল, “আমি তোমাকে বলিয়াছিলাম, তোমার হৃদয় আমি স্বচ্ছ দর্পণের স্তায় দেখিতে পাইয়াছিলাম, তোমার মনের ভাব আমি স্পষ্ট বুঝিতে পারিয়াছিলাম। আমরা যে কঠিন কার্যের ভার গ্রহণ করিয়াছি, তুমি তাহার উপযুক্ত নহ। তাহার হৃদয় পাষাণে পরিণত না হইয়াছে, এরূপ কার্য তাহার অসাধ্য। তোমার হৃদয় আমার হৃদয়ের মত পাষাণময় হইতে এখনও বিলম্ব আছে। কিন্তু এ কথাও জানিও যে, আমার হৃদয় পাষাণে পরিণত হইলেও আমি এখনও সম্পূর্ণরূপে মনুষ্যত্ব বিসর্জন দিতে পারি নাই, আমি পুনর্বার তোমাকে বলিতেছি, যদি জীবন রক্ষা করিবার জন্ত তোমার আগ্রহ থাকে, তাহা হইলে আমি তোমাকে আমার সঙ্গে মৃত্যুকে বরণ করিতে দিব না। তুমি আমাকে বল, জীবিত থাকাই তোমার প্রার্থনীয়, তাহা হইলে আমি নিশ্চয়ই তোমার জীবন রক্ষা করিব।”

জোসেফ উত্তেজিত স্বরে বলিল, “কি রূপে?”

ষ্ট্রোভিল বলিল, “আমাদের প্রধান মন্ত্রণাসভা হইতে জারকে হত্যা করিবার জন্ত যে দিন ধার্য হইয়াছে, এখনও তাহার চারি দিন বিলম্ব আছে। যদি তোমার বাঁচিবার ইচ্ছা থাকে, তাহা হইলে আমি তোমাকে সঙ্গে না লইয়া একাকী এই কাণ্ড শেষ করিব এবং তাহার পূর্বেই তোমাকে দেশান্তরে পাঠাইবার ব্যবস্থা করিব। এই প্রস্তাবে তুমি সন্মত কি না বল।”

জোসেফ কি উত্তর দিবে, তাহাই ভাবিতে লাগিল; প্রথমেই পিতামাতার কথা তাহার মনে পড়িল; তাহার কত কষ্টে কত যত্নে আশ্রয় তাহাকে প্রতিপালিত করিয়াছে; সেই ঋণ-পরিশোধে সে কি বাধ্য নহে? বার্লিনে তাহার কি তাহার নিকট সেবার আশা করিতে পারে না? —কিন্তু পরক্ষণেই বার্থা ও রেবেকার কথা স্মরণ হওয়ার সে মর্মান্বিত হইল; তাহার মনে হইল, জীবনধারণ করিয়া সে স্থায়ী হইতে পারিবে না। মরণেই তাহার স্মৃতি

তাহাতেই তাহার শান্তি। চিরজীবন স্মৃতির অনলে দগ্ধ হওয়া বড়ই কষ্টকর বলিয়া তাহার মনে হইল। এই জন্ত অবশেষে সে মাথা নাড়িয়া বলিল, “না, আমি আপনার প্রস্তাবে সন্মত হইতে পারিলাম না। আমি যে অঙ্গীকারপাশে আবদ্ধ হইয়াছি, তাহা আমাকে পালন করিতেই হইবে। আমরা উভয়ে হয় বাঁচিব, না হয় মরিব। আপনাকে ত্যাগ করিয়া আমি প্রাণভরে পলায়ন করিব না। পলায়ন করিয়াই বা আমার জীবনের আশা কোথায়? নিহিলিষ্টদের ক্রোধ হইতে আপনি আমাকে রক্ষা করিতে পারিবেন না। প্রতিজ্ঞাভঙ্গজনিত অপরাধের শাস্তি মৃত্যু, ইহা আমার স্মরণ আছে।”

ষ্ট্রোভিল বলিল, “উত্তম; তোমার সাহস, তোমার দৃঢ়তা প্রশংসনীয়। তুমি আমার যোগ্য সহযোগী। আমার আর কিছুই বলিবার নাই। রাত্রি শেষ হইয়া আসিয়াছে, এখন কিছুকাল ঘুমাইয়া লও।”

তাহারা সেই টেবলের উপর পাশাপাশি শয়ন করিয়া অবিলম্বে নিদ্রামগ্ন হইল।

সেই সময় দ্বাদশ জন অজ্ঞারী পুলিশপ্রহরী সেই ভোজনাগারের বাহিরে আসিয়া নিঃশব্দে শ্রেণীবদ্ধভাবে দণ্ডায়মান হইল; দলপতির ইঙ্গিতে প্রত্যেকে পরিচ্ছন্ন ভিতর হইতে এক একটি পিস্তল বাহির করিল এবং কোষমুক্ত তরবারি বাম হস্তে গ্রহণ করিল। দলপতির দ্বিতীয় ইঙ্গিতে তাহারা পদাঘাতে ভোজনাগারের দ্বার ভাঙ্গিয়া গৃহমধ্যে প্রবেশ করিল। অতঃপর দলপতি সেই কক্ষ পরীক্ষা করিয়া, ষ্ট্রোভিল ও জোসেফ যে স্থানে শয়ন করিয়াছিল, সেই স্থানে আসিয়া দাঁড়াইল এবং তাহার অস্থচরগণকে আদেশ করিল, “এই দুই জনকে গ্রেপ্তার কর।”

গোলমাল শুনিয়া পূর্বেই ষ্ট্রোভিলের নিদ্রাভঙ্গ হইয়াছিল; সে লাফাইয়া উঠিয়া জোসেফকে জাগরিত করিবার জন্ত তাহার হাত ধরিয়া টানিল। তাহার পর আশ্চর্যরূপ উদ্বেগে পিস্তল বাহির করিবার জন্ত পকেটে হাত পুরিল; কিন্তু সে পকেট হইতে পিস্তল বাহির করিবার পূর্বেই পাঁচ ছয় জন প্রহরী তাহাকে ধরিয়া কেলিয়া, বাধিবার চেষ্টা করিতে লাগিল। ষ্ট্রোভিল তাহাদের কবল হইতে মুক্তিলাভের জন্ত যথাসাধ্য চেষ্টা করিল; কিন্তু ছয় জনের বিরুদ্ধে একাকী সে কি করিবে? তাহার উত্তর

হস্ত দেহের সহিত দৃঢ়রূপে রজ্জুবদ্ধ হইল; তাহার হাত নাড়িবারও সামর্থ্য রহিল না। জোসেফ বিনা চেষ্টায় তাহাদের হস্তে আত্মসমর্পণ করিল। সে হতাশভাবে বলিল, “আমার আত্মরক্ষার চেষ্টা বৃথা। আমি পরাজয় স্বীকার করিলাম। ইহার ফল হয় প্রাণদণ্ড, না হয় সাইবেরিয়ায় নির্কাসন। আমার প্রতি কোন্ দণ্ডের ব্যবস্থা হইবে?”

প্রহরীরা তাহার প্রশ্নের উত্তর না দিয়া তাহাকে ও ষ্ট্রোভিলকে সেই কক্ষের মধ্যস্থলে টানিয়া আনিয়া এবং দ্বাদশ জন প্রহরী তাহাদিগকে পরিবেষ্টিত করিয়া, হস্তস্থিত তরবারি তাহাদের মস্তকে উদ্ভূত করিল। ইত্যবসরে প্রহরীদের দলপতি ষ্ট্রোভিলকে ও জোসেফকে সূদৃঢ় রজ্জু দ্বারা একত্র বন্ধন করিল এবং তাহাদের জানাইয়া দিল, যদি তাহারা পলায়নের চেষ্টা করে, তাহা হইলে সেই মুহূর্তে তাহাদিগকে হত্যা করিতেও কুণ্ঠিত হইবে না। অনন্তর প্রহরীরা রজ্জুবদ্ধ ষ্ট্রোভিল ও জোসেফকে সঙ্গে লইয়া ভোজনাগার ত্যাগ করিল। তাহারা যখন রাজপথ দিয়া তাহাদের গন্তব্য স্থানে যাত্রা করিল, তখন পূর্কাকাশ উষালোকে লোহিতাভ হইয়াছিল। জোসেফ ও ষ্ট্রোভিল উভয়েই স্ব স্ব চিন্তায় বিভোর হইয়া প্রহরিদলে পরিবেষ্টিত হইয়া চলিতে লাগিল।

জোসেফ মনে মনে বলিল, “কোন্ গুপ্তচরের সাহায্যে ইহারা আমাদিগকে গ্রেপ্তার করিল? আমার বিশ্বাস, গোয়েন্দা মিঃ কোহেনের সেই বিশ্বাসঘাতক হিসাবনবীশটা। সে আমাকে যে ভয় প্রদর্শন করিয়াছিল, তাহা মিথ্যা নহে। রেবেকা, রেবেকা! তুমি কিরূপে আত্মরক্ষা করিবে? কিরূপেই বা তোমার পিতার মান ও প্রাণ রক্ষা করিবে?”

চতুর্বিংশ পরিচ্ছেদ

কে জিজ্ঞাসিল?

জোসেফ কুরেটের গ্রেপ্তারের দিন প্রত্যাহে রেবেকা কোহেন কফি পান করিতে গিয়া তাহার পিতাকে প্রথমেই জিজ্ঞাসা করিল, “জোসেফ কিরিয়া আসিয়াছে কি?”

সলোমন অত্যন্ত গম্ভীরভাবে বলিল, “না, এখনও কিরিয়া আসে নাই।”

রেবেকা কফি পান করিতে করিতে বলিল, “বেলা বে

১০টা বাজে বাবা! এখনও কি তাহার কিরিয়া আসা উচিত ছিল না?”

সলোমন বলিল, “হাঁ, এতকণ তাহার আসা উচিত ছিল।”
রেবেকা কফির পেয়লা নামাইয়া রাখিয়া বলিল, “তবে এখনও তাহার না আসিবার কারণ কি?”

সলোমন বলিল, “আমি ত তাহা বুঝিতে পারিতেছি না।—হয় ত কোন জরুরী কাষে সে কোথাও আটক পড়িয়া গিয়াছে—এ জন্ম তাহার কিরিতে বিলম্ব হইতেছে।”

রেবেকা তাহার পিতার উত্তরে সন্তুষ্ট হইতে পারিল না; সলোমনের ভাব-ভঙ্গী দেখিয়া সে বুঝিতে পারিল, জোসেফের অদর্শনে তাহার পিতাও অত্যন্ত উৎকণ্ঠিত; এই জন্ম রেবেকা জোসেফের প্রসঙ্গে আর কোন কথা বলিল না।

কফি-পান শেষ করিয়া সলোমন রেবেকাকে বলিল, “একটা জরুরী কাষে আমাকে এখনই বাহিরে যাইতে হইবে, মধ্যাহ্নের পূর্বে বোধ হয়, বাড়ী ফিরিতে পারিব না।”

জোসেফের অদর্শনে রেবেকা অত্যন্ত চিন্তিত হইয়া উঠিল, হৃচ্চিক্তার যথেষ্ট কারণ ছিল—তাহাও সে জানিত। সে অন্তমনস্ক হইবার জন্ম নানা কার্যে ষ্ট্রোভিলকে ধরিয়া ব্যাপৃত রহিল বটে, কিন্তু তাহার মানসিক চাঞ্চল্য দূর হইল না। জোসেফ হয় ত কোন বিপদে পড়িয়াছে, এই আশঙ্কায় সে ব্যাকুল হইয়া পড়িল।

মধ্যাহ্নকালে রেবেকা তাহার পিতার উপবেশন-কক্ষে বসিয়া জোসেফের কথা চিন্তা করিতেছিল, সেই সময় তাহার পিতার হিসাব-নবীশ আলেকজান্ডার কালনকি সেই কক্ষের দ্বার ঠেলিয়া কক্ষমধ্যে প্রবেশ করিল। কালনকি প্রভু-কন্টার অমুমতির অপেক্ষা না করিয়া এই ভাবে হঠাৎ সেই কক্ষে প্রবেশ করায় রেবেকা বিস্মিত হইল, তাহার একটু রাগও হইল। কালনকি পূর্বে কোন দিন এই প্রকার ঝুটতা-প্রকাশে সাহসী হয় নাই। বিশেষতঃ সলোমন কোহেনের অমুমতি না লইয়া তাহার কোন কর্মচারীর সেই কক্ষে প্রবেশের অধিকার ছিল না।

রেবেকা কালনকিকে সন্দুখে দণ্ডারমান দেখিয়া সক্রোধে বলিল, “এখানে কি জন্ম আসিয়াছে?”

কালনকি প্রভু-কন্টার ক্রোধে বিন্দুমাত্র বিচলিত না হইয়া সহজ স্বরে বলিল, “কাষের জন্ম আসিতে হইল।”

রেবেকা বলিল, “বাবা এ ঘরে বসিয়া তাহার

কর্মচারীদের সঙ্গে কাষের কথা আলোচনা করেন না, বিশেষতঃ, এখন তিনি বাড়ীতেও নাই।”

কালনকি গম্ভীর স্বরে বলিল, “এ ছইটি বিষয়ই আমার জানা আছে।”

রেবেকা অধিকতর উত্তেজিত হইয়া বলিল, “যে সকল কাষের সহিত তোমার কোন সম্বন্ধ নাই, যাহার আলোচনা তোমার পক্ষে অনধিকারচর্চা—সেই সকল বিষয়ের আলোচনায় তোমার তৎপরতা দেখিয়া মনে হয়, গোয়েন্দাগিরিই তোমার লক্ষ্য, চাকরীটা উপলক্ষ মাত্র।”

কালনকি অবিচলিত স্বরে বলিল, “হাঁ, গোয়েন্দাগিরি এক আধুঁ করিয়াছি বৈ কি; সে কথা গোপন করিবার প্রয়োজন দেখি না।”

রেবেকা কালনকির স্পর্ধায় অধিকতর বিস্মিত হইয়া বলিল, “তুমি এতই ইতর যে, কোন জঘন্য কাষ করিতে কুণ্ঠিত নহ; এমন কি, গোয়েন্দাগিরির মত নীচ কাষেও তোমার অরুচি নাই।”

কালনকি রেবেকার এই কঠোর তিরস্বারেও বিচলিত না হইয়া বলিল, “আমার অনধিকারচর্চার বা কুরুচির পরিচয় পাইয়া যদি তোমার মনে বিরক্তির সঞ্চার হইয়া থাকে, তাহাতে আমার বিশ্বয়ের কারণ নাই, তোমার ক্রোধেও আমি ভীত বা বিচলিত হই নাই; তবে আমি হুঃখিত হইয়াছি বটে। সকলেই জানে, তোমার হৃদয় অত্যন্ত কোমল; কটুক্তি করিয়া কাহারও মনে কষ্ট দেওয়া তোমার স্বভাববহির্ভূত। এ অবস্থায় আমার প্রতি হর্ষাবহারের পরিচয় পাইয়া আমার ধারণা হইয়াছে, জোসেফ কুরেট তোমার হৃদয়ের সঁবটুকু প্রেম অধিকার করিয়া আমার জন্ত খানিক বিষ ঢালিয়া রাখিয়াছে; তুমি সেই বিষই উদ্ভিন্ন করিতেছ।”

রেবেকা মনের ভাব গোপন করিতে অসমর্থ হইয়া উত্তেজিত স্বরে বলিল, “জোসেফকে যদি আমি ভালবাসিয়াই থাকি, তাহাতে কাহার কি ক্ষতি?”

কালনকি বলিল, “হাঁ, আমার তাহাতে ক্ষতি আছে বৈ কি! ক্ষতি কেবল আমার একার নহে, তোমারও যে ক্ষতি হইবে, জীবনে তাহা পূরণ হইবে কি না সন্দেহ।”

রেবেকা বলিল, “তুমি নিতান্ত কাপুরুষ; এই জন্ত আমাকে ভয় দেখাইতে তোমার লজ্জা হইতেছে না।”

কালনকি রেবেকার এই কটুক্তিতে বিচলিত না হইয়া বলিল, “তোমার বুদ্ধিবার ভুল! আমি তোমাকে ভয় দেখাইতে আসি নাই, একটা নূতন সংবাদ দিতে আসিয়াছি।”

রেবেকা বলিল, “কি সংবাদ বল, বাজে কথা আমার সময় নষ্ট করিও না।”

কালনকি বলিল, “ইহাও তোমার আর একটা ভুল; আমার বাজে কথা বলিবার অভ্যাস নাই। আমি তোমাকে জানাইতে আসিয়াছি, তুমি যাহাকে প্রাণমন সমর্পণ করিয়াছ, তোমার প্রণয়ী সেই জোসেফ কুরেটকে পুলিশ গ্রেপ্তার করিয়াছে।”

এই সংবাদে রেবেকার মস্তকে যেন বজ্রাঘাত হইল, সে অবসন্নভাবে চেয়ারে ঠেস দিয়া মস্তক অবনত করিল।

কালনকি দেখিল, সেই লাবণ্যময়ী তরুণীর ফুল কমলবৎ স্নন্দর মুখ দেখিতে দেখিতে ম্লান ও বিবর্ণ হইল এবং উদগত অশ্রুশি তাহার নয়নপ্রান্তে টল টল করিতে লাগিল। কালনকি বুঝিল, তাহার সন্দেহ অমূলক নহে, রেবেকা সত্যই জোসেফকে ভালবাসে; সেই হতভাগ্য যুবকেই তাহার প্রাণমন সমর্পণ করিয়াছে। নিদারুণ ঈর্ষ্যায় কালনকির হৃদয় জলিয়া উঠিল; রেবেকার মুখের দিকে চাহিয়া সে স্তম্ভভাবে দাঁড়াইয়া রহিল।

রেবেকা কঠোর স্বরে বলিল, “এ তোমারই কাষ! তোমারই গোয়েন্দাগিরির ফল।” তাহার অশ্রু-প্লাবিত নেত্র হইতে যেন বিদ্যুৎশিখা নির্গত হইল।

কালনকি ধীরভাবে বলিল, “হাঁ, ইহা আমারই কাষ—এ কথা অস্বীকার করি না। আমিই তাহাকে গ্রেপ্তার করাইয়াছি।”

রেবেকা ক্রোধে জলিয়া উঠিয়া বলিল, “তুমি কাপুরুষ; তুমি ইতর, স্বার্থপর, হেয়, হীন, জঘন্য প্রকৃতির গোয়েন্দা, বিশ্বাসঘাতক, তুমি সর্পের অপেক্ষাও খল।”

কালনকির ধৈর্য অসাধারণ, রেবেকার এই ভীত তিরস্বারেও সে বিন্দুমাত্র বিচলিত না হইয়া সহজ স্বরে বলিল, “তুমি তোমার প্রিয়তম প্রণয়ীর বিপদে দিশেহারা হইয়া আমাকে অত্যন্ত কঠোর হর্ষাক্য বলিলে বটে, কিন্তু তিরস্বার মতই কঠোর হওক, তাহাতে কেহ মারা পড়ে না।”

রেবেকা বলিল, “বাক্যের সেই শক্তি থাকিলে আমি স্তম্ভী হইতাম।”

কালনকি বলিল, “কিন্তু পরমেশ্বর সে ব্যবস্থা করেন নাই, বোধ হয়, তাঁহার বিবেচনাশক্তি মগ্ন। আহা! গালাগালিতে যদি মাহুস মরিত, তাহা হইলে আমরা কত সহজে শত্রু নিপাত্ত করিতে পারিতাম! তবে আমার আক্ষেপ এই যে, তোমার সুন্দর মুখ হইতে এ রকম এক রাশি অশ্রাব্য কদর্য কথা বাহির হইল! এ যেন গোলাপের ভিতর বিষ!”

রেবেকা আর সহ করিতে না পারিয়া অধীরভাবে বলিল, “তোমার অশ্রাব্য ভাঁড়ামো বন্ধ কর। যদি কোন কাণের কথা থাকে, বলিয়া আমার সুমুখ হইতে চলিয়া যাও।”

কালনকি বলিল, “আমি ভাঁড়ামি করি নাই, ভাঁড়ামিটাকে আমি অন্তরের সঙ্গে ঘৃণা করি। আমি সত্য কথাই বলিয়াছি। আমার আরও কয়েকটা কথা বলিবার আছে, তাহা বলিয়াই চলিয়া যাইব, তোমার আদেশের অপেক্ষায় থাকিব না।”

রেবেকা বলিল, “তুমি চতুর ও হিসাবী খল! তোমার মত স্বার্থপর ও হিংসুক দুনিয়ায় আর কেহ আছে কি না জানি না।”

কালনকি বলিল, “রেবেকা, তোমার নিষ্ঠুর ব্যবহারেই আমার এই পরিবর্তন।”

রেবেকা বলিল, “মিথ্যা কথা, আমি কোন দিন তোমার প্রতি নিষ্ঠুরাচরণ করি নাই। ইহার কোন প্রয়োজনও ছিল না।”

কালনকি দৃঢ়স্বরে বলিল, “হাঁ, নিশ্চয়ই করিয়াছ। আমি তোমাকে ভালবাসি, প্রাণাপেক্ষা অধিক ভালবাসি। —কি এক প্রচণ্ড অদৃশ্য শক্তি দ্বারা আমি তোমার প্রতি আকৃষ্ট হইয়াছি, সেই শক্তিতে বাধা দেওয়া আমার সাধ্যাতীত। প্রবল স্রোতে ভাসমান তৃণের স্তায় আমি নিরুপায়! আমি আশা করিয়াছিলাম, তুমি আমাকে বিবাহ করিবে, আমার জীবন সকল ও ধন হইবে, কিন্তু তুমি আমাকে বলিয়াছিলে, আমার এই আশা পূর্ণ হওয়া অসম্ভব, আমার সহিত তোমার বিবাহ হইতে পারে না। তোমার কথা শুনিয়া আমি হতাশ হইয়াছিলাম, আমার হৃদয় ভাঙ্গিয়া গিয়াছিল, কিন্তু সকল কষ্ট ও যন্ত্রণা আমি

ধীরভাবে সহ করিতেছিলাম, তোমার কাছেও আমি আর একটি দিনও সে ভ্রম আক্ষেপ করি নাই, অলুযোগও করি নাই। সেবে দেখিলাম, জোসেফ কুরেট তোমার প্রতি আসক্ত হইয়াছে এবং তুমিও তাহাকে ভালবাসিয়াছ! তখন আমার ধৈর্যধারণ করা কঠিন হইল, আর আমি স্থির থাকিতে পারিলাম না; আমি অধীর হইয়া পড়িলাম।”

রেবেকা সদর্পে বলিল, “মিথ্যা কথা, তোমার অহুমান সত্য নহে।”

কালনকি বলিল, “আমি সত্য কথাই বলিয়াছি, আমার অহুমান অত্রাস্ত। শোন রেবেকা, সত্য গোপন করিয়া আমাকে প্রতারিত করিবার চেষ্টা করিও না, আমি শিশু বা নিরক্ষোঁধ নহি, আমাকে অন্ধও মনে করিও না। কোন পুরুষ কোন নারীকে ভালবাসিয়া তাহার প্রণয়ের প্রতিদ্বন্দ্বিতা সহ করিতে পারে না। প্রণয়ের প্রতিদ্বন্দ্বীর প্রতি তাহার বিন্দুমাত্র দয়া বা সহানুভূতি থাকে না। জোসেফ কুরেট তোমার প্রণয়ী কি না, এ কথা তাহাকে জিজ্ঞাসা করিয়াছিলাম, কিন্তু সরলভাবে উত্তর না দিয়া সে আমার সঙ্গে বচসা করিয়াছিল, তাহার পর আমাকে প্রহার করিয়াছিল।”

রেবেকা বলিল, “কেবল দুই এক ঘা দিয়াই তোমাকে ছাড়িয়া দিয়াছিল? তুমি তাহার হাতে পঞ্চদশ লাভ করিয়াছ ওনিলে আমি বড়ই খুসী হইতাম!”

কালনকি বলিল, “কিন্তু যাহা হয় নাই, সে ভ্রম আক্ষেপ করিয়া লাভ নাই। তুমি নিজের কথায় ধরা পড়িয়া গিয়াছ; তুমি যে জোসেফকে ভালবাস, তোমার কথাই তাহার অকাট্য প্রমাণ!”

রেবেকা বলিল, “যদি সত্যই তাহাকে ভালবাসিয়া থাকি, সে ভ্রম আমি আমার পিতার কোন ভৃত্যকে কৈকিরুৎ দিতে বাধ্য নহি।”

কালনকি বলিল, “কিন্তু তুমি তোমার পিতার আর এক জন ভৃত্যকে ভালবাসায় - তাহার প্রতি তাহার প্রতিদ্বন্দ্বীর যে রূপ ব্যবহার করা স্বাভাবিক ও সঙ্গত, আমি ঠিক সেইরূপ ব্যবহারই করিয়াছি। আমি জানি, তাহার আশা ত্যাগ করিতে বাধ্য হইলেই আমাকে তুমি ভালবাসিবে, কিন্তু আমার প্রতিহিংসাবৃত্তি চরিতার্থ

হইয়াছে, ইহাতেই আমি সুখী। শত্রু নিপাত করিয়া আজ সত্যই আমার বড় আনন্দ হইয়াছে।”

রেবেকা ক্ষুব্ধে বলিল, “উঃ, তুমি কি নরপিশাচ! মনুষ্যদেহে সন্নতান!”

কালনকি বলিল, “তা হইতেও পারি, কিন্তু আমরা নিজের বুদ্ধি-বিবেচনা অনুসারেই অস্ত্রের বিচার করি। অস্ত্রের প্রতি ব্যবহারও আমাদের বুদ্ধি-বিবেচনা-সাপেক্ষ। তোমার রূপে আমি মুগ্ধ; আমার মাথা বুরিয়া গিয়াছে। আমি তোমাকে লাভ করিতে পারিব না, আর কোথাকার কে একটা হাঘরে ছোঁড়া আসিয়া তোমাকে লুকিয়া লইয়া যাইবে, এ চিন্তা অসহ! বিশেষতঃ, সেই হতভাগা আমাকে প্রকাশ্য রাজপথে গ্রহার করিয়াছিল; তাহাকে শাস্তি দিতে না পারিলে আমার আর পৌরুষ কি? আমি ইচ্ছা করিলে সেই সময় তাহাকে হত্যা করিতে পারিতাম, কিন্তু তাহা অনাবশ্যক মনে হইয়াছিল; কারণ, আমি জানিতাম, সে আমার মুঠার ভিতর আছে—ইচ্ছা করিলেই তাহাকে চূর্ণ করিতে পারিব।”

রেবেকা কালনকির সন্নতানীর পরিচয় পাইয়া ক্ষণকাল স্তম্ভিতভাবে বসিয়া রহিল; তাহার পর অচঞ্চল স্বরে বলিল, “কিভাবে তাহাকে মুঠার ভিতর পুরিলে?”

কালনকি বলিল, “তাহাকে গ্রেপ্তার করাইবার সুযোগ পাইয়াছিলাম।”

রেবেকার বুক হুরুহুরু করিয়া উঠিল; সে অতি কষ্টে আশ্বাসংবরণ করিয়া বলিল, “সুযোগটা জুটিল কিভাবে?”

কালনকি বলিল, “সে কথাও তোমাকে বলিতে আপত্তি নাই। আমি নির্কোষ নহি, অন্ধও নহি; চারিদিকের অবস্থা দেখিয়া আমার সন্দেহ হইয়াছিল—তোমার পিতার এই বাসভবন কোন গুপ্তরহস্তের আধার! দীর্ঘকাল গোপনে লক্ষ্য করিয়া আমি বুঝিতে পারিলাম, তোমার পিতার বাহিরে এক মূর্তি, ভিতরে আর এক মূর্তি! আর জোসেফ তোমার পিতার যে কাষেই নিযুক্ত থাক, তাহার এখানে আসিবার প্রকৃত উদ্দেশ্যও ভিন্নপ্রকার। কিন্তু এ কথা তোমাকে প্রথমেই বলিয়া রাখা ভাল যে, তোমার পিতা গোপনে বাহাই করুন, আমি কোন দিন তাহার অনিষ্টচিন্তা করি নাই।”

কালনকির কথা শুনিয়া রেবেকা ভয়ে ও হুশিয়ার

ধামিয়া উঠিল; কিন্তু মনের ভাব বথাসাধ্য গোপন করিয়া তাজ্জীল্যভরে বলিল, “তুমি খুব লম্বা গন্ন কাঁদিয়া বসিয়াছ। তোমার এই উদ্ভট গন্ন ধৈর্য্য ধরিয়া শুনা কঠিন।”

কালনকি বলিল, “আমি যে সকল কথা বলিলাম, তাহা আরও সংক্ষেপে বলা যাইত কি না, জানি না; যাহা হউক, বাকী কথাগুলি সংক্ষেপেই শেষ করিব। আমি তোমার পিতার ও জোসেফের গতিবিধি লক্ষ্য করিতে লাগিলাম; সৌভাগ্যক্রমে আমার চেষ্টা বিফল হয় নাই। দুই রাত্রি পূর্বে তোমার পিতা একাকী নিঃশব্দে জোসেফের শয়ন-কক্ষে প্রবেশ করিয়া, তাহার সহিত যে সকল গুপ্ত কথার আলোচনা করিয়াছিলেন, তাহা আমি শুনিয়াছি।”

“তাঁহাদের গুপ্ত পরামর্শ তুমি কিভাবে শুনিলে?”

কালনকি বলিল, “জোসেফের শয়ন-কক্ষের দরজার কান পাতিয়া শুনিয়াছি।”

রেবেকা ঘৃণাভরে, বলিল, “তোমার মত ইতর গোয়েন্দার উপযুক্ত কায বটে!”

কালনকি বলিল, “কাযটা ইতরের মত হইলেও তোমাদের সকলকেই বশীভূত করিবার দ্রষ্ট্য আমি ইহা করিয়াছিলাম। কিন্তু আমি এই ভাবে যে শক্তি লাভ করিয়াছি, তাহার অপপ্রয়োগ করিব না। অন্ততঃ, তোমার পিতাকে ও তোমাকে বিপন্ন করিবার হুরভিসন্ধি আমার নাই। আমি জোসেফকে সরলভাবে জিজ্ঞাসা করিয়াছিলাম—সে তোমাকে ভালবাসা জানাইয়াছিল কি না, এবং তুমি তাহার প্রতি অনুরক্ত কি না? আমি স্বীকার করি, ঈর্ষ্যার বশীভূত হইয়াই আমি তাহাকে এ কথা জিজ্ঞাসা করিয়াছিলাম। আমার ঈর্ষ্যা না হইবে কেন? আমি তোমাকে ভালবাসি, এ কথা শুনিয়া তুমি বলিয়াছিলে, আমাকে অথবা অল্প কাহাকেও বিবাহ করা তোমার পক্ষে অসম্ভব। তথাপি আমি তোমার আশা ত্যাগ করিতে পারিলাম না। আমার মনের দুঃখ চাপিয়া রাখিয়া নিঃশব্দে কাষকর্মে করিতে লাগিলাম। কিন্তু যখন দেখিলাম, কুরেট তোমাকে ভালবাসিয়াছে, আর তুমিও তাহার পরপাতিমী হইয়া উঠিয়াছ, তখন আমার ধৈর্য্য-ধারণ করা কঠিন হইল। যাহা হউক, জোসেফ আমার

সহিত ভদ্র ব্যবহার করিলে, রাত্তার ধরিয়া আমাকে পিটাইয়া না দিলে তাহার ফল অন্তরূপ হইত; কিন্তু তাহার মত একটা নগণ্য লোক ঐ ভাবে আমার অপমান করার আমার রক্ত গরম হইয়া উঠিল, আমি আর আশ্ব-সংবরণ করিতে পারিলাম না। জোসেফ তখন পর্যন্ত জানিতে পারে নাই যে, আমি তাহাকে মুঠায় পুরিয়াছি। আমি জানিতাম, তাহাকে নিহিলিষ্টদের গুপ্ত বৈঠকে যোগ-দান করিতে হইবে; সেই বৈঠকে আমাদের সত্ৰাটকে হত্যা করিবার পরামর্শ স্থির হইবে—এইরূপ কথা ছিল। যথাসময়ে জোসেফ সেই বৈঠকে উপস্থিত হইয়াছিল। বৈঠক ভাঙ্গিলে সে এক জন নিহিলিষ্টের সঙ্গে নগরে ফিরিতেছিল; সেই সময় আমি তাহাদের অনুসরণ করিলাম। আমার বিশ্বাস ছিল, জোসেফ গত রাত্তিতে এখানেই আসিবে; কিন্তু এখানে না আসিয়া তাহারা গভীর রাত্তিতে একটা হোটেলে আশ্রয় লইল। সেই স্থানেই আমি তাহাদিগকে ধরাইয়া দিলাম।”

রেবেকার মন তখন সংঘত হইয়াছিল, উদ্বেগ ও আশঙ্কার ধাক্কা সে সামলাইয়া লইয়াছিল। সে বুঝিতে পারিল, কালনিকির স্ত্রায় মহাশত্রুকে কপট ব্যবহারে বশী-ভূত না করিলে তাহাদের সর্বনাশ হইবে। রাজরোধে তাহারা বিধ্বস্ত হইবে। কালনিকির সহিত বিরোধ করা আর উত্তমফণা বিষধর সর্পের লাঙ্গুলে পদাঘাত করা সমানই কথা! এই সকল কথা চিন্তা করিয়া রেবেকা হঠাৎ সুর বদলাইয়া ফেলিল; শাস্তভাবে কালনিকিকে বলিল, “তুমি যাহাকে তোমার প্রেমের প্রতিদ্বন্দ্বী বলিয়া সন্দেহ করিয়াছিলে, তাহার প্রতি তোমার ব্যবহার যতই অশোভন হউক, অসঙ্গত হইয়াছে, এ কথা বলিতে পারি না। অন্ততঃ তুমি ভণ্ড নও, ইহা বুঝিতে পারিলাম।”

কালনিকি দাঁত বাহির করিয়া একটু হাসিল এবং সম্মান প্রদর্শনের ভঙ্গীতে মাথা নোয়াইয়া বলিল, “ধন্যবাদ! তুমি যে আমার অতটুকুও প্রশংসা করিলে, ইহাতেই আমি সুখী।”

রেবেকা বলিল, “তোমার ‘মনগড়া’ প্রতিদ্বন্দ্বীকে তুমি ত জেলে পুরিয়াছ—তাহার কাঁদীই হউক, আর সে নির্কা-সিতই হউক, তাহার ভাগ্যে যাহা আছে, হউক। ইহাতে তোমার মন ঠাণ্ডা হইয়াছে ত?”

কালনিকি বলিল, “তা একটু হইয়াছে বৈ কি! শত্রুকে জয় করিতে পারিলে কাহার মনে আনন্দ না হয়?”

রেবেকা মৃদুস্বরে বলিল, “শত্রুকে জয় করিবার জন্তই এ কায করিলে? না কোন লাভের আশায় এরূপ নিষ্ঠুরের কায করিলে?”

কালনিকি বলিল, “এখন তোমার এই প্রশ্নের উত্তর দিতে পারিব না; ঘটনাস্রোতে আমার জন্ত অনেক মহার্ঘ্য সামগ্রী ভাসিয়া আসিতেও পারে। তবে যদি তোমার অনুগ্রহ লাভ করিতে পারি, তাহা হইলে আমার জীবন ধন্য হইবে। যদি তুমি জোসেফ কুরেটকে ভালবাসিয়া না থাক, তাহা হইলে তাহার ভাগ্যে যাহাই ঘটুক, সে জন্ত তোমার ক্ষুব্ধ হইবার কারণ নাই; আর এ কথা সত্য হইলে ভবিষ্যতে আমার আশা পূর্ণ হইতেও পারে।”

রেবেকা বলিল, “জোসেফ আমার হৃদয় অধিকার করিয়াছে, ইহা তোমার ভুল ধারণা।”

কালনিকি বলিল, “তাহা হইলে কোন দিন হয় ত আমার আশা পূর্ণ হইবে।”

রেবেকা বলিল, “হাঁ, অসম্ভব যদি কখন সম্ভব হয়, তাহা হইলে তোমার আশা পূর্ণ হইতেও পারে।”

রেবেকার কথা শুনিয়া কালনিকির মুখ হঠাৎ গভীর হইয়া উঠিল। সে আরও কি বলিতে উত্তত হইয়াছে, এমন সময় সেই কক্ষের দ্বার খুলিয়া রেবেকার পিতা কক্ষমধ্যে প্রবেশ করিল। সলোমন কোহেন তাহার উপবেশনকক্ষে কালনিকিকে তাহার কস্তার সম্মুখে দণ্ডায়মান দেখিয়া অত্যন্ত বিস্মিত হইল। সে ভীত দৃষ্টিতে প্রথমে কালনিকির ও পরে রেবেকার মুখের দিকে চাহিয়া নীরস্বরে বলিল, “এ কি ব্যাপার?”

কালনিকি অচঞ্চল স্বরে বলিল, “আপনার কস্তাকে আমার কয়েকটা কথা বলিবার প্রয়োজন ছিল; উহাকে সেই কথাগুলি বলিতেছিলাম। সে সকল কথা আপনা-কেও বলিতে আপত্তি ছিল না, কিন্তু আপনি তাহা আপনার কস্তার কাছেই গুনিতে পাইবেন; সুতরাং আমার আর এখানে থাকা নিশ্চরয়োজন। এখন আমি আমার কাশে চলিলাম।”

[ক্রমশঃ।

শ্রীদীনেন্দ্রকুমার রায়।

কাব্যে কারুণ্য

অনেকের ধারণা, যে কবিতায় কারুণ্যের ঝরণা ঘুরে এবং পাঠকের নয়নে কারুণ্যের ঝরণা ঝরায়, তাহাই উৎকৃষ্ট কবিতা। এ কথাই সমর্থনচ্ছলে Shellyর "Our sweetest songs are those that tell of saddest thoughts."—এই পংক্তি উদ্ধৃত করা হয়। কিন্তু খেয়াল থাকে না যে, যাহা কিছু কারুণ্য, তাহাই Sweetest নয়। ঘুরাইয়া বলিলে দাঁড়ায় কতকগুলি কারুণ্যসম্বন্ধ রচনা মধুরতম। কারুণ্য সহজে চিত্ত বিগলিত করে—সহসা মনের ভাবান্তর আনয়ন করে—নয়নে অশ্রু ফুটায়, এ জন্ত কারুণ্য-শুণোপেত কবিতাকেই সাধারণ পাঠক শ্রেষ্ঠ স্থান দিতে চায়। কারুণ্য কবিতা Sweetest হইতে পারে, Best না-ও হইতে পারে,—যাহা কিছু সুমিষ্ট, তাহাই উৎকৃষ্ট নহে। রাতভিখারী ছন্দ করিয়া সুর করিয়া ভিক্ষা করে, তাহাতে হৃদয় সকলেরই বিগলিত হয়, সে জন্ত তাহার কারুণ্য চীৎকার কবিতা নহে। অনেকে কীর্তনের গোর-চন্দ্রিকার খচমচ ও অস্পষ্ট সুর শুনিয়াই কাঁদিয়া ভাসাইয়া দেন, তবু উহা কবিতাই নহে—উৎকৃষ্ট সঙ্গীতও নহে। সহজে হৃদয় বিগলিত হওয়া না হওয়া সম্পূর্ণ হৃদয়ের গঠনের উপর নির্ভর করিতেছে। একটি কারুণ্য রসের কবিতা শুনিয়া এক জনের চিত্ত সামান্যমাত্র উদ্বেল হইতে পারে, কাহারও বা নেত্রে বহু ছুটিতে পারে, তাহা হইতে কবিতাটি কেমন হইয়াছে, ঠিক করা যায় না। এরূপ পরিবর্তনশীল, চঞ্চল, ভিত্তিহীন ও অনিশ্চিত আদর্শের দ্বারা কবিতার সৌন্দর্য্য পরিমাপ করা যায় না। যিনি অত্যন্ত বিচলিত হন, তিনি বলিবেন—এমন রচনা হয় না; যিনি একেবারেই বিচলিত হন না, তিনি বলিবেন,—ইহা ব্যথার বিলাসমাত্র। তা ছাড়া আমরা 'কারুণ্য সুরের' জন্ত অনেক সাধারণ সঙ্গীতকে কাব্যার্থেও শ্রেষ্ঠ গণ্য করি; আবৃত্তি-ভঙ্গীতে কারুণ্য ও সহানুভূতির উদ্দীপকতা লক্ষ্য করিয়া অকবিতাকেও উৎকৃষ্ট কবিতা মনে করি; কবির জীবনের কোন শোকাবহ ঘটনার সহিত বিজড়িত বলিয়াও অনেক সময় নিকৃষ্ট শ্রেণীর কবিতাকে উৎকৃষ্ট মনে করি। এ জন্ত কবির পত্নীবিয়োগ; পুত্রবিয়োগ, দারিদ্র্য ইত্যাদি অবলম্বনে রচিত কবিতা সহজেই কাব্যার্থে

উৎকৃষ্ট না হইলেও লোককান্ত হইতে পারে। যাহাকে ভালবাসি, তাহার বিরোগে বা বিশেষ কোন বেদনাকে আশ্রয় করিয়া যাহা কিছু লেখা হউক, তাহাই উৎকৃষ্ট বলিয়া মনে হইতে পারে। পাঠক আপন মনের কারুণ্য মিলাইয়া সেগুলিকে এত কারুণ্য করিয়া ভুলে—আপন মনের মধুরী মিশাইয়া আপনার মনে উহাদিগের পুনর্বিবচন করে। অনেক কবিতাতেই পাঠককে আপন মনের মধুরী মিশাইয়া লইতে হয়, এ কথাও সত্য, কিন্তু কবি অপেক্ষা পাঠকের কৃতিত্ব অধিক হইলে চলিবে না। মধুর্য্য বা সৌন্দর্য্যের অধিকাংশই যেখানে পাঠকের মন হইতে প্রাপ্ত, সেখানে কবির শ্রেষ্ঠতা কোথায়? মধুর্য্যের বা সৌন্দর্য্যের অধিকাংশই কবিকে দিতে হইবে। এ সকল কবিতার বিচারে লক্ষ্য করিতে হইবে—কবিতা দ্বারা পাঠক-চিত্তে যে রসের সৃষ্টি হইতেছে, তাহার কতটা বা কবির দেওয়া, কতটা বা পাঠকের দেওয়া। যে চিত্ত কিণাককঠিন বা পক্ষাঘাতগ্রস্ত, সে চিত্ত এ শ্রেণীর কবিতার বিচারক হইতে পারে না। যে চিত্তে মনোবেগের সংঘম বা ভাবোচ্ছ্বাসের শাসনবল্লা নাই, সে চিত্ত চিত্তই নহে। যে চিত্ত রসময়, কোমল ও ললিত অথচ সংযত, ধীর ও প্রশান্ত, সেই চিত্ত এই শ্রেণীর কাব্যবিচারে প্রকৃত অধিকারী। বিষয় বস্তুটির প্রতি কোন বিশেষ কারণে আপনার ভালবাসা থাকিলে সেটিকে তৎকালের জন্ত ভুলিয়া কেবলমাত্র কাব্যার্থের সৌষ্ঠব ও রসোদ্দীপকতার দিকে দৃষ্টি রাখিয়া পাঠকের এ শ্রেণীর কবিতার বিচারে অগ্রসর হওয়া উচিত।

রচনার অবলম্বিত ভাবোচ্ছ্বাসই কাব্য নহে—ঐ উচ্ছ্বাসকে কবি সুপরিচালিত, সংযত, সংহত ও সুনিয়ন্ত্রিত করিয়া যখন কাব্যের অত্যাশ্রিত উপাদানে সমৃদ্ধ করিয়া প্রকাশ করেন, তখনই প্রকৃত কবিতা হয়। সে হিসাবে এই কারুণ্য কবিতাও কেবলমাত্র কারুণ্যের রলেই শ্রেষ্ঠ হইবে না—কবিতাও হওয়া চাই—উচ্ছ্বাসের আতিশয্যে উৎকৃষ্ট কবিতার রীতি-পদ্ধতি, শৃঙ্খলা ও সৌষ্ঠবের সীমা ও বন্ধন অতিক্রম করিলে চলিবে না। যে কোন রস বা যে কোন ভাবকে অবলম্বন করিয়া কবির কলা-কোশলগুণে

একটি রচনা উৎকৃষ্ট হইতে পারে। কারুণ্যরসের এ বিষয়ে পৃথক্ একটা বিশিষ্ট অধিকার বা মর্যাদা নাই। তবে কারুণ্যরসকে আশ্রয় করিয়া উৎকৃষ্ট কাব্য-রচনা অপেক্ষাকৃত সহজ। একটি কবিতাকে সম্পূর্ণ করিবার জন্য পাঠক-মনের যে আনুকূল্য ও পরিপূরকতা কবি প্রার্থনা করেন, তাহা অল্প শ্রেণীর কবিতার পক্ষে সহজে এবং সর্বত্র না মিলিতেও পারে, কারণ, সকল প্রকার ভাব ও রস সকল চিত্তে স্থলভ নহে এবং যে চিত্তে তাহার সন্ধান মিলে, সে চিত্তেও প্রচুর পরিমাণে পাওয়া যায় না। “শৈলে শৈলে ন মাণিক্যং মৌক্তিকং ন গজ্জ গজ্জ।” কিন্তু কারুণ্যরস মানব-চিত্তের সাধারণ সম্পত্তি—চন্দ্ৰের জ্যোৎস্নার স্থায়—“নোপসংহরতে জ্যোৎস্নাং চন্দ্ৰশ্চণ্ডাল-বেশ্মনি।” সকল চিত্তেই কিছু না কিছু ঐ রস, হয় ক্ষুদ্র মত, নয় পাগলা ঝোরার মতই বর্তমান। অধিকাংশ চিত্তেই প্রচুর পরিমাণেই, বিশেষতঃ এই বাঙ্গালা দেশের হৃদয়গুলিতে আরও প্রচুর পরিমাণে বর্তমান। কাষেই কবি যতটুকু চান, তাহা অপেক্ষা অনেক বেশীই পাইয়া থাকেন। কবির করুণবাণী সে জন্ম সহজেই বাঙ্গালী পাঠকের চিত্তে ঘন ঘন প্রতিধ্বনি লাভ করে। কবি বলিয়াছেন—

“একাকী গায়কের নহে ত গান গাহিতে হবে দুই জনে,
গাহিবে এক জন ছাড়িয়া গলা আর এক জন গা'বে মনে।
তটের বুকে লাগে জলের ঢেউ তবে ত কলতান উঠে,
বাতাসে বনসভা শিহরি কাঁপে তবে ত মর্ম্মর ফুটে।”

কিন্তু সকল ঢেউ-ই তটের বুকে সহজে কলতান তুলে না, সকল বাতাসই বনসভায় সহজে মর্ম্মরধ্বনি ফুটায় না। অশ্রুর ঢেউ সহজেই আমাদের চিত্তে কলতান তুলে, দীর্ঘশ্বাসের বাতাসই সহজেই আমাদের মর্ম্মে মর্ম্মরধ্বনি ফুটাইতে পারে। অনেক সময় কবি পাঠক-চিত্তের এই সহজ মাধুর্যের স্বযোগটি উপভোগ করিবার জন্য প্রলুব্ধ হইয়া পড়েন এবং পাঠক-চিত্তের ঐ প্রকার তরলতা ও অসংযমের উপর নির্ভর করিয়া করুণ রচনায় শ্রেষ্ঠ কাব্যের প্রধান উপাদানগুলির সংযোগ বিষয়ে উদাসীন হইয়া পড়েন—সে জন্য অনেক করুণ কবিতা যথেষ্ট জনপ্রিয়, কিন্তু কাব্যার্থে উৎকৃষ্ট নয়।

কারুণ্যরসের স্থায় অস্থায় ভাব বা রস স্থলভ এবং প্রচুর নহে। পাঠকের চিত্তে সহজেই পরিপূর্ণতা লাভ

করে না বলিয়াই তাহার কারুণ্য অপেক্ষা নিকৃষ্ট নহে। বরং সরলতা ও প্রাচুর্যের যে অনিবার্য ফল, তাহা কারুণ্যরসের জাগ্যেই ঘটিয়াছে—উচ্চ শ্রেণীর কবিরা ঐ রসের প্রতি অনেকটা উদাসীন হইয়া পড়িয়াছেন। তাই ‘উদ্ভ্রান্ত প্রেমের’ মত চমৎকার গ্রন্থেরও ভক্ত অনেক কমিয়া আসিয়াছে। করুণরস বিগলিত হইয়া অশ্রুতে ঝরিয়া পড়ে, উহা তরল অগভীর—সাময়িক উত্তেজনা-প্রসূত এবং অপেক্ষাকৃত অস্থায়ী, উহা মানব-জীবনের গভীরতম প্রদেশে স্থায়ী আসন লাভ করে না—মানব-চিত্তের অঙ্গীভূত হইতে দেয় না। ‘আনন্দ মানব-চিত্তের সাধনার ধন, পরম কাম্য—মানব-চিত্তের সিংহাসনই তাহার লক্ষ্য, বেদনা তাহার অরাতি—প্রতিদ্বন্দ্বী, তাহাকে সে তাই চিত্তে স্থায়িতাবে বাস করিতে দেয় না। কারুণ্য যত বশীভূতই হউক, তাহাকে সে সন্দেহ করে, সে জন্ম যত শীঘ্র তাহাকে চিত্ত হইতে দূর করিতে পারে, ততই সে নিশ্চিত হয়। তাহা ছাড়া এত বেশী ব্যথা-হৃৎখের সহিত তাহার নিত্য সংগ্রাম করিতে হয় যে, নূতন কোনও ব্যথা সত্যই হউক আর কাল্পনিকই হউক, তাহার রাজ্যে প্রবেশ করিলে তাহাকে অধিকরণ তিষ্ঠিতে দেয় না। তরল অগভীর সাময়িক হাস্ত-ফেনিল উল্লাসেরও চিত্তে স্থায়ী আসন নাই। যে আনন্দ চিত্তে স্থায়ী, নিশ্চিত ও ধ্রুব আসন প্রতিষ্ঠা করিতে চাহে, তাহা সংযত চিন্তাময় ও গভীর,—তাহা উচ্ছ্বাল, চপল, অসহিষ্ণু ও প্রমত্ত উল্লাসকে চিত্তে স্থান দেয় না, স্থান দিলে তাহার নিবিষ্ট সাধনার ব্যাঘাত ঘটে। তাই কান্নার গান ও হাসির গান করুণ কবিতা উভয়েরই স্বধীর্চিত্তে স্থায়িত্বলাভ সম্বন্ধে একই অবস্থা। তাই বলিয়া যে উহাদের প্রয়োজন নাই, তাহা বলিতেছি না। আমাদের গভীর চিন্তায় মূল জীবনধারার উপরের স্তরে আমাদের দৈনিক ও প্রাহরিক জীবনের উপধারা আছে। তাহার কতকগুলি অশ্রুর, কতকগুলি হাস্তের। বাহির হইতে ঐরূপ হাসি-কান্নার যোগান না পাইলে সেগুলি শুকাইয়া যাইবে। তখন আমাদের দৈনিক জীবন নীরস ও কঙ্কালময় হইয়া উঠিবে। সে জন্য কারুণ্য ও কোতুকরণের প্রয়োজনীয়তা যথেষ্টই আছে। কিন্তু যে সকল ভাবরস গভীর ও নিবিড়, কর্ম্মধারার স্থায় হৃদয়ের অন্তরতম প্রদেশে যাহাদের নিভৃত প্রবাহ, তাহা

সুলভ নয়, প্রচুর নয়; বাহির হইতে তাহাদের যোগান আমাদের চিন্ময় জীবনগঠনে সাহায্য করে, সহজেই তাহা চিন্ময় জীবনের অঙ্গীভূত হইয়া আমাদের চিত্তে স্থায়িত্ব লাভ করে, গভীর আনন্দের রাজ্যবিস্তারে তাহার সাহায্য করে। সে সকল কবিতা এই অতীন্দ্রিয় অনুভূতিকে অবলম্বন করিয়া রচিত, তাহারা তাই উচ্চশ্রেণীর। ঐ সকল কবিতার পাঠক অল্প, কিন্তু উহাদের আয়ুষ্কালও অতি সুদীর্ঘ, এমন কি চিরন্তন; কাষেই নিরবধিকালে ও বিপুল পৃথীতে সমানধর্মী নিত্যন্ত অল্প জুটে না, এবং পাঠক-সংখ্যা অল্প হইলেও তাহাদের জীবনগঠনের উপাদান কিন্তু ঐ কবিতাগুলি। শুধু নিবিড়তা ও গভীরতার প্রাপ্য লাভ করিয়াই উহারা বিজয়ী নহে—হ্রস্বতা ও স্বল্পতার যে প্রাপ্য, তাহাও তাহারা লাভ করে। কারুণ্য কাব্যসরস্বতীর নয়নে ফুটিয়া মুক্তার সহিত উপমিত হইয়া বরিয়া পড়ে—শ্রীও বাড়ায়, কিন্তু ঐ নিবিড় রস গঙ্গমৌক্তিকের মত চিরদিন তাঁহার কর্ণের হারে স্থান পাইয়া বন্ধেই বিরাজ করে।

করণ রসের কবিতা যে উৎকৃষ্ট শ্রেণী হইতে পারে না, এ কথা বলিতেছি না। আমার বক্তব্য, কেবলমাত্র কারুণ্যের বলেই কোন কবিতা শ্রেষ্ঠ হইতে পারে না। কারুণ্যকে আশ্রয় করিয়া কাব্যের অগাঢ় উপাদানের সম্বন্ধে অনেক প্রথম শ্রেণীর রচনাই সম্ভব হইয়াছে। কারুণ্যের অন্তরালে একটি উচ্চতর রসের ও গভীরতর ভাবের সমাবেশ করিয়াও অনেক উৎকৃষ্ট কবিতার জন্ম হইয়াছে। কারুণ্যের উচ্ছ্বাসকে সৌন্দর্য্যসৃষ্টির অপরাপর উপাদান বা গভীরতর অনুভূতি সেগুলিকে সংযত, সংহত ও শৃঙ্খলিত করিয়াছে। বাধাবন্ধহীন অবলম্বিত কলাসৌষ্ঠবহীন করুণ-রসোচ্ছ্বাস কেবলমাত্র পাঠকের সহজ সরল সহানুভূতির বলে ও আনুকূল্যে শ্রেষ্ঠ কবিতার গৌরব লাভ করিতে পারে না। কালিদাসের অঙ্গবিলাপ, রতিবিলাপ ও যক্ষ-বিলাপ কেবল যদি করুণরসের উচ্ছ্বাসমাত্র হইত, তবে বিলাপমাত্র হইয়া এত দিনে বিলোপ পাইত, রসালাপ হইয়া উঠিত না। মহাকবি পাঠকের করুণার ভিখারী নহেন, পাঠকের চোখে সুলভ অঙ্গ বরাইয়া সহজে কৃতিত্ব লাভ করিতে চাহেন না, তাঁহার উদ্দেশ্য সৌন্দর্য্যসৃষ্টি, শোককে অবলম্বন করিয়া সরস সুন্দর শ্লোকরচনা। ঐ সকল কাব্যসাধনে এমন অনেক কথাই আছে, বাহা সাধারণ

বিলাপের পক্ষে স্বাভাবিক নহে, কাব্যের অন্তিম সৌষ্ঠবের প্রতি দৃষ্টি রাখিয়া পদে পদে কবি কারুশৃঙ্খলার দ্বারা উচ্ছ্বাসকে সংযত করিয়া সাধারণ বিলাপ হইতে স্বাভাবিক দান করিয়াছেন, তাই উহা কাব্যের বিলাপ হইয়া অমরতা লাভ করিয়াছে। উহাদিগকে স্বাভাবিক করিয়া তুলিতে হইলে, সাধারণ বিলাপকারীর দ্বারা অনেক অসংবদ্ধ অসঙ্গত কথা বলাইতে হইত, আরও করুণ করিয়া তুলিতে হইত। কিন্তু তাহাতে কাব্য হইত না। কাব্যের স্বভাব আর প্রাকৃত জনের স্বভাব এক নহে, প্রাকৃত জনের স্বভাব অনুকরণ করিতে হইলে কাব্যের স্বাভাবিকতা নষ্ট হইয়া বাইত। “সাহিত্য ঠিক প্রকৃতির আয়ত্তি নহে। কেবল সাহিত্য কেন, কোনো কলাবিদ্যাই প্রকৃতির যথার্থ অনুকরণ নহে। প্রকৃতিতে প্রত্যক্ষকে আমরা প্রতীতি করি, সাহিত্য এবং ললিত কলায় অপ্রত্যক্ষ আমাদের কাছে প্রতীয়মান। অতএব এ স্থলে একটি অপরাধের আশি হইয়া কাজ করিতে পারে না। এই প্রত্যক্ষতার অভাববশতঃ সাহিত্যে ছন্দোবদ্ধ ভাষাভঙ্গীর নানা প্রকার কলবল আশ্রয় করিতে হয়। এই-রূপে রচনার বিষয়টি বাহিরে কৃত্রিম হইয়া অন্তরে প্রাকৃত অপেক্ষা অধিকতর সত্য হইয়াছে” (রবীন্দ্রনাথ)। ‘ঐ ছন্দোবদ্ধ ভাষাভঙ্গীর নানা প্রকার কলবল’ সম্পূর্ণ না হইলে উৎকৃষ্ট কবিতা হইবে না। করুণরসের কবি অনেক সময় এ সত্যটি লক্ষ্য করেন না, অতিরিক্ত অশ্রুপাতের লোভে প্রাকৃত শোকের স্বাভাবিক অনুকরণ করেন,—সরসহৃদয় পাঠকগণ অশ্রুপাতের প্রাচুর্যের পরিমাণ অনুসারে কাব্যের চমৎকারিতা নির্ধারণ করেন। সাহিত্যের সত্য কৃত্রিমতাকে উপেক্ষা করে না, প্রকৃত কবি তাই করুণরসপ্রিত কবিতার কারুণ্যকে উচ্ছ্বাসময় ও ব্যক্তিগত করিয়া তুলেন না, কারু-কৌশলের সাহায্যে তাহাকে বিশ্ব-জনীন, রহস্যময় ও শাস্ত্ররসের সাধনা-বারি বর্ষণে সংযত সংহত করিয়া তুলেন, প্রাকৃত শোকহৃৎখের স্বাভাবিক অভিব্যক্তির স্থলে তাঁহারা ব্যঞ্জনার কৌশল প্রয়োগ করেন, হাহাকার হা-হতাশকে প্রশ্রয় না দিয়া ইঙ্গিত ও মিতবচনের আশ্রয় গ্রহণ করেন। অশ্রু তাহাতে বহিস্থুধী না হইয়া অন্তস্থুধী হয়, তাঁহাদের কবিতাপাঠে এক বিন্দু অশ্রুও বহির্গত না হইতে পারে, সমস্তটুকুই ভিতরদিকে গড়াইয়া মর্শ্বকোষকে সিক্ত করিয়া তুলে। কবির কথার

বলিতে গেলে, এ ভাবে Too deep for tears বলা যাইতে পারে এবং এ ভাব কেবল কারুণ্যে কেন, একটি ভূক্ততম কুল, একটি ধূলিকণা মাহুকের কৃতজ্ঞতা, ভগবানের মহিমা, প্রকৃতির শোভা-বৈচিত্র্য দর্শনেও জানিতে পারে। নাট্যাভিনয় ও যাত্রার গীতাভিনয়ে প্রাকৃত ছুংখেরই অমুকরণ চলে, তাহাতে শ্রোতৃবৃন্দ কাঁদিয়া আকুল হয়, কিন্তু যে রচনা অবলম্বন করিয়া এই অশ্রুবন্তার সৃষ্টি হয়, তাহাকে সুধীগণ সংকাব্যশ্রেণীর মধ্যে গণ্য করেন না। সে, জ্ঞান তাঁহাদের অন্তিমমুহুর্ত-বিলাপ, সীতার বনবাস, গান্ধারীর খেদ অপেক্ষা মাইকেলের সীতা-সরমার উপাখ্যান, অক্ষয়কুমারের এষা, চন্দ্রশেখরের উদ্ভাস্ত প্রেম এবং রবীন্দ্রনাথের বিদায় অভিলাষ ইত্যাদি রসসংযত ভাবসংযত রচনা কারুণ্যময় কাব্যের হিসাবে উৎকৃষ্টতর। ভবভূতির উত্তরচরিতের স্থানে স্থানে ও কালিদাসের শকুন্তলা-বিদায়ের ঐ অঙ্কে করুণরসায়ক অত্যাংকুষ্ট কাব্য সম্ভব হইয়াছে। এই দুই ক্ষেত্রে কারুণ্যরসের অন্তরালে একটি গভীরতর অমুভূতি ও নিবিড়তর রস প্রচ্ছন্ন আছে, তদ্ব্যতীত কাব্যের অগ্ৰাণ্ণ উপাদানও শোভনাক্ষ লাভ করিয়াছে। কেবলমাত্র কারুণ্যের জগ্ৰই উহা এত উৎকৃষ্ট নয়, কারুণ্যও বাহা আছে, তাহা এমনই সংযত, ধীর ও উদার যে, হৃদয়কে উদ্বেল কেনিল করিয়া তুলে না, বরং প্রশান্ত ও প্রসন্ন করে।

রবীন্দ্রনাথের মধ্যে যে কারুণ্য আছে, তাহাকে প্রশ্রয় দিলে তিনি দেশকে কাঁদাইয়া ভাসাইয়া দিতে পারিতেন, তাঁহার মধ্যে যে কৌতুকরস আছে, তাহার বলা মুক্ত করিলে দেশকে হাসাইয়া মাৎ করিয়া দিতে পারিতেন, কিন্তু তাহা হইলে এত বড় কবি হইতে পারিতেন না। রবীন্দ্রনাথের সর্বশ্রেষ্ঠ কবিতাগুলি করুণরসায়কই নয়, করুণরস অপেক্ষা অধিকতর স্থায়ী, গভীর ও নিবিড় রসে অভিবিক্ত। তাঁহার মধ্যম শ্রেণীর অনেক কবিতায় কারুণ্য

সংযতবেগ হইয়া ফস্কর মত প্রবাহিত। কবি ধনীর ছয়ারে কাঙালিনীকে অনেককরণ করুণ বিলাপ করাইতে পারিতেন, অদৃষ্টকে অনেক ষিকার দেওয়াইতে পারিতেন, কিন্তু তাহাতে তাহার ম্লান মুখখানি চিরদিনের জন্ম আমাদের মনে থাকিয়া যাইত না। কারুণ্যের তারল্যকে নিবিড় করিয়া দিয়া শেষ করিয়াছেন, 'মাতৃহারা-মা' যদি না পার, তবে আজ কিসের উৎসব, তবে মিছে সহকার-শাখা তবে মিছে মঙ্গল-কলস'। 'পুরাতন ভৃত্য' একটি কৌতুকবহ কবিতা, কারুণ্যে শেষ হইয়াছে। যেখানে কারুণ্য আরম্ভ হইল, কবিও সেইখানেই শেষ করিলেন। 'দুই বিধা জমী'কে উচ্চ শ্রেণীর কবিতায় পরিণত করিবার জন্ম তাহার সুলভ ও সহজ কারুণ্যকে মাঝে মাঝে রসান্তরের রশ্মিতে সংযত করিয়াছেন। এ কারুণ্য আমাদের কাঁদায় না, আমাদের গভীরতর ভাবে আবিষ্ট করিয়া দেয়।

রবীন্দ্রনাথের 'স্মরণে' ও 'লোকালয়ের' অধিকাংশ কবিতা, পতিতা, বধু, গানভঙ্গ, যেতে নাহি দিব, দেবতার গ্রাস ইত্যাদি কবিতায় কারুণ্যের সহিত কাব্যের উপকরণ-গুলি পুরাতনায় আছে বলিয়া এগুলি এত সুন্দর। কেবলমাত্র অশ্রুস্রবই ইহাদের উদ্দেশ্য নহে, অগ্ৰাণ্ণ গভীর ও নিবিড় অমুভূতির কবিতা পাঠকের চিত্তে যে আন্দোলন ঘটায়, এগুলিও তাহাই। জীবনের এক একটি সমস্যা ইহার সঙ্গে বিজড়িত; পাঠক-চিত্তকে কারুণ্যময় আত্মানে সেই সকল সমস্যার দিকে লইয়া যায়। করুণ বলিয়াই এত সুন্দর নহে, ভাবধন বলিয়া এত সুন্দর। দর্শনেন্দ্রিয়কে বাস্পাকুল করে বলিয়া এত মধুর নয়, অতীন্দ্রিয় অমুভূতি জাগায় বলিয়া এত মধুর। তাঁহার করুণ কবিতাগুলির বৈশিষ্ট্য তাঁহার কথাতাই বলা যাইতে পারে,—

“করুণ চক্ষু মেলে ইহার মর্ম্মপানে চাও,
এই যে মুদে আছে লাজে, পড়বে তুমি এরি ভাঁজে,
জীবনমৃত্যু রোদ্দ-ছায়া ঝটিকার বারতা।”
শ্রীকালিদাস রায়।

নারীর মাতৃ

নারী যদি নারীর মত মাতৃ-হৃদয় নিয়ে তার,
আপন ভেঙ্গে দাঁড়ায় আসি' হাতে নিয়ে কর্ম্মভার ;
পরশে তঁর বিপুল বেগে লুপ্ত চেতন উঠবে জেগে—
যুচবে ধরার বিষ-বিষাদ কাঁদারোল আর হাহাকার।

শ্রীমতী কাননবালা দেবী

পেট্রোলিয়াম-প্রসঙ্গ

দেশ-বিদেশের পথর বাহারা রাখেন, তাহারা অবশ্যই জানেন, অধুনা পেট্রোলিয়াম তৈল রাজনীতিকক্ষেত্রে একটি প্রধান বিষয় হইয়া দাঁড়াইয়াছে। সকল দেশের রাজনীতিকগণই তৈলক্ষেত্রে স্ব স্ব অধিকার বিস্তার ও তাহা অক্ষুণ্ণ রাখিতে কতই না চালা চালাতেছেন। বর্তমান রাজনীতি তৈলের সঙ্গে ওতপ্রোতভাবে বিজড়িত। তৈল-সম্পদই অনেক পরিমাণে জাতির ভাগানিয়ন্ত্রণ করিতেছে ও করিবে। জাতিতে জাতিতে যুদ্ধবিগ্রহ, দেশে দেশে শ্রীতি ও শাস্তি, সকলের মূলেই পেট্রোলিয়াম তৈল-সমৃদ্ধি নিহিত রহিয়াছে। পৃথিবীর সর্বত্রই তৈল-ঘটিত ব্যাপার রাজনীতিক সমস্যাকে জটিল করিয়া তুলিয়াছে। কোন জাতি অল্প জাতিকে তৈল-সম্পদে সম্পন্ন হইতে দেখিলেই অননই সম্বল হইয়া উঠিয়া হাঙ্গামা বাধাইতেছে। নানা দিকে নানা প্রকার তাগ ও ক্ষতি স্বীকার করিয়াও আজ জাতিবৃন্দ তৈলক্ষেত্রের জমিদারী খরিদ করিতেছে। কারণ, গত মহাযুদ্ধে তাহারা বেশ করিয়া উপলব্ধি করিয়াছেন—তৈল কি বস্তু!

দিন দিন মোটর, বিমানপোত, রণতরী, কলকারখানার সংখ্যা দ্রুত বাড়িতেছে—আর ইহাদের জন্ত তৈল একান্ত আবশ্যিক। সুতরাং দেশা যাইতেছে, আন্তর্জাতিক প্রতিযোগিতার জন্ত তৈলের বিশেষ প্রয়োজন।

এসিয়া মাইনরে তুরস্কের জরলাভ হেতু তরতা তৈলক্ষেত্রের সমৃদ্ধি অত্যন্ত জটিল হইয়া দাঁড়াইয়াছে। তুর্কীকে যুরোপ হইতে বিতাড়িত করিবার এত চেষ্টা যে কেন, তাহাও এখন জগতের সমক্ষে উত্তমরূপে প্রকটিত হইয়াছে।

অদূর প্রাচ্য (Near East) নামক ভূভাগ তৈল-সম্পদে সম্পন্ন। ফ্রান্স ও গ্রেট ব্রিটেনের তৈল-সম্পদ অতীব অল্প। অণু প্রয়োজনের পরিমাণ তাহাদের অত্যন্ত বেশী। ব্রিটেনের শতকরা ২০টি রণপোত তৈল-সাহায্যে চলে। দূরদর্শী ইংরাজ তাই সরাসরি বা স্বজাতীয় কোম্পানীর মাধ্যমে পূর্ন হইতেই মিশর, পারস্য, পেরু, মাসিডোনিয়া, লোহিতসাগরের চতুর্দিকই ভূখণ্ড, মেসোপটেমিয়া প্রভৃতি দেশের তৈল-ক্ষেত্রগুলিতে জাতীয় অধিকার ও কায় করিবার স্ব স্ব পুরাত্মায় কায়ম করিয়া বসিয়াছেন। তৈলনীতিতে অনভিজ্ঞ ফ্রান্সও গত যুদ্ধে ঠেকিয়া শিথিয়া পোক্ত হইয়া ব্রিটেন, মার্কিন, পারস্য, তুরস্ক প্রভৃতি জাতির সহিত রক্ষা করিয়া তৈলক্ষেত্রে নূতন জমিদারী কিনিতে আরম্ভ করিয়াছে। ভাগ্যক্রমে আলসাস প্রদেশও আর্জেন্টিনার হস্তচ্যুত হইয়া ফ্রান্সের সহিত সংযুক্ত হইয়াছে। এখানে তৈলক্ষেত্র রহিয়াছে।

গ্রেট ব্রিটেনের তৈল-সংগ্রহে তৎপরতায় মার্কিন, ফ্রান্স প্রভৃতি জাতি সম্বল হইয়া উঠিয়াছে। মার্কিনের নিজস্ব তৈল-সম্পদ পৃথিবীতে সর্বাপেক্ষা অধিক। কিন্তু দূরদর্শী ইংরাজ বুঝিয়া লইয়াছে যে, সমুদ্রে একাধিপত্য করিতে হইলে, উহাকে তৈলের জন্ত মার্কিনের মুখাপেক্ষী হইয়া থাকিলে চলিবে না। ইংরাজের নিজের প্রচুর তৈলের উৎস থাকি চাই। বিগত যুদ্ধের পরেই বিশেষরূপে ইংরাজ তাহার তৈল-ক্ষেত্রে প্রভাব ও অধিকার বিস্তার করিবার লইয়াছে। কায়েই মার্কিন যে তৈলের কলকাসী হাতে লইয়া কখনও ইংরাজকে কাবু করিবে, সে সম্ভাবনা আর নাই। যুদ্ধের পূর্বে তুরস্কের তৈলক্ষেত্রে আর্জেন্টিনার যে অংশ ছিল, যুদ্ধের পরে তাহা উহার হস্তচ্যুত হওয়ার পর তাহার

স্ব লইয়া ইংরাজ, ফরাসী ও মার্কিনে অনেক দিন ধরিয়া সলাপসলাপ ও মন-কষাকষি চলিয়াছে।

যাহা হউক, অধুনা উত্তর-পারস্যের তৈলক্ষেত্রে মার্কিনের অর্ধ ও লোকজন পাটিতেছে। তবে দক্ষিণ-পারস্যে ইংরাজের একচেটিয়া অধিকার। অনেক বিশেষজ্ঞের মতে মতুলের পূর্বদিকে মেসোপটেমিয়ায় যে তৈলক্ষেত্রগুলি রহিয়াছে, সেগুলি পৃথিবীর মধ্যে সর্বশ্রেষ্ঠ। সেখানকার অধিবাসী অধিকাংশই তুর্ক। এজোরার জাতীয় সমিতি বলিতেছেন, পনিগুলির স্ব স্ব একমাত্র তাহাদেরই নিজস্ব; অন্যের ইহাতে কোনও অধিকার নাই।

রুসিয়ার নিজের প্রচুর তৈলপনি আছে। এ জন্ত তাহাদিগকে কাহারও মুখাপেক্ষী হইতে হইবে না বা কোনও চিন্তা করিবার মত কিছুই নাই।

স্বদেশের স্বার্থরক্ষার্থ অসম্ভবভাবে পৃথিবীর যাবতীয় তৈলক্ষেত্র-গুলির উপর প্রভাব বিস্তার করিতেছে বলিয়া ইংরাজের একটা দুর্নীম আছে। লর্ড কর্জন সে দুর্নীম অপনোদন করিবার নিমিত্ত বলিয়া-ছিলেন:—“এক যুক্তরাজ্য ছাড়া পৃথিবীর অন্যান্য দেশের তুলনায় গ্রেট ব্রিটেনের অধিক তৈলের প্রয়োজন। রণপোতগুলির শতকরা ২০টি তৈল ব্যবহার করে, অনেকগুলি বাণিজ্যপোতও তাহা করে। অণু বায়ের তুলনায় ব্রিটেনের পনিজ উৎপন্ন তৈলের পরিমাণ নগণ্য। এই প্রয়োজনের তাড়নাতাই ইংরাজকে পৃথিবীর নানা স্থানে তৈল খুঁজিয়া বেড়াইতে হইতেছে। কায়েই প্রায়শ্চিত্ত করিবার মত অপরাধ ইহাতে কিছুই নাই।”

দেশা যাইতেছে, প্রায় সকল জাতিরই কম-বেশী তৈল-সম্পদ আছে। সাধারণ প্রয়োজন হয় ত তাহাতেই চলিয়া বাইতে পারে। কিন্তু আন্তর্জাতিক প্রতিযোগিতায় শ্রেষ্ঠ হইতে হইলে বা অপনকে তৈল-সম্পদের প্রভাবে মূঠার ভিতর রাখিতে হইলে প্রায়োজনিক পরিমাণে সম্বল থাকিলে চলিবে না। তৈলক্ষেত্রগুলিতে একটা মোটা রকম বণরা থাকা চাই।

এই অবস্থায় পৃথিবীর বিভিন্ন দেশগুলির তৈল-সম্পদের ও তাহাদের তুলনামূলক তালিকার কথা জানিতে পাঠকগণের কৌতুহল হইতে পারে। সেই কৌতুহল কতক পরিমাণে চরিতার্থ করিবার নিমিত্ত নিম্নে তালিকাগুলি লিপিবদ্ধ করা গেল,—

বিভিন্ন দেশ হইতে গ্রেটব্রিটেনে আমদানী কেরোসিন তৈলের পরিমাণ-তালিকা

দেশের নাম	১৯০১ খৃষ্টাব্দ	১৯০২ খৃষ্টাব্দ	১৯০৩ খৃষ্টাব্দ	১৯০৪ খৃষ্টাব্দ
আমেরিকা	২,৬১৯,২৮৩	২,৫১৫,০৫১	২,০৮৩,৬২৭	২,০২৭,৩৯৮
রুসিয়া	১,৫০০,৩১৬	১,৭৩২,৪৯৩	২,২০২,১২০	২,০২৯,৯১৯
রুমেনিয়া	৫১,৪২২	৬৫,০০০	৩১,০০০	১২৮,০০০
সুইট	৩,৮৭১,০২১	৪,৩১০,৮৪৪	৪,৩১৬,৭৪৭	৪,১৮৫,৩১০

বিভিন্ন দেশে উৎপন্ন কাঁচা তৈলের (crude petroleum) পরিমাণ-তালিকা

বছর	কানাডা—(১) পুড (Pods)—	ইতালী (প্যালিনিয়া) (২) মেট্রিকটন	আমেরিকা—মেট্রিকটন
১৯০১		৪,৫২২,০০	৪৪,০২৫
১৯১০	৫২৩,৪১০,১২১	১০,৮৭২,৮৬	১২০,৭৫৮
১৯১৪	৫৫৮,২৮০,২৪৪	৭,০০০,৭০	১১০,১৮৪
১৯১৬	৬০৬,৪৩৩,২৪৬	৮,২৮৬,৭০	২২,৮২২
১৯১৮	৭৩৩,০০০,০০০	৭,৭৭৬,৪০	৮২,২২০

(১) এক পুড = ৩৬ পাউণ্ড বা ১৮ সের।
 (২) এক মেট্রিকটন = প্রায় ২৭ সের।
 * আনুমানিক।

বছর	কানাডা	ইতালী	হাঙ্গেরী	গ্রেট ব্রিটেন	টি. নিডাড	রুমেনিয়া
১৯০১	৭৫৬,৬৭২	২২৪৬ টন	৩২২৬ টন	৮ টন	৫০৩,৬১৬	২৩৩,১০০
১৯১০	২২৮,০৮০	৬৫৬৪ "	৬৪৩,৫৩৩	১,৮৮৫,২২৫
১৯১৪	২১৪,৮০৫	৫৫৪২ "	৬৪৩,৫৩৩	১,৭৮৩,২৪৭
১৯১৬	১২৮,১২৩	৭,০৩৫ "	২২৮,৫৪২	১,২৪৪,০২৩
১৯১৮	৩০৪,৭৪১	৭,০০০ "	২,০৮২,০৬৮	১,২১৪,২১২

* আনুমানিক এক ব্যারেল = ৪২ আমেরিকান গ্যালন
 (২) আমেরিকান গ্যালন হিসাবে। = ৩৫ ইম্পিরিয়াল গ্যালন
 (১) ইম্পিরিয়াল গ্যালন হিসাবে।

গ্রেটব্রিটেনে ১৯১০ খৃষ্টাব্দে—২১৬ টন ও ১৯২০ খৃষ্টাব্দে ৩৭৫ টন তৈল উৎপন্ন হয়। রাজকীয় নিউনিশন বিভাগে ১৯১৮ খৃষ্টাব্দে ৫৪৬৭ টন ও ১৯১৯ খৃষ্টাব্দে ২২১১ টন তৈল ক্যানেল করলা (cancel করলা) হইতে প্রস্তুত করা হয়।

আমেরিকান সংস্করণ

বছর	মেট্রিক উৎপন্ন কাঁচা তৈল (Crude Petroleum) — গ্যালন	মেট্রিক রপ্তানী কাঁচা তৈল গ্যালন	রপ্তানী করা তৈলের মূল্য ডলার
১৮৮১	১,১৬১,৭৭১,২২৬	৫১৪,৫৬১,৭১২	৪৮,৫৫৬,১০৩
১৮৯১	২,২৮০,২২১,৫১০	৬৭৩,২০৫,৫৭৭	৪৬,১৭৪,৮৩৫
১৯০১	২,২১৪,৩৪৬,১৪৮	১,০৭২,০৭৪,৫১২	৭২,৭৮৪,২১২
১৯১০	১০,৪৩৪,৭৪১,৬৬০	২,১৩৬,৪৬৫,৭২১	১৪২,৩১৬,৪০২
১৯১৪	১১,১৬২,০২৬,৪৭০	২,২৪০,০৩৩,৬৫২	১৩২,২০০,৫৮৭
১৯১৬	১২,৬৩২,২২০,৬৩৬	২,৬০৭,৪৮২,৩৬৬	২০১,৭২১,২২১
১৯১৮	১৪,২৪৮,২৬৪,০৭২	২,৭১৪,৬১২,৭৪৬	৩৪৪,২৬৫,৫০০

এক গ্যালন প্রায় সাড়ে তিন সেরের সমান। এক ডলারের মূল্য প্রায় ৩৮/০

বছর	পারিস	আর্জেন্টাইন	মিশর	ভেনিজুয়েলা
১৯০১
১৯১০	২১,৮২৬,৭১৪, গ্যালন	১২,০৫০ টন	১২৬১৮ টন
১৯১৪	৭৪,১৫৫,১৪১	৪০,৫৩০ "	১০৩,৬০৫ "
১৯১৬	১২১,৭৮৫,৮০৮	১১৬,০০০ "	৫৪,৮০০ "
১৯১৮	১৪৩,১২৬,০৫০	১২২,৬১২ "	২৭৭,৩০০ "	৫০,৭১০ টন

* ইম্পিরিয়াল।

বছর	ইম্পিরিয়াল	আমেরিকান	গেজ
১৯০১	১,৫৪৪ টন	৩২,০২৫,১০০ গ্যালন (১)
১৯১০	৩,৮২৫,৬৭৭	৬৭,২৩৫,২০৫	২,১৩৩,২৬১ ব্যারেল(২)
১৯১৪	৩,৯১২,৭৩২	২৫,১১৪,৬৮২	১,৯১৭,৮০২
১৯১৬	৫,০৫২,৫৮২	১০৪,০২৬,৩৮১	২,৫৫০,৬৪৫
১৯১৮	৬,০৬২,২৮২	৮৫,২৬৬,৪৬২	২,৫৩৬,১০২

(১) ইম্পিরিয়াল।

(২) আমেরিকান।

ইষ্টার্ন আর্জেন্টিনা

বছর	হুয়াডো	ভাভা	বোপিও	মেট্রিক তৈলের পরিমাণ
১৯০১	৩০৫৭,৬৬৫ টন	৮৮,৫২৭ টন	৮৫,৫৫৪ টন	৫৩১,৮১৬ টন
১৯১০	৫২২,২৪৭	২০৭,১৩৫	৭২৭,০৫২	১,৫৩৪,২২৩
১৯১৪	৪৭৫,৪২৩	২২৬,৫২০	৯৩১,২০৩	১,৬৩৪,৪০৩
১৯১৬	৫২৬,০৮০	২৪৩,৪৪২	১,০৪৭,৪৬২	১,৮২০,২৪৭
১৯১৮	৫১২,২৮২	২৪১,২১২	১,০৭২,১৪০	১,৮৪৬,২১৪

* আনুমানিক।

বছর	আসাম		ব্রহ্মদেশ		পঞ্জাব		মোট	
	পরিমাণ	মূল্য	পরিমাণ	মূল্য	পরিমাণ	মূল্য	পরিমাণ	মূল্য
১৯১০	৪,৬৮৭,৬২৮	১৫,৪৩৬	২৭২,৮৬৫	১,০১২,১০৭	১৩	২৭৭,৫৫৫,২২৫	১২০০	২৭৭,৫৫৫,২২৫
১৯১১	৪,৬৮৭,৬২৮	১৫,৪৩৬	২৫৪,৬৫২	২৪৩,৮৮৬	১৩	২৫২,৩৪৩,৭১০	১২০০	২৫২,৩৪৩,৭১০
১৯১২	৫,২৩৬,৮০৫	১৭,২৭৪	২২১,৭৬২	১০০,০০০	১২৩	৫৭৬,৫৭৫,৮৫২	১২০০	৫৭৬,৫৭৫,৮৫২
১৯১৪	১০,২২২,৬৩৮	৪৫,৭৬৭	২৭৪,৮৩৪	১,০৮১,১২৮	৫০০	২৮৬,৩৪৩,৭১০	১২০০	২৮৬,৩৪৩,৭১০
১৯১৫	১৩,৩৪৫,১১২	৫৭,৯৩২	২৭২,৭০৭	১,১০০,০০০	৬৪৭	২৮৬,৩৪৩,৭১০	১২০০	২৮৬,৩৪৩,৭১০
১৯১৬	১৩,৩৪৫,১১২	৫৭,৯৩২	২২৬,০২২	১,০৮১,১২৮	৬০৬	৩০৫,৬৩৬,২২৭	১২০০	৩০৫,৬৩৬,২২৭

পরিমাণ—গ্যালন হিসাবে।

মূল্য—পাউণ্ড হিসাবে। (এক পাউণ্ড—১৫)

এই তালিকা যুক্ত-কোথা যাইতেছে, ১৯২০ খৃষ্টাব্দে ভারতবর্ষে প্রায় ৮ কোটি টাকার ও ১৯২১ খৃষ্টাব্দে প্রায় সাড়ে আট কোটি টাকার পেট্রোলিয়াম তৈল উৎপন্ন হইয়াছে এবং ইহার প্রায় পোনের আনাই হইয়াছে প্রায় ৮ কোটি টাকার।

সমগ্র পৃথিবীতে উৎপন্ন কাঁচা পেট্রোলিয়াম তৈলের পরিমাণ-তালিকা

দেশের নাম	১৯০৭ খৃষ্টাব্দ গালন	মোট পরিমাণের উপর শতকরা অংশ
১। যুক্তরাজ্য	৩,১০৫,৯৭২,১৪২	৪৮.১৪৭২
২। রুসিয়া	২,৭৮২,৩৩৭,৭০৭	৪৩.১২৮৮
৩। ইষ্টার্ন আর্কিপেলগো	২০৫,০৪২,৫৭২	৩.১৭৮৪
৪। গ্যালিসিয়া	১৫০,২২৫,০৩৩	২.৩৩২৮
৫। রুমেনিয়া	৭৪,৩০৮,৬৪৫	১.১৫১৮
৬। ভারতবর্ষ	৫৬,৬০৭,৬৮৮	০.৮৭৭৫
৭। জাপান	৪২,০৮২,০০০	০.৬৫২৩
৮। কানাডা	১৮,১২৪,৫৭৫	০.২৮২০
৯। আর্জেন্টীনা	১৩,৩৭৫,১২৫	০.২১১৮
১০। পেরু	২,০৭৪,০০৩	০.৩২১
১১। হাঙ্গেরী	১,০৬৪,৮৩১	০.১৬৫
১২। ইতালী	৭২৫,৫২৫	০.১১২
১৩। গ্রেটব্রিটেন	৬,২২২	০.০০০

মোট = ৬,৪৫০,৯৮৬,১৩৭ ২২.৯২২৪
 ১৯০৩ খৃষ্টাব্দে মোট উৎপন্ন হয়—৬,৮১৫,৬১৬,১৪৬ গালন।
 ১৯০৪ " " " " —৭,৬৪২,১৭৬,৬০০ "

উভয় খৃষ্টাব্দেই তালিকায় গ্রেটব্রিটেনের কোন স্থান ছিল না। এই দুই খৃষ্টাব্দে যুক্তরাজ্যের বৎসরক্ৰমে ৫১.৫৭৫১ ও ৫৩.৫৪২১ ভাগ তৈল ছিল। রুসিয়ার ছিল ৩৮.৩৩২৬ ও ৩৫.৫১২৫ ভাগ।

দেশের নাম	১৯১৮ খৃষ্টাব্দ গালন	শতকরা ভাগ
১। যুক্তরাজ্য	১৩,৪৫২,৪৮৭,০৭৩	৬৭.৬৮১
২। মেক্সিকো	২,৭৮১,৫৬৪,২৫৭	১৩.৫৫৭
৩। রুসিয়া	* ১,৪১৫,৪০০,০০০	৭.৮৮০
৪। ইষ্টার্ন আর্কিপেলগো	৪৭০,৮২৫,৫৩০	২.৬২০
৫। রুমেনিয়া	৩১৪,২২৮,৩৩২	১.৭৩২
৬। পারশ্ব	* ২২০,০০০,০০০	১.৫৮৬
৭। ভারতবর্ষ	২৮৬,৫৮৫,০১১	১.৫৩২
৮। গ্যালিসিয়া	১২২,৩৪২,১৩৬	১.১০২
৯। পেরু	৮৮,২২৮,৩৪৭	০.৪৮২
১০। জাপান ও ফরমোসা	৮৫,৫৮৮,০৭২	০.৪৬৫
১১। টিনিডাড	৭২,৮৪৩,২৩১	০.৩৯৬
১২। মিশর	৬৮,৬২০,৬৮৬	০.৩৯৫
১৩। আর্জেন্টিনা	৪৪,৬২৮,৬০০	০.২৭৫
১৪। আর্জেন্টীনা	২২,১০০,৭১২	০.১২৭
১৫। ভেনিজুয়েলা	১২,৮৫০,১৬০	০.০৭২
১৬। কানাডা	১০,৬৬৫,৯৩৫	০.৬২
১৭। ইতালী	১,৩৭৭,৮৮৫	০.০০৭
১৮। হাঙ্গেরী	৫১২,৭০৩	০.০০৩
১৯। অন্যান্য দেশ	২,৫৬৩,৫১৪	০.১৪

মোট = ১৮,২২১,৮২৯,১২৪ ১০০.০০
 ১৯১৬ খৃষ্টাব্দে মোট উৎপন্ন—১৬,৪৪২,৪১৬,৭৫০, গালন।
 ১৯২০ " " " " —৩৮৮,৭৪৭,২৫১ ব্যারেল।

* আনুমানিক।

এই তালিকাগুলি বিচার করিলে দেখা যায়— ১৯১৮ খৃষ্টাব্দে পৃথিবীর মোট উৎপন্ন তৈলের পরিমাণ ১৯০২ খৃষ্টাব্দের পরিমাণের আর তিন গুণ। ১৯০২ খৃষ্টাব্দের তুলনায় ১৯১৮ খৃষ্টাব্দে যুক্তরাজ্যে উৎপন্ন তৈলের পরিমাণ আর চারি গুণ বাড়িয়া গিয়াছে। অথচ ফ্রান্স, গ্রেট ব্রিটেন প্রভৃতি পৃথিবীর শ্রেষ্ঠ আভিভূমির স্থান উক্ত তালিকাগুলিতে নাই। রুসিয়ার ১৯০২ খৃষ্টাব্দে ৪৩.১২৮৮ ভাগ, ১৯১৬ খৃষ্টাব্দে ১৫.৭ ভাগ, ১৯১৭ খৃষ্টাব্দে ১৩.৮৪৮ ভাগ ও ১৯২০ খৃষ্টাব্দে ৪.৩৬ ভাগ তৈল উৎপন্ন হইয়াছে। হুতরাং দিন দিন রুসিয়ার তৈল-সম্পদ কমিয়া বাইতেছে। মেক্সিকোতে ১৯১৬ খৃষ্টাব্দে ১৩.৫৭৫ ভাগ, ১৯১৭ খৃষ্টাব্দে ১১.২৮২ ভাগ ও ১৯২০ খৃষ্টাব্দে ২৩.২ ভাগ তৈল উৎপন্ন হইয়াছে। দেশটি অতি দ্রুত উন্নতি লাভ করিয়াছে। ভারতবর্ষে ১৯০২ খৃষ্টাব্দে ০.৮৭৭৫ ভাগ, ১৯১৮ খৃষ্টাব্দে ১.৫৩২ ভাগ তৈল উৎপন্ন হইয়াছে। পারস্যের উন্নতিলাভ অতি দ্রুত হইয়াছে। ১৯০২-৩-৪ খৃষ্টাব্দের তালিকায় উহার কোন স্থান ছিল না; ১৯১৬ খৃষ্টাব্দে ১.৫৮৬ ভাগ ও ১৯১৮ খৃষ্টাব্দে ১.৫৮৬ ভাগ তৈল এ দেশে উৎপন্ন হইয়াছে। অন্যান্য দেশেও কম-বেশী পরিবর্তন সাধিত হইয়াছে।

বিদেশ হইতে ভারতে আমদানী তৈলের পরিমাণ।

১৯১১-১৪ খৃষ্টাব্দে—৩৮,৮৫০,০০০ গালন।
 ১৯১২-২০ " " —২৪,১৩৫,০০০ " "
 ১৯২০-২১ " " —৫৭,১২২,০০০ "

পৃথিবীতে ভূগর্ভস্থিত মাছের ব্যবহৃত

"গ্যাসে"র মূল্য-তালিকা।

খৃষ্টাব্দ	যুক্তরাজ্য	কানাডা
১৮০৬	৪৬,৮৭৩,২৩২ ডলার মূল্যের	৫৮৩,৫২৩ ডলার মূল্যের
১৮০৮	৫৪,৬৪০,৩৭৪ " "	১,০১২,৬৬০ " "
১৯১৬	১২০,২৩৭,৬৬৮ " "	৩,২২৪,৬৩২ " "
১৯১৮	১৫৩,৫৫৩,৫৬০ " "	৪,৩৫০,২৫০ " "

এতদ্ব্যতীত ইতালী, হাঙ্গেরী, গ্রেটব্রিটেন, ইষ্টার্ন আর্কিপেলগো প্রভৃতি দেশেও গ্যাস প্রচুর পরিমাণে উদ্ভিত ও ব্যবহৃত হইয়া থাকে। যুক্তরাজ্যে ১৯১৬ খৃষ্টাব্দে ১৪,৩৩১,১৪৮ ডলার মূল্যের, ১৯১৭ খৃষ্টাব্দে ৪০,১৮৮,২৫৬ ডলার ও ১৯১৮ খৃষ্টাব্দে ৫০,৩৬৩,৫৩৫ ডলার মূল্যের "গ্যাসোলিন" ব্যবহৃত হইয়াছে।

উৎপন্ন ওজোকেরাইটের (Ozokerite) মূল্য-তালিকা

খৃষ্টাব্দ	অস্ট্রিয়া	রুসিয়া
১৯০৩	১৮১,১০৭ পাউণ্ড মূল্যের	১৯০২ খৃষ্টাব্দে ৭৩৩৬ পাউ মূল্যের
১৯০৪	১২৬,২৪২ " "	১৯০৩ " —২১৪১ " "
১৯০৫	১৭২,০০৫ " "	১৯০৬ " —৪৭৪৬ " "
১৯১১	১৪৮,৮৪৬ " "	...
১৯১৩	২২,৩১১ " "	...

পৃথিবীতে উৎপন্ন এসফালটের (Asphalt) মূল্য-তালিকা
(পাউণ্ড মূল্যে)

বছর	আসাম	বার্বাডোস	কিউবা	ফ্রান্স	জার্মানি	হাঙ্গেরী	ইতালী	জাপান
১৯০১	১৬১১	৯৩৯৪			৩৩৭৫০	১২৫৭৩	৫২৩৫২	
১৯০৩	২২৪৮		৭১১১		৪০৬০০		৪৯৩৩৩	
১৯১০	১৭৯২	১৩০৬	২৮১২	৩৭৫০০ টন	৩১৩৫০	২০৭৪৭		৫২৬০
১৯১২	৬০৪৩	১৭৪১	১৭৯৮০	৩১৫৩৫ টন	৪১২৫০	২৮১১৭	১২০৪৯৪	৬৬৮২

বছর	মুক্তরাজ্য	রুসিয়া	স্পেন	ট্রিনিডাড	ভেনিজুয়েলা
১৯০১	১১৪,৫০২	২৬,৬২২ টন	৩৯৫৫ টন	১৫৯,৮০২
১৯০৩	২০৭,৩০৮	২৫,৫৭৭ "	৬২৭৭ "	২০২,১৬২
১৯১৬	১,৪৬১,৩৫৪	২৩৯২৪ "	৭৩১৬ "	* ১৩১,০৯৯ টন	৪৪৬১২ টন *
১৯১৮	১,৬৯০,৫৩৮	৮৩৯৫ "	* ৭৩,০৭০ "	৪২৯২৩ টন *

* রপ্তানী।

পৃথিবীতে উৎপন্ন শেলের (shale) মূল্য-তালিকা

বছর	গ্রেটব্রিটেন	নিউ সাউথ ওয়েলস	নিউজিল্যান্ড	ফ্রান্স
১৮৭৩	২৬২,০৪৭ পাউণ্ড মূল্যে	৫০৪৭৫ পাউণ্ড মূল্যে
১৯০১	৫৮৯,১৬২ " "	৪১৪৮৯ " "	৬০২৪ পাউণ্ড মূল্যে	৭৪৫৯৮ পাউণ্ড মূল্যে
১৯১৬	১,০৩২,২৯৪ " "	১৭৭৯৬ " "	১৯১০ " "	৫৬৯৮৩ " "
১৯১৮	১,৫২৮,৫৮৪ " "	৩৯৭২৯ " "	১৯১২ " "	১৮৬৫৭ " "

পরিষ্টিষ্ট—(ক)

ভারতবর্ষ—ভারতবর্ষে দুইটি বিশেষ অংশে পেট্রোলিয়াম তৈল পাওয়া যায়। পূর্বেদিকে আসাম, ব্রহ্মদেশ ও আরাকান অঞ্চলে যে সকল সরস তৈলখনি রহিয়াছে, তাহাদের শাপা-প্রশাধা সুমাত্রা, জাভা, বোর্নিও প্রভৃতি দ্বীপপুঞ্জের তৈলক্ষেত্র পর্যাস্ত বিস্তৃত। পশ্চিমে পঞ্জাব, বেঙ্গলিষ্টান প্রভৃতি অঞ্চলের তৈলস্তর আরও পশ্চিমে পারস্যের উৎকৃষ্ট তৈলক্ষেত্রগুলি পর্যাস্ত প্রসারিত। এই দুইয়ের মধ্যে পূর্বাঞ্চলই সমধিক উর্বর। ব্রহ্মদেশে যে সকল উৎকৃষ্ট তৈলক্ষেত্র রহিয়াছে, তন্মধ্যে Yennangyaungই বয়সে সর্বাপেক্ষা পুরাতন ও তৈলদানে সর্বশ্রেষ্ঠ।

ব্রহ্মদেশ—বোরহারহাভেস (Boerhaave;) বলেন, প্রায় ২ শত বৎসর পূর্বে (১৭২৪ খৃষ্টাব্দে) পেট্রোলিয়াম তৈল অতি মহার্ঘ্য বস্তু ছিল। এ দেশে রাজা-মহারাজারাই শুধু তাহা ব্যবহার করিতেন এবং সামান্ত পরিমাণে যুরোপেও ইহা রপ্তানী হইত। অষ্টাদশ শতাব্দীর শেষভাগে এখান হইতে প্রচুর পরিমাণে তৈল উৎপন্ন হইয়া নানা দেশে প্রেরিত হইত। তিনি আরও বলেন, ১৭২৭ খৃষ্টাব্দে এক Rainnaghong জিলাতেই ৫ শত ২০টি কূপ ছিল ও তাহা হইতে বৎসরে ৪০০,০০০ হগসহেড (এক হগসহেড ৫২৪ গ্যালন) তৈল উৎপন্ন হইত। বহু পূর্বে এ দেশে হাতে কূপ খনন করিয়াও তৈল উত্তোলিত হইত। ১৮৮৬ খৃষ্টাব্দে উত্তর-ব্রহ্ম ও বৃটিশ ভারতের অন্তর্ভুক্ত হয়। ১৮৮৭ খৃষ্টাব্দে আধুনিক মতে কূপ খনন আরম্ভ হয়। **নর্মা অয়েল কোম্পানী** ১৮৯১ খৃষ্টাব্দে Yenangyat হানে ও ১৯০১ খৃষ্টাব্দে Singn নামক স্থানে কূপ খনন আরম্ভ করেন। এ দেশের কূপগুলি সাধারণতঃ ২ শত ৫০ ফুট গভীর। তৈল

উত্তোলন উত্তরোত্তর উন্নতিলাভ করিতেছে। ১৮৯০ খৃষ্টাব্দে—৪,০০০,০০০ গ্যালন, ১৮৯৫ খৃষ্টাব্দে—১৩,০০০,০০০ গ্যালন, ১৯০১ খৃষ্টাব্দে ৫০,০০০,০০০ গ্যালন ও ১৯০৩ খৃষ্টাব্দে ৮৫,০০০,০০০ গ্যালন তৈল এ দেশ হইতে উৎপন্ন হইয়াছে। ১৯০৩ খৃষ্টাব্দে এক Singn হইতেই উৎপন্ন হইয়াছে, পঞ্চাশ লক্ষ গ্যালন তৈল, ১৯০৭-৮ খৃষ্টাব্দে হইয়াছে ৪ কোটি ৩০ লক্ষ ও ১৯১২ খৃষ্টাব্দে ৫ কোটি ৬৫ লক্ষ গ্যালন তৈল। ভারতবর্ষের তৈলক্ষেত্রগুলির মধ্যে Yennangyaung সর্বশ্রেষ্ঠ এবং Singn দ্বিতীয়।

আরাকান—আরাকান অঞ্চলের কয়েকটি দ্বীপেও তৈলখনি আছে, কিন্তু তাহাদের মূল্য সম্বন্ধে অধিক সংবাদ জানা নাই। ১৯১১ খৃষ্টাব্দে পূর্বে Barongo দ্বীপ হইতে ২০,০০০ গ্যালন ও Ramric দ্বীপ হইতে ৬৭,০০০ গ্যালন তৈল পাওয়া গিয়াছিল। Minbu নামক স্থানে ১৯১০ খৃষ্টাব্দে প্রথম কূপ খনন করার পর সে বৎসর পাওয়া যায় ১৮৩২০ গ্যালন তৈল। ১৯১২ খৃষ্টাব্দে এখান হইতেই পাওয়া গিয়াছে প্রায় ৪০ লক্ষ গ্যালন।

আসাম—১৮২৫ খৃষ্টাব্দে লেফটেনেন্ট উইলকক্স (Lieutenant Wilcox) নামক এক ব্যক্তি ডিহিং নদীর ভিতর দিয়া অভিবানকালে সুপকং নামক স্থানে মাটির ভিতর হইতে তৈল উদ্ভিত হইতে দেখিতে পান। ১৮২৮ খৃষ্টাব্দে ক্রাস ও ১৮৩৭ খৃষ্টাব্দে হোয়াইট নামক দুই ব্যক্তি নামকরণ নদীর নিকটে তৈলের বরণা দেখিতে পান। ১৮৬৫ খৃষ্টাব্দে মেডলিকট নামক এক ব্যক্তি উত্তর-আসামের তৈল-বরণাগুলির একটা হিসাব প্রস্তুত করেন। ১৮৬৭ খৃষ্টাব্দে মাকুম (Makum) নামক স্থানে কূপ খনন করা হয়। কিন্তু ১৯০২ খৃষ্টাব্দ পর্যাস্ত উহার অবস্থা বিশেষ ভাল ছিল না। Assam Railway & Trading কোম্পানীই এ ক্ষেত্রটির উন্নতিসাধন করিয়াছেন। বৎসরে ২৫ হইতে ৪০ লক্ষ গ্যালন তৈল এখান হইতে উৎপন্ন হয়। Assam Oil Syndicate নামক কোম্পানী ডিগবয় নামক তৈলক্ষেত্রের উন্নতিসাধন করিয়াছেন। অধুনা আসামের তৈলক্ষেত্রগুলির ক্ষতি উন্নতি খাটিয়াছে। ১৮৯৪ খৃষ্টাব্দে ১৬৭০০০ গ্যালন, ১৮৯৮ খৃষ্টাব্দে ৫৯৮,০০০ গ্যালন, ১৯০০ খৃষ্টাব্দে ৭৫৩০০০ ও ১৯০৩ খৃষ্টাব্দে ২৫০০,০০০ গ্যালন তৈল এখান হইতে উৎপন্ন হইয়াছে। আজকাল বদরপুর হইতেও প্রচুর তৈল উৎপন্ন হয়।

পঞ্জাব—কাশ্মীর ও কাবুলের মধ্যবর্তী স্থানেই ক্ষেত্রগুলি অবস্থিত। দৈর্ঘ্যে উহার ১ শত মাইল ও প্রস্থে প্রায় ৯০ মাইল। ১৮৮৭ খৃষ্টাব্দে এ প্রদেশে প্রথম কূপ-খনন আরম্ভ হয়। ১৮৯১ খৃষ্টাব্দে ১৮১২ গ্যালন ও ১৯০২ খৃষ্টাব্দে ১৯৪৯ গ্যালন তৈল এখানে উৎপন্ন হইয়াছে। সোলেমান পর্বতের মোগলকোট নামক স্থানে কতকগুলি অতি সরস তৈল-বরণা আছে। সিকুতীরে হোরী নামক স্থানে তৈলক্ষেত্র আছে। ১৮৯৪ খৃষ্টাব্দে এখানে প্রথম কূপ-খনন হয়।

বেঙ্গলিষ্টান—খাতান নামক স্থানে ১৮৮৫—৫ খৃষ্টাব্দে টাউন্সেন নামক এক ব্যক্তি এখানে কূপ-খনন আরম্ভ করেন। ১৮৮৯ খৃষ্টাব্দে ২১৮,৪৯০ গ্যালন তৈল উৎপন্ন হয়। কিন্তু মাটির স্তরের অবস্থা-বৈশিষ্ট্যে এখানকার তৈলক্ষেত্রের উন্নতিসাধন-চেষ্টা বিকল হইয়াছে।

পল্লিশিষ্ট (খ)

গত মহাযুদ্ধে পেট্রোলিয়ামের স্থান

১৯১৪ খৃষ্টাব্দে গত মহাযুদ্ধের প্রারম্ভেই অভিজ্ঞ ও দূরদর্শী রাজনীতিকগণ বুঝিয়াছিলেন যে, বিজয়-লক্ষীর কুপালাভ করিতে হইলে মিত্রপক্ষকে প্রভূত পরিমাণে পেট্রোলিয়াম ও তজ্জাতীয় দ্রব্য-সম্ভারের আয়োজন করিতে হইবে। জার্মানীও ইহা ভাল করিয়াই উপলক্ষি করিয়াছিল। যুদ্ধের পূর্বে ইহাদিগকে তৈলের জন্ত প্রধানতঃ মার্কিন যুক্তরাজ্য ও রুমেনিয়ার উপর নির্ভর করিতে হইত। কিন্তু যুদ্ধারম্ভের পর উক্ত দেশসমূহ হইতে তৈল আমদানী বন্ধ হওয়ার পর এক অভিনব উপায়ে উহারা তৈল সংগ্রহ করিতে লাগিল। নরওয়ে, ডেনমার্ক প্রভৃতি নিরপেক্ষ দেশগুলিও জার্মানীর স্থায় তৈলের জন্ত যুক্তরাজ্য প্রভৃতি দেশের উপর নির্ভর করিত। তাহারা এইরূপে উক্ত দেশ হইতে প্রচুর পরিমাণে তৈল আমদানী করিয়া গোপনে তাহা জার্মানীর নিকট বিক্রয় করিতে লাগিল। এইরূপে কিছুদিন চলিল। আমেরিকাও এই যড়যন্ত্রের বিষয় না জানিয়া নিঃসন্দেহে তৈল রপ্তানী করিতে লাগিল। কিন্তু বৎসরের হিসাব-নিকাশের পর যখন নিরপেক্ষ দেশগুলিতে প্রেরিত তৈলের পরিমাণ-তালিকা প্রকাশিত হইল, তখন তাহার অসম্ভব ও অহেতুক বিশালতা-বৃদ্ধি চিন্তাশীল ব্যক্তিদিগের দৃষ্টি আকর্ষণ করিল। তাহারা বুঝিলেন, এ ব্যাপারের কোথাও একটা বিরাট গলদ আছে। ইংলণ্ডের "পেট্রোলিয়াম টাইমস" নামক পত্রের সম্পাদক Mr. Albert Lidgett বিশেষভাবে এ বিষয়ে ব্রিটিশ গভর্ণমেন্টের দৃষ্টি আকর্ষণ করেন। Mr. Winston Churchill অনতিবিলম্বে এ বিষয়ে অবহিত হইলেন ও অল্পদিনের ভিতরেই কয়েকটি তৈলবাহী জাহাজ আটক করিয়া গোপনে তৈল-সরবরাহের পথ রুদ্ধ করেন। নতুবা যুদ্ধের ফলাফল কি হইত কে জানে!

১৯১৪ খৃষ্টাব্দে মহাযুদ্ধের পূর্বে ব্রিটিশ গভর্ণমেন্ট কিন্তু যুদ্ধ বা শান্তির দিনে তৈল-সম্পদের উপকারিতা তেমন উপলক্ষি করিতে পারেন নাই। যুদ্ধারম্ভের অব্যবহিত পূর্বে ইহারা Anglo-Persian Oil কোম্পানীতে ২০ লক্ষ পাউণ্ড নিয়োজিত করেন। জাতি হিসাবে ব্রিটিশরা বরাবরই বিদেশগত পেট্রোলিয়ামের উপরেই নির্ভর করিয়া আসিয়াছে। নানা দেশ হইতে উচ্চা ও প্রয়োজনমত তৈল আমদানী হইত। আর হইত বলিয়াই কোনও দিন যে আমদানী বন্ধ হইয়া বিপদ ঘটতে পারে, এ ভাবনা অনেকেরই মনে আটসে নাট। কিন্তু যুদ্ধারম্ভের সঙ্গে সঙ্গেই দার্দানেলীস (Dardanelles) প্রণালী বন্ধ হওয়ার পর তাহারা দেখিতে পাইলেন, পূর্বেই স্থায় রুসিয়া ও রুমেনিয়া হইতে তৈল আমদানী করা সম্ভবপর নহে। পরন্তু সুদূর প্রাচ্য দেশ হইতেও জাত সমুদ্র তের নদী পার হইয়া প্রয়োজন ও নিয়মমত তৈল-আমদানী করার আশা সুদূরপর্যন্ত। সৌভাগ্যের বিষয়, মার্কিন যুক্তরাষ্ট্র এ বিবাদের দিনে স্বেচ্ছায় তৈল সরবরাহ করিয়া বৃটেনকে যথাসাধ্য সাহায্য করিয়াছে। মেক্সিকোও তাহার অকুরস্ত তৈল-ভাণ্ডার হইতে অপরিমিত তৈল বৃটেনে প্রেরণ করিয়াছিল।

গত যুদ্ধে তৈলের স্থান ও প্রয়োজনীয়তা নির্দেশ উপলক্ষে Mr. Albert Lidgett বলেন,—

"To say that petroleum-products have played a highly important part in the conduct of the War, is but to underestimate facts. The importance of their part has been equal to the supply of guns and shells had there been at any time a dearth of any classification, of petroleum products than the vast

naval and army organisations, both on and across the water, would immediately lose its balance, and our great fighting units would automatically have become useless. Just think of it for a moment."

পল্লিশিষ্ট (গ)

পৃথিবীর কয়েকটি বিখ্যাত তৈল-কোম্পানীর পরিচয়-তালিকা

১। সর্বপ্রধান বলা যাইতে পারে মার্কিন যুক্তরাজ্যের New Jersey প্রদেশান্তর্গত Standard Oil কোম্পানীকে। প্রায় ৩৬ বৎসর পূর্বে Mr. John D. Rockefeller (ইনিই বিশ্ববিখ্যাত দানবীর রক ফেলার) তাহার Samuel Andrews নামক এক অংশীদার সহযোগে তিনি এই কোম্পানীর প্রতিষ্ঠা করেন। ইহার মূলধন ১০ কোটি ডলার। গত ১২ বৎসরে এই কোম্পানী অংশীদার-দিগকে শতকরা ৪ শত ডলার লভ্যাংশ (Dividend) ও নগদ শতকরা ৪০ ডলার দিয়াছে (১ ডলার ৩/০)।

২। নিউইয়র্কের Standard Oil কোম্পানী আর একটি বিরাট প্রতিষ্ঠান। ইহার মূলধন সাড়ে ৭ কোটি ডলার।

৩। ক্যালিফোর্নিয়ার Standard Oil কোম্পানীটিও খুব উন্নতিশালী। ইহার মূলধন ১০ কোটি ডলার। Point Richmond নামক স্থানে ইহার যে শোধনাগার (refinery) আছে, তাহা পৃথিবীতে সর্বাপেক্ষা বৃহৎ। প্রত্যহ এখানে ৬ হাজার ৫ শত ব্যারেল তৈল শোধিত করা হয়। প্রায় ১ হাজার মাইল দীর্ঘ লোহার নলপথে ইহার তৈল কেন্দ্রীয় শোধনাগারে আইসে।

৪। Shell Transport and Trading কোম্পানীর হেড অফিস লণ্ডনে। সুবিখ্যাত তৈল-বিদ্যাভিষারদ Sir Marcus Samuel ইহার সভাপতি। সুদূর প্রাচ্যদেশের সহিত তৈল-ব্যবসা করিবার নিমিত্ত প্রায় ২০ বৎসর পূর্বে এই কোম্পানীটি স্থাপিত হইয়া দিন দিন উন্নতির পথে অগসর হইতেছে। প্রায় ১০ বৎসর পূর্বে এই কোম্পানী Royal Dutch Petroleum কোম্পানীর সহিত একাত্মীভূত হইয়াছে। এই যুক্ত কোম্পানীর মূলধন দেড় কোটি পাউণ্ড। ইহারা প্রায় শতকরা ৩ শত পাউণ্ড ডিভিডেন্ট দিয়াছে।

এই কোম্পানী অধুনা রুসিয়া, রুমেনিয়া, ক্যালিফোর্নিয়া, মেক্সিকো, ভেনিজুয়েলা, টিনিদাদ্ প্রভৃতি দেশের বিরাট তৈল-ক্ষেত্রগুলিতে অধিকার বিস্তার করিয়া রহিয়াছে।

Anglo Saxon Petroleum কোম্পানী (মূলধন ৮০ লক্ষ পাউণ্ড) ও Asiatic Petroleum কোম্পানী (মূলধন ২০ লক্ষ পাউণ্ড) নামক এই কোম্পানীরই দুইটি শাখা সমুদ্রপথে তৈল আমদানী-রপ্তানীর কার্য করিয়া থাকে।

৫। মেক্সিকোর অকুরস্ত তৈল-ক্ষেত্রগুলিকে উপলক্ষ করিয়া অনেকগুলি কোম্পানী গড়িয়া উঠিয়াছে। লণ্ডনের সুবিখ্যাত পিয়ার্সন এণ্ড সন্স নামক কোম্পানীর কর্তা Lord Cowdray (পূর্বে Sir Weytman Pearson) এর চেয়ার Mexican Eagle Oil কোম্পানীটি গড়িয়া উঠিয়াছে, ইহার মূলধন ৬১ লক্ষ ২৫ হাজার পাউণ্ড।

৬। মেক্সিকো হইতে ইংলণ্ডের বাজারে তৈল আমদানী করিবার নিমিত্ত ২০ লক্ষ পাউণ্ড মূলধনে Anglo Mexican Petroleum কোম্পানীটি গঠিত হইয়াছে। Lord Cowdrayর পুত্র অনারবল্. পি, সি, পিয়ার্সন এই কোম্পানীর সভাপতি।

৭। পৃথিবীর আর একটি উন্নতিশীল কোম্পানী হইতেছে Burma

Oil Company; ইহার মূলধন ৩৫ লক্ষ পাউণ্ড। ইহার শতকরা ৪ শত পাউণ্ড হারে ডিভিডেন্ড দিরাছে।

৮। Anglo Persian Oil কোম্পানীর মূলধন ৫০ লক্ষ পাউণ্ড। অতি অল্পদিনের ভিতর ইহা অগতির দৃষ্টি আকর্ষণ করিয়াছে। এই মূলধনের ২০ লক্ষ পাউণ্ড দিরাছে—ব্রিটিশ গভর্নমেন্ট। ৫ লক্ষ বর্গ-মাইল ভূমি ব্যাপিয়া ইহার তৈলক্ষেত্র বিস্তৃত।

৯। Anglo American Oil কোম্পানীর মূলধন ৩৫ লক্ষ পাউণ্ড। ইহা আমেরিকা হইতে ইংলণ্ডে তৈল-সরবরাহ করিয়া থাকে।

১০। রুসিয়ার তৈলক্ষেত্রগুলির উন্নতিকল্পে Nobel Brothers প্রভূত পরিচয় করিয়া গিয়াছেন।

১১। Late Mr. John William Gate মার্কিন দেশের Texas Oil Company স্থাপন করিয়া গিয়াছেন।

১২। গ্যালিশিয়া দেশের Boryslaw-Tustand তৈলক্ষেত্র পৃথিবীর প্রথম শ্রেণীর অন্ততম ধনি। লণ্ডনের বিখ্যাত ব্যক্তি M. E. T. Boxall এর তত্ত্বাবধানে কয়েকটি কোম্পানী (মূলধন ২০ লক্ষ পাউণ্ড) এখন তৈল উত্তোলন ও রপ্তানী করিয়া থাকে। *

ঐস্বাগেঞ্জমোহন সাহা।

* এই প্রবন্ধের প্রথম ও দ্বিতীয় ভাগ যথাক্রমে ১৯১১ সালের 'মাসিক বহুমতী'র পৌষ ও মাঘ সংখ্যায় বাহির হইয়াছিল।

চৈতন্য ও স্মৃতি রায়

ভারতের অন্ধকূলে আজ এসেছেন ভিখারী দেবতা,
লোকমুখে ছেয়ে গেছে তাঁর অন্তহীন প্রেমের বারতা।
ডুবাইয়া বিশাল নগরী উঠিতেছে কীর্তনের রোল—
শিবক্ষেত্র বিধ্বক্ষেত্র আজ বিজে দেব আচণ্ডালে কোল।
রবিকর অন্তিমিতপ্রায় দিনমান হ'ল অবসান,
কলনাদে অনন্ত উদ্দেশে ভাগীরথী গেয়ে চলে গান।
দিবসের কীর্তনের শেষে মুক্‌মনে নদী-তটে বসি
দেখিছেন নদীরার শশী কোলাহলময়ী বারাগণী।
ধূলি-মাটি ভেদিয়া অন্ধের আঁকা পায় কাঞ্চন-বরণ,
বরবিচে অমৃতের ধারা, করুণায় উজ্জল নয়ন।
মুখপানে উন্মুখ চাহিয়া ভক্তবৃন্দ বসি চারিপাশে,
ধূপ-গন্ধ মেহুর আকাশে সজ্জাছারা ঘনাইয়া আসে।
হেনকালে বিজ এক আসি প্রণাম করিল তাঁর পায়
অতি বাস্তব গৌরাক্র উঠিয়া প্রতিমতি করিলেন তাঁর।
বিজ কহে, "অভাজন আমি সদা পুড়ি পাপের আশ্রয়,
আমারে প্রণাম করি দেব বাড়াইলে পাপ শতগুণে!"
হাসিয়া গৌরাক্র ক'ন, "তুমি আমি কেন ভাব দূর—
আমাদের ছুঁজনরি প্রাণে রয়েছেন প্রাণের ঠাকুর।"
জিহ্বা কাটি কহে বিপ্র, "হেন কথা বল না সরাসী,
অধম পতিত আমি অধমের মোর পাপরাশি।
আমি হে স্মৃতি রায় নদীরায় ছিলাম বিদিত,
ছিল বশঃ মান অর্ধ ব্রাহ্মণের কূলে প্রতিষ্ঠিত।
সবলে ধরিয়া মোরে যবনে খাওয়াল ছোঁয়া জন,
গেল কুল জাতি মান সমাজেও হইলু অচল।
গলিত-কূঠের মত সেই দিন সকলে তামিল,
আপনার অন্তরঙ্গ বারা শিহরিল, অশুচি মানিল।
ভারতের বত দেবালয় রুদ্ধ হ'ল আমার সম্মুখে,
মোর অঙ্গে বাহারা পালিত, কিরে গেল যুগান্তরা মুখে।
সমাজের অধ্যাপক বারা ভুবানল করিল বিধান,
প্রাণপাত নহিলে এ পাপে প্রায়শ্চিত্ত নহে সমাধান!
সেই হ'তে শৃগালের মত দেশে দেশে বেড়াই ঘুরিয়া,
স্পর্শ কেহ করে না'ক আসি—আমি যেন রয়েছি মরিয়া।
লোক-মুখে শুনিলাম পথে তুমি নাকি দয়াল ঠাকুর,
তাই তব চরণের তলে আসিয়াছি হাঁট বৃহ দূর।
তুমি মোরে কহ হে দেবতা! প্রায়শ্চিত্ত থাকে যদি আর,
প্রাণপাত নহিলে কি প্রভু এ পাপের নাহিক সিন্ধার?"

নীরবিল বাকুল ব্রাহ্মণ—ঝরু ঝরু ঝরিল নয়ন,
ভক্তবৃন্দ উঠিল শিহরি ইতিহাস করিয়া শ্রবণ।
কিছুক্ষণ থাকিয়া নীরব চৈতন্য কহেন ধীরে ধীরে—
অমৃতের উৎসধারা সম কথামূলি ধ্বনিল সমীরে—
"শুন হে স্মৃতি রায়! অকারণ খেদ কর দূর,
মানুষের প্রাণের দেবতা জেন নহে এমনি নিষ্ঠুর।
মানুষের রচিত-সমাজ লঘু পাপে গুরু দণ্ড করে,
মানুষের দেবতার বৃকে করুণায় স্খা-উৎস ঝরে।
লঘু পাপে নিষ্ঠুর সমাজ তোমারে করিয়া দেছে দূর,
দেবতার মানুষের সত বন্ধ নহে এমনি গুরু।
কিসে তব গুরু অপরাধ; কেন তুমি তাজিবে জীবন?
প্রাণনাশ তমোধর্ম সার তাহে শুধু মিথ্যা আচরণ।
যবনের জল করি পান চক্ষু তব অন্ধ কি হয়েছে?
যবনের জল করি পান ক্রটি তব শুদ্ধ কি হয়েছে?
উৎসবের রজনীর সমা রূপ-রস-গন্ধময়ী ধরা
আপনার সরবন্ধ লয়ে তোমা পানে এখনও তৎপর।
এ অসীম উদার আকাশ এ অনন্ত পুণা জলরাশি
ধরণীর এই ফুলবন বাতাসের এই মধু বাণী,
এখনও কি প্রাণে তব না জাগায় বিপুল আভাস,
অন্তরের নিত্য দেবতার এখনও কি করে না প্রকাশ?
তাই যদি হয় স্মৃতিমান! কিসে তুমি হইলে পতিত,
কি লক্ষণে জানিলে যে তুমি বিধদেব-করুণা-বঞ্চিত?"
সরাসীর করুণায় স্বল্প ক্রমে ক্রমে হইল গভীর,
নিঃশব্দে উঠিল জলিয়া রুদ্ধভেজ উদগ্র অধীর।
শান্ত সে ত মানুষের ভরে বাড়াইতে মানুষের মান,
সেই শান্ত দলিবে মানুষ অত্যাচার, এ নহে বিধান!
মুখ'বেই মানুষের হতে গ্রন্থরাশি বড় করি বলে—
মসীলিষ্ট তালপত্র তার কলে দাও এই গল্পাজলে।
হে স্মৃতি! খেদ কর দূর লুপ্ত তীর্থ বৃন্দাবনে যাও,
যমুনার নীলতটে বসি ব্রজলীলা নিত্য লীলা গাও।
শুক স্মৃতি-বিধানের চাপে মানুষ হয়েছে প্রাণহীন,
নৈয়ামিক তর্কমারা রচি' দেবতারে করিছে বিলীন,
মানুষ সে জীবন্ত স্বাধীন অত্যাচার কড় নাহি সবে,
এক দিন রুদ্ধ কারা ভাজি নিজ হাতে মুক্তি গড়ি লবে,
সেই দিন ভেসে যাবে বত মিথ্যা তর্ক মিথ্যা শাস্ত্রাশি
পবিত্র করিয়া জীবলোকে নিত্য প্রেম উষ্ণতা বিকাশি।"

ঐস্বাগেঞ্জমোহন সাহা



ভ্রমরের প্রতি ফুল

১

এখন আসিলে বধু,
কুরিয়ে গিয়াছে ছিল যা' আমার
অন্তর-স্তরা মধু।
নাহি সে মাধুরী, নাহি সে গন্ধ,
নাহি সে মুরতি নয়নানন্দ,
শিথিল নিবিড় জীবন-বন্ধ
শোভাহীন আজি বধু।
এখন আসিলে বধু!

ভূমি

২

কোথা ছিলে এত দিন?
প্রভাতে যে দিন উঠেছিল ফুটি
বেজেছিল মনোবীণ।
ছিঁড়িয়াছে আজি সে বীণার তার,
নাহি বাজে আর—গত স্বকার,
শত ধারে আজি বহে অঁধি-ধার,
জীবন-মরণ ক্ষীণ।

ভূমি

কোথা ছিলে এত দিন?

৩

এখন আসিলে স্বামী,
কত আশা বুকে করি' কাটাইনু।
শত শত দিন-স্বামী।
বঞ্চিত হিয়া অলিয়া অলিয়া
চলিয়াছে আজি শ্রীহরি বলিয়া,
জীবন দলিয়া সন্ধ্যা চলিয়া
চলিয়া আসিল নানি,
এখন আসিলে স্বামী!

ভূমি

৪

হুটিল জীবন-ডোর,
যনারে এসেছে তিমির-সন্ধ্যা
আতুর নরনে মোর।
বিকল বাসনা গুমরি' গুমরি'
উঠে মন ভরি' আজি হা-হা করি'
তমু হরষিত তব মুখ হেরি,
হে বধু, হে মনোচোর!
কম অপরাধ মোর।

আজি

শ্রীসোপেন্দ্রনাথ সরকার।

মরণে

কোন পথে প্রিয়া হারায়েছে আজি চকল দু'টি আঁধি।
সাগরের মায়া, নীলিমার ছায়া, কে দিয়েছে তাহে মাঁধি
অধরের পাশে আনিয়াছি মুখ,
দুর দুর তবু কাঁপে না বে বুক,
কপোল ঘিরিয়া লাজ-অক্ষণমা কুটিয়া উঠিবে নাকি?

দিঠির আড়ালে যে ছবির সাপে,

হয় নাই পরিচয়।

বুকের ছুরারে ক্ষণে ক্ষণে আঁজ

সে যে কত কথা কর।

অধরের কোণে যে হারির রেখা,
তুহিন-তুলিতে হয়ে আছে লেখা,
তারি মাঝে বত ছলনার কথা গেলে কেন বল রাখি।

পড়ে না যে মনে লগাটে এঁকেছ

কবে পরাজয়-টাকা।

দেখিয়াছি তবু হৃদয়ে ঝেলেছ

আরতির দীপ-শিখা।

সৃষ্টি পূলক,—মরণের আগে, বার্থ-প্রয়ানে মিছে কেন আগে,
নীত-সন্ধ্যার কাঁকে বসন্ত দিয়ে গেল আজ কাঁকি।

মোহাম্মদ কজলুর রহমান চৌধুরী।

ভরা যৌবনে

যৌবন ববে মুগ্ধরি ওঠে অপূর্ব রূপ-গৌরবে;
বাহিত হয় জীবন তখন মনোরঞ্জন সৌরভে!
ভুচ্ছ তখন বন্ধন শত, বিজ্ঞপ ভীতি গল্পনা;
ভুচ্ছ তখন দুঃখ-দহন, রোগ-দারিদ্র্য-স্বপনা;
গুধু সঙ্গীত সমুচ্ছ সিত বৃষ্টি দিবস-শর্করী;
গুধু মিলনের আলিঙ্গনের শ্বুতিটুকু রয় যর ভরি'!
নাহি ভগবান,—বৃথা সন্মান, বন্দনে, কহ লভ্য কি !
যৌবন-মদে অলস্রী-পদে ঢালো চন্দন পব্য বি!
চারু কেশপাশ, বসন-স্ববাস, চারু কর-পদ পঙ্কজ;
অপলুভতার কেন ভাবে হার মিথ্যা কুঠা সঙ্কোচ?
সকল দর্প হৃদয়েও ধর্ম সংসার-মায়া-বর্ষণে,
কেটে যায় মিন, লজ্জাবিহীন, পঞ্চরের তর্পণে।

শ্রীপ্রভাতকিরণ বসু

পতিতা

[গাথা]

গেছে ধর্ম, গেছে প্রেম, গেছে সব সুখ,
উপেক্ষিত পিতৃস্নেহ আজি অভিশাপ,
শেলসম বাজে বুকে মা'র স্নেহ-মুখ
কি ঔষধে যুচিবে এ অন্তর-সস্তাপ ?

শয্যামাঝে লীনাঙ্গিনী কাঁদিছে স্নানরী,
পুণাহারা প্রাণ দক্ষ অতি তীব্র শোকে,
বালিসে লুকারে মুখ কাঁদিছে গুমরি'
ছব্বল কপোলে ধারা অঁকা দীপালোকে ।

এ বেন আতপ-ক্লিষ্ট যুধিকার মালা,
হিমগৌর তনুলজ্জা লুটার শরনে,
পিঠে মুক্ত কেশরাশি, সর্ক-অঙ্গে জ্বালা
প্রহর যেতেছে বহি' বিনিত্র নরনে ।

শ্রোতে বেন একে একে পন্ন ভেসে আসে,
একে একে মনে পড়ে শৈশবের স্মৃতি,
মাতার হৃদয় মগ্ন সুধাস্নেহোচ্ছ্বাসে
পূজান্তে পিতার দীর্ঘ-দীপ্ত দেবাকৃতি ।

সেই খেলা, সখীজন, সেই তরুতল,
বিষ নারিকেলছায়া—অঙ্গন চিত্রিত,
সেই দীঘি, নীলজল স্বচ্ছ স্নানতল,
বেণুবন পল্লীপথ চির-চিত্রাঙ্গিত ।

সেই তুলসীর তলে পাটল সন্ধ্যায়,
অগুরু সুগন্ধ ব্যাঙি সন্ধ্যাদীপ জ্বালা,
সাজান ধানের গোলা শোভে গায় গায়
ঝিল্লীরবমুখরিত ধুম গাছপালা ।

গরদের সাড়ী-পরা মরতে কে দেবী
জপে আন্দোলিত মুহু পৃথু বাহনতা,
বধুরা বধুর সাথে পানপন্ন সেবি
কান ভ'রে প্রাণ ভ'রে শোনা 'রূপকথা' ।

আর কি যায় না কেরা স্নেহের সে ঘরে,
পাওরা কি যায় না বুঁজে সে স্নেহের কণা ?
সাক্ষ পিতৃ-গৃহবাস, অমৃত-সাগরে—
নাহি পিপাসার বারি, অসহ্য করনা !

জ্বলিছে শোকায়ি প্রতি পল্পরে পল্পরে,
অমৃতাপে অবিরত কাটিতেছে বুক,
ছুই হাতে চাপি বক্ষ তীব্র ব্যথাভরে,
উঠিয়া বসিল গৌরী শোকশীর্ণ মুখ ।

হিমধৌত শতদল হেমন্ত-প্রভাতে,
কাতর করণ-মুখে কুহেলিকা-ছায়া,
সুবর্ণ-বলর ছুঁটি শোভিছে হুঁহাতে
সুট সৌন্দর্যের মাঝে বোঁবনের মারা ।

দীপালোকে দীর্ঘছায়া চিত্রিত প্রাচীরে
কহিল কল্পিত কণ্ঠে ব্যথা-তীব্র করে,
"সব অন্ধকার মোর, ডুবেছি তিমিরে
স্বত্বশক্তি-শেল বিদ্ধ—কাঁদি সকাঙরে ।"

ভীর্ণবাজী পিতা মোর পরম আশ্রয়,
পিত্রালয়ে জাতুজারা আতা পাঠরত,
বহুব্রুবেশে গৃহে কষ্ট রাহর উদয়,
কুল-অন্তরালে কণী যুবা দেবরত !

"কত কাব্যকথা কত পুণা ইতিহাস,
চিত্রকলা শিল্পকলা সৌন্দর্য্য দর্শন,
বুধিনিক' অশাগীর বিব নাগপাশ,
ব্যাধের বাশরী-জনি—বধিতে জীবন ।"

"তার পর তার পর রূপ-উপাসনা,—
প্রেম-উচ্ছ্বাসিত কণ্ঠে কত স্তম্ভিত-স্তব,
লজ্জা-শিহরিত তনু, আকুলা উন্ননা
কল্পিত অন্তর, কিন্তু কণ্ঠে নাহি রব ।"

"মনে পড়ে সেই সন্ধ্যা, প্রেমের প্রস্তাব
সহস্র শপথে সিদ্ধ বিবাহের পণ,
কুলত্যাগ, পরবাসে মাদক-প্রভাব,—
ছলমুক্ত লম্পটের চিত্র কি ভীষণ !"

রক্তে-মাংসে বিদ্ধ সেই অপমান-স্মৃতি,
তার চিত্তা অগ্নিশিখা, স্পর্শ যেন বিব,
কুটিল রাক্ষস কেন পায় দেবাকৃতি
কোমল মেঘের কোলে পালিত কুলিশ ?"

মুখে চোখে স্কুরে জ্যোতি কাঁপে বাহনতা,
আয়ত নয়নযুগে কীণ অশ্রুপেখা ;
কাঁপিতে লাগিল কোপে সর্ক-আশাহতা,
সপ্ত দিবানিশি গৃহে—একা—একা—একা !

হায় রে বোঁবন কান-কুহুমিত দেহ,
আপনার মৃত্যু নিজে আনে সে টানিয়া,
হারার কণিক ভ্রমে দেবতার স্নেহ
নিয়ন্ত্রে যায় অধঃপাত-নরকে টানিয়া ।

পুরুষপৌরুষহীন, তারে ভালবাসি
প্রেম হয় অভিশাপ—জীবন নরক,
আজ্ঞার অমৃত প্রেম বুঝে কি বিলাসী,
নারীঃ দেবীঃ কভু মেপে কি বক্ষক ?

বে কেঁদেছে পদতলে—সে দলিছে পায়,
হা পতিতা উপেক্ষিতা হতাশ কাতর,
লুপ্ত সুখ-মরীচিকা লুপ্তিতা ধূলার,
বুকে বেন বিধে আছে বিবমাধা শর !

আবেগে অধীর হৃদি চাপিয়া হুঁহাতে,
কাঁদিতে লাগিল বালা গুমরি' গুমরি'
বিববৃষ্টিপাত বেন দেহ-পারিজাতে
যুচাবে কি পাপ-স্মৃতি শোকাঙ্গ-লহরী ?

অকস্মাৎ শয্যা ছাড়ি দাঁড়াইলা বালা,
তিলকুল-গুজ মুখ, নাহি রক্তরেখা,
দন্তে দন্ত স্তম্ভ কোপে চোখে তীব্রজ্বালা,
এ সংসারে সজ্জারা—শাস্তিহারা একা !

মুক্ত করি হস্ত হ'তে সুবর্ণ-বলর,
কোতে রোবে মর্দাহতা কেলাইল দূরে,—
"বারে অভিশাপ-চিত্র প্রবন্ধনারায়,
এই শাপ পাগরাশি দলিব অধুরে ।"

নিবে গেল ম্লান দীপ তরু গৃহমাঝে,
অন্ধকারে কেলিল সে বাধামুক্ত শ্বাস,
আপন ছর্কু ছি স্মৃতি অবনতা লাঞ্জে,
বাহিরিলা রাজপথে, শোকাঁড় হতাশ।

তার পর ? তার পর পথে একাকিনী
কাঁপে দীপ-স্তম্ভালোক প্রাচীরে পাষাণে,
চলিতেছে, দৃঢ়পদে পথ চিনি চিনি,
উদ্দাম বিছাৎ-বল্লা অশান্ত পরাণে।

দেহ যেন বহ্নিরাশি স্মৃতি যেন বিস,
পাপ-স্মৃতি-শোক হ'তে চাহে সে পলাতে,
কোথায় আশ্রয়, শাস্তি, সদা অহর্নিশ
ফোটে পাপচিত্র, শাস্তি নাহি অশ্রুপাতে।

মানমন্দিরের ছবি চায় মায়াময়,
বেণীমাধবের ধ্বজা হৃদয় গগনে,
চিতাচুলী হিলোলিত বহ্নিশিখাচয়,
মণিকর্ণিকার ঘাটে ছলিছে পবনে।

“এর চেয়ে কি গৌরব চাহ গো স্মন্দরি,
লক্ষপতি কুলবধু হয় কি বিধবা ?
ধন্য মান ভূমি মোর সঙ্গ হুপ স্মরি’
স্বর্ণ-পদ্ম সমকক্ষ কবে রক্তজবা ?”

সে ধিকার ক্রুর হাসি গর্নিত বচন,
শেম বজ্র অভাগিনী যুবতীর বৃকে,—
চমকে বিছাৎ-শিখা, মেঘের গর্জন,
সম্মল আকুল নেজে চাহিল সম্মুখে।

দূরে গঙ্গা কলকল—গবন-স্বনন,
কাছে সারি সারি গৃহ কৃষ্ণ ছায়াচ্ছবি,
রুক্ষ শিলাদলে গাঁপা মুক নিশ্চতন,
এ ছুযোগে বারাণসী সেজেছে ভৈরবী।

ললাটে বহিল বায়, রুক্ষ মুক্তকেশে,
সহসা আনত মুখে মুদিল নয়ন,
কে যেন কহিল তারে শোক-স্বপ্নাবেশে,
“মরণ মরণ শাস্তি—মরণ মরণ !”

কার অতি দীর্ঘছায়া পড়িল সম্মুখে,
কে যেন হাসিল দূরে ঘোর অট্টহাসি,
“পতিতপাবনী মা গো !” বলি অধোমুখে
পড়িল সংবিৎহারী সৌন্দর্যের রাশি।

মুনীন্দ্রনাথ গোস্বামী।

লাভ

বাধু— ছোঁয়া লেগেই ঝরে গেলি
হায় গো বকুল হায়,
এ যে আমার বড়ই পরিতাপ,—

বকুল— বকের বোঝা তুলে নিলি—
ওগো দখিণ বায়,—
সেই যে আমার সখার সেরা লাভ।

আবুল হাসেম।

পূজা

তব মন্দিরে এনেছি সাজারে
বাধিত হিম্মার অর্থা-দানি—
বালিকা আমি পূজিতে তোমার
আপনার মনে সরম মানি !

না জানি কার আসার বারতা
শিহরি উঠে প্রভাত-বায়ে,
কার আশা-পথ চেয়ে আছে আঁধি
না জানি পরাণ করে যে চাহে।

সন্ধ্যা যখন আসিবে নামিয়া
ধূলায় ধূসর ধরার 'পরে,
তখনো এই দীনা পূজারিণী
রবে পথ চেয়ে ছয়ার ধরে !

দিন শেষ হ'ল সবে চলি গেল
নাই তবু প্রভু তোমার দেখা,
ফুলের গঞ্জে উদাস হৃদয়
মন্দির-তলে রহিমু একা ;

আঁধি-জল আর বাধা সে মানে না
ক্লান্ত হৃদয়-মন—
বাধায় আহত হৃদয় তোমার
করিনু সমর্পণ !

শ্রীমতী ফুলরাণী সিংহ।

নাম

[কলেরিঙ হইতে ভাবাবলম্বনে রচিত]
গঙ্গা কলম হাতে লয়ে কবি
কহে গৃহিণীকে ডাকি,—
‘কি নামে তোমার রচিত কবিতা
হবে প্রিয়ে ! তুমি সুখী ?
'উবা', 'হাসি', 'হেলা', 'সীতা', 'সতী', 'বেলা',
'গোলাপ', 'টগর', 'বেলী' ;—
কিবা আর কিছু ভালবাস বাহা
দাও গো আমারে বলি ।”

কবি-সোহাগিনী কহিল হাসিয়া,—
“নাম দিবে হ'বে বা কি ?
ভালবাসা বিনে নামের বাহার
শুধু প্রভাষণ,—কাকি ।
ডেকো মোরে 'বেলা', ডেকো মোরে 'হেলা',
ডেকো 'উবা', ডেকো 'উবী',
'সীতা', 'সতী', 'বেলী', 'বেহলা', 'চামেলী',
অথবা বা তব খুসী।

কবিতা মিলাতে বাহা দরকার
প্রিয়, তাই বলে ডেকো ;
(শুধু) নামের প্রথমে, আমি যে তোমার,
এ কথাটি লিখে রেখো ।”

শ্রীকুলভূষণ চক্রবর্তী।

শেষ চাওয়া

কি যে চাই—জানি না ত! শুধু খুঁজে ফিরি,
মরু-পথ প্রান্তর কত নদী-গিরি!
প্রভাতের আলো এসে ডেকেছিল কবে
তারি সাথে বাহিরিছু, বুঝিনি কি হবে।
গোধূলির রাজ্য মেঘে ফিরে যায় বেলা
তবু শেষ হ'ল না এ খেলার খেলা!
কত পথ চলেছি যে,—তবু আছে আরও,
চাওয়া না ফুরালে শেষ হবে নাক তারও।
কত কি যে কুড়িয়েছি,—দেখেছি যা কিছু
ভেবেছি এ ক্ষুধা বুঝি ছুটে তারই পিছু।
বহু খলি ভরিয়াছি বহু দিক হ'তে—
পথেরই ত খুলা, তারে রেখে এমু পথে!
শেষ খলি ভরে নাই আছি তারই আশে,
শেষ তৃষা মিটাইতে যাব কার পাশে!
ওই আলো নিভে যায় আঁধি আসে ফিরি,
কি যে চাই—জানি না! শুধু খুঁজে ফিরি!

শ্রীপাঁচগোপাল মুখোপাধ্যায়।

বৃথা

কুসুম-জনম বৃথা যাহে নাহি হায় মধু-বাস—
বৃথা সে বিজুরী, যার কালো মেঘে ঘেরা নহে হাস!
বৃথা সে সরসী যার কালো জলে না শোভে নলিন,
বৃথা সে নলিনী, যার হিয়া নহে মধুপ-বিলীন!
বৃথা সেই ফণী চায় শিরে যার নাহি শোভে মণি,
মতি যার নাহি মাথে সেই গজে বৃথা বলি গণি!
রমণী-মৌবন বৃথা নহে যার রূপময় অঙ্গ,
বৃথায় রমণী-রূপ নাহি মিলে প্রেমময় সঙ্গ।
জীবন বৃথায় তার না জানে যে পিরীতের স্বাদ,
দ্বিজ দেবদাস কাহে, পিরীতি সে জীবনের সাধ!

* শ্রীদেবকণ্ঠ সরস্বতী।

সন্ধানে

আমি চলেছি চোখের জলে সস্তরি'
তোমার পায়ের চিহ্ন-আঁকা পথ ধরি।
যেখানে ঐ পথের বাঁকে,
কোকিল ডাকে বকুল-পাশে,
গামের বধু কলসী কাঁখে আনমনে যায় গুঞ্জরি!
সেখানে কি ঘর বেঁধেছ সাজিয়ে নবীন মঞ্জরী?
(তোমার) এক তারাটির তীর তারে,
কি রাগ জাগে বন্ধুহারে,
আজিকে এই অন্ধকারে কোণায় ফিরি সঞ্চরি!
আমি যে চলেছি শুধু চোখের জলে সস্তরি।

শ্রীঅনিলচন্দ্র মুখোপাধ্যায়।

পল্লী-লক্ষ্মীর প্রতি

যতনে হেম-অঙ্কন-ছায়ে
লহ তুলি শ্রামবরণি!
প্রবাস হইতে এমু নিজ বাসে
(মেহ) পীযুষ-করণী ধরণি!

দিন-শেষে আজি সন্ধ্যাবেলায়
তব নদীতটে আসি নিরালস্য
বাধিরাছি মোর তরণী।
তব মধু-বাণী পাখী-কলভাবে
মৃহল পবনে শ্রুতি-পথে আসে,
হরতি-জড়িত করণ পূরবী
উদ্গাদ, মনোহরণি!

শ্রান্তি ভুলায়ে আনিত শ্রান্তি
মায়া-ভোরে বাধি ভাঙিলে শ্রান্তি,
কেহ দেখিল না ও দেহ-কান্তি,
ক্রান্ত-অলস-চরণি!

দিকে দিকে ঘেরি কত চারু শোভা,
পরিচিত তব তমু মনোলোভা,
জননি, তুমি যে যুগে যুগে মম
বাধিত-সদর-সরণি!

* শ্রীসন্তোষকুমার সরকার

মানা

ভয়ার যদি বন্ধ কর আমি ঠেলবো না,
পথে যদি দাও গো বাধা আমি যাব না।
চাইলে যদি সরম লাগে আমি চাব না,
কইলে যদি কণ না কথা আমি কব না।
কাছে এলে যাও গো চ'লে আশ্রি আসবো না,
চুমু দিলে মুখ ফিরালে আমি দেবো না।
মানবো আমি সকল মানা একটি মানবো না,
প্রাণের ভিতর বাসতে ভাল আমি ছাড়বো না।

* শ্রীচারুচন্দ্র মুখোপাধ্যায়।

পরী

স্নোছনা দিয়ে তৈরী আমার পাণা
স্বরভি দিয়ে রচিত আমার কেশ,
কবির মুখ-কল্পনা দিয়ে আঁকা
আমার মুরতি, আমার মোহন বেশ;
শুকতারা আর সন্ধ্যা-তারার ডাকি
গড়েছে কবি আমার উত্তর আঁধি,
আমার কণ্ঠে শুন কুহরিছে
শত বসন্তের পাখী।

শ্রীউমানাথ ভট্টাচার্য।



পাঠাগারের ইতিহাস *

সাধারণতঃ বঙ্গভাষার যুরোপীয় শব্দ "লাইব্রেরী" অর্থে পুস্তকালয় বা পুস্তকাগার বুঝায়। এক্ষেত্রে কথ্য হইতেছে যে, এবশ্বকারের পাঠাগারের উদ্দেশ্য কি? নানা-প্রকারের শিক্ষণীয় পুস্তক যাহা ব্যক্তিবিশেষের কাছে থাকা সম্ভব নহে তাহা সাধারণের ব্যবহারের জন্ত পাঠাগারে সংগৃহীত থাকে, উদ্দেশ্য সাধারণের মধ্যে শিক্ষাবিস্তার করা। বিজ্ঞা লোকসমাজে নানা-প্রকারে বিস্তারিত হয়, উহা কেবল বিদ্যালয়ের গৃহমধ্যে আবদ্ধ থাকে না। বিজ্ঞার প্রধান উদ্দেশ্য হইতেছে যে, শিক্ষার্থী নিজের জীবনের সমস্ত কর্মকে কেবল গ্রাসাচ্ছাদনের উপায় স্বরূপ না ভাবিয়া সর্বস্বার্থী ভাবে দেখিতে পারে। বর্তমানের বিদ্যালয়-সমূহে, বিশেষতঃ এদেশে যে শিক্ষা প্রাপ্ত হওয়া যায়, তাহাতে একদর্শিত্ব প্রাপ্ত হইতে হয়, জীবনের সর্বদিককে দেখাইবার পন্থা নাই।

অতএব বিজ্ঞাপীঠে যাহা প্রাপ্ত হওয়া যায় না বা লাভ করা সম্ভব নহে, অন্ততঃ তাহা পরিপূরণ করা প্রয়োজন। এ জন্ত উচ্চশিক্ষা বিস্তার হেতু এমন প্রকারের পন্থাসমূহ লোক-সমাজে প্রচারের প্রয়োজন, যাহাতে উচ্চ প্রকারের অভাব পরিপূরিত হইতে পারে। সাধারণের ব্যবহারের জন্ত পাঠাগার এবশ্বকার একটি পন্থা। পাঠাগারের শিক্ষার্থীকে উহার বিজ্ঞা সম্পূর্ণ করিবার জন্ত তথ্য যাইয়া নিজের শক্তি, হয় ত অর্থ এবং সময় নিয়োজিত করা প্রয়োজন। তাহার নানা-প্রকারের উচ্চ-চর্চার পুস্তক পাঠ করার প্রয়োজন, পৃথিবীর নানা-প্রকারের সংবাদ অবগত হওয়া প্রয়োজন। ইহার ফলে, তাহার মন উন্নত হইবে এবং নিজের কর্মকে বোধগম্য করিতে পারিবে।

এক্ষেত্রে এ স্থলে বিবেচনা, পাঠাগার অর্থাৎ "লাইব্রেরী" কাহাকে বলে? ইহা কেবল পুস্তক ও সংবাদপত্র পাঠের স্থল নহে। ইহার পুস্তকাবলী, যথায় তাহা রক্ষিত হয়, যে তাহার হিসাব রাখে,—ইমারত এবং কর্মস্বার্থ অর্থাৎ "লাইব্রেরিয়ান" এই সকলের সমষ্টিকে পাঠাগার বা লাইব্রেরী বলে। এ বিষয়ের শেষ বিশ্লেষণ করিলে দেখা যায় যে, পাঠাগারের ভিত্তি হইতেছে সাধারণের ব্যবহারের জন্ত পুস্তকাবলী। কিন্তু কথ্য হইতেছে, পুস্তক কাহাকে বলে? ইহার উত্তরে বলা যাইতে পারে যে, যাহাতে মনের চিন্তা নানা প্রকারের শব্দের দ্বারা লিপিবদ্ধ করা হইয়াছে, তাহাই পুস্তক; পুস্তক দ্বারা উচ্চ-চর্চা, বিজ্ঞান আবিষ্কার প্রভৃতির সংবাদ লোকগোচরীভূত হয়। এই উপায়ে উচ্চশিক্ষা লোকমধ্যে প্রচারিত হয় এবং সভ্যতাও বিস্তৃতলাভ করে।

এই জন্ত পাঠাগারের বা সংগৃহীত পুস্তকাবলীর আগার—আবহমান সভ্যজাতিসমূহের মধ্যে স্থাপিত হইয়াছে ও খ্যাতি লাভ করিয়াছে।

* মদনমোহন লাইব্রেরীর পঞ্চম বার্ষিক অধিবেশনে সভাপতির অভিভাষণ।

সাধারণের শিক্ষার জন্ত এবশ্বকারের পাঠাগার স্থাপন অথবা অতি প্রাচীন। কিংবদন্তী অনুসারে এই তথাকথিত প্রাচীন পাঠাগার নানা প্রকারের—যথা—দেবতাদের—আদমের পূর্বে ও তাহার সমসাময়িক পাঠাগার; জলপ্লাবনের পূর্বে জননায়কদের পাঠাগার; এবং আমাদের প্রাচীন চলমান পাঠাগার—বেদ। এবশ্বকারের তথাকথিত ও কল্পিত প্রাচীন পাঠাগারের বিস্তৃত তালিকাও বাহির হইয়াছে। পূর্বে আদম হইতে নোয়া পর্যন্ত যত জননায়ক আবিভূত হইয়াছিলেন, তাহাদের সময়ের তথাকথিত পাঠাগার সমূহ "প্রাচীন" নামে অভিহিত হইত, কিন্তু বর্তমানে তুলনামূলক মনস্তত্ত্ব (Comparative psychology) ও তুলনামূলক প্রাচীন গল্প (Comparative mythology) সমূহের মধ্যে অনুসন্ধান করার ফলে স্মিতিকৃত হইয়াছে যে, আদমের পূর্বেও এই প্রকারের পাঠাগার ছিল। ব্রহ্মা, ওডিন (Odin), থথ (Thoth) এবং যে সব দেবতা জ্ঞানস্বরূপ বা শব্দস্বরূপ বলিয়া প্রথিত হইয়াছেন, প্রাচীন গল্পে তাহাদের অনেক সময়ে পাঠাগারের প্রতিমূর্তি বলিয়া কল্পিত করা হয়।

দেবতাদের মধ্যে ব্রহ্মা ও ওডিনের পাঠাগার বিশেষ বিখ্যাত। ব্রহ্মার পাঠাগার বেদ ছিল বলিয়া কিংবদন্তী আছে। ইহা নাকি সর্ক-জাতা ব্রহ্মার স্মৃতিতে প্রথমে আবদ্ধ ছিল। মনস্তত্ত্বের বিচারের রাস্তা দিয়া আমরা স্মরণশক্তির উৎপত্তিস্থলে পৌঁছাই এবং ইহাই মানবের স্মৃতি। পুস্তক ও স্মৃতি পাঠাগারের যথার্থ তথ্য শিক্ষা করিতে সাহায্য করে। আবার এই রাস্তা দিয়াই আমরা সঙ্কেত ভাষার প্রকৃতি বুঝিতে সক্ষম হই। এই সঙ্কেতই হস্তলিখিত পুস্তকের উৎপত্তিস্থল।

এই প্রকারের বিচারে আমরা জ্ঞানের উৎপত্তি স্থলে উপনীত হই। জ্ঞানকে বিকীর্ণ করিবার জন্ত পুস্তক হইতেছে তাহার আধার। সর্ক দ্রবোরই প্রারম্ভ অতি ক্ষুদ্র অবস্থায় সংঘটিত হয়, পরে অতি উৎকৃষ্ট ও উচ্চদ্রব্য স্বভাবতঃই অতি জটিলাকার ধারণ করে। জীবজগতের সঙ্কেত ভাষা অভিব্যক্তি দ্বারা মানবের উচ্চশ্রেণীর ভাষায় পরিণত হয় এবং একটি কোন ভাষায় তৎসাবীদের সর্ক-প্রকারের অভিজ্ঞতা লিপিবদ্ধ হইয়া তাহাদের সভ্যতার নিদর্শন প্রকট করে।

পুঞ্জীকৃত মানব-অভিজ্ঞতা হইতেছে সভ্যতার মেরুদণ্ড স্বরূপ। এই পুঞ্জীকৃত মানব-সভ্যতার একটি প্রকৃষ্ট নিদর্শন হইতেছে সাহিত্য। যে ভাষায় যত প্রকারের মানব-অভিজ্ঞতার বিষয় লিপিবদ্ধ আছে, সেই জাতির কীর্তির নিদর্শন ততই প্রকৃষ্ট। এই লিপিবদ্ধ মানববুদ্ধির কীর্তির বিবরণী যখন বসিয়া পাঠ করা হয়, তাহাকেই পাঠাগার কহে। পাঠাগারের ইহাই গৌরবের বিষয় যে, সভ্যতার উন্নতির জন্ত এই প্রকারের প্রতিষ্ঠানগুলি তাহার অত্যাবশ্যক স্বরূপ কাঁচা করে।

এই জন্তই সভা মানবজাতিসমূহ চিরকাল পাঠাগারের সমাদর ও স্থাপনা করিয়া আসিয়াছে। ইতিহাস সাক্ষ্য দিতেছে, যে জাতি বহু পাঠাগার স্থাপন করিয়াছে, সে জাতির সভ্যতার দাবিও তত বৃদ্ধিপ্রাপ্ত হইয়াছে। প্রাচীন বাবিলনের ইষ্টকে লিখিত পুস্তকের পাঠাগার, মিশরে টলেমীদের জগৎবিখ্যাত পাঠাগার ও তৎপরে গ্রীস ও রোমের এক্সক্সকারের প্রতিষ্ঠানগুলি, মধ্যযুগে মুসলমান দেশসমূহের পাঠাগারগুলি, প্রাচীন চীনের হানরাজবংশের পাঠাগার—এই সব তৎতৎ জাতির সভ্যতার মাপকাঠিরূপে ইতিহাসে সাক্ষ্যদান করিতেছে। আর আমাদের ভারতবর্ষও এ বিষয়ে পশ্চাৎপদ ছিল না। নালন্দা ও ওদন্তপুরীর পাঠাগারের সংবাদ ইতিহাসে পাওয়া যায়। কিন্তু এক্সক্সকারের বহু সংখ্যক পাঠাগার—যাহার দ্বার বিদ্বানদের জন্ত উন্মুক্ত ছিল—নিশ্চয়ই এদেশে ছিল। তৎপরে জয়পুর, জিবাকুর প্রভৃতি রাজ্যে এমন অনেক সংস্কৃত পুস্তকের পাঠাগার আছে, যাহাতে মোক্ষমুলায়ের অনুমানে ১৫ হাজার পর্যন্ত পুস্তক সংগৃহীত হইয়া রহিয়াছে।

পাঠাগারের উৎপত্তি ও উদ্দেশ্যের বিষয় এতক্ষণ আলোচিত হইল। কিন্তু পাঠাগার কি প্রকারে পরিচালিত হইবে, তাহা বৈজ্ঞানিক গবেষণার বিষয়। একটি ঘর ভাড়া করিয়া, কতকগুলি পুস্তক সংগ্রহ করিয়া খাতা খুলিয়া বহি পড়িতে দিলেই পাঠাগারের উদ্দেশ্য ও কর্তব্য সফল হয় না। কি প্রকারের বহি সংগ্রহ করিতে হইবে ও তাহা কোন্ শ্রেণীভুক্ত করিতে হইবে ও কি উপায়ে তাহা তালিকাভুক্ত করিতে হইবে, ইহা সহজ কর্তব্য নহে। বর্তমান জগতের বড় বড় পাঠাগারের পরিচালকরা অতি বিদ্বান ব্যক্তি বলিয়া শিক্ষিত মণ্ডলীমধ্যে পরিজ্ঞাত আছেন। যথা নিউইয়র্কের সাধারণ পাঠাগারের পরিচালক মিনি, তিনি মহাপণ্ডিত ব্যক্তি। তৎপরে একটি বড় পাঠাগারের বিভিন্নবিভাগে তৎবিভাগীয় চর্চার বিশেষজ্ঞ পণ্ডিত ব্যক্তি কর্মস্বাক্ষররূপে নিযুক্ত আছেন—যথা বার্লিনের সাধারণ পাঠাগার। এই বিশেষজ্ঞ পণ্ডিতরা অনেক স্থলে অধ্যাপকরূপে বিশ্ববিদ্যালয়ে শিক্ষাদান করেন। যথা বার্লিন পাঠাগারের, সংস্কৃত বিভাগে সংস্কৃত অধ্যাপক Dr. Nobel এবং আরবী বিভাগে আরবীভাষাবিদ Dr. Weir এবং ইতিহাস বিভাগে এক্সক্সকারের এক জন লোক নিযুক্ত আছেন। পাঠার্থী তাঁহাদিগের নিকট যাইলে তাহার কোন্ বিষয়ের পাঠের জন্ত কি পুস্তক পাঠ করিতে হইবে এবং এ বিষয়ে নূতন কি পুস্তক প্রকাশিত হইয়াছে, এই প্রকারের নানাবিধ সংবাদ তাঁহাদিগের নিকট প্রাপ্ত হইবে। তৎপর পুস্তকসমূহকে তালিকাভুক্ত করাও বৃহৎ ব্যাপার। এ বিষয়ে আমেরিকায় দুই প্রকারের রীতি প্রচলিত আছে, তদ্ব্যয় পুরাতনটি Decimal Systemরূপে নূতন প্রণালী Alphabetical order Systemরূপে অভিহিত হয়। আবার জার্মানী সুইডেন প্রভৃতি দেশে একই পাঠাগারে দুই প্রকার উপায়ে পুস্তককে তালিকাবদ্ধ করা হয়; যথা, প্রথমে একটি পুস্তককে তাহার বিষয়ানুযায়ী বিশেষ তালিকায় উল্লিখিত করা হয়, ইহাকে fact catalog এবং আবার নামানুসারে alphabetical হিসাবে উল্লিখিত করা হয়। জার্মানীর এই প্রণালীতে পুস্তক সহজেই বাহির করা যায়।

সর্বশেষে পাঠাগারের কর্তব্যকে বৈজ্ঞানিক প্রণালীতে পরিচালনার জন্ত আমেরিকার "Library school" সংস্থাপিত হইয়াছে। তদ্ব্যয় বাহারা পাঠাগার পরিচালনার কর্তব্যকে অথবা সেই প্রতিষ্ঠানের কোন কর্তব্যে অর্থোপার্জনের উপায় স্বরূপ গ্রহণ করিতে চাহেন, তাঁহারা তাহা বৈজ্ঞানিক উপায়ে শিক্ষা করেন। এই পাঠাগার বিদ্যালয়রূপ প্রতিষ্ঠান বিগত শতাব্দীর শেষ চতুর্থাংশে সৃষ্ট হয়। তদ্ব্যয় কি প্রণালীতে লাইব্রেরী Research অর্থাৎ পাঠাগারের সংগৃহীত পুস্তকসমূহ পাঠ করিয়া তাহার ব্যাখ্যা বা অনুবাদ করিতে হয়, তাহার শিক্ষা দেওয়া হয়।

ইহাই হইল মোটামুটি পাঠাগার-তত্ত্ব। এক্ষণে কথা হইতেছে, পাঠাগারের উদ্দেশ্য কি করিয়া সফল করা যায়? প্রথমেই উক্ত হইয়াছে যে, জনসাধারণের মধ্যে জ্ঞানের প্রচার করাই পাঠাগারের মুখ্য উদ্দেশ্য। ইহার জন্ত নানা প্রকারের পুস্তকাবলীর সংগ্রহ প্রয়োজন এবং তাহা বাহাতে সহজ উপায়ে লোকমধ্যে পাঠাসাধা হয়, তাহার চেষ্টার প্রয়োজন। এই উদ্দেশ্য সিদ্ধির জন্ত বিভিন্ন উপায় উদ্ভাবন করা হইয়াছে। প্রথম উপায় বাহা যুরোপ ও আমেরিকায় নিয়োজিত হইয়াছে, তাহাতে প্রত্যেক বড় সহরে একটি করিয়া বৃহৎ পাঠাগার সংস্থাপন, লোক তদ্ব্যয় গিয়া বহি ও সংবাদপত্রাদি বসিয়া পাঠ করিতে পারে অথবা জামিন দিলে পুস্তক গৃহে আনিতে পারে। যুরোপের এই সব পাঠাগার, শাসন বিভাগ দ্বারা স্থাপিত এবং অনেক দেশে ইহা প্রায়ই বিশ্ববিদ্যালয় সংশ্লিষ্ট; অতীতকালে ধনী-প্রধান আমেরিকাতে আনুক্রমিকরূপে নগরিকের বদান্ততার প্রত্যেক সহরে সাধারণের পাঠার্থ এক্সক্সকারের একটি করিয়া পাঠাগার স্থাপিত হইয়াছে। এই সব পাঠাগার বিশ্ববিদ্যালয় বা গভর্নমেন্ট সংশ্লিষ্ট নহে। এইরূপ পাঠাগারে স্বদেশীয় ভাষায় সন্নিবিষ্ট সর্ববিষয়ের ও সর্বদেশের সাহিত্য প্রাপ্ত হওয়া যায়। ফলে, বিশ্ববিদ্যালয়ের বাহিরে বাহারা থাকেন, তাঁহারাও অবসর মত এই সব স্থান হইতে বিভিন্ন পুস্তকাদি লইয়া পড়িতে পারেন ও নিজের জ্ঞানভাণ্ডার বৃদ্ধি করিতে পারেন।

ইহা বাতীত যুরোপের মহাদেশে প্রত্যেক সহরের পরীতে ও ক্ষুদ্র গ্রামেও ছোট ছোট পাঠাগার আছে, তদ্ব্যয় কিঞ্চিৎ টাকা জমা দিয়া লোক পুস্তক গৃহে আনিয়া পড়িতে পারে। অবশ্য এই সব পাঠাগারে সাহিত্য সম্বন্ধীয় পুস্তকই থাকে। উল্লিখিত এই দুই প্রকারের পাঠাগারকে ইংরাজীতে Circulating Library বলে, তৎপরে এই সঙ্গে আর একটি পদ্ধতি প্রচলিত আছে, ইহাকে Travelling Library System বলে। এই পদ্ধতি ইংলণ্ডে, স্কটলণ্ডে একশত বৎসর অগ্রে প্রচলিত হয়, আমেরিকায় ৩০।৩৫ বৎসর পূর্বে প্রচলিত করা হয়; নিউইয়র্ক স্টেট সাধারণের মধ্যে শিক্ষাবিস্তারের জন্ত সর্বপ্রথমে এই পদ্ধতি গ্রহণ করে, পরে সর্বত্রই তাহা প্রচলিত হয়। এক্ষণে এই পদ্ধতি প্রচলনের বিষয় আমেরিকা সর্বপ্রধান স্থান অধিকার করিয়াছে। আর ভারতবর্ষের মধ্যে বরদারাজ্যে আমেরিকার নকল করিয়া তাহা প্রচলিত করা হইয়াছে। এই পদ্ধতি অনুসারে একটি বড় সহরের কেন্দ্রে পাঠাগার হইতে পুস্তক বিভিন্ন গ্রামে লোকের পাঠের জন্ত ধার দেওয়া হয়। কোন্ গ্রামের কোন ক্লাব বা প্রতিষ্ঠান বা স্থানীয় ক্ষুদ্র পাঠাগার আবশ্যিক পুস্তক ধারের জন্ত বৃহৎ কেন্দ্রস্থলে কোনও বিধাসী লোকের জামিন দিয়া আবেদন করিলে একটি বাস্তবে ১৫—৩০খানি পুস্তক পুরিয়া পাঠাইয়া দেওয়া হয়। ইহার দ্বারা অতি দূর ও ক্ষুদ্র গ্রামের লোকের মধ্যেও শিক্ষা-বিস্তারের সহায়তা করে। বরদারাজ্য পাঠাগার বিভাগ ১৯১১ খৃষ্টাব্দে এই পদ্ধতি প্রচলন করে। বরদারাজ্য পাঠাগার দেশের পাঠাগার-পদ্ধতির উপকারিতা প্রদর্শন করিয়া এক পাঠাগারের Mr. William Alanson নামে কোনও বিশেষজ্ঞ ব্যক্তিকে এই প্রতিষ্ঠান-সংস্থাপনের জন্ত স্বরাজ্যে আনয়ন করেন। এক্ষণে ভারতের কোন কোনও সমিতি এই Traveling Libraryর উপকারিতা জয়জয় করিয়া তাহা প্রচলিত করিতেছে। এই পদ্ধতি প্রত্যেক শিক্ষিত সামাজিক কর্মীর নিকট আদৃত হয়। কারণ, এই সভ্য ও সহজ উপায়ে দূরস্থিত লোকের নিকট শিক্ষার উপকরণ উপনীত করা যায়। তৎপর আরও দুই প্রকার পাঠাগার আছে, যথা—Free Library System বাহা সকলেই ব্যবহার করিতে পারে। পূর্বেও আনুক্রমিকরূপে প্রতিষ্ঠিত আমেরিকার সাধারণ পাঠাগারগুলি এই শ্রেণীভুক্ত। আর দ্বিতীয়টি Aided Library System যুরোপের বৃহৎ পাঠাগারগুলি এই শ্রেণীভুক্ত। এই পাঠাগারগুলি স্টেটের সাহায্য লইয়া চলে

বরোদাতেও স্টেটের সাহায্য লইয়া মক্কা, সুর, গ্রামে সর্বত্র পাঠাগার প্রতিষ্ঠিত করা হইয়াছে।

এবং প্রকারে পৃথিবীর সর্ব স্থানে জনসাধারণের জ্ঞানের ভাণ্ডার বৃদ্ধি করিবার জন্ত পাঠাগার প্রতিষ্ঠিত হইতেছে। মানবজাতি যে প্রকারে প্রাকৃতিক অবস্থা হইতে সভ্যতার উচ্চতরে উঠিতেছে, তাহার সভ্যতাও যে প্রকারে জটিলাকার ধারণ করিতেছে, তদ্রূপ চর্চার অধিনায়কত্বও দুই এক জনের হস্ত হইতে বহুলোকের হস্তে বাইতেছে। প্রাচীন কালে ও মধ্য-যুগে বিদ্যাচর্চা জনকতক মনোনীত ব্যক্তির হস্তে স্তম্ভ ছিল। ভারতের তপোবনে ঋষিরা বিদ্যার চর্চা করিতেন। শাস্ত্র, দর্শন, বিজ্ঞান প্রভৃতির চর্চার অধিকারী কেবল তাঁহারা হইতেন। তপোবনের বাহিরে যে বিপুল জনসমষ্টি ছিল, তাহারা সে অমৃতের অধিকারী ছিল না। ব্রহ্মবিদ ও শাস্ত্রজ্ঞ লোক সমাজের মধ্যে জনকতক ছিল, আর সমস্ত দেশ তমসচ্ছন্ন ছিল। প্রাচীন মিশরেও এপ্রকারের বিদ্যাচর্চার অধিকার মন্দিরের পুরোহিতদের মধ্যে আবদ্ধ ছিল। আর গ্রীসেও তদ্রূপ। তথাকার দর্শন ও বিজ্ঞানচর্চা, তাহা Stoa এবং Academy প্রাচীরের মধ্যে গণ্ডীভূত ছিল। জগৎ সফ্রেটিস্ প্লেটো এরিস্টটলের নাম শুনিয়াছে ও তাঁহাদের জ্ঞান-চর্চাকে গ্রীসের সভ্যতার মাপকাঠিরূপে জানিতে শিখিয়াছে, কিন্তু গ্রীসের জনসাধারণ কি অজ্ঞতা ও বর্করতা সহ দিনবাণন করিত, তাহার সংবাদ কর জন রাখেন? তৎপরে মধ্যযুগের জ্ঞানচর্চা যুরোপের সাধুদের মঠমধ্যে নিবদ্ধ ছিল। তৎকালের জ্ঞানচর্চা Cluny এবং Clavirany নামক মঠ (monastery) প্রভৃতির অভ্যন্তরে সঞ্চিত হইত এবং সেই সব স্থান হইতে যে কিঞ্চিৎ জ্ঞানের রশ্মি বাহিরে আসিতে পারিয়াছিল, তাহারই প্রভাবে বর্তমান যুরোপের সভ্যতার উৎপত্তি হয়। আমাদের ভারতে বৌদ্ধযুগেও তদ্রূপ বৌদ্ধ-জ্ঞানচর্চা সম্ভাব্যসেরাভিতর নিবদ্ধ থাকিত এবং যখন নানা কারণে সম্ভাব্যসগুলি বিনষ্ট ও বিলুপ্ত হইল, তখন বৌদ্ধ-চর্চাও ভারত হইতে অন্তর্হিত হইয়া গেল। বাঙ্গালার মধ্যযুগে অর্থাৎ মুসলমান আধিপত্যের কালে জ্ঞান বিধিলা, নবদ্বীপ প্রভৃতি স্থানের টোলের মধ্যে গণ্ডীভূত থাকিত। জ্ঞান এই উপায়ে গণ্ডীভূত হওয়ার জন্ত তাহা লোকমধ্যে সভ্যতা-বিচারের অন্তরায়রূপে কার্য করে। ঊনবিংশ শতাব্দীতে মানবজীবনে ও মানসিক ক্ষেত্রে এক বিপুল বিপ্লব সাধিত হয়। মানব সর্বপ্রকারের পুরাতন গণ্ডী ও অন্তরায় বর্জ্য করিয়া নূতন জীবন ও নূতন আলোক প্রাপ্ত হইবার জন্ত লালারিত হয়।

এই নবযুগের নবীন বাঁধা ঘোষণা করিল, সকল মানবই সমান, সকলেরই সমান অধিকার। এই নবীন বাঁধা প্রচার করিল সে, সভ্যতা ও জ্ঞানালোক সকলকারই গৃহে সমানভাবে পৌঁছাইয়া দিতে হইবে। সকলকে সমানভাবে বাড়িতে দাও, ধর্মের, জ্ঞানের, সমাজের, রাজনীতি-ক্ষেত্রের আভিজাত্য ভাঙিয়া দাও—অগসর হও।

এই নবীনাদর্শে মাতিয়া নবীন যুরোপ টলটলারমান হইয়াছিল। পুরাতন সমাজ ভাঙিয়া নূতন সমাজ গঠিত হইল। পূর্বে যাহা মুষ্টিমেয় মনোনীত ব্যক্তির অধিকাররূপে নিবদ্ধ ছিল, তাহা সকলের সম্পত্তি করিয়া দিবার চেষ্টা করা হয়। এই জগুই Free Primary Education, Public Libraries, University extension lecture series Circulating Free Scientific Libraries প্রভৃতি নানা লোকশিক্ষার অনুষ্ঠান ও প্রতিষ্ঠানের সৃষ্টি হয়। এই প্রকারে জ্ঞান-চর্চা দুই এক জনের মধ্যে নিবদ্ধ না থাকিয়া সাধারণের সম্পত্তি বলিয়া গণ্য হওয়ার জন্ত লোকমধ্যে তাহা প্রচার হওয়ার সভ্যতা বিস্তৃতি লাভ করে।

বিংশ শতাব্দী ঊনবিংশ শতাব্দীর আদর্শের পূর্ণতা সাধন করিবার চেষ্টা করিতেছে। এ যুগের বাঁধা বলিতেছে সে, মানবকে কেবল

রাজনীতিক সাম্য দিয়া ক্ষান্ত হইলেই চলিবে না। তাহাকে সামাজিক ও অর্থনীতিক সাম্য দিতে হইবে।

এই বাঁধা বলিতেছে, মানবকে পূর্ণ মুক্তি দাও। জ্ঞানের ভাণ্ডার সকলের দ্বারে সমানভাবে উপনীত কর, সকলকে সমানভাবে বাড়িতে ও জীবনবাণন করিতে দাও। এক দেশে এক জাতির মধ্যে কতকগুলি জ্ঞানী, ক্ষমতাশালী ও বর্দ্ধিষ্ণু ও কতকগুলি নিরাশ্রয়, অজ্ঞ, ক্ষমতাবিহীন লোক থাকে সমাজের ও মানবের অকল্যাণকর।

যে জাতি যত জ্ঞানালোকে আলোকিত, সে জাতি সভ্যতাস্তরে ততই উন্নীত হইয়াছে। বর্তমানে সভ্যতার মাপকাঠি সম্ভাব্যস বা মঠ বা Academyর ভিতর নিহিত নহে। একটি জাতির Culture অর্থাৎ চর্চা তাহার ভাবুকগণের জ্ঞানধরুপ, তাহা দ্বারা সেই জাতির ভাবুকতার উচ্চতা মাত্র পরিমিত হয়; তাহা সেই জাতির সর্বসাধারণের সভ্যতার মাপকাঠি নহে। কিন্তু যখন ভাবুকদের সেই জ্ঞান সর্বসাধারণের কল্যাণকর নিয়োজিত হয়, অর্থাৎ যখন ভাবুকদের জ্ঞানকে সমাজের কর্ণে নিযুক্ত করা হয় ও তাহার কলে সাধারণের বিদ্যা, জ্ঞান, স্বাস্থ্য, শাস্ত্র, ঐশ্বর্য ও সর্বপ্রকারের কল্যাণ ও উন্নতি সাধিত হয়, তখন সমাজের কর্ণে নিয়োজিত সেই জ্ঞানকে, সেই জাতির Civillisation বা সভ্যতা বলে। এক কথায় জ্ঞানচর্চাকে মানবের সেবায় নিযুক্ত করাকে সভ্যতা বলে।

মানব-মস্তিষ্ক-প্রসৃত জ্ঞানরাশিকে মানবের দৈনিক জীবনের উপকারিতার জন্ত তাহার সেবায় নিযুক্ত করিতে হইবে। এক্ষণে কণা হইতেছে, তাহা কিরূপে করা যায়? এ কথার উত্তরে বলা যায় যে, তাহার প্রথম উপায় হইতেছে যে, সর্বসাধারণের মধ্যে নানা প্রকারে জ্ঞান প্রচার করা কৰ্ণবা। বিদ্যালয়ের কতিপয় পুস্তক পাঠ করিলেই বিদ্যা বা জ্ঞান হয় না। জ্ঞানকে নানা স্থান হইতে নানাভাবে আহরণ করিতে হইবে এবং জ্ঞান দ্বারা প্রকৃতিকে স্বীয় সেবায় নিয়োজিত করিতে হইবে। সাধারণের পক্ষে সহজ ও অল্পব্যয়ে জ্ঞানসম্ভারের একটি উপায় হইতেছে পাঠাগার। যে দেশে পাঠাগারের অস্তিত্ব তত পরিমাণে বিদ্যমান, সেই দেশে শিক্ষাও তত পরিমাণে বিস্তৃত। পাঠাগারের বিস্তৃতি বর্তমান সময়ের কোন একটি জাতির শিক্ষার মাপকাঠি। কিন্তু কেবল পাঠাগার স্থাপন করিলেই হইবে না, মনোনীত পাঠাপুস্তক সমূহ সংগ্রহ করিতে হইবে। শুধু কতকগুলি নাটক বা নভেল পড়িলেই জ্ঞানলাভ হয় না। উচ্চাঙ্গের সাহিত্য, বিজ্ঞান, ভ্রমণ, ইতিহাস, মানবভিজ্ঞতার পুস্তকসমূহও পাঠ করিতে হইবে। পরলোকগত প্রফেসর অধ্যাপক Lester. F. Ward—তাহাকে আমেরিকায় Father of American Sociology বলে—তিনি বলিয়াছেন যে, মানবকে উন্নীত করিবার জন্ত তাহার মস্তিষ্কে 'বালাকাল' ততই বৈজ্ঞানিক সংবাদসমূহ প্রবেশ করাইয়া দাও। যুগযুগান্ত ধরিয়া মানবের অভিজ্ঞতা-সংবাদের মর্ম সাধারণের মস্তিষ্কে প্রবেশ করাইয়া দেওয়া প্রয়োজন। মাণার Brain Cell সমূহের মধ্যে সর্বপ্রকারের সংবাদ ঢুকাইয়া দেওয়া দরকার।

এই জন্ত আমাদেরও জাতীয় দৈনিক জীবনে সভ্যতার সুফল ভোগ করিবার জন্ত তদনুরূপ ব্যবস্থা করা প্রয়োজন। আমাদের আর ধর্ম-প্রধান জাতি এবং ধর্ম ও নীতির আদর্শস্থল বলিয়া অহঙ্কারে স্মৃত হইয়া কুপমণ্ডকের স্থায় ঘরে বসিয়া থাকিলে চলিবে না। হিন্দু জাতি মরিতে আরম্ভ করিয়াছে, জাতীয় সভ্যতার নিম্নতরে পড়িয়া রহিয়াছে। যদি ভারতীয় জাতিকে বাঁচিতে হয়, তাহা হইলে তাহাকে নূতন আদর্শ ও নূতনভাবে গঠিত হইতে হইবে। কিন্তু এ বিষয়ের একটি প্রধান অন্তরায় আমাদের ঘোর অজ্ঞতা। আমরা ঘোর তিমিরাজ্বর হইয়া রহিয়াছি। আমাদের মন অন্ধকারে পরিপূর্ণ।

শিক্ষার দ্বারা মনকে উন্নত করিতে হইবে। জ্ঞানচর্চাকে বাস্তব

ব্যবহার দ্বারা দৈনিক জীবনের সেবার লাগাইতে হইবে, এবং জাতীয় সভ্যতাকে উচ্চাচীর আনয়ন করিতে হইবে। বিদ্যালয়ের বিদ্যায় শিক্ষা সম্পূর্ণ হয় না; বিশেষতঃ ভারতীয় বিশ্ববিদ্যালয়সমূহের বিদ্যা অতি সঙ্কীর্ণ। এই সঙ্কীর্ণ বিদ্যার পূর্ণতা লাভ করিবার জন্য বাহির হইতে জ্ঞানসঞ্চয়ের প্রয়োজন। উচ্চ-চর্চার শিক্ষার্থীর এ বিষয়ে বড়ই অসুবিধা ভোগ করিতে হয়। ছুঃখের বিষয়, উচ্চ-চর্চা (Research) করিবার জন্য সমগ্র ভারতবর্ষে একটি বড় ভাল লাইব্রেরী নাই।

অবশ্য ইহার উত্তর এক কথায় দেওয়া যাইবে যে, আমরা নাচার, আমাদের হস্তে স্টেট নাই। কিন্তু তাহা বলিলেই যথেষ্ট হয় না। কথা এই যে, আমরা এ বিষয়ে কি করিতেছি? আমেরিকার Cornell বিশ্ববিদ্যালয়ের অর্থনীতির অধ্যাপক Prof. Jenks ও Columbiaয় নৃ-বিজ্ঞানের অধ্যাপক Prof. Boas তৎস্থানের ভারতীয় ছাত্রদিগকে বলিয়াছিলেন যে, তোমাদের Race capacity কোথায়, তাহা দেখাও? চীন, জাপান দেখাইতেছ, তোমাদের সে শক্তি ও গুণ কোথায়? আর আমরা প্রত্যক্ষ করিতেছি, তুর্কী কি ভাবে পুনরুত্থান করিতেছে। কথাটা সত্য, আমাদের নিজেদের চেষ্টিয় বড় হইতে হইবে, পরে করিয়া দিবে না ও হাতত্যাশ করিয়া বসিয়া থাকিলে চলিবে না, নিজেদের যদি শক্তি থাকে, তাহা হইলে বাধাবিঘ্ন অন্তরায়রূপে কার্য করিতে পারে কি? আমাদের মুক্তি আমাদের হস্তে রহিয়াছে। এই সম্পূর্ণ উপস্থিত ক্ষেত্রের বিচার্য জনশিক্ষা। ইহার জন্য আমেরিকার মধ্যপশ্চিমের ও পশ্চিমের বিশ্ববিদ্যালয়গুলি সাধারণের জন্য অবৈতনিকভাবে উন্মুক্ত রহিয়াছে। তদ্ব্যতীত তথায় সাধারণের বিনা-বায়ের শিক্ষার জন্য University Extension Lecture, Night School, Summer School, নানা পাঠাগার ও বৈজ্ঞানিক প্রতিষ্ঠানে শিক্ষার ব্যবস্থা আছে। আমাদের দেশে এই সব ব্যবস্থার উপায় উপস্থিত ক্ষেত্রে নাই হইলেও অনেক বিষয়ের ব্যবস্থা করা আমাদের হাতের ভিতর আছে।

ক্ষুদ্র বরোদারাজ্যে যে পদ্ধতি প্রচলিত আছে, তাহাও আমাদের সাধ্যায়ত্ত। চাই আমাদের চারিদিকে Circulating Library স্থাপন, চাই Travelling Library স্থাপন, চাই Free Library সমূহ স্থাপন; এবং এই সব পাঠাগারকে পরস্পরের সহিত সম্মিলিত করিয়া তাহাদের মধ্যে পুস্তকের আদান-প্রদানের ব্যবস্থা করা। আর এই সব পাঠাগারে উৎকৃষ্ট দরের সাহিত্য, বিজ্ঞান, ইতিহাস প্রভৃতি বিষয়ক পুস্তক সংগ্রহের প্রয়োজন এবং স্বদেশী ভাষায় নানাপ্রকারের বৈজ্ঞানিক, ঐতিহাসিক পুস্তকের প্রচলন প্রয়োজন, যদ্বারা সকলেই জগতের আবহাওয়া ও সংবাদ জানিতে পারে।

কিন্তু ইহার জন্য অর্থের প্রয়োজন। হয় ত চারিদিকে State-aided Library স্থাপন বর্তমান অবস্থায় সম্ভব নহে, কিন্তু আমাদের দেশের ধনবান্গণের দ্বারা সে অভাব কতক পরিমাণে পরিপূর্ণ হইতে পারে। আমেরিকার ধনীরা বিশ্ববিদ্যালয় স্থাপন করিতেছে, নানা-প্রকার বৈজ্ঞানিক প্রতিষ্ঠান স্থাপন করিতেছে, Carnegie Foundation Institute, Rockefeller Institute প্রভৃতি ঐ সব ধনী দ্বারা স্থাপিত হইয়া মানবহিতার্থ কত বৈজ্ঞানিক উপায় উদ্ভাবন ও আবিষ্কার করিতেছে। যুরোপেও তদ্রূপ। আমাদের দেশের ধনবান্গণ দেশের দিকে দৃষ্টিপাত করুন, লোকের হিতার্থ মুক্তহস্ত হউন। যদি আমরা আমাদের Race-capacity না দেখাইতে পারি, নিজেদের মুক্তির উপায় নিজেরা না উদ্ভাবন করি, তাহা হইলে এ জগতে বাঁচিব কি প্রকারে?

শ্রীতুপেন্দ্রনাথ দত্ত।

সংগঠনের সত্বপায়

মানুষের ক্ষুধা ও খোরাকীর কথা

মানুষের ক্ষুধা দ্বিবিধ;—(ক) মানসিক ক্ষুধা ও (খ) দৈহিক ক্ষুধা। এই দ্বিবিধ ক্ষুধার তাড়নাতেই অহোরাত্র মানুষ অতি কঠোর জীবন-সংগ্রামে লিপ্ত থাকিতে বাধ্য হইতেছে। মানুষের জীবন-সংগ্রামে জয়লাভের অর্ধই উক্ত দ্বিবিধ ক্ষুধার পরিতৃপ্তি-সংসাধন। এই উদ্দেশ্য সাধনের উপায়সমষ্টির নামই মানুষের সভ্যতা।

(ক) দয়ামারা, মেহসমতা, শ্রীতি-প্রেম আর হিংসা, ঘেব, ক্রোধ, অহুয়া, লোভ, কামাদি সু ও কু-প্রবৃত্তিগুলির পরিতৃপ্তিসাধন জন্য মনের যে আকাঙ্ক্ষা, তাহাই মানসিক ক্ষুধার লক্ষণ। এই মানসিক ক্ষুধার পরিতৃপ্তিসাধনটা প্রতিকূল ঘটনাবলতঃ সময়সাপেক্ষ হইলেও মানুষের জীবনধারণ বিষয়ে বিশেষ কোনও অসুবিধা ঘটে না। ইহা আত্মিক বাপার, বক্ষ্যমাণ প্রসঙ্গে আমাদের বিশেষ আলোচ্য নহে।

(খ) মানুষের দৈহিক ক্ষুধার ও তৎপরিতৃপ্তির জন্য যথাযোগ্য খোরাকীর বিষয়ই বর্তমান প্রসঙ্গে আমাদের বিশেষ আলোচনার বিষয়। দৈহিক ক্ষুধাটা মানুষের প্রধানতঃ তিন ভাগে বিভক্ত,—

- (১) বৃহৎ ও তৃপ্ত; খোরাকী তাহার অন্ন ও জলাদি পানীয়।
- (২) লজ্জা ও শীতাতপ-বোধ; খোরাকী তাহার বস্ত্র, আচ্ছাদন ও সোণা বাসস্থান।

(৩) রোগ ও ভোগ; খোরাকী তাহার আরোগ্য, বল ও স্বাস্থ্য-প্রদ ঔষধ ও পথা।

এতদ্ব্যতীত মানুষ আরও একটি ক্ষুধার তাড়নায় নিপীড়িত হয়, তাহাকে উপক্ষুধা বলা যাইতে পারে, তাহা মানস হইতে উৎপন্ন হইয় প্রধানতঃ দৈহিক ক্ষুধার পরিতৃপ্তিসাধনোপযোগী উপাদানেই স্বকীয় তৃপ্তির পূর্তা-সাধন করিয়া থাকে। মানুষের এই উত্তমলক্ষণাক্রান্ত মিশ্র উপক্ষুধাই বিলাসিতা নামে অভিহিত।

এই উপক্ষুধা মানুষের দৈহিক ক্ষুধার সঙ্গে কর্দ্দমানু এমনিই ওতপ্রোতভাবে জড়াইয়া গিয়াছে যে, ইহাকে বাদ দিয়া বর্তমান সময়ে দৈহিক ক্ষুধার বিষয় স্বতন্ত্রভাবে আলোচনা করাই চলে না। কাণ্ডে এই উপক্ষুধার ও তাহার খোরাকীর বিষয়ও বিশেষভাবে এ প্রসঙ্গে আমাদের আলোচনা করিতে হইবে।

মানুষের দৈহিক ক্ষুধা ও উপক্ষুধার পরিতৃপ্তির জন্য খোরাকীর প্রয়োজনীয় উপাদান সংগ্রহের কথা

জীবমাত্রেরই দৈহিক ক্ষুধার তাড়না ও প্রেরণা কাল-নিরপেক্ষ এই ক্ষুধার উদ্বেক হইলে পর ঠিক নির্দিষ্ট সময়মধ্যে নির্দিষ্ট পরিমাণ প্রয়োজনীয় খোরাকীর যোগান না দিলে, ইহা অতি উগ্র ও গুরান হইয়া উঠে, ফলে দেহবস্ত্র ক্রমে রিকল ও অচল হইয়া জীবন-সংশ উপস্থিত হয়। স্ব স্ব জীবনকে দেহ-প্রকোষ্ঠে রক্ষা করিয়া রাখিবার জন্য প্রকৃতির তাড়নাতে জীবমাত্রেরই তাই আমরণকাল আহারের সন্ধানে ও সংগ্রহে ব্যাপৃত থাকিতে বাধ্য হয়।

সহজ বুদ্ধি ও সহজ সরল দৃষ্টিতে প্রকৃতি পথ্যালোচনা করিলে যে বুঝিতে পারা যায়, একমাত্র তথাকথিত সভ্য-সমাজের অন্তর্ভুক্ত মানুষ ছাড়া অন্য আর সব জাতীয় জীবই প্রকৃতি-প্রদত্ত স্বাভাবিক অপক, কাঁচা বা অবিকৃত খাদ্যাদি দ্বারাই উদরপূর্তি করিয়া স্ব স্ব জীবন রক্ষা করিয়া চলিতেছে। সমস্ত মানুষেরাই মাত্র বিকৃত ও অস্বাভাবিক গ্রাসাচ্ছাদনের উপর নির্ভর করিয়া জীবনধারণে বাধ্য হইতেছে। মানুষের ইহা স্বেভাগ্য কি দুর্ভাগ্যের পরিচায়ক, তাহার বিচারহল ইহা নহে। তবে অবস্থা যে ঐরূপ পাড়াইয়া গিয়াছে, ইহা প্রত্যক্ষ সত্য;

আর এই অস্বাভাবিক অবস্থা পরিহার করিয়া মানুষ বে সহজে ও অল্পকালে পুনঃ অস্তিত্ব জীবের মত তাহার স্বাভাবিক অবস্থায় ফিরিয়া যাইবে, তাহারও কোনরূপ আশু সম্ভাবনা দেখা যাইতেছে না। সুতরাং অস্বাভাবিক হইলেও মানুষের বর্তমান এই জীবনপ্রণালীর ধারাটাকেই সত্যরূপ মানিয়া লইয়া এতৎসম্পর্কিত আলোচনাতে আমাদেরকে লিপ্ত হইতে হইবে।

সভ্য নামে সুপরিচিত মানবসমাজ উক্তরূপ অস্বাভাবিক ও বিকৃত জীবনধারণ-প্রণালীর ধারাটাকে অব্যাহতরূপে চালাইয়া লইবার জন্তই (ক) কৃষি, (খ) শিল্প, (গ) বাণিজ্য প্রধানতঃ এই তিনটি বিষয়েরই সৃষ্টি ও পুষ্টিসাধনে তৎপর রহিয়াছে। উক্ত বিষয় তিনটি হইলেও, তাহার পরস্পর সাপেক্ষধর্মী। মূল কৃষি খনি ও প্রকৃতিজ উপাদান, শাখা—শিল্প; আর ফুলফলাদি বাণিজ্য। শিল্পের উপাদান আংশিকরূপে প্রাণী খনি ও প্রকৃতি হইতে উৎপন্ন হইলেও প্রধানতঃ চাষাবাদ-মূলক কৃষি হইতেই সমুৎপন্ন হয়, এই কৃষিজ শিল্পপণ্যের বিনিময়বাপার লইয়াই বাণিজ্যব্যাপার পরিচালিত হয়।

বিনিময়মূলক এই বাণিজ্যব্যাপারকে অপেক্ষাকৃত সহজ ও সরল পন্থায় পরিচালিত করিয়া ইহাকে কাল ও দেশপ্রসারী করিবার জন্ত সভ্য মানুষ স্বীয় বুদ্ধিবৃত্তি খাটাইয়া অর্থনীতির বা বার্জাশাস্ত্রের সৃষ্টি করিয়াছে। অতীতকালের কথা বলি না, বর্তমান যুগের অবস্থা পয়ালোচনা করিয়া মনে হয়, উক্ত অর্থনীতিমূলক বাণিজ্যনীতিকে সম্প্রদায়-বিশেষের স্বার্থসংরক্ষণ উদ্দেশ্যে চির-অব্যাহত রাখিবার জন্তই মন সামরিক শক্তিমূলক মত সব বিভিন্ন দেশীয় রাজনীতির উদ্ভব হইয়াছে।

সে বাহাই হউক, সভ্য মানুষের জীবনধারণের প্রধান দুই উপায়—কৃষি ও শিল্প। এই কৃষি ও শিল্পের মূলভিত্তি মানুষের মানসিক শ্রম ও প্রধানভাবে দৈহিক শ্রম। আর কৃষি ও শিল্পের সাধনার জন্ত মানুষের প্রয়োজন প্রধানভাবে ভূমি, গৃহ, স্থানীয় অনুকূল আবহাওয়া, প্রয়োজনীয় যন্ত্রপাতি ইত্যাদি। উক্তবিধ সব অবস্থার অনুকূলতার মানুষ স্বীয় শ্রমসহযোগে কৃষি ও শিল্পকার্যে দ্বারা সভ্যসমাজের নিত্য-নৈমিত্তিক প্রয়োজনীয় যে সব পণ্যের উৎপাদন, আহরণ, রূপান্তর-সাধন করে, বাণিজ্যব্যাপারদেপে সে সকলের যথোপযুক্তরূপে বিনিময় জন্ত বৃদ্ধিসম্প্রদায় ও বিশেষ প্রয়োজন।

কথিতরূপে কৃষি, শিল্প ও বাণিজ্যনীতি যে দেশীয় মানুষসমাজে যতটা সুনিয়ন্ত্রিত ও সুপরিচালিত, জীবনসংগ্রামে তাহার ততটাই জয়ী, সভ্যতার হিসাবে তাহারাই বর্তমান যুগে ততটা সমুন্নত বলিয়া স্বীকৃত; আহায়ে বিহারে তাহারাই ততটা সুখী। সুতরাং উহাই এখন সভ্যতার মাপকাঠিরূপে পরিগণিত। মানুষসমাজই এখন উক্ত অবস্থাটাকে আদর্শরূপে লক্ষ্য করিয়া, তৎপ্রতি ধাবিত হইতেছে বা ধাবিত হইতে চাহিতেছে।

ভারতের বর্তমান অবস্থার কথা

কালচক্রের আবর্তনে ভারতবর্ষও উক্তরূপ মৈত্র বাত্রায় যোগদান করিয়া স্বীয় সভ্যতার ধোরাকীর সংস্থান পূর্বক আত্মরক্ষার প্রয়াস পাইতেছে। উপস্থিত আন্দোলনে এই প্রচেষ্টাই বিশেষভাবে আত্ম-প্রকাশ করিতেছে। ইহা স্বাভাবিক। মানুষের দৈহিক ধোরাকী যোগানের পথে যখন বিঘ্ন ও বাধা নিপতিত হয়, ফলে যখন অভাব ও অনটনের প্রকট ঘটনা তাহার জীবন-গ্রহিচ্ছদনের উপক্রম ঘটে, স্বভাবের তাড়নাতেই তখন সেই বৃত্তনু মানুষের সর্বসমাজ জুড়িয়া বিঘ্ন এক আন্দোলন উপস্থিত হয়। ভারতের বর্তমান আন্দোলনও ঠিক এই স্বাভাবিক নিয়মের অনুপ্রেরণাতেই আরম্ভ হইয়াছে। ভারতবাসীকে জীবন ধরিয়া বাঁচিয়া থাকিতে হইবে, উপস্থিত এই আন্দোলনকে বেরূপেই হউক, সাকল্যের গৌরবে সমুচ্ছল করিয়া ফুলিতেই হইবে। এতদ্ব্যতীত রক্ষার আর অন্য উপায় নাই।

স্ব-শ্রমজাত উপাদান-পুষ্টি ভারতের আজ সর্ববিধ দৈহিক ধোরাকীরই দারুণ দৈন্ত সমুপস্থিত। ফলে ভারতীয় মানুষ-সমাজের মৃত্যুও সন্নিকটবর্তী বলিয়া অনুমিত হইতেছে, তাহা হইবেই; কারণ, দৈহিক ধোরাকীর ক্রমিক অপচয় ও অভাব-অনটনে কোনও দেশীয় মানবসমাজই ধরাপৃষ্ঠে টিকিয়া থাকিতে পারে না। কাবেই ভারতবাসী মানুষও প্রয়োজনীয় ধোরাকীর বন্দোবস্ত করিয়া উঠিতে না পারিলে, আর বেশী দিন টিকিয়া থাকিতে সমর্থ হইবে না। এখন প্রশ্ন এই, এত বড় দীর্ঘ-কালবিজয়ী যে ভারতবর্ষীয় মানুষ-সমাজ, তাহার আজ এই দারুণ দুর্দশা সমুপস্থিত কেন?

ভারতবাসীর বর্তমান দুর্দশার কারণের কথা

কৃষি, শিল্প ও বাণিজ্য,—সভ্যসমাজ-সৌধের এই যে তিনটি প্রধান স্তম্ভ, বিদেশীয় সভ্যসমাজের সংশ্রবসম্মতে এ দেশীয় মানুষ-সমাজের উক্ত ত্রিস্তম্ভই আজ শিথিলমূল হইয়া পতনোন্মুখ। ফলে এ দেশবাসীর সর্বনাশ আসন্নপ্রায়। তাই বর্তমান চাকলাসূচক আন্দোলনের উৎপত্তি। ভারতের শিল্প আর বাণিজ্য ত বিলুপ্তপ্রায়। কৃষিই এ দেশবাসীর বর্তমানে একমাত্র জীবনসম্বল। কৃষিজাত পণ্যের বিনিময়-লক্ষ্য অর্থেই সমগ্র ভারতবাসী আজ কোনও ক্রমে কার্যক্রমে কথঞ্চিৎ-রূপে বাঁচিয়া আছে। এই যে কৃষিজ পণ্য বা কাঁচা মাল, তাহারও বহুলাংশ বিদেশীয়রা বাণিজ্যের সূত্রাবলম্বনে স্ব স্ব দেশে টানিয়া লইয়া যাইতেছে। দেশ শিল্পশূন্য, বাণিজ্যশূন্য বিদেশীদের হস্তগত, কৃষি ক্রমাবনত, কৃষিজ পণ্য অপসারিত,—এই সব কারণেই ভারতীয় মানুষ-সমাজ আজ ধ্বংসোন্মুখ।

মূল ব্যাধি ত ঐ। উপসর্গও বড় কম নয়। বর্তমান সভ্য জগতের অতি কূট কুটিল বাণিজ্যনীতির ফলে, ভারতের কৃষিজ পণ্যের বিনিময়ে প্রাপ্ত সামান্য অর্থও অতিমাত্র কৌশলসহকারে বিদেশী বণিকদেরই হস্তগত হইতেছে। উপসর্গের অবস্থাটা দাঁড়াইয়াছে এইরূপ;—

“সভ্যসমাজে মানুষের জীবনধারণের জন্ত যে সকল প্রয়োজনীয় পণ্যের দরকার, ভারতে তাহার সমস্তেরই সম্পূর্ণ যোগান-ভার বিদেশী শিল্পী এবং বণিকসম্প্রদায় গ্রহণ করিয়াছে, এবং করিতেছে। ভারতের বিরাট বাজারে ভারতবাসীরা কেবল ক্রেতা, আর বিদেশীরা বিক্রেতা। এইরূপ অসঙ্গত ও অস্বাভাবিক ব্যবস্থার ফলে, ভারতীয় কর্মীদের শ্রমমূলক কর্মের পথ একেবারে রুদ্ধ হইয়া যাইবার মত অবস্থায় আসিয়া উপনীত হইয়াছে। বৈজ্ঞানিক যন্ত্রজাত পণ্যের সঙ্গে প্রতিযোগিতায় ভারতের হস্তজাত উৎকৃষ্ট শিল্পোৎপন্ন পণ্য পরাজিত হইয়া ধ্বংসপ্রাপ্ত হইয়াছে এবং হইতেছে। সুযোগ ও সুবিধার অভাবে শিল্পী ও ব্যবসায়ী কর্মীরা স্ব স্ব বৃত্তি বন্ধ করিয়া অকর্মী হইয়া পড়িতেছে। ইহার ফলে ভারতের বিরাট কর্মশক্তি পলুপ্রায় হইয়া নষ্ট হইবার পথে গিয়া বসিয়াছে। কর্মীদের কর্মশক্তির এই যে পলু, ইহাই দারিদ্র্য, দৈন্ত বা অর্থহীনতার সর্বপ্রধান কারণ। বিদেশী বণিকদের চাল-বাজিতেই ভারতের আজ এই আর্থিক দুর্ভিক্ষ সমুপস্থিত। ইহার ফলে বিদেশীদের বাণিজ্যেও আজ ভাঙ্গন ধরিয়াছে। বিদেশী মাল শুধামে স্তূপীকৃত ও পুঞ্জীভূত হইতেছে। বাজারে অবশ্য ক্রেতার অভাব নাই, ধরীদের আকাঙ্ক্ষা বা ইচ্ছারও অভাব পরিলক্ষিত হয় না, তবু কিন্তু মাল আশানুরূপ ভাবে বিকাইতেছে না। ইহার একমাত্র কারণই হইতেছে ক্রেতার অর্থের অভাব। আর ক্রেতার এই আর্থিক অভাবের উৎপাদিকা ঐ বিদেশী বণিকদের অমুহৃত অতি অসঙ্গত বর্তমান বাণিজ্যনীতি।”

“ক্রেতাকে যদি বিক্রেতা পণ্য উৎপাদন জন্ত কোনও কাষ-কর্মের সুযোগ বা সুবিধা প্রদান না করে, প্রয়োজনীয় সব পণ্যই যদি একমাত্র বিক্রেতাই উৎপাদন করে, তবে ক্রেতার হাতে বিনিময়যোগ্য অর্থই বা

আসিবে কিরূপে? কোথা হইতে? আর অর্থ না হইলে ক্রেতা বা বিক্রেতার নিকট হইতে আবশ্যিক সব পণ্য ধরিদাই করিবে কিরূপে? এই বে দারুণ উপসর্গ—ইহার একটা আত্ম প্রতীকার না হইলে বা না করিলে ক্রেতা বিক্রেতা, কাহারও মঙ্গল নাই—মঙ্গল হইতেও পারে না।

এই ত গেল এক উপসর্গের কথা। আর এক উপসর্গ বর্তমান যুগের 'ক'ড়েদের' চালিত দোকানদারী। ইহাতেও ভারতবাসী সাধারণ প্রজাদের সর্বনাশ বড় কম হইতেছে না। জুরাখেলা প্রায় চাল-বাজিতে পরিপূর্ণ, বর্তমান কালের দোকানদারীর ফলে ভারতবাসী কর্মীদের অশোচনীয় পণ্যের পণ্যের মূল্য তাহারা নামমাত্র প্রাপ্ত হয়। আর প্রয়োজনীয় ক্রয় পণ্যের বিনিময়ে মূল্য তাহাদের দিতে হয় অতি অস্বাভাবিক রকমে বেশী। ইহার ফলে এ দেশবাসীর আর যেমন অতি দ্রুতগতিতে কমিয়া যাইতেছে, অল্পদিকে ব্যয় তেমনই অতি দ্রুতগতিতে বাড়িয়া চলিতেছে। আরের সঙ্গে ব্যয়ের একটা সামঞ্জস্য কোনও মতেই হইয়া উঠিতেছে না। এই অবস্থার পরিবর্তন না ঘটিলে তাহা হইতেও পারে না।

এ দেশবাসীর বিক্রয় পণ্য অসংখ্য 'ক'ড়ে' বা দালালের হাত ঘুরিয়া শেষ স্থানে ব্যয় বলিয়া স্বভাবতই মূল উৎপাদক কম মূল্য পাইতে বাধ্য হয়, পুনঃ তাহার প্রয়োজনীয় পণ্যও মূল উৎপাদিতহীন অসংখ্য দালাল বা বেপারীর হাত ঘুরিয়া প্রত্যেককে কিছু কিছু লাভ প্রদান পূর্বক তাহার নিকট আসে বলিয়া বাধ্য হইয়াই তাহাকে অস্বাভাবিক অধিক মূল্যে তাহা ধরিদ করিতে হয়।

ইহা ছাড়া বড় বড় ধনী ব্যবসারীদের একচেটেরা ব্যবসারনীতিও মূল্য-বৃদ্ধির অন্ততম কারণ।

উৎপাদকের অভাব আর ক্রেতার আধিক্য, বাজারের চাহিদারূপ পণ্যের অভাব,—এ সবও মূল্যাধিকার হেতু।

উক্ত সব কারণ-পরম্পরার ঘূর্ণাবর্তে পড়িয়াই ভারতবাসী আজ এমন শোচনীয়রূপে বিপন্ন ও দুর্দশাগ্রস্ত।

উপরে নির্ণীত নিদানমতে যথাযোগ্য ভেদজ ও পণ্য-প্রয়োগে চিকিৎসার ব্যবস্থা না করিলে, ভারতীয় মানুষ-সমাজের এই নিদারুণ ব্যাধি দুরীভূত হইবে বলিয়া মনে হয় না। বর্তমানে আমরা সেই চিকিৎসারই ব্যবস্থা-বিধানে তৎপর হইতে প্রয়াস পাইব।

[ক্রমঃ।

শ্রীকালিকাপ্রসাদ ভট্টাচার্য।

ধুলোটি।

"এই হইতে পরিপূর্ণ বিস্তার বিলাস।

সকীর্জন আরম্ভের হইল প্রকাশ।" চৈঃ ভাঃ।

প্রেমের ঠাকুর আজ ভাবাবেশে যেন আপন-হারা। মরণে ও কখনে—পঠন-পাঠনে, সর্বত্রই সেই নন্দনন্দনের স্মৃতি। এ দিব্যোন্মাদনা শুধু জীব-শিকার জন্ত। তিনি যে মানুষের কাছে আসিয়াছিলেন ঠিক মানুষেরই মত হইয়া। কোনও ঐশ্বর্য লইয়া নয়, কোনও অতিমানবতা লইয়া নয়। তাই ত তাঁহাকে আমরা ধরিতে পারিয়াছিলাম—অন্তরের অন্তরতম প্রদেশে গ্রহণ করিতে পারিয়াছিলাম। এইখানেই তাঁহার বিশেষত্ব। জীব যখন প্রেম-ধর্মের রসপূর্ণ হইয়া ওকপ্রাণ, তখনই তাঁহার আবির্ভাব। আর্ডের আকুল আস্থানে তিনি আসিয়াছিলেন—হুই হস্তে দিবেন এই সঙ্গ লইয়া। ধীরে ধীরে তাহাদের প্রস্তুত করিয়া লইতেছিলেন। এ যেন একখানি নাটকের অভিনয় (climaxএর) পূর্ণতার দিকে আসিয়া পৌঁছিয়াছে। গলা হইতে ঐচ্ছিকভাবে ফিরিয়াছেন। পিতৃপ্রাণ সমাপ্ত হইয়াছে—ঐশ্বর্য ধর্মের পুরীর নিকট দীক্ষাগাত ও খটিয়াছে। নবধীপে আসিয়া

আবার টোলে বসিয়াছেন, কিন্তু প্রতি অক্ষরে 'ঐক্য' অর্থ করিতেছেন। ছাত্রগণের বিশ্বাসের অন্ত নাই, সকলেই ভাবিতেছেন, এই কি সেই দিগ্বিজয়ী মিনাই পুণ্ডিত! তখনও তাঁহারা বুঝেন নাই যে, এ এক নূতন অক্ষ আরম্ভ হইয়াছে। ছাত্রগণ বলিলেন—"সব কথাতেই যদি ঐক্য ভিন্ন অর্থ অর্থ না হয়, প্রভু, যদি প্রতি শব্দেই 'ঐক্য' এই শব্দ ভিন্ন অর্থ কিছু বাস্তব না হ'ন, তবে আর কি অধ্যয়ন করিব, দেব?" ঐশ্বর্যপ্রভু যেন অতি লজ্জিত হইয়া বলিলেন—"কি করি বল, আমার বুদ্ধিজগৎ হইতেছে, সর্ব-বিষয়েই যে তাঁহাকে নিরীক্ষণ করিতেছি সেই শ্রামকিশোর যেন সর্বদাই আমার চোখে চোখে ঘুরিতেছেন তোমরা সব অস্ত্র অধ্যাপকের নিকট বাও, আমার ঘারা বুদ্ধি আশ্রয় অধ্যাপনা হইল না।" কিন্তু যে একবার তাঁহার চরণ-প্রান্তে স্থান পাই রাখে, আর কি সে অস্ত্র আশ্রয় প্রার্থনা করে? ছাত্রগণ একবাক্যে বলিলেন—"তোমার ছাড়িয়া আর কোথায় কে বাইবে, প্রভু, স্থান কিই বা পড়িবে? আমাদের আর অধ্যয়নের প্রয়োজন নাই।" এই বলিয়া তাঁহারা নিজ নিজ গ্রন্থে ডোবু দিলেন।

চতুর্দিকে অশ্রুযুক্ত হৈল শিবাগণ।

সদয় হইয়া প্রভু বলেন বচন।

"পড়িলাম শুনিলাম এত কাল ধরি।

কৃষ্ণের কীর্তন কর পরিপূর্ণ করি।"

শিবাগণ বলেন "কেমন সর্কীর্জন?"

আপনি শিখায় প্রভু শ্রীশচীনন্দন।

"হরয়ে নমঃ কৃষ্ণ যাদবার নমঃ।

গোপাল গোবিন্দ হ্যাম ঐশ্বর্যহৃদন।"

দিশা দেখাইয়া প্রভু হাতে তালি দিয়া।

আপনি কীর্তন করে শিবাগণ লৈয়া।

আপনি কীর্তন-নাথ করয়ে কীর্তন।

চৌদিকে বেড়িয়া গায় সব শিবাগণ।

আবিষ্ট হইয়া প্রভু নিল নাম-রসে।

গড়াগড়ি ব্যয় প্রভু ধুলার আবেশে।

'বোল বোল' বলি প্রভু চতুর্দিকে পড়ে।

পৃথিবী বিদীর্ণ হয় আছাড়ে-আছাড়ে।

গঙ্গাগোল শুনি সব নদীরানগর।

ধাইয়া আইলা সব ঠাকুরের ঘর।

নিকটে বসয়ে বত বৈকবের ঘর।

কীর্তন শুনিয়া সবে আইল সদয়।

প্রভুর আবেশ দেখি সর্ব-জগৎ।

পরম অপূর্ণ সবে ভাবে মনে মন।

পরম সন্তোষ সবে হইলা অন্তরে।

"এবে সে কীর্তন হৈল নদীরানগরে।

এমত দুর্লভ-ভক্তি আহরে জগতে।

নয়ন সকল হয় এ ভক্তি দেখিতে।

যত উচ্ছতোয়, সীমা এই বিশ্বস্তর।

প্রেম দেখিলাম নারদাদির ছকর।

হেন উচ্ছতোয় যদি হেন ভক্তি হয়।

না বুঝি কৃষ্ণের ইচ্ছা এবা কিবা হয়।"

কণেকে পাইলা বাই-বিশ্বস্তর রায়।

সবে প্রভু 'কৃষ্ণ কৃষ্ণ' বোলয়ে সদায়।

শুধু হইলেও বাস্তব-কথা নাই কহে।

সর্ব-বৈকবের গলা ধরিয়া কান্দয়ে।

সবে মিলি ঠাকুরেরে হির করাইয়া।

চলিলা বৈকবগণ মুহানন্দ হৈয়া।

কোন কোন পড়ুয়া-সকল প্রভুসঙ্গে ।
উদাসীন পথ লইলেন প্রেমরঙ্গে ।
আরভিলা মহাপ্রভু আপন প্রকাশ ।
সকল ভক্তের হুঃখ হইল বিনাশ ।*

এইরূপে এই জগন্মঙ্গল হরিনাম কীর্তনের প্রকাশরূপে প্রচার হইল। কিন্তু এই মহদমুঠান কোন্ শুভ তিথি হইতে আরম্ভ হইল, কেহই তাহা সুস্পষ্টরূপে নির্দেশ করেন না। বর্ণিত সময়ে শ্রীমমহাপ্রভু দ্বিতীয়বার দার-পরিগ্রহ করিয়াছেন। শ্রীমমহাপ্রভুর প্রথমা পত্নী শ্রীমতী লক্ষ্মী দেবী, দ্বিতীয়া পত্নী শ্রীমতী বিষ্ণুপ্রিয়া দেবীর জন্মতিথি ত্রীপঞ্চমীতে, তাহা বোধ হয় অনেকেই অবগত আছেন। শ্রীচৈতন্যদেব কর্তৃক এই নব ভক্তিরসের উৎসব এই তিথি হইতেই, সমারম্ভ হয় বলিয়া আমাদের বিশ্বাস।



মহাপ্রভুপাড়া রোড--(১) শ্রীমমহাপ্রভুর মন্দির
(২) শ্রীশ্রীঅষ্টম প্রভুর মন্দির--(৩) শ্রীশ্রীশুশ্রু বৃন্দাবন পঞ্চতন্ত্র মন্দির

শ্রীচৈতন্যদেব যে পর্যন্ত শ্রীমতী বিষ্ণুপ্রিয়া দেবীর সহিত মিলিত হইলেন নাই, সে পর্যন্ত তিনি কেবলমাত্র নিমাই পণ্ডিত। শ্রীমতী বিষ্ণুপ্রিয়া দেবীর সহিত মিলিত হওয়ার পরে তাঁহার গয়ায় গমনাদি এবং গয়া হইতে প্রত্যাগমনান্তে এই জীবোচ্চার-ত্রত আরম্ভ ও পতিতের বন্ধুরূপে তাঁহার প্রকাশ। বৈকবশান্ত্রে শ্রীবিষ্ণুপ্রিয়া দেবীর স্থান অতি উচ্চে। “শ্রীগৌরগণোদেশদীপিকা”য়—বিনি মূল ভূ-শক্তি, তিনিই সত্যভামা এবং বিনি সত্যভামা, তিনিই বিষ্ণুপ্রিয়া; “শ্রীচৈতন্যচন্দ্রোদয়” নাটকানুসারে—বিনি শ্রীরাধা, তিনিই সত্যভামা; শ্রীচৈতন্যভাগবতে—বিনি মহাবৈকুণ্ঠের লক্ষ্মী ও শ্রীকৃষ্ণলক্ষ্মী অর্থাৎ শ্রীরাধা, তিনিই বিষ্ণুপ্রিয়া; শ্রীভক্তমাল গ্রন্থেও বর্ণিত—


* শ্রীচৈতন্যভাগবতের মধ্যখণ্ডে শ্রীসকীর্ভন আরম্ভ বর্ণন।

“পূর্বে বিষ্ণুপ্রিয়া মাতা সত্যভামা হ'ন,
পৃথিবী বাহার অংশ বেদে করে গান ;”
“শ্রীবংশীশিকা” বলিলেন—

৫ “লক্ষ্মী অন্তর্ধান কৈলে সনাতন-কল্পা,
পৃথিবীর অংশরূপা রূপেপুণে ধরা,
তব লীলাধারা তেঁই ভক্তিব্রহ্মপিনী,
সর্বপুণে বরীয়সী আনন্দরূপিনী।”

কলিজীবের প্রধান অবলম্বন জগদ্ধকারকারী এই হরিনামকীর্তন কোন্ শুভকালে আরম্ভ হইলে ক্রমবিকাশে মানবকুল পবিত্র হওয়া সম্ভব, তাহা শ্রীমমহাপ্রভু বাতীত আর কেহই স্থির করিতে পারিতেন না। সেই শুভতিথি যে ভক্তিব্রহ্মপিনী শ্রীমতী বিষ্ণুপ্রিয়া দেবীর জন্মদিনেই হইতে পারে, তাহা শ্রীমমহাপ্রভুই সাব্যস্ত করিলেন।

ইহা শ্রীচৈতন্যদেব-প্রবর্তিত সেই প্রায় চারি শত বৎসর পূর্বে প্রকাশরূপে সাকীর্ভনপ্রচারের (anniversary) বার্ষিক উৎসব। ইহা এক্ষণে দীর্ঘ ষাট দিনকাল শ্রীধাম নবদ্বীপে অনুষ্ঠিত হইয়া ভক্তিরস-পিপাসুগণকে প্রেমধর্মের দিকে উন্মুখ করিয়া থাকে। শ্রীধাম-অঙ্গন,



নবদ্বীপের বড় আখড়ার বর্ধমান নাট্যমন্দির

প্রভৃতি বহু দেবালয়ে ত্রীপঞ্চমীতে আরম্ভ হইয়া কৃষ্ণা তৃতীয়ার ধূলোট হয় এবং বড় আখড়া প্রভৃতি স্থানে মাকরী সপ্তমীতে অধিবাস হইয়া কৃষ্ণা চতুর্দশীতে ধূলোট হয়। বড় আখড়ার আচরিত প্রথা অবিদিত। কোনও সময়ে কোনও অশেষ-পরিবার গোস্বামী দ্বারা এই মাঘী সপ্তমীতে অধিবাস হইয়া থাকিবে। কারণ, তাঁহার মতে অষ্টম প্রভুর জন্মতিথি মাঘী সপ্তমীই প্রকৃষ্ট তিথি বলিয়া অনুমিত হওয়া স্বাভাবিক। কিন্তু সেরূপ ব্যতিক্রমপ্রয়াসী হইলে নিত্যানন্দ প্রভুর জন্মতিথি মাঘী শুক্লা ত্রয়োদশীতে এই উৎসব আরম্ভ হইলেও পারিত।

সকীর্ভনের দুইটি প্রকারভেদ আছে, যথা—লীলা ও নাম। এ সময়ে দুই প্রকার কীর্তনই হইয়া থাকে। পূর্বকালে বহুল পরিমাণে ভগবদ্ভাসেরই কীর্তন হইত, এক্ষণে লীলা-কীর্তনই অধিক পরিমাণে অনুষ্ঠিত হইয়া থাকে। লীলা-কীর্তনের আরম্ভ ‘পূর্বরাগ’ হইতে, তাহা ‘মিলনে’ সমাপ্ত হয়। শ্রীকৃষ্ণের সহিত মিলিত হইবার পর্যায় অনুসারে পূর্বরাগের স্তর। এইরূপে অনুরাগাদি চৌবটি প্রকারের ক্রম-সংগীতকে লীলারস কীর্তন কহে। শ্রীরাধাকৃষ্ণের মিলনের পর কৃষ্ণ ভক্ত হইয়া এই উৎসবের অবসান ও ধূলোট হইয়া থাকে।

“রম্যে গড়াগড়ি দেওয়া বৈকবগণের মধ্যেই প্রধানতঃ দৃষ্ট হয়। ইহ-জগতে যে ব্যক্তি বাহা উৎকৃষ্ট বলিয়া বিবেচনা করে, সে-তাহার

আত্মীয়বন্ধুগণকে তাহাই প্রদান করিয়া থাকে। ভগবদ্ভক্তের চির-পরিপক্বী অভিমানাটিকে দূরে পরিহার করিয়া, কীর্তন অবসানে ভক্তগণ সেই নামবজ্রলে ভূসুষ্ঠিত হইতেন এবং তাহা আবার শ্রীমন্নহাপ্রভুর চরণস্পৃষ্ট পুতপবিজ্ঞানে ভক্তিপ্রীতি সহকারে রেহ-প্রণয়ের পাত্ৰগণকে মাখাইয়া দিতেন। এই প্রকারে এই পূর্ব 'ধুলোটোৎসব' নামে কীর্তিত হইয়া থাকে।

বহুপ্রকারের ধর্মবিপ্লবের আঘাত সহ্য করিয়া, শক্তি-উপাসক ও তান্ত্রিকগণের নিদারুণ লাঞ্ছনা ও অত্যাচারে লক্ষ্যপ্রহে না হইয়া প্রায় চারি শত বৎসরকাল বৈষ্ণব-সমাজ যে এই উৎসবটি রক্ষা করিয়া আসিতেছেন, ইহা তাঁহাদের ভক্তির নিদর্শন। এই সুদীর্ঘ কালের মধ্যে ইহার সমারোহের হাস-বৃদ্ধি অবশ্যস্বাভাবী হইলেও, ইহা যে লুপ্ত হইয়া গিয়াছিল, এরূপ বিবরণ অতি-বৃদ্ধগণের দ্বারাও উক্ত হয় না।

তবে দেবালয়বিশেষের মধ্যে অনেক সময়ে আড়ম্বরের নানাধিকা ঘটয়াছে।

* বড় আখড়ার * বাহা কিছু (Sanotity) পবিত্রতা ও 'নাম-গ্রাম', তাহা প্রধানতঃ শ্রীমৎ তোতারাম দাস বাবাজীর নামের সহিত জড়িত থাকারই জন্ম। তোতারামদাস বাবাজী † যে স্থানে পঠন পাঠন ও ভজন-পূজনাদি করিতেন, তাহাই উক্তকালে 'ভাবুক' ‡ বৈষ্ণব-সমাজের কেন্দ্ররূপে প্রসিদ্ধি লাভ করে। স্মরণকাল



নবদ্বীপের শ্রীবাস অঙ্গনের ধুলোট অবসান (বিংশতি-বর্ষ পূর্বে গৃহীত)

* * নবদ্বীপের ইতিহাসের সহিত বড় আখড়ার ও তপস্কার নাটামন্দিরের ইতিহাস বিশেষভাবে জড়িত। কথিত আছে যে, তোতারাম দাস বাবাজীর পরেও তপায় সামিয়ানার নিম্নে কীর্তনাদি হইতেছিল। মাধব দত্ত মহোদয় প্রথমে একপানি খড়ের আটচালা নির্মাণ করাইয়া দেন, পরে তপায় ইষ্টকনির্মিত নাটামন্দির নির্মাণ করাইয়াছিলেন। এই মাধব বাবুর 'সমাজ' ব্রজমোহনের আখড়া হইতে এক্ষণে নাটামন্দিরের দক্ষিণে নীত হইয়াছে। মাধব বাবুর কৃত নাটামন্দির জীর্ণ হইয়া গেলে টাঙ্গাইলের মহেরানিবাসী শ্রীমুক্ত রাজেন্দ্রকুমার দ্বায় নামক জনৈক ধনী ব্যক্তি বহুবায় দ্বারা উহা সুন্দররূপে পুনর্নির্মাণ করাইয়া দিয়াছেন।

† কথিত হয় যে, পূর্বকালে নবদ্বীপের শ্রীমন্নহাপ্রভুর বিগ্ৰহকে হুড়ঙ্গের মধ্যে লুক্কায়িত রাখিয়া তান্ত্রিকগণের অত্যাচার হইতে রক্ষা করা হইত। কৃষ্ণনগরাধিপ গিরীশচন্দ্রের সঙ্কল্পবিধান করিয়া এই শ্রীবিগ্ৰহের প্রকাশভাবে সেবা-পূজার আদেশ তোতারাম দাস বাবাজীর দ্বারা আনীত হয়। উক্ত বাবাজী মহাশয় শ্রীমন্নহাপ্রভু-বিগ্ৰহের সেবাপূজাদির সুব্যবস্থা করিয়া দিয়া মহাপ্রভুর অঙ্গন হইতে বড় আখড়ার প্রত্যাগমন করিলে বড় আখড়ার ধুলোটোৎসবের সমারোহ বৃদ্ধি পায়।

‡ সংসারত্যাগী, শিক্ষিত ও সাধু যে কয়টি বৈষ্ণব পূর্বকালে নবদ্বীপে বাস করিতেন, তাহারা ই ভাবুক নামে খ্যাত হইতেন, ১৮০০ দিবা তৃতীয় প্রহরে 'মাধুকরী' (দেবালয়) হইতে প্রাপ্ত) প্রসাদী

মধ্যে সেই স্থানে এই অমুষ্ঠানের প্রধান সহায়রূপে কলিকাতা পটল-ডাক্তার প্রসিদ্ধ ধনী মাধবচন্দ্র দত্ত মহোদয়ের খ্যাতি আছে। অমুমান ১২৫০ সালে তিনি যখন শ্রীমন্নহাপ্রভু দর্শনে এখানে সমাগত হন, সেই সময়ে বড় আখড়ার পশ্চিমে সুপরিসর এই ভূখণ্ডে তিনি এই

কীর্তন সূচ্যরূপে সম্পন্ন করিবার তাবৎ ব্যয়ভার বহনে স্বীকৃত হইলেন। তিনি বড় আখড়ার মহাস্তম্ভগণেরই অতুলিত ছিলেন, এ কারণে এ স্থানের প্রতিই তাঁহার অধিকতর আকর্ষণ ছিল। তিনি যখন ব্রজমোহনের আখড়ার আসিয়া এই অমুষ্ঠানের সমৃদ্ধি সংরক্ষণের জন্ম অবস্থান করিতেছিলেন, সেই সময়ে অধিকালনার সন্নিকটস্থ মুণ্ডগ্রামের নিত্যানন্দ গোস্বামী মহোদয়ও তন্নিকটস্থ স্থানে বসবাস করিতেছিলেন। এই গোস্বামী মহোদয়ের পরামর্শমতেই অশেষ প্রভুর জন্মতিথি মাকরী সপ্তমী হইতে বড় আখড়ার

ধুলোটোৎসব আরম্ভ হইল কি না বলা যায় না। বাহা হউক, পরিণামে মাধব বাবুর বংশধরগণ বড় আখড়ার এই সাহায্য বন্ধ করিয়া দেন। তৎপরে কিছুকাল যাবৎ বেলিয়াটীর জগন্নাথ বাবু এ বিষয়ে অর্থানুকূলা প্রদান করেন। তৎপরে নবদ্বীপের রতনমণি কুণ্ড মহাশয় এবং কিছুকাল গুরুদাস বাবুর পুত্র নৃসিংহপ্রসাদ দাস মহাশয়ের দ্বারা এই উৎসবের ব্যয়ভার নির্বাহ হয়। তৎপরে ভাগ্যকুলনিবাসী গোপীমোহন ও কিশোরীমোহন কুণ্ডবাবুদিগের দ্বারাও কয়েক বৎসর উহা সম্পন্ন হয়।

যতদূর অবগত হওয়া যায়, তাহাতে ময়নাড়ালের প্রসিদ্ধ মিত্র ঠাকুরবংশীয়গণ দ্বারা বর্তমানকালে বঙ্গদেশে কীর্তন-গান-বাচ্চ প্রচারিত করা হয়। নবদ্বীপের মাধবদাস, নিত্যানন্দদাস, হরিদাস, গোপালদাস ও দামোদরদাস প্রভৃতি অতি প্রাচীন কীর্তনীয়া ছিলেন। তৎপরে ভরতদাস, অশ্বত্থদাস, গিরিধারীদাস, গোবিন্দদাস, নন্দদাস (ছোট), গোপালদাস (কালো), হৃদয়দাস, বেণীদাস, আউলদাস (স্বামিতা), হৃদয়দাস, বিপিনদাস, নবীনদাস, হরিদাস, বিষ্ণুদাস, রসিকদাস ও রাধিকা সরকার প্রভৃতির নাম উল্লেখযোগ্য। ইহাদের মধ্যে অশ্বত্থদাস পণ্ডিত বাবাজী এবং গিরিধারীদাস বাবাজী মহাশয়ই বিশেষ অভিজ্ঞ ও প্রধান বলিয়া গণ্য হইতেন। তাহারা সকলেই শ্রীরাধা-গোবিন্দ-লীলা-কীর্তনে প্রেম-ভক্তিরূপে বৈষ্ণব জগৎকে অভিষিক্ত করিয়া স্বধাম প্রাপ্ত হইয়াছেন।

বৈষ্ণবসমাজের উৎসবগুলির মধ্যে এই ধুলোট উৎসব একটি প্রধান উৎসবের মধ্যে পরিগণিত হইয়াছে। বসন্তসমাগমের পূর্বে আমন খাণ্ডে 'গোলা' সকল পরিপূর্ণ করিয়া গৃহস্থ যখন সানন্দে 'নবান্ন' শেষ করিয়াছে, সেই সময়ে গোড়ীয় বৈষ্ণব সমাজের শ্রেষ্ঠ ধাম এই নবদ্বীপ নগরীতে স্বনামগাত গণেশচন্দ্র দাস প্রভৃতি প্রসিদ্ধ কীর্তনীয়াগণের কণ্ঠনিঃসৃত স্থললিত শ্রীকৃষ্ণদাবলী শ্রবণের এই যে সুযোগ,

অন্নব্যঞ্জন ভিক্ষা) দ্বারা তাহারা এক সন্ধ্যা ক্ষুধিবৃত্তি করিতেন মাত্র এবং কীর্তন-ভজনের দ্বারা ই দিবারাত্রির অধিকাংশ সময় ব্যয় করিতেন।

ইহা বেন বাজালার প্রতি বৈক্যের প্রাণেই একটা সাড়া— একটা আকাঙ্ক্ষা আগরিত করিয়া দেয়। নবযৌবন বেন এই সময়ে উত্তর বঙ্গের মিলন-ভূমিতে পরিণত হয়। কারণ, গায়কগণ অধিকাংশই রাঢ়দেশীয় এবং শ্রোতৃগণ প্রায়ই পূর্ববঙ্গবাসী। দলে দলে গৃহস্থগণ স্ত্রী-পুত্র আশ্রয়-বজনকে লইয়া প্রায় ১ পক্ষ কালের কত বেন ইহসংসারের বত কিছু অবসাদ, চিন্তা, দুঃখ বিশ্বস্ত হইতে এই পুণ্যতীর্থে ছুটিয়া আইসেন। গৌর-গঙ্গার দর্শন-স্পর্শনাধি ব্যতীত প্রিয় ও পরিচিত সকলে বেষ্টিত হইয়া বৎসরান্তে এই আনন্দ-সন্তোষের আশায়, পঞ্চকষ্ট উপেক্ষা করিয়া—হনুমানিসহ—বলে বলে গ্রহি দিয়া সহাস্তবদনে যখন এই তীর্থযাত্রীগণ সমাগত হইলেন, তখন তাহাদের আগ্রহ ও ধর্মপ্রবণতা দেখিয়া বতই মুগ্ধ হইয়া বাইতে হয়। সামাজিক হিসাবেও ইহা একটা বিশেষ প্রয়োজনীয় অনুষ্ঠান। দুর্-দুরন্তরে কত অপরিচিত, সন্ত-পরিচিত এবং ‘ধর্মবন্ধু’ ও আশ্রয়গণের পারস্পরিক মনোভাব এবং অনাবিল আনন্দের মধ্যে প্রতি বর্ষে তাহাদের পবিত্র তীর্থে মিলিত হওয়ার এই যে সুযোগ, তাহার মূল্য যে কত অধিক, তাহা ইতঃপূর্বে রেল-সীমার যখন অতি বিরল ছিল, তখন বেঙ্গল বুঝা বাইত, এখন ততটা উপলব্ধি না হইলেও অনেকটা বেশ বুঝিতে পারা যায়। ইহা বেন সেই প্রাচীন সমাজের একখানি প্রকৃত প্রতিচ্ছবি। সেকালে সুবৃহৎ জনসভ্য বৈক্যব সন্নীতের কি ভাবে কীর্তন

হইত, তাহার একটি হ-বহু চিত্র। ইহাদের সংসর্শে নবযৌবনের প্রাণও বেন আনন্দের তালে তালে নাচিয়া উঠে। বৃহৎ মেলায় অবস্ত্যতাবী পরিণাম রোগ-মুক্তিতেও বেন সে ধারা বিচ্ছিন্ন হয় না। সম্মান্যের পর সম্মান্য দিব্যরাজি কীর্তন করিয়া বাইতেছেন, কিন্তু ‘আসরে’ সকলেই বেন তয়র হুইয়া বসিয়া আছেন—আহার-নিদ্রার চিন্তা পর্যন্ত তিরো-হিত হইয়া গিয়াছে। বেন শ্রোতা ও গায়কের প্রাণে প্রাণে একটা সংযোগ আনিয়া দিয়াছে। এই আনন্দকোলাহল দেখিয়া মনে হয়— “মরেনি এ জাতটা।” তবে কিসে তাহাদের অন্তর এতটা উন্মুগ্ন হয়, তাহার সংবাদ কি দেশের দলপতিরা রাখেন? ধর্মের সোনার কাঠির স্পর্শ তাহাদিগকে সচেতন করিতে পারে। ধর্মের রস-গঞ্জের ভিতর দিয়াই ইহাদের আগরণ সম্ভব। তবে ইহার (fanatic) ধর্মের নামেও হিতাহিতজ্ঞানশূন্য নয়—ইহার (sentimental) ভাব-প্রবণ। দেশে আর কোনও অশোক-চন্দ্রগুপ্ত নাই, হইবার আশাও নাই। কিন্তু ভাবের আদান-প্রদান, সামাজিক ধারা ও ধর্মের একতা রক্ষা করিতে এরূপ সম্মেলনের একান্ত প্রয়োজন। বৈক্যব-সমাজের সৌভাগ্য যে, শ্রীচৈতন্যদেবের প্রেরণায় বেন আপনা হইতেই এরূপ সম্মেলন সম্ভবপর হইতেছে। ইহার আনুকূল্য করা প্রত্যেক বঙ্গবাসীরই কর্তব্য। বিভিন্ন দিনে, ধুলোট হওয়ার এখনও যেটুকু আনন্দের ধারা ক্ষুধ করা হয়, আশা করা যায়, অদূর-ভবিষ্যতে তাহার মীমাংসা হইয়া বাইবে।

শ্রীজনরঞ্জন রায়।

বর্তমান ভারত

শতকরা নব্বই লোক যে গো-অন্ধ,
আজ্ঞা চোখ কোটে নাই কারাগারে বন্ধ ;
কংগ্রেসে খিলাফতে গলা কাটে বক্তার,
এল-এ, বি-এ করটি?—উকীল ও ডাক্তার।
কেরাণীর দল যে গো মূর্খ ও ধীর,
বুকে লেখা রহে নিতি প্রভু-পদ-চিহ্ন,
এই নিয়ে গর্বে কে-ট-পড়ে বুকেটা
ছুই এক খেলাতেই হেসে ওঠে মুখেটা।

পন্নী যে মরুভূমি—ভিটা-মাটি-শুষ্ক,
আজি তার এই বশা—করেছ কি পুখা !
শিকার অভাবেতে—মুক কালা অন্ধ,
চিরদিন যে গো তার সব দিক বন্ধ।
সমাজেতে উঁচু নীচু—ভাই ভাই ভিন্ন,
বিকারে, রোগী এ যে মরণের চিহ্ন !
হাড়ি মুচি ডোম আদি আপী জন শূত্র,
তার যে গো ভারতের যুগা ও কুত্র।

ধনা, গোপা, গান্ধী আজি তারা অন্ধ,
হেসেলে কোণে যে গো চিরতরে বন্ধ,
ধ'সে পড়ে পূজ করে—কত সারা অন্ধ
সমাজের পচা গারে,—অপরাধ বন্ধ !
বীঘরের হা ধ-তা ধ নিয়ে তোর-কল ফি ?
বেদ, গীতা, কোরাণের বল চেয়ে বল কি ?
হিহু আর মোস্লেম ছুই ভাই ভিন্ন
'ধর-ভাঙ্গা' কথাতেই মরণের চিহ্ন !

ব্যাধিলন, এসেরিয়া ছিল কভু মর্বে ?
আজি তারা স্বপ্ন যে—বিশ্বতি-গর্বে !
ভারতের ভাগা ফি হবে চির-শূণ্ড ?
বেদ-গীতা ধরা-বুকে হবে চির-গুণ্ড ?
ঐতি, স্মৃতি, রামায়ণ, ব্রাহ্মণ ও তন্ত্র,
জগতের কানে দেবে মুক্তির মন্ত্র ;
রীতিনীতি ধর্মেও গর্বিত বিশ্ব,
হবে হবে এক দিন ভারতের শিষ্ণ।

ঐ দেখ পূর্ববেতে উঠে না সূর্য,
সাজ সাজ বাজা তোরা বিজয়ের ভূর্য,
ভাঙ্গ ভীতু ভেঙ্গে কেল মোহ-কারা দুর্গ,
আজ্ঞা কি গো রবি তবে অন্ধ ও মূর্খ,
ক্রন্দন রেখে দিয়ে আশি কর রত্ন,
অপমান করে বারা হবে তারা কুত্র ;
জগতের ভুই যে গো কোহিনুর রত্ন,
ক্রন্দন মুকুটেতে তোর হবে বন্ধ।

শ্রীশচীন্দ্রমোহন সরকার,



প্রতারণক

২৩

ইভকে ষ্টেশনে গাড়ীতে চড়াইয়া দিয়া প্রতিমা যখন পিতার সহিত বাসায় ফিরিয়া আসিল, তখন তাহার মনটা যেন একটা বিরাট শূণ্যতায় ভরিয়া উঠিল। সে বুঝিল, এই কয় মাসে ইভ তাহার হৃদয়ের কতখানি স্থান অধিকার করিয়াছিল। মায়াবিনী ইভ—তাহার কি মোহিনী আকর্ষণী শক্তি!

প্রতিমার আর পুরী ভাল লাগিতেছিল না। শৈল সমুদ্রতীর বড় ভালবাসিত বলিয়া পুরী ছাড়িবার নাম করিলেই কান্নাকাটি করিত, এই হেতু প্রতিমা আরও কিছু দিন পুরীতে রহিল। কিন্তু সে থাকা যেন ঔষধ-সেবনের মত। প্রাণ যাহা চাহে না, তাহা জোর করিয়া গ্রহণ করিলে কেমন লাগে?

এক দিন প্রতিমা ইভের একখানা সুদীর্ঘ পত্র পাইল। পত্র ইংরাজীতে লিখা। প্রতিমা পত্রখানি বার বার বহুবার পাঠ করিয়াও তৃপ্তি পাইল না—সে যেন পত্রের প্রতি ছত্রে ইভকে মূর্তিমতী হইয়া অধিষ্ঠান করিতে দেখিল। পত্রখানির মর্ম্ম এই :—

“দার্ক্জিলিঙ।

প্রিয় ভগিনি,

তোমার মধুময় সঙ্গ ছাড়িয়া আসাতে যে কষ্ট পাইয়াছি, সে কষ্ট বড় কি আমার মনের দারুণ আঘাতের কষ্ট বড়, তাহা এখনও ঠিক বুঝিয়া উঠিতে পারি নাই। প্রথম প্রথম তোমার অভাবের কষ্টটাই আমার মনের সমস্ত স্থানটা জুড়িয়া বসিয়াছিল। কিন্তু যতই দিন যাইতেছে, অল্প কষ্টটা আর সব অল্পভূতিকে সরাইয়া দিয়া যেন ক্রমেই বিরাট দৈত্যের মত আবার মাথা ঝাড়া দিয়া উঠিতেছে, বুঝি সে আমাকে শেষ না করিয়া সঙ্গছাড়া হইবে না।

বোন, তোমাদের সমাজে বা ধর্মে বিবাহ কি ভাবে গ্রহণ করা হয়, জানি না। আমাদের সমাজে জী শ্বা পুরুষের জীবিতকালে বিবাহ একের অধিক হয় না। পুরুষের একের অধিক জী. আমরা করনাও করিতে পারি না। সুতরাং পূর্বে আমার স্বামী বিবাহ করিয়াছেন ও সেই জী জীবিতা আছেন, এ কথা আমি কিছুতেই ভুলিতে পারিতেছি না—আমার জীবনান্ত পর্য্যন্ত পারির কি না, জানি না।

আমার কথা লইয়া তোমায় জ্বালাতন করিতেছি জানি, কিন্তু বোন, তোমার সহিষ্ণুতা, তোমার অসাধারণ ত্যাগ আর আমার প্রতি তোমার অকৃত্রিম ভালবাসাই তোমায় জ্বালাতন করিবার অধিকার আমার দান করিয়াছে। তোমায় আমি আমার মনের কোনও কথা গোপন করি নাই—তোমায় মনের কথা জানাইলে সাধনা পাই, সুখ পাই, তাই তোমার বিরক্তিকর হইলেও জানাইতেছি। আশা করি, তোমার মধুর স্বভাব আমার এই আকারও সহ্য করিবে।

মানুষ সমাজবদ্ধ জীব, তাই সমাজে থাকিতে হইলে তাহার কতকগুলি অধিকারও যেমন আছে, তেমনই দায়িত্ব ও কর্তব্যও আছে, না থাকিলে সমাজে শৃঙ্খলা থাকিত না। এক জন অপরের পত্নীর রূপে আকৃষ্ট; কিন্তু তাহা বলিয়া সমাজের প্রতি কর্তব্য ও দায়িত্ব এড়াইয়া সে অপরের পত্নীকে দাবী করিতে পারে নী,—করিতে গেলে সে সমাজের শাসনদণ্ডে নিরস্ত্রিত হয়। তেমনই পরের দ্রব্যে লোভও দণ্ডনীয়। সমাজ মানুষের জন্ত যে সব আইন-কানুন বাধিয়া দিয়াছে, তাহা মানা না মানা মানুষের ব্যক্তিগত ইচ্ছাধীন হইতে পারে না। আজকাল যুরোপে ও মার্কিনে যে free thought, free love বলিয়া কথা উঠিয়াছে, তাহার অর্থ আমি খুঁজিয়া পাই না।

যাহারা আজকাল sex-psychology লইয়া নাড়াচাড়া করিয়া প্রকাণ্ড মনস্তত্ত্ববিদ আখ্যায় ভূষিত হইতেছেন, তাঁহারা দেহ ও মনকে পৃথক্ করিয়া ফেলিয়া তাঁহাদের রচনার সমাজের নানা শৃঙ্খলাহীন দৃশ্যের অবতারণা করিতেছেন এবং দেখাইবার চেষ্টা করিতেছেন যে, ঐ সকল চিত্র natural, উহা অঙ্কিত করাই art—রচয়িতা situationটা পাঠকের সম্মুখে ধরিয়া দিবেন মাত্র, উহার পাপ-পুণ্যের দিক ফুটাইবার জন্ত গুরুমহাশয়গিরি করিবেন না। আমি এই ভাবের রচনাগুলোকে পাপ বলিয়া মনে করি, কেন না, উহা দ্বারা ভবিষ্যৎ বংশধরদিগের দ্বারা সমাজে শৃঙ্খলা নষ্ট করিবার লিঙ্গ পত্তন করিয়া দেওয়া হয়। ঠিক এই হিসাবে বিবাহিত পুরুষকে বিবাহ করাকেও আমি পাপ বলি। তুমি হয় ত বলিবে, প্রথম বিবাহ যখন নামমাত্র, তখন ইহাতে পাপ নাই। কিন্তু আমি তাহা বলি না। আমার মতে পুরুষের বিবাহিতা পত্নী জীবিত থাকিলে সে বিবাহ নামমাত্র হইলেও তাহার সহিত অন্য নারীর বিবাহ করা পাপ। হয় ত আমার এই ধারণার জন্ত আমার সেকেলে অন্ধ বিশ্বাসী বলিবে। বল, তাহাতে ক্ষতি নাই।

আমার মনের গতি যখন এইরূপ, তখন আমার স্বামীর সহিত—মিঃ রায়ের সহিত আমার কি সম্বন্ধ, তাহা নিশ্চিতই বুঝিতে পারিতেছি। তোমায় যখন সব কথাই খুলিয়া বলিব বলিয়া প্রস্তুত হইয়াছি, তখন কিছুই লুকাইব না। মিঃ রায় ও আমি একত্র বাস করি বটে, কিন্তু ঐ পর্য্যন্ত। পরিচিত বন্ধু-বান্ধব বা আত্মীয়-স্বজন যেমন একত্র বাস করে, আমাদের একত্র বাসও ঠিক সেই প্রকৃতির। হুঁজনে কাছে থাকিয়াও আমরা হুঁজনে হুঁজনে হইতে বহু দূরে আছি, এমন দূরে বোধ হয় তোমাতে ও মিঃ রায়েরেও নাই।

তবে আমাদের এই মিলনের মধ্যে বিচ্ছেদের কথা ঢাক পিটিয়া জানাইতেছি না—সে প্রবৃত্তিও নাই। বাহিরের লোক এখনও জানে না,—কি দুর্ভেদ্য প্রাচীরের ব্যবধান আমাদের হুঁজনের মধ্যে মাথা 'ঝাড়া' দিয়া উঠিয়াছে!

কিন্তু—কিন্তু কি বলিব, কথা ত ফুরায় না! মিঃ রায়—আমার স্বামী, তাঁহাকে যতই দূরে রাখি, যতই পরিচিত বন্ধুর মত তাঁহার সহিত ব্যবহার করি,—চেষ্টা

করিয়াও ত তাঁহাকে ভুলিতে পারি না। মনে করি, হৃৎপিণ্ডটা উপাড়িয়া ফেলি, কিন্তু সে মূর্খি যে উহার সহিত জড়ান-মাখান। এ আমার কি সর্বনাশ করিয়াছি! আপনাকে একবার বিলাইয়া দিলে আর যে ফিরাইয়া পাওয়া যায় না, তাহা ত জানিতাম না!

সর্বনাশ! এক একবার মনে হয়, যথার্থই সর্বনাশ। কিন্তু পরক্ষণেই ভুলিয়া যাই যে, উহা সর্বনাশ। এ সর্বনাশেও যে এত সুখ, এত সান্ত্বনা, তাহা ভুলভোগী হইয়াও বুঝিতেছি। আত্মায় আত্মায় যে দেখা-শুনা, মিল-মিশা, ভালবাসা, তাহার স্বস্তি যে সর্বনাশের মধ্যেও তৃপ্তি, শান্তি আনিয়া দেয়, তাহার তুলনায় এ জগতে কি আছে?

হুঁই দিকে হুঁই হুঁজ আমার জীবনের গতির উপর আকর্ষণের প্রভাব বিস্তার করিতেছে,—কোন দিকে যাই? বলিয়া দাও ভগিনি, এ সঙ্কটে আমার কর্তব্য কি? মন যাহা আঁকড়িয়া ধরিতে চাহে, বিবেক তাহা দূরে ফেলিয়া দিতে চাহে; বলিয়া দাও, আমার কর্তব্য কি?

যে অবস্থায় আছি, যে সংশয়-দোলায় ছলিতেছি, তাহাতে হয় ত আর অধিক দিন তোমার ভগিনী তোমায় প্রলম্ব তুলিয়া জ্বালাতন করিবে না। ঘোর অন্ধকার, পথ নির্ণয় করিতে পারিতেছি না, কত বিপথে গিয়া মন ক্ষত-বিক্ষত হইতেছে, তাহা কি জানাইব? মন ক্ষত-বিক্ষত হইলে দেহ ভাল থাকিবে কিরূপে? অন্ধকার সমুদ্রে সাঁতার দিতেছি, হাবুডুবু খাইতেছি, কুল পাইতেছি না। যেমন সমাজের আর পাঁচ জনে করে, তেমনই করিয়া ভিতরে আঘাতের উপর আঘাত খাইয়াও প্রাণপণে মুখে হাসি ফুটাইবার চেষ্টা করিতেছি—আমার ভিতর ও বাহিরকে পৃথক্ করিয়া ফেলিয়াছি। যাহা পূর্বে আমি অন্তরের সহিত ঘৃণা করিতাম, তাহাই জীবনে অভ্যাস করিতেছি। আমাদের society paperএ প্রায়ই পড়ি, অমুক লোক পত্নী থাকিতেও আরও তিন চারিটি নারীর সঙ্গভোগ করে, অথচ সমাজ জানিয়া গুনিয়াও চক্ষু মুদ্রিত করিয়া থাকে,—প্রকাণ্ড সমাজের শৃঙ্খলা ভঙ্গ না করিলেই হইল! তোমাদের সমাজেও গুনিয়াছি, লোক হোটলে খানা খায়, সমাজ তাহাকে কিছু বলে না, কিন্তু প্রকাশে সেই মোক বিদেশযাত্রা করিলে তাহার জাতি যায়।

অর্থাৎ আবরণ রাখিয়া যাহা কর, তাহাই সমাজে চল, আর সব অচল। আমিও তেমনই আবরণ দিতে শিখিতেছি। প্রাণ পুড়িয়া থাক'হইয়া গেলেও আব্রু স্বামীর সহিত পূর্ব-সম্বন্ধ রাখিব না, কিন্তু সব চুপে চুপে—আবরণের অন্তরালে, বাহিরের জগৎ যেন ঘূর্ণাকরে কিছু না জানিতে পারে।

বুঝিলে কি বোন, কত দূর নামিয়াছি? এক পাপ পুষ্টি রাখিতে গেলে তাহার মূল্য কত দিতে হয়, তাহা এখন বেশ বুঝিতে পারিতেছি।

আশা করি, তোমরা ভাল আছ। তোমার শ্রদ্ধেয় পিতা ও আদরের শৈল বেশ মনের সুখে আছেন ত? তুমি পুরীতে আর কত দিন থাকিবে? তোমার কথামত আমি তোমার ঠিকানা আর কাহাকেও জানাইব না। যেখানেই থাক, আমায় জানাইও, আর কেহ জানিতে পারিবে না। যে দিন জগতের দেনা-পাওনা মিটাইয়া চলিয়া যাইব, তাহার বোধ হয় অধিক বিলম্বও নাই—সেই দিন তোমায় আমার বড় দরকার। তাই তোমার ঠিকানা জানাইও, কি জানি কখন দরকার হয়। ভগিনি, তোমার ভালবাসার ইন্ডের এই একটিমাত্র অনুরোধ রক্ষা করিও, যেন পরপারে যাইবার আগে একটি বার তোমায় আমার দেখা হয়। ইতি

অভাগিনী ইতি।”

প্রতিমা বহুক্ষণ ধরিয়া চিত্রপুস্তলিকাবৎ পত্রখানি করপুটে ধারণ করিয়া বসিয়া রহিল। সে তখন কত কি ভাবিতেছিল, তাহা কে বলিবে? সে যখন বাহিরের জগতে ফিরিয়া আসিল, তখন শৈল, শৈল বলিতেছে, মঠের মা ঠাকুরণ আসিয়াছেন, তাহাকে ডাকিতেছেন।

প্রতিমা ত্রস্তে উঠিয়া শৈলের অনুসরণ করিল, মাতাজীর সমীপবর্তিনী হইয়া নতমস্তকে তাঁহার পদধূলি গ্রহণ করিয়া পার্শ্বে উপবেশন করিল। স্বর্গদ্বারে এক মঠে মাতাজীর সহিত তাহার পরিচয় হইয়াছিল। তাঁহার মধুর চরিত্রে ও উপদেশে প্রতিমা কিছু দিন হইতে মুগ্ধ হইয়াছিল।

মাতাজী সহাস্তাননে বলিলেন, “কি দোষ করেছি মা, আজ ক'দিন আমার ওখানে একবারও যাওনি?”

প্রতিমা সলজ্জভাবে বলিল, “বড় ঝগাটে প'ড়ে গেছলুম। মা, ইতকে পাঠিয়ে দিয়ে তবে একটু হাঁক ছাড়তে পেরেছি।”

“ইত কে? ও, সেই ইংরেজের মেয়েটি বুঝি? আহা, খুব ভাল মেয়ে। আমি বলছি, ও শাপত্রট হলে ওদের ঘরে জগ্নেছে। তবে এও ক'লে রাখছি, ওর অদৃষ্টে সুখ নেই।”

“কেন মা, এখন দিন কতক রোগে ভুগছে ব'লে কি ওর অদৃষ্টে ভবিষ্যতেও সুখ নেই?”

“না মা, তার জগ্নে নয়, ওর ক'টা লক্ষণ দেখে বুঝেছি, এই অল্পবয়সেই ওকে বড় মনঃকষ্ট পেতে হবে, দেহও ভাল থাকবে না। কি করবে বল, যার যা লেখা আছে।”

“হাঁ, মা, আমাদের যা যা হবে, তা যদি আগে থাকতেই লেখাপড়া থাকে, তা হ'লে মানুষ হয়ে চেঁচা করবার দরকার কি—যা আছে কপাল ব'লে গা ভাসিয়ে চ'লে গেলেই ত হয়, আর তা হ'লে পাপ-পুণ্যেরও ধার ধারতে হয় না।”

“ছি মা, এত বুদ্ধিমতী হয়ে তুমি বিধাতার বিধানটাকে এমনই সোজা কথায় উড়িয়ে দিতে চাও? ও বিষয়ে কথা কইতে গেলে অনেক তর্ক আছে। সে এক দিন অবসর বুঝে হবে! আপাততঃ একটা কথা ব'লে রাখি। বিধাতা বিধান দিয়েছেন, সঙ্গে সঙ্গে মানুষকে হিতাহিত-জ্ঞান দিয়েছেন—হুটোর মধ্যে দেনা-পাওনা ঠিক ক'রে নিয়ে কায ক'রে যাও, ইহজন্মে ত ভাল হবেই, পরকালেরও কায গুলুতে পারবে। যাক, তুমি আমার মঠের সদাত্রতের কি ব্যবস্থা করলে মা? আমি যে তোমার মুখ চেয়ে রইছি।”

“কেন মা, তার জগ্নে ভাবনা কি? সে সব ত ঠিক হয়েই আছে। আপনি যে দিন ইচ্ছে করবেন, সদাত্রতের জগ্নে ঘর-হুণোর আরম্ভ ক'রে দিতে পারেন। আর মাসে মাসে যা ধরচা, তার জগ্নে আপনার নামে ব্যাঙ্কে টাকা ত দিয়েই রেখেছি।”

“বেঁচে থাক মা! জন্ম-এয়োজী হও, মাথার সিঁদুর, হাতের নোহা অক্ষয় থাকুক। কি মা, অমন ক'রে বিমর্ষ হয়ে রইলে কেন? ভাবছো, বুড়ী যা বলছে, তোমার মন যোগাবার জগ্নে বসছে। তোমার কাছে দাঁও মেয়ে খোসামোদ করছে? না মা, তা না। এই বুড়ী যে তোমার ভবিষ্যৎ সব চোখের সামনে জলজীৱন্ত দেখতে পাচ্ছে। সব কিরে পাবে মা, সব কিরে পাবে, তবে হু'দিন আগে আর পিছে।”

“সব ত জানেন, মা !”

“জানি। জানি বলেই বলছি, সব ফিরে পাবে, তোমার মত সতীলক্ষ্মীর মনে ভগবান্ কি চিরদিন কষ্টের রেখা টেনে দিয়ে রাখবেন ? মনেও ভেবো না।”

“ইত ত সতীলক্ষ্মী।”

“পাঁচ শ বার। কিন্তু ওর পূর্বজন্মের বতটুকু স্মৃতি, তার বেশী ফলভোগে ত ওর অধিকার নেই। এ জন্মে যে কাষ ক’রে গেল, আসছে জন্মে আবার তার ফল উপভোগ করবে। এমন বাওয়া-আসা অনেকবার করলে পরে ওর কাম্য-ফলও মুঠোর মধ্যে পাবে। তখন একে আর অতৃপ্ত বাসনা নিয়ে অকালে চ’লে যেতে হবে না।”

প্রতিমা চমকিত হইয়া বলিল, “কি বলছেন মা ? ইত, ইত, আমার বড় আদরের ইত—”

মাতাজী হাসিয়া বলিলেন, “আদরের জিনিষটিকে কি কেউ ধ’রে রাখতে পারে ? সময় হ’লে রাজার বেটাকেও ডাকে সাড়া দিতে হয়—সব আদর ছেড়ে ত তাকে যেতে হয়। ইহজন্ম পরজন্ম মান ত ? তুমি হিঁহুর মেয়ে, তোমাকে বোঝাতে হবে না। তোমার প্রথম জীবনের এই কষ্ট কি পূর্বজন্মের ফল নয় ? না হ’লে এ জন্মে তুমি এমন কিছু করনি—যাতে এই জালা তোমার সইতে হচ্ছে।”

প্রতিমা হঠাৎ অশ্রুমোচন করিয়া মাতাজীর পা হইখানি জড়াইয়া ধরিয়া বলিল, “মা গো, আমার আপনার গারে নিন—”

মাতাজী বিস্মিত হইলেন। স্বভাবতঃ গম্ভীরপ্রকৃতি প্রতিমা ত সহজে কাঁদে না। তাহার মাথার সম্মুখে হাত লাইয়া বলিলেন, “সময় হলেই নেব। তোমার যে সংসারে এখনও অনেক কর্তব্য রয়েছে মা। এক দিন আমি-পুত্র নিয়ে আমারই আশ্রমে কত আনন্দে পূজা দিতে আসবে।”

প্রতিমা আবার গম্ভীর হইয়া বলিল, “না মা, আমি সে সুখ চাই না। ইতের সুখ বলি দিয়ে আমার স্বার্থ যে দিন পাথতে ইচ্ছে হবে, তার আগে যেন আমার মৃত্যু হয়।” রবিগলিত ধারে প্রতিমার ছই চক্ষু দিয়া অশ্রু গড়াইয়া পড়িল।

মাতাজী উঠিলেন, প্রতিমার মাথাটা বুকের মধ্যে জড়াইয়া ধরিয়া বলিলেন, “এই গুণেই ত আমার এত বশ

করেছিল মা। আশীর্বাদ করি, তোমার সাধনা সফল হোক। আর আশীর্বাদ করি, যেন বাঙ্গালীর ঘরে ঘরে তোমারই মত মেয়ে জন্মগ্রহণ করে।”

মাতাজী চলিয়া গেলেন। প্রতিমা বহুক্ষণ তাঁহার চণ্ড মূর্তির দিকে একদৃষ্টে তাকাইয়া থাকিয়া অন্তমনে কি ভাবিতে লাগিল। তাহার পর ছরস্ক শৈল যখন বাহির হইতে খেলা ফেলিয়া তিতরে আসিয়া ডাকিল, ‘চল না মা, বেলা হয়নি, নাবে খাবে না ? তখন সে উঠিয়া স্বান করিতে গেল, কিন্তু তখনও তাহার মনের মধ্যে মাতাজীর একটা কথা খুব জোরেই তোলাপাড়া করিতেছিল—“সব ফিরে পাবে মা, সব ফিরে পাবে।” অসম্ভব, অতাবূনীয়, অচিন্ত্যনীয় এ কথা ! গোড়া কাটিয়া আগার জল ঢালিলে গাছ কি কখনও আর প্রাণ পাইয়া থাকে ?

১৭

“এর জন্মে এই শাস্তি—চিরজীবনই এই শাস্তি বইতে হবে ? ইত, এর চেয়ে আমার মৃত্যুদণ্ড দাও না কেন,—” অত্যন্ত কাতরস্বরে বিমলেন্দু ইতকে এই কথা করটি বলিল।

ইত মনে যাহাই ভাবুক, প্রকাণ্ডে কঠিন পাষণের মত নিশ্চল হইয়া বসিয়া রহিল, কোন জবাব দিল না।

বিমলেন্দু আবার বলিল, “কমাও কি নেই ? ইত, তুমি এত নিষ্ঠুর হ’তে পার, তা ত আমার জানা ছিল না।”

ইতও ঠিক ওজনে বলিল, “তুমিও যে এত বড় ভণ্ড প্রতারক হ’তে পার, তাও ত আমার জানা ছিল না।”

“ও কথা ত অনেকবার হয়ে গেছে। বলেছি ত, আমার অপরাধ হয়েছে, ক্ষমা কর। এই তোমার হাতে ধ’রে বার বার মিনতি ক’রে বলছি, আমার ক্ষমা কর।”

“কেন, ক্ষমা ত করেছি, তোমার আমার যে সখক, তা ত অক্ষুণ্ণ রেখেছি।”

“কি সখক অক্ষুণ্ণ রেখেছ, ইত ? আমার কি ব’লে তোলাচ্ছ ?”

“কেন, দেহের সখক না রাখলে কি মাহুঘের সকল সখক ভেঙ্গে যায় ?”

“তুচ্ছ দেহের সখক—সে ত ইতর পুণ্যপক্ষীর মধ্যেও ক্ষণে হচ্ছে, ক্ষণে ভেঙ্গে যাচ্ছে। আমি তার কথা বলছি না।”

“তবে, তবে কিসের কথা বলছ? কি শান্তি দিয়েছি আমি?”

“যার অধিক শান্তি জগতে নেই। তুমি মন থেকে আমার বিদায় দিয়েছ। যে আত্মার ক্ষুধার চেয়ে বড় ক্ষুধা নেই, তাই তুমি আমার মধ্যে অহরহ জাগিয়ে রেখেছ—সামনে সুধার সমুদ্র অথচ তা হ’তে আমার নির্কাসিত ক’রে রেখেছ। এর চেয়ে আমার কি শান্তি দিতে পার? দিনে দিনে পলে পলে এমন ক’রে মারার চেয়ে আমার একবারে মৃত্যুদণ্ড দিলে কি ভাল করতে না?”

ইভ তখনও কঠিন, তখনও পাষণ। যথাসম্ভব কঠ দৃঢ় করিয়া বলিল, “কেন, হৃদয়ে আমাদের মেলামেশার কিছু অভাব হয়েছে কি? কেউ কি ঘৃণাকরে বুঝতে শেয়েছে যে, আমাদের মধ্যে কোন ব্যবধান জেগে উঠেছে? তবে?”

বিমলেন্দু এইবার সত্যই ক্ষিপ্তপ্রায় হইয়া উঠিল। সে হুই হাতে ইভের একখানা হাত চাপিয়া ধরিয়া বলিল, “ইভ—ইভ—সত্যই কি তুমি আমার জীবনের স্বপ্ন ইভ? না, আর কেউ ইভের রূপ ধ’রে আমার ছলনা করছে? উঃ, এত কঠিন, এত নির্দয় তুমি হ’তে পার? আমি কি বুঝি না, আমি কি জানি না—তোমার কি পরিবর্তন হয়েছে? ইভ, ইভ! তুমি যে আমায় বই জানতে না—তোমার প্রতি কুখায়, প্রতি অঙ্গভঙ্গীতে যে আমার প্রতি ভালবাসা ফুটে উঠত। তুমি কি ছলনা ক’রে আমায় ভুলিয়ে রাখবে?”

বিমলেন্দু বালকের মত ফুঁপাইয়া কাঁদিয়া উঠিল; বলিল, “ইভ, ইভ! আমার যথেষ্ট শান্তি হয়েছে, আর কষ্ট দিও না। বল, কি করলে আবার ঘেমন ছিল, তেমনই হয়?”

ইভের সমস্ত শরীরটা কাঁপিয়া উঠিল, চকু ছল-ছল করিল, তখন তাহার দৃষ্টির মধ্যে এমন একটা সর্বস্ব-দেওয়া আপনহারা ভালবাসার ভাব ফুটিয়া উঠিল যে, যদি বিমলেন্দু সেই মুহূর্তে তাহার জোড়ে মাথা গুঁজিয়া পড়িয়া না থাকিত, তাহা হইলে নিশ্চিতই তাহা দেখিতে পাইত এবং দেখিতে পাইলেই বলপূর্বক ইভকে বন্ধে চাপিয়া ধরিত; আর তাহা হইলেই এইখানেই আধ্যাতিক শেখ হইয়া বাইত। কিন্তু বিধিলিপি অন্তরূপ, ইভের সেই আপনাকে হারাইয়া দেওয়া বিমলেন্দু লক্ষ্য করিল না—মিলনের মরা সুবোধ মুহূর্তে অতীত হইয়া গেল।

তথাপি কথা কহিবার সময়ে ইভের কঠ ভাবাবেশে বাস্পরুদ্ধ হইয়া উঠিল, সে গদগদকণ্ঠে বলিল, “কি চাও ইন্দু? এই দেখ—ক্ষীণ দেহলতা, এই দেখ—শীর্ণ হাত, শীর্ণ পা, এই অকর্মণ্য দেহ নিয়ে তুমি কি করবে? তার চেয়ে আমার মৃত্যু প্রার্থনা কর—আর ত বেশী দিন নয়? তার পর তোমারও মুক্তি, আমারও মুক্তি! তখন ত তোমার কেউ জ্বালাতন করতে আসবে না।”

বিমলেন্দু তীরবেগে উঠিয়া কঠোর পরুষকণ্ঠে বলিল, “তা হ’লে ক্ষমা করলে না? ভিক্তে চাইলুম, দূর ক’রে দিলে? বেশ, তাই হোক। জান ইভ, তোমার জন্তে আমি আমার জীবনের মূলনীতিতেও পদাঘাত করেছি? এক দিন যার জন্তে আমি নির্দোষ পত্নীকে প্রত্যাখ্যান ক’রে নিষ্ঠুর বর্করের মত চ’লে এসেছি, তোমার জন্তে আমি তাও বিসর্জন দিয়েছি, আমি আত্মসম্মানকে ধুলোর লুটিয়ে দিয়ে তোমার অন্নদাস হয়ে বাস করছি—এর চেয়ে আমার অধঃপতন আর কি হ’তে পারে? কেন করেছি, জান কি? তোমায় ভালবাসি ব’লে। তুমি আমার জন্তে অনেক ত্যাগ করেছ, তাই আমিও তোমার জন্তে প্রতিদানে এই ত্যাগ করছি, তা নয়, যথার্থই তোমায় ভালবাসি ব’লে। আমিও ত তোমায় স্পষ্টই বলেছি, আমার পুর্কের নেশা কেটে গেছে। ইভ, তাই তোমায় বলতে এসেছিলুম, এখন তোমায় হারাবার ভয় আমার সব চেয়ে বড় ভয় হয়েছে। প্রতিমার প্রতি অবিচার করেছি, তার জন্তে অন্তরে তুহানল জ্বলেছে। কিন্তু তার প্রতীকারের উপায় নেই। তার উপরে তোমার ভালবাসা হ’তে যদি বঞ্চিত হই, তা হ’লে আমার বেঁচে সুখ কি?”

ইভ কথাগুলি বেশ মনোযোগ দিয়া শুনিয়া, তাহার পরে ব্যঙ্গের স্বরে বলিল, “তোমাদের বাঙ্গালী পুরুষেরা কথায় কথায় এত মরবার অভিনয় করে কেন, বলতে পার! যেন মেয়েমানুষের মত! কথায় কথায় বেঁচে সুখ নেই এটা কি পুরুষের যোগ্য কথা হ’ল? প্রতিমার প্রতি অবিচারটা যাতে শুধরে নিতে পার, তার উপায়ই ব করছি। এর জন্তে বরং আমার ধন্যবাদ দেবে, না উল্টো অতুযোগ করছ? বাঃ, বেশ ন্যায়বিচার ত!”

বিমলেন্দু ক্ষিপ্তপ্রায় হইয়া বলিল, “না, আমি বা বলব তার অন্য অর্থ করবে, এ অবস্থায় আমার কোন কথা

বলা মিথ্যে। তা এ রকম ক'রে পলে পলে পুড়িয়ে মারার চাইতে একেবারে একটা হেস্ত-নেস্তই ক'রে ফেল না। বল, আমার এর উপরে আর কি শাস্তি দিতে চাও? দেখি, আমার পাপের প্রায়শ্চিত্ত কি দিয়ে করতে পারি।”

ইত মুহু হাসিয়া বলিল, “আমি—আমি তোমার শাস্তি দেব? এ কি কথা? তুমি পুরুষমানুষ, আমি অবলা, তোমার আশ্রিতা, আমি তোমার কি শাস্তি দেব?”

বিমলেন্দু বিষম উত্তেজিত হইয়া বলিল, “ইত, তুমি এই পাহাড়ের চেয়েও কঠিন, তোমার কি এতটুকু দয়াও নেই? আমি প্রতারণা করেছি, তা স্বীকার করছি, কিন্তু,—কিন্তু তোমার বিবাহ করবার পর ত তোমার ছাড়া আর কারুর—”

ইত ঠাড়াইয়া উঠিয়া কাঁপিতে কাঁপিতে উচ্চৈঃস্বরে বলিল, “মিথ্যা কথা। প্রতারক! তুমি কেবল প্রতারণা কর নি, বিশ্বাসঘাতকতাও করেছ। মনে কি নাই, তুমি নিজের মুখে স্বীকার করেছ, প্রতিমাকে প্রেমের কথা বলেছিলে? সে কবে? আমার বিবাহ করবার পরে নয় কি? বিশ্বাসঘাতক!”

বিমলেন্দু ছুই হস্তে মাথা চাপিয়া ধরিয়া সোফার উপর বসিয়া পড়িল, তাহার মুখখানা পাংশুবর্ণ ধারণ করিল।

ইত এতকণে স্থির হইল। কিছুকণ নীরব থাকিবার পর ধীরে ধীরে বিমলেন্দুর পার্শ্বে আসিয়া উপবেশন করিল। পরে বিমলেন্দুর একখানা হাত আপনার হাতের মধ্যে লইয়া স্নেহাভ্র কণ্ঠে বলিল, “ইন্দু ডার্লিং! ভুলতে দাও, সময় দাও। যে আঘাত করেছ, তার দাগ সহজে মুছে যাবার নয়। তুমি কি ভাব,” এই দাগ মিলিয়ে না গেলে, এই দাগ থাকতে তোমার আমার আবার যা ছিল, তাই কিরে আসবে? সে ভাগ মিলনে কি ফল হবে? তার চেয়ে আমার সময় দাও, ভুলতে দাও, দাগটা মুছে যেতে দাও। যে ব্যবস্থা করেছি, অনেক বুঝে করেছি। কেবল লুকোচুরি, কেবল প্রতারণা। লোককে জানতে দাও, আমরা যা ছিলাম, তাই আছি। বাইরে হাসি দেখাও, ভেতরে অন্তর পুড়ে গেলেও বাইরে হাসি আন। কেবল ভাণ, কেবল লোকসেখান। তার পর ক্রমে ক্রমে অতীতের আঘাতের দাগ ধুয়ে মুছে ফেলতে দাও। হয় ত আবার যা ছিল, তাই কিরে আসবে। না আসে, এই হেহ

কর হয়ে যাবে, তুমি আবার নতুন ক'রে সংসার সাজিয়ে নিও। হয় ত তাই হবে। কি বল?”

বিমলেন্দু নতমস্তকে নীরবে বসিয়া রহিল। ইত আবার বলিল, “আমায় খুবই কঠিন ভাবছ, না ইন্দু? কিন্তু ডার্লিং, জেনে রেখো, তোমার প্রতি আমার ভালবাসা এক বিন্দুও হ্রাস না হলেও আমি সে ভালবাসায় এত অন্ধ হই নি যে, কর্তব্য হ'তে বিন্দুমাত্র বিচলিত হব। আমার মন বলছে, প্রকৃত ভালবাসা কখনও অনাদরে মলিন হয় না। তার পরীক্ষা আছেই। সেই পরীক্ষার অগ্নিতে শুদ্ধ হ'লে তা শতগুণে উজ্জ্বল হয়ে শোভা পায়। আমাদের সেই পরীক্ষা উপস্থিত হয়েছে। এতে তোমার মরলাও কেটে যাবে, আমারও সংশয়-সন্দেহ দূর হয়ে যাবে। তাইতে কাছে থেকেও ছুজনে দূরে থাকবার ব্যবস্থা করেছি। একে শাস্তি ব'লে মনে করছ কেন? বেশী বলব না, কেবল এইটুকু জেনে রেখো, আমি নারী হয়ে এই পরীক্ষা যদি সহ্য করবার ক্ষমতা রাখি, তা হ'লে তুমি পুরুষ হয়ে তা পারবে না?—অবশ্যই পারবে। এখন বুঝলে? আর যদি আমার ষষ্ঠার্থ ভালবাস, তা হ'লে তার পরীক্ষা দাও—আমার অন্তরের অন্ত ব'লে মনে কোরো না—এ ত তোমারই। তুমি আমার সর্বস্ব, তা কি এত দিনেও বুঝতে পার নি? যাও, আমাদের চা-বাগানের ছ মাসের রিপোর্ট এয়েছে, সেটা ভাল ক'রে দেখ গিয়ে।”

কথাটা বলিয়াই ইত আদর করিয়া বিমলেন্দুকে ঠেলিয়া দিল। বিমলেন্দু আজ প্রায় ছয় মাসের মধ্যে ইতকে এত হর্ষোৎসর্গ দেখে নাই। সে তাহার চোখে-মুখে একটা গভীর ভালবাসার ভাব ফুটিয়া উঠিতে দেখিয়া আপনার ভাগ্যকে ধন্যবাদ দিল। পাছে এই ভাব আবার ভাবান্তর ধারণ করে, এই আশঙ্কায় সে স্বরিতপদে বাহিরে চলিয়া গেল।

সে চলিয়া গেলে ইত কিছুকণ প্রেমপুলকিত দৃষ্টিতে তাহার চলন্ত মূর্তির দিকে চাহিয়া রহিল, তাহার পর প্রেম-পরিপূর্ণিত উচ্ছ্বাসিত স্বপ্নে বলিয়া উঠিল, “ও আমার ডার্লিং, আমি তোমার শাস্তি দেব? আমি তোমার পায়ের তলার কীটাণুকীট, তোমার পায়ের কাঁটা আমি বুক দিয়ে তুলতে পারি, আমি তোমার শাস্তি দেব?”

ইত অনেককণ অনন্তমনে একই স্থানে বসিয়া রহিল।

ইহার মধ্যে লেফটেন্যান্ট মরিস যে কখন আসিয়া সেই কক্ষের একখানা চেয়ার অধিকার করিয়া বসিয়াছিলেন, তাহা সে জানিতেও পারে নাই। যখন তাহার দিবা-স্বপ্ন ভঙ্গ হইল, তখন চমকিত হইয়া বলিল, ‘এ কি, লেফটেন্যান্ট মরিস, আপনি? আপনি কতক্ষণ এসেছেন? মোনা কোথায়? সে কি মিঃ ডেনিসের একসকাস’রান পার্টিতে গেছে?’

মরিস বলিল, “তা ত জানি না। তাই সম্ভব। যাক, আমি এমনই অবসর খুঁজছিলাম। আপনাকে আজ যে এখন একা পাবার সৌভাগ্য লাভ করতে পেরেছি, এ জন্য অদৃষ্টকে ধন্যবাদ দিচ্ছি। আপনি কি এখন বিশেষ ব্যস্ত আছেন?”

ইভ ঈষৎ বিচলিত হইল, বলিল, “না, কেন?”

কোনও ভূমিকা না করিয়াই মরিস ব্যগ্র উৎকণ্ঠিত স্বরে জিজ্ঞাসা করিল, “আপনার কি কষ্ট, আমার বলবেন না? এমন ক’রে মনের কষ্ট গোপন ক’রে অসহ্য যাতনা পাচ্ছেন কেন? কিসে আপনার এ কষ্ট দূর হবে?”

ইভ প্রথমে একটু বিস্মিত হইয়াছিল, তাহার পর হাসিয়া বলিল, “আমার কষ্ট? কৈ, কিছু না ত?”

মরিস হঠাৎ ইভের একখানি হাত ধরিয়া যেন সমস্ত প্রাণটা কথার ব্যাকুলতার মধ্যে পুরিয়া বলিল, “মিস রবিনসন, আপনি আমার কাছে কি লুকোছেন? আপনার কোন মনের ভাবটা আমার কাছে গোপন থাকে? আমি দূর হ’তে সামান্য একটা চিহ্ন দেখতে পেলেই ব’লে দিতে পারি, আপনি কি ভাবছেন, কোন পথ দিয়ে চ’লে গেছেন—”

ইভ তখনও হাসিতেছিল, হাতখানি ধীরে ধীরে মরিসের হস্ত হইতে মুক্ত করিয়া বলিল, “উঃ, তা হ’লে আপনার স্বাণশক্তি ত অদ্ভুত, লেফটেন্যান্ট সিবরাইট!”

মর্মান্বিত হইয়া মরিস বলিল, “তামাসা করবেন না।”

ইভ তাহার কথা শেষ করিতে না দিয়া বলিল, “তামাসা কেন, বীরপুরুষ? একটা মেয়েমানুষের গতিবিধির দিকে লক্ষ্য রেখে ইংরাজ সেনানীরা কাল হরণ করতে অভ্যস্ত হয়েছেন কত দিন?” তাহার কথার অন্তরালে তীব্র বিদ্বেষের কশাধাত ছিল।

লেফটেন্যান্ট সিবরাইট উত্তরোত্তর আহত হইয়া হিতা-হিতজ্ঞানশূন্য হইয়া পড়িয়াছিলেন, তিনি এইবার অত্যন্ত উত্তেজিত স্বরে বলিলেন, “যতই কথা চাপা দাও ইভ, নিজের মনকে ফাঁকি দিতে পারবে না। তুমি কি ভাব, তুমি আর পাঁচ জনের কাছে লুকুতে চেষ্টা করলেও তোমাদের স্বামি-স্বীর ব্যবহার কেউ জানতে পারছে না? সেই কটটা—”

ইভ দাঁড়াইয়া উঠিল, তাহার দুই চক্ষু রক্তবর্ণ, হস্ত দৃঢ় মুষ্টিবদ্ধ। সে ককর্ষণ পরুষ কণ্ঠে বলিল, “জানেন লেফটেন্যান্ট, যাকে ক্রুট বলতে আমার সামনে লজ্জা বোধ করলেন না, যার বাড়ীতে ব’সে আপনি তাকে ইতরের ভাষা প্রয়োগ করতে সঙ্কচিত হচ্ছেন না; তিনি আমার স্বামী? বোধ হয়, তাঁর সামনে ব’সে এ কথা বলতে আপনার মত বীরপুরুষের সাহসে কুলাত না।”

মরিস সকাতে বলিল, “ভুল বুঝছো ইভ, আমি তার সামনেও এক দিন এ কথা বলতে কুণ্ঠিত হই নি। জান কি, এক দিনের ঘটনা। এক দিন তাকে নির্জনে পেয়ে আমি তোমাব কষ্টের কারণ জিজ্ঞাসা করেছিলুম, সে অবজ্ঞাতরে জবাব দিতে চায় নি। তার পর ক্রোধে জ্ঞানহার্য হয়ে তাকে লক্ষ্য ক’রে পিস্তল তুলেছিলুম। কিন্তু আশ্চর্য্য, সে নৈটিভ হলেও বিন্দুমাত্র ভয় পায় নি, নিশ্চল হয়ে ব’সে থেকে প্রতি মুহূর্তে মরণের প্রতীক্ষা করেছিল। আশ্চর্য্য তার সাহস! আমার হাত থেকে পিস্তল প’ড়ে গিয়েছিল। তাকে জিজ্ঞাসা করেছিলুম, তার মরণে ভয় নেই কেন? সে বলেছিল, সে মরণই চায়, কেন না, তার বেঁচে সুখ নেই। তার পর সে বলেছিল, তারই অত্যাচারে মੈ তোমার ভালবাসায় বঞ্চিত হয়েছে, তাই তার বাঁচতে ইচ্ছে নেই।”

ইভ ঋণকাল নীরবে বসিয়া রহিল, তাহার পর ধীরে ধীরে বলিল, “লেফটেন্যান্ট সিবরাইট, আপনি ইংরাজ, ভদ্রসন্তান। বলতে পারেন, পরের পারিবারিক জীবনের রহস্য জানবার আপনার কি অধিকার আছে? কোন অধিকারের বলে আপনি আমাদের স্বামি-স্বীর সখ্যের কথা জানতে চান?”

উন্নতের মত মরিস বলিল, “ভালবাসার অধিকারে। ইভ, ইভ, জীর্নিং! আর চেপে রাখতে পারলুম না। যে ভালবাসার আদি অন্ত নাই, যে ভালবাসা মাপকাঠিতে

আপা যায় না, সেই ভালবাসার জোরে। ইত, জান না কি, বুঝতে পার না কি, তোমার আমি কত ভালবাসি? আমি যখন তোমার ঐ সুন্দর চোখে কাতরতা দেখি, যখন তোমার ঐ সন্তঃপ্রস্ফুটিত গোলাপের মত সুন্দর মুখখানিতে বিষাদের রেখা ফুটে উঠতে দেখি, তখন আমার বক্ষ বিদীর্ণ হয়ে যায়। কি করলে তুমি সুখী হও—তোমার ঐ মধুমাখা মুখে আবার হাসি ফুটে ওঠে!” আগ্রহের আতিশয্যে মরিস আবার ইভের হাতখানি চাপিরা ধরিল।

“ইত প্রথমটা সামান্য একটু অভিভূত হইয়াছিল বটে, কিন্তু সে মুহূর্তকাল মাত্র। তাহার পর আবার হস্ত মুক্ত করিয়া বলিল, “লেকটানেট সিবরাইট! ভুলে যাচ্ছেন কি, কাকে কি সম্বোধন কচ্ছেন? ভুলে যাচ্ছেন কি, আমি অপরের বিবাহিতা পত্নী? ভুলে যাচ্ছেন কি, আপনি স্ত্রীসন্তান, ইংরাজ সেনানী? যদি ভুলে গিয়ে থাকেন এসব, তা হ’লে আমাকেও অতিথির সম্মান ভুলে যেতে হবে, হয় ত বাধ্য হয়ে এই মুহূর্তে আপনাকে এই বাড়ী থেকে তাড়িয়ে দিতে হবে। সে অশিষ্টাচার হ’তে আমার রক্ষা করবেন কি? অন্ততঃ এক জন ভদ্রলোকের কাছে আমি এ আশা করতে পারি।” ইভের চোখে মুখে অগ্নিস্কুলিক নির্গত হইতেছিল।

মরিস এতটুকু হইয়া গেল। তাহার ললাটে সেই পাহাড়ের শীতেও শ্বেনবিন্দু ঝরিয়া পড়িল, সমস্ত শরীর গভীর উত্তেজনাবশে আশ্বনের মত গরম হইয়া উঠিল। সে কিছু বলিবার মত ধুঁজিয়া পাইল না। তখন ইত তাহার অবস্থা দেখিয়া, ছঃষিত হইয়া মধুর কণ্ঠে বলিল, “মরিস, ভাই, বন্ধু! তোমার বন্ধু হ’তে আমার বঞ্চিত

কোরো না। আমরা সকলেই নিজ নিজ অদৃষ্ট নিয়ে এসেছি—তার কল ভোগ করতেই হবে। আমার কথাটা কিছু কঠিন হয়েছে, তার জন্তে ক্ষমা চাইছি। কিন্তু,—কিন্তু তুমিও এখন থেকে বিবাহিতা নারীর সম্মম রেখে কথা কুইতে অভ্যাস করো। ক্রমে তোমার মহত্ব আরও বাড়বে। তুমি মহৎ, তা জানি, তাই মিনতি ক’রে বলছি, যাকে তুমি আসল ব’লে মনে করছ, সেটা তোমার ভ্রম,—ছুদিন পরেই তার নেশা কেটে যাবে। মাঝে থেকে আমাদের বন্ধুতার হানি কর কেন? আর একটা কথা বলেই শেষ করব। পাহাড়টার পানের তলার কুয়াসা গাঢ় হয়ে ঘটা ক’রে দেখা দেয়, কিন্তু উপরের দিকে নির্মল উজ্জল আকাশ শোভা পায়। যাকে তুমি আদিহীন অন্তহীন ভালবাসা বলছিলে, তার নীচের দিকে হয় ত তুমি কুয়াসা দেখে থাকতে পার, কিন্তু উপরের দিকে যে নির্মল আকাশ আছে, তা দেখনি। যদি তা দেখতে পেতে বা বুঝতে পারতে, তা হ’লে স্বামি-স্ত্রীর তুচ্ছ মনোমালিন্ত্রে প্রকৃত ভালবাসার অন্ত দেখতে না।”

ইত ধীরমহুর্গমনে কক্ষান্তরে চলিয়া গেল। মরিস অবাচ্ হইয়া সেই নারীত্বের—পত্নীত্বের গর্বে মহিমময়ী নারীমূর্তির দিকে চাহিয়া রহিল। তাহার অন্তর অনিয়া পুড়িয়া থাক হইয়া যাইতেছিল বটে, তথাপি নারীত্ব-মৰ্যাদার প্রতি তাহার মস্তক আপনিই শ্রদ্ধায় অবনত হইয়া আসিতেছিল। আর বিমলেন্দুর প্রতি তাহার অন্তর বিশ্বাস-জড়িত শ্রদ্ধায় ভরিয়া উঠিল। কোন্ পুণ্যে সে এই অগাধ অপরিমেষ ভালবাসার-অধিকারী হইয়াছে?

[ক্রমশঃ ।

সে

সাঁঝের বাতাস এসেছিল যবে দূর চ’তে ভেসে গগনে,—
পরিচিত তার মুরলীর তান পশেছিল এসে শ্রবণে।
জানালার পাশে পুলকে বিভল ভাবে ভোর তনু অমনি—
অলস স্বপনে পড়িল ঘুমায়ে, নামিল চাঁদিনী রজনী।
স্বপনেতে যেন শুধু একবার পেয়েছিলাম দেখা তাহারি!
ভাঙেনি সে রাতে তন্ত্রার মোর—হৃৎকের স্বপন আমারি।
প্রভাতে যখন লুকাতে তারকা যুগল নয়ন মেলিলাম,
এ দিকে ও দিকে চারিদিকে চেয়ে কারে নাহি সোধী দেখিলাম।

দেখিলাম শুধু সাড়াহীন দিশি, নীরবতা রাখে বিজনে,
প্রভাত-প্রকৃতি মুখরি তোলেনি প্রভাতের পাখী-কুঞ্জে।
বাহিরে চাহিতে দেখিলাম তাহার মালিকা-কুহুম চারিটি,
খ’সে প’ড়ে আছে বাতায়ন-পাশে বেখে শুধু তার হাসিটি।
দেখিলাম শুধু কি এক সৌরভে রহিয়াছে বর ভরিয়া,—
তবে কি সে আসি নীরব নিশীথে গেছে ছাড়ি মোর চুম্বিয়া!
সত্য কি তবে সে মধু নিশির সাধের স্বপন আমারি—
ওগো সে আমারে পারে কি ভুলিতে? আমি যে সদাই তাহারি!

ঐবিদ্যরমাধব মণ্ডল।



ছর-গৌরা

বসুমতী প্রেস]

[একখানি প্রাচীন চিত্র হইতে ।



বঙ্গালার বিপ্লব-কাহিনী

একাদশ পরিচ্ছেদ

ইউরোপের বৈপ্লবিক দলে যোগদান

স্বদেশপ্রেমের লীলাভূমি ফ্রান্সের মার্সেলস বন্দরে পৌঁছে, সাম্যমৈত্রী স্বাধীনতার প্রতীক, যা দেখে এক দিন ভারতীয় দেশাত্মবোধের জন্মদাতা রাজা রামমোহন আনন্দে বিহ্বল হয়েছিলেন। সেই ত্রিবর্ণ পত্নীকাকে তখন-কারু মনোভাব অমুখ্যায়ী শ্রদ্ধাবনত মস্তকে নমস্কার করলাম। সেই বন্দরে চার পাঁচ দিন অপেক্ষা করতে হয়েছিল। এক ফরাসী ভদ্রলোককে বিনা পারিশ্রমিকে “গাইড”রূপে পেয়েছিলাম। সে কোন রকমে ইংরাজীতে কথা কইতে পারত। আমার মত কালা আদমীর ওপর তার এত কৃপার কিন্তু কোন কুমণ্ডলব শেষতকও ধরতে পারি নি।

এই ভদ্র লোকটির সাহায্যে অনেক কিছু জেনেছিলাম এবং দেখেছিলাম; তার মধ্যে “সাতুদ’ইফ” (Chateau-d’if) নামক একটা পুরানো কেল্লার বিষয় এখানে কিছু লিখলে নেহাৎ অপ্রাসঙ্গিক হবে না ব’লে মনে করি। সে কালে ফরাসী জাতির রাষ্ট্রনৈতিক বন্দী বা বিপ্লবপন্থীরা ধরা পড়লে, তাদের যে ভীষণ পরিশ্রাম হ’ত, তার সঙ্গে আমাদের দেশের সেই অপরাধে ধৃত বন্দীদের অবস্থার তুলনাটা বোধ হয় কাষে লাগতেও পারে।

এই “ইফ” নামক প্রস্তরময় ক্ষুদ্র দ্বীপের ভগ্ন ভূগর্ভটা বছকাল যাবৎ ফরাসী রাষ্ট্রনৈতিক অপরাধীদের জন্ত কারাগাররূপে ব্যবহৃত হ’ত। বর্তমানে দর্শনী বা lice নিয়ে সাধারণকে তা দেখান হয়; বিস্তর লোক প্রতি-দিন দেখতেও যায়। প্রবেশের দ্বারে টিকিটের সঙ্গে একটু-খানি মোমবাতি দেয়। তা জ্বলে মেঝের নীচে, পাথর কেটে কেটে বন্দীদের থাকবার জন্তে যে কি রকম ভীষণ অন্ধকার গুহা আর স্তূভ তৈরি করা হয়েছিল, তাই

দেখতে হয়। স্বনামধন্য বিশেষ বিশেষ বন্দীরা যে সকল গুহাতে ছিলেন, তাতে তাঁদের বিবরণ লিখিত আছে।

সে রকম চির-অন্ধকারময় ঠাণ্ডা সঁাতসেঁতে ক্ষুদ্র গর্ভে স্তূর্ঘ পঁচিশ বছরেরও অধিককাল, এই আমাদেরই মত-জীব, কি ক’রে যে জ্যান্ত থাকতে পেরেছিল, তা ভেবে তখন একেবারে অবাক হয়ে গৈছিলাম। এ ছাড়া তাদের ভাগ্যে আরও কত উৎকট রকমের লাঞ্ছনা যে জুটেছিল, তা সহজেই অমুমেয়। এর পরে অবশ্য মানুষের ওপর মানুষ যে কি রকম ভীষণ নির্যাতন করতে পেরেছিল, তার আরও বিকট নিদর্শন চোখে পড়েছিল প্যারিস, রোম ও নেপলসে।

এক দিন উক্ত “ইফ”এর চাইতে অনেক অধিক বিকট-দর্শন—‘সকোত্রা’ দ্বীপে আমাদের জন্তও যে এই রকমই গুহাবাসের ব্যবস্থা হবে, এ আশঙ্কা তখন মনে জেগে ওঠাতে, আতঙ্কে আমার জানলোপ হওয়ার যোগাড় হয়ে-ছিল। মাত্র কয়েক দিন আগে জাহাজে যাওয়ার সময় দেখে-ছিলাম,—এডেনের দক্ষিণে কোন রকম উদ্ভিদের লেশমাত্র নাই, কেমন যেন দাঁত-বারকরা কেবল কাল পোড়া পাথরের প্রকাণ্ড দ্বীপটা জলন্ত উত্তরের ওপর তপ্ত খোলার মত রোদে দাউ দাউ করছে। তখন মনে হয়েছিল, যদি ধরা পড়ি, আর ফাঁসীটা যদিই ফসকে যায়, তবে ঐ সকোত্রাতে অথবা আন্দামান দ্বীপের ঐ রকম কোন স্থানে নিশ্চিত নির্কাসিত হ’তে হবে। চির-বসন্ত-বিরাজিত চির-শ্রামল বনরাজি-শোভিত আনন্দ-বন নামের অপভ্রংশ আন্দামান সম্বন্ধে তখন আমার এই রকম একটা ভীষণ ধারণাই ছিল।

• আমার প্রথম ফরাসী বন্ধুর নিকট সে কালের ফরাসী রাজনীতিক বন্দীদের হৃদয়-বিদারক কাহিনী শুন্তে শুন্তে হোটেলের ফিরে এসেছিলাম। এও তার কাছে শুনেছিলাম, ঐ রকম বন্দীদের স্বতিকে সে দেশের সাধারণ লোক ঘৃণার বদলে, ভক্তির চোখে দেখে থাকে।

যাই হোক, এখন মনে হচ্ছে, এ দেশের রাজনীতিক বন্দীদের সৌভাগ্যক্রমে, এ রকম নৃশংসভাবে কারা-ভোগের সম্ভাবনা এখন আর নাই। যে সময়ের কথা লিখছি, তখন বৃটিশরাজের বিরুদ্ধে ষড়যন্ত্র করবার অপরাধে ধৃত বিপ্লবপন্থীর ভাগ্যে ঠিক কি রকম কারাভোগ জুটতে পারে, তার কোন রকম আন্দাজ করা আমাদের পক্ষে অসম্ভব ছিল। সে কালে হিন্দু-মুসল-মান নরপতিদের আমলে এর চেয়েও নাকি আরও অধিক-তর অমানুষিক দণ্ডের ব্যবস্থা ছিল। কিন্তু এ কালে যুরোপের একটি সভ্য জাতি যে রকম দণ্ডের ব্যবস্থা কিছু দিন আগেও স্বজাতির 'ওপার' অব্যাহিতভাবে সংঘটিত হ'তে দিয়েছিল, সে রকম, চাই কি ততোধিক ব্যবস্থা যে আর এক যুরোপীয় সভ্য জাতি অর্থাৎ কি না ইংরাজ জাতি সর্বতোভাবে অধীনস্থ কাল আদমীদের প্রতি করবে না, এ কথা কিছুতেই তখন বিশ্বাস করবার সাধ্য হয় নি।

এ রকম নিদারুণ দণ্ড কি ক'রে সহ্য করা যেতে পারে, তখন চিন্তা করতে গিয়ে ক্ষেপে যাবার যোগাড় হয়েছিলাম। তাই বিপ্লবরূপ আপদকে ইস্তফা দিয়ে, চিত্রকলা বা অঙ্ক কোন শিল্প শেখবার খেয়ালও প্রাণে দেখা দিয়েছিল। দিন ফরেক এই দোটানা চিন্তার পর পূর্বোক্ত কারা-সঙ্ঘটনের হাত হ'তে অব্যাহতিলাভের আর একটা খেয়ালও মাথায় এসেছিল। সেটা হচ্ছে আত্মহত্যা। কিন্তু প্রথমে জেলের মধ্যে ঢুকেই আত্মহত্যার তোড়-জোড় মেলাও যে মুশ্কিল, তা তখন জানতাম না। আন্দামানে নির্কাসিত হওয়ার প্রায় বছরখানেক পরে, যাই হোক, লণ্ডনের "উইমেন সাফ্রে জেটস"রা (অর্থাৎ পার্লামেন্টের সভ্য-নির্কাসনে নারীদের ভোট দেওয়ার অধিকারপ্রাপ্তির জন্য আন্দোলনকারিণী মহিলারা) একটা ভারী সহজ উপায় বাতলে দিলেন। সেটা হচ্ছে প্রায়োপবেশন অর্থাৎ hunger strike (যার মানে না গেয়ে জেলখানাকে আত্মহত্যার ভয় দেখান)।

যাক, তার পর গণতন্ত্রের আদর্শ রাষ্ট্র সুইজারল্যান্ড হয়ে প্যারিসে গেলাম। দেশ ছেড়ে প্রায় তিন সপ্তাহ পরে পথে একটি স্বদেশী ভদ্রলোকের সঙ্গে পরিচয় হয়েছিল। প্রথমে তিনি আমার জন্য অনেক কিছু করবেন বলে আমার নেহাৎ বাধিত ক'রে ফেলেছিলেন। আমিও গোড়া ভদ্রটির

মত তাঁর সযত্ন-প্রদত্ত এককাড়ি উপদেশ একবারে হজম ক'রে ফেলেছিলাম। শক্তি-সাধনার মন্ত্র (মনে নাই) দিয়ে, "হনুমান" আদি পঞ্চ প্রকার আসন বখাশাজ্ঞ শুদ্ধ-ভাবে অভ্যাস করিয়ে ছেড়েছিলেন। বিদায়ের কালে প্রত্যাশিত অনেক কিছু আত্মকল্যের বদলে প্যারিসের এক জন বিশিষ্ট ভদ্রলোকের বরাবর একখানা পরিচয়পত্রমাত্র পেয়েছিলাম।

প্যারিসে ঐ ভদ্রলোকের বাড়ী উঠে তাঁর আদর-আপ্যায়নে মুগ্ধ হয়েছিলাম। তাঁকে আমার বিদেশগমনের আসল মতলব সঙ্ক্ষে খাঁচ দিলাম এবং প্যারিসে আমার উদ্দেশ্য সিদ্ধ হবে কি না জানতে চাইলাম। দিন কয়েক অনেক গবেষণার পর তিনি যা বলেছিলেন, তার মন্ত্র বর্তমান মনে পড়ছে, তা এই :—আমার mission এর ওপর তাঁর নিজের না কি সম্পূর্ণ সহায়ভূতি ছিল। যদিচ তাঁদের ভারত উদ্ধারের অবলম্বিত প্রণা ছিল, না কি, সম্পূর্ণ পৃথক্। প্রথমতঃ, যুদ্ধবিজ্ঞা শেখার সুযোগ, তাঁর বিবেচনায়, ভারত-বাসীর পক্ষে কোথাও মেলা প্রায় অসম্ভব। দ্বিতীয়তঃ, এনাকিষ্টদের দলে ঢুকে পড়তে পারলে বৈপ্লবিক দল সংগঠন-প্রণালী, বিপ্লবতন্ত্র, বোমা গুলীগোলা আদি যুদ্ধের উপকরণ প্রস্তুতপ্রণালী শেখার, আর যুদ্ধের যাবতীয় অস্ত্র-শস্ত্র গোপনে চালান দেওয়ার সুবিধা না কি অল্প স্থান অপেক্ষা প্যারিসে বেশী হলেও হ'তে পারে। তিনি আশা দিলেন, দু'তিন মাস থাকলেই ফরাসী ভাষা নিশ্চয় আয়ত্ত হ'তে পারে। তখন আমাদেরই সব কিছু খুঁজে পেতে নিতে হবে। তাঁরা ও সব কিছু পারবেন না। ইত্যাদি।

পূর্ব-পরিচ্ছদে উল্লেখ করেছি, এক জন বাঙ্গালী ভদ্রলোক আমার যুরোপযাত্রার দু'তিন মাস আগে এই উদ্দেশ্যে আমেরিকা গেছিলেন। এই ক মাসে, এ ব্যাপারের তিনি সেখানে কি রকম সুবিধা মনে কচ্ছেন, আমার জানাবার জন্য তাঁকে লিখেছিলাম। তাঁর উত্তর না পাওয়া পর্যন্ত প্যারিসে থাকাই স্থির করলাম।

কয়েক দিন পরে নিউইয়র্ক থেকে তিনি আমার চিঠির লম্বা-চওড়া উত্তর দিলেন। আমেরিকায় তখন যে সকল ভারতবাসী ছিলেন, তাঁদের কারুরই ভারত উদ্ধারকল্পে গুপ্ত সমিতির খেয়াল না কি ছিল না। অল্প দেশীয়দের দ্বারা গঠিত বৈপ্লবিক দলে ঢুকবার আশাও সেখানে নাই।

কারণ, সেখানে তিনি তাঁর কালো চামড়া নিয়ে বড়ই বেগোছে ঠেকেছিলেন। তাই তিনি লিখেছিলেন, প্যারিসে কালো চামড়া সাদা করবার কোন ব্যবস্থা যদি থাকে, তবে তিনি প্যারিসে চ'লে আসবেন।

- স্মরণ্য আমেরিকার আশা ছেড়ে দিয়ে প্যারিসে মাস কয়েক থেকে একবার চেষ্টা ক'রে দেখবার সঙ্কল্প স্থির ক'রে ফেললাম।

প্যারিসে তখন প্রায় পঁচিশ কি ছাব্বিশ জন ভারত-বাসী ছিলেন। তার মধ্যে মাত্র দুজন পঞ্জাব প্রদেশের। বাকী সকলেই বম্বে প্রেসিডেন্সির ব্যবসায়ী। অনেকে সপরিবারে থেকে ভারতীয় ছুতমার্গের সনাতন কায়দা-কানুন বিশুদ্ধভাবে রক্ষা করতেন।

এঁদের মধ্যে কয়েক জন মিলে “প্যারিস ইণ্ডিয়ান সোসাইটি” নামক একটি সমিতি গঠন করেছিলেন। সপ্তাহে প্রায় একবার যে অধিবেশন হ'ত, তাতে প্রবাসী ভারত-মহিলারাও যোগ দিতেন। এ সমিতির উদ্দেশ্য ছিল—স্বদেশের হিতসাধন।

স্বদেশপ্রেম ব'লে জিনিষটার সেখানে মানব-মনের উপর এমনই প্রভাব যে, স্বদেশের মঙ্গলের জন্ত কিছু করবার, অন্ততঃ ভাণ যে না করেছে, তাকে তাচ্ছীল্যের ভাগী হ'তে হয়। উক্ত সমিতির সভ্যদের মধ্যে তিন চার জন ছাড়া বাকী সকলে বোধ হয় ঐ কারণে কখন কখন ঐ সমিতিতে যোগ দিতেন। দেশের জন্ত যে কল্পনের সত্যিকার একটু টান ছিল, তার মধ্যে শ্রীযুক্ত এস, আর রাই, বি, এ, ব্যারিষ্টার সাহেব এক জন। ইনি ইংলণ্ডে ব্যারিষ্টারী পাশ ক'রে প্যারিসে মোতি ও অগ্ন্যস্ত্র জহরতের ব্যবসাতে বেশ সমৃদ্ধিশালী হয়েছিলেন। যুরোপে থেকে রাষ্ট্রনীতি শেখবার জন্ত অনেক শিক্ষার্থীকে ইনি বৃত্তি দিতেন।

এঁদের সঙ্গে লণ্ডনের ভারতীয় সমিতির যোগ ছিল। ঐ সমিতির কর্তা ছিলেন গুজরাতবাসী পণ্ডিত শ্রীযুক্ত শ্রীমাজী কৃষ্ণ বন্দ্যোপাধ্যায় এম, এ। পূর্বে ইনি কোন কোন করদ রাষ্ট্রীয় মুদ্রী ছিলেন। চাপেকার ভ্রাতাদের দ্বারা বম্বে সহরে ডাঃ র্যাণ্ডের হত্যার পরে, অক্টোবর ১৮৯৮ খৃষ্টাব্দে ভারত ত্যাগ ক'রে ইংলণ্ডে যান। বোধ হয়, ওখানে কোন বিশ্ববিদ্যালয় থেকে এম, এ, উপাধি লাভ ক'রে

সংস্কৃত অধ্যাপকের পদে নিযুক্ত হন। এঁর পাণ্ডিত্যের সুনাম ছিল ব'লে শুনেছিলাম।

প্রায় ১৯০২ খৃষ্টাব্দে ইংলণ্ডের কোন একটি বিশ্ব-বিদ্যালয়ে বাইবেল পড়ানর বিরুদ্ধে এক তুমুল আন্দোলন শুরু হয়েছিল। এই উপলক্ষে প্রতিবাদস্বরূপ ট্যাক্স দেওয়া বন্ধ এবং সে জন্ত সম্পত্তি ক্রোক নীলাম আদি হ'লে, নিরীক্ষরোধ বা নিষ্ক্রিয়ভাবে অবলম্বন করবার ব্যবস্থা ছিল। এই ব্যবস্থাকে “passive resistance আন্দোলন” নামে অভিহিত করা হয়েছিল।

এই পছা আগে না কি কাউন্ট টলষ্টয় অবলম্বন করেছিলেন। এ ছাড়া সপ্তদশ খৃষ্টাব্দের মধ্যভাগে বৃটিশরাজ দ্বিতীয় চার্লসের রাজত্বকালেও ঐ রকম বোষ্টমী আন্দোলন ঘটেছিল। তা “non-resistance movement” নামে অভিহিত হয়েছিল।

বাই হোক, ইংরাজের কবল থেকে ভারত উদ্ধারের সহজসাধ্য পন্থারূপে “প্যাসিভ রেজিস্ট্যান্স” আন্দোলনের ব্যবস্থা, এই প্রকারে প্রথমে বাধ হ'ল এসেছিল পণ্ডিতজীর মাথায়। ১৯০৩ খৃষ্টাব্দে তিনি “হোমরুল লিগ” নামে একটি লিগ গঠন ও তার মুখপত্রস্বরূপ “ইণ্ডিয়ান সোসাইটি-লজী” নামক এক ছোট্ট খবরের কাগজ বের করেন। মোটামুটি তাঁদের পলিসিটা এই ছিল যে, বৃটিশরাজের অধীন “হোমরুলই” ভারতবাসীর পক্ষে আদর্শ শাসনপ্রণালী। আইনমুখত আন্দোলন অর্থাৎ আবেদন-নিবেদন আদি মামুলী কংগ্রেসী পন্থায়, ইংরাজের হাত থেকে ভারতবাসীর জন্ত সুবিধামত কোন অধিকার আদায় করা যে অসম্ভব, তা কংগ্রেসের বিশ বছরের চেষ্টাতে প্রমাণিত হয়েছে। তার পর ইংরাজের সঙ্গে যুদ্ধ ক'রে কিছু আদায় করাও ভারতবাসীর পক্ষে আরও অসম্ভব। তাই পণ্ডিতজী বোধ হয়, অনাস্থাসলভ্য সোজা উপায়ের জন্ত আকুল হয়ে উঠেছিলেন। হেন কালে বিলাতে পূর্বোক্ত প্যাসিভ রেজিস্ট্যান্স শুরু হ'ল, আর অমনই পণ্ডিতজী, অকূল পাথারে উপায় স্বরূপ ভ্রমসমান একগাছি তৃণ অবলম্বনের মত, ভারত উদ্ধারের জন্ত উক্ত প্রকার আন্দোলনকে প্রকৃষ্ট পন্থা ব'লে গ্রহণ করেছিলেন। তাই ভারতে বিনামূল্যে প্রেরিত তাঁ “ইণ্ডিয়ান সোসাইটি-লজীর” মারফৎ ইংরাজের কাছ থেকে ভারতের “হোমরুল” আদায়ের প্রকৃষ্ট পন্থারূপ “প্যাসিভ

রেজিস্ট্র্যান্সের" বাণী বিলাতে আরম্ভ করেছিলেন। তাঁর এই বাণীর প্রসাদাৎ যে ভারতে—বিশেষতঃ বাঙ্গালী দেশে তৎকালীন স্বদেশী (কার্যতঃ যার মানে না কি "প্যাসিভ্ রেজিস্ট্র্যান্স") আন্দোলন সম্ভব হয়েছে, তা ব'লে পণ্ডিতজী বেশ তৃপ্তি অনুভব করতেন।

তাঁর "প্যাসিভ্ রেজিস্ট্র্যান্সের" স্বরূপটা হ' এক কথায় একটু প্রকাশ ক'রে বলি। যুরোপে গিয়ে রাষ্ট্র-নীতি নৈংবার জন্ত প্রতি বছর কয়েক জন ভারতীয় যুবককে তিনি তিন বছরকাল স্থায়ী মৌলি বৃত্তি দিতেন। শিক্ষা শেষ হ'লে ভারতে এসে তাঁর এই আদর্শ প্রচার ক'রে ক্রমে সমস্ত দেশকে এমনভাবে প্রস্তুত করবে যে, এক নির্দিষ্ট স্ম-প্রভাতে সমস্ত ভারতময় বিলাতজাত দ্রব্য-বর্জন, রেল, পোষ্ট, টেলিগ্রাফ, ব্যাঙ্ক প্রভৃতি ইংরাজ সরকারের আর ইংরাজ বণিকদের যে কোন আফিস, আদালত, সৈন্ত-বিভাগ, পুলিশ-বিভাগ ইত্যাদির দেশীয় কর্মচারী, এমন কি, সাহেবদের খানসামা বাবুর্চি পর্যন্ত কাষ বন্ধ ক'রে দেবে, অর্থাৎ কি না সর্কাসমূহের গুজরাতি হরতাল শুরু ক'রে দেবে। অধিকন্তু রেল-লাইন, টেলি-গ্রাফের তার আদিও কেউ উড়িয়ে দেবে। তা হলেই ইংরাজ সরকার এমনই কাবু হয়ে যাবে যে, ভারতবাসীকে "হোমরুল" না দিয়ে আর বাঁচবার উপায় থাকবে না।

ঠিক ঐ সময় কলকাতা কিংবা রাণীগঞ্জে মেসার্স' বাণ কোম্পানীর কারখানার এবং ই, আই, রেলওয়ে ষ্টেশনের বাঙ্গালী কর্মচারীরা যে ধর্মঘট করেছিল, তা না কি পণ্ডিত-জীর উক্ত বাণীরই প্রভাবে। তিনি এই ঘটনাকে তাঁর আদর্শ অনুযায়ী কার্যসিদ্ধির নিশ্চরায়ক পূর্বলক্ষণ বলেই ধ'রে নিয়েছিলেন। তিনি যে রকম কল্পুস ছিলেন, তাতে নিঃসন্দেহে বলা যেতে পারে যে, তাঁর উদ্ভাবিত পন্থা অনুযায়ী ভারতীয় "হোমরুল"-প্রাপ্তি সম্বন্ধে তাঁর প্রগাঢ় বিশ্বাস না থাকলে তিনি কখনও বছর বছর এত টাকা বৃত্তি দিতে পারতেন না। এ বিশ্বাস যেমনই হোক, ভারতের অন্ততম নেতাদের মত অনর্থক ত্যাগের চটক না দেখিয়ে, চাঁদার খাতার ওপর খাতা না খুলে, খালি বচনে চাঁদ হাতে দেওয়ার প্রবঞ্চনা না ক'রে, নিজের আদর্শকে কাষে পরিণত করবার জন্ত নিজের অর্জিত অর্থ যে ঢেলে দিতে পেরেছিলেন, স্বদেশ-প্রীতির ইহা বড় কম আদর্শ

নয়। কিন্তু বড়ই পরিতাপের বিষয় এই যে, তাঁর প্রদত্ত বৃত্তিভোগী বোধ হয় এক জনও, আমরা যতদূর জানি, তাঁর আশা একটুও পূর্ণ করেন নি। বরং বেশীর ভাগ বৃত্তিভোগীরা শেষে তাঁর প্রতিকূলাচরণ করেছিলেন।

যাই হোক, এ হেন নেতার দক্ষিণ হস্তস্বরূপ এক জন প্রধান কর্মী বা উপনেতা ছিলেন, বঙ্গে প্রদেশের নাসিক মহরনিবাসী শ্রীযুক্ত বিনায়ক দামোদর সাত্তারকার। ইনি বঙ্গে থেকে বি, এ, পাস ক'রে ব্যারিষ্টারী পড়বার জন্ত ঐ (১৯০৬) খৃষ্টাব্দের বোধ হয় জুন মাসে বিলাত গেছিলেন। পূর্বোক্ত রাণা সাহেবের বৃত্তিভোগীদের মধ্যে বোধ হয় ইনিও এক জন।

লওনে উক্ত পণ্ডিতজীর কয়েকটা নিজস্ব বাড়ী ছিল। তার মধ্যে "হাইগেটের" বাড়ীতে ভারতীয় শিক্ষার্থীদের কম খরচে থাকবার জন্ত তিনি একটা হোটেল খুলেছিলেন। এ হোটেলের নাম ছিল "ইণ্ডিয়া হাউস।" সাত্তারকার এই হোটেলেরই থাকতেন। তখন তাঁর বয়স মাত্র বাইশ কি তেইশ বছর।

বিনায়কের দাদা শ্রীযুক্ত গণেশ দামোদর সাত্তারকার এই সময়ের চার পাঁচ বছরের আগে ঢাকার অমুশীলন সমিতির ধাঁচে "মিত্রমেলা" নামক একটি সমিতি নাসিকে স্থাপন করেন। তার প্রকাশ্য উদ্দেশ্য ছিল, যুবকদিগের শারীরিক শক্তির অমুশীলন অর্থাৎ কুস্তী, লাঠিখেলা ইত্যাদি। আর গুপ্ত উদ্দেশ্য বোধ হয় এই ছিল যে, সময় হ'লে ইংরাজের সঙ্গে লড়াই করবার মত মনোভাব হিন্দুদের মধ্যে জাগিয়ে তোলা। দেশে থাকতে বিনায়কেরও এই মেলার সঙ্গে যোগ ছিল।

"গণপতি উৎসব", "শিবাজী উৎসব"-আদিও এই মেলার অঙ্গ ছিল। এতে ক'রে সহজে অমুমেয়, অহিন্দু এবং ইংরাজ-বিদ্বেষ মারহাট্টীদের মধ্যে জাগাবার চেষ্টা বোধ হয় হ'ত।

বিনায়কের বিলাত যাওয়ার মাস কতক আগে "মহাদ্বা জী অগম্য গুরু পরমহংস" নামক এক জন পরিব্রাজক বিনায়কের নেতৃত্বে পুনা সহরে এক সমিতি গঠন করেন। এই সমিতির একমাত্র প্রধান কাষ ছিল না কি চাঁদা আদায় করা।* অবিশিষ্ট অন্ত কাষ বোধ হয় "পরে বক্তব্য" ছিল।

* রাউলাট কমিশন রিপোর্ট দ্রষ্টব্য।

বাই হোক, এ থেকে বুঝা যায়, বিনায়ক বিলাত যাওয়ার আগেই রাষ্ট্রনৈতিক ব্যাপারে নেতৃত্বের তালিম পেয়েছিলেন। তাই লণ্ডনে গিয়েই গুপ্ত সমিতি গঠন করতে উঠে পড়ে লাগলেন। ইহাই বোধ হয় ভারতের বাহিরে প্রথম ভারতীয় বৈপ্লবিক গুপ্ত সমিতি। বাঙ্গালার গুপ্ত সমিতির সুরুতে যেমন ঘটেছিল, এঁদেরও তেমনই প্রধান কাৰ ছিল চাঁদা আদায় করা, সভ্যসংখ্যা বাড়াই, ইংরাজ সরকারের প্রতি বিদ্বেষভাব প্রচার করা, আর সেই উদ্দেশ্যে প্যামপ্লেট ছেপে ভারতের নানা স্থানে পাঠান।

সুপুরুষ বলতে যা বুঝায়, ইনি তাই ছিলেন। মুখের ভাবটি খুব তীক্ষ্ণবুদ্ধির পরিচায়ক। এই মুখের একটা এমন আকর্ষণী শক্তি ছিল যে, প্রথম দৃষ্টিতে লোককে আপন জন করে ফেলতে পারতেন। ছ' চার কথার লোকের মনোরঞ্জন করবার বিত্তাও তাঁর আয়ত্ত ছিল। আমাদের বারীনের মত, মুখে যা আসে, তাই বলে মুহূর্তের মধ্যে ভক্ত করে নিতে তাঁর অসাধারণ ক্ষমতা ছিল। "ইঞ্জিয়া হাউসে" আমার সঙ্গে প্রথম দর্শনেও তিনি তাঁর ক্ষমতার পরিচালনা করেছিলেন। ছ' চার কথার পরেই আমার মস্ত পড়িয়ে দীক্ষিত করতে চেয়েছিলেন; কিন্তু ইতোমধ্যেই তাঁর ছ' এক জন বন্ধু তাঁকে যে 'বি, বি, (Big bluff) উপাধি দিয়েছিলেন, তা আমি জাম্বতাম। তাঁর মস্ত্রে দীক্ষিত হয়েছিলাম কি না মনে নাই, কিন্তু তথাপি তাঁর ভক্ত হয়েছিলাম।

বিনায়ক যদিও রাষ্ট্রনৈতিক ব্যাপারে পণ্ডিতজীর দক্ষিণ-হস্তস্বরূপ ছিলেন, তথাপি পণ্ডিতজী অপেক্ষা এঁর রাজনীতিক মত অপেক্ষাকৃত অনেক গরম ছিল বলে তখন মনে করতাম। পণ্ডিতজীর মতামত পূর্বে কিছু উল্লেখ করেছি।

বিনায়কের ঠিক যে কি মত ছিল, তা বলা হুঁহু। কারণ, তিনি লোক বুঝে, যে যেমন, তার কাছে তেমন ধরণের মত প্রকাশ করতেন। যুরোপে থাকার সময়ে যা জানতে পেরেছিলাম, আর তাঁর হিন্দুতাবাপন্ন এক জন মুসলমান ভক্তের সঙ্গে প্যারিসে প্রায় আট নয় মাস একত্র থাকবার সৌভাগ্য আমার হুঁহুছিল, সেই অনি-সন্ধিৎসু ডব্লুজোকের কাছে যা শুনেছিলাম, তার বতটুকু এখন মনে পড়েছে, মোটামুটি তা এই যে, ভারতের সাধারণ

লোকের মধ্যে ইংরাজ-বিদ্বেষ অতিরিক্ত মাত্রায় জাগতে পারলে, নানা ঘটনাচক্রে দাঙ্গা-হাঙ্গামা হতে সুরু করে ক্রমে ১৮৫৭ খৃষ্টাব্দের সিপাহী-বিদ্রোহের মত দ্বিতীয় বিদ্রোহের উদ্ভব হবে। আজকালের উচ্চশিক্ষিত (অর্থাৎ বোধ হয় বিলাত-কেরত) নেতাদের মত বিচক্ষণ নেতা ছিল না বলেই ৫৭র চেষ্টা ব্যর্থ হয়েছিল। এখন কিছ সে রকম নেতার অভাব একেবারে নাই। তখন ভারতের সর্বত্র বৈপ্লবিক ভাব প্রচারের চেষ্টা হয় নি; এখন সমস্ত ভারত গুপ্ত সমিতিতে ছেয়ে কেলেতে হবে। এই সমিতিগুলির প্রধান কাৰ হবে, নতুন নতুন বৈপ্লবিক সাহিত্যের সৃষ্টি করে এবং অল্প নানা উপায়ে আপামর জনসাধারণকে বিদ্রোহের ভাবে মোহিতা করে তোলা।

তখনকার বিদ্রোহে হিন্দু মুসলমান একযোগে ইংরাজের বিরুদ্ধে লড়েছিল; এখন যে সকল মুসলমান হিন্দুর সঙ্গে একযোগে ইংরাজের বিরুদ্ধে লড়বে অথবা হিন্দুকে সাহায্য করবে, অথচ হিন্দুর ধর্ম মেনে মেনে, তারা নব অর্জিত স্বাধীনতার ভাগ পাবে, নচেৎ ইংরাজের মত শত্রু বলে পরিগণিত হবে। এইরূপে আবার ভারত হিন্দুর দেশে পরিণত হলে আমাদের ভারতীয় রাজাদের মধ্যে যে বিশেষ করে এই ভারতীয় স্বাধীনতা-সময়ে সাহায্য করবে, সে, সার্ডিনিয়ার রাজা দ্বিতীয় ইমামুয়েল যেমন সমগ্র ইতালীর রাজা হয়েছিলেন, তেমনই ভারতে একচ্ছত্র সম্রাট হবে। অস্তান্ত রাজ্য ও প্রদেশগুলি তাদের সুবিধামত ঐ সম্রাটের অধীন গণতান্ত্রিক প্রদেশ (Republican States) অথবা আপন আপন প্রাদেশিক রাজ্যের অধীন রাজ্যে (Monarchical States) পরিণত হয়ে মজা লুটবে।

হুনিয়ার বর্তমান অবস্থার সঙ্গে খাপ খাওয়াতে হলে বস্তুর সম্ভব হয়, ততখানি সংস্কার করে, সনাতন আর্থসভ্যত অর্থাৎ ব্রাহ্মণ সভ্যতার (বোধ হয় মহাসংহিতার মৌতাবেক) পুনঃ প্রতিষ্ঠা করতে হবে। অবিভি জাতি (Caste) ভেদ থাকবে না; কিন্তু চতুর্ভঙ্গ থাকবে। ব্রাহ্মণ থাকবে দেশের শাসনদণ্ডের শিরোমণি। অস্তান্ত বর্ণগুলি বথাবিধি আপন আপন কাৰ করতে থাকবে। উচ্চশিক্ষিত হবে রাজধানী, আর ভাষা হবে হিন্দী, অক্ষর হবে নাগরী আজকালকার অতি বড় নেতাদের পরিকল্পিত ভাব

উদ্ধারের প্ল্যান অপেক্ষা এটা নেহাৎ অসম্ভব হলেও, আমাদের মত সাধারণ লোকের পক্ষে সহজবোধ্য ছিল।

পণ্ডিতজী ঐ গুপ্তসমিতির বেশী কিছু খবর রাখতেন বলে মনে হয় না। তবে ভারতীয় সকল নেতার মত ইংরাজের প্রতি বিদ্বেষ প্রচারই ছিল তাঁরও প্রধানতম পন্থা। হিন্দু-মুসলমান-সমস্তার সমাধান সম্বন্ধে তাঁর কি মত ছিল, তা ঠিক বুঝতে পারি নি। ভারতের ভবিষ্যৎ সম্বন্ধে পূর্বেই বলেছি, “হোমরুলই” ছিল তাঁর একমাত্র আদর্শ শাসনপ্রণালী।

কিন্তু ১৯০৭ খৃষ্টাব্দের প্রথমে তিনি এক হাজার কি ঐ রকম কিছু টাকার একটা পুরস্কার ঘোষণা করেছিলেন। ভারত স্বাধীন হ'লে তার শাসন-প্রণালী কি রকম হওয়া উচিত, সে সম্বন্ধে যে ভারতীয় লেখকের প্রবন্ধ উৎকৃষ্ট হবে, তিনি সেই পুরস্কার পাবেন। ঐ সকল প্রবন্ধের ভালমন্দ বিচারের ভার ছিল একটি কমিটির ওপর। তার কর্তা ছিলেন স্বয়ং পণ্ডিতজী। তাঁর সভ্য অর্থাৎ বিচারক দশ বারো জন ছিলেন। তাঁদের অধিকাংশেরই এ বিষয় বিচারের অযোগ্যতা সম্বন্ধে এইমাত্র বললে যথেষ্ট হবে যে, তার মধ্যে ছিল এই লেখকও এক জন।

বোধ হয়, সাতটিমাত্র প্রবন্ধ সারা ভারত থেকে পাঠান হয়েছিল। তার মধ্যে বিশিষ্ট দু'জন প্রবন্ধ-লেখকের নাম মনে পড়ছে। এক জন শ্রীল শ্রীযুক্ত প্রিন্স আগাখান; * তিনি এক সুদীর্ঘ প্রবন্ধ পুস্তকাকারে সুন্দররূপে ছেপে পাঠিয়েছিলেন। এক কথায়, তার বোধ হয় তাৎপর্য্যটি ছিল, ভারতের পক্ষে চিরকালের জন্ত অর্থাৎ যাবৎ চন্দ্র-দিবাকর একমাত্র বর্তমান শাসনপ্রণালীই বিধেয়। বিধেয় হোক বা না হোক, যত দিন এই অপ্রতিবিধেয় হিন্দু-মুসল-মান-সমস্তা বিত্তমান থাকবে, আর যত দিন জাতি (caste) অথবা বংশগত বর্ণভেদের ওপর সুপ্রতিষ্ঠিত এই ধর্মতন্ত্র হিন্দুদের মধ্যে অটুট থাকবে, তত দিন জনসাধারণের সুবিধাজনক অথবা কোন রকম শাসনপ্রণালী যে অসম্ভব, যারা সেকালের তথাকথিত অতিরঞ্জিত বৃথা গৌরবে গৌরবা-ধিত হওয়ার তৃপ্তিজনিত নেশাটাকে অথবা অথকে এই তৃপ্তি দেওয়ার ব্যবসাকেই স্বদেশপ্রেমিকতার একমাত্র

নিদর্শন না ক'রে, ভারতের বর্তমান ভীতি-উৎপাদক সমস্তাগুলির উপায় চিন্তা করতে গেলে যে রক্ত ঠাণ্ডা হওয়ার অবস্থা আসে, তা বাস্তবিক (আধ্যাত্মিক নয়) উপলব্ধি করেছেন, তাঁদের এই মর্শ্বত্ব ধারণা না এসে পারে নি।

আর এক জন ছিলেন কলকাতার শ্রীযুক্ত বি, সি, মজুম-দার, যার নাতিদীর্ঘ সুচিন্তিত প্রবন্ধ সকলের মতে শ্রেষ্ঠ বলে বিবেচিত হ'লেও কেবল মনঃপূত হয় নি পণ্ডিত-জীর। এ জন্ত এবং প্রবন্ধের সংখ্যা নিতান্ত কম বলে সে বছরের মত পুরস্কার স্বগিৎ রেখে আরও প্রবন্ধের জন্ত আবার বিজ্ঞাপন দেওয়া হয়েছিল।

আমাদের প্রায় সকল বড় নেতা নেহাৎ দায়ে না ঠেকলে অশ্রের মতামত বিচারসঙ্গত হ'লেও তদনুযায়ী নিজের মতের সংস্কার বা পরিবর্তন করতে পারেন না। এই গৌ পণ্ডিতজীর বড় একটা ছিল না। অথ অভিজ্ঞ-দের সঙ্গত মতামত গ্রহণের জন্ত তাঁর চেষ্ঠার কিছুমাত্র ক্রটি ছিল না। তথাপি “হোমরুল” নামক কবন্ধ তাঁর ঘাড়ে রীতিমত চ'ড়ে বসেছিল বলে ঐ সাতটিমাত্র প্রবন্ধে বোধ হয় সেই কবন্ধের গন্ধ না পেয়ে পুরস্কার স্বগিৎ রেখেছিলেন বলে তখন মনে হয়েছিল।

যে বৈপ্লবিক নেতার নাম, যশ, লোকপূজা আদি লাভের বাসনা ক্রমে বলবতী হয়, সে নেতার ডবল রাষ্ট্র-নৈতিক মতের দরকার হয়ে পড়ে। একটা আত্মপ্রকাশের জন্য প্রকাশ্য মত; আর একটা গুহ, যা আত্মত্যাগের চরম নিদর্শন। প্রকাশ্য মতটা হয় প্রথমে লোকমত সংগ্রহের অহিলামাত্র। ক্রমে এই লোকমত সংগ্রহ হয়ে দাঁড়ায় লোকপূজা। আর লোকপূজার স্বাদ একবার পেলে বা লোকপূজার নেশা একবার জমলে তখন কিছুতে তা ছাড়ে না। অথ দিকে গুহ যেটা, সেটা আইনের চরম বিরোধী বলে বিপৎসঙ্কুল; নাম, যশ, লোকপূজার সম্ভাবনা তাতে সুদূরপরাহত। তাই এটা ক্রমশঃ তুচ্ছ ও ত্যজ্য হয়ে যায়। এই দু মতওয়াল নেতার যে শুধু বিপ্লবসমিতি নাশের কারণমাত্র হয়ে দাঁড়ান, তা নয়; লোকপূজার লালসার এমনই ছাংলা হয়ে উঠেন যে, বৃথা লোক তৃপ্তির জন্ত দেশের অনিষ্টকর এমন অকার্য্য কুকার্য্য মাই, যা এঁরা করতে পারেন না। যাই হোক, পণ্ডিতজী

* তখন ইনি কোন উপাধি লাভ করেন নি।

কিন্তু এ হেন হু' মতওয়াল নেতা ছিলেন না। অনেক ঘটনার মধ্যে হুটির এখানে উল্লেখ করে তা দেখাব।

মাস চার পাঁচ প্যারিসে থাকবার পরও যখন সেখানকার কোন বৈপ্লবিক সমিতি কিংবা এনাকিষ্টদের কোন তথ্য সংগ্রহ করতে পারলাম না, তখন কোন কমিটির কাছে মাইনে দিয়ে একসম্প্রদিত কমিটী শেখবার প্ররুতি জেগে উঠল। এক পাকা ফ্রেঞ্চ কমিটি জুটেও গেলেন। কিন্তু প্রথমে ক্লোরট অব পটাশের একটা অতি সাধারণ বিস্ফোরক দেখিয়ে দিয়ে তিনি ব'লে বসলেন, এর চেয়ে আর নাকি সাংঘাতিক জিনিষ তয়ের হয় না। তার পর দাবী করেছিলেন, শিথিয়ে দিলে পাঁচ শ ফ্রাঙ্ক। যাই হোক, তাঁকে বুঝিয়ে দিয়েছিলাম, ও সব চলবে না। হু'খানা বই (nitro explosives এবং modern high explosives) দেখালাম। পরে মঃ বার্থোলোর একখানা বইও জোগাড় করা হয়েছিল। তার পর বন্দোবস্ত হ'ল, আমরা একটা ছোট্ট ল্যাবরেটরী করব। তাতে এক দিন অন্তর সপ্তাহে তিন দিন ঐ বই হু'খানার আলোচ্য প্রত্যেক একসম্প্রদিত হাতে কাষে তয়ের ক'রে দেখিয়ে দিতে হবে। তার দরুণ প্রতি দিন বিশ ফ্রাঙ্ক দিতে হবে। ছয় মাসের জন্ত তাঁকে নিযুক্ত করা হয়েছিল।

কিন্তু এত টাকা আসে কোথা থেকে? এইটেই মস্ত এক সমস্যা হয়ে দাঁড়াল। পণ্ডিতজীকে ধুরাই স্থির করলাম। তখন তিনি লগুনে। আমার পূর্বেক্ত পরিচয়পত্র সমেত নিবেদন ক'রে পৃঠালাম যে, টাকার অভাবে কোন বিশেষ কাষ হ'চ্ছে না। তিনি উত্তর দিলেন, প্যারিসে এসে টাকা দেবেন। কয়েক দিন পরে এলেন; ষ্টেসন থেকে তাঁর বোঁচকা বয়ে এক হোটেল পর্য্যন্ত নিয়ে গেলাম। খুব আপ্যায়িত করলেন। এই প্রথম দর্শন। তাই বড় আশা হ'ল, এই একটা লোকের মত লোক পেলাম। তাহার পরদিন গিয়ে টাকার কি হবে, তা যখন খুলে বললাম, তখন তাঁহার চক্ষু একবারে চড়কগাছ। বললেন, খববদ্যর, যেন ও সব কাষ কেউ না করে। করলে তাঁর বড় সাধের 'হোমরুল' না কি ফসকে যাবে।

এর কয়েক সপ্তাহ পরে গুল্লাম, উক্ত "ইণ্ডিয়া হাউস", ম্যানেজার আর পাচক, এই দুই কাষে এক জন লোক দরকার। আবেদন পাঠালাম; মঞ্জুর ক'রে ঢেকে

পাঠালেন। লগুনে গিয়ে গুল্লাম, পণ্ডিতজীর মতন তেমন কল্প ও খিটখিটে লোক না কি ভূ-ভারতে আর একটা জন্মায় নি। যাহাই হউক, আদেশমত পুরান ম্যানেজার-পাচকের সঙ্গে দুই দিন কাষ করলাম। কাষ পছন্দ হ'ল; কিন্তু যুরোপের কোন বৈপ্লবিক দলে যোগ দেওয়ার চেষ্টাতেই লগুনে গেছলাম জেনে অনেক অগ্রীতিকর ঝগড়া-ঝাটির পর "ইণ্ডিয়া হাউস" থেকে আমার প্রতি চক্রের ব্যবস্থা করেছিলেন।

এই থেকে বুঝা যায়, পণ্ডিতজীর মতের প্রকাশ আদর্শ "হোমরুল" ছাড়া অন্য গুপ্ত মতলব কিছুই ছিল না।

যাই হোক, বিলাতে ভারতীয় কংগ্রেসের বড়কর্তা নোরজীর সঙ্গে তখন তাঁহার ঘোর প্রতিদ্বন্দ্বিতা চলছিল। যেহেতু, বুদ্ধ নোরজী ছিলেন কংগ্রেসী মডারেট; আর পণ্ডিতজী নিজেকে ঘোরতর একট্রিমিষ্ট ব'লে জাহির করতেন।

তাঁর চেহারা বেশ লম্বা-চওড়া জমকাল রকমের ছিল; বয়েস তখন পঞ্চাশের ঊপর। ভূতপূর্ব সম্রাট সপ্তম এডওয়ার্ডের ছবির সঙ্গে এঁর চেহারার অনেকটা সামঞ্জস্য ছিল। তিনি স্পষ্ট বক্তা অথচ সন্দ্বিচিত ছিলেন। তাঁর ধর্মের বা আধ্যাত্মিকতার কোন রকম গোঁড়ামী অথবা ভণ্ডামী ছিল না। জগতের কৃতকর্ম্ম রাষ্ট্রনৈতিক ধুরন্ধরদের মত তিনিও ধর্ম, আধ্যাত্মিকতা ইত্যাদিকে ঐহিক স্বার্থ-সাধন-উপায়স্বরূপ গণ্য করতেন। ঐহিক উন্নতিই ছিল তাঁর উদ্দেশ্য। তাঁর রাষ্ট্রনৈতিক কার্যাদ্যক বিনায়কও তখন কতকটা বোধ হয় এই মতাবলম্বী ছিলেন।

অর্থ ছিল তাঁর বিপুল। হিন্দু জী তাঁর সঙ্গে থাকতেন, সংসারে না কি তাঁর অপর কেউ ছিল না। তিনি বলতেন, তাঁর সমস্ত অর্থ স্বদেশের কাষে ব্যয় করবেন ভারতীয় নেতার প্রধানতম বিজ্ঞা অর্থাৎ স্বদেশী কাষের নামে অস্ত্রের কাছ থেকে টাকা আদায়ের শক্তি ছি। তাঁর যথেষ্ট, কিন্তু গুরীবের পকেটে বড় একটা হাণ দিতেন না, লক্ষপুতিরই স্বন্ধে আরোহণ করতেন। অনর্গল বচন দিয়ে তড়িৎতড়ি ভক্ত বানিয়ে ফেলতে খুব পারতেন কিন্তু অন্ত নৈতাদের মত অন্ধ ভক্তবাৎসল্যাটা সুবিধাম ছিল না ব'লে ভক্তরাই শেষে তাঁর আপদ হয়ে দাঁড়াত

অনেক বিষয়ে তাঁর পাণ্ডিত্য ছিল না কি অগাধ। ম্যাড্রিনীর সঙ্গে তাঁর তুলনা করলে এবং পণ্ডিতস্বী বলে ডাকলেও ভারী খুসী হতেন; তাই আমরা তাঁকে পণ্ডিতস্বী বলেই উল্লেখ করলাম।

আর এক জন ভারতীয় উদ্বলোক সেখানে ছিলেন; তাঁর জহরতের কারবার সেখানকার ভারতবাসীদের মধ্যে ছড়িয়ে ছিড়িয়ে ছিল ক্ষুদ্র রকমের; কিন্তু তাঁর প্রাণটি ছিল বোধ হয় সব চেয়ে বড়। তাঁর সহানুভূতিতে ক্ষুর বিদেশে ঘরে আছি বলেই মনে হ'ত। অনেকের কাছে বিমুখ হয়ে, শেষে তাঁরই রূপাতে একটি ছোট ল্যাবোরেটারী হয়ে গেল। পূর্বোক্ত কমিষ্টকে দিয়ে একপেরিমেন্ট শুরু করে দিলাম। আর এক জন ভারতীয় সহকর্মীও জুটিয়ে নিলাম।

এই সময়ে এক দিন একখানা খবরের কাগজে পড়লাম, "এনার্কী" নামক পত্রিকার এডিটর, এনার্কীজমের ধুরন্ধর নেতা মঃ শিবার্জার কি একটা আইন অমান্য করার জন্ত সাত দিন কারাবাসের সশ্রুতাগ্য হয়েছে। সেই পত্রিকাতে তাঁর ঠিকানা ছিল। সাত দিন পরে তাঁর সঙ্গে দেখা করলাম এবং সাদরে গৃহীত হলাম। এখানে ব'লে রাখি, তখন আমি কায়-চালান গোছ করানী ভাষা বলতে ও বুঝতে পারতাম। তিনি আমার বক্তব্য শুনে এমন সহানুভূতি দেখিয়েছিলেন, আর এমন সব কথা বলেছিলেন, যা থেকে সে দিন আমি মনে করতে পেরেছিলাম, এঁদের দ্বারা আমার সকল আশাই পূর্ণ হবে। কিন্তু তখনও এনার্কীজম জিনিষটি কি, তার বিদ্ব-বিসর্গও জানতাম না। রেন্ডলিউসনারী পার্টি আর এনার্কীষ্ট পার্টি, একই ব'লে তখন ধারণা ছিল।

যাই হোক, এই সর্ভে তাঁদের দলের এক জন হ'তে পেরেছিলাম যে, সপ্তাহে দুই দিন তিন চার ঘণ্টা করে তাঁদের আড্ডার কোন কিছু কাব করে দিতে হবে, অথবা অল্প কোথাও কাবে নিযুক্ত থাকলে সপ্তাহে কিছু কিছু অর্থ-সাহায্য করতে হবে। আমাদের দেশের গুপ্ত সমিতির দলভুক্ত হবার ব্যবস্থা এর ঠিক বিপরীত, অর্থাৎ কাবকর্ম সব ছেড়ে ছুড়ে দিয়ে, ভরণপোষণটা সমিতির কাছে চেপে করবার মত অবস্থা না হ'লে দলভুক্ত হবার বোগ্যতা জন্মায় না। যাই হোক, আমরা সপ্তাহে দুই দিন

তিন চার ঘণ্টা করে "এনার্কীজম" প্রেসে কাব করে দিতে আসতাম। এই কর্মভোগ করেছি দু'মাসেরও অধিক।

এনার্কীজম জিনিষটা যে কি, দু'চার কথায় এখানে তা বলবার চেষ্টা করি। এঁদের মতে রাষ্ট্রীয় শাসনের, ধর্মের, সমাজের, অথবা অল্প কোন কিছুর আইন-কাহন, বিধি, নিষেধ ইত্যাদির দ্বারা মানুষকে চালিত করা, এবং এই সকল লক্ষ্যে দণ্ড, পালনে কিছু না, কিন্তু অল্পকে পালনে বাধ্য করানতে পুরস্কার ইত্যাদি নেহাৎ অস্বাভাবিক, আত্মমর্যাদা-হানিকর, জনসাধারণের উন্নতির অর্থাৎ মনুষ্যত্ববিকাশের অন্তরায়, মানুষের স্বাধীনতার হস্তক্ষেপ, এবং বেশীর ভাগ মানুষের উপর মাত্র জনকয়েকের প্রভুত্ব রক্ষার উপায় ভিন্ন আর কিছুই নয়। এ থেকে মানবজাতিকে মুক্তি দেওয়াই হচ্ছে এনার্কীজমের উদ্দেশ্য। এদের আদর্শ, মানুষমাত্রেই "যার যা খুসী, সে তাই করবে।" এই যা খুসী তা করবার মত অবস্থায় মানুষকে আনতে হ'লে, মানুষ না কি এমন উন্নত রকমের কর্তব্য-বিশিষ্ট হবে যে, নিন্দা, স্তুতি অথবা দণ্ড-পুরস্কারের অপেক্ষা না করে অস্ত্রের অনিষ্টজনক কিছু কেউ করবে না— অস্ত্রের বাৎলে দেওয়ার বা হুকুম করার অপেক্ষা না রেখে আপন আপন কর্তব্য নিজের ওজনে পালন করতে পারাই হবে মানুষের পক্ষে চরম আনন্দদায়ক।

এ শুনতে বেশ উচিত কথা বলেই মনে লাগে; কিন্তু এ আদর্শে পৌঁছাবার পথ খুঁজে দেখতে গেলে, আমাদের নেতাদের আদর্শের স্নায়ুযায়ী আধ্যাত্মিক স্বরাজে পৌঁছাবার পথের মত কেবলই অন্ধকার।

এঁদের মধ্যেও মতভেদ আছে; আদর্শের তারতম্য আছে; অত্যাচারী রাজা বা রাজকর্মচারীকে গুপ্ত হত্যার দ্বারা দণ্ড দেওয়ার ব্যবস্থা আছে; আর আছে সমিতি বা আড্ডা-ঘরের ক্ষুদ্র গণ্ডীর মধ্যে এনার্কীজমের আদর্শে স্বাধীনতার লীলা প্রকট। সেখানে free love এর অভিনয় হয়; স্বামি-স্ত্রী সম্বন্ধ বলে কিছু নাই; আর না কি আত্মপন ভেদও নাই। এঁদের মধ্যেও বড় বড় দার্শনিক পণ্ডিত, কবি, লক্ষপ্রতিষ্ঠ সাহিত্যিক আদি আছেন। নাইট স্কুল, স্কুলত সাহিত্য, সংবাদপত্র, ব্যক্তিচিত্র, বক্তৃতা, সভাসমিতি আদি দ্বারা প্রচারকার্য ও লোকশিক্ষার চেষ্টা করা হয়।

প্যারিসের অলিতে গঠিত বিস্তর সমিতি আছে। শুধু প্যারিসে নয়, সমস্ত যুরোপে না কি এই রকম। আমরা অনেকগুলি সমিতিতে যোগ দিয়েছি। এর সভ্যদের মধ্যে বাদ্যের সঙ্গে পরিচয় হয়েছিল অথবা বাদ্যের সঙ্গে কিছু জানবার সুবিধা হয়েছিল, তাদের প্রায় অনেকেরই একটু না একটু মাথার গোলমাল ছিল বলে তখন মনে হয়েছিল। পনের আনা এদের স্বশিক্ষিত বা অশিক্ষিত শ্রমজীবী শ্রেণীর লোক। মঃ গিবার্ভা কিন্তু এক জন বড় দরের নেতা, বক্তা ও চতুর লোক। ইনি ছিলেন খোঁড়া; কাণা খোঁড়া একগুণ বাড়া হয়েই থাকে।

এই দলে ঢুকে আমার প্রথম অহুস্কানের বিষয় হয়েছিল—এদের মধ্যে কোন ইংরাজ আড্ডাধারী ছিল কি না।

প্রায় সব দেশের লোক অল্পবিস্তর ছিল; কিন্তু এক জনও ইংরাজ খুঁজে পাই নি। কারণ অহুস্কান করে বা জেনে-ছিলাম, তার আসল তথ্যটা এই যে, ইংরাজের অতি হুঃহুঃ বর্তমান বৃটিশ শাসনপ্রণালীর উপর বেশী বীতশ্রদ্ধ নয়। এইটেই ইংরাজ শাসনের মাহাত্ম্য।

যাই হোক, মাসখানেক পরে আবিষ্কার করলাম, আনাদের অহুষ্টিত বিপ্লববাদের জন্য কিছুই এদের কাছে শেখবার মত নাই। গুপ্ত সমিতি-গঠনপ্রণালী সঘনো শেখবার কিছুই ছিল না; কারণ, এদের সমিতিগুলোকে গুপ্ত সমিতি বলে মনে করবার কিছুই দেখতে পাইনি। কাবেই ক্রমে সেখানে যাতায়াত বন্ধ করে দিলাম।

[ক্রমশঃ।

শ্রীহেমচন্দ্র কান্দুগোই।

ভাবের অভিব্যক্তি


(উমেদারী)

[অভিনেতা :—শ্রীমুশীলকুমার রায় চৌধুরী]



উমেদার :—আজ্ঞে এবারে আর এ গোলামকে বিমুখ করবেন না, গয়না বেচে যা' পেয়েছি, হজুরের চরণে দিতে এসেছি—

সাহেব :—তা বেশ করেছিস, এখানেই রেখে দে'—। পরণ্ড দিন এসে দেখা করিস—বুঝি?



কলিকাতা যুনিভার্সিটি কোরের শিবির

গত ১৯২৪ খৃস্টাব্দের কাম্পের পর কাপ্টেন হাইড ছুটিতে বিলাত যাত্রা করিয়াছেন। নূতন নূতন অনেক কাপ্টেন, এমন কি, মেজর পর্যন্ত 'অকিসিয়েটিং' করিয়া চলিয়া গিয়াছেন। তাঁহাদের মধ্যে কাপ্টেন 'মোলসওয়ার্থ' অনেক দিন ধরিয়া কায করিয়াছিলেন। তাঁহার প্রথমত বারামের জন্ত খুব কৃচকাওয়াজ চলিতে লাগিল। ইহার মধ্যে আমাদের পস্টনের সার্জেন্ট মেজর 'লিটরী' পেন্সন পাওয়ার দেশে চলিয়া গিয়াছেন। তিনি আমাদের কোরের জন্ত কত কায করিয়াছেন, তাহা এক কথায় বলিতে হইলে তাঁহাকে আমাদের কোরের মেরুদণ্ড ছাড়া অস্ত্র কিছু বলা যায় না। তাঁহার অভাব আমরা এখন বেশ ভাল করিয়া বুঝিতে পারিতেছি। এ ধারে আমিও ছুটিতে কারিসিয়ং ভ্রমণে যাইলাম। নভেম্বর মাসে এক চিঠিতে জানিতে পারিলাম যে, আমাদের পুরাতন কাপ্টেন হাইড কলিকাতায় কিরিয়া আসিয়াছেন। কায়েই আর কারিসিয়ংএ বেশী দিন থাকা হইল না। কারণ, কাম্প ১৯২৫ খৃস্টাব্দ ১৮ই ডিসেম্বর তারিখ হইতে আরম্ভ হইবে। কলিকাতায় কিরিয়া আসিয়া গুনিলাম, আর নিজেরও অনুভব হইল, শীতটা যেন হিমালয় হইতে এই সহরে সমান ভেজে আগমন করিয়াছে। এ দিকে আবার কাপ্টেন হাইড ছাত্রদিগকে একেবারে পাকড়াও করিয়া আনিবার জন্ত কলেজে কলেজে প্রিন্সিপালদের কাছে স্ট্যান্ডিং অর্ডার পাঠাইয়াছেন। সঙ্গে সঙ্গে 'স্ট্যান্ডিং অর্ডার' সকলকে জানাইয়া দিল যে, ১৮ই ডিসেম্বর বেলা ১১টার সময় কাম্পে হাজিরা দিতে হইবে। বাহারা নূতন 'রেজুট' হইয়াছিলেন, তাঁহাদেরও কুর্সি দেখা দিয়াছিল। কি কি জিনিষ সঙ্গে লইয়া কাম্পে যাইতে হইবে, তাহার তালিকা সংগ্রহ করা হইল, কিছ বাহারা সেকেও ও ফোর্থ ইয়ারের ছাত্র, তাঁহারা বলিলেন, "কিরাপে কাম্পে যেতে পারা যায়?" কারণটা আর কিছুই নহে,— 'টেই একজামিন।' প্রিন্সিপালদের কাছে সে কথা বলিতেই তাঁহারা নোটিশ দিলেন যে, বাহারা কাম্পে যাইবে, তাহাদের টেই একজামিন ত দিতে হইবে না, পরন্তু তাহাদের একেবারে 'কাইন্সাল' পরীক্ষার পাঠান হইবে।

তখন সকলের কি কুর্সি! এই যে কাম্প ট্রেনিং, ইহাতে আনন্দ উপভোগ করিবার জিনিষ যথেষ্ট আছে। একটা নূতন আমোদ উপভোগ করিবার জন্ত রেজুটদের মন মাতিয়া উঠিল, আর তাঁহাদের সঙ্গে আমার মনটা যে উৎসাহিত না হইল, তাহা কেমন করিয়া বলিব? কারণ, কাম্প ট্রেনিংএর আনন্দটা আমি পূর্বেই উপভোগ করিয়াছি।

১৮ই ডিসেম্বর শুক্রবার দিন প্রত্যবে নিদ্রান্তের পর মনে পড়িল, সরকারের হুকুম, ১১টার মধ্যে আজ কাম্পে যাইতে হইবে। নিত্য প্রয়োজনীয় দ্রব্যাদি যথাসময়ে ট্রাকে ভর্তি করিয়া লইয়া প্রস্তুত হইলাম। মনে হইতে লাগিল, ঘড়ীর কাঁটাটা যেন খুব জোরে চলিয়াছে। ইহারই মধ্যে বেলা ৯টা! বাউক, কোন রকমে ছুটি ভাত খাইয়া লইয়া 'ভে:তা বাঙ্গালীর' নাম বজার রাখিল। ইতোমধ্যে বজুর সার্জেন্ট জিতেজনাথ যোব ও আইভেট, গোলাম মুস্তাফা উপস্থিত হইয়া শীঘ্র রওনা হইবার জন্ত তাড়া দিলেন। কায়েই আর

বিলম্ব না করিয়া একখানি গাড়ী ভাড়া করিয়া যাত্রা করিলাম। পথে বন্ধুদের মাল তুলিয়া লওয়া হইল। ঠিক সময়েই ময়দানে পৌঁছিলাম। কেহ টাক্সিতে, কেহ ঘরের মোটরে, কেহ গাড়ীতে, কেহ বা ইটিয়া মুটের মাথায় বোঝা চাপাইয়া ঠিক ১১টার মধ্যে যে বাহার নিজের দলের (প্লেটন)এর কাছে আসিয়া হাজির। সকলেই ভাবিতেছেন যে, ১৫টা দিন কি করিয়া কাটান যাইবে।

ময়দানের দৃশ্য তখন অপূর্ব। এ দৃশ্য দেখিয়া মনে হয়, যেন আমরা কোথাও যুদ্ধ করিতে যাইতেছি। বীরশ্রেষ্ঠ আলেকজান্ডার যেমন, তাঁহার সৈন্যসামন্ত লইয়া সিদ্ধান্তে তাঁবু ফেলিয়াছিলেন, আজ 'এডজুটেন্ট' হাইড আমাদের লইয়া যেন ঠিক তেমনই ভাবে ভাগীরথী-তটে সম্মিলিত হইয়াছেন।

ক্রমে বেলা বাড়িতেছে। সকলেরই প্রায় যাম পড়িতেছে। নোখ হয়, তখন তাঁহারা ভাবিতেছিলেন, কখন ছুটি পাইয়া নিজের নিজের তাঁবু দখল করিবেন। এমন সময় কাপ্টেন হাইড আমাদের ডাকিয়া বলিয়া দিলেন, কাহারো কোণায় পাকিবে। সঙ্গে সঙ্গে আমাদের মত মহাপ্রভুদের কণ্ঠস্বর সকলকে জানাইয়া দিল,—'কল ইনটু রাক্সস'! সকলে ঠিকমত কায করিবার পর বলিয়া দেওয়া হইল, কে কোণায় পাকিবে। অমনই তাঁহারা নিজ নিজ বিছানা, ট্রাক ইত্যাদি লইয়া নিজ নিজ তাঁবু দখল করিলেন।

যুনিভার্সিটি কোর এখন একটি 'বার্টালিয়ন।' ইহা চারি ভাগে বিভক্ত। এক একটি ভাগকে এক একটি 'কম্পানী' বলে। এক একটি কম্পানীকে এক একটি নামে ডাকা হয়, যেমন ১ম ভাগকে 'এ' কম্পানী, ২য় ভাগকে 'বি' কম্পানী। এক একটি কম্পানী আবার ৪ ভাগে বিভক্ত। এই এক একটি ভাগকে 'প্লেটন' বলা হয়। প্লেটন আবার ৪ ভাগে অর্থাৎ ৪টি 'সেক্সনে' বিভক্ত। প্রতি সেক্সনে ১১ জন, লোক ও ১ জন 'সেক্সন কমান্ডার' থাকে।

স্বটিশ চার্চ কলেজের ২টি প্লেটন, রিপণ কলেজের একটি, আর বঙ্গবাসী কলেজের ১টি, মোট এই ৪টি প্লেটন লইয়া 'বি' কম্পানী। কম্পানীর কমান্ডার হইলেন মি: জে. এফ. ম্যাকডোনাল্ড। ইনি স্বটিশ চার্চ কলেজের ইংরাজীর প্রফেসর, পরন্তু জর্জ-যুদ্ধ-কোরত। এখন ইনিই আমাদের কোরে প্রথম লেফটেন্যান্ট। ইহার মত শুভলোক খুব কম দেখা যায়। সকলকে খুব স্নেহ ও বন্ধ করেন। আমাদের রিপণ কলেজের অন্ত্যায়ী প্লেটন কমান্ডার হইলেন লেফটেন্যান্ট এস. এন. যোব মল্লিক। আর আমাকে কর্তাদের হুকুমামুযায়ী প্লেটন সার্জেন্ট হইতে হইল। মি: যোব মল্লিকের কাছে ছেলেরা কোন দিন একটিও কড়া কথা শুনে নাই।

বেলা প্রায় ১টার সময় আদেশ হইল, ফোর্ট উইলিয়মের 'টোর' হইতে আমাদের কবল, সতরঞ্জ, ওভার কোট ইত্যাদি দরকারী জিনিষ আনিতে হইবে। তাই 'লেপ্ট, রাইট' করিতে করিতে মার্চ করিয়া যাওয়া গেল। সৈনিকরা সব ক্লাস্ত হইয়া জিনিষপত্র লইয়া কিরিয়া আসিল। বিছানাপত্র গুছাইয়া লওয়া গেল। এক একটি তাঁবুতে ৪ জন করিয়া লোক থাকিবার হুকুম হইয়াছে। তাহাই করা



৭নং মেট্রন

গেল। প্রথম দিনেই 'এ' কম্পানীকে 'কোয়ার্টার' ও 'নাইট গার্ড' দিতে হইল। গার্ড কমাণ্ডার এক জন ল্যান্স সার্জেন্ট অথবা করপোরাল। কোয়ার্টার গার্ডে ২ জন প্রাইভেট, তাহার মধ্যে ৩ জন রাইফেল গার্ড। নাইট গার্ড কমাণ্ডার ১ জন ল্যান্স করপোরাল, ইনি কোয়ার্টার গার্ড কমাণ্ডারের অধীন। নাইট গার্ডে ২ জন প্রাইভেট, তাহার মধ্যে ১ জন অর্ডারলি। নাইট গার্ডরা সন্ধ্যা ৫।০টা হইতে ভোর ৬টা পর্যন্ত পাহারা দেয়। আর কোয়ার্টার গার্ডরা সন্ধ্যা ৫।০টা হইতে পরদিন বৈকাল ৫।০টা পর্যন্ত এই ২৪ ঘণ্টা পাহারা দেয়। যুদ্ধক্ষেত্রের নিয়মানুযায়ী এই গার্ড-পদ্ধতির প্রচলন। হঠাৎ বাহির হইতে কোন শত্রুপক্ষ যাহাতে আক্রমণ করিতে না পারে, তাহারই উদ্দেশ্যে চারি ধার সশস্ত্র প্রহরী (সেন্টি) ঘাট্টা সুরক্ষিত রাখা হয়। কোয়ার্টার গার্ড কমাণ্ডারেরই কাৰ্য্য বেশী। নাইট গার্ড কমাণ্ডারকে কোয়ার্টার গার্ড কমাণ্ডারের আদেশানুযায়ী জিনিষপত্র জমা লওয়া-দেওয়া, চিঠি বিলি করান, প্রসারিত বা অপরাধীদের কোয়ার্টার গার্ডে বন্দী করিয়া রাখা ইত্যাদি সবই করিতে হয়। এই গার্ড ডিউটির সময় যে কেহই হটক, অস্থায় করিলে তাহাকে শাস্তি দিতে হইবে। ডিউটি ছাড়িয়া কোথাও যাইবার উপায় নাই। এমন কি, আপনার লোক দেখা করিতে গেলে তাহার সঙ্গে দাঁড়াইয়া কথা কহিবারও অবসর নাই—এমনই ডিউটি।

সন্ধ্যার পূর্বেই সকলকে ক্যান্টিন (Restaurant) স্থান করিবার স্থান, প্রিভি কাউন্সেল (পায়খানা) সব দেখাইয়া আনিলাম। পায়খানাগুলি সব 'সামনা সামনি' ও খোলা। কাপ্তেন সাহেব বাঙ্গালীর অবস্থা বুঝিতে পারিয়া এক একখানি চটের পর্দা সম্মুখে টাঙ্গাইয়া দিবার ব্যবস্থা করিয়াছিলেন। ক্যান্টিনে চা, চপ, কাটলেট, বিস্কুট, চুস্ট, সিগারেট, কেক, কল, কলা, লেবু, পানি পর্যন্ত নিত্য প্রয়োজনীয় জিনিষ পাওয়া যায়। রাত্রি ৮টার

পূর্বে সার্জেন্ট মেজর, মেট্রন সার্জেন্টদিগকে (আমাদিগকে) ডাকিলেন ও পরদিবস কি 'রুটিন' বলিলেন।

অর্ডারলি অফিস হইতে কিরিয়া আনি আমাদের সেক্সন কমাণ্ডারদিগকে কাৰ্য্য বুঝাইয়া দিলাম। তাহারও তাহাদের প্রাইভেটদিগকে বুঝাইয়া দিলেন, কি কি কাৰ্য্য করিতে হইবে। ৮।১০ মিনিটের সময় খাবার পরিবেষণকারীদিগের 'আহ্বান' বিউগিল বাজিল। পরিবেষণকারীরা তাহাদের সব মেট্রনের খাবার ইত্যাদি ঠিক করিয়া গুছাইয়া লইবে। ৮।১৫টার সময় আহ্বারের 'বিউগিল' বাজিল। পরিবেষণ করিবার ডিউটি পূর্বেই ঠিক করিয়া দেওয়া হইল। তাহার সকলকে খাওয়ানোর পর আহ্বার করেন। ভাত, ডাল, তরকারী, ভাজা, মাংস, চাটনী ইত্যাদি একে একে পাতে পড়িল। প্রথম দিনের আহ্বার ভালমতে শেষ করা গেল। এখানে অনেক রকম মেজাজের লোক আসিয়াছেন, কিন্তু কাহারও 'চু' শব্দটি করিবার

উপায় নাই। বাড়ীতে যাহারা পান হইতে চুণ খসিলেই প্রলয় কাণ্ড করিতেন, এখানে তাহারা একেবারে মাটির মানুষ। এখানে ত আর 'এটা খাও ওটা খাও' বলিয়া উপরোধ করিবার কেহ নাই।

আহারকাণ্ড শেষ হইল। সকলে যে যাহার তাঁবুতে কিরিয়া গেলেন। তাঁবুর সমস্ত বিছানা হিমে বরফের মত ঠাণ্ডা হইয়া গিয়াছে। সরকারের দেওয়া খড় বিছাইয়া, তাহার উপর কবল পাতিয়া, নিজের শয্যা রচনা করা গেল। তাঁবুর নিম্নে যেখানে যেখানে ছোট ছোট ছিদ্র, তথায় গরম গ্রেট কোটের দ্বারা আড়াল করিয়া দিলাম। রাত্রি ১০টার পরে আবার বিউগিলে সঙ্কেত হইল যে, আর ২০ মিনিট পরে সব আলো নিবাইয়া দিতে হইবে। নির্দিষ্ট সময়ে পুনরায় বিউগিলের সঙ্কেতধ্বনি শুনিয়া প্রত্যেকেই আলো নিবাইয়া নিঃশব্দে শুইয়া পড়িল। কারণ, অর্ডারলি অফিসার রোঁদে বাহির হইবেন। যদি তিনি কোনও তাঁবুতে আলোক দেখিতে পান, অথবা কেহ কথা কহিতেছে শুনিতে



কমাণ্ডার জে, এক ম্যাজেডোনাড ও ননকমিশড অফিসারগণ

পান, তবেই কৈকিরং তলব হইবে। সকলেই চুপ—বিত্রায়েবীও সবার বুঝিয়া এই পরিশ্রান্ত সৈনিকদিগকে শান্তি দিবার অস্ত্র তাহার মেহমাখা কোমল করণরব সকলের নয়নে বুলাইয়া দিলেন।

১১শে ডিসেম্বর শনিবার ভোর ৩টার সময় Revellিতে বিউগিল বাজিল। সঙ্গে সঙ্গে গার্ডের বিকট চীৎকার 'Open your flaps, make yourselves ready, আবার সঙ্গে সঙ্গে সজ্জাজাগ্রত সৈনিকদিগের কঠিনঃস্বত সঙ্গীতের এক একটা চরণ—আর তাহার পর এই মাঠের দারুণ শীত! কাকা মাঠ, হ হ করিয়া শিশিরসিক্ত বাতাস বহিতেছে। হৃদয়দেব তখন উদয়-অচলে দেখা দেন নাই—বিলম্ব আছে। তখনও প্রিন্সেপ্ট ঘাটের ও তাহার আশে-পাশের রাস্তার গ্যাসের আলো বেন বুঝাওরে—নিজ্রালসভাবে মিট মিট করিয়া অগিত্তেছিল।

হুকুম হইয়াছে—৭টার সময় আলস্ত ও শীত দূরীভূত করিবার জন্ত Physical Training হইবে। আমি নিজে ও আবার সহকারী বহুব্রহ্ম L. Cpls, বীরেশ্বর সেন ও বিভূতিভূষণ বহু সেই সময়ের মধ্যে চা পান করিয়া প্রস্তুত হইয়াছি।

৭টা বাজিবার ৫ মিনিট পূর্বে 'Fall in করিবার জন্ত হইলিলা বাজাইল। আমার এনং মেঃন তাহাদের নির্দিষ্ট স্থানে ঠিক সময়েই Fall in করিল। প্রথমে সকলেরই একটু কষ্ট হইল—অনভ্যস্ত কি না, কিন্তু ডবল মার্চের ও Physical Drillএর পর বিশ্রাম পাইয়া

মোজা, পট্ট, বেষ্ট পরিমা ড্রিল করিতে হইবে। কথার বাহা, কাবেও তাহাই। মিলিটারী কি না! ১৫টা পর্যন্ত প্যারেড। মধ্যে মধ্যে বিশ্রাম। প্যারেড শেষ হইলে সকলকে জুনাইয়া দেওয়া হইল—শীত রান করিয়া আহারের জন্ত প্রস্তুত হইতে হইবে। ১৫টা সময় খাওয়ার পর 'এ' কম্পানীর পর 'বি' কম্পানীকে রাইকেল আনিতে কোর্টে বাইতে হইবে। ঠিক সময়ে না গেলে আর খাবার পাওয়া বাইবে না। ইচ্ছার অনিচ্ছার সকলে তাড়াতাড়ি কোন রকমে আহার শেষ করিয়া হাজির।

বিউগিল বাজিল। Fall in for meal—হার্ভে গেলাস ও থানা লইয়া সকলে শ্রেণীবদ্ধভাবে দাঁড়াইল। আহারের স্থানে বাইবার সজ্জতখনি হইল। খাওয়া মন্দ হইল না—ডাল, ভাজা, 'মুজিপাল মার্কেট' খাঁট, মাছের ঝোল ইত্যাদি যথেষ্ট পরিমাণে পাইয়া সকলেই খুসী; আহারের পর কোর্টে গিয়া রাইকেল পরিষ্কার, জুতার কালী লাগান, বাগোলিয়ার, বেষ্ট লাগান ও তাহার পিতলগুলি পালিশ দিয়া যবিয়া চকচকে ঝকঝক করিতে হয়। বাঁহারা খাওয়া-দাওয়ার পর কাব পরে করা হইবে বলিয়া কেলিয়া রাখিতেন—তাঁহাদেরই ঠকিতে হইত। কিন্তু সকলেই কাব শেষ করিয়া ও না করিয়া একটু গড়াইয়া লইত। কতক আবার তাম খেলিত আর কেহ কেহ গান করিত। বিকালবেলা কিন্তু অনেকেই ছুটি লইয়া, অনেকে ছুটি না লইয়াই বায়কোপ ও কিংকারনিভাল দেখিতে বাইতেন।



প্যারেডের পর শিবিরে প্রত্যাবর্তন

সকলেই বলিয়া উঠিলেন, "আঃ, বেশ হাওয়া ত," কারণ, তখন তাহাদের ঘাস ছুটিতেছে। তিন কোয়ার্টার ড্রিল—তাহার পর প্রাতরাশ। বড় বড় ৪ টুকরা মাখন লাগান পাউরুটি, দুইটি করিয়া সিদ্ধ নিবিদ্ধ ভিষ আর চা—বে বড় পারে। বাঁহারা ডিম খান না, তাঁহাদের দুইটি ডিমের পরিবর্তে ৪ টুকরা রুটি অতিরিক্ত দেওয়া হয়। শ্রেণীবদ্ধভাবে নিজের নিজের নির্দিষ্ট ব্যাগার গিয়া বসিয়া প্রাতরাশ শেষ করা গেল। এ দৃষ্ট ঠিক বেন জেলের করেদীদিগের প্রাতরাশ—লপসি খাইতে খাওয়ার মত। প্রায়ই সকলের হাতে কলাইকরা রাস অথবা বাটি। আমাদের মত জীভবর কাব সকলকে খাওয়াইয়া পরিবেষণকারীদিগের সহিত আহার করা। সব দিকেই নজর রাখিতে হয়। কে খাইল, কে খাইল না, কেহ কম বা বেশী লইল কি না, ইত্যাদি। এমনও অনেকে আছেন, বাঁহারা সতর্ক দৃষ্টি রাখার মধ্যে পংক্তি হইতে বাহির হইয়া অস্ত্র ব্যাগার বসিয়া ৫ থানা রুটির বদলে ৮ থানা, দুইটি ডিমের বদলে অতিরিক্ত ৪টি লইতে চেষ্টা করিয়াছিলেন ও লইয়াও ছিলেন। তাঁহাদের ধারণা, সরকারী মাল বস্ত পায় ধরত কর। জিনিস লইয়া ভক্ষণ করিলে ত কাবো লাগে, তাহা না করিয়া জিনিসগুলি লইয়া খেলাও হয়। ৮টার সময় সার্ভ, প্যান্ট, বুট,



জানু পাতিয়া বসিয়া লক্ষ্যভঙ্গ

অপরাত্ন ৫১টার পাহারা বদল হয়। প্রত্যহ ভোরে এক জন করিয়া ব্যাটালিয়ন অর্ডারলি মার্কেট হয়। তিনি নুতন গার্ড Fall in করাইয়া অর্ডারলি অফিসরকে সেলাম দিয়া বলেন, সব ঠিক। তখন অর্ডারলি অফিসার নুতন গার্ডদিগকে পরিদর্শনের ও কাবের ভার দিবার পর পুরাতন গার্ডদিগকে বিদায় দেন। এ সময় দর্শকের সংখ্যা খুব বেশী হয়—অবশ্য আমাদের মধ্যেই বেশী।

সন্ধ্যার পর আজ আর পূর্বের মত আমোদ-প্রমোদ হইল না। তবে পরে হইয়াছিল—এ জন্ত আমরা Y, M, C, A ও Mr. P, L, Royকে অনেক ধন্যবাদ দিতেছি। Y, M, C, A ও Mr P, L, Roy এবার আমাদের ক্যাম্পে গীতবাহু ও মুষ্টিযুদ্ধের জন্ত অনেক বন্দোবস্ত করিয়াছিলেন। এই প্রমোদ-বৈঠকে হারমোনিয়াম, বাঁশি, গ্রামফোন সকলই থাকে। অনেকে কৌতুক অভিনয়ের দ্বারা সকলকে মোহিত করেন। আজ আমাদের ঠাকুর্দা Lance Corporal রমণী মোহন সিংহের কথা মনে পড়ে। ইনি খুব ভাল কৌতুক অভিনয় করিতেন, ইহা ছাড়া তিনি সকলের সহিত খসকোচে মিলাশিলা করিতেন। ঠাকুর্দা না হইলে আর সকলের তৃপ্তি হইত না। আমাদের Adjutantও তাঁহাকে Grand-father বলিয়া ডাকিতেন। তিনি

অনেক দিন এই কোরে ছিলেন বলিয়াই তাঁহাকে ঠাকুর্দা বলিয়া ডাকা হইত।

যদিও তিনি আমাদের দল হইতে চলিয়া গিয়াছেন, তবুও তিনি আমাদের মায়া কাটাইতে না পারিয়া 'বিজলীর' মত এক দিন কণেকের জন্ত দর্শন দিয়া আমাদেরিগকে সুখী করিয়াছিলেন। তাঁহার অভাব আমরা ভাল করিয়া বুঝিতে পারিতেছি। আর এক জন আমাদের খুব ভালবাসিতেন—হেমশু দা (Reg. No 8, Sgt, হেমশুকুমার সেন) এজন তিনি কালিকাতা পুলিশের সবইনস্পেক্টার, বহুবাজার থানায় আছেন। এবার কায়ের ভিড়ে আর আমাদেরিগকে দেখিতে আসিতে পারেন নাই।

এই আমোদ-প্রমোদের সময় কাপ্তেন, লেপ্টেন্যান্ট, ষ্টাফ, এন সি ও, প্রাইভেট সকলেই উপস্থিত থাকেন। তখন প্রত্যেকেই প্রত্যেকের বন্ধু। সময়টা যে কোথা দিয়া চলিয়া যায়, তাহা ঠিক করা যায় না। রাত্রি ৮টার সময় বিউগিল সঙ্কেতে পাইতে যাইবার জন্ত সকলে তৈয়ার হইলেন। ইহার মধ্যে আবার আমাদের ডাক পড়িল। রেজিমেন্টাল সার্জেন্ট মেজরের কাছে পরের দিনের কায়ের রুটিন লইতে হইবে।


রাত্রি ৯ ভাঙ, ডাল, ভাজা, মাংস, আর চাটনি। নিরামিম-ভোজীদের ঘি, দই, ভাজা, ও একটা নিরামিম তরকারী (ডালনা) ইত্যাদি দেওয়া হয়। এই সকল আহাণ্য জুবোর ব্যবস্থা করিবার জন্ত মেস কমিটি আছে। তাহাতে খগেন ঘোষ, বিধুভূষণ সরকার প্রভৃতি আছেন। ইহার প্রায়

সকলেরই কাছে পরিচিত। তাঁহাদের সংগঠনের ক্ষমতাও বেশ আছে। সব ভারই প্রায় তাহাদিগকে দেওয়া হয়। আমাদেরিগকে ঠিক নিজের ভাইয়ের মত স্নেহ ও যত্ন করেন আর অনেক আদারও সঙ্গ করে না আমরা কিসে ভাল ভাবে থাকি ও আমোদ পাই, তাহার জন্ত সদাই বাস্তব। এই রকম সুখ-স্বপ্নের অবকাশে কয়টা দিন কাটিয়া গেল।

২০ ডিসেম্বর রবিবার। ছেলেরা জানিত যে, রবিবার প্যারেড বন্ধ; কিন্তু তাহা হইল না, এলমাসএর দিনে ছুটি পাওয়া যাইবে। আমরা এ খবর আগেই পাইয়াছি। তবে এই ছুটির সুখবরটা আগে তাহাদিগকে দিই নাই। তাহার কারণ, হঠাৎ সুখবরটা দিয়া তাহাদিগকে একটু বেশী সুখী করিব। এত বড় সৌভাগ্য-সূচক বাণী হঠাৎ বিধাস যোগা নয়; কিন্তু সকলে যখন দেখিলেন, সত্যই ছুটি, তখন তাহারা মনের আনন্দে পরস্পরকে আলিঙ্গন করিলেন। হুকুম আসিল যে, আমাদের কর্ণধার সীর মেজর রানকিন বেলা ৭টার সময় আমাদেরিগকে দেখিতে আসিবেন। আর আমরা যেন সব নির্দিষ্ট যারগায় ঠিক সময় মিলিত হই। সীর মেজর রানকিন আমাদেরিগকে উৎসাহ দিলেন।

২১শে ডিসেম্বর। মিলিটারী ডিপার্টমেন্টের সকলেই এই X'masএ খুব ক্ষুধী করেন। হুকুম হইল, যাহারা বাড়ী যাইতে ইচ্ছা করেন, আবেদন করিলেই ছুটি পাইবেন। তবে রাত্রি ৮টার মধ্যে যেমন করিয়াই হউক ফিরিয়া আসিয়া তাঁবুতে হাজিরা দেওয়া চাই। আমাদের কমান্ডার Lt. J. F. Macdonald সকলকেই প্রায় এক রকম ছুটি দিলেন।

২৬শে তারিখে হুকুম আসিল, ৭টা হইতে ৭টা ৪৫ মিনিট Physical Training, ৭টা ৪৫ মিনিট হইতে ৮টা ৩০ মিনিট পর্যন্ত চাপানের ছুটি। ৮টা ৩০ মিনিট হইতে ৮টা ৪৫ মিনিট জামা, পাট্টা, গুলী বহন করিবার ধলে, বন্দুক ইত্যাদি পরিষ্কার করা, পূর্বোক্তিক না, পবাবেক্ষণ করা হইবে। ৮টা ৪৫ মিনিট হইতে ৯টা ৩০ মিনিট Proclamation paradeএর জন্ত রিহার্সাল প্যারেড, ১০টা ৩০ মিনিট হইতে ১১টা ১০ মিনিট কাপ্তেন সাহেব প্যারেড করাইবেন।



গর্বিণের লেপ্টেন্যান্ট 'গার্ড অব অনার' পরিদর্শন করিতেছেন

২৭শে তারিখে টুপীর flash বদলাইবার আদেশ আসিল। ইহার মধ্যে আমাকে ব্যাটালিয়ন অর্ডারলি সার্জেন্টএরও duty দিতে হইয়াছে। বেশ ক্ষুধিতে ছেলেদের লইয়া দিনগুলি কাটিতে লাগিল। ইতোমধ্যে এক দিন খবর আসিল যে, য়ুনিভার্সিটি কোরকে ১লা জা নু মারীতে proclamation প্যারেডে যোগদান করিতে হইবে। অতএব রিহার্সাল প্যারেড প্রত্যেক দিন হইবে। কয়েক বৎসর ধরিয়া য়ুনিভার্সিটি কোর প্রক্লেমেশন প্যারেডএ যোগদান

করিবার নোভাগা পাইয়া আসিতেছে। এই নুতন বৎসরের বিরাট উৎসবে ভারতের অধিকাংশ রেজিমেন্ট যোগদান করে। দর্শক স্বয়ং 'ভারতেশ্বর' আর তাঁহার পাঁচ সহচর 'বঙ্গেশ্বর'। কিছু দিন প্যারেডের পর, অফিসার কমান্ডিং Lt. Colএর অধীনে প্যারেড মরদানে (ভিক্টোরিয়া মেমোরিয়ালএর পাশে) রিহার্সাল দিয়া আসা গেল। আরও অন্যান্য রেজিমেন্টও সেখানে আসিয়াছিল, সে দিনকার রিহার্সাল প্যারেড দেখিয়া সকলেই সন্তুষ্ট। প্রধানুবারী 'এ' কমান্ডার আগে দাঁড়াইবে। কমান্ডারের কমান্ডার হইলেন বিকাশ ঘোষ বি, এ। বিকাশদাদা ছেলেরা খুব স্নেহ করেন ও আমাদের খেলাধুলার জন্ত খুব উৎসাহ দেন। আমাদের 'বি' কমান্ডার 'এ' কমান্ডার পিছনে দাঁড়াইবে ও কমান্ডারের কমান্ডার Lt. J. F. Macdonald Second Lt, সুরেন্দ্রনাথ ঘোষ মৌলিক এম, এ, সি কমান্ডারের কমান্ডার, সুনীলকুমার চৌধুরী এম, এস, সি। সৈনিক হইতে অল্পসময়ের মধ্যেই ইনি যেমন উন্নতিলাভে সমর্থ হইয়াছেন, এ পর্যন্ত কোনও বাকালী যুবক তাহা পারেন নাই। ইনি শুধু কালিকাতা বিশ্ববিদ্যালয়ের গৌরব নহেন, বাকালী—বাকালার

গৌরব। ইনিই প্রথমে ভারতবর্ষের টেরিটোরিয়াল কোর্সে কমিশন পাইয়াছেন। ইহার মত লেপ্টেন্যান্ট আর কাহাকেও দেখা যায় না। 'ডি' কম্পানীর কমান্ডার আশুতোষ কলেজের প্রফেসর মিঃ অজিতকুমার ঘোষ এম্-এ, বি-এল্। ইহার কাছে আমার রেফ্রুট অবহার শিক্ষালাভ। অতি ভাল মানুষ—প্রফেসর হইলে যে সমস্ত গুণ থাকি দরকার, তাহার সবগুলিই আছে। আমাদের কোর্সে এ বৎসরে আরও ২ জন নূতন লেপ্টেন্যান্ট হইয়াছেন, (১) মিঃ গুপ্ত শিবপুর কলেজের প্রফেসর, (২) মিঃ ঘোষাল প্রেসিডেন্সী কলেজের লেকচারার ও ডিমনস্ট্রেটর।

আজ আমাদের আবার বেলা ২১০টার সময় বেঙ্গল জিমখানা। সামান্য রকমের খেলাধুলা ও পারিতোষিক বিতরণ হইবে। অনেকই নিমন্ত্রিত হইয়াছেন—সেন্ট্রাল হুইমিং ক্লাবের সেক্রেটারী মিঃ পি, সি, মিত্র মহাশয়ও আমাদের এখানে আসিয়া যোগদান করায় আমরা বিশেষ আনন্দিত।

সৌভাগ্যলক্ষী আমাদের প্রতি কৃপাদৃষ্টিপাতি করিয়াছেন, তাই 'বি' কম্পানীর অধিকাংশ ছাত্রই প্রাইজ গ্রহণে সমর্থ। বেশিতে দিনটা চলিয়া গেল।

ইতোমধ্যে প্যান্ট-কোট ভাল করিয়া কাচাইয়া ইথ্রী করিয়া লওয়া হইল। স্নান, জুতা, বেট সব পরিষ্কার চক্চকে ঝাঝকে করিয়া রোসনাইয়ে ব্রিটিশ আমিকেও হার মানাইয়াছিলাম।

এলা জাহুরারী কাম্পের শেষ, ৭টা ২০ মিনিটের সময় ব্যাটালিয়ন মরদানে কম্পানীর পর কম্পানী fall in হইল। পরে মার্চ করিয়া প্যারেড মরদানে যাওয়া গেল। যখন সব ঠিক, তখন proclamation parade groundএ যাইবার হুকুম হইল।

সব পথ জনতার আর লাল পাগড়ীতে পরিপূর্ণ। যে দিকে তাকান যায়, সেই দিকেই মাথার সমুদ্র। যখন সব রেজিমেন্ট আসিয়া উপস্থিত, তাহার কিছু পরেই ঘোড়ায় চড়িয়া 'ভারতেশ্বর' ও 'বঙ্গেশ্বর' আসিলেন। পরে একে একে ৩১ বার তোপ-ধ্বনি করিয়া তাঁহাদের অভ্যর্থনা করা হইয়াছে। তার পরই পটাপট্ করিয়া রাইফেলের কাঁকা আওয়াজ করা হইল।

এইবার মার্চ পাঠ। ইহা দেখিবার জগ্গ সারা সহরের লোক আজ মাঠে ভাঙ্গিয়া পড়িয়াছে। 'ভারতেশ্বর' ও 'বঙ্গেশ্বর' দলবল মত 'ইউনিয়ন জ্যাক' পতাকার কাঁচে দাঁড়াইলেন। একে একে সমস্ত দল মার্চ করিয়া চলিয়া গেল। এইবার ইউ, টি, সি-র পালা।

মিলিটারী ব্যাণ্ড বাজিয়া উঠিল। 'আমরাও সেই বাজনার ভালে ভালে পা ফেলিয়া মার্চ করিতে লাগিলাম। দর্শকরা আমাদের মার্চ দেখিয়া খুব উৎসাহ দিলেন।

এই বাঙ্গালী সেনাদল ব্রিটিশ সৈন্যদের তুলনায় কোন প্যারেড মরদানে নামান দেখেন নাই। বাঙ্গালীর বীধা, বাঙ্গালীর শৌধা, বাঙ্গালীর বস, বুদ্ধি, ভরণা আর অসীম সাহসের পরিচয় ভারতসরকার সে দিন পাইয়াছিলেন, যে দিন বাঙ্গালী মান, অপমান, শত লাঞ্ছনা, কষ্ট ভুলিয়া হুদূর মেসপোর্টেমিয়ার বুক নিজের রক্ত চালিয়া দিয়া চিরগৌরবের বিজয়-নিশান উড়াইয়া আবার তাহার বাঙ্গালা মায়ের ধীতল কোলে ফিরিয়া আসিল। বাঙ্গালী যখন শত্রুপক্ষের অজস্র গোলাবর্ষণকে পুষ্প-বর্ষণের মতই মাথা পাতিয়া বরণ করিয়া লইয়াছিল, তখন গণিত, স্তম্ভিত ব্রিটিশরাজ দেখিলেন, বাঙ্গালী শুধু 'ভেতা বাঙ্গালী' নহে—বাঙ্গালী মানুষ—বাঙ্গালী বীর!

১৯১৭ খৃষ্টাব্দে এই ইউ, টি, সি স্থাপিত হয়। এখানে বিশ্ববিদ্যালয়ের অধীনস্থ ছাত্রদের চত্বর, দক্ষ ও বেশ সমরকশল করিবার জগ্গ ইংরাজসৈনিকদিগকে যে উপায়ে যেরূপ যত্নসহকারে ও নিয়মে শিক্ষা দেওয়া হয়, ইহাদেরইও ঠিক সেই পদ্ধতিতে শিক্ষা দেওয়া হয়। শিক্ষার স্থান—সেন্ট জর্জ গেট ফোর্টউইলিয়ম। সেখানে যাওয়া-আসার ট্রামভাড়ার পরও পোষাক-পরিচ্ছদ সমস্তই সরকার বাহাদুর দেন। তা ছাড়া ব্রিটিশ-সেনারা যে সা পদ বা সম্মান ও অধিকার পায়, ইউ, টি, সি সে সবই পায়।

যদিও ইহা 'রেগুলার আর্মি' নয়, মাতিনাও নাই, তাহার পরিবর্তে যথেষ্ট ভদ্রতা, সদ্ব্যবহার আর সম্মান পাওয়া যায়। সব ছাত্রেরই উচিত এই শিক্ষা গ্রহণ করিয়া নিজের নিজের দেশের কাষে সাহায্য করা। এই শিক্ষায় আমরা সমস্ত গুণ Discipline শিক্ষা করিতে পারি,—যাহা আমাদের দেশে অতিশয় প্রয়োজনীয়। সমস্ত বঙ্গের ১০১২ হাজার ছেলে কলেজে ভর্তী হয়, তাহাদের মধ্যে যদি ৫ হাজার করিয়াও ইউ, টি, সি-তে শিক্ষা গ্রহণ করে, তবে ১০ বৎসরের মধ্যে বাঙ্গালার অবস্থা অনেক পরিবর্তিত হয়। ভারতরাজও আমাদের উপযুক্ত দেখিয়া মিলিটারী ডিপার্টমেন্ট কিছু কিছু কর্তৃত্ব দিতে পারেন। আশা করি, এবার রিকুটিএ যাঁহারা সমর্থ, এমন ছাত্ররা উক্ত কোর্সে যোগদান করিয়া নিজের দেশের কল্যাণসাধন করিবেন।

সার্জেন্ট শ্রীক্ষেত্রনাথ দত্ত।

সবার চেয়ে

সবার চেয়ে আপন তুমি
সবার চেয়ে পর;
সদয়-মাঝে গোপন তুমি,
সদয়-মাঝে ঘর।

সবার চেয়ে ভালবাস,
আমার স্থখে মূঢ় হাস,
কাছে তবু না এসে রও,
নয়ন-অগোচর
সবার চেয়ে আপন তুমি,
সবার চেয়ে পর।

নয়ন-কোণে আঁচ আমার,
পাঁইনে তোমার দেখা;
সঙ্গী তুমি, বন্ধু তুমি,
তবুও আমি একা।

কাঁদে আমার মন যে পোড়া,
অন্ধ হ'ল নয়ন-জোড়া,
ফিরেও তবু চাও না কভু,—
ওগো প্রাণেশ্বর!
চক্ষু আপন তুমি,
সবার চেয়ে পর।

শ্রীবিমলকৃষ্ণ সরকার।

বাঙ্গালার গীতিকাব্য—বৈষ্ণবকাব্য

বালালীলার পদাবলী

বৈষ্ণবকাব্য-সমূহে শ্রীকৃষ্ণ ও চৈতন্যদেবের বালালীলার বিষয়ে যে সকল পদ আছে, কখন তাহার আলোচনা হয় নাই। বৈষ্ণব কবি বলিতে সচরাচর বিষ্ণাপতি ও চণ্ডীদাসকে মনে পড়ে এবং বৈষ্ণবকাব্যের সমালোচনা করিতে হইলে উহাদেরই কথা লইয়া নাড়াচাড়া করা হয়। আর কোন কবির বিস্তারিত কিংবা সংক্ষিপ্ত সমালোচনার কোন প্রয়াস হয় না। এই দুই কবি এবং মিথিলার কবি গোবিন্দদাস চৈতন্যদেবের পূর্বে জন্মগ্রহণ করেন। ইহাদের তিন জনের কেহই শ্রীকৃষ্ণের বালালীলার কোন পদ কিংবা গীত রচনা করেন নাই। ইহাদের মধ্যে বিষ্ণাপতি নানা রসের বহুসংখ্যক পদ রচনা করেন। বয়ঃসন্ধি অথবা কৈশোর অবস্থা হইতে আরম্ভ করিয়া মাথুর ও ভাবোন্নাদ পর্যন্ত তিনি কীর্তন করিয়াছেন। চণ্ডীদাসের পদাবলীতে বয়ঃসন্ধিরও বিস্তারিত বর্ণনা নাই, একবারে কৈশোর ও কৈশোরীর পরস্পরের প্রতি অনুরাগ হইতে আরম্ভ। এই দুই কবি শুধু মধুর রসের অবতারণা করিয়াছিলেন। শ্রীমদ্ভাগবতকে যদি শ্রীকৃষ্ণলীলার মূলগ্রন্থ মানিয়া লওয়া যায়, তাহা হইলে তাহাতেও বালালীলার প্রচুর উল্লেখ আছে, কিন্তু বিষ্ণাপতি ও চণ্ডীদাস শ্রীকৃষ্ণের বালালীলার কোন উল্লেখই করেন নাই। যে কবিরা বালালীলার পদাবলী রচনা করিয়াছেন, তাঁহারা সকলেই বাঙ্গালী আর প্রায় সমস্ত পদই বাঙ্গালা ভাষায় লেখা। অনেক পদ কবিত্বপূর্ণ, শিশুর লীলার সদয়গ্রাহী চিত্র, কিন্তু সেগুলিকে স্বতন্ত্রভাবে বাঙ্গালা সাহিত্যে কখন দেখান হয় নাই। বৈষ্ণব কাব্যের এই অংশ বলিতে গেলে বাঙ্গালা সাহিত্যে অজানিত, অপরিচিত, বৈষ্ণবকাব্যের অরণ্যে অজ্ঞাতবাস করিতেছে।

বৈষ্ণবকাব্যে শিশু সম্বন্ধীয় এই শ্রুতিমধুর শিশুপ্রেম-পূর্ণ কবিতা-নিচয় যত পূর্নক আলোচনা করা কর্তব্য।

কৃষ্ণলীলায় গোপীভাবের যে মধুর রস, কালিদাস হইতে আরম্ভ করিয়া সকল কবিই তাহারই উল্লেখ করিয়াছেন।

চৈতন্যদেবের জীবনে ও লীলায় বাৎসল্য ও সখ্য রসের প্রভাব বাঙ্গালা দেশে সর্বত্র অনুভূত হয় ও বৈষ্ণব কবিদিগের কাব্যে তাহার বিকাশ দেখিতে পাওয়া যায়। শ্রীকৃষ্ণের কৈশোরলীলা শ্রীমদ্ভাগবতের ভাষায় তেজস্বী ক্রিয়াকলাপ, তাহাতে দোষ হয় না, তেজস্বী না দোষায় বহুঃ সর্বভূজো যথা। * কিন্তু তাহার অধিক ভাগ মামুসী। বালালীলা অধিকাংশ অলৌকিক ও অমামুসী। শিশু শ্রীকৃষ্ণ যেমন অপর শিশু মাটি খায়, সেই রকম মাটি খাই-তেন এবং মা যেমন ছেলের মুখ খুলিয়া মাটি বাহির করিয়া দেন, যশোদাও সেইরূপ বালকের মুখ খুলিয়াছিলেন, কিন্তু শিশুর মুখে মাটি না দেখিয়া বিশ্ব-জগৎ দেখিতে পাইয়াছিলেন। হরস্ত ছেলেকে অনেক মায়ে বাঁধিয়া রাখে, কিন্তু উদুখল টানিয়া যমলার্জুন নামক দুইটি বৃক্ক সমূলে উৎপাটন করা দামোদর ছাড়া আর কোন শিশু পারে? এই উদয়-বৃক্কনে তাঁহার দামোদর নাম সার্থক হইয়াছিল। পূতনাবধ হইতে আরম্ভ করিয়া শিশু শ্রীকৃষ্ণের প্রায় সকল লীলাই অলৌকিক। শকটভঞ্জন ও তৃণাবর্জ-বধ, বৎসাস্ত্র ও বকাস্ত্র-বধ, অঘাস্ত্র-বধ, পেছুক-বধ, কালিয়-দমন দাবাগ্নি পান করিয়া নির্কাপণ, প্রলম্ব-বধ, গোবর্ধন-ধারণ এই সকল শ্রীকৃষ্ণের বালালীলা। সাধারণ শিশুর জ্ঞান লীলারও উল্লেখ ভাগবতে আছে,—

“বদি দূরং গতঃ কৃষ্ণো বনশোভেক্ষণায় তম্।

অহং পূর্বমহং পূর্বমিতি সংস্পৃশ্য রেমিরে ॥ •

কেচিৎপুন্ বাদয়ন্তো ধ্যাস্তং গৃহ্মাণি কেচন।

কেচিদ্ভৃঙ্গৈঃ প্রগায়ন্তঃ কৃজন্তঃ কোকিলৈঃ পরে ॥ †

বিচ্ছায়াভিঃ প্রধাবন্তো গচ্ছন্তঃ সাধু হংসকৈঃ।

বকৈরুপবিশস্তশ্চ নৃত্যস্তশ্চ কলাপিভিঃ ॥ ‡

• কৃষ্ণ বনশোভা দর্শন করিবার নিমিত্ত দূরে গমন করিতে

• শ্রীমদ্ভাগবত, ১০ম স্কন্ধ, ৩৩ অধ্যায়।

† বৈষ্ণব কবি অনন্তদাস অবিকল এই ভাব গ্রহণ করিয়াছেন,—
কোই কোকিল সম গরজয়ে কৃত কৃত।

• কোই মধুর সম নৃত্য রসাল ॥

‡ দশম স্কন্ধ।

(সকল বালক) “আমি অগ্রে” “আমি অগ্রে” এই বলিয়া
উঁহাকে স্পর্শ করিয়া জীড়া করিতে লাগিল। কেহ
কেহ বংশীবাদন, কেহ কেহ শূঙ্গবাদন, কেহ কেহ ভৃঙ্গদিগের
সহিত গান, অপররা কোকিলের সহিত কুজন আরম্ভ
করিল। কেহ কেহ উড্ডীয়মান বিহগগণের ছায়ার সহিত
দৌড়িতে লাগিল, কেহ বা মরালগণের সহিত সুন্দররূপে
চলিত হইল। কেহ কেহ বকসমূহের সহিত বসিয়া রহিল,
কেহ কেহ ময়ূরবৃন্দের সহিত নৃত্য করিতে আরম্ভ করিল।

বৈষ্ণব কবিগণ চৈতন্তের বাল্যলীলা বর্ণনা করিবার সময়
শ্রীকৃষ্ণের বাল্যলীলাও স্মরণ করিতেন। শৈশবকালে নিমাই
অম্বর বধ করেন নাই, কোন অলৌকিক কার্যও করেন
নাই। যেমন অপর শিশু খেলা-ধলা করে, তিনিও সেইরূপ
করিতেন। বৈষ্ণব কবিগণ শ্রীকৃষ্ণের বাল্যলীলাও এই
সাধারণভাবে বর্ণনা করিয়াছেন এবং সেই কারণেই এই
সকল কবিতা মধুর ও চিত্তাকর্ষক হইয়াছে। চৈতন্তের
বাল্যলীলার একটি পদ প্রথমে উদ্ধৃত করিয়া দেখাই,

“শচীর আঙ্গিনাধ নাচে বিশ্বস্তর, রায় ।
হাসি হাসি ফিরি ফিরি মায়েরে লুকায় ॥
বয়ানে বসন দিয়া বলে লুকাইলু ।
‘শচী বলে বিশ্বস্তর আমি না দেখিহু ॥
মায়ের অঞ্চল ধরি চরণে চরণে ।
নাচিয়া নাচিয়া যায় খঞ্জন গমনে ॥
বাসুদেব ঘোষ কহে অপরূপ শোভা ।
শিশুরূপ দেখি হয় জগমনোলোভা ॥”

গৌরাঙ্গের বাল্যলীলার পদ-সমূহ প্রায় শ্রীকৃষ্ণের লীলার
অনুবৃত্তি, সুতরাং কাব্যাত্মক কৃষ্ণের বাল্যলীলার পদ সকল
শ্রেষ্ঠ। তাহারই কয়েকটি চয়ন করিতেছি ;—

দেখসি রামের মা গো দেখসি নয়ন ভরি
গোপাল নাচিছে তুড়ি দিয়া ।
কোথা গেলো নন্দরাজ দেখহ আনন্দ আজ
দেখহ কি উঠে উছলিয়া ।
চিত্র বিচিত্র নাট চরণে চাঁদের হাট
চলে গেন খঞ্জনিয়া পাখী ।
সাধ করিয়া মায় নূপুর দিলা রুদ্রী পায়
নাচিয়া নাচিয়া আইল দেখি ॥”

প্রতি পদ-চিহ্ন তার পৃথক পড়িয়া যায়
ধ্বজবজ্রাঙ্কুশ তাহে সাজে ।

অবাক রামের মায় বিন্মিত হইয়ে চায়
বলে এ কি চরণে বিরাজে ॥

* * * *

মরি বাছা বাছমণি ছাড় রে বসন ।

কলসী উলায়ে তোমা লইব এখন ॥

মরি তোর বালাই লইয়া আগে আগে চল ধাইয়া
নূপুর কেমন বাজে শুনি ।

রান্না লাঠি দিব হাতে খেলিও শ্রীদাম সাথে
ঘরে গিয়া দিব ক্ষীর ননী ॥

মুই রৈলু তোমা লইয়া গৃহকর্ম্ম গেল বৈয়া
‘কি করি কি হবে উপায় ।

কলসী লাগিল কাঁখে ছাড় রে অভাগী মাকে
হের দেখ ধবলী পিয়ার ॥

মায়ের করুণাভাষ শুনিয়া ছাড়িল বাস
আগে আগে চলে ব্রজরায় ।

কিঙ্কিণী কাছনি ধনি অতি সুমধুর শুনি
বলে রাণী সোনার বাছা যায় ॥

ভুবন মোহিত হেরে অঙ্গুলে নখ নিকরে
সোনার বান্ধান গোঁপা মাথে ।

ধাটয়া মাইতে পিঠে বার বার পড়ে লুটে
কতই আনন্দ উঠে তাতে ॥

মিথিলা ভাষায় বাল্যলীলার পদের সংখ্যা অল্প । একা
এই,—

“বিহরহ নন্দক হলাল ।

শূঙ্গ মুরলি করে গলে শুভ্রাবলি
চৌদিকে বেড়ি ব্রজবাল ॥

নিরমল জমুনা জল মাহা

হেরই অপন তমু ছাহে ।

দশনহি অধর নয়ন করি বঙ্কিম
কোপ করএ পুতু তাহে ॥

খনে তিরিভঙ্গ ভঙ্গি করতহি

খনে খনে বেহু বজাই ।

খনে তরুবার হিলন দএ
রঙ্গহি রঙ্গিম চরণ দোলাই ॥”

অর্থ,—নন্দের ছলাল বিহার করিতেছেন, হাতে মুরলী ও শিলা, গলায় কুঁচের মালা, চারিদিকে ব্রজবালকগণ বেড়িয়াছে। যমুনার নির্মল জলের মধ্যে আপনার দেহের ছায়া দেখিতেছে, অধর দংশন করিয়া দৃষ্টি বাকা করিয়া তাহার (ছায়ার) প্রতি কোপ প্রকাশ করিতেছে। কখন ত্রিভঙ্গভঙ্গী করে, কখন কখন বেগু বাজায়। কখন বৃক্ষে অঙ্গ হেলাইয়া রঙ্গে রাঙা চরণ দোলায়।

আর একটি পদ জ্ঞানদাসের রচিত,—

“গিরিধর লাল গিরি পর খেলন
তরু হেলন পদপঙ্কজ দোলনিয়া।
অতি বল স্তবল মহাবল বালক
কাঙ্কে ছান্দ করে ভাঙ দোহানিয়া ॥
গিরিবর নিকট খেলত শ্রাম সুন্দর
নর্গিত নয়ন বিশাল।
নৌতুন ভ্রণ হেরিয়া যমুনাতট
চঞ্চল পায় গোপাল ॥
সখাগণ সঙ্গে রঙ্গে নন্দনন্দন
উপনীত যমুনাতীর।
পাঁচনি বেত্র বাম কক্ষে দানই
অঞ্জলি ভরি পিয়ে নীর ॥
পিয় শ্রীদাম সুদাম মধুমঙ্গল
তীরে রুচি হেরত রঙ্গ।
শ্রামল সুন্দর মুরশ্চি মনোহর
হেরি যমুনা অতি বাঢ়ুল তরঙ্গ ॥
জ্ঞানদাস কহ পরিমল সুন্দর
কুমুম মটপদ ছোর।
যমুনাক তীর রমণ অতি সুখড়
সুরস রসের ওর ॥”

ব্রজের বাল্যলীলায় শ্রীকৃষ্ণের সখাদের মধ্যে মধুমঙ্গল এক জন। মধুমঙ্গল গোপবালক নয়, ব্রাহ্মণবটু। স্বভাব কতকটা সংস্কৃত নাটকের বিদূষকের মত। মধুমঙ্গলের বর্ণনাতে তাহা বুঝিতে পারা যায়,—

“আঙুত রে মধুমঙ্গল ভালি।
হেরি সখাগণ দেয় করতালি ॥

চলইতে চরণ পড়য়ে তিন বন্ধ।
ভাবে কলঙ্কিত কালিন্দী পঙ্ক ॥
কহই বদনে করত কত ভঙ্গ।
নাচত সঘনে বাজাওত অঙ্গ ॥
ভোজন সরবস সব অমুবন্ধ।
অবিরত প্রাতে লাগাওত হৃন্দ ॥
মধু গুড় লোভিত বাউল চিত।
বন্ধক দেওউল যজ্ঞোপবীত ॥
কতিহঁ না পেথিয়ে ঐছন চালি।
করইতে প্রীত দেই দশ গালি ॥
গোবিন্দ দাস গুনি অছু গুণগাম।
দ্বিজ পায়ের করল লাখ পরণাম ॥”

বাল্য ও গোষ্ঠলীলার পরেও মধুমঙ্গলের দেখা পাওয়া যায়। ভক্তমাল গ্রন্থে রাধাকৃষ্ণের পাশাখেলায় বর্ণিত আছে, কৃষ্ণ মধুমঙ্গলকে পণ রাখিয়া হারিয়া গেলেন। মধুমঙ্গল বেগতিক দেখিয়া পলায়ন করিবার চেষ্টা করেন, এমন সময় ললিতা “গলায় বসন দিয়া ধরিল বটুরে।” তাহার পর,—

“বটু কহে মোরে বান্ধ করি কি বিচার।
কৃষ্ণ মোরে বেচিবেক কি শক্তি উহার ॥
উহায় বা কে মানে ও তো গোয়ালিয়া।
মুগ্ধি বিপ্র মোরে পূজি আদর করিয়া ॥”

বাঁধা বাঁধা রাখিয়া কৃষ্ণ মধুমঙ্গলকে খালাস করাইয় লইলেন। তখন বটুর তর্জন,

“কৃষ্ণেরে ভৎসয়ে তবে শ্রীমধুমঙ্গল।
কর চালাইয়া মহা হইয় চঞ্চল ॥
তৌহার সহিত আর কোথাও না যাব।
কালি হৈতে গৃহমধ্যে বসিয়া থাকিব ॥
খেলায় করিয়া পণ বান্ধাও আমারে।
কোন দিন কোথায় বেচিয়া যাবে মোরে ॥”

মায়ের উপর রাগ করিয়া কানাই কোথায় গিয়াছেন, নন্দরাণী তাঁহাকে খুঁজিয়া না পাইয়া কাঁদিয়া অস্থির,—

“বরে বরে উকটিতে চিহ্ন দেখি পথে পথে
সকরণ নয়নে নেহারে।
আহা মরি হায় হায় মুরছিয়া পড়ে তার
কান্দে পদচিহ্ন লইয়া কোলে ॥”

পদচিহ্ন কোলে করিয়া কাঁদা কেমন? মাতৃস্নেহের
এমন করনা কোথায় আছে?

শ্রীদাম ডাকিয়া রুট গোপালকে গুনাইয়া বলিতেছেন,—

“মায়েরে করেছ রোষ সঞ্জিয়ার কিবা দোষ
কোপা আছে বোল ডাক দিয়া ।
যদি থাকে মনে রোষ ক্লেম ভাই সব দোষ
— যশোদা মায়ের মুখ চায় ॥”

গোচারণে যাইবার জন্ত শিশু কৃষ্ণের আকার,—

“গোঠে আমি যাব মা গো গোঠে আমি যাব ।
শ্রীদাম সুদাম সঙ্গে বাছুরী চরাব ॥
চূড়া বাকি দে গো মা মুরলী দে মোর হাতে ।
আমার লাগিয়া শ্রীদাম দাঁড়াঞা রাজপথে ॥
পাঁত ধড়া দে গো মা গলায় দেহ মালা ।
মনে পড়ি গেল মোর কদম্বের তলা ॥”

বনে যাইবার অনুমতি দিতে জননীরা আশঙ্কা,—

“বলরাম তুমি না কি আমার পরাণ
লৈয়া বনে যাইছ ।
যারে চিনাইয়া দুধ পিয়াইতে নারি
তারে তুমি গোঠে সাজাইছ ॥
সন ধরিয়া হাতে ফিরে গোপাল সাথে সাথে
দণ্ডে দণ্ডে দশবার খায় ।
এ হেন দুধের ছাওয়াল বনে বিদায় দিয়া
দৈবে মরিবে বৃষ্টি গায় ॥
জনম ভাগ্য করি আরাধিয়া হরগৌরী
ভাহে পাইলাম এ দুঃখ পসরা ।
কেমনে ধৈর্য ধরে মা কি বলিতে পারে
বনে যাউক এ দুধ কোঁড়া ॥”

অসুখ-নিধনে যত না আনন্দ, কানাই বলাই দুই
ভাইয়ের বন-বিজয়ে অর্থাৎ বনে গমন করিতে তাহার
অপেক্ষা অধিক আনন্দ ।

“আজু বন-বিজয়ী রামকানু ।
আগে পাছে শিশু ধায় লাখে লাখে মেহু ॥
সমান বয়েস বেশ সমান রাখাল ।
সমান হৈ হৈ রবে চালাইছে পাল ॥”

কারু নীল কারু পীত কারু রাজা ধড়ি ।
সুরঙ্গ চতুনা মাথে বিনোদ পাগুড়ি ॥
কারু গলে গুঞ্জা গাঁথা কারু বনমালা ।
রাখালের মাথে নাচিছে চিকণ কালা ॥
নুপুরের ধ্বনি শুনি মুনি-মন ভুলে ।
কাঁপিল রবির রথ গোখুরের ধুলে ॥”

এই সকল অপূর্ণ দৃশ্যের সাক্ষী যমুনা এখনও প্রয়াগ-
সঙ্গমের অভিমুখে প্রবাহিত হইতেছে,—

“ভাগ্যবতী যমুনা মাই ।
যার এ কূলে ও কূলে ধাওয়াধাই ॥
খেত সাঙল দোন ভাই ।
যার জলে দেখ আপনার ছাই ॥”

যমুনা-পুলিনে রাখাল বালকদিগের খেলা,—

“রাখালে রাখালে মেলা খেলিতে বিনোদ খেলা
অতিশয় শ্রম সভাকার ।
ননীর পুতলী শ্রাম রবির কিরণে ঘাম
সবে যেন কত মুকুতার হার ॥
শ্রীদাম আদিয়া বোলে বৈসহ তরুর তলে
কানাই হইবে মাঠে রাজা ।
যমুনা-পুলিনে ভাই কংসের দোহাই নাই
কেহ পাত্র মিত্র কেহ প্রজা ॥
বনকুল আন যত সপত্র কদম্ব শত
অশোক-পল্লব অংঘ্র-শাখা ।
শুনি শ্রীদামের কথা সকল আনিল তপা
নবগুঞ্জা গুচ্ছ শিখিপাখা ॥
গাণ্ডিয়ে কুলের মালে কদম্ব তরুর তলে
রাজপাট করি নিরমাণ ।
এ উদ্ধব দাসে ভণে কক্ষতালি ঘনে ঘনে
আবা আবা বাজায় বয়ান ॥”

প্রাতে কানাইয়ের বিলম্ব দেখিয়া সখারা আসিয়া ধমক-
চমক করিতেছে, অথচ ছাড়িয়াও যাইতে পারে না,—

“গোপাল যাবে কি না যাবে আজি গোঠে ।
এক বোল বলিলে আমরা চলিয়া যাই
গোধন চলিয়া গেল মাঠে ॥”

উচ্চও দেখিয়া বেলা ডাকিতে আইছ মোরা
যতেক গোকুলের রাখ জান ।

একেলা মন্দিরমাঝে আছ তুমি কোন্ কাজে
এ তোমার কোন্ ঠাকুরাণ ॥

যদি বা এড়িয়া যাই অন্তরেতে ব্যথা পাই
যাইতে কেমনে প্রাণ ধরি ।

না জানি কি গুণ জান সদাই অন্তরে টান
তিল আধ না দেখিলে মরি ॥

মাথাতে ছাঁদন দড়ি হাতেতে কনক লড়ি
বার হইলা বিহারের বেশে ।

সকল বালক লৈয়া যমুনার তীরে যাই
জ্ঞানদাস ছিল তার পাশে ॥”

যশোদা কানাইকে অল্প বালকদের সঙ্গে বনে পাঠাইতে
ভয় পাইতেছেন, এ ভাবের একটি পদ উদ্ধৃত হই-
য়াছে । রায় শেখরের রচিত আর একটি পদ সেই সঙ্গে
মনে আসে,—

“হিয়ায় আগুনি ভরা আঁখি বহে বসুধারা
হুখে বুক বিদরিয়া যায় ।

ঘর পর যে না জানে সে জনা চলিল বনে
এ তাপ কেমনে সবে মায় ॥

ও মোর যাদব ছলালিয়া ।

কিবা ঘরে নাহি ধন কেনে বা যাইবে বন
রাখালে রাখিবে ধেনু লৈয়া ॥

আগে পাছে নাহি মোরা হাপুতীর পুত মোরা
আকুল করিয়া যাবি মোরে ।

হুধের ছাওয়াল হৈয়া বনে বাবে ধেনু লৈয়া
কি দেখি রহিব যাইয়া ঘরে ॥

ননী জিনি তনুখানি আতপে নিলায় জানি
সে ভয়ে সঘন প্রাণ কাঁপে ।

বাড়ব অনল পারা বিষম রবির খরা
কেমনে সহিবে হেন তাপে ॥

কুশের অকুশ বড় শেলের সমান দড়
গুনিতে সিঞ্চিয়া পড়েগায় ।

শিরীষ কুম্বুম দল জিনিয়া চরণতল
কেমনে ধাইবে হেন পায় ॥

মায়ের করুণা-বাণী গুনিয়া গোকুলমণি
কত মত মায়েরে বুঝায় ।

বিবাদ না কর মনে কিছু ভয় নাই বনে
ইথে সাথী এ শেখর রায় ॥”

সন্ধ্যার সময় ব্রজবালকরা ফিরিয়া আসিতেছে,—

“বন সঞে আওত নন্দ-হুলাল ।

গোধুলি ধূসর শ্রাম কলেবর

আজানুলম্বিত বনমাল ॥

ঘন ঘন সিঙ্গা বেগু রব

গুনইতে ব্রজবাসিগণ ধায় ।

মঙ্গল খারি দীপ করে

বধুগণ মন্দির-দ্বারে দাঁড়ায় ॥

পীতাম্বরধর মুখ জিনি বিধুবর

নব মঞ্জরী অবতংস ।

চূড়া ময়ূর শিখণ্ডক মণ্ডিত

বায়ুই মোহন বংশ ॥

ব্রজবাসিগণ বাল বৃদ্ধ জন

অনিমিখে মুখশশী হেরি ।

ভুলিল চকোর চাঁদ জনি পাওল

মন্দিরে নাচয়ে ফেরি ॥

গোগণ সবহু গোষ্ঠে পরবেশল

মন্দিরে চলু নন্দলাল ।

আকুল পশ্বে যশোমতী আও

মোহন ভণিত রসাল ॥”

ঘরে আসিলে পর যশোদা হই ভাঁইকে জিজ্ঞাসা
করিতেছেন,—

“কোন্ বনে গিয়াছিলে ওরে রাম কাহু ।

আজি কেন চান্দমুখের গুনি নাই বেগু ॥

কীর সর ননী দিলাম আঁচলে বান্ধিয়া ।

বুঝি কিছু খাও নাই গুথায়্যাছে হিয়া ॥

মলিন হইয়াছে মুখ রবির কিরণে ।

না জানি ভ্রমিলা কোন্ গহন কাননে ॥

নষ্ট তৃণাকুর কত ভুঁকিল চরণে ।

এক দিঠ হৈয়া রাণী চাহে চরণ পানে ॥

না বুঝি ধাইয়াছ কত ধেমুর পাছে পাছে ।
এ দাস বলাই কেনে ও ছুখ দেখেছে ॥”

গোষ্ঠলীলা শেষ না হইতেই কৈশোরলীলা আরম্ভ ।
গোষ্ঠেই তাহার সূচনা । সখাদের সঙ্গে কানাই গোষ্ঠে গাভী
দোহন করিতে গিয়াছেন, কিশোরী রাধা সখীদিগকে
লইয়া সেইখানে গিয়া দাঁড়াইলেন । তখন, —

“রাধা বদন-চান্দ হেরি ভুলল

শ্রামরু নয়ন চকোর ।

ছন্দ বন্ধ বিম্ব ধবলী ধাওত

বাছুরী কোরে আগোর ॥

শূত্ৰি দোহঁত মুগধ মুরারি ।

ঝুট্ৰি অঙ্গুলী করত গতাগতি

হেরি হসত ব্রজনারি ॥

লাজহিঁ লাজ হাসি দিঠি কুঞ্চিত

পুন লেই ছান্দন ডোর ।

ধবলীক ভরমে ধবল পায়ে ছান্দল

গোবিন্দ দাস পছঁ হেরি ভোর ॥”

বৈষ্ণব কাব্যের টীকা

বাল্যলীলার সমুদয় পদ সঙ্কলন করিয়া পুস্তকাকারে
ছাপাইলে শিশু সম্বন্ধীয় একখানি অতুলনীয় কাব্যগ্রন্থ
হয় । বাঙ্গালা সাহিত্যে শিশুর বিষয়ে করিতার সংখ্যা
অল্প, তাহার মধ্যে বাঙ্গালী বৈষ্ণব কবিদিগের বিরচিত
কবিতাগুলি সর্বপ্রথম ও সর্বোৎকৃষ্ট । চৈতন্যদেবের
ভক্তিমার্গের কয়েকটি রসের মধ্যে বাৎসল্য ও সখ্যরস
অতি মধুর, শিশু চৈতন্য ও শিশু কৃষ্ণ এবং তাঁহার সখা-
গণকে অবলম্বন করিয়া সেই রস কাব্যে পরিণত হইয়াছে ।
যেমন ভাষার সরলতা, কোমলতা ও লালিত্য, তেমনই
ভাবের মাধুর্য্য । পর্ত হইতে ঝরণা যেমন স্বতঃ নিঃসৃত হয়,
বৈষ্ণব কবিদিগের লেখনী হইতে ‘এই সকল কবিতা সেই-
রূপ সহজে প্রসৃত হইয়াছে । যদি আমরা বাঙ্গালা ভাষা ও
বাঙ্গালা সাহিত্যের সমাদর করিতে জানি, তাহা হইলে এই
গীতি-কবিতাসমূহেরও সমুচিত সমাদর হইবে । এই সকল
কবিতার এখন কোনরূপ স্বাতন্ত্র্য বা বিশিষ্টতা নাই ।
বটতলার অশুদ্ধ ও কদর্য্য ছাপার নিন্দা করা সহজ, কিন্তু

সেখানে মুদ্রিত না হইলে এই সকল গ্রন্থ কোথায় পাওয়া
যাইত ? এখন না হয় এই সকল প্রাচীন অমূল্য গ্রন্থ অল্পত
মুদ্রিত হয়, কিন্তু তাহাতে কি উন্নতি হইয়াছে ? সঙ্কলন
গ্রন্থসমূহ হয় ত কিছু ভাল কাগজে ভাল অক্ষরে মুদ্রিত
হইয়াছে, কিন্তু তাহাতে সাহিত্যের অথবা পাঠকের কি
লাভ হইয়াছে ? পদকল্পতরু কিংবা পদসমুদ্র যখন সঙ্কলিত
হয়, সে সময় মুদ্রাযন্ত্র ছিল না, ভক্ত বৈষ্ণব অথবা কবি
নিজের জন্ত অনেক পরিশ্রম করিয়া পদ সংগ্রহ করিয়া
তালপাতার পুথিতে লিখিয়া রাখিতেন । বংশাবলীক্রমে এই
সকল পুথি তাঁহাদের গৃহে বক্ষিত হইত । ভুলটের কাগজ ও
মুঠ কলমও বড় বেশী দিনের নয় । বিষ্ণাপতি ও চণ্ডীদাস
তালপাতার পুথিতেই লিখিতেন । বিষ্ণাপতির স্বহস্তলিখিত
শ্রীমদ্ভাগবত গ্রন্থের এখনও দুর্লভচন্দন দিয়া পূজা হয় ।

পদকল্পতরু, পদসমুদ্র প্রভৃতি সঙ্কলন গ্রন্থ পুনর্মুদ্রিত
হইলেও তাহা হইতে স্বতন্ত্র খণ্ড-কাব্য প্রকাশিত হওয়া
উচিত । বাল্যলীলার পদসমূহ স্বতন্ত্র, গৌরচন্দ্রিকা স্বতন্ত্র,
রাধাকৃষ্ণ পদাবলীর ভিন্ন ভিন্ন কবির রচনা স্বতন্ত্র পুস্তক
হওয়া আবশ্যিক । বাঙ্গালী বৈষ্ণব কবিদিগের মধ্যে রায়-
শেখরের রচনার কখন বিশেষ সমাদর হয় নাই অথচ ভাষার
গৌরবে এবং রচনার কোশলে তিনি এক জন প্রধান কবি ।
এরূপ বাহাও বা চেপ্টা হইয়াছে, তাহা প্রশংসাযোগ্য নয় ।
স্বতন্ত্র করিতে গিয়া কবিদিগের রচনার সংখ্যা অসম্পূর্ণ
রহিয়া গিয়াছে, ভুলও সংশোধিত হয় নাই । টীকার পাট
নাই বলিলেই হয়, বাহাও বা আছে, তাহা এত প্রমাদপূর্ণ
যে, দেখিলে লজ্জা হয়, ছঃপঃ হয় । বিষ্ণাপতির কথা না হয়
ছাড়িয়া দিলাম, কারণ, বাঁধারা বিষ্ণাপতির ভাষা না জানিয়া,
না শিখিয়া, বিষ্ণাপতির পদাবলীর ভূরি ভূরি অশুদ্ধ পাঠ
অবলম্বন করিয়া শব্দের ও পদের অর্থ করিয়াছেন, তাঁহাদের
ভ্রমপ্রমাদ হওয়া অনিবার্য্য, কিন্তু চণ্ডীদাস এবং অপর
বাঙ্গালী কবিদের দশাই বা কি হইয়াছে ? এক চণ্ডীদাস
ছাড়া আর কোন কবির রচনাবলী টীকা সমেত স্বতন্ত্র
পুস্তকাকারে প্রকাশিতই হয় নাই । চণ্ডীদাসের টীকা
করিতে গিয়াও কেহ কেহ অনবরত ভুল করিয়াছেন ।
প্রাচীনকালে এই ভারতে যে সকল টীকাকার জন্মিয়া-
ছিলেন, তাঁহাদের সমকক্ষ আর কোনও দেশে দেখিতে
পাওয়া যায় না । মল্লিনাথ কালিদাসের তুল্য প্রথিতযশা,

গীতা, ভাগবত প্রভৃতি গ্রন্থের টীকাকাররা কিরূপ পরিশ্রম করিতেন, তাহা তাঁহাদের টীকা পড়িলেই বুঝিতে পারা যায়। পূর্বেকার মহাকবিদিগের তুলনায় প্রাচীন বাঙ্গালী কবিগণ কিছুই নহেন এবং তাঁহাদের রচনার টীকার জন্ত অতি অল্প পরিশ্রমের প্রয়োজন হয়, কিন্তু সেটুকু পরিশ্রম করিতেও অনেকে সম্মত নহে।

যে সাহিত্যে প্রাচীন লেখক ও গ্রন্থের সম্মান ও সমাদর নাই, সে সাহিত্য যথার্থ সাহিত্যই নয়। কোন বাঙ্গালী গ্রন্থকার যশস্বী হইলে বাঙ্গালী জাতির আনন্দের ও গৌরবের কথা; কিন্তু যে জাতি প্রাচীনকে সম্মান ও রক্ষা করিতে জানে না, সে নবীনের যথার্থ মর্যাদা কি জানিবে? প্রাচীনের স্মৃতি, প্রাচীনের কীর্তি লইয়াই আমরা স্পর্ধা করি; কিন্তু প্রাচীনদের কোন গুণ আমাদের আছে? শ্রুতি, স্মৃতি, দর্শনশাস্ত্রের যখন সৃষ্টি হয়, তখন অক্ষর বা লেখা কেহ জানিত না, কণ্ঠে কণ্ঠে এই সকল বৃহৎ ও ছুঁহু গ্রন্থ সহস্র বৎসরাবধি রক্ষিত হইত। বাঙ্গালা সাহিত্যের জন্ম ৬ শত বৎসরের অধিক নয়, ইহারই মধ্যে এক জন আদি কবির রচনা আমরা নষ্ট করিয়া বসিয়া আছি। বিদ্যাপতির পরিচয় পর্যন্ত আমরা ভুলিয়া গিয়াছি, তাঁহার রচনা অশুদ্ধ করিয়া অর্থশূন্য করিয়াছি, তাঁহার ভাষা ভুলিয়া গিয়া, জোর করিয়া তাঁহার রচনার যথেষ্ট ভ্রমপূর্ণ অর্থ করি। কখন

হয় ত তাকিয়া ঠেসান দিয়া বিদ্যাপতি ও চণ্ডীদাসকে তুলনা করিয়া, চণ্ডীদাসকে বিদ্যাপতির অপেক্ষা শ্রেষ্ঠ কবি প্রতিপন্ন করিয়া স্মৃদ্ধ সমালোচকের গরীয়ান্ গদের প্রসাদ অমুভব করি।

বাঙ্গালা ভাষায় নিত্য পরিবর্তন হইতেছে, ভাষার প্রসার বাড়িতেছে, নূতন স্তর গঠিত হইতেছে। এমন অবস্থায় নূতন ও পুরাতনে অবিচ্ছিন্ন নিত্য সম্বন্ধ থাকুকর্তব্য। বাঙ্গালা গণ্ডে যত পরিবর্তন হইয়াছে ও হইতেছে, বৈষ্ণব কাব্যের সহিত এখনকার কবিতার ভাষা তুলনা করিতে গেলে পণ্ডে তত পরিবর্তন লক্ষিত হয় না। লিখিত ও কথিত ভাষায় প্রভেদ যত কমিয়া আসিবে, ভাষার ততই পুষ্টি ও উন্নতি হইবে। বাঙ্গালা ভাষায় সেই সুলক্ষণ দেখা দিয়াছে। প্রসাদগুণ ভাষার সর্বশ্রেষ্ঠ গুণ, বৈষ্ণব কাব্যে সেই গুণ সর্বত্র দেখিতে পাওয়া যায়। বৈষ্ণব কাব্যের তেমন অধিক চর্চা না থাকাতে অনেক শব্দ ও ভাষার ভঙ্গী লুপ্ত হইয়া আসিতেছে। সে সকল শব্দ ও ভাষার কোশল প্রাচীন বলিতে পারা যায় না, পাঠের অভাবে আমরা বিস্মৃত হইতেছি। যে আকারে এখন ঐ সকল গ্রন্থ পাওয়া যায়, তাহাতে বহুল প্রচলন হওয়াও কঠিন। পক্ষান্তরে, বৈষ্ণব কবিদিগের রচনা যত্নপূর্বক না পড়িলে আমরা বঞ্চিত হই, সাহিত্যের অমুশীলনেও বিশেষ ক্ষতি হয়।


শ্রীনগেন্দ্রনাথ গুপ্ত।

ব্যর্থপ্রয়াস

লয়ে মালাগাছি এসেছ গো অ জি কিসের তরে,
কাল রজনীতে হুনেছি তোমায় খিচন করে।
যে ব্যথা দিয়েছ,—সব ভুলে গেছ একট রাগে,
তাই কি আজিকে উচলে সোহাগ নয়ন-পাতে।
তাই কি তোমার রিণি-ঝিনি ষাজে কাঁকন ছাট,
অধরের কোণে চুষন-রাগ উঠিছে কুটি।
তাই কি তোমার ঝাঁকান ভুরুর কোলের কাছে,
চকিতের লাগি রাসনা সোহাগ উলসি নাচে।
কাল রজনীতে হেসেছিল চাঁদ ভুবন জুড়ে,
বাঁশরীর হিরা গেয়েছিল গান হৃদয়-পুরে।
রজনীগন্ধা করেছিল কথা মলয়-কানে,
মুখা ধরনী চাহিল উদাস অসীম পানে।
তরুণ যুধিকা মেলেছিল তার করুণ অঁাধি,
দরদী পরা'ল দয়িতের হাতে মে'হনঝাখী।
হৃদয় শুল্কে ছড়াল পাণিরা সুধার রাপি,
নিরালা শয়নে স্বপনে বিরহী উঠিল হাসি।

প্রণয়ী প্রিয়ারে গোপনে কহিল প্রেমের বাণী,
ছিল নাকি শুধু তোমারি হিরীর দরদখানি।
অধরে তোমার ফোটেনি ত বাণী সোহাগীছলে,
তোমার গলার মালাখানি ছিল তোমারি গলে।
আজি এ প্রভাতে কি লাগি এনেছ কুহুমমালা,
গত রজনীর নিরীলা ঘরের বেদনা-ঢালা।
অঞ্চল তব উড়িছে আকুল প্রভাত-বার,
কঙ্কণ তব গত রজনীর কাহিনী গায়।
নয়নের জলে হৃদয়ে আমার দিতেছ দোলা,
হায় রে প।গল দাগা পেয়ে পুন যায় কি ভোলা।
আমিও বিদায় লভিষু তোমার চরণ-ওলে,
নিশার স্বপন মুছিলাম এই নয়ন-জলে।
কাল রজনীর আমি নাহি আর আমার মাঝে—
মিছে কথা বঁধু এই ধরা দিহু, তোমারি কাঁছে!

শ্রীযোগীন্দ্রনাথ রায়, (মহারাজকুমার নাটোর)।



পরদিন কোর্ট হইতে আসিয়া, বৈকালিক চা-পান করিতে করিতে ছই একটি মকেলের সহিত সামান্ত কিছু কাবের সন্ধকে বাক্যালাপ করিতেছিলাম, এমন সময় যোগীন বাবু সঙ্গীক কাকলীকে লইয়া উপস্থিত হইলেন। মকেল মহাশয়দিগকে তৎক্ষণাৎ বিদায় দিয়া, অভ্যাগত-গণকে উপরে পিসীমার কাছে লইয়া গেলাম। এত দিন বাদে প্রথম সাক্ষাতে পিসীমার বৈধব্যে শোকপ্রকাশের পর তাঁহার নানারূপ বাক্যালাপ করিতে লাগিলেন। পরে পিসীমা সকলকে জলযোগ করাইয়া, আমার শয়নঘরে বসাইলেন, এবং অনতিবিলম্বে তাঁহার বন্ধু প্রিয়ংবদাকে লইয়া ভিতর মহলে চলিয়া গেলেন। যাইবার সময় একটু হাসিয়া বলিয়া গেলেন, “আমরা একটু স্বর-সংসারের কথা কই গে;—তোমরা ততক্ষণ খুনের বিষয়ে পরামর্শ কর।”

আমরা সত্যই ঐ বিষয়ের কথা পূর্বেই আরম্ভ করিয়া-ছিলাম। কারণ,—আমার শয়নকক্ষ হইতে সেই হানা-বাড়ীটা সন্মুখেই দেখা যায়; এবং আমি তাহা যোগীন বাবু ও কাকলীকে দেখাইতেই খুনের গল্প আরম্ভ হইয়া-ছিল। ক্রমে ঐ সন্ধকে প্রায় সমস্ত কথারই পুনরাবৃত্তি এবং অনুসন্ধান-ব্যর্থ হইবার কারণগুলার আলোচনা হইল।

কাকলীও এই সব আলোচনার যোগ দিয়াছিল। তাহার নিকট হইতে তাহার পিতার নূতন বিবাহ ও পরে বর্তমানের বাড়ীতে বিমাতার সহিত একত্র বাস করার সন্ধকে যে সকল বৃত্তান্ত শুনিলাম, তাহাতে জানা গেল যে, তাহার বিমাতার পিতা করালীপ্রসাদ সেন দেখিতে নিরীহ বৃদ্ধের মত হইলেও তাঁহার প্রকৃতি ঠিক তদনুরূপ নহে। তিনি যথেষ্টই ‘ফনিবাজ’ লোক। যে কোন উপায়েই হউক, অর্থার্জনই তাঁহার মূলমন্ত্র। সামান্ত অবস্থা হইতে নানা উপায়ে অর্থসংগ্রহ করিয়া তিনি যুরোপ ও আমেরিকা ঘুরিয়া আইসেন এবং যান্ত্রিক-পূর্ভবিদ্যার (Mechanical

Engineering) পারদর্শিতা সন্ধকে ছই একটা প্রশংসা-পত্র যোগাড় করিয়া দেশে ফিরিয়া নানা স্থানে বিবিধ প্রকারে বেশ অর্থ উপার্জন করেন। পরে পশ্চিমপ্রবাসী কোন এক বাঙ্গালীর অল্পগৃহীতা এক পঞ্জাবী রমণীর কন্ঠার রূপে মুগ্ধ হইয়া তাহাকে বিবাহ করেন এবং যমুনা সেই বিবাহের ফল। পশ্চিমেই তাঁহার অনেক বৎসর বাস করেন। যমুনা বড় হইলে তাহার অসামান্ত রূপ সঙ্কেও বংশকালিমার দোষে তাহাকে সৎপাত্রে বিবাহ দেওয়া সে অঞ্চলে ছর্ঘট হইয়া পড়ে। এই অবস্থায় হঠাৎ বিহুচিকা রোগে সেন সাহেবের পত্নী-বিয়োগ হওয়ার তিনি কন্ঠাকে লইয়া আবার নানা স্থানে ঘুরিয়া শেষে দার্জিলিং অঞ্চলে এক চা-বাগানে কিছুকাল চাকরী করেন। সেই সময় পার্শ্ববর্তী আর একটা বাগানের এক জন অবিবাহিত যুবা কর্মচারীর সহিত তাঁহাদের আলাপ হয়; এবং সে তাঁহাদের সঙ্গে মিয়ত মেলা-মেশা করিয়া আলাপটা বেশ ঘনিষ্ঠ করিয়া ফলে। তাহার সহিত যমুনার বিলক্ষণ হস্ততা জন্মিয়াছিল; এবং উভয়ের মধ্যে বিবাহের প্রস্তাবও হইয়াছিল। কিন্তু যমুনার মাতার ত্রায় এ লোকটাও বর্ণসঙ্কর; তাহার পিতা বাঙ্গালী খৃষ্টিয়ান ও মাতা এক ‘লেপচা’ রমণী। তাহার পিতা তাহার বিত্তার্জনের জন্য চেষ্টা ও অর্থব্যয় করিয়াছিলেন; কিন্তু সে বিশেষ কিছু শিখে নাই। একবার নাকি কৃষি-রসায়ন শিখিবার ছলে আমে-রিকায় কিছু দিন থাকিয়া সাহেব হইয়া আসিয়াছিল মাত্র; এবং নিজের ‘এডউইন্ বাহাডুর লাগ সাধু খা’ নামটাকে সাহেবী ধরণে ‘ই, বি, এস, কান্ (E. B. S. Kahn) রূপে দাঁড় করাইয়াছিল। লোকটা খুব ধূর্ত ও সেন সাহেবের মতই অর্থলোভী। পিতৃবিয়োগ হওয়ার তাহার আর্থিক অবস্থা বড়ই মন্দ হইয়া পড়ে এবং সেই চা-বাগানে চাকরী ছাড়া অন্য উপায়ে কিছু ছিল না। এই সব কারণে তাহার সহিত কন্যার বিবাহ দিবার প্রস্তাবে সেন সাহেব মোটেই সন্ত হইতে পারেন নাই।

সেন সাহেব চা-বাগানের কর্ণোপলক্ষে মাঝে মাঝে যমুনাকে লইয়া দার্জিলিঙ্গে যাইতেন এবং একবার সেখানে অনেক দিন বাস করেন। তখন ‘কান’ সাহেবও সেখানে গত্যাত করিতে থাকেন। সেই সময় বিহারী ঘোষও নিজের কণ্ঠকে লইয়া দার্জিলিঙ্গে আইসেন এবং তথায় সেন সাহেব ও তাহার কণ্ঠা যমুনার সঙ্গে তাঁহাদের আলাপ হয়। ক্রমে যমুনার প্রতি ঘোষ মহাশয়ের মোহ-মত্ততা দেখিয়া সেন সাহেব ঘোষের আর্থিক অবস্থা সম্বন্ধে অহুসন্ধান করিয়া পরম পরিতৃপ্ত হইলেন এবং নিজেরই সম্পূর্ণ উত্তোগী হইয়া কণ্ঠার অনিচ্ছা, কান সাহেবের ক্রোধ ও কাকলীর আপত্তি,—এ সমস্তই অতিক্রম করিয়া এই বিবাহ সম্পন্ন করাইলেন।

বিবাহের সময় সেন সাহেব ও তাঁহার নিমন্ত্রিত অতিথি-গণের নিকট নবদম্পতি যে সকল উপঢৌকনের সামগ্রী পাইয়াছিলেন, তন্মধ্যে কারুকার্য-খচিত রূপার বাটযুক্ত একটা সৌখীন ও স্বপ্নায়তন ভোজালীও ছিল। তাঁহারা দেশে ফিরিবার পর সেটিকে ঘোষজা মহাশয়ের পাঠাগারে গৃহ-সজ্জা-স্বরূপ একখানা বড় ছবির নীচে দেওয়ালের গায়ে ঝুলাইয়া রাখা হইয়াছিল।

কাকলীর কথাবার্তায় বেশ বুঝা গেল যে, তাহার দৃঢ় বিশ্বাস যে, তাহার বিমাতাই এই হত্যাকাণ্ডের মূল। প্রথম যখন যমুনার সঙ্গে আমার আলাপ হয়, তখন আমারও যে ঐরূপ একটা সন্দেহ হইয়াছিল, তাহা আমি বলিলাম। কিন্তু পরে অহুসন্ধানে সে সন্দেহের কোন ভিত্তি পাওয়া গেল না বলিয়া, আমি ইন্সপেক্টার গাঙ্গুলী মহাশয়ের সহিত এ সম্বন্ধে যথেষ্ট আলোচনা করিয়া শেষে ও সন্দেহটা ত্যাগ করিতে বাধ্য হইয়াছিলাম, তাহাও জানাইলাম। কিন্তু যমুনা ও তাহার সেই কান-সাহেব, কোন না কোন প্রকারে যে এই হত্যাব্যাপারে সংশ্লিষ্ট ছিল, এ বিশ্বাস কাকলীর মন হইতে দূর হইল না।

২১

হত্যা সম্বন্ধে আমাদের আলোচনা শেষ হইবার পূর্বেই পিসীমর্দ ও যোগীন বাবুর স্ত্রী আমাদের নিকট ফিরিয়া আসিয়া তাহাতে যোগ দিলেন। আরও কিছুকণ কথা-বার্তার পর যোগীন বাবু আমাকে বলিলেন, “আচ্ছা, তোমরা এ পর্য্যন্ত যে সব অহুসন্ধান করেছ, তা থেকে তোমাদের

বিবেচনার বিশেষ কিছু ফল হয় নি বলছো। কিন্তু অহুসন্ধানগুলো সবই ত পুলিশের লোকে করেছে? তুমি নিজে বোধ হয় বিশেষ কিছু অহুসন্ধান কর নি? তা ছাড়া যা কিছু তদন্ত হয়েছে, তা যে একটা কোন বিশিষ্ট সন্দেহের ভিত্তি ক’রে করা হয়েছে, তা বোধ হয় না। তখন আমাদের বুড়ী যে যমুনাকেই সন্দেহ করছে, সেটা ছেলে-মামুদী ভেবে উড়িয়ে না দিয়ে যদি এটার উপরেই লক্ষ্য রেখে আমরা পুলিশের সাহায্য না নিয়ে নিজেরাই একটু অহুসন্ধান ক’রে দেখি, তাতে কোন ক্ষতি আছে কি?—অবশ্য তোমার এতে অনেক সময় নষ্ট ও কাষের ক্ষতি হবে হয় ত?”

“আমার উপস্থিত যে রকম কাষের ভীড়, তাতে ‘সময় নষ্ট’ বা ‘কাষের ক্ষতি’ এই কথাগুলোর মানে বোঝবার এখনও তেমন অবকাশ পাই নি। এ রকম একটা অহুসন্ধানে লিপ্ত থাকলে বোধ হয় সেটা বুঝতে পারবো।” বলিয়া আমি হাসিলাম। যোগীন বাবুও হাসিতে যোগ দিলেন।

কাকী বলিলেন, “কেন? আজকাল ত, তোমার বেশ ‘প্র্যাক্টিস’ হচ্ছে শুনলাম। আমরা আজ যখন এখানে এলাম, তখনও দেখলাম, কাদের সঙ্গে কি সব মামলার কথা কইছিলে। কিন্তু সে যাই হোক, অনেক কাষ থাকলেও ইচ্ছা করলে তুমি এ বিষয়ে যে একটু আধটু সময় দিতে পারবে না, তা আমি মনে করি না। তা ছাড়া, এখনকার সম্পর্ক হিয়াবে, তোমার উপর আমাদের একটা জোরও ত আছে? পরে হয় ত জোরটা আরও বেশী কারেমী হয়ে দাঁড়াতেও পারে,—কি বল?”

আমি শেষের এই প্রশ্নের তাৎপর্যটা বুঝিতে পারিলাম না। কিন্তু ঠিক এই সময়ে আমার দৃষ্টিটা হঠাৎ কাকলীর উপর গিয়া পড়ায় দেখিলাম, সে-ও সেই মুহূর্তে আমার দিকে চাহিল এবং একটু ব্রীড়াঙ্কিত হইয়া মুখ নত করিল।

সে যাহা হউক, আমি যোগীন বাবুর স্ত্রীর কথার উত্তরে বলিলাম, “আমি প্রথম থেকেই এ ব্যাপারে যে রকম লিপ্ত হইয়ে পড়েছি, তাতে আমার বোধ হয় যে, এর মীমাংসা না হওয়া পর্য্যন্ত আমি নিজেরই নিশ্চেষ্ট থাকতে পারবো না। সেই জন্য ত আমি আগেই আপনাদের ব’লে রেখেছি যে আমার দ্বারী ঠাী কিছু সাহায্য হ’তে পারে, তা আমি সর্ব দাই করিতে প্রস্তুত আছি।”

যোগীন বাবু বলিলেন, “আচ্ছা, তোমার কাছে যে সব বৃত্তান্ত শুনলাম, তাতে বোধ হয়, সেই একবারমাত্র রাজি-কালে ঘোষণা মশায়ের সঙ্গে তুমি ঐ হানা-বাড়ীর ভিতরের অংশটা দেখেছিলে। তার পরে আর কখনও সেটা ভাল ক’রে দেখনি বোধ হয়?”

“হাঁ,—খুনের দিন, সকালে পুলিশের দারোগা মশায়ের সঙ্গেও আর একবার দেখেছিলাম। তা ছাড়া ইন্স্পেক্টার গাঙ্গুলী মশায় বলেছেন যে, তিনিও স্বতন্ত্রভাবে একবার বাড়ীটার সমস্তই দেখেছিলেন।”

“তা হ’লেও, নিজেরা ধীরে-স্বস্তে ঐ বাড়ীটা আর একবার ভাল ক’রে দেখলে হয় না? লাভ কিছু না হ’লেও কতিই বা কি?”

আমি উত্তর দিবার পূর্বেই পিসীমা ব্যস্তভাবে বলিলেন, “ওমা! একে ত বাড়ীটা হানা, তাতে আবার খুনের পর থেকে ওটা বন্ধই থাকে;—কেউ ও-বাড়ীর কাছেও যায় না। ওখানে কি চুকতে আছে?”

কাকীও ঐ কথাব্দ সমর্থন করিয়া বলিলেন, “সত্যি, বিমলা দিদি! কায কি বাপু? হয় ত কিছু অকল্যাণ হ’তে পারে।”

আমরা বাকী কয় জনে তাঁহাদের এই অযথা আশঙ্কা হাসিয়া উড়াইয়া দিলাম। তৎপরে সকলের পরামর্শে স্থির হইল যে, যত শীঘ্র সম্ভব, আদি বাড়ীওয়ালার সহিত বন্দো-বস্ত করিয়া যোগীন বাবুকে সংবাদ দিলে তিনি নির্দিষ্ট সময়ে আসিয়া আমার সঙ্গে বাড়ী পরিদর্শন করিবেন।

শেষে আরও কিয়ৎকণ অগ্ৰাণ্ড কথাবার্তার পর যোগীন বাবুরা সে দিনের মত বিদায় হইলেন।

পরদিন সকালেই আমি হানা-বাড়ীর মালিকের সহিত দেখা করিলাম। এখন হইতে এই হত্যা-সংক্রান্ত তদন্তের বিষয়ে আমার এই নূতন উদ্ভূতের মধ্যে একটা যেন বিশেষ প্রেরণা অনুভব করিতে লাগিলাম। কেন, তাহা ঠিক বলিতে পারি না। তবে এ কথাও সত্য বটে যে, এই প্রেরণার পশ্চাতে একটি শাস্ত স্তম্ভের তরুণীর অস্পষ্ট ছবি আমার মানস-পটে মাঝে মাঝে প্রতিফলিত হইতে লাগিল।

বাড়ীওয়ালার নিকটেই থাকিতেন। এ অঞ্চলের অনেক-গুলি বাড়ীই তাঁহার সম্পত্তি। তাঁহার সঁহিত আলাপে বুঝিলাম যে, ঐ হত্যাকাণ্ডের পর হইতে ১০ নং বাড়ীর

জন্য আর ভাড়াটে জুটিতেছে না বলিয়া তিনি বড়ই ব্যথিত এবং যাহাতে উহা শীঘ্রই আবার ভাড়া হয়, তদ্ব্যন্য নিতান্ত ব্যগ্র। তাঁহার নিকট ঐ বাড়ীর কথা উত্থাপন করিবার মাত্র আমি ভাড়া লইবার প্রস্তাব করিতেই আসিয়াছি মনে করিয়া তিনি প্রথমে বড় উৎফুল্ল হইয়াছিলেন। পরে আমার উদ্দেশ্য জানিতে পারিয়া তিনি একটু হতাশভাবে বলিলেন, “বাড়ীর চাবি আমি এখনই আপনাকে দিচ্ছি; আপনি যখন ইচ্ছা দেখতে যাবেন। তবে খুনের কোন সন্ধান যে পাবেন, তা বোধ হয় না। লোকটা যেন আমারই উপর শক্রতা সাধবার জন্যে অমন ভাল ভাড়াটে বেচারাকে খুন ক’রে একেবারে সম্পূর্ণ অদৃশ্য হয়ে পড়লো! যা হোক, এখন ঐ বাড়ীতে আবার ভাড়াটে কি ক’রে বসানো যায়, খলতে পারেন? বড়ই লোস্কান হ’তে লাগলো, মশায়!”

বাড়ীটাতে বিনা ভাড়ায় কিছু দিন কাহাকেও থাকিতে দিলে ভাল হয়,—বাড়ীওয়ালার মহাশয়কে এই পরামর্শ দিয়া আমি চাবি লইয়া চলিয়া আসিলাম এবং সেই দিনেই যোগীন বাবুকে ডাকে সংবাদ দিলাম যে, পরদিন বৈকালে ৪টার সময় আসিলে বাড়ী দেখাইবার জন্য প্রস্তুত থাকিব।

২২

পরদিন কোর্টে সামাগ্র হই একটা দরখাস্তের কাণ্ড সারিবার পরে এক জন লক্ষপ্রতিষ্ঠ উকীলের শ্রীচরণে অনেক দিন তৈলদানের ফলে একটা বড় মামলায় সেই দিন হইতে তাঁহার সহকারীরূপে নিযুক্ত হইয়া প্রথমেই এক নম্বর ‘মুলতুবী’র কী অর্জন করিলাম। “কী”-টা নগদ হস্তগত না হইলেও যথারীতি আমার ‘নোট-বহি’র অন্তর্গত হইল। তৎপরে হৃষ্টচিত্তে সকাল সকাল বাড়ী ফিরিলাম।

কোর্টের ‘ধড়া-চুড়া’ ছাড়িয়া পিসীমার নিকটে বসিয়া চা-পান করিতে করিতে তাঁহাকে এই সুসংবাদটা দিলাম। পিসীমা ক্রমশঃ আমার মনে তাঁহার মাতৃত্ব এতই বিস্তার করিয়াছিলেন যে, আমার ভাল মন্দ সব খবরগুলিই তাঁহার গোচর না করিলে যেন আমার ভৃগুবোধ হইত না।

আমাদের কথাবর্জ্য শেষ হইবার পূর্বেই যোগীন বাবু আসিয়া উপস্থিত হইলেন এবং কাকীকে তাঁহার সঙ্গে দেখিয়া আমার মনটা উৎফুল্ল হইয়া উঠিল। আনন্দটা

বোধ হয় মুখেও যথেষ্ট প্রতিকলিত হইয়াছিল। কেন না, যোগীন বাবু আমার দিকে চাহিয়া বলিলেন, “অরুণ বাবাজীর আজ বড় প্রফুল্ল ভাব দেখছি যে! কোর্টে বুদ্ধি বিশেষ কিছু লাভ হয়েছে?”

“হাঁ, আপনাদের আশীর্ব্বাদে আজ বেশ একটা কাষ পাওয়া গেছে। তাতে আজই নগদ বিশেষ কিছু না হ’লেও পরে ছ’ পয়সা লাভের আশা আছে।”

“বাঃ! বেশ, বেশ! দিন দিন এই রকম আরও হোক, এই প্রার্থনা। আর এটাও সুখের বিষয় যে, আমাদের বুড়ীর এই কাষটি হাতে নিয়ে তোমার নিজের কাষের ক্ষতি না হয়ে বরং সঙ্গে সঙ্গে একটা লাভ হয়ে গেল!—তোমার সম্বন্ধে তা হ’লে আমাদের এই বুড়ী-মা’র বেশ ‘পয়’ আছে দেখছি! কি বল?”

কথাটা বলিয়া তিনি হাসিলেন; আমিও হাসিলাম। কিন্তু ‘বুড়ী’ যে কেন অতি সলজ্জভাবে “বাঃ!” বলিয়া অবনতমুখে পিসীমার নিকটে গিয়া বসিল, তাহা ভাল বুদ্ধিতে পারিলাম না। আবার পিসীমা যখন গম্ভীরভাবে ছুই হাতে তাহাকে নিজের কোলের দিকে টানিয়া লইয়া বলিলেন, “আহা, তাই হোক মা! ভগবান করুন, যেন তোমার কল্যাণে আমাদের অরুণের দিন দিন এই রকমই শ্রীবৃদ্ধি হয়!” তখন ব্যাপারটা আমার পক্ষে আরও দুর্কৌশল হইয়া পড়িল।

কিন্তু কাকলীর মুখ এবারে আরক্তিম হইয়া উঠিল। কথাগুলো তাহার পক্ষে হয় ত বেশী পীড়াদায়ক হইতেছে মনে করিয়া আমি এ প্রসঙ্গটা একেবারে চাপা দিবার অভিপ্রায়ে যোগীন বাবুকে জিজ্ঞাসা করিলাম, “কৈ, কাকী এলেন না?”

তিনি বলিলেন, “না; কাল সকালে আমরা সবাই বর্দ্ধমানে যাব ব’লে স্থির করেছি। তারি জন্ত সব আয়োজন করতে আজ তিনি মহা ব্যস্ত।” পরে পিসীমার দিকে চাহিয়া বলিলেন, “সেখানকার বাড়ীটা সব সু-বিলি হয়ে গেলেই কিন্তু আপনাদের সকলকে সেখানে গিয়ে কিছু দিন থাকতে হবে, বিমলা দিদি!”

পূর্ব্বের কথাটা সম্পূর্ণ চাপা পড়িয়া যাওয়ার কাকলী এইবারে বেশ প্রফুল্ল মুখে বলিল, “হাঁ, বিমলা-মাসী, যাকেন নিশ্চয়, কেমন?”

পিসীমা সম্মতি জানাইবার পর আমি বলিলাম, “এ দিকে বেলা যাচ্ছে; আর দেরী ক’রে কাষ নাই চলুন, এখন আমরা হানাবাড়ীর ভূতের সন্ধানে যাই।”

পিসীমাকে ও কাকলীকে আমরা যাইতে নিবেদন করিলাম। পিসীমা সহজেই সম্মত হইলেন; কারণ, ও বাড়ীতে পদার্পণ করিতে তাঁহার নিজেরই আপত্তি ছিল। কিন্তু কাকলীর এ বিষয়ে এতই উৎসাহ হইয়াছিল যে, তাহাকে নিবৃত্ত করা গেল না। পিসীমার পরামর্শে আমরা তাঁহার পুরাতন ভৃত্য ‘গুপে’কেও সঙ্গে লইলাম।

বাড়ীওয়াল-প্রদত্ত চাবির সাহায্যে আমরা সকলে ১০নং বাড়ীর ভিতরে প্রবেশ করিয়া গুপের দ্বারা প্রত্যেক ঘরের জানালা-কপাট খোলাইয়া সমস্ত বাড়ীটা উত্তমরূপে পরিদর্শন করিলাম। নন্দন সাহেবের ব্যবহৃত ঘর দুইটার যেরূপ সাজ-সরঞ্জাম ছিল, সে সব প্রায় একইভাবে রহিয়াছে দেখিলাম। তবে এখন বাড়ীর অপরাপর স্থানের ত্রায় এগুলোও ধূলি ও আবর্জনার ময় হইয়াছে। আমরা হত্যাকারীর কোন একটা চিহ্ন বা নিদর্শন পাইবার আশায় আসবাবগুলার ভিতর বাহির সমস্তই পুঙ্খানুপুঙ্খরূপে অনুসন্ধান করিলাম এবং ঘরের যে সব স্থানে বেশী আবর্জনা ছিল, তাহা সম্বার্ত্তনী সাহায্যে পরিষ্কার করাইয়া দেখিলাম। কিন্তু পূর্ব্বের ত্রায় এবারেও কোথাও কিছু দেখিতে পাইলাম না। বাড়ীর সর্বত্র এই ভাবে অনুসন্ধান করিয়া অবশেষে উঠানের কোণে প্রাচীর-সংলগ্ন সেই ছোট ঘরটায় উপস্থিত হইলাম।

সে ঘরে কতকগুলো ভাঙ্গা-চোরা সামগ্রী ও অস্ত্রাবর্জনাও যথেষ্ট ছিল এবং ঘরের যে দিকটা প্রাচীর-সংলগ্ন, সেই দিকের দেওয়ালের মাঝামাঝি স্থানে একটা কাঠের অত্যুচ্চ ‘গাছ-সিন্দুক’ ছিল। গুপের সাহায্যে ভাঙ্গা জিনিষগুলো বাহির করাইয়া এবং তাহাকে অস্ত্রাবর্জনা পরিষ্কার করিতে বলিয়া আমরা উঠানে অপেক্ষা করিতে লাগিলাম। কিয়ৎক্ষণ পরে সে তাহার কার্য সমাধা করিয়া ঘর হইতে এক বুড়ি জঞ্জাল বাহির করিয়া উঠানের কোণে রাখিল। সেই সময় দেখিলাম, তাহার কোমরের পার্শ্বদেশ হইতে, নীল মখমলের উপর জরির কাষ-করা একটা পাড়ের ফিষ্ঠা ঝুলিতেছে। ফিষ্ঠাটা প্রায় এক হাত লম্বা ও দুই আঙ্গুল চওড়া এবং তাহা দেখিতে এত উজ্জল ও সুন্দর

যে, ধূলি-প্রভাবে এখন মলিন হইলেও দূর হইতেই আমাদের সকলেরই দৃষ্টি আকর্ষণ করিল। কিন্তু কাকলী সেটা দেখিয়াই অত্যন্ত উত্তেজিতভাবে বলিয়া উঠিল, “ও কি! ওটা গুপের কাছে কোথা থেকে এলো?” এবং সে উত্তরের অপেক্ষা না করিয়াই ছুটিয়া গিয়া গুপের কোমর হইতে ফিতাটা টানিয়া লইয়া দেখিতে লাগিল। আমরাও অবিলম্বে তাহার নিকটে উপস্থিত হইয়া, ব্যাপার কি, জিজ্ঞাসা করিলাম।

২৩

কাকলীর ঐ ফিতাটার প্রতি ঐরূপ আগ্রহাতিশয্য দেখিয়া গুপে বোধ হয় প্রথমটা বিস্ময়ে নির্বাক হইয়াছিল। এখন আমরাই নিকটে দেখিয়া বলিল, “ও আমি দিব না, বাবু! আমি ওডারে ঐ ঘরের মন্দি পাইছি;—সেই উচা সিন্দুকের কাছে দেয়ালের গায়, ধুলার মন্দি পড়ে ছিল। ঝাঁটার টানে বা’র হয়ে আসলে, আমি চেকনাই দেখে ওডারে তুলে নিয়ে, টেকে গুঁজে রাখলেম। এখন ওডা আমার জিনিষ হইছে। ‘আপনিরা ওডারে লয়ে কি করবেন বাবু? আমি ওডা খুকুরাণীরে খেলুঁতি দেবো।”

কিন্তু কাকলী তাহার কথায় কর্ণপাত না করিয়া বলিল, “দেখুন, আমার বড়ই আশ্চর্য্য বোধ হচ্ছে। এ ফিতাটা বোধ হয় আমারই জিনিষ। আমার মায়ের একটা পুরানো রেশমী সাড়ীতে ঠিক এই রকম পাড় বসানো ছিল। সাড়ীখানা পোকায় কেটে ফেলেছিল বলে বাবা আমাকে একখানা নূতন রেশমী কাপড় কিনে দিয়ে, তাতে সেই পুরানো পাড় বসিয়ে নিতে বলেছিলেন। আমার সাড়ী লম্বায় ছোট বলে হৃদিকেয় পাড় একটু একটু বেঁচেছিল। আমি সেই বাড়তী টুকরা ছটা বস্ত্র করে তুলে রেখেছিলাম। তার পরে, আমরা যখন দার্জিলিং থেকে ফিরে এলাম, তখন বাবার সেই উপহার পাওয়া রূপার বাঁটওয়ালো ছোট ভোজালীখানা, সেই পাড়ে একটা টুকরায় বেঁধে বাবার পড়বার ঘরে ঝুলিয়ে রেখেছিলাম। ‘এই টুকরাটা ঠিক সেই ফিতা বলেই আমার বোধ হচ্ছে। এ রকম পাড়ের ফিতা আমি আর অল্প কোথাও দেখিনি।”

আমি ও যোগীন বাবু অত্যন্ত বিস্মিত হইয়া ঐ পাড়ের টুকরাটা উত্তমরূপে পরীক্ষা করিলাম। উল্লেখ্য ষায়া পূর্বে কোন দ্রব্য যে বাঁধা হইয়াছিল, তাহা অনুমান করা হুঃসাধ্য

হইল না। কারণ, ঐরূপ মোটা পাড়ে গেরো দিলে স্থানে স্থানে যেসকল মুড়িয়া যায়, ইহার মধ্যস্থলে ও ছই প্রান্তে সেইরূপ মুড়িয়া যাওয়ার দাগ রহিয়াছে দেখিলাম।

তখন আমরা ঐ বিষয় আলোচনা করিয়া সাব্যস্ত করিলাম যে, পাড়ের যে অংশে ভোজালীর বাঁটটা বাঁধা ছিল, তাহা হয় ত কোন রকমে আলুগা হইয়া যাওয়ার হত্যাকারীর অনবধানতা বশতঃ পাড়টা ভোজালী হইতে খুলিয়া পড়িয়া গিয়াছিল, এবং সেই সূত্রে যমুনাই যে এই হত্যাকাণ্ডের কর্মকর্তা, সে বিষয়ে অন্ততঃ কাকলীর মনে আর কোন সন্দেহই রহিল না।

কিন্তু আমি বলিলাম, “এ বিষয়ে কোন সিদ্ধান্ত করার আগে আমাদের প্রথমে নিশ্চিত জানা উচিত যে, এই পাড়ের টুকরাটা মতাই সেই ভোজালী-বাঁধা পাড় কি না।”

কাকলী বলিল, “সে ত আমি কালই জানতে পারবো। বর্ধমানের বাড়ীতে যদি ফিতা-বাঁধা ভোজালীটা যথাস্থানে ঝুলানো থাকে, তা হ’লে অবশ্য আমার অনুমান মিথ্যা হবে; নইলে আমার কথাই ঠিক বলে প্রমাণ হবে ত?”

আমি বলিলাম, “কতকটা হবে বটে; কিন্তু তা হ’লেও তোমার বিমাতাই যে খুন করেছে, তা ত প্রমাণ হবে না! অল্প কোন লোকও ত, বর্ধমানের ঐ বাড়ী থেকে ভোজালীখানা আন্সসাৎ করে এখানে এসে খুন করে যেতে পারে?”

“হাঁ, অল্প আর এক জনও হ’তে পারে; সে ঐ কান্. সাহেব। এরা হুজনে ছাড়া আমার বাবাকে মারবার আর কোন লোকের কোনই স্বার্থ ছিল না। ওরা হুজনে বড়বস্ত্র করে এই কাণ্ড করেছে,—এ আমি নিশ্চয় বলছি।”

“কিন্তু ওরা কি করে এখানে এলো, আর গেলই বা কি করে,—সেটা ত কিছু বুঝা গেল না? খুনটা হ’লো উঠানের ওদিকে শোবার ঘরে, আর ভোজালীর ফিতাটা পড়লো এসে উঠানের এই কোণের ঘরের ভিতরে সিন্দুকের পিছনে! এরই বা মানে কি?—এখান দিয়ে ত বাইরে যাবার কোন পথ নাই!”

“সে আপনি আর একটু ভাল করে অনুসন্ধান করলে বোধ হয় বার করতে পারবেন। কিন্তু আজ ত তার আর সময় নাই। সন্ধ্যা যে হয়ে পড়লো।”

বাস্তবিক ভিত্তিতে সন্ধ্যা এত দূর অগ্রসর হইয়াছিল যে, সেই ছোট ঘরের ভিতরে ছাদের উপর একটা আলোক-পথ

(sky-light) থাকি সব্বেও ঘরটা প্রায় সম্পূর্ণ অন্ধকার হইয়া গিয়াছিল। কাষেই আমরা সে দিনের মত বাড়ীর সমস্ত জানালা-কপাটগুলো আবার বন্ধ করিয়া ও সদরে তালা লাগাইয়া আমার বাসার ফিরিয়া আসিলাম। গুপে যোগীন বাবুর নিকট একটি চকচকে রক্ত-মুজা পাইয়া সে দিনের পরিশ্রমের ক্লাস্তি এবং 'চেক্‌নাই' ফিতার শোক ভুলিয়া গেল। তৎপরে স্থির হইল যে, কাল কাকলী বর্ধমানের

বাড়ীতে ফিতা-বাধা ভোজালীর অনুসন্ধান করিয়া তাহার ফলাফল আমাদের নীচের চিঠি লিখিয়া জানাইবে এবং আমি পুনরায় হানা-বাড়ীতে গিয়া কিরূপে ঐ পাড়ের ফিতা ওখানে আসিল, তাহা নির্ণয় করিবার চেষ্টা করিব।

তাহার পর যোগীন বাবু কাকলীকে লইয়া প্রস্থান করিলেন। [ক্রমশঃ।

শ্রীশ্রীশ্রীশ্রী মুখোপাধ্যায় (এটর্নী)।

লুকালে কোথায় ?

মানস-আকাশে মোর—কণিকের তরে—
উজলিয়া অকস্মাৎ—মহিমার ভরে,
নিবিড় প্রেমের মেঘে,
চপলার মত বেগে
ধাধিয়া নয়ন-মন রূপের ভূষায়,
দেখা দিয়া এবে বল লুকালে কোথায় ?

২

হে সুন্দরি ! প্রেম কি গো ! তড়িতের রেখা ?
এই যদি ছিল মনে, কেন দিলে দেখা ?
কত নব আশা দিয়ে
প্রাণ-মন কেড়ে নিয়ে,
যাহুকরী ললনার মোহ ছলনায়—
সহসা এমন ক'রে লুকালে কোথায় ?

৩

মেঘশূন্য নীলাশ্বর—অনন্ত উদার—
তবু কেন চমকিয়া উঠি বারবার ?
চপলা গগনে নাই,
এ দিকে ও দিকে চাই,
মনের অতৃপ্ত সাধ মনে বুয়ে যায়—
ক'র কি দিয়ে—হা নিঠুরে ! লুকালে কোথায় ?

ছড়িয়ে রক্ত-রশ্মি, অমল কিরণ,
হাসিছে বিমল হাসি কুমুদ রঞ্জনে—
অই জোছনায় তার,
চরুরূপ আপনার,
আবার দেখ গো এসে খারদ-শোভায়—
কোন্ গগনের কোণে, লুকালে কোথায় ?

৫

চাঁদের উজ্জ্বল আলো মাখিয়া সুন্দরি !
প্রতিমার মত শান্ত গুহ্র রূপ ধরি—
গুহ্ররূপে দেখা দিয়ে,
মম মন ভুলাইয়ে,
গরল চালিয়া শেষে, সরল হিয়ার—
পাষাণি ! পাষাণ হয়ে লুকালে কোথায় !

সেই চাঁদ—সে আকাশে হাসিছে আবার—
সে হাসিতে কেন নাই, সুধার জোয়ার ?
কেন ও উজ্জ্বল আলো,
এ চ'খে লাগে না ভালো,
জোছনা অ'ধারে ঢাকে, না হেরে তোমার,
এখন আমারে ফেলে, লুকালে কোথায় ?

৭

প্রভাতে চাহিয়া দেখি সরসীর পানে—
কমল ফুটিয়া আছে—সহীস বয়ানে—
সে বিনোদ ফুলধর,
চুমিতেছে মধুকর,
গুন্ গুন্ স্বরে প্রেম আবেগে জানায়—
আমি ভাবি হায় ! তুমি লুকালে কোথায় ?

৮

সারানিশি—নিরখিয়ে রূপের স্বপন—
পুরব-গগনে অই উদিল তপন—
রবি মোর বাধা বুঝে,
তোমারে বেড়ায় খুঁজে
অ'পি তাঁর রেঙে ওঠে ঘোর নিরাশায়—
বল না এমন ক'রে, লুকালে কোথায় ?

৯

কাননে ধুটেছে কত সুমার ফুল—
প্রকৃতির মেয়েগুলি সৌরভে অতুল—
কতই আনন্দভরে,
ডাকে মোরে সমাদরে,
অভিমাণে ঝ'রে পড়ে—নলিন ধূলার,
আমি কাঁদি—তুমি হায় ! লুকালে কোথায় ?

১০

এত আশা—ভালবাসা ভুলেছ সকলি !
ভাঙিলে দীনের বুক, পদতলে দলি'।
খুঁজে খুঁজে হই সারা,
শবু ত পাই না সাড়া—
এমন কঠিনা তুমি, জানি নি ত হায় !
প্রাণ সঁপি—এ কি জালা ! লুকালে কোথায় ?

শ্রীচরিত্র মুখোপাধ্যায়

সভাপতির সূচনা-বচন

বীরভূমস্থ সঙ্কল্প-সমাজ :

আপনাদের এই প্রাচীন জনপদ যে এক সময়ে বীরের আवासভূমি ছিল, ইহার বীরভূম নাম-ই তাহা প্রকৃষ্টরূপে প্রমাণ করিয়া দেয়। কিন্তু বর্তমান কালে বাঙ্গালীর বীরত্ব ফৌজদারী পিয়াদার চক্ষে অপরাধ বলিয়া নির্ণীত হইলেও আপনাদের অন্তরস্থ বীরত্ব-বস্তু যে একেবারেই উদ্ভিত হইয়া জন্মভূমির গৌরবপূর্ণ নামের সার্থকতা নষ্ট করে নাই, তাহা বীরভূমবাসীদের অশ্রুকার আচরণ দৃষ্টে স্পষ্ট প্রতীয়মান হয়।

বঙ্গীয়-সাহিত্য-সম্মিলনের সে সম্মানের আসন ষোড়শ-বর্ষকাল সার্বলৌকিক পণ্ডিত, বন্দিত জননায়ক বা রাজ-শ্রীমণ্ডিত মনীষিগণের অধিষ্ঠানে অলঙ্কৃত হইয়া আসিয়াছে, সেই আসন গ্রহণের জন্ত আমার ন্যায় এক জন অচিহ্নিত অনধিকারীকে আহ্বান করার সাহস অতি বড় বীরের হৃদয়েই সম্ভবে।

আপনাদের এই দান আমি আনন্দে গ্রহণ করিলাম। যে আনন্দে বশস্বী পুত্র বা পৌত্র-প্রদত্ত অকালে প্রাপ্ত হুপ্রাপ্য কোন সুমিষ্ট ফল স্নেহোজ্জ্বল-সজল নয়নে গ্রহণ করিবার জন্ত প্রাচীন পিতা বা পিতামহ কম্পিত হস্ত নাড়াইয়া দেন, সেইরূপ হুহাত নাড়াইয়া আমার চক্ষে এই সাত রাজার ধন কুড়াইয়া লইয়া বুকে জড়াইয়া ধরিলাম।

কিন্তু হে বীরভূমবাসী! আপনারা নিজের শক্তির তুল্যদণ্ডে আমার শক্তি তুলনার পরিমাণ করিয়া এ দীনকে বড় বিপদে ফেলিয়াছেন। নিজের রচনা নিজের হাতে লেখা প্রায় আমার অভ্যাস নাই, কোন না কোন স্নেহ-শীল যুবকের অবসরমত লেখনীর সাহায্যের জন্ত আমাকে সতত অপেক্ষা করিতে হয়; তার পর প্রতিমাসে, বিশেষতঃ এই চৈত্র-শেষে আমার কাছে অস্ত্রাস্ত্র কিছু কিছু লেখার জন্ত আদরের আদেশ আসে; সুতরাং এরূপ স্থলে এই মহান সারস্বত-যজ্ঞে পোরোহিত্য গ্রহণের পক্ষে মাত্র সপ্তাহকাল অতি সামান্য সময়, তা বোধ হয় স্বীকার করিতে কেহ-ই আপত্তি করিবেন না।

সামাজিক কার্যে এমন ঘটনা একেবারে বিরল নয় যে,

কখন কখন বিবাহের নির্ধারিত লগ্নে অশৌচ, অসুস্থতা বা পণের 'ব্যবস্থা'-বিভ্রাটে মনোনীত পাত্র উপস্থিত হইতে না পারিলে, কণ্ঠা-কর্তা কুলাচারের প্রত্যবায় ভয়ে প্রতিবেশী যে কোন অনুচ মুচকে ঘুম ভাঙাইয়া তুলিয়া আনিয়া হরিদ্রা-লিপ্ত-গাত্র পাত্রীকে সম্প্রদান করেন, এ ক্ষেত্রে আমার অবস্থা-ও কতকটা তদ্রূপ। গায়ে হলুদ নাই, উপবাস নাই, নান্দীমুখ নাই, টোপর পরিষে পিড়িতে দাঁড় করালেন, আমি-ও দাঁড়ালুম, হাত বাড়াতে ব'লেন, বাড়ালুম, সম্প্রদান করতে হয় করুন, গয়না-ও দিতে পারব না,—পণও নোব না।

মান্য জনপদ হইতে সমাগত বিদ্বজ্জনমণ্ডলীর প্রতি আমার কৃতজ্ঞতা নিবেদন যে, আমি সভাপতির যথাকর্তব্য নিরপেক্ষভাবে পালন করিতে যথেষ্ট সচেষ্ট হইব, অর্থাৎ সভার নির্দিষ্ট কার্য যাহাতে সুনিয়মে ও সুশৃঙ্খলায় নির্বাহিত হয়, তাহার প্রতি দৃষ্টি রাখিব এবং আপনাদের শিষ্টসাহায্যে সুসম্পন্ন করিতে সমর্থ হইব, এইরূপ আশা আছে। কিন্তু অভিভাষণরূপ সাহিত্য-সম্পদ উপহার দিবার শক্তি আমার নাই। আমি এখানে শিথিতে আসিয়াছি, শিখাইতে আসি নাই; শিক্ষা দিবার উপযুক্ত ক্ষমতা বা বিদ্যা প্রকাশের ধৃষ্টতাও আমার নাই।

আমাদের সাহিত্যের ধারা কোন্ দিকে যাইতেছে বা কোন্ দিকে যাওয়া উচিত, এই কথা লইয়া নিত্য-ই নূতন নূতন মত বিদ্বজ্জনের ব্যক্ত করিতেছেন। আমি কিন্তু সাহিত্যের প্রকৃত রূপ দেখি সরস্বতীর প্রতিমায়, সরস্বতীর ধ্যানে, সরস্বতীর প্রণানে। হিন্দুর দেবদেবীর মূর্তি-কল্পনার মধ্যে সরস্বতীর প্রতিমায় যে শুভ্রোজ্জ্বল সৌন্দর্য্য, যে কুসুম-কমনীর লাবণ্যচ্ছটা আছে, তাহা আর কোনও দেবী-প্রতিমায় নাই। মা আমার স্বচ্ছ বিলেপমাণ্যবসনধারিণী, সুখাঢ্য-কলস-বাহিনী, বীণাবাদ্যবাদিনী, তরল-সরসী-সলিল-শোভন-কমলদল-বাসিনী। মা যেন নিজের বিশ্ব-মনো-মোহন রূপ দেখাইয়া মানবকে বলিতেছেন, "তোমার কাব্য যেন আমার-ই বর্ণের স্তায় পবিত্রতায় গুহ্র হয়; আমার শ্বসন-বিলেপনের স্তায় কাব্যের অর্থবোধ যেন স্বচ্ছ হয়; তোমার বিজ্ঞান, দর্শন, পুরাণ, ইতিহাস, কাব্য সবই যেন

পদ্মদলের স্মরণভিতে পরিপূর্ণ হয়, আর ঐ পদ্মের মধু যেন তোমার জ্ঞানচক্ষুর দৃষ্টি-দোষ নষ্ট করে; তোমার কথা-সাহিত্য যেন শ্রোতার কর্ণে বীণাবন্ধারের মিষ্টত্ব বৃষ্টি করে। আমার প্রতিগার প্রতি তুমি যেমন সতৃষ্ণ বিহ্বল দৃষ্টিতে চাহিয়া আছ, উঠি উঠি করিয়া উঠিয়া যাইতে পারিতেছ না, তেমনই তোমার রচিত গ্রন্থের ছত্রহারের প্রতি-ও বিত্তার্থী যেন ঐরূপ আনন্দের দৃষ্টিতে চাহিয়া থাকে।”

কিন্তু বিত্তাভ্যাসের ব্যায়ামক্ষেত্রে আমরা মা'কে কি পরিবর্তিত মূর্তিতে-ই না প্রতিষ্ঠিত করিয়াছি! কর্কশ-কঙ্কলে মা'র উজ্জল নয়নযুগলে কুটিলতার রুক্ষ ছায়াপাত করিয়া দিয়াছি,—কন্যা গান্ধীর্যের কালিমা মাখাইয়া মা'র অঙ্গের মৃদুমধুর হাসিটুকু মুছিয়া দিয়াছি; স্বচ্ছ-বিলেপ-মালাবসন কাড়িয়া লইয়া মা'র অঙ্গ লৌহ-বর্ষ্মে আবৃত করিয়া দিয়াছি, কমলদল দলিত করিয়া মা'কে তুলিয়া কেতকী-বনে বসাইয়াছি; আর বীণা—আম্রন, আমার সঙ্গে একবার একটা বিত্তালয়ে প্রবেশ করি, দেখাই, বীণাপাণি আজ কেমন করাৎকরে ঘরে ঘরে ঘুরিয়া বৃষকেতু-বধ করিতেছেন।

হায়, বে শিশু শতবার শ্রুত শিয়ালের গল্প শুনিবার জন্ত আদ্যে মা'র গলা জড়াইয়া ধরে, সে শিশুকে ধমক দিয়া পড়িতে বসাইতে হয় কেন? পড়িবার ঘরে প্রবেশ করিয়া দেখিবেন, কত বালকের পাঠ্যপুস্তকের নীচে এক-পাণি বাজারে উপভ্রাস খোলা আছে, পাঠ্যপুস্তকের মতো যদি সে উপভ্রাসের মাধুর্য্য ও আকর্ষণী শক্তি অমুভব করিতে পারে, তবে কি তাহার ঐ সাহিত্যিক কদম ভোজনে প্রবৃত্তি হয়? সংবাদপত্রের বিজ্ঞাপন পৃষ্ঠায় ত নিত্য সাহিত্য-রথী, সাহিত্য-পদাতিক, সাহিত্য-ঘোড়সওয়ারদের বীরত্বের কাহিনী পাঠ করি। কিশোর-পাঠা, বিত্তালয়-ব্যবহায়া, চরিত্র-গঠনোপযোগী উপভ্রাস রচনা করিতে ত কাহাকেও দেখিলাম না। রবিনসন্ ক্রুশোর আদর্শে বাঙ্গালী-জীবনের জাতীয় কাহিনী লিখিবার জন্ত কি এক জন লোক-ও নাই?

নীরস নীতিকথার আধিক্যিক অর্গবোধ করিয়া কবে কাহা'র নীতি সংস্কৃত হইয়াছে?

ধর্মনীতি, রাজনীতি, রণনীতি, সমাজনীতি, গার্হস্থ্য-নীতি প্রভৃতির ব্যাখ্যা এক মহাভারতে যত আছে, বোধ হয়, পৃথিবীর অস্ত্র কোন-ও গ্রন্থে তত নাই, কিন্তু উপভ্রাসের

বিচিত্রবিত্তাসে ঐ নীতি শ্রীতিপ্রদ না হইলে বিশ্বের পঠন-পিপাসা মিটাইতে কি আজ মহাভারত কখনও সমর্থ হইত!

এই ত গেল প্রবেশিকা-পাঠ-সংক্রান্ত পুস্তকের কথা। স্বর্গীয় সার আশুতোষ মুখোপাধ্যায় মহাশয়ের শুভাশীর্ষাদে বিশ্ববিত্তালয়ের কর্তৃপক্ষগণ অধুনা বাঙ্গালা ভাষাকে সম্মানের চক্ষে দেখিতে প্রস্তুত হইয়াছেন; কলেজ-পাঠ্য বাঙ্গালা পুস্তকগুলি সঙ্কলনমাত্র এবং সে সঙ্কলন নিন্দনীয় নহে, কিন্তু পরীক্ষার্থী অনেক ছাত্র-ই সঙ্কলিত অংশগুলি প্রায় মূলগ্রন্থে পূর্বেই পাঠ করিয়া রাখিয়াছে, সুতরাং কলেজে অধ্যয়ন-কালে পাঠ্য-পুস্তকের প্রতি মনোযোগ দিবার জন্ত কোনরূপ নূতন উৎসুক্যে তাহাদের চিত্ত উদ্দীপ্ত হয় না। মূলগ্রন্থ পূর্বেই পাঠ করিয়াছে বলিলাম, কোথায় পাঠ করিয়াছে? সাধারণ পাঠাগারে বা প্রচারণ পুস্তকাগারের সাহায্যে। ইদানীং প্রায় বঙ্গদেশের সর্বত্র পল্লীতে পল্লীতে পাঠাগার বা Circulating লাইব্রেরী কি না প্রচারণ-পুস্তকাগার স্থাপিত হইয়াছে, বালকবালিকা, যুবক-যুবতী কি প্রৌঢ়-প্রৌঢ়ারা-ও আপন আপন সুবিধামত কেহ পাঠাগারে যাইয়া বা কিঞ্চিৎ মাসিক চাঁদা দিয়া ঐ সকল স্থান হইতে পুস্তক আনিয়া বাটীতে পাঠ করেন। ১৮৬৯এর শেষ বা ৭০ খৃষ্টাব্দে যখন ইংরাজী-পড়া ছেলেদের মনে বাঙ্গালা পুস্তক পড়িবার প্রবৃত্তি জাগরণের জন্ত ঐরূপ এক পুস্তকালয়ের প্রথম প্রতিষ্ঠা হয়, তাহার সহিত আমার এক সময়ে ঘনিষ্ঠ সম্বন্ধ ছিল এবং তাহার পরে এই দীর্ঘকালের মধ্যে আমি কলিকাতা ও মফঃস্বলে অনেক পুস্তকালয়-সম্বন্ধীয় সভায় উপস্থিত হইবার সৌভাগ্য লাভ করিয়াছি; সকল স্থানেই বক্তাদের মুখে একটা অভিযোগ শুনি, লাইব্রেরীর ‘প্রচার পুস্তক’ দৃষ্টে বুঝা যায় যে, পড়িবার জন্ত নাটক-নভেলই প্রচুর পরিমাণে ব্যবহৃত হয়, অগ্রান্ত পুস্তকের জন্ত আবেদনের সংখ্যা নিতান্ত অল্প। জিজ্ঞাসা করি, সম্ভাবিত প্রশ্নের উত্তর লিখিয়া পরীক্ষায় পাশরূপ ‘শাক-বাছা’ পরিশ্রান্ত মনকে শান্তি দিতে বা সংসার-চিন্তা হইতে সময় চুরী করিয়া চিত্তবিনোদন করিতে লোকে কি বাড়ীতে বসিয়া পড়িবার জন্ত বাদ্য চক্রবর্তীর Algebra, স্বাস্থ্য-সোপান বা বাস্তব-বিচার গোছ বইগুলি আদরে অন্তরে লইয়া যাইবে?

সত্য বটে, অনেক পুরাণ গ্রন্থ একে একে বঙ্গভাষায় অনূদিত হইয়াছে; কিন্তু বহু ক্ষেত্রেই সে বাঙ্গালা ভাষা না বাঙ্গালা



বীরভূম সাহিত্য-সম্মিলনের সভাপতি শ্রীযুক্ত অমৃতলাল বসু

না সংস্কৃত; মূল শ্লোকগুলিকে যেন অমুখ্য-শৃঙ্গ করিয়া এবং 'হইয়া' 'করিয়া' 'লইয়া' প্রভৃতি বাঙ্গালা ক্রিয়ার সহ-যোগে কনক্ৰীকীরের কাঁছ থেকে কাজ আদায় করা গোছ যেন এক একটা ধর্মশালার পাঁচাল তোলাইয়া লইয়াছে। পূজনীয় শিশিরকুমার ঘোষ যেমন শ্রীশ্রীমহাপ্রভু চৈতন্য-দেবের জীবনী লইয়া অমিয়-নিমাই-চরিত লিখিয়া রাখিয়া গিয়াছেন, সেই আদর্শে বা তাহারও উৎকর্ষ-সাধন করিয়া মূল শ্লোকের মর্মমাত্র গ্রহণ করতঃ যদি শিক্ষিত জনগণের মধ্যে কেহ কেহ পুরাণ-বর্ণিত বিষয়গুলি স্থলিত, সুবোধ্য, স্বচ্ছ বাঙ্গালায় লিখিয়া প্রচার করেন, তাহা হইলে কালে বোধ হয় তাঁহারা এবং বাঙ্গালী জাতিটা লাভবান হইতে পারে। দীনেশ বাবু প্রভৃতি প্রণীত প্রাচীন বা বাঙ্গালা পৌরাণিক গল্পগুলি শিশুরজন হইলেও পাঠের তৃষ্ণায় লোকে এখন এত কাতর যে, প্রৌঢ় লোকেরাও ঐ সকল পুস্তকপাঠে আসক্তি প্রদর্শন করিয়া থাকেন। নিখিল রায়ের পছান্দসারী ঐতিহাসিক কাহিনী-লেখকগণের পুস্তকগুলিও সংস্করণের পর সংস্করণ বিকাইয়া যায়। স্থানীয় ইতিহাস—লেখকগণের মধ্যে সকলের লেখনী তেমন সরস না হইলেও ক্রেতার অভাবে কোন-খানিই পোকায় কাটে না। আফ্রিক, সাপ্তাহিক, মাসিক প্রভৃতি পত্রিকার জন্ম-তালিকা দেখিয়া বুঝা যায় যে, পাঠের পিপাসা বাঙ্গালী নরনারী, বাঙ্গালী ইতর-ভদ্রের মনে কত তীব্রভাবে জাগিয়া উঠিয়াছে। তৃষ্ণার প্রকোপে তাহারা গঙ্গার জল না পাইলে খালের জল, পুকুরের জল, বিলের জল, ডোবার জল, এমন কি, পঙ্কিল পয়ঃপ্রণালীর জল পর্য্যন্ত পান করিয়া ফেলিতেছে। পানীয় জলের জন্ত যেমন আমাদের বাঙ্গালাদেশ এই নিরাশের তাপে হা হা করিয়া উঠে, অভাবের প্রথর তাপতপ্ত জীবনে বাঙ্গালী-ও তেমনই আকুল পিপাসায় সাহিত্যের সুধারসে শুষ্ককণ্ঠ সরস করিবার জন্ত অতি কাতর হইয়া উঠিয়াছে।

এই সভাস্থলে সমাগত বা অনাগতদের মধ্যে এমন বিদ্বান, এমন চিন্তাশীল, এমন ভাব-প্রবণ সরস-হৃদয় সুধী অনেকেই আছেন—যাঁহারা একটু ঔদাস্য, একটু অভিমান, একটু বা হোক হোগ্গে ভাব পরিত্যগ করিলে বাঙ্গালার সাহিত্য, বাঙ্গালার কাব্য, বাঙ্গালার বিজ্ঞান, বাঙ্গালার দর্শন, বাঙ্গালার ইতিহাস ভাষার মাধুর্যে, ভাবের ঐশ্বর্যে ভূষিত

করিয়া তৃষ্ণাতুর বাঙ্গালীকে মিষ্ট পানীয় প্রদান করিতে অনায়াসে সমর্থ হইবেন। তরুণ মনোরঞ্জন অস্তুত গল্পের ছলে 'জুলভার্গ' যেমন বিজ্ঞানের ছবি কবির আসনে বসিয়া লিখিয়া রাখিয়া গিয়াছেন, নিশ্চয়ই আমার দেশের মধ্যে তেমনই প্রতিভাসম্পন্ন লোক বিদ্যমান আছেন। কিন্তু হয় তাঁহাদের মনে এ কথা উদয় হয় নাই, নয় অগ্রাহ্য করিয়া এই সত্য দেশ-হিতসাধনে অগ্রসর হইবেন নাই। আজ যদি রামেন্দ্রসুন্দর জীবিত থাকিতেন, আমি তাঁহার পায়ে মাথা লুটাইয়া বলিতাম, "বাবা, তোমার প্রাণ আছে, শক্তি আছে, ভাব আছে, ভাষা আছে, আমাদের ছেলেদের জন্ত এক-খানা বই দিবে যাও—যাহাতে তাহারা রূপকথা শুনিতে শুনিতে বিজ্ঞান শিখিয়া লইতে পারে।"

যদি উপন্যাসের মত উপন্যাস হয়, তবে ঐ এক উপন্যাস-পাঠ হইতেই কিশোর-কোমল মনে ভূগোল, ইতিহাস ও বিবিধ বিজ্ঞান পাঠের প্রবৃত্তি জাগ্রত হয়। 'ডুমার' নভেল পাঠ করিয়াই প্রথমে ফ্রান্সের ইতিহাস, তাহা হইতেই ইংলণ্ডের ইতিহাস, রোমের ইতিহাস, ভারতবর্ষের ইতিহাস প্রভৃতি পাঠ করিবার আগ্রহ আমার মনে জন্মিয়াছিল। চন্দ্রশেখর পাঠ করিয়া-ই আমি যে একলা হুপ্রাপ্য সারের মুতাকরীণ ক্রয় করিবার উদ্দেশ্যে অশেষপাণে পাগল হইয়া উঠি, তাহা নহে, বঙ্কিমবাবু ও রমেশবাবু প্রণীত উপন্যাস পাঠ করিয়া তখনকার বহু বাঙ্গালী যুবকের মনে ইতিহাস পড়িবার প্রবৃত্তি জাগিয়া উঠে।

যেমন সুশিক্ষিতা মাতা কড়িগাছের গল্প বলিতে বলিতে সমগ্র শঙ্খ-শাস্ত্রের আভাসটা নিজ ক্রোড়স্থ শিশুর প্রাণে প্রবেশ করাইয়া দিতে পারেন, তেমনই নিপুণ গ্রন্থকার একা কুলীন ব্রাহ্মণ-কণ্ঠার গল্প ফাঁদিয়া সমস্ত সেন-বংশের ইতিহাসটা পাঠককে ফাঁকি দিয়া শুনাইয়া দিতে পারেন 'দত্তদের বাঁশঝাড়ে একটা যে বেঙ্গদত্তি ছিল, সে রো দুপুর রাতে খড়ম পায়ে দিবে'—বলে আরম্ভ করে এক ভূতের গল্পের ছলে কোশলী লেখক পাঠককে বংশ উদ্ভিদত্ত্ব, উপকারিতা এবং বংশ-শিল্পের সাহায্যে কৌ হইতে কাগজ পর্য্যন্ত প্রস্তুত করিয়া নিজের অনার্দ্রজনের দেশের ধন-বৃদ্ধির পথ দেখাইয়া দিতে পারেন।

ভাষা বিরূপ হওয়া উচিত, এ তর্কের মীমাংসা এখ হইবে নাই এবং শেষ মীমাংসা যে কখনও হইতে পারে, এ

মনে হয় না। আজ যাহা নূতন, কাল তাহা পুরাতন; আজ যাহা যথেষ্ট, কাল তাহা অকিঞ্চিৎ; আজ যাহা যৌবনের ছটা-ষটায় মনোমোহিনী, বৎসর কয়েক পরেই তাহা জরার জীর্ণ আধার। আবার অতি ব্যবহারে ভাষার মৌলিক গৌরব হ্রাস হইয়া যায়; অতি সরল, সহজ, নির্দোষ কথা-ও নষ্ট-শিষ্টতা ইত্যর প্রাপ্ত হয়। রমণীয়, মহামহিম, অলৌকিক, বিরাট, প্রভৃতি বাঙ্গালা কথার এখন আর কোনও মূল্য নাই। সম্রাট শব্দটিও ক্রমে হিংচে-কল্মী-শড়শড়ির মত পাস্তাভাতের সঙ্গে মিশিয়া মাথার মুকুট হারাইতে বসিয়াছে।

যে বঙ্কিমচন্দ্রের ভাষা-জুড়াংনা-জলে স্নান করিয়া বাঙ্গালী কয়েক বৎসরমাত্র পূর্বে স্বর্গের স্নিগ্ধতাল্লাভে পুলকিত হইত, সেই বঙ্কিমের ধারার প্রতিও নবাবঙ্গের অমুরাগ যেন ক্রমে কমিয়া আসিতেছে।

কৃষককুটারে ও গৃহস্থের অস্থঃপুরে মুদিত পুস্তক প্রবেশ করার কারণ ভাষাসুন্দরীকেও "কর্তকটা গয়নাগাটা খুলিয়া মোটা শাড়ী পরিয়া এ জিলা ও জিলা ঘুরিতে হয়; পাঠক-পাঠিকার সহজ বোধগম্য হইবে বলিয়া তাঁহাকে কোথায় বা বলিতে হয় "চাহিদা", কোথায় 'ক'রলুম', কোথায় 'বলল', কোথায় 'চললাম', কোথায় বা 'বাঁটা', কোথাও বা 'পিছে।'

আর এক মুষ্টি পড়া গেছে, সাহিত্য-জীবনে অন-প্রাশন হবার পরেই কতকগুলি লেখকের মনে এমনি এক রকম হয়ে যায় যে, তাঁরা রবি-বাবু-টাণ্ডা গোছ এমনি একটা কি হয়ে পড়েছেন; "তাঁদের দলিতা ঘরের মধ্যে প্রবেশ করে ঝড়ের বেগে, লুটিয়ে তার লজ্জামাথা আঁচল-খানি জোছনার ফাঁকটুকুতে" "তাঁদের যতী হুম্ হুম্ করে সিঁড়ি কটা নেবে গিয়ে বোঁঠানের পায়ে কাছ ধুপুং করে ব'সে প'ড়ে সেই মাতৃমাখন-মাখানো মু'খানি পানে ফ্যাল ফ্যাল করে চেয়ে থাকে, অবাক হয়ে, দেখে না সে চোখ নামিয়ে যে, সামনে রয়েছে বাঁটা—ছধের।"

• রবিবাবু ক-য়ে দীর্ঘ-ঈকার দিয়ে কি লিখলেন, অমনি কত লোকের কলম চললো বায়ে রোথকে! কাব্যজগতে রবিবাবুকে দেবাবতার ব'লে তোষামোদ করা হয় না। অবতারেরা লীলা করেন, লীলা করিবার কাঁহাদিগের অধিকার আছে, লীলা খালি ক-য়ে দীর্ঘ-ঈকারেই শেষ হয়

না; জগৎ-জাগানো জীবনীশক্তি ধীর পদাবলীতে আছে, একটা ইকার উকারের হৃদয়দীর্ঘের জুড় ব্যাকরণের চরণে তিনি নাই বা লুটাইলেন, যখন অবতারের শক্তিতে একটা ক'ড়ে আঙুলে গোবর্দ্ধন গিরি ধারণ করিতে পারিবে, তখন বজ্রহরণ করিতে আসিও, দেবতা জানে অন্দরের দ্বার তোমার জুড় খুলিয়া দিব; নইলে রবিবাবু ক-য়ে দীর্ঘ ঈ দিলেন বলিয়া আমিও যদি তাই দিতে যাই, তাহা হইলে লোকে যে ছ-য়ে দীর্ঘ ঈকার দিয়া আমাকে ছী ছী করিবে। ভাষার সৌন্দর্য রাখ, স্বচ্ছতা রাখ, অঙ্গমোষ্ঠব বজায় রাখ, তার পর শক্তি থাকে, তাকে যেমন সাজে সাজালে মানায়, তেমনি সাজে সাজিয়ে সমাজে বার কর, নইলে পিঠে কুঁজ চড়িয়ে, গাল বেঁকিয়ে দিয়ে, হাত-পা মিটকে একটা নূতন কিছু ক'লেই নূতন করা হয় না। আমি জানি না, নিজেও হয় ত কত সময়ে এই দোষে দোষ হইয়াছে, হয়ে থাকি, আপনারা নিশ্চয়ই আমায় কান ম'লে দিতে পারেন।

আর একটি বিষয়ে গুটিকতক কথা বলিয়াই আমি আপনাদিগকে বন্ধনা হইতে মুক্তি দিব। ফোঁজদারী নাম্নার অভিযুক্তের উকাল নিজের মক্কেলের রক্ষার্থে যেন alibi (স্থানান্তরে অবস্থিতি) ও insanity (উগাদ অবস্থা) রূপ দুইটি ব্রহ্মাস্ত্র প্রয়োগ করিতে প্রয়াস পান, সেইরূপ আজকাল কোন পুস্তকের শীলতার অভাব সন্দেহে নালিশ করু হইলে ঐ লেখকের উকীগণ art (কল) বা Psychology (মনস্তত্ত্ব) রূপে আপত্তিনামা আদালতে দাখিল করেন। এই art রূপ মহোঁষধিটি অতুপানভেদে ভিন্ন ভিন্ন ধাতুতে ভিন্ন ভিন্ন রোগে ভিন্ন ভিন্ন কল প্রদান করে। যে আর্টের শক্তি সূচক নিপিকর প্রস্তুত করে, সেই আর্টের কোশলেই আবার জালিয়াৎ তৈয়ার হয়, চব্বসের চাবি বেমালুন খুলিয়া লোহার সিন্দুক হইতে অলঙ্কার অপহরণ করিবার যন্ত্র যে মহাপুরুষ সৃষ্টি করিতে পারে, সে বড় সোজা আর্টিষ্ট নহে। যে বায়ুর অবস্থান আলোকের প্রাণ, সেই বায়ু একটু জোরে বহিলে প্রদীপ নিভাইয়া দেয়, আবার ওই বায়ুর স্রোতই যন্ত্রসাহায্যে অধিকতর বলে প্রয়োগ করিয়া কৰ্মকার লোহা গলাইয়া লয়। আর্টের শক্তি সকলের ধাতুতে সমান মাত্রায় সহ হয় না বলিয়াই বড় বড় চিত্রকরতা তাঁহাদের ষ্টিডিয়োকে

Sanctum Sanctorum করিয়া রাখেন; বাহ্যভ্যন্তর-
শুচিসম্পন্ন লোক ভিন্ন অত্র কেহ তাঁহাদের সেই পূজাগৃহে
প্রবেশ করিতে পার না। কাব্যকার, চিত্রকর, ভাস্করাদির
কলাশক্তি বিকাশের চরম উদ্দেশ্য—সৌন্দর্য্য-সৃষ্টি; কিন্তু
রক্ত-মাংসের দেহ লইয়া কয় জন পুরুষের এত শক্তি আছে
যে, যুবতীর অনাবৃত অবয়বের সৌন্দর্য্যের প্রতি লালসামগ্ন
নয়নে ভক্তিবিস্বলচিত্তে চাহিয়া থাকিতে পারে? অধিকাংশ
লোকই পারে না, তাই যে পয়োধর শব্দ গর্ভ-
ধারিণী জননীর সন্তান-পোষণকারী প্রত্যঙ্গের প্রতি মান
প্রযুক্ত্য, বিলাসীর করে সেই পয়োধরের অবমাননা দেখিয়াই
শিষ্ট সাহিত্যিকগণ অধুনা ওই শব্দের ব্যবহার প্রত্যাহার
করিয়াছেন; পুরুষের মানসিক দৌর্ভাগ্যই মা'কে বৃকে
কাঁপড় টানিয়া দিতে শিখাইয়াছে। যাহারা দেবতার
নৈরন্তরের কলাকে বিলাসের বেশে সাজাইয়া বাজারে বাহির
করেন, তাঁহারা-ও পয়োধর নিতম্বাদি কথা কেহ মুদ্রিত
অঙ্করে প্রকাশিত করিলে তাহা রূচ-বিরুদ্ধ বলিয়া থাকেন।

শুনিয়াছি, বড় বড় কলাবিদেরা বলেন, সৌন্দর্য্য সৃষ্টি
তাঁহাদের সাধনা, তাঁহাদের জীবনের ব্রত, নীতির সহিত
তাঁহাদের কোন সম্পর্ক নাই। ইহার উত্তরে আমি এই
পর্য্যন্ত বলিতে পারি যে, যিনি সুস্থ, সবল, তীব্র জালক শক্তি

যাহার জঠরের অনলকে জাগাইয়া রাখিয়াছে, তিনি তাঁহার
নিজের বাড়ীতে বসিয়া বিবিধ অল্পপদার্থের সাহায্যে যত
দূর ইচ্ছা রসনার তৃপ্তসাধন করিতে পারেন; কিন্তু কাশ্মীরী
চাটিতে চাটিতে হাঁসপাতালের জরগ্রস্ত রোগীর বিভাগে
বেড়াইবার তাঁহার কোন অধিকার নাই। দেহ-বোধ-বিহীন
শ্রীমৎ পরমহংস তৈলঙ্গ স্বামীকেও কেহ কখন বারানসীর
চকের গথে নগ্ন মূর্তিতে দর্শন দিতে দেখে নাই।

সমাগত সজ্জনগণ! আমার আজিকার এই রাচালতা
ক্ষমা করিবেন; অজ্ঞতার দৌর্ভাগ্য, বিচার-বুদ্ধির দোষ,
পরামর্শ দিবার অভিমান আপনাদিগের মহত্ত্বগুণে সহিষ্ণু
হইয়া সহ্য করিবেন; বিশ্বাস করিবেন, এই প্রাচীরের অভি-
সাঁন্ধ মন্দ নহে; আর বিশ্বাস করিবেন যে, সাহিত্যের
শক্তির সম্মুখে তরবারি অবনত, বারুদ শক্তিহারা, কামানের
গোলা নিঃশব্দ—রাজার মুকুটও সাহিত্যের শক্তির সম্মুখে
নত হইয়া পড়ে। বঙ্গ-বিজয় ইংরাজ পলাশী-ক্ষেত্রে করেন
নাই; ইংরাজের কাছে বাঙ্গালী পরাজিত হইয়াছিল হিন্দু
কলেজের হলে। *

শ্রীঅমৃতলাল বসু।

* বীরভদ্র বঙ্গীয় সাহিত্য-সম্মিলনের সম্মুখে অধিবেশনে পঠিত।

সুপ্তির সৌন্দর্য

প্রিয়া গুয়ে আছে—দেহ-বল্লরী
অঞ্চল দিয়ে ঢাকী,
ভাল্লা-অলস আঁখি-পল্লব
স্বপন-কুহেলি-মাথা।
হাস্ত-জড়িত গোলাপী অধর
আধেক রয়েছে খোলা,
দাড়িম ফেটেছে;—দানাগুলি তার
হয় নি এখনো তোলা!
কুঞ্চিত ঘন এলো-কেশদাম;
নবনীত তনু-পাশে,
হাজার বাতির ঝলকিছে আলো;
নয়ন ধাঁধিয়া আসে!

অস্তর শাঁধু-ভরা, ভাদরের
ফসল নদীর ধার;
উছলিত ঢেউ টুটে লুটে পড়ি
বৃকে মুখে বার বার।
বাতায়ন-পথে তরল জ্যোছনা
কখন এসেছে চূপে!—
হরণ করিতে প্রিয়ারে আমার
ভুবন-ভোলানো রূপে!
জড়িয়ে গিয়েছে অঙ্গে অঙ্গে
খুলিতে পারে না আর,
রূপ বাধা দেখি অপরূপ মাঝে!—
এ কি রে চমৎকার!

শ্রীঅমৃতনাথ লাহিড়ী



অর্থের সদ্যবহার

মার্কিন দেশে ধনবানের সংখ্যা বড় অধিক, বোধ হয়, জগতে তত কোথাও নাই। মার্কিন দেশের ধনকুবেরদিগের মধ্যে কেহ Oil king, কেহ Steel king, কেহ Lumber king, কেহ Railroad king, এইরূপ এক এক বাবসায়ের, এক এক রাজা। মার্কিনদিগের মধ্যে অর্থোপার্জনের স্পৃহা ও আকাঙ্ক্ষা বড় বেগী, বোধ হয়, জগতে অন্য কোনও জাতির মধ্যে তত নাই। তাই জগতের লোক মার্কিন জাতিকে - Almighty Dollar বা ধনের উপাসক বলিয়া অভিহিত করিয়া থাকে।

কেবল সঞ্চয়ের জন্ত ধন উপার্জন করিলে মার্কিন ধনকুবেরগণের এই নামে অভিহিত হওয়ার আশ্রয়ের কথা নাই, কিন্তু মার্কিন ধনকুবেরগণের মধ্যে কেহ যে ধনের সদ্যবহার করেন না, এমন নহে। তাঁহার দেশের ও দেশের মঙ্গলের জন্ত অনেক ক্ষেত্রে মুক্তহস্ত হইয়া থাকেন। জগতের হিতার্থে অর্থকর অর্থোপার্জনের যে সার্থকতা আছে, তাহা সকলকেই স্বীকার করিতে হইবে।

একটি দৃষ্টান্ত উদ্ধৃত করিলে কথাটা খোলসা হইতে পারে। মিঃ লিওপোল্ড সেপ নিউইয়র্ক সহরের এক বিখ্যাত ধনকুবের। তাঁহার বয়স এক্ষণে ৮০ বৎসর। এই দীর্ঘ জীবনে তিনি প্রভূত অর্থ উপার্জন করিয়াছেন এবং সে অর্থের সদ্যবহারও করিয়াছেন। তাঁহার জীবন উপভাসের ন্যায় রোমাঞ্চকর। ৬৫ বৎসর পূর্বে মাত্র অষ্টাদশবর্ষ বয়ঃক্রমকালে মিঃ সেপ নিউইয়র্ক সহরের রাজপথে দিয়াশলাই বিক্রয় করিতে আরম্ভ করেন। তখন তাঁহার মূলধন মাত্র ১৮ সেন্ট। এই সামান্য বাবসায় হইতে তিনি কিছু কিছু সঞ্চয় করিয়া ১৮৫২ খৃষ্টাব্দে নারিকেল ও নারিকেল-ছুঙ্কের বাবসায় আরম্ভ করেন এবং ৩ বাবসায় হইতে ১ কোটি ডলার অর্জন করেন।

এই অর্থের তিনি যথেষ্ট সদ্যবহার করিয়াছেন। তিনি তাঁহার অল্পবয়স্ক কর্মচারিগণের চরিত্র-সংশোধনের উদ্দেশ্যে মুক্তহস্তে দান করিয়াছেন। তিনি প্রথমে কর্মচারিগণের মধ্যে ২২ হাজার ৯ শত ডলার বণ্টন করেন। দৃষ্টান্তরূপ উল্লেখ করা বাইতে পারে যে, তাঁহার কার্যালয়ের এক বালক কর্মচারী উহা হইতে ৫ শত ডলার, এক দ্বারপাল রুগ্না জীর জন্য ৭ শত ডলার এবং প্রধান ষ্টেনোগ্রাফার ৩ হাজার ডলার প্রাপ্ত হয়।

ইহার পর মিঃ সেপ এক সঞ্চয় করেন। তাঁহার কার্যালয়ের অল্পবয়স্ক কর্মচারীরা বাহাতে সচ্চরিত্র হইয়া দেশের মঙ্গলবিধানের উপযোগী নাগরিকে পরিণত হইতে পারে, তাহার জন্য তিনি ২৫ লক্ষ ডলার ব্যয় করিতে প্রস্তুত হইলেন। এতদ্ব্যতীত তিনি সাণ্ডে স্কুল সমূহ হইতে বালক আমদানী করিয়া নিজের কার্যপনায় কাষ দিতে লাগিলেন। কাষ দিবার সময় বালকদিগকে এইরূপে প্রতিশ্রুতি করাইয়া লইতে লাগিলেন যে, তাহারা মল্য স্বভাব প্রকৃষ্টি করিবে, মস্তপান করিবে না, দেশের আইনকানুন মানিয়া চলিবে, অন্যান্য বালকের প্রতি সদয় ও উদার ব্যবহার করিবে, কোন সত্য বা সত্য

অশিষ্টতা, উচ্ছৃঙ্খলতা বা অবাধ্যতা প্রদর্শন করিবে না, পরস্পরের মঙ্গলসাধনে অহুপ্রাণিত হইয়া, বাহাতে তাহারা ভবিষ্যতে আদর্শ স্বামী ও গৃহস্থ হইতে পারে, সেইরূপে কাষ্য করিতে অভ্যস্ত হইবে। যদি তাহারা এই প্রতিশ্রুতি পালন করে, তাহা হইলে তাহাদের দৃষ্টান্তে অহুপ্রাণিত হইয়া অন্যান্য বালকও তাহাদের মত হইবার চেষ্টা করিবে। যদি ২ বৎসর কাল বালকরা এই প্রতিশ্রুতি বর্ণে বর্ণে পালন করে, তাহা হইলে মিঃ সেপ প্রত্যেক বালককে কোনও এক বাবসায় আশ্রয়নিয়োগ করিবার সুযোগস্বরূপ ১ শত হইতে ২ শত ডলারমুদ্রা সাহায্য করিবেন। যদি এই সঞ্চয় কাষ্য পরিণত হয় এবং কয়েক জন বালকও প্রতিশ্রুতিপালনে সাক্ষ্য লাভ করে, তাহা হইলে তিনি সাহায্যের মাত্রা ক্রমশঃ বর্ধিত করিয়া দিবেন।

মিঃ সেপ এই বালকসমাজের নাম দিয়াছেন, Endeavour-Society অর্থাৎ চেষ্টা সমিতি। বালকের চরিত্র-গঠনের উদ্দেশ্যে এরূপ উত্তম অভিনব বলিলে অভ্যক্তি হয় না। প্রত্যেক দেশের ধনিসম্প্রদায়ের মধ্যে যদি এইরূপ দুই চারি জন মিঃ সেপ থাকেন, তাহা হইলে দেশের ও সমাজের কত উপকার হয়! আমাদের দেশে তথাকথিত 'শিক্ষিত' সম্প্রদায়ের মধ্যে কত বালকই যে কাষ্যভাবে বে-কার বসিয়া আছে, তাহার ইয়ত্তা করা যায় না। কে বা তাহাদের তত্ত্ব রাখে, কে বা তাহাদের সাহায্য ও সুযোগ প্রদান করে! এ দেশে রায় বাহাদুর, খাঁ বাহাদুর হইবার লোভে সরকারের 'মারকতে চ্যারিটির' খাতায় নাম লিখাইবার লোকের অভাব হয় না, কিন্তু বাহাতে দেশের দরিদ্র বে-কার অর্ধশিক্ষিত বালকগণের জীবন-সংগ্রামে প্রকৃত সুযোগ ও সহায়তা দান করা হয়, এমন ভাবে কাষ্য করিতে কোন দাতাকর্ণকে দেখা যায় না।

তুর্কী ও মসুল

মহল অঞ্চল লইয়া তুর্কী ও ইংরাজে যে মনোমালিন্যের উদ্ভব হইয়াছিল, তাহা জাতিসম্বন্ধের সিদ্ধান্তের কলে দূর হইয়াছে বলিয়া বাহারা অহুমান করেন, তাহাদের ধারণার যুক্তিযুক্ত মূলা আছে বলিয়া মনে হয় না। সত্য বটে, জাতিসম্বন্ধের বিচারে মহলের অধিকার নব-গঠিত ইরাক রাজ্যকে দেওয়া হইয়াছে। (আর ইরাককে দেওয়া হইলেই ইরাকের প্রকৃত ভাগ্য-নিরস্তা ইংরাজকে দেওয়া হইল)। সত্য বটে, বর্তমানে মহল সঞ্চয়ে তুর্কীর কোনও আপত্তির কথা রয়টারের তারের সংবাদে প্রকাশিত হইতেছে না, কিন্তু তাহা বলিয়া কেহ যেন মনে না করেন যে, মহলের ব্যাপারে যবনিকাপাত হইয়াছে। এটন বা বিশ্ববিদ্যুৎ কখনও কখনও তুর্কীভাব অবলম্বন করে বলিয়া তাহাদের অগ্নি-গর্ভ অভ্যস্ত হইতে যে কখনও অতর্কিতভাবে গৈরিক নিঃস্রাব অমিতভয়ে নির্গত হইবে না, তাহা কেহ নিশ্চিত বলিতে পারে না।

এ সম্পর্কে তুর্কীর বর্তমান ভাগ্যনিয়ন্ত্রণদিগের মৃত্যুমত অথবা তুর্কী মনুবাদপর সমূহের মৃত্যুমত আলোচনা করিলেই প্রকৃত অবস্থা জাত হওয়া বাইতে পারে।

জাতিসংঘ আগামী ২৫ বৎসর কালের জন্য ইরাকের ভাগা-নিয়ন্ত্রণের ভার (Mandate) ইংরাজের উপর অর্পণ করিয়াছেন। ইরাকের মধ্যে মসুল বিলায়েৎ অবস্থিত, সুতরাং প্রকৃতপক্ষে মসুলের উপর যে আগামী ২৫ বৎসর কাল ইংরাজের কর্তৃত্ব প্রতিষ্ঠিত থাকিবে, ইহা বলাই বাহুল্য। মসুলের তৈলের খনি মহামূল্যবান।^{১০} উহার লোভ কোনও জাতি সহজে ছাড়িতে চাহে না। বিশেষতঃ আধুনিক বৈজ্ঞানিক প্রযুক্তি যুদ্ধে তৈলের প্রয়োজন অত্যন্ত অধিক। যে জাতি যত তৈলের মালিক, সেই জাতি সেই পরিমাণে শক্তিশালী বলিয়া পরিগণিত হয়। এই হেতু তুর্কী সহজে মসুল ছাড়িবে বলিয়া মনে করা যায় না। তুর্কীর মনের কথা কি ভাবে ফুটয়া উঠিয়াছে, তাহা করটি দৃষ্টান্ত দিয়া বুঝাইতেছি।

তোয়েকিক রসীদ যে তুর্কীর এক জন বড় রাজপুরুষ। তিনি তুর্কীর বৈদেশিক সচিবের কার্যও করিয়াছেন। তিনি বেলগ্রেডের 'সার্ব' পত্র 'লিমি'র কোনও প্রতিনিধিকে বলিয়াছেন,—“আমরা মসুলের অধিকার কিছুতেই ছাড়িতে পারি না। আমি বলিতেছি, আমরা ঐ অধিকার ছাড়িতে চাহি না, আমি বলিতেছি, আমরা ঐ অধিকার ছাড়িতে পারি না। যাহাতে মসুলের উপর আমাদের সার্কভৌমত্ব অক্ষুণ্ণ থাকে এবং ইংরাজের সহিত আমাদের এ সম্বন্ধে বিবাদের অবসান হয়, এমন উপায় আছে। আমরা প্রস্তাব করিয়াছিলাম, মসুলের জনগণের মতামত লওয়া হউক,—তাহারা ইংরাজের অধীনে যাইতে চাহে, কি আমাদের অধীনে থাকিতে চাহে, তাহা অবধারণ করা হউক, কিন্তু আমাদের সে প্রস্তাব অগ্রাহ হইয়াছে। এ প্রস্তাব যদি পছন্দ না হয়, তাহা হইলে অপরপক্ষ এ বিবাদের মীমাংসার অন্য পন্থা নির্দেশ করুন। আমরা বলিষ্ঠা দিতেছি, আমরা মসুলের উপর আমাদের সার্কভৌমত্ব কখনই ত্যাগ করিব না। ইংরাজের সহিত আমাদের বিবাদের এক মসুল ছাড়া আর অন্য কারণ নাই, সুতরাং যাহাতে শান্তিতে এই বিবাদের মীমাংসা হয়, তাহাই করা উত্তম পন্থারই কর্তব্য।”

'জামহুরিয়েৎ' নামক তুর্কী সংবাদপত্র জাতিসংঘকে ইংরাজের আজ্ঞাবাহী বলিয়া বর্ণনা করিয়াছেন। এই সংবাদপত্র বলিতেছেন,—“জাতিসংঘ ইংরাজকে মসুলের কর্তৃত্বভার প্রদান করিয়া পরিচয় দিয়াছেন যে, তাহার ন্যায়, ধর্ম বা সুবিচারের মুখ চাহেন না। তাহার যে বলবানের অমুগত সেবক, তাহা এই মসুল সিদ্ধান্তেই প্রকাশ পাইয়াছে। তাহার আন্তর্জাতিক ন্যায়বিচারের মর্যাদা রক্ষা করেন নাই। যে পর্যন্ত জাতিসংঘ তুর্কীকে তাহার ন্যায্য অধিকার দিতে না পারেন, সে পর্যন্ত তাহাদের সিদ্ধান্তের কোনও মূল্য নাই বলিয়া তুর্কী বিবেচনা করিবে। যখন আমরা আমাদের জাতীয় সম্মানরক্ষার্থ সঙ্গীন ধারণ করিয়া যুদ্ধ করিয়াছিলাম এবং যুদ্ধের ফলে আদানা, কাসা, স্মার্না ও কনষ্টান্টিনোপলের উদ্ধারসাধন করিয়াছিলাম, তখনও যেমন অবস্থা, এখনও তাই। এখনও আমরা তুর্কী মসুলদেশ তুর্কী সঙ্গীনের দ্বারা উদ্ধার করিতে প্রস্তুত আছি। এই হেতু আমরা জাতিসংঘের সিদ্ধান্ত মানিয়া লইব না।”

কনষ্টান্টিনোপলের এই সংবাদপত্র পরে বলিয়াছেন, “এখন হয় ত ইংরাজ মনে করিতেছেন, মসুলের ব্যাপার মিলনাস্ত নাটকে পরিণত হইয়াছে, কিন্তু তাহার শীঘ্রই দেখিতে পাইবেন যে, উহা বিরোগাস্ত নাটকে পরিণত হইবে। যদি ইংরাজ জনসাধারণ অঙ্কের মত তাহাদের রাজনীতিকগণের নির্দেশ সমর্থন করেন, তাহা হইলে শীঘ্রই তাহার এক ভীষণ হত্যার ব্যাপার প্রত্যক্ষ করিতে বাধ্য হইবেন। ইংরাজ জনসাধারণ তাহাদের রাজনীতিকগণের বড় যন্ত্রের মন্ত্র বুঝিতে পারিতেছে না, ইহা বড়ই পরিতাপের বিষয়।”

কনষ্টান্টিনোপলের 'হামিসিয়েৎ' নামক সংবাদপত্র বলিয়াছেন,—“হয় সকল জাতিকে মেঘপাতের মত ইংরাজের নিকট মস্তক অবনত

করিতে হইবে, না হয় জগতের শান্তি সর্বদাই বিপৎসম্মুল হইয়া থাকিবে। আমরা আমাদের ন্যায্য অধিকার চাহিতেছি। ক্রমাগত প্রতীচোর দ্বারা ন্যায্য অধিকারে বঞ্চিত হইয়া প্রাচীর প্রাণ আলাতন হইয়া উঠিয়াছে। আমরা আর পররাষ্ট্রলোভুপ শক্তিগণের ক্রীড়নক হইয়া থাকিতে চাহি না। যখন সময় হইবে, তখন আমরা আমাদের কর্তব্য স্থির করিয়া লইব এবং এক মুহূর্তও আমাদের সম্বন্ধ কার্যে পরিণত করিতে বিলম্ব করিব না।”

কনষ্টান্টিনোপলের আর একখানি তুর্কী পত্র বলিয়াছেন, “ইংরাজ বড় যন্ত্রকারীরা অতর্কিতভাবে প্রাচীর এক নূতন সংগ্রাম বাধাইবার চেষ্টা করিতেছে। এই হেতু আমাদের তুর্কী সরকার নিরাপদ হইবার অভিপ্রায়ে রুসিয়ার সহিত এক সন্ধি করিয়াছেন। ইংরাজ জাতিসংঘের বিচারে নিজের মনের মত সিদ্ধান্ত লাভ করিয়াছেন। এ দিকে সকল হইয়া উঠিবার এখন আমাদের সহিত একটা রক্ষার চেষ্টা করিতেছেন। এই সম্পর্কে তাহাদের প্রথম উদ্দেশ্য,—আমাদিগকে ১ কোটি পাউণ্ড মুদ্রা কর্ত্ত দেওয়া; অবশ্য যদি আমরা ইংরাজের পণ্য ক্রয় করি। কিন্তু তুর্কী ইহাতে ভুলিবে না। ইংরাজ এক দিকে যেমন আমাদের সহিত সম্বন্ধ রক্ষা করিবার ভাণ করিতেছেন, অন্য দিকে তেমনই মসুল অঞ্চলে গোলযোগ ঘটাইবার চেষ্টা করিতেছেন। এ বিষয়ে তুর্কীর ক্ষেত্রে সকল অপরাধের বোঝা চাপাইয়া দিবার চেষ্টা চলিবে। এক দিন প্রাচীর যে একটা ভীষণ রক্তারক্তি কাণ্ড সংঘটিত হইতে পারে, তাহা অসম্ভব নহে। যদি ইংরাজ আমাদের ক্রোধের উদ্বেক করিবার মত কাণ্ড করেন, তাহাতে আমরা বিন্মিত হইব না। ইংরাজ আমাদের সীমানার ভাড়া-করা সৈন্য প্রেরণ করিয়া গোলযোগ বাধাইবার চেষ্টা করিতে পারেন। হয় ত সেই দশাদলের বিপক্ষে তুর্কী সেনাও প্রেরিত হইবে। অমনই তাহার পরদিন ইংরাজ বৈদেশিক সচিব আমাদের ক্ষেত্রে সকল দোষ চাপাইয়া জগতের লোককে আমাদের বিপক্ষে উত্তেজিত করিবার চেষ্টা করিবেন।”

রুসিয়ার সহিত তুর্কীর সন্ধির কথা যে সত্য, তাহা রুসিয়ার বৈদেশিক সচিব চিচেরিং জর্জের 'বালিনার টাগে ব্লাট' পত্রে লিখিয়াছেন ১ তাহার প্রবন্ধ হইতে কতকংশ উদ্ধৃত করিতেছি,—“তুর্কী যে যুদ্ধ করিতে চাহে না, ইহা স্বাভাবিক। কিন্তু মসুল সম্পর্কে তুর্কী সকল প্রকার ত্যাগ স্বীকার করিতে প্রস্তুত। জাতিসংঘ মসুল সম্পর্কে বিবাদের অবসান না করিয়া এক নূতন সমস্যার সৃষ্টি করিয়াছেন রুসিয়া জাতিসংঘে বোগদান করে নাই, তাহার কারণ এই যে, রুসিয়া বুঝিয়াছে, জাতিসংঘ শান্তির আকর নহে, বরং নূতন বড় যন্ত্রের লীলাক্ষেত্র। এই হেতু রুসিয়ার সহিত তুর্কীর যে সন্ধি হইয়াছে তাহাতে বিন্মিত হইবার কিছুই নাই। প্রাচীর জাতিরা তাহাদের আত্মরক্ষার জন্য যে পরস্পর সন্ধিসূত্রে আবদ্ধ হইবে, ইহা স্বাভাবিক কেন না, প্রতীচোর জাতিরা লোকার্ণোর সন্ধি স্বাক্ষর করিয়া আপনাদের আত্মরক্ষার উপায়বিধান করিয়াছে।”

সুতরাং মসুল ব্যাপারের যে শেষ যবনিকাপাত হয় নাই, তাহা স্পষ্ট বুঝা যাইতেছে। স্বার্থ ও পররাষ্ট্রলোভী সাম্রাজ্যবাদী জাতিদিগের অস্থিরজাগত হইয়া দাঁড়াইয়াছে। জগতে যত দিন এ অবস্থা অবসান না হইবে, তত দিন শত লোকার্ণো সন্ধি ও জাতিসংঘ প্রতিষ্ঠা শাস্তি প্রতিষ্ঠিত হইবে না।

জার্মানী ও মাসোলিনি

লোকার্ণোর আঁপাষ কথাবার্তায় কোন কাণ্ড হইল না, জার্মানীতে 'স্মার্টে ভুলিয়া' লওয়া হইল না। জার্মানী মিত্রশক্তি সমূহের নির্দেশন 'গোবর গুহাজল' দ্বারা তাহার পাপের প্রায়শ্চিত্ত করিয়াছে, অতএব তাহাকে জাতিসংঘের ১০ জনের এক জন করিয়া লইবার ক

উঠিয়াছিল। সবই ঠিকঠাক, শক্তিপুঞ্জের বড় দাদারা (Big brothers) তাহাকে জাতিসংঘের পংক্তিতে বসিয়া ভোজনে অনুমতি দিবেন বলিয়া হির করিলেন, এমন সময়ে হঠাৎ দক্ষিণ-আমেরিকার এক নগণ্য দেশ (ব্রাজিল) বলিয়া বসিলেন,—না, তাহা হইতে পারে না, জার্মানীর হাতের জগ এখনও শুদ্ধ হয় নাই, উহাকে 'জাতি তুলিয়া' লওয়া হইবে না। জাতিসংঘের আইনে বলে, যদি সদস্যদের মধ্যে এক জনও মত না দেন, তাহা হইলে কোন সঙ্কল্প কাণ্ডো পরিণত হইতে পারিবে না। কাণ্ডেই জার্মানীকে জাতি তুলিয়া লওয়া হইল না, লোকারণ্যের 'প্যাঙ্ক' ভাঙ্গিয়া গেল।

দক্ষিণ-আমেরিকার এই ক্ষুদ্র রাজ্য হঠাৎ 'বড় দাদাদের' অবাধা হইয়া এমন বাকিয়া দাঁড়াইল কেন, এ বিষয় লইয়া অনেক জল্পনা-কল্পনা চলিল। শেষে জানা গেল, খোঁটার জোরে খেড়া লাড়িতেছে। ব্রাজিলের পশ্চাতে 'বড় দাদাদের' এক জন ছিলেন। তাহার ইচ্ছিতে ব্রাজিল বাকিয়া দাঁড়াইয়াছে। কে ইনি? প্রকাশ পাইয়াছে, ইনি ইটালীর ডিক্টেটোর সিনর মাসোলিনি। তাহার হেতু আছে। দক্ষিণ-টাইরল প্রদেশ লইয়া জার্মানীসহ ইটালীর মাসোলিনির মনো-মালিঙ্গ ঘটয়াছিল। ইটালীয়ান চেম্বারে (পার্লিমেণ্টে) মাসোলিনি এক দিন জনসম্মুখীন হইয়া ঘোষণা করিলেন,—“Two eyes for an eye and a whole set of teeth for a tooth,—জার্মানী এক গুণ দিলে ইটালী দশ গুণ ফিরাইয়া দিতে প্রস্তুত থাকিবে।”

মাসোলিনির এই রক্তচক্ষুর কারণ কি? যুদ্ধ শুরুর হইবার পর হইতেই এই দক্ষিণ-টাইরল প্রদেশের প্রভু হইয়া জার্মানী ও ইটালীর মধ্যে মন-কষাকষি চলিয়া আসিতেছে। এই টাইরল প্রদেশ যুদ্ধের ফলে ইটালীর হস্তগত হইয়াছে। অথচ এই প্রদেশে বিস্তৃত জার্মান-ভাষাভাষী লোকের বাস। এই হেতু সকল জাতির আত্মনিয়ন্ত্রণের আহ্বানের দাবী করিয়া জার্মানী জাতিসংঘের দরবারে তাহার প্রতি এই বিষয়ে সুবিচার প্রার্থনা করিয়াছিল। এই ক্ষেত্রে জার্মান সওয়ালপত্র সমূহে খুবই আন্দোলন হইয়াছিল। মাসোলিনি তাহাতে ক্রোধে ধৈর্যচ্যুত হইয়া বলিয়াছিলেন, “জার্মানীর যেন মনে থাকে, ইটালী তাহার জাতীয় পতাকা তাহার বর্ধমান সীমানার বাহিরে লইয়া যাহেতেও প্রস্তুত, কিন্তু সীমানা হইতে নিজের অধিকারের দিকে এক চুল উঠাইয়া আনিতে সম্মত নহে।”

মাসোলিনির এই সদৃশ উক্তি জগৎ চমকিত হইয়াছিল। ইটালী জাতিসংঘের দশ জনের এক জন, সুতরাং জাতিসংঘের অনুমতি গ্রহণ না করিয়া প্রতিবেদীকে একপে ভয়প্রদর্শন করায় সকলের চমকিত হইবার কথা। জাতিসংঘ তাহা হইলে প্রহসন বাতীত কিছুই নহে, তাহার স্বপুত্র সদস্য যদি ষ্টেছানত তাহার নিদ্রিত শান্তির সর্ভ না মানে, তাহা হইলে জাতিসংঘের নির্দেশের মূলা কি, তাহার অস্তিত্বেরই বা প্রয়োজন কি? পরন্তু ইটালী শক্তিশালী ও পূর্বরূপে মশস্ত্র; জার্মানী বর্ধমান তাহা নহে, তাহার নখদস্ত্র ভগ্ন করিয়া দেওয়া হইয়াছে। সে জাতিসংঘের দরবারে বিচারপ্রার্থী হইয়াছিল, ইটালীর বিপক্ষে যুদ্ধঘোষণা করে নাই, তবে হঠাৎ ইটালীর ডিক্টেটোরের একপ আকাঙ্ক্ষার কি প্রয়োজন ছিল? সাম্রাজ্য-গর্ভে যে তাহার মূল, তাহাতে সন্দেহ নাই। জাতিসংঘ, লোকারণ্য, হেগ ট্রাইবিউনাল, ডিসার্মামেন্ট,—যত বড় বড় গালভরা কথাই আবিষ্কৃত হউক না, যত দিন এই সাম্রাজ্য-গর্ভের অস্তিত্ব অক্ষয় থাকিবে, তত দিন জগতে শান্তি স্থাপিত হইবে না।


এই সাম্রাজ্য-গর্ভের জন্ত যুরোপে শান্তি প্রতিষ্ঠা সম্ভবপর হইল

না; জার্মানীকে পাংস্ত্রয় করিয়াও করা হইল না; ইটালী এক ক্রীড়নকের মারকতে জাতিসংঘের শান্তি প্রতিষ্ঠার বাসনা বিফল করিয়া দিল। ইহাতে বিস্মিত হইবার কিছুই নাই। জাতিসংঘ অর্থেই Big Brothers বুঝায়। কেন বুঝায়, তাহা তুর্কী ও রুসিয়ার রাজনীতিকদিগের অনেক বক্তৃতায় প্রকাশ পাইয়াছে। মহল সম্পর্কে তুর্কীর মতামতের কথা অন্তর্জ উদ্ধৃত হইয়াছে। তাহা হইতেই বুঝা যায়, তুর্কী জাতিসংঘকে বিগান করে না—উহাকে প্রবল শক্তিশালী ইংরাজের ক্রীড়নক বলিয়া মনে করে। রুসিয়াও জাতিসংঘকে শান্তির অন্তরায় বলিয়া মনে করে। তাই মস্কো সহরের রুসিয়ান পত্র 'ইমভিয়েসটায়' বলিয়াছেন, “রুস-তুর্কী সন্ধি জাতিসংঘের লোকারণ্য প্যাঙ্কের বিরুদ্ধেই করা হইয়াছে। এই সন্ধির ফলে জগতে যুদ্ধের কারণ দূর হইবে, শান্তির মূল সুদৃঢ় হইবে। কেন না, লোকারণ্য প্যাঙ্কের দ্বারা প্রভূত যে প্রবল শক্তি-সম্মেলনের ভিত্তি প্রতিষ্ঠা হইতেছিল এবং বাহার কনাগে জগতে অশান্ত জাতির অধিকার ও স্বার্থ পদনলিত হইবার সম্ভাবনা ছিল, তুর্কী-রুসিয়া-সন্ধির ফলে তাহার ভয় দূর হইবে। তুর্কী, রুসিয়া, চীন ইত্যাদির সমন্বয়ে এক বিরাট United States of Asia অথবা এশিয়ার যুক্তরাজ্য গঠিত হইয়া, উঠবে, সুতরাং সহজে প্রভূত শক্তিসংঘ অধিকার প্রতিষ্ঠা-চারণ করিতে সাহসী হইবে না।”

এই পত্র পরে স্পষ্ট করিয়া বলিতেছেন,—“জাতিসংঘের বাহিরে, জাতিসংঘের ইচ্ছার বিরুদ্ধে এবং জাতিসংঘের অস্তিত্ব সংক্রমে রুসিয়ার সোভিয়েট গননিয়ন প্রাচ্য জাতিসংঘের সহিত মিলিত হইতেছে। তাহাদের উদ্দেশ্য, কাহারও স্বার্থের বা অধিকারের বিরুদ্ধে শক্তি-প্রয়োগ করা নহে, জগতের সভ্যতা ও উন্নতির অনুকূল শান্তিরক্ষা করাই তাহাদের উদ্দেশ্য। যে জাতিসংঘ আন্তর্জাতিক দয়া এবং প্রবলের দ্বারা দুর্বলের উপর অত্যাচার আচরণ অনুমোদন করিতেছে, তাহার বিপক্ষে প্রাচ্যের এই জাতিসংঘলন প্রতিষ্ঠিত হইয়াছে।”

তুর্কীর 'পাঙ্ক' নামক পত্রও ঠিক এই ভাবের অভিমত প্রকাশ করিয়াছেন। এই পত্রও বলিতেছেন,—“যে সময়ে যুরোপ প্রাচ্যের বিপক্ষে জাতিসংঘের মারকতে একসঙ্গে কাণ্ড করিতে প্রস্তুত হইতেছে, সেই সময়ে রুসিয়া-তুর্কী-সন্ধির সর্ভ স্বাক্ষরিত হইয়াছে। ইহা জাতিসংঘের অন্য় নীতির প্রতিবাদরূপে করা হইয়াছে।”

ফল কথা, যে উদ্দেশ্য জাতিসংঘ গঠিত হইয়াছে, তাহা বিফল হইয়াছে। জগতে সকল জাতি আত্মনিয়ন্ত্রণ করিতে পারে, সকল জাতির প্রতি স্ব-স্বাধীনতা,—তাহা, দেপিব্যর জন্ত জাতিসংঘ সৃষ্ট হইয়াছিল, কিন্তু জাতিসংঘ যে ভাবে এত দিন Mandate বা অনুজ্ঞাপত্র বটন করিয়া আসিয়াছেন এবং যে ভাবে দুর্বল ও প্রবলের মধ্যে ভার-তমা রক্ষা করিয়া আসিয়াছেন, তাহাতে জাতিসংঘের সুবিচার ও শান্তি-প্রতিষ্ঠার উদ্দেশ্যে দুর্বল জাতিদিগের আশ্রয় না থাকিবারই কথা। যখন প্রবল মাসোলিনি গ্রীসকে চোখ রাঙ্গাইয়া শাসাইয়াছিলেন,—“জ'মাদের ঘ'রায়া কথায় বাহিরের কাহাকেও (অর্থাৎ জাতিসংঘকে) হস্তক্ষেপ করিতে দিব না,” যখন মিশরের ব্যাপারে ব্রিটিশ-সিংহ গুরু-গভীবনাদে গঞ্জন করিয়াছিলেন,—“মিশরের ঘরোয়া কথায় কাহাকেও পাকিতে দিব না”, তখন জাতিসংঘ বেত্রাহত জীবের মত ঘরের কোণে লুকাইয়া ছিল। এখন মাসোলিনির চালে জার্মানী জাতিসংঘের মধ্যে স্থান লাভ করিতে পারিল না, ইহাতেও জাতিসংঘের উদ্দেশ্য বার্থ হইল। এ প্রকাণ্ড বেতহস্তী পুথিয়া কি ফল হইতেছে, যুরোপীয় শক্তি-পুঞ্জ তাহা বিলক্ষণ জানেন।



পেকার বাবু

চৌধুরী জমীদারদের ডিহি সুলতানপুরের নায়েব জনার্দন মিত্র ওরফে 'মিত্তিরজা' মনিষ সরকারের তহবিল তস্করু করিয়া বেকার অবস্থায় যখন গোবিন্দপুরের পৈতৃক বাড়ীতে আসিয়া 'গ্যাট' হইয়া বসিলেন, তখন তিনি সময় কাটাইবার অল্প কোন উপলক্ষের অভাবে অহিফেনের শরণাপন্ন হইলেন। কিন্তু 'কাঁচা'তে তাঁহার মন ডুবিল না; এ অল্প তিনি 'পাকা'র অর্থাৎ গুলীর পক্ষপাতী হইয়া উঠিলেন। কিন্তু এই 'পাকা' জিনিষটি এরূপ মজলিসি পদার্থ যে, ইহা একাকী ঘরের কোণে বসিয়া উপভোগ করিলে তৃপ্তিলাভ হয় না। পাঁচ সাত জনে আড্ডা করিয়া এই অপূর্ব রসের আন্বাদন গ্রহণ করিতে করিতে অর্ধ-নিমীলিত নেত্রে আকাশে কেন্দ্রা নির্মাণ করিতে না পারিলে, 'শুনিয়াছি, ইহার সম্যক্ মাধুর্য উপলব্ধি হয় না। বুদ্ধিমান্ মিত্তিরজা মুহূর্তমাত্র চিন্তা না করিয়া, যে স্থানে মোতাতের আড্ডা স্থাপন করিলেন, তাহা আমাদেরই বাসভবনের পশ্চাৎস্থিত একখানি ক্ষুদ্র খড়ের কুটার। আমাদের বাড়ী হইতে তাহার দূরত্ব দশ গজের অধিক নহে।

শ্রামাচরণ ঘোষ নামক একটি বৃদ্ধ গোপ গোবিন্দপুরের গোয়ালপাড়ায় বাস করিত; সে সঙ্গতিপন্ন চাষী গৃহস্থ ছিল। চন্দুরী ঘোষাণী তাহার পাঁচটি কন্যার অন্ততমা। সে দশ বৎসর বয়সে বিধবা হইয়াছিল। তাহার রঙ্গ কালো হইলেও একটু রূপ ছিল। শ্রামাচরণের মৃত্যুর পর সংসারে এক মাত্র চন্দুরীর অল্প কোন অভিভাবক ছিল না। তাহার অন্তান্ত ভগিনীরা সম্বা; গ্রামেই তাহাদের বিবাহ হইয়াছিল, তাহারা স্বামিগৃহে থাকিত। কেবল বিধবা চন্দুরী মাতৃগৃহে থাকিয়া ছুধ-দৈয়ের ব্যবসায় করিত। প্রথম যৌবনেই তাহার নানা প্রকার কলঙ্ক প্রচারিত হইয়াছিল। অবশেষে এক দিন সহসা সে

গোবিন্দপুর হইতে নিরুদ্দেশ হইল। তাহার অন্তর্দ্বারের পর তাহার সম্বন্ধে অনেক জনরব শুনিতে পাওয়া যাইত; তাহার কতখানি সত্য ও কতখানি মিথ্যা, কাহারও তাহা নির্ণয় করিবার সামর্থ্য ছিল না। কিন্তু বছর পাঁচেক পরে দেখা গেল—চন্দুরী ঘোষাণী ছই বৎসরের একটি পুত্র ক্রোড়ে লইয়া গ্রামে ফিরিয়া আসিল এবং গোবিন্দ মিত্তিরও চাকরী হারাইয়া তাহার ছই দিন অগ্রে বা পরে বাড়ী আসিয়া বসিলেন।

আমরা উপরে যে কুটারখানির কথা বলিয়াছি, সেই কুটারে রামী বোষ্টুমী বাস করিত। সে তাহার ভগিনীর সহিত বৃন্দাবনে যাইবার সময় কুটারখানি মিত্তিরজার নিকট বিক্রয় করিয়া গিয়াছিল। চন্দুরী ঘোষাণী এই কুটারেই সপুত্র আশ্রয়লাভ করার কার্যকারণসম্বন্ধ স্থির করিতে কাহারও সংশয়ের অবকাশ রহিল না।


আমাদের বয়স তখন নিতান্ত অল্প। আমরা এক এক দিন অপরাহ্নে চন্দুরীর কুটারের সম্মুখস্থ কুঠুরীর পিছনদিকের জানালা খুলিয়া দেখিতাম—মিত্তিরজা, তাঁহার বহু শশী ঘোষ, হারু মজুমদার, রাধু দত্ত সহ চক্রাকারে সেই কুটারের দাওয়ার বসিয়া 'মেরুদণ্ডে'র সহিত প্রেমালোকে মত্ত হইয়াছেন। তাঁহাদের মজার মজার গল্প শুনিয়া আমাদের এতই আনন্দবোধ হইত যে, দাঙাগুলী-খেলাও তাহার নিকট তুচ্ছ; এমন কি, আমার পরম আদরের যুড়ী ও নাটাই অনাদরে কাঠের সিঁদুকের এক পাশে উপেক্ষায় পড়িয়া থাকিত।

কিন্তু এক এক দিন এই গুলীর আড্ডার রসালোপ তুমুল কলহে পরিণত হইত। মিত্তিরজা ও শশী ঘোষ পরস্পরের ঐতিবেশী; উভয়ের বাড়ী মুখোমুখী; ছই বাড়ীর আঙ্গিনার মধ্যে কোন প্রাচীর বা বেড়া ছিল না।

এক দিন অপরাহ্নে গুলীর আড্ডা বেশ সরগরম হইয়া উঠিয়াছিল; পাঁচ সাতটি প্রবীণ গুলীখোর নেশায় মস্ত-শুল। শশী ঘোষ ফুডুং ফুডুং শব্দে খানিক ধূম গলাধঃকরণ করিয়া, অর্ধ-নিম্নিত নেত্রে ভারী গলায় মিত্তিরজাকে বলিল, “দেখ মিত্তিরজা, কাল শেষ রাত্তিরে ভারী এক মজার স্বপোন দেখিছি! আমার ছেলে সাতকড়ি গোয়াড়ীতে চাকরীর উমেদারীতে গিয়েছে কি না। সে যেন রাজার ‘মুক্তার’ বিপিন সরকারের সেরেস্তায় মুছরী-গিরি চাকরী পেয়েছে; বেশ দশ টাকা কামাচ্ছে। শেষ রাত্তিরের স্বপোন, ও কি মিথ্যে হবার ঘো আছে? আমি

দিয়া শশী ঘোষের মুখের দিকে আরক্ত নেত্রে চাহিয়া সক্রোধে বলিলেন, “তোমার স্বাক্ষরখানা কি রকম ঘোষজা! তোমার পাইখানা করবে কি আমার রান্নাঘরের ঠিক সামনে? ওখানে আমি তোমাকে পাইখানা করতে দিচ্ছি, আমার জান্ কবুল।”

মিত্তিরজার কথায় শশী ঘোষ চট্টয়া উঠিয়া বাজখাই আওয়াজে বলিল, “আলবৎ দেবে। তোমার ঘাড় দেবে! আমার জমীতে আমি একটার যায়গায় দশটা পাইখানা করবো; তুমি তাতে বাধা দেবার কে হে? এই দেখ— আমি পাইখানার পতন দিলাম, তোমার যা ক্যামতা



হুজনেই মাটিতে পাড়িয়া গড়াগড়ি .

মাসখানকের মধ্যেই এক লাখ ইট পুড়িয়ে পাকা ইমারত আরম্ভ ক'রে দিচ্ছি।” সে তৎক্ষণাত্ গুলীতে আগুন ধরাইবার চিম্টা দিয়া চন্দুরী ঘোষাণীর দাওয়ার উপর ঘরের নক্সা আঁকিতে আরম্ভ করিল; সঙ্গে সঙ্গে বলিল, “এই হ'লো আমার শোবার ঘর, এই দরদালান; পাশে এই সাতকড়ির শোবার ঘর, এই রান্নাঘর, আর এইট হ'লো পাইখানা।”

মিত্তিরজার নেশাও তখন পাকিয়া আসিয়াছিল। তিনি তাঁহার লম্বা নগে কয়েকটা টান দিয়া ধোঁয়া গিলিয়া স্তম্ভভাবে বসিয়া রহিলেন। তাহার পর ধোঁয়াটুকু ছাড়িয়া

থাকে কর।” বলিয়াই সে ইট গড়িবার ভঙ্গীতে সেই স্থানে এক কিল মারিল। মিত্তিরজা রুগ্নিয়া উঠিয়া বলিলেন, “তোমার পাইখানার পতন ভাল করেই লওয়াচ্ছি।” মিত্তিরজা ঘোষজার গালে বিরানী সিকা ওজনের এক চড় মারিলেন; তখন ঘোষজা তাহার হ'কার লম্বা নলটা খুলিয়া লইয়া মিত্তিরজাকে নির্দয়ভাবে ঠেঙ্গাইতে আরম্ভ করিল। শেষে হুই জনেই মাটিতে পড়িয়া গড়াগড়ি ও জড়াজড়ি।

চন্দুরীর ছেলেটা ‘বাবাকে ঘেরে ফেরে’ বলিয়া কাঁদিয়া উঠিল। চন্দুরী তাড়াতাড়ি আঁতাকুড় হইতে মুড়া

কাঁটা আনিয়া ঘোষজার অঙ্গসেবা করিতে লাগিল, তখন ঘোষজা বাড়ী অসমাপ্ত রাখিয়াই উঠিয়া পলায়ন করিল।

ইহার পর তিন দিন তাহাকে চন্দুরীর বাড়ীর আড্ডায় দেখিতে পাই নাই। কিন্তু তিন দিন পরে সে আবার গুলীর আড্ডায় যোগদান করিল। মিত্তিরজার সহিত কিরূপে তাহার সন্ধি স্থাপিত হইল, তাহা জানিতে পারি নাই।

২

মিত্তিরজা 'চন্দুরী ঘোষাণীর পুত্রকে আদর করিয়া 'কেলে-সোনা' বলিয়া ডাকিতেন। তাহার দেহের বর্ণ আল-কাতরার মত উজ্জ্বল কৃষ্ণবর্ণ বলিয়া তাহার এই নাম, কি মিত্তিরজা তাহাকে স্বর্ণের তায় মূল্যবান মনে করিতেন বলিয়া এই নামে তাহাকে অভিহিত করিতেন, তাহা আমরা কোন দিন জানিতে পারি নাই; কিন্তু গুলী সেবনের পর তিনি কোন কোন দিন কেলে সোনাকে কোলে লইয়া অটল ময়রার দোকানে উপস্থিত হইতেন, এবং নিজের জন্ত ছই পয়সার 'গুড় ছোলা' বা গুড়ে মুড়কি সংগ্রহ করিয়া, কেলে সোনাকে একটি রসগোল্লা বা এক পয়সা দামের ছ'খানি তেলে ভাজা জিলিপী কিনিয়া দিতেন। সেই সময় যদি কেহ বলিত, ছেলোটর নাম কি মিত্তির মশায়! মিত্তিরজা তৎক্ষণাৎ সর্গোরবে উত্তর দিতেন, "ওর নাম—ছিষ্টিধর। কালে ও মহা কুলীন কায়েত ব'লে নিজের পরিচয় দিতে পারবে। যার 'আজাই' (মাতামহ) শ্রামাচরণ ঘোষ আর ঠাকুরদাদা হরিনারায়ণ মিত্তির, সে যদি লেখাপড়া শিখে কায়েত না হয়, তা হ'লে দিনও মিথ্যে, রাতও মিথ্যে! লেখাপড়া শিখিয়ে ছিষ্টিধরকে মাহুষ করতে পারলে কালে ও হাকিম হবে—তা কিন্তু তোমরা দেখে নিও।"

ছিষ্টিধরের বয়স যখন পাঁচ বৎসর, সেই সময় মিত্তিরজা গুলী সেবনের পরিণামস্বরূপ রক্ত-আমাশয় রোগে মোক্ষ লাভ করিলেন। তাঁহার মৃত্যুর পর গত্যর্থ্যবনা চন্দুরী ঘোষাণীর ঘরের গুলীর আড্ডা উঠিয়া গেল; কারণ, আড্ডাটি বজায় রাখিতে হইলে চন্দুরী ও তাহার কেলে-সোনার অর্জন-বসনের ভার গ্রহণ করিতে হয়। মিত্তিরজা তাঁহার গৃহস্থালীর তৈজসপত্রাদি বিক্রয় করিয়াও এই ছইটি প্রাণীর ও আড্ডার ভার শেষ দিন পর্যন্ত বহন করিয়াছিলেন; কিন্তু তাঁহার মৃত্যুর পর তাঁহার কোন

ইয়ার-বন্ধু এই ভার গ্রহণ করিল না। এ জন্ত চন্দুরী বড়ই বিপন্ন হইয়া পড়িল। গ্রামের বিধবা ঘোষাণীরা ভিন্ন গ্রাম হইতে ছুধ কিনিয়া আনিয়া, এক সের ছুধে আধ সের জল মিশাইয়া 'নির্জলা' ছুধ বলিয়া গৃহস্থদের জোগান দিত, কেহ ছানা কাটিয়া ময়রা-দোকানে বিক্রয় করিত; কেহ কীর ও 'চাঁচি' করিয়া এক টাকার ছুধে দশ বারো



ছিষ্টিধর—কালে হাকিম হবে আনা লাভ করিত; কিন্তু চন্দুরী মিত্তিরজার গুলীর আড্ডার আড্ডাধারিণী বলিয়া খ্যাতি লাভ করায় ঘোষাণীর দলে মিশিয়া সে ব্যবসায় করিবার সুযোগ পাইল না। বিশেষতঃ শিশু পুত্রটিকে লইয়া সে একপু অসুবিধায় পড়িল যে, তাহাকে ছাড়িয়া উপার্জনের চেষ্টায় বাহির হইবে, তাহারও উপায় ছিল না। অবশেষে সে জীবিকানির্ভারের উপায়ান্তর না দেখিয়া দাস্তবৃত্তি অবলম্বন করিল। গ্রামের এণ্টেল স্কুলের হেডমাষ্টার

কুবের পাল মহাশয়ের পত্নী গভর্নোবনা চন্দ্রী ঘোষাণীকে তাঁহার অস্তঃপুরে পরিচারিকার কার্যে নিযুক্ত করিতে শঙ্কাবোধ করিলেন না, যদিও তিনি পতি-দেবতাকে তেমন বিশ্বাস করিতেন না !

হেড-মাষ্টারের ছেলেদের কাছে থাকিতে থাকিতে ছিষ্টধর ছই মাসের মধ্যে প্রথমভাগখানি শেষ করিল। তাহার পাঠানুরাগের পরিচয় পাইয়া হেড-মাষ্টার মহাশয় তাহাকে আর ছই তিনখানি কেতাব কিনিয়া দিলেন ; কয়েক মাসের মধ্যেই সে সেগুলি কণ্ঠস্থ করিয়া ফেলিল। কুবের পাল মহাশয় বুঝিতে পারিলেন, লেখাপড়া করিবার সুযোগ পাইলে ছিষ্টধর মানুষ হইতে পারিবে। চন্দ্রীও তাহার প্রভুপত্নীর নিকট আবদার আরম্ভ করিল—তাহার কেলেসোঁতাকে ইস্কুলে ভর্তি করিয়া লওয়া হউক। কুবের পাল মহাশয় পত্নীর অনুরোধ বা আদেশ উপেক্ষা করিতে পারিলেন না ; তিনি স্কুলের সম্পাদককে ধরিয়া ছিষ্টধরকে বিনা বেতনে স্কুলে ভর্তি করিয়া লইলেন। ছিষ্টধর প্রতি বৎসর বাৎসরিক পরীক্ষায় উত্তীর্ণ হইয়া উচ্চতর শ্রেণীতে ‘প্রমোশন’ পাইতে লাগিল। অবশেষে এন্ট্রেন্স পরীক্ষায় সে প্রথম বিভাগে উত্তীর্ণ হইলে, চন্দ্রী ঘোষাণীর আশা হইল, কালে হয় ত মিত্তিরজার দৈববাণী সফল হইবে ; কেলেসোঁনা বাঁচিয়া থাকিলে নিশ্চয়ই হাকিম হইবে। চন্দ্রীর যে চারিটি সহোদরা ভগিনী ছিল, তাহারা হুগু ও ছানা-কীর বিক্রয় করিত এবং তাহাদের পুত্ররা কেহ গরুর গাড়ীর গাড়োয়ানী করিত, কেহ কোন উকীল-মোক্তারের বাড়ী খানসামাগিরি করিত, কেহ বা কোন গৃহস্থের কুষণ হইয়া লাভলাভ দিয়া জমী চষিত। তাহারা যখন শুনিল, চন্দ্রীর পুত্র ছিষ্টধর লেখাপড়া শিখিয়া পাশ করিয়াছে এবং অদূর-ভবিষ্যতে তাহার হাকিম হইবার সম্ভাবনা আছে, তখন তাহাদের মনে বিলক্ষণ ঈর্ষার সঞ্চার হইল। ছিষ্টধরের মাসতুতো ভাইগুলি সন্ধ্যাকালে সঁজালের আঙনের কাছে বসিয়া তামাক টানিতে টানিতে বলাবলি করিত,—“মিত্তিরজা হ’ল ওর বাপ ; লেখাপড়া শিখবে না ত কি আমরা শিখবো ? আমাদের বাপদাদা যে বিদ্যের লারেক ছিল, আমরাও সেই বিদ্যে শিখেছি। ছিষ্টধর এখন ভদ্রের লোক, আমাদের সঙ্গে উঠতে বসতে নজ্জার ওর মাথা কাটা যায় !”—চন্দ্রীর ভগিনীরা ছানার

হাঁড়ি লইয়া ময়রার দোকানে যাইবার সময় বলাবলি করিত, “দিদির কি অদেষ্ঠ ; ও যখন ‘বেরিয়া যায়’, তখন আমরা তাকে নিত্য কালামুখী ব’লে গাল দিয়েছি ; যবে উঠতে দিই নি। আর তার ছেলে কি না আর ছ’বছর পরে হবে হাকিম ! বেরিয়া গিয়ে ওর ত ভারী ‘খেতি’ হয়েছে ! আর আমরা সতী-গিরি ফলিয়ে ত ভারী লাভ করেছি। ছিষ্টেটা মানুষ হ’লে আমাদের কখন মাসী ব’লে সুদোবেও না ; আর আমাদের ছেলেরা কি তার পায়ের কড়ে আঙ্গুলেরও ‘যুগিয়া’ হবে ? না, তার কাছে বসতে পারবে ? কুলের মুখে ছুড়ো জেলে দিয়ে বেরিয়া গিয়ে দিদির ত ভালই হয়েছে ! সতীগিরির মুখে আঙুন।”

৩

‘এন্ট্রেন্স পাশ’ করিয়া এল, এ, পড়িবার জন্ত ছিষ্টধর বড়ই ব্যাকুল হইয়া উঠিল ; কিন্তু সহরে যাইতে না পারিলে এল, এ, পড়িবার ব্যবস্থা হয় না, এবং কলেজের বেতন ও ব্যয়ভার বহন করা তাহার দরিদ্রা জননীর অসাধ্য। অগত্যা চন্দ্রী ঘোষাণী তাহার ছেলের হাকিম হইবার আশা ত্যাগ করিল, এবং তাহার ভগিনী ও ভগিনীপুত্ররা কতকটা আশ্রয় হইয়া বলিল, “হাঁ, ছিষ্টে আবার হাকিম হবে, যা নয় তাই ! ওর তাঁতিকুল বোষ্টম-কুল ছই-ই গ্যালো !”

এই সময় হেড-মাষ্টার কুবের পাল হঠাৎ তিন দিনের অরে ‘হার্টফেল’ করিয়া প্রাণত্যাগ করায় চন্দ্রী ঘোষাণীর চাকরীটুকুও গেল। চাকরী হারাইয়া সে আমাদের বাড়ীর পাশের সেই ক্ষুদ্র ও জীর্ণ কুটীয়ে আশ্রয় লইল বটে, কিন্তু চাকরীর চেষ্টায় ক্রমাগত ঘূরিতে লাগিল। কয়েক সপ্তাহ পরে ছুটার পর গোবিন্দপুরে তিন বৎসরের পুরাতন মুন্সেফের পরিবর্তে এক জন নূতন মুন্সেফ আসিয়া আদালতের এজলাস অধিকার করিলেন। চন্দ্রী ঘোষাণী তাঁহার বাসায় পরিচারিকা নিযুক্ত হইল।

মুন্সেফ ভবতারণ বাবুর তিনটি পুত্র ; সকলেরই তখন বয়স অল্প। তিনি কার্যভার গ্রহণ করিয়াই ছেলে তিনটিকে গোবিন্দপুরের এন্ট্রেন্স স্কুলে ভর্তি করিয়া দিলেন। তাঁহার ছেলেদের জন্ত এক জন গৃহশিক্ষকের প্রয়োজনীয়তা বুঝিয়া অল্প বেতনে একটি অভিজ্ঞ শিক্ষক সংগ্রহ করিবার জন্ত তিনি নূতন হেড-মাষ্টারকে অনুরোধ করিলেন। চন্দ্রী ঘোষাণী এই সুযোগ ত্যাগ করিল না ; সে মুন্সেফ-গৃহিণীকে



প্রতীক্ষায়

[শিল্পী—শ্রীহরেকৃষ্ণ সাহা ।

ধরিয়া বসিল—তাহার ছেলেকে এই চাকরী দিলে সে ছেলে তিনটিকে খুব বড় করিয়া পড়াইবে। অল্পবেতনে বাহিরের লোক দিয়া তেমন ফল পাওয়া যাইবে না। পরিচারিকার পুত্র তাহার ছেলেদের গৃহশিক্ষক হইবে ও নিয়া মুন্সেফ-গৃহিণী মুখ বাঁকাইলেন, এবং পরিচারিকার এই ধৃষ্টতার কথা স্বামীর নিকট বলিবার লোভ সংবরণ করিতে পারিলেন না; কিন্তু তাহার ফল অন্তরকম হইল।

ভবতারণ বাবু তাহার ছেলেদের জন্ত একটি 'প্রাইভেট টিউটার' সংগ্রহের জন্ত চেষ্ঠার ক্রটি করেন নাই। ছেলে তিনটির শিক্ষার প্রতি তাহার নৃষ্টিপাতের অবসর ছিল না। আদালতে তিনি যে সকল মামলা করিতেন, সকালে ও রাত্ৰিতে সেই সকল মামলার রায় লিখিতেন; ছেলে তিনটির পাঠ কখন বলিয়া দিবে?—অথচ তিনটি ছেলেকে সকালে বা সন্ধ্যার পর দুই ঘণ্টা মাত্র পড়াইতে কেহই মাসিক পনের টাকার কম বেতনে রাজী হয় না! এরূপ অধিক বেতন দিয়া মাষ্টার নিযুক্ত করা অসাধ্য মনে করিয়া তিনি হতাশ হইয়াছিলেন; এমন সময় গৃহিণী তাহার দাসীর ধৃষ্টতার পরিচয় দিলে তিনি কোন মন্তব্য প্রকাশ করিলেন না; পরদিন প্রভাতে ছিষ্টধরকে ডাকিয়া তাহার যোগ্যতা পরীক্ষা করিবার জন্ত কৃতসঙ্কল্প হইলেন।

মুন্সেফ-গৃহিণী স্বামীর মনের ভাব বুঝিতে পারিয়া তাহার বাঁশীর মত নাসিকা পূর্বাপেক্ষা অধিকতর সঙ্কুচিত করিয়া বলিলেন, “ও মা, কি বেগ্নার কথা! ঐ গয়লা মাগীর ছেলে আমার ছেলেদের মাষ্টারী করবে? তুমি কেপেছ না কি?”

মুন্সেফ বাবু হাসিয়া বলিলেন, “অত খাপ্পা হচ্ছে কেন? 'দৈবায়ত্ত কুলে জন্ম,'—কত ইতর বংশের ছেলে যে এখন ডেপুটী মুন্সেফ হচ্ছে। ছোঁড়া যদি পড়াতে পারে, বুঝে শূজে তাকেই ও কায়ে বাহাল করবো। আরও দেখ, অল্প লোক পনের টাকার কমে রাজী হচ্ছে না; আর ছোঁড়া যদি ৩।৫ টাকা নিয়ে সকালে ও রাত্ৰিতে চার পাঁচ ঘণ্টা পড়ায়, তাতে আপত্তি কি?”

পনের টাকার স্থলে চারি পাঁচ টাকায় মাষ্টার পাওয়া যাইবে ও নিয়া মুন্সেফ-পত্নীর নাসিকা স্বাভাবিক অবস্থা পুনঃপ্রাপ্ত হইল; মাসে দশ এগারটি টাকা বাঁচিয়া যাইবে বুঝিয়া তাহার সকল আপত্তি মুহূর্ত্তে অন্তর্হিত হইল।

পরদিন প্রভাতে ছিষ্টধর মুন্সেফ বাবুর আস্থানে তাহার

সহিত দেখা করিল। ভবতারণ বাবু তাহাকে দুই চারিটি প্রশ্ন করিয়া বুঝিতে পারিলেন, তাহার দ্বারা কায ভালই চলিবে। স্থির হইল, সে মুন্সেফ বাবুর ছেলে তিনটিকে সকালে আড়াই ঘণ্টা ও রাত্ৰিকালে তিন ঘণ্টা পড়াইবে; দুই বেলা তাহার বাগায় খাইতে পাইবে এবং মাসিক চারি টাকা বেতন পাইবে। ভবিষ্যৎ চিন্তা করিয়া ছিষ্টধর এই প্রস্তাবে সন্মত হইল, এবং প্রতিমাসে বেতন পাইলে মায়ের উপদেশে বিবাহের জন্ত সে তিন টাকা হিসাবে 'সেভিংস ব্যাঙ্কে' জমাইতে লাগিল।

এক বৎসর পরে মুন্সেফ বাবুর তিনটি ছেলেই বাৎসরিক পরীক্ষায় উচ্চস্থান অধিকার করিয়া উচ্চতর শ্রেণীতে 'প্রমোশন' পাইল। মুন্সেফ বাবু ছিষ্টধরের শিক্ষকতা কার্যের সাফল্য দর্শনে সন্তুষ্ট হইয়া বলিলেন, “ছিষ্টধর, তুমি কি বকশিস চাও, বল।”

ছিষ্টধর হাত ঘোড় করিয়া বলিল, “হজুর! দয়া করে আমাকে আদালতের একটি আমলাগিরি দিলে এ গরীবের বড়ই উপকার হয়। আমার ছ চাকরী-বাকরী নেই; ছজুর ভিন্ন আমার মুকুব্বীও নেই। ছজুরের আশ্রয়েই আছি, ছজুর যা করেন।”

‘মুন্সেফ বাবু জানিতেন, তাহার আদালতে কোন আমলাকে বাহাল-বরতরফ করিবার অধিকার তাহার নাই, সে অধিকার জজ সাহেবের। বিশেষতঃ তখন আদালতে কোন চাকরী খালি ছিল না এবং খালি হইলেও বাহিরের লোককে সেই কায়ে নিযুক্ত করিবার নিয়ম ছিল না। চাকরী খালি হইলে আদালতের 'এপ্রিণ্টস'-গণই জজ সাহেবের আদেশে সেই পদে নিযুক্ত হইত। এ জন্ত মুন্সেফ বাবু জজ সাহেবকে লিখিয়া ছিষ্টধরকে তাহার আদালতে 'তায়েন-নবীশ' (এপ্রিণ্টস) নিযুক্ত করিলেন।

আদালতে মামলা-মোকদ্দমা বেশী হইলে 'নকল সেরেস্তা'য় কায করিবার জন্ত মধ্য মধ্য অতিরিক্ত নকলনবীশ লওয়া হইত। সেরেস্তাদার মুন্সেফ বাবুর ইচ্ছিতে সুযোগ পাইলেই ছিষ্টধরকে নকলনবীশ করিতে দিতেন। এই কার্যে ছিষ্টধর পনের কুড়ি টাকা এক মাসেই উপার্জন করিত। ছিষ্টধরের মা দেখিল, ছেলে হাকিম না হউক, হাকিমের কাছাকাছি গিয়াছে। তাহার আনন্দের সীমা

রহিল না। ছিষ্টিধরও বিস্ময় উৎসাহে মুন্সেফ বাবুর ছেলেদিগকে বিজ্ঞান করিতে লাগিল।

এক বৎসর পরে গোবিন্দপুরের মুন্সেফী আদালতে নায়েব-নাজীরের পদ খালি হইল। ভবতারণ বাবু জানিতেন, জজ সাহেবের নাজীর যে নোট দিবেন, তাহার উপর নির্ভর করিয়াই সদর ও মফস্বলের আদালতের এপ্রেন্টিসের দল হইতে এই পদের জন্য লোক লওয়া হইবে। জজের নাজীরটি মুন্সেফ ভবতারণ বাবুর আস্থায় ছিলেন; এ জন্য নাজীর বাবুর ‘নোটে’ ছিষ্টিধরই এপ্রেন্টিস-গণের মধ্যে যোগ্যতম প্রার্থী বলিয়া প্রশংসিত হইল।

জজ সাহেবের আদেশে ছিষ্টিধর গোবিন্দপুরের মুন্সেফী আদালতে ‘নায়েব-নাজীরের’ পদে নিযুক্ত হইল। এই সংবাদে—গোবিন্দপুরের গোয়ালাদের মধ্যে মহা আন্দোলন উপস্থিত হইল। ছিষ্টিধরের মাসীরা বলিতে লাগিল, “চন্দুরীর কি অদেষ্ঠ! যদি সে বিধ্বে হয়ে ঘরে থাকত, তা হ’লে আমাদের মতন গর্তর খাটিয়ে, ছুধ-ছানা বেচেই হাড় কখানা মাটা করতো। ভাগ্যে সে মিত্তিরজার স্ননজরে পড়েছিল, তাই ছেলে হতকে স্নখের মুখ দেখলে। এখন সে ঠ্যাংএর ওপর ঠ্যাং দিয়ে বস্ত্রে রাজার হালে ব্যাটার সোজগার খাবে। আর আমরা কি অদেষ্ঠ নিয়েই এসেলাম! নিত্য তিন কোরোশ থেকে ছুধের কেঁড়ে বইতে বইতে জানটা গ্যালো! যাদের প্যাটে ধরেনাম, তারা মানুষ হ’লো হুকু ছিল কি?”

ছিষ্টিধরের মাসতুতো ভাই ব্রাপলা তাহার মাতার আক্ষেপ শুনিয়া বলিল, “হঃ, ছিষ্টি হাকিম হ’তে না পারুক, হাকিমের নাজীর হয়েছে ত! স্নমুন্দির ঠ্যাকার কতো! আমাদের সঙ্গে কতা কইতে ঘেঞ্জা হয়। বেজাতক কি কখন ভদোর নোক হয় মা! তা আমরা করি কুশাগী, চরাই গরু, আর ছিষ্টে মানুষ চরায়—ওর গিদের ত হতেই পারে।”

ছিষ্টিধর নায়েব-নাজীরের চাকরীতে বাহাল হইয়াছে শুনিয়া তাহার মা চন্দুরী লোষণী যেন আকাশের চাঁদ হাতে গাইল! ছিষ্টিধর বড় মাতৃভক্ত। সে প্রথম মাসের বেতন কুড়ি টাকা পাইয়া মায়ের পায়ের কাছে টাকাগুলি রাখিয়া তাহাকে প্রণাম করিল। মিত্তিরজা তত দিন বাঁচিয়া থাকিলে বোধ হয় মনের আনন্দে কুড়ি ‘ছিটে’ গুলী এক আসনে বসিয়া টানিতেন এবং গ্রামের সকল গুলীখোরকে নিমন্ত্রণ

করিয়া পেট ভরিয়া গুলী খাওয়াইতেন; কিন্তু বহু দিন পূর্বে তাহার মৃত্যু হওয়ায় এই উপলক্ষে অনেকগুলি পেয়ারাগাছ নিষ্পত্র হইবার সুযোগে বঞ্চিত হইল!

ছিষ্টিধরের মা টাকাগুলির সন্ধ্যাবহার করিল। সে জোড়া পাঁঠা ও জোড়া ঢাক দিয়া সর্কমঙ্গলার পূজা করিল। নাজীর জানকী বাবুর বাসায় প্রসাদী পাঁঠার মাংসের সহিত পলাশের ব্যবস্থা হইল। ছিষ্টিধর মুন্সেফী আদালতের সকল আমলাকে মহামায়ার প্রসাদ গ্রহণের জন্য নিমন্ত্রণ করিল; কেহই তাহার নিমন্ত্রণ প্রত্যাখ্যান করিল না। এমন কি, তাহার মুকুব্বী মুন্সেফ বাবুও প্রসন্নমনে সেই রাজিতে নাজীর বাবুর গৃহে পদার্পণ করিয়া ছিষ্টিধরকে ধন্য করিলেন। ছিষ্টিধরও বৃক্ষিণ, একটু চেষ্টা করিলেই সে গ্রামের ভদ্রসমাজে ‘সচল’ হইতে পারিবে।

অতঃপর ছিষ্টিধর তাহার মাতার পর্ণ-কুটীর ত্যাগ করিয়া একটু দূরে বিধা ছই জমী মৌকুমী করিয়া লইল এবং সেখানে ছয়-চালা একখানি বাঁশের ঘর ও ছ’ চালা একখানি রান্নাঘর তুলিল। সে তাহার মাকে বলিল, “দেখ মা, আমি এখন চাকরী করছি, আমি আদালতের আমলা; আদালতের পেয়াদাগুলো পর্য্যন্ত আমাকে ছই হাতে সেলাম করে! তোমার আর দাসীগিরি করা ভাল দেখায় না; তুমি চাকরী ছেড়ে দাও; আমিই তোমাকে প্রতিপালন করতে পারবো।”

চন্দুরী ঘোষণী বলিল, “তা কি হয় বাবা! এই হাকিমের দয়্যতেই তোর চাকরী। আমি তাঁর চাকরী ছেড়ে দিলে তিনি আমাকে ‘নেমখারাম’ মনে করবেন। হাকিম ত আর ছ মাস পরেই বদলী হবেন; তিনি চ’লে গেলেই আমি চাকরী ছেড়ে দেব। তুই বিয়ে-খাওয়া ক’রে গেরস্ত হ। আমার ‘মনিষ্মি জন্মের’ সাধ মিটুক। তার পর একবার কাশী, গয়া, ছিক্কাত্তোরে যদি নিয়ে যেতে পারিস, তা হ’লে বুঝবো, তোকে পেটে ধরা আমার সাখক হয়েছে!”

ছিষ্টিধর হাসিয়া বলিল, “সে আর শক্ত কি মা! সব হবে। তোমার আশীর্বাদে যদি পেঙ্কারীটে পাই, তা হ’লে কি ক’রে পয়সা লুটতে হয়, তা তুমি দেখতেই পাবে। ও রকম মজার চাকরী কি আর আছে? বাঁ হাত লাড়ালেই হাতে টাকার বিষ্টি! ওর কাছে হাকিমী চাকরী কোথায় লাগে?”

৪

তিন বৎসর পূর্ণ হওয়ার মুস্কফ ভবতারণ বাবু গোবিন্দপুর হইতে নোয়াখালী জিলার বদলী হইলেন। ছিষ্টিধরের মা তাঁহার চাকরী ছাড়িয়া দিয়া বাড়ী আসিয়া বসিল। পাড়ার জীলোকদের সঙ্গে ঝগড়া করিয়া তাহার দিনগুলি বেশ শান্তিতেই কাটিতে লাগিল। কলহে কেহই তাহার সমকক্ষ ছিল না।

ছিষ্টিধর নায়েব-নাজীরের পদে নিযুক্ত হইবার পর দুই বৎসরের মধ্যে তাহাকে জিলার অল্প কোন মহকুমার বদলী হইতে হইল না। সে মধ্যে মধ্যে কুটী উপলক্ষে সদরে গিয়া জজ সাহেবের সেরেসাদার ও নাজীরের পূজা করিয়া আসিত; এ জন্ত তাঁহার ছিষ্টিধরকে কিঞ্চিৎ ‘স্টে’ হ’ করিতেন। গোবিন্দপুর কোর্টের নাজীর একবার কয়েক মাসের ছুটি লইলে ছিষ্টিধর সেই পদে ‘একটিনি’ করিতে লাগিল। ছিষ্টিধর দুই বৎসরের মধ্যেই বেশ গুছাইয়া লইল এবং নাজীরের পদে ‘একটিনি’ করিতে করিতে বিবাহ করিয়া ফেলিল।

নাজীর হইলেও ছিষ্টিধরের বংশগৌরব কাহারও অজ্ঞাত ছিল না; এ অবস্থায় কিরূপ পাত্রীর সহিত তাহার বিবাহ হইল, তাহা জানিবার জন্ত পাঠকগণের কৌতূহল হইতে পারে। ছিষ্টিধরের বিবাহে ষাঁহার বরযাত্রী হইয়াছিলেন, তাঁহাদের মধ্যে মুস্কফী আদালতের অনেক উচ্চবংশীয় আমলা ত ছিলেনই, গোবিন্দপুরে ষাঁহাদের আভিজাত্যের খ্যাতি ছিল এবং ষাঁহার জনসাধারণকে অবজ্ঞা করিতেন, তাঁহাদেরও কেহ কেহ ‘নাজীর বাবু’র বিবাহে বরযাত্রী সাজিয়া জনসমাজকে চমৎকৃত করিয়াছিলেন! ছিষ্টিধরের নববিবাহিতা পত্নীর কৌলীণ্যগর্ভে ছিষ্টিধরের কৌলীণ্যগর্ভকে ম্লান করিয়াছিল।

এক দিন সকালে আমি কার্যোপলক্ষে আমার বন্ধুস্থানীয় উকীল শিবচন্দ্র বাবুর সঙ্গে দেখা করিতে গিয়াছি, এমন সময় দেখিলাম, গোবিন্দপুরের তিন ক্রোশ দূরবর্তী কোম গ্রামনিবাসী একটি প্রৌঢ় ব্রাহ্মণ শিবচন্দ্রের উকীল-খানায় প্রবেশ করিলেন। ভদ্রলোকটির নাম পূর্বে শুনিয়াছিলাম,—সেইবার তাঁহাকে দর্শন করিবার সুযোগ হইল। তিনি রাঢ়ী শ্রেণীর কুলীন ব্রাহ্মণ; তাঁহার মস্তকে সুদীর্ঘ শিখা, ললাটে রক্তচন্দনের ফোটা; কণ্ঠে রুদ্রাক্ষের মালা, মধ্যে মধ্যে সোমার দানা। কণ্ঠে শুভ্র উপবীত।

তিনি তাঁহার গ্রামের জমীদার এবং ভগবন্ত সাধু পুরুষ, ইহা তাঁহার ভাব-ভঙ্গীতেই সুপরিস্ফুট। তাঁহাকে দেখিয়া শিবচন্দ্র ভক্তিভরে প্রণাম করিলেন এবং একখানি চেয়ারে বসিতে দিলেন। তিনি শিবচন্দ্রের মকেল। সেই দিন মুস্কফী আদালতে তাঁহার একটি মামলা ছিল, সেই মামলার তদ্বিরের জন্ত তিনি শিবচন্দ্রের সহিত পরামর্শ করিতে আসিয়াছিলেন। অত্যাঁ কথার পর তিনি শিবচন্দ্রকে বলিলেন, “আমার মামলার স্থল বিবরণ বোধ হয় আমার জামাই বাবাজীর কাছেই শুন্তে পেয়েছেন?”

তাঁহার জামাই বাবাজী! শিবচন্দ্র যেন আকাশ হইতে পড়িলেন; কারণ, সেই নিষ্ঠাবান্ পরম ধার্মিক ব্রাহ্মণের কোন ‘জামাই বাবাজী’র সহিত শিবচন্দ্রের জানাশুনা আছে, ইহা তিনি স্বরণ করিতে পারিলেন না! শিবচন্দ্র কিঞ্চিৎ কুণ্ঠিতভাবে বলিলেন, “আপনার জামাই? আপনি কার কথা বলছেন, বুঝতে পারছি নে।”

মকেলটি হাসিয়া বলিলেন, “বিলক্ষণ! আমার জামাইকে আপনি চেনেন না? সে যে আপনাদেরই আদালতের এখন একটিনি নাজীর। ছিষ্টিধর দাস মোহান্তকে আপনি চেনেন না? সে যে আমারই জামাই।”

ছিষ্টিধর কয়েক মাস পূর্বে হরিদাস বাবাজী নামক আধড়াধারী বৈষ্ণব-চূড়ামণি মোহান্তের কুপায় ভেক লইয়া ও মচ্ছব দিয়া বৈষ্ণব হইয়াছিল—এ সংবাদ শিবচন্দ্রের অজ্ঞাত ছিল না। কিন্তু ভেক লইয়া ‘বোষ্টম’ হইলে কি করিয়া নিষ্ঠাবান্ কুলীন ব্রাহ্মণের কণ্ঠার পাণিগ্রহণ করা সম্ভবপর হয়, শিবচন্দ্র তাহা বুঝিয়া উঠিতে পারিলেন না। প্রকৃত রহস্য জানিবার জন্ত তাঁহার অত্যন্ত কৌতূহল হইল।

শিবচন্দ্র সবিস্ময়ে বলিলেন, “ছিষ্টিধর আপনার জামাই! এ যে বড়ই অসম্ভব কথা! ব্যাপারখানা কি, খুলিয়া বলুন। ছিষ্টিধর মচ্ছব দিয়া ‘বোষ্টম’ হইয়াছে শুনিয়াছি তাহার জন্মবৃত্তান্তও আমার অজ্ঞাত নহে। আপনি তাহা কথায় সপ্রদান করিলেন—এ কি রহস্য?”

উকীলের প্রশ্নে তাঁহার সম্ভ্রান্ত মকেলটি যেন কিঞ্চিৎ বিব্রত হইয়া পড়িলেন, তাহার পর আমার মুখের দিকে চাহিয়া কুণ্ঠিতভাবে বলিলেন, “দেখুন উকীল বাবু, আপনি আমার ঘরের উকীল, মামলা-মোকদ্দমাই বলুন, আর বৈষ্ণবিক শলা-পরামর্শই বলুন, সকল কাষেই আপনার কা

আসতে হয়, আপনার কাছে কোন কথাই গোপন করলে ত
চলে না; আর এ কথাটা তেমন গোপনীয়ও নয়,
পুরুষ-মানুষের পক্ষে তেমন লজ্জার কথাই বা কি? আমার
প্রথমা স্ত্রী অল্পবয়সেই 'গতো' হন। তাঁর মৃত্যুর পর
আমার মন কেমন উদাস হয়ে পড়লো, কিছুই ভাল লাগে
না, এক এক সময় ইচ্ছা হ'তো, লোটা-কবল সঞ্চল
ক'রে সন্মোদী হয়ে, এক দিকে
বেরিয়ে পড়ি; কিন্তু পাঁচ জনে
সেটি ঘটতে দিল না। সকলেই বলে
—আর একটা বিয়ে কর। পিতৃ-
পুরুষের জলগণ্ডু ত বজায় রাখা
চাই। কিন্তু সোনার পৃতিমে বিস-
র্জন দিয়ে কি আবার বিয়ে করতে
পূর্বিত্তি হয়? না গেরস্ত—না
উদাসী—এই ভাবে পাঁচ সাত বছর
কেটে গেল। শেষে কন্দর্প ঠাকুন্
বলেন—'র, তোরে মজা দেখাচ্ছি,
তোর 'দগ্ন চূন্ন' করছি।' মশায়,
এক দিন সন্ধ্যাবেলা রাধাগোবিন্দ-
জীকে প্রণাম ক'রে বাড়ী ফিরছি
—দেখলাম, একটি পরমা রূপবতী
নখর যুবতী একটা বুড়ীর সঙ্গে সেই
পথ দিয়ে যাচ্ছে। আঃ, কি তার
রূপ! ঐ যে ডি, এল, রায়ের একটা
গানে আছে না।—

'এমনি ক'রে চেয়ে গেল

ক'রে মন চুরি—

আর বুকের মাঝে এইখানেতে

মেয়ে গেল চুরি।'

আমার অবস্থাটাও ঠিক সেই

রকম হ'লো। আমি সন্ধান নিয়ে জানতে পারলাম—সে
হামকান্তপুরের সনাতন নাপিতের মেয়ে, হু'দিনের জন্তে
তার মাসীর বাড়ী বেড়াতে এসেছে। আমি শেষে তার
মাসীকেই মুরুব্বী পাকড়ালাম, টাকায় কি না হয়? সৌর-
ভীকে অনেক টাকা-কড়ি, গরনাটরনার লোভ দোখিয়ে নিয়ে
এলাম; ছুঁড়ী বিধবা কি না, তেমন কোন বেগ পেতে

হ'ল না। নদীর ধারে আমার যে কামরা আছে, সেখানেই
সে বাস করতে লাগলো। বছরখানেক পরে তাহার গর্ভে
একটি মেয়ে হ'লো। তার পরে আমি আবার 'বিয়ে-
খাওয়া' ক'রে সংসারী হয়েছি; ছেলে-মেয়েও হয়েছে।
কিন্তু সৌরভীর মেয়ের ত একটা গতি করা চাই; তা তার
উপযুক্ত পাত্র কোথায় পাই? শেষে ঐ ছিষ্টধরের সঙ্গেই



এমনি ক'রে চেয়ে গেল ক'রে মন চুরি

তার বিয়ে দিয়েছি। সৌরভীও ভেক নিয়ে বোষ্টম হয়েছে
মেয়েটি বেশ সৎপাত্রেরই পড়েছে, কি বলেন?'

বিবাহের পর ছিষ্টধরের সামাজিক প্রতিষ্ঠা আকাশ
গামী হাউয়ের গতির মত বর্দ্ধিত হইতে লাগিল। তাহার
লাগ্যগগনও ক্রমেই রজতচন্দ্রের আলোকে উজ্জ্বল হইয়
উঠিল।

মুন্সেফী আদালতের আমলাদের বদলী জিলার জজ সাহেবের মর্জি অথবা খেয়ালের উপর নির্ভর করে। কোন আমলার বিরুদ্ধে উপর্যুপরি কয়েকবার বেনামী দরখাস্ত পড়িলেও সেই আমলাকে জিলার অস্ত্র মহকুমায় বদলী করা হয়। 'মরা গরু ঘাসে পড়িলে' তাহার যে অবস্থা হয়, মুন্সেফী আদালতে উপরিলাতের সুপ্রশস্ত ক্ষেত্রে পড়িয়া ছিষ্টধরের অবস্থাও সেইরূপ হইয়াছিল। অন্নদিন চাকরী করিয়া 'উপরি' আদায়ের যে সকল ফন্দী-কিকির সে আবিষ্কার করিল, তাহা দেখিয়া অনেক বুড়ো আমলারও তাক লাগিয়া যাইত! বহুদর্শী ও উৎকোচগ্রহণে সিদ্ধ হস্ত অনেক প্রবীণ আমলা পরস্পর বলাবলি করিতেন, "ছিষ্টধর ভারী 'ক্লেবর বয়'; এই বয়সেই ও যে রকম ফন্দী-কিকিরে পয়সা উপার্জন করে, দশ পনের বছর চাকরীর পর ছোঁড়াটা দশ পনের হাজার টাকা জমিয়ে ফেলবে, তার আর সন্দেহ নেই।" বস্তুতঃ মুন্সেফী আদালতের নাজীরী করিয়া কেহ কেহ যে দশ বারো হাজার টাকা সঞ্চয় করিয়াছে, ইহার প্রত্যক্ষ প্রমাণ বর্তমান। আমরা জানি, কোন 'নাজীর সাহেব' পুনঃ পুনঃ সেরেস্তাদারের পদও প্রত্যাখ্যান করিয়াছেন! সেরেস্তাদারী মুন্সেফী আদালতের আমলাদের সর্বোচ্চ পদ হইলেও, সেরেস্তাদারের উপরি পাওনা অপেক্ষা নাজীরের উপরি পাওনা অনেক অধিক। অবশ্য, দৈত্যকুলেও প্রহ্লাদ আছে; অনেক নাজীর আঁড়ো 'উপরি' গ্রহণ করেন না।

যাহা হউক, বেনামী দরখাস্তের ফলেই হউক, আর জজ সাহেবের খেয়ালেই হউক, ছিষ্টধরকে তিন বৎসর পরে গোবিন্দপুর মহকুমা হইতে বদলী হইয়া অস্ত্র একটি মহকুমায় যাইতে হইল। সেখানে তাহার নায়েব-নাজীরী খসিয়া গিয়া, তাহাকে ডিগ্রীজারীর সেরেস্তার মুহুরী হইতে হইল। দেওয়ানী আদালতের কাযকর্ম সম্বন্ধে ষাঁহাদের অভিজ্ঞতা আছে, তাঁহারা জানেন—নায়েব-নাজীর অপেক্ষা এই সেরেস্তার আমলা অনেক অধিক উৎকোচ লাভ করিয়া থাকে।

ইহার পর সাত আট বৎসরের মধ্যে ছিষ্টধরের আর গোবিন্দপুরে বদলী হইয়া আসিবার সুযোগ হয় নাই। তবে এককালে বস্ত্র-স্বচনী-পূজা উপলক্ষেও দেওয়ানী

আদালত বন্ধ থাকিত; সুতরাং আদালত দুই এক দিনের জন্য বন্ধ হইলেও সে বাড়ী আসিত। সেই সময় তাহার ছুঁড়ির পরিধি ও পোষাকের আড়ম্বর যে পরিমাণে বর্ধিত হইতছিল, তাহা দেখিয়া সকলেই বুঝিতে পারিত, তাহার উপরি উপার্জন ভালই চলিতেছে। গোবিন্দপুরের ডাকঘরে তাহার টাকা জমা দেওয়ার হিড়িকে হইখানি 'পাশ বহি' ভরিয়া গিয়াছিল!

বছর আট্টেক পরে গোবিন্দপুরে যিনি মুন্সেফ হইয়া আসিলেন, তাঁহার নাম বরদাচরণ ভট্টাচার্য। তিনি গোবিন্দপুরের মুন্সেফী আদালতের 'তক্ততাউস' অধিকার করিবার পূর্বে সেই জিলারই অস্ত্র এক মহকুমার 'এডিসনাল মুন্সেফ' ছিলেন। ছিষ্টধর তাঁহারই 'এডিসনাল কোর্টে' পেস্কারের কার্যে নিযুক্ত ছিল। ছিষ্টধর উৎকোচ আহারে যতই নৈপুণ্য প্রকাশ করুক, পেস্কারের কার্যে সে এরূপ দক্ষতার পরিচয় দিয়াছিল যে, তাহার কার্যদক্ষতার বরদাচরণ বাবুর অর্ধেক পরিশ্রমের লাভব হইয়াছিল।

বরদাচরণ বাবু গোবিন্দপুরে মুন্সেফী পদে প্রতিষ্ঠিত হইবার তিন মাস পরেই তাঁহার পেস্কার রামনিধি সরকার অসুস্থতা বশতঃ 'মেডিকেল সার্টিফিকেট' দাখিল করিয়া ছয় মাসের ছুটি প্রার্থনা করিল। রামনিধির 'পেন্সন' লইবার সময় হইয়াছিল; সে মুন্সেফ বাবুকে জানাইয়া রাখিল, ছুটির শেষে সে চির-বিদায় গ্রহণ করিবে। এ সংবাদে মুন্সেফ বাবু অসন্তুষ্ট হইলেন না; কারণ, সে কথায় কথায় হাকিমের সহিত তর্ক করিত, এবং তাহার হাত চলিত না বলিয়া সেরেস্তার অনেক কায মূলত্বী থাকিত। রামনিধির ছুটি মঞ্জুর হইলে বরদাচরণ বাবুর অনুরোধে জজ সাহেব ছিষ্টধরকে তাঁহার পেস্কার পদে বাহাল করিয়া গোবিন্দপুরে পাঠাইলেন।


মুন্সেফী আদালতের উকীল ও মক্কেলদিগের নিকট পেস্কার বাবুর বিরূপ খাতির, তাহা অভিজ্ঞ ব্যক্তিগণের অজ্ঞাত নহে; ছিষ্টধর মুন্সেফের পেস্কার হইয়া যখন একলাসে গিয়া মুন্সেফের সম্মুখস্থ আসনে বসিত, তখন তাহার পরিচ্ছদের ঘটা ও দেহের স্থলতা দেখিয়া তাহার অপরিচিত কোন লোক বুঝিতে পারিত না, কোনটি হাকিম, কোনটি তাঁহার পেস্কার! আদালতের পককেশ বুড়া উকীলরা ছিষ্টধরের অস্বভাবতা জানিতেন; এ জন্য তাঁহারা

তাহাকে ভেমন আমোল দিতেন না বটে, কিন্তু নব্য উকীলরা 'ছিষ্টিধর বাবু'র বিলক্ষণ তোয়াজ করিতেন, এবং তাঁহার প্রসন্নতালাভের জন্ত বখাসাধী চেষ্টা করিতেন। নব্য উকীলদের মধ্যে কাহারও বাসায় ঐতিহ্যিক বা কোন ক্রিয়াকর্ম উপস্থিত হইলে ছিষ্টিধর সেখানে নিমন্ত্রিত হইয়া পরম সমাদরে আহৃত হইত; আহ্বানের সময় বসিবার স্থান লইয়াও বড় বাছ-বিচার চলিত না। ছিষ্টিধর এই ভাবে ধীরে ধীরে সমাজের বিশিষ্ট স্থান অধিকার করিয়া বসিল। তাঁহার মা চন্দ্রী বোষ্টমী (এখন সে আর ঘোষণী নহে) প্রতিদিন অপরাহ্নে একখানি গরদের খান পরিয়া, হরিনামের ঝুলি হাতে লইয়া, তাঁহার ভগিনীদের বাড়ী ও গোরালপাড়ার প্রত্যেক গোরালাবাড়ী ঘুরিয়া জানাইয়া আসিত—“তাঁহার ছিষ্টিধর হাকিম হইতে না পারিলেও 'ছোট হাকিম' হইয়াছে; এবং এমন দিন নাই—যে দিন সে পনের কুড়ি টাকা লইয়া বাড়ী ফিরিয়া না আইসে! ছিষ্টিধর শীঘ্রই মাটির ঘর ভাঙ্গিয়া পাকা ইমারত আরম্ভ করিবে।” ইত্যাদি।

বস্তুতঃ, ছিষ্টিধরের গর্ভধারিণীর এই সকল কথা অত্যুক্তি নহে। মুন্সেফ বরদাচরণ বাবু সাক্ষীদের জবানবন্দী ও রায় লিখিবার তাঁর স্বহস্তে রাখিয়া অধিকাংশ কার্যভার ছিষ্টিধরের হস্তেই অর্পণ করিয়াছিলেন। ছিষ্টিধর তাহার এই কর্মতার পূর্ণ সদ্যবহার করিত। কোন উকীলের মক্কেলের এক মাস সময়ের প্রয়োজন। ছিষ্টিধর দশ দিনের অধিক সময় দিতে নারাজ। সে দক্ষিণ হস্তে সেরেস্তার কাষ করিত, বামহস্তখানি টেবলের নীচে প্রসারিত থাকিত; উকীল বাবু তাহার সেই হাতে দুইটি টাকা গুঁজিয়া দিতেন। ছিষ্টিধর পনের দিন সময় দিতে রাজী হইত; উকীল বাবুর এক মাস সময় চাই, তিনি নিরুপায় হইয়া অগত্যা তাহার হাতে আরও তিন টাকা গুঁজিয়া দিয়া এক মাস সময় লইতেন। এইরূপ নানা উপায়ে সে প্রত্যহ পনের কুড়ি টাকা উপরি পাইত। মুন্সেফ বাবু তাহার গুণের এতই পক্ষপাতী ছিলেন যে, এ সকল তিনি দেখিয়াও দেখিতেন না! গোবিন্দপুরের যে সকল আভিজাত্যগর্ভিত যুবক সাধারণ উদ্রসন্তানদের পিপীলিকাবৎ ক্ষুদ্র ও নগণ্য মনে করিতেন, তাঁহাদের কাঁধে হাত দিয়া ছিষ্টিধর সায়ংকালে গোবিন্দপুরের বাজারে বিত্ত বাবু সেবন করিয়া

ঘুরিয়া বেড়াইত; তখন বাজারের সকল লোক সবিস্ময়ে তাহার মুখের দিকে চাহিয়া মনে মনে বলিত, “চন্দ্রী ঘোষণীর বেটা ছিষ্টিধর কি বরাত! আজুল ফুলে কলাগাছ!”

গোবিন্দপুরে থাকিয়াই ছিষ্টিধর এক লাখ ইট কিনিয়া এক প্রকাণ্ড অট্টালিকা নির্মাণ করিল। তাহার পর মহাসমারোহে তাহার কন্তার বিবাহ দিল। ব্যাণ্ড, রৌপন-চৌকী, ব্যাগপাইপ, জগবাল্প, চড়বড়ে, রাইবেশে প্রভৃতির আবির্ভাবে গ্রামে যেন ভূমিকম্প আরম্ভ হইল! রৌপনাই ও আতসবাজীতে সাত্তিকে দিন বলিয়া ভ্রম হইতে লাগিল।



সে দক্ষিণ হস্তে কাষ করিত ও বাম হস্তখানি
টেবলের নীচে প্রসারিত থাকিত

গ্রামের বহু সম্ভ্রান্ত ব্যক্তি নিমন্ত্রিত হইয়া পেঞ্চান বাবুর গৃহে পদধূলি দান করিলেন। সকলেই তাহার গৃহে পাত পাড়িলেন; কেবল দুই এক জন কুসংস্কারাক্রান্ত প্রাচীন ব্যক্তি বিবাহসভা হইতেই পাশ কাটিলেন।

ছিষ্টিধরের জামাইটি রূপবান্ যুবক; উপার্জনক্ষম। গুনিলাম, সে কোন এক জন বড় কণ্ট্রিষ্টের সরকার। ছেলোট জাতিতে 'বোষ্টম' তাঁহার বংশপরিচয় লইয়া জানিতে পারিলাম—তাঁহার পিতা বৈষ্ণ, মাতা রজকিনী।

শ্রীদীনেন্দ্রকুমার রায়।

শ্রীরামকৃষ্ণমঠ ও মিশন-সম্মেলন

সভাপতি শ্রীমৎ শিবানন্দ স্বামীর অভিভাষণ

শ্রীরামকৃষ্ণ-সন্তানগণ,

শ্রীরামকৃষ্ণমঠ ও মিশনের এই প্রথম মহাসম্মেলনে আমাদের ভারত ও ভারতের দেশের প্রতিনিধিগণকে আমাদের মূলকেন্দ্রে বেগুড়মঠে সমবেত দেখিয়া আজ আমি প্রাণে অপার উল্লাস অনুভব করিতেছি। শ্রীরামকৃষ্ণমঠ ও মিশনের ইতিহাসে এইরূপ মহাসম্মেলন এই প্রথম। আমার দৃঢ় বিশ্বাস—এই মহাসম্মেলনে তোমরা যে সকল বিভিন্ন আশ্রমের প্রতিনিধি হইয়া আসিয়াছ, সেই আশ্রমসমূহ হইতে অক্ষুণ্ণিত বিভিন্ন কার্যাবলী সম্বন্ধে পরস্পরকে পরিচিত করিতে ও পরস্পর ভাবের আদান-প্রদান করিয়া নিজ নিজ আশ্রমের কার্যাবলীর পরিপূষ্টিলাভনে সমর্থ হইবে আর ভগবান্ শ্রীরামকৃষ্ণদেবের যে কয় জন সাক্ষাৎ শিষ্য এগনও স্থলশরীরে বর্তমান রহিয়াছেন, তাঁহাদের মুখ হইতে শ্রীরামকৃষ্ণদেব নিজ জীবনে যে আধ্যাত্মিক আদর্শ দেখাইয়া গিয়াছেন, তাহাও শুনিতে পাইবে—ঐ আদর্শের সহিত বিশেষভাবে পরিচিত হইবার ফলে এই সম্মেলন মধো যে উদ্দেশ্যের একতানতা, সাহচর্য্য ও সহযোগিতার বিশেষ প্রয়োজন—তাহা দিন দিন বর্দ্ধিত হইবার অনেক পরিমাণে সহায়তা করিবে।

আজ যদি স্বামীজী জীবিত থাকিতেন, তবে নিশ্চিতই তিনি তোমাদিগকে সোৎসাহে সাদর অভ্যর্থনা করিতেন এবং তোমাদের আলোচনার ফলে যাহাতে এই সম্মেলনের উদ্দেশ্য যথার্থ সিদ্ধ হয়, তদুদ্দেশ্যে হৃদয়ের সহিত আশীর্ষক বর্ষণ করিতেন। আজ এই প্রসঙ্গে আর এক মহাস্মারক কথা স্মরণ হইতেছে, যাহাকে শ্রীরামকৃষ্ণদেব আধ্যাত্মিকতত্ত্ব উপলব্ধির অধিকারী হিসাবে স্বামী বিবেকানন্দের ঠিক নিম্নেই স্থান দিতেন। আমি স্বামী ব্রহ্মানন্দের কথা বলিতেছি। শ্রীরামকৃষ্ণদেব যেমন স্বামীজীকে সমগ্র জগতে তাঁহার ভাব প্রচারার্থ নির্বাচিত করিয়াছিলেন, তদ্রূপ স্বামী ব্রহ্মানন্দকেও তাঁহার ধর্মসম্বন্ধে বড় কম দায়িত্বপূর্ণ ভারগ্রহণের জন্ত নির্বাচিত করেন নাই। প্রকৃতপক্ষে যাহা বরাহনগর মঠে সামান্ত বীজাকারে মাত্র বিদ্যমান ছিল, শ্রীরামকৃষ্ণমঠ ও মিশনের প্রথম সভাপতি রাজা-মহারাজের নেতৃত্বে তাহা এখন সুবিশাল ছায়াসম্বিত প্রকাণ্ড মহীকূহে পরিণত হইয়াছে। পিতা যেমন সন্তানকে প্রতিপালন করিয়া তাহাকে অসহায় শিশু অবস্থা হইতে সংসারসংগ্রামে সমর্থ, শিক্ষিত, যুবকরূপে পরিণত করিয়া তুলেন, মঠের সংগঠন ও বিস্তারের জন্ত তিনিও তাহা করিয়াছেন। আজ এখানে সমবেত হইয়া আমরা ইঁহাদেরই বা বলি কেন, স্বামী প্রেমানন্দ, স্বামী রামকৃষ্ণানন্দ এবং আরও অনেকের অভাব বিশেষভাবে অনুভব করিতেছি। মঠ ও মিশন ইঁহাদের নিকটও কম ধনী নহে—মঠ-মিশনের বর্তমান প্রসার, সংগঠন ও উন্নতির জন্ত ইঁহারাও কম করেন নাই; আজ এই শুভ মুহূর্ত্তে এই সম্মেলনের উপর ইঁহাদের সকলের, সর্বোপরি আমাদের গুরুমহারাজের মঙ্গলশিসু বর্ষণ হউক, আমি কার্যমনোবাক্যে সর্বোপরি ইঁহাই প্রার্থনা করিতেছি।

আমি তোমাদের নিকট কিরূপে এই মহীসম্মেলনের মূল উদ্দেশ্য—অর্থাৎ কিসে সমুদয় আশ্রম ও প্রতিষ্ঠান সমূহের মধো সহযোগিতা ও সম্ভাব বর্দ্ধন হয়, তৎসম্বন্ধে খুঁটিনাটি বিচার করিয়া একটা কাৰ্য্যপ্রণালী নির্দেশ করিতে চাহি না। আমি আমার জীবনের অধিকাংশকাল

মঠ-মিশনের সম্পর্কে থাকিয়া যাহা বুঝিয়াছি, আমার সেই সামান্ত অভিজ্ঞতা হইতে সাধারণভাবে দুই চারি কথা বলিব এবং তোমাদের আলোচনা ও ভাবের আদান-প্রদানের ফলে যাহাতে এই সম্মেলনের উদ্দেশ্য অক্ষুণ্ণ কতকটাও সাক্ষাৎ সিদ্ধ হয়, তদ্বিষয়ে কিঞ্চিৎও সহায়তা করিতে পারিলে নিজেকে ধন্ত মনে করিব।

ত্রিশ বর্ষ পূর্বে যখন ভারত ও ভারতের দেশের রামকৃষ্ণ-সম্বন্ধে নানাবিধ কার্যাবলী ভবিষ্যতের গর্ভে নিহিত ছিল, যখন লোক শুধু এইটুকুমাত্র জানিত যে, স্বামী বিবেকানন্দ এক জন হিন্দুধর্মের প্রচারক আর তিনি চিকাগোর ধর্মমহাসভায় সনাতন ধর্মের জয়পতাকা উড়াইয়াছেন, তখন হইতেই স্বামীজী ক্রান্তদর্শী কবির দিবাদৃষ্টিতে দেখিয়াছিলেন, সমগ্র জগতে যুগচক্র পরিবর্তনের সময় আসিয়াছে এবং তাঁহার শ্রীগুরু মহাশক্তিমানী উপদেশবাণী সমগ্র মানবজাতির উপর এক অপূর্ব প্রভাব বিস্তার করিয়া এই যুগচক্র পরিবর্তনে বিশেষভাবে সহায়তা করিবে। যে দিন তাঁহার অপূর্ব ভাবাবেশে বিত্তোর হইয়া, তাঁহার দিব্যরাজি সমাধিতে বিত্তোর হইয়া থাকিবার প্রার্থনার উত্তরে বলিয়াছিলেন, 'সমাধি ত ছোট কথা—জগৎ চুঃখে, শোকে, পাপে কাতর, মলিন—আর তুই সন্ন্যাসির মুখে বিত্তোর থাকবি? নে—যাদশবর্ষ কঠোর সাধনা ক'রে বা উপলব্ধি করেছি, আজ তোকে তা সব মুক্তহস্তে দিয়ে ককির হলাম!'—এইরূপে যে দিন শ্রীরামকৃষ্ণ তাঁহার উপযুক্ত শিষ্যকে তাঁহার সমগ্র সাধনার ফল প্রদান করিয়া তাঁহাকে জগতের ইতিহাসের এক মাহেলক্ষণে সমগ্র জগতে ধর্মরত্ন বিলাইবার যন্ত্ররূপে নিযুক্ত করিয়াছিলেন—কেবল শ্রীভগবান্কে সর্বভূতে দর্শন করিয়া 'বহজনহিতায় বহজনস্থায়' জীবন উৎসর্গ করিতে, সমগ্র জগতের মুখের জন্ত নিজ ব্যক্তিগত সুখশান্তি বিসর্জন দিতে শিখাইয়াছিলেন—সেই চিরস্মরণীয় দিনের কথা তাঁহার হৃদয়ে সর্বদা জাগরুক ছিল।

স্বামীজী তাঁহার শ্রীগুরু মহাসমাধির কিছুকাল পরেই সমগ্র জগতের সর্ববিধ কল্যাণের উদ্দেশ্যে—কালবশে নানা আবর্তনান্তরূপের চাপে নিঃস্রাবপ্রায় সহস্রযুগসঞ্চিত উহার অপূর্ব ভাবরাশিতে নবপ্রাণ সঞ্চারের উদ্দেশ্যে—তাঁহার দেশবাসীর জন্ত এক নূতন ভাবধারার উৎস ছুটাইলেন। তাঁহার নিজ জীবনে যে নানারূপ অভূতপূর্ব অনুভূতি ও অভিজ্ঞতারূপি সঞ্চিত হইয়াছিল—ঐ উৎস সেই সঞ্চিত ভাবধারার স্বাভাবিক উচ্ছ্বাস। কোন্ কোন্ বিশেষ শক্তিপ্রভাবে তাঁহার দৃষ্টি এক অপূর্ব নবীন দিব্যজগৎ দেখিতে সমর্থ হইয়াছিল, তাহার বিচারে প্রবৃত্ত হইলে আমরা এই কয়েকটি বিষয় দেখিতে পাই :—(১) তাঁহার শ্রীগুরু তাঁহার সম্বন্ধে ভবিষ্যবাণী, (২) তাঁহার নিজের বহুবর্ষব্যাপী শিক্ষা ও কঠোর সাধনা এবং তদর্ক উপলব্ধিসমূহ, (৩) তাঁহার পাশ্চাত্যদর্শন ও ইতিহাসে এবং সংস্কৃত শাস্ত্রগ্রন্থে তুল্য ব্যুৎপত্তি, (৪) শ্রীগুরুর অলৌকিক জীবনের অহরহঃ অনুধ্যান এবং উহার দিব্যালোকে ব্যক্তিগত জীবনের সমস্তাসমূহের সমাধান ও শাস্ত্রসমূহের সভ্যতা প্রত্যক্ষীকরণ, এবং (৫) নিজ মাতৃভূমির সর্বত্র ভ্রমণের ফলে প্রাচীন ভারতের সহিত বর্তমান ভারতের তুলনা—বর্তমান ভারতের নরনারী কিরূপে জীবনবাণিজ্য করে, তাহাদের আচারব্যবহার, তাহাদের অভাব, তাহাদের চিন্তাপ্রণালী তন্ন তন্ন করিয়া পর্যবেক্ষণ। রাজা-প্রজা,

সাধু-পণ্ডিত সকলের সঙ্গে সমভাবে মিশিয়া তিনি সমগ্র ভারতকে এক সমষ্টিরূপে উপলব্ধি করিলেন আর দেখিলেন, তাঁহার শ্রীগুরুর জীবন যেন এই মহাভারতের একটি পুঞ্জীকৃত, ঘনীভূত, সূত্র প্রতীকমাত্র। স্বামীজীর জীবনে ও কার্যে তাই এই গুরু, শাস্ত্র ও মাতৃভূমি—এই তিন বিভিন্ন স্তর মিলিত হইয়া যেন এক অপূর্ব সম্মিলিত স্বরলহরীর সৃষ্টি করিয়াছে। তাই তিনি সমগ্র জগৎকে এই তিন রত্ন বিলাইতে উদ্ভোগী হইলেন।

পূর্বকথিত অভিজ্ঞতাসমূহ অর্জনের কালে তিনি বুঝিতে পারিলেন—জগতের মধ্যে কোন্ কোন্ বিরোধসাধক ভেদকর কার্য করিতেছে—যাহার বিনাম-সাধন করিয়া সম-স্বয়সামনের জন্ম এ যুগে অবতারের আবির্ভাবের প্রয়োজন হইয়াছিল। জগতের বিভিন্ন ধর্মের ভিতর যে ভীষণ গৌড়ামি প্রবেশ করিয়াছে, সেই দিকেই তাঁহার দৃষ্টি প্রথমে আকৃষ্ট হইল—শুধু তাহাই নহে, তিনি দেখিলেন, লোকের ধর্ম জিনিষটা সম্বন্ধেই অতি সঙ্কীর্ণ ধারণা। প্রাচীন ঋষিগণ বিভিন্ন ধর্মমতকে এক সত্য উপলব্ধির বিভিন্ন পথমাত্র বুলিয়া মনে করিতেন—তিনি দেখিলেন, আজকাল এক ধর্মাবলম্বী লোক অপর ধর্মমতের সহিত যেন সূদাসর্কদা যুদ্ধ ও বিরোধ করিতে উদ্ভূত হইয়া আছে। কুপমণ্ডকের মত এক সম্প্রদায়ের লোক মিস্কেরের সঙ্কীর্ণ গভী ছাড়া।

আর কোন দিকে দৃষ্টিপাত করিতেছে না। দ্বিতীয়তঃ—ধর্ম সম্বন্ধে লোকের ধারণাটী অতি সঙ্কীর্ণ হইয়া পড়িয়াছে—ধর্ম যেন অন্ত-সর্ববিধ প্রচেষ্টাকে উহার সীমা হইতে বহিষ্কৃত করিয়া নিজেই শিক্ষিত ও উদারহৃদয় ব্যক্তিগণের দৃষ্টিতে একটি অবজ্ঞার বস্তু হইয়া দাঁড়াইয়াছে। বর্তমানে লোকের ধারণা হইয়া গিয়াছে যে, ধর্মের সঙ্গে বাস্তব জগতের—আমাদের প্রাত্যহিক জীবনের—কোন সম্পর্ক নাই; হুতরাং উহা কেবল অরণ্যবাসী সমাজত্যাগী সন্ন্যাসীরই অঙ্গুষ্ঠের। লোক ভাবিতেছে, বেদান্তের উচ্চতম উপদেশের সহিত ধর্মের সম্বন্ধ একেবারে হইতেই পারে না।

কর্ম ও উপাসনা—ভাগ ও সেবাধর্মের ভিতর একটা আকাশ-পাতাল ব্যবধানের সৃষ্টি হইয়াছে, আর এই ভ্রান্ত ধারণার ফলেই প্রধানতঃ আমাদের জাতীয় অবনতি ঘটিয়াছে। এইরূপ সঙ্কটমূর্ত্তে জগতে এমন এক ব্যক্তির আবির্ভাবের বিশেষ প্রয়োজন হইয়াছিল, যিনি জগতের সমস্ত এমন ধর্ম বাধ্যা করিবেন, যাহা বিজ্ঞানসঙ্গত হইবে এবং এমন বিজ্ঞানের প্রচার করিবেন, যাহা আধ্যাত্মিকভাবে অশু-প্রাপিত হইবে।

স্বামী বিবেকানন্দ স্পষ্টই দেখিলেন, 'তাঁহার শ্রীগুরুদেবই এইরূপ আদর্শ মানব। তাঁহার জীবনে সর্বপ্রকার বিরুদ্ধ ভাবের অপূর্ব সমন্বয় হইয়াছে। আপাত-বিরুদ্ধ বিভিন্ন ধর্ম-মতসমূহের অদ্ভুত মিলন তিনি তাঁহাতেই দেখিলেন। প্রথমতঃ, শ্রীরামকৃষ্ণদেব সাক্ষাৎ নিজ জীবনে উপলব্ধি করিয়া প্রমাণিত করিলেন যে, যে আদর্শ সর্বপ্রকার দার্শনিক মতবাদের পারে অবস্থিত, তাহাতে উপনীত হইতে হইত, বিশিষ্টত্ব, অস্বৈত — এই ত্রিবিধ প্রধান ভারতীয় দার্শনিক মতবাদেরই ব্যবহারিক উপযোগিতা আছে। তার পর প্রচলিত বিভিন্ন ধর্মমতের অর্থাৎ সনাতন ধর্মের শাস্ত্র, বৈষ্ণবাদি কয়েকটি শাখা এবং মুসলমান ও পুণ্ডান ধর্ম সাধন করিয়া একই লক্ষ্যে উপনীত হইয়া প্রমাণ করিলেন যে, বিভিন্ন প্রকৃতির উপযোগী এই সকল বিভিন্ন ধর্ম-



মহা সন্থেলনের সভাপতি শ্রীমৎ স্বামী শিবানন্দ

মতই সত্য ও প্রত্যেকটিরই সার্থকতা আছে। প্রাচীন যুগে বৈদিক ঋষিগণ যে 'একং সন্নিপ্রা বহুধা বদন্তি' (সত্য একমাত্র—পণ্ডিতগণ সেই সত্যকেই নানাভাবে বলিয়া থাকেন)—এই মহামন্ত্র দ্বারা দৃষ্টিতে দর্শন করিয়াছিলেন, লোকে তাহা এত দিন ভুলিয়া গিয়াছিল। আজ শ্রীরামকৃষ্ণজীবনে সেই সনাতন সত্যের পুনঃ সাক্ষাৎ পাইয়া তাহার মন্ত্র হইল। জ্ঞান, ভক্তি, বোগ, কর্ম—এই আপাত অত্যন্ত বিরোধী ভাবগুলির শ্রীরামকৃষ্ণজীবনে অপূর্ব সমন্বয় দেখিয়া লোক কৃতার্থ হইল। নির্বিকল্প সমাধি ধাঁহার মুষ্টি ভিতর—যিনি মনে করিলেই যখন তখন

সমাধি হইয়া পড়িতে পারিতেন, তিনি আবার শ্রীভগবানের নাম-মাত্র উচ্চারণে কাঁদিয়া বিহ্বল হইতেন। যিনি বোগমার্গের জটিল পথাবলম্বনে সত্যের সাক্ষাৎকার পাইয়াছিলেন, তিনি আবার তাঁহার অপূর্ণ সাধনার ফল উপযুক্ত অধিকারীকে বিতরণ করিতে বাইয়া কঠোর কর্তৃত্ব অবলম্বন করিয়াছিলেন এবং ঐ ব্রতের উদ্‌ঘাপনে নিজ জীবনকে তিলে তিলে আহতি দিয়াছিলেন। এই সর্বতোমুখী প্রতিভাসম্পন্ন নরদেবের সাক্ষাৎ পাইয়া তাঁহার উপযুক্ত শিষ্যের স্বরূপ তাঁহার প্রতি প্রবলভাবে আকৃষ্ট হইল, তিনি স্পষ্টই দেখিলেন, স্পষ্টই বুঝিলেন, সমগ্র জগতে তাঁহার শ্রীগুরুর প্রতিভার দৃঢ় ছাপ পড়িলেই ভবিষ্যতে উহা নবীন জীবন লাভ করিবে—উহা পুনরায় জাগিয়া উঠিবে।

প্রাচীন ভারতের বৌদ্ধ-সম্ভের কথা স্মরণ করিয়া এবং বর্তমান উন্নতিশীল পাশ্চাত্য জগতে বহু ভ্রমণ করিয়া তথাকার আশ্চর্য্য সম্ভবদ্ধ কার্য-প্রণালী অবলোকনের ফলে হয় ত শ্রীগুরুর উপদেশাবলী কর্তৃ-জীবনে প্রয়োগ করিবার উপ-যুক্ত ক্ষেত্রস্বরূপ মঠ ও মিশনের কল্পনা স্বামীজীর মনে জাগিয়া থাকিবে—তিনি হয় ত ভাবিয়া থাকিবেন, যদি কতকগুলি স্থান নির্দিষ্ট সাধনপ্রণালী ও নিয়মের দ্বারা নিয়ন্ত্রিত করা যায়, তবে এমন এক কর্তৃক্ষেত্র গড়িয়া উঠিবে, যাহা তাঁহার শ্রীগুরুদেবের জীবনের ছায়া-স্বরূপ একটি বিরাট প্রতিষ্ঠানে পরিণত হইবে। স্বামী বিবেকানন্দ এক দিকে যেমন উচ্চতরের এক জন ভাবুক ছিলেন, তদ্রূপ ঐ ভাবরাশিকে কর্তৃজীবনে কিরূপে প্রয়োগ করিতে হয়, তাহারও কৌশল তিনি জানিতেন—সুতরাং পাশ্চাত্য দেশ হইতে প্রত্যা-বর্তনের অব্যবহিত পরেই এমন এক মঠরূপ আদর্শ নির্মাণের কল্পনা করিলেন, যাহাতে ভবিষ্যতে নরনারীগণ শ্রীরাম-কৃষ্ণদেবের জীবন ও চিন্তার অবিকল প্রতিবিম্ব দর্শন করি-বেন। এই কল্পনার তাঁহার মনের মৌলিকতা ও সাহসিকতারই পরিচয় দেয়।

১৮৯৯ খৃষ্টাব্দে বেনুড় মঠ স্থাপনার অব্যবহিত পূর্বেই তিনি 'মঠের নিয়মাবলী' নাম দিয়া তাঁহার যে ভাবরাশি লিপিবদ্ধ করেন, তাহার প্রথমেই আমরা এই কথাগুলি দেখিতে পাই,—

“শ্রীভগবান্ রামকৃষ্ণ-প্রদর্শিত প্রণালী অবলম্বন করিয়া নিজের মুক্তি-সাধন করা ও জগতের সর্বপ্রকার কল্যাণসাধনে শিকিত হওয়ার জন্য এই মঠ প্রতিষ্ঠিত হইল। স্ত্রীলোকদিগের জন্যও ঐ প্রকার আর একটি মঠ স্থাপিত হইবে।”

ইহাই তাঁহার মঠ-স্থাপনার আদর্শের প্রথম ও মূল কথা। কথাগুলি

অতি সামান্য বোধ হইতে পারে, কিন্তু গভীর এপিধান করিয়া দেখিলেই বুঝিতে পারা যায়, কথাগুলি অতি সারগর্ভ। মঠ ও মিশনের অঙ্গগণ যেখানে বেগুপে বতরূপ কার্য করিতেছেন, সেই বিরাট বিশালায়তন সমগ্র শ্রীরামকৃষ্ণ-সম্ভের—সমগ্র শ্রীরামকৃষ্ণ-প্রতিষ্ঠানের—ইহাই মূল ভিত্তি—উহার একমাত্র অবলম্বন স্তম্ভ।

কথাগুলি আর একটি তলাইয়া দেখা যাউক। প্রথমেই দেখিতেছি, স্বামীজী এই একটামাত্র বাক্যে নিজ মুক্তিসাধন ও জগতের কল্যাণ সাধন—এই আপাতবিরুদ্ধ দুইটি ভাবকে একত্র গ্রথিত করিয়াছেন। লোক সাধারণতঃ মনে করে—ভাগ ও সেবা—কর্ম ও উপাসনা কখন একত্র থাকিতে পারে না—একটি অপরটির বিরোধী—একটির

প্রাবল্য অপরটির বিকাশের বিঘ্ন হইবে, কিন্তু স্বামীজী এই মঠ-প্রতিষ্ঠা দ্বারা এই দুই আপাতবিরোধী ভাবস্বরের সমন্বয়সাধনের চেষ্টা করিয়া-ছেন। তাঁহার মতে ব্যক্তিগত মুক্তিসাধনের চেষ্টা কখনও সমগ্র মানবজাতির সেবার বিরোধী হইতে পারে না—আবার সেবা জিনিষটাকে সাধারণ ভাবে না দেখিয়া যদি সেবার চরমাদর্শের কথা ভাবা যায়, তবে যে ব্যক্তি আমাদের আত্মরূপ সত্য সূত্রের উপর পতিত কুজ-খটিক বরণ ভেদ করিতে বহুপরিকর তাঁহার ভাবের সঙ্গে আদ্য সেবকের ভাবের কোন পার্থক্য করা যায় না। যদি শ্রেষ্ঠতঃ জানের অর্থ হয়—জীবাত্মা পরমাত্মার মধ্যে সর্বপ্রকার স্তেদের বিলোপসাধন—আ যদি নিজ আত্মার সহিত সর্বত্র সর্বভূতে অবস্থিত ব্রহ্মে ঐক্যসাধনই ইহার চরম লক্ষ্য হয়, তবে ইহা স্বভাবতঃ বুঝিতে পারা যায় যে, সাধন বধন উচ্চতম আধ্যাত্মিক অনুভূতি লাভ করেন, তখন তাঁহা সর্বভূতের সেবার কার্যমনে বাক্যে সর্বান্তঃকরণে আত্ম সমর্পণ ছাড়া আর অন্য গণি



শ্রী রামকৃষ্ণ মিশনের সহকারী সভাপতি—শ্রীমৎ স্বামী অখণ্ডানন্দ

হইতে পারে না। অজ্ঞানপ্রসূত কুস্রভাব অতিক্রম করিয়া তিনি সম-জগৎকে প্রেমের সহিত আলিঙ্গন করেন। ইহাই তাঁহার চরম দিব্য সাক্ষ্যভাগ। স্বামীজী চাহিতেন, তাঁহার মঠের অঙ্গগণ তাঁহার কার্য সিদ্ধির জন্য শ্রীভগবানের হস্তে স্বেচ্ছায় বস্তুস্বরূপ হউক—বধন তাঁহা কার্য শেষ হইবে, তখন তাহার দিব্যজ্ঞানজনিত পরমানন্দলাভের ভা-হইবেই হইবে। শ্রীরামকৃষ্ণদেবও বারংবার আমাদের কাছে বলি গিয়াছেন, “নিজে নিষ্ঠি আমটি খেয়ে মুখ মুছে কেলা অপেক্ষা অপ-পাঁচ জনকে বিলি করে খাওয়া চের ভাল।”

আবার সাধারণভাবে দেখিলেও আমরা দেখিতে পাই—স্বামী এমন এক সম্ভের—এমন এক প্রতিষ্ঠানের আদর্শ চিত্রিত করিতেছে

যাহার অঙ্গ পূর্ণাবয়ব সমগ্র একটা ভাবসিদ্ধির যত্নসূত্র সম্ভব সুযোগ পায়—তাঁহার এই সম্ভব আদর্শের মধ্যে এতটুকু অসম্পূর্ণতা নাই, উহা সর্বপ্রকার ভাবসম্পদে সমৃদ্ধ। তাঁহার চিত্রিত এই সম্ভব আদর্শের কথা ভাবিলে বথার্থই মনে হয়, আমাদের স্বামীজী এক জন কত বড় আচার্য্য ছিলেন। তাঁহার মতে তাঁহার মঠের প্রত্যেক সাধককে জ্ঞান, ভক্তি, যোগ ও কর্ম—এই প্রসিদ্ধ সাধনচতুষ্টয়কেই নিজ নিজ জীবনে সমষ্টিভাবে সাধন করিতে হইবে—অবশ্য রুচি ও ঐচ্ছিকারবিশেষে যাহার যে দিকে স্বাভাবিক ঝোঁক, তিনি সেই দিকে একটু বেশী ঘোর দিবেন—এই মাত্র। ইহাদের মধ্যে কোনটিকেই বাদ দিলে চলিবে না—তাহা হইলে সাধনা অসম্পূর্ণ থাকিয়া যাইবে। তৎপ্রণীত মঠের নিয়মাবলী পাঠে আর একটু অগ্রসর হইয়াই দেখিব, তিনি মঠের অঙ্গগণকে এক দিকে যেমন ধ্যান, ধারণা, উপাসনা করিতে উপদেশ দিতেছেন, অপর দিকে তদ্রূপ তাহাদের অঙ্গ বিদ্যাচর্চা ও কর্মেরও ব্যবস্থা করিতেছেন। তৎকথিত সাধনপ্রণালীসমূহের মধ্যে এই দুইটি ভাবের অপূর্ব সমন্বয়সাধনের চেষ্টা সর্বত্র দেখিতে পাওয়া যায়। স্বামীজীর মতে মঠের কার্যাবলী যে সঙ্কীর্ণ সীমায় আবদ্ধ না থাকিয়া উদার ও ব্যাপকভাবে বহুবিধ কলাগণের পথে প্রধাবিত হওয়া উচিত, তাহা উক্ত নিয়মাবলীতে উল্লিখিত স্বামীজীর নিয়মিত কথামূলিতে স্পষ্টভাবে নির্দেশ করিতেছে ;—

“এই প্রকার মঠ সমস্ত পৃথিবীতে স্থাপন করিতে হইবে। কোন দেশে আধ্যাত্মিক ভাবমাত্রেরই প্রয়োজন—কোন দেশে ইহজীবনের কিঞ্চিৎ সুখ-স্বচ্ছন্দতার অতীব প্রয়োজন। এই প্রকারে যে জাতিতে বা যে ব্যক্তিতে অভাব অত্যন্ত প্রবল, তাহা পূর্ণ করিয়া সেই পথ দিয়া তাহাকে ধর্মরাজ্যে লইয়া যাইতে হইবে। ভারতবর্ষে প্রথম ও প্রধান কর্ণবা—নীচ শ্রেণীর লোক-দিগের মধ্যে বিদ্যা ও ধর্মের বিতরণ। অল্পের ব্যবস্থা না করিতে পারিলে ক্ষুধার্ত ব্যক্তির ধর্ম হওয়া অসম্ভব। অতএব তাহাদের নিমিত্ত অনাগমের নূতন উপায় প্রদর্শন করা সর্বাপেক্ষা প্রধান ও প্রথম কর্ণবা।”

স্বামীজীর এই সুস্পষ্ট বাক্য হইতে বেশ বুঝিতে পারা যায়, তিনি মঠের অঙ্গগণের অঙ্গ যে সকল আধ্যাত্মিক সাধনার নির্দেশ করিয়া গিয়াছেন, জীবরূপী নারায়ণের সেবা তন্মধ্যে অঙ্গতম প্রধান সাধন। শ্রীরামকৃষ্ণভক্তগণ স্বামীজীকে তাঁহার জীবন ও উপদেশের ব্যাপ্যাত্মরূপে স্বীকার করিলে কেবল ধ্যান-ধারণা-সহায়ে ইহজীবনেই ভগবৎসাক্ষাৎকারপ্রয়াসী সাধকগণ যে কার্যগুলিকে তাঁহাদের জীবনযাত্রা-প্রণালীর সম্পূর্ণ বহির্ভূত বলিয়া মনে করেন, এত দিন যে কার্যাবলী সাংসারিক কার্যমাত্র বলিয়াই বিবেচিত হইত, সেই ভাবের কাঁচা তাঁহাদিগকেও অবশ্যই অবলম্বন করিতে হইবে। শ্রীগীতা বলেন, শুধু কর্মের মানুষকে উন্নত বা অবনত করিবার কোন শক্তি নাই—কি ভাবে মানুষ কার্য করিতেছে, তাহার দিকে দৃষ্টি করিতে হইবে এবং ঐ অবস্থাসূত্রেই কর্ম তোমাকে হয় বন্ধন ও অবনতির দিকে অথবা উন্নতি ও মুক্তির দিকে

লইয়া যাইবে। আরও দেখ—এ কথাও যুক্তিসঙ্গত যে, যদি ভক্তি ও প্রেমের সহায়তার সাধক শুধু একটি প্রতিমার মধ্যে ভগবৎসত্তার উপলব্ধি করিতে পারে, তবে সেই পরিমাণ সরলতা, ভক্তি ও প্রেম-সহায়ে যদি মানুষের উপাসনা করা যায়—চেতন মানুষ অবশ্য জড়বস্তু হইতে শ্রেষ্ঠ—তবে নিশ্চিতই সে আরও সহজে তথায় ভগবৎ উপলব্ধি করিতে পারে। মানুষই যে ভগবানের সর্বশ্রেষ্ঠ প্রতীক এবং নর-নারায়ণের উপাসনাই যে জগতে সর্বশ্রেষ্ঠ উপাসনা—তাহাতে আর কি সন্দেহ থাকিতে পারে ?

এই ত স্বামীজীর সাধনার আদর্শের মূল সূত্র। এই মূল সূত্র অবলম্বনে আরও কিয়দূর অগ্রসর হইয়া স্বামীজী মঠের কার্যপ্রণালী সম্বন্ধে একটি কথা বলিতেছেন—তাঁহার মতে নিয়োক্ত কার্যপ্রণালী ধীরে ধীরে অবলম্বন করিতে পারিলে তাঁহার ভাব অনেকটা কার্যে পরিণত হইতে পারে। স্বামীজী বলিতেছেন,—

“এখন উদ্দেশ্য এই যে, এই মঠটিকে ধীরে ধীরে একটি সর্বাত্মসুন্দর বিশ্ব-বিদ্যালয়ে পরিণত করিতে হইবে। তাহার মধ্যে দার্শনিক চর্চা ও ধর্ম-চর্চার সঙ্গে সঙ্গে একটি পূর্ণ টেকনিক্যাল ইন্সটিটিউট করিতে হইবে। এইটি প্রথম কর্ণবা। পরে অস্ত্রাঙ্গ অবয়ব ক্রমে ক্রমে সংযুক্ত হইবে।”

কি প্রকাণ্ড বিরাট কল্পনা !

প্রাচীন গভাত্মগতিক ধর্মের আদর্শ এই যে, উহাতে কর্মের একেবারে স্থান নাই—কই, এখানে ত ঐ আদর্শের সহিত আপোষ করিবার চেষ্টার বিন্দু-মাত্র চিহ্নও দেখা যাইতেছে না। স্বামীজী তাঁহার স্বদেশবাসীকে যে শিক্ষা দিয়া গিয়াছেন, এখানেই তাহার বিশেষত্ব। প্রাচীন কালে এইরূপ প্রতিষ্ঠানগুলির যে অনিবাধ্য শোচনীয় পরিণাম দাঁড়াইয়াছে, মঠেরও যাহাতে সেই অধোগতি না হয়, তজ্জন্ত স্বামীজী ইহার অধ্যক্ষগণকে এই বলিয়া সাব-ধান করিতেছেন :—

“অতএব এই মঠে যাহারা এক্ষণে অধ্যক্ষ আছেন বা পরে অধ্যক্ষ হইবেন, তাঁহারা সর্বদা যেন এই মনে মতেই বাবাজীদিগের ঠাকুরবাটিতে পরিণত না হয়।”

“ঠাকুরবাটি যারা ছই চারি জনের কিঞ্চিৎ উপকার হয়, ছই দশ জনের কৌতুহল চরিতার্থ হয়। কিন্তু এই মঠের যারা সমগ্র পৃথিবীর কল্যাণ সাধিত হইবে।”

স্বামী বিবেকানন্দ এই পূর্বোক্ত ভাবকে ভিত্তি করিয়াই এই মঠ স্থাপন করিয়াছিলেন।

যে মঠ এইরূপ উচ্চাঙ্গরূপ ভিত্তির উপর স্থাপিত, বাহ্যতে ইহার ইষ্টদেবতা ভগবান্ শ্রীরামকৃষ্ণের জীবন প্রতিকলিত, তাহা যে উদারতার মূর্ধ বিগ্রহরূপ মাত্র, তাহাতে কি আর কিছু সন্দেহ থাকিতে পারে ? সুসঙ্গ মানবজাতি জ্ঞান, ভক্তি, যোগ ও কর্মের অপূর্ব সমন্বয়স্বরূপ শ্রীরামকৃষ্ণজীবনের জ্ঞান একটি জীবন আর দেখে নাই। সুতরাং যাহারা শ্রীরামকৃষ্ণ-চরিত্রের পূর্ণ আদর্শের হাঁচি নিজেদের চরিত্রগঠনে



বোষ্টন বেদান্ত-সমিতির অধ্যক্ষ—শ্রীমৎ স্বামী পরমানন্দ

সমর্থ হইয়াছেন, তাহারাই কেবল মঠের ভাবে ভাবিত বলিয়া বুঝিতে হইবে। সেই কারণেই স্বামীজী বলিতেছেন :—

“জ্ঞান, ভক্তি, যোগ ও কর্মের সমবায়ে চরিত্র গঠিত করা এই মঠের সাধন বলিয়া পরিগৃহীত হইবে।”

তাই তিনি দৃঢ়তার সহিত বলিতেছেন :—

“অতএব সকলেরই মনে রাখা উচিত যে, এই সকল অঙ্গের যিনি একটিতেও ন্যূনতা প্রদর্শন করেন, তাহার চরিত্র রামকৃষ্ণরূপে ধ্বংস প্রকৃষ্টরূপে দ্রুত হয় নাই।”

“আরও ইহা মনে রাখা উচিত যে, নিজের মুক্তিসাধনের জন্ত যিনি চেষ্টা করেন, তদপেক্ষা যিনি অপরের কল্যাণের জন্ত চেষ্টা করেন, তিনি মহত্তর কার্য্য করেন।”

ইহাই এই মঠের বিশেষত্ব।

শ্রীরামকৃষ্ণদেবের আবির্ভাবের পূর্বে লোক মনে করিত, একপ্রকার সাধন-প্রণালীই মঠবিশেষে অনুষ্ঠিত হইতে পারে—লোক শুধু যে ইহা স্বাভাবিক ভাবিত, তাহা নহে—ইহা অনিবাধ্য বলিয়া বিবেচিত হইত। কিন্তু ষেত, বিশিষ্টাষ্টমত ও অষ্টমত এই ত্রিবিধ প্রধান ভারতীয় দার্শনিক তত্ত্বকেই এক অনন্ত ব্রহ্ম-সত্তারই ত্রিবিধ বিভিন্ন অনুভূতিরূপে উপলব্ধি করিয়া ভগবান্ শ্রীরামকৃষ্ণদেব অতীন্দ্রিয় আধ্যাত্মিক অনুভূতির বহুদৃঢ় ভিত্তির উপর এমন এক মঠপ্রতিষ্ঠা সম্ভবপর করিয়াছেন, যথা হইতে চরম নিরপেক্ষ সত্যের উপলব্ধির উপায়স্বরূপ এই

ত্রিবিধ দার্শনিক মতেরই সমান সার্থকতা সাহস সহকারে উচ্চকণ্ঠে ঘোষিত হইতে পারে। এক দিকে বেণী ঝাঁক দিবার ফলে মঠের ভিতর কতকগুলি দোষ প্রবেশ করা অনিবাধ্য—তাহা যাহাতে না ঘটে, তদ্ব্যতীত স্বামীজী মস্তিষ্ক, হৃদয় ও হস্ত—ইহাদের পরিচালনার উপর সমান জোর দিতেন। তিনি জানিতেন, যদি কর্মের ভিতর ধর্মভাবের প্রেরণা না থাকে, যদি ঐ সঙ্গে ধ্যানধারণা, সদসংঘচার ও অস্তান্ত আধ্যাত্মিক সাধন অনুষ্ঠিত না হয়, তবে ঐ কর্ম প্রাণহীন স্নানসেবা কাষ্যে মাত্র পর্যাবসিত হয়। উচ্চ জ্ঞান ও আদর্শের সহিত অসংবদ্ধ এইরূপ প্রাণহীন

অভ্যুদয়ের স্তার কার্যের দ্বারা কেবল বন্ধনের পর বন্ধনই আনিয়ন করে। যখন আমাদের হৃদয় নির্মল হয় এবং হৃদয় তাহার পূর্ণতম বিকাশের অবকাশ পায়, তখনই হাত প্রকৃত লোকের উদ্দেশ্যে কার্য্য করিতে পারে। সেইরূপ কেবল বিচার ও শাস্ত্রচর্চা শুধু অসার বুদ্ধির ব্যায়ামে মাত্র পরিণত হয়, যদি না তজ্জনিত সিদ্ধান্তসমূহ কর্মজীবনে প্রকাশ পায়। সেইরূপ যদি ভক্তির সহিত বিচার ও কর্মের যোগ না থাকে, তবে উহা নিরর্থক ও অনেক সময় মহা অনিষ্টকর আবুকতায় মাত্রে পর্যাবসিত হয়। সত্যকে জানা, অন্তরের অন্তরতম প্রদেশে

উহার অস্তিত্ব অনুভব করা এবং জীবনের সর্বাবস্থায় সর্বকার্যে উহার প্রকাশ উপলব্ধি করাই সর্বোচ্চ ব্রহ্ম-পল কি—প্রকৃতপক্ষে উহা সেই একই অনুভূতির তিনটি প্রকাশ-ভেদ মাত্র। তাহার মতে তিনিই আদর্শ সন্ন্যাসী, যিনি যখন ইচ্ছা, গভীর ধ্যানে নিমগ্ন হইতে সমর্থ হইবেন, আবার পর-মুহূর্ত্তে শাস্ত্রের জটিল অংশের ব্যাখ্যা করিতে প্রস্তুত হইবেন। সেই সন্ন্যাসীই আবার সমান উৎসাহে বাগানের কায্য করিবেন এবং তদুৎপন্ন ত্রব্য মাথায় লইয়া বাজারে গিয়া বিক্রয় করিয়া আসিবেন।

মঠের কার্য্য কি ভাবের হওয়া উচিত, তৎসম্বন্ধে স্বামীজীর নিম্নলিখিত স্পষ্ট উপদেশ রহিয়াছে,—

“বিচার অভাবে ধর্মসম্প্রদায় হীনদশা প্রাপ্ত হয়। অতএব সর্বদা বিচার চর্চা থাকিবে।

“ভ্যাগ এবং তপস্তার অভাবে বিলা-

সিতা সম্প্রদায়কে গ্রাস করে; অতএব ভ্যাগ এবং তপস্তার ভাব সর্বদা উজ্জল রাখিতে হইবে।

“প্রচারের দ্বারা সম্প্রদায়ের জীবনীশক্তি বলবতী থাকে, অতএব প্রচারকার্য্য হইতে কখনও বিরত থাকিবে না।”

আবার—

“সর্কার সমাজে ধর্মের গভীরতা ও প্রবলতা থাকে, কীৰ্ত্তনপুঞ্জলধারা সমগ্ৰিক বেগশালিনী। উদার সমাজে ভাবের বিস্তারের সঙ্গে সঙ্গে গভীরতা ও বেগের নাশ দেখিতে পাওয়া যায়।



সম্মেলনের বক্তা—ডাঃ বিজ্ঞাননাথ মৈত্র

“কিন্তু আশ্চর্য্য এই যে, সমস্ত ঐতিহাসিক দৃষ্টান্ত উন্নয়ন করিয়া এই রামকৃষ্ণরীয়ে সমুদ্র হইতেও গভীর ও আকাশ হইতেও বিস্তৃত ভাবরাশির একত্র সমাবেশ হইয়াছে।

“ইহার দ্বারা প্রমাণ হইতেছে যে, অতি বিশালতা, অতি উদারতা ও মহাপ্রবলতা একাধারে সন্নিবিষ্ট হইতে পারে এবং ঐ প্রকারে সমাজও গঠিত হইতে পারে। কারণ, বাস্তব সমষ্টির নামই সমাজ।”

অবশ্য শ্রীরামকৃষ্ণের জ্ঞান বিশাল ও উদারতাবাপন্ন পুরুষ জগতে ছিল। কিন্তু যদি মঠের বিভিন্ন অঙ্গগণ শ্রীরামকৃষ্ণকে তাঁহাদের আদর্শরূপ রাখেন এবং তাঁহাদের বিভিন্ন প্রকৃতি অনুযায়ী বিভিন্ন সাধনপথ অবলম্বন করিলেও তাঁহাদিগের প্রত্যেককে শ্রীরামকৃষ্ণ-সম্বন্ধে অত্যাবশ্য অঙ্গরূপে বিবেচনা করা হয় এবং সকল-কেই তাঁহাদের ব্যক্তিগত উন্নতি ও ভাবপ্রকাশের সমান সুবিধা করিয়া দেওয়া হয়, তবে এই অভাব অনেকটা পূর্ণ হইতে পারে এবং মঠেরও অর্থও ও সম্ভবতঃ ভাব অনেকটা রক্ষা করা যাইতে পারে। শ্রীরামকৃষ্ণদেব এক্ষণে স্থলদেহে বর্তমান না থাকিতে পারেন, কিন্তু যত দিন এই উদারভাব অক্ষুণ্ণ থাকিবে, তত দিন মঠ নিষ্করই তাঁহার সান্নিধ্য অক্ষুণ্ণ ভব করিবে। স্বামীজী ও বলিয়াছেন,—

“এই সম্বন্ধে তাঁহার অঙ্গ-রূপ এবং এই সম্বন্ধে তিনি সচা বিরাজিত। একীভূত সংঘ যে আদেশ কল্পেন, তাহাই প্রভুর আদেশ। সমস্তকে যিনি পূজা করেন, তিনি প্রভুকে পূজা করেন এবং সমস্তকে যিনি অমান্য করেন, তিনি প্রভুকে অমান্য করেন।”

এইরূপ উদারতাবের ভিত্তির উপর প্রতিষ্ঠিত সঙ্ঘের ভিতর বিদ্বিষ্ট হইবার—বিরোধ বাধিবার কতকগুলি উপাদান থাকিতে পারে—ইহা আপাত দৃষ্টিতেই বোধ হইবে। আর মনের অমিল পূর্বে হইলেই বাহিরে বিরোধ বাধে এবং ঐ অমিল যত বাড়িতে থাকে, বিরোধও ততই বাড়িতে থাকে। এই কারণেই স্বামীজী উদ্দেশ্যের একতাই সম্বন্ধে অখণ্ডতারকার পক্ষে—ঐক্যবন্ধনের পক্ষে প্রধানতম উপায় বলিয়া নির্দেশ করিয়াছেন। মঠের সকল অঙ্গেরই স্বামীজীর মঠের অখণ্ডতা সঞ্চায় এই ভাবটির কথা পুনঃ পুনঃ চিন্তা ও আলোচনা করা এবং নিজের ব্যক্তিগত জীবনে উহা কার্যে পরিণত করিবার চেষ্টা করা কর্তব্য। স্বামীজী বলিয়াছেন,—

“প্রীতি, অধ্যাক্ষিপের আচ্ছাদনহতা, সহিত্বতা ও একীভূত পবিত্রতাই জাত্ববর্গের মধ্যে একতারকার একমাত্র কারণ।”

ব্যক্তিকই যদি আমরা স্বামীজীর আদেশপালনের জন্ত প্রাণপণে

চেষ্টা করি, তবে আমাদের মঠমিশনের মধ্যে দলাদলি ও বিরোধরূপ বিপৎপাতের কোন আশঙ্কা নাই।

তার পর দেখা যায়, অজ্ঞাত বিবরে উচ্চপ্রকৃতি হইলেও মানবশের আকাঙ্ক্ষারূপ দুর্বলতা ছাড়াইয়া উঠা বড় কঠিন—মহাজনগণও উহার প্রলোভনে অনেক সময়ে কর্তব্য-ত্রষ্ট হইয়া থাকেন। এই মানবশের আকাঙ্ক্ষার পরস্পরের প্রতি ঈর্ষাতাব জাগিয়া উঠে—ইহাতেই অবশেষে সজ্ব ভীড়িয়া যায়।

তাই স্বামীজী বলিতেছেন,—

“আমাদের ঠাকুর মানের জন্ত আসেন নাই, আমরা তাঁহার দাস, আমরাও মান-ভোগের আকাঙ্ক্ষী নহি। কেবল নিজে পবিত্র থাকিয়া

অন্যকে পবিত্রতা শিক্ষা দিয়া তাঁহার আজ্ঞা পালন করাই আমাদের প্রধান উদ্দেশ্য।

“এই মঠের প্রত্যেক অঙ্গেরই ভাবা উচিত যে, তাঁহার প্রত্যেক কার্যে তিনি যেন শ্রীভগবানের মহিমা প্রকাশ করেন। তিনি যেখানেই যান বা যে অবস্থাতেই থাকুন, তিনি শ্রীরামকৃষ্ণের প্রতিনিধি; এবং লোকে তাঁহার মধ্য দিয়াই শ্রীভগবানকে দর্শন করিবে।

“এই ভাবটি সদা মনে জাগরুক থাকিলে আর বেচালে পা পড়িবে না।”

স্বামীজীর উপরিউক্ত আদেশ প্রাণপণে পালনের চেষ্টা করিলে মঠের বিভিন্ন অঙ্গ ও মঠভুক্ত বিভিন্ন আশ্রম ও সন্ন্যাসসমূহের মধ্যে উদ্দেশ্যের একতা সাধিত হইবে এবং তাহাতেই পরস্পরের মধ্যে সহানুভূতি, সঙ্ঘাব ও সহযোগিতা বর্ধিত হইবে। যে মহাতরঙ্গের প্রাবল্য সমগ্র মানবজাতির মধ্যে বর্তমান গভীর অবসাদ ও অবনতি মুছাইয়া ফেলিতে ছুটিয়াছে, সেই তরঙ্গের শীর্ষদেশে ভগবান শ্রীরামকৃষ্ণদেব অবস্থিত। আমরা সর্কাবস্থায় সকল

কার্যে যেন তাঁহার সর্ববিরোধ-সম্বন্ধকারী, মহামিলনসাধক পুতচরিত্র সদা-সর্বদা অনুধ্যান করিয়া কাব্যাক্ষেত্রে অগ্রসর হই।

সমগ্র মঠের ভিতর অধ্যাক্ষ ও সেবকগণের মধ্যে প্রগাঢ় শ্রীতির সন্ধন থাকা উচিত। সেবকগণের উচিত—সর্বদা অধ্যাক্ষগণের আদেশপালনে প্রাণপণে প্রস্তুত থাকা; তদ্রূপ অধ্যাক্ষগণ যেন প্রাণে প্রাণে বুঝেন, আমরা অধ্যাক্ষ নহি, আমরা এই সেবকগণের—কর্মীগণের সেবকমাত্র, তাঁহাদের আচ্ছাদন ভৃত্যমাত্র। অধ্যাক্ষের গুণপণার উপরই সম্ভবতঃ প্রতিষ্ঠানবিশেষের সাকল্য ও সিদ্ধি অনেক পরিমাণে নির্ভর করে। আমাদের প্রকৃতিতে সম্ভবতঃভাবে কার্য করিবার শক্তি একান্তাভাব। ইহাই আমাদের জাতীয় প্রকৃতির বিশেষত্ব হইয়া



সম্মেলনের বক্তা—রায় চুলিলাল বসু বাহাদুর

দাঁড়াইয়াছে। সম্পূর্ণ ঈর্ষান্বিতাই কিন্তু সংযতভাবে কাঁধা করিয়া তাহাতে সকলতা লাভ করিবার গুঢ় সঙ্কেত। অধাক বা নেতার সর্বদা তাঁহার অনুবর্তী ও সহযোগী সেবকগণের মতামত গ্রহণ করিয়া তদনুসারে নিজ কাঁধাপ্রণালী নিয়মিত করা এবং সর্বদা সকলের সঙ্গে মিলিয়া মিশিয়া চলা কর্ভবা; স্বামীজী অধাকগণকে উদ্দেশ করিয়া বলিয়াছিলেন, “কর্তৃত্ব করিতে কখনও যাইও না—যে সকলের সেবার প্রস্তুত, সেই যথার্থ কর্ভু করিবার উপযুক্ত। ‘শিরদ্বার ত সর্দার।’ অপরকে পরিচালিত করিতে, অপরের উপর কর্ভু করিতে, মার্কিনরা যাহাকে bossing বলে, তাহা করিতে যাইও না। সকলের দাস হও। তুমি যদি নেতার আসন গ্রহণ করিয়া আপনাকে একটা মন্ত বড় নেতা বলিয়া দেখাইতে চেষ্টা কর, তবে কেহ তোমার সাহায্যার্থ আসিবে না। যদি কোন বিষয়ে কৃতকাঁধা হইতে চাও, তবে আগে নিজের অহংকে নাশ করিয়া ফেল। আবার কোন কাঁধে সফল হইবার একটা উপায়—প্রথমেই বড় বড় কাঁধের মন্তলব না করা—ধীরে ধীরে আরম্ভ কর—দেপ, কতটা কাঁধে অগ্রসর হইতে সমর্থ হইতেছ—তার পর আরও অগ্রসর হও।”

প্রত্যেক সেবককে কি ভাবে অধ্যক্ষের আদেশ পালন করিতে হইবে, তাৎসম্বন্ধে স্বামীজী একটা মন্তর ক্রুধা বলিয়াছেন,— “যদি অধাক আদেশ করেন—ঐ কুমীরটাকে ধর গিয়া—তবে আগে গিয়া উহাকে ধর, তার পর তর্ক করিও।” স্বামীজী গভীর দুঃখের সহিত বলিয়াছিলেন— আজকাল ভারতে যদি কোন গুরুতর পাপ রাজ্জ করিতে থাকে, তবে তাহা আমাদের দাসমূলভ প্রকৃতি—সকলেই চায় হুকুম করিতে—হুকুম তামিল করিবার লোকের অভাব। আর প্রাচীন যুগে যে অদ্ভুত ব্রহ্মচাঁধাপ্রথা ছিল, তাহার অভাব হইয়াছে বলিয়াই এটি ঘটয়াছে। প্রথমে হুকুম তামিল করিতে শিপ। সর্বদাই গোড়ায় আজ্ঞাবহ ভূতোর কাঁধ বসিতে শিপ, তবেই ঠিক ঠিক প্রভু হইতে পারিবে। সেবককে জীবনের মমতা পঁধাস্ত বিসর্জন দিয়া সর্বদা অধাকের আজ্ঞাপালনে প্রস্তুত থাকিতে হইবে।

স্বামীজীও বলিয়াছেন— “আজ্ঞাবহতাই কাঁধাকারিতার প্রধান সহায়। অতএব প্রাণভঙ্গ পঁধাস্ত পরিত্যাগ করিয়া আজ্ঞা পালন করিতে হইবে। সকল দুঃখের মূল ভয়। ভয়ই মহাপাপ। সেই ভয় একেবারে ছাড়িতে হইবে।”



রায় শ্রীকৃষ্ণ গোপালচন্দ্র চট্টোপাধ্যায় বাহাদুর

মঠের অঙ্গগণের মধ্যে ও মঠের বিভিন্ন শাখার মধ্যে পরস্পর সহযোগিতা বর্ধনের অস্ত স্বামীজী আরও কতকগুলি মন্তর কথা বলিয়া গিয়াছেন :—

“অপরের নামে গোপনে নিন্দা করা ভ্রাতৃত্বাব-বিচ্ছেদের প্রধান কারণ। অতএব কেহই তাহা করিবে না। যদি কোন ভ্রাতার বিরুদ্ধে কিছু বলিবার থাকে ত একান্তে তাহাকেই বলা হইবে।

“তাঁহার সেবক বা সেবকের সেবকদের মধ্যে কেহই মন্ত নহে। মন্ত হইলে কেহ এখানে আসিত না। অতএব কাঁধাকেও মন্ত ভাবিবার অগ্রে ‘আমি মন্ত দেখি কেন?’ প্রথম ভাষা উচিত।”

সম্বন্ধবিপ্লবপ্ররাসী মঠের অঙ্গের উদ্দেশে স্বামীজীর সাবধানবাণী এখনও আমাদের কর্ণে প্রতিধ্বনিত হইতেছে :—

“সংহতিই অভ্যু-খানের প্রধান উপায় ও শক্তি-সংগ্রহের একমাত্র পন্থা। অতএব যে কেহ কাঁধ, মন ও বাক্যের দ্বারা এই সংহতির বিপ্লবণ করিতে চেষ্টা করিবেন, তাঁহার মন্তকে সমস্ত সঙ্ঘের অভিশাপ নিপতিত হইবে এবং তিনি ইহপরলোক উত্তর হইতে ভ্রষ্ট হইবেন।”

এবার অস্ত একটা প্রশঙ্ঘের অবতারণা করিতে চাই। আজকাল, রামকৃষ্ণসঙ্ঘের কাঁধা রামকৃষ্ণ মঠ বা আশ্রম ও রামকৃষ্ণ মিশন—এই দুই ঙ্গাণে বিভক্ত হইয়া অস্থিতি হইতেছে। ই হা তে অনেকের মনে একটা গোলমাল ঠে কে—আমি তোমাদিগকে বলিতেছি, মূলতঃ রামকৃষ্ণ মঠ ও মিশনে কোন পার্ধকা নাই—কাঁধোর স্থবিধার অস্তই এই দুইটি পৃথক্ নামের

সৃষ্টি করা হইয়াছে। সাধারণতঃ অনেকের বিশ্বাস—মঠ ধ্যান-ধারণা, অধ্যয়ন-অধ্যাপনাদির স্থান আর সেবা-কাঁধাটা মিশনের ভিতর ঠেলিয়া দেওয়া হইয়াছে। কাঁধাতঃ, অনেক ক্ষেত্রে সেইরূপ হইয়াছে বটে, কিন্তু এ সম্বন্ধে যে কতকগুলি ভ্রাতৃ ধারণার সৃষ্টি হইয়াছে—সেইগুলি দূর করা আবশ্যিক।

আমি ইতঃপূর্বেই স্বামীজী মহারাজের কথিত মঠের আদর্শ ও কাঁধাপ্রণালী সম্বন্ধে যে কথা বলিয়াছি, তাহা স্মরণ করিলে বুঝিবে, তাঁহার মতে মঠে যেমন এক দিকে ভক্তি, পূজা, উপাসনা, তদ্রূপ অপর দিকে কর্ণেরও স্থান আছে; এক দিকে যেমন ধ্যান-ধারণা, অধ্যয়ন-অধ্যাপনার স্থান আছে, অপর দিকে সমাজ-সেবারও তদ্রূপ স্থান আছে। পূর্বেই আমি দেখাইয়াছি,

স্বামীজী বেণুড় মঠকে একটি সর্বাঙ্গসম্পূর্ণ বিশ্ববিদ্যালয়ে পরিণত করিতে চাহিয়াছিলেন—তাহাতে ধর্ম ও দর্শনচর্চার সঙ্গে সঙ্গে একটি 'টেকনিক্যাল ইনস্টিটিউট' করিবার কথা বলিয়াছেন। তিনি জীবিত থাকিতে এই সম্বন্ধে মঠ ও মিশন নাম দিয়া দুইটি বিভাগ করিবার কোন প্রয়োজন হয় নাই। তাহার আদর্শাবলী কর্মজীবনে প্রয়োগ করিবার জন্ত তিনি প্রথম বার আমেরিকা হইতে ফিরিবার কিছু পরেই ১৮৯৭ খৃষ্টাব্দের ১লা মে তারিখে শ্রীরামকৃষ্ণদেবের গৃহী ও সরাসী শিবাগণকে ইয়া একটি সমিতি স্থাপন করেন; উদ্দেশ্য—সমগ্র মানবজাতির কল্যাণের জন্ত সকলে মিলিয়া একটা সম্বন্ধ চেষ্টা। ঐ সমিতির তিনি নামকরণ করেন রামকৃষ্ণ মিশন। ক্রমে ইহার উন্নতি ও কাযের প্রসার হইতে লাগিল এবং নানা শাখা-প্রশাখা বাড়িতে লাগিল—পরিশেষে কাযের সুবিধার জন্ত ১৯০৯ খৃষ্টাব্দে ইহাতে ১৮৬০ খৃষ্টাব্দের

সং হও এবং অপরকেও সং হইবার জন্ত সাহায্য কর। আর আমি পূর্বেই বলিয়াছি, তিনি এই আদর্শটি কার্যে পরিণত করিবার জন্ত জ্ঞান, ভক্তি, যোগ ও কর্ম—এই চতুর্বিধ প্রচলিত সাধনমার্গ সম্মিলিতভাবে সাধন করিতে হইবে, ইহাই উপদেশ করিয়া গিয়াছেন—অবশ্য প্রকৃতিভেদে ১৫ সাধকের বে দিকে বিশেষ ঝোঁক, সেই দিকটাই প্রধান ভাবে অবলম্বন করিবার অনুমতিও দিয়াছেন। সুতরাং মঠ ও মিশনের আদর্শের মধ্যে বিরোধের কোন অবকাশ নাই। রাহ ও তাহার শির প্রকৃতপক্ষে এক বস্তু হইলেও কেবল বাক্যবিশ্বাসের ফলে যেমন একটা কাল্পনিক পার্থক্যের ভাব আমাদের মনে আনয়ন করে—মঠ ও মিশনের মধ্যে ভেদ আবিষ্কারের চেষ্টাও তৎসদৃশ। সুতরাং এই সম্বন্ধে মধ্য যাহারা সেবাকার্যে নিযুক্ত আছে, তাহারাও হিমালয়ের গুহায় থাকিয়া তপস্যায় নিযুক্ত সম্বন্ধে অঙ্গগণ হইতে কোন



বেণুড় মঠ

২১ আইন অনুসারে রেজিষ্টারি করা হইল। তদবধি কেবল আইন বজায় রাখিবার জন্ত রামকৃষ্ণ মঠ ও মিশনের ভিতর একটা নামমাত্র পার্থক্য রাখা হইতেছে। প্রকৃতপক্ষে ধরিতে গেলে সাধারণের সুবিধার জন্ত এই মঠেরই একটি অংশবিশেষের নাম রাখা হইয়াছে রামকৃষ্ণ মিশন। শ্রীরামকৃষ্ণ সম্বন্ধে প্রত্যেক অঙ্গই—তিনি যে কোন কার্যক্ষেত্রে থাকিয়াই কর্ম করুন না কেন—স্বামীজী যাহাকে প্রকৃত পক্ষে রামকৃষ্ণ মঠ বলিয়া মনে করিতেন, তাহারই অঙ্গীভূত। সুতরাং বর্তমান মঠ ও মিশনের কার্যাবলীর ভিতর একটা কাল্পনিক বাবধানের সৃষ্টি করিবার চেষ্টা স্বামীজীর ভাবের সম্পূর্ণ বিরুদ্ধ এবং সেই হেতু ঐ ধারণার ভিত্তিই ভ্রমপূর্ণ ও যত দিন উহা আমাদের মন হইতে সমূলে উৎপাটিত না হয়, তত দিন আমাদের কল্যাণ নাই। মঠ ও মিশনের স্মারকশের মধ্যে পার্থক্য দেখিবার চেষ্টাই অস্তায় ও দূষণীয়—উহাতে অনেক বিপদ আছে। মঠের সকল অঙ্গেরই প্রতি স্বামীজীর আদেশ এই—নিজে

অংশে কম নহে—অবশ্য যদি সকলেই স্বামীজীকথিত আদর্শটিকে স্বীকার করিয়া লয়। যাহারা কিছুকালের জন্ত কর্মজীবন হইতে একেবারে অবসর লইয়া কেবল ধ্যান-ধারণা স্বাধার্যাদিতে নিযুক্ত থাকিয়া আপনাদিগকে কর্মজীবনের অধিকতর উপযোগী করিয়া গড়িয়া তুলিবার চেষ্টা করে, তাহাদিগকেও আমরা মঠের বিশেষ মূল্যবান অঙ্গ বলিয়া ভাবিয়া থাকি—সম্বন্ধে উন্নতি ও জীবনীশক্তি অব্যাহত রাখিবার জন্ত এইরূপ সর্লকর্মতাগী সাধকেরও বিশেষ প্রয়োজন আছে। মঠ যেন একটি সুন্দর পুষ্পগুচ্ছ—জ্ঞান, ভক্তি, যোগ ও কর্মরূপ নানা বর্ণের সুগন্ধি পুষ্প দ্বারা উজা নির্মিত—এই বিভিন্ন বর্ণের সমবায়ে উহা সৌন্দর্য্যে সমৃদ্ধ হইয়াছে।

বন্ধুগণ, তোমাদিগকে আমার যাহা বলিবার ছিল—সব বলিলাম। শ্রীরামকৃষ্ণ-সন্তানগণ, আমার যে সামান্ত অভিজ্ঞতা আছে, তাহা হইতে তোমাদিগকে বলিতেছি, যত দিন আমাদের এই সম্বন্ধে ঠিকভাবে

অনুপ্রাণিত থাকিবে, তত দিনই ইহা টিকিবে। শ্রীতি, উদারতা, পবিত্রতা ও নিঃস্বার্থতাই আমাদের সর্ব্বের ভিত্তি। যদি স্বার্থপরতা ইহার মজ্জায় প্রবেশ করে, তবে মানুষের প্রণীত আইন-কানুনে ইহাকে ধ্বংসের হাত হইতে রক্ষা করিতে পারিবে। এষ্ট মঠ তোমাদিগকে সেই আদর্শ পূর্ণতা লাভ করিবার জন্ত সর্ব্বপ্রকার সুবিধা করিয়া দিতেছে এবং সর্ব্ববিধ সুবিধা করিয়া দিতে সদা প্রস্তুত। তোমরা যদি মঠের সম্পূর্ণ অধীন থাকিয়া সকলেই ঐ পূর্ণতালাভের জন্ত প্রাণপণ চেষ্টা কর, তবেই তোমরা এই সমাজের জীবনকে দীর্ঘতর ও স্থায়ী করিবার সহায়তা করিবে। স্বামীজী মঠের জন্ত বৃক্কের রক্ত দিয়া গিয়াছেন। তাঁহার আত্মা এখনও এখানে বর্তমান রহিয়াছে। এই মঠ শ্রীরামকৃষ্ণের স্মৃতি দেহ। যে সকল মহাত্মা আমাদের পূর্বেই ইহলোক হইতে চলিয়া গিয়াছেন, তাঁহারা এখনও সূক্ষ্ম শরীরে বর্তমান থাকিয়া আমাদের সর্ব্ববিধ উপায়ে সাহায্য করিতে প্রস্তুত রহিয়াছেন। আমাদের সর্ব্ববিধ উপায়ে সাহায্য করিতে প্রস্তুত রহিয়াছেন। আমাদের সর্ব্ববিধ উপায়ে সাহায্য করিতে প্রস্তুত রহিয়াছেন। আমাদের সর্ব্ববিধ উপায়ে সাহায্য করিতে প্রস্তুত রহিয়াছেন।

ধর্ম্মসাধনাই ভারতের মহান জীবনরত। জগৎকে আমাদের যদি কিছু দিবার থাকে, তবে একমাত্র এই ধর্ম্মধন। অরণ্যভীত কাল হইতে আধ্যাত্মিক ভাবের বশত এই ভূমি হইতেই প্রবাহিত হইয়া সমগ্র জগতের সভ্যতার গতি-নির্দেশ সাহায্য করিয়াছে। আমাদের এই হতভাগা জাতির উপর বিগত দশ শতাব্দী ধরিয়া নানা দুর্ভেদরূপে বজা বহিয়া গাইলেও যে আমরা বাঁচিয়া আছি, তাহার কারণ, ধর্ম্মই আমাদের জীবনের মেধাশক্তি। আমাদের ব্যক্তিগত বা সম্ভবদ্বয় জীবনে আমরা যত প্রকার বিভী আদর্শ ও কাগা লইয়া থাকি না কেন—শ্রীভগবানই আমাদের সকল কাণ্ডের মধ্যবিন্দুরূপ। এখানে প্রকৃত মহত্ব ধর্ম্মের মানদণ্ডেই তুলিত হইয়া থাকে। শ্রীভগবান গীতার তাঁহার অবতারের যে কারণ নির্দেশ করিয়াছেন—যখনই ধর্ম্মের মানি ও অধর্ম্মের অভ্যুত্থান হয়, তখনই তাঁহার আবির্ভাব হইয়া থাকে, এই যে অব্যর্থ নিয়মের ইঙ্গিত করিয়াছেন—সেই নিয়মেই শ্রীভগবান এই যুগে ধর্ম্মের নুগ্ন আদর্শ পুনরুদ্ধারের জন্ত আবার অবতীর্ণ হইয়াছেন। তাঁহার পূর্বেও শত শত অবতার ও যুগাচাধ্যাক্ষকারের মধ্যে আলোক দেখাইতে, জাতীয় অবনাদ দূর করিয়া আমাদের পক্ষে তুলিতে আসিয়াছেন। কিন্তু যে তম-অমানিণী আমাদের বর্তমান যুগে ঘেরিয়াছে, তত্বলনার পূর্ন পূর্ন অন্ধকারগুলিকে—যাহা দূর করিতে পূর্ন পূর্ন অবতারগণের আগমন প্রয়োজন হইয়াছিল—আলোকই বলা যাইতে পারে। স্বামীজী বেণুড় মঠ স্থাপনার কিছু পূর্বে 'হিন্দুধর্ম্ম কি?' নামক যে ক্ষুদ্র পুস্তিকা প্রকাশ করেন, তাহাতে বলিতেছেন,—

“কিন্তু ঈশ্বরাত্মবাসী গতপ্রায়া বর্তমান গভীর বিষাদরজনীর স্তায় কোনও অমানিণী এই পৃথিবীকে সমাচ্ছন্ন করে নাই। এ পতনের গভীরতার প্রাচীন পতন সমস্ত গোপদের তুলা।”

তাই বলি, আমাদের পক্ষে এবং সমগ্র জগৎকে তমোময়ী জড় পঙ্ক্তির দৃঢ় বন্ধন হইতে মুক্ত করিবার জন্ত শ্রীভগবান তাঁহার অপার করুণাবশে আবার পূর্ণভাবে আবির্ভূত হইয়াছেন।

প্রথমবার আমেরিকা হইতে প্রত্যাবর্তনের পর ১৮২৭ খৃষ্টাব্দের প্রারম্ভে কলিকাতাবাসিগণ স্বামীজীকে যে অভিনন্দন প্রদান করেন, তদন্তরে তিনি তাঁহার শ্রীশুক্লদেবের উদ্দেশে এক স্তলে বলিতেছেন,—

“আমরা জগতের ইতিহাসে শত শত মহাপুরুষের জীবনী পাঠ করিতেছি। এখন আমরা যে আকারে সেই সকল জীবনী পাইতেছি, তাহাতে শত শত শতাব্দী ধরিয়া শিবাশ্রমিকগণের পরিবর্তন-পরিবর্তনরূপে কলর চালাবার পরিচয় পাওয়া যায়। মহত্ব সহস্র বর্ষ ধরিয়া ঐ সকল প্রাচীন মহাপুরুষগণের জীবনচরিতকে ঘনিয়ে মাজিয়া কাটিয়া

ছাঁটিয়া মন্থন করা হইয়াছে, কিন্তু তথাপি যে জীবন আমি বচকে দেখিয়াছি, যাহার ছায়ার আমি বাস করিয়াছি, যাহার পদতলে বসিয়া আমি সব শিখিয়াছি, সেই রামকৃষ্ণ পরমহংসের জীবন বেরূপ উজ্জল ও মহিমান্বিত, আমার মতে আর কোন মহাপুরুষের তরূপ নহে।”

শ্রীরামকৃষ্ণদেবের আবির্ভাবে যে ধর্ম্মবশ্তা জগৎকে প্রাবৃত্ত করিয়াছে, উহা প্রবলবেগে সমাজের উপর পতিত হইবার পূর্বে সমাজের সর্ব্বের ক্ষুদ্র ক্ষুদ্র জলাবর্ধের আবির্ভাব দেখা গিয়াছিল। যখন ঐ মহাবশ্তা আসিতেছিল, তখন উহার অস্তিত্বই কাহারও চক্ষুতে পড়ে নাই, উহাকে কেহ ভাল করিয়া দেখে নাই, উহার গুণশক্তি সম্বন্ধে কেহ স্বপ্নেও ভাবে নাই—কিন্তু উহা ক্রমশঃ একটু একটু করিয়া বাড়িতে লাগিল—ক্রমে প্রবলকায় হইয়া যেন অস্ত ক্ষুদ্রতর জলাবর্ধগুলিকে গ্রাস করিয়া ফেলিল—নিজ সঙ্গে মিলাইয়া লইল। এইরূপে সুবিপুলকায় ও প্রবল হইয়া মহাবশ্তারূপে পরিণত হইল এবং সমাজের উপর এত প্রবল বেগে পড়িল যে, কেহই উহার গতিরোধ করিতে পারিল না।

সেই শ্রীরামকৃষ্ণ—সেই বিরাক্ট পুরুষ—জগৎ যাহার স্তায় মহান পুরুষ আর দেখে নাই—তিনি আমাদের পশ্চাতে রহিয়াছেন। আমাদের পূর্ব পুরুষরা মহৎ মহৎ কর্ম্ম করিয়াছিলেন—তোমাদিগকেও আরও মহত্তর কার্য্য সব করিতে হইবে। আমাদের প্রত্যেককে বিবাস করিতে হইবে যে, জগতের অবশিষ্ট সকলে তাহাদের কার্য্য করিয়া চুকিয়াছে—জগতের পূর্ণতাসাধনের জন্ত যেটুকু কাব বাকী রহিয়াছে, তাহা আমাদেরই করিতে হইবে। এই দায়িত্বভার আমাদের স্কন্ধে লইতে হইবে।

প্রাচীন বৌদ্ধ মঠসমূহ সম্ভবদ্বয় চেষ্টা দ্বারা জগতের কল্যাণসাধনের জন্ত অন্তরের সহিত চেষ্টা করিয়াছিলেন—তাঁহারা তাঁহাদের উদ্দেশ্যসাধনে অনেকটা সফলকাম হইয়াছিলেন। লিপিবদ্ধ ইতিহাসের যুগ হইতেই দেখা যায়, বৌদ্ধ সাংসিগণ তাঁহাদের সম্ভবসমূহের সাহায্যে মানব-কল্যাণের জন্ত যত্ন করিয়া সস্তব, তাহা করিয়াছেন। যদি বর্তমান প্রধান কতকগুলি ধর্ম্মসম্প্রদায়ের ও দর্শনগাত্র সমূহের অজ্ঞাত ইতিহাস কখনও লিখিত হয়, তবেই জগৎ জানিবে যে, এই নির্ভীক বৌদ্ধ ভিক্ষুগণ ইহাদের উত্তি ও পরিপুষ্টিসাধনে কতদূর সহায়তা করিয়াছেন। মত দিন এই সমস্ত বৌদ্ধমঠে শ্রীবুদ্ধের সময়ের আদর্শ পবিত্রতা ও ত্যাগের ভাব অক্ষয় ছিল, তত দিন এই বৌদ্ধ ভিক্ষুগণ যেখানেই গিয়াছেন, তথায়ই তাঁহাদের প্রভাবের গতি কেহ রোধ করিতে পারে নাই। কিন্তু যখন তাঁহাদের সেই পবিত্রতা ও ত্যাগের ভাব হ্রাস হইয়া আসিল, তখনই শ্রীবুদ্ধের ধর্ম্মে অবনতির চিহ্ন দেখা বাইতে লাগিল,— ইতিহাস হইতে আমাদের এই প্রথম শিক্ষা লইতে হইবে। দ্বিতীয়তঃ, ভারতের পরবর্তী ইতিহাসে আমরা সময়ে সময়ে দেখিতে পাই, কোন ব্যক্তিবিশেষ আধ্যাত্মিক উন্নতির চরম শিখরে আরুঢ় হইয়া সিদ্ধাবস্থা লাভ করিয়াছেন, কিন্তু তিনি তাঁহার প্রতিবেশী জনগণের জন্ত কখনও ভাবেন নাই। তিনি নিজে যে একটা মহান আদর্শ উপলব্ধি করিয়াছিলেন, তদ্বিষয়ে কোন সন্দেহ নাই। কিন্তু সেই আদর্শ সামাজিক জীবনে প্রতিফলিত হইবার সুযোগা আধার না পাওয়াতে তাঁহার অন্তর্দানের গর কয়েক বর্ষ গত হইতে না হইতে উহা লুপ্ত হইয়া গেল। ইতিহাস হইতে আমাদের এই দ্বিতীয় শিক্ষা গ্রহণ করিতে হইবে। তৃতীয়তঃ, গভীর কয়েক শতাব্দীর ভিতর আমাদের দেশে বহুসংখ্যক মঠ ও আশ্রমের অভ্যুদয় দেখা যায়। যদিও উহারা অতি অল্পসংখ্যক সংসারত্যাগী পুরুষকে তাঁহাদের উপকারসাধন করিয়াছে, কিন্তু উহারা সমগ্র সমাজের কোন কল্যাণসাধনে সর্বাঙ্গ হইয়া নাই, কারণ, সমগ্র মানবজাতির সেবাধর্ম্মকে উহারা তাহাদের আধ্যাত্মিক সাধন-প্রণালীর অন্তর্ভুক্ত করে নাই। ইহাই ইতিহাসের তৃতীয় শিক্ষা।

স্বামীজী তাঁহার মঠের আদর্শ দিবার পূর্বে ইতিহাসের এই পূর্বোক্ত তিনটি শিক্ষাই উত্তমরূপে অনুধাবন করিয়াছেন। করিয়া—

তিনি 'আম্বনো মোক্ষার্থং জগদ্ধিতায় চ'—নিজ আত্মার মুক্তিসাধন এবং জগতের কল্যাণসাধনরূপ সর্বোচ্চ আদর্শের জন্তু জীবন বিনিয়োগ—ইহাই আমাদের করিতে বলিয়া গিয়াছেন।

শ্রীরামকৃষ্ণ সন্তানগণ, তোমরা সর্বাস্তুরূপে উক্ত উচ্চ আদর্শ জীবনে পরিণত করিবার চেষ্টা করিতেছ—তোমাদের সকলের উপর আমার সম্পূর্ণ বিশ্বাস আছে। তোমরা এই আদর্শ কার্যে পরিণত করিবার জন্তু নিজেদের ব্যক্তিগত সুখস্বচ্ছন্দ্যের প্রলোভন বতই প্রবল হইতে, সমুদয়কে মন হইতে সবলে অপসারিত করিতে এতটুকু ইতস্ততঃ করিতেছ না। আর আমি দিব্যদৃষ্টিতে দেখিতেছি, ভগবান্ শ্রীরামকৃষ্ণ যিনি আমাদের জীবনের আলোক ও পথপ্রদর্শক—তিনি তোমাদের পশ্চাতে থাকিয়া তোমাদের মধ্য দিয়া কাষ করিতেছেন। তোমরা "বাহা কিছু করিতেছ, তাহার পশ্চাতে তাঁহার মঙ্গল হস্ত রহিয়াছে। কেবল তাঁহার কৃপারই এত অল্পকালের মধ্যে তোমাদের কাষা এত সকলতা লাভ করিয়াছে। যত দিন তোমাদের তাঁহাতে বিশ্বাস থাকিবে, যত দিন তোমরা আপনাদিগকে তাঁহার হস্তের বস্তুস্বরূপ ভাবিবে, ততদিন জগতের কোন শক্তিই—তাহা যত বড়ই হউক না কেন, তোমাদিগকে তোমাদের স্থান হইতে এতটুকু হঠাইতে পারিবে না। আমাদের প্রভূতে বিশ্বাস স্থাপন করিয়া তোমাদের প্রত্যেকেই বলিতে পারি—“আমি আমার ভাবে দৃঢ় থাকিয়া আমার নির্দিষ্ট স্থানে অঞ্চলিতপদে দাঁড়াইয়া সমগ্র জগতের ভিতর একটা নাড়াচাড়া দিব।” আমি তোমাদিগকে সর্বাস্তুরূপে ধুব দৃঢ়তার সহিত এই কথা বলিতেছি যে, সাময়িক অসিক্তিতে স্বেচ্ছাচলিত বা নিকংসাহ হইও না। বার বার অকৃতকার্যতা চরম সিদ্ধি সোপানপরম্পরা মাত্র। সিদ্ধি ও অসিক্তিতে সমস্ত অবলম্বন করিয়া তাঁহার উপর অবিচলিত বিশ্বাসের সহিত কার্য কর, পরিণামে তোমাদের জয় নিশ্চিত। আমি কেবল প্রার্থনা করিতেছি, তাঁহার উপর যেন তোমরা সম্পূর্ণ নির্ভরশীল হইতে পার। ধনু হইতে নিক্ষিপ্ত বাণের মত, নেয়াইএর উপর নিক্ষিপ্ত হাতুড়ির মত, লক্ষ্যনিক্ষিপ্ত তরবারির মত অব্যর্থসন্ধান হও। বাণ যদি

লক্ষ্যস্থল হয়, সে কখনও অসন্তোষ প্রকাশ করে না—হাতুড়ি উহার উদ্দিষ্ট স্থানে না পড়িলে বিরক্ত হয় না, তরবারিও যদি বোকার হস্তে ভাঙ্গিয়া যায়, সেও বিলাপ করে না! কিন্তু তথাপি নির্দিষ্ট, ব্যবহৃত ও ভগ্ন হইবার সময় একটা আনন্দ আছে—আবার উহাদের ব্যবহার ফুরাইলে অব্যবহার্য বস্তুরূপে পরিত্যক্ত হইবার কালেও সেই একই রূপ আনন্দ।

আমি তোমাদের সকলের উপর ভগবান্ শ্রীরামকৃষ্ণদেবের আশীর্বাদ ভিক্ষা করিতেছি—যেন তিনি তোমাদিগকে এই জীবনেই সত্য উপলব্ধির জন্তু উপযুক্ত বল ও সাহসসম্পন্ন করেন।

এই মহাসম্মেলনের বাতাসে প্রেম ও শুভেচ্ছার শ্রোত খেলিতে থাকুক। এক্ষণে ভারতের প্রাচীন মহর্ষিগণ-উচ্চারিত বেদবাণীর প্রতিধ্বনি করিয়া আমার বক্তৃৎকার উপসংহার করিতেছি:—

মধু বাতা কৃত্যতে মধু ক্ষরন্তি সিদ্ধবঃ
মাক্ষীনাঃ সঙ্ঘোষধীঃ মধু নক্তমুতোষসো
মধুমং পার্থিবং রজঃ মধু জৌরন্ত নঃ পিতা
মধুমাশৌ বনস্পতিমধুর্মা। অস্ত নৃবাঃ মাক্ষীগীবো ভবন্ত নঃ
ওঁ মধু ওঁ মধু ওঁ মধু।

হোক বাধু মধুময়— নদী যেন মধু বয়,
ওষধিরা হোক মধুময়।
নিশি দিবা মধুময়, ধূলি যাহা ভূমে রয়—
জ্যোতিপিতা হোন মধুময়।
মধুমান্ বনস্পতি হোক গ্রাম্যদের প্রতি
মধুমান্ হোন দিবাকর।
আমাদের গাভীগণ মাক্ষী হোক সর্বক্ষণ
মধু হোক সর্ব চরাচর।
ওঁ মধু ওঁ মধু ওঁ মধু।

অভ্যর্থনা সমিতির সভাপতি শ্রীমৎ সারদানন্দ স্বামীর অভিভাষণ

যখনই কোন নূতন আন্দোলনের সূত্রপাত হয়, তখনই দেখা যায়, সমাজ এবং সমগ্র মানবজাতি উহার মূল তত্ত্বগুলি মানিয়া লইবার পূর্বে প্রথমে লোক উহার বিরুদ্ধে দাঁড়ায়, শেষে তৎসম্বন্ধে উদাসীনতা অবলম্বন করত। কোন নূতন আন্দোলনকে এই দুইটি অবস্থার ভিতর দিয়া যাইতেই হয়—ইহা যেন প্রকৃতির অব্যর্থ নিয়ম। আর যখন মানবপ্রকৃতি সর্বত্রই সমান, তখন কি প্রাচ্য, কি পাশ্চাত্য জগৎ, সর্বত্রই এই নিয়মের প্রভাব দেখিতে পাওয়া যায়। সমাজ, নীতি, রাজনীতি বা ধর্ম—যে কোন ক্ষেত্রেই বল না কেন, যদি নূতন কোন সংস্কার করিতে চাও, নূতন কোন ভাবধারা আনয়ন করিতে চাও, তবে দেখিবে, তোমার চারিপাশের লোক তোমার বিরুদ্ধে লাগিবে। আর তোমার প্রবর্তিত সংস্কার-আন্দোলনের ভাবগুলি প্রচলিত ভাব হইতে বতই নূতন হইবে, ততই বাধা প্রবলতর হইবে। লোক বলিবে, উক্ত আন্দোলনের মূলে যে ভাবরাশি—যে আদর্শ বিদ্যমান, তৎপ্রভাবে বর্তমান সমাজে বাহা কিছু ভাল ও প্রয়োজনীয় বিষয় আছে, তাহার ভিত্তি পর্য্যন্ত চূরমার করিয়া ফেলিবে। কিন্তু যদি ঐ আন্দোলনের ভিতর যথার্থ জীবনীশক্তি থাকে, যদি উহা মানব-প্রকৃতির ও উহার বিভিন্ন অঙ্গ ও কার্যাবলীর পরিচালক সার সত্য সমূহের উপর প্রতিষ্ঠিত হয়, তবে বাধা সত্ত্বেও উহার বিনাশ না হইয়াস্বরং উত্তরোত্তর উহার প্রভাব বাড়িতে থাকিবে এবং ক্রমে মানবজগৎ উহা হারিতাবে

তাহার শিকড় গাড়িয়া রসিবে। এই বাহিরের বাধা হইতেই ঐ আন্দোলনকে নিজ শক্তিরূপে একমুখী করিতে এবং যে মূল সত্য-সমূহের উপর উহা প্রতিষ্ঠিত, সেগুলিকে ব্যবহারিক জীবনে প্রকাশ করিতে সাহায্য করিয়া থাকে—সুতরাং প্রকৃতপক্ষে সকল দিক বিবেচনা করিয়া দেখিলে উহাকে মন্দ বলিতে পারা যায় না।

কিছুকাল পরে এই বাধা আপনা আপনি ধীরে ধীরে চলিয়া যায়—উদাসীনতা আসিয়া তাহার স্থান অধিকার করে—যাহারা প্রথমেই উহার বিরুদ্ধে লাগিয়াছিল, তাহারাই বলিতে থাকে—দেখ, এই যে আন্দোলন দেখিতেছ, ইহাতে আর নূতনই কি আছে? ইহারা যে সকল তত্ত্ব প্রচার করিতেছে, আমাদের প্রাচীন গ্রন্থে ও শাস্ত্রে অমুক অমুক নোকে সেই কথাগুলিই যে রহিয়াছে। ইহাতেই যথেষ্ট প্রমাণিত হইতেছে যে, আমাদের পূর্কর্করষরা বহুকাল পূর্বেই এ সকল কথা জানিতেন এবং বহুকাল পূর্বে হইতেই এগুলি করিয়া আনিতেছেন। অতএব এগুলি লইয়া অধিক মাথা ঘামাইবার আবশ্যক নাই। এই দ্বিতীয় অবস্থায় বাধা অপসারিত হওয়ার ঐ আন্দোলন বহুদূরে বিস্তৃত হইয়া পড়ে এবং কালে সমাজের লোক যথক উহার অস্তিত্ব ও উৎসাহিতা স্বীকার করিয়া লয়, তখন উহা সমাজে একটা স্থান অধিকার করিয়া বসে—উহাকে বাধা দিবার—উহার বিরুদ্ধে লাগিবার আর কেহ থাকে না।

সুতরাং এই বিতীর্ণ পর্যায়ের শেষে সর্বসাধারণের সম্মতিক্রমে উহা সমাজে পরিগৃহীত হইয়া থাকে আর এইরূপে সমাজে পরিগৃহীত ও আদৃত হইবার উপযুক্ত বলিয়া প্রমাণিত হওয়াতে তখন হইতে দলে দলে উহাতে লোক প্রবেশ করিতে থাকে। তবে ঐ আন্দোলনের উৎতির ইতিহাসে উহা এইরূপ সর্বসম্মতিক্রমে পরিগৃহীত হইলেই ঐ আন্দোলন উৎতির চুরম শিখরে উঠিয়াছে, তাহা মনে করা উচিত নহে। কারণ, বাধাহীন অবস্থায় পৌঁছিয়া—প্রথম অবস্থার উৎসাহ ও উত্তমে যেন একটু ভাঁটা পড়ে আর প্রথমাবস্থার উক্ত আন্দোলনের প্রবর্তকগণের মধ্যে যে ভাবের গভীরতা ও উদ্দেশ্যের একতা ছিল, হঠাৎ

বিস্তারের সঙ্গে তাহা কমিয়া যায়। সুতরাং তখন বাহিরের বাধার ফলে উহার অঙ্গগণের বিভিন্ন মতা মতের ফলে অন্তর্বিরোধের সৃষ্টি হয় এবং পরে প্রথমাবস্থার খাঁটি সত্যের জন্ত যে একটা স্বার্থভাণ্ডার ভাব ছিল, তৎফলে খাঁটি সত্যের সঙ্গে সত্যভাণ্ডারের আপোষ করিয়া—সমাজে একটা প্রতিপত্তিলাভের চেষ্টা এবং যথার্থ জিত্বের জিনিষটার পরিবর্তে বাহিরের চাকচিক্যের দিকে—দেখাইবার চেষ্টার দিকে একটা ঝোক হয়—যাহারা সত্যের জন্ত কোনরূপ স্বার্থভাগ বা কষ্ট স্বীকার না করিয়া আরামে জীবন কাটাইতে চায়, তাহাদের স্বভাবতঃই এই দিকেই প্রবৃত্তি হয়। আর যদি আন্দোলনের নেতৃগণ সত্যদৃষ্টিতে জাগরিত না থাকেন অথবা ঐ সকল দোষের উৎ-

পত্তিতে বাধা দিবার জন্ত—উহাদিগকে সমূলে বিনাশের জন্ত কোনরূপ প্রতীকারের উপায় আবিষ্কার করিয়া ঐ অবস্থাটাকে সামলাইয়া লইবার চেষ্টা না করেন, তবে তাহার ফলে যে কি হয়, তাহা সহজেই অনুমেয়। প্রথমতঃ এবং প্রধানতঃ যতই স্বার্থের ভাব প্রবেশ করিতে থাকে, ততই যে প্রেমের সূত্রে এত দিন সকলে একত্র ও গ্রথিত ছিলেন, তাহা কমিতে থাকে এবং সঙ্ঘের অঙ্গগণ সমগ্র সঙ্ঘের উন্নতি ও কল্যাণের জন্ত যে উন্নাদ বাপক দৃষ্টির প্রয়োজন, তাহা ভুলিয়া পৃথক পৃথক এক একটা দল হইয়া সমগ্র সঙ্ঘের সহিত কোন সম্বন্ধ না রাখিয়া উহার পৃথক-পৃথক এক একটা অংশের উন্নতিবিধান ও উহার স্থায়িত্বসাধনের ভাব লইয়া কাথো অগ্রসর হন। এইরূপে সঙ্ঘের

ভিতর বিরোধের ভাব এই সর্বাঙ্গ প্রণালীর মধ্য দিয়া প্রবেশ করিয়া সমস্ত সঙ্ঘটিকে ধও ধও করিয়া ফেলে। আর কালবশে গুরুজনের অবাধতা, অহঙ্কার, আলস্য ও অস্ত্রান্ত শত শত দোষ সঙ্ঘের ভিতর প্রবেশ করিয়া চিরদিনের মত উহার সর্বনাশসাধন করে।

শ্রীরামকৃষ্ণকে কেন্দ্র করিয়া যে আন্দোলন প্রবর্তিত হয়, তাহাও ইহার প্রধান প্রবর্তক ও নেতা স্বামী বিবেকানন্দের অন্তর্দ্বানের কয়েক বর্ষ পূর্বেই এইরূপ বাধা ও উদাসীনতারূপ সোপানস্বরূপ অতিক্রম করিয়াছিল—তিনি তাঁহার তিরোভাবের পূর্বেই রামকৃষ্ণ মিশন নাম দিয়া ইহাকে একটা কার্যোপযোগী গঠন দিয়াছিলেন ও সঙ্ঘবদ্ধ

করিয়াছিলেন। তাহার পর হইতেই ইহা প্রায় ত্রিশ বর্ষ ধরিয়া তৎ-প্রদর্শিত পথে ধীরে ধীরে অগ্রসর হইয়া বর্তমানে এমন এক অবস্থায় পৌঁছিয়াছে, যখন ইহা ভারত ও ভারতের কয়েকটি দেশের কোর্কোর হৃদয়ে আদর ও স্থান পাইয়াছে। প্রথমে ইহা প্রধানতঃ বঙ্গদেশের একটি ক্ষুদ্র নগণ্য সঙ্ঘ-মাত্র ছিল—একণে এই অল্পকালের মধ্যে উহা ভারতের সকল প্রদেশে, শুধু ভারতে কেন, ব্রহ্মদেশ, সিংহল, যুক্ত মালয় রাজ্য, এমন কি, সুদূর পাশ্চাত্য দেশ যথা আমেরিকা, হংকং এবং যুরোপেও কতক কতক অংশে বিস্তৃত হইয়াছে। বঙ্গগণ, তোমরা এবং তোমাদের সহযোগী কল্যাণী ভ্রাতৃগণ সঙ্ঘের এই গৌরবময় পরিণাম আনন্দের উদ্দেশ্যে যে ছায়ী শ্রী প্রভুর হস্তের যন্ত্র স্বরূপ হইবার সৌভাগ্য



অভ্যর্থনা সমিতির সভাপতি—শ্রীমৎ স্বামী সারদানন্দ

লাভ করিয়াছে। তোমরা একমাত্র শ্রীভগবানের উপর নির্ভর করিয়া বারাগসী, কনকল ও বৃন্দাবনে জনহিতকর সেবাকেন্দ্রসমূহ স্থাপন করিয়াছ—তোমাদের ভবিষ্যদর্শী নেতা তাঁহার কতকগুলি বস্তুতঃ, যে বলিয়াছেন, অর্থবলে বলী ব্যক্তি নহে, কিন্তু চরিত্রবল ও দৃঢ় হৃদয়শক্তিসম্পন্ন এবং একটা মহৎ উদ্দেশ্যের প্রতিষ্ঠিত অমুরাগরূপ অগ্নি-মস্ত্রে দীক্ষিত মানুষই এইরূপ কাযাকে স্থায়ী ও স্বকল্যাণভিত্তিক করিতে পারে, তাহার সেরূপই বাক্য জনসাধারণের নিকট প্রমাণিত করিয়াছ। তোমরা মাদ্রাজ, খাঁজালোর ও দাক্ষিণাত্যের অন্যান্য অনেক প্রদেশে এবং ইন্দোনীয়া, নাগপুর, বোম্বাই, কুয়ালালামপুর ও রেঙ্গুনে প্রচার ও শিক্ষাকেন্দ্র সমূহ স্থাপন করিয়াছ—ঐ সকল স্থানের জনসাধারণ

তোমাদের কাঁধে দেখিয়া তোমাদের প্রতি প্রকাসম্পন্ন হইয়া তোমাদের সহযোগিতা আরম্ভ করিয়াছে। আর তোমরা সমগ্র ভারতের হুর্ভিক ও বস্ত্রাঙ্গীড়িত এবং অগ্নিদাহে ক্ৰান্তিগন্ত বিপন্ন নরনারীর সাহায্যকল্পে পুনঃ পুনঃ সেবাকল্পে খুলিয়া সমগ্র দেশবাসী জনসাধারণের হৃদয়ে রামকৃষ্ণ মিশনের উপর এখন যে লোকের একটা বিশ্বাস দাঁড়াইয়াছে, তাহা জাগাইতে সাহায্য করিয়াছ। তোমরা অদ্ভুত ধৈর্য ও অধাবসার সহকারে তোমাদের নিজ নিজ কর্তব্যে ২০ বৎসর বা ততোধিক কাল ধরিয়া সমানে লাগিয়া আছ, কোন কোন স্থলে আবার সমগ্র জীবন একটা স্থানে কামড়াইয়া পড়িয়া আছ, কারণ, তোমাদের অবসর দিয়া তোমাদের স্তলে বসাইবার উপযুক্ত লোক পাওয়া যায় নাই।


সতাই, আমাদের প্রভু এবং তাঁহার মনোনীত আমাদের সজ্জের মূলনেতা তোমাদেরই মধ্য দিয়া দরিদ্র ভারতে এবং অল্প অধিকতর সৌভাগ্যশালী দেশসমূহে অদ্ভুত কাঁধ সাধন করিয়াছেন, কিন্তু উহাপেক্ষা বড় বড় কাঁধ এখনও বাকী পড়িয়া রহিয়াছে। আর আমাদের প্রভু ও স্বামীজী সময়ে তোমাদেরই মধ্য দিয়া উহা সাধন করিবেন, যদি তোমরা তাঁহাদের পবিত্রতা, সঙ্কল্পের একনিষ্ঠতা, তাঁহাদের স্বার্থতাগ এবং যাহা কিছু সত্য, যাহা কিছু শুভ, যাহা কিছু মহৎ—তৎসমুদয়ের উপর আত্মসমর্পণরূপে তাঁহাদের জীবনের মহান গুণরাশির অণুকরণ করিতে পার এবং এত দিন যে বিনয় ও নম্রতার সহিত তাঁহাদের পদানুসরণ করিয়াছ, যদি এখনও তাহাই করিয়া বাইতে পার। কারণ, যদি আমরা তাঁহাদের কাঁধে করিতে অল্প ভাব লইয়া অগ্রসর হই, এবং তাঁহাদের কাঁধে করিতে নির্কাচিত হইয়া এত দিন উহা করিতে পাইয়াছি বলিয়া যদি আমরা অহঙ্কারে ফুলিয়া উঠি, তবে আমরা—সেই কর্তব্যেই হইতে একেবারে অপসারিত হইয়াছি এবং আমাদের স্থানে কাঁধে করিবার জন্ত অপরে নির্কাচিত হইয়াছে—দেখিয়া শীঘ্রই আমরাই তোমাদের শোকের অশ্রু বিসর্জন করিতে হইবে। বাইবেলে উল্লিখিত তথাকথিত ঈশ্বর-নির্কাচিত ইস্রায়েলিটদের কথা স্মরণ কর—তাহারা—শ্রী প্রভুর কথা এবং ‘প্রভু অতি সামান্ত ধূলিকণা হইতে পদাঙ্ক তাঁহার কাঁধে করিবার লোক গড়িয়া তুলিতে পারেন’—তাঁহার এই সাবধনবাক্যে কর্তব্যত করে নাই এবং তাঁহার ফলে তাঁহারা কি হুর্দশাগন্ত হইয়াছিল—ভাবিয়া দেখ। এই প্রসঙ্গে ভারতে এক সময়ে আমাদের কতকগুলি প্রবল সম্প্রদায়ের দুর্গতির কথাও স্মরণ রাখিও।


অতএব বিগত ত্রিশ বর্ষ ধরিয়া আমাদের মিশন বেরূপ বিস্তার লাভ করিয়াছে, ইহা ভাবিতে গেলে যদিও আশ্চর্য হইতে হয়, ঐ সঙ্গে সঙ্গে গভীরভাবে এ প্রসঙ্গটিও আপনা আপনি আসিয়া পড়ে যে, এই বিস্তারের ফলে কি আমাদের আন্দোলনের প্রথমাবস্থায় যে প্রবল ভ্রাতৃগণের ভাব ও আদর্শের উপর প্রবল অনুরাগ ছিল, তাহা অনেকটা কমিয়া গিয়াছে, অথবা যে কাঁধে আমরা প্রথমে আদর্শের উপর তীব্র অনুরাগবশে ঐ আদর্শের জয়যোষণার জন্ত করিতাম, তাহা বর্ধমানের আমাদের নামঘোষালিপ্সা, ক্রমতাপ্রিয়তা ও নিজ নিজ পদগৌরবের প্রতি অতিরিক্ত আসক্তিবশতঃ দাসত্ব ও বন্ধনে পরিণত হইয়াছে! সতাই এক্ষণে এই সকল গুণ প্রথমে বিচার, চিন্তা ও সমাধানের—খাঁটি শস্ত্র হইতে তুণ এবং বিশুদ্ধ খাত্ত হইতে পাদ বাছিয়া পৃথক করিবার সময় আসিয়াছে।

এই বর্ধমান মহাসম্মেলন তোমাদিগকে এই সুযোগ দিবার জন্ত

আহুত হইয়াছে। ইহাতে সমবেত হইবার কলে তোমরা তোমাদের অনেক বয়োজ্যেষ্ঠ বা তোমাদের পূর্ববর্তী সহকর্মীদের সহিত এবং গুরুজনদের সহিত মিলিত হইবার এমন সুযোগ ও সৌভাগ্য লাভ করিয়াছ, যাহা সচরাচর ঘটে না। এই মহাসম্মেলনে যোগ দিয়া তাঁহাদের আভিভ্রাতা হইতে তোমরা অনেক শিক্ষা পাইবার সুযোগ পাইবে—সমগ্র মিশনের কল্যাণের জন্ত তাঁহাদের সহিত মিলিত হইয়া ভবিষ্যৎ কাঁধাপ্রণালী বিষয়ে আলোচনা করিয়া একটা স্থির করিতে এবং আমাদের সজ্জের এই সঙ্গীনের অবস্থার সর্বসাধারণ কর্তৃক উহার প্রচারিত ভাবরাশি পরিগৃহীত হইবার কলে যে সকল বিপদ ও দোষ প্রবেশ করে বলিয়া ইতঃপূর্বেই উল্লেখ করিয়াছি, তাহা হইতে নিজেদের দূরে রাখিবার অবকাশ পাইবে। আমি তোমাদিগকে অনুরোধ করিতেছি, তোমরা সফলে অকপট ও সরলভাবে এই মহাসম্মেলনে যোগ দিয়া ভাল করিয়া তত্ত্ব করিয়া আমাদের অনুষ্ঠিত সমুদয় কাঁধাগুলি পথাবেক্ষণ করিয়া দেখ, তোমরা এই অদ্ভুত বিস্তারের জন্ত যাহা কিছু প্রয়োজন, সেগুলি করিতে বাইয়া আমাদের সেই গৌরবময় আদর্শ হইতে ভ্রষ্ট হইয়াছ কি না। আদর্শটিকে দৃঢ়ভাবে ধরিয়া থাক, কারণ, সেই আদর্শের ভিতরই প্রত্যেক আন্দোলনের সঞ্চিত শক্তি—কুণ্ডলিনী—নিহিত থাকে। নিজেদের ও অপরের ইহারই তীব্র আলোকে বিচার করিয়া লও। ইহা যদি করিতে পার, তবেই তোমরা আমাদের কাঁধের ভবিষ্যৎ স্থায়িত্ব ও উন্নতিসাধনের সহায়তা করিয়া এই মহাসম্মেলনকে সাফল্যমণ্ডিত করিবে।

এইরূপ সম্মেলন ভারতের ইতিহাসে নূতন নহে—ইহা যেন স্মরণ রাখিও—এইরূপেই আমাদের পূর্ববর্তী সজ্জসমূহের উন্নতিসাধনের চেষ্টা হইয়াছিল—আমরাও সেই প্রাচীন, বারংবার পরীক্ষিত পথে ভ্রমণ করিবার জন্তই তোমাদিগকে আহ্বান করিতেছি। প্রাচীনকালে বৌদ্ধগণ কয়েকবার এই প্রণালী অবলম্বন করিয়া তাঁহাদের সজ্জের উন্নতিবিধানের চেষ্টা করিয়াছিলেন। ইহার কলে তাঁহাদের সজ্জ খুব বিস্তৃতিলাভ করিয়াছিল এবং সুদীর্ঘকাল ধরিয়া তাঁহাদের মহৎ কর্মের সর্বনাশ বা বিলোপসাধন ঠেকাইয়া রাখিয়াছিল। বীশুগৃহ ও মহাসম্মেলনের শিবাগণও তাঁহাদের সজ্জজীবনের প্রাচীন যুগে সময়ে সময়ে স্ব স্ব সম্প্রদায়ের উন্নতিবিধানার্থ এই প্রণালী অবলম্বন করিয়াছিলেন। সুতরাং এই কাঁধাপ্রণালী কিছু নূতন নহে—কিন্তু যাহারা এক্ষণে নিজেদের বিশেষ বিশেষ ক্ষেত্রে ইহা প্রয়োগ করিতে বাইতেছেন, তাঁহাদের অকপটতা ও লোকের একান্তান্তার উপরই এই প্রণালী-প্রয়োগের সফলতা সম্পূর্ণ নির্ভর করিতেছে। অতএব তোমরা খেঁচায় যে কাঁধাসাধনে উদ্যোগী হইয়াছ, তাহা শ্রী প্রভুর কৃপায় বহু দিন না সমাপ্ত হইতেছে, তত দিন প্রাণপণে খাটিতে থাক—আমাদের নেতা আচাধ্য স্বামী বিবেকানন্দের প্রিয় ‘উঠো, জাগো, বহু দিন না লক্ষ্যে পৌঁছিতেছ, তত দিন অনলমভাবে অগ্রসর হইতে থাক’, এই কথাগুলি বলিয়া আমি তোমাদের প্রত্যেককে উহাতে নিযুক্ত হইতে আহ্বান করিতেছি। বঙ্গগণ, ব্রাহ্মগণ, সন্তানগণ, শ্রীরামকৃষ্ণদেবের আদর্শ-প্রচাররূপ কর্তব্যে সহকর্মীগণ, আমি আমাদের প্রভু শ্রীরামকৃষ্ণদেবের পবিত্র নাম লইয়া, আমাদের জগদ্বিখ্যাত নেতা স্বামী বিবেকানন্দের নাম লইয়া এবং আমাদের ভূতপূর্ব সভাপতি আমাদের প্রভু প্রিয়তম অন্তরঙ্গ স্বামী ব্রহ্মানন্দের নাম লইয়া—তোমাদের সকলকে যোগতসত্ত্বাধন করিতেছি।





রূপকথা

বর্তমানে স্নেহের স্বপ্নে আমাদের এই বাঙলাটুকুকে নিয়ে কত লোকে কত রকম করে মনে মনে গড়ছে। কেউ গড়ছে বীরের বাঙলা, কেউ সোনার বাঙলা, কেউ স্বাধীন বাঙলা, কেউ স্বরাজ বাঙলা। আমাদের কিন্তু বড় ভাল লাগে সেই রূপকথা-রাজ্যের কল্পনার বাঙলা। আজ এই চৈত্রের চাঁদনী রাতে, চালাঘরের দাওয়ায় বসন্তের হাওয়ায় শুয়ে, মা'র কোলে মাথা রেখে, বেলফুলের গন্ধ মেখে, কচি আম ছুগ দে' চেখে, সহজ বাঙলার সেই রূপকথার রাজ্যে ফিরে যাবার বড় সাধ হয়েছে।

আমি রে ফিরে সেই স্নেহের শৈশবকাল, সেই তরল নিশ্বাস, সরল বিশ্বাস, সেই জীবনের সত্যযুগ, যখন বইতে বাছার সকল ভার, বরাং নোয়া ছিল মা'র, ক্ষিদের আগে দিতেন মুখে খাবার, ঘুম পাড়াতেন কোলে শুলে, মাসী-পিসীকে ডেকে ছলে ছলে।

যখন এই বাঙলা দেশে, ছেলে ধরতো বর্গী এসে; কড়ি-গাটছে কড়ি ফলতো, শাল-কুকুরে বিয়ে চলতো; পক্ষি-রাজ সব ছিল ঘোড়া, রাক্ষস ছিল মুখোস-মোড়া; কাঠের অশ্ব খেতো পানি, যেতো বনবাসে ছয়োরাণী, আরো কত কত গল্প, মনে পড়ে অল্প অল্প; যেমন:—এক নগর ছিল দে-গঙ্গায়; সেথায় রাজা ছিলেন মাণিক রায়। সে কি যে-সে রাজা, তার পেরতাপে বাধে-গরুতে এক ঘাটে জল খেতো। সে রাজার কি ঐশ্বর্য, দেখে আশ্চর্য হ'ত চন্দর-স্বর্য। মেয়েরা নাইতে গেলে সরোবরে, ছেলেরা যেতো আঁচল ধোরে, কুমোর-বাড়ীর পোণে পোড়া, কাঁকালে সব সোনার ঘড়া, বাড়ী ফিরে দেখতো অল্পপুণ্ডা, আপনি দেখেন চড়িয়ে রান্না; মা'র পিঠে এক ঢাল চুল, ভাত ফুটছে যেন মল্লিকে ফুল; রান্না হয়েছে ডাল-ডালনা শাক-সড়সড়ি, খোড়ের কড়ি বড়ী চচ্চড়ি। পাতা পেতে সব খেতে ব'সে গেলো, খেয়ে উঠে কেউ শুলো, কেউ ঘুমলো, কেউ খেলতে বসলো দশ-পচিশ;—“কি রে ঘুমছিস, হ'দিবি,

তবে গল্প বলবো, নইলে ঘুমো।” “হ' হ' হ' ঘুমুই নি, তুমি বল।”

সে এক দিন ছিল রে দিন ছিল; দেনা ছিল না, পাওনা ছিল না, ঘরে হ'ত না চাল বাড়ন্ত, ছিল না স্নেহের অস্ত, টেক্স ছিল না, খাজনা ছিল নু—কোনো বালাই ছিল না। কখনও একটু চুরী-কুরী হ'লে কোটাল চোরকে ধ'রে নিয়ে গে' শূলে দিতো, রাজা তিন দিন উপোস করতেন—বাস, সব চুকে যেতো।

* * * * *

রাজবাড়ীর ছিল মস্ত একটা ইটের ফটক, তার ভেতর দিয়ে হাওদাশুদ্ধ হাতী গ'লে যেতো, ফটকের মাথায় ছধারে ছটো বৃহৎ বৃহৎ মৎসি আর পাশের পিল্পের ছদিকে ছই সবুজ নীল সেপাই। সামনেটা ইটের পাঁচাল, রাম-রাবণের যুদ্ধ আর মহিষাসুর-বধের ছবি আঁকা, আর চারদিকে বাঁশের বেড়া। কেন্নাও ছিল একটা মস্ত বাঁশের কেন্না, তার ভেতর শক্রপক্ষের মক্ষিটি পর্যন্ত প্রবেশ করতে পারতো না।

রাজা বসতেন এক প্রকাণ্ড চণ্ডীমণ্ডপে, আধ হাত পুরু উলু দিয়ে ছাওয়া, বেড়ায় সব শেতলপাটা মোড়া, তার ওপর মাঝে মাঝে অন্তর বসানো; ভেতরে কাশ্মীরী শালের চাঁদোয়া, তাতে জরীর ঝালর, ঝাড়-লাঠান সব ঝুলছে; পেছনে অন্তর, রাণীদের সব এক একটা গোলপাতার মহল, চালের ওপর সব সোনার কলস, রূপোর কলস।

প্রভাত হয়েছে, রাজা সকালবেলার একটু পূজো-আচ্ছা সেরে সভায় বার দিয়ে বসেছেন; সাত আট পুর গদীর ওপর ঘোড়াসন হয়ে বসেছেন রাজামশাই; কার্ত্তিকের মত বাব'রি চুল, তার উপর সোনার কাজ-করা তাজ হুকানে ছই পান্নার মুক্তোর বীরবৌলী; গৌক ঘোড়া'র খেন তুলি দিয়ে আঁকা, কপালে চন্নন, হ'হাতে ছই হীরে বাজুবুক আর সোমার কঙ্কণ, বুকঘোড়া মুক্তোর হার, তা

মাঝখানে তুলসীর মালা, পরণে গজাজলি গরদের ঘোড়। রাজার ডানদিকে কাশীর গালুচে পাতা, সেখানে বসেছেন সব ব্রাহ্মণপণ্ডিতরা, বাঁ-দিকে কত রকম রঙের চিত্তির বিচিত্তির করা মেদিনীপুরে মাছুর, সেখানে বসেছেন পাত্তর শমিজ সভাসদ। রাজার পিছনে খেত ছত্তর ধ'রে দাঁড়িয়ে আছে রাজবাড়ীর সেই বুড়ো ভৈরব চোপদার, ছুপাশে দুটি অষ্টম বর্ষের মেয়ে চামর করছে, বাইরের রকে প্রজারা সব হাত ঘোড় ক'রে ভূমিষ্ঠি হয়ে প্রণাম কচ্ছে। কোন নার্কণ পুরাণ পাঠ কচ্ছেন, কেউ বা পাঁজী দেখছেন. এক জন বা শোলোক উত্তরী ক'রে এসে রাজাকে শোনাচ্ছেন। এমন সময়ে বাইরে একটা কুগরব উঠলো, সকলে চেয়ে দেখে যে, দশ বারো জন গাঁটা-গোঁটা গলায় পৈতে ব্রাহ্মণ, চার জন চৌকীদারকে বেধে মারতে মারতে রাজসভায় এনে উপস্থিত ক'লে। রাজা শশব্যস্ত, মন্ত্রী মশাই সন্ত্রস্ত, সভায় ব'সে ছিলেন যে বামুন-ঠাকুররা, তাঁরা একেবারে খড়াহস্ত, ভটচার্য্য মশাইদের এ কষ্ট কে দিয়েছে! রাজা হকুম দিলেন, পাকেরা গিয়ে চৌকীদারদের ধলে। মন্ত্রীমশাই ঘোড়হস্ত হয়ে বামুনদের অভ্যর্থনা ক'রে সভায় বসিয়ে পাখা করতে লাগলেন।

ব্যাপার কি! আজ একাদশী—দানবাড়ীতে রাজ্যের যত বামুন আজ আধপের ক'রে চালের মুঠি পারে; ঠাকুররা এ ওকে ঠেলে ছড়োমুড়ি ক'রে ভেতরে ঢোকবার চেষ্টা কচ্ছিলেন, চৌকীদারদের মানাও শোনেনি—তাই একটা গোয়ার চৌকীদার নীলমণি চক্রবর্তীর গায়ে হাত দিয়ে একটু সরিয়ে দেয়, তাতে অল্প সব বামুনরা রাগত হয়ে চারটে চৌকীদারকে ধ'রে রাজদরবারে এনে হাজির করেছে। সর্বনাশ! এ রাজ্যে পাপ ঢুকেছে। ব্রাহ্মণের গায়ে হাত!

রাজার বুড়ো পিসে মশাই কমলনারায়ণ বাবু হচ্ছেন রাজ্যের সেনাপতি, তাঁর তাঁবে প্রায় আড়াই শো তিন শো ভোজপুরী ব্রহ্মবাদী ঢাল তরোঙ্গাল সড়কী বেঁধে রাজ্য রক্ষা করে। রাজা কমলনারায়ণ বাবুকে ডেকে বসেন, “পিসে-মশাই, বিচার-ভার আপনার ওপর, চৌকীদারদের যাতে বিশেষ শাস্তি হয়, তা দেখবেন।” মন্ত্রী উমাচরণ বস্তু ব'লে দিলেন যে, সেনাপতি মশাই, বিশেষ বিবেচনা ক'রে বিচার করবেন, স্বরণ রাখবেন যে, রাজ্যে পাপ

ঢুকেছে, ব্রাহ্মণের গায়ে হস্তার্পণ করেছে, এর অল্প স্বয়ং মহারাজকে পক্ষিণী অশৌচ গ্রহণ ক'রে স্বত খেয়ে থাকতে হবে, আর একান্ন কাহন কার্ষাপণ দিয়ে প্রাশ্চিত্তি করতে হবে।

নিত্য নিত্য এমনি সভা হয়। এখনকার মত আইন, ফ্যাসাদ, মোকদ্দমা, কোন আপদ নেই, প্রজারা ধার-দায় সুখে-স্বচ্ছন্দে থাকে; রাজা পূজো-আছা, পুরাণপাঠ নিয়ে, গো-ব্রাহ্মণ রক্ষা ক'রে মনের সুখে রাজ্য করেন। বার-বেলা, কালবেলা, অশ্লেষা, মধা, যাত্রা নাস্তি, সব শুভকর্মের ওপর বেশ লক্ষ্য।

রাজার দুই রাণী;—সুয়ো আর দুয়ো। সুয়ো রাণীর নাম চঞ্চলা, দুয়ো রাণীর নাম গোবিন্দমণি। সুয়ো রাণীর মস্ত ঘর—চিত্তির বিচিত্তির করা খাট, পালঙ, সিন্দুক, প্যাটরা, কড়ির আলনা, কড়ির ঝালর, রূপোর পিলসুজ, সোনার পিদ্দিম। চঞ্চলা পান চিবিয়ে পিচ ফেলেন সোনার ডাবরে, মুখ মোছেন নেতের গামছায়, পঞ্চাশ ব্যঞ্জন-ভাত খান সব সোনা-রূপোর বাসন ছড়িয়ে। একটা ঝি চুল বেঁধে দেয়, একটা দেয় পা মুছিয়ে—এমনি কত ঝি! এক একটা ঝিয়ের গায়েই বা কত গয়না! রূপোর পইচে-বাউটীর ভারে আর অঝারে মাগীরা মাটাতে যেন পা দিয়ে চলে না—গজেন্দ্রগমন। আর দুয়ো রাণী গোবিন্দমণির কুঁড়েঘরখানি সেই কুয়োতলার পাশে। মাথায় নেই তেল, গায়ে খড়ি উঠছে, পরণে মলিন বসন, কাঁধায় থাকেন গুয়ে, পাথর পেতে খান পাশা ভাত, রাজা একবার ভুলেও মুখপানে চান না। এক ইচ্ছে ব'লে বুড়ো ঝি মাইনে-টাইনে না নিয়ে রাণীর সৈবা-শুক্ৰমা করে।

* * * *

রাজ্যের মধ্যে এক জন গণ্য-মান্তি বড় লোক ছিলেন, বিশ্বস্তর বদ্ধি, সবাই তাঁকে রাজবদ্ধি বলতো। কবরেজ মশাইয়ের হাতযশের কথা বেঙ্কাণ্ডের লোকে জানতো; রুগী মুকিয়ে কুপথ্য কলে তিনি নাড়ীতে হাত দিলে-ই টের পেতেন, রোগ তাঁর ডাক শুন্তো, ওষুধ তাঁর কথা কইতো; তিনি যা তেল তৈরী করতেন, তা পায়ের তেলোর মাথালে বেঙ্কতেলো দ্বিয়ে চুঁইয়ে বেরোতো। চণ্ডীমণ্ডপের সামনের উঠানে সব বড় বড় জালা পোতা থাকতো, কোন জালায় এক শো বছরের ঝি, কোনটার দেড় কুড়ি

বহরের পুরানো তেঁতুল, কোনটার রামরাবণের কালের শুড়, কোনটার বা দেড় শো বহরের আমানী, সে আমানীর কি গুণ, এক বিহুক খাইয়ে দিলে গঙ্গাযাত্রা-করা, গিরীণী রুগী বাড়ী করে আসতো।

কবরেজ মশাই কারুর কাছে হাত পাততেন না; রাজ-বাড়ীর মাসোহারা বরান্দা ছিল, জমীজমাও দেওয়া ছিল; রাজার খরচার সোনা রূপো হীরে মুক্তা গুঁড়িয়ে পুড়িয়ে শুধু তৈরী হতো, কবরেজ মশাই তা রাজ্যিগুহু রুগীকে বাঁটতেন। কিন্তু সবাই তাঁকে এত ভক্তি-শ্রদ্ধা করত যে, যার বাড়ী যেটি হবে, আগে যাঁবে কবরেজ মশায়ের বাড়ী। ক্ষেতের ভাল ধান, বরজের পান, মাচার লাউ, চালের কুমড়ো, গাছের আঁব, কাঁঠাল, গাই বিঙলে ছুধ, মাছ ধরালে রুই, সব মাথায় ক'রে নিয়ে গিয়ে কবরেজ মশায়ের বাড়ী দিয়ে আসতো।

পূজোর সময় তরী-তরকারী, ফলমূল, চাল, ডাল, শুড়, বাতাসা, দই, ছুধ, ডোমসজ্জা, কুমোরসজ্জা এত জমতো যে, বন্ধিবাড়ীর পূজোর অচের কুলিয়ে আরও দশখানা বামূনের বাড়ীর পূজো সম্পন্ন হ'ত; আর কি খাওয়ানটাই খাওয়ানতেন কবরেজ মশাই। অত বড় মানুষ, কিন্তু নিজে ষোড় হাত ক'রে বাড়ী বাড়ী ব'লে আসতেন যে, কার ঘরে তিনটি দিন যেন হাঁড়ী না চড়ে।

নিশিকান্ত ব'লে একটি ছেলে বই কবরেজ মশায়ের আর কোন সম্বান-টম্বান হয় নি। হবে না হবে না ক'রে কবরেজ-গিরীণী বেসী বয়সে এই ছেলোট হওয়ার বাপ মা ছুজনেই তাকে চোখের আড়াল করতে পারতেন না; ঘরেই এক জন গুরুমশাই রেখেছিলেন, সেই ভালপাতে কলাপাতে লেখাতো। নিশি নামটি বড় একটা যে সে জানতো না; ছেলেবেলা থেকেই মা বাপ যে কোকন কি না খোকা ব'লে ডাকতেন, আটগুণা বয়স পেরিয়ে গেলেও দেশগুহু লোক বিগুবন্ধির ছেলেকে 'কোকন বাবু' 'কোকন বাবু' ব'লেই ডাকতো।

অত বড় বাপের ব্যাটা, কিন্তু এই আদরে আদরে লেখাপড়া কিছুই হ'ল না। জাত-ব্যবসা শেখাবার জন্তে বড় কবরেজ মশাই অনেক সময় ছেলেকে ডেকে কাছে বসাতেন বটে, কিন্তু দেখতেন সমস্কোক্তো বলন্তে কোকনের চোয়ালে, ব্যথা হয়, আর বড়ী-তেলের গন্ধে

বাহার গা এড়িয়ে ওঠে, তাই তখনই বলতেন, "বাও কোকন বাবু, একটু বাগানে বেড়িয়ে এস।"

বিগে হয় নি ব'লে কোকনের কিছু কোন ভাবনা ছিল না। তার স্বভাব-চরিত্রটি ছিল খুব ভাল, কারুর দিকে উঁচু নজরটিতে চাইতো না, আর তার জানা ছিল যে, বাপের তার দৈবী বিগে, শুধু প'ড়ে শুনে অমন চিকিৎসা করতে কেউ পারে না; তাই মনে করতো, এক দিন না এক দিন তার বাপ তার কানে কানে দৈবী বিগেটা শিখিয়ে দেবে।

ক্রমেই কবরেজ মশায়ের বেহু অবস্থা হ'ল; চার-কুড়ি বছর পার হবার পর ছ একশাছা চুল যেন সাদাও হ'ল, দাঁত দিয়ে ছাড়িয়ে খেতে গেলে আকের এঁশোগুলো যেন দাঁতের ফাঁকে ঢুকে যেতো, তাই এদানী টিকুলি ক'রে খেতেন। আর কেউ কেউ বলে যে, সন্ধ্যার পর ছুঁচে স্নতো দিতে হ'লে কোকনকে কাছে ডাকতেন।

সে কালের লোক সঞ্চয় করতে জানতো না, কি মেয়ে কি পুরুষ পাঁচ জনকে ডেকে তাদেরপাতে ভাত বেড়ে দিতে পাল্লই আছ্লাদে আটখানা হ'ত। এই পাঁচ জনকে দিয়ে বেঁটে সেটে খাওয়া আর তার ওপর যদি একটু পূজো-আছ্লার বন্দোবস্ত থাকতো, তা হ'লে লোকের স্নখের সীমা-পরিসীমা থাকতো না, আর সেই জন্ত কবরেজ মশাই ছেলেটার জন্তে এক একবার একটু একটু ভাবতেন।

এক দিন বিগু বন্ধির একটু সন্ধির মত হ'ল; কট-ফলের নস্তি নিলে-ও বীর নাক সড়সড় করতো কি না সন্দ, তিনি কি না গেল রেতে পাঁচ ছ বার আপনা আপনি হেঁচেছেন। দেশের বুড়ো-বুড়ীরাও কেউ মনে ক'রে বলতে পারে না যে, তারা কবরেজ মশায়ের কোন ব্যামোর কথা কখনও শুনেছে কি না। আর কবরেজেরই বা অস্থখ করবে কেন? যে নিজের ব্যামো সামলাতে পারে না—সে পরের রোগ তাড়াবে!

তন কুড়ি বছর ধ'রে সন সন যে মা'র প্রতিমেয় পায়ে ফুল-গঙ্গাজল দিয়েছেন, সেই মা এ্যাদিন পরে তাঁবে নিজের কাছে ডেকেছেন ব'লে কবরেজ মশায়ের মনটা বড় আনন্দ হ'ল। তবু রক্তমাংসর টান বাবে কোথায় কোকনের ভাবনাটা—। গিরীণীকে বললেন, "একথা ওকে ডাকো ত।"

সোমামীর মুখ দেখে সতী সাবিজীও ভেতরে ভেতরে সব বুঝেছেন, এক পাত সিঁদুর আর তাঁর হুকোনো বিয়ের চেলাখানি বারটার ক'রে ঠিক ক'রে রেখেছেন, যেন আবার ক'নে সেজে নতুন খণ্ডরবাড়ী যাবেন; এখন সোমামীর কথা শুনে বাইরে বেরিয়ে গেলেন, ছেলে এসে ঘরে ঢুকলো।

একখানি বালাপোষ গারে জড়িয়ে, তাকিয়ান একটু বেশী হেলান দিয়ে কবরেজ মশাই পা ছড়িয়ে বসেছিলেন, ছেলেকে দেখে ইসারার পুথির দিকে একটা আঙ্গুল বাড়া-লেন। ছেলে প্রথমেই যে পুথিখানির ওপর হাত পড়লো, সেইখানিই পেড়ে আনলে, আর বাপের মুখের ভাব বুকে পুথি খুলে পড়তে লাগলো :-

“কদাচিৎ কুপিতা মাতা, নোদরহা হরীতকী” নিশি আরও পড়তে যাচ্ছিল, কবরেজ মশাই হাত তুলে নিষেধ ক'রে যেন ঐ শোলোকটাই আবার বলতে বলেন। নিশি

বার আটেক “কদাচিৎ কুপিতা মাতা, নোদরহা হরী-তকী” বলতে বলতে মুখ তুলে দেখে যে, বাপ ছুটি চক্ষু মুদ্রিত ক'রে তাকিয়ান মাথা রেখে শুয়েছেন আর বুকের কাছটা যেন একটু ঠেলে ঠেলে উঠছে;—মা বলে কেঁদে উঠে ডাকতেই মা ঘরে ঢুকে দরজাটা ভেজিয়ে দিয়ে সোমামীর পা ছুখানি কোলে তুলে নিয়ে বসলেন।

“আজ যুমো, কাল তখন বাকীটুকু বলবো” “বাঃ আমার এখনও যুম পায় নি, কবরেজ মশায়ের ছেরাদ হোক— কের্তন—হুচীসন্দেশ—; “আ হাবা ছেলে, সে কালে কি হুচী-সন্দেশ ছিল? কেবল চিঁড়ে, দই, হুধ, ক্ষীর—” “আচ্ছা, তাই, তাই, তুমি বল,—”

“অ, পাগল, অত বড় ছেরাদ, সে কি এক দিনের কাষ, রোগ, চিঁড়ে কোটা হোক—দই পাতা হোক—”

[ক্রমশঃ ।

শ্রীঅমৃতলাল বসু।

চৈত্র

ওগো চৈত্র, শেষ বসন্ত

বরষের শেষ মাস

তুমি হৃত্য-পরশ-পাতু অধরে

জীবনের শেষ মাস।

ষাদশ দলের বরষ-পদ

তুমি ঙার শেষ দল ;

আপনারে তুমি নিঃশেষ করি

বিলাইছ পরিমল।

চার ঙালিকার অশেষ পাঁখনি

তুমি তার শেষ ফুল ;

তুমি পারাপার শেষ খেরা তরী

ছেড়ে বাও যেন কুল।

তুমি কামিনীর কোমল কণ্ঠে

যেন কোঁন গাওরা পান !

যেমে গেছে তার হ্রস্ব স্বর

আছে গুঞ্জন তান।

তুমি পূর্ণিমা শেষ বাসিনীর

মান কৌমুদী ধারা ;

উবার আকাশে সজ্জিবহীন

উজল শুকতার।

মধু উৎসবে শেষ দূত তুমি

কি বাস্তবতা তব কণ ?

বসন্ত-মধু পেরালার তব

ভরি লণ্ড, ভরি লণ্ড।

এখন যে কলি কোটে নাই তার

দাও আঁধি পাতে চুম,

তোমার মলয়-প্রণয়-পরশে

ভাঙ্গাও তাদের যুম

ওগো বাহিত বকনা কারে

কোরো না বিদায়-বেলা,

বেদনা বিবাসে ভিত্ত কোরো না

শেষ মিলনের বেলা।

নিঃশেষ করি দাও বত আছে

বরষের বেটা-কেনা,

নব বর্ষের নুতন খাতায়

লেখ না পাওনা-দেনা।

শ্রীঅমৃতলাল বসু।



এক রাজা হাতে পুত্র অন্য রাজা হতে

ভারতের কড় লর্ড রেডিংয়ের কার্যকালের অবসান হইল, লর্ড আরউইন তাঁহার স্থানে এ দেশের শাসনদণ্ড গ্রহণ করিলেন। আমাদের বিলাতের ভাগ্য-বিধাতাদিগের বিধানে এমনভাবে বহুকাল যাবৎ এক জন যাইতেছেন এবং তাঁহার স্থানে আর এক জন আসিতেছেন। কিন্তু সে পরিবর্তনে শাসন-নীতির কোনও পরিবর্তনের লক্ষণ দেখা যাইতেছে না। এ ক্ষেত্রেও যে যাইবে না, তাহা অন্তর্মিত ও উদীয়মান হই রাজপুরুষের কথার আভাসেই বুঝিতে পারা যায়।

লর্ড রেডিং যখন এ দেশে প্রথম পদার্পণ করেন, তখন বলিয়াছিলেন; তিনি এ দেশে জায়বিচারের মর্যাদা রক্ষা করিতে আসিয়াছেন। তিনি ইংলণ্ডের প্রধান বিচারপতি ছিলেন, তাঁহার মুখে সে জ্ঞান এ কথা খুবই শোভন হইয়াছিল। ভারতের লোক

বহুবার কথার প্রতিশ্রুতি পাইয়া পরে আশাহত হইয়াছিল, এ কথা সত্য; কিন্তু তথাপি লর্ড রেডিংয়ের মুখে আশাস-বাণী পাইয়া তাহার মনে করিয়াছিল, হয় ত বা ইংলণ্ডের

প্রধান বিচারপতি তুল্যদণ্ডে জায়বিচার করিবেন, কালা-ধলার মধ্যে কোনও তারতম্য রক্ষা করিবেন না, ভারতবাসীর জাতি অধিকারে ভারতবাসীকে বঞ্চিত করিবেন না।

কিন্তু পাঁচ বৎসরের অভিজ্ঞতার আজ ভারতবাসী আবার আশাহত হৃদয়ে, অসন্তুষ্ট চিত্তে তাঁহাকে বিদায় দিতেছে। রাষ্ট্রীয় পরিষদে ভারতের elders (অভিবৃদ্ধগণ)

শিষ্টাচার ও রাজভক্তির খাতিরে যতই তাঁহার প্রশংসায় পঞ্চমুখ হউন, বিদায়ী বক্তৃতায় স্বয়ং লর্ড রেডিং ভারত-প্রীতি র এবং ভারতের মঙ্গলে আপন কৃতিত্বের যতই পরিচয় দিউন, এ কথা নিশ্চিত যে, ভারত বলিতে যাহা বুঝায়, সেই ভারতের বিরাট জন-সাধারণ দীর্ঘ পঞ্চ বৎসরের শাসনে তাঁহার জায়বিচারের কোনও পরিচয়ই প্রাপ্ত হয় নাই, অপ্রিয় সত্য হইলেও এ কথা নিরপেক্ষ সমালোচককে বলিতেই হইবে।

লর্ড রেডিং গত ২৫শে মার্চ রাষ্ট্রীয় ও ব্যবস্থা-পরিষদের সম্মিলিত সম্মেলনে যে শেষ বিদায়ী

বক্তৃতা দিয়াছেন, তাহাতে প্রমাণ করিব্যুর চেষ্টা করিয়াছেন যে, তিনি তাঁহার পাঁচ বৎসর শাসনকালের মধ্যে ভারতের আইনসমূহ শাসন-সংস্থারের সাকল্যসাধনের জন্ম



লর্ড রেডিং

ক্রমাগত চেষ্টা করিয়াছেন। তিনি বলিয়াছেন, এই সময়ের মধ্যে ভারতে দারিদ্রপূর্ণ শাসননীতির ভিত্তি সূদৃঢ় হইয়াছে।

কিন্তু সত্যই কি তাই? আমাদের মনে হয়, তিনি যদি ইহার পরিবর্তে বলিতেন যে, তাঁহার শাসনকালে প্রত্যেক বিষয়ে জনমত পদদলিত করিয়া ভারতে ব্রিটিশ প্রাধান্যের মূল সূদৃঢ় করা হইয়াছে, তাহা হইলে তিনি প্রকৃত অবস্থা বর্ণনা করিতেন। জনমতের তীব্র প্রতিবাদ সত্ত্বেও অসামান্য সাধারণ অধিকার কাড়িয়া লইয়া অসামান্য আইন জারি করাকে যদি ভারতের রাজনীতিক উন্নতিসাধনের সোপান বলিয়া ধরিয়া লওয়া হয়, তাহা হইলে লর্ড রেডিং সে উন্নতিসাধনের চেষ্টার কার্পণ্য প্রকাশ করেন নাই।

লর্ড রেডিং বলিয়াছেন, ভারতের রাজনীতিকগণের সহিত তাঁহার ও তাঁহার বিলাতের প্রভুদিগের ভারতের শাসন-সংস্কার সম্বন্ধে কার্যপ্রণালীর অথবা সময়ের সম্পর্কে মতের পার্থক্য থাকিতে পারে, কিন্তু উদ্দেশ্য এবং লক্ষ্যের কোনও প্রভেদ নাই। অর্থাৎ সোজা কথায় লর্ড রেডিং বা তাঁহার বিলাতের প্রভুরা তাঁহাদের হুকুম ও মর্জিমত যে ভাবে ভারতবাসীকে সহযোগের হস্ত প্রদারণ করিতে বলিয়াছেন এবং যে সময়ের সর্ব বাধিয়া দিয়াছেন, তাহার অমুখ্য হইয়া চলিলে হয় ত ৪৫ শত বৎসর পরে ভারতকে প্রকৃত স্বায়ত্তশাসনের পথ তাঁহারা দয়া করিয়া দেখাইয়া দিলেও দিতে পারেন, কেন না, লক্ষ্য তাঁহাদের ভারতবাসীদেরই মত স্বায়ত্তশাসনাধিকারলাভ! কিন্তু লর্ড রেডিং একটা মস্ত ভুল করিয়াছেন। তিনি ভুলিয়া গিয়াছেন, এখনকার রাজনীতিকক্ষেত্রে কথার আর চিঁড়া ভিজে না। কথার ওস্তাদীতে ভারতবাসীকে ভুলাইয়া রাখা যে সময়ে সম্ভব ছিল, সে যুগ বহুকাল অতীত হইয়াছে।

লর্ড রেডিং বলিয়াছেন, উপর্যুপরি ৫ জন প্রধান মন্ত্রীর আমলে তিনি ভারতশাসন করিয়াছেন, কিন্তু এত পরিবর্তনেও তাঁহার শাসননীতি কেহ অগ্রাহ করেন নাই। নানা মন্ত্রীর পক্ষে নানা ভাবে রাজনীতি অনুসরণ করাই সম্ভব। অথচ তিন্নমতাবলম্বী মন্ত্রীরা পর পর পাটে বসিয়া তাঁহার কোনও ব্যবস্থাই নাকচ করেন নাই। ইহাতে বুঝা যায়, বিলাতের জনসাধারণ ১৯১৭ খৃষ্টাব্দের অবধি শাসন-সংস্কারনীতি হইতে কণামাত্র বিচলিত হইবে না।

ইহাতে কি প্রতিপন্ন হয় না যে, পৃথিবী গুলটপালট হইয়া গেলেও ভারত সম্পর্কে বিলাতের রাজনীতিক দল-সমূহের নীতির তিলমাত্র পরিবর্তন হইবে না? শ্রমিক সরকারও ইম্পাটের কাঠাম সম্পূর্ণ অক্ষুণ্ণ রাখিয়াছিলেন, বিনাবিচারে বে-আইনী আইনে ধরপাকড় ও নির্কাসনের ব্যবস্থা অমুমোদন করিয়াছিলেন। সুতরাং এ বিষয়ে লর্ড রেডিংয়ের নূতন কথা বলিবার বা গর্ক প্রকাশ করিবার কিছুই নাই। আমরা জানি, ভারতবাসীর বহু কেহ নাই, ভারতবাসীই ভারতবাসীর বহু। যত দিন না ভারতবাসী ভারতবাসীর প্রকৃত বহু হয়, তত দিন শত শ্রমিক গণভর্গমেন্ট ভারতের মুক্তিসাধন করিতে পারিবেন না।

লর্ড রেডিং নিজেরই স্বীকার করিয়াছেন যে, শাসন-সংস্কার আইন সর্কাজসুন্দর নহে, উহার অনেক পরিবর্তন-পরিমার্জন আবশ্যিক। তবে তিনি তাহা করিবার পরামর্শ দিলেন না কেন? তিনি বলেন, যে সর্ব্ব সেই পরিবর্তন-পরিমার্জন করা যায়, সে সর্ব্ব এখনও ভারতবাসীরা পালন করে নাই, অর্থাৎ ভারতবাসীরা তাঁহার ও তাঁহার বিলাতী প্রভুদের কথা বেদবাক্য বলিয়া মানিয়া লইয়া কার্যমনোবাক্যে সংস্কৃত কাউন্সিল সফল করিবার চেষ্টা করে নাই!

কিন্তু সত্যই কি তাই? সংস্কৃত কাউন্সিলের প্রথম ৩ বৎসর পূর্ণ সহযোগই ত দেওয়া হইয়াছিল। যাহারা সে সময়ে এই সহযোগ প্রদান করিয়াছিলেন, তাঁহারাও সংস্কার আইনের পরিবর্তন কামনা করিয়া নিজ নিজ অভি-মত প্রকাশ করিয়াছিলেন। শাস্ত্রী, সপক, চিত্তামণি প্রভৃতি সহযোগকামীরা বার বার এই অভিমত প্রকাশ করিয়াছিলেন। কত মন্ত্রী বলিয়াছিলেন, বর্তমান অবস্থায় সংস্কার আইন unworkable. তাহার কি ফল হইয়াছিল? তাহার পর বাংলা ও মধ্যপ্রদেশ ব্যতীত অন্যান্য প্রদেশে ত বাধাবিহীন সত্ত্বেও সংস্কৃত কাউন্সিল অক্ষুণ্ণ রহিয়াছে। অন্ত সকল প্রদেশের কথা ছাড়িয়া দিলেও মাদ্রাজে ত সংস্কৃত কাউন্সিলের কার্য ব্যুরোক্রেসীরও মতে smoothly চলিয়া আসিয়াছে। তবে সেই প্রদেশকেও পুরস্কারস্বরূপ দারিদ্রপূর্ণ প্রকৃত স্বায়ত্তশাসনাধিকার দেওয়া হয় নাই কেন? সুতরাং লর্ড রেডিং কথার খেলার প্রকৃত অবস্থাকে চাকিয়া রাখিতে পারিবেন না।

লর্ড রেডিং আরও বলিয়াছেন যে, তিনি তাঁহার শাসন-কালে সর্বদা ভারতের স্বার্থরক্ষার চেষ্টা করিয়াছেন। ইহা কি সত্য? তিনি কি ভারতের স্বার্থরক্ষার জন্য

(১) মুডিয়ান কমিটির ভারতীয় সদস্যদিগের নির্ধারণে কর্ণপাত করেন নাই?

(২) দক্ষিণ-আফ্রিকার প্রবাসী ভারতীয়ের অপমানের প্রতিশোধকল্পে দক্ষিণ-আফ্রিকার কয়লা লইতে নিষিদ্ধ হইয়াও কয়লা না লইয়া ভারতীয়ের স্বার্থরক্ষা করিয়াছেন?

(৩) ভারতের চাকরীতে ভারতীয় নিয়োগের সুবিধার জন্য লী কমিশনের নির্দেশমত কালবিলম্ব না করিয়া খেতাব চাকুরীয়াদের বেতন, ভাতা ইত্যাদি বাড়াইয়া দিয়াছেন?

(৪) নানা কমিটি কমিশন নিয়োগ করিয়া তাহাদের নির্ধারণ শিকার তুলিয়া রাখিয়াছেন?

(৫) ভারতীয়ের অর্থে লাট-বেলাটের বিলাত যাইবার ছুটির ব্যবস্থা করাইয়া লইয়াছেন?

আমল কথা, যে দিক দিয়াই দেখা যাউক, লর্ড রেডিংয়ের

শাসনকাল নূতনত্ব-বর্জিত সার ভ্যালেন্টাইন চিরলের কথায় a bureaucratic atmosphere is generally deadening. আমলাতন্ত্র স্বৈরশাসনের আবহাওয়ার কোন ভাল উদ্দেশ্যই গজাইয়া উঠিতে পারে না। লর্ড রেডিং সেই আবহাওয়ার মধ্যে আসিয়া যাহা কিছু সহৃদয় লইয়া আসিয়াছিলেন, হারাইয়া ফেলিয়াছিলেন।

তিনি তুর্কী সম্রাট ও খিলাফৎ সম্রাটের সমাধান করিয়া ভারতীয় মুসলমানগণের সম্ভাব্যবিধান করিয়াছেন, অশান্ত ভারতকে শান্ত করিয়াছেন, অর্থ-কষ্টের পরিবর্তে ভারতের তহবিলে অর্থসঞ্চয়তা আনয়ন করিয়াছেন, এই কথা বলিয়া আশ্ব প্রসাদ লাভ করিয়াছেন; অন্ততঃ তিনি স্তম্ভ সমস্তটা না করুন, তাঁহার স্তুতিবাদকরা করিয়াছেন।

কিন্তু এ সকল কার্যের জন্য আংশিক সুখ্যাতি তাঁহার প্রাপ্য হইলেও ভারতবাসী ভুলিতে পারিবে না যে, তাঁহারই শাসনকালে ভারতের দেশপ্রেমিক নেতৃবর্গ কারাদণ্ডে দণ্ডিত হইয়াছেন, কর্মী তরুণগণ বিনা বিচারে নির্বাসিত হইয়াছেন, দেশবন্ধু চিত্তরঞ্জন প্রমুখ দেশনেতৃগণ ব্যার বীর শ্রীতির হস্ত সম্ভ্রমারণ করিয়াও প্রত্যাখ্যাত হইয়াছেন। সুতরাং লর্ড রেডিংয়ের শাসনকাল অরণীয় হইয়া থাকিবার মত যে কোনও যোগ্যতাই অর্জন করে নাই, তাহা নিরপেক্ষ সমালোচকমাত্রকেই বলিতে হইবে।



লর্ড আরউইন

লর্ড আরউইন এ দেশে নূতন আসিয়াছেন। তিনিও এ দেশে আসিবার পূর্বে বিদ্যারী ভোজের বক্তৃতায় অনেক আশ্চর্য কথা বলিয়াছেন। সংস্কার আইন সকল করিবার কথা, ভারতের কৃষির উন্নতিবিধানের কথা, ভারতের সর্বাঙ্গীন উন্নতিবিধানের চেষ্টার কথা, ভারতীয় ও ইংল্যান্ডের মধ্যে শ্রীতির বন্ধন ও একযোগে ভারতের মঙ্গল-সাধনের কথা,—কত কথা বলিয়াছেন।

লর্ড আরউইন একটা কথা বলিয়াছেন,—“ভারতের জীবন-নদীতে যে প্রবাহ প্রাচীনতার

পর্বত হইতে জন্মগ্রহণ করিয়া অজানা ভবিষ্যতের সমুদ্র অভিমুখে অবিরাম ছুটিতেছে, ভারতের বড় লাটের ক্ষণস্থায়ী ব্যক্তিগত জীবন তাহার মধ্যে একটি সামান্য জলবিন্দুর মত।” কথাটা একটু তলাইয়া বুঝিলে অবস্থাটা বেশ পরিষ্কার হইয়া যায়।

পোষ্ট কার্ডের মূল্য

রাষ্ট্রীয় পরিবহন লাল রামশরণ দাস পোষ্ট কার্ডের মূল্য ২০ পয়সা হইতে ৫ পয়সা এবং জোড়া পোষ্ট কার্ডের মূল্য ১০ পয়সা হ্রাস করিবার প্রস্তাব করিয়াছিলেন। বাণিজ্য বিভাগের সেক্রেটারী মিঃ লে ইহার

প্রতিবাদ করিয়া বলেন, (১) ইহাতে ৮৭ লক্ষ টাকা রাজস্ব কমিয়া যাইবে, (২) লোক খামে চিঠি না দিয়া পোষ্ট কার্ডে দিবে, সুতরাং উহাতে খাম হইতে আরও অনেক কমিয়া যাইবে। সুতরাং উভয় দিক হইতে সর্বসাকুল্যে ১ কোটি টাকা আর কমিয়া যাইবে। এই আর-হাস রোধ করিতে হইলে হয় নূতন করবৃদ্ধি করিতে হইবে, না হয় প্রাদেশিক বৃত্তির পরিমাণ কমানাইয়া দিতে হইবে।

এই যুক্তির বিরুদ্ধে কোন কোন সদস্য বলিয়াছিলেন, সরকারের ডাক বিভাগ ও ব্যবসায়-বাণিজ্যের বিভাগ নহে যে, উহাতে আরবৃদ্ধির দিকেই সর্বদা নজর রাখিতে হইবে। এই বিভাগ সাধারণের উপকারার্থ প্রতিষ্ঠিত হইয়াছে। ৩০ কোটি লোকের উপকারের জন্য পোষ্ট কার্ডের মাণ্ডল হ্রাস করা কর্তব্য। মাণ্ডল কমানিলে পোষ্ট কার্ডের চাহিদাও বাড়িবে সন্দেহ নাই। সুতরাং আর-হাসের সম্ভাবনা নাই।

কিন্তু এ সব যুক্তি-তর্ক ফলপ্রসূ হয় নাই। ভোটে লালারামশরণ দাসের প্রস্তাব পরিত্যক্ত হইয়াছে। হইবারই কথা। যে রাষ্ট্রীয় পরিষদ লর্ড রেডিফের শাসনকালের সুখ্যাতির কথায় পঞ্চমুখ হইতে পারেন, সেই পরিষদের নিকট ইহার অধিক প্রত্যাশা করাই অসম্ভব। সরকারপক্ষে মিঃ লে বলিয়াছেন, পোষ্ট কার্ডের মূল্যহ্রাসের ফলে যে আর কমিয়া যাইবে, তাহার পূরণ করিতে হইলে হয় নূতন কর ধার্য্য করিতে হয়, না হয় প্রাদেশিক সরকারসমূহের বরাদ্দ বৃত্তির পরিমাণ হ্রাস করিতে হয়। কেন? তাহা না করিয়া সাময়িক ব্যয় অথবা গৌরেন্দা পুলিশের বাবদে ব্যয় কিছু কমানাইয়া দিলে কি উদ্দেশ্য সিদ্ধ হয় না? কিন্তু ও দিকে হাত দিবার যো নাই, বাহা বরাদ্দ করা হয়, তাহা settled fact, তাহার এক চুল এদিক ওদিক হইলে ভারত রক্ষা করা চলে না। সেইরূপ শৈল-বিহার, নূতন দিল্লী-নির্মাণ, লার্ট-বেলাটের সফর ও ছুটি, ইম্পাতের কাঠামোর পেন্সন, ভাতা, রাহা ইত্যাদিও ঠিক সমান ওজনে বজায় রাখা চাই। কেবল দরিদ্র প্রজার লবণ-কর বা ডাক-মাণ্ডল কমানিতে হইলেই পৃথিবী ওলটপালট হয়!

স্যার ব্রাডফোর্ড লেসলি

যে হাওড়া সেতু পুনর্নির্মাণ প্রস্তাব লইয়া বর্তমানে এত আন্দোলন হইতেছে, সার ব্রাডফোর্ড লেসলি সেই হাওড়া সেতুর প্রাণপ্রতিষ্ঠাতা ছিলেন, তিনি ২৫ বৎসর বয়সে ইহলোক ত্যাগ করিয়াছেন। সার ব্রাডফোর্ড বহুকাল এ দেশে সরকারী চাকরী করিয়াছিলেন, হাবড়ার হুগলী ও বান্দালার আর কয়টি সেতুর নক্সা প্রস্তুত ও তত্ত্বাবধান করিয়াছিলেন। আজ তাঁহার পরলোকগমনে অনেক কথা মনে পড়িতেছে। যখন প্রথম বোবনে ১৮৫৮ খৃষ্টাব্দে সার ব্রাডফোর্ড গার্ডেন রিচে জাহাজ হইতে অবতরণ করেন, তখন হাওড়া ও কলিকাতার পারাপারের জন্য একমাত্র ডিম্বি-পানসীই অবলম্বন ছিল। তখন হাওড়া সেতুর কল্পনাও হয় নাই। যে দিন ইষ্ট ইণ্ডিয়া কোম্পানী মহারাণী ভিক্টোরিয়াকে ভারতের শাসনভার হস্তান্তরিত করেন, সেই দিন সার ব্রাডফোর্ড এ দেশে পদার্পণ করেন। সে আজ কত দিনের কথা! তাহার পর কত যুগ অতীত হইয়া গিয়াছে। প্রায় পঞ্চাশৎ বৎসর পূর্বে সার ব্রাডফোর্ড হাওড়া সেতু সাময়িকভাবে নির্মাণ করিয়াছিলেন। যত দিন না পাকা সেতু নির্মিত হয়, তত দিন ঐ ভাসমান সেতুর দ্বারা কার্য্য চালান হইবে, তখন কর্তৃপক্ষের এইরূপই সঙ্কল্প ছিল। কত বড় বড় এঞ্জিনিয়ার ভয় দেখাইয়াছিলেন যে, ঐ সেতু কাণের হইবে না, গঙ্গায় বড় বান ডাকিলে সেতু ভাসিয়া যাইবে, অথবা ভাঙ্গিয়া চুরিয়া যাইবে। কিন্তু সার ব্রাডফোর্ডকে কেহই সঙ্কল্প হইতে টলাইতে পারেন নাই। তিনি হাওড়া সেতুর পয়মায়ু যত দিন কল্পনা করিয়াছিলেন, সেতু তাহাপেক্ষা অনেক অধিক কাল বর্তমান রহিয়াছে। মৃত্যুর মাত্র ৯ মাস পূর্বেও তিনি ভাসমান সেতুর পক্ষে যুক্তি-তর্ক দেখাইয়া প্রবন্ধ লিখিয়াছিলেন। লর্ড মেণ্ড তখন বড় লার্ট, সার ব্রাডফোর্ডের বিশ্বাস ও অভিজ্ঞতার তাঁহার প্রগাঢ় আস্থা ছিল। যখন ভাসমান সেতুর উপর দিয়া লোক-চলাচল আরম্ভ হয়, তখন বান্দালার কত ছড়া কত গানই না রচিত হইয়াছিল! সেই এক দিন, আর আজ এক দিন!

অমৃতলালের মত 'সেকেলে সাহিত্যিককে' সন্মানের আসন-প্রদান করিবার সঙ্কল্প তাঁহাদের মনে উদ্ভূত হইয়াছে, এ অল্প আমরা তাঁহাদিগকে অশেষ ধন্যবাদ দিতেছি। যে স্থান বহু দিন পূর্বে অমৃতলালের জন্ম প্রাপ্য ছিল, তাহা মেবের খেলার তিনি যে জীবনের সারাছেও প্রাপ্ত হইলেন। ইহা তাঁহার 'সৌভাগ্যের' কথাই বলিতে হইবে।

ইটার পর্বে অবকাশকালে বীরভূমের সিউড়ি সুহরে বঙ্গীয় সাহিত্য-সম্মিলনের সপ্তদশ অধিবেশন হইয়া গিয়াছে। প্রবীণ সাহিত্যিক রস-রাজ অমৃতলাল বসু মহাশয় এতচ্-পক্ষে সভানেতৃত্ব করিয়াছিলেন। শ্রীমতী সরলা দেবী

সাহিত্য-শাখার সভানেত্রী হইয়াছিলেন, মহামহো-পাধ্যায় শ্রী যুক্ত ফণিভূষণ তর্ক-বাগীশ দর্শনশাস্ত্রের, শ্রীযুক্ত কালীপ্রসন্ন বন্দ্যোপাধ্যায় ইতিহাস-শাখার, শ্রীযুক্ত হেমচন্দ্র দাস গুপ্ত বিজ্ঞানশাখার নেতার আসন গ্রহণ করিয়া ছিলেন। বাঙ্গালার মধ্যযুগের সাহিত্য-সেবিগণের মধ্যে বর্তমানে এক কবীন্দ্র রবীন্দ্রনাথ ব্যতীত প্রসিদ্ধ নাট্যকার অমৃতলালের মত প্রাচীনতার দাবী করিবার অল্প কেহ আছেন বলিয়া জানা নাই। কিন্তু হুঃখের বিষয়, এ যাবৎ বঙ্গীয় সাহিত্য-সম্মিলনের



শ্রীমতী সরলা দেবী

সভাপতিপদে তাঁহাকে বরণ করিবার কথা সম্মিলনের উদ্বোধকবর্গের স্মৃতিপথেই উদ্ভূত হয় নাই। এবার রবীন্দ্রনাথের অন্তিমতা নিবন্ধন 'শেষ মুহূর্ত্তে যে

অমৃতলালের মত 'সেকেলে সাহিত্যিককে' সন্মানের আসন-প্রদান করিবার সঙ্কল্প তাঁহাদের মনে উদ্ভূত হইয়াছে, এ অল্প আমরা তাঁহাদিগকে অশেষ ধন্যবাদ দিতেছি। যে স্থান বহু দিন পূর্বে অমৃতলালের জন্ম প্রাপ্য ছিল, তাহা মেবের খেলার তিনি যে জীবনের সারাছেও প্রাপ্ত হইলেন। ইহা তাঁহার 'সৌভাগ্যের' কথাই বলিতে হইবে।

• 'শেষ মুহূর্ত্তে' কর্তব্যের বোঝা অমৃতলালের কঁক চাপাইয়া দিয়া সম্মিলনের কর্তৃ-কর্তারা তাঁহার নিকট হইতে বিশেষ অমৃত আহরণ করিতে সমর্থ হইয়াছেন, এমন ত মনে হয় না। উপযুক্ত অবসর ও সুযোগ পাইলে অমৃতলাল সুদীর্ঘ পঞ্চাশৎ বৎসরের বাঙ্গালা সাহিত্যের অভিজ্ঞতার ফল আমাদের দিয়া বাইতে পারিতেন বলিয়াই মনে হয়। তবে অতি অল্প সময়ের মধ্যেই তিনি যে তাঁহার বৈজিষ্ঠ্যের পরিচয় প্রদান করিয়াছেন, এ কথা আমরা মুক্তকণ্ঠে স্বীকার

করিব। অমৃতলাল তাঁহার অমৃতময়ী লেখনীর সাহায্যে তাঁহার অভিত্যগণে আধুনিক বাঙ্গালা সাহিত্যের যে অননুভবনীয় ব্যঙ্গচিত্র অঙ্কিত করিয়াছেন, তাহা বস্তুতঃই



শ্রীযুত কালীপ্রসন্ন বন্দ্যোপাধ্যায়



শ্রীযুত হেমচন্দ্র দাসগুপ্ত

উপভোগ্য। বঙ্কিমচন্দ্রের সর্বতোমুখী প্রতিভার ফলে বাঙ্গালা সাহিত্য যে অমূল্য ভাষাসম্পদ, শব্দবিত্তাস-চাতুর্য্য ও চরিত্র-চিত্র আদি দ্বারা শোভাসম্পন্ন হইয়াছিল, তাহা আধুনিক অপূর্ণ বিচূড়ী ভাষা ও বৈদেশিক, বিজাতীয় ভাববিভঙ্গে কিরূপ অতিনব আকার ধারণ করিয়াছে, তাহা অমৃতলাল সামান্ত ছই একটি উদাহরণ দ্বারা বেরূপ স্পষ্ট করিয়া তুলিয়াছেন, তাহা তাঁহাতেই সম্ভবে। বঙ্কিমচন্দ্র ও সুরেশচন্দ্রের নির্ভীক কশাঘাতের অভাবে আধুনিক রচনার কিরূপ উচ্ছ্বলতা উপস্থিত হইয়াছে, তাহা অমৃতলাল একত মঙ্গলকামীর ভায় নির্মম অথচ স্মারবানু সমালোচকের আগনে বসিয়া দেখাইয়া দিয়াছেন।

যিনি সাহিত্যে নূতন সম্পদ দিয়া যান, তাঁহার প্রতিভার সোনার কাঠির স্পর্শে সাহিত্যের ভাষা ও ভাবের মরা গাঙ্গে জোয়ার আইসে, তিনি যে ভাষাতেই তাঁহার মনোভাব ব্যক্ত করুন না, তাহা দেশের সাহিত্যাত্মরাগিমাতেই পরম দান বলিয়া মাথা পাতিয়া গ্রহণ করিবে। রবীন্দ্রনাথ যে ভাষাতেই মনের ভাব ব্যক্ত করুন না, তাহা দেশের সাহিত্য-সম্পদ বৃদ্ধি করিবেই। কিন্তু তাহা বলিয়া অপরে যদি ভাবদৈন্ত লইয়া কেবল তাঁহার ভাবের অনুকরণ করিয়া তাঁহার পদাঙ্ক অনুসরণ করিতে যান, তাহা হইলে তাহাতে সাহিত্যের

কতি ব্যতীত লাভ নাই। এই বার্থ অনুকরণ-প্রিয়তা বাঙ্গালা সাহিত্যে গুণান্বনক আবর্জনার স্রোত আনয়ন করিয়াছে। অমৃতলাল এই স্রোতের বিপক্ষে তাঁহার তীব্র সমালোচনার বাধ দিয়া দেশের ও জাতির যে পরম উপকারসাধনের চেষ্টা করিয়াছেন, তাহাতে সন্দেহ নাই।

জাতীয়তন্ত্র প্রদ্বন্ধের দ্বন্দ্ব-প্রতিদ্বন্দ্ব

মহামহোপাধ্যায় কবিরাজ শ্রীযুক্ত গণনাথ সেন সরস্বতী প্রমুখ কৃতবিদ্য বৈষ্ণবগণী বৈষ্ণব-ব্রাহ্মণ-সমিতি প্রতিষ্ঠা করিয়া 'ঐশ্বর্যপ্রবোধনী' নামে একখানি পুস্তক প্রচার করিয়া বৈষ্ণবগণকে প্রকৃষ্ট ব্রাহ্মণ প্রমাণ করিবার প্রয়াস পাইতেছেন।

কাশীবাসী প্রবীণ শাস্ত্রবিদ পণ্ডিত, বহু শাস্ত্রগ্রন্থপ্রণেতা শ্রীযুক্ত শ্রীমাচরণ কবিরত্ন মহাশয় “জাতিতত্ত্ব” প্রবন্ধ লিখিয়া তাঁহাদের সহিত বিচারে প্রবৃত্ত হইয়াছেন। তাঁহার “জাতিতত্ত্ব” প্রবন্ধটি ‘মাসিক বঙ্গমতী’তে ধারাবাহিকভাবে প্রকাশিত হইতেছে। এরূপ বিচারপদ্ধতি ভারতের প্রাচীন যুগ হইতে চলিয়া আসিতেছে। প্রবন্ধের প্রারম্ভেই কবিরত্ন মহাশয় প্রতিবাদের আশা করিয়াছেন। তাঁহার ভ্রম প্রদর্শন করিতে পারিলে তিনি সানন্দে ত্রুটি স্বীকার করিবেন, এমন কথাও স্পষ্ট করিয়া লিখিয়াছেন। তাঁহার বক্তব্য শেষ না হইবার পূর্বে কাহাকেও প্রতিবাদে প্রবৃত্ত না হইবার জন্ত অনুরোধ করিয়াছেন। কিন্তু এই প্রবন্ধ প্রকাশের সঙ্গে সঙ্গে অনেকেই প্রবন্ধটির উদ্দেশ্য না বুঝিয়া, এমন কি, কেহ কেহ প্রবন্ধটি নিজে আদৌ ভুল পড়িয়া, পরমুখে শুনিয়া, ‘বঙ্গমতী’ বৈষ্ণব-বিদ্যে প্রচার করিতেছে, এমন কথা অবাধে প্রচার করিতেছেন। জাতীয় মিলনই ‘বঙ্গমতী’র কার্য—সেই মিলন-মন্ত্রই ‘বঙ্গমতী’ চিরদিন প্রচার করিয়া আসিয়াছে—জাতিবিদ্যে প্রচার কোনমতেই ‘বঙ্গমতী’র মত উদারনৈতিক নিরপেক্ষ পত্রিকার উদ্দেশ্য হইতে পারে না। কবিরত্ন মহাশয়ও সত্যনির্ণয় ব্যতীত যে বিদ্যে-প্রণোদিত হইয়া এ বিচারে প্রবৃত্ত হইয়াছেন, ইহাও আমরা বিশেষভাবে জানি।

বৈষ্ণব মহাশয়গণ কিন্তু এ কথা না বুঝিয়া কবিরত্ন মহাশয়ের বক্তব্য শেষ হইবার পূর্বেই প্রতিবাদে প্রবৃত্ত হইয়াছেন। অনেকগুলি প্রতিবাদ আমাদের হস্তগত হইয়াছে। বৈষ্ণব-সম্প্রদায় ব্যথিত হইয়াছেন—প্রতিবাদ প্রকাশের জন্ত ব্যাকুল হইয়াছেন—এমন কি, বৈষ্ণব-সম্মিলনীর প্রেরিত প্রতিবাদ মুদ্রিত করিবার জন্ত তাঁহারা মুদ্রণব্যয় লইবার জন্তও আমাদের কাছে অনুরোধ করিয়াছেন; কিন্তু সে প্রস্তাব সসম্মানে প্রত্যাখ্যান করিয়া তাঁহাদের আকুল আগ্রহ প্রশমিত করিবার জন্ত কবিরত্ন মহাশয়ের বক্তব্য শেষ হইবার পূর্বেই বৈষ্ণব-সম্মিলনী-প্রেরিত শ্রীযুক্ত ভবতারণ ভট্টাচার্যের প্রতিবাদ মাঘ-সংখ্যায় প্রকাশ করিয়াছি। অন্ততঃ যে সকল প্রতিবাদ আসিয়াছে, তাহার সবগুলিই যুক্তিযুক্ত ও বিচারসঙ্গত নহে এবং সকলগুলি প্রকাশ করিবার স্থান সঙ্কুলান হওয়াও সম্ভব নহে।

আশা করি, বৈষ্ণব-সম্মিলনীর প্রতিবাদেই প্রতিবাদকারী মহাশয়গণের উদ্দেশ্য সিদ্ধ হইবে। প্রতিবাদ মুদ্রিত করা যে বঙ্গমতীর নিরপেক্ষতার পরিচয়, আশা করি, এ বিষয়ে কাহারও সন্দেহের অবকাশ নাই।

এরূপ একটি সিদ্ধান্তের মীমাংসার জন্ত শাস্ত্রজ্ঞ পণ্ডিত-মণ্ডলীকে লইয়া, মহতী সভা আহ্বান করিয়া, বিচারে প্রবৃত্ত হওয়া, বোধ হয় ভারতের প্রাচীন যুগ হইতে এ কাল পর্যন্ত চলিয়া আসিতেছে। বৈষ্ণব-সম্মিলনীর এই নূতন সিদ্ধান্তের যথাযথ বিচার করিতে হইলে এরূপ একটি সভায় শাস্ত্রবিদ পণ্ডিতমণ্ডলীকে আহ্বান করিয়া বাদানুবাদে প্রবৃত্ত হইতে হয়। কিন্তু আপাততঃ তাঁহাদের ও ব্রাহ্মণ সম্প্রদায়ের সেরূপ সভা আহ্বানের অবসর বা সুবিধা নাই। এরূপ সভা আহ্বান করা সময় ও ব্যয়সাধ্যও বটে। এই জন্তই কবিরত্ন মহাশয়ের বিচার আমরা ‘মাসিক বঙ্গমতীতে’ প্রকাশ করিয়া কৃতবিদ্য সুধীজনকে সত্যনির্ণয়ের সুবিধা প্রদান করিয়াছি, সঙ্গে সঙ্গে বৈষ্ণব-সম্প্রদায়কেও বাদানুবাদে এ সিদ্ধান্ত মীমাংসার অবসর প্রদান করিয়াছি। ‘মাসিক বঙ্গমতী’ তাঁহাদের তর্কের সভা। ইহার বাদানুবাদের সহিত ‘বঙ্গমতী’র কোনরূপ সাম্প্রদায়িক বিদ্যে—লাভ-ক্ষতি—ব্রাহ্মণ্যগৌরব-প্রচার বা স্বার্থহানির কোন যুক্তি-যুক্ত কারণই নাই। তবে তর্কসভায় বাক্যযুদ্ধে প্রবৃত্ত পণ্ডিত-মণ্ডলী উত্তেজনার আধিক্যে ধৈর্য্যচ্যুত হইয়া বাক্যসংঘর্ষ হারাইয়া পরস্পরকে আক্রমণ করিতে প্রবৃত্ত হইলে—সভায় আসীন ভদ্রমণ্ডলী যেমন কর্তব্যবোধে উত্তর পক্ষকে সংযত হইতে অনুরোধ করেন, আমরাও তেমনই সম্পাদকের কর্তব্য অনুসারে উত্তর পক্ষ যাহাতে সংযতবাক হইয়া বাদানুবাদ করেন, উত্তেজনার প্রাবল্যে পরস্পরকে অযথা আক্রমণ করিয়া মনোমালিন্য না ঘটান, সে বিষয়ে যথাসাধ্য প্রয়াস পাইব। জাতিতত্ত্বের প্রতিবাদের উত্তর এখানে স্থানাভাবে মুদ্রিত হইল না—বৈশাখ-সংখ্যায় মুদ্রিত হইবে।

আশা করি, এ কৈফিয়তের পর আমরা বিদ্যে-প্রণোদিত হইয়া “জাতিতত্ত্ব” প্রকাশ করিতেছি, এমন করিয়া সহীদর পাঠক মহাশয়গণের মনে স্থান থাকিবে না।

কলিকাতায় সাম্প্রদায়িক সংঘর্ষ

সাম্প্রদায়িক স্বার্থ-বন্দনের ফলে ভারতের মুক্তির পথ বিঘ্ন-কটকিত হইয়াছে, তাহাতে সন্দেহ নাই। ভারতের প্রধান দুইটি সম্প্রদায়—হিন্দু মুসলমান, ইহাদের পরস্পরের স্বার্থবন্ধ নূতন নহে। এই স্বার্থবন্দনের ফলে বাঙ্গালার বাহিরে উভয় সম্প্রদায়ের মধ্যে একাধিকবার ভীষণ সংঘর্ষ

সংঘটিত হইয়াছে।

বঙ্গদেশ বঙ্গভঙ্গের

যুগে এই সংঘর্ষে

আলোড়িত হইয়াছিল

বটে, কিন্তু তাহার

পর বহু দিন যাবৎ

এই স্বার্থবন্দনের ফলে

হলাহল উদ্ভিত হয়

নাই। গত ইষ্টার

পর্বের সময়ে কলি-

কাতার আর্ধ্যসমাজী-

দিগের এক শোভা-

যাত্রা উপলক্ষে আবার

যে হলাহল উদ্ভিত

হইয়াছে, তাহা নীল-

কণ্ঠরূপে কে গলদেশে

ধারণ করিবে, তাহা

বাঙ্গালার ভাগ্যবিধা-

তাই বলিতে পারেন।

কাহার দৌষে

বাঙ্গালার এই সর্ব-

নাশের বীজ উগ্ৰ

হইল, তাহার আলোচনার এখনও সময় উপস্থিত হয় নাই।

আর্ধ্যসমাজীদের পক্ষের কথা, তাঁহারা পুলিশের অনুমতি

লইয়া শোভাযাত্রা করিয়াছিলেন এবং মসজিদের সম্মুখে

বাণ্ড বন্ধ করিয়াছিলেন, পরন্তু অপর এক মসজিদের সম্মুখে

তাঁহাদের এক বাণ্ডকর সকলের অজ্ঞাতে বাণ্ডবন্ধে আঘাত

করিবার পর তাঁহাদের উপর লোষ্ট্র নিক্ষেপ হইয়াছিল।

মুসলমানরা বলিতেছেন, আর্ধ্যসমাজীরা নিষিদ্ধ হইয়াও

দ্বিতীয় মসজিদের সম্মুখে বাণ্ড করিয়াছিল এবং পুনরায়

নিষেধ করিতে গেলে মসজিদের উপর লোষ্ট্র নিক্ষেপ করিয়া-

ছিল। ছই বিবরণের কোনটি সত্য, তাহার বিচারের

সময় এখনও আইসে নাই। তবে এই সম্পর্কে এইটুকু

বলা যাইতে পারে যে, আর্ধ্যসমাজীদের সহিত সংঘর্ষের জন্ত

মুসলমানরা কেন হিন্দুর শিবমন্দির অপবিত্র করিলেন, তাহা

আজিও হিন্দু বলিতে পারে নাই। যদি আর্ধ্যসমাজীদিগের

উপর প্রতিহিংসাবৃত্তি

চরিতার্থ করা তাঁহা-

দের উদ্দেশ্য ছিল, তাহা

হইলে শিবমন্দিরের

লিঙ্গমূর্তি ভগ্ন করিয়া

অথবা মন্দিরে অগ্নি

প্রদান করিয়া তাঁহা-

দের সেই উদ্দেশ্য

সফল হয় নাই, কেন

না, আর্ধ্যসমাজীরা

তাঁহাদেরই মত

প্রতিমা-উপাসক

নহেন। তবে মুসল-

মানদিগের এই অকা-

রণ হিন্দু-দেবমন্দিরের

বা বিগ্রহের উপর

আক্রোশ কেন?

সুতরাং বুঝা যাই-

তেছে, মুসলমান-

দিগের ক্রোধ বা

আক্রোশের লক্ষ্য

ছিল, হিন্দুসমাজ ও

হিন্দুধর্ম। হঠাৎ উত্তেজনারূপে যে এই ক্রোধ সজাত

হইয়াছিল, তাহা নহে, এই ক্রোধের বা আক্রোশের মূল

খুঁজিতে হইলে বহু দূর যাইতে হয়। কোহাট, সাহারানপুর,

দিল্লী, পানিপথ, লক্ষৌ, এলাহাবাদ—এ সকলের মধ্যে একটা

ঘনিষ্ঠ সম্বন্ধ দেখিতে পাওয়া যায়, ফকির ধারার মত একটা

প্রচুর বিবেচনাক্রমে নিরবচ্ছিন্ন জ্বোত প্রবাহিত হইতে


দেখা যায়। কেন এ ক্রোধ, কেন এ আক্রোশ?



হারিসন রোডের দাঙ্গা-স্থানীয় মসজিদ



আবহাট্ট হ্রীটের আক্রান্ত শিবমন্দির



আকেকরিয়া হ্রীটের ভগ্ন শিবমন্দির

এক দিকে গো-হত্যা, সরকারী সম্মান ও চাকুরী, অন্য দিকে শুদ্ধি, সংগঠন ও তান্ত্রিক। এই সকলের যোগাযোগে যে বহু দিন হইতে হলাহল উদ্ভিত হইয়াছে, তাহা কেহ অস্বীকার করিতে পারেন না। তাহার উপর অগ্নিতে ইন্ধন যোগান দিবার লোকেরও অভাব নাই। এক


শ্রেণীর জীব আছেন, যাহারা দেশহিতকামীর মুখোস পরিয়া উভয় সম্প্রদায়ের মধ্যে পার্থক্যের বেড়াটা জঁকাইয়া তুলিয়া পরস্পরকে পরস্পর হইতে স্বতন্ত্র রাখিতে প্রাণপণ প্রয়াস পাইতেছেন।

ভাবায়, ভাবে, আচারে, ব্যবহারে, সকল বিষয়ে উভয় সম্প্রদায়কে পরস্পর পৃথক রাখাই তাঁহাদের যেন জপমালা হইয়াছে। তাঁহারা নানারচনায় ও বক্তৃতায় সে কথা ব্যক্ত করিতে গজ্জা বা কুঠা বোধ করেন নাই। ইহা কি হইতে পারে, তাহা সহজেই অনুমেয়

এই সকল কারণে বহু দিন পূর্বেই জমী প্রস্তুত

হইয়াছিল। বাকীদের স্তূপ সজ্জিত হইয়া থাকিলে তাহাতে মাত্র একটি অগ্নিস্থলিক নিক্ষেপ করিলে প্রলয়ান্বিত জলিয়া উঠে। কলিকাতায় তাহাই হইয়াছে।

১৯২১ খৃষ্টাব্দে খেলাকণ্ড ও পঞ্জাবের অনাচারের ভিত্তির উপর যে পবিত্র হিন্দু-মুসলমান-মিলন-মন্দির গড়িয়া



মেছুয়াবাজার ষ্ট্রিটের মিলিটারী পাহারা



বাবুঘাটের সৃষ্টিত ধান

মানে—অন্ততঃ অশিক্ষিত নিরক্ষর হিন্দু-মুসলমানে মনোমালিন্য অতিমাত্রায় বৃদ্ধিপ্রাপ্ত হইয়াছে।

এই মনোমালিন্যের ফলে কলিকাতায় উভয় সম্প্রদায়ের


উঠিয়াছিল, আজ তাহা উভয় সম্প্রদায়েরই স্বার্থ-সংঘর্ষের ফলে ভগ্নচূড় হইয়াছে। ভবিষ্যৎদর্শী যুগপ্রবর্তক মহাজ্ঞানী কামা-মুক্তির পর দেশের তদানীন্তন অবস্থা পর্যবেক্ষণ করিয়া দিব্যদৃষ্টিতে সেই পরিণাম দেখিতে পাইয়াছিলেন। কথার আড়ম্বরে এই পরিণামের কথা যতই লুকাইয়া রাখা যাউক না, এ কথা অবশ্যই স্বীকার্য যে, হিন্দু মুসল-

মধ্যে যে ধর্মগত সংঘর্ষ হইয়া গেল, তাহার পরিণাম-ফল কাহারও পক্ষে শুভ হইতে পারে না। ইহার প্রভাব কত কাল পর্যন্ত বিস্তৃত রহিবে, তাহা বলা যায় না। স্মৃতির বিষয়, উভয় সম্প্রদায়ের নেতৃবর্গ শান্তিপ্রতিষ্ঠার জন্ত প্রাণপণ প্রয়াস পাইতেছেন। তাঁহাদের চেষ্টা ফলবতী হউক, ইহাই কামনা।

কিন্তু উপরে সাময়িক প্রলেপ দিয়া ভিতরের ভীষণ ক্ষত শুষ্ক করা যায় না।

ইহার জন্ত অঙ্গোপচার চাই।

উহা আপাততঃ যতই বঙ্গদায়ক হউক না, উহার পরিণাম-ফল শুভ—প্রভাবও চিরস্থায়ী। এই হেতু সাময়িক শান্তি-প্রতিষ্ঠার উপরে উভয় সম্প্রদায়কে আরও কিছু করিতে হইবে।



রয়াল মেলের পাঞ্জাবী চালকের শবযাত্রা

পরস্পর পরস্পরের প্রতি শ্রদ্ধাসম্পন্ন হইতে হইলে উভয়কেই তুল্য শুক্তিশালী হইতে হইবে। ইহা সাধারণ নিয়ম। এই যে মন্দির ও মসজিদ অপবিত্র ও ভগ্ন হইল, এই যে বহুসংখ্যক হিন্দু-মুসলমান হতাহত হইল, এই যে কলিকাতা সহরে কয়েক দিন ধরিয়া গুণ্ডার রাজত্ব ও অরাজকতা বিরাজ করিল, এই যে পল্লীতে পল্লীতে উভয়



ঐনুনিয়ার কালীবাড়ীতে আক্রমণ-প্রতীক্ষার পাহারা



নিমডলার আক্রান্ত মসজিদ

সম্প্রদায়ের লোক প্রাণ হাতে লইয়া চলা-ফিরা করিতে বাধ্য হইল,—ইহার মূলে কি ছিল? যেখানে যে দল প্রবল হইয়া আত্মপ্রকাশ করিয়াছে, সেই স্থানে অপর দল ধবিত হইয়াছে। এক দল যদি অপর দলকে দুর্বল বলিয়া বুঝিতে পারে, তাহা হইলে তাহাদের উপর অত্যাচার করে। কিন্তু যদি উভয় দলই বুঝে যে, উভয় দলই শক্তিসম্পন্ন, তাহা হইলে কেহ কাহারও উপর অত্যাচার করিতে সাহসী হয় না। চিরদিন পরের শাস্তিরক্ষকের মুখাপেক্ষী হইয়া থাকিলে জাতি কখনও শক্তিসম্পন্ন বা উন্নত হইতে পারে না। এই হেতু উভয় দলেরই শক্তি সঞ্চয় করা প্রথম ও প্রধান কর্তব্য। হিন্দুরা যদি সংগঠন দ্বারা তাহা করিতে পারেন, তাঁহাই করুন—মুসলমানের উহাতে বাধা দেওয়া কর্তব্য নহে। মুসলমানরা যদি তাজিম দ্বারা উহা করিতে পারেন, তাহা হইলে তাহা করুন, হিন্দুর উহাতে বাধা দেওয়া কর্তব্য নহে। আমরা চাহি, উভয়েই উভয়ের প্রতি শ্রদ্ধাসম্পন্ন হউন, তাহা হইলেই প্রকৃত মিলন সম্ভবপর হইবে, অত্যাচার শত Unity Conferenceএ উহা সম্ভবপর হইবে না।

এই সংঘর্ষ উপলক্ষে কয়টি বিষয় বিশেষ লক্ষ্য করিবার আছে। বহু হিন্দু বিপন্ন মুসলমানকে আশ্রয় দিয়াছেন, রক্ষা করিয়াছেন, বহু মুসলমান বিপন্ন হিন্দুকে রক্ষা করিয়াছেন। পুনশ্চ হিন্দু তরুণগণ প্রাণকে তুচ্ছ জ্ঞান করিয়া তাঁহাদের ধর্ম ও আত্মসম্মান রক্ষা করিয়াছেন। মুসলমান তরুণগণও তাঁহাদের ধর্ম ও আত্মসম্মান প্রাণ দিয়া রক্ষা করিয়াছেন। যে জাতি আত্মসম্মান প্রাণাপেক্ষা অধিক জ্ঞান করিয়া কাপুরুষতা বর্জন করিতে পারে, সেই জাতি স্বরাজ্যভের যোগ্য। এই সাম্প্রদায়িক হলাহল হইতে এই অমৃত উদ্ধৃত হইয়াছে।

স্বর্গীয় রামচন্দ্র মিত্র

কলিকাতা হাইকোর্টের ভূতপূর্ব সরকারী উকীল রামচন্দ্র মিত্র, সি, আই, ই গত ৫ই এপ্রিল তারিখে তাঁহার বেচু চার্জার্সী স্ট্রীটস্থ ভবনে ইহলোক ত্যাগ করিয়াছেন।

বর্তমান জিলার গোদা গ্রামে ১৮৪৭ খৃষ্টাব্দে রামচন্দ্র জন্মগ্রহণ করেন এবং পরে নিজ প্রতিভাবলে বিশ্ববিদ্যালয়ের বিভাগশিক্ষা সম্পূর্ণ করিয়া ওকালতী পরীক্ষায় উত্তীর্ণ হইলেন। হাইকোর্টে ওকালতী করিবার কালে তাঁহার প্রসার ও

প্রতিপত্তি ক্রমশঃ বৃদ্ধিত হইয়াছিল। ১৮৭৪ খৃষ্টাব্দে তিনি সহকারী সরকারী উকীল নিযুক্ত হইলেন এবং ১৮৯২ খৃষ্টাব্দে কবি হেমচন্দ্রের স্থানে তিনি সিনিয়র সরকারী উকীলের পদে সমানীন হইলেন। তদবধি বহুকাল পর্যন্ত তিনি সসম্মানে এই দায়িত্বপূর্ণ কার্য সম্পাদন করিয়া আসিয়াছেন। রামচন্দ্র কলিকাতার মিউনিসিপ্যাল কমিশনার এবং বিশ্ববিদ্যালয়ের ফেলো নির্বাচিত হইয়াছিলেন। এ সকল ক্ষেত্রে তাঁহার সাধারণের সেবার অনেক সুযোগ ঘটিয়াছিল। তিনি তীক্ষ্ণবী, বহুদর্শী, বিজ্ঞ, সামাজিক লোক ছিলেন। তাঁহার জায় সামাজিক বাঙ্গালীর সংখ্যা ক্রমেই বিরল হইয়া আসিতেছে।

তাঁহার বর্ষীয়সী পত্নী জীবিত আছেন। বহুকালের সঙ্গজনিত প্রীতির বন্ধন-ছেদনের শোক তাঁহাকে বড়ই বাজিয়াছে সন্দেহ নাই। তাঁহার ছয়টি পুত্র বর্তমান। সকলেই কৃতী। জ্যেষ্ঠ শ্রীযুক্ত হেমচন্দ্র মিত্র হাইকোর্টের সিনিয়র বেঞ্চ ক্লার্ক; তৃতীয় শ্রীযুক্ত মণীন্দ্রকুমার মিত্র সরকারের উচ্চপদস্থ চাকুরীয়া এবং অগ্রতম পুত্র যতীন্দ্রনাথ ডাক্তার। পরিণতবয়সে পুত্র-পৌত্রাদি রাখিয়া রামচন্দ্র পরলোকগমন করিয়াছেন, ইহাই তাঁহাদের শোকে সাধনা।

পূর্বলোকে দুঃস্বপ্ন হতীন্দ্রনাথ

টাকীর বিখ্যাত মুন্সীবাংশীয় জমিদার রায় যতীন্দ্রনাথ চৌধুরী গত ২৪শে চৈত্র অকস্মাৎ ইহলোক ত্যাগ করিয়াছেন। তাঁহার মৃত্যু এত অতর্কিতভাবে দেখা দিয়াছে যে, সহসা উহাতে আস্থা স্থাপন করিতেই প্রবৃত্তি হয় না। তিনি দীর্ঘ রোগভোগ করেন নাই। মৃত্যুর দিন বেলা ২টার সময় তিনি হঠাৎ সন্ন্যাস রোগে আক্রান্ত হইলেন এবং ৫ ঘণ্টার মধ্যেই তাঁহার আত্মা নখর দেহ ত্যাগ করিয়া যায়। মৃত্যুকালে তাঁহার বয়স ৬৪ বৎসর হইয়াছিল।

যতীন্দ্রনাথ মহৎ বংশে জন্মগ্রহণ করিয়াছিলেন। যতীন্দ্রনাথ টাকীর বিখ্যাত কালীনাথ মুন্সীর ভ্রাতা মথুরানাথের দত্তক পুত্র। একাধারে কমলা ও রাণীর বরপুত্ররূপে যতীন্দ্রনাথ বংশের মুখ উজ্জ্বল করিয়াছিলেন। বিশ্ববিদ্যালয়ের এম, এ ও বি, এল, পরীক্ষায় উত্তীর্ণ হইয়া তিনি দেশের সাহিত্য ও রাজনীতিক্ষেত্রে, পরস্তু সর্ববিধ



সার চক্ষগোবিন্দ গুপ্ত .

সাধারণ কার্যে আত্মনিয়োগ করিয়াছিলেন। তিনি স্বয়ং সাহিত্যসেবী ও সাহিত্যরসপিপাসু ছিলেন, পরন্তু সাহিত্যের সর্বাঙ্গীন উন্নতিকামনায় নানারূপে শক্তি নিয়োজিত করিয়াছিলেন। বঙ্গীয় সাহিত্য-পরিষদের প্রতিষ্ঠায় যতীন্দ্রনাথের কৃতিত্ব সামান্য নহে। বঙ্গীয় সাহিত্য-সম্মিলনের সভাপতিরূপেও তিনি তাঁহার সাহিত্যাভিরাগ প্রদর্শন করিয়াছিলেন এবং দেশবাসীও তাঁহাকে ঐ পদে বরণ করিয়া তাঁহার গুণের মর্যাদা রক্ষা করিয়াছিল। তাঁহার মৃত্যুতে যে সাহিত্য-পরিষদ এবং বাঙ্গালার সাহিত্য বিশেষ ক্ষতিগ্রস্ত হইল, তাহাতে সন্দেহ নাই।

রাজনীতিক্ষেত্রেও যতীন্দ্রনাথ নির্ভীকভাবে দেশের ও দেশের সেবা করিয়াছিলেন। জমীদারশ্রেণীকে এ জন্ত সরকারের বিরূপ বিরাগভাজন হইতে হইল, তাহা কাহারও অবিদিত নহে। অথচ যতীন্দ্রনাথ কর্তব্যপালনে সে বিরাগের ভয়ে পশ্চাৎপদ করেন নাই। আজ তাঁহাকে হারাইয়া বাঙ্গালার দেশকর্মীরা এক জন পুরাতন কর্মী ও উপদেষ্টার উপদেশ ও সহায়ত্ব হইতে বঞ্চিত হইলেন।

আমরা তাঁহার বিয়োগ-ব্যথায় ব্যথিত হইয়াছি এবং তাঁহার শোকসন্তপ্ত পরিবারবর্গকে আমাদের আন্তরিক সমবেদনা জ্ঞাপন করিতেছি।

স্বাধীন কৃষ্ণগোবিন্দ গুপ্ত

আর একটি অতীত যুগের বাঙ্গালী ইহলোক ত্যাগ করিলেন। যে সকল মনীষী বাঙ্গালী গত যুগে বিজ্ঞা, বুদ্ধি ও জ্ঞান-গরিমায় বাঙ্গালার মুখ উজ্জ্বল করিয়াছিলেন, সার কৃষ্ণগোবিন্দ তাঁহাদের মধ্যে অন্যতম। কিছু দিন হইতে তিনি রোগে ভুগিতেছিলেন। মধ্যে যে ভাবে তাঁহার স্বাস্থ্য-তন্ত্রের কথা প্রকাশিত হইয়াছিল, তাহাতে তাঁহার আত্মীয়-স্বজন তাঁহার জীবনের জন্ত শঙ্কিত হইয়াছিলেন। প্রায় মাসাবধি রোগভোগ করিবার পর তিনি তাঁহার বালিগঞ্জ ঠেঁর রোডস্থ ভবনে দেহত্যাগ করিয়াছেন। মৃত্যুকালে তাঁহার বয়স ৭৫ বৎসর হইয়াছিল। কেওড়াতলা ঘাটে তাঁহার দেহ চিতানলে ভস্মভূত হইয়াছে।

১৮৫১ খৃষ্টাব্দের ২৮শে ফেব্রুয়ারী তারিখে ঢাকা জিলার চাঁটপাড়া গ্রামে কৃষ্ণগোবিন্দের জন্ম হয়। ময়মনসিংহ জেলার মৌলভীবাজারে তাঁহার বিদ্যালয়। পরে ঢাকা কলেজে ও

লণ্ডন বিশ্ববিদ্যালয় কলেজে তিনি উচ্চাঙ্গের বিজ্ঞান শিক্ষা সম্পূর্ণ করেন। সিভিল সার্ভিস পরীক্ষায় দ্বিতীয় স্থান অধিকার করিয়া তিনি ১৮৭৩ খৃষ্টাব্দে সরকারী চাকুরী গ্রহণ করেন এবং দক্ষতার সহিত ক্রমশঃ পদোন্নতি লাভ করেন।

এক সময়ে তাঁহার সরকারী কার্যের সিনিয়রিটি হিসাব বাঙ্গালার শাসকপদে সমাসীন হইবার সম্ভাবনা হইয়াছিল। কিন্তু আমলাতন্ত্র সরকারের চিরাচরিত ব্যবস্থা অনুসারে তাঁহাকে কেবল বর্ণবৈষম্যের জন্ত সরকারী মন্ত্র-বিভাগে সরাইয়া দেওয়া হয়। এই কার্যে নিযুক্ত থাকার সময়ে ১৯০৭ খৃষ্টাব্দে তাঁহাকে যুরোপ ও আমেরিকায় গিয়া মন্ত্র-চাষ ও ব্যবসায়-সম্পর্কে অনুসন্ধান-কার্যে ব্রতী হইতে হয়।

১৯০৭ খৃষ্টাব্দে তিনি ইণ্ডিয়া কাউন্সিলের অন্যতম সদস্যরূপে মনোনীত হইলেন। যে ছই জন ভারতবাসীর ভাগ্যে সর্বপ্রথমে এই পদলাভ ঘটিয়াছিল, তিনি তাঁহাদের মধ্যে অন্যতম।

কৃষ্ণগোবিন্দ ১৮৭৩ খৃষ্টাব্দে ব্যারিষ্টারীও পাশ করিয়াছিলেন। তাঁহার প্রতিভা অনন্তসাধারণ ছিল। যদিও সরকারী কার্যে তিনি আজীবন আত্মনিয়োগ করিয়া সরকারের সহিত সহযোগের মনোবৃত্তিতে অভ্যস্ত হইয়াছিলেন, তথাপি দেশের জন্ত স্বায়ত্ত-শাসন লাভের আকাঙ্ক্ষায় তিনি কাহারও পশ্চাৎপদ ছিলেন না। ভারতের সামরিক বিভাগে যাহাতে অধিক পরিমাণে ভারতীয় নিয়োগ হয়, তাহার জন্ত তিনি বহু আন্দোলন করিয়াছেন। অবশ্য তাঁহার রাজনীতির সহিত দেশের লোকের মতের অনৈক্য ছিল। কিন্তু তাহা হইলেও তিনি যে তাঁহার বিবেক ও ধারণা অনুসারে দেশকে ভালবাসিতেন, তাহাতে সন্দেহ ছিল না।

স্বাধীন দেশে জন্মগ্রহণ করিলে কৃষ্ণগোবিন্দ তাঁহার অনন্তসাধারণ প্রতিভা ও দেশসেবার নিশ্চিতই যোগ্য পুরস্কার প্রাপ্ত হইতেন। কিন্তু আমলাতন্ত্র সরকারের স্বৈরশাসনের বন্ধনের মধ্যে পড়িয়া তাঁহার প্রতিভা সম্যক ফুটিলাভ করিতে পারে নাই। বিজিত পরাধীন দেশের ইহাই প্রকৃত অভাব। তাঁহার বর্ণ কৃষ্ণ না হইলে তাঁহার প্রতিভা-গুণে তিনি দেশের সর্বোচ্চ শাসকের আসন অলঙ্কৃত করিতে পারিতেন। আমলাতন্ত্র শাসনের ইন্সপেক্টর বন্ধন হইতে মুক্ত হইতে না পারিলে সে অবস্থা কখনও সমুদিত হইবে না।



বচিত্র বেত্রদণ্ড

আমেরিকার সবই বিচিত্র। আমোদ-প্রমোদের জন্ম কত বিচিত্র জিনিষই না উদ্ভাবিত হইতেছে। জনৈক শিল্পী বেত্রদণ্ডের মধ্যে তাসক্রীড়া করিবার উপযুক্ত টেবল পর্য্যন্ত রাখিবার উপায় আবিষ্কার করিয়াছেন। এই টেবল ছাতার আকারবিশিষ্ট। সমগ্র টেবলটি একটি বেত্রদণ্ডের অভ্যন্তরে


অভিনব মোটর-গাড়ী

উদ্ভানমধ্যে মোটরে চড়িয়া অস্বাভাবিকের আনন্দ উপভোগের জন্ম পাশ্চাত্য দেশে অভিনব মোটরগাড়ী নিৰ্মিত হইয়াছে। এই গাড়ীর সম্মুখভাগ চলিতে চলিতে ঘোড়ার মত লক্ষ্য দিয়া উর্দ্ধে উত্থিত হয় এবং পশ্চাতের চাকা গাড়ীকে বহন করিয়া ভূমির উপর দিয়া ধাবিত হয়।



তাস খেলার টেবল ও তাহার আধার বেত্রদণ্ড

অনায়াসে রাখিতে পারা যায়। এই ভ্রমণ-বস্তুটি আবার এমন ভাবে নিৰ্মিত যে, প্রয়োজন না থাকিলে তাহাকে মুড়িয়া পকেটের মধ্যে রাখিতে কোনও অসুবিধা হয় না। টেবলটি হ্রদ্বন্দ এবং তাহার উচ্চতাও বসিয়া ক্রীড়া করিবার উপযোগী।




ঘোড়ার স্থায় পা ভুলিয়া মোটর-গাড়ী চলিতেছে

এই গাড়ীতে একসঙ্গে অনেকগুলি নরনারী বসিতে পারে। উদ্ভানমধ্যস্থ পথের উপর দিয়া যখন গাড়ীখানি সম্মুখভাগ উত্তত করিয়া চক্রাকারে ঘুরিতে থাকে, তখন আরোহী ও দর্শক উভয় সম্প্রদায়ই অত্যন্ত আমোদ অমৃতব করিয়া থাকে।

অঙ্গুলী-সাহায্যে ফুটবল ক্রীড়া

লণ্ডন সহরে ইদানীং ঘরের মধ্যে টেবলের উপর অঙ্গুলী-সাহায্যে ফুটবল ক্রীড়ার বহুল প্রচলন হইয়াছে। অনামিকা ও মধ্যমা এই দুই অঙ্গুলীতে ক্ষুদ্র ক্ষুদ্র বৃত্ত সংলগ্ন করিয়া খেলা আরম্ভ হয়। দুই, চারি অথবা ৬ জন ব্যক্তি



টেবলের উপর ফুটবল ক্রীড়া

একসঙ্গে এই খেলায় যোগ দিতে পারে। টেবলের উভয় পার্শ্বে 'গোল' (goal) স্থাপিত হয়। এই খেলার নিয়মাবলীও আছে। তদনুসারে ক্রীড়া নিয়ন্ত্রিত হইয়া থাকে। প্রমোদ উপভোগের ব্যবস্থা পাশ্চাত্য দেশে নানা ভাবে আত্মপ্রকাশ করিতেছে।

রুস-সম্রাটের রত্ন-মুকুট


রুস-সম্রাট যে মণিময় মুকুট ধারণ করিয়া বিরাট রুসসাম্রাজ্য পালন করিতেন, এক্ষণে 'রুসিয়ার সোভিয়েট গবর্নমেন্ট



রুস-সম্রাটের রত্ন-মুকুট

তাহা বিক্রয় করিবেন। এই রত্নখচিত মুকুট বহু কালের প্রাচীন এবং অত্যন্ত মূল্যবান। সম্রাট-পরিবারের অস্তিত্ব রক্ষালক্ষ্যে বিক্রীত হইবে। তন্মধ্যে এই মুকুটের ঐতিহাসিক মূল্য অত্যন্ত অধিক।

রাজা ডেভিডের প্লেট



রাজা ডেভিডের প্লেট

রাজা ডেভিডের একখানি মূল্যবান প্লেট ছিল। উহা ৪ হাজার বৎসরের পুরাতন। গ্রাশনাল মিউজিয়াম বা যাহা ঘরে এই প্লেটটি এখন রক্ষি আছে। রাজা ডেভিড উহা ব্যবহার করিতেন।

বরফের উপর চলিবার যান

জনৈক অসামরিক কর্মচারী বরফের উপর দিয়া চলিবার জন্য এক প্রকার যান নির্মাণ করিয়াছেন। ইহা অনেকটা বিমান-পোতের আকার ও গুণবিশিষ্ট। অর্থাৎ প্রয়োজন



নৌকাকৃতি বরফ-যান

হইলে এই যান আকাশ-পথেও ধাবিত হইতে পারে। সামরিক বিভাগে এই উভচর যানের প্রয়োজনীয়তা স্বীকৃত হইয়াছে। এই নবোদ্ভাবিত যান বরফের উপর দিয়া ঘণ্টায় ৯০ মাইল পথ অতিক্রম করিতে সমর্থ। বিমান-পোতের মত ইহার এঞ্জিন প্রভৃতি বিদ্যমান। জলের উপর দিয়া এই পোত চলাইবার সরঞ্জাম আছে। এই নৌকা-রূপিত যানের তলদেশ জলনিবারক। বরফের উপর দিয়া প্রযুক্তি হইবার সময় যদি কোথাও বরফ গলিয়া গিয়া থাকে, তাহা হইলে নৌকাখানি তিন জন আরোহীকে লইয়া অন্যত্র জলের উপর ভাসিয়া থাকিতে পারিবে।

শয়নাবস্থায় বিমানপোত পরিচালন



১. যান-পরিচালক শয়নাবস্থায় পোত পরিচালিত করিতেছে

অঙ্গীতে এক প্রকার ক্ষুদ্র বিমানপোত নির্মিত হইয়াছে; ইহার পরিচালক শায়িত অবস্থায় উক্ত যান পরিচালিত করিয়া থাকে। এই বিমানপোতের ওজন মাত্র দেড়মণ। চালক শায়িত অবস্থায় এই পোত পরিচালনের সময় কোনও

প্রকার অসুবিধা বাহাতে অনুভব করিতে না পারে, সে ব্যবস্থাও এই ক্ষুদ্র পোতে বিদ্যমান।

মূল্যবান মুক্তার মালা

ম্যাডাম কিয়ার্স একটি বহুমূল্য মুক্তার মালা গলদেশে ধারণ করিতেন। এই মুক্তার মালার মূল্য ৯৫ লক্ষ টাকারও অধিক। ১ শত ৫৩টি সূক্ষ্ম মুক্তা এই মালার



বহুমূল্য মুক্তার মালা

গ্রথিত আছে। একখানি উৎকৃষ্ট হীরক এবং চূনিও বহু-নীর কাছে সংলগ্ন। এইরূপ মূল্যবান মুক্তার মালা পৃথিবীতে লম্বাই আছে।

নৃত্য-নৈপুণ্য

কসাকদিগের নৃত্য-নৈপুণ্য অসাধারণ। ক্ষুপ্রতি লগনে কসাক সেনাদলের প্রদর্শনী উপলক্ষে নৃত্য-নৈপুণ্যের পরিচয় প্রদত্ত হইয়াছিল। কয়েক জন কসাক সৈনিক অশ্বারোহণ করিয়া একখানি কাঠের বৃহৎ আসনকে উর্দ্ধে রাখিয়া দ্রুতবেগে ধাবিত হইয়াছিল। তাহার উপর অপর দুই জন



কসাকদিগের নৃত্য-নৈপুণ্য

নিপুণ নৃত্যবিদ কসাক তাহাদের নৃত্য-নৈপুণ্য প্রদর্শন করিয়াছিল। যে দণ্ডগুলির সাহায্যে কাষ্ঠাসনটি উর্দ্ধে স্থাপিত হইয়াছিল, সেগুলি অশ্বারোহীদের রেকাবের সহিত দৃঢ় সন্নিবিষ্ট ছিল এবং অশ্বারোহীরা দণ্ডগুলি হস্ত দ্বারা ধারণ করিয়াছিল। অশ্বগুলি দ্রুতবেগে ধাবিত হইলেও কাষ্ঠাসনটি কোনও দিকে হেলিয়া পড়িতে পারে নাই।

রেশম ও পুঁথিনির্মিত আলোখ্য


আমেরিকার জনৈক অবসরপ্রাপ্ত সামরিক কর্মচারী রেশম ও পুঁথির সাহায্যে আমেরিকার রাষ্ট্রপতি কুলিজের এক

প্রতিমূর্তি নির্মাণ করিয়াছেন। এই প্রতিমূর্তি তৈয়ার করিতে হাজার গজ রেশম ও ১ লক্ষ ১৪ হাজার পুঁথি লাগিয়াছিল। শিল্পী প্রতিদিন কয়েক ঘণ্টা পরিশ্রম করিয়া ৬ মাসে উহা সমাপ্ত করেন। মার্কিন পতাকার



প্রেসিডেন্ট কুলিজের রেশম ও পুঁথি বিনির্মিত চিত্র অঙ্করণে চিত্রের চারিপার্শ্ব সুশোভিত করিয়া শিল্পী মধ্যস্থলে রাষ্ট্রপতির মূর্তি অঙ্কিত করিয়াছেন।

বিচিত্র টেবল-ল্যাম্প




আলোকাধারের আকারবিশিষ্ট 'রেডিও রিসিভার' বা বেতার বক্স টেবল-ল্যাম্পের আকারবিশিষ্ট 'রেডিও' বক্স নির্মিত হইয়াছে। এই ল্যাম্পের নিম্নভাগে 'হরন' বা শূঁক এমন ভাবে অবস্থিত যে, কেহই তাহা দেখিয়া বস্বিতে পারে না যে.

উহার মধ্য হইতে শব্দ নির্গত হইতে পারে। ল্যাম্পের ঢাকনি বা উপরিভাগ খুলিয়া ফেলিলে উহার অভ্যন্তরে একটি তিন নলবিশিষ্ট রিসিভার বা শব্দযন্ত্র দেখিতে পাওয়া যাইবে। ল্যাম্পটি তাম্রনির্মিত—তাহার সোনালী বা রূপালী কাষ আছে। ঢাকনি বন্ধ করিয়া দিলে কেহই অসুস্থ করিতে পারে না যে, উহা 'রেডিও রিসিভার'। সকলেই উহাকে একটি আলোকধার বলিয়া ভ্রম করিবে।

জীবনরক্ষার অভিনয় উপায়

অগ্নিকাণ্ড উপস্থিত হইলে অনেক সময় অগ্নিবেষ্টিত অট্টালিকা হইতে নর-নারীকে নানাইধা আনিবার উপায় থাকে



উর্ণনাভজালের আকারবিশিষ্ট জাল

না। কোনও অগ্নিবেষ্টিত অট্টালিকার অধিবাসী যদি ছাদ হইতে লক্ষ প্রদান করিয়া আশ্রয়স্থল করিতে চাহে, তাহা হইলে অনেক সময় ভূমিতলে পড়িয়া চূর্ণ-বিচূর্ণ হইয়া যায়। এ জন্য ফিলাডেলফিয়ার অগ্নিভয় হইতে নরনারীকে রক্ষা করিবার বিজ্ঞানও প্রতিষ্ঠিত আছে। তথায় শিক্ষার্থীদেরকে

অগ্নিকাণ্ডের আক্রমণ হইতে মানুষ রক্ষা করিবার জন্য বিবিধ প্রকার শিক্ষা দেওয়া হইয়া থাকে। জীবন-রক্ষাকল্পে সুদৃঢ় রক্ষুনির্মিত উর্ণনাভজালের আকার-বিশিষ্ট জাল নির্মাণ করিয়া, কিরূপে তাহা ব্যবহার করিতে হয়; সে বিষয়ে এই বিজ্ঞানশাস্ত্রে শিক্ষা দেওয়া হইয়া থাকে। অনেকগুলি লোক এই গোলাকার জাল এমন ভাবে ধরিয়া রাখে যে, উপর হইতে কেহ সেই জালের উপর লাফাইয়া পড়িলে তাহার দেহে কোনও প্রকার আঘাত লাগে না।

প্রাচীন যুগের শিলালেখ

পেনসিলভেনিয়া বিশ্ববিদ্যালয়ের তরফ হইতে প্যালেষ্টাইনে

ভূমি খনন করিয়া প্রাচীন যুগের ঐতিহাসিক কীর্তিসমূহের পুনরুদ্ধার করা হইতেছে। খননব্যপদেশে নানা পুরাতন জিনিষ আবিষ্কৃত হইয়াছে। তন্মধ্যে

অষ্টরথ (Ashtaroth) মন্দিরের নানা অংশবিশেষ উল্লেখযোগ্য। বাইবেল গ্রন্থে এই মন্দির সম্বন্ধে বর্ণনা আছে। খননকার্যে ব্যাপৃত থাকিয়া প্রত্নতাত্ত্বিক গণ ফা রা ও নৃপতি প্রথম সেতি'র (Seti I) রাজত্বকালের অসুশাসন-লিপিসম্বন্ধিত এক-



প্রাচীন যুগের শিলালিপি

খানি প্রস্তর আবিষ্কার করিয়াছেন। এই শিলালেখখানি ভবিষ্যৎ যুগের ইতিহাস প্রণয়নে যথেষ্ট সাহায্য করিবে। ইহার এক পার্শ্ব সামান্তরূপ ভগ্ন হইলেও এই শিলালিপির পাঠোদ্ধারের কোন অসুবিধা হইবে না। ইহার ঐতিহাসিক মূল্য অত্যন্ত অধিক।

ষড়রিপু

কাম—বাবু

ক্রোধ—বড় বাবু



ছুলের গ'ড়ে গলায় দেখে গায়ের বুটিদার,
'মূর্ছা' ঝাঁয়ে মা'য়ে লোক করে হাহাকার।

Currencyতে ছটো R কেন দাঙনি ছোকরা ব'লে,
একটা বই দিইনি আমি, তাই সাহেব গেল অ'লে।

লোভ—নায়েব



নায়েবগিরি ক'র্ন্তে ক'র্ন্তে দূবো গজায় হাড়ে,
ডান হাতেতে কুড়িয়ে কড়ি বাঁ হাতখানা নাড়ে ।

মোহ—সমাজ-সংস্কারক



কিছ মিছি-চাঁদার মোহে ঘুরছি নিয়ে খাতা,
লাটির চ'ড়ে না বেরোলে দান দেয় না দাতা।

মাৎস্য—কেরাণী



... হ শিখলুম ক'র্তে চিঠি ডকেট,
(এখন) ওর মাইনে আশী টাকা আমার খালি পকেট।

যদ—জব্দদার



দেখানুম্ আট আঙ্গুলে আট আংটা, বাপ-পিতেমোর ভুঁড়ি,
হাল্ আমলের ছোড়াগুলো উড়িয়ে দিলে হেসে দিয়ে ভুড়ি।

সম্পাদক— শ্রীমতীশঙ্কর মুখোপাধ্যায় ও শ্রীমত্যাভ্রকুমার বসু
কলিকাতা, ১৬৬ নং বহুবাজার স্ট্রীট. 'বঙ্গবন্ধু' বৈকালিক-রোটারী-বেসিনে শ্রীপূর্ণচন্দ্র মুখোপাধ্যায় দ্বারা প্রস্তুত।

